

RB 286924



Presented to the
LIBRARIES of the
UNIVERSITY OF TORONTO
on deposit
from
Regis College

S A N C T I
AUGUSTINI
O P E R U M

T O M U S P R I M U S .

SANCTI AURELII
AUGUSTINI
HIPPONENSIS
EPISCOPII
OPERUM.

TOMUS PRIMUS.

POST LOVANIENSIVM THEOLOGORVM
recensionem castigatus denuo ad manuscriptos codices Gallicanos,
Vaticanos, Anglicanos, Belgicos &c. nec non ad editiones
antiquiores & castigationes.

OPERA ET STUDIO MONACHORVM
ORDINIS SANCTI BENEDICTI E CONGREGATIONE
SANCTI MAURI.




VENETIIS

Excudebat JO: BAPTISTA ALBRIZZI HIERON. FIL.
Venetus Typographus.

MDCCXXIX.

CUM GRATIA AC PRIVILEGIO ECCELLENTISS. SENATUS.



Digitized by the Internet Archive
in 2018 with funding from
University of Toronto



Hunc legat omnis qui Salutem æternam adipisci desiderat, humiliter orans misericordiae Dominum, ut eundem Spiritum intelligentiæ legens accipiat, quem ille accepit ut scriberet, et eandem illuminationis gratiam adipiscatur, ut discat quam ille adeptus est ut doceret.

S. Fulg. l. 2. de ver. præd. et grat. C. 18.

CONTENTA IN TOMO PRIMO.

<i>Retractionum libri II.</i>	Pag. I
<i>Confessionum libri XIII.</i>	69
<i>Contra Academicos libri III.</i>	249
<i>De Beata vita liber I.</i>	297
<i>De Ordine libri II.</i>	315
<i>Soliloquiorum libri II.</i>	355
<i>De Immortalitate animæ liber I.</i>	387
<i>De Quantitate animæ liber I.</i>	401
<i>De Musica libri VI.</i>	443
<i>De Magistro liber I.</i>	541
<i>De Libero arbitrio libri III.</i>	569
<i>De Genesi contra Manichæos libri II.</i>	645
<i>De Moribus Ecclesiæ Catholicæ & de Moribus Manichæorum libri II.</i>	687
<i>De vera Religione libri I.</i>	747
<i>Regula ad servos Dei.</i>	789

CONTENTA IN APPENDICE TOMI PRIMI.

<i>De Grammatica liber.</i>	801
<i>Principia Dialecticæ.</i>	815
<i>Categoriæ decem.</i>	821
<i>Principia Rhetorices.</i>	835
<i>Regulæ clericis traditæ Fragmentum.</i>	839
<i>Regula secunda.</i>	839
<i>De vita Eremitica, ad sororem.</i>	841

ADMONITIO

IN DUOS SEQUENTES LIBROS.



Epist.
nunc
224.

Epist.
nunc
226.

*Q*uid causæ sanctum Augustinum ad retractandas castigandasque lucubrationes suas impulerit, aperit ejus Præfatio in sequentes libros. Id negotii aggressus est sub ultimam vitæ suæ periodum; certe non multo ante annum Christi 427. cum in 4. de Doctrina Christiana libro, quem in *Retractionibus* testatur a se, dum huic rei incumbit, conscriptum esse, annos numeret ferme octo vel amplius a sua apud Cæsareenses peregrinatione, unde ipsum labente anno 418. rediisse liquet. Cum autem scriptiones suas omnes, nempe Libros, Epistolas, Sermones, seu quos dictaverat, seu quos dixerat, ad examen revocare animo destinasset, a Libris suis rem adorsus est: jamque omnes hætenus editos expenderat, cum epistolam secundam scripsit ad Quodvultdeum, anno forte ccccxxviii. quo tempore Prosper & Hilarius in Galliis nondum rescierant editum quidquam hujusce operis, uti ex Hilarii Epistola intelligitur, cujus tamen libros duos antequam eorum litteras recepisset, absolutos fuisse rescribit Augustinus in lib. de Prædestin. SS. c. 3. Quod itaque dicit Possidius, c. 28. Ante proximum diem obitus sui, a se dictatos & editos recensuit libros; id rigide ex litterarum apicibus non interpretandum est: præsertim cum eodem ipse loca volumina hac de re duo ante Vandalorum in Africam irruptionem peracta referat.

Epistolis etiam exigendis operam dabat Augustinus, jamque bene multas sedulus relegerat, tametsi nullam in eas animadversionem in scripta redegerat; cum ecce Juliani Pelagiani posteriores octo libros prodiisse audit, eosque adhortante Alypio refellere aggreditur; atque interim cæptum opus remissius agit, quod demum morte præoccupatus absolvere non valuit.

Porro S. Doctor libros suos, ex temporum plerumque ordine recensitos, duas coegit in classes, ut quos a conversionis suæ die scripserat nondum Episcopus, horum retractationem codex unus complecteretur, alter ceterorum. Quorum omnium titulos, tempora, argumenta & occasiones hic persequitur, ac pestremo singulorum initia diligenter notat. Huic operi Possidius titulum tribuit, de Recensione Librorum. Omnes tamen libri editi ac scripti Retractionum libros appellant, uno forte excepto vetustissimo MSS. codice Corbejensi, qui mutato vocabulo in fine libri primi sic habet: Explicit liber primus Recognitionum. Apud ipsum Augustinum tum in epistola ad Quodvultdeum, libroque de Prædest. SS. c. 3. & 4. tum in brevi qui hisce libris subnectitur epilogo, nomen Retractionis, seu Retractionum opus istud obtinet. Atque hoc perquam opportunum, quo intelligas non modo errata reprehendi, verum etiam defendi recte dicta; & quos imperiti locos sollicitabant, tractatione iterata firmari. Retractabam, ait in laudata epistola ad Quodvultdeum, opuscula mea: & si quid in eis me offenderet, vel alios offendere posset; partim REPREHENDENDO, partim DEFENDENDO, quod legi deberet & posset, operabar. Denique opus illud celebrarunt eo nomine Veteres, Prosper ad Exc. Genuensium; Cassiodorus Senator de Institutione div. Script. cap. 16. Beda præfat. in lib. Retract. in Act. &c.



IN PRIMUM TOMUM

P R Æ F A T I O.



E hujusce Tomi editione, Erudite Lector, non est a nobis instituenda longa præfatio. Complectitur hæc pars eadem omnino Augustini opuscula, quæ apud Erasum & Lovanienses continebantur. Illud tantum interest discriminis, quod in Appendicem rejecimus nonnulla, quæ pro genuinis Augustini lucubrationibus habuerant viri eruditi: & quod quædam S. Doctoris opera loco tantisper movimus, ut seriem ordinemque temporis, quo unumquodque opus ab Auctore prodiit, quoad ejus fieri potuit, servaremus. Et quidem opportune in hoc tomo disposita sunt ea, quæ Augustinus juvenis ac nondum Presbyter scripsit, ita tamen ut primum locum obtinerent libri Retractationum, quos edidit senex, quasi præviam introductionem ad alios libros. Retractationes porro Confessionum libri, quos Episcopus vulgavit, non immerito consequuntur: quia sicut in scriptis suis si quid obscurum, si quid dubium, si quid veritati non satis consonum irrepsit, retractando explanavit, enodavit, emendavitque; ita in Confessionum libris si quid in moribus ac vita sua a veræ quam tradit pietatis tramite aberraverat, piaculari confessione expiavit. Sicque in libris Retractationum sincerum ac minime fucatum veritatis amorem cum singulari modestia inspirat, in Confessionibus veram pietatem & disciplinam: quibus dotibus instructum esse oportet eum, qui ad ejus doctrinam contendit ex animo.

Illis non sine uberi fructu, multoque voluptatis sensu decursis, succedebant apud Erasum & Lovanienses opuscula quædam, nimirum *de Grammatica*, *Categoriæ*, *Principia Dialecticæ*, & *Principia Rhetoricæ*; in quibus eruditionem, ingenium sollertiamque Augustini desiderabant cordati Lectores, qui ab ipso limine a perlegendis Tomi primi operibus referebant pedem, quasi ejusdem farinæ alia subsequerentur. At hujusmodi quisquiliæ propius inspicientes, cum certis argumentis deprehendissemus non pertinere ad Augustinum, inde eas in spuriorum scriptorum classem amandavimus; ut post Retractationum Confessionumque lectionem studiosos nihil remoretur a lectione librorum, quos Augustinus recens conversus elucubravimus.

Neque vero propterea strictim, ut pluribus in mentem venire solet, prætereunda, aut quasi è limine salutanda sunt nobilis ingenii prima monumenta, quasi nihil reconditæ doctrinæ contineant, quæ a catechumeno neophytoque, stilo perpolito in dialogorum formam perfecta sunt. Certe enim quæstiones illic perquam difficiles, in quibus olim maxima quæque ingenia desudarunt, defeceruntque, discutit ipse gnaviter, ac sagacissime resolvit. Quam gravissimis rationum momentis de veritatis perceptione contra Academicos, tum de Beata vita, de Ordine rerum, de Animæ quantitate & immortalitate, deque aliis magni momenti rebus inter disputandum occurrentibus agat, quis non admiretur? Deinde in quinque postremis Tomi ejusdem opusculis, quæ adversus Manichæos dictavit, quam variis & multiplicibus eorum hæresim, quam validis, ac invictis argumentis labefactat & evertit? quæ

P R Æ F A T I O.

Epist.
num. 24.
n. 2. nimirum opuscula ita mirari se atque suspicere dicebat S. Paulinus, *ut dictata divinitus verba crederet*. Denique dum tirocinii sui partes implet, atque animum nuper ab hæresi conversum catholicæ fidei penitus subigit, nihil omnino prætermittit, quo alios liberet a perniciosis illis erroribus, in quos infeliciter incurrerat. Et sive de Philosophis, sive de Manichæis poenas repetit, contra eorundem errores communit Lectoris animum, veræque fidei ac religionis Christianæ fundamenta menti altius infigit. Quid quod ab ineunte vitæ melioris proposito ita comparatus fuit vir sanctus, ut artes ipsas liberales non jejuno illo vulgarium auctorum modo tractaret, sed animo plane christiano, quatenus Lectorum animos ad Conditoris amorem perduceret. Ita enim mentem hac de re suam aperit in lib. i. Retract. c. 6. Unde quinque de Musica absolutis libris adjecit sextum, qui totius argumenti summam ad Deum traducit, erigitque.

Jam vero qui Augustinianæ doctrinæ animum assuefacere, ejusque præceptis & institutis penitus imbuere voluerit, per eosdem necesse est ut proficiat gradus, & ad absolutam illius perfectionem pedetentim assurgat. Non pigeat eandem incedere viam, quam tenuit Augustinus, vir tantus. Eo invitat aut argumenti dignitas, aut modus tractandi res, ubique summo & plane christiano homine dignus: ubique quid discas, aut quomodo discas invenies. Sane in his de quibus agimus libris graves passim occurrunt sententiæ, studiosis instituendis perutiles, quarum vel una cuivis fuerit pro integri libri compendio. Accedit quod in iis, quæ juvenes scribimus, pinguior incedat oratio, ac plenior eloquentiæ succo; plusque habeat vivacioris ingenii, quam ea quæ torpente jam ætate meditamur. Id experimento constat in primis hisce libris, quos Rhetoricæ præceptis perfecte imbutus elimavit Augustinus ante pauloque post baptismum suum. Habent ergo plurimum momenti hæc opera, sive ingenium & eloquentiam, sive doctrinam ac pietatem spectes. Quod de omnibus dicimus, id de eo quod de Libero arbitrio inscripsit Augustinus, expertus est Odo, postea episcopus Cameracensis, qui dum forte fortuna a quodam Clerico hunc librum coemisset, in scrinii angulum projecit, utpote qui adhuc *mundanæ sapientiæ deditus, magis delectabatur lectione Platonis, quam Augustini*. Cum vero post duos ferme menses Boetium de consolatione Philosophiæ discipulis prælegens, ad quartum librum, in quo de libero arbitrio differit, pervenisset; recordatus emti libri, *vocato ministro suo jussit eum sibi deferri*. Lectis duabus tribusve paginis, convocatis scholaribus suis, *Vere, inquit, hætenus ignoravi Augustinum tantæ tamque delectabilis fuisse facundiæ*. Perlegendo tertium librum, in vicum alterum mutatus, scholas paulatim deserit, ecclesiam frequentat, ac demum sæculo nuntium remittit. Hæc ex Herimanno Tornacensi monacho discimus. Idem expertus fuerat Paulinus jam a nobis laudatus, qui easdem Augustini contra Manichæorum hæresim descriptiones primas *, & de scholasticis facultatibus affluentes, & de celestibus farvis dulces, ut *animæ suæ medicas, & altrices avidissime lectitare solebat*. Hos igitur libros, inquit, *lectioni habeo, in his me oblecto, de his cibum capio, non illum qui perit, sed qui operatur vitæ æternæ substantiam*. Tum in Augustini laudem exclamat: *O vere sal terræ, quo præcordia nostra, ne possint sæculi vanescere errore, condiuntur &c.*

Ceterum quantum operæ in emendando hocce tomo posuerimus, nihil interest explicare per partes. Admonitiones in opusculorum fronte præfiximus, atque argumentum cujusque libri adscripsimus initio. Capitulationum lemmata sæpius inconcinna mutavimus passim, earundemque numericas notas marginibus affixas, ne receptis citationibus confusio gigneretur, retinuimus, mutatis tamen interdum & multiplicatis sectionibus, quas in numeros etiam distinguere visum est, ut facilius esset Augustini lectio. Notulas in margine inferiori apposuimus, ubi insignorum correctionum rationem reddidimus. Comparavimus rerum Scripturæque Indicem in hujus Tomi opuscula, studiosis nonnihil utilitatis, uti speramus, allaturum. Alia præstitimus demum, quæ in Præfatione generali abunde explicantur.

Herim. in
Narrat.
Restaura-
tionis
Abb. S.
Mart.
Tornac.
n. 4 Spi-
cileg.
tom. 12.
* Paul.
Epist.
num. 25.
n. 1.

OPUSCULA IN RETRACTATIONUM LIBRIS RECOGNITA.

IN LIBRO PRIMO.

Quæ Augustinus scripsit nondum Episcopus.

I.	C ONTRA Academicos.	Lib. III.
II.	De Beata vita.	Lib. I.
III.	De Ordine.	Lib. II.
IV.	Soliloquiorum.	Lib. II.
V.	De immortalitate Animæ.	Lib. I.
VI.	Disciplinarum libri.	
VII.	De Moribus Ecclesiæ Catholicæ & de Moribus Manichæorum.	Lib. II.
VIII.	De animæ quantitate.	Lib. I.
IX.	De libero arbitrio.	Lib. III.
X.	De Genesi adversus Manichæos.	Lib. II.
XI.	De Musica.	Lib. VI.
XII.	De Magistro.	Lib. I.
XIII.	De vera Religione.	Lib. I.
XIV.	De utilitate credendi ad Honoratum.	Lib. I.
XV.	Contra Manichæos de duabus Animabus.	Lib. I.
XVI.	Acta contra Fortunatum Manichæum.	Lib. I.
XVII.	De Fide & Symbolo.	Lib. I.
XVIII.	De Genesi ad litteram imperfectus.	Lib. I.
XIX.	De Sermonem Domini in monte.	Lib. II.
XX.	Psalms contra partem Donati.	
XXI.	Contra epistolam Donati hæretici.	Lib. I.
XXII.	Contra Adimantum Manichæi discipulum.	Lib. I.
XXIII.	Expositio quarundam propositionum ex Epistola Apostoli ad Romanos.	
XXIV.	Expositio Epistolæ ad Galatas.	Lib. I.
XXV.	Epistolæ ad Roman. inchoata expositio.	Lib. I.
XXVI.	De diversis quæstionibus octoginta-tribus.	Lib. I.
XXVII.	De Mendacio.	Lib. I.

IN LIBRO SECONDO.

Quæ Augustinus jam Episcopus scripsit.

I.	A D Simplicianum.	Lib. II.
II.	Contra epistolam Manichæi, quam vocant fundamenti.	Lib. I.
III.	De Agone Christiano.	Lib. I.
IV.	De Doctrina Christiana.	Lib. IV.
V.	Contra partem Donati.	Lib. II.
VI.	Confessionum.	Lib. XIII.
VII.	Contra Faustum Manichæum.	L. XXXIII.
VIII.	Contra Felicem Manichæum.	Lib. II.
IX.	De Natura boni.	Lib. I.
X.	Contra Secundinum Manichæum.	Lib. I.
XI.	Contra Hilarum.	Lib. I.
XII.	Quæstiones Evangeliorum.	Lib. II.
XIII.	Annotationes in Job.	Lib. I.
XIV.	De Catechizandis rudibus.	Lib. I.
XV.	De Trinitate.	Lib. XV.
XVI.	De consensu Evangelistarum.	Lib. IV.
XVII.	Contra epistolam Parmeniani.	Lib. III.
XVIII.	De baptismo.	Lib. VII.
XIX.	Contra quod attulit Centurius à Donatistis.	Lib. I.
XX.	Ad inquisitiones Januarii.	Lib. II.
XXI.	De opere Monachorum.	Lib. I.
XXII.	De bono Conjugali.	Lib. I.
XXIII.	De sancta Virginitate.	Lib. I.
XXIV.	De Genesi ad litteram.	Lib. XII.
XXV.	Contra litteras Petiliani.	Lib. III.
XXVI.	Adversus Cresconium Grammati-	

	cum partis Donati.	Lib. IV.
XXVII.	Probationum & testimoniorum contra Donatistas.	Lib. I.
XXVIII.	Contra Donatistam nescio quem.	Lib. I.
XXIX.	Admonitio Donatistarum de Maximianistis.	Lib. I.
XXX.	De divinatione dæmonum.	Lib. I.
XXXI.	Quæstiones expositæ contra paganos numero sex.	
XXXII.	Expositio epistolæ Jacobi ad duodecim Tribus.	
XXXIII.	De peccatorum meritis & remissione, & de Baptismo parvulorum ad Marcellinum.	Lib. III.
XXXIV.	De unico Baptismo contra Petilianum ad Constantinum.	Lib. I.
XXXV.	De Maximianistis contra Donatistas.	Lib. I.
XXXVI.	De gratia Testamenti novi ad Honoratum.	Lib. I.
XXXVII.	De Spiritu & Littera ad Marcellinum.	Lib. I.
XXXVIII.	De Fide & Operibus.	Lib. I.
XXXIX.	Breviculus collationis cum Donatistis.	Lib. III.
XL.	Post collationem contra Donatistas.	Lib. I.
XLI.	De videndo Deo.	Lib. I.
XLII.	De Natura & Gratia.	Lib. I.
XLIII.	De civitate Dei.	Lib. XXII.
XLIV.	Ad Orosium contra Priscillianistas & Origenistas.	Lib. I.
XLV.	Ad Hieronymum Presbyterum, Unus de origine animæ & alius de sententia Jacobi.	Lib. II.
XLVI.	Ad Emeritum Donatistarum episcopum post collationem.	Lib. I.
XLVII.	De Gestis Pelagii.	Lib. I.
XLVIII.	De correctione Donatistarum.	Lib. I.
XLIX.	De præsentia Dei, ad Dardanum.	Lib. I.
L.	Contra Pelagium & Celestium de gratia Christi & de peccato Originali, ad Albinam, Pinianum & Melaniam.	Lib. II.
LI.	Gesta cum Emerito Donatista.	Lib. I.
LII.	Contra sermonem Arianorum.	Lib. I.
LIII.	De Nuptiis & concupiscentia, ad Valerium Comitem.	Lib. II.
LIV.	Locutionum.	Lib. VII.
LV.	Quæstionum.	Lib. VII.
LVI.	De Anima & ejus origine.	Lib. IV.
LVII.	Ad Pollentium de adulterinis Conjugiis.	Lib. II.
LVIII.	Contra adversarium Legis & Prophetarum.	Lib. II.
LIX.	Contra Gaudentium Donatistarum episcopum.	Lib. II.
LX.	Contra mendacium.	Lib. I.
LXI.	Contra duas epistolas Pelagianorum.	Lib. IV.
LXII.	Contra Julianum.	Lib. VI.
LXIII.	Ad Laurentium de Fide, Spe, & Caritate.	Lib. I.
LXIV.	De Cura pro mortuis gerenda, ad Paulinum episcopum.	Lib. I.
LXV.	De octo Dulcitii quæstionibus.	Lib. I.
LXVI.	Ad Valentinum & cum illo monachos, de Gratia & Libero arbitrio.	Lib. I.
LXVII.	Ad quos supra, de Correptione & Gratia.	Lib. I.

IN PRIMUM PSALMUM ADNOTATIO,
in editis quidem antiquioribus Augustino tributa, sed non
in omnibus MSS. reperta, neque de Psalmorum
auctore consentiens cum Augustini opinione
in libro 17. de civitate Dei c. 14.

DIVERSA sunt genera prophetiæ: & proinde cujus hæc vox, vel in qua persona proprie dictum sit, aut cur titulum non habeat, requiramus. Centum itaque & quinquaginta Psalmos esse, nulla dubitatio est: & qui Psalmus quotus sit, vel a quo recitatus sit, titulorum inscriptione ostenditur. Non enim omnes Psalmi a David editi sunt. Ipse enim David ex omni populo quatuor principes Spiritu-sancto mundatos elegit, quorum nomina sunt Asaph, Eman, Ethan, & Idithun: ut in quemcumque divinus Spiritus intrasset, hymnum Deo caneret. David ergo solus novem Psalmos ore proprio cecinit: reliqui autem ab illis quatuor principibus, juxta titulorum inscriptionem, sunt dicti. Hic autem quia titulum, sicut jam dixi, non habet; requirendum nobis est, qua ratione inter ceteros solus non habeat tituli inscriptionem, vel a quo fuerit recitatus. Nam si Psalmographus secundum & tertium & quartum & omnes vel in numero redigere, vel causas singulorum ostendere potuit; cur non & huic

titulum imposuit & utrum primus esset, ostendit? Sed quia hic Psalmus propriam vocem Dei loquentis inducit, ideo titulum non habet, ne quid divino eloquio præponeretur, aut primus diceretur qui non primus, sed unus est appellatus: & ideo prætitulationem habere non potuit, nec debuit, ne si habuisset ut primus esset, melior tantum in ordine numeri, non auctoritate judicaretur: aut ne, ut jam relatum est, aliquid præponeret divino eloquio Psalmographus, prætitulatione præposita. Nam & præ ceteris potuisset intelligi, si primus dictus fuisset. Et ideo solus titulum non habet, ut perspicuum esset quantum inter ceteros emereret. Unde jam animadvertere debet prudentia vestra, quanta vis, quanta auctoritas, quanta ratio in hoc Psalmo versetur, cui nec titulum ausus est scriba præponere, nec numerum indicare; ut solum eum & unum, potius quam primum ostenderet. Igitur quia favente Deo, & vocis auctoritas jam ostensa est, & tituli ratio demonstrata; superest; ut de ipso Psalmo tractemus.







ALOYSIO PISANO EQUITI AC DIVI MARCI PROCURATORI

JOANNES BAPTISTA ALBRITIUS.



*Nihil ego umquam vehementius optavi ;
quam ut DIVI AUGUSTINI
Opera typis meis vulgare possem ; quod
hæc in primis digna mihi viderentur ,
ad quorum præsidium & auspiciu Senatoris nomen lon-
ge principis usurparem . Itaque , Vir amplissime , vi-
de*

E P I S T O L A .

de quid tibi afferam , non quis afferam . Quamquam tanta ista fortunarum copia , qua undique circumfluis , numquam fecit , ut tenues homines contemneres , quibus te divina providentia præpositum putas , ut pro illis sis , non supra illos . Quod autem mirabilius videri debet , non hæc hominis laus est , sed Familiæ . Scilicet nullus est ex ista florentissima domo , qui indole quadam sua ad benefaciendum non feratur : & quamvis alius aliter in republ. administranda sit occupatus , idem tamen cuique propositum est , ut quam plurimis prosit . Egregiam hanc PISANORUM laudem , ut ad exemplum propagaretur , ipse quoque litterarum monumentis consignare volui ; & quidem monumentis ejusmodi , quæ merito suo æterna essent . Hactenus habes , quid spectaverim causa tua : nunc accipe , quid mea . Cum large multa ad tantæ rei perfectionem pollicitus sim , testem industriæ meæ in ipso veluti limine producere debeo , cujus fidem & auctoritatem nemo sit qui non vereatur . Tu enim occupasti hominum famam & publica judicia , magnitudine virtutis & constantia felicitatis ; in quo potissimum
mor-

E P I S T O L A .

mortales mortalibus præstant , & eos ipsos beatos efficiunt , quos numerant inter suos . Ipse igitur quoque in partem venio boni hujus , si pateris , conatus nostros illustrari nomine tuo , & auspicio tam fausto in publicum prodire . Cur autem non patiaris , qui ad rem litterariam promovendam & publica cura & privatis impensis quotidie tam multa facis ? Nemo est , qui nesciat , quam magnifico sumtu extructa domi tuæ Bibliotheca sit , importatis undique pulcherrimis libris , additis ad eruditionem & ornamentum veteribus nummis , accitis doctissimis Viris & rei librariæ peritissimis , qui omnibus proficere de tuo volentibus præsto sint . Nisi forte in te non redundant Fratris tui merita , HERMOLAI dico , gravissimi Senatoris , qui summis reipubl. honoribus functus , in hac voluntaria vacatione spartam istam peculiari opera sibi ornandam sumsit . Consilium tam nobile , & PISANIS opibus dignum Superi fortunent , producta in longum ævum HERMOLAI vita , auctis in majus Familiæ fortunis , amplificatis tibi ad summum fastigium digni-

E P I S T O L A .

dignitatibus . Æquum est enim , humana bona ad eos pervenire , qui omnia ad communem felicitatem referunt ; & ne bona quidem putant , si sibi solis commoda sint . Non contemnes vota hæc , si reputabis , non Bibliopolæ esse , sed Civitatis .

1728. 14. Febbraro.

GL'Illustrissimi, ed Eccellentissimi Signori Ref-
formatori dello studio di Padova veduto il
Decreto dell'Eccellentissimo Senato a' 15. Genna-
ro prossimo passato, emanato sopra la riverente
istanza di Giovambatista Albrizzi, e rimesso all'
Eccellenze loro per la sua esecuzione, hanno al
medesimo concesso il Privilegio conferitogli col
Decreto stesso, così ch'esso Albrizzi stampare
possa egli solo per anni quindici unitamente alle
prime Opere di Sant'Agostino anco l'altre di S.
Ambrogio, e S. Prospero con tutti gli obblighi,
e condizioni nel preaccennato Decreto contenuti,
rilasciandosi la presente a chiara intelligenza di
chi si sia.

(Gio: Francesco Morosini Cav. Reff.

(Andrea Soranzo Proc. Reff.

(Pietro Grimani Cav. Proc. Reff.

Agostino Gadaldini Segr.

NOI REFFORMATORI DELLO STUDIO DI PADOVA.

A Vendo veduto per la Fede di Revisione, ed approvazione del P. F. Pellegrino Nolaſti Inquiſitore di Padova nel Libro intitolato : *Sancti Auguſtini Hipponenſis Opera Tomus primus , ſecundus , tertius , quartus , quintus , ſextus , ſeptimus , octavus , nonus , decimus , undecimus , denuo ad manuſcriptos codices &c. opera , & ſtudio Monachorum Ordinis Sancti Benedicti , & Congregationis Sancti Mauri* ; non v' eſſer coſa alcuna contra la Santa Fede Cattolica , e parimente per Atteſtato del Segretario Noſtro ; niente contro Principi , e buoni coſtumi , concediamo Licenza a Gio: Battiſta Albrizzi Stampatore , che poſſa eſſere ſtampato , oſſervando gli ordini in materia di Stampe , e preſentando le ſolite copie alle Pubbliche Librerie di Venezia , e di Padova.

Dat. 26. Ottobre 1728.

- (Gio: Franceſco Morofini Cav. Ref.
- (Alvife Piſani Cav. Proc. Ref.
- (Pietro Grimani Cav. Proc. Ref.

Agoſtino Gadaldini Segr.

26. Gennaro 1728. M. V.

Regiſtrato nel Magiſtrato Eccelentiſſimo degli Eſſecutori contro la Beſtemmia.

Antonio Canal Nod.



SANCTI AURELII AUGUSTINI HIPPONENSIS EPISCOPI

RETRACTATIONUM LIBRI DUO. *

P R O L O G V S.

* Scripti
ann. 426
aut 427.



AM diu est a ut facere cogito
atque dispono, quod nunc
adjuvante Domino aggre-
dior, quia differendum
esse non arbitror, ut opu-
scula mea, sive in Libris,
sive in Epistolis, sive in
Tractatibus, cum qua-
dam judiciaria severitate
recenseam, & quod me

offendit, velut censorio stilo denotem. Neque enim
quisquam, nisi imprudens, ideo quia mea errata re-
prehendo, me reprehendere audebit. Sed si dicit,
non ea debuisse a me dici, quæ postea mihi etiam di-
splicerent; verum dicit, & mecum facit. Eorum
quippe reprehensor est, quorum & ego sum. Neque
enim ea reprehendere deberem, si dicere debuisssem. b

2. Sed ut volet quisque accipiat hoc quod facio;
me tamen apostolicam illam sententiam & in hac re
oportuit intueri, ubi ait, *Si nos ipsos judicaremus, a
Domino non judicaremur*. Illud etiam quod scriptum
est, *Ex multiloquio non effugies peccatum*, terret me
plurimum; non quia multa scripsit, vel quia multa
etiam, quæ dictata non sunt, tamen a me dicta con-
scripta sunt; (absit enim ut multiloquium deputem,
quando necessaria dicuntur, quantalibet sermonum
multitudine ac prolixitate dicantur:) sed istam sen-
tentiam Scripturæ sanctæ propterea timeo, quia &
Tom. I.

A de tam multis disputationibus meis sine dubio multa
colligi possunt, quæ si non falsa, at certe videantur,
sive etiam convincantur non necessaria. Quem vero
Christus fidelium suorum non terruit, ubi ait: *Om-
ne verbum otiosum quodcumque dixerit homo, reddet
pro eo rationem in die judicii?* Unde & ejus apostolus
Jacobus, *Sit, inquit, omnis homo velox ad audien-
dum, tardus autem ad loquendum*. Et alio loco, *No-
lite, inquit, plures magistri fieri, fratres mei, scien-
tes quoniam majus judicium sumitis. In multis enim of-
fendimus omnes. Si quis in verbo non offendit, hic perfe-
ctus est vir*. Ego mihi hanc perfectionem nec nunc ar-
rogo, cum jam sim senex: quanto minus cum juve-
nis cœpi scribere, vel apud populos dicere; tantum-
que mihi tributum est, ut ubicumque me præsentem
loqui opus esset ad populum, rarissime tacere atque
alios audire permetterer, & esse velox ad audien-
dum, tardus autem ad loquendum. Restat igitur
ut me ipse judicem sub magistro uno, cujus de offen-
sionibus meis judicium evadere cupio. Magistros au-
tem plures tunc fieri existimo, cum diversa atque
inter se adversa sentiunt. Cum vero id ipsum dicunt
omnes, & verum dicunt, ab unius veri magistri ma-
gisterio non recedunt. Offendunt autem, non cum
illius multa dicunt, sed cum addunt sua. Sic quip-
pe incidunt ex multiloquio etiam in falsiloquium.

B
C
3. Scribere autem ista mihi placuit, ut hæc
emittam in manus hominum, a quibus ea quæ jam
edidi,

Math.
12. 36.

Jac. 1.
19.
Jac. 3. 1.

6
Quare
consiliū
ceperit
recen-
sendi
scripta
sua.
1. Cor. 11.
31.
Prov. 10.
19.

a Lovanienses habent, *Jam diu istud*. At MSS. codices ad hujus
tomi calcem designati hanc præferunt lectionem, *Jam diu est ut*,
&c. quæ sane Augustino familiaris est. Sic in Epistola 71. ad Hie-
ronymum num. 2. quod jam diu est ut expecto.

b Addunt Lov. *Sed qui primas non potuit habere sapientiæ, secun-*

das habeat partes modestiæ; ut qui non valuit omnia impenitenda
dicere, saltem peniteat quæ cognoverit dicenda non fuisse. Id porro
non habent editi ab Johan. Amerbachio & a Desid. Erasmo, neque
quatuordecim è MSS. quos inspeximus. Adscitum puta ex Epist. 143.
Aug. ad Marcellinum num. 3.

edidi, revocare emendanda non possum. Nec illa sane prætereo, quæ Cathecumenus jam, licet relicta spe quam terrenam gerebam, sed adhuc sæcularium litterarum inflatus consuetudine scripsi: quia & ipsa exierunt in notitiam describentium atque legentium, & leguntur utiliter, si nonnullis ignoscatur; vel si non ignoscatur, non tamen inhærea-

tur erratis. Quapropter quicumque ista lecturi sunt, non me imitentur errantem, sed in melius proficientem. Inveniet enim fortasse quomodo scribendo profecerim, quisquis opuscula mea ordine, quo scripta sunt, legerit. Quod ut possit, hoc Opere, quantum potero, curabo ut eundem ordinem noverit.

Cupit
ut opera
sua eo
legantur
ordine
quo scri-
pta sunt.

LIBER PRIMUS.

In quo retractantur libri quos scripsit nondum Episcopus.

CAPUT PRIMUM.

Contra
Acade-
micos
Libri
tres.

CUM ergo reliquisssem, vel quæ adeptus fueram in cupiditatibus hujus mundi, vel quæ adipisci volebam, & me ad Christianæ vitæ otium contulisssem, nondum baptizatus, contra Academicos vel de Academicis primum scripsi, ut argumenta eorum, quæ multis ingerunt veri inveniendi desperationem, & prohibent cuiquam rei assentiri, & omnino aliquid, tamquam manifestum certumque sit, approbare sapientem, cum eis omnia videantur obscura & incerta, ab animo meo, quia & me movebant, quantis possem rationibus amoverem. Quod miserante atque adjuvante Domino factum est.

Lib. 1. c.
1. & 7.

2. Sed in eisdem tribus libris meis, non mihi placet toties me appellasse *Fortunam*, quamvis non aliquam deam voluerim hoc nomine intelligi, sed fortuitum rerum eventum, vel in corporis nostri, vel in externis bonis aut malis. Unde & illa verba sunt, quæ nulla religio dicere prohibet, forte, forsan, forsitan, fortasse, fortuito. quod tamen totum ad divinam revocandum est providentiam. Hoc etiam ibi nontacui, dicens: *Etenim fortasse, quæ vulgo Fortuna nominatur, occulto quodam ordine regitur, nihilque aliud in rebus casum vocamus, nisi cujus ratio & causa secreta est.* Dixi quidem hoc, verumtamen pænitet me sic illic nominasse *fortunam*, cum videam homines habere in pessima consuetudine, ubi dici debet, Hoc Deus voluit, dicere, Hoc voluit fortuna.

cap. 1.

Quod autem quodam loco dixi, *Ita comparatum est, sive pro meritis nostris, sive pro necessitate naturæ, ut divinum animum mortalibus inhaerentem nequaquam philosophiæ portus accipiat, &c.* aut nihil horum duorum dicendum fuit, quia etiam sic sensus posset esse integer; aut satis erat dicere, *pro meritis nostris*, sicut verum est ex Adam tracta miseria; nec addere, *sive pro necessitate naturæ*, quandoquidem naturæ nostræ dura necessitas merito præcedentis iniquitatis exorta est. Itemque illic quod dixi, *nihil omnino colendum esse, totumque abjiciendum quidquid mortalibus oculis cernitur, quidquid ullus sensus attingit*: addenda erant verba, ut diceretur, *quidquid mortalis corporis ullus sensus attingit*. est enim sensus & mentis. Sed eorum more tunc loquebar, qui sensum non nisi corporis dicunt, & sensibilia non nisi corporalia. Itaque ubicumque sic locutus sum, parum est ambiguitas evitata, nisi apud eos quorum consuetudo est locutionis hujus. Item dixi: *Quid censes aliud esse beate vivere, nisi secundum id, quod in homine optimum est, vivere?* Et quid dixerim, *in homine esse optimum*, paulo post explicans, *Quis*, inquam, *dubitaverit,*

cap. 2.

Nihil esse aliud hominis optimum, quam eam partem animi, cui dominanti obtemperare convenit cetera, quæque in homine sunt? Hæc autem, ne aliam postules definitionem, mens aut ratio dici potest. Hoc quidem verum est. nam quantum adinet ad hominis naturam, nihil est in eo melius quam mens & ratio: sed non secundum ipsam debet vivere, qui beate vult vivere; alioquin secundum hominem vivit, cum secundum Deum vivendum sit, ut possit ad beatitudinem pervenire: propter quam consequendam non seipsa debet esse contenta, sed Deo mens nostra subdenda est. Item respondens ei, cum quo disputabatur, *Hic plane*, inquam, *non erras. quod ut tibi omen sit ad reliqua, libenter optaverim.* Hoc licet non serio, sed joco dictum sit, nollem tamen eo verbo uti. ^a *Omen* quippe me legisse non recolo, sive in sacris litteris nostris, sive in sermone cujusquam ecclesiastici disputatoris: quamvis abominatio inde sit dicta, quæ in divinis libris assidue reperitur.

cap. 4.

3. In secundo autem libro prorsus inepta est & infalsa illa quasi fabula de *Philocalia* & *Philosophia*, quod sint germanæ & eodem parente procreatæ. Aut enim philocalia quæ dicitur, non nisi in nugis est, & ob hoc philosophiæ nulla ratione germana: aut si propterea est hoc nomen honorandum, quia latine interpretatum, amorem significat pulchritudinis, & est vera ac summa sapientiæ pulchritudo, eadem ipsa est in rebus incorporalibus atque summis philocalia quæ philosophia, neque ullo modo sunt quasi sorores duæ. Alio loco de animo cum agerem, dixi: *Securior rediturus in cælum.* Iturus autem, quam *rediturus* dixissem securius, propter eos qui putant animos humanos pro meritis peccatorum suorum de cælo lapsos sive dejectos, in corpora ista detrudi. Sed hoc ego propterea non dubitavi dicere, quia ita dixi, *in cælum*, tamquam dicerem, *ad Deum*, qui ejus est auctor & conditor, sicut beatus Cyprianus non cunctatus est dicere: Nam cum corpus è terra, spiritum possideamus è cælo, ipsi terra & cælum sumus. Et in libro Ecclesiastæ scriptum est: *Spiritus revertatur ad Deum, qui dedit illum.* Quod utique sic intelligendum est, ut non resistatur Apostolo dicenti, nondum natos nihil egisse boni aut mali. Sine controversia ergo quædam originalis regio beatitudinis animi, Deus ipse est, qui eum non quidem de se ipso genuit, sed de nulla re alia condidit, sicut condidit corpus è terra. Nam quod adinet ad ejus originem, qua fit ut sit in corpore, utrum de illo uno sit, qui primum creatus est, quando factus est homo in ani-

cap. 3.

cap. 9.

Batoni-
os, ut
videre est
lib. 12. de
ciuit. 6.
26.

Cypr. lib.
11. de orat.
Dom.

Eccl. 12.
7.

Rom. 9.
11.

^a *Omen* tamen legimus 3 Reg. 20. 33. At S. Augustinus vel non legerat in versione, qua utebatur, vel quia sermo ibi est de paga-

nis viris, profani vocabuli usum inde approbandum esse non existimavit.

mam vivam; an similiter ita fiant singulis singuli, A nec tunc sciebam, nec adhuc scio.

Cap. 12. 4 In libro tertio, *Si quid mihi videatur quæris*, inquàm, *in mente arbitror esse summum hominis bonum*. Verius dixissem, *in Deo*. Ipso enim mens fruitur, ut beata sit, tamquam summo bono suo. Cap. 16. a Nec mihi illud placet quod dixi: a *Liquet dejerare per omne divinum*. Item quod dixi de Academicis, quia verum noverant, cujus simile appellabant verisimile, idque ipsum verisimile appellavi falsum, quod approbabant, duas ob causas non recte dictum est: vel quod falsum esset, quod aliquo modo esset simile alicujus veri, quia in genere suo & hoc verum est: vel quod approbabant ista falsa, quæ vocabant verisimilia, cum illi nihil approbarent, & affirmarent nihil approbare sapientem. Sed quia hoc ipsum verisimile etiam probabile nuncupabant, hinc factum est, ut hoc de illis dicerem. Laus quoque ipsa, qua Platonem vel Platonicos seu Academicos philosophos tantum extuli, quantum impios homines non oportuit, non immerito mihi displicuit: præsertim quorum contra errores magnos defendenda est Christiana doctrina. Illud etiam quod in comparatione argumentorum Ciceronis, quibus in libris suis Academicis usus est, b mea *nugas* esse dixi, quibus argumenta illa certissima ratione refutavi, quamvis jocando dictum sit, & magis ironia videatur, non debuit tamen dici. Hoc Opus * sic incipit: O *utinam, Romaniane, hominem sibi aptum*.

C A P U T I I.

De Beata vita Liber unus. LIBRUM *de beata vita*, non post libros de Academicis, sed inter illos, ut scriberem, contigit. Ex occasione quippe ortus est diei natalis mei, & tridui disputatione completus, sicut fatis ipse indicat. In quo libro constitit inter nos, qui simul quærebamus, non esse beatam vitam, nisi perfectam cognitionem Dei. Displicet autem illic, quod Manlio Theodoro, ad quem librum ipsum scripsi, quamvis docto & christiano viro, plus tribui, quam deberem. Et quod *fortunam* etiam illic sæpe nominavi. Et quod tempore vitæ hujus in solo animo sapientis dixi habitare vitam beatam, quomodolibet se habeat corpus ejus, cum perfectam cognitionem Dei, hoc est, qua homini major esse non possit, in futura vita speret Apostolus, quæ sola beata vita dicenda est, ubi & corpus incorruptibile atque immortale spiritui suo sine ulla molestia vel reluctatione subdetur. Sane istum librum nostro in codice interruptum reperi, & non parum minus habere, & sic a fratribus quibusdam descriptus est, nec adhuc apud aliquem integrum inveneram, ex quo emendarem, quando hæc retractavi. Hic liber * sic incipit: *Si ad philosophiæ portum*.

C A P U T I I I.

De Ordine Libri duo. PER idem tempus inter illos qui de Academicis scripti sunt, duos etiam libros *de Ordine* scripsi, in quibus magna quæstio versatur, utrum omnia bona & mala divinæ providentiæ ordo contineat. Sed cum rem viderem ad intelligendum difficilem fatis ægre ad eorum perceptionem, cum quibus agebam, disputando posse perducere, de ordine Tom. I.

ne studendi loqui malui, quo a corporalibus ad incorporalia potest profici.

2. Verum & in his libris displicet mihi sæpe interpositum *fortunæ* vocabulum. Et quod non addidam *corporis* quando sensus corporis nominavi. Et quod multum tribui liberalibus disciplinis, quas multi sancti multum nesciunt; quidam etiam, qui sciunt eas, sancti non sunt. Et quod *Musas* quasi aliquas deas, quamvis jocando, commemoravi. Et quod *admirationem vitium* nuncupavi. Et quod philosophos non vera pietate præditos dixi virtutis luce fulsisse. Et quod *duos mundos, unum sensibilem, alterum intelligibilem*, non ex Platonis vel ex Platonico- rum persona, sed ex mea sic commendavi, tanquam hoc etiam Dominus significare voluerit, quia non ait: *Regnum meum non est de mundo*: sed, *Regnum meum non est de hoc mundo*; cum possit & aliqua locutione dictum inveniri; & si alius a Domino Christo significatus est mundus, ille congruentius possit intelligi, in quo erit cælum novum & terra nova, quando complebitur quod oramus dicentes: *Adveniat regnum tuum*. Nec Plato quidem in hoc erravit, quia esse mundum intelligibilem dixit, si non vocabulum quod ecclesiasticæ consuetudini in re illa non usitatum est, sed ipsam rem velimus attendere. Mundum quippe ille intelligibilem nuncupavit ipsam rationem sempiternam atque incommutabilem, qua fecit Deus mundum. Quam qui esse negat, sequitur ut dicat, irrationabiliter Deum fecisse quod fecit; aut cum faceret, vel ante quam faceret, nescisse quid faceret; si apud eum ratio faciendi non erat. Si vero erat, sicut erat, ipsam videtur Plato vocasse intelligibilem mundum. Nec tamen isto nomine nos uteremur, si jam satis essemus litteris ecclesiasticis eruditi.

3. Nec illud mihi placet, quod cum dixissem, *Summa opera danda est optimis moribus*: mox addidi: *Deus enim noster aliter nos exaudire non poterit: bene autem viventes facillime exaudiet*. Sic enim dictum est, tamquam Deus non exaudiat peccatores; quod quidam dixit in Evangelio, sed ille qui nondum cognoverat Christum, a quo fuerat jam illuminatus in corpore. Nec illud mihi placet, quod Pythagoræ philosopho tantum laudis dedi, ut qui hanc audit vel legit, possit putare, me credidisse nullos errores in Pythagorica esse doctrina, cum sint plures, iidemque capitales. Hoc Opus * sic incipit: *Ordinem rerum Zenobi*.

C A P U T I V.

F INTER hæc scripsi etiam duo volumina secundum studium meum & amorem, ratione indagandæ veritatis, de his rebus, quas maxime scire cupiebam, me interrogans, mihi que respondens, tamquam duo essemus, ratio & ego, cum solus essem; unde hoc opus *Soliloquia* nominavi, sed imperfectum remansit: ita tamen ut in primo libro quæreretur, & utcumque appareret, qualis esse debeat qui vult percipere sapientiam, quæ utique non sensu corporis, sed mente percipitur: & quadam ratiocinatione in libri fine colligitur, ea quæ vere sunt immortalia esse. In secundo

A 2

cundo

a Er. & Lov. habent, *libet dejerare*. Sed melius cum Am- scripti codices octodecim, *liquet dejerare*: quod usurpatum est ex Terentio in Eunuchio act. 2. scen. 3.

b Sic Benignianus cod. suppl. *argumenta*. Alii plerique, *meas*, ut in vulgatis.

cundo autem, de immortalitate animæ diu res agitur, & non peragitur.

2. In his sane libris non approbo quod in oratione dixi, *Deus a qui nisi mundos verum scire noluit*.

Li. 1. c. 1. 1. Sent. dist. 2. cap. 1. Responderi enim potest, multos etiam non mundos multa scire vera: neque enim definitum est hic quid sit verum, quod nisi mundi scire non possint; & quid sit scire. Et illud quod ibi positum est, *Deus cujus regnum est totus mundus, quem sensus ignorat*; si Deus intelligendus est, addenda fuerant verba, ut diceretur, quem mortalis corporis sensus ignorat. Si autem mundus dictus est, quem sensus ignorat, ille recte intelligitur, qui futurus est cælo novo & terra nova: sed etiam hic addenda erant illa, ut diceretur; mortalis corporis sensus. Sed illo more adhuc loquebar, quo sensus proprie corporis appellatur; nec assidue repetendum est, quod & superius inde jam dixi, sed hoc recolendum, ubicumque ista locutio in meis litteris invenitur.

Li. 1. c. 7. 3. Et ubi dixi de Patre & Filio, *Qui gignit & quem gignit, unum est*. Dicendum fuit, *unum sunt*, sicut aperte ipsa veritas loquitur, dicens: *Ego & pater unum sumus*. Nec illud mihi placet, quod in ista vita Deo intellecto jam beatam esse animam dixi, nisi forte spe. Item quod dixi, *ad sapientiæ conjunctionem non una via perveniri*, non bene sonat:

Joan. 10. 30. *Lib. 1. cap. 13.* *Joan. 14. 6.* *Pf. 14. 4.* *Lib. 1. cap. 14.* *Lib. 2. cap. 20.* quasi alia via sit præter Christum, qui dixit, *Ego sum via*. Vitanda ergo erat hæc offensio aurium religiosarum; quamvis alia sit illa universalis via, aliæ autem viæ de quibus in Psalmo canimus: *Vias tuas Domine notas fac mihi, & semitas tuas edoce me*. Et in eo quod ibi dictum est, *penitus esse ista sensibilia fugienda*, cavendum fuit ne putaremur illam Porphyrii falsi philosophi tenere sententiam, qua dixit: Omne corpus esse fugiendum. Non autem dixi ego omnia sensibilia, sed *ista*, hoc est corruptibilia; sed hoc potius dicendum fuit. Non autem talia sensibilia futura sunt in futuri sæculi cælo novo & terra nova.

4. Item quodam loco dixi, quod disciplinis liberalibus eruditi, sine dubio in se illas oblivione obrutas eruunt discendo, & quodammodo refodiunt. Sed hoc quoque improbo: credibilis est enim, propterea vera respondere de quibusdam disciplinis, etiam imperitos earum, quando bene interrogantur, quia præsens est eis, quantum id capere possunt, lumen rationis æternæ, ubi hæc immutabilia vera conspiciunt; non quia ea noverant aliquando, & obliti sunt, quod Platoni, vel talibus visum est. Contra quorum opinionem quanta pro suscepto opere dabatur occasio, in lib. 12. de Trinitate differui. Hoc Opus * sic incipit: *Volventi mihi multa ac varia mecum*.

C A P U T V.

De immortalitate animæ Lib. unus. POST libros Soliloquiorum jam de agro Mediolanum reversus, scripsi librum *De Immortalitate animæ*, quod mihi quasi commonitorium esse volueram propter Soliloquia terminanda, quæ imperfecta remanserant: sed nescio quomodo me invito exiit in manus hominum, & inter mea opu-

scula nominatur. Qui primo ratiocinationum contortione atque brevitate sic obscurus est, ut fatiget, cum legitur, etiam intentionem meam, vixque intelligatur a me ipso.

2. Deinde cogitans nihil aliud quam animos hominum, in quadam argumentatione ejusdem libri dixi: *Nec esse in eo quod nihil discit, disciplina potest*. Itemque alio loco dixi: *Nec ullam rem scientia complectitur, nisi quæ ad aliquam pertinet disciplinam*: nec venit in mentem Deum non discere disciplinas, & habere omnium rerum scientiam, in qua etiam præscientia est futurorum. Tale est illud quod ibi dictum est, *non esse vitam cum ratione ulli, nisi animæ*. Neque enim Deo sine ratione vita est; cum apud eum & summa vita, & summa sit ratio. Et illud quod aliquanto superius dixi, *id quod intelligitur, ejusmodi esse semper*: cum intelligatur & animus, qui utique non ejusmodi est semper. Quod vero dixi, *animum propterea non posse ab æterna ratione separari, quia non ei localiter jungitur*, profecto non dixissem, si jam tunc essem litteris sacris ita eruditus, ut recolerem quod scriptum est: *Peccata vestra separant inter vos & Deum*. Unde intelligi datur, etiam earum rerum posse dici separationem, quæ non locis, sed incorporaliter junctæ fuerant.

3. Quid sit etiam quod dixi, *Anima si caret corpore, in hoc mundo non est*, non potui recordari. Numquid enim animæ mortuorum aut non carent corpore, aut in hoc mundo non sunt? Quasi vero inferi non sint in hoc mundo. Sed quia carere corpore, in bono posui, fortasse nomine corporis pestes corporeas appellavi. Quod si ita est, nimis insolenter verbo usus sum. Illud quoque temere dictum est. *A summa essentia speciem corpori per animam tribui, qua est, in quantumcumque est. Per animam ergo corpus subsistit, & eo ipso est, quo animatur, sive universaliter, ut mundus, sive particulariter, ut unumquodque animal intra mundum*. Hoc totum prorsus temere dictum est. Hic liber * sic incipit: *Si alicubi est disciplina*. * Tom. 1.

C A P U T VI.

PER idem tempus quo Mediolani fui baptis- mum percepturus, etiam *Disciplinarum libros* conatus sum scribere, interrogans eos, qui mecum erant, atque ab hujusmodi studiis non abhorrebant: per corporalia cupiens ad incorporalia quibusdam quasi passibus certis vel pervenire vel ducere. Sed earum solum *de Grammatica* librum absolvere potui, quem postea de armario nostro perdidi: & *de Musica* sex volumina: quantum adtinet ad eam partem, quæ Rythmus vocatur. Sed eosdem sex libros jam baptizatus, jamque ex Italia regressus in Africam scripsi; inchoaveram quippe tantummodo istam apud Mediolanum disciplinam. De aliis vero quinque disciplinis illic similiter inchoatis, *de Dialectica, de Rhetorica, de Geometrica, de Arithmetica, de Philosophia*, sola principia remanserunt, quæ tamen etiam ipsa perdidimus: sed haberi ab aliquibus existimo. b

C A-

a *Qui non nisi mundos verum scire voluit*. Hæc lectio est Vaticani cod. & 1. sent. dist. 2. magis quidem perspicua: verum S. Augustino familiarior altera, quam retinimus. Sic lib. 3. cont. Academ. c. 17. *quæ nisi paucis sapientibus ignotæ essent*.

b Additur in vulgatis, *Hoc opus sic incipit: Omnia nomina tredecim*

quod initium est libri de Grammatica, adeoque male cum proxime antecedentibus cohæret isthæc clausula, quæ etiam abest a MSS. Ex libris autem disciplinarum hic recensitis, quos dialogi more, atque eo consilio, ut per corporalia ad incorporalia deduceret, a se conscriptos dicit Augustinus, non reperiuntur nisi sex de Musica.

CAPUT VII.

De Mo-
ribus
Ecclesiæ
Catho-
licæ, &
de Mo-
ribus
Mani-
chæo-
rum Li-
bri duo.

Cap. 9.

Psal. 43.
22. &
Rom. 8.
36.

Sap. 16.
Cap. 8. 7.

Cap. 21.

Eccles. 1. 2.

JAM baptizatus autem cum Romæ essem, nec ferre tacitus possem Manichæorum jactantiam de falsa & fallaci continentia vel abstinentia, qua se ad imperitos decipiendos, veris Christianis, quibus comparandi non sunt, insuper præferunt, scripsi duos libros, unum *de Moribus Ecclesiæ Catholicæ*: alterum *de Moribus Manichæorum*.

2. In eo igitur, qui est de Moribus Ecclesiæ Catholicæ, ubi posui testimonium, in quo legitur: *Propter te afficimur tota die, æstimati sumus ut oves occisionis*: mendositas nostri codicis me fefellit minus memorem Scripturarum, in quibus nondum assuetus eram. Nam ejusdem interpretationis alii codices non habent, *Propter te afficimur*: sed, *Propter te morte afficimur*: quod uno verbo alii dixerunt, *mortificamur*. Hoc esse verius Græci libri indicant, ex qua lingua in Latinam secundum Septuaginta interpretes veterum divinarum scripturarum est facta translatio: & tamen secundum hæc verba, idest, *Propter te afficimur*, multa disputans dixi, quæ in ipsis rebus non tanquam falsa improbo: verumtamen convenientiam Scripturarum veterum & novarum, quam demonstrare cupiebam, ex his dumtaxat verbis non utique demonstravi: unde autem mihi error obrepserit, dixi: ex aliis vero testimoniis eandem convenientiam sufficienter ostendi.

3. Similiter & paulo post testimonium posui de libro Sapientiæ, secundum codicem nostrum, in quo scriptum erat: *Sobrietatem enim sapientia docet, & justitiam, & virtutem*. Et secundum hæc verba differui res quidem veras, sed ex occasione mendositatis inventas. Quid enim verius, quam quod sapientia doceat veritatem contemplationis, quam nomine sobrietatis significatam putavi: & actionis probitatem, quam per duo alia intelligi volui, per justitiam atque virtutem? cum codices ejusdem interpretationis veriores habeant, *sobrietatem enim & sapientiam docet, & justitiam & virtutem*: His enim nominibus Latinus interpres quatuor illas virtutes, quæ maxime in ore philosophorum esse adsolent, nominavit, sobrietatem appellans temperantiam, prudentiæ imponens nomen sapientiam, fortitudinem vero virtutis vocabulo enuntians, solam justitiam suo nomine interpretatus est. Has autem quatuor virtutes in eodem libro Sapientiæ suis nominibus appellatas, sicut a Græcis vocantur, longe postea reperimus in codicibus Græcis. Item, quod posui de libro Salomonis, *Vanitas a vanitantium, dicit Ecclesiastes*, in multis quidem codicibus legi, sed hoc Græcus non habet: habet autem, *vanitas vanitatum*: quod postea vidi; & inveni eos Latinos esse veriores, qui habent, *vanitatum*, non *vanitantium*. Ex occasione tamen hujus mendositatis quæcunque differui vera esse ipsis rebus apparet.

4. Quod autem dixi, *Eum ipsum quem cognoscere volumus, hoc est Deum, prius plena caritate diligamus*, melius diceretur sincera quam plena.

Tom. I.

A b ne forte putaretur, caritatem Dei non futuram esse majorem, quando videbimus facie ad faciem. Sic itaque hoc accipiat: tanquam plena dicta sit, qua major esse non possit, quamdiu ambulamus per fidem. Erit enim plenior, imo plenissima, sed per speciem. Item quod dixi de iis, qui subveniunt indigentibus, quia *miseri cordes vocantur, etiam si sapientes usque adeo sint, ut jam nullo animi dolore turbentur*: non sic accipiendum est tanquam definierim, in hac vita esse tales sapientes, non enim dixi, cum sint: sed dixi, *etiam si sint*.

B 5. Alio loco ubi dixi, *Jam vero cum hæc humana dilectio inherens tuis nutraverit & roboraverit animum, sequendo Deo factum idoneum, ubi ejus majestas ex tanta parte, quanta homini, dum terræ hujus inhabitator est, sufficit, aperire se cœperit, tantus caritatis ardor innascitur, & tantum divini amoris consurgit incendium, ut exustis omnibus vitiis, & homine sanctificato atque purgato, satis appareat quam divine dictum sit, Ego sum ignis consumens*: possunt putare Pelagiani istam perfectionem in hac mortali vita me dixisse posse contingere. Sed non

C hoc putent: ardor quippe caritatis sequendo Deo factus idoneus, & tam magnus ut vitia cuncta consumat, in hac vita nasci & crescere potest: perficere vero propter quod nascitur, ut nullum insit homini vitium, non consequenter hic potest: quamvis tanta ista reseodem ardore caritatis perficiatur, ubi perfici & quando perfici potest: ut quemadmodum lavacrum regenerationis purgat a reatu omnium peccatorum, quæ humana traxit nativitas, & contraxit iniquitas: ita illa perfectio purget ab omni labe vitiorum, sine quibus humana esse non potest in hoc sæculo infirmitas. Sicut accipiendum est etiam quod ait Apostolus: *Christus dilexit Ecclesiam, & se ipsum tradidit pro ea, mundans eam lavacro aquæ in verbo, ut exhiberet sibi gloriosam Ecclesiam, non habentem maculam aut rugam, aut aliquid hujusmodi*: e Hic est enim lavacrum aquæ in verbo, quo mundatur Ecclesia. Sed cum tota dicat quamdiu hic est, *Dimitte nobis debita nostra*: non utique hic est sine macula & ruga, aut aliquid ejusmodi: ex eo tamen quod hic accipit, ad illam gloriam, quæ hic non est, perfectionemque perducitur.

E 6. In alio libro, cujus est titulus de Moribus Manichæorum, illud quod dixi, *Dei bonitas omnia deficientia sic ordinat, ut ibi sint ubi congruentissime possint esse, donec ordinatis motibus ad id recurrant unde defecerunt*, non sic accipiendum est, tanquam omnia recurrant ad id unde defecerunt, sicut Origeni visum est; sed ea omnia quæ recurrunt. Non enim recurrent ad Deum a quo defecerunt, qui sempiterno igne punientur: quamvis omnia deficientia sic ordinentur, ut ibi sint, ubi congruentissime possint esse: quia & illi qui non recurrunt, congruentissime in poena sunt. Alio loco, *Nemo fere, inquam, de scarabæis dubitat, quin de fimo in pilam rotundato ab his atque obruto existant*: cum hoc utrum

A 3 verum

a *Vanitantium* restituimus ex sanioribus MSS. pro quo vulgari ferunt, *vanitatum*. Ac paulo post Am. & Er. ita prosequuntur: *Habet autem, Vanitas vanitantium, quod postea vidi, & inveni eos Latinos esse veriores, qui habent, Vanitantium, non, vanitatum*. Corrupte admodum; atque hic loci nihilo felicius variant MSS.

b In MSS. fere omnibus, *nisi forte putatur*. In editis Am. & Er. *nisi forte putaretur*.

c Am. & Er. cum tribus MSS. *scilicet per speciem*.

d MSS. *septem, & in tantum*.

e Ita magno consensu MSS. Editi vero, *Hoc est*: quod mendum esse probat orationis series.

verum sit, multi dubitent, multi ne audiverint quidem. Hoc Opus * sic incipit: *In aliis libris satis opinor egisse nos.*

CAPUT VIII.

De Anima quā
tate Liber unus

IN eadem urbe scripsi dialogum, in quo de anima multa quærentur ac differuntur, id est, unde sit, qualis sit, quanta sit, cur corpori fuerit data, cum ad corpus venerit qualis efficiatur, qualis cum abscefferit. Sed quoniam quanta sit, diligentissime ac subtilissime disputatum est, ut eam si possemus ostenderemus corporalis quantitatis non esse, & tamen magnum aliquid esse, ex hac una inquisitione totus liber nomen accepit ut appellaretur, *de Animæ quantitate.*

Cap. 2c.

2. In quo libro illud quod dixi, *omnes artes animam secum adtulisse mihi videri: nec aliud quidquam esse id quod discitur discere, quam reminisci ac recordari,* non sic accipiendum est, quasi ex hoc approbetur, animam vel hic in alio corpore, vel alibi, sive in corpore, sive extra corpus, aliquando vixisse: & ea quæ interrogata respondet, cum hic non didicerit, in alia vita ante didicisse. Fieri enim potest, sicut jam in hoc Opere supra diximus, ut hoc ideo possit, quia natura intelligibilis est, & connectitur non solum intelligibilibus, a verum etiam immutabilibus rebus, eo ordine facta, ut cum se ad eas res movet quibus connexa est, vel ad se ipsam, in quantum eas videt, in tantum de his vera respondeat. Nec sane omnes artes eo modo secum adtulit, ac secum habet. Nam de artibus quæ ad sensus corporis pertinent, sicut multa medicinæ, sicut astrologiæ omnia, nisi quod hic didicerit, non potest dicere. Ea vero quæ sola intelligentia capit, propter id quod dixi, cum vel a se ipsa vel ab alio fuerit bene interrogata & recordata respondet.

Cap. 28.

3. Alio loco, *Vellem, inquam, hinc plura dicere, ac me ipsum constringere, dum quasi tibi præcipio, ut nihil aliud agerem quam redderem mihi, cui me maxime debeo.* Ubi videor dicere potius debuisse, redderem Deo, cui me maxime debeo. Sed quoniam prius sibi ipse homo reddendus est, ut illic quasi gradu facto inde surgat atque adtollatur ad Deum, sicut filius ille minor prius reversus est ad semetipsum, & tunc ait, *Surgam, & ibo ad patrem meum:* ideo sic sum locutus. Denique mox addidi, *Atque ita fieri amicū mancipium Domino.* Quod ergo dixi, *cui me maxime debeo,* ad homines retuli: magis enim mihi me debeo, quam hominibus ceteris, quamvis Deo magis quam mihi. Hic liber

* Tom. I.

* sic incipit: *Quoniam video te abundare otio.*

CAPUT IX.

De libero arbitrio Libri tres.

CUM adhuc Romæ demoraremur, voluimus disputando quærere, unde sit malum. Et eo modo disputavimus, ut si possemus, id quod de hac re divinæ auctoritati subditi credebamus, etiam ad intelligentiam nostram, quantum disserendo opitulante Deo agere possemus, ratio considerata & tractata perduceret. Et quoniam constitit inter nos, diligenter ratione discussa, malum non exortum nisi ex libero voluntatis arbitrio: tres libri, quos eadem disputatio peperit, appellati sunt, *de Libero arbitrio.* Quorum secundum &

A tertium in Africa, jam etiam Hippone-regio Presbyter ordinatus, sicut tunc potui, terminavi.

2. In his libris ita multa disserta sunt, ut incidentes nonnullæ quæstiones, quas vel enodare non poteram, vel longam sermocinationem in præsentī requirebant, ita differrentur, ut ex utraque parte, vel ex omnibus earundem quæstionum partibus, in quibus non apparebat quid potius congrueret veritati, ad hoc tamen ratiocinatio nostra concluderetur, ut quodlibet eorum verum esset, laudandus crederetur, vel etiam ostenderetur Deus. Propter eos quippe disputatio illa suscepta est, qui negant, ex libero voluntatis arbitrio mali originem duci, & Deum, si ita est, creatorem omnium naturarum culpandum esse contendunt: eo modo volentes secundum suæ impietatis errorem (Manichæi enim sunt) immutabilem quandam & Deo coeternam introducere mali naturam. De gratia vero Dei, qua suos electos sic prædestinavit, ut eorum, qui jam in eis utuntur libero arbitrio, ipse etiam præparet voluntates, nihil in his libris disputatum est b propter hoc proposita quæstione. Ubi autem incidit locus, ut hujus gratiæ fieret commemoratio, transeunter commemorata est; non quasi inde ageretur, operosa ratiocinatione defensa. Aliud est enim quærere, unde sit malum: & aliud est quærere, unde redeatur ad pristinum, vel ad majus perveniatur bonum.

3. Quapropter novi hæretici Pelagiani, qui liberum sic asserunt voluntatis arbitrium, ut gratiæ Dei non relinquunt locum, quandoquidem eam secundum merita nostra dari asserunt, non se extollant, quasi eorum egerim causam: quia multa in his libris dixi pro libero arbitrio, quæ illius disputationis causa poscebat. Dixi quippe in libro primo; malefacta justitia Dei vindicari. Et addidi: *Non enim juste vindicarentur, nisi fierent voluntate.* Item cum ipsam bonam voluntatem tam magnum bonum esse monstrarem, ut omnibus corporeis & externis bonis merito anteponeretur, dixi: *Vides igitur jam, ut existimo, in voluntate nostra esse constitutum, ut hoc vel fruamur vel careamus tanto & tam vero bono: quid enim tam in voluntate, quam ipsa voluntas sita est?* Et alio loco, *Quid ergo causæ est, inquam, cur dubitandum putemus, etiam si nunquam ante sapientes fuimus, voluntate nos tamen laudabilem & beatam vitam, voluntate turpem & miseram mereri ac degere?* Item alio loco, *Ex quo conficitur, inquam, ut quisquis recte honesteque vult vivere, si id se velle præ fugacibus rebus velit, assequatur tantam rem tanta facilitate, ut nihil aliud ei, quam ipsum velle, sit habere quod voluit.* Item que alibi dixi, *Hoc enim æterna lex illa, ad cujus considerationem redire jam tempus est, incommutabili stabilitate firmavit, ut in voluntate meritum sit, in beatitudine autem & miseria præmium atque supplicium.* Et alio loco, *Quid, inquam, quisque sectandum & amplectendum eligat, in voluntate esse positum constitit.* Et in secundo libro, *Homo enim ipse, inquam, in quantum homo est, aliquid bonum est, quia recte vivere cum vult potest.* Et alio loco dixi, *recte fieri non posse, nisi eodem libero voluntatis arbitrio.*

Et

a In editis nullo prope nexu verba illa sic redduntur: *Verum etiam immutabilibus rebus. Eo ordine facta est, ut cum.* Interpunctum

tionem mutavimus abjecto est, quo carent scripti codices optimi.

b MSS. aliquot cum Am. & Er. propter hanc propositam quæstionem.

licet, in qua homo factus est, loquimur.

6. Ecce tam longe ante quam Pelagiana hæresis exstitisset, sic disputavimus, velut jam contra illos disputaremus. Cum enim omnia bona dicerentur ex Deo, idest & magna, & media, & minima: in mediis quidem bonis invenitur liberum voluntatis arbitrium, quia & male illo uti possumus; sed tamen tale est, ut sine illo recte vivere nequeamus. Bonus autem usus ejus jam virtus est, quæ in magnis reperitur bonis, quibus male uti nullus potest. Et quia omnia bona, sicut dictum est, & magna, & media, & minima ex Deo sunt; sequitur, ut ex Deo sit etiam bonus usus liberæ voluntatis, quæ virtus est, & in magnis numeratur bonis. Deinde dictum est, ex qua miseria peccantibus iustissime inflicta liberet Dei gratia, quia sponte homo, idest, libero arbitrio cadere potuit, non etiam surgere: ad quam miseriam iustæ damnationis pertinet ignorantia & difficultas, quam patitur omnis homo ab exordio nativitatis suæ; nec ab isto malo quisquam, nisi Dei gratia liberatur: quam miseriam Pelagiani nolunt ex iusta damnatione descendere, negantes originale peccatum: quamvis ignorantia & difficultas, etiamsi essent hominis primordia naturalia; nec sic culpandus, sed laudandus esset Deus, sicut in eodem tertio libro disputavimus. Quæ disputatio contra Manichæos habenda est, qui non accipiunt Scripturas sanctas Veteris Instrumenti, in quibus originale peccatum narratur; & quidquid inde in litteris Apostolicis legitur, detestabili impudentia immissum fuisse contendunt a corruptoribus Scripturarum, tamquam non fuerit ab Apostolis dictum. Contra Pelagianos autem hoc defendendum est, quod utraque Scriptura commendat, quam se accipere profitentur. Hoc opus * sic incipit: *Dic mihi, quæso te, utrum Deus non sit auctor mali.*

C A P U T X.

JAM vero in Africa constitutus, scripsi duos libros *de Genesi contra Manichæos*. Quamvis enim in superioribus libris quidquid disputavi, unde ostenderem Deum summe bonum & immutabilem creatorem esse omnium mutabilium naturarum, nec ullam esse naturam a malam, five substantiam, in quantum natura est atque substantia, adversus Manichæos nostra invigilaret intentio: isti tamen duo libri apertissime adversus eos editi sunt in defensionem veteris Legis, quam vehementi studio vesani erroris oppugnant: In primo ab eo quod scriptum est; *In principio fecit Deus cælum & terram*, donec septem peraguntur dies, ubi legitur Deus requievisse in die septimo. In secundo autem ab eo quod scriptum est; *Hic liber creaturæ cæli & terræ*, donec Adam & mulier ejus dimissi sunt de Paradiso, & custodia posita est ligno vitæ. Deinde in fine libri errori Manichæorum fidem catholicæ veritatis opposui, quid illi dicant, & nos quid dicamus, breviter aperteque complectens.

2. Quod vero dixi, *Illud autem lumen non irrationabile* b *avium oculos pascit, sed pura corda eorum, qui Deo credunt, & ab amore visibilium rerum &*

A *temporalium se ad ejus præcepta implenda convertunt, quod omnes homines possunt, si velint*, non existiment novi hæretici Pelagiani secundum eos esse dictum. Verum est enim omnino, omnes homines hoc posse, si velint; sed præparatur voluntas a Domino, & tantum augetur munere caritatis, ut possint: quod hic ideo dictum non est, quoniam præfenti necessarium non erat quæstioni. Quod vero ibi legitur, benedictionem Dei qua dictum est, *Crescite & multiplicamini*, in carnalem fecunditatem post peccatum conversam esse credendam, si non potest alio modo dictum videri, nisi ut putentur illi homines non habituri fuisse filios homines, nisi peccassent, omnino non approbo. Illud etiam non est consequens, ut ideo intelligatur, in allegoria tantummodo esse accipiendum, quod herbæ virides, & ligna fructifera omni generi bestiarum, & omnibus avibus, & omnibus serpentibus in libro Geneseos dantur ad cibum, quia sunt & quadrupedia & volatilia, quæ solis carnibus vivere videantur. Fieri enim posset, ut alerentur ab hominibus etiam de fructibus terræ, si propter obedientiam, qua ipsi homines Deo sine ulla iniquitate servirent, mererentur omnes bestias & aves omni modo habere fervientes. Item movere potest quomodo dixerim de populo Israel: *Adbuc corporali circumcissione & sacrificiis, tamquam in mari gentium populus ille legi serviebat*; quandoquidem apud gentes sacrificare non poterat: sicut eos & nunc videmus sine sacrificiis remansisse; nisi forte quod c per pascha immolant

B ovem, hoc in sacrificio deputetur. C
3. In secundo etiam libro illud, quod posui, nomine pabuli significari posse vitam, cum melioris interpretationis codices non habeant pabulum, sed fœnum, non satis apte dictum videtur. Non enim congruit fœni nomen significationi vitæ quomodo pabuli. Item videor non recte appellasse verba prophetica, quibus scriptum est, *Quid superbit terra & cinis?* quia non in ejus libro legitur, quem certi simus appellandum esse prophetam. Nec illud Apostoli, ubi adhibet testimonium de Genesi, dicens, *Factus est primus homo Adam in animam viventem*; sicut ille voluit, intellexi, cum exponerem, quod scriptum est, *Insufflavit Deus in faciem ejus flatum vitæ, & factus est homo in animam vivam*, vel in animam viventem. Apostolus enim ad hoc adhibuit illud testimonium, ut probaret esse corpus animale: ego autem hinc putavi esse monstrandum, animale factum prius hominem, non corpus hominis solum. Quod autem dixi, *nulli naturæ nocere peccata nisi sua*, ideo dixi, quoniam iusto qui nocet, non ei vere nocet, quandoquidem etiam mercedem ejus auget in cælis: sibi autem peccando vere nocet; quia propter ipsam voluntatem nocendi recipiet id, quod nocuit. Possunt sane Pelagiani ad suum dogma trahere istam sententiam, & ideo dicere, parvulis aliena non nocuisse peccata, quia dixi, *nulli naturæ nocere peccata nisi sua*; non intuentes ideo parvulos, qui utique pertinent ad humanam naturam, trahere originale peccatum, quia in primis hominibus

liceret. Hinc ergo a Judæis per orbem dispersis paschalem celebritatem ajunt quotannis ita recolere, ut nihilo minus ab ovis immolatione religiose abstineant. Vide Hieron. epist. 2. ad Nepotianum.

a MSS. quatuor, malum.

b Ita MSS. constanter hic & lib. 1. de Gen. cont. Manich. Ubi editi habent, animalium.

c Sanctum est Deut. 16. 6. ne pascha ubivis locorum mactare

Lib. 1. cap. 19.

Gen. 1. 28.

Lib. 1. cap. 20.

Lib. 1. cap. 23.

cap. 3.

cap. 5.

Ecc. 10. 9.

Lib. 2. cap. 3. 1. Cor. 15. 45.

Gen. 2. 7.

Lib. 2. cap. 29.

minibus natura humana peccavit, ac per hoc naturæ humanæ nulla nocere peccata nisi sua. Per unum quippe hominem, in quo omnes peccaverunt, peccatum intravit in mundum: non enim nulli homini, sed nulli naturæ dixi peccata nocere nisi sua. Item in eo quod paulo post dixi, *Nullum esse malum naturale*, possunt quærere similem latebram, nisi hoc dictum ad naturam talem referatur, qualis sine vitio primitus condita est: ipsa enim vere ac proprie natura hominis dicitur. Translato autem verbo utimur, ut naturam dicamus etiam, qualis nascitur homo, secundum quam locutionem dixit Apostolus: *Fuimus enim & nos aliquando natura filii iræ, sicut & ceteri.* Hoc Opus * sic incipit: *Si eligerent Manichæi quos deciperent.*

CAPUT XI.

DEINDE, ut * supra commemoravi, sex libros *de Musica* scripsi, quorum ipse sextus maxime innotuit, quoniam res in eo digna cognitione versatur, quomodo a corporalibus & spiritualibus, sed mutabilibus numeris, perveniatur ad immutabiles numeros, qui jam sunt in ipsa immutabili veritate, & sic invisibilia Dei per ea quæ facta sunt intellecta conspiciantur. Quod qui non possunt, & tamen ex fide Christi vivunt, ad illa certius atque felicius conspicienda post hanc vitam veniunt. Qui autem possunt, si desit eis fides Christi, qui unus mediator est Dei & hominum, cum tota sapientia sua pereunt.

2. In hoc libro illud quod dixi, *Corpora enim tanto meliora, quanto numerosiora talibus numeris: anima vero istis, quæ per corpus accipit, carendo fit melior, cum se avertit a carnalibus sensibus, & divinis sapientiæ numeris reformatur*, non sic accipiendum est, quasi non sint futuri numeri corporales in corporibus incorruptilibus & spiritualibus; cum multo speciosiora & decentiora futura sint: aut anima eos sensura non sit, quando erit optima, quemadmodum hic eis carendo fit melior. Hic enim opus habet avertere se a carnalibus sensibus ad intelligibilia capienda, quia infirma est, & minus idonea utrisque simul adhibere intentionem suam: & in his corporalibus nunc illecebra cavenda est, quamdiu anima illici ad delectationem turpem potest. Tunc autem tam firma erit atque perfecta, ut numeris corporalibus non avertatur a contemplatione sapientiæ, & ita sentiat eos, ut non illiciatur ab eis, nec eis carendo fiat melior; sed ita sit bona & recta, ut nec latere possint eam, nec occupare.

3. Item quod dixi, *Hæc autem sanitas tunc firmissima erit atque certissima, cum pristinae stabilitati certo suo tempore atque ordine hoc corpus fuerit restitutum*, non ita dictum putetur, quasi non sint futura post resurrectionem corpora meliora, quam primorum hominum in paradiso fuerunt; cum illa jam non sint alenda corporalibus alimentis, quibus alebantur ista: sed pristina stabilitas hæcenus accipienda est, quatenus ægritudinem ita nullam corpora illa patientur, sicut nec ista pati possent ante peccatum.

4. Alio loco, *Laboriosior est, inquam, huius mundi amor. Quod enim in illo anima quærit, constantiam scilicet æternitatemque, non invenit: quoniam rerum transitu completur infima pulchritudo, & quod in illa imitatur constantiam a summo Deo per animam trajici-*

tur: quoniam prior est species tantummodo tempore commutabilis, quam est ea, quæ & tempore & locis. Hæc verba si eo modo accipi possunt, ut non intelligatur infima pulchritudo, nisi in corporibus hominum, omniumque animalium, quæ cum sensu corporis vivunt, ratio manifesta defendit. Hoc quippe in ea pulchritudine imitatur constantiam, quod in compage sua manent eadem corpora, in quantum manent: id autem a summo Deo in ea per animam trajicitur. Anima quippe ipsam compagem tenet, ne dissolvatur, & diffuat; quod videmus in corporibus animalium anima discedente contingere. Si autem infima pulchritudo in omnibus corporibus intelligatur, cogit ista sententia etiam ipsum mundum animal credere, ut etiam in ipsum, quod in illo imitatur constantiam, a summo Deo per animam trajiciatur. Sed animal esse istum mundum, sicut Platonis sensit, alique philosophi quamplurimi, nec ratione certa indagare potui, nec divinarum scripturarum auctoritate persuaderi posse cognovi. Unde tale

aliquid a me dictum quo id accipi possit, etiam in libro de Immortalitate animæ temere dictum * notavi; non quia hoc falsum esse confirmo, sed quia nec verum esse comprehendo, quod sit animal mundus. Hoc sane inconcussè retinendum esse non dubito, Deum nobis non esse istum mundum, siue anima ejus ulla, siue nulla sit. Quia si ulla est, ille qui eam fecit, est Deus noster: si autem nulla est, nullorum Deus potest esse iste; quanto minus noster? Esse tamen spiritalem vitalemque virtutem, etiam si non sit animal mundus, quæ virtus in Angelis sanctis ad decorandum atque administrandum mundum Deo servit, & a quibus non intelligitur, rectissime creditur. Angelorum autem sanctorum nomine, omnem sanctam creaturam spiritalem, in Dei secreto atque occulto ministerio constitutam nunc appellaverim: sed spiritus angelicos sancta scriptura nomine animarum significare non solet. Proinde in eo quod circa finem libri huius dixi, *Rationales & intellectuales numeri beatarum animarum atque sanctarum legem ipsam Dei, sine qua folium de arbore non cadit, & cui nostri capilli numerati sunt, nulla interposita natura excipientes, usque ad terrena & inferna jura transmittunt*, non video quemadmodum vocabulum animarum secundum scripturas sanctas positum possit ostendi: quando quidem hic non nisi Angelos sanctos intelligi volui, quos habere animas nusquam me legisse in divinis eloquiis canonicis recolo.

Hic liber * sic incipit: *Satis diu pene.*

CAPUT XII.

PER idem tempus scripsi librum, cujus est titulus, *de Magistro*: in quo disputatur & quæritur, & invenitur, magistrum non esse, qui docet hominem scientiam, nisi Deum, secundum illud etiam quod in Evangelio scriptum est: *Unus est magister vester Christus.* Hic liber * sic incipit: *Quid tibi videmur efficere velle cum loquimur?*

CAPUT XIII.

TUNC etiam *de Vera Religione* librum scripsi, in quo multipliciter & copiosissime disputatur, unum verum Deum, id est Trinitatem, Patrem & Filium & Spiritum sanctum religione vera

a In editis habetur, Hic liber primus sic incipit: *Modus quis pes est Sextus autem: Satis diu pene.* Non admodum coheret

isthæc lectio; nostram a scriptis codicibus integerrimis usurpavimus.

Videl. 7. de civit. Dei cap. 23.

* 1. Retr. cap. 5.

cap. 17.

* Tom. 1.

De Magistro Liber unus.

Mat. 23. 10. * Tom. 1.

De vera religione Lib. unus.

vera colendum : & quanta misericordia ejus , per temporalem dispensationem concessa sit hominibus Christiana religio , quæ vera religio est , & ad eundem cultum Dei quemadmodum sit homo quadam a vita sua coaptandus . Maxime tamen contra duas naturas Manichæorum liber hic loquitur .

cap. 10. 2. In hoc libro quodam loco : *Sit*, inquam, *tibi manifestum atque perceptum*, nullum errorem in religione esse potuisse , si anima pro Deo suo non coleret animam , aut corpus , aut phantasmata sua . Hic animam pro universa creatura incorporali posui non loquens more Scripturarum , quæ animam , quando non translato verbo utuntur , nescio utrum velint intelligi nisi eam qua vivunt animalia mortalia , in quibus & homines sunt , quamdiu mortales sunt . Paulo post autem eundem sensum melius sum breviusque complexus , ubi dixi , *Non ergo creature potius quam Creatori serviamus , nec evanescamus in cogitationibus nostris , & perfecta religio est* . Creaturam quippe uno nomine utramque , id est , spiritalem corporalemque significavi . Restat quod ibi dixi , *aut phantasmata sua* : propter quod hic dixi , *nec evanescamus in cogitationibus nostris* .

ibidem . 3. Item quod dixi , *Ea est nostris temporibus Christiana religio , quam cognoscere ac sequi securissima & certissima salus est* , secundum hoc nomen dictum est , non secundum ipsam rem , cujus hoc nomen est . Nam res ipsa quæ nunc Christiana religio nuncupatur , erat apud antiquos , nec defuit ab initio generis humani , quousque ipse Christus veniret in carne , unde vera religio quæ jam erat , cæpit appellari Christiana . Cum enim eum post resurrectionem ascensionemque in cælum cœpissent Apostoli prædicare , & plurimi crederent , primum apud Antiochiam , sicut scriptum est , appellati sunt discipuli Christiani . Propterea dixi , *Hæc est nostris temporibus Christiana religio* : non quia prioribus temporibus non fuit , sed quia posterioribus hoc nomen accepit .

Religio Christiana apud antiquos fuit .
A. Tor. 11. 26. 4. Alio loco , *Intende igitur*, inquam , *in hæc quæ sequuntur diligenter & pie quantum potes : tales enim adjuvat Deus* . Quod non ita intelligendum est , quasi tantummodo tales adjuvet , cum adjuvet etiam non tales , ut sint tales , id est , ut diligenter & pie quærant . tales autem adjuvat , ut inveniant . Itemque alibi : *Deinde*, inquam , *jam erit consequens , ut post mortem corporalem quam debemus primo peccato , tempore suo atque ordine suo hoc corpus restituatur pristinae stabilitati* . Quod sic accipiendum est , quia etiam pristina stabilitas corporis quam peccando amisimus , habebat tantam felicitatem , ut in defectum non vergeret senectutis . Huic ergo pristinae stabilitati restituetur hoc corpus in resurrectione mortuorum . Sed habebit amplius , ut nec alimentis corporalibus sustentetur : sed ad sufficientiam vivificetur solo spiritu , cum resurrexerit in spiritum vivificantem , qua causa etiam spiritale erit . Illud autem quod primum fuit , quamvis non moriturum , nisi homo peccasset , tamen animale factum est in animam viventem .

cap. 14. 5. Et alibi , *Usque adeo*, inquam , *peccatum voluntarium malum est , ut nullo modo sit peccatum , si non sit voluntarium* . Potest videri falsa hæc definitio : sed si diligenter discutiatur , invenietur esse verissima .

A Peccatum quippe illud cogitandum est , quod tantummodo peccatum est , non quod est etiam pœna peccati , sicut superius ostendi , cum quædam commemorarem ex libro tertio de Libero arbitrio . Quamvis & illa quæ non immerito non voluntaria peccata dicuntur , quia vel a nescientibus vel a coactis peperantur , non omni modo possunt sine voluntate committi : quoniam & ille qui peccat ignorans , b voluntate utique facit , quod cum faciendum non sit , putat esse faciendum . Et ille qui concupiscente adversus spiritum carne , non ea quæ vult facit , concupiscit quidem nolens , & in eo non facit quod vult : sed si vincitur , concupiscentiæ consentit volens , & in eo non facit nisi quod vult , liber scilicet iustitiæ , servusque peccati . Et illud quod in parvulis dicitur originale peccatum , cum adhuc non utantur arbitrio voluntatis , non absurde vocatur etiam voluntarium , quia ex prima hominis mala voluntate contractum , factum est quodam modo hæreditarium . Non itaque falsum est quod dixi , *Usque adeo peccatum voluntarium malum est , ut nullo modo sit peccatum , si non sit voluntarium* . Ideo gratia Dei non solum reatus omnium præteritorum solvitur in omnibus qui baptizantur in Christo , quod fit spiritu regenerationis ; verum etiam in grandibus voluntas ipsa sanatur , & præparatur a Domino , quod fit spiritu fidei & caritatis .

cap. 16. 6. Alio loco in eo quod dixi de Domino Jesu Christo , *Nihil egit vi , sed omnia suadendo & monendo* , non mihi occurrerat quod vendentes & ementes flagellando ejecit de templo . Sed quid hoc , aut quantum est ? Quamvis & dæmones nolentes ab hominibus , non sermone suasionis , sed vi potestatis eiecerit . Item alio loco : *Prius*, inquam , *isti sequendi sunt , qui unum Deum summum , solum verum Deum & solum colendum esse dicunt . si apud hos veritas non eluxerit , tum demum migrandum est* . Quod ita potest videri dictum , quasi de hujus religionis veritate dubitaverim : dixi autem sicut ei congruebat ad quem scriberem . Sic enim dixi , *si apud hos veritas non eluxerit* , nihil dubitans quod apud eos elucesceret ; quemadmodum ait Apostolus , *Si Christus non resurrexit* , non utique dubitans quod resurrexerit .

E 7. Item quod dixi , *Nec miracula illa in nostra tempora durare permessa sunt , ne anima semper visibilia quæreret , & eorum consuetudine frigeret genus humanum , quorum novitate flagravat* , verum est quidem : non enim nunc usque , cum manus imponitur baptizatis , sic accipiunt Spiritum sanctum , ut loquantur linguis omnium gentium : aut nunc usque ad umbram transeuntium prædicatorum Christi sanantur infirmi ; & si qua talia tunc facta sunt , quæ postea cessasse manifestum est . Sed non sic accipiendum est quod dixi , ut nunc in Christi nomine fieri miracula nulla credantur . Nam ego ipse quando istum ipsum librum scripsi , ad Mediolanensium corpora * Martyrum in eadem civitate cæcum illuminatum fuisse jam noveram , & alia nonnulla , qualia tam multa etiam istis temporibus fiunt , ut nec omnia cognoscere , nec ea quæ cognoscimus enumerare possimus .

cap. 41. Rom. 13. 1. 8. Et alio loco illud quod dixi , *Sicut ait Apostolus , Omnis ordo a Deo est* , non eisdem verbis hoc

a MSS. non peiores , quadam suavitare coaptandus .

b Apud Am. & Er. voluntarie utique peccat In MSS. sex voluntate utique peccat .

* Pro-
tasi &
Gervasij
lib. 9.
Conf. c.
7.

hoc dicit Apostolus, quamvis eadem videatur esse sententia. Ait quippe ille: *Quæ autem sunt, a Deo ordinatæ sunt*. Et alibi: *Prorsus, inquam, nemo nos fallat: quidquid recte vituperatur, in melioris comparatione respuitur*. Hoc de substantiis atque naturis dictum est: inde enim disputabatur, non de bonis actionibus atque peccatis. Itemque alibi: *Sed nec sic quidem, inquam, ab homine homo diligendus est, ut diligunt carnales fratres, vel filii, vel conjuges, vel quique cognati, aut affines, aut cives; nam & ista dilectio temporalis est. Non enim ullas tales necessitudines haberemus, quæ nascendo & moriendo contingunt, si natura nostra in præceptis & imagine Dei manens, in istam corruptionem non relegaretur*. Hunc sensum prorsus improbo, quem jam & superius improbavi in primo libro de Genesi contra Manichæos. Ad hoc enim ducit, ut credantur illi conjuges primi non generaturi posteros homines, nisi peccassent: tamquam necesse fuerit ut morituri gignerentur, si de concubitu maris & fœminæ gignerentur. Nondum enim videram fieri potuisse, ut non morituri de non morituris nascerentur, si peccato illo magno non mutaretur in deterius humana natura: ac per hoc si & in parentibus & in filiis fecunditas felicitasque mansisset, usque ad certum sanctorum numerum, quem prædestinavit Deus, nascerentur homines, non parentibus successuri morientibus, sed cum viventibus regnaturi. Essent ergo etiam istæ cognationes atque affinitates, si nullus delinqueret, nullusque moreretur.

cap. 55. 9. Item alio loco, *Ad unum Deum tendentes, inquam, & ei unireligantes animas nostras, unde religio dicta creditur, omni superstitione careamus*. In his verbis meis ratio quæ reddita est, unde sit dicta religio, plus mihi placuit. Nam non me fugit aliam nominis hujus originem exposuisse Latini sermonis auctores, quod inde sit appellata religio, quod religitur: quod verbum compositum est a legendo, id est eligendo, ut ita Latinum videatur religo, sicut eligo. Hic liber * sic incipit: *Cum omnis vitæ bonæ ac beatæ via*.

CAPUT XIV.

De utilitate credendi ad Honoratum Liber unus.

cap. 3. JAM vero apud Hipponem-regium presbyter scripsi librum *de Utilitate credendi*, ad amicum meum, quem deceptum a Manichæis adhuc eo errore noveram detineri, & irridere in catholicæ fidei disciplina, quod juberentur homines credere, non autem quid esset verum certissima ratione docerentur. In hoc libro dixi, *In quibus tamen Legis præceptis atque mandatis, quibus nunc Christiano uti fas non est, quale vel sabbatum est, vel circumcisio, vel sacrificia, & si quid hujusmodi est, tanta mysteria continentur, ut omnis pius intelligat, nihil esse perniciosius, quam quidquid ibi est, accipi ad litteram, id est ad verbum: nihil autem salubrius, quam spiritu revelari. Inde est, Littera occidit, spiritus autem vivificat*. Sed aliter exposui verba ista Apostoli Pauli, & quantum mihi videtur, vel potius ipsis rebus apparet, multo convenientius in eo libro qui inscribitur *de Spiritu & Littera*: quamvis non sit & iste sensus respuendus.

cap. 11. 2. Item dixi, *Duæ sunt enim personæ in religione laudabiles. Una eorum qui jam invenerunt, quos etiam beatissimos judicari necesse est: alia eorum qui studiosissime & rectissime inquirunt. Primi ergo sunt jam in ipsa possessione; alteri in via, qua tamen certissime perveni-*

A tur. In his verbis meis, si illi qui jam invenerunt, quos in ipsa possessione esse jam diximus, sic accipiantur beatissimi, ut non in hac vita, sed in ea quam speramus & ad quam per fidei viam tendimus sint, non habet iste sensus errorem: ipsi enim judicandi sunt quod quærendum est invenisse, qui jam ibi sunt, quo nos quærendo & credendo, id est, viam fidei tenendo cupimus pervenire. Si autem in hac vita putantur isti esse vel fuisse, id verum esse non mihi videtur: non quia in hac vita nihil veri omnino inveniri potest quod mente cernatur, non fide credatur: sed quia tantum est quidquid est, ut non faciat beatissimos. Neque enim quod ait Apostolus, *Videmus nunc per speculum in ænigmate*, a &, *Nunc scio ex parte*, non cernitur mente: cernitur plane, sed beatissimos nondum facit.

B Illud enim beatissimos facit quod ait, *Tunc autem facie ad faciem, &, Tunc cognoscam, sicut & cognitus sum*. Qui hoc invenerunt, ipsi dicendi sunt in beatitudinis possessione consistere, ad quam ducit via fidei quam tenemus, & quo credendo cupimus pervenire. Sed quoniam sint illi beatissimi, qui jam sunt in ea possessione quo ducit hæc via, magna quæstio est. Et angeli quidem sancti quod ibi sint, nulla quæstio est: sed de sanctis hominibus jam defunctis, utrum ipsi saltem dicendi sint jam in illa possessione consistere, merito quæritur. Jam enim corpore quidem corruptibili, quo anima aggravatur, exuti sunt, sed adhuc expectant etiam ipsi redemptionem corporis sui, & caro eorum requiescit in spe, nondum in futura incorruptione clarescit. Sed utrum ad contemplandam cordis oculis veritatem, sicut dictum est, facie ad faciem, nihil ex hoc minus habeant, non hic locus est disputando inquirere. Item quod dixi, *Nam scire magna & honesta vel etiam divina, beatissimum est*, ad eandem beatitudinem referre debemus. In hac enim vita quantumcumque id sciatur, nondum est beatissimum: quoniam incomparabiliter longe est amplius quod inde nescitur.

C 3. Et quod dixi, *Multum interesse, utrum aliquid mentis certa ratione teneatur, quod scire dicimus; an famæ vel litteris credendum posteris utiliter commendetur*: & paulo post, *Quod scimus igitur, debemus rationi; quod credimus, auctoritati*: non sic accipiendum est, ut in sermone usitatore vereamur nos dicere scire quod idoneis testibus credimus. Proprie quippe cum loquimur, id solum scire dicimus, quod mentis firma ratione comprehendimus. Cum vero loquimur verbis consuetudini aptioribus, sicut loquitur etiam divina scriptura, non dubitemus dicere scire nos, & quod percipimus nostri corporis sensibus, & quod fide dignis credimus testibus, dum tamen inter hæc & illud quid distet intelligamus.

F 4. Item quod dixi, *Nemini dubium est, omnes homines aut stultos esse aut sapientes*, potest videri esse contrarium illi quod legitur in lib. 3. de Libero arbitrio, *Quasi vero natura humana præter stultitiam & sapientiam nullam mediam recipiat affectionem*. Sed illud ibi dictum est, ubi de primo homine quærebatur, utrum sapiens fuerit factus, an stultus, an neutrum: quoniam nullo modo stultum dicere poteramus qui sine vitio factus est, cum sit stultitia magnum vitium; & sapientem quomodo diceremus qui potuit seduci, non satis apparebat. Ideoque ad compendium dicere volui, *Quasi vero natura humana præter stultitiam & sapientiam nullam mediam*

a Et nunc scio ex parte, reposuimus ex MSS. nam in prius excusis

mendose, & nunc cernitur.

diam recipiat affectionem. Intuebar quippe ^a etiam parvulos, quos licet confiteamur trahere originale peccatum, tamen nec sapientes nec stultos possumus proprie dicere, nondum utentes libero arbitrio, seu bene seu male. Nunc autem sapientes aut stultos esse omnes homines dixi, eos volens intelligi qui jam ratione utuntur, qua discernuntur a pecoribus, ut homines sint, sicut dicimus, beatos esse omnes homines velle. Numquid enim in hac sententia tam vera atque manifesta metuimus ne intelligantur & parvuli, qui hoc adhuc velle non possunt.

Cap. 16. 5. Alio loco cum commemorassem, quæ Dominus Jesus fecit cum hic esset in carne, adjunxi, dicens, *Cur, inquis, ista modo non sunt?* Atque respondi, *Quia non moverent, nisi mira essent: si autem solita essent, mira non essent.* Hoc autem dixi, quia non tanta nec omnia modo, non quia nulla fiunt etiam modo.

Cap. 18. 6. In fine autem libri, *Sed quoniam sermo iste noster, inquam, multo processit longius quam putabam, hic finem libro faciamus, in quo memineris volo, nondum Manichæos me cœpisse refellere, & illas nugas nondum invasisse, neque de ipsa Catholica magnum aliquid aperuisse: sed voluisse tantummodo eruere tibi, si possem, falsam opinionem de veris Christianis malitiose aut imperite nobis insinuatam, & erigere ad magna quedam & divina discenda. Quare hoc volumen ita sese habeat: placatiore autem animo tuo facto, ero fortassis in ceteris promptior.* Hæc non ita dixi, quasi nihil adversus Manichæos adhuc scripsissem, vel nihil de doctrina catholica mandassem litteris, cum tot superius edita volumina de utraque re non me tacuisse testentur: sed in hoc libro ad illum scripto nondum Manichæos refellere cœperam, & illas nugas nondum invaseram; neque de ipsa Catholica magnum aliquid aperueram; quoniam sperabam hoc initio facto, ad eum ipsum me scripturum fuisse, quæ hic nondum scripseram.

* Tem 8. Hic liber * sic incipit: *Si mihi, Honorate, unum atque idem videretur esse.*

C A P U T XV.

Contra Manichæos de duabus animabus Liber unus.

POST hunc librum scripsi adhuc presbyter contra Manichæos *de duabus Animabus*, quarum dicunt unam partem Dei esse, alteram de gente tenebrarum, quam non condiderit Deus, & quæ sit Deo coæterna: & has ambas animas, unam bonam, alteram malam, in uno homine esse delirant: istam scilicet malam, propriam carnis esse dicentes, quam carnem etiam dicunt gentis esse tenebrarum; illam vero bonam, ex adventitia Dei parte, quæ cum tenebrarum gente conflixerit, atque utramque miscuerit: & omnia quidem bona hominis illi bonæ animæ; omnia vero mala illi malæ animæ tribuunt. In hoc libro illud quod dixi, *nullam esse qualemcumque vitam, quæ non eo ipso quo vita est, & in quantum omnino vita est, ad summum vitæ fontem principiumque pertineat*, ita dixi, ut tamquam creatura ad Creatorem pertinere intelligatur, non autem de illo esse tamquam pars ejus existimetur.

Cap. 10. 2. Item quod dixi, *nusquam scilicet, nisi in voluntate esse peccatum*, possunt Pelagiani pro se dictum putare, propter parvulos, quos ideo negant

A habere peccatum, quod eis in baptismo remittatur, quia nondum arbitrio voluntatis utuntur. Quasi vero peccatum quod eos ex Adam dicimus originaliter trahere, id est reatu ejus implicatos, & ob hoc pœnæ obnoxios detineri, ^b usquam esse potuit nisi in voluntate, qua voluntate commissum est, quando divini præcepti est facta transgressio. Potest etiam putari falsa esse ista sententia, qua diximus, *nusquam nisi in voluntate esse peccatum*: quia dixit Apostolus, *Si autem quod nolo, hoc facio, jam non ego operor illud, sed*

B *quod habitat in me peccatum.* Hoc enim peccatum usque adeo non est in voluntate, ut dicat, *Quod nolo, hoc facio.* Quomodo ergo nusquam est nisi in voluntate peccatum? Sed hoc peccatum de quo sic est locutus Apostolus, ideo peccatum, vocatur, quia peccato factum est, & pœna peccati est: quandoquidem hoc de concupiscentia carnis dicitur, quod aperit in consequentibus dicens, *Scio, quia non habitat in me, hoc est, in carne mea bonum: velle enim adjacet mihi, perficere autem bonum, non.* Perfectio quippe boni est, ut nec ipsa concupiscentia peccati sit in homine, cui quidem, quando bene vivitur, non consentit voluntas: verumtamen non perficit bonum, quia inest adhuc concupiscentia, cui repugnat voluntas, cujus concupiscentiæ reatus in baptismo solvitur, sed infirmitas manet, cui donec sanetur, omnis fidelis, qui bene proficit, studiosissime reluctatur. Peccatum autem quod nusquam est nisi in voluntate, illud præcipue intelligendum est, quod justa damnatio consecuta est: hoc enim per unum hominem introivit in mundum. Quamquam & hoc peccatum, quo consentitur ^c peccati concupiscentiæ, non nisi voluntate committitur. Propter hoc & alio loco dixi, *Non igitur nisi voluntate peccatur.*

3. Itemque alio loco ipsam voluntatem definivi dicens, *Voluntas est animi motus, cogente nullo, ad aliquid vel non amittendum vel adipiscendum.* Quod propterea dictum est, ut hac definitione volens a nolente discerneretur, & sic ad illos referretur intentio, qui primi in paradiso ^d fuerunt humano generi origo mali, nullo cogente peccando, hoc est, libera voluntate peccando: quia & scientes contra præceptum fecerunt, & ille tentator suasit ut hoc fieret, non coegit. Nam & qui nesciens peccavit, non incongruenter nolens peccasse dici potest: quamvis & ipse quod nesciens fecit, volens tamen fecit; ita nec ipsius esse potuit sine voluntate peccatum. Quæ voluntas utique, sicut definita est, animi motus fuit, nullo cogente, ad aliquid vel non amittendum vel adipiscendum. Quod enim si noluisset, non fecisset, non coactus est facere. Quia voluit ergo fecit, etiam si non quia voluit peccavit, nesciens peccatum esse quod fecit: ita nec tale peccatum sine voluntate esse potuit, sed voluntate facti, non voluntate peccati: quod tamen factum peccatum fuit; hoc enim factum est, quod fieri non debuit. Quisquis autem sciens peccat, si potest cogenti ad peccatum sine peccato resistere, nec tamen facit, utique volens peccat: quoniam qui potest resistere, non cogitur cedere. Qui vero ^e cogenti cupiditati bona voluntate resistere non potest, & ideo facit contra præcepta justitiæ, jam hoc

^a Lovanienses conjunctionem, *etiam*, quæ hic perinde sonat ac, præterea; omitti passi sunt: nos in omnibus repertam codicibus huc revocandam esse duximus.

^b Am. Er. & Pratellensis cod. *nusquam esse potuerit*. Sorbonicus & Regiomontensis, *nusquam esse confet*. Moxque Corbejensis & alii

^c MSS. non deterioris notæ habent, *nisi ex voluntate*.

^c MSS. quatuor, *consentitur peccato concupiscentiæ*.

^d In scriptis codicibus sex, *fecerunt humano generi originem mali*.

^e Am. & Er. *volenti cupiditati*.

hoc ita peccatum est, ut sit etiam pœna peccati. A
Quapropter peccatum sine voluntate esse non posse
verissimum est.

cap. 11.
Pecca-
tum.

4. Itemque definitio peccati qua diximus, *Pecca-
tum est voluntas retinendi vel consequendi quod iustitia
vetat, & unde liberum est abstinere*, propterea vera
est, quia id definitum est quod tantummodo pecca-
tum est, non quod etiam pœna peccati. Nam quan-
do tale est ut idem sit & pœna peccati, quantum est
quod valet voluntas sub dominante cupiditate, nisi
forte si pia est, ut oret auxilium? In tantum enim li-
bera est, a in quantum liberata est, & in tantum ap-
pellatur voluntas. Alioquin b tota cupiditas, quam
voluntas proprie nuncupanda est. quæ non est, sicut
Manichæi desipiunt, alienæ naturæ additamentum,
sed nostræ vitium, a quo non sanatur nisi gratia Sal-
vatoris. Quod si quisquam dicit, etiam ipsam cupi-
ditatem nihil aliud esse quam voluntatem, sed vitio-
sam peccatoque servientem; non resistendum est,
nec de verbis, cum res constet, controversia facien-
da. Etiam sic enim ostenditur, sine voluntate nul-
lum esse peccatum, sive in opere, sive in origine.

cap. 12.
* Leg.
teram.

5. Rursus in eo quod dixi, *Jam quærere * cœperam,
utrum illud malum genus animarum, ante quam bono
miseretur, habuisset aliquam voluntatem. Si enim non
habebat, sine peccato atque innocens erat, & ideo nullo
modo malum*. Cur igitur, inquiunt, peccatum dicitis
parvulorum, quorum voluntatem non tenetis ream?
Respondetur, non eos proprietate voluntatis, sed
origine reos teneri. Omnis enim homo terrenus quid
est origine, nisi Adam? Porro autem Adam habebat
utique voluntatem, qua voluntate cum peccasset,
peccatum per eum intravit in mundum.

Ibidem.

Eph. 2.3.

6. Itemque in eo quod dixi, *Natura esse malæ ani-
mæ nullo modo queunt*; si quæritur quomodo accipia-
mus quod ait Apostolus, *Fuimus & nos natura filii
iræ sicut & ceteri*; respondemus, naturam in his ver-
bis meis me intelligi voluisse illam, quæ proprie na-
tura dicitur, in qua sine vitio creati sumus. Nam ista
propter originem natura appellatur. quæ origo utique
habet vitium, quod est contra naturam. Et iterum
in eo quod dictum est, *Peccati reum tenere quemquam,
quia non fecit quod facere non potuit, summæ iniquita-
tis & insanæ est*; Cur ergo, inquiunt, parvuli tenen-
tur rei? Respondetur, quia ex ejus origine tenen-
tur, qui non fecit quod facere potuit, divinum scili-
cet servare mandatum. Quod autem dixi, *illæ animæ
quidquid faciunt, si natura non voluntate faciunt, id est,
si libero & ad faciendum & ad non faciendum motu animi
carent, si denique his abstinendi ab opere suo potestas nulla
conceditur*, c peccatum earum tenere non possumus: F
propterea non perturbat de parvulis quæstio, quia ex
illius origine rei tenentur, qui voluntate peccavit,
quando libero & ad faciendum & ad non faciendum
motu animi non carebat, eique ab opere malo absti-
nendi summa potestas erat. Quod Manichæi de te-
nebrarum gente non dicunt, quam fabulosissime in-
ducunt, eamque naturam semper malam, numquam
bonam fuisse contendunt.

Tom. I.

a Editi quia in tantum liberata est. Sed elegantiores MSS. omisso
quia, ferunt in quantum liberata est

b Lov. Alioquin tutius cupiditas Prætilimus Am. & Er. lectionem,
quam tuentur MSS. excepto unq fere Germanensi, in quo perperam
legitur, tam cupiditas: & altero Prætelensi, in quo, tutius tota cupi-
ditas. Sic etiam in tribus Anglicanis: probe quidem; sed melius ut
in ceteris amoto comparativo, quod reticere amat Augustinus. Sic

7. Illud autem quæri potest quomodo dixerim: Cap. 13.

*Etiam si sunt animæ, quod interim incertum est, cor-
poreis officiis, non peccato, sed natura deditæ, nosque,
quamquam sint inferiores, aliqua tamen interiore vici-
nitate contingunt, non illas ideo malas haberi oportere,
quia nos cum eas sequimur & corporea diligimus, mali su-
mus: quandoquidem de illis hoc dixi, de quibus supe-
rius loqui cœperam, dicens, Quamquam etiam si eisdem
concedatur inferiore alio genere animarum nos illici ad
turpia; non inde conficiunt, aut illas natura malas es-
se, aut istas summum bonum.*

B De his enim disputatio-
nem usque ad hunc locum perduxim, ubi dixi: *Etiam-
si sunt animæ, quod interim incertum est, corporeis officiis,
non peccato, sed natura deditæ, &c.* Quæri ergo potest,
cur dixerim, *quod interim incertum est*: cum prorsus
dubitare non debuerim, non esse tales animas. Sed hoc
ideo dixi, quia expertus sum qui dicerent diabolum
& angelos ejus bonos esse in genere suo, & in ea na-
tura in qua eos creavit Deus ordine proprio tales qua-
les sunt: sed nobis malum esse si illiciamur & sedu-
camur ab eis; si autem caveamus eos atque vincamus,
decorum atque gloriosum. Et hoc qui dicunt, viden-
tur sibi, ut id probent, de Scripturis adhibere idonea
testimonia, vel illud quod scriptum est in libro Job,
cum diabolus describeretur, *Hoc est initium figmenti
Domini quod fecit ad illudendum ab angelis suis: vel il-
lud in Psalmo CIII. Draco hic quem finxisti ad illuden-
dum ei.* Quam quæstionem, quæ non adversus Mani-
chæos qui hoc non sentiunt, sed adversus alios qui
hoc sentiunt, suscipienda esset atque solvenda, per-
tractare atque enodare tunc nolui, ne librum multo
quam vellem facerem longiorem: cum viderem etiam
si hoc concederetur, tamen debere Manichæos ac jam
posse convinci, introducentes insanissimo errore, natu-
ram mali æterno bono coæternam. Ideo ergo dixi,
quod interim incertum est, non quod ego inde dubita-
rem, sed quod inter me & illos, quos ita sapere inve-
neram, nondum esset ista quæstio dissoluta. quam ta-
men in aliis longe posterioribus libris meis de Genesi
ad litteram, secundum scripturas sanctas, quanta po-
tuit manifestatione dissolvi.

Job 40.
14.

Ps. 103.
27.

8. Alio loco, *Propterea, inquam, corporea diligen-
do peccamus, quia spiritalia diligere & iustitia jubemur,
& natura possumus, & tunc in nostro genere optimi &
beatissimi sumus.* Ubi quæri potest, cur natura, & non,
gratia d possumus, dixerim. Sed contra Manichæos
de natura quæstio versabatur. Et utique id agit gra-
tia, ut sanata natura, quod vitiata non potest, pos-
sit per eum qui venit quærere & salvum facere quod
perierat. Quam tamen gratiam etiam tunc recolens
oravi pro familiarissimis meis, qui mortifero illo ad-
huc tenebantur errore, & dixi: *Deus magne, Deus
omnipotens, Deus summæ bonitatis, quem inviolabilem
& incorruptibilem e credi atque intelligi fas est, Trina
Unitas, quam Catholica Ecclesia colit, supplex oro ex-
pertus in me misericordiam tuam, ne homines cum qui-
bus mihi a pueritia in omni convictu fuit summa consensio,
in tuo cultu a me dissentire permittas.* Sic utique orans,
jam fide retinebam, non solum conversos ad Deum

cap. 13.

d

Luca 19.
10.

cap. 14.

e Trina
Unitas.

B gra-

2. Retr. 6. Quæ mihi quasi declamatio levis, quam gravis confessio
videtur.

c Am. & Er. & Beccens. cod. peccato eorum teneri Sic etiam Lov.
in lib. de duab. animabus.

d Apud Am. & aliquot e MSS. gratia potius dixerim

e MSS. quatuor addunt, atque incommutabilem. Am. & Er. atque
immutabilem.

gratia ejus adjuvari, ut proficiant ac perficiantur, ubi adhuc dici potest, pro merito conversionis illorum istam dari gratiam, verum etiam ut convertantur ad Deum, ad ipsam Dei gratiam pertinere: quandoquidem pro eis oravi quierant ab illo nimis averſi, atque ut ad illum converterentur oravi. Hic liber * sic incipit: *Opitulante Dei misericordia.*

* Tom. 8.

CAPUT XIV.

Asta
contra
Fortuna-
tum
Mani-
chæum
Liber
unus.

EODEM tempore presbyterii mei, contra Fortunatum quemdam Manichæorum presbyterum disputavi, qui plurimum temporis apud Hipponem vixerat, seduxeratque tam multos, ut propter illos ibi eum delectaret habitare. Quæ disputatio nobis altercantibus excepta est a notariis veluti Gesta conficerentur: nam & diem habet, & consulem. Hanc in librum memoriæ mandandam conferre curavimus. Versatur ibi quæstio, unde sit malum: me asserente exortum fuisse hominis malum ex libero voluntatis arbitrio; illo autem naturam mali Deo coæternam persuadere moliente. Sed consequenti die tandem confessus est, nihil se adversus nos invenire quod diceret. Nec sane catholicus factus est, sed tamen ab Hippone discessit.

Disput. 1.

2. In hoc libro illud quod dixi, *Animam dico esse factam a Deo, ut cetera omnia quæ a Deo facta sunt; & inter illa quæ Deus omnipotens fecit, principalem locum datum esse animæ*, ita dixi, ut hoc generaliter de universa creatura rationali accipi vellem, quamvis in scripturis sanctis animas dictas esse Angelorum, aut non omnino, aut non possit facile reperiri, sicut supra jam diximus.

Disput. 2.

Item alio loco: *Ego dico*, inquam, *peccatum non esse, si non propria voluntate peccetur*. Ubi peccatum illud intelligi volui, quod non est etiam pœna peccati: nam

Disput. 1.

Disput. 2.

de tali pœna dixi alibi in eadem disputatione, quod dicendum fuit. Itemque dixi: *Ut postea eadem ipsa caro, quæ nos pœnis torſit in peccatis manentes, subjiciatur nobis in resurrectione, & nulla adversitate nos quatiat, quominus legem & præcepta divina servemus*. Quod non ita est accipiendum, tamquam & in illo Dei regno, ubi incorruptibile atque immortale corpus habebimus, de scripturis divinis lex & præcepta sumenda sint: sed quia perfectissime ibi lex æterna servabitur, & illa duo præcepta de diligendo Deo & proximo, non in lectione, sed in ipsa perfecta & sempiterna dilectione tenebimus. Hoc opus * sic incipit: *Quinto kal. Septembris.*

* Tom. 8.

Arcadio Augusto bis & Rufino vc. consſ.

CAPUT XVII.

De fide
& sym-
bolo
Liber
unus.

PER idem tempus coram Episcopis hoc mihi jubentibus, qui plenarium totius Africæ concilium Hippone-regio habebant *de fide & symbolo*, presbyter disputavi. Quam disputationem, nonnullis eorum qui nos familiariter diligebant studiosissime instantibus, in librum contuli, in quo de rebus ipsis ita differitur, ut tamen non fiat verborum illa contextio, quæ tenenda memoriter Competentibus traditur. In hoc libro cum de resurrectione carnis ageretur, *Resurget*, inquam, *corpus secundum Christianam fidem, quæ a fallere non potest. Quod cui videtur incredibile, qualis sit nunc caro, attendit, qualis autem futura sit non considerat: quia illo tempore immutationis Angelicæ, non jam caro erit & sanguis, sed tantum corpus*, & cetera quæ ibi de corporum terrestrium in corpora cælestia mutatione disserui, quoniam dixit Apostolus, cum in-

cap. 10.

a

de loqueretur; * *Caro & sanguis regnum Dei non possidebunt*. Sed quisquis ea sic accipit, ut existimet ita corpus terrenum, quale nunc habemus, in corpus cæleste resurrectione mutari, ut nec membra ista, nec carnis sit futura substantia, procul dubio corrigendus est, commonitus de corpore Domini, qui post resurrectionem in eisdem membris non solum conspiciendus oculis, verum etiam manibus tractandus apparuit, carnemque se habere etiam sermone firmavit, dicens, *Palpate & videte, quia spiritus carnem & ossa non habet, sicut me videtis habere*. Unde constat Apostolum non carnis substantiam negasse in regno Dei futuram, sed aut homines qui secundum carnem vivunt, carnis & sanguinis nomine nuncupasse, aut ipsam carnis corruptionem, quæ tunc utique nulla erit. Nam cum dixisset, *Caro & sanguis regnum Dei non possidebunt*: bene intelligitur tamquam exponendo quid dixerit continuo subdidisse, *Neque corruptio incorruptionem possidebit*. De qua re ad persuadendum infidelibus difficili, diligenter quantum potui me differuisse reperiet, quisquis de Civitate Dei librum legerit novissimum. Hic liber * sic incipit: *Quoniam scriptum est.*

* 1. Cor.
15. 50.Lucæ 24
39.1. Cor.
15. 50.cap. 5. &
21.

* Tom. 6.

CAPUT XVIII.

CUM de Genesi duos libros contra Manichæos condidissem, quoniam secundum allegoricam significationem Scripturæ verba tractaveram, non ausus naturalium rerum tanta secreta ad litteram exponere, hoc est, quemadmodum possent secundum historicam proprietatem quæ ibi dicta sunt accipi: volui experiri in hoc quoque negotiosissimo ac difficillimo opere quid valerem; sed in Scripturis exponendis tyrocinium meum sub tanta sarcinæ mole succubuit. Et nondum perfecto uno libro, ab eo quem sustinere non poteram labore conquievi. Sed in hoc opere cum mea opuscula retractarem, iste ipse ut erat imperfectus venit in manus, quem neque edideram, & abolere decreveram, quoniam scripsi postea xii. libros quorum titulus est, *De Genesi ad litteram*. In quibus quamvis multa quæſita potiusquam inventa videantur, tamen eis iste nullo modo est comparandus. Verum & hunc postea quam retractavi, manere volui, ut esset index, quantum existimo, non inutilis rudimentorum meorum in enucleandis atque scrutandis divinis eloquiis; ejusque titulum esse volui, *De Genesi ad litteram imperfectus*. Inveni quippe eum usque ad hæc verba dictatum: *Pater tantum pater est, nec Filius aliud est quam filius: quia & cum dicitur similitudo Patris, quamquam ostendat nullam intervenire dissimilitudinem, non tamen solus est Pater, b si habet similitudinem*. Post hæc repetivi verba Scripturæ rursus consideranda atque tractanda: *Et dixit Deus, Faciamus hominem ad imaginem & similitudinem nostram*. Huc usque dictatum librum imperfectum reliqueram. Quod autem ibi sequitur, addendum putavi cum eum retractarem: nec sic tamen perfeci, sed hoc quoque addito imperfectum reliqui. Si enim perfecissem, saltem de omnibus operibus & verbis Dei, quæ ad sextum diem pertinent, disputassem. In hoc libro ea notare quæ mihi displicent, vel defendere quæ aliis non bene intellecta displicere possunt, superfluum mihi visum est. Breviter enim potius admoneo, ut illi duodecim libri legantur, quos longe postea Episcopus feci, & ex ipsis de isto judicetur. Hic * ergo, sic incipit: *De obscuris*

De Ge-
nesi ad
litteram
imperf-
ctus
Liber
unus.

cap. 16.

b

Gen. 1.
26.

* Tom. 3.

na.

naturalium rerum, quæ omnipotente Deo artifice facta sentimus, non affirmando, sed quærendo tractandum est.

CAPUT XIX.

De Ser-
mone
Domini
in mon-
te Libri
Duo.
Mat. 5. 9.
Lib. I.
cap. 4.

PER idem tempus de Sermone Domini in monte, secundum Matthæum, duo volumina scripsi. In quorum primo propter id quod scriptum est, *Beati pacifici, quoniam ipsi filii Dei vocabuntur: Sapientia*, inquam, *congruit pacificis, in quibus jam ordinata sunt omnia, nullusque motus adversus rationem rebellis est, sed cuncta obtemperant spiritui hominis, cum & ipse obtemperet Deo.* Quod merito movet quomodo dixerim. Non enim cuiquam provenire in hac vita potest, ut lex repugnans legi mentis omnino non sit in membris. Quandoquidem etiam si ei sic resisteret spiritus hominis, ut in nullum ejus laberetur assensum; non ideo tamen illa non repugnaret. Hoc ergo quod dictum est, *Nullum esse motum adversus rationem rebellem*, recte accipi potest id nunc agentibus pacificis, domando concupiscentias carnis, ut ad istam pacem plenissimam quandoque veniatur.

Ibidem.
Mat. 5. 9.

2. Proinde quod alio loco, cum eandem sententiam Evangelicam repetens dixissem, *Beati pacifici, quoniam ipsi filii Dei vocabuntur*; adjunxi dicens, *Et ista quidem in hac vita compleri possunt, sicut completa esse in Apostolis credimus*, sic accipiendum est, non ut in Apostolis hic viventibus nullum carnis motum arbitremur spiritui repugnasse, sed hætenus hic ista posse compleri, quatenus in Apostolis credimus esse completa, ea mensura scilicet perfectionis humanæ, quanta in hac vita potest esse perfectio. Non enim dictum est, *Ista in hac vita compleri possunt*, nam completa esse in Apostolis credimus; sed dictum est, *sicut completa esse in Apostolis credimus*, ut ita compleantur sicut in illis completa sunt, id est quadam perfectione, cujus capax est ista vita; non sicut complenda sunt illa quam speramus pace plenissima, quando dicetur, *Ubi est mors contentio tua?*

1. Cor.
15. 55.
Lib. I. c. 6.
Joan. 3.
84.

3. Alio loco quod interposui testimonium, *Non enim ad mensuram dat Deus spiritum*, nondum intellexeram de Christo proprie verius accipi. Aliis quippe hominibus nisi ad mensuram daretur spiritus, non duplum peteret Elisæus quam fuit in Elia. Item quod scriptum est, *Jota unum aut unus apex non transiet a lege donec omnia fiant*, cum * exponerem, nihil dixi posse aliud intelligi, nisi vehementem perfectionis expressionem. Ubi merito quæritur, utrum ista perfectio sic possit intelligi, ut tamen verum sit, neminem jam utentem voluntatis arbitrio hic vivere sine peccato. A quo enim usque ad unum apicem lex perfici potest, nisi a quo fiunt universa divina mandata? Sed in eisdem mandatis est etiam quod jubemur dicere, *Dimitte nobis debita nostra, sicut & nos dimittimus debitoribus nostris*, quam orationem usque in finem sæculi tota dicit Ecclesia. Omnia ergo mandata facta deputantur, quando quidquid non fit ignoscitur.

Mat. 6.
22.

Mat. 5.
19.

4. Sane quod ait Dominus, *Quicumque solverit unum de mandatis istis minimis, & docuerit sic, &c.* usque ad eum locum ubi ait, *Nisi abundaverit justitia vestra plus quam Scribarum & Phariseorum, non intrabitis in regnum cælorum*, multo melius & convenientius exposui in aliis posterioribus sermonibus meis, quod etiam hic retexere longum est. Ad hoc autem iste ibi

Tom. I.

a In prius excusis legitur, *qui dicunt & non faciunt*. Expunximus negantem particulam, quæ a MSS. abest, ut pronomen *qui*, referatur ad eos quorum justitia major.

A perducitur sensus, ut eorum sit justitia major, quam Scribarum & Phariseorum, qui dicunt & a faciunt. De Scribis quippe & Phariseis alio loco ipse Dominus ait, *Dicunt enim & non faciunt*. Illud etiam melius intelleximus postea quod scriptum est, *Qui irascitur fratri suo*. Codices enim Græci non habent, *sine causa*, sicut hic positum est: quamvis idem ipse sit sensus. Illud enim diximus intuendum, quid sit irasci fratri suo, quoniam non fratri irascitur, qui peccato fratris irascitur. Qui ergo fratri, non peccato irascitur, sine causa irascitur.

Lib. I.
cap. 9.

a
Mat. 23.
3.
b
Irasci
fratri
suo.

Mat. 5.

22.
Lib. I.
cap. 15.

5. Item quod dixi, *Hoc & de patre & de matre & de ceteris vinculis sanguinis intelligendum est, ut in eis oderimus quod genus humanum nascendo & moriendo sortitum est*, ita sonat, quasi non essent futuræ istæ necessitudines, si nullo naturæ humanæ præcedente peccato nemo moreretur: quem sensum jam superius improbavi. Essent enim profecto cognationes & affinitates, etiam si originali nullo existente peccato, sine morte cresceret & multiplicaretur genus humanum. Ac per hoc aliter solvenda est quæstio, cur Dominus præceperit * diligendos inimicos, cum alio loco præcipiat odio habendos & parentes & filios, non sicut hic soluta est, sed sicut eam posterius sæpe solvimus: id est, ut diligamus inimicos lucrandos regno Dei, & oderimus in propinquis, si impediunt a regno Dei.

* Mat. 5.
44.
Lucæ 14.
26.

B 6. Item de præcepto quo prohibetur uxor dimitti, nisi propter fornicationem, hic quidem scrupulosissime disputavi: sed quam velit Dominus intelligi fornicationem, propter quam liceat dimittere uxorem, utrum eam quæ damnatur in stupris, an illam de qua dicitur, *Perdidisti omnem qui fornicatur abs te*, in qua utique & ista est, (neque enim non fornicatur a Domino, qui tollens membra Christi, facit ea membra meretricis,) etiam atque etiam cogitandum est atque requirendum. Nec volo in re tanta tamque ad dignoscendum difficili putare lectorem istam sibi nostram disputationem debere sufficere: sed legat & alia, sive nostra quæ postea scripta sunt, sive aliorum melius considerata atque tractata: vel ipse si potest, ea quæ hic merito movere possunt, vigilantiori atque intelligentiori mente discutiat. Non quia omne peccatum fornicatio est; neque enim omnem peccantem Deus perdit, qui quotidie sanctos suos exaudit, dicentes, *Dimitte nobis debita nostra*: cum perdat omnem qui fornicatur ab eo: Sed quatenus intelligenda atque limitanda sit hæc fornicatio, & utrum etiam propter hanc liceat dimittere uxorem, latebrosissima quæstio est. Licere tamen propter istam quæ in stupris committitur, nulla quæstio est. Et ubi dixi, hoc permissum esse, non jussum; non adtendi aliam Scripturam, dicentem, *Qui tenet adulteram, stultus & impius est*. Nec sane adulteram dixerim fuisse deputandam illam mulierem etiam postea quam audivit a Domino, *Nec ego te damnabo, vade deinceps jam noli peccare*, si hoc obedienter audivit.

Lib. I.
cap. 16.

Psalm. 72.
27.

Mat. 6.
12.

Pro. v. 18.
22.

Joan. 8. 1.

7. Loco alio peccatum fratris ad mortem, de quo dicit Joannes Apostolus, *Non pro illo dico ut roget quis*, ita definivi ut dicerem, *Peccatum fratris ad mortem puto esse, cum post agnitionem Dei per gratiam Domini nostri Jesu Christi quisque oppugnat fraternitatem, & adversus istam gratiam qua reconciliatus est Deo, inviden-*

Lib. I.
cap. 21.
1. Joan.
5. 16.
Pecca-
tum ad
mor-
tem.

B 2 tia

b Nunc tamen vix ullum reperias Græcum codicem, qui non habeat *εἰναι, sine causa*: quod in suo quoque Chrysostomus legebat. Id radendum esse ait Hieronymus. Augustinus vero hic ad legitimum sensum revocat.

tiæ facibus agitur. Quod quidem non confirmavi, A quoniam hoc putare me dixi: sed tamen addendum fuit, si in hac tam scelerata mentis perversitate finierit hanc vitam: quoniam de quocumque pessimo in hac vita constituto non est utique desperandum, nec pro illo imprudenter oratur, de quo non desperatur.

Lib. 2.
cap. 6.

* Forte
apud A-
thana-
sum in
Exposit.
fidei, &
Epipha-
nium in
Ancora-
to.

* Lib. 2.
cap. 14.
Psalm. 73.

23.
Lib. 2.
cap. 17.
Matt. 6.
34.

Lib. 2.
cap. 19.
Ephes. 5.
27.

Matt. 7. 7.
Lib. 2.
cap. 21.

* Tom. 3.

Psalmus
contra
partem
Donati.

8. In secundo item libro: *Nulli, inquam, licebit ignorare Dei regnum, cum ejus Unigenitus non solum intelligibiliter, sed etiam visibiliter in homine Dominico de cælo venerit, judicaturus vivos & mortuos.* Sed non video utrum recte dicatur homo Dominicus, qui est Mediator Dei & hominum, homo Christus Jesus; cum sit utique Dominus. Dominicus autem homo quis in ejus sancta familia non potest dici? Et hoc quidem ut dicerem, apud quosdam legi tractatores catholicos * divinorum eloquiorum, Sed ubicumque hoc dixi, dixisse me nollem. Postea quippe vidi non esse dicendum, quamvis nonnulla possit ratione defendi. Item quod dixi, * *Nullius enim ferè conscientia Deum potest odisse*, non video fuisse dicendum. Multi enim sunt de quibus scriptum est: *Superbia eorum qui oderunt te*.

9. Alio loco in eo quod dixi, *ob hoc dixisse Dominum, Sufficit diei malitia sua, quia cibos sumere urget ipsa necessitas, quam propterea malitiam nominatam arbitror, quia pœnalis nobis est, pertinet enim ad hanc fragilitatem quam peccando meruimus*, non adtendi etiam primis hominibus data fuisse in paradiso corporis alimenta, ante quam istam mortis pœnam peccando meruissent. Sic enim erant immortales in corpore nondum spiritali, sed animali, ut tamen in ejusmodi immortalitate corporalibus alimentis uterentur. Item quod dixi, *Quam sibi Deus elegit gloriosam Ecclesiam, non habentem maculam neque rugam*, non ideo dixi, quia nunc ex omni parte jam talis est, quamvis ad hoc electa non dubitaretur, ut talis sit quando Christus apparuerit vita ejus: tunc enim & ipsa cum illo apparebit in gloria: propter quam gloriam dicta est Ecclesia gloriosa. Item quod Dominus ait, *Petite, & accipietis; querite, & invenietis; pulsate, & aperietur vobis*, opere quidem tria ista quid inter se differant exponendum putavi, sed longe melius ad instantissimam petitionem omnia referuntur. Hoc quippe ostendit, ubi eodem verbo cuncta conclusit, dicens, *Quanto magis Pater vester qui in cælis est dabit bona petentibus se?* Non enim dixit, petentibus & quærentibus & pulsantibus. Hoc Opus * sic incipit: *Sermonem quem locutus est Dominus*.

CAPUT XX.

VOLENS etiam causam Donatistarum adipiscius humillimi vulgi & omnino imperitorum atque idiotarum notitiam pervenire, & eorum quantum fieri posset per nos inhærere memoriæ Psalmum qui eis cantaretur, per Latinas litteras feci: sed usque ad V litteram. Tales autem Abecedarios appellant. Tres verò ultimas omisi; sed pro eis novissimum quasi epilogum adjunxi, tamquam eos mater alloqueretur Ecclesia. Hypopsalma etiam quod responderetur, & proœmium causæ, quod nihilo minus cantaretur, non sunt in ordine litterarum: earum quippe ordo incipit post proœmium. Ideo autem non aliquo carminis genere id fieri volui, ne me necessitas metrica ad aliqua ver-

ba quæ vulgo minus sunt usitata compelleret. Iste Psalmus * sic incipit: *Omnes qui gaudetis de pace, modo verum judicate*, quod ejus hypopsalma est.

* Tom. 9.

CAPUT XXI.

LIBRUM etiam contra epistolam Donati, qui partis Donati secundus post Majorinum episcopus apud Carthaginem fuit, eodem presbyterii mei tempore scripsi, in qua epistola ille agit, ut non nisi in ejus communione baptisma Christi esse credatur: cui nos contradicimus. In quo dixi in quodam loco de Apostolo Petro, quod in illo tamquam in petra fundata sit Ecclesia: qui sensus etiam cantatur ore multorum in versibus Beatissimi Ambrosii, ubi de gallo gallinaceo ait, *Hoc ipsa petra Ecclesiæ canente, culpam diluit*. Sed scio me postea sæpissime sic exposuisse quod a Domino dictum est, *Tu es Petrus, & super hanc petram ædificabo Ecclesiam meam*: ut super hunc intelligeretur quem confessus est Petrus dicens, *Tu es Christus filius Dei vivi*: ac sic Petrus ab hac petra appellatus personam Ecclesiæ figuraret, quæ super hanc petram ædificatur, & accepit claves regni cælorum. Non enim dictum est illi, Tu es petra; sed, *Tu es Petrus*. Petra autem erat Christus, quem confessus Simon sicut eum tota Ecclesia confitetur, dictus est Petrus. Harum autem duarum sententiarum quæ sit probabilior eligat lector.

Contra
episto-
lam Do-
nati hæ-
retici
Liber
unus.

Matt. 16.
18.

2. Alio loco dixi, *Nullius mortem Deus quærit*: quod sic accipiendum, quia homo sibi adquisivit mortem deferens Deum, & acquirit qui non recurrit ad Deum, secundum quod scriptum est: *Deus mortem non fecit*. Sed etiam illud non minus verum est, *Vita & mors a Domino Deo est*: vita scilicet a donante, mors a vindicante.

Sap. 1. 13.

Eccle. 1. 14.

3. Item quod dixi Donatum, cujus epistolam refellebam, rogasse ut Imperator inter ipsum & Cæcilianum transmarinos episcopos judices daret; non ipsum, sed alium Donatum, ejusdem tamen schismatis, hoc fecisse probabilius invenitur. Ille autem non erat Carthaginien- sis Donatistarum episcopus, sed a Casis nigris, qui tamen primus apud Carthaginem ipsum nefarium schisma a commisit. Nec sane Donatus Carthaginien- sis ut Christiani rebaptizarentur instituit, quod ego eum instituisse credideram, quando ejus epistolæ respondebam. Nec de libro b Ecclesiastici ipse abstulit de media sententia verba ad rem necessaria, ubi cum scriptum sit, *Qui baptizatur a mortuo, & iterum tangit illum, quid proficit lavatio ejus?* iste sic posuit tamquam scriptum esset, *Qui baptizatur a mortuo, quid proficit lavatio ejus?* Nos autem & ante quam esset pars Donati, sic habuisse codices plurimos, verumtamen Afros, ut non esset in medio, & iterum tangit illum, postea didicimus. Quod si tunc scissem, non in istum tamquam in furem divini eloquii, vel violatorem, tanta dixissem. Hic liber * sic incipit, *Abs te isto præfente audieram*.

Eccle. 34.

30.

* Non ex-
stat.

CAPUT XXII.

EODEM tempore venerunt in manus meas quædam disputationes Adimanti, qui fuerat Manichæi discipulus, quas conscripsit adversus Legem & Prophetas, velut contraria eis Evangelica & Apostolica scripta demonstrare conatus. Huic ergo

Contra
Adi-
mantem
Mani-
chæi di-
scipu-
lum
Liber
unus.

a Hic scilicet de Numidia veniens, inquit August. & contra Cæcilianum Christianam dividens plebem, adjunctis sibi ejusdem factionis episcopis, Majorinum apud Carthaginem ordinavit episcopum. Cui Majorino Do-

natus alius successit, qui eloquentia sua confirmavit hanc hæresim. Ex lib. de hæresibus ad Quodvultdeum.

b MSS. cum Am. & Ex. de libro Sapientie.

ergo respondi, verba eius ponens, eisque reddens respon-
sionem meam. Quod opus uno volumine conclusi,
& in eo quibusdam quaestionibus non semel, sed iterum
 respondi, quoniam quod primum responderam perie-
 rat, & tunc inventum est, cum jam iterum respon-
 diffem. Aliquas sane earumdem quaestionum popula-
 ribus ecclesiasticis sermonibus solvi: adhuc etiam qui-
 busdam non respondi: aliqua remanserunt, quæ re-
 bus aliis magis urgentibus prætermittæ sunt, cumu-
 lo quoque oblivionis adjuncto.

cap. 3.

2. In hoc ergo dixi, *Certis enim quibusdam umbris & figuris rerum ante Domini adventum secundum mirabilem atque ordinatissimam distributionem temporum populus ille tenebatur qui Testamentum vetus acceperat: tamen in eo tanta prædicationis & prænuntiatio novi Testamenti est, ut nulla in Evangelica atque Apostolica doctrina reperiantur, quamvis ardua & divina præcepta & promissa, quæ illis etiam libris veteribus desint.* Sed addendum erat, pene, atque dicendum, ut pene nulla in Evangelica atque Apostolica doctrina reperiantur, quamvis ardua & divina præcepta & promissa, quæ illis etiam libris veteribus desint. Quid est enim quod in sermone Evangelico in monte Dominus dicit, *Audistis quia dictum est antiquis hoc, ego autem dico vobis: si nihil ipse amplius præcepit, quam præceptum est in illis veteribus libris?* Deinde regnum cælorum illi populo fuisse promissum non legimus in iis quæ promissa sunt. Lege data per Moysen in monte Sina, quod proprie vetus dicitur Testamentum, quod præfiguratum dicit Apostolus per ancillam Saræ & filium eius: sed & ibi figuratum est & novum per ipsam Saram & filium eius. Proinde si figuræ discutiantur, omnia ibi prophetata reperiuntur, quæ sunt præsentata, vel expectantur præsentanda per Christum. Verum tamen propter quedam præcepta non figurata, sed propria, quæ non in vetere Testamento, sed in novo inveniuntur, cautius & moderatius diceretur, pene nulla, quam nulla hic esse quæ non sint & illic: quamvis illic sint illa duo præcepta de dilectione Dei & proximi, quo rectissime omnia & Legitima & Prophetica & Evangelica & Apostolica referuntur.

Mat. 5.
21.Exod. 19.
2.

Gal. 4. 24

cap. 3.

Mat. 23.
15.

Rom. 8.

14.

Joan.

8. 37.

1. Cor. 4.

14.

Gal. 4. 28

cap. 12.

1. Cor. 15.

34.

Lucæ 24.

39.

cap. 26.

Mat. 12.

33.

2. Sent.

dist. 23. c.

Alibi.

Tom. I.

Astas nulla est nisi a Deo detur, de quo dictum est, *De-
dit eis potestatem filios Dei fieri.* Cum enim hoc sit in
potestate quod cum volumus facimus, nihil tam in
potestate quam ipsa voluntas est, sed præparatur vo-
luntas a Domino. Eo modo ergo dat potestatem. Sic
intelligendum est & quod dixi postea, *In nostra potesta-
te esse, ut vel inferi bonitate Dei, vel excidie eius severitate
mereamur:* quia in potestate nostra non est, nisi quod
nostram sequitur voluntatem. quæ cum fortis & po-
tens præparatur a Domino, facile fit opus pietatis,
etiam quod difficile atque impossibile fuit. Hic liber
* sic incipit: *De eo quod scriptum est, In principio fe-
cit Deus cælum & terram.*

Joan. 1
12.3. Sent.
dist. 28.
cap. Sic
etiam.

* Tom. 8.

CAPUT XXIII.

CUM presbyter adhuc essem, contigit ut apud
Carthaginem inter nos qui simul eramus, ad Ro-
manos Apostoli epistola legeretur, & quædam interro-
gabar a fratribus: quibus cum sicut poteram responde-
rem, voluerunt scribi potius quæ dicebam, quam sine
litteris fundi. Ubi cum eis obtemperarem, liber unus
accessit superioribus opusculis meis. In quo libro, *Quod
autem ait, inquam, Scimus quia lex spiritalis est, ego au-
tem carnalis sum: satis ostendit, non posse impleri legem,
nisi a spiritalibus quales facit gratia Dei.* Quod utique
non ex persona Apostoli accipi volui, qui jam spiri-
talis erat: sed hominis sub lege positi, nondum sub gra-
tia. Sic enim prius hæc verba sapiebam, quæ postea le-
ctis quibusdam divinorum tractatoribus eloquiorum,
quorum me moveret auctoritas, consideravi diligen-
tius, & vidi etiam de ipso Apostolo posse intelligi, quod
ait, *Scimus quoniam lex spiritalis est, ego autem carnalis
sum:* quod in eis libris quos contra Pelagianos nuper
scripsi, quantum potui diligenter ostendi. In isto ergo
libro & hoc quod dictum est, *Ego autem carnalis sum:*
& deinde cetera usque ad eum locum, ubi dicit, *Miser
ego homo, quis me liberabit de corpore mortis huius? Gra-
tia Dei per Jesum Christum Dominum nostrum:* dixi ho-
minem describi adhuc sub lege, nondum sub gratia
constitutum, bene facere volentem, sed victum con-
cupiscentia carnis male facientem. A cuius con-
cupiscentiæ dominatu non liberat, nisi gratia Dei per
Jesum Christum Dominum nostrum dono Spiritus-
sancti, per quem diffusa caritas in cordibus nostris vin-
cit carnis concupiscentias, ne consentiamus eis ad ma-
le faciendum; sed potius bona faciamus. Unde qui-
dem jam evertitur hæresis Pelagiana, quæ vult, non
ex Deo nobis, sed ex nobis esse caritatem qua bene ac-
pie vivimus. Sed in illis libris, quos adversus eos edi-
dimus, etiam spiritalis hominis jamque sub gratia
constituti melius intelligi verba ista monstravimus,
propter carnis corpus, quod spiritale nondum est,
erit autem in resurrectione mortuorum; & propter
ipsam carnis concupiscentiam, cum qua ita configunt
sancti, non ei consentientes ad malum, ut tamen eius
motibus, quibus repugnantibus resistunt, non ca-
reant in hac vita: non eos autem habebunt in illa, ubi
absorbebitur mors in victoriam. Propter hanc itaque
concupiscentiam motusque ipsos, quibus ita resisti-
tur, ut tamen sint in nobis, potest quisque sanctus
jam sub gratia positus dicere ista omnia, quæ hic esse
dixi verba hominis nondum sub gratia positi, sed
sub lege. Quod hic ostendere longum est, & hoc ubi
ostenderim dictum est.

Exposi-
tio qua-
rundam
proposi-
tionum
ex epi-
stola A-
postoli
ad Ro-
manos.
Rom. 7.
14.

Ibidem.

Ibid. 24.*

2. Item disputans quid elegerit Deus in nondum cap. 6.

B 3 nato,

nato, cui dixit fervitutum esse majorem: & quid in eodem majore similiter nondum nato reprobaverit, de quibus propter hoc commemoratur, quamvis longe postea prolutum propheticum testimonium: *Jacob dilexi, Esau autem odio habui*: ad hoc perduxit ratiocinationem, ut dicerem, *Non ergo elegit Deus opera cujusquam in præscentia, quæ ipse daturus est: sed fidem elegit in præscentia, ut quem sibi crediturum esse præscentit, ipsum elegerit cui Spiritum-sanctum daret, ut bona operando etiam vitam æternam consequeretur*. Nondum diligentius quæsieram, nec adhuc inveneram qualis sit electio gratiæ: de qua idem dicit Apostolus; *Reliquiæ per electionem gratiæ salvæ factæ sunt*; quæ utique non est gratia, si eam merita ulla præcedant, ne jam quod datur, non secundum gratiam, sed secundum debitum reddatur potius meritis quam donetur. Proinde quod continuo dixi, *Dicit enim idem Apostolus, Idem Deus qui operatur omnia in omnibus. Nusquam autem dictum est, Deus credit omnia in omnibus*: ac deinde subjunxi, *Quod ergo credimus, nostrum est; quod autem bonum operamur, illius est qui credentibus dat Spiritum-sanctum*, profecto non dicerem, si jam scirem etiam ipsam fidem inter Dei munera reperiri, quæ dantur in eodem spiritu. Utrumque ergo nostrum est propter arbitrium voluntatis, & utrumque tamen datum est per spiritum fidei & caritatis. Neque enim sola caritas, sed sicut scriptum est, *Caritas cum fide a Deo Patre & Domino nostro Jesu Christo*.

3. Et quod paulo post dixi, *Nostrum est enim credere & velle, illius autem dare credentibus & volentibus facultatem bene operandi per Spiritum sanctum, per quem caritas diffunditur in cordibus nostris*, verum est quidem, sed eadem regula, & utrumque ipsius est, qui ipse præparat voluntatem; & utrumque nostrum, quia non fit nisi volentibus nobis. Ac per hoc quod etiam postea dixi, *Quia neque velle possumus nisi vocemur, & cum post vocationem voluerimus, non sufficit voluntas nostra & cursus noster, nisi Deus & vires currentibus præbeat, & perducatur quo vocat*. Ac deinde subjunxi: *Manifestum est ergo non volentis neque currentis, sed misentis Dei esse, quod bene operamur, omnino verissimum est*. Sed parum de ipsa vocatione differui, quæ fit secundum propositum Dei: non enim omnium qui vocantur talis est, sed tantum electorum. Itaque quod paulo post dixi, *Sicut enim in iis quos eligit Deus, non opera, sed fides inchoat meritum, ut per munus Dei bene operentur, sic in iis quos damnat, infidelitas & impietas inchoat pænæ meritum, ut per ipsam pœnam etiam male operentur*, verissime dixi: sed fidei meritum etiam ipsum esse donum Dei, nec putavi quærendum esse, nec dixi.

4. Et alio loco, *Cujus enim misereretur, inquam, facit eum bene operari; & quem obdurat, relinquit eum ut male operetur. Sed & illa misericordia præcedenti merito fidei tribuitur: & ista obduratio præcedenti impietati*. Quod quidem verum est; sed adhuc quærendum erat, utrum & a meritum fidei de misericordia Dei veniat, id est, utrum ista misericordia ideo tantummodo fiat in homine, quia fidelis est, an etiam facta fuerit ut fidelis esset. Legimus enim dicente Apostolo, *Misericordiam consecutus sum ut fidelis essem*: non ait, quia fidelis eram. Fideli ergo datur quidem, sed data est etiam ut esset fi-

delis. Rectissime itaque alio loco in eodem libro dixi, *Quoniam si non ex operibus, sed misericordia Dei & vocamur ut credamus, & credentibus præstatur ut bene operemur, non est gentibus ista invidenda misericordia*: quamvis minus ibi diligenter de illa, quæ per Dei propositum fit, vocatione tractaverim. Hic liber * sic incipit: *Sensus hi sunt in epistola Pauli ad Rom.*

CAPUT XXIV.

POST hunc librum exposui ejusdem Apostoli epistolam ad Galatas, non carptim, id est aliqua prætermittens, sed continuanter & totam. Hanc autem expositionem uno volumine comprehendi. In quo illud quod dictum est, *Priores ergo Apostoli veraces, qui non ab hominibus, sed a Deo per hominem missi sunt, per Jesum Christum scilicet adhuc mortalem. Verax etiam novissimus Apostolus, qui per Jesum Christum totum jam Deum post resurrectionem ejus missus est*, propter immortalitatem dictum est, *totum jam Deum*, quam post resurrectionem habere cœpit, non propter divinitatem semper immortalem, a qua numquam recessit, in qua totus Deus erat, & cum moriturus adhuc erat. Hunc autem sensum sequentia manifestant: adjunxi enim dicens, *Priores sunt ceteri Apostoli per Jesum Christum adhuc ex parte hominem, id est mortalem: Novissimus est Apostolus Paulus per Jesum Christum jam totum Deum, id est ex omni parte immortalem*. Hoc enim dixi, exponens quod ait Apostolus: *Non ab hominibus, neque per hominem, sed per Jesum Christum & Deum Patrem*: quasi jam Jesus Christus non sit homo. Sequitur enim: *Qui suscitavit illum a mortuis: ut hinc appareret cur dixerit, neque per hominem*. Proinde propter immortalitatem jam nunc non homo Christus Deus: propter substantiam vero naturæ humanæ, in qua ascendit in cælum, etiam nunc mediator Dei & hominum homo Christus Jesus, quoniam sic veniet quomodo eum viderunt qui viderunt euntem in cælum.

2. Item quod dixi, *Gratia Dei est qua nobis donantur peccata ut reconciliemur Deo: pax autem qua reconciliamur Deo, sic accipiendum est, ut tamen sciamus etiam utrumque ad generalem Dei gratiam pertinere: quomodo in populo Dei aliud specialiter Israel, aliud Judas; & tamen utrumque generaliter Israel*. Item cum exponerem, *Quid ergo Lex transgressionis gratia b proposita est*: ita distinguendum putavi, ut interrogatio esset. *Quid ergo?* Ac deinde responsio. *Lex transgressionis gratia proposita est*. Quod quidem non abhorret a vero; sed melior mihi videtur ista distinctio, ut interrogatio sit, *Quid ergo Lex?* & inferatur responsio: *Transgressionis gratia proposita est*. Quod autem dixi, *Ordinatissime itaque subjunxit: Quod si spiritu ducimini, non adhuc estis sub Lege: ut intelligamus eos esse sub Lege, quorum spiritus ita concupiscit adversus carnem, ut non ea quæ volunt faciant, id est non se teneant invictos in caritate justitiæ, sed a concupiscente adversum se carne vincantur*, hoc ex illo sensu est, quo sentiebam id quod dictum est, *Carnis concupiscit adversus spiritum, & spiritus adversus carnem: hæc enim sibi invicem adversantur, ut non ea quæ vultis faciatis*, ad eos pertinere qui sub Lege sunt, nondum sub gratia. Adhuc enim non intellexeram hæc verba, & illis qui sub gratia sunt, non sub Lege, propterea convenire, quia & ipsi concupiscentias carnis, contra

a Apud Am. legitur, meritum fidei misericordiam Dei præveniat. Apud Ex. & MSS. aliquot, meritum fidei misericordia Dei præveniat.

b Proposita est. Ita MSS. plerique juxta græc. προτετάθη. necnon Lovanienſes in eo loco, qui retractatur, quamvis hic sequantur Vulgat. posita est.

Expositio
epistolæ ad
Galatas
Liber
unus.

Gal. 1. 1.

1. Tim.
2. 5.
Act. 1.
11.

cap. 5.

Gal. 5.
17.

tra quas spiritu concupiscunt, quamvis eis non consentiant, nollent tamen ullas habere si possent. Et ideo non quæcumque volunt faciunt, quia volunt eis care-
re, nec possunt. Tunc enim eas non habebunt, quan-
do nec corruptibilem carnem. Hic liber * sic incipit:
Causa propter quam scribit Apostolus.

CAPUT XXV.

Epistola
ad Rom.
inchoa-
ta expo-
silio,
Liber
unus.

EPISTOLÆ quoque ad Romanos sicut ad Ga-
latas expositionem susceperam. Sed hujus Ope-
ris, si perficeretur, plures libri erant futuri: quorum
unum in sola disputatione ipsius salutationis absolvi,
ab initio scilicet usque ad illud, ubi ait: *Gratia vobis &*
pax a Deo Patre nostro & Domino Jesu Christo. Factum
est quippe ut immoraremur, cum vellemus solvere in-
cidentem sermoni nostro difficillimam quæstionem de
peccato in Spiritum-sanctum, quod non remittatur ne-
que in hoc sæculo neque in futuro. Sed deinde alia
volumina cessavi adjungere exponendo epistolam to-
tam, ipsius operis magnitudine ac labore deterritus, &
in alia faciliora deflexus sum. Ita factum est, ut librum
quem feceram primum, relinquerem solum, cujus esse
titulum volui, *Epistolæ ad Romanos inchoata expositio.*
Ubi quod dixi, *gratiam esse in dimissione peccatorum, pa-*
cem vero in reconciliatione Dei, ubicumque hoc dixi,
non sic accipiendum est, ac si pax ipsa & reconciliatio
non pertineat ad gratiam generalem, sed quod speciali-
ter nomine gratiæ remissionem significaverit peccato-
rum. Sicut Legem & specialiter dicimus, secundum
quod dictum est, *Lex & prophetæ*: & generaliter, ut
in ea sint & prophetæ. Hic liber * sic incipit: *In epi-*
stola quam Paulus Apostolus scripsit ad Romanos.

CAPUT XXVI.

De di-
versis
quæstio-
nibus
octogin-
tatribus
Liber
unus.

EST etiam inter illa quæ scripsimus quoddam
prolixum opus, qui tamen unus deputatur liber,
cujus est titulus, *De diversis quæstionibus octoginta tri-*
bus. Cum autem dispersæ fuissent per chartulas multas,
quoniam ab ipso primo tempore conversionis meæ, po-
steaquam in Africam venimus, sicut interrogabar a
fratribus, quando me vacantem videbant, nulla a me
servata ordinatione dictatæ sunt, jussi eas jam episco-
pus colligi, & unum ex eis librum fieri, adhibitis nu-
meris, ut quod quisque legere voluerit, facile inveniat.
Harum quæstionum est. I, utrum anima a seipsa sit,
II, de libero arbitrio. III, utrum Deo auctore sit ho-
mo deterior. IV, quæ sit causa ut sit homo deterior. V,
utrum animal irrationabile beatum esse possit. VI, de
malo. VII, quæ proprie in animante anima dicatur.
VIII, utrum per se anima moveatur. IX, utrum cor-
poreis sensibus percipi veritas possit. In qua illud quod
dixi, *Omne quod corporeus sensus attingit, quod & sensi-*
bile dicitur, sine ulla intermissione temporis commutatur,
Sine dubio verum quidem non est in corporibus resur-
rectionis incorruptilibus, sed nunc ea nullus nostri
corporis sensus attingit, nisi forte divinitus tale aliquid
reveletur. X, utrum corpus a Deo sit. XI, quare Chri-
stus de foemina natus sit. XII, loco, ubi titulus est, Sen-
tentia cujusdam sapientis: non est mea, sed quia per
me innotuit quibusdam fratribus, qui tunc a me ista di-
ligentissime colligebant, & placuit eis, inter nostra eam
scribere voluerunt. Est autem cujusdam Fonteï Car-
thaginensis, a de mente mundanda ad videndum

A Deum, quod Paganus quidem scripsit, sed Christia-
nus baptizatus est mortuus. XIII, est, quo documento
constet homines bestiis excellere. XIV, non fuisse cor-
pus Domini nostri Jesu Christi phantasma. XV, de in-
tellectu. XVI, de Filio Dei. XVII, de scientia Dei.
XVIII, de b Trinitate. XIX, de Deo & creatura. XX,
de loco Dei. XXI, utrum Deus auctor mali non sit.
Ubi videndum est, ne male intelligatur quod dixi, *Mali*
auctor non est, quia omnium quæ sunt auctor est: quia
in quantum sunt, in tantum bona sunt. Et ne hinc pute-
tur non ab illo esse pœna malorum, quæ utique malum
est iis qui puniuntur. Sed hoc ita dixi quemadmodum
dictum est, *Deus mortem non fecit*: cum alibi scriptum
sit, *Mors & vita a Domino Deo est.* Malorum ergo pœ-
na, quæ a Deo est, malum est quidem malis; sed in bo-
nis Dei operibus est, quoniam justum est ut mali pu-
niantur, & utique bonum est omne quod justum est.
XXII, Deum non pati necessitatem. XXIII, de Patre &
Filio. Ubi dixi quod eam ipse genuerit, qua sapiens di-
citur, sapientiam: sed melius istam quæstionem in li-
bro postea de Trinitate tractavimus. XXIV, utrum &
peccatum & recte factum in libero sit voluntatis arbi-
trio. Quod ita esse omnino verissimum est. Sed ut ad
recte faciendum liberum sit, Dei gratia liberatur.
XXV, de cruce Christi. XXVI, de differentia peccato-
rum. XXVII, de providentia. XXVIII, quare Deus
mundum facere voluerit. XXIX, utrum aliquid sit sur-
sum aut deorsum in universo. XXX, utrum omnia in
utilitatem hominis creata sint. XXXI, c Nec ipsa mea
est, sed Ciceronis: verum quia & hæc per me innotuit
fratribus, inter ista quæ colligebant scripserunt eam,
volentes nosse quemadmodum virtutes animi ab illo
divisæ ac definitæ sint. XXXII, utrum rem ullam alius
alio magis intelligat, atque ita ejusdem rei per infinitum
eat intelligentia. XXXIII, de metu. XXXIV, utrum
non aliud amandum sit quam metu carere. XXXV, quid
amandum sit. In qua illud quod dixi, *id esse amandum,*
quod nihil est aliud habere, quam nosse, non satis appro-
bo. Neque enim Deum non habebant, quibus dictum
est: *Nescitis quia templum Dei estis vos, & spiritus Dei*
habitat in vobis? nec tamen eum noverant, vel non sicut
noscendus est noverant. Item quod dixi, *Nemo igitur*
beatam vitam novit, & miser est; novit, dixi, quo-
modo noscenda est. Nam quis eam penitus nescit, eo-
rum dumtaxat qui jam ratione utuntur; quando qui-
dem beatos se esse velle noverunt? xxxvi, de nu-
trienda caritate. Ubi dixi, *Deus igitur & animus quo*
amatur, caritas proprie dicitur purgatissima & consum-
mata, si nihil aliud amatur. Quod si verum est, quo-
modo ergo Apostolus ait: *Nemo unquam carnem suam*
odio habuit? Et ex hoc admonet ut diligantur uxores.
Sed ideo dictum est, *proprie dilectio dicitur,* quo-
niam caro diligitur quidem, nec tamen proprie, sed
propter animam cui subjacet ad usum. Nam etsi pro-
pter seipsam videtur diligi, cum eam nolumus esse de-
formem, ad aliud referendum est decus ejus, ad illud
scilicet, a quo decora sunt omnia. xxxvii, de sem-
per nato. xxxviii, de conformatione animæ. xxxix,
de alimentis. xl, cum animarum natura una sit, un-
de hominum diversæ voluntates. xli, cum omnia
Deus fecerit, quare non æqualiter fecerit. xlii, quem-

2. Serm.
dist. 37.
cap. Cum
igitur.

Sap. 1. 13.
Eccli. 1. 1
14.

c
Tullius
off. 1.

1. Cor. 3.
16.

Eph. 5.
29.

a Additur apud Lov. qui de vita Brachmanarum aliquanta conscripsit. quod prorsus abest ab Am. Er. & MSS.

b Am. Er. & MSS. non deteriores habent, de Trina unitate.

c Hic Lovanienses titulum sententiæ primæ e lib. 12. Sentent. sic interponunt: XXXI. Eum, qui vult vivere, beatum esse. Nec ipsa mea est. Interpolationem deteximus subsidio Am. Er. & veriorum MSS.

quemadmodum Dei sapientia Dominus Jesus Christus & in utero matris fuerit & in cælis. XLIII, quare Filius Dei in homine apparuit, & Spiritus-sanctus in columba. XLIV, quare tanto post venit Dominus Jesus Christus. Ubi cum generis humani tamquam unius hominis ætates commemorarem, dixi: *Nec oportuit venire divinitus magistrum, cujus imitatione in mores optimos formaretur, nisi tempore juventutis.* Et adjunxi ad hoc Gal. 3. 23 valere quod Apostolus dixit, sub Lege tamquam sub pedagogo parvulos custoditos. Sed potest movere cur alibi dixerimus, Christum in generis humani sexta ætate tamquam in senectute venisse. Hoc ergo quod de juventute dictum est, ad vigorem fervoremque fidei refertur, quæ per dilectionem operatur: illud autem de senectute ad temporum numerum. Potest enim intelligi utrumque in universitate hominum, quod non potest in ætatibus singulorum. sicut in corpore non potest esse simul & juvenis & senectus, in animo autem potest: illa propter alacritatem, ista propter gravitatem. XLV, adversus mathematicos. XLVI, de ideis. XLVII, utrum aliquando cogitationes nostras videre possimus. Ubi quod dixi, *Angelica corpora, qualia nos speramus habituros, lucidissima atque ætherea esse credendum est, si hoc sine membris, quæ nunc habemus, & sine substantia, quamvis incorruptibilis, tamen carnis accipitur, erratur.* Multo autem melius in opere de Civitate Dei questio ista tractata est de videndis cogitationibus nostris. XLVIII, de credibilibus. XLIX, quare filii Israel sacrificabant visibiliter pecorum victimas. L, de æqualitate Filii. LI, de homine facto ad imaginem & similitudinem Dei. Ubi quid est, quod dixi, *Homo sine vita non recte appellatur*; cum dicatur homo etiam cadaver hominis. Ergo saltem dicere debui, non proprie dicitur; ubi dixi, *non recte dicitur*. Item dixi, *Neque inscite distinguitur, quod aliud sit imago & similitudo Dei, aliud ad imaginem & similitudinem Dei, sicut hominem factum accipimus.* Quod non ita intelligendum est, quasi homo non dicatur imago Dei, cum dicat Apostolus, *Vir quidem non debet velare caput, cum sit imago & gloria Dei*: sed dicitur etiam ad imaginem Dei, quod Unigenitus non dicitur, qui tantummodo imago est, non ad imaginem. LII, de eo quod dictum est, *Pœnitent me fecisse hominem.* LIII, de auro & argento, quod Israelitæ ab Ægyptiis acceperunt. LIV, de eo quod scriptum est, *Mibi autem adhærere Deo, bonum est.* Ubi quod dixi, *Quod autem est omni anima melius, id Deum dicimus,* magis dici debuit, omni creato spiritu melius. LV, de eo quod scriptum est, *Sexaginta sunt reginæ, octoginta concubinæ, & adolescentulæ quarum non est numerus.* LVI, de annis quadraginta sex ædificati templi. LVII, de centum quinquaginta tribus piscibus. LVIII, de Joanne Baptista. LIX, de decem virginibus. LX, de die autem & hora nemo scit, neque Angeli cælorum, neque Filius hominis, nisi Pater solus. LXI, de eo quod scriptum est in Evangelio, turbas Dominum in monte pavisse de quinque panibus. Ubi quod dixi, *duos pisces duas illas significare personas, regiam scilicet & sacerdotalem, ad quas etiam sacrosancta illa unctio pertinebat,* dicendum potius fuit, maxime pertinebat, quoniam unctos aliquando legimus & Prophetas. Item quod dixi, *Lucas qui tamquam ascendentem post abolitionem peccatorum sacerdotem Christum insinuavit, per Nathan ascendit ad David: quia Nathan propheta missus erat, cujus correptione David ipsius peccati abolitionem pœnitendo impetravit,* non sic ac-

cipiendum est tamquam ipse fuerit Nathan propheta, qui filius David: quia nec hic dictum est, quia ipse propheta missus erat, sed dictum est, *quia Nathan propheta missus erat*, ut mysterium non in eodem homine, sed in eodem nomine intelligatur. LXII, de eo quod scriptum est in Evangelio, quod baptizabat Jesus plures quam Joannes, quamvis ipse non baptizaret, sed discipuli ejus. Ubi quod dixi, *Latro ille cui dictum est, Amen dico tibi, hodie mecum eris in paradiso; qui nec ipsum baptisma acceperat:* hoc quidem & alios ante nos rectores sanctæ Ecclesiæ posuisse in suis litteris invenimus; sed quibus documentis satis possit ostendi quod non fuerit baptizatus ille latro, ignoro. De qua re in posterioribus quibusdam opusculis nostris diligentius disputatum est, maxime in eo quod ad Vincentium Victorem de animæ origine scripsimus. LXIII, de Verbo. LXIV, de muliere Samaritana. LXV, de resurrectione Lazari. LXVI, de eo quod scriptum est, *An ignoratis fratres, scientibus enim Legem loquor, quia Lex dominatur homini, in quantum tempus vivit?* usque ad eum locum in quo scriptum est, *Vivificabit & mortalia corpora vestra per inhabitantem spiritum ejus in vobis.* Ubi illud quod ait Apostolus: *Scimus autem quia Lex spiritualis est, ego autem carnalis sum:* exponere volens, dixi, *id est carni consentio, nondum spiritali gratia liberatus:* quod non sic accipiendum est, quasi spiritalis homo jam sub gratia constitutus, etiam de se ipso non possit hoc dicere, & cetera usque ad eum locum ubi dictum est: *Miser ego homo, quis me liberabit de corpore mortis hujus?* quod postea didici, sicut jam sum ante confessus. D Rursus exponens quod ait Apostolus: *Corpus quidem mortuum est propter peccatum.* Mortuum, inquam, corpus dicit, *quamdiu tale est, ut indigentia rerum temporalium molestat animam.* Sed multo melius mihi postea visum est, ideo mortuum corpus dictum, quod habeat jam moriendi necessitatem, quam non habuit ante peccatum. LXVII, de eo quod scriptum est: *Existimo enim quod indignæ sint passionibus hujus temporis ad futuram gloriam quæ revelabitur in nobis:* usque ad id quod dictum est: *Spe enim salvati facti sumus.* Ubi cum exponerem quod scriptum est, *Et ipsa creatura liberabitur a servitute interitus;* dixi, *Et ipsa creatura, id est ipse homo, cum jam signaculo imaginis propter peccatum amisso remansit tantummodo creatura.* Quod non ita accipiendum est quasi totum amiserit homo quod habebat imaginis Dei. Nam si omnino non amisisset, non esset propter quod diceretur, *Reformamini in novitate mentis vestræ.* Et, *In eadem imaginem transformamur.* Sed rursus si totum amisisset, nihil maneret unde diceretur, *Quamquam in imagine ambulet homo, tamen vane conturbatur.* Item quod dixi, *spiritaliter summos Angelos vivere, infimos verò animaliter:* audacius dictum est de infimis quam ut possit vel scripturis sanctis, vel ipsis rebus ostendi: quia & si forsitan potest, difficillime potest. LXVIII, de eo quod scriptum est, *O homo tu quis es, qui respondeas Deo?* Ubi dixi, *Quia etiam si levioribus quisque peccatis, aut certe quamvis gravioribus & multis, tamen magno gemitu & dolore pœnitendi misericordia Dei dignus fuerit, non ipsius est, qui si relinqueretur interiret; sed misereantis Dei, qui ejus precibus doloribusque subvenit.* Parum est enim velle, nisi Deus misereatur; sed Deus non misereatur qui ad pacem vocat, nisi voluntas præcesserit ad pacem. Hoc dictum est post pœnitentiam. Nam est misericordia Dei etiam ipsam

Joan. 4. 1.

Lu. 23. 43.

Inter eos
Cyprianus Epist.
73. ad
Jubaj.Lib. 3. de
an. orig.
cap. 9.Joan. 4. 7
Ibidem
11. 43.
Rom. 7. 1.

Ibid. 11.

Ibid. 7. 14.

Rom. 7. 24.

Rom. 8. 10.

Rom. 8. 18.

Rom. 12. 2.

1. Cor. 3. 18.

Ps. 38. 7.

Rom. 9. 20.

fam præveniens voluntatem, quæ si non esset, non præpararetur voluntas a Domino. Ad eam misericordiam pertinet & ipsa vocatio quæ etiam fidem prævenit. De qua paulo post cum agerem dixi, *Hæc autem vocatio quæ sive in singulis hominibus, sive in populis atque in ipso genere humano per temporum opportunitates operatur, altæ & profundæ ordinationis est. Quo pertinet etiam illud; In utero sanctificavi te. Et, cum esses in renibus patristui, vidite. Et, Jacob dilexi, Esau autem odio habui, &c.* Quamvis testimonium illud, *Cum esses in renibus patris tui, vidi te;* unde mihi tamquam scriptum sit, occurrerit, nescio. LXXIX, de eo quod scriptum est: *Tunc & ipse Filius subiectus erit ei qui illi subiecit omnia.* LXX, de eo quod Apostolus dicit: *Absorpta est mors in victoriam: ubi est mors contentio tua? ubi est mors aculeus tuus? Aculeus autem mortis peccatum, virtus vero peccati lex.* LXXI, de eo quod scriptum est: *Invicem onera vestra portate, & sic adimplebitis legem Christi.* LXXII, de temporibus æternis. LXXIII, de eo quod scriptum est: *Et habitu inventus ut homo.* LXXIV, de eo quod scriptum est in epistola Pauli ad Colossenses: *In quo habemus redemptionem & remissionem peccatorum, qui est imago Dei invisibilis.* LXXV, de hæreditate Dei. LXXVI, de eo quod Apostolus Jacobus dicit: *Vis autem scire, o homo inanis, quia fides sine operibus otiosa est.* LXXVII, de timore, utrum peccatum sit. LXXVIII, de pulchritudine simulacrorum. LXXIX, quare magi Pharaonis fecerunt miracula quædam sicut Moyse fa-

mulus Dei. LXXX, adversus Apollinaristas. LXXXI, de quadagesima & quinquagesima. LXXXII, de eo quod scriptum est: *Quem enim diligit Dominus corripit; flagellat autem omnem filium quem recipit.* LXXXIII, de conjugio in eo quod Dominus ait: *Si quis dimiserit uxorem suam excepta causa fornicationis.* Hoc Opus * sic incipit: *Utrum anima a se ipsa sit.*

CAPUT XXVII.

ITEM de Mendacio scripsi librum, qui etsi cum aliquo labore intelligitur, habet tamen non inutilem ingenii & mentis exercitationem, magisque moribus ad veriloquium diligendum proficit. Hunc quoque auferre statueram de opusculis meis, quia & obscurus & amfractusus, & omnino molestus mihi videbatur, propter quod eum nec edideram. Deinde cum postea scripisssem alterum, cuius titulus est, *Contra mendacium*, multo magis istum non esse decreveram & iussiram, sed non est factum. Itaque in ista retractatione opusculorum meorum cum eum incolumem reperissem, etiam ipsum retractatum manere præcepi: maxime quia in eo nonnulla sunt necessaria, quæ in illo altero non sunt. Propterea vero illius inscriptio est, *contra Mendacium*: istius autem, *de Mendacio*: quoniam per illum totum oppugnatio est aperta mendacii, istius autem magna pars in inquisitionis disputatione versatur. Ad eundem tamen finem uterque dirigitur. Hic liber * sic incipit: *Magna quæstio est de mendacio.*

LIBER SECUNDUS.

In quo retractantur libri quos scripsit Episcopus.

CAPUT PRIMUM.

LIBRORUM quos episcopus elaboravi, primi duo sunt *ad Simplicianum* ecclesiæ Mediolanensis antistitem, qui beatissimo successit Ambrosio, de diversis quæstionibus, quarum duas ex epistola Pauli Apostoli ad Romanos, in primum librum contuli. Harum prior est de eo quod scriptum est, *Quid ergo dicemus? Lex peccatum est? Absit.* usque ad illud ubi ait: *Quis me liberabit de corpore mortis huius? Gratia Dei per Jesum Christum Dominum nostrum.* In qua illa Apostoli verba, *Lex spiritualis est, ego autem carnalis sum, &c.* quibus caro contra spiritum configere ostenditur, eo modo exposui, tamquam homo describatur adhuc sub Lege, nondum sub gratia constitutus. Longe enim postea etiam spiritualis hominis (& hoc probabilius) esse posse illa verba cognovi. Posterior in hoc libro quæstio est, ab eo loco ubi ait, *Non solum autem, sed & Rebecca ex uno concubitu habens Isaac patris nostri: usque ad illud ubi ait, Nisi Dominus Sabaoth reliquisset nobis semen, sicut Sodoma facti essemus, & sicut Gomorrha similes fuisset.* In cuius quæstionis solutione laboratum est quidem pro libero arbitrio voluntatis humanæ, sed vicit Dei gratia: nec nisi ad illud potuit perveniri, ut liquidissima veritate dixisse intelligatur Apostolus, *Quis enim te discernit? quid autem habes, quod non accepisti? si autem accepisti, quid gloriaris quasi non acceperis?* Quod volens etiam martyr Cyprianus ostendere, hoc totum ipso titulo definivit, dicens: In nullo gloriandum, quando nostrum nihil est.

D 2. In secundo libro tractantur ceteræ quæstiones, & pro nostra quantulacumque facultate solvuntur, quæ sunt omnes de scriptura quæ Regnorum appellatur. Harum prima est de eo quod scriptum est, *Et insiliit spiritus Domini in Saul: cum alibi dicatur, Et spiritus Domini malus in Saul.* Quam cum exponerem dixi: *Quamvis sit in cuiusque potestate quid velit, non est tamen in cuiusquam potestate quid possit.* Quod ideo dictum est, quia non dicimus esse in potestate nostra, nisi quod cum volumus fit, ubi prius & maxime est ipsum velle. Sine ullo quippe intervallo temporis præsto est voluntas ipsa, cum volumus; sed hanc quoque ad bene vivendum desuper accipimus potestatem, cum præparatur voluntas a Domino. Secunda quæstio est, quomodo dictum sit, *Pœnitet me quod constituerim regem Saul.* Tertia, utrum spiritus immundus qui erat in Pythonissa, potuerit agere ut Samuel a Saule videretur, & loqueretur cum eo. Quarta, de eo quod scriptum est: *Intravit rex David, & sedit ante Dominum.* Quinta, de eo quod dixit Elias, *O Domine testis huius viduæ, cum quæ ego inhabito apud ipsam, tu male fecisti occidere filium ejus.* Hoc Opus * sic incipit: *Gratissimam plane.*

CAPUT II.

LIBER contra epistolam Manichæi, quam vocant *Fundamenti*, principia ejus sola redarguit, sed in ceteris illius partibus annotationes ubi videbatur, affixæ sunt, quibus tota subvertitur, & quibus commoneretur, si quando contra totam scribere vacavisset. Hic liber * sic incipit: *Unum verum Deum omnipotentem.*

C A-

a In septem MSS. sic fere legitur: Sed in ultimis illius partibus amfractus omnes, ubi videbatur, explosi sunt & sed & in ceteris, &c.

At in Parcensi legebant Lov. Sed in ultimis ejus partibus cum amfractus omnes, ubi videbatur, explosi sint, annotationes, &c.

CAPUT III.

LIBER *de Agone Christiano* fratribus in eloquio latino ineruditus humili sermone conscriptus est, fidei regulam continens, & præcepta vivendi. In quo illud quod positum est, *Nec eos audiamus, qui carnis resurrectionem futuram negant, & commemorant quod ait Apostolus Paulus, Caro & sanguis regnum Dei non possidebunt, non intelligentes quod ipse dicit Apostolus, Oportet corruptibile hoc induere incorruptionem, & mortale hoc induere immortalitatem: Cum enim hoc factum fuerit, jam non erit caro & sanguis, sed caeleste corpus, non sic accipiendum est, quasi carnis non sit futura substantia, sed carnis & sanguinis nomine ipsam corruptionem carnis & sanguinis intelligendus est Apostolus nuncupasse; quæ utique in regno illo non erit, ubi caro incorruptibilis erit. Quamvis & aliter possit intelligi, ut carnem & sanguinem opera carnis & sanguinis dixisse accipiamus Apostolum, & eos regnum Dei non possessuros, qui perseveranter ista dilexerint.*

*Hic liber * sic incipit: Corona victoriæ.*

CAPUT IV.

LIBROS *de Doctrina Christiana*, cum imperfectos comperissem, perficere malui quam eis sic relictis ad alia retractanda transire. Complevi ergo tertium qui scriptus fuerat usque ad eum locum * ubi commemoratum est ex Evangelio testimonium de muliere, quæ abscondit fermentum in tribus mensuris farinæ, donec fermentaretur totum. Addidi etiam novissimum librum, & quatuor libris Opus illud implevi; quorum primi tres adjuvant ut Scripturæ intelligantur, quartus autem quomodo quæ intelligimus profrenda sint.

2. In secundo sane libro de auctore libri, quem plures vocant Sapientiam Salomonis, quod etiam ipsum sicut Ecclesiasticum Jesus Sirach scripserit, non ita constare, sicut a me dictum est, postea didici, & omnino probabilius comperi non esse hunc ejus libri auctorem. Ubi autem dixi, *Hic XLIV. libris Testamenti veteris terminatur auctoritas*, ex consuetudine qua jam loquitur Ecclesia, vetus Testamentum appellavi: Apostolus autem non videtur appellare vetus Testamentum, nisi quod datum est in monte Sina. Et in eo quod dixi, *de temporum historia sanctum Ambrosium solvisse questionem*, tamquam coætanei fuerint Plato & Jeremias, me fefellit memoria. Nam quid ille de hac re episcopus dixerit, in libro ejus legitur, quem de sacramentis sive de philosophia scripsit. Hoc Opus * sic incipit: *Sunt præcepta quædam.*

CAPUT V.

SUNT duo libri mei, quorum titulus est, *Contra partem Donati Libri duo.* In quorum primo libro dixi, non mihi placere ullius sæcularis potestatis impetu schismaticos ad communionem violenter artari. Et vere tunc mihi non placebat, quoniam nondum expertus eram, vel quantum mali eorum auderet impunitas, vel quantum eis in melius mutandis conferre posset diligentia disciplinæ. Hoc Opus * sic incipit: *Quoniam Donatistæ nobis.*

CAPUT VI.

CONFESSIONUM mearum libri XII. & de malis & de bonis meis Deum laudant justum & bonum, atque in eum excitant humanum intellectum & affectum, interim quod ad me adtinet, hoc in me egerunt cum scriberentur, & agunt cum leguntur. Quid de illis alii sentiant, ipsi viderint, multis tamen fratribus

A eos multum placuisse & placere scio. A primo usque ad decimum de me scripti sunt. In tribus ceteris de scripturis sanctis, ab eo quod scriptum est, *In principio fecit Deus cælum & terram*, usque ad sabbati requiem.

2. In quarto libro cum de amici morte animi mei miseriam confiterer, dicens quod anima nostra una quodammodo facta fuerat ex duabus, & ideo, inquam, forte mori metuebam, ne totus ille moreretur, quem multum amaveram: quæ mihi quasi declamatio levis quam gravis confessio videtur, quamvis utcumque temperata sit hæc ineptia in eo quod additum est, forte. Et in libro tertio-decimo quod dixi, *firmamentum factum inter spirituales aquas superiores, & corporales inferiores*, non satis considerate dictum est. res autem in abdito est valde. Hoc Opus * sic incipit: *Magnus es Domine.*

CAPUT VII.

CONTRA *Faustum Manichæum* blasphemantem Legem & Prophetas, & eorum Deum & incarnationem Christi; scripturas autem novi Testamenti, quibus vincitur, falsatas esse dicentem, scripsi grande Opus, verbis ejus propositis reddens responsiones meas. Triginta & tres disputationes sunt, quas etiam libros cur non dixerim? Nam etsi sunt in eis aliqui perbreves, tamen libri sunt. Unus vero eorum, ubi a nobis adversum ejus criminationes Patriarcharum vita defenditur, tantæ prolixitatis est, quantæ nullus fere librorum meorum.

2. In libro ergo tertio cum solverem quæstionem, quomodo potuerit duos patres habere Joseph, dixi quidem *quod ex alio natus, ab alio fuerit adoptatus*; sed genus quoque adoptionis dicere debui: sic enim sonat quod dixi, tamquam eum vivus adoptaverit alius pater. Lex autem filios etiam mortuis adoptabat, jubens ut fratris sine filiis mortui duceret frater uxorem, & fratri defuncto semen ex eadem suscitaret: quæ profecto de duobus unius hominis patribus expeditior ibi redditur ratio. Uterini autem fratres fuerunt in quibus hoc contigit, ut unius defuncti qui vocabatur Heli, duceret alter uxorem, id est Jacob, a quo Matthæus narrat genitum esse Joseph: sed uterino fratri suo eum genuit, cujus filium Lucas dicit fuisse Joseph, non utique genitum, sed ex Lege adoptivum. Hoc in eorum litteris inventum est, qui recenti memoria post adscensionem Domini de hac re scripserunt. Nam etiam nomen ejusdem mulieris, quæ peperit Jacob patrem Joseph de priore marito Mathan, qui fuit pater Jacob, avus Joseph, secundum Matthæum; & de marito posteriore Melchi peperit Heli, cujus erat adoptivus Joseph, non tacuit Africanus. Quod quidem cum Fausto responderem, nondum legeram, sed tamen per adoptionem potuisse contingere, ut unus homo duos haberet patres, dubitare non poteram.

3. In duodecimo & tertio-decimo de filio Noe secundo qui est appellatus Cham, ita disputatum est, tamquam non in filio suo Chanaan, sicut scriptura demonstrat, sed in se ipso fuerit a patre maledictus. In quarto-decimo de sole & luna talia dicta sunt, tamquam sentiant, & ideo tolerant vanos adoratores suos: quamvis verba ibi accipi possint ab animali ad inanimale translata, modo locutionis qui vocatur græce metaphora, sicut de mari scriptum est, *quod fremat in utero matris suæ volens progredi*, cum utique non habeat voluntatem. In unde-

De Agone Christiano Liber unus.

* Cap. 32.

1. Cor. 15. 50.

* Tom. 6.

De Doctrina Christiana Libri quatuor * Cap. 25. Luca 13. 21.

Cap. 8.

Gal. 4. 24.

Cap. 28.

* Tom. 3.

Contra partem Donati Libri duo.

* Non exstat.

Confessionum Libri tredecim.

Gen. 1. 1.

Cap. 6.

Cap. 32.

* Tom. 1.

Contra Faustum Manichæum Libri triginta tres.

Cap. 3.

Deut. 25. 5.

Cap. 24.

Circa finem, 2^o lib. 13. 10.

Cap. 12.

Job. 38. 8 secundum LXX.

undetricesimo; *A'st*, inquam, *ut sit in membris sancto- rum etiam genitalibus aliqua turpitudine*. Dicuntur quidem inhoneſta, quia non habent eam ſpeciem decoris, quam membra quæ in promptu locata ſunt: ſed probabilior in aliis poſtea ſcriptis noſtris reddita ratio eſt, cur ea dixerit etiam Apoſtolus inhoneſta, propter legem ſci- licet in membris repugnantem legi mentis, quæ de peccato accidit, non de prima noſtræ inſtitutione na- turæ. Hoc Opus * ſic incipit: *Fauſtus quidam fuit*.

CAPUT VIII.

Contra
Felicem
Mani-
chæum
Libri
duo.

CONTRA Manichæum quemdam nomine Felicem præſente populo in eccleſia biduo diſputavi. Hipponem quippe venerat, eundem ſeminaturuser- rorem, unus enim erat ex doctõribus eorum, quam- vis ineruditus liberalibus litteris, ſed tamen verſutior Fortunato, Geſta ſunt eccleſiaſtica, ſed inter meos libros computantur. Duo ergo libri ſunt, in quorum ſecundo diſputatum eſt de libero voluntatis arbitrio, ſive ad malum operandum, ſive ad bonum: ſed de gratia qua vere liberi fiunt, de quibus ſcriptum eſt, *Si vos Filius liberaverit, tunc vere liberi eritis*, diligen- tius diſputare, quoniam talis erat cum quo ageba- mus, nulla ſumus neceſſitate compulſi. Hoc Opus * ſic incipit: *Honorio Auguſto vi. Conf. ſept. idus Decembris*.

CAPUT IX.

De na-
tura bo-
ni Liber
unus.

LIBER De natura boni adverſus Manichæos eſt, ubi oſtenditur naturam incommutabilem Deum eſſe ac ſummum bonum, atque ab illo eſſe ceteras natu- ras ſive ſpirituales ſive corporales, atque omnes inquan- tum naturæ ſunt, bonas eſſe; & quid vel unde ſit malum; & quanta mala Manichæi ponant in natura boni, & quanta bona in natura mali, quas naturas finxit error ipſorum. Hic liber * ſic incipit: *Sum- mum bonum, quo ſuperius non eſt, Deus eſt*.

CAPUT X.

Contra
Secundi-
um
Mani-
chæum
Liber
unus.

SECUNDINUS quidam, non ex eis quos Ma- nichæi Electos, ſed ex eis quos Auditores vo- cant, quem ne facie quidem noveram, ſcripſit ad me velut amicus, honorifice objurgans quod oppugna- rem litteris illam hæreſim, & admonens ne facerem, atque ad eam potius ſectandam exhortans, cum ejus deſenſione, & fidei catholicæ reprehentione, Huic reſpondi; ſed quia in ejusdem opusculi capite non poſui quis cui ſcriberet, non in episto- lis meis, ſed in libris habetur. Illic ab exordio conſcripta eſt etiam ejus episto- la. Hujus autem mei voluminis titulus eſt: *Contra Secundinum Manichæum*, quod mea ſen- tentia omnibus, quæ adverſus illam peſtem ſcribere potui, facile præpono. Hic liber * ſic incipit: *Be- nevolentia in me quæ apparet litteris tuis*.

CAPUT XI.

a
Contra
Hilarum
Liber
unus.

INTER hæc a Hilarus quidam vir tribunitius lai- cus Catholicus, nescio unde adverſus Dei mini- ſtros, ut fieri adſolet, irritatus, morem qui tunc eſſe apud Carthaginem cœperat, ut hymni ad altare dice- rentur de Pfalmore libro, ſive ante oblationem, ſive cum diſtribueretur populo quod fuiſſet oblatum, ma- ledica reprehentione ubicumque poterat lacerabat, af- ferens fieri non oportere. Huic reſpondi jubentibus fra- tribus, & vocatur liber ipſe, *Contra Hilarum*. Hic liber * ſic incipit: *Qui dicunt mentionem veteris Teſtamenti*.

* Non
eſt.

a In editis ſcribitur, *Hilarius & Hilarium*. In MSS. vero, *Hilarus & Hilarum*, ut imprimi curavimus.

b Nam cum Booz duxiſſet Ruth ut ſemen excitaret propinquo ſuo, qui de illa natus eſt, ex nomine quidem defuncti conſtitutus eſt, quia filius ejus

CAPUT XII.

Queſtio-
nes E-
vange-
liorum
Libri
duo.

SUNT quædam expoſitiones quorundam loco- rum ex Evangelio ſecundum Matthæum, & aliæ ſimiliter ſecundum Lucam, in unum librum illæ, in alterum iſtæ redactæ ſunt. Titulus Operis hujus eſt: *Queſtiones Evangeliorum*. Sed quare illa ſola de ſupra- dictis Evangelicis libris expoſita fuerint, quæ his libris meis continentur, & quæ iſta ſint, prologus meus, ad- junctis atque adnumeratis eiſdem quæſtionibus, ita ut quiſque legere quod voluerit, numeros ſecutus inve- niat, ſatis indicat. In primo ergo libro in eo quod poſi- tum eſt, *Dominum ſeorſum duobus diſcipulis ſuam retuliſ- ſe paſſionem*, mendofitas codicis nos ſefellit: nam, *duo- decim*, ſcriptum eſt, non, *duobus*. In ſecundo libro vo- lens exponere quomodo duos patres potuerit habere Joſeph, cujus conjux dicta eſt virgo Maria, illud quod perhibetur fratrem duxiſſe defuncti fratris uxorem, ut ei ſemen ſecundum Legem ſuscitaret, ideo dixi *eſſe in- firmum, quoniam qui naſceretur, nomen defuncti Lex eum jubebat accipere*: non eſt verum. Nomen enim defuncti quod dictum eſt, ad hoc Lex valere præcepit, ut ejus filius diceretur; b non ut hoc quod ille vocaretur. Hoc Opus * ſic incipit: *Hoc opus non ita ſcriptum eſt*.

CAPUT XIII.

LIBER cujus eſt titulus, *Adnotationes in Job*, Lutrum meus habendus ſit, an potius eorum qui eas, ſicut potuerunt vel voluerunt, redegerunt in unum corpus deſcriptas de frontibus codicis, non fa- cile dixerim. Suaves enim pauciſſimis intelligentibus ſunt, qui tamen neceſſe eſt offendantur multa non in- telligentes; quia nec ipſa verba, quæ exponuntur, ita deſcripta ſunt in multis locis, ut appareat quid exponatur. Deinde brevitatem ſententiarum tanta ſecuta eſt obſcuritas, ut eam lector vix ferre poſſit, quem neceſſe eſt plurima non intellecta tranſire. Po- ſtremo tam mendofum comperi opus ipſum in codici- bus noſtris, ut emendare non poſſem, nec editum a me dici vellem, niſi quia ſcio fratres id habere, quorum ſtudio non potuit denegari. Hic liber * ſic incipit: *Et opera magna erant ei ſuper terram*.

CAPUT XIV.

EST etiam liber noſter de catechizandis rudibus hoc ipſo titulo prænotatus. In quo libro ubi dixi, *Nec Angelus qui cum ſpiritibus aliis ſatellitibus ſuis ſu- perbiendo deſeruit obedientiam Dei, & diabolus factus eſt, aliquid nocuit Deo, ſed ſibi; novit enim Deus ordina- re deferentes ſe animas*; convenientius diceretur, deſe- rentes ſe ſpiritus, quoniam de Angelis agebatur. Hic liber * ſic incipit: *Petiſti me, frater Deo-gratias*.

CAPUT XV.

FIBROS de Trinitate, quæ Deus eſt, xv. ſcripſi per aliquot annos. Sed cum eorum duodecim nondum perfeciſſem, & eos diutius tenerem quam poſ- ſent ſuſtinere qui vehementer illos habere cupiebant, ſubtracti ſunt mihi minus emendati quam deberent ac poſſent, quando eos edere voluiſſem. Quod poſtea quam comperi, quia & alia eorum apud nos exempla- ria remanſerant, ſtatueram eos jam ipſe non edere, ſed ſic habere ut in alio aliquo opusculo meo quid mihi de his evenerit dicerem: urgentibus tamen fratribus, quia reſiſtere non c valui, emendavi eos quantum emen- dan-

Queſtio
17.
Matt. 20.
17.
25.5.

Deut.
25.5.

b
* Tom. 3.

Adnota-
tiones
in Job.
Liber
unus.

* Tom. 4.

De cate-
chizan-
dis rudi-
bus Li-
ber u-
nus.
cap. 18.

* Tom. 6.

De Tri-
nitate
Libri
quinde-
cim.

c

eſt dictus; atque ita factum eſt ut nomen defuncti non deleteretur ex Iſ- rael: non tamen ejus nomine appellatus eſt. Plura in hanc rem Auguſt. lib. 5. quæſt. ſuper Deuter. quæſt. 46.

c Quidam MSS. non eis volui.

dandos putavi, & complevi & edidi, adjungens eis a capite epistolam, quam scripsi ad venerabilem Aurelium episcopum Carthaginensis Ecclesiae: quo tamquam prologo exposui & quid accidisset, & quid facere mea cogitatione voluissem, & quid fratrum caritate compellente fecissem.

Cap. 9. 2. In quorum libro undecimo cum de corpore visibili agerem, dixi, *Quocirca id amare, alienari est*: quod secundum eum amorem dictum est, quo aliquid sic amatur, ut eo fruendo existimet beatum se esse qui hoc amat. Nam non est alienari, in laudem Creatoris amare speciem corporalem, ut ipso Creatore fruens quisque vere beatus sit. Itemque in eodem, ubi dixi, *Nec avem quadrupedem memini, quia non vidi; sed phantasmam talem facillime intueor, dum alicui formae volatili, qualem vidi, adjungo alios duos pedes, quales itidem vidi*: hæc dicens non potui recolere volatilia quadrupedia, quæ Lex commemorat. Neque enim computat in pedibus duo posteriora crura quibus locustæ saliunt, quas dicit mundas, & ideo discernit ab immundis talibus volatilibus, quæ non saliunt illis cruribus, sicut sunt scarabæi. Omnia quippe hujusmodi volatilia quadrupedia vocantur in Lege.

Cap. 10. 3. In duodecimo, velut expositio verborum Apostoli, ubi ait, *Omne peccatum quodcumque fecerit homo, extra corpus est*, non mihi satisfacit: nec sic puto intelligendum quod dictum est, *Qui autem fornicatur, in corpus proprium peccat*, tamquam ille hoc faciat, qui propter adipiscenda ea quæ per corpus sentiuntur, ut in his finem boni sui ponat, aliquid agit. Hoc enim longe plura peccata complectitur, quam illa fornicatio quæ concubitu perpetratur illicito, de qua locutum, cum hoc diceret, Apostolum apparet. Hoc Opus, *excepta epistola quæ postmodum ad ejus caput adjuncta est, sic incipit: *Lecturus hæc quæ de Trinitate differimus*.

CAPUT XVI.

De consensu Evangelistarum Libri quatuor. PER eosdem annos quibus paulatim libros De Trinitate dictabam, scripsi & alios labore continuo, interponens eos illorum temporibus, in quibus sunt libri quatuor *de Consensu Evangelistarum*, propter eos qui tamquam dissentientibus calumniantur. Quorum primus liber adversus illos conscriptus est, qui tamquam maxime sapientem Christum vel honorant vel honorare se fingunt; & ideo nolunt Evangelio credere, quia non ab ipso illa conscripta sunt, sed ab ejus discipulis, quos existimant ei divinitatem, qua crederetur Deus, errore tribuisse. In quo libro quod dixi, *ex Abraham cœpisse gentem Hebræorum*, est quidem & hoc credibile, ut *Hebræi*, velut *Abrahæi* dicti esse videantur: sed ex illo verius intelliguntur appellati, qui vocabatur Heber, tamquam a Heberæi. de qua re in libro sexto-decimo de civitate Dei satis differui. In secundo cum agerem de duobus patribus Joseph, *ab altero dixi genitum, ab altero adoptatum*. Sed dicendum fuit, alteri adoptatum. Defuncto enim, quod magis credendum est, secundum Legem fuerat adoptatus; quoniam qui eum genuit, ejus matrem, fratris defuncti conjugem duxerat. Item ubi dixi, *Lucas vero ad ipsum David per Nathan adscendit, per quem Prophetam Deus peccatum illius expiavit*; per cujus nominis Prophetam, dicere debui; ne putaretur idem fuisse homo, cum alter fue-

rit, quamvis & ipse hoc vocaretur. Hoc opus * sic incipit: *Inter omnes divinas auctoritates* -

CAPUT XVII.

IN tribus libris *contra epistolam Parmeniani* Donatistarum Carthaginensis episcopi successorisque Donati, quæstio magna versatur & solvitur, Utrum in unitate & eorumdem communione sacramentorum mali contaminent bonos, & quemadmodum non contaminent disputatur, propter Ecclesiam toto orbo diffusam, cui calumniando schisma fecerunt. In quorum libro tertio cum differeretur, quomodo sit accipiendum quod ait Apostolus, *Auferte malum ex vobis ipsis*, illud quod dixi, *ut ex se ipso quisque auferat malum*, non sic esse intelligendum, sed sic potius ut homo malus auferatur ex hominibus bonis, quod sit per ecclesiasticam disciplinam, satis Græca lingua indicat, ubi sine ambiguitate scriptum est, ut intelligatur, hunc malum, non, hoc malum: quamvis & secundum istum intellectum responderim Parmeniano. Hoc Opus * sic incipit: *Multa quidem alias adversus Donatistas*.

CAPUT XVIII.

CONTRA Donatistas auctoritate beatissimi episcopi & martyris Cypriani se defendere molientes, septem libros *de Baptismo* scripsi, in quibus docui nihil sic valere ad refellendos Donatistas, & ad eorum prorsus ora claudenda, ne adversus Catholicam Ecclesiam suum schisma defendant, quomodo litteras factumque Cypriani. Ubicumque autem in his libris commemoravi *Ecclesiam non habentem maculam aut rugam*, non sic accipiendum est quasi jam sit, sed quæ præparatur ut sit quando apparebit etiam gloriosa. Nunc enim propter quasdam ignorantias & infirmitates membrorum suorum, habet unde quotidie tota dicat: *Dimitte nobis debita nostra*. In quarto libro cum dicerem *vicem baptismi posse habere passionem*, non satis idoneum posui illius latronis exemplum, qui utrum non fuerit baptizatus incertum est. In libro septimo de vasis aureis & argenteis in domo magna constitutis, sensum Cypriani secutus sum, qui hæc accepit in bonis: in malis autem lignea & fictilia, ad illa referens quod dictum est, *Alia quidem in honorem*: ad hæc autem quod dictum est, *Alia vero in contumeliam*. Sed magis approbo quod apud Tychonium postea reperi vel adverti, in utrisque intelligendum quædam in honorem, non sola scilicet aurea & argentea; & rursus in utrisque quædam in contumeliam, non utique sola lignea & fictilia. Hoc Opus * sic incipit: *In eis libris quos adversus epistolam Parmeniani*.

CAPUT XIX.

CUM adversus partem Donati multa crebris disputationibus ageremus, adtulit ad Ecclesiam quidam laicus tunc eorum nonnulla contra nos dictata vel scripta in paucis velut testimoniis, quæ suæ causæ suffragari putant. his brevissime respondi. Hujus libelli titulus est: *Contra quod adtulit Centurius a Donatistis*. * Et incipit sic: *Dicis eo quod scriptum est a Salomone: Ab aqua aliena abstine te*.

CAPUT XX.

LIBRI duo quorum est titulus, *Ad inquisitiones Januarii*, multa de sacramentis continent disputata, sive quæ universaliter, sive quæ parti-

a Auctoribus tamen haud ignobilibus, & maxime Græcis, placet tertia quædam opinio, ideo nempe dictos *Hebræos*, (quod sonat *Transsiores*), quia patriarcha Abraham transito Euphrate venerat è Chaldaeorum regione in Palestinam; eamque ob causam ipsi Abraham Gen. 14. 13.

fuisse additum cognomen *Hebræo*, id est juxta Interpretes *LXX.* vocabulum suo more vertentes, *Περὶ τῆς Τρανσφορίας* seu *Transfluvialis* sicuti ferebat codex Augustini, qui & ipse quæst. 29. in Gen. *Transfluvialem* Abraham ex ea regione unde venerat appellatum putat.

Contra epistolam Parmeniani Libri tres.

Cap. 1. & 2.

Gr. τὸν πορνῆον.

* Tom. 9.

De Baptismo Libri septem.

Lib. 1. c. 27. & lib. 3. c. 18. & lib. 4. c. 3. & 4. & 10.

Mat. 6. 12. Cap. 22.

Cap. 51. Cyp. epistol. 51. ad Maxim. & c.

2. Tim. 2. 20.

* Tom. 9.

Contra quod adtulit Centurius a Donatistis Liber unus.

* Non exilat.

Ad inquisitiones Januarii Libri duo.

partiliter, id est, non peræque in omnibus locis observat Ecclesia, nec tamen commemorari omnia potuerunt, sed satis ad inquisita responsum est: quorum librorum prior, epistola est, habet quippe in capite quis ad quem scribat; sed ideo inter libros annumeratur hoc opus, quoniam sequens qui nomina nostra non habet, multo est prolixior, & in eo multo plura tractantur. In primo igitur quod de manna dixi, *quia unicuique secundum propriam voluntatem in ore sapiebat*, non mihi occurrit unde possit probari, nisi ex libro Sapientiae, quem Judæi non recipiunt in auctoritatem canonicam; quod tamen fidelibus potuit provenire, non illis adversus Deum murmuratoribus, qui profecto alias escas non desiderarent, si hoc eis saperet manna quod vellet. Hoc Opus* sic incipit: *Ad eam quæ me interrogasti.*

CAPUT XXI.

De Opere Monachorum librum scriberem, illa necessitas compulit, quod cum apud Carthaginem monasteria esse cœpissent, alii se suis manibus transigebant, obtemperantes Apostolo: alii vero ita ex oblationibus religiosorum vivere volebant, ut nihil operantes, unde necessaria vel haberent vel supplerent, se potius implere præceptum evangelicum existimarent atque jactarent, ubi Dominus ait: *Respicite volatilia celi & lilia agri.* Unde etiam inter laicos inferioris propositi, sed tamen studio ferventes, existere cœperant tumultuosa certamina, quibus Ecclesia turbaretur, aliis hoc, aliis aliud defendentibus. Huc accedebat quod criniti erant quidam eorum, qui operandum non esse dicebant. Unde contentiones, hinc reprehendentium, inde quasi a purgantium pro partium studiis augebantur. Propter hæc venerabilis senex Aurelius, Ecclesiae ipsius civitatis episcopus, ut hinc aliquid scriberem iussit, & feci. Hic liber* sic incipit: *Iussioni tuæ, sancte frater Aureli.*

CAPUT XXII.

De bono conjugali Lib. unus. JOVINIANI hæresis sacrarum virginum meritum æquando pudicitiae conjugali tantum valuit in urbe Roma, ut nonnullas etiam sanctimoniales de quarum pudicitia suspicio nulla præcesserat, deiecisse in nuptias diceretur, hoc maxime argumento cum eas urgeret dicens: Tu ergo melior quam Sara, melior quam Susanna, sive Anna? & ceteras commemorando testimonio sanctæ scripturæ commendatissimas feminas, quibus se illæ meliores, vel etiam pares cogitare non possent. Hoc modo etiam virorum sanctorum sanctum cælibatum commemoratione patrum conjugatorum & comparatione frangebatur. Huic monstro sancta Ecclesia quæ ibi est, fidelissime ac fortissime restitit. Remanserant autem istæ disputationes ejus in quorundam fermunculis ac susurris, quas palam suadere nullus audebat. Sed etiam occulte venenis repentibus, facultate quam donabat Dominus, occurrendum fuit: maxime quoniam jactabatur Joviniano responderi non potuisse cum laude, sed cum vituperatione nuptiarum. Propter hoc librum edidi, cujus inscriptio est, *de Bono Conjugali.* Ubi de propagatione filiorum prius quam homines mortem peccando mererentur, quoniam concubitus

Tom. I.

A mortalium corporum res videtur, quæstio magna dilata est: sed in aliis postea litteris nostris, satis quantum arbitror, explicatur.

2. Dixi etiam quodam loco: *Quod enim est cibus ad salutem hominis, hoc est concubitus ad salutem generis, & utrumque non est sine delectatione carnali, quæ tamen modificata, & temperantia refrenante in usum naturalem redacta, libido esse non potest.* Quod ideo dictum est, quoniam libido non est bonus & rectus usus b libidinis. Sicut enim malum est male uti bonis, ita bonum est bene uti malis. de qua re alias, maxime contra novos hæreticos Pelagianos diligentius disputavi. De Abraham quod dixi, *Ex hac obedientia pater ille Abraham, qui sine uxore non fuit, esse sine unico filio & a se occiso paratus fuit*, non satis approbo. Magis enim filium, si esset occisus, resurrectione sibi mox fuisse reddendum, credidisse credendus est, sicut in epistola legitur quæ est ad Hebræos. Hic liber* sic incipit: *Quoniam unusquisque homo humani generis pars est.*

CAPUT XXIII.

C POSTEA quam scripsi de Bono Conjugali, expectabatur ut scriberem *de sancta Virginitate*, nec distuli: atque id Dei munus, & quam magnum, & quanta humilitate custodiendum esset, uno sicut potui volumine ostendi. Hic liber* sic incipit: *Librum de Bono Conjugali nuper edidimus.*

CAPUT XXIV.

P ER idem tempus *de Genesi* libros XI. scripsi ab exordio, donec de paradiso dimissus est Adam & flammea romphæa posita est custodire viam ligni vitæ. Cum autem ad hoc usque undecim libri peracti essent, duodecimum addidi, in quo diligentius de paradiso disputatum est. Titulus eorum librorum inscribitur *de Genesi ad litteram*: id est, non secundum allegoricas significationes, sed secundum rerum gestarum proprietatem. In quo opere plura quæ sita quam inventa sunt: & eorum quæ inventa sunt, pauciora firmata: cetera vero ita posita, velut adhuc requirenda sint. Hos sane libros posterius cœpi, sed prius terminavi quam de Trinitate: ideo eos nunc ordine, quo cœpi, recolui.

2. In quinto libro, & ubicumque in eis libris posui, *de semine cui repromissum est; quod dispositum sit per Angelos in manu mediatoris*: non sic habet Apostolus, sicut veriores codices post inspexi, maxime Græcos. De Legge enim dictum est, quod tamquam de semine dictum multi Latini codices habent per interpretantis errorem. In sexto libro quod dixi, *Adam imaginem Dei, secundum quam factus est, perdidisse peccato*, non sic accipiendum est, tamquam in eo nulla remanserit, sed quod tam deformis, ut reformatione opus haberet. In duodecimo de inferis, magis mihi videor docere debuisse, quod sub terris sint, quam rationem reddere cur sub terris esse credantur, sive dicantur, quasi non ita sit. Hoc Opus* sic incipit: *Omnis divina scriptura bipertita est.*

CAPUT XXV.

A NTEQUAM finirem libros de Trinitate, & libros de Genesi ad litteram, irrui causa respondendi litteris Petiliani Donatistæ, quas adversus Ca-

C tho-

a Editi habent, *pugnantium*, Sed melius aliquot e MSS. *purgantium*, id est reprehensionis causam a Monachis depellentium

b Subtrahita hinc voce, *libidinis*, haud satis erat in editis perspicuum quo spectet locus retractatus. Eo vero spectat, ut ne a carnali complexu, quamvis moderatus sit & in usum naturalem redactus, abesse unquam libido omnis existimetur. Enimvero quam originalis vitii

causam esse idem idem S. Augustinus inculcat, ipse ille licitus honestusque concubitus non potest esse sine ardore libidinis, ut peragi possit quod rationis est, non libidinis, ex lib. I. de nupt. & concup. c. 24. Huc itaque ex MSS. antiquorum fide revocavimus vocem *libidinis*, ad quam septem MSS. adjiciunt, *naturalis*. Nec male: inest enim libido ab origine & conditione nascendi.

Heb. I. 19.

* Tom. 6.

De sancta Virginitate Lib. unus.

* Tom. 6.

De Genesi ad litteram Libri duodecim.

cap. 19. Gal. 3. 19.

cap. 27. & 28.

cap. 33.

* Tom. 3.

Contra litteras Petiliani Donatistæ Lib. tres.

tholicam scripsit Ecclesiam, quam differre non potui. A Et scripsi in hanc rem tria volumina, quorum primo primæ parti epistolæ ipsius, quam scripsit ad suos, quia non tota in nostras manus venerat, sed prior parva pars ejus, quanta potui celeritate & veritate respondi. Etiam ipsa epistola est ad nostros, sed ideo inter libros habetur, quia ceteri duo in eadem causâ libri sunt. Postea quippe invenimus totam, eique tanta diligentia respondi, quanta Fausto Manichæo, verba scilicet ejus sub ipsius nomine prius ponens particulatim, & sub meo per singula responsionem meam. Sed prius quod scripseram, antequam totam reperiremus, pervenit ad Petilianum: & iratus respondere conatus est, in me potius dicens quidquid a eum libuit, in causâ vero omnino, deficiens: quod cum posset collatis utriusque nostrum scriptis facillime adverti, tamen propter tardiores hoc ipse respondendo demonstrare curavi. sic est addituseidem nostro operi liber tertius. Hoc Opus * in primo libro sic incipit: *Nosti nos sæpe voluisse*. In secundo autem sic: *Primis partibus epistolæ Petiliani*. In tertio autem sic: *Legi, Petiliane, litteras tuas*.

CAPUT XXVI.

Ad Cresconium grammaticum partis Donati Libri quatuor.

GRAMMATICUS etiam quidam Donatista Cresconius, cum invenisset epistolam meam, quam primas partes, quæ in manus nostras tunc venerant epistolæ Petiliani redargui, putavit mihi esse respondendum, & hoc ipsum scripsit ad me. Cui operi ejus libris quatuor respondi, ita sane ut tribus peragerem quod universa responsio flagitabat. Sed cum viderem de sola Maximianensium causâ, quos suos schismaticos damnaverunt, & eorum aliquos rursus in honoribus suis receperunt, baptismumque ab eis extra suam communionem datum non repetiverunt, responderi posse ad cuncta quæ scripsit, etiam quartum librum addidi, in quo id ipsum quantum potui diligenter atque evidenter ostendi. Hos autem quatuor libros quando scripsi, jam contra Donatistas leges dederat Honorius Imperator. Hoc opus * sic incipit: *Quando ad te, Cresconi, mea scripta pervenire possent ignorans*.

CAPUT XXVII.

Probatum & testimoniorum contra Donatistas Liber unus.

POST hæc ut ad Donatistas pervenirent contra eorum errorem & pro catholica veritate necessaria documenta curavi, sive de ecclesiasticis, sive de publicis Gestis, sive de Scripturis canonicis. Et primo ad illos eadem promissa direxi, ut ipsi ea, si fieri posset, exposcerent. Quæ cum venissent in eorum quorundam manus, nescio quis exstitit, qui suo nomine tacito contra hæc scriberet, ita se confitens Donatistam, tamquam hoc vocaretur. Cui ego respondens, alium librum scripsi. Illa vero documenta, quæ promiseram, eidem libello quo eadem promiseram junxi, & ex utroque unum esse volui: eumque sic edidi, ut in parietibus basilicæ quæ Donatistarum fuerat, prius propositus legeretur, cujus titulus est: *Probatum & testimoniorum contra Donatistas*. In quo libro absolutionem Felicis Aptungensis ordinatoris Cæciliani, non hoc ordine posuimus quo postea nobis claruit, Consulibus diligenter inspectis, sed tamquam post Cæcilianum fuerit absolutus, cum ante sit factum. Illud etiam quod commemorato Judæ Apostoli testimonio, ubi ait, *Il sunt qui segregant semetipsos, animales, spiritum non habentes*, adjunxi etiam dicens: *De quibus & Paulus Apostolus dicit*, Animalis autem homo non percipit ea quæ sunt spiritus Dei: non sunt isti illis coæquandi, quos omnino ab Ecclesia schisma præcidit. Istos quippe idem Apostolus Paulus parvulos dicit esse in Christo, quos nondum escam valentes capere, lacte nutrit tamen; illi autem non in filiis parvulis, sed in mortuis & perditis computandi sunt, ut si quis eorum correctus Ecclesiæ fuerit copulatus, recte de illo dici possit, Mortuus erat, & revixit: perierat, & inventus est. Hic liber * sic incipit: *Qui timetis consentire Ecclesiæ catholicæ*.

1. Cor. 2. 14.

Ibid. 3. 1.

Luca 15. 32.

* Non exstat.

Contra Donatistam nescio quem Liber unus.

Cyprianus ep. 51. ad Masimianum.

* Non exstat.

Admonitio Donatistarum de Maximianistis Liber unus.

* Non exstat.

De Divinatione dæmonum Liber unus.

Quæstiones expositæ contra Paganos sex.

tes, adjunxi etiam dicens: *De quibus & Paulus Apostolus dicit*, Animalis autem homo non percipit ea quæ sunt spiritus Dei: non sunt isti illis coæquandi, quos omnino ab Ecclesia schisma præcidit. Istos quippe idem Apostolus Paulus parvulos dicit esse in Christo, quos nondum escam valentes capere, lacte nutrit tamen; illi autem non in filiis parvulis, sed in mortuis & perditis computandi sunt, ut si quis eorum correctus Ecclesiæ fuerit copulatus, recte de illo dici possit, Mortuus erat, & revixit: perierat, & inventus est. Hic liber * sic incipit: *Qui timetis consentire Ecclesiæ catholicæ*.

CAPUT XXVIII.

ALTERIUS libri quem supra commemoravi, titulum esse volui, *Contra nescio quem Donatistam*, ubi similiter de absolutione ordinatoris Cæciliani verus ordo temporis non est. Illud etiam quod dixi, *Ad multitudinem zizaniorum, ubi intelliguntur omnes hæreses*, minus habet unam necessariam conjunctionem: dicendum enim fuit, ubi intelliguntur & omnes hæreses; aut, ubi intelliguntur etiam omnes hæreses. Nunc vero ita dictum est, quasi præter Ecclesiam tantummodo sint zizania, non etiam in Ecclesia, cum ipsa sit regnum Christi, de quo collecturi sunt Angeli ejus messis tempore omnia scandala. Unde & Cyprianus Martyr, Etsi videntur, inquit, in Ecclesia esse zizania, non tamen impediri debet aut fides aut caritas nostra, ut quoniam zizania esse in Ecclesia cernimus, ipsi de Ecclesia recedamus. Quem sensum etiam nos alias, & maxime adversus eosdem præsentis Donatistas in collatione defendimus. Hic * liber sic incipit: *Probationes rerum necessariorum quodam breviculo collectas promissimus*.

CAPUT XXIX.

CUM viderem multos legendi labore impediri a discendo, quam nihil rationis atque veritatis habeat pars Donati, libellum brevissimum feci, quo eos de solis Maximianistis admonendos putavi, ut posset facilitate describendi in manus plurium pervenire, & ipsa sui brevitate facilius commendari memoriæ: cui titulum imposui: *Admonitio Donatistarum de Maximianistis*. Hic * liber sic incipit: *Quicumque calumniis hominum & criminationibus movemini*.

Admonitio Donatistarum de Maximianistis Liber unus.

* Non exstat.

CAPUT XXX.

PER idem tempus accidit mihi ex quadam disputatione necessitas, ut de *Divinatione dæmonum* libellum scriberem, cujus titulus iste ipse est. In ejus autem quodam loco ubi dixi, *Dæmones aliquando & hominum dispositiones non solum voce prolatas, verum etiam cogitatione conceptas, cum signa quædam ex animo exprimuntur in corpore, tota facilitate perdiscere*, rem dixi occultissimam audaciore asseveratione quam debui: nam pervenire ista ad notitiam dæmonum, per nonnulla etiam experimenta compertum est. Sed utrum signa quædam dentur ex corpore cogitantium illis sensibilia, nos autem latentia, an alia vi & ea spiritali ista cognoscant, aut difficillime potest ab hominibus, aut omnino non potest inveniri. Hic liber * sic incipit: *Quodam die in diebus sanctis octavarum*.

De Divinatione dæmonum Liber unus.

* Tom. 6.

CAPUT XXXI.

INTER hæc missæ sunt mihi a Carthagine quæstiones sex, quas proposuit amicus quidam quem

pro, non sic libebat ut serviret.

b In MSS. pluribus & potioribus hic & infra cap. 34. scribitur, Aptungensis, quibus consentit Am. necnon infra Er. At in aliis quibusdam, Aptungenfis.

a Editi habent, ei libuit. MSS. porro, eum libuit. quem loquendi modum Augustino receptum non insuper habendum esse duximus. Nam eo minus perspecto accidit, ut sermo August. de B. Johan Decollat. in breviori corrupte sic ederetur, Eum tamen non sic habebat,

quem cupiebam fieri Christianum, ut contra Paganos solverentur, præsertim quia nonnullas earum a Porphyrio philosopho propositas dixit. Sed non eum esse arbitror Porphyrium Siculum illum, cujus celeberrima est fama. Harum quæstionum disputationes in unum librum contuli non prolixum, cujus est titulus: *Sex quæstiones contra Paganos expositæ*. Earum autem prima est de resurrectione, secunda de tempore Christianæ religionis, tertia de sacrificiorum distin-

Mat. 7.2. ctione, quarta de eo quod scriptum est, *In qua mensura mensi fueritis, remetietur vobis*, quinta de Filio Dei secundum Salomonem, sexta de Jona propheta. In quarum secunda quod dixi, *Salus religionis hujus, per quam solam veram salutem vera veraciterque promittitur, nulli umquam defuit, qui dignus fuit, & cui defuit, dignus non fuit*, non ita dixi tamquam ex meritis suis quisquam dignus fuerit: sed quemadmodum ait Apostolus, *Non ex operibus, sed ex vocante dictum esse, Major serviet minori*: quam vocationem ad Dei propositum adserit pertinere. Unde dicit, *Non secundum opera nostra, sed secundum suum propositum & gratiam*. Unde item dicit, *Scimus quia diligentibus Deum omnia cooperantur in bonum iis qui secundum propositum vocati sunt a sancti*: De qua vocatione ait, *Ut dignos vos habeat vocatione sua sancta*. Hic liber * post epistolam quæ postmodum a capite addita est sic incipit: *Movet quosdam & requirunt*.

CAPUT XXXII.

Expofitio epistolæ Jacobi, quam retractans adverti adnotationes potius expositorum quorundam ejus locorum in librum redactas fratrum diligentia, qui eas in frontibus codicis esse noluerunt. Adjuvant ergo aliquid, nisi quod ipsam epistolam quam legebamus quando ista dictavi, non diligenter ex Græco habebamus interpretatam. Hic liber * sic incipit: *Duodecim tribubus quæ sunt in dispersione, salutem*.

CAPUT XXXIII.

De peccatorum meritis & remissione, & de baptismo parvulorum ad Marcellinum Libri tres. **V**ENIT etiam necessitas, quæ me cogeret adversus novam Pelagianam hæresim scribere, contra quam prius cum opuserat, non scriptis, sed sermonibus & conlocutionibus agebamus, ut quisque nostrum poterat aut debebat. Missis ergo mihi a Carthagine quæstionibus eorum quas rescribendo b dissolverem, scripsi primum libros tres, quorum titulus est, *De Peccatorum meritis & remissione*: ubi maxime disputatur de baptismo parvulorum propter originale peccatum: & de gratia Dei qua justificamur, hoc est, justii effici-mur: quamvis in hac vita nemo ita servet mandata justitiæ, ut non sit ei necessarium pro suis peccatis orando dicere, *Dimitte nobis debita nostra*. Contra quæ omnia sentientes illi novam hæresim condiderunt. In his autem libris tacenda adhuc arbitratus sum nomina eorum, sic eos facilius posse corrigi sperans: immo etiam in tertio libro, quæ est epistola, sed in libris habita propter duos, quibuseam connectendam putavi, Pelagii ipsius nomen non sine aliqua laude posui: quia vita ejus a multis prædicabatur: & ejus illa redargui, quæ in suis scriptis non ex persona sua posuit, sed quid ab aliis diceretur exposuit: quæ tamen postea jam hæreticus pertinacissima animositate defendit. Cælestius vero discipulus ejus jam propter tales assertiones apud Carthaginem in episcopali judicio, ubi ego non interfui, excommunicationem meruerat. In secundo libro quo-

Tom. I.

A dam loco, *Hoc quibusdam, inquam, in fine largietur, ut mortem repentina commutatione non sentiant*, servans locum diligentiori de hac re inquisitioni. Aut enim non morientur, aut de vita ista in mortem, & de morte in æternam vitam celerrima commutatione tamquam in ictu oculi transeundo mortem non sentient. Hoc Opus * sic incipit: *Quamvis in mediis & magnis curarum æstibus*.

CAPUT XXXIV.

EO tempore librum de unico baptismo amicus quidam meus, a nescioquo Donatista presbytero accepit, indicante quod Petilianus episcopus eorum Constantinensis eum scripserit. Hunc ad me ille adtulit, ac vehementer ut ei responderem rogavit; & factum est. Librum autem etiam meum, in quo respondi, eundem titulum habere volui, hoc est, *De unico baptismo*. In quo libro illud quod dixi, *Constantinum Imperatorem Donatistis criminantibus ordinatorem Cæciliani Felicem Aptungensem non negasse accusationis locum, quamvis eos in Cæciliani fictis criminibus calumniosos fuisset expertus*, in ordine temporum postea consideratum, aliter inventum est. Nam prius memoratus Imperator causam Felicis fecit audiri a Proconsule, ubi legitur absolutus; & postea ipse Cæcilianum cum accusatoribus ejus auditum comperit innocentem, ubi eos expertus est in ejus criminibus calumniosos. Qui ordo temporum per Consules declaratus, multo vehementius in ea causâ calumnias Donatistarum convincit, penitusque subvertit: quod alibi ostendimus. Hic liber * sic incipit: *Respondere adversa sentientibus*.

CAPUT XXXV.

SCRIPSI etiam librum inter cetera contra Donatistas, non brevissimum sicut antea, sed grandem multo diligentius, in quo apparet quemadmodum eorum adversus Ecclesiam Catholicam impium ac superbissimum errorem sola funditus Maximianistarum causâ subvertat, quod schisma factum est ex ipsa parte Donati. Hic liber * sic incipit. *Multa jam diximus, multa jam scripsimus*.

CAPUT XXXVI.

EO ipso tempore quo contra Donatistas vehementer exercebamur, & contra Pelagianos exerceri jam cœperamus, amicus quidam mihi misit quinque a Carthagine quæstiones, & rogavit ut eas illi scribendo exponerem; quæ sunt, *Quid sibi velit vox illa Domini, Deus meus, Deus meus, ut quid me dereliquisti? Et quid sit quod ait Apostolus, Ut in caritate radicati & fundati, prævaleatis comprehendere cum omnibus sanctis, quæ sit latitudo & longitudo & altitudo & profundum*. Et quæ sint quinque virgines stultæ, quæve sapientes. Et quæ sint tenebræ exteriores. Et quomodo intelligendum sit, *Verbum caro factum est*. Ego autem intuens supradictam hæresim novam inimicam gratiæ Dei, sextam mihi proposui quæstionem de *Gratia Testamenti novi*. De qua disputans, interposita expositione Psalmi vigesimi primi, in cujus capite scriptum est quod Dominus exclamavit in cruce, quod ille amicus in primis mihi proposuit exponendum: omnia illa quinque dissolvi, non hoc ordine quo erant proposita, sed sicut mihi differenti de *gratia novi Testamenti*, tamquam suis locis congruenter occurrere potuerunt. Hic liber * sic incipit. *Quinque mihi proposuisti tractandas quæstiones*.

C 2 CA-

a Absit sancti ab antiquis MSS. & a Græco textu Apostoli.

b Editi ferunt *dissolveram*, verius MSS. *dissolverem*.

* Tom. 10.

De unico Baptismo contra Petilianum ad Constantinum Lib. unus. cap. 16.

* Tom. 9.

De Maximianistis contra Donatistas Liber unus.

* Non exstat.

De gratia Testamenti novi ad Honoratum Lib. unus. Ps. 21. 1. Mat. 27. 46. Ephes. 3. 17.

Mat. 25. 2. Mat. 22. 13. Joan. 1. 14.

* Tom. 2.

De spi-
ritu &
littera
ad Mar-
celli-
num
Liber
unus,

CAPUT XXXVII.

2. Cor. 3.
6.

* Tom.
10.

De Fi-
de & o-
peribus
Liber
unus.

* Tom. 6.

Brevi-
culus
collatio-
nis cum
Donati-
stis Li-
bri tres.

* Tom. 9.

Post col-
lationem
contra
Donati-
stas
Liber
unus.

AD quem scripseram tres libros, quorum titulus est de peccatorum meritis & remissione, ubi diligenter disputatur etiam de baptismo parvulorum, rescripsit mihi se fuisse permotum, quod dixerim, fieri posse ut sit homo sine peccato si voluntas ejus non desit, ope adjuvante divina, quamvis nemo tam perfectæ justitiæ in hac vita vel fuerit, vel sit, vel futurus sit. Quæsi vit enim quomodo dixerim posse fieri, cujus rei desit exemplum. Propter hanc ejus inquisitionem scripsi librum cujus est titulus de *Spiritu & littera*, pertractans Apostolicam sententiam ubi ait: *Littera occidit, spiritus autem vivificat*. In quo libro quantum Deus adjuvit, acriter disputavi contra inimicos gratiæ Dei, qua justificatur impius. Cum autem agerem de observationibus Judæorum, a quibusdam escis secundum veterem legem abstinentium dixi: *Quarundam escarum ceremoniæ*. a quod nomen non est in usu litterarum sanctarum: ideo tamen mihi congruens visum est, quod a carendo appellatas ceremonias, quasi carimonias memoria tenebam, eo quod observantes careant his rebus a quibus se abstinere. Quod si est origo alia hujus nominis, quæ abhorret a vera religione, secundum hanc ego non sum locutus, sed secundum istam quam supra memoravi. Hic liber * sic incipit: *Lectionis opusculis quæ ad te nuper elaboravi, fili carissime Marcelline*.

CAPUT XXXVIII.

INTEREA missa sunt mihi a quibusdam fratribus laicis quidem, sed divinatorum eloquiorum studiosis scripta nonnulla, quæ ita distinguerent a bonis operibus Christianam fidem, ut sine hac non posse, sine illis autem posse perveniri suaderetur ad æternam vitam. Quibus respondens librum scripsi, cujus nomen est, *de Fide & operibus*. In quo disputavi non solum quemadmodum vivere debeant b gratia Christi regenerati, verum etiam quales ad lavacrum regenerationis admitti. Hic liber * sic incipit: *Quibusdam videtur*.

CAPUT XXXIX.

POSTEA quam facta est cum Donatistis nostra collatio, breviter commemoravi quæ gesta sint, litterisque comprehendi secundum tres dies quibus cum eis contulimus: idque opus utile existimavi, quo quisque commonitus, vel sciat sine labore quid actum sit, vel consultis numeris, quos rebus singulis adnotavi, legat in eisdem Gestis ad locum quodcumque voluerit: quoniam fatigant illa nimia prolixitate lectorem. Hujus autem operis titulus est, *Breviculus collationis*. Hoc Opus * sic incipit: *Cum catholici episcopi & partis Donati*.

CAPUT XL.

LIBRUM etiam scripsi grandem, satis quantum Lexistimo diligenter ad ipsos Donatistas post collationem quam cum episcopis eorum habuimus, ne ab eis seducerentur ulterius. Ubi respondi etiam quibusdam vanitatibus eorum quæ ad nos pervenire potuerunt, quas victi ubi poterant, & quomodo poterant jactabant; præter illa quæ dixi de Gestis collationis, unde quid actum sit breviter nosceretur. Multo autem

A brevius id egi in quadam ad eosdem rursus epistola. Sed quia in concilio Numidiæ omnibus qui ibi eramus hoc fieri placuit, non est in epistolis meis. Sic quippe incipit: *Sylvanus senex, Valentinus, Innocentius, Maximinus, Optatus, Augustinus, Donatus, & ceteri episcopi de concilio c Zertensi ad Donatistas*. Hic liber * sic incipit: *Quid adhuc Donatistæ seducimini?*

CAPUT XLI.

DE videndo Deo scripsi librum, ubi de spiritali corpore quod erit in resurrectione sanctorum inquisitionem diligentior distuli, utrum vel quomodo Deus qui spiritus est, etiam per corpus tale videatur, sed eam postea quæstionem sane difficillimam in novissimo, id est, in vicesimo & secundo libro de Civitate Dei, satis quantum arbitror explicavi. Inveni etiam in quodam nostro codice, in quo & iste liber est, quoddam commonitorium a me factum de hac re ad episcopum Siccensem Fortunatianum, quod in opusculorum meorum indiculo, nec inter libros, nec inter epistolas est notatum. Hic liber * sic incipit: *Mor debiti*. Illud * autem, *Sicut præsens rogavi*.

CAPUT XLII.

VENIT etiam tunc in manus meas quidam Pelagii liber, ubi hominis naturam contra Dei gratiam qua justificatur impius, & qua Christiani sumus, quanta potuit argumentatione defendit. Librum ergo quo huic respondi, defendens gratiam, non contra naturam, sed per quam natura liberatur & regitur, *de Natura & Gratia* nuncupavi. In quo verba quædam quæ velut Xysti Romani episcopi & martyris Pelagius posuit, ita defendi tamquam revera ejusdem Xysti essent, id enim putaveram: sed postea d legi Sexti philosophi esse, non Xysti Christiani. Hic liber * sic incipit: *Librum quem misistis*.

CAPUT XLIII.

INTEREA Roma Gotthorum irruptione agentium sub rege Alarico, atque impetu magnæ cladis everfa est, cujus everfionem deorum falsorum multorumque cultores, quos usitato nomine Paganos vocamus, in Christianam religionem referre conantes, solito acerbius & amarius Deum verum blasphemare cœperunt. Unde ego exardescens zelo domus Dei, adversus eorum blasphemias vel errores libros de *Civitate Dei* scribere institui. Quod opus per aliquot annos me tenuit, eo quod alia multa intercurrebant, quæ differre non oporteret, & me prius ad solvendum occupabant. Hoc autem de *Civitate Dei* grande opus tandem viginti-duobus libris est terminatum. Quorum quinque primi eos refellunt, qui res humanas ita prosperari volunt, ut ad hoc multorum deorum cultum quos Pagani colere consueverunt, necessarium esse arbitrentur: & quia prohibetur, mala ista exoriri atque abundare contendunt. Sequentes autem quinque adversus eos loquuntur, qui fatentur hæc mala nec defuisse umquam, nec defutura mortalibus, & ea nunc magna, nunc parva, locis, temporibus, personisque variari: sed deorum multorum

a Certe istud nomen quæsitum diligenter in versione LXX, nusquam nobis occurrit; sed quibus locis vulgata habet *ceremonias*, in illa reperimus *δικαιώματα justificationes*, vel *προσέγματα præcepta*, vel *φυλάκας custodias*, vel *ἀκτρίαν servitutem*, *νόμον*, &c.

b Ita MSS. hic & infra cap. 47. quibus locis editi habent, *gratia Dei*.

c Lov. *Cirtensi*. MSS. vero nonnulli, *Zertensi*, aut *Teriensi*, aut *Zir-
tensi*. At Am. & Er. cum MSS. tredecim ferunt, *Zertensi*. Hanc lectionem confirmant MSS. quibus liber iste integer continetur.

d Verba illa Sexti Philosophi esse legit forte Augustinus apud Hieron. qui epist. ad Cresiphontem, & in Jerem. cap. 22. & in Ezech. 18. erroris causam in Rufinum refert. Eum enim cum Sexti sententias è Græco in Latinum vertisset, sub nomine S. Xysti martyris urbis Romæ episcopi edidisse criminatur. Hinc porro lectitari passim a piis viris, & in modum *anuli*, quem eorum collectioni titulum fecerat Rufinus, in manu gestari semper, adeoque familiariter haberi contigit, ut inde sententiam S. P. Benedictus in regulæ suæ cap. 7. protulerit in hæc verba: *Sicut scriptum est, Sapiens verbis innotescit paucis*.

* Tom. 2.
& 9.

De vi-
dendo
Deo
Liber
unus.

Indicu-
lus opu-
sculo-
rum S.
Aug.
* Tom. 2.
* Ibidem.

De na-
tura &
Gratia
Liber
unus.

* Tom.
10.

De civi-
tate Dei
Libri
viginti
duo.

rum cultum, quo eis sacrificatur, propter vitam post mortem futuram esse utilem disputant. His ergo decem libris duæ istæ vanæ opiniones Christianæ religioni adversariæ refelluntur.

2. Sed ne quisquam nos aliena tantum redarguisse, non autem nostra asseruisse reprehenderet, id agit pars altera operis hujus, quæ libris duodecim continetur. Quamquam ubi opus est, & in prioribus decem quæ nostra sunt asseramus, & in duodecim posterioribus redarguamus adversa. Duodecim ergo librorum sequentium primi quatuor continent exortum duarum civitatum, quarum est una Dei, altera hujus mundi. Secundi quatuor excursus earum sive procursum. Tertii vero, qui & postremi, debitos fines. Ita omnes viginti & duo libri cum sint de utraque civitate conscripti, titulum tamen a meliore acceperunt, ut *de Civitate Dei* potius vocarentur. In quorum decimo libro non debuit pro miraculo poni, in Abrahamæ sacrificio flammam cælitus factam inter divisas victimas currisse: quoniam hoc illi in visione monstratum est. In septimo-decimo libro, quod dictum est de Samuele: *Non erat de filiis Aaron*, dicendum potius fuit, non erat filius sacerdotis. Filios quippe sacerdotum defunctis sacerdotibus succedere magis legitimi moris fuit: nam a in filiis Aaron reperitur pater Samuelis; sed sacerdos non fuit, nec ita in filiis ut eum ipse genuerit Aaron, sed sicut omnes illius populi dicuntur filii Israel. Hoc Opus * sic incipit: *Gloriosissimam civitatem Dei*.

CAPUT XLIV.

Ad Oro-
tium
contra
Priscil-
lianistas
& Orige-
nistas
Liber
unus.
* Tom. 8.

INTER hæc Orosii cujusdam Hispani Presbyteri consultationi de Priscillianistis, & de quibusdam Origenis sensibus quos catholica fides improbat, quanta potui brevitate ac perspicuitate respondi: cujus opusculi titulus est: *Ad Orosium contra Priscillianistas & Origenistas*. Et ipsa enim consultatio responsioni meæ a capite adjuncta est. Hic liber * sic incipit: *Respondere tibi quærenti, dilectissime fili Orosi*.

CAPUT XLV.

Ad Hie-
rony-
mum
Presby-
terum
Libri
duo, u-
nus de
origine
animæ,
& alius
de sen-
tentia
Jacobi.

SCRIPSI etiam duos libros ad Hieronymum Presbyterum sedentem in Bethleem, unum *de Origine animæ hominis*: alterum *de sententia Jacobi Apostoli*, ubi ait: *Quicumque totam legem servaverit, offendat autem in uno, factus est omnium reus*: de utroque consulens eum. Sed in illo priore quæstionem quam proposui ipse non solvi, in posteriore autem quid mihi de illa solvenda videretur ipse non tacui. Sed utrum hoc approbaret etiam ille, consului. Rescripsit autem, laudans eandem consultationem meam, sibi tamen ad respondendum otium non esse respondit. Ego vero quousque esset in corpore, hos libros edere nolui, ne forte responderet aliquando, & cum ipsa responsione ejus potius ederentur. Illo autem defuncto ad hoc edidi priorem, ut qui legit admoneatur aut non quærere omnino quomodo detur anima nascentibus, aut certe de re obscurissima eam solutionem quæstionis hujus admittere, quæ contraria non sit apertissimis rebus, quas de originali peccato fides catholica novit in parvulis nisi regenerentur in Christo sine dubitatione damnandis. Posteriorem vero ad hoc, ut quæstionis de qua ibi agi-

Tom. I.

a Immo Samuel in filiis Core æmuli Aaron reperitur 1. Paralip. 6. Incidit ergo in vitiosum codicem, aut certe ab aliquo alio deceptus fuit Augustinus

b MSS. aliquot ex præcipuis sic ferunt: *Gloriosissimo Honorio Augusto & Constantio iterum vñcc. Coss. die x1. Kal. Octob. Cæsareæ in eccle-*

tur, etiam quæ nobis visa est solutio ipsa noscatur. Hoc Opus * sic incipit: *Deum nostrum qui nos vocavit*.

CAPUT XLVI.

AD Emeritum Donatistarum episcopum, qui in collatione nostra quam cum illis habuimus, eorum causam maxime agere videbatur, aliquanto post eandem collationem scripsi librum satis utilem, quoniam res quibus vincuntur, vel victi esse monstrantur, commoda brevitate complectitur. Hic liber * sic incipit: *Si vel nunc frater Emerite*.

CAPUT XLVII.

PER idem tempus in Oriente, hoc est, in Syria Palæstina, Pelagius a quibusdam catholicis fratribus ad episcopalia Gesta perductus, eisque absentibus qui de illo libellum dederant, quoniam ad diem synodi non potuerunt occurrere, ab episcopis quatuordecim auditus est, ubi eum dogmata ipsa damnantem, quæ inimica gratiæ Christi adversus eum de libello legabantur, catholicum pronuntiarunt. Sed cum in manus nostras eadem Gesta venissent, scripsi de his librum, ne illo velut absoluto, eadem quoque dogmata putarentur iudices approbasse, quæ ille nisi damnasset, nullo modo ab eis nisi damnatus exisset. Hic liber * sic incipit: *Postea quam in manus nostras*.

CAPUT XLVIII.

EODEM tempore scripsi etiam librum *de correctione Donatistarum*, propter eos qui nolebant illos legibus imperialibus corrigi. Hic liber * sic incipit: *Laudo & gratulor & admiror*.

CAPUT XLIX.

DE præsentia Dei scripsi librum, ubi nostra intentio contra hæresim Pelagianam maxime vigilat, non expresse nominatam, sed in eo etiam de præsentia naturæ, quem Deum summum & verum dicimus, & de templo ejus operose ac subtiliter disputatur. Hic liber * sic incipit: *Fateor frater dilectissime Dardane*.

CAPUT L.

POSTEA quam Pelagiana hæresis cum suis auctoribus ab episcopis Ecclesiæ Romanæ, prius Innocentio, deinde Zosimo, cooperantibus conciliorum Africanorum litteris, convicta atque damnata est: scripsi duos libros adversus eos, unum *de gratia Christi*, alterum *de peccato originali*. Hoc Opus * sic incipit: *Quantum de vestra corporali & maxime spiritali salute gaudeamus*.

CAPUT LI.

ALQUANTO post collationem, quam cum hæreticis Donatistis habuimus, orta est nobis necessitas pergendi in Mauritaniam Cæsariensem. Ibi apud ipsam Cæsaream Emeritum Donatistarum episcopum vidimus, unum scilicet eorum septem quos pro suæ causæ defensione delegerant, & qui in eadem causa maxime laboraverat. Quæ cum illo egerimus præsentibus episcopis ejusdem provinciæ, & plebe Cæsariensis Ecclesiæ, in qua civitate & civis & memoratorum hæreticorum episcopus fuit, ecclesiastica Gesta testantur, quæ in meis habentur opusculis. Ubi non inveniens quid responderet, totum sermonem meum quem de solis Maximianistis in auribus ejus & omnium qui aderant explicavi, tamquam mutus audivit. Hic liber * vel hæc Gesta sic incipiunt: b *Gloriosissimis*

C 3 im-

sa majoris. Alii plerique consentiunt, sed nonnulli post Honorio Augusto interponunt, XII. vel, *duodecies*. Verum hic annus haud concurret cum secundo Constantii Consulis, quem nihilo minus codices omnes, quos inspicere per nos licuit, adsignant. Ex iis etiam pauci sunt, qui habent, *in ecclesia majori*, ut est in editis. Nihil tamen hic mutavimus.

* Tom. 2.

Ad Emeritum Donatistarum episcopum post collationem Liber unus.

* Non exstat. De Gestis Pelagii Liber unus.

* Tom. 10.

De correctione Donatistarum Liber unus.

* Tom. 2.

De præsentia Dei ad Dardanum Liber unus.

* Tom. 2.

Contra Pelagium & Cælestium de gratia Christi & de peccato originali ad Albinum, Pinianum, & Melaniam Libri duo.

* Tom. 10.

Gesta cum Emerito Donatista Liber unus.

* Tom. 9. b

imperatoribus Honorio XII. & Theodosio VIII. Coss. A

CAPUT LII.

Contra
fermo-
nem
Ariano-
rum Li-
ber u-
nus.

* Tom. 8.

INTER hæc venit in manus meas quidam sermo Arianorum, sine nomine auctoris sui. Huic petente atque instante qui eum mihi miserat, quanta potui etiam brevitate ac celeritate respondi, adjuncto eodem sermone a capite responsionis meæ, & adhibitis ad singula numeris, quibus inspectis, quid cui loco responderim, facile possit adverti. Hic liber, * post eorum sermonem qui a capite adjunctus est, sic incipit: *Eorum præcedenti disputationi hac disputatione respondeo.*

CAPUT LIII.

De nu-
pitiis &
concu-
piscen-
tia ad
Vale-
rium
Comi-
tem Li-
bri duo.

* Tom.
10.

SCRIPSI duos libros ad illustrem virum Comitem Valerium, cum audissem Pelagianos ei nescio quid scripsisse de nobis, quod scilicet nuptias damnaremus, asserendo originale peccatum: quorum librorum titulus est, *de Nuptiis & concupiscentia*. Bonitatem quippe defendimus nuptiarum, ne putaretur earum esse vitium concupiscentia carnis, & lex in membris repugnans legi mentis, quo malo libidinis bene utitur ad filios procreandos pudicitia conjugalis. Ut autem duo libri essent, primus venit in Juliani Pelagiani manus, & scripsit adversus eum libros quatuor, ex quibus quidam nonnulla decerpit, & Comiti Valerio misit, ille vero ad nos. Quæ cum accepissem, alio libro ad eadem ipsa respondi. Hujus Operis * primus liber sic incipit: *Hæretici novi, dilectissime fili Valeri*. Secundus autem sic: *Inter militiæ tuæ curas.*

CAPUT LIV.

Locu-
tionum
Libri se-
ptem.

Gen. 6.
22.

Gen. 1.

* Tom. 3.

SEPTEM libros de septem libris divinarum scripturarum, id est, Moyfi quinque, & uno Jesu Nave, & altero Judicum feci, notatis locutionibus singulorum quæ minus usitatae sunt linguæ nostræ, quas parum advertendo sensum quærunt qui legunt, divinorum eloquiorum, cum sit locutionis genus, & nonnumquam exculpunt aliquid quod a veritate quidem non abhorreat; non tamen id sensisse auctor a quo hoc scriptum est invenitur, sed genere locutionis hoc dixisse credibilius apparet. Multa autem in scripturis sanctis obscura, cognito locutionis genere dilucescunt. Propter quod cognoscenda sunt eadem genera locutionum ubi sententiæ patent, ut etiam ubi latent cognitio ipsa succurrat, easque intentioni legentis aperiat. Hujus Operis titulus est: *Locutiones de Genesi*. atque ita de singulis libris. Quod autem in primo libro posui scriptum esse: *Et fecit Noe omnia verba quæcumque præcepit illi Dominus, sic fecit*, eamque locutionem dixi esse similem ei, quod in conditione creaturæ postea quam dicitur, *Et sic est factum*, additur, & *fecit Deus*: non omni modo simile hoc eidem mihi videtur. Denique ibi etiam sensus latet; hic sola locutio est. Hoc Opus * sic incipit: *Locutiones Scripturarum.*

CAPUT LV.

Quæstio-
num Li-
bri se-
ptem.

EODEM tempore scripsi etiam libros quæstionum de libris eisdem divinis septem, quos ideo appellare sic volui, quia ea quæ ibi disputantur, magis quærenda proposui, quam quæ sita dissolvi; quamvis multo plura in eis mihi videantur ita pertractata, ut possint etiam soluta & exposita non immerito judicari. Regnorum quoque libros eodem modo jam considerare cœperamus, sed non multum progressi, in alia quæ magis urge-

bant animum intendimus. In primo autem libro, ubi agitur de virgibus variatis, quas ponebat Jacob in aqua, ut in conceptu positæ oves eas viderent cum biberent, & varios fetus parerent: non bene a nobis exposita est causa, cur iterum concipientibus non ponebat, id est, cum alios fetus conciperent, sed in priore conceptu. Nam quæstionis alterius expositio, ubi quæritur cur dixerit focero suo Jacob, *Et decepisti mercedem meam decem agnabus*, satis veraciter enodata, demonstrat istam sicut solvi debuit non solutam.

B 2. In tertio quoque libro ubi de summo agitur sacerdote, quomodo creabat filios cum haberet necessitatem bis in die ingredi in sancta sanctorum, ubi erat altare incensi, ad offerendum incensum mane & vespere, quo non posset, sicut Lex dicit, immundus intrare: & eadem Lex dicat, immundum fieri hominem etiam ex concubitu conjugali quem jubet quidem lavari aqua, sed & lotum dicit immundum esse usque ad vespere; unde dixi, *consequens fuisse, ut aut continens esset, aut diebus aliquibus intermitteretur incensum*: non vidi non fuisse consequens. Potest enim sic intelligi quod scriptum est, *Immundus erit usque ad vespere*, ut a per ipsam vespere jam non esset immundus, sed usque ad ipsam, ut vespertino jam tempore incensum mundus offerret, cum propter creandos filios post matutinum incensum mixtus esset uxori. Itemque ubi quæsitum est, quomodo prohibitus esset super funus patris sacerdos summus intrare, cum eum fieri sacerdotem (quando unus erat) nisi post mortem sacerdotis patris non oporteret; dixi, *propter hoc necesse fuisse, nondum sepulto patre statim post ejus mortem filium ejus constitui, qui succederet patri; propter etiam continuationis incensum, quod bis in die necesse erat offerri*; qui sacerdos super mortem nondum sepulti patris prohibetur intrare. Sed parum adtendi, potuisse hoc præcipi magis propter illos qui futuri fuerant summi sacerdotes non patribus summis sacerdotibus succedentes, sed tamen ex filiis, id est, ex posteris Aaron, si forte summus sacerdos, aut filios non haberet, aut ita reprobos haberet ut nullus eorum patri deberet succedere. Sicut Samuel summo b sacerdoti Heli successit; cum sacerdotis filius ipse non esset, sed tamen ex filiis, hoc est, ex posteris esset Aaron.

E 3. De latrone etiam cui dictum est, *Hodie mecum eris in paradiso*, quod non fuerit visibiliter baptizatus, quasi certum posui, cum sit incertum, magisque illum baptizatum fuisse credendum sit, sicut ego quoque alibi postea disputavi. Item quod in quinto libro dixi, ubi commemorantur matres in generationibus evangelicis, *non eas positas nisi cum patribus*, verum est quidem, sed ad rem, de qua agebatur, non pertinet. Agebatur autem de iis qui ducebant fratrum vel propinquorum conjuges, eorum qui sine filiis defuncti essent, propter duos patres Joseph, quorum alterum Matthæus commemorat, alterum Lucas. De qua quæstione diligenter in hoc opere differui, cum retractaremus opus nostrum contra Faustum Manichæum. Hoc Opus * sic incipit: *Cum scripturas sanctas, quæ appellantur Canonice.*

CAPUT LVI.

EODEM tempore quidam Vincentius Victor in Mauritania Cæsariensi invenit apud Hispanum quemdam presbyterum Petrum nonnullum opus-

a In MSS. quibusdam & Am. post ipsam vespere. Non consentanea, nisi subaudiatur, inchoatam.

b Et si non levia sint rationum momenta propter quæ recentiores sacrarum litterarum tractatores sentiunt Samuelem inter Levitas solum-

modo esse numerandum, ut qui non oriundus sit ex Aarone inter posteros Levi natu majore: attamen plerique veterum cum Augustino sacerdotalem ipsi dignitatem adscribunt. Cypr. epist. 65. Ambros. in Psal. 118. ser. 18. &c.

Quæst.
93.

Quæst.
95.
Gen. 31.
41.

Quæst.
82.

Exod. 30.
7. & 8.

Lev. 15.
16.

Quæst.
83.
Lev. 21.
11.

b
1. Reg. 1.

Quæst.
84.

Quæst.
46.

* Tom. 3.

De ani-
ma & e-
jus origi-
ne Libri
quatuor.

opusculum meum, ubi quodam loco de origine animæ hominum singulorum, utrum ex illa una primi hominis, ac deinde ex parentibus propagentur; an sicut illi uni sine ulla propagatione singulæ singulis dentur, me nescire confessus sum: verumtamen scire animam non corpus esse, sed spiritum. Et contra ista mea ad eundem Petrum scripsit ille duos libros, quos mihi de Cæsarea Renatus monachus misit. Quibus ego lectis, responsione mea quatuor reddidi, unum ad Renatum monachum, alterum ad presbyterum Petrum, & duos ad eundem Victorem. Sed ad Petrum, quamvis habeat libri prolixitatem, tamen epistola est quam nolui a tribus ceteris separari. In iis autem omnibus, in quibus multa necessaria differuntur; defendi de origine animarum, quæ singulis hominibus dantur, cunctationem meam, & multos errores atque pravitates præsumptionis ejus ostendi. Quem tamen juvenem non præpropere detestandum, sed adhuc docendum quanta potui lenitate tractavi, & ab eo rescripta correctionis ejus accepi. Hujus Operis * liber ad Renatum sic incipit: *Sinceritatem tuam erga nos*. Ad Petrum autem sic: *Domino dilectissimo fratri & compresbytero Petro*. Duorum vero novissimorum ad Vincentium Victorem: Primus sic incipit: *Quod mihi ad te scribendum putavi*.

CAPUT LVII.

SCRIPSI duos libros *de Conjugiis adulterinis*, quantum potui secundum Scripturas, cupiens solvere difficillimam quæstionem. Quod utrum enodatissime fecerim nescio, immo vero non me pervenisse ad hujus rei perfectionem sentio, quamvis multos sinus ejus aperuerim: quod judicare poterit quisquis intelligenter legit. Hujus Operis * primus liber sic incipit: *Primæ quæstio est, frater dilectissime Pollenti*. Secundus autem sic: *Ad ea quæ mihi scripseras*.

CAPUT LVIII.

INTEREA liber quidam cujusdam hæretici sive Marcionistæ, sive cujuslibet eorum quorum error opinatur, quod istum mundum non Deus fecerit: nec Deus Legis, quæ data est per Moysen, & Prophetarum ad eandem Legem pertinentium verus sit Deus, sed pessimus dæmon: cum apud Carthaginem multis confluentibus & attentissime audientibus, in platea maritima legeretur, pervenerunt ad eum fratres studiosissime Christiani, eumque mihi redarguendum sine ulla dilatione miserunt, multum rogantes, ut nec ego respondere differrem. Refelli eum libris duobus, quos ideo prænotavi, *Contra Adversarium Legis & Prophetarum*, quia codex ipse qui missus est, nomen non habebat auctoris. Hoc Opus * sic incipit: *Libro quem misisti, fratres dilectissimi*.

CAPUT LIX.

PER idem tempus Dulcitius tribunus & notarius hic erat in Africa exsecutor imperialium jussionum contra Donatistas datarum. Qui cum dedisset literas ad Gaudentium Thamugadensem Donatistarum episcopum, unum illorum septem quos in nostra collatione auctores suæ defensionis elegerant, exhortans eum ad unitatem catholicam, & dissuadens incendium, quo se ac suos cum ipsa in qua erat ecclesia consumere minabatur, addens etiam ut si se justos putarent, fugerent potius secundum præceptum Domini Christi, quam nefandis se ignibus concremarent; rescripsit ille

A epistolas duas, unam brevem, festinante, ut asseruit, perlatore; aliam prolixam, quasi plenius diligentiusque respondens. Has mihi supra memoratus tribunus existimavit mittendas, ut eas potius ipse refellerem: quas ambas uno libro redargui. Qui cum in ejusdem Gaudentii pervenisset manus, rescripsit quod ei visum est ad meipsum, nulla ratione respondens, sed magis se nec respondere, nec tacere potuisse declarans. Quod cum satis posset intelligenter legentibus, & nostra atque ipsius dicta conferentibus apparere, nolui tamen sine rescripto relinquere quidquid illud fuit. B Hinc factum est, ut hi nostri ad illum duo libri essent. Hoc Opus * sic incipit: *Gaudentius Donatistarum Thamugadensis episcopus*.

CAPUT LX.

TUNC & contra mendacium scripsi librum cujus operis ea causa existit, quod ad Priscillianistas hæreticos vestigandos, qui hæresem suam non solum negando atque mentiendo, verumetiam pejerando existimant occulendam, visum est quibusdam catholicis Priscillianistas se debere simulare, ut eorum latebras penetrarent. Quod ego fieri prohibens, hunc librum condidi. Hic liber * sic incipit: *Multa mihi legenda misisti*.

CAPUT LXI.

SEQUUNTUR libri quatuor, quos contra duas epistolas Pelagianorum ad episcopum Romanæ Ecclesiæ Bonifacium scripsi: quia cum in manus ejus venissent, ipse mihi eas miserat, inveniens in illis calumniose interpositum nomen meum. Hoc Opus * sic incipit: *Noveram te quidem fama celeberrima prædicante*.

CAPUT LXII.

D INTEREA libri quatuor Juliani Pelagiani, quos supra commemoravi, venerunt etiam in manus nostras, in quibus comperi illa quæ ex eis decerpserat, qui ea Comiti Valerio miserat, non omnia eo modo quo a Juliano dicta sunt, ad eundem Comitem scripta, sed nonnulla eorum aliquantum fuisse mutata. Scripsi ergo sex libros, adversus illos quatuor; sed meorum duo primi, testimoniis sanctorum qui fidem Catholicam post Apostolos defenderunt, Juliani impudentiam redarguunt, qui tamquam Manichæorum dogma nobis objiciendum putavit, quia ex Adam trahi dicimus originale peccatum, quod per lavacrum regenerationis, non solum in majoribus, verumetiam in parvulis solvitur. Quantum autem ipse Julianus quibusdam sententiis suis adjuvet Manichæos, in primi libri mei parte posteriore monstravi. Ceteri autem nostri quatuor redduntur illis singulis singuli. Verum in hujus tanti tamque elaborati Operis quinto volumine, ubi commemoravi deformem maritum conjugis suæ, ne deformes pareret, proponere in concubitu formosam solere picturam; nomen hominis, qui hoc facere solebat, quasi certum posui, cum sit incertum, quia memoria me fefellit. Hoc autem Soranus auctor medicinæ scripsit regem Cyprium facere solere, sed nomen ejus proprium non expressit. Hoc Opus * sic incipit: *Con-*

CAPUT LXIII.

SCRIPSI etiam librum *de Fide, Spe & Caritate*, cum a me, ad quem scriptus est, postulasset ut aliquod opusculum haberet meum de suis man-

a Ita MSS. a quibus dissidentes hic vulgati habent, *medicinæ artis magister*. At lib. 5. contra Julian. cap. 14. in concordiam

cum MSS. redeunt.

Contra mendacium Liber unus

* Tom. 6.

Contra duas epistolas Pelagianorum Libri quatuor. * Tom. 10.

Contra Julianum Libri sex

cap. 143.

* Tom. 10.

Ad Laurentium de Fide, Spe & Caritate Liber unus.

nibus non recessurum : quod genus Græci Enchiridion vocant . Ubi satis diligenter mihi videor esse complexus quomodo sit colendus Deus , quam sapientiam esse hominis utique veram divina scriptura definit . Hic liber * sic incipit : *Dici non potest , dilectissime fili Laurenti , quantum tua eruditione deleeter .*

CAPUT LXIV.

LIBRUM de Cura pro mortuis gerenda scripsi , cum interrogatus litteris fuisset , utrum profuit cuique post mortem quod corpus ejus apud sancti alicujus memoriam sepelitur . Hic liber * sic incipit : *Diu sanctitati tue , coepiscopo venerande Pauline .*

CAPUT LXV.

LIBER , quem prænotavi de octo Dulcitii questionibus , non esset in hoc opere commemorandus inter libros meos , cum sit confectus ex iis , quæ a me in aliis antea conscripta sunt , nisi & disputationis aliquid a nobis interpositum reperiretur in eo , & uni earum questionum non ex opusculo aliquo alio meo responsionem , sed tunc quæ potuit occurrere reddidissem . Hic liber * sic incipit : *Quantum mihi videtur , dilectissime fili Dulciti .*

CAPUT LXVI.

PROPTER eos , qui cum defenditur Dei gratia , putantes negari liberum arbitrium , scripsi defendunt liberum arbitrium ut negent Dei gratiam , asserentes eam secundum merita nostra dari , scripsi librum , cujus titulus est de Gratia & libero Arbitrio . Ad eos autem scripsi monachos Adrumetinos , in quorum monasterio de hac re cœperat esse contentio , ita ut me consulere eorum aliqui cogerentur . Hic liber * sic incipit : *Propter eos qui hominis liberum arbitrium .*

CAPUT LXVII.

RURSUS ad eosdem scripsi alterum librum , quem de Correptione & Gratia prænotavi , cum mihi nuntiatum esset , dixisse ibi quemdam ; neminem corripiendum , si Dei præcepta non facit , sed pro illo ut faciat , tantummodo orandum . Hic liber * sic incipit : *Lectis litteris vestris , Valentine frater dilectissime .*

HÆC OPERA nonaginta tria in libris ducentis triginta-duobus me dictasse recolui , quando hæc retractavi , utrum adhuc essem aliquos dictaturus ignorans ; atque ipsam eorum retractationem in libris duobus edidi urgentibus fratribus , ante quam Epistolas ac Sermones ad populum , alios dictatos , alios a me dictos retractare cœpisssem .

* In codicibus aliquot veteribus postremo capitulo adscripta hæc a prima manu reperimus . Libri qui post emendationem istorum a sancto Augustino episcopo scripti & editi sunt . Retractationum isti duo libri . Liber qui appellatur Speculum de testimoniis Scripturarum . Ad Prosperum & Hilarium de Prædestinatione sanctorum libri duo . Ad Quodvult Deum Diaconum de heresibus libri duo . Contra Gesta habitæ

cum Maximino Arianorum episcopo , (quoniam dies quo presentes conferebant disputatione ejus proluxa absumptusest) libri duo . Contra Julianum Pelagianum libri sex : septimum vero imperfectum reliquit ; octavum autem nec adigit . Sunt enim ipsius hæretici libri octo , quibus respondit ejus verba ponens , eisque subjungens responsiones suas . Sic in MS. Pratellensi & in Metensi S. Arnulfi , &c.



IN SEQUENTES CONFESSIONUM LIBROS ADMONITIO.



*U*Æ causa fecit ut Scriptoris cujusque vita emittendis in publicum ejus libris solemniter præfigeretur, eadem etiam primos S. Augustini operum Editores haud dubie movit ut Confessiones ipsius statim post Retractionum libros, qui recto ordine debent præcedere, in tomo primo collocarent. Nempe interest plurimum ut Auctoris genium, studia, mores, probitatem, fidem, aliasque dotes perspectas habeat qui ejus scripta cum voluptate, cum profectu perlegere in animum inducit. Atqui in Confessionibus suis Augustinus totum se ipse expressit perquam accurate: quippe qui in iis non ea solum facta, quæ hominum oculis subiecta esse potuissent, sed etiam ea quæ Deo tantum conscio in intimis agita-verat, cum bona, tum mala, singillatim exposuit. In his enim sicuti anteactæ vitæ vel levissima errata, sic etiam accepta a Deo beneficia fuisse commemorat, æternum posteris relicturus si-ve penitentis, si-ve grati animi monumentum, præclarum etiam illius quam constanter erga nos exhibet Deus, & justitiæ & bonitatis exemplum. Atque hoc in primis studebat, scilicet (ipsius verbis rem ut explicemus) & de malis & de bonis suis Deum laudare justum & bonum, atque in eum excitare humanum intellectum & affectum. Id vero hac ratione exsequitur.

In primo libro, præmissa Dei invocatione, recolit vitæ suæ primordia ad annum quintum-decimum. Infantia peccata agnoscit & pueritiæ; atque hac ætate in lusum & puerilia quæque oblectamenta & vitia, quam in litterarum studia proclivior se fuisse confitetur.

In secundo ad ætatem aliam progreditur, primumque adolescentiæ suæ, id est, sextum-decimum vitæ annum, quem in paterna domo studiis intermissis consumpserat genio ac libidinibus indulgens, ad mentem revocat cum gravi dolore, severus admodum in dijudicando furto a se tunc temporis cum sodalibus perpetrato.

Tertius liber de annis est ætatis illius decimo-septimo, decimo-octavo & decimo-nono transactis Carthagine, ubi dum litterarii studii curriculum absol-veret, se libidinosi amoris laqueo irretitum, necnon in Manichæorum hæresim prolapsus fuisse meminit. Adversus horum errores & ineptias differit luculenter. Matris lacrymas, & responsum de filii resipiscencia divinitus acceptum refert.

In quarto libro pudet se illi sectæ addictum fuisse per novennium, atque alios secum in eundem errorem pertraxisse; deinde amicum carissimum sibi interea morte præreptum, acerbiori quam æquum esset animi dolore fuisse persecutum. Cujus occasione de vana & de solida amicitia non pauca dicit. Mentionem facit librorum de pulchro & apto a se anno ætatis vigesimo-sexto aut vigesimo-septimo conscriptorum, necnon quam facili negotio liberalium artium libros atque Aristotelis Categorias anno ætatis ferme vigesimo per sese intellexerit.

In libro quinto annum ætatis suæ exhibet vigesimum-nonum, quo scilicet comperta Fausti Manichæi imperitia, propositum in illa secta proficiendi abjecit; quo etiam Roma, ubi tunc rhetoricam profitebatur, missus Mediolanum ut eandem artem doceret, cæpit audito Ambrosio resipiscere, & de Manichæismo abdicando necnon de repetendo catholicumenatu decernere.

In libro sexto, cum jam Monica ipsius mater Mediolanum advenisset, ipseque annum ætatis ageret tricesimum, Ambrosii concionibus admonitus catholice doctrinæ veritatem, quam Manichæi falso insinulabant, magis magisque intelligebat. Alypii amici sui mores prosequitur. In diversa rapiebatur, dum de vita melius instituenda deliberaret; mortis quoque ac judicii metu percussus, ad vitæ conversionem in dies accendebatur.

In septimo libro exordium suæ juventutis, id est annum ætatis trigesimum-primum, ob mentis oculos reducit. Narrat se illa ætate densioribus adhuc ignorantie tenebris involutum atque errantem circa Dei naturam, necnon circa originem mali, in cujus inquisitione se mirum in modum angebat; pervenisse tandem ad cognitionem Dei sinceram; quamvis nondum digne de Domino Christo sentiret.

Liber octavus vitæ ipsius partem attingit celeberrimam, annum videlicet ætatis trigesimum-secundum, quo nempe cum Simplicianum consulisset, ab eoque didicisset Victorini conversionem, cum Antonii Ægyptii monachi vitam ex Pontitiani relatione cognovisset, post vehementem luctam carnem in-

ter & animum, codicem Apostoli celesti admonitus oraculo inspexit; moxque ex illius lectione ad meliorem frugem toto animo immutatus fuit, pleneque ad Deum conversus.

In libro nono dicit de capto a se consilio Rhetoricæ professionem abjiciendi, non tamen ante quam vindemialium feriarum, quod proxime instabat, tempus advenisset. Tum de suo in Verecundi amici villam secessu, de suo baptismo, ac de Monicæ matris virtutibus atque obitu, qui baptizato ipso incidit in eundem huncce annum, ætatis videlicet Augustini tricesimum-tertium.

In libro decimo scrutatur deinceps, ac palam contestatur, non qualis antea, sed qualis tunc esset. Deum quem amat studet indicare, dumque per singula ducit rerum genera, multis explicat memoriæ vim plane stupendam, & quod sua in memoria locum Deus habeat gratulatur. Inquirat in actus, in sensus & affectus suos omnes ex triplici tentatione voluptatis, curiositatis ac superbiæ. Dominum Christum unum mediatorem Dei & hominum confitetur, ejusque ope animi sui languores omnes sanandos esse confidit.

In libro undecimo & sequentibus tractat de scripturis sanctis. Totum caput primum Geneseos, quo mundi creatio describitur, dissertationibus illustrat, difficultates incurrentes dissolvens, & ab adversariorum cavillationibus vindicans. Sed in undecimo disputat paulo fusus de tempore. In duodecimo de materia informi, deque multiplici Scripturæ sensu. In tertio-decimo Dei bonitatem ex rerum productione commendat; prædicat Deum, Trinitatem, & Spiritus-sancti propriam quamdam notionem. Denique creati mundi historiam allegorice exponit.

Hosce libros observamus scriptos circiter annum Christi quadringentesimum, propterea quod ab Augustino recensentur proxime ante illos quos Episcopus adversus Faustum Manichæum non multo ante vel post hunc annum elaboravit, uti suo dicitur loco. Certe si qua opera indubiam & distinctam temporis notam præ se non ferunt, si aliis demum argumentis id investigari non potest, decernendum videtur ex Retractationum serie: quandoquidem, * quantum potuit, curavit Augustinus, ut nos ex ipsa ordinem, quo quæque scripta sunt, nossemus. Neque diffitebimur tamen quin interdum chronologiæ minus, magis autem pertractati argumenti rationem habuerit.

S. AUGUSTINUS EPIST. 231. DARIO COMITI.

SUME libros quos desiderasti Confessionum mearum. Ibi me inspicere; ne me laudes ultra quam sum; ibi non aliis de me crede, sed mihi; ibi me adtende, & vide quid fuerim in me ipso, per me ipsum; & si quid in me tibi placuerit, lauda ibi mecum, quem laudari volui de me: neque enim me: Quoniam ipse fecit nos & non ipsi nos, nos autem perdideramus nos; sed qui fecit, refecit. Cum autem ibi me inveneris, ora pro me ne deficiam, sed perficiar.

EX LIBRO DE DONO PERSEVERANTIÆ CAP. XX.

QUID autem meorum opusculorum frequentius & delectabilius innotescere potuit quam libri Confessionum mearum? Cum & ipsos ediderim ante quam Pelagiana hæresis exstitisset, in eis certe dixi Deo nostro, & sæpe dixi: Da quod jubes, & jube quod vis. Quæ mea verba Pelagius Romæ cum a quodam fratre Coepiscopo meo fuissent eo præsentem commemorata, ferre non potuit; & contradicens aliquanto commotus, pene cum eo qui illa commemoraverat litigavit.

LIB. II. RETRACTATIONUM CAPUT VI.

CONFESSIUM mearum libri XIII. & de malis & de bonis meis Deum laudant justum & bonum, atque in eum excitant humanum intellectum & affectum; interim quod ad me attinet, hoc in me egerunt cum scriberentur, & agunt cum leguntur. Quid de illis alii sentiant, ipsi viderint: multis tamen fratribus eos multum placuisse & placere scio. A primo usque ad decimum de me scripti sunt. In tribus ceteris de scripturis sanctis, ab eo quod scriptum est, *In principio fecit Deus cælum & terram*, usque ad sabbati requiem.

In quarto libro, cum de amici morte animi mei miseriam confiterer, dicens quod anima nostra una quodam modo facta fuerat ex duabus, & ideo, inquam, forte mori metuebam, ne totus ille moreretur, quem multum amaveram: quæ mihi quasi declamatio levis quam gravis confessio videtur, quamvis utcumque temperata sit hæc ineptia in eo quod additum est, forte. Et in libro tertio-decimo quod dixi, firmamentum factum inter spirituales aquas superiores, & corporales inferiores, non satis considerate dictum est; res autem in abdito est valde. Hoc Opus sic incipit: *Magnus es Domine*.

S. AU-



S. AURELII AUGUSTINI HIPPONENSIS EPISCOPI CONFESSIONUM LIBRI TREDECIM. *

* Scripti
circa
an. Chr.
400.

LIBER PRIMUS.

*Præmissa Dei invocatione recolit vitæ suæ primordia ad annum
decimum-quintum. Infantia peccata agnoscit & pueritiæ.
Atque hac ætate in lusum & puerilia quæque
oblectamenta quam in litterarum studia pro-
cliviores se fuisse confitetur.*

CAPUT
I.
Deum
vult lau-
dare ab
ipso ex-
citatus.



AGNUS es, Domine, & laudabilis
valde, magna virtus tua, & sa-
pientiæ tuæ non est numerus. Et
laudare te vult homo, aliqua portio
creaturæ tuæ; & homo circumfe-
rens mortalitatem suam, circumfe-
rens testimonium peccati sui, & te-

stimonium quia superbis resistis, & tamen laudare te
vult homo aliqua portio creaturæ tuæ. Tu excitas ut
laudare te delectet; **QUIA FECISTI** nos ad te, &
inquietum est cor nostrum donec requiescat in te. Da
mihi, Domine, scire & intelligere, utrum sit prius in-
vocare te, an laudare te; & scire te prius sit, an in-
vocare te. Sed quis te invocat, nesciens te? Aliud
enim pro alio potest invocare nesciens te. An potius
invocaris ut sciaris? Quomodo autem invocabunt in
quem non crediderunt? Aut quomodo credent sine
prædicante? Et laudabunt Dominum qui requirunt
eum. Quærentes enim invenient eum, & invenien-
tes laudabunt eum. Quæram te, Domine, invocans
te, & invocem te credens in te, prædicatus enim es
nobis. Invocat te, Domine, fides mea quam dedisti mi-
hi, quam inspirasti mihi per humanitatem Filii tui,
per ministerium prædicatoris tui.

Rom. 10.
14.

CAPUT
II.
Deum
quem
invocat
in ipso
esse, ip-
sumque
in Deo.

2. **E**T quomodo invocabo Deum meum, Deum &
Dominum meum? Quoniam utique in me ip-
sum eum vocabo cum invocabo eum. Et quis locus est
in me, quo veniat in me Deus meus? quo Deus veniat
in me, Deus qui fecit cælum & terram? Itane, Domi-
ne Deus meus, est quidquam in me quod capiat te? An
vero cælum & terra quæ fecisti, & in quibus me feci-

asti, capiunt te? An quia sine te non esset quidquid est,
sit ut quidquid est capiat te? Quoniam itaque & ego
sum, quid peto ut venias in me, qui non essem, nisi es-
ses in me? Non enim ego a jam in inferis, & tamen
etiam ibi es. Nam & si descendero in infernum, ades.
Non ergo essem, Deus meus, non omnino essem,
nisi esses in me. An potius non essem, nisi essem in te,
ex quo omnia, per quem omnia, in quo omnia?
Etiam sic Domine, etiam sic. Quo te invoco, cum
in te sim? Aut unde venias in me? Quo enim rece-
dam extra cælum & terram, ut inde in me veniat
Deus meus, qui dixit; *Cælum & terram ego impleo.*

a
Psal. 138.
8.

3. **C**APIUNT ergo ne te cælum & terra, quo-
niam tu imples ea? An imples, & restat,
quoniam non te capiunt? Et quo refundis quidquid
impleto cælo & terra restat ex te? An non opus ha-
bes, ut quoquam continearis, qui contineres omnia;
quoniam quæ imples, continendo imples? Non enim
vasa quæ te plena sunt, stabilem te faciunt; quia etsi
frangantur, non effunderis. Et cum effunderis super
nos, non tu jaces, sed erigis nos; nec tu b dissiparis,
sed colligis nos. Sed quæ imples omnia, te toto im-
ples omnia? An quia non possunt te totum capere
omnia, partem tui capiunt? & eandem partem si-
mul omnia capiunt? An singulas singula, & majores
majora, minores minora capiunt? Ergo est aliqua
pars tui major, aliqua minor. An ubique totus es,
& res nulla te totum capit?

Jerem.
23. 24.
CAPUT
III.
Deus sic
ubique
totus, ut
res nulla
ipsum
totum
capiat.

4. **Q**UID es ergo, Deus meus? quid rogo, nisi Domi-
nus Deus? Quis enim Dominus præter Do-
minum? Aut quis Deus præter Deum
no-

CAPUT
IV.
Dei Ma-
jestas &
perfe-
ctiones
inexpli-
cabiles.

a MS. Theodericensis habet, *ego sum inferi*, non intoleranter.
Alii plerique, *ego jam inferi*: librariorum lapsus, ut videtur.

b Antiquiores editi, scilicet a Jodoco Badio Ascensio, a Johanne
Amerbachio & a Desiderio Erasmo; cum tribus MSS. *dispergeris*.

nostrum? Summe, optime, potentissime, omnipotentissime, misericordissime & iustissime, secretissime & præsentiissime, pulcherrime, & fortissime, stabilis & incomprehensibilis, immutabilis mutans omnia, numquam novus, numquam vetus, innovans omnia & in vetustatem perducens superbos & nesciunt; semper agens, semper quietus, colligans & non egens, portans & implens & protegens, creans & nutriendus & perficiens, quærens cum nihil desit tibi. Amas, nec æstuas; zelas, & securus es; pœnitet te, & non doles; irasceris & tranquilluses; opera mutas, nec mutas consilium; recipis quod invenis, & numquam amisisti; numquam inops, & gaudes lucris; numquam avarus, & usuras exigis. Supererogatur tibi ut debeas, & quis habet quidquam non tuum? Reddis debita nulli debens, donas debita nihil perdens. Et quid diximus, Deus meus, vita mea, dulcedo mea sancta? Aut quid dicit aliquis cum de te dicit? Et væ tacentibus de te; quoniam loquaces muti sunt.

CAPUT
V.
Petit a-
morem
Dei &
delictor-
um ve-
nitiam.

a.

5. **Q**UIS mihi dabit adquietescere in te? Quis mihi dabit ut venias in cor meum, & inebries illud, ut obliviscar mala mea, & unum bonum meum amplectar te? **Q**UID mihi es? Miserere ut loquar. **Q**UID tibi sum ipse ut amari te jubeas a me, & nisi faciam irascaris mihi, & mineris ingentes miseras? Parva ne ipsa est a, si non amem te? Hei mihi. Dic mihi per miserationes tuas, Domine Deus meus, quid sis mihi. Dic animæ meæ: Salus tua ego sum. Sic dic ut audiam. Ecce aures cordis mei ante te Domine: aperi eas, & dic animæ meæ, Salus tua ego sum. Curram post vocem hanc, & apprehendam te. Noli abscondere a me faciem tuam: moriar, ne moriar, ut eam videam.

Isal. 12,
13. & 14

Isal. 129.
3.

CAPUT
VI.
Infantiā
suam de-
scribit,
laudar
Dei pro-
videntiam
& æter-
nitatem.

c.

6. Angusta est domus animæ meæ quo venias ad eam: dilatetur abs te. Ruinosa est: refice eam. Habet quæ offendant oculos tuos, fateor & scio: sed quis mundabit eam? aut cui alteri præter te clamabo? Ab occultis meis munda me, Domine, & ab alienis parce servo tuo. Credo, propter quod & loquor, Domine tu scis. Nonne tibi prolocutus sum adversum me delicta mea, Deus meus; & tu dimisisti impietatem cordis mei? Non judicio contendo tecum qui veritas es; & ego nolo fallere me ipsum, ne mentiatur iniquitas mea sibi. Non ergo judicio contendo tecum; quia si iniquitates observaveris, Domine, Domine, quis sustinebit?

7. **S**ED tamen sine me loqui apud misericordiam tuam, me terram & cinerem. Sine tamen loqui; quoniam ecce misericordia tua est, non homo irrisor meus cui loquor. Et tu fortasse irrides me: sed conversus misereberis mei. Quid enim est, quod volo dicere, Domine Deus meus? nisi quia nescio unde venerim huc, in istam, b dico vitam mortalem, an mortem vitalem, nescio. Et susceperunt me consolationes miserationum tuarum, sicut audiui a parentibus carnis meæ, ex c quo & in qua formasti me in tempore, non enim ego memini. Exceperunt ergo me consolationes lactis humani. Nec mater mea, vel nutrices meæ sibi ubera implebant: sed tu mihi per eas dabas alimentum infantiae, secundum institutionem tuam & divitias usque ad fundum rerum dispositas.

A Tu etiam mihi dabas nolle amplius quam dabas; & nutrientibus me dare mihi velle quod eis dabas. Dare enim mihi per ordinatum affectum volebant quo ex te abundabant. Nam bonum erat eis bonum meum ex eis, quod ex eis non, sed per eas erat: ex te quippe bona omnia Deus; & ex Deo meo, salus mihi universa. Quod animadverti postmodum, clamante te mihi per hæc ipsa quæ tribuissent & foris. Nam tunc fugere noram, & adquietescere delectationibus, flere autem offensiones carnis meæ, nihil amplius.

B 8. Post & ridere cœpi, dormiens primo, deinde vigilans. Hoc enim de me mihi indicatum est, & credidi, quoniam sic videmus & alios infantes. nam ista mea non memini. Et ecce paulatim sentiebam ubi essem, & voluntates meas volebam ostendere eis per quos implerentur, & non poteram; quia illæ intus erant, foris autem illi, nec ullo suo sensu valebant introire in animam meam. Itaque jactabam membra & voces, signa similia voluntatibus meis, pauca quæ poteram, qualia poteram. non enim erant veri similia. Et cum mihi non obtemperabatur, vel non intellecto, vel ne obesset, indignabar non subditis majoribus, & liberis non servientibus, & me de illis flendo vindicabam. Tales esse infantes didici quos discere potui, & me talem fuisse magis mihi ipsi indicaverunt nescientes, quam scientes nutritores mei.

D 9. Et ecce infantia mea olim mortua est, & ego vivo. Tu autem Domine qui & semper vivis, & nihil moritur in te, quoniam ante primordia sæculorum, & ante omne quod vel ante dici potest, tu es, & Deus es Dominusque omnium quæ creasti: ET APUD te rerum omnium instabilium stant causæ; & rerum omnium mutabilium immutabiles manent origines; & omnium irrationabilium & temporalium sempiternæ vivunt rationes. Dic mihi supplici tuo Deus, & misericors misero tuo; dic mihi utrum jam alicui ætati meæ mortuæ successerit infantia mea: an illa est quam egi intra viscera matris meæ? Nam & de illa mihi non nihil indicatum est, & prægnantes ipse vidi feminas. Quid ante hanc etiam, dulcedo mea Deus meus, fui-ne alicubi, aut aliquis? Nam quis mihi dicat ista, non habeo, nec pater nec mater potuerunt, nec aliorum experimentum, nec memoria mea. An irrides me ista quærentem, teque de hoc quod novi, laudari a me jubes, & confiteri me tibi.

E 10. Confiteor tibi, Domine cæli & terræ, laudem dicens tibi de primordiis & infantia mea quæ non memini; & dedisti ea homini ex aliis de se conjicere, & auctoritatibus etiam muliercularum multa de se credere. Eram enim & vivebam etiam tunc, & signa, quibus sensa mea nota aliis facerem, jam in fine infantiae quærebam. Unde hoc tale animal nisi abs te Domine? An quisquam se faciendi erit artifex? aut ulla vena trahitur aliunde, qua esse & vivere currat in nos, præter quam quod tu facis nos, Domine, cui esse & vivere non aliud atque aliud est; quia summe esse, atque summe vivere, idipsum es? Summus enim es, & non mutaris; neque peragitur in te hodiernus dies, & tamen in te peragitur, quia in te sunt & ista omnia. Non enim habent

rent

a In antiquis editis Bad. Am. & Er. necnon in uno è MSS. additur, *miseria*.

b Ita MSS. ferme omnes & editio per Antonium Arnaldum Doctorem Sorbonicum adornata, ubi verbum, *nescio*, refertur ad superiorum sententiam, unde *venerim huc*, qua se Augustinus significat circa animæ originem fluctuare. At Bad. Am. & Er. habent: *in istam dico*

mortalem vitam: mortalem dicam vitam, an mortem vitalem nescio. quam lectionem Lovanienses ad trium MSS. fidem sic mutarunt: *in istam dicam mortalem vitam, an mortem vitalem, nescio*.

c Apud Bad. Am. Er. & Lov. ex qua & in qua. Verius potro in MSS. & in editione Antonii Ara. pro designando utroque parente, *ex quo & in qua*.

rent vias transeundi, nisi contineres ea. Et quoniam anni tui non deficiunt, ^a anni tui hodiernus dies? Et quam multi jam dies nostri & patrum nostrorum per nodiurnum tuum transierunt, & ex illo acceperunt modos, & utcumque exstiterunt, & transibunt adhuc alii, & accipient, & utcumque existant? Tu autem idem ipse es; & omnia crastina atque ultra, omniaque hesternum & retro hodie facies, hodie fecisti. Quid ad me si quis non intelligat? Gaudeat & ipse dicens, Quid est hoc? gaudeat etiam sic; & amet non inveniendo invenire potius, quam inveniendo non invenire te.

CAPIT
VII.
Infantia
quoque
peccatis
obno-
xia.
b

11. **E**XAUDI Deus. Væ peccatis hominum. Et homo dicit hæc, & miseretur ejus, quoniam tu fecisti eum, & peccatum non fecisti in eo. Quis ^b me commemorat peccatum infantiae meae? Quoniam nemo mundus a peccato coram te, nec infans cujus est unius diei vita super terram. Quis me commemorat? An quilibet tantillus nunc parvulus in quo video quod non memini de me? Quid ergo tunc peccabam? An quia uberibus inhiabam plorans? Nam si nunc faciam, non quidem uberibus, sed escæ congruenti annis meis ita inhians, deridebor atque reprehendar justissime. Tunc ergo reprehendenda faciebam; sed quia reprehendentem intelligere non poteram, nec mos reprehendi me nec ratio sinebat. Nam exstirpamus & ejicimus ista crescentes. Nec vidi quemquam scientem, cum aliquid purgat, bona projicere. An pro tempore etiam illa bona erant, flendo petere etiam quod noxie daretur, indignari acriter non subjectis hominibus, liberis & majoribus, hisque a quibus genitus est, multisque præterea prudentioribus non ad nutum voluntatis obtemperantibus; feriendo nocere niti quantum potest, quia non obeditur imperiis quibus perniciosè obediretur? Ita imbecillitas membrorum infantilium innocens est, non animus infantium. Vidi ego & expertus sum zelantem parvulum: nondum loquebatur, & intuebatur pallidus amaro adspectu collactaneum suum. Quis hoc ignorat? Expiare se dicunt ista matres atque nutrices nescio quibus remediis. Nisi vero & ista innocentia est, in fonte lactis ubertim manante atque abundante, opis egentissimum, & illo adhuc uno alimento vitam ducentem, consortem non pati. Sed blande tolerantur hæc, non quia nulla vel parva, sed quia ætatis accessu peritura sunt. Quod licet probes, ^c cum ferri æquo animo eadem ipsa non possunt, quando in aliquo annosiore deprehenduntur.

12. Tu itaque Domine Deus meus, qui dedisti vitam infanti, & corpus, quod ita ut videmus instruxisti sensibus, compegisti membris, figura decorasti, proque ejus universitate atque incolumitate omnes conatus animantis insinuasti, jubes me laudare te in istis & confiteri tibi, & psallere nomini tuo Altissime: quia Deus omnipotens & bonus, etiam si sola ista fecisses, quæ nemo alius potest facere, nisi tu une, a quo est omnis modus, formosissime qui formas omnia, & lege tua ordinas omnia. Hanc ergo ætatem, Domine, quam me vixisse non memini, de qua aliis credidi, & quam me egisse ex aliis infantibus conjeci, quamquam ista mul-

Tom. I.

^a Lov. *an anni tui*. Absent tamen, *an*, a nostris MSS. & ab aliis plerisque editis.

^b Lov. & Arn. *Quis mihi commemorat* Bad. Am. & Er. *Quis mecum commemorat*. Sed vera lectio est quam MSS. ope restitimus, juxta quem loquendi modum in lib. de Magistro cap. 1. dicit Augustinus: *Duas jam loquendi causas constituo, aut ut doceamus, aut ut commemoremus vel alios vel nosmetipsos*.

^c Ita in MSS. & recte. Vult nimirum Augustinus posse vel ex

atque fida conjectura sit, piget me annumerare huic vitæ meæ, quam vivo in hoc sæculo. Quantum enim adtinet ad oblivionis meæ tenebras, par illi est quam vixi in matris utero. Quod ^d si & in iniquitate conceptus sum, & in peccatis me mater mea in utero aluit; ubi oro te, Deus meus, ubi, Domine, ego servus tuus, ubi aut quando innocens fui? Sed ecce omitto illud tempus. Et quid mihi jam cum eo est, cujus nulla vestigia recolo?

13. **N**ONNE ab infantia huc pergens veni in pueritiam; vel potius ipsa in me venit, & successit infantiae? Nec discessit illa, quo enim abiit, & tamen jam non erat. Non enim eram infans qui non fateri, sed jam puer loquens eram. Et memini hoc; & unde loqui didicerim post adverti. Non enim docebant me majores homines præbentes mihi verba certo aliquo ordine doctrinæ, sicut paulo post litteras: sed ego ipse mente quam dedisti mihi, Deus meus, cum gemitibus & vocibus variis, & variis membrorum motibus edere vellem sensa cordis mei, ut voluntati paretur; nec valerem quæ volebam omnia, nec quibus volebam omnibus, ^e præsonabam memoria; cum ipsi appellabant rem aliquam, & cum secundum eam vocem corpus ad aliquid movebant, videbam & tenebam hoc ab eis vocari rem illam, quod sonabant: cum eam vellent ostendere. Hoc autem eos velle ex motu corporis aperiebatur, tamquam verbis naturalibus omnium gentium, quæ fiunt vultu & nutu oculorum, ceterorumque membrorum actu, & sonitu vocis indicante affectionem animi, in petendis, habendis, rejiciendis, fugiendisve rebus. Ita verba in variis sententiis, locis suis posita, & crebro audita, quarum rerum signa essent, paulatim colligebam, measque jam voluntates edomito in eis signis ore, per hæc enuntiabam. Sic cum his inter quos eram voluntatum enuntiandarum signa communicavi, & vitæ humanæ procellosam societatem altius ingressus sum, pendens ex parentum auctoritate, nutuque majorum hominum.

14. **D**EUS Deus meus, quas ibi miseras expertus sum & ludificationes, quando quidem recte mihi vivere puero id proponebatur, obtemperare monentibus, ut in hoc sæculo florerem & excellerem linguosis artibus ad honorem hominum, & falsas divitias famulantibus. Inde in scholam datus sum ut discerem litteras, in quibus quid utilitatis esset ignorabam miser, & tamen si segnis in discendo essem; vapulabam. Laudabatur enim hoc a majoribus, & multi ante nos vitam istam agentes, præstruxerant ærumnosas vias, per quas transire cogebamur, multiplicato labore & dolore filiis Adam. Invenimus autem, Domine, homines rogantes te; & didicimus ab eis sentientes te ut poteramus esse magnum aliquem; qui posses, etiam non apparens sensibus nostris, exaudire nos & subvenire nobis. Nam puer cæpi rogare te auxilium & refugium meum; & in tuam invocationem rumpebam nodos linguæ meæ; & rogabam te parvus, non parvo affectu, ne in schola vapularem. Et cum me non exaudiebas, quod non erat ad insipientiam mihi, ridebantur a majoribus hominibus usque ab

D ipsis

eo probari, quod illa, quæ in infantibus benigne tolerantur, in adultis sint, quia in ætate provectioribus tolerari æquo animo non possunt. Mendose ergo in editis legitur. *Quod licet probes, tamen ferri*, &c.

^d Omittitur, *si* & *in*, in editione Lov.

^e Lov. *præsonabam* Bad. Am. Er. & Arn. cum nonnullis MSS. *pen-sabam* Melior visa est lectio MSS. Corbejenfis, Fossatenfis, & aliorum optimæ notæ, qui habent, *præsonabam*.

CAPIT
VIII.
Unde
puer lo-
qui didi-
cerit.

CAPIT
IX.
Odium
littera-
rum,
amor lu-
sus, &
vapulan-
di timor
in pue-
ris.

ipsis parentibus, qui mihi accidere mali nihil volebant, plagæ meæ, magnum tunc & grave malum meum.

15. Est ne quisquam, Domine, tam magnus animus prægrandi affectu tibi cohærens; est ne inquam quisquam? (facit enim hoc quædam etiam stoliditas.) Est ergo, qui tibi pie cohærendo ita sit affectus granditer, ut eculeos & ungulas, atque hujuscemodi varia tormenta, pro quibus effugiendis tibi per universas terras cum timore magno supplicatur, ita parvi æstimet a deridens eos qui hæc acerbissime formidant, quemadmodum parentes nostri ridebant tormenta, quibus pueri a magistris affligebamur? Non enim aut minus ea metuebamus, aut minus te de his evadendis deprecabamur: & peccabamus tamen minus scribendo, aut legendo, aut cogitando de litteris quam exigebatur a nobis. Non enim deerat, Domine, memoria vel ingenium, quæ nos habere voluisti pro illa ætate satis; sed delectabat ludere: & vindicabatur in nos ab eis qui talia utique agebant. SED MAJORUM nugæ negotia vocantur: puerorum autem talia cum sint, puniuntur a majoribus; & nemo miseratur pueros, vel illos, vel utrosque. Nisi vero approbat quisquam bonus rerum arbiter vapulasse me, quia ludebam pila puer, & eo ludo impediabar, quo minus celeriter discerem litteras, quibus major deformius luderem: aut aliud faciebat idem ipse a quo vapulabam, qui si in aliqua quæstiuncula a conductore suo victus esset, magis bile atque invidia torqueretur quam ego cum in certamine pilæ a conlusore meo superabar.

CAPUT
X.
Amore
lusus &
specta-
culo-
rum a-
vocatur
a litte-
rarum
studio.

16. ET tamen peccabam, Domine Deus ordinator & creator omnium rerum naturalium, peccatorum autem tantum c ordinator. Domine Deus meus, peccabam faciendo contra præcepta parentum, & magistrorum illorum. Poteram enim postea bene uti litteris, quas volebant ut discerem quocumque animo illi mei. Non enim meliora eligens, inobediens eram, sed amore ludendi, amans in certaminibus superbas victorias, & scalpî aures meas falsis fabellis, quo prurirent ardentius, eadem curiositate magis magisque per oculos emicante in spectacula ludosque majorum, quos tamen qui edunt, ea dignitate præditi excellunt, ut hoc pene omnes optent parvulis suis: quos tamen cædi libenter patiuntur, si spectaculis talibus impediuntur a studio, quo eos ad talia edenda cupiunt pervenire. Vide ista, Domine, misericorditer, & libera nos jam invocantes te; libera etiam eos qui nondum te invocant, ut invocent te, & liberes eos.

CAPUT
XI,
Mortis
pressus
baptis-
mum
flagitat,
quem
d

17. AUDIERAM enim ego adhuc puer de vita æterna nobis promissa per humilitatem Domini Dei nostri descendente ad superbiam nostram, & signabar jam signo crucis ejus, & d condiebar ejus sale, jam inde ab utero matris meæ, quæ multum spe-

Aravit in te. Vidisti, Domine, cum adhuc puer essem, & quodam die pressus e stomachi repente æstuem pene moriturus. Vidisti, Deus meus, quoniam custos meus jam eras, quo motu animi & qua fide baptismum Christi tui Dei & Domini mei flagitavi a pietate matris meæ, & matris omnium nostrum Ecclesiæ tuæ. Et conturbata mater carnis meæ, quoniam & sempiternam salutem meam carius parturiebat corde casto in fide tua, jam curaret festinabunda ut sacramentis salutaribus initiarer & abluerer, te Domine Jesu confitens in remissionem peccatorum, nisi statim recreatus essem. Dilata est itaque mundatio mea, quasi necesse esset ut adhuc sordidarer, si viverem; quia videlicet post lavacrum illud major & periculosior in sordibus delictorum reatus foret. Ita jam credebam, & illa & omnis domus, nisi pater solus, qui tamen non evicit in me jus maternæ pietatis, quo minus in Christum crederem, sicut ille nondum crediderat. Nam illa satagebat ut tu mihi pater esses, Deus meus, potiusquam ille: & in hoc adjuvabas eam ut superaret virum, cui melior serviebat; quia & in hoc tibi utique id jubenti serviebat.

18. Rogo te, Deus meus, vellem scire, si tu etiam velles, quo consilio dilatus sum ne tunc baptizarer: utrum bono meo mihi quasi laxata sunt lora peccandi, an non laxata sunt? Unde ergo etiam nunc de aliis atque aliis sonat undique in auribus nostris; Sine illum, faciat quod vult, nondum enim baptizatus est: & tamen in salute corporis non dicimus; Sine vulneretur amplius, nondum enim sanatus est. Quanto ergo melius & cito sanarer, & id ageretur mecum meorum meaque diligentia, ut recepta salus animæ meæ tuta esset tutela tua, qui dedisses eam? Melius vero. Sed quot & quanti fluctus impendere tentationum post pueritiam videbantur, noverat eos jam illa mater; & g terram per eos unde postea formarer, quam ipsam jam effigiem committere volebat.

19. IN ipsa tamen pueritia, de qua mihi minus quam de adolescentia metuebatur, non amabam litteras, & me in eas urgeri oderam; & urgebar tamen, & bene mihi fiebat, nec faciebam ego bene: non enim discerem, nisi cogerer. NEMO autem invitus bene facit, etiam si bonum est quod facit. Nec qui me urgebant, bene faciebant: sed bene mihi fiebat abs te, Deus meus. Illi enim non intuebantur quo h referrem quod me discere cgebant, præterquam ad fatiandas insatiabiles cupiditates copiosæ inopiæ & ignominiosæ gloriæ. Tu vero cui numerati sunt capilli capitis nostri, errore omnium, qui mihi instabant ut discerem, utebaris ad utilitatem meam: meo autem, qui discere nolebam, utebaris ad pœnam meam, qua plecti non eram indignus tantillus puer & tantus peccator.

Ita

mater
certo
consilio
differt.

f

g

CAPUT
XII
Ad lit-
teras co-
gebatur,
quo ta-
men
Deus u-
ebatur
bene.

h

a Nonnulli e MSS. diligens eos. Paulo post vero Bad. Am. & Er. acerbissime infligunt.

b Apud Bad. Am. Er. & Lov. Hand.

c In editionibus Am. Er. & Lov. legebatur, tantum non ordinator. Erratum: quod emendant editiones Bad. & Arn. & MSS. plures ac potiores, a quibus abest negatio. Enimvero notum vulgo est id ab Aug. passim confirmari, Deum justissimum esse peccatorum ordinatorem. Sic lib. 11. de civit. Dei c. 17. Deus, inquit, sicut naturarum bonarum optimus creator est, ita malorum voluntatum justissimus ordinator. Item in Psal. 7. Aliud fecit & ordinavit: aliud autem non fecit, sed tamen etiam hoc ordinavit. Quam doctrinam illustrabit nonnihil alius locus lib. de Prædest. sanctorum c. 16. ubi legitur: Est in malorum potestate peccare. Ut autem peccando hoc vel hoc illa malitia faciant, non est in eorum potestate, sed Dei dividendi tenebras & ordinantis eas.

d Significat se Catechumenorum sacramento jam a primis annis initiatum: id quod rursus hoc in opere clarius prodit lib. 6. cap. 11. Figam,

inquit, pedes in eo gradu, in quo puer a parentibus positus eram, donec inveniat per spicua veritas. De sacramento salis per paschales dies Catechumenis concedendo exstat Concilii 1. Carthaginensis can. 5. Ejusque ritus mentionem facit non semel Aug. disertissime vero in lib. de Catechiz. rudib. c. 26. ubi mendum in editiones non leve irrepsit ad hæc verba, quid in illo condatur, pro, quid in illo condit.

e Sic reperimus in melioribus MSS. Apud Arn. vero & nonnullos MSS. pressus stomacho. Denique Bad. Am. Er. & Lov. pressus stomachi dolore.

f Abest, quod vult, a MSS. optimis.

g Ita legit Arn. nec aliter ferunt plerique MSS. sed varia labe huic loco illata est in editis, e quibus Am. Er. & Lov. sic habent: & tibi tam eos. Bad. porro, & territa per eos. Alii particula interposita, & terram magis per eos. quam tamen particulam non ineleganter interdum subintellegendam relinquit Augustinus.

h In MS. Lyrensi, referretur.

Ita de non bene facientibus tu bene faciebas mihi; & de peccante meipso iuste retribuebas mihi. JUSSISTI enim, & sic est, ut pœna sua sibi sit omnis inordinatus animus.

CAPUT
XIII.
Quibus
studius
potissi-
mum sit
delecta-
tus.

20. **Q**UID autem erat causæ cur Græcas litteras oderam, quibus puerulus imbuebar, ne nunc quidem mihi satis exploratum est. Adamaveram enim Latinas, non quas primi magistri, sed quas docent qui Grammatici vocantur. Nam illas primas ubi legere & scribere & numerare discitur, non minus onerosas pœnalesque habebam quam omnes Græcas. Unde tamen & hoc nisi de peccato & vanitate vitæ, a quia caro eram & spiritus ambulans & non revertens? Nam utique meliores, quia certiores erant primæ illæ litteræ, quibus fiebat in me, & factum est, & habeo illud ut & legam si quid scriptum invenio, & scribam ipse si quid volo, quam illæ quibus tenere cogebam Æneæ nescio cujus errores, oblitus errorum meorum; & plorare Didonem mortuam, quia se occidit ob amorem, cum interea meipsum in his a te morientem, Deus vita mea, ficcis oculis ferrem miserrimus.

21. Quid enim miserius misero non miserante seipsum, & flente Didonis mortem, quæ fiebat amando Æneam, non flente autem mortem suam, quæ fiebat non amando te, Deus lumen cordis mei, & panis oris intus animæ meæ, & virtus maritans mentem meam & sinum cogitationis meæ? Non te amabam, & fornicabar abs te, & fornicanti sonabat undique Euge, euge. AMICITIA enim mundi huius, fornicatio est abs te: & euge, euge dicitur, ut pudeat si non ita homo sit. Et hæc non flebam, sed flebam Didonem extinctam, ferroque extrema secutam, sequens ipse extrema condita tua, relicto te, b & terra iens in terram: & si prohiberer ea legere, dolerem, quia non legerem quod dolerem. Talis dementia honestiores & uberiores litteræ putantur, quam illæ quibus legere & scribere didici.

22. Sed nunc in anima mea clamet Deus meus, & veritas tua dicat mihi: Non est ita, non est ita. melior est prorsus doctrina illa prior. Nam ecce paratior sum oblivisci errores Æneæ, atque omnia ejusmodi, quam scribere & legere. At enim vela pendent liminibus grammaticarum scholarum: sed non illa magis honorem secreti, quam tegumentum erroris significant. Non clament adversus me, quos jam non timeo, dum confiteor tibi quæ vult anima mea, Deus meus, & adquiesco in reprehensione malarum viarum mearum, ut diligam bonas vias tuas. Non clament adversum me venditores grammaticæ vel emtores: quia si proponam eis, interrogans utrum verum sit quod Æneam aliquando Carthaginem venisse Poeta dicit: indoctiores se nescire respondebunt, doctiores autem etiam negabunt verum esse. At si quæram quibus litteris scribatur Æneæ nomen, omnes mihi, qui hæc didicerunt, verum respondebunt, secundum id pactum & placitum, quo inter se homines ista signa firmarunt. Item si quæram, quid horum majore vitæ huius incommodo quisque obliviscatur, legere & scribere, an poetica illa figmenta: quis non videat quid respondurus sit, qui non est penitus oblitus sui? Pecca-

Tom. I.

A bam ergo puer, cum illa inania istis utilioribus amore præponebam; vel potius ista oderam, illa amabam. Jam verò unum & unum duo, duo & duo quatuor, odiosa cantio mihi erat; & dulcissimum spectaculum vanitatis equus ligneus plenus armatis, & Trojæ incendium, atque ipsius umbra Creusæ.

Æneid.
2.

23. **C**UR ergo Græcam etiam Grammaticam oderam talia cantantem? Nam & Homerus peritustexere tales fabellas, & dulcissime vanus est, & mihi tamen amarus erat puero. Credo etiam Græcis pueris Virgilius ita sit, cum eum sic discere coguntur, ut ego illum. Videlicet c difficultas omnino ediscendæ peregrinæ linguæ, quasi felle aspergebat omnes suavitates Græcas fabulosarum narrationum. Nulla enim verba illa noveram, & sævis terroribus ac pœnis ut nossem instabatur mihi vehementer. Nam & Latina aliquando infans utique nulla noveram; & tamen advertendo didici sine ullo metu atque cruciatu, inter etiam blandimenta nutricum, & joca arridentium, & lætitiis alludentium. Didici vero illa sine pœnali onere urgentium, cum me urgeret cor meum ad parienda concepta sua, d quæ non possem, nisi aliqua verba didicissem, non a docentibus, sed a loquentibus, in quorum & ego auribus parturiebam quidquid sentiebam. Hinc satis elucet majorem habere vim ad discenda ista liberam curiositatem, quam meticulosam necessitatem. Sed illius fluxum hæc restringit legibus tuis, Deus, legibus tuis a magistrorum ferulis usque ad tentationes Martyrum valentibus legibus tuis miscere salubres amaritudines, revocantes nos ad te a jucunditate pestifera, qua recessimus a te.

24. **E**XAUDI, Domine, deprecationem meam, ne deficiat anima mea sub disciplina tua; neque deficiam in confitendo tibi miserationes tuas, quibus eruisti me ab omnibus viis meis pessimis; ut dulcescas mihi super omnes seductiones quas sequebar; & amem te validissime & amplexer manum tuam totis præcordiis meis, & eruas me ab omni tentatione usque in finem. Ecce enim tu, Domine rex meus & Deus meus, tibi serviat quidquid utile puer didici: tibi serviat quod loquor, & scribo, & lego, & numero: quoniam cum vana discerem, tu disciplinam dabas mihi; & in eis vanis peccata delectationum mearum dimisisti mihi. Didici enim in eis multa verba utilia; sed & quæ in rebus non vanis disci possunt; & ea via tuta est, in qua pueri ambulant.

CAPUT
XV.
Precatio
ad De-
um.

25. **S**ED væ tibi flumen moris humani? Quis resistet tibi? Quamdiu non siccaberis? Quousque volves Evæ filios in mare magnum & formidolosum, quod vix transeunt qui lignum conscenderint? Nonne ego in te legi & tonantem Jovem & adulterantem? Et utique non posset hæc duo, sed actum est ut haberet auctoritatem ad imitandum verum adulterium, lenocinante falso tonitruo. Quis autem penulorum magistrorum audit aure sobria, ex eodem pulvere hominem clamantem & dicentem: Fingebat hæc Homerus & humana ad deos transferebat; divina mallet ad nos? Sed verius dicitur quod fingeat hæc quidem ille: sed hominibus flagitiosis divina tribuendo, ne flagitia e flagitia putarentur, & ut quisque ea fecisset, non homines perditos, sed cælestes deos videretur imitatus.

CAPUT
XVI.
Impro-
bat mo-
dum ju-
ventutis
erudien-
dæ.

„Cicero
Tuscul.
„l.1.

D 2

26. Et

a MSS. frequentes, qua caro eram.

b Am. Er. & Lov. è terra iens in terram.

c Ita MSS. præstantiores At Lov. & Arn. difficulser, difficultas.

d MSS. aliquot cum Arn. & quia non esset nisi, &c. Alii nonnulli, & quæ non nosset nisi, &c.

e Apud Lov. ne flagitia putarentur. non integrè.

In Eun-
cho alt. 3
scen. 5.

CAPUT
XVII.
Profe-
quitur
contra
modum
exercen-
dæ ju-
ventutis
in re lit-
teraria.
Enid. 1

* Id est,
aereis
potesta-
tibus.
CAPUT
XVIII.
Quod
homi-
nes cu-
rant ser-
vare le-
ges
gram-
matico-
rum, &
non di-
vino-
rum
præce-
ptorum.

26. Et tamen o flumen tartareum, jactantur in te filii hominum cum mercedibus ut hæc discant; & magna res agitur, cum hoc agitur publice in foro, in conspectu legum supra mercedem salaria decernentium; & saxa tua percutis & sonas dicens: Hinc verba discuntur, hinc acquiritur eloquentia rebus persuadendis sententiisque explicandis maxime necessaria. Ita verò non cognosceremus verba hæc, imbrem aureum, & gremium, & fucum, & templa cæli, & alia verba quæ in eo loco scripta sunt, nisi Terentius induceret nequam adolescentem proponentem sibi Jovem ad exemplum stupri, dum spectat tabulam quamdam pictam in pariete; ubi inerat pictura hæc; Jovem quo pacto Danaë misisse aiunt in gremium quondam imbrem aureum, fucum factum mulieri. Et vide quemadmodum se concitat ad libidinem, quasi

„ cælesti magisterio. At quem deum, inquit? Qui
„ templa cæli summa sonitu concutit. Ego homuncio
„ id non facerem? Ego vero illud feci, ac lubens. Non
omnino per hanc turpitudinem verba ista commodius
discuntur: sed per hæc verba turpitudine ista confiden-
tius perpetratur. Non accuso verbo quasi vasa electa
atque pretiosa, sed vinum erroris quod in eis nobis pro-
pinabatur ab ebriis doctoribus: & nisi biberemus, cæ-
debamur, nec appellare aliquem judicem sobrium lice-
bat. Et tamen ego, Deus meus, in cujus conspectu jam
secura est recordatio mea, libenter hæc didici, & eis
delectabar miser, & ob hoc bonæ spei puer appellabar.

27. **S**INE me Deus meus dicere aliquid & de ingenio meo munere tuo, in quibus à me deliramen-
tis atterebatur. Proponebatur enim mihi negotium ani-
mæ meæ satis inquietum præmio laudis & dedecoris,
vel plagarum metu, ut dicerem verba Junonis irascen-
tis & dolentis, quod non posset Italia Teucrorum
avertere regem; quæ nunquam Junonem dixisse au-
dieram: sed figmentorum poeticorum vestigia erran-
tes sequi cogebarur; & tale aliquid dicere solutis ver-
bis, quale Poeta dixisset versibus, Et ille dicebat
laudabilius, in quo pro dignitate adumbratæ personæ
iræ ac doloris similior affectus eminebat, verbis sen-
tentias congruenter vestientibus. Ut quid mihi illud,
o vera vita mea Deus meus, quod mihi recitanti ad-
clamabatur præ multis coætaneis & conlectoribus
meis? Nonne ecce illa omnia fumus & ventus? Itane
aliud non erat ubi exerceretur ingenium & lingua
mea? Laudes tuæ, Domine, laudes tuæ per Scriptu-
ras tuas suspenderent palmitem cordis mei, & non ra-
peretur per inania nugarum turpis præda * volatili-
bus. Non enim uno modo sacrificatur transgressoribus angelis.

28. **Q**UID autem mirum quod in vanitates ita fere-
bar, & a te, Deus meus, ibam foras, quan-
do mihi imitandi proponebantur homines,
qui aliqua facta sua non mala, si cum barbarismo aut
solœcismo enuntiarent, reprehensi confundebantur;
si autem libidines suas integris & rite consequentibus
verbis copiosè ornateque narrarent, laudati gloriaban-
tur? Vides hæc Domine & taces, longanimis, &
multum misericors, & verax. Numquid semper ta-
cebis? a Et nunc eruis de hoc immanissimo profundo

A quærentem te animam, & sitientem delectationem tuas,
& cujus cor dicit tibi: Quæsi vultum tuum, vul-
tum tuum Domine, requiram? Nam longe a vultu tuo,
in affectu b tenebroso. Non enim pedibus aut spatiis lo-
corum itur abs te, aut reditur ad te. Aut vero filius ille
tuus minor equos, aut currus, vel naves quæsiuit, aut
avolavit penna visibili, aut moto poplite iter egit, ut in
longinqua regione vivens prodige dissiparet quod dede-
ras proficiscenti? Dulcis pater quia dederas, & egeno
redeunti dulcior. In affectu ergo libidinoso, id enim
B est tenebroso, atque id est longe a vultu tuo.

29. Vide Domine Deus, & patienter ut vides vi-
de, quomodo diligenter observent filii hominum pa-
cta litterarum, & syllabarum accepta a prioribus lo-
cutoribus, & a te accepta æterna pacta perpetuæ salu-
tis negligant; ut qui illa sonorum vetera placita teneat
aut doceat, si contra disciplinam grammaticam, sine
aspiratione primæ syllabæ, ominem dixerit, displiceat
magis hominibus, quam si contra tua præcepta homi-
nem oderit, cum sit homo. **QUASI VERO** quemlibet
C inimicum hominem perniciosius sentiat quam ipsum
odium, quo in eum irritatur, aut vastet quisquam
persequendo alium gravius quam cor suum vastat ini-
micando. Et certe non est interior litterarum scien-
tia, quam scripta conscientia, id se alteri facere quod
nolit pati. Quam tu secretus es, habitans in excelsis in
silentio, Deus solus magnus, lege infatigabili SPAR-
GENS pœnales cæcitates super illicitas cupiditates.
Cum homo eloquentiæ famam quærit, adstans ante
hominem judicem, circumstante hominum multitu-
dine, inimicum suum odio immanissimo infectans, vi-
gilantissime cavet, ne per linguæ errorem dicat, in-
ter c hominibus, & ne per mentis furorem hominem
auferat ex hominibus, non cavet.

30. **H**ORUM ego puer morum in limine jacebam
miser, & hujus arenæ palæstra erat illa,
ubi magis timebam barbarismum facere, quam ca-
vebam si facerem, non facientibus invidere. Dico
hæc & confiteor tibi, Deus meus, in quibus lauda-
bar ab eis, quibus placere tunc mihi erat honeste vi-
vere. Non enim videbam voraginem turpitudinis in
quam projectus eram ab oculis tuis. Nam in illis jam
quid me fœdus fuit, ubi etiam talibus displicebam,
fallendo innumerabilibus mendaciis & pædagogum,
& magistros, & parentes amore ludendi, studio
spestandi nugatoria & imitandi, ludicra inquietu-
dine? Furta etiam faciebam de cellario parentum
& de mensa, vel gula imperitante, vel ut habe-
rem quod darem pueris, ludum suum mihi, quo
pariter utique delectabantur, tamen vendentibus.
F In quo etiam ludo fraudulentas victorias, ipse va-
na excellentiæ cupiditate victus, sæpe aucupabar.
Quid autem tam nolebam pati, atque atrociter,
si deprehenderem, arguebam, quam id quod aliis
faciebam, & si deprehensus arguerer, sævire ma-
gis quam cedere libebat? Istane est innocentia pue-
rilis? Non est, Domine, non est, oro te, Deus
meus. Nam hæc ipsa sunt, quæ a pædagogis & ma-
gistris, a nucibus & pilulis & passeribus, ad præ-
fectos & reges, aurum, prædia, mancipia; hæc ipsa
omni-

Psalm. 26.
8.

Luc. 15.
13.

CAPUT
XIX
Pueritiæ
vitia
quæ in
majores
ætates
tran-
seunt.

a Am. Er. & Lov. & non eruis. sed melius longe Bad. Arn. & MSS. præcipui, Et nunc eruis.

b Apud Lov. additur, cesseram. Am. & Er. recefferam. In MS. Albi-
nensi habetur, in affectu eram tenebroso. Apud Bad. vero, Arn. & cere-
tos ferè omnes MSS. generalior effertur sententia absque addito, ut in-

telligamus longe a Deo esse illos qui sunt in affectu tenebroso.

c Lov. inter homines. Pater legendum esse cum MSS. inter hominibus,
vel sine aspiratione, inter omnes. quod Augustinus in exemplum affert
locutionis incongruæ & cavendæ.

omnino quæ succedentibus majoribus ætatibus transeunt, sicuti ferulis majora supplicia succedunt. Humilitatis ergo signum in statura pueritiæ, Rex noster, probasti, cum aisti: *Talium est regnum cælorum*.

Mat. 19.
14.

CAPUT
XX.
Probo-
nis sibi
in pueri-
tia col-
latis Deo
gratias
agit.

31. **S**ED tamen, Domine, tibi excellentissimo atque optimo conditori & rectori universitatis, Deo nostro gratias, etiam si me puerum tantum esse voluisses. Eram enim etiam tunc, a vivebam, atque sentiebam, meamque incolumitatem, vestigium secretissimæ unitatis ex qua eram, curæ habebam; custodiebam interiore sensu integritatem sensuum meorum, inque ipsis parvis, parvarumque rerum cogitationibus veritate delectabar. Falli nolebam, memoria vivebam, locutione instruebar, amicitia mulce-

A bar, fugiebam dolorem, abjectionem, ignorantiam. Quid in tali animante non mirabile atque laudabile? At ista omnia Dei mei dona sunt; non mihi ego dedi hæc; & bona sunt, & hæc omnia ego. Bonus ergo est qui fecit me, & ipse est bonum meum, & illi exulto bonis omnibus quibus etiam puer eram. Hoc ENIM PECCABAM, quod non in ipso, sed in creaturis ejus me atque b ceteris, voluptates, sublimitates, veritates quærebam; atque ita irruebam in dolores, confusiones, errores. Gratiastibi dulcedo mea, & honor meus, & fiducia mea, Deus meus. Gratiastibi de donis tuis, sed tu mihi ea serva. Ita enim servabis me; & augebuntur, & perficientur quæ dedisti mihi, & ero ipse tecum; quia & ut sim tu dedisti mihi.

b

a Sic MSS. cum editis plerisque, ubi Loy. habet, & jam tunc videbam.

b Bad. Am. Er. & Loy. atque ceteras, Castigatum est ex Arn. & MSS.

atque ceteris. Quippe hoc loco fatetur Augustinus se in eo peccasse, quod voluptates, sublimitates, veritates non in Deo, sed in se ipso & creaturis alijs quæreretur.

LIBER SECUNDUS.

Ad ætatem aliam progreditur, primumque adolescentiæ suæ, id est, sextum-decimum vitæ annum, quem in paterna domo studiis intermissis consumserat genio ac libidinibus indulgens, ad mentem revocat cum gravi dolore, severus admodum in dijudicando furto à se tunc temporis cum sodalibus perpetrato.

CAPUT
I.
Adole-
scentiæ
ætatem
& vitia
recolit.

1. **R**ECORDARI volo transactas fœditates meas, & carnales corruptiones animæ meæ; non quod eas amem; sed ut amem te, Deus meus. Amore amoris tui facio istud, recolens vias meas nequissimas in amaritudine recogitationis meæ, ut tu dulcescas mihi, dulcedo non fallax, dulcedo felix & secura, & colligens me à dispersione in qua frustatim discissus sum, dum ab uno te averfus in multa evanui. Exarsi enim aliquando satiari a inferis in adolescentia, & silvescere ausus sum variis & umbrosis amoribus; & contabuit species mea; & computrui coram oculis tuis placens mihi, & placere cupiens oculis hominum.

CAPUT
II.
Annum
ætatis
suæ de-
cimum-
sextum
in ardore
libidino-
so consum-
tum.

2. **E**T quid erat quod me delectabat, nisi amare & amari? Sed non tenebatur modus ab animo usque ad animum quatenus est b luminosus limes amicitiae; sed exhalabantur nebulæ delinosa concupiscentia carnis & scatebra pubertatis, & obnubilabant atque obfuscabant cor meum, ut non discerneretur serenitas dilectionis à caligine libidinis. Utrumque in confuso æstuabat, & rapiebat imbecillam ætatem per abrupta cupiditatum, atque merfabat gurgite flagitiorum. Invaluerat super me ira tua; & nesciebam. c Obsurdueram stridore catenæ mortalitatis meæ, poena superbiæ animæ meæ; & ibam longius a te, & sinebas; & jaçtabar, & effundebar, & diffluebam, & ebulliebam per fornicationes meas, & tacebas. O tardum gaudium meum! Tacebas tunc, & ego ibam porro longe a te in plura & plura sterilia semina dolorum, superba dejectione, & inquieta lassitudine.

Tom. I.

a Loy. cum antiquioribus editis, satiari in inferis. Expunximus, in, juxta MSS. & Arn.

b In editis ab Henrico Sommalio Societatis Jesu & à Thoma Blasio legitur, *limosus limes*. In Corbejensi cod. limosus utrobique corruptè. Illic enim desit Augustinus quod sese intra honestæ amicitiae limites haud continuerit; adeoque legendum cum MSS. & aliis editis, *luminosus limes*.

3. Quis mihi d moderaretur ærumnam meam, & novissimarum rerum fugaces pulcritudines in usum verteret, earumque suavitatibus metas præfigeret, ut usque ad conjugale littus exæstuant fluctus ætatis meæ, si tranquillitas in eis non poterat esse, sine procreandorum liberorum contenta, sicut præscribit lex tua, Domine, qui formas etiam propaginem mortalitatis e nostræ, potens imponere lenem manum ad temperamentum spinarum à paradiso tuo seclusarum? Non enim longè est à nobis omnipotentia tua, etiam cum longe sumus à te. Aut certe sonitum nubium tuarum vigilantius adverterem: *Tribulationem autem carnis habebunt hujusmodi. Ego autem vobis parco. & Bonum est homini mulierem non tangere. & Qui sine uxore est, cogitat ea quæ sunt Dei, quomodo placeat Deo: qui autem matrimonio junctus est, cogitat ea quæ sunt mundi, quomodo placeat uxori.* Has ergo voces exaudirem vigilantior, & abscessus propter regnum cælorum, felicius exspectarem amplexus tuos.

d

1. Cor. 7.
28.
Ibid. 1.
Ibid. 32.

4. Sed efferbui miser sequens impetum fluxus mei relictote; & excessi omnia legitima tua, nec evasi flagella tua. quis enim hoc mortalium? Nam tu semper aderas misericorditer sæviens, & amarissimis adspargens offensionibus omnes illicitas jucunditates meas, ut ita quærerem sine offensione jucundari; & ubi hoc possem, non invenirem quidquam, præter te, Domine, præter te qui singis dolorem in præcepto, & percutis ut sanes, & occidis nos ne moriamur abs te. Ubi eram; & quàm

Psal. 93.
20.

D 3

lon-

c In Loy. Som. & Blas. *obsurdueram stridore*. Substituimus *obsurdueram* aliorum codicum auctoritate, nec non exigente vocabulo, *stridore*, quod ad aures refertur.

d MSS. primæ notæ & propè omnes habent, *modularetur ærumnam meam*; quam lectionem parum absuit ut præligeremus.

e In MSS. optimis, *propaginem mortis nostræ*.

longe exfulabam a deliciis domus tuæ, anno illo sexto-decimo ætatis carnis meæ; cum accepit in me a sceptrum, & totas manus ei dedi, vefania libidinis, licentioſæ per dedecus humanum, illicitæ autem per leges tuas? Non fuit cura meorum ruentem excipere me matrimonio: sed cura fuit tantum ut discerem sermonem facere quam optimum, & perſuadere dictione.

CAPUT
III.
De peregrinatione ſtudiorum cauſa & de parentum propoſito.

5. **E**T anno quidem illo intermiſſa erant ſtudia mea, dum mihi reducto a Madauris, in qua vicina urbe jam cœperam litteraturæ atque oratoriæ percipiendæ gratia peregrinari, longinquioris apud Carthaginem peregrinationis ſumptus præparabantur, animoſitate magis quam opibus patris municipis Thagaſtenſis admodum tenuis. Cui narro hæc? neque enim tibi, Deus meus: ſed apud te narro hæc generi meo, generi humano, quantulumcumque ex particula incidere poteſt in iſtas meas litteras. Et ut quid hoc? Ut videlicet ego & quiſquis hæc legit, cogitemus de quam profundo clamandum ſit ad te. ET QUID propius auribus tuis, ſi cor conſitens & vita ex fide eſt? Quis enim non extollebat laudibus tunc hominem patrem meum quod ultra vires rei familiaris ſuæ impenderet filio quidquid etiam longe peregrinanti ſtudiorum cauſa opus eſſet? multorum enim civium longe opulentiorum nullum tale negotium pro liberis erat: cum interea non ſatageret idem pater qualis creſcerem tibi, aut quam caſtus eſſem; dummodo eſſem diſertus, vel deſertus potius a cultura tua, Deus, qui eſ unus, verus & bonus Dominus agri tui cordis mei.

6. Sed ubi ſexto illo & decimo anno, interpoſito otio ex neceſſitate domeſtica feriatus ab omni ſchola, cum parentibus eſſe cœpi, exceſſerunt caput meum vepres libidinum; & nulla erat eradicans manus. Quinimmo ubi me ille pater in balneis vidit pubeſcentem, & inquieta indutum adoleſcentia, quaſi jam ex hoc in nepotes geſtaret, gaudens matri indicavit; gaudens vinolentia in qua te iſte mundus oblitus eſt creatorem ſuum, & creaturam tuam pro te amavit, de vino inviſibili b perverſæ atque inclinatæ in ima voluntatis ſuæ. Sed matris in pectore jam inchoaveras templum tuum, & exordium ſanctæ habitationis tuæ: nam ille adhuc catechumenus, & hoc recenſerat. Itaque illa exſilivit pia trepidatione ac tremore; & quamvis mihi nondum fideli, timuit tamen vias diſtortas, in quibus ambulant qui ponunt ad te tergum & non faciem.

7. Hei mihi, & audeo dicere tacuiſſe te, Deus meus, cum irem abſte longius. Itane tu tacebaſtunc mihi? Et cujus erant niſi tua verba illa per matrem meam, fidelem tuam, quæ cantavi in aures meas? Nec inde quidquam deſcendit in cor, ut facerem illud. Volebat enim illa, & ſecreto, memini, ut monuerit cum ſolicitudine ingenti ne fornicarer; maximeque ne adulterarem cujuſquam uxorem. Qui mihi monitus muliebres videbantur, quibus obtemperare erubeſcerem. Illi autem tui erant, & nſciebam; & te tacere putabam, atque illam loqui, per quam mihi tu non tacebas, & in illa contemnebaris a me filio ejus, filio ancillæ tuæ ſervo tuo. Sed nſciebam, & præceps ibam tanta cæcitate, ut inter coætaneos meos puderet me minoris dedecoris, quoniam audiebam eos jaçantés flagitia ſua, & tanto glorianteſ magis, quanto

A magis turpeſ eſſent, & libebat malum facere non ſolum libidine facti, verum etiam laudis. Quid dignum eſt vituperatione niſi vitium? Ego ne vituperarer vitioſior fiebam; & ubi non ſuberat quo admiſſo æquarer perditis, fingebam me feciſſe quod non feceram, ne viderer abjectior quo eram innocentior, & ne vilior haberer quo eram caſtior.

8. Ecce cum quibus comitibus iter agebam platearum Babylonæ, & volutabar in cœno ejus, tamquam in cinnamidis & unguentis pretioſis. Et in umbilico ejus, B quo tenacius hærerem, calcabat me inimicus inviſibilis, & ſeducerat me, quia ego ſeductilis eram. Non enim & illa, quæ jam de medio Babylonis fugerat, ſed ibat in ceteris ejus tardior mater carnis meæ, ſicut monuit me pudicitiam, ita curavit quod de me a viro ſuo audierat, jamque peſtilentioſum & in poſterum periculoſum ſentiebat, coercere termino conjugalis affectus, ſi reſecari ad vivum non poterat. Non curavit hoc, quia metus erat ne impediretur ſpes mea compede uxoria; non ſpes illa, quam in te futuri ſæculi habebat mater; ſed ſpes litterarum, quas ut noſſem C nimis volebat parens uterque: ille quia de te prope nihil cogitabat, de me autem inania; illa autem quia non ſolum nullo detrimento, ſed etiam nonnullo adjuvamento ad te adipiſcendum futura exiſtimabat uſitata illa ſtudia doctrinæ. Ita enim conjicio; recolens ut poſſum mores parentum meorum. Relaxabantur etiam mihi ad ludendum habenæ ultra temperamentum ſeveritatis in diſſolutionem affectionum variarum, & in omnibus erat caligo intercludens mihi, D Deus meus, ſerenitatem veritatis tuæ; & prodiebat tamquam ex adipe iniquitas mea.

9. **F**URTUM certe punit lex tua, Domine, & lex ſcripta in cordibus hominum, quam ne ipſa quidem delet iniquitas. Quis enim fur æquo animo furem patitur? nec copioſus ad actum inopia. Et ego furtum facere volui & feci, nulla compulſus egeſtate c nec penuria, ſed ſaſtidio juſtitia, & ſagina iniquitatis. Nam id furatus ſum quod mihi abundabat, & multo melius. Nec ea re volebam frui E quam furto appetebam; ſed ipſo furto & peccato. Arbor erat pirus in vicinia vineæ noſtræ pomis onuſta, nec forma, nec ſapore illecebriſ. Ad hanc excutendam atque adſportandam, nequiſſimi adoleſcentuli perreximus nocte intempeſta, quo uſque ludum de peſtilentia more in areis produxeramus; & abſtulimus inde onera ingentia, non ad noſtras epulas, ſed vel projicienda porcis, etiam ſi aliquid inde comedimus; dum tamen fieret a nobis quod eo liberet quo non liceret. Ecce cor meum, Deus, ecce cor meum F quod miſeratus eſ in imo abyſſi. Dicat tibi nunc ecce cor meum quid ibi quærebat; ut eſſem gratis malus, & malitia meæ cauſa nulla eſſet niſi malitia. Fœda erat, & amavi eam: amavi perire; amavi defectum meum; non illud ad quod deficiebam, ſed defectum meum ipſum amavi: turpis anima & diſſiliens a firmamento tuo in exterminium, non dedecore aliquid, ſed dedecus appetens.

10. **E**TENIM ſpecies eſt pulcris corporibus, & auro, & argento, & omnibus; & in contactu carnis congruentia valet plurimum, ceterisque

CAPUT
IV.
Furtum cum ſodalibus perpetratum.

CAPUT
V.
Neminē peccare ſine cauſa.

a Loy. Som. & Blaſ. accepit in me luxuria ſceptrum, & totas manus ei dedi vefania libidinis. In aliis plerique codicibus habetur in recto, vefania; & abeſt vox, luxuria.

b MS. Lyrenſis, perverſus atque inclinatus.

c MSS. frequentiores, niſi penuria & ſaſtidio juſtitia, &c.

que sensibus est sua cuique accommodata modificatio corporum, habet etiam honor temporalis, & imperitandi atque superandi potentia suum decus, unde etiam vindictæ aviditas oritur; & tamen in cuncta hæc adipiscenda non est egrediendum abs te, Domine, neque deviandum a lege tua. Et vita quam hic vivimus habet illecebram suam propter quemdam modum decoris sui & convenientiam, cum his omnibus infimis pulcris. Amicitia quoque hominum caro nodo dulcis est propter unitatem de multis animis. Propter universa hæc atque huiusmodi peccatum admittitur, dum immoderata in ista inclinatione, cum extrema bona sint, meliora & summa deferuntur, tu Domine Deus noster, & veritas tua, & lex tua. Habent enim & hæc ima delectationes, sed non sicut Deus meus qui fecit omnia, quia in ipso delectatur iustus, & ipse est deliciæ rectorum corde.

11. Cum itaque de facinore quaeritur qua causa factum sit, credi non solet, nisi cum appetitus adipiscendi alicujus illorum bonorum, quæ infima diximus, esse potuisse apparuerit, aut metus amittendi. Pulcra sunt enim & decora, quamquam præ bonis superioribus & beatificis abjecta & jacentia. Homicidium fecit. Cur fecit? Adamavit ejus conjugem aut prædium, aut voluit deprædari unde viveret, aut timuit ab illo tale aliquid amittere, aut læsus ulcisci se exarsit. Num homicidium sine causa faceret, ipso homicidio delectatus? Quis crediderit? Nam & de quo dictum est vearcordi & nimis crudeli homine, quod gratuito potius malus atque crudelis erat, prædicta est tamen causa, Sallu- „ Ne per otium, inquit, torpesceret manus aut animus. „ „ Quare id quoque? Cur ita? Ut scilicet illa exercitatione scelerum, capta urbe, honores, imperia, divitias adsequeretur, & careret metu legum, & difficultate rerum, propter inopiam rei familiaris, & conscientiam scelerum. Nec ipse igitur Catilina amavit facinora sua; sed utique aliud cujus causa illa faciebat. Catil. „

CAPUT VI.
Omnia quæ boni specie ad vitia invitant, in solo Deo esse vera & perfecta.

12. **Q**UID ego miser in te amavi, o furtum meum, o facinus illud meum nocturnum sexti-decimi anni ætatis meæ? Non enim pulcrum eras, cum furtum esses, aut vero aliquid es ut loquar ad te? Pulcra erant poma illa quæ furati sumus, quoniam creatura tua erat, pulcherrime omnium, creator omnium, Deus bone, Deus summum bonum, & bonum verum meum. Pulcra erant illa poma; sed non ipsa concupivit anima mea miserabilis. Erat enim mihi meliorum copia, illa autem decerpfi tantum ut furarer. Nam decerpta projeci, epulatus inde solam iniquitatem, qua lætabar fruens. Nam & si quid illorum pomorum intravit in os meum, condimentum a ibi facinus erat. Et nunc, Domine Deus meus, quæro quid me in furto delectaverit, & ecce species nulla est. Non dico sicut in æquitate atque prudentia; sed neque sicut in mente hominis atque memoria & sensibus & vegetante vita; neque sicut speciosa sunt sidera & decora locis suis & terra & mare plena fetibus, qui succedunt nascendo decedentibus; non saltem ut est quædam defectiva species & umbratica vitiis fallentibus.

13. Nam & superbia celsitudinem imitatur; cum tu sis unus super omnia Deus excelsus. Et ambitio quid

A nisi honores quaerit & gloriam; cum tu sis præ cunctis honorandus unus & gloriosus in æternum? Et sævitia potestatum timeri vult: quis autem timendus nisi unus Deus, cujus potestati eripi aut subtrahi quid potest? quando, aut ubi, aut quo, vel a quo potest? Et blanditiæ lascivientium amari volunt: sed neque blandius est aliquid tua caritate, nec amatur quidquam salubrius quam illa præ cunctis formosa & luminosa veritas tua. Et curiositas affectare videtur studium scientiæ; cum tu omnia summe noveris. Ignorantia quoque ipsa atque stultitia, simplicitatis & innocentiae nomine tegitur: quia te simplicius quidquam non reperitur. **Q**UID te autem innocentius, quandoquidem b opera sua malis inimica sunt? Et ignavia quasi quietem appetit: quæ vero quies certa præter Dominum? Luxuria satietatem atque abundantiam se cupit vocari; tu autem es plenitudo & indeficiens copia incorruptibilis suavitatis. Effusio liberalitatis obtendit umbram: sed bonorum omnium largitor affluentissimus tu es. Avaritia multa possidere vult; & tu possides omnia. Invidentia de excellentia litigat: quid te excellentius? Ira vindictam quaerit; te justius quis vindicat? Timor insolita & repentina exhorrescit, rebus quæ amantur adversantia, dum præcavet securitati: tibi enim quid insolitum, quid repentinum? aut quisa te separat quod diligis? aut ubi nisi apud te firma securitas? Tristitia rebus amissis contabescit, quibus se oblectabat cupiditas; quia ita sibi nollet, sicut tibi auferri nihil potest.

14. Ita fornicatur anima cum avertitur abs te, & quaerit extra te ea, quæ pura & liquida non invenit, nisi cum redit ad te. **P**ER V E R S E te imitantur omnes, qui longe se a te faciunt, & extollunt se adversum te. Sed etiam sic te imitando indicant creatorem se esse omnis creaturæ; & ideo non esse quo a te omni modo recedatur. Quid ergo in illo furto ego dilexi: & in quo Dominum meum vel vitiose atque perverse imitatus sum? An libuit facere contra legem saltem fallacia, quia potentatu non poteram, ut mancam libertatem captivus imitarer faciendo impune quod non liceret, tenebrosa omnipotentiae similitudine? * Ecce est ille servus fugiens Dominum suum, & consecutus umbram. O putredo, o monstrum vitæ, & mortis profunditas. Potuit-ne libere quod non licebat, non ob aliud, nisi quia non licebat?

15. **Q**UID retribuam Domino, quod recolit hæc memoria mea, & anima mea non metuit inde? Diligam te, Domine, & gratias agam, & confitear nomini tuo, quoniam tanta dimisisti mihi mala & nefaria opera mea. **G**RATIAE tuæ deputo & misericordiae tuæ, quod peccata mea tamquam glaciem solvisti. **G**RATIAE tuæ deputo, & quæcumque non feci mala. Quid enim non facere potui, qui etiam gratuitum facinus amavi? **E**T **O**MNIA mihi dimissa esse fateor; & quæ mea sponte feci mala & quæ te duce non feci. Quis est hominum qui suam cogitans infirmitatem, audet viribus suis tribuere castitatem atque innocentiam suam; ut minus amet te, quasi minus ei necessaria fuerit misericordia tua, qua donas peccata conversis ad te? Qui enim vocatus a te secutus est vocem tuam, & vitavit ea quæ me de me ipso recordantem & fatentem legit, non me derideat ab eo medico ægrum

* CAPUT VII.
Gratias agit Deo pro remissione peccatorum, quodque a multis servatus sit.

a Ita MSS. quatuor & Arn. condimentum mihi.

b Ita in MSS. & antiquioribus editis, cum in Lov. & Arn. legatur, opera tua malis inimica sunt. contra mentem Augustini, qui, nisi

fallimur, probare intendit nihil Dei innocentiae derogari poena malis irrogata; quia si quid patiuntur nocuenti, totum in ipsa eorum opera refundi debet.

ægrum sanari, a quo sibi præstitum est ut non ægrotaret, vel potius ut minus ægrotaret: & ideo te tantundem, immo vero amplius diligit; quia per quem me videt tantis peccatorum meorum languoribus exui, per eum se videt tantis peccatorum languoribus non implicari.

CAPUT
VIII.
Amavit
in furto
confor-
tium si-
mul pec-
can-
tium.

16. **Q**UEM fructum habui miser aliquando in iis quæ nunc recolens erubesco: maxime in illo furto in quo ipsum furtum amavi? Nihil aliud; cum & ipsum esset nihil, & eo ipso ego miserior. Et tamen solus id non fecissem, sic recordor animum tunc meum; solus omnino id non fecissem. Ergo amavi ibi etiam consortium a reorum cum quibus id feci? Non ergo nihil aliud quam furtum amavi; immo vero nihil aliud, quia & illud nihil est. Quid est revera? Quis est qui doceat me, nisi qui illuminat cor meum & discernit umbras ejus, quid est quod mihi venit in mentem quærere, & discutere, & considerare? Quia si tunc amarem poma illa quæ furatus sum, & eis frui cuperem, possem etiam solus, si satis esset committere illam iniquitatem, qua pervenirem ad voluptatem meam; nec confricatione consociorum animorum accenderem pruritum cupiditatis meæ. Sed quoniam in illis pomis voluptas mihi non erat, ea erat in ipso facinore, quam faciebat consortium simul peccantium.

CAPUT
IX.
Con-
giosa res
fodales
mali.

17. **Q**UID erat ille affectus animi? Certe enim plane turpis erat nimis; & vix mihi erat qui habebam illum. Sed tamen quid erat? Delicta

a Codices plerique, consortium eorum. Maluimus, uti pauciores habent, consortium reorum. Hoc enim verbo S. Augustinus peccati illius sui gravitatem amplificat, sicuti deinceps facit, se & con-

quis intelligit? Riserat, quasi titillato corde, quod fallebamus eos qui hæc a nobis fieri non putabant, & vehementer nolebant. Cur ergo eo me delectabat, quod id non faciebam solus? An quia etiam nemo facile solus ridet? Nemo quidem facile; sed tamen etiam solos & singulos homines, cum alius nemo præfense est, vincit risus aliquando, si aliquid nimie ridiculum, vel sensibus occurrit, vel animo. At ego illud solus non facerem, non facerem omnino solus. Ecce est coram te, Deus meus, viva recordatio animæ meæ. Solus non facerem furtum illud, in quo me non libebat id quod furabar, sed quia furabar: quod me solum facere prorsus non liberet, nec facerem. O nimis inimica amicitia, seductio mentis investigabilis, ex ludo & joco nocendi aviditas, & alieni damni appetitus: nulla lucri mei, nulla ulciscendi libidine: sed cum dicitur: Eamus, faciamus; & pudet non esse impudentem.

18. **Q**UIS exaperit istam tortuosissimam & implicatissimam nodositatem? Fœda est; nolo in eam intendere: nolo eam videre. Te volo, justitia & innocentia, pulcra & decora honestis luminibus, & insatiabili satietate. Quies est apud te valde, & vita imperturbabilis. Qui intrat in te, intrat in gaudium Domini sui; & non timebit, & habebit se optime in optimo. Defluxi ab te ego, & erravi, Deus meus, nimis devius a stabilitate tua in adolescentia, & factus sum mihi regio egestatis.

CAPUT
X.
In Deo
omne
bonum.

sciorum animorum confricatione accensum, & consorcio simul peccantium delectatum fuisse accusans.

LIBER TERTIUS.

De annis ætatis illius decimo-septimo, decimo-octavo & decimo-nono transactis Carthagine, ubi dum litterarum studii curriculum absolveret, se libidinosi amoris laqueo irretitum, necnon in Manichæorum hæresim prolapsus fuisse meminit. Adversus horum errores & ineptias differit luculenter. Maternas pro se lacrymas & responsum de sua resipiscencia divinitus acceptum refert.

CAPUT
I.
Amore
quem
venaba-
tur capi-
tur.

1. **V**ENI Carthaginem; & circumstrepebat me undique sartago flagitiosorum amorum. Nondum amabam & a amare amabam, & secretiore indigentia oderam me minus indigentem. Quærebam quod amarem, amans amare, & oderam securitatem, & viam sine muscipulis. Quoniam fames mihi erat intus ab interiore cibo te ipso, Deus meus, & ea fame non esuriebam; sed eram sine desiderio alimentorum incorruptibilium: non quia plenus eis eram, sed quo inanior, eo fastidiosior. Et ideo non bene valebat anima mea; & ulcero-fa projiciebat se foras miserabiliter scalpi avida contactu sensibilibus. Sed si non haberent animam, non utique amarentur. Amare & amari dulce mihi erat, magis si & amantis corpore fruerer. Venam igitur amicitie coinquinabam sordibus concupiscentiæ, candoremque ejus obnubilabam de tartaro libidinis; & tamen fœdus atque inhonestus, elegans & urbanus esse gestiebam abundanti vanitate. Rui etiam in amorem quo cupiebam capi.

a Lov. & amari amabam, moxque, amans amari. At Bad. Am. Er. & Arn. cum MSS. pro amari, habent, amare, utroque loco, & melius.

Deus meus, misericordia mea, quanto felle mihi suavitatem illam, & quam bonus aspersisti; quia & amatus sum, & perveni occulte ad vinculum fruendi, & colligabar lætus ærumnosis nexibus, ut cederer virgis ferreis ardentibus zeli, & suspicionum, & timorum, & irarum, atque rixarum.

2. **R**APIEBANT me spectacula theatra, plena imaginibus miseriarum mearum, & fomitibus ignis mei. * Quid est quod ibi homo vult dolere, cum spectat luctuosa atque tragica; quæ tamen pati ipse nollet? Et tamen pati vult ex eis dolorem spectator, & dolor ipse est voluptas ejus. Quid est, nisi b miserabilis infania? nam eo magis eis movetur quisque, quo minus a talibus affectibus sanus est. quamquam cum ipse patitur, miseria; cum aliis compatitur, misericordia dici solet. Sed qualis tandem misericordia in rebus fictis & scenicis? Non enim ad subveniendum provocatur auditor; sed tantum addolendum invitatur: & c actori earum imaginum amplius favet, cum amplius dolet: & si ca-

* CAPUT
II.
Amavit
specta-
cula tra-
gica.

b MSS. septem, mirabilis infania.
c Am. Er. & Lov. auctori.

si calamitates illæ hominum vel antiquæ vel falsæ sic agantur, ut qui spectat non doleat; abscedit inde fastidians & reprehendens: si autem doleat, manet intentus, & gaudens lacrymatur.

3. ^a Ergo amantur & dolores? Certe omnis homo gaudere vult. An cum miserum neminem esse libeat, libet tamen esse misericordem? quod quia non sine dolore est, hac una causâ amantur dolores: & hoc de illa vena amicitiae est. Sed quo vadit? quo fluit? Ut quid decurrit in torrentem picis bullientis æstus immanes tetrarum libidinum, in quos ipsa mutatur & vertitur per nutum proprium de cælesti serenitate detorta atque dejecta? Repudietur ergo misericordia? Nequaquam. Ergo amentur dolores aliquando. Sed cave immunditiam anima mea sub tutore Deo meo, Deo patrum nostrorum, & laudabili & superexaltato in omnia sæcula: cave immunditiam. Neque enim nunc non misereor: sed tunc in theatris congaudebam amantibus, cum sese fruebantur per flagitia, quamvis hæc imaginarie gererent in ludo spectaculi. Cum autem sese amittebant, quasi misericors contristabar; & utrumque delectabat tamen. Nunc vero magis misereor gaudentem in flagitio, quam velut dura perpeßum detrimento perniciosæ voluptatis, & amissione miseræ felicitatis. Hæc certe verior misericordia; sed non in ea delectat ^b dolor. Nam etsi approbatur officio caritatis, qui dolet miserum; mallet tamen utique non esse quod doleret, qui germanitus misericors est. Si enim est malevola benevolentia, quod fieri non potest; potest & ille qui veraciter sinceriterque miseretur, cupere esse miseros ut misereatur. Nonnullus itaque dolor approbandus, nullus amandus est. Hoc enim tu, Domine Deus, qui animas amas, longe lateque purius quam nos, & incorruptibilis misereris, quod nullo dolore fauciaris. Et ad hæc quis idoneus?

4. At ego tunc miser dolere amabam, & quærebam ut esset quod dolerem, quando mihi in ærumna aliena, & falsa, & saltatoria, ea magis placebat actio histrionis, meque alliciebat vehementius, qua mihi lacrymæ excutiebantur. Quid autem mirum cum infelix pecus aberrans a grege tuo, & impatiens custodiæ tuæ turpi scabie fœdarer? Et inde erant dolorum amores, non quibus altius penetrarer; non enim amabam talia peripeti, qualia spectare; sed quibus auditis & fictis, tanquam in superficie raderer: quos tamen quasi ungues scalpentium fervidus tumor, & tabes, & fæcies horrida consequebatur. Talis vita mea, numquid vita erat, Deus meus?

5. ^c **E**T circumvolabat super me fidelis a longe misericordia tua. In quantas iniquitates distabui, & sacrilegam curiositatem secutus sum, ut deferentem te, deduceret me ad ima infida & circumventoria obsequia dæmoniorum, quibus immolabam facta mea mala: & in omnibus flagellabas me? Ausus sum etiam in celebritate sollemnitatum tuarum, intra parietes Ecclesiæ tuæ concupiscere & agere negotium procurandi fructus mortis: unde me verberasti gravibus poenis; sed nihil ad culpam meam, o tu prægrandis misericordia mea, Deus meus, refugium meum a terribilibus nocentibus in quibus vagatus sum præfidenti collo, ad longe recedendum a te, amans vias meas

A & non tuas, amans fugitivam libertatem.

6. Habebant & illa studia quæ honesta vocabantur, ductum suum intuentem fora litigiosa, ut excellerem in eis, hoc laudabilior, quo fraudulentior. Tanta est cæcitas hominum de cæcitate etiam glorian-tium. Et major jam eram in schola rhetoris; & gaudebam superbe, & tumebam typho; quamquam longe sedatior, Domine tu scis, & remotus omnino ab everfionibus quas faciebant everfores, (hoc enim nomen ^c scævum & diabolicum, velut insigne urbanitatis est,) inter quos vivebam pudore impudenti, quia talis non eram; & cum eis eram, & amicitis eorum delectabar aliquando, a quorum semper factis abhorrebam, hoc est, ab everfionibus, quibus proterve infectabantur ignotorum verecundiam, quam perturbarent gratis illudendo atque inde pascendo malevolas lætities suas. Nihil est illo actu similis actibus dæmoniorum. Quid itaque verius quam everfores vocarentur? Everfi plane prius ipsi atque perversi, deridentibus eos & seducentibus fallacibus occulte spiritibus, in eo ipso quo alios irridere amant & fallere.

7. ^c **I**NTER hos ego, imbecilla tunc ætate disciebam libros eloquentiæ, in qua eminere cupiebam sine damnabili & ventoso per gaudia vanitatis humanæ, & usitato jam discendi ordine perveneram in librum quemdam cujusdam Ciceronis, cujus linguam fere omnes mirantur, pectus non ita. Sed liber ille ipsius exhortationem continet ad philosophiam, & vocatur Hortensius. Ille vero liber mutavit affectum meum, & ad te ipsum Domine mutavit preces meas, & vota ac desideria mea fecit alia. Viluit mihi repente omnis vana spes, & immortalitatem sapientiæ concupiscebam æstu cordis incredibili; & surgere cœperam ut ad te redirem. Non enim ad acuendam linguam, quod videbar emere maternis mercedibus, cum agerem annum ætatis unde-vigesimum, jam defuncto patre ante biennium: non ergo ad acuendam linguam referebam illum librum; neque mihi locutionem, sed quod loquebatur persuaserat.

8. Quomodo ardebam, Deus meus, quomodo ardebam revolare a terrenis ad te; & nesciebam quid ageres mecum. Apud te est enim sapientia. Amor autem sapientiæ nomen græcum habet φιλοσοφίαν. quo me accendebant illæ litteræ. Sunt qui seducant per philosophiam, magno & blando & honesto nomine colorantes & fucantes errores suos: & prope omnes, qui ex illis & supra temporibus tales erant, notantur in eo libro & demonstrantur, & manifestatur ibi salutifera illa admonitio spiritus tui per servum tuum bonum & pium; *Videte ne quis vos decipiat per philosophiam & inanem seductionem, secundum traditionem hominum, secundum elementa huius mundi, & non secundum Christum; quia in ipso inhabitat omnis plenitudo divinitatis corporaliter.* Et ego illo tempore, scis tu lumen cordis mei, quoniam nondum mihi hæc apostolica nota erant; hoc tamen solo delectabar in illa exhortatione, quod non illam aut illam sectam, sed ipsam quæcumque esset sapientiam, ut diligere, & quærere, & adsequerem, & tenerem atque amplexarer fortiter, excitabar sermone illo, & accendebar, & ardebam; & hoc ^d solum me in tan-

CAPUT
IV.
Hortensius Ciceronis excitavit illum ad ardorem philosophiæ.

Coloss. 2. 8

^a Lovanienfes legunt, lacrymæ ergo amantur & dolores. Abest vox, lacrymæ, a MSS. & editis plerisque.

^b Bad. Am. Er. & Lov. delectatur cor. Nostram vero lectionem præferunt MSS. & Arn.

^c Sic juxta vetustos cod. scribendum hic scævum, id est, sinistrum

^d Sic MSS. prope omnes cum Bad. neque secus Am. & Er. nisi quod scribunt, refringebat. At Lov. & Arn. habent, & hoc solo in me tanta flagrantia refringebat.

tanta flagrantia refrangebat, quod nomen Christi non erat ibi. Quoniam hoc nomen secundum misericordiam tuam Domine, hoc nomen Salvatoris mei filii tui, in ipso adhuc lacte matris, tenerum cor meum præbiberat, & alte retinebat, & quidquid sine hoc nomine fuisset, quamvis litteratum & expolitum & veridicum, non me totum rapiebat.

CAPUT
V.
Fastidit
sacras
litteras
propter
simplici-
tatem
filii.

9. **I**T AQUE institui animum intendere in Scripturis sanctas, ut viderem quales essent. Et ecce video rem non compertam superbis, neque nudatam pueris; sed incessu humilem, successu excelsam & velatam mysteriis: & non eram ego talis ut intrare in eam possem, aut inclinare cervicem ad ejus gressus. Non enim sicut modo loquor, ita sensi cum adtendi ad illam Scripturam: sed visa est mihi indigna quam Tullianæ dignitati compararem. Tumor enim meus refugiebat modum ejus; & acies mea non penetrabat interiora ejus. Verumtamen illa erat quæ cresceret cum parvulis: sed ego dedignabar esse parvulus, & turgidus fastu mihi grandis videbar.

CAPUT
VI.
A Mani-
chæis
quomo-
do cap-
tus.
V. lib. de
utilitate
credendi
cap. 7.

10. **I**NCIDI itaque in homines superbe delirantes, & carnales nimis & loquaces, in quorum ore laquei diaboli, & viscum confectum commixtione syllabarum nominis tui, & Domini Jesu Christi, & Paracleti consolatoris nostri Spiritus sancti. Hæc a nomina non recedebant de ore eorum, sed tenuis sono & strepitu linguæ, ceterum cor inane veri. Et dicebant, Veritas & veritas; & multum eam dicebant mihi, & nusquam erat in eis; sed falsa loquebantur, non de te tantum, qui vere veritas es, sed etiam de istis elementis hujus mundi creatura tua, de quibus etiam vera dicentes philosophos transgredi debui præ amore tuo, mi Pater summe bone, pulcritudo pulcrorum omnium. O Veritas, veritas, quam intime etiam tum medullæ animi mei suspirabant tibi, cum te illi sonarent mihi frequenter & multipliciter voce sola, & libris multis & ingentibus. Et illa erant fercula in quibus mihi esuriendi te, inferebantur pro te sol & luna, pulcra opera tua; sed tamen opera tua, non tu, nec ipsa prima. Priora enim spiritalia opera tua quam ista corporea, quamvis lucida & cælestia. At ego nec priora illa, sed te ipsum, te Veritas, in qua non est commutatio nec momenti obumbratio esuriebam & sitiebam, & apponebantur adhuc mihi in illis ferculis phantasmata splendida, quibus jam melius erat amare istum solem, saltem istis oculis verum, quam illa falsa animo decepto per oculos. Et tamen, quia te putabam, manducabam; non avide quidem, quia nec sapiebas in ore meo sicuties; neque enim tu eras figmenta illa inania, nec nutriebar eis, sed exhauriebar magis. Cibus in somnis simillimus est cibus vigilantium, quo tamen dormientes non aluntur, dormiunt enim: at illa nec similia erant ullo modo tibi, sicut nunc mihi locuta es; quia illa erant corporalia phantasmata, falsa corpora, quibus certiora sunt vera corpora ista quæ videmus visu carneo, sive cælestia sive terrestria; cum pecudibus & volatilibus videmus hæc: & certiora sunt quam cum imaginamur ea. Et rursus certius imaginamur ea quam ex eis suspicamur alia grandiora, & infinita, quæ omnino nulla sunt, qualibus ego tunc pascebar inanibus; & non pascebar. At tu amor meus in quem deficio ut fortis sim, nec ista corpora es quæ videmus, quamquam in cælo, nec ea es quæ non videmus ibi, quia tu ista condidisti,

a Loy. Hæc enim omnia non, &c.

nec in summis tuis conditionibus habes. Quanto ergo longe es a phantasmatibus illis meis, phantasmatibus corporum quæ omnino non sunt; quibus certiores sunt phantasiæ corporum eorum quæ sunt; & eis certiora corpora, quæ tamen non es; sed nec anima es quæ vita est corporum. Ideo melior vita corporum certiorque quam corpora. Sed tu vita es animarum, vita vitarum, vivens te ipsa, & non mutaris vita animæ meæ.

11. **U**bi ergo mihi tunc eras, & quam longe? & longe peregrinabar abs te, exclusus & a filiquis porcorum, quos de filiquis pascebam. Quanto enim meliores grammaticorum & poetarum fabellæ, quam illa decipula! Nam versus & carmen & Medea volans utiliores certe quam quinque elementa varie fucata, propter quinque antra tenebrarum quæ omnino nulla sunt, & occidunt credentem. Nam versum & carmen etiam ad vera pulmenta transfero: volantem autem Medeam & si cantabam, non asserebam, & si cantari audiebam, non credebam: illa autem credidi. Væ, væ, quibus gradibus deductus sum in profunda inferi? quippe laborans & æstuans inopia veri, cum te Deus meus (tibi enim confiteor qui me miseratus es & nondum confitentem) cum te non secundum intellectum mentis, quo me præstare voluisti belluis, sed secundum sensum carnis quærerem. Tu autem eras interior intimo meo, & superior summo meo. Offendi illam mulierem audacem, inopem prudentiæ, ænigma Salomonis, sedentem super cellam in foribus, & dicentem: *Panes occultos libenter edite, & aquam dulcem furtivam bibite*. Quæ me seduxit, quia invenit foris habitantem in oculo carnis meæ, & talia ruminantem apud me, qualia per illum vorassem.

Prov. 9.
17.

12. **N**ESCIEBAM enim aliud vere quod est; & quasi acutule movebar ut suffragarer stultis deceptoribus, cum a me quærerent unde malum; & utrum forma corporea Deus finiretur & haberet capillos & ungues; & utrum justi existimandi essent qui haberent uxores multas simul, & occiderent homines, & sacrificarent de animalibus. Quibus rerum ignarus perturbabar; & recedens a veritate ire in eam mihi videbar; quia non noveram malum non esse nisi privationem boni, usque ad quod omnino non est. Quod unde viderem, cujus videre usque ad corpus erat oculis, & animo usque ad phantasma? Et non noveram Deum esse spiritum, non cui membra essent per longum & latum, nec cui esse moles esset; quia moles in parte minor est quam in toto suo; & si infinita sit, minor est in aliqua parte certo spatio definita, quam per infinitum; & non est tota ubique, sicut spiritus, sicut Deus. Et quid in nobis esset, secundum quod essemus similes Deo, & recte in Scriptura diceremur ad imaginem Dei, prorsus ignorabam.

CAPUT
VII.
Doctri-
na Ma-
nichæo-
rum ab-
surda
cui suf-
fragaba-
tur.

13. Et non noveram justitiam veram interiorem, non ex consuetudine judicantem, sed ex lege rectissima Dei omnipotentis, qua formarentur mores regionum & dierum pro regionibus & diebus; cum ipsa ubique ac semper esset, non alibi alia, nec alias aliter; secundum quam justi essent Abraham & Isaac & Jacob & Moyses & David, & illi omnes laudati ore Dei; sed eos ab imperitis judicari iniquos, judicantibus ex humano die, & universos mores humani generis ex parte moris sui metientibus: tamquam si quis nescius in armamentis quid cui membro accomodatum sit;

Gen. 1.
27.

ocrea

b Sic MSS. cum Bad. Am. Arn. ubi Er. & Loy. reddunt, *elementa*.

ocrea velit caput contegi, & galea calceari; & murmuretur quod non apte conveniat: aut in uno die indicto a pomeridianis horis justitio, quisquam stomachetur non sibi concedi quid venale proponere, quia mane concessum est: aut in una domo videat aliquid tractari manibus a quoquam servo, quod facere non sinatur qui pocula ministrat: aut aliquid post præsepia fieri, quod ante mensam prohibeatur; & indignetur, cum sit unum habitaculum & una familia, non ubique atque omnibus idem tribui. Sic sunt isti qui indignantur, cum audierint illo sæculo licuisse justis aliquid, quod isto non licet justis; & quia illis aliud præcepit Deus, istis aliud pro temporalibus causis, cum eidem justitiæ utrique servierint: cum in uno homine, & in uno die, & in unis ædibus videant aliud alii membro congruere, & aliud jamdudum licuisse, post horam non licere: quidam in illo angulo permitti aut juberi, quod in isto iuste vetetur & vindicetur. Numquid justitia varia est & mutabilis? Sed tempora quibus præsidet, non pariter eunt; tempora enim sunt. Homines autem quorum vita super terram brevis est, quia sensu non valent causas contexere sæculorum priorum, aliarumque gentium quas experti non sunt, cum his quas experti sunt: in uno autem corpore, vel die, vel domo, facile possunt videre quid cui membro, quibus momenti, quibus partibus personis-ve congruat, in illis offenduntur, his serviunt.

14. Hæc ego tunc nesciebam, & non advertēbam, & feriebam undique ista oculos meos, & non videbam. Et cantabam carmina, & non mihi licebat ponere pedem quemlibet ubilibet, sed in alio atque alio metro aliter atque aliter; & in uno aliquo versu, non omnibus locis eundem pedem. Et ars ipsa qua cane- bam, non habebat aliud alibi, sed omnia simul. Et non intuebar justitiam cui servirent boni & sancti homines, longe excellentius atque sublimius habere simul omnia quæ præcepit a & nulla ex parte variari, & tamen variis temporibus non omnia simul, sed propria distribuentem ac præcipientem. Et reprehende- bam cæcus pios patres, non solum sicut Deus juberet atque inspiraret utentes præsentibus, verum quoque sicut Deus revelaret futura prænuntiantes.

15. **N**UMQUID aliquando aut alicubi injustum est diligere Deum ex toto corde, & ex tota anima, & ex tota mente, & diligere proximum tamquam se ipsum? Itaque **FLAGITIA** quæ sunt contra naturam, ubique ac semper detestanda atque punienda sunt, qualia Sodomitarum fuerunt. Quæ si omnes gentes facerent, eodem criminis reatu divina lege tenerentur, quæ non sic fecit homines ut se illo uterentur modo. **VIOLATUR** quippe ipsa societas quæ cum Deo nobis esse debet, cum eadem natura, cujus ille auctor est, libidinis perversitate polluitur. **QUÆ** autem contra mores hominum sunt flagitia, pro morum diversitate vitanda sunt, ut pactum inter se civitatis aut gentis consuetudine vel lege firmatum nulla civis aut peregrini libidine violetur. **TURPIS** enim omnis pars est suo universo non congruens: **CUM** autem Deus aliquid contra morem aut pactum quorumlibet jubet, & si numquam ibi factum est, faciendum est: & si omisum, instaurandum: & si institutum non erat, instituendum est. Si enim regi licet in

A civitate cui regnat jubere aliquid, quod neque ante illum quisquam, nec ipse umquam jusserat; & non contra societatem civitatis ei obtemperatur; immo contra societatem non obtemperatur: **GENERALE** quippe pactum est societatis humanæ obedire re- gibus suis: quanto magis Deo regnatori universæ crea- turæ suæ, ad ea quæ jusserit, sine dubitatione ser- viendum est? **SICUT** enim in potestatibus societa- tis humanæ, major potestas minori ad obediendum præponitur: ita Deus omnibus.

B 16. Item in facinoribus, ubi libido est nocendi, sive per contumeliam, sive per injuriam; & utrum- que vel ulciscendi causa, sicut inimico inimicus; vel adipiscendi alicujus extra commodi sicut latro via- tori; vel evitandi mali, sicut ei qui timetur; vel in- videndo, sicut feliciori miserior; aut in aliquo prospe- ratus, ei quem sibi æquari timet aut æqualem dolet; vel sola voluptate alieni mali, sicut spectatores gla- diatorum, aut irrisores, aut illusores quorumlibet: hæc sunt capita iniquitatis, quæ pullulant principan- di & spectandi & sentiendi libidine, aut una, aut

C duabus earum, aut simul omnibus; & vivitur male adversus tria & septem, psalterium decem chorda- rum decalogum tuum, Deus altissime & dulcissime. Sed quæ flagitia in te, qui non corrumpere? Aut quæ adversus te facinora, cui noceri non potest? Sed hoc vindicas quod in se homines perpetrant; quia etiam cum in te peccant, impie faciunt in animas suas, & mentitur iniquitas sibi, sive corrumpe- do ac pervertendo naturam suam quam tu fecisti & ordina- sti, vel immoderate utendo concessis rebus, vel in non concessa flagrando in eum usum qui est contra natu- ram; aut rei tenentur, animo & verbis sævientes ad- versus te, & adversus stimulum calcitrantes; aut cum disruptis limitibus humanæ societatis, lætantur audaces privatis conciliationibus aut diremptionibus; prout quidque delectaverit aut offenderit. Et ea fiunt cum tu dereliqueris fons vitæ, qui es unus & verus creator & rector universitatis, & privata superbia diligitur in parte unum falsum. Itaque pietate humi- li reditur in te, & purgas nos a consuetudine mala, & propitius es peccatis confitentium, & exaudis gemitus compeditorum, & solvis a vinculis quæ nobis feci- mus, si jam non erigamus adversus te cornua falsæ libertatis, avaritia plus habendi, & damno totum amittendi; amplius amando proprium nostrum quam te omnium bonum.

E 17. **S**ED inter flagitia & facinora & tam multas iniquitates, sunt peccata proficientium, quæ a bene judicantibus & vituperantur ex regula perfe- ctionis, & laudantur spe frugis, sicut herba segetis. Et sunt quædam similia vel flagitio vel facinori, & non sunt peccata; quia nec te offendunt Dominum Deum nostrum, nec sociale consortium; cum conciliantur ali- qua in usum vitæ congrua temporis, & incertum est an libidine habendi; aut puniuntur corrigendi studio po- testate ordinata, & incertum est an libidine nocen- di. Multa itaque facta quæ hominibus improbanda viderentur, testimonio tuo approbata sunt: & mul- ta laudata ab hominibus, te teste damnantur: cum sæpe se aliter habet species facti, & aliter facientis animus, atque articulus occulti temporis. Cum ve-

ro

Libido
triplex.CAPUT
IX.
Discri-
men in-
ter pec-
cata, &
inter
Dei judi-
cium &
homi-
num.

a Apud Lov. additur *Deus*. Sed ea vox abest a MSS. & plerif- que editis; quia quæ hic laudatur Justitia non est alia ab ipso Deo,

qui præcepit.

ro aliquid tu repente inusitatum & improvisum imperas, etiam si hoc aliquando vetuisti, quamvis causam imperii tui pro tempore occultes; & quamvis contra pactum sit aliquorum hominum societatis, quis dubitet esse faciendum; quando ea iusta est societas hominum quæ servit tibi? Sed beati qui te imperasse sciunt. Fiunt enim omnia a servantibus tibi, vel ad exhibendum quod ad præsens opusest, vel ad futura prænuntianda.

CAPUT X.
Nugæ Manichæorum de terrestribus.
18. **H**ÆC ego nesciens, irridebam illos sanctos servos & Prophetas tuos. Et quid agebam cum irridebameos, nisi ut irriderer abste, sensim atque paulatim perductus ad eas nugæ ut crederem ficum plorare cum decerpitur, & matrem ejus arborem lacrymis lacteis? Quam tamen ficum si comedisset aliquis sanctus, alieno sane non suo scelere decerptam, misceret visceribus, & anhelaret de illa Angelos, immo vero particulas Dei gemendo in oratione atque rutando: quæ particulæ summi & veri Dei ligatæ fuissent in illo pomo, nisi electi sancti dente ac ventre solverentur. Et credidi miser magis esse misericordiam præstandam fructibus terræ, quam hominibus, propter quos nascerentur. Si quis enim esuriens peteret qui Manichæus non esset, quasi capitali supplicio damnanda buccella videretur, si ei daretur.

CAPUT XI.
Planctus & somnium matris de filiis.
19. **E**T misisti manum tuam ex alto, & de hac profunda caligine eruiisti animam meam, cum pro me fleret ad te mater mea fidelis tua, amplius quam flent matres corporea funera. Videbat enim illa mortem meam ex fide & spiritu, quem habebat ex te, & exaudivisti eam Domine. Exaudivisti eam, nec despexisti lacrymas ejus, cum profluentes rigarent terram sub oculis ejus, in omni loco orationis ejus exaudivisti eam. Nam unde illud somnium, quo eam consolatus es, ut vivere me concederet, & habere secum eandem mensam in domo, quod nolle cœperat averfans & detestans blasphemias erroris mei? Vidit enim stantem se in quadam regula lignea, & advenientem ad se juvenem splendidum, hilarem atque arridentem sibi, cum illa esset mœrens & mœrore confecta; qui cum causas quæsisset ab ea mœstitiæ suæ quotidianarumque lacrymarum, docendi ut asfolet, non discendi gratia, atque illa respondisset perditionem meam se plangere; jussisse illum, quo secura esset, atque admonuisse ut adtenderet & videret, ubi esset illa, ibi esse & me. Quod illa ubi adtendit, vidit me juxta se in eadem regula stantem. Unde hoc, nisi quia erant aures tuæ ad cor ejus? O tu bone omnipotens, QUI SIC CURAS unumquemque nostrum tamquam solum cures, & sic omnes tamquam singulos.

A 20. Unde illud etiam, quod cum mihi narrasset ipsum visum, & ego ad id trahere conarer, ut illa se potius non desperaret futuram esse quod eram; continuo sine aliqua hæsitazione: Non: inquit, non enim mihi dictum est, Ubi ille, ibi & tu: sed, Ubi tu, ibi & ille. Confiteor tibi Domine recordationem meam quantum recolo, quod sæpe non tacui, amplius me isto per matrem vigilantem responso tuo, quod tam vicina interpretationis falsitate turbata non est, & tam cito vidit quod videndum erat; quod ego certe ante quam dixisset non videram, etiam tum commotum fuisse quam ipso somnio, quo feminae piæ gaudium tanto post futurum, ad consolationem tunc præsentis sollicitudinis, tanto ante prædictum est. Nam novem ferme anni secuti sunt, quibus ego in illo limo profundi ac tenebris falsitatis, cum sæpe surgere conarer, & gravius alliderer, volutatus sum: cum tamen illa vidua casta, pia & sobria, quales amas, jam quidem spe alacrior, sed fletu ac gemitu non segnior, non desineret horis omnibus orationum suarum de me plangere ad te, & intrabant in conspectum tuum preces ejus, & me tamen dimittebas adhuc volvi & involvi illa caligine.

B 21. **E**T dedisti alterum responsum interim quod recolo. Nam & multa prætereo, propter quod propero ad ea quæ me magis urgent confiteri tibi, & multa non memini. Dedisti ergo alterum per sacerdotem tuum quemdam episcopum nutritum in Ecclesia, & exercitatum in libris tuis. Quem cum illa femina rogasset ut dignaretur mecum colloqui, & refellere errores meos, & dedocere me mala, ac docere bona (faciebat enim hoc, si quos forte idoneos invenisset) noluit ille, prudenter sane, quantum sensi postea. Respondit enim me adhuc esse indocilem, eo quod inflatus essem novitate hæresis illius, & nonnullis quæstiunculis jam multos imperitos exagitasssem, sicut illa indicaverat ei. Sed sine, inquit, illum ibi, & tantum roga pro eo Dominum: ipse legendo reperiet, quis ille sit error, & quanta impietas. Simul etiam narravit se quoque parvulum a seducta matre sua datum fuisse Manichæis, & omnes pene non legisse tantum, verum etiam scriptitasse libros eorum, sibi que apparuisse nullo contra disputante & convincente, quam esset illa secta fugienda; itaque fugisse. Quæ cum ille dixisset, atque illa nollet acquiescere, sed instaret magis deprecando, & ubertim flendo, ut me videret, & mecum differeret: ille jam sub stomachans tædio, Vade, inquit, a me, ita vivas: fieri non potest, ut filius istarum lacrymarum pereat. Quod illa ita se accepisse inter colloquia sua mecum sæpe recordabatur, ac si de cælo sonuisset.

CAPUT XII.
Quale responsum mater Augustini accepit a quodam episcopo de ipsius conversione.

a In editis Bad. Am. Er. & Lov. me secum crederet. Sed legendum cum MSS. potioribus, me concederet. vel cum Arn. me secum concederet.

Visum est hic adscribere Augustini locum ex lib. 3. contra litteras Petilianus Donatistæ cap. 17. Me etiam presbyterum fuisse Manichæorum, vel falsus vel fallens mirabili temeritate contendat. Verba tertii libri Confessionum mearum, quæ per se ipsa, & de multis ante & postea dictis manifestissima sunt legentibus, sub quo ei videtur intellectu proponat atque arguat, &c. Quænam vero sint verba illa, quæ suo avulsa loco proterve interpretabatur Petilianus, nobis incompertum est; forte an ista capitis sexti: Nam versum & carmen etiam ad vera pulmenta transfero. Quippe amatoria maleficia mulieri data exprobrabat Augustino, ut videre est in ejusdem libri contra Petilianum litteras capite 16.

LIBER QUARTUS.

Pudet se Manichæorum sectæ addictum fuisse per novennium, atque alios secum in eundem errorem pertraxisse: tum etiam consuluisse mathematicos; & amicum sibi interea morte præreptum, acerbiori quam æquum esset animi dolore fuisse profecutum: cujus occasione de vana & de solida amicitia non pauca dicit. Mentionem facit librorum de pulcro & apto a se anno ætatis vigesimo-sexto aut vigesimo-septimo conscriptorum, necnon quam facili negotio liberalium artium libros atque Aristotelis Categorias anno ætatis ferme vigesimo per sese intellexerit.

CAPUT
I.
Quam-
diu &
quomo-
do alios
seduxe-
rit.

PER idem tempus annorum novem, ab undevicesimo anno ætatis meæ, usque ad duodevicesimum, seducebamur & seducebamur, falsi atque fallentes in variis cupiditatibus; & palam per doctrinas quas liberales vocant, occulte autem falso nomine religionis. Hic superbi, ibi superstitiosi, ubique vani. Hac popularis gloriæ sectantes inanitatem, usque ad theatricos plausus, & contentiosa a carmina, & agonem coronarum fænearum & spectaculorum nugas, & intemperantiam libidinum: illac autem purgari nos ab istis fordibus expetentes cum eis qui appellarentur electi & sancti, afferremus escas, de quibus nobis in officina aqualiculi sui fabricarent Angelos & Deos per quos liberaremur, & sectabar ista atque faciebam cum amicis meis, per me ac mecum deceptis. Irrideant me arrogantes, & nondum salubriter prostrati & elisi a te, Deus meus: ego tamen confitear tibi dedecora mea in laude tua. Sine me obsecro, & da mihi circumire præsentis memoria præteritos circuitus erroris mei, & immolare tibi hostiam jubilationis. **Q**UID enim sum ego mihi sine te, nisi dux in præceps? Aut quid sum cum mihi bene est, nisi sugens lac tuum; aut fruens te cibo qui non corrumpitur? Et quis homo est quilibet homo; cum sit homo? Sed irrideant nos fortes & potentes, nos autem infirmi & inopes confiteamur tibi.

CAPUT
II.
Rhetoricam docet concubinam fovet, & haruspiciem qui victoriam promittebat contentum.

DOCEBAM in illis annis artem rhetoricam, & victoriosam loquacitatem victus cupiditate vendebam. Malebam tamen, Domine, tu scis, bonos habere discipulos, sicut appellantur boni: & eos sine dolo docebam dolos; non quibus contra caput innocentis agerent, sed aliquando pro capite nocentis. Et Deus vidisti de longinquo lapsantem in lubrico, & in multo fumo scintillantem fidem meam, quam exhibebam in illo magisterio diligentibus vanitatem, & quærentibus mendacium, socius eorum. In illis annis unam habebam, non eo, quod legitimum vocatur, conjugio cognitam, sed quam indagaverat vagus ardor inops prudentiæ: sed unam tamen, ei quoque servans thori fidem: in qua sane experirer exemplo meo, quid distaret inter conjugalis placiti modum quod fœderatum esset generandi gratia, & pactum libidinosi amoris, ubi proles etiam contra votum nascitur, quamvis jam nata cogat se diligi.

3. Recolo etiam cum mihi theatri carminis certamen inire placuisset, mandasse mihi nescio quem haruspicem, quid ei dare mercedis vellem ut vincerem: me autem fœda illa sacramenta detestatum

Tom. I.

A & abominatum respondisse, nec si corona illa esset immortaliter aurea, muscam pro victoria mea necari me finire. Necaturus enim erat ille in sacrificiis suis animantia, & illis honoribus invitaturus mihi suffragatura dæmonia videbatur. Sed hoc quoque malum non ex tua ^b castitate repudiavi, Deus cordis mei. Non enim amare te noveram, qui nisi fulgores corporeos cogitare non noveram. Talibus enim figmentis suspirans anima, nonne fornicatur abs te, & fidit in falsis, & pascit ventos? Sed videlicet sacrificari pro me nollem dæmonibus, quibus me illa superstitione ipse sacrificabam. Quid est enim aliud *ventos pascere*, quam ipsos pascere, hoc est errando eis esse voluptati atque derisui.

IDEOQUE illos ^c planos, quos mathematicos vocant, plane consulere non desistebam, quod quasi nullum eis esset sacrificium, & nullæ preces ad aliquem spiritum ob divinationem dirigerentur: quod tamen Christiana & vera pietas consequenter repellit & damnat. Bonum est enim confiteri tibi, Domine, & dicere; *Miserere mei, cura animam meam, quoniam peccavi tibi*; neque ad licentiam peccandi abuti indulgentia tua, sed meminisse dominicæ vocis; *Ecce sanus factus es, jam noli peccare, ne quid tibi deterius contingat*. Quam totam illi salubritatem interficere conantur, cum dicunt: De cælo tibi est inevitabilis causa peccandi. Et, Venus hoc fecit, aut Saturnus, aut Mars. Scilicet ut homo sine culpa sit, caro & sanguis & superba putredo: culpandus sit autem cæli ac siderum creator & ordinator. Et quis est hic nisi Deus noster, suavitas & origo justitiæ, qui reddis unicuique secundum opera ejus, & cor contritum & humiliatum non spernis?

Erat eo tempore vir sagax, & medicæ artis peritissimus, atque in ea nobilissimus, qui proconsule manu sua coronam illam agonisticam imposuerat non sano capiti meo, sed non ut medicus. Nam illius morbitu sanator, qui resistis superbis, humilibus autem das gratiam. Numquid tamen etiam per illum senem defuisti mihi, aut destitisti mederi animæ meæ? Quia enim factus ei eram familiarior, & ejus sermonibus (erant enim sine verborum cultu vivacitate sententiarum jocundi & graves) assiduus & fixus inhærebam, ubi cognovit ex colloquio meo libris genethliacorum esse me deditum, benigne ac paterne momuit, ut eos abjicerem, neque curam & operam rebus utilibus necessariam illi vanitati frustra impenderem: dicens

E cens

a Bad. Am. Er. & Lov. certamina.

b Bad. Am. & Er. substituunt, caritate.

c In quibusdam editionibus *Planetarios*. Ita in ipsa editione Lovaniensium per typographorum oscitantiam; quandoquidem in suis Catalogationibus ajunt rectius videri sibi legendum, *planos*, id est im-

postores, quo nomine appellatos olim fuisse Mathematicos palam est. Hoc porro nomen alias adhibet Augustinus, ut lib. 3. cont. Academicum. c. 15.

d Scilicet, Vindicianus ex nomine postea designatus lib. 7. cap. 6. & ab Augustino laudatus in epist. 138. ad Marcellinum, n. 3.

cens ita se illam didicisse, ut ejus professionem primis annis ætatis suæ deferre voluisset, qua vitam degeret; & si Hippocratem intellexisset, & illas utique litteras potuisse intelligere: & tamen non ob aliam causam se postea illis relictis medicinam affecutum, nisi quod eas falsissimas comperisset, & nollet vir gravis decipiendis hominibus victum quærere. At tu, inquit, quo te in hominibus sustentas rhetoricam tenes; hanc autem fallaciam libero studio, non necessitate rei familiaris sectaris; quo magis mihi te oportet de illa credere, qui eam tam perfecte discere elaboravi, quam ex ea sola vivere volui. A quo ego cum quæsissem quæ causa ergo faceret ut multa inde vera pronuntiarentur: respondit ille ut potuit, vim fortis hoc facere in rerum natura usquequaque diffusam. Si enim de ^a paginis poetæ cuiuspiam longe aliud canentis atque intendentis, cum forte quis consulit, mirabiliter consonus negotio sæpe versus exiret; mirandum non esse dicebat, si ex anima humana, superiore aliquo instinctu nesciente quid in se fieret, non arte sed forte sonaret aliquid quod interrogantis rebus factisque concineret.

6. Et hoc quidem ab illo vel per illum procurasti mihi. Et quid ipse postea per meipsum quærerem in memoria mea delineasti. Tunc autem nec ipse, nec carissimus meus Nebridius, adolescens valde bonus & valde cautus, irridens totum illud divinationis genus, persuadere mihi potuerunt ut hæc abjicerem, quoniam me amplius ipsorum auctorum movebat auctoritas; & nullum certum quale quærebam documentum adhuc inveneram, quo mihi sine ambiguitate appareret, quæ ab eis consultis vera dicerentur, forte vel forte, non arte inspectorum siderum dici.

^{CAPUT IV.} ^{Morum & baptismum amici narrat, quem etiam suæ erroribus involverat eoque morte sublato, dolet gravissime.} ^b 7. **I**N illis annis, quo primum tempore in municipio quo natus sum docere cœperam, comparaveram amicam societate studiorum nimis carum, cœvum mihi & confluentem flore adolescentiæ. Mecum puer creverat, & pariter in scholam jeramus, pariterque luferamus. Sed nondum erat sic amicus, quamquam ne tunc quidem sicuti est vera amicitia; quia non est vera, nisi cum eam tu adglutinas inter inhærentes tibi caritate diffusa in cordibus nostris per Spiritum sanctum qui datus est nobis. Sed tamen dulcis erat nimis, ^c coacta fervore parilium studiorum. Nam & a fide vera, quam non germanitus & penitus adolescens tenebat, deflexeram ego eum in superstitiones fabellas & perniciosas, propter quas plangebat me mater. Mecum jam errabat in animo homo ille, & non poterat anima mea sine illo. Et ecce tu imminens dorso fugitivorum tuorum, Deus ultionum & fons misericordiarum ^c simul, qui convertis nos ad te miris modis, ecce abstulisti hominem de hac vita, cum vix explevisset annum in amicitia mea, suavi mihi super omnes suavitates illius vitæ meæ.

8. Quis laudes tuas enumerat unus in se uno quas expertus est? Quid tunc fecisti, Deus meus, & quam investigabilis abyssus iudiciorum tuorum? Cum enim laboraret ille febribus, jacuit diu sine sensu in sudore letali. Et cum desperaretur, baptizatus est nesciens, me non curante, & præsumente id retinere potius animam ejus quod a me acceperat, non quod in nescientis corpore fiebat. Longe autem aliter erat; nam re-

^a **A** creatus est & salvus factus. Statimque ut primum cum eo loqui potui, (potui autem mox ut ille potuit, quando non discedebam, & nimis pendebamus ex invicem) tentavi apud illum irridere, tamquam & illo irrifuro mecum baptismum quem acceperat mente atque sensu absentissimus, sed tamen jam se accepisse didicerat. At ille ita me exhorruit ut inimicum, admonuitque mirabili & repentina libertate, ut si amicus esse vellem, talia sibi dicere desinerem. Ego autem stupefactus atque turbatus, distuli omnes motus meos, ut convalesceret prius, essetque idoneus viribus valetudinis cum quo agere possem quod vellem. Sed ille abreptus dementiæ meæ, ut apud te servaretur consolationi meæ, post paucos dies me absente repetitur febribus & defungitur.

9. Quo dolore contenebratum est cor meum; & quidquid aspiciebam, morserat. Et erat mihi patria supplicium, & paterna domus mira infelicitas; & quidquid cum illo communicaveram, sine illo in cruciatum immanem verterat. Expetebant eum undique oculi mei, & non dabatur mihi; & oderam omnia, quia non haberent eum, nec mihi jam dicere poterant: Ecce veniet, sicut cum viveret quando absens erat. Factus eram ipse mihi magna quæstio, & interrogabam animam meam quare tristis esset, & quare conturbaret me valde; & nihil noverat respondere mihi. Et si dicebam: Spera in Deum, iuste non obtemperabat; quia verior erat & melior homo quem carissimum amiserat, quam phantasma in quod sperare jubebatur. Solus fletus erat dulcis mihi & successerat amico meo in deliciis animi mei.

^{10.} **E**T nunc, Domine, jam illa transferunt, & tempore lenitum est vulnus meum. Possum ne audire abs te qui veritas es, & admoveere aurem cordis mei ori tuo, ut dicas mihi cur fletus dulcis sit miseris? An tu, quamvis ubique adsis, longe abjecisti a te miseriam nostram? Et tu in te manes: nos autem in experimentis volvimur. Et tamen nisi ad aures tuas ploraremus, nihil residui de spe nostra fieret. Unde igitur suavis fructus de amaritudine vitæ carpitur, gemere & flere & suspirare & conqueri? An hoc ^d ibi dulce est quod speramus exaudire te? Recte istud in precibus, quia desiderium pervenienti habent. Numquid in dolore amissæ rei & luctu quo tunc operiebar? Neque enim sperabam reviviscere illum, aut hoc petebam lacrymis, sed tantum dolebam & flebam. Miser enim eram, & amiseram gaudium meum. An & fletus res amara est, & præ fastidio rerum quibus prius fruebamur, & tunc dum ab eis abhorremus, delectat?

^{11.} **Q**UID autem ista loquor? Non enim tempus quærendi nunc est, sed confitendi tibi. Miser eram, & **MISER EST** omnis animus vinculus amicitia rerum mortalium, & dilaniatur cum eas amittit, & tunc sentit miseriam qua miser est & antequam amittat eas. Sic ego eram illo tempore, & flebam amarissime, & quiescebam in amaritudine. Ita miser eram, & habebam cariorem illo amico meo vitam ipsam miseram. Nam quamvis eam mutare vellem, nollem tamen amittere magis quam illum. Et nescio an vellem vel pro illo, sicut

^a Apud Am. Er. & Lov. de Paganis. quibus perperam suffragantur aliquot MSS.

^b Sic MSS. plures, & melius nostra opinione dicitur coacta, id est coagmentata amicitia, quam colita, licet hanc vocem Lovanien-

ses prætulerint.

^c In Editis Am. Er. & Lov. simulque convertens. Paulo post apud Lov. legere est, super omnes civitates, pro suavitates.

^d Am. Er. & Lov. An hoc tibi.

^{CAPUT V.} Cur fletus dulcis miseris.

^d

^{CAPUT VI.} Quantum ex amici morte dolor.

sicut de Oreste & Pylade traditur, si non fingitur, qui vellent proinvicem vel simul mori, quia morte pejus eiserat non simul vivere. Sed in me nescio quis affectus nimis huic contrarius ortuserat; & tædium vivendi erat in me gravissimum, & moriendi metus. Credo quo magis illum amabam eo magis mortem, quæ mihi eum abstulerat, tamquam atrocissimam inimicam oderam & timebam; & eam repente consumpturam omnes homines putabam, quia illum potuit. Sic eram omnino, memini. Ecce cor meum, Deus meus: ecce intus vide quia memini, spes mea qui me mundas a talium affectionum immunditia dirigens oculos meos ad te, & evellens de laqueo pedes meos. Mirabar enim ceteros mortales vivere; quia ille quem quasi non moriturum dilexeram mortuuserat, & me magis quia illi alter eram, vivere illo mortuo mirabar. Benequidam dixit de amico suo: dimidium animæ meæ. Nam ego sensi animam meam & animam illius unam fuisse animam in duobus corporibus; & ideo mihi horrore erat vita, quia volebam dimidius vivere, * & ideo forte mori metuebam, ne totus ille moreretur quem multum amaveram.

* Hoc ineptiæ arguit ipse Aug. & expunxit vellet, Re-tra 7. 2. cap. 6. CAPUT VII. Impatientia doloris mutat locum.

12. **O** DEMENTIAM nescientem diligere homines humaniter! o stultum hominem moderate humana patientem, quod ego tunc eram! Itaque æstuabam, suspirabam, flebam, turbabar; nec requies erat, nec consilium. Portabam enim conscissam & cruentam animam meam impatientem a me portari, & ubi eam ponerem non inveniebam. Non in amoenis nemoribus: non in ludis atque cantibus: nec in suaveolentibus locis: nec in convivii apparatis: neque in voluptate cubilis & lecti: non denique in libris atque carminibus adquiescebat. Horrebant omnia, & ipsa lux; & quidquid non erat quod ille erat, improbum & odiosum erat, præter gemitum & lacrymas. Nam in eis solis aliquantula requies. Ubi autem inde auferebatur anima mea, onerabat me grandis sarcina miseriæ. ^a Ad te, Domine, levanda erat & curanda, sciebam; sed nec volebam, nec valebam, eo magis quia non mihi eras aliquid solidum & firmum, cum de te cogitabam. Non enim tu eras, sed vanum phantasma & error meus, erat Deus meus. Si conabar eam ibi ponere ut requiesceret, per inane labebar, & iterum ruebat super me, & ego mihi remanseram infelix locus, ubi nec esse possem, nec inde recedere. Quo enim cor meum fugeret a corde meo? quo a me ipso fugerem? quo me non sequeretur? Et tamen fugi de patria. Minus enim eum quærebant oculi mei, ubi videre non solebant; atque a Thagastensi oppido veni Carthaginem.

CAPUT VIII. Tempus & amicorum colloquia dolori meo cedunt.

13. **N**ON vacant tempora, nec otiose volvuntur per sensus nostros: faciunt in animo mira opera. Ecce veniebant & præteribant de die in diem, & veniendo & prætereundo inferebant mihi species alias & alias memorias, & paulatim resarciebant me pristinis generibus delectationum, quibus cedebat dolor meus ille; sed succedebant non quidem dolores alii, causæ tamen aliorum dolorum. Nam unde me facillime & in intima dolor ille penetraverat, nisi quia fuderam in arenam animam meam, diligendo moriturum ac si non moriturum? Maxime quippe me reparabant atque recreabant aliorum amicorum Tom. I.

A solatia, cum quibus amabam quod pro te amabam: & hoc erat ingens fabula & longum mendacium, cuius adulterina confricatione corrumpebatur mens nostra pruriens in auribus. Sed illa mihi fabula non moriebatur, si quis amicorum meorum moreretur. Alia erant quæ in eis amplius capiebant animum, colloqui & corridere, & vicissim benevole obsequi, simul legere libros dulciloquos, simul nugari, & simul honestari, dissentire interdum sine odio, tamquam ipse homo secum, atque ipsa rarissima dissensione condire consensiones plurimas; docere aliquid invicem, aut discere ab invicem: desiderare absentes cum molestia, suscipere venientes cum lætitia. His atque huiusmodi signis, a corde amantium & redamantium procedentibus per os, per linguam, per oculos, & mille motus gratissimos quasi fomitibus conflare animos, & ex pluribus unum facere.

14. **H**OC est quod diligitur in amicis, & sic diligitur, ut rea sibi sit humana conscientia, si non amaverit redamantem, aut si amantem non redamaverit, nihil quærens ex ejus corpore præter indicia benevolentiae. Hinc ille luctus si quis moriatur, & tenebræ dolorum, & versa dulcedine in amaritudinem cor madidum, & ex amissa vita morientium mors viventium. **BEATUS** qui amat te; & amicum in te; & inimicum propter te. **SOLUS** enim nullum carum amittit, cui omnes in illo cari sunt qui non amittitur. Et quis est iste nisi Deus noster, Deus qui fecit cælum & terram, & implet ea, quia implendo ea fecit ea? **TE NEMO** amittit, nisi qui dimittit: & qui dimittit quo it aut quo fugit, nisi a te placido ad te iratum? nam ubi non invenit legem tuam in pœna sua? Et lex tua veritas, & veritas tu.

CAPUT IX. De humana amicitia. Beatus qui amat in Deo.

15. **D**EUS virtutum converte nos, & ostende faciem tuam & salvi erimus. **NAM QUOQUOVERSUM** se verterit anima hominis, ad dolores figitur, alibi præterquam in te: tametsi figitur in pulcris extra te & extra se. Quæ tamen nulla essent nisi essent abste, quæ oriuntur & occidunt, & oriendo quasi esse incipiunt, & crescunt ut perficiantur, & perfecta senescunt & intereunt: & ^b non omnia senescunt, & omnia intereunt. Ergo cum oriuntur & tendunt esse, quo magis celeriter crescunt ut sint, eo magis festinant ut non sint. sic est modus eorum. Tantum dedisti eis, quia partes sunt rerum, quæ non sunt omnes simul; sed decedendo ac succedendo agunt omnes universum, cuius partes sunt. Ecce sic peragitur & sermo noster per signa sonantia. Non enim erit totus sermo, si unum verbum non decedat cum sonuerit partes suas, ut succedat aliud. Laudet te ex illis anima mea, Deus creator omnium, sed non in eis infigatur glutine amoris per sensus corporis. Eunt enim quo ^c ibant ut non sint, & conscindunt eam desideriis pestilentiosis; quoniam ipsa esse vult, & requiescere amat in eis quæ amat. In illis autem non est, ubi: quia non stant fugiunt, & quis ea sequitur sensu carnis, aut quis ea comprehendit, vel cum præsto sunt? Tardus est enim sensus carnis, quoniam sensus carnis est, & ipse est modus ejus. Sufficit ad aliud ad quod factus est: ad illud autem non sufficit ut teneat transcurrentia ab initio debito usque ad finem debitum. In verbo enim tuo per quod creantur, ibi audiunt: Hinc & hucusque.

CAPUT X. Ps. 79. 4. Labiles creature, nec in eis potest anima requiescere.

E 2 16. No-

^a Ita magno consensu MSS. Editi vero habent, quæ a te.

^b Sequimur MSS. In editis porro sublata negatione legitur, ete-

nim omnia senescunt.

^c MSS. tres, eunt enim quo? ut non sint.

CAPUT
XI.
Omnia
creata
sunt in-
stabilia:
solus
Deus
stabilis.

16. **N**OLI esse vana anima mea, & obsurdesce-
re in aure cordis, tumultu vanitatis tuæ.
Audi & tu: Verbum ipsum clamat ut redeas; ET IBI
EST locus quietis imperturbabilis, ubi non deseritur
amor, si ipse non deserat. Ecce illa discedunt ut alia
succedant, & omnibus suis partibus constet infima uni-
versitas. Numquid ego aliquo discedo, ait verbum
Dei? Ibi fige mansionem tuam: ibi commenda quid-
quid inde habes anima mea, saltem fatigata fallaciis.
Veritati commenda quidquid tibi est a veritate, & non
perdes aliquid, & reflorescent putria tua, & sanabun-
tur omnes languores tui, & fluxa tua reformabuntur,
& renovabuntur, & constringentur ad te; & non te de-
ponent quo descendunt: sed stabunt tecum; & perma-
nebunt ad semper stantem ac permanentem Deum.

17. Ut quid perversa sequeris carnem tuam? Ipsa
te sequatur conversa. Quidquid per illam sentis in par-
te est; & ignoras totum cujus hæ partes sunt; & dele-
ctant te tamen. Sed si ad totum comprehendendum
esset idoneus sensus carnis tuæ, ac non & ipse in parte
universi accepisset pro pœna tua justum modum, vel-
les ut transiret quidquid existit in præsentia, ut magis
tibi omnia placerent. Nam & quod loquimur per
eundem sensum carnis audis; & non vis utique stare
syllabas, sed transvolare ut aliæ veniant, & totum
audias. Ita semper omnia quibus unum aliquid con-
stat, & non simul sunt omnia ea quibus constat, plus
delectant omnia quam singula, si possint sentiri omnia:
Sed longe his melior qui fecit omnia, & ipse est Deus
noster, & non discedit, quia nec succeditur ei.

18. **S**I placent corpora, Deum ex illis lauda, &
in artificem eorum retorque amorem; ne in
his quæ tibi placent, tu displiceas. * Si placent ani-
mæ, in Deo amentur: quia & ipsæ mutabiles sunt,
& in illo fixæ stabiliuntur; alioquin irent & peri-
rent. In illo ergo amentur: & rape ad eum tecum
quas potes, & dic eis; Hunc amemus, hunc ame-
mus: ipse fecit hæc, & non est longe. Non enim fe-
cit atque abiit, sed ex illo in illo sunt. Ecce a ubi
est, ubi sapit veritas. Intimus cordi est; sed cor er-
ravavit ab eo. Redite prævaricatores ad cor, & inhæ-
rete illi qui fecit vos. State cum eo, & stabitis. Re-
quiescite in eo, & quieti eritis. Quo itis in aspera?
quo itis? Bonum quod amatis ab illo est; sed quan-
tum est ad illum, bonum est & suave; sed amarum
erit iuste, quia iniuste amatur deserto illo, quidquid
ab illo est. Quo vobis adhuc & adhuc ambulare vias
difficiles & laboriosas? Non est requies ubi quæritis
eam. Quærite quod quæritis: sed ibi non est ubi quæri-
tis. Beatam vitam quæritis in regione mortis: non est
illic. Quomodo enim beata vita, ubi nec vita?

19. Et descendit huc ipsa vita nostra, & tulit mor-
tem nostram, & occidit eam de abundantia vitæ
suæ, & tonuit clamans, ut redeamus hinc ad eum in
illud secretum unde processit ad nos, in ipsum pri-
mum virginalem uterum, ubi ei nupsit humana crea-
tura caro mortalis, ne esset semper mortalis; & in-
de velut sponsus procedens de thalamo suo, exulta-
vit ut gigas ad currendam viam. Non enim tardavit;
sed CUCURRIT, clamans dictis, factis, morte,
vita, descensu, ascensu, clamans ut redeamus ad

eum. Et discessit ab oculis, ut redeamus ad cor, &
inveniamus eum. Abscessit enim, & ecce hic est. No-
luit nobiscum diu esse, & non reliquit nos. Illuc enim
abscessit, unde numquam recessit, quia mundus per
eum factus est; & in hoc mundo erat, & venit in hunc
mundum peccatores salvos facere, cui confitetur ani-
ma mea, & sanat eam, quia peccavit illi. Filii ho-
minum usquequo graves corde? Numquid & post b
descensum vitæ non vultis adscendere & vivere? Sed
quo adscenditis quando in alto estis, & posuistis in cæ-
lum os vestrum? Descendite ut ascendatis, & ascen-
datis ad Deum. Cecidistis enim ascendendo contra
eum. Dic eis ista, ut plorent in convalle plorationis,
& sic eos rape tecum ad Deum; quia de spiritu ejus
hæc dicis eis, si dicis ardens igne caritatis.

20. **H**ÆC tunc non noveram, & amabam pul-
cra inferiora, & ibam in profundum, & di-
cebam amicis meis: num amamus aliquid nisi pul-
crum? Quid est ergo pulcrum? & quid est pulcritu-
do? Quid est quod nos allicit & conciliat rebus quas
amamus? Nisi enim esset in eis decus & species, nul-
lo modo nos ad se moverent. Et animadvertēbam
& videbam in ipsis corporibus aliud esse quasi totum,
& ideo pulcrum; aliud autem quod ideo deceret, quo-
niam apte accommodaretur alicui, sicut pars corporis
ad universum suum, aut calceamentum ad pedem,
& similia: Et ista consideratio scaturivit in animo
meo ex intimo corde meo; & scripsi libros de pulcro
& apto, puto duos aut tres. Tu scis Deus: nam ex-
cidit mihi. Non enim habemus eos, sed aberrave-
runt a nobis, nescio quomodo.

21. **Q**UID est autem quod me movit, Domine
Deus meus, ut ad c Hierium Romanæ ur-
bis oratorem scriberem illos libros, quem
non noveram facie, sed amaveram hominem ex doctri-
næ fama quæ illi clara erat, & quædam verba ejus au-
dieram, & placuerant mihi? Sed magis quia placebat
aliis, & efferebant eum laudibus stupentes, quod ex
homine Syro, docto prius græcæ facundiæ, postea
in latina etiam d dictor mirabilis exstitisset, & esset
scientissimus rerum ad studium sapientiæ pertinen-
tium, mihi placebat. Laudatur homo & amatur ab-
sens. Utrumnam ab ore laudantis intrat in cor audien-
tis amor ille? Absit: Sed ex amante alio accenditur
alius. Hinc enim amatur qui laudatur, dum non
fallaci corde laudatoris prædicari creditur, id est cum
amans eum laudat.

22. Sic enim tunc amabam homines ex hominum
iudicio; non enim ex tuo, Deus meus, in quo nemo fal-
litur. Sed tamen cur non sicut auriga nobilis, sicut ve-
nator studiis popularibus diffamatus; sed longe aliter &
graviter, & ita quemadmodum & me laudari vellem?
Non autem vellem ita laudari & amari me ut histrio-
nes, quamquam eos & ipse laudarem & amarem;
sed eligens latere quam ita notus esse; & vel haberi
odio quam sic amari. Ubi distribuuntur ista ponde-
ra variorum & diversorum amorum in anima una?
Quid est quod amo in alio, quod rursus nisi odif-
sem, non a me detestarer & repellerem, cum sit uter-
que nostrum homo? Non enim sicut equus bonus ama-
tur ab eo qui nollet hoc esse, etiam si posset, hoc
& de

CAPUT
XIII.
Amor
unde
prove-
niat.

CAPUT
XIV.
Libri de
apto &
pulcro
Hierio
nuncu-
pati. Un-
de hunc
amave-
rat.

c
d

a In codice Sorbonico, Ecce ibi est.

b Benignianensis codex optimæ notæ, post discessum vitæ.

c Sic scribitur in editione Lov. & in MSS. plerisque. At in Bad. Am. Er. Arn. & quatuor MSS. Icherium.

d In editis, doctor. In duobus MSS. Lovaniensium, diffavor: cor-
rupte scilicet pro, diffor; quam vocem nostrorum codicum auctorita-
te restituere visum est.

*
CAPUT
XII.
Amor
non im-
proba-
tur, mo-
do in his
quæ pla-
cent,
amemus
Deum.

& de histrione dicendum est, qui naturæ nostræ socius est. Ergone amo in homine quod odi esse, cum sim homo? Grande profundum est ipse homo, cuius etiam capillos tu Domine numeratos habes, & non minuuntur in te: & tamen capilli ejus magis numerabiles sunt quam affectus ejus, & motus cordis ejus.

23. At ille rhetor ex eo erat genere, quem sic amabam, ut vellem me esse talem, & errabam typho, & circumferebar omni vento, & nimis occulte gubernabar abs te. Et unde scio, & unde certus confiteor tibi, quod illum in amore laudantium magis amaveram, quam in rebus ipsis de quibus laudabatur. Quia si non laudatum vituperarent eum iidem ipsi, & vituperando atque spernendo ea ipsa narrarent, non accenderer in eum & non excitarer. Et certe res non aliæ forent, nec homo ipse alius; sed tantummodo alius affectus narrantium. Ecce ubi jacet anima infirma, nondum hærens soliditati veritatis. Sicut auræ linguarum flaverint a pectoribus opinantium, ita fertur & vertitur, torquetur ac retorquetur, & obnubilatur ei lumen, & non cernitur veritas. Et ecce est ante nos. Et magnum quiddam mihi erat, si sermo meus & studia mea illi viro innotescerent. Quæ si probaret, flagrarem magis; si autem improbaret, fauciaretur cor vanum & inane soliditatis tuæ. Et tamen pulcrum illud atque aptum, unde ad eum scripseram, libenter animo versabam, a ob os contemplationis meæ, & nullo collaudatore mirabar.

24. **S**ED tantæ rei cardinem in arte tua nondum videbam, Omnipotens, qui facis mirabilia solus; & ibat animus meus per formas corporeas; & pulcrum, quod per se ipsum; aptum autem, quod ad aliquid accommodatum deceret, definiebam & distinguebam, & exemplis corporeis adstruebam. Et converti me ad animi naturam; & non me sinebat falsa opinio, quam de spiritalibus habebam, verum cernere. Et irruebat in oculos ipsa vis veri, & avertebam palpitantem mentem ab incorporea re, ad liniamenta & colores, & tumentes magnitudines. Et quia non poteram ea videre in animo, putabam me non posse videre animum meum. Et cum in virtute pacem amarem, in vitiositate autem odissem discordiam: in illa unitatem, in ista quamdam divisionem notabam. Inque illa unitate mens rationalis & natura veritatis ac summi boni mihi esse videbatur. In ista vero divisione **b** irrationalis vitæ, nescio quam substantiam & naturam summi mali, quæ non solum esset substantia, sed omnino vita esset, & tamen abs te non esset Deus meus, ex quo sunt omnia, miser opinabar. Et tamen illam Monadem appellabam, tamquam sine ullo **c** sexu mentem, hanc vero Dyadem, iram in facinoribus, libidinem in flagitiis, nesciens quid loquerer. Non enim noveram neque didiceram, nec ullam substantiam malum esse, nec ipsam mentem nostram summum atque incommutabile bonum.

25. Sicut enim facinora sunt, si vitiosus est ille animi motus, in quo est impetus, & se jactat insolenter acturbide; & flagitia, si est immoderata illa animæ affectio, qua carnales hauriuntur voluptates: ita errores & falsæ opiniones vitam contaminant, si

Tom. I.

A rationalis mens ipsa vitiosa est: qualis in me tunc erat, nesciente alio lumine illam illustrandam esse ut sit particeps veritatis, quia non est ipsa natura veritatis. Quoniam tu illuminabis lucernam meam, Domine Deus meus, illuminabis tenebras meas, & de plenitudine tua nos omnes accepimus. Es enim tu lumen verum, quod illuminat omnem hominem venientem in hunc mundum; quia in te non est transmutatio, nec momenti obumbratio.

26. Sed ego conabar ad te, & repellebar abs te, ut sciperem mortem, quoniam superbis resistis. **B** Quid autem superbius, quam ut assererem mira dementia me id esse naturaliter quod tu es? Cum enim ego essem mutabilis, & eo mihi manifestum esset, quod ideo utique sapiens esse cupiebam, ut ex deteriore melior fierem, malebam tamen etiam te opinari mutabilem, quam me non hoc esse quod tu es. Itaque repellebar, & resistebas ventosæ cervicis meæ, & imaginabar formas corporeas, & caro carnem accusabam, & spiritus ambulans nondum revertetur ad te; & ambulando ambulabam in ea quæ non sunt neque in te, neque in me, neque in corpore; neque mihi creabantur a veritate tua, sed a mea vanitate fingeantur ex corpore: & dicebam parvulis fidelibus tuis civibus meis, a quibus nesciens exfulabam; dicebam illis garulus & ineptus: Cur ergo errat anima quam fecit Deus? Et mihi nolebam dici cur ergo errat Deus? Et contendebar magis incommutabilem tuam substantiam coactam errare, quam meam mutabilem sponte deviasse, & **d** poena errare confitebar.

27. Et eram ætate annorum fortasse viginti sex aut septem, cum illa volumina scripsi, volvens apud me corporalia figmenta, obstrepentia cordis mei auribus, quas intendebar, dulcis veritas, in interiorem melodiam tuam, cogitans de pulcro & apto, & stare cupiens, & audire te, & gaudio gaudere propter vocem sponsi, & non poteram: quia vocibus erroris mei rapiebar foras, & pondere superbiæ meæ in ima decidebam. Non enim dabas auditui meo gaudium & lætitiā, aut exultabant ossa mea quæ humiliata non erant.

28. **E**T quid mihi proderat quod annos natus ferme viginti, cum in manus meas venissent Aristotelica quædam, quas appellant decem categorias, quarum nomine cum eas rhetor Carthaginensis magister meus buccis typho crepantibus commemoraret, & alii qui docti habebantur, tamquam in nescio quid magnum & divinum suspensus inhiabam; legi eas solus & intellexi? Quas cum contulissem cum eis qui sedicebant vix eas magistris eruditissimis, non loquentibus tantum, sed multa in pulvere depingentibus intellexisse: nihil inde aliud mihi dicere potuerunt quam ego solus apud me ipsum legens cognoveram. Et satis aperte mihi videbantur loquentes de substantiis sicuti est homo; & quæ in illis essent, sicuti est figura hominis; qualis sit & statura, quot pedum sit, & cognatio, cuius frater sit, aut ubi sit constitutus, aut quando natus, aut stet, aut sedeat, aut calceatus vel armatus sit, aut aliquid faciat, aut patiat aliquid: & quæcumque in his novem generibus, quorum exempli gratia quædam posui, vel in ipso substantiæ genere innumerabilia reperiuntur.

E 3 29. Quid

^a Arn. cum editione Moreti an. 1650. sic habet, *animo versabam & ostentationem contemplationis meæ*. MSS. *sex*, *modos contempl.*

^b Apud Lov. *rationalis*: mendose, ut patet.

^c In MSS. quinque non deterioris notæ habetur, *sensu*, pro, *sexu*.

^d Editi, *pene errare*: manifesto lapsu.

29. Quid hoc mihi proderat, quando & oberat; cum etiam te, Deus meus, mirabiliter simplicem atque incommutabilem, illis decem prædicamentis putans quidquid esset omnino comprehensum, sic intelligere conarer, quasi & tu subjectus esses magnitudini tuæ aut pulcritudini, ut illa essent in te quasi in subjecto, sicut in corpore; cum tua magnitudo & tua pulcritudo tu ipse sis; corpus autem non eo sit magnum & pulcrum quo corpus est, quia etsi minus magnum & minus pulcrum esset, nihilominus corpus esset. Falsitas enim erat quam de te cogitabam non veritas, & figmenta miseriæ meæ, non firmamenta beatitudinis tuæ. Jusseras enim & ita fiebat in me: ut terra spinas & tribulos pareret mihi, & cum labore pervenirem ad panem meum.

30. Et quid mihi proderat quod omnes libros artium quas Liberales vocant, tunc nequissimus malorum cupiditatum servus per meipsum legi, & intellexi quoscumque legere potui? & gaudebam in eis, & nesciebam unde esset quidquid ibi verum & certum esset. Dorsum enim habebam ad lumen, & ad ea quæ illuminant faciem: unde ipsa facies mea qua illuminata cernebam, non illuminabatur. Quidquid de arte loquendi & differendi, quidquid de dimensionibus figurarum, & de musicis & de numeris sine magna difficultate, nullo hominum tradente intellexi, scis tu Domine Deus meus; quia & celeritas intelligendi, & a dispendiendi acumen, donum tuum est; sed non inde sacrificabam tibi. Itaque mihi non ad usum, sed ad perniciem magis valebat, quia tam bonam partem substantiæ meæ fategi habere in potestate: & fortitudinem meam non ad te custodiebam, sed profectus sum

abs te in longinquam regionem, ut eam dissiparem in meretrices cupiditates. Nam quid mihi proderat bona res, non utenti bene? Non enim sentiebam illas artes etiam ab studiosis & ingeniosis difficillime intelligi, nisi cum eis easdem conabar exponere; & erat ille excellentissimus in eis, qui me exponentem non tardius sequeretur.

31. Sed quid mihi hoc proderat, putanti quod tu, Domine Deus veritas, corpus esses lucidum & immensum, & ego frustum de illo corpore? Nimia perversitas. Sed sic eram. Nec erubesco, Deus meus, confiteri tibi in me misericordias tuas, & invocare te, qui non erubui tunc profiteri hominibus blasphemias meas, & latrare adversum te. Quid ergo mihi tunc proderat ingenium per illas doctrinas agile, & nullo adminiculo humani magisterii tot nodosissimi libri enodati, cum deformiter & sacrilega turpitudine in doctrina pietatis errarem? Aut quid tantum oberat parvulis tuis longe tardius ingenium, cum a te longe non recederent, ut in nido Ecclesiæ tuæ tuti plumescerent, & alas caritatis alimento sanæ fidei nutrent? O Domine Deus noster, in velamento alarum tuarum speremus, & protege nos, & porta nos, Tu portabis & parvulos, & usque ad canos tu portabis: QUONIAM FIRMITAS nostra quando tu es, tunc est firmitas: cum autem nostra est, infirmitas est. VIVIT apud te semper bonum nostrum; & quia inde aversi sumus, perversi sumus. Revertamus jam Domine ut non evertamur; quia vivit apud te sine ullo defectu bonum nostrum quod tu ipse es; & non timemus ne non sit quod redeamus, quia nos inde ruimus: nobis autem absenti-bus non ruit domus nostra æternitas tua.

a In antiquioribus editionibus, *discendi*. Lov. & Arn. *disputandi*. At in MSS. pluribus, *dispendiendi acumen*, quæ germana lectio visa est.

b Lov. cum antiquioribus editionibus, *meretricias*. MSS. vero cum Arn. *meretrices*. quod vocabulum usurpavit Augustinus ab eo loco Evangelii ad quem alludit.

LIBER QUINTUS.

Annum ætatis suæ exhibet vigesimum-nonum, quo scilicet comperta Fausti Manichæi imperitia, propositum in illa secta proficiendi abiecit; quo etiam Roma, ubi tunc rhetoricam profitebatur, missus Mediolanum ut eandem artem doceret, caput audito Ambrosio resipiscere, & de Manichæismo abdicando necnon de repetendo catechumenatu decernere.

CAPUT
I.
Excitar
mentem
ad De-
um lau-
dan-
dum.

1. ACCIPE sacrificium confessionum mearum de manu linguæ meæ, quam formasti & excitasti, ut confiteatur nomini tuo; & sana omnia ossa mea & dicant: Domine quis similis tibi? Neque enim docet te quid in se agatur qui tibi confitetur, quia oculum tuum non excludit cor clausum; nec manum tuam repellit duritia hominum; sed solvis eam cum voles, aut miserans aut vindicans; & non est qui se abscondat a calore tuo. Sed te laudet anima mea ut amet te; & confiteatur tibi miserationes tuas ut laudet te. Non cessat nec tacet laudes tuas universa creatura tua; nec spiritus omnis hominis per os conversum ad te, nec animalia nec corporalia per os considerantium mea; ut exsurgat in te a lassitudine anima nostra, innitens eis quæ fecisti, &

transiens ad te qui fecisti hæc mirabiliter; & ibi reflectio & vera fortitudo.

2. EANT & fugiant a te inquieti & iniqui: & tu vides eos, & distinguis umbras; & ecce pulcra sunt cum eis omnia, & ipsi turpes sunt. Et quid nocuerunt tibi; aut in quo imperium tuum dehonestaverunt, a cælis usque in novissima justum & integrum? Quo enim fugerunt cum fugerent a facie tua? aut ubi tu non invenis eos? Sed fugerunt ut non viderent te videntem se, atque excæcati in te offenderent; quia non deseris aliquid eorum quæ fecisti: in te a offenderent iniqui, & juste vexarentur, subtrahentes se lenitati tuæ, & offendentes in rectitudinem tuam, & cadentes in asperitatem suam. Videlicet nesciunt quod ubique sis, quem nullus circumscribit locus, & so-

CAPUT
II.
Dei præ-
sentiam
iniquos
non ef-
fugere.
Itaque
ad eum
debere
conver-
ti.

a Ita codices plerique, & elegantius videtur quam si rupto periodi nexu nova incipiat sententia hoc modo: *In te offenderunt iniqui ut iusto*, &c. uti habent nonnulli MSS. cum Arn.

b Substituimus, *suam*, ex MSS. melioris notæ, loco *tuam*, quod in codicibus vulgatis & in MSS. nonnullis reperitur.

& solus es præsens, etiam iis qui longe fiunt a te. Convertantur ergo & quærant te, quia non sicut ipsi deseruerunt creatorem suum, ita & tu deseruisti creaturam tuam. Ipsi convertantur & quærant te, & ecce ibi es in corde eorum, in corde confitentium tibi, & projicientium se in te, & plorantium in sinu tuo post vias suas difficiles; & tu facilis tergens lacrymas eorum; & magis plorant & gaudent in fletibus, quoniam tu Domine, non aliquis homo caro & sanguis, sed tu Domine, qui fecisti, reficis & consolaris eos. Et ubi ego eram quando te quærebam? Et tu eras ante me, ego autem & a me discesseram; nec me inveniebam, quanto minuste.

CAPUT
III.
De Fau-
sto Ma-
nichæo,
& de Phi-
loso-
phorum
cæcitate
qui per
creatu-
ras Crea-
torem
non co-
gno-
verunt.

3. **P**ROLOQUAR in conspectu Dei mei annum illum undetricesimum ætatis meæ. Jam venerat Carthaginem quidam Manichæorum episcopus Faustus nomine, magnus laqueus diaboli, & multi implicabantur in eo per illecebram suaviloquentiæ; quam ego tametsi laudabam, discernebam tamen a veritate rerum, quarum discendarum aviduseram, nec quali vasculo sermonis, sed quid mihi scientiæ comedendum apponeret nominatus apud eos ille Faustus intuebar. Fama enim de illo prælocuta mihi erat, quod esset honestarum omnium doctrinarum peritissimus, & apprime disciplinis liberalibus eruditus. Et quoniam multa philosophorum legeram, memoriæque mandata retinebam, ex eis quædam comparabam illis Manichæorum longis fabulis: & mihi probabiliora ista videbantur, quæ dixerunt illi, qui tantum potuerunt valere, ut possent æstimare sæculum, quamquam ejus Dominum minime invenerint: quoniam magnus es, Domine, & humilia respicis, excelsa autem a longe cognoscis. Nec propinquas nisi obtritis corde, nec inveniris a superbis, nec si illi curiosa perititia numerent stellas & arenam, & dimetiantur sidereas plagas, & vestigent vias astrorum.

4. Mente enim sua quærant ista, & ingenio quod tū dedisti eis: & multa invenerunt & prænuntiaverunt ante multos annos defectus luminarium solis & lunæ, quo die, qua hora, quanta ex parte futuri essent, & non eos fefellit numerus, & ita factum est ut prænuntiaverunt: & scripserunt regulas indagatas, & leguntur hodie, atque ex eis prænunciatur quo anno & quo mense anni, & quo die mensis, & qua hora diei, & quota parte luminis sui defectura sit luna vel sol, & ita fiet ut prænunciatur. Et mirantur hæc homines & stupent qui nesciunt ea, & exsultant atque extolluntur qui sciunt, & per impiam superbiam recedentes & deficientes a lumine tuo, tanto ante solis defectum futurum prævident, & in præsentia suum non vident. Non enim religiose quærant unde habeant ingenium quo ista quærant. Et invenientes quia tu fecisti eos, non ipsi dant tibi se ut serves quod fecisti; & quales se ipsi fecerant, a occidunt se tibi, & trucidant exaltationes suas sicut volatilia; & curiositates suas sicut pisces maris, quibus perambulant secretas semitas abyssi, & luxurias suas sicut pecora campi, ut tu Deus ignis edax consumas mortuas curas eorum recreans eos immortaliter.

5. Sed non noverunt viam, Verbum tuum, per quod fecisti ea quæ numerant, & ipsos qui numerant, & sensum quo cernunt quæ numerant, & men-

tem de qua numerant, & sapientiæ tuæ non est numerus. Ipse autem Unigenitus factus est nobis sapientia, & iustitia, & sanctificatio; & numeratus est inter nos, & solvit tributum Cæsari. Non noverunt hanc viam, qua descendant ad illum a se, & per eum adscendant ad eum. Non noverunt hanc viam, & putant se excelsos esse cum sideribus & lucidos, & ecce ruerunt in terram; & obscuratum est insipiens cor eum. Et multa vera de creatura dicunt, & veritatem creaturæ artificem non pie quærant, & ideo non inveniunt: aut si inveniunt, cognoscentes Deum non sicut Deum honorant, aut gratias agunt; sed evanescunt in cogitationibus suis, & dicunt se esse sapientes, sibi tribuendo quæ tua sunt, ac per hoc student perversissima cæcitate etiam tibi tribuere quæ sua sunt, mendacia scilicet in te conferentes qui veritas es, & immutantes gloriam in corrupti Dei in similitudinem imaginis corruptibilis hominis, & volucrum, & quadrupedum, & serpentum, & convertunt veritatem tuam in mendacium, & colunt & serviunt creaturæ potius quam Creatori.

6. Multa tamen ab eis ex ipsa creatura vera dicta retinebam; & occurrebat mihi ratio per numeros & ordinem temporum, & visibiles adtestationes siderum, & conferebam cum dictis Manichæi, quæ de his rebus multa scripsit copiosissime delirans, & non mihi occurrebat ratio nec solstitionum & æquinoctiorum, nec defectuum luminarium, nec quidquid tale in libris sæcularis sapientiæ didiceram. Ibi autem credere jubebar, & ad illas rationes numeris & oculis meis exploratas non occurrebat, & longe diversum erat.

7. **N**UMQUID Domine Deus veritatis quisquis novit ista, jam placet tibi? Infelix enim homo qui scit illa omnia, te autem nescit: **BEATUS** autem qui te scit, etiam si illa nesciat. Qui vero & te & illa novit, non propter illa beatior, sed propter te solum beatus est, si cognoscens te sicut Deum glorificet, & gratias agat, & non evanescat in cogitationibus suis. Sicut enim melior est qui novit possidere arborem, & de usu ejus tibi gratias agit, quamvis nesciat vel quot cubitis alta sit, vel quanta latitudine diffusa; quam ille qui eam metitur, & omnes ramos ejus numerat, & neque possidet eam, neque creatorem ejus novit aut diligit. **SIC FIDELIS** homo, cuius totus mundus divitiarum est, & quasi nihil habens, omnia possidet, inhærendo tibi cui serviunt omnia, quamvis nec saltem septemtrionum gyros noverit, dubitare stultum est quin utique melior sit quam mensor cæli, & numerator siderum, & pensor elementorum, & negligens tui, qui omnia in mensura & numero & pondere disposuisti.

8. **S**ED tamen quis quærebat Manichæum nescio quem etiam ista scribere, sine quorum perititia pietas disci poterat? Dixisti enim homini: *Ecce pietas est sapientia*, quam ille ignorare posset, etiam si ista perfecte nosset: ista vero quia non noverat, impudentissime audens docere, prorsus illam nosse non posset. **VANITAS** est enim mundana ista etiam nota profiteri, pietas autem tibi confiteri. Unde ille devius ad hæc ista multum locutus est, ut convictus ab eis qui ista vere didicissent, quis esset ejus sensus in ceteris quæ abditiora sunt, manifeste-

CAPUT
IV.
Sola Dei
cognitio
beat.

Prov. 17.
6. sec.
Lxx.

CAPUT
V.
Manichæi de
astris
imperitia
indignum
eum
hæc in
ceteris
faciebat.
Job. 28.
28. sec.
Lxx.

a Arm. & MSS. duo, *occidunt*, moxque, *trucidant*. Alii plerique codices, comprobant alteram lectionem, quæ paululum obscura est pro-

pter distantiam particulæ negantis referendæ etiam ad verba, *occidunt & trucidant*.

festè cognosceretur. Non enim parvi existimari se voluit, sed Spiritum sanctum consolatorem & ditatorem fidelium tuorum, auctoritate plenaria personaliter in se esse persuadere conatus est. Itaque cum de cælo ac stellis, & de solis ac lunæ motibus falsa dixisse deprehenderetur, quamvis ad doctrinam religionis ista non pertineant, tamen ausus ejus sacrilegos fuisse satis emineret, cum ea non solum ignorata, sed etiam falsa tam vesana superbiæ vanitate diceret, ut ea tamquam divinæ personæ tribuere sibi niteretur.

9. Cum enim audio Christianum aliquem fratrem, illum aut illum, ista nescientem, & aliud pro alio sentientem, patienter intueor opinantem hominem; nec illi obesse video, cum de te Domine creator omnium non credat indigna, si forte situs & habitus creaturæ corporalis ignoret. Obest autem si hoc ad ipsam doctrinæ pietatis formam pertinere arbitretur, & pertinacius affirmare audeat quod ignorat. Sed etiam talis infirmitas in fidei cunabulis a caritate matre sustinetur, donec assurgat novus homo in virum perfectum, & circumferri non possit omni vento doctrinæ. In illo autem qui doctor, qui auctor, qui dux & princeps eorum quibus illa suaderet ita fieri ausus est, ut qui eum sequerentur non quemlibet hominem, sed Spiritum tuum sanctum se sequi arbitrarentur, quis tantam demeritiam, sicubi falsa dixisse convinceretur, non detestandam longeque abjiciendam esse judicaret? Sed tamen nondum liquido compereram utrum etiam secundum ejus verba vicissitudines longiorum & breviorum dierum atque noctium, & ipsius noctis & diei, & deliquia luminum, & si quid ejusmodi in aliis libris legeram, posset exponi, ut si forte posset, incertum quidem mihi fieret utrum ita se res haberet, an non ita: sed ad fidem meam illius auctoritatem propter creditam sanctitatem præponerem.

CAPUT
VI.
Faustus
elo-
quens
sed libe-
ralium
discipli-
narum
expers.

10. **E**T per annos ferme ipsos novem, quibus eos desiderio venturum expectabam istum Faustum. Ceteri enim eorum, in quos forte incurrissem, qui talium rerum quæstionibus a me objectis deficiebant, illi mihi promittebant, cujus adventu collatoque colloquio facillime mihi hæc, & si qua forte majora quærerem, enodatissime expedirentur. Ergo ubi venit, expertus sum hominem gratum & jucundum verbis, & ea ipsa quæ illi solent dicere, multo suavius garrientem. Sed quid ad meam sitim preciosiorum poculorum decentissimus ministrator? Jam rebus talibus satiatae erant aures meæ; nec ideo mihi meliora videbantur, quia melius dicebantur; nec ideo vera quia diferta; nec ideo sapiens anima, quia vultus congruus & decorum eloquium. Illi autem qui eum mihi promittebant, non boni rerum existimatores erant: & ideo illis videbatur prudens & sapiens, quia delectabat eos loquens. Sensi autem aliud genus hominum etiam veritatem habere suspectam, & ei nolle adquiescere si comto atque uberi sermone promeretur. Me autem jam docueras, Deus meus, miris & occultis modis; & propterea credo quod tu me docueris, quoniam verum est, nec quisquam præter te alius est doctor veri, ubicumque & undecumque claruerit. Jam ergo abs te didiceram, nec eo debere videri aliquid verum dici, quia eloquenter dicitur; nec eo falsum, quia incomposite sonant signa labiorum. Rursus nec ideo

A verum, quia impolite enunciat, nec ideo falsum, quia splendidus sermo est; sed perinde esse sapientiam & stultitiam, sicut sunt cibi utiles & inutiles; verbis autem ornatis & inornatis, sicut vasis urbanis & rusticanis, utrosque cibos posse ministrari.

B 11. Igitur aviditas mea, qua illum tanto tempore expectaveram hominem, delectabatur quidem motu affectuque disputantis, & verbis congruentibus; atque ad vestiendas sententias facile occurrentibus. Delectabar autem, & cum multis, vel etiam præ multis laudabam ac efferebam; sed moleste habebam, quod in cœtu audientium non sinerem illi ingerere, & partiri cum eo curas quæstionum mearum, conferendo familiariter, & accipiendo ac reddendo sermonem. Quod ubi potui, & aures ejus cum familiaribus meis eoque tempore occupare cœpi, quo non dedecet alternis differere, & protuli quædam quæ me movebant, expertus sum prius hominem expertem liberalium disciplinarum nisi grammaticæ, atque ejus ipsius usitato modo. Et quia legerat aliquas Tullianas orationes, & paucissimos Senecæ libros, & nonnulla poetarum, & suæ sectæ si qua volumina latine atque compositè conscripta erant. Et quia aderat quotidiana sermocinandi exercitatio, inde suppetebat eloquium, quod fiebat acceptius magisque seductorium moderamine ingenii, & quodam lepore naturali. Itane est ut recolo, Domine Deus meus arbiter conscientie meæ? Coram te cor meum & recordatio mea, qui me tunc agebas abdito secreto providentiæ tuæ, & inhonestos errores meos jam convertebas ante faciem meam, ut viderem & odissem.

D 12. **N**AM postea quam ille mihi imperitus earum artium, quibus eum excellere putaveram, satis apparuit, desperare cœpi posse eum mihi illa quæ me movebant aperire atque dissolvere, quorum quidem ignarus posset veritatem tenere pietatis, sed si Manichæus non esset. Libri quippe eorum pleni sunt longissimis fabulis, de cælo & sideribus & sole & luna: quæ mihi eum, quod utique cupiebam, collatis numerorum rationibus, quas alibi ego legeram, utrum potius ita essent ut Manichæi libris continebantur, an certe vel par etiam inde ratio redderetur, subtiliter explicare posse jam non arbitrabar. Quæ tamen ubi consideranda & discutienda protuli, modeste sane ille nec ausus est subire ipsam sarcinam. Noverat enim se ista non nosse, nec eum pudit confiteri. Non erat de talibus quales multos loquaces passus eram, conantes ea me docere, & dicentes nihil. Iste vero cor habebat, & si non rectum ad te, nec tamen nimis incautum ad seipsum. Non usquequaque imperitus erat imperitiæ suæ, & noluit se temere disputando in ea coarctari, unde nec exitus ei ullus, nec facilis esset reditus: etiam hinc mihi amplius placuit. **PULCRIOR** est enim temperantia contentis animi, quam illa quæ nosse cupiebam: & eum in omnibus difficilioribus & subtilioribus quæstionibus talem inveniebam.

F 13. Refracto itaque studio quod intenderam in Manichæi litteras, magisque desperans de ceteris eorum doctoribus, quando in multis quæ me movebant ita ille nominatus apparuit; cœpi cum eo pro studio ejus agere vitam, quo ipse flagrabat in eas litteras, quas tunc jam rhetor Carthagine adulescentes docebam, & legere cum eo, sive quæ ille

CAPUT
VII.
Aliena-
tur a Sc-
ta Ma-
nichæo-
rum.

ille audita desideraret, siue quæ ipse tali ingenio apta existimarem. Ceterum conatus omnis meus, quo proficere in illa secta statueram, illo homine cognito prorsus intercidit: non ut ab eis omnino separarer, sed quasi melius quidquam non inveniens eo, quo jam quoquo modo irrueram, contentus interim esse decreveram, nisi aliquid forte quod magis eligendum esset eluceret. Ita ille Faustus, qui multis laqueus mortis exstitit, meum quo captus eram relaxare jam cœperat, nec volens nec sciens. Manus enim tuæ, Deus meus, in abdito providentiæ tuæ, non deserebant animam meam; & de sanguine cordis matris meæ per lacrymas ejus diebus ac noctibus pro me sacrificabatur tibi; & egisti mecum miris negotii modis. Tu illud egisti, Deus meus. Nam a Domino gressus hominis diriguntur; & viam ejus volet. Aut quæ procuratio salutis, præter manum tuam reficientem quæ fecisti?

Pf. 1.36.
23.

CAPUT
VIII.
Profici-
scitur
Romam
contra
matris
volun-
tatem.

14. **E** GISTI ergo mecum ut mihi persuaderetur Romam pergere, & potius ibi docere quod docebam Carthagine. Et hoc unde mihi persuasum est non præteribo confiteri tibi: quoniam & in his altissimi tui recessus, & præsentissima in nos misericordia tua cogitanda & prædicanda est. Non ideo Romam pergere volui, quod majores quæstus, majorque mihi dignitas ab amicis, qui hoc suadebant, promittebatur, quamquam & ista ducebant animum tunc meum: sed illa erat causa maxima & pene sola, quod audiebam quietius ibi studere adolescentes, & ordinatiore disciplinæ coercitione sedari, ne in ejus scholam quo magistro non utuntur, passim & proterve irruant; nec eos admitti omnino nisi ille permiserit. Contra apud Carthaginem fœda est & intemperans licentia scholasticorum. Irrumpunt impudenter, & prope furiosa fronte perturbant ordinem, quem quisque discipulis ad proficiendum instituerit. Multa injuriosa faciunt mira hebetudine, & punienda legibus, nisi consuetudo patrona sit; hoc inferiores eos ostendens, quo jam quasi liceat faciunt quod per tuam æternam legem numquam licebit; & impune se facere arbitrantur, cum ipsa faciendi cæcitate puniantur, & incomparabiliter patiantur pejora, quam faciunt. Ergo quos mores cum studerem meos esse a nolui, eos cum docerem cogebar perpeti alienos: & ideo placebat ire ubi talia non fieri omnes qui noverant indicabant. Verum autem tu spes mea & portio mea in terra viventium, ad mutandum terrarum locum pro salute animæ meæ, & Carthagini stimulos quibus inde avellerer, admovebas, & Romæ illecebras quibus attraherer, proponebas mihi per homines qui diligunt vitam mortuam, hinc insana facientes, inde vana pollicentes; & ad corrigendos gressus meos utebaris occulte & illorum & mea perversitate. Nam & qui perturbabant otium meum, fœda rabie cæci erant; & qui invitabant ad aliud, terram sapiebant. Ego autem qui detestabar hic veram miseriam, illic falsam felicitatem appetebam.

15. Sed quare hinc abirem, & illuc irem, tu sciebas

a Codex Sorbonicus, *meos esse volui*. Consentit gallica versio Arn. sed alii codices, etiam Arn. in latino textu, habent, *nolui*. Et re ipsa cum in schola rethoris studeret Augustinus fuit longe sedatior, ut ait supra lib. 3. cap. 3.

b MSS. magno consensu ferunt, *non mansit*. Verior forsitan lectio est, qua filium mater significatur suis fletibus ac precibus prosecuta.

c In MSS. *ut me faceres*.

d Sic restituimus ex veterrimo Corbeiensi codice: nam peccatum est in aliis plerisque MSS. qui habent, *arguebatur in ea reliquiarum Evæ* quos sequuntur Bad. Am. & Er. Alii vero dum locum emaculatum cupiunt, substituunt, *rea*, pro, *in ea*: MSS. certe refragantibus. Nihil dubii

A Deus; nec indicabas mihi nec matri, quæ me profectum atrociter planxit; & usque ad mare secuta est. Sed fefelli eam violenter me tenentem, ut aut revocaret, aut mecum pergeret; & finxi me amicum nolle deferere, donec vento facto navigaret. Et mentitus sum matri, & illi matri, & evasi: quia & hoc tu dimisisti mihi misericorditer, servans me ab aquis maris plenum exsecrandis sordibus usque ad aquam gratiæ tuæ, qua me abluto siccarentur flumina maternorum oculorum, quibus pro me quotidie tibi rigabat terram sub

B vultu suo. Et tamen recusanti sine me redire vix persuasi ut in loco, qui proximus nostræ navi erat memoria beati Cypriani, maneret ea nocte. Sed ea nocte clanculo ego profectus sum: illa autem b remansit orando & flendo. & quid a te petebat, Deus meus, tantis lacrymis, nisi ut navigare me non sineres? Sed tu alte consulens, & exaudiens cardinem desiderii ejus, non curasti quod tunc petebat, ut in me c faceres quod semper petebat. Flavuit ventus, & implevit vela nostra, & littus subtraxit ad spectibus nostris: in quo mane illa insaniebat dolore, & querelis, ac gemitu implebat aures tuas contemnentes ista: cum & me cupiditatibus meis raperes ad finiendas ipsas cupiditates, & illius carnale desiderium justo dolorum flagello vapularet. Amabat enim secum præsentiam meam more matrum, sed multis multo amplius: & nesciebat quid tu illi gaudiorum facturus esses de absentia mea. Nesciebat, ideo flebat & ejulabat, atque illis cruciatibus arguebatur d in ea reliquiarium Evæ, cum gemitu quærens

C quod cum gemitu pepererat. Et tamen post accusationem fallaciarum & crudelitatis meæ conversa rursus ad deprecandum te pro me, abiit ad solita, & ego Romam.

16. **E** T ecce excipior ibi flagello ægritudinis corporalis, & jam ibā ad inferos, portans omnia mala quæ commiseram & in te & in me & in alios multa & gravia super originalis peccati vinculum quo omnes in Adam morimur. Non enim quidquam eorum mihi donaveras in Christo: nec solverat ille e in cruce sua inimicitias, quas tecum contraxeram peccatis meis. Quomodo enim eas solveret in cruce phantasmatis, quod de illo credideram? Quam ergo falsa mihi videbatur mors carnis ejus, tam vera erat animæ meæ: & quam vera erat mors carnis ejus, tam falsa vita animæ meæ, quæ id non credebatur. Et ingravescentibus febribus jam ibam & peribam. Quo enim irem, si tunc hinc abirem, nisi in ignem atque tormenta digna factis meis in veritate ordinis tui? Et illa hoc nesciebat, & tamen pro me orabat absens. Tu autem ubique præsens, ubi erat exaudiebas eam: & ubi eram miserebaris mei, ut recuperarem salutem corporis mei, adhuc insanus corde sacrilego. Neque enim desiderabam in illo tanto periculo baptismum tuum, & melior eram puer, quando illum de materna pietate flagitavi, sicut jam recordatus atque confessus sum. Sed jam in dedecus meum creveram, & consilia medicinæ tuæ demens irridebam,

CAPUT
IX.
Febri
correp-
tus peri-
culose
laborat.

L. 1. c. 11

est quin primum vitiatum fuerit locus ab iis quibus insolens & ignota erat vox, *reliquiarium*. In qua librarii rursus peccarunt lib. 1. quæst. in Genes. q. 148. ubi codices veriores præferunt, *enutrire vestrum reliquiarium*, juxta LXX. κατὰ λέξιν, non, *reliquias*, aut, *reliquiarum*, ut alii.

e Sic legendum cum MSS. cum Bad. & Arn. non ut Am. Er. & Lov. habent, *in carne*. tamen hoc etiam habeat locus Apostoli ad quem alludit Augustinus. Nam hic dicere maluit, *nec solverat ille in cruce*; quia sui recordabatur erroris, quo antea cum Manichæis non crucem, sed carnem Christi negaverat.

bam, qui me non siviſti talem bis mori. Quo vulnere ſi feriretur cor matris, numquam ſanaretur. Non enim ſatis eloquor quid erga me habebat animi, & quanto majore ſolicitudine me parturiebat ſpiritu, quam carne pepererat.

17. Non itaque video quomodo ſanaretur, ſi mea talis illa mors tranſverberaſſet viſcera dilectionis ejus. Et ubi eſſent tantæ preces & tam crebræ ſine intermiſſione? Nuſquam niſi ad te. An vero tu Deus miſericordiarum ſperneres cor contritum & humiliatum viduæ caſtæ ac ſobriæ, frequentantis eleemoſynas, obſequentis atque ſervientis ſanctis tuis, nullum diem prætermittentis oblationem ad altare tuum: bis in die, mane & vespere ad eccleſiam tuam ſine ulla intermiſſione venientis, non ad vanas fabulas & aniles loquacitates, ſed ut te audiret in tuis ſermonibus, & tu illam in ſuis orationibus. Hujusne tu lacrymas, quibus non a te aurum & argentum petebat, nec aliquid mutabile aut volubile bonum, ſed ſalutem animæ filii ſui; tu cujus munere talis erat, contemneres & repelleres ab auxilio tuo? Nequaquam Domine. Immo vero aderas, & exaudiebas & faciebas ordine quo prædeſtinaveras eſſe faciendum. Abſit ut tu fallereſeam in illis viſionibus & reſponſis tuis, quæ jam commemoraſti, & quæ non commemoraſti, quæ illa ſideli pectore tenebat, & ſemper orans tamquam chirographa tua ingerebat tibi. DIGNARIS enim, quoniam in ſæculum miſericordia tua, eis quibus omnia debita dimittis, etiam promiſſionibus tuis debitor fieri.

CAPIT
X.
Errores
ante ſu-
ſceptam
Evange-
lii do-
ctrinam

18. **R**E C R E A S T I ergo me ab illa ægitudine, & ſalvum feciſti filium ancillæ tuæ, tunc interim corpore, ut eſſet cui ſalutem meliorem atque certioſiorem dares. Et jungebar etiam tunc Romæ falſis illis atque fallentibus ſanctis. Non enim tantum auditoribus eorum, quorum e numero erat etiam iſ in cuius domo ægrotaveram & convalueram; ſed eis etiam quos electos vocant. Adhuc enim mihi videbatur non eſſe nos qui peccamus, ſed nescio quam aliam in nobis peccare naturam; & delectabat ſuperbiam meam extra culpam eſſe; & cum aliquid mali feciſſem, non conſiteri me feciſſe, ut ſanares animam meam, quoniam a peccabat tibi; ſed excuſare eam amabam, & accuſare nescio quid aliud quod mecum eſſet & ego non eſſem. Verum autem totum ego eram, & adverſum me impietas mea me diviſerat: & id erat peccatum inſanabilius, quo me peccatorem non eſſe arbitrabar; & execrabilis iniquitas te, Deus omnipotens, te in me ad perniciem meam, quam me a te ad ſalutem malle ſuperari. Nondum ergo poſueras custodiam ori meo, & oſtium continentiae circum labia mea, ut non declinaret cor meum in verba maligna, ad excuſandas excuſationes in peccatis cum hominibus operantibus iniquitatem, & ideo adhuc c combina- bam cum electis eorum.

19. Sed tamen jam deſperans in ea falſa doctrina me poſſe proficere; eaque ipſa quibus ſi nihil melius reperirem, contentus eſſe decreveram, jam remiſſius negligentiusque retinebam. Etenim ſuborta eſt etiam mihi cogitatio, prudentiores ceteris fuiſſe illos

A philoſophos, quos Academicos appellant, quod de omnibus dubitandum eſſe cenſuerant, nec aliquid veri ab homine comprehendere poſſe decreverant. Ita enim & mihi liquido ſenſiſſe videbantur, ut vulgo habentur, etiam illorum intentionem nondum intelligenti. Nec diſſimulaſti eundem hoſpitem meum reprimere a nimia fiducia, quam ſenſi eum habere de rebus fabuloſis, quibus Manichæi libri pleni ſunt. Amicitia tamen eorum familiarius utebar, quam ceterorum hominum qui in illa hæreſi non fuiſſent. Nec eam defendebam priſtina animoſitate; ſed tamen familiaritas eorum, plures enim eos Roma occultat, pigrius me faciebat aliud quærere, præſertim deſperantem in Eccleſia tua, Domine cæli & terræ, creator omnium viſibilem & inviſibilem, poſſe inveniri verum, unde me illi averterant, multumque mihi turpe videbatur, credere figuram te habere humanæ carnis, & membrorum noſtrorum lineamentis corporalibus terminari. Et quoniam cum de Deo meo cogitare vellem, cogitare niſi moles corporum non noveram, neque enim videbatur mihi eſſe quidquam quod tale non eſſet, ea maxima & prope ſola cauſa erat inevitabilis erroris mei.

20. Hinc enim & mali ſubſtantiam quamdam credebam eſſe talem, & habere ſuam molem tetram & deformem, ſive craſſam, quam terram dicebant, ſive tenuem atque ſubtilem, ſicut eſt aeris corpus, quam malignam mentem per illam terram repentem imaginantur. Et quia Deum bonum, nullam malam naturam creaffe qualiſcumque pietas me credere coge- bat; conſtituebam ex adverſo ſibi duas moles, utramque infinitam, ſed malam anguſtius, bonam grandius. Et ex hoc initio peſtilentioſo me cetera ſacrilegia ſequebantur. Cum enim conaretur animus meus recurrere in catholicam fidem, repercutiebar, quia non erat catholica fides quam eſſe arbitrabar. Et magis pius mihi videbar, ſi te, Deus meus, cui conſitentur ex me miſerationes tuæ, vel ex ceteris partibus infinitum crederem, quamvis ex una qua tibi moles mali opponebatur, cogerer finitum fateri, quam ſi ex omnibus partibus in corporis humani forma te opinarer finiri. Et melius mihi videbar credere nullum malum te creaffe, quod mihi nescienti non ſolum aliqua ſubſtantia, ſed etiam corporea videbatur, quia & mentem cogitare non noveram, niſi eam ſubtile corpus eſſe, quod tamen per loci ſpatia diffunderetur, d quam credere abs te eſſe qualem putabam naturam mali. Ipſum quoque Salvatorem noſtrum unigenitum tuum, tamquam de maſſa lucidiſſimæ molis tuæ porrectum ad noſtram ſalutem, ita putabam, ut aliud de illo non crederem, niſi quod poſſem vanitate imaginari. Talem itaque naturam ejus naſci non poſſe de Maria virgine arbitrabar, niſi carni concerneretur. Concerni autem & non inquinari non videbam, quod mihi tale figurabam. Metuebam itaque credere in carne natum, ne credere cogerer ex carne inquinatum. Nunc ſpirituales tui blandæ & amanter ridebunt me, ſi has confeſſiones meas legerint: ſed tamen talis eram.

21.

a Ita vetuſti codices, ubi Lov. habent, *peccavi tibi; ſed excuſare me.*

b Lov. & antiquæ editiones, *te a me.* Melius vero MSS. & Arn. *te in me*, juxta Manichæorum errorem, qui Dei portionem in homine cum natura mali depugnare credebant.

c Alludit ad verſiculum 4. Pſal. 140. & ſequitur hic & alias lectionem

quamdam LXX. quæ habet, *συνδυάζω* combinabo: quapropter ſcribimus cum antiquioribus codicibus, *combinabam*. pro quo in aliis eſt, *convivebam*, aut, *combibe- bam*, *convivabar*, *communicabam*.

d Bad. Ani. & Er. *diffunderetur abs te*. Has duas particulas expunxerunt Lovanienses, neque nos præter quam in Regiomontensi codice eas reperimus.

CAPUT
XI.
Qualiter
Augu-
stinus
contule-
rit cum
Catholi-
cis.

21. **D**EINDE quæ illi in Scripturis tuis reprehenderant, defendi posse non existimabam: sed aliquando sane cupiebam cum aliquo illorum librorum doctissimo conferre singula, & experiri quid inde sentiret. Jam enim Helpidii cujusdam adversus eosdem Manichæos coram loquentis & differentis sermones, etiam apud Carthaginem movere me cœperant, cum talia de Scripturis proferret, quibus resisti facile non posset, & imbecilla mihi responsio videbatur istorum. Quam quidem non facile palam promebant, sed nobis secretius, cum dicerent scripturas novi Testamenti falsatas fuisse a nescio quibus, qui Judæorum legem inferere Christianæ fidei voluerunt, atque ipsi incorrupta exemplaria nulla proferrent. Sed me maxime captum & offocatum quodam modo deprimebant corporalia cogitantem moles illæ, sub quibus anhelans in auram tuæ veritatis liquidam & simplicem respirare non poteram.

CAPUT
XII.
Fraus
discipu-
lorum
Romæ
in præ-
ceptores

22. **S**EDULO ergo agere cœperam, propter quod veneram, ut docerem Romæ artem rhetoricam, & prius domi congregare aliquos, quibus & per quos innotescere cœperam, & ecce cognosco alia Romæ fieri, quæ non patiebar in Africa. Nam revera illas everisiones a perditis adolescentibus ibi non fieri manifestatum est mihi. Sed subito, inquit, ne mercedem magistro reddant, conspirant multi adolescentes, & transferunt se ad alium, desertores fidei & quibus præ pecuniæ caritate justitia vilis est. Oderat etiam istos cor meum, quamvis non perfecto odio. Quod enim ab eis passurus eram, magis oderam fortasse, quam eo quod cuilibet illicita faciebant. Certe tamen turpes sunt tales, & fornicantur abs te, amando volatica ludibria temporum & lucrum luteum, quod cum apprehenditur, manum inquinat, & amplectendo mundum fugientem, contemnendo te manentem & revocantem, & ignoscentem redeunti ad te meretrici animæ humanæ. Et tunc tales odi pravos & distortos, quamvis eos corrigendos diligam, ut pecuniæ doctrinam ipsam quam discunt præferant, ei vero te Deum veritatem & ubertatem certi boni & pacem castissimam. Sed tunc eos magis pati nolebam malos propter me, quam fieri propter te bonos volebam.

CAPUT
XIII.
Doctus
rhetoricam
mittitur
Medio-
lanum,
ab Ambro-
sio susci-
pitur.

23. **I**TAQUE postea quam missum est a Mediolano Romam ad præfectum urbis, ut illi civitati rethoricæ magister provideretur, impertita etiam a evectione publica, ego ipse ambivi per eosdem ipsos Manichæis vanitatibus ebrios, quibus ut carerem ibam, sed utrique nesciebam, ut dictione proposita me probatum præfectus tunc Symmachus mitteret. Et veni Mediolanum ad Ambrosium episcopum in optimis notum orbi terræ, pium cultorem tuum, cui tunc eloquia strenue ministrabant adipem frumenti tui, & lætitiā olei, & sobriam vini ebrietatem populo tuo. Ad eum autem ducebar abs te nesciens, ut per eum ad te sciens ducerer. Suscepit me paterne ille homo Dei, & peregrinationem meam satis episcopali-ter dilexit. Et eum amare cœpi, primo quidem non tamquam doctorem veri, quod in Ecclesia tua prorsus desperabam, sed tamquam hominem benignum in me.

A Et studiose audiebam disputantem in populo, non intentione qua debui, sed quasi explorans ejus facundiam, utrum conveniret famæ suæ, an major minorve proflueret quam prædicabatur: & verbis ejus suspendebam intentus, rerum autem incuriosus & contemtor adstabam; & delectabar suavitate sermonis, quamquam eruditioris, minus tamen hilarescentis atque mulcentis quam Fausti erat, quod adtinet ad dicendi modum: ceterum rerum ipsarum nulla comparatio; nam ille per Manichæas fallacias aberrabat, iste autem saluberrime docebat salutem. Sed longe est a peccatoribus salus, qualis ego tunc aderam: & tamen propinquabam sensim & nesciens.

24. **C**UM enim non satagerem discere quæ dicebat, sed tantum quemadmodum dicebat audire, (ea mihi quippe jam desperanti ad te viam patere homini inanis cura remanserat,) veniebant in animum meum simul cum verbis quæ diligebam, res etiam quas negligebam. Neque enim ea dirimere poteram. Et dum cor aperirem ad excipiendum quam diserte diceret, pariter intrabat & quam vere diceret, gradatim quidem. Nam primo etiam ipsa defendi posse mihi jam cœperant videri; & fidem catholicam, pro qua nihil posse dici adversus oppugnantes Manichæos putaveram, jam non impudenter asseri existimabam, maxime audito uno atque altero, & sæpius ænigmate soluto de scriptis veteribus: ubi cum ad litteram acciperem occidebar. Spiritualiter itaque plerisque illorum librorum expositis locis, jam reprehendebam desperationem meam, illam dumtaxat qua credideram Legem & Prophetas detestantibus atque irridentibus resisti omnino non posse. Nec tamen jam ideo mihi catholicam viam tenendam esse sentiebam, quia & ipsa poterat habere doctos assertores suos qui copiose & non absurde objecta refellerent: nec ideo jam damnandum illud quod tenebam, quia defensionis partes æquabantur. Ita enim Catholica non mihi victa videbatur, ut nondum etiam victrix appareret.

25. Tunc verò fortiter intendi animum, si quo modo possem certis aliquibus documentis Manichæos convincere falsitatis. Quod si possem spiritalem substantiam cogitare, statim machinamenta illa omnia solverentur & abjicerentur ex animo meo; sed non poteram. Verumtamen de ipso mundi hujus corpore omnique natura quam sensus carnis adtingeret, multa probabiliora plerosque sensisse philosophos, magis magisque considerans atque comparans judicabam. Itaque Academicorum more, sicut existimantur, dubitans de omnibus atque inter omnia fluctuans, Manichæos quidem relinquendos esse decrevi: non arbitrans eo ipso tempore dubitationis meæ in illa secta mihi permanendum esse, cui jam nonnullos philosophos præponebam; quibus tamen philosophis quod sine nomine salutari Christi essent, curationem languoris animæ meæ committere omnino recusabam. Statui ergo tamdiu esse catechumenus in catholica Ecclesia mihi a parentibus commendata, donec aliquid certi eluceret quo cursum dirigerem.

CAPUT
XIV.
Audio
Ambro-
sio pau-
latim ab
errori-
bus resi-
piscit.

LI.

a Evectio, quod aliis diploma, facultas erat usurpandi cursus publici, quem privato cuilibet usurpare haud licuisset. Unde lex ab Honorio data ferebat: *Ne quis sibi deinceps cursum publicum privatus usurpet, nisi cum aut a nobis evocatur, aut a clementie nostrae veneratione discedit.* Narrat Julius Capiti. in Pertinace quod is tunc præfectus cohortis, in Sy-

riam profectus, T. Aurelio Imperatore, a præside Syria, quia sine diplomatis cursum usurpaverat, pedibus ab Antiochia ad legationem suam iter facere coactus est.

b Apud Am. Er. Lov. & nescivi Som. & Blas. & nesciebam.

c Lov. decipiendum.

LIBER SEXTUS.

Cum jam Monica ipsius mater Mediolanum advenisset, ipseque annum ætatis ageret tricesimum, Ambrosii concionibus admonitus catholicæ doctrinæ veritatem, quam Manichæi falso insimulabant, magis magisque intelligebat. Alypii amici sui mores prosequitur. In diversa rapiebatur, dum de vita melius instituenda deliberaret; mortis quoque ac iudicii metu percussus, ad vitæ conversionem in dies accendebatur.

CAPUT
I.
Augu-
stinus
nec Ma-
nichæus
nec ca-
tholicus

I. **S**PES mea a juventute mea ubi mihi eras, & A quo recesseras? An vero non tu feceras me, & discreveras me a quadrupedibus & volatilibus cæli? Sapientior me feceras, & ambulabam per tenebras & lubricum, & quærebam te foris a me, & non inveniebam Deum cordis mei; & veneram in profundum maris, & diffidebam & desperabam de inventionem veri. Jam venerat ad me mater pietate fortis, terra marique me sequens, & in periculis omnibus de te secura. Nam & per marina discrimina ipsos B nautas consolabatur, a quibus rudes abyssi viatores cum perturbantur consolari solent: pollicens eis perventionem cum salute, quia hoc ei tu per visum pollicitus eras. Et invenit me periclitantem quidem graviter desperatione indagandæ veritatis. Sed tamen ei cum indicassem, non me quidem jam esse Manichæum, sed neque catholicum Christianum, non quasi inopinatum aliquid audierit, exsilivit lætitia; cum jam secura fieret ex ea parte miseriæ meæ, in C qua me tamquam mortuum, sed resuscitandum tibi flebat, & feretro cogitationis efferebat, ut diceret filio viduæ: Juvenis, tibi dico, surge: & revivisceret & inciperet loqui, & traderes illum matri suæ. Nulla ergo turbulenta exultatione trepidavit cor ejus, cum audisset ex tanta parte jam factum, quod tibi quotidie plangebat ut fieret, veritatem me nondum adeptum; sed falsitati jam ereptum: immo vero quia certa erat, & quod restabat te daturum, qui totum promiseras; placidissime & pectore pleno fiduciæ respondit mihi, credere se in Christo, quod priusquam de hac vita emigraret, me visura esset fidelem catholicum. Et hoc quidem mihi. Tibi autem fons misericordiarum preces & lacrymas densiores a ut accelerares adjutorium tuum, & illuminares tenebras meas, & studiosius ad Ecclesiam b currere, & in Ambrosium ora suspendi ad fontem salientis aquæ in vitam æternam. Diligebat autem illum virum sicut Angelum Dei, quod per illum cognoverat me interim ad illam ancipitem fluctuationem jam esse perductum, per quam transitorium me ab ægitudine ad sanitatem, intercurrente artiore periculo quasi per accessionem quam criticam medici vocant, certa præsumebat.

2. **I**TA QUÆ cum ad memorias sanctorum, sicut in Africa solebat, pultes & panem & merum adtulisset, atque ab ostiario prohiberetur, ubi hoc Episcopum vetuisse cognovit, tam pie atque obedienter amplexa est, ut ipse c mirarer quam facile accusatrix potius consuetudinis suæ, quam disceptatrix il-

lius prohibitionis effecta sit. Non enim obsidebat spiritum ejus vinolentia, eamque stimulabat in odium veri amor vini, sicut plerosque mares & feminas, qui ad canticum sobrietatis, sicut ad potionem aquatam madidi nauseant. Sed illa cum adtulisset canistrum cum sollemnibus epulis prægustandis atque largiendis, plus etiam quam unum d pocillum pro suo palato satis sobrio temperatum, unde dignationem fumeret, non ponebat. Et si multæ essent quæ illo modo videbantur honorandæ memoriæ defunctorum, idem ipsum unum quod ubique poneret circumferebat, * quo jam non solum aquatissimo, sed etiam tepidissimo cum suis præsentibus per sorbitiones exiguas partiretur; quia pietatem ibi quærebat, non voluptatem. Itaque ubi comperit a præclaro prædicatore atque antistite pietatis præceptum esse, ista non fieri, nec ab eis qui sobrie facerent, ne ulla occasio se ingurgitandi daretur ebriosis; & quia illa quasi parentalia superstitioni gentilium essent simillima, abstinuit se libentissime; & pro canistro pleno terrenis fructibus, plenum purgationibus votis pectus ad memorias Martyrum afferre didicerat; ut & quod posset daret egentibus, & sic communicatio Dominici corporis illic celebraretur, cujus passionis imitatione immolati & coronati sunt Martyres. Sed tamen videtur mihi, Domine Deus meus, & ita est in conspectu tuo de hac re cor meum, non facile fortasse de hac amputanda consuetudine matrem meam fuisse cessuram, si ab alio prohiberetur, quem non sicut Ambrosium diligebat, quem propter salutem meam maxime diligebat; eam vero ille propter ejus religiosissimam conversationem, qua in bonis operibus tam fervens spiritu frequentabat Ecclesiam: ita ut sæpe erumperet, cum me videret, in ejus e prædicationem, gratulans mihi quod talem matrem haberem, nesciens qualem illa me filium, qui dubitabam de illis omnibus, & inveniri posse viam vitæ minime putabam.

3. **N**EC jam ingemiscebam orando ut subvenires mihi; sed ad quærendum intentus, & ad differendum inquietus erat animus meus. Ipsumque Ambrosium felicem quemdam hominem secundum sæculum opinabar, quem sic tantæ potestates honorarent; cælibatus tantum ejus mihi laboriosus videbatur. Quid autem ille spei gereret, & adversus ipsius excellentiæ tentamenta quid luctaminis haberet, quidve solaminis in adversis, & occultum os ejus quod erat in corde ejus quam sapida gaudia de pane tuo ruminaret, nec conjicere noveram, nec expertus eram: nec ille sciebat æstus meos,

* f. quod jam non solum aquatissimum, sed etiā tepidissimum.

CAPUT
III.
Occupationes & studia Ambrosii.

a In cod. Albinensi additur, *fundere*.

b Ita potiores MSS. Editi vero, *currerem*, & in *Ambrosii*, &c.

c Sic MSS. Am. Er. Arn. At Bad. & Lov. *miraretur*. Ceterum consuetudinem qua de hic agitur, tota licet Africa pridem receptam, quoniam in comestationes & ebrietates deflexerat, rescindere similiter aggre-

sem. Quin etiam Hipponensem Ecclesiam ipse nondum Episcopus ab hoc more penitus revocat, sicuti fidem facit epistola 29. ad Alypium, quæ hic nunc primum in lucem prodit.

d Apud Am. & Er. *pocillum*.

e Lov. Som. Blas. habent, *in ejus prædicatione*.

meos, nec foveam periculi mei. Non enim quærere ab eo poteram quod volebam sicut volebam, secludentibus me ab ejus aure atque ore catervis negotiosorum hominum, quorum infirmitatibus serviebat. Cum quibus quando non erat, quod per exiguum temporis erat, aut corpus reficiebat necessariis sustentaculis, aut lectione animum. Sed cum legebat, oculi ducebantur per paginas, & cor intellectum rimabatur, vox autem & lingua quiescebant. Sæpe cum adessemus, non enim vetabatur quisquam ingredi, aut ei venientem nuntiari mos erat; sic eum legentem vidimus tacite, & aliter numquam: sedentesque in diuturno silentio (quis enim tam intento esse oneri auderet?) discedebamus, & conjectabamus eum parvo ipso tempore, quod reparandæ menti suæ nanciscabatur, feriatum ab strepitu causarum alienarum, nolle in aliud avocari, & cavere fortasse ne auditore suspensio & intento, si qua obscurius posuisset ille quem legeret, etiam exponere necesse esset; aut de aliquibus difficilioribus disceptare quæstionibus, atque huic operi temporibus impensis, minus quam vellet voluminum evolveret; quamquam & causa servandæ vocis, quæ illi facillime obtundebatur, poterat esse justior tacite legendi. Quolibet tamen animo id ageret, bono utique ille vir agebat.

4. Sed certe mihi nulla dabatur copia sciscitandi quæ cupiebam de tam sancto oraculo tuo pectore illius, nisi cum aliquid breviter esset audiendum. Æstus autem illi mei otiosum eum valde cui refunderentur requirebant, nec umquam inveniebant. Et eum quidem in populo verbum veritatis recte tractantem omni die dominico audiebam; & magis magisque mihi confirmabatur omnes versutarum calumniarum nodos, quos illi deceptores nostri adversus divinos libros innectebant, posse dissolvi. Ubi vero etiam comperi ad imaginem tuam hominem a te factum, a spiritualibus filiis tuis quos de matre Catholica per gratiam regenerasti, non sic intelligi ut humani corporis forma te terminatum crederent atque cogitarent: quamquam quomodo se haberet spiritualis substantia, nequidem tenuiter atque in ænigmate suspicabar; tamen gaudens erubui non me tot annos adversus catholicam fidem, sed contra carnalium cogitationum figmenta latrasse. Eo quippe temerarius & impius fueram, quod ea quæ debebam quærendo a discere, accusando dixeram. Tu enim altissime & proxime, secretissime & præsentissime, cui membra non sunt alia majora & alia minora, sed ubique totus es, & nusquam locorum es, non es utique forma ista corporea; tamen fecisti hominem ad imaginem tuam; & ecce ipse a capite usque ad pedes in loco est.

5. **C**UM ergo nescirem quomodo hæc subsisteret imago tua, pulsans^b proponerem quomodo credendum esset, non insultans opponerem quasi ita creditum esset: tanto igitur acrior cura rodebat intima mea quid certi retinerem, quanto me magis pudebat tam diu illusum & deceptum promissione certorum puerili errore & animositate, tam multa incerta quasi certa garrisse. Quod enim falsa essent, postea mihi clauit. Certum tamen erat quod incerta essent, & a me aliquando pro certis habita fuissent, cum Catholicam tuam cæcis contentionibus accusarem, etsi nondum

Tom. I.

A compertam vera docentem, non tamen ea docentem quæ graviter accusabam. Itaque confundebar, & convertabar, & gaudebam, Deus meus, quod Ecclesia, unica corpus Unici tui, in qua mihi nomen Christi infanti est inditum, non saperet infantiles nugæ; neque hoc haberet in doctrina sua sana, quod te creatorem omnium in spatium loci, quamvis summum & amplum, tamen undique terminatum membrorum humanorum figura contruderet.

6. Gaudebam etiam quod vetera scripta Legis & Prophetarum jam non illo oculo mihi legenda proponerentur, quo antea videbantur absurda, cum arguebam tamquam ita sentientes sanctos tuos; verum autem non ita sentiebant: & tamquam regulam diligentissime commendaret, sæpe in popularibus Sermonibus suis dicentem Ambrosium lætus audiebam; *Littera occidit, spiritus autem vivificat*: cum ea quæ ad litteram perversitatem docere videbantur, remoto mystico velamento spiritualiter aperiret, non dicens quod me offenderet, quamvis ea diceret, quæ utrum vera essent adhuc ignorarem. Tenebam enim cor meum ab omni assensione, timens præcipitium, & suspensio magis necabar. Volebam enim eorum quæ non viderem ita me certum fieri, ut certus essem quod septem & tria decem sint. Neque enim tam insanus eram, ut ne hoc quidem putarem posse comprehendere, sed sicut hoc, ita cetera cupiebam, sive corporalia, quæ coram sensibus meis non adessent; sive spiritualia, de quibus cogitare nisi corporaliter nesciebam. Et sanari credendo poteram, ut purgatior acies mentis meæ dirigeretur aliquo modo in veritatem tuam semper manentem, & ex nullo deficientem. Sed sicut evenire assolet, ut malum medicum expertus etiam bono timeat se committere; ita erat valetudo animæ meæ, quæ utique nisi credendo sanari non poterat; & ne falsa crederet, curari recusabat; resistens manibus tuis, qui medicamenta fidei confecisti, & sparsisti super morbos orbis terrarum, & tantam illis auctoritatem tribuisti.

7. **E**X hoc tamen quoque jam præponens doctrinam catholicam, modestius ibi minimeque fallaciter sentiebam juberi ut crederetur quod non demonstrabatur, (sive esset quid, sed cui forte non esset; sive ne quid esset) quam illic temeraria pollicitatione scientiæ credulitatem irrideri; & postea tam multa fabulosissima & absurdissima, quia demonstrari non poterant, credenda imperari. Deinde paulatim tu Domine manu mitissima & misericordissima pertractans & componens cor meum, consideranti quam innumerabilia crederem quæ non viderem, neque cum gererentur adfuissim; sicut tam multa in historia gentium, tam multa de locis atque urbibus quæ non videram, tam multa amicis, tam multa medicis, tam multa hominibus aliis atque aliis; quæ nisi crederentur omnino in hac vita nihil ageremus: postremo quam inconcussa fixum fide retinerem, de quibus parentibus ortus essem, quod scire non possem, nisi audiendo credidissem: persuasisti mihi non qui crederent libris tuis, quos tanta in omnibus fere gentibus auctoritate fundasti; sed qui non crederent, esse culpandos; nec audiendos esse, si qui forte mihi dicerent, Unde scis illos libros unius veri & veracissimi Dei spiritu esse humano generi ministratos?

F Idip-

a MSS. quærendo dicere.

b Sic legendum cum MSS. & cum Som. Arn. non quemadmodum

Lov. & editi ceteri habent, pulsansque.

c Post vocem Ecclesia, in editis additur, sua. abest vero a MSS.

Idipsum enim maxime credendum erat, quoniam nulla pugnacitas calumniosarum quæstionum per tam multa quæ legeram inter se confligentium philosophorum extorquere mihi potuit, ut aliquando non crederem te esse quidquid esses quod ego nescirem, aut administrationem rerum humanarum ad te pertinere.

8. Sed id credebam aliquando robustius, aliquando exilius; semper tamen credidi & esse te, & curam nostri gerere; etiam si ignorabam vel quid sentiendum esset de substantia tua, vel quæ via duceret aut reduceret ad te. Ideoque cum essemus infirmi ad invenendam liquida ratione veritatem, & ob hoc nobis opus esset auctoritate sanctarum litterarum, jam credere cœperam nullo modo te fuisse tributurum tam excellentem illi scripturæ per omnes jam terras auctoritatem, nisi & per ipsam tibi credi & per ipsam te quæri voluisses. Jam enim absurditatem quæ me in illis litteris solebat offendere, cum multa ex eis probabiliter exposita audissem, ad sacramentorum altitudinem referebam: eoque mihi illa venerabilior & sacrosancta fide dignior apparebat auctoritas, quo & omnibus ad legendum esset in promptu, & secreti sui dignitatem in intellectu profundiore servaret, verbis apertissimis & humillimo genere loquendi se cunctis præbens, & exercens intentionem eorum, qui non sunt leves corde: ut exciperet omnes populari sinu, & per angusta foramina paucos ad te trajiceret, multo tamen plures, quam si nec tanto apice auctoritatis emineret, nec turbas gremio sanctæ humilitatis hauriret. Cogitabam hæc, & aderas mihi; suspirabam, & audiebas me; fluctuabam, & gubernabas me; ibam per viam sæculi latam, nec deserebas.

CAPUT VI.
De miseria ambitiosorum adducto exemplo mendicantis.

9. **I**N H I A B A M honoribus, lucris, conjugio; & tu irridebas. Patiebar in eis cupiditatibus amarissimas difficultates, te propitio tanto magis, quanto minus sinebas mihi dulcescere quod non eras tu. Vide cor meum, Domine, qui voluisti ut hoc recorderer & confiterer tibi. Nunc tibi inhæreat anima mea, quam de visco tam tenaci mortis exuisti. Quam misera erat, & sensum vulneris tu pungebas, ut relictis omnibus converteretur ad te qui es super omnia, & sine quo nulla essent omnia, converteretur & sanaretur. Quam ergo miser eram, & quomodo egisti ut sentirem miseriam meam, die illo quo cum pararem recitare a Imperatori laudes, quibus plura mentirer, & mentienti faveretur ab scientibus, easque curas anhelaret cor meum, & cogitationum tabificarum febribus æstualet, transiens per quemdam vicum Mediolanensem, animadverti pauperem mendicum, jam credo saturum, jocantem atque lætantem: & ingemui, & locutus sum cum amicis qui mecum erant, multos dolores infaniarum nostrarum, quia omnibus talibus conatibus nostris, qualibus tunc laborabam, sub stimulis cupiditatum trahens infelicitatis meæ sarcinam, & trahendo exaggerans, nihil vellemus aliud nisi ad securam lætitiā pervenire, quo nos mendicus ille jam præcessisset, numquam fortasse illuc venturos. Quod enim jam ille pauculis & emendicatis nummulis adeptus erat, ad hoc ego tam ærumnosis amfractibus & circuitibus ambiebam, ad lætitiā scilicet temporalis felicitatis. Non enim

A verum gaudium habebat, sed & ego illis ambitionibus multo falsius quærebam. Et certe ille lætabatur, ego anxius eram; securus ille, ego trepidus. Et si quisquam percontaretur me, utrum mallet exsultare an metuere; responderem, exsultare. Rursus si interrogaret, utrum me talem mallet qualis ille, an qualis ego tunc essem; me ipsum curis timoribusque confectum eligerem, sed perversitate: numquid veritate? Neque enim eo me præponere illi debebam, quo doctior eram; quoniam non inde gaudebam, sed placere inde quærebam hominibus; non ut eos docerem, sed tantum ut placerem. Propterea & tu baculo disciplinæ tuæ confringebas ossa mea.

B
C
D
10. Recedant ergo ab anima mea qui dicunt ei: Interest unde quis gaudeat. Gaudebat mendicus ille vinolentia, tu gaudere cupiebas gloria: Qua gloria, Domine, quæ non est in te? Nam sicut illud verum gaudium non erat, ita nec illa vera gloria, & amplius vertebat mentem meam. Et ille ipsa nocte digesturus erat ebrietatem suam, ego cum mea dormieram & surrexeram, & dormiturus & surrecturus eram, vide quot diebus. Interest vero unde quis gaudeat, scio, & gaudium spei fidelis incomparabiliter distat ab illa vanitate, sed & tunc distabat inter nos. Nimirum quippe ille felicius erat, non tantum quod hilaritate perfundebatur, cum ego curis eviscerarer, verum etiam quod ille bene optando adquisiverat vinum, ego mentiendo quærebam typhum. Dixi tunc multa in hac sententia caris meis, & sæpe advertebam in his quomodo mihi esset, & inveniebam male mihi esse, & dolebam & conduplicabam ipsum male. Et si quid arisisset prosperum, tædebat apprehendere, quia pene priusquam teneretur a volabat.

11. **C** O N G E M I S C E B A M U S in iis qui simul amice vivebamus, & maxime ac familiarissime cum Alypio & Nebridio ista colloquebar, quorum Alypius ex eodem quo ego ortuserat municipio, parentibus primatibus municipalibus, me minor natu. Nam & studuerat apud me, cum in nostro docere cœpi oppido, & postea Carthagini, & diligebat me multum, quod ei bonus & doctus viderer, & ego illum propter magnam virtutis indolem, quæ in non magna ætate satis eminebat. Gurges tamen morum Carthaginensium, quibus nugatoria fervent spectacula, absorbuerat eum in insaniam Circensium: sed cum in eo miserabiliter volveretur, ego autem rhetoricam ibi professus publica schola uterer, nondum me audiebat ut magistrum, propter quamdam simultatem quæ inter me & patrem ejus erat exorta, & compereram quod circum exitialiter amaret, & graviter angebar, quod tantam spem perditurus, vel etiam perdidisse mihi videbatur. Sed monendi eum & aliqua coercitione revocandi nulla erat copia, vel amicitia benevolentia, vel jure magisterii. Putabam enim eum de me cum patre sentire, ille vero non sic erat. Itaque postposita in hac re patris voluntate, salutare me cœperat, veniens in auditorium meum, & audire aliquid atque abire.

12. Sed enim de memoria mihi lapsus erat, agere cum illo ne vanorum ludorum cæco & præcipiti studio tam bonum interimere ingenium. Verum

CAPUT VII.
Alypius a Circensium insania convertit.

a Forte an Valentiniano minori, quia ejus comitatus apud Mediolanum, ex Possidio cap. 11 tum erat constitutus, cum ibi rhetoricam profitebatur Augustinus, qui præterea lib. 3. contra Petilianum litt.

cap. 25. scribit se in eadem urbe Bautoi Consuli calendis Januarii laudem pro sua tunc rhetorica professione recitasse.

rum autem, Domine tu, qui præfides gubernaculis omnium quæ creasti, non eum oblitus eras futurum inter filios tuos antistitem sacramenti tui, & ut aperte tibi tribueretur ejus correctio, per me quidem illam, sed nescientem operatus es. Nam quodam die cum federem loco solito, & coram me adessent discipuli, venit, salutavit, sedit, atque in ea quæ agebantur animum intendit: & forte lectio in manibus erat, quam dum exponerem, & opportune mihi adhibenda videretur similitudo Circensium, quo illud quod insinuabam & jucundius & planius fieret, cum irrisione mordaci eorum quos illa captivasset infania, tu scis Deus noster, quod tunc de Alypio ab illa peste sanando non cogitaverim. At ille in se rapuit, meque illud non nisi propter se dixisse credidit. Et quod alius acciperet ad succensendum mihi, accepit honestus adolescens ad succensendum sibi, & ad me ardentius diligendum. Dixeras enim tu jam olim, & innexueras litteris tuis: *Corripe sapientem, & amabit te*. At ego illum jam non corripueram, sed utens tu omnibus & scientibus & nescientibus ordine quo nosti, & ille ordo justus est, de corde & lingua mea carbones ardentes operatus es, quibus mentem spei bonæ adures tabescentem, ac sanares. Taceat laudes tuas qui miserationes tuas non considerat, quæ tibi de medullis meis confitentur. Etenim ille post illa verba proripuit se ex fovea tam alta, qua libenter demergebatur, & cum miserabili voluptate cæcabatur; & excussit animum forti temperantia, & resilerunt omnes Circensium fordes ab eo, ampliusque illuc non accessit. Deinde patrem reluctantem evicit, ut me magistro uteretur: cessit ille atque concessit. Et audire me rursus incipiens, illa mecum superstitione involutus est, amans in Manichæis ostentationem continentiae, quam veram & germanam putabat. Erat autem illa vecors & seductoria, pretiosas animas captans, nondum virtutis altitudinem scientes tangere, & superficie decipi faciles, sed tamen adumbratæ simulatæque virtutis.

13. **N**ON fane relinquens incantatam sibi a parentibus terrenam viam, Romam præcesserat ut jus disceret, & ibi gladiatorii spectaculi hiatu incredibili & incredibiliter abreptus est. Cum enim aversaretur & detestaretur talia, quidam ejus amici, & condiscipuli, cum forte de prandio redeuntibus pervius esset, recusantem vehementer & resistentem, familiari violentia duxerunt in amphitheatrum crudelium & funestorum ludorum diebus, hæc dicentem: Si corpus meum in illum locum trahitis, & ibi constituitis, numquid & animum & oculos meos in illa spectacula potestis intendere? Adero itaque absens, ac sic & vos & illa superabo. Quibus auditis, illi nihilo secius eum adduxerunt secum, id ipsum forte explorare cupientes, utrum posset efficere. Quo ubi ventum est, & sedibus quibus potuerunt locati sunt, fervebant omnia immanissimis voluptatibus. Ille clausis foribus oculorum, interdixit animo, ne in tanta mala procederet, atque utinam & aures obturavisset. Nam quodam pugnae casu, cum clamor ingens totius populi vehementer eum pulsasset, curiositate victus, & quasi paratus quidquid illud esset, etiam visum contemnere & vincere, aperuit oculos, & percussus est graviore vulnere in anima quam ille in corpore, quem cernere concupivit, ceciditque miserabilius quam ille, quo cadente factus est clamor, qui per

Tom. I.

A ejus aures intravit, & referavit ejus lumina, ut esset qua feriretur & deiceretur audax adhuc potius quam fortis animus, & eo infirmior quod de se præsumerat, qui debuit de te. Ut enim vidit illum sanguinem, immanitatem simul ebibit, & non se avertit, sed fixit ad spectum, & hauriebat furias, & nesciebat, & delectabatur scelere certaminis, & cruenta voluptate inebriabatur. Et non erat jam ille qui venerat, sed unus de turba ad quam venerat, & verus eorum socius, a quibus adductus erat. Quid plura?

B Spectavit, clamavit, exarsit, abstulit inde secum infaniam qua stimularetur redire, non tantum cum illis a quibus prius abstractus est, sed etiam præ illis & alios trahens. Et inde tamen manu validissima & misericordissima eruisti eum tu, & docuisti non sui habere, sed tui fiduciam, sed longe postea.

14. **V**ERUM TAMEN jam hoc ad medicinam futuram in ejus memoria reponebatur. Nam & illud quod cum adhuc studeret jam me audiens apud Carthaginem, & medio die cogitaret in foro quod recitaturus erat, sicuti exerceri scholastici solent, sivist eum comprehendi ab æditimis fori tamquam furem. Non arbitror aliam ob causam te permisisse, Deus noster, nisi ut ille vir tantus futurus jam inciperet discere, quam non facile in dignoscendis causis homo ab homine damnandus esset temeraria credulitate. Quippe ante tribunal deambulabat solus cum tabulis ac stilo, cum ecce adolescens quidam ex numero scholasticorum fur verus, securim clanculo adportans illo non sentiente ingressus est ad cancellos plumbeos qui vico argentario desuper præminent, & præcidere plumbum cœpit. Sono autem securis audito submurmuraverunt argentarii qui subter erant, & miserunt qui apprehenderent quem forte invenissent. Quorum vocibus auditis, relicto instrumento ille discessit, timens ne cum eo teneretur. Alypius autem qui non viderat intrantem, exeuntem sensit, & celeriter vidit abeuntem. Et causam scire cupiens ingressus est locum, & inventam securim stans atque admirans considerabat. Cum ecce illi qui missi fuerant, reperiunt eum solum ferentem ferrum cujus sonitu exciti venerant. Tenent, attrahunt, congregatis inquilinis fori, tamquam furem manifestum se comprehendisse gloriantur, & inde offerendus judici ducebatur.

15. Sed hæcenus docendus fuit. Statim enim, Domine, subvenisti innocentiae cujus testis eras tu solus, Cum enim duceretur vel ad custodiam, vel ad supplicium, sit eis obviam quidam architectus cujus maxima erat cura publicarum fabricarum. Gaudent illi eum potissimum occurrisse, cui solebant in suspicionem venire ablatarum rerum quæ perissent de foro, ut quasi tandem ille cognosceret a quibus hæc fierent. Verum autem viderat homo sæpe Alypium in domo cujusdam senatoris ad quem salutandum ventitabat: statimque cognitum manu apprehensa semovit a turbis, & tanti mali causam quærens, quid gestum esset audivit; omnesque tumultuantes qui aderant & minaciter frementes jussit venire secum. Et venerunt ad domum illius adolescentis qui rem commiserat. Puer vero erat ante ostium, & tam parvus erat ut nihil exinde domino suo metuens facile posset totum indicare: cum eo quippe in foro fuit pedissequus. Quem postea quam recoluit Alypius, architecto in-

F 2

tima-

CAPUT IX. Alypius ut fur apprehenditur.

CAPUT VIII. Alypius capitur infania ludorum gladiatorum a quibus antea abhorruerat.

timavit. At ille securim demonstravit puero, quærens ab eo cujuse esset. Qui confestim: nostra, inquit: deinde interrogatus aperuit cetera. Sic in illam domum translata causa, confusisque turbis quæ de illo triumphare jam cœperant, futurus dispensator verbi tui, & multarum in Ecclesia tua causarum examinador, experientior instructiorque discessit.

CAPUT
X.
De integritate
Alypii
& advē
ru Ne-
bridii.
a

16. **H**U NC ergo Romæ inveneram, & adhæsit mihi fortissimo vinculo, mecumque Mediolanum profectus est, ut nec me defereret, & de jure quod didicerat aliquid ageret secundum votum magis parentum quam suum. ^a Et ter jam affederat mirabili continentia ceteris, cum ille magis miraretur eos qui aurum innocentia præponerent. Tentata est quoque ejus indoles, non solum illecebra cupiditatis, sed etiam stimulo timoris. Romæ assidebat Comiti largitionum ^b Italicianarum. Erat eo tempore quidam potentissimus senator, cujus & beneficiis obstricti multi & terrori subditi erant. Voluit sibi licere nescio quid ex more potentia suæ, quod esset per leges illicitum: restitit Alypius: promissum est præmium; irrisit animo: prætentæ minæ; calcavit; mirantibus omnibus inusitatam animam, quæ hominem tantum, & innumerabilibus præstandi nocendique modis ingenti fama celebratum, vel amicum non optaret, vel non formidaret inimicum. Ipse autem judex, cui consiliarius erat, quamvis & ipse fieri nollet, non tamen aperte recusabat: sed in istum causam transferens, ab eo se non permitti asserebat; quia & revera si ipse faceret, iste discederet. Hoc solo autem pene jam illectus erat studio litterario, ut pretiis prætorianis codices sibi conficiendos curaret: sed consultata justitia deliberationem in melius vertit; utiliorem judicans æquitatem qua prohibebatur, quam potestatem qua sinebatur. Parvum est hoc, sed qui in parvo fidelis est, & in magno fidelis est. Nec ullo modo erit inane, quod de tuæ veritatis ore processit: *Si in injusto mammona fideles non fuistis: quod verum est quis credet vobis? Et si in alieno fideles non fuistis: quod vestrum est quis dabit vobis?* Talis ille tunc inhærebat mihi, mecumque nutabat in consilio, quisnam esset tenendus vitæ modus.

LUC. 16.
11.

17. Nebridius etiam qui relicta patria vicina Carthagini, atque ipsa Carthagine ubi frequentissimus erat, relicto rure paterno optimo, relicta domo & non secutura matre, nullam ob aliam causam Mediolanum venerat, nisi ut mecum viveret in flagrantissimo studio veritatis atque sapientiæ: pariter suspirabat, pariterque fluctuabat, beatæ vitæ inquisitor ardens, & quæstionum difficillimarum scrutator acerrimus. Et erant ora trium egentium, & inopiam suam sibimet invicem anhelantium, & a te expectantium, ut dares eis escam in tempore opportuno. Et in omni amaritudine quæ nostros sæculares actus de misericordia tua sequebatur, intuentibus nobis finem cur ea pateremur, occurrebant tenebræ; & adversabamur gementes, & dicebamus: Quamdiu hæc? Et hoc crebro dicebamus; & dicentes non relinquebamur; quia non elucebat certum aliquid quod illis relictis apprehenderemus.

^a Bad. Am. Er. Blas. Et ibi. Lov. Som. Et inter hæc. At MSS. plures potioresque cum Arn. habent, Et ter jam affederat. prætulimus. Nam Alypius tertium functus assessoris munere dicitur etiam postea lib. 8. cap. 6. Mecum erat Alypius, inquit Augustinus, otiosus ab opere Jurisperitorum post affectionem tertiam expectans quibus iterum

18. **E**T ego maxime mirabar satagens & recolens quam longum tempus esset ab undevigesimo anno ætatis meæ, quo fervere cœperam studio sapientiæ, disponens ea inventa relinquere omnes vanarum cupiditatum spes inanes & insanias mendaces: & ecce jam tricenariam ætatem gerebam, in eodem luto hæsitans aviditate fruendi præsentibus, fugientibus & dissipantibus me, dum dico, Cras inveniam: ecce manifestum apparebit, & tenebo: ecce Faustus veniet, & exponet omnia. O magni viri Academici, nihil ad agendam vitam certi comprehendere potest. Immo quæramus diligentius, & non desperemus. Ecce jam non sunt absurda in libris ecclesiasticis quæ absurda videbantur, & possunt aliter atque honeste intelligi. Figam pedes in eo gradu in quo puer a parentibus positus eram, donec inveniat perspicua veritas. Sed ubi quæretur? quando quæretur? Non vacat Ambrosio, non vacat legere. Ubi ipsos codices quærimus? unde, aut quando comparamus? a quibus sumimus? Deputentur tempora, distribuantur horæ pro salute animæ. Magna spes oborta est: non docet catholica fides quod putabamus, & vani accusabamus: nefas habent docti ejus credere Deum figura humani corporis terminatum; & dubitamus pulsare quo aperiuntur cetera? Ante-meridianis horis discipuli occupant: ceteris quid facimus? cur non id agimus? Sed quando salutamus amicos majores quorum suffragiis opus habemus? Quando præparamus quod emant scholastici? Quando reparamus nos ipsos, animum relaxando ab intentione curarum.

CAPUT
XI.
Anxius
Augustinus
de instruenda
vita de-
liberat.

19. Pereant omnia, & dimittamus hæc vana & inania: conferamus nos ad solam inquisitionem veritatis. Vita hæc misera est, mors incerta. Si subito obrepat, quomodo hinc exhibimus; & ubi nobis discenda sunt quæ hic negleximus? An non potius hujus negligentia supplicia luenda sunt? Quid si mors ipsa omnem curam cum sensu amputabit & finiet? Ergo & hoc quærendum. Sed absit ut ita sit. NON VACAT, non est inane quod tam eminens culmen auctoritatis Christianæ fidei toto orbe diffunditur. NUMQUAM tanta & talia pro nobis divinitus agerentur, si morte corporis etiam vita animæ consumeretur. Quid cunctamur igitur relicta spe sæculi, conferre nos totos ad quærendum Deum & vitam beatam? Sed expecta: jucunda sunt etiam ista: habent non parvam dulcedinem suam: non facile ab eis præcidenda est intentio, quia turpe est ad ea rursum redire. Ecce jam quantum est ut impetretur aliquis honor? Et quid amplius in his desiderandum? Suppetit amicorum majorum copia: ut nihil aliud, & multum festinemus, vel præsidatus dari potest; & ducenda uxor cum aliqua pecunia, ne sumtum nostrum gravet, & ille erit modus cupiditatis. Multi magni viri & imitatione dignissimi, sapientiæ studio cum conjugibus dediti fuerunt.

20. Cum hæc dicebam, & alternabant hi venti & impellebant huc atque illuc cor meum, transibant tempora, & tardabam converti ad Dominum, & differebam de die in diem vivere in te, & non differebam quotidie in memetipso mori. Amans beatam vitam, timebam illam in se-

de

consilia venderet.

^b Apud Lov. Italicarum. At in vetustis codicibus, Italicianarum, uti scribitur etiam in Notitia dignitatum imperii, & ab iis qui de Comite largitionibus in Italia faciendis præfecto agunt.

de sua, & ab ea fugiens quærebam eam. Putabam enim me miserum fore nimis, si feminæ privarer amplexibus; & medicinam misericordiæ tuæ ad eandem infirmitatem sanandam non cogitabam, quia expertus non eram; & propriarum virium credebam esse continentiam, quarum mihi non eram conscius, cum tam stultus essem ut nescirem, sicut scriptum est: *Neminem posse esse continentem, nisi tu dederis.* Utique dares, si gemitu interno pulsarem aures tuas, & fide solida in te jactarem curam meam.

Sup. 3. 21

CAPUT XII

Contentio inter Alypiū & Augustinum de matrimonio & cælibatu

21. **P**ROHIBEBAT me sane Alypius ab uxore ducenda, caussans nullo modo nos posse securo otio simul in amore sapientiæ vivere, sicut jam diu desideraremus, si id fecissem. Erat enim ipse in ea re etiam tunc castissimus, ita ut mirum esset; quia vel experientiam concubitus cœperat in ingressu adolescentiæ suæ, sed non hæserat; magisque doluerat & spreverat, & deinde jam continentissime vivebat. Ego autem resistebam illi, exemplis eorum qui conjugati coluissent sapientiam, & promeruissent Deum, & habuissent fideliter ac dilexissent amicos. A quorum ego quidem granditate animi longe aberam: & a deligatus morbo carnis mortifera suavitate trahebam catenam meam; solvi timens, & quasi concussio vulnerere repellens verba bene suadentis tamquam manum solventis. Insuper etiam per me ipsi quoque Alypio loquebatur serpens, & innectebat atque spargebat per linguam meam dulces laqueos in via ejus, quibus illi honesti & expediti pedes implicarentur.

22. Cum enim me ille miraretur, quem non parvipenderet ita hærare visco illius voluptatis, ut me affirmarem quotiescumque inde inter nos quæreremus cælibem vitam nullo modo posse degere, atque ita me defenderem cum illum mirantem viderem, ut dicerem multum interesse inter illud quod ipse raptim & furtim expertus esset, quod pene jam ne meminisset quidem, atque ideo nulla molestia facile contemneret, & delectationes consuetudinis meæ, ad quas si accessisset honestum nomen matrimonii, non eum mirari oportere, cur ego illam vitam nequirem spernere: cœperat & ipse desiderare conjugium, nequaquam victus libidine talis voluptatis, sed curiositatis. Dicebat enim scire se cupere quidnam esset illud, sine quo vita mea quæ illi sic placebat, non mihi vita, sed pœna videretur. Stupebat enim liber ab illo vinculo animus servitutem meam, & stupendo ibat in experiendi cupidinem, venturus in ipsam experientiam, atque inde fortasse lapsurus in eam quam stupebat servitutem; quoniam sponsonem volebat facere cum morte; & qui amat periculum, incidet in illud. Neutrum enim nostrum, si quod est conjugale decus in officio regendi matrimonii & suscipiendorum liberorum, ducebat nisi tenuiter. Magna autem ex parte atque vehementer consuetudo satiandæ insatiabilis concupiscentiæ me captum excruciat: illum autem admiratio capiendum trahebat. Sic eramus, donec tu altissime non deferens humum nostram, miseratus miseros subvenires miris & occultis modis.

CAPUT XIII.

Uxor quaritur Augustino.

23. **E**T instabatur impigre ut ducerem uxorem. Jam petebam, jam promittebatur, maxime matre dante operam, quo me conjugatum baptis-

Tom. I.

A mus salutaris ablueret, quo me in dies gaudebat aptari, & vota sua ac promissa tua in mea fide compleri animadvertibat. Cum sane & rogatu meo & desiderio suo forti clamore cordis abs te deprecaretur quotidie, ut ei per visum ostenderes aliquid de futuro matrimonio meo, numquam voluisti. Et videbat quædam vana & phantastica, quo cogebat impetus de hac re satagentis humani spiritus, & narrabat mihi, non cum fiducia qua solebat, cum tu demonstrares ei, sed contemnens ea. Dicebat enim discernere se nescio quo sapore quem verbis explicare non poterat, quid interesset inter revelantem te & animam suam somniantem. Instabatur tamen, & puella petebatur, cujus ætas ferme biennio minus quam nubilis erat, & quia ea placebat, expectabatur.

24. **E**T multi amici agitaveramus animo, & colloquentes ac detestantes turbulentas humanæ vitæ molestias, pene jam firmaveramus remoti a turbis otiose vivere: id otium sic moliti, ut si quid habere possemus, conferremus in medium, unamque rem familiarem conflaremus ex omnibus: ut per amicitiae sinceritatem non esset aliud hujus & aliud illius, sed quod ex cunctis fieret unum, & universum singulorum esset, & omnia omnium: cum videremur nobis esse posse decem ferme homines in eadem societate, essentque inter nos prædivites, Romanianus maxime communiceps noster, quem tunc graves æstus negotiorum suorum ad comitatum adtraxerant, ab ineunte ætate mihi familiarissimus: qui maxime instabat huic rei, & magnam in suadendo habebat auctoritatem, quod ampla resejus multum ceteris anteibat: & placuerat nobis ut bini annui tamquam magistratus omnia necessaria curarent, ceteris quietis. Sed postea quam cœpit cogitari, utrum hoc mulierculæ sinerent, quas & alii nostrum jam habebant, & nos habere volebamus, totum illud placitum quod bene b formabamus, diffiluit in manibus, atque confractum & abjectum est. Inde ad suspiria & gemitus, c & gressus ad sequendas latas & tritas vias sæculi; quoniam multæ cogitationes erant in corde nostro, consilium autem tuum manet in æternum. Ex quo consilio deridebas nostra, & tua præparabas, nobis daturus escam in opportunitate, & aperturus manum tuam atque impleturus animas nostras benedictione.

25. **I**N T E R E A peccata mea multiplicabantur, & avulsa a latere meo tamquam impedimento conjugii, cum qua cubare solitus eram, cor ubi adhærebat, concisum & vulneratum mihi erat, & trahebat sanguinem. Et illa in Africam redierat, vovens tibi alium se virum nescituram, relicto apud me naturali ex illa filio meo. At ego infelix nec feminæ imitator, dilationis impatiens, tamquam post biennium accepturus eam quam petebam, quia non amator conjugii, sed libidinis servus eram, procuravi aliam, non utique conjugem, quo tamquam sustentaretur & perduceretur vel integer vel auctior morbus animæ meæ satellitio perdurantis consuetudinis in regnum uxorium. Nec sanabatur vulnus illud meum quod prioris præcisione factum fuerat, sed post fervorem doloremque acerrimum putrescebat, & quasi frigidius, sed desperatius dolebat.

F 3

26.

CAPUT XIV.

De vita communi agenda cum amicis deliberat.

b

c

CAPUT XV.

In locū discedētis concubinæ alia succedit.

a Lov. Blas. cum aliquot MSS. *delicatus*. Som. Arn. *delectatus*. Stant vero pro nostra lectione MSS. melioris notæ.

b In antiquioribus editionibus & nonnullis MSS. *firmabamus*.

c Codex Albinensis & antiquiores editi, *Inde ad suspiria & gemitus convertemur, & gressus, &c.*

CAPUT
XVI.
Mortis
& judi-
cii me-
rum
num-
quam
depo-
suit.

26. **T**IBI laus, tibi gloria, fons misericordia-
rum. Ego fiebam miserior, & tu propin-
quior. Aderat jam jamque dextera tua raptura me de
cœno, & ablutura me, & ignorabam. Nec me revo-
cabat a profundiore voluptatum carnalium gurgite,
nisi metus mortis & futuri judicii tui, qui per varias
quidem opiniones, numquam tamen recessit de pe-
ctore meo. Et disputabam cum amicis meis Alypio
& Nebridio de finibus bonorum & malorum, Epi-
curum accepturum fuisse palmam in animo meo, nisi
ego credidissem post mortem restare animæ vitam, &
tractus meritorum, quod Epicurus credere noluit. Et
quærebam, si essemus immortales & in perpetua cor-
poris voluptate sine ullo amissionis terrore viveremus,
cur non essemus beati, aut quid aliud quæreremus? Ne-
sciens idipsum ad magnam miseriam pertinere, quod

ita demersus & cæcus cogitare non possem lumen ho-
nestatis & gratis amplectendæ pulcritudinis, quam non
videt oculus carnis, & videtur ex intimo. Nec confide-
rabam miser, ex qua vena mihi manaret, quod ista ip-
sa, fœda tamen, cum amicis dulciter conferebam;
nec esse sine amicis poteram beatus, etiam secundum
sensum quem tunc habebam in quantalibet affluentia
carnalium voluptatum. Quos utique amicos gratis di-
ligebam, vicissimque ab eis me diligi gratis sentiebam.
O tortuosas vias! VÆ animæ audaci quæ speravit,
si a te recessisset, se aliquid melius habituram. Ver-
sa & reversa in tergum, & in latera, & in ventrem,
& dura sunt omnia. Et tu solus requies. Et ecce
ades; & liberas a miserabilibus erroribus, & consti-
tuis nos in via tua, & consolaris, & dicis: Currite,
ego feram, & ego perducam, & ibi ego a feram.

a In Lyrinenſi codice, & ego ibi liberabo.

LIBER SEPTIMUS.

Exordium suæ juventutis, id est, annum ætatis trigesimum-primum, ob mentis oculos reducit. Narrat se illa ætate densioribus adhuc ignorantie tenebris involutum, atque errantem circa Dei naturam, nec non circa originem mali, in cujus inquisitione se mirum in modum angebat, pervenisse tandem ad cognitionem Dei sinceram; quamvis nondum digne de Domino Christo sentiret.

CAPUT
I.
Deum
cogitar-
tam-
quam
aliquid
corpore-
um
per infi-
nita spa-
tia diffu-
sum.

I. **I**AM mortua erat adolescentia mea mala & ne-
fanda, & ibam in juventutem, quanto ætate
major, tanto vanitate turpior. Qui cogitare aliquid
substantiæ nisi tale non poteram quale per hos ocu-
los videri solet, non te b cogitabam Deus in figura
corporis humani; ex quo audire aliquid de sapientia
cœpi, semper hoc fugi; & gaudebam me hoc repe-
risse in fide spiritalis Matris nostræ Catholicæ tuæ.
Sed quid te aliud cogitare non occurrebat; & co-
nabar cogitare te homo, & talis homo, summum &
solum & verum Deum: & te incorruptibilem & in-
violabilem & incommutabilem totis medullis crede-
bam; quia nesciens unde & quomodo; plane tamen
videbam & certus eram, id quod corrumpi potest
deterius esse quam id quod non potest: & quod vio-
lari non potest incunctanter præponebam violabili:
& quod nullam patitur mutationem melius esse quam
id quod mutari potest. Clamabat violenter cor meum
adversus omnia phantasmata mea: & hoc uno ictu co-
nabar abigere circumvolantem turbam immunditiæ
ab acie mentis meæ: & vix dimota in ictu oculi,
ecce conglobata rursus aderat, & irruebat in adspe-
ctum meum, & obnubilabat eum, ut quamvis non
forma humani corporis, corporeum tamen aliquid
cogitare cogerer per spatia locorum, sive infusum
mundo, sive etiam extra mundum per infinita diffu-
sum, etiam ipsum incorruptibile & inviolabile & in-
commutabile, quod corruptibili & violabili & com-
mutabili præponebam: quoniam quidquid privabam
spatiis talibus, nihil mihi esse videbatur. Sed prorsus
nihil, ne inane quidem, tamquam si corpus auferat-
ur loco, & maneat locus omni corpore vacuatus, &
terreno & humido & aereo & cælesti, sed tamen sit
locus inanis tamquam spatiosum nihil.

2. Ego itaque incrassatus corde, nec mihi metip-
si vel ipse conspicuus, quidquid non per aliquan-

ta spatia tenderetur, vel diffunderetur, vel congl-
baretur, vel tumeret, vel tale aliquid caperet, aut
capere posset, nihil prorsus esse arbitrabar. Per qua-
les enim formas ire solent oculi mei, per tales ima-
gines ibat cor meum, nec videbam hanc eandem in-
tentionem, qua illas ipsas imagines formabam, non
esse tale aliquid, quæ tamen ipsas non formaret, nisi
esset magnum aliquid. Ita etiam te vita vitæ meæ
grandem per infinita spatia undique cogitabam pene-
trare totam mundi molem, & extra eam quaqua ver-
sum per immensam sine termino, ut haberet te terra,
haberet cælum, haberent omnia, & illa finirentur
in te, tu autem nusquam. Sicut autem luci solis non
obstisteret corpus aeris hujus qui supra terram est,
quominus per eum trajiceretur penetrans eum, non
dirumpendo aut concidendo, sed implendo eum to-
tum: sic tibi putabam non solum cæli & aeris & ma-
ris, sed etiam terræ corpus pervium, & ex omnibus ma-
ximis minimisque partibus penetrabile ad capiendam
præsentiam tuam, occulta inspiratione intrinsecus &
extrinsecus administrantem omnia quæ creasti. Ita
suspicebam, quia cogitare aliud non poteram; nam fal-
sum erat. Illo enim modo major pars terræ majorem
tui partem haberet, & minorem minor, atque ita te
plena essent omnia, ut amplius tui caperet elephan-
ti corpus quam passeris, quo esset isto grandius, gran-
dioremque occuparet locum, atque ita frustatim par-
tibus mundi, magnis magnas, brevibus breves partes
tuas præsentem faceres. Non es autem ita. Sed non-
dum illuminaveras tenebras meas.

3. **S**A T erat mihi, Domine, adversus deceptos
illos & deceptores & loquaces mutos, c quo-
niam non ex eis sonabat verbum tuum: fat erat
ergo illud quod jam diu ab usque Carthagine a
Nebridio proponi solebat, & omnes qui audiera-
mus concussi sumus Quid erat tibi factura nescio
quæ

CAPUT
II.
Mo-
mentū
quo Ne-
bridius
confuta-
rat Ma-
nichæos.

b Bad. Am. Er. non tamen se cogitabam.

c Am. Er. loquaces mutos, & ob hoc mutos quoniam, &c.

quæ gens tenebrarum, quam ex adversa mole solent opponere, si tu cum ea pugnare a noluiſſes? Si enim responderetur, aliquid fuiſſe nocituram, violabilistu & corruptibilis fores. Si autem nihil ea nocere potuiſſe diceretur, nulla afferretur cauſſa pugnandi, & ita pugnandi ut quædam portio tua & membrum tuum vel proles de ipſa ſubſtantia tua miſceretur adverſis poteſtatibus & non a te creatis naturis, atque in tantum ab eis corrumperetur & commutaretur in deterius, ut a beatitudine in miſeriam verteretur, & indigeret auxilio quo erui purgarique poſſet: & hanc eſſe animam, cui tuus ſermo ſervienti liber, & contaminatæ purus, & corruptæ integer ſubveniret: ſed & ipſe corruptibilis, quia ex una eademque ſubſtantia. Itaque ſi te quidquid eſ, id eſt, ſubſtantiam tuam qua eſ, incorruptibilem dicerent: falſa eſſe illa omnia & exſecrabilia: ſi autem corruptibilem: idipſum jam falſum & prima voce abominandum. Sat ergo erat iſtud adverſus eos omni modo evomendos a preſſura pectoris, quia non habebant qua exirent ſine horribili ſacrilegio cordis & linguæ, ſentiendo de te iſta & loquendo.

CAPUT
III.
Libe-
rum ar-
bitrium
cauſſa
peccati.

4. **S**ED & ego adhuc, quamvis incontaminabilem & inconvertibilem, & nulla ex parte mutabilem dicerem, firmeque ſentirem Dominum noſtrum Deum verum, qui feciſti non ſolum animas noſtras, ſed etiam corpora, nec tantum animas noſtras & corpora, ſed omnes & omnia, non tenebam explicitam & enodatam cauſſam mali: quæcumque tamen eſſet ſic eam quærendam videbam, ut non per illam conſtringerer Deum incommutabilem mutabilem credere, ne ipſe fierem quod quærebam. Itaque ſecurus eam quærebam, & certus non eſſe verum quod illi dicerent, quos toto animo fugiebam; quia videbam, quærendo unde malum, repletos malitia, qua opinarentur tuam potius ſubſtantiam male pati quam ſuam male facere.

5. Et intendeſſam ut cernerem quod audiebam, liberum voluntatis arbitrium cauſſam eſſe ut male faceremus, & rectum iudicium tuum ut pateremur, & eam liquidam cernere non valebam. Itaque aciem mentis de profundo educere conatus, mergebar iterum, & ſæpe conatus, mergebar iterum atque iterum. Sublevabat enim me in lucem tuam quod tam me ſciebam habere voluntatem quam me vivere. Itaque cum aliquid vellem aut nollem, non alium quam me velle ac nolle certiſſimus eram, & ibi eſſe cauſſam peccati mei jam jamque animadvertēbam. Quod autem invitus facerem, pati me potius quam facere videbam, & id non culpam, ſed pœnam eſſe iudicabam, qua me non iniuſte plecti te juſtum cogitans cito fatebar. Sed rurfus dicebam: Quis fecit me? nonne Deus meus? non tantum bonus, ſed ipſum bonum? Unde igitur mihi male velle & bene nolle, ut eſſet cur juſte pœnas luerem? Quis in me hoc poſuit, & inſevit mihi plantarium amaritudinis, cum totus fierem a dulciſſimo Deo meo? Si diabolus auctor, unde ipſe diabolus? Quod ſi & ipſe perversa voluntate ex bono Angelo diabolus factus eſt, unde & in ipſo voluntas mala qua diabolus fieret, quando totus Angelus a conditore optimo factus eſſet b bonus? His cogitationibus deprimebar iterum & ſuffocabar: ſed non uſque ad illum infernum ſubducebar erroris, ubi

b

A nemo conſitetur tibi, dum tu potius mala pati, quam homo facere putatur.

6. **S**IC enim nitebar cetera invenire, ut jam inveneram melius eſſe incorruptibile, quam corruptibile, & ideo te quidquid eſſes, eſſe incorruptibilem conſitebar. Neque enim ulla anima umquam potuit, poteritve cogitare aliquid quod ſit te melius, qui ſummum & optimum bonum eſ. Cum autem veriſſime atque certiſſime incorruptibile corruptibili præponatur, ſicut jam ego præponebam, poteram jam cogitatione aliquid adtingere quod eſſet melius Deo meo, niſi tu eſſes incorruptibilis. Ubi igitur videbam incorruptibile corruptibili eſſe præferendum, ibi te quærere debebam, atque inde advertere unde ſit malum, id eſt, unde ſit ipſa corruptio, qua violari ſubſtantia tua nullo modo poteſt. Nullo enim prorsus modo violat corruptio Deum noſtrum; nulla voluntate, nulla neceſſitate, nullo improviſo caſu; quoniam ipſe eſt Deus, & quod ſibi vult bonum eſt, & ipſe eſt idem bonum. Corrupti autem non eſt bonum. Nec cogeris invitus ad aliquid, quia voluntas tua non eſt major quam potentia tua. Eſſet autem major, ſi te ipſo tu ipſe major eſſes: voluntas enim & potentia Dei, Deus ipſe eſt. Et quid improviſum tibi qui noſti omnia, & nulla natura eſt, niſi quia noſti eam? Et ut quid multa dicimus, cur non ſit corruptibilis ſubſtantia quæ Deuſ eſt, quando ſi hoc eſſet, non eſſet Deus?

CAPUT
IV.
Deum
incorruptibilem eſſe oportet.

7. **E**T quæreſſam, unde malum: & male quæreſſam: & in ipſa inquisitione mea non videbam malum. Et conſtituebam in conſpectu ſpiritus mei univerſam creaturam, quidquid in ea cernere poſſumus, ſicuti eſt terra, & mare, & aer, & fidera, & arbores, & animalia mortalia; & quidquid in ea non videmus ſicut firmamentum cæli, inſuper & omnes Angelos & cuncta ſpiritualia ejus: ſed etiam ipſa quaſi corpora eſſent, locis & locis ordinavit imaginatio mea: & feci unam maſſam grandem diſtinctam generibus corporum c creaturam tuam, ſive quæ vera corpora erant, ſive quæ ipſe pro ſpiritibus finxeram: & eam feci grandem, non quantum erat quod ſcire non poteram, ſed quantum libuit undique verſum ſane finitam. Te autem, Domine, ex omni parte ambientem eam & penetrantem, ſed uſquequaque infinitum: tamquam ſi mare eſſet ubique & undique per immenſa ſpatia infinitum ſolum mare, & haberet intra ſe ſpongiam quamlibet magnam, ſed finitam tamen, plena eſſet utique ſpongia illa ex omni ſua parte ex immenſo mari: ſic creaturam tuam finitam te infinito plenam putabam & dicebam: Ecce Deus, & ecce quæ creavit Deus, & bonus eſt Deus, atque his validiſſime longiſſimeque præſtantior, ſed tamen bonus bona creavit, & ecce quomodo ambit atque implet ea. Ubi ergo malum, & unde, & qua huc irrepiſit? Quæ radix ejus, & quod ſemen ejus? An omnino non eſt? Cur ergo timemus & cavemus quod non eſt? Aut ſi inaniter timemus, certe vel timor ipſe malum eſt, quo incaſſum ſtimulatur, & excrucietur cor. Et tanto gravius malum, quanto non eſt quod timeamus, & timemus. Idcirco aut eſt malum quod timeamus, aut hoc malum eſt quia timemus. Unde eſt igitur? quoniam Deus fecit hæc omnia, bonus bona. Majus quidem & ſummum bonum minora fecit bona, ſed

CAPUT
V.
Quærit
iterum
unde
malum,
& quæ
radix
ejus.

c

a Legitur, *noluiſſes*, apud Bad. Am. Er. Som. & Blaſ. Vide l. 2. de morib. Manich. c. 12.

b Omittitur *bonus*, in MSS. Benign. Theoder. & aliquot aliis.

c Quatuor MSS. *creaturarum tuarum*.

sed tamen & creans & creata bona sunt omnia. Unde est malum? ^a An unde fecit ea, materies aliqua mala erat, & formavit atque ordinavit eam, sed reliquit aliquid in illa, quod in bonum non converteret? Cur & hoc? An impotens erat totam vertere & commutare, ut nihil mali remaneret, cum sit omnia potens? Postremo cur inde aliquid facere voluit, ac non potius eadem omnipotentia fecit, ut nulla esset omnino? Aut vero existere poterat contra ejus voluntatem? Aut si æterna erat, cur tam diu per infinita retro spacia temporum sic eam sivit esse, ac tanto post placuit aliquid ex ea facere? Aut jam si aliquid subito voluit agere; hoc potius ageret omnipotens, ut illa non esset, atque ipse solus esset totum, verum & summum & infinitum bonum. Aut si non erat bene, ut non aliquid boni etiam fabricaretur, & conderet qui bonus erat, illa sublata & ad nihilum redacta materia quæ mala erat, bonam ipse institueret unde omnia crearet. Non enim esset omnipotens, si condere non posset aliquid boni, nisi ea, quam ipse non condiderat, adjuvaretur materia. Taliaolvebam pectore misero ingravidato curis mordacissimis de timore mortis, & non inventa veritate: stabiliter tamen hærebat in corde meo, in catholica Ecclesia fides Christi tui Domini & Salvatoris nostri, in multis quidem adhuc informis, & præter doctrinæ normam ^b fluitans, sed tamen eam non relinquebat animus, immo in dies magis magisque imbibebat.

CAPUT
VI.
Mathe-
matico-
rum di-
vinationes re-
jicit.

8. **J**AM etiam Mathematicorum fallaces divinationes, & impia deliramenta rejeceram. Con-
fiteantur etiam hinc tibi de intimis visceribus ani-
mæ meæ miserationes tuæ Deus meus. Tu enim, tu omnino, nam quis alius a morte omnis erroris revocat nos, nisi vita quæ mori nescit, & sapientia mentes indigentes illuminans, nullo indigens lumine, qua mundus administratur usque ad arborum volatica folia? Tu procurasti perviciaciam meam qua oblectatus sum Vindiciano acuto seni, & Nebridio adolescenti mirabilis animæ: illi vehementer affirmanti, huic cum dubitatione quidem aliqua, sed tamen crebro dicenti, non esse ^c ullam artem futura prævidendi; conjecturas autem hominum habere sæpe vim fortis, & multa dicendo dici pleraque ventura, nescientibus eis qui dicerent, sed in ea non tacendo incurrentibus. Procurasti ergo tu hominem amicum, non quidem segnem consultorem Mathematicorum, nec eas litteras bene callentem, sed (ut dixi) consultorem curiosum, & tamen scientem aliquid quod a patre suo se audisse dicebat, quod quantum valeret ad illius artis opinionem evertendam ignorabat. Is ergo vir nomine Firminus liberaliter institutus & excultus eloquio, cum me tamquam carissimum de quibusdam suis rebus in quas sæcularis spes ejus intumuerat consuleret, quid mihi secundum suas quas constellationes appellant videretur: ego autem qui jam de hac re in Nebridii sententiam flecti cœperam, non quidem abnuerem conjicere ac dicere quod nutanti occurrebat: sed tamen subjicerem, prope jam esse mihi persuasum ridicula esse illa & inania. Tum ille mihi narravit patrem suum fuisse librorum talium

A curiosissimum, & habuisse amicum æque illa simul-
que sectantem, qui pari studio & collatione ^d flatabant in eas nugas ignem cordis sui, ita ut mutorum quoque animalium, si quæ domi parerent, observarent momenta nascentium, atque ad ea positionem cæli notarent, unde illius quasi artis experimenta colligerent. Itaque dicebat audisse se a patre suo, quod cum eundem Firminum prægnans mater esset, etiam illius paterni amici famula quædam pariter utero grandescibat, quod latere non potuit dominum, qui etiam canum suarum partus examinatissima diligentia nosse curabat. Atque ita factum esse, ut cum iste conjugis, ille autem ancillæ dies & horas, minutioresque horarum articulos cautissima observatione numerarent, enixæ essent ambæ simul, ita ut easdem constellationes usque ad easdem minutias utrique nascenti facere cogerentur, iste filio, ille servulo. Nam cum mulieres parturire cœpissent, indicaverunt sibi ambo quid in sua cujusque domo ageretur, & paraverunt quos ad se invicem mitterent, simul ut natum quod parturiebatur esset cuique nuntiatum, quod tamen ut continuo nuntiaretur, tanquam in regno suo facile effecerant. Atque ita qui ab alterutro missi sunt, tam ex paribus domorum intervallis sibi obviam factos esse dicebat, ut aliam positionem siderum, aliasque particulas momentorum, neuter eorum notare sineretur: & tamen Firminus amplo apud suos loco natus, dealbatiores vias sæculi cursitabat, augebatur divitiis, sublimabatur honoribus: servus autem ille conditionis jugo nullatenus relaxato dominis serviebat, ipso indicante qui noverat eum.

9. His itaque auditis & creditis, talis quippe narraverat, omnis illa reluctatio mea resoluta concidit: & primo Firminum ipsum conatus sum ab illa curiositate revocare, cum dicerem, constellationibus ejus inspectis ut vera pronuntiarem, debuisse me utique videre ibi, parentes inter suos esse primarios, nobilem familiam propriæ civitatis, natales ingenuos, honestam educationem, liberalesque doctrinas. At si me ille servus ex eisdem constellationibus, quia & illius ipsæ essent consulisset, ut eidem quoque vera proferrem, debuisse me rursus ibi videre abjectissimam familiam, conditionem servilem, & cetera longe a prioribus aliena, longeque distantia. Unde autem fieret ut eadem inspiciens diversa dicerem, si vera dicerem; si autem eadem dicerem, falsa dicerem: inde certissime colligi ea quæ vera consideratis constellationibus dicerentur, non arte dici, sed forte; quæ autem falsa, non artis imperitia, sed fortis mendacio.

F 10. Hinc autem accepto ^e aditu, ipse mecum talia ruminando, ne quis eorumdem delirorum qui talem quæstum sequerentur, quos jam jamque invadere, atque irrisos refellere cupiebam, mihi ita resisteret, quasi aut Firminus mihi aut illi pater falsa narraverit, intendi considerationem in eos qui gemini nascuntur: quorum plerique ita post invicem funduntur ex utero, ut parvum ipsum temporis intervallum quantamlibet vim in rerum natura habere contendat, colligi tamen humana observatione non possit, litterisque si-
gna-

^a Ita MSS. cum Bad. & Arn. At Am. Er. Lov. mutata interpunctione habent. Aut unde fecit ea? Materies, &c.

^b Bad. Am. Er. Lov. fluctuans.

^c In MSS. non esse illam artem.

^d In editis plerisque, & collatione flagrabant in eas nugas ignem cordis sui.

Castigavit Arn. flabant ignem. Nos ex MSS. restituimus flatabant. quo in verbo, quia minime familiare erat, lapsi sunt Librarii & locum corruerunt. Id porro usurpat Arnobius adversus Gentes lib. 2. circa medium, Quid minulos, histriones, cantores tuba, zibia, calamoque flantes.

^e Bad. Am. Er. cum quinque MSS. accepto auditu.

gnari omnino non valeat, quas mathematicus inspecturusest ut vera pronuntiet. Et non erunt vera, quia easdem litteras inspiciens, eadem debuit dicere de Esau & Jacob, sed non eadem utrique acciderunt. Falsa ergo diceret: aut si vera diceret, non eadem diceret, a etiam si eadem inspiceret. Non ergo arte, sed forte vera diceret. Tu enim Domine iustissime Moderator universitatis, CONSULENTIBUS consultisque nescientibus occulto instinctu agis, ut dum quisque consulit, hoc audiat quod eum oportet audire occultis meritis animarum ex abyssu iusti iudicii tui, cui non dicat homo: Quid est hoc? Ut quid hoc? Non dicat, non dicat: homo est enim.

CAPUT
VII.
Misere
torque-
tur in-
quirens
unde sit
malum.

II. **J**AM itaque me adiutor meus illis vinculis sol-
veras, & quærebam unde malum, & non erat
exitus. Sed me non sinebas ullis fluctibus cogi-
tationis auferri ab ea fide qua credebam & esse te,
& esse incommutabilem substantiam tuam, & esse
de hominibus curam & iudicium tuum, & in Chri-
sto filio tuo Domino nostro, atque in scripturis san-
ctis quas Ecclesiæ tuæ catholicæ commendaret aucto-
ritas, viam te posuisse salutis humanæ, ad eam vitam
quæ post hanc mortem futura est. His itaque salvis, at-
que inconcussis roboratis in animo meo, quærebam
æstuans unde sit malum. Quæ illa tormenta partu-
rientis cordis mei, qui gemitus Deus meus? Et ibi
erant aures tuæ nesciente me. Et cum in silentio for-
titer quærerem, MAGNÆ voces erant ad misericor-
diam tuam tacitæ contritiones animi mei. Tu sciebas
quid patiebar, & nullus hominum. Quantum enim
erat quod inde digerebatur per linguam meam in au-
res familiarissimorum meorum? Numquid totus tu-
multus animæ meæ, cui nec tempora nec os meum
sufficiebat, sonabat eis? Totum tamen ibat in auditum
tuum, quod rugiebam a gemitu cordis mei, & ante te
erat desiderium meum, & lumen oculorum meorum
non erat mecum. Intus enim erat, ego autem foris. Nec
in loco illud: at ego intendebar in ea quæ locis conti-
nentur, & non ibi inveniēbam locum ad requiescen-
dum: nec b recipiebant me ista ut dicerem; Sat est, &
bene est: nec dimittebant redire, ubi mihi satis esset be-
ne. Superior enim eram istis, te vero inferior, & tu
gaudium verum mihi subdito tibi, & tu mihi subjece-
ras quæ infra me creasti. ET HOC erat rectum tem-
peramentum, & media regio salutis meæ, ut manerem
ad imaginem tuam, & tibi serviens dominarer corpori.
Sed cum superbe contra te surgerem, & currerem ad-
versus Dominum in cervice crassa scuti mei, etiam ista
infima supra me facta sunt, & premebant, & nusquam
erat laxamentum & respiramentum. Ipsa occurrebant
undique acervatim & conglobatim cernenti, cogitanti
autem imagines corporum, ipsæ opponebantur redeun-
ti, quasi diceretur: Quo is indigne & sordide? Et hæc
de vulnere meo creverant, quia humiliasti tamquam
vulneratum superbum, & tumore meo separabar abs
te, & nimis inflata facies claudebat oculos meos.

CAPUT
VIII.
Quomo-
do divi-
na mis-
ericordia
subve-
nerit
Augusti-
no.

12. **T**U vero Domine in æternum manes, & non
in æternum irasceris nobis, quoniam misera-
tus es terram & cinerem, & placuit in conspectu tuo
reformare deformia mea; & stimulis internis agitabas
me, ut impatiens essem, donec mihi per interiorē ad-
spectum certus esses. Et residebat tumor meus ex oc-
cultā manu medicinæ tuæ, aciesque conturbata & con-

A tenebrata mentis meæ acri collyrio salubrium dolo-
rum de die in diem sanabatur.

13. **E**T primo volens ostendere mihi, quam resistas
superbis, humilibus autem des gratiam, &
quanta misericordia tua demonstrata sit hominibus via
humilitatis, quod Verbum tuum caro factum est, &
habitavit inter homines: procurasti mihi per quem-
dam hominem immanissimo typho turgidum, quos-
dam Platoniorum librosex græca lingua in latinam
versos: & ibi legi, non quidem his verbis, sed hoc idem
omnino multis & multiplicibus suaderi rationibus,
quod in principio erat Verbum, & Verbum erat apud
Deum, & Deus erat Verbum: hoc erat in principio
apud Deum; omnia per ipsum facta sunt, & sine ipso
factum est nihil: quod factum est in eo, vita est, & vita
erat lux hominum, & lux in tenebris lucet, & tenebræ
eam non comprehenderunt. Et quia hominis anima
quamvis testimonium perhibeat de lumine, non est ta-
men ipsa lumen; sed Verbum Dei Deus est lumen ve-
rum, quod illuminat omnem hominem venientem in
hunc mundum. Et quia in hoc mundo erat, & mundus
per ipsum factus est, & mundus eum non cognovit.
Quia vero in sua propria venit, & sui eum non recepe-
runt, quotquot autem receperunt eum, dedit eis po-
testatem filios Dei fieri, credentibus in nomine ejus,
non ibi legi.

14. Item ibi legi, quia Deus Verbum, non ex carne,
non ex sanguine, non ex voluntate viri, neque ex volun-
tate carnis, sed ex Deo natus est. Sed quia Verbum ca-
ro factum est; & habitavit in nobis, non ibi legi. Inda-
gavi quippe in illis litteris varie dictum, & multis mo-
dis, quod sit Filius in forma Patris, non rapinam arbi-
tratus esse æqualis Deo, quia naturaliter id ipsum est.
Sed quia semetipsum exinanivit formam servi acci-
piens, in similitudinem hominum factus, & habitu in-
ventus ut homo, humiliavit se factus obediens usque
ad mortem, mortem autem crucis, propter quod Deus
eum exaltavit a mortuis, & donavit ei nomen quod est
super omne nomen, ut in nomine Jesu omne genu fle-
ctatur, cælestium, terrestrium & infernorum, & omnis
lingua confiteatur, quia Dominus Jesus Christus in glo-
ria est Dei patris, non habent illi libri. Quod enim ante
omnia tempora, & supra omnia tempora incommuta-
biliter manet unigenitus Filius tuus coæternus tibi, &
quia de plenitudine ejus accipiunt animæ ut beatæ sint,
& quia participatione manentis in se sapientiæ reno-
vantur ut sapientes sint, est ibi. Quod autem secundum
tempus pro impiis mortuus est; & Filio unico tuo non
pepercisti, sed pro nobis omnibus tradidisti eum; non est
ibi. Abscondisti enim hæc a sapientibus, & revelasti ea
parvulis: ut venirent ad eum laborantes & onerati, &
reficeret eos: quoniam mitis est & humilis corde, & di-
rigit mites in iudicio, & docet mansuetos vias suas; vi-
dens humilitatem nostram, & laborem nostrum, & di-
mittens omnia peccata nostra. Qui autem cothurno
tamquam doctrinæ sublimioris elati non audiunt di-
centem, *Discite a me quia mitis sum & humilis corde*, &
invenietis requiem animabus vestris; etsi cognoscunt
Deum, non sicut Deum glorificant aut gratias agunt,
sed evanescunt in cogitationibus suis, & obscuratur in-
spiciens cor eorum, dicentes se esse sapientes stulti fiunt.

15. Et ideo legebam ibi etiam immutatam glo-
riam incorruptionis tuæ in idola & varia simula-
cra,

CAPUT
IX.
In Pla-
tonico-
rum li-
bris Ver-
bi æterni
divini-
tatem,
non in-
cardati
humili-
tatem
invenit.

Mat. 11.
29.

a Quidam codices; at eadem inspiceret: non ergo arte, &c.

b Benignianensis codex, rapiebant.

cra, in similitudinem imaginis corruptibilis hominis & volucrum & quadrupedum & serpentum, videlicet a Ægyptium cibum quo Esau perdidit primogenita sua; quoniam caput quadrupedis pro te honoravit populus primogenitus, conversus corde in Ægyptum, & curvans imaginem tuam, animam suam ante imaginem vituli manducantis fœnum. Inveni hæc ibi, & non manducavi. Placuit enim tibi, Domine, auferre opprobrium diminutionis ab Jacob, ut major serviret minori, & vocasti gentes in hæreditatem tuam. Et ego ad te veneram ex gentibus, & intendi in aurum quod ab Ægypto voluisti ut auferret populus tuus, quoniam tuum erat ubicumque erat. Et dixisti Atheniensibus per Apostolum tuum, *quod in te vivimus & movemur & sumus: sicut & quidam secundum eos dixerunt.* & utique inde erant illi libri. Et non adtendi in idola Ægyptiorum, quibus de auro tuo ministrabant, qui transmutaverunt veritatem Dei in mendacium, & coluerunt & servierunt creaturæ potius quam Creatori.

AL. 17.
28.

CAPUT
X.
Clericus
in notis
sunt
jam
Augu-
fino
divina.
b

16. **E**T inde admonitus redire ad memetipsum, intravi in intima mea duce te, & potui, quoniam factus es adjutor meus. Intravi & vidi qualicumque oculo animæ meæ, supra eundem oculum animæ meæ, supra mentem meam lucem b incommutabilem, non hanc vulgarem & conspicuam omni carni, nec quasi ex eodem genere grandior erat, tamquam si ista multo multoque clarius claresceret, totumque occuparet magnitudine. Non hoc illa erat, sed aliud, aliud valde ab istis omnibus. Nec ita erat supra mentem meam sicut oleum super aquam, nec sicut cælum super terram; sed superior, quia ipsa fecit me, & ego inferior, quia factus sum ab ea. Qui novit veritatem, novit eam: & qui novit eam, novit æternitatem. Caritas novit eam. O ÆTERNA veritas, & vera caritas, & cara æternitas. Tu es Deus meus. Tibi suspiro die ac nocte. Et cum te primum cognovi, tu assumisti me ut viderem esse quod viderem, & nondum me esse qui viderem. Et reverberasti infirmitatem adspectus mei, radians in me vehementer, & contremui amore & horrore, & inveni longe me esse a te in regione dissimilitudinis, tamquam audirem vocem tuam de excelsis: CIBUS sum grandium, cresce & manducabis me. Nec tu in te mutabis sicut cibum carnis tuæ, sed tu mutaberis in me. Et cognovi quoniam pro iniquitate erudisti hominem, & tabescere fecisti sicut araneam animam meam: & dixi, Numquid nihil est veritas, quoniam neque per finita, neque per infinita locorum spatia diffusa est? Et clamasti de longinquo: Immo vero; Ego sum qui sum. Et audiivi sicut auditur in corde, & non erat prorsus unde dubitarem; faciliusque dubitarem vivere me, quam non esse veritatem quæ per ea quæ facta sunt intellecta c conspicitur.

CAPUT
XI.
Quomo-
do crea-
tura sunt
& non
sunt.

17. **E**T inspexi cetera infra te, & vidi nec omnino esse, nec omnino non esse. Esse quidem, quoniam abs te sunt: non esse autem, quoniam id quod es non sunt. Id enim vere est, quod incommutabiliter

manet. Mihi autem inhærere Deo bonum est, quia si non manebo in illo, nec in me potero. Ille autem in se manens innovat omnia. Et Dominus Deus meus es, quoniam bonorum meorum non eges.

18. **E**T manifestatum est mihi, quoniam bona sunt quæ corrumpuntur, quæ neque si summa bona essent, neque nisi bona essent, corrumpi possent: quia si summa bona essent, incorruptibilia essent: si autem nulla bona essent, quod in eis corrumpere non esset. Nocet enim corruptio, & nisi bonum minueret, non noceret. Aut igitur nihil nocet corruptio, quod fieri non potest; aut, quod certissimum est, omnia quæ corrumpuntur, privantur bono. Si autem omni bono privabuntur, omnino non erunt. Si enim erunt, & corrumpi jam non poterunt, meliora erunt, quia incorruptibiliter permanebunt. Et quid monstrosius quam ea dicere omni bono amisso facta meliora? Ergo si omni bono privabuntur, omnino nulla erunt: ergo quamdiu sunt, bona sunt: ergo quæcumque sunt, bona sunt. Malumque illud quod quærebam unde esset, non est substantia: quia si substantia esset, bonum esset. Aut enim esset incorruptibilis substantia, magnum utique bonum: aut substantia corruptibilis esset, quæ nisi bona esset, corrumpi non posset. Itaque vidi & manifestatum est mihi, quia omnia bona tu fecisti, & prorsus nullæ substantiæ sunt quas tu non fecisti. Et quoniam non æqualia omnia fecisti, ideo sunt omnia; quia singula bona sunt, & simul omnia valde bona: quoniam fecit Deus noster omnia bona valde.

CAPUT
XII.
Omnia
bona
quæ-
cumque
sunt.

19. **E**T tibi omnino non est malum, non solum tibi, sed nec universæ creaturæ tuæ, quia extra d non est aliquid quod irrumpat & corrumpat ordinem quem posuisti ei. In partibus autem ejus quædam quibusdam quia non conveniunt, mala putantur: & eadem ipsa conveniant aliis & bona sunt, & in semetipsis bona sunt. Et omnia hæc quæ sibi invicem non conveniunt, conveniunt inferiori parti rerum, quam terram dicimus, habentem cælum suum nubilosum atque ventosum congruum sibi. Et absit jam ut dicerem, e Non essent ista: quia & si sola ista cernerem, desiderarem quidem meliora, sed jam etiam de solis istis laudare te deberem: quoniam laudandum te ostendunt de terra dracones & omnes abyssi, ignis, grando, nix, glacies, spiritus tempestatis, quæ faciunt verbum tuum: montes & omnes colles, ligna fructifera & omnes cedri: bestię & omnia pecora, reptilia & volatilia pennata: reges terræ & omnes populi, principes & omnes judices terræ: juvenes & virgines, seniores cum junioribus laudant nomen tuum. Cum vero etiam de cælis te laudent, laudent te Deus noster in excelsis omnes Angeli tui, omnes virtutes tuæ, sol & luna, omnes stellæ & lumen, cæli cælorum & aquæ quæ super cælos sunt, laudent nomen tuum: non jam desiderabam meliora, quia omnia cogitabam; & meliora quidem superiora quam inferiora; sed meliora omnia quam sola superiora iudicio saniore pendebam.

CAPUT
XIII.
Omnia
condita
laudent
Deum.
d

20. NON

a Juvat huncce locum ex alio illustrare, nempe Enar. in Psal. 46. sic differit Augustinus: Lenticulam autem invenimus cibum esse Ægyptiorum, nam ibi abundat in Ægypto; unde magnificatur lenticula Alexandrina, & venit usque ad terras nostras, quasi hic non nascatur lenticula. Ergo Esau desiderando cibum Ægyptium, perdidit primatum. Sic & populus Judæorum de quo dictum est, Conversi sunt corde in Ægyptum, lenticulam quodam modo desideraverunt, & primatum perdididerunt.

b Hic in editis additur Domini, qua voce carent MSS.

c MSS. magno consensu ferunt, conspiciuntur.

d Legebatur in Lov. & antiquioribus editionibus, quia extra te non est, &c. At Arn. expunxit particulam, te, quæ abest a MSS. & abesse debet, cum sensus sit nihil esse extra universam creaturam, quod ad perturbandum ordinem a Deo constitutum irrumpat.

e Sic MSS. cum Arn. ubi Som. habet, ut dicerem non esse nisi ista. ceteri porro editi, ut dicerem non esse ista.

CAPUT
XIV.
Sana
mentis
homini
nihil dis
plicet
inter
creatu
ras Dei.

20. **N**ON est sanitas eis quibus displicet aliquid creaturæ tuæ, sicut mihi non erat cum displicerent multa quæ fecisti. Et quia non audebat anima mea ut ei displiceret Deus meus, nolebat esse tuum, quidquid ei displicebat. Et inde ierat in opinionem duarum substantiarum, & non quiescebat, & aliena loquebatur. Et inde rediens fecerat sibi Deum per infinita spatia locorum omnium, & eum putaverat esse te, & eum collocaverat in corde suo, & facta erat rursus templum idoli sui abominandum tibi. Sed postea quam fovisti caput nescientis, & clausisti oculos meos ne viderent vanitatem, cessavi de me paululum, & consopita est infania mea: & evigilavi in te, & vidi te infinitum aliter, & visus iste non a carne trahebatur.

CAPUT
XV.
Quomo
do veri
tas &
falsitas
in crea
turis.

21. **E**T respexi alia, & vidi tibi debere quia sunt, & in te cuncta finita: sed aliter, non quasi in loco, sed quia tu es omnitenens manu veritate; & omnia vera sunt in quantum sunt: nec quidquam est falsitas nisi cum putatur esse quod non est. Et vidi quia non solum locis sua quæque suis conveniunt, sed etiam temporibus: & quia tu, qui solus æternus es, non post innumerabilia spatia temporum cœpisti operari; quia omnia spatia temporum, & quæ præterierunt & quæ præteribunt, nec abirent nec venirent, nisi te operante & manente.

CAPUT
XVI.
Omnia
bona, li
cet qui
busdam
non ap
te.

22. **E**T sensi & expertus sum non esse mirum, quod palato non sano pœna est panis, qui sano suavis est; & oculis ægris odiosa lux, quæ puris amabilis. Et iustitia tua displicet iniquis: nedum vipera & vermiculus quæ bona creasti, apta inferioribus creaturæ tuæ partibus, quibus & ipsi iniqui apti sunt, quanto dissimiliores sunt tibi; apti autem superioribus, quanto similiores fiunt tibi. ET QUÆSIVI QUID esset iniquitas, & non inveni substantiam: sed a summa substantia te Deo a detortæ in infima voluntatis perversitatem, projicientis intima sua, & tumescentis foras.

CAPUT
XVII.
Quæ re
tardent
a cogni
tione
divinor
um.

23. **E**T mirabar, quod jam te amabam, non pro te phantasma. Et non b stabam frui Deo meo, sed rapiebar ad te decore tuo; moxque deripiebar abs te pondere meo, & ruebam in ista cum gemitu: & pondus hoc, consuetudo carnalis. Sed mecum erat memoria tui, neque ullo modo dubitabam esse cui cohærerem, sed nondum esse me qui cohærerem: quoniam corpus quod corrumpitur aggravat animam, & deprimit terrena inhabitatio sensum multa cogitantem. Eramque certissimus, quod invisibilia tua a constitutione mundi per ea quæ facta sunt, intellecta conspiciuntur, sempiterna quoque virtus & divinitas tua. Quærens enim unde approbarem pulcritudinem corporum sive cælestium sive terrestrium; & quid mihi præsto esset integre de mutabilibus judicanti & dicenti, Hoc ita esse debet, illud non ita. Hoc ergo quærens unde judicarem cum ita judicarem, inveneram incommutabilem & veram veritatis æternitatem supra mentem meam commutabilem. Atque ita gradatim a corporibus ad sentientem per corpus animam; atque inde ad ejus interiorem vim cui sensus corporis exteriora annuntiaret, & quousque possunt bestię; atque inde rursus ad ratiocinantem potentiam ad quam refertur judicandum, quod sumitur a sensibus corporis. Quæ se quoque in me comperiens mutabilem, erexit se ad intelligentiam suam; & abduxit cogitationem a consue-

tudine, subtrahens se contradicentibus turbis phantasmatum, ut inveniret quo lumine adspiceretur cum fine ulla dubitatione clamaret incommutabile præferendum esse mutabili; unde nosset ipsum incommutabile, quod nisi aliquo modo nosset, nullo modo illud mutabili certo præponeret. Et c pervenit ad id quod est in ictu trepidantis adspectus. Tunc vero invisibilia tua per ea quæ facta sunt, intellecta conspexi, sed aciem figere non evalui; & percussa infirmitate redditus solitis, non mecum ferebam nisi amantem memoriam, & quasi olfacta desiderantem quæ comedere nondum possem.

CAPUT
XVIII.
Solut
Christus
via ad
salutem.

24. **E**T quærebam viam comparandi roboris quod esset idoneum ad fruendum te: nec inveniebam donec amplecterer mediatorem Dei & hominum hominem Christum Jesum, qui est super omnia Deus benedictus in sæcula, vocantem & dicentem: *Ego sum via, veritas & vita*. Et cibum, cui capiendo invalidus eram, miscentem carni; quoniam VERBUM caro factum est, ut infantiæ nostræ lactesceret sapientia tua per quam creasti omnia. Non enim te-

Joan. 14.
6.

nebam Dominum meum Jesum, humilis humilem: nec cujus rei magistra esset ejus infirmitas noveram. Verbum enim tuum æterna veritas, superioribus creaturæ tuæ partibus supereminens, subditos erigit ad se ipsam: in inferioribus autem ædificavit sibi humilem domum de limo nostro, per quam subdendos deprimeret a seipsis, & ad se trajiceret, sanans tumorem, & nutriens amorem, ne fiducia sui progredierentur longius, sed potius infirmarentur videntes ante pedes suos infirmam divinitatem ex participatione tunicæ pellicæ nostræ, & lassi prosternerentur in eam, illa autem surgens levaret eos.

25. **E**GO vero aliud putabam, tantumque sentiebam de Domino Christo meo, quantum de excellentis sapientiæ viro, cui nullus posset æquari; præsertim quia mirabiliter natus ex virgine, ad exemplum contemnendorum temporalium pro adipiscenda immortalitate, divina pro nobis cura tantam auctoritatem magisterii meruisse videbatur. Quid autem sacramenti haberet, Verbum caro factum, ne suspicari quidem poteram. Tantum cognoveram ex iis, quæ de illo scripta traderentur, quia manducavit & bibit, dormivit, ambulavit, exhilaratus est, contristatus est, sermocinatus est, non hæsisse carnem illam Verbo tuo, nisi cum anima & mente humana. Novit hoc omnis qui novit incommutabilitatem Verbi tui, quam ego jam noveram quantum poteram, nec omnino quidquam inde dubitabam. Etenim nunc movere membra corporis per voluntatem, nunc non movere: nunc aliquo affectu affici, nunc non affici: nunc proferre per signa sapientes sententias, nunc esse in silentio: propria sunt mutabilitatis animæ & mentis. Quæ si falsa de illo scripta essent, etiam omnia periclitarentur mendacio, neque in illis litteris ullas fidei salutis generi humano remaneret. Quia itaque vera scripta sunt, totum hominem in Christo agnoscebam; non corpus tantum hominis, aut cum corpore sine mente animum, sed ipsum hominem: non persona veritatis, sed magna quadam naturæ humanæ excellentia, & perfectiore participatione sapientiæ præferri ceteris arbitrabar. Alypius autem Deum carne indutum ita putabat credi a catholicis, ut præter Deum & carnem non esset in Christo anima,

CAPUT
XIX.
Quid
conferit
de Chris
ti incar
natione.

men-

a Lov. *detortam in infima*. Am. & Acn. *detortæ in infimam*.

b Am. Et. cum MSS. quatuor habent, *Et non instabam*.

c Egregium huncce locum reparant MSS. codices. Nam in vulgatis corrupte legebatur, & perveniret.

mentemque hominis non existimabat in eo prædicari. A Et quoniam bene persuasum tenebat ea quæ de illo memoria mandata sunt, sine vitali & rationali creatura non fieri, ad ipsam Christianam fidem pigrius movebatur. Sed postea hæreticorum Apollinaristarum hunc errorem esse cognoscens, catholicæ fidei collætatus & temperatus est. Ego autem aliquanto posterius didicisse me fateor, in eo quod Verbum caro factum est, quomodo catholica veritas a Photini falsitate dirimatur. IMPROBATIO quippe hæreticorum facit eminare quid Ecclesia tua sentiat, & quid habeat sana doctrina. Oportuit enim & hæreses esse, ut probati manifesti fierent inter infirmos.

CAPUT
XX.
Ex Platonis
libris peritior,
sed infatior
evaserat.

26. **S**ED tunc lectis Platoniorum illis libris, postea quam inde admonitus quærere incorpoream veritatem, invisibilia tua per ea quæ facta sunt intellecta conspexi; & repulsus sensi quid per tenebras animæ meæ contemplari non finerer, certus esse te, & infinitum esse, nec tamen per locos finitos infinitosve diffundi; & vere te esse qui semper idem ipse esses, ex nulla parte nulloque motu aliter aut aliter, cetera vero ex te esse omnia, hoc solo firmissimo documento, quia sunt: certus quidem in istis eram, nimis tamen infirmus ad fruendum te. Garriebam plane quasi peritus, & nisi in Christo Salvatore nostro viam tuam quærerem, non peritus, sed periturus essem. Jam enim cœperam velle videri sapiens, plenus pœna mea; & non flebam; insuper & inflabar scientia. Ubi enim erat illa ædificans caritas a fundamento humilitatis, quod est Christus Jesus? Aut quando illi libri docerent me eam? In quos me propterea priusquam Scripturas tuas considerarem, credo voluisti incurrere, ut imprimeretur memoriæ meæ quomodo ex eis affectus essem: & cum postea in libris tuis mansuefactus essem, & curantibus digitis tuis contrectarentur vulnera mea, discernere atque distinguerem quid interesset inter præsumptionem & confessionem; inter videntes quo eundum sit nec videntes qua, & viam ducentem ad beatificam patriam, non tantum cernendam, sed & habitandam? Nam si primo sanctis tuis litteris informatus essem, & in earum familiaritate obdulcuisses mihi, & postea in illa volumina incidissem, fortasse aut abripiissem me a solidamento pietatis; aut si in affectu quem salubrem imbiberam perstitissem, putarem etiam ex illis libris eum posse concipi, si eos solos quisquam didicisset.

CAPUT
XXI.
Quid in
sacris libris
invenit,

27. **I**TAQUE avidissime arripui venerabile stilum spiritus tui, & præ ceteris Apostolum Paulum: & perierunt illæ quæstiones in quibus mihi ali-

a In MS. Benigniano, curia cælestis Imperatoris munitam.

quando visus est adversari sibi, & non congruere testimoniis Legis & Prophetarum textus sermonis ejus. Et apparuit mihi una facies eloquiorum castorum, & exsultare cum tremore didici. Et cœpi, & inveni quidquid illac verum legeram, hac cum commendatione gratiæ tuæ dici, ut qui videt non sic gloriatur quasi non acceperit, non solum id quod videt sed etiam ut videat. Quid enim habet quod non accepit? Et ut te qui es semper idem, non solum admoneatur ut videat, sed etiam fanetur ut teneat. Et qui de longinquo videre non potest; viam tamen ambulet qua veniat & videat & teneat; quia & si condelectetur homo legi Dei secundum interiorem hominem, quid faciet de alia lege in membris suis repugnante legi mentis suæ, & se captivum ducente in lege peccati, quæ est in membris ejus? Quoniam justus es Domine, nos autem peccavimus, inique fecimus, inique gessimus, & gravata est super nos manus tua, & juste traditi sumus antiquo peccatori præposito mortis; quia persuasit voluntati nostræ similitudinem voluntatis suæ, qua in veritate tua non stetit. Quid faciet miser homo? Quis eum liberabit de corpore mortis hujus, nisi gratia tua per Jesum Christum Dominum nostrum, quem genuisti coæternum, & creasti in principio viarum tuarum, in quo princeps hujus mundi non invenit quidquam morte dignum, & occidit eum; & evacuatum est chirographum quod erat contrarium nobis? Hoc illæ litteræ non habent. Non habent illæ paginæ vultum pietatis hujus, Lacrymas confessionis, Sacrificium tuum, Spiritum contribulatum, Cor contritum & humiliatum, Populi salutem, Sponsam, Civitatem, Arrham Spiritus sancti, Poculum pretii nostri. Nemo ibi cantat: *Nonne Deo subdita erit anima mea? Ab ipso enim salutare meum. Etenim ipse Deus meus & salutaris meus, susceptor meus, non movebor amplius.* Nemo ibi audit vocantem: *Venite ad me qui laboratis.* Dedignantur ab eo discere, quoniam mitis est & humilis corde. Abscondisti enim hæc a sapientibus & prudentibus, & revelasti ea parvulis. Et aliud est de silvestri cacumine videre patriam pacis, & iter ad eam non invenire, & frustra conari per invia, circum obsidentibus & insidiantibus fugitivis desertoribus cum principe suo leone & dracone: & aliud tenere viam illuc ducentem a cura cælestis imperatoris munitam, ubi non latrocinantur qui cælestem militiam deseruerunt: vitant enim eam sicut supplicium. Hæc mihi inviscerabantur miris modis, cum minimum Apostolorum tuorum legerem, & consideraveram opera tua & expaveram.

Ps. 61. 2.

Mat. 11. 28.

F

LIBER OCTAVUS.

Vitæ ipsius partem adtingit celeberrimam, annum ætatis trigesimum-secundum, quo nempe cum Simplicianum consulisset, ab eoque didicisset Victorini conversionem, cum Antonii Egyptii monachi vitam ex Pontitiani relatione cognovisset, post vehementem luctam carnem inter & animum, codicem Apostoli cælesti admonitus oraculo inspexit; moxque ex illius lectione ad meliorem frugem toto animo immutatus fuit, pleneque ad Deum conversus.

CAPUT
I.
Studio
vitæ melius in
situentæ ad
Simplicianum
ire statuit.

I. **D**Eus meus recorder in gratiarum actione tibi, & confitear misericordias tuas super me. Perfundantur ossa mea c dilectione tua, & dicant, Domine quis similis tibi? Disrupisti vincula mea, sacrificem tibi

sacrificium laudis. Quomodo disrupisti ea narrabo, & dicent omnes qui adorant te, cum audient hæc: Benedictus Dominus in cælo & in terra: magnum & mirabile nomen ejus. Inhæserant præcordiis meis verba tua, &

un-

b Sic in MSS. At in editis scribitur, Potitianus.

c Bad. Am. Ex. cum Albinensi codice, delectatione.

undique circumvallabar abs te. De vita tua æterna certus eram, quamvis eam in ænigmate & quasi per speculum videram; dubitatio tamen omnis de incorruptibili substantia, quod ab illa esset omnis substantia, ablata mihi erat: nec certior de te, sed stabilior in te esse cupiebam. De mea vero temporali vita nutabant omnia, & mundandum erat cor a fermento veteri, & placebat via ipse Salvator; & ire per ejus angustias adhuc pigebat. Et immisisti in mentem meam, visumque est bonum in conspectu meo pergere ad Simplicianum qui mihi bonus apparebat servus tuus, & lucebat in eo gratia tua. Audieram etiam quod a juventute sua devotissime tibi viveret: jam vero tunc senuerat, & longa ætate in tam bono studio sectandæ viæ tuæ, multa expertus, multa edoctus mihi videbatur, & vere sic erat. Unde mihi ut proferret volebam conferenti secum æstus meos, quis esset aptus modus sic affecto, ut ego eram, ad ambulandum in via tua.

2. Videbam enim plenam ecclesiam, & alius sic ibat, alius autem sic. Mihi autem displicebat quod agebam in sæculo, & oneri mihi erat valde, non jam inflammantibus cupiditatibus, ut solebant, spe honoris & pecuniæ, ad tolerandam illam servitutem tam gravem. Jam enim me illa non delectabant præ dulcedine tua & decore domus tuæ quam dilexi, sed adhuc tenaciter colligabar ex femina: nec me prohibebat Apostolus conjugari, quamvis exhortaretur ad melius, maxime volens omnes homines sic esse ut ipse erat. Sed ego infirmior eligebam molliorem locum, & propter hoc unum volvebar in ceteris languidus, & tabescens curis marcidis, quod & in aliis rebus quas nolebam pati, congruere cogebar vitæ conjugali, cui deditus obstringebar. Audieram ex ore veritatis, esse spadones qui se ipsos absciderunt propter regnum cælorum, sed, *qui potest* (inquit) *capere, capiat*. Vani sunt certe omnes homines quibus non inest Dei scientia; nec de iis quæ videntur bona, potuerunt invenire eum qui est. At ego jam non eram in illa vanitate. Transcenderam eam, & contestante universa creatura tua inveneram te creatorem nostrum, & Verbum tuum apud te Deum, tecumque cum Spiritu-sancto unum Deum per quod creasti omnia. Est & aliud genus impiorum, qui cognoscetes Deum non sicut Deum glorificaverunt, aut gratias egerunt. In hoc quoque incideram, & dextera tua suscepit me, & inde ablatum posuisti ubi convalescerem, quia dixisti homini: *Ecce pietas est sapientia*; &, *Noli velle videri sapiens*; quoniam *dicentes se esse sapientes stulti facti sunt*. Et inveneram jam bonam margaritam, & venditis omnibus quæ haberem emenda erat, & dubitabam.

3. **P**ERREXI ergo ad Simplicianum, patrem in accipienda gratia tua tunc Episcopi Ambrosii, & quem vere ut patrem diligebat. Narravi ei circuitus erroris mei. Ubi autem commemoravi legisse me quosdam libros Platoniorum, quos Victorinus quondam rhetor urbis Romæ, quem Christianum defunctum esse audieram, in latinam linguam transtulisset, gratulatus est mihi quod non in aliorum philosophorum scripta incidissem, plena fallaciarum & deceptionum secundum elementa hujus mundi: in istis autem omnibus modis insinuari Deum & ejus Verbum. Deinde ut me

Tom. I.

A exhortaretur ad humilitatem Christi, sapientibus absconditam & revelatam parvulis, Victorinum ipsum recordatus est, quem Romæ cum esset, familiarissime noverat: deque illo mihi narravit quod non filebo. Habet enim magnam laudem gratiæ tuæ confitendam tibi, quemadmodum ille doctissimus senex, & omnium liberalium doctrinarum peritissimus, quippe philosophorum tam multa legerat & dijudicaverat & dilucidaverat, doctor tot nobilium senatorum, qui etiam ob insigne præclari magisterii, quod cives hujus mundi eximium putant, statuam in Romano foro mæruerat & acceperat, usque ad illam ætatem venerator idolorum, sacrorumque sacrilegorum particeps, quibus tunc tota fere Romana nobilitas inflata & inspirabat populo jam & omnigenum Deum monstra, & Anubem latratorem, quæ aliquando contra Neptunum & Venerem, contraque Minervam tela tenuerant, & a se victis jam Roma supplicabat, quæ iste senex Victorinus tot annos ore terribre defensitaverat, non erubuerit esse puer Christi tui, & infans fontis tui, subiecto collo ad humilitatis jugum, & edomita fronte ad crucis opprobrium.

4. O Domine, Domine qui inclinaisti cælos, & descendisti: tetigisti montes, & fumigaverunt: quibus modis te insinuaisti illi pectori? Legebat, sicut ait Simplicianus, sanctam scripturam, omnesque Christianas litteras investigabat studiosissime & perscrutabatur; & dicebat Simpliciano non palam, sed secretius & familiarius: Noveris me jam esse Christianum. Et respondebat ille: Non credam, nec deputabo te inter Christianos, nisi in ecclesia Christi te videro. Ille autem irridebat dicens: Ergo parietes faciunt Christianos? Et hoc sæpe dicebat, jam se esse Christianum; & Simplicianus illud sæpe respondebat, & sæpe ab illo parietum irrifio repetebatur. Amicos enim suos reverebatur offendere superbos dæmonicolas, quorum ex culmine Babylonice dignitatis, quasi ex cedris Libani quas nondum contriverat Dominus, graviter ruituras in se inimicitias arbitrabatur. Sed postea quam legendo & inhiando hausit firmitatem, timuitque negari a Christo coram Angelis sanctis, si eum timeret coram hominibus confiteri, reusque sibi magni criminis apparuit erubescendo de sacramentis humilitatis Verbi tui, & non erubescendo de sacris sacrilegis superbiorum dæmoniorum, quæ imitator superbus acceperat; depuduit vanitati & erubuit veritati, subitoque & inopinatus ait Simpliciano, ut ipse narrabat; Eamus in ecclesiam, Christianus volo fieri. At ille non se capiens lætitia, perrexit cum eo. Ubi autem imbutus est primis instructionum sacramentis, non multo post etiam nomen dedit, ut per baptismum regeneraretur, mirante Roma, gaudente Ecclesia. Superbi videbant, & irascebantur; dentibus suis stridebant & tabescebant: servo autem tuo Dominus Deus erat spes ejus, & non respiciebat in vanitates & in insanias mendaces.

5. Denique ut ventum est ad horam profitendæ fidei, quæ verbis certis conceptis, retentisque memoriter, de loco eminentiore in conspectu populi fidelis Romæ reddi solet ab eis, qui accessuri sunt ad gratiam tuam, oblatum esse dicebat Victorino a presby-

G te.

a Omitti poterant isthæc verba, cum Spiritu-sancto, quæ absunt a pluribus & potioribus MSS.

b MSS. non addunt, & dilucidaverat.

c Mirum quantum hic variant codices. Ex vetustioribus & castigatioribus Fossatensis, Benignianensis, Corbeicæ, &c. habent, spi-

rabat populos jam. Alii quinque cum Bad. Am. Er. Som. Blas. spirabat populi usiam. Victorinus, Germanensis, &c. spirabat populi-que jam. nonnulli, spirabat populi etiam. Lov. spirabat populus-que etiam. Hic nos vetustos codices tres Anglicanos sequuti sumus.

teris, ut secretius redderet, sicut nonnullis qui verecundia trepidaturi videbantur, offerri mos erat; illum autem maluisse salutem suam in conspectu sanctæ multitudinis profiteri. Non enim erat salus quam docebat in rhetorica, & tamen eam publice professus erat. Quanto minus ergo vereri debuit mansuetum gregem tuum pronuntians verbum tuum, qui non verebatur in verbis suis turbas insanorum? Itaque ubi adscendit ut redderet, omnes sibimet invicem, quisque ut eum noverat, instrepuerunt nomen ejus strepitu gratulationis. Quis autem ibi non eum noverat? Et sonuit pressio sonitu per ora cunctorum collatantium: Victorinus, Victorinus. Cito sonuerunt exultatione, quia videbant eum; & cito siluerunt intentione, ut audirent eum. Pronuntiavit ille fidem veracem præclara fiducia, & volebant eum omnes rapere intro in cor suum; & rapiebant amando & gaudento: hæ rapiendum manus erant.

CAPUT
III.
Quod
Deus &
Angeli
magis
gaudent
in pec-
catorum
conver-
sione.

a

Luc. 15.
12.

6. **D**Eus bone, quid agitur in homine ut plus gaudeat de salute desperatæ animæ, & de majore periculo liberatæ, quam si spes ei semper affuisset, aut periculum minus fuisset? Etenim tu quoque misericors Pater plus gaudes de uno pœnitente quam de nonaginta novem justis, quibus non est opus pœnitentia. Et nos cum magna jocunditate audimus cum audimus, quam a exultantibus Angelis pastoris humeris reportetur ovis quæ erraverat; & drachma referatur in thesauros tuos, collatantibus vicinis mulieri quæ invenit: & lacrymas excutit gaudium sollemnitatis domus tuæ, cum legitur in domo tua de minore filio tuo, *quoniam mortuus erat, & revixit; perierat & inventus est*: Gaudes quippe in nobis, & in Angelis tuis sancta caritate sanctis. Nam tu semper idem, qui ea quæ non semper nec eodem modo sunt, eodem modo semper nosti omnia.

7. Quid ergo agitur in anima, cum amplius delectatur inventis aut redditis rebus quas diligit, quam si eas semper habuisset? Contestantur enim & cetera, & plena sunt omnia testimoniis clamantibus, Ita est. Triumphat Victor Imperator, & non vicisset nisi pugnasset: & quanto majus periculum fuit in prælio, tanto est gaudium majus in triumpho. Jactat tempestas navigantes, minaturque naufragium, omnes futura morte pallefcunt: tranquillatur cælum & mare, & exultant nimis, quoniam timuerunt nimis. Ager est carus, & vena ejus malum renuntiat; omnes qui eum salvum cupiunt, ægrotant simul animo: fit ei recte, & nondum ambulat pristinis viribus, & fit jam tale gaudium, quale non fuit cum antea salvus & fortis ambularet. Easque ipsas voluptates humanæ vitæ etiam non inopinatis & præter voluntatem irruentibus, sed institutis & voluntariis molestiis homines adquirunt. Edendi & bibendi voluptas nulla est, nisi præcedat esuriendi & sitiendi molestia. Et ebriosi quædam falsiuscula comedunt, quo fiat molestus ardor, quem dum exstinguit potatio, fit delectatio. Et institutum est ut jam pactæ sponsæ non tradantur statim, ne vilem habeat maritus datam, quam non suspiraverit sponsus dilatam.

8. Hoc in turpi & execranda lætitia: hoc in ea, quæ concessa & licita est: hoc in ipsa sincerissima honestate amicitiae: hoc in eo qui mortuus erat & revixit, perierat & inventus est. Ubique majus gaudium molestia ma-

A jori præceditur. Quid est hoc, Domine Deus meus, cum tu æternum tibi tu ipse sis gaudium, & quædam de te circa te semper gaudeant? Quid est quod hæc rerum pars alternat defectu & profectu, offensionibus & conciliationibus? An is est modus earum, & tantum dedisti eis, cum a summis cælorum usque ad ima terrarum, ab initio usque in finem sæculorum, ab Angelo usque ad vermiculum, a motu primo usque ad extremum, omnia genera bonorum, & omnia justa opera tua, suis quæque sedibus locares, & suis quæque temporibus ageres? Heu mihi quam excelsus es in excelsis, & quam profundus in profundis; & nusquam recedis, & vix redimus ad te.

9. **A**GE, Domine, fac; excita, & revoca nos; accende, & rape; flagra, dulcesce: amemus, curamus. Nonne multi ex profundiore tartaro cæcitatibus quam Victorinus redeunt ad te, & accedunt; & illuminantur recipientes lumen, quod si qui recipiunt, accipiunt a te potestatem ut filii tui fiant? Sed si minus noti sunt populis, minus de illis gaudent etiam qui noverunt eos. Quando enim cum multis gaudetur, & in singulis uberius est gaudium, quia fervefaciunt se & inflammantur ex alterutro. Deinde quod multis noti, multis sunt auctoritati ad salutem, & multis præeunt secuturis. Ideoque multum de illis, & qui eos præcesserunt lætantur, quia non de solis lætantur. Absit enim ut in tabernaculo tuo præ pauperibus accipiantur personæ divitum, aut præ ignobilibus nobiles: quando potius infirma mundi elegisti ut confunderes fortia; & ignobilia hujus mundi elegisti & contemtibilia, & ea quæ non sunt tamquam sint, ut ea quæ sunt evacuares. Et tamen idem ipse minimus Apostolorum tuorum, per cujus linguam tua ista verba sonuisti, cum Paulus proconsul per ejus militiam debellata superbia, sub lene jugum Christi tui missus esset, regis magni provincialis effectus, ipse quoque ex priore Saulo Paulus vocari amavit, ob tam magnæ insigne victoriæ. **P**LUS enim hostis vincitur in eo quem plus tenet, & de quo plures tenet. Plus autem superbos tenet nomine nobilitatis, & de his plures nomine auctoritatis. Quanto igitur gratius cogitabatur Victorini pectus, quod tamquam inexpugnabile receptaculum diabolus obtinuerat, & Victorini lingua, quo telo grandi & acuto multos peremerat; tanto abundantius exultare oportuit filios tuos, quia Rex noster alligavit fortem, & videbant vasa ejus erepta mundari, & aptari in honorem tuum, & fieri utilia Domino ad omne opus bonum.

10. **S**ED ubi mihi homo tuus Simplicianus de Victorino ista narravit, exarsi ad imitandum. Ad hoc enim & ille narraverat. Postea quam vero & illud addidit, quod Imperatoris Juliani temporibus lege data prohibiti sunt Christiani docere litteraturam & oratoriam, quam legem ille amplexus, loquacem scholam deferere maluit, quam verbum tuum quo linguas infantium facis disertas: non mihi fortior quam felicius visus est, quia invenit occasionem vacandi tibi. Cui rei **EGO SUSPIRABAM** ligatus, non ferro alieno, sed mea ferrea voluntate. Velle meum tenebat inimicus, & inde mihi catenam fecerat, & constrinxerat me. Quippe ex voluntate perversa, facta est libido. Et dum servitur libidini, facta est consue-

CAPUT
IV.
Quare
plus læ-
tandum
sit in
conver-
sione
nobili-
um.

b

CAPUT
V.
Quæ re-
mora-
bantur
eum a
conver-
sione.

tu-

a In pluribus editis, *quam exultantibus pastoris*, &c. In MSS. *quam exultantibus pastoris*, &c. præter Valinensem qui habet, *quam exultantibus Angelis pastoris*, &c. & melius.

b MSS. octo habent, *cogebatur*, non inepte ad significandam vim diaboli illatam. Sequimur vulgatum lectionem in MSS. etiam bene multis repertam, & vero potest habere eundem sensum.

tudo. Et dum consuetudini non resistitur, facta est necessitas. Quibus quasi ansulis sibimet innexis, unde catenam appellavi, tenebat me obstrictum dura servitus. Voluntas autem nova quæ mihi esse cœperat ut te gratis colerem, fruique te vellem, Deus sola certa iucunditas, nondum erat idonea ad superandam priorem vetustate roboratam. Ita duæ voluntates meæ, una vetus, alia nova; illa carnalis, illa spiritalis, confligebant inter se atque discordando dissipabant animam meam.

^{Gal 5.17} 11. Sic intelligebam in meipso experimento, id quod legeram, quomodo *caro concupisceret adversus spiritum, & spiritus adversus carnem*. Ego quidem in utroque; sed magis ego in eo quod in me approbavam, quam in eo quod in me improbavam. Ibi enim magis jam non ego; quia ex magna parte id patiebar invitus, ^a quam faciebam volens. Sed tamen consuetudo adversus me pugnatio ex me facta erat, quoniam volens quo nollem perveneram. Et quis jure contradiceret, cum peccantem iusta pœna sequeretur? Et non erat jam ^b illa excusatio, qua videri mihi solebam propterea nondum me contempto sæculo servire tibi, quia incerta mihi esset perceptio veritatis: jam enim & ipsa certa erat. Ego autem adhuc terra obligatus militare tibi recusabam, & impedimentis omnibus sic timebam expediri, quemadmodum impediri timendum est.

12. Ita sarcina sæculi, velut somno assolet, dulciter premebar; & cogitationes quibus meditabar in te, similes erant conatibus expergisci volentium, qui tamen superati soporis altitudine remerguntur. Et sicut nemo est qui dormire semper velit, omniumque sano iudicio vigilare præstat: differt tamen plerumque homo somnum excutere cum gravis torpor in membris est, eumque jam displicentem carpit libentius, quamvis surgendi tempus advenit. Ita certum habebam esse melius tuæ caritati me dedere, quam meæ cupiditati cedere. Sed illud placebat, & ^c vincebat; hoc libebat & vinciebat. Non enim erat quod tibi responderem dicenti mihi: *Surge qui dormis, & exurge a mortuis, & illuminabit te Christus*: & undique ostendenti vera te dicere, non erat omnino quod responderem veritate convictus, nisi tantum verba lenta & somnolenta: Modo; ecce modo: Sine paululum. Sed, modo & modo, non habebant modum: &, Sine paululum, in longum ibat. Frustra condelectabar legi tuæ secundum interiorem hominem, cum lex alia in membris meis repugnaret legi mentis meæ, & captivum me duceret in legem peccati, quæ in membris meis erat. LEX enim PECCATI est violentia consuetudinis, qua trahitur & tenetur etiam invitus animus, eo merito, quo in eam volens illabitur. Miserum ergo me quis liberaret de corpore mortis hujus, nisi gratia tua per Jesum Christum Dominum nostrum?

^{CAPIT VI.}
^{Pontitianus narrat Antonii vitam.} 13. **E**T de vinculo quidem desiderii concubitus, quo servitute quemadmodum me exemeris narrabo, & confitebor nomini tuo, Domine adjutor meus & redemptor meus. Agebam solita crescente anxietudine, & quotidie suspirabam tibi; frequentabam ecclesiam tuam quantum vacabat ab eis negotiis sub quorum pondere ^d gemebam. Mecum erat Alypius otiosus ab opere jurisperitorum post assessionem tertiam, exspe-

Tom. I.

^A Etans quibus iterum consilia venderet, sicut ego vendebam dicendi facultatem, si qua docendo præstari potest. Nebridius autem amicitia nostræ cesserat, ut omnium nostrum familiarissimo Verecundo Mediolanensi civi & grammatico subdoceret, vehementer desideranti & familiaritatis jure flagitanti de numero nostro fidele adjutorium, quo indigebat nimis. Non itaque Nebridium cupiditas commodorum eo traxit; majora enim posset si vellet de litteris agere, sed officio benevolentia petitionem nostram contemnere noluit amicus ^B dulcissimus & mitissimus. Agebat autem illud prudentissime, cavens innotescere personis secundum hoc sæculum majoribus, devitans in eis omnem inquietudinem animi, quem volebat habere liberum & quam multis posset horis feriatum ad quærendum aliquid, vel legendum, vel audiendum de sapientia.

14. Quodam igitur die, non recolo causam qua erat absens Nebridius, cum ecce ad nos domum venit ad me & Alypium Pontitianus quidam civis noster in quantum Afer, præclare in palatio militans; nescio quid a nobis volebat. Et consedimus ut colloqueremur, & forte supra mensam lusoriam quæ ante nos erat, adtendit codicem, tulit, aperuit, invenit apostolum Paulum, inopinate sane; putaverat enim aliquid de libris quorum professio me conterebat. Tum vero arridens meque intuens, gratulatorie miratus est, quod eas & solas præ oculis meis litteras repente comperisset. Christianus quippe & fidelis erat, & sæpe tibi Deo nostro prosternebatur in ecclesia crebris & diuturnis orationibus. Cui ego cum indicassem illis me scripturis curam maximam impendere, ortus est sermo ipso narrante de Antonio Ægyptio monacho, cujus nomen excellenter clarebat apud servos tuos, nos autem usque in illam horam latebat. Quod ille ubi comperit, immoratus est in eo sermone, insinuant tantum virum ignorantibus, & admirant eandem nostram ignorantiam. Stupebamus autem audientes tam recenti memoria, & prope nostris temporibus testatissima mirabilia tua in fide recta & catholica Ecclesia. Omnes mirabamur, & nos quia tam magna erant, & ille quia inaudita nobis erant.

^E 15. Inde sermo ejus devolutus est ad monasteriorum greges, & mores suaveolentia tuæ, & ubera deserta eremi, quorum nos nihil sciebamus. Et erat monasterium Mediolani plenum bonis fratribus extra urbis mœnia sub Ambrosio nutritore, & non noveramus. Pertendebat ille & loquebatur adhuc, & nos intenti tacebamus. Unde incidit ut diceret nescio quando se & tres alios contubernales suos nimirum apud Treveros, cum Imperator pomeridiano Circensium spectaculo teneretur, exisse deambulatum in hortos muris contiguos, atque illic ut forte combinati spatiabantur, unum secum seorsum, & alios duos itidem seorsum pariterque digressos: sed illos vagabundos irruiisse in quamdam casam, ubi habitabant quidam servi tui, spiritu pauperes, qualium est regnum cælorum, & invenisse ibi codicem in quo scripta erat vita Antonii. Quam legere cœpit unus eorum, & mirari, & accendi, & inter legendum meditari arripere talem vitam, & relicta militia sæculari servire tibi. ^c Erant autem ex eis quos dicunt Agentes in rebus. Tunc subito re-

G 2 ple-

^a Lov. quod faciebam volens. Sed legendum, quam, uti habent alii codices, & supplendum, magis, quam particulam reticere amat Augustinus.

^b Bad. Am. Er. Lov. ulla excusatio.

^c In MSS. quatuor, & non vincebat. Sed verior aliorum codicum

lectio sine negatione. Id nempe vincebat, quod saniore iudicio mentis præferbatur, tametsi infirmioris adhuc voluntatis affectu non eligeretur. Unde mox ait: Non erat omnino quod respondere veritate convictus.

^d Lov. debebam.

^e Apud Am. Er. & Lov. Erat.

pletus amore sancto & sobrio pudore, iratus sibi con-
 „ jecit oculos in amicum, & ait illi; Dic, quæso te, om-
 „ nibus istis laboribus nostris quo ambimus pervenire?
 „ quid quærimus? cujus rei causa militamus? Majorne
 „ esse poterit spes nostra in palatio, quam ut amici Im-
 „ peratoris simus? Et ibi quid non fragile, plenumque
 „ periculis? Et per quot pericula pervenitur ad grandius
 „ periculum? ^a Et quando istuc erit? Amicus autem
 „ Dei si voluero, ecce nunc fio. Dixit hoc, & turbidus
 „ parturitione novæ vitæ, reddidit oculos paginis, & le-
 „ gebat & mutabatur intus ubi tu videbas, & exsueba-
 „ tur mundo mense ejus, ut mox apparuit. Namque dum
 „ legit & volvit fluctus cordis sui, infremuit aliquando
 „ & discrevit, decrevitque meliora, jamque tuus ait
 „ amico suo; Ego jam abrui me ab illa spe nostra, &
 „ Deo servire statui, & hoc ex hora hac in hoc loco ag-
 „ gredior. Te si piget imitari, noli adversari. Respondit
 „ ille, adhærere se socium tantæ mercedis tantæque mi-
 „ litæ. Et ambo jam tui ædificabant turrim sumtu ido-
 „ neo relinquendi omnia sua & sequendi te. Tum Ponti-
 „ tianus, & qui cum eo per alias horti partes deambula-
 „ bant, quærentes eos devenerunt in eundem locum, &
 „ invenientes admonuerunt ut redirent, quod declinasset
 „ dies. At illi narrato placito & proposito suo, quoque
 „ modo in eis talis voluntas orta esset atque firmata, pe-
 „ tiverunt ne sibi molesti essent, si adjungi recusarent.
 „ Isti autem nihilo mutati a pristinis, fleverunt se tamen,
 „ ut dicebat, atque illis pie congratulati sunt, & com-
 „ mendaverunt se orationibus eorum, & trahentes cor
 „ in terra abierunt in palatium, illi autem affigentes cor
 „ cælo, manserunt in casa. Et ambo habebant sponfas.
 „ Quæ postea quam hoc audierunt, dicaverunt etiam
 „ ipsæ virginitatem tibi.

CAPUT
VII.
Rodeba-
tur intus
audito
Ponti-
tiano.

16. **N**ARRABAT hæc Pontitianus. Tu au-
 tem Domine inter verba ejus retorquebas
 me ad meipsum, auferens me a dorso meo ubi me po-
 fueram, dum nollem me adtendere, & constituebas me
 ante faciem meam, ut viderem quam turpis essem,
 quam distortus & sordidus, maculosus & ulcerosus.
 Et videbam & horrebam, & quo a me fugerem non
 erat. Et si conabar a me avertere ad spectum, narrabat
 ille quod narrabat, & tu me rursus opponebas mihi, &
 impingebas me in oculos meos, ut invenirem iniquita-
 tem meam & odissem. Noveram eam, sed dissimula-
 bam & ^b connivebam & obliviscebar.

17. Tunc vero quanto ardentius amabam illos de
 quibus audiebam salubres affectus, quod se totos tibi
 sanandos dederant, tanto execrabilius me compara-
 tum eis oderam. Quoniam multi mei anni mecum ef-
 fluxerant, forte duodecim anni, ex quo ab undevici-
 simo anno ætatis meæ, lecto Ciceronis Hortensio, ex-
 citatus eram studio sapientiæ, & differebam contemta
 felicitate terrena ad eam investigandam vacare, cujus
 non inventio, sed vel sola inquisitio jam præponenda
 erat, etiam inventis thesauris regnisque gentium, & ad
 nutum circumfluentibus corporis voluptatibus. At
 ego adolescens miser, valde miser, in exordio ipsius
 adolescentiæ etiam petieram a te castitatem, & dixe-
 ram: Da mihi castitatem & continentiam, sed noli mo-
 do. Timebam enim ne me cito exaudires, & cito sana-

A resa morbo concupiscentiæ, quam malebam expleri
 quam exstingui. Et ieram per vias pravæ superstitione
 sacrilega, non quidem certus in ea, sed quasi præ-
 ponenseam ceteris, quæ non pie quærebam, sed
 inimice oppugnabam.

18. Et putaveram me propterea differre de die in
 diem, contemta spe sæculi te solum sequi, quia non mi-
 hi apparebat certum aliquid quo dirigerem cursum
 meum. Et venerat dies quo nudarer mihi, & increpa-
 ret in me conscientia mea: Ubi est lingua? Nempe tu
 dicebas propter incertum verum nolle te abjicere sarcinam
 vanitatis. Ecce jam certum est, & illa te adhuc
 premit, humerisque liberioribus pennas recipiunt, qui
 neque ita inquirendo attriti sunt, nec decennio & am-
 plius ista meditati. Ita rodebar intus & confundebar
 pudore horribili vehementer, cum Pontitianus talia lo-
 queretur. Terminato autem sermone & causa qua ve-
 nerat, abiit ille. Et ego ad me, quæ non in me dixi?
 Quibus sententiarum verberibus non flagellavi ani-
 mam meam, ut sequeretur me conantem post te ire?
 Et renitebatur, recusabat, & non se excusabat. Con-
 sumta erant & convicta argumenta omnia, remanserat
 muta trepidatio, & quasi mortem reformidabat
 restringi a fluxu consuetudinis quo tabescebat in
 mortem.

19. **T**UM in illa grandi rixa interioris domus meæ,
 quam fortiter excitaveram cum anima mea
 in cubiculo nostro corde meo, tam vultu quam mente
 turbatus, invado Alypium, & exclamo, Quid pati-
 mur? quid est hoc? quid audisti? Surgunt indocti &
 cælum rapiunt, & nos cum doctrinis nostris sine corde,
 ecce ubi volutamur in carne & sanguine? An quia præ-
 cesserunt pudet sequi, & non pudet nec saltem sequi?
 Dixi nescio quæ talia, & abripuit me ab illo æstus
 meus, cum taceret attonitus intuens me. Neque enim
 solita sonabam, plusque loquebantur animum meum
 frons, genæ, oculi, color, modus vocis, quam verba
 quæ promebam. Hortulus quidam erat hospitii nostri
 quo nos utebamur sicut tota domo: nam hospes ibi non
 habitabat dominus domus. Illuc me abstulerat tumultus
 pectoris, ubi nemo impediret ardentem litem quam
 mecum aggressus eram, donec exiret qua tu sciebas:
 ego autem non, sed tantum insaniebam salubriter, &
 moriebar vitaliter, gnarus quid mali essem, & ignarus
 quid boni post paululum futurus essem. Abscessi ergo
 in hortum, & Alypius ^d pede post pedem. Neque
 enim secretum meum non erat, ubi ille aderat. Aut
 quando me sic affectum defereret? Sedimus quantum
 potuimus remoti ab ædibus: ego fremebam spiritu in-
 dignans turbulentissima indignatione, quod non irem
 in placitum & pactum tecum, Deus meus, in quod
 eundem esse omnia ossa mea clamabant, & in cælum
 tollebant laudibus, & non illuc ibatur navibus aut
 quadrigis aut pedibus quantum saltem de domo in
 eum locum ieram, ubi sedebamus. Nam non solum ire,
 verum etiam pervenire illuc, nihil erat aliud quam
 velle ire, sed velle fortiter & integre; non semisau-
 ciam hac atque hac versare & jactare voluntatem, parte
 e affurgente cum alia parte cadente luctantem.

20. Denique tam multa faciebam corpore in ip-
 sis

CAPUT
VIII.
In hor-
tum se-
cedit,
quid ibi
egerit.

^a In plerisque editis, *Et quamdiu*. At in melioribus MSS. & Arn. *Et quando*. Malumus ut antithesis fervetur; quia in sequente membro dicitur, *ecce nunc fio*.

^b Lovanienses in quatuor e suis MSS. legebant, *convivebam*. Nos in nostris reperimus *conhibebam*. Nempe suam iniquitatem secum ha-

bebat, convivebat, & tamen obliviscebatur.

^c Er. cum uno MSS. *certis*.

^d Sic MSS. Editi vero, *pedem post pedem*.

^e Corbeiensis vetus cod. *parte affurgentem; cum alia parte alibi jacente cadentem, luctantem*.

sis cunctationis æstibus, quæ aliquando volunt homines, & non valent, si aut ipsa membra non habeant, aut ea vel colligata vinculis, vel resoluta languore, vel quoquo modo impedita sint. Si vulsi capillum, si percussi frontem, si confertis digitis amplexatus sum genu, quia volui feci. Potui autem velle & non facere, si mobilitas membrorum non obsequeretur. Tam multa ergo feci, ubi non hoc erat velle quod posse: & non faciebam, quod & incomparabili affectu amplius mihi placebat, & mox ut vellem possem, quia mox ut vellem utique vellem. Ibi enim facultas ea quæ voluntas, & ipsum velle jam facere erat, & tamen non fiebat: faciliusque obtemperabat corpus tenuissimæ voluntati animæ, ut ad nutum mentis membra moverentur, quam ipsa sibi anima ad a voluntatem suam magnam in sola voluntate perficiendam.

CAPUT
IX.
Unde fit
ut ani-
mus im-
peret si-
bi & re-
sistatur.

21. **U**NDE hoc monstrum, & quare istud? Luceat misericordia tua, & interrogem si forte mihi respondere possint latebræ pœnarum hominum, & tenebrosissimæ contritiones filiorum Adam. Unde hoc monstrum, & quare istud? Imperat animus corpori, & paretur statim; imperat animus sibi, & resistitur. Imperat animus ut moveatur manus, & tanta est facilitas ut vix a servitio discernatur imperium: & animus animus est, manus autem corpus est. Imperat animus ut velit animus, nec alter est, nec facit tamen. Unde hoc monstrum, & quare istud? Imperat, inquam, ut velit, qui non imperaret nisi vellet, & non fit quod imperat. Sed non ex toto vult; non ergo ex toto imperat. Nam intantum imperat, inquantum vult, & intantum non fit quod imperat, inquantum non vult. Quoniam voluntas imperat ut sit voluntas, nec alia, sed ipsa. Non utique plena imperat, ideo non est quod imperat. Nam si plena esset, nec imperaret ut esset, quia jam esset. Non igitur monstrum partim velle, partim nolle; sed ægritudo animi est, quia non totus assurgit veritate sublevatus, consuetudine prægravatus. Et ideo sunt duæ voluntates, quia una earum tota non est, & hoc adest alteri quod deest alteri.

CAPUT
X.
Adver-
sus Ma-
nichæos
qui ex
duabus
contra-
riis vo-
luntati-
bus duas
contra-
rias na-
turas as-
seve-
rant.
Eph. 5. 8.

22. **P**EREANT a facie tua Deus, sicuti pereunt vaniloqui & mentis seductores, qui cum duas voluntates in deliberando animadvertent, duas naturas duarum mentium esse asseverant, unam bonam, alteram malam. Ipsi vere mali sunt, cum ista mala sentiunt, & iidem ipsi boni erunt si vera senserint, verisque consenserint, ut dicat eis Apostolus tuus: *Fuistis aliquando tenebræ, nunc autem lux in Domino.* Isti enim dum volunt esse lux, non in Domino, sed in seipsis, putando animæ naturam hoc esse quod Deus est, ita facti sunt densiores tenebræ: quoniam longius a te recesserunt horrenda arrogantia, a te vero lumine illuminante omnem hominem venientem in hunc mundum. Adtendite quid dicatis, & erubescite, & accedite ad eum & illuminamini, & vultus vestri non erubescant. Ego cum deliberabam ut jam servirem Domino Deo meo, sicut diu disposueram, ego eram qui volebam, ego qui nolebam, ego ego eram. Nec plene volebam, nec plene nolebam. Ideo mecum contendebar, & dissipabar a meipso. Et ipsa dissipatio me invito quidem fiebat, nec tamen ostendebat naturam mentis alienæ, sed pœnam meæ. Et ideo non jam ego operabar il-
Tom. I.

A lam, sed quod habitabat in me peccatum de supplicio liberioris peccati, quia eram filius Adam.

23. Nam si tot sunt contrariæ naturæ, quot voluntates sibi resistunt; non jam duæ, sed plures erunt. Si deliberet quisquam utrum ad conventiculum eorum pergat, an ad theatrum: clamant isti, Ecce duæ naturæ, una bona hac ducit, altera mala illac reducit. Nam unde ista cunctatio sibi met adversantium voluntatum? Ego autem dico ambas malas, & quæ ad illos ducit, & quæ ad theatrum reducit. Sed non credunt nisi bonam esse qua itur ad eos. Quid si ergo quisquam nostrum deliberet, & secum altercantibus duabus voluntatibus fluctuet, utrum ad theatrum pergat, an ad ecclesiam nostram, nonne & isti quid respondeant fluctuabunt? Aut enim fatebuntur, quod nolunt, bona voluntate pergi in ecclesiam nostram, sicut in eam pergunt qui sacramentis ejus imbuti sunt atque detinentur: aut duas malas naturas, & duas malas mentes in uno homine configere putabunt; & non erit verum quod solent dicere, unam bonam & alteram malam: aut convertentur ad verum, & non negabunt cum quisque deliberat animam unam diversis voluntatibus æstare.

24. Jam ergo non dicant, cum duas voluntates in homine uno adversari sibi sentiunt, duas contrarias mentes de duabus contrariis substantiis & de duobus contrariis principiis contendere, unam bonam, alteram malam. Nam tu Deus verax improbas eos, & redarguis atque convincis eos, sicut in utraque mala voluntate, cum quisque deliberat utrum hominem veneno interimat an ferro: utrum fundum alienum illum, an illum invadat, quando utrumque non potest: utrum emat voluptatem luxuria, an pecuniam servet avaritia: utrum ad circum pergat, an ad theatrum, si uno die utrumque exhibeatur: addo etiam tertium, an ad furtum de domo aliena si subest occasio: addo & quartum, an ad committendum adulterium, si & inde simul facultas aperitur, si omnia concurrant in unum articulum temporis, pariterque cupiantur omnia quæ simul agi nequeunt. Discerpunt enim animum sibi met adversantibus quatuor voluntatibus, vel etiam pluribus in tanta copia rerum quæ appetuntur, nec tamen tantam multitudinem diversarum substantiarum solent dicere: ita & in bonis voluntatibus. Nam quæro ab eis, utrum bonum sit delectari lectione Apostoli, & utrum bonum sit delectari psalmo sobrio, & utrum bonum sit Evangelium differere. Respondebunt ad singula: Bonum. Quid si ergo pariter delectent omnia simulque uno tempore? Nonne diversæ voluntates distendunt cor hominis cum deliberatur quid potissimum arripiamus? Et omnes bonæ sunt, & certant secum donec eligatur unum, quo feratur tota voluntas una, quæ in plures dividebatur. Ita etiam cum æternitas delectat superius, & temporalis boni voluptas retentat inferius, eadem anima est non tota voluntate illud aut hoc volens, & ideo discerpitur gravi molestia dum illud veritate præponit, hoc familiaritate non b ponit.

25. **S**IC ægrotabam, & excruciar accufans memetipsum solito acerbius nimis, ac volvens & versans me in vinculo meo, donec abrumperetur totum quo jam exiguo tenebar, sed tenebar

b
CAPUT
XI.
Lucta
spiritus
& carnis
in Aug

G 3 ta-

tem suam.

b MSS. Corbeiensis & aliquot alii, non punit.

a Lov. Som. Blas. ad voluptatem suam; corrupte, nam de perficienda voluntate loquitur Augustinus. Et vero in MSS. nullo fere excepto, in antiquioribus editionibus & Arn. habetur, ad volunta-

tamen. Et instabas tu in occultis meis Domine, severa misericordia, flagella ingeminans timoris & pudoris, ne rursus cessarem, & non abrumperetur idipsum exiguum & tenue quod remanserat; & revalesceret iterum, & me robustius alligaret. Dicebam enim apud me intus: Ecce modo fiat, modo fiat. Et cum verbo jam ibam in placitum. Jam pene faciebam, & non faciebam: nec relabebam tamen in pristina, sed de proximo stabam, & respirabam. Et item conabar, & paulo minus ibi eram, & paulo minus jamjamque adtingebam & tenebam; & non ibi eram, nec adtingebam, nec tenebam, hæsitans mori morti, & vitæ vivere; plusque in me valebat deterius inolitum quam melius insolitum: punctumque ipsum temporis quo aliud futurus eram, quanto propius admovebatur, tanto amplior in cutiebat horrorem: sed non recutiebat retro, nec avertebat; sed suspendebat.

26. Retinebant nugæ nugarum, & vanitates vanitantium antiquæ amicæ meæ; & succutiebant vestem meam carneam, & submurmurabant, Dimittisne nos? & a momento isto non erimus tecum ultra in æternum, & a momento isto non tibi licebit, hoc & illud, ultra in æternum? Et quæ suggerebant in eo quod dixi, hoc & illud, quæ suggerebant, Deus meus? Avertat ab anima servi tui misericordia tua: Quas fordes suggerebant? quæ dedecora? Et audiebam eas jam longe minus quam dimidiis, non tamquam libere contradicentes eundo in obviam, sed veluti a dorso musfitantes, & discedentem quasi furtim vellicantes, ut respicerem. Retardabant tamen cunctantem me abripere atque excutere ab eis & transilire quo vocabar, cum diceret mihi consuetudo violenta: Putasne sine istis poteris?

27. Sed jam tepidissime hoc dicebat. Aperiebatur enim ab ea parte, qua intenderam faciem & quo transire trepidabam, casta dignitas continentiae, serena & non dissolute hilaris, honeste blandiens ut venirem neque dubitarem, & extendens ad me suscipiendum & amplectendum pias manus plenas gregibus bonorum exemplorum. Ibi tot pueri & puellæ; ibi juvenus multa & omnis ætas, & graves viduæ, & virgines anus; & in omnibus ipsa continentia nequaquam sterilis; sed fecunda mater filiorum gaudiorum de marito te Domine. Et irridebat me irrisione hortatoria, quasi diceret: Tu non poteris quod isti, quod istæ? An vero isti & istæ in semetipsis possunt, ac non in Domino Deo suo? Dominus Deus eorum me dedit eis. Quid in te stas, & non stas? Projice te in eum; noli metuere, non se subtrahet ut cadas: projice te securus, excipiet & sanabit te. Et erubescere nimis, quia illarum nugarum murmur adhuc audiebam, & cunctabundus pendebam. Et rursus illa, quasi diceret: Obsurdesce adversus immunda illa membra tua super terram, ut mortificentur. Narrant tibi delectationes, sed non sicut lex Domini Dei tui. Ista controversia in corde meo, non nisi de meipso adversus meipsum. At Alypius affixus lateri meo, inusitati motus mei exitum tacitus opperiebatur.

CAPUT XII
Vocis
admoni-
tu quo
modo
totus
conver-
sus,
28. UBI vero a fundo arcano alta consideratio contraxit, & congeffit totam miseriam meam in conspectum cordis mei, oborta est procella ingens ferens ingentem imbrem lacrymarum. Et ut totum effunderem cum vocibus suis surrexi ab Aly-

pio. Solitudo mihi ad negotium flendi aptior suggerebatur. Et secessi remotius quam ut posset mihi onerosa esse etiam ejus præsentia. Sic tunc eram, & ille sensit: a nescio quid enim puto dixeram in quo apparebat sonus vocis meæ jam fletu gravidus, & sic surrexeram. Mansit ergo ille ubi sedebamus nimie stupens. Ego sub quadam fici arbore stravi me nescio quomodo, & dimisi habenas lacrymis, & proruperunt flumina oculorum meorum, acceptabile sacrificium tuum. Et non quidem his verbis, sed in hac sententia multa dixi tibi: Et tu Domine usquequo? Usquequo Domine irasceris in finem? Ne memor fueris iniquitatum nostrarum antiquarum. Sentiebam enim eis me teneri: Jactabam voces miserales. Quamdiu? quamdiu? Cras & cras? Quare non modo? quare non hac hora finis turpitudinis meæ?

29. Dicebam hæc & flebam amarissima contritione cordis mei. Et ecce audio vocem de vicina domo cum cantu dicentis & crebro repetentis, quasi pueri anpuellæ, nescio: TOLLE LEGE, TOLLE LEGE. Statimque mutato vultu intentissimus cogitare coepi, utrumnam solerent pueri in aliquo genere ludendi cantitare tale aliquid: nec occurrebat omnino audivisse me uspiam. Repressoque impetu lacrymarum surrexi, nihil aliud interpretans, nisi divinitus mihi juberi, ut aperirem codicem & legerem quod primum caput invenissem. Audieram enim de Antonio, quod ex evangelica lectione, cui forte supervenerat, admonitus fuerit, tamquam sibi diceretur quod legebatur. *Vade, vende omnia* Mat. 19. 21. *quæ habes, & da pauperibus, & habebis thesaurum in cælis; & veni sequere me:* & tali oraculo confestim ad te esse conversum. Itaque concitus redii ad eum locum ubi sedebat Alypius: ibi enim posueram codicem Apostolici cum inde surrexeram. Arripui, aperui, & legi in silentio capitulum, quo primum coniecti sunt oculi mei: *Non in comessationibus & ebrietatibus, non in cubilibus & impudiciis, non in contentione & æmulatione: sed induite Dominum Jesum Christum, & carnis providentiam ne feceritis in concupiscentiis.* Rom. 13. 13. Nec ultra volui legere, nec opus erat. Statim quippe cum fine hujusce sententiæ quasi luce securitatis infusa cordi meo, omnes dubitationis tenebræ diffugerunt.

30. Tum interjecto aut digito aut nescio quo alio signo, codicem clausi, & tranquillo jam vultu indicavi Alypio. At ille quid in se ageretur, quod ego nesciebam, sic indicavit: petit videre quid legissem: ostendi; & adtendit etiam ultra quam ego legeram, & ignorabam quid sequeretur. Sequebatur vero: *Infirmum autem in fide recipite.* Rom. 14. 1. Quod ille ad se retulit, mihi que aperuit. Sed tali admonitione firmatus est, placitoque ac proposito bono & congruentissimo suis moribus, quibus a me in melius jam olim valde longeque distabat, sine ulla turbulenta cunctatione conjunctus est. Inde ad matrem ingredimur; indicamus; gaudet: narramus quemadmodum gestum sit; exsultat & triumphat; & benedicebat tibi, qui potens es ultra quam petimus aut intelligimus facere, quia tanto amplius sibi a te concessum de me videbat quam petere solebat miserabilibus flebilibusque gemitibus. Convertisti enim me ad te, ut nec uxorem quærerem, nec aliquam spem sæculi hujus, stans in ea regula fidei in qua me ante tot annos ei revelaveras. Et convertisti luctum ejus in gaudium multo uberius quam voluerat, & multo carius atque castius quam de nepotibus carnis meæ requirebat.

L I.

LIBER NONUS.

Dicit de capto a se consilio rhetoricæ professionem abjiciendi, non tamen ante quam vindemialium feriarum, quod proxime instabat, tempus advenisset. Tum de suo in Verecundi amici villam secessu, de suo baptismo, ac de Monnicæ matris virtutibus atque obitu, qui baptizato ipso incidit in eundem huncce annum, ætatis videlicet Augustini tricesimum-tertium.

CAPUT I. **O** DOMINE ego servus tuus, ego servus tuus, & filius ancillæ tuæ. Dirupisti vincula mea, tibi sacrificabo sacrificium laudis. Laudet te cor meum & lingua mea, & omnia ossa mea dicant: Domine quis similis tibi: Dicant, & responde mihi, & dic animæ meæ, salus tua ego sum. Quis ego, & qualis ego? Quid non mali a aut facta mea: aut si non facta, dicta mea: aut si non dicta, voluntas mea fuit? Tu autem Domine bonus & misericors, & dextera tua respiciens profunditatem mortis meæ, & a fundo cordis mei exhauriens abyssum corruptionis. Et hoc erat totum nolle quod b volebam, & velle quod volebas. Sed ubi erat tam annofo tempore, & de quo imo altoque secreto evocatum est in momento liberum arbitrium meum, quo subderem cervicem leni jugo tuo, & humeros levi sarcinæ tuæ, Christe Jesu, adjutor meus & redemptor meus? Quam suave mihi subito factum est carere suavitatibus nugarum, & quas amittere metus fuerat, jam dimittere gaudium erat. Ejiciebas enim eas a me, vera tu & summa suavitas, ejiciebas & intrabas pro eis omni voluptate dulcior, sed non carni & sanguini: omni luce clarior, sed omni secreto interior: omni honore sublimior, sed non sublimibus in se. Jam liber erat animus meus a curis mordacibus ambiendi, & acquirendi, & volutandi atque scalpendi scabiem libidinum, & garriebam tibi claritati meæ, & divitiis meis, & salutis meæ, Domino Deo meo.

CAPUT II. **E**T placuit mihi in conspectu tuo non tumultuose abripere, sed leniter subtrahere ministerium linguæ meæ c nundinis loquacitatis, ne ulterius pueri meditates non legem tuam, non pacem tuam, sed insanias mendaces & bella forensia, mercarentur ex ore meo arma furori suo. Et opportune jam paucissimi dies supererant ad vindemiales ferias, & statui tolerare illos ut sollempniter abscederem, & redemptus a te jam non redirem venalis: Consilium ergo nostrum erat coram te, coram hominibus autem nisi nostris non erat. Et convenerat inter nos ne passim cuiquam effunderetur; quamquam tu nobis a convalle plorationis adscendentibus & cantantibus canticum graduum, dederas sagittas acutas, & carbones vastatores adversus linguam subdolum, velut consulendo contradicentem, & sicut cibum assolet amando consumentem.

3. Sagittaveras tu cor nostrum caritate tua, & gestabamus verba tua transfixa visceribus; & exempla fervorum tuorum, quos de nigris lucidos, & de mortuis vivos feceras, congesta in sinum cogitationis nostræ urebant & absolvebant gravem torporem, ne in ima d vergeremus, & accendebant nos valide, ut omnis ex lingua subdola contradictionis flatus inflammare nos acrius posset, non extinguere. Verum tamen quia pro-

A pter nomen tuum quod sanctificasti per terras, etiam laudatores utique haberet votum & propositum nostrum, jactantiæ simile videbatur, non opperiri tam proximum feriarum tempus, sed de publica professione atque ante oculos omnium sita ante discedere, ut conversa in factum meum ora cunctorum intuentium, quam vicinum vindemialium diem prævenire voluerim, multa dicerent, quod quasi appetissem magnus videri. Et quo mihi erat istud, ut putaretur & disputaretur de animo meo, & blasphemaretur bonum nostrum?

4. Quin etiam quod ipsa æstate litterario labori nimio pulmo meus cedere cœperat, & difficulter trahere suspiria, doloribusque pectoris testari se faucium, vocemque clariorem productionemve recusare, primo perturbaverat me, quia magisterii illius sarcinam pene jam necessitate deponere cogebat, aut si curari & convalescere potuissem, certe intermittere. Sed ubi plena voluntas vacandi, & videndi quoniam tu es Dominus, oborta mihi est atque firmata, nosti Deus meus, etiam gaudere cœpi, quod hæc quoque suberat non mendax excusatio, quæ ostensionem hominum temperaret, qui propter liberos suos me liberum esse nunquam volebant. Plenus igitur tali gaudio tolerabam illud intervallum temporis, donec decurreret, nescio utrum vel viginti dies erant, sed tamen fortiter tolerabantur, quia recesserat cupiditas quæ mecum solebat ferre grave negotium, & ego premendus remanseram, nisi patientia succederet. Peccasse me in hoc quisquam fervorum tuorum fratrum meorum dixerit, quod jam pleno corde militia tua, passus me fuero vel una hora sedere in cathedra mendacii. At ego non contendo. Sed tu Domine misericordissime, nonne & hoc peccatum cum ceteris horrendis & funereis in aqua sancta ignovisti & remisisti mihi?

CAPUT III. **M**ACERABATUR anxietudine Verecundus de isto nostro bono, quod propter vincula sua, quibus tenacissime tenebatur, deserere se nostro consortio videbat, nondum Christianus conjugem fideli, ea ipsa tamen artiore præceteris compe- de ab itinere quod aggressi eramus retardabatur. Nec Christianum esse alio modo se velle dicebat, quam illo quo non poterat. Benigne sane obtulit, ut quamdiu ibi essemus, in e rure ejus essemus. Retribues illi Domine in resurrectione justorum, quia jam ipsam sortem retribuisti ei. Quamvis enim absentibus nobis, cum Romæ jam essemus, corporali ægritudine correptus, & in ea Christianus & fidelis factus, ex hac vita emigravit: ita misertus es non solum ejus, sed etiam nostri, ne cogitantes egregiam erga nos amici humanitatem, nec eum in grege tuo numerantes, dolore intolerabili cruciare-

a Sic MSS. & Arn. At Lov. *Quid non mali ego? An facta mea*, &c. In aliis etiam editis habetur, *ego*, sed, *an*, mutatur in, *aut*.

b Editiones pleræque, *Et hoc erat totum nolle quod volebas, & velle quod volebas*. Sequi malimus cum Arn. lectionem MSS.

c In Benigniano codice, *mundanis loquacitatibus*.

d MSS. duo, *ne in ima mergeremur*.

e MSS. nullo fere excepto habent, *in re ejus essemus*.

remur. Gratias tibi Deus noster, tui sumus, indicant hortationes & consolationes tuæ, fidelis promissor, reddes Verecundo pro rure illo ejus Cassiciaco, ubi ab æstu sæculi requievimus in te, amœnitatem sempiternæ virentis paradisi tui, quoniam dimisisti ei peccata super terram, in monte in caseato, monte tuo, monte uberi.

6. Angebatur ergo tunc ipse, Nebridius autem collatabatur. Quamvis enim & ipse nondum Christianus in illam foveam perniciosissimi erroris inciderat, ut Veritatis Filii tui carnem phantasma crederet, tamen inde emergens sic sibi erat, nondum ullis Ecclesiæ tuæ sacramentis imbutus, sed inquisitor ardentissimus veritatis. Quem non multo post conversionem nostram & regenerationem per baptismum tuum, ipsum etiam fidelem catholicum castitate perfecta atque continentia tibi fervientem in Africa apud suos, cum tota domus ejus per eum Christiana facta esset, carne solvisti, & nunc ille vivit in sinu Abraham. Quidquid illud est quod illo significatur a sinu, ibi Nebridius meus vivit, dulcis amicus meus, tuus autem Domine adoptivus ex liberto filius, ibi vivit. Nam quis alius tali animæ locus? Ibi vivit, unde me multa interrogabat homuncionem inexpertum. Jam non ponit aurem ad os meum, sed spiritale os ad fontem tuum, & bibit quantum potest sapientiam pro aviditate sua sine fine felix. Nec sic eum arbitror inebriari ex ea, ut obliviscatur mei cum tu Domine b quem potat ille, nostri si memor. Sic ergo eramus Verecundum consolantes tristem, salva amicitia, de tali c conversione nostra, & exhortantes ad fidem gradus sui, vitæ scilicet conjugalis: Nebridium autem opperientes quando sequeretur, quod de tam proximo poterat, & erat jam jamque facturus: cum ecce evoluti sunt dies illi tandem, nam longi & multi videbantur præ amore libertatis otiosæ, ad cantandum de medullis omnibus; Tibi dixit cor meum, quæsi vultum tuum, vultum tuum Domine requiram.

CAPUT
IV.
Libri
apud
Cassiciaco
cū scrip-
ti. Epi-
stolæ ad
Nebridi-
um.
De psal-
mis ac
dolore
dentium
d

7. **E**T venit dies in quo etiam actu solverer a professione rethorica, unde jam cogitatu solutus eram. Et factum est, & eruiſti linguam meam, unde jam erueras cor meum, & benedicebam tibi gaudens, profectus in villam cum meis omnibus. Ibi quid egerim in litteris, jam quidem fervientibus tibi, sed adhuc d superbiæ scholam, tamquam in pausatione anhelantibus, testantur libri disputati cum præsentibus, & cum ipso me solo coram te: quæ autem cum absente Nebridio, testantur epistolæ. Et quando mihi sufficiat tempus commemorandi omnia magna erga nos beneficia tua in illo tempore, præsertim ad alia majora properanti? Revocat enim me recordatio mea, & dulce mihi fit, Domine, confiteri tibi quibus internis me stimulis perdomueris, & quemadmodum me complanaveris humiliatis montibus & collibus cogitationum mearum, & tortuosa mea direxeris, & aspera lenieris, quoque modo ipsum etiam Alypium fratrem cordis mei subegeris nomini unigeniti tui Domini & Salvatoris nostri Jesu Christi, quod primo dedignabatur inferi litteris nostris. Magis enim eas volebat redolere gym-

nasiorum cedros, quas jam contrivit Dominus, quam salubres herbas ecclesiasticas adversas serpentibus.

8. Quas tibi, Deus meus, voces dedi cum legerem psalmos David, cantica fidelia, & sonos pietatis excludentes turgidum spiritum, rudis in germano amore tuo, catechumenus in villa cum catechumeno Alypio feriat, matre adhærente nobis muliebri habitu, virili fide, anili securitate, materna caritate, Christiana pietate? Quas tibi voces dabam in psalmis illis, & quomodo in te inflammabar ex eis, & accendebar eos recitare si possem toto orbe terrarum, adversus typhum generis humani? Et tamen toto orbe cantantur, & non est qui se abscondat a calore tuo. Quam vehementi & acri dolore indignabar Manichæis; & miserabar eos rursus, quod illa sacramenta, illa medicamenta nescirent, & insani essent adversus antidotum quo sani esse potuissent. Vellem ut alicubi juxta essent tunc, & me nesciente quod ibi essent intuerentur faciem meam, & audirent voces meas, quando legi quartum psalmum, in illo tunc otio, quid de me fecerit ille psalmus * Cum invocarem exaudivit me Deus justitiæ meæ, in tribulatione dilatasti mihi: miserere mei Domine, & exaudi orationem meam. Audirent, ignorante me utrum audirent, ne me propter se illa dicere putarent, quæ inter hæc verba dixerim. Quia & revera nec ea dicerem, nec sic ea dicerem, si me ab eis audiri viderique sentirem: nec si dicerem sic acciperent quomodo mecum & mihi coram te de familiari affectu animi mei.

* Expli-
catio
Psalmi
quarti,
Cum in-
vocarem.

9. Inhorruui timendo, ibidemque inferbui sperando & exultando in tua misericordia Pater. Et hæc omnia exhibant per oculos meos & vocem meam, cum conversus ad nos spiritus tuus bonus ait nobis: Filii hominum quousque graves corde? Ut quid diligitis vanitatem, & quæritis mendacium? Dilexeram enim vanitatem, & quæsieram mendacium. Et tu, Domine, jam magnificaveras sanctum tuum, suscitans eum a mortuis, & collocans ad dexteram tuam, unde mitteret ex alto promissionem suam Paracletum Spiritum veritatis: & miserat eum jam, sed ego nesciebam. Miserat eum, quia jam magnificatus erat, resurgens a mortuis, & ascendens in cælum. Ante autem Spiritus nondum erat datus, quia Jesus nondum erat clarificatus: & clamabat prophetia: Quousque graves corde. Ut quid diligitis vanitatem, & quæritis mendacium? & scitote quoniam Dominus magnificavit sanctum suum. Clamat, quousque: clamat, scitote. Et ego tamdiu nesciens vanitatem dilexi, & mendacium quæsi; & ideo audiui & contremui, quoniam talibus dicitur qualem me fuisse reminiscebar. In e phantasmatis enim quæ pro veritate tenueram vanitas erat & mendacium. Et insonui multa graviter & fortiter in dolore recordationis meæ. Quæ utinam audissent qui adhuc usque diligunt vanitatem & quærunt mendacium. Forte conturbarentur, & evomuisent illud; & exaudires eos cum clamarent ad te: quoniam vera morte carnis mortuus est pro nobis, qui te interpellat pro nobis.

10. Legebam: Irascimini, & nolite peccare. Et quomodo movebar, Deus meus, qui jam didiceram irasci

a Quid sinu Abraham significari crediderit Augustinus, aperuit ipse postea in lib. 4. de anima & ejus orig. cap. 16. Sinum Abraham intellige remotam sedem quietis atque secretam, ubi est Abraham; & ideo Abraham dictum non quod ipsis tantum sit, sed quod ipse pater multarum gentium sit positus, quibus est ad imitandum fidei principatum propositus.

b In duobus MSS. a quo potatur.

c Lov. cum antiquioribus editis, de tali conversatione nostra.

d Som. Sed adhuc in superbiæ scholam tamquam in pausationem anhe-

lantibus. Arn. & MSS. nostram præferunt lectionem. Nempe ad illud Augustinus alludit, quod accidit fugientibus, qui cum primum pausant, aliquamdiu anhelant. Libri porro quos hic dicit in villa scriptos, ii sunt qui recensentur in lib. 1. retract. cap. 1. 2. 3. 4.

e Bad. cum duobus MSS. phantasias, mendose. Nam Augustinus in hujus operis lib. 3. cap. 6. phantasias vocat eorum quæ sunt; phantasmata vero eorum quæ omnino non sunt corporum imagines; quas ipse Manichæis olim adhærens, pro veritate amplexabatur.

irasci mihi de præteritis, ut de cetero non peccarem? Et merito irasci, quia non alia natura gentis tenebrarum de me peccabat, sicut dicunt qui sibi non irascuntur, & thesaurizant sibi iram in die iræ & revelationis iusti iudicii tui. Nec jam bona mea foris erant, nec oculis carnis in isto sole quærebantur. Volentes enim gaudere forinsecus facile evanescent; & effunduntur in ea quæ videntur & temporalia sunt; & imagines eorum famelica cogitatione lambunt. Et o si fatigentur inedia, & dicant: *Quis ostendet nobis bona?* Et dicamus, & audiant: *Signatum est in nobis lumen vultus tui, Domine.* Non enim lumen nos sumus quod illuminat omnem hominem; sed illuminamur a te, ut qui fuimus aliquando tenebræ, simus lux in te. O si viderent internum æternum, quod ego quia gustaveram, frendebam, quoniam non eis poteram ostendere, si afferrent ad me cor in oculis suis foris a te, & dicerent: *Quis ostendet nobis bona?* Ibi enim ubi mihi iratus eram intus in cubili, ubi compunctus eram, ubi sacrificaveram maculans vetustatem meam, & inchoata meditatione renovationis meæ sperans in te, ibi mihi dulcescere cœperas & dederas lætitiā in corde meo. Et exclamabam legens hæc foris, & agnoscens intus; nec volebam multiplicari terrenis bonis, devorans tempora, & devoratus temporibus, cum haberem in æterna simplicitate aliud frumentum & vinum & oleum.

11. Et clamabam in consequenti versu clamore alto cordis mei: *O in pace! o in idipsum!* o quid dixit: *Obdormiam & somnum capiam!* Quoniam quis resistet nobis cum fiet sermo qui scriptus est: Absorpta est mors in victoriam? Et tu es idipsum valde qui non mutaris, & in te requies obliviscens laborum omnium, quoniam nullus alius tecum nec ad alia multa adipiscenda quæ non sunt quod tu; sed *tu Domine, singulariter in spe constituisti me.* Legebam & ardebam; nec inveniebam quid facerem furdus mortuis, ex quibus fueram pestis latrator amarus & cæcus adversus litteras de melle cæli melleas, & de lumine tuo luminosas; & super inimicis ^d Scripturæ hujus tabescebam.

12. Quando recordabor omnia dierum illorum feriaturum? Sed nec oblitus sum, nec filebo flagelli tui asperitatem, & misericordiæ tuæ mirabilem celeritatem. Dolore dentium tunc excruciabas me; & cum in tantum ingravesceret ut non valerem loqui, adscendit in cor meum admonere omnes meos qui aderant, ut deprecarentur te pro me, Deum salutis omnimodè. Et scripsi hoc in cera, & dedi eis ut legeretur. Mox ut genua supplici affectu fiximus, fugit dolor ille. Sed quis dolor, aut quomodo fugit? Expavi, fateor, Domine meus, Deus meus, nihil enim tale ab ineunte ætate expertus fueram. Et insinuatī sunt mihi in profundo nutus tui: & gaudens in fide laudavi nomen tuum. Et ea fides me securum esse non sinebat de præteritis peccatis meis, quæ mihi per baptismum tuum remissa nondum erant.

CAPUT V. Ambrosium consulit quid legendum.

13. **R**ENUNTIAVI peractis vindemialibus, ut scholasticis suis Mediolanenses venditorum verborum alium providerent, quod & tibi ego servare delegissem, & illi professioni præ difficultate spirandi ac dolore pectoris non sufficerem. Et insinuavi

A per litteras antistiti tuo, viro sancto Ambrosio pristinos errores meos, & præsens votum meum, ut moneret quid potissimum mihi de libris tuis legendum esset, quo percipiendæ tantæ gratiæ paratior aptiorque fierem. At ille iussit Isaiam prophetam: credo quod præ ceteris Evangelii vocationisque gentium sit prænuntiator apertior. Verumtamen ego primam hujus lectionem non intelligens, totumque talem arbitrans, distuli repetendum exercitior in dominico eloquio.

14. **I**NDE ubi tempus advenit, quo me nomen dare oporteret, relicto rure, Mediolanum remeavimus. Placuit & Alypio renasci in te mecum, jam induto humilitate sacramentis tuis congrua, & fortissimo domitori corporis, usque ad Italicum solum glaciali nudo pede obterendum insolito ausu. Adjunximus etiam nobis puerum Adeodatum ex me natum carnaliter de peccato meo. Tu bene fecerases eum. Annorum erat ferme quindecim, & ingenio præveniebat multos graves & doctos viros. Munera tua tibi confiteor, Domine Deus meus, Creator omnium, & multum potens ^c reformare nostra deformia; nam ego in illo puero præter delictum nihil habebam. Quod enim enutriebatur a nobis in disciplina tua, tu inspiraveras nobis, nullus alius: munera tua tibi confiteor. Est liber noster qui inscribitur de Magistro: ipse ibi mecum loquitur. Tu scis illius esse sensa omnia quæ inferuntur ibi ex persona collocutoris mei, cum esset in annis sedecim. Multa ejus alia mirabilia expertus sum. Horrori mihi erat illud ingenium, & quis præter te talium miraculorum opifex? Cito de terra abstulisti vitam ^d ejus, & securior eum recordor, non timens quidquam pueritiæ, nec adolescentiæ, nec omnino homini illi. Sociavimus eum cœvum nobis in gratia tua, educandum in disciplina tua, & baptizati sumus, & fugit a nobis sollicitudo vitæ præteritæ. Nec satiabar illis diebus dulcedine mirabili, considerare altitudinem consilii tui super salutem generis humani. Quantum flevi in hymnis & canticis tuis, suave sonantis Ecclesiæ tuæ vocibus commotus acriter. Voces illæ influebant auribus meis, & eliquabatur veritas in cor meum, & ^e ex aestuabat inde affectus pietatis, & currebant lacrymæ, & bene mihi erat cum eis.

15. **N**ON longe cœperat Mediolanensis Ecclesia ^f genus hoc consolationis & exhortationis celebrare, magno studio fratrum concinentium vocibus & cordibus. Nimirum annuserat, aut non multo amplius, cum Justina Valentiniani regis pueri mater, hominem tuum Ambrosium persequeretur hæresis suæ causa, qua fuerat seducta ab Arianis. Excubabat pia plebs in Ecclesia, mori parata cum Episcopo suo, servo tuo. Ibi mater mea, ancilla tua, solitudinis & vigiliarum primas tenens, orationibus vivebat. Nos adhuc frigidi a calore spiritus tui, excitabamur tamen civitate adtonita atque turbata. Tunc hymni & psalmi ut canerentur secundum morem Orientalium partium, ne populus mœroris tædio contabesceret, institutum est; & ex illo in hodiernum retentum, multis jam ac pene omnibus gregibus tuis, & per cetera orbis imitantibus.

16. Tunc

CAPUT VI. Mediolani baptizatur cum Alypio & Adeodato.

CAPUT VII. Ecclesiastici cantus institutio Mediolani. Inventio corporum ss. Protasii & Gervasii.

a In editis, o si viderent internum lumen æternum. In Corbeienfi codice, o si viderent in te internum lumen æternum, Visum est sequi alios optimæ notæ MSS. qui ceteris omissis verbis præferunt, O si viderent internum æternum.

b Lov. Som. Ibi enim, ibi mihi. MSS. vero cum Bad. Am. Er. Blas. Arn. Ibi enim, ubi mihi.

c Ita MSS. quo loco editi habent, temporalibus.

d Am. Er. & Lov. & super inimicis scripturis Scriptura hujus. At MSS. Bad. & Arn. carent voce, Scripturis.

e In MSS. pluribus & potioribus, multum potens formare, & paulo post, præter delictum non habebam.

f Lov. & ex ea aestuabat affectus &c.

16. Tunc memorato antistiti tuo per visum aperuisti, quo loco laterent Martyrum corpora Protasii & Gervasii, quæ per tot annos incorrupta in thesauro secreti tui recondideras, unde opportune promeres ad coercendam rabiem femineam, sed regiam. Cum enim propalata & effossa digno cum honore transferrentur ad Ambrosianam basilicam, non solum quos immundi vexabant spiritus, confessis eisdem dæmonibus sanabantur, verum etiam quidam plures annos cæcus civis civitatisque notissimus, cum populi tumultuantis lætitiæ causam quæsisset atque audisset, exsilivit, eoque se ut duceret, suum ducem rogavit. Quo perductus impetravit admitti, ut sudario tangeret feretrum pretiosæ in conspectu tuo mortis sanctorum tuorum. Quod ubi fecit, atque admovit oculis, confestim aperti sunt. Inde fama discurrens, inde laudes tuæ ferventes lucentes, inde illius * inimicæ animus etsi ad credendi sanitatem non ampliatus, a persequendi tamen furore compressus est. Gratias tibi Deus meus. Unde & quo duxisti recordationem meam, ut hæc etiam confiterer tibi quæ magna oblitus præterieram? Et tamen tunc cum ita fragraret odor unguentorum tuorum, non currebamus post te, & ideo plus flebam inter cantica hymnorum tuorum, olim suspirans tibi, & a tandem respirans, quantum patet aura in domo fænea.

* Justitia.
CAPUT VIII.
Evodii conversio. Matris obitus, ejusque athenis educatione.

17. QUI habitare facis unanimes in domo, conficiasti nobis & Evodium juvenem ex nostro municipio. Qui cum agens in rebus militaret, prior nobis ad te conversus est & baptizatus, & relicta militia sæculari, accinctus in tua. Simul eramus, simul b habitaturi placito sancto. Quærebat quoniam locus nos utilius haberet servientes tibi: pariter remeabamus in Africam. Et cum apud ostia Tiberina essemus, mater defuncta est. Multa prætereo, quia multum festino. Accipe confessiones meas & gratiarum actiones Deus meus, de rebus innumerabilibus etiam in silentio. Sed non præteribo quidquid mihi anima parturit de illa famula tua, quæ me parturivit, & carne ut in hanc temporalem, & corde ut in æternam lucem nasceretur. Non ejus, sed tua dicam dona in ea; neque enim seipsam fecerat aut educaverat seipsam. Tu creasti eam, nec pater nec mater sciebat qualis ex eis fieret. Et erudit eam in timore tuo virga Christi tui regimen unici Filii tui in domo fidei, bono membro Ecclesiæ tuæ. Nec tantam erga suam disciplinam diligentiam matris prædicabat, quantam famulæ cujusdam decrepitæ, quæ patrem ejus infantem portaverat, sicut dorso grandiuscularum puellarum parvuli portari solent. Cujus rei gratia & propter senectam ac mores optimos in domo Christiana satis a dominis honorabatur. Unde etiam curam dominicarum filiarum commissam sibi diligenter gerebat, & erat in eis coercendis, cum opus esset, sancta severitate vehemens, atque in docendis sobria prudentia. Nam eas præter illas horas quibus ad mensam parentum moderatissime alebantur, etiam si exardescerent siti, nec aquam bibere sinebat, præcavens consuetudinem malam, & addens verbum sanum. Modo aquam bibitis, quia in potestatis te vinum non habetis; cum autem ad maritos veneritis, factæ dominæ apothecarum & cellariorum, aqua fordebit, sed mos potandi prævalebit. Hac ratione

a In tribus MSS. & tantum respirans.

b Sic habent MSS. & Arn. At Bad. Am. Er. Lov. simul habitamus.

c Lyrensis codex, temulentia cupidine.

A præcipiendi & auctoritate imperandi frenabat aviditatem tenerioris ætatis, & ipsam puellarum sitim formabat ad honestum modum, ut jam nec liberet quod non deceret.

18. Et surreperat tamen sicut mihi filio famula tua narrabat, surreperat ei vinolentia. Nam cum de more tamquam puella sobria juberetur a parentibus de cuppa vinum depromere, submisso poculo qua de super patet, priusquam in lagunculam funderet merum, primoribus labris sorbebat exiguum, quia non poterat amplius sensu recusante. Non enim ulla c temulenta cupidine faciebat hoc, sed quibusdam superfluentibus ætatis excessibus, qui ludicris motibus ebulliunt, & in puerilibus animis majorum pondere premi solent. Itaque ad illud modicum quotidiana modica addendo, quoniam qui modica spernit, paulatim decedit, in eam consuetudinem lapsa erat, ut prope jam plenos mero caliculos inhianter hauriret. Ubi tunc sagax anus, & vehemens illa prohibitio? Numquid valebat aliquid adversus latentem morbum, nisi tua medicina, Domine, vigilaret super nos? Absente patre & matre & nutritoribus tu præsens qui creasti, qui vocas, qui etiam per d præpositos homines boni aliquid agis ad animarum salutem, quid tunc egisti Deus meus? unde curasti? unde sanasti? Nonne protulisti durum & acutum ex altera anima convicium tamquam medicinale ferrum ex occultis provisionibus tuis, & uno ictu putredinem illam præcidisti? Ancilla enim cum qua solebat accedere ad cuppam, litigans cum domina minore, ut sit, sola cum sola, objecit hoc crimen, amarissima insultatione vocans meribibulam. Quo illa stimulo percussa, respexit fœditatem suam, confestimque damnavit atque exfuit. Sicut amici adulantes pervertunt, sic inimici litigantes plerumque corrigunt. Nec tu quod per eos agis, sed quod ipsi voluerunt retribuere eis. Illa enim irata, exagitare appetivit minorem dominam, non sanare, & ideo clanculo; aut quia ita eas invenerat locus & tempus litis; aut ne forte & ipsa periclitaretur quod tam sero prodidisset. At tu Domine rector e celitum & terrenorum, ad usus tuos contorquens profunda torrentis, fluxum sæculorum f ordinans turbulentum, etiam de alterius animæ insaniam sanasti alteram, ne quisquam cum hoc advertit potentiæ suæ tribuat, si verbo ejus alius corrigatur quem vult corrigi.

19. E D U C A T A itaque pudice ac sobrie, potiusque a te subdita parentibus, quam a parentibus tibi, ubi plenis annis nubilis facta est, tradita viro servivit veluti domino, & fategit eum lucrari tibi, loquens te illi moribus suis, quibus eam pulcrum faciebas, & reverenter amabilem atque mirabilem viro. Ita autem toleravit cubilis injurias, ut nullam de hac re cum marito haberet umquam simultatem. Expectabat enim misericordiam tuam super eum, ut in te credens castificaretur. Erat vero ille præterea sicut benevolentia præcipuus, ita ira fervidus. Sed noverat hæc non resistere irato viro, non tantum facto, sed ne verbo quidem. Jam vero refracto & quieto, cum opportunum videret, rationem facti sui reddebat, si forte ille inconsideratius commotus fuerat. Denique cum matronæ multæ quarum viri mansuetiores erant, plagarum vestigia, etiam dehonestata facie gererent, inter ami-

d Antonius Arn. suspicatur legendum esse, per perversos, vel per præposteros homines.

e In MS. Benigniano, celi tui.

f Potiores MSS. ordinate turbulentum.

CAPUT IX.
Laudabiles matris suæ mores prosequitur.

amica colloquia illæ arguebant maritorum vitam, hæc earum linguam, veluti per jocum graviter admonens, ex quo illas tabulas quæ matrimoniales vocantur, recitari audissent, tamquam instrumenta, quibus ancillæ factæ essent, deputare debuisse; proinde memores conditionis, superbire adversus dominos non oportere. Cumque mirarentur illæ, scientes quam ferocem conjugem sustineret, numquam fuisse auditum, aut aliquo indicio claruisse, quod Patricius ceciderit uxorem, aut quod a se invicem vel unum diem domestica lite dissenferint, & causam familiariter quærerent, docebat illa institutum suum, quod supra memoravi. Quæ observabant, expertæ gratulabantur; quæ non observabant, subjectæ vexabantur.

20. Socrum etiam suam primo susurris malarum ancillarum adversus se irritatam, sic vicit obsequiis, perseverans tolerantia & mansuetudine, ut illa ultro filio suo medias linguas famularum proderet, quibus inter se & nulum pax domestica turbabatur, expeteretque vindictam. Itaque postea quam ille & matri obtemperans, & curans familiæ disciplinam, & concordiam suorum consulens, proditas ad prodentis arbitrium verberibus coercuit, promisit illa talia de se præmia sperare debere, quæcumque de sua nuru sibi, quo placeret, mali aliquid loqueretur; nullaque jam audente, memorabili inter se benevolentia suavitatem vixerunt.

21. Hoc quoque illi bono mancipio tuo, in cujus utero me creasti, Deus meus misericordia mea, munus grande donaveras, quod inter diffidentes atque discordes quaslibet animas, ubi poterat, tam se præbebat pacificam, ut cum ab utraque multa de invicem audiret amarissima, qualia solet eructare turgens atque indigesta discordia, quando præsentis amicæ de absente inimica per acida colloquia a cruditas exhalatur odiorum, nihil tamen alteri de altera proderet, nisi quod ad eas reconciliandas valeret. Parvum hoc bonum mihi videretur, nisi turbas innumerabiles tristis experirer, nescio qua horrenda pestilentia peccatorum latissime pervagante, non solum iratorum inimicorum iratis inimicis dicta prodere, sed etiam quæ non dicta sunt addere; cum contra b homini humano parum esse debeat inimicitias hominum nec excitare nec augere male loquendo, nisi eas etiam extinguere bene loquendo studuerit, qualis illa erat docente te magistro intimo in schola pectoris.

22. Denique etiam virum suum jam in extrema vita temporali ejus lucrata est tibi, nec in eo jam fidei planxit, quod in nondum fidei toleraverat. Erat etiam serva servorum tuorum. Quisquis eorum noverat eam, multum in ea laudabat & honorabat & diligebat te; quia sentiebat præsentiam tuam in corde ejus sanctæ conversationis fructibus testibus. Fuerat enim unius viri uxor, mutuum vicem parentibus reddiderat, domum suam pie tractaverat, in operibus bonis testimonium habebat. Nutrierat filios, toties eos parturiens, quoties abs te deviare cernebat. Postremo nobis Domine omnibus, quia ex munere tuo finis loqui servis tuis, qui ante dormitionem ejus in te jam confociati vivebamus percepta gratia baptismi tui, ita curam gessit, quasi omnes genuisset, ita servavit quasi ab omnibus genita fuisset.

A 23. **I**MPENDENTE autem die, quo ex hac vita erat exitura, quem diem tu noveras ignorantibus nobis, provenerat (ut credo) procurante te occultis tuis modis, ut ego & ipsa soli staremus incumbentes ad quamdam fenestram, unde hortus intra domum quæ nos habebat prospectabatur, illic apud ostia Tiberina, ubi remoti a turbis post longi itineris laborem instaurabamus nos navigationi. Colloquebamur ergo soli valde dulciter, & præterita obliviscentes, in ea quæ ante sunt extenti, quærebamus inter nos apud præsentem veritatem quod tu es, qualis futura esset vita æterna sanctorum, quam nec oculus vidit, nec auris audivit, nec in cor hominis ascendit. Sed inhiamus ore cordis in superna fluentia fontis tui, fontis vitæ qui est apud te, ut inde pro captu nostro adspersi, quoquo modo rem tantam cogitarem.

24. Cumque ad eum finem sermo perduceretur, ut carnalium sensuum delectatio quantalibet, in quantalibet luce corporea, præ illius vitæ jocunditate non comparatione, sed ne commemoratione quidem digna videretur; erigentes nos ardentiore affectu in id ipsum perambulavimus gradatim cuncta corporalia, & ipsum cælum, unde sol & luna & stellæ lucent super terram. Et adhuc adscendebamus interius cogitando, & loquendo c, & mirando opera tua, & venimus in mentes nostras, & transcendimus eas, ut adtingeremus regionem ubertatis indeficientis, ubi pascis Israel in æternum veritatis pabulo, & ubi vita sapientia est, per quam fiunt omnia ista, & quæ fuerunt, & quæ futura sunt; & ipsa non fit, sed sic est ut fuit, & sic erit semper; quin potius fuisse, & futurum esse non est in ea, sed esse solum, quoniam æterna est. Nam fuisse & futurum esse non est æternum. Et dum loquimur & inhiamus illi, adtigimus eam modice toto ictu cordis, & d suspiravimus & reliquimus ibi religatas primitias spiritus, & remeavimus ad strepitum oris nostri, ubi verbum & incipitur & finitur. Et quid simile Verbo tuo Domino nostro in se permanenti sine vetustate, atque innovanti omnia?

25. Dicebamus ergo: Si cui fileat tumultus carnis, fileant phantasiæ terræ & aquarum & aeris, fileant & poli, & ipsa sibi anima fileat, & transeat se non se cogitando, fileant somnia & imaginariæ revelationes, omnis lingua & omne signum, & quidquid transeundo fit, si cui fileat omnino; quoniam si quis audiat, dicunt hæc omnia: Non ipsa nos fecimus, sed fecit nos qui manet in æternum. His dictis si jam taceant, quoniam erexerunt aurem in eum qui fecit ea, & loquatur ipse solus, non per ea, sed per se ipsum, ut audiamus verbum ejus, non per linguam carnis, neque per vocem Angeli, nec per sonitum nubis, nec per ænigma similitudinis, sed ipsum quem in his amamus, ipsum sine his audiamus, sicut nunc extendimus nos, & rapida cogitatione adtigimus æternam sapientiam super omnia manentem; si continuetur hoc, & subtrahantur aliæ visiones longe imparis generis, & hæc una rapiat & absorbeat & recondat in interiora gaudia spectatorem suum, ut talis sit sempiterna vita, quale fuit hoc momentum intelligentiæ, cui suspiravimus; nonne hoc est, *Intra in gaudium Domini tui?* Et istud quando? An cum omnes resurgemus, sed non omnes immutabimur?

26. Di-

CAPUT
X.
Collo-
quium
cum ma-
tre de
regno
cælorum.

a Apud Bad. Am. Er. & plures MSS. crudelitas.

b Sic legendum videtur juxta melioris notæ codices. In editis porro legebatur, *animo humano*.

c Lov. loquendo te. abest particula, te, a MSS.

d MS. Corbejenfis, *susum spiravimus*.

Mat. 25.
21.

26. Dicebam talia, & si non isto modo & his verbis, tamen Domine tu scis quod illo die cum talia loqueremur, & mundus iste nobis inter verba vilesceret cum omnibus delectationibus suis, tunc ait illa: „Fili, quantum ad me adinet, nulla jam re delector „in hac vita. Quid hic faciam adhuc, & cur hic sim „nescio, jam consumpta spe hujus sæculi. Unum erat propter quod in hac vita aliquantum immorari cupiebam, ut te Christianum catholicum viderem prius quam morerer. Cumulatus hoc mihi Deus meus præstitit, ut te etiam contempta felicitate terrena, servum ejus videam: quid hic facio?

CAPUT
XI.
De ec-
stasi &
morte
matris.

27. **A**D hæc ei quid responderim, non satis recolo. Cum interea vix intra quinque dies, aut non multo amplius decubuit febribus. Et cum ægrota- ret quodam die defectum animæ passa est, & paululum subtracta a præsentibus. Nos concurrimus; sed citò reddita est sensui, & adspexit adstantes me, & fratrem meum, & ait nobis quasi quærenti similis; Ubi eram? Deinde nos intuens mærore adtonitos: Ponetis „hic, inquit, matrem vestram? Ego silebam, & fletum „frenabam. Frater autem meus quiddam locutus est, quo eam non peregre, sed in patria defungi tamquam felicius optaret. Quo audito, illa vultu anxio reverberan- seum oculis quod talia sciperet, atque inde me in- tuens: Vide, ait; quid dicit. Et mox ambobus: Ponite, inquit, hoc corpus ubicumque, nihil vos ejus cura conturbet; tantum illud vos rogo, ut ad Domini altare memineritis mei ubi fueritis. Cumque hanc sententiam verbis quibus poterat explicasset, conticuit, & ingravescente morbo exercebatur.

28. Ego vero cogitans dona tua, Deus invisibilis, quæ immittis in corda fidelium tuorum, & proveniunt inde fruges admirabiles gaudebam & gratias agebam tibi, recolens quod noveram quanta cura semper æstua- set de sepulcro, quod sibi providerat & præparave- rat juxta corpus viri sui. Quia enim valde concorditer vixerant, id etiam volebat, ut est animus humanus minus capax divinorum, adjungi ad illam felicitatem, & commemorari ab hominibus, concessum sibi esse post transmarinam peregrinationem, ut conjuncta ter- ra amborum conjugum terra tegetetur. Quando au- tem ista inanitas plenitudine bonitatis tuæ ceperat in ejus corde non esse, nesciebam, & lætabar admirans „quod sic mihi a aperuisset; quamquam & in illo sermo- „ne nostro ad fenestram cum dixit, Jam quid hic facio? „non apparuit desiderare in patria mori. Audivi etiam postea, quod jam cum Ostiis essemus, cum quibusdam amicis meis materna fiducia colloquebatur quodam die de contemptu vitæ hujus & bono mortis, ubi ipse non aderam; illisque stupentibus virtutem feminæ, „quam tu dederas ei, quærentibusque utrum non formi- „daret tam longe a sua civitate corpus relinquere; NI- „HIL, inquit, longe est Deo, neque timendum est ne „ille non agnoscat in fine sæculi, unde me resuscitet. Er- „go die nono ægritudinis suæ, quinquagesimo & sexto „anno ætatis suæ, b trigesimo & tertio ætatis meæ, anima illa religiosa & pia corpore soluta est.

CAPUT
XII.
Quomo-
do lux-
rit mor-
tem ma-
tris.

29. **P**R E M E B A M oculos ejus, & confluebat in præcordia mea mæstitudo ingens, & trans- fluebat in lacrymas, ibidemque oculi mei violento a-

A nimum imperio resorbebant fontem suum usque ad sicci- tatem, & in tali luctamine valde male mihi erat. Tum vero ubi efflavit extremum spiritum, c puer Adeodatus exclamavit in planctum, atque ab omni- bus nobis coercitus tacuit. Hoc modo etiam meum quiddam puerile quod labeatur in fletus, juvenili vo- ce cordis coerceretur & tacebat. Neque enim decere arbitrabamur funus illud questibus lacrymosis gemitibusque celebrare; quia his plerumque solet deplorari quædam miseria morientium, aut quasi omnimoda extinctio. At illa nec misere moriebatur, nec om- nino moriebatur. Hoc & documentis morum ejus, & fide non ficta, rationibusque certis tenebamus.

30. Quid ergo erat quod intus mihi graviter dole- bat, nisi ex consuetudine simul vivendi dulcissima & carissima repente disrupta vulnus recens? Gratulabar quidem testimonio ejus, quod in ea ipsa ultima ægri- tudine obsequiis meis interblandiens appellabat me- pium, & commemorabat grandi dilectionis affectu numquam se audisse ex ore meo jaculatum in se du- rum aut contumeliosum d sonum. Sed tamen quid ta- le Deus meus qui fecisti nos, quid comparabile habe- bat honor a me delatus illi, & servitus ab illa mihi? Quoniam itaque deserebar tam magno ejus solatio, fauciabatur anima mea; & quasi dilaniabatur vita, quæ una facta erat ex mea & illius.

31. Cohibito ergo a fletu illo puero, Psalterium arripuit Evodius, & cantare cœpit Psalmum. Cui respondebamus omnis domus: *Misericordiam & judi- cium cantabo tibi Domine.* Audito autem quid ageretur, D convenerunt multi fratres ac religiosæ feminæ; & de more illis quorum officium erat funus curantibus, ego in parte ubi decenter poteram cum eis qui me non de- ferendum esse censebant, quod erat tempori congru- um disputabam; eoque fomento veritatis mitigabam cruciatum tibi notum, illis ignorantibus & intente au- dientibus, & sine sensu doloris me esse arbitrantibus. At ego in auribus tuis, ubi eorum nullus audiebat, in- crepabam mollitiem affectus mei, & constringebam fluxum mæroris, cedebatque mihi paululum; rursus- que impetu suo ferebatur, non usque ad eruptionem lacrymarum, nec usque ad vultus mutationem, sed ego sciebam quid corde premerem. Et quia mihi ve- hementer displicebat tantum in me posse hæc huma- na, quæ ordine debito & sorte conditionis nostræ acci- dere necesse est, alio dolore dolebam dolorem meum, & duplici tristitia macerabar.

32. Cum ecce corpus elatum est, imus, redimus sine lacrymis. Nam neque in eis precibus quas tibi fu- dimus, cum offerretur pro ea sacrificium pretii nostri, jam juxta sepulcrum posito cadavere, prius quam de- poneretur, sicut illic fieri solet, nec in eis precibus ego flevi, sed toto die graviter in occulto mæstus eram, & mente turbata rogabam te ut poteram, quo sanares dolorem meum, nec faciebas, credo commendans me- moriæ meæ, vel hoc uno documento omnis consuetu- dinis vinculum, etiam adversus mentem, quæ jam non fallaci verbo pascitur. Visum etiam mihi est ut irem lavatum, quod audieram inde balneis nomen inditum, quia Græci βαλανεῖον dixerint; quod anxietatem pel- lat ex animo. Ecce & hoc confiteor misericordiæ tuæ

Sacrifi-
cium
pro de-
functis.

Pater

a Ita MSS. aliquot ex præcipuis & Arn. At Bad. Am. Er. & Loy. ha- bent, apparuisset.

b Hunc numerum omnes ad unum codices cum editi, tum scripti ad- signant; unde intelligitur locum minimè corruptum esse, quod suspi-

catus est Cæsar Baronius ad ann. 388. num. 71. & in Not. ad Mart. die 5. Maii.

c MSS. plerique omittunt, spiritum.

d Loy. aliæque editiones, sermonem.

Pater orphanorum, quoniam lavi, & talis eram qualis prius quam lavissem. Neque enim exsudavit de corde meo mœroris amaritudo. Deinde dormivi & evigilavi, & non parva ex parte mitigatum inveni dolorem meum: atque ut eram in lecto meo solus, recordatus sum veridicos versus Ambrosii tui: tu es enim

*Deus Creator omnium,
Polique rector, vestiens
Diem decore lumine;
Noctem a sopora gratia,
Artus solutos ut quies
Reddat laboris usui,
Mentesque fessas allevet;
Luctusque solvat anxios.*

33. Atque inde paulatim reducebam in pristinum sensum ancillam tuam, conversationemque ejus piam in te, & b sancte in nos blandam atque morigeram, qua subito destitutus sum; & libuit flere in conspectu tuo de illa & pro illa, de me & pro me. Et dimissi lacrymas quas continebam, ut effluerent quantum vellent, substernens eas cordi meo; & requievit in eis, quoniam ibi erant aures tuæ, non cujusquam hominis superbe interpretantis ploratum meum. Et nunc Domine confiteor tibi in litteris. Legat qui volet, & interpretetur ut volet, & si peccatum invenerit flevisse me matrem exigua parte horæ, matrem oculis meis interim mortuam, quæ me multos annos fleverat ut oculis tuis viverem, non irrideat; sed potius si est grandi caritate, pro peccatis meis fleat ipse ad te Pater omnium fratrum Christi tui.

CAPUT
XIII.
Orat pro
matre
defun-
cta.

34. **E**GO autem jam sanato corde ab illo vulnere in quo poterat redargui carnalis affectus, fundo tibi Deus noster pro illa famula tua longe aliud lacrymarum genus, quod manat de concusso spiritu consideratione periculorum omnis animæ quæ in Adam moritur. Quamquam illa in Christo vivificata, etiam nondum a carne resoluta sic vixerit, ut laudetur nomen tuum in fide moribusque ejus, non tamen audeo dicere, ex quo eam per baptismum regenerasti, nullum verbum exisse ab ore ejus contra præceptum tuum. Et dictum est a Veritate Filio tuo: Si quis dixerit fratri suo, fatue, reus erit gehennæ ignis. ET VÆ etiam laudabili vitæ hominum, si remota misericordia discutias eam. Quia vero non exquiris delicta vehementer, fiducialiter speramus aliquem apud te locum c invenire indulgentiæ. QUISQUIS autem tibi enumerat vera merita sua, quid tibi enumerat nisi munera tua? O si cognoscant d se homines homines; & qui gloriatur, in Domino gloriatur.

Mat. 5.
22.

35. Ego itaque laus mea & vita mea, Deus cordis mei, sepositis paulisper bonis ejus actibus, pro quibus

A tibi gaudens gratias ago, nunc pro peccatis matris meæ deprecor te, exaudi me per medicinam vulnere nostrorum quæ pependit in ligno; & sedens ad dexteram tuam, te interpellat pro nobis. Scio misericorditer operatam, & ex corde dimisisse debita debitoribus suis; dimitte illi & tu debita sua, si qua etiam contraxit per tot annos post aquam salutis. Dimitte Domine, dimitte obsecro, ne intres cum ea in judicium. Superexaltet misericordia judicium, quoniam eloquia tua vera sunt, & promissisti misericordiam misericordibus. B Quod ut essent, tu dedisti eis, qui misereberis cui misertus eris, & misericordiam præstabis cui misericors fueris.

Rom. 9.
15.

36. Et credo jam feceris quod te rogo, sed voluntaria oris mei approba Domine. Namque illa imminente die resolutionis suæ non cogitavit suum corpus sumtuose contegi, aut condiri aromatibus, aut monumentum electum concupivit, aut curavit sepulcrum patrum. Non ista mandavit nobis, sed tantummodo memoriam sui ad altare tuum fieri desideravit, cui nullius diei prætermissione servierat, unde sciret dispensari victimam sanctam, qua deletum est chirographum quod erat contrarium nobis, qua triumphatus est hostis computans delicta nostra, & quærens quid objiciat, & nihil inveniens in illo in quo vincimus. Quis ei refundet innocentem sanguinem? Quis ei restituet pretium quo nos emit ut nos e auferat ei? Ad cujus pretii nostri sacramentum ligavit ancilla tua animam suam vinculo fidei. Nemo a protectione tua disrumpat eam. Non se interponat nec vi nec insidiis leo & draco; neque enim respondebit illa nihil se debere, ne convincatur & obtineatur ab accusatore callido; sed respondebit dimissa debita sua ab eo, cui nemo reddet quod pro nobis non debens reddidit.

37. Sit ergo in pace cum viro, ante quem nulli & post quem nulli nupta est, cui servivit fructum tibi afferens cum tolerantia, ut eum quoque lucraretur tibi. Et inspira Domine meus, Deus meus, inspira servis tuis fratribus meis, filiis tuis dominis meis, quibus & voce & corde & litteris servio, ut quotquot hæc legerint, meminerint ad altare tuum f Monicæ famulæ tuæ, cum Patricio quondam ejus conjugem, per quorum carnem introduxisti me in hanc vitam, quemadmodum nescio. Meminerint cum affectu pio parentum meorum in hac luce transitoria, & fratrum meorum sub te patre in matre Catholica, & civium meorum in æterna Jerusalem, cui suspirat peregrinatio populi tui ab exitu usque ad reditum, ut quod a me illa poposcit extremum, uberius illi præstetur in multorum orationibus g per confessiones, quam per orationes meas.

f

g

a In ante excusis, *soporis*. At in multis MSS. *sopora*: a verbo *sopor*; melius, si quidem hocce hymno somnus quietus ad recreandas corporis & animi vires postulatur.

b Bad. Am. Er. Lov. & *sanctam*.

c Absunt a MSS. prope omnibus isthæc verba, *invenire indulgentiæ*.

d Ita MSS. cum Arn. At Lov. cum antiquioribus edit. o si cognoscant se omnes homines.

e Arn. cum aliquot MSS. *offerat*. Sed melius Bad. Am. Er. Lov. cum pluribus MSS. *auferat ei*, scilicet Christo emtori, uti nobis quidem videtur.

f Imitari visum est vetustos codices, qui cum gemina littera *nn* præferunt, *Monnicæ*: quo pacto etiam scriptum reperitur in oratione, quam Vuillelmus Abbas piis Augustini votis obtemperandi studio composuit sub his verbis. *Memento Domine animæ famuli tui Patricii, & famulæ tuæ Monnicæ; & si quid pro anima filii ipsorum domini mei Augustini, dilectissimi Confessoris tui; mihi misero peccatori licet vel intimo cordis affectu desiderare, &c.* quæ oratio integra habetur in veterum Analectorum tom. I.

g In editis pluribus, *tam per confessiones*. Abest, *tam*, a MSS. quos magis probamus.

LIBER DECIMUS.

Scrutatur deinceps, ac palam contestatur, non qualis antea esset, sed qualis nunc. Deum quem diligit studet indicare; dumque per singula ducit rerum genera, multis explicat memoriæ vim plane stupendam, & quod sua in memoria locum Deus habeat gratulatur. Inquirat in actus, in sensus, & affectus suos ex triplici tentatione voluptatis, curiositatis, ac superbiæ. Dominum Christum unum Mediatorem Dei & hominum confitetur; ejusque ope animi sui languores omnes sanandos esse confidit.

CAPUT
I.
In Deo
Solo
spes &
gaudium.

I. **C**OGNOSCAM te genitor meus, cognoscam sicut & cognitus sum. Virtus animæ meæ, intra in eam, & coapta tibi, ut habeas & possideas sine macula & ruga. Hæc est spes mea, ideo loquor, & in ea spe gaudeo, quando sanum gaudeo. Cetera vero vitæ hujus tanto minus flenda, quanto magis fletur; & tanto magis flenda, quanto minus fletur in eis. Ecce enim veritatem dilexisti, quoniam qui facit eam, venit ad lucem. Volo eam facere in corde meo coram te in confessione; in stilo autem meo coram multis testibus.

CAPUT
II.
Cum
Deo nota
sint
arcana,
quid est
confiteri
illi.

2. **E**st abyssus humanæ conscientiæ, quid occultum esset in me, etiam si nollem confiteri tibi? Te enim mihi absconderem, non me tibi. Nunc autem quod gemitus meus testis est displicere me mihi, tu refulges & places, & amaris, & desideraris, ut erubescam de me, & abjiciam me atque eligam te, & nec tibi nec mihi placeam nisi de te. Tibi ergo Domine manifestus sum quicumque sim, & quo fructu tibi confitear dixi. Neque enim id ago verbis carnis & vocibus, sed verbis animæ & clamore cogitationis quem novit auris tua. Cum enim malus sum, nihil est aliud confiteri tibi, quam displicere mihi; cum vero pius, nihil est aliud confiteri tibi, quam hoc non tribuere mihi: quoniam tu Domine benedixisti justum, sed priuseum justificas impium. Confessio itaque mea, Deus meus, in conspectu tuo tibi tacite fit, & non tacite. Tacet enim strepitu, clamat affectu. Neque dico recti aliquid hominibus, quod non a me tu prius audieris, aut etiam tualiquid tale audis a me, quod non mihi tu prius dixeris.

CAPUT
III.
Quo fructu
confitebitur
deinceps
quis sit,
non quis
fuerit.

3. **Q**UID mihi ergo est cum hominibus ut audiant confessiones meas, quasi ipsi sanaturi sint omnes languores meos? Curiosum genus ad cognoscendam vitam alienam, desidiosum ad corrigendam suam. Quid a me quærent audire qui sim, qui nolunt a te audire qui sint? Et unde sciunt cum a me ipso de me ipso audiunt, an verum dicam, quando quidem nemo scit hominum quid agatur in homine, nisi spiritus hominis qui in ipso est? Si autem a te audiant de se ipsis, non poterunt dicere, mentitur Dominus. Quid est enim a te audire de se, nisi cognoscere se? Quis porro cognoscit & dicit, falsum est, nisi ipse mentiat? Sed quia caritas omnia credit, inter eos utique quos connexos sibimet unum facit, ego quoque Domine etiam sic tibi confiteor, ut audiant homines, quibus demonstrare non possum an vera confitear, sed credunt mihi quorum mihi aures caritas aperit.

4. Verumtamen tu medice meus intime, quo fructu ista faciam, eliqua mihi: nam confessiones prætorum malorum meorum, quæ remisisti & texisti ut beares me in te, mutans animam meam fide & sa-

cramento tuo, cum leguntur & audiuntur, excitant corne dormiat in desperatione & dicat, non possum; sed evigilet in amore misericordiæ tuæ & dulcedine gratiæ tuæ, qua potens est omnis infirmus, qui sibi per ipsam fit conscius infirmitatis suæ. Et delectat bonos audire præterita mala eorum qui jam carent eis, nec ideo delectat quia mala sunt, sed quia fuerunt & non sunt. Quo itaque fructu, Domine Deus meus cui quotidie confitetur conscientia mea, spe misericordiæ tuæ securior quam innocentia sua; quo fructu quæso etiam hominibus coram te confiteor per has litteras adhuc quis ego sim, non quis fuerim? Nam illum fructum vidi & commemoravi. Sed quis adhuc sim, ecce in ipso tempore confessionum mearum, & multi hoc nosse cupiunt qui me noverunt, & non me noverunt, qui ex me vel de me aliquid audierunt; sed auris eorum non est ad cor meum; ubi ego sum quicumque sum. Volunt ergo audire confitentem me quid ipse intus sim, quo nec oculum nec aurem nec mentem possunt intendere; credituri tamen volunt, numquid cognitari? Dicit enim eis caritas qua boni sunt non mentiri me de me confitentem, & ipsa in eis credit mihi.

5. **S**ED quo fructu id volunt? An congratulari mihi cupiunt cum audierint quantum ad te accedam munere tuo, & orare pro me cum audierint quantum retarder pondere meo? Indicabo me talibus. Non enim parvus est fructus, Domine Deus meus, ut a multis tibi gratiæ agantur de nobis, & a multis rogeris pro nobis. Amet in me fraternus animus quod amandum doces, & doleat in me quod dolendum doces. Animus ille hoc faciat fraternus, non extraneus, non filiorum alienorum, quorum os locutum est vanitatem, & dextera eorum dextera iniquitatis; sed fraternus ille qui cum approbat me, gaudet de me; cum autem improbat me contristatur pro me; quia sive approbet me sive improbet, diligit me. Indicabo me talibus, respirent in bonis meis, suspirent in malis meis. BONA MEA instituta tua sunt & dona tua; mala mea delicta mea sunt & judicia tua. Respirent in illis & suspirent in his, & hymnus & fletus adscendant in conspectum tuum de fraternis cordibus thuribulis tuis. Tu autem Domine delectatus odore sancti templi tui, miserere mei secundum magnam misericordiam tuam, propter nomen tuum, & nequaquam deferens cæpta tua, consumma imperfecta mea.

6. Hic est fructus confessionum mearum, non qualis fuerim, sed qualis sim; ut hoc confitear, non tantum coram te secreta exultatione cum tremore & secreto mœrore cum spe, sed etiam in auribus credentium filiorum hominum sociorum gaudii mei & consortium mortalitatis meæ, civium meorum & mecum peregrinorum, præcedentium & consequentium, & comitum vitæ meæ. Hi sunt servi tui

CAPUT
IV.
Quod
magis
sint fructus
hujusmodi
confessionis.

fratres mei quos filios tuos esse voluisti, dominos meos quibus iussisti ut serviam, si volo tecum de te vivere. Et hoc mihi verbum tuum parum erat, si loquendo præciperet, nisi & faciendo præiret. Et ego id ago factis & dictis, id ago sub alis tuis nimis cum ingenti periculo; nisi quia sub alis tuis tibi subdita est anima mea, & infirmitas mea tibi nota est. Parvulus sum, sed vivit semper Pater meus, & idoneus est mihi tutor meus. Idem ipse est enim qui genuit me & tuetur me; & tu ipse es omnia bona mea, tu omnipotens qui mecum es, & priusquam tecum sim. Indicabo ergo talibus qualibus jubes ut serviam, non quis fuerim, sed quis jam sim, & quis adhuc sim; sed neque me ipsum dijudico: sic itaque audiar.

CAPUT
V.
Homo
se se to-
rum
non no-
vit.

7. **T**U enim Domine dijudicas me, quia etsi nemo scit hominum quæ sunt hominis, nisi spiritus hominis qui in ipso est; tamen est aliquid hominis quod nec ipse scit spiritus hominis qui in ipso est; tu autem Domine scis ejus omnia qui fecisti eum. Ego vero quamvis præ tuo conspectu me despiciam, & æstimem me terram & cinerem, tamen aliquid de te scio quod de me nescio. Et certe nunc videmus per speculum in ænigmate, nondum facie ad faciem; & ideo quamdiu peregrinor abs te, mihi sum præsentior quam tibi, & tamen te novi nullo modo posse violari; ego vero quibus tentationibus resistere valeam, quibusve non valeam, nescio. Et spes est, quia fidelises, qui nos non finis tentari supra quam possumus ferre, sed facis cum tentatione etiam exitum ut possimus sustinere. Confitear ergo quid de me sciam, confitear & quid de me nesciam. Quoniam & quod de me scio, te mihi lucente scio; & quod de me nescio, tamdiu nescio, donec fiant tenebræ meæ sicut merides in vultu tuo.

CAPUT
VI.
Quid
amat
cum
Deum
amat, &
quomo-
do ex
creatu-
ris Deus
cogno-
scitur.

8. **N**ON dubia, sed certa conscientia Domine amo te. Percussisti cor meum verbo tuo, & amavi te. Sed & CÆLUM, & terra, & omnia quæ in eis sunt, ecce undique mihi dicunt ut te amem, nec cessant dicere omnibus, ut sint inexcusabiles. Altius autem tu misereberis cui misertus eris, & misericordiam præstabis cui misericors fueris: alioquin cælum & terra furdus loquuntur laudes tuas. Quid autem amo cum te amo? Non speciem corporis, nec decus temporis, nec candorem lucis ecce istis amicis oculis, non dulces melodias cantilenarum omnimodarum, non florum & unguentorum & aromatum suaveolentiam, non manna & mella, non membra acceptabilia carnis amplexibus. Non hæc amo cum amo Deum meum, & tamen amo quamdam lucem, & quamdam vocem, & quemdam odorem, & quemdam cibum, & quemdam amplexum cum amo Deum meum, lucem, vocem, odorem, cibum, amplexum interioris hominis mei; ubi fulget animæ meæ quod non capit locus, & ubi sonat quod non rapit tempus, & ubi olet quod non spargit flatus, & ubi sapit quod non minuit edacitas, & ubi hæret quod non divellit satietas. Hoc est quod amo cum Deum meum amo.

9. Et quid est hoc? Interrogavi terram, & dixit: Non sum; & quæcumque in eadem sunt, idem confessa sunt. Interrogavi mare & abyssos, & reptilia animarum vivarum, & responderunt: Non sumus Deus tuus, quære super nos. Interrogavi auras flabiles, & inquit universus aer cum incolis suis: Fallitur Anaximenes, non sum Deus. Interrogavi cælum, solem, lunam, stellas: Neque nos sumus Deus quem

Tom. I.

A quæris, inquiunt. Et dixi omnibus iis quæ circumstant fores carnis meæ: Dixistis mihi de Deo meo quod vos non estis, dicite mihi de illo aliquid. Et exclamaverunt voce magna: Ipse fecit nos. Interrogatio mea, intentio mea, & responsio eorum, species eorum. Et direxi me ad me, & dixi mihi: Tu quis es? Et respondi, Homo. Et ecce corpus & anima in me mihi præsto sunt, unum exterius, & alterum interius. Quid horum est unde quærere debui Deum meum, quem jam quæsi veram per corpus a terra usque ad cælum, quo usque potui mittere nuntios, radios oculorum meorum? Sed melius quod interius. Ei quippe renuntiabant omnes nuntii corporales præfidenti & judicanti de singulis responsionibus cæli & terræ & omnium quæ in eis sunt dicentium: Non sumus Deus, sed ipse fecit nos; homo interior cognovit hæc per exterioris ministerium, ego interior cognovi hæc, ego, ego animus per sensus corporis mei. Interrogavi mundi molem de Deo meo, & respondit mihi, Non ego sum, sed ipse me fecit.

10. Nonne omnibus quibus integer sensus est, apparet hæc species? Cur non omnibus eadem loquitur? C Animalia pusilla & magna vident eam, sed interrogare nequeunt: non enim præposita est in eis nuntiantibus sensibus iudex ratio. Homines autem possunt interrogare ut invisibilia Dei per ea quæ facta sunt intellecta conspiciantur: sed amore subduntur eis, & subditi judicare non possunt. Nec respondent ista interrogantibus nisi judicantibus, nec vocem suam mutant, id est, speciem suam, si alius tantum videat, alius autem videns interroget, ut aliter illi appareat, aliter huic; sed eodem modo utrique apparens, illi muta est, huic loquitur; immo vero omnibus loquitur; sed illi intelligunt qui ejus vocem acceptam foris intus cum veritate conferant. Veritas enim dicit mihi: Non est Deus tuus cælum & terra, neque omne corpus. Hoc dicit eorum natura videnti: Mole est, moles minor est in parte quam in toto. Jam tu melior es, tibi dico anima, quoniam tu vegetas molem corporis tui, præbens ei vitam, quod nullum corpus præstat corpori. Deus autem tuus etiam tibi vitæ vita est.

11. **Q**UID ergo amo cum Deum meum amo? Quis est ille super caput animæ meæ? Per ipsam animam meam adscendam ad illum. Transibo vim meam qua hæreo corpori & vitaliter compagem ejus repleo. Non ea vi reperio Deum meum, nam reperiret & equus & mulus quibus non est intellectus, quia est eadem vis qua vivunt etiam eorum corpora. Est alia vis non solum qua vivifico, sed etiam qua sensifico carnem meam quam mihi fabricavit Dominus, jubens oculo ut non audiat, & auri ut non videat; sed illi per quem videam, huic per quam audiam: & propria singillatim ceteris sensibus sedibus suis & officiis suis, quæ diversa per eos ago, unus ego animus. Transibo & istam vim meam: nam & hanc habet equus & mulus, sentiunt enim etiam ipsi per corpus.

12. **T**RANSIBO ergo & istam vim naturæ meæ gradibus adscendens ad eum qui fecit me; & venio in campos & lata prætoria memoriæ, ubi sunt thesauri innumerabilium imaginum de cujusmodi rebus sensus invectarum. Ibi reconditum est quidquid etiam cogitamus, vel augendo vel minuendo, vel utcumque variando ea quæ sensus adtigerit: & si quid aliud commenda-

CAPUT
VII.
Corpo-
rea aut
sensitiva
virtute
Deus
non in-
venitur.

CAPUT
VIII.
Memo-
riz vis.

tum & repositum est, quod nondum absorbit & sepelivit oblivio. Ibi quando sum posco ut proferatur quidquid volo, & quædam statim prodeunt; quædam requiruntur diutius & tamquam de abstrusioribus quibusdam receptaculis eruuntur; quædam catervatim se prouunt, & dum aliud petitur & quæritur, profiliunt in medium quasi dicentia: Ne forte nos sumus? Et abigo ea manu cordis a facie recordationis meæ, donec enubiletur quod volo, atque in conspectum prodeat ex abditis. Alia faciliter atque imperturbata serie, sicut poscuntur suggeruntur; & cedunt præcedentia consequentibus; & cedendo conduntur, iterum cum voluero processura. Quod totum fit cum aliquid narro memoriter.

13. Ibi sunt omnia distincte generatimque servata, quæ suo quæque aditu ingesta sunt, sicut lux atque omnes colores formæque corporum per oculos; per aures autem omnia genera sonorum; omnesque odores per aditum narium; omnes sapes per oris aditum; a sensu autem totius corporis, quid durum, quid molle, quid calidum, frigidumve, lene aut asperum, grave seu leve, sive extrinsecus, sive intrinsecus corpori: hæc omnia recipit recolenda cum opus est & retractanda grandis memoriæ recessus, & nescio qui secreti atque ineffabiles sinus ejus, quæ omnia suis quæque foribus intrant ad eam; & reponuntur in ea. Nec ipsa tamen intrant, sed rerum sensarum imagines illic præsto sunt cogitationi reminiscenti eas. Quæ quomodo fabricatæ sint quis dicit, cum appareat quibus sensibus raptæ sint interiusque reconditæ? Nam & in tenebris atque in silentio dum habito, in memoria mea profero si volo colores, & discerno inter album & nigrum, & inter quos alios volo: nec incurrunt soni atque perturbant, quod per oculos haustum considero, cum & ipsi ibi sint, & quasi seorsum repositi lateant. Nam & ipsos posco si placet, atque adsunt illico. Et quiescente lingua ac silente gutture canto quantum volo, imaginesque illæ colorum quæ nihilominus ibi sunt non se interponunt; neque interrumpunt, cum thesaurus alius retractatur qui influxit ab auribus. Ita cetera quæ per sensus ceteros ingesta atque congesta sunt recordor prout libet: & auram liliorum discerno a violis nihil olfaciens; & mel defruto, lene aspero nihil tunc gustando neque contrectando, sed reminiscendo antepono.

14. Intus hæc ago in aula ingenti memoriæ meæ. Ibi enim mihi cælum & terra & mare præsto sunt, cum omnibus quæ in eis sentire potui, præter illa quæ oblitus sum. Ibi & ipse mihi occurro, meque recolo, quid, quando, & ubi egerim, quoque modo cum agerem affectus fuerim. Ibi sunt omnia quæ sive experta a me sive credita memini. Ex eadem copia etiam similitudines rerum vel expertarum, vel ex eis quas expertus sum creditarum alias atque alias, & ipse contexo præteritis; atque ex his etiam futuras actiones & eventa & spes & hæc omnia rursus quasi præsentia meditor. Faciam hoc aut illud, dico apud me in ipso ingenti sinu animi mei pleno tot & tantarum rerum imaginibus, Et hoc aut illud sequetur. O si esset hoc aut illud! Avertat Deus hoc aut illud. Dico apud me ista: & cum dico, præsto sunt imagines omnium quæ dico ex eodem thesauro memoriæ, nec omnino aliquid eorum dicerem si defuissent.

A 15. Magna ista vis est memoriæ, magna nimis, Deus meus, penetrale amplum & infinitum. Quis ad fundum ejus pervenit? Et vis est hæc animi mei, atque ad meam naturam pertinet, nec ego ipse capio totum quod sum. Ergo animus ad habendum seipsum angustus est. ^a Et ubi sit, quod sui non capit? Numquid extra ipsum ac non in ipso? Quomodo ergo non capit? Multa mihi super hoc oboritur admiratio, stupor apprehendit me. Et eunt homines admirari alta montium, & ingentes fluctus maris, & latissimos lapsus fluminum, & oceani ambitum, & gyros syderum, & relinquunt seipsum, nec mirantur, quod hæc omnia cum dicerem, non ea videbam oculis, nec tamen dicerem nisi montes & fluctus & flumina & sidera quæ vidi, & oceanum quem credidi, intus in memoria mea viderem spatiis tam ingentibus quasi foris viderem: nec ea tamen videndo absorbui quando vidi oculis; nec ipsa sunt apud me, sed imagines eorum. Et novi quid ex quo sensu corporis impressum sit mihi.

C 16. **S**ED non ea sola gestat immensa ista capacitas memoriæ meæ. Hic sunt & illa omnia quæ de doctrinis liberalibus percepta nondum exciderunt: quasi remota interiore loco, ^b non loco, nec eorum imagines, sed res ipsas gero. Nam quid sit litteratura, quid peritia disputandi, quot genera quæstionum, quidquid horum scio sic est in memoria mea, ut non retenta imagine rem foris reliquerim, aut sonuerit & præterierit, sicut vox impressa per aures vestigio quo recoleretur quasi sonaret cum jam non sonaret: aut sicut odor dum transit & evanescit in ventos olfactum afficit, unde traiecit in memoriam imaginem sui quam reminiscendo repetamus: aut sicut cibus qui certe in ventre jam non sapit, & tamen in memoria quasi sapit: aut sicut aliquid quod corpore tangendo sentitur, quod etiam separatum a nobis imaginatur memoria. Istæ quippe res non intromittuntur ad eam, sed earum solæ imagines mira celeritate capiuntur, & miris tamquam cellis reponuntur, & mirabiliter recordando proferuntur.

F 17. **A**T vero cum audio tria genera esse quæstionum, an sit, quid sit, quale sit, sonorum quidem quibus hæc verba confecta sunt imagines teneo, & eos per ^c auras cum strepitu transisse ac jam non esse scio. Res vero ipsas quæ illis significantur sonis neque ullo sensu corporis adtigi, nec uspiam vidi præter animum meum, & in memoria recondidi non imagines earum, sed ipsas: quæ unde ad me intraverint, dicant si possunt. Nam percurro januas omnes carnis meæ, nec invenio qua earum ingressæ sint. Quippe oculi dicunt: Si coloratæ sunt, nos eas nuntiavimus. Aures dicunt: Si sonuerunt, a nobis indicatæ sunt. Nares dicunt: Si oluerunt, per nos transierunt. Dicit etiam sensus gustandi: Si sapor non est, nihil me interrogas. Tactus dicit: Si corpulentum non est, non contrectavi. Si non contrectavi, non indicavi. Unde & qua hæc intraverunt in memoriam meam? Nescio quomodo; nam cum ea didici non credidi alieno cordi, sed in meo recognovi, & vera esse approbavi, & commendavi ei. Tamquam reponens unde proferrem cum vellem. Ibi ergo erant & antequam ea didicissem, sed in memoria non erant. Ubi ergo? aut quare cum dicerentur agnovi, & dixi: Ita est; verum est; nisi quia jam erant in memoria, sed tam remota & re-

CAPUT
IX.
Memoria disci-
plina
rum.
b

CAPUT
X.
Disciplina memoria non introdu-
ducuntur per sensus, sed ex-
eius addi-
tione si-
nu eru-
untur.
c

^a Lov. ut ubi sit, quid sit, non capiat.
^b Apud Lov. non loca.

^c Ita MSS. & Arn. At Bad. Am. Er. Lov. per aures.

trusa quasi incaveis abditioribus, ut nisi admonente aliquo eruerentur, ea fortasse cogitare non possem.

CAPUT
XI.
Quid sit
discere.

18. **Q**UO CIRCA invenimus nihil esse aliud discere ista, quorum non per sensus haurimus imagines, sed sine imaginibus sicuti sunt per se ipsa intus cernimus, nisi ea quæ passim atque indisposite memoria continebat cogitando quasi colligere, atque animadvertendo curare, ut tamquam ad manum posita in ipsa memoria, ubi sparsa prius & neglecta latitabant, jam familiari intentioni facile occurrant. Et quam multa huiusmodi gestat memoria mea quæ jam inventa sunt, & sicut dixi, quasi ad manum posita, quæ didicisse & nosse dicimur. Quæ si modestis temporum intervallis recolere desivero, ita rursus demerguntur, & quasi in remotiora penetralia dilabuntur, ut denuo velut nova excogitanda sint a indidem iterum, (neque enim est alia regio eorum) & cogenda rursus ut sciri possint, id est velut ex quadam dispersione colligenda, unde dictum est cogitare. Nam cogo & cogito, sic est ut ago & agito, facio & factito. Verumtamen sibi animus hoc verbum proprie vindicavit, ut non quod alibi, sed quod in animo colligitur, id est cogitur, cogitari proprie jam dicatur.

CAPUT
XII.
Rerum
Mathe-
matica-
rum me-
moriam.

19. **I**TEM continet memoria numerorum dimensionumque rationes & leges innumerabiles, quarum nullam corporis sensus impressit; quia nec ipsæ coloratæ sunt, aut sonant, aut olent, aut gustatæ, aut contrectatæ sunt. Audivi sonos verborum quibus significantur cum de his differitur: sed illi alii, istæ autem aliæ sunt. Nam illi aliter græce, aliter latine sonant; istæ vero nec græcæ nec latinæ sunt, nec aliud eloquiorum genus. Vidi lineas fabrorum, vel etiam tenuissimas, sicut filum aranæ, sed illæ aliæ sunt; non sunt imagines earum quas mihi nuntiavit carnis oculus. Novit eas quisquis sine ulla cogitatione qualiscumque corporis intus agnovit eas. Sensi etiam numeros omnibus corporis sensibus quos numeramus: sed illi alii sunt quibus numeramus, nec imagines istorum sunt; & ideo valde sunt. Rideat me ista dicentem qui eos non videt; & ego doleam ridentem me.

CAPUT
XIII.
Memoria
meminisse
nos memi-
nimus.

20. **H**ÆC omnia memoria teneo; & quomodo ea didicerim memoria teneo. Multa etiam quæ adversus hæc falsissime disputantur audiavi, & memoria teneo, quæ tametsi falsa sunt, tamen ea meminisse me non est falsum, & discrevisse me inter illa vera & hæc falsa quæ contradicuntur: & hoc memini. Aliterque nunc video discernere me ista, aliter autem memini sæpe me discrevisse cum ea sæpe cogitarem. Ergo & intellexisse me sæpius ista memini; & quod nunc discerno & intelligo, recondo in memoria, ut postea me nunc intellexisse meminerim. Ergo & meminisse me memini, sicut postea quod hæc reminisci nunc potui si recordabor, utique per vim memoriæ recordabor.

Quomodo
memoria
continet
affectus
animi.

21. **A**FFECTIONES quoque animi mei eadem memoria continet, non illo modo quo eas habet ipse animus cum patitur eas; sed alio multum diverso; sicut sese habet vis memoriæ. Nam & lætatum me fuisse reminiscor non lætus; & tristitiam meam præteritam recordor non tristis; & me aliquando timuisse recolo sine timore; & pristinæ cupiditatis sine cupiditate sum memor: aliquando e contrario tristitiam meam transactam lætus reminiscor, & tristis lætitiā.* Quod

Tom. I.

CAPUT
XIV.
Læta

* Ita meliores MSS. & sic legendum esse probat quod sequitur; neque enim est alia regio eorum, ex qua scilicet cogi possint. Quare

A mirandum non est de corpore: aliud enim animus, aliud corpus. Itaque si præteritum dolorem corporis gaudens memini, non ita mirum est. Hic vero cum animus sit etiam ipsa memoria. Nam & cum mandamus aliquid ut memoriter habeatur, dicimus: Vide ut illud in animo habeas. Et cum obliviscimur, dicimus: Non fuit in animo. Et, Elapsum est animo: ipsam memoriam vocantes animum. Cum ergo ita sit, quid est hoc quod cum tristitiam meam præteritam lætus memini, animus habet lætitiā, & memoria tristitiā; lætusque est animus ex eo quod inest ei lætitiā, memoria vero ex eo quod inest ei tristitiā tristis non est? Num forte non pertinet ad animum? Quis hoc dixerit? Nimirum ergo memoria quasi venter est animi, lætitiā vero atque tristitiā quasi cibus dulcis & amarus: cum memoriæ commendantur quasi trajecta in ventrem recondi illic possunt, sapere non possunt. Ridiculum est hæc illis similia putare, nec tamen sunt omni modo dissimilia.

22. Sed ecce de memoria profero, cum dico quatuor esse perturbationes animi, cupiditatem, lætitiā, metum, tristitiā: & quidquid de his disputare potuero, dividendo singula per species sui cuiusque generis & definiendo, ibi invenio quid dicam, atque inde profero: nec tamen ulla earum perturbatione perturbor, cum eas reminiscendo commemoro; & ante quam recolentur a me & retractarentur ibi erant, propterea inde per recordationem potuere depromi. Forte ergo, sicut de ventre cibus ruminando, sic ista de memoria recordando proferuntur. Cur igitur in ore cogitationis non sentitur a disputante, hoc est a reminiscente, lætitiæ dulcedo vel amaritudo mæstitiæ? An in hoc dissimile est, quod non undique simile est? Quis enim talia volens loqueretur, si quoties tristitiā metumve nominamus, toties mærare vel timere cogeremur? Et tamen non ea loqueremur, nisi in memoria nostra non tantum sonos nominum secundum imagines impressas b a sensibus corporis, sed etiam rerum ipsarum notiones inveniremus, quas nulla janua carnis accepimus, sed eas ipse animus per experientiam passionum suarum sentiens memoriæ commendavit, aut ipsa sibi hæc etiam non commendata retinuit.

23. **S**ED utrum per imagines, an non, quis facile dixerit? Nomino quippe lapidem, nomino solem, cum res ipsæ non adsunt sensibus meis, in memoria sane mea præsto sunt imagines earum. Nomino dolorem corporis, nec mihi adest dum nihil dolet; nisi tamen adesset imago ejus in memoria mea nescirem quid dicerem, nec eum in disputando a voluptate discernere. Nomino salutem corporis cum salvus sum corpore: adest mihi quidem res ipsa; verumtamen nisi & imago ejus inesset in memoria mea, nullo modo recordarer quid hujus nominis significaret sonus. Nec ægrotantes agnoscerent salute nominata quid esset dictum, nisi eadem imago vi memoriæ teneretur, quamvis ipsa res abesset a corpore. Nomino numeros quibus numeramus, & adsunt in memoria mea non imagines eorum, sed ipsi. Nomino imaginem solis, & hæc adest in memoria mea: neque enim imaginem imaginis ejus, sed ipsam recolo: ipsa mihi reminiscenti præsto est. Nomino memoriam, & agnosco quod nomino. Et ubi agnosco nisi in ipsa memoria? Num

H 3 & ip-

emendandi editi qui habent, & in idem, vel, & ibidem.

b In prius editis, impressas sensibus. at in MSS. a sensibus.

nonlati
quomodo
re-
corda-
mur.

CAPUT
XV.
Etiam
quæ ab-
sunt
memi-
nimus.

& ipsa per imaginem suam sibi adest, ac non per se ipsam?

CAPUT
XVI.
Et obli-
vionis
memo-
ria est.

24. **Q**UID cum oblivionem nomino, atque itidem agnosco quod nomino, unde agnoscerem nisi meminissem? Non eundem sonum nominis dico, sed rem quam significat, quam si oblitus essem, quid ille valeret sonus agnoscere utique non valerem. Ergo cum memoriam memini, per se ipsam sibi præsto est ipsa memoria: cum vero memini oblivionem, & memoria præsto est & oblitio, memoria qua meminerim, oblitio quam meminerim. Sed quid est oblitio, nisi privatio memoriæ? Quomodo ergo adest ut eam meminerim, quando cum adest meminisse non possum? At si quod meminimus memoria retinemus; oblivionem autem nisi meminissemus, nequaquam possemus audito isto nomine, rem quæ illo significatur agnoscere, memoria retinetur oblitio. Adest ergo ne obliviscamur, quæ cum adest obliviscimur. An ex hoc intelligitur non per se ipsam inesse memoriæ cum eam meminimus, sed per imaginem suam? quia si per se ipsam præsto esset oblitio, non ut meminissemus, sed ut oblivisceremur efficeret. Et hoc quis tandem indagabit, quis comprehendet quomodo sit?

25. Ego certe, Domine, laboro hic, & laboro in me ipso; factus sum mihi terra difficultatis, & sudoris nimii. Neque enim nunc scrutamur plagas cæli, aut siderum intervalla demetimur, vel terræ libramenta quærimus, ego sum qui memini, ego animus. Non ita mirum, si a me longe est quidquid ego non sum. Quid autem propinquius me ipso mihi? Et ecce memoriæ meæ vis non comprehenditur a me, cum ipsum me non dicam præter illam. Quid enim dicturus sum, quando mihi certum est meminisse me oblivionem? An dicturus sum non esse in memoria mea quod memini? An dicturus sum ad hoc inesse oblivionem in memoria mea, ut non obliviscar? utrumque absurdissimum est. Quid illud tertium, quo pacto dicam imaginem oblivionis teneri memoria mea, non ipsam oblivionem cum eam memini? Quo pacto & hoc dicam, quando quidem cum imprimitur rei cuiusque imago in memoria, prius necesse est ut adsit res ipsa unde illa imago possit imprimi? Sic enim Carthaginis memini, sic omnium locorum quibus interfui, sic facies hominum quas vidi, & ceterorum sensuum nuntiata, sic ipsius corporis salutem, sive dolorem. Cum præsto essent ista, cepit ab eis imagines memoria, quas intuerer præsentem, & retractarem animo cum illa & absentia reminiscerem. Si ergo per imaginem suam non per se ipsam in memoria tenetur oblitio, ipsa utique aderat ut ejus imago caperetur. Cum autem adesset, quomodo imaginem suam in memoria conscribebat, quando id etiam quod jam notatum invenit, præsentia sua delet oblitio? Et tamen quocumque modo, licet sit modus iste incomprehensibilis & inexplicabilis, etiam ipsam oblivionem meminisse me certus sum, qua id quod meminerimus obruitur.

CAPUT
XVII.
Magna
memo-
ria vis,
sed ultra
progre-
diendum
ut
adtinga-
tur Deus.

26. **M**AGNA vis est memoriæ, nescio quid horrendum, Deus meus, profunda & infinita multiplicitas; & hoc animus est, & hoc ego ipse sum. Quid ergo sum, Deus meus? Quæ natura sum? Varia, multimoda vita, & immensa vehementer. Ecce in memoriæ meæ campis & antris & cavernis innumerabilibus, atque innumerabiliter plenis innumerabilium rerum generibus, sive per imagines, sicut omnium cor-

porum; sive per præsentiam, sicut artium; sive per nescio quas notiones vel notationes, sicut affectionum animi, quas & cum animus non patitur, memoria tenet, cum in animo sit quidquid est in memoria. Per hæc omnia discuro & volito; hac illac penetro etiam quantum possum, & finis nusquam; tanta vis est memoriæ, tanta vitæ vis est in homine vivente mortaliter. Quid igitur agam, tu vera mea vita Deus meus? Transibo & hanc vim meam quæ memoria vocatur, transibo eam ut pertendam ad te dulce lumen. Quid dicis mihi?

B Ecce ego adscendens per animum meum ad te qui desuper mihi manes. Transibo & istam vim meam, quæ memoria vocatur, volens te attingere unde attingi potes, & inhærere tibi unde inhærere tibi potest. Habent enim memoriam & pecora & aves, alioquin non cubilia nidove repeterent, non alia multa quibus assuescunt, neque enim & assuescere valerent ullis rebus nisi per memoriam. Transibo ergo & memoriam, ut attingam eum qui separavit me a quadrupedibus, & volatilibus cæli sapientiores me fecit. Transibo & memoriam, & ubi te inveniam vere bona & sicura suavitas? Et ubi te inveniam? * Si præter memoriam meam te invenio, immemor tui sum. Et quomodo jam inveniam te, si memor non sum tui?

27. **P**ERDIDERAT enim mulier drachmam, & quæsit eam cum lucerna, & nisi memor ejus esset, non inveniret eam. Cum enim esset inventa, unde sciret utrum ipsa esset, si memor ejus non esset? Multa memini me perditam quæsisse atque invenisse. Inde istud scio, quia cum quærerem aliquid eorum, & diceretur mihi, num forte hoc est, num forte illud? tamdiu dicebam, Non est, donec id offerretur quod quærebam. Cujus nisi memor essem, quidquid illud esset, etiam si mihi offerretur non invenirem, quia non agnoscerem. Et semper ita fit, cum aliquid perditum quærimus & invenimus. Verumtamen si forte aliquid ab oculis perit, non a memoria, veluti corpus quodlibet visibile, tenetur intus imago ejus, & quæritur donec reddatur ad spectui. Quod cum inventum fuerit, ex imagine quæ intus est recognoscitur. Nec invenisse nos dicimus quod perierat, si non agnoscimus; nec agnoscere possumus, si non meminimus: sed hoc perierat quidem oculis, memoria tenebatur.

28. **Q**UID cum ipsa memoria perdit aliquid, sicut fit cum obliviscimur, & quærimus ut recordemur? Ubi tandem quærimus, nisi in ipsa memoria? Et ibi si aliud pro alio forte offeratur, respuimus, donec illud occurrat quod quærimus; & cum occurrit dicimus, Hoc est, quod non diceremus nisi agnosceremus, nec agnosceremus nisi meminissemus. Certe ergo obliti fuimus. An non totum exciderat, sed ex parte qua tenebatur pars alia quærebat, quia sentiebat se memoria non simul volvere quod simul solebat, & quasi detruncata consuetudine claudicans, reddi quod deerat flagitabat? Tamquam si homo notus sive conspiciatur oculis, sive cogitetur, & nomen ejus obliti requiramus, quidquid aliud occurrerit non connectitur: quia non cum illo cogitari consuevit, ideoque respuitur, donec illud adsit, ubi simul assuefacta notitia non inæqualiter adquiescat. Et unde adest, nisi ex ipsa memoria? Nam & cum ab alio commoniti recognoscimus, inde adest. Non enim quasi novum credimus, sed recordantes approbamus hoc esse quod dictum est. Si autem penitus aboleatur

CAPUT
XVIII.
Non in-
venire-
tur ea res
quæ ex-
cidit, nisi
memo-
ria tene-
retur.

CAPUT
XIX.
Quid sit
remini-
sci.

ex animo, nec admoniti reminiscimur. Neque enim omnimodo adhuc obliti sumus, quod vel oblitos nos esse meminimus. Hoc ergo nec amissum quærere poterimus, quod omnino obliti fuerimus.

CAPUT
XX.
ut beatitudinem
omnes appetant, oportet eam non veriri.

29. **Q**UOMODO ergo te quæro, Domine? Cum enim te Deum meum quæro, vitam beatam quæro. Quæram te, ut vivat anima mea. Vivit enim corpus meum de anima mea, & vivit anima mea de te. Quomodo ergo quæro vitam beatam? quia non est mihi donec dicam: Sat est, illic ubi oportet ut dicam? Quomodo eam quæro? Utrum per recordationem tamquam eam oblitus sim, oblitumque me esse adhuc teneam; an per appetitum discendi incognitam, five quam numquam scierim, five quam sic oblitus fuerim ut me nec oblitum esse meminerim? Nonne ipsa est beata vita quam omnes volunt, & omnino qui nolit nemo est? Ubi noverunt eam, quod sic volunt eam? Ubi viderunt, ut amarent eam? Nimirum habemus eam nescio quomodo. Et est alius quidam modus, quo quisque cum habet eam, tunc beatus est: & sunt qui spe beati sunt. Inferiore modo isti habent eam quam illi qui jam re ipsa beati sunt, sed tamen meliores quam illi qui nec re nec spe beati sunt. Qui tamen etiam ipsi nisi aliquo modo haberent eam, non ita vellent beati esse, quod eos velle certissimum est. Nescio quomodo noverunt eam, ideoque habent eam in nescio qua noticia, de qua satago utrum in memoria sit: quia si ibi est, jam beati fuimus aliquando; utrum singillatim omnes, an in illo homine qui primus peccavit, in quo & omnes mortui sumus, & de quo omnes cum miseria nati sumus, non quæro nunc, sed quæro utrum in memoria sit beata vita. Neque enim amaremus eam nisi nossemus. Audimus nomen hoc, & rem ipsam omnes nos appetere fatemur. non enim sono delectamur. Nam hoc cum latine audit Græcus, non delectatur, quia ignorat quid dictum sit: nos autem delectamur, sicut etiam ille si græce hoc audierit: quoniam res ipsa nec græca nec latina est, cui adipiscendæ Græci Latini-que inhiant, ceterarumque linguarum homines. Nota est igitur omnibus, qui una voce si interrogari possent, utrum beati esse vellent, sine ulla dubitatione, velle responderent. Quod non fieret, nisi res ipsa cuius hoc nomen est eorum memoria teneretur.

CAPUT
XXI.
Quomodo memoria beatam vitam continet.

30. **N**UMQUID ita ut meminit Carthaginem qui vidit? Non. Vita enim beata non videtur oculis, quia non est corpus. Numquid sicut meminimus numeros? Non. Hos enim qui habet in noticia, non adhuc quærit adipisci: vitam vero beatam habemus in noticia, ideoque amamus eam, & tamen adhuc adipisci eam volumus ut beati simus. Numquid sicut meminimus eloquentiam? Non. Quamvis enim hoc nomine audito recordentur ipsam rem, qui etiam nondum sunt eloquentes, multique esse cupiant, unde apparet eam esse in eorum noticia; tamen per corporis sensus alios eloquentes animadverterunt & delectati sunt, & hoc esse desiderant: (quamquam nisi ex a interiore noticia non delectarentur, neque hoc esse vellent nisi delectarentur:) beatam vero vitam nullo sensu corporis in aliis experimur. Numquid sicut meminimus gaudium? Fortasse ita. Nam gaudium meum etiam tristis memini, sicut vitam beatam miser: neque umquam corporis sensu gaudium meum vel vidi, vel audivi, vel odoratus sum, vel gustavi, vel tetigi, sed

A expertus sum in animo meo quando lætatus sum; & adhæsit ejus noticia memoriæ meæ, ut id reminisci valeam aliquando cum aspernatione, aliquando cum desiderio, pro earum rerum diversitate de quibus me gavissimum esse memini. Nam & de turpibus gaudio quodam perfusus sum, quod nunc recordans detestor atque execror: aliquando de bonis & honestis, quod desiderans recolo, tametsi forte non adsunt, & ideo tristis gaudium pristinum recolo.

31. **U**bi ergo & quando expertus sum vitam meam beatam ut recorder eam, & amem & desiderem? Nec ego tantum, aut cum paucis, sed beati prorsus omnes esse volumus. Quod nisi certa noticia nossemus, non tam certa voluntate vellemus. Sed quid est hoc quod si quærat a duobus, utrum militare velint, fieri posset ut alter eorum velle se, alter nolle respondeat? Si autem ab eis quærat, utrum beati esse velint, fieri possit, ut uterque statim se sine ulla dubitatione dicat optare; nec ob aliud velit ille militare, nec ob aliud iste nolit, nisi ut beati sint? Nam forte quoniam alius hinc, alius inde gaudet: ita se omnes beatos esse velle consonant, quemadmodum consonarent si hoc interrogarentur se velle gaudere, atque ipsum gaudium vitam beatam vocant? Quod & si alius hinc, alius illinc assequitur, unum est tamen quo pervenire omnes nituntur ut gaudeant. Quæ quoniam res est quam se expertum non esse nemo potest dicere, propterea reperta in memoria recognoscitur, quando beatæ vitæ nomen auditur.

32. **A**BSIT Domine, absit a corde servi tui, qui confitetur tibi: absit ut quocumque gaudio gaudeam, beatum me putem. Est enim gaudium quod non datur impiis, sed eis qui te gratis colunt, quorum gaudium tu ipse es. **ET IPSA EST BEATA VITA** gaudere ad te, de te, propter te, ipsa est & non est altera. Qui autem aliam putant esse, aliud sectantur gaudium, neque ipsum verum. Ab aliqua tamen imagine gaudii voluntas eorum non avertitur.

33. **N**ON ergo certum est quod omnes esse beati volunt, quoniam qui non de te gaudere volunt, quæ sola vita beata est, non utique vitam beatam volunt. An omnes hoc volunt? Sed quoniam caro concupiscit adversus spiritum, & spiritus adversus carnem ut non faciant quod volunt, cadunt in id quod valent, eoque contenti sunt: quia illud quod non valent, non tantum volunt, quantum sat est ut valeant. Nam quæro ab omnibus utrum malint de veritate quam de falsitate gaudere: tam non dubitant dicere de veritate se malle, quam non dubitant dicere beatos esse se velle. **BEATA** quippe vita est gaudium de veritate. Hoc est enim gaudium de te qui veritas es, Deus illuminatio mea, salus faciei meæ Deus meus. Hanc vitam beatam omnes volunt, hanc vitam quæ sola beata est omnes volunt, gaudium de veritate omnes volunt. Multos expertus sum qui vellent fallere, qui autem falli neminem. Ubi ergo noverunt hanc vitam beatam, nisi ubi noverunt etiam veritatem? Amant enim & ipsam quia falli noliunt. Et cum amant beatam vitam quod non est aliud quam de veritate gaudium, utique amant etiam veritatem: nec amarent nisi esset aliqua noticia ejus in memoria eorum. Cur ergo non de illa gaudent? cur non beati sunt? Quia fortius occupantur in aliis quæ potius

CAPUT
XXII.
Beata vita quæ & ubi.

CAPUT
XXIII.
Item profectur quæ sit beata vita & ubi.

tius eos faciunt miseros, quam illud beatos quod tenuiter meminerunt. Adhuc enim modicum lumen est in hominibus, ambulent, ambulent, ne eos tenebræ comprehendant.

34. Cur autem veritas parit odium, & inimicus eis factus est homo tuus verum prædicans, cum ametur beata vita, quæ non est nisi gaudium de veritate: nisi quia SIC AMATUR veritas, ut quicumque aliud amant, hoc quod amant velint esse veritatem: & quia falli nolunt, nolunt convinci quod falsi sint? Itaque propter eam rem oderunt veritatem quam pro veritate amant. AMANT eam lucentem, oderunt eam redargentem. Quia enim falli nolunt & fallere volunt, amant eam cum se ipsa indicat, & oderunt eam cum eos ipsos a indicat. Inde retribuet eis, ut qui se ab ea manifestari nolunt, & eos nolentes manifestet, & eis ipsa non sit manifesta. Sic sic etiam, sic animus humanus etiam, sic cæcus & languidus, turpis atque indecens latere vult, se autem ut lateat aliquid non vult. Contra illi redditur ut ipse non lateat veritatem, ipsum autem veritas lateat. Tamen etiam sic dum miser est, veris mavult gaudere quam falsis. BEATUS ergo erit, si nulla interpellante molestia, de ipsa per quam vera sunt omnia, sola veritate gaudebit.

CAPUT
XXIV.
Gratula-
tur quod
sua in
memo-
ria Deus
locum
habeat.

CAPUT
XXV.
In quo
memo-
ria gra-
du repe-
riatur
Deus.

CAPUT
XXVI.
ubi in-
venitur
Deus.

35. ECCE quantum spatatus sum in memoria mea, quærens te Domine, & non te inveni extra eam. Neque enim aliquid de te inveni quod non meminisssem ex quo didici te. Nam ex quo didici te, non sum oblitus tui. Ubi enim inveni veritatem, ibi inveni Deum meum ipsam veritatem, quam ex quo didici non sum oblitus. Itaque ex quo didici te, manes in memoria mea, & illic te inveni, cum reminiscor tui & delector in te. Hæ sunt sanctæ delitiæ meæ, quas donasti mihi misericordia tua respiciens paupertatem meam.

36. SED ubi manes in memoria mea, Domine, ubi illic manes? Quale cubile fabricasti illic tibi? Quale b sanctuarium ædificasti tibi? Tu dedisti hanc dignationem memoriæ meæ ut maneam in ea; sed in qua ejus parte maneam hoc considero. Transcendi enim partes ejus, quas habent & bestię, cum te recorderer; quia non ibi te inveniebam inter imagines rerum corporalium: & veni ad partes ejus, ubi commendavi actiones animi mei; nec illic inveni te: & intravi ad ipsius animi mei sedem, quæ illi est in memoria mea, quoniam sui quoque meminit animus; nec ibi tu eras: quia sicut non es imago corporalis, nec affectio viventis, qualis est cum lætamur, contristamur, cupimus, metuemus, meminimus, obliviscimur, & quidquid hujusmodi est: ita nec ipse animus est; quia Dominus Deus animi tu es, & commutantur hæc omnia, tu autem incommutabilis manes super omnia, & dignatus es habitare in memoria mea ex quo te didici. Et quid quæro quo loco ejus habites? quasi vero loca ibi sint. Habitas certe in ea, quoniam tui meministi ex quo te didici, & in ea te inveni cum recordor te.

37. UBI ergo te inveni ut discerem te? Neque enim jam eras in memoria mea prius quam te discerem. Ubi ergo inveni te ut discerem te, nisi in te supra me? Et nusquam locus, & recedimus, & accedimus, & nusquam locus. UBIQUE VERITAS præfides omnibus consulentibus te, simulque respondes omnibus etiam

A diversa consulentibus. Liquide tu respondes, sed non liquide omnes audiunt. Omnes unde volunt consulunt; sed non semper quod volunt audiunt. OPTIMUS minister tuus est, qui non magis intuetur hoc a te audire quod ipse voluerit, sed potius hoc velle quod a te audierit.

38. SERO te amavi, pulcritudo tam antiqua & tam nova, sero te amavi. Et ecce intus eras, & ego foris, & ibi te quærebam; & in ista formosa quæ fecisti deformis irruebam. Mecum eras, & tecum non eram. Ea me tenebant longe a te, quæ si in te non essent, non essent. Vocasti, & clamasti, & rupisti surditatem meam. Coruscasti, splendui, & fugasti cecitatem meam. Fragasti, & duxi spiritum, & anhele tibi. Gustavi, & esurio, & sitio. Tetigisti me, & exarsi in pacem tuam.

39. CUM inhæsero tibi ex omni me, nusquam erit mihi dolor & labor; & viva erit vita mea, tota plena te. Nunc autem quoniam quem tu imple, sublevas eum, quoniam tui plenus non sum, oneri mihi sum. Contendunt lætitiæ meæ flendæ cum lætandis mæroribus; & ex qua parte stet victoria nescio. Hei mihi, Domine, miserere mei. Contendunt mærores mei mali cum gaudiis bonis; & ex qua parte stet victoria nescio. Hei mihi, Domine, miserere mei: hei mihi. Ecce vulnera mea non abscondo. Medicus es, æger sum: misericors es, miser sum. Numquid non tentatio est vita humana super terram? Quis velit molestias & difficultates? Tolerari jubes eas, non amari. Nemo quod tolerat amat, & si tolerare amat. Quamvis enim gaudeat se tolerare, mavult tamen non esse quod toleret. Prospera in adversis desidero, adversa in prosperis timeo. Quis inter hæc medius locus, ubi non sit c humana vita tentatio. Væ prosperitatibus sæculi, & semel & iterum, a timore adversitatis, & a corruptione lætitiæ. Væ adversitatibus sæculi semel & iterum & tertio, a desiderio prosperitatis, & quia ipsa adversitas dura est, & naufragat tolerantia. Numquid non tentatio est vita humana super terram sine ullo interstitio?

40. ET tota spes mea non nisi in magna valde misericordia tua. DA QUOD JUBES, & jube quod vis. Imperas nobis continentiam. Et cum scirem, ait quidam, quia nemo potest esse continens nisi Deus det: & hoc ipsum erat sapientiæ scire cujus esset hoc donum. Per continentiam quippe colligimur & redigimur in unum, a quo in multa defluximus. MINUS enim TE AMAT qui tecum aliquid amat quod non propter te amat. O AMOR qui semper ardes & nunquam exstingueris, caritas Deus meus, accende me. Continentiam jubes. Da quod jubes, & jube quod vis.

41. JUBES certe ut contineam a concupiscentia carnis, & concupiscentia oculorum, & ambitione sæculi. Jussisti a concubitu; & de ipso conjugio melius aliquid quam concessisti monuisti. Et quoniam dedisti, factum est & ante quam dispensator Sacramenti tui fierem. Sed adhuc vivunt in memoria mea, de qua multa locutus sum, talium rerum imagines, quas ibi consuetudo mea fixit; & occurrant mihi vigilantique quidem carentes viribus, in somnis autem non solum usque ad delectationem, sed etiam usque ad consensionem factumque simillimum. Et tantum valet imaginis illusio in anima mea & in carne mea, ut dormienti falsa visa

CAPUT
XXVII.
Quomo-
do ho-
minem
rapiat
Dei pul-
critudo.

CAPUT
XXVIII.
Miseria
hujus
vitæ.

CAPUT
XXIX.
In Deo
spes to-
ta.

CAPUT
XXX.
Confite-
tur ut se
habet ad
tentatio-
nes car-
nalis li-
bidinis.

a Lov. eos ipsos judicat.

b In MSS. aliquot, sacrarium.

c Bad. Am. Er. & Lov. humana vita tentatio.

d Bad. & plures e vetustioribus MSS. habent, & ne frangat tolerantiam.

persuadeant quod vigilanti vera non possunt. Numquid tunc ego non sum, Domine Deus meus? Et tamen tantum interest inter me ipsum & me ipsum, intra momentum quo hinc ad soporem transeo, vel huc inde retransseo. Ubi est tunc ratio, quæ talibus suggestionibus resistit vigilans? Et si res ipsæ ingerantur inconcusus maneo. Numquid clauditur cum oculis? numquid sopitur cum sensibus corporis? Et unde sæpe etiam in somnis resistimus, nostrique propositi memores, atque in eo castissime permanentes, nullum talibus illecebris adhibemus assensum? Et tamen tantum interest, ut cum aliter accidit, evigilantes ad conscientiae requiem redeamus; ipsaque distantia reperiamus nos non fecisse, quod tamen in nobis quoquo modo factum esse doleamus.

42. Numquid non potense est manus tua, Deus omnipotens, sanare omnes languores animæ meæ, atque abundantiore gratia tua lascivos motus etiam mei soporis extinguere? Augebis, Domine, magis magisque in me munera tua, ut anima mea sequatur me ad te concupiscentiæ visco expedita, ut non sit rebellis sibi, atque ut in somnis etiam non solum non perpetret istas corruptelarum turpitudines per imagines animales usque ad carnis fluxum, sed ne consentiat quidem. Nam ut nihil tale vel tantillum libeat quantum possit nutu cohiberi etiam in casto dormientis affectu, non tantum in hac vita, sed etiam in hac ætate, non magnum est omnipotenti, qui vales facere supra quam petimus & intelligimus. Nunc tamen quid adhuc sim in hoc genere mali mei, dixi Domino bono meo, exultans cum tremore in eo quod donasti mihi, & lugens in eo quod inconsummatus sum, sperans perfecturum te in me: misericordias tuas usque ad pacem plenariam, quam tecum habebunt interiora & exteriora mea, cum absorpta fuerit mors in victoriam.

CAPIT
XXXI.
Ut se ge-
rit ad
tentationes
gulae.

43. **E**ST alia malitia diei, quæ utinam sufficiat ei. Reficimus enim quotidianas ruinas corporis edendo & bibendo, priusquam escas & ventrem destruas, cum occideris indigentiam meam satietate mirifica, & corruptibile hoc indueris incorruptione sempiterna. Nunc autem suavis est mihi necessitas; & adversus istam suavitatem pugno ne capiar; & quotidianum bellum gero in jejuniis sæpius in servitutem redigens corpus meum; & dolores mei voluptate pelluntur. Nam fames & sitis quidam dolores sunt: urunt & sicut febris necant, nisi alimentorum medicina succurrat. Quæ quoniam præsto est, ex consolatione munerum tuorum, in quibus nostræ infirmitati terra & aqua & cælum serviunt, calamitas deliciæ vocantur.

44. Hoc me docuisti ut QUEMADMODUM medicamenta, sic alimenta sumturus accedam. Sed dum ad quietem satietatis ex indigentiae molestia transeo, in ipso transitu mihi insidiatur laqueus concupiscentiæ. Ipse enim transitus voluptas est, & non est alius qua transeat quo a transire cogit necessitas: Et cum salus sit causa edendi & bibendi, adjungit se tamquam pedissequa periculosa jocunditas, & plerumque præire conatur, ut ejus causa fiat, quod salutis causa me facere vel dico vel volo; nec idem modus utriusque est. Nam quod saluti fatis est, delectationi parum est. Et sæpe incertum fit utrum adhuc necessaria corporis cura subsidium petat, an voluptaria cupiditatis fallacia ministerium suppetat. Ad hoc incertum hilarescit in-

A felix anima, & in eo præparat excusationis patrocini-um, gaudens non apparere quid satis sit moderationi valetudinis, ut obtentu salutis obumbret negotium voluptatis. His tentationibus quotidie conor resistere, & invoco dexteram tuam ad salutem meam, & ad te refero æstus meos, quia consilium mihi de hac re nondum stat.

45. Audio vocem jubentis Dei mei: *Non graventur corda vestra in crapula & ebrietate*. Ebrietas longe est a me; misereberis ne appropinquet mihi. Crapula

Luca 21.
34.

B autem nonnumquam subrepat servo tuo: misereberis ut longe fiat a me. Nemo enim potest esse continens, nisi tu des. Multa nobis orantibus tribuis; & quidquid boni antequam orarem accepimus, a te accepimus; & ut hoc postea cognosceremus, a te accepimus. Ebriosus numquam fui, sed ebriosos a te sobrios factos, ego novi. Ergo a te factum est ut hoc non essent qui numquam fuerunt, a quo factum est ut hoc non semper essent, qui fuerunt, a quo etiam factum est ut sci-

C tuam: *Post concupiscentias tuas non eas, & a voluntate tua avertere*. Audiui & illam ex munere tuo quam multum amavi: ** Neque si manducaverimus, abundabimus; neque si non manducaverimus, deerit nobis*. Hoc est dicere; nec illa res me copiosum faciet, nec illa ærumnosum. Audiui & alteram: *Ego enim didici in quibus sum sufficiens esse; & abundare novi, & penuriam pati novi*. *Omnia possum in eo qui me confortat*. Ecce miles castrorum cælestium, non pulvis quod nos sumus. Sed memento, Domine, quia pulvis sumus, & de pulvere fecisti hominem, & perierat, & inventus est. Nec ille in se potuit, quia idem pulvis fuit, quem talia dicentem afflatu tuæ inspirationis adamavi. *Omnia possum*, inquit, *in eo qui me confortat*. Conforta me ut possim. Da quod jubes, & jube quod vis. Iste se accepisse confitetur, & quod gloriatur, in Domino gloriatur. Audi-

Ecclesi. 18.
30.

* 1. Cor.
8.8.

Phil. 4.
12.

D vialium rogantem ut accipiat; *Aufer a me*, inquit, *concupiscentias ventris*. Unde apparet, sancte Deus meus, te dare, cum sit quod imperas fieri.

Ibidem.

Ecclesi. 23.
6

46. Docuisti me, Pater bone, *Omnia munda mundis; Sed malum esse homini qui per offensionem manducat; & omnem creaturam tuam bonam esse, nihilque abijciendum quod cum gratiarum actione percipitur*; & quia *esca nos non commendat Deo*; & ut nemo nos judicet in cibo aut in potu; & ut qui manducat non manducantem non spernat; & qui non manducat, manducantem non judicet. Didici hæc, gratias tibi, laudes tibi Deo meo, magistro meo, pulsatori aurium mearum, illustratori cordis mei: eripe me ab omni tentatione. **NON EGO** immunditiam obsonii timeo, sed immunditiam cupiditatis. Scio Noe omne carnis genus quod cibo esset usui manducare permissum; Eliam cibo carnis refectum; Joannem mirabili abstinentia præditum, animalibus, hoc est locustis, in escam cedentibus non fuisse pollutum. Et scio Esau lenticulæ concupiscentia deceptum; & David propter aquæ desiderium a se ipso reprehensum; & Regem nostrum non de carne, sed de pane esse tentatum. Ideoque & populus in eremo, non quia carnes desideravit, sed quia escæ desiderio adversus Dominum murmuravit, meruit improbari.

Rom. 14.
20.

1. Tim. 4.
4.

1. Cor. 3.
8.

Coloss. 2.
16.

Rom. 14.
3.

F 47. In his ergo tentationibus positus, certo quotidie adversus concupiscentiam manducandi & bibendi. Non enim est quod semel præcidere & ulte-

a In omnibus editis ante Arn. legebatur; quam quo transire. expun-

ctum est, quam, auctoritate MSS. & sensu exigente.

ulterius non adtingere decernam: sicut de concubitu potui. Itaque freni gutturis temperata relaxatione & constrictione tenendi sunt. Et quis est, Domine, qui non rapiatur aliquantulum extra metas necessitatis. Quisquis est, magnus est, magnificet nomen tuum. Ego autem non sum, quia peccator homo sum. Sed & ego magnifico nomen tuum; & interpellat te pro peccatis meis qui vicit sæculum; numerans me inter infirma membra corporis sui, quia & imperfectum a ejus viderunt oculi tui, & in libro tuo omnes scribentur.

CAPUT
XXXII.
Ut sege-
rit ad
odorum
illece-
bras.

48. **D**ellecebra odorum non fatago nimis. Cum absunt non requiro, cum adsunt non respuo, paratus etiam eis semper carere. Ita mihi videor; fortasse fallor. Sunt enim & istæ plangendæ tenebræ, in quibus me latet facultas mea quæ in me est, ut animus meus de viribus suis ipse se interrogans non facile sibi credendum existimet, quia & quod inest, plerumque occultum est, nisi experientia manifestetur. Et nemo securus esse debet in ista vita, quæ tota tentatio nominatur, utrum qui fieri potuit ex deteriore melior, non fiat etiam ex meliore deterior. Una spes, una fiducia, una firma promissio, misericordia tua.

CAPUT
XXXIII.
Ut sege-
rit ad
volupta-
tes au-
rium.

49. **V**OLUPTATES aurium tenacius me implicaverant & subjugaverant; sed resolvisti & liberaisti me. Nunc in sonis quos animant eloquia tua, cum suavi & artificiosa voce cantantur, fateor aliquantulum adquiesco, non quidem ut hæream, sed ut surgam cum volo. Attamen cum ipsis sententiis quibus vivunt, ut admittantur ad me quærunt in corde meo nonnullius dignitatis locum, & vix eis præbeo congruentem. Aliquando enim plus mihi videor honoris eis tribuere quam decet, dum ipsis sanctis dictis religiosius & ardentius sentio moveri animos nostros in flammam pietatis, cum ita cantantur, quam si non ita cantarentur; & omnes affectus spiritus nostri pro sui diversitate habere proprios modos in voce atque cantu, quorum nescio qua occulta familiaritate excitentur. Sed delectatio carnis meæ, cui mentem enervandam non oportet dari, sæpe me fallit, dum rationem sensus non ita comitatur ut patienter sit posterior; sed tantum quia propter illam meruit admitti, etiam præcurrere ac ducere conatur. Ita in his pecco non sentiens, sed postea sentio.

50. Aliquando autem hanc ipsam fallaciam immoderatus cavens erro nimia severitate: sed valde interdum, ut melos omne cantilenarum suavium quibus Davidicum psalterium frequentatur, ab auribus meis removeri velim, atque ipsius Ecclesiæ; tutiusque mihi videtur quod de Alexandrino Episcopo Athanasio sæpe mihi dictum commemini, qui tam modico flexu vocis faciebat sonare lectorem psalmi, ut pronuntianti vicinior esset quam canenti. Verumtamen cum reminiscor lacrymas meas quas fudi ad cantus Ecclesiæ tuæ in primordiis recuperatæ fidei meæ, & nunc ipso quod moveor, non cantu, sed rebus quæ cantantur, cum liquida voce & convenientissima modulatione cantantur, magnam instituti hujus utilitatem rursus agnosco. Ita fluctuo inter periculum voluptatis & experimentum salubritatis; magisque adducor, non quidem irretractabilem sententiam proferens, cantandi consuetudinem approbare in Ecclesia; ut per oblectamenta au-

rium infirmior animus in affectum pietatis assurgat. Tamen cum mihi accidit ut me amplius cantus quam res quæ canitur moveat; pœnaliter me peccare confiteor, & tunc mallem non audire cantantem. Ecce ubi sum, flete mecum, & pro me flete, qui aliquid boni vobiscum intus agitis unde facta procedunt. Nam qui non agitis, non vos hæc movent. Tu autem, Domine Deus meus, exaudi, respice, & vide, & miserere, & sana me, in cuius oculis mihi quæstio factus sum, & ipse est languor meus.

51. **R**ESTAT voluptas oculorum istorum carnis meæ de qua loquar confessiones, quas audiant aures templi tui, aures fraternæ ac piæ, ut concludamus tentationes concupiscentiæ carnis, quæ me adhuc pulsant ingemiscientem, & habitaculum meum, quod de cælo est, superindui cupientem. Pulcras formas & varias, nitidos & amœnos colores amant oculi. Non teneant hæc animam meam: teneat eam Deus qui fecit hæc, bona quidem valde; sed ipse est bonum meum, non hæc. Et tangunt me vigilantem totis diebus, nec requies ab eis datur mihi, sicut datur a vocibus canoris, aliquando ab omnibus, in silentio. Ipsa enim regina colorum lux ista perfundens cuncta, quæ cernimus, ubi ubi per diem fuero, multimodo allapsu blanditur mihi aliud agenti, & eam non advertenti. Insinuat autem se ita vehementer, ut si repente subtrahatur, cum desiderio requiratur; & si diu absit, contristat animum.

52. **O** lux quam videbat Tobias, cum clausis oculis istis filium docebat vitæ viam, & ei præibat pede caritatis nusquam errans. Aut quam videbat Isaac prægravatis & opertis senectute carneis luminibus, cum filios non agnoscendo benedicere, sed benedicendo agnoscere meruit. Aut quam videbat Jacob, cum & ipse præ grandi ætate captus oculis, in filiis presignata futuri populi genera luminoso corde radiavit; & nepotibus suis ex Joseph divexas mystice manus, non sicut pater eorum foris corripiebat, sed sicut ipse intus discernebat imposuit. Ipsa est lux, una est, & unum omnes qui vident & amant eam. At ista corporalis de qua loquebar, illecebrosa ac periculosa dulcedine condit vitam sæculi cæcis amatoribus. Qui autem & de ipsa laudare te norunt, Deus Creator omnium, assumunt eam in hymno tuo, non absumuntur ab ea in somno suo: sic esse cupio. Resisto seductionibus oculorum, ne implicentur pedes mei quibus ingredior viam tuam; & erigo ad te invisibiles oculos, ut tu evellas de laqueo pedes meos. Tu subinde evellis eos, nam illaqueantur. Tu non cessas evellere, ego autem crebro hæreo in ubique sparsis insidiis; quoniam non dormies, neque dormitabis, qui custodis Israel.

53. **Q**uam innumerabilia variis artibus & opificiis, in vestibus, calceamentis, vasis, & cujuscumodi fabricationibus, picturis etiam, diversisque figmentis, atque his usum necessarium atque moderatum, & piam significationem longe transgredientibus, addiderunt homines ad illecebras oculorum, foras sequentes quod faciunt, intus relinquentes a quo facti sunt, & exterminantes quod facti sunt. At ego Deus meus & decus meum, etiam hinc dico tibi hymnum, & sacrifico laudem c sacrificatori meo: quoniam pulcra traje-

CAPUT
XXXIV.
Ut sege-
rit ad o-
culorum
illece-
bras.

a Bad. Am. Er. & Lov. *imperfectum meum*. Sed MSS. cum Arn. *imperfectum ejus*, scilicet Christi, ex cujus persona versiculum istum interpretatur Augustinus Enar. in Psal. 138.

b Lov. *hujuscumodi* sed MSS. habent *cujuscumodi*. quo vocabulo fre-

quens utitur Augustinus pro, *qualibuscumque*, idque jam restituimus in hujus libri c. 8. n. 12.

c MSS. & plures editi, *sanctificatori meo*.

Et per animas in manus artificiosas, ab illa pulcritudine veniunt, quæ super animas est, cui suspirat anima mea die ac nocte. Sed pulcritudinum exteriorum operatores & sectatores inde trahunt approbandi modum, non autem inde trahunt utendi modum. Et ibi est, & non vident eum, ut non eant longius, & fortitudinem suam ad te custodiant, nec eam spargant in deliciosas lassitudines. Ego autem hæc loquens atque discernens etiam istis pulcris gressum innecto; sed tu evellis, Domine, evellis tu, quoniam misericordia tua ante oculos meos est. Nam & ego capior miserabiliter, & tu evellis misericorditer; aliquando non sentientem, quia suspensius incideram; aliquando cum dolore, quia jam inhæseram.

CAPUT
XXXV.
Ut se ha-
bet ad
secun-
dum ten-
tationis
genus,
quod est
curiosi-
tatis.

r. Joan.
2. 16.

54. **H**UC accedit alia forma tentationis multiplicius periculosa. Præter eam enim concupiscentiam carnis, quæ inest in delectatione omnium sensuum & voluptatum, cui servientes depereunt, qui longe se faciunt a te, inest animæ per eosdem sensus corporis quædam non se oblectandi in carne, sed experiendi per carnem vana & curiosa cupiditas, nomine cognitionis & scientiæ palliata. Quæ quoniam in appetitu noscendi est, oculi autem sunt ad cognoscendum in sensibus principes, concupiscentia oculorum eloquio divino appellata est. Ad oculos enim proprie videre pertinet. Utimur autem hoc verbo etiam in ceteris sensibus, cum eos ad cognoscendum intendimus. Neque enim dicimus: Audi quid rutillet; aut, Olfac quam niteat; aut, Gusta quam splendeat; aut, Palpa quam fulgeat: videri enim dicuntur hæc omnia. Dicimus autem non solum, Vide quid luceat, quod soli oculi sentire possunt; sed etiam, Vide quid sonet; Vide quid oleat; Vide quid sapiat; Vide quam durum sit. Ideoque generalis experientia sensuum concupiscentia (sicut dictum est) oculorum vocatur, quia vivendi officium in quo primatum oculi tenent, etiam ceteri sensus sibi de similitudine usurpant, cum aliquid cognitionis explorant.

55. Ex hoc autem evidentius discernitur quid voluptatis, quid curiositatis agatur per sensus; quod voluptas pulchra, canora, suavia, sapida, lenia sectatur: curiositas autem etiam his contraria tentandi causa, non ad subeundam molestiam, sed experiendi noscendique libidine. Quid enim voluptatis habet videre in laniato cadavere quod exhorreas; & tamen sicubi jaceat, concurrunt ut contristentur, ut palleant. Timent etiam ne in somnis hoc videant; quasi quisquam eos vigilantes videre coegerit, aut pulcritudinis ulla fama persuaserit. Ita & in ceteris sensibus, quæ persequi longum est. Ex hoc morbo cupiditatis in speculaculis exhibentur quæque miracula. Hinc ad perscrutanda naturæ^a (quæ præter nos est) operta proceditur, quæ scire nihil prodest, & nihil aliud quam scire homines cupiunt. Hinc etiam, si quid eodem perversæ scientiæ fine per artes magicas quæritur. Hinc etiam in ipsa religione Deus tentatur, cum signa & prodigia flagitantur, non ad aliquam salutem; sed ad solam experientiam desiderata.

56. In hac^b tam immensa silva plena insidiarum & periculorum, ecce multa præciderim & a meo corde dispulerim, sicuti donasti me facere, Deus salutis meæ: attamen quando audeo dicere, cum circumquaque quotidianam vitam nostram tam multa hujus ge-

neris rerum circumstrepant, quando audeo dicere nulla re tali me intentum fieri ad spectandum, & vana cura capiendum? Sane me jam theatra non rapiunt, nec curo nosse transitus siderum, nec anima mea umquam responsa quæsitit umbrarum; omnia sacrilega sacramenta detestor. A te, Domine Deus meus, cui humilem famulatum ac simplicem debeo, quantis mecum suggestionum machinationibus agit inimicus ut signum aliquod petam? Sed obsecro te per Regem nostrum, & patriam Jerusalem, simplicem, castam, ut quemadmodum a me longe est ista consensio, ita sit semper longe atque longius. Pro salute autem cujusquam cum te rogo, alius multum differens finis est intentionis meæ, & te facientem quod vis das mihi, & dabis libenter sequi.

57. Verumtamen in quam multis minutissimis & contemtibilibus rebus curiositas quotidie nostra tentatur, & quam sæpe labamur, quis enumerat? Quoties narrantes inania, primo quasi toleramus ne offendamus infirmos, deinde paulatim libenter advertimus. Cnem currentem post leporem jam non specto cum in circo sit: at vero in agro si casu transeam, avertit me fortassis, & ab aliqua magna cogitatione, atque ad se convertit illa venatio, non deviare cogens corpore jumenti, sed cordis inclinatione. Et nisi jam mihi demonstrata infirmitate mea, cito admoneas, aut ex ipsa visione per aliquam considerationem in te assurgere, aut totum contemnere atque transire, vanus hebesco. Quid cum me domi sedentem stellio muscas captans, vel aranea retibus suis irruentes implicans, sæpe intentum facit? Num quia parva sunt animalia, ideo non res eadem geritur? Pergo inde ad laudandum te creatorem mirificum atque ordinatorem rerum omnium, sed non inde intentus esse incipio. Aliud est cito surgere, aliud est non cadere. Et talibus vita mea plena est, & una spes mea magna valde misericordia tua. Cum enim hujusmodi rerum conceptaculum sit cor nostrum, & portat copiosæ vanitatis catervas, hinc & orationes nostræ sæpe interrumpuntur atque turbantur, & ante conspectum tuum dum ad aures tuas vocem cordis intendimus, nescio unde irruentibus nugatoriis cogitationibus res tanta præciditur.

58. **N**UMQUID etiam hoc inter contemnenda deputabimus, aut aliquid nos reducet in spem nisi cuncta misericordia tua, quoniam cœpisti mutare nos? Et tu scis quanta ex parte mutaveris, qui me primitus sanas a libidine vindicandi me, ut propitius fias etiam ceteris omnibus iniquitatibus meis, & sanes omnes languores meos, & redimas de corruptione vitam meam, & coronas me in miseratione & misericordia, & saties in bonis desiderium meum; qui compressisti a timore tuo superbiam meam, & mansuescisti iugo tuo cervicem meam. Et nunc porto illud, & lene est mihi, quoniam sic promissisti & fecisti; & vere sic erat, & nesciebam quando id subire metuebam. Sed numquid, Domine qui solus sine typho dominaris, quia solus verus Dominus es qui non habes dominum; numquid hoc quoque tertium tentationis genus cessavit a me, aut cessare in hac tota vita potest?

59. Timeri & amari velle ab hominibus, non propter aliud, sed ut inde sit gaudium quod non est gaudium, misera vita est, & fœda jactantia. Hinc fit vel

CAPUT
XXXVI.
Ut se ha-
bet ad
tertium
tentatio-
nis ge-
nus,
quod est
super-
biæ.

c

^a Ita MSS. cum Arn. At Bad. Am. Er. & Lov. ad perscrutanda naturæ secreta, quæ præter nos est operata, proceditur.

^b Lov. In hac tamen immensa ecce quam multa.

^c MSS. nonnulli cum Arn. nisi nota misericordia tua.

vel maxime non amare te, nec caste timere te. Ideoque tu superbis resistis, humilibus autem das gratiam, & intonas super ambitiones sæculi, & contremunt fundamenta montium. Itaque nobis, quoniam propter quædam humanæ societatis officia necessarium est amari & timeri ab hominibus, instat adversarius veræ beatitudinis nostræ, ubique spargens in laqueis: euge, euge: ut dum avide colligimus, incaute capiamur, & a veritate tua gaudium nostrum deponamus, atque in hominum fallacia ponamus; libeatque nos amari & timeri, non propter te, sed pro te; atque isto modo sui similes factos secum habeat, non ad concordiam caritatis, sed ad consortium supplicii, qui statuit sedem suam ponere in aquilone, ut te perversa & distorta via^a imitanti tenebroso frigidique fervirent. Nos autem, Domine, pusillus grex tuus ecce sumus; tu nos posside. Præterde alas tuas, & fugiamus sub eas. Gloria nostra tu esto; propter te amemur, & verbum tuum timeatur in nobis. **QUI LAUDARI** vult ab hominibus vituperante te, non defendetur ab hominibus judicante te, nec eripietur damnante te. Cum autem non peccator laudatur in desideriis animæ suæ, nec qui iniqua gerit benedicitur, sed laudatur homo propter aliquod donum quod dedisti ei, at ille plus gaudet sibi laudari se, quam ipsum donum habere unde laudatur; etiam iste te vituperante laudatur; & melior jam ille qui laudavit, quam iste qui laudatus est. Illi enim placuit in homine donum Dei; huic amplius placuit donum hominis quam Dei.

CAPUT.
XXXVII.
Ut imo-
vetur
laudibus
humani-
nis.

60. TENTAMUR his tentationibus quotidie, Domine, sine cessatione tentamur. Quotidiana fornax nostra est humana lingua. Imperas nobis & in hoc genere continentiam: DA quod jubes; & iube quod vis. Tu nosti de hac re ad te gemitum cordis mei, & flumina oculorum meorum. Neque enim facile colligo quam sim ab ista peste mundatior, & multum timeo occulta mea quæ norunt oculi tui, mei autem non. Est enim qualiscumque in aliis generibus tentationum mihi facultas explorandi me: in hoc pene nulla est. Nam & a voluptatibus carnis, & a curiositate supervacanea cognoscendi, video quantum affecutus sim posse refrenare animum meum, cum eis rebus careo, vel voluntate, vel cum absunt. Tunc enim me interrogo quam magis minusve mihi molestum sit non habere. Divitiæ vero quæ ob hoc expetuntur ut alicui istarum trium cupiditatum; vel duabus earum, vel omnibus serviant, si persentiscere non potest animus utrum eas habens contemnat, possunt & dimitti ut se probet. Laude vero ut careamus, atque in eo experiamur quid possumus, numquid male vivendum est, & tam perditæ atque immaniter, ut nemo nos noverit qui non detestetur? Quæ major dementia dici aut cogitari potest? At si bonæ vitæ bonorumque operum comes & solet, & debet esse laudatio, tam comitatum ejus, quam ipsam bonam vitam deferri non oportet. Non autem sentio sine quo esse aut æquo animo, aut ægre possim, nisi cum abfuerit.

61. Quid igitur tibi in hoc genere tentationis, Domine, confiteor? Quid? nisi delectari me laudibus; sed

^a Sic legimus in MS. Fossatenfi. At in aliis plerisque habetur, *imitandi*, aut, *imitati*, minus bene ut arbitramur.

^b Lov. *quam tibi*. sed melius antiquiores editiones & MSS. *quam tu*. Hic nimirum id confiteretur quod supra cap. 5. cum diceret: *Mihi sum præsentior quam tibi: & tamen te novi nullo modo posse violari; ego vero quibus tentationibus resistere valeam, quibusve non valeam nescio*.

^c Am. Er. & Lov. *contrahere emendicata suffragia tentat; & cum*

A amplius ipsa veritate quam laudibus? Nam si mihi proponatur, utrum malim furens, aut in omnibus rebus errans, ab omnibus hominibus laudari; an constans, & in veritate certissimus, ab omnibus vituperari, video quid eligam. Verumtamen nollem, ut vel augeter mihi gaudium cujuslibet boni mei suffragatio oris alieni. Sed auget, fateor; non solum, sed & vituperatio minuit. Et cum ista miseria mea perturbor, subintrat mihi excusatio, quæ qualis sit, tu scis Deus, nam me incertum facit. **QUIA** enim nobis imperasti non tantum continentiam, id est a quibus rebus amorem cohibeamus, verum etiam justitiam, id est, quo eum conferamus: nec te tantum voluisti a nobis, verum etiam proximum diligere; sæpe mihi videor de profectu aut spe proximi delectari, cum bene intelligentis laude delector; & rursus ejus malo contristari, cum eum audio vituperare quod aut ignorat, aut bonum est. Nam & contristor aliquando laudibus meis, cum vel ea laudantur in me, in quibus ipse mihi displiceo; vel etiam bona minora & levia pluris æstimantur quam æstimanda sunt. Sed rursus unde scio, an propterea sic afficior, quia nolo de me ipso a me dissentire laudatorem meum; non quia illius utilitate moveor, sed quia eadem bona quæ mihi in me placent, jocundiora mihi sunt cum & alteri placent? Quodam modo enim non ego laudor, cum de me sententia mea non laudatur; quando quidem aut illa laudantur quæ mihi displicent, aut illa amplius quæ mihi minus placent. Ergone de hoc incertus sum mei?

62. Ecce in te veritas, video non me laudibus meis propter me, sed propter proximi utilitatem moveri oportere. Et utrum ita sit nescio. Minus mihi in hac re notus sum ipse quam ^b **tu. Obsecro te, Deus meus, & me ipsum mihi indica, ut confitear oraturis pro me fratribus meis quod in me faucium comperero. Iterum me diligentius interrogem. Si utilitate proximi moveor in laudibus meis, cur minus moveor; si quisquam alius injuste vituperetur, quam si ego? cur ea contumelia magis mordeor quæ in me, quam quæ in alium eadem iniquitate coram me jacitur? An & hoc nescio? Etiamne id restat ut ipse me seducam, & verum non faciam coram te in corde & lingua mea? Infamiam istam, Domine, longe fac a me, ne oleum peccatoris mihi sit os meum ad impinguandum caput meum.**

63. GENUS & pauper ego sum, & melior in occulto gemitu displicens mihi, & quærens misericordiam tuam donec reficiatur defectus meus, & perficiatur usque in pacem quam nescit arrogantis oculus. ^{*} Sermo autem ore procedens, & facta quæ innotescunt hominibus, habent tentationem periculosissimam ab amore laudis, qui ad privatam quamdam excellentiam ^c contrahit emendicata suffragia; tentat & cum a me in me arguitur, eo ipso quo arguitur; & sæpe homo de ipso vanæ gloriæ contemptu vanius gloriatur; ideoque non jam de ipso ^d contemptu gloriæ gloriatur. Non enim eam contemnit cum gloriatur intus.

64. ETIAM intus est aliud in eodem genere tentationis malum, quo inanescunt qui placent sibi de se, quamvis aliis vel ^e non placeant, vel

^a me & c. Som. *contrahit, & emendicata suffragia tentat, & cum a me & c.* Prætulimus lectionem MSS. quæ etiam est Bad. & Arn. Porro in sequente sententia plures e MSS. omittunt nomen, *homo*.

^d Am Er. Lov. *de ipso vanæ gloriæ contemptu*. abest, *vanæ*, à MSS. quorum etiam nonnulli verba sequentia sic interpretantur. *Non enim eam contemnit cum gloriatur. Intus etiam, intus est aliud & c.*

^e Sic potiores MSS. Lov. vero absque negatione, *vel placeant*.

* CAPUT
XXXVIII.
Et virtuti
periculum a
vanâ
gloria.

CAPUT
XXIX.
Philos.
12.

vel displiceant, nec placere affectent ceteris. Sed sibi placentes multum tibi displicent, non tantum de non bonis quasi bonis; verum etiam de bonis tuis quasi suis: aut etiam sicut de tuis, sed tamquam ex meritis suis: aut etiam sicut ex tua gratia, a non tamen socialiter gaudentes, sed aliis invidentes ea. In his omnibus atque huiusmodi periculis & laboribus vides tremorem cordis mei; & vulnera mea magis subinde a te sanari, quam mihi non infligi sentio.

CAPUT
XL.
Quod in
se & ce-
teris re-
bus De-
um in-
vestiga-
vit.

65. **U**BI non mecum ambulasti, Veritas, docens quid caveam & quid appetam, cum ad te referrem inferiora visa mea quæ potui, teque consulerem? Lustravi mundum foris sensu quo potui, & attendi vitam corporis mei de me, sensusque ipsos meos. Inde ingressus sum in recessus memoriæ meæ multiplices amplitudines plenas miris modis copiarum innumerabilium, & consideravi, & expavi, & nihil eorum discernere potui sine te, & nihil eorum esse te inveni. Nec ego ipse inventor qui peragravi omnia, & distinguere & pro suis quæque dignitatibus æstimare conatus sum, excipiens alia nuntiantibus sensibus, & interrogans alia mecum commixta sentiens, ipsosque nuntios dignoscens atque dinumerans, jamque in memoriæ latis opibus alia pertractans, alia recondens, alia eruens. Nec ego ipse cum hæc agerem, id est vis mea qua id agebam, nec ipse eras tu, quia lux es tu permanens quam de omnibus consulebam an essent, quid essent, quanti pendenda essent. Et audiebam docentem ac jubentem; & sæpe istud facio. Hoc me delectat, & ab actionibus necessitatis quantum relaxari possum, ad istam voluptatem refugio. Neque in his omnibus quæ percurro consulens te, invenio tutum locum animæ meæ nisi in te, quo colligantur sparsa mea, nec a te quidquam recedat ex me. Et aliquando intromittis me in affectum multum inusitatum introrsus ad nescio quam dulcedinem, quæ si perficiatur in me, nescio quid erit quod vita ista non erit. Sed recido in hæc ærumnosis ponderibus, & resorbear solitis, & teneor, & multum fleo, sed multum teneor. Tantum consuetudinis sarcina c degravat. Hic esse valeo, nec volo; illic volo, nec valeo; miser utrobique.

CAPUT
XLI.
Triplex
cupidi-
tas.

66. **I**DEO QUE consideravi languores peccatorum meorum in cupiditate triplici; & dexteram tuam invocavi ad salutem meam. Vidi enim splendorem tuum corde faucio, & percussus dixi: Quis illuc potest? Projectus sum a facie oculorum tuorum. TU ES VERITAS super omnia præsidens: at ego per avaritiam meam non amittere te volui, sed volui tecum possidere mendacium; sicut nemo vult ita falsum dicere, ut nesciat ipse quid verum sit. Itaque amisi te, quia non dignaris cum mendacio possideri.

CAPUT
XLII.
Nonnulli ad dæmones tamquam redeundi ad Deum mediatores infelices recurreunt.

67. **Q**UEM invenirem qui me reconciliaret tibi? Quid ambiendum mihi fuit ad Angelos? Quæ prece? quibus sacramentis? Multi conantes ad te redire, neque per se ipsos valentes, sicut audio, tentaverunt hæc, & inciderunt in desiderium curiosarum visionum, & digni habiti sunt illusionibus. Elati enim te quærebant doctrinæ fastu, exserentes potius quam tundentes pectora, & adduxerunt sibi per similitudinem cordis sui, conspirantes & socias superbiæ

Tom. I.

a Editi plerique locum huncce ita interpolatum habent: aut etiam sicut ex tua gratia, sed non sua merita, non tamen &c. removimus verba isthæc, sed non sua merita, quia iis carent MSS.

b Lov. in memoria elatis opibus.

c In MSS. omnibus nullo fere excepto, Tantum consuetudinis sarcina digna est. Ita etiam Bad.

A suæ potestates aeris hujus, a quibus per potentias magicas deciperentur, quærentes mediatorem per quem purgarentur, & non erat. Diabolus enim erat transfigurans se in Angelum lucis. Et multum illexit superbam carnem, quod carneo corpore ipse non esset. Erant enim illi mortales & peccatores; tu autem, Domine, cui reconciliari superbe quærebant, immortalis & sine peccato. Mediator autem inter Deum & homines oportebat ut haberet aliquid simile Deo, aliquid simile hominibus; ne in utroque hominibus similis, longe esset a Deo; aut in utroque Deo similis, longe esset ab hominibus, atque ita mediator non esset. Fallax itaque ille mediator, quo per secreta iudicia tua, superbia mereretur illudi, unum cum hominibus habet, id est peccatum; aliud videri vult habere cum Deo, ut quia carnis mortalitate non tegitur, pro immortalis se ostendet. Sed quia stipendium peccati mors est, hoc habet commune cum hominibus, unde simul damnetur in mortem.

68. **V**ERAX autem mediator quem secreta tua misericordia demonstrasti humilibus, & misisti ut ejus exemplo etiam ipsam discerent humilitatem, mediator ille Dei & hominum homo Christus Jesus, inter mortales peccatores & immortalem justum apparuit; mortalis cum hominibus, justus cum Deo. Ut quoniam stipendium iustitiæ vita & pax est, per iustitiam conjunctam Deo evacuaret mortem e justicorum impiorum, quam cum illis voluit habere communem. f Hic demonstratus est anti- quis sanctis, ut ita ipsi per fidem futuræ passionis ejus, sicut nos per fidem præteritæ salvi fierent. In quantum enim homo, in tantum mediator; in quantum autem Verbum non medius, quia æqualis Deo, & Deus apud Deum, & simul g cum Spiritu-sancto unus Deus.

CAPUT
XLIII.
Christus
verus
media-
tor.

69. Quomodo nos amasti Pater bone, qui Filio tuo unico non pepercisti, sed pro nobis impiis tradidisti eum? Quomodo nos amasti pro quibus ille, non rapinam arbitratus esse æqualis tibi, factus est subditus usque ad mortem crucis, unus ille in mortuis liber, potestatem habens ponendi animam suam, & potestatem habens iterum sumendi eam; pro nobis tibi victor & victima; & ideo victor, quia victima: pro nobis tibi sacerdos & sacrificium; & ideo sacerdos, quia sacrificium: faciens tibi nos de servis filios, de te nascendo, nobis serviendo. Merito mihi spes valida in illo est, quod sanabis omnes languores meos, per eum qui sedet ad dexteram tuam & te interpellat pro nobis; alioquin desperarem. Multi enim & magni sunt iidem languores mei, multi sunt & magni, sed amplior est medicina tua. Potuimus putare Verbum tuum remotum esse a conjunctione hominis, & desperare de nobis, nisi caro fieret & habitaret in nobis.

70. Conterritus peccatis meis & mole miseriæ meæ agitaveram in corde meditatursque fueram fugam in solitudinem: sed prohibuisti me, & confirmaisti me, dicens, Ideo pro omnibus Christus mortuus est, ut qui vivunt, jam non sibi vivant, sed ei qui pro ipsis mortuus est. Ecce, Domine, jacto in te curam meam ut vivam, & considerabo mirabilia

2. Cor. 5. 15

I de

d Sic MSS. excepto Lyrensi qui habet, Abeundum. Editi autem Bad. Am. Er. Lov. An eundum.

e MS. Benignianus, justificandorum impiorum. Corbeienfis, iusticorum piorum.

f Codex Fossatenfis, Hinc. Ita etiam unus e Sorbonicis.

g MSS. plerique non habent hæc verba, cum Spiritu-sancto

de lege tua. Tu scis imperitiam meam & infirmitatem meam: doce me, & sana me. Ille tuus Unicus in quo sunt omnes thesauri sapientiæ & scientiæ absconditi redemit me sanguine suo. Non calumnientur

A mihi superbi: quoniam cogito pretium meum, & manduco, & bibo, & erogo, & pauper cupio saturari ex eo inter illos qui edunt & saturentur, & laudant Dominum qui requirunt eum.

LIBER UNDECIMUS.

Laudaturus Deum deinceps professione suæ ipsius in scripturis sanctis sive imperitiæ, sive etiam peritiæ, aut ejus, quo in eas ex munere divino flagrabat, studii, explicandum sumit exordium libri Geneseos; atque hic primum illustrat isthæc verba: In principio fecit Deus cælum & terram. Occurrit obtrectantibus, quid faceret Deus antequam cælum & terram conderet; & unde ei in mentem venerit tandem aliquando ea facere, cum antea non fecisset. Dum vero iis refellendis insistit, copiosam de Tempore conscribit disputationem.

CAPUT
I.
Cur con-
fitemur
Deo
scienti

I. **N**UMQUID, Domine, cum tua sit æternitas, ignoras quæ tibi dico, aut ad tempus vides quod sit in tempore? Cur ergo tibi tot rerum narrationes digero? Non utique ut per me noveris ea, sed affectum meum excito in te, & eorum qui hæc legunt, ut dicamus omnes: Magnus Dominus & laudabilis valde. Jam dixi, & dicam: amore amoris tui facio istud. Nam & oramus, & tamen veritas ait: *Novit pater vester quid vobis opus sit prius quam petatis ab eo.* Affectum ergo nostrum patefacimus in te, confitendo tibi miseras nostras & misericordias tuas super nos, ut liberes nos omnino, quoniam cœpisti, ut desinamus esse miseri in nobis, & beatificemur in te; quoniam vocasti nos ut simus pauperes spiritu, & mites, & lugentes, & esurientes ac sitientes justitiam, & misericordes, & mundicordes, & pacifici. Ecce narravi tibi multa quæ potui, & quæ volui, quoniam tu prior voluisti, ut confiterer tibi Domino Deo meo, quoniam bonus es, quoniam in sæculum misericordia tua.

CAPUT
II.
Petit a
Deo
scriptu-
rarum
sanctarum
intelligen-
tiam.

2. **Q**UANDO autem sufficio lingua calami enuntiare omnia hortamenta tua, & omnes terrores tuos, & consolationes, & gubernationes quibus me perduxisti prædicare verbum, & sacramentum tuum dispensare populo tuo? Et si sufficio hæc enuntiare ex ordine, caro mihi valent stillare temporum. Et olim inardesco meditari in lege tua, & in ea tibi confiteri scientiam & imperitiam meam, primordia illuminationis tuæ, & reliquias tenebrarum mearum, quo usque devoretur a fortitudine infirmitas. Et nolo in aliud horæ diffluant, quas invenio liberas a necessitatibus reficiendi corporis, & intentionis animi, & servitutis quam debemus hominibus, & quam non debemus, & tamen reddimus.

3. Domine Deus meus, intende orationi meæ, & misericordia tua exaudiat desiderium meum, quoniam non mihi soli æstuat, sed usui vult esse fraternæ caritati: & vides in corde meo quia sic est. ^a Sacrificem tibi famulatum cogitationis & linguæ meæ; & da quod offeram tibi. Inops enim & pauper sum; tu dives in omnes invocantes te, qui securus curam nostri geris. Circumcide ab omni temeritate omni- que mendacio interiora & exteriora labia mea. **SINT CASTÆ** deliciæ meæ Scripturæ tuæ; nec fallar in eis, nec fallam ex eis. Domine adtende, &

B misere, Domine Deus meus, lux cæcorum & virtus infirmorum, statimque lux videntium & virtus fortium, adtende animam meam, & audi clamantem de profundo. Nami nisi adsint & in profundo aures tuæ, quo ibimus? quo clamabimus? Tu usest dies, & tua est nox. Ad nutum tuum momenta transvolant. Largire inde spatium meditationibus nostris in abdita Legis tuæ, neque adversus pulsantes claudas eam. Neque enim frustra scribi voluisti tot paginarum opaca secreta. Aut non habent illæ silvæ cervos suos recipientes se in eas, & resumentes, ambulantes, & pascentes, ^b recumbentes, & ruminantes? **O** Domine, perface me, & revela mihi eas. Ecce vox tua gaudium meum, vox tua ^c super affluentiam voluptatum. Da quod amo: amo enim; & hoc tu dedisti. Ne dona tua deferas, nec herbam tuam spernas sitientem. Confitear tibi quidquid invenero in libris tuis; & audiam vocem laudis, & te bibam, & considerem mirabilia de Lege tua, ab usque principio in quo fecisti cælum & terram, usque ad regnum tecum perpetuum sanctæ civitatis tuæ.

4. Domine, misere mei, & exaudi desiderium meum. Puto enim quod non sit de terra, non de auro & argento & de lapidibus, aut decoris vestibus, aut honoribus & potestatibus, aut voluptatibus carnis, neque de necessariis corpori, & huic vitæ peregrinationis nostræ, quæ omnia nobis apponuntur quærentibus regnum & justitiam tuam. Vide, Domine Deus meus, unde sit desiderium meum. Narraverunt mihi iniusti delectationes, sed non sicut lex tua, Domine. Ecce unde est desiderium meum. Vide Pater, adspice, & vide, & approba, & placeat in conspectu misericordiæ tuæ invenire me gratiam ante te, ut aperiantur pulsanti mihi interiora sermonum tuorum. Obsecro per Dominum nostrum Jesum Christum filium tuum, virum dexteræ tuæ, filium hominis, quem confirmasti tibi mediatorem tuum & nostrum, per quem nos quæsisisti non quærentes te, quæsisisti autem ut quæreremus te; Verbum tuum per quod fecisti omnia, in quibus & me; Unicum tuum per quem vocasti in adoptionem populum credentium, in quo & me: per eum te obsecro qui sedet ad dexteram tuam & te interpellat pro nobis, in quo sunt omnes thesauri sapientiæ & scientiæ absconditi. ^d Ipsum quæro in libris tuis. Moyses de illo scripsit. Hoc ipse ait: hoc Veritas ait.

5. **AU-**

^a Lov. quia sic est, ut sacrificem, &c.

^b Sic Arn. & duodecim MSS. At Lov. recubantes.

^c Corbejensis cod. superaffluentia. Bad. Am. cum quatuor MSS.

superfluentium voluptatum.

^d Antiquiores & meliores MSS. habent. Ipsos quæro, id est thesauros.

CAPUT
III.
Qua
scripsit
Moyſes
de crea
tione ce
li & ter
ra intel
ligere
non po
teſt nili
donante
Deo.
a

5. **A**UDIAM & intelligam quomodo in prin
cipio feciſti cælum & terram. Scripſit hoc
Moyſes, ſcripſit & abiit, tranſiuit hinc a te ad te; ne
que nunc ante me eſt: nam ſi eſſet, tenerem eum, & ro
garem eum, & per te obſecrarem ut mihi iſta pande
ret; & præberem aures corporis mei ſonis erumpenti
bus ex ore ejus. Et ſi hebræa voce loqueretur, fruſtra
pulfaret ſenſum meum, nec inde mentem meam quid
quam tangeret: ſi autem latine, ſcirem quid diceret.
Sed unde ſcirem an verum diceret? Quod ſi & hoc ſci
rem, num ab illo ſcirem? Intus utique mihi, intus in
domicilio cogitationis, nec hebræa, nec græca, nec la
tina, nec barbara veritas, ſine oris & linguæ organis,
ſine ſtrepitu ſyllabarum diceret, Verum dicit: & ego
ſtatim certus confidenter illi homini tuo dicerem, Ve
rum dicis. Cum ergo illum interrogare non poſſim, te,
quo plenus vera dixit, Veritas, rogo te Deus meus,
rogo parce peccatis meis; & qui illi ſervo tuo dediſti
hæc dicere, da & mihi hæc intelligere.

CAPUT
IV.
Creatu
ra cla
mat
creato
rem
Deum.

6. **E**CCE ſunt cælum & terra: clamant quod facta
ſint: mutantur enim atque variantur. Quid
quid autem factum non eſt, & tamen eſt, non eſt in eo
quidquam quod ante non erat, quod eſt mutari atque
variari. Clamant etiam quod ſeiſa non fecerint: Ideo
ſumus, quia facta ſumus: non ergo eramus ante quam
eſſemus, ut fieri poſſemus a nobis. Et vox dicentium eſt
ipſa evidentia. Tu ergo Domine feciſti ea qui pulcher
es, pulcra ſunt enim; qui bonus es, bona ſunt enim; qui es,
ſunt enim. Nec ita pulcra ſunt, nec ita bona ſunt, nec ita
ſunt ſicut tu conditor eorum, cui comparata, nec pulcra
ſunt, nec bona ſunt, nec ſunt. Scimus hæc, gratias tibi. Et
ſcientia noſtra ſcientiæ tuæ comparata, ignorantia eſt.

b
CAPUT
V.
Ex nihi
lo con
ditus
mundus.

7. **Q**UOMODO autem feciſti cælum & terram,
& quæ machina tam grandis operationis tue?
Non enim ſicut homo artifex formans cor
pus de corpore, arbitrato animæ valentis imponere ut
cumque ſpeciem quam cernit in ſemetipſa interno oculo.
Et unde hoc valeret, niſi quia tu feciſti eam? Et im
ponit ſpeciem jam exiſtenti & habenti ut eſſet, veluti
terræ, aut lapidi, aut ligno, aut auro, aut id genus re
rum cuilibet. Et unde iſta eſſent, niſi tu inſtituiſſes ea?
Tu fabro corpus: tu animum membris imperitantem
feciſti: tu materiam unde facit aliquid: tu ingenium
quo artem capiat & videat intus quid faciat foris: tu
ſenſum corporis quo interprete trajiciat ab animo ad
materiam id quod facit, & renuntiet animo quid fa
ctum ſit, ut ille intus conſulat præſidentem ſibi verita
tem an bene factum ſit. Te laudant hæc omnia creato
rem omnium: ſed tu quomodo facis ea? quomodo feci
ſti, Deus, cælum & terram? Non utique in cælo ne
que in terra feciſti cælum & terram; neque in aere aut
in aquis, quoniam & hæc pertinent ad cælum & ter
ram. Neque in univerſo mundo feciſti univerſum mun
dum, quia non erat ubi fieret antequam fieret ut eſſet:
nec manu tenebas aliquid unde faceres cælum & ter
ram. Nam unde tibi hoc quod tu non feceras, unde ali
quid faceres? Quid enim eſt, niſi quia tu es? Ergo di
xiſti, & facta ſunt, atque in verbo tuo feciſti ea.

CAPUT
VI.
Quomo
do Deus

8. **S**ED quomodo dixiſti? Numquid illo modo quo
facta eſt vox de nube, dicens: *Hic eſt filius meus*
Tom. I.

a Deſunt in editis particulæ, a te, quæ tamen in MSS. prope om
nibus exhibentur.

b Apud Am. Er. & Lov. ſic incipit caput V. *In principio fecit Deus
cælum & terram*. Eadem verba exſtant hic loci apud Bad. ſed abſunt
a MSS. & ab editione Arn.

A *dilectus*? Illa enim vox acta atque tranſacta eſt, cœpta
& finita. Sonuerunt ſyllabæ atque tranſierunt, ſecun
da poſt primam, tertia poſt ſecundam, atque inde ex
ordine, donec ultima poſt ceteras, ſilentiumque poſt
ultimam. Unde claret atque eminet, quod creaturæ
motus expreſſit eam, ſerviens æternæ voluntati tuæ
ipſe temporalis. Et hæc ad tempus facta verba tua
nuntiavit auris exterior menti prudenti, cujus auris
interior poſita eſt ad æternum Verbum tuum. At illa
comparavit hæc verba temporaliter ſonantia cum
B æterno in ſilentio Verbo tuo, & dixit: Aliud eſt, lon
ge aliud eſt. Hæc longe infra me ſunt; nec ſunt, quia
fugiunt & prætereunt: Verbum autem Domini mei
ſupra me manet in æternum. Si ergo verbis ſonantibus
& prætereuntibus dixiſti ut fieret cælum & terra, at
que ita feciſti cælum & terram, erat jam creatura cor
poralis ante cælum & terram, cujus motibus tempora
libus temporaliter vox illa percurreret. Nullum au
tem corpus ante cælum & terram: aut ſi erat, id certe
ſine tranſitoria voce feceras, unde tranſitoriam vocem
C faceres, qua diceret ut fieret cælum & terra. Quidquid
enim illud eſſet unde talis vox fieret, niſi abs te factum
eſſet, omnino non eſſet. Ut ergo fieret corpus unde iſta
verba fierent, quo verbo a te dictum eſt?

dixit, ut
fieret
mundus.
Math.
17. &
17. 5.

9. **V**OCAſ itaque nos ad intelligendum Ver
bum Deum apud te Deum, quod ſempiter
ne dicitur, & eo ſempiterne dicuntur omnia. Neque
enim finitur quod dicebatur, & dicitur aliud ut poſ
ſint dici omnia; ſed ſimul ac ſempiterne omnia. Alio
quin jam tempus & mutatio, & non vera æternitas,
D nec vera immortalitas. Hoc novi, Deus meus, & gra
tias ago. Novi, confiteor tibi Domine; mecumque
novit & benedicit te quiſquis ingratus non eſt certè
veritati. Novimus, Domine, novimus, quoniam in
quantum quidquid non eſt quod erat, & eſt quod non
erat, in tantum moritur & oritur. Non ergo quid
quam Verbi tui cedit atque ſuccedit, quoniam vere im
mortale atque æternum eſt. Et ideo Verbo tibi coæter
no, ſimul & c ſempiterne dicis omnia quæ dicis, & fit
E quidquid dicis ut fiat; nec aliter quam dicendo facis:
nec tamen & ſimul & ſempiterne fiunt omnia quæ
dicendo facis.

CAPUT
VII.
Verbum
Dei cog
iturnum
Deo.

10. **C**UR quæſo, Domine Deus meus? Utcum
que video; ſed quomodo id eloquar nescio,
niſi quia omne quod eſſe incipit & eſſe deſinit, tunc eſ
ſe incipit & tunc eſſe deſinit, quando debuiſſe inci
pere vel deſinere in æterna ratione cognoscitur, ubi nec
incipit aliquid nec deſinit. Ipſum eſt Verbum tuum,
quod & *Principium eſt* d, quia & loquitur nobis. Sic in
Evangelio per carnem ait; & hoc inſonuit foris auribus
F hominum, ut crederetur, & intus quæreretur, & in
veniretur in æterna veritate, ubi omnes diſcipulos bo
nus & ſolus magiſter docet. Ibi audio vocem tuam,
Domine, dicentem mihi, quoniam ille loquitur nobis
qui docet nos. Qui autem non docet nos, etiam ſi
loquitur, non nobis loquitur. Quis porro nos docet,
niſi ſtabilis veritas? Quia & per creaturam mutabi
lem cum admonemur, ad veritatem ſtabilem ducimur;
ibi vere diſcimus cum ſtamus & audimus eum, &
gaudio gaudemus propter vocem ſponſi, reddentes nos

CAPUT
VIII.
Verbum
Dei ip
ſum eſt
princip
ium
quo do
cemur
omnem
verita
tem.
Joan. 8.
25. d

I 2 un-

c Nonnulli e MSS. *ſimul & ſempiterno dicis* &c. Mox etiam plures
potioresque cum Arn. habent, & *ſimul & ſempiterna fiunt*.

d Editi habent, *qui & loquitur*. At MSS. *quia & loquitur*: juxta gra
cum Joan. 8. 25. *ὅτι & λαλῶ ὑμῖν*. Sic legiſſe Auguſtinum intelli
gitur aliis ex locis, ut ex cap. 28. ſeq. ex Tract. 38. in Joan. & c.

unde sumus. Et ideo Principium, quia nisi maneret, A cum erraremus non esset quo rediremus. Cum autem redimus ab errore, cognoscendo utique redimus. Ut autem cognoscamus, docet nos, quia Principium est, & loquitur nobis.

CAPUT
IX.
Quomo-
do Ver-
bum Dei
loqua-
tur cor-
di.

11. **I**N hoc Principio, Deus, fecisti cælum & terram, in Verbo tuo, in Filio tuo, in Virtute tua, in Sapientia tua, in Veritate tua, miro modo dicens, & miro modo faciens. Quis comprehendet? quis enarrabit? Quid est illud quod interlucet mihi, & percutit cor meum sine læsione, & inhorresco, & inardesco? Inhorresco in quantum dissimilis ei sum; inardesco in quantum similis ei sum. Sapientia, sapientia ipsa est, quæ interlucet mihi, discindens nubilum meum, quod me rursus cooperit deficientem ab ea, caligine atque aggerere pœnarum mearum; quoniam sic infirmatus est in egestate vigor meus, ut non fufferam bonum meum, donec tu Domine qui propitius factus es omnibus iniquitatibus meis, etiam sanes omnes languores meos; quia & redimes de corruptione vitam meam, & coronabis me in miseratione & misericordia, & satiabis in bonis desiderium meum; quoniam renovabitur Juventus mea sicut aquile. Spe enim salvi facti sumus; & promissa tua per patientiam expectamus. Audiat te intus fermocinantem qui potest: ego fidenter ex oraculo tuo clamabo: *Quam magnificata sunt opera tua, Domine, omnia in Sapientia fecisti*, & illa Principium, & in eo Principio fecisti cælum & terram.

Psal. 103.
24.

CAPUT
X.
Obtre-
stantes,
quid
faceret
Deus
ante-
quam
cælum
& ter-
ram
conde-
ret.

12. **N**ONNE ecce pleni sunt vetustatis suæ qui nobis dicunt, Quid faciebat Deus ante quam faceret cælum & terram? Si enim vacabat, inquiunt, & non operabatur aliquid, cur non sic semper & deinceps, quemadmodum retro semper cessavit ab opere? Si enim ullus motus in Deo novus existit, & voluntas nova ut creaturam conderet quam numquam ante condiderat; quomodo jam vera æternitas ubi oritur voluntas quæ non erat? Neque enim voluntas Dei creatura est, sed ante creaturam; quia non crearetur aliquid, nisi Creatoris voluntas præcederet. * Ad ipsam ergo Dei substantiam pertinet voluntas ejus. Quod si exortum est aliquid in Dei substantia quod prius non erat, non veraciter dicitur æterna illa substantia. Si autem voluntas Dei sempiterna erat ut esset creatura; cur non sempiterna & creatura?

CAPUT
XI.

Obje-
ctioni
respon-
det quod
æterni-
tas Dei
nescit
tempo-
ra.

13. **Q**UI hæc dicunt, nondum te intelligunt, o Sapientia Dei lux mentium, nondum intelligunt quomodo fiant quæ per te, atque in te fiunt, & conantur æterna sapere; sed adhuc in præteritis & futuris rerum motibus cor eorum volitat, & adhuc vanum est. Qui tenebit illud, & figet illud ut paululum stet, & paululum rapiat splendorem semper stantis æternitatis, & comparet cum temporibus numquam stantibus, & videat esse incomparabilem; & videat longum tempus, nisi ex multis prætereuntibus motibus, qui simul extendi non possunt, longum non fieri; non autem præterire quidquam in æterno, sed totum esse præsens; nullum vero tempus totum esse præsens; & videat omne præteritum propelli ex futuro, & omne futurum ex præterito consequi, & omne præteritum ac futurum ab eo quod semper est præsens creari & excurrere? Quis tenebit cor hominis, ut stet, & videat quomodo stans dictet futura & præterita tempora, nec futura nec præterita æternitas? Num-

quid manus mea valet hoc, aut manus oris mei per loquelas agit tam grandem rem?

14. **E**CCE respondeo dicenti, Quid faciebat Deus ante quam faceret cælum & terram; respondeo non illud quod quidam respondisse perhibetur joculariter eludens quæstionis violentiam: Alta, inquit, scrutantibus gehennas parabat. Aliud est videre, aliud ridere: hæc non respondeo. Libentius enim responderim, nescio quod nescio; quam illud unde irridetur qui alta interrogavit, & laudatur qui falsa respondit. Sed dico te, Deus noster, omnis creaturæ creatorem. Et si cæli & terræ nomine omnis creatura intelligitur, audenter dico, Ante quam faceret Deus cælum & terram, non faciebat aliquid; si enim faciebat, quid nisi creaturam faciebat? Et utinam sic sciam, quidquid utiliter scire cupio, quemadmodum scio quod a nulla fiebat creatura, ante quam fieret ulla creatura.

CAPUT
XII.
Quid
Deus fe-
cerit an-
te mun-
di crea-
tionem.

15. **A**T si cujusquam volatilis sensus vagatur per imagines retro temporum, & te Deum omnipotentem & omnireantem & omnitenentem, cæli & terræ artificem, ab opere tanto, ante quam id faceres, per innumerabilia sæcula cessasse miratur; evigilet atque adtendat, quia falsa miratur. Nam unde poterant innumerabilia sæcula præterire, quæ ipse non feceras, cum sis omnium sæculorum auctor & conditor? Aut quæ tempora fuissent quæ abs te condita non essent? Aut quomodo præterirent, si numquam fuissent? Cum ergo sis operator omnium temporum, si fuit aliquod tempus antequam faceres cælum & terram, cur dicitur quod ab opere cessabas? Id ipsum enim tempus tu feceras, nec præterire potuerunt tempora ante quam faceres tempora. Si autem ante cælum & terram nullum erat tempus, cur quæritur quid tunc faciebas? Non enim erat tunc, ubi non erat tempus.

CAPUT
XIII.
Quod
ante
tempora
a Deo
creata
nullum
tempus
fuerit.

16. Nec tu tempore tempora præcedis, alioquin non omnia tempora præcederes. Sed præcedis omnia præterita, celsitudine semper præsentis eternitatis; & superas omnia futura, quia illa futura sunt, & cum venerint, præterita erunt, tu autem idem ipse es, & anni tui non deficiunt. Anni tui nec eunt nec veniunt: isti autem nostri & eunt & veniunt, ut omnes veniant. Anni tui omnes simul stant, quoniam stant; nec euntes a venientibus excluduntur, quia non transeunt: isti autem nostri omnes erunt, cum omnes non erunt. Anni tui dies unus; & dies tuus non quotidie, sed hodie, quia hodiernus tuus non cedit crastino, neque enim succedit hesternis: hodiernus tuus æternitas; ideo coæternum genuisti, cui dixisti, *Ego hodie genui te*. Omnia tempora tu fecisti, & ante omnia tempora tu es, nec aliquo tempore non erat tempus.

Psal. 2. 7.
Heb. 5. 5.

17. **N**ULLO ergo tempore non feceras aliquid, quia ipsum tempus tu feceras. Et nulla tempora tibi coæterna sunt, quia tu permanes: at illa si permanerent, non essent tempora. Quid enim est tempus? Quis hoc facile breviterque explicaverit? Quis hoc ad verbum de illo proferendum vel cogitatione comprehenderit? Quid autem familiarius & notius in loquendo commemoramus quam tempus? Et intelligimus utique cum id loquimur, intelligimus etiam cum alio loquente id audimus. Quid est ergo tempus? Si nemo ex me quærat, scio; si quærenti explicare velim,

CAPUT
XIV.
Tempo-
ris diffe-
rentiæ
tres.

lim, nescio; fidenter tamen dico scire me quod si nihil præteriret, non esset præteritum tempus; & si nihil adveniret, non esset futurum tempus; & si nihil esset, non esset præsens tempus. Duo ergo illa tempora, præteritum & futurum quomodo sunt, quando & præteritum jam non est, & futurum nondum est? Præsens autem si semper esset præsens, nec in præteritum transiret, jam non esset tempus, sed æternitas. Si ergo præsens ut tempus sit, ideo fit quia in præteritum transit, quomodo & hoc esse dicimus, cui causa ut sit illa est, quia non erit, ut scilicet non vere dicamus tempus esse, nisi quia tendit a non esse?

CAPUT
XV.
Mensura
temporis in
quo.

18. ET tamen dicimus longum tempus, & breve tempus; neque hoc nisi de præterito aut futuro dicimus. Præteritum tempus longum, verbi gratia, vocamus ante centum annos, futurum itidem longum post centum annos. Breve autem præteritum, sicut puta, dicimus ante decem dies, & breve futurum post decem dies. Sed quo pacto longum est, aut breve, quod non est? Præteritum enim jam non est, & futurum nondum est. Non itaque dicamus, longum est; sed dicamus de præterito, longum fuit, & de futuro, longum erit. Domine Deus meus, lux mea, nonne & hic veritas tua deridebit hominem? Quod enim longum fuit præteritum tempus, cum jam esset præteritum longum fuit, an cum adhuc præsens esset? Tunc enim poterat esse longum, quando erat quod esset longum: præteritum vero jam non erat; unde nec longum esse poterat, quod omnino non erat. Non ergo dicamus, longum fuit præteritum tempus, neque enim inveniemus quid fuerit longum, quando ex quo præteritum est, non est. Sed dicamus, longum fuit illud præsens tempus; quia cum præsens esset, longum erat. Nondum enim præterierat ut non esset, & ideo erat quod longum esse posset. Postea vero quam præteriit, simul & longum esse destitit, quod esse destitit.

19. Videamus ergo, o anima humana, utrum præsens tempus possit esse longum: datum enim tibi est sentire moras atque metiri. Quid respondebis mihi? an centum anni præsentis longum tempus est? vide prius utrum possint præsentis esse centum anni. Si enim primus eorum annus agitur, ipse præsens est; nonaginta vero & novem futuri sunt, & ideo nondum sunt: si autem secundus annus agitur, jam unus est præteritus, alter præsens, ceteri futuri. Atque ita si mediorum quemlibet centenarii hujus numeri annum præsentem posuerimus, ante illum præteriti erunt, post illum futuri: quocirca centum anni præsentis esse non poterunt. Vide saltem utrum qui agitur unus, ipse sit præsens. Et ejus enim si primus agitur mensis, futuri sunt ceteri: si secundus, jam & primus præteriit, & reliqui nondum sunt. Ergo nec annus qui agitur, totus est præsens: & si non totus est præsens, non est annus præsens. Duodecim enim menses annus est, quorum quilibet unus mensis qui agitur, ipse præsens est; ceteri autem, præteriti aut futuri. Quamquam neque mensis qui agitur, præsens est, sed unus dies: si primus, futuris ceteris; si novissimus, præteritis ceteris; si mediorum quilibet, inter præteritos & futuros.

20. Ecce præsens tempus quod solum inveniebamus longum appellandum, vix ad unius diei spatium contractum est. Sed discutiamus etiam ipsum, quia nec

Tom. I.

A unus dies totus est præsens. Nocturnis enim & diurnis horis omnibus viginti-quatuor expletur, quarum prima ceteras futuras habet, novissima præteritas, aliqua vero interjectarum ante se præteritas, post se futuras. Et ipsa una hora fugitivis particulis agitur: quidquid ejus avolavit, præteritum est; quidquid ejus restat, futurum. Si quid intelligitur temporis, quod in nullas jam vel in minutissimas momentorum partes dividi possit, id solum est quod præsens dicatur. Quod tamen ita raptim a futuro in præteritum transvolat, ut nulla morula extendatur. Nam si extenditur, dividitur in præteritum & futurum: præsens autem nullum habet spatium. Ubi est ergo tempus quod longum dicamus? An futurum? Non quidem dicimus, longum est, quia nondum est quod longum sit; sed dicimus, longum erit. Quando igitur erit? Si enim & tunc cum adhuc futurum erit, non erit longum, quia quod sit longum, nondum erit: si autem tunc erit longum cum ex futuro, quod nondum est, esse jam cœperit, & præsens factum erit, ut possit esse quod longum sit; jam superioribus vocibus clamat præsens tempus, longum se esse non posse.

21. ET tamen, Domine, sentimus intervalla temporum, & comparamus sibimet, & dicimus alia longiora, & alia breviora. Metimur etiam quanto sit brevius aut longius illud tempus quam illud, & respondemus duplum esse hoc vel triplum, illud autem simplum, aut tantum hoc esse quantum illud. Sed prætereuntia metimur tempora cum sentiendo metimur; præterita vero quæ jam non sunt, aut futura quæ nondum sunt, quis metiri potest? nisi forte audebit quis dicere metiri posse quod non est. Cum ergo præterit tempus, sentiri & metiri potest; cum autem præterierit, quoniam non est, non potest.

22. QUÆRO, Pater, non affirmo, Deus meus præside mihi & rege me. Quisnam est qui dicat mihi non esse tria tempora, sicut pueri didicimus, puerosque docuimus, præteritum, præsens & futurum; sed tantum præsens, quoniam illa duo non sunt? An & ipsa sunt, sed ex aliquo procedit occulto, cum ex futuro fit præsens; & in aliquod recedit occultum, cum ex præsenti fit præteritum? Nam ubi ea viderunt qui futura cecinerunt, si nondum sunt? Neque enim potest videri id quod non est. Et qui narrant præterita, non utique vera narrant, si animo illa non cernerent. Quæ si nulla essent, cerni omnino non possent. Sunt ergo & futura & præterita.

23. SINE me, Domine, amplius quærere, spes mea, non conturbetur intentio mea. Si enim sunt futura & præterita, volo scire ubi sint. Quod si nondum valeo, scio tamen ubicumque sunt, non ibi ea futura esse, aut præterita, sed præsentia. Nam si & ibi futura sunt, nondum ibi sunt; si & ibi præterita sunt, jam non ibi sunt. Ubicumque ergo sunt quæcumque sunt, non sunt nisi præsentia. Quamquam præterita cum vera narrantur, ex memoria proferuntur non res ipsæ quæ præterierunt, sed verba concepta ex imaginibus earum, quæ in animo velut vestigia per sensus prætereundo fixerunt. Pueritia quippe mea quæ jam non est, in tempore præterito est quod jam non est, imaginem vero ejus cum eam recolo & narro, in præsenti tempore intueor, quia est adhuc in memoria mea.

I 3 Utrum

CAPUT
XVI.
Quale
tempus
metiri
liceat, &
quale
non.

CAPUT
XVII.
ubi
tempus
præteri-
tum &
futura-
rum.

CAPUT
XVIII.
Quomo-
do præ-
terita &
futura
tempora
sint præ-
sentia.

^a *Lov. tendit ad non esse. Abest particula, ad, a MSS. quæ & alias ab Augustino non adhibetur post verbum tendit, ut lib. 4. hujus ope-*

ris c. 10. Ergo cura oriuntur & tendunt esse.

Utrum similis sit causa etiam prædicendorum futurorum, ut rerum, quæ nondum sunt, jam existentes a præsentiantur imagines, confiteor, Deus meus, nescio. Illud sane scio, nos plerumque præmeditari futuras actiones nostras, eamque præmeditationem esse præsentem, actionem autem quam præmeditamur nondum esse, quia futura est; quam cum aggressi fuerimus, & quod præmeditabamur agere cœperimus, tunc erit illa actio, quia tunc non futura sed præsens est.

24. Quoquo modo se itaque habeat arcana præsentio futurorum, videri nisi quod est non potest. Quod autem jam est, non futurum sed præsens est. Cum ergo videri dicuntur futura, non ipsa quæ nondum sunt, id est quæ futura sunt, sed eorum causæ, vel signa forsitan videntur, quæ jam sunt; ideo non futura, sed præsentia sunt jam videntibus, ex quibus futura prædicantur animo concepta. Quæ rursus conceptiones jam sunt, & eas præsentis apud se intuentur qui illa prædicunt. Loquatur mihi aliquod exemplum tanta rerum numerositas. Intueor auroram, oriturum solem prænuntio; quod intueor, præsens est; quod prænuntio, futurum: non sol futurus qui jam est, sed ortus ejus qui nondum est: tamen etiam ortum ipsum nisi animo imaginarer, sicut modo cum id loquor, non eum possem prædicere. Sed nec illa aurora quam in cælo video, solis ortus est, quamvis eum præcedat; nec illa imaginatio in animo meo, quæ duo præsentia cernuntur, ut futurus ille ante dicatur. Futura ergo nondum sunt: & si nondum sunt, non sunt: & si non sunt, videri omnino non possunt; sed prædici possunt ex præsentibus, quæ jam sunt, & videntur.

CAPUT XIX.
Non capit modum, quo Deus docet futura.

25. **T**U itaque regnator creaturæ tuæ, quis est modus quo doces animas ea quæ futura sunt? docuisti enim Prophetas tuos. Quisnam ille modus est quo doces futura, cui futurum quidquam non est; vel potius de futuris doces præsentia? Nam quod non est, nec doceri utique potest. Nimis longe est modus iste ab acie mea; invaluit ex me, non potero ad illum; potero autem ex te, cum dederis tu, dulce lumen occultorum oculorum meorum.

CAPUT XX.
Differencia temporis quomodo nominanda.

26. **Q**UOD autem nunc liquet & claret, nec futura sunt, nec præterita. Nec proprie dicitur, tempora sunt tria, præteritum, præsens, & futurum; sed fortasse proprie diceretur, tempora sunt tria, præsens de præteritis, præsens de præsentibus, præsens de futuris. Sunt enim hæc in anima tria quædam, & alibi ea non video. Præsens de præteritis memoria, præsens de præsentibus contuitus, præsens de futuris expectatio. Si hæc permittimur dicere, tria tempora video, fateorque tria sunt. Dicatur etiam, tempora sunt tria, præteritum, præsens, & futurum, sicut ab utitur consuetudo, dicatur: ecce non curo, nec resisto, nec reprehendo; dum tamen intelligatur quod dicitur, neque id quod futurum est, esse jam, neque id quod præteritum est. Pauca sunt enim quæ proprie loquimur, plura non proprie; sed agnoscitur quid velimus.

CAPUT XXI.
Quomodo tempus liceat metiri.

27. **D**IXI ergo paulo ante, quod prætereuntia tempora metimur, ut possimus dicere duplum esse hoc temporis ad illud simplum, aut tantum

A hoc quantum illud, & si quid aliud de partibus temporum possumus renuntiare metiendo. Quocirca, ut dicebam, prætereuntia metimur tempora. Et si quis mihi dicat, Unde scis? Respondeam, Scio quia metimur, nec metiri quæ non sunt possumus, & non sunt præterita vel futura. Præsens vero tempus quomodo metimur, quando non habet spatium? Metitur ergo cum præterit; cum autem præterierit, non metitur: quid enim metiatur, non erit. Sed unde & qua & quo præterit, cum metitur? unde, nisi ex futuro? qua, nisi per præsens? quo, nisi in præteritum? Ex illo ergo quod nondum est, per illud quod spatium caret, in illud quod jam non est. Quid autem metimur, nisi tempus in aliquo spatium? Neque enim dicimus simpla, & dupla, & tripla, & æqualia, & si quid hoc modo in tempore dicimus, nisi spatia temporum. In quo ergo spatium metimur tempus præteriens? Utrum in futuro, unde præterit? Sed quod nondum est, non metimur. An in præsentis, qua præterit? Sed nullum spatium non metimur. An in præterito, quo præterit? Sed quod jam non est, non metitur.

28. **E**XARSIT animus meus nosse istud implicatissimum ænigma. Noli claudere, Domine Deus meus bone Pater, per Christum obsecro, noli claudere desiderio meo ista, & usitata, & abdita, quominus in ea penetret, & dilucescant adlucente misericordia tua Domine. Quem percontabor de his, & cui fructuosius confitebor imperitiam meam, nisi tibi cui non sunt molesta studia mea flammantia vehementer in Scripturas tuas? Da quod amo: amo enim, & hoc tu dedisti. Da Pater qui vere nosti data bona dare filiis tuis. Da, quoniam suscepi cognoscere b, & labor est ante me, donec aperias. Per Christum obsecro, in nomine ejus sancti sanctorum, nemo mihi obstrepat. Et ego credidi, propter quod & loquor. Hæc est spes mea; ad hanc c vivo, ut contempler delectationem Domini. Ecce veteres posuisti dies meos, & transeunt, & quomodo nescio. Et dicimus tempus & tempus, tempora & tempora. Quamdiu dixit hoc ille, quamdiu fecit hoc ille, & quam longo tempore illud non vidi. Et duplum temporis habet hæc syllaba ad illam simplicam brevem. Dicimus hæc, & audimus hæc; & intelligimur & intelligimus. Manifestissima & usitatissima sunt; & eadem rursus nimis latent, & nova est inventio eorum.

29. **A**UDIVI a quodam homine docto, quod solis & lunæ ac siderum motus, ipsa sint tempora; & d nil annui. Cur enim non potius omnium corporum motus sint tempora? An vero si cessarent cæli lumina, & moveretur rota figuli, non esset tempus quo metiremur eos gyros, & diceremus aut æqualibus morulis agi, aut si alias tardius, alias velocius moveretur, alios magis diuturnos esse, alios minus? Aut cum hoc diceremus, non & nos in tempore loqueremur, aut essent in verbis nostris aliæ longæ syllabæ, aliæ breves, nisi quia illæ longiore tempore sonuissent, istæ brevior. Deus dona hominibus videre in parvo communes notitias rerum parvarum atque magnarum. Sunt & sidera & luminaria cæli in signis, & in temporibus, & in annis, & in diebus: sunt vero, sed nec ego

CAPUT XXII.
Petit ænigmatibus istius solutionem a Deo.

b

c

CAPUT XXIII.
Quid sit tempus. d

a Editi plerique, *præsententur*: & paulo post, *præsentia futurorum*. Reddimus lectionem MSS. quibus posteriore loco suffragatur Arn.

b Bad. Am. Er. Lov. *cognoscere te*. Expungendum est, *te*, juxta MSS. & Arn. quia de tempore, non de Deo cognoscendo loquitur Augustinus.

c Lov. *ad hanc inhio*. recte, nisi alii refragarentur & editi & scri-

pti codices qui magno consensu ferunt, *ad hanc vivo*.

d Sic legendum videtur cum MSS. Vedastinis duobus & Corbejensi; vel cum Arn. & *non annui*. Ubi Germanensis codex habet, & *non abnui*. Lov. vero cum aliquot MSS. & *non anni*. Er. & *anni*. Denique Bad. & Am. & *non animi*.

a ego dixerim circuitum illius a ligneolæ rotæ diem esse, nec tamen ideo tempus non esse ille dixerit.

30. Ego scire cupio vim naturamque temporis, quo metimur corporum motus, & dicimus illum motum, verbi gratia, tempore duplo esse diuturniorem quam istum. Nam quæro, quoniam dies dicitur, non tantum mora solis super terram, secundum quod aliud est dies, aliud nox, sed etiam * totius ejus circuitus ab oriente usque ad orientem, secundum quod dicimus, Tot dies transierunt; cum suis enim noctibus dicuntur tot dies, nec extra reputantur spatia noctium. Quoniam ergo dies expletur motu solis, atque circuitu ab oriente usque ad orientem; quæro utrum motus ipse sit dies, an mora ipsa quanta peragitur, an utrumque. Si enim primum dies esset; dies ergo esset etiam si tanto spatio temporis sol cursum illum peregisset, quantum est horæ unius. Si secundum; non ergo esset dies, si ab ortu solis usque in ortum alterum, tam brevis mora esset quam est horæ unius, sed vices & quater circumiret sol ut expleret diem. Si utrumque, nec ille appellaretur dies, si horæ spatio sol totum suum gyrum circumiret, nec ille si sole cessante tantum temporis præteriret, quanto peragere sol totum ambitum de mane in mane affolet. Non itaque nunc quæram, quid sit illud quod vocatur dies, sed quid sit tempus quo metientes solis circuitum, diceremus eum dimidio spatio temporis peractum minus quam solet, si tanto spatio temporis peractus esset, quanto peraguntur horæ duodecim. Et utrumque tempus comparantes diceremus illud simplum, hoc duplum, etiam si aliquando illo simplo, aliquando isto duplo sol ab oriente usque ad occidentem circumiret. Nemo ergo mihi dicat cælestium corporum motus esse tempora, quia & cujusdam voto cum sol stetit, ut b victoriosum prælium perageret sol stabat, sed tempus ibat. Per suum quippe spatium temporis, quod ei sufficeret, illa pugna gesta atque finita est. Video igitur tempus quamdam esse distentionem. Sed video an videre mihi videor? Tu demonstrabis lux veritas.

CAPUT
XXIV.
Tempus
est quo
meti-
mur
motum
corpo-
ris.

31. **J**UBES ut approbem si quis dicat tempus esse motum corporis? non jubes. Nam corpus nullum nisi in tempore moveri audio: tu dicis. Ipsum autem corporis motum tempus esse non audio: non tu dicis. Cum enim movetur corpus, tempore metior quamdiu moveatur, ex quo moveri incipit donec desinat. Et si non vidi ex quo cœpit, & perseverat moveri ut non videam cum desinit, non valeo metiri, nisi forte ex quo videre incipio donec desinam. Quod si diu video, tantummodo longum tempus esse renuntio, non autem quantum sit; quia & quantum cum dicimus, collatione dicimus, velut tantum hoc quantum illud, aut duplum hoc ad illud, & si quid aliud isto modo. Si autem notare potuerimus locorum spatia, unde & quo veniat corpus quod movetur, vel partes ejus, si tamquam in torno movetur, possumus dicere quantum sit temporis, ex quo ab illo loco usque ad illum locum motus corporis vel partis ejus effectus est. Cum itaque aliud sit motus corporis, aliud quo metimur quamdiu sit, quis non sentiat quid horum potius tempus dicendum sit? Nam etsi varie corpus aliquando movetur, aliquando stat, non solum motum ejus, sed etiam statum tempore metimur; & dicimus tantum stetit, quantum motum est, aut duplo vel triplo stetit, ad id quod

A motum est; & si quid aliud nostra dimensio sive comprehenderit sive existimaverit, ut dici solet plus minus. Non est ergo tempus corporis motus.

32. **E**T confitebor tibi, Domine, ignorare me adhuc quid sit tempus; & rursus confiteor tibi, Domine, scire me in tempore ista dicere, & diu me jam loqui de tempore, atque ipsum diu non esse diu nisi mora temporis. Quomodo igitur hoc scio, quando quid sit tempus nescio? An forte nescio quemadmodum dicam quod scio? Hei mihi qui nescio saltem quid nesciam.

B Ecce Deus meus coram te, quia non mentior; sicut loquor, ita est cor meum. Tu illuminabis lucernam meam, Domine Deus meus, illuminabis tenebras meas.

33. **N**ONNE tibi confitetur anima mea confessione veridica metiri me tempora? Itane Deus meus metior, & quid metiar nescio? Metior motum corporis tempore; item ipsum tempus non metior? An vero corporis motum metirer quamdiu sit, & quamdiu hinc illuc perveniat, nisi tempus in quo movetur metirer? Ipsum ergo tempus unde metior? An tempore breviori metimur longius, sicut spatio cubiti spatium transtri? Sic enim videmur spatio brevis syllabæ metiri spatium longæ syllabæ, atque id duplum dicere. Ita metimur spatia carminum spatiis versuum, & spatia versuum spatiis pedum, & spatia pedum spatiis syllabarum, & spatia longarum spatiis brevium, non in paginis; (Nam eo modo loca metimur, non tempora,) sed cum voces pronuntiando transeunt, & dicimus, longum carmen est, nam tot versibus contextitur; longi versus, nam tot pedibus constant; longi pedes, nam tot syllabis tenduntur; longa syllaba, nam dupla est ad brevem. Sed neque ita comprehenditur certa mensura temporis, quando quidem fieri potest ut ampliori spatio temporis personet versus brevior si productius pronuntietur, quam longior si correptius. Ita carmen, ita pes, ita syllaba. Inde mihi visum est, nihil esse aliud tempus quam distentionem; sed cujus rei nescio; & mirum si non ipsius animi. Quid enim metior obsecro, Deus meus, & dico aut indefinite, Longius est hoc tempus quam illud; aut etiam definite, Duplum est hoc ad illud? Tempus metior, scio, sed non metior futurum, quia nondum est. Non metior præsens, quia nullo spatio tenditur. Non metior præteritum, quia jam non est. Quid ergo metior? An prætereuntia tempora non præterita? sic enim dixeram.

34. **I**NSISTE anime meus & adtende fortiter, Deus adjutor noster, ipse fecit nos, & non ipsi nos. Adtende ubi albescit veritas. Ecce puta, vox corporis incipit sonare, & sonat, & adhuc sonat, & ecce desinit, jamque silentium est, & vox illa præterita est, & non est jam vox. Futura erat antequam sonaret, & non poterat metiri, quia nondum erat, & nunc non potest, quia jam non est. Tunc ergo poterat cum sonabat, quia tunc erat quæ metiri posset. Sed & tunc non stabat; ibat enim & præteribat: An ideo magis poterat? Præteriens enim tendebatur in aliquod spatium temporis quo metiri posset, quoniam præsens nullum habet spatium. Si ergo tunc poterat, ecce puta, altera cœpit sonare, & adhuc sonat, continuato tenore sine ulla distinctione, metiamur eam dum sonat; cum enim sonare cessaverit, jam præterita erit, & non erit quæ possit metiri; metiamur plane & dicamus quanta sit. Sed adhuc sonat, nec metiri potest nisi

CAPUT
XXV.
Rursus
Deum
inter-
pellat.

CAPUT
XXVI.
Quomo-
do tem-
pus me-
timur.

CAPUT
XXVII.
Quomo-
do me-
timur
tempus
perma-
nens in
animo.

a Hic Anglicani omnes MSS. addunt, aut æ definite duplum.

b Bad. Am. Er. & Lov. cum paucioribus MSS. ut victor Josue.

nisi ab initio sui quo sonare cœpit, usque ad finem quo definit. Ipsum quippe intervallum metimur ab aliquo initio usque ad aliquem finem. Quapropter vox quæ nondum finita est, metiri non potest, ut dicatur quam longa vel brevis sit; nec dici aut æqualis alicui, aut ad aliquam simpla vel dupla, vel quid aliud. Cum autem finita fuerit, jam non erit. Quo pacto igitur metiri poterit? Et metimur tamen tempora, nec ea quæ nondum sunt, nec ea quæ jam non sunt, nec ea quæ nulla mora extenduntur, nec ea quæ terminos non habent. Nec futura ergo nec præterita, nec præsentia, nec prætereuntia tempora metimur, & metimur tamen tempora.

35. *Deus creator omnium*; versus iste octo syllabarum, brevibus & longis alternat syllabis. Quatuor itaque breves; prima, tertia, quinta, septima, simplæ sunt ad quatuor longas; secundam, quartam, sextam, octavam. Hæ singulæ ad illas singulas duplum habent temporis; pronuntio, renuntio, & ita est quantum sentitur sensu manifesto. Quantum sensus manifestus est, brevi syllaba longam metior, eamque habere bis tantum sentio. Sed cum altera post alteram sonat, si prior brevis, longa posterior, quomodo tenebo brevem, & quomodo eam longæ metiens applicabo, ut inveniam quod bis tantum habeat, quando quidem longa sonare non incipit, nisi brevis sonare destiterit? Ipsam quoque longam non præsentem metior, quando nisi finitam non metior. Ejus autem finitio, præteritio est. Quid ergo est quod metiar? Ubi est ^a qua metior brevis? Ubi est longa quam metior? Ambæ sonuerunt, avolaverunt, præterierunt, jam non sunt; & ego metior, fidenterque respondeo, quantum exercitato sensu fidentur, illam simplam esse, illam duplam in spatio, scilicet temporis. Neque hoc possum, nisi quia præterierunt & finitæ sunt. Non ergo ipsas quæ jam non sunt, sed aliquid in memoria mea metior quod infixum manet.

36. Inte, anime meus, tempora metior, noli mihi obstrepere, Quod est? Noli tibi obstrepere turbis affectionum tuarum. Inte, inquam, tempora metior; affectionem quam res prætereuntes in te faciunt, & cum illæ præterierint manet, ipsam metior præsentem, non eas quæ præterierunt ut fieret: ipsam metior cum tempora metior. Ergo aut ipsa sunt tempora, aut non tempora metior. Quid cum metimur silentia, & dicimus illud silentium tantum tenuisse temporis, quantum illa vox tenuit? Nonne cogitationem tendimus ad mensuram vocis, quasi sonaret, ut aliquid de intervallis silentiorum in spatio temporis renuntiare possimus? Nam & voce atque ore cessante, peragimus cogitando carmina, & versus, & quemque sermonem, motionumque dimensiones quaslibet, & de spatiis temporum quantum illud ad illud sit renuntiamus, non aliter ac si ea sonando diceremus. Si voluerit aliquis edere longiusculam vocem, & constituerit præmeditando quam longa futura sit, egit utique iste spatium temporis in silentio, memoriæque commendans cœpit edere illam vocem quæ sonat, donec ad propositum terminum perducat; immo sonuit & sonabit. Nam quod ejus jam peractum est, utique sonuit; quod autem restat, sonabit; atque ita peragitur, dum præsens intentio futurum in præteritum trajicit, diminutione futuri crescente præ-

terito, donec consumptione futuri sit totum præteritum.

37. **S**ED quomodo minuitur aut consumitur futurum, quod nondum est? Aut quomodo crescit præteritum quod jam non est, nisi quia in animo qui illud agit tria sunt? Nam & exspectat & adtendit & meminit, ut id quod exspectat, per id quod adtendit, transeat in id quod meminerit. Qui igitur negat futura nondum esse? Sed tamen jam est in animo exspectatio futurorum. Et quis negat præterita jam non esse? Sed tamen adhuc est in animo memoria præteritorum. Et quis negat præsens tempus carere spatio, quia in puncto præterit? Sed tamen perdurat adtentio per quam ^b pergat abesse quod aderit. Non igitur longum tempus futurum quod non est, sed longum futurum longa exspectatio futuri est. Neque longum præteritum tempus quod non est, sed longum præteritum longa memoria præteriti est.

38. Dicturus sum canticum quod novi, ante quam incipiam in totum exspectatio mea tenditur; cum autem cœpero, quantum ex illa in præteritum decerpsero, tenditur in memoria mea; atque distenditur vita hujus actionis meæ in memoriam, propter quod dixi; & in exspectationem propter quod dicturus sum; præsens tamen adest adtentio mea, per quam trajiciatur quod erat futurum ut fiat præteritum. Quod quanto magis agitur & agitur, tanto breviata exspectatione prolongatur memoria, donec tota exspectatio consumatur, cum tota illa actio finita transierit in memoriam. Et quod in toto cantico, hoc in singulis particulis ejus sit, atque in singulis syllabis ejus; hoc in actione longiore, cujus forte particula est illud canticum; hoc in tota vita hominis, cujus partes sunt omnes actiones hominis; hoc in toto sæculo filiorum hominum, cujus partes sunt omnes vite hominum.

39. **S**ED quoniam melior est misericordia tua super vitas, ecce distentio est vita mea, & me susceperit dextera tua in Domino meo mediatore filio hominis inter te unum & nos multos in multis per multa, ut per eum apprehendam in quo & apprehensus sum, & a veteribus diebus colligar sequens unum, præterita oblitus; non in ea quæ futura & transitura sunt, sed in ea quæ ante sunt, non distentus, sed ^c extentus, non secundum distentionem, sed secundum intentionem sequor ad palmam supernæ vocationis, ubi audiam vocem laudis tuæ, & contempler delectationem tuam, nec venientem, nec prætereuntem. Nunc vero anni mei in gemitibus. Et tu solatium meum Domine pater meus eternus es: at ego in tempora ^d dissilui, quorum ordinem nescio; & tumultuosas varietatibus dilaniantur cogitationes meæ, intima viscera animæ meæ, donec in te conflui purgatus & liquidus igne amoris tui.

40. **E**T stabo atque solidabor in te, in forma mea, veritate tua, nec patiar quæstiones hominum, qui pœnali morbo plus sitiunt quam capiunt, & dicunt, Quid faciebat Deus ante quam faceret celum & terram? Aut quid ei venit in mentem, ut aliquid faceret, cum antea numquam aliquid fecerit? Da illis Domine bene cogitare quid dicant, & invenire quia non dicitur numquam ubi non est tempus. Quod ergo dicitur numquam fecisse,

est, per quam adtentionem pergat transire in præteritum, quod est futurum.

^c Ita MSS. At editi habent, *intentus*.

^d MSS. Benignianus, Corbeiensis & alii non deteriores, *dissilvi*.

CAPUT XXVIII. Animo metimur tempora.

b

CAPUT XXIX. Se in temporalia distentum cupit in Deum colligi.

d

CAPUT XXX. Coarctatum obtruncantes, quid fecerit Deus ante mundi creationem.

^a Lov. & antiquiores editiones, *quam metior*. Sed melius Arn. cum MSS. *qua metior*: statim quippe dixerat Augustinus brevi syllaba longam se metiri.

^b In prius editis, *pergat abesse*. Melius in MSS. *pergat abesse*: id

cisse, quid aliud dicitur nisi nullo tempore fecisse? Videant itaque nullum tempus esse posse sine creatura, & desinant istam vanitatem loqui. Extendantur etiam in ea quæ ante sunt, & intelligant te ante omnia tempora æternum creatorem omnium temporum, neque ulla tempora tibi esse coæterna, nec ullam creaturam, etiam si est aliqua supra tempora.

CAPUT
XXXI.
Quomo-
do co-
gnoscit
Deus
quomo-
do crea-
tura,

41. **D**OMINE Deus meus, quis ille sinus est alti secreti tui, & quam longe inde me proferunt consequentia delictorum meorum? Sana oculos meos, & congaudeam luci tuæ. Certe si est tam grandi scientia & prescientia pollens animus, cui cuncta præterita & futura ita nota sint, sicut mihi unum canticum notissimum; nimium mirabilis est animus iste, atque ad horrorem stupendus; quippe quem ita non lateat quidquid peractum, & quidquid reliquum sæculorum est, quemadmodum me non latet cantantem illud canti-

a In vulgatis & aliquot MSS. *sine distinctione*. At in MSS. pluribus & melioris notæ habetur, *sine distinctione*, consequentius porro ad

A cum, quid & quantum ejus abierit ab exordio, quid & quantum restet ad finem. Sed absit ut tu conditor universitatis, conditor animarum & corporum, absit ut ita noveris omnia futura & præterita. Longe tu, longe mirabilius, longeque secretius. Neque enim sicut nota cantantis, notumve canticum audientis, expectatione vocum futurarum, & memoria præteritarum variatur affectus, sensusque distenditur, ita tibi aliquid accidit incommutabiliter æterno, hoc est, vere æterno creatori mentium. Sicut ergo nosti in principio cælum & terram sine varietate notitiæ tuæ, ita fecisti in principio cælum & terram sine a distentione actionis tuæ. Qui intelligit, confiteatur tibi; & qui non intelligit, confiteatur tibi. O quam excelsus es, & humiles corde sunt domus tua! Tu enim erigis elisos, & non cadunt, quorum celsitudo tu es.

illud quod præcedit: *Neque enim sicut nota cantantis . . . variatur affectus sensusque distenditur.*

LIBER DUODECIMUS.

Prosequitur interpretationem hujusce versiculi, In principio fecit Deus cælum & terram. Illic nomine cæli significatam putat spiritalem vel intellectualem illam creaturam, quæ semper faciem Dei contemplatur: terræ autem vocabulo informem materiam, ex qua rerum corporearum species fuerunt posthac formatæ. Verum alias interpretandi rationes haudquaquam improbandas esse; immo ex Scripturæ divinæ profunditate multiplicem posse erui sensum confitetur.

CAPUT
I.
Difficilis
inquisi-
tio veri.

Mat. 7. 7.

CAPUT
II.
De du-
plici cæ-
lo & ter-
ra.

Ysa. 1. 3
16.

CAPUT
III.
Quid te-
nebræ
super
faciem
abyssi.
Gen. 1. 2.

1. **M**ULTA satagit cor meum, Domine, in hac inopia vitæ meæ pulsatum verbis sanctæ scripturæ tuæ: & ideo plerumque in sermone copiosa est egestas humanæ intelligentiæ, quia plus loquitur inquisitio quam inventio, & longior est petitio quam impetratio, & operosior est manus pulsans quam sumens. Tenemus promissum, quis corrumpet illud? Si Deus pro nobis, quis contra nos? *Petite & accipietis, querite & invenietis, pulsate & aperietur vobis. Omnis enim qui petit accipit, & querens invenit, & pulsanti aperietur.* Promissa tua sunt; & quis falli timeat, cum promittit veritas?

2. **C**ONFITETUR altitudini tuæ humilitas linguæ meæ, quoniam tu fecisti cælum & terram; hoc cælum quod video, terramque quam calco, unde est hæc terra quam porto, tu fecisti. Sed ubi est cælum cæli, Domine, de quo audivimus in voce Psalmi, *Cælum cæli Domino, terram autem dedit filiis hominum*? Ubi est cælum quod non cernimus, cui terra est hoc omne quod cernimus? Hoc enim totum corporeum, non ubique totum, ita accepit speciem pulchram in novissimis, cujus fundus est terra nostra; sed ad illud cælum cæli, etiam terræ nostræ cælum terra est. Et hoc utrumque magnum corpus non absurde terra est, ad illud nescio quale cælum quod Domino est, non filiis hominum.

3. **E**T nimirum hæc terra erat *invisibilis & incompressa*, & nescio quæ profunditas abyssi super quam non erat lux; quia nulla species erat illi; unde iussisti ut scriberetur, quod *tenebræ erant super abyssum*, quid aliud quam lucis absentia? Ubi enim lux esset, si esset, nisi super esset eminendo & illustrando? Ubi ergo

C lux nondum erat, quid erat adesse tenebras, nisi abesse lucem? Super itaque erant tenebræ, quia lux super aberat: sicut sonus ubi non est, silentium est. Et quid est esse ibi silentium, nisi sonum ibi non esse? Nonne tu Domine docuisti hanc animamque tibi confitetur? Nonne tu Domine docuisti me, quod priusquam istam informem materiam formares atque distingueres, non erat aliquid, non color, non figura, non corpus, non spiritus? non tamen omnino nihil, erat quedam infortitas sine ulla specie.

4. **Q**UID ergo vocaretur, quod etiam sensu tardioribus utcumque insinuaretur, nisi usitato aliquo vocabulo? Quid autem in omnibus mundi partibus reperiri potest propinquius infortitati omnimode, quam terra & abyssus? Minus enim speciosa sunt, pro suo gradu infimo, quam cetera superiora perlucida & luculenta omnia. Cur ergo non accipiam infortitatem materiæ, quam sine specie feceras, unde speciosum mundum faceres, ita commode hominibus intimatam, ut appellaretur terra invisibilis & incompressa?

5. **U**T cum in ea querit cogitatio quid sensus adtingat, & dicit sibi, Non est intelligibilis forma sicut vita, sicut justitia, quia materies est corporum; neque sensibilis, quoniam quod videatur & quod sentiatur in invisibili & incompressa non est: dum sibi hæc dicit humana cogitatio, conetur eam vel nosse ignorando, vel ignorare noscendo.

6. **E**GO vero, Domine, si totum confitear tibi ore meo & calamo meo, quidquid de ista materia docuisti me, cujus antea nomen audiens & non intelligens

CAPUT
IV.
Quid
terra in-
visibilis
& in-
composi-
ta.

CAPUT
V.
Cur sic
appella-
ta vide-
tur in-
formis.

b
CAPUT
VI.
Quid o-
lim cum
Mani-
chæis
senferit
de mate-

a Ita in MSS. & concinnius quam si legas ut in vulgatis, *Et cum in ea &c.*

b In MSS. omnibus habetur, *si totum confitear*. Cujus propositionis sensus ex istis completur verbis, *quis legentium capere durabit?*

ria in- ligens narrantibus mihi eis qui non intelligerent, eam
formi- cum speciebus innumeris & variis cogitabam; & ideo
quid non eam cogitabam; foedas & horribiles formas pertur-
modo. batis ordinibusolvebat animus, sed formastamen; &
informe appellabam, non quod careret forma, sed quod
talem haberet; ut si appareret, insolitum & incon-
gruum aversaretur sensus meus, & conturbaretur in-
firmitas hominis. Verum autem illud quod cogitabam,
non privatione omnis formæ, sed comparatione formo-
riorum erat informe: & suadebat vera ratio, ut omnis
formæ qualescumque reliquias omnino detraherem, si
vellem prorsus informe cogitare; & non poteram. Citius
enim non esse censebam, quod omni forma privaretur,
a quam cogitabam quiddam inter a formatum & nihil,
nec formatum nec nihil, informe prope nihil. Et cessa-
vit mens mea interrogare hinc spiritum meum ple-
num imaginibus formatorum corporum, & eas pro ar-
bitrio mutantem, atque variantem; & intendi in ipsa
corpora, eorumque mutabilitatem altius inspexi, qua
desinunt esse quod fuerant, & incipiunt esse quod non
erant; eundemque transitum de forma in formam per
informe quiddam fieri suspicatus sum, non per omnino
nihil; sed nosse cupiebam, non suspicari. Et si totum ti-
bi confiteatur vox & stilus meus, quidquid de ista
quæstione enodasti mihi, quis legentium capere dura-
bit? Nec ideo tamen cessabit cor meum dare tibi ho-
norem & canticum laudis de iis quæ dictare non sufficit.
Mutabilitas enim rerum mutabilium ipsa capax est
formarum omnium in quas mutantur res mutabiles. Et
hæc quid est? Numquid animus? numquid corpus?
numquid species animi vel corporis? Si dici posset,
b nihil aliquid, b &, est non est, hoc eam dicerem; &
tamen jam utcumque erat, ut species caperet istas
visibiles & compositas.

7. **E**T unde utcumque erat nisi esset abs te, a quo
sunt omnia in quantumcumque sunt? Sed tan-
to a te longius, quanto dissimilius: neque enim locis.
Itaque tu Domine, QUI NON ES c alias aliud & alias
aliter, sed idipsum & idipsum & idipsum, Sanctus,
Sanctus, Sanctus, Dominus Deus omnipotens; in Prin-
cipio quod est de te, in Sapientia tua quæ nata est de
substantia tua, fecisti aliquid & de nihilo. Fecisti enim
cælum & terram, non de te; nam esset æquale Unige-
nito tuo, ac per hoc & tibi; & nullo modo justum es-
set, ut æquale tibi esset, quod de te non esset. Et
aliud præter te non erat unde faceres ea, Deus una
Trinitas, & trina Unitas; & ideo de nihilo fecisti cæl-
um & terram, magnum quiddam & parvum quid-
dam; quoniam omnipotens & bonus es ad facienda om-
nia bona, magnum cælum & parvam terram. Tu eras,
& aliud nihil unde fecisti cælum & terram, duo quæ-
dam; unum prope te, alterum prope nihil; unum quo
superior tu esses, alterum quo inferius nihil esset.

8. **S**ED illud cælum celi tibi, Domine; terra autem
quam dedisti filiis hominum cernendam atque
tangendam, non erat talis qualem nunc cernimus &
tangimus. Invisibilis enim erat & incomposita, & abyf-

A fus erat super quam non erat lux; d aut tenebræ erant
super abyssum, id est, magis quam in abyfso. Ista quippe
abyfso aquarum jam visibilium etiam in profundis
suis habet speciei suæ lucem utcumque sensibilem pi-
scibus, & repentibus in suo fundo animantibus: illud au-
tem totum prope nihil erat, quoniam adhuc omnino in-
forme erat; jam tamen erat quod formari poterat. Tu
enim Domine fecisti mundum de materia informi,
quam fecisti de nulla re pene nullam rem, unde faceres
magna quæ miramur filii hominum. Valde enim mira-
B bile hoc cælum corporeum, quod firmamentum inter
aquam & aquam secundo die post conditionem lucis
dixisti, Fiat; & sic factum est. Quod firmamentum
vocasti cælum, sed cælum terræ hujus & maris quæ fe-
cisti tertio die, dando speciem visibilem informi ma-
teriæ quam fecisti ante omnem diem. Jam enim feceras
& cælum ante omnem diem, sed cælum celi hujus; quia
in principio feceras cælum & terram. Terra autem ip-
sa quam feceras, informis materies erat, quia invisibi-
lis erat & incomposita, & tenebræ e super abyssum.
C De qua terra invisibili & incomposita, de qua informi-
tate, de quo pene nihilo faceres hæc omnia quibus iste
mutabilis mundus constat, & non constat, in quo ipsa
mutabilitas apparet, in qua sentiri & dinumerari pos-
sunt tempora, quia rerum mutationibus fiunt tem-
pora dum variantur & vertuntur species, quarum ma-
teries prædicta est terra invisibilis.

9. **I**DEO QUE Spiritus doctor famuli tui, cum
te commemorat fecisse in principio cælum & ter-
ram, tacet de temporibus, silet de diebus. Nimirum
enim cælum celi quod in principio fecisti, creatura est
aliqua intellectualis, quamquam nequaquam tibi Tri-
nitati coæterna; particeps tamen æternitatis tuæ, val-
de mutabilitatem suam præ dulcedine felicissime con-
templationis tuæ cohibet, & sine ullo lapsu ex quo fa-
cta est inherendo tibi, excedit omnem volubilem vi-
cissitudinem temporum. Ista vero informitas, f terra
invisibilis & incomposita, nec ipsa in diebus numerata
est. Ubi enim nulla species, nullus ordo, nec venit quid-
quam, nec præterit: & ubi hoc non fit, non sunt utique
E dies, nec vicissitudo spatiorum temporalium.

10. **O** Veritas lumen cordis mei, non tenebræ meæ
loquantur mihi. Defluxi ad ista, & obscura-
tus sum; sed hinc etiam, hinc adamavi te. Erravi, & re-
cordatus sum tui. Audivi vocem tuam post me ut re-
direm, & vix audivi propter tumultus g impacatorum.
Et nunc ecce redeo æstuans & anhelans ad fontem
tuum. Nemo me prohibeat, hunc bibam & h hinc vi-
vam. Non ego vita mea sim; male vixi ex me, mors mi-
hi fui; in te revivisco. Tu me alloquere, tu mihi sermoci-
nare. Credidi libris tuis, & verba eorum arcana valde.

F 11. **J**AM Dixisti mihi Domine voce forti in aurem
interiorem, quia tu æternus es, solus habens im-
mortalitatem; quoniam ex nulla specie motive
mutaris, nec temporibus variatur voluntas tua; quia non
est immortalis voluntas, quæ alia & alia est. Hoc in con-
spectu tuo claret mihi, & magis magisque clarescat oro
te,

a Sequimur MSS. Benignianum, Theodoticensem, &c. Non pauci
tamen cum Lov. & Arn. habent, quiddam inter formam & nihil. &c.
At Bad. Am. & Er. cum duobus MSS. sic ferunt, quam cogitabam quid-
dam informe & nihil formatum, nec nihil informe, prope nihil.

b Sic MSS. paucis exceptis. At Lov. cum antiquioribus editionibus, ni-
hil aliquid est, & non est.

c Editi, alibi aliud.

d Ita in melioribus MSS. & Bad. Porro in aliis editis, sed tenebræ
erant &c.

e In prius vulgatis, & tenebræ erant super abyssum. Sed abest,
erant, a MSS.

f Lov. cum aliis editionibus, informitas terra, &c.

g Lov. & Arn. propter tumultus peccatorum. Sed melius Bad. Am. &
Er. impacatorum. nam ita MSS. nullo fere excepto; atque hoc nomine de-
signati videntur Manichæi Scripturarum sacrarum inimici.

h In prius editis sic habetur, hunc bibam, & tunc vivam: nam
non ego vita mea. Si male vixi, ex me mors mihi fui, & intere-
vivisco.

d
Gen. 1. 2.

Gen. 1.
16.

e

CAPUT
IX.
Cur ab-
sque die-
rum
mentio-
ne scri-
ptum est
Deum
fecisse in
princi-
pio cæl-
um &
terram.

f

CAPUT
X.
A Deo
cupit e-
doceri.

g

h

CAPUT
XI.
Quid a
Deo di-
diceris.

te, atque in ea manifestatione persistam sobrius sub alis tuis. Item dixisti mihi Domine voce forti in aurem interiore, quod omnes naturas atque substantias quæ non sunt quod tu es, & tamen sunt, tu fecisti; & hoc solum a te non est quod non est, motusque voluntatis a te qui es ad id quod minus est; quia talis motus delictum atque peccatum est. Et quod nullius peccatum aut tibi nocet, aut perturbat ordinem imperii tui vel in primo vel in imo. Hoc in conspectu tuo claret mihi, & magis magisque clarescat oro te, atque in ea manifestatione persistam sobrius sub alis tuis.

a 12. Item dixisti mihi voce forti in aurem interiore, quod nec illa creatura tibi coæterna est, cujus a voluntas tu solus es, teque perseverantissima castitate hauriens, mutabilitatem suam numquam & nusquam exserit, & te sibi semper præsentem ad quem toto affectu se tenet, non habens quod expectet futurum, nec in præteritum trajiciens quod meminerit, nulla vice variatur, nec in tempora ulla distenditur. O beata si qua ista est, inhærendo beatitudini tuæ, beata sempiterno inhabitatore te atque illustratore tuo! Nec invenio quid libentius appellandum existimem cælum cæli Domino, quam domum tuam contemplantem delectationem tuam sine ullo defectu egrediendi in aliud, mentem puram concordissime unam stabilimento pacis sanctorum spirituum, civium civitatis tuæ in cælestibus super ista cælestia.

b 13. Unde intelligat anima b cujus peregrinatio longinqua facta est, si jam sitit tibi; si jam factæ sunt ei lacrymæ suæ panis, dum dicitur ei per singulos dies, ubi est Deus tuus; si jam petit a te unam & hanc requirit, ut inhabitet in domo tua per omnes dies vitæ suæ. (Et quæ vita ejus nisi tu? Et qui dies tui nisi æternitas tua, sicut anni tui qui non deficiunt, quia idem ipse es?). Hinc ergo intelligat anima quæ potest, quam longe super omnia tempora sis æternus; quando tua domus quæ peregrinata non est, quamvis non sit tibi coæterna, tamen indefinenter & indeficienter tibi coherendo nullam patitur vicissitudinem temporum. Hoc in conspectu tuo claret mihi, & magis magisque clarescat oro te, atque in hac manifestatione persistam sobrius sub alis tuis.

14. Ecce nescio quid informe in istis mutationibus rerum extremarum atque infimarum. Et quis dicet mihi, nisi quisque per inania cordis sui cum suis phantasmatis vagatur & volvitur: quis nisi talis dicet mihi, quod diminuta atque consumpta omni specie, si sola remaneat informitas, per quam de specie in speciem res mutabatur & vertebatur, possit exhibere vices temporum? Omnino enim non potest: quia sine varietate motionum non sunt tempora; & nulla varietas, ubi nulla species.

15. **Q**UIBUS consideratis quantum donas Deus meus, quantum me ad pulsandum excitas; quantumque pulsanti aperis: duo reperio que fecisti carentia temporibus, cum tibi neutrum coæternum sit. Unum quod ita formatum est, ut sine ullo defectu contemplationis, sine ullo intervallo mutationis, quamvis mutabile, tamen non mutatum, tua æternitate atque incommutabilitate perfruatur. Alterum quod ita informe erat, ut ex qua forma, in quam formam

A vel motionis vel stationis mutaretur, quo tempore subderetur, non haberet. Sed hoc ut informe esset non reliquisti, quoniam fecisti ante omnem diem, in principio cælum & terram, hæc duo quæ dicebam. *Terra autem invisibilis erat & incomposita, & tenebræ super abyssum.* Quibus verbis insinuat informitas, ut gradatim excipiantur qui omnimodam speciei privationem, nec tamen ad nihil perventionem, cogitare non possunt, unde fieret alterum cælum, & terra visibilis atque composita, & aqua speciosa, & quidquid deinceps in constitutione hujus mundi non sine diebus factum commemoratur, quia talia sunt ut in eis agantur vicissitudines temporum, propter ordinatas commutationes motionum atque formarum.

16. **H**OC interim sentio Deus meus, cum audio loquentem Scripturam tuam, *In principio fecit Deus cælum & terram; terra autem erat invisibilis & incomposita, & tenebræ erant super abyssum*: neque commemorantem quoto die feceris hæc. Sic interim sentio, propter illud cælum celi, cælum intellectuale, ubi est intellectus nosse simul, non ex parte, non in ænigmate, non per speculum, sed ex toto c in manifestatione facie ad faciem: non modo hoc, modo illud; sed quod dictum est, nosse simul sine ulla vicissitudine temporum: & propter invisibilem atque incompositam terram sine ulla vicissitudine temporum, quæ solet habere modo hoc & modo illud; quia ubi nulla species, nusquam est hoc & illud. Propter duo hæc primitus formatum & penitus informe, illud cælum, sed cælum celi; hoc vero terram, sed terram invisibilem & incompositam: propter duo hæc interim sentio sine commemoratione dierum dicere Scripturam tuam, *In principio fecit Deus cælum & terram*. Statim quippe subjecit quam terram dixerit. Et quod secundo die commemoratur factum firmamentum, & vocatum cælum, insinuat de quo cælo prius sine diebus sermo locutus sit.

17. **M**IRA profunditas eloquiorum tuorum, quorum ecce ante nos superficies blandiens parvulis: sed mira profunditas, Deus meus, mira profunditas. Horror est intendere in eam, horror honoris, & tremor amoris. Odi hostes ejus vehementer. O si occidas eos de gladio bis acuto, & non sint hostes ejus! Sic enim amo eos occidi sibi, ut vivant tibi. Ecce autem alii non reprehensores sed laudatores libri Geneseos: Non, inquiunt, hoc voluit in his verbis intelligi Spiritus Dei, qui per Moysen famulum ejus ista conscripsit; non hoc voluit intelligi quod tu dicis, sed aliud quod nos dicimus. Quibus ego, te arbitro, Deus omnium nostrorum, ita respondeo.

F 18. **N**UM dicetis falsa esse, quæ mihi veritas voce forti in aurem interiore dicit de vera æternitate Creatoris, quod nequaquam ejus substantia per tempora varietur, nec ejus voluntas extra ejus substantiam sit? Unde non eum modo velle hoc, modo velle illud, sed semel & simul & semper velle omnia quæ vult, non iterum & iterum, neque nunc ista nunc illa, nec velle postea quod nolebat, aut nolle quod prius volebat; quia talis voluntas mutabilis est, & omne mutabile æternum non est: Deus autem noster æternus est. Item quod

a di-

CAPUT XIII.

Car sine dierum commemoratione dicit Scriptura, quod in principio fecit Deus cælum & terram. Gen. I. I.

c

CAPUT XIV.

Scriptura profunditas.

CAPUT XV.

Quæ de Deo deque Angelis & informi materia sentit Augustinus, non possunt oblocutores negare.

a In MSS. Germanensi, Fossateni & aliis sex, *cujus voluptas tu solus es*.

b Lov. & Arn. Unde intelligat anima quantum peregrinatione longinqua facta est. Prætulimus lectionem Bad. Am. & Er. quæ ex pluribus

MSS. comprobatur & hic apprimè convenit; nam isthæc verba, Unde intelligat anima, ad illa referuntur, quam longe super omnia tempora sis æternus.

c Lov. in manifestata facie.

a a dicit mihi, dicit in aurem interiore: expectatio rerum venturarum fit contuitus cum venerint; idemque contuitus fit memoria cum præterierint: omnis porro intentio quæ ita variatur mutabilis est, & omne mutabile æternum non est; Deus autem noster æternus est. Hæc colligo atque conjungo & invenio Deum meum, Deum æternum, non aliqua nova voluntate condidisse creaturam, nec scientiam ejus transitorium aliquid pati.

19. Quid ergo dicetis contradictores? An falsa sunt ista? Non, inquiunt. Quid illud? Num falsum est, omnem naturam formatam materiamve formabilem non esse nisi ab illo qui summe bonus est, quia summe est? Neque hoc negamus, inquiunt. Quid igitur? An illud negatis, sublimem quamdam esse creaturam tam casto amore coherentem Deo vero & vere æterno, ut quamvis ei coæterna non sit, in nullam tamen temporum varietatem & vicissitudinem ab illo se revolvat ac defluat; sed in ejus solius veracissima contemplatione requiescat? **QUONIAM TU DEUS** diligenter quantum præcipis, ostendisei te, & sufficisei, & ideo non declinat a te nec ad se. Hæc est domus Dei non terrena, neque ulla cælesti mole corporea, sed spiritualis & particeps æternitatis tuæ, quia sine labe b in æternum. Statuisti enim eam in sæculum & in sæculum sæculi, præceptum posuisti & non præteribit. Nec tamen tibi Deo coæterna, quoniam non sine initio; facta est enim.

20. Nam etsi non invenimus tempus ante illam, prior quippe *omnium creata est sapientia*, nec utique illa Sapientia tibi Deus noster Patri suo plane coæterna, & æqualis, & per quam creata sunt omnia, & in quo Principio fecisti cælum & terram; sed profecto sapientia quæ creata est, intellectualis natura scilicet, quæ contemplatione luminis lumen est; dicitur enim & ipsa, quamvis creata, sapientia. Sed quantum interest inter lumen quod illuminat & quod illuminatur, tantum inter sapientiam quæ creat & istam quæ creata est; sicut inter justitiam justificantem, & justitiam quæ justificatione facta est. Nam & nos dicti sumus justitia tua. Ait enim quidam servus tuus, *ut nos simus justitia Dei in ipso*. Ergo quia prior omnium creata est quædam sapientia quæ creata est, mens rationalis & intellectualis castæ civitatis tuæ, matris nostræ quæ sursum est, & libera est & æterna in cælis, (quibus cælis nisi qui te laudant cæli cælorum? quia hoc est & cælum cæli Domino,) etsi non invenimus tempus ante illam, quia & creaturam temporis antecedit, quæ prior omnium creata est: ante illam tamen est ipsius Creatoris æternitas, a quo facta sum sit exordium, quamvis non temporis, quia nondum erat tempus, ipsius tamen conditionis sue.

21. Unde ita est abs te Deo nostro, ut aliud sit plane quam tu; & non id ipsum. Quoniam etsi non solum ante illam, sed nec in illa invenimus tempus, quia est idonea faciem tuam semper videre, nec usquam deflebitur ab ea, quo fit ut nulla mutatione varietur: inest ei tamen ipsa mutabilitas unde tenebresceret & frigeret, nisi amore grandi tibi cohærens tamquam semper meridies luceret & ferveret ex te. O domus luminosa & speciosa, dilexi decorem tuum, & locum habitationis gloriæ Domini mei fabricatoris & possessoris tui. Tibi suspiret peregrinatio mea, & dico ei qui fecit te, ut possideat & me in te, quia fecit & me. Erravi si-

A cut ovis perdita, sed in humeris pastoris mei, stru-
ctoris tui, spero me reportari tibi.

22. Quid dicitis mihi quos alloquebar contradictores, qui tamen & Moysen pium famulum Dei, & libros ejus oracula sancti Spiritus creditis? Est-ne ista domus Dei, non quidem Deo coæterna, sed tamen secundum modum suum æterna in cælis, ubi vices temporum frustra quæritis, quia non invenietis? Supergreditur enim omnem distentionem, & omne spatium ætatis volubile, cui semper inhærere Deo bonum est. Est, inquiunt. Quid igitur ex iis quæ clamavit cor meum ad Deum meum, cum audiret interius vocem laudis ejus, quid tandem falsum esse contenditis? An quia erat informis materies, ubi propter nullam formam nullus ordo erat? Ubi autem nullus ordo erat, nulla esse vicissitudo temporum poterat; & tamen hoc pene nihil, in quantum non omnino nihilerat, ab illo utique erat a quo est quidquid est, quod utcumque aliquid est. Hoc quoque, ajunt, non negamus.

23. **C**UM his enim volo coram te aliquid colloqui, Deus meus, qui hæc omnia, quæ intus in mente mea non tacet veritas tua, vera esse concedunt. Nam qui hæc negant, latent quantum volunt & obstrepant sibi: persuadere conabor ut quiescant, & viam præbeant ad se verbo tuo. Quod si noluerint & repulerint me, obsecro, Deus meus, ne tu sileas a me. Tu loquere in corde meo veraciter, solus enim sic loqueris; & dimittam eos foris sufflantes in pulverem, & excitantes terram in oculos suos; & intrem in cubile meum, & cantem tibi amatoria, gemens inenarrabiles gemitus in peregrinatione mea, & recordans Jerusalem, extento in eam sursum corde, Jerusalem patriam meam, Jerusalem matrem meam, teque super eam regnatorem, illustratorem, patrem, tutorem, maritum, & castas & fortes delicias, & solidum gaudium, & omnia bona ineffabilia simul omnia; quia unum summum & verum bonum: & non avertar, donec in ejus pacem matris carissimæ, ubi sunt primitiæ spiritus mei, unde mihi ista certa sunt, colligas totum quod sum, a dispersione & deformitate hac, & conformes atque confirmes in æternum Deus meus misericordia mea. Cum his autem qui cuncta illa quæ vera sunt, falsa esse non dicunt, honorantes & in culmine sequendæ auctoritatis nobiscum constituentes illam per sanctum Moysen editam sanctam scripturam tuam, & tamen nobis aliquid contradicunt, ita loquor: Tu esto Deus noster arbiter inter confessiones meas & contradictiones eorum.

24. **D**ICUNT enim, quamvis vera sint hæc, non ea tamen duo Moyses intuebatur, cum spiritu revelante diceret, *In principio fecit Deus cælum & terram*. Non cæli nomine spiritalem vel intellectualem illam creaturam, semper faciem Dei contemplantem significavit; nec terræ nomine informem materiam. Quid igitur? Quod nos dicimus, inquiunt, hoc ille vir sensit, hoc verbis istis elocutus est. Quid est illud? Nomine ajunt cæli & terræ, totum istum visibilem mundum prius universaliter & breviter significare voluit, ut postea digereret dierum enumeratione, quasi articulatim universa quæ sancto Spiritui placuit sic enuntiare. Tales quippe homines erant rudis ille atque carnalis populus cui loquebatur, ut eis opera Dei non nisi sola visibilia commendanda judicaret. Terram vero

CAPUT
XVI.
Rem habere non vult cum iis, qui contradicunt veritati divinæ.

CAPUT
XVII.
Ut cæli & terræ nominibus aliud & aliud intelligi possit.
Gen. 1. 1.

a Sic MSS. At editi, Item quod mihi dicitur in aurem &c.

b Am. cum MSS. quatuor, sine labe stat in æternum.

vero invisibilem & incompositam, tenebrosamque abyssum, unde consequenter ostenditur per illos dies facta atque disposita esse cuncta ista visibilia quæ nota sunt omnibus, non incongruenter informem istam materiam intelligendam esse consentiunt.

25. Quid si dicat alius, eandem informitatem, confusioemque materiæ, cæli & terræ nomine prius insinuatam, quod ex ea mundus iste visibilis cum omnibus naturis, quæ in eo manifestissime apparent, qui cæli & terræ nomine sæpe appellari solet, conditus atque perfectus est? Quid si dicat & alius, cælum & terram quidem invisibilem visibilemque naturam, non indecenter appellatam, ac per hoc universam creaturam, quam fecit in Sapientia, id est in Principio Deus, huiusmodi duobus vocabulis esse comprehensam; verumtamen quia non de ipsa substantia Dei, sed ex nihilo cuncta facta sunt, quia non sunt id ipsum quod Deus, & inest quædam mutabilitas omnibus, sive maneat, sicut æterna domus Dei; sive mutantur, sicut anima hominis & corpus; communem omnium rerum invisibilium visibiliumque materiem adhuc informem, sed certe formabilem, unde fieret cælum & terra, id est invisibilis atque visibilis jam utraque formata creatura, his nominibus enuntiata, quibus appellaretur terra invisibilis & incomposita, & tenebræ super abyssum; ea distinctione, ut terra invisibilis & incomposita intelligatur materies corporalis ante qualitatem formæ: tenebræ autem super abyssum, spiritualis materies ante cohibitionem quasi fluentis immoderationis, & ante illuminationem sapientiæ?

26. Est adhuc quod dicat si quis alius velit, non scilicet jam perfectas atque formatas invisibiles visibilesque naturas cæli & terræ nomine significari cum legitur, *In principio fecit Deus cælum & terram*; sed ipsam adhuc informem inchoationem rerum formabilem creabilemque materiam his nominibus appellatam, quod in ea jam essent ista confusa, nondum qualitatibus formisque distincta, quæ nunc jam digesta suis ordinibus vocantur cælum & terra; illa spiritualis, hæc corporalis creatura.

27. **Q**UIBUS omnibus auditis & consideratis, nolo verbis contendere; ad nihil enim utile est nisi ad subversionem audientium. Ad ædificationem autem bona est lex, si quis ea legitime utatur; quia finis ejus est caritas de corde puro, & conscientia bona, & fide non ficta. Et novit Magister noster in quibus duobus præceptis totam Legem Prophetasque suspenderit. Quæ mihi ardentem confitenti, Deus meus lumen oculorum meorum in occulto, quid mihi obest, cum diversa in his verbis intelligi possint, quæ tamen vera sint, quid inquam mihi obest, si aliud ego sensero quam sensit alius eum sensisse qui scripsit? Omnes quidem qui legimus, nitimur hoc indagare atque comprehendere quod voluit ille quem legimus. Et cum eum veridicum credimus, nihil quod falsum esse vel novimus vel putamus, audeamus eum existimare dixisse. Dum ergo quisque conatur id sentire in Scripturis sanctis, quod in eis sensit ille qui scripsit; quid mali est si hoc sentiat, quod tu lux omnium veridicarum mentium ostendis verum esse; etiam si hoc non sensit ille quem legit, cum & ille verum, nec tamen hoc senserit?

Tom. I.

A 28. **V**ERUM est enim, Domine, fecisse te cælum & terram; & verum est Principium esse Sapientiam tuam in qua fecisti omnia. Item verum est, quod mundus iste visibilis habet magnas partes suas cælum & terram brevi complexione factarum omnium conditarumque naturarum. Et verum est quod omne mutabile insinuat notitiæ nostræ quamdam informitatem, qua formam capit, vel qua mutatur & vertitur. Verum est, nulla tempora perpeti quod ita cohæret formæ incommutabili, ut quamvis sit mutabile, non mutetur. Verum est, informitatem quæ a prope nihil est, vices temporum habere non posse. Verum est, quod unde fit aliquid, potest quodam genere locutionis habere jam nomen ejus rei quæ inde fit; unde potuit vocari cælum & terra quælibet informitas unde factum est cælum & terra. Verum est, omnium formarum nihil esse informi vicinius quam terram & abyssum. Verum est, quod non solum creatum atque formatum; sed etiam quidquid creabile atque formabile est, tu fecisti ex quo sunt omnia. Verum est, omne quod ex informi formatur, prius esse informe, deinde formatum.

B 29. **E**X his omnibus veris, de quibus non dubitant, quorum interiori oculo talia videre donasti, & qui Moysen famulum tuum in Spiritu veritatis locutum esse immobiliter credunt; ex his ergo omnibus aliud sibi tollit qui dicit, *In principio fecit Deus cælum & terram*, id est, in Verbo suo sibi coæterno fecit Deus intelligibilem atque sensibilem, vel spiritalem corporalemque creaturam. Aliud qui dicit, *In principio fecit Deus cælum & terram*, id est, in Verbo suo sibi coæterno fecit Deus universam istam molem corporei mundi hujus, cum omnibus quas continet manifestis notisque naturis. Aliud qui dicit, *In principio fecit Deus cælum & terram*, id est, in Verbo suo sibi coæterno fecit Deus informem materiam creaturæ spiritualis & corporalis. Aliud qui dicit, *In principio fecit Deus cælum & terram*, id est, in Verbo suo sibi coæterno fecit Deus informem materiam creaturæ corporalis ubi confusum adhuc erat cælum & terra, quæ nunc jam distincta atque formata in istius mundi mole sentimus. Aliud qui dicit, *In principio fecit Deus cælum & terram*, id est, in ipso exordio faciendi atque operandi fecit Deus informem materiam confuse habentem cælum & terram, unde formata nunc eminent & apparent cum omnibus quæ in eis sunt.

C 30. **I**TEM quod adinet ad intellectum verborum sequentium, ex illis omnibus verbis, aliud sibi tollit qui dicit, *Terra autem erat invisibilis & incomposita, & tenebræ erant super abyssum*, id est, b corporale illud quod fecit Deus, adhuc materies erat corporearum rerum informis sine ordine, sine luce. Aliud qui dicit, *Terra autem erat invisibilis & incomposita, & tenebræ erant super abyssum*, id est, hoc totum quod cælum & terra appellatum est, adhuc informis & tenebrosa materies erat, unde fieret cælum corporeum & terra corporea, cum omnibus quæ in eis sunt corporeis sensibus nota. Aliud qui dicit, *Terra autem erat invisibilis & incomposita, & tenebræ erant super abyssum*, id est, hoc totum quod cælum & terra appellatum est, adhuc informis & tenebrosa materies erat, unde fieret cælum intelligibile quod alibi dicitur cælum cæli; & terra, scilicet omnis natura corporea,

K sub

CAPUT XIX.
Quæ li-
quido
vera.

CAPUT XX.
In princi-
pio crea-
vit &c.
varie in-
tellectum.

CAPUT XXI.
Terra
erat invi-
sibilis
&c. vario
intelle-
ctum.

a Lov, proprie nihil est.

b Ita plures & potiores MSS. cum Arn. At Bad. Am. Er. Som. &

Blas. cum quinque MSS. habeat, id est incorporale. Lov, id est corporeabile.

sub quo nomine intelligatur etiam hoc cælum corporeum; id est unde fieret omnis invisibilis visibilisque creatura. Aliud qui dicit, *Terra autem erat invisibilis & incomposita, & tenebræ erant super abyssum*; non illam informitatem nomine cæli & terre Scriptura appellavit, sed jam erat, inquit, ipsa informitas quam terram invisibilem & incompositam tenebrosamque abyssum nominavit, de qua cælum & terram Deum fecisse prædixerat, spiritalem scilicet, corporalemque creaturam. Aliud qui dicit, *Terra autem erat invisibilis & incomposita, & tenebræ erant super abyssum*; id est, informitas quædam jam materies erat, unde cælum & terram Deum fecisse Scriptura prædixit, totam scilicet corpoream mundi molem, in duas maximas partes superiorem atque inferiorem distributam, cum omnibus quæ in eis sunt usitatis notisque creaturis.

CAPUT XXII.
Aliquid esse Deo a conditum, de quo si leat liber Genesis, nihil reputat.

Coloss. 1. 16.

Gen. 1. 9.

31. **C**UM enim duabus istis extremis sententiis resistere quisquam ita tentaverit: Si non vultis hanc informitatem materiæ cæli & terræ nomine appellatam videri; erat ergo aliquid quod non fecerat Deus, unde cælum & terram faceret; neque enim Scriptura narravit quod istam materiem Deus fecerit, nisi a intelligamus eam cæli & terræ, aut solius terræ vocabulo significatam cum diceretur, *In principio fecit Deus cælum & terram*; ut id quod sequitur, *Terra autem erat invisibilis & incomposita*; quamvis informem materiam sic placuerit appellare, non tamen intelligamus nisi eam quam fecit Deus in eo quod præscriptum est, *fecit Deus cælum & terram*. Respondebunt assertores duarum istarum sententiarum quas extremas posuimus, aut illius, aut illius, cum hæc audierint & dicent: Informem quidem istam materiam non negamus a Deo factam, Deo a quo sunt omnia bona valde: quia sicut dicimus amplius bonum esse quod creatum atque formatum est, ita fatemur minus bonum esse quod factum est creabile atque formabile, sed tamen bonum: non autem commemorasse Scripturam, quod hanc informitatem fecerit Deus, sicut alia multa non commemoravit, ut Cherubim & Seraphim, & quæ Apostolus distincte ait, Sedes, Dominationes, Principatus, Potestates, quæ tamen omnia Deum fecisse manifestum est. Aut si in eo quod dictum est, *fecit cælum & terram*, comprehensa sunt omnia; quid de aquis dicimus, super quas ferebatur Spiritus Dei? Si enim terra nominata simul intelliguntur, quomodo jam terræ nomine materies informis accipitur, quando tam speciosas aquas videmus? Aut si ita accipitur, cur ex eadem informitate scriptum est factum firmamentum & vocatum cælum, neque scriptum est factas esse aquas? Non enim adhuc informes sunt & invisæ, quas ita decora specie fluere cernimus. Aut si tunc acceperunt istam speciem cum dixit Deus, *Congregetur aqua quæ est sub firmamento*, ut congregatio sit ipsa formatio; quid respondebitur de aquis quæ super firmamentum sunt? quia neque informes tam honorabilem sedem accipere meruissent, nec scriptum est qua voce formatæ sint. Unde si aliquid Genesis tacuit Deum fecisse, quod tamen Deum fecisse nec sana fides, nec certus ambigit intellectus; nec ideo ulla sobria doctrina dicere audebit istas aquas coæternas Deo, quia in libro Geneseos commemoratas quidem audivimus, ubi autem factæ sint non invenimus: cur non informem quoque illam

A materiem, quam Scriptura hæc terram invisibilem & incompositam, tenebrosamque abyssum appellat, docente veritate intelligamus a Deo factam esse de nihilo, ideoque illi non esse coæternam, quamvis ubi facta sit, omiserit enuntiare ista narratio?

32. **H**IS ergo auditis atque perspectis pro captu infirmitatis meæ, quam tibi confiteor scienti Deo meo, duo video dissensionum genera oboriri posse, cum aliquid a nuntiis veracibus per signa enuntiat; unum si de veritate rerum, alterum si de ipsius qui enuntiat voluntate dissensio est. Aliter enim quærimus de creaturæ conditione quid verum sit, aliter autem quid in his verbis Moyses egregius domesticus fidei tuæ intelligere lectorem auditoremque voluerit. In illo primo genere discedant a me omnes, qui ea quæ falsa sunt, se scire arbitrantur. In hoc item altero discedant a me omnes, qui ea quæ falsa sunt, Moysen dixisse arbitrantur. Conjungar autem illis, Domine, in te, & delecter cum eis in te, qui veritate tua pascuntur in latitudine caritatis, & accedamus simul ad verba libri tui, & quæramus in eis voluntatem tuam per voluntatem famuli tui, cujus calamo dispensasti ea.

33. **S**ED quis nostrum sic invenit eam inter tam multa b vera, quæ in illis verbis aliter atque aliter intellectis occurrunt quærentibus, ut tam fidenter dicat hoc sensisse Moysen, atque hoc in illa narratione voluisse intelligi, quam fidenter dicit hoc verum esse, sive ille hoc senserit, sive aliud? Ecce enim, Deus meus, ego servus tuus qui vovi tibi sacrificium confessionis in his litteris, & oro ut ex misericordia tua reddam tibi vota mea; ecce ego quam fidenter dico in tuo Verbo incommutabili omnia te fecisse, invisibilia & visibilia, numquid tam fidenter dico non aliud quam hoc adtendisse Moysen cum scriberet, *In principio fecit Deus cælum & terram*? Quia non sicut in tua veritate hoc certum video, ita in ejus mente video id eum cogitasse cum hæc scriberet. Potuit enim cogitare in ipso faciendi exordio, cum diceret, *In principio*: potuit & *cælum & terram* hoc loco, nullam jam formatam perfectamque naturam sive spiritalem sive corporalem, sed utramque inchoatam & adhuc informem velle intelligi. Video quippe vere potuisse dici, quidquid horum diceretur; sed quid horum in his verbis ille cogitaverit, non ita video: quamvis sive aliquid horum, sive aliquid aliud quod a me commemoratum non est, tantus vir ille mente conspexerit, cum hæc verba promeret, verum eum vidisse apteque id enuntiasse non dubitem.

34. **N**E MO mihi jam molestus sit dicendo mihi, Non hoc sensit Moyses quod tu dicis; sed hoc sensit quod ego dico. Si enim mihi diceret, Unde scis hoc sensisse Moysen, quod de his verbis ejus eloqueris; æquo animo ferre deberem, & responderem fortasse quæ superius respondi, vel aliquanto uberius, si esset durior. * Cum vero dicit: Non hoc ille sensit quod tu dicis, sed quod ego dico; neque tamen negat quod uterque nostrum dicit, utrumque verum esse: o vita pauperum Deus meus, in cujus sinu non est contradictio, plue mihi mitigationes in cor, ut patienter tales feram qui non mihi hoc dicunt, quia divini sunt, & in corde famuli tui viderunt quod dicunt, sed quia superbi sunt, nec noverunt Moyfi sententiam, sed amant suam, non quia vera est, sed quia sua est. Alioquin & aliam

CAPUT XXIII.
Duo dissensionum genera in Scripturis interpretandis.

CAPUT XXIV.
Ex multis veris non debet fidenter asserti hoc aut illud sensisse Moysen.

Adversus eos qui aliorum interpretationem temere rejiciunt.

* CAPUT XXV.

a In omnibus fere libris legitur, nisi ut intelligamus, Libratorum lapsu qui forte mutarunt aut, in, ut, hanc porro particulam removi-

mus juxta Arn. & MS. Benignianum.

b Lov. sic inveniet eam inter tam multa verba.

& aliam veram pariter amarent, sicut ego amo quod dicunt, quando verum dicunt; non quia ipsorum est, sed quia verum est; & ideo jam nec ipsorum est, quia verum est. Si autem ideo ament illud quia verum est, jam & ipsorum est & meum est: quoniam in commune omnium est veritatis amatorum. Illud autem quod contendunt non hoc sensisse Moysen quod ego dico, sed quod ipsi dicunt, nolo, non amo: quia & si ita est, tamen ista temeritas non scientiæ sed audaciæ est, nec visus sed typhus eam peperit. Ideoque, Domine, tremenda sunt judicia tua, quoniam veritas tua nec mea est, nec illius aut illius, sed omnium nostrum quos ad ejus communionem publice vocas, terribiliter admonens nos, ut nolimus eam habere privatam, ne privemur ea. **NAM QUISQUIS** id quod tu omnibus ad fruendum proponis, sibi proprie vindicat, & suum vult esse quod omnium est, a communi propellitur ad sua, hoc est, a veritate ad mendacium. Qui enim loquitur mendacium, de suo loquitur.

35. Adtende judex optime Deus ipsa veritas, adtende quid dicam contradicitori huic, adtende; coram te enim dico, & coram fratribus meis, qui legitime utuntur lege usque ad finem caritatis; adtende, & vide quid ei dicam, si placet tibi. Hanc enim vocem huic refero fraternam & pacificam: Si ambo videmus verum esse quod dicis, & ambo videmus verum esse quod dico, ubi quæso id videmus? Nec ego utique in te, nec tu in me, sed ambo in ipsa, quæ supra mentes nostras est, incommutabili veritate. Cum ergo de ipsa Domini Dei nostri luce non contendamus, cur de proximi cogitatione contendimus, quam sic videre non possumus ut videtur incommutabilis veritas; quando si ipse Moyses apparuisset nobis atque dixisset, Hoc cogitavi; nec sic eam videremus, sed crederemus? Non itaque supra quam scriptum est, unus pro altero infletur adversus alterum. Diligamus Dominum Deum nostrum ex toto corde, & ex tota anima, & ex tota mente nostra, & proximum nostrum sicut nosmetipsos. Propter quæ duo præcepta caritatis sensisse Moysen, quidquid in illis libris sensit, nisi crediderimus, mendacem faciemus Dominum, cum de animo conservi aliter quam ille docuit opinamur. Jam vide quam stultum sit in tanta copia verissimarum sententiarum, quæ de illis verbis erui possunt, temere affirmare quam earum Moyses potissimum senserit, & perniciosis contentionibus ipsam offendere caritatem, propter quam dixit omnia, cujus dicta conamur exponere.

CAPUT
XXVI.
Qui sermo de-
ceat Scrip-
turam.

36. **E**T tamen ego, Deus meus celsitudo humilitatis meæ, & requies laboris mei, qui audis confessiones meas, & dimittis peccata mea, quoniam tu mihi præcipis ut diligam proximum meum sicut meipsum, non possum minus credere de Moyse fidelissimo famulo tuo, quam mihi optarem ac desiderarem abs te dari muneris, si tempore illo natus essem quo ille, eoque loco me constituisses, ut per servitutem cordis ac linguæ meæ, litteræ illæ dispensarentur, quæ tanto post essent omnibus gentibus profutura, & per universum orbem tanto auctoritatis culmine omnium falsarum superbarumque doctrinarum verba superaturæ. Vellem quippe si tunc ego essem Moyses, (ex eadem namque massa omnes venimus; & quid est homo nisi quia memor es ejus?) Vellem ergo si tunc ego essem quod ille, & mihi abs te Gene-
Tom. I.

A feos liber scribendus injungeretur, talem mihi eloquendi facultatem dari, & eum texendi sermonis modum, ut neque illi qui nondum queunt intelligere quemadmodum Deus creat, tamquam excedentia vires suas dicta recusarent; & illi qui hoc jam possunt, in quamlibet veram sententiam cogitando venissent, eam non prætermisam in paucis verbis tui famuli reperirent; & si alius aliam vidisset in luce veritatis, nec ipsa in eisdem verbis intelligenda deesset.

37. **S**ICUT enim fons in parvo loco uberius est, pluribusque rivis in ampliora spatia fluxum ministrat, quam quilibet eorum rivorum, qui per multa locorum ab eodem fonte deducitur; ita narratio dispensatoris tui sermocinaturis pluribus profutura, parvo sermonis modulo scatet fluentia liquidæ veritatis, unde sibi quisque verum quod de his rebus potest, hic illud, ille illud, per longiores loquelarum amfra-ctustrahat. Alii enim cum hæc verba legunt vel audiunt, cogitant Deum quasi hominem, aut quasi aliquam molem immensa præditam potestate, novo quodam & repentino placito, extra se ipsam, tamquam locis distantibus fecisse cælum & terram, duo magna corpora supra & infra, quibus omnia continerentur. Et cum audiunt, Dixit Deus, Fiat illud, & factum est illud, cogitant verba cœpta & finita, sonantia temporibus atque transeuntia, post quorum transitum statim exsistere quod jussum est ut existeret: & si quid forte aliud hoc modo ex familiaritate carnis opinantur. In quibus adhuc parvulis animalibus dum isto humillimo genere verborum tamquam materno sinu eorum gestatur infirmitas, salubriter ædificatur fides, qua certum habeant & teneant Deum fecisse omnes naturas, quas eorum sensus mirabili varietate circumspicit. Quorum si quispiam quasi vilitatem dictorum aspernatus, extra nutritorias cunas superba imbecillitate se extenderit, heu cadet miser. Et Domine Deus misere, ne implumem pullum conculcent qui transeunt viam; & mitte Angelum tuum qui eum reponat in nido, ut vivat donec volet.

38. **A**LII vero quibus hæc verba non jam nudus, sed opaca fructu sunt, vident in eis latentes fructus & volitant lætantes, & garriunt scrutantes, & carpunt eos. Vident enim cum hæc verba legunt vel audiunt, tua Deus æterna & stabili permanfione cuncta præterita & futura tempora superari; nec tamen quidquam esse temporalis creaturæ, quod tu non feceris; cujus voluntas quia id est quod tu, nullo modo mutata, vel quæ antea non fuisset, exorta voluntate fecisti omnia; non de te similitudinem tuam formam omnium, sed de nihilo dissimilitudinem informem, quæ formaretur per similitudinem tuam, recurrens in te unum pro captu ordinato, quantum cuique rerum in suo genere datum est; & fierent omnia bona valde, sive maneant circa te, sive gradatim remotiori distantia per tempora & locos pulcras a variationes faciant aut patiantur. Vident hæc, & gaudent in luce veritatis tuæ, quantum hic valent.

39. Et alius eorum intendit in id quod dictum est, *In principio fecit Deus*, & respicit Sapientiam Principium, quia & loquitur ipsa nobis. Alius itidem intendit in eadem verba, & principium intelligit exordium rerum conditarum, & sic accipit, *In principio fecit*; ac si diceretur, primo fecit. Atque in eis qui

CAPUT
XXVII.
Scriptu-
ram de-
cet hu-
mile
simplex
que ver-
borum
genus.

CAPUT
XXVIII.
Ut varie
intelli-
gitur ab
eruditis
Scriptu-
ra.

a

K 2 in-

intelligunt, *In principio*, quod in Sapientia fecisti cælum & terram, alius eorum ipsum cælum & terram, creabilem materiam cæli & terræ, sic esse credit cognominatam: alius jam formatas distinctasque naturas; alius unam formatam, eandemque spiritalem cæli nomine; aliam informem corporalis materiæ, terræ nomine.

Qui autem intelligunt in nominibus cæli & terræ, adhuc informem materiam, de qua formaretur cælum & terra, nec ipsi uno modo id intelligunt; sed alius unde consummaretur intelligibilis sensibilisque creatura; alius tantum unde sensibilis moles ista corporea, sinu grandi continens perspicuas promptasque naturas. Nec illi uno modo qui jam dispositas digestasque creaturas cælum & terram vocari hoc loco credunt; sed alius invisibilem atque visibilem; alius solam visibilem, in qua luminosum cælum suspicimus, & terram caliginosam, quæque in eis sunt.

CAPUT
XXIX.
Quor
modis
dicitur
aliquid
prius.

40. **A** T ille qui non aliter accipit, *In principio fecit*, quam si diceretur, primo fecit, non habet quomodo veraciter intelligat cælum & terram, nisi materiam cæli & terræ intelligat, videlicet universæ, id est intelligibilis corporalisque creaturæ. Si enim jam formatam velit universam; recte ab eo quæri poterit, si hoc primo fecit Deus quid fecerit deinceps; & post universitatem non inveniet; ac per hoc audiet invitus, Quomodo illud primo, si postea nihil? Cum vero dicit primo informem, deinde formatam, non est absurdus, si modo est idoneus discernere quid præcedat æternitate, quid tempore, quid electione, quid origine. Æternitate, sicut Deus omnia; tempore sicut flos fructum; electione, sicut fructus florem; origine, sicut sonus cantum. In his quatuor primum & ultimum quæ commemoravi, difficillime intelliguntur; duo media facillime. Namque rara visio est & nimis ardua conspiciere, Domine, æternitatem tuam incommutabiliter mutabilia facientem, ac per hoc priorem. Quis deinde sic acutum cernat animo, ut sine labore magno dignoscere valeat, quomodo sit prior sonus quam cantus, ideo quia cantus est formatus sonus, & esse utique aliquid non formatum potest, formari autem quod non est, non potest? Sic est prior materies, quam id quod ex ea fit: non ideo prior quia ipsa efficit, cum potius fiat; nec prior intervallo temporis. Neque enim priore tempore sonos edimus informes sine cantu, & eos posteriore tempore in formam cantici coaptamus aut fingimus, sicut ligna quibus arca, vel argentum quo vasculum fabricatur. Tales quippe materiæ tempore etiam præcedunt formas rerum quæ fiunt ex eis: at in cantu non ita est. Cum enim cantatur, auditur sonus ejus; non prius informiter sonat, & deinde formatur in cantum. Quod enim primo utcumque sonuerit, præterit, nec ex eo quidquam reperies quod resumtum arte componas: & ideo cantus in sono suo vertitur, qui sonus ejus, materies ejus est. Idem quippe formatur ut cantus sit; & ideo, sicut dicebam, prior materies sonandi quam forma cantandi: non a per faciendi potentiam prior; neque enim sonus est cantandi artifex, sed cantanti animæ subjacet ex corpore, de quo cantum faciat. Nec tempore prior; simul enim cum cantu editur. Nec prior electione; non enim potior sonus quam

cantus, quando quidem cantus est non tantum sonus, verum etiam sonus speciosus. Sed prior est origine, quia non cantus formatur ut sonus sit, sed sonus formatur ut cantus sit. Hoc exemplo qui potest intelligat materiam rerum primo factam, & appellatam cælum & terram, quia inde facta sunt cælum & terra; nec tempore primo factam, quia formæ rerum exserunt tempora, illa autem erat informis, jamque in temporibus simul animadvertitur, nec tamen de illa b narrari aliquid potest, nisi velut tempore prior sit, cum pendatur extremior, quia profecto meliora sunt formata quam informia, & c præcedatur æternitate Creatoris, ut esset de nihilo, unde aliquid fieret.

41. **I** N hac diversitate sententiarum verarum concordiam pariat ipsa veritas, & Deus noster misereatur nostri, ut legitime lege utamur, præcepti fine, pura caritate. Ac per hoc si quisquærit ex me, quid horum Moyses ille tuus famulus senserit, non sunt hi sermones confessionum mearum; si tibi non confiteor, nescio; & scio tamen illas veras esse sententias, exceptis carnalibus de quibus quantum existimavi locutus sum: quos tamen bonæ spei parvulos hæc verba libri tui non territant, alta humiliter, & pauca copiose. Sed omnes quos in eis verbis vera cernere ac dicere fateor, diligamus nos invicem, pariterque diligamus te Deum nostrum fontem veritatis, si non vana, sed ipsam sitimus; eundemque famulum tuum Scripturæ hujus dispensatorem, Spiritu tuo plenum ita honoremus, ut hoc eum te revelante cum hæc scriberet adtendisse credamus, quod in eis maxime & luce veritatis, & fruge utilitatis excellit.

42. **I** T A cum alius dixerit, Hoc sensit quod ego; & alius, Immo illud quod ego; religiosius me arbitror dicere, Cur non utrumque potius, si utrumque verum est? Et si quid tertium, & si quid quartum, & si quid omnino aliud verum quispiam in his verbis videt, cur non illa omnia vidisse credatur, per quem unus Deus sacras litteras vera & diversa visuris multorum sensibus temperavit? Ego certe, quod intrepidus de corde meo pronuntio, si ad culmen auctoritatis aliquid scriberem, sic mallet scribere, ut quod veri quisque de his rebus capere posset, mea verba resonarent, quam ut unam veram sententiam ad hoc apertius ponerem; ut excluderem ceteras, quarum falsitas me non posset offendere. Nolo itaque, Deus meus, tam præceptum esse, ut hoc illum virum de te meruisse non credam. Sensit ille omnino in his verbis, atque cogitavit cum ea scriberet, quidquid hic veri potuimus invenire, & quidquid nos non potuimus, aut nondum possumus, & tamen in eis inveniri potest.

43. **P** O S T R E M O, Domine qui Deus es, & non caro & sanguis, si quid homo minus videt, numquid & Spiritum tuum bonum qui deducet me in terram rectam latere potuit, quidquid eras in eis verbis tu ipse revelaturus legentibus posteris, etiam si ille per quem dicta sunt, unam fortassis ex multis veris sententiam cogitavit? Quod si ita est, sit igitur illa quam cogitavit ceteris excelsior. Nobis autem, Domine, aut ipsam demonstra, aut quam placet alteram veram; ut si nobis hoc quod etiam illi homini tuo, si aliud ex eorumdem verborum occasione patefacias,

tu

a Editi, *perficiendi potentia*, refragantibus MSS. quorum lectionem amplectimur.

b Legendum videtur, *variari*: vult enim Augustinus quod sicut sonus origine præcedit cantum qui ex eo formatur; ita materia velut

tempore, id est origine præcedere debet, ut aliquid de illa variari possit.

c Sic MSS. & Arn. At Bad. habet, *præcedantur*, Editi alii *præcedunt*.

CAPUT
XXX.
Tractatores
Scripturæ
diversa
sentientes
concordant
invicem
caritate
& studio
veritatis.

CAPUT
XXXI.
Sensisse
putandus
est
Moyse
quid
verum
pote
in ip
verbis
inveni
ri.

CAPUT
XXXII.
Veri
Scripturæ
sensu
a Spiritu
sancto
revelantur.

tu tamen pascas, non error illudat. Ecce Domine Deus meus, quam multa de paucis verbis, quam multa oro te scripsimus? Quæ nostræ vires, quæ tempora omnibus libris tuis ad istum modum sufficient? Sine itaque me brevius in eis confiteri tibi, & eligere unum aliquid quod tu inspiraveris verum, certum & bonum, etiam

si multa occurrerint, ubi multa occurrere poterunt; ea fide confessionis meæ, ut si hoc dixero quod sensit minister tuus, recte atque optime; id enim conari me oportet: quod si adsecutus non fuero, id tamen dicam quod mihi per ejus verba veritas tua dicere voluerit, quæ illi quoque dixit quod voluit.

LIBER DECIMUS-TERTIUS.

Dei bonitatem in rerum productione ac perfectione relucere; tum etiam Deum, Trinitatem, ipsiusque proprietatem Spiritus-sancti primis Geneseos verbis insinuari ostendit. Postmodum vero totam conditi mundi historiam allegorica interpretatione transfert ad ea, quæ Deus in Ecclesia ad hominum sanctitatem & gloriam operatur,

CAPUT I. **I** NVOCO te, Deus meus misericordia mea, qui fecisti me, & oblitum tui oblitus non es. Invoco te in animam meam, quam præparas ad capiendum te ex desiderio quod inspiras ei; nunc invocantem te ne deferas, qui prius quam invocarem prævenisti & institisti crebrescens multimodis vocibus, ut audirem de longinquo & converterer, & vocantem me invocarem te. Tu enim Domine delevisti omnia mala merita mea, ne retribueres manibus meis in quibus a te defeci; & prævenisti omnia bona merita mea, ut retribueres manibus tuis quibus me fecisti: quia & prius quam essem tu eras, nec eram cui præstares ut essem; & tamen ecce sum ex bonitate tua præveniente totum hoc quod me fecisti, & unde me fecisti. Neque enim eguisti me, aut ego tale bonum sum quo tu adjuveris Domine meus & Deus meus; non ut tibi sic serviam quasi ne fatigeris in agendo, aut ne minor sit potestas tua carens obsequio meo; neque ut sic te colam quasi terram, ut sis incultus si non te colam; sed ut serviam tibi & colam te, ut de te mihi bene sit, a quo mihi est ut sim cui bene sit.

CAPUT II. **E** X plenitudine quippe bonitatis tuæ creatura tua subsistit, ut bonum quod tibi nihil prodesset, nec de te æquale tibi esset, tamen quia ex te fieri potuit, non deesset. Quid enim te promeruit *cælum & terra*, quæ fecisti in Principio? Dicant quid te promeruerunt spiritalis corporalisque natura, quas fecisti in Sapientia tua, ut inde penderent etiam inchoata & informia quæque in genere suo, vel spiritali vel corporali, euntia in immoderationem, & in longinquam dissimilitudinem tuam; spiritale informe præstantius, quam si formatum corpus esset; corporale autem informe præstantius, quam si omnino nihil esset: atque ita penderent in tuo verbo informia, nisi per idem verbum revocarentur ad unitatem tuam, & formarentur, & essent ab uno te summo bono universa bona valde. Quid te promeruerant ut essent saltem informia, quæ neque hoc essent, nisi ex te?

3. Quid te promeruit materies corporalis, ut esset saltem *invisibilis & incompressa*? Quia neque hoc esset, nisi quia fecisti eam: ideoque te, quia non erat, promereri ut esset non poterat. Aut quid te promeruit inchoatio creaturæ spiritalis, ut saltem tenebrosa fluitaret similis abyssus, tui dissimilis, nisi per idem verbum converteretur ad idem a quo facta est, atque ab eo illuminata lux fieret, quamvis non æqualiter, tamen conformis formæ æquali tibi? Sicut enim corpori non hoc est

Tom. I.

B esse quod pulcrum esse, alioquin deforme esse non posset: ita etiam creato spiritui, non id est vivere quod sapienter vivere, alioquin incommutabiliter saperet. Bonum autem illi est hæerere tibi semper, ne quod adeptus est conversione, aversione lumen amittat, & relabatur in vitam tenebrosæ abyssi similem. Nam & nos qui secundum animam creatura spiritalis sumus, averfi a te nostro lumine, in ea vita fuimus aliquando tenebræ, & in reliquiis obscuritatis nostræ laboramus, donec simus iustitia tua in Unico tuo sicut montes Dei. Nam judicia tua fuimus, sicut abyssi multa.

4. **Q** UOD autem in primis conditionibus dixisti, *Fiat lux, & facta est lux*; non incongruenter hoc intelligo in creatura spiritali; quia erat jam qualiscumque vita quam illuminares. Sed sicut non te promeruerat ut esset talis vita quæ illuminari posset, ita nec cum jam esset promeruit te ut illuminaretur. Neque enim ejus informitas placeret tibi, si non lux fieret, non existendo, sed intuendo illuminantem lucem eique cohærendo; ut & quodcumque vivit, & quod beate vivit, non deberet nisi gratiæ tuæ, conversata per commutationem meliorem ad id quod neque in melius neque in deterius mutari potest; quod tu solus es, quia solus simpliciter es, cui non est aliud vivere, aliud beate vivere, quia tua beatitudo tu es.

5. **Q** UID ergo tibi deesset ad bonum quod tu tibi es, etiam si ista vel omnino nulla essent, vel informia remanerent, quæ non ex indigentia fecisti, sed ex plenitudine bonitatis tuæ, cohibens atque convertens ad formam, non ut tamquam tuum gaudium compleatur ex eis? Perfecto enim tibi displicet eorum imperfectio, ut ex te perficiantur & tibi placeant, non autem imperfecto tamquam & tu eorum perfectione perficiendus sis. *Spiritus enim tuus bonus superferebatur super aquas*, non ferebatur ab eis tamquam in eis requiesceret. In quibus enim requiescere dicitur Spiritus tuus bonus, hos in se requiescere facit. Sed superferebatur incorruptibilis & incommutabilis voluntas tua, ipse in se sibi sufficiens, super eam quam feceras vitam; cui non est hoc vivere quod beate vivere, quia vivit etiam fluitans in obscuritate sua; cui restat converti ad eum a quo facta est, & magis magisque vivere apud fontem vitæ, & in lumine ejus videre lumen, & perfici, & illustrari, & beari.

6. **E** CCE apparet mihi in ænigmate Trinitas quod es Deus meus, quoniam tu Pater in Principio a sapientiæ nostræ quod est tua Sapientia

K 3 de

CAPUT III.
Ex Dei gratia omnia.
Gen. 1.3.

CAPUT IV.
Deus non eget rebus conditis,

CAPUT V.
Trinitas qui Deus a

a Insignem huncce locum redintegrant MSS. Mutilus quippe in ex-

cusis erat detractis verbis istis, *sapientiæ nostræ*.

est ex de te nata, æqualis tibi & coæterna, id est in Filio tuo *fecisti cælum & terram*. Et multa diximus de *cælolocali*, & de *terra invisibili & incomposita*, & de *abyssotenebrosa*, iecundum spiritalis informitatis vagabunda deliquia, nisi converteretur ad eum a quo erat qualiscumque vita, & illuminatione fieret speciosa vita, & esset cælum cæli ejus, quod inter aquam & aquam postea factum est. Et tenebam jam Patrem in *Dei* nomine qui fecit hæc, & Filium in *Principii* nomine in quo fecit hæc; & Trinitatem credens Deum meum sicuti credebam, quærebam in eloquiis sanctis ejus, & ecce *Spiritus tuus superferebatur super aquas*. Ecce Trinitas Deus meus, Pater & Filius & Spiritus sanctus, creator universæ creaturæ.

CAPUT VI.
Cur dictus est Spiritus superferri super aquas.
7. **S**ED quæ causâ fuerat, o lumen veridicum, tibi admoveo cor meum, ne me vana doceat, discute tenebrasejus, & dic mihi, obsecro te per matrem caritatem, obsecro te, dic mihi quæ causâ fuerat, ut post nominatum *cælum*, & *terram invisibilem & incompositam*, & *tenebras super abyssum*, tum demum Scriptura tua nominaret *Spiritum tuum*? An quia oportebat sic eum insinuari, ut diceretur *superferri*, & non posset hoc dici nisi prius illud commemoraretur, cui superferri Spiritus tuus posset intelligi? Nec Patri enim nec Filio superferebatur; nec superferri recte diceretur, si nulli rei superferretur? Prius ergo dicendum erat cui superferretur, & deinde ille quem non oportebat aliter commemorari, nisi ut superferri diceretur. Cur ergo aliter eum insinuari non oportebat, nisi ut superferri diceretur?

CAPUT VII.
Effectus Spiritus sancti.
Rom. 5.5.
8. **J**AM hinc sequatur qui potest intellectu Apostolum tuum dicentem, quia caritas tua diffusa est in cordibus nostris per Spiritum sanctum, qui datus est nobis; & de spiritalibus docentem, & demonstrantem supereminentem viam caritatis, & flectentem genua pro nobis ad te, ut cognoscamus supereminentem scientiam caritatis Christi. Ideoque ab initio supereminens superferebatur super aquas. Cui dicam? quomodo dicam de pondere cupiditatis in abruptam abyssum, & de sublevatione caritatis per Spiritum tuum, qui superferebatur super aquas? Cui dicam? quomodo dicam? a Mergimur, & emergimus? Neque enim loca sunt quibus mergimur & emergimus. Quid similis, & quid dissimilis? Affectus sunt, amores sunt, immunditia spiritus nostri defluens inferius amore curarum, & sanctitas tui ad tollens nos superius amore securitatis, ut sursum cor habeamus ad te, ubi Spiritus tuus superfertur super aquas, & veniamus ad supereminentem requiem, cum pertransierit anima nostra aquas quæ sunt sine substantia.

CAPUT VIII.
Intellectualis creatura ad beatitudinem requiem non sufficit quid Deo minus est.
9. **D**EFLUXIT Angelus, defluxit anima hominis, & indicaverunt abyssum universæ spiritalis creaturæ in profundo tenebroso, nisi dixisset ab initio, *Fiat lux, & facta esset lux*: & inhæreret tibi omnis obediens intelligentia cælestis civitatis tuæ, & requiesceret in Spiritu tuo, qui superfertur incommutabiliter super omne mutabile. Alioquin & ipsum cælum cæli tenebrosa abyssus esset in se; nunc autem lux est in Domino. Nam & in ipsa misera inquietudine de-

A fluentium spirituum & indicantium tenebras suas nudatas veste luminis tui, satis **OSTENDIS** quam magnam creaturam rationalem feceris, cui nullo modo sufficit ad beatam requiem quidquid te minus est, ac per hoc nec ipsa sibi. Tu enim Deus noster illuminabis tenebras nostras: ex te oriuntur vestimenta nostra, & tenebræ nostræ sicut meridies erunt. Da mihi te Deus meus, redde te c mihi: te enim amo, & si parum est, amem validius. **NON POSSUM** metiri ut sciam quantum desit mihi amoris ad id quod sat est, ut currat vita mea in amplexus tuos, nec avertatur donec d abscondatur in abscondito vultus tui. Hoc tantum scio, quia **MALE MIHI** est præter te, non solum extra me, sed & in me ipso, & omnis mihi copia quæ Deus non est, egestas est.

10. NUMQUID aut Pater aut Filius non superferebatur super aquas? Si tamquam loco sicut corpus, nec Spiritus sanctus. Si autem incommutabilis divinitatis eminentia super omne mutabile, & Pater & Filius & Spiritus sanctus superferebatur super aquas, cur ergo tantum de Spiritu tuo dictum est hoc? cur de illo tantum dictum est? Quasi locus ibi esset qui non est locus, de quo solo dictum est quod sit domum tuum. In dono tuo requiescimus; ibi te fruimur. Requies nostra, locus noster. Amor illuc ad tollit nos, & Spiritus tuus bonus exaltat humilitatem nostram de portis mortis. In bona voluntate pax nobis est. Corpus pondere suo nititur ad locum suum. Pondus non ad ima tantum est, sed ad locum suum. Ignis sursum tendit, deorsum lapis. Ponderibus suis aguntur, loca sua petunt. **D** Oleum infra aquam fustum, supra aquam ad tollitur; aqua supra oleum fusa, infra oleum demergitur; ponderibus suis aguntur, loca sua petunt. Minus ordinata inquieta sunt, ordinantur & quiescunt. **PONDUS** meum amor meus, eo feror quocumque feror. Dono tuo accendimur, & sursum ferimur. Inardescimus, & imus. Adscendimus adscensiones in corde, & cantamus canticum graduum. Igne tuo, igne tuo bono inardescimus & imus, quoniam sursum imus ad pacem Jerusalem, quoniam jocundatus sum in his e qui dixerunt mihi, in domum Domini ibimus. Ibi nos collocavit voluntas bona, ut nihil velimus aliud quam permanere illic in æternum.

11. BEATA creatura quæ non novit aliud, cum esset ipsa aliud, nisi dono tuo quod superferretur super omne mutabile, mox ut facta est, ad tolleretur nullo intervallo temporis in ea vocatione qua dixisti, *Fiat lux*, & f fieret lux. In nobis enim distinguitur tempore, quod tenebræ fuimus, & lux effici-mur. In illa vero dictum est quid esset nisi illuminaretur; & ita dictum est, quasi prius fuerit fluxa & tenebrosa; ut appareret causâ qua factum est ut aliter esset, id est ut ad lumen indeficiens conversa lux esset. Qui potest, intelligat, g & qui non potest, a te petat. Ut quid mihi molestus est, quasi ego illuminem omnem hominem venientem in hunc mundum?

12. TRINITATEM omnipotentem quis intelligit? Et quis non loquitur eam, si tamen eam? Rara anima, quæ cum de illa loquitur, scit quid loquitur. Et contendunt & dimicant, & nemo fine pace

CAPUT IX.
Cur solus Spiritus sanctus superferebatur super aquas.

CAPUT X.
Ex dono Dei omnia.

CAPUT XI.
Symbola Trinitatis in homine.

a MSS. non habent hoc loco, *mergimur, & emergimus*.
b Ita MSS. At editiones excepta Ara. præferunt, *spiritalis*: non bene. Intendit quippe Augustinus abyssum intellectualis omnis creaturæ ipso Angeli & hominis lapsu fuisse indicatam.
c In MSS. *redde mihi te: en amo*.
d Lov. *abscondatur*. Sed verius editiones aliæ cum MSS. *abscondatur*:

subintellige, *vita mea*.

e In prius excusis, *quæ dixerunt*. Sed alludit Augustinus ad Psal. 121. in quo legere solet, *qui dixerunt*, & sic habent hic MSS.

f Sic MSS. cum Arn. At Bad. Am. Er. & Lov. habent, *facta est*; & paulo post, *quo tenebræ fuimus*.

g MSS. carent his verbis, & *qui non potest*.

ce videt istam visionem. Vellem ut hæc tria cogita-
rent homines in se ipsis. Longe aliud sunt ista tria quam
illa Trinitas: sed dico ubi se exercent, & probent,
& sentiant quam longe a sunt. Dico autem hæc tria,
esse, nosse, velle. Sum enim, & novi, & volo; sum
sciens, & volens; & scio esse me, & velle; & volo es-
se, & scire. In his igitur tribus quam sit inseparabilis
vita, & una vita, & una mens, & una essentia, quam
denique inseparabilis distinctio, & tamen distinctio, vi-
deat, qui potest. Certe coram se est, adtendat in se,
& videat, & dicat mihi. Sed cum invenerit in his ali-
quid & dixerit, non jam se putet invenisse illud quod
supra ista est incommutabile, quod est incommutabili-
ter, & scit incommutabiliter, & vult incommutabi-
liter; & utrum propter tria hæc & ibi Trinitas; an in
singulis hæc tria, b ut terna singulorum sint; an utrum-
que miris modis simpliciter & multipliciter infinito in
se sibi sine quo est, & sibi notum est, & sibi sufficit
incommutabiliter id ipsum copiosa unitatis magnitu-
dine, quis facile cogitaverit? quis ullo modo dixerit?
quis quolibet modo temere pronuntiaverit?

CAPUT
XII.
Mundi
creatio
forma-
tionem
Ecclesie
præfigu-
rat.

13. **P**ROCEDE in confessione fides mea, dic Do-
mino Deo tuo, Sancte, Sancte, Sancte Do-
mine Deus meus, in nomine tuo baptizati sumus, Pa-
ter & Fili & Spiritus-sancte; in nomine tuo baptiza-
mus, Pater & Fili & Spiritus-sancte; quia & apud nos
in Christo suo fecit Deus cælum & terram, spirituales &
carnales Ecclesie sue; & terra nostra ante quam acci-
peret formam doctrinæ, invisibilis erat & incomposita; &
ignorantiæ tenebris tegebamur; quoniam pro iniquita-
te erudisti hominem, & judicia tua sicut abyssus multa.
Sed quia Spiritus tuus superferebatur super aquam; non
reliquit miseriam nostram misericordia tua, & dixisti,
Fiat lux. Pœnitentiam agite, appropinquavit enim re-
gnum cælorum. Pœnitentiam agite, Fiat lux. Et quo-
niam conturbata erat ad nos ipsos anima nostra, com-
memorati sumus tui Domine de terra Jordanis, & de
monte æquali tibi, sed parvo propter nos; & displi-
cuerunt nobis tenebræ nostræ, & conversi sumus ad
te, & facta est lux. Et ecce fuimus aliquando tene-
bræ, nunc autem lux in Domino.

CAPUT
XIII.
Renova-
tio ho-
minis
hic
vivit
nondum
perfecta.
1. Cor. 3. 1.

Rem. 12.
2.
1. Cor. 14.
20.
Gal. 3. 1.

14. **E**T tamen adhuc per fidem, nondum per spe-
ciem. Spe enim salvi facti sumus. Spes au-
tem quæ videtur non est spes. Adhuc abyssus abyssum
invocat, sed in voce cataractarum tuarum. Adhuc &
ille qui dicit, Non potui vobis loqui, quasi spiritalibus,
sed quasi carnalibus, etiam ipse nondum se arbitratur
comprehendisse; & quæ retro oblitus, in ea quæ ante
sunt, extenditur, & ingemiscit gravatus, & sitit ani-
ma ejus ad Deum vivum, quemadmodum cervus ad
fontes aquarum, & dicit, Quando veniam? habitacu-
lum suum quod de cælo est, superindui cupiens, & in-
vocat inferiorem abyssum dicens, Nolite conformari
huic sæculo, sed reformamini in novitate mentis ve-
stræ; &, Nolite pueri effici c mentibus, sed malitia
parvuli estote, ut mentibus perfecti sitis; &, O stulti
Galatæ, quis vos fascinavit? Sed jam non in voce sua;
in tua enim qui misisti Spiritum tuum de excelsis, per

A eum qui adscendit in altum, & aperuit cataractas do-
norum suorum, ut fluminis impetus lætificaret civita-
tem tuam. Illi enim suspirat sponsi amicus, habens
jam spiritus primitias penes eum, sed adhuc in semet-
ipso ingemiscens, adoptionem exspectans redemptio-
nem corporis sui; illi suspirat, membrum est enim
sponsæ; & illi zelat, amicus est enim sponsi; illi ze-
lat non sibi, quia in voce cataractarum tuarum, non
in voce sua invocatur alteram abyssum, cui zelans ti-
met, ne sicut serpens Evam decepit astutia sua, sic
& eorum sensus corrumpantur a castitate, quæ est
in sponso nostro Unico tuo. Quæ est illa speciei lux?
Cum videbimus eum sicuti est, & transferint lacry-
mæ quæ mihi factæ sunt panis die ac nocte, dum
dicitur mihi quotidie, Ubi est Deus tuus?

15. **E**T ego dico, Deus meus ubies? d Ecce ubi
es. Respiro in te paululum, cum effundo
super me animam meam in voce exultationis & con-
fessionis soni festivitatem celebrantis. Et adhuc tri-
stis est, quia relabitur & fit abyssus, vel potius sentit
adhuc se esse abyssum. Dicit ei fides mea quam accen-
disti in nocte ante pedes meos, Quare tristis es anima
mea, & quare conturbas me? Spera in Domino; lucer-
na pedibus tuis verbum ejus. Spera, & persevera, do-
nec transeat nox mater iniquorum, donec transeat ira
Domini, cujus filii & nos fuimus aliquando tenebræ,
quarum residua trahimus in corpore propter pecca-
tum mortuo, donec adspiret dies, & removeantur um-
bræ. Spera in Domino; mane adstabo e, & contem-
plabor, semper confitebor illi. Mane adstabo, & vide-
bo salutare vultus mei, Deum meum qui vivificabit
& mortalia corpora nostra, propter Spiritum qui ha-
bitat in nobis; quia super interius nostrum tenebrosum
& fluidum misericorditer superferebatur. Unde in hac
peregrinatione pignus accepimus, ut jam simus lux,
dum adhuc spe salvi facti sumus, & filii lucis, & filii
diei, non filii noctis neque tenebrarum, quod tamen
fuimus. Inter quos & nos in isto adhuc incerto hu-
manæ notitiæ, tu solus dividis qui probas corda no-
stra, & vocas lucem diem, & tenebras noctem. Quis
enim nos discernit nisi tu? quid autem habemus quod
non accepimus a te, ex eadem massa vasa in hono-
rem, ex qua sunt & alia facta in contumeliam?

16. **A**UT quis nisi tu Deus noster fecisti nobis fir-
mamentum auctoritatis super nos in Scriptu-
ra tua divina? Cælum enim plicabitur ut liber, & nunc
sicut pellis extenditur super nos. Sublimioris enim au-
toritatis est tua divina Scriptura, cum jam obierunt
istam mortem illi mortales, per quos eam dispensasti
nobis. Et tu scis Domine, tu scis quemadmodum pel-
libus indueris homines, cum peccato mortales fierent.
Unde sicut pellem extendisti firmamentum libri tui,
concordes utique sermones tuos, quos per mortalium
ministerium superposuisti nobis. Namque ipsa eorum
morte solidamentum auctoritatis in eloquiis tuis per
eos editis sublimiter extenditur super omnia quæ sub-
ter sunt: quod cum hic viverent, non ita sublimiter ex-
tentum erat. Nondum sicut pellem cælum extenderas,
non-

CAPUT
XIV.
Fide &
spe cor-
robora-
mur.
d

CAPUT
XV.
Fiat fir-
mamen-
tum &c.
Gen. 12.
6. Quid
firma-
men-
tum,
quid su-
periores
aquæ.

a Er. & Lov. quam longe aliud sunt. Sed abest, aliud a MSS. nec-
non ab editis Bad. Am. Som. & Arn.

b Lov. aut terna. Sed clarius aliæ editiones cum MSS. ut terna.
Mox enim sequitur, an utrumque; quo significatur duo jam esse
proposita, unum an propter tria hæc ibi Trinitas, alterum porro an
in singulis hæc tria, ita ut terna singulorum sint. Quamquam apud
Am. & Er. sic post hæc legitur; an utrorumque miris modis simpli-

citer & multipliciter infinito insensibili sine quo est &c. Ita quoque
apud Bad. nisi quod habetur, sine, non, sine.

c MSS. aliquot, effici sensibus.

d Apud Lov. omittitur, Ecce ubi es.

e Editi cum nonnullis MSS. Mane adstabo tibi & contemplabor. as
abest, tibi, a verioribus codicibus.

nondum mortis eorum famam usquequaque dilata-
veras.

17. Videamus Domine cælos opera digitorum tuo-
rum: differena oculis nostris nubilum quo subtexisti
eos. Ibi est testimonium tuum, sapientiam præstans
parvulis. Perfice, Deus meus, laudem tuam ex ore in-
fantium & lactentium. Neque enim novimus alios li-
bros ita destruentes superbiam, ita destruentes inimi-
cum & defensorem, resistentem reconciliationi tuæ de-
fendendo peccata sua. Non novi, Domine, non novi alia
tam casta eloquia, quæ sic mihi persuaderent confessio-
nem, & lenirent cervicem meam jugo tuo, & invitarent
colere te gratis. Intelligam ea, Pater bone: da mihi hoc
subterposito, quia subterpositis solidasti ea.

18. Sunt aliæ *aquæ super hoc firmamentum*, credo
immortales, & a terrena corruptione secretæ. Laudent
nomen tuum, laudent te supercælestes populi Angelo-
rum tuorum, qui non opus habent a suspicere firma-
mentum hoc, & legendo cognoscere verbum tuum.
Vident enim faciem tuam semper, & ibi legunt sine
syllabis temporum quid velit æterna voluntas tua.
Legunt, eligunt, & diligunt; semper legunt, & num-
quam præterit quod legunt. Eligendo enim & diligen-
do legunt ipsam incommutabilitatem consilii tui. Non
clauditur codex eorum, nec plicatur liber eorum, quia
tu ipse illis hoc es, & es in æternum, quia super hoc fir-
mamentum ordinasti eos, b quod firmasti super infir-
mitatem inferiorum populorum, ubi suspicerent &
cognoscerent misericordiam tuam, temporaliter enun-
tiantem te, qui fecisti tempora. In cælo enim Domi-
ne misericordia tua, & veritas tua usque ad nubes.
Transseunt nubes, cælum autem manet: transeunt
prædicatores verbi tui ex hac vita in aliam vitam;
Scriptura vero tua usque in finem sæculi super popu-
los extenditur. Sed & cælum & terra transibunt;
sermões autem tui non transibunt, quoniam & pel-
lis plicabitur, & fœnum super quod extendebatur,
cum claritate sua præteriet; verbum autem tuum
manet in æternum; quod nunc in ænigmate nubium &
per speculum cæli, non sicuti est apparet nobis; quia
& nos quamvis Filio tuo dilecti simus, nondum appa-
ruit quod erimus. Adtendit per retia carnis, & blan-
ditus est, & inflammavit, & cucurrimus post odo-
rem ejus. Sed cum apparuerit, similes ei erimus,
quoniam videbimus eum sicuti est: sicuti est, Domi-
ne, videre nostrum, quod nondum est c nobis.

CAPUT XVI. Solus Deus se scit omni-
nino si-
cuti est.

19. **N**AM sicut omnino tu es, tu scis solus, qui es
incommutabiliter, & scis incommutabiliter,
& vis incommutabiliter. Et essentia tua scit & vult
incommutabiliter, & scientia tua est & vult incommu-
tabiliter, & voluntas tua est & scit incommutabiliter.
Nec videtur justum esse coram te, ut quemadmodum
se scit lumen incommutabile, ita sciatur ab illuminato
commutabili. Ideoque anima mea tamquam terra sine
aqua tibi; quia sicut se illuminare de se non potest, ita
se satiare de se non potest. Sic enim apud te fons vitæ,
quomodo in lumine tuo videbimus lumen.

CAPUT XVII. Congre-

20. **Q**UIS congregavit amaricantes in societatem
unam? Idem namque illis finis est tempora-

lis & terrenæ felicitatis, propter quam faciunt omnia;
quamvis innumerabili varietate curarum fluctuent.
Quis Domine, nisi tu qui dixisti ut congregarentur
aquæ in congregationem unam, & *appareret arida*
sitienti tibi? Quoniam tuum est & mare, & tu feci-
sti illud, & aridam terram manus tuæ formaverunt;
neque enim amaritudo voluntatum, sed *congregatio*
aquarum vocatur mare. TU ENIM COERCES
etiam malas cupiditates animarum, & figis limites
quousque progredi sinantur, d atque ut in se commi-
nuantur fluctus earum: atque ita facis mare ordine
B imperii tui super omnia.

21. At animas sitientes tibi, & apparentes tibi alio
fine distinctas a societate maris, occulto & dulci fonte
irrigas, ut & *terra* det fructum suum; e & dat fru-
ctum suum, & te jubente Domino Deo suo *germi-
nat* anima nostra opera misericordiæ, *secundum genus*,
diligens proximum in subsidiis necessitatum carna-
lium: *habens in se semen secundum similitudinem*; quo-
niam ex nostra infirmitate compatimur ad subvenien-
dum indigentibus, similiter opitulantes quemadmo-
dum nobis vellemus opem ferri, si eodem modo in-
digeremus; non tantum in facilibus tamquam in her-
ba seminali, sed etiam in protectione adjutorii forti
robore, sicut lignum fructiferum, id est beneficium
aderipiendum eum qui injuriam patitur, de manu po-
tentis, & præbendo protectionis umbraculum vali-
do robore iusti iudicii.

22. **I**TA Domine, ita oro te, oriatur sicuti facis,
sicuti das hilaritatem & facultatem, oriatur
de terra veritas, & iustitia de cælo respiciat, & *fiant*
in firmamento luminaria. Frangamus esurienti panem
nostrum, & egenum sine tecto inducamus in domum
D nostram: nudum vestiamus, & domesticos seminis no-
stri non despiciamus. Quibus in terrâ natis fructibus,
vide quia bonum est; & erumpat temporanea lux no-
stra, & de ista inferiori fruge actionis in delicias con-
templationis verbum vitæ superius obtinentes, appa-
reamus sicut *luminaria* in mundo cohærentes *firma-
mento* Scripturæ tuæ. Ibi enim nobiscum disputas, ut
dividamus inter intelligibilia & sensibilia, tamquam *in-
ter diem & noctem*; vel inter animas alias intelligibili-
bus, alias sensibilibus deditas; ut jam non tu solus in
abdito dijudicationis tuæ, sicut ante quam fieret firma-
mentum, *dividas inter lucem & tenebras*; sed etiam spi-
ritales tui in eodem firmamento positi atque distincti,
manifestata per orbem gratia tua *luceant super terram*,
& *dividant inter diem & noctem*, & *significant tempora*;
quia vetera transierunt, ecce facta sunt nova; & quia
propior est nostra salus quam cum credidimus; & quia
nox præcessit, dies autem appropinquavit; & quia be-
nedicis coronam anni tui, mittens operarios in messem
tuam, in qua seminanda alii laboraverunt, mittens
etiam in aliam sementem, cujus messis in fine est. Ita
f das vota optanti, & benedicis annos iusti; tu autem
idem ipse es, & in annis tuis qui non deficiunt horreum
F præparas annis transeuntibus. Æterno quippe consilio
propriis temporibus bona cælestia das super terram.

23. Quoniam quidem alii datur per Spiritum ser-
mo

a Lov. cum antiquioribus editionibus, *suscipere*; & paululum infra,
susciperent & cognoscerent misericordiam tuam. Sed liquet meliorem esse
MSS. lectionem, quam in textu damus.

b Lov. *quos*, in textu; & ad marginem, *quod*. hoc præferre visum
est, maxime cum legatur in editis aliis & MSS.

c In vulgatis, *quod nondum est, da nobis*. At in MSS. non habetur,

da, nisi forte in aliquo e recentioribus.

d Ita Bad. Am. Er. cum MSS. undecim. At Lov. & Arn. *progredi si-
nantur aquæ, ut in se &c.*

e Bad. Am. Er. & Lov. omittunt, & *dat fructum suum*.

f Lov. *vitam optanti*. & paulo post, *ortum præparas*. contra quam
habent ceteri codices, quos utroque loco sequimur.

gentur
aqua &c.
Gen. 1. 9.
Quid
mare,
quid ari-
da.

Explica-
tur verbi.
Germinet
terra &c.
Gen. 1. 11.
e

CAPUT
XVIII.
Fiant lu-
minaria
& c. Gen.
1. 14.
Quæ lu-
minaria
dividen-
tia inter
diem &
noctem.

mo sapientiæ tamquam *luminare majus*, propter eos qui perspicuæ veritatis luce delectantur tamquam in principio diei; alii autem sermo scientiæ secundum eundem Spiritum, tamquam *luminare minus*; alii fides, alii donatio curationum, alii operationes virtutum, alii prophetia, alii dijudicatio spirituum, alteri genera linguarum; & hæc omnia tamquam *stellæ*. Omnia enim hæc operatur unus atque idem Spiritus, dividens propria unicuique prout vult, & faciens apparere sidera in manifestatione ad utilitatem. Sermo autem scientiæ qua continentur omnia sacramenta, quæ variantur temporibus tamquam *luna*, & ceteræ notitiæ donorum, quæ deinceps tamquam *stellæ* commemorata sunt, quantum differunt ab illo candore sapientiæ, quo gaudet prædictus dies, tantum *in a principio noctis sunt*. His enim sunt necessaria, quibus ille prudentissimus servus tuus non potuit loqui quasi spiritalibus, sed quasi carnalibus, ille qui sapientiam loquitur inter perfectos. Animalis autem homo tamquam parvulus in Christo lactisque potator, donec roboretur ad solidum cibum, & aciem firmet ad *solis* adspectum, non habeat desertam noctem suam, sed luce lunæ stellarumque contentus sit. Hæc nobiscum disputas, sapientissime Deus noster, in libro tuo firmamento tuo, ut discernamus omnia contemplatione mirabili, quamvis adhuc *in signis, & in temporibus, & in diebus, & in annis*.

CAPUT XIX.
Tractat eundem versiculum, Fiant luminaria &c.

Mat. 19.
16.

Mat. 6.
21.

24. **S**ED prius lavamini, mundi estote; auferte nequitiam ab animis vestris, atque a conspectu oculorum meorum, ut *appareat arida*. Discite bonum facere, iudicate pupillo, & iustificate viduam, ut *germinet terra herbam pabuli & lignum fructiferum*; & venite disputemus, dicit Dominus, ut *fiant luminaria in firmamento cæli, & luceant super terram*. Quærebat dives ille a magistro bono, quid faceret ut vitam æternam consequeretur: dicat ei Magister bonus, quem putabat hominem, & nihil amplius; bonus est autem, quia Deus est: dicat ei ut si vult venire ad vitam, servet mandata: separet a se *amaritudinem* malitiæ atque nequitiae; non occidat, non mœchetur, non furetur, non falsum testimonium dicat, ut *appareat arida*; & *germinet* honorem patris & matris, & dilectionem proximi. Feci, inquit, hæc omnia. Unde ergo tantæ spinæ, si terra fructifera est? Vade, exstirpa silvosa dumeta avaritiæ, vende quæ possides, & implere frugibus dando pauperibus, & habebis thesaurum in cælis, & sequere Dominum, si vis esse perfectus, eis sociatus inter quos loquitur sapientiam ille qui novit quid distribuat diei & nocti; ut noris & tu, ut *fiant & tibi luminaria in firmamento cæli*; quod non fiet, nisi fuerit illic cor tuum; quod item non fiet, nisi fuerit illic thesaurus tuus, sicut audisti a magistro bono. Sed contristata est terra sterilis, & spinæ offocaverunt verbum.

25. Vos autem genus electum, infirma mundi, qui dimisistis omnia, ut sequeremini Dominum, ite post eum, & confundite fortia; ite post eum speciosi pedes, & *lucete in firmamento*, ut cæli enarrent gloriam ejus, *dividentes inter lucem* perfectorum, sed nondum sicut Angelorum; & *tenebras* parvulorum, sed non *b* despectorum; *lucete* super omnem terram, & *dies sole* candens eructet diei verbum sapientiæ; & *nox luna* lucens annuntiet nocti verbum scientiæ.

A Luna & stellæ nocti lucent, sed nox non obscurat eas; quoniam ipsæ illuminant eam pro modulo ejus. Ecce enim tamquam Deo dicente, *Fiant luminaria in firmamento cæli*, factus est subito de cælo sonus, quasi ferretur flatus vehemens, & visæ sunt linguæ divisæ quasi ignis, qui & insedit super unumquemque illorum, & facta sunt luminaria in firmamento cæli, verbum vitæ habentia. Ubique discurrete ignes sancti, ignes decori. Vos enim estis lumen mundi, nec estis sub modio. Exaltatus est cui adhæstis, & exaltavit vos. Discurrete, & innotescite omnibus gentibus.

26. **C**ONCIPIAT & mare, & pariat opera vivarum, & producant aquæ reptilia animarum. Separantes enim pretiosum a vili, facti estis os Dei, per quod diceret, *Producant aquæ*, non animam vivam quam terra producit, sed *reptilia animarum vivarum, & volatilia volantia super terram*. Repserunt enim sacramenta tua Deus per opera sanctorum tuorum inter medios fluctus tentationum sæculi, ad imbuendas gentes nomine tuo, in baptismo tuo.

C Et inter hæc facta sunt magnalia mirabilia tamquam *ceti grandes*, & voces nuntiorum tuorum volitantes super terram juxta firmamentum libri tui, præposito illo sibi ad auctoritatem, sub quo volitarent quocumque irent. Neque enim sunt loquelæ neque sermones, quorum non audiantur voces eorum, quando in omnem terram exiit sonus eorum, & in fines orbis terræ verba eorum; quoniam tu Domine benedicendo multiplicasti hæc.

27. Numquid mentior, aut mixtione misceo, neque distinguo lucidas cognitiones harum rerum *in firmamento cæli*, & opera corporalia in undoso mari, & *sub firmamento cæli*? Quarum enim rerum notitiæ sunt solidæ, & terminatæ sine incrementis generationum, tamquam *lumina* sapientiæ & scientiæ, earumdem rerum sunt operationes corporales multæ ac variæ, & aliud ex alio crescendo multiplicatur in benedictione tua Deus, qui consolatus es fastidia sensuum mortalium, ut in cognitione animi res una multis modis per corporis motiones figuretur atque dicatur. *Aquæ produxerunt* hæc; sed in verbo tuo. Necessitates alienatorum ab æternitate veritatis tuæ populorum produxerunt hæc; sed in Evangelio tuo, quoniam ipsæ *aquæ ista ejecerunt*, quarum *amarus* languor fuit causa, ut in tuo verbo ista procederent.

28. Et pulcra sunt omnia faciente te, & ecce tu inenarrabiliter pulchrior qui fecisti omnia; a quo si non esset lapsus Adam, non diffunderetur ex utero ejus *salugo maris*, genus humanum profunde curiosum, & procellose tumidum, & instabiliter fluidum; atque ita non opus esset ut in aquis multis corporaliter & sensibilibus operarentur dispensatores tui mystica facta & dicta, (sic enim nunc mihi occurrerunt *reptilia & volatilia*,) quibus imbuti & initiati homines corporalibus sacramentis subditi, non ultra proficerent, nisi spiritaliter viveret anima gradu alio, & post initii verbum in consummationem respiceret.

29. **A**C per hoc in verbo tuo non maris profunditas, sed ab aquarum amaritudine *terra discreta ejecit*, non reptilia animarum vivarum & volatilia, sed *animam vivam*. Neque enim jam opus habet baptismo quo gentibus opus est, sicut opus habet

CAPUT XX.
Producant aquæ reptilia &c.
Gen. 1. 20.
Quæ reptilia, quæ volatilia.

Baptismi sacramentum.

CAPUT XXI.
Producas terra animam vivam &c.
Gen. 1. 24.

a MSS. melioris notæ, *in principia*, id est in luminaria noctis. quæ lectio videretur præferenda, nisi paulo supra haberetur, *in principio*

diei; forte pro, *in principium diei*: juxta lib. 1. de Gen. cont. Man. c. 14.
b Am. Er. & novem MSS. *desperatorum*.

bat cum aquis tegetetur. Non enim intratur aliter in A regnum cælorum ex illo, quo instituisti ut sic intretur: nec magnalia quærit mirabilium quibus fiat fides. Neque enim nisi signa & prodigia viderit, non credit, cum jam distincta sit terra fidelis ab aquis maris infidelitate amaris, & linguæ in signo sunt non fidelibus, sed infidelibus. Nec isto igitur *genere volatili*, quod verbo tuo *produxerunt aquæ*, opus habet terra quam fundasti super aquas. Immitte in eam verbum tuum per nuntios tuos: Opera enim eorum narramus, sed tu es qui operaris in eis, ut operentur *animam vivam*. Terra *producit* eam, quia terra causa est ut hæc agant in ea; sicut *mare* fuit causa ut agerent *reptilia animarum vivarum*, & *volatilia sub firmamento cæli*, quibus jam terra non indiget; quamvis PISCES manducet LEVATUM DE PROFUNDO in ea mensa quam parasti in conspectu credentium: ideo enim de profundo levatus est ut alat aridam. Et *aves marina* progenies, sed tamen *super terram multiplicantur*. Primarum enim vocum Evangelizantium infidelitas hominum causa existit; sed & fideles exhortantur, C & a benedicuntur ab eis multipliciter de die in diem. At vero anima viva de terra sumit exordium, quia non prodest jam nisi fidelibus continere se ab amore huius sæculi, ut anima eorum tibi vivat, quæ mortua erat in deliciis vivens, deliciis, Domine, mortiferis; nam TUPURI cordis vitales deliciæ.

30. Operentur ergo jam in terra ministri tui, non sicut in aquis infidelitatis annuntiando & loquendo per miracula & sacramenta & voces mysticas, ubi intenta sit ignorantia mater admirationis in timore occultorum signorum: talis enim est introitus ad fidem filiis Adam oblitis tui, dum abscondunt se a facie tua & fiunt abyssus: sed operentur etiam sicut in arida discreta a gurgitibus abyssi, & sint forma fidelibus vivendo coram eis, & excitando ad imitationem. Sic enim non tantum ad audiendum, sed etiam ad faciendum audiunt, Quærite Dominum, & vivet anima vestra, ut *producat terra animam viventem*. Nolite conformari huic sæculo, continete vos ab eo. EVITANDO vivit anima, quæ appetendo moritur. Continete vos ab immani feritate superbiæ, ab inertii voluptate luxuriæ, & a fallaci nomine scientiæ, ut sint *bestiæ* mansuetæ, & pecora edomita, & innoxii serpentes. Motus enim animæ sunt isti in allegoria: sed fastus elationis, & delectatio libidinis, & venenum curiositatis motus sunt animæ mortuæ; quia non ita moritur, ut omni motu careat; quoniam discedendo a fonte vitæ, moritur, atque ita suscipitur a prætereunte sæculo, & conformatur ei.

31. Verbum autem tuum Deus fons vitæ æternæ est, & non præterit: ideoque in verbo tuo cohibetur ille discessus, dum dicitur nobis, Nolite conformari huic sæculo: ut *producat terra* in fonte vitæ *animam viventem*, in verbo tuo per Evangelistas tuos animam continentem, imitando imitatores Christi tui. Hoc est enim *secundum genus*, quoniam æmulatio viri ab amico est. Estote, inquit, sicut ego; quia & ego sicut vos. Ita erunt in b anima viva *bestiæ* bonæ in mansuetudine actionis. Mandasti enim, dicens, In mansuetudine opera tua perfice, & ab omni homine

diligeris. Et *pecora* bona neque si manducaverint, abundantia, neque si non manducaverint, egentia; & *serpentes* boni, non perniciosi ad nocendum, sed *astuti* ad cavendum, & tantum explorantes temporalem naturam, quantum sufficit, ut per ea quæ facta sunt, intellecta conspiciatur æternitas. Serviunt enim rationi hæc animalia, cum a progressu mortifero cohibita vivunt & bona sunt.

32. E CCE enim Domine Deus noster creator noster, cum cohibita fuerint affectiones ab amore sæculi, quibus moriebamur male vivendo, & coeperit esse *anima vivens* bene vivendo; completumque fuerit verbum tuum, quod per Apostolum tuum dixisti, Nolite conformari huic sæculo: consequitur & illud quod adjunxisti statim, & dixisti, sed reformamini in novitate mentis vestræ: non jam *secundum genus* tamquam imitantes præcedentem proximum, nec ex hominis melioris auctoritate viventes. Neque enim dixisti, Fiat homo secundum genus: sed, *Faciamus hominem ad imaginem & similitudinem nostram*, ut nos probemus quæ sit voluntas tua. Ad hoc enim dispensator ille tuus generans per Evangelium filios, ne semper parvulos haberet quos lacte nutret, & tamquam nutrix foveret: Reformamini, inquit, in novitate mentis vestræ, ad probandum c vos quæ sit voluntas Dei, quod bonum & beneplacitum & perfectum. Ideoque non dicis, Fiat homo: sed, *Faciamus hominem*. Nec dicis, secundum genus: sed, *ad imaginem & similitudinem nostram*. Mente quippe renovatus, & conspiciens intellectam veritatem tuam, homine demonstratore non indiget, ut suum genus imitetur: sed demonstrante te probat ipse quæ sit voluntas tua, quod bonum & beneplacitum & perfectum: & d doces eum jam capacem videre Trinitatem unitatis, & unitatem Trinitatis. Ideoque pluraliter dicto, *Faciamus hominem*; singulariter tamen infertur, *Et fecit Deus hominem*: & pluraliter dicto, *ad imaginem nostram*; singulariter infertur, *ad imaginem Dei*. Ita homo renovatur in agnitionem Dei, secundum imaginem ejus qui creavit eum: & spiritalis effectus judicat omnia, quæ utique judicanda sunt; ipse autem a nemine judicatur.

33. Q UOD autem judicat omnia, hoc est quod *habet potestatem piscium maris, & volatilium cæli, & omnium pecorum & ferarum, & omnium reptantium quæ repunt super terram*. Hoc enim agit per mentis intellectum, per quem percipit quæ sunt Spiritus Dei. Alioqui homo in honore positus, non intellexit: comparatus est jumentis insensatis, & similis factus est illis. Ergo in Ecclesia tua Deus noster, secundum gratiam tuam quam dedisti ei, quoniam tuum sumus figmentum creati in operibus bonis, non solum qui spiritaliter præsent, sed etiam ii qui spiritaliter subduntur eis qui præsent. (*Masculum enim & feminam fecisti hominem*, hoc modo in gratia tua spiritali, ubi secundum sexum corporis non est masculus & femina; quia neque Judæus, neque Græcus, neque servus, neque liber.) Spirituales ergo, sive qui præsent, sive qui obtemperant, spiritaliter judicant: non de cognitionibus spiritalibus, quæ lucent in firmamento; non enim oportet de tam sublimi auctoritate judi-

CAPUT XXII.

Fa. iamus hominem ad imaginem &c. Gen. 26. Renovatio mentis. Rom. 12. 2.

Gen. 1. 26

Rom. 12. 2.

c

Gen. 1.

27.

CAPUT XXIII.

Et præstat piscibus maris &c. Gen. 1. 26. De quibus Christianus judicet.

a Lov. benedicunt eis. Sed legendum cum editis aliis & MSS. benedicuntur ab eis. quæ lectio perperam correctæ est propter verbum, exhortantur, quod putarunt active usurpari.

b MSS. plures, in animam vivam.

c In editis deest, vos. quam vocem restituere placuit ex MSS. quia locum illum sic refert solet Augustinus.

d Bad. Am. Er. & Arn. facis eum jam capacem; sic etiam duo e MSS.

judicare, neque de ipso libro tuo, etiam si quid ibi non lucet; quoniam submittimus ei nostrum intellectum, certumque habemus etiam quod clausum est ad spectibus nostris, recte veraciterque dictum esse. Sic enim homo, licet jam spiritalis & renovatus in agnitionem Dei, secundum imaginem ejus qui creavit eum, factor tamen legis debet esse, non judex. Neque de illa distinctione judicat, spiritalium videlicet atque carnalium hominum, qui tuis, Deus noster, oculis noti sunt, & nullis adhuc nobis apparuerunt operibus, ut ex fructibus eorum cognoscamus eos: sed tu Domine jam scise eos, & divisisti, & vocasti in occulto ante quam fieret firmamentum. Neque de turbidis hujus sæculi populis a quamquam spiritalis homo judicat. Quid enim ei de iis qui foris sunt judicare, ignorantique quis inde venturus sit in dulcedinem gratiæ tuæ, & quis in perpetua impietatis amaritudine remansurus?

34. Ideoque homo quem fecisti ad imaginem tuam, non accepit potestatem luminarium cæli, neque ipsius occulti cæli, neque diei & noctis, quæ ante cæli constitutionem vocasti, neque congregationis aquarum quod est mare. Sed accepit potestatem piscium maris, & volatilium cæli, & omnium pecorum, & omnis terræ, & omnium reptantium quæ repunt super terram.

Judicat enim & approbat quod recte, improbat autem quod perperam invenerit; si ve in ea sollemnitate sacramentorum quibus initiantur, quos per vestigat in aquis multis misericordia tua: si ve in ea quæ ille PISCIS exhibetur, quem levatum DE PROFUNDO terra pia comedit; si ve in verborum signis vocibusque subjectis auctoritati libri tui tamquam sub firmamento volitantibus, interpretando, exponendo, differendo, disputando, benedicendo atque invocando te, ore erumpentibus atque sonantibus signis, ut respondeat populus, Amen. Quibus omnibus vocibus corporaliter enuntiandis causâ est abyssus sæculi, & cæcitas carnis, b qua cogitata non possunt videri, ut opus sit instrepere in auribus: ita quamvis multiplicentur volatilia super terram, ex aquis tamen originem ducunt. Judicat etiam spiritalis approbando quod rectum, improbando autem quod perperam invenerit in operibus moribusque fidelium, eleemosynis tamquam terra fructifera, & de anima viva mansuefactis affectionibus, in castitate, in jejuniis, in cogitationibus piis, de iis quæ per sensum corporis percipiuntur. De his enim judicare nunc dicitur, in quibus & potestatem corrigendi habet.

CAPUT
XXIV.
Et benedixit eos
Deus dicens, Crescite &c.
Gen. 1.
28.

35. SED quid est hoc, & quale mysterium est? Ecce benedicis homines, o Domine, ut crescant, & multiplicentur, & impleant terram. Nihilne nobis ex hoc innuis, ut intelligamus aliquid; cur non ita benedixeris lucem quam vocasti diem, nec firmamentum cæli, nec luminaria, nec sidera, nec terram, nec mare? Dicerem te, Deus noster qui nos ad imaginem tuam creasti, dicerem te hoc donum benedictionis homini proprie voluisse largiri, nisi hoc modo benedixisses pisces & cetos, ut crescerent, & multiplicarentur, & implerent aquas maris, & volatilia * multiplicarentur super terram. Item dicerem ad ea rerum genera pertinere benedictionem hanc, quæ gignendo ex semetipsis propagantur, si eam reperirem in arbutis, & fructibus, & in pecoribus terræ. Nunc autem nec herbis & lignis dictum est, nec bestiis &

* f. addend. ut.

A serpentibus, Crescite, & multiplicamini; cum hæc quoque omnia, sicut pisces & aves & homines, gignendo augeantur, genusque custodiant.

36. Quid igitur dicam, lumen meum veritas, quia vacat hoc, quia inaniter ita dictum est? Nequaquam, Pater pietatis, absit ut hoc dicat servus verbi tui. Et si ego non intelligo quid hoc eloquio significes, utantur eo melius meliores, id est intelligentiores quam ego sum, unicuique quantum sapere dedisti Deus meus. Placeat autem & confessio mea coram oculis tuis, qua tibi confiteor credere me, Domine, non incassum te ita locutum esse, neque filebo quod mihi lectionis hujus occasio suggerit. Verum est enim, nec video quid impediatur ita me sentire dicta figurata librorum tuorum. Novi enim multipliciter significari per corpus, quod uno modo mente intelligitur, & multipliciter mente intelligi, quod uno modo per corpus significatur. Ecce simplex dilectio Dei & proximi, quam multiplicibus sacramentis, & innumerabilibus linguis, & in unaquaque lingua innumerabilibus locutionum modis, corporaliter enuntiatur: ita crescunt & multiplicantur fetus aquarum. Adtende iterum quisquis hæc legis: ecce quod uno modo Scriptura effert, & vox personat, In principio fecit Deus cælum & terram, nonne multipliciter intelligitur, non errorum fallacia, sed verarum intelligentiarum generibus? ita crescunt & multiplicantur fetus hominum.

Gen. 1.1.

37. Itaque si naturas ipsas rerum non allegorice, sed proprie cogitemus, ad omnia quæ de seminibus gignuntur, convenit verbum, Crescite, & multiplicamini. Si autem figurate posita ista tractemus, quod potius arbitror intendisse Scripturam, quæ utique non supervacue solis aquatilium & hominum fetibus istam benedictionem adtribuit, invenimus quidem multitudines & in creaturis spiritalibus atque corporalibus, tamquam in cælo & in terra; & in animis justis & iniquis, tamquam in luce & tenebris; & in sanctis auctoribus, per quos lex ministrata est, tamquam in firmamento quod solidatum est inter aquam & aquam; & in societate amaricantium populorum, tamquam in mari; & in studio animarum piarum, tamquam in arida; & in operibus misericordiæ secundum præsentem vitam, tamquam in herbis seminalibus & lignis fructiferis; & in spiritalibus donis manifestatis ad utilitatem, sicut in luminaribus cæli; & in affectibus formatis ad temperantiam, tamquam in anima viva; in his omnibus nanciscimur multitudines, & ubertates, & incrementa: sed quod ita crescat & multiplicetur, ut una res multis modis enuntietur, & una enuntiatio multis modis intelligatur, non invenimus nisi in signis corporaliter editis, & rebus intelligibiliter excogitatis. Signa corporaliter edita, generationes aquarum propter necessarias causas carnalis profunditatis: res autem intelligibiliter excogitatas, generationes humanas propter rationis fecunditatem intelligimus. Et ideo credimus utrique horum generi dictum esse abste, Domine, Crescite, & multiplicamini. In hac enim benedictione concessam nobis a te potestatem & facultatem accipio, & multis modis enuntiare quod uno modo intellectum tenuerimus; & multis modis intelligere, quod obscure uno modo enuntiatum legerimus. Sic implentur aquæ maris, quæ non moventur nisi a variis significationibus: sic & fetibus

Ibid. 28.

a Ita plerique MSS. cum Arn. At aliæ editiones habent, tamquam MSS. tres, quemquam.

b Lov. aliæque editiones, excepta Arn. quæ: male, uti ex MSS. & ex sermonis serie intelligitur.

bus humanis impletur & terra; cuius ariditas apparet in studio, & dominatur ei ratio.

CAPUT
XXV.

Ecce dedi
vobis om-
nem her-
bam . . .
in escam
&c. Gen.
1. 29.

2. Tim. 1.
36.

2. Cor. 11.
3.

2. Tim. 2.
4. 16.

CAPUT
XXVI.
Volu-
ptas &
utilitas
ex bene-
ficio in
proxi-
mum
collato.

Phil. 4.
10.

Phil. 4.
4.

38. **V**OLO etiam dicere, Domine Deus meus, quod me consequens tua Scriptura commo-
net; & dicam, nec verebor. Verum enim dicam, te mi-
hi inspirante, quod ex eis verbis voluisti ut dicerem. Ne-
que enim alio præter te inspirante credo me verum di-
cere, cum tu sis veritas: omnis autem homo mendax.
Et ideo qui loquitur mendacium de suo loquitur. Ergo
ut verum loquar, de tuo loquar. Ecce *dedisti nobis in
escam omne fœnum sativum, seminans semen quod est su-
per omnem terram, & omne lignum quod habet in se fru-
ctum seminis sativi.* Nec nobis solis, sed & omnibus avi-
bus cœli, & bestiis terræ, atque serpentibus: piscibus au-
tem & cetis magnis non dedisti hæc. Dicebamus enim
eis fructibus terræ significari, & in allegoria figurari
opera misericordiæ, quæ hujus vitæ necessitatibus exhi-
bentur ex terra fructifera. Talis terra erat pius Onesi-
phorus, cuius domui dedisti misericordiam, quia fre-
quenter Paulum tuum refrigeravit, & catenam ejus
non erubuit. Hoc fecerunt & fratres, & tali fruge fru-
ctificaverunt, qui quod ei deerat, suppleverunt ex Ma-
cedonia. Quomodo autem dolet quædam *ligna*, quæ
fructum ei debitum non dederunt, ubi ait, In prima
mea defensione nemo mihi adfuit, sed omnes me dere-
liquerunt; non illis imputetur? Ista enim debentur eis
qui ministrant doctrinam rationalem per intelligentias
divinorum mysteriorum, & ita eis debentur tamquam
hominibus. Debentur autem eis sicut animæ vivæ, præ-
bentibus se ad imitandum in omni continentia. Item
debentur eis tamquam volatilibus, propter benedictio-
nes eorum quæ multiplicantur super terram, quo-
niam in omnem terram exivit sonus eorum.

39. **P**ASCUNTUR autem his escis qui lætan-
tur eis, nec illi lætantur eis quorum Deus ven-
ter est. Neque enim & in illis qui præbent, ista ea quæ
dant fructus est, sed quo animo dant. Itaque ille qui
Deo serviebat, non suo ventri, video plane unde gau-
deat, video & congratulor ei valde. Acceperat enim a
Philippensibus, quæ per Epaphroditum miserant, sed
tamen unde gaudeat video. Unde autem gaudet, inde
pascitur; quia in veritate loquens, Gavissus sum, in-
quit, magnifice in Domino, quia tandem aliquando re-
pullulastis sapere pro me, in quo & sapiebatis; tædium
autem habuistis. Isti ergo diuturno tædio marcuerant,
& quasi exaruerant ab isto fructu boni operis: & gau-
det eis quia repullularunt, non sibi quia ejus indigentia
subvenerunt. Ideo secutus ait, Non quod desit aliquid
dico; ego enim didici in quibus sum, sufficiens esse; scio
& minus habere, scio & abundare; in omnibus & in om-
nia imbutus sum, & satiari, & esurire, & abundare, &
penuriam pati: omnia possum in eo qui me confortat.

40. Unde ergo in omnibus gaudes, o Paule magne?
Unde gaudes, unde pasceris homo renovate in agnitio-
nem Dei secundum imaginem ejus qui creavit te, &
anima viva tanta continentia, & lingua volatilis lo-
quens mysteria? Talibus quippe animantibus esca ista
debetur. Quid est quod te pascit? Lætitia. Quod sequi-
tur audiamus. Verumtamen, inquit, bene fecistis, com-
municantes tribulationi meæ. Hinc gaudet, hinc pa-
scitur, quia illi bene fecerunt, non quia ejus angustia

relaxata est, qui dicit tibi, In tribulatione dilatasti mi-
hi: quia & abundare & penuriam pati novit in te qui
confortas eum. Scitis enim, inquit, & vos Philippen-
ses, quoniam in principio Evangelii, cum ex Macedo-
nia sum profectus, nulla mihi Ecclesia communicavit
in ratione dati & accepti, nisi vos soli, quia & Thessa-
lonicam, & semel & iterum, usibus meis misistis. Ad
hæc bona opera eps rediisse nunc gaudet, & repullulas-
se lætatur tamquam revirescente fertilitate agri.

41. Numquid propter usus suos, quia dixit, usibus
meis misistis? numquid propterea gaudet? Non propte-
rea. Et hoc unde scimus? Quoniam ipse sequitur di-
cens, Non quia quæro datum, sed requiro fructum.
a Didici a te Deus meus inter datum & fructum di-
scernere. Datum est res ipsa quam dat, qui impertitur
hæc necessaria, veluti est nummus, cibus, potus, vesti-
mentum, tectum, adjutorium. Fructus autem bona
& recta voluntas datoris est. Non enim ait magister bo-
nus, Qui susceperit prophetam, tantum: sed addidit,
in nomine prophetæ. Neque ait tantum, Qui suscepe-
rit justum: sed addidit, in nomine justī. Ita quippe ille
mercedem prophetæ, iste mercedem justī accipiet. Nec
solum ait, Qui calicem aquæ frigidæ potum dederit
uni ex minimis meis: sed addidit, tantum in nomine
discipuli. Et sic adjunxit: Amen dico vobis, non perdet
mercedem suam. Datum est, suscipere prophetam,
suscipere justum, porrigere calicem aquæ frigidæ di-
scipulo: fructus autem, in nomine prophetæ, in nomi-
ne justī, in nomine discipuli hoc facere. Fructu pas-
citur Elias a vidua sciente quod hominem Dei pasceret,
& propter hoc pasceret: per corvum autem dato pa-
scebatur. Nec interior Elias, sed exterior pascebatur,
qui posset etiam talis cibi egestate corrumpi.

42. **I**DEOQUE dicam quod verum est coram te Do-
mine: cum homines idiotæ atque infideles, qui-
bus initiandis atque lucrands necessaria sunt sacra-
menta initiorum, & magnalia miraculorum, quæ nomine
piscium & cetorum significari credimus, suscipiunt cor-
poraliter reficiendos, aut in aliquo præsentis vitæ usu
adjuvandos pueros tuos, cum id quare faciendum sit,
& quo pertineat ignorent, nec illi istos pascunt, nec
isti ab illis pascuntur: quia nec illi hæc sancta & recta
voluntate operantur, nec isti eorum datis, ubi fructum
nondum vident, lætantur. Inde quippe animus pas-
citur, unde lætatur. Et ideo pisces & ceti non vescuntur
escis quas non germinat nisi jam terra ab amaritudine
marinorum fluctuum distincta atque discreta.

43. **E**T vidisti Deus omnia quæ fecisti, & ecce bona val-
de; quia & nos b vidimus ea, & ecce omnia
bona valde. In singulis generibus operum tuorum, cum
dixisses ut fierent & facta essent, illud atque c illud vi-
disti quia bonum est. Septies numeravi scriptum esse,
te vidisse quia bonum est quod fecisti: & hoc octavum est,
quia vidisti omnia quæ fecisti; & ecce, non solum bona,
sed etiam valde bona, tamquam simul omnia. Nam sin-
gula tantum bona erant, simul autem omnia & bona,
& valde. Hoc d dicunt etiam quæque pulchra corpo-
ra, quia longe multo pulchrius est corpus quod ex mem-
bris pulchris omnibus constat, quam ipsa membra sin-
gula, quorum ordinatissimo conventu completur uni-
versum, quamvis & illa etiam singillatim pulchra sint.

44. Et

a Bad. Am. Er. & Loy. addunt *abundantem*. Sed hac voce carent MSS. & Arn.

b In MSS. *videmus*.

c Loy. *illud atque aliud vidisti*.

d Ita MSS. plerique cum Arn. At Loy. aliaque editiones. Hoc modo dicuntur etiam &c.

Psalm. 4.

Mat. 10.
41.

3. Reg.
17. 6.

CAPUT
XXVII.
Quid per
pisces &
cetos si-
gnifice-
tur.

CAPUT
XXVIII.
Et vidit
Deus om-
nia quæ
fecit, &
ecce bona
valde
&c. Gen.
1. 31.
b
c

d

CAPUT
XXIX.
Quomo-
do intel-
ligen-
dum
quod
Deus o-
mnia vi-
dit bona
esse ope-
ra sua.

CAPUT
XXX.
Mani-
festum de-
liria.

CAPUT
XXXI.
Pliis
idem
proba-
tur quod
Deo pla-
cent.
b
1. Cor. 2.
12.

Mat. 10.
20.

44. **E**T adtendi ut invenirem, utrum septies vel octies videris quia bona sunt opera tua, cum tibi placuerunt: & in tua visione non inveni tempora; per quæ intelligerem, quod toties videris quæ fecisti. Et dixi, O Domine, nonne ista Scriptura tua vera est; quoniam tu verax & veritas edidisti eam? Cur ergo tu mihi dicis non esse in tua visione tempora; & ista Scriptura tua mihi dicit per singulos dies, ea quæ fecisti te vidisse quia bona sunt? Et cum ea numerarem, inveni quoties. Ad hæc tu dicis mihi, quoniam tu es Deus meus, & dicis voce forti in aure interiore servo tuo perrumpens meam surditatem, & clamans: O homo, nempe quod Scriptura mea dicit, ego dico. Et tamen illa temporaliter dicit, Verbo autem meo tempus non accidit, quia æquali mecum æternitate consistit. Sic ea quæ vos per Spiritum meum videtis, ego video; sicut ea quæ vos per Spiritum meum dicitis, ego dico. Atque ita cum vos temporaliter ea videatis, non ego temporaliter video; quemadmodum cum vos temporaliter ea dicatis, non ego temporaliter dico.

45. **E**T audiui, Domine Deus meus, & elinxi stillicidii dulcedinis ex tua veritate, & intellexi quoniam sunt quidam quibus displicent opera tua; & multa eorum dicunt te fecisse necessitate compulsam, sicut fabricas cælorum & compositiones siderum: & hæc non de tuo, sed jam fuisse alibi creata & aliunde, quæ tu contraheres & compaginare atque contexeres, cum de hostibus victis mundana mœnia molireris, ut ea constructione a devicti, adversus te iterum rebellare non possent. Alia vero nec fecisse te, nec omnino compegisse, sicut omnes carnes & minutissima quæque animantia, & quidquid radicibus terram tenet: sed hostilem mentem naturamque aliam, non abs te conditam, tibi que contrariam, in inferioribus mundi locis ista gignere atque formare. Insani dicunt hæc, quoniam non per Spiritum tuum vident opera tua, nec te cognoscunt in eis.

46. **Q**UI autem per Spiritum tuum vident ea, tu vides in eis. Ergo cum vident quia bona sunt, tu vides quia bona sunt: & quæcumque propter te placent, tu in eis places; & quæ per Spiritum tuum placent nobis, tibi placent in nobis. *Quis enim scit hominum quæ sunt hominis, nisi spiritus hominis qui in ipso est? sic & quæ Dei sunt nemo scit nisi Spiritus Dei. Nos autem, inquit, non spiritum huius mundi accepimus, sed spiritum qui ex Deo est, ut sciamus quæ a Deo donata sunt nobis.* Et admoneor ut dicam: Certe nemo scit quæ Dei sunt, nisi spiritus Dei. Quomodo ergo scimus & nos quæ a Deo donata sunt nobis? Respondetur mihi: quoniam quæ per ejus Spiritum scimus, etiam sic nemo scit nisi Spiritus Dei. Sicut enim recte dictum est, *Non enim vos estis qui loquimini*, eis qui in Spiritu Dei loquerentur: sic recte dicitur, *Non vos estis qui scitis*, eis qui in Dei Spiritu sciunt. Nihilo minus igitur recte dicitur, *Non vos estis qui videtis*, eis qui in Spiritu Dei vident: ita quidquid in Spiritu Dei vident quia bonum est, non ipsi, sed Deus videt quia bonum est. Aliud ergo est, ut putet quisque malum esse quod bonum est, quales supradicti sunt. Aliud, ut quod bonum est, videat homo quia bonum est; sicut multistua creatura placet quia bona est, quibus tamen non tu places in ea, unde frui magis ipsa

Tom. I.

a Anglicani MSS. devincti.
b Bad. Am. Er. & Lov. complacent.

quam te volunt. Aliud autem, ut cum aliquid videt homo quia bonum est, Deus in illo videat quia bonum est, ut scilicet ille ametur in eo quod fecit, qui non amaretur nisi per Spiritum sanctum quem dedit; quoniam caritas Dei diffusa est in cordibus nostris per Spiritum sanctum qui datus est nobis, per quem videmus quia bonum est quidquid aliquo modo est. Ab illo enim est, qui non aliquo modo est, sed quod est, est.

47. **G**RATIAS tibi, Domine. Videmus cælum & terram, sive corporalem partem superiorem atque inferiorem, sive spiritalem corporalemque creaturam: atque in ornatu harum partium quibus constat vel universa mundi moles, vel universa omnino creatura, videmus lucem factam divisamque a tenebris. Videmus firmamentum cæli, sive inter spirituales aquas superiores & corporales inferiores primarium corpus mundi; sive hoc spatium aeris, quia & hoc vocatur cælum, per quod vagantur volatilia cæli inter aquas, quæ vaporaliter eis superferuntur & serenitatem etiam noctibus rorant, & has quæ in terris graves fluitant. Videmus congregatarum aquarum speciem per campos maris & aridam terram vel nudatam vel formatam ut esset visibilis & composita, herbarumque atque arborum materiem. Videmus luminaria fulgere de super, solem sufficere diei, lunam & stellas consolari noctem, atque his omnibus notari & significari tempora. Videmus humidam usquequaque naturam; piscibus & belluis & alitibus fecundatam, quod aeris corpulentia, quæ volatus avium portat, aquarum exhalatione concrevit. Videmus terrenis animalibus faciem terræ decorari; hominemque ad imaginem & similitudinem tuam cunctis irrationabilibus animantibus ipsa tua imagine ac similitudine, hoc est, rationis & intelligentiæ virtute præponi. Et quemadmodum in ejus anima aliud est quod consulendo dominatur, aliud quod subditur ut obtemperet: sic viro factam esse etiam corporaliter feminam, quæ haberet quidem in mente rationalis intelligentiæ parem naturam; sexu tamen corporis ita masculino sexui subiceretur, quemadmodum subicitur appetitus actionis ad concipiendam de ratione mentis recte agendi solertiam. Videmus hæc & singula bona, & omnia bona valde.

48. **L**AUDENT te opera tua, ut amemus te, & amemus te ut laudent te opera tua, quæ habent initium & finem ex tempore, ortum & occasum, profectum & defectum, speciem & privationem. Habent ergo consequentia mane & vespere, partim latenter, partim evidenter. De nihilo enim a te, non de te facta sunt, non de aliqua non tua, vel quæ antea fuerit, sed de concreata, id est, simul a te creata materia, quia ejus informitatem sine ulla temporis interpositione formasti. Nam cum aliud sit cæli & terræ materies, aliud cæli & terræ species; materiem quidem de omnino nihilo, mundi autem speciem de informi materia, simul tamen utrumque fecisti, ut materiam forma nulla moræ intercapedine sequeretur.

49. **I**NSPEXIMUS etiam propter quorum figuram ista vel tali ordine fieri, vel tali ordine scribi voluisti, & vidimus quia bona sunt singula, & omnia bona valde, in Verbo tuo, in Unico tuo cælum & terram, caput & corpus Ecclesiæ, in prædestinatione ante omnia tempora, sine mane

L & vesp.

c Ita MSS. & Arn. At Bad. Am. Er. & Lov. habent, non de te aliqua, non de tua vel &c.

CAPUT
XXXII.
Compendio enarrat opera Dei.

2. Reg.
1. 6.

CAPUT
XXXIII.
Omnia de nihilo sive de concreata materia.

CAPUT
XXXIV.
Totius creationis mundi allegorica expositio.

& vespera. Ubi autem cœpisti prædestinata temporaliter exsequi, ut occulta manifestares, & incomposita nostra componeres; quoniam super nos erant peccata nostra, & in profundum tenebrosum abieramus abs te, & Spiritus tuus bonus superferebatur ad subveniendum nobis in tempore opportuno; & iustificasti impios, & distinxisti eos ab iniquis, & solidasti auctoritatem libri tui inter superiores qui tibi docibiles essent, & inferiores qui eis subderentur: & congregasti societatem infidelium in unam conspirationem, ut apparerent studia fidelium, & tibi opera misericordiæ parerent; distribuentes etiam pauperibus terrenas facultates ad acquirenda cælestia. Et inde accendisti quædam luminaria in firmamento, verbum vitæ habentes sanctos tuos, & spiritalibus donis prælata sublimi auctoritate fulgentes; & inde ad imbendas infideles gentes sacramenta & miracula visibilia, vocesque verborum secundum firmamentum libri tui, quibus etiam fideles benedicerentur, ex materia corporali produxisti; & deinde fidelium animam vivam per affectus ordinatos continentiae vigore a formasti. Atque inde tibi soli mentem subditam, & nullius auctoritatis humanæ ad imitandum indigentem renovasti ad imaginem & similitudinem tuam; præstantique intellectui rationabilem actionem tamquam viro feminam subdidisti, omnibusque tuis ministeriis ad perficiendos fideles in hac vita necessariis, ab eisdem fidelibus ad usus temporales, fructuosa in futurum opera præberi voluisti. Hæc omnia videmus, & bona sunt valde, quoniam tu ea vides in nobis, qui Spiritum quo ea videremus & in eis te amaremus dedisti nobis.

CAPUT
XXXV.
Optat
pacem.
b

50. **D**OMINE Deus, pacem da nobis, omnia enim præstitisti nobis, pacem quietis, pacem sabbati, b sabbati sine vespera. Omnis quippe

A iste ordo pulcherrimus rerum valde bonarum modis suis peractis transiturus est, & mane quippe in eis factum est, & vespera.

51. **D**IES autem septimus sine vespera est, nec habet occasum, quia sanctificasti eum ad permansionem sempiternam, ut id quod tu post opera tua bona valde, quamvis ea quietus feceris, requievisti septimo die hoc præloquatur nobis vox libri tui, quod

CAPUT
XXXVI.
Diem septimum
vespera
quare
non sequatur.

B & nos post opera nostra, ideo bona valde, quia tu nobis ea donasti, sabbato vitæ æternæ requiescamus in te.

52. **E**TIAM tunc enim sic requiesces in nobis, quemadmodum nunc operaris in nobis; & ita erit illa requies tua per nos, quemadmodum sunt ista opera tua per nos. Tu autem, Domine, semper operaris & semper requiescis. Nec vides ad tempus; nec moveris ad tempus; nec quiescis ad tempus, & tamen facis & visiones temporales, & ipsa tempora, & quietem ex tempore.

CAPUT
XXXVII.
Deus in
nobis
quando
quiescet.

53. **N**OS itaque ista quæ fecisti videmus, quia sunt? Tu autem quia vides ea, sunt. Et nos foris videmus quia sunt, & intus quia bona sunt: tu autem ibi vidisti facta, ubi vidisti facienda. Et nos alio tempore moti sumus ad bene faciendum, postea quam concepit de Spiritu tuo cor nostrum. Priore autem tempore ad male faciendum movebamur deferentes te. Tu vero Deus une bone numquam cessasti bene facere. Et sunt quædam bona opera nostra ex munere quidem tuo, sed non sempiterna: post illa nos requieturos in tua grandi sanctificatione speramus. Tu autem bonum nullo indigens bono; semper quietus es, quoniam tua quies tu ipse es. Et hoc intelligere quis hominum dabit homini? quis Angelus Angelo? quis Angelus homini? A te petatur, in te quærat, ad te pulsetur: sic sic accipietur, sic invenietur, sic aperietur. Amen.

CAPUT
XXXVIII.
Aliter
Deus, aliter
homo videtur
creatus.

a Benignianus codex, firmasti.

b Sic legendum! iquet cum Albinensi codice; non uti alii plerique editi & scripti habent, pacem sine vespera.

c Hic editiones excepta Arn. interponunt ista verba, nec operaris ad tempus. quæ absunt a plerisque MSS.



A D M O N I T I O

DE SEQUENTIBUS TRIBUS CONTRA ACADEMICOS LIBRIS.

RECTUS ordo postulat, ut libri contra Academicos, qui primi omnium ab Augustino recensiti, & ante ceteros (excepto opere de Pulcro & apto, qui fetus eo juniore editus statim intercidit) ab eo profecti sunt, huc in proprium locum restituantur. Nempe cum Academicorum contra veri perceptionem argumenta Sanctus Doctor dudum imbibisset, ea tum etiam, cum veritatem Dei gratia fuisset assecutus, nonnullam ipsi molestiam facecebant: quibus diluendis non modo privatim sedulis meditationibus insistere, sed etiam cum amicis disputationem habere animo destinavit. Hanc porro collationem per aliquot dies habitam tres in libros partitus est, & Romaniano suo civi ac Mecenati, eum ad philosophiæ studium adhortando, transmisit.

Liber primus congregientes inter se Licentium & Trygetium exhibet; hunc contra Academicos, illum pro Academicis disputantem, an beata vita in cognitione veri, an contra in sola illius investigatione sit collocanda: ubi quid sit error, quid sapientia fuse explicatur.

In libro secundo S. Augustinus recenset placita Academicorum; prosequitur Alypius veterem inter novamque Academiam discrimina. Exploditur sententia horum philosophorum, qui cum verum haud posse deprehendi putarent; tamen veri simile sequi se profiterentur.

In tertio libro verum inveniri pro susceptis partibus diffitetur Alypius. Probat Augustinus a Sapiente cognosci, utpote qui saltem Sapientiam noverit. Hic ipse deinde Zenonis definitionem discutit, & duo illa redarguit Academicorum effata: Nihil percipi posse; & Nulli rei debere assentiri. Dicit demum videri sibi Academicos non ita sensisse uti vulgo existimantur.

* Lib. 1.
c. 1. n. 4.

Scripsit hos libros initio suæ conversionis in agro Cassiciaco, pauculis * ut ait, diebus transactis postea quam ibi vivere cœpit: adeoque sub finem anni 386. quo abdicata Rhetoricæ professione illuc secessit, ut totus purgando animo vacaret, seseque ad sacrum baptismum digne compararet. Consule annotationem in lib. 3. c. 20.

S. AUGUSTINUS EPIST. I. HERMOGENIANO.

ACADEMICOS ego ne inter jocandum quidem unquam laceffere auderem: quando enim me non tantorum virorum moveret auctoritas, nisi eos putarem longe in alia, quam vulgo creditum est, fuisse sententia? Quare potius eos imitatus sum quantum valui, quam expugnaui, quod omnino non valeo: videtur enim mihi satis congruisse temporibus, ut si quid sincerum de fonte Platónico fluere, inter umbrosa & spinosa dumeta potius in * possessionem paucissimorum hominum duceretur, quam per aperta manans, irruentibus passim pecoribus nullo modo posset liquidum purumque servari.... Hoc autem sæculo cum jam nullos videamus philosophos, nisi forte amiculo corporis, quos quidem haud censuerim dignos tam venerabili nomine, reducendi mihi videntur homines (si quos Academicorum per verborum ingenium a rerum comprehensione deterruit sententia) in spem reperiendæ veritatis: ne id quod eradicandis altissimis erroribus pro tempore accommodatum fuit, jam incipiat inferendæ scientiæ impedimento esse.... Equidem quoquo modo se habeant illæ litteræ, non tam me delectat, quod, ut scribis, Academicos vicerim (scribis enim hoc amantius forte quam verius) quam quod mihi abruperim odiosissimum retinaculum, quo ab philosophiæ ubere desperatione veri, quod est animi pabulum, refrenabar.

* MSS.
passio-
nem.

EX LIB. XV. DE TRINITATE. CAP. XII.

Adversus Academicos.... qui nihil ab homine scire posse contendunt.... sunt libri tres nostri, primo nostræ conversionis tempore conscripti, quos qui potuerit & voluerit legere, lectosque intellexerit, nihil eum profecto quæ ab eis contra perceptionem veritatis argumenta multa inventa sunt, permovebunt. Vide lib. Enchirid. c. 20.

LIB. I. RETRACT. CAPUT I.

CUM ergo reliquisset, vel quæ adeptus fueram in cupiditatibus hujus mundi, vel quæ adipisci volebam, & me ad Christianæ vitæ otium contulisset, nondum baptizatus, *contra Academicos*, vel *de Academicis* primum scripsi, ut argumenta eorum, quæ multis ingerunt veri inveniendi desperationem, & prohibent cuiquam rei assentiri, & omnino aliquid, tamquam manifestum certumque sit, approbare sapientem, cum eis omnia videantur obscura & incerta, ab animo meo, quia & me movebant, quantis possem rationibus amoverem. Quod miserante atque adjuvante Domino factum est.

Lib. I. c.
1. & 7.

cap. 1.

cap. 2.

cap. 4.

cap. 3.

cap. 9.

Platoni-
cos ut vi-
dere est
lib. 12.
de civit.
c. 26.
Cypri. lib.
de orat.
Dom.
Eccl. 12.
7.
Rom. 9.
11.

cap. 12.

cap. 16.
cap. 18.

cap. 17.

cap. 20.

2. Sed in eisdem tribus libris meis, non mihi placet toties me appellasse *fortunam*, quamvis non aliquam deam voluerim hoc nomine intelligi, sed fortuitum rerum eventum, vel in corporis nostri, vel in externis bonis aut malis. Unde & illa verba sunt, quæ nulla religio dicere prohibet, forte, forsân, forsitân, fortasse, fortuito: quod tamen totum ad divinam revocandum est Providentiam. Hoc etiam ibi non tacui, dicens: *Etenim fortasse, quæ vulgo fortuna nominatur, occulto quodam ordine regitur, nihilque aliud in rebus casum vocamus, nisi cuius ratio & causa secreta est.* Dixi quidem hoc, verumtamen pœnitet me sicillic nominasse *fortunam*, cum videam homines habere in pessima consuetudine, ubi dici debet, Hoc Deus voluit, dicere, Hoc voluit fortuna. Quod autem quodam loco dixi, *Ita comparatum est, sive pro meritis nostris, sive pro necessitate naturæ, ut divinum animum mortalibus inbærentem nequaquam philosophiæ portus accipiat &c.* aut nihil horum duorum dicendum fuit, quia etiam sic sensus posset esse integer; aut fatiserat dicere, *pro meritis nostris*, sicut verum est ex Adam tracta miseria; nec addere, *sive pro necessitate naturæ*, quando quidem naturæ nostræ dura necessitas merito præcedentis iniquitatis exorta est. Itemque illic quod dixi, *nihil omnino colendum esse, totumque abjiciendum quidquid mortalibus oculis cernitur, quidquid ullus sensus attingit*: addenda erant verba, ut diceretur, *quidquid mortalis corporis ullus sensus attingit*. est enim sensus & mentis. Sed eorum more tunc loquebar, qui sensum non nisi corporis dicunt, & sensibilia non nisi corporalia. Itaque ubicumque sic locutus sum, parum est ambiguitas evitata, nisi apud eos quorum consuetudo est locutionis hujus. Item dixi: *Quid censes aliud esse beate vivere, nisi secundum id, quod in homine optimum est, vivere?* Et quid dixerim, *in homine esse optimum*, paulo post explicans: *Quis, inquam, dubitaverit, nihil esse aliud hominis optimum, quam eam partem animi, cui dominantem obtemperare convenit cetera, quæque in homine sunt?* Hæc autem, *ne aliam postules definitionem, mens aut ratio dici potest.* Hoc quidem verum est: nam quantum adtinet ad hominis naturam, nihil est in eo melius quam mens & ratio: sed non secundum ipsam debet vivere, qui beate vult vivere, alioquin secundum hominem vivit, cum secundum Deum vivendum sit, ut possit ad beatitudinem pervenire: propter quam consequendam non seipsa debet esse contenta, sed Deo mens nostra subdenda est. Item respondens ei, cum quo disputabatur: *Hic plane, inquam, non erras, quod ut tibi omen sit ad reliqua, libenter optaverim.* Hoc licet non serio, sed joco dictum sit, nollem tamen eo verbouti. Omen quippe me legisse non recolo, sive in sacris litteris nostris, sive in sermone cujusquam ecclesiastici disputatoris: quamvis abominatio inde sit dicta, quæ in divinis libris assidue reperitur.

3. In secundo autem libro prorsus inepta est & insulsa illa quasi fabula de *Philocalia* & *Philosophia*, quod sint germanæ & eodem parente procreatæ. Aut enim philocalia quæ dicitur, non nisi in nugis est, & ob hoc philosophiæ nulla ratione germana; aut si propterea est hoc nomen honorandum, quia latine interpretatum, amorem significat pulcritudinis, & est vera ac summa sapientiæ pulcritudo, eadem ipsa est in rebus incorporeis atque summis philocalia quæ philosophia, neque ullo modo sunt quasi sorores duæ. Alio loco cum agerem de animo, dixi: *Securior rediturus in cælum.* Iturus autem, quam *rediturus* dixissem securius, propter eos qui putant animos humanos pro meritis peccatorum suorum de cælo lapsos sive dejectos, in corpora ista detrudi. Sed hoc ego propterea non dubitavi dicere, quia ita dixi, *in cælum*, tamquam dicerem, *ad Deum*, qui ejus est auctor & conditor, sicut beatus Cyprianus non cunctatus est dicere. Nam cum corpus e terra, spiritum possideamus e cælo, ipsi terra & cælum sumus. Et in libro Ecclesiastæ scriptum est: *Spiritus revertatur ad Deum, qui dedit illum.* Quod utique sic intelligendum est, ut non resistatur Apostolo dicenti, nondum natos nihil egisse boni aut mali. Sine controversia ergo quædam originalis regio beatitudinis animi, Deus ipse est, qui eum non quidem de seipso genuit, sed de nulla re alia condidit, sicut condidit corpus e terra. Nam quod adtinet ad ejus originem, qua fit ut sit in corpore, utrum de illo uno sit, qui primum creatus est, quando factus est homo in animam vivam; an similiter ita fiant singulis singuli, nec tunc sciebam, nec adhuc scio.

4. In tertio libro, *Si quid mihi videatur quæris*, inquam, *in mente arbitror esse summum hominis bonum.* Verius dixissem, *in Deo*. Ipso enim mens fruitur, ut beata sit, tamquam summo bono suo. Nec mihi illud placet quod dixi; *Liquet dejerare per omne divinum.* Item quod dixi de Academicis, quia verum noverant, cujus simile appellabant verisimile, idque ipsum verisimile appellavi falsum, quod approbabant, duas ob causas non recte dictum est: vel quod falsum esset, quod aliquo modo esset simile alicujus veri, quia in genere suo & hoc verum est: vel quod approbabant ista falsa, quæ vocabant verisimilia, cum illi nihil approbarent, & affirmarent nihil approbare sapientem. Sed quia hoc ipsum verisimile etiam probabile nuncupabant, hinc factum est ut hoc de illis dicerem. Laus quoque ipsa, qua Platonem vel Platonicos seu Academicos philosophos tantum extuli, quantum impios homines non oportuit, non immerito mihi displicuit: præsertim quorum contra errores magnos defendenda est Christiana doctrina. Illud etiam quod in comparatione argumentorum Ciceronis, quibus in libris suis Academicis usus est, mea *nugas* esse dixi, quibus argumenta illa certissima ratione refutavi, quamvis jocando dictum sit, & magis ironia videatur, non debuit tamen dici. Hoc opus sic incipit: *O utinam Romaniane hominem sibi aptum.*

S. AURELII AUGUSTINI
HIPPONENSIS EPISCOPI
CONTRA ACADEMICOS
LIBRI TRES.*

* Scripti
sub si-
nem an.
386.

LIBER PRIMUS.

Romanianus ad philosophiam incitatur proœmio libri bujus, in quo ejus filius Licentius cum Trygetio per tres disputationes congregitur. Ille pro Academicis beatam vitam ipsa inquisitione veri, hic contra nonnisi veri comprehensione constare propugnat. Venit in contentionem definitio erroris, nec non definitio sapientiæ, quæ luculenter explicatur.

CAPUT
I.
Romanianum
ad veram phi-
loso-
phiam
cohorta-
tur.



UTINAM Romaniane, hominem sibi aptum ita vicissim virtus fortunæ repugnanti posset auferre, ut ab ea sibi auferri neminem patitur: jam tibi profecto iniecisset manum, sui que juris te esse proclamans, & in bonorum certissimorum possessionem traducens, ne prosperis quidem casibus servire permetteret. Sed quoniam ita comparatum est, sive pro meritis nostris, sive pro necessitate naturæ, ut divinum animum mortalibus inhærentem, nequaquam sapientiæ portus accipiat, ubi neque adversante fortunæ flatu, neque secundante moveatur, nisi eo illum fortuna ipsa, vel secunda, vel quasi adversa perducatur: nihil pro te nobis aliud quam vota restant, quibus ab illo cui hæc curæ sunt Deo, si possumus, impetremus ut te tibi reddat; ita enim facile reddet & nobis; sinatque mentem illam tuam, quæ respirationem jam diu parturit, aliquando in auras veræ libertatis emergere. Etenim fortasse quæ vulgo fortuna nominatur, occulto quodam ordine regitur, nihilque aliud in rebus casum vocamus, nisi cujus ratio & causa secreta est: NIHILQUE seu commodi seu incommodi contingit in parte, quod non conveniat & congruat universo. Quam sententiam uberrimarum doctrinarum oraculis editam, remotamque longissime ab intellectu profanorum, se demonstraturam veris amatoribus suis, ad quam te invito, philosophia pollicetur. Quamobrem cum tibi tuo animo indigna multa accidunt, ne te ipse contemnas. Nam si divina providentia pertenditur usque ad nos, quod minime dubitandum est, mihi crede, sic tecum agi oportet ut agitur. Nam cum tanta, quantam semper admiror, indole tua, ab ineunte adolescentia adhuc infirmo rationis atque lapsante vestigio humanam vitam errorum omnium plenissimam ingredereris, excepit te circumfluentia divitiarum,

Tom. I.

A quæ illam ætatem atque animum quæ pulcra & honesta videbantur avide sequentem, illecebrofis cœperat absorbere gurgitibus, nisi inde te fortunæ illi flatus, qui putantur adversi, eripuissent pene mergentem.

2. An vero si edentem te munera a urforum & numquam ibi antea visa spectacula civibus nostris, theatricus plausus semper prosperrimus accepisset; si stultorum hominum, quorum immensa turba est, conflatis & consentientibus vocibus ferreris ad cælum; si nemo tibi auderet esse inimicus, si municipales tabulæ te non solum civium, sed etiam vicinorum patronum ære signarent, collocarentur statuae, influerent honores, adderentur etiam potestates, quæ municipalem habitum supercrescerent; convivii quotidianis mensæ opimæ struerentur; quod cuique esset necesse, quod cujusque etiam deliciæ sitirent, indubitanter peteret, indubitanter hauriret, multa etiam non petentibus funderentur; resque ipsa familiaris diligenter a tuis fideliterque administrata, idoneam se tantis sumtibus paratamque præberet; tu interea viveres in ædificiorum exquisitissimis molibus, in nitore balnearum, in tesseriis quas honestas non respuit, in venatibus, in conviviiis, in ore clientium, in ore civium, in ore denique populorum humanissimus, liberalissimus, mundissimus, fortunatissimus, b ut fuisti, jactareris, quisquam tibi, Romaniane, beatæ alterius vitæ, quæ sola beata est, quisquam, quæso, mentionem facere auderet? quisquam tibi persuadere posset, non solum te felicem non esse, sed eo maxime miserum, quo tibi minime videreris? Nunc vero quam te breviter admonendum tot & tanta, quæ pertulisti adversa fecerunt. Non enim tibi alienis exemplis persuadendum est quam fluxa & fragilia, & plena calamitatum sint omnia, quæ bona mortales putant, cum ita ex aliqua parte bene expertus sis, ut ex te ceteris persuadere possimus.

L 3 3. Illud.

a Bad. *munera cursorum*. Sed alii codices summo inter se consensu habent, *urforum*. Inusitatum quoddam ludorum genus hic nominare voluit Augustinus. Ludos nempe, quia liberaliter populo munerum instar exhibebantur, munera vocabant. Hinc de ludis præstitis non male intelligitur Concilii Eliberitani can. 3. *Flamines qui non*

immolaverint, sed munus tantum dederint &c.

b In MSS. aliquot vetustis & in editis Bad. Am. Er. deest, *ut fuisti*. In aliis septem MSS. substituitur, *ut fuisti*; quæ lectio forte hoc verior est, quo ab usu vulgato remotior.

1. Retraff.
cap. 1.

3. Illud ergo, illud tuum, quo semper decora & honesta desiderasti; quo te liberalem magisquam divitem esse maluisti; quo numquam concupisti esse potentior quam justior, numquam adversitatibus improbitatibusque cessisti, illud ipsum, inquam, quod in te divinum nescio quo vitæ hujus somno veteraque sopitum est, variis illis durisque jactationibus secreta providentia excitare decrevit. Evigila, evigila, oro te; multum, mihi crede, gratulaberis quod pene nullis prosperitatibus quibus tenentur incauti, mundi hujus tibi dona blandita sunt: quæ me ipsum capere moliebantur quotidie ista cantantem, nisi me pectoris dolor ventosam professionem abjicere, & in philosophiæ gremium confugere coegisset. Ipsa me nunc in otio, quod vehementer optavimus, nutrit ac fovet: ipsa me penitus ab illa a superstitione, inquam te mecum præcipitem dederam, liberavit. Ipsa enim docet, & vere docet nihil omnino colendum esse, totumque contemni oportere, quidquid mortalibus oculis cernitur, quidquid ullus sensus attingit. Ipsa verissimum & secretissimum Deum perspicue se demonstraturam promittit, & jam jamque quasi per lucidas nubes ostentare dignatur.

4. In hac mecum studiosissime vivit noster Licentius: ad eam totus a juvenilibus illecebris voluptatibusque conversus est, ita ut eum non temere patri audeam imitandum proponere. Philosophia est enim, a cujus uberibus se nulla ætas queretur excludi: ad quam avidius retinendam & hauriendam quo te incitarem, quamvis tuam sitim bene noverim, gustum tamen mittere volui, quem tibi suavissimum, & ut ita dicam, inductorium fore, peto ne frustra speraverim. Nam disputationem quam inter se Trygetius & Licentius habuerunt, relatam in litteras, tibi misi. Illum enim quoque adolescentem, quasi ad detergendum fastidium disciplinarum, aliquantum sibi usurpasset militia, ita nobis magnarum honestarumque artium ardentissimum edacissimumque restituit. Pauculis igitur diebus transactis, posteaquam in agro vivere cœpimus, cum eos ad studia hortans atque animans, ultra quam optaveram paratos & prorsus inhiantes viderem, volui tentare pro ætate quid possent: præsertim cum Hortensius liber Ciceronis jam eos ex magna parte conciliasse philosophiæ videretur. Adhibito itaque notario, ne auræ laborem nostrum discerperent, nihil perire permisi. Sane in hoc libro res & sententias illorum, mea vero & Alypii etiam verba lecturus es.

Disputatio prima.
CAPUT II.
An ad beatam vitam necessaria sit veri comprehensio; an sola ejus inquisitio.

5. **C**UM igitur omnes hortatu meo unum in loco cum ad hoc congregati essemus, ubi opportunum visum est: Numquidnam dubitatis, inquam, verum nos scire oportere? Minime, ait Trygetius, ceterique se vultu ipso approbasse significaverunt. Quid si, inquam, etiam non comprehenso vero beati esse possumus, necessariam veri comprehensionem arbitramini? Hic Alypius: Hujus quæstionis, inquit, judicem me tutius puto. Cum enim iter mihi in urbem sit constitutum, oportet me onere alicujus suscipiendæ partis relevari; simul quod facilius judicis partes, quam cujusquam defensoris, cuiquam delegare possim. Quare dehinc pro alterutra parte ne a me quidquam exspectetis. Quod ei cum concessum esset ab

A omnibus, & ego rogationem repetissem: Beati certe, inquit Trygetius, esse volumus; & si ad hanc rem possumus absque veritate pervenire, quærenda nobis veritas non est. Quid hoc ipsum, inquam? Existimatisne beatos nos esse posse, etiam non inventa veritate? Tunc Licentius: Possumus, inquit, si verum quæramus. Hic cum ego ceterorum sententiam nutu flagitasset: Movet me, inquit * Navigius, quod a Licentio dictum est. Potest enim fortasse hoc ipsum esse beate vivere, in veritatis inquisitione vivere. Defini ergo, ait Trygetius, quid sit beata vita, ut ex eo colligam quid respondere conveniat. Quid censes, inquam, esse aliud beate vivere, nisi secundum id, quod in homine optimum est, vivere? Temere, inquit, verba non fundam; nam id ipsum optimum quid sit, definiendum mihi abs te puto. Quis, inquam, dubitaverit, nihil aliud esse hominis optimum, quam eam partem animi, cui dominantem obtemperare convenit cetera quæque in homine sunt? Hæc autem, ne aliam postules definitionem, mens aut ratio dici potest. Quod si tibi non videtur, quære quomodo ipse definias vel beatam vitam, vel hominis optimum. Assentior, inquit.

* Augustini frater.

1. Retraff.
cap. 1.

6. Quid ergo, ut ad propositum, inquam, redeamus, videtur tibi non invento vero beate posse vivi, si tantum quærat? Repeto, inquit, sententiam illam meam: Minime videtur. Vos, inquam, quid opinamini? Tum Licentius: Mihi prorsus, inquit, videtur: nam majores nostri, quos sapientes beatosque accepimus, eo solo quod verum quærebant, bene beateque vixerunt. Ago gratias, inquam, quod cum Alypio me judicem fecistis, cui, fateor, invidere jam cœperam. Quoniam igitur alteri vestrum videtur beatam vitam sola investigatione veritatis, alteri non nisi inventione posse contingere, Navigius autem paulo ante ostendit in tuam Licenti partem se velle transire, magnopere exspecto quales sententiarum vestrarum patroni esse possitis. Res enim magna est, & diligenti discussione dignissima. Si res magna est, ait Licentius, magnos viros desiderat. Noli quærere, inquam, præsertim in hac villa, quod ubivis gentium reperire difficile est: sed potius explica, cur id quod abs te non temere, ut opinor, prolatum est, & qua tibi ratione videatur: nam & MAXIMÆ res cum a parvis quærantur, magnos eos solent efficere.

7. **Q**UONIAM te, inquit, video magnopere nos urgere, ut adversum invicem disputemus, quod te utiliter velle confido: quæro cur beatus esse non possit, qui verum quærit, etiam si minime inveniat? Quia beatum, inquit Trygetius, volumus esse perfectum, in omnibus sapientem. Qui autem adhuc quærit, perfectus non est. Hunc igitur quomodo asseras beatum, omnino non video. Et ille, Potest apud te, inquit, b vivere auctoritas majorum? Non omnium, inquit Trygetius. Quorum tandem? Ille, eorum scilicet, qui sapientes fuerunt. Tum Licentius: Carneades, inquit, tibi sapiens non videtur? Ego, ait, Græcus non sum, nescio Carneades iste qui fuerit. Quid, inquit Licentius, de illo nostro Cicerone, quid tandem existimas? Hic cum diu tacuisset: Sapiens fuit, inquit. Et ille; Ergo ejus de

CAPUT III.
Beatitatem in investigatione veri sitam esse pro Academicis proponatur.

b

a Erat haud dubie Romanianus ex eorum numero quos in Manichæorum hæresim secum pertraxisse dicit Augustinus lib. 4. Conf. c. 1. Verum is quoque ad sanam fidem aliquando se recepit: quippe qui Augustinum semper coluit impense, & nuncupatum sibi ab ipso librum *de vera Religio-*

ne, aliaque ipsius scripta in magno pretio habuit; ac demum per litteras a Paulino Nolensi Episcopo, qui panes eulogiarum nomine eidem mittit, tractatur honorificentissime, atque ut vir plane Christianus catholicus.

b MSS. sex, vincere.

de hac re sententia habet apud te aliquid ponderis? Habet, inquit. Accipe igitur quæ sit, nam eam tibi excidisse arbitror. Placuit enim Ciceroni nostro, beatum esse qui veritatem investigat, etiam si ad ejus inventionem non valeat pervenire. Ubi hoc, inquit, Cicero dixit? Et Licentius, Quis ignorat eum affirmasse vehementer, nihil ab homine percipi posse, nihilque remanere sapienti, nisi diligentissimam inquisitionem veritatis; propterea quia si incertis rebus esset assensus, etiam si fortasse veræ forent, liberari ab errore non posset? quæ maxima est culpa sapientis. Quamobrem si & sapientem necessario beatum esse credendum est, & veritatis sola inquisitio perfectum sapientiæ munus est, quid dubitamus existimare beatam vitam, etiam per se ipsa investigatione veritatis posse contingere?

8. Tum ille, Licetne tandem ad ea quæ temere concessa sunt, redire rursum? Hic ego: illi hoc non solent concedere, inquam, quos ad disputandum non inveniendi veri cupiditas, sed ingenii puerilis jactantia impellit. Itaque apud me, præsertim cum adhuc nutriendi educandique sitis, non solum conceditur, sed etiam in præceptis habeatis volo, ad ea vos discutienda redire oportere, quæ concesseritis incautius. Et Licentius: **NON PARVUM** in philosophia profectum puto, inquit, cum in comparatione recti verique inveniendi contemnitur a disputante victoria. Itaque libenter obsequor præceptis & sententiæ tuæ, & Trygetium ad id quod se temere concessisse arbitratur, res enim mei juris est, redire permitto. Tum Alypius: Suscepti a me officii nondum partes esse, vosmetipsi mecum recognoscitis. Sed quoniam id jamdudum disposita profectio interrumpere me compellit, pro meo quoque munere geminam sibi potestatem particeps mecum judicii non renuet usque in reditum meum: video enim hoc vestrum certamen longius progressurum. Et cum discessit: Quid, inquit Licentius, temere concesseras, profer. Et ille, Temere dedi, inquit, Ciceronem fuisse sapientem. Ergone Cicero sapiens non fuit, a quo in latina lingua philosophia & inchoata est & perfecta? Et si concedam, inquit, esse sapientem, non omnia tamen ejus probo. Atqui oportet multa ejus alia refellas, ut non impudenter hoc de quo agitur, improbare videaris. Quid si hoc solum non recte sensisse illum affirmare paratus sum, vestra, ut opinor, nihil interest, nisi a cujus ponderis ad id quod volo asserendum, rationes afferam. Perge, inquit ille. Quid enim, inquit, audeam contra eum, qui se Ciceronis adversarium profitetur?

9. Hic Trygetius: Volo adtendas, ait, tu judex noster, quemadmodum superius beatam vitam definieris: dixisti namque eum beatum esse, qui secundum eam partem animi vivit, quam ceteris convenit imperare. Tu autem Licenti volo vel nunc mihi concedas, (jam enim libertate, in quam maxime nos vindicaturam se philosophia pollicetur, jugum illud auctoritatis excussi,) perfectum non esse qui adhuc veritatem requirat. Tum ille post diuturnum silentium: Non concedo, inquit. Et Trygetius: Cur quæso? explica. Isthic sum enim, & aveo audire, quo pacto possit & perfectus homo esse, & adhuc quærere veritatem. Hic ille: Qui ad finem, inquit, non pervenit, fateor quod perfectus non sit. Veritatem autem illam solum Deum nosse arbitror, aut forte hominis animam, cum hoc corpus,

A hoc est tenebrosum carcerem dereliquerit. Hominis autem finis est, perfecte quærere veritatem: perfectum enim quærimus, sed tamen hominem. Et Trygetius: Non igitur potest beatus esse homo. Quomodo enim, cum id quod magnopere concupiscit, assequi nequeat? Potest autem homo beate vivere, siquidem potest secundum eam partem animi vivere quam dominari in homine fas est. Potest igitur verum invenire. Aut colligat se, & non concupiscat verum, ne cum id assequi non potuerit, necessario miser sit. At hoc ipsum est beatum hominis, ait ille, perfecte quærere veritatem: hoc est enim pervenire ad finem, ultra quem non potest progredi. Quisquis ergo minus instanter quam oportet veritatem quærit, is ad finem hominis non pervenit. Quisquis autem tantum quantum homo potest ac debet, dat operam inveniendæ veritati, is etiam si eam non inveniatur, beatus est. Totum enim facit, quod ut faciat, ita natus est. Inventio autem si defuerit, id deerit quod natura non dedit. Postremo cum hominem necesse sit aut beatum esse aut miserum, nonne dementis est eum qui dies noctesque quantum potest instat investigandæ veritati, miserum dicere? Beatus igitur erit. Deinde illa definitio mihi, ut arbitror, uberius suffragatur: nam si beatus est, sicuti est, qui secundum eam partem animi vivit, quam regnare ceteris convenit, & hæc pars ratio dicitur, quæro utrum non secundum rationem vivat, qui quærit perfecte veritatem? Quod si absurdum est, quid dubitamus beatum hominem dicere sola ipsa inquisitione veritatis?

10. **MIHI**, ait ille, nec secundum rationem vivere, nec beatus omnino quisquis errat, videtur. Errat autem omnis qui semper quærit, nec invenit. Unde tibi unum jam e duobus monstrandum est, aut errantem beatum esse posse, aut eum qui quod quærit numquam invenit, non errare. Hic ille: Beatus errare non potest. Et cum diu siluisset: Non autem errat, inquit, cum quærit: quia ut non erret, perfecte quærat. Et Trygetius: Ut non erret quidem, inquit, quærat, sed errat cum minime invenit. Ita autem tibi profuturum putasti, quod errare ille non vult, quasi nemo erret invitus, aut quisquam omnino erret, nisi invitus. Tum ego, cum ille diu cunctaretur quid responderet: Definendum vobis est, inquam, quid sit error, facilius enim ejus fines potestis videre, in quem jam penitus ingressi estis: Ego, inquit Licentius, definire aliquid idoneus non sum: quamvis errorem definire sit facilius quam finire. Ego, ait ille, definiam quod mihi facillimum est non ingenio, sed causa optima. Nam errare est utique semper quærere, numquam invenire. Ego, inquit Licentius, si vel istam definitionem facile possem refellere, jamdudum causæ meæ non defuissem. Sed quoniam aut res ipsa per se ardua est, aut ita mihi apparet, peto a vobis ut usque in crastinam lucem quæstio differatur, si nihil hodie quod respondeam, reperire potuero, cum id sedulo mecum ipse volvam. Quod cum concedendum putarem, non renuentibus ceteris, deambulatum ire surreximus, nobisque inter nos multa variaque sermocinantibus, ille in cogitatione defixus fuit. Quod cum frustra esse sensisset, relaxare animum maluit, & nostro se sermoni miscere. Postea cum jam advesperasceret, in eundem conflictum redierant: sed modum imposui, persuasique ut in alium

CAPUT
IV.
Quid sit
error.

Disputa-
tio se-
cunda.

1. Retra-
ct. cap. 1.

aliud diem differri paterentur : inde ad balneas.

II. POSTRIDIE autem cum confedissemus : Proferte, inquam, quod heri coeperatis. Tum Licentius: Distuleramus, inquit, disputationem, nisi fallor, rogatu meo, cum erroris definitio difficillima mihi esset. Hic plane, inquam, non erras, quod ut tibi omen sit ad reliqua, libenter optaverim. Audi ergo, inquit, quod heri etiam nisi intercessisses, protulissem: error mihi videtur esse falsi pro vero approbatio: in quem nullo pacto incidit, qui veritatem quærendam semper existimat. Falsum enim probare non potest, qui probat nihil: non igitur potest errare: beatus autem facillime esse potest. Nam ne longius abeam, si nobis ipsis, ut heri licuit, quotidie vivere liceret, nihil mihi occurrit cur nos beatos appellare dubitemus. Viximus enim magna mentis tranquillitate, ab omni corporis labe animum vindicantes, & a cupiditatum facibus longissime remoti, dantes, quantum homini licet, operam rationi; hoc est, secundum illam divinam partem animi viventes, quam beatam vitam esse hesternæ inter nos definitione convenit: atque, ut opinor, nihil invenimus, sed tantummodo quærivimus veritatem. Potest igitur sola inquisitione veritatis, etiam si eam invenire minime possit, homini beata vita contingere. Nam definitio tua vide quanta facilitate excludatur notione communi. Etenim errare dixisti esse, semper quærere, & numquam invenire. Quid si quisquam nihil quærat, & interrogatus, verbi gratia, utrumnam modo dies sit, temere statimque notem esse opinetur atque respondeat? Nonne tibi videtur errare? Hoc igitur erroris genus vel immanissimum, non complexa est definitio tua. Quid si etiam non errantes complexa est, potestne definitio ulla esse vitiosior? Nam si quis Alexandriam quærat, & ad eam recto pergat itinere, non opinor potes eum errantem vocare. Quid si eandem viam variis impeditus causis, longo agat tempore, & in ea morte præveniatur, nonne & semper quæsit, & numquam invenit, nec erravit tamen? Non, inquit ille, semper quæsit.

12. Recte dicis, ait Licentius, & bene admones: Inde enim prorsus nihil ad rem pertinet definitio tua: non enim ego beatum esse dixi, qui semper quærat veritatem. Quod ne fieri quidem potest: primo, quia non semper homo est: deinde, quia non ex quo tempore incipit esse homo, eo jam potest, ætate impediante, verum quærere. Aut si semper id putas dicendum, si nihil temporis quo jam quærere potest, perire patitur, rursus tibi Alexandriam redeundum est. Fac enim quemquam, ex quo tempore iter agere vel ætate vel negotio finitur, pergere occipere illam viam, atque ut supra dixi, cum deviet nusquam, ante quam perveniat tamen vita excedere, multum profecto errabis, si tibi errasse iste videbitur; quamvis omni quo potuit tempore, nec quærere desierit, nec invenire potuerit quo pergebat. Quamobrem si & mea descriptio vera est, & secundum eam non errat ille qui perfecte quærit, quamvis non inveniat veritatem, beatusque est ob eam rem, quod secundum rationem vivit: tua vero definitio & frustrata est, & si non esset, nihil eam curare deberem, si ex eo solum quod ego definivi, satis causâ firmata est: cur quæso nondum est ista inter nos quæstio dissoluta?

CARUT
V.
Quid

13. HIC Trygetius: Dasne, inquit, sapientiam rectam viam vitæ esse? Do, inquit, sine dubio: sed

tamen volo mihi sapientiam definias, ut sciam utrum quæ mihi; eadem tibi esse videatur. Et ille: Parum tibi, ait, videtur definita hoc ipso quod nunc interrogatus es? Etiam quod volui concessisti. Si enim non fallor, non falso recta via vitæ sapientia nominatur. Tum Licentius: Nihil mihi tam ridiculum, quam ista definitio videtur, inquit. Fortasse, ait ille: pedetentim tamen quæso, ut ratio præveniat risum tuum: NIHIL enim est fœdus risu irrisione dignissimo. Quid enim ait ille, nonne fateris vitæ mortem esse contrariam? Fateor, ait. Mihi igitur, inquit ille, via vitæ nulla magis videtur, quam ea qua quisque pergit, ne in mortem incidat. Assentiebatur Trygetius. Ergo si viator quispiam diverticulum vitans, quod a latronibus obsideri audierit, recta ire pergat, atque ita evadat interitum, nonne & viam vitæ, & rectam secutus est; & eam sapientiam nominat nemo? Quomodo igitur omnis recta vitæ via sapientia est? Concessi enim esse, sed non solam. Definitio autem nihil complecti debuit, quod esset alienum. Itaque rursus defini, si placet, quid tibi videtur esse sapientia?

14. Diu ille tacuit. Deinde: En, inquit, iterum definitio, si hoc tu numquam finire statuisti. Sapientia est via recta, quæ ad veritatem ducat. Similiter & hoc, inquit ille, refellitur: nam dum apud Virgilium Æneæ dictum est a matre: *Perge modo, & qua te ducit via dirige gressum*: sequens hanc viam ad id quod dictum erat, id est ad verum pervenit. Contende, si placet, ubi pedem ille incedens posuit, sapientiam posse dici; quamquam stulte prorsus istam descriptionem tuam effringere conor: nam causam meam nulla plus adjuvat. Etenim sapientiam non ipsam veritatem, sed viam quæ ad eam ducat esse dixisti. Quisquis ergo hac utitur via, sapientia profecto utitur: & qui sapientia utitur, sapiens sit necesse est. Sapiens igitur erit ille, qui perfecte quæserit veritatem, etiam si ad eam nondum pervenerit: nam via quæ ducit ad veritatem, nulla, uti opinor, intelligitur melius quam diligens inquisitio veritatis. Hac igitur sola via utens, jam iste sapiens erit: at nemo sapiens miser: omnis autem homo aut miser, aut beatus: beatum igitur faciet non tantum inventio, sed ipsa per se investigatio veritatis.

15. Tum ille arridens: Merito mihi, inquit, ista contingunt, dum adversario in re non necessaria fidenter assentior: quasi vero ego sim magnus definitor, aut quidquam in disputando magis supervacaneum putem. Quis enim moduserit, si ego rursus velim definiri abs te aliquid, & rursus ejusdem definitionis verba, & consequentium item singillatim omnia, fingens quod nihil intelligam, definiri flagitem? Nam quid planissimum non meo jure definiri cogam, si jure a me sapientiæ definitio postulatur? Cujus enim verbi in animis nostris apertiore notione natura esse voluit, quam sapientiæ? Sed nescio quomodo cum mentis nostræ veluti portum notio ipsa reliquerit, & verborum sibi quasi vela tetenderit, occurrent statim calumniarum mille naufragia. Quamobrem aut definitio sapientiæ ne requiratur, aut judex noster in ejus patrocinium dignetur descendere. Tum ego, cum jam stilum nox impediret, & quasi de integro magnum quiddam discendum viderem oboriri, in alium diem distuli: nam disputare coeperamus sole jam in occasum declinante, diesque pene totus cum in rebus rusticis ordinandis, tum in recensione primi libri Virgilii peractus fuit.

16. DE

Disputa-
tio ter-
tia.
CAPUT
VI.
Sapien-
tiæ defi-
nitio &
impu-
gnatur.

16. **D**EINDE mox ut illuxit, ita enim reserant pridie constitutæ, ut largum esset otium, statim peragendum negotium susceptum est. Tum ego: Heri postulasti, inquam, Trygeti, ut a iudicis munere ad sapientiæ patrociniū descenderem: quasi vero quemquam in sermone vestro adversarium sapientia pateretur, aut ullo defendente ita laboraret, ut majus implorare deberet auxilium. Nam neque inter vos aliud quærendum natum est, quam quid sit sapientia, in quo eam vestrum neuter oppugnat, quia uterque desiderat. Neque si tu in definienda sapientia defecisse te putas, propterea reliqua defensio sententiæ tuæ tibi deferenda est. Itaque a me nihil aliud habebis quam definitionem sapientiæ, quæ nec mea nec nova est, sed & priscorum hominum, & quam vos mirer non recordari. Non enim nunc primum auditis SAPIENTIAM esse rerum humanarum divinarumque scientiam.

Albice-
rii divi-
natio-
nes.

17. Hic Licentius, quem post istam definitionem diu putabam quæsiturum esse quod diceret, subiecit statim, Cur ergo non quæso sapientem vocamus flagitiosissimum illum hominem, quem ipsi bene novimus per innumera scorta solere dissolvi: Albicerium dico illum, qui apud Carthaginem multos annos consulentibus mira quædam & certa respondit? Innumerable commemorare possem, nisi & apud eos loquerer qui experti sunt, & paucis nunc satis sit ad id quod volo. Nonne cochlearium (mihi autem dicebat) cum domini non inveniretur, tuo jussu percontatus, non solum quid quæreretur, verum etiam nominatim cujus res esset, & ubi lateret, citissime verissimeque respondit? Item me præsentem, omitto illud quod in eo quod rogabatur nihil omnino falsus est, sed cum puer qui nummos ferebat, certam eorum partem cum ad eum pergeremus furatus esset, omnes sibi numerari jussit, coegitque illum ante oculos nostros quos abstulerat reddere, prius quam omnino ipse aut eosdem nummos vidisset, aut quantum sibi allatum fuerit audisset e nobis.

18. Quid quod doctissimum & clarissimum virum Flaccianum mirari solitum esse abs te accepimus, qui cum de fundo emendo esset locutus, ad illum divinum rem ita detulit, ut quid egisset, si potis esset, ediceret. Atque ille statim non modo negotii genus, sed etiam, in quo ille vehementer clamabat admirans, ipsum fundi nomen pronuntiavit, cum ita esset absurdum, ut vix ejus Flaccianus ipse meminisset? Jam illud sine stupore animi non queo dicere, quod amico nostro discipulo tuo sese volenti exagitare, flagitanti-que insolenter, ut diceret quid secum ipse tacitus voveret, Virgilii versum eum cogitare respondit. Cum ille obstupescens negare non posset, perrexit quærere quisnam versus esset. Nec Albicerius, qui Grammatici scholam vix transiens vidisset aliquando, versum ipsum securus & garrulus canere dubitavit. Num igitur aut res humanæ non erant, de quibus ille consulebatur, aut sine rerum divinarum scientia tam certa consulentibus & vera respondit? At utrumque absurdum est. Nam & humanæ res nihil sunt aliud quam res hominum, ut argentum, nummi, fundus, postremo ipsa etiam cogitatio: & res divinas quis non recte arbitretur esse, per quas homini divinatio ipsa con-

tingit? Sapiens ergo fuit Albicerius, si sapientiam rerum humanarum divinarumque scientiam illa definitione concedimus.

19. Hic aille: Primo, inquit, ego scientiam non appello, in qua ille qui eam profitetur, aliquando fallitur. Scientia enim non solum comprehensis, sed ita comprehensis rebus constat, ut neque in ea quis umquam errare, nec quibuslibet adversantibus impulsus nutare debeat. Unde verissime a quibusdam philosophis dicitur, in nullo eam posse nisi in sapiente inveniri, qui non modo perceptum habere debet id quod tuetur ac sequitur, verum etiam inconcussum tenere. Scimus autem illum quem commemorasti, multa sæpe falsa dixisse, quod non solum aliis mihi referentibus comperi, sed præsens aliquando ipse percepi. Eumne igitur scientem vocem, cum sæpe falsa dixerit, quem non vocarem, si cunctanter vera dixisset? Hoc me de haruspibus & de auguribus, & de his omnibus qui sidera consulunt, & de conjectoribus somniorum dixisse putatote. Aut aliquem ex hoc genere hominum proferte, si potestis, qui consultus numquam de responsis suis dubitaverit, numquam postremo falsa responderit. Nam de vatibus nihil mihi puto esse laborandum, qui mente loquuntur aliena.

20. Deinde res humanas esse ut concedam res hominum, quidquam tu existimas nostrum esse, quod nobis vel dare vel eripere casus potest? Aut cum rerum humanarum scientia dicitur, ea dicitur, qua quisquam novit vel quot, vel quales fundos habeamus: quid auri, quid argenti, quidque denique alienorum carminum cogitemus? **I L L A E S T** humanarum rerum scientia, quæ novit lumen prudentiæ, temperantiæ decus, fortitudinis robur, justitiæ sanctitatem. Hæc enim sunt quæ nullam fortunam metuentes, vere nostra dicere audemus: quæ si Albicerius ille didicisset, numquam, mihi crede, tam luxuriose deformeretque vixisset. Quod autem dixit, quem versum voveret animo ille a quo consulebatur, neque hoc puto inter res nostras esse numerandum: non quo negem honestissimas disciplinas ad possessionem quamdam nostri animi pertinere, sed quia versum alienum etiam impertissimis canere ac pronuntiare concessum est. Ideoque talia cum in memoriam nostram incurrerint, non mirum est, si sentiri possunt ab hujus aeris animalibus quibusdam vilissimis, quos dæmonas vocant, a quibus nos superari acumine ac subtilitate sensuum posse concedo, ratione autem nego. Atque id fieri nescio quo modo secretissimo atque a nostris sensibus remotissimo. Non enim si miramur apiculam melle posito, nescio qua sagacitate qua hominem vincit, unde unde advolare, ideo eam nobis præponere, aut saltem comparare debemus.

21. Itaque vellem magis iste Albicerius, ab eo qui discere cuperet, interrogatus ipsa metra docuisset, vel coactus a quopiam consultorum, de re sibi statim proposita versus proprios cecinisset. Quod eundem Flaccianum sæpe dixisse soles commemorare, cum illud divinationis genus magna mentis altitudine derideret atque dispiceret, idque nescio cui abjectissimæ animulæ, sic enim dicebat, tribueret, quo ille quasi spiritu admonitus vel inflatus hæc respondere solitus esset.

Quæ-

a Victorini codices cum aliis tribus MSS. habent, *Hic ego: Primo, inquam, scientiam* &c. mendose, uti satis intelligitur ex postremo capite, ubi hæc responsio non obscure Trygetio attribuitur.

b In prius excusis, *constanter*. In MSS. quinque, *incunctanter*. In

aliis sex optimæ notæ legitur, *cunctanter*, & melius. Trygetius quippe hic Albicerium & ejus generis homines non vult appellari scientes, quod eorum nullus sit, *qui consultus numquam de responsis suis dubitaverit, numquam postremo falsa responderit*.

CAPUT
VII.
Vindi-
catur
data sa-
pientiæ
defini-
tio.

Anima-
lia aeris
dæmo-
nes.

Quærebat enim vir ille doctissimus ab iis qui talia mirarentur, num Grammaticam vel Musicam vel Geometriam Albicerius posset docere? Quis autem illum nosset, & non istorum omnium imperitissimum fateretur? Quamobrem ad extremum hortabatur, ut animos suos ii qui talia didicissent, illi divinationi sine dubitatione præferrent, darentque operam his disciplinis instruere atque adminiculari suam mentem, quibus aeriam istam invisibilium animantium naturam transilire, & eam supervolare contingeret.

CAPUT
VIII.
Hario-
lus an
sapiens,
& quid
sit sa-
piens.

22. JAM res divinæ, cum, omnibus concedentibus, meliores augustioresque multo quam humanæ sint, quo pacto ille eas adsequi poterat, qui quid esset ipse nesciebat? Nisi forte existimas sidera, quæ quotidie contemplamur, magnum quiddam esse in comparatione verissimi & secretissimi Dei, quem raro fortasse intellectus, sensus autem nullus attingit: hæc autem præsto sunt oculis nostris. Nec ista igitur sunt illa divina, qualia se sola scire sapientia profitetur: cetera autem quibus isti, nescio qui, divinantes, vel ad vanam jactantiam, vel ad quæstum abutuntur, præ sideribus profecto viliora sunt. Non igitur Albicerius rerum humanarum ac divinarum scientiæ particeps fuit, frustra que abs te isto modo definitio nostra tentata est. Postremo cum quidquid præter res humanas atque divinas est, nos vilissimum ducere & omnino contemnere oporteat, quæro in quibus rebus quærat ille tuus sapiens veritatem? In divinis, ait ille: nam virtus etiam in homine sine dubitatione divina est. Has igitur Albicerius jam sciebat, quas tuus sapiens semper inquireret? Tum Licentius, Divinas, ait, & ille noverat, sed non eas quæ a sapiente quærendæ sunt. Quis enim non evertat omnem loquendi consuetudinem, si ei divinationem concedat, adimat res divinas, e quibus divinatio nominata est? Quare illa vestra definitio, ni fallor, nescio quid aliud quod ad sapientiam non pertineret, inclusit.

23. Tum Trygetius: Definitionem istam, inquit, defendet, si libebit, ille qui protulit. Nunc mihi tu volo respondeas, ut tandem ad id quod agitur, veniamus. Isthic sum, inquit ille: Dasne, ait, Albicerium scisse verum? Do, inquit. Melior igitur tuo sapiente. Nullo modo, ait ille: nam quod genus veri sapiens inquit, non solum ille delirus hariolus, sed ne ipse quidem sapiens dum in hoc corpore vivit adsequitur: quod tamen tantum est, ut multo sit præstabilius hoc semper quærere, quam illud aliquando invenire. Necessè est, ait Trygetius, ut mihi in angustiis definitio illa subveniat. Quæ si propterea tibi vitiosa visa est, quia complexa est eum quem non possumus vocare sapientem, quæro utrum eam probes, si sapientiam rerum humanarum divinarumque scientiam dicamus, sed earum quæ ad beatam vitam pertineant. Est, inquit ille, & ista sapientia, sed non sola: unde superior definitio invasit alienum, hæc autem proprium deseruit: quare illa avaritiæ, ista stultitiæ coargui potest. Etenim ut ipse jam explicem definitione quod sentio, sapientia mihi videtur esse rerum humanarum divinarumque, quæ ad beatam vitam pertineant non scientia solum, sed etiam diligens inquisitio. Quam descriptionem si partiri velis, prima pars quæ scientiam tenet, Dei est: hæc autem quæ inquisitione contenta est, hominis. Il-

Sapien-
tiæ de-
scriptio
tenenda
Acade-
micorū
opinio-
ni ac-
commo-
data.

A la igitur Deus, hac autem homo beatus est. Tum ille: Miror, inquit, sapientem tuum quomodo adferas frustra operam consumere. Quomodo, inquit Licentius, frustra operam consumere, cum tanta mercede conquirit? Nam hoc ipso quo quærit, sapiens est: & quo sapiens, eo beatus: cum ab omnibus involucris corporis mentem quantum potest, evolvit, & seipsum in semetipsum colligit, cum se non permittit cupiditatibus laniandum, sed in se atque in Deum semper tranquillus intenditur; ut & hic, quod beatum esse supra inter nos convenit, ratione perfruatur, & extremo die vitæ ad id quod concupivit adipiscendum reperiat paratus, fruaturque merito divina beatitudine, qui humana sit ante b perfructus.

24. TUM ego; cum Trygetius quid sibi esset respondendum diu quæreret, Non puto, inquam, Licenti etiam argumenta huic defutura, si eum otiose quærere permittamus: quid enim ei quovis loco defuit ad respondendum? Nam primo ipse intulit, quoniam de beata vita quæstio nata est, & beatum solum necesse est esse sapientem, si quidem stultitia etiam stultorum judicio misera est: perfectum sapientem esse debere, non autem perfectum esse, qui adhuc verum quid sit inquit; unde ne beatum quidem. Cui loco tu cum molem auctoritatis objiceret, moleste aliquantum Ciceronis nomine perturbatus; tamen se statim erexit, & generosa quadam contumacia in verticem libertatis exsiliit, rursusque arripuit quod erat de manibus violenter excussum: quæsitque abs te, utrum tibi perfectus, qui adhuc quæreret, videretur: ut si fatereris non esse perfectum, ad caput recurreret, demonstraretque, si posset, per illam definitionem, perfectum esse hominem, qui secundum legem mentis vitam gubernaret: ac per hoc, beatum nisi perfectum esse non posse. A quo te laqueo cum expedissem cautius quam putabam, & perfectum hominem diceret, inquisitorem diligentissimum veritatis, ipsaque illa definitione, qua beatam vitam illam demum esse dixeramus, quæ secundum rationem ageretur, tu præsentius apertiusque pugnasses, ille tibi plane reposuit: nam occupavit præsidium tuum, unde pulsus omnino summam rerum amiseras, ni te induciæ reparassent. Ubi enim arcem locaverunt Academici, quorum tueris sententiam, nisi in erroris definitione? Quæ tibi nisi noctu fortasse per somnium rediret in mentem, jam quid responderes non habebas, cum in exponenda Ciceronis sententia id ipsum tu ipse ante commemoraveris. Deinde ventum est ad definitionem sapientiæ, quam cum tanta calliditate labefactari conareris, ut tua furta nec ipse auxiliator tuus Albicerius fortasse comprehenderet, quanta tibi vigilantia, quantis viribus restitit, quam te pene involvit atque depressit: nisi postremo te tua definitione nova tutareris, diceresque humanam esse sapientiam inquisitionem veritatis, ex qua propter animi tranquillitatem beata vita contingeret. Huic iste sententiæ non respondebit, præsertim si in proroganda die vel parte quæ restat, reddi sibi gratiam postulabit.

25. Sed ne longum faciamus, jam, si placet, sermo iste claudatur, in quo immorari etiam superfluum puto. Tractata enim res est pro suscepto negotio

a Editi omittunt hic loci, operam consumere. & mox habent, cum tantam mercedem conquirit. excepto Bad. qui cum MSS. præfert, tanta mercede.

b Ita in MSS. pro quo in editis. perfruitur.

c Editi, modeste. At MSS. decem habent, moleste, & melius; alludit nempe Augustinus ad illud, molem auctoritatis.

CAPUT
IX.
Epilo-
gus.

gotio satis, quæ post pauca omnino posset verba finiri, nisi exercere vos vellem; nervosque vestros & studia, quæ mihi magna est cura, explorare: nam cum instituisssem vos ad quærendam veritatem magnopere hortari, cœperam ex vobis quærere quantum in ea momenti poneretis: omnes autem posuistis tantum, ut plus non desiderem. Nam cum beati esse cupiamus, sive id fieri non potest nisi inventa, sive non nisi diligenter quæsita veritate: postpositis ceteris omnibus rebus, nobis, si beati esse volumus, perquirenda est. Quamobrem jam istam, ut dixi,

^a Antiquæ editiones, ego accusare decrevi. Sic etiam aliquot MSS. vetustiores, qui paulo post non habent hæc verba, prandium par-

A disputationem terminemus, & relatam in litteras mittamus, Licenti, potissimum patri tuo, cujus erga philosophiam jam prorsus animum teneo. Sed adhuc quæ admittat, quæro fortunam. Incendi autem in hæc studia vehementius poterit, cum te ipsum jam intentum mecum sic vivere, non audiendo solum, verum etiam legendo ista cognoverit. Tibi autem si, ut sentio, Academici placent, vires ad eos defendendos validiores para; nam illos ego a reos citare decrevi. B Quæ cum essent dicta, prandium paratum esse annuntiatum est, atque surreximus.

tum esse annuntiatum est, atque.

LIBER SECUNDUS.

Romanianum Mecenatem suum ad amplectendam Philosophiam rursus cum grati animi significatione cohortatur, tresque illi describit Collationes, in quarum prima explicantur placita Academicorum. In secunda novæ ac veteris Academiæ discrimina referuntur, & exploditur sententia horum Philosophorum, qui cum verum baud posse deprehendi putarent, veri tamen simile se sequi profiterentur. In tertia dicitur quid illi veri simile seu probabile appellarent.

CAPUT I.
Contra Academicorum rationes. Deiauxilio opus est.

I. SI QUAM necesse est, disciplina atque scientia sapientiæ vacuum esse non posse sapientem, tam eam necesse esset invenire dum quæritur, omnis profecto Academicorum vel calumnia, vel pertinacia, vel pervicacia, vel (ut ego interdum arbitror) congrua illi temporis ratio, simul cum ipso tempore, & cum ipsius Carneadis Ciceronisque corporibus sepulta foret. Sed quia sive vitæ hujus multis variisque jactationibus, Romaniane, ut in eodem te probas, sive ingeniorum quodam stupore, vel socordia, vel tarditate torpentium, sive desperatione inveniendi, quia non quam facile oculis ista lux, tam facile mentibus sapientiæ sidus oboritur, sive etiam qui error omnium populorum est, falsa opinione inventæ a se veritatis, nec diligenter homines quærunt, si qui quærunt, & a quærendi voluntate avertuntur, evenit ut scientia raro paucisque proveniat. Eoque fit, ut Academicorum arma, quando cum eis ad manus venit, nec mediocribus viris, sed acutis, & bene eruditis, invicta & quasi Vulcania videantur. Quamobrem contra illos fluctus procellasque fortunæ, cum obnitendum remis qualiumcumque virtutum, tum in primis divinum auxilium omni devotione atque pietate implorandum est, ut intentio constantissima bonorum studiorum teneat cursum suum, a quo eam nullus casus excutiat, quo minus illam philosophiæ tutissimus jucundissimusque portus accipiat. Hæc prima tua causa est, hinc tibi metuo, hinc te cupio liberari, hinc (si modo dignus sim qui impetrem) quotidianis votis auras tibi prosperas orare non cesso; oro autem ipsam summi Dei Virtutem atque Sapientiam. Quid est enim aliud, quem mysteria nobis tradunt Dei Filium.

2. Multum autem me adjuvabis pro te deprecantem, si non nos exaudiri posse desperes, nitarisque nobiscum & tu non solum votis, sed etiam voluntate, atque illa tua naturali mentis altitudine, propter quam te quæro, qua singulariter delector, quam semper admiror, quæ in te, proh nefas, illis rerum domesticarum nubibus quasi fulmen involvitur, & mul-

C tos, ac pene omnes latet: me autem, & alium, vel tertium familiarissimos tuos latere non potest, qui sæpe non solum adtente audivimus murmura tua, sed etiam nonnulla fulgura fulminibus propiora conspeximus. Quis enim, ut cetera pro tempore taceam & unum commemorem, quis, inquam, tam subito umquam tantum intonuit, tantumque lumine mentis emicuit, ut sub a uno fremitu rationis, & quodam coruscamine temperantiæ, uno die illa, pridie sævissima, penitus libido moreretur? Ergone non erumpet aliquando ista virtus, & multorum desperantium risus in horrorem stuporemque convertet, & locuta in terris quasi quædam futurorum signa, rursus projecto totius corporis onere recurret in cælum? Ergone Augustinus de Romano frustra ista dixit? Non finet ille cui me totum dedi, quem nunc recognoscere aliquantum cœpi.

3. ERGO aggredere mecum philosophiam: hic est quidquid te anxium sæpe, atque dubitantem mirabiliter solet movere: non enim metuo aut a socordia morum, aut a tarditate ingenii tui. Quis enim te quando aliquantum respirare concessum est, in sermonibus nostris vigilantior? quis acutior apparuit? Ergone tibi gratiam non repensabo? An fortasse paululum debeo? Tu me adolescentulum pauperem b ad peregrina studia pergentem, & domo, & sumtu, & (quod plus est) animo exceperisti. Tu patre orbatum amicitia consolatus es, hortatione animasti, ope adjuvisti. Tu in nostro ipso municipio, favore, familiaritate, communicatione domus tuæ pene tecum clarum primatemque me fecisti. Tu Carthaginem illustrioris professionis gratia remeantem, cum tibi & meorum nulli consilium meum, spemque aperuisssem, quamvis aliquantum illo tibi insito, quia ibi jam docebam, patriæ amore cunctatus es, tamen ubi evincere adolescentis cupiditatem ad ea, quæ videbantur meliora tendentis nequisti, ex dehortatore in adiutorem miræ benevolentiae moderatione conversus es. Tu necessariis omnibus iter adminiculaisti meum. Tu ibidem

rur-

^a Quatuor MSS. ut sub illo fremitu.

^b In MSS. pervetustis deest, peregrina.

CAPUT II.
Romaniano grati animi obsequium exhibet, eumque ad philosophiam hortatur.

rursus, qui cunabula, & quasi nidum studiorum meorum foveras, jam volare audentis sustentasti rudimenta. Tu etiam cum te absente atque ignorante navigassem, a nihil succensens quod non tecum communicassem ut solerem, atque aliud quidvis quam contumaciam suspicans, mansisti inconcussus in amicitia; nec plus ante oculos tuos liberi deserti a magistro, quam nostræ mentis penetralia puritasque versata est.

4. Postremo quidquid de otio meo modo gaudeo, quod a superfluarum cupiditatum vinculis evolavi, quod depositis oneribus mortuarum curarum, respiro, resipisco, redeo ad me, quod quæro intentissimus veritatem, quod invenire jam ingredior, quod me ad summum ipsum modum perventurum esse confido, tu animasti, tu impulisti, tu fecisti. Cujus autem minister fueris, plus adhuc fide concepi, quam ratione comprehendi. Nam cum præsens præsentis tibi exposuissem interiores motus animi mei, vehementerque ac sæpius assererem, nullam mihi videri prosperam fortunam, nisi quæ otium philosophandi daret; nullam beatam vitam, nisi qua in philosophia viveretur: sed me tanto meorum onere, quorum ex officio meo vita penderet, multisque necessitatibus, vel vani mei pudoris, vel ineptæ meorum miseriæ refrenari: tam magno es elatus gaudio, tam sancto hujus vitæ inflammatus ardore, ut te diceres, si tu ab illarum importunarum litium vinculis aliquo modo eximereris, omnia mea vincula etiam patrimonii tui mecum participatione rupturum.

5. Itaque cum admoto nobis fomite discessisses, numquam cessavimus inhiantes in philosophiam, atque illam vitam quæ inter nos placuit atque convenit, prorsus nihil aliud cogitare: atque id constanter quidem, sed minus acriter agebamus, putabamus tamen satis nos agere. Et quoniam nondum aderat ea flamma, quæ summa nos arreptura erat, illam qua lenta æstuabamus, arbitrabamur vel esse maximam. Cum ecce tibi libri quidam pleni, ut ait Celsinus, bonas res Arabicas ubi exhalant in nos, ubi illi flammulæ instillarunt pretiosissimi unguenti guttas paucissimas, incredibile, Romaniane, incredibile, & ultra quam de me fortasse & tu credis; (quid amplius dicam?) etiam mihi ipsi de meipso incredibile incendium concitarunt. Quis me tunc honor, quæ hominum pompa, quæ inanis famæ cupiditas, quod denique hujus mortalis vitæ fomentum atque retinaculum commovebat? Prorsus totus in me cursim redibam. Respexi tantum, confiteor, quasi de itinere in illam religionem, quæ pueris nobis insita est, & medullitus implicata: verum autem ipsa me ad se nescientem rapiebat. Itaque titubans, properans, hæsitans arripio Apostolum Paulum: Neque enim vere isti, inquam, tanta potuissent, vixissentque ita ut eos vixisse manifestum est, si eorum litteræ atque rationes huic tanto bono adversarentur. Perlegi totum intentissime atque cautissime.

6. Tunc vero quantulocumque jam lumine asperfo,

A tanta se mihi philosophiæ facies aperuit, ut non dicam tibi, qui ejus incognitæ fame semper arsisisti, sed si ipsi adversario tuo, a quo nescio utrum plus exercearis quam impediaris, eam demonstrare potuissem, ne ille & baias, & amœna pomeria, & delicata nitidaque convivia, & domesticos histriones, postremo quidquid eum acriter commovet in quascumque delicias, abjiciens & relinquens; ad hujus pulcritudinem blandus amor & sanctus, mirans, anhelans, æstuans advolare. Habet enim & ille, quod confitendum est, quoddam decus animi, vel potius decoris quasi semen-tem, quod erumpere in veram pulcritudinem nitens, tortuose ac deformiter inter scabra vitiorum, & inter opinionum fallacium dumeta frondescit: tamen non cessat frondescere, & paucis acute ac diligenter in densa intuentibus quantum finitur eminere. Inde est illa hospitalitas, inde in conviviis multa humanitatis condimenta, inde ipsa elegantia, nitor, mundissima facies rerum omnium, & undique cuncta perfundens adumbratæ venustatis urbanitas.

C 7. PHILOCALIA ista vulgo dicitur: ne contemnas nomen hoc ex vulgi nomine: nam philocalia & philosophia prope similiter cognominatæ sunt, & quasi egentes inter se videri volunt, & sunt. Quid est enim philosophia? amor sapientiæ. Quid philocalia? amor pulcritudinis. Quære de Græcis. Quid ergo sapientia? nonne ipsa vera est pulcritudo? Germanæ igitur istæ sunt prorsus, & eodem parente procreatæ: sed illa visco libidinis detracta cælo suo, & inclusa cavea populari, viciniam tamen nominis tenuit, ad com-
D monendum aucupem ne se contemnat. Hanc igitur sine pennis fordidatam & egentem volitans libere soror sæpe agnoscit, sed raro liberat: non enim philocalia ista unde genus ducat agnoscit, nisi philosophia. Quam totam fabulam (nam subito Æsopus factus sum) Licentius tibi carmine suavius indicabit: poeta est enim pene perfectus. Ergo ille, si veram pulcritudinem cuius falsæ amator est, sanatis renudatisque paululum oculis posset intueri, quanta voluptate philosophiæ gremio se involveret? Quomodo ibi te cognitum, si-
E cut verum fratrem amplecteretur? Miraris hæc, & forsitan rides. Quid si hæc explicarem ut volebam? Quid si saltem vox, si adhuc facies videri a te non potest, ipsius philosophiæ posset audiri? Mirareris profecto, sed non rideres, non desperares. Crede mihi, de nullo desperandum est, de talibus autem minime. Omnino sunt exempla, facile evadit, facile f revolat hoc genus avium, multis inclusis multum mirantibus.

F 8. Sed ad nos redeamus, nos inquam, Romaniane, philosophemur: reddam tibi gratiam, filius tuus cœpit jam philosophari: ego eum reprimo, ut disciplinis necessariis prius excultus vigentior & firmitior insurgat, quarum te ne metuas expertem, si bene te novi, g auras tibi liberas tantum opto. Nam de indole quid dicam? Utinam non tam rara esset in hominibus, quam certa est in te. Restant duo vitia & impedimenta in-
venien-

a Am. Er. nonnihil succensens: quibus suffragantur aliquot MSS. melioris notæ.

b Er. & Lov. ad ipsum summum bonum. Sed melius Bad. Am. & MSS. plerique, ad summum ipsum modum, id est, ad sapientiam, juxta illud, quod circa tempus differebat Aug. lib. de Beata vita, n. 33. Sapientia nihil est aliud quam modus animi, hoc est, quo sese animus librat, ut neque excurrat in nimium, neque infra quam plenum est coarctetur.

c Romano præsentis usus fuerat Mediolani ante annos circiter duos, quo tempore de communi vita ineunda cum amicis deliberabat lib. 6. Conf. cap. 14. Romanianus maxime, communiceps noster, quem tunc graves æstus negotiorum suorum ad comitatum adtraxerant, ab ineunte

etate mihi familiarissimus; qui maxime instabat huic rei, & magnam in suadendo habebat auctoritatem, quod ampla res ejus multum ceteris antecibat.

d Bad. Am. Er. & MSS. quam plures, atque castissime. Paulo post in hæcenus vulgatis & aliquot MSS. legitur, incognita fama, aut, incognita fama. Sed castigatius in aliis codicibus, fame.

e In quinque MSS. & quasi germanæ.

f Sic Am. Er. & prope omnes MSS. At Bad. & Lov. evolat.

g Am. Er. & Lov. aures. Sed legendum cum Bad. & MSS. auras, quas Romano liberas optat Augustinus, ut assurgat & revelet.

veniendæ veritatis, a quibus tibi non multum timeo, timeo tamen ne te contemnas, atque inventurum esse desperes, aut certe ne invenisse te credas. Quorum primum si tamen inest, ista tibi disputatio fortasse detrahet. Sæpius enim succensuisti Academicis, eo quidem gravius, quo minus eruditus esses, sed eo libentius, quod veritatis amore illiciebaris. Itaque jam cum Alypio, te fautore, configam, & tibi facile persuadebo quod volo, probabiliter tamen. Nam ipsum verum non videbis, nisi in philosophiam totus intraveris. Illud autem alterum, quod te fortasse aliquid invenisse præsumis, quamvis a nobis jam quærens dubitanseque discefferis: tamen si quid superstitionis in animum revolutum est, ejicietur profecto, vel cum tibi aliquam inter nos disputationem *de Regione* misero, vel cum præsens tecum multa contulero.

9. Ego enim nunc aliud nihil ago, quam me ipse purgo a vanis perniciosisque opinionibus. Itaque non dubito melius mihi esse, quam tibi. Unum tantum est unde inideam fortunæ tuæ, quod solus frueris a Luciliano meo: an & tu invides quia dixi, meo? Sed quid dixi aliud quam tuo, & omnium quicumque unum sumus? De quo tamen ut subvenias desiderio meo, quid te rogem? Tu te ipse pro me roga quantum scis, quia debes. Sed nunc ambobus dico, cavete ne quid vos nosse arbitremini, nisi quod ita didiceritis, saltem ut nostis, unum, duo, tria, quatuor simul collecta in summam fieri decem. Sed item cavete ne vos in philosophia veritatem aut non cognituros, aut nullo modo ita posse cognosci arbitremini. Nam mihi vel potius illi credite, qui ait, *Querite & invenietis*: nec cognitionem desperandam esse, & manifestiorem futuram, quam sunt illi numeri. Nunc ad propositum veniamus. Jam enim fero cœpi metuere, ne hoc principium modum excederet, & non est leve. Nam modus procul dubio divinus est: sed fefellerit cum dulciter ducit, ero cautior cum sapiens fuero.

Disputatio prima.
CAPUT IV.
Repetuntur in prioribus libro disputata.

10. **P**OST pristinum sermonem, quem in primum librum contulimus, septem fere diebus a disputando fuimus otiosi, cum tres tantum Virgilii libros, post primum recenseremus, atque ut in tempore congruere videbatur, tractaremus. Quo tamen opere Licentius in poeticæ studium sic inflammatus est, ut aliquantum mihi etiam reprimendus videretur. Jam enim ab hac intentione ad nullam se rem devocari libenter ferebat. Tandem tamen ad retractandam quam distuleramus de Academicis quæstionem, cum a me, quantum potui, lumen philosophiæ laudaretur, non invitatus accessit: & forte dies ita serenus effulserat, ut nulli prorsus rei magis, quam serenandis animis nostris congruere videretur. Maturius itaque solito lectos reliquimus, paululumque cum rusticis egimus, quod tempus urgebat. Tum Alypius: Antequam vos, inquit, audiam de Academicis disputantes, volo mihi legatur sermo ille vester, quem dicitis me absente perfectum: non enim possum aliter, cum inde hujus disceptationis occasio nata sit, in audiendis vobis non aut errare, aut certe laborare. Quod cum factum esset, & in eo pene totum antemeridianum tempus consumtum videremus, redire ab agro, qui deambulantes nos acceperat, domum instituimus. Et Licentius:

Tom. I.

a Sic scribitur in vetustioribus & pluribus MSS. Porro in prius editis, *Luciliano*, & in MSS. quatuor, *Luciano*.

b MSS. plerique, *Aut quis est qui manibus* &c. Mox ex eis nonnulli,

A Quæso, inquit, ante prandium mihi breviter totam Academicorum sententiam exponendo repetere ne graveris, ne quid in ea me fugiat, quod pro partibus meis sit. Faciam, inquam, & eo libentius quo de hac re cogitans parum prandeas. Ne, inquit ille, isthinc securus sis: nam & multos, & maxime patrem meum sæpe animadverti eo edaciorum, quo refertior curis esset. Deinde tu quoque de istis metris cogitantem non sic expertus es, ut cura mea mensa secura sit. Quod quidem apud me ipsum mirari soleo: quid enim sibi vult, quod tunc cibum pertinacius appetimus, cum in aliud intendimus animum? Aut b quid est quod manibus & dentibus nostris, occupatis nobis animus imperiosus sit? Audi potius, inquam, de Academicis quid rogaveras, ne te metra ista volventem, non solum in epulis sine metro, sed etiam in quæstionibus patiar. Si quid autem pro mea parte occultabo, prodet Alypius. Bona fide tua opus est, inquit Alypius: nam si metuendum est, ne aliquid occultes, a me deprehendi difficile posse arbitror eum, a quo me ista didicisse nullus qui me novit ignorat, præsertim cum in prodendo veronon magis victoriæ, quam animo tuo consulturus sis.

11. Agam, inquam, bona fide, quoniam de jure præscribis. * Nam & Academicis placuit, nec homini scientiam posse contingere earum dumtaxat rerum, quæ ad philosophiam pertinent, nam cetera curare se Carneades negabat, & tamen hominem posse esse sapientem, sapientisque totum munus, ut abs te quoque Licenti, illo sermone disertum est, in conquisitione veri explicari. Ex quo confici, ut nulli etiam rei sapienti assentiatur: erret enim necesse est (quod sapienti nefas est) si assentiatur rebus incertis. Et omnia incerta esse non dicebant solum, verum etiam c copiosissimis rationibus affirmabant. Sed verum non posse comprehendere, ex illa Stoici Zenonis definitione arripuisse videbantur, qui ait id verum percipi posse, quod ita esset animo impressum ex eo unde esset, ut esse non posset ex eo unde non esset. Quod brevius planiusque sic dicitur, his signis verum posse comprehendere, quæ signa non potest habere quod falsum est. Hoc prorsus non posse inveniri, vehementissime ut convincerent incubuerunt. Inde dissensiones philosophorum, inde sensuum fallaciæ, inde somnia furoresque, inde pseudomeni & foritæ in illius causæ patrocínio viguerunt. Et cum ab eodem Zenone accepissent, nihil esse turpius quam opinari, confecerunt callidissime, ut si nihil percipi posset, & esset opinatio turpissima, nihil umquam sapiens approbaret.

12. Hinc eis invidia magna conflata est: videbatur enim esse consequens, ut nihil ageret, qui nihil approbaret. Unde dormientem semper, & officiorum omnium desertorem, sapientem suum Academici describere videbantur, quem nihil approbare censebant. Hic illi inducto quodam probabili, quod etiam verisimile nominabant, nullo modo cessare sapientem ab officiis asserebant, cum haberet quid sequeretur. Veritas autem sive propter naturæ tenebras quasdam, sive propter similitudinem rerum, vel obruta, vel confusa latitaret. Quamvis & ipsam refrenationem & quasi suspensionem assensionis magnam prorsus actionem sapientis esse dicebant. Videor mihi breviter totum, ut

M volui-

& dentibus nostris nobis occupatis nimis imperiosus sit. Alii porro tres, & dentibus nostris occupatis minus animus imperiosus sit.

c In MSS. quinque, *perniciossimis rationibus*.

* CAPUT V.
Academicorum placita.

voluisti, exposuisse, nihilque recessisse a præscriptione, Alypi, tua, id est egisse, ut dicitur, bona fide. Si enim aliquid vel non ita ut est dixi, vel forte non dixi, nihil voluntate a me factum est. Bona ergo fides est, ex animi sententia. H O M I N I enim homo falsus docendus, fallax cavendus debet videri: quorum prius magistrum bonum, posterius discipulum cautum desiderat.

13. Tum Alypius: Gratum, inquit, habeo, cum & Licentio a te satisfactum est, & me onere imposito relevasti. Non enim magis tibi verendum erat, ne quid explorandi mei causâ minus a te diceretur (nam alio modo qui fieri poterat?) quam mihi, si in quoquam te prodere fuisset necesse. Quare faxis, ut illud quod deest, non tam percontationi, quam ipsi percontanti de differentia novæ ac veteris Academiæ, ne te pigeat exponere. Prorsus, inquam, fateor, piget. Quare beneficium dederis (nam & hoc quod commemoras, ad rem maxime pertinere negare non possum) si me paululum conquiescente, apud me distinguere ista nomina, & causâ novæ Academiæ aperire volueris. Crederem, inquit, me quoque a prandio te avocare voluisse, ni & magis a Licentio territum dudum putarem, & ejus postulatio ita nobis præscripsisset, ut ei ante prandium quidquid hujus involutionis esset, expediretur. Et cum reliqua dicere tenderet, mater nostra (nam domi jam eramus) ita nos trudere in prandium cœpit, ut verba faciendi locus non esset.

Disputatio
secunda.
CAPUT
VI.
Academiarum
novæ & veteris
discidium.

14. **D**E I N D E, cum tantum alimentorum accipissemus, quantum compescendæ fami satis esset, ad pratum regressis nobis: Alypius, Paream, inquit, sententiæ tuæ, nec ausim recusare. Si enim nihil me fugerit, gratulabor cum doctrinæ tuæ, tum etiam memoriæ meæ. At si in quoquam fortasse aberravero, recurabis id, ut deinceps hujusmodi delegationem non pertimescam. Novæ Academiæ discidium non tam contra veterem conceptum, quam contra Stoicos arbitror esse commotum. Nec vero discidium est putandum, si quidem a Zenone illatam novam quæstionem dissolvi discutique oportebat. Nam de non percipiendo, quamvis nullis conflictationibus agitata, incolens tamen etiam veterum Academicorum mentes sententia non impudenter existimata est. Quod etiam ipsius Socratis Platonisque ac reliquorum veterum auctoritate probatu facile est, qui se hæcenus crediderunt ab errore posse defendi, si se assensionem non temere commisissent: quamvis propriam de hac re disputationem in scholas suas non introduxerint, nec ab illis enucleate aliquando quæsitum sit, percipi, nec ne veritas possit. Quod cum Zeno rude ac novum intulisset contenderetque nihil percipi posse nisi quod verum ita esset, ut dissimilibus notis a falso discernetur, neque opinionem subeundam esse sapienti, atque id Archefilas audiret, negavit hujusmodi quidquam posse ab homine reperiri, neque illi opinionis naufragio sapientis committendam esse vitam. Unde etiam conclusit, nulli rei esse assentiendum.

15. Verum cum ita res se haberet, ut vetus Academia magis aucta, quam oppugnata videretur, exstitit Philonis auditor Antiochus, qui, ut nonnullis visus est, gloriæ cupidior, quam veritatis, in simultatem adduxit Academiæ utriusque sententias. Dicebat enim rem insolitam, & ab opinione veterum remotissimam Academicos novos conatos inducere. Inquam

A rem veterum physicorum, aliorumque magnorum philosophorum implorabat fidem; ipsos etiam Academicos oppugnans, qui se verisimile contenderent sequi, cum ipsum verum se ignorare faterentur. Multaque argumenta collegerat, quibus nunc superfedendum arbitror. Nihil tamen magis defendebat, quam verum percipere posse sapientem. Hanc puto inter Academicos novos ac veteres controversiam fuisse. Quæ si secus se habet, ut Licentium plenissime informes, pro utroque postulaverim. Si vero ita est, ut dicere potui, susceptam disputationem peragite.

16. T U M E G O, Quamdiu, inquam, Licenti, in isto nostro longiore quam putabam sermone conquiescis? Audisti qui sint Academici tui? At ille verecunde aridens, & aliquantum hac compellatione turbatior: Pænitet me, inquit, tantopere affirmasse contra Trygetium, beatam vitam in veritatis inquisitione consistere. Nam me ista quæstio ita perturbat, ut vix non miser sim, qui certe vobis, si quid humanitatis geritis, videor miserandus. Sed quid me ipse ineptus crucio? Aut quid exhorreo tanta causæ bonitate subnixus? Prorsus non cedam nisi veritati. Placentne, inquam, tibi novi Academici? Plurimum, inquit. Ergo verum videntur tibi dicere? Tum ille cum jam esset assensurus, arrisione Alypii cautior factus, hæsit aliquantum. Et deinde: Repete, inquit, rogatiunculam. Verumne, inquam, tibi videntur Academici dicere? Et rursum cum diu tacuisset: Utrum, ait, verum sit, nescio: probabile est tamen. Neque enim plus video quod sequar. Probabile, inquam, scisne ab ipsis etiam verisimile nominari? Ita, inquit, videtur. Ergo, inquam, verisimilis est Academicorum sententia. Ita, inquit. Jam quæso adtende, inquam, diligentius. Si quisquam fratrem tuum visum patris tui similem esse affirmet, ipsumque tuum patrem non noverit, nonne tibi insanus, aut ineptus videbitur? Et hic diu tacuit. Tum ait, Non mihi hoc videtur absurdum.

17. Cui ego cum respondere cœpisssem; Exspecta, inquit, quæso, paululum. Ac post aridens, Dic mihi, ait, oro te, Jamne certus es de victoria tua? Tum ego: Fac me, inquam, certum esse: non ideo tamen tu causam tuam debes deferere, præsertim cum hæc inter nos disputatio suscepta sit exercendi tui causâ, & ad eliminandum animum provocandi. Numquidnam, inquit, aut Academicos legi, aut tot disciplinis eruditus sum, quibus tu ad me instructus adventas? Academicos, inquam, nec illi legerant a quibus primo sententia ista defensa est. Eruditio autem disciplinarumque copia si te deficit, non usque adeo tamen ingenium tuum esse debet invalidum, ut nullo facto impetu paucissimis verbis meis rogationibusque succumbas. Illud enim jam vereri cœpi, ne tibi citius quam volo succedat Alypius, quo adversario non ita securus deambulabo. Ergo utinam, inquit ille, jam vincar, ut aliquando vos audiam differentes, & quod plus est, videam; quo mihi spectaculo nihil potest felicius exhiberi. Nam quoniam placuit vobis ista fundere, potius quam effundere, si quidem ore prorumpentia stilo excipitis, nec in terram, ut dicitur, cadere finitis, legere etiam a vos licebit: sed nescio quomodo cum admoventur oculis iidem ipsi quos inter sermo b cæditur, bona disputatio si non utilius, at certe lætius perfundit animum.

CAPUT
VII.
Adversus
Academicos

18. Gra-

a Aliquot MSS. vobis licebit.

b Am. Er. & Lov. editur. Sed MSS. nullo fere excepto habent, cædi-

tur. Ita etiam Bad. Phrasia a Terentio usurpata est in Heaut. act. 2. scen. 3. Verum interea dum sermones cædimus.

18. Gratum habemus, inquam: sed repentina ista gaudia tua temere illam sententiam evadere coegerunt, qua dixisti, nullum tibi spectaculum exhiberi posse felicius. Quid si enim illum patrem tuum, quo profecto nemo philosophiam est post tam longam sitim haustus ardentius, nobiscum ista quærentem ac differentem videbis, cum ego me fortunatiorem numquam putabo, quid te tandem sentire ac dicere convenit? Hic vero ille aliquantum lacrymavit: & ubi loqui potuit, porrecta manu cælum suspiciens: Et quando ego, inquit, Deus hoc videbo? sed nihil est de te desperandum. Hic cum pene omnes ab intentione disputationis remitti in lacrymas cœpissimus, obluctans mecum, & vix me colligans: Age potius, inquam, & in vires tuas redi, quas ut congereres unde unde posses, patronus Academiae futurus, longe ante monueram: non opinor ideo, ut modo ante tubam tremor occupet artus; aut ut visendæ alienæ pugnae desiderio, tam cito te optes esse captivum. Hic Trygetius, ubi satis adtendit jam vultus nostros serenatos: Quidni iste optet, inquit, homo tam sanctus, ut hoc ei Deus ante vota concefferit? Crede jam Licenti; nam qui non invenis quid respondeas, & adhuc ut vincare optas, parvæ fidei mihi videris. Arrisimus. Tum Licentius: Loquere beatus, inquit, non inveniundo verum, sed certe non quærendo.

19. Qua hilaritate adolescentulorum cum essemus lætiores, Adtende, inquam, rogationem, & in viam redi firmior & valentior, si potes. En adsum, inquit, quantum possum. Quid enim si ille fratris mei visor fama compertum habeat eum esse similem patris, potest insanus aut ineptus esse, si credit? Stultusne, inquam, saltem dici potest? Non continuo, inquit, nisi se id scire contenderit. Nam si ut probabile sequitur quod crebra fama iactavit, nullius temeritatis argui potest. Tum ego: Rem ipsam paulisper consideremus, & quasi ante oculos constituamus. Ecce facillum nescio quem hominem quem describimus esse præsentem: advenit alicunde frater tuus: ibi iste, Cujus hic puer filius? Respondetur: Cujusdam Romaniani. At hic: Quam patri similis est, quam ad me hoc non temere fama detulerat. Hic tu, vel quis alius: Nosti enim Romanianum, bone homo? Non novi, inquit: tamen similis ejus mihi videtur. Poteritne quicquam risum tenere? Nullo modo, inquit. Ergo inquam, quid sequatur vides. Jam dudum, inquit, video. Sed tamen istam conclusionem abs te audire volo: oportet enim alere incipias, quem cœpisti: Quidni, inquam, concludam? Ipsa res clamat similiter ridendos esse Academicos tuos, qui se in vita veri similitudinem sequi dicunt, cum ipsum verum quid sit, ignorent.

CAPUT
VIII.
Academicorum
cavilla-
tio.

20. Tum Trygetius: Longe mihi, inquit, videtur dissimilis Academicorum cautio ab hujus quem descripsisti ineptia. Illi enim rationibus adsequuntur quod dicunt esse veri simile: iste autem ineptus famam secutus est, cujus auctoritate nihil est vilius. Quasi vero, inquam, non ineptior esset, si diceret, patrem quidem ejus minime novi, nec fama comperi quam sit similis patris, & mihi tamen similis videtur. Ineptior certe, inquit. Sed quorsum ista? Quia tales, inquam, sunt, qui dicunt, verum quidem non novimus, sed hoc quod videmus ejus quod non novimus simile est. Probabile,

Tom. I.

A inquit, illi dicunt. Cui ego: Quomodo istuc dicis? An negas eos veri simile dicere? Et ille inquit: Ego ob hoc dicere volui, ut illam similitudinem excluderem. Videbatur enim mihi fama improbe irruisse in quæstionem vestram, cum Academici ne oculis quidem credant humanis, nedum famæ mille quidem, ut poetæ fingunt, sed monstrosis tamen luminibus. Nam quis ego tandem sum Academiae defensor? An in quæstione ista invidetis securitati meæ? En habes Alypium, cujus adventus nobis quæso ferias dederit, quem te jamdudum non frustra formidare arbitramur.

21. Tum facto silentio, oculos ambo in Alypium contulerunt. Tum ille: Vellem, inquit, quidem, ut meæ vires patiuntur, auxiliari aliquatenus partibus vestris, nisi mihi omen vestrum terrori esset. Sed hanc formidinem, ni me spes fefellerit, facile a fugem. Simul enim solatur me, quod præsens Academicorum oppugnator, onus Trygetii victi pene subierit, & nunc eum victorem vestra confessione probabile est. Illud magis vereor, ne & deserti officii negligentiam, & invasi impudentiam, devitare non possim. Non enim vos oblitos credo, judicis mihi munus fuisse delatum. Hic Trygetius: Illud, inquit, aliud, hoc autem aliud est: quare quæsumus, ut te aliquando patiari privatum. Ne renuerim, ait, ne dum impudentiam vel negligentiam vitare cupio, in superbiam, quo vitio nihil est immanius, laqueos incidam, si honorem mihi a vobis concessum, diutius quam permittitis, teneam.

22. PROINDE velim mihi exponas, bone accusator Academicorum, officium tuum, id est, in quorum defensionem hos oppugnes. Metuo enim ne Academicos refellens, Academicum te probare velis. Accusatorum, inquam, ut opinor, duo genera esse, bene nosti: non enim si a Cicerone modestissime dictum est, ita eum Verris esse accusatorem, ut Siculorum defensor esset, propterea necesse est, eum qui aliquem accusat, habere alterum quem defendat. Et ille, Saltem habesne tu quidquam in quo sententia tua jam fundata constiterit? Facile est, inquam, huic rogationi respondere, mihi præsertim cui repentina non est: jam hoc totum mecum egi, & diu multumque versavi animo. Quamobrem audi Alypi, quod, ut arbitror, jam optime scis: non ego istam disputationem disputandi gratia susceptam volo; satis sit quod cum istis adolescentibus prælusimus, ubi libenter nobiscum philosophia quasi jocata est. Quare auferantur de manibus nostris fabellæ pueriles. De vita nostra, de moribus, de animo res agitur: qui se superatorem inimicitias omnium fallaciarum, & veritate comprehensa, quasi in regionem suæ originis rediens, triumphaturum de libidinibus, atque ita temperantia velut conjuge accepta regnaturum esse præsumit, securior rediturus in cælum. Vides quid dicam? Tolleamus de medio jam cuncta ista; arma acri faciendæ viro; nec quidquam minus semper optavi, quam inter eos, qui secum multum vixerunt, multumque fermocinati sunt, oriri aliquid, unde novus quasi conflictus exsurgat. Sed propter memoriam, quæ infida custos est excogitatorum, referri in litteras volui, quod inter nos sæpe pertractavimus, simul ut isti adolescentes, & in hæc adtendere discerent, & aggredi ac subire tentarent.

CAPUT
IX.
De Academicorum
sententia
serio deinceps
disputandum.
In Veri
actione 1.

1. Retra.
cap. 1. n. 3

M 2

23. Tunc

23. Tunc ergo nescis, a nihil me certum adhuc habere quod sentiam, sed ab eo quærendo Academicorum argumentis atque disputationibus impediri? Nescio enim quomodo fecerunt in animo quamdam probabilitatem, (ut ab eorum verbo nondum recedam) quod homo verum invenire non possit: unde piger & prorsus segnis effectus eram, nec quærere audebam, quod acutissimis ac doctissimis viris invenire non licuit. Nisi ergo prius tam mihi persuafero verum posse inveniri, quam sibi illi non posse persuaferunt, non audebam quærere, nec habeo aliquid quod defendam. Itaque istam interrogationem remove, si placet, & potius discutiamus inter nos, quam sagaciter possumus, utrumnam possit verum inveniri. Et pro parte mea videor mihi habere jam multa, quibus contra rationem Academicorum niti molior: inter quos & me modo interim nihil distat, nisi quod illis probabile visum est, non posse inveniri veritatem, mihi autem inveniri posse probabile est. Nam ignoratio veri, aut mihi, si illi fingeant, peculiaris est, aut certe utrisque communis.

CAPUT
X.
Verbo-
rum
contro-
versia
non est,
quæ ha-
betur
cum A-
cademi-
cis, sed
rerum.

24. TUM Alypius: Jam, inquit, securus incedam: video enim te non tam accusatorem, quam adiutorem fore. Itaque ne longius abeamus, videamus quæso prius ne per hanc quæstionem in qua successisse videor iis qui tibi cesserunt, in verbi controversiam decidamus, quod te ipso insinuante ex auctoritate illa Tulliana turpissimum esse, sæpe confessi sumus. Cum enim, ni fallor, Licentius placuisse sibi diceret de probabilitate Academicorum sententiam, subiecisti quod ille haud dubie confirmavit, sciret ne hanc ab eisdem etiam verisimilitudinem nominari. Et bene novi, si quidem ex te mihi nota sunt, non absque te esse Academicorum placita. Quæ cum, ut dixi, animo tuo infixæ sint, quid verba sceteris, ignoro. Non est ista, inquam, mihi crede, verborum, sed rerum ipsarum magna controversia: non enim illos viros eos fuisse arbitror, qui rebus nescirent nomina imponere; sed mihi hæc vocabula videntur elegisse, & ad occultandam tardioribus, & ad significandam vigilantioribus sententiam suam. Quod quare & quomodo mihi videatur, exponam, cum prius illa discussero, quæ ab eis tamquam cognitionis humanæ inimicis dicta homines putant. Itaque perlibenter habeo huc usque hodie nostrum processisse sermonem, ut satis quid inter nos quæreretur, aperteque constaret. Nam illi mihi videntur graves omnino ac prudentes viri fuisse. Si quid est autem, quod nunc disputabimus adversus eos erit, qui Academicos inventioni veritatis adversos fuisse crediderunt. Et ne me territum putes, etiam contra eos ipsos non invitatus armabor, si non occultandæ sententiæ suæ causa, ne ab eis temere pollutis mentibus, & quasi profanis quædam veritatis sacra proderentur, sed ex animo illa quæ in eorum libris legimus, defenderunt. Quod hodie facerem, nisi nos solis occasus jam domum redire compelleret. Hactenus illo die disputatum est.

Disputa-
tio ter-
tia.

CAPUT
XI.
Probabi-
le quid
sit.

25. POSTRIDIE autem quamvis non minus blandus tranquillisque dies illuxisset, vix tamen domesticis negotiis evoluti sumus. Nam magnam ejus partem in epistolarum maxime scriptione consumseramus. Et cum jam duæ horæ vix reliquæ forent, ad pratum processimus. Nam invitabat cæli ni-

A mia serenitas, placuitque ut ne ipsum quidem quod restiterat tempus perire pateremur. Itaque cum ad arborem solitam ventum esset, & mansissemus loco: Velim vos, inquam, adolescentuli, quoniam non est hodie magna res aggredienda, in memoriam mihi revocetis, quomodo hesterno die rogatiunculæ quæ vos turbavit, Alypius responderit. Hic Licentius: Tam breve est, inquit, ut nihil negotii sit hoc recordari; quam leve sit autem tu videris. Nam, ut opinor, vetuit te, res cum constaret, de verbis movere quæstionem. Et ego: Hoc ipsum, inquam, quid sit, quamve habeat vim, satis animadvertistis? Videor, inquit, mihi videre quid sit, sed quæso tu id paulisper exponas. Nam sæpe abs te audiavi, TURPE esse disputantibus in verborum quæstione immorari, cum certamen nulum de rebus remanserit. Sed hoc subtilius est, quam ut explicandum a me debeat flagitari.

26. Audite ergo, inquam, quid sit vos: Id probabile vel verisimile Academicus vocant, quod nos ad agendum sine assensione potest invitare. Sine assensione autem dico, ut id quod agimus non opinemur verum esse, aut non id scire arbitremur, agamus tamen. Ut verbi causa, utrum hesternæ nocte tam liquida ac pura, hodie tam lætus sol exorturus esset, si nos quispiam rogaret, credo quod nos id scire negaremus, diceremus tamen ita videri. Talia, inquit Academicus, mihi videntur omnia quæ probabilia vel verisimilia putavi nominanda; quæ tu si alio nomine vis vocare, nihil repugno. Satis enim mihi est, te jam bene accepisse quid dicam, id est, quibus rebus hæc nomina imponam. D Non enim vocabulorum opificem, sed rerum inquisitorem decet esse sapientem. Satisne intellexistis, quomodo mihi ludicra illa quibus vos agitabam, de manibus excussa sint? Hic cum ambo se intellexisse respondissent, vultuque ipso responsionem postularent meam: Quid putatis, inquam, Ciceronem, cujus hæc verba sunt, inopem fuisse latinæ linguæ, ut minus apta rebus imponeret, quas sentiebat, nomina?

27. TUM Trygetius: Jam, inquit, placet nobis, cum res nota sit, de verbis nullas calumnias commovere: E Quare vide potius quid huic respondeas qui nos liberavit, in quos tu impulsus tentas iterum irruere. Et Licentius: Mane, ait, quæso: nam mihi subluet nescio quid, quo videam non tibi tam facile tantum argumentum eripi debuisse. Et cum defixus in cogitatione filuisset aliquantum: Rogo, inquit, nihil mihi videtur esse absurdus, quam dicere se verisimile sequi eum qui verum quid sit ignoret: nec illa me tua similitudo conturbat. Nam recte ego interrogatus, utrum ex ista temperie cæli nulla in crastinum pluvia cogatur, respondere esse verisimile, qui me non nego nosse aliquid veri. Nam scio arborem istam modo argenteam fieri non posse, multa que talia vera non impudenter me scire dico, quorum video esse similia ea quæ verisimilia nomino. Tu vero Carneades, vel quæ alia græca pestis, ut nostris parcam, (quid enim dubitem in hanc partem transire ad eum cui captivus debeor jure victoriæ?) Tu ergo cum te nihil veri scire dicas, unde hoc verisimile sequeris? At enim nomen ei non potui aliud imponere. Quid ergo nobis disputandum est cum eo, qui nec loqui potest?

CAPUT
XII.
Rursum
de proba-
bili,
& verisimili.

28. Non

a Hic figura quadam utitur Augustinus sollemni, dialogorum more. Nam non nihil certum habebat quod sentiret, qui jam dudum mente pervenerat ad id quod est, uti lib. 7. Conf. c. 17. legimus. Et perspicue in ejusdem operis lib. 8. cap. 5. de se conversionem differente confitetur: Et

non erat jam illa excusatio, qua videri mihi solebam propterea nondum me contempto saculo servire tibi, quia incerta mihi esset perceptio veritatis: jam enim & ipsa certa erat.

28. Non ego, inquit Alypius, perfugas metuam, quanto minus ille Carneades, in quem nescio utrum juvenilian puerili levitate commotus, maledicta potius quam aliquod telum putasti esse jaciendum. Nam illi quidem ad roborandam sententiam suam, quæ semper tenus probabiliter fundata fuit, hoc interim adversum te facile suffecerit, ita nos a veri inventione procul esse positos, ut tu tibi ipse magno argumento esse possis, qui ita una interrogatiuncula loco motus es, ut ubi tibi standum esset penitus ignorares. Sed hæc, atque scientiam tuam, quam tibi impressam de hac arbore paulo ante confessus es, in aliud tempus differamus. Quamvis enim jam alias partes delegeris, tamen sedulo docendus es quid paulo ante dixerim: Nondum enim, ut opinor, in eam quæstionem, qua utrum inveniri verum possit quæritur, progressi fuimus: sed illud tantum in ipso vestibulo defensionis meæ præscribendum putavi, in quo te lassum prostratumque prospexeram, hoc est, utrum verisimile, an probabile, an alio, si

CAPUT
XIII.
An Academici
dissimularint se
scire verum.

29. Hic ego, cum verecunde Licentius Alypii impetum formidaret, Omnia potius, inquam, Alypi, loqui maluisti, quam quemadmodum nobis cum iis, qui loqui nesciant, disputandum sit. Et ille: Quoniam olim tum mihi, tum omnibus notum est, & nunc tua professione satis indicas te loquendi peritum esse, velim explices utilitatem primo hujus inquisitionis a sue, quæ aut superflua est, ut opinor, & ei multo magis respondere superfluum est: aut si commoda visa fuerit, & a me explicari nequirit, precario abs te impetrem, ut magistri officium ne gravare. Meministi, inquam, heri me esse pollicitum de istis vocabulis post acturum. Et nunc ille sol admonet, ut quæ ludicra pueris proposui redigam in cistas, præsertim cum ea

a Bad. Et. & Loy. inquisitionis tue. Sed melius Am. & MSS. sue;

ornandi jam potius quam vendendi gratia proponam. Nunc ante quam stilum nostrum tenebræ occupent, quæ patronæ Academicorum solent esse, volo inter nos hodie plenissime constet, ad quam quæstionem nobis explicandam mane surgendum sit. Itaque responde, quæso, Utrum tibi videantur Academici habuisse certam de veritate sententiam, & eam temere ignotis vel non purgatis animis prodere noluisse. An vero ita senserint, ut eorum disputationes se habent?

30. Tum ille: Quid illis animi fuerit, inquit, non temere confirmabo. Nam quantum ex libris colligi datur, tu melius nosti quæ in verba sententiam suam promere soleant. Me autem de me ipso si consulis, inventum nondum verum esse puto. Addo etiam quod de Academicis flagitabas, nec posse inveniri me putare, non solum inolita, quam semper fere animadvertisti opinione mea, sed etiam auctoritate magnorum excellentiorumque philosophorum, quibus nos præbere colla sive imbecillitas nostra, sive sagacitas ipsorum, ultra quam nihil jam inveniri posse credendum est, nescio quomodo compellit. Hoc est, inquam, quod volui. Nam verebar ne cum tibi quoque id videretur quod mihi, disputatio nostra manca remaneret, nullo existente qui ex altera parte rem venire in manus cogeret, ut diligenter quantum possumus versaretur. Itaque si id evenisset, paratus eram te rogare ut Academicorum partes ita susciperes quasi tibi non solum disputasse, sed etiam sensisse viderentur, verum non posse comprehendere. Quæritur ergo inter nos, utrum illorum argumentis probabile sit, nihil percipi posse, ac nulli rei esse assentiendum: quod si obtinueris, cedam libenter. Si autem demonstrare potuero multo esse probabilius, & posse ad veritatem pervenire sapientem, & assensionem non semper esse cohibendam, nihil habebis, ut opinor, cur non te in meam sententiam transire patiaris. Quod cum illi placuisset, & ceteris qui aderant, jam vespere obumbrati domum revertimus.

refertur enim ad Licentium.

LIBER TERTIUS.

Exhibet disputationes duas, quarum initio statuitur fortunam nihil sive adjumento sive impedimento esse sapienti. Mox Augustinus repugnante pro susceptis partibus Alypio probat nonnihil sciri a sapiente, utpote qui saltem sapientiam novit. Deinde Zenonis definitionem discutit, & duo illa redarguit Academicorum placita: Nihil percipi posse; &, Nulli rei debere assentiri. Dicit demum videri sibi Academicos non ita sensisse uti vulgo existimantur.

Disputatio prima.
CAPUT
I.
Magno opere
quærenda veritas
unde pendet
vita beata.

I. CUM post illum sermonem quem secundus Liber continet, alio die consedissemus in balneis, nam erat tristior quam ut ad pratum liberet descendere, sic exorsus sum: Arbitror vos jam satis animadvertisse qua de re inter nos discutienda quæstio constituta sit. Sed antequam ad partes meas veniam; quæ ad eam pertinent explicandam, pauca quæso de spe, de vita, de instituto nostro non ab re abhorrentia libenter audiat. Negotium nostrum non leve aut superfluum, sed necessarium ac summum esse arbitror, magnopere quærere veritatem: hoc inter me atque Alypium convenit. Nam & ceteri philosophi sapientem suum eam invenisse putaverunt, & Academici sapienti suo summo conatu inveniendam esse.

Tom. I.

E se professi sunt, idque illum agere sedulo. Sed quoniam vel lateret obruta, vel confusa non emereret, ad agendam vitam id eum sequi quod probabile ac verisimile occurreret. Id etiam vestra pristina disceptatione confectum est. Nam cum alter inventa veritate beatum fieri asseruerit hominem, alter vero tantum diligenter quæsita, nulli nostrum dubium est, nihil esse a nobis huic negotio præponendum. Quamobrem qualem vobis, quæso, hesternum diem videmur duxisse? Vobis quidem in studiis vestris vivere licuit. Nam & tu Trygeti Virgilii te carminibus oblectasti, & Licentius fingendis versibus vacavit, quorum amore ita perculsus est, ut propter eum maxime mihi istum sermonem inferendum putarem, quo in ejus animo

M. 3.

phi.

philosophia (nunc enim tempus est) maiorem partem, non modo quam poetica, sed quævis alia disciplina sibi usurpet, ac vindicet.

CAPUT II.

An fortuna sapienti necessaria.

u. Retr. c. 1. n. 1.

2. SED quæso vos, nonne miserati nostri estis, cum pridie ita cubitum issemus, ut ad dilatam quæstionem, & prorsus ad nihil aliud surgeretur, quod tanta de re familiari necessario peragenda exstiterunt, ut his penitus occupati, vix duas extremas diei horas in nosmet ipsos respirare possemus? Quare semper fuit sententia mea, sapienti jam homini nihil opus esse: ut autem sapiens fiat, plurimum necessariam esse fortunam: nisi quid aliud videtur Alypio. Tum ille: Quantum juris, inquit, fortunæ tribuas, nondum bene novi. Nam si ad contemnendam fortunam, fortuna ipsa opus esse arbitraris, me quoque comitem in hanc sententiam do tibi. Sin fortunæ nihil aliud concedis, quam ea quæ corporis necessitati non possunt nisi ipsa volente suppetere, non ita sentio. Aut enim licet eadem repugnante atque invita, nondum sapienti, cupidus tamen sapientiæ ea sumere quæ vitæ necessaria confitemur: aut concedendum est etiam in omni sapientis vita eam dominari, cum & ipse sapiens iis quæ corpori necessaria sunt, non indigere non possit.

3. Dicis ergo, inquam, fortunam esse necessariam studioso sapientiæ, sapienti vero negas. Non ab re est eadem repetere, inquit. Itaque nunc etiam abs te quæro, utrum fortunam ad seipsam contemnendam aliquid juvare æstimes. Quod si arbitraris, dico sapientiæ cupidum magnopere indigere fortuna. Arbitror, inquam, siquidem per illam erit talis, qualis eam possit contemnere: nec absurdum est. Nam sic etiam parvis nobis ubera necessaria sunt, quibus efficitur, ut sine his postea vivere, ac valere possimus. Sententias, ait, nostras si animi conceptio non dissonat, concordare mihi liquet: nisi forte discernendum cuiquam videtur quod vel fortunæ vel uberum, non ipsa ubera seu fortuna, sed alia res quædam nos faciat contemtores. Nihil magnum est, inquam, alio simili uti. Nam ut sine navi, vel quolibet vehiculo, aut omnino, ne vel ipsum Dædalum timeam, sine ullis ad hanc rem accommodatis instrumentis, aut aliqua occultiore potentia, Ægeum mare nemo transmittit, quamvis nihil aliud quam pervenire proponat, quod cum ei evenit, illa omnia quibus advectus est, paratus sit abjicere atque contemnere: ita quisquis ad sapientiæ portum, & quasi firmissimam & quietissimum solum pervenire voluerit, quoniam, ut alia omittam, si cæcus ac surdus fuerit, non potest; quod positum est in potestate fortunæ, necessariam mihi videtur ad id, quod concupivit, habere fortunam. Quod cum obtinuerit, quamvis putetur indigere quibusdam rebus ad corporis valetudinem pertinentibus, illud tamen constat, non his opus esse ut sapiens sit, sed ut inter homines vivat. Immo, ait ille, si cæcus ac surdus sit, & sapientiam adipiscendam, & ipsam vitam propter quam sapientia quæritur, mea sententia, jure contemnet.

4. Tamen, inquam, cum ipsa vita nostra, qua hic vivimus, sit in potestate fortunæ, nec nisi vivens quisque sapiens fieri possit, nonne fatendum est opus esse ejus favore, quo ad sapientiam pervehamur? Sed cum sapientia, inquit, non nisi viventibus sit necessaria, remotaque vita nulla sit indigentia sapientiæ, nihil in propaganda vita pertimesco fortunam. Etenim quia vivo, propterea volo sapientiam, non quod sapientiam

A desidero, volo vitam. Unde fortuna si mihi abstulerit vitam, auferet causam quærendæ sapientiæ. Nihil igitur habeo, cur ut fiam sapiens, aut favorem optem fortunæ, aut impedimenta formidem, nisi alia fortasse protuleris. Tum ego: Non igitur censēs sapientiæ studiosum posse a fortuna, ne ad sapientiam perveniat, impediri, etiam si ei non auferat vitam? Non arbitrator, inquit.

5. V O L O, inquam, mihi paululum aperias, quid tibi inter sapientem & philosophum distare videatur? B Sapientem a studioso, ait, nulla re differre arbitror; nisi quod quarum rerum in sapiente quidam habitus inest, earum est in studioso sola flagrantia. Quæ sunt tandem istæ res, inquam? Nam mihi nihil aliud videtur interesse, nisi quod alter scit sapientiam, alter scire desiderat. Si scientiam, inquit, modesto fine determinas, ipsam rem planius elocutus es. Quoquo modo, inquam, eam determinem, illud omnibus placuit, scientiam falsarum rerum esse non posse. In hoc mihi, inquit ille, visa fuit obijcienda præscriptio, ne inconsiderata consensione mea facile in principalis illius quæstionis campis tua equitaret oratio. Plane, inquam, mihi nihil ubi equitare possem reliquisti. Nam nisi fallor, quod jamdudum molior, ad ipsum finem pervenimus. Si enim, ut subtiliter vereque dixisti, nihil inter sapientiæ studiosum & sapientem interest, nisi quod iste amat, ille autem habet sapientiæ disciplinam, unde etiam nomen ipsum, id est, habitum quemdam exprimere non cunctatus es: nemo autem habere disciplinam potest in animo qui nihil didicit, nihil autem didicit qui nihil novit, & nosse falsum nemo potest: novit igitur sapiens veritatem, quem disciplinam sapientiæ habere in animo, id est, habitum jam ipse confessus es. Nescio, inquit, cujus impudentiæ sum, si habitum inquisitionis divinarum humanarumque rerum esse in sapiente confessum me negare voluero. Sed qui tibi videatur inventorum probabilium habitus non esse, non video. Concedis mihi, inquam, falsa neminem scire? Facile id quidem, inquit. Dic jam si potes, inquam, sapientem nescire sapientiam. Quid enim, ait, hoc limite universa concludis, ut videri sibi non possit, comprehendisse se sapientiam? Da, inquam, dexteram. Nam si meministi, hoc est quod heri me dixi effecturum, quod nunc non a me conclusum, sed a te ultro mihi oblatum esse gaudeo. Nam cum inter me & Academicos hoc interesse dixissem, quod illis probabile visum est, veritatem non posse comprehendere; mihi autem nondum quidem a me inventam, inveniri tamen posse a sapiente videatur, nunc tu cum mea interrogatione urgereris, utrum sapiens nesciat sapientiam, Videtur sibi scire, dixisti. Quid tum postea, inquit? Quia si videtur sibi, inquam, scire sapientiam, non ei videtur nihil scire posse sapientem. Aut si sapientia nihil est, volo affirmes.

6. Crederem vere, inquit, ad calcem nos finemque venisse, sed repente cum dexteris interposuisti, disjunctissimos nos esse & in longum progressos video: videlicet quod hesterno die a nobis nulla alia quæstio constituta videbatur, nisi quod sapientem ad comprehensionem veri pervenire posse, affirmante te, ego negaveram: nunc vero nihil me opinor concessisse tibi, quam videri posse sapienti probabilium rerum se consecutum esse sapientiam: quam tamen sapientiam in investigatione divinarum humanarumque rerum me constituisse nul-

li no-

CAPUT III.

Differētia sapientis & studiosi. Sapientem nonnihil scire, quia scitem scit sapientiam.

li nostrum arbitror dubium. Non, inquam, ideo quia involvis evolveris: videris enim jam mihi exercendi tui causa disputare. Et quia bene nosti istos adolescentulos vix adhuc posse discernere quæ acute ac subtiliter differuntur, tamquam judicum abuteris ignorantia, ut tibi quantumlibet loqui nullo liceat reclamante. Nam paulo ante dixisti, cum quærerem utrum sciret sapiens sapientiam, scire sibi videri. Cui ergo videtur sapientem scire sapientiam, non utique videtur nihil scire sapientem. Hoc enim contendere non potest, nisi quisquam dicere audeat, nihil esse sapientiam. Ex quo fit ut jam hoc tibi, quod etiam mihi videatur; nam mihi videtur sapientem non nihil scire, & tibi, opinor, cui placet, videri sapienti sapientem scire sapientiam. Tum ille, Non magis me ingenium exercere velle quam te arbitror, & id miror, non enim tibi ulla in hanc rem exercitatione opus est. Nam mihi adhuc fortasse cæco videtur interesse inter videri sibi scire, & scire, & inter sapientiam quæ in investigatione posita est, & veritatem: quæ a nobis cum alterutra dicantur, sibi quemadmodum quadrent non invenio. Tum ego, cum jam ad prandium vocaremur, Non, inquam, mihi quod tantum reniteris displicet: aut enim ambo nescimus quid loquamur, & danda est opera ne tam turpes simus; aut unus nostrum, quod item relinquere atque negligere non minus turpe est, sed pomeridianis horis rediemus ad invicem. Mihi enim cum videretur jam nos ad calcem pervenisse, pugnos etiam miscuisti. Hic cum arrisissent, discessimus.

Disputatio
secunda.
CAPUT
IV.
Rursus
quod sa-
piens
non est
qui ni-
hil scit.

7. **E**T cum redissemus, invenimus Licentium, cui numquam sitienti Helicon subvenisset, exco- gitandis versibus inhiantem. Nam de medio pene prandio, quamvis nostri prandii idem initium qui finis fuit, clam surrexerat, nihilque biberat. Cui ego, Opto quidem, inquam, tibi ut istam poeticam quam concupisti complectaris aliquando: non quod me nimis delectet ista perfectio, sed quod video te tantum exarsisse, ut nisi fastidio evadere ab hoc amore non possis, quod evenire post perfectionem facile solet. Deinde cum sis bene canorus, malim auribus nostris inculces tuos versus, quam ut in illis græcis tragædiis, more avicularum quas in caveis inclusas videmus, verba quæ non intelligis cantes. Admoneo tamen ut pergas potum, si voles, & ad scholam redeas nostram, si tamen aliquid jam de te Hortensius & philosophia meretur, cui dulcissimas primitias jam vestro illo sermone libasti, qui te vehementius quam ista poetica incenderat ad magnarum & vere fructuosarum rerum scientiam. Sed dum ad istarum disciplinarum quibus excoluntur animi a circum revocare vos cupio, metuo ne vobis labyrinthus fiat, & prope me pænitet ab illo te impetu repressisse. Erubuit ille, discessitque ut biberet. Nam & multum sitiebat, & occasio dabatur evitandi me, plura fortasse atque asperiora dicturum.

8. Et cum redisset, intentis omnibus, sic cœpi: Itane est, Alypi, ut inter nos de re jam, ut mihi videtur, manifestissima non conveniat? Non mirum est, inquit, si quod tibi in promptu esse asseris, mihi obscurum sit: si quidem pleraque manifesta, possint aliis manifestiora, & item obscura quædam nonnullis obscuriora esse. Nam si & hoc tibi vere manifestum est, mihi crede, esse alium quemquam, cui & hoc manifestum tuum manifestius sit: & item alium cui

A meum obscurum obscurius sit. Sed ne me perpugnam diutius putes, obsecra verim ut hoc manifestum manifestius edisseras. Adtende, inquam, quæso diligenter, & quasi seposita paululum respondendi cura. Si enim bene me atque te novi, facile data opera clarebit quod dico, & alter alteri cito persuadebit. Dixistine tandem, an fortasse obsurdueram, videri sapienti se scire sapientiam? Annuit. Omittamus, inquam, paululum istum sapientem. Tu ipse sapiens, an non? Nihil, inquit, minus. Volo tamen, inquam, respondeas mihi quid ipse sentias de sapiente Academico, utrumnam tibi videatur scire sapientiam? Utrum sibi, inquit, scire videatur, an sciat, unumne an diversum putas? Metuo enim ne hæc confusio cuiquam nostrum suffugium præbeat.

9. Hoc est, inquam, Tuscum illud jurgium quod dici solet, cum quæstioni intentatæ non ejus solutio, sed alterius objectio videtur mederi. Quod etiam poeta noster (ut me aliquantum Licentii auribus dedam) decenter in Bucolico carmine hoc rusticanum & plane pastoricium esse judicavit, cum alter alterum interrogat, ubi cæli spatium non amplius quam tres ulnas pateat: ille autem, Dic quibus in terris inscripti nomina Regum nascantur flores. Quod quæso, Alypi, ne in villa nobis licere arbitreris: certe vel istæ balneolæ aliquam decoris gymnasiorum faciant recordationem: ad id, si placet, quod rogo responde. Videturne tibi sapiens Academicorum scire sapientiam? Ne verba verbis referendo, inquit, in longum eamus, videtur videri sibi scire. Videtur ergo, inquam, tibi nescire? Non enim ego quæro quid tibi videatur videri sapienti, sed utrum tibi videatur sapiens scire sapientiam. Potes, ut opinor, hic aut ajere, aut negare. O utinam, inquit, aut ita mihi facile esset ut tibi, aut ita tibi difficile ut mihi, nec tam molestus esses, nec in his quidquam sperares. Nam cum me interrogares, quid mihi de Academico sapiente videatur, respondi, videri mihi quod videatur sibi scire sapientiam, ne aut temere me scire affirmarem, aut illum non minus temere scire dicerem. Pro magno, inquam, beneficio mihi obsecro concedas primo, ut ad id quod ego, non ad id quod tu te interrogas respondere digneris. Deinde ut spem meam, quam tibi non minus curæ, quam tuam esse certo scio, nunc paululum omittas. Certe si me ista interrogatione decepero, cito transibo in tuam partem, controversiamque finiemus. Postremo ut pulsa nescio qua sollicitudine, qua te tangi video, diligentius animadvertas, quo facile intelligas quid mihi abs te responderi velim. Dixistine enim ideo te non aut ajere, aut negare, quod utique faciendum est ad id quod rogo, ne temere te scire dicas quod nescis: quasi vero ego quid scias quæserim, & non quid tibi videatur. Itaque nunc planius (si tamen planius dici potest) interrogo, Videturne tibi scire sapientiam sapiens, an non videtur? Si inveniri, inquit, sapiens qualem ratio pro- dit, queat: potest mihi videri scire sapientiam. Ratio igitur, inquam, talem tibi prodit esse sapientem, qui sapientiam non ignoret: & recte isthuc. Non enim aliter decebat videri tibi.

10. Quæro ergo jam, utrum possit sapiens inveniri. Si enim potest, potest etiam scire sapientiam, omnisque quæstio inter nos dissoluta est. Si autem non posse dicis, jam non quæretur utrum sapiens aliquid

Ecloga 3.

aliquid sciat, sed utrum sapiens quisquam esse possit. Quo constituto, jam recedendum erit ab Academicis, & tecum ista quaestio quantum valemus, diligenter cauteque versanda. Nam illis placuit, vel potius visum est, & esse posse hominem sapientem, & tamen in hominem scientiam cadere non posse. Quare illi sapientem nihil scire affirmarunt. Tibi autem videtur scire sapientiam, quod non est utique nihil scire. Simul enim placuit inter nos, quod etiam inter omnes veteres, interque ipsos Academicos, scire falsa neminem posse: unde illud jam restat, ut aut contendas nihil esse sapientiam, aut talem sapientem ab Academicis describi, qualem ratio non habet fatearis.

CAPUT
V.
Academicorum inane suffragium præcluditur.

Hujus loci mentio fit lib. 2. de Ordine, c. 15.

11. ET his omiſſis consentias ut quæramus, utrum possit homini talis provenire sapientia, qualem prodit ratio. Non enim aliam debemus, aut possumus recte vocare sapientiam. Et si concedam, inquit, quod te magnopere niti video, sciri a sapiente sapientiam, & aliquid inter nos deprehensum quod sapiens possit percipere, tamen nequaquam mihi occurrit Academicorum labefactata omnis intentio. Prospicio enim defensionis eis locum non minimum reservatum, nec illam assensionis suspensionem esse præcisam, cum hoc ipso causæ suæ deesse non possint, quo convictos putas. Dicent enim usque adeo nihil comprehendi, nullique rei assensionem præbendam, ut etiam hoc de nihil percipiendo, quod tota sibi pene vita usque ad te probabiliter persuaserant, nunc ista conclusione sibi extortum sit: ut si tunc, si nunc hujus argumenti vis tarditate ingenii mei, si vera suo robore invicta sit, eos loco movere non possit, cum audacter affirmare adhuc valeant, ne nunc quidem ulli rei consentiendum esse. Forte enim aliquando contra hoc quoque non nihil vel a se vel a quopiam reperiri posse, quod acute probabiliterque dicatur: suamque imaginem & quasi speculum quoddam in Proteo illo animadverti oportere, qui traditur eo solere capi quo minime caperetur, investigatoresque ejus numquam eundem tenuisse, nisi indice aliqujusmodi numine. Quod si adsit, & illam nobis veritatem quæ tantum curæ est demonstrare dignetur, ego quoque vel ipsis invitis, quod minime reor, illos superatos esse confitebor.

12. Bene habet, inquam, prorsus nihil amplius optavi. Nam videte quæso, bona mihi quot & quanta provenerint. Primum est, quod Academici jam sic convicti esse dicuntur, ut nihil eis restet ad defensionem, nisi quod fieri non potest. Quis enim hoc aut intelligere ullo modo, aut credere valeat, eum qui victus sit, eo ipso quo victus est, victorem se esse gloriari? Deinde si quid jam remanet cum his conflictionis, non ex eo est quod dicunt, nihil sciri posse, sed ex eo quod nulli rei assentiendum esse contendunt: nunc itaque concordemus. Nam ut mihi, ita etiam illis videtur, sapientem scire sapientiam. Sed tamen ab assensione illi temperandum monent. Videri enim sibi tantum dicunt: scire autem nullo modo: quasi ego me scire profitear. Mihi quoque videri istud dico: sum enim stultus, ut etiam ipsi, si nesciunt sapientiam. Approbare autem nos debere aliquid puto, id est veritatem. De quo eos consulo utrum negent, id est, utrum eis placeat veritati assentiendum non esse. Numquam hoc dicent, sed eam non inveniri asseverabunt. Ergo & hic ex nonnulla parte socium me tenent, quod utrisque non displicet, atque adeo necessario placet, consentien-

adum esse veritati. Sed quis eam demonstrabit, inquit? Ubi ego cum illis non curabo certare: satis mihi est quod jam probabile non est, nihil scire sapientem, ne rem absurdissimam dicere cogantur, aut nihil esse sapientiam, aut sapientiam nescire sapientem.

13. QUIS autem verum possit ostendere, abs te Alypi dictum est, a quo ne dissentiam magnopere mihi laborandum est. Etenim numen aliquod aisti solum posse ostendere homini quid sit verum, cum breviter, tum etiam pie. Nihil itaque in hoc sermone nostro libentius audiui, nihil gravius, nihil probabilius, & si id numen ut confido adsit, nihil verius. Nam & Proteus ille quanta abs te mentis altitudine commemoratus, quanta intentione in optimum philosophiæ genus? Proteus enim ille, ut vos adolescentes non penitus poetæ a philosophia contemnendos esse videatis, in imaginem veritatis inducitur. Veritatis, inquam, Proteus in carminibus ostentat sustinetque personam, quam obtinere nemo potest, si falsis imaginibus deceptus comprehensionis nodos vel laxaverit vel dimiserit. Sunt enim istæ imagines, quæ consuetudine rerum corporalium per istos quibus ad necessaria hujus vitæ utimur sensus, nos etiam cum veritas tenetur, & quasi habetur in manibus, decipere atque illudere moluntur. Hoc ergo tertium bonum mihi accidit, quod non invenio quanti æstimem. Mecum enim familiarissimus amicus meus, non solum de probabilitate humanæ vitæ, verum etiam de ipsa religione concordat, quod est veri amici manifestissimum indicium: Siquidem AMICITIA rectissime atque sanctissime definita est, rerum humanarum & divinarum cum benevolentia & caritate consensus.

14. Tamen ne aut Academicorum argumenta quasdam nebulas videantur offundere, aut doctissimorum virorum auctoritati, inter quos maxime Tullius non movere nos non potest, superbe nonnullis resistere videamur, si vobis placet, prius pauca contra eos differam, quibus videntur disputationes illæ adversari veritati. Deinde ut mihi videtur, ostendam quæ causa fuerit Academicis occultandæ sententiæ suæ. Itaque Alypi, quamvis te totum in meis partibus videam, tamen suscipe pro his paululum, mihi que responde. Quoniam hodie, inquit, auspicio, ut aiunt, processisti, non impediam plenissimam victoriam tuam, & partes illas jam securius, quo abs te imponuntur tentabo suscipere: si tamen hoc quod interrogationibus te acturum esse significas, in orationem perpetuam (si tibi commodum est) malis convertere, ne vere ut pertinax adversarius, quod a tua humanitate longissimum est, minutis illis telis abs te jam captivus exerceat.

15. Atque ego cum & illos hoc expectare animadverteterem, quasi aliud ingressus exordium, Morem, inquam, vobis geram. Et quamvis post illum laborem scholæ Rhetoricæ in hac me levi armatura non nihil requieturum esse præsumseram, ut interrogando ista potius agerem quam dicendo: tamen quia & paucissimi sumus, ut clamare mihi contra valetudinem meam non sit necesse, & istum stilum causa ejusdem salutis quasi aurigam moderatoremque sermonis mei esse volui, ne concitatus rapiar animo quam cura corporis poscit, perpetua, ut vultis, oratione audite quid sentiam. Sed primo illud videamus quale sit, unde amatores Academicorum gloriari nimium so-

CAPUT VI.
Veritatem nisi divina ope non percipi.

CAPUT VII.
Augustinus Alypii hortatu habet deinceps orationem contra Academicos.

Lepidus
quidam
locus Ci-
ceronis
refertur.

solent. Nam est in libris Ciceronis, quos in hujus causæ patrocinium scripsit, locus quidam, ut mihi videtur, mira urbanitate conditus, ut nonnullis autem, etiam firmitate roboratus. Difficile est prorsus, ut quemquam non moveat quod ibi dictum est, Academicum sapientiam omnibus ceterarum sectarum qui sibi sapientes videntur, secundas partes dari, cum primas sibi quemque vindicare necesse sit. Ex quo posse probabiliter confici, eum recte primum esse iudicio suo, qui omnium ceterorum iudicio sit secundus.

16. Fac enim, verbi causa, Stoicum adesse sapientem, nam contra eos potissimum Academicorum exarsit ingenium. Ergo Zeno vel Chrysippus si interrogentur, quis sit sapiens: respondebit eum esse quem ipse descriperit. Contra Epicurus vel quis alius adversariorum negabit, suumque potius peritissimum voluptatum aucupem sapientem esse contendet. Inde ad iurgium: Clamat Zeno, & tota illa porticus tumultuat, hominem natum ad nihil esse aliud quam honestatem: ipsam suo splendore in se animos ducere, nullo prorsus commodo extrinsecus posito & quasi lenocinante mercede: voluptatemque illam Epicuri solis inter se pecoribus esse communem; in quorum societatem & hominem & sapientem trudere nefas esse. Contra ille convocata de hortulis in auxilium quasi libera turba temulentorum, quærentium tamen quem incomitis unguibus bacchantes, asperoque ore discerpant, voluptatis nomen, suavitatem, quietem, teste populo exaggerans, instat acriter, ut nisi ea beatus nemo esse posse videatur. In quorum rixam si Academicus incurrit, utrosque audiet trahentes se ad suas partes: sed si in illos aut in istos concesserit, ab eis quos deserit, infans, imperitus, temerariusque clamabitur. Itaque cum & hac & illac aurem diligenter admoverit, interrogatus quid ei videatur, dubitare se dicet. Roga nunc Stoicum, quis sit melior, Epicurusne qui delirare illum clamat, an Academicus qui sibi adhuc de re tanta deliberandum esse pronuntiat. Nemo dubitat Academicum prælatum iri. Rursus te ad illum converte, & quære quem magis amet, Zenonem, a quo bestia nominatur, an Archesilam, a quo audit: Tu fortasse verum dicis, sed requiram diligentius. Nonne apertum est totam illam porticum insanam, Academicos autem præ illis modestos cautosque homines videri Epicuro? Ita peræque prope de omnibus sectis copiosissime Cicero jocundissimum legentibus quasi spectaculum præbet, velut ostendens nullum illorum esse qui non cum sibi primas partes dederit, quod necesse est, secundas ei dicat dare, quem non repugnare, sed dubitare conspexerit. In quo ego nihil adversabor, nec a eis ullam auferam gloriam. Videatur sane quibuslibet Cicero hic non iocatus, sed inania & ventosa quædam, quod ab ipsorum Græculorum levitate abhorreret, sequi & colligere voluisse.

CAPUT
VIII.
Redar-
guitur
locus
Cicero-
ne alla-
tus.

17. QUID enim me impedit, quin si huic vanitati resistere velim, facile ostendam quanto minus malum sit indoctum esse quam indocilem. Unde fit ut cum se ille Academicus iactantulus quasi discipulum singulis dederit, nemoque illi quod se scire putat persuadere potuerit, magna illorum postea consensione rideatur. Jam enim quisque alium quemlibet adversariorum suorum nihil didicisse, hunc vero nihil posse discere iudicabit. Ex quo deinceps de omnium scholis

A non ferulis, quod esset deformius quam molestius, sed illorum palliatorum clavis & fustibus projicietur. Non enim magnum negotium erit, contra communem pestem velut Herculeæ quædam postulare auxilia Cynicorum. Si autem ista vilissima gloria cum his certare libeat, quod philosophanti mihi jam quidem, sed nondum sapienti faciliore venia concedendum est, quid habebunt quod possint refellere? Ecce enim faciamus me atque Academicum in illas lites philosophorum irruisse, omnes prorsus adsint. Exponant breviter pro tempore sententias suas. Quærat de Carneade quid sentiat. Dubitare se dicet. Itaque illum singuli præferent ceteris. Ergo omnes omnibus: magna nimirum atque altissima gloria. Quis istum nolit imitari? Et ego itaque interrogatus, idem respondebo, par erit laus. Ea igitur gloria gaudet sapiens, in qua illi stultus æquatur? Quid si eum etiam facile superat? Nihilne agit pudor? Nam istum Academicum jam de iudicio discedentem tenebo. Quippe avidior huiusmodi victoriæ stultitia est. Ergo eo retento prodam iudiciis quod ignorant. Et dicam, Ego, viri optimi, hoc cum isto commune habeo, quod dubitat quis vestrum verum sequatur. Sed habemus etiam proprias sententias, de quibus peto iudicetis. Nam mihi incertum est quidem, quamvis audierim decreta vestra, ubi sit verum: sed ideo quod qui sit in vobis sapiens ignoro. Iste autem etiam ipsum sapientem negat aliquid scire, ne ipsam quidem unde sapiens dicitur sapientiam. Quis non videat palma illa cuius sit? Nam si hoc adversarius meus dixerit, vincam gloria. Si autem erubescens confessus fuerit sapientem scire sapientiam, vincam sententia.

Hercules
Deus
Cynico-
rum, qui
baculos
gesta-
bant ut
Hercules
clavam.

18. SED ab hoc jam litigioso tribunali secedamus in aliquem locum, ubi nobis nulla turba molesta sit, atque utinam in ipsam scholam Platonis, quæ nomen ex eo dicitur accepisse, quod a populo sit secreta. hic jam non de gloria, quod leve ac puerile est, sed de ipsa vita, & de aliqua spe animi beati, quantum inter nos possumus, differamus. Negant Academici sciri aliquid posse. Unde hoc vobis placuit studiosissimi homines, atque doctissimi? Movit nos, inquiunt, definitio Zenonis. Cur quæso? Nam si vera est, non nihil veri novit, qui vel ipsam novit. Sin falsa, non debuit constantissimos commovere. Sed videamus quid ait Zeno. Tale scilicet visum comprehendi & percipi posse, quale cum falso non haberet signa communia. Hoc cinne te movit, homo Platonice, ut omnibus viribus ab spe discendi studiosos retraheres, ut totum negotium philosophandi adjuvante quodam etiam mentis ingemiscendo torpore desererent?

19. Sed quomodo illum non permoveret, si & nihil tale inveniri potest, & nisi quid tale est, percipi non potest? Hoc si ita est, dicendum potius erat, non posse in hominem cadere sapientiam, quam sapientem nescire cur vivat, nescire quemadmodum vivat, nescire utrum vivat; postremo, quo perversius magisque delirum & insanum dici nihil potest, simul & sapientem esse, & ignorare sapientiam. Quid enim est durius, hominem non posse esse sapientem, an sapientem nescire sapientiam? Nihil hinc disputandum est, si res ipsa ita posita satis non est ad iudicandum. Sed illud forte si diceretur, penitus homines a philosophando averterentur: nunc vero inducendi sunt sapientiæ dulcissimo ac sanctissimo nomine, ut cum contrita ætate nihil didi-

CAPUT
IX.
Zenonis
definitio
discuti-
tur.

a Am. & Er. habent, nec ei Sylle auferam gloriam.

b In prius excusis, non abhorret.

didicerint, postea te summis execrationibus prosequantur; quem relictis saltem voluptatibus corporis, ad animi tormenta sunt sequuti.

20. Sed videamus per quem potius a philosophia deterreantur. Per eumne qui dixerit, Audi amice, philosophia non ipsa sapientia, sed studium sapientiæ vocatur, ad quam te si contuleris, non quidem dum hic vivis sapiens eris (est enim apud Deum sapientia, nec provenire homini potest) sed cum te tali studio fatis exercueris atque mundaveris, animus tuus ea post hanc vitam, id est, cum homo esse desieris, facile perfruetur? An per eum qui dixerit, Venite mortales ad philosophiam, magnus hic fructus est. Quid enim homini sapientia carius? Venite igitur ut sapientes sitis, & sapientiam nesciatis. Non, inquit, a me ita dicitur. Hoc est decipere, nam nihil aliud apud te invenietur. Ita fit ut si hoc dixeris, fugiant tamquam insanum: si alio modo ad hoc adduxeris, facias insanos. Sed credamus propter utramque sententiam, æque homines nolle philosophari. Si aliquid philosophiæ perniciosum Zenonis definitio dicere cogebat, mi homo, idne homini dicendum fuit, unde se doleret, an id unde te derideret?

21. Tamen quod Zeno definivit, quantum stulti possumus discutiamus. Id visum ait posse comprehendere, quod sic appareret, ut falsum apparere non posset. Manifestum est, nihil aliud in perceptionem venire. Hoc & ego, inquit Archesilas, video, & hoc ipso doceo nihil percipi. Non enim tale aliquid inveniri potest. Fortasse abste atque ab aliis stultis. At a sapiente cur non potest? Quamquam & ipsi stulti nihil responderi posse arbitror, si tibi dicat ut illo memorabili acumine tuo hanc ipsam Zenonis definitionem refellas, & ostendas eam etiam falsam esse posse: quod si non potueris, hanc ipsam quam percipias habes: si autem refelleris, unde a percipiendo impediaris non habes. Ego eam refelli posse non video, & omnino verissimam judico. Itaque cum eam scio, quamvis sim stultus, non nihil scio. Sed fac illam cedere versutiæ tuæ. Utar complexione securissima. Aut enim vera est, aut falsa: si vera, bene teneo: si falsa, potest aliquid percipi, etiam si habeat communia signa cum falso. Unde, inquit, potest? Verissime igitur Zeno definivit, nec ei quisquis vel in hoc consensit, erravit. An parvæ laudis & sinceritatis definitionem putabimus, quæ contra eos qui erant adversum perceptionem multa dicturi, cum designaret quale esset quod percipi posset, seipsam talem esse monstravit? Itaque comprehensibilibus rebus & definitio est, & exemplum. Utrum, ait, etiam ipsa vera sit nescio. Sed quia est probabilis, ideo sequens eam ostendo nihil esse tale quale illa expressit posse comprehendere. Ostendis fortasse præter ipsam, & vides, ut arbitror, quid sequatur. Quod si etiam ejus incerti sumus, nec ita nos deserit scientia. Scimus enim aut veram esse, aut falsam, non igitur nihil scimus. Quamquam numquam efficiet ut ingratus sim, prorsus ego illam definitionem verissimam judico. Aut enim possunt percipi & falsa, quod vehementius Academici timent, & re vera absurdum est. Aut nec ea possunt, quæ sunt falsis similia: unde illa definitio vera est. Sed jam cetera videamus.

22. QUAMVIS hæc, nisi fallor, possint ad victoriam satis esse, non tamen fortasse ad victoriæ fatietatem. Duo sunt quæ ab Academicis dicuntur con-

CAPUT
X.
Duo Academicorum
effata.

tra quæ ut valemus, venire instituimus. *Nihil posse percipi*, & *Nulli rei debere assentiri*. De assentiendo mox alias, nunc pauca de perceptione dicemus. Nihilne prorsus dicitis posse comprehendere? Hic evigilavit Carneades: nam nemo istorum minus alte quam ille dormivit, & circumspexit rerum evidentiam. Itaque credo secum ipse, ut sit, loquens: Ergone, ait, Carneades dicturus es nescire te utrum homo sis, an formica? Aut de te Chrysippus triumphabit? Dicamus ea nos nescire quæ inter philosophos inquiruntur, cetera ad nos non pertinere, ut si in luce titubavero quotidiana & vulgari, ad illas imperitorum tenebras provocem, ubi soli quidam divini oculi vident: qui me etiam si palpitantem atque cadentem adspexerint, cæcis prodere nequeant, præsertim arrogantibus, & quos doceri aliquid pudeat. Laute quidem o græca industria, succincta & parata procedis, sed non respicis illam definitionem & inventum esse philosophi, & in vestibulo philosophiæ fixam atque fundatam. Quam si succidere tentabis, rediet bipennis in crura: illa enim labefactata, non solum potest aliquid percipi, sed etiam id potest quod simillimum falso est, si eam non audebis evertere. Est enim latibulum tuum unde in incautos transire cupientes vehemens erumpis atque exsilis: aliquis te Hercules in tua spelunca tamquam semihominem a *Cacum* suffocabit, & ejusdem molibus opprimet, docens aliquid esse in philosophia quod tamquam simile falso incertum abste fieri non possit. Certe ad alia properabam, hoc quisquis urget, te ipsum Carneades magna afficit contumelia, quem a me veluti mortuum putat ubicumque aut undecumque posse superari. Si autem non putat, immisericors est, qui me passim deferere præsidia & tecum in campo certare cogit: in quem descendere cum cœpisssem, solo tuo nomine territus pedem retuli, & de superiore loco nescio quid jaculatus sum, quod utrum ad te pervenerit, vel quid egerit, viderint sub quorum examine dimicamus. Sed quid metuo ineptus? Si bene memini, mortuus es, nec jam pro sepulcro tuo jure pugnat Alypius, facile me contra umbram tuam Deus adjuvabit.

23. Nihil, ais, in philosophia posse percipi. Et ut orationem tuam large lateque diffundas, arripis rixas, dissensionesque philosophorum, & eas tibi contra illos arma ministrare arbitraris. Quomodo enim inter Democritum & superiores physicos de uno mundo, & innumerabilibus litem dijudicabimus, cum inter ipsum hæredemque ejus Epicurum concordia manere nequiverit? Nam iste luxuriosus cum atomos quasi ancillulas suas, id est, corpuscula quæ in tenebris lætus amplectitur, non tenere viam suam, sed in alienos limites passim sponte declinare permittit, totum patrimonium etiam per jurgia dissipavit. Hoc vero nihil ad me adtinet. Si enim ad sapientiam pertinet horum aliquid scire, id non potest latere sapientem. Si autem aliud quiddam est ^b sapientia, illam scit sapiens, ista contemnit. Tamen ego qui longe adhuc absum vel a vicinitate sapientis, in istis physicis non nihil scio. Certum enim habeo, aut unum esse mundum, aut non unum: & si non unum, aut finiti numeri, aut infiniti. Istam sententiam Carneades falsæ esse similem doceat. Item scio mundum istum nostrum, aut natura corporum, aut aliqua providentia sic esse dispositum; eumque aut semper fuisse & fore, aut

cœ-

a Veteres codices undecim omittunt, *Cacum*.

b Ita MSS. At editi habent, *sapientiam illam*.

Contra
illud
Nihil
percipi
posse.

coepisse esse minime desitutum; aut ortum ex tempore non habere, sed habiturum esse finem; aut & manere coepisse, & non perpetuo esse mansurum: & innumerabilia physica hoc modo novi. Vera enim ista sunt disjuncta, nec similitudine aliqua falsi ea potest quisquam confundere. Sed assume aliquid, ait Academicus. Nolo. Nam hoc est dicere: Relinque quod scis, dic quod nescis. Sed pendet sententia. Melius certe pendet quam cadit: nempe a plana est; nempe jam potest aut falsa, aut vera nominari. Hanc ergo me scire dico. Tu qui nec ad philosophiam pertinere ista negas, & eorum sciri nihil posse asseris, ostende me ista nescire: dic istas disjunctiones aut falsas esse; aut aliquid commune habere cum falso, per quod discerni omnino non possint.

CAPUT
XI.
Ex sensum
imbecillitate
non effici ut
nihil veri
percipiantur.

24. UNDE, inquit, scis esse istum mundum, si sensus falluntur? Numquam rationes vestrae ita vim sensuum refellere potuerunt, ut convinceretis nobis nihil videri: nec omnino ausi estis aliquando ista tentare, sed posse aliud esse ac videtur, vehementer persuadere incubuistis. Ego itaque hoc totum, quaecumque est quod nos continet, atque alit, hoc, inquam, quod oculis meis apparet, a meque sentitur habere terram & caelum, aut quasi terram, & quasi caelum, mundum voco. Si dicis nihil mihi videri, numquam errabo. Is enim errat, qui quod sibi videtur, temere probat. Posse enim falsum videri a sentientibus dicitis, nihil videri non dicitis. Prorsus enim omnis disputationis causa tolletur, ubi regnare vos libet, si non solum nihil scimus, sed etiam nihil nobis videtur. Si autem hoc quod mihi videtur negas mundum esse, de nomine controversiam facis, cum id a me dixerim mundum vocari.

25. Etiamne, inquires, si dormis, mundus est iste quem vides? Jam dictum est, quidquid tale mihi videtur, mundum appello. Sed si eum solum placet mundum vocare, qui videtur a vigilantibus vel etiam a sanis, illud contende, si potes, eos qui dormiunt ac furiant, non in mundo furere atque dormire. Quamobrem hoc dico, istam totam corporum molem atque machinam in qua sumus, sive dormientes, sive furentes, sive vigilantes, sive sani, aut unam esse, aut non esse unam. Ediffere quomodo possit ista esse falsa sententia. Si enim dormio, fieri potest ut nihil dixerim: aut si etiam ore dormientis verba, ut solet, evaserunt, potest fieri ut non hic, non ita sedens, non istis audientibus dixerim: ut autem hoc falsum sit, non potest. Nec ergo illud me percepisse dico, quod vigilem. Potes enim dicere, hoc mihi etiam dormienti videri potuisse; ideoque hoc potest esse falso simillimum. Si autem unus & sex mundi sunt, septem mundos esse, quoquo modo affectus sim, manifestum est, & id me scire non impudenter affirmo. Quare vel hanc connexionem, vel illas superius disjunctiones, doce somno aut furore aut vanitate sensuum posse esse falsas, & me, si expergefactus ista meminero, victum esse concedam. Credo enim jam satis liquere quae per somnium & demeritiam falsa videantur, ea scilicet quae ad corporis sensus pertinent: nam ter terna novem esse, & quadratum intelligibilium numerorum necesse est, vel genere humano stertente sit verum. Quamquam etiam pro ipsis sensibus multa posse dici video, quae ab Academicis reprehensa non invenimus. Credo enim sensus non accusari, vel quod imaginationes falsas furentes patiun-

tur, vel quod falsa in somnis videmus. Si enim vera vigilantibus atque sanis renuntiarunt, nihil ad eos quid sibi animus dormientis insanientisque confingat.

26. Restat ut quaeratur, utrum cum ipsi renuntiant, verum renuntient. Age, si dicat Epicureus quispiam, nihil habeo quod de sensibus conquerar. Injustum est enim ab eis exigere plusquam possunt: quidquid autem possunt videre oculi, verum vident. Ergone verum est quod de remo in aqua vident? Prorsus verum. Nam causa accedente quare ita videretur, si demersus unda remus rectus appareret, magis oculos meos falsae renuntiationis arguerem. Non enim viderent quod talibus existentibus causis videndum fuit. Quid multis opus est? Hoc de turrium motu, hoc de pinnulis avium, hoc de ceteris innumerabilibus dici potest. Ego tamen fallor, si assentiar, ait quispiam. Noli plus assentiri, quam ut ita tibi apparere persuadeas; & nulla deceptio est. Non enim video quomodo refellat Academicus eum qui dicit: Hoc mihi candidum videri scio; hoc auditum meum delectari scio; hoc mihi jucunde olere scio; hoc mihi sapere dulciter scio; hoc mihi esse frigidum scio. Dic potius, utrum per se amarae sint oleastri frondes, quas caper tam pertinaciter appetit. O hominem improbum! nonne est caper ipse modestior? Nescio quales pecori sint, mihi tamen amarae sunt. Quid queris amplius? Sed est fortasse aliquis etiam hominum, cui non sint amarae? Tendisne in molestiam? Numquidnam ego amaras esse omnibus dixi? mihi dixi, & hoc non semper affirmo. Quid si enim alias alia causa, nunc dulce quidpiam, nunc amarum in ore sentiat? Illud dico, posse hominem cum aliquid gustat, bona fide jurare, se scire palato suo illud suave esse, vel contra, vel ulla calumnia graeca ab ista scientia posse deduci. Quis enim tam impudens sit, qui mihi cum delectatione aliquid lugurienti dicat. Fortasse non gustas, sed hoc somnium est? Numquidnam resisto? Sed me tamen illud in somnis etiam delectaret. Quare illud quod me scire dixi, nulla confundit similitudo falsorum. Et Epicureus vel Cyrenaici, & alia multa fortasse pro sensibus dicant, contra quae nihil dictum esse ab Academicis accepi. Sed quid ad me? Si volunt ista, & si possunt, etiam me favente rescindant. Quidquid enim contra sensus ab eis disputatur, non contra omnes philosophos valet. Sunt enim qui ista omnia, quae corporis sensu accipit animus, opinionem posse gignere consentunt, scientiam vero negant. Quam tamen volunt intelligentia contineri, remotamque a sensibus in mente vivere. Et forte in eorum numero est sapiens ille quem quaerimus. Sed de hoc alias. Nunc ad reliqua pergamus quae propter ista quae jam dicta sunt, paucis (nisi fallor) explicabimus.

27. QUID enim de moribus inquirentem vel juvat vel impedit corporis sensus? Nisi vero illos ipsos qui summum hominis bonum in voluptate posuere, nihil impedit aut columbae collum, aut vox incerta, aut grave pondus homini quod camelis leve est, aut alia sexcenta, quominus dicant eo quo delectantur delectari se scire, vel eo quo offenduntur offendi: (quod refelli posse non video) eum commovebunt qui finem boni mente complectitur. Quid horum tu eligis? Si quid mihi videatur quaeris, in mente arbitror esse summum hominis bonum. Sed nunc de scientia quaerimus. Ergo interroga sapientem, qui non potest ignorare sapientiam: mihi

CAPUT
XII.
Urget Academicos causas frustri sensum vel somni & furoris deceptions

Lib. I. Re
tract. cap
I. n. 4.

mihi tamen tardo illi atque stulto licet interim scire, A
boni humani finem, in quo inhabitet beata vita, aut
nullum esse, aut in animo esse, aut in corpore, aut in
utroque. Hoc me, si potes, nescire convince, quod
notissimæ illæ vestræ rationes nullo modo faciunt. Quod
si non potes, non enim reperies cui falso simile sit, ego
ne concludere dubitabo, recte mihi videri scire sapien-
tem quidquid in philosophia verum est, cum ego in-
de tam multa vera cognoverim?

28. Sed metuit fortasse ne summum bonum eligat
dormiens. Nihil periculi est, cum evigilaverit, repu- B
diabit si displicet, tenebit si placet. Quis enim eum re-
cte vituperabit quod falsum vidit in somnis? Aut for-
tasse illud formidabit, ne dormiens amittat sapientiam,
si pro veris falsa probaverit? Hoc jam ne dormiens
quidem audet somniare, ut sapientem vigilantem vo-
cet, neget si dormiat. Hæc etiam de furore dici pos-
sunt: sed in alia festinat oratio. Hæc tamen sine con-
clusionem securissima non relinquo. Aut enim amitti-
tur furore sapientia, & jam non erit sapiens, quem
verum ignorare clamatis: aut scientia ejus manet in
intellectu, etiam si pars animi cetera id quod accepit
a sensibus, velut in somnis imagnetur.

CAPIT
XIII.
Multa
percipi
in diale-
ctica.

29. RESTAT dialectica, quam certe sapiens be-
ne novit, nec falsum scire quisquam potest. Si vero
eam nescit, non pertinet ad sapientiam ejus cognitio,
sine qua esse sapiens potuit, & superfluo utrum vera
sit, possitve percipi, quærimus. Hic fortasse aliquis
mihi dicat: Soles prodere tu stulte quid noveris. An
de dialectica nihil scire potuisti? Ego vero plura quam
de quavis parte philosophiæ. Nam primo omnes illas D
propositiones, quibus supra usus sum, veras esse ista
me docuit. Deinde per istam novi alia multa vera.
Sed quam multa sint, numerate, si potestis. Si qua-
tuor in mundo elementa sunt, non sunt quinque. Si
sol unus est, non sunt duo. Non potest una anima &
mori & esse immortalis. Non potest homo simul &
beatus, & miser esse. Non hic & sol lucet, & nox est.
Aut vigilamus nunc, aut dormimus. Aut corpus est,
quod mihi videre videor, aut non est corpus. Hæc &
alia multa, quæ commemorare longissimum est, per
istam didici vera esse, quoquo modo sese habeant sen-
sus nostri, in a se ipsa vera. Docuit me, si cujus eo-
rum quæ per connexionem modo proposui pars antece-
dens assumpta fuerit, trahere necessario id quod anne-
xum est. Ea vero quæ per repugnantiam vel disjun-
ctionem a me sunt enuntiata, hanc habere naturam,
ut cum auferuntur cetera, sive unum, sive plura sint,
restet aliquid quod eorum ablatione firmetur. Docuit
etiam me, cum de re constat, propter quam verba di-
cuntur, de verbis non debere contendere. Et quisquis id F
faciat, si imperitia faciat, docendum esse: si malitia,
deferendum. Si doceri non potest, monendum ut ali-
quid aliud potius agat, quam tempus in superfluis
operamque consumat: si non obtemperat, negligen-
dum. De captiosis autem atque fallacibus ratiuncu-
lis breve præceptum est: si male concedendo infe-
runtur, ad ea quæ concessa sunt esse redeundum. Si
verum falsumque in una conclusionem configunt, ac-
cipiendum inde quod intelligitur, quod explicari non
potest relinquendum. Si autem modus in aliquibus
rebus latet penitus hominem, scientiam ejus non ef-

se quærendam. Hæc quidem habeo a dialectica, &
alia multa quæ commemorare non est necesse. Neque
enim debeo ingratus exsistere. Verum ille sapiens aut
hæc negligit, aut si profecto dialectica ipsa scientia
veritatis est, sic illam novit, ut istorum mendacissi-
mam calumniam: Si verum est, falsum est; si falsum
est, verum est: contemnendo, & non b miserando
fame enecet. Hæc de perceptione satis esse propterea
puto, quia de assentiendo cum dicere cœpero, tota ibi
rursus causa versabitur.

30. JAM ergo ad eam partem veniamus, in qua
dubitare adhuc videtur Alypius. Et primo id ipsum
perspiciamus quale sit, quod te acutissime atque cau-
tissime movet. Nam si tot tantisque rationibus robo-
ratam (hoc enim dixisti) Academicorum sententiam,
qua eis placuit nihil scire sapientem, hoc tuum labefa-
ctat inventum, quo cogimur confiteri multo esse pro-
babilius, sapientem scire sapientiam, magis est assen-
sio cohibenda. Hoc enim ipso ostenditur nihil quam-
libet copiosissimis subtilissimisque argumentis posse
suaderi, cui non ex parte contraria, si adsit ingenium,
non minus acriter, vel fortasse acrius resistatur. Eo
fit, ut cum sit victus Academicus, vicerit. O utinam
vincatur, numquam efficiet quavis arte Pelasga, ut si-
mul a me victus victorque discedat. Certe nihil aliud
invenitur quod adversum ista dici possit, & ultro me
victum esse profiteor. Non enim de gloria comparan-
da, sed de invenienda veritate tractamus. Mihi satis
est, quoquo modo molem istam transcendere, quæ in-
trantibus ad philosophiam sese opponit, & nescio qui-
bus receptaculis tenebrascens talem esse philosophiam
totam minatur, nihilque in ea lucis inventum iri spe-
rare permittit. Quid autem amplius desiderem, nihil
habeo, si jam probabile est, non nihil scire sapientem.
Non enim alia causa veri simile videbatur eum assen-
sionem sustinere debere, nisi quia erat veri simile nihil
posse comprehendere. Quo sublato, percipit enim sa-
piens vel ipsam ut jam conceditur sapientiam, nulla
jam causa remanebit cur non assentiatur sapiens vel
ipsi sapientiæ. Est enim sine dubitatione monstrosius
sapientem non approbare sapientiam, quam sapien-
tem nescire sapientiam.

31. Nam quæso, paululum quasi ante oculos tale
spectaculum constituamus, si possumus, rixam quam-
dam sapientis & sapientiæ. Quid aliud dicit sapientia,
quam se esse sapientiam? At contra iste: Non credo,
inquit. Quis ait sapientiæ, Non credo esse sapientiam?
quis, nisi is cum quo illa loqui potuit, & in quo habi-
tare dignata est, scilicet sapiens? Ite nunc & me quæ-
rite, qui cum Academicis pugnem, habetis jam no-
vum certamen; sapiens & sapientia secum pugnant.
Sapiens non vult consentire sapientiæ, ego vobiscum
securus exspecto. Quis enim non credat invictam
esse sapientiam? Tamen nos aliqua complexione mu-
niamus. Aut enim in hoc certamine Academicus
vincet sapientiam, & a me vincetur, quia non erit
sapiens: aut ab ea superabitur, & sapientem sapien-
tiæ consentire docebimus. Aut igitur sapiens Acade-
micus non est, aut nonnulli rei sapiens assentietur:
nisi forte quem dicere puduit sapientem nescire sa-
pientiam, sapientem non consentire sapientiæ di-
cere non pudebit? At si jam veri simile est cadere
in

CAPIT
XIV.
Sapien-
tem o-
portet
sapien-
tiæ sal-
tem as-
sentiri.

a Lov. in se. Ipsa vero docuit me.

b Am. Er. Lov. omittunt, fame. MSS. quatuor, & non miseranda

fama. Sed verius alii novem, & non miserando fame enecet. quibus
accedit Bad.

in sapientem vel ipsius sapientiæ perceptionem, & nulla causa est, cur non ei quod potest percipi assentiat, video quod volebam esse verisimile, sapientem scilicet assensurum esse sapientiæ. Si quæres ubi inveniatur ipsam sapientiam, respondebo in semetipso. Si dicis eum nescire quod habeat, redis ad illud absurdum, sapientem nescire sapientiam. Si sapientem ipsum negas posse inveniri, non jam cum Academicis, sed tecum quisquis hoc sentis, sermone alio differemus. Illi enim cum hæc disputant, de sapiente profecto disputant. Clamat Cicero, seipsum magnum esse opinatorem, sed de sapiente se quærere. Quod si adhuc vos adolescentes ignotum habetis, certe in Hortensio legistis: Si igitur nec certi est quidquam, nec opinari sapientis est, nihil umquam sapiens approbabit. Unde manifestum est, eos de sapiente illis suis disputationibus contra quas nitimur quærere.

32. Ergo arbitror ego sapienti certam esse sapientiam, id est, sapientem percepisse sapientiam. Et ob hoc eum non opinari cum assentitur sapientiæ. Assentitur enim ei rei, quam si non percepisset, sapiens non esset. Nec isti quemquam non debere assentiri, nisi rebus quæ non possunt percipi, affirmant. Non autem sapientia nihil est. Cum igitur & scit sapientiam & assentitur sapientiæ, neque nihil scit, neque nulli rei sapiens assentitur: quid amplius vultis? An de illo errore aliquid quærimus, quem dicunt penitus evitari, si in nullam rem animum declinet assensio? Errat enim, inquiunt, quisquis non solum rem falsam, sed etiam dubiam, quamvis vera sit, approbat: nihil autem quod dubium non sit invenio. At invenit sapiens ipsam, ut dicebamus, sapientiam.

CAPUT
XV.
An qui
sequitur
in agen-
do pro-
babile
citra as-
sensum,
vitet er-
rorem.

33. SED hinc jam vultis fortasse me discedere. Non sunt facile securissima relinquenda; cum versutissimis hominibus agimus: morem tamen vobis geram. Sed quid hic dicam? quid, quidnam? Illud nimirum vetus dicendum est, ubi & ipsi habent quod dicant. Quid enim faciam, quem de castris meis foras truditis? num implorabo auxilia doctiorum, cum quibus si superare nequeo, minus pudebit fortasse superari? Jaciam igitur quibus viribus possum fumosum quidem jam & scabrum, sed nisi fallor, validissimum telum. Qui nihil approbat, nihil agit. O hominem rusticum! Et ubi est probabile? ubi est verisimile? Hoc volebatis. Auditis-ne ut sonent scuta græcanica? Exceptum est quod robustissimum quidem: sed qua manu jaculati sumus. Et nihil mihi potentius isti mei suggerunt; nec aliquid, ut video, vulneris fecimus. Convertam me ad ea quæ villa & ager ministrat: onerant me potius majora quam præparant.

34. Nam cum otiosus diu cogitarem in isto rure, quonam modo possit isthuc probabile ac verisimile actus nostros ab errore defendere, primo visum est mihi, ut solet videri, cum ista vendebam, belle tectum & munitum. Deinde ubi totum cautius circumspexi, visus sum mihi vidisse unum aditum, qua in securos error irrueret. Non enim solum puto eum errare, qui falsam viam sequitur, sed etiam eum qui veram non sequitur. Faciamus enim duos viatores ad unum locum tendentes, quorum alter instituerit nulli credere, alter nimis credulus sit. Ventum est ad ali-

Tom. I.

a Ita scribitur in editione Bad. & pluribus MSS. Id antiquis etiam editionibus Chrysostomi Homil. 17. in epist. ad Ephes. legitur *συναρδένους*, ibique significat *γελωτοποιός*. nec multum aliter apud Am. & tres MSS. qui habent; *Sarmadacos* At Er. & Lov. *Sarmadacos*; uti etiam scribit vetus

A quod bivium, hic ille credulus pastori qui aderat, vel cuiquam rusticano: Salve frugi homo: dic quæso qua bene in illum locum pergatur. Respondetur, Si hac ibis, nihil errabis. Et ille ad comitem: Verum dicit, hac eamus. Ridet vir cautissimus, & tam cito assensum facetissime illudit, atque interea illo discedente in bivio figitur: & jam incipit videri turpe cessare, cum ecce ex alio viæ cornu lautus quidam & urbanus equo insidens eminet, & propinquare occipit: gratulatur iste. Tum advenienti & salutato indicat propositum, quærit viam, dicit etiam remansione suæ causam, quo benevolentior reddat, pastori eum præferens. Ille autem casu planus erat de iis quos a Samardacos jam vulgus vocat. Tenuit suum morem homo pessimus etiam gratis. Hac perge, ait: nam ego inde venio. Decepit, atque abiit. Sed quando iste deciperetur? Non enim monstrationem istam tamquam veram, inquit, approbo; sed quia est veri similis. Et hic otiosum esse, nec honestum, nec utile est; hac eam. Interea ille qui assentiendo erravit, tam cito existimans vera esse verba pastoris, in loco illo quo tendebant jam se reficiebat; iste autem non errans, si quidem probabile sequitur, circumit silvas nescio quas, nec jam cui locus ille notus sit, ad quem venire proposuerat, invenit. Vere vobis dicam, cum ista cogitarem risum tenere non potui, fieri per Academicorum verba nescio quomodo, ut erret ille qui veram viam vel casu tenet, ille autem qui per avios montes probabiliter ductus est, nec petitam regionem invenit, non videatur errare. Ut enim temerariam consensionem jure condemnem, facilius ambo errant, quam iste non errat. Hinc jam adversum ista verba vigilantior, ipsa facta hominum & mores considerare cœpi. Tum vero tam multa mihi & tam capitalia in istos venerunt in mentem, ut jam non riderem, sed partim stomacharer, partim dolerem homines doctissimos & acutissimos in tanta scelera sententiarum & flagitia devolutos.

35. CERTE enim non fortasse omnis qui errat, peccat: omnis tamen qui peccat, aut errare conceditur, aut aliquid pejus. Quid si ergo aliquis adolescentium cum hos audierit, dicentes: Turpe est errare, & ideo nulli rei consentire debemus: sed tamen cum agit quisque quod ei videtur probabile, nec b peccat, nec errat. Illud tantum meminerit, quidquid occurrit vel animo vel sensibus, non pro vero esse approbandum. Id igitur audiens adolescens, insidiabitur pudicitiae uxoris alienæ: Te te consulo M. Tulli, de adolescentium moribus vitaque tractamus, cui educandæ atque instituendæ omnes illæ litteræ tuæ vigilaverunt. Quid aliud dicturus es, quam non tibi esse probabile ut id faciat adolescens? At illi probabile est. Nam si ex alieno probabili vivimus, nec tu debuisti administrare Rempublicam; quia Epicuro visum est non esse faciendum. Adulterabit igitur ille juvenis conjugem alienam: qui deprehensus si fuerit, ubi te inveniet a quo defendatur: quamquam etiam si inveniatur, quid dicturus es? Negabis profecto. Quid si tam clarum est, ut frustra inficere? Persuadebis nimirum, tamquam in Cumano gymnasio atque adeo Neapolitano, nihil eum peccasse, immo etiam nec errasse quidem. Non enim faciendum

N esse

Commentator Horatii ad illud lib. 1. Satyr. 6. *Fallacem circum*; ubi eos dicit *Sarmadacos* & *Sortilegos mathematicos qui ad metas spectatores circumstabant* & *imperitos nugis fallebant*.

b Bad. & MSS. undecim, quod ei videtur probabile, nec cessat, nec errat.

CAPUT
XVI.
Facere
quod vi-
detur
probabi-
le etiam
citra as-
sensum.
nefa-
rium est.
b

esse adulterium pro vero sibi persuasit, probabile occurrit, secutus est, fecit: aut fortasse non fecit, sed fecisse sibi visus est. Iste autem maritus, homo fatuus, perturbat omnia litibus pro uxoris castitate proclamans, cum qua forte nunc dormit, & nescit. Hoc illi iudices si intellexerint, aut negligent Academicos, & tamquam crimen verissimum punient, aut eisdem obtemperantes, verisimiliter hominem probabiliterque damnabunt, ut jam quid agat iste patronus prorsus ignoret. Cui enim succenseat non habebit, cum omnes se nihil errasse dicant, quando non assentientes id quod visum est probabile fecerint. Ponet igitur personam patroni, & philosophi consolatoris suscipiet: ita facile adolescenti, qui jam tantum in Academia profecerit, persuadebit ut se tamquam in somnis putet esse damnatum. Sed vos meolari arbitramini: a liquet dejerare per omne divinum, nescire me prorsus quomodo iste peccaverit, si quisquis id egerit quod probabile videtur, non peccat. Nisi forte in totum aliud esse dicunt errare, aliud peccare, seque illis præceptis egisse ne erremus, peccare autem nihil magnum esse duxisse.

a
Retract.
c.1. n.4.

Salust. in
Cæs.

36. Taceo de homicidiis, parricidiis, sacrilegiis, omnibusque omnino, quæ fieri aut cogitari possunt flagitiis, aut facinoribus, quæ paucis verbis, & quod est gravius, apud sapientissimos iudices defenduntur: Nihil consensu, & ideo non erravi. Quomodo autem non facerem quod probabile visum est? Qui autem non putant ista probabiliter posse persuaderi, legant orationem Catilinæ, qua patriæ parricidium, quo uno continentur omnia scelera, persuasit. Jam illud quis non ridet? Ipsi dicunt, nihil se in agendo sequi nisi probabile, & quærunt magnopere veritatem, cum eis sit probabile non posse inveniri. O mirum monstrum! Sed hoc omittamus, minus id ad nos, minus ad vitæ nostræ discrimen, minus ad fortunarum periculum pertinet. Illud est capitale, illud formidolosum, illud optimo cuique metuendum, quod nefas omne, si hæc ratio probabilis erit, cum probabile cuiquam visum fuerit esse faciendum, tantum nulli quasi vero assentiat, non solum sine sceleris, sed etiam sine erroris vituperatione committat. Quid ergo? Hæc illi non viderunt? Immo solertissime prudentissimeque viderunt, nec mihi ullo pacto tantum arrogaverim, ut M. Tullium aliqua ex parte sequar industria, vigilantia, ingenio, doctrina: cui tamen assenti, nihil scire posse hominem, si hoc solum diceretur: Scio ita videri mihi; unde id refelleret non haberet.

CAPUT
XVII.
Academici
quare
dissimulat
suam
sententiam.

1. Retract.
c.1. n.4.

37. QUID igitur placuit tantis viris perpetuis & pertinacibus contentione agere, ne in quemquam cadere veri scientia videretur? Audite jam paulo adtentius, non quid sciam, sed quid existimem: hoc enim ad ultimum reservabam, ut explicarem, si possem, quale mihi videatur esse totum Academicorum consilium. Plato vir sapientissimus & eruditissimus temporum suorum, qui & ita locutus est, ut quæcumque diceret, magna fierent, & ea locutus est, ut quomodocumque diceret, parva non fierent, dicitur post mortem Socratis magistri sui, quem singulariter dilexerat, a Pythagoreis etiam multa didicisse. Pythagoras autem græca philosophia non contentus, quæ tunc aut pene nulla erat, aut certe

A occultissima, postquam commotus Pherecidæ cuiusdam Syri disputationibus, immortalem esse animum credidit, multos sapientes etiam longe lateque peregrinatus audierat. Igitur Plato adjiciens lepori subtilitatisque Socraticæ quam in moralibus habuit, naturalium divinarumque rerum peritiam, quam ab eis quos memoravi diligenter acceperat, subjungensque quasi formatricem illarum partium, judicemque dialecticam, quæ aut ipsa esset, aut sine qua sapientia omnino esse non posset, perfectam dicitur composuisse philosophiæ disciplinam, de qua nunc differere temporis non est. Sat est enim ad id quod volo, Platonem sensisse duos esse mundos, unum intelligibilem, in quo ipsa veritas habitaret, istum autem sensibilem, quem manifestum est nos visu tactuque sentire. Itaque illum verum, hunc verisimilem & ad illius imaginem factum. Et ideo de illo in ea quæ se cognosceret anima, velut expoliri & quasi serrenari veritatem; de hoc autem in stultorum animis non scientiam, sed opinionem posse generari. Quidquid tamen ageretur in hoc mundo per eas virtutes quas civiles vocabat, aliarum verarum virtutum similes, quæ nisi paucis sapientibus ignotæ essent, non posse nisi veri simile nominari.

38. Hæc & alia hujusmodi mihi videntur inter successores ejus, quantum poterant, esse servata, & pro mysteriis custodita. Non enim aut facile ista percipiuntur, nisi ab eis qui se ab omnibus vitiis mundantes, in aliam quamdam plus quam humanam consuetudinem vindicaverint, aut non graviter peccat quisquis ea sciens quoslibet homines docere voluerit. Itaque Zenonem principem Stoicorum, cum jam quibusdam auditis & creditis, in scholam relictam a Platone venisset, quam tunc Polemo retinebat, suspectum habitum suspicor, nec talem visum cui Platonicæ illa velut sacrosancta decreta facile prodi committique deberent, priusquam b dedicisset ea, quæ in illam scholam ab aliis accepta detulerat. Moritur Polemo, succedit ei Archesilas Zenonis quidem condiscipulus, sed sub Polemonis magisterio. Quamobrem cum Zeno sua quadam de mundo, & maxime de anima, propter quam vera philosophia vigilat, sententia delectaretur, dicens eam esse mortalem, nec quidquam esse præter hunc sensibilem mundum, nihilque in eo agi, nisi corpore, nam & Deum ipsum ignem putabat: prudentissime atque utilissime mihi videtur Archesilas, cum illud late serperet malum, occultasse penitus Academicæ sententiam, & quasi aurum inveniendum quandoque posteris obruisse. Quare cum in falsas opiniones ruere turba sit pronior, & consuetudine corporum omnia esse corporea facillime, sed noxie credatur, instituit vir acutissimus atque humanissimus, dedocere potius quos patiebatur male doctos, quam docere quos dociles non arbitrabatur. Inde illa omnia nata sunt quæ novæ Academicæ tribuuntur, quia eorum necessitatem veteres non habebant.

39. Quod si Zeno expergefactus esset aliquando, & vidisset neque quidquam comprehendi posse, nisi quale ipse definiebat, neque tale aliquid in corporibus posse inveniri, quibus ille tribuebat omnia, olim prorsus hoc genus disputationum, quod ma-

gna

a Lov. libet. restituitur ex Am. Er. & MSS liquet dejerare; quod jam in lib.1. Retract. c.1. annotavimus usurpatum esse ex Terentio; hunc nempe atque alios politionis latinitatis auctores æmulari amabat Au-

gustinus in his litteris, jam quidem servientibus Deo, sed adhuc superbiæ scholam tamquam in pausatione anhelantibus, ut ipse ait lib.9. Conf. c.4.

b Lov. prius quam deducissent.

gna necessitate flagraverat, fuisset extinctum. Sed Zeno imagine constantiae deceptus, ut ipsis Academicis videbatur, nec mihi etiam non videtur, pertinax fuit: fidesque illa corporum perniciose quoquo modo potuit pervixit in Chrysippum, qui ei (nam maxime poterat) magnas vires latius se diffundendi dabat, nisi ex illa parte Carneades acrior & vigilantior superioribus ceteris ita restitisset, ut mirer illam opinionem aliquid etiam postea valuisse. Namque Carneades primo illam velut calumniandi impudentiam, qua videbat Archesium non mediocriter infamatum, deposuit, ne contra omnia velle dicere quasi ostentationis causa videretur: sed ipsos proprie sibi Stoicos, atque Chrysippum convellendos evertendosque proposuit.

CAPUT
XVIII.
Quomodo probabile indu-
ctum ab
Academicis.

40. DEINDE cum undique premeretur, si nulli rei esset assensus, nihil acturum esse sapientem (o hominem mirum atque adeo non mirum, ab ipsis enim Platonis fontibus profluebat) attendit sapienter quales illi actiones probarent, easque nescio quarum verarum similes videns, id quod in hoc mundo ad agendum sequeretur, veri simile nominavit. Cui enim esset simile & perite norat, & prudenter tegebat, idque etiam probabile appellabat. Probat enim bene imaginem, quisquis ejus intuetur exemplum. Quomodo enim ^a approbat sapiens, aut quomodo simile sequitur veri, cum ipsum verum quid sit ignoret? Ergo illi norant, & approbabant falsa in quibus imitationem laudabilem rerum verarum animadvertabant. Sed quia hoc tamquam profanis nec fas, nec facile erat ostendere, reliquerunt posteris, & quibus illo tempore potuerunt, signum quoddam sententiae suae. Illos autem bene dialecticos de verbis movere quaestionem insultantes irridentesque prohibebant. Ob hoc dicitur Carneades etiam tertiae Academiae princeps atque auctor fuisse.

41. Deinde in nostrum Tullium conflictio ista duravit, jam plane saucia & ultimo spiritu latinas litteras inflatura. Nam nihil mihi videtur inflatius, quam tam multa copiosissime atque ornatissime dicere, non ita sentientem. Quibus tamen ventis sceneus ille Platonius Antiochus satis, ut mihi videtur, dissipatus atque dispersus est. Nam Epicureorum greges in animis delicioforum populorum aprica stabula posuerunt. Quippe Antiochus Philonis auditor, hominis quantum arbitror circumspectissimi, qui jam veluti aperire cedentibus hostibus portas coeperat, & ad Platonis auctoritatem Academiam legesque revocare: quamquam & Metrodorus id antea facere tentaverat, qui primus dicitur esse confessus, non ^b decreto placuisse Academicis nihil posse comprehendere, sed necessario contra Stoicos hujusmodi eos arma sumsisse. Igitur Antiochus, ut institueram dicere, auditis Philone Academico, & Mnesarcho Stoico in Academiam veterem, quasi vacuum defensoribus, & quasi nullo hoste securam, velut adjutor & civis irrepsit, nescio quid inferens mali de Stoicorum cineribus, quod Platonis adyta violaret. Sed huic arreptis iterum illis armis & Philon restitit donec moreretur, & omnes ejus reliquias Tullius noster oppressit, se vivo impatiens labefactari vel contaminari quidquid amavisset: adeo post illa tempora non longo intervallo

Tom. I.

^a In MSS. octo, *Quomodo ego nihil approbat sapiens.*

^b In MSS. prope omnibus legitur, *non de recto.*

^c Annum aetatis agebat tricesimum tertium, quando apicem ultimum imponebat huic operi: verum id scribere coeperat nondum elapso aetatis suae

omni pervicacia pertinaciaque demortua, os illud Platonis quod in Philosophia purgatissimum est & lucidissimum, dimotis nubibus erroris emicuit, maxime in Plotino, qui Platonius philosophus ita ejus similis judicatus est, ut simul eos vixisse, tantum autem interest temporis ut in hoc ille revixisse putandus sit.

42. ITAQUE nunc philosophos non fere videmus, nisi aut Cynicos aut Peripateticos aut Platonicos. Et Cynicos quidem, quia eos vitae quaedam delectat libertas atque licentia. Quod autem ad eruditionem doctrinamque adinet, & mores quibus consultiur animae, quia non defuerunt acutissimi & solertissimi viri, qui docerent disputationibus suis Aristotelem ac Platonem ita sibi concinere ut imperitis minusque adtentis dissentire videantur, multis quidem saeculis multisque contentionebus, sed tamen eliquata est, ut opinor, una verissimae philosophiae disciplina. Non enim est ista hujus mundi philosophia, quam sacra nostra meritissime detestantur, sed alterius intelligibilis; cui animas multiformibus erroris tenebris caecatas, & altissimis a corpore sordibus oblitatas, nunquam ista ratio subtilissima revocaret, nisi summus Deus populari quadam clementia divini intellectus auctoritatem usque ad ipsum corpus humanum declinaret, atque submitteret, cujus non solum praecipis, sed etiam factis excitatae animae redire in semetipsas, & respicere patriam, etiam sine disputationum concertatione potuissent.

43. HOC mihi de Academicis interim probabiliter, ut potui, persuasi. Quod si falsum est, nihil ad me, cui satis est jam non arbitrari non posse ab homine inveniri veritatem. Quisquis autem putat hoc sensisse Academicos, ipsum Ciceronem audiat. Ait enim illis morem fuisse occultandi sententiam suam, nec eam cuiquam nisi qui secum ad senectutem usque vixisset, aperire consueisse. Quae sit autem ista, Deus viderit, eam tamen arbitror Platonis fuisse. Sed ut breviter accipiamus omne propositum meum, quoquo modo se habeat humana sapientia, eam me video nondum percepisse. Sed cum ^c tricesimum & tertium aetatis annum agam, non me arbitror desperare debere eam me quandoque adepturum. Contentis tamen ceteris omnibus quae bona mortales putant, huic investigandae inservire proposui. A quo me negotio quoniam rationes Academicorum non leviter deterrebant, satis, ut arbitror, contra eas ista disputatione munitus sum. NULLI autem dubium est gemino pondere nos impelli ad discendum, auctoritatis atque rationis. Mihi autem certum est nusquam prorsus a Christi auctoritate discedere: non enim reperio valentiorum. Quod autem subtilissima ratione persequendum est, ita enim jam sum affectus, ut quid sit verum non credendo solum, sed etiam intelligendo apprehendere impatienter desiderem, apud Platonicos me interim quod sacris nostris non repugnet, reperturum esse confido.

44. Hic postquam sermonis finem me fecisse adspexerunt, quamquam jam erat nox, & aliquid etiam lucerna illata scriptum erat, tamen illi adolescentes intentissime expectabant, utrum Alypius vel alio die se responsurum esse promitteret. Tum

N 2

ille:

anno tricesimo secundo, quando quidem inchoatum ab ipso fuit ante opus de Beata vita, quod videlicet non post libros de Academicis, sed inter illos se scripsisse prodit lib. I. Retract. c. 2. occasione diei natalis sui qui in 13. Novembris incidebat, ut testatur lib. de Beata vita in praefatione.

CAPUT
XIX.
Multi-
plex phi-
losophiae
genus.

CAPUT
XX.
Conclu-
sio ope-
ris.

ille: Nihil mihi aliquando, inquit, tam ex sententia provenisse affirmare paratus sum, quam quod hodierna disputatione discedo superatus, nec istam meam tantum puto debere esse lætitiā. Communicao ergo eam vobiscum concertatores mei vel iudices nostri. Quando quidem isto se pacto a suis posteris vinci, ipsi etiam fortasse Academici optarunt. Quid enim nobis hoc sermonis lepore jucundius, quid sententiarum gravitate perpensius, quid benevolentia promptius, quid doctrina peritius videri aut exhiberi posset? Prorsus nequaquam digne admirari possum, quo tam facete aspera, tam fortiter desperata, tam moderate convicta, tam dilucide obscura tractata sunt. Quare jam focii mei expectationem vestram, qua me ad respondendum provocabatis, certiore spe mecum ad discendum convertite. Habemus ducem qui nos in ipsa veri-

tatis arcana Deo jam monstrante perducatur.

45. Hic ego, cum illi puerili quodam studio, quod Alypius responsurus non videbatur, quasi fraudatos vultu se ostenderent, Invidetis inquam arridens, laudibus meis. Sed quoniam de Alypii constantia jam securus, nihil eum timeo, ut vos quoque mihi gratias agatis, instruo vos adversus illum qui tantam intentionem vestræ expectationis offendit. Legite Academicos, & cum ibi victorem (quid enim facilius) istarum nugarum Ciceronem inveneritis, cogatur iste a vobis hunc nostrum sermonem contra illa invicta defendere. Hanc tibi, Alypi, duram mercedem pro mea falsa laude restituo. Hic cum arrisissent, finem tantæ conflictionis utrum firmissimum nescio, modestius tamen & citius quam speraveram fecimus.

A D M O N I T I O

DE SEQUENTE LIBRO DE BEATA VITA.

DAMUS hic loci librum de Beata vita, qui opere contra Academicos jam inchoato, atque interim dimisso susceptus, & continuata per tres dies disputatione apud Cassiciacum perfectus est. Cum vero ejus edendi occasionem natalitio suo die idibus Novembris recurrente (quo videlicet die in annum ipse suæ ætatis trigesimum tertium progrediebatur) nactum se dicat Augustinus, constare omnino debet opus utrumque, cum hoc de Beata vita, tum illud contra Academicos elaboratum fuisse exeunte Christi anno trecentesimo octogesimo sexto, qui ipsius conversione insignis fuit.

Hiscæ porro de Beata vita disputationibus, quas festivi ac sollemnis instar epuli exhibebat, adesse voluit convictores suos omnes, atque imprimis Monnicam matrem suam, quæ sententiarum suarum gravitate ac sapientia præsentis in admirationem rapuit, exclamante etiam Augustino: Ipsam prorsus mater arcem philosophiæ tenuisti.

Dixit librum hunc Theodoro, cujus consuetudine apud Mediolanum potitus erat, uti satis ex præfatione intelligitur. Is vero cui Manlio prænomen fuisse in Retractatione indicat, non videtur esse alius ab eo cujus meminit in lib. 18. de Civitate Dei c. 54. qui videlicet consulatum gessit an. Chr. 399. & alia præclara munera sub diversis Imperatoribus egregie sustinuit, unde illum Claudianus panegyrico in ejus consulatum edito carmine plurimum commendat.

LIB. I. RETRACT. CAPUT II.

LIBRUM de Beata vita, non post libros de Academicis, sed inter illos ut scriberem, contigit. Ex occasione quippe ortus est diei natalis mei, & tridui disputatione completus, sicut satis ipse indicat. In quo libro constitit inter nos, qui simul quærebarum, non esse beatam vitam, nisi perfectam cognitionem Dei. Displicet autem illic, quod Manlio Theodoro, ad quem librum ipsum scripsi, quamvis docto & Christiano viro, plus tribui quam deberem. Et quod fortunam etiam illic sæpe nominavi. Et quod tempore vitæ hujus in solo animo sapientis dixi habitare vitam beatam, quomodolibet se habeat corpus ejus; cum perfectam cognitionem Dei, hoc est qua homini major esse non possit, in futura vita speret Apostolus, quæ sola beata vita dicenda est, ubi & corpus incorruptibile atque immortale spiritui suo sine ulla molestia vel reluctatione subdetur. Sane istum librum nostro in codice interruptum reperi, & non parum minus habere, & sic a fratribus quibusdam descriptus est; nec adhuc apud aliquem integrum inveneram, ex quo emendarem quando hæc retractavi. Hic liber sic incipit: Si ad philosophiæ portum.

S. AURELII AUGUSTINI

HIPPONENSIS EPISCOPI

DE BEATA VITA

LIBER UNUS.*

Triduanas hic liber complectitur disputationes Theodoro nuncupatas, quibus eo demum res abit ut beatam vitam nonnisi in perfecta Dei cognitione consistere definiatur.

* Scri-
ptus sub
finem
an. Chr.
386.

Prefatio.
Dicat li-
brum
Theodo-
ro, eique
aperit
quibus
veluti
ventis
ad Chri-
stianæ
philoso-
phiæ
portum
impul-
sus sit.



SI ad philosophiæ portum, de quo jam in beatæ vitæ regionem solumque proceditur, vir humanissime atque magne Theodori, ratione institutus cursus, & voluntas ipsa perduceret, nescio utrum tenere dixerim, multo minoris numeri homines ad eum perventuros fuisse, quamvis nunc quoque, ut videmus, rari admodum paucique perveniant. Cum enim in hunc mundum, five Deus, five natura, five necessitas, five voluntas nostra, five conjuncta horum aliqua, five simul omnia (res enim multum obscura est, sed tamen a te jam illustranda suscepta) veluti in quoddam procellosum salum nos quasi temere passimque projecerit, quotus quisque cognosceret quo sibi nitendum esset, quave redeundum, nisi aliquando & invitos contraque obniten-tes aliqua tempestas, quæ stultis videtur adversa, in optatissimam terram nescientes errantesque compingeret.

2. Igitur hominum quos philosophia potest accipere, tria quasi navigantium genera mihi videor videre. Unum est eorum, quos ubi ætas compos rationis assumserit, parvo impetu pulsuque remorum de proximo fugiunt, seseque condunt in illa tranquillitate, unde ceteris civibus quibus possunt, quo admoniti conentur ad se, lucidissimum signum sui alicujus operis erigunt. Alterum vero est eorum superiorique contrarium, qui fallacissima facie maris decepti, elegerunt in medium progredi, longeque a sua patria peregrinari audent, & sæpe ejus obliviscuntur. Hos si nescio quo & nimis latente modo a puppi ventus, quem prosperum putant, fuerit prosequutus, penetrant in altissima miseriarum elati atque gaudentes, quod eis usquequaque fallacissima serenitas voluptatum honorumque blanditur. His profecto quid aliud optandum est, quam quædam in illis rebus a quibus jacti excipiuntur, improspira, & si parum est, sæviens omnino tempestas, contrarieque flans ventus, qui eos a ad certa & solida gaudia, vel flentes gementesque perducatur: hujus generis tamen plerique nondum longius evagati, quibusdam non ita gravibus molestiis reducuntur. Hi sunt homines, quos cum vel lacrymabiles tragœdiæ fortunarum suarum, vel inanum negotiorum anxietates, quasi nihil aliud habentes quod agant, in libros doctorum

Tom. I.

A sapientissimorumque hominum traserint, in ipso quodammodo portu evigilant, unde illos nulla maris illius promissa nimium falso ridentis excludant. Est autem genus inter hæc tertium eorum, qui vel in ipso adolescentiæ limine, vel jam diu multumque jactati, tamen quædam signa respiciunt, & suæ dulcissimæ patriæ, quamvis in ipsis fluctibus, recordantur, & aut recto cursu in nullo falsi, & nihil morati, eam repetunt: aut plerumque vel inter nubila deviantes, vel mergentia contuentes sidera, vel nonnullis illecebris capti, bonæ navigationis tempora differentes, errant diutius; sæpe etiam periclitantur. Quos item sæpe nonnulla in fluxis fortunis calamitas, quasi conatibus eorum adversa tempestas in optatissimam patriam quietamque compellit.

C 3. His autem omnibus, qui quocumque modo ad beatæ vitæ regionem feruntur, unus immanissimus mons ante ipsum portum constitutus, qui etiam magnas ingredientibus gignit angustias, vehementissime formidandus, cautissimeque vitandus est. Nam ita fulget, ita mentiente illa luce vestitur, ut non solum pervenientibus, nondumque ingressis incolendum se offerat, & eorum voluntatibus pro ipsa beata terra satisfacturum polliceatur; sed plerumque de ipso portu ad sese homines invitat, eosque nonnumquam detinet ipsa altitudine delectatos, unde ceteros despiciere libeat. Hi tamen admonent sæpe venientes, ne aut occultis subter scopulis decipiantur, aut ad se adscendere facile putent: & quæ sine periculo ingrediantur propter illius terræ vicinitatem benevolentissime docent. Ita cum eis invident vanissimam gloriam, locum securitatis ostendunt. Nam quem montem alium vult intelligi ratio propinquantibus ad philosophiam ingressivæ metuendum, nisi superbum studium inanissimæ gloriæ: quod ita nihil intus plenum atque solidum habet, ut inflatos sibi superambulantes succrepante fragili solo demergat ac forbeat, eisque in tenebras revolutis, eripiat luculentissimam domum, quam pene jam viderant.

E 4. Quæ cum ita sint, accipe mi Theodori, namque ad id quod desidero, te unum intueor, teque aptissimum semper admiror; accipe, inquam, & quod illorum trium genus hominum me tibi dederit, & quo loco mihi esse videar, & abs te cujus-

N 3 mo-

a In MSS. quinque legitur, qui eos atterat, & ad solida gaudia.

b Sicaliquot MSS. At Loy. & alii codices, in optatissimam vitam.

Lib. 3. modi auxilium certus exspectem. Ego ab usque unde
 Conf. cap. 4. & lib. 6. c. 11. lib. 8. 27.
 vicesimo anno ætatis meæ, postquam in schola Rhetoris
 librum illum Ciceronis, qui Hortensius vocatur, ac-
 cepi, tanto amore philosophiæ succensus sum, ut sta-
 tim ad eam me transferre meditarer. Sed neque mihi
 nebulæ defuerunt, quibus confunderetur cursus meus,
 & diu fateor, quibus in errorem ducebar, labentia in
 oceanum astra suspexi. Nam & superstitionis quædam
 puerilis me ab ipsa inquisitione terrebat: & ubi factus
 erectior, illam caliginem discipuli, mihi que persuasi
 docentibus potius quam iubentibus esse credendum,
 * Mani-
 chaos
 lib. 3.
 Conf. c. 6
 incidi in homines * quibus lux ista quæ oculis cerni-
 tur, inter summa & divina colenda videretur. Non
 assentiebar, sed putabam eos magnum aliquid tegere
 illis involucris, quod essent aliquando aperturi. At ubi
 discussos eos evasi, maxime trajecto isto mari, diu gu-
 bernacula mea repugnantia omnibus ventis in mediis
 fluctibus Academici tenuerunt. Deinde veni in has ter-
 ras, hic septemtrionem cui me crederem didici. Ani-
 madverti enim & sæpe in sacerdotis * nostri, & ali-
 quando in sermonibus tuis, cum de Deo cogitaretur,
 * Am-
 brosii
 lib. 6.
 Conf. c.
 3. n. 4.
 nihil omnino corporis esse cogitandum, neque cum de
 anima: nam id est unum in rebus proximum Deo. Sed
 ne in philosophiæ gremium celeriter advolarem, fateor
 uxoris honorisque illecebra detinebar: ut cum hæc ef-
 sem consecutus, tum demum me, quod paucis felicif-
 simis licuit, totis velis omnibusque remis in illum fi-
 num raperem, ibique conquiescerem. Lectis autem
 a Platonis paucissimis libris, cujus te esse studiosissi-
 mum accepi, collataque cum eis, quantum potui,
 etiam illorum auctoritate, qui divina mysteria tradide-
 runt, sic exarsi, ut omnes illas vellem ancoras rumpe-
 re, nisi me nonnullorum hominum existimatio com-
 moveret. Quid ergo restabat aliud, nisi ut immoranti
 mihi superfluis, tempestas quæ putabatur adversa, suc-
 curreret? Itaque tantus me arripuit pectoris dolor, ut
 illius professionis onus sustinere non valens, qua mihi
 velificabam fortasse ad Sirenas, abjicerem omnia, &
 optatæ tranquillitati vel quassatam navem fissamque
 perducerem.

A titulo dignius, ad te scribendum putavi, & ipso tuo no-
 mine dedicandum. Aptissime sane: nam de beata vita
 quævivimus inter nos, nihilque aliud video, quod ma-
 gis Dei donum vocandum sit. Eloquentia tua territus
 non sum: quidquid enim amo, quamvis non assequar,
 timere non possum: fortunæ vero sublimitatem multo
 minus: apud te enim vere, quamvis sit magna, secun-
 da est: nam quibus dominatur, eosdem ipsos secundos
 facit. Sed jam quid afferam, quæso te, adtende.

B 6. Idibus Novembris mihi natalis dies erat: post
 tam tenue prandium, ut ab eo nihil ingeniorum impe-
 diretur, omnes qui simul non modo illo die, sed quo-
 tidie convivabamur in balneis ad confedendum voca-
 vi: nam is tempori aptus locus secretusque occurrerat.
 Erant autem, non enim vereor eos singulari benignitati
 tuæ notos interim nominibus facere, in primis nostra *
 mater, cujus meriti credo esse omne quod vivo: Navi-
 gius frater meus: Trygetius & Licentius, cives & disci-
 puli mei, nec d Lastidianum & Rusticum consobri-
 nos meos, quamvis nullum vel grammaticum passi sint,
 C deesse volui, ipsumque eorum sensum communem ad
 rem quam moliebar, necessarium putavi. Erat etiam
 nobiscum ætate minimus omnium, sed cujus ingenium,
 si amore non fallor, magnum quiddam pollicetur Adeo-
 datus filius meus. Quibus adtentis sic cœpi.

7. **M**ANIFESTUM vobis videtur ex anima
 & corpore nosse compositos? Cum omnes
 consentirent, Navigius se ignorare respondit. Cui ego:
 Nihil nihilne omnino scis, inquam, an inter aliqua quæ
 ignoras etiam hoc numerandum est? Non puto me,
 inquit, omnia nescire. Potesne, inquam, nobis dicere
 aliquid eorum quæ nosti? Possum, inquit. Nisi mole-
 stum est, inquam, profer aliquid. Et cum dubitaret:
 D Scisne, inquam, saltem te vivere? Scio, inquit. Scis
 ergo habere te vitam? siquidem vivere nemo nisi vita
 potest. Et hoc, inquit, scio. Scis etiam corpus te ha-
 bere? Assentiebatur. Ergo jam scis te constare ex cor-
 pore & vita: Scio interim: sed utrum hæc sola sint,
 incertus sum. Ergo duo ista, inquam, esse non dubi-
 tas, corpus & animam, sed incertuses, utrum sit aliud
 E quod ad complendum ac perficiendum hominem va-
 let. Ita, inquit. Hoc quale sit, alias, si possumus,
 quæremus, inquam. Nunc illud jam ex omnibus quæ-
 ro, cum fateamur cuncti, neque sine corpore, neque
 sine anima esse posse hominem, cibos propter quid ho-
 rum appetamus. Propter corpus, inquit Licentius.
 Ceteri autem cunctabantur, varioque sermone inter
 se agebant, quomodo posset propter corpus cibis ne-
 cessarius videri, cum appeteretur propter vitam, &
 vita non nisi ad animam pertineret. Tum ego: Vide-
 F tur, inquam, vobis ad eam partem cibum pertinere,
 quam cibo crescere robustioremque fieri videmus?
 Assentiebantur præter Trygetium. Ait enim: Cur
 ergo non pro edacitate mea crevi? Modum, inquam,
 suum a natura constitutum habent omnia corpora,
 ultra quam mensuram progredi nequeant, tamen
 ea mensura minora essent si eis alimenta defuissent,
 quod & in pecoribus facilius animadvertimus. Et
 ne-

Occasio
 disputa-
 tionis.

* Mon-
 nica.

Disputa-
 tio pri-
 mæ diei.
 Ex ani-
 ma &
 corpore
 consta-
 mus. Ci-
 bus cor-
 poris ne-
 cessari-
 us.

a MSS. quinque, *Lectis autem Plotini.*

b Ita MSS. tredecim cum Bad. Am. & Er. At id in textu Lov. præfertur,
 quæ vita beata est.

c Er. & Lov. omittunt hic particulam, &, quæ apud Bad. Am. &
 MSS. reperitur. Paulo post vero editiones omnes habent, quibus me
 ostendam, vel quo plenius intelligas pelagus disputationum mearum.
 iisque aliquot suffragantur MSS. At alii codices, nec pauci ferunt, ut ple-
 nius intelligas; tumque ex iis quidam habent, *seriem disputationum*

meorum. Cisterciensis porro, *disputationum mearum onus.* Denique co-
 dex S. Arnulfi Metensis, *initium disputationum mearum*, quæ optima le-
 ctio visa est. Reipsa enim hicce liber omnium qui apud Cassiciacum dis-
 putando editi sunt primus absolutus fuit, isque ratione argumenti non
 immerito dicitur & *religiosior evasisse*, id est, prodiisse, quo signifi-
 catu adhibetur istud verbum lib. 2. contra Academ. c. 7. & *Theodori*
nomine dignior.

d In MSS. prope omnibus habetur, *Lastidianum.*

nemo dubitat cibis subtractis omnium animantium corpora macrescere. Macrescere, inquit Licentius, non decrescere. Satis est mihi, inquam, ad id quod volo. Etenim quæstio est, utrum ad corpus cibis pertineat. Pertinet autem, cum eo subducto ad maciem deducitur. Omnes ita esse censuerunt.

Animæ
quoque
suus est
cibus.

8. Quid ergo anima, inquam, nullane habet alimenta propria? An ejus esca scientia vobis videtur? Plane, inquit mater, nulla re alia credo ali animam quam intellectu rerum atque scientia. De qua sententia cum Trygetius dubium se ostenderet: Hodie, inquit illa, tu ipse nonne docuisti, unde aut ubi anima pascatur? Nam post aliquantam prandii partem te dixisti non advertisse quo vasculo uteremur, quod alia nescio quæ cogitasses, nec tamen ab ipsa ciborum parte abstineras manus atque morsus. Ubi igitur erat animus tuus, quo tempore illud te vescente non adtendebat, inde mihi crede, & talibus epulis animus pascitur, id est theoriis & cogitationibus suis, si per eas aliquid percipere possit. De qua re cum dubitanter streperent, nonne, inquam, conceditis hominum doctissimorum animos multo esse quam imperitorum quasi in suo genere pleniores atque majores? Manifestum esse dixerunt. Recte igitur dicimus eorum animos, qui nullis disciplinis eruditi sunt, nihilque bonarum artium hauserunt, jejunos & quasi famelicos esse. Plenos, inquit Trygetius, & illorum animos esse arbitror, sed vitiis atque nequitia. Ista ipsa est, inquam, crede mihi, quædam sterilitas, & quasi fames animorum. Nam quemadmodum corpus detracto cibo plerumque morbis atque scabie repletur, quæ in eo vitia indicant famem, ita & illorum animi pleni sunt morbis quibus sua jejunia confitentur. Etenim ipsam nequitiam matrem omnium vitiorum, ex eo quod nequidquam sit, id est, ex eo quod nihil sit, veteres dictam esse voluerunt. Cui vitio quæ contraria virtus est, frugalitas nominatur. Ut igitur hæc a fruge, id est, a fructu, propter quamdam animorum fecunditatem; ita illa ab sterilitate, hoc est a nihilo nequitia nominata est: nihil est enim omne quod fluit, quod solvitur, quod liquescit & quasi semper perit. Ideo tales homines etiam perditos dicimus. Est autem aliquid si manet, si constat, si semper tale est, ut est virtus, cujus magna pars est atque pulcherrima, quæ temperantia & frugalitas dicitur. Sed si hoc obscurius est quam ut id jam vos videre possitis, certe illud conceditis, quia si animi imperitorum etiam ipsi pleni sunt, ut corporum, ita animorum duo alimentorum genera inveniuntur, unum salubre atque utile, alterum morbidum atque pestiferum.

9. Quæ cum ita sint, arbitror die natali meo, quoniam duo quædam esse in homine convenit internos, id est corpus atque animam, non me prandium paulo latius corporibus nostris solum, sed & animis etiam exhibere debere. Quod autem hoc sit prandium, si esuritis, proferam. Nam si vos invitos, & fastidientes alere conabor, frustra operam infumam, magisque vota facienda sunt, ut tales epulas potiusquam illas corporis desideretis. Quod eveniet si sani animi vestri fuerint: ægri enim sicut in morbis ipsius corporis videmus, cibos suos recusant & respuunt. Omnes se vultu ipso, & consentiente voce quidquid præparassem jam fumere ac vocare velle dixerunt.

Beatus
non est

10. Atque ego rursus exordiens: Beatos esse nos vo-

A lumus, inquam? Vix hoc effuderam, occurrerunt una voce consentientes. Videturne vobis, inquam, beatus esse qui quod vult non habet? Negaverunt. Quid, omnis qui quod vult habet, beatus est? Tum mater: SI BONA, inquit, velit & habeat, beatus est: si autem mala velit, quamvis habeat, miser est. Cui ego arridens atque gestiens: Ipsam, inquam, prorsus mater artem philosophiæ tenuisti. Nam tibi procul dubio verba defuerunt, ut non sicut Tullius te modo panderes, cujus de hac sententia verba ista sunt. Nam in Hortensio, quem de laude ac defensione philosophiæ librum fecit: Ecce autem, ait, non philosophi quidem, sed prompti tamen ad disputandum, omnes ajunt esse beatos qui vivant ut ipsi velint: falsum id quidem: VELLE enim quod non deceat, idem ipsum miserrimum. NEC tam miserum est non adipisci quod velis, quam adipisci velle quod non oporteat. Plus enim mali pravitas voluntatis affert, quam fortuna cuiquam boni. In quibus verbis illa sic exclamabat, ut obliti penitus sexus ejus, magnum aliquem virum confidere nobiscum crederemus, me interim quantum poteram intelligente ex quo illa, & quam divino fonte manarent. Et Licentius: Sed dicendum, inquit, tibi est, ut beatus sit quisque, quid velle debeat, & quarum rerum eum oporteat habere desiderium. Invita me, inquam, natali tuo quando dignaberis, quidquid apposueris libenter sumam. Qua conditione hodie apud me ut epuleris peto, nec flagites quod fortasse non est paratum. Quem cum modestæ ac verecundæ commonitionis suæ pæniteret: Ergo illud, inquam, convenit internos, neque quemquam beatum esse posse, qui quod vult non habet: neque omnem qui quod vult habet, beatum esse? Dederunt.

qui
quod
vult
non ha-
bet. Nec
tamen
omnis
qui
quod
vult ha-
bet, bea-
tus est.

11. Quid illud, inquam, conceditis, omnem qui beatus non est, miserum esse? Non dubitaverunt. Omnis igitur, inquam, qui quod vult non habet, miser est? Placuit omnibus. Quid ergo sibi homo comparare debet, ut beatus sit, inquam? Forte enim etiam hoc isti nostro convivio subministrabitur, ne Licentii aviditas negligatur: nam id opinor ei comparandum est, quod cum vult, habet. Manifestum esse dixerunt. Id ergo, inquam, semper manens, nec ex fortuna pendulum, nec ullis subjectum casibus esse debet. Nam quidquid mortale & caducum est, non potest a nobis quando volumus, & quamdiu volumus haberi. Assentiebantur omnes. Sed Trygetius: Sunt, inquit, multi fortunati, quieas ipsas res fragiles casibusque subjectas, tamen jocundas pro hac vita cumulate largeque possideant, nec quidquam illis eorum quæ volunt desit. Cui ego: Qui timet, inquam, videturne tibi beatus esse? Non videtur, inquit. Ergo quod amat quisque si amittere potest, potestne non timere? Non potest, inquit. Amitti autem possunt illa fortuita. Non igitur hæc qui amat & possidet, potest ullo modo beatus esse. Nihil repugnabit. Hoc loco autem mater: ETIAMSI securus sit, inquit, ea se omnia non esse amissurum, tamen talibus satiari non poterit. Ergo & eo miser, quo semper est indigus. Cui ego: Quid, inquam, his omnibus abundans rebus atque circumfluens, si cupiendi modum sibi statuatur, eisque contentus decenter jocundeque perfruatur, nonne tibi videtur beatus? Non ergo, inquit, illis rebus, sed animi sui moderatione beatus est. Optime, inquam, nec huic interrogationi aliud, nec abs te aliud debuit responderi. Ergo nullo modo dubitamus, si quis bea-

Quid si-
bi homo
compara-
re de-
bet ut
sit bea-
tus.

beatus esse statuit, id eum sibi comparare debere quod semper manet, nec ulla scæviente fortuna eripi potest. Hoc, inquit, Trygetius, jam dudum consensimus. Deus, inquam, vobis æternus, & semper manens videtur? Hoc quidem, inquit Licentius, ita certum est, ut interrogatione non egeat, ceterique omnes pia devotione concinuerunt. Deum igitur, inquam, qui habet beatus est.

Quis
Deum
habeat

12. Quod cum gaudentes libentissime acciperent: Nihil ergo, inquam, nobis jam quærendum esse arbitror, nisi quis hominum habeat Deum, beatus enim profecto is erit. De quo quæro quid vobis videatur. Hic Licentius: Deum habet, qui bene vivit. Trygetius: Deum habet, inquit, qui facit quæ Deus vult fieri. In cuius sententiam Laetidianus concessit. Puer autem ille minimus omnium, Is habet Deum, ait, qui spiritum immundum non habet. Mater vero omnia, sed hoc maxime approbavit. Navigius tacebat. Quem cum interrogassem quid sentiret, illud ultimum sibi placere respondit. Nec Rusticum percontari visum est negligendum, quænam esset de re tanta ejus sententia, qui mihi videbatur non deliberatione magis quam pudore impeditus filere; Trygetio consensit.

13. Tum ego: Teneo, inquam, omnium placita de re magna sane, & ultra quam nec quæri quidquam oportet, nec inveniri potest, si modo eam uti cœpimus serenissime ac sincerissime investigemus. Quod hodie quia longum est, & habent in epulis suis & animi quamdam luxuriam, si ultra modum in eas, & voraciter irruant (ita enim male quodam modo digerunt, unde valetudini mentium non minus quam ab illa ipsa fame metendum est) melius nos hæc quæstio cras esurientes, si videtur, accipiet. Illud modo libenter liguriatis volo, quod subito mihi ministratori vestro in mentem suggestum est inferendum; & est, nisi fallor, qualia solent ultima apponi, quasi scholastico melle confectum atque conditum. Quo audito sese omnes quasi in elatum ferculum tetenderunt, coegeruntque ut dicere properarem quidnam id esset. Quid, inquam, putatis, nisi cum Academicis totum quod susceperamus confectum esse negotium? Quo accepto nomine, tres illi quibus res nota erat, sese erexerunt alacrius, & velut porrectis, ut sit, manibus inferentem ministrum adjuverunt, quibus potuerunt verbis, nihil se jucundius audituros esse monstrantes.

Academicus
beatus
esse non
potest
ergo nec
sapiens

14. Tum ego ita rem proposui: Si manifestum est, inquam, beatum non esse, qui quod vult non habet, quod paulo ante ratio demonstravit: nemo autem querit quod invenire non vult, & quærunt illi semper veritatem, volunt ergo invenire; volunt igitur habere inventionem veritatis. At non inveniunt; sequitur eos non habere quod volunt; & ex eo sequitur etiam beatos non esse. At nemo sapiens, nisi beatus: sapiens igitur Academicus non est. Hic repente illi, quasi totum rapientes exclamaverunt. Sed Licentius advertens & cautius advertens timuit assensionem atque subiecit: Rapui quidem vobiscum, si quidem exclamavi illa conclusione commotus. Sed nihil hinc admittam in viscera, & partem meam servabo Alypio: nam aut simile eam mecum lambet, aut me admonet cur non oporteat attingere. Dulcia, inquam, magis metuere Navigius deberet splene vitioso. Hic ille arridens: Plane, inquit, me talia sanabunt.

A Nam nescio quomodo contortum hoc & aculeatum, quod posuisti, ut ait ille, de melle Hymetio, acriter dulce est, nihilque inflat viscera. Quare totum etiam palato aliquantum remorso, tamen ut possum libentissime in medullas trajicio. Non enim video quomodo redargui possit ista conclusio. Prorsus nullo modo potest, inquit Trygetius. Quare gaudeo jam diu cum illis me inimicitias suscepisse. Nam nescio qua impellente natura, vel (ut verius dicam) Deo, etiam nesciens quomodo refellendi essent, tamen eis nimis adversabar.

15. Hic Licentius: Ego, inquit, illos nondum desero. Ergo, ait Trygetius, dissentis a nobis? Numquidnam, ille inquit, vos ab Alypio dissentitis? Cui ego: Non dubito, inquam, quin si adesset Alypius, huic ratiunculæ cederet. Non enim tam absurde sentire poterat, ut aut beatus ille videretur, qui tantum bonum animi, quod ardentissime vellet habere, non haberet, aut illos nolle invenire veritatem, aut eum qui beatus non sit esse sapientem: nam his tribus quasi melle, farre, atque nucleis, illud quod metuis gustare, confectum est. Illene, inquit, huic tam parvæ puerorum illecebræ cederet, Academicorum tanta ubertate deserta, qua inundante hoc nescio quid breve aut obruetur, aut pertrahetur? Quasi vero, inquam, longum aliquid nos quæramus, præsertim adversus Alypium: nam non mediocriter parva ista esse fortia & utilia, satis sibi ipse de suo corpore argumentaretur. Tu autem qui elegisti de absentis auctoritate pendere, quid horum non probas? Utrum beatum non esse, qui quod vult non habet? An illos negas velle habere inventam veritatem, quam vehementer inquirunt? An videtur tibi quisquam sapiens non beatus? Prorsus beatus est, inquit, qui quod vult non habet, quasi stomachanter arridens. Quod cum juberem ut scriberetur: Non dixi, inquit, exclamans. Quod item cum annuerem scribi: Dixi, inquit. Atque ego semel præceperam, ut nullum verbum præter litteras funderetur. Ita adolescentem inter verecundiam atque constantiam exagitatam tenebam.

16. Sed cum his verbis eum jocantes, quasi ad vescendam particulam suam provocaremus, animadverti ceteros rei totius ignaros, sed scire cupientes quid inter nos solos tam jocunde ageretur, sine risu nos intueri. Qui mihi prorsus similes visi sunt, quod plerumque fieri solet, his qui cum epulantur inter avidissimos rapacissimosque convivas, a rapiendo vel gravitate sese abstinere, vel pudore terrentur. Et quia ego invitaveram, & magni cujusdam hominis personam, atque ut totum explicem, veri hominis etiam a in illis epulis invitatore gerebam, sustinere non potui, commovitque me illa inæqualitas mensæ nostræ & discrepantia. Arrisi matri. Atque illa liberrime quod minus habebant, quasi de suo cellario promendum imperans: Jam dic nobis, inquit, & redde qui sint isti Academici, & quid sibi velint? Cui breviter cum exposuissem aperteque, ita ut nemo illorum ignarus abscederet: Isti homines, inquit, caducarii sunt, (quo nomine vulgo apud nos vocantur, quos comitalis morbus subvertit) & simul surrexit ut abiret; atque hic omnes læti ac ridentes interposito sine discessimus.

17. **P**OSTRIDIE autem cum item post prandium, sed aliquanto quam pridie serius idem ibidemque confedissemus: Tarde, inquam, ve-

Disputatio
secunda
diei.

a. MSS. undecim: in illis epulis invitatore sustinere docuisti, commovit me &c. ad quam lectionem prope accedunt alii duo qui ferunt, sustinebam docui, commovit me &c. Forte an docuerat Theo-

dorus qui tractandæ res essent cum imperitioribus in ejusmodi colloquiis. id quod suspicari licet ex lib. 11. de ordine c. 11.

Quis
Deum
habeat
eo mo-
do ut
beatus
sit.

venistis ad convivium: quod vobis non cruditate acci-
disse arbitror, sed paucitatis ferculorum securitate,
quod non tam mature aggrediendum visum est, quod
cito vos peresuros putastis. Non multum enim reli-
quiarum credendum erat remansisse, ubi die ipso at-
que sollempnitate tam exiguum repertum erat. Fortas-
se recte. Sed quid vobis præparatum sit, ego quoque
vobiscum nescio. Alius est enim qui omnibus cum om-
nes, tum maxime tales epulas præbere non cessat: sed
nos ab edendo, vel imbecillitate, vel saturitate, vel
negotio plerumque cessamus: quem manentem in ho-
minibus beatos eos facere, inter nos heri, ni fallor, pie
constanterque convenerat. Nam cum ratio demon-
strasset eum beatum esse, qui Deum haberet, nec huic
quisquam vestrum sententiæ restitisset, quæsitum est,
quidnam vobis videretur Deum habere. De qua re,
si bene memini, tres sententiæ dictæ sunt. Nam parti
placuit, Deum habere illum, qui ea faceret quæ Deus
vellet. Quidam autem dixerunt, quod is Deum ha-
beret, qui bene viveret. Reliquis vero in eis Deus ef-
se visus est, in quibus qui immundus appellatur, spi-
ritus non est.

18. Sed fortasse omnes diversis verbis unum idem-
que sensistis. Nam si duo prima consideremus, & om-
nis qui bene vivit, ea facit quæ vult Deus; & omnis
qui ea facit quæ vult Deus, bene vivit; nec quidquam
est aliud bene vivere, quam ea facere quæ Deo pla-
ceant, nisi quid vobis aliud videtur. Assentiebantur.
Tertium vero illud paulo diligentius considerandum
est, propterea quod ritu castissimorum^a sacrorum spi-
ritus immundus, quantum intelligo, duobus modis ap-
pellari solet: vel ille qui extrinsecus invadit animam
sensusque conturbat, & quemdam hominibus infert
furorem, cui excludendo qui præsent, manum impo-
nere vel exorcizare dicuntur, hoc est per divina eum
adjurando expellere. Aliter autem dicitur spiritus
immundus, omnis omnino anima immunda; quod ni-
hil est aliud quam vitiis & erroribus inquinata. Ita-
que abstequæro, tu puer, qui fortasse aliquanto sere-
niore ac purgatiore spiritu istam sententiam protulisti,
quis tibi videatur immundum spiritum non habere, il-
lene qui dæmonem non habet, quo vesani homines fie-
ri solent, an ille qui animam suam a vitiis omnibusque
peccatis mundavit? Is mihi videtur, inquit, immun-
dum spiritum non habere, qui caste vivit. Sed castum,
inquam, quem vocas? Eumne qui nihil peccat, an
eum qui ab illicito tantum concubitu temperet? Quo-
modo, inquit, castus potest esse, qui ab illicito tantum
concubitu abstinens sese, ceteris peccatis non desinit in-
quinari? ILL E est vere castus, qui Deum adtendit,
& ad ipsum solum se tenet. Quæ verba pueri sicut di-
cta erant, cum conscribi mihi placuisset: Is ergo, in-
quam, necesse est ut bene vivat, & qui bene vivit ne-
cessario talis est, nisi quid tibi aliud videtur. Conces-
sit cum ceteris. Ergo una est hic, inquam, dicta sen-
tentia.

19. Sed illud a vobis paululum quæro, velitne Deus
ut homo Deum quærat? Dederunt. Item quæro: num-
quidnam possumus dicere, illum qui Deum quærit,
male vivere? Nullo modo, dixerunt. Etiam hoc ter-
tium respondete, spiritus immundus potestne Deum
quærere? Negabant, aliquantum dubitante Navigio,

A qui postea ceterorum vocibus cessit. Si igitur, inquam,
qui Deum quærit, id facit quod Deus vult, & bene vi-
vit, & spiritum immundum non habet: qui autem
Deum quærit, nondum habet Deum: non igitur quis-
quis aut bene vivit, aut quod vult Deus facit, aut spi-
ritum immundum non habet, continuo Deum habere
credendus est. Hic cum se ceteri concessionibus suis de-
ceptos riderent, postulavit mater, cum diu stupida
fuisset, ut ei hoc ipsum quod conclusionis necessitate
intorte dixeram, explicando relaxarem atque solve-
rem. Quod cum factum esset: Sed nemo, inquit, po-
test pervenire ad Deum, nisi Deum quæserit. Opti-
me, inquam. Tamen qui adhuc quærit, nondum ad
Deum pervenit, etiam si bene vivit. Non igitur quis-
quis bene vivit, Deum habet. Mihi, inquit, videtur
Deum nemo non habere: sed eum qui bene vivit, ha-
bet propitium; qui male, infestum. Male igitur, in-
quam, hesterno die concessimus eum beatum esse,
qui Deum habet. Siquidem omnis homo Deum ha-
bet, nec tamen omnis homo beatus est. Adde ergo,
C inquit, propitium.

20. Saltem, inquam, hoc inter nos satis constat,
eum beatum esse qui habet propitium Deum? Vel-
lem, inquit Navigius, consentire: sed illum vereor qui
adhuc quærit, præsertim ne concludas beatum esse
Academicum, qui hesterno sermone vulgari quidem
& male latino, sed aptissimo sane, ut mihi videtur,
verbo caducarius nominatus est. Non enim possum di-
cere homini Deum quærenti adversum Deum esse:
quod si dici nefas est, propitius erit, & qui propitium
Deum habet, beatus est. Beatus ergo erit ille, qui
quærit. Omnis autem quærens nondum habet quod
vult. Erit igitur beatus homo qui quod vult non ha-
bet, quod heri nobis omnibus videbatur absurdum,
unde credebamus Academicorum tenebras esse discuf-
sas. Quare jam de nobis Licentius triumphabit, mi-
hique illa dulcia, quæ contra valetudinem meam te-
mere accepi, has de me pœnas exigere, quasi pru-
dens medicus admonebit.

21. Hic cum etiam mater arrisisset: Ego, inquit
E Trygetius, non concedo continuo Deum adversari cui
non sit propitius, sed esse aliquid medium puto. Cui
ego: Istum tamen hominem, inquam, medium, cui
nec Deus propitius est nec infestus, Deum quoquo mo-
do habere concedis? Hic cum ille cunctaretur: Aliud
est, inquit mater, Deum habere, aliud non esse sine
Deo. Quid ergo, inquam melius est, utrum habere
Deum, an non esse sine Deo? Quantum, inquit, pos-
sum intelligere, ista est sententia mea: Qui bene vi-
vit, habet Deum, sed propitium: qui male, ha-
bet Deum, sed adversum. Qui autem adhuc quæ-
rit, nondumque invenit, neque propitium neque
adversum, sed non est sine Deo. Hæccine, inquam,
vestra etiam sententia est? Hanc esse dixerunt. Dici-
te mihi quæso, inquam: Non vobis videtur esse ho-
mini Deus propitius cui favet? Esse confessi sunt.
Non ergo, inquam, favet Deus quærenti sese homi-
ni? Responderunt: Favet. Habet igitur, inquam,
qui Deum quærit, Deum propitium, & omnis qui
habet Deum propitium, beatus est. Beatus est ergo
& ille qui quærit. Qui autem quærit, nondum habet
quod vult. Erit igitur beatus qui quod vult non habet.

Pror-

^a In prius editis legitur, quod ritu castissimorum sacrorumque spiri-
tus immundus &c. minus bene, ut intelligitur satis ex re subje-

ta & ex MSS. quos sequimur. Hic nempe castissimorum sacrorum nomine
commendantur sacramenta initiorum.

Prorsus, inquit mater, non mihi videtur beatum esse, qui quod vult non habet. Ergo, inquam, non omnis qui habet Deum propitium, beatum est. Si hoc cogit ratio, inquit, non possum negare. Ista igitur, inquam, distributio erit, ut omnis qui jam Deum invenit, & propitium Deum habeat, & beatus sit: omnis autem qui Deum quaerit, propitium Deum habeat, sed nondum sit beatus. Jam vero quisquis vitiis atque peccatis a Deo se alienat, non modo beatus non sit, sed ne Deo quidem vivat propitio.

22. Quod cum placuisset omnibus: Bene habet, inquam, sed adhuc illud vereor, ne vos moveat quod jam superius concesseramus, miserum esse quisquis beatus non sit: cui consequens erit, esse miserum hominem qui propitium tenet Deum, quem adhuc Deum quaerentem nondum diximus esse beatum. An vero quod ait Tullius, multorum in terris praediorum dominos divites appellamus, omnium virtutum possessores pauperes nominabimus? Sed illud videte, utrum quomodo verum est, quod omnis egens miser sit, ita sit verum quod omnis miser egeat. Ita enim erit verum, nihil aliud esse miseriam quam egestatem, quod me nunc cum diceretur laudare sensistis. Hoc autem hodie longum est ut quaeramus, quare peto ne fastidio vobis sit ad istam mensam cras etiam convenire. Quod cum omnes se libentissime habere dixissent, surreximus.

Disputatio tertia diei. De quaestione praedictae proposita dicendum.

23. **T**ERTIUS autem dies disputationis nostrae, matutinas nubes quae nos cogeant in balneas dissipavit, tempusque pomeridianum candidissimum reddidit. Placuit ergo in pratuli propinqua descendere, atque omnibus nobis ubi commodum visum est confidentibus, reliquus ita sermo perstratus est. Omnia pene, inquam, quae interroganti mihi concedi a vobis volui, habeo ac teneo: quare hodierno die, quo possimus tandem hoc nostrum convivium aliquo intervallo dierum distinguere, aut nihil, aut non multum erit, ut opinor, quod mihi vos respondere necesse sit. Dictum enim erat a matre, nihil aliud esse miseriam quam egestatem, convenitque inter nos, omnes qui egeant miseros esse. Sed utrum omnes etiam miseri egeant, nonnulla quaestio est, quam hesterno die non potuimus explicare. Hoc autem ita se habere, si ratio demonstraverit, perfectissime inventum est qui sit beatus: erit enim ille qui non eget. Omnis enim non miser, beatus est. Beatus est ergo qui egestate caret, si quam dicimus egestatem, eandem miseriam esse constiterit.

24. Quid enim, ait Trygetius, non potest ex eo jam confici, omnem non egentem beatum esse, quo manifestum est, omnem qui egeat esse miserum? Nam concessisse nos memini, nihil esse medium inter miserum & beatum. Aliquidne, inquam, inter mortuum & vivum tibi medium videtur esse? Nonne omnis homo aut vivus aut mortuus est? Fateor, inquit, neque hic esse aliquid medium. Sed quorsum istud? Quia, inquam, etiam istud te fateri credo, omnem qui ante annum sepultus est esse mortuum. Non negabat. Quid omnis qui ante annum sepultus non est, vivit? Non, ait, sequitur. Ergo, inquam, non sequitur, ut si omnis qui eget miser est, omnis qui non eget sit beatus, quamvis inter miserum & beatum, ut inter vivum & mortuum, medium nihil inveniri queat.

Miser est omnis qui

25. Quod cum aliqui eorum paulo tardius intellexissent, me id quibus potui verbis ad eorum sensum

A accommodatis aperiente atque versante: Ergo, inquam, miserum esse omnem qui egeat, dubitat nemo: nec nos terrent quaedam sapientium corpori necessaria. Non enim eis eget ipse animus, in quo posita est vita beata. Ipse enim perfectus est, nullus autem perfectus aliquo eget, & quod videtur corpori necessarium sumet, si adfuerit: si non adfuerit, non eum istarum rerum franget inopia. Omnis namque sapiens fortis est, nullus autem fortis aliquid metuit. Non igitur metuit sapiens aut mortem corporis, aut dolores, quibus pellendis vel vitandis vel differendis, sunt necessaria illa, quorum ei potest contingere inopia. Sed tamen non desinit eis bene uti, si ipsa non desunt. Verissima est enim illa sententia: **NAM TU** quod vitare possis, stultum admittere est. Vitabit ergo mortem ac dolorem quantum potest & quantum decet, ne si minime vitaverit, non ex eo miser sit quia haec accidunt, sed quia vitare cum posset, noluit: quod manifestum stultitiae signum est. Erit ergo ista non vitans, non earum rerum perpeffione, sed stultitia miser. Si autem non valuerit evitare, cum id sedulo ac decenter egerit, non eum ista irruentia miserum facient. Etenim & illa ejusdem Comici sententia non minus vera est: **QUONIAM** non potest id fieri quod vis, id velis quod possit. Quomodo erit miser, cui nihil accidit praeter voluntatem? Quia quod sibi videt non posse provenire, non potest velle. Habet enim rerum certissimarum voluntatem, id est, ut quidquid agit, non agat nisi ex virtutis quodam praescripto & divina lege sapientiae, quae nullo ab eo pacto eripi possunt.

eget. Sapiens porro aliquo non eget.

Terent. in Eunuch. act. 4. scen. 6.

Terent. in Andr. act. 2. scen. 1.

26. Jam nunc videte, utrum etiam omnis qui miser est egeat. Nam huic sententiae concedendae difficultatem illa res facit, quod multi in magna fortuitarum rerum copia constituti sunt, quibus ita facilia sunt omnia, ut ad eorum nutum praesto sit quidquid cupiditas poscit. Difficilis quidem ista vita est. Sed fingamus aliquem talem, qualem Tullius fuisse dicit Oratam. Quis enim facile dicat a Oratam egestate laborasse, hominem ditissimum, amoenissimum, delitiosissimum, cui neque ad voluptatem quidquam defuit, neque ad gratiam, neque ad bonam integramque valetudinem? Nam & praediis quaestuosissimis & amicis jocundissimis, quantum libuit, abundavit, & illis omnibus aptissime ad salutem corporis usus est, ejusque (ut breviter totum explicem) omne institutum voluntatemque omnem successio prospera consecuta est. Sed fortasse inquiet aliquis vestrum, plus illum quam habebat habere voluisse. Hoc ignoramus. Sed quod satis est quaestioni, faciamus eum non desiderasse amplius quam tenebat. Videturne vobis eguisse? Etiam si concedam, inquit Licentius, nihil eum desiderasse, quod in homine non sapiente nescio quomodo accipiam; metuebat tamen, erat enim vir (ut dicitur) ingenii non mali, ne illa omnia sibi vel uno adverso impetu raperentur. Non enim magnum erat intelligere, talia cuncta quantacumque essent, esse sub casibus constituta. Tum ego arridens: Vides, inquam, Licenti, fortunatissimum istum hominem a beata vita ingenii bonitate impeditum. Quo enim erat acutior, eo videbat illa omnia se posse amittere: quo metu frangebatur, illudque vulgare satis asserbat: **INFIDUM** hominem malo suo esse cordatum.

An omnis qui miser est, egeat.

a

27. Hic cum & ille & ceteri arrisissent : Illud tamen, inquam, diligentius attendamus, quia etsi timuit iste, non eguit : unde quæstio est. Egere est enim in non habendo, non in timore amittendi quæ habeas. Erat autem iste miser, quia metuebat, quamvis non egeret. Non igitur omnis qui miser est, eget. Quod cum approbavisset cum ceteris etiam ipsa cujus sententiam defendebam, aliquantulum tamen addubitans. Nescio, inquit, tamen, & nondum plene intelligo, quomodo ab egestate possit miseria, aut egestas a miseria separari. Nam & iste qui dives & locuples erat, & nihil (ut dicitis) amplius desiderabat, tamen quia metuebat ne amitteret, egebat sapientia. Ergo ne hunc egentem diceremus, si egeret argento & pecunia; cum egeret sapientia, non diceremus? Ubi cum omnes mirando exclamassent, me ipso etiam non mediocriter alacri atque læto, quod ab ea potissimum dictum esset, quod pro magno de philosophorum libris, atque ultimum proferre paraveram: Videtisne, inquam, aliud esse multas variasque doctrinas, aliud animum adtentissimum in Deum? Nam unde ista quæ miramur, nisi inde procedunt? Hic Licentius lætus exclamans: Prorsus, inquit, nihil verius, nihil divinius dici potuit. Nam & major & miserabilior egestas nulla est, quam egere sapientia, & qui sapientia non eget, nulla re omnino egere potest.

Animi
egestas.

28. Est ergo animi egestas, inquam, nihil aliud quam stultitia. Hæc est enim contraria sapientiæ, & ita contraria ut mors vitæ, ut beata vita misera, hoc est sine aliquo medio. Nam ut omnis non beatus homo miser est, omnisque homo non mortuus vivit, sic omnem non stultum manifestum est esse sapientem. Ex quo & illud jam licet videre, non ex eo tantum Sergium Oratam fuisse miserum, quod timebat ne fortunæ illa munera amitteret, sed quia stultus erat. Quo fit ut inferior esset, si tam pendulis nutantibusque iis quæ bona putabat, nihil omnino metuisset. Effet enim non fortitudinis excubiis, sed mentis sopore securior, & altiore stultitia demersus miser. At si omnis qui caret sapientia magnam patitur egestatem, omnisque compos sapientiæ nihilo eget, sequitur ut stultitia sit egestas. Ut autem omnis stultus miser, ita omnis miser stultus est. Ergo ut omnis egestas miseria, ita omnis miseria egestas esse convincitur.

29. Quam conclusionem Trygetius cum se parum intellexisse diceret: Quid, inquam, inter nos ratione convenit? Eum egere, inquit, qui sapientiam non habeat. Quid est ergo, inquam, egere? Sapientiam, inquit, non habere. Quid est, inquam, sapientiam non habere? Hic cum taceret, Nonne hoc est, inquam, habere stultitiam? Hoc, inquit. Nihil est ergo aliud, inquam, habere egestatem quam stultitiam; ex quo jam necesse est egestatem alio verbo nominari, quando stultitia nominatur. Quamquam nescio quomodo dicamus, Habet egestatem, aut, habet stultitiam. Tale est enim ac si locum aliquem, qui lumine careat, dicamus habere tenebras: quod nihil est aliud quam lumen non habere. Non enim tenebræ quasi veniunt aut recedunt, sed carere lumine hoc ipsum est jam tenebrosum esse, ut carere veste hoc est esse nudum. Non enim veste accedente veluti aliqua res mobilis nuditas fugit. Sic ergo dicimus aliquem habere egestatem, quasi dicamus habere nuditatem.

A Egestas enim verbum est non habendi. Quamobrem ut quod volo, explicem sicut possum, ita dicitur. Habet egestatem: quasi dicatur, Habet non habere. Itaque si stultitiam ipsam veram & certam egestatem esse monstratum est: vide jam quæstionem quam susceperamus, utrum soluta sit. Dubitabatur enim inter nos, utrum cum appellaremus miseriam, nihil aliud quam egestatem nominaremus. Dedimus autem rationem, recte stultitiam vocari egestatem. Sicut ergo & omnis stultus miser, & omnis miser stultus est; ita necesse est non solum omnem qui egeat miserum, sed etiam omnem qui miser sit egentem esse fateamur. At si ex eo quod & omnis stultus miser est, & omnis miser stultus est, conficitur stultitiam esse miseriam: cur non ex eo quod & quisquis eget miser, & quisquis miser est egeat, nihil aliud miseriam quam egestatem esse conficimus?

30. Quod cum omnes ita esse faterentur, Illud jam, inquam, sequitur, ut videamus quis non egeat: is enim erit sapiens & beatus. Egestas autem stultitia est, egestatisque nomen: hoc autem verbum sterilitatem quamdam & inopiam solet significare. Attendite quæso altius, quanta cura priscorum hominum, si ve omnia si ve quod manifestum est, quædam verba creata sunt, earum rerum maxime quarum erat notitia per necessaria. Jam enim conceditis, omnem stultum egere, & omnem qui egeat stultum esse; credo vos etiam concedere animum stultum esse vitiosum, omniaque animi vitia uno stultitiæ nomine includi. Primo autem die hujus disputationis nostræ nequitiam dixeramus esse ab eo dictam quod nec quidquam sit, cui contrariam frugalitatem a fruge fuisse nominatam. Ergo in iis duobus contrariis, hoc est frugalitate atque nequitia, illa duo videntur eminere, esse & non esse. Egestati autem de qua quæstio est, quid putamus esse contrarium: Hic cum aliquantum cunctarentur: Si dicam, inquit Trygetius, divitias: video his paupertatem esse contrariam. Est quidem, inquam, vicinum. Nam paupertas & egestas unum atque idem accipi solent. Tamen aliud verbum inveniendum est, ne meliori parti desit unum vocabulum, ut cum illa pars paupertatis & egestatis nomine abundet, ex hac parte solum opponatur divitiarum nomen. Nihil enim absurdius quam ut hic sit egestas vocabuli, ubi est contraria pars egestati. Plenitudo, inquit Licentius, si dici potest, videtur mihi recte opponi egestati.

31. Postea, inquam, de verbo quæremus fortasse diligentius. Non enim hoc curandum est in inquisitione veritatis. Quamvis enim Salustius lectissimus pensator verborum, egestati opposuerit opulentiam, tamen accipio istam plenitudinem. Non enim hic grammaticorum formidine a laborabimus, aut metuendum est ne ab eis castigemur, quod incuriose utimur verbis, qui * res suas nobis ad utendum dederunt. Ubi cum arrisissent: Ergo quia mentes vestras, inquam, cum intenti estis in Deum velut quædam oracula non contemnere statui, videamus quid sibi velit hoc nomen: nam nullum accommodatius esse arbitror veritati. Plenitudo igitur & egestas contraria sunt: at etiam hic similiter, ut in nequitia & frugalitate, apparent illa duo, esse & non esse. Et si egestas est ipsa stultitia, plenitudo erit sapientia. Merito etiam virtutum omnium matrem multi frugalitatem esse dixerunt. Quibus.

Animi
plenitudo.

Salust. in
Catil.

* Verecundi
grammatici
beneficium
subinducunt.

Orat. pro
Deiolarum.

a Ita MSS. At pius excusi habent, Non enim nec hic grammaticorum

formidine liberabimur.

bus consentiens Tullius etiam in populari oratione ait :
 „ Ut volet quisque accipiat : ego tamen frugalitatem , id
 „ est modestiam & temperantiam , virtutem esse maxi-
 mam judico . Prorsus doctissime ac decentissime : con-
 sideravit enim frugem , id est illud quod esse dicimus ,
 cui est non esse contrarium . Sed propter vulgarem lo-
 quendi consuetudinem , qua frugalitas quasi parcimo-
 nia dici solet , duobus consequentibus quid senserit , il-
 lustravit , subjiciendo modestiam & temperantiam :
 & hæc duo verba diligentius attendamus .

32. Modestia utique dicta est a modo , & a tempe-
 rie temperantia . Ubi autem modus est atque tempe-
 ries , nec plus est quidquam nec minus . Ipsa est igitur
 plenitudo , quam egestati contrariam posueramus ,
 multo melius quam si abundantiam poneremus . In
 abundantia enim intelligitur affluentia & quasi rei ni-
 mium exuberantis effusio . Quod cum evenit ultra
 quam satis est , etiam ibi desideratur modus , & res
 quæ nimia est , modo eget . Ergo nec ab ipsa redun-
 dantia egestas aliena est ; a modo autem & plus , &
 minus aliena sunt . Ipsam etiam opulentiam si discu-
 tias , invenies eam nihil aliud tenere quam modum .
 Nam non nisi ab ope dicta est opulentia . Quomodo
 autem opitulatur , quod nimium est , cum incommo-
 dius sit sæpe quam parum ? Quidquid igitur vel pa-
 rum vel nimium est , quia modo eget , obnoxium est
 egestati . MODUS ergo animi sapientia est . Etenim
 sapientia contraria stultitiæ non negatur , & stultitia
 egestas , egestati autem contraria plenitudo . Sapien-
 tia igitur plenitudo . In plenitudine autem modus .
 Modus igitur animi in sapientia est . Unde illud præ-
 clarum est , & non immerito diffamatur hoc primum
 in vita esse utile : Ut ne quid nimis .

Terent. in
 Andr.
 act. 1.
 scen. 1.
 Quis de-
 rum sit
 beatus .

33. Dixeramur autem in exordio hodiernæ dispu-
 tationis nostræ , quod si inveniremus nihil aliud esse mi-
 seriam quam egestatem , eum beatum esse fateremur ,
 qui non egeret . Est autem inventum : ergo beatum
 esse nihil est aliud quam non egere , hoc est esse sapien-
 tem . Si autem quæritis quid sit SAPIENTIA (nam &
 ipsam ratio quantum in præsentia potuit , evolvit atque
 eruit .) NIHIL est aliud quam modus animi , hoc est
 quo sese animus librat , ut neque excurrat in nimium ,
 neque infra quam plenum est coarctetur . Excurrit au-
 tem in luxurias , dominationes , superbias , ceteraque
 id genus , quibus immoderatorum miserorumque ani-
 mi sibi lætitiæ atque potentias comparari putant . Co-
 arctatur autem sordibus , timoribus , mærore , cupidi-
 tate , atque aliis quæcumque sunt quibus homines mi-
 seros etiam miseri confitentur . Cum vero sapientiam
 contemplatur inventam , cumque , ut hujus pueri
 verbo utar , ad ipsam se tenet , nec se ad simulacro-
 rum fallaciam , quorum pondus amplexus a Deo
 suo cadere atque demergi solet , ulla commotus ina-
 nitate convertit , nihil immoderationis , & ideo nihil
 egestatis , nihil igitur miseriæ pertimescit . Habet
 ergo modum suum , id est sapientiam , quisquis bea-
 tus est .

34. Quæ est autem dicenda sapientia , nisi quæ Dei
 Sapientia est ? Accepimus autem etiam auctoritate
 divina , Dei Filium nihil esse aliud quam Dei Sapien-

tiam : & est Dei Filius profecto Deus . Deum habet
 igitur quisquis beatus est : quod omnibus nobis jam an-
 te placuit , cum hoc convivium ingressi sumus . Sed
 quid putatis esse sapientiam , nisi veritatem ? Etiam
 hoc enim dictum est : *Ego sum Veritas* . Veritas autem
 ut sit , fit per aliquem summum modum , a quo proce-
 dit , & in quem se perfecta convertit . Ipsi autem sum-
 mo modo nullus alius modus imponitur : Si enim sum-
 mus modus per summum modum modus est , per se-
 ipsum modus est . Sed etiam summus modus necesse
 est ut verus modus sit . Ut igitur veritas modo gigni-
 tur , ita modus veritate cognoscitur . Neque igitur ve-
 ritas sine modo , neque modus sine veritate umquam
 fuit . Quis est Dei Filius ? dictum est , Veritas . Quis
 est qui non habet patrem , quis alius quam summus
 modus ? Quisquis igitur ad summum modum per ve-
 ritatem venerit , beatus est . Hoc est animo Deum ha-
 bere , id est Deo frui . Cetera enim quamvis a Deo
 habeantur , non habent Deum .

Jo. 14 6.

35. Admonitio autem quædam , quæ nobiscum
 agit , ut Deum recordemur , ut eum quæramus , ut
 eum pulso omni fastidio sitiamus , de ipso ad nos fonte
 veritatis emanat . Hoc interioribus luminibus nostris
 jubar sol ille secretus infundit . Hujus est verum omne
 quod loquimur , etiam quando adhuc vel minus sanis ,
 vel repente apertis oculis audacter converti & totum
 intueri trepidamus : nihilque aliud etiam hoc apparet
 esse quam Deum , nulla degeneratione impediante per-
 fectum : Nam ibi totum atque omne perfectum est ,
 simulque est omnipotentissimus Deus . Sed tamen
 quamdiu quærimus , nondum ipso fonte , atque ut illo
 verbo utar , plenitudine saturati , nondum ad nostrum
 modum nos pervenisse fateamur : & ideo quamvis jam
 Deo adjuvante , nondum tamen sapientes ac beati su-
 mus . ILLA EST igitur plena satietas animorum ,
 hæc est beata vita , pie perfecteque cognoscere a quo
 inducaris in veritatem , a qua veritate perfruaris , per
 quid connectaris summo modo . Quæ tria unum De-
 um intelligentibus unamque substantiam , exclusis
 vanitatibus variæ superstitionis , ostendunt . Hic ma-
 ter recognitis verbis quæ suæ memoriæ penitus inhæ-
 rebant , & quasi evigilans in fidem suam , versum il-
 lum sacerdotis nostri : Fove precantes Trinitas , læta
 effudit , atque subjecit : Hæc est nullo ambigente bea-
 ta vita , quæ vita perfecta est , ad quam nos festinan-
 tes posse perducere , b solida fide , alacri spe , flagrante
 caritate præsumendum est .

Ambrosii
 in hymno,
 Deus
 creator
 omnium .
 b

36. Ergo , inquam , quoniam modus ipse nos admo-
 net , convivium aliquo intervallo dierum distinguere ,
 quantas pro viribus possum gratias ago summo & vero
 Deo patri Domino liberatori animarum . Deinde vobis
 qui concorditer invitati , multis etiam me cumula-
 stis muneribus . Nam tantum in nostrum sermonem con-
 tulistis , ut me negare non possim , ab invitatis meis
 esse fatiatum . Hic omnibus gaudentibus & laudanti-
 bus Deum : Quam vellem , inquit Trygetius , hoc
 modo nos quotidie pasceres . Modus , inquam , ille
 ubique servandus est , ubique amandus , si vobis cordi
 est ad Deum reditus noster . His dictis facto disputa-
 tionis fine , discessimus .

AD-

a Lov. quo veritate perfruaris , per quid connectaris summo bono . Sed
 concinnius aliæ editiones & MSS. nobiscum præferunt , qua veritate ...
 summo modo .

b Sic incunctanter legendum cum MSS. & omnibus antiquis editioni-

bus Bad. Am. Er. & Colonienfi an. 1529. Non vero , sola fide , uti habe-
 tur apud Lov. manifesto lapsu , cum ad hæc continenter addatur , alacri
 spe , flagrante caritate .

A D M O N I T I O

DE SEQUENTIBUS DUOBUS DE ORDINE LIBRIS.

AD edendum opus de Ordine animum adjecit Augustinus auctore Zenobio, cujus viri amicitiam & plurimam in se suosque familiares benevolentiam commemorat lib. 1. cap. 7. ubi se ipsi ea de re multa atque alta percontanti facere satis antebac non potuisse dicit, cum non modo rei difficultas, sed temporum etiam angustia prohiberent. Ceterum amico vehementer instanti ne diutius differret, atque ad copiosius respondendum carmine provocanti morem gerere oportuit.

Cæpit itaque conscribendis hisce libris vacare apud Cassiciacum sub finem anni 386. quippe cum primum librum perfecit ante quam Mediolano regressus esset Alypius, qui inchoato jam contra Academicos opere, ante 13. diem Novembris eo profectus, inde rediit opportune ut interesset tum ejusdem operis posterioribus duobus absolvendis libris, tum etiam alteri cudendo libro de Ordine; in quo citatur interdum liber de Beata vita, laudatur etiam locus libri tertii contra Academicos; unde secundum hunc de Ordine librum post istos perfectum esse intelligimus.

Argumentum utriusque libri exhibet annexa hic Retractatio. In primo insignior locus est, ubi comprimuntur æmulationis & inanis jactantiæ motus illi, quibus agitari solent adolescentes qui litteris navant operam. In secundo libro ex ordinis definitione nascuntur variae quæstiones, cumque rei difficultas collocutorum captum superaret, visum est Augustino rectum studendi ordinem edocere. Quapropter primum de informandis rite moribus, tum de comparandis humanis disciplinis differit, quibus fretus adjumentis animus ad celsiora demum percipienda evehatur.

LIB. I. RETRACT. CAPUT III.

PER idem tempus inter illos qui de Academicis scripti sunt, duos etiam libros de Ordine scripsi, in quibus magna quæstio versatur, utrum omnia bona & mala divinæ providentiæ ordo contineat. Sed cum rem viderem ad intelligendum difficilem, satis ægre ad eorum perceptionem, cum quibus agebam, disputando posse perducere, de ordine studendi loqui malui, quo a corporalibus ad incorporalia potest profici.

L. 2. c. 9.
L. 1. c. 1.
& 2. & c.
L. 1. c. 8.
& 2. c.
24.
L. 1. c. 3.
Ibidem. 2. Verum & in his libris displicet mihi sæpe interpositum fortunæ vocabulum. Et quod non addebam corporis quando sensus corporis nominavi. Et quod multum tribui liberalibus disciplinis, quas multi sancti multum nesciunt; quidam etiam qui sciunt eas, sancti non sunt. Et quod *Musas* quasi aliquas deas, quamvis jocando, commemoravi. Et quod *admirationem vitium* nuncupavi. Et quod philosophos non vera pietate præditos dixi virtutis luce fulsisse. Et quod *duos mundos, unum sensibilem, alterum intelligibilem*, non ex Platonis vel ex Platoniorum persona, sed ex mea sic commendavi, tamquam hoc etiam Dominus significare voluerit, quia non ait: Regnum meum non est de mundo: sed, *Regnum meum non est de hoc mundo*; cum possit & aliqua locutione dictum inveniri; & si alius a Domino Christo significatus est mundus, ille congruentius possit intelligi, in quo erit cælum novum & terra nova, quando complebitur quod oramus dicentes: *Adveniat regnum tuum*. Nec Plato quidem in hoc erravit, quia esse mundum intelligibilem dixit, si non vocabulum quod ecclesiasticæ consuetudini in re illa non usitatum est, sed ipsam rem velimus adtendere. Mundum quippe ille intelligibilem nuncupavit ipsam rationem sempiternam atque incommutabilem, qua fecit Deus mundum. Quam qui esse negat, sequitur ut dicat, irrationabiliter Deum fecisse quod fecit; aut cum faceret, vel ante quam faceret, nescisse quid faceret, si apud eum ratio faciendi non erat. Si vero erat, sicut erat, ipsam videtur Plato vocasse intelligibilem mundum. Nec tamen isto nomine nos uteremur, si jam satis essemus litteris ecclesiasticis eruditi.

L. 2. c. 20.
Johan. 9. 31.
L. 2. c. 20. 3. Nec illud mihi placet, quod cum dixissem, *Summa opera danda est optimis moribus*: mox addidi; *Deus enim noster aliter nos exaudire non poterit: bene autem viventes facillime exaudiet*. Sic enim dictum est, tamquam Deus non exaudiat peccatores; quod quidam dixit in Evangelio, sed ille qui nondum cognoverat Christum, a quo fuerat jam illuminatus in corpore. Nec illud mihi placet, quod Pythagoræ philosopho tantum laudis dedi, ut qui hanc audit vel legit possit putare, me credidisse nullos errores in Pythagorica esse doctrina, cum sint plures, iidemque capitales. Hoc opus sic incipit, *Ordinem rerum Zenobi*.

S. AURELII AUGUSTINI
HIPPO NENSIS EPISCOPI
DE ORDINE
LIBRI DUO.*

* Scripti
sub fi-
nem an.
Chr.
386.

LIBER PRIMUS.

Disputationes duas exhibet, quarum prima docet omnia prorsus & bona & mala ordine divinae providentiae contineri. Secunda de ordinis praestantia & notione nonnihil tangit; atque hic data occasione incompósitos animi motus & pueriles gloriolae obtentu rixas alumnorum suorum graviter carpit Augustinus; tumque Monnicam dicit ob sexum à philosophica disputatione minime arcendam esse.

Prefatio.
CAPUT
I.
Omnia
divina
provi-
dentia
regi.



ORDINEM rerum, Zenobi, consequi ac tenere cuique proprium, tum vero universitatis quo coercetur ac regitur hic mundus, vel videre vel pandere difficillimum hominibus atque rarissimum est. Huc accedit, quod etiam si quis hæc possit, non illud quoque valet efficere ut dignum auditorem tam divinis obscurisque rebus, vel vitæ merito, vel habitu quodam eruditionis inveniat. Nec tamen quidquam est quod magis avide expetant quæque optima ingenia, magisque audire ac discere studeant, qui scopulos vitæ huius & procellas, velut erecto quantum licet capite, inspiciunt, quam quomodo fiat, ut & Deus humana curet, & tanta in humanis rebus perversitas usquequaque diffusa sit, ut non divinæ, sed ne servili quidem cuiquam procurationi, si ei tanta potestas daretur, tribuenda esse videatur. Quamobrem illud quasi necessarium iis quibus talia sunt curæ, credendum dimittitur, aut divinam providentiam non usque in hæc ultima & ima pertendi, aut certe mala omnia Dei voluntate committi. Utrumque impium, sed magis posterius. Quamquam enim desertum Deo quidquam credere, cum imperitissimum, tum etiam periculosissimum animo sit, tamen in ipsis hominibus nemo quemquam non potuisse aliquid criminatus est. Negligentiæ vero vituperatio multo est quam malitiæ crudelitatisque purgatio. Itaque velut compellitur ratio tenere non immemor pietatis, aut ista terrena non posse a divinis administrari, aut negligi atque contemni potius quam ita gubernari, ut omnis de Deo sit mitis atque inculpanda conquestio.

2. Sed quis tam cæcus est mente, ut quidquam in movendis corporibus a rationis quod præter humanam dispositionem ac voluntatem est, divinæ potentiae moderationique dare dubitet: nisi forte aut casibus tam rata subtilique dimensione vel minutissimorum quorumque animalium membra figurantur; aut quod casu quis negat, possit nisi ratione factum fateri; aut vero per universam naturam, quod in singulis quibusque rebus nihil arte humana fatagente ordinatum

miramur, alienare a secretissimo majestatis arbitrio ullis nugis vanæ opinionis audebimus. At enim hoc ipsum est plenius quæstionum, quod membra pulicis disposita mire atque distincta sunt, cum interea humana vita innumerabilium perturbationum inconstantia versetur & fluctuet. Sed hoc pacto si quis tam minutum cerneret, ut in vermiculato pavimento, nihil ultra unius tessellæ modulum acies ejus valeret ambire, vituperaret artificem velut ordinationis & compositionis ignarum; eo quod varietatem lapillorum perturbatam putaret, a quo illa emblemata in unius pulcritudinis faciem congruentia simul cerni collustrarique non possent. Nihil enim aliud minus eruditis hominibus accidit, qui universam rerum coaptationem atque concentum imbecilla mente complecti & considerare non valentes, si quid eos offenderit, quia suæ cogitationi magnum est, magnam putant rebus inhærere fœditatem.

3. Cujus erroris maxima causa est, quod homo sibi ipse est incognitus. Qui tamen ut se noscat, magna opus habet consuetudine recedendi a sensibus, & animum in seipsum colligendi, atque in seipso retinendi. Quod ii tantum assequuntur, qui plagas quasdam opinionum, quas vitæ quotidianæ cursus infligit, aut solitudine inurunt, aut liberalibus medicant disciplinis. * Ita enim animus sibi redditus quæ sit pulcritudo universitatis intelligit, quæ profecto ab uno cognominata est. Idcircoque illam videre non licet animæ, quæ in multa procedit, sectaturque aviditate pauperiem, quam nescit sola segregatione multitudinis posse vitari. Multitudinem autem non hominum dico, sed omnium quæ sensus adtingit. Nec mirere quod EO EGESTATEM patitur magis, quo magis appetit plura complecti. Ut enim in circulo quantumvis amplo unum est medium quo cuncta convergunt, quod centrum geometræ vocant, & quamvis totius ambitus partes innumerabiliter secari queant, nihil tamen est præter illud unum, quo cetera pariliter dimetiantur, & quod omnibus quasi quodam æqualitatis jure dominetur. Hinc vero in quamlibet partem si egredi velis, eo amittuntur omnia, quo in plurima pergitur. SIC

ANI-

1. Retr.
c. 3. n. 2.

*
CAPUT
II.
Dedicat
hoc o-
pus Ze-
nobia.

* Hic MSS. decem omittunt, rationis; sed paulo post habent, ra-

tionis divinæ potentiae moderationique.

ANIMUS a seipso fufus immenfitate quadam diverberatur, & vera mendicitate conteritur, cum eum natura fua cogit ubique unum quærere, & multitudo invenire non finit.

4. Sed & hæc quæ dixi qualia fint, & quæ cauffa exftet erroris animarum, quoque modo & in unum congruant atque perfectæ fint cuncta, & tamen peccata fugienda fint, aflequeris profecto, mi Zenobi. Sic enim mihi notum eft ingenium tuum, & pulcritudinis omnimodæ amator animus, fine libidinis immoderatione atque fordibus. Quod fignum in te futuræ fapientiae perniciofis cupiditatibus divino jure præfcribit, ne tuam cauffam deferas falſis voluptatibus illeſtus, qua prævaricatione nihil turpius & periculofius inveniri poteſt. Aflequeris ergo iſta, mihi crede, cum eruditioni operam dederis, qua purgatur & excolitur animus, nullo modo ante idoneus cui divina femina committantur. Quod totum cujuſmodi fit, & quem flagitet ordinem, quidve ſtudioſis & bonis ratio promittat, qualemque vitam nos vivamus cariffimi tui, & quem fructum de liberali otio carpamus, hi te libri ſatis, ut opinor, edocebunt, nomine tuo nobis quam noſtra elaboratione dulciores, præſertim ſi te in ipſum ordinem, de quo ad te ſcribo, meliora eligens inferere atque coaptare volueris.

5. Nam cum ſtomachi dolor ſcholam me deferere coegiffet, qui jam, ut ſcis, etiam ſine ulla tali neceſſitate in philoſophiam confugere moliebar, ſtatim me contuli ad villam familiariffimi noſtri Verecundi. Quid dicameo libente? Noſti optime hominis, cum in omnes, tum vero in nos benevolentiam ſingularem. Ibi differebamus inter nos quæcumque videbantur utilia, adhibito ſane ſtylo quo cuncta exciperentur, quod videbam conducere valetudini meæ. Cum enim nonnulla loquendi cura detinerer, nulla inter diſputandum irrepebat immoderata contentio. Simul etiam ut ſi quid noſtrum litteris mandare placuiſſet, nec aliter dicendi neceſſitas, nec labor recordationis eſſet. Agebant autem iſta mecum Alypius & Navigius frater meus, & Licentius repente admirabiliter poeticæ deditus. Trygetium item nobis militia reddiderat, qui tamquam veteranus adamavit hiftoriam. Et jam in libris nonnihil habebamus.

6. SED nocte quadam cum evigilaſſem de more, mecumque ipſe tacitus agitare quæ in mentem nescio unde veniebant. Nam id mihi amore inveniendi veri jam in conſuetudinem verterat, ita ut aut primam, ſi tales curæ inerant, aut certe ultimam, dimidiam tamen fere noctis partem pervigil quodcumque cogitarem: nec me patiebar adoleſcentium lucubrationibus a meipſo avocari; quia & illi per totum diem tantum agebant, ut nimium mihi videretur, ſi aliquid etiam noctium in ſtudioſorum laborem uſurparent, & id a me ipſi quoque præceptum habebant, ut aliquid & præter codices ſecum agerent & apud ſeſe habitare conſueſacerent animum. Ergo, ut dixi, vigilabam: cum ecce aquæ ſonus pone balneas quæ præterfluebat, eduxit me in aures, & animadverſus eſt ſolito adtentius. Mirum admodum mihi videbatur, quod nunc clarius, nunc preſſius eadem aqua ſtrepebat ſilicibus irruens. Cœpi a me quærere, quænam cauffa eſſet. Fateor, nihil occurrebat: cum Licentius lecto ſuo importunos percuffo juxta ligno ſorices terruit, ſeſeque vigilantem hoc modo indicavit. Cui ego: Ani-

Tom. I.

A madvertiſti, inquam, Licenti (nam video tibi Muſam tuam lumen ad lucubrandum accendiſſe) quomodo canalis iſte inſtanter ſonet? Jam, inquit, mihi hoc non eſt novum. Nam deſiderio ſerenitatis cum expergefactus aliquando aurem admoviſſem, ne imber ingrueret, hoc agebat aqua iſta quod nunc. Approbavit Trygetius. Nam & ipſe in eodem conclavi lecto ſuo cubans vigilabat nobis neſcientibus: erant enim tenebræ; quod in Italia etiam pecunioſis prope neceſſe eſt.

7. Ergo ubi vidi ſcholam noſtram quantacumque aderat, nam & Alypius & Navigius in urbem ierant, etiam illis horis non ſopitam, & me curſus ille aquarum aliquid de ſe dicere admonebat: Quidnam vobis, inquam, videtur eſſe cauffæ quod ſic alternat hic ſonus? Non enim quemquam putamus his horis vel tranſitu, vel re aliqua lavanda toties illum meatum interpellare. Quid putas, inquit Licentius, niſi alicubi folia cujuſcemodi quæ autumnno perpetuo copioſeque decidunt, anguſtiis canalis intertruſa evinci aliquando atque cedere; ubi autem unda, quæ urgebat pertranſierit, rurſum colligi atque ſtipari: aut aliquid aliud vario caſu foliorum natantium fieri, quod ad illum fluxum nunc refrenandum, nunc emittendum ſimiliter valeat? Viſum eſt mihi probabile aliud non habenti, confeſſusque ſum laudans ingenium ejus, nihil me inveniffe cum diu quæſiſſem, cur ita eſſet.

8. Tum interpoſito modico ſilentio, Merito, inquam, tu nihil mirabar, & apud Calliopam te intus tenebas. Merito, inquit ille. Sed modo plane dediſti mihi magnum mirari. Quidnam hoc eſt, inquam? Quod tu, inquit, iſta miratus es. Unde enim ſolet, inquam, oboriri admiratio, aut quæ huius vitii mater eſt, niſi res inſolita præter manifeſtum cauffarum ordinem? Et ille: Præter manifeſtum, inquit, accipio: nam præter ordinem nihil mihi fieri videtur. Hic ego erectior ſpe alacriore quam ſoleo eſſe, cum aliquid ab his requiro, quod rem tantam & tam ſubito heri pene ad iſta converſus adoleſcentis animus concepiffet, nulla umquam de his rebus inter nos antea quæſtione agitata: Bene, inquam, bene, ſed prorfus bene multum ſenſiſti, multum auſus es: Hoc mihi crede, longo intervallo tranſcendis Heliconem, ad cujuſ verticem tamquam ad cœlum pervenire conaris. Sed pervellem adeſſes huic ſententiæ, nam eam labefactare tentabo. Sine, inquit, modo me mihi, quæſo te: nam valde in aliud intendi animum. Hic ego nonnihil metuens ne ſtudio poeticæ penitus provolutus a philoſophia longe raperetur. Irritor, inquam, abſte verſus iſtos tuos omni metrorum genere cantando & ululando infectari, qui inter te atque veritatem immanioſiorem murum quam inter amantes tuos conantur erigere: nam in ſe illi vel inolita rimula reſpirabant. Pyramum enim ille tum canere inſtituerat.

9. Quod cum ſeveriore quam putabat voce dixiſſem, ſubticuit aliquantum. Et ego jam reliqueram cœpta, & ad me redieram, ne fruſtra occupare præoccupatum atque inepte vellem. Tum ille. Egomet meo indicio miſer quaſi ſorex, inquit, non dictum eſt commodius apud Terentium quam nunc dici a me de me poteſt: ſed ſane illud ultimum fortaiſe in contrarium vertetur. Quod enim ait ille, hodie perii, ego hodie forte inveniar. Nam ſi non contemnit quod ſuperſtitioſi ſolent etiam de muribus augurari, ſi ego illum murem vel ſoricem, qui me tibi vigi-

O 2

lan-

1. Retr.
ca. 3. n. 2.

2. Retr.
ca. 3. n. 2.

In Eu-
nuch. act.
5. ſcen. 6

Perſonæ
dialogi.

Diſputa-
tio pri-
ma.
CAPUT
III.
Occaſio
diſputa-
tionis.

lantem detulit, strepitu meo commonui, si quid sapit redire in cubile suum, secumque conquirere, cur non ego ipse isto strepitu vocistue commonear philosophari potius quam cantare? Nam illa est, ut tibi quotidie probanti jam coepi credere, vera & inconcussa nostra habitatio. Quare si tibi molestum non est, atque id fieri debere arbitraris, roga quod vis, defendam quantum possum ordinem rerum, nihilque praeter ordinem fieri posse asseram. Tantum enim eum animo imbibi atque hausi, ut etiam si me quisquam in hac disputatione superarit, etiam hoc nulli temeritati, sed rerum ordini tribuam. Neque enim res ipsa, sed Licentius superabitur.

CAPUT
IV.
Nihil
omnino
sine
caussa
fieri.
a

10. EGO rursus gaudens eis me restitui. Tum Trygetio: Quid, inquam, tibi videtur? Faveo quidem, inquit, ordini plurimum, sed incertus sum tamen, & rem tantam diligentissime discuti cupio. Favorem, inquam, tuum a illa ergo par habeat: nam quod incertus es, etiam cum Licentio ac meipso tibi puto esse commune. Prorsus, ait Licentius, ego huius sententiae certus sum. Quid enim dubitem parietem, cuius mentionem fecisti, ante quam plane se ereixerit, diruere? Non enim vere poetica tantum me avertere a philosophia potest, quantum inveniendi veri diffidentia. Tum Trygetius gaudens verbis: Habemus, inquit, jam quod plus est, Licentium non Academicum: eos enim ille studiosissime defendere solebat. Haec modo, inquit, omitte quaeso, ne me hoc vafrum quiddam & captatorium a nescio qua divina re, quae mihi ostentare se coepit, & cui me inhiantem suspendo, detorqueat atque dirumpat. Hic ego multo uberius cernens abundare laetitia meas quam vel optare aliquando ausus sum, versus istum gestiens effudi: Sic Pater ille. ^b Deus faciat, sic altus Apollo, Incipias, perducet enim ipse, si sequimur quo nos ire jubet, atque ubi ponere sedem, qui dat modo augurium, nostrisque illabitur animis. Nec enim altus Apollo est, qui in speluncis, in montibus, in nemoribus nidore thuris pecudumque calamitate concitatus implet insanos; sed alius profecto est, alius ille altus veridicus, atque ipsa (quid enim verbis ambiam) Veritas. Cujus vates sunt quicumque possunt esse sapientes. Ergo aggrediamur, Licenti, freti pietate cultores, & vestigiis nostris ignem perniciosum fumosarum cupiditatum opprimamus.

11. Jam, inquit, interroga, oro te, si possim hoc tantum nescio quid explicare, & tuis verbis & meis. Hoc ipsum, inquam, mihi responde, primo unde tibi videatur aqua ista non temere sic, sed ordine influere. Nam quod illa ligneolis canalibus superlabitur, & ducitur usque in usus nostros, potest ad ordinem pertinere. Factum est enim ab hominibus ratione utentibus, ut uno ejus itinere simul & biberent & lavarent, & pro locorum opportunitatibus consequens erat ut ita fieret. Quod vero illa, ut dicis, folia sic inciderunt, ut hoc quod admirati sumus eveniret, quo tandem rerum ordine, ac non potius casu factum putabimus? Quasi vero, inquit ille, aliter atque ceciderunt debuisse aut potuisse cadere cuiquam videri potest, serenissime intuenti nihil posse fieri sine causa. Quid jam vis persequar situs arborum atque ramorum, ipsumque pondus quantum natura foliis imposuit? quid

A aeris vel mobilitatem qua volitant, vel molliciem qua descendunt, variosque lapsus pro affectione caeli, pro onere, pro figuris suis, ceterisque innumerabilibus atque obscurioribus causis, quid me adtinet quaerere? Latent ista sensus nostros, penitus latent: illud tamen quod c aggressae quaestioni satis est, nescio quomodo animum non latet, nihil fieri sine causa. Potest enim odiosus percontator pergere quaerere, quae causa erat ut ibi arbores ponerentur? Respondebo, secutos esse homines uber terrae. Quid si fructuosae arbores non sunt, ac temere natae sunt? Et hic respondebo, nos parum videre. Nam temerariam quae illas genuit nequaquam esse naturam. Quid plura? Aut aliquid sine causa fieri docear, aut nihil fieri nisi certo causarum ordine credite.

12. CUI ego: Licet, inquam, me odiosum percontatore voces, vix enim possum non esse, qui expugnavi ne cum Pyramo & Thysbe colloquereris, pergam tamen quaerere abs te: Natura ista quam vis videri ordinatam, cui bono, ut de ceteris rebus innumerabilibus taceam, istas ipsas arbores quae fructus non afferunt, procreavit? At illo cogitante quid diceret, ait Trygetius: Numquidnam usus arborum in solis fructibus praebetur hominibus? Quanta sunt alia: quae umbra, quae lignis, postremo quae ipsis frondibus seu foliis fiant? Noli obsecro, inquit ille, interrogationibus ejus haec reddere. Innumerabilia sunt enim quae proferri possunt, ex quibus nulla est hominibus utilitas, aut certe ita latet vel imbecilla est, ut ab hominibus praesertim nobis erui defendere non possit. Ipse potius nos doceat, quomodo aliquid fiat quod non causa praecesserit. Post, inquam, ista videbimus. Non enim jam me necesse est esse doctorem, cum tu qui jam tantae rei te certum esse professus es, adhuc me nihil docueris nimium discere cupientem, & propter hoc solum dies noctesque vigilantem.

13. Quo me mittis, inquit? an quia levius te sequor, quam ista folia ventos, quibus in profluentem aquam jaciuntur, ut eis cadere parum sit, nisi etiam trahantur? Nam quid aliud erit cum Licentius & Augustinum, & ea quae sunt in media philosophia docet? Noli obsecro, inquam, aut te tantum abjicere, aut me extollere. Nam & ego in philosophia puer sum, ET NON NIMIS curo cum interrogo, per quem mihi ille respondeat, qui me quotidie querulum accipit. Cujus te quidem credo quandoque vatem futurum: neque hoc, quandoque, forsitan longum est. Sed tamen alii quoque multum sepositi ab hujusmodi studiis docere aliquid possunt, cum differentium societati quasi vinculis interrogationum coartantur. Idem autem aliquid non est nihil. An non vides (tuo enim simili utar libentius) illa ipsa folia quae feruntur ventis, quae undis innatant, resistere aliquantum praecipitanti se flumini, & de rerum ordine homines commonere, si tamen hoc quod ab te defenditur, verum est?

14. Hic ille lecto etiam exsiliens praelæticia: Quis neget Deus magne, inquit, te cuncta ordine administrare? Quam se omnia tenent, quam ratis successionibus in nodos suos urgentur, quanta & quam multa facta sunt ut haec loqueremur, quanta fiunt ut te inveniamus. Unde enim hoc ipsum, nisi ex rerum ordine manat & ducitur, quod evigilavimus, quod illum sonum advertisti, quod quaesisti tecum caus-

CAPUT
V.
Ordine
cuncta
Deus
admini-
strat.

a Editi ille ergo paries, male. Nam id Trygetio imponitur ut pro sua parte defendendum ordinem suscipiat.

b MSS. plerique; Deus faciat. tum nonnulli, sic altus Jesus.

c In MSS. Arnulfi Mercensis legitur, agresti quaestioni forte aptius.

causam, quod tu causam tantillæ rei non invenisti? Sorex etiam prodit, ut ego vigilans prodar. Postremo tuus etiam ipse sermo, te fortasse id non agente. (NON enim cuiquam in potestate est quid veniat in mentem:) sic nescio quomodo circumagitur, ut me ipse doceat quid tibi debeam respondere. Namque oro te, si hæc quæ a nobis dicta sunt, litteris, ut instituisi, mandata pervagentur paulo latius ad hominum famam, nonne ita res magna videbitur, ut de illa consultus aliquis vates magnus aut Chaldæus respondere debuerit, multo ante quam evenit? Quod si respondisset, ita divinus diceretur, ita esseretur laudibus omnium, ut tamen ex eo nemo quærere auderet, cur folium ab arbore ceciderit, aut utrum mus oberrans jacenti homini molestus fuerit? Numquidnam enim talia futura quisquam illorum aut per se dixit aliquando, aut a consultore coactus est dicere? Atqui si futurum quemdam librum non ignobilem diceret, & id necessario eventurum videret, non enim posset aliter divinare, profecto quidquid volitatio foliorum in agro, quidquid vilissima bestiola in domo facit, tam sunt in rerum ordine necessaria quam illæ litteræ. His enim verbis fiunt, quæ sine illis præcedentibus vilissimis rebus nec in mentem venire possent, nec ore procedere posterisque mandari. Quare jam rogo, nemo ex me quærat, cur quidque fiat. Satis est nihil fieri, nihil gigni, quod non aliqua causa genuerit ac moverit.

CAPUT
VI.
Ordo
omnia
com-
plecti-
tur.

15. Hic apparet te, inquam, nescire adolescens quam multa, & a qualibus viris contra divinationem dicta sint. Sed responde nunc, non utrum fiat aliquid sine causa: nam id jam video te nolle respondere: sed ordo iste susceptus tuus bonumne quidquam, an malum tibi esse videatur. Et ille submurmurans: Non, inquit, sic rogasti, ut unum e duobus queam respondere. Video hic enim quamdam medietatem. Nam ordo mihi nec bonum, nec malum videtur. Quid saltem censes, inquam, ordini esse contrarium? Nihil, ait ille. Nam quomodo esse contrarium quidquam potest ei rei, quæ totum occupavit, totum obtinuit? Quod enim erit ordini contrarium, necesse erit esse præter ordinem. Nihil autem esse præter ordinem video. Nihil igitur ordini oportet putare esse contrarium. Ergone, ait Trygetius, contrarius ordini error non est? Nullo modo, inquit. Nam neminem video errare sine causa. Causarum autem series ordine includitur. Et error ipse non solum gignitur causa, sed etiam gignit aliquid cujus causa sit. Quamobrem quo extra ordinem non est, eo non potest ordini esse contrarius.

16. Et cum tacuisset Trygetius, egoque me ipsum non caperem gaudio, quod videbam adolescentem carissimi amici filium etiam meum fieri, nec solum, verum in amicum quoque jam mihi surgere atque grandescere, & cujus studium vel in mediocres litteras desperaveram, quasi a respecta possessione sua toto impetu in mediam venire philosophiam. Quod dum tacitus miror & ex æstuo in gratulationem, subito ille quasi mente quadam correptus exclamat, O si possem dicere quod volo! Rogo, ubi ubi estis verba? succurrite, ET BONA & mala in ordine sunt. * Credite, si vultis. Nam quomodo id explicem nescio.

Tom. I.

a Lov. despecta possessione. At ceteri codices editi & scripti ha-

A 17. Ego mirabar & tacebam. Trygetius autem ubi vidit hominem paululum quasi digesta ebrietate affabilem factum redditumque colloquio: Absurdum, inquit, mihi videtur, Licenti, & plane alienum a veritate quod dicis. Sed quæso patiari me paululum, nec perturbes clamitando. Dic quod vis, ait ille: Non enim metuo, ne me auferas ab eo quod video, ac pene teneo. Utinam, inquit, ab eo quem defendis ordine devius non sis, non tanta in Deum feraris (ut mitius loquar) incuria. Quid enim potuit dici magis impium, quam etiam mala ordine contineri? Certe enim Deus amat ordinem. Vere amat, ait ille, ab ipso manat, & cum ipso est. Et si quid potest de re tantum alta convenientius dici cogita, quæso, ipse tecum. Nec enim sum idoneus qui te ista nunc doceam. Quid cogitem, inquit Trygetius? Accipio prorsus quod dicis, satisque mihi est in eo quod intelligo. Certe enim & mala dixisti ordine contineri, & ipsum ordinem manare a summo Deo, atque ab eo diligi. Ex quo sequitur, ut & mala sint a summo Deo, & mala Deus diligit.

CAPUT
VII.
Deus
non di-
ligit ma-
la, licet
ad ordi-
nem
pertin-
neant.

18. In qua conclusione timui Licentio. At ille ingemiscens difficultate verborum, nec omnino quærens quid responderet, sed quemadmodum quod respondendum erat promeret: Non diligit Deus mala, inquit, nec ob aliud nisi quia ordinis non est, ut Deus mala diligit. Et ordinem ideo multum diligit, quia per eum non diligit mala. At vero ipsa mala qui possunt non esse in ordine, cum Deus illa non diligit? NAM ISTE ipse est malorum ordo, ut non diligantur a Deo. An parvus rerum ordo tibi videtur, ut & bona Deus diligit, & non diligit mala? Ita nec præter ordinem sunt mala, quæ non diligit Deus, & ipsum tamen ordinem diligit: hoc ipsum enim diligit diligere bona, & non diligere mala; quod est magni ordinis, & divinæ dispositionis. Qui ordo atque dispositio, quia universitatis congruentiam ipsa distinctione custodit, fit ut mala etiam esse necesse sit. Ita quasi ex antithetis quodam modo, quod nobis etiam in oratione jocundum est, id est ex contrariis omnium simul rerum pulcritudo figuratur.

19. Post hoc interfuit modice. Et repente sese erigens qua Trygetius lectum habebat. Nam quæro ex te quæso, inquit, iustusne sit Deus? Tacebat ille, nimis ut postea retulit admirans & horrens subito condiscipuli & familiaris sui afflatum nova inspiratione sermonem. Quo tacente ille ita secutus est. Si enim Deum iustum non esse responderis, tu videris quid agas, qui me dudum impietatis arguebas. Si autem ut nobis traditur, nosque ipsius ordinis necessitate sentimus, iustus est Deus, sua cuique distribuendo utique iustus est. Quæ autem distributio dici potest, ubi distinctio nulla est? Aut quæ distinctio, si bona sunt omnia? Quidve præter ordinem reperiri potest, si Dei iustitia bonorum malorumque meritis sua cuique redduntur? Iustum autem Deum omnes fatemur. Totum igitur ordine includitur. Quibus dictis resilit e strato, & jam lenior voce cum ei verbum nemo faceret: Nihilne mihi, inquit, vel tu qui compulisti ad ista respondes?

20. Cui ego: Nova nunc religio isthæc in te incessit, cedo, inquam. Sed quod videbitur per diem respondebo, qui mihi jam videtur redire, nisi lunæ est ille qui fenestris fulgor inducitur. Simul & a-

O 3

gen-

bent respecta.

gendum est, ne tanta bona tua, Licenti, absorbeat oblivio. Quando enim nostræ litteræ non sibi hæc mandari flagitent? Dicam plane tibi quod sentio, disputabo adversum te quantum possum, non enim mihi si me viceris major triumphus dari potest. Si autem vel calliditati vel acuto cuidam errori hominum, quorum partes suscipere tentabo, cesserit imbecillitas tua, quæ minus pasta eruditione disciplinarum tantum Deum fortasse sustinere non poterit, res te ipsa commovebit, quantæ tibi vires ut in eum firmior redeas parandæ sint: simul quia & istam disputationem nostram elimatius volo provenire, non enim eam grossis auribus debeo. Nam Zenobius noster multa mecum sæpe de rerum ordine contulit, cui alta percontanti numquam satisfacere potui, seu propter obscuritatem rerum, seu propter temporum angustias. Crebrarum autem ille procrastinationum usque adeo impatiens fuit, ut me quo diligentius & copiosius respondere cogeret, etiam carmine provocaret, & bono carmine, unde illum magis ames. Sed neque tunc tibi legi potuit ab istarum rerum studio remotissimo, neque nunc potest. Nam profectio ejus tam repentina & perturbata fuit tumultu illo, ut nihil istorum venire nobis in mentem potuerit: nam id relinquere mihi responsuro statuerat: & multa concurrunt cur ei sermo iste mittatur. Primum est, quia debetur. Deinde quia cujusmodi nunc vitam ducamus, etiam sic indicari ejus in nos benevolentia decet. Postremo quod in gaudio de spe tua nemini cedit. Nam & cum præfense esset, pro familiaritate patris tui, vel potius omnium nostrum, multum sollicitus erat ne ingenii tui quædam scintillæ, quas diligenter animadvertibat, non tam conflarentur cura mea, quam tua exstinguerentur incuria. Et cum te poeticæ quoque studiosum esse cognoverit, sic gratulabitur, ut eum mihi gestientem videre jam videar.

CAPUT
VIII.
Licentius philosophi
amore
succin-
sus.

21. NIHIL mihi quidem gratius facies, inquit, sed sive mobilitatem meam & puerilem levitatem ridebitis, sive aliquo vere divino nutu & ordine sit in nobis, non vobis dubitem dicere, pigrior sum ad illa metra subito effectus; alia, longe alia nescio quid mihi nunc luce resplenduit. Pulcrior est philosophia, fateor, quam Thysbe, quam Pyramus, quam illa Venus & Cupido, talesque omnimodi amores: & cum suspirio gratias Christo agebat. Accepi ego hæc, quid dicam, libenter; aut quid non dicam? Accipiat quisque ut volet, nihil curo, nisi quod forte immodice gaudebam.

22. Interea post paululum dies sese aperuit, surrexerunt illi, & ego in lacrymans multa oravi. Cum audio Licentium succinentem illud Propheticum læte atque garrule: *Deus virtutum converte nos, & ostende faciem tuam, & salvi erimus*. Quod pridie post cœnam cum ad requisita naturæ foras exisset, paulo clarius cecinit, quam ut mater nostra ferre posset, quod illo loco talia continuo repetita canerentur. Nihil enim aliud dicebat, quoniam ipsum cantilenæ modum nuper hauserat, & amabat, ut sit, melos inusitatum. Objurgavit eum religiosissima, ut scis, femina, ob hoc ipsum quod inconveniens locus cantico esset. Tunc ille dixerat jocans: Quasi vero si quis hic me inimicus includeret, non erat Deus exauditurus vocem meam.

23. Ergo mane cum regressus esset solus, nam uterque ob eandem causam processerat, accessit ad lectu-

lum meum. Verum dic mihi, inquit, ita fiat nobis quod vis, quid de me existimes. Atque ego adolescentis dexteram apprehendens, Quid, inquam, existimem sentis, credis, intelligis. Neque enim arbitror te frustra heri tamdiu cecinisse, ut virtutum Deus converso tibi se ostendat. At ille cum admiratione recordatus, Magnum, inquit, dicis & verum. Non enim me ipsum parum movet quod modo tam ægre avocabar a nugis illis carminis mei, & jam redire ad eas piget & pudet, ita totus in quædam magna & mira subvehor. Nonne hoc est vere in Deum converti? Simul & illud gaudeo, quod frustra mihi scrupulus superstitionis injectus est quod tali loco talia cantitabam. Mihi, inquam, neque hoc displicet, & ad illum ordinem puto pertinere ut etiam hinc aliquid diceremus. Nam illi cantico, & locum ipsum quo illa offensa est, & noctem congruere video. A quibus enim rebus putas nos orare ut convertamur ad Deum, ejusque faciem videamus, nisi a quodam ceno corporis atque sordibus, & item a tenebris quibus nos error involvit? Aut quid est aliud converti, nisi ab immoderatione vitiorum, virtute ac temperantia in sese ad tolli? Quidve aliud est Dei facies quam ipsa cui suspiramus, & cui nos amatæ mundos pulcrosque reddimus, veritas? Melius dici non potest, inquit exclamans. Deinde suppressius quasi ad aurem: Vide quæso quanta occurrerunt, ut credam erga nos aliquid jam prosperiore ordine fieri.

24. Si ordinem, inquam, curas, redeundum tibi est ad illos versus. Nam eruditio disciplinarum liberalium modesta sane atque succincta, & alacriores & perseverantiores & comtiores exhibet amatores amplectendæ veritati, ut & ardentius appetant, & constantius insequantur, & inhæreant postremo dulcius; quæ vocatur, Licenti, beata vita. Qua nominata, omnes sese erigunt, & quasi adtendunt in manus, utrum habeas quod dare possis egentibus variisque morbis impeditis. Quibus sapientia cum præcipere cœperit, ut medicum perferant, seque cum aliqua patientia curari sinant, in pannos suos recidunt. Quorum concalescentia tabificati, scabiem voluptatum ærumnosarum scalpunt libentius, quam ut monita medici paululum dura & morbis onerosa perpetiundo atque subeundo, valetudini sanorum lucique reddantur. Itaque illo summi Dei nomine ac sensu tamquam stipe contenti vivunt miseri, vivunt tamen. Alios autem viros, vel ut verius loquamur, alias animas, dum hoc corpus agunt, jam thalamo suo dignas conjunx ille optimus ac pulcherrimus quærit, quibus non vivere, sed beate vivere satis sit. Vade ergo interim ad illas Musas. Verum tamen scis quid te facere velim? Jube, ait, quod placet. Ubi se, inquam, Pyramus & illa ejus supra seminecem, ut cantaturus es, interemerint, in dolore ipso, quo tuum carmen vehementius inflammari decet, habes commodissimam opportunitatem. Arripe illius fœdæ libidinis & incendiorum venenatorum execrationem, quibus miseranda illa contingunt: deinde totus ad tollere in laudem puri & sinceri amoris, quo animæ dotatae disciplinis & virtute formosæ copulantur intellectui per philosophiam, & non solum mortem fugiunt, verum etiam vita beatissima perfruntur. Hic ille tacitus ac diu consideratione nutans, motato capite abscessit.

25. Deinde ego quoque surrexi, redditisque Deo quotidianis votis, ire cœperamus in balneas.

Ille

Liberalium disciplinarum utilitas.
1. Retr.
ca. 3. n. 2

* Psal.
79. 8.
Repre-
hensus
a Mon-
nica
quod
psalmi
versicu-
lum ad
requisi-
ta natu-
ræ egres-
sus can-
titaret.

Ille enim locus nobis, cum cælo tristi in agro esse minime poteramus, aptus ad disputandum & familiaris fuit. Cum ecce ante fores advertimus gallos gallinaeos ineuntes pugnam nimis acrem. Libuit adtendere. Quid enim non ambiunt, qua non peragant oculi amantum, ne quid a unde unde innuat pulcritudo rationis cuncta scientia & nescientia modificantis & gubernantis, quæ inhiantes sibi sectatores suos trahit quacumque atque ubicumque se quæri jubet. Nam unde aut ubi non potest signum dare? Ut in eisdem ipsis gallis erat videre, intenta projectius capita, inflatas comas, vehementes ictus, cautissimas evitationes, & in omni motu animalium rationis expertium nihil non decorum, quippe alia ratione desuper omnia moderante. Postremo legem ipsam victoris, superbum cantum, & membra in unum quasi orbem collecta velut in fastum dominationis. Signum autem victi, elatas a cervice pennulas & in voce atque motu deforme totum, & eo ipso naturæ legibus nescio quomodo concinnum & pulcrum.

26. Multa quærebamus. Cur sic omnes, cur propter dominationem in subjectas sibi feminas, cur deinde nos ipsa pugne facies aliquantum & præter altiore istam considerationem duceret in voluptatem spectaculi. Quid in nobis esset quod a sensibus ^b remota multa quæreret. Quid rursus quod ipsorum sensuum invitatione caperetur. Dicebamus nobis ipsis: Ubi non lex? Ubi non meliori debitum imperium? Ubi non umbra constantiæ? Ubi non imitatio verissimæ illius pulcritudinis? Ubi non modus? Atque inde admoniti ut spectandi modus esset, perreximus quo propositum erat. Atque ibi ut potuimus sane diligenter, (nam & recentes res erant, & quando poterant tam insignita trium studiosorum memoriam effugere?) omnia nostræ lucubrationis opuscula in hanc libelli partem contulimus. Nihilque a me aliud actum est illo die, ut valetudini parcerem, nisi quod ante cœnam cum ipsis dimidium volumen Virgilii audire quotidie solitus eram, nihil nobis ubique aliud quam rerum modum considerantibus. Quem non probare nemo potest, sentire autem, cum quisque aliquid studiose agit, difficillimum atque rarissimum.

27. **D**EINDE postridie bene mane alacres ad solitum locum convenimus, in eoque confedimus. Et ego adtentis in me ambobus: Hic esto, inquam, Licenti, quantum potes, & tu quidem Trygeti; nec enim parva res agitur: de ordine quærimus. Quid ego nunc quasi in schola illa unde me quoquo modo evasisse gaudeo constitutus, copiose atque ornate vobis ordinem laudem? Accipite si vultis, immo facite ut velitis, quo neque quidquam de huius laude brevius, neque ut mihi videtur verius dici potest. ORDO est quem si tenuerimus in vita, perducet ad Deum, & quem nisi tenuerimus in vita, non pervenimus ad Deum. Perventuros autem nos jam, nisi me animus de vobis fallit, præsumimus & speramus. Diligentissime igitur inter nos ista quæstio versari debet atque dissolvi. Vellem adessent ceteri, qui nobiscum his negotiis solent interesse. Vellem si fieri posset non istos tantum, sed omnes saltem familiares nostros, quorum semper admiror ingenium, ^c nunc mecum habere quam vos estis intentos, aut certe ipsum tantum Zenobium, quem de hac re

A tanta molientem numquam pro ejus magnitudine otiosus accepi. Sed quia id non evenit, legent litteras nostras, quoniam instituimus jam de istis rebus verba non perdere, resque ipsas a memoria fugaces, scriptorum quasi vinculo quo reducantur innectere. Et sic fortasse ordo ipse poscebat, qui eorum procuravit absentiam. Nam & vos profecto in rem tantam, quia solis perfe-renda imponitur nobis, erectiore animo insurgitis: & cum illi legerint qui nobis maxima cura sunt, si quid eos moverit ad contradicendum, alias nobis disputationes disputatio ista procreabit, seque ipsa successio sermonum in ordinem inferet disciplinæ. Sed nunc ut promiseram Licentio, quantum res patitur, adversabor, qui totam causam jam pene confecit, si possit eam defensionis muro stabiliter firmeque vallare.

28. **HIC** ubi eos silentio, vultu, oculis, suspensione atque immobilitate membrorum & rei magnitudine satis commotos, & audiendi desiderio inflammatos esse conspexi. Ergo, inquam, Licenti, si tibi videtur, collige in te quidquid virium potes, elima quidquid habes acuminis, & ordo iste quid sit definitione complectere. Tum ille ubi se ad definiendum cogi audivit, quasi aqua frigida adpersus exhorruit, & turbatiore vultu me intuens, atque ut fit ipsa trepidatione subridens: Quid hoc est rei, quid quasi tibi videor, inquit, an vere nescio quo adventitio spiritu me credis inflatum? Statimque sese animans, aut fortasse, ait, aliquid mecum est. Paululumque siluit, ut in definitionem quidquid illi de ordine notionis erat, conduceretur. Deinde erectior: **ORDO** est, inquit, per quem aguntur omnia, quæ Deus constituit.

29. Quid ipse Deus, inquam, non tibi videtur agi ordine? Prorsus, inquit, videtur. Ergo agitur Deus, ait Trygetius. Et ille: Quid enim, inquit, Christum Deum negas, qui & ordine ad nos venit, & a Patre Deo missum esse se dicit? Si igitur Deus Christum ordine ad nos misit, & Deum Christum esse non negamus, non solum agit omnia, sed agitur ordine etiam Deus. Hic Trygetius addubitans: Nescio, inquit, quomodo istud accipiam. Deum enim quando nominamus, non quasi mentibus ipse Christus occurrit, sed Pater. Ille autem tunc occurrit, quando Dei Filium nominamus. Bellam rem facis, inquit Licentius. Negabimus ergo Dei Filium Deum esse? Hic ille cum ei respondere periculosum videretur, tamen se coegit atque ait: Et hic quidem Deus est, sed tamen proprie Patrem Deum dicimus. Cui ego, Cohibe te potius, inquam: Non enim Filius improprie Deus dicitur. At ille religione commotus, cum etiam verba sua scripta esse nollet, urgebat Licentius ut manerent, puerorum scilicet more, vel potius hominum, pro nefas, pene omnium, quasi vero gloriandi causa inter nos illud ageretur. Cujus motum animi cum oburgarem gravioribus verbis, erubuit: qua ejus perturbatione animadverti ridentem lætantemque Trygetium. Et ambobus: Itane, agitis, inquam, Nonne vos movet quibus vitiorum molibus atque imperitiæ tenebris premamur & cooperiamur? Hæccine est illa paulo ante vestra, de qua ineptus lætabar, adtentio & in Deum veritatemque surrectio? O si videretis, vel tam lip-pientibus oculis quam ego, in quibus periculis jaceamus, cujus morbi dementiam risus iste indicet. O si videretis: quam cito, quam statim, quantoque productius eum

CAPUT
X.
Ordo
quid.

Ut coer-
centi æ-
mulatio-
nis &
inanis
jactantiæ
motus
in adole-
scenti-
bus, qui
dant o-
peram
litteris.

a Sic MSS. At editiones Am. Er. & Lov. habent, ne quid inde innuat: & paulo post, atque ubicumque sectari jubet.

b Editi, remotum. At MSS. remota.

c Sola editio Lov. non minus mecum habere.

eum verteretis in fletus. Miseri nescitis ubi sumus? Demersos quidem esse animos omnium stultorum indoctorumque commune est, sed non uno atque eodem modo demersis opem sapientia & manum porrigit. Alii sunt; credite, alii sunt qui sursum vocantur, alii qui in profunda laxantur. Nolite obsecro vos geminare mihi miseras. Satis mihi sint vulnera mea, quæ ut sanentur, pene quotidianis fletibus Deum rogans, indigniorem tamen esse me, qui tam cito saner quam volo, sæpe memetipse convinco. Nolite obsecro, si quid mihi amoris, si quid necessitudinis debetis, si intelligitis quantum vos diligam, quanti faciam, quantum me cura exagitet morum vestrorum, si dignus sum quem non negligatis, si denique Deo teste non mentior, nihil me plus mihi optare quam vobis, replete mihi beneficium. Et si me magistrum libenter vocatis, reddite mihi mercedem: Boni estote.

30. Hic ubi ne plura dicerem, lacrymæ mihi modum imposuerunt, Licentius molestissime ferens, quod omnia scribebantur: Quid enim, ait, fecimus orote? Adhuc, inquam, nec fateris saltem peccatum tuum? Tu nescis in illa schola graviter me stomachari solitum, quod usque adeo pueri non utilitate atque decore disciplinarum, sed inanissimæ laudis amore ducerentur, ut quosdam etiam aliena verba recitare non puderet, exciperentque plausus (o ingemiscendum malum) ab eisdem ipsis quorum erant illa, quæ recitabant. Ita vos quamvis nihil umquam, ut opinor, tale feceritis, tamen & in philosophiam, & in eam vitam quam me tandem occupasse lætor, æmulationis tabificæ atque inanis jactantiæ ultimam, sed nocentior ceteris omnibus pestem introducere ac profeminare conamini: & fortasse quia vos ab ista vanitate morboque deterreo, pigriores eritis ad studia doctrinæ, & ab ardore ventosæ famæ percussis, in torporem inertiae congelabitis. Me miserum, si necesse erit tales etiam nunc perpeti, a quibus vitia decedere sine aliorum vitiorum successione non possint. Probabis, ait Licentius, quam purgatiores futuri simus. Modo illud obsecramus per omnia quæ diligis, ut ignotum nobis velis, atque illa omnia deleri jubeas; simul ut parcas etiam tabulis, quas jam non habemus. Non enim aliquid in libros translatum est eorum, quæ a nobis multa differta sunt. Prorsus, inquit Trygetius, maneat nostra pœna, ut ea ipsa, quæ nos illicit fama, flagello proprio a suo amore deterreat. Ut enim solis amicis & familiaribus nostris litteræ istæ innotescant, non parum defudabimus. Assensus est ille.

* Infr-
bebant
prium
tabulis:
hinc
porro in
libros
transfe-
rebant.

CAVAT
XI.
Monni-
ca obse-
rum
non ac-
cenda a
philoso-
phica
disputa-
tione.

31. ATQUE interea mater ingressa est, quæ sivit-que a nobis quid promovissemus, nam & ei quæstio nota erat. Cujus & ingressum, & rogationem cum scribi nostro more jussissem: Quid agitis, inquit? Numquidnam in illis quos legitis libris etiam feminas umquam audiavi in hoc genus disputationis inductas? Cui ego: Non valde curo, inquam, superbiorum imperitorumque judicia, qui similiter in legendos libros atque in salutandos homines irruunt. Non enim cogitant quales ipsi, sed qualibus induti vestibus sint, & quanta pompa rerum fortunæque præfulgeant. Isti enim in litteris non multum adtendunt, aut unde sit quæstio, aut quo pervenire differentes moliantur, quidve ab eis explicatum atque confectum sit. In quibus tamen quia nonnulli reperiuntur quorum animi contemnendi non sunt, adpersi sunt enim quibusdam condimentis

A humanitatis, & facile per aureas depictasque januas ad sacrosancta philosophiæ penetralia perducuntur, satis eis fecerunt & majores nostri, quorum libros tibi nobis legentibus notos esse video. Et his temporibus, ut omittam ceteros, vir & ingenio & eloquentia, & ipsis insignibus muneribusque fortunæ, & quod ante omnia est, mente præstantissimus Theodorus, quem bene ipsa nosti, id agit, ut & nunc & apud posteros nullum genus hominum de litteris nostrorum temporum jure conqueratur. Mei autem libri si quorum forte manus tetigerint, lectoque meo nomine non dixerint, Iste quis est? codicemque projecerint: sed vel curiosi, vel nimium studiosi contempta vilitate liminis intrare perrexerint: me tecum philosophantem non moleste ferent, nec quemquam istorum quorum meis litteris sermo miscetur, fortasse contemnent. Sunt enim non solum liberi, quod cuiusvis disciplinæ liberali, nedum philosophiæ satis est, sed summo apud suos loco nati. Doctissimorum autem hominum litteræ etiam futores philosophatos, & multo viliora fortunarum genera continent. Qui tamen tanta ingenii virtutisque luce fulserunt, ut bona sua cum qualibet hujuscemodi nobilitate nullo modo vellent, etiam si possent, ulla conditione mutare. Nec deerit, mihi crede, tale hominum genus, cui plus placeat hoc ipsum, quia mecum philosopharis, quam si quid hic aliud, aut jocunditatis aut gravitatis invenerit. Nam & feminæ sunt apud veteres philosophatæ, & philosophia tua mihi plurimum placet.

32. Nam ne quid mater ignores, hoc græcum verbum, quo philosophia nominatur, latine amor sapientiæ dicitur. Unde etiam divinæ scripturæ quas vehementer amplecteris, non omnino philosophos, sed philosophos hujus mundi evitandos atque irridendos esse præcipiunt. Esse autem alium mundum ab istis oculis remotissimum, quem paucorum sanorum intellectus intuetur, satis ipse Christus significat, qui non dicit, Regnum meum non est de mundo: sed, *Regnum meum non est de hoc mundo*. Nam quisquis omnem philosophiam fugiendam putat, nihil nos vult aliud, quam non amare sapientiam. Contemnerem te igitur in his litteris meis, si sapientiam non amares; non autem contemnerem, si eam mediocriter amares; multo minus, si tantum quantum ego amares sapientiam. Nunc vero cum eam multo plus quam meipsum diligas, & noverim quantum me diligas, cumque in ea tantum profeceris, ut jam nec cuiusvis incommodi fortuiti, nec ipsius mortis, quod viris doctissimis difficillimum est, horrore terrearis, quam summam philosophiæ arcem omnes esse confitentur, egone me non libenter tibi etiam discipulum dabo?

1. Re-
tract. c. 3.
n. 2.

Joan. 18.
36.

33. Hic illa cum blande ac religiose numquam me tantum mentitum esse dixisset, & viderem tam multa nos verba fudisse, ut neque scribenda non essent, & jam libri modus esset, neque tabulæ reliquæ forent, placuit quæstionem differri, simul ut meo stomacho parcerem. Nam eum plus quam vellem commoverant ea, quæ mihi evomenda in illos adolescentes necessario visa sunt. Sed cum abire cœpissemus: memento, inquit Licentius, quam multa & quam necessaria nobis abs te accipienda per occultissimum illum divinumque ordinem etiam te nesciente subministrantur. Video, inquam, & ingratus Deo non sum, vosque ipsos qui hæc advertitis ob id ipsum præsumo fore meliores. Hoc fuit tantum illo die negotium meum.

LIBER SECUNDUS.

Disputationes hoc libro duæ continentur, quibus dum Ordinis definitionem expendunt colloquentes, incidunt in varias quæstiones, scilicet, Quomodo sapiens cum Deo maneat immotus; An etiam ea, quæ perperam ab hominibus fiunt, ex Dei ordine agantur; Utrum Deus justus esset ante originem mali; Utrum ex Dei ordine malum exortum sit. Agitur demum fusius de recto studendi ordine, qui postulat ut informatis rite moribus, & comparatis humanis disciplinis promoveatur animus ad altiora & divina percipienda.

Disputa-
tio pri-
ma.
CAPUT
I.
Ordinis
definitio
expendi-
tur.

INTERPOSITIS deinde pauculis diebus venit Alypius, & exorto sole clarissimo, invitavit cælinitor, & quantum in illis locis hyeme poterat, blanda temperies in pratum descendere, quo sæpius & familiarius utebamur. Nobiscum erat etiam mater nostra, cujus ingenium, atque in res divinas inflammatum animum, cum antea convictu diuturno, & diligenti consideratione perspexeram, tum vero in quadam disputatione non parvæ rei, quam die natali meo cum convivis habui, atque in libellum contuli, tanta mihi mense ejus apparuerat, ut nihil aptius veræ philosophiæ videretur. Itaque institueram cum abundaret otio, agere ut colloquio nostro non deesset. Quod in primo etiam hujus operis libro abs te cognitum est.

2. Cum igitur memorato in loco, ut commode potuimus confedissemus; ego illis duobus adolescentibus: Quamvis vobis, inquam, succensuerim pueriliter de magnis rebus agentibus, tamen mihi videtur non sine ordine propitio Deo accidisse, quod in sermone quo vos ab ista levitate detrahebam, tempus ita consumptum est, ut res tanta ad Alypii adventum dilata videatur. Quapropter quoniam ei jam quæstionem notissimam feci, & quantum in ea procefferimus ostendi, paratusne es Licenti, causam quam suscepisti ex illa tua definitione defendere? Nam meminisse me arbitror, te ordinem esse dixisse per quem Deus ageret omnia. Paratus sum, inquit, quantum valeo. Quomodo ergo, inquam, agit ordine omnia Deus? Itane ut etiam se ordine agat, an præter eum ordine ab eo cetera gubernantur? Ubi omnia bona sunt, inquit, ordo non est. Est enim summa æqualitas, quæ ordinem nihil desiderat. Negas, inquam, apud Deum omnia bona esse? Non nego, inquit. Conficitur, inquam, neque Deum, neque illa quæ apud Deum sunt, ordine administrari. Concedebat. Numquidnam, inquam, omnia bona nihil tibi videntur esse? Immo, ait, ipsa vere sunt. Ubi est ergo, inquam, illud tuum quod dixisti, omnia quæ sunt, ordine administrari, nihilque omnino esse, quod ab ordine separatum sit? Sed sunt, inquit, etiam mala per quæ factum est, ut & bona ordo concludat. Nam sola bona non ordine reguntur, sed simul bona & mala. Quum autem dicimus, omnia quæ sunt, non sola utique bona dicimus. Ex quo fit ut omnia simul quæ Deus administrat, ordine administrentur.

3. Cui ego, Quæ administrantur & aguntur, videntur tibi moveri, an immobilia putas esse? Ista, inquit, quæ in hoc fiunt mundo, fateor moveri. Reliqua, inquam, negas? Quæ sunt cum Deo, inquit, non moventur, reliqua omnia moveri arbitror. Quum igitur ea quæ cum Deo sunt, inquam, non moveri putas, cetera autem concedis moveri, osten-

dis omnia quæ moventur non esse cum Deo. Repete hoc ipsum, inquit, paulo planius. Quod non mihi visus est difficultate intelligendi fieri voluisse, sed quærendi spatium quo inveniret quid responderet. Dixisti, inquam, ea quæ cum Deo sunt non moveri, cetera autem moveri. Si ergo hæc quæ moventur non moverentur si essent cum Deo, quoniam omnia quæ sunt cum Deo, negas moveri, restat ut præter Deum sint quæ moventur. Quibus dictis adhuc tacebat: cum tandem, Videtur mihi, inquit, quod & in hoc mundo si qua non moventur, cum Deo sunt. Nihil hoc ad me, inquam. Fateris enim, ut opinor, non omnia quæ in hoc mundo sunt, non moveri. Ex quo conficitur, non omnia mundi hujus esse cum Deo. Fateor, inquit, non omnia. Ergo est aliquid sine Deo. Non, inquit. Cum Deo sunt igitur omnia. Hic cunctabundus: Quæso, inquit, illud non dixerim, quod sine Deo nihil sit, nam prorsus omnia quæ moventur, non mihi videntur esse cum Deo. Sine Deo est, inquam, igitur cælum hoc, quod moveri nemo ambigit. Non est, inquit, sine Deo cælum. Ergo est aliquid cum Deo, quod moveatur. Non possum, inquit, ut volo explicare quod sentio: tamen quid moliar dicere, peto ut non exspectatis verbis meis, sagacissime si potestis intelligatis. Nam & sine Deo mihi nihil videtur esse; & quod cum Deo est, rursum videtur inconcussum manere: cælum autem dicere sine Deo esse, non possum: non solum quod nihil sine Deo esse arbitror, sed quod cælum putem habere aliquid, quod non movetur, quod vere aut Deus est, aut cum Deo, quamvis ipsum cælum non dubitem verti ac moveri.

4. DEFINI ergo, inquam, si placet, quid sit esse cum Deo, & quid sit non esse sine Deo. Si enim de verbis inter nos controversia est, facile contemnetur, dummodo rem ipsam quam concepisti mente, videamus. Odi ego, inquit, definire. Quid ergo faciemus, inquam, Tu, inquit, defini quæso. Nam facilius est mihi videre in alterius definitione quid non probeam, quam quidquam bene definiendo explicare. Geram tibi morem, inquam. Videtur tibi id esse cum Deo, quod ab eo regitur atque administratur? Non, ait ille, hoc animo conceperam, cum dicebam ea, quæ non moventur, esse cum Deo. Vide ergo, inquam, utrum hæc tibi saltem definitio placeat: Cum Deo est, quidquid intelligit Deum. Concedo, inquit. Quid ergo, inquam, sapiens tibi Deum intelligere non videtur? Videtur, inquit. Cum ergo sapientes non solum in una domo, aut urbe, sed etiam per immensa regionum peregrinando, navigandoque moveantur, quomodo erit verum quidquid cum Deo est, non moveri? Risum mihi, inquit, movisti, quasi ego quod

CAPUT
II.
Cum
Deo esse,
quid sit.

fa-

sapiens facit, dixerim esse cum Deo. Cum Deo est, sed illud quod novit. Non novit, inquam, sapiens codicem suum, pallium, tunicam, suppellectilem, si quam habet, ceteraque id genus, quæ stulti etiam bene noverunt? Fateor, inquit, nosse tunicam, & nosse pallium, non esse cum Deo.

Quomo-
do fa-
piens
cum
Deo ma-
net im-
motus.

5. Hoc ergo, inquam, dicis, Non omne quod novit sapiens, esse cum Deo: sed tamen quidquid sapientis cum Deo est, id nosse sapientem. Optime, inquit: nam quidquid sensu isto corporis novit, non est cum Deo, sed illud quod animo percipit. Plus etiam fortasse audeo dicere, sed tamen dicam: vobis enim existimatoribus, aut confirmer, aut discam. Quisquis enim ea sola novit, quæ corporis sensus attingit, non solum cum Deo esse non mihi videtur, sed ne secum quidem. Hic cum Trygetium animadvertissem in eo vultu, ut nescio quid velle dicere videretur, sed verecundia eum ne quasi in alienum locum irrueret contineri, feci potestatem jam tacente Licentio, ut promeret si quid vellet. At ille: Ista, inquit, quæ ad sensus corporis pertinent, prorsus nemo mihi videtur nosse. Aliud est enim sentire, aliud nosse. Quare si quid novimus, solo intellectu contineri puto, & eo solo posse comprehendere. Ex quo fit, ut si illud est cum Deo quod intelligendo sapiens novit, totum quod novit sapiens possit esse cum Deo. Quod cum Licentius approbasset, subiecit aliud quod nullo pacto possem contemnere. Ait enim: Sapiens prorsus cum Deo est, nam & seipsum intelligit sapiens. Quod conficitur & ex eo, quod a te accepi, id esse cum Deo, quod intelligit Deum: & ex eo quod a nobis dictum est, id esse cum Deo quod a sapiente intelligitur. Sed hanc ejus partem per quam istis utitur sensibus (non enim puto connumerandam esse cum sapientem vocamus) fateor me nescire, nec omnino cujusmodi sit suspicari.

6. Negas ergo, inquam, non solum ex corpore & anima, sed etiam ex anima tota constare sapientem: siquidem partem istam qua utitur sensibus, animæ esse negare dementis est. Non enim ipsi oculi vel aures, sed nescio quid aliud per oculos sentit. Ipsum autem sentire, si non damus intellectui, non damus alicui parti animæ. Restat ut corpori tribuatur, quo absurdius dici nihil interim mihi videtur. Anima, inquit, sapientis perpurgata virtutibus, & jam cohærens Deo, sapientis etiam nomine digna est, nec quidquam ejus aliud decet appellari sapientem: sed tamen quasi quædam, ut ita dicam, sordes atque exsuviae quibus se ille mundavit, & quasi subtraxit in seipsum, ei animæ serviunt. Vel si tota hæc anima dicenda est, ei certe parti animæ serviunt atque subjectæ sunt, quam solam sapientem nominari decet. In qua parte subjecta etiam ipsam memoriam puto habitare. Utitur ergo hac sapiens quasi servo, ut hæc ei jubeat, easque jam domito atque substrato metas legis imponat, ut dum isti sensibus propter illa, quæ jam non sapienti, sed sibi sunt necessaria, non se audeat extollere, nec superbire domino, nec iis ipsis quæ ad se pertinent passim atque immoderate uti. Ad illam enim vilissimam partem possunt ea pertinere quæ prætereunt. Quibus autem est memoria necessaria, nisi prætereuntibus, & quasi fugientibus rebus? Ille igitur sapiens amplectitur Deum; eoque perfruitur qui semper manet, nec expectatur ut sit, nec metuitur ne desit, sed eo ipso quod vere est semper est præsens. Curat autem immobilis,

A & in se manens servi sui quodam modo peculium, ut eo tamquam frugi, & diligens famulus bene utatur, parceque custodiat.

7. Quam sententiam ejus cum admiratione considerans, recordatus sum id ipsum aliquando me breviter illo audiente dixisse. Tum arridens: Gratias age, inquam, Licenti, huic servo tuo, qui tibi nisi aliquid de peculio suo ministraret, nunc fortasse quod promeres non haberes. Nam si ad eam partem memoria pertinet, quæ se velut famulam bonæ menti regendam concedit, ipsa nunc adjutus es, mihi crede, ut hoc diceres. Ergo antequam ad illum ordinem redeam, nonne tibi videtur vel propter talia, id est, propter honestas ac necessarias disciplinas, memoria opus esse sapienti? Quid, inquit, memoria opus est, cum omnes suas res præsentis habeat ac teneat? Non enim vel in ipso sensu, ad id quod ante oculos nostros est, in auxilium nobis vocamus memoriam. Sapienti ergo ante illos interiores intellectus oculos habenti omnia, id est, Deum ipsum fixe immobiliterque intuenti, cum quo sunt omnia, quæ intellectus videt ac possidet, quid opus est quæso memoria? Mihi autem ut opus esset ad hæc quæ abs te audieram retinenda, nondum sum illius famuli dominus, sed ei modo servio; modo pugno ut non serviam, & quasi me audeo assertere in libertatem meam. Et si forte aliquando impero, atque obtemperat mihi, facitque sæpe putare quod vicerim, in aliis rursus rebus ita sese erigit, ut ejus sub pedibus miser jaceam. Quamobrem quando de sapiente quærimus, me nolo nomines. Nec me, inquam. Sed tamen numquidnam sapiens iste suos potest deferere, aut ullo pacto cum hoc corpus agit, in quo istum famulum sua lege devinctum tenet, relinquet officium beneficia tribuendi quibus potest, & maxime quod ab eo vehementissime flagitatur, sapientiam ipsam docendi? Quod cum facit, ut congrue doceat, minusque ineptus sit, præparat sæpe aliquid, quod ex dispositione eloquatur ac disputet, quod nisi memoriæ commendaverit, pereat necesse est. Ergo aut officia benevolentiae negabis esse sapientis, aut confiteberis res aliquas sapientis memoria custodiri: an fortasse aliquid suarum rerum non propter se quidem, sed propter suos sibi tamen necessarium commendat servandum illi famulo, ut ille tamquam sobrius, & ex optima domini disciplina, non quidem custodiat, nisi quod propter stultos ad sapientiam perducendos, sed quod ei tamen ille custodiendum imperarit? Nec omnino huic, inquit, commendari quidquam arbitror a sapiente: siquidem ille semper Deo infixus est, sive tacitus, sive cum hominibus loquens: sed ille servus jam bene institutus diligenter servat, quod interdum disputanti domino suggerat, & ei tamquam justissimo gratum faciat officium suum; sub cuius se videt potestate vivere. Et hoc facit non quasi ratiocinando, sed summa illa lege summoque ordine præscribente. Nihil, inquam, nunc resisto rationibus tuis, ut quod suscepimus potius peragatur. De isto vero diligenter quemadmodum sese habeat (non enim parva res est, aut tam parvo sermone contenta) videbimus alias, cum Deus ipse oportunitatem ordine dederit.

8. DEFINITUM est autem quid sit esse cum Deo. Et cum a me dictum esset, id esse cum Deo quod intelligit Deum, vos etiam plus adjecistis, ut ibi sint etiam illa quæ intelliguntur a sapiente. Quam in re multum me movet quomodo subito cum Deo
stul-

CAPUT
III.
Stultitia
an cum
Deo sit.

stultitiam collocaveritis. Nam si cum Deo sunt quaecumque intelligit sapiens, nec nisi intellectam stultitiam effugere potest, erit etiam, quod dictu nefas est, pestis illa cum Deo. Qua conclusione commoti, cum in silentio se aliquantum tenuissent: Respondeat, inquit Trygetius, etiam ille de cuius adventu ad istam disputationem opportunissimo non nos puto temere gratulatos. Tum Alypius: Deus meliora, inquit, Hucine mihi tandem tantum meum silentium parabatur? Sed irrupta jam quies est. Verum nunc enitar huic utcumque rogationi satisfacere, cum mihi prius vel in futurum prospexero, & a vobis impetravero ut a me amplius ista responsione nihil flagitetis. Nullo modo, inquam, est Alypi benevolentiae atque humanitatis tuae vocem tuam sermoni nostro etiam desideratam negare. Sed perge modo, quod instituisti effice; cetera ut jam sese habet ordo ille provenient. Aequae mihi de ordine, inquit, sunt speranda meliora, in cuius assertione interim me substituere voluistis. Sed, ni fallor, ob hoc stultitiam Deo ista tua conclusione ab his copulatam putasti, quod universa quae intelligit sapiens cum Deo esse dixerunt. Sed id quatenus accipiendum sit, nunc omitto, tuam illam ratiocinationem paululum adverte: dixisti quippe, Nam si cum Deo sunt quaecumque intelligit sapiens, nec nisi intellectam stultitiam effugere potest. Quasi vero illud obscurum sit, ante quam stultitiam quisque vitet, sapientis eum nomine non esse censendum. Et dictum est, a sapiente intellecta esse cum Deo. Cum igitur evitandae stultitiae gratia eandem stultitiam quisque intelligit, nondum est sapiens. Cum autem sapiens fuerit, non inter ea quae ille intelligit stultitia numeranda est. Quamobrem quoniam ea conjuncta sunt Deo, quae jam sapiens intelligit, recte a Deo stultitia secernitur.

9. Acute quidem, inquam, ut soles Alypi respondisti, sed tamquam in alienas trusus angustias. Tamen quia, ut arbitror, adhuc mecum stultus esse dignaris, quid faciemus si aliquem nanciscamur sapientem, qui nos tanto malo docendo ac disputando libenter liberet? Nam nihil eum prius, quantum arbitror, deprecaturus sum, nisi ut mihi ostendat quae sit, quid sit, qualis sit omnino stultitia. De te enim non facile affirmaverim, me tamen tantum & tam diu detinet, quantum & quam diu a me non intelligitur. Dicturus est ergo ille te auctore: Ut hoc vos docerem, quando stultus eram ad me venire debuistis; modo autem vos vestri magistri esse poteritis: nam ego jam stultitiam non intelligo. Quod quidem ab eo si audirem, non vererer admonere hominem, ut comes nobis fieret, simulque magistrum alium quaereremus. Ut enim plene stultitiam non intelligo, video tamen nihil responsione hac esse stultius. Sed pudebit eum fortasse ita nos aut relinquere, aut sequi. Disputabit ergo & exaggerabit copiosissime stultitiae mala. Nos autem bene nobis providentes, aut audiemus adtente hominem nescientem quae loquatur, aut credemus eum id quod non intelligit scire, aut adhuc Deo susceptorum tuorum ratione stultitia copulata est. Nihil autem superiorum est, quod video posse defendi. Restat igitur, quod non vultis, extremum. Numquam te, inquit, invidum senferam. Nam si ab istis, ut dicis, susceptis quidquam honorarii, ut solet, accepiissem, dum ratiocinationis huius nimium tenax es, id eis modo red-

A dere cogerer. Quare vel hoc contenti sint, quod me tecum laborante non parum eis ad excogitandum temporis dedi: vel si victi patroni nulla quidem sua culpa consilio libenter auscultant, & in hoc jam tibi cedant, & sint in ceteris cautiores.

10. Non contemnam, inquam, quod in tua defensione Trygetius nescio quid etiam perstrepens dicere cupiebat, faciamque bona tua venia: nam fortasse non bene instructus es, qui recens huic negotio supervenisti, ut remoto patrocinio ipsos causam suam peragentes audiam patienter, ut coeperam. Tum Trygetius Licentio prorsus absente, Quomodo vultis, inquit, accipite & ridete stultitiam meam. Non mihi videtur debere dici intellectus, quo intelligitur ipsa stultitia, quae non intelligendi vel sola vel maxima causa est. Non facile, inquam, recusio istud accipere. Quamvis enim me multum moveat quod sentit Alypius, quomodo recte possit quisque docere, qualis sit res quam non intelligit, quantamque menti afferat perniciem, quod mente non videt. Nam id utique adtendens, quod tu dixisti dicere est veritus, cum ei sit ista etiam de doctorum libris nota sententia: tamen sensum ipsum considerans corporis, nam & isto ipso anima utitur, & ipsa sola est cum intellectu qualiscumque collatio, adducor ut dicam neminem posse videre tenebras. Quamobrem si menti hoc est intelligere, quod sensui videre, & licet quisque oculis apertis, sanis, purisque sit, videre tamen tenebras non potest, non absurde dicitur, intelligi non posse stultitiam: nam nullas alias mentis tenebras nominamus. Nec jam illud movebit, quomodo stultitia possit non intellecta vitari. Ut enim oculis tenebras vitamus eo ipso quo nolumus non videre: sic quisquis volet vitare stultitiam non eam conetur intelligere, sed ea quae possunt intelligi, per hanc se non intelligere doleat: eamque sibi esse praesentem, non quo ipsam magis intelligit, sed quo alia minus intelligit sentiat.

11. SED ad ordinem redeamus, ut nobis aliquando reddatur Licentius. Illud enim jam ex vobis requiro, utrum quaecumque agit stultus, ordine vobis agere videatur. Nam videte rogatio quos laqueos habeat. Si ordine dixeritis, ubi erit illa definitio: Ordo est quo Deus agit omnia quae sunt, si etiam stultus quae agit, agit ordine? Si autem ordo non est in iis, quae aguntur ab stulto, erit aliquid quod ordo non teneat: neutrum autem vultis. Videte quaeso ne cuncta ipsius ordinis a defensione turbetis. Hic item Trygetius, nam ille alter adhuc omnino absens erat, Facile est, inquit, huic quidem respondere complexioni tuae; sed me in praesentia similitudo deficit; qua sententiam meam video asseri illustrarique debere. Tamen dicam quod sentio, facies enim tu quod paulo ante fecisti. Non enim illa commemoratio tenebrarum ad id quod a me involutum prolatum erat, parum nobis adtulit luminis. Namque omnis vita stultorum quamvis per eos ipsos minime constans minimeque ordinata sit, per divinam tamen providentiam necessario rerum ordine includitur, & quasi quibusdam locis illa ineffabili & sempiterna lege dispositis nullo modo esse finitur, ubi esse non debet. Ita fit ut angusto animo ipsam solam quisque considerans, veluti magna percussus foeditate aversetur. Si autem mentis oculos erigens atque diffundens, simul universa col-

CAPUT
IV.
Qua ho-
nio per-
peram
agit, an
ordine
agit.
Mala in
ordinem
reducta
faciunt
ad deco-
rem uni-
versum.
a

collustret, nihil non ordinatum, suisque semper veluti A sedibus distinctum dispositumque reperiet.

12. Quam magna, inquam, quam mira mihi per vos Deus ille, atque ipse, ut magis magisque credere adducor, rerum nescio quis occultus ordo respondet. Nam ea dicitis quæ nec quomodo dicantur non visa, nec quomodo ea videatis intelligo, ita ea & vera & alta esse suspicor. Simile autem aliquod in istam sententiam tu fortasse unum requirebas. At mihi jam occurrunt innumerabilia, quæ me ad consentiendum prorsus trahunt. Quid enim carnifice tetrius? Quid illo animo truculentius atque dirius? At inter ipsas leges locum necessarium tenet, & in bene moderatæ civitatis ordinem inferitur, estque suo animo nocens, ordine autem alieno pœna nocentium. Quid sordidius, quid inanius decoris & turpitudinis plenius meretricibus, lenonibus, ceterisque hoc genus pestibus dici potest? Aufer meretrices de rebus humanis, turbaveris omnia libidinibus. Constitue matronarum loco, labe ac dedecore dehonestaveris. Sic igitur hoc genus hominum per suos mores impurissimum vita, per ordinis leges conditione vilissimum. Nonne in corporibus animantium quædam membra si sola adendas non possis adtendere, tamen ea naturæ ordo, nec quia necessaria sunt, deesse voluit, nec quia indecora, eminere permisit. Quæ tamen deformia suos locos tenendo, meliorem locum concessere melioribus. Quid nobis suavius, quod agro villæque spectaculum congruentius fuit pugna illa conflictuque gallinaceorum gallorum, cuius superiore libro fecimus mentionem? Quid abjectius tamen deformitate subjecti vidimus? Et per ipsam tamen ejusdem certaminis perfectior pulcritudo provenerat.

13. TALIA credo sunt omnia, sed oculos quærunt. Solœcismos & barbarismos quos vocant, poetæ adamaverunt, quæ schemata & metaplasmos mutatis appellare nominibus, quam manifesta vitia fugere maluerunt. Detrahe tamen ista carminibus, suavissima condimenta desiderabimus. Congere multa in unum locum, totum acre, putidum, rancidum fastidibo. Transfer in liberam forensemque dictionem, quis non eam fugere atque in a theatra secedere jubebit? Ordo igitur ea gubernans & moderans, nec apud se nimia, nec ubilibet aliena esse patietur. Submissa quædam impolitæque simillima ipsos saltus ac venustos locos sese interponens illustrat oratio. Quæ si sola sit, projecis ut vilem: si autem desit, illa pulchra non prominent, non in suis quasi regionibus possessionibusque dominantur, sibi que ipsa propria luce obstant, totumque confundunt. * Magnæ & hic debentur ordini gratiæ. Mentientes conclusiones, aut irrepentes paulatim, vel minuendo, vel addendo in assensionem falsitatis, quis non metuat, quis non oderit? Sæpe tamen in disputationibus certis, & suis sedibus collocatæ tantum valent, ut nescio quomodo per eas dulcescat ipsa deceptio. Nonne hic quoque ordo ipse laudabitur?

14. Jam in musica, in geometrica, in astrorum motibus, in numerorum necessitatibus ordo ita dominatur, ut si quis quasi ejus fontem atque ipsum penetrare videre desideret, aut in his inveniat, aut per hæc eo sine ullo errore ducatur. Talis enim eruditio si quis ea moderate utatur (nam nihil ibi quam nimium

formidandum est) talem philosophiæ militem nutrit vel etiam ducem, ut ad summum illum modum, ultra quem requirere aliquid nec possit, nec debeat, nec cupiat, qua vult evolet atque perveniat, multosque perducatur. Unde jam dum ipsis humanis rebus teneatur, sic eas despiciat, cunctaque discernat, ut nullo modo eum moveat cur alius optet liberos habere, nec habeat; alius nimia uxoris fecunditate torqueatur; egeat ille pecunia, qui largiri liberaliter multa paratus est; eique defossæ incubet macer & scabiosus feenerator: ampla patrimonia luxuries dispergat atque diffundat; vix toto die lacrymans mendicus nummum impetret. Alium honor extollat indignum; lucidi mores abscondantur in turba.

15. Hæc & alia in hominum vita, cogunt homines plerumque impie credere, nullo nos ordine divini providentiæ gubernari. Alii autem pii & boni atque splendido ingenio præditi, qui neque nos deserere a summo Deo possunt in animum inducere, & tamen rerum tanta quasi caligine atque commixtione turbati nullum ordinem vident, volentesque sibi nudari abditissimas causas, errores suos sæpe etiam * carminibus conqueruntur. Qui si hoc solum interrogent, cur Itali semper serenæ hyemes orent, & item semper Getulia nostra misera sitiatur, quis eis facile respondebit, aut ubi apud nos indagabitur illius ordinis ulla suspicio? Ego autem, si quid meos monere possum, quantum mihi apparet, quantumque sentio, censeo illos disciplinis omnibus erudiendos. Aliter quippe ista sic intelligi, ut luce clariora sint, nullo modo possunt. Si autem aut pigriores sunt, aut aliis negotiis præoccupati, aut jam duri ad discendum, fidei sibi præsidia parent, quo illos vinculo ad sese trahat, atque ab his horrendis & involutissimis malis liberet ille, qui neminem sibi per mysteria bene credentem perire permittit.

16. Duplex enim est via quam sequimur cum rerum nos obscuritas movet, aut rationem, aut certe auctoritatem. Philosophia rationem promittit, & vix paucissimos liberat: quos tamen non modo non contemnere illa mysteria, sed sola intelligere, ut intelligenda sunt cogit. Nullumque aliud habet negotium, quæ vera, & ut ita dicam, germana philosophia est, quam ut doceat quod sit omnium rerum principium sine principio, quantumque in eo maneat intellectus, quidve inde in nostram salutem sine ulla degeneratione manaverit: quem unum Deum omnipotentem b eumque tripotentem Patrem & Filium & Spiritum sanctum docent veneranda mysteria, quæ fide sincera & inconcussa populos liberant, nec confuse, ut quidam; nec contumeliose, ut multi prædicant. Quantum autem illud sit, quod hoc etiam nostri generis corpus, tantus propter nos Deus assumere atque agere dignatus est, quanto videtur vilis, tanto est clementia plenius, & a quadam ingeniosorum superbia longe lateque remotius.

17. Anima vero unde originem ducat, quidve hic agat, quantum distet a Deo, quid habeat proprium quod alternat in utramque naturam, quatenus moriatur, & quomodo immortalis probetur, quam magnis putatis esse ordinis, ut ista discantur?

Ma-

* a In hæcenus editis legitur, atque in antris se condere. At in omnibus fere MSS. habetur, in theatra. & in nonnullis, secedere quæ vera lectio est.

b In codicibus pervetustis Corbeien si & Theodoricensi legitur, cum quo tripotentem. In MS. Abbatia Vindocinensis, eo quo. In alio S. Michaelis

* Zenobii carmen sub. indicare videtur, de quo supra l. 1. c. 7. n. 20.

1. Retrahit. 3. n. 2.

Magni omnino atque certi: de quo breviter si tempus fuerit post loquemur. Illud nunc a me accipiat: Si quis temere ac sine ordine disciplinarum in harum rerum cognitionem audet irruere, pro studio illum curiosum, pro docto credulum, pro cauto incredulum fieri. Itaque mihi quod modo interroganti tam bene atque apte respondistis, & miror unde sit, & cogor agnoscere. Videamus tamen quousque progredi vestra latens possit intentio. Jam nobis Licentii etiam verba reddantur, qui tam diu nescio qua cura occupatus, alienus ab hoc sermone fuit, ut eum ista non aliter quam eos, qui non adsunt familiares nostros, credam esse lecturum. Sed redi ad nos quæso Licenti, atque hic totus fac ut adsis; tibi enim dico. Nam definitionem meam tu probasti, qua dictum est quid sit esse cum Deo, cum quo mentem sapientis manere immobilem, me quantum assequi valeo, docere voluisti.

CAPUT
VI.
Mens
sapientis
immobilis.

18. SED illud me movet, quomodo cum iste sapiens quamdiu inter homines vivit, in corpore esse non negetur, quo pacto fiat, ut ejus corpore huc atque illuc vagante, mens immobilis maneat. Isto enim modo potes dicere, cum movetur navis, homines qui in ea sunt non moveri, quamvis ab ipsis eam possideri gubernarique fateamur. Etenim si sola eam cogitatione regerent, facerentque ire quo vellent, tamen cum ea moveretur, non possent illi qui ibidem constituti sunt non moveri. Non, ait Licentius, animus ita est in corpore, ut corpus imperet animo. Neque hoc ego dico, inquam: sed etiam equus non ita est in equo, ut ei equus imperet; & tamen quamvis quo velit ire equum agat, equo moto moveatur necesse est. Potest, inquit, sedere ipse immobilis. Cogis nos, inquam, definire quid sit moveri: quod si potes, facias volo. Prorsus, inquit, maneat quæso beneficium tuum, nam manet postulatio mea: & ne me rursus interroges, utrum mihi definire placeat: quando id facere potuero, ipse profitebor. Quæcum dicta essent, puer de domo cui dederamus id negotii, cucurrit ad nos, & horam prandii esse nuntiavit. Tum ego, Quid sit, inquam, moveri, non definire nos puer iste, sed ipsis oculis cogit ostendere. Eamus igitur, & de isto loco in alium locum transeamus: nam nihil est aliud, nisi fallor, moveri. Hic cum arrisissent, discessimus.

Disputatio
se-
cunda.

19. **A** T ubi refecimus corpora, quoniam cælum obduxerat nubes, solito loco in balneo confedimus. Atque ego: Concedis ergo, inquam, Licenti, nihil esse aliud motum quam de loco in locum transitum? Concedo, inquit. Concedis ergo, inquam, neminem in eo loco esse in quo non fuerat, & motum non fuisse? Non intelligo, inquit. Si quid, inquam, in alio loco fuit dudum, & nunc in alio est, motum esse concedis? Assentiebatur. Ergo, inquam, posset alicujus sapientis vivum corpus hic modo nobiscum esse, ut animus hinc abesset? Posset, inquit. Etiamne, inquam, si nobiscum colloqueretur, & nos aliquid doceret? Etiam si, inquit, nos ipsam doceret sapientiam, non illum dicerem nobiscum esse, sed secum. Non igitur in corpore, inquam? Non, inquit. Cui ego: Corpus illud quod careret animo, nonne mortuum fatereris cum ego vivum proposuerim? Nescio, inquit, quomodo explicem. Nam & corpus hominis vivum esse non posse video, si animus in eo non sit; & non possum dicere, ubi ubi sit corpus sapien-

Tom. I.

tis, non ejus animum esse cum Deo. Ego, inquam, faciam, ut hoc explices. Fortasse enim quia ubique Deus est, quoquo jērit sapiens, invenit Deum cum quo esse possit. Ita fit ut possimus & non negare illum de loco in locum transire, quod est moveri; & tamen semper esse cum Deo. Fateor, inquit, corpus illud de loco in locum transitum facere, sed mentem ipsam nego, cui nomen sapientis impositum est.

20. NUNC interim tibi cedo, inquam, ne res obscurissima, & diutius diligentiusque tractanda, impediatur in præsentia propositum nostrum. Sed illud videamus, quoniam definitum est a nobis quid sit esse cum Deo, utrum scire possimus etiam quid sit esse sine Deo, quamvis jam manifestum esse arbitror. Nam credo videri tibi eos qui cum Deo non sunt, esse sine Deo. Si possent, inquit, mihi verba suppetere, dicerem fortasse quod tibi non displiceret. Sed peto perferas infantiam meam, resque ipsas, ut te decet, velociter præripias. Nam isti nec cum Deo mihi videntur esse, & a Deo tamen haberi. Itaque non possum eos sine Deo esse dicere, quos Deus habet. Cum Deo item non dico, quia ipsi non habent Deum. Siquidem Deum habere, jam inter nos pridem in sermone illo quem die natali tuo jucundissimum habuimus, placuit nihil aliud esse quam Deo perfrui. Sed fateor me formidare ista contraria, quomodo quisque nec sine Deo sit, nec cum Deo.

21. Non te moveant ista, inquam. Nam ubi res convenit, quis non verba contemnat? Quare jam ad illam tandem ordinis definitionem redeamus. Nam ordinem esse dixisti quo Deus agit omnia. Nihil autem, ut video, non agit Deus: nam inde visum tibi est, nihil præter ordinem posse inveniri. Manet, inquit, sententia mea: sed jam video quid sis dicturus, utrum Deus agat quæ non bene agi confitemur. Optime, inquam, prorsus oculus in mentem injecisti. Sed ut vidisti quid essem dicturus, ita peto videas quid respondendum sit. Atque ille nutans capite atque humeris: Turbamur, inquit, & huic forte quæstioni mater supervenerat. Atque ille post aliquantulum silentium petiit, ut a me hoc ipsum rursus interrogaretur. Cui loco superius a Trygetio fuisse responsum non omnino animadvertat. Tum ego: Quid, inquam, vel cur tibi repetam? Actum, ajunt, ne agas. Quare moneo potius, ut ea quæ supra dicta sunt, vel legere cures, si audire nequivisti. Quam quidem absentiam a sermone nostro animi tui non ægre tuli, diuque ita esse te pertuli, ut neque illa impedirem quæ tecum intentus remotusque a nobis, pro te agebas, & ea persequerer, quæ te amittere stilus iste non fineret.

22. Nunc illud quæro, quod nondum discutere diligenti ratione tentavimus. Nam ut primum nobis istam de ordine quæstionem nescio quis ordo peperit, memini te dixisse hanc esse justitiam Dei, quæ separat inter bonos & malos, & sua cuique tribuit. Nam nulla est, quantum sentio, manifestior justitiæ definitio: itaque respondeas velim, utrum tibi videatur aliquando Deum non fuisse justum. Numquam, inquit. Si ergo semper, inquam, Deus justus, semper bonum & malum fuerunt. Prorsus, inquit mater, nihil aliud video quod sequatur. Non enim judicium Dei fuit ullum quando malum non fuit: nec si aliquando bonis & malis sua cuique non tribuit, potest videri justus fuisse. Cui Licentius:

P

Er-

CAPUT
VII.
Quomodo
ordo
fuerit
cum ma-
lum non
esset.

De beata
vita disp.
3. n. 34.

cap. 4. n.
11.

Lib. 1. de
ordine c.
7. n. 19.

Ergo dicendum nobis censes, inquit, semper malum fuisse. Non audeo, inquit illa, hoc dicere. Quid ergo dicemus, inquam? Si Deus ideo justus est, quia judicat inter bonos & malos, quando non erat malum non erat justus. Hic illis tacentibus animadverti Trygetium respondere velle, atque permisi. At ille: Prorsus, inquit, erat Deus justus. Poterat enim bonum malumque secernere, si exstitisset, & eo ipso quo poterat, justus erat. Non enim cum dicimus Ciceronem prudenter investigasse conjurationem Catilinæ, temperanter nullo corruptum fuisse præmio quo parceret malis, juste illos summo supplicio senatus auctoritate mactasse, fortiter sustinuisse omnia tela inimicorum & molem, ut ipse dixit, invidiæ, non in eo fuissent virtutes istæ, nisi Catilina reipublicæ tantam perniciem comparasset. Virtus enim per seipsam, non per aliquod hujusmodi opus considerata est, & in homine, quanto magis in Deo? si tamen in angustiis rerum atque verborum componere illis ista quoquo modo permittitur. Nam ut intelligamus, quia Deus semper justus fuit, quando exstitit malum quod a bono sejungeret, nihil distulit sua cuique tribuere: non enim tunc ei erat discenda justitia; sed tunc ea utendum, quam semper habuit.

23. Quod cum & Licentius & mater in tanta necessitate approbassent: Quid, inquam, dicis Licenti? Ubi est quod tam magnopere asseruisti, nihil præter ordinem fieri? Quod enim factum est ut malum nasceretur, non utique Dei ordine factum est: sed quum esset natum, Dei ordine inclusum est. Et ille admirans ac moleste ferens, quod tam repente bona causa esset lapsa de manibus: Prorsus, inquit, ex illo dico cœpisse ordinem, ex quo malum esse cœpit. Ergo, inquam, ut esset ipsum malum, non ordine factum est, si postquam malum ortum est, ordo esse cœpit. ^a Sed semper erat ordo apud Deum: & aut semper fuit nihil quod dicitur malum: aut si aliquando invenitur cœpisse, quia ordo ipse aut bonum est, aut ex bono est, numquam aliquid sine ordine fuit, nec erit aliquando. Quamvis & nescio quid potius occurrit, sed illa consuetudine oblivionis elapsum est: quod credo ordine contigisse pro merito vel gradu vel ordine vitæ. Nescio quomodo mihi, inquit, effugit, quam nunc sperno sententiam: non enim debui dicere postquam malum natum est, cœpisse ordinem: sed ut illa justitia, de qua Trygetius disseruit, ita & ordinem fuisse apud Deum: sed ad usum ^b non venisse, nisi postquam mala esse cœperunt. Eodem, inquam, relaberis: illud enim quod minime vis, inconcussum manet: nam sive apud Deum fuit ordo, sive ex illo tempore esse cœpit, ex quo etiam malum, tamen malum illud præter ordinem natum est. Quod si concedis, fateris aliquid præter ordinem posse fieri; quod causam tuam debilitat ac detruncat. Si autem non concedis, incipit Dei ordine natum malum videri, & malorum auctorem Deum fateberis: quo sacrilegio mihi detestabilius nihil occurrit. Quod cum sive non intelligenti, sive dissimulanti se intellexisse versarem sæpius & revolverem, nihil habuit quod diceret, & se silentio dedit. Tum mater: Ego, inquit, non puto nihil potuisse præter Dei ordinem fieri, quia ipsum malum quod natum est, nullo modo Dei ordine natum est, sed illa

A justitia id inordinatum esse non sivit, & in sibi meritum ordinem redegit & compulit.

24. Hic ego cum omnes cernerem studiosissime, ac pro suis quemque viribus Deum quærere, sed ipsum de quo agebamus ordinem non tenere, quo ad illius ineffabilis majestatis intelligentiam pervenitur: Oro vos, inquam, si, ut video, multum diligitis ordinem, ne nos præposteros & inordinatos esse patiamini. Quamquam enim occultissima ratio se demonstraturam polliceatur, nihil præter divinum ordinem fieri: tamen si quempiam ludi magistrum audiremus, conantem docere puerum syllabas, quem prius litteras nemo docuisset, non dico ridendum tamquam stultum, sed vincendum tamquam furiosum putaremus, non ob aliud, opinor, nisi quod docendi ordinem non teneret. At multa talia & imperitos, quæ a doctis reprehendantur ac derideantur, & dementes homines, quæ nec stultorum judicium fugiunt, facere nemo ambigit: & tamen etiam ista omnia quæ fatemur esse perversa, non esse præter divinum ordinem, alta quædam & a multitudinis vel suspicione remotissima disciplina, se ita studiosis & Deum atque animas tantum amantibus animis manifestaturam esse promittit, ut non nobis summæ numerorum possint esse certiores.

25. HÆC autem disciplina ipsa Dei lex est, quæ apud eum fixa & inconcussa semper manens, in sapientes animas quasi transcribitur, ut tanto se sciant vivere melius, tantoque sublimius, quanto & perfectius eam contemplantur intelligendo, & vivendo custodiunt diligentius. Hæc igitur disciplina eis, qui illam nosse desiderant, simul geminum ordinem sequi jubet: cujus una pars vitæ, altera eruditionis est. ADOLESCENTIBUS ergo studiosissime ita vivendum est, ut a venereis rebus, ab illecebris ventris & gutturis, ab immodesto corporis cultu & ornatu, ab inanibus negotiis ludorum, a torpore somni atque pigritiæ, ab æmulatione, obtreptione, invidentia, ab honorum potestatumque ambitionibus, ab ipsius etiam laudis immodica cupiditate se abstineant. Amorem autem pecuniæ totius suæ spei certissimum venenum esse credant. Nihil enerviter faciant, nihil audaciter. In peccatis autem suorum vel pellant omnino iram, vel ita frenent, ut sit pulsæ similis. Neminem oderint. Nulla vitia non curare velint. Magnopere observent cum vindicant, ne nimium sit: cum ignoscunt, ne parum. Nihil puniant quod non valeat ad melius: nihil indulgeant quod veritat in pejus. Suos putent omnes, in quos sibi potestas data fuerit. Ita serviant, ut eis dominari pudeat: ita dominantur, ut eis servire delectet. In alienorum autem peccatis molesti non sint invito. Inimicitias vitent cautissime, ferant æquissime, finiant citissime. In omni vero contractu atque conversatione cum hominibus, satis est servare unum hoc vulgare proverbium: Nemini faciant quod pati nolunt. Rempublicam nolint administrare, nisi perfecti. Perfici autem vel intra ætatem senatoriam festinent, vel certe intra juventutem. Sed quisquis sero ad ista se converterit, non arbitretur nihil sibi esse præceptum: nam ista utique facilius decocta ætate servabit. In omni autem vita, loco, tempore, amicos aut habeant, aut habere instent. Obsequantur dignis etiam non hoc

ex-

CAPUT
VIII.
Traduntur pri-
mum a dole-
scenti-
bus præ-
cepta vi-
tæ, tum
ordo e-
ruditionis.

^a Insignis hic ommissio est in codicibus novem, iisque non deterioris notæ, qui ad hæc verba, *ordo esse cœpit*, ista continenter subjiciunt: *Nescio quomodo mihi.*

^b Bad. Am. Er. & Loy. *ad usum ejus non venisse.* At a MSS. plerisque ab est, *ejus.*

exspectantibus. Superbos minus curent, a minime sint. Apte congruenterque vivant. Deum colant, cogitent, quærant, fide, spe, caritate subnixi. Optent tranquillitatem, atque certum cursum studiis suis, omniumque sociorum, & sibi quibusque possunt mentem bonam pacatamque vitam.

26. SEQUITUR ut dicam quomodo studiosi erudiri debeant, qui sicut dictum est vivere instituerunt. Ad discendum item necessario dupliciter ducimur, auctoritate atque ratione. Tempore auctoritas, re autem ratio prior est. Aliud est enim, quod in agendo anteponitur, aliud quod pluris in appetendo aestimatur. Itaque quamquam bonorum auctoritas imperitæ multitudini videatur esse salubrior, ratio vero aptior eruditibus: tamen quia nullus hominum nisi ex imperito peritus fit, nullus autem imperitus novit qualem se debeat præbere docentibus, & quali vita esse docilis possit, evenit ut omnibus bona magna & occulta discere cupientibus, non aperiat nisi auctoritas januam. Quam quisque ingressus sine ulla dubitatione vitæ optimæ præcepta sectatur: per quæ cum docilis factus fuerit, tum demum discet & quanta ratione prædita sint ea ipsa, quæ secutus est ante rationem; & quid sit ipsa ratio quam post auctoritatis cunabula firmus & idoneus jam sequitur atque comprehendit; & quid intellectus, in quo universa sunt, vel ipse potius universa; & quid præter universa universorum principium. Ad quam cognitionem in hac vita pervenire pauci, ultra quam vero etiam post hanc vitam nemo progredi potest. Qui autem sola auctoritate contenti, bonis tantum moribus rectisque votis constanter operam dederint, aut contemnentes, aut non valentes disciplinis liberalibus atque optimis erudiri, beatos eos quidem, cum inter homines vivunt, nescio quomodo appellem; tamen inconcussæ credo mox ut hoc corpus reliquerint, eos quo bene magis minusve vixerunt, eo facilius aut difficilius liberari.

27. Auctoritas autem partim divina est, partim humana: sed vera, firma, summa est quæ divina nominatur. In qua metuenda est aeriorum animalium mira fallacia, quæ per rerum ad istos sensus corporis pertinentium quasdam divinationes, nonnullasque potentias decipere animas facillime consueverunt, aut periturarum fortunarum curiosas, aut fragilium cupidas potestatum, aut inanium formidolosæ miraculorum. Illa ergo auctoritas divina dicenda est, quæ non solum in sensibilibus signis transcendit omnem humanam facultatem, sed & ipsum hominem agens, ostendit ei quousque se propter ipsum depresserit: & non teneri sensibus, quibus videntur illa miranda, sed ad intellectum jubet evolare: simul demonstrans & quanta hic possit, & cur hæc faciat, & quam parvi pendat. doceat enim oportet & factis potestatem suam, & humilitate clementiam, & præceptione naturam, quæ omnia sacris quibus initiamur, secretius firmitusque traduntur: in quibus bonorum vita facillime non disputationum ambagibus, sed mysteriorum auctoritate purgatur. Humana vero auctoritas plerumque fallit: in eis tamen jure videtur excellere, qui quantum imperitorum sensus capit, multa dant indicia doctrinarum suarum, & non vivunt aliter quam vivendum esse præcipiunt. Quibus si aliqua etiam fortunæ munera accesserint, quorum appareant usu magni, contemptu-

Tom. I.

que majores, difficillimum omnino est, ut eis quicquid vivendi præcepta dantibus credens, recte vituperetur.

28. Hic Alypius: Permagna, inquit, vitæ imago abs te ante oculos nostros, cum plene, tum breviter constituta est: cui quamvis quotidianis præceptis tuis inhiemus, tamen nos hodie cupidiores flagrantioresque reddidisti. Ad quam, si fieri posset, non solum nos, verum etiam cunctos homines jam pervenire, & eisdem inhærere cuperem, ut hæc sicut auditu mirabilia, ita essent imitatione facilia. Nam nescio quomodo, quod utinam vel a nobis procul absit, animus humanus dum hæc audiendo, cælestia, divina ac prorsus vera esse proclamet, in appetendo aliter se gerit, ut mihi verissimum videatur aut divinos homines, aut non sine divina ope sic vivere. Cui ego: Hæc præcepta vivendi, quæ tibi, ut semper, plurimum placent, Alypi, quamvis hic meis verbis pro tempore expressa sint, non tamen a me inventa esse optime scis. His enim magnorum hominum & pene divinorum libri plenissimi sunt: quod non propter te dicendum mihi putavi, sed propter istos adolescentes, ne in eis quasi auctoritatem meam jure contemnant. Nam mihi omnino illos nolo credere, nisi docenti, rationemque reddenti, propter quos pro rerum magnitudine concitandos, etiam te arbitror istum interposuisse sermonem. Non enim tibi sunt ad sequendum ista difficilia, quæ tanta rapuisti aviditate, tantoque in ea naturæ admirabilis impetu ingressus es, ut ego tibi verborum, tu mihi rerum magister effectus sis. Non enim est modo ulla causa mentiendi, aut saltem occasio: nam neque te falsa tua laude studiosiorem fieri puto, & ii adfunt qui utrumque noverunt, & ei sermo iste mittetur, cui nostrum nullus ignotus est.

29. Bonos autem viros, deditosque optimis moribus, si non aliter sentis atque dixisti, pauciores te arbitror esse credere, quam mihi probabile est: sed multi penitus latent te. Item multorum non latentium, ea ipsa quæ mira sunt, latent: in animo enim sunt ista, qui neque sensu accipi potest, & plerumque dum congruere vult vitiorum hominum colloquiis, ea dicit, quæ aut probare aut appetere videatur. Multa etiam facit non libenter, propter aut vitandum odium hominum, aut ineptiam fugiendam, quod nos audientes aut videntes difficile aliter existimamus, quam sensus iste renuntiat. Eoque fit ut multos non tales esse credamus, quales & se ipsi, & eos sui familiares noverunt. Quod tibi ex amicorum nostrorum quibusdam magnis animi bonis, quæ nos soli scimus, persuadeas velim. Nam error iste non minima hac causa nititur, quod non pauci se subito ad bonam vitam mirandamque convertunt; & donec aliquibus clarioribus factis innotescant, quales erant esse creduntur. Nam ne longius abeam, quis istos adolescentes, qui antea noverat, facile credat tam studiose magna quærere, tantas repente in hac ætate indixisse inimicitias voluptatibus? Ergo hanc opinionem pellamus ex animo: nam & illud divinum auxilium, quod ut decebat religiose in ultimo sermonis tui posuisti, latius quam nonnulli opinantur officium clementiæ suæ per universos populos agit. Sed ad disputationis nostræ, si placet, ordinem redeamus: & quoniam de auctoritate satis dictum est, videamus quid sibi ratio velit.

P 2

30. R A-

a Sic MSS. & editiones excepta Lov. quæ habet, *minimi sunt*.

b In prius vulgatis, *ipsa potius universa*. Sed melius in MSS. *ipse*.

CAPUT
XI.
Ratio
quid &
hujus
in sensu-
bilibus
vestigia.

30. **RATIO** est mentis motio, ea quæ discuntur distinguendi & connectendi potens: qua duce uti ad Deum intelligendum, vel ipsam quæ aut in nobis, aut usquequaque est animam, rarissimum omnino genus hominum potest: non ob aliud, nisi quia in istorum sensuum negotia progresso, redire in semetipsum cuique difficile est. Itaque cum in rebus ipsis fallacibus ratione totum agere homines moliantur, quid sit ipsa ratio, & qualis sit, nisi per pauci prorsus ignorant. Mirum videtur, sed tamen se ita res habet. Satis est hoc dixisse in præsentia: nam si vobis rem tantam sicut intelligenda est, nunc ostendere cupiam tam ineptus sim, quam arrogans si vel me illam jam percepisse profitear. Tamen quantum dignata est in res quæ nobis notæ videntur procedere, indagemus eam, si possumus interim, prout susceptus sermo desiderat.

Ut differunt rationale & rationabile.

31. Ac primum videamus ubi hoc verbum, quod ratio vocatur, frequentari solet: nam illud nos movere maxime debet, quod ipse homo a veteribus sapientibus ita definitus est: **HOMO** est animal rationale mortale. Hic genere posito quod animal dictum est, videmus additas duas differentias, quibus credo admonendus erat homo, & quo sibi redeundum esset, & unde fugiendum. Nam ut progressus animæ usque ad mortalia, lapsus est; ita regressus esse in rationem debet. Uno verbo a bestiis, quod rationale: & alio a divinis separatur, quod mortale dicitur. Illud igitur nisi tenuerit, bestia erit: hinc nisi se averterit, divina non erit. Sed quoniam solent doctissimi viri quid inter rationale & rationabile intersit, acute subtiliterque discernere, nullo modo est, ad id quod instituimus, negligendum: nam rationale esse dixerunt, quod ratione uteretur vel uti posset: rationabile autem, quod ratione factum esset aut dictum. Itaque has balneas rationabiles possumus dicere, nostrumque sermonem: rationales autem vel illum qui has fecit, vel nos qui loquimur. Ergo procedit ratio ab anima rationali, scilicet in ea quæ vel fiunt rationabilia, vel dicuntur.

32. Duo ergo video, in quibus potentia visque rationis possit ipsis etiam sensibus admoveri: opera hominum quæ videntur, & verba quæ audiuntur. In utroque autem utitur mens gemino nuntio pro corporis necessitate: uno qui oculorum est, altero qui aurium. Itaque cum aliquid videmus congruentibus sibi partibus figuratum, non absurde dicimus rationabiliter apparere. Itemque cum aliquid bene concinere audimus, non dubitamus dicere quod rationabiliter sonat. Nemo autem non rideatur, si dixerit, Rationabiliter olet, aut rationabiliter sapit, aut rationabiliter molle est, nisi forte in iis quæ propter aliquid ab hominibus procurata sunt ut ita olerent vel saperent vel ferverent, vel quid aliud. Ut si quis locum, unde gravibus odoribus serpentes fugantur, rationabiliter dicat ita olere, causam intuens quare sit factum: aut poculum quod medicus confecerit, rationabiliter amarum esse vel dulce: aut quod temperari languido solum jusserit, calere rationabiliter aut tepere. Nemo autem hortum ingressus, & rosam naribus admovens, audet ita dicere, Quam rationabiliter fragrat: nec si medicus illam ut olfaceret jusserit. Tunc enim præceptum vel datum illud rationabiliter, non tamen olere rationabiliter dicitur: nec propterea, quia naturalis ille odor est. Nam quamvis a coquo pulmentum con-

A diatur, rationabiliter conditum possumus dicere: rationabiliter autem sapere, cum causa extrinsecus nulla sit, sed præsentis satisfiat voluptati, nullo modo ipsa loquendi consuetudine dicitur. Si enim quærat de illo cui poculum medicus dederit, cur id dulciter sentire debuerit, aliud infertur propter quod ita est, id est morbi genus, quod jam non in illo sensu est, sed aliter sese habet in corpore. Si autem rogetur liguriens aliquid, gulæ stimulo concitatus, cur ita dulce sit, & respondeat quia libet, aut quia delector; nemo illud dicet rationabiliter dulce, nisi forte illius delectatio alicui rei sit necessaria, & illud quod mandit, ob hoc ita confectum sit.

33. Tenemus quantum investigare potuimus, quædam vestigia rationis in sensibus, & quod ad visum atque auditum pertinet, in ipsa etiam voluptate. Alii vero sensus non in voluptate sua, sed propter aliquid aliud solent hoc nomen exigere: id autem est rationalis animantis factum propter aliquem finem. Sed ad oculos quod pertinet, in quo congruentia partium rationalis dicitur, pulcrum appellari solet. Quod vero ad aures, quando rationabilem concentum dicimus, cantumque numerosum rationabiliter esse compositum, suavitas vocatur proprio jam nomine. Sed neque in pulcris rebus cum nos color illicit, neque in aurium suavitate cum pulsa chorda quasi liquide sonat atque pure, rationabile illud dicere solemus. Restat ergo ut in istorum sensuum voluptate id ad rationem pertinere fateamur, ubi quædam dimensio est atque modulatio.

34. Itaque in hoc ipso ædificio singula bene considerantes, non possumus non offendi, quod unum ostium videmus in latere, alterum prope in medio, nec tamen in medio collocatum. Quippe in rebus fabricatis, nulla cogente necessitate, iniqua dimensio partium facere ipsi ad spectui velut quamdam videtur injuriam. Quod autem intus tres fenestræ, una in medio, duæ a lateribus, paribus intervallis a solio lumen infundunt, quam nos delectat diligentius intuentes, quamque in se animum rapit, manifesta res est, nec multis verbis vobis aperienda. Unde ipsi architecti jam suo verbo rationem istam vocant: & partes discorditer collocatas, dicunt non habere rationem. Quod late patet, ac pene in omnes artes operaque humana diffunditur. Jam in carminibus, in quibus item dicimus esse rationem ad voluptatem aurium pertinentem, quis non sentiat dimensionem esse totius hujus suavitatis opificem? Sed histrione saltante, cum bene spectantibus gestus illi omnes signa sint rerum, quamvis membrorum numerosus quidam motus oculos eadem illa dimensione delectet, dicitur tamen rationalis illa saltatio, quod bene aliquid significet & ostendat, excepta sensuum voluptate. Non enim si pennatam Venerem faciat, & Cupidinem palliatum, quamvis id mira membrorum motione atque collocatione depingat, oculos videtur offendere, sed per oculos animum, cui rerum signa illa monstrantur: nam oculi offenderentur, si non pulcre moverentur. Hoc enim pertinebat ad sensum, in quo anima eo ipso quod mixta est corpori, percipit voluptatem. Aliud ergo sensus, aliud per sensum: nam sensum mulcet pulcher motus, per sensum autem animum solum pulchra in motu significatio. Hoc etiam in auribus facilius advertitur: nam quidquid jocunde sonat, illum ipsum auditum libet atque illicit: quod autem

per

a Er. & Lov. folis. At MSS. duodecim Bad. & Am. folio lumen in-

fundunt, id est balnearum vasi cui insidentes lavabantur, de quo supra n. 32.

per eundem sonum bene significatur, nuntio quidem aurium, sed ad solam mentem refertur. Itaque cum audimus illos versus:

Virg. 2.
Georg. *Quid tantum Oceano properent se tingere soles
Hyberni, vel quæ tardis mora noctibus obstet.*

Aliter metra laudamus, aliterque sententiam: nec sub eodem intellectu dicimus, rationabiliter sonat, & rationabiliter dictum est.

CAPUT
XII.
Discipli-
narum
omnium
excogi-
tatio. ra-
tio.

35. ERGO jam tria genera sunt rerum, in quibus illud rationabile apparet. Unum est in factis ad aliquem finem relatis, alterum in a dicendo, tertium in delectando. Primum nos admonet nihil temere facere: secundum recte docere: ultimum beate contemplari. In moribus est illud superius, hæc autem duo in disciplinis, de quibus nunc agimus. Namque illud quod in nobis est rationale, id est, quod ratione utitur, & rationabilia vel facit vel sequitur, quia naturali quodam vinculo in eorum societate astringebatur, cum quibus illi erat ratio ipsa communis, nec homini homo firmissime sociari posset, nisi colloquerentur, atque ita sibi mentes suas cogitationesque quasi refunderent, vidit esse imponenda rebus vocabula, id est significantes quosdam sonos: ut quoniam sentire animos suos non poterant, ad eos sibi copulandos sensu quasi interprete uterentur. Sed audiri absentium verba non poterant: ergo illa ratio peperit litteras, notatis omnibus oris ac linguæ sonis, atque discretis. Nihil autem horum facere poterat, si multitudo rerum sine quodam defixo termino infinite patere videretur. Ergo utilitas numerandi magna necessitate animadversa est. Quibus duobus repertis, nata est illa librorum & b calculorum professio, velut quædam grammaticæ infantia, quam Varro litterationem vocat: græce autem quomodo appelletur, non satis in præsentia recolo.

Occasio
vocabu-
lorum.

Occasio
littera-
rum.

Occasio
nume-
rum.

Occasio
discre-
tionis
littera-
rum, syl-
labarum
& verbo-
rum.

36. Progressa deinde ratio animadvertit eosdem oris sonos quibus loqueremur, & quos litteris jam signaverat, alios esse qui moderato varie hiatu, quasi enodati ac simplices, faucibus sine ulla collisione defluerent; alios diverso pressu oris tenere tamen aliquem sonum; extremos autem qui nisi adjunctis sibi primis erumpere non valerent. Itaque litteras hoc ordine quo expositæ sunt, vocales, semivocales & mutas nominavit. Deinde syllabas notavit: deinde verba in octo genera formasque digesta sunt; omnisque illorum motus, integritas, junctura, perite subtiliterque distincta sunt. Inde jam numerorum & dimensionis non immemor, adjecit animum in ipsas vocum & syllabarum varias moras, atque inde spatia temporis alia dupla, alia simpla esse comperit, quibus longæ brevesque syllabæ tenderentur. Notavit etiam ista, & in regulas certas disposuit.

37. Poterat jam perfecta esse grammatica, sed quia ipso nomine profiteri se litteras clamat, unde etiam latine litteratura dicitur, factum est ut quidquid dignum memoria litteris mandaretur, ad eam necessario pertineret. Itaque unum quidem nomen, sed res infinita, multiplex, curarum plenior quam jocunditatis aut veritatis, huic disciplinæ accessit historia, non tam ipsis historicis quam grammaticis laboriosa. Quis enim ferat imperitum videri hominem, qui volasse Dæ-

Tom. I.

Occasio
historiæ.

a In MSS. plurimis, alterum in discendo.

b Bad. & MSS. nonnulli habent, calculorum. Sed verius alii codices, calculorum. Hoc nomine, quod a lexicographis plerisque prætermisum est, vocabantur olim ludimagistri, qui primi pueros legendi, scribendi & numerandi arte imbuendos suscipiebant; quo pertinet illud Julii Capitolini in Pertinace, Puer litteris elementariis & calculo imbutus. Item quod Augustinus lib. 1. Conf. c. 13. ait: Adam quæram litteras latinas, non quas primi magistri, sed quas docent qui grammatici vocantur: nam

Adalum non audierit; mendacem illum qui c finxerit, stultum qui crediderit, impudentem qui interrogaverit non videri? aut in quo nostros familiares graviter miserari soleo, qui si non responderint quid vocata sit mater Euryali, accusantur inscitæ: cum ipsi eos, a quibusea rogantur, vanos & ineptos, nec curiosos audiant appellare?

38. ILLA igitur ratio perfecta dispositaque grammatica, admonita est quærere atque adtendere hanc ipsam vim, qua peperit artem: nam eam definiendo, distribuendo, colligendo non solum digesserat atque ordinaverat, verum ab omni etiam falsitatis irreptione defenderat. Quando ergo transfret ad alia fabricanda, nisi ipsa sua prius quasi quædam machinamenta & instrumenta distingueret, notaret, digereret, proderetque ipsam disciplinam disciplinarum, quam dialecticam vocant? Hæc docet docere, hæc docet discere: in hac se ipsa ratio demonstrat atque aperit quæ sit, quid velit, quid valeat. Scit scire: sola scientes facere non solum vult, sed etiam potest. Verum quoniam plerumque stulti homines ad ea quæ suadentur recte, utiliter & honeste, non ipsam sincerissimam quam rarus animus videt veritatem, sed proprios sensus consuetudinemque sectantur, oportebat eos non doceri solum quantum queunt, sed sæpe & maxime commoveri. Hanc suam partem quæ id ageret, necessitatis plenior quam puritatis, refertissimo gremio deliciarum, quas populo spargat, ut ad utilitatem suam dignetur adduci, vocavit rhetoricam. Hactenus pars illa quæ in significando rationalis dicitur, studiis liberalibus disciplinisque promota est.

39. HINC se illa ratio ad ipsarum rerum divinarum beatissimam contemplationem d rapere voluit. Sed ne de alto caderet, quæsit gradus, atque ipsa sibi viam per suas possessiones ordinemque molita est. Desiderabat enim pulcritudinem, quam sola & simplex posset sine istis oculis intueri; impediabatur a sensibus. Itaque in eos ipsos paululum aciem torfit, qui veritatem sese habere clamantes, festinantem ad alia pergere, importuno strepitu revocabant. Et primo ab auribus cœpit, quia dicebant ipsa verba sua esse, quibus jam & grammaticam & dialecticam & rhetoricam fecerat. At ista potentissima discernendi cito vidit quid inter sonum & id cuius signum esset, distaret. Intellexit nihil aliud ad aurium iudicium pertinere, quam sonum, eumque esse triplicem; aut in voce animantis, aut in eo quod flatus in organis faceret, aut in eo quod pulsu ederetur. Ad primum pertinere tragædos vel comædos, vel choros cuiuscumque, atque omnes omnino, qui voce propria canerent. Secundum tibiis & similibus instrumentis deputari. Tertio dari cytharas, lyras, cymbala, atque omne quod percutiendo canorum esset.

40. Videbat autem hanc materiam esse vilissimam, nisi certa dimensione temporum, & acuminis gravitatisque moderata varietate soni figurarentur. Recognovit hinc esse illa semina, quæ in grammatica, cum syllabas diligenti consideratione ver-

P 3

faret,

illas primas, ubi legere & scribere & numerare discitur, non minus onerosas pœnalesque habebam. Hinc demum intelliges illud Tertulliani lib. de Pallio in fine, primus informator litterarum, & primus enquadator vocis, & primus numerorum arenarius.

c Plerique MSS. qui dixerit.

d Sic Bad. Am. Er. & præstantiores e nostris MSS. At Lov. ex MSS. quatuor substituerunt, reparare.

CAPUT
XIII.
Dialecti-
ces &
rhetori-
ces in-
ventio.

CAPUT
XIV.
Musica
& poe-
tica.

Triplex
sonus.

faret, pedes & accentus vocaverat. Et quia in ipsis verbis brevitates & longitudines syllabarum prope æquali multitudine sparsas in oratione adtendere facile fuit, tentavit pedes illos in ordines certos disponere atque conjungere: & in eo primo sensum ipsum secuta, moderatos impressit articulos, quæ & cæsa & membra nominavit. Et ne longius pedum cursus provolveretur, quam ejus judicium posset sustinere, modum statuit unde reverteretur, & ab eo ipso versum vocavit. Quod autem non esset certo fine moderatum, sed tamen rationabiliter ordinatis pedibus curreret, rhythmi nomine notavit, qui latine nihil aliud quam numerus dici potuit. Sic ab ea poetæ geniti sunt: in quibus cum videret non solum sonorum, sed etiam verborum rerumque magna momenta, plurimum eos honoravit, eisque tribuit quorum vellent rationabilium mendaciorum potestatem. Et quoniam de prima illa disciplina stirpem ducebant, judices in eos grammaticos esse permisit.

Versus unde.

Rhythmus.

41. In hoc igitur quarto gradu, five in rhythmis, five in ipsa modulatione intelligebat regnare numeros, totumque perficere: inspexit diligentissime cujusmodi essent; reperiēbat divinos & sempiternos, præsertim quod ipsis auxiliantibus omnia superiora contexuerat. Et jam tolerabat ægerrime splendorem illorum atque serenitatem corporea vorum materia decolorari. Et quoniam illud quod mens videt, semper est præsens, & immortale approbatur, cujus generis numeri apparebant: sonus autem quia sensibilis res est, præterfluit in præteritum tempus, imprimiturque memoriæ, rationabili mendacio jam poetis favente ratione (quærendumne quid propagini similiter ineffet) Jovis & Memoriæ filias Musas esse confictum est. Unde ista disciplina sensus intellectusque particeps Musicæ nomen invenit.

CAPUT XVI. Geometrica & Arithmetica.

42. HINC est profecta in oculorum opes, & terram cælumque collustrans, sensit nihil aliud quam pulcritudinem sibi placere, & in pulcritudine figuras, in figuris dimensiones, in dimensionibus numeros: quæsitque ipsa secum, utrum ibi talis linea talisque rotunditas, vel quælibet alia forma & figura esset, qualem intelligentia contineret. Longe deteriore invenit, & nulla ex parte quod viderent oculi cum eo quod mens cerneret, comparandum. Hæc quoque distincta & disposita, in disciplinam redegit, appellavitque geometricam. Motus eam cæli multum movebat, & ad se diligenter considerandum invitabat. Etiam ibi per constantissimas temporum vices, per astrorum ratos definitosque cursus, per intervallorum spatia moderata, intellexit nihil aliud quam illam dimensionem numerosque dominari. Quæ similiter definiendo ac secernendo in ordinem nectens, astrologiam genuit, MAGNUM religiosi argumentum, tormentumque curiosi.

43. In his igitur omnibus disciplinis occurrebant ei omnia numerosa, quæ tamen in illis dimensionibus manifestius eminebant, quas in seipsa cogitando atque volvendo intuebatur verissimas: in his autem quæ sentiuntur umbras earum potius atque vestigia recolebat. Hic se multum erexit, multumque præsumsit: a causa est immortalem animam comprobare. Tractavit omnia diligenter, percepit prorsus se plurimum posse: & quidquid posset, numeris posse. Movit eam quoddam miraculum & suspicari cœpit seipsam fortasse

numerum esse eum ipsum quo cuncta numerarentur; aut si id non esset, ibi tamen eum esse, quo pervenire satageret. Hunc vero totis viribus comprehendit, qui jam universæ veritatis index futurus, ille cujus mentionem fecit Alypius, cum de Academicis quæremus, quasi Proteus in manibus erat. Imagines enim falsæ rerum earum quas numeramus, ab illo occultissimo quo numeramus defluentes, in sese rapiunt cogitationem, & sæpe illum cum jam tenetur, elabi faciunt.

Lib. 3. contra Acad. 6. 5. n. 11.

44. QUIBUS si quisque non cesserit, & omnia quæ per tot disciplinas late varieque diffusa sunt, ad unum quoddam simplex verum certumque redegerit, eruditi nomine dignissimus, non temere jam quærit illa divina, non jam credenda solum, verum etiam contemplanda, intelligenda atque retinenda. Quisquis autem vel adhuc servus cupiditatum, & inhians rebus pereuntibus; vel jam ista fugiens, casteque vivens, nesciens tamen quid sit nihil, quid informis materia, quid formatum exanime, quid corpus, quid species in corpore, quid locus, quid tempus, quid in loco, quid in tempore, quid motus secundum locum, quid motus non secundum locum, quid stabilis motus, quid sit ævum; quid sit nec in loco esse, nec nusquam; & quid sit præter tempus, & semper; quid sit & nusquam esse, & nusquam non esse; & numquam esse, & numquam non esse. Quisquis ergo ista nesciens, non dico de summo illo Deo, QUI SCITUR melius nesciendo, sed de anima ipsa sua quærere ac disputare voluerit, tantum errabit, quantum errari plurimum potest: facilius autem cognoscet ista, qui numeros simplices atque intelligibiles comprehenderit. Porro istos comprehendet, qui & ingenio valens & privilegio ætatis, aut cujuslibet felicitatis otiosus, & studio vehementer incensus, memoratum disciplinarum ordinem, quantum satis est, fuerit persecutus. Cum enim artes illæ omnes liberales, partim ad usum vitæ, partim ad cognitionem rerum contemplationemque discantur, usum earum assequi difficillimum est, nisi ei qui ab ipsa pueritia ingeniosissimus, instantissime atque constantissime operam dederit.

CAPUT XVI. Disciplinæ liberales effertur intellectu ad divina.

45. QUOD vero ex illis ad id quod quærimus opus est, ne te quæso, mater, hæc velut rerum immensa quædam silva deterreat. Etenim quædam de omnibus eliguntur numero paucissima, c vi potentissima, cognitione autem multis quidem ardua: tibi tamen, cujus ingenium quotidie mihi novum est, & cujus animum vel ætate vel admirabili temperantia remotissimum ab omnibus nugis, & a magna labe corporis emergentem, in se multum surrexisse cognosco, tam erunt facilia quam difficilia tardissimis miserrimeque viventibus. Si enim dicam te facile ad eum sermonem perventuram, qui locutionis & linguæ vitio careat, profecto mentiar. Me enim ipsum, cui magna necessitas fuit ista perdiscere, adhuc in multis verborum sonis Itali exagitant; & a me vicissim, quod ad ipsum sonum adtinet, reprehenduntur. Aliud est enim esse arte, aliud gente securum. Solæcismos autem quos dicimus, fortasse quisque doctus diligenter adtendens in oratione mea reperiet: non enim defuit qui mihi nonnulla hujusmodi vitia ipsum Ciceronem fecisse peritissime persuaserit. Barbarissimorum autem genus nostris

CAPUT XVII. Arduas quæstiones ne adtingant non instructi disciplinis.

a Lov. ita causa est. abest porro vox, ita, a MSS.

b Sic MSS. & edii codices excepto Lov. qui in textu præfert, usquam.

c Lov. numero paucissima, id est potentissima.

temporibus tale compertum est, ut & ipsa ejus oratio barbara videatur, qua Roma servata est. Sed tu contemtis istis vel puerilibus rebus, vel ad te non pertinentibus, ita grammaticæ pene divinam vim naturamque cognoscis, ut ejus animam tenuisse, corpus reliquisse disertis videaris.

46. Hoc etiam de ceteris hujusmodi artibus dixerim: quas si penitus fortasse contemnis, admoneo te quantum filius audeo, quantumque permittis, ut fidem istam tuam, quam venerandis mysteriis percepisti, firme cauteque custodias: deinde ut in hac vita atque moribus constanter vigilanterque permanes. De rebus autem obscurissimis, & tamen divinis, quomodo Deus & nihil mali faciat, & sit omnipotens; & tanta mala fiant; & cui bono mundum fecerit, qui non erat indignus; & utrum semper fuerit malum, an tempore coeperit; & si semper fuit, utrum sub conditione Dei fuerit: & si fuit, utrum etiam iste mundus semper fuerit, in quo illud malum divino ordine dominaretur; si autem hic mundus aliquando esse coepit, quomodo ante quam esset, potestate Dei malum tenebatur: & quid opuserat mundum fabricari, quo malum quod jam Dei potestas frenabat, ad poenas animarum includeretur: si autem fuit tempus, quo sub Dei dominio malum non erat, quid subito accidit, quod per æterna retro tempora non acciderat. In Deo enim novum exstitisse consilium, ne dicam impium, ineptissimum est dicere. Si autem importunum fuisse, & quasi improbum malum Deo dicimus, quod nonnulli existimant, jam nemo doctus risum tenebit, nemo non succenserebunt indoctus. Quid enim potuit Deo nocere mali nescio qua illa natura? Si enim dicunt non potuisse, fabricandi mundi causa non erit: si potuisse dicunt, inexpiable nefas est Deum violabilem credere: nec ita saltem ut vel virtute providerit, ne sua substantia violaretur. Namque animam poenas hic pendere fatentur, cum inter ejus & Dei substantiam nihil velint omnino distare. Si autem istum mundum non factum dicamus, impium est atque ingratum credere, ne illud sequatur, quod Deus eum non fabricarit. Ergo de his atque hujusmodi rebus, aut ordine illo eruditionis, aut nullo modo quidquam requirendum est.

47. Et ne quisquam latissimum aliquid nos complexos esse arbitretur, hoc dico planius atque brevius. Ad istarum rerum cognitionem neminem adspirare debere sine illa quasi duplici scientia bonæ disputationis, potentiæque numerorum. Si quis etiam hoc plurimum putat, solos numeros optime noverit, aut solam dialecticam. Si & hoc infinitum est, tantum perfecte sciat quid sit unum in numeris, quantumque valeat, nondum in illa summa lege summoque ordine rerum omnium, sed in iis quæ quotidie passim sentimus atque agimus. Excipit enim hanc eruditionem jam ipsa philosophiæ disciplina, & in ea nihil plus invenit quam quid sit unum, sed longe altius longeque divinius. Cujus duplex quæstio est: una de anima, altera de Deo. Prima efficit ut nosmetipsos noverimus, altera ut originem nostram. Illa nobis dulcior, ista carior: illa nos dignos beata vita, beatos hæc facit. Prima est illa discipulis, ista jam doctis. Hic est ordo studiorum sapientiæ, per quem fit quisque idoneus ad intelligendum ordinem rerum, id est, ad dignoscendos duos mundos,

A & ipsum parentem universitatis, Cujus nulla scientia est in anima nisi scire quomodo eum nesciat.

48. Hunc igitur ordinem tenens anima jam philosophiæ tradita, primo se ipsam inspicit: & cui jam illa eruditio persuasit, aut suam, aut se ipsam esse rationem, in ratione autem aut nihil esse melius & potentius numeris, aut nihil aliud quam numerum esse rationem; ita secum loquitur: Ego quodam meo motu interiore & occulto, ea quæ discenda sunt possum discernere & connectere, & hæc vis mea ratio vocatur. Quid autem discernendum est, nisi quod aut unum putatur & non est, aut certe non tam unum est quam putatur? Item cur quid connectendum est, nisi ut unum fiat, quantum potest? Ergo & in discernendo & in connectendo, unum volo, & unum amo. Sed cum discerno, purgatum: cum connecto, integrum volo. In illa parte vitantur aliena, in hac propria copulantur, ut unum aliquid perfectum fiat. Lapis ut esset lapis, omnes ejus partes, omnisque natura in unum solidata est. Quid arbor, nonne arbor non esset, si una non esset? Quid

C membra cujuslibet animantis ac viscera, & quidquid est eorum e quibus constat? certe si unitatis patiantur divortium, non erit animal. Amici quid aliud quam unum esse conantur? & quanto magis unum, tanto magis amici sunt. Populus una civitas est, cui est periculosa dissensio: quid est autem dissentire nisi non unum sentire? Ex multis militibus fit unus exercitus, nonne quævis multitudo eo minus vincitur, quo magis in unum coit? unde ipsa coitio in unum, cuneus nominatus est, quasi cuneus. Quid amor omnis, nonne unum vult fieri cum eo quod amat, & si ei contingat, unum cum eo fit? Voluptas ipsa non ob aliud delectat vehementius, nisi quod amantia sese corpora in unum coguntur. Dolor unde perniciosus est? quia id quod unum erat, a dissicere nititur. * Ergo molestum & periculosum est, cum eo unum fieri quod separari potest.

49. Ex multis rebus passim ante jacentibus, deinde in unam formam congregatis, unam facio domum. Melior ego, si quidem ego facio, illa fit: ideo melior quia facio, non dubium est inde me esse meliorem quam domus est. Sed non inde sum melior hirundine, aut apicula; nam & illa nidos affabre struit, & illa favos: sed his melior, quia rationale animal sum. At si in ratis dimensionibus ratio est, numquidnam & aves quod fabricant, minus apte congruenterque dimensum est? Immo numerosissimum est. Non ergo numerosa faciendo sed numeros cognoscendo, melior sum. Quid ergo, illæ nescientes operari numerosa poterant? Poterant profecto. Unde id docetur? Ex eo quod nos quoque certis dimensionibus linguam dentibus & palato accommodamus, ut ex ore litteræ ac verba prorumpant, nec tamen cogitamus cum loquimur, quo motu oris id facere debeamus. Deinde quis bonus cantator, etiam si musicæ sit imperitus, non ipso sensu naturali & rhythmum & melos perceptum memoria custodiat in canendo? quo quid fieri numerosius potest? Hoc nescit indoctus, sed tamen facit operante natura. Quando autem melior, & pecoribus præponendus? Quando novit quod facit? At nihil aliud me pecori præponit, nisi quod rationale animal sum.

50. Quomodo igitur immortalis est ratio, & ego simul & rationale & mortale quiddam esse definior?

An

Omnia
in unū
tendunt.

*
CAPUT
XIX.
Homo
unde
brutis
præstan-
tior.
quomo-
do possit
videre
Deum.

CAPUT
XVIII.
Quo or-
dine a
nima
prove-
hitur ad
cogni-
tionem
sui & ip-
sus uni-
tatis.

a Lov. disscindere. Et. dissicere Bad. dissicere. At Am. & MSS. decem præferunt, dissicere, quod verbum antiquis auctoribus receptum esse ob-

servant eruditi & MSS. ope passim restituunt.

An ratio non est immortalis? Sed unum ad duo, vel duo ad quatuor, verissima ratio est. Nec magis heri fuit ista ratio vera quam hodie: nec magis cras aut post annum erit vera: nec si omnis iste mundus concidat, poterit ista ratio non esse. Ista enim semper talis est; mundus autem iste nec heri habuit, nec cras habebit quod habet hodie, nec hodierno ipso die, vel spatio unius horæ eodem loco solem habuit: ita cum in eo nihil manet, nihil vel parvo spatio temporis habet eodem modo. Igitur si immortalis est ratio, & ego qui ista omnia vel discerno vel connecto, ratio sum: illud quo mortale appellor, non est meum. Aut si anima non id est quod ratio, & tamen ratione utor, & per rationem melior sum: a deteriore ad melius, a mortali ad immortale fugiendum est. Hæc & alia multa secum anima bene erudita loquitur, atque agitat: quæ persequi nolo, ne cum ordinem vos docere cupio, modum excedam, qui pater est ordinis. Gradatim enim se, & ad mores vitamque optimam non jam sola fide, sed certa ratione perducit. Cui numerorum vim atque potentiam diligenter intuenti, nimis indignum videbitur & nimis flendum, per suam scientiam versum bene currere citharamque concinere, & suam vitam seque ipsam quæ anima est, devium iter sequi, & dominante sibi libidine, cum turpissimo se vitiorum strepitu dissonare.

51. Cum autem se composuerit & ordinaverit, ac concinnam pulcramque reddiderit, audebit jam Deum videre, atque ipsum fontem, unde manat omne verum, ipsumque Patrem Veritatis. Deus magne, qui erunt illi oculi, quam sani, quam decori, quam valentes, quam constantes, quam sereni, quam beati. Quid autem est illud quod vident? Quid quæso? Quid arbitremur, quid æstimemus, quid loquamur? Quotidiana verba occurrunt, & sordidata sunt omnia vilissimis rebus. Nihil amplius dicam, nisi promitti nobis adspectum pulcritudinis, cuius imitatione pulcra, cuius comparatione fœda sunt cetera. Hanc quisquis viderit (videbit autem qui bene vivit, bene orat, bene studet) quando eum movebit, cur alius optans habere filios non habeat, alius abundantes exponat, alius oderit nascituros, diligat alius natos. Quomodo non repugnet nihil futurum esse, quod non sit apud Deum, ex quo necesse est ordine omnia fieri, & tamen non frustra Deum rogari. Postremo quando iustum virum movebunt, aut ulla onera, aut ulla pericula, aut ulla fastidia, aut ulla blandimenta fortunæ? In hoc enim sensibili mundo vehementer considerandum est, quid sit tempus & locus; ut quod delectat in parte, sive loci sive temporis, intelligatur tamen multo esse melius totum, cuius illa pars est: & rursus quod offendit in parte, perspicuum sit homini docto, non ob aliud offendere, nisi quia non videtur totum, cui pars illa mirabiliter congruit. In illo vero mundo intelligibili quamlibet partem tamquam totum pulcrum esse atque perfectam. Dicentur ista latius, si vestra studia sive memoratum istum a nobis, sive alium fortasse breviorum atque commodiorum, rectum tamen ordinem, ut hortor ac spero, tenere instituerint, atque omnino graviter constanterque tenuerint.

52. QUOD ut nobis liceat, summa opera danda

est optimis moribus: Deus enim noster aliter nos exaudire non poterit. Bene autem viventes facillime exaudiet. Oremus ergo, non ut nobis divitiæ, vel honores, vel huiusmodi res fluxæ atque nutantes, & quovis resistente transeunt, sed ut ea proveniant, quæ nos bonos faciant ac beatos. Quæ vota ut devotissime impleantur, tibi maxime hoc negotium, mater, injungimus, cuius precibus indubitanter credo, atque confirmo mihi istam mentem Deum dedisse, ut inveniendæ veritati nihil omnino præponam, nihil aliud velim, nihil cogitem, nihil amem. Nec desino credere nos hoc tantum bonum, quod te promerente concupivimus, eadem te petente adepturos: jam vero te Alypi quid horter, quid moneam? qui propterea nimius non es, quia talia quantumvis amare, fortasse semper parum, nimium vero numquam recte dici potest.

53. Hic ille: Vere effecisti, inquit, ut memoriam doctissimorum ac magnorum virorum, quæ aliquando pro rerum magnitudine incredibilis videbatur, & quotidiana consideratione, & ista præsentī quæ in te nobis est admiratione, non solum dubiam non habeamus, verum etiam si necesse sit de illa jurare possimus. Quid enim nobis, nonne illa venerabilis ac prope divina, quæ jure & habita est, & probata Pythagoræ disciplina, abs te hodie nostris etiam pene oculis referata est? Cum & vitæ regulas, & scientiæ non tam itinera quam ipsos campos, ac liquida æquora, & quod illi viro magnæ venerationi fuit, ipsa etiam sacraria veritatis ubi essent, qualia essent, quales quærerent, & breviter, & ita plene significasti, ut quamvis suspicemur, & credamus tibi esse adhuc secretiora, tamen non absque impudentia nos putemus, si amplius quidquam flagitandum abs te arbitremur.

54. Accipio ista, inquam, libenter. Neque enim me tam verba tua, quæ vera non sunt, quam verus in verbis animus delectat atque excitat. Et bene quod ei mittere statuimus has litteras, qui de nobis solet libenter multa mentiri. Si qui autem alii fortasse legerint, neque hos metuo, ne tibi succenseant. Quis enim amantis errori in iudicando non benevolentissime ignoscat? Quod autem Pythagoræ mentionem fecisti, nescio quo illo divino ordine occulto tibi in mentem venisse credo. Res enim multum necessaria mihi prorsus exciderat, quam in illo viro (si quid litteris memoriæ mandatis credendum est; quamvis Varroni quis non credat?) mirari & pene quotidianis, ut scis, efferre laudibus soleo, quod regendæ reipublicæ disciplinam suis auditoribus ultimam tradebat jam doctis, jam perfectis, jam sapientibus, jam beatis. Tantos ibi enim fluctus videbat, ut eis nollet committere nisi virum, qui & in regendo pene divine scopulos evitaret, & si omnia defecissent, ipse illis fluctibus quasi scopulus fieret. De solo enim sapiente verissime dici potest,

Ille velut pelagi rupes immota resistit:

Et cetera quæ luculentis in hanc sententiam versibus dicta sunt. Hic finis disputationis factus est, lætisque omnibus & multum sperantibus confessum dimissimus: cum jam nocturnum lumen fuisset illatum,

gus hortans ad bonam vitam. 1. Retr. c. 3. n. 3.

1. Retr. c. 3. n. 3.

1. Retr. c. 3. n. 3.

Encl. 1.7

A D M O N I T I O

DE SEQUENTIBUS DUOBUS SOLILOQUIORUM LIBRIS.

CUM id operis molitus est Augustinus, versabatur adhuc in jure Cassifiaco ex lib. 9. Conf. cap. 4. agebatque annum ætatis trigesimum tertium, ut ipse hic testatur lib. 1. cap. 10. Quapropter sub initium anni Christi trecentissimi octogesimi septimi collocandum videtur; nisi forte quis velit ad superioris anni finem cum aliis hæcenus recensitis operibus pertinere.

In primo libro seipse ad vivum depingit, nova quadam, sed perquam familiari methodo edoctrus quemadmodum comparatum esse oporteat eum, qui Dei & animæ capeßere scientiam cupit. Loquitur vero in primis de mentis sanitate subsidio fidei, spei & caritatis procuranda, & mentis oculum dum ab omni rerum inferiorum cupiditate purgatus sit, in solem illum haud impune adtolli, nedum in eo defigi posse ostendit. Secundus liber in eo versatur totus, ut demonstretur nunquam intermorituram esse veritatem; unde ipsius animæ quæ veritatis sedes est, immortalitas colligitur.

LIB. I. RETRACT. CAPUT IV.

INTER hæc scripsi etiam duo volumina secundum studium meum & amorem, ratione indagandæ veritatis, de his rebus, quas maxime scire cupiebam, me interrogans, mihi que respondens, tamquam duo essemus, ratio & ego, cum solus essem; unde hoc opus *Soliloquia* nominavi, sed imperfectum remansit, ita tamen ut in primo libro quæreretur, & utcumque apparet, qualis esse debeat qui vult percipere sapientiam, quæ utique non sensu corporis, sed mente percipitur: & quadam ratiocinatione in libri fine colligitur, ea quæ vere sunt immortalia esse. In secundo autem, de immortalitate animæ diu res agitur, & non peragitur.

2. In his sane libris non approbo quod in oratione dixi, *Deus qui nisi mundos verum scire noluisse*. Responderi enim potest, multos etiam non mundos multa scire vera: neque enim definitum est hic quid sit verum, quod nisi mundi scire non possint; & quid sit scire. Et illud quod ibi positum est, *Deus cujus regnum est totus mundus, quem sensus ignorat*; si Deus intelligendus est, addenda fuerant verba ut diceretur, quem mortalis corporis sensus ignorat. Si autem mundus dictus est, quem sensus ignorat, ille recte intelligitur, qui futurus est cælo novo & terra nova: sed etiam hic addenda erant illa, ut diceretur; mortalis corporis sensus. Sed illo more adhuc loquebar, quo sensus proprie corporis appellatur; nec assidue repetendum est, quod & superius inde jam dixi, sed hoc recolendum, ubicumque ista locutio in meis litteris invenitur. L. I. c. 1.
1. Sen.
dist. 1.
cap. 1.

3. Et ubi dixi de Patre & Filio, *Qui gignit, & quem gignit, unum est*. Dicendum fuit, unum sunt, sicut aperte ipsa veritas loquitur, dicens: *Ego & Pater unum sumus*. Nec illud mihi placet, quod in ista vita Deo intellecto jam beatam esse animam dixi, nisi forte spe. Item quod dixi, *ad sapientiæ conjunctionem non una via perveniri*, non bene sonat, quasi alia via sit præter Christum, qui dixit: *Ego sum via*. Vitanda ergo erat hæc offensio aurium religiosarum; quamvis alia sit illa universalis via, aliæ autem viæ de quibus in Psalmo canimus: *Vias tuas Domine notas fac mihi, & semitas tuas doce me*. Et in eo quod ibi dictum est, *penitus esse ista sensibilia fugienda*, cavendum fuit ne putaremur illam Porphyrii falsi philosophi tenere sententiam, qua dixit: *Omne corpus esse fugiendum*. Non autem dixi ego omnia sensibilia, sed, *ista*, hoc est, corruptibilia; sed hoc potius dicendum fuit: Non autem talia sensibilia futura sunt in futuri sæculi cælo novo & terra nova. L. I. c. 7.
Johan.
10. 30.
L. I. c. 13
Johan.
14. 6.
Psal. 24.
4.
L. I. c.
14.

4. Item quodam loco dixi, quod disciplinis liberalibus eruditi, sine dubio in se illas oblivione obrutas eruunt discendo, & quodam modo refodiunt. Sed hoc quoque improbo: credibilis est enim, propterea vera respondere de quibusdam disciplinis, etiam imperitos earum, quando bene interrogantur, quia præsens est eis, quantum id capere possunt, lumen rationis æternæ, ubi hæc immutabilia vera conspiciunt; non quia ea noverant aliquando, & obliti sunt, quod Platoni, vel talibus visum est. Contra quorum opinionem quanta pro suscepto opere dabatur occasio, in lib. 12. de Trinitate differui. Hoc opus sic incipit: *Volventi mihi multa ac varia mecum*. L. 2. c. 20
cap. 25.

S. AURELII AUGUSTINI
HIPPONENSIS EPISCOPI
SOLILOQUIORUM
LIBRI DUO.*

* Scripti
sub ini-
tium an.
Chr. 387.

LIBER PRIMUS.

Instituit se ipse Augustinus ad capeffendam Dei & animæ scientiam; ac primum divinam opem implorat, tum agnita illius, quam concupiscit, scientiæ præcellentia, colloquitur secum de animi sui sanitate promovenda, ut ad contemplandum Deum tuto demum assurgat. Ad extremum libri colligit ea quæ vere sunt, immortalia esse.

CAPUT
I.
Precatio
ad Deū.



VOLVENTI mihi multâ ac varia A
mecum diu, ac per multos dies fe-
dulo quærenti memetipsum ac bo-
num meum, quidve mali evitan-
dum esset: ait mihi subito, sive ego
ipse, sive alius quis extrinsecus sive
intrinsecus, nescio. Nam hoc ip-
sum est quod magnopere scire molior. Ait ergo mihi,
RATIO, Ecce, fac te invenisse aliquid, cui com-
mendabis ut pergas ad alia? A. Memoriæ scilicet. R. B
Tantane illa est ut excogitata omnia bene servet? A.
Difficile est, immo non potest. R. Ergo scribendum
est. Sed quid agis, quod valetudo tua scribendi labo-
rem recusat? Nec ista dictari debent, nam solitudi-
nem meram desiderant. A. Verum dicis. Itaque
prorsus nescio quid agam. R. Ora salutem & auxi-
lium, quo ad concupita pervenias, & hoc ipsum lit-
teris manda, ut prole tua fias animosior. Deinde quod
invenis paucis conclusiunculis breviter collige. Nec
modo cures invitationem turbæ legentium, paucis ista
fat erunt civibus tuis. A. Ita faciam.

2. Deus universitatis conditor, præsta mihi pri-
mum ut bene te rogem, deinde ut me agam dignum
quem exaudias, postremo ut liberes. Deus per quem
omnia, quæ per se non essent, tendunt esse. Deus
qui ne id quidem quod se invicem perimit, perire per-
mittis. Deus qui de nihilo mundum istum creasti,
quem omnium oculi sentiunt pulcherrimum. Deus D
qui malum non facis, & facis esse ne pessimum fiat.
Deus qui paucis ad id quod vere est refugientibus,
ostendis malum nihil esse. Deus per quem universitas
etiam cum sinistra parte perfecta est. Deus a quo dis-
sonantia usque in extremum nulla est, cum deterio-
ra melioribus concinunt. Deus quem amat omne quod
potest amare, sive sciens, sive nesciens. Deus in quo
sunt omnia, cui tamen universæ creaturæ, nec turpi-
tudo turpis est, nec malitia nocet, nec error erat. E
Deus qui nisi mundos verum scire noluisse. Deus pater
veritatis, pater sapientiæ, pater veræ summæque vitæ,
pater beatitudinis, pater boni & pulcri, pater intelli-
bilis lucis, pater evigilationis atque illuminationis no-
stræ, pater pignoris quo admonemur redire ad te.

1. Retr. 1.
4. n. 2.
1. Sent.
di 7. 2.
cap. 1.

3. Te invoco Deus veritas, in quo & a quo & per
quem vera sunt, quæ vera sunt omnia. Deus sapien-
tia, in quo & a quo & per quem sapiunt, quæ sapiunt
omnia. Deus vera & summa vita, in quo & a quo &
per quem vivunt, quæ vere summeque vivunt om-
nia. Deus beatitudo, in quo & a quo & per quem
beata sunt quæ beata sunt omnia. Deus bonum &
pulcrum, in quo & a quo & per quem bona & pulcra
sunt, quæ bona & pulcra sunt omnia. Deus intelli-
bilis lux, in quo & a quo & per quem intelligibiliter
lucent, quæ intelligibiliter lucent omnia. Deus cujus
regnum est totus mundus, quem sensus ignorat. De-
us de cujus regno lex etiam in ista regna describitur.
Deus a quo averti, cadere: in quem converti, resurge-
re: in quo manere, consistere est. Deus a quo exire,
emori: in quem redire, reviviscere: in quo habitare,
vivere est. Deus quem nemo amittit, nisi deceptus:
quem nemo quærit, nisi admonitus: quem nemo in-
venit nisi purgatus. Deus quem relinquere, hoc est
quod perire: quem adtendere, hoc est quod amare:
quem videre, hoc est quod habere. Deus cui nos fi-
des excitat, spes erigit, caritas jungit. Deus per quem
vincimus inimicum, te deprecor. Deus a per quem
accepimus, ne omnino periremus. Deus a quo admo-
nemur ut vigilemus. Deus per quem a malis bona se-
paramus. Deus per quem mala fugimus, & bona se-
quimur. Deus per quem non cedimus adversitatibus.
Deus per quem bene servimus & bene dominamur.
Deus per quem discimus aliena esse quæ aliquando no-
stra, & nostra esse quæ aliquando aliena putabamus. De-
us per quem malorum escis atque illecebris non hære-
mus. Deus per quem nos res minutæ non minuunt. Deus
per quem melius nostrum deteriori subjectum non est.
Deus per quem mors absorbetur in victoriam. Deus
qui nos convertis. Deus qui nos eo quod non est exuis,
& eo quod est induis. Deus qui nos exaudibiles facis.
Deus qui nos munis. Deus qui nos in omnem verita-
tem inducis. Deus qui nobis omnia bona loqueris, nec
insanos facis, nec a quoquam fieri finis. Deus qui nos
revocas in viam. Deus qui nos deducis ad januam.
Deus qui facis ut pulsantibus aperiatur. Deus qui no-
bis das panem vitæ. Deus per quem sitimus potum,
quo

1. Retr. 1.
1. n. 2.

a In MSS. septem ex potioribus, Deus quem accepimus.

quo hausto numquam sitiamus. Deus qui arguis sæculum de peccato, de iustitia, & de iudicio. Deus per quem nos non movent qui minime credunt. Deus per quem improbamus eorum errorem, qui animarum merita nulla esse apud te putant. Deus per quem non servimus infirmis & egenis elementis. Deus qui nos purgas, & ad divina præparas præmia, adveni mihi propitius tu.

4. Quidquid a me dictum est, unus Deus tu, tu veni mihi in auxilium, una æterna vera substantia, ubi nulla discrepantia, nulla confusio, nulla transitio, nulla indigentia, nulla mors. Ubi summa concordia, summa evidentia, summa constantia, summa plenitudo, summa vita. Ubi nihil deest, nihil redundat. Ubi qui gignit, & quem gignit unum est. Deus cui serviunt omnia, quæ serviunt, cui obtemperat omnis bona anima. Cujus legibus rotantur poli, cursus suos sidera peragunt, sol exercet diem, luna temperat noctem: omnisque mundus per dies vicissitudine lucis & noctis, per menses incrementis decrementisque lunaribus, per annos veris, æstatis, autumnis & hyemis successione, per lustra perfectione cursus solaris, per magnos orbis recursum in ortus suos siderum, magnam rerum constantiam quantum sensibilis materia patitur, temporum ordinibus replicationibusque custodit. Deus cujus legibus in ævo stantibus, motus instabilis rerum mutabilium perturbatus esse non finitur, frenisque circumeuntium sæculorum semper ad similitudinem stabilitatis revocatur: cujus legibus arbitrium animæ liberum est, bonisque præmia & malis poenæ, fixis per omnia necessitatibus distributæ sunt. Deus a quo manant usque ad nos omnia bona, a quo coercentur a nobis omnia mala. Deus supra quem nihil, extra quem nihil, sine quo nihil est. Deus sub quo totum est, in quo totum est, cum quo totum est. Qui fecisti hominem ad imaginem & similitudinem tuam, quod qui se ipse novit, agnoscit. Exaudi, exaudi, exaudi me Deus meus, Domine meus, rex meus, pater meus, causa mea, spes mea, res mea, honor meus, domus mea, patria mea, salus mea, lux mea, vita mea. Exaudi, exaudi, exaudi me more illo tuo paucis notissimo.

5. Jam te solum amo, te solum sequor, te solum quæro, tibi soli servire paratus sum, quia tu solus iuste dominaris, tui juris esse cupio. Jube quæso atque impera quidquid vis, sed sana & aperi aures meas, quibus voces tuas audiam. Sana & aperi oculos meos, quibus nutus tuos videam. Expelle a me insaniam, ut recognoscam te. Dic mihi qua ad te tendam, ut aspiciam te, & omnia me spero quæ jusseris esse facturum. Recipe, oro, fugitivum tuum, Domine clementissime pater: jamjam satis poenas dederim, satis inimicis tuis, quos sub pedibus habes, servierim, satis fuerim fallaciarum ludibrium. Accipe me ab istis fugientem famulum tuum, quia & isti me quando a te fugiebam acceperunt alienum. Ad te mihi redeundum esse sentio: pateat mihi pulsanti janua tua: quomodo ad te perveniatur doce me. Nihil aliud habeo quam voluntatem: nihil aliud scio nisi fluxa & caduca spernenda esse, certa & æterna requirenda. Hoc facio, Pater, quia hoc solum novi, sed unde ad te perveniatur ignoro. Tu mihi suggere, tu ostende, tu viaticum præbe. Si fide te inveniunt, qui ad te refugiant, fidem da: si virtute, virtutem: si scien-

tia, scientiam. Auge in me fidem, auge spem, auge caritatem. O admiranda & singularis bonitas tua!

6. Ad te ambio, & quibus rebus ad te ambiatur, a te rursum peto. Tu enim si deseris, peritur: sed non deseris, quia tu es summum bonum, QUOD nemo recte quæsit, & minime invenit. OMNIS autem recte quæsit, quem tu recte quærere fecisti. Fac me Pater quærere te, vindica me ab errore: quærenti te mihi nihil aliud pro te occurrat. Si nihil aliud desidero quam te, inveniam te jam quæso Pater. Si autem est in me superflui alicujus appetitio, tu ipse me munda, & fac idoneum ad videndum te. Ceterum de salute hujus mortalis corporis mei, quamdiu nescio quid mihi ex eo utile sit, vel eis quos diligo, tibi illud committo Pater sapientissime atque optime, & pro eo quod ad tempus admonueris deprecabor: tantum oro excellentissimam clementiam tuam, ut me penitus ad te convertas, nihilque mihi repugnare facias tendenti ad te, jubeasque me dum hoc ipsum corpus ago atque porto, purum, magnanimum, iustum, prudentemque esse, perfectumque amatorem perceptoremque sapientiæ tuæ, & dignum habitatione atque habitorem beatissimi regni tui: amen. Amen.

7. A. ECCE oravi Deum. R. Quid ergo scire vis? A. Hæc ipsa omnia quæ oravi. R. Breviter ea collige. A. Deum & animam scire cupio. R. Nihilne plus? A. Nihil omnino. R. Ergo incipe quærere. Sed prius explica quomodo tibi si demonstretur Deus, possis dicere, sat est. A. Nescio quomodo mihi demonstrari debeat, ut dicam, sat est: non enim credo me scire aliquid sic, quomodo scire Deum desidero. R. Quid ergo agimus? Nonne censeres prius tibi esse sciendum, quomodo tibi Deum scire satis sit, quocum perveneris non amplius quæras? A. Censeo quidem: sed quo pacto fieri possit, non video. Quid enim Deo simile umquam intellexi, ut possim dicere quomodo hoc intelligo, sic volo intelligere Deum? R. Qui nondum Deum nosti, unde nosti nihil te nosse Deo simile? A. Quia si aliquid Deo simile scirem, sine dubio id amarem: nunc autem nihil aliud amo quam Deum & animam, quorum neutrum scio. R. Non igitur amas amicos tuos? A. Quo pacto eos possum amans animam non amare? R. Hoc modo ergo & pulices & cimices amas? A. Animam me amare dixi, non animalia. R. Aut homines non sunt amici tui, aut eos non amas? Omnis enim homo est animal, & animalia te non amare dixisti. A. Et homines sunt, & eos amo, non eo quod animalia, sed eo quod homines sunt, id est, ex eo quod rationales animas habent, quas amo etiam in latronibus. Licet enim mihi in quovis amare rationem, cum illum jure oderim, qui male utitur eo quod amo. Itaque tanto magis amo amicos meos, quanto magis bene utuntur anima rationali, vel certe quantum desiderant ea bene uti.

8. R. ACCIPIO istud: sed tamen si quis tibi diceret, faciam te sic Deum nosse, quomodo nosti Alypium, nonne gratias ageres, & diceres, satis est? A. Agerem quidem gratias, sed satis esse non dicerem. R. Cur quæso? A. Quia Deum ne sic quidem novi quomodo Alypium, & tamen Alypium non satis novi. R. Vide ergo ne impudenter velis satis Deum nosse, qui Alypium non satis nosti. A. Non sequitur. Nam in comparatione siderum, quid est mea cœna vilis? & tamen

tamen cras quid sim cœnaturus ignoro: quo autem signo luna futura sit, non impudenter me scire profiteor. R. Ergo velita Deum nosse tibi satis est, ut nosti quo cras signo luna cursura sit? A. Non est satis: nam hoc sensibus approbo. Ignoro autem utrum vel Deus vel aliqua naturæ occulta causa subito lunæ ordinem cursumque commutet: quod si acciderit, totum illud quod præsumseram falsum erit. R. Et credis hoc fieri posse? A. Non credo. Sed ego quid sciam quæro, non quid credam. Omne autem quod scimus, recte fortasse etiam credere dicimur; at non omne quod credimus, etiam scire. R. Respui igitur in hac causa omne testimonium sensuum? A. Prorsus respuo. R. Quid, illum familiarem tuum quem te adhuc ignorare dixisti, sensu vis nosse, an intellectu? A. Sensu quidem quod in eo novi, si tamen sensu aliquid noscitur, & vile est, & satis est. Illam vero partem qua mihi amicus est, id est, ipsum animum, intellectu assequi cupio. R. Potestne aliter nosci? A. Nullo modo. R. Amicum igitur tuum & vehementer familiarem, audes tibi dicere esse ignotum? A. C Quidni audeam? ILLAM enim legem amicitiae iustissimam esse arbitror, qua præscribitur, ut sicut non minus, ita nec plus quisque amicum, quam seipsum diligat. Itaque cum memetipsum ignorem, qua potest a me affici contumelia, quem mihi esse dixero ignotum, cum præsertim (ut credo) ne ipse quidem se noverit? R. Si ergo ista quæ scire vis, ex eo sunt genere quæ intellectus assequitur, cum dicerem impudenter te velle Deum scire, cum Alypium nescias, non debuisti mihi cœnam tuam & lunam proferre pro simili, si hæc, ut dixisti, ad sensum pertinent.

CAPUT
IV.
Certa
scientia
quæ.

9. SED quid ad nos: Nunc illud responde. Si ea quæ de Deo dixerunt Plato & Plotinus vera sunt, satisne tibi est ita Deum scire, ut illi sciebant? A. Non continuo si ea quæ dixerunt, vera sunt, etiam scisse illos ea necesse est. Nam multi copiose dicunt quæ nesciunt, ut ego ipse omnia quæ oravi, me dixi scire cupere, quod non cuperem si jam scirem: unum igitur eo minus illa dicere potui? Dixi enim non quæ intellectu comprehendi, sed quæ undecumque collecta memoriæ mandavi, & quibus accommodavi quantum potui fidem: scire autem aliud est. R. Dic quæso, scisne saltem in geometrica disciplina, quid sit linea? A. Istud plane scio. R. Nec in ista professione vereris Academicos? A. Non omnino. Illi enim sapienter errare noluerunt: ego autem sapiens non sum. Itaque adhuc non vereor earum rerum quas novi scientiam profiteri. Quod si, ut cupio, pervenero ad sapientiam, faciam quod illa monuerit. R. Nihil renuo: sed ut quærere cœperam, ita ut lineam nosti, nosti etiam pilam quam sphaeram nominant? A. Novi. R. Æque utrumque nosti, an aliud alio magis aut minus? A. Æque prorsus. Nam in utroque nihil fallor. R. Quid hæc, sensibusne percepisti, an intellectu? A. Immo sensus in hoc negotio quasi navim sum expertus. Nam cum ipsi me ad locum quo tendebam pervexerint, ubi eos dimisi, & jam velut in fallo positus, cœpi cogitatione ista volvere, diu mihi vestigia titubarunt. Quare citius mihi videtur in terra posse navigari, quam geometricam sensibus percipi, quamvis primo discens aliquantum adjuvare videantur. R. Ergo istarum rerum disciplinam, si qua tibi est, non dubitas vocari scientiam? A. Non si

A Stoici finant, qui scientiam tribuunt nulli nisi sapienti. Perceptionem sane istorum me habere non nego; quam etiam stultitiæ concedunt: sed nec istos quidquam pertimesco: prorsus hæc quæ interrogasti scientia teneo: perge modo videam quorsum ista quæris. R. Ne propera, otiosi sumus. Intentus tantum accipe, ne quid temere concedas. Gaudentem te studeo reddere de rebus quibus nullum casum pertimescas, & quasi parvum negotium sit, præcipitare jubes? A. Ita Deus faxit ut dicis. Itaque arbitrio tuo rogato, & objurgato gravius si quidquam tale posthac.

10. Ergo lineam in duas lineas per longum scindi manifestum tibi est nullo modo posse? A. Manifestum. R. Quid transversim? A. Quid, nisi infinite secari posse? R. Quid sphaeram ex una qualibet parte a medio, ne duos quidem pars circulos habere posse pariter lucet? A. Pariter omnino. R. quid linea & sphaera, unumne aliquid tibi videntur esse, an quidquam inter se differunt? A. Quis non videat differre plurimum? R. At si æque illud atque hoc nosti, & tamen inter se, ut fateris, plurimum differunt, est ergo differentium rerum scientia indifferens. A. Quis enim negavit? R. Tu paulo ante. Nam cum te rogassem quomodo velis Deum nosse, ut possis dicere, satis est: respondisti te ideo nequire hoc explicare quia nihil haberes perceptum, similiter atque Deum cupis percipere, nihil enim te scire Deo simile. Quid ergo nunc, linea vel sphaera similes sunt? A. Quis hoc dixerit? R. Sed ego quæsi veram, non quid tale scires, sed quid scires sic, quomodo Deum scire desideras. Sic enim nosti lineam ut nosti sphaeram, cum se non sic habeat linea, ut se habet sphaera. Quamobrem responde utrum tibi satis sit sic Deum nosse, ut pilam illam geometricam nosti: hoc est, ita de Deo nihil ut de illa dubitare.

II. A. QUÆSO te quamvis vehementer urgeas atque convincas, non audeo tamen dicere ita me velle Deum scire ut hæc scio. Non solum enim res, sed ipsa etiam scientia mihi videtur esse dissimilis. Primo quia nec linea & pila tantum inter se differunt, ut tamen eorum cognitionem una disciplina non contineat: nullus autem geometres Deum se docere professus est. Deinde si Dei & istarum rerum scientia par esset, tantum gauderem quod ista novi, quantum me Deo cognito gavisurum esse præsumo. Nunc autem permultum hæc in illius comparatione contemno, ut nonnumquam videatur mihi, si illum intellexero, & modo illo quo videri potest videro, hæc omnia de mea notitia esse peritura. Siquidem nunc præ illius amore jam vix mihi veniunt in mentem. R. Esto plus te ac multo plus quam de istis Deo cognito gavisurum, rerum tamen non intellectus dissimilitudine: nisi forte alio visu terram, alio serenum cælum intueris, cum tamen multo plus illius quam hujus adspectus te permulceat. Oculi autem si non falluntur, credo te interrogatum, utrum tibi tam certum sit terram te videre quam cælum, tam tibi certum esse respondere debere, quamvis non tam terræ quam cæli pulcritudine atque splendore læteris. A. Movet me fateor hæc similitudo, adducorque ut assentiar quantum in suo genere a cælo terram, tantum ab intelligibili Dei majestate spectamina illa disciplinarum vera & certa differre.

CAPUT
V.
Dissimili-
um ea-
dem aut
par sci-
tia.

CAPUT
VI.
Sensus
animæ
in qui-
bus per-
cipit
Deum.

Beda in
1. Cor. 13.

b

12. R. BENE moveris. Promittit enim ratio quæ tecum loquitur, ita se demonstraturam Deum tuæ menti, ut oculis sol demonstratur. Nam a mentis quasi sui sunt oculi sensus animæ: disciplinarum autem quæque certissima talia sunt, qualia illa quæ sole illustrantur ut videri possint, veluti terra est atque terrena omnia: Deus autem est ipse qui illustrat. Ego autem ratio ita sum in mentibus, ut in oculis est adspicere: aut item hoc est adspicere, quod videre. Ergo animæ tribus quibusdam rebus opus est: ut oculos habeat quibus jam bene uti possit, ut adspiciat, ut videat. b Oculi sani mens est ab omni labe corporis pura, id est, a cupiditatibus rerum mortalium jam remota atque purgata: quod ei nihil aliud præstat quam fides primo. Quod enim adhuc ei demonstrari non potest vitiis inquinatæ atque ægrotanti, quia videre nequit nisi sana, si non credat aliter se non esse visuram, non dat operam suæ sanitati. Sed quid si credat quidem ita se rem habere ut dicitur, atque ita se si videre potuerit esse visuram, sanari se tamen posse desperet, nonne se prorsus abjicit atque contemnit, nec præceptis medici obtemperat? A. Omnino ita est, præsertim quia ea præcepta necesse est ut morbus dura sentiat. R. Ergo fidei spes adjicienda est. A. Ita credo. R. Quid si & credat ita se habere omnia, & se speret posse sanari, ipsam tamen quæ promittitur lucem non amet, non desideret, suisque tenebris quæ jam consuetudine jocundæ sunt, se arbitretur debere interim esse contentam, nonne medicum illum nihilo minus respuit? A. Prorsus ita est. R. Ergo tertia caritas necessaria est. A. Nihil omnino tam necessarium. R. Sine tribus istis igitur anima nulla sanatur, ut possit Deum suum videre, id est, intelligere.

13. Cum ergo sanos habuerit oculos, quid restat? A. Ut adspiciat. R. Adspicere animæ, ratio est: sed quia non sequitur ut omnis qui adspicit videat, adspicere rectus atque perfectus, id est, quem visio sequitur, virtus vocatur: est enim virtus vel recta vel perfecta ratio. Sed & ipse adspicere quamvis jam sanos oculos convertere in lucem non potest, nisi tria illa permaneant, fides qua credat ita se rem habere, ad quam convertendus adspicere est, ut visa faciat beatum: spes qua cum bene adspexerit, se visurum esse præsumat: caritas qua videre perfruique desideret. Jam adspicere sequitur ipsa visio Dei, qui est finis adspicere, non quod jam non sit, sed quod nihil amplius habeat quo se intendat: & hæc est vere perfecta virtus, ratio perveniens ad finem suum, quam beata vita consequitur. Ipsa autem visio, intellectus est ille qui in anima est, qui conficitur ex intelligente & eo quod intelligitur: ut in oculis videre quod dicitur, ex ipso sensu constat, atque sensibili, quorum detracto quolibet, videri nihil potest.

CAPUT
VII.
Fides,
spes, ca-
ritas,
quo us-
que ne-
cessaria.

14. ERGO cum animæ Deum videre, hoc est Deum intelligere contigerit, videamus utrum adhuc ei tria illa sint necessaria. Fides quare sit necessaria, quum jam videat? Spes nihilo minus, quia jam tenet. Caritati vero non solum nihil detrahatur, sed addetur etiam plurimum. Nam & illam singularem veramque pulcritudinem cum viderit, plus amabit: & nisi ingentiamore oculum infixerit, nec ab adspiciendo

Tom. I.

a Lov. Nam mentes quasi sui sunt sensus animis. Sic alia quoque editiones, nisi quod Bad. habet, animi; Am. & Er. animæ. At MSS. Gallicani septem, Nam mentis: & cum iis Anglicani omnes prosequuntur, quasi sui sunt oculi sensus animæ.

A uspiam declinaverit, manere in illa beatissima visione non poterit. Sed dum in hoc corpore est anima, etiam si plenissime videat, hoc est, intelligat Deum, tamen quia etiam corporis sensus utuntur opere proprio, c si nihil quidem valent ad fallendum, non tamen nihil ad ambigendum, potest adhuc dici fides ea, qua his resistitur, & illud potius verum esse creditur. Item quia in ista vita, quamquam Deo intellecto anima jam beata sit, tamen quia multas molestias corporis sustinet, sperandum est ei post mortem omnia ista incommoda non futura. Ergo nec spes dum in hac est vita, animam deserit. Sed cum post hanc vitam tota se in Deum collegerit, caritas restat qua ibi teneatur. Nam neque dicenda est fidem habere quod illa sint vera, quando nulla falsorum interpellatione sollicitatur, neque quidquam sperandum ei restat, cum totum secura possideat. Tria igitur ad animam pertinent, ut sana sit, ut adspiciat, ut videat. Alia vero tria, fides, spes & caritas, primo illorum trium & secundo semper sunt necessaria: tertio vero in hac vita omnia; post hanc vitam sola caritas.

15. NUNC accipe quantum præsens tempus exposcit ex illa similitudine sensibilibus, etiam de Deo aliquid nunc me docente. Intelligibilis nempe Deus est, intelligibilia etiam illa disciplinarum spectamina, tamen plurimum differunt. Nam & terra visibilis, & lux, sed terra nisi luce illustrata videri non potest. Ergo & illa quæ in disciplinis traduntur, quæ quisquis intelligit, verissima esse nulla dubitatione concedit, credendum est ea non posse intelligi nisi ab alio quasi suo sole illustrentur. Ergo quomodo in hoc sole tria quædam licet animadvertere, quod est, quod fulget, quod illuminat: ita in illo secretissimo Deo quemvis intelligere, tria quædam sunt, quod est, quod intelligitur, & quod cetera facit intelligi. Hæc duo, id est, te ipsum & Deum ut intelligas, docere te audeo. Sed responde quomodo hæc acceperis, ut probabilia, an ut vera? A. Plane ut probabilia, & in spem quod fatendum est majorem surrexi: nam præter illa duo de linea & pila, nihil abs te dictum est, quod me scire audeam dicere. R. Non est mirandum: non enim quidquam est adhuc ita expositum, ut abs te sit flagitanda perceptio.

16. SED quid moramur? Aggredienda est via: videamus tamen, quod præcedit omnia, utrum sani simus. A. Hoc tu videris, si vel in te, vel in me aliquantum adspicere potes: Ego quærenti si quid sentio respondebo. R. Amasne aliquid præter tui Deique scientiam? A. Possem respondere, nihil me amare amplius, pro eo sensu qui mihi nunc est, sed tutius respondeo, nescire me. Nam sæpe mihi usu venit, ut cum alia nulla re me crederem commoveri, veniret tamen aliquid in mentem, quod me multo aliter atque præsumseram pungeret. Item sæpe quamvis in cogitationem res aliqua incidens non me pervellerit: re vera tamen veniens perturbavit plus quam putabam: sed modo videor mihi tribus tantum rebus posse commoveri, metu amissionum quos diligo, metu doloris, metu mortis. R. Amas ergo & vitam tecum carissimorum tuorum, & bonam valetudinem tuam, & vitam tuam ipsam in hoc corpore: neque enim aliter amissionem horum metueres. A. Fateor, ita est. R. Modo ergo quod

Q non

b Ita MSS. plerique. At Editi, Oculi animæ mens est &c.

c Sic plures MSS. At editi habent, utuntur opere proprio, nihil quidem valente ad fallendum, non tamen nihil agente, potest &c.

CAPUT
VIII.
Quæ ad
cogno-
scendū
Deum
necessa-
ria.

CAPUT
IX.
Amor
nostri.

non omnes tecum sunt amici tui; & quod tua valetudo minus integra est, facit animo nonnullam ægritudinem: nam & id esse consequens video. A. Recte vides: negare non possum. R. Quid si te repente sano esse corpore sentias & probes, tecumque omnes quos diligis concorditer, liberali otio frui videas, nonne aliquantum tibi etiam lætitia gestiendum est? A. Vere aliquantum, immo si hæc præsertim, ut dicis repente provenerint, quando me capiam, quando id genus gaudii vel dissimulare permittar? R. Omnibus igitur adhuc morbis animi & perturbationibus agitaris. Quanam ergo talium oculorum impudentia est, velle illum solem videre? A. Ita conclusisti quasi prorsus non sentiam quantum sanitas mea promoverit, aut quid pestium recesserit, quantumque restiterit. Fac me istud concedere.

CAPUT
X.
Amor
rerum
corporis
& exter-
narum.

17. R. NONNE vides hoc corporis oculos etiam sanos luce solis istius sæpe reperi et averti, atque ad illa sua obscura confugere? Tu autem quid promoveris cogitas, quid velis videre non cogitas: & tamen tecum hoc ipsum discutiam quid profecisse nos putas. Divitias nullas cupis? A. Hoc quidem non nunc primum. Nam cum a triginta-tres annos agam, quatuordecim fere anni sunt ex quo ista cupere destiti, nec aliud quidquam in his, si quo casu offerrentur, præter necessarium victum liberalemque usum cogitavi. Prorsus mihi unus Ciceronis liber facillime persuasit, nullo modo appetendas esse divitias, sed si provenerint, sapientissime atque cautissime administrandas. R. Quid honores? A. Fateor eos modo, ac pene his diebus cupere destiti. R. Quid uxor? Nonne te delectat interdum pulcra, pudica, morigera, litterata, vel quæ abs te facile possit erudiri, afferens etiam dotis tantum, quoniam contemnis divitias, quantum eam prorsus nihilo faciat onerosam otio tuo, præsertim si speres certusque sis nihil ex ea te molestiæ esse passurum? A. Quantumlibet velis eam pingere atque cumulare bonis omnibus, nihil mihi tam fugiendum quam concubitum esse decrevi: nihil esse sentio quod magis ex arce deiciat animum virilem, quam blandimenta feminea, corporumque ille contactus, sine quo uxor haberi non potest. Itaque si ad officium pertinet sapientis (quod nondum comperi) dare operam liberis, quisquis rei huius tantum gratia concumbit, mirandus mihi videri potest, at vero imitandus nullo modo: nam tentare hoc periculosius est, quam posse felicius. Quamobrem satis, credo, iuste atque utiliter pro libertate animæ meæ mihi imperavi, non cupere, non quærere, non ducere uxorem. R. Non ego nunc quæro quid decreveris, sed utrum adhuc lucteris, an vero jam ipsam libidinem viceris? Agitur enim de sanitate oculorum tuorum. A. Prorsus nihil huiusmodi quæro, nihil desidero, etiam cum horrore atque aspernatione talia recordor. Quid vis amplius? Et hoc mihi bonum in dies crescit: nam quanto augetur spes videndæ illius qua vehementer æstuo pulcritudinis, tanto ad illam totus amor voluptasque convertitur. R. Quid ciborum jocunditas, quantæ tibi curæ est? A. Ea quæ statui non edere, nihil me commovent. His autem quæ non amputavi, delectari me præsentibus fateor, ita tamen ut sine ulla permotione animi vel visa vel gustata subtrahantur. Cum autem non

A adsunt prorsus, non audet hæc appetitio se inferre ad impedimentum cogitationibus meis: sed omnino sive de cibo & potu, sive de balneis, ceteraque corporis voluptate nihil interrogas. Tantum habere appeto, quantum in valetudinis opem conferri potest.

18. R. MULTUM profecisti: ea tamen quæ restant ad videndam illam lucem, plurimum impediunt. Sed molior aliquid quod mihi videtur facile ostendi, aut nihil edomandum nobis remanere, aut nihil nos omnino profecisse, omniumque illorum quæ resecta credimus tabem manere. Nam quæro abs te, si tibi persuadeatur aliter cum multis carissimis tuis te in studio sapientiæ non posse vivere, nisi ampla res aliqua familiaris necessitates vestras sustinere possit, nonne desiderabis divitias & optabis? A. Assentior. R. Quid si etiam illud appareat, & multiste persuasurum esse sapientiam, si tibi de honore auctoritas creverit, eosque ipsos familiares tuos non posse cupiditatibus suis modum imponere, seque totos convertere ad quærendum Deum, nisi & ipsi fuerint honorati, idque nisi per tuos honores dignitatemque fieri non posse, nonne ista etiam desideranda erunt, & ut proveniant magnopere instandum? A. Ita est ut dicis. R. Jam de uxore nihil disputo, fortasse enim non potest ut ducatur existeret talis necessitas: quamquam si ejus amplo patrimonio certum sit sustentari posse omnes quos tecum in uno loco vivere otiose cupis, ipsa etiam concorditer id finente, præsertim si generis nobilitate tanta polleat, ut honores illos quos esse necesarios jam dedisti, per eam facile adipisci possis, nescio utrum pertineat ad officium tuum ista contemnere. A. Quando ego istud sperare audeam?

19. R. Ita istud dicis, quasi ego nunc requiram quid speres. Non quæro quid negatum non delectet, sed quid delectet oblatum. Aliud est enim exhausta pestis, aliud consopita. Ad hoc enim valet quod a quibusdam doctis viris dictum est, ita omnes stultos insanos esse, ut male olere omne cœnum, quod non semper, sed dum commoves sentias. MULTUM interest utrum animi desperatione obruatur cupiditas, an sanitate pellatur. A. Quamquam tibi respondere non possum, numquam tamen mihi persuadēbis, ut hac affectione mentis, qua nunc me esse sentio, nihil me profecisse arbitrer. R. Credo propterea tibi hoc videri, quia quamvis ista optare posses, non tamen propter seipsa, sed propter aliud expetenda viderentur. A. Hoc est quod dicere cupiebam: nam quando desideravi divitias, ideo desideravi ut dives essem, honoresque ipsos, quorum cupiditatem modo me perdomuisse respondi, eorum nescio quo nitore delectatus volebam: nihilque aliud in uxore semper adtendi, cum adtendi, nisi quam mihi efficeret cum bona fama voluptatem. Tunc erat istorum in me vera cupiditas, nunc ea omnia prorsus aspernor: sed si ad illa quæ cupio non nisi per hæc mihi transitus datur, non amplectenda appeto, sed subeo toleranda. R. Optime omnino: nam NEC EGO ullarum rerum vocandam puto cupiditatem, quæ propter aliud requiruntur.

20. SED quæro abs te, cur eos homines quos diligis, vel vivere, vel tecum vivere cupias? A. Ut ani-

CAPUT
XI.
Externa
commo-
da non
propter
se, sed
propter
alia ve-
ra bona
possunt
admitti
verius
quam
expeti.

CAPUT
XII.
Nihil ex-

a In codice Regio-montensi necnon in tribus ex iis quos Lovanienses inspexerunt habetur xxxiiii. annos agam, mendose; siquidem quatuordecim fere anni erant ex quo Ciceronis Hortensium legerat Au-

gustinus: Atqui huncce librum anno ætatis undevicesimo lectum a se fuisse testatur lib. 3. Conf. c. 4. & lib. 3. contra Academic. c. 20.

b Editi, ab ea peto. Melius Anglicani MSS. habere appeto.

petendū
nisi qua-
tenus
condu-
cit ad
summū
bonum,
nihil
horien-
dum nisi
quate-
nus avo-
cet.

animas nostras & Deum simul concorditer inquiramus. Ita enim facile cui priori contingit inventio, ceteros eo sine labore perducit. R. Quid si nolunt hæc illi quærere? A. Persuadebo ut velint. R. Quid si non possis, vel quod se invenisse jam, vel quod ista non posse inveniri arbitrantur, vel quod aliarum rerum curis & desiderio præpediuntur? A. Habebo eos, & ipsi me, sicut possumus. R. Quid si te ab inquirendo etiam impediatur eorum præsentia? Nonne laborabis atque optabis, si aliter esse non possunt, non tecum esse potius quam sic esse? A. Fateor, ita est ut dicis. R. Non igitur eorum vel vitam vel præsentiam propter seipsam, sed propter invenendam sapientiam cupis? A. Prorsus assentior. R. Quid? Ipsam vitam tuam si tibi certum esset impedimento esse ad comprehendendam sapientiam, velles eam manere? A. Omnino eam fugerem. R. Quid si doceris, tam te relicto isto corpore, quam in ipso constitutum, posse ad sapientiam pervenire, curares utrum hic, an in alia vita eo quod diligis fruere? A. Si nihil me pejus excepturum intelligerem, quod retro ageret ab eo quo progressus sum, non curarem. R. Nunc ergo propterea mori times, ne aliquo pejore malo involvaris, quo tibi auferatur divina cognitio. A. Non solum ne auferatur timeo, si quid forte percepi, sed etiam ne intercludatur mihi aditus eorum quibus percipiendis inhio, quamvis quod jam teneo; mecum mansurum putem. R. Non igitur & vitam istam propter seipsam, sed propter sapientiam vis manere. A. Sic est.

Vide lib.
9. Conf. c.
4. n. 2.

Cornelii
Celsi sē-
tentia.

21. R. Dolor corporis restat, qui te fortasse vi sua commovet. A. Et ipsum non ob aliud vehementer formido, nisi quia me impedit a quærendo. Quamquam enim acerrimo his diebus dentium dolore torquerer, non quidem sinebar animo volvere, nisi ea quæ jam forte didiceram, a discendo autem penitus impediabar, ad quod mihi tota intentione animi opus erat: tamen mihi videbatur, si se ille mentibus meis veritatis fulgor aperiret, aut me non sensurum fuisse illum dolorem, aut certe pro nihilo toleraturum. Sed quia etsi nihil majus aliquando pertuli, tamen sæpe cogitans quanto graviores possint accidere, cogor interdum Cornelio Celso assentiri, qui ait, Summum bonum esse sapientiam, summum autem malum dolorem corporis. Nec ejus ratio mihi videtur absurda. Nam quoniam duabus, inquit, partibus compositi sumus, ex animo scilicet & corpore: quarum prior pars est animus melior, deterius corpus est, summum bonum est melioris partis optimum, summum autem malum pessimum deterioris. Est autem optimum in animo sapientia, est in corpore pessimum dolor. Summum igitur bonum hominis sapere, summum malum dolere, sine ulla (ut opinor) falsitate concluditur. R. Posterius ista videbimus. Aliud enim fortasse nobis ipsa ad quam pervenire nitimur sapientia persuadebit. Si autem hoc esse verum ostenderit, hanc de summo bono & summo malo sententiam sine dubitatione tenebimus.

CAPUT
XIII.
Quomo-
do &
quibus
gradibus
perspi-
ciatur
sapientia

22. NUNC illud quærimus, qualis sis amator sapientiae, quam castissimo conspectu atque amplexu, nullo interposito velamento quasi nudam videre ac tenere desideras, qualem se illa non finit, nisi paucissimis & electissimis amatoribus suis. An vero si alicujus pulcræ feminae amore flagrares, jure se tibi non daret, si aliud abs te quidquam præter se amari comperisset; sapientiae se tibi castissima pulcritudo, nisi solam arse-

Tom. I.

Amor
verus.

ris demonstrabit? A. Quid ergo adhuc suspensor infelix, & cruciatu miserabili differor? Jam certe ostendi nihil aliud me amare, siquidem QUID non propter se amatur, non amatur. Ego autem solam propter se amo sapientiam, cetera vero vel adesse mihi volo, vel deesse timeo propter ipsam, vitam, quietem, amicos. Quem modum autem potest habere illius pulchritudinis amor, in qua non solum non invideo ceteris, sed etiam plurimos quæro qui mecum appetant, mecum inhient, mecum teneant, mecumque perfruantur, tanto mihi amiciores futuri, quanto erit nobis amata communior.

23. R. Prorsus tales esse amatores sapientiae decet. Tales quærit illa cujus vere casta est, & sine ulla contaminatione conjunctio. Sed non ad eam una via pervenitur. Quippe pro sua quisque sanitate ac firmitate comprehendit illud singulare ac verissimum bonum. Lux est quædam ineffabilis & incomprehensibilis mentium. Lux ista vulgaris nos doceat quantum potest, quomodo se illud habeat. Nam sunt nonnulli oculi tam sani & vegeti, qui se mox ut aperti fuerint, in ipsum solem sine ulla trepidatione convertant. His quodam modo ipsa lux sanitas est; nec doctore indigent, sed sola fortasse admonitione. His credere, sperare, amare satis est. Alii vero ipso quem videre vehementer desiderant, fulgore feriuntur, & eo non viso sæpe in tenebras cum delectatione redeunt. Quibus periculosum est, quamvis jam talibus ut sani recte dici possint, velle ostendere quod adhuc videre non valent. Ergo isti exercendi sunt prius, & eorum amor utiliter differendus atque nutriendus est. Primo enim quædam illis demonstranda sunt quæ non per se lucent, sed per lucem videri possint, ut vestis, aut paries, aut aliquid horum. Deinde quod non per se quidem, sed tamen per illam lucem pulchrius effulgeat, ut aurum, argentum, & similia, nec tamen ita radiatum ut oculos lædat. Tunc fortasse terrenus iste ignis modeste demonstrandus est, deinde sidera, deinde luna, deinde auroræ fulgor, & albescentis cæli nitor. In quibus seu citius seu tardius, sive per totum ordinem, sive quibusdam contemptis, pro sua quisque valetudine assuescens, sine trepidatione & cum magna voluptate solem videbit. Tale aliquid sapientiae studiosissimis, nec acute, jam tamen videntibus, magistri optimi faciunt. Nam ordine quodam ad eam pervenire bonæ disciplinæ officium est, sine ordine autem vix credibilis felicitatis. Sed hodie satis, ut puto, scripsimus; parcendum est valetudini.

24. A. ET alio die: Da quæso, inquam, jam si potes illum ordinem. Duc age qua vis, per quæ vis, quomodo vis. Impera quævis dura, quælibet ardua, quæ tamen in mea potestate sint, per quæ me quo desidero, perventurum esse non dubitem. R. Unum est quod tibi possum præcipere, nihil plus novi. Penitus esse ista sensibilia fugienda, cavendumque magnopere dum hoc corpus agimus, ne quo eorum visco pennæ nostræ impediuntur, quibus integris perfectisque opus est, ut ad illam lucem ab his tenebris evolemus: quæ se ne ostendere quidem dignatur in hac cavea inclusis, nisi tales fuerint ut ista vel effracta vel dissoluta possint in auras suas evadere. Itaque quando fueris talis ut nihil te prorsus terrenorum delectet, mihi crede, eodem momento, eodem puncto temporis videbis quod cupis. A. Quando istud erit, oro te? Non enim puto posse mihi hæc in summum venire contemptum, nisi vide-

CAPUT
XIV.
Ipsa sa-
pientia
medetur
oculis,
ut videri
possit.
1. Retr. c.
4. n. 3.

Q 2

roil-

ro illud in cuius comparatione ista fordescent.

25. R. Hoc modo posset & iste oculus corporis dicere, Tum tenebras non amabo cum solem videro. Videtur enim quasi & hoc ad ordinem pertinere, quod longe est secus. Amat enim tenebras, eo quod sanus non est: solem autem nisi sanus videre non potest. Et in eo sæpe fallitur animus, ut sanum se putet & sese jactet: & quia nondum videt, veluti jure conqueritur. Novit autem illa pulcritudo quando se ostendat. Ipsa enim medici fungitur munere, meliusque intelligit qui sint sani, quam iidem ipsi qui sanantur. Nos autem quantum emerferimus, videmur nobis videre: quantum autem merfi eramus, & quo progressi fueramus, nec cogitare nec sentire permittimur, & in comparatione gravioris morbi sanos esse nos credimus. Nonne vides quam veluti securi hesterno die pronuntiaveramus, nulla jam nos peste detineri; nihilque amare nisi sapientiam: cetera vero non nisi propter istam quærere aut velle? Quam tibi sordidus, quam foedus, quam execrabilis, quam horribilis complexus femineus videbatur, quando inter nos de uxoris cupiditate quæsitum est. Certe ista nocte vigilantes, cum rursus eadem nobiscum ageremus, sensisti quam te aliter quam præsumseras, imaginatæ illæ blanditiæ & amara suavitas titillaverit; longe quidem longe minus quam solet, sed item longe aliter quam putaveras: ut sic tibi secretissimus ille medicus utrumque demonstraret, & unde cura ejus evaseris, & quid curandum remaneat.

26. A. Tace obsecro, tace. Quid crucias, quid tantum fodis alteque descendis? Jam flere non duro, jam jam nihil promitto, nihil præsumo; ne me de istis rebus interroges. Certe dicis quod ille ipse quem videre ardeo, noverit quando sim sanus, faciat quod placeat: quando placet sese ostendat: jam me totum ejus clementiæ curæque committo. Semel de illo credidi, quod sic erga se affectos sublevare non cesset. Ego nihil de mea sanitate, nisi cum illam pulcritudinem videro, pronuntiabo. R. Prorsus nihil aliud facias. Sed jam cohibe te a lacrymis, & stringe animum. Multum omnino flevisi, & hoc omnino morbus iste pectoris tui graviter accipit. A. Modum vis habere lacrymas meas, cum miseriæ meæ modum non videam: aut valetudinem corporis considerare me jubes, cum ego ipse tabe confectus sim? Sed quæso te si quid in me vales, ut metentes per aliqua compendia ducere, ut vel vicinitate nonnulla lucis illius, quam si quid profeci tolerare jam possum, pigeat oculos referre ad illas tenebras, quas reliqui, si tamen relictæ dicendæ sunt, quæ cæcitati meæ adhuc blandiri audent.

27. R. CONCLUDAMUS si placet, hoc primum volumen, ut jam in secundo aliquam, quæ commoda

*
CAPUT
XV.
Anima
quomo-
do co-
gnosci-
tur.

tionem tuam a moderata exercitatione cessandum est. * A. Non finam omnino concludi hunc libellum, nisi mihi modicum quo intentus sim de vicinia lucis aperueris. R. Gerit tibi ille medicus morem. Nam nescio quis me quo te ducam fulgor invitat & tangit. Itaque accipe intentus. A. Duc oro te, ac rape quo vis. R. Animam te certe dicis, & Deum velle cognoscere? A. Hoc est totum negotium meum. R. Nihilne amplius? A. Nihil prorsus. R. Quid, Veritatem non vis comprehendere? A. Quasi vero possim hæc nisi per illam cognoscere. R. Ergo prius ipsa cognoscenda est, per quam possunt illa cognosci. A. Nihil abnuo. R. Primo itaque

A illud videamus, cum duo verba sint veritas & verum, utrum tibi etiam res duæ istis verbis significari, an una videatur? A. Duæ res videntur. Nam ut aliud est castitas, aliud castum, & multa in hunc modum, ita credo aliud esse veritatem, & aliud quod verum dicitur. R. Quod horum duorum putas esse præstantius? A. Veritatem opinor. Non enim casto castitas, sed castitate fit castum: ita etiam si quid verum est, veritate utique verum est.

28. R. Quid cum castus aliquis moritur, censes mori etiam castitatem? A. Nullo modo. R. Ergo cum interit aliquid quod verum est, non interit veritas. A. Quomodo autem interit aliquid verum? Non enim video. R. Miror te istud quærere: nonne ante oculos nostros millia rerum videmus interire? Nisi forte putas hanc arborem, aut esse arborem, sed veram non esse, aut certe interire non posse. Quamvis enim non credas sensibus, possisque respondere, ignorare te prorsus, utrum arbor sit, tamen illud non negabis (ut opinor) veram esse arborem, si arbor est: non enim hoc sensu, sed intelligentia judicatur. Si enim falsa arbor est, non est arbor: si autem arbor est, vera sit necesse est. A. Concedo istud. R. Quid illud alterum, nonne concedis hoc genus rerum esse arborem, quod nascatur & intereat? A. Negare non possum. R. Concluditur ergo aliquid quod verum sit, interire. A. Non contravenio. R. Quid illud? Nonne tibi videtur intereuntibus rebus veris veritatem non interire, ut non mori casto mortuo castitatem? A. Jam & hoc concedo, & magnopere quid moliaris, exspecto. R. Ergo adtende. A. Isthic sum.

29. R. Verane tibi videtur ista sententia, Quidquid est, alicubi esse cogitur? A. Nihil me sic ducit ad consentiendum. R. Fateris autem esse veritatem? A. Fateor. R. Ergo ubi sit, necesse est quæramus, non est enim in loco, nisi forte aut esse in loco aliquid aliud præter corpus, aut veritatem corpus esse arbitraris. A. Nihil horum puto. R. Ubinam igitur illam esse credis? Non enim nusquam est quam esse concedimus. A. Si scirem ubi esset, nihil fortasse amplius quærerem. R. Saltem ubi non sit, potes cognoscere? A. Si commemorares, fortasse potero. R. Non est certe in rebus mortalibus. Quidquid enim est, in aliquo non potest manere, si non maneat illud in quo est. Manere autem, etiam rebus veris intereuntibus, veritatem paulo ante concessum est. Non igitur est veritas in rebus mortalibus. Est autem veritas, & non est nusquam. Sunt igitur res immortales. Nihil autem verum in quo veritas non est. Conficitur itaque non esse vera, nisi quæ sunt immortalia. Et omnis falsa arbor, non est arbor, & falsum lignum non est lignum, & falsum argentum non est argentum, & omnino quidquid falsum est, non est. Omne autem quod verum non est, falsum est. Nulla igitur recte dicuntur esse, nisi immortalia. Hanc tu tecum ratiunculam diligenter considera, ne quid tibi concedendum non esse videatur. Si enim rata est, totum negotium pene confecimus, quod in alio fortasse libro melius apparebit.

30. A. Habeo gratiam, & ista mecum atque adeo tecum quando in silentio sumus, diligenter cauteque tractabo, si nullæ se tenebræ immittant, sui que etiam, quod vehementer formido, mihi faciant delectationem. R. Constanter Deo crede, eique te totum committe quantum potes. Noli esse velle quasi proprius & in tua potestate, sed ejus clemen-

Fi lucia
erga Deū

clementissimi & utilissimi Domini te servum esse, A sum obtempero, plurimumque ipsum deprecor, ut profitere. Ita enim te ad se sublevare non desinet, plurimum possim, nisi quid forte amplius a me desideras. R. Bene habet interim, facies postea quid, nihilque tibi evenire permittet, nisi quod tibi profit, quid jam visus ipse præceperit, etiam si nescias. A. Audio, credo, & quantum pos-

LIBER SECUNDUS.

In eo secum Augustinus de vero & falso copiose disputat, ut demum veritatis perpetuitate bene perspecta, animam ipsam hominis, quæ veritatis sedes est, immortalem esse concludat.

CAPUT
I.
De immortali-
tate ho-
minis.

1. SATIS intermissum est opus nostrum, & impatiens est amor, nec lacrymis modus fit, nisi amor detur quod amatur. Quare aggrediamur librum secundum. R. Aggrediamur. A. Credamus Deum adfuturum. R. Credamus sane, si vel hoc in potestate nostra est. A. Potestas nostra ipse est. R. Itaque ora brevissime ac perfectissime quantum potes. A. DEUS semper idem, noverim me, noverim te. Oratum est. R. Tu qui vis te nosse, scis esse te? A. Scio. R. Unde scis? A. Nescio. R. Simplicem te sentis, an ne multiplicem? A. Nescio. R. Moveri te scis? A. Nescio. R. Cogitare te scis? A. Scio. R. Ergo verum est cogitare te. A. Verum. R. Immortalem te esse scis? A. Nescio. R. Horum omnium quæ te nescire dixisti, quid scire prius mavis? A. Utrum immortalis sim. R. Vivere igitur amas? A. Fateor. R. Quid cum te immortalem esse didiceris, satifne erit? A. Erit id quidem magnum, sed id mihi parum. R. Hoc tamen quod parum est quantum gaudebis? A. Plurimum. R. Nihil jam flebis? A. Nihil omnino. R. Quid si ipsa vita talis esse inveniat, ut in ea tibi nihil amplius quam nosti nosse liceat, temperabis a lacrymis? A. Immo tantum flebo ut vita nulla sit. R. Non igitur vivere propter ipsum vivere amas, sed propter scire. A. Cedo conclusioni. R. Quid si eadem ipsa rerum scientia miserum faciat? A. Nullo id quidem pacto fieri posse credo. Sed si ita est, nemo esse beatus potest, non enim nunc aliunde sum miser, nisi rerum ignorantia. Quod si & rerum scientia miserum facit, sempiterna miseria est. R. Jam video totum quod cupis: nam quoniam neminem scientia miserum esse credis, ex quo probabile est ut intelligentia efficiat beatum: beatus autem nemo nisi vivens, & nemo vivit qui non est. Esse vis, vivere & intelligere; sed esse ut vivas, vivere ut intelligas. Ergo esse te scis, vivere te scis, intelligere te scis. Sed utrum ista semper futura sint, an nihil horum futurum sit, an maneat aliquid semper, & aliquid intercidat, an minui, & augeri hæc possint, cum omnia mansura sint, nosse vis. A. Ita est. R. Si igitur probaverimus semper nos esse victuros, sequetur etiam semper futuros. A. Sequetur. R. Restabit quærere de intelligendo.

CAPUT
II.
Veritas
perpetua.

2. A. MANIFESTISSIMUM ordinem video atque brevissimum. R. Hic ergo esto nunc, ut interroganti caute firmeque respondeas. A. Isthic sum. R. Si manebit semper mundus iste, verum est mundum semper mansurum esse? A. Quis hoc dubitet? R. Quid si non manebit, nonne ita verum est mundum non esse mansurum? A. Nihil resisto. R. Quid cum interierit, si interiturus est, nonne tunc id erit verum, mundum interisse? Nam quamdiu verum non est, mundum occidisse, non occidit: repugnat igitur ut mun-

Tom. I.

B dus occiderit, & verum non sit mundum occidisse. A. Et hoc concedo. R. Quid illud? Videtur tibi verum aliquid esse posse, ut veritas non sit? A. Nullo modo. R. Erit igitur veritas, etiam si mundus intereat. A. Negare non possum. R. Quid si ipsa veritas occidat, nonne verum erit veritatem occidisse? A. Et istud quis negat? R. Verum autem non potest esse, si veritas non sit. A. Jam hoc paulo ante concessi. R. Nullo modo igitur occidet veritas. A. Perge ut coepisti, nam ista collectione nihil est verius.

3. R. NUNC respondeas mihi velim, utrum tibi sentire anima videatur, an corpus? A. Anima videtur. R. Quid, intellectus videtur tibi ad animam pertinere? A. Prorsus videtur. R. Ad solam animam, an ad aliquid aliud? A. Nihil aliud video præter animam, nisi Deum, ubi intellectum esse credam. R. Jam illud videamus. Si tibi quispiam istum parietem non esse parietem, sed arborem diceret, quid putares? A. Aut ejus sensum, aut meum falli, aut hoc nomine ab eo parietem vocari. R. Quid si & illi species arboris in eo appareat, & tibi parietis, nonne poterit utrumque verum esse? A. Nullo modo: quia una eademque res & arbor & paries esse non potest. Quamvis enim singulis nobis singula esse videantur, necesse est unum nostrum imaginationem falsam pati. R. Quid si nec paries nec arbor est, & ambo fallimini? A. Potest id quidem. R. Hoc ergo unum superius prætermiseras. A. Fateor. R. Quid si agnoscatis aliud vobis videri quam est, numquidnam fallimini? A. Non. R. Potest igitur & falsum esse quod videtur, & non falli cui videtur. A. Potest. R. Confitendum est igitur non eum falli qui falsa videt, sed eum qui assentitur falsis. A. Plane confitendum. R. Quid ipsum falsum, quare falsum est? Quod aliter sese habet quam videtur. R. Si ergo non sint quibus videatur, nihil est falsum. A. Sequitur. R. Non igitur est in rebus falsitas, sed in sensu: non autem fallitur qui falsis non assentitur. Conficitur ut aliud simus nos, aliud sensus: siquidem cum ipse fallitur, possumus nos non falli. A. Nihil habeo quod contradicam. R. Sed numquid cum anima fallitur, audes te dicere non esse falsum? A. Quo pacto istud audeam? R. At nullus sensus sine anima, nulla falsitas sine sensu. Aut operatur igitur anima, aut cooperatur falsitati. A. Trahunt præcedentia consensionem.

4. R. Illud nunc responde, utrum tibi videatur posse fieri, ut aliquando falsitas non sit? A. Quomodo mihi hoc videri potest, cum tanta sit difficultas inveniendæ veritatis, ut absurdus dicatur falsitatem quam veritatem esse non posse? R. Numquidnam arbitraris eum qui non vivit, posse sentire? A. Non potest fieri. R. Confectum est animam semper vivere. A. Nimis cito urges me in gaudia: pede-

Q. 3

CAPUT
III.
Si fallitas semper erit, & sine sensu esse non poterit, sequitur animam aliquam semper existentiam.

pedetentim quæso. R. Atqui si recte illa concessa sunt, nihil de hac re dubitandum video. A. Nimis cito est, inquam. Itaque facilius adducor, ut me temere aliquid concessisse arbitrer, quam ut jam securus de immortalitate animæ fiam. Tamen evolve istam conclusionem, & quomodo id effectum sit ostende. R. Falsitatem dixisti sine sensu esse non posse, & eam non esse non posse: semper igitur est sensus. At nullus sensus sine anima: anima igitur sempiterna est. Nec valet sentire, nisi vivat. Semper igitur anima vivit.

CAPUT
IV.
Ex falsi-
tatis seu
veritatis
perpetui-
tate
possitne
colligi
animæ
immor-
talitas.

5. A. O plumbeum pugionem! Posses enim concludere hominem esse immortalem, si tibi concessissem numquam istum mundum esse posse sine homine, eumque mundum esse sempiternum. R. Bene quidem vigilas. Sed tamen non parum est quod confecimus, rerum naturam sine anima esse non posse, nisi forte in rerum natura falsitas aliquando non erit. A. Istud quidem consequens esse confiteor. Sed jam amplius deliberandum censeo, utrum superius concessa non nutent. Non enim parvum gradum ad animæ immortalitatem factum esse video. R. Satisne considerasti, ne quid temere dederis? A. Satis quidem, sed nihil video quo me arguam temeritatis. R. Ergo confectum est rerum naturam sine anima viva esse non posse. A. Confectum hæcenus, ut possint vicissim aliæ nasci, aliæ mori. R. Quid si de natura rerum falsitas auferatur, nonne fiet ut vera sint omnia? A. Consequi video. R. Responde unde tibi videatur paries iste verus esse. A. Quia ejus non fallor adspectu. R. Ergo quia ita est ut videtur. A. Etiam. R. Si igitur aliquid inde falsum est quod aliter videtur atque est, inde verum quod ita ut est videtur, ablato eo cui videtur, nec falsum quidquam, nec verum est. At si falsitas in rerum natura non sit, vera sunt omnia. Nec videri quidquam nisi viventi animæ potest. Manet igitur anima in rerum natura, si auferri falsitas non potest; manet, si potest. A. Video robustius quidem esse factum quod jam conclusum erat, sed nihil hac adjectione promovimus. Nihilominus enim manet illud quod plurimum me movet, nasci animas & interire, atque ut non desint mundo, non earum immortalitate, sed successione provenire.

6. R. Videnturne tibi quæque corporea, id est sensibilia, intellectu posse comprehendere? A. Non videntur. R. Quid illud, videtur tibi sensibus uti Deus ad res cognoscendas? A. Nihil audeo de hac re temere affirmare, sed quantum conjicere datur, nullo modo Deus utitur sensibus. R. Ergo concludimus non sentire posse nisi animam. A. Conclude interim quantum probabiliter licet. R. Quid illud, dasne istum parietem, si verus paries non sit, non esse parietem? A. Nihil hoc facilius dederim. R. Neque quidquam si verum corpus non sit, corpus esse? A. Tale etiam hoc est. R. Ergo si nihil verum est, nisi ita sit ut videtur; nec quidquam corporeum videri nisi sensibus potest; nec sentire nisi anima, nec si verum corpus non sit, corpus esse; restat ut corpus esse non possit, nisi anima fuerit. A. Nimis urges, & quid resistam non habeo.

CAPUT
V.
Verum
quid sit.

7. R. AD TENDERE in ista diligentius. A. En adsum. R. Certe hic lapis est; & ita verus est, si non se habet aliter ac videtur; & lapis non est, si verus non est; & non nisi sensibus videri potest. A. Etiam. R. Non sunt igitur lapides in abditissimo terræ gremio, nec omnino ubi non sunt qui sentiant: nec iste lapis esset, nisi eum videremus, nec lapis erit cum disces-

A serimus, nemoque alius eum præsens videbit. Nec si oculos bene claudas, quamvis multa in eis incluseris, aliquid habebunt. Nec prorsus ipsum lignum intrinsecus lignum est. Fugit enim omnes sensus quidquid in altitudine est corporis minime perlucens, quod non esse omnino cogitur. Etenim si esset, verum esset; nec verum quidquam est, nisi quod ita est ut videtur: illud autem non videtur, non est igitur verum: nisi quid habes ad hæc quod respondeas. A. De iis quidem quæ concessi, hoc natum esse video: sed absurdum ita est, ut quidquid vis illorum facilius negem, quam hoc verum esse concedam. R. Nihil repugno. Vide ergo quid dicere velis: corporea nisi sensibus videri posse, an sentire nisi animam, an esse lapidem vel quid aliud, sed verum non esse, an ipsum verum aliter esse definiendum. A. Istuc ipsum, oro te, ultimum videamus.

8. R. Defini ergo verum. A. Verum est quod ita se habet ut cognitori videtur, si velit possitque cognoscere. R. Non erit igitur verum quod nemo potest cognoscere? Deinde si falsum est quod aliter quam est, videtur, quid si alteri videatur hic lapis, lapis; alteri lignum; eadem res & falsa & vera erit? A. Illud me magis superius movet, quomodo si quid cognosci non potest, eo fiat ut verum non sit. Nam quod simul una res, & vera & falsa est, non nimis curo. Etenim video unam rem diversis comparatam, simul & maiorem & minorem esse. Sed ex eo istud contingit, quod nihil per se majus aut minus est. Comparationis enim sunt ista nomina. R. At si dicis, nihil esse verum per se, non times ne sequatur, ut nihil sit per se. Unde enim lignum est hoc, inde etiam verum lignum est. Nec fieri potest ut per se ipsum, id est sine cognitore lignum sit, & verum lignum non sit. A. Ergo illud dico & sic definitio, nec vereor ne definitio mea ob hoc improbetur, quod nimis brevis est. Nam verum mihi videtur esse id quod est. R. Nihil ergo erit falsum, quia quidquid est, verum est. A. In magnas angustias me coniecisti, nec invenio prorsus quid respondeam. Ita fit; ut cum aliter doceri nolim quam istis interrogationibus, verear jam tamen interrogari.

9. R. DEUS cui nos commisimus, sine dubitatione fert opem, & de his angustis liberat nos, modo credamus, & eum rogemus devotissime. A. Nihil plane libentius hoc loco fecerim, nam nusquam tantam caliginem pertuli. DEUS pater noster, qui ut oremus hortaris, qui & hoc quod rogaris præstas. Siquidem cum te rogamus, melius vivimus, melioresque sumus: exaudi me palpitantem in his tenebris, & mihi dexteram porrige. Prætede mihi lumen tuum, revocame ab erroribus; te duce in me redeam & in te. Amen. R. Hic esto quantum potes, & vigilantissime adtende. A. Dic quæso, si quid tibi suggestum est, nepereamus. R. Hic esto. A. Ecce habes me nihil aliud agentem.

10. R. Prius quid sit falsum, etiam atque etiam ventilemus. A. Miror si quidquam aliud erit, quam quod non ita est ut videtur. R. Adtende potius, & ipsos sensus prius interrogemus. Nam certe quod oculi vident, non dicitur falsum, nisi habeat aliquam similitudinem veri. Ut verbi causa, homo quem videmus in somnis, non est utique verus homo, sed falsus, eo ipso quod habet verisimilitudinem. Quis enim canem videat, & recte se dicat hominem somniasse? Ergo & ille falsus canis est, ex eo quod similis vero est. A. Ita est ut dicis. R.

Quid,

CAPUT
VI.
Unde
falsitas,
& ubi.

Quid, vigilans quisque si viso equo putet se hominem videre, nonne eo fallitur quod ei appareat aliqua hominis similitudo? Nam si nihil ei appareat, nisi equi species, non potest arbitrari sese hominem videre. A. Prorsus cedo. R. Dicimus item falsam arborem quam pictam videmus, & falsam faciem quæ de speculo redditur, & falsum turrium motum navigantibus, falsamque infractionem remi, ob aliud nihil, nisi quod verisimilia sunt. A. Fateor. R. Ita & in geminis fallimur, ita in ovis, ita in singulis sigillis uno anulo impressis, & in ceteris talibus. A. Sequor omnino atque concedo. R. Similitudo igitur rerum quæ ad oculos pertinet, mater est falsitatis. A. Negare non possum.

11. R. SED hæc omnis silva, nisi me fallit, in duo genera dividi potest. Nam partim æqualibus in rebus, partim vero in deterioribus est. Æqualia sunt, quando tam hoc illi quam illud huic simile esse dicimus, ut de geminis dictum est, vel de impressionibus anuli. In deterioribus autem, quando illud quod deterius est, simile esse dicimus meliori. Quis enim in speculum adtendat & recte dicat se esse illi imagini similem, ac non potius illam sibi? Hoc autem genus partim est in eo quod anima patitur, partim vero in iis rebus quæ videntur. Sed ipsum quod anima patitur, aut in sensu patitur, ut turris motum qui nullus est: aut apud seipsam ex eo quod accepit a sensibus, qualia sunt visa somniantium, & fortassis etiam furentium. Porro illa quæ in ipsis rebus quas videmus apparent, alia a natura, cetera ab animantibus exprimuntur atque finguntur. Natura gignendo vel resultando similitudines deteriores facit. Gignendo, cum parentibus similes nascuntur: resultando, ut de speculis cujuscumodi. Quamvis enim pleraque specula homines faciant, non tamen ipsi effingunt eas quæ redduntur imagines. Jam vero animantium opera sunt in picturis, & hujuscumodi quibusque figmentis, in quo genere includi etiam illa possunt, si tamen fiunt, quæ dæmones faciunt. Umbræ autem corporum, quia non nimis ab re abest ut corporibus similes & quæ si falsa corpora dicantur, nec ad oculorum judicium pertinere negandæ sunt, in illo eas genere poni placet, quod resultando a natura fit. Resultat enim omne corpus lumini objectum, & in contrariam partem umbram reddit. An tibi aliquid contradicendum videtur? A. mihi vero nihil. Sed quonam ista tendant, vehementer exspecto.

12. R. Atqui oportet patienter feramus, donec nobis ceteri sensus renuntient in veri similitudine habitare falsitatem. Nam & in ipso auditu totidem fere genera veniunt similitudinum: veluti cum loquentis vocem, quem non videmus, audientes, putamus alium quempiam, cui voce similis est: atque in deterioribus vel echo testis est, vel tinnitus ille ipsarum aurium, vel in horologiis merulæ aut corvi quædam imitatio, vel quæ sibi somniantes aut furentes videntur audire. Falsæ autem vocalæ quæ dicuntur a musicis, incredibile est quantum adtestantur veritati, quod post apparebit: tamen etiam ipsæ, quod scit est nunc, non absunt ab earum similitudine quas veras vocant. Sequeris hæc? A. Et libentissime. Nam nihil laboro ut intelligam. R. Ergo, ne moremur, videturne tibi aut lilium a lilio posse odore, aut mel thyminum a melle thymino de diversis alveariis sapore, aut mollitudo plumarum cygni ab anseris tactu facile judicari? A. Non videtur. R. Quid cum talia nos vel olfacere, vel gustare, vel tangere so-

mniamus, nonne similitudine imaginum eo deteriore quo inaniore decipimur? A. Verum dicis. R. Ergo apparet nos in omnibus sensibus sive æqualibus, sive in deterioribus rebus, aut similitudine lenocinante falli, aut etiam si non fallimur suspendentes consensionem, seu differentiam dignoscentes, tamen eas res falsas nominare quas verisimiles deprehendimus. A. Dubitare non possum.

13. R. NUNC adtende, dum eadem rursus recurrimus, quo fiat apertius quod conamur ostendere. A. B. Eccum, loquere quod vis. Nam ergo circumitum istum semel statui tolerare neque in eo defatiscar spe tanta perveniendi, quo nos tendere sentio. R. Bene facis. Sed adtende utrum tibi videatur cum ova similia videmus, aliquod eorum falsum esse recte nos posse dicere. A. Nullo modo videtur. Omnia enim si ova sunt, vera ova sunt. R. Quid cum de speculo resultare imaginem videmus, quibus signis falsam esse comprehendimus? A. Scilicet quod non tenetur, non sonat, non per se movetur, non vivit, & ceteris innumerabilibus, quæ prosequi longum est. R. Video te nolle immorari, & properationi tuæ mos gerendus est. Itaque ne singula repetam, si & illi homines, quos videmus in somnis, vivere, loqui, teneri a vigilantibus possent, nihilque inter ipsos differret, & eos quos expergefacti ac sani alloquimur & videmus, numquidnam eos falsos diceremus? A. Quo pacto istud recte diceretur? R. Ergo si eo veri essent, quo veri simillimi apparerent, nihilque inter eos & veros omnino distaret, eoque falsi quo per illas vel alias differentias dissimiles convincerentur, nonne similitudinem veritatis matrem, & dissimilitudinem falsitatis esse fatendum est? A. Non habeo quid dicam, & pudet me tam temerariæ consensionis meæ superioris.

14. R. Ridiculum est si te pudet, quasi non ob id ipsum elegerimus hujusmodi sermocinationes, quæ, quoniam cum solis nobis loquimur, *Soliloquia* vocari & inscribi volo, novo quidem & fortasse duro nomine, sed ad rem demonstrandam satis idoneo. Cum enim neque melius quæri veritas possit, quam interrogando & respondendo, & vix quisquam inveniatur, quem non pudeat convinci disputantem, eoque pene semper eveniat, ut rem bene inductam ad discutiendum inconditus pervicaciæ clamor explodat, etiam cum laceratione animorum, plerumque dissimulata, interdum & aperta, pacatissime, ut opinor, & commodissime placuit, a me ipso interrogatum mihi que respondentem, Deo adjuvante, verum quærere: quare nihil est quod vereare, sicubi te temere illigasti, redire atque resolvere: aliter hinc enim evadi non potest.

15. A. RECTE dicis, sed quid male concefferim, non plane video: nisi forte id recte dici falsum, quod habeat aliquam veri similitudinem, cum prorsus mihi nihil aliud dignum falsi nomine occurrat: & rursus tamen cogor fateri eo falsâ vocari quæ vocantur, quo a veris differunt. Ex quo conficitur eam ipsam dissimilitudinem causam esse falsitatis. Itaque conturbor: non enim mihi facile quidquam venit in mentem, quod contrariis causis gignatur. R. Quid si hoc unum est in rerum natura genus, & solum quod ita sit? An ignoras cum per animalium innumerabilia genera cucurreris, solum crocodilum inveniri, qui superiorem in mandendo partem moveat, præsertim cum pene reperiri nihil queat ita cuique rei simile, ut non in aliquo etiam dissimile sit? A. Video quidem ista, sed cum considero illud quod

CAPUT
VII.
De vero
& simili.

Solilo-
quia cur
dicta.

CAPUT
VIII.
Unde ve-
rum aut
falsum.

quod falsum vocamus, & simile aliquid haberi veri & dissimile, ex qua potius parte meruerit falsi nomen, non valeo discernere. Si enim ex eo quod dissimile est, dixerō, nihil erit quod non falsum dici possit: nihil enim est, quod non alicui rei dissimile sit, quam veram esse concedimus. Item si dixerō eo quod simile est, falsum appellandum, non solum ova illa reclamabunt quæ vera eo ipso sunt quo simillima, sed etiam sic non effugiam eum, qui me coegerit falsa esse omnia confiteri, quod omnia sibi ex aliqua parte similia esse negare non possum. Sed fac me non metuere illud respondere, similitudinem ac dissimilitudinem simul efficere, ut aliquid falsum recte nominetur, quam mihi evadendi viam dabis? Instabitur enim nihilo minus ut omnia falsa esse renuntiem, quippe omnia sibi met, ut supra dictum est, & similia quadam ex parte, & dissimilia reperiuntur. Restaret ut nihil aliud falsum esse dicerem, nisi quod aliter se haberet atque videretur, ni vereretur illa tot monstra, quæ me dudum enavigasse arbitrabar. Nam eo rursus repellor vertigine inopinata, ut verum id esse dicam, quod ita se habet ut videtur. Ex quo conficitur sine cognitore nihil verum esse posse: ubi mihi naufragium in scopulis occultissimis formidandum est, qui veri sunt etiam si nesciantur. Aut si verum esse id quod est dixerō, falsum non esse uspiam concludetur quovis repugnante. Itaque redeunt illi æstus, nec quidquam tanta patientia morarum tuarum processisse me video.

CAPUT
IX.
Quid
falsum,
quid fal-
lax &
quid
mendax.

16. R. ADTENDE potius, nam nullo modo in animum inducam frustra nos auxilium divinum implorasse. Video enim tentatis quantum potuimus omnibus rebus, non remansisse quod falsum jure dicatur, nisi quod aut se fingit esse quod non est, aut omnino esse tendit & non est. Sed illud superius falsi genus, vel fallax etiam, vel mendax est. Nam fallax id recte dicitur, quod habet quemdam fallendi appetitum, qui sine anima intelligi non potest, sed partim ratione fit, partim natura; ratione, in animalibus rationalibus, ut in homine; natura in bestiis, tamquam in vulpecula. Illud autem quod mendax voco, a mentientibus fit. Qui hoc differunt a fallacibus, quod omnis fallax appetit fallere: non autem omnis vult fallere, qui mentitur: nam & mimi & comediæ & multa poemata mendaciorum plena sunt, delectandi potius quam fallendi voluntate, & omnes fere qui jocantur, mentiuntur. Sed fallax vel fallens, is recte dicitur, cujus negotium est ut quisque fallatur. Illi autem qui non id agunt ut decipiant, sed tamen aliquid fingunt, vel mendaces tantum, vel sine hoc quidem, mentientes tamen vocari nemo ambigit: nisi quid habes adversus ista quod dicas.

17. A. Perge quæso: nunc enim fortasse de falsis non falsa docere cœpisti: sed jam illud genus exspecto quale sit quod dixisti, Esse tendit, & non est. R. Quidni exspectes? Eadem illa sunt, quorum multa supra memoravimus. An non tibi videtur imago tua de speculo quasi tuipe velle esse, sed ideo esse falsa, quod non est? A. Valde hoc videtur. R. Quid omnis pictura vel cujusmodi simulacrum, & id genus omnia opificum, nonne illud esse contendunt, ad cujus quidque similitudinem factum est? A. Prorsus adducor. R. Jam ea quibus vel dormientes vel furentes falluntur, concedis, ut opinor, in eo esse genere. A. Et nulla magis: nam nulla magis tendunt talia esse, qualia vel vigilantes vel sanicernunt; & eo tamen falsa sunt,

quo id quod tendunt, esse non possunt. R. Quid jam de turrium motu, vel de merso remo, vel de umbris corporum plura dicam? Planum est, ut arbitror, ex hac regula esse metienda. A. Planissimum. R. Taceo de ceteris sensibus, nam nemo considerans non hoc inveniet, falsum appellari in rebus ipsis quas sentimus, quod esse aliquid tendit & non est.

18. A. RECTE dicis: sed miror cur ab hoc genere tibi secernenda illa poemata & joca visa sunt, ceteræque fallaciæ. R. Quia scilicet aliud est falsum esse velle, aliud verum esse non posse. Itaque ipsa opera hominum velut comediæ aut tragiæ aut mimos, & id genus alia possumus operibus pictorum fictorumque conjungere. Tam enim verus esse pictus homo non potest, quamvis in speciem hominis tendat, quam illa quæ scripta sunt in libris Comicorum. Neque enim falsa esse volunt, aut ullo appetitu suo falsa sunt, sed quadam necessitate quantum fingentis arbitrium sequi potuerunt. At vero in scena Roscius voluntate falsa Hecuba erat, natura verus homo; sed illa voluntate etiam verus tragædus, eo videlicet quo implebat institutum: falsus autem Priamus, eo quod Priamum assimilabat, sed ipse non erat. Ex quo jam nascitur quiddam mirabile, quod tamen ita se habere nemo ambigit. A. Quidnam id est? Quid putas? nisi hæc omnia inde esse in quibusdam vera, unde in quibusdam falsa sunt, & ad suum verum hoc solum eis prodesse, quod ad aliud falsa sunt? Unde ad id quod esse, aut volunt aut debent, nullo modo perveniunt, si falsa esse fugiunt. Quo pacto enim iste quem commemoravi, verus tragædus esset, si nollet esse falsus Hector, falsa Andromache, falsus Hercules, & alia innumera? Aut unde vera pictura esset, si falsus equus non esset? Unde in speculo vera hominis imago, si non falsus homo? Quare si quibusdam ut verum aliquid sint, prodest ut sint aliquid falsum, cur tantopere falsitates formidamus, & pro magno bono appetimus veritatem? A. Nescio, & multum miror, nisi quia in exemplis istis nihil imitatione dignum video. Non enim tamquam histriones aut de speculis quæque relucetia, aut tamquam Myronis buculæ ex ære, ita etiam nos ut in nostro quodam habitu veri simus, ad alienum habitum adumbrati atque assimilati, & ob hoc falsi esse debemus, sed illud verum quærere, quod non quasi bifronte ratione sibi que adversanti, ut ex aliqua parte verum sit, ex aliqua falsum sit. R. Magna & divina quædam requiris. Quæ tamen si invenerimus, nonne fatebimur his ipsam confici, & quasi conflare veritatem, a qua denominatur omne quod verum quoquo modo nominatur? A. Non invitus assentior.

19. R. QUID tibi ergo videtur, Disciplina disputandi verane an falsa est? A. Quis dubitet veram? Sed vera est etiam grammatica. R. Itane ut illa? A. Non video quid sit vero verius. R. Illud profecto quod nihil falsi habet: quod intuens paulo ante offendebar ex iis rebus, quæ nescio quomodo nisi falsæ essent, veræ esse non possent. An ignoras omnia illa fabulosa & aperte falsa ad grammaticam pertinere? A. Non ignoro istud quidem, sed, ut opinor, non per grammaticam falsa sunt, sed per eam qualiacumque sunt, demonstrantur. Siquidem est fabula compositum ad utilitatem delectationemve mendacium. Est autem grammatica vocis articulatæ custos & moderatrix disciplina: cujus professionis necessi-

CAPUT
X.
Quædam
eo vera
quo fal-
sa.

CAPUT
XI.
Discipli-
narum
veritas.

Fabula
quid.
Quid sit
gram-
matica.

cessitate cogitur humanæ linguæ omnia etiam figmenta colligere, quæ memoriæ litterisque mandata sunt, non falsâ faciens, sed de his veram quamdam docens afferensque rationem. R. Recte sane: nihil nunc curo, utrum abs te ista bene definita atque distincta sint: sed illud quæro utrum hoc ita esse ipsa grammatica, an vero illa disciplina disputationis ostendat? A. Non nego vim peritiæque definiendi, qua nunc ego ista separare conatus sum, disputationis arti tribui.

20. R. Quid ipsa grammatica, nonne si vera est, eo vera est quo disciplina est? Disciplina enim a discendo dicta est. Nemo autem quæ didicit ac tenet, nescire dici potest; & nemo scit falsa. Omnis ergo vera est disciplina. A. Non video quidem quid in ista ratiuncula temere concedatur. Movet me tamen ne per istam cuiuspiam videatur etiam illas fabulas veras esse, nam & has discimus & tenemus. R. Numquidnam magister noster nolebat nos credere quæ docebat, & nosse? A. Immo vehementer ut nossemus instabat. R. Numquid aliquando institit ut Dædalum volasse crederemus? A. Hoc quidem numquam. Sed plane nisi teneremus fabulam, vix nos posse aliquid manibus tenere faciebat. R. Tu ergo negas verum esse quod ista fabula sit, & quod ita sit Dædalus diffamatus? A. Hoc non nego verum esse. R. Non negas ergo te didicisse verum cum ista didiceris. Nam si volasse Dædalum verum est, & hoc pueri pro ficta fabula acciperent atque redderent, eo ipso falsa retinerent, quo vera essent illa quæ redderent. Hinc enim existit illud quod superius mirabamur, de volatu Dædali veram fabulam esse non potuisse, nisi Dædalum volasse falsum esset. A. Jam teneo istud, sed quid ex eo proficiamus exspecto. R. Quid, nisi non esse falsam illam rationem, qua collegimus disciplinam, nisi vera doceat, disciplinam esse non posse? A. Et hoc quid ad rem? Quia volo dicas mihi, unde sit disciplina grammatica: inde enim vera est, unde disciplina est. A. Nescio quid tibi respondeam. R. Nonne tibi videtur, si nihil in ea definitum esset, & nihil in genera & partes distributum atque distinctum, eam nullo modo disciplinam esse potuisse? A. Jam intelligo quid dicas, nec ulla mihi occurrit cuiusvis facies disciplinæ, in qua non definitiones ac divisiones & ratiocinationes, dum quid quidque sit declaratur, dum sine confusione partium sua cuique redduntur, dum nihil prætermittitur proprium, nihil annumeratur alienum, totum hoc ipsum quo disciplina dicitur egerint. R. Ergo & totum ipsum quo vera dicitur. A. Video consequi.

21. R. Responde nunc quæ disciplina contineat definitionum, divisionum, partitionumque rationes. A. Jam superius dictum est, hæc disputandi regulis contineri. R. Grammatica igitur eadem arte creata est, ut disciplina, & ut vera esset, quæ est abs te superius a falsitate defensa. Quod non de una grammatica mihi licet concludere, sed prorsus de omnibus disciplinis. Nam dixisti, vereque dixisti, nullam disciplinam tibi occurrere, in qua non definiendi jus atque distribuendi idipsum ut disciplina sit, fecerit. At si eo veræ sunt, quo sunt disciplinæ, negabitne quispiam, veritatem ipsam esse per quam omnes veræ sunt disciplinæ? A. Prope est omnino ut assentiar. Sed illud me movet, quod etiam rationem disputandi inter easdem disciplinas numeramus. Quare illam potius existimo esse veritatem, qua & ista ipsa ratio vera est. R.

A Optime omnino ac vigilantissime. Sed non negas, ut opinor, eo veram esse quo disciplina est. A. Immo idipsum est quod me movet. Adverti enim etiam ipsam disciplinam esse, & ob hoc veram dici. R. Quid ergo? Istam putas aliter disciplinam esse potuisse, nisi omnia in ea definita essent & distributa? A. Nihil aliud habeo quod dicam. R. At si ad eam pertinet hoc officium, per seipsam disciplina vera est. Quisquamne igitur mirum putabit, si ea a quæ vera sunt omnia, per seipsa & in seipsa vera sit veritas? A. Nihil mihi obstat, quo minus recta pergam in istam sententiam.

22. R. ERGO adtende pauca quæ restant. A. Profer si quid habes, modo tale sit quod intelligam, libenterque concedam. R. Esse aliquid in aliquo, non nos fugit duobus modis dici. Uno quo ita est, ut etiam sejungi atque alibi esse possit, ut hoc lignum in hoc loco, ut sol in Oriente. Altero autem quo ita est aliquid in subiecto, ut ab eo nequeat separari, ut in hoc ligno forma & species quam videmus, ut in sole lux, ut in igne calor, ut in animo disciplina, & si qua sunt alia similia. Antibi aliter videtur? A. Ista quidem vetustissima sunt nobis, & ab ineunte adolescentia studiosissime percepta & cognita. Quare non possum de his interrogatus, quin ea sine ulla deliberatione concedam. R. Quid illud, nonne concedis, quod in subiecto est inseparabiliter, si subiectum ipsum non maneat, manere non posse? A. Hoc quoque video necessarium: nam manente subiecto, posse id quod in subiecto est non manere, quisquis diligenter res advertit, intelligit. Siquidem huius corporis color potest vel valetudinis ratione vel ætate immutari, cum ipsum corpus necdum interierit. Et hoc non peræque in omnibus valet, sed in his in quibus non ut sint ipsa subiecta, ea quæ in subiectis sunt, coexistunt. Non enim ut sit iste paries, paries hoc colore sit, quem in eo videmus; cum etiam si quo casu nigrescat aut albescat, vel aliquem alium mutet colorem, nihilo minus tamen maneat paries ac dicatur. At vero ignis si calore careat, ne ignis quidem erit; nec nivem vocare nisi candidam possumus.

E 23. ILLUD vero quod interrogasti, quis concesserit, aut cui posse fieri videatur, ut id quod in subiecto est, maneat ipso intereunte subiecto? Monstruosum enim & a veritate alienissimum est, ut id quod non esset nisi in ipso esset, etiam cum ipsum non fuerit possit esse. R. Illud igitur quod quærebamus inventum est. A. Quid narras? R. Id quod audis. A. Jamne ergo liquido constat animum esse immortalem? R. Si ea quæ concessisti vera sint, liquidissime: nisi forte animum dicis etiam si moriatur animum esse. A. Numquam equidem hoc dixerim, sed eo ipso quo interit, fieri ut animus non sit, dico. Nec me ab hac sententia revocat, quod a magnis philosophis dictum est, eam rem quæ quocumque venerit vitam præstat, mortem in se admittere non posse. Quamvis enim lumen quocumque intrare potuerit, faciat id lucere, tenebrasque in se propter memorabilem illam vim contrariorum non possit admittere, tamen exstinguitur, locusque ille extincto lumine tenebratur. Ita illud quod tenebris resistebat, neque ullo modo in se tenebras admisit, & sic eis intereundo locum fecit; ut poterat etiam discedendo. Itaque timeo ne mors ita contingat corpori, ut tenebræ loco, aliquando disceden-

CAPIT
XII.
Quot
modis
quædam
sint in
alio.

CAPIT
XIII.
Immor-
talitas
animæ
colligi-
tur.

dente animo ut lumine, aliquando autem ibidem ex-
stincto: ut jam non de omni morte corporis securitas sit,
sed aliquod genus mortis sit optandum, quo anima ex
corpore incolumis educatur, perducaturque ad locum
(si est ullus talis locus) ubi non possit exstingui. Aut si
ne hoc quidem potest, atque in ipso corpore anima quasi
lumen accenditur, nec alibi potest durare, omnisque
mors est exstinctio quædam animæ in corpore vel vitæ,
aliquod genus eligendum est quantum homo finitur,
quo id ipsum quod vivitur, cum securitate ac tranquilli-
tate vivatur, quamquam nescio quomodo istud possit fie-
ri si anima moritur. O multum beatos, quibus siue ab ip-
sis, siue abs quolibet, non esse metuendam mortem, etiam
si anima intereat, persuasum est. At mihi misero nullæ
adhuc rationes, nulli libri persuadere potuerunt.

24. R. Noli gemere, immortalis est animus huma-
nus. A. Unde hoc probas? R. Ex iis quæ cum magna
cautione, ut arbitror, superius concessisti. A. Nihil
quidem me minus vigilanter interroganti tibi memin-
dedisse: sed collige jam ipsam summam, oro te, vi-
deamus quo tantis ambagibus pervenerimus, nec me
jam interroges volo. Si enim ea breviter enumeraturus
es quæ concessi, quonam rursus responsio mea desidera-
tur? An ut moras gaudiorum mihi frustra inferas, si
quid boni forte confecimus? R. Faciam quod te velle
video, sed adtende diligentissime. A. Loquere jam, hic
sum, quid enecas? R. Omne quod in subiecto est, si
semper manet, ipsum etiam subiectum maneat sem-
per necesse est. Et omnis in subiecto est animo discipli-
na. Necesse est igitur semper ut animus maneat, si sem-
per manet disciplina. Est autem disciplina veritas, &
semper, ut in initio libri hujus ratio persuasit, veritas
manet. Semper igitur animus manet, nec animus mor-
tuus dicitur. Immortalem igitur animum solus non ab-
surde negat, qui superiorum aliquid non recte concess-
um esse convincit.

CAPUT
XIV.
Excusi-
tur supe-
rior syl-
logis-
mus.

25. A. JAM me volo in gaudia mittere, sed duabus
aliquantum revocor causis. Nam primum me movet
quod circuitu tanto usi sumus, nescio quam ratiocina-
tionum catenam sequentes, cum tam breviter totum
de quo agebatur, demonstrari potuerit, quam nunc
demonstratum est. Quare me sollicitum facit, quod
tam diu quasi ad insidiandum obambulavit oratio. De-
inde non video quomodo in animo semper sit disciplina,
præsertim disputandi, cum & tam pauci ejus gnari
sint, & quisquis eam novit, tanto ab infantia tempo-
re fuerit indoctus. Non enim possumus dicere, aut im-
peritorum animos, non esse animos; aut esse in animo
eam quam nesciant disciplinam. Quod si vehementer
absurdum est, restat ut aut non semper in animo sit ve-
ritas, aut disciplina illa veritas non sit.

26. R. Vides quam non frustra tantos circuitus ege-
rit nostra ratiocinatio. Quærebamus enim quid sit ve-
ritas, quod ne nunc quidem in hac quadam silva rerum,
omnibus pene callibus oberratis, video nos investigare
potuisse. Sed quid facimus? An incepta omittimus,
& exspectamus ecquid nobis librorum alienorum in ma-
nus incidat, quod huic quæstioni satisfaciat? Nam &
multos ante nostram ætatem scriptos esse arbitror,
quos non legimus: & nunc ut nihil quod nescimus
opinemur, manifestum habemus, & carmine de hac
re scribi, & soluta oratione; & ab iis viris quorum
nec scripta latere nos possunt, & eorum ingenia talia

A novimus, ut nos in eorum litteris quod volumus, in-
venturos desperare non possimus: præsertim cum hic
ante oculos nostros sit ille, * in quo ipsam eloquentiam
quam mortuam dolebamus, perfectam revixisse co-
gnovimus. Illene nos finet, cum scriptis suis vivendi
modum docuerit, vivendi ignorare naturam? A. Non
arbitror equidem & multum inde spero, sed unum do-
leo quod vel erga se, vel erga sapientiam studium no-
strum non ei ut volumus, valemus aperire. Nam pro-
fecto ille miseretur sitim nostram, & exundaret mul-
to citius quam nunc. Securus enim est, quod sibi jam
totum de animæ immortalitate persuasit, nec scit ali-
quos esse fortasse, qui hujus ignorationis miseriam satis
cognoverunt, & quibus præsertim rogantibus non sub-
venire crudele sit. * Ille autem alius novit quidem pro
familiaritate ardorem nostrum, sed ita longe abest, &
ita nunc constituti sumus, ut vix ad eum vel epistolæ
mittendæ facultas sit. Quem credo jam otio Transal-
pino perfecisse carmen quo mortis metus excantatus ef-
fugiat, & antiqua glacie duratus animæ stupor frigus-
que pellatur. Sed interim dum ista proveniunt, quæ
in nostra potestate non sunt, nonne turpissimum est pe-
rire otium nostrum, & totum ipsum animum ex in-
certo arbitrio pendere deligatum.

27. UBI est quod Deum & rogavimus & roga-
mus, ut nobis non divitias, non corporis voluptates,
non populares suggestus atque honores, sed animam
nostram seque ipsum quærentibus, iter aperiat? Itane
nos deferet, aut a nobis deferetur? R. Alienissimum
quidem ab ipso est, ut eos qui talia desiderant deferat.
Unde a nobis quoque alienum esse debet, ut tantum
ducem deferamus. Quare si placet, repetamus brevi-
ter, unde illa duo confecta sint, aut semper manere
veritatem, aut veritatem a esse disputandi rationem.
Hæc enim vacillare dixisti, quo minus nos faciat totius
rei summa securos. An potius illud quæremus, quo-
modo esse possit in imperito animo disciplina, quem
non possumus non animum dicere? Hinc enim commo-
tus videbare, ut de illis quæ concesseras, dubitare rur-
sus necesse fuerit. A. Immo discutiamus prius illa, de-
inde hoc quale sit videbimus. Ita enim, ut opinor, nul-
la controversia remanebit. R. Ita fiat, sed adesto to-
tus atque cautissimus. Scio enim quid tibi eveniat ad-
tendenti, dum nimis pendes in conclusionem, & ut jam
jamque inferatur expectas, ea quæ interrogantur non
diligenter examinata concedis. A. Verum fortasse di-
cis, sed enitar contra hoc genus morbi quantum pos-
sum: modo jam tu incipe quærere, ne superfluis im-
moremur.

28. R. Ex eo quantum meminimus veritatem non posse
interire conclusimus, quod non solum si totus mundus
intereat, sed etiam si ipsa veritas, verum erit & mun-
dum & veritatem interisse. Nihil autem verum sine
veritate: nullo modo igitur interit veritas. A. Agnosco
ista, & multum miror si falsa sunt. R. Ergo illud al-
terum videamus. A. Sine me paululum considerare,
oro te, ne huc iterum turpiter redeam. R. Ergone in-
terisse veritatem verum non erit? Si non erit verum,
non ergo interit. Si verum erit, unde post occasum ve-
ritatis verum erit, cum jam veritas nulla est? A. Nihil
habeo quid plus cogitem atque considerem: perge ad
aliud. Certe faciemus quantum possumus, ut docti at-
que prudentes viri legant hæc, & nostram si qua est,

* Am-
brosius,
ut vide-
tur, qui
libros de
officiis
scripsit;
& cui ad
audien-
dum Au-
gusti-
num
non va-
cabat ex
lib. 6.
Conf.
c. 11.

* For-
te an Ze-
nobi-
us
poetice
peritus,
de cujus
repenti-
na pro-
fectione
lib. 1. de
ordine
c. 7.

CAPUT
XV.
Veri &
falsi na-
tura.

corrigant temeritatem: nam me nec modo, nec aliquando arbitror quid contra hoc dicatur, posse invenire.

29. R. Numquidnam ergo dicitur veritas, nisi quod verum est quidquid verum est? A. Nullo modo. R. Numquidnam recte dicitur verum, nisi quod non est falsum? A. Hinc vero dubitare dementia est. R. Num falsum non est quod ad similitudinem alicujus accommodatum est, neque id tamen est cujus simile apparet? A. Nihil quidem aliud video quod libentius falsum vocem. Sed tamen solet falsum dici, etiam quod a verisimilitudine longe abest. R. Quis negat? Sed tamen quod habeat ad verum nonnullam imitationem. A. Quomodo? Non enim cum dicitur, junctis alitibus anguibus Medeam volasse, ulla ex parte res ista verum imitatur, quippe quæ nulla sit, nec imitari aliquid possit ea res quæ omnino non sit. R. Recte dicis: sed non attendis eam rem quæ omnino nulla sit, ne falsum quidem posse dici. Si enim falsum est, est: si non est, non est falsum. A. Non ergo dicemus illud de Medea, nescio quod monstrum, falsum esse. R. Non utique: nam si a falsum est, quomodo monstrum est? A. Miram rem video: itane tandem cum audio, Angues ingentes alites junctos jugo, non dico falsum? R. Dicis plane. Est enim quod falsum esse dicas. A. Quid quæso? R. Illam scilicet sententiam quæ ipso versu enuntiatur. A. Et quam tandem habet ista imitationem veri? R. Quia similiter enuntiaretur, etiam si vere illud Medea fecisset. Imitatur ergo ipsa enuntiatione veras sententias falsa sententia. Quæ si non creditur, eo solo imitatur veras quod ita dicitur, estque tantum falsa, non etiam fallens. Si autem fidem impetrat, imitatur etiam creditas veras. A. Jam intelligo multum interesse inter illam quam dicimus, & illam de quibus dicimus aliquid: quare jam assentior: nam hoc solo revocabar, quidquid falsum dicimus, non recte dici, nisi habeat veri alicujus imitationem. Quis enim lapidem falsum argentum esse dicens non jure rideatur? tamen si quisquam lapidem argentum esse dicat, dicimus falsum eum dicere, id est falsam proferre sententiam. Stannum autem vel plumbum non absurde, ut opinor, falsum argentum vocamus, quod id res ipsa velut imitatur: neque ex eo falsa est nostra sententia, sed illud ipsum de quo enuntiatur.

CAPUT XVI.
An meliora de-
teriorum
nominibus vo-
cati pos-
sint.

30. R. BENE intelligis. Sed illud vide utrum & argentum falsi plumbi nomine congruenter appellare possimus. A. Non mihi placet. R. Quid ita? A. Nescio: nisi illud video, vehementer contra voluntatem meam dici. R. Num forte propterea quod argentum melius est, & quasi in contumeliam ejus dicitur: plumbi autem quidam velut honor est, si falsum argentum vocetur. A. Prorsus explicasti quod volebam. Et ideo credo jure infames intestabilesque haberi, qui muliebri habitu se ostentant, quos nescio utrum falsas mulieres, an falsos viros melius vocem. Veros tamen histriones, verosque infames sine dubitatione possumus vocare: aut si latent, nec infame quidquam nisi a turpi fama nominatur, veros nequam non sine veritate dicimus, ut opinor. R. Alius locus nobis erit de istis rebus differendi: multa enim fiunt, quæ quasi facie populari turpia videntur, aliquo tamen sine laudabili honesta monstrantur. Et magna quæstio est, utrum patriæ liberandæ causa muliebri tunica indutus, debeat hostem decipere, hoc ipso quo mulier

A falsa sit, fortasse verior vir futurus. Et utrum sapiens qui aliquo modo certum habeat, necessariam fore vitam suam rebus humanis, malit emori frigore, quam femineis vestibus, si aliud non sit, amiciri. Sed de hoc, ut dictum est, alias videbimus. Profecto enim cernis quantæ inquisitionis indigeat, quatenus ista progredi debeant, ne in quasdam inexcusabiles turpitudines decidatur. Nunc autem quod præsentī quæstioni satis est, jam puto apparere, neque dubitari non esse falsum quidquam nisi veri aliqua imitatione.

31. A. PROFICISCERE ad reliqua: nam hoc mihi bene persuasum est. R. Ergo illud quæro, utrum præter disciplinas quibus erudimur, & quibus etiam ipsum studium sapientiæ annumerari decet, possimus quidquam ita verum invenire, quod non sicut theatricus Achilles ex aliqua parte falsum sit, ut ex alia verum esse possit? A. Mihi videntur multa inveniri. Non enim disciplinæ istum habent lapidem, nec tamen, ut verus sit lapis, imitatur aliquid secundum quod falsus dicatur. Quo uno commemorato, vides jam innumerabilibus superfedendum esse, quæ sponte occurrant cogitantibus. R. Video prorsus. Sed nonne tibi videntur uno corporis nomine includi? A. Viderentur, si aut inane nihil esse certum haberem, aut ipsum animum inter corpora numerandum arbitrarer, aut etiam Deum corpus aliquod esse crederem. Quæ omnia si sunt, ad nullius imitationem falsa & vera esse video. A. In longum nos mittis, sed utar quantum possum compendio. Certe enim aliud est quod inane appellas, aliud quod veritatem. A. Longe aliud. Quid enim me inanius, si veritatem inane aliquid puto, aut tantopere aliquid inane appeto? Quid enim aliud quam veritatem invenire desidero? R. Ergo & illud fortasse concedis, nihil verum esse, quod non veritate fiat ut verum sit. A. Jam hoc olim manifestum est. R. Num dubitas nihil esse inane præter ipsum inane, aut certe corpus? A. Prorsus non dubito. R. Opinor ergo, veritatem corpus esse aliquod credis. A. Nullo modo. R. Quid in corpore? A. Nescio: nihil ad rem: arbitror enim vel illud te scire, si est inane, magis illud esse ubi nullum sit corpus. R. Hoc sane planum est. A. Quid igitur immoramur? R. An tibi aut veritas videtur fecisse inane, aut aliquid verum esse ubi veritas non sit? A. Non videtur. R. Non est ergo inane verum, quia neque ab eo quod inane non est, inane fieri potest: & quod veritate caret, verum non esse manifestum est: & omnino ipsum quod inane dicitur, ex eo quod nihil sit dicitur. Quomodo igitur potest verum esse quod non est, aut quomodo potest esse quod penitus nihil est?

F A. Age nunc inane tamquam inane deferamus. 32. R. QUID de ceteris dicis? A. Quid? R. Quod vides mihi plurimum suffragari. Restat enim animus & Deus, quæ duo si propterea vera sunt quod in his est veritas, de immortalitate Dei nemo dubitat. Animus autem immortalis creditur, si veritas quæ interire non potest, etiam in illo esse probatur. Quare jam illud ultimum videamus, utrum corpus non sit vere verum, id est, non in eo sit veritas, sed quasi quædam imago veritatis. Nam si & in corpore, quod satis certum est recipere interitum, tale verum invenerimus, quale est in disciplinis, non continuo erit disputandi disciplina veritas, qua omnes veræ sunt disciplinæ. Verum est enim

CAPUT XVII.
Num aliquid ex omni parte falsum sit aut verum.

CAPUT XVIII.
An vere sit corpus.

a Sic melioris notæ MSS. At prius vulgati habent, nam si factum est,

quomodo falsum est? Si non est factum, quomodo monstrum est?

enim & corpus quod non videtur disputandi ratione esse formatum. Si vero & corpus imitatione aliqua verum est, & ob hoc non ad liquidum verum, nihil erit fortasse quod impediatur disputandi rationem, quominus ipsa veritas esse doceatur. A. Interim quæramus de corpore: nam ne hoc quidem cum constiterit, video istam controversiam terminatam. R. Unde scis quid velit Deus? Itaque adtende: nam ego puto corpus aliqua forma & specie contineri, quam si non haberet, corpus non esset: si veram haberet, animus esset. An aliter putandum est? A. Assentior in parte, de cetero dubito: nam nisi teneatur aliqua figura, corpus non esse concedo. Quomodo autem si eam veram haberet, animus esset, non satis intelligo. R. Nihilne tandem de primi libri exordio, & de illa tua geometrica recordaris? A. Bene commemorasti: recordor prorsus, ac libentissime. R. Talesne in corporibus figuræ inveniuntur, quales illa disciplina demonstrat? A. Immo incredibile est quanto deteriores esse convincuntur. R. Quas ergo istarum veras putas? A. Ne quæso etiam istuc me interrogandum putes. Quis enim mente tam cæcus est qui non videat, istas quæ in geometrica docentur, habitare in ipsa veritate, aut in his etiam veritatem: illas vero corporis figuras, siquidem quasi ad istas tendere videntur, habere nescio quam imitationem veritatis, & ideo falsas esse? Jam enim totum illud quod ostendere moliebaris intelligo.

CAPUT
XIX.
Veritas
immor-
talis ar-
guit ani-
mæ im-
mortalitatem.

33. R. Quid ergo jam opus est, ut de disciplina disputationis requiramus? Sive enim figuræ geometricæ in veritate, sive in eis veritas sit, anima nostra, id est intelligentia nostra contineri nemo ambigit, ac per hoc in nostro animo etiam veritas esse cogitur. Quod si quælibet disciplina ita est in animo, ut in subiecto inseparabiliter, nec interire veritas potest, quid quæso de animi perpetua vita, nescio qua mortis familiaritate dubitamus? An illa linea vel quadratura vel rotunditas habent alia quæ imitentur ut vera sint? A. Nullo modo id possum credere, nisi forte aliud sit linea quam longitudo sine latitudine, & aliud circulus quam linea circumducta undique ad medium æqualiter vergens. R. Quid ergo cunctamur? An ubi ista sunt, veritas non est? A. Avertat Deus amentiam. R. An disciplina non est in animo? A. Quis hoc dixerit? R. Sed forte potest intereunte subiecto id quod in subiecto est permanere? A. Quando mihi hoc persuadetur? R. Restat ut occidat veritas. A. Unde fieri potest? R. Immortalis est igitur anima: jamjam crede rationibus tuis, crede veritati: clamat, & in te sese habitare, & immortalem esse, nec sibi suam sedem quacumque corporis morte posse subduci. Avertere ab umbra tua, revertere in te, nullus est interitus tuus, nisi oblitum te esse quod interire non possis. A. Audio, resipisco, recolere incipio. Sed quæso, illa quæ restant expeditas, quomodo in animo imperito, non enim eum mortalem dicere possumus, disciplina & veritas esse intelligantur? R. Aliud ista quæstio volumen desiderat, si eam vis tractari diligenter: simul & illa quæ ut potuimus investigata sunt, recensenda tibi esse video: quia si nihil eorum quæ concessa sunt, dubium est, multum nos egisse arbitror, nec cum parva securitate cetera quærere.

CAPUT
XX.
Quædam veram credimus.

34. A. ITA est ut dicis, & obtempero præceptis tuis libens. Sed illud saltem impetrem, ante quam terminum volumini statuas, ut quid intersit inter veram figuram, quæ intelligentia continetur, & eam quam

sibi fingit cogitatio, quæ græce sive phantasia sive phantasma dicitur, breviter exponas. R. Hoc quæris quod videre nisi mundissimus non potest, & ad cuius rei visionem parum es exercitatus: neque nunc per istos circuitus aliud quam exercitationem tuam, ut illud videre sis idoneus operamur: tamen interesse plurimum quomodo possit doceri, fortasse breviter planum facio. Fac enim te aliquid esse oblitum, aliosque te velle quasi in memoriam revocare. Dicunt ergo illi: Numquidnam hoc est, aut illud? diversa velut similia proferentes: Tu vero nec illud vides quod recordari cupis, & tamen vides non hoc esse quod dicitur. Numquidnam tibi cum hoc evenit, omni modo videtur oblivio? Nam ipsa discretio qua non admittitur quod falso admonearis, pars quædam recordationis est. A. Ita videtur. R. Tales ergo nondum verum vident; falli tamen decipique non possunt; & quid quærant, satis norunt. At si tibi quispiam dicat te post paucos dies risisse quam natus es, non audes dicere falsum esse: & si auctor sit cui fides habenda est, non recordaturus, sed crediturus es: totum enim tempus illud validissima oblivione tibi sepultum est: an aliter putas? A. Prorsus consentio. R. Hæc igitur ab illa oblivione plurimum differt, sed illa media est. Nam est alia recordationi revivendæque veritati propior atque vicinior: cui simile est quando videmus aliquid, certoque recognoscimus id nos vidisse aliquando, atque nosse affirmamus; sed ubi, aut quando, aut quomodo, aut apud quem nobis in notitiam venerit, satagimus repetere atque recolere. Ut si de homine nobis contigerit, etiam quærimus ubi eum noverimus: quod cum ille commemoraverit, repente tota res memoriæ quasi lumen infunditur, nihilque amplius, ut reminiscamur, laboratur. An hoc genus ignotum tibi est, aut obscurum? A. Quid hoc planius, aut quid crebrius mihi accidere solet?

35. R. Tales sunt qui bene disciplinis liberalibus eruditi: siquidem illas sine dubio in se oblivione obrutas eruunt discendo, & quodam modo refodiunt: nec tamen contenti sunt, nec se tenent donec totam faciem veritatis, cuius quidam in illis artibus splendor jam subrutilat, latissime atque plenissime intueantur. Sed ex his quidam falsi colores atque formæ, velut in speculum cogitationis se fundunt, falluntque inquirentes sæpe, ac decipiunt putantes illud totum esse quod norunt vel quod inquirent. Ipsæ sunt illæ imaginationes magna cautione vitandæ, quæ deprehenduntur fallaces, cum cogitationis variato quasi speculo variantur, cum illa facies veritatis una & immutabilis maneat. Tum enim alterius atque alterius magnitudinis quadratum sibi cogitatio depingit, & quasi ante oculos præfert: sed mens interior quæ vult verum videre, ad illud se potius convertat, si potest, secundum quod judicat illa omnia esse quadrata. A. Quid si nobis quispiam dicat secundum id eam judicare, quod videre oculis solet? R. Quare ergo judicat, si tamen bene erudita est, quantamvis pilam veram vera planitie puncto tangi? Quid tale umquam oculus vidit, aut videre potest, cum ipsa imaginatione cogitationis fingi quidquam hujusmodi non potest? An non hoc probamus, cum etiam minimum circulum imaginando animo describimus, & ab eo lineas ad centrum ducimus? Nam cum duas duxerimus, inter quas quasi acu vix pungi possit, alias jam in medio non possumus ipsa cogitatione imaginaria duce-

x. Re-
tract. c. 4.
n. 4.

ducere, ut ad centrum sine ulla commixtione perveniant: cum clamet ratio innumerabiles posse duci, nec sese in illis incredibilibus angustiis nisi centro posse contingere, ita ut in omni earum intervallo scribi etiam circulus possit. Hoc cum illa phantasia implere non possit, magisque quam ipsi oculi, deficiat, si quidem per ipsos est animo inflicta, manifestum est & multum eam differre a veritate, & illam dum hæc videtur non videri.

36. Hæc dicentur operosius atque subtilius, cum de intelligendo differere cœperimus, quæ nobis pars proposita est, cum de animæ vita quidquid sollicitat, fuerit quantum valemus enucleatum atque dis-

A cussum. Non enim credo te parum formidare, ne mors humana etiam si non interficiat animam, rerum tamen omnium, & ipsius si qua comperta fuerit veritatis oblivionem inferat. A. Non potest satis dici quantum hoc malum metuendum sit. Qualis enim erit illa æterna vita, vel quæ mors non ei præponenda est, si sic vivit anima, ut videmus eam vivere in puero mox nato? ut de illa vita nihil dicam quæ in utero agitur, non enim puto esse nullam. R. Bono animo esto, Deus aderit ut jam sentimus quærentibus nobis, qui beatissimum quiddam post hoc corpus, & veritatis plenissimum sine ullo mendacio pollicetur. A. Fiat ut speramus.

DE SEQUENTE LIBRO DE ANIMÆ IMMORTALITATE.

LIB. I. RETRACT. CAPUT V.

POST libros Soliloquiorum jam de agro Mediolanum reversus, scripsi librum de *Immortalitate animæ*, quod mihi quasi commonitorium esse volueram propter Soliloquia terminanda, quæ imperfecta remanserant: sed nescio quomodo me invito exiit in manus hominum, & inter mea opuscula nominatur. Qui primo ratiocinationum contortione atque brevitate sic obscurus est, ut fatiget, cum legitur, etiam intentionem meam, vixque intelligatur a me ipso.

2. Deinde cogitans nihil aliud quam animos hominum, in quadam argumentatione ejusdem libri dixi: *Nec esse in eo quod nihil discit, disciplina potest.* Itemque alio loco dixi: *Nec ullam rem scientia complectitur, nisi quæ ad aliquam pertinet disciplinam:* nec venit in mentem Deum non discere disciplinas, & habere omnium rerum scientiam, in qua etiam præscientia est futurorum. Tale est illud quod ibi dictum est, *non esse vitam cum ratione ulli, nisi animæ.* Neque enim Deo sine ratione vita est; cum apud eum & summa vita, & summa sit ratio. Et illud quod aliquanto superius dixi, *id quod intelligitur, ejusmodi esse semper:* cum intelligatur & animus, qui utique non ejusmodi est semper. Quod vero dixi, *animum propterea non posse ab æterna ratione separari, quia non ei localiter jungitur,* profecto non dixissem, si jam tunc essem litteris sacris ita eruditus, ut recolerem quod scriptum est; *Peccata vestra separant inter vos & Deum.* Unde intelligi datur, etiam earum rerum posse dici separationem, quæ non locis, sed incorporaliter junctæ fuerant.

4. Quid sit etiam quod dixi, *Anima si caret corpore, in hoc mundo non est,* non potui recordari. Numquid enim animæ mortuorum aut non carent corpore, aut in hoc mundo non sunt? Quasi vero inferi non sint in hoc mundo. Sed quia carere corpore, in bono posui, fortasse nomine corporis pestes corporeas appellavi. Quod si ita est, nimis insolenter verbo usus sum. Illud quoque temere dictum est: *A summa essentia speciem corpori per animam tribui, qua est, in quantumcumque est. Per animam ergo corpus subsistit, & eo ipso est, quo animatur, sive universaliter, ut mundus, sive particulariter, ut unumquodque animal intra mundum.* Hoc totum prorsus temere dictum est. Hic liber sic incipit: *Si alicubi est disciplina,*

S. AURELII AUGUSTINI

HIPPONENSIS EPISCOPI

DE IMMORTALITATE

ANIMÆ

LIBER UNUS.*

* Scri-
ptus an.
Chr. 387

*Continet hic liber congeriem rationum pro animæ immortalitate, nec non intercurrentium
difficultatum solutionem.*

CAPUT

I.
Prima
ratio,
quod
anima
sit im-
morta-
lis, quia
subje-
ctum est
discipli-
næ quæ
semper
est.



* 1. Re-
tract. c. 2.
n. 5.

* Retra-
ctatur
ibidem.
a

* Retra-
ctatur
ibidem.
b

CAPUT
II.
Alia ra-
tio, quia
subje-
ctum est
rationis
quæ non
mutatur.

SI ALICUBI est disciplina, nec esse ni-
si in eo quod vivit potest, & semper est,
neque quidquam in quo quid semper est
potest esse non semper, semper vivit in
quo est disciplina. Si nos sumus qui ra-
tiocinamur, id est animus noster, nec recte ratiocina-
ri sine disciplina potest, nec sine disciplina esse animus
nisi in quo disciplina non est potest, est in hominis ani-
mo disciplina. Est autem alicubi disciplina: nam est,
& quidquid est nusquam esse non potest. Item disci-
plina non potest esse nisi in eo quod vivit. Nihil enim
quod non vivit, aliquid discit; * nec esse in eo quod
nihil discit disciplina potest. Item semper est discipli-
na. Nam quod est atque immutabile est, semper sit
necesse est. Esse autem disciplinam, nemo negat. Et
quisquis fatetur fieri non posse, ut ducta per medium
circulum linea non sit omnium, quæ non per medium
ducuntur maxima, idque esse alicujus disciplinæ, im-
mutabilem disciplinam esse non negat. Item nihil in
quo quid semper est, potest esse non semper. Nihil
enim quod semper est, patitur sibi subtrahi aliquando
id in quo semper est. Jam vero cum ratiocinamur,
animus id agit. Non enim id agit, nisi qui intelligit:
nec corpus intelligit, nec animus auxiliante corpore
intelligit; quia cum intelligere vult, a corpore averti-
tur. * Quod enim a intelligitur, ejusmodi est sem-
per: nihilque corporis ejusmodi est semper: non igitur
potest adjuvare animum ad intellectum nitentem, D
cui non impedire satis est. Item nemo sine disciplina
recte ratiocinatur. EST enim recta RATIO
a certis ad incertorum indagationem ni-
tens b cogitatio: nihilque certum est in animo quod
ignorat. Omne autem quod scit animus in sese ha-
bet, * nec ullam rem scientia complectitur, nisi quæ
ad aliquam pertineat disciplinam. Est enim discipli-
na quarumcumque rerum scientia. Semper igitur ani-
mus humanus vivit.

2. RATIO profecto aut animus est, aut in ani-
mo. Melior autem ratio nostra quam corpus nostrum,
& corpus nostrum nonnulla substantia est, & melius
est esse substantiam quam nihil: non est igitur ratio
nihil. Rursum quæcumque harmonia corporis est, in
subiecto corpore sit necesse est inseparabiliter, nec

A aliud quidquam in illa harmonia esse credatur, quod
non æque necessario sit in subiecto illo corpore, in
quo & ipsa harmonia non minus inseparabiliter. Mu-
tabile est autem corpus humanum, & immutabilis
ratio. Mutabile est enim omne, quod semper eodem
modo non est. Et semper eodem modo est, duo &
quatuor & sex. Item semper eodem modo est quod est,
quod quatuor habent duo & duo; hoc autem non ha-
bent duo: duo igitur quatuor non sunt. Est autem ista
B ratio immutabilis: igitur ratio est. Nullo modo au-
tem potest mutato subiecto, id quod in eo est insepa-
rabiliter non mutari. Non est igitur harmonia corpo-
ris animus. Nec mors potest accidere immutabilibus
rebus. Semper ergo animus vivit, sive ipse ratio sit,
sive in eo ratio inseparabiliter.

3. QUÆDAM constantiæ virtus est, & omnis
constantia immutabilis est, & omnis virtus potest ali-
quid agere, nec cum c agit aliquid, virtus non est. C
Omnis porro actio movetur, aut movet. Aut igitur
non omne quod movetur, aut certe non omne quod mo-
vet, mutabile est. At omne quod ab alio movetur, nec
movet ipsum aliquid mortale est. Neque mortale quid-
quam immutabile. Quare de certo jam & sine ulla
disiunctione concluditur, non omne quod movet mu-
tari. Nullus autem motus sine substantia: & omnis
substantia aut vivit, aut non vivit: atque omne quod
non vivit, exanime est; nec est ulla exanimis actio.
D Illud igitur quod ita movet ut non mutetur, non potest
esse nisi viva substantia. Hæc autem omnis per quos-
libet gradus corpus movet. Non igitur omne quod
corpus movet, mutabile est. Corpus autem non ni-
si secundum tempus movetur: ad hoc enim pertinet
tardius & celerius moveri: conficitur esse quiddam
quod tempore moveat, nec tamen mutetur. Om-
ne autem quod tempore movet corpus, tametsi ad
unum finem tendat: tamen nec simul potest omnia
E facere, nec potest non plura facere: neque enim
valet quavis ope agatur, aut perfecte unum esse,
quod in partes secari potest, aut ullum est sine par-
tibus corpus, aut sine morarum intervallo tempus,
aut vero vel brevissima syllaba enuntietur, cujus
non tunc finem audias, cum jam non audis initium.
Porro quod sic agitur, & expectatione opus est ut

pera-

a Am. Er. & Lov. Quod enim intelligit. Sed Bad. & MSS. tum hic,
tum in lib. 1. Retract. c. 5. habent, intelligitur.

b In MSS. sex legitur, nitens cognitio.

c Lov. nec cum non agit aliquid. Sed abest, non, a MSS. & ab-
esse debet.

CAPUT
III
Viva
substan-
tia & im-
mutabi-
lis ani-
mus, nec
si aliquo
modo
mutabi-
lis, pro-
pterea
mortalis
sit.

peragi, & memoria ut comprehendi queat quantum potest. Et expectatio futurarum rerum est, præteritarum vero memoria. At intentio ad agendum præsentis est temporis, per quod futurum in præteritum transit, nec cœpti motus corporis expectari finis potest sine ulla memoria. Quomodo enim expectatur ut desinat, quod aut cœpisse excidit, aut omnino motum esse? Rursus intentio peragendi quæ præsens est, sine expectatione finis qui futurus est, non potest esse: nec est quidquam quod aut nondum est, aut jam non est. Potest igitur in agendo quiddam esse, quod ad ea quæ nondum sunt pertineat. Possunt simul in agente plura esse, cum ea plura quæ aguntur simul esse non possint. Possunt ergo etiam in movente, cum in eo quod movetur non possint. At quæcumque in tempore simul esse non possunt, & tamen a futuro in præteritum transmittuntur, mutabilia sint necesse est.

4. Hinc jam colligimus, posse esse quiddam quod cum movet mutabilia, non mutatur. Cum enim non mutatur moventis intentio perducendi ad finem quem volet corpus quod movet, illudque corpus de quo aliquid sit eodem motu per momenta mutetur, atque illa intentio perficiendi quam immutatam manere manifestum est, & ipsa membra artificis, & lignum aut lapidem artifici subiectum moveat, quis dubitet consequens esse quod dictum est? Non igitur si quæ mutatio corporum movente animo sit, quamvis in eam sit intentus, hinc eum necessario mutari, & ob hoc etiam mori arbitrandum est. Potest enim in hac intentione simul & memoriam præteritorum & expectationem futurorum habere, quæ omnia sine vita esse non possunt. Quamquam etsi nullus interitus sine mutatione sit, & nulla mutatio sine motu, non tamen omnis mutatio interitum, omnisque motus mutationem operatur. Licet enim ipsum corpus nostrum, & motum plerumque qualibet actione, & mutatum certe vel ætate dicere, tamen nondum interisse, id est non esse sine vita. Liceat igitur & animum non continuo putare privari vita, quamquam ei fortasse per motum mutatio nonnulla contingat.

CAPUT
IV.
Ars &
ratio numero-
rum im-
mutabili-
um quæ
animo
non sine
vita in-
herent.

5. Si enim manet aliquid immutabile in animo, quod sine vita esse non possit, animo etiam vita sempiterna maneat necesse est. Nam hoc prorsus ita se habet, ut si primum est, sit secundum. Est autem primum. Quis enim, ut alia omittam, aut rationem numerorum mutabilem esse audeat dicere, aut artem quamlibet non ista ratione constare: aut artem non esse in artifice, etiam cum eam non exercet: aut ejus esse nisi in animo: aut ubi vita non sit, esse posse: aut quod immutabile est esse aliquando non posse: aut aliud esse artem, aliud rationem? Quamvis enim ars una multarum quasi quidam cœtus rationum esse dicatur, tamen ars etiam una ratio dici verissime atque intelligi potest. Sed si ve hoc, si ve illud sit, non minus immutabilem artem esse conficitur: artem autem non solum esse in animo artificis, sed etiam nusquam esse nisi in animo manifestum est, idque inseparabiliter. Nam si ars ab animo separabitur, aut erit præterquam in animo, aut nusquam erit, aut de animo in animum continuo transibit. At ut sedes arti nulla sine vita est, ita nec vita cum ratione ulli nisi animæ. Nusquam porro esse quod est, vel quod immutabile est non esse aliquando non potest. Si vero ars de animo in animum transit, in illo mansura deferens

Tom. I.

A istum, nemo artem docet nisi amittendo, aut etiam non nisi docentis oblivione sit aliquis peritus, a si ve morte. Quæ si absurdissima & falsissima sunt, sicuti sunt, immortalis est animus humanus.

6. At enim si ars aliquando est, aliquando non est in animo, quod per oblivionem atque imperitiam satis notum est, nihil ad ejus immortalitatem affert argumenti hujus connexio, nisi negetur antecedens hoc modo. Aut est aliquid in animo, quod in præsentia cogitatione non est, aut non est in erudito animo ars musica, cum de sola geometrica cogitat. Hoc autem falsum est, illud igitur verum. Non autem quidquam se habere animus sentit, nisi quod in cogitationem venerit. Potest igitur aliquid esse in animo, quod esse in se animus ipse non sentiat. Id autem quamdiu sit, nihil interest. Namque si diutius fuerit in aliis animus occupatus, quam ut intentionem suam in ante cogitata facile possit reflectere, oblivio vel imperitia nominatur. Sed cum vel nos ipsi nobiscum ratiocinantes, vel ab alio bene interrogati de quibusdam liberalibus artibus ea quæ invenimus, non alibi quam in animo nostro invenimus: neque id est invenire, quod facere aut gignere; alioquin æterna gigneret animus inventionem temporali, nam æterna sæpe invenit: quid enim tam æternum quam circuli ratio, vel si quid aliud in huiusmodi artibus, nec non fuisse aliquando, nec non fore comprehenditur? manifestum etiam est, immortalem esse animum humanum, & omnes veras rationes in secretis ejus esse, quamvis eas si ve ignorance si ve oblivione, aut non habere, aut amisisse videatur.

7. NUNC autem quatenus accipienda sit animi mutatio videamus. Si enim subiectum est animus arte in subiecto existente, neque subiectum immutari potest, quin & id quod in subiecto est immutetur, qui possumus obtinere immutabilem esse artem atque rationem, si mutabilis animus in quo illa sunt esse convincitur? Quæ autem major quam in contraria solet esse mutatio, & quis negat animum, ut omittam cetera, stultum alias, alias vero esse sapientem? Prius ergo quot modis accipiat, quæ dicitur animæ mutatio, videamus, qui, ut opinor, manifestiores dumtaxat clarioresque nobis duo sunt genere, specie vero plures inveniantur. Namque aut secundum corporis passionem, aut secundum suas, anima dicitur immutari. Secundum corporis, ut per ætates, per morbos, per dolores, labores, offensiones, per voluptates. Secundum suas autem, ut cupiendo, latando, metiendo, ægrediendo, studendo, discendo.

8. Hæ omnes mutationes, si non necessario argumento sunt mori animam, nihil quidem metuentæ sunt per se ipsæ separatim: sed ne rationi nostræ adversentur, quæ dictum est, mutato subiecto omne quod in subiecto est necessario mutari, videndum est. Sed non adversantur. Nam illud secundum hanc mutationem subiecti dicitur, per quam omnino mutare cogitur nomen. Nam si ex albo cera nigrum colorem ducat alicunde, non minus cera est, & si ex quadrata rotundam formam sumat, & ex molli dure scat, frigescatque ex calida: at ista in subiecto sunt, & cera subiectum. Manet autem cera non magis minusve cera, cum illa mutantur. Potest igitur aliqua mutatio fieri eorum quæ in subiecto

R 2 sunt,

CAPUT
V.
Animus
non mu-
tatur ut
desinat
esse ani-
mus.

sunt, cum ipsum tamen juxta id quod hoc est ac dicitur, non mutetur. At si eorum quæ in subiecto sunt, tanta commutatio fieret, ut illud quod subesse dicebatur, dici jam omnino non posset, veluti cum calore ignis cera in auras discedit, eamque mutationem patitur, ut recte intelligatur mutatum esse subiectum, quod cera erat, & cera jam non est, nullo modo aliqua ratione quidquam eorum, quæ in illo subiecto ideo erant quia hoc erat, remanere putaretur.

9. Quamobrem si anima subiectum est, ut supra diximus, in quo ratio inseparabiliter, ea necessitate quod qua in subiecto esse monstratur, nec nisi viva anima potest esse anima, nec in ea ratio potest esse sine vita, & immortalis est ratio, immortalis est anima. Prorsus enim nullo pacto non existente subiecto suo immutabilis ratio permaneret. Quod eveniret, si tanta accideret animæ mutatio, ut eam non animam faceret, id est mori cogeret. Nulla autem illarum mutationum, quæ sive per corpus sive per ipsam animam fiunt (quamvis utrum aliquæ per ipsam fiant, id est quarum ipsa sit causa, non parva sit quæstio) id agit ut animam non animam faciat. Jam igitur non solum per se, verum nec nostris rationibus formidandæ sunt.

CAPUT VI.
Ratio quæ incommutabilis est, sive in animo sive cum animo sit, sive animus in ea, ab ipso eodem animo separari nequit.

10. ERGO incumbendum omnibus ratiocinandi viribus video, ut ratio quid sit, & quoties definiri possit sciatur, ut secundum omnes modos, & de animæ immortalitate constet. RATIO est adspectus animi, quo per seipsum, non per corpus verum intuetur; aut ipsa veri contemplatio, non per corpus; aut ipsum verum quod contemplatur. Primum illud in animo esse nemo ambigit: de secundo & tertio quæri potest: sed & secundum sine animo esse non potest. De tertio magna quæstio est, utrum verum illud quod sine instrumento corporis animus intuetur, sit per seipsum, & non sit in animo, aut possit esse sine animo. Quoquolibet modo autem se habeat, non id posset contemplari animus per seipsum, nisi aliqua conjunctione cum eo. Nam omne quod contemplamur, sive cogitatione capimus, aut sensu aut intellectu capimus. Sed ea quæ sensu capiuntur, extra etiam nos esse sentiuntur, & locis continentur, unde nec percipi quidem posse affirmantur. Ea vero quæ intelliguntur, non quasi alibi posita intelliguntur quam ipse qui intelligit animus, simul enim etiam intelliguntur non contineri loco.

11. Quare ista conjunctio intuentis animi, & ejus veri quod intuetur, aut ita est ut subiectum sit animus, verum autem illud in subiecto; aut contra subiectum verum, & in subiecto animus; aut utrumque substantia. Horum autem trium si primum est, tam est immortalis animus quam ratio, secundum superiorem disputationem, quod inesse illa nisi vivo non potest. Eadem necessitas in secundo est. Nam si verum illud quod ratio dicitur, nihil habet commutabile sicut apparet, nihil commutari potest quod in eo tamquam in subiecto est. Remanet igitur omnis pugna de tertio. Nam si animus substantia est, & substantia a ratio cui conjungitur, non absurde quis putaverit fieri posse, ut manente illa hic esse desinat. Sed manifestum est quamdiu animus a ratione non separatur, eique cohæret, necessario eum manere atque vivere. Separari autem qua tan-

dem vi potest? Num corporea, cujus & potentia infirmior, & origo inferior, & ordo separatio? Nullo modo. Animal ergo? Sed etiam id quo modo? An alter animus potentior quisquis est contemplari rationem non potest, nisi alterum inde separaverit? At neque ratio cuiquam contemplanti defuerit, si omnes contemplentur; & cum nihil sit ipsa ratione potentius, qua nihil est incommutabilius, nullo pacto erit animus nondum rationi conjunctus, eo qui est conjunctus potentior. Restat ut aut ipsa ratio a se ipsum separet, aut ipse animus ab ea voluntate separetur. Sed nihil est in illa natura invidentiæ, quo minus fruendam se animo præbeat. Deinde quo magis est, eo quidquid sibi conjungitur facit ut sit, cui rei contrarius est interitus. Voluntate autem animum separari a ratione non nimis absurde quis diceret, si ulla ab invicem separatio posset esse rerum quas non continet locus. Quod quidem dici adversus omnia superiora potest, quibus alias contradictiones opposuimus. Quid ergo? Jamne concludendum est, animum esse immortalem? An etiam si separari non potest, extinguere potest? At si illa rationis vis ipsa sua conjunctione afficit animum, neque enim non afficere potest, ita profecto afficit ut ei esse tribuat. Est enim maxime ipsa ratio, ubi summa etiam incommutabilitas intelligitur. Itaque eum quem ex se afficit, cogit esse quodam modo. Non ergo extinguere animus potest, nisi a ratione separatus. Separari autem non potest, ut supra ratiocinati sumus. Non potest igitur interire.

12. AT enim averio ipsa a ratione per quam stultitia contingit animo, sine defectu ejus fieri non potest: si enim magis est ad rationem conversus eique inhærens, ideo quod inhæret incommutabili rei quæ est veritas, quæ & maxime & primitus est, cum ab ea est averfus id ipsum esse minus habet, quod est deficere. Omnis autem defectus tendit ad nihilum, & interitum nullum magis proprie oportet accipi, quam cum id, quod aliquid erat, nihil sit. Quare tendere ad nihilum, est ad interitum tendere. Qui cur non cadat in animum, vix est dicere, in quem defectus cadit. Dantur hic cetera: sed negatur esse consequens interire id quod tendit ad nihilum, id est ad nihilum pervenire. Quod in corpore quoque animadverti potest. Nam quoniam quodlibet corpus pars est mundi sensibilis, & ideo quanto majus est locique plus occupat, tanto magis propinquat universo: quantoque id magis facit, tanto magis est. MAGIS enim est totum quam pars. Quare etiam minus sit cum minuitur necesse est. Defectum ergo patitur cum minuitur. Porro autem minuitur, cum ex eo aliquid præcisione detrahatur. Ex quo conficitur ut tali detractio tendat ad nihilum. At nulla præcisio perducit ad nihilum. Omnis enim pars quæ remanet, corpus est, & quidquid hoc est, quantolibet spatio locum occupat. Neque id posset, nisi haberet partes in quas idemtidem caderetur. Potest igitur infinite cædendo infinite minui, & ideo defectum pati atque ad nihilum tendere, quamvis pervenire numquam queat. Quod item de ipso spatio & quolibet intervallo dici atque intelligi potest. Nam & de his etiam terminatis, dimidiam, verbi gratia, partem detrahendo, & ex eo quod restat, semper dimidiam, mi-

1. Retrahit.
c 5. n. 2.

b

CAPUT VII.
Nec, si per substantiam ad defectum tendit animus, ob id interit.

c

a Ita MSS. & concinnius quam si cum hætenus editis legatur, *rationi conjungitur*.

b Ita in MSS. At in editis, *Ita quocumque ex se afficit*. excepto Bad.

in quo habetur, *Ita quocumque*.

c Editi, *tanto majus est*. *Majus est enim*. Sed concinnior MSS. lectio quam restituimus.

minuitur intervallum, atque ad finem progreditur, ad quem tamen nullo pervenitur modo. Quo minus hoc de animo formidandum est? Est enim profecto corpore melior & vivacior, a quo huic vita tribuitur.

CAPUT
VIII.
ut cor-
pori non
potest
auferri
quo cor-
pus est:
ita nec
animo
quo ani-
mus est.

13. QUOD si non id quod est in mole corporis, sed id quod in specie facit corpus esse, quæ sententia invictiore ratione approbatur, tanto enim magis est corpus, quanto speciosius est atque pulcrius; tantoque minus est, quanto foedius ac deformius; quæ defectio non præcisione molis, de qua jam satis actum est, sed speciei a privatione contingit: quærendum de hac re diligenter ac discutiendum est, ne quis affirmet animum tali defectu interire, ut quoniam specie aliqua sua privatur dum stultus est, credatur in tantum augeri posse hanc privationem, ut omni modo specie spoliaret animum, & ea labe ad nihilum redigat cogatque interire. Quamobrem si potuerimus impetrare ut ostendatur, ne corpori quidem hoc posse accidere, ut etiam ea specie privetur qua corpus est, jure fortasse obtinebimus multo minus auferri posse animo quo animus est. Si quidem nemo se bene inspexit, qui non omni corpori qualemlibet animum præponendum esse fateatur.

14. Sit igitur nostræ ratiocinationis exordium, quod nulla res se facit aut gignit, alioquin erat ante quam esset: quod si falsum est, illud est verum. Item quod factum ortumve non est, & tamen est, sempiternum sit necesse est. Quam naturam & excellentiam quisquis ulli corpori dat, errat vehementer quidem. Sed quid pugnamus? multo enim magis eam dare animo cogimur. Ita si corpus ullum est sempiternum, nullus animus non sempiternus est. Quoniam quilibet animus cui libet corpori præferendus est, & omnia sempiterna non sempiternis. At si quod vere dicitur, factum est corpus, aliquo faciente factum est, nec eo inferiore. Neque enim esset potens ad dandum ei quod faceret, quidquid illud est, quod est id quod faciebat. Sed ne pari quidem: oportet enim facientem melius aliquid habere ad faciendum, quam est id quod facit. Nam de gignente non absurde dicitur, hoc eum esse, quod est illud quod ab eo gignitur. Universum igitur corpus ab aliqua vi & natura potentiore atque meliore factum est, non utique corporea. Nam si corpus a corpore factum est, non potuit universum fieri. Verissimum est enim quod in exordio ratiocinationis hujus posuimus, nullam rem a se posse fieri. Hæc autem vis & natura incorporea effectrix corporis universi præsentem potentia tenet universum. Non enim fecit atque discessit, effectumque deseruit. Ea quippe substantia quæ corpus non est, neque, ut ita dicam, localiter movetur, ut ab ea substantia quæ locum obtinet, separari queat, & illa effectoria vis vacare non potest, quin id quod ab ea factum est tueatur, & specie carere non sinat, qua est in quantumcumque est. Quod enim per se non est, si destituatur ab eo per quod est, profecto non erit: & non possumus dicere id accepisse corpus cum factum est, ut seipso jam contentum esse posset, etiam si a conditore desereretur.

15. Quamquam si ita est, magis id habet animus, quem corpori præstare manifestum est. Atque ita de proximo immortalis probatur, si potest esse per seip-

Tom. I.

sum. Quidquid enim tale est, incorruptibile sit necesse est, ac per hoc interire non possit, quia nihil se deserit. Sed corporis mutabilitas in promptu est, quod ipsius universi corporis universus motus satis indicat. Unde diligenter inspicientibus quantum talis natura inspicere potest, ordinata mutabilitate id quod b immutabile est imitari reperitur. Quod autem per se est, ne motu quidem opus habet ullo, omni copia sibi seipso existente; quia motus omnis ad aliud est; cuius indiget quod movetur. Adest igitur species universo corpori, meliore natura sufficiente atque obtinente quæ fecit: quare illa mutabilitas non adimit corpori corpus esse, sed de specie in speciem transire facit motu ordinatissimo. Non enim quæpiam ejus pars ad nihilum redigi finitur, cum totum capeffat vis illa effectoria nec laborante nec deside-
potentia, dans ut sit omne quod per illam est, in quantum est: quamobrem nemo tam devius a ratione debet esse, cui aut non sit certum corpore animum esse meliorem, aut qui hoc concessio arbitretur corpori non accidere ut corpus non sit, animo accidere ut animus non sit. C Quod si non accidit, neque animus esse nisi vivat, potest, numquam profecto animus moritur.

16. QUOD si quisquam non eum interitum dicit formidandum animo, quo efficitur ut nihil sit quod aliquid fuit; sed eum quo dicimus ea mortua quæ vita carent, adtendat quod nulla res seipsa caret. Est autem animus vita quædam, unde omne quod animatum est, vivere; omne autem inanime quod animari potest, mortuum, id est vita privatum intelligitur. Non ergo potest animus mori. Nam si carere poterit vita, non animus, sed animatum aliquid est. Quod si absurdum est, multo minus hoc genus interitus timendum est animo, quod vitæ certe non est timendum. Nam prorsus si tunc moritur animus, cum eum deserit vita illa, ipsa vita quæ hunc deserit multo melius intelligitur animus, ut jam non sit animus quidquid a vita deseritur, sed ea ipsa vita quæ deserit. Quidquid enim vita desertum mortuum dicitur, id ab anima desertum intelligitur: hæc autem vita, quæ deserit ea quæ moriuntur, quia ipsa est animus, & seipsam non deserit, non moritur animus.

17. NISI forte vitam temperationem aliquam corporis, ut nonnulli opinati sunt, debemus credere. Quibus profecto numquam hoc visum esset, si ea quæ vere sunt & incommutabilia permanent, eodem animo a corporum consuetudine alienato atque purgato videre valuissent. Quis enim bene se inspiciens, non expertus est tanto se aliquid intellexisse sincerius, quanto remove atque subducere intentionem mentis a corporis sensibus potuit? Quod si temperatio corporis esset animus, non utique id posset accidere. Non enim ea res quæ naturam propriam non haberet, neque substantia esset, sed in subiecto corpore tamquam color & forma inseparabiliter inesset, ullo modo se ab eodem corpore ad intelligibilia percipienda conaretur avertere, & in quantum id posset, intantum illa posset intueri, eaque visione melior & præstantior fieri. Nullo quippe modo forma vel color, vel ipsa etiam corporis temperatio, quæ certa commixtio est earum quatuor naturarum quibus idem corpus subsistit, avertere se ab eo potest, in quo subiecto

R 3 est

CAPUT
XI.
Animus
vita est,
sic vita
carere
non po-
test.

CAPUT
X.
Animus
non est
tempe-
ratio
corpo-
ris.

a Sic MSS. cum Bad. At Am. Er. & Lov. habent, putatione.

b Am. Er. & Lov. id quod mutabile est mutari reperitur. Prætulimus hic lectionem MSS. quæ est etiam Bad. Paulo post legitur in editis, nec mo-

tum quidem habet ullum. At in MSS. ne matrum quidem opus habet ullum, vel, ne motu quidem opus habet ullo.

est inseparabiliter. Ad hæc, ea quæ intelligit animus cum se avertit a corpore, non sunt profecto corporea, & tamen sunt, maximeque sunt, nam eodem modo semper sese habent. Nam nihil absurdius dici potest quam ea esse quæ oculis videmus, ea non esse quæ intelligentia cernimus, cum dubitare dementis sit, intelligentiam incomparabiliter oculis anteferri. Hæc autem quæ intelliguntur eodem modo sese habentia, cum ea intuetur animus, satis ostendit se illis esse conjunctum, miro quodam eodemque incorporali modo, scilicet non localiter. Namque aut in illo sunt, aut ipse in illis. Et utrumlibet horum sit, aut in subiecto alterum in altero est, aut utrumque substantia est. Sed si illud primum est, non est in subiecto corpore animus, ut color & forma: quia vel ipse substantia est, vel alteri substantiæ quæ corpus non est, in subiecto inest. Si autem hoc secundum verum est, non est in subiecto corpore tamquam color animus, quia substantia est. Temperatio autem corporis in subiecto corpore est tamquam color: non est ergo temperatio corporis animus, sed vita est animus: & se nulla res deserit; & id moritur quod vita deserit: non igitur animus mori potest.

CAPUT
XI.
Animus
nec per
falsita-
tem pe-
rit veri-
tatem,
et si ani-
mi est
caussa
veritas.

18. R U R S U S igitur si quid metuendum est, id est metuendum ne deficiendo animus intereat, id est dum ipsa existendi specie privatur. De qua re quamquam satis esse dictum arbitrer, & quam hoc fieri non possit certa ratione monstratum sit, tamen etiam hoc attendendum est, non esse aliam causam hujus formidinis, nisi quia fatendum est in defectu quodam esse animum stultum, & in essentia certiore atque pleniore sapientem. Sed si, quod nemini dubium est, tunc est animus sapientissimus, cum veritatem, quæ semper eodem modo est, intuetur, eique immobilis inheret divino amore conjunctus, & illa a omnia quæ quoquo modo sunt ab ea essentia sunt, quæ summe maximeque est, aut ab illa est animus in quantum est, aut per seipsum est. Sed si per seipsum est, quoniam ipse sibi causa existendi est, & numquam se deserit, numquam interit, ut supra etiam disputavimus. Si vero ex illa, diligenter opus est quærere quæ res ei possit esse contraria, quæ animo auferat animum esse quod illa præbet. Quid est igitur? An forte falsitas, quia illa veritas? Sed manifestum est, atque in promptu situm, quantum nocere animo falsitas possit. Num enim amplius potest quam fallere? at nisi qui vivit, fallitur nemo. Non igitur falsitas interimere animum potest. Quod si hæc non potest quæ contraria veritati est, auferre animo animum esse, quod ei veritas dedit (ita enim est invictissima veritas) quid aliud invenietur, quod auferat animo id quod est animus? Nihil profecto: nam nihil est contrario valentius ad id auferendum, quod fit ab ejus contrario.

CAPUT
XII.
Veritati
a qua est
animus
quod
est, quan-
tenus
ipsa est,
nihil
contra-
rium.

19. A T si veritati contrarium ita quæramus, non in quantum veritas est, sed in quantum summe maximeque est, quamquam intantum est id ipsum in quantum est veritas, siquidem veritatem eam dicimus quæ vera sunt omnia in quantumcumque sunt, intantum autem sunt in quantum vera sunt, tamen nullo modo id defugerim, quod mihi evidentius suffragatur. Nam si nulla essentia in quantum essentia est, aliquid habet contrarium, multo minus habet contrarium prima illa essentia, quæ dicitur veritas, in quantum essentia

A est. Primum autem verum est. Omnis enim essentia non ob aliud essentia est, nisi quia est. Esse autem non habet contrarium, nisi non esse: unde nihil est essentia contrarium. Nullo modo igitur res ulla esse potest contraria illi substantiæ, quæ maxime ac primitus est. Ex qua si habet animus id ipsum quod est (non enim aliunde hoc habere potest, qui ex se non habet, nisi ab illa re quæ illo ipso est animo præstantior) nulla res est qua id amittat, quia nulla res ei rei est contraria qua id habet; & propterea esse non desinit. Sapientiam vero, quia conversione habet ad id ex quo est, aversione illam potest amittere. Conversioni namque aversio contraria est. Illud vero quod ex eo habet cui nulla res est contraria, non est unde possit amittere. Non igitur potest interire.

B 20. HIC forte oboriatur nonnulla quæstio, utrum sicut non interit animus, ita nec in deteriore commutetur essentiam. Videri enim cuiuspiam potest, neque injuria, id effectum esse ratiocinatione hac, ut animus ad nihilum non possit pervenire, converti autem in corpus forsitan possit. Si enim quod erat ante animus, corpus fuerit effectum, non utique omnino non erit. Sed hoc fieri non potest, nisi aut ipse id velit, aut ab alio cogatur. Nec continuo tamen animus, si ipse id appetierit, si coactus fuerit, poterit corpus esse. Illud enim sequitur ut, si sit, velit aut cogatur. At illud non sequitur ut, si velit aut cogatur, sit: numquam autem volet. Nam omnis ejus appetitus ad corpus, aut ut id possideat est, aut ut vivificet, aut ut quodam modo fabricetur, aut quolibet pacto ei consulat. Nihil autem horum fieri potest, si non sit corpore melior. At si erit corpus, melior corpore profecto non erit. Non igitur corpus esse volet. Neque ullum rei hujus certius argumentum est, quam cum seipsum hinc interrogat animus. Ita enim facile comperit appetitum se non habere, nisi agendi aliquid, aut sciendi, aut sentiendi, aut tantummodo vivendi in quantum sua illi potestas est.

C 21. Si autem cogitur corpus esse, a quo tandem cogitur? A quolibet, certe a potentiore. Non ergo ab ipso corpore cogi potest. Nullo enim modo ullo animo ullum corpus potentius. Potentior autem animus non cogit in aliquid nisi quod suæ potestati subditum est. Nec ullo modo animus potestati alterius animi, nisi suis cupiditatibus subditur. Cogit ergo ille animus non amplius quam quantum ejus quem cogit cupiditates sinunt. Dictum est autem b cupiditatem non posse animum habere, ut corpus sit. Illud etiam manifestum est ad nullam suæ cupiditatis expletionem pervenire, dum amittit omnem cupiditatem: & amittit dum corpus fit. Non igitur potest ab eo cogi ut fiat, qui cogendi jus nisi per subditi cupiditates non habet. Deinde quisquis animus alterum animum habet in potestate, magis eum necesse est velit in potestate habere quam corpus, & ei velit bonitate consulere, vel malitia imperitare. Non ergo volet ut corpus sit.

D 22. Postremo iste animus cogens aut animal est, aut caret corpore. Sed si caret corpore, in hoc mundo non est. Et si ita est, summe bonus est, nec potest velle alteri tam turpem commutationem. Si autem animal est, aut animal est etiam ille quem cogit, aut non est. Sed si non est, ad nihil cogi ab alio

CAPUT
XIII.
Animus
nec in
corpus
conver-
titur.

a Er. & Lov. & illa omnium quæ quoquomodo sunt summe maximeque est.

b Sic in MSS. At in prius editis legitur, dictum est autem cogi non posse animum ut corpus sit, haud satis consequenter.

alio potest. Non enim habet potentiorē qui in summo est. Si autem in corpore est, ab eo rursus qui in corpore est per corpus cogitur, ad quodcumque cogitur. Quis autem dubitet nullo modo per corpus fieri tantam commutationem animo? Fieret enim si esset illo corpus potentius: quamvis quidquid illud est ad quod per corpus cogitur, prorsus non per corpus, sed per cupiditates suas cogitur, de quibus satis dictum est. Quod autem rationali anima melius est, omnibus consentientibus Deus est. Qui profecto consulit animæ, & ideo non ab eo cogi anima potest, ut convertatur in corpus.

CAPUT
XIV.
Nec
somo,
nec bu-
jūsmodi
corporis
affectio-
ne ani-
mæ vim
minui.

23. SI igitur nec propria voluntate, nec alio cogente id animus patitur, unde id pati potest? an quia invitos nos plerumque opprimit somnus, metuendum est ne quo tali defectu animus convertatur in corpus? Quasi vero quoniam somno membra nostra marcescunt, idcirco animus fiat ulla ex parte debilior. Sensibilia tantum non sentit, quia quidquid illud est quod somnum facit, e corpore est atque in corpore operatur. Corporeos enim sensus sopit & claudit quodam modo, ita sane ut tali commutationi corporis cedat anima cum voluptate; quia secundum naturam est talis commutatio quæ reficit corpus a laboribus: non tamen hæc adimit animo vel sentiendi vim vel intelligendi. Nam & imaginēs sensibilibus præsto habet, tanta expressione similitudinis, ut eo ipso tempore discerni nequeant ab his rebus quarum imagines sunt: & si quid intelligit, æque dormienti ac vigilantī verum est. Nam verbi gratia si per somnium disputare sibi visus fuerit, verasque rationes secutus in disputando didicerit aliquid, etiam ex pergefacto eadem incommutabiles manent: quamvis falsa reperiantur cetera, veluti locus ubi disputatio, & persona cum qua disputatio fuisse visa erat, & verba ipsa quod ad sonum adtinet, quibus disputari videbatur, & alia hujusmodi, quæ etiam cum ipsis sensibus sentiuntur agunturque a vigilantibus, prætereunt tamen, nec ulla ex parte sempiternam præsentiam verarum rationum assequuntur. Ex quo colligitur, tali commutatione corporis, qualis somnus est, usum ejusdem corporis animæ, non a vitam propriam, posse minui.

CAPUT
XV.
Rursus
animam
non
posse in
corpus
mutari.

1. Retr. c.
5. n. 3.

24. POSTREMO si quamvis locum occupanti corpori anima tamen non localiter jungitur, summis illis æternisque rationibus, quæ incommutabiliter manent, nec utique loco continentur, prior afficitur anima quam corpus; nec prior tantum, sed etiam magis. Tanto enim prior, quanto propinquior; & eadem causa tanto etiam magis, quanto etiam corpore melior. Nec ista propinquitas loco, sed naturæ ordine dicta sit. Hoc autem ordine intelligitur a summa essentia speciem corpori per animam tribui, qua est in quantumcumque est. Per animam ergo corpus subsistit, & eo ipso est quo animatur, sive universaliter, ut mundus; sive particulariter, ut unumquodque animal intra mundum. Quapropter consequens erat ut anima per animam corpus fieret, nec omino aliter posset. Quod quia non fit, manente quippe anima in eo quo anima est, corpus per illam subsistit, dantem speciem, non adimentem, commutari in corpus anima non potest. Si enim non tradit speciem quam sumit a summo bono, non per illam fit corpus: & si non per illam fit, aut non fit omnino, aut tam propinque speciem sumit quam anima: sed & fit corpus, & si tam propinque

A fumeret speciem, id esset quod anima: nam hoc interest; eoque anima melior, quo sumit propinquius. Tam propinque autem etiam corpus fumeret, si non per animam fumeret. Etenim nullo interposito tam propinque utique fumeret. Nec invenitur aliquid quod sit inter summam vitam, quæ sapientia & veritas est incommutabilis, & id quod ultimum vivificatur, id est corpus, nisi vivificans anima. Quod si tradit speciem anima corpori, ut sit corpus in quantum est, non utique speciem tradendo adimit. Adimit autem in corpus animam transmutando. Non igitur anima sive per seipsam corpus fit, quia non nisi anima manente corpus per eam fit: sive per aliam, quia non nisi traditione speciei fit corpus per animam, & ademptione speciei anima in corpus converteretur, si converteretur.

25. HOC & de irrationali anima vel vita, quod nec in eam rationalis anima convertitur, dici potest. Et ipsa enim nisi inferiore ordine rationali subjiceretur, æque fumeret speciem & talis esset. Tradunt ergo speciem a summa pulcritudine acceptam potentiora infirmioribus naturali ordine. Et utique cum tradunt, non adimunt. Eoque sunt quæ infirmiora sunt, in quantum sunt, quod species eis^b qua sunt a potentioribus traditur: quæ quidem potentiora etiam meliora sunt. Quod his naturis datum est, quæ non mole majore plus possunt minoribus molibus, sed sine tumore ullo localis magnitudinis eadem specie potentiora sunt qua meliora. In quo genere est anima corpore melior & potentior. Quapropter cum per illam, ut dictum est, corpus subsistat, ipsa in corpus nullo modo verti potest. Corpus enim nullum fit, nisi accipiendo per animam speciem. At anima ut corpus fieret, non accipiendo speciem, sed amittendo fieri posset: & propterea fieri non potest; nisi forte loco anima continetur, & localiter corpori jungitur. Nam si ita est, potest eam fortasse major moles, quamquam speciosiore, in suam deteriore vertere speciem, ut aer major ignem minorem. Sed non est ita. Moles quippe omnis quæ occupat locum, non est in singulis suis partibus tota, sed in omnibus. Quare alia pars ejus alibi est, & alibi alia. Anima vero non modo universæ molis corporis sui, sed etiam unicuique particulæ illius tota simul adest. Partis enim corporis passionum tota sentit, nec in toto tamen corpore. Cum enim quid dolet in pede, advertit oculus, loquitur lingua, admoveatur manus. Quod non fieret, nisi id quod animæ in eis partibus est & in pede sentiret, nec sentire quod ibi factum est absens posset. Non enim nuntio aliquo credibile est fieri non sentiente quod nuntiat: quia passio quæ fit non per continuationem molis currit, ut ceteras animæ partes quæ alibi sunt latere non sinat, sed illud tota sentit anima quod in particula fit pedis, & ibi tantum sentit ubi fit. Tota igitur singulis partibus simul adest, quæ tota simul sentit in singulis. Nec tamen hoc modo adest tota, ut candor vel alia hujusmodi qualitas in unaquaque parte corporis tota est. Nam quod in alia parte corpus patitur candoris immutatione, potest ad candorem qui est in alia parte non pertinere. Quapropter secundum partes molis a se distantes, & ipse a se distare convincitur. Non autem ita esse in anima per sensum, de quo dictum est, probatur.

CAPUT
XVI.
Ne in a-
nimam
quidem
irrationalem
rationalis ani-
ma convertitur.
Anima tota est
in toto corpore
& singulis parti-
bus.

AD-

a Et. non vim propriam posse minui.

b Sic MSS. At Lov. quasi a potentioribus traditur.

A D M O N I T I O

IN SEQUEMTEM LIBRUM DE QUANTITATE ANIMÆ.

DI A L O G U M de animæ Quantitate cum Evodio habuit Augustinus, uti prodit ipse epist. 162. n. 2. eidem Evodio nonnullas rursum de anima quæstiones proponenti rescribens his verbis: Illa si relegas quæ te conferente mecum ac fermocinante conscripsi sive de animæ Quantitate, sive de Libero arbitrio, invenes unde dissolvas etiam sine mea opera dubitationes tuas. Inspectis porro locis illis in quibus editiones cum MSS. aliquot non admodum vetustis præferunt Augustini & Adeodati veluti Interlocutorum nomina; nihil in antiquis codicibus deprehensum a nobis est præter incertos quosdam characteres interrogationibus & responsionibus indigitandis interscriptos. Quapropter Adeodati nomen expungi oportuit: enimvero quo tempore Dialogus hicce habebatur, vix adolescentiam adtigerat Adeodatus: at is qui cum Augustino colloquitur, juvenem se esse dicit cap. 24. n. 46.

Visum autem est id operis non movere loco, quem habita argumenti ratione obtinuit hætenus in editis, in quibus proxime post librum de animæ immortalitate subsequitur. Testatur porro Augustinus lib. 1: Retract. c. 7. se jam baptizatum, cum Romæ esset scripsisse libros de moribus Ecclesiæ catholicæ, & de moribus Manichæorum; tum in sequente cap. istum quo de agimus dialogum eadem in urbe habuisse; postea vero libros de libero arbitrio ibidem incæptos recenset: atque idcirco dialogum huncce versus initium anni Christi trecentissimi octogesimi octavi collocamus. Cum enim superiore anno Romam venisset Augustinus, magnam quoque sequentis anni partem ibi transigit; atque interea temporis libros præfatos conscripsit.

LIB. I. RETRACT. CAPUT VIII.

IN eadem urbe scripsi dialogum, in quo de anima multa quærentur ac differuntur, id est, unde sit, qualis sit, quanta sit, cur corpori fuerit data, cum ad corpus venerit qualis efficiatur, qualis cum abscefferit. Sed quoniam quanta sit, diligentissime ac subtilissime disputatum est, ut eam si possemus ostenderemus corporalis quantitatis non esse, & tamen magnum aliquid esse, ex hac una inquisitione totus liber nomen accepit ut appellaretur, de Animæ quantitate.

2. In quo libro illud quod dixi, omnes artes animam secum adtulisse mihi videri: nec aliud quidquam esse id quod dicitur discere, quam reminisci ac recordari, non sic accipiendum est, quasi ex hoc approbatur, animam vel hic in alio corpore, vel alibi sive in corpore, sive extra corpus, aliquando vixisse: & ea quæ interrogata respondet, cum hic non didicerit, in alia vita ante didicisse. Fieri enim potest, sicut jam in hoc opere supra diximus, ut hoc ideo possit, quia natura intelligibilis est, & connectitur non solum intelligibilibus, verum etiam immutabilibus rebus, eo ordine facta, ut cum se ad eas res movet quibus connexa est, vel ad seipsam, in quantum eas videt, in tantum de his vera respondeat. Nec sane omnes artes eo modo secum adtulit, ac secum habet: nam de artibus quæ ad sensus corporis pertinent, sicut multa medicinæ, sicut astrologiæ omnia, nisi quod hic didicerit, non potest dicere. Ea vero quæ sola intelligentia capit, propter id quod dixi, cum vel a seipsa vel ab alio fuerit bene interrogata & recordata respondet.

3. Alio loco, Vellem, inquam, hinc plura dicere, ac meipsum constringere, dum quasi tibi præcipio, ut nihil aliud agerem quam redderem mihi, cui me maxime debeo. Ubi videor dicere potius debuisse, redderem Deo, cui me maxime debeo. Sed quoniam prius sibi ipse homo reddendus est, ut illic quasi gradu facto inde surgat atque adtollatur ad Deum, sicut filius ille minor prius reversus est ad semetipsum, & tunc ait: Surgam, & ibo ad patrem meum: ideo sic sum locutus. Denique mox addidi: Atque ita fieri amicū mancipium Domino. Quod ergo dixi, cui me maxime debeo, ad homines retuli. Magis enim mihi me debeo, quam hominibus ceteris, quamvis Deo magis quam mihi. Hic liber sic incipit: Quoniam video te abundare otio.

S. AURELII AUGUSTINI

HIPPONENSIS EPISCOPI

DE QUANTITATE ANIMÆ

LIBER UNUS.*

In hocce dialogo sex de anima quæstiones a collocutore proponuntur Augustino; quarum tertiam, scilicet. Quanta sit anima, penitus tractaturus distinguit inprimis duplex quantitatis genus, unum a mole & loci spatium, alterum a potentia & virtute dictum; illud quidem corporis proprium ab anima quæ prorsus incorporea sit excludi, hoc autem reperiri in illa docet. Deinde magnitudinis istius gradus septem assignat, ad quos revocat quidquid anima humana sive in corpore, sive in seipsa, sive denique apud Deum valet.

*
Scriptus
circa ini-
tium an.
Chr. 388

CAPUT
I.
Sex de
anima
quæstio-
nes pro-
ponit E.
vodius.



UONIAM video te abundare otio, quæso ut mihi respondeas de iis quæ me movent, non, ut opinor, importune atque incongrue. Sæpe enim cum abste multa quæsissem, nescio qua illa græca sententia me deterrendum putasti, qua prohibemur ea

quæ supra nos sunt requirere: nunc vero non puto nos ipsos supra nos esse. Quamobrem cum de anima quæro, non sum dignus qui audiam, Quod supra nos, quid ad nos? sed fortasse dignus qui audiam, quid simus nos. A. Enumera breviter quæ de anima audire velis. E. Faciam: nam sunt mihi ista diuturna cogitatione præparata. Quæro igitur unde sit anima, qualis sit, quanta sit, cur corpori fuerit data, & cum ad corpus venerit, qualis efficiatur, qualis cum abfcesserit?

Unde sit
anima.

2. A. Cum quæris unde sit anima, duo quædam intelligere cogor. Aliter enim dicimus unde sit homo, quæ sit ejus patria scire cupientes; aliter unde sit, cum quærimus unde constet, id est, ex quibus elementis rebusque compositus. Quid horum scire vis, cum interrogas unde sit anima? Utrumnam quasi regionem ejus & patriam unde huc venerit nosse desideras, an vero quæ sit ejus substantia requiris? E. Equidem utrumque scire vellem, sed quid sit sciendum prius, tuo judicio malo committere. A. Propriam quamdam habitationem animæ ac patriam, Deum ipsum credo esse a quo creata est. Substantiam vero ejus nominare non possum: non enim eam puto esse ex iis usitatis notisque naturis, quas istis corporis sensibus tangimus. Nam neque ex terra, neque ex aqua, neque ex aere, neque ex igni, neque ex his omnibus, neque ex aliquibus horum conjunctis constare animam puto. Sed quemadmodum si ex me quæres, arbor ista ex quibus constet, notissima ista elementa quatuor nominarem, ex quibus omnia talia constare credendum est; porro si pergeres quærere, unde ipsa terra, vel aqua, vel aer, vel ignis constent, nihil jam quod dicerem reperirem: sic cum quæritur, ex quibus sit homo compositus, respondere possum, ex anima & corpore; rursum de corpore si quæras, ad illa elementa quatuor recurram; de anima vero quærenti tibi, cum simplex quiddam & propriæ substan-

Anima
patria
Deus.
Anima
substan-
tia pro-
pria &
simplex.

tia videatur esse: non aliter hæream ac si quæras, ut dictum est, unde sit terra. E. Quomodo eam propriam velis habere substantiam, cum dixeris a Deo factam, non intelligo. A. Quomodo & terram ipsam a Deo factam, negare non possum: & tamen non possum dicere, ex quibus quasi aliis corporibus terra constet. Simplex enim corpus est terra, eo ipso quo terra est, & ideo elementum dicitur omnium istorum corporum, quæ fiunt ex quatuor elementis. Non ergo sibi adversatur sententia qua dicimus, & a Deo animam factam, & propriam quamdam habere naturam. Hanc enim ejus propriam quamdam naturam & suam, Deus ipse fecit, ut ignis, ut aeris, ut aquæ; ut terræ, quo cetera ex his omnibus componerentur.

3. E. INTERIM accipio unde sit anima, id est, ex Deo, quæ mecum sedulo retractabo, & si quid me moverit, post requiram. Unde quæso explices qualis sit. A. Videtur mihi esse similis Deo. De anima enim, nisi fallor, requiris humana. E. Idipsum est quod abs te explicari vellem, quemadmodum sit anima similis Deo, cum Deum a nullo factum esse credamus, animam vero ab ipso Deo factam supra dixeris. A. Quid, tu difficile putas Deo fuisse, ut aliquid sibi simile faceret, cum hoc in tanta varietate imaginum etiam videas nobis esse concessum? E. Sed nos videmur mortalia facere, Deus autem immortalis animam fecit, ut opinor, nisi forte tibi aliter videtur. A. Ergo tu velles talia fieri ab hominibus, qualia Deus fecit? E. Non equidem hoc dixerim. Sed quemadmodum ipse immortalis immortale quiddam fecit ad similitudinem suam, sic & nos immortales a Deo facti ad similitudinem nostram quod facimus immortale esse deberet. A. Recte diceret, si ad ejus imaginem pingeret tabulam, quod in te immortale esse credis: nunc vero in ea exprimis similitudinem corporis, quod profecto mortale est. E. Quomodo ergo sum similis Deo, cum immortalia nulla possum facere ut ille? A. Quomodo nec imago corporis tui potest hoc valere quod tuum corpus valet, sic anima non mirandum est si potentiam tantam non habet, quantam ille ad cujus similitudinem facta est.

CAPUT
II.
Anima
qualis
sit.

4. E. ET hoc interim satis est: dic nunc quanta

CAPUT
III.
Anima
quanta sit.

ta sit anima. A. Quomodo quæris quanta sit? Non enim intelligo utrum ejus quasi spatium latitudinis vel longitudinis, vel roboris, vel horum simul omnium requiras; an quantum valeat nosse velis. Solemus enim quærere quantus fuerit Hercules, id est in quot pedes statura ejus porrecta fuerit. Et item quantus vir fuerit, id est quantæ potentiae atque virtutis. E. Utrumque de anima scire cupio. A. Atqui illud superius dici non potest, nec omnino intelligi de anima. Non enim ullo modo, aut longa, aut lata, aut quasi valida suspicanda est anima: corporea ista sunt, ut mihi videtur; & de consuetudine corporum sic animam quærimus. Ideoque bene præcipitur etiam in mysteriis, ut omnia corporea contemnat, universoque huic mundo renuntiet, qui ut videmus corporeus est, quisquis se talem reddi desiderat, qualis a Deo factus est, id est similem Deo: non enim alia salus animæ est, aut renovatio, aut reconciliatio auctori suo. Quamobrem quanta sit anima secundum inquisitionem hanc tibi respondere non possum; sed possum affirmare, neque illam longam esse, nec latam, nec robustam, neque aliquid horum quæ in mensuris corporum quæri solent. Et hoc cur existimem, rationem tibi reddam, si placet. E. Placet vero, ac vehementer exspecto: videtur enim mihi quasi nihil esse anima, si nihil est horum. A. Prius ergo si videtur, ostendam tibi multas esse res quas non possis dicere nihil esse, nec tamen in eis invenire aliqua hujusmodi spatia qualia in anima requiris; ut non solum non tibi ex eo anima nihil esse videatur, quod in ea non invenis longitudinem, sive aliquid tale; sed eo pretiosior & pluris æstimanda sit, quo nihil horum habet. Deinde utrum vere nihil horum habeat videbimus. E. Utere quo vis ordine ac modo, ego audire & discere paratus sum.

CAPUT
IV.
Anima
non ni-
hil esse,
tamen
nec lon-
ga nec
lata sit.

5. A. RECTE facis: sed volo interroganti mihi respondeas: fortasse enim ea quæ te docere conor, ipse jam nosti: credo enim non te dubitare hanc arborem non esse omnino nihil. E. Quis dubitaverit? A. Quid illud, num dubitas justitiam multo esse hac arbore meliorem? E. Ridiculum istud quidem est, quasi vero ulla sit comparatio. A. Liberaliter mecum agis: sed illud nunc adtende, cum constet ita hanc arborem esse deteriore quam est justitia, ut nec comparanda quidem tibi videatur, & hoc lignum non esse nihil confessus sis, placetne tibi ut ipsam justitiam nihil esse credamus? E. Quis hoc demens crediderit? A. Recte omnino: sed fortasse arbor hæc propterea tibi videtur esse aliquid, quod longa est pro suo modo & lata & robusta, quæ si detraxeris, nihil erit. E. Ita videtur. A. Quid ergo justitia, quam non nihil esse confessus es, immo quiddam longe divinius hac longeque præstantius, videtur tibi longa esse? E. Nullo modo mihi justitia aut longa, aut lata, aut tale aliquid cogitanti potest occurrere. A. Si igitur nihil horum est justitia, & tamen ipsa nihil non est, cur tibi anima nihil videtur, nisi ejus aliqua longitudo sit? E. Age jam non mihi videtur ex eo nihil esse anima, quod nec longa, nec lata, nec robusta sit: sed utrum vere ita sit, nondum a te dictum esse scis. Fieri enim potest, ut multa sint magni æstimanda, quæ istis careant, sed non continuo ex hoc genere animam esse credendum puto.

6. A. Scio istud nobis enodandum restare, & hoc

me deinceps explicaturum promiseram, verum quia res subtilissima est, & longe alios mentis oculos quærit, quam humana consuetudo in quotidianæ vitæ actibus habere solita est, admoneo te ut per ea, per quæ te ducendum existimo, libens pergas, nec nostro quodam necessario circuitu defatigatus, ægre tuleris aliquanto te tardius ad id quod cupis pervenire. Nam prius abs te quæro, utrum corpus ullum putes esse, quod non pro modo suo habeat aliquam longitudinem & latitudinem & altitudinem? E. Quam dicas altitudinem, non intelligo. A. Illam dico quæ efficitur ut interiora corporis cogitentur, aut etiam sentiantur, si perlucet ut vitrum; quamquam si hoc demas corporibus, quantum mea opinio est, neque sentiri possunt, neque omnino corpora esse recte existimari: hinc mihi volo aperias quid tu sentias. E. Prorsus non dubito corpora omnia his carere non posse. A. Quid, illud potes cogitare, ista tria non esse nisi in corporibus? E. Non intelligo quomodo alibi esse possint. A. Ergo animam non putas esse aliud quam corpus? E. Si etiam ventum corpus esse confitemur, negare non possum corpus mihi animam videri: nam tale aliquid eam esse cogito. A. Corpus quidem ventum esse tam concedo, quam si me de fluctu interrogares. Nam nihil aliud quam istum aerem commotum ac agitatam ventum esse sentimus; quod in loco tranquillissimo, & ab omnibus ventis quietissimo vel brevi flabello approbari potest, quo etiam muscas abigentes aerem commovemus, flatumque sentimus. Quod cum evenierit occultiore quodam motu cælestium vel terrenorum corporum per magnum spatium mundi, ventus vocatur, ex diversis partibus cæli nomina etiam diversa fortitus: an tibi aliter videtur? E. Mihi vero nihil, & probabile esse accipio quod dicis: sed ego animam non ipsum ventum, sed tale aliquid esse dixi. A. Dic mihi prius, utrum ipsum ventum cujus mentionem fecisti, habere aliquam longitudinem, latitudinem & altitudinem sentias. Deinde videbimus utrum tale aliquid anima sit, ut hoc modo etiam quanta sit investigare possimus. E. Quid hoc aere longius & latius & altius facile inveniri potest, quem commotum, ventum esse nunc abs te mihi persuasum est?

Altitu-
do quid
sit.

Ventus
quid sit.

7. A. RECTE dicis: sed numquidnam animam tuam putas esse nisi in corpore tuo? E. Ita puto. A. Intrinsecus tantum, ut tamquam utrem impleat; an tantum forinsecus, velut tectorium; an & intrinsecus & extrinsecus eam esse arbitraris? E. Hoc sentio quod ultimum requisisti. Nam nisi esset intrinsecus, nihil in visceribus nostris vitale haberetur: nisi esset extrinsecus, non etiam in cute leviter possis sentire pungentem. A. Quid ergo amplius quæris quanta sit anima, cum videas esse tantam quantam ipsa spatia corporis patiuntur? E. Si hoc ratio docet, nihil amplius requiro. A. Recte facis nihil quærere amplius quam docet ratio. Sed hæc ratio videtur tibi firmissima? E. Quando aliam non invenio, videtur. Suo enim loco quæram quod me multum movet, utrum hæc figura eadem maneat cum corpore exceßerit: nam hoc inter discutienda ultimum me posuisse memini. Sed quoniam de numero animarum quærere, ad quantitatem mihi videtur pertinere, non esse hoc loco prætereundum existimo. A. Non incongrue existimas, sed prius de spatio ejus quod me adhuc

CAPUT
V.
Infinita
animæ
vis.

adhuc movet, explicemus, si placet, ut etiam ego A aliquid discam, si tibi jam satisfactum est. E. Quære ut vis, nam tua ista simulata dubitatio dubitare me verissime facit de hoc ipso, quod jam peractum esse præsumseram.

8. A. Dic mihi quæso te, utrum ea quæ appellatur memoria, non tibi nomen inane videatur. E. Cui hoc videri potest? A. Animæ hanc esse arbitraris, an corporis? E. Et hinc dubitare ridiculum est. Quid enim ex anime corpus meminisse aliquid credi, aut intelligi potest? A. Meministine tandem urbis Mediolanensis? E. Valde memini. A. Nunc ergo quia ejus facta mentio est, recordaris quanta & qualis sit. E. Recordor sane, ac nihil recentius atque integrius. A. Nunc ergo cum oculis eam non videas, animo vides. E. Ita est. A. Meministi credo etiam, quanto spatio terrarum nunc a nobis longe absit. E. Ita & hoc memini. A. Vides itaque animo etiam ipsam locorum distantiam. E. Video. A. Cum igitur anima tua hic sit ubi corpus, nec ultra spatium ejus porrigatur, ut superior ratio demonstrabat, unde fit ut illa omnia videat? E. Per memoriam hoc fieri puto, non quod illis locis sit præsens. A. Imagines ergo illorum locorum memoria continentur. E. Ita sentio: nam & quid ibi nunc agatur ignoro, quod utique non ignorarem, si animus meus usque ad ea loca porrigeretur, præsentiaque sentiret. A. Verum mihi videris dicere: sed certe istæ imagines corporum sunt. E. Ita necesse est: non enim aliud sunt urbes terræque quam corpora.

9. A. Numquamne intuitus es parva specilla, aut numquam in pupilla oculi alieni faciem tuam vidisti? E. Immo sæpe. A. Cur multo brevior quam est apparet? E. Quid enim velles aliud quam ut pro modo speculi videretur? A. Necesse est ergo imagines corporum, si parva sunt corpora in quibus apparent, parvas apparere. E. Necesse omnino. A. Cur ergo cum tam parvo spatio sit anima quam corpus est ejus, tam magnæ in ea possunt exprimi imagines, ut & urbes, & latitudo terrarum, & quæque alia ingentia apud se possit imaginari? Volo enim cogites paulo diligentius, quanta & quam multa memoria nostra contineat, quæ utique anima continentur. Qui ergo fundus est, qui sinus, quæ immensitas quæ possit hæc capere, cum & eam tantam quantum corpus est, superior ratio docuisse videatur? E. Non invenio quid respondeam, nec satis explicare possum, quantum me ista moveant: & multum me ipse derideo, qui superiori rationi tam cito consenseram, ut ex isto corporis modo quanta sit anima terminarem. A. Non ergo jam tibi tale aliquid videtur qualis ventus est? E. Nullo modo: nam etiam si aer iste cujus quasi fluctum ventum esse probabiliter creditur, universum istum mundum possit implere, innumerales tales tantosque mundos secum anima imaginari potest, quas imagines quo spatio contineat suspicari non possum. A. Vide ergo ne melius sit eam credere, ut superius dixeram, nec longam, nec latam, nec altam, sicut mihi de justitia concesseras. E. Facile assentirem, nisi me plus conturbaret, quo rursus pacto tantorum spatiorum imagines innumerales nulla sua & longitudine & latitudine & altitudine capere possit.

10. A. INVENIEMUS hoc fortasse quantum

licet, si prius diligenter discutiamus hæc tria, id est ^{tudo} longitudinem, ^{mera &} latitudinem, & ^{simplex.} altitudinem. Itaque enitere cogitare longitudinem, quæ adhuc nullam latitudinem assumerit. E. Nihil possum tale cogitare: si enim filum araneæ in animo constituerem, quo nihil exilius solemus videre, occurrit mihi etiam in eo tamen & longitudo per se, & latitudo, & altitudo: quæ qualescumque sint, esse tamen negare non possum. A. Non usquequaque absurda est responsio tua, sed certe cum tria ista in araneæ filo esse intelligis, discernis hæc, & quid inter se differant nosti? E. Quidni quid differant nossem? An aliter potui videre nihil horum deesse huic filo? A. Quo igitur intellectu hæc discernisti, hoc potes etiam se junctis illis, solam longitudinem cogitare, si nec aliquod corpus volvas animo: nam quodcumque fuerit, his omnibus non carebit. In corporeum est enim quod te nunc intelligere cupio: nam sola longitudo non nisi intelligi animo potest, in corpore inveniri non potest. E. Jam intelligo. A. Ergo istam longitudinem si quasi secare cogitatione per longum velis, vides profecto non posse: nam si potest, inest etiam latitudo. E. Manifestum est. A. Hanc igitur longitudinem meram & simplicem, si tibi placet, lineam vocemus: hoc enim nomine a doctis multis appellari solet. E. Voca quidvis: non enim mihi de nominibus laborandum est, cum res aperta sit.

11. A. Bene facis, & non solum approbo, verum etiam moneo, ut semper rerum curam magis quam verborum te habere delectet. Sed linea ista quam jam, ut opinor, bene intelligis, si porrigatur sive ex una, sive ex utraque parte, quam in longum porrigi potest, cernis nullum esse finem. An ad hoc contemplandum minus valet acies mentis tuæ? E. Contemplor omnino, ac nihil facilius. A. Vides ergo etiam nullam figuram posse fieri, si nihil agatur aliud quam ut illa linea porrigatur. E. Quam dicas figuram nondum intelligo. * A. FIGURAM interim voco, cum aliquod spatium linea lineisve concluditur, tamquam si circulum faceres, aut quatuor lineas finibus suis fibimet jungeres, ita ut nullius finis ab alterius copulatione liber esset. E. Quid dicas figuram, jam me videre arbitror; sed utinam tam viderem quo ista tendant, aut quid ex his effecturus sis, ut ego quod de anima requiro sciam.

12. A. Hoc initio te admonui, & postulavi ut patienter ferres aliquantum circuitum nostrum, quod item quæso ut facias. Non levis res quæritur, non facilis ad cognoscendum: nosse enim hoc plane ac tenere volumus, si fieri potest. Aliud est enim cum auctoritati credimus, aliud cum rationi. AUCTORITATI credere magnum compendium est, & nullus labor: quod si te delectat, poteris multa legere, quæ magni & divini viri de his rebus necessaria quæ videbantur salubriter imperitiis, quasi nutu quodam locuti sunt, credique sibi voluerunt ab iis, quorum animis vel tardioribus vel implicationibus alia salus esse non posset. Tales enim homines, quorum profecto maxima multitudo est, si ratione velint verum comprehendere, similitudinibus rationum facillime decipiuntur, & in varias noxiasque opiniones ita labuntur, ut emergere inde ac liberari, aut numquam, aut ægerrime queant. His ergo utilissimum est excellentissimæ auctoritati credere, & secundum hoc agere vitam: quod si tutius putas, non solum nihil resisto, sed etiam multum appro-

* CAPUT VII.



Conpendio-
rior &
multitudi-
ni tutior
ad veritatis
perceptionem
via per
auctoritatem,
quam
per rationem.

approbo. Si autem cupiditatem istam refrenare non potes qua tibi persuasisti ratione pervenire ad veritatem, multi & longi circuitus tibi tolerandi sunt, ut non ratio te adducat, nisi ea quæ sola ratio dicenda est, id est vera ratio: & non solum vera, sed ita certa, & ab omni similitudine falsitatis aliena, si tamen ullo modo hæc ab homine inveniri potest, ut nullæ disputationes falsæ aut verisimiles ab ea te possint traducere. E. Nihil jam præpropere desiderabo: agat ac ducat ratio qua vult, dummodo perducatur.

CAPUT
VIII.
De figuris
mathematicis.

13. A. DEUS hoc faciet, qui aut de solis talibus rebus, aut certe de his maxime deprecandus est: sed ad rem quam institueram redeamus. Nam si & quid sit linea, & quid sit figura jam tibi notum est, dic quod abstequæro, id est utrum putes ullam figuram fieri posse, si linea ex utraque parte, aut ex altera per infinitum ducatur. E. Nullo modo id fieri posse confirmo. A. Quid igitur agendum est ut figuram faciamus? E. Quid nisi ut illa linea infinita non sit, & ducatur in circulum, ut ex alia parte se contingat? non enim video quomodo aliter possit ex una linea concludi aliquod spatium, quod nisi fiat, secundum tuam descriptionem, figura non erit. A. Quid si rectis lineis figuram facere velim, potest fieri ut de una linea fiat, an non potest? E. Nullo modo. A. Quid, duabus? E. Ne hoc quidem. A. Quid, tribus? E. Video posse. A. Bene igitur nosti ac tenes, cum figura lineis rectis facienda est, minus quam tribus non posse. An si ulla tibi adversetur ratio, de hac te sententia devocabit? E. Plane si quis mihi hoc falsum esse monstraverit, nihil erit quod me scire posse confidam. A. Nunc ergo illud responde, quomodo tribus lineis figuram feceris. E. Cum se finibus jungunt. A. Quid, ubi se jungunt, nonne videtur tibi angulus fieri? E. Ita est. Quot ergo angulis hæc figura constat? E. Totidem quot lineis. A. Quid, ipsas lineas pares constituis, an impares? E. Pares. A. Quid, anguli tantumdem omnes patent, an est alius alio contractior vel apertior? E. Etiam ipsos pares esse video. A. Potestne fieri, ut in figura, quæ tribus rectis paribus lineis facta sit, impares anguli sint; an non potest? E. Nullo prorsus modo. A. Quid, si rectis lineis tribus, sed imparibus figura constet, possunt etiam in ista pares esse anguli, an aliud intelligis? E. Omnino non possunt. A. Recte dicis: sed dic quæso, quænam tibi figura melior videatur & pulchrior? E. Eane quæ paribus, an quæ imparibus lineis constat? E. Quis dubitet eam esse meliorem in qua æqualitas prævalet?

CAPUT
IX.
Quæ figura
præstantior.
In triangulo
quid angulo
contractior.

14. A. ERGO inæqualitati æqualitatem præponis? E. Nescio utrum quispiam non præponat. A. Vide nunc in figura quæ tribus angulis paribus perfecta est, quid in ea sit angulo contrarium, id est ex altera parte contrapositum, utrum linea an angulus? E. Lineam video. A. Quid ergo, si & angulus angulo, & linea lineæ contraria sit, nonne fateris æqualitatem esse potiore in ea figura in qua id accidit? E. Fateor quidem, sed quemadmodum id fiat tribus lineis omnino non video. A. Quid, quatuor lineis potestne hoc fieri? E. Prorsus potest. A. Melior est igitur figura quæ quatuor lineis rectis paribus, quam quæ tribus constat. E. Melior certe, si quidem magis in ea æqualitas valet. A. Quid ergo, istam quæ quatuor rectis paribus lineis constat, censeresne posse etiam ita fieri, ut non anguli omnes in ea pares sint, an non putas? E. Video

posse. A. Quonam modo? E. Si duo contractiores, duo apertiores sint. A. Vide ne etiam quemadmodum & ambo contractiores & ambo apertiores sibi contrarii sint? E. Ac verissime atque apertissime. A. Servatam igitur & hic, quanta servari potuit, cernis æqualitatem: cernis enim profecto fieri non posse, ut cum quatuor paribus lineis figura perficitur, non aut omnes, aut certe vel bini anguli pares sint: quæque tamen paria sunt, sibi ex contrario respondere. E. Cerno, & firmissime teneo.

15. A. Nihilne te movet etiam in his rebus tanta & tam inconcussa quædam justitia? E. Quonam modo? A. Quia nihil ut arbitror dicimus esse justitiam nisi æquitatem: æquitas autem ab æqualitate quadam videtur appellata. Sed quæ in hac virtute æquitas, nisi ut sua cuique tribuantur? Porro sua cuique, nisi quadam distinctione tribui non possunt: analiter putas? E. Manifestum est, & prorsus assentior. A. Quid, distinctionem arbitrarie esse ullam, si omnia paria sint, ut nihil omnino inter se differant? E. Nullo modo. A. Ergo justitia servari non potest, nisi in rebus in quibus servatur, sit quædam, ut ita dicam, imparilitas & dissimilitudo. E. Intelligo. A. Cum igitur fateamur istas figuras, de quibus agimus, inter se esse dissimiles, illam scilicet quæ tribus, & hanc quæ quatuor angulis constat, cum ambæ paribus lineis fiant, nonne videtur tibi quædam retenta justitia, ut illa quæ habere non potest parilitatem contrariorum, inconcussam teneat angulorum æqualitatem: in hac vero quia tanta est contrariorum congruentia, illa lex angulorum admittat nonnullam inæqualitatem? Hoc ergo cum me multum moveret, quærendum abs te visum est, quonam modo ista veritate, æquitate, æqualitate delectarere. E. Jam cerno quid dicas, & non mediocriter admiror. A. Age nunc, quia inæqualitati æqualitatem jure præponis, nec quisquam omnino est, ut opinor, humano sensu præditus, cui non id videatur, quæramus, si placet, figuram in qua summa æqualitas inveniri queat: quæcumque enim erit, ea ceteris sine dubitatione præferetur. E. Placet vero, & quæ ista sit, scire cupio.

16. A. PRIUS ergo responde, utrum tibi illarum figurarum, quarum jam quantum satis videbatur facta mentio est, ea videatur excellere, quæ quatuor lineis paribus, totidemque angulis paribus constet: namque, ut vides, in hac & linearum æqualitas & angulorum est: & quod in illa, quæ tribus lineis paribus clauditur, non inveniebamus, adest huic parilitas contrariorum: nam lineæ linea, & angulus angulo est ut cernis contrarius. E. Ita vero est, ut dicis. A. Habetne summam æqualitatem, analiter tibi videtur? Nam si habet, frustra ut institueramus aliam quærimus: si autem non habet, volo ut id ipsum mihi abste demonstretur. E. Videtur mihi habere: nam ubi & anguli pares & lineæ pares sunt, ubi deprehendam inæqualitatem non video. A. Ego aliud sentio: nam recta linea donec veniat ad angulos, summa æqualitate prædita est; sed cum ex diverso latere alia conjungitur linea, & angulum facit, nonne censeres hoc ipsum esse inæquale? An tibi figuræ pars quæ linea clauditur cum illa parte quæ angulo concluditur, congruere videtur æqualitate aut similitudine? E. Nullo modo: & me pudet temeritatis meæ: eo enim ductus sum, quod & angulos in ea pares inter se & latera cer-

CAPUT
X.
Summa
æqualitas
in figuris.



CAPUT
XI.
Figura-
rum præ-
stantia.



cernerem: sed quis non videat eorum laterum ab angulis magnam differentiam? A. Accipe aliud inæqualitatis apertissimum indicium: certe enim cernis, vel illam figuram triangulam paribus lineis constantem, vel istam quadratam habere aliquod medium. E. Cerno plane. A. Quid, ab eodem medio cum lineas ad omnes figuræ partes ducimus, paresne tibi duci lineæ videntur, an impares? E. Impares prorsus: nam longiores eas necesse est esse, quas in angulos ducimus. A. Istæ in quadrata quot sunt, & quot in triangula? E. Quatuor hic, tres ibi. A. Quid, minimæ omnium quæ rursum, & quot sunt in figura utraque? E. Totidem, scilicet eæ quæ in media latera ducuntur. A. Verissime mihi videris dicere, neque hic opus est diutius immorari; ad id enim quod volumus satis est: nam & magnam æqualitatem hic servari, ut opinor, vides, & tamen nondum ex omni parte perfectam. E. Omnino video, & quæ illa figura sit quæ summam æqualitatem habeat, nosse vehementer exspecto.

17. A. QUAM censes, nisi eam, cujus & extremitas sibi concors est undique, nullo angulo æqualitatem perturbante, & a cujus medio ad omnes extremitatis partes pares lineæ duci possunt? E. Jam, ut opinor, intelligo: nam illam figuram quæ una linea in circulum ducta terminatur, mihi videris describere. A. Recte intelligis. Nunc itaque illud considera, cum superior ratio docuerit lineam in sola longitudine intelligi, nec quidquam latitudinis usurpare, & ideo per longum qua dicitur dividi non posse, utrum tibi videatur figura quælibet sine latitudine inveniri. E. Nullo modo. A. Quid, ipsa latitudo potestne longitudinem non habere, quamvis latitudo sola sit, quemadmodum superius longitudinem sine latitudine intelleximus, an non potest? E. Video non posse. A. Vides etiam illud, nisi fallor, quod latitudo ab omni parte dividi queat, linea vero per longum non queat. E. Manifestum est. A. Quid ergo putas pluris habendum, quod dividi potest, an id quod non potest? E. Perfecto id quod non potest. A. Præponis igitur lineam latitudini. Nam si quod dividi non potest, præponendum est, præponamus necesse est etiam id quod minus dividi potest: latitudo autem ex omni parte dividitur, longitudo vero non nisi ex diverso, nam per longum divisionem non admittit: est ergo latitudine præstantior. An tu aliter existimas? E. Ita prorsus ratio cogit fateri ut dicis.

18. A. Jam quæramus, si placet, utrum sit aliquid in ista ratione, quod omnino non queat dividi; erit enim hoc multo etiam quam illa linea melius: nam lineam cernis ex diverso innumerabiliter secari posse, itaque tibi ipsi hoc inveniendum dimitto. E. Ego illud puto non posse dividi, quod medium in figura ponebamus, unde in extrema lineæ ducuntur. Nam si dividitur, longitudine aut etiam latitudine carere non potest. Sed si longitudinem solam habet, non jam unde ducuntur lineæ, sed ipsa linea est. Si vero etiam latum est, aliud desiderat medium a quo in extrema latitudinis lineæ ducantur. Utrumque autem hoc ratio respuit. Id erit igitur quod dividi nequeat. A. Recte dicis. Sed nonne tibi aliquid tale videtur etiam illud unde linea ducitur, etsi figura nondum sit cujus medium intelligamus? Illud enim dico lineæ principium a quo incipit longitudo, quod volo sine ulla longitudine intelligas. Nam si longitudinem intelligis, nequaquam perfecto intelligis unde ipsa incipit longitudo. E. Tale

Tom. I.

A omnino. A. Hoc ergo quod jam te intelligere video, potentissimum omnium, quæ demonstrata sunt. Si quidem hoc est, quod nullam divisionem patitur; & punctum vocatur, cum medium tenet figuræ: si autem principium lineæ est vel lineis, aut etiam finis, vel cum omnino aliquid notat quod sine partibus intelligendum sit, nec tamen obtineat figuræ medium, signum dicitur. Est ergo signum nota sine partibus. Est autem punctum, nota medium figuræ tenens. Ita fit ut omne punctum etiam signum sit, non autem omne signum punctum videatur. Volo enim de his nominibus inter nos convenire, ut minus in disputando circumloquamur: quamquam plerique punctum appellant, non quod omnis figuræ medium, sed quod solius circuli vel pilæ tenet; tametsi minus nobis de vocabulis laborandum est. E. Assentior.

19. A. VIDES certe etiam quantum valeat. Nam ab ipso incipit linea, ipso terminatur; figuram rectis lineis nullam videmus fieri posse, nisi ipso angulus claudatur: deinde undecumque secari linea potest, per ipsum secatur, cum ipsum omnino nullam in se admittat sectionem: nulla linea lineæ, nisi per ipsum copulatur. Postremo cum ceteris planis figuris (nam de altitudine adhuc nihil diximus) eam præponendam ratio demonstraverit quæ circulo clauditur, propter summam æqualitatem, quæ alia ipsius æqualitatis moderatio est, quam punctum in medio constitutum? Multa de hujus potentia dici possunt, sed adhibeo modum, & tibi ipsi cogitanda plura permitto. E. Sane ut videtur: non enim me requirere pigebit, si quid fuerit obscurius: cerno autem mediocriter, ut puto, magnam hujus signi esse potentiam.

20. A. Nunc ergo illud adtende, cum & quid sit signum, & quid sit longitudo, & quid sit latitudo perspexeris; quid horum tibi videatur alterius, & cujus indigere, sine quo esse non possit. E. Video quod latitudo longitudine indigeat, sine qua prorsus intelligi non potest. Rursum longitudinem cerno latitudine quidem non indigere ut sit, sed sine signo illo esse non posse. Illud autem signum per semetipsum esse & nullius horum indigere, manifestum est. A. Ita est ut dicis: sed diligentius considera, utrum latitudo vere undique secari queat, an alicunde nec ipsa sectionem possit admittere, quamvis plus admittat quam linea. E. Nescio prorsus unde non possit. A. Credo te non recordari, nam nescire istud nullo modo posses: quare commonefaciam te isto modo. Certe enim latitudinem sic intelligis, ut cogitatione tua de altitudine nihil usurpes. E. Sic omnino. A. Accedat igitur huic latitudini altitudo, & responde jam utrum etiam aliquid accesserit, quo magis undique secari queat. E. Mire omnino admonuisti. Nunc enim video non solum desuper aut ex inferiori parte, sed a lateribus quoque admitti posse sectionem, nihilque omnino remansisse, unde non queat penetrare divisio. Quare manifestum est, & latitudinem ex his partibus secari non posse, per quas surrectura est altitudo.

21. A. Quoniam tibi igitur si non fallor, & longitudo, & latitudo, & altitudo nota est, quæro utrum possint deesse duo superiora, ubi aderit altitudo. E. Sine longitudine quidem video esse non posse altitudinem, sine latitudine autem potest. A. Redi ergo ad cogitationem latitudinis, & si eam quasi jacentem animo figuraveris, erigatur in quodlibet latus, tamquam si eam velles per tenuissimam rimam, ubi se

S

clau-

Signum
quid.
Punctū
quid.

CAPUT
XII.
Puncti
poten-
tia.

clausæ januæ jungunt, educere. An nondum intelligis quid velim? E. Intellego quid dicas, sed nondum fortasse quid velis. A. Illud scilicet ut respondeas; utrum sic erecta latitudo videatur tibi migrasse in altitudinem, & latitudinis jam nomen descriptionemque amisisse: an adhuc maneat latitudo, quamvis ita sit collocata. E. Videtur mihi altitudo esse facta. A. Recordarisne, obsecro, quemadmodum altitudinem definieramus? E. Recordor plane, & me jam sic respondisse pudet. Nam etiam hoc modo quasi erecta latitudo sectionem per longum deorsum versus non admittit: quare nulla in ea possunt interiora cogitari, quamvis medium & extrema cogitentur. Secundum autem superiorem demonstrationem altitudinis, quam fecisti ut recordarer, nulla omnino est altitudo, ubi nihil intus cogitari potest. A. Recte dicis, & sic te omnino meminisse cupiebam. Quamobrem illud jam volo respondeas, utrum falso verum anteponas. E. Jam hinc dubitare, incredibilis dementia est. A. Dic ergo quæso te, numquidnam vera linea est, quæ per longum secari potest: aut verum signum quod ullo modo secari potest: aut vera latitudo, quæ cum erecta est, ut diximus, sectionem per longum deorsum versus admittit? E. Nihil minus.

CAPUT
XIII.
Animus
incor-
poreus
cernit
incorpo-
rea.

22. A. UMQUAMNE igitur oculis istis corporeis, vel tale punctum, vel talem lineam, vel talem latitudinem vidisti? E. Omnino numquam: non enim sunt ista corporea. A. Atqui si corporea corporeis oculis mira quadam rerum cognatione cernuntur, oportet animum quo videmus illa incorporalia, corporeum corpusve non esse: an tu aliter existimas? E. Age, jam concedo corpus non esse animum vel quidquam corporeum; quid est tandem, dic mihi? A. Vide interim utrum confectum sit carere illum illa omni quantitate, de qua nunc quæstio est: nam quid sit animum, oblitum te esse miror priore inter nos quæstione discussum. Meministi enim te quæsisse primitus, unde esset, quod duobus modis a nobis tractatum esse memini: uno, quo quasi de regione ejus quæsitum est: altero, utrumnam ex terra, vel igne, vel alio quopiam istorum elementorum esset, vel ex omnibus, vel ex aliquibus horum. In qua quæstione constitit inter nos, non magis hoc quærendum esse quam unde sit terra, vel si quod aliud elementorum singulorum. Intellegendum est enim quamquam Deus fecerit animum, habere illum certam substantiam, quæ neque terrena, neque ignea, neque aëria sit, neque humida: nisi forte arbitrandum est Deum terræ dedisse ut nihil aliud sit quam terra, & non dedisse animo ut nihil aliud quam animum sit. Si autem definiri tibi animum vis, & ideo quæris quid sit animum, facile respondeo. F. Nam mihi videtur esse SUBSTANTIA quædam rationis particeps; regendo corpori accommodata.

Animus
quid sit.

CAPUT
XIV.
Animus
incorpo-
reus
quantum
valeat.

23. ITAQUE illud potius adtende, unde ambigitur nunc, utrum quantitas, & quasi, ut ita dicam, locale spatium animo ullum sit. Nam profecto quia corpus non est, neque enim aliter incorporea a ulla cernere valeret, ut superior ratio demonstrabat, procul dubio caret spatio quo corpora metiuntur: & ob hoc recte credi, aut cogitari, aut intelligi talis ejus quantitas non potest. Si autem te movet, cur tanta cæli, terræ marisque spatia memoria contineat, cum sit ipse nullius quantitatis? mira quædam vis est, quam ta-

A. men ex iis quæ a nobis comperta sunt, quantum inest ingenio tuo luminis, animadvertere potes. Si enim corpus nullum est, ut ratio jam ostendit, quod longitudine, latitudine, altitudine careat, nihilque horum nisi cum aliis duobus esse in corpore potest, animo tamen etiam solam lineam interiore quodam oculo, id est intelligentia, videre concessum est, arbitror nos concedere sic animum corpus non esse, ut sit corpore melior: quo concessio non opinor dubitandum esse eum etiam lineam esse meliorem. B. Ridiculum est enim cum tria illa insint corpori ut corpus sit, non his omnibus esse meliorem, qui corpore est melior. At ipsa linea, qua melior esse convincitur animus, ideo ceteris duobus præstat, quia minus quam illa duo secari potest. Porro illa duo eo magis secantur quam linea, quo magis se in spatium distendunt: linea vero spatium nisi longitudinis nullum habet, quo sublato nihil omnino remanet spatii. Quapropter quidquid linea melius est, necesse est nullo spatio sit, & omnino dividi secarique non possit. Frustra igitur, ut opinor, quantitatem animi quæ nulla est, C. invenire laboramus, cum eum linea concedamus esse meliorem. Et si figurarum omnium planarum illa optima est quæ circulo effingitur, in qua ratio docuit nihil melius esse puncto atque potentius, quod nullo dubitante partibus caret, quid mirum si anima neque corporea sit, neque ulla aut longitudine porrecta, aut latitudine diffusa, aut altitudine solidata: & tamen tantum valeat in corpore, ut penes eam sit regimen omnium membrorum, & quasi cardo quidam in agendo, cunctarum corporalium motionum?

D. 24. Cum autem oculi medium, quæ pupilla dicitur, nihil aliud sit quam quoddam punctum oculi, in quo tamen tanta vis est, ut eo dimidium cælum, cujus ineffabile spatium est, ex aliquo eminenti loco cerni collustrarique possit, non abhorret a vero animum carere omni corporea magnitudine, quæ tribus illis differentiis consummatur, quamvis corporum magnitudines quaslibet imaginari queat. Sed paucis licet ipso animo animum cernere, id est ut ipse se animum videat; videt autem per intelligentiam. E. Huic soli enim licet videre nihil esse in rebus potentius & magnificentius iis naturis, quæ, ut ita dicam, sine tumoribus esse intelliguntur: tumor enim non absurde appellatur corporis magnitudo, quæ si magnipendenda esset, plus nobis profecto elephantis saperent. Quod si quisquam eorum cognatus dicet elephantos esse sapientes: sensi enim quamvis admirans, sensi tamen etiam hinc homines sæpe ambigere: illud quantum opinor saltem concedet, plus asino sapere apiculam; quorum comparare magnitudines plus profecto est quam asinum: vel quod etiam de oculo dicebamus, cui non liqueat aquilæ oculum multo quam noster est, esse breviorum? Quo tamen illa sublime ita volans, ut a nobis in tanta luce difficile cernatur, latentem sub frutice lepusculum, & sub fluctibus piscem videre comperta est. Quod si in ipsis sensibus quibus nisi corporea sentire non datum est, nihil ad rem, id est ad vim sentiendi valet corporis magnitudo, metuendumne est, quæso, ne animum humanus, cujus excellentior & pene solus adspectus est ipsa ratio, qua etiam se invenire molitur, nihil sit, si illum eadem ratio, id est b se ipse omni magnitudine, qua obtinetur locus, carere convicerit? Magna quædam, crede mihi, magna, sed sine ulla mole

b

a Editi quidem, illa. Sed MSS. nulla.

b Sic MSS. At. Er. & Lov. habent, se ipsam.

mole de animo cogitanda sunt. Quod facilius contingit iis, qui aut bene eruditi ad hæc accedunt non studio inanis gloriæ, sed divino amore veritatis accensi; aut qui jam in his quærendis versantur, quamvis minus eruditi ad investiganda ea venerint, si patienter bonis se dociles præbent, atque ab omni corporum consuetudine, quantum in hac vita permittitur, semel averunt. **FIERI** autem non potest quadam divina providentia, ut religiosis animis seipsum & Deum suum, id est veritatem pie, caste, ac diligenter quærentibus, inveniendi facultas desit.

CAPUT
XV.
Objici-
tur ani-
mam æ-
tate cre-
scere.

25. **SE** d ab ista quæstione, nisi quid adhuc te movet, jam recedamus, si placet; & ad alia transeamus: quidquid autem de illis figuris loquaciùs a nobis fortasse disputatum est quam volebas, videbis quantum ad alia valebit, si hanc disceptationem aliquid eo adjutam esse concedis: nam & exercet animum hoc genus disciplinarum, ad subtiliora cernenda, ne luce illorum re-percussus, & eam sustinere non valens, in easdem tenebras quas fugere cupiebat, libenter refugiat; & adfert argumenta, nisi fallor, certissima, quibus quod fuerit inventum atque confectum, impudentem habeat dubitationem, quantum homini talia vestigare permissum est. ^a Minus enim ego de his rebus dubito, quam de iis quas istis oculis videmus cum pituita semper bellum gerentibus. Quid enim minus ferendum & audiendum est, quam fateri ^b nos ratione præstare bestiis, & eam rem fateri esse aliquid quam corporeo lumine sentimus, quam etiam nonnullæ bestię melius cernunt; id autem quod ratione intuemur, nihil esse contendere? quod si diceretur tale esse, quale illud est, quod oculi vident, nihil profecto dici posse indignius videretur.

26. **E.** Accipio ista libentissime atque assentior: sed illud me movet, cum corporeæ quantitatis non esse animam, res ita clara sit mihi, ut omnino quemadmodum resistam illis argumentis, & quid eorum non concedam, prorsus ignorem: Primum cur ætate ut corpus crescit, ita & anima vel crescat vel crescere videatur. Quis enim neget pueros infantes, ne bestiarum quidem nonnullarum astutiæ comparandos? Quis autem dubitet, illis crescentibus etiam ipsam in eis quodam modo crescere rationem? Deinde si per spatium sui corporis anima distenditur, quomodo nullius quantitatis est? Si autem non distenditur, quomodo sentit ubique pungentem? **A.** Omnino ea quæris quæ me quoque sæpe moverunt: itaque non sum imparatus tibi respondere, ut mihi soleo: utrum autem bene, ratio quæ te agit judicabit: quaecumque id tamen sit, plus certe non possum, nisi forte aliquid melius cum disputamus, in mentem divinitus venerit. Sed agamus, si placet, more nostro, ut duce ratione tu tibi ipse respondeas: ac prius quæramus, utrum crescentis cum corpore animi certum argumentum sit, quod ætatis accessu aptior humanæ consuetudini homo, & in ea magis magisque peritus est. **E.** Age ut placet: nam & ego id genus docendi ac discendi maxime probo: nescio quo enim modo cum id

Tom. I.

^a Hic loci Er. & Lov. interponunt isthæc verba: *Impudens dubitatio duobus modis fieri cognoscitur; dum aut homo qui ratione uti potest, in tantum hebes pigerque ad quærendam veritatem efficitur, ut plus velit in tenebris vanitatis remanere, quam in eo quod a creatore suo est conditus ad seipsum semel & Deum suum vera ratiocinatione inveniendum investigandumque laborare: aut tam improba contumacia ea quæ ab aliis laborantibus studiose & pie quærentibus & inventa & confecta sunt, inveniri & confici posse dubitare: neque aliam ob causam faciunt nisi quod a semetipsis inventa non sint; quod genus invidia impudentissimum esse ratio pro-*

A quod nesciens quærebam ipse respondeo, sit ipsa inventio non modo re, sed admiratione etiam dulcior.

27. **A. DI** C ergo utrum tibi majus, & melius duobus quædam, an unum atque idem esse videatur duobus nominibus appellatum? **E.** Scio aliud esse quod majus, aliud quod melius dicimus. **A.** Quid horum duorum est cujus esse putes quantitatem? **E.** Id videlicet quod majus dicimus. **A.** Quid cum duarum figurarum rotundam quadrata meliorem esse confitemur, quantitasne id facit, an quid aliud? **E.** Nullo modo quantitas, sed illa de qua superius egimus, æqualitas hujus excellentiæ causa est. **A.** Nunc ergo illud attende, utrum tibi videatur **VIR TUS** æqualitas quædam esse vitæ, rationi undique consentientis. Nam si aliud ab alio in vita discrepet, magis, ni fallor, offendimur, quam si aliqua pars circuli, majore minoreve intervallo quam aliæ partes distet a puncto: an tu aliter existimas? **E.** Immo assentior, & hanc quæ ab te descripta est, probo esse virtutem: nam & ratio non dicenda est aut existimanda, nisi vera: & **CUJUS** vita per omnia congruit veritati, is est profecto vel solus, vel certe maxime, qui bene atque honeste vivit: & qui ita sit affectus, solus habere virtutem, & ea vivere judicandus est. **A.** Probe dicis: sed certe etiam illud vides, ut opinor, similiorem esse virtuti circulum figurarum planarum alia qualibet. Hinc est enim quod apud **Horatium** magnis laudibus solemus extollere illum versum, quo ait, cum de sapiente ageret,

Fortis & in seipso totus teres atque rotundus.

D Et recte: nam neque in animi bonis quidquam invenis, quod magis sibi ex omni parte consentiat, quam virtutem; neque in planis figuris quam circulum. Quamobrem si circulus non magnitudine spatii, sed quadam conformatione ceteris præstat, quanto magis de virtute existimandum est, quod non majoris loci occupatione, sed divina quadam congruentia rationum atque concordia ceteras affectiones animi superat?

28. Cum autem puer proficit laudabiliter, ad quam rem magis quam ad virtutem proficere dicitur? an non tibi videtur? **E.** Manifestum est. **A.** Non igitur tibi debet videri animus sicut corpus crescendo cum ætate proficere: proficiendo enim ad virtutem pervenit, quam fatemur nulla spatii magnitudine, sed magna vi constantiæ pulcræ esse atque perfectam: & si aliud est majus, aliud melius, ut jam dedisti, quidquid anima cum ætate proficit, composque rationis sit, non mihi videtur fieri major, sed melior. Quod si membrorum id faceret magnitudo, eo quisque prudentior esset, quo longior aut validior; quod se aliter habere non, opinor, negabis. **E.** Quis istud negaverit? **Sed** tamen cum proficere animam per ætatem etiam tu concedas, miror qui fiat, ut omnis quantitatis experts, etiam si non membrorum spatium, at certe temporis adjuvetur.

29. **A. DE** SINE mirari, nam & hic tibi simili ratione respondeo. Ut enim membrorum magnitudo ideo nihil affert argumenti cur animam adjuvet, quod

CAPUT
XVI.
Respon-
detur
objectio-
ni & o-
stendi-
tur ani-
mam si-
ne cor-
poreo
incre-
mento
profice-
re.

Lib. 2.
Sermō.

CAPUT
XVII.
Anima
spatio
tempo-

S 2

bat. quæ omnia absunt a Bad. & MSS.

^b Lov. nobis ratione præstare bestias. Sed legendum cum editis aliis & MSS. codicibus, *nos ratione præstare bestiis*. Id quippe Augustino intollerandum hic videtur, si quis contendat objectum rationis esse nihil, dum ipsius visus corporei objectum esse aliquid fateatur: & rationem affert, quia ratione quidem præstamus bestiis, ipsæ vero plerumque visus perspicuitate nobis præstant.

^c Lov. animi ratione, librationum lapsu pro, admiratione, uti scriptum erat in antiquis codicibus.

nis cre-
scere di-
citur
meta-
phori-
cos.

quod multi exilioribus brevioribusque membris pruden-
tiores inveniuntur quibusdam magna mole corporis
præditis: ita quoniam juniores nonnullos senioribus ple-
risque magis industrios atque strenuos videmus, non vi-
deo cur putanda sint spatia temporis in ætatibus incre-
menta ut corporibus, sic animis dare: cum & ipsa cor-
pora, quibus per tempus crescere atque ampliora spa-
tia tenere concessum est, sæpe sint annosiora breviora,
non modo senilia, quæ magnitudine temporis contra-
hantur atque minuuntur; sed etiam puerorum, quos
animadvertimus his breviores esse corpore quibus sunt
ætate majores. Si igitur porrecta in plurimum tempo-
ra, ne ipsis quidem corporibus magnitudinis afferunt
causam, sed omnis illa feminis vis est, & quorundam
naturæ numerorum sane occultorum, & difficilem
ad dignoscendum; quanto minus arbitrandum est lon-
go tempore animam fieri longiorem, quia eam vide-
mus usu rerum atque assiduitate multa didicisse.

30. Quod si te illud movet, quod solemus eam
quam Græci *μακροθυμίαν* vocant, longanimitatem in-
terpretari, animadvertere licet a corpore ad animum
multa verba transferri, sicut ab animo ad corpus:
nam si montem improbum & justissimam tellurem
dixit Virgilius, quæ verba cernis ab animo ad corpora
esse translata, quid mirum si mutua vice longanimita-
tem dicimus, cum longa nisi corpora esse non possint?
Ea vero inter virtutes quæ appellatur animi magnitu-
do, ad nullum spatium, sed ad vim quamdam, id est
ad potestatem potentiamque animi relata recte intelli-
gitur; virtuteo pluris æstimanda, quo plura contem-
nit. Sed de hac post loquemur, cum quæremus quan-
ta sit anima, sicut quæri ad solet, quantus fuerit Her-
cules, factorum excellentia, non mole membrorum:
ita enim supra distribuimus. Oportet autem nunc te
recordari quod de puncto jam satis egimus: nam id po-
tentissimum esse, maximeque in figuris dominari ra-
tio docebat. Potentia vero atque dominatus nonne
ostendant quamdam magnitudinem? & in puncto ta-
men nullum spatium reperiēbamus. Non igitur ma-
gnum vel ingentem animum cum audimus aut dici-
mus, quantum loci occupet, sed quantum possit, co-
gitandum est. Quamobrem si jam primum argumen-
tum tuum, quo tibi per ætatem cum corpore animus
crescere videbatur, satis discussum est, transeamus
ad aliud.

CAPUT
XVIII.
Loquen-
di facul-
tas, quæ
puer
paula-
tim asse-
quitur,
non tri-
buenda
incre-
mentis
animæ.

31. E. NESCIO utrum omnia quæ me non fru-
stra movere ad solent, persecuti fuerimus; & fieri po-
test ut recordationem meam aliqua fugiant: verum ta-
men quod nunc in mentem venit videamus quale sit,
quod puer infans non loquitur, atque id crescendo asse-
quitur. A. Facile est istud: nam credo videri tibi ea
lingua quemque loqui, qua loquuntur homines inter
quos natus educatusque sit. E. Nemo id ignorat. A.
Constituē ergo quempiam ibi natum atque altum ubi
homines non loquerentur, sed nutibus membrorumque
motu cogitationes suas sibi met expromendas signa-
rent, nonne censes eum talia esse facturum, neque lo-
cuturum, qui loquentem neminem audierit? E. Nolo
me hoc interroges, quod fieri non potest. Qui enim ta-
les homines inter quos quemquam natum cogitare pos-
sim? A. Itane tu non vidisti Mediolani adolescentem
honestissimi corporis & elegantissimæ urbanitatis, mu-
tum tamen atque ita surdum, ut neque alios nisi motu
corporis intelligeret, neque ipse aliter quæ vellet signi-

A ficaret? hinc enim est notissimus. Nam ego novi rusti-
cum quemdam loquentem, de loquente uxore, filios
omnes mares atque feminas quatuor fere, aut eo am-
plius (non enim satis nunc commemini) mutos surdos-
que genuisse. Nam ex eo quod loqui non poterant,
muti: ex eo autem quod nulla signa nisi oculis collige-
bant, etiam surdi intelligebantur. E. Illum vero ego
bene novi, & de istis nescio quibus credo tibi: sed quor-
um ista? A. Quia dixisti non te posse cogitare inter ta-
les homines nasci quempiam. E. Nec nunc aliud dico:
nam istos nisi fallor, inter eos qui loquerentur, natos
esse concedis. A. Non equidem negaverim, sed cum
jam inter nos constet nonnullos tales homines esse posse,
quæso cogites, si ex hoc genere mas & femina junc-
rentur, atque in aliquam quocumque casu delati soli-
tudinem, ubi tamen vivere valerent, gignerent filium
non surdum, quemadmodum esset cum parentibus iste
locuturus? E. Quemadmodum censes, nisi ut parentes
ei dabant, ita gestu signa redditurum? Sed tamen puer
parvus ne hoc quidem posset: quare illa ratio mea ma-
net integra. Quid enim refert utrum loqui, an gestum
facere crescendo assequatur, cum ad animam utrum-
que pertineat, quam fateri nolumus crescere?

32. A. Jam mihi videris etiam cum in fune quisque
ambulat, ampliorem credere hunc habere animam,
quam eos qui id facere nequeunt. E. Hoc aliud est,
quis enim hoc non videat esse artis? A. Cur obsecro
artis, an quia didicit? E. Ita vero. A. Quare tibi er-
go, etiam si aliud quisque discat, non artis videtur?
E. Plane quidquid discitur, artis esse non nego. A. Non
ergo ille didicit a parentibus gestum facere. E. Didic-
cit sane. A. Oportet igitur & hoc non animæ crescen-
do amplioris, sed imitatoriae cujusdam artis esse con-
cedas. E. Non possum hoc concedere. A. Ergo non
omne quod discitur artis est, quod nunc concesseras.
E. Artis omnino. A. Non ergo ille didicit gestum,
quod item non minus dederas. E. Didicit, sed hoc non
est artis. A. Atqui tu paulo ante dixisti artis esse quod
discitur. E. Age jam concedo & loqui & gestum fa-
cere, eo quod ea didicimus artis esse. Tamen aliæ sunt
artes, quas, dum in alios intendimus, discimus, aliæ
quæ a magistris inferuntur nobis. A. Quæ tandem ista-
rum putas animam, ex eo quod amplior fiat, adipisci?
anne omnes? E. Non omnes puto, sed illas superiores.
A. Nonne tibi ex hoc genere videtur in fune ambula-
re? nam & hoc videndo, ut arbitror, qui id faciunt as-
sequuntur. E. Ita credo: sed tamen non omnes qui hæc
spectant & magno studio intuentur, assequi possunt,
sed qui hujus rei magistros patiuntur. A. Bene sane di-
cis: nam & hoc tibi etiam de locutione responderim:
multi enim Græci & aliud genus lingue crebrius nos lo-
quentes audiunt, quam funi ambulandum spectant, qui ut
linguam nostram discant, quemadmodum nos cum ip-
sorum nosse volumus, sæpe magistris traduntur. Quæ
cum ita sint, miror cur animæ incrementis tribuere ve-
lis quod loquuntur homines, quod autem in fune am-
bulant nolis. E. Nescio quomodo ista confundis: nam
qui ut linguam nostram discat, magistro traditur, no-
vit aliam quamdam suam, quam eum, quod ejus a-
nima creverit, puto didicisse: cum autem discit alie-
nam, non ampliori animæ, sed arti tribuo. A. Quid
si ille qui inter mutos natus atque altus est, fero ac
jam juvenis in alios homines incidens loqui didicisset,
cum aliam linguam nullam nosset, eo tempore puta-
res

res animam ejus crevisse quo loqui didicerat? E. Numquam isthuc ausim dicere; & jam cedo rationi, nec puto amplioris animæ argumentum esse quod loquimur, ne & alias omnes artes cogar fateri crescendo animam consecutam: quod si dixerō, illud sequetur absurdum, decrefcere animam cum quidque obliviscitur.

CAPUT
XIX.
Anima
quomo-
do cre-
fcere mi-
nu. vedi-
citur.

33. A. BENE intelligis, & verum ut audias, recte dicitur anima discendo quasi crescere, & contra minui dediscendo, sed translato verbo, ut superius ostendimus. Tamen illud cavendum est, ne quasi spatium loci majus occupare videatur, dum dicitur crescere; sed majorem quamdam vim peritior quam imperitior habere ad agendum. Magni tamen refert qualia sint illa ipsa quæ discit, quibus quodam modo videtur augeri. Nam ut in corpore tria sunt genera incrementorum, unum necessarium, quo naturalis convenientia impletur in membris; alterum superfluum, quo a ceteris membris integra valetudine augendo aliquid discrepat, per quod interdum evenit ut senis digitis nascantur homines, & pleraque alia, quæ cum præter consuetudinem nimia sunt, monstruosa nominantur; tertium noxium, quod cum accidit, tumor vocatur: nam etiam sic membra crescere dicuntur, & re vera locum occupant ampliorem, sed expugnata bona valetudine: Ita in animo quædam quasi naturalia incrementa sunt, cum honestis & ad bene beateque vivendum accommodatis disciplinis augeri dicitur. Cum vero ea discimus, quæ mirabilia quam utiliora sunt, quamquam nonnullis rebus plerumque opportuna, supervacanea tamen & de illo secundo genere numeranda sunt. Non enim si quidam tibicen, ut Varro auctor est, ita populum delectavit ut rex fieret, ideo animum nostrum illo artificio augendum putare debemus: quia nec majores quam humani sunt dentes habere vellemus; si audissemus, a quopiam, quod tales habuerit, morsu hostem necatum. Noxium vero illud est genus artium, quo animi valetudo sauciatur: nam & odore ac sapore mire dijudicare pulmenta, & quo lacu piscis captus sit, vel quotenne vinum sit, nosse dicere, quædam est MISERANDA PERITIA; & his artibus cum quasi crevisse anima videtur, quæ neglecta mente defluxit in sensus, nihil aliud quam tumuisse vel etiam contabuisse judicanda est.

CAPUT
XX.
Anima
num-
quid ex
se sciat.

34. E. ACCIPIO ista & assentior, nec tamen nihil angor ex eo quod imperita omnium rerum & bruta est anima, quam in puero recens nato quantum licet inspicimus. Cur enim nullam artem secum adtulit, si æterna est? A. Magnam omnino, magnam, & qua nescio utrum quidquam majus sit, quæstionem moves, in qua tantum nostræ sibi met opinioniones adversantur, ut tibi anima nullam, mihi contra * omnes artes secum adtulisse videatur; nec aliud quidquam esse id quod dicitur discere, quam reminisci & recordari. Sed videsne quam hujus temporis non sit, utrum ista habeant ita sese, requirere? Nunc enim agimus ut appareat, si potest, non eam secundum loci spatia parvam magnamve nominari: æternitatem autem ejus si ulla est, opportune scrutabimur cum illud quod quartum posuisti, Cur corpori fuerit data, quantum fas est tractare cœperimus. Quid enim ad talem ejus quantitatem adtinet, semperne an non semper fuerit, futurave sit, aut quod nunc imperita nunc perita est, cum & longum tempus, ne corporibus quidem asferre

A magnitudinis causam, superius probaverimus, & peritiam notissimum sit posse nullam adesse crescentibus, ac sæpe senescentibus opportunam esse, multaue alia dicta sint satis, ut opinor, ad demonstrandum non cum magnitudine corporis, quam ætas affert, etiam animam fieri ampliorem.

35. QUARE videamus, si placet, illud alterum argumentum tuum quale sit, quod per totum spatium corporis tactus sentitur ab anima, quam spatii nullius esse volumus. E. Sinerem jam ad illud transiri, nisi de viribus dicendum aliquid arbitrarer. Quid est enim hoc quod auctiora per ætatem corpora vires præbent animæ ampliores, si cum his amplior non sit anima? Quamquam enim virtus animæ, vires autem corporis putari soleant, numquam tamen ab anima eas abjudicaverim, cum videam in exanimis corporibus nullas esse. Per corpus quidem viribus, sicuti sensibus, uti animam non negandum est; tamen quoniam ista sunt viventis officia, quis hæc dubitaverit ad animam potius pertinere? Cum igitur majores vires in pueris grandiusculis quam in infantibus esse videamus, ac deinde adolescentes juvenesque in dies viribus præstent, donec rursus corpore senescente minuantur, non leve, quantum mihi videtur, crescentis cum corpore, ac deinde senescentis animæ indicium est.

36. A. Non usquequaque absurdum est quod dicis: sed ego vires non magis in amplitudine corporis ætatifque incrementis, quam in exercitatione quadam & conformatione membrorum esse soleo putare: id adeo ut tibi probem, quæro abs te utrum alium alio pertinacius ambulare, ac minus defatigari, majorum virium esse arbitreris? E. Ita sentio. A. Cur ergo puer multo amplius itineris conficiebam sine defectu, cum aucupandi studio in ambulando exercerer, quam adolescens cum me ad alia studia, quibus sedere magis cogebar, contulissem, si accedenti ætati, & per hanc animæ crescenti vires ampliores tribuendæ sunt. Deinde in ipsis luctatorum corporibus palestritæ non molem ac magnitudinem, sed nodos quosdam lacertorum, & restrictos toros, figuramque omnem corporis sibi congruentem peritissime inspiciunt, & hinc potius argumenta virium colligunt. Quæ tamen omnia parum valent, nisi vis artis & exercitationis accedat. Sæpe etiam visum est ingentis corporis viros, ab exiguis brevibusque superari, vel in movendis, vel in ferendis ponderibus, vel in ipso etiam luctamine. Nam Olympionicum quemlibet lassari in itinere citius quam circumforaneum aliquem mercatorem, qui uno illius digito collidi possit, cui est incognitum? Quare si & ipsas vires non peræque omnes, sed alias ad aliud aptiores magnas vocamus, & corporum lineamenta magis & figuræ quam magnitudines valent plurimum, & si exercitationes tantum asferunt, ut celeberrime creditum sit, hominem tollendo quotidie vitulum parvum, egisse ut eum etiam taurum sine sensu majoris oneris, quod paulatim addebatur, tollere ac sustinere posset, nequaquam amplioris ætatis vires cum corpore animam crevisse significant.

37. QUOD si amplius aliquid animalium majora corpora, eo ipso quo majora sunt, habent virium, illa causa est quod lege naturæ cedunt pondera minora majoribus; non modo cum ad proprium locum suo pte nutu feruntur, ut humida & terrena corpora in ipsius mundi medium locum qui est infimus, rursus aëria & ignea sursum versus: sed

CAPUT
XXI.
Vires in
majori
æate
maiores
non sunt
argumē-
tum cre-
scentis
animæ.

CAPUT
XXII.
Unde vi-
res cor-
poris
maiores.

* 1. Retr.
-e. 9. n. 2.

etiam cum aliquo tormento aut jactu aut impulsu aut repulso eo, quo non sponte ferrentur, vi aliena ire coguntur. Nam si ex alto dimiseris, quamquam simul, duos lapides disparis quantitatis, citius quidem major ad terram pervenit: sed si ei minor subjiciatur, eoque inevitabiliter occupetur, cedit profecto, simulque in solum deducitur. Item si dejicitur desuper major, minor autem contra sursum versus jacitur, ubi obviam venerint, percussio minoris, & retrocessio fiat necesse est. Quod ne ideo accidere putes, quod minor contra naturam in sublimia ire cogebatur, alter vero majore impetu locum suum petebat, facito ut major in superna jaculetur, & minori occurrat in terras dejecto, videbis nihilo minus repulsum minorem in cælum cogi, sed percussu ipso cadere in aliam partem, ut qua expeditum est, in ima deferatur. Item si ambo non motu naturali, sed a duobus quasi in campo pugnantibus adversus invicem jacti, sibi in medio spatio complodantur, quis dubitaverit minorem majore esse cessurum, in eam partem unde ipse & quo ille ferebantur? Quæ cum ita sint, id est cum minora, ut dictum est, pondera majoribus cedant, multum tamen refert quanto in sese agantur impetu: nam si majore impetu minor, velut vehementi aliquo tormento emissus infligatur majore vel laxius jaculato, vel jam languescenti, quamvis ab eodem resiliat, retardat illum tamen, aut etiam retro agit pro modo ictuum atque ponderum.

38. His præjactis atque intellectis, quantum præsens negotium postulat, vide nunc eas quæ dicuntur in animalibus vires, utrum rationi huic congruant: nam corpora omnium animalium quis negat suo pondere prædita? Quod pondus nutu animæ actum, quo inclinaverit, multum valet magnitudine propria. Sed nutus animæ ad movendum corporis pondus, nervis quasi tormentis utitur: nervos autem vegetat mobiliioresque efficit siccitas calorque moderatus; contra eos laxat atque infirmat humidus rigor. Itaque somno, quia eum frigidum & humidum dicunt medici & probant, membra languescunt, atque ipse expergefactorum conatus multo est debilior, ideoque nihil est fractius & enervius lethargicis. At quosdam phreneticos, quibus vigiliæ & vini vis & acutæ febres, id est tot calida plus nimio nervos tendunt atque durant, majoribus viribus quam integra valetudine reluctari & multa facere manifestum est, cum eorum corpus sit ægritudine attenuatius & exilius. Si igitur & nutu animæ, & nervorum quodam machinamento, & pondere corporis conflunt hæ quæ vires vocantur, voluntas nutum exhibet, qui pronior sit spe vel audacia, retunditur autem timore, sed multo magis desperatione; nam in metu cum aliqua spes subest, vehementiores vires apparere adsolent: machinamentum configuratio quædam corporis coaptat, temperatio modificat valetudinis, confirmat exercitationis industria: pondus dat moles membrorum, quam ætas & nutrimenta comparant, instaurant autem sola nutrimenta. His omnibus qui æqualiter prævalet, mirandus est viribus, & tanto est alius alio invalidior, quanto plus eum ista deficient. Fitque sæpe ut pertinaci nutu, meliore machinamento alius, quamvis parvum pondus corporis egerit, alium majore mole præditum vincat. Rursusque, nonnumquam tanta moles est, ut etiam si imbecilliore nisu agatur, opprimat tamen parvum adversarium multo

A vehementius innitentem. Cum vero non pondus corporis, nec moderatio nervorum, sed nutus ipse, id est animus cedit, ut omnino valentior, ab omni modo invalidiore; sed tamen timidior ab audacior superetur, nescio utrum viribus adtribuendum sit: nisi quis dicat habere quasdam suas vires animam, quibus ei major audacia vel fiducia pariat. Quæ cum alteri adsunt, alteri desunt, tunc intelligitur quantum animus corpori suo, etiam in eo quod per corpus agitur, antecellat.

39. Quamobrem cum infanti puero solus ad trahendum aliquid vel repellendum nutus sit integer, nervi autem & propter recentem minusque perfectam conformationem inhabiles, & propter humorem qui illi ætati exuberat maridi, & propter nullam exercitationem languidi; pondus vero adeo sit exiguum, ut ne ab alio quidem impactum graviter urgeat, opportuniusque sit ad accipiendam quam ad inferendam molestiam: quis est qui cum hæc omnia quæ desunt, contulisse annos viderit, viresque per eos datas cognoverit, crevisse animam, quæ his in dies amplioribus utatur, recte ac prudenter existimet? Potest enim iste si ab aliquo juvene, quem velamine interposito non conspiciat, parvos ac leves calamos, laxo arcu quantum potest jaculatos, viderit non longe ire, moxque recidere; ac post paululum sagittas jam ferro graves, pennulis vegetas, nervo intentissimo emissas, cælum remotissimum petere; fidesque facta fuerit pari conatu hominis utrumque esse factum, crevisse illum tantillo tempore, atque auctum viribus arbitrari: quo quid dici potest perversius?

40. Deinde anima si crescit, vide quam sit incitum, incrementa ejus de viribus corporis credere, de copia doctrinarum non credere, cum illis solum accommodet nutum, hoc sola possideat. At si crescere animam putamus cum additur viribus, minui putanda est, cum demitur. Demitur autem in senectâ, demitur in labore studiorum; atque his temporibus doctrinæ aggerari atque extrui solent; neque ullo modo eodem tempore simul augeri quidquam & minui potest. Nullum igitur crescentis animæ argumentum est, vires in majore ætate majores. Multa alia dici possunt, sed si jam tibi satisfactum est, modum adhibeo, ut ad alia transeamus. E. Mihi vero satis persuasum est, majores vires non ex eo esse quod anima creverit: nam, ut alia omittere quæ abs te subtiliter dicta sunt, insaniam & morbo corporis animam crescere, cum ipsum corpus minuatur, ne ipse quidem phreneticus dixerit, cui vires multo ampliores, quam sano esse solent, nemo nescit. Unde mihi maxime videtur in nervis esse omne quod miramur, cum præter spem vires in quopiam reperiuntur: quare oro, aggredere jam illud cui totus intendo, cur anima si non tanti spatii magnitudinem habet, quanti corpus est, ubique illius sentit cum tangitur?

41. A. AGE vero, aggrediamur quod vis, sed multo te mihi adtentiore opus est, quam te fortasse existimas esse debere. Quare facito ut quam maxime adsis, ac respondeas mihi, quidnam tibi videatur iste esse sensus quo anima per corpus utitur: nam ipse jam nomine proprio sensus dicitur. E. Sensus esse quinque audire soleo, videndi, audiendi, olfaciendi, gustandi atque tangendi: plus quid respondeam nescio. A. Partitio ista vetustissima est, & fere in concionibus celebrata. Vellem autem definiri mihi abs te, quid sit ipse sensus, ut eadem definitione omnia illa includerentur, neque aliud

CAPUT
XXIII.
Anima
tametsi
per totū
corpus
sentit,
non idcirco
est cum cor-
pore ex-
tensa.
Quid
sensus
& quo-
modo
sit visio.

aliud quidquam quod sensus non esset, in ea intelligeretur: sed si id non potest, nihil urgeo. Illud enim quod satis est, certe potes meam definitionem vel refellere vel probare. E. Hoc modo tibi fortasse non deero, quantum valeo: non enim & hoc semper est facile. A. Adtende ergo: nam sensum puto esse, non latere animam quod patitur corpus. E. Placet mihi hæc definitio. A. Adesto ergo huic tamquam tuæ, ac tue reillam, dum a me paulisper refellitur. E. Tuebor sane si tu adjuveris: sin minime, jam mihi displicet: non enim frustra tibi visa est refellenda. A. Noli nimis ex auctoritate pendere, præsertim mea quæ nulla est. Et quod ait Horatius: Sapere aude: ne non te ratio subjuget prius quam metus. E. Ego prorsus nihil metuo, quoquo res modo processerit: non enim errare me fines. Sed jam incipe si quid habes, ne differendo potius quam adversando defatiger.

Lib. 1.
epistolæ.
ad Lol-
lium.

42. A. Dic igitur quid patiatur corpus tuum cum me vides? E. Patitur omnino aliquid: nam oculi mei partes, nisi fallor, corporis mei sunt, qui si nihil paterentur, quomodo te viderem? A. At non satis est ut persuadeas tuos oculos aliquid pati, nisi etiam quid patiantur ostenderis. E. Quid tandem nisi ipsum visum? nam vident. Si enim me rogares quid pateretur ægrotans, ægritudinem responderem; quid cupiens, cupiditatem; quid metuens, metum; quid gaudens gaudium. Cur ergo roganti quid videns patiatur, non recte ipsum visum respondeam? A. Sed enim gaudens gaudium sentit: an negabis? E. Immo assentior. A. Hoc & de ceteris perturbationibus dixerim. E. Sic habeo. A. Quidquid autem oculi sentiunt, hoc vident. E. Nullo modo istud dederim: quis enim dolorem videat, quem tamen sæpe oculi sentiunt? A. Apparet te de oculis agere: bene vigilas: itaque vide, utrum ut gaudens gaudendo gaudium sentit, ita etiam videns videndo sentiat visum. E. An aliter potest? A. Quidquid autem videns videndo sentit, id etiam videat necesse est. E. Non est necesse: quid enim si amorem videndo sentiat, num & amorem videt? A. Cautissime ac sagacissime, gaudeo quod difficile deciperis. Sed nunc adtende, quoniam constitit inter nos, non omne quod oculi sentiunt, neque omne quod videndo sentitur videri, putasne hoc saltem verum esse, omne quod videtur sentiri? E. Hoc sane nisi concessero, quomodo sensus poterit vocari * quod videmus? A. Quid omne quod sentimus, nonne & patimur? E. Ita est. A. Igitur si omne quod videmus, sentimus; & omne quod sentimus patimur, patimur omne quod videmus. E. Nihil resisto. A. Pateris ergo me, ac vicissim te ego, cum invicem nos videmus? E. Sic existimo, & ad hoc me ratio instanter cogit.

* f. quo.

43. A. Accipe cetera: nam credo absurdissimum & stultissimum videri tibi, si quis affirmet ibi te pati aliquid corpus, ubi non est ipsum corpus quod pateris. E. Videtur absurdum, & ita esse opinor, ut dicis. A. Quid illud, nonne manifestum est alio loco esse meum corpus, alio tuum? E. Manifestum est. A. Sentiunt autem corpus meum oculi tui, & si sentiunt, utique patiuntur; nec possunt ibi pati, ubi id quod patiuntur non est; nec tamen ibi sunt illi, ubi corpus meum est: igitur ibi patiuntur ubi non sunt. E. Ego quidem illa omnia concessi, quæ non concedere absurdum videbam: sed hoc ultimum quod ex his confectum est, ita est absurdus, ut illorum potius aliquid temere me dedisse,

A quam hoc verum esse consentiam: nam oculos meos ibi sentire ubi non sunt, ne in somnis quidem dicere auderem. A. Vide igitur ubi obdormieris: quid enim tibi tandem elaberetur incautius, si ut paulo ante vigilares? E. Enimvero id ipsum mecum sedulo pertracto ac revolve: nihil tamen elucet satis, quod me dedisse pæniteat, nisi forte illud, quod oculi nostri sentiunt cum videmus: visus namque ipse forsitan sentit. A. Immo ita est: is enim se foras porrigit, & per oculos emicat longius quaquaversum potest lustrare quod cernimus. Unde fit ut ibi potius videat, ubi est id quod videt, non unde erumpit ut videat. Non ergo tu vides, cum me vides? E. Quis hoc insanus dixerit? omnino ego video, sed emisso visu per oculos video. A. At si tu vides, tu sentis: si tu sentis, tu pateris: nec potes ibi pati aliquid ubi non es: ibi autem me vides ubi ego sum: ibi igitur pateris ubi ego sum. At si ubi ego sum tu ibi non es, quo pacto audeas dicere videri me ab te, prorsus ignoro. E. Visu, inquam, porrecto in eum locum in quo es, video te ubi es: at me ibi non esse confiteor. Sed quemadmodum si virga te tangerem, ego utique tangerem, idque sentirem; neque tamen ego ibi essem, ubi te tangerem: ita quod dico visu me videre, quamvis ego ibi non sim, non ex eo cogor fateri non me esse qui videam.

44. A. Nihil ergo temere concessisti: nam & oculi tui hoc modo defendi possunt, quorum est quasi virga visus, ut dicis: neque illa est absurda conclusio, quod ibi oculi tui vident ubi non sunt: an tibi aliter videtur? E. Ita sane est ut dicis: nam & illud nunc animadverti, quod si ibi viderent oculi ubi sunt, etiam se ipsos viderent. A. Rectius diceres non, etiam se ipsos; sed, tantummodo se ipsos viderent. Nam ubi sunt, id est quem locum tenent, soli tenent; nec nasus est ibi ubi illi, nec quidquid illis vicinum est: alioquin etiam tu ibi esses ubi ego sum; quia juxta invicem sumus. Quæ cum ita sint, si tantum ibi viderent oculi ubi sunt, nihil amplius quam se ipsos viderent. Cum autem se non vident, non modo cogimur sentire posse illos videre ubi non sunt, sed etiam omnino non posse nisi ubi non sunt. E. Nihil est quod hinc dubitare me faciat. A. Ergo non dubitas ibi eos pati ubi non sunt. Nam ubi vident, ibi sentiunt: ipsum enim videre, sentire est: sentire autem, pati: quare ubi sentiunt, ibi patiuntur. Alibi autem vident quam sunt: ibi igitur patiuntur, ubi non sunt. E. Mirum est, quam ista vera existimo.

45. A. RECTE fortasse existimas. Sed responde obsecro, utrum omne quod per visum cognoscimus, videamus. E. Ita credo. A. Credis etiam omne quod videndo cognoscimus, per visum nos cognoscere? E. Et hoc credo. A. Cur ergo plerumque fumum solum videndo, ignem subter latere cognoscimus quem non videmus? E. Verum dicis; & jam non puto nos videre quidquid per visum cognoscimus: possumus enim, ut docuisti, aliud videndo, aliud cognoscere quod visus non adtigerit. A. Quid, illud quod per visum sentimus, possumusne non videre? E. Nullo modo. A. Aliud est ergo sentire, aliud cognoscere. E. Omnino aliud, nam sentimus fumum quem videmus, & ex eo ignem quem non videmus, subesse cognoscimus. A. Bene intelligis. Sed vides certe cum hoc accidit, corpus nostrum, id est oculos, nihil pati ex igne, sed ex fumo quem solum vident. Etenim

CAPUT
XXIV.
Expenditur definitio sensus.

videre sentire, & sentire pati esse, jam supra consensimus. E. Teneo, & assentior. A. Cum ergo per passionem corporis non latet aliquid animam, non continuo sensus vocatur unus de quinque memoratis; sed cum ipsa passio non latet: namque ille ignis non visus, nec auditus, nec olfactus, nec gustatus, nec tactus a nobis, non tamen latet animam fumo viso. Et cum hoc non latere non vocetur sensus, quia ex igne corpus nihil est passum, vocatur tamen cognitio per sensum, quia ex passione corporis quamvis alia, id est ex alterius rei visione, conjectatum est atque compertum. E. Intellego, & optime video istud congruere ac favere illi definitioni tuæ, quam ut meam mihi defendendam dedisti: nam ita meminisse abs te sensum definitum, cum animam non latet quod patitur corpus. Itaque illud quod fumus videtur, sensum vocamus: passi sunt enim eum oculi videndo, qui sunt corporis partes & corpora: ignem autem ex quo nihil corpus est passum, quamvis cognitus fuerit, sensum non vocamus.

46. A. Memoriam quidem tuam probo & sequacem intelligentiam; verum munitio illa definitionis labascit. E. Cur quæso? A. Quia non negas, ut opinor, non nihil pati corpus cum crescimus vel senescimus, neque id nos ullo sensu sentire manifestum est; nec id tamen animam latet. Non igitur eam latet quiddam quod patitur corpus, nec tamen sensus iste appellari potest. Videndo enim majora ea quæ aliquando minora videramus, & videndo senes eos quos juvenes ac pueros fuisse constat, conjectamus aliquam talem mutationem nostra corpora, etiam nunc dum loquimur, pati. Neque in eo fallimur, ut opinor: nam proclivius est ut me falli dicam quod video, quam quod intelligo capillos meos nunc crescere, corpusve per momenta mutari. Quod si mutatio ista, passio corporis est, quod nemo negat, nec nunc sentitur a nobis, nec tamen animam latet, quia nos non latet, patitur, ut dixi, corpus quod non latet animam, nec sensus est tamen. Quare illa definitio quæ nihil quod sensus non esset, debebat includere, cum hoc inclusit, certe vitiosa est. E. Nihil mihi restare video, quam ut te petam, ut aut definias aliter, aut hanc recures, si potes: nam eam ista ratione quam vehementer probo, vitiosam esse negare non possum. A. Facile est istam corrigere, quod volo tu audeas: facies enim, mihi crede, si bene intellexisti ubi peccet. E. Num alibi quam ubi aliena comprehendit? A. Quo tandem modo? E. Quia quod senescit corpus, quamvis in juvene, non potest negari pati aliquid, idque cum scimus, non latet animam quiddam quod patitur corpus, neque tamen ullo sensu percipi potest: nam nec video me modo senescere, neque id auditu, aut olfactu, aut gustatu, aut tactu sentio. A. Unde ergo illud nosti? E. Ratione id colligo. A. Quibus argumentis ratio tua nititur? E. Quod alios video senes, qui ut ego nunc sum, juvenes erant. A. Nonne sensus est, quo eos vides, unus de quinque? E. Quis negat? Sed ex eo quod illos video, me quoque cum id non videam, conjecto senescere. A. Quid verborum ergo illi definitioni, quo perficiatur addendum putas, cum sensus non sit, nisi non lateat animam corporis passio, nec tamen ita ut eam per aliam passionem, aut per aliud quodlibet intelligat? E. Dic quæso istud paulo planius.

CAPUT XXV.
Defini- 47. A. GERAM tibi morem, & multo libentius retardanti quam festinanti: sed fac totus adsis: valebit

A enim hoc ad plura quod dicam. Definitio nihil minus, nihil amplius continet, quam id quod susceptum est explicandum, aliter omnino vitiosa est. Utrum autem huiusmodi vitiis careat, conversione exploratur, quod his exemplis tibi fiet apertius. Si enim me rogares quid esset homo, & eum hoc modo definirem, Homo est animal mortale: non continuo quia verum dictum est, etiam definitionem probare deberes, sed superposita ei particula, id est, omnis, convertere illam & intueri, utrum etiam conversa vera esset: hoc est, utrum quemadmodum verum est, omnis homo animal mortale est, ita esset verum, omne animal mortale homo est; quo aliter invento, improbare definitionem propter illud vitium quo aliena comprehendit: non enim solus homo est animal mortale, sed etiam quævis bestia. Hæc igitur hominis definitio perfici solet, cum additur mortali rationale: nam homo est animal mortale rationale; atque ut omnis homo animal rationale mortale est, ita omne animal rationale mortale homo est. Plus continendo ergo superior definitio vitiosa erat, bestiam enim cum homine continebat: ista perfecta est, nam & omnem hominem, & nihil plus quam hominem tenet. Tenendo autem minus, ita vitiosa est si addas grammaticum: quamquam enim omne animal rationale mortale grammaticum homo sit, plures tamen homines qui grammatici non sunt, hac definitione non continentur: & ob hoc ista per primam illam propositionem falsa est, cum autem convertitur vera. Falsum est enim, omnis homo animal rationale mortale grammaticum est: sed verum est, omne animal rationale mortale grammaticum, homo est. Cum autem neque per primam propositionem, neque per conversionem enuntiata vera est, his singulis est profecto vitiosior: ut sunt istæ duæ, homo est animal candidum, aut, homo est animal quadrupes. Nam & si dicas, omnis homo animal candidum est, aut animal quadrupes, falsum dicis; etsi convertas. Sed hoc inter se differunt, quod illa prima in aliquos homines cadit, nam plerique sunt homines candidi: hæc altera in neminem, non enim quisquam homo quadrupes. Hæc pro tempore ad explorandas definitiones didiceris, quemadmodum propositione atque conversione judicentur: sunt alia multa de hoc genere quæ docentur, & verborum plena & tenebrarum, quæ paulatim ubi opportunum videbitur, conabor ut discas.

48. Nunc converte animum ad illam definitionem nostram, & eam peritior cum discusseris corrige: inveneramus enim eam, cum definitio sensus esset, complecti aliud quod sensus non esset, & ideo non esse cum convertitur veram. Fortasse enim verum est, Omnis sensus passio corporis est animam non latens; ut verum est, Omnis homo animal mortale est: at ut falsum est, omne animal mortale homo est, quia id est & bestia; ita falsum est, Omnis passio corporis non latens animam, sensus est; quia nunc nobis unguis crescunt, nec animam latet, id enim scimus; neque id sentimus, sed conjectatione cognoscimus. Quemadmodum ergo illi definitioni hominis ut perficeretur, additum est rationale, quo addito bestię, quæ simul continebantur, exclusæ sunt, nihilque præter hominem, atque omnem hominem tali definitione comprehendimus, nonne censes aliquid etiam huic addendum esse, quo inde se jungatur quod tenet alie-

tio quomodo examinanda.

alienum, nec quidquam in ea nisi sensus, & omnis sensus intelligatur? E. Censeo quidem, sed quid addi possit ignoro. A. Sensus est certe omnis passio corporis non latens animam: sed converti non potest hæc enuntiatio, propter passionem illam corporis qua vel crescit vel decrescit scientibus nobis, id est, ut non lateat animam. E. Ita est. A. Quid, hæc passio per se ipsam non latet animam, an per aliud? E. Per aliud plane: aliud est enim videre ungues majores, aliud scire quod crescant. A. Cum ergo crescere ipsum sit passio, quam nullo sensu adtingimus, magnitudo autem illa quam sentimus, eadem passione facta sit, non ipsa sit passio, manifestum est talem passionem non per seipsam scire nos, sed per aliud. Si ergo non per aliud animam non lateret, nonne sentiretur potius quam conjiceretur? E. Intelligo. A. Cur ergo dubitas quid illi definitioni sit addendum? E. Jam video sic esse definiendum, ut sensus sit passio corporis per se ipsam non latens animam: nam & omnis sensus hoc est, & omne hoc, ut opinor, sensus est.

49. A. Si hoc ita est, fateor definitionem esse perfectam. Sed tentemus eam, si placet, utrum illo secundo vitio non vacillet, quo illa hominis, cui grammaticum est additum. Nam meminisse te oportet, quod esse hominem dictum est animal rationale mortale grammaticum; eoque peccare istam definitionem, quod conversione vera est, cum prima enuntiatione sit falsa. Namque falsum est, omnis homo animal rationale mortale grammaticum est; quamvis verum sit, omne animal rationale mortale grammaticum homo est. Ergo ideo vitiosa est hæc definitio, quod nihil quidem præter hominem, sed non omnem hominem tenet: & hæc fortasse talis est, de qua velut perfecta gloriamur. Quamquam enim omnis passio corporis per se ipsam non latens animam sensus sit, non tamen omnis sensus istud est. Quod sic intelligas licet; bestiarum nempe sentiunt, ac pene omnes quinque illis sensibus vigent, quantum cuique natura tributum est: an tu id negabis? E. Nihil minus. * A. Quid, hoc nonne concedis, scientiam non esse nisi cum res aliqua firma ratione percepta & cognita est? E. Concedo. A. At bestia ratione non utitur. E. Et hoc concedo. A. Non igitur scientia cadit in bestiam; cum autem non latet aliquid, utique scitur: non igitur sentiunt bestiarum, si omnis sensus est cum passio corporis per se ipsam non latet animam: sentiunt autem, ut paulo ante concessum est: quid ergo dubitamus illam definitionem improbare, quæ omnem sensum circumplecti minime potuit, siquidem bestiarum sensus exclusus est?

50. E. Fateor me deceptum, cum tibi concessi scientiam tunc esse cum aliquid firma ratione percipitur. Solos enim homines cum hoc rogabas intuebar: nam neque possum dicere ratione uti bestias, nec eis possum scientiam denegare. Sciebat enim, ut opinor, dominum suum canis, quem post viginti annos recognovisse perhibetur, ut taceam de ceteris innumerabilibus. A. Dic mihi, oro te, si duæ quædam res tibi proponantur, una ad quam perveniendum sit, altera per quam pervenire possis, quam istarum pluris pendis, & quam cui præponis? E. Quis dubitat eam præstare ad quam sit perveniendum? A. Ergo cum sint duæ res quædam scientia & ratio, per scientiam pervenimus ad rationem, an per rationem ad scientiam? E. Utraque res sibi met, quantum arbitror, ita nexa

A est, ut per alterutram ad alteram perveniri possit. Namque ad ipsam rationem non perveniremus, nisi ad eam perveniendum esse sciremus. Præcessit ergo scientia, ut ad rationem per eam perveniremus. A. Quid, ad ipsam scientiam quam dicis præcedere, si ne ratione pervenitur? E. Numquam hoc dixerim: nam est ista summa temeritas. A. Per rationem igitur. E. Non ita est. A. Ergo per temeritatem. E. Quis hoc dixerit? A. Per quid igitur? E. Per nihil, quia scientia insita est nobis.

51. A. Oblitus mihi videris, quid inter nos superius convenerit, cum rogassem utrumnam putares tunc esse scientiam, cum res aliqua firma ratione percipitur. Nam respondisti, ut opinor, hanc tibi videri humanam scientiam: nunc vero dicis posse hominem habere aliquam scientiam, cum rem nulla ratione perceperit. Quis autem non videat nihil sibi adversius esse, quam ista duo sunt, & non esse scientiam nisi cum res aliqua firma ratione percipitur, & esse cujusdam rei scientiam nulla ratione perceptæ. Itaque nosse cupio, utrum horum eligas; nam utrumque verum esse nullo pacto potest. E. Hoc eligo quod paulo ante dixi: nam illud superius temere me dedisse confiteor. Cum enim ratione inter nos verum quæramus, idque fiat rogando & respondendo, quomodo posset ad summam pervenire qua concluditur ratio, nisi prius aliquid concederetur? Concedi autem recte qui posset quod nesciretur? Ita ista ratio nisi inveniret in me aliquid cognitum, quo innitens ad incognitum duceret, nihil omnino per illam discerem, nec eam prorsus rationem nominarem. Quamobrem frustra mihi non assentiris ante rationem necessario esse in nobis aliquam scientiam, unde ipsa ratio sumat exordium. A. Geram tibi morem, & te quidem ut institui, quoties alicujus dati pænitet, emendare permittam: sed ne quæso abutaris ista licentia, & negligenter cum interrogo adtendas, ne assidue male concessa, etiam de iis quæ bene conceduntur, dubitare te cogant. E. Perge potius ad cetera, quamvis enim addam vigilantiam meam quidquid possum, nam & me pudet de sententia cadere toties, numquam tamen deterrear pudori huic reniti, & lapsum meum te præsertim manum dante corrigere. Neque enim est ideo suscipienda pertinacia, quia optanda constantia.

52. A. PROVENIAT tibi plane ista constantia quam citissime potest, ita mihi placitam sententiam protulisti. Sed nunc fito quam præsentissimus ad ista quæ volo. Quæro enim abs te, quid tibi interesse videatur inter rationem & ratiocinationem. E. Non satis valeo ista discernere. A. Hoc ergo intueri, utrum existimes homini jam adolescenti, vel viro, aut (ut omnem ambagem auferam) sapienti sine intermissione inesse rationem, dum mente sanus est, sicut bonam valetudinem corpori, dum peste ac vulneribus caret: an sicut ambulare, sedere, loqui, modo inesse, modo deesse. E. Sanæ menti semper puto inesse rationem. A. Quid hoc, dum per ea quæ conceduntur ac manifesta sunt, vel interrogando alium, vel connectendo alia, perducimus nos ad alicujus rei cognitionem, videturne tibi aut nos, aut quivis sapiens semper facere? E. Non semper: non enim semper homo quilibet aut sapiens quantum opinor, vel secum vel cum alio quærit aliquid differendo: nam qui quærit, nondum invenit: ita si semper quærit, num

*
CAPUT
XXVI.
Scientia
& ratio
num in
bestiis?

odysseæ
8.

CAPUT
XXVII.
Ratio &
ratiocina-
tio.

numquam invenit. Sapiens autem jam invenit, ut nihil aliud dicam, vel ipsam sapientiam, quam cum esset stultus differendo fortasse, aut quoquo modo alio poterat, requirebat. A. Recte dicis: quare intelligas volo non esse istam rationem, dum per ea quæ conceduntur atque cognita sunt, ad aliquid incognitum ducimur: hoc enim non semper, ut jam consensimus, inest menti sanæ; ratio autem semper.

53. E. Intelligo; sed quorsum ista? A. Quia paulo ante dixisti, propterea me tibi debere assentiri scientiam nos habere ante rationem, quod cognito aliquo nititur, dum nos ratio ad incognitum ducit: nunc autem invenimus non rationem vocandam esse dum hoc agitur: non enim sana mens agit hoc semper, cum semper habeat rationem: sed recte ista fortasse ratiocinatio nominatur, ut **RATIO** sit quidam mentis adspectus, **RATIOCINATIO** autem rationis inquisitio, id est adspectus illius per ea quæ adspicienda sunt motio. Quare ista opus est ad quærendum, illa ad videndum. Itaque cum ille mentis adspectus, quem rationem vocamus, coniectus in rem aliquam, videt illam, scientia nominatur: cum autem non videt mens, quamvis intendat adspectum, incitiam vel ignorantia dicitur. Non enim & his corporalibus oculis omnis qui adspicit videt, quod in tenebris facillime animadvertimus. Ex quo liquet, ut opinor, aliud esse adspectum, aliud visionem, quæ duo in mente rationem & scientiam nominamus: nisi quid te adversus hæc movet, aut parum dilucide ista distincta arbitraris. E. Per mihi hæc distinctio placet, & libenter assentior. A. Vide ergo nunc, utrum nos adspicere putes ut videamus, an videre ut adspiciamus. E. Hinc vero ne cæcus quidem quisquam dubitaverit, adspectum esse propter visionem, non visionem propter adspectum. A. Fatendum igitur visionem plurisquam adspectum esse pendendam. E. Fatendum omnino. A. Ergo & scientiam plurisquam rationem. E. Consequens video. A. Placetne tibi meliores aut feliciores esse hominibus bestias? E. Avertat Deus tam immanem amentiam. A. Recte sane exhorruisti; sed ad id nos cogit sententia tua: dixisti enim eas habere scientiam, & non habere rationem. Rationem autem habet homo, per quam vix ad scientiam pervenitur. Sed ut concedam facile perveniri, quid nos adjuvabit ratio, ut bestiis nos anteponendos putemus, cum illæ habeant scientiam, & hanc plurisquam rationem pendendam esse compertum sit?

CAPUT
XXVIII.
Bestiæ
vim sentiendi
habent,
non
scientiam.

54. E. **COGOR** omnino aut scientiam bestiis non concedere, aut nihil recusare quin mihi merito anteponantur. Sed quæso explica illud, quod de cane Ulyssis commemoravi, qualenam sit: nam ejus admiratione commotus tam inaniter latravi. A. Quid autem hoc putas esse, nisi vim quamdam sentiendi, non sciendi? Sensu enim nos bestiæ multæ superant, cujus rei causam non hic locus est ut quæramus: mente autem, ratione, scientia, nos illis Deus præposuit. Sed ille sensus ea quibus tales animæ delectantur, accedente consuetudine cujus magna vis est, potest discernere, atque eo facilius, quod anima beluarum magis corpori affixa est, cujus illi sunt sensus quibus utitur ad victum voluptatemque, quam ex eodem illo corpore capit. Humana vero anima per rationem atque scientiam, de quibus agimus quod sunt ista longe præstantiora sensibus, suspendit se a

A corpore quantum potest, & ea quæ intus est, libentius fruitur voluptate, quantoque in sensus declinat, tanto magis similiorem hominem pecori facit. Inde est quod etiam pueri vagientes, quanto alieniores a ratione sunt, tanto facilius discernunt sensu etiam contactum conjunctionemque nutricum, nec odorem aliarum possunt sustinere, cum quibus consuetudo non fuit.

55. Quamobrem quamvis aliud ex alio inciderit, libenter tamen in eo sermone demoror, quo admonetur anima, ne se ultra quam necessitas cogit refundat in sensus, sed ab his potius ad se ipsam colligat, & repuerascat Deo: quod est novum hominem fieri vetere exuto, a quo incipere propter neglectam Dei legem certa est necessitas, quo neque verius neque secretius quidquam scripturis divinis continetur. Vellem hinc plura dicere, ac me ipsum constringere, dum quasi tibi præcipio, ut nihil aliud agerem quam * redderem mihi, cui me maxime debeo: atque ita Deo fieri, quod ait Horatius, Amicum mancipium Domino. Quod omnino fieri non potest, nisi ad ejus reformemur imaginem, quam nobis ut pretiosissimum quiddam & carissimum custodiendam dedit, dum **NO SIPSOS** nobis tales dedit, qualibus nihil possit præter ipsum anteponi. Hac autem actione nihil mihi videtur operosius, & nihil est cessationi similis: neque tamen eam suscipere aut implere animus potest, nisi eo ipso adjuvante cui redditur. Unde fit ut homo ejus clementia reformandus sit, cujus bonitate ac potestate formatus est.

56. Sed ad propositum redire cogimur. Quare vide utrum tibi jam probatum sit, feras non habere scientiam, totamque illam velut imaginem scientiæ, quam miramur, vim esse sentiendi. E. Probatum sane, & si quid de hoc diligentius quærendum est, aliud tempus aucupabor, nunc nosse cupio quid hinc conficias. * A. Quid aliud putas, nisi definitionem illam sensus, ut antea quod nescio quid plus quam sensum includebat, ita nunc contrario vitio vacillare, quod non omnem sensum potuit includere? Habent enim feræ sensum, nec habent scientiam: quidquid autem non latet, scitur; & omne quod scitur, ad scientiam profecto pertinet; de quibus omnibus jam mihi tecum convenit. Aut igitur non est verum, sensum esse passionem corporis non latentem animam; aut eo carent bestiæ, quia scientia carent: sensum autem concedimus bestiis: definitio ergo illa vitiosa est. E. Fateor nihil me invenire quo resistam.

57. A. Accipe aliud quo magis nos hujus definitionis pudeat. Nam meministi, ut opinor, tertium definitionis vitium tibi demonstratum, quo prorsus nihil est turpius, cum ex neutra parte vera est, qualis est illa hominis, homo est animal quadrupes: nam sive, omnis homo animal est quadrupes, sive, omne animal quadrupes homo est, qui dicit atque affirmat; insanit profecto, si non jocatur. E. Verum dicis. A. Quid si in hoc etiam vitio ista nostra deprehenditur, putasne quidquam magis esse quod sit explodendum atque exterminandum de anima? E. Quis id recuset? Sed nollem, si fieri potest, etiam hic tamdiu detineri, atque interrogatiunculis agitari. A. Nihil est quod metuas, jam enim confectum est negotium: an tibi nondum persuasum est, cum de differentia ferarum & hominum ageretur, aliud esse sentire, aliud scire? E. Immo maxime. A. Aliud ergo sensus, aliud scientia.

* 1. Re.
traff. c. 8.
n. 3.

*
CAPUT
XXIX.
Scientia
& sensus
quid differant.

tia. E. Ita est. A. Non autem sentimus ratione; sed aut visu, aut auditu, aut olfactu, aut gustatu, aut tactu. E. Assentior. A. Et omne quod scimus, ratione scimus: nullus igitur sensus scientia est. Quidquid autem non latet, ad scientiam pertinet: ad nullum ergo sensum pertinet non latere, ut nullus homo quadrupes recte dici potest. Quamobrem ista nostra definitio suscepta tua, non solum alienos terminos invasisse, neque aliquid sui juris reliquisse, sed nihil omnino habuisse proprium, totumque alienum occupasse convicta est. E. Quid ergo agemus? Patierisne illam de iudicio ita discedere? Quamquam enim ego ei defensionem qualem potui præbuerim, tu tamen ipsam litis formulam, quæ nos decepit, composuisti. Et ego quidem tamen si obtinere non potui, bona fide adfui, quod mihi satis est. Tu vero si prævaricationis arguaris, quid facias, a quo & producta est ut iurgaret audenter, & oppugnata ut turpiter cederet? A. Numquidnam est hic quisquam iudex, a quo huic vel mihi metuendum sit? Ego te privatim quasi adhibitus jurisconsultus, instruendi causa refellere volui, ut cum ad iudicium ventum fuerit, paratus adstas.

58. E. Est ergo aliquid quod pro ista proferas, quam mihi invalidissimo temere defendendam tuendamque commendas? A. Est certe. * E. Quidnam id est, obsecro? A. Quia quamquam sit aliud sensus, aliud scientia, illud tamen non latere utrique commune est, ut ipsi homini & bestię, quamvis plurimum differant, animal tamen esse commune est: non latet enim quidquid animæ apparet, sive per a temperationem corporis, sive per intelligentiæ puritatem; atque illud primum sensus, hoc autem alterum scientia sibi vindicavit. E. Manet ergo illa definitio tuta & probata. A. Manet vero. E. Ubinam ergo deceptus sum? A. Ubi rogavi, utrum omne quod non latet sciatur: tu enim huic rogationi temere assensus es. E. Nam quid velles dicerem? A. Non continuo esse scientiam si quid non latet: sed si per rationem non latet: cum autem per corpus non latet, sensum vocari, si per se ipsam non lateat corporis passio. An ignoras quibusdam philosophis & peracutis visum esse, ne id ipsum quidem quod mente comprehenditur, ad nomen adspirare scientiæ, nisi tam firma comprehensio sit, ut ab ea mens nulla ratione queat dimoveri?

59. E. Accipio ista gratissime: sed quæso quoniam quid sit sensus, subtilissime quantum arbitror explicatum est, referamus nos ad illam quæstionem, propter quam explicandum hoc susceperamus. Aduereram enim ego argumentum, quo tantam probarem animam esse, quantum ejus est corpus, eo quod tangentem a capite usque ad pedis extremum pollicem sentit quaquaversum tetigeris, atque inde ad sensus definitionem morarum plenissimam, sed forte necessario delati sumus. Itaque ipsum fructum tanti operis jam ostende, si placet. A. Est omnino, atque uberrimus: nam totum quod quærebarus, effectum est. Si enim sensus est corporis passio per se ipsam non latens animam, quod ut firmissime teneremus, diutius quam velles sermocinati sumus, meministine tandem nos comperisse ibi sentire oculos ubi non sunt, vel potius ibi pati? E. Memini.

A. Etiam illud dedisti, nisi fallor, nec modo dubitas dandum fuisse, animam multo quam totum corpus est, esse meliorem ac potentiorum. E. Hinc vero dubitare nefarium puto. A. Age, si corpus potest ibi pati aliquid ubi non est, propter quamdam cum anima contemperationem, quod oculis in cernendo accidere inventum est, adeone animam crassam & pigram putamus, per quam ipsi oculi tantum possunt, ut eam lateat corporis passio, si non ibi jaceat, ubi passio ipsa contingit?

60. E. Multum me movet ista conclusio, & ita multum ut omnino stupeam, & non solum quid respondeam, sed prorsus ubi sim non inveniam. Quid enim dicam? sensum non esse, cum corporis passio per se ipsam non latet animam? quid erit aliud, si hoc non est? Oculos nihil pati cum videmus? absurdissimum b est. Eos ibi pati ubi sunt? at se ipsos non vident, nec ubi sunt quidquam est præter ipsos. Non esse oculis animam potentiorum, cum eadem sit istorum potentia? nihil est dementius. An hoc dicendum est, potentius esse ibi pati, ubi quidque sit, quam ubi non sit? sed si hoc verum esset, non esset præstantior visus ceteris sensibus. A. Quid quod ictum aliquem, vel incidens quidpiam, vel humoris perturbationem cum ibi patiantur oculi ubi sunt, neque hoc animam latet, nec ista passio visus, sed tactus vocatur: & tamen talia pati oculus posset etiam in exanimo corpore, quamvis deesset anima, quam passio non lateret: illud autem quod pati non potest oculus, nisi adsit anima, id est quod videndo patitur, hoc solum ibi patitur, ubi non est? Ex quo cui non videatur, nullo loco animam contineri? Si quidem oculus, quod est corpus, id tantum non loco suo patitur, quod numquam sine anima pateretur.

61. E. Quid igitur faciam, quæso te? Nonne istis rationibus confici potest, animas nostras non esse in corporibus? quod si ita est, nonne ubi sim nescio? Quis enim mihi eripit, quod ego ipse anima sum? A. Ne perturbare, ac magis bono animo facito sis. Ista enim cogitatio & consideratio ad nosmetipsos nos invitat, & quantum licet avellit a corpore. Quod autem tibi visum est, non esse animam in corpore viventis animantis, quamquam videatur absurdum, non tamen doctissimi homines, quibus id placuerit, defuerunt, neque nunc arbitror deesse: sed ut ipse intelligis, res est subtilissima, & ad quam cernendam mentis acies satis purganda est. Nunc adtende potius quid aliud afferas, quo convincas animam vel longam vel latam esse, vel quid ejusmodi: nam illud argumentum tuum de tangendi sensu, sentis non adtingere veritatem, nec valere aliquid, ut eam per totum corpus tamquam sanguinem diffusam esse convincat: aut si jam quod afferas nihil habes, videamus quæ restant.

62. E. NIHIL haberem fortasse, nisi recordarer quantum pueri mirari solemus palpitantes laceratarum caudas amputatas a cetero corpore, quem motum sine anima fieri nullo modo mihi persuadere possum: neque quo pacto fiat, ut nullum sit animæ spatium, quando præcidi etiam cum corpore potest, intelligo. A. Possem respondere aerem & ignem; quæ duo per animæ præsentiam tenentur in corpore terreno & humido, ut omnium quatuor fiat contemperatio, dum post ejusdem animæ abscissum ad

*

CAPUT
XXX.
Anima
quæ ubi-
que sen-
tiat in
corpore,
non id-
circo est
per to-
tum cor-
pus dif-
fusa.

a.

b.

a Bad. Er. & Lov. per temperantiam corporis. At MSS. nullo fere excepto habent, per temperationem.

b In hætenus editis, Absurdissimum est eos ibi pati ubi sunt, ut

se ipsos non videant; excepto tamen Bad. qui prope accedit ad MSS. lectionem, quam hic restituimus.

CAPUT
XXXI.
Vermi-
culi scđi
partes
moven-
tur: an
argu-
mentum
est ani-
mæ per
totum
corpus
extensæ.

ad superna evadunt, ac sese expediunt, movere illa corpuscula tanto concitatus, quanto plaga recentiore subito erumpunt: deinde porro motum languescere, postremo desinere, dum minus minusque fit quod effugit, ac deinde totum evolat. Sed ab hoc me revocat quod his hausi oculis pene serius quam credi potest; sed certe non serius quam deberem. Cum enim nuper in agro essemus Liguria, nostri illi adolescentes qui tunc mecum erant studiorum suorum gratia, animadvertunt humi jacentes in opaco loco, reptantem bestiolam multipedem, longum dico quemdam vermiculum: vulgo notus est, hoc tamen quod dicam numquam in eo expertus eram. Verso namque stilo quem forte habebat unus illorum, animal medium percussit: tum ambæ partes corporis ab illo vulnere in contraria discesserunt, tanta pedum celeritate, ac nihilo imbecilliore nisu, quam si duo hujuscemodi animantia forent. Quo miraculo exterriti, causæque curiosi, ad nos, ubi simul ego & Alypius confidebamus, alacriter viventia frustra illa detulerunt. Neque nos parum commoti, ea currere in tabula quaquaversum poterant cernebamus: atque unum ipsorum stilo tactum, contorquebat se ad doloris locorum, nihil sentiente alio, ac suos alibi motus peragente. Quid plura? Tentavimus quatenus id valeret, atque vermiculum, immo jam vermiculos in multas partes concidimus: ita omnes movebantur, ut nisi a nobis illud factum esset, & comparerent vulnera recentia, totidem illos separatim natos, ac sibi quemque vixisse crederemus.

63. Sed tunc ego quod illis adolescentibus dixi, cum intenti me intuerentur, tibi nunc dicere vereor: jam enim tantum processimus, ut nisi tibi aliter respondero quod secundum meam causam probabiliter valet, tanta nostra intentio per tam longum munita sermonem, ab uno vermiculo penetrata succubuisse videatur. Illis autem præceperam, ut in studiis, sicuti cœperant, suum cursum tenerent; ita eos opportunius aliquando ad quærenda & discenda ista, si res moneret, esse venturos. Sed quæ illis discedentibus cum Alypio fermocinatus sum, cum uterque nostrum pro suo quisque modulo recordaretur & conjectaret & quæreret, si exponere velim, longe plura nobis dicenda sunt, quam ab ipso principio tantis ambagibus atque amfractibus dicta sunt: non apud te tamen tacebo quod sentio. Nisi mihi tunc multa jam nota essent de corpore, de specie quæ inest corpori, de loco, de tempore, de motu, quæ subtilissime atque abstrusissime propter hanc ipsam quæstionem differuntur, ad dandam palmam iis, qui corpus esse animam dicunt, declinarem. Quapropter te ut possum etiam atque etiam moneo, ne temere aut in libros aut in disputationes loquacissimorum hominum, nimiumque sensibus his corporeis credentium te præcipites, donec corrigas firmesque vestigia, quæ usque ad ipsum Deum animam ducunt: ne ab illo secretissimo & tranquillissimo mentis habitaculo, a quo nunc dum hæc incolit peregrina est, studiis facilius & laboribus, quam inertia desidiaque avertaris.

64. Nunc autem accipe contra illud quo, ut sentio, multum moveris, non quod robustius de multis, sed quod brevius; neque quod mihi probabilius quam cetera, sed quod tibi aptius eligere potui. E. Dic, oro te, quam citissime potes. A. Primum illud dico, si maxime causâ lateat, cur in concisione quorundam corporum illa contingant, non continuo nos hoc

A uno ita perturbari oportere, ut tam multa quæ superius luce clariora tibi visa sunt, falsa esse arbitremur. Fieri enim potest ut hujus rei causâ nos lateat, quæ vel humanæ naturæ occultata est, vel sit alicui homini cognita, nec iste a nobis interrogari possit, aut etiam hoc ingenio ipsi simus, ut satisfacere nobis interrogatus non possit. Numquidnam ex eo quidquid ex contraria parte firmissime didicimus, ac verissimum esse confitemur, labi nobis atque extorqueri decet? Atqui si illa maneant integra, quæ interrogatus certa & indubia esse respondisti, nihil est quod istum vermiculum pueriliter metuamus, quamquam vivacitatis & numerositatis ejus causam non valeamus afferre. Si enim apud te de aliquo fixum immotumque constaret, quod esset vir bonus, eumque in latronum convivio quos persequerere deprehenderes, atque aliquo casu ante quam abs te interrogari posset moreretur, quamlibet causam putares potius illius cum sceleratis conjunctionis atque convivii, etiam si te semper lateret, quam scelus & societatem. Cur ergo non, cum tam multis argumentis superius editis, atque abs te firmissime comprobatis, planum tibi factum sit non loco animam contineri, atque ob hoc nullius talis esse quantitatis qualem in corporibus cernimus, aliquam suspicaris esse causam, cur nonnullum animal concisum in omnibus partibus vivat, non eam tamen quod cum corpore anima concidi potuerit? Quam si reperire non possumus, quærenda nonne est potius vera, quam falsa credenda?

65. DEINDE quæro abs te, utrum putes in verbis nostris aliud esse ipsum sonum, aliud quod sono significatur. E. Ego utrumque idem puto. A. Dic mihi ergo, sonus ipse unde procedat cum loqueris? E. Quis dubitet a me procedere? A. Abs te ergo sol procedit, dum nominas *solem*? E. De sono me, non de re ipsa interrogasti. A. Aliud ergo sonus est, aliud res quam significat sonus: tu autem utrumque idem esse dixeras. E. Age jam concedo aliud esse significantem sonum, aliud rem quæ significatur. A. Dic ergo utrum posses gnarus latinæ linguæ nominare in loquendo *solem*, si non intellectus *solis* præcederet sonum. E. Nullo modo possem. A. Quid ante quam ipsum nomen de ore procedat, si volens id enuntiare aliquamdiu te in silentio teneas, nonne in tua cogitatione manet, quod expressa voce alius auditurus est? E. Manifestum est. A. Quid cum ipse sol tantæ sit magnitudinis, num illa notio ejus, quam cogitatione ante vocem tenes, aut longa, aut lata, aut quid ejusmodi videri potest? E. Nullo modo.

66. A. Age jam dic mihi, cum ore ipsum nomen erumpit tuo, atque id ego audiens solem cogito, quem tu ante vocem & cum ipsa voce cogitasti, & nunc fortasse ambo cogitamus, nonne tibi videtur nomen ipsum veluti accepisse abs te significationem, quam ad me per aures deportaret? E. Videtur. A. Cum ergo nomen ipsum sono & significatione constet, sonus autem ad aures, significatio ad mentem pertineat, nonne arbitraris in nomine velut in aliquo animante sonum esse corpus, significationem autem quasi animam soni? E. Nihil mihi videtur similius. A. Adtende nunc, utrum nominis sonus per litteras dividi possit, cum anima ejus, id est significatio non possit? Siquidem ipsa est quam paulo ante in nostra cogitatione nec latam nec longam respondisti tibi videri. E. Prorsus assentior.

CAPIT
XXXII.
Dissecto
corpore
anima
non se-
catur.

tior. A. Quid cum per litteras singulas sonus ille dividitur, videtur tibi significationem illam retinere? E. Quomodo possunt singulæ litteræ significare quod nomen, quod ex his confit, significat? A. At cum perdita significatione discerptus in litteris sonus est, num aliud putas esse factum, quam dilaniato corpore discessisse animam, & quasi mortem quamdam nominis contigisse? E. Non solum assentior, sed ita libenter, ut nihil me magis in hoc sermone delectaverit.

Frustra
dissecti
corporis
vivere
possunt
cum a-
nima se-
cta non
sit.

67. A. SI ERGO satis perspexisti in hac similitudine, quomodo possit dissecto corpore anima non secari, accipe nunc quomodo frustra ipsa corporis, cum anima secta non sit, vivere possint. Jam enim concessisti, & recte, ut opinor, significationem quæ quasi anima soni est, dum nomen editur, per se ipsam nullo pacto dividi posse, cum ipse sonus, quod velut corpusejus est, possit. Sed in *solis* nomine ita soni est facta divisio, ut nulla pars ejus significationem aliquam retineret. Itaque illas litteras dilacerato corpore nominis, tamquam ex anima membra, id est, significatione carentia, considerabamus. Quamobrem si aliquod nomen invenerimus, quod divisum queat etiam singulis partibus quidpiam significare, concedas oportet, non omnimodam veluti mortem tali præcisione factam esse, cum tibi membra separatim considerata quodlibet significantia & quasi spirantia videbuntur. E. Concedam omnino, & ut jam id ipsum sonus, flagito. A. Accipe: nam dum viciniam *solis* adtendo, de cujus nomine superius egimus, *lucifer* mihi occurrit, qui profecto inter secundam & tertiam syllabam scissus, non nihil priori parte significat, cum dicimus *luci*, & ideo in hoc plus quam dimidio corpore nominis vivit. Extrema etiam pars habet animam: nam cum ferre aliquid juberis, hanc audis. Qui enim posses obtemperare, si quis tibi diceret, Fer codicem, si nihil significaret *fer*; quod cum additur *luci*, *lucifer* sonat, & significat stellam: cum autem demitur, non nihil significat, & ob hoc quasi retinet vitam.

68. Cum autem locus & tempus sit, quibus omnia quæ sentiuntur, occupantur, vel potius quæ occupant, quod oculis sentimus per locum, quod auribus per tempus dividitur. Ut enim vermiculus ille plus loci totus quam pars ejus occupabat, ita majorem temporis moram tenet, cum *lucifer* dicitur, quam si *luci* tantummodo diceretur. Quare si hoc significatione vivit in ea diminutione temporis, quæ diviso illo sono facta est, cum eadem significatio divisa non sit (non enim ipsa per tempus distendebatur, sed sonus) ita existimandum est, secto vermiculi corpore, quamquam in minore loco parseo ipso quo pars erat viveret, non omnino animam sectam, nec loco minore minorem esse factam, licet integri animantis membra omnia per majorem locum porrecta simul possederit. Non enim locum ipsa, sed corpus quod ab eadem agebatur, tenebat: sicut illa significatio non distenta per tempus, omnes tamen nominis litteras suas moras ac tempora possidentes, velut animaverat atque compleverat. Hac similitudine interim contentus sis peto, qua te sentio delectatum. Quæ autem subtilissime de hoc disputari possunt, ita ut non similitudinibus quæ plerumque fallunt, sed rebus ipsis satis fiat, ne in præsentia expectes: nam & concludendus est tam longus sermo, & multis aliis quæ tibi desunt, animus ad hæc intuen- da & dispicienda præcolendus est, ut possis intelligere

Tom. I.

liquidissime, utrum quod a quibusdam doctissimis viris dicitur, ita sese habeat, animam per se ipsam nullo modo, sed tamen per corpus posse partiri.

69. Nunc accipe a me, si voles, vel potius recognosce per me, quanta sit anima non spatio loci, ac temporis, sed vi ac potentia: nam ita si meministi, propositum ac distributum jam diu nobis est. De numero vero animarum, nescio quid tibi respondeam, cum hoc ad istam quæstionem pertinere putaveris: citius enim dixerim non esse omnino quærendum, aut certe tibi nunc differendum, quam vel numerum ac multitudinem non pertinere ad quantitatem, vel tam involutam quæstionem modo a me tibi posse expediri. Si enim dixerò unam esse animam, conturbaberis, quod in altero beata est, in altero misera; nec una res simul & beata & misera potest esse. Si unam simul & multas dicam esse, ridebis; nec mihi facile unde tuum risum comprimam suppetit. Sin multas tantummodo esse dixerò, ipse me ridebo, minusque me mihi displicentem quam tibi perferam. Audi ergo quod ex me bene te audire posse polliceor: quod vero aut ambobus, aut alteri nostrum ita onerosum est, ut fortasse opprimat, ne subire aut imponere velis. E. Cedo prorsus, & quod tibi congruenter mecum videtur agi posse, quantum valeat anima, exspecto ut exponas.

70. A. O utinam doctissimum aliquem, neque id tantum, sed etiam eloquentissimum, & omnino sapientissimum, perfectumque hominem de hoc ambo interrogare possemus, quonam ille modo quid anima in corpore valeret, quid in se ipsa, quid apud Deum, cui mundissima proxima est & in quo habet summum atque omne bonum suum, dicendo ac disputando explicaret. Nunc autem cum mihi ad hanc rem desit alius, audeo tamen tibi non deesse: sed hoc mercedis est, quod dum quid valeat anima indoctus expedio, quid ipse valeam securus experior. In primis tamen tibi amputem latissimam quamdam & infinitam expectationem, ne me de omni anima dicturum putes, sed tantum de humana, quam solam curare debemus, si nobismetipsis curæ sumus. Hæc igitur primo, quod cuivis animadvertere facile est, corpus hoc terrenum atque mortale præsentia sua vivificat; colligit in unum, atque in uno tenet, disfluere atque contabescere non finit; alimenta per membra æqualiter suis cuique reddit distribui facit; congruentiam ejus modumque conservat, non tantum in pulcritudine, sed etiam in crescendo atque gignendo. Sed hæc etiam homini cum arbutis communia videri queunt: hæc enim etiam dicimus vivere, in suo vero quidque illorum genere custodiri, ali, crescere, gignere videmus atque fatemur.

71. Adscende itaque alterum gradum, & vide quid possit anima in sensibus, ubi evidentior manifestiorque vita intelligitur. Non enim audienda est nescio quæ impietas * rusticana plane, magisque lignea quam sunt ipsæ arbores quibus patrocinium præbet, quæ dolere vitem quando uva decerpitur, & non solum sentire ista cum cæduntur, sed etiam videre atque audire credit: de quo errore sacrilego, alius est differendi locus. Nunc quod institueram, intende quæ sit vis animæ in sensibus, atque in ipso motu manifestioris animantis, quorum nobis cum iis, quæ radicibus fixa sunt, nulla potest esse communio. Intendit se anima in tactum, & eo calida, frigida, aspera, lenia, dura, mollia, levia, gra-

T via

Deinceps de animæ quantitate ratione virtutis ac potentie.

CAPUT XXXIII. Vis animæ in corpore, in se ipsa, & apud Deum, septem ejus magnitudinis gradus constituit.

Primus gradus animæ.

Secundus gradus animæ.

* Manichæorum error.

via sentit atque discernit. Deinde innumerabiles differentias saporum, odorum, sonorum, formarum, gustando, olfaciendo, audiendo videndoque dijudicat. Atque in iis omnibus ea quæ secundum naturam sui corporis sunt, adsciscit atque appetit; rejicit fugitque contraria. Removet se ab his sensibus certo intervallo temporum, & eorum motus quasi per quasdam ferias reparans, imagines rerum quas per eos hausit, secum ceteratim & multipliciter versat, & hoc totum est somnus & somnia. Sæpe etiam gestiando ac vagando facilitate motus delectatur, & sine labore ordinat membrorum concordiam; pro copulatione sexus agit quod potest, atque in duplici natura, societate atque amore molitur unum. Fetibus non jam gignendis tantummodo, sed etiam fovendis, tuendis alendisque conspirat. Rebus inter quas corpus agit, & quibus corpus sustentat, consuetudine sese innectit, & ab eis quasi membris ægre separatur: quæ consuetudinis vis etiam sejunctione rerum ipsarum atque intervallo temporis non discissa, memoria vocatur. Sed hæc rursus omnia posse animam etiam in bestiis nemo negat.

Tertius
gradus
animæ.

72. Ergo ad tollere in tertium gradum, qui jam est homini proprius, & cogita memoriam non consuetudine inolitarum, sed animadversione atque signis commendatarum ac retentorum rerum innumerabilium, tot artes opificum, agrorum cultus, extructiones urbium, variorum ædificiorum ac moliminum multimoda miracula; inventiones tot signorum in litteris, in verbis, in gestu, in cujuscemodi sono, in picturis atque figmentis; tot gentium linguas, tot instituta, tot nova, tot instaurata; tantum librorum numerum, & cujuscemodi monumentorum ad custodiendam memoriam, tantamque curam posteritatis; officiorum, potestatum, honorum dignitatumque ordines, sive in familiis, sive domi, militiæque in republica, sive in profanis, sive in sacris apparatus; vim ratiocinandi & excogitandi, fluvios eloquentiæ, carminum varietates, ludendi ac jocandi causa milleformes simulationes, modulandi peritiam, dimetiendi subtilitatem, numerandi disciplinam, præteritorum ac futurorum ex præsentibus conjecturam. Magna hæc & omnino humana. Sed est adhuc ista partim doctis atque indoctis, partim bonis ac malis animis copia communis.

Quartus
gradus
animæ.

73. Suspice igitur atque insili quarto gradui, ex quo bonitas incipit, atque omnis vera laudatio. Hinc enim anima se non solum suo, si quam universi partem agit, sed ipsi etiam universo corpori audet præponere, bonaque ejus bona sua non putare, atque potentiæ pulcritudinique suæ comparata, discernere atque contemnere: & inde quo magis se delectat, eo magis sese abstrahere a sordibus, totamque emaculare ac mundissimam reddere & comtissimam; roborare se adversus omnia, quæ de proposito ac sententia dimovere moliuntur; societatem humanam magni pendere, nihilque velle alteri quod sibi nolit accidere; sequi auctoritatem ac præcepta sapientium, & per hæc loqui sibi Deum credere. In hoc tam præclaro actu animæ inest adhuc labor, & contra hujus mundi molestias atque blanditias magnus acerrimusque conflictus. In ipso enim purgationis negotio subest metus mortis sæpe non magnus, sæpe vero vehementissimus: non magnus tum cum robustissime creditur (nam videre hoc utrum sit verum, non nisi perpurgatæ animæ licet) tanta Dei providen-

tia justitiaque gubernari omnia, ut nulli mors inique accidere possit, etiam si eam forte iniquus intulerit. Vehementer autem formidatur mors in hoc jam gradu, cum & illud eo creditur infirmius, quo sollicitius quæritur; & eo ipso minus videtur, quo tranquillitas propter metum minor est, investigandis obscurissimis rebus pernecessaria. Deinde quo magis magisque sentit anima, eo ipso quo proficit, quantum intersit inter puram & contaminatam; eo magis timet, ne deposito isto corpore, minus eam possit Deus quam se ipsa ferre pollutam. Nihil autem difficilius quam & a metuere mortem, & ab illecebris hujus mundi sicut pericula ipsa postulant, temperare. Tanta est tamen anima, ut etiam hoc possit adjuvante sane justitia summi & veri Dei, qua hæc universitas sustentatur & regitur; qua etiam factum est, ut non modo sint omnia, sed ita sint, ut omnino melius esse non possint. Cui sese in opere tam difficili mundationis suæ adjuvandam & perficiendam piissime tutissimeque committit.

74. Quod cum effectum erit, id est, cum fuerit ab omni tabe anima libera maculisque diluta, tum se denique in se ipsa lætissime tenet, nec omnino aliquid metuit sibi aut ulla sua causa quidquam angitur. Est ergo iste quintus gradus: aliud est enim efficere, aliud tenere puritatem: & alia prorsus actio qua se inquinatam redintegrat, alia qua non patitur se rursus inquinari. In hoc gradu omnifariam concipit quanta sit: quod cum conceperit, tunc vero ingenti quadam & incredibili fiducia pergit in Deum, id est, in ipsam contemplationem veritatis, & illud propter quod tantum laboratum est, altissimum & secretissimum præmium.

Quintus
gradus
animæ.

75. Sed hæc actio, id est, appetitio intelligendi ea quæ vere summeque sunt, summus ad spectus est animæ, quo perfectiorem, meliorem rectioremque non habet. Sextus ergo erit iste gradus actionis: aliud est enim mundari oculum ipsum animæ, ne frustra & temere adspiciat & prave videat: aliud ipsam custodire atque firmare sanitatem: aliud jam serenum atque rectum ad spectum in id quod videndum est dirigere. Quod qui prius volunt facere quam mundati & sanati fuerint, ita illa luce reverberantur veritatis, ut non solum nihil boni, sed etiam mali plurimum in ea putent esse, atque ab ea nomen veritatis abjudicent, & cum quadam libidine & voluptate miserabili in suas tenebras, quæ eorum morbus pati potest, medicinæ maledicentes refugiant. Unde divino afflatu, & prorsus ordinatissime illud a Propheta dicitur: *Cor mundum crea in me Deus, & spiritum rectum innova in visceribus meis.* Spiritus enim rectus est, credo, quo fit ut anima in veritate quærenda deviare atque errare non possit. Qui profecto in ea non instauratur, nisi prius cor mundum fuerit, hoc est, nisi prius ipsa cogitatio ab omni cupiditate ac fæcere rerum mortalium sese cohibuerit & eliquaverit.

Sextus
gradus
animæ.

psal. 50.
12.

76. Jam vero in ipsa visione atque contemplatione veritatis, qui septimus atque ultimus animæ gradus est; neque jam gradus, sed quædam mansio quo illis gradibus pervenitur, quæ sint gaudia, quæ perfructio summi & veri boni, cujus serenitatis atque æternitatis afflatus, quid ego dicam? Dixerunt hæc quantum dicenda esse judicaverunt, magnæ quædam & incomparabiles animæ, quas etiam vidisse ac videre ista credimus. Illud plane ego nunc audeo tibi dicere, nos si cursum quem nobis Deus

Septimus
gradus
animæ.

im-

Eccles. 1.
2.
* Ita fre-
quenter
citatur. Vi-
de 1. re-
tract. c. 7.
n. 3.

1. Cor. 3. 2.

CAPUT
XXXIV.
Anima
solus
Deus
melior
adeoque
solus ei
colen-
dus est.

imperat, & quem tenendum suscepimus, constantissi-
me tenuerimus, peruenturos per virtutem Dei atque
sapientiam ad summam illam causam, vel summum
auctorem, vel summum principium rerum omnium,
vel si quo alio modo res tanta congruentius appellari po-
test: quo intellecto vere videbimus quam sint omnia sub
sole vanitas * vanitantium. Vanitas enim est fallacia,
vanitantes autem vel falsi, vel fallentes, vel utrique in-
telliguntur. Licet tamen dignoscere quantum inter
hæc, & ea quæ vere sunt distet, & quemadmodum ta-
men etiam ista omnia Deo auctore creata sint, & in il-
lorum comparatione nulla sint, per se autem conside-
rata mira atque pulchra. Tunc agnoscemus quam vera
nobis credenda imperata sint, quamque optime ac sa-
luberrime apud matrem Ecclesiam nutriti fuerimus,
quæve sit utilitas lactis illius quod apostolus Paulus
parvulis se potum dedisse prædicavit: quod alimentum
accipere cum quis matre nutritur, utilissimum est;
cum jam grandis est, pudendum; respicere cum opus
est, miserandum; reprehendere aliquando aut odisse,
sceleris & impietatis tractare autem ac dispensare com-
mode, laudis & caritatis plenissimum est. Videbimus
etiam naturæ hujus corporeæ tantas commutationes &
vicissitudines, dum divinis legibus servit, ut etiam ip-
sam resurrectionem carnis, quæ partim tardius, partim
omnino non creditur, ita certam teneamus ut certius
nobis non sit solem cum occiderit oriturum. Jam vero
eos qui ad exemplum salutis nostræ ac primitias a Filio
Dei potentissimo, æterno, incommutabili susceptum
hominem, eundemque natum esse de virgine, cetera-
que hujus historiæ miracula irrident, sic contemne-
mus, tamquam eos pueros, qui cum pictorem propositis
tabulis quas intueatur pingentem viderint, non putent
posse hominem pingi, nisi aliam picturam qui pingit,
aspexerit. Tanta autem in contemplanda veritate vo-
luptas est, quantacumque ex parte eam quisque con-
templari potest, tanta puritas, tanta sinceritas, tam in-
dubitanda rerum fides, ut neque quidquam præterea
scisse se aliquando aliquis putet, cum sibi scire vide-
batur, & quo minus impediatur anima toti tota inhæ-
rere veritati, mors quæ antea metuebatur, id est ab
hoc corpore omnimoda fuga & elapsio, pro summo
munere desideretur.

77. AUDISTI quanta vis sit animæ ac potentia, quod
ut breviter colligam, quemadmodum fatendum est,
animam humanam non esse quod Deus est: ita præsu-
mendum, nihil inter omnia quæ creavit, Deo esse pro-
pinquius. Ideoque divine ac singulariter in Ecclesia ca-
tholica traditur, *nullam creaturam colendam esse animæ*
(libentius enim loquor his verbis quibus mihi hæc insi-
nuata sunt) sed ipsum tantummodo rerum quæ sunt
omnium creatorem, ex quo omnia, per quem omnia,
in quo omnia; id est a incommutabile principium, in-
commutabilem sapientiam, incommutabilem carita-
tem, unum Deum verum atque perfectum, qui num-
quam non fuerit, numquam non erit, numquam aliter
fuerit, numquam aliter erit: quo nihil sit secretius, nihil
præsentius; qui difficile invenitur ubi sit, difficilius ubi
non sit: cum quo esse non omnes possunt, & sine quo esse
nemo potest: & si quid de illo incredibilius, convenien-
tius tamen atque aptius homines dicere valemus. Hic

Tom. I.

A ergo solus Deus animæ colendus est, neque discrete, ne-
que confuse. Quidquid enim anima colit ut Deum, ne-
cessè est ut melius esse quam se ipsam putet. Animæ au-
tem natura nec terra, nec maria, nec sidera, nec luna,
nec sol, nec quidquam omnino quod tangi, aut his ocu-
lis videri potest, non denique ipsum quod videri a nobis
non potest, cælum melius esse credendum est. Immo
hæc omnia longe deteriora esse, quam est quælibet ani-
ma, ratio certa convincit, si modo eam veri amatores
ducentem per insolita quædam, & ob hoc ardua, con-
stantissime atque observantissime sequi audeant.

B 78. Si quid vero aliud est in rerum natura præter ista
quæ sensibus nota sunt, & prorsus quæ aliquod spatium
loci obtinent, quibus omnibus præstantiorem animam
humanam esse diximus: si quid ergo aliud est eorum
quæ Deus creavit, quiddam est deterius, quiddam par:
deterius, ut anima pecoris; par, ut angeli: melius au-
tem, nihil. Et si quando est aliquid horum melius, hoc
peccato ejus fit, non natura. Quo tamen non usque adeo
fit deterior, ut ei pecoris anima præferenda, aut confe-
renda sit. DEUS igitur solus ei colendus est, qui solus
ejus est auctor. Homo autem quilibet alius, quamquam

C sapientissimus & perfectissimus, vel prorsus quælibet
anima rationis compos atque beatissima, amanda tan-
tummodo & imitanda est, eique pro merito atque or-
dine quod ei congruit deferendum. Nam *Dominum*
Deum tuum adorabis, & illi soli servies. Errantibus ve-
ro cognatis animis & laborantibus, quantum licet at-
que præceptum est, opem ferendam esse sciamus, ita
ut hoc ipsum cum bene agitur, Deum per nos agere in-
telligamus. Neque quidquam nobis proprium vendi-
cemus inanis gloriæ cupiditate decepti, quo uno malo a
summo in ima demergitur. Neque vitiis oppressos, sed

D ipsa vitia; neque peccantes, sed ipsa peccata oderimus.
Omnibus enim subventum velle debemus, etiam qui
nos læserunt, aut lædere, aut omnino lædi volunt. Hæc
est vera, hæc perfecta, hæc sola religio, per quam Deo
reconciliari pertinet ad animæ, de qua quærimus, ma-
gnitudinem, qua se libertate dignam facit: nam ille ab
omnibus liberat, cui servire omnibus utilissimum est,
& in cujus servitio placere perfecte sola libertas est.

Sed video me pene excessisse metas propositi mei, ac
sine ulla interrogatione tamdiu tibi multa dixisse: ne-
que id me pænitet. Nam cum sint ista per tam multas
E Ecclesiæ scripturas dispersa, quamquam ea non incom-
mode collegisse videamur, plene tamen intelligi ne-
queunt, nisi quisque in illorum septem quarto gradu
fortiter agens, pietatemque custodiens, & ad ea perci-
pienda sanitatem ac robur comparans, inquiret omnia
singillatim diligentissime ac sagacissime: namque illis
omnibus gradibus inest distincta & propria pulcritudo,
quos actus melius appellamus.

79. QUÆRIMUS quippe de animæ potentia,
& fieri potest ut hæc omnia simul agat, sed id so-
lum sibi agere videatur quod agit cum difficultate,
aut certe cum timore. Agit enim hoc multo quam
cetera adtentior. Ascendentibus igitur sursum ver-
sus, primus actus, docendi causa dicatur animatio:
secundus, sensus: tertius, ars: quartus, virtus: quin-
tus, tranquillitas: sextus, ingressio: septimus, con-
templatio. Possunt & hoc modo appellari: de cor-

T 2 po-

Dent. 6.
13.
Matt. 4.
10.

CAPUT
XXXV.
A&us
animæ
juxta se-
ptem
præfatos
gradus
varie ap-
pellan-
tur.
b

a Sic plerique MSS. cum Er. Bad. & Lov. habent, in est incommuta-
bilem veritatem, incommutabilem eternitatem, incommutabilem vir-
tutem, incommutabilem caritatem, unum verum Deum. MSS. tres, id

est incommutabilem eternitatem, incommutabilem veritatem, incommu-
tabilem caritatem unum verum Deum.

b In MSS. quatuor melioris notæ, cum amore.

pore; per corpus; circa corpus; ad se ipsam; in se ipsa; A ad Deum; apud Deum. Possunt & sic: pulcre de alio; pulcre per aliud; pulcre circa aliud; pulcre ad pulcrum; pulcre in pulcro; pulcre ad pulcritudinem; pulcre apud pulcritudinem. De quibus omnibus post requires, si quid videbitur aperiendum: nunc ideo volui totiens ista signare vocabulis, ne te moveat cum alii aliis nominibus eadem vocant, aut aliter etiam partiuntur; & ob hoc aut ista aut illa improbes. Innumerabilibus enim modis eadem res & appellari & dividi possunt rectissime ac subtilissime, sed in tanta copia modorum utitur quisque, quo se congruenter uti existimat.

CAPIT
XXXVI.
Adtin
guntur
reliquæ
de ani
mæ quæ
stiones.

80. DEUS igitur summus & verus lege inviolabili & incorrupta, qua omne quod condidit regit, subjicit animæ corpus, animam sibi, & sic omnia sibi: neque in ullo actu eam deserit, sive pœna, sive præmio. Id enim judicavit esse pulcherrimum, ut esset quidquid est, quomodo est; & ita naturæ gradibus ordinaretur, ut considerantes universitatem nulla offenderet ex ulla parte deformitas: omnisque animæ pœna & omne præmium conferret semper aliquid proportionis justæ pulcritudini, dispositionique rerum omnium. Datum est enim animæ liberum arbitrium, quod qui nugatoriis rationationibus labefactare conantur, usque adeo cæci sunt, ut ne ista ipsa quidem vana atque sacrilega propria voluntate se dicere intelligant. Nec tamen ita liberum arbitrium animæ datum est, ut quodlibet eo D moliens, ullam partem divini ordinis legisque perturbet. Datum est enim a sapientissimo atque invictissimo totius creaturæ Domino. Sed ista ut videnda sunt, videre paucorum est; neque ad hoc quisquam nisi vera religione fit idoneus. Est enim religio vera, qua se uni Deo anima, unde se peccato velut abruperat, reconciliatione religat. Innectit ergo animam in illo actu tertio, atque incipit ducere; purgat in quarto; reformat

Quæ sit
religio
vera,

in quinto; introducit in sexto; pascit in septimo: atque hoc fit alias citius, alias tardius, ut quæque amore ac meritis valent: omnia tamen Deus justissime, moderatissime, pulcherrime facit, quoquo modo sese habere voluerint de quibus facit. Jam vero etiam puero- rum infantium consecrationes quantum profint, obscurissima quæstio est, nonnihil tamen prodesse credendum est. Inveniet hoc ratio, cum quæri oportuerit: quamquam & alia multa jam diu quærenda tibi potius aliquando, quam cognoscenda protulerim. Quod fiet utilissime, si duce pietate requirantur.

81. Quæ cum ita sint, quis est qui juste stomachetur, quod agendo atque administrando corpori anima data sit, cum tantus & tam divinus rerum ordo connecti melius non possit? Aut quærendum putet, qualis in hoc mortali & fragili corpore efficiatur, cum & in mortem propter peccatum jure contrusa sit, & virtute hic etiam possit excellere? Aut qualis post hoc corpus futura sit, cum & pœna mortis necessario manere debeat manente peccato & virtuti pietatique sit Deus ipse, id est veritas ipsa præmium? Quare si jam placet, tam longum sermonem terminemus aliquando, & implendis Dei præceptis vigilantissime & religiosissime operam demus: non est enim alia fuga de tantis malis. Si quid autem obscurius a me dictum est quam velles, facito ut memoriæ mandatum alias opportunius requiras. Neque enim deerit nobis quærentibus se, qui desuper est magister omnium. E. Ego vero & hac oratione ita sum affectus, ut eam interpellare nefas putaverim: & si tibi modus sermonis hic placet, tresque illæ quæstiones quæ remanebant, tam breviter perstringendæ in præsentia visæ sunt, cedam judicio tuo, ac deinceps tam magnis rebus investigandis, non modo tempus propter tuas occupationes, sed etiam me ipsum opportuniorem observabo.

ADMONITIO

IN SEQUENTES SEX DE MUSICA LIBROS.

* 1. Re-
* ad. 1. 6.

EX disciplinarum libris quos Augustinus * Mediolani, cum esset baptismum percepturus anno Ch. 387. delibavit, quamquam ceteri perierint (nam de Grammatica, Principia Dialecticæ, Categoriæ, & Principia Rhetoricæ, qui libri inter ejus opera sunt hæcenus vulgari, supposititios esse in appendice ostendimus) sex isti de Musica, iique integerrimi ad nos usque pervenerunt; studiosius nimirum a librariis descripti, cum suis omnibus numeris absoluti prodissent circiter annum Christi, ut videtur, trecentimum octogesimum novum, quo tempore post editos libros de Genesi contra Manichæos iis perficiendis in Africa se vacavisse innuit Augustinus lib. 1. Retract. c. 11. Eum porro dialogos hosce cum Licentio habuisse ferunt MSS. plerique etiam vetustiores; quod nescimus an intelligi possit ex illis Licentii ad Augustinum versibus in epist. 39.

Præsentem ipsa mihi te reddent, si mihi morem

Cesseris, & libros, quibus in te lenta recumbit

Musica, tradideris: nam ferveo totus in illos.

In primo libro definitio Musicæ, & qui ad hujusce disciplinæ considerationem pertinent, numerosorum motuum species explicantur. In secundo disputatur de syllabis pedibusque metricis. In tertio proponitur tractandum singillatim de rhythmo, de metro & de versu; atque hic primum rhythmi ratio & proprietates traduntur: tumque incipit tractatio de metro, quæ in quarto libro continuatur. In quinto differitur de versu. Quæ porro hæcenus multa cum eruditione tractavit Augustinus, vocat ipse nugacitatem; quam apud benevolos officiosi laboris nomine deprecatur initio libri sexti, ubi deinceps studiosorum mentes ex numerorum consideratione ad Deum provehit.

S. AUGUSTINUS EPIST. 101. MEMORIO EPISCOPO.

VERUM quia in omnibus rerum motibus quid numeri valeant, facilius consideratur in vocibus, eaque consideratio quibusdam quasi gradatis itineribus nititur ad superna intima veritatis, in quibus viis ostendit se sapientia hilariter, & in omni providentia occurrit amantibus: initio nostri otii cum a curis majoribus magisque necessariis vacabat animus, volui per ista quæ a nobis desiderasti scripta proludere, quando conscripsi de solo rhythmo sex libros, & de melo scribere alios forsitan sex, fateor, disponebam, cum mihi otium futurum sperabam. Sed postea quam mihi curarum ecclesiasticarum sarcina imposita est, omnes illæ deliciæ fugere de manibus, ita ut vix nunc ipsum codicem inveniam, quoniam tuam voluntatem, nec petitionem, sed jussionem, contemnere nequeo. Quod sane opusculum si potuero mittere, non quidem me tibi obtemperasse, verumtamen te hoc a me tantopere flagitasse pænitebit. Difficillime quippe intelliguntur in eo quinque libri, si non adsit qui non solum disputantium possit separare personas, verum etiam pronuntiando ita sonare morulas syllabarum, ut eis exprimantur sensumque aurium feriant genera numerorum, maxime quia in quibusdam etiam silentiorum dimensa intervalla miscentur, quæ omnino sentiri nequeunt, nisi auditorem pronuntiator informet. Sextum sane librum quem emendatum reperi, ubi est omnis fructus ceterorum, non distuli mittere caritati tuæ, fortassis ipse tuam non multum refugiet gravitatem.

LIB. I. RETRACT. CAPUT. XI.

DEINDE, ut * supra commemoravi, sex libros de Musica scripsi, quorum ipse sextus maxime innotuit, quoniam res in eo digna cognitione versatur, quomodo a corporalibus & spiritualibus, sed mutabilibus numeris, perveniatur ad immutabiles numeros, qui jam sunt in ipsa immutabili veritate, & sic invisibilia Dei per ea quæ facta sunt intellecta conspiciantur. Quod qui non possunt, & tamen ex fide Christi vivunt, ad illa certius atque felicius conspicienda post hanc vitam veniunt. Qui autem possunt, si desit eis fides Christi, qui unus mediator est Dei & hominum, cum tota sapientia sua pereunt. * 1. Retract. 6.

2. In hoc libro illud quod dixi, *Corpora enim tanto meliora quanto numerosiora talibus numeris: anima vero istis, quæ per corpus accipit, carendo fit melior, cum sese avertit a carnalibus sensibus, & divinis sapientiæ numeris reformatur*, non sic accipiendum est, quasi non sint futuri numeri corporales in corporibus incorruptibilibus & spiritualibus; cum multo speciosiora & decentiora futura sint: aut anima eos sensura non sit, quando erit optima, quemadmodum hic eis carendo fit melior. Hic enim opus habet avertere se a carnalibus sensibus ad intelligibilia capienda, quia infirma est, & minus idonea utrisque simul adhibere intentionem suam: & in his corporalibus nunc illecebra cavenda est, quamdiu anima illici ad delectationem turpem potest. Tunc autem tam firma erit atque perfecta, ut numeris corporalibus non avertatur a contemplatione sapientiæ, & ita sentiat eos, ut non illiciat ab eis, nec eis carendo fiat melior; sed ita sit bona & recta, ut nec latere possint eam, nec occupare. L. 6. c. 4.

3. Item quod dixi, *Hæc autem sanitas tunc firmissima erit atque certissima, cum pristinae stabilitati certo suo tempore atque ordine hoc corpus fuerit restitutum*, non ita dictum putetur, quasi non sint futura post resurrectionem corpora meliora, quam primorum hominum in paradiso fuerunt, cum illa jam non sint alenda corporali-
bus alimentis, quibus alebantur ista: sed pristina stabilitas hætenus accipienda est, quatenus ægritudinem ita nullam corpora illa patientur, sicut nec ista pati possent ante peccatum. cap. 5.

4. Alio loco, *Laboriosior est, inquam, hujus mundi amor. Quod enim in illo anima querit, constantiam scilicet, æternitatemque non invenit: quoniam rerum transitu completur infima pulcritudo, & quod in illa imitatur constantiam a summo Deo per animam trajicitur: quoniam prior est species tantummodo tempore commutabilis, quam est ea, quæ & tempore & locis*. Hæc verba si eo modo accipi possunt, ut non intelligatur infima pulcritudo, nisi in corporibus hominum, omniumque animalium, quæ cum sensu corporis vivunt, ratio manifesta defendit. Hoc quippe in ea pulcritudine imitatur constantiam, quod in compage sua manent eadem corpora, in quantum manent: id autem a summo Deo in ea per animam trajicitur, Anima quippe ipsam compagem tenet, ne dissolvatur & diffluat; quod videmus in corporibus animalium anima discedente contingere. Si autem infima pulcritudo in omnibus corporibus intelligatur, cogit ista sententia etiam ipsum mundum animal credere, ut etiam in ipsum, quod in illo imitatur constantiam, a summo Deo per animam trajiciatur. Sed animal esse istum mundum, sicut Plato sensit, alique philosophi quamplurimi, nec ratione certa indagare potui, nec divinarum scripturarum auctoritate persuaderi posse cognovi. Unde tale aliquid a me dictum quo id accipi possit, etiam in libro de Immortalitate animæ temere dictum notavi; non quia hoc falsum esse confirmo, sed quia nec verum esse comprehendo, quod sit animal mundus. Hoc sane inconcusse retinendum esse non dubito, Deum nobis non esse istum mundum sive anima ejus ulla, sive nulla sit. Quia si ulla est, ille qui eam fecit, est Deus noster: si autem nulla est, nullorum Deus potest esse iste; quanto minus noster? Esse tamen spiritalem vitalemque virtutem, etiam si non sit animal mundus: quæ virtus in Angelis sanctis ad decorandum atque administrandum mundum Deo servit, & a quibus non intelligitur, rectissime creditur. Angelorum autem sanctorum nomine, omnem sanctam creaturam spiritalem, in Dei secreto atque occulto ministerio constitutam nunc appellaverim: sed spiritus Angelicos sancta Scriptura nomine animarum significare non solet. Proinde in eo quod circa finem libri hujus dixi, *Rationales & intellectuales numeri beatarum animarum atque sanctarum legem ipsam Dei, sine qua folium de arbore non cadit, & cui nostri capilli numerati sunt, nulla interposita natura excipientes, usque ad terrena & inferna jura transmittunt*, non video quemadmodum vocabulum animarum secundum Scripturas sanctas positum possit ostendi: quando quidem hic non nisi Angelos sanctos intelligi volui, quos habere animas nusquam me legisse in divinis eloquiis canonicis recolo. Hic liber sic incipit: *Satis diu pene*. Vide lib. 7. de civitate Dei c. 23.

S. AURELII AUGUSTINI

HIPPONENSIS EPISCOPI

DE MUSICA

LIBRI SEX*

*Inchoa-
ti ann.
Chr 387.
perfecti
ciriter
an. 389.

LIBER PRIMUS.

*Traditur Musicæ definitio, & qui ad hujusce disciplinæ considerationem pertinent, motuum numero-
rosum species ac proportio explicantur.*

CAPUT
I.
Sono-
rum cer-
tas di-
mensio-
nes ob-
servare
non ad
gram-
mati-
cam spe-
ctat, sed
ad musi-
cam.



MODUS, qui pes est? a DISCIPU-
LUS: Pyrrichius. MAGISTER:
Quot temporum est? D. Duum.
M. *Bonus*, qui pes est? D. Idem
qui & *modus*. M. Hoc est ergo *mo-
dus*, quod *bonus*. D. Non. M.

Cur ergo idem? D. Quia idem in
sono, in significatione aliud. M. Concedis ergo eum-
dem sonum esse cum dicimus, *modus*, &, *bonus*. D.
Litterarum sono ista video discrepare, cetera autem
paria esse. M. Quid cum enuntiamus, *pone* verbum,
& *pone* adverbium, præter id quod significatio diversa
est, nihil tibi videtur sonus distare? D. Distat omnino.
M. Unde distat, cum & iisdem temporibus utrumque,
& iisdem litteris constet? D. Eo distat quod in diver-
sis locis habent acumen. M. Cujus tandem artis est ista
dignoscere? D. A grammaticis hæc audire soleo, &
ibi ea didici, sed utrum hoc ejusdem artis sit proprium,
an aliunde usurpatum, nescio. M. Post ista videbi-
mus: nunc illud quæro, utrum si tympanum vel chor-
dam bis percuterem tam raptim & velociter quam
cum enuntiamus, *modus*, aut, *bonus*, agnosceres &
ibi eadem tempora esse, an non. D. Agnoscerem. M.
Vocares ergo pedem pyrrichium: D. Vocarem. M.
Nomen hujus pedis a quo nisi a grammatico didici-
sti? D. Fateor. M. Ergo de omnibus hujusmodi sonis
grammaticus judicabit, an per te ipsum istos pulsus
didicisti, sed nomen quod imponeres a grammatico au-
dieras? D. Ita est. M. Et ausus es nomen quod te gram-
matica docuit, transferre ad eam rem, quam non
pertinere ad grammaticam confiteris? D. Video non
ob aliud pedi nomen impositum, quam propter tem-
porum dimensionem, quam ubicumque cognovero
eo transferre illud vocabulum cur non audeo? Sed
etsi alia vocabula sunt imponenda, cum ejusdem di-
mensionis soni sunt, sed ad grammaticos tamen non
pertinent, quid mihi est de nominibus laborare, cum
res aperta sit? M. Nec ego id volo: sed tamen cum
videas innumerabilia genera sonorum, in quibus cer-
tæ dimensiones observari possunt, quæ genera fate-
mur grammaticæ disciplinæ non esse tribuenda, non-
ne censes esse aliam aliquam disciplinam, quæ quid-
quid in hujusmodi sit vocibus numerosum artificio-

A sumque contineat? D. Probabile mihi videtur. M.
Quod ejus esse nomen existimas? Nam opinor non
tibi novum esse omnipotentiam quamdam canen-
di Musis solere concedi. Hæc est, nisi fallor, il-
la quæ Musica nominatur. D. Et ego hanc esse
existimo.

2. M. SED jam placet nobis de nomine minime
laborare: modo inquiramus, si videtur, quam dili-
gentissime possumus, omnem hujus quæcumque est
disciplinæ vim atque rationem. D. Inquiramus sane:
nam hoc totum quidquid est, multum nosse desidero.
M. Defini ergo musicam. D. Non audeo. M. Potes sal-
tem definitionem meam probare. D. Experibor si di-
xeris. M. Musica est scientia bene modulandi: an tibi
non videtur? D. Videretur fortasse, si mihi liqueret
quid sit ipsa modulatio. M. Numquidnam hoc verbum
quod modulari dicitur, aut numquam audisti, aut
uspiam nisi in eo quod ad cantandum saltandumque
pertineret? D. Ita est quidem: sed quia video modula-
ri a modo esse dictum, cum in omnibus bene factis
modus servandus sit, & multa etiam in canendo ac sal-
tando quamvis delectent, vilissima sint, volo plenissi-
me accipere quid prorsus sit ipsa modulatio, quo uno
pene verbo tantæ disciplinæ definitio continetur. Non
enim tale aliquid hic discendum est, quale quilibet
cantores histrionesque noverunt. M. Illud superius
quod in omnibus etiam præter musicam factis modus
servandus est, & tamen in musica modulatio dicitur,
non te moveat; nisi forte ignoras dictionem oratoris
proprie nominari. D. Non ignoro: sed quorsum isthuc?
M. Quia & puer tuus quamlibet impolitissimus & ru-
sticissimus, cum vel uno verbo interroganti tibi res-
pondet, fateris eum aliquid dicere? D. Fateor. M.
Ergo & ille orator est? D. Non. M. Non igitur dictio-
ne usus est cum aliquid dixerit; quamvis dictionem
a dicendo dictam esse fateamur. D. Concedo: sed
& hoc quo pertineat requiro. M. Ad id scilicet ut
intelligas modulationem posse ad solam musicam per-
tinere, quamvis modus unde flexum verbum est,
possit etiam in aliis rebus esse: quemadmodum di-
ctio proprie tribuitur oratoribus, quamvis dicat ali-
quid omnis qui loquitur, & a dicendo dictio nomina-
ta sit. D. Jam intelligo.

CAPUT
II.
Musica
qui sit.

3. M.

* In MSS. Corbejensi & aliis plerisque pro, *Discipulus*, & *Magi-*

ster, ubique habetur, *Licentius*, & *Augustinus*.

Modu-
lari quid
sit.

3. M. Illud ergo quod abs te postea dictum est, multa esse in canendo & saltando vilia, in quibus si modulationis nomen accipimus, pene divina ista disciplina vilescit, cautissime omnino abs te animadvertum est. Itaque discutiamus primum quid sit modulari, deinde quid sit bene modulari: non enim frustra est definitioni additum. Postremo etiam quod ibi scientia posita est, non est contemnendum: nam his tribus, nisi fallor, definitio illa perfecta est. D. Ita fiat. M. Igitur quoniam fatemur modulationem a modo esse nominatam, numquidnam tibi videtur metuendum ne aut excedatur modus, aut non impleatur nisi in rebus quæ motu aliquo fiunt; aut si nihil moveatur, possumus formidare, ne præter modum aliquid fiat? D. Nullo pacto. M. Ergo modulatio non incongrue dicitur movendi quædam peritia, vel certe qua fit ut bene aliquid moveatur. Non enim possumus dicere, bene moveri aliquid, si modum non servat. D. Non possumus quidem: sed necesse erit rursus istam modulationem in omnibus bene factis intelligere. Nihil quippe nisi bene movendo, bene fieri video. M. Quid si forte ista omnia per musicam fiant, quamvis modulationis nomen in cujuscemodi organis magis tritum sit, nec immerito? Nam credo videri tibi aliud esse tornatum aliquid ligneum vel argenteum, vel cujusce materiæ, aliud autem ipsum motum artificis, cum illa tornantur. D. Assentior multum differre. M. Numquidnam ergo ipse motus propter se appetitur, & non propter id quod vult esse tornatum? D. Manifestum est. M. Quid, si membra non ob aliud moveret, nisi ut pulcre ac decore moverentur, eum facere aliud nisi saltare diceremus? D. Ita videtur. M. Quando ergo censet aliquam rem præstare & quasi dominari, cum propter se ipsam, an cum propter aliud appetitur? D. Quis negat cum propter se ipsam? M. Repete nunc illud superius quod de modulatione diximus: nam ita eam posueramus, quasi quamdam movendi esse peritiam, & vide ubi magis habere sedem debeat hoc nomen, in eo motu qui velut liber est, id est, propter se ipse appetitur, & per se ipse delectat; an in eo qui servit quodam modo: nam quasi serviunt omnia quæ non sibi sunt, sed ad aliquid aliud referuntur. D. In eo scilicet qui propter se appetitur. M. Ergo scientiam modulandi jam probabile est esse scientiam bene movendi, ita ut motus per se ipse appetatur, atque ob hoc per se ipse delectet. D. Probabile sane.

CAPIT
III.
Be-
e
n odula-
ri quid
sit & cur
in musi-
cæ defi-
nitione
positum.

4. M. CUR ergo additum est, bene; cum jam ipsa modulatio nisi bene moveatur, esse non possit? D. Nescio, & quemadmodum mihi ereptum sit ignoro: nam hoc requirendum animo hæserat. M. Poterat omnino nulla de hoc verbo controversia fieri, ut jam musicam sublato eo quod positum est, bene, tantum scientiam modulandi definiremus. D. Quis enim ferat, si enodare totum ita velis? M. Musica est scientia bene movendi. Sed quia bene moveri jam dici potest, quidquid a numero servatis temporum atque intervallorum dimensionibus movetur; jam enim delectat, & ob hoc modulatio non incongrue jam vocatur: fieri autem potest, ut ista numerositas atque dimensio delectet, quando non opus est; ut si quis suavissime canens, & pulcre saltans, velit eo ipso lascivire, cum res severitatem desiderat, non bene utique numerosa modulatione utitur, id est, ea motione quæ jam bona,

A ex eo quia numerosa est, dici potest; male ille, id est, incongruenter utitur. Unde aliud est modulari, aliud bene modulari. Nam modulatio ad quemvis cantorem, tantum qui non erret in illis dimensionibus vocum ac sonorum: bona vero modulatio ad hanc liberalem disciplinam, id est, ad musicam pertinere arbitranda est. Quod si nec illa bona tibi motio videtur, ex eo quia inepta est, quamvis artificiose numerosam esse fateare, teneamus illud nostrum, quod ubique servandum est, ne certamen verbi, re satis elucente, nos torqueat, nihilque curemus utrum musica modulandi, an bene modulandi scientia describatur. D. Amo quidem rixas verborum præterire atque contemnere, non tamen mihi displicet ista distinctio.

B 5. M. RESTAT ut quæramus cur sit in definitione scientia. D. Ita fiat: nam hoc fatigare ordinem memini. M. Responde igitur, utrum tibi videatur bene modulari vocem luscinia verna parte anni: nam & numerosus est suavissimus ille cantus, & nisi fallor temporis congruit. D. Videtur omnino. M. Numquidnam liberalis hujus disciplinæ perita est? D. Non. M. Vides igitur nomen scientiæ definitioni pernecessarium. D. Video prorsus. M. Dic mihi ergo, quæso te, nonne tales tibi omnes videntur, qualis illa luscinia est, qui sensu quodam ducti bene canunt, hoc est, numerose id faciunt ac suaviter, quamvis interrogati de ipsis numeris, vel de intervallis acutarum graviumque vocum respondere non possint? D. Simillimos eos puto. M. Quid ii qui illos sine ista scientia libenter audiunt, cum videamus elephantos, urfos, aliaque nonnulla genera bestiarum ad cantus moveri, avesque ipsas delectari suis vocibus, non enim nullo extra posito commodo tam impense id agerent sine quadam libidine, nonne pecoribus comparandi sunt? D. Censeo: sed pene in omne genus humanum tendit hæc contumelia. M. Non est quod putas. Nam magni viri etsi musicam nesciunt; aut congruere plebi volunt, quæ non multum a pecoribus distat, & cujus ingens est numerus, quod modestissime ac prudentissime faciunt, (sed de hoc nunc differendi locus non est,) aut post magnas curas relaxandi ac reparandi animi gratia moderatissime ab iis aliquid voluptatis assumitur, quam interdum sic capere modestissimum est; ab ea vero capi vel interdum, turpe atque indecorum est.

E 6. Sed quid tibi videtur, qui vel tibiis canunt vel thara, atque hujusmodi instrumentis, numquidnam possunt luscinia comparari? D. Non. M. Quid igitur distant? D. Quod in istis artem quamdam esse video, in illa vero solam naturam. M. Verisimile dicis: sed ars tibi videtur ista esse dicenda, etiam si quadam imitatione id faciunt? D. Cur non? Nam video tantum valere in artibus imitationem, ut ea sublata omnes pene perimantur. Præbent enim se magistri ad imitandum, & hoc ipsum est quod vocant docere. M. Videtur tibi ars ratio esse quædam, & ii qui arte utuntur, ratione uti; analiter putas? D. Videtur. M. Quis igitur ratione uti non potest, arte non utitur. D. Et hoc concedo. M. Cense ne muta animalia, quæ etiam irrationalia dicuntur, uti posse ratione? D. Nullo modo. M. Aut igitur picas & psittacos & corvos rationalia esse dicturus es animalia, aut imitationem nomine artistemere vocasti. Videmus enim has aves & multa canere ac sonare quodam humano usu, & non

CAPIT
IV.
Scientia
cur in
musicæ
defini-
tione
ponitur.

a Sic in MSS. At Lov. quidquid numerositatis temporum. Am. & Ex.

habent, quidquid numerositatis, quæ temporum.

& nonnisi imitando facere, nisi tu aliter credis. D. A. Quomodo hoc confeceris, & quantum contra respon- sionem meam valeat, nondum plane intelligo. M. Quæsi veram ex te, utrum citharistas, & tibicines, & huiusmodi aliud genus hominum, artem diceret ha- bere, etiam si id quod in canendo faciunt, imitatione assecuti sunt. Dixisti esse artem, tantumque id vale- re affirmasti, ut omnes pene tibi artes periclitari viderentur imitatione sublata. Ex quo jam colligi potest, omnem qui imitando assequitur aliquid, arte uti; etiam si forte non omnis qui arte utitur, imitando eam perce- perit. Aut si omnis imitatio ars est & ars omnis ratio, omnis imitatio ratio: ratione autem non utitur irratio- nale animal, non igitur habet artem: habet autem imitationem, non est igitur ars imitatio. D. Ego mul- tas artes imitatione constare dixi, non ipsam imitatio- nem artem vocavi. M. Quæ igitur artes imitatione constant, non eas censes ratione constare? D. Immo utroque puto eas constare. M. Nihil repugno; sed scientiam in quo ponis, in ratione, an in imitatione? D. Et hoc in utroque. M. Ergo scientiam illis avibus dabis, quibus imitationem non adimis. D. Non da- bo: ita enim dixi in utroque esse scientiam, ut in sola imitatione esse non possit. M. Quid, in sola ratione videtur tibi esse posse? D. Videtur. M. Aliud igitur putas esse artem, aliud scientiam: si quidem scientia & in sola ratione esse potest, ars autem rationi jungit imitationem. D. Non video esse consequens. Non enim omnes, sed multas artes dixeram, simul ratione atque imitatione constare. M. Quid, scientiam voca- bisne etiam illam, quæ his duobus simul constat, an ei solam partem rationis adtribues? D. Quid enim me prohibet vocare scientiam, cum rationi adjungitur imitatio?

7. M. Quoniam nunc agimus de citharista & tibi- cine, id est, de musicis rebus, volo mihi dicas, utrum corporitribuendum sit, id est, obtemperacioni cui- dam corporis, si quid isti homines imitatione faciunt. D. Ego istam & animo simul & corpori tribuendam puto: quamquam id ipsum verbum satis proprie abs te positum est, quod obtemperacionem corporis appella- sti: non enim obtemperare nisi animo potest. M. Vi- deo te cautissime imitationem non soli corpori voluisse concedere. Sed numquid scientiam negabis ad solum animum pertinere? D. Quis hoc negaverit? M. Nul- lo modo igitur scientiam in sonis nervorum & tibia- rum, simul & rationi & imitationi tribuere sineris. Illa enim imitatio non est, ut confessus es, sine corpo- re; scientiam vero solius animi esse dixisti. D. Ex iis quidem quæ tibi concessi, fateor hoc esse confectum: sed quid ad rem? Habebit enim & tibicen scientiam in animo. Neque enim cum ei accedit imitatio, quam sine corpore dedi esse non posse, adimet illud quod ani- mo amplectitur. M. Non adimet quidem: nec ego af- firmo eos, a quibus organa ista tractantur, omnes ca- rere scientia, sed non habere omnes dico. Istam enim ad hoc volvimus quæstionem, ut intelligamus, si pos- sumus, quam recte sit scientia in illa definitione musi- cæ posita, quam si omnes tibicines & fidicines, & id genus alii, quilibet habent, nihil ista disciplina puto esse vilis, nihil abjectius.

8. Sed adtende quam diligentissime, ut quod diu jam molimur appareat. Certe enim jam mihi dedisti in solo animo habitare scientiam. D. Quidni dederim?

M. Quid, sensum aurium animone, an corpori, an utrique concedis? D. Utrique. M. Quid memoriam? D. Animo puto esse tribuendam. Non enim si per sen- sus percipimus aliquid quod memoriæ commendamus, ideo in corpore memoria esse putanda est. M. Magna fortasse ista quæstio est, neque huic opportuna sermo- ni. Sed quod proposito sat est, puto te negare non pos- se, bestias habere memoriam. Nam & nidos post an- num revisunt hirundines, & de capellis verissime di- ctum est:

B. *Atque ipsæ memores redeunt in tecta Capellæ.* G. 3.

Et canis heroem dominum, jam suis hominibus oblitum recognovisse prædicatur. Et innumerabilia, si velimus, animadvertere possumus, quibus id quod dico manife- stum est. D. Nec ego istud nego, & quid te adjuvet, ve- hementer exspecto. M. Quid putas, nisi quod scien- tiam qui soli animo tribuit, eamque omnibus irratio- nalibus animantibus adimit, neque in sensu eam, ne- que in memoria, (nam illud non est sine corpore, & utrumque etiam in bestia est,) sed in solo intellectu collocavit? D. Et hoc exspecto quid te adjuvet. M. Nihil aliud, nisi omnes qui sensum sequuntur, & quod in eo delectat memoriæ commendant, atque secun- dum id corpus moventes, vim quamdam imitationis adjungunt, non eos habere scientiam, quamvis perite ac docte multa facere videantur, si rem ipsam quam profitentur aut exhibent, intellectus puritate ac veri- tate non teneant. At si tales esse istos theatricos opera- rios ratio demonstraverit, nihil erit, ut opinor, cur dubites eis negare scientiam, & ob hoc musicam, quæ scientia modulandi est, nequaquam concedere. D. Explica hoc, videamus quale sit.

9. M. Mobilitatem digitorum celeriore vel pigrio- rem credo te non scientiæ, sed usui dare. D. Cur ita credis id? M. Quia superius soli animo scientiam tri- buebas, hoc autem quamquam imperante animo, tamen esse corporis vides. D. Sed cum sciens animus hoc imperat corpori, magis hoc scienti animo, quam servientibus membris tribuendum puto. M. Nonne censes posse fieri ut unus alium scientia præcedat, cum ille imperitor multo facilius & expeditius digitos mo- veat? D. Censeo. M. At si motus celer & expeditior digitorum scientiæ tribuendus esset, tanto in eo quis- que excelleret, quanto esset scientior. D. Concedo. M. Adtende etiam istud. Nam opinor nonnumquam te animadvertisse fabros, vel huiusmodi opifices, ascia sive securi eundem locum feriendo repetere, & non alioquam eo quo intendit animus ictum perducere, quod nos tentantes cum assequi nequimus ab eis sæpe irridemur. D. Ita est ut dicis. M. Ergo cum id nos fa- cere non valemus, numquid ignoramus quid feriri de- beat, vel quantum debeat amputari? D. Sæpe igno- ramus, sæpe scimus. M. Fac ergo aliquem nosse om- nia, quæ fabri facere debeant, & perfecte nosse, mi- nus tamen valere in opere, sed eisdem ipsis qui facilli- me operantur, multa dictare solertius quam illi per se indicare possent, an id usu evenire negas? D. Non ne- go. M. Non igitur solum movendi celeritas atque faci- litas, sed etiam motionis modus ipse in membris, usui potius quam scientiæ tribuendus est. Nam si aliter es- set, eo quisque manibus melius uteretur quo esset peritior: quod licet ad tibias citharæve referamus, ne quod ibi digiti atque articuli faciunt, quia difficile nobis est, scientia potius quam usu & sedula imitatione ac medi- tatio-

tatione fieri putemus. D. Non queo resistere, nam & medicos audire soleo doctissimos viros, sæpe in secandis, vel quoquo modo comprimendis membris, in eo quod manu ac ferro fiat, ab imperitoribus antecedi; quod genus curandi chirurgiam nominant, quo vocabulo satis significatur operaria quædam in manibus medendi consuetudo. Perge itaque ad cetera, & jam istam confice quæstionem.

CAPUT
V.
Sensus
musicæ
an inest
a natura.

10. M. ILLUD restat, ut opinor, ut inveniamus, si possumus, has ipsas artes quæ nobis per manus placent, ut illius usus potentes essent, non continuo scientiam, sed sensum ac memoriam secutas: ne forte mihi dicas fieri quidem posse, ut scientia sine usu sit, & major plerumque quam est in eis qui usu excellunt, sed tamen etiam illos ad usum tantum non potuisse sine ulla scientia pervenire. D. Aggredere: nam ita deberi manifestum est. M. Numquamne huiusmodi histriones audisti studiosius? D. Plus fortasse quam vellem? M. Unde fieri putas, ut imperita multitudo explodat sæpe tibicinem nugatorios sonos efferentem, rursumque plaumat bene canenti, & prorsus quanto suavius canitur, tanto amplius & studiosius moveatur? Numquidnam id a vulgo per artem musicam fieri credendum est? D. Non. M. Quid igitur? D. Natura id fieri puto, quæ omnibus dedit sensum audiendi, quo ista judicantur. M. Recte putas. Sed jam etiam illud vide, utrum & tibicen ipse hoc sensu præditus sit. Quod si ita est, potest ejus sequens iudicium movere digitos cum tibia inflaverit, & quod satis commode pro arbitrio sonuerit, id notare ac mandare memoriæ, atque id repetendo consuefacere digitos eo ferri sine ulla trepidatione & errore, sive ab alio accipiat id quod canet, sive ipse inveniat, illa de qua dictum est ducente atque approbante natura. Itaque cum sensum memoria, & articuli memoriam sequuntur, usu jam edocti atque præparati, canit cum vult tanto melius atque jocundius, quanto illis omnibus præstat quæ superius ratio docuit cum bestiis non habere communia, appetitum scilicet imitandi, sensum atque memoriam: numquid habes adversum ista quod dicas? D. Ego vero nihil habeo. Jam audire cupio cujusmodi sit illa disciplina, quam profecto a cognitione vilissimorum animorum video subtilissime vindicatam.

CAPUT
VI.
Cantores
theatricos
nescire
musicæ.

11. M. NONDUM est satis quod factum est, nec ad ejus explicationem transire nos sinam, nisi quemadmodum constitit inter nos posse histriones sine ista scientia satisfacere voluptati aurium popularium, ita etiam nullo modo esse posse histriones musicæ studiosos peritosque constiterit. D. Mirum si hoc effeceris. M. Facile id quidem, sed ad tentionem te mihi opus est. D. Numquam equidem quod sciam remissior in audiendo fui, ab usque sermo iste sumsit exordium: sed nunc me fateor multo erectiorem reddidisti. M. Gratum habeo, quamquam tibi te commodos magis. Itaque responde, si placet, utrum tibi videatur scire quid sit aureus solidus, qui eum æquo pretio vendere cupiens, decem nummos eum valere putaverit? D. Cui hoc videatur? M. Nunc age dic mihi, quid carius habendum sit, quod nostra intelligentia continetur, an quod nobis fortuito imperitorum iudicio tribuitur? D. Nulli dubium est, longe illud primum præstare ceteris omnibus, quæ ne nostra quidem putanda sunt. M. Num ergo negas omnem scientiam intelligentia contineri? D. Quis negat? M. Et musica igitur ibi est. D.

A Video ex ejus definitione id esse consequens. M. Quid, plausus populi & omnia illa theatra præmia, nonne tibi ex eo genere videntur, quod in potestate fortunæ & imperitorum iudicio positum est? D. Nihil magis arbitror esse fortuitum obnoxiumque casibus & plebeæ dominationi nutibusque subiectum, quam illa sint omnia. M. Hoccine igitur pretio cantus suos venderent histriones, si musicam scirent? D. Non parum quidem hac conclusione commoveor, sed non nihil habeo quod contradicam. Nam ille venditor solidi cum isto comparandus non videtur: non enim accepto plausu aut qualibet sibi largita pecunia scientiam, si quam forte habet qua populum delectavit, amittit: sed onustior nummo, & laude hominum lætior, cum eadem disciplina incolumi atque integra domum discedit: stultus autem esset, si commoda illa contemneret, quæ non adeptus multo esset ignobilior atque pauperior, adeptus autem nihilo esset indoctior.

12. M. Vide ergo utrum vel isto conficiamus quod volumus. Nam credo videri tibi multo esse præstantius, id propter quod aliquid facimus, quam id ipsum quod facimus. D. Manifestum est. M. Qui ergo cantat vel cantare discit, non ob aliud nisi ut laudetur a populo, vel omnino abs quovis homine, nonne iudicat meliorem laudem illam esse quam cantum? D. Negare non possum. M. Quid, ille qui male de aliqua re iudicat, videtur tibi eam scire? D. Nullo modo, nisi forte quoquo modo corruptus. M. Ergo qui vere putat melius esse aliquid quod deterius est, nullo dubitante scientia ejus caret. D. Ita est. M. Quando igitur mihi vel persuaseris vel ostenderis quemlibet histrionum non ideo illam, si quam habet facultatem, vel assecutum esse vel exhibere ut populo placeat propter quæstum aut famam, concedam posse quemquam & musicæ habere scientiam, & esse histrionem. Si autem perprobabile est, neminem esse histrionum qui non sibi professionis finem in pecunia seu gloria constituat ac proponat, fateare necesse est aut musicam nescire histriones, aut magis expetendam esse ab aliis laudem, vel quæque alia fortuita commoda, quam a nobismetipsis intelligentiam. D. Video me, qui superiora concesserim, etiam istis cedere debere. Non enim mihi ullo modo videri potest de scena inveniri posse talem virum, qui artem suam propter se ipsam, non propter extra posita commoda diligat, cum de gymnasio vix talis inveniat: quamquam si quis existit vel exstiterit, non eo contemnendi musici, sed honorandi aliquando histriones possint videri. Quamobrem explica jam, si placet, tantam istam, quæ jam vilis mihi videri non potest, disciplinam.

F 13. M. FACIAM, immo tu facies. Nam ego nihil aliud quam rogabo te ac percontabor: tu vero totum hoc quidquid est, & quod nunc nesciens quærere videris, respondendo explicabis. Itaque jam ex te quæro, utrum quisquam possit & diu & velociter currere. D. Potest. M. Quid, tarde & velociter? D. Nullo modo. M. Aliud ergo est diu, aliud tarde? D. Aliud omnino. M. Item quæro, quid putes diuturnitati esse contrarium, sicuti est tarditati velocitas. D. Non mihi occurrit usitatum nomen. Itaque diuturno nihil video quod opponam, nisi non diuturnum, ut ei quod dicitur diu, contrarium sit non diu; quia & velociter si nollem dicere, & pro eo non tarde dicerem, nihil aliud significaretur. M. Verum dicis. Nihil enim deperit, cum ita loqui-

CAPUT
VII.
Diu &
non diu
in motu.

CAPUT
VIII.
Propor-
tio in
motu
diutur-
no &
non diu-
turno.

CAPUT
IX.
Motus
rationa-
biles &
irratio-
nabiles,
connu-
merati
& dinu-
merati.
b

loquimur, veritati. Nam & mihi si est hoc nomen, quod tibi non occurriffe dicis, aut ignoratur a me, aut in præsentia non venit in mentem. Quamobrem sic agamus, ut hæc bina contraria appellemus hoc modo, diu & non diu, tarde & velociter. Ac primum de diuturno & non diuturno differamus, si placet. D. Ita fiat.

14. M. MANIFESTUMNE tibi est, id dici diu fieri quod per longum, id autem non diu quod per breve tempus fit? D. Manifestum. M. Motus igitur qui fit, verbi gratia, duabus horis, nonne ad eum qui una hora fit, duplum habet temporis? D. Quis hinc dubitaverit? M. Recipit ergo id quod diu vel non diu dicimus dimensiones huiusmodi & numeros, ut alius motus ad alium tamquam duo ad unum sit, id est, ut bis tantum habeat alius quantum semel: alius item ad alium tamquam tria ad duo, id est, ut tantas tres partes temporis habeat, quantas alius duas: atque ita per ceteros numeros licet currere, ut non sint spatia indefinita & interminata, sed habeant ad se duo motus aliquem numerum; aut eundem, a velut unum ad unum, ad duo duo, ad tria tria, quatuor ad quatuor: aut non eundem, ut unum ad duo, duo ad tria, tria ad quatuor, aut unum ad tria, duo ad sex, & quidquid potest aliquid ad sese dimensionis obtinere. D. Planius ista quæso. M. Revertere ergo ad illas horas, & quod satis putabam dictum, cum de una hora & de duabus dixissem, per omnia considera. Certe enim non negas posse fieri aliquem motum tempore unius horæ, & alium duarum. D. Verum est. M. Quid, alium duarum, alium trium non fateris? D. Fateor. M. Et alium tribus horis fieri, alium quatuor; rursus alium una, alium tribus; aut alium duabus, alium sex, nonne manifestum est? D. Manifestum. M. Cur ergo & illud non manifestum sit? Nam hoc dicebam cum duos motus habere ad se posse aliquem numerum dicerem, velut unum ad duo, duo ad tria, tria ad quatuor, unum ad tria, duo ad sex, & si quos alios recensere volueris. His enim cognitis, est & potestatis persequi cetera, sive septem ad decem, sive quinque ad octo, & quidquid omnino est in duobus motibus ita partes dimensas habentibus ad invicem; ut possint dici tot ad tot, sive æquales numeri sint, sive alius major, alius minor. D. Jam intelligo, & fieri posse concedo.

15. M. ILLUD etiam, ut opinor, intelligis, omnem mensuram & modum immoderationi & b infinitati recte anteponi. D. Manifestissimum est. M. Duo igitur motus qui ad sese, ut dictum est, habent aliquam numerosam dimensionem, iis qui eam non habent anteponendi sunt. D. Et hoc manifestum est atque consequens: illos enim certus quidam modus, atque mensura quæ in numeris est, sibi met copulat, qua qui carent, non utique sibi aliqua ratione junguntur. M. Appellemus ergo, si placet, illos qui inter se dimensi sunt, rationabiles, illos autem qui ea dimensione carent, irrationabiles. D. Placet vero. M. Jam illud adtende, utrum tibi videatur major concordia in motibus rationabilibus eorum qui æquales sunt inter se, quam eorum qui sunt inæquales. D. Cui hoc non videatur? M. Porro inæqualium, nonne alii sunt in quibus possumus dicere, quota parte sua major aut cœquetur minori, aut eum excedat; alii autem in quibus non idem dici potest, sicut in his numeris, duo & quatuor, vel sex &

A octo? Cernis profecto in illis duobus numeris superioribus dimidia parte maiorem minori cœquari; in iis rursus quos posterius dixi, minorem a maiore quarta parte majoris excedi: in his autem aliis, quales sunt tria & decem, vel quatuor & undecim, videmus quidem nonnullam convenientiam, quia partes ad se habent, de quibus dici possit, tot ad tot; sed numquid talem, qualis est in superioribus? Nam neque quota parte minori major æquetur, neque quota parte minorem major excedat, dici ullo modo potest. Nam neque tria quota pars sit denarii numeri, neque quatuor quota pars sit undenarii, dixerit quispiam. Cum autem dico, ut confideres quota sit pars, liquidam dico, & sine ullo additamento, sicuti est dimidia, tertia, quarta, quinta, sexta, & deinceps, non ut trientes & semiuncia, & hoc genus præcisionum aliquid addatur. D. Jam intelligo.

16. M. Ergo ex his inæqualibus motibus rationabilibus, quoniam duo genera subjectis etiam numerorum exemplis proposui, quos quibus anteponendos arbitraris, illosne in quibus illa quota pars dici potest, an in quibus non potest? D. Illos mihi ratio videtur anteponendos jubere, in quibus potest dici, ut demonstratum est, quota parte sui major aut cœquetur minori, aut eum excedat, iis in quibus idem non evenit. M. Recte. Sed visne etiam his nomina imponamus, ut cum eos deinceps commemorare necesse fuerit, expeditius loquamur? D. Volo sane. M. Appellemus ergo istos quos præponimus, connumeratos; illos autem quibus hos præponimus, dinumeratos: propterea quia isti superiores non solum singuli numerantur, sed etiam ea parte qua major minori æquatur vel eum excedit, se metiuntur & numerant: illi autem posteriores singillatim tantummodo ad se numerantur, ea vero parte, qua vel æquatur minori major vel excedit, non se metiuntur & numerant. Non enim potest in eis dici, aut quotiens habeat minorem major, aut illud quo excedit major minorem, quotiens habeat & major & minor. D. Accipio & ista vocabula, & quantum valeo, faciam ut meminerim.

E 17. M. AGE nunc videamus connumeratorem quæ possit esse partitio: namque arbitror eam esse perspicuam. Unum enim genus est connumeratorem, in quo minor numerus metitur maiorem, id est, aliquotiens eum habet major, sicut numeros duo & quatuor esse diximus: videmus enim duo a quatuor bis haberi, quæ ter haberentur, si non quatuor, sed sex ad duo poneremus, quater autem si octo, quinquies si decem. Aliud genus est, in quo ea pars qua excedit major minorem, ambos metitur, id est, aliquotiens habent eam & major & minor, quod in illis numeris jam perspeximus, sex & octo. Nam pars illa qua exceditur minor, duo sunt, quos vides esse in octonario numero quater, in senario ter: quare hos quoque motus de quibus agitur, & numeros per quos illustratur quod in motibus discere volumus, notemus atque signemus vocabulis. Nam eorum distinctio jam dudum, nisi fallor, apparet. Quocirca si tibi jam videtur, illi ubi multiplicato minore fit major, vocentur complicati: illi autem sesquati veteri jam nomine. Nam sesque appellantur ubi duo numeri ad se ea ratione affecti sunt, ut tot partes habeat ad minorem major, quota parte sui eum præcædit:

CAPUT
X.
Motus
complicati &
sesquati.

a Sic veteres MSS. At editi habent, aut eundem, ut quantum temporis, unus tantum teneat alter: aut non eundem &c.

b MSS. plures, & infirmitati recte anteponi.

dit: nam si est tria ad duo, tertia parte sui præcedit maior minorem; si quatuor ad tria, quarta; si quinque ad quatuor, quinta, atque ita deinceps: eadem ratio est, & in sex ad quatuor, octo ad sex, decem ad octo; & inde licet hanc rationem in consequentibus & in maioribus numeris animadvertere atque explorare. Nominis autem hujus originem non facile dixerim, nisi forte sesque quasi se absque dictum, id est, absque se, quia quinque ad quatuor, absque quinta parte sua major hoc est quod minor: quibus de rebus quæro quid tibi videatur. D. Mihi vero & illa ratio dimensionum atque numerorum videtur verissima, & vocabula quæ abs te imposita sunt, congrua mihi videntur commemorandis eis rebus quas intelleximus, & hujus origo nominis quam nunc explicasti, non est absurda, etiam si forte non ea sit quam secutus est, qui hoc nomen instituit.

CAPUT
XI.
Motus
& numerus
in infinitum
progrediens
ut ad certam
formam
coerces-
tur.

18. M. PROBO & accipio sententiam tuam: sed vide ne omnes istos rationabiles motus, id est, qui ad sese habent aliquam numerorum dimensionem, in infinitum posse per numeros pergere, nisi rursus eos certa ratio coercuerit, & ad quemdam modum formamque revocaverit? Nam ut primo de ipsis æqualibus dicam, unum ad unum, duo ad duo, tria ad tria, quatuor ad quatuor ac deinceps si persequar quis finis erit, cum ipsius numeri finis nullus sit? Namque ista vis numero inest, ut omnis dictus finitus sit, non dictus autem infinitus. Et quod æqualibus evenit, hoc etiam inæqualibus evenire, potes animadvertere, sive complicatis, sive sesquatis, sive connumeratis, sive dinumeratis. Si enim unum ad duo constituas, & in ea multiplicatione permanere velis, dicendo unum ad tria, unum ad quatuor, unum ad quinque & deinceps, non erit finis; sive sola dupla, ut unum ad duo, duo ad quatuor, quatuor ad octo, octo ad sedecim & deinde, hic quoque nullus est finis: ita & tripla sola & quadrupla sola & quidquid horum tentare volueris, in infinitum progrediuntur. Ita etiam sesquati: nam duo ad tria, tria ad quatuor, quatuor ad quinque cum dicimus, vides nihil prohibere cetera persequi, nullo resistente fine; sive isto modo velis in eodem genere perseverans, ut duo ad tria, quatuor ad sex, sex ad novem, octo ad duodecim, decem ad quindecim & deinceps, sive in hoc genere, sive in ceteris, nullus finis occurrit. Quid opus est de dinumeratis jam dicere, cum ex iis quæ jam dicta sunt quivis intelligere possit, in iis quoque gradatim surgentibus nullum esse finem? an tibi non videtur?

19. D. Quid hoc vero verius dici potest? Sed jam illam rationem, quæ istam infinitatem revocat ad certum modum formamque præscribit, quam excedere non oporteat, avidissime cognoscere exspecto. M. Hanc quoque ut alia temetipsum nosse cognosces, cum me interrogante vera responderis. Nam primo abs te quæro, quoniam de numerosis motibus agimus, utrum ipsos debeamus consulere numeros, ut quas nobis leges certas fixasque monstraverint, eas in illis motibus animadvertendas observandasque judicemus. D. Placet vero: non enim quidquam ordinatius fieri posse arbitror. M. Ergo ab ipso, si videtur, principio numerorum capiamus considerationis hujus exordium, & videamus quantum pro viribus mentis nostræ talia valeamus intueri, quænam sit ratio, ut quamvis per infinitum, ut dictum est, numerus progrediatur, articulos quosdam homines in numerando fecerint, a quibus ad

A unum rursus redeant, quod est principium numerorum. In numerando enim progredimur ab uno usque ad decem, atque inde ad unum revertimur: at si denariam complicationem persequi velis, ut hoc modo progrediaris, decem, viginti, triginta, quadraginta, usque ad centum est progressio; si centenariam, centum, ducenta, trecenta, quadringenta, in mille est articulus a quo redeatur: quid jam est opus ultra quærere? Vides certe quos articulos dicam, quorum prima regula denario numero præscribitur. Nam ut decem, decies habent unum; ita centum, decies habent eosdem decem; & mille, decies habent centum; & ita deinceps quo usque libitum est a progredi, ibit in hujusmodi quasi articulis, quod in denario numero præfinitum est: an aliquid horum non intelligis? D. Manifestissima sunt omnia, & verissima.

20. M. HOC ergo quantum diligenter possumus perscrutemur, quænam sit ratio ut ab uno usque ad decem progressus, & inde rursus ad unum reditus fiat. Unde abs te quæro, utrum quod vocamus principium, possit omnino nisi alicujus esse principium. D. Nullo modo potest. M. Item quod dicimus finem, potestne nisi alicujus rei finis esse? D. Etiam id non potest. M. Quid, a principio ad finem num putas perveniri posse, nisi per aliquod medium? D. Non puto. M. Ergo ut totum aliquid sit, principio & medio & fine constat. D. Ita videtur. M. Dic itaque nunc, principium, medium, & finis, quo numero tibi contineri videantur. D. Arbitror ternarium numerum te velle ut respondeam: tria enim quædam sunt, de quibus quæris. M. Recte arbitraris. Quare in ternario numero quamdam esse perfectionem vides, quia totus est: habet enim principium, medium & finem. D. Video plane. M. Quid, illud nonne ab ineunte pueritia didicimus, omnem numerum aut parem esse, aut imparem? D. Verum dicis. M. Recordare ergo & dic mihi, quem solemus dicere parem, quem imparem numerum. D. Ille qui potest in duas partes æquales dividi, par; qui autem non potest, impar vocatur.

21. M. Rem tenes. Cum igitur ternarius primus sit totus impar, & principio enim, & medio, & fine constat, ut dictum est, nonne oportet etiam parem esse totum atque perfectum, ut in eo etiam principium, medium, finisque inveniatur? D. Oportet sane. M. At iste quisquis est, non potest habere individuum medium sicut impar: si enim haberet, non posset in duas æquales partes dividi, quod esse proprium paris numeri diximus. Individuum autem medium est unum, individuum duo. Medium autem est in numeris, a quo ambo latera sibimet sunt æqualia. An aliquid obscure dictum est, minusque assequeris? D. Immo mihi & hæc manifesta sunt, & dum quæro totum numerum parem, quaternarius primus occurrit. Nam in duobus quomodo possunt tria illa inveniri, per quæ totus est numerus, id est principium, medium & finis? M. Id ipsum omnino abs te responsum est quod volebam, & quod ipsa ratio cogit fateri. Repete itaque ab ipso uno tractationem, atque considera, videbis profecto ideo unum non habere medium & finem, quia tantum principium est; vel ideo esse principium, quia medio & fine caret. D. Manifestum est. M. Quid ergo dicemus de duobus? Num possumus in eis intelligere principium & medium, cum medium esse non possit, nisi

ubi

CAPUT
XII.
Cur ab
uno ad
decem
progressus,
& inde ad
unum
reditus
in numerando
fiat.

ubi finis est: aut principium & finem, cum ad finem nisi per medium non queat perveniri? D. Urget ratio confiteri; & quid de hoc numero respondeam, prorsus incertus sum. M. Vide ne iste quoque numerus possit principium esse numerorum. Nam si medio caret & fine, quod, ut dixisti, cogit ratio confiteri, quid restat, nisi ut sit hoc quoque principium? An dubitas duo principia constituere? D. Vehementer dubito. M. Bene faceres, si ex adverso sibi constituerentur duo principia: nunc autem hoc alterum principium de illo primo est, ut illud a nullo sit, hoc vero ab illo: unum enim & unum duo sunt, & principia ita sunt ambo, ut omnes numeri quidem ab uno sint; sed quia per complicationem atque adjunctionem quamdam fiunt, origo autem complicationis & adjunctionis duali numero recte tribuitur, sit ut illud primum principium a quo numeri omnes, hoc autem alterum per quod numeri omnes, esse inveniantur: nisi quid habes adversum ista quod differas. D. Ego vero nihil, & sine admiratione ista non cogito, quamvis ea, interrogatus abs te, ipse respondeam.

22. M. Subtilius ista quærentur atque abstrusius in ea disciplina, quæ est de numeris: hic autem nos ad institutum opus quanto citius possumus redeamus. Quocirca quæro, uni duo juncta quid faciunt? D. Tria. M. Ergo hæc duo principia numerorum sibi met copulata totum numerum faciunt atque perfectum. D. Ita est. M. Quid, in numerando post unum & duo quem numerum ponimus? D. Eadem tria. M. Idem igitur numerus, qui fit ex uno & duobus, post utrumque in ordine collocatur, ita ut nullus alius interponi queat. D. Ita video. M. Atqui & illud videas oportet, in nullis reliquis numeris id posse contingere, ut cum duos quoslibet sibi met in numerandi ordine copulatos notaveris, consequatur eos ille qui ex ambobus conficitur, nullo interposito. D. Id quoque video: nam duo & tria, qui sibi numeri copulati sunt, in summa quinque faciunt: non autem quinque continuatim sequuntur, sed quatuor. Rursus tria & quatuor septem faciunt: inter quatuor autem ac septem quinque atque sex ordinati sunt: & quanto progredi voluerò, tanto plures interponuntur. M. Magna ergo hæc concordia est in prioribus tribus numeris: unum enim & duo & tria dicimus, quibus nihil interponi potest: unum autem & duo, ipsa sunt tria. D. Magna prorsus. M. Quid, illud nullane consideratione dignum putas, quod ista concordia quanto est artior atque conjunctior, tanto magis in unitatem quamdam tendit, & unum quiddam de pluribus efficit? D. Immo maxima, & nescio quomodo, & miror, & amo istam quam commendas unitatem. M. Multum probo, sed certe quælibet rerum copulatio atque connexio, tunc maxime unum quiddam efficit, cum & media extremis, & mediis extrema consentiunt. D. Ita certe oportet.

23. M. Adtende igitur ut hoc in ista connexionem videamus. Nam cum unum, duo, tria dicimus, nonne quanto unum a duobus, tanto duo a tribus superantur? D. Verissimum est. M. Dic jam nunc mihi, in ista collatione quotiens unum nominaverim. D. Semel. M. Tria quotiens? D. Semel. M. Quid, duo? D. Bis. M. Semel ergo, & bis, & semel, quotiens fit in summa? D. Quater. M. Recte igitur istos tres quaternarius numerus sequitur; ei quippe tribuitur ista proportionem collatio. Quæ quantum valeat eo jam assuesce cognoscere,

A quod illa unitas, quam te amare dixisti, in rebus ordinatis hac una effici potest, cujus græcum nomen ἀναλογία est, nostri quidam proportionem vocaverunt, quo nomine utamur, si placet: non enim libenter, nisi necessitate, græca vocabula in latino sermone usurpaverim. D. Mihi vero placet; sed perge quo intenderas. M. Faciam. Nam quid sit proportio, quantumque in rebus juris habeat, & suo loco in hac disciplina diligentius requiremus, & quanto in eruditione promotior eris, tanto ejus vim melius naturamque cognosces. Sed vides certe, quod in præsentia satis est, tres illos numeros, quorum mirabare concordiam, sibi met in eadem connexionem nisi per quaternarium numerum non potuisse conferri. Quamobrem post illos se ordinari, sic ut illa concordia cum his artiore copuletur, quantum intelligis jure impetravit ut jam non unum, duo, tria tantum; sed unum, duo, tria, quatuor, sit amicissime copulata progressio numerorum. D. Omnino assentior.

24. M. At cetera intueri, ne arbitreris nihil habere proprium quaternarium numerum, quo reliqui omnes numeri careant, quod valeat ad istam connexionem de qua loquor, ut ab uno usque quatuor certus sit numerus, & pulcherrimus progrediendi modus. Conveniat quippe inter nos superius, tunc ex pluribus unum aliquid maxime fieri, cum extremis media, & mediis extrema consentiunt. D. Ita est. M. Cum ergo collocamus unum & duo & tria, dic quæ sint extrema, quod medium. D. Unum & tria extrema video, duo medium. M. Responde nunc, ex uno & tribus quid conficiatur. D. Quatuor. M. Quid, duo qui unus in medio numerus est, num potest nisi sibi conferri? Quamobrem dic etiam duo bis quid conficiunt. D. Quatuor. M. Ita ergo medium extremis, & medio extrema consentiunt. Quamobrem sicut excellit in tribus, quod post unum & duo collocantur, cum ex uno & duobus consent: sic excellit in quatuor, quod post unum & duo & tria numerantur, cum consent ex uno & tribus, vel bis duobus, quæ extremorum cum medio, & medii cum extremis, in illa quæ græce ἀναλογία dicitur, proportionem consensus est: quod utrum intellexeris, pande. D. Satis intelligo.

25. M. Tenta ergo in reliquis numeris, utrumne inveniat quod quaternarii numeri proprium esse diximus. D. Faciam. Nam si constituamus duo, tria, quatuor, extrema collata fiunt sex; hoc facit & medium sibi collatum: nec tamen sex, sed quinque consequuntur. Rursus tria, quatuor & quinque constituo, extrema octo faciunt, medium quoque bis dictum: at inter quinque & octo, non jam unum, sed duos, senarium scilicet & septenarium numeros interpositos video. Atque illa ratione quantum progredior, tanto hæc faciunt intervalla majora. M. Video te intellexisse, & omnino scire quod dictum est: sed jam ne immoremur, animadvertis certe ab uno usque ad quatuor justissimam fieri progressionem; sive propter imparem ac parem numerum, quoniam primus impar totus tria, & primus par totus quatuor, de qua re paulo ante tractatum est; sive quia unum & duo principia sunt, & quasi semina numerorum, e quibus ternarius conficitur, ut sint jam tres numeri, qui sibi dum proportionem conferuntur, quaternarius elucescit & gignitur, & propterea eis jure conjungitur, ut usque ad illum fiat ea quam quærimus moderata progressio. D. Intelligo.

26. M. Bene sane. Sed meministi tandem quid institue-

stitueramus inquirere? Nam, ut opinor, propositum erat, si quo modo invenire possemus, cum in illa infinitate numerorum certi articuli essent numerantibus constituti, quid esset causæ cur ipse primus articulus in denario numero esset, qui per omnes ceteros valet plurimum, id est, cur ab uno usque ad decem progressi numerantes rursus ad unum remearent? D. Recordor plane quæstionis hujus causâ nos tantum circumisse: sed quid effecerimus quod ad eam solvendam pertineat, non invenio. Si quidem illa omnis nostra ratiocinatio ad id conclusa est, ut non usque ad denarium, sed usque ad quaternarium numerum sit iusta & moderata progressio. M. Tunc igitur non vides, ex uno & duobus, & tribus & quatuor quæ summa conficiatur? D. Video jam, video, & miror omnia, & ortam quæstionem solutam esse confiteor: unum enim & duo & tria & quatuor simul decem sunt. M. Ergo istos quatuor primos numeros, seriemque & connexionem eorum honorabilius haberi quam cetera in numeris convenit.

CAPUT
XIII.
De proportionum
motuum
decore
quatenus
sensibus
judicatur.

27. **T E M P U S** est autem ad illos motus redire tractandos & discutiendos, qui huic disciplinæ proprie tribuuntur, & propter quos ista de numeris, de alia scilicet disciplina, quantum pro negotio satis visum est, consideravimus. Itaque nunc abste quæro, quoniam intelligendi gratia in horarum spatio motus constituebamus, quos ad se invicem habere aliquam numerosam dimensionem ratio demonstrabat, utrum si quisquam mora unius horæ currat, & alius deinceps duarum, possis non inspecto horologio vel clepsidra, vel aliqua hujusmodi temporum notatione sentire illos duos motus, quod unus simplus, alius duplus sit: vel etiam si id non possis dicere, illa tamen congruentia delectari, atque aliqua voluptate affici. D. Nullo modo possum. M. Quid, si quispiam numerosè plaudat, ita ut unus sonitus simplum, alter duplum temporis teneat, quos iambos pedes vocant, eosque continet at-

que contexat; alius autem ad eundem sonum saltet, secundum ea scilicet tempora movens membra, nonne aut etiam dicas ipsum modulum temporum, id est, quod simplum ad duplum spatia in motibus alternent, sive in illo plausu qui auditur, sive in illa saltatione quæ cernitur: aut saltem delecteris numerositate quam sentias, tametsi non possis numeros ejus dimensionis edicere? D. Ita vero est, ut dicis: nam & illi qui hos numeros noverunt, sentiunt eos in plausu atque saltatione, quique sint facile dicunt; & qui eos non noverunt nec possunt dicere, non negant tamen ex his se voluptate aliqua perfrui.

28. M. Cum igitur ad ipsam rationem disciplinæ hujus, si quidem scientia est bene modulandi, non possit negari omnes pertinere motus qui bene modulati sunt, & eos potissimum qui non referuntur ad aliud aliquid, sed in se ipsis finem decoris delectationisve conservant: hi tamen motus, ut nunc a me rogatus recte vereque dixisti, si longo spatio temporis fiant, inque ipsa dimensione quæ decora est, horam vel etiam majus tempus obtineant, non possunt congruere nostris sensibus. Quamobrem cum procedens quodam modo de secretissimis penetralibus musica, in nostris etiam sensibus, vel his rebus quæ a nobis sentiuntur, vestigia quædam posuerit, nonne oportet eadem vestigia prius persequi, ut commodius ad ipsa, si potuerimus, quæ dixi penetralia, sine ullo errore ducamur? D. Oportet vero, & hoc jamjamque ut faciamus, efflagito. M. Omittamus ergo illas ultra capacitatem sensus nostri porrectas temporum metas, & de his brevibus intervallorum spatiis, quæ in cantando saltandoque nos mulcent, quantum ratio nos duxerit, differamus. Nisi tu forte aliter putas illa vestigia indagari posse, quæ in nostris sensibus, hisque rebus quas valemus sentire, hanc disciplinam posuisse prædictum est. D. Nullo modo aliter puto.

LIBER SECUNDUS.

In quo de syllabis & pedibus metricis disputatur.

CAPUT
I.
Syllabarum
spatia
alium
de grammaticis,
aliunde
musicis
attendit.

I. **A**DTENDE igitur diligenter, & nunc demum accipe quasi alterum nostræ disputationis exordium. Ac primum responde, utrum bene didiceris eam quam grammatici docent, syllabarum brevium longarumque distantiam; an vero sive ista noris sive ignores, malis ut ita quæramus, quasi omnino rudes harum rerum simus, ut ad omnia nos ratio potius perducatur, quam inveterata consuetudo, aut præjudicata cogat auctoritas? D. Ita plane malle me, non modo ipsa ratio, sed istarum etiam syllabarum imperitia (quid enim fateri dubitem?) impellit. M. Age jam, saltem illud eloquere, utrum tu ipse per te numquam animadverteris in locutione nostra alias syllabas raptim & minime diu, alias autem productius & diutius enuntiari? D. Negare non possum, non me ad ista etiam furdum fuisse. M. Atqui scias velim totam illam scientiam, quæ grammatica græce, latine autem litteratura nominatur, historiæ custodiam profiteri, vel solam, ut subtilior docet ratio; vel maxime, ut etiam pingua corda concedunt. Itaque verbi gratia cum dixeris, *cano*, vel in versu forte posueris, ita ut vel tu pronun-

Tom. I.

Et tians producas hujus verbi syllabam primam vel in versu eo loco ponas, ubi esse productam oportebat, reprehendet grammaticus, custos ille videlicet historiæ, nihil aliud asserens, cur hanc corripi oporteat, nisi quod hi qui ante nos fuerunt, & quorum libri exstant tractanturque a grammaticis, ea correpta, non producta usi fuerint. Quare hic quidquid valet, auctoritas valet. At vero musicæ ratio, ad quam dimensio ipsa vocum rationabilis & numerositas pertinet, non curat nisi ut corripiatur vel producat syllaba, quæ illo vel illo loco est secundum rationem mensurarum suarum. Nam si eo loco ubi duas longas syllabas poni decet, hoc verbum posueris, & primam quæ brevis est, pronuntiatione longam feceris, nihil musica omnino succenset: tempora enim vocatione ea pervenire ad aures, quæ illi numero debita fuerunt. Grammaticus autem jubet emendari, & illud te verbum ponere, cujus prima syllaba producenda sit, secundum majorum, ut dictum est, auctoritatem, quorum scripta custodiuntur.

2. **Q U A M O B R E M** nos, cum rationes musicæ persequendas susceperimus, etiam si nescis quæ

V

syl.

CAPUT
II.
De versu

judicat
gram-
maticus
ex au-
thorita-
te, musi-
cus ex
ratione
& sensu.

syllaba corripienda, quæ producenda sit, possumus tamen non impediri hac ignorantia tua, satisque habere, quod te animadvertisse dixisti alias syllabas correptiores, alias productiores. Quare illud nunc quæro, utrum sonus versuum aliquando te aliqua per aures voluptate commoverit? D. Prorsus sæpissime, ita ut numquam fere sine delectatione versum audierim. M. Si quis ergo in versu, quo audito delectaris, eo loco quo ratio ejusdem versus non postulat, vel producat syllabas, vel corripiat, num eodem modo delectari potes? D. Immo audire hoc sine offensione non possum. M. Nullo modo igitur dubium est, quin te in sono quo te delectari dicis, dimensio quædam numerorum delectet, qua perturbata delectatio illa exhiberi auribus non potest. D. Manifestum est. M. Dic mihi deinceps quod ad sonum versus adtinet, quid intersit, utrum dicam, *Arma virumque cano*, *Trojæ qui primus ab oris*: an, *qui primus ab oris*? D. Mihi vero utrumque quantum ad illam dimensionem pertinet, idem sonat. M. Et hoc mea pronuntiatione factum est, cum eo scilicet vitio quod barbarissimum grammatici vocant: nam *primus*, longa est & brevis syllaba; *primis* autem, ambæ producendæ sunt: sed ego ultimam earum corripui: ita nihil fraudis passæ sunt aures tuæ. Quamobrem illud etiam atque etiam tentandum est, utrum me pronuntiantem sentias, quod sit in syllabis diu & non diu, ut nostra disputatio, me interrogante ac te respondente, sicut instituimus, possit procedere. Itaque jam eundem versum in quo barbarissimum feceram, repetam, & illam syllabam, quam ne tuæ aures offenderentur corripui, producam, ut grammatici jubent: tu mihi renuntiato, utrum illa versus dimensio sensum tuum eadem afficiat voluptate: sic enim pronuntiem, *Arma virumque cano*, *Trojæ qui primus ab oris*. D. Nunc vero negare non possum, nescio qua soni deformitate me offensum. M. Non injuria: quamquam enim barbarissimus factus non sit, id tamen vitium factum est, quod & grammatica reprehendat & musica: grammatica, quia id verbum, cujus novissima syllaba producenda est, eo loco positum est ubi corripienda poni debuit: musica vero tantummodo quia producta quælibet vox est eo loco, quo corripere oportebat, & tempus debitum quod numerosa dimensio postulabat, redditum non est. Quocirca si jam satis discernis quid sensus, quid auctoritas postulet, sequitur ut videamus, ille ipse sensus cur alias delectetur in sonis vel productis vel correptis, alias offendatur: id est enim quod ad diu, & non diu pertinet: quam partem nos explicandam suscepisse credo quod memineris. D. Ego vero & illud discrevi, & hoc memini, & ea quæ sequuntur intensissime exspecto.

CAPUT
III.
Syllaba-
rum tem-
pora.

3. M. QUÆ putas nisi ut incipiamus sibi met syllabas comparare, & videre quos numeros ad sese habeant, sicut de motibus jam inter nos tam longa superius ratione tractatum est? In motu est enim etiam omne quod sonat; & syllabæ utique sonant: an quidquam horum negari potest? D. Nullo modo. M. Cum ergo syllabæ inter se conferuntur, motus quidam inter se conferuntur, in quibus possint numeri quidam temporis mensura diuturnitatis inquiri. D. Ita est. M. Num igitur potest sibi una syllaba comparari? Nam omnem comparisonem, nisi tu aliud putes, singularitas fugit. D. Nihil puto aliud. M. Quid una uni, aut una vel duæ duabus vel tribus, & deinceps in pluribus, quin possint

A sibi met conferri, num negas? D. Quis hoc negaverit? M. Rursus hoc vide, quamlibet syllabam brevem minimeque diu pronuntiatam, & mox ut eruperit desinentem, occupare tamen in tempore aliquid spatii, & habere quamdam morulam suam. D. Video necesse esse quod dicis. M. Dic nunc, unde numerum exordiamur. D. Ab uno scilicet. M. Non absurde igitur hoc in tempore quasi minimum spatii, quod brevis obtinet syllaba, unum tempus veteres vocaverunt: a brevi enim ad longam progredimur. D. Verum est. M. Sequitur jam, ut illud quoque animadvertas, quoniam ut in numeris ab uno ad duo est prima progressio, ita in syllabis, qua scilicet a brevi ad longam progredimur, longam duplum temporis habere debere: ac per hoc si spatium quod brevis occupat, recte unum tempus vocatur, spatium item quod longa occupat, recte duo tempora nominari. D. Recte prorsus: nam id rationem postulare consentio.

4. M. A G E nunc collationes ipsas videamus: nam una brevis syllaba ad unam brevem syllabam quæro quam rationem tibi habere videatur, vel hi motus inter se quid vocentur. Meministi enim, nisi fallor, in superiore sermone nos omnibus motibus, qui inter se aliqua numerositate conveniunt, imposuisse vocabula. D. Æquales eos meminisse nominatos: tantumdem enim ad sese habent temporis. M. Sed istam collationem syllabarum qua sibi jam conferuntur ut habeant ad se aliquos numeros, num censeres sine vocabulo esse relinquendam? D. Non puto. M. Atqui scias, veteres pedem nuncupasse talem collationem sonorum. Sed quousque pedem progredi ratio sinat, diligenter advertendum est. Quamobrem jam dic etiam, brevis & longa syllaba qua sibi ratione conferuntur. D. Opinor, ex illo genere numerorum, quos complicatos vocavimus, istam collationem manare: si quidem in ea simplum ad duplum collatum esse video, id est, unum tempus brevis syllabæ ad duo tempora longæ syllabæ. M. Quid si ita ordinentur, ut prius longa, deinde brevis syllaba pronuntietur, num quia ordo mutatus est, ideo complicatorum numerorum ratio non manet? nam ut in illo pede simplum ad duplum, ita in isto duplum ad simplum invenitur. D. Ita est. M. Quid, in pede duarum longarum, nonne duo tempora duobus temporibus conferuntur? D. Manifestum est. M. Ex qua ergo ratione ducitur ista collatio? D. Ex eorum scilicet qui æquales appellati sunt.

5. M. Age nunc dic mihi, ex quo a duabus brevibus orsi ad duas syllabas longas pervenimus, quot pedum collationes tractaverimus. D. Quatuor: nam primode duabus brevibus dictum est, secundo de brevi & longa, tertio de longa & brevi, quarto de duabus longis. M. Num possunt esse plures quam quatuor, cum duæ syllabæ sibi met conferuntur? D. Nullo modo: nam cum syllabæ hunc modum acceperint, ut brevis unum tempus, longa duo habeat, cumque syllaba omnis aut brevis aut longa sit, quo pacto sibi possunt duæ syllabæ comparari atque copulari, ut pedem faciant, nisi aut brevis & brevis sit, aut brevis & longa, aut longa & brevis, aut longa & longa? M. Dic etiam quot habeat tempora binarum syllabarum minimus pes, quot item maximus. D. Duo ille, iste quatuor. M. Videsne ut progressio nisi usque quaternarium numerum fieri non potuerit, sive in pedibus, sive in temporibus? D. Video plane, & recordor rationem progressionis in numeris atque illam vim hic etiam inesse sentio cum

magna

CAPUT
IV.
Pedes
disylla-
bi.

magna animi voluptate. M. Nonne ergo censes, cum pedes syllabis constent, id est, distinctis & quasi articulatis motibus qui sunt in sonis, syllabæ autem tendantur temporibus, oportere fieri etiam usque ad quatuor syllabas progressionem pedis, sicut jam factam usque ad quaternarium numerum, & ipsorum pedum & temporum cernis? D. Ita plane ut dicis sentio, & hoc videri perfectæ rationi cognosco, & debitum flagito.

CAPUT
V.
Pedes
trifyllabi

6. M. A G E nunc ergo prius, ut ordo ipse postulat, ternarum syllabarum pedes quot esse possint, videamus; sicut binarum quatuor esse comperimus. D. Ita fiat. M. Meministi ab una brevi syllaba, id est, unius temporis istam nos inchoasse rationem, & cur ita oporteret satis intellexisse. D. Memini ab illa lege numerandi, quod ab uno incipimus, quod principium numerorum est, placuisse nobis non oportere discedere. M. Cum igitur in pedibus binarum syllabarum ille sit primus qui duabus brevibus constat, cogebat enim ratio uni temporis prius unum tempus jungi, quam duo, quem tandem arbitraris in pedibus ternarum syllabarum primum esse debere? D. Quem, nisi eum quia tribus brevibus confit? M. Et ite quot temporum est? D. Trium scilicet. M. Quomodo ergo huius partes sibi conferuntur? Nam omnem pedem propter illam numerorum collationem duas habere partes, quæ sibi met aliqua ratione conferantur, necesse est, idque superius egisse nos memini: sed numquid possumus hunc trium brevium syllabarum pedem in duas æquales partes dividere? D. Nullo modo. M. Quomodo ergo dividitur? D. Nihil aliud video, nisi ut prima pars habeat unam syllabam, secunda duas; aut prima duas, secunda unam. M. Dic etiam de qua regula numerorum sit? D. De complicatorum genere esse cognosco.

7. M. Age nunc, illud adtende, tres syllabæ in quibus est una longa, ceteræ breves, quotiens variari possint, id est, quot pedes facere, & responde si inveneris. D. Unum pedem video esse, qui longa & duabus brevibus constet: aliud non intelligo. M. Idemne solus tibi videtur habere unam in tribus longam, qui eam primo habet loco? D. Nullo pacto istud putaverim, cum possint duæ breves priores esse, longa ultima. M. Considera, utrum sit aliquid tertium. D. Est plane: nam hæc longa etiam in medio duarum brevium collocari potest. M. Vide etiamne sit aliquid quartum. D. Omnino non potest. M. Potesne jam respondere, tres syllabæ habentes in se unam longam & duas breves, quotiens variari possint, id est, quot pedes facere? D. Possum sane: nam ter sunt variatæ, & tres fecerunt pedes. M. Quid, isti tres pedes quomodo sint ordinandi jamne ipse colligis, an ad hoc etiam minutatim es perducendus? D. Displicet enim tibi ordo ille quo ipsam varietatem comperi? nam primo adverti unam longam & duas breves, deinde duas breves & unam longam, postremo brevem & longam & brevem. M. Itane verotibi non displiceat qui sic ordinat, ut a primo ad tertium veniat, a tertio ad secundum; ac non potius a primo ad secundum, & deinde ad tertium? D. Displicet prorsus: sed quid hic tandem tale advertisti rogo. M. Cum ideo in hac tripartita differentia illum pedem primum posueris, qui primo loco habet longam, quia sensisti unitatem ipsam longæ syllabæ principatum tenere (si quidem ipsa ibi una est); & propterea eam debere ordinem gignere, ut ille sit pri-

Tom. I.

mus pes ubi prima ipsa est: simul etiam videre debuisti eum esse secundum ubi ipsa secunda est, cum tertium ubi eadem tertia est: an adhuc in illa sententia manendum putas? D. Immo eam sine dubitatione condemno: hunc enim esse meliorem ordinem, vel potius hunc esse ordinem, quis non assentiatur? M. Nunc ergo dic qua numerorum regula isti quoque dividantur pedes, eorumque sibi partes conferantur. D. Primum & postremum æquali regula dividi video, quia & ille in longam & duas breves, & iste in duas breves & longam dividi potest, ut singulæ partes habeant bina tempora, & ob hoc sint æquales. In secundo autem quoniam mediam habet longam syllabam, sive priori sive posteriori parti tribuatur, aut in tria & unum, aut in unum & tria tempora dividitur: ac per hoc in ejus divisione complicatorum numerorum ratio valet:

8. M. Volo mihi jam dicas per te ipse si potes, post istos qui a nobis tractati sunt, quos pedes ordinandos putes. Tractati enim sunt primo binarum syllabarum quatuor, quorum ordo ductus est a numerorum ordine, ut a brevibus syllabis ordiremur. Deinde jam productiores ternarum syllabarum pedes tractandos suscepimus, & quod facile erat ex superiore ratione, a tribus brevibus orsi sumus. Quid deinde sequebatur, nisi ut una longa cum duabus brevibus quot formas ederet videremus? Visum est; & tres pedes post illum primum, ita ut oportebat, ordinati sunt. Qui deinceps consequantur nonne per te ipsum videre jam debes, ne omnia minutissimis interrogatiunculis eruamus? D. Recte dicis: nam quis non videat eos jam sequi, in quibus una brevis sit, ceteræ longæ; cui brevi, quia una est, cum superiore ratione principatus tribuatur, primuserit profecto in his ubi prima est, secundus ubi secunda, tertius ubi tertia, quæ etiam ultima est. M. Cernis, ut opinor, quibus etiam rationibus dividantur, ut sibi eorum partes conferri queant. D. Cerno prorsus: nam ille qui ex una brevi & duabus longis constat, dividi non potest, nisi ita ut prior pars habeat tria tempora, quæ continet brevem & longam: posterior duo, quæ uni longæ insunt. Hic autem tertius in eo quidem priori par est, quod unam patitur divisionem: in eo autem dissimilis, quod cum ille in tria & duo, iste in duo & tria tempora secatur, Nam longa syllaba, quæ primam tenet partem, duobus temporibus tenditur: restat longa & brevis, quod est trium temporum spatium. At vero medius, qui habet brevem syllabam mediam, geminam potest partitionem pati, quia eadem brevis & priori & posteriori parti tribui potest, idcirco aut in duo & tria, aut in tria & duo dividitur tempora: quamobrem sesquatorum numerorum ratio tres istos possidet pedes. M. Omnesne jam trium syllabarum pedes consideravimus, an aliquid restat? D. Unum reliquum video, qui ex tribus longis constat. M. Tracta ergo etiam huius divisionem. D. Una syllaba & duæ, aut duæ atque una huius divisio est, tempora scilicet duo & quatuor, aut quatuor & duo, quare complicatorum numerorum ratione istius pedis sibi partes conferuntur.

9. M. N U N C quaternarum syllabarum pedes consequenter atque ordine videamus, & ipse jam dic quem primum horum esse oporteat, addita etiam ratione divisionis ejus. D. Scilicet quatuor brevium, qui dividitur in duas binarum syllabarum partes, æqualium ratione numerorum duo & duo

CAPUT
VI.
Pedes
tetrasyl-
labi.

V 2

tem-

tempora possidentes. M. Tenes; jam itaque perge ipse, & persequere cetera. Nihil enim opus esse jam puto te per singula interrogari, cum sit una ratio demendi deinceps breves syllabas, & pro his longas subjiciendi, donec ad omnes longas veniatur, & cum demuntur breves, longæque subduntur, quas varietates faciant, & quot pedes gignant considerandi, ea scilicet syllaba principatum ordinis retinente, quæ una fuerit inter ceteras vel longa vel brevis: in his enim omnibus jam superius es exercitatus. Ubi autem duæ breves sunt & duæ longæ, quod in præcedentibus non erat, quas censes principatum habere debere? D. Jam hoc quoque manifestum est de superioribus: si quidem magis tenet unitatem brevis syllaba quæ unum habet tempus, quam longa quæ duo. Et propterea in omni capite atque principio eum pedem constituimus qui ex brevibus constat.

10. M. Nihil igitur te impedit, quin omnes istos persequaris pedes audiente ac judicante me, non interrogante. D. Faciam si potero: nam primo de quatuor brevibus primi pedis, brevis una detrahenda est, & pro ea longa ponenda in primo loco propter unitatis dignitatem. Hic autem pes dividitur bis, aut in longam & tres breves, aut in longam & brevem & duas breves; id est, aut in duo & tria, aut in tria & duo tempora. Secundo autem loco posita longa facit alium pedem, qui uno modo recte dividitur in tria scilicet & duo tempora, ut prior pars teneat brevem & longam, posterior duas breves. Porro tertio loco constituta longa facit eum pedem, qui rursus uno modo rite dividitur, sed ita ut prior pars habeat duo tempora in duabus brevibus syllabis, posterior tria in longa & brevi. Quartum pedem facit longa ultima, qui duobus modis dividitur, ut ille ubi prima est: nam vel in duas breves & brevem ac longam, vel in tres breves & longam partiri eum licet; in duo scilicet & tria, aut in tria & duo tempora. Omnes autem isti quatuor pedes, ubi cum tribus brevibus varie longa collocatur, sesquatorum numerorum ratione partes suas ad se collatas habent.

11. Sequitur ut de quatuor brevibus duabus detractis, pro his duas longas subjiciamus, videamusque quot formas ac pedes, cum breves ac longæ binæ sint, possint edere. Primo igitur video duas breves & duas longas esse ponendas, quod a brevibus rectius exordium sit. Hic autem pes habet duplicem divisionem: aut enim in duo & quatuor, aut in quatuor & duo dividitur tempora; ut aut duæ breves priorem partem teneant, & posteriorem duæ longæ, aut ut priorem duæ breves & longa, posteriorem autem longa quæ reliqua est. Fit alius pes, cum duæ istæ breves quas in capite posueramus, ita ut ordo ipse postulat, in medio fuerint collocatæ, & est hujus pedis divisio in tria & tria tempora: nam priorem partem occupant longa & brevis, posteriorem brevis & longa. Cum autem ponuntur in ultimo, nam hoc sequitur, faciunt pedem geminæ divisionis, cujus aut prior pars habeat duo tempora in una longa, posterior quatuor in longa & duabus brevibus; aut prior quatuor in duabus longis, posterior in duabus brevibus duo. Horum autem trium pedum partes, quod ad primum & tertium adtinet, complicatorum numerorum ratione sibi comparantur; medius æquales eas habet.

12. Jam deinceps istæ duæ breves quæ conjunctæ ponebantur, disjunctæ ponendæ sunt: quarum minima disjunctio est, a qua etiam incipiendum, ut unam

A syllabam longam inter se habeant; maxima, ut duas. Sed cum una est inter eas, duobus modis fit, & duo pedes gignuntur. Prior autem est horum modorum, ut in capite brevis sit, deinde longa, inde brevis & longa quæ reliqua est. Alter modus est, ut in secundo & in ultimo sint breves, in primo & tertio loco longæ: ita erit longa & brevis, & longa & brevis. Maxima vero illa disjunctio est, cum duæ longæ in medio sunt, brevium autem una in primo, altera in extremo loco. Et dividuntur istres pedes, in quibus breves disjunctæ ponuntur, in tria & tria tempora, id est, primus horum in brevem & longam, & brevem ac longam; secundus in longam ac brevem, & longam ac brevem; tertius in brevem ac longam, & longam ac brevem. Ita fiunt sex pedes duabus brevibus & duabus longis syllabis varie inter se, quoad possunt, locatis.

13. Restat ut de quatuor brevibus detrahantur tres, & pro his tres longæ constituantur; erit una brevis, & quia una brevis in capite, quam tres longæ consequuntur, facit alium pedem, secundo loco posita secundum, tertium tertio, quartum quarto. Quorum quatuor, duo primi in tria & quatuor tempora dividuntur, duo autem posteriores in quatuor & tria, & omnes sesquatorum ratione numerorum partes sibi collatas habent: nam prior pars primi est brevis & longa, tenens tria tempora; posterior duæ longæ in quatuor temporibus. Secundi prior pars est longa & brevis, ergo tria tempora; posterior duæ longæ, quatuor tempora. Tertius priorem partem habet in duabus longis, quatuor temporibus; posteriorem ejus partem brevis & longa obtinet, id est, tria tempora. Quarti priorem partem similiter faciunt duæ longæ, quatuor temporum; & posteriorem longa & brevis, tribus temporibus. Reliquus pes est quatuor syllabarum, ubi omnes auferuntur breves; ut quatuor longis pes constet. Hic in duas & duas longas secundum æquales numeros, id est, in quatuor & quatuor videlicet dividitur tempora. Habes quod per me ipsum explicari voluisti: perge jam rogando persequi cetera.

14. M. FACIAM: sed satisne consideraisti progressionem istam usque ad quaternarium numerum, quæ in ipsis numeris demonstrata est, quantum in his etiam pedibus valet? D. Ita sane in his ut in illis hanc progrediendi rationem probo. M. Quid illud, nonne ut contextis syllabis pedes facti sunt, ita etiam contextis pedibus aliquid fieri posse existimandum est, quod jam neque syllabæ neque pedis nomine censeatur? D. Omnino existimo. M. Quid tandem id putasse? D. Versum arbitror. M. Quid si perpetuo contexere quispiam pedes aliquos velit, ita ut eis modum ac finem non imponat, nisi aut defectus vocis, aut aliquis alius casus interpellans, aut temporis ratio ad aliud aliquid transeundi; etiamne versus a te nominabitur, habens vel viginti vel triginta vel centum etiam, siue amplius pedes, ut voluerit ac potuerit ille, qui eos quamlibet longa perpetuitate contexit? D. Non ita est: neque enim aut ubi pedes quoslibet quibuslibet permixtos animadvertero, aut per infinitam longitudinem multos connexos, versum appellabo: sed & genus & numerum pedum, id est, qui & quot pedes versus conficiant aliqua disciplina consequi, & ex ea judicare potero, utrum versus aures meas pepulerit. M. At hæc quæcumque est disciplina versibus regulam & modum non utique ut libitum est, sed aliqua ratione constituit.

CAPUT VII.
Versus
certo
pedum,
ut pes
syllabarum
numero
constat.

tuit. D. Non enim aliter, si quidem disciplina est, aut oportebat, aut poterat. M. Hanc ergo rationem investigemus & assequamur, si placet: nam si auctoritatem solam intueamur, is erit versus, quem versus dici voluit Asclepiades nescio qui, aut Archilochus, poetæ scilicet veteres, aut Sappho poetria, & ceteri, quorum etiam nominibus versusum genera vocantur, quæ primi animadvertentes cecinerunt. Nam & Asclepiadæus versus dicitur, & Archilochius, & Sapphicus, & alia sexcenta auctorum vocabula Græci versibus diversi generis indiderunt. Ex quo non absurde cuiuspiam videri potest, quod si quis ut volet pedes, quot volet, & quos volet ordinaverit, quia nemo ante ipsum hunc ordinem ac mensuram pedibus constituerit, recte ac jure conditor novi generis versusum propagatorque dicitur. Aut si hæc licentia intercluditur homini, cum conquestione quærendum est quid tandem illi meruerunt, si nullam rationem secuti, connexionem pedum quos illis connectere placuit, versusum appellari, haberique fecerunt: an tibi aliter videtur? D. Ita vero est ut dicis, & prorsus assentior, ratione potius quam auctoritate versusum esse generatum, quam peto jamjamque videamus.

CAPUT
VIII.
Varia
pedum
nomina.

15. M. VIDEAMUS ergo qui pedes sibi met copulandi sint, deinde quid his copulatis fiat, non enim versus sit solus, postremo de versus tota ratione tractabimus. Sed num censes commode ista nos posse persequi, nisi pedum nomina teneamus? Quamquam hoc ordine a nobis digesti sint, ut possint ipsius sui ordinis nominibus nuncupari: dici enim potest, primus, secundus, tertius, atque hoc modo ceteri. Sed quia NON SUNT contemnenda vetusta vocabula, nec facile a consuetudine recedendum, nisi quæ rationi adversatur, utendum est his nominibus pedum quæ Græci instituerunt, & nostri jam utuntur pro latinis: quæ plane ita usurpamus, ut non quæramus origines nominum. Multum enim habet ista res loquacitatis, utilitatis parum. Neque enim eo minus utiliter in loquendo appellas panem, lignum, lapidem, quod nescis cur hæc ita sint appellata. D. Ita prorsus ut dicis sentio.

M. a Primus pes vocatur pyrrhichius, ex duabus brevibus, temporum duum, ut *fuga*.

Secundus, Jambus, ex brevi & longa, ut *parens*, temporum trium.

Tertius, Trochæus, vel Chorius, ex longa & brevi, ut *meta*, temporum trium.

Quartus, Spondeus, ex duabus longis, ut *æstas*, temporum quatuor.

Quintus, Tribrachus, ex tribus brevibus, ut *macula*, temporum trium.

Sextus, Dactylus, ex longa & duabus brevibus, ut *Mænalus*, temporum quatuor.

Septimus, Amphibrachus, ex brevi & longa & brevi, ut *carina*, temporum quatuor.

Octavus, Anapæstus, ex duabus brevibus & longa, ut *Erato*, temporum quatuor.

Nonus, Bacchius, ex brevi & duabus longis, ut *Achates*, temporum quinque.

Decimus, Creticus vel Amphimacrus, ex longa & brevi & longa, ut *insula*, temporum quinque.

Undecimus, Palimbacchius, ex duabus longis & brevi, ut *natura*, temporum quinque.

Tom. I.

a Libri veteres absque explicatione & exemplo ullo sic pedes recensent: Primus pes vocatur Pyrrhichius, Secundus Jambus, Tertius &c. scriptumque constanter præferunt spondius, dispondius, pæan, pro, spondeus,

A Duodecimus, Molossus, ex tribus longis, ut *Æneas*, temporum sex.

Decimus-tertius, Proceleumaticus, ex quatuor brevibus, ut *avicula*, temporum quatuor.

Decimus-quartus, Pæon primus, ex prima longa & tribus brevibus, ut *legitimus*, temporum quinque.

Decimus-quintus, Pæon secundus, ex secunda longa & tribus brevibus, ut *colonia*, temporum quinque.

Decimus-sexthus, Pæon tertius, ex tertia longa & tribus brevibus, ut *Menedemus*, temporum quinque.

B Decimus-septimus, Pæon quartus, ex quarta longa & tribus brevibus, ut *celeritas*, temporum quinque.

Decimus-octavus, Ionicus a minore, ex duabus brevibus & duabus longis, ut *Diomedes*, temporum sex.

Decimus-nonus, Choriambus, ex longa & duabus brevibus & longa, ut *armipotens*, temporum sex.

Vigessimus, Ionicus a majore, ex duabus longis & duabus brevibus, ut *Junonius*, temporum sex.

Vigessimus-primus, Diambus, ex brevi & longa & brevi & longa, ut *propinquitas*, temporum sex.

C Vigessimus-secundus, Dichorius vel Ditrochæus, ex longa & brevi, & longa & brevi, ut *cantilena*, temporum sex.

Vigessimus-tertius, Antispastus, ex brevi & duabus longis & brevi, ut *Saloninus*, temporum sex.

Vigessimus-quartus, Epitritus primus, ex prima brevi & tribus longis, ut *sacerdotes*, temporum septem.

Vigessimus-quintus, Epitritus secundus, ex secunda brevi & tribus longis, ut *conditores*, temporum septem.

D Vigessimus-sexthus, Epitritus tertius, ex tertia brevi & tribus longis, ut *Demosthenes*, temporum septem.

Vigessimus-septimus, Epitritus quartus, ex quarta brevi & tribus longis, ut *Fescenninus*, temporum septem.

Vigessimus-octavus, Dispondeus, ex quatuor longis, ut *oratores*, temporum octo.

16. D. H A B E O ista. Nunc differe qui sibi pedes copulentur. M. Judicabis hoc facile, si æqualitatem

E ac similitudinem inæqualitati ac dissimilitudini præstantiorem esse judicas. D. Neminem esse arbitror, qui non ita judicet. M. Hanc ergo prius maxime in

contexendis pedibus sequi oportet, nec ab ea omnino devianandum, nisi cum aliqua causâ justissima est. D.

Assentior. M. Non igitur dubitabis pyrrhichios sibi met pedes contexere, nec iampos, nec trochæos qui

etiam chorii nominantur, nec spondæos, atque ita ceteros sui generis profecto sibi met sine ulla dubitatione

copulabis: est enim summa æqualitas, cum ejusdem generis & nominis pedes sese consequuntur: an tibi

F non videtur? D. Nullo modo mihi aliter videri potest. M. Quid, illud nonne approbas, alios aliis pedes æqualitate servata esse miscendos? Quid enim auribus

potest jocundius esse, quam cum & varietate mulcentur, nec æqualitate fraudantur? D. Satis probo.

M. Num censes alios æquales habendos pedes, nisi qui ejusdem mensuræ sunt? D. Ita existimo. M. Quid, ejusdem mensuræ putandine sunt, nisi qui temporis

tantumdem occupant? D. Verum est. M. Quos ergo inveneris pedes totidem temporum, sine aurium

offen-

V 3

dispondeus, pæon. Item pro, tribrachus, & amphibrachus, habent aliquoties, tribrachys & amphibrachys.

CAPUT
IX.
De pedis
structura.

CAPUT
X.
Amphi-
brachus
nec per
se nec
aliis
mixtus
versum
conficit.

offensione contexes. D. Video esse consequens.

17. M. RECTE quidem: sed adhuc nonnihil quæstionis res habet. Nam cum amphibrachus pes quatuor sit temporum; negant eum quidam posse misceri vel dactylis vel anapæstis vel spondeis vel proceleumaticis, nam hi sunt omnes quaternorum temporum pedes: & non solum istis eum negant posse misceri, sed nec ex ipso solo repetito & sibi met connexo, recte & quasi legitime procedere numerum putant. Quorum opinionem considerare nos oportet, ne quid habeat rationis, quod sequi & approbare conveniat. D. Cupio atque aveo prorsus audire quid afferant. Non enim parum me movet, cum duodetriginta pedes sint; quos ratio persecuta est, hunc solum excludi a continuatione numerorum, cum tantum spatii teneat in tempore quantum dactylus & alii quos pares enumerasti, quos connectere nemo prohibetur. M. Atqui opus est, ut hoc dispicere valeas, considerare ceteros pedes, quemadmodum sibi met eorum partes conferantur: ita enim videbis huic uniquidam accidere novum ac singulare, ut non frustra minime adhibendus ad numeros judicatus sit.

18. Sed hoc nobis considerantibus, opus est hæc duo nomina mandare memoriæ, levationem & positionem. In plaudendo enim quia levatur & ponitur manus, partem pedis sibi levatio vindicat, partem positio. Partes autem pedum dico illas, de quibus superius, cum eos ordine persequeremur, satis dictum est. Quocirca si hoc probas, incipe recensere breviter mensuras partium in omnibus pedibus, ut quid huic uni de quo agitur proprium acciderit, noveris. D. Video primum pyrrhichium tantum habere in levatione, quantum in positione. Spondeus quoque, dactylus, anapæstus, proceleumaticus, choriambus, diiambus, dichorius, antispæstus, dispondeus, eadem ratione dividuntur: nam tantumdem temporis in his ponit plausus, quantum levat. Video secundum iambum simpli & dupli habere rationem; quam rationem cerno & in chorio & in tribracho & molosso, & in utroque ionico. Jam hujus amphibrachi levatio & positio, nam ipsa mihi ex ordine occurrit, cui pares ceteros quæram, simpli & tripli ratione constat. Sed non invenio prorsus alium deinceps, cujus sibi partes tanto intervallō conferantur. Nam cum eos considero in quibus una brevis est & duæ longæ, id est bacchium, creticum, & palimbacchium, sesquialteri numeri ratione levationem ac positionem in his fieri video. Eadem ratio est & in iis quatuor, in quibus una longa est & tres breves, qui quatuor pæones ex ordine nominantur. Reliqui sunt quatuor epitriti similiter ex ordine nuncupati, quorum levationem ac positionem sesquitertius numerus continet.

* Am-
phibra-
chus.

19. M. Num igitur parum tibi iusta causa videtur esse, cur iste * pes ad seriem numerosam vocum non admittatur, quod solius partes tam longe a se differant, ut una simpla sit, alia tripla? Vicinitas enim quædam partium tanto est approbatione dignior, quanto est proxima æqualitati. Itaque illa regula numerorum cum ab uno usque ad quatuor progredimur, nihil unicuique est se ipso propinquius. Quare illud in primis approbandum est in pedibus, cum tantumdem habent partes adinvicem: deinde copulatio simpli & dupli eminet in uno & duobus: sesquialtera vero copulatio in duobus & tribus apparet: jam sesquitertia tribus & quatuor. Simplum vero & triplum quamquam com-

A plicatorum numerorum lege teneatur, non tamen in ordine illo sibi met cohæret: non enim post unum tria numeramus, sed ab uno ad ternarium numerum binario interposito pervenitur. Hæc ratio est qua excludendus judicatur amphibrachus pes ab ea copulatione de qua quærivimus, quæ si abs te probatur, cetera videamus. D. Probatur sane: nam manifestissima atque certissima est.

20. M. CUM ergo placeat quoquo modo se in syllabis habeant, tamen si ejusdem spatii sint in tempore, recte sibi & sine detrimento æqualitatis pedes posse misceri, excepto dumtaxat amphibracho; quæri non immerito potest, utrum recte misceantur, qui quamquam sint æquales tempore, non eadem tamen percussione concordant; quæ levatione ac positione partes pedis sibi met confert. Nam dactylus & anapæstus & spondeus non solum æqualium temporum sunt, sed etiam percutiuntur æqualiter: in omnibus enim tantum levatio, quantum positio sibi vindicat. Itaque hi sibi miscentur justius quam quilibet ionicus ceteris sex temporum pedibus. Uterque quippe ionicus ad simplum & duplum percutitur, duo scilicet tempora quatuor temporibus conferens. His molossus etiam in hac re congruit. Ceteri vero ad tantumdem; nam in his levationi ac positioni terna tempora tribuuntur. Ergo tametsi omnes legitime feriantur, nam & illi tres simpli & dupli ratione, & alii quatuor æquis partibus feriuntur, tamen quia plausum inæqualem facit ista permixtio, haud scio an jure repudietur: nisi quid habes ad hæc. D. Proclivior sum in istam sententiam, D. Nam inæqualis plausus quomodo sensum non offendat ignoro: si autem offendit, non utique id potest sine vitio hujus permixtionis accidere.

21. M. Atqui scias veteres miscendos judicasse istos pedes, & horum mixtione versus compositos condidisse. Sed ne te auctoritate premere videar, accipe aliquid horum versuum, & vide utrum offendant auditum. Si enim non modo non offenderit, sed etiam delectaverit, nulla erit ratio hujus mixtionis improbandæ. Versus autem ii sunt quos advertas volo.

*At consona quæ sunt, nisi vocalibus aptes,
Pars dimidium vocis opus proferet ex se:
Pars muta soni comprimet ora molientum:
Illis sonus obscurior impeditiorque,
Utrumque tamen promitur ore semicluso.*

Satis esse arbitror ad judicandum id quod volo. Quare dic quæso utrum nihil tuas aures numerus iste permulserit? D. Immo nihil mihi videtur currere ac sonare festivius. M. Considera igitur pedes, invenies profecto cum sint quinque versus, duos primos solis ionicis currere, tres posteriores habere admixtum dichorium, cum omnes omnino sensum nostrum communi æqualitate delectent. D. Jam hoc animadverti, & facilius te pronuntiante. M. Quid ergo dubitamus consentire veteribus non eorum auctoritate, sed ipsa jam ratione victi, qui censent eos pedes qui ejusdem temporis sunt rationabiliter posse misceri, si habeant legitimam, quamvis diversam percussione? D. Cedo jam prorsus: nam me ille sonus quidquam contradicere non finit.

22. M. INTENDE item in istos versus,
*Volo tandem tibi parcas, labor est in chartis:
Et apertum ire per auras animum permittas.
Placet hoc: nam sapienter remittere interdum
Aciem rebus agendis decenter intentam.*

D. Etiam

CAPUT
XI.
Pelum
ra iona-
bilis
mixtura.

Teren-
tianus.

CAPUT
XII.
Pedes
sex tem-
porum.

D. Etiam hoc satis est. M. Præsertim cum isti versus sint inconditi, quos necessitate ad tempus fabricatus sum. Verumtamen & in iis quatuor requiro iudicium sensus tui. D. Quid aliud & hic possum dicere, quam pulcre illos congruenterque sonuisse? M. Sentisne etiam duos superiores altero jonico constare qui dicitur a minore, duos autem posteriores diiambum habere permixtum? D. Et hoc te pronuntiando insinuante perferens. M. Quid, illud nonne te movet quod in illis Terentiani versibus jonico ei qui a maiore dicitur, dichorius: in iis autem nostris alteri jonico qui a minore nominatur, diiambus mixtus est? an nihil interesse arbitraris? D. Immo interest, & videor mihi rationem ipsam videre: nam quoniam joniceus a maiore a duabus incipit longis, eum sibi potius copulandum poscit, ubi longa prima est, id est dichorium. Diambus vero quod incipit a brevi, congruentius alteri miscetur jonico a duabus brevibus incipienti.

23. M. Bene intelligis, quare hoc quoque tenendum est, istam etiam congruentiam, excepta æqualitate temporum in pedibus miscendis aliquantum valere oportere: non enim plurimum, sed tamen non nihil valet. Nam pro omni pede sex temporum, omnem pedem sex temporum poni posse, ita sensu interrogato iudices licet, primum molossi exemplum sit nobis, *virtutes*: jonici a minore, *moderatas*: choriambi, *percipies*: jonici a maiore, *concedere*: diiambi, *benignitas*: dichorii, *civitasque*: antispasti, *volet justa*. D. Habeo ista. M. Contexte igitur ista omnia atque pronuntia, vel me potius pronuntiante accipe, quo ad iudicandum liberior sensus vacet. Nam ut continuati numeri æqualitatem, sine ulla offensione aurium tibi insinuem, hoc totum contextum ter pronuntiabo, quod satis esse non dubitaverim. *Virtutes moderatas percipies, concedere benignitas civitasque volet justa. Virtutes moderatas percipies, concedere benignitas civitasque volet justa. Virtutes moderatas percipies, concedere benignitas civitasque volet justa.* Num forte aliquid in hoc pedum cursu aures tuas æqualitate aut suavitate fraudavit? D. Nullo modo. M. Delectavitne aliquid? quamquam hoc quidem consequens est in hoc genere, ut delectet omne quod non offenderit. D. Non possum aliter me dicere affectum, quam videtur tibi. M. Probas ergo omnes istos pedes senum temporum recte sibi posse copulari aut misceri. D. Probo.

CAPUT XIII.
Ordo pedum quo modo mutetur, concinnetur.
24. M. NIHILNE formidas, ne quis arbitretur tam æqualiter istos pedes hoc ordine collocatos sonare potuisse: si autem ordinem permutes, non idem posse? D. Non nihil quidem affert, sed experiri non est difficile. M. Istud ergo facito cum vacabit, non aliter invenies quam sensum tuum multiformi varietate & una æqualitate mulceri. D. Faciam; quamquam hoc exemplo nemo est qui non prævideat necessario id eventurum. M. Recte existimas: sed quod ad propositum pertinet, admoto plausu ista percurram, ut de hoc quoque diiudicare possis utrum aliquid, an nihil claudicet: atque ut simul aliquid experiaris de commutatione illius ordinis, quam nihil claudicationis illaturam esse prædiximus, jam nunc ipsum ordinem muta, & ut libitum est, eosdem pedes collocatos aliter atque a me collocati sunt, personandos mihi plaudendosque permitte. D. Primum volo esse jonicum a minore, secundum jonicum a

A maiore, tertium choriambum, quartum diiambum, quintum antispastum, sextum dichorium, septimum molossum. M. Intende ergo & aurem in sonum, & in plausum oculos: non enim audiri, sed videri opus est plaudentem manum, & animadverti acriter quanta temporis mora in levatione, quanta in positione sit. D. Totus istic sum, quantum valeo. M. Accipe igitur collocationem illam cum plausu tuam: *Moderatas, concedere, percipies, benignitas, volet justa, civitasque, virtutes*. D. Sentio quidem nequaquam plausum istum claudicare, & tantum levare quantum ponere; sed vehementer admiror quomodo eo percuti potuerint illi pedes, quorum divisio simpli & dupli ratione constat, sicuti sunt ambo jonici & molossus. M. Quid hic fieri tamen arbitraris, cum in his tria levantur tempora, totidemque ponantur? D. Nihil aliud hic prorsus video quam eam longam syllabam, quæ in jonico a maiore, & in molosso secunda, in jonico autem a minore tertia est, plausu ipso dividi, ut quoniam duo habet tempora, unum inde superiori parti, alterum posteriori tribuat, atque ita terna tempora levatio positioque fortiantur.

25. M. Nihil hic omnino aliud dici aut intelligi potest. Sed cur non etiam ille amphibrachus, quem ab ista numerositate penitus ejiciebamus, hac conditione miscatur spondeo, dactylo, & anapæsto, vel per se ipse a numerosum aliquid in musica continuatus efficiat? Potest enim simili ratione media quoque pedis ejus syllaba, quæ longa est, plausu dividi, ut cum singula tempora singulis lateribus dederit, non jam unum & tria, sed bina tempora levatio positioque sibi vindicent, nisi habes aliquid quod resistat. D. Nihil sane habeo quod dicam, nisi hunc etiam esse admittendum. M. Aliquid ergo plaudamus quaternorum temporum pedibus ordinatum atque contextum, quibus iste commixtus sit, & eodem modo sensu exploremus, utrum nihil imparile offendat. Et ideo adtende in hunc numerum propter iudicandi facilitatem cum plausu tertio repetitum. *Sumas optima, facias honesta. Sumas optima, facias honesta. Sumas optima, facias honesta.* D. Jamjam obsecro parce auribus meis: nam etiam plausu non admoto, ipse per se horum pedum cursus in illo amphibracho vehementissime claudicat. M. Quid igitur putandum est esse causæ, ut in hoc fieri non possit quod in molosso & joniceis potuit? An quoniam in illis æqualia sunt medio latera? In numero enim pari ubi sit medium suis æquale lateribus, primus senarius occurrit. Ergo illi senum temporum pedes, quoniam duo tempora in medio possident, & bina in lateribus, libenter quodam modo illud medium cecidit in latera, quibus amicissima æqualitate conjungitur. Non autem idem fiet in amphibracho, ubi sunt imparia medio latera, si quidem in illis singula, in illo duo tempora sunt. Huc accedit, quod in joniceis & molosso medio in latera soluto terna fiunt tempora, in quibus rursum medio bini paria latera inveniuntur, quod item deficit amphibracho. D. Ita res est ut dicis: nec immerito amphibrachus in illa serie offendit auditum, hi vero etiam delectant.

26. M. AGE nunc tu per te ab ipso exordire pyrrhichio, & secundum supra dictas rationes, quos pedes quibus misceri oporteat, quantum potes, breviter explica. D. Nullus pyrrhichio: non enim alius invenitur totidem temporum. Jambo posset chorius, sed

a Sic MSS. At Lov. aliaque editiones habent, *numerosus*.

b In prius editis omittitur *pari*; quam vocem restitimus ex MSS.

Nec non ex iisdem paulo infra, *hi vero etiam delectant*; ubi editi habent, *hic vero etiam delectat*.

sed propter inæqualem plausum vitandum est, quod alter a simplo, a duplo alter incipit. Ergo tribrachus utrique accommodari potest. Spondeum & dactylum & anapæstum & proceleumaticum amicosinter se atque copulabiles video, non enim tantum temporibus, sed plausu etiam sibi congruunt. Enimvero exclusus amphibrachus, nulla potuit ratione reduci, cui paritas temporum auxiliari quid, divisione plausuque discordante non potuit. Bacchio creticum, & pæones primum, secundum & quartum. Palimbacchio autem eundem creticum, & pæones primum & tertium & quartum, in temporibus & plausu concordare manifestum est: Ergo cretico & pæonibus primo & quarto, quoniam & a duobus & a tribus temporibus eorum incipere divisio potest, ceteri omnes quinum temporum pedes possunt sine ulla claudicatione copulari. Jam illorum qui sex temporibus constant, omnium inter se miram quamdam esse concordiam, satis disputatum est. Quando quidem illi quoque ab aliis in plaudendo non dissonant, quos aliter dividi co-

A git conditio syllabarum: tantam vim habet cum medio laterum æqualitas. Porro septenum temporum pedes cum sint quatuor, qui epitriti nominantur, primum & secundum invenio sibi posse copulari: amborum enim divisio incipit a tribus temporibus, idcirco nec spatio temporis nec plausu dissident. Rursus libenter sibi junguntur tertius & quartus; quia uterque in dividendo incipit a quatuor temporibus, quare & metiuntur & plauduntur æqualiter. Restat octo temporum pes qui dispondeus vocatur, cui sicut pyrrichio par nullus est. Habes a me quod poposcisti & facere potui. Perge ad reliqua. M. Faciam: sed post tam longum sermonem respiremus aliquantulum, & illorum versuum meminerimus, quos mihi extemporales paulo ante ipsa lassitudo suggestit.

Volo tandem tibi parcas, labor est in chartis,

Et apertum ire per auras animum permittas.

Placet hoc: nam sapienter remittere interdum

Aciem rebus agendis decenter intentam.

D. Placet sane, ac libenter obtempero.

LIBER TERTIUS.

In quo exponitur quid intersit discriminis inter rhytmum, metrum & versum; tum agitur seorsim de rhythmo; ac deinde tractatio de metro inchoatur.

CAPUT
I.
Rhyth-
mus ac
metrum
quid.

I. **T**ERTIUS hic sermo postulat, ut quoniam de pedum amicitia quadam concordiaque satis dictum est, videamus quid ex his contextis continuatiffique gignatur. Quare primum ex te quæro, utrum possint copulati sibi pedes, quos copulari oportet, perpetuum quemdam numerum creare, ubi nullus finis certus appareat: velut cum symphoniaci scabella & cymbala pedibus feriunt, certis quidem numeris & his qui sibi cum aurium voluptate junguntur, sed tamen tenore perpetuo, ita ut si tibias non audias, nullo modo ibi notare possis quo usque procurrat connexio pedum, & unde rursus ad caput redeatur. Velut si tu velis centum vel amplius, quo usque libitum est, pyrrichios vel alios qui inter se amici sunt pedes, continua connexionem decurrere. D. Jam intelligo, & fieri posse concedo quamdam pedum connexionem, in qua certum est usque ad quot pedes progrediendum sit, atque inde redeundum. M. Num a huius generis esse dubitas, cum certam faciendorum versuum disciplinam esse non neges, & qui versus te semper cum voluptate audisse confessus sis? D. Manifestum est & hoc esse, & ab illo superiore genere distare. F

2. M. Ergo quoniam oportet distinguere etiam vocabulis ea quæ re ab se distincta sunt, scias illud superius genus copulationis, rhytmum a Græcis; hoc autem alterum, metrum vocari: latine autem dici possent, illud numerus, hoc mensio vel mensura. Sed quoniam hæc apud nos nomina late patent, & cavendum est ne ambigue loquamur, commodius utimur græcis. Vides tamen, ut opinor, quam recte utrumque nomen his rebus sit impositum: nam quoniam illud pedibus certis provolvitur, peccaturque in eo si pedes dissoni misceantur, recte appellatus est rhytmus, id est numerus: sed quia ipsa provolutio non habet modum, nec statutum

est in quoto pede finis aliquis emineat, propter nullam mensuram continuationis non debuit metrum vocari. D. Hoc autem utrumque habet: nam & certis pedibus curritur, & certo terminatur modo. Itaque non solum metrum propter insignem finem, sed etiam rhytmus est, propter pedum rationabilem connexionem. Quocirca omne metrum rhytmus, non omnis rhytmus etiam metrum est. Rhythmienim nomen in musica usque adeo late patet, ut hæc tota pars ejus quæ ad diu & non diu pertinet, rhytmus nominata sit. Sed de nomine, cum res appareat, non esse satagendum, & doctis & sapientibus placuit. An aliquid contradicendum aut dubitandum putas de his, quæ a me dicta sunt? D. Immo prorsus assentior.

3. M. NUNC ergo mecum illud considera, utrum sicut omnis versus metrum est, ita omne metrum etiam versus sit. D. Considero quidem, sed quid respondeam non invenio. M. Unde id tibi censeres accidisse? an quia de vocabulis quæstio est? Non enim ut de rebus ad disciplinam pertinentibus, ita de nominibus possumus respondere interrogati: propterea quia res omnium mentibus communiter sunt insitæ; nomina vero, ut cuique placuit, imposita, quorum vis auctoritate atque consuetudine maxime nititur: unde etiam esse linguarum diversitas potest, rerum autem in ipsa veritate constitutarum profecto non potest. A me igitur accipe quod ipse nullo pacto respondere posses: non versum solum, metrum veteres vocavere. Itaque quod ad te adtinet, vide atque responde, non enim jam de nominibus agitur, utrum inter hæc duo aliquid distet, quod quidam numerus pedum ita certo fine claudatur, ut nihil ad rem pertineat, ubi fiat quidam articulus ante quam veniatur ad finem: alius autem non solum certo fine claudatur, sed etiam ante finem

CAPUT
II.
Quid in-
tersit
inter
versum
& me-
trum.

a Lov. Num certum esse dubitas. At MSS. Num huius generis esse dubitas; quomodo etiam editiones Am. & Er. quæ addunt, & hoc ab illo superiore distare concedis.

b Huc revocavimus ex MSS. illæc verba, ante fuerit, quæ in hætenus editis desunt.

finem certo quodam loco quædam ejus partitio emineat, ut quasi membris conficiatur duobus. D. Non intelligo. M. Adtende ergo in hæc exempla:

*Ite igitur Camænæ
Fonticolæ puellæ,
Quæ canitis sub antris
Mellifluos sonores,
Quæ lavitis capillum
Purpureum Hippocrene
Fonte, ubi fusus olim
Spumea lavit almus
Ora júbis aquosis
Pegasus, in nitentem
Pervolaturus æthram.*

Cernis profecto quinque superiores versiculos eodem loco partem orationis habere terminatam, id est, in choriambopo pede, cui subjungitur bacchius, ut versiculum compleat: (namque hi undecim choriambopo & bacchio pedibus constant) ceteros vero excepto uno, scilicet *Ora júbis aquosis*, non eodem loco habere terminatam partem orationis. D. Cerno istud quidem, sed quo pertineat non video. M. Eo scilicet ut intelligas, hoc metrum non quasi legitimum locum habere, ubi ante finem versus finiatur pars orationis: nam si ita esset, omnes eodem loco hunc haberent articulum, aut certe rarissime in his inveniretur qui non haberet: nunc vero cum sint undecim, sex ita sunt, quinque non ita. D. Et hoc accipio, & adhuc quo ratio tendat exspecto. M. Adtende ergo etiam in ista pervulgatissima: *Arma virumque cano, Trojæ qui primus ab oris*. Et ne longum faciamus, quia carmen notissimum est, ab hoc versu usque ad quem volueris explora singulos, invenies finitam partem orationis in quinto semipede: id est, in duobus pedibus & semisse: nam hi versus constant pedibus quaternorum temporum: quare iste finis de quo agitur partis orationis, quasi legitimus in decimo tempore est. D. Manifestum est.

4. M. Jam ergo intelligis inter illa duo genera quæ ante ista exempla proposueram, non nihil distare: quod aliud scilicet metrum ante quam claudatur, non habet certum & statutum aliquem articulum, sicut in illis undecim versiculis exploravimus: aliud vero habet, sicut in heroico metro quintus semipes satis indicat. D. Jam liquet quod dicis. M. Atqui scias oportet, a veteribus doctis, in quibus magna est auctoritas, illud superius genus non esse versum appellatum, sed hunc definitum & vocatum esse versum, qui duobus quasi membris constaret, certa mensura & ratione junctis. Sed tu non multum labores de nomine, quod nisi a me vel a quolibet alio tibi indicaretur, nullo modo de hoc interrogatus respondere posses. Sed quod ratio docet, in id præcipue & maxime animum intende, velut hoc ipsum quod nunc agimus: ratio enim docet inter hæc duo genera distare aliquid, quibuslibet vocabulis nuncupentur: itaque hoc bene interrogatus posses dicere ipsa veritate confisus: illud autem nisi auctoritatem secutus, non posses. D. Apertissime jam ista cognovi, & quanti pendas hoc, de quo me tam crebro admones, jam existimo. M. Hæc ergo tria nomina, quibus differendi causa necessario usuri sumus, memoriæ mandes velim: rhythmum, metrum, versum, quæ sic distinguuntur, ut omne metrum etiam rhythmus sit, non omnis rhythmus etiam metrum. Item omnis versus etiam metrum sit, non omne metrum etiam versus. Ergo omnis versus est rhythmus & metrum: nam hoc,

ut arbitror, esse consequens vides. D. Video sane: nam est luce clarius.

5. M. PRIUS igitur, si placet, de rhythmum quo nullum metrum est, deinde de metro ubi versus non est, postremo de ipso versu quantum possumus differamus. D. Placet vero. M. Sume ergo tibi ab ipso capite pedes pyrrhichios, & de his rhythmum contex. D. Etiam si id possim facere, qui modus erit? M. Satis est, ut eum tendas (exempli enim gratia id facimus) usque ad decem pedes: nam usque ad hunc pedum numerum non progreditur versus, quod suo loco diligenter tractabitur. D. Bene quidem tu non multos pedes mihi proposuisti copulandos; sed videris mihi non recordari, jam te satis discevisse, quid inter grammaticum & musicum intersit, cum ego tibi respondissem, syllabarum longarum & brevium cognitionem me non habere, quæ a grammaticis traditur: nisi forte permititis, ut non verbis, sed aliquo plausu rhythmum istum exhibeam: nam judicium aurium ad temporum momenta moderanda me posse habere non nego: quæ vero syllaba producenda vel corripienda sit, quod in auctoritate situm est, omnino nescio. M. Fateor nos ita, ut dicis, grammaticum a musico discevisse, & in hoc te genere incertiam tuam esse confessum. Quare a me accipe hoc exempli genus: *Ago celeriter agile quod ago tibi quod anima velit*. D. Habeo istuc.

6. M. Hoc ergo quotienslibet repetendo, efficies rhythmum hujus longitudinem quantam voles, quamquam hi decem pedes ad exemplum sufficiant. Sed illud quaero, si tibi quispiam dicat, non pyrrhichius, sed proceleumaticis pedibus hunc rhythmum constare, quid respondebis? D. Prorsus ignoro: nam ubi decem pyrrhichii sunt, quinque proceleumaticos metior, & eo major dubitatio est, quod de rhythmum consulimur, qui scilicet perpetuo fluit. Undecim enim pyrrhichii vel tredecim, & quolibet impari numero, non possunt habere integrum proceleumaticorum numerum. Si ergo esset certus finis in hoc de quo agitur rhythmum, ibi saltem dicere possemus pyrrhichio potius quam proceleumatico eum currere, ubi omnes integri proceleumatici non invenirentur: nunc vero & ipsum infinitum nobis conturbat judicium, & si quando numerati quidem pedes, sed pari numero nobis proponuntur, sicut isti sunt decem. M. Atqui nec de ipso impari numero pyrrhichiorum, quod tibi visum est, liquido visum est. Quid enim si undecim propositis pedibus pyrrhichii dicatur rhythmus quinque habere proceleumaticos & semipedem, numquid resisti potest, cum multos inveniamus versus claudi semipede? D. Jam dixi me nescire quid de hac re dici possit. M. Num etiam illud nescis, proceleumatico priorem esse pyrrhichium? si quidem duobus pyrrhichiiis proceleumaticus confit: sicut prius est unum quam duo, & duo quam quatuor, ita proceleumatico prior est pyrrhichius. D. Verissimum est. M. Cum ergo in hanc ambiguitatem incidimus, ut possit in rhythmum & pyrrhichius metiri & proceleumaticus, cui principatum daturi sumus: priori, ex quo iste constat; an posteriori, ex quo ille non constat? D. Nemo dubitabit priori esse dandum. M. Quid ergo dubitas de hac re consultus respondere, pyrrhichium potius quam proceleumaticum istum rhythmum esse nuncupandum? D. Jam omnino non dubito: pudet tam manifestam rationem non me cito animadvertisse.

CAPUT
III.
Rhyth-
mi ex
pyrrhi-
chiis.

7. M. VIDESNE illud etiam ista ratione cogi, ut quidam pedes sint, qui rhythmum continuare non possint? Nam quod de proceleumatico inventum est, cui tollit pyrrhichius principatum, hoc & de diambo & de dichorio & de dispondeo inventum puto: nisi tibi aliud videtur. D. Quid mihi aliud videri potest, cum probata illa ratione hoc quod sequitur improbare non possim? M. Vide etiam ista, & compara ac iudica. Nam videtur, cum tale incertum evenit, plausu potius debere discerni quo pede curratur: ut si pyrrhichio velis currere, unum tibi tempus levandum, unum ponendum sit: si proceleumatico duo & duo; ita & pes apparebit, & nullus pedum erit a rhythmici continuatione seclusus. D. Huic magis faveo sententiæ, quæ nullum pedem ab hac contextione esse immunem finit. M. Recte facis, & quo magis hoc approbes, considera de tribracho pede quid respondere possimus, si nihilo minus quisque contendat non pyrrhichio aut proceleumatico istum rhythmum, sed tribracho currere. D. Video iudicium ad plausum illum esse revocandum, ut si unum tempus est in levatione, duo in positione, id est, una & duæ syllabæ, aut contra duæ in levatione, una in positione, tribrachus rhythmus esse dicatur.

8. M. Recte intelligis. Quamobrem jam dic mihi utrum spondeus pes pyrrhichio rhythmum possit adjungi. D. Nullo modo: non enim continuabitur plausus æqualis, cum levatio & positio in pyrrhichio singula, in spondeo vero bina tempora teneant. M. Potest ergo proceleumatico adjungi. D. Potest. M. Quid cum ei adjungitur, interrogati utrum rhythmus proceleumaticus an spondiacus sit, quid respondebimus? D. Quid censes, nisi spondeo dandum esse principatum? Cum enim plausu ista controversia non dijudicetur, nam in utroque bina levamus ac ponimus tempora, quid aliud restat nisi ut ille regnet, qui in ipso pedum ordine prior est? M. Rationem te secutum esse satis approbo; & vides, ut arbitror, quid sequatur. D. Quid tandem? M. Quid putas, nisi tam proceleumatico quam pyrrhichio rhythmum nullum alium pedem posse misceri? quoniam quisquis miscebitur totidem temporum, non enim aliter potest misceri, in eum rhythmici nomen transferatur necesse est. Omnes enim priores illo sunt, qui totidem temporibus constant. Et quoniam iis qui priores inventi fuerint, cogit nos ratio, quam vidisti, principatum dare, id est, ex eo rhythmum nuncupare, non erit jam proceleumaticus rhythmus, aliquo alio quatuor temporum mixto, sed spondiacus aut dactylicus aut anapæsticus. Amphibrachum enim ab istorum copulatione numerorum recte remotum esse convenit. D. Fateor ita esse.

9. M. Nunc ergo ex ordine considera iambicum rhythmum, quoniam pyrrhichium & proceleumaticum, qui duplicato pyrrhichio gignitur, satis discussimus. Quare dicas velim huic quem censes admiscendum pedem, ut iambicus rhythmus suum nomen obtineat. D. Quem nisi tribrachum, qui & temporibus, & plausu congruit: & quia posterior est, regno pollere non potest? Nam chorius est quidem posterior, & totidem temporum, sed non eodem modo plauditur. M. Age, jam vide rhythmum trochaicum, & ad eadem de hoc quoque responde. D.

A Idem respondeo: nam potest & huic non solum spatio temporis, sed plausu etiam concinere tribrachus. Cavendum autem iambum quis non videat? qui etiam si æqualiter plauderetur, principatum tamen mixtus auferret. M. Quid, spondiaco rhythmum quem tandem copulabimus pedem? D. Sane in hoc largissima copia est: nam & dactylum & anapæstum & proceleumaticum nulla imparilitate temporum, nulla claudicatione plausus, nulla principatus ademptione impediante huic video misceri posse.

10. M. Video jam te facile posse cetera ordine persequi: quocirca remota interrogatione mea, vel potius tamquam de omnibus interrogatus responde breviter dilucideque, quantum potes, quomodo singuli qui restant pedes, aliis legitime immixtis, obtineant suum nomen in rhythmum? D. Faciam: neque enim ullius negotii est, tanta rationum luce præmissa. Nam tribracho nullus miscebitur; omnes enim priores sunt, qui ei sunt temporibus pares. Dactylo anapæstus potest; nam & est posterior tempore, ac plausu currit æqualiter: utrique autem proceleumaticus eadem scilicet ratione copulatur. Jam bacchio creticus, & de pæonibus primus, secundus & quartus misceri possunt. Porro ipsi cretico, omnes qui post illum sunt quinque temporum pedes jure miscentur, sed non omnes eadem divisione. Alii namque ad duo & tria, alii ad tria & duo tempora dividuntur. Iste autem creticus utroque modo dividi potest, quia media brevis cuilibet parti tribuitur. Palimbacchius autem, quia ejus divisio a duobus temporibus incipiens, in tria desinit, congruos & copulabiles habet pæones omnes, præter secundum. D. Molossus de trisyllabis restat, a quo primo incipiunt sex temporum pedes, qui omnes eidem conjungi possunt, partim propter simpli duplique rationem, partim propter illam quam nobis plausus ostendit partitionem longæ syllabæ, quæ singula tempora parti utrique concedit, quia in senario numero par lateribus medium est. Ob quam causam & molossus, & ambo jonici non solum in simplum & duplum, sed etiam in æquas partes per terna tempora feriuntur. Hinc efficitur ut deinceps omnibus sex temporum pedibus, omnes totidem temporum posteriores copulari queant, solusque antispæstus, qui nullum sibi velit misceri, remaneat. Hos consequuntur quatuor epitriti, quorum primus admittit secundum, secundus nullum, tertius quartum, quartus nullum. Restat dispondeus, rhythmum solus etiam ipse factururus, quia nec posteriorem quemquam invenit, nec æqualem. Itaque omnium pedum novem a sunt, qui nullo alio mixto rhythmum faciunt: pyrrhichius, tribrachus, proceleumaticus, pæon secundus, pæon quartus, antispæstus, epitritus secundus, & quartus, & dispondeus: reliqui eos, qui se posteriores sunt, copulari sibi patiuntur, ita ut rhythmici nomen obtineant, etiam si pauciores in ea serie numerentur. Hoc est, ut opinor, satis a me quod voluisti, explicatum atque digestum: tuum est jam videre quod restat.

11. M. IMMO mecum etiam tuum: ambo enim quærimus. Sed quid tandem restare arbitraris, quod ad rhythmum adtinet? Nonne illud considerandum est, utrum aliqua dimensio pedis, quamvis octo tem-
po-

a MSS. omnes quos per nos inspicere licuit habent, octo sunt, & mox in horum pedum recensione omittunt, pæon secundus. Qui tamen pes videtur. haud posse ex lege hic præscripta rhythmum alio ad-
misto pede facere; quippe cum posteriores totidem temporum pedes

misceri illi prohibeat plausus disparitas, priores vero si illi miscentur, rhythmum sibi vindicent, suumque ipsi nomen imponent: quapropter lectionem retinimus editionum Am. Er. & Loy.

pora non excedat, quæ dispondeus obtinet, excedat A tamen numerum quatuor syllabarum? D. Quare quæso? M. Immo tu, quare me potius quam te ipsum rogas? An tibi non videtur sine ulla fraude vel offensione aurium, siue quod ad plausum ac divisionem pedum, siue quod ad spatium temporis pertinet, pro una longa syllaba duas posse poni breves? D. Quis hoc negaverit? M. Hinc ergo est, quod pro jambo vel chorio tribrachum ponimus, & pro spondeo dactylum vel anapæstum vel proceleumaticum, cum vel pro secunda ejus, vel pro prima duas breves ponimus, vel quatuor pro utraque. D. Assentior. M. Facigitur hoc idem in ionico quolibet, vel alio quopiam quadrissyllabo sex temporum pede, & pro una ejus quacumque longa duas breves constitue: num quidquam mensuræ deperit, aut plaufui resistit? D. Nihil omnino. M. Considera ergo quot syllabæ fiunt. D. Quinque fieri video. M. Vides certe posse quatuor syllabarum numerum excedi. D. Video sane. M. Quid si pro duabus, quæ ibi sunt longæ, quatuor breves posueris, nonne in uno pede sex syllabas necesse est metiri? D. Ita est. M. Quid si cujuslibet epitritii omnes longas solvas in breves, num etiam de septem syllabis dubitandum est? D. Nullo modo. M. Quid ipse dispondeus nonne octo efficit, cum pro omnibus longis binas breves locamus? D. Verissimum est.

12. M. Quæ igitur ratio est qua cogimur & tam multarum syllabarum metiri pedes, & pedem qui adhibetur ad numeros, non excedere quatuor syllabas, ante tractatis rationibus confitemur? nonne tibi videntur inter se ista pugnare? D. Immo maxime, & quomodo istud pacari possit, ignoro. M. Etiam hoc facile est, si te ipsum rursus interrogas, utrum rationaliter inter nos paulo ante constiterit, ideo pyrrhichium, & proceleumaticum plaufu debere dijudicari atque discerni, ne sit ullus pes legitimæ divisionis, qui rhythmum non faciat, id est, ut ex eo rhythmus nominetur. D. Hoc vero memini, & non invenio cur mihi placuisse pæniteat: sed quorsum ista? M. Quia scilicet hi omnes pedes quaternarum syllabarum, excepto amphibracho, rhythmum faciunt, id est, principatum in rhythmum tenent, eumque usu & nomine efficiunt: illi vero qui plures quam quatuor syllabas habent, multi quidem pro his poni possunt, sed ipsi per se rhythmum facere, ac rhythmici nomen obtinere non possunt, & ideo ne pedes quidem istos appellandos putaverim. Quamobrem repugnantia illa quæ nos movebat, jam, ut opinor, composita est & sopita; quando quidem licet & plures syllabas quam quatuor pro aliquo pede ponere, & pedem tamen non appellare, nisi eum quo rhythmus efficiatur. Oportebat enim pedi constitui aliquem modum progressionis in syllabis. Is autem modus constitui optime potuit, qui de ipsa numerorum ratione translatus in quaternario constitit. Itaque longarum syllabarum quatuor pes esse potuit. Cum autem pro eo breves octo constituimus, quoniam tantum spatii habent in tempore, pro altero poni possunt. Quia vero legitimam progressionem, id est, quaternarium numerum excedunt, pro se ipsi poni ac rhythmum gignere, non sensu aurium, sed disciplinæ lege prohibentur: nisi contradicere aliquid paras.

13. D. Paro sane, & jam faciam. Nam quid impediēbat usque ad octonarium numerum syllabarum progredi pedem, cum eundem numerum ad rhy-

thmum admitti posse videamus? Neque enim me movet, quod pro alio dicis admitti: immo hoc me magis admonet quærere, vel potius quæri, quod non etiam suo nomine admittitur qui pro alio potest. M. Non mirum est, quod hic falleris; sed facilis explicatio veri est. Nam ut omittam tanta quæ pro quaternario numero jam ante disputata sunt, cur usque ad illum fieri debeat progressio syllabarum, fac me jam cessisse tibi & consensisse usque in octo syllabas pedis debere longitudinem porrigi: num resistere poteris esse jam posse octo longarum syllabarum pedem? Certe enim ad quem numerum syllabarum pervenit pes, non solus ad eum pervenit qui brevibus, sed etiam qui longis syllabis constat. Quo fit ut adhibita rursus ea lege, quæ abrogari non potest, qua duas breves pro una longa poni licet, ad sedecim syllabas pertendamus. Ubi si rursus pedis incrementum statuere volueris, in triginta duas breves proficiscimur: huc quoque ratio tua pedem te compellit adducere, & rursus lex illa duplum numerum brevium pro longis locare: atque ita nullus constituetur modus. D. Jam cedo rationi, qua usque ad quaternarium syllabarum numerum promovemus pedem. Pro his autem legitimis pedibus poni oportere pedes plurium syllabarum, dum breves duæ unius longæ locum occupant, non recuso.

14. M. FACILE est ergo te etiam illud videre atque concedere, alios pedes esse pro his, penes quos rhythmici est principatus, alios qui cum his collocantur. Nam ubi pro longis singulis geminantur breves, pro eo qui rhythmum obtinet, alium locamus, velut pro jambo vel trochæo tribrachum, aut pro spondeo dactylum aut anapæstum aut proceleumaticum. Ubi vero non idem fit, non pro eo, sed cum eo ponitur quisquis miscetur inferiorum: ut cum dactylo anapæstus, cum ionico vero utrolibet diambus vel dichoriis: & reliqui similiter suo jure cum ceteris: an parum tibi dilucidum vel falsum videtur? D. Jam intelligo. M. Responde ergo utrum illi qui pro aliis ponuntur, possint etiam ipsi per se facere rhythmum. D. Possunt. M. Omnesne? D. Omnes. M. Ergo & quinque syllabarum pes potest suo nomine rhythmum facere, quia pro bacchio vel cretico vel quolibet pæone poni potest. D. Non potest quidem, sed jam istum non vocari pedem, si progressio illius ultra quaternarium numerum transeat, satis memini. Ego autem cum omnes posse respondi, pedes utique posse respondi. M. Laudo etiam in nomine retinendo diligentiam & vigilantiam tuam. Sed scias multis etiam esse visum senarum syllabarum pedes nuncupandos, sed amplius, quod sciam, nemini placuit. Et illi quibus hoc placuit, negaverunt ad rhythmum, aut ad metrum per se gignendum tam longos pedes adhiberi oportere. Itaque ne nomina quidem his indiderunt. Quocirca verissimus est ille progressionis modus, qui usque ad quatuor syllabas pervenit, quando quidem hi omnes pedes, quibus divisim duo fieri non possunt, conjuncti pedem facere potuerunt: & ita qui in sextam usque syllabam progressi sunt, nomen tantum pedis in eos, qui quartam exceperunt, transferre ausi sunt; ad principatum vero, qui est in rhythmis & metris, nullo modo eos adspirare siverunt. Sed cum pro longis breves duplicantur, etiam ad septimam atque octavam, ut jam ostendit ratio, syllabam pervenitur: ad quem numerum nemo tetendit pedem. Sed quoniam video constare inter nos quem-

CAPUT VI.
Pedes quatuor syllabis longiores rhythmum suo nomine facere nequeunt.

quemlibet plurium quam quatuor syllabarum, cum pro longa duas breves ponimus, non cum his legitimis pedibus, sed pro his posse poni, neque per se ipsos rhythmum creare, ne in infinitum eat quod ratione finiendum est, satisque jam inter nos derhythmo existimo disputatum: transeamus ad metra, si placet. D. Placet vero.

CAPUT
VII.
De metro
quo
quibus
&
quot
mi-
nimum
con-
stituitur
pedibus.

15. M. DIC igitur, metrumne arbitreris pedibus fieri, an pedes metro? D. Non intelligo. M. Pedesne conjuncti metrum creant, an metris conjunctis pedes creantur? D. Scio jam quid dicas, & conjunctis pedibus metrum fieri puto. M. Cur tandem id putas? D. Quia inter rhythmum & metrum hoc interesse dixisti, quod in rhythmum contextio pedum nullum certum habet finem, in metro vero habet: ita ista pedum contextio & rhythmum & metri esse intelligitur; sed ibi infinita, hic autem finita constat. M. Ergo unus pes metrum non est. D. Non utique. M. Quid unus pes & semipes? D. Ne hoc quidem. M. Quare? an quia metrum pedibus confit, nec utique possunt dici pedes, ubi minus quam duo sunt? D. Ita est. M. Inspiciamus igitur metra illa quæ a me paulo ante commemorata sunt, & videamus quibus pedibus constent: non enim te in hoc genere animadvertendo rudem esse adhuc decet. Ea sunt autem,

Ite igitur Camœnæ

Fonticolæ puellæ,

Quæ canitis sub antris

Mellifluos sonores.

Satis hæc esse ad id quod intendimus puto: tu jam metire ista, & quos habeant pedes renuntia. D. Omnino non possum: eos enim metiendos puto, qui sibi legitime copulari queunt: nec valeo me hinc expedire. Si enim primum chorium fecero, sequitur jambus, qui temporibus par est, sed non similiter plauditur: si dactylum, non sequitur alius qui ei saltem temporibus cœquetur: si choriambum, eadem difficultas est, quod enim restat, nec temporibus cum eo, nec plausu convenit. Quare aut hoc metrum non est, aut falsum est quod inter nos de pedum copulatione dissertum est: nam quid aliud dicam non invenio.

16. M. Metrum quidem esse & eo quod plus est quam pes, certumque finem habet, & ipsarum aurium judicio convincitur. Non enim tam suavi sonaret æqualitate, aut motu tam concinno plauderetur, si non inesset in illo numerositas, quæ profecto esse nisi in hac parte musicæ non potest. Falsa vero esse, quæ inter nos constiterunt, miror quod existimes: non enim aut numeris quidquam est certius, aut illa pedum commemoratione & collocatione ordinatius. Nam ex ipsa numerorum ratione, quæ nullo modo fallit, expressum est quidquid in eis & ad mulcendas aures, & ad obtinendum in rhythmum principatum, valere perspeximus: sed vide potius cum sæpe repeto, *Quæ canitis sub antris*, demulceoque ista numerositate sensum tuum, quid distat inter hoc, & si adderem ad finem hujus brevem aliquam syllabam, & item istud eodem modo repeterem, *Quæ canitis sub antrisve*. D. Utrumque mihi jocunde illabitur auribus: hoc tamen posterius, cui syllabam addidisti brevem, plus tenere spatii ac temporis, si quidem longius factum est, cogor fateri. M. Quid cum illud superius, *Quæ canitis sub antris*, ita repeto, ut post finem nihil fileam, eademne ad te jocunditas pervenit? D. Immo nescio quid claudum me offēdit, nisi forte illam ultimam plus quam

ceteras longas produxeris. M. Ergo five id ipsum amplius quod producit, five quod filetur, censesne in tempore habere aliquid spatii? D. Qui aliter potest?

17. M. RECTE censes. Sed dic mihi etiam quantum spatium putas esse? D. Metiri hoc omnino difficile est. M. Verum dicis, sed nonne tibi videtur brevis illa syllaba id metiri, quam cum addidimus, neque longæ ultimæ ultra solitum productionem, neque ullum silentium in ejus metri repetitione sensus desideravit? D. Omnino assentior: nam & te illud superius pronuntiante atque repetente, hoc posterius ego apud me ipse repetebam pariter tecum: ita sensi idem spatium temporis ambobus occurrere, cum silentio tuo brevis mea ultima conveniret. M. Teneas igitur oportet hæc silentiorum spatia certa in metris esse. Quare cum inveneris aliquid deesse pedi legitimo, considerare te oportebit, utrum dimenso atque annumerato silentio compensetur. D. Teneo jam istud, persequere cetera.

18. M. Video jam nos quærere debere ipsius silentii modum: namque in hoc metro, ubi post choriambum bacchium comperimus, quia unum tempus deest ut sex temporum esset sicut choriambus, facillime id aures senserunt, & in repetitione tanti spatii silentium interponere coegerunt, quantum syllaba occuparet brevis: at si post choriambum locetur spondeus, duo nobis tempora cum silentio peragenda sunt ad caput redeuntibus, veluti hoc est, *Quæ canitis fontem*. Nam te sentire jam credo silendum esse, ut cum redimus ad caput, plausus non claudicet. Sed ut experiri queas quanta silentii hujus mensura sit, adde unam syllabam longam, ut fiat, *Quæ canitis fontem vos*; atque hoc cum plausu repete: videbistantum occupare temporis plausum, quantum in superiore occupabat, cum ibi duæ longæ post choriambum, hic tres sint locatæ. Unde apparet duum ibi temporum interponi silentium. At si post choriambum jambus locetur, sicut hoc est, *Quæ canitis locos*, tria tempora filere cogimur: quod ut exploretur, adduntur five per alterum jambum, five per chorium, five per tribrachium ut sit ita: *Quæ canitis locos bonos*: aut, *Quæ canitis locos monte*: aut, *Quæ canitis locos nemore*. His enim additis, cum sine silentio jocunda & æqualis repetitio movet, & plausu adhibito tantum spatii hæc tria singula tenere inveniuntur, quantum illud in quo filebamus, manifestum fit trium temporum ibi esse silentium. Potest post choriambum una syllaba longa constitui, ut quatuor tempora fileantur. Nam etiam sic choriambus dividi potest, ut simplo & duplo levatio sibi positioque conveniant. Hujus metri exemplum est, *Quæ canitis res*. Cui si addas vel duas longas, vel longam & duas breves, vel brevem & longam & brevem, vel duas breves & longam, vel quatuor breves, implebis sex temporum pedem, ut nullo desiderato silentio repetatur. Talia sunt, *Quæ canitis res pulcras*, *Quæ canitis res in bona*, *Quæ canitis res bonumve*, *Quæ canitis res teneras*, *Quæ canitis res modo bene*. Quibus cognitatis atque concessis, credo tibi jam satis apparere; nec minus uno tempore fileri posse, nec plus quatuor temporibus fileri oportere. Nam & ipsa est illa de qua jam multa dicta sunt moderata progressio, & in omnibus pedibus nulla levatio aut positio amplius quam quatuor occupat tempora.

CAPUT
VIII.
Silentia
in me-
tris
quanta
adhiberi
oportet.

Metrum
quod di-
catur.

19. Itaque cum aliquid canitur sive pronuntiatur quod habeat certum finem, & plus habeat quam unum pedem, & naturali motu ante considerationem numerorum sensum quadam æquabilitate demulceat, jam metrum est. Quamquam enim minus habeat quam duos pedes, tamen quia excedit unum & silere cogit, non sine mensura, sed quantum implendis temporibus satis est quæ alteri debentur pedi, pro duobus pedibus auditus accipit, quod duorum pedum occupat tempora donec ad caput redeatur, dum annumeratur sono etiam certum atque dimensum intervalli silentium. Sed jam mihi dicas velim, utrum his quæ dicta sunt cognitis assentiaris: D. Cognovi & assentior. M. Mihine credens, an per te ipse vera esse perspicis? D. Per me ipse sane, quamvis dicente te vera hæc esse cognosco.

CAPUT
IX.
Quot ad
summi
tempo-
bus ac
pedibus
metrum
constare
possit.

20. M. AGE ergo nunc quoniam invenimus unde metrum esse incipiat, inveniamus etiam quo usque procedat. Nam metrum incipit a duobus pedibus, sive ipso sono plenis, sive ad implendum quod deest annumerato silentio. Quare oportet te jam respicere ad illam quaternariam progressionem, mihi que renuntiare usque ad quot pedes metrum tendere debeamus. D. Facile istud quidem est. Nam octo pedes esse ratio satis docet. M. Quid, illud recordarisne, dixisse nos eum versus a doctis appellatum, qui duobus membris certa ratione dimensis copulatisque constaret? D. Bene memini. M. Cum ergo non sit dictum duobus pedibus, sed duobus membris constare versus, cumque manifestum sit versus non unum pedem habere, sed plures, nonne ipsa res indicat longius membrum esse quam pedem? D. Ita vero. M. At si membra æqualia sint in versu, nonne præposterari poterit, ut prima pars sine discrimine ultima, & ultima prima fiat? D. Intellego. M. Ergo ut hoc non accidat, satisque appareat discernaturque in versu aliud esse membrum quo incipit, aliud quo desinit, non possumus recusare inæqualia membra esse oportere. D. Nullo modo. M. Id ergo prius in pyrrhichio consideremus, si placet, in quo jam credo videri tibi minus tribus temporibus membrum esse non posse, quoniam id primum est plus quam pes. D. Assentior. M. Ergo minimus versus quot tempora possidebit? D. Dicerem sex, nisi me illa præposte-

ratio revocaret. Septem ergo habebit, quia minus quam tria membrum habere non potest: plus autem habere, nondum prohibitum est. M. Recte intelligis. Sed dic quot pedes pyrrhichios habeant septem tempora? D. Tres & semis. M. Debetur ergo unius temporis silentium, dum ad principium reditur, ut spatium pedis possit impleri. D. Debetur sane. M. Hoc annumerato quot tempora erunt. D. Octo. M. Ut ergo minimus, qui etiam primus est pes, minus quam duo, ita minimus qui primus est versus, minus habere quam octo tempora non potest? D. Ita est. M. Quid, maximus versus, quo ampliorem esse non oporteat, quot tandem temporum esse debet nonne statim videbis, si ad illam progressionem retulerimus animum de qua totiens tam multa dicta sunt? D. Jam intelligo ampliorem quam triginta duum temporum versus esse non posse.

21. M. Quid de metri longitudine, censesne ampliorem esse debere quam versus, cum metrum id quod est minimum, tam minus sit quam minimus versus? D. Non censeo. M. Cum ergo metrum incipiat a duobus pedibus, versus a quatuor; aut illud ab spatio duorum pedum, hoc a quatuor annumerato silentio; metrum autem octo pedes non excedat, nonne cum & versus metrum sit, necesse est eum pedes totidem non excedere? D. Ita est. M. Rursus cum versus non sit longior quam triginta duum temporum, & metrum sit etiam longitudo versus, si conjunctionem duorum membrorum talem non habeat qualis in versu præcipitur, sed tantum certo fine claudatur, neque debeat longius esse quam versus, nonne manifestum est ut versus pedes octo, ita metrum triginta duo tempora excedere non oportere? D. Assentior. M. Erit ergo idem spatium temporis, & idem numerus pedum & metro & versui, communisque quidam terminus, ultra quem progredi utrumque non debeat; quamvis metrum quadruplicatis pedibus, a quibus esse incipit; versus autem quadruplicatis temporibus, a quibus & ipse esse incipit, finiatur: ut crescendi scilicet modum quaternaria illa ratione servata metrum cum versu communicaverit in pedibus, versus cum metro in temporibus. D. Intellego & probor, atque ita se habere istam concordiam consensionemque delector.

LIBER QUARTUS.

Continuatur tractatio de metro.

CAPUT
I.
ultima
syllaba
quare
indiffe-
rens in
metro.

I. REDEAMUS ergo ad metri considerationem, propter cuius progressum ac longitudinem de versu tecum aliquid agere coactus sum, cuius tractandi postea nobis est constitutus locus. Sed primo illud quaero, utrum non repudies, quod ultimam syllabam, quæ metrum terminat, seu longa seu brevis sit, poetæ atque horum iudices grammatici nihil ad rem pertinere arbitrati sunt. D. Omnino repudio: non enim mihi videtur esse rationis. M. Dic mihi, obsecro, quod metrum sit in pyrrhichio minimum. D. Tres breves. M. Quantum ergo silendum est, dum repetitur? D. Unum tempus, quod est unius brevis syllabæ spatium. M. Age jam percute hoc metrum, Tom. I.

non voce, sed plausu. D. Feci. M. Percute etiam hoc modo anapæstum. D. Et hoc feci. M. Quid tibi visum est interesse? D. Prorsus nihil. M. Quid causam, cur ita sit, potesne dicere? D. Videtur mihi satis apparere: nam quod in illo ad silentium, hoc in isto ad productionem ultimæ syllabæ refertur; nam eodem modo ibi brevis ultima, ut hic longa percutitur, & post tantumdem intervallum reditur ad caput. Sed ibi quiescit donec spatium pyrrhichii pedis, hic donec longæ syllabæ impleatur. Ita in utroque par mora est, qua interposita remeamus. M. Non igitur absurde illi ultimam syllabam metri, seu longa seu brevis sit, nihil ad rem pertinere voluerunt: ubi enim finis est, si-

lentium sequitur, quantum ad ipsum metrum adinet quod finitur. An eos in hac causa repetitionem ullam vel reditum ad caput considerare debuisse existimas, ac non tantummodo quia finitur, quasi deinceps nihil dicendum sit? D. Jam assentior, ultimam syllabam indifferenter esse accipiendam. M. Recte. Sed si hoc propter silentium sit, quoniam ita consideratus est finis, quasi deinceps nihil soniturus sit qui finierit, & ob hoc spatium temporis in ipsa quiete largissimum, nihil distat quæ ibi syllaba locetur, nonne illud est consequens, ut ipsa ultimæ syllabæ indifferentia, quæ propter largum spatium conceditur, ad id proficiat, ut si ibi brevis syllaba sive longa sit, eam sibi aures pro longa vindicent? D. Video plane esse consequens.

CAPUT
II.
Quot
syllabis
mini-
mum
consti-
tuitur
pyrrhi-
chium
metrum:
quam-
diu quo-
que si-
lendum

2. M. VIDESNE etiam illud, cum dicimus minimum metrum esse pyrrhichium, tres breves syllabas, ut unius brevis spatio fileatur, dum ad initium revertimur, nihil interesse utrum hoc metrum, an pedes anapæstos repetamus? D. Jam hoc quidem paulo ante illa percussione percepi. M. Nonne ergo quidquid hic est confusum, distinguendum aliqua ratione arbitraris? D. Omnino arbitror. M. Dic utrum aliam videas esse rationem, quæ ista distinguat, nisi ut metrum pyrrhichium non illud sit minimum, quod tibi videbatur in tribus brevibus, sed in quinque. Post unum enim pedem ac semipedem filere mora semipedis ejus qui debetur implendo pedi, atque ita redire ad initium, & hoc minimum metrum in pyrrhichio constituere non nos finit anapæsti parilitas, ut jam demonstratum est: quare post duos pedes & semipedem silendum est illud unum tempus, si confusione carere volumus. D. Cur enim non duo pyrrhichii sunt minimum metrum in pyrrhichio, & quatuor syllabæ breves potius, post quas filere opus non sit, quam quinque post quas opus sit? M. Vigilanter quidem, sed non caves ne ab hoc te ita proceleumaticus, ut ab illo anapæstus excludat. D. Verum dicis. M. Placet ergo hic modus in quinque brevibus, & silentio unius temporis? D. Placet vero. M. Videtur mihi oblitum esse te, quemadmodum in rhythmo dixerimus posse discerni utrum pyrrhichio an proceleumatico curreretur. D. Bene admones: nam plausu istos numeros ab invicem distinguendos comperimus, quare jam neque hic istum proceleumaticum metuo, quem plausu adhibito a pyrrhichio discernere potero. M. Cur igitur non eundem plausum adhibendum vidisti, ut ab illis tribus brevibus, id est, pyrrhichio & semipede, post quem oporteret unum tempus filere, discerneretur anapæstus? D. Jam intelligo; & in viam redeo, metrumque in pyrrhichio minimum tres syllabas breves, quæ, annumerato silentio, duorum pyrrhichiorum tempus occupant, esse confirmo. M. Probant ergo aures tuæ hoc genus numeri: *Si aliqua, Bene vis, Bene dic, Bene fac, Animus, Si aliquid, Male vis, Male dic, Male fac, Animus, Medium est*. D. Satis probant, præsertim cum jam recordatus sim quemadmodum eos plaudire oporteat, ne cum metro pyrrhichio anapæsti confundantur pedes.

3. M. Vide & ista: *Si aliquid es, Age bene, Male qui agit, Nihil agit, Et ideo, Miser erit*. D. Suaviter etiam ista se insinuant, nisi uno loco, ubi finis tertii cum initio quarti copulatur. M. Id ipsum omnino est, quod a tuis auribus desideravi. Non enim frustra sensus offenditur, cum omnium syllabarum nullo interposito silentio tempora singula expectat: quam expectationem profecto fraudat concursus duarum consonantium, *t* & *n*,

quæ præcedentem vocalem longam esse cogunt, & in duo tempora extendunt; quod genus grammatici positione longam syllabam vocant. Sed propter illam ultimæ syllabæ indifferentiam, nemo criminatur hoc metrum, cum id sinceræ atque severæ aures etiam sine accusatore condemnent. Nam vide quæso quantum interest, si pro eo quod est,

Male qui agit, Nihil agit: dicatur,

Male qui agit, Homo perit.

D. Hoc sane liquidum atque integrum est. M. Hoc ergo nos observemus propter musicæ sinceritatem, quod poetæ non observant propter facilitatem canendi: ut quotiens, exempli causa, nobis necesse est aliqua metra interponere, in quibus nihil debetur pedi quod silentio compensetur, eas ponamus ultimas syllabas quas lex ejusdem numeri flagitat, ne cum aliqua offensione aurium & falsitate mensuræ, a fine ad initium redeamus; concedentes tamen illis ut ita metra talia finiant, quasi deinceps nihil dicturi, & ideo extremam syllabam seu longam seu brevem impune constituent: nam in continuatione metrorum apertissime convincuntur aurium iudicio, non se debere ponere ultimam, nisi quæ ipsius metri jure ac ratione ponenda est. Hæc autem continuatio fit, cum pedi nihil debetur propter quod filere cogamur. D. Intelligo, & gratum habeo quod talia polliceris exempla, quibus nullam patiatur sensus injuriam.

4. M. A G E nunc ordine, de his quoque renuntia pyrrhichiis:

Quid erit homo

Qui amat hominem,

Si amet in eo

Fragile quod est?

Amet igitur

Animum hominis,

Et erit homo

Aliquid amans.

Quid hæc videntur? D. Quid nisi suavissime atque integerrime currere? M. Quid ista?

Bonus erit amor,

Anima bona sit:

Amor inhabitat,

Et anima domus.

Ita bene habitat,

Ubi bona domus,

Ubi mala, male.

D. Etiam ista continuata suavissime accipio. M. Nunc tres semi-pedes, vide:

Animus hominis est

Mala bonave agitans.

Bona voluit? habet.

Mala voluit? habet.

D. Hæc quoque interposito unius temporis silentio, jocunda sunt. M. Sequuntur quatuor pleni pyrrhichii, hos accipe, & judica:

Animus hominis agit

Ut habeat ea bona,

Quibus inhabitet homo,

Nihil ibi metuitur.

D. In his quoque certa & jocunda mensura est. M. Audi jam nunc novem syllabas breves: audi & judica:

Homo malus amat & eget,

Malus etenim ea bona amat,

Nihil ubi satiat eum.

CAPUT
III.
Pyrrhi-
chiorum
metro-
rum or-
do & nu-
merus.

D. Prome nunc quinque pyrrhichios. M.

Levicula, fragilia bona

Qui amat homo, similiter habet.

D. Jam hoc sat est, & probo; nunc adde semipedem. M. Faciam.

Vaga, levia, fragilia bona

Qui amat homo, similis erit eis.

D. Bene prorsus; & sex jam exspecto pyrrhichios. M. Et hos audi:

Vaga, levicula, fragilia bona

Qui adamat homo, similis erit eis.

D. Satis est, adde semipedem. M.

Fluida, levicula, fragilia bona

Quæ adamat anima, similis erit eis.

D. Sat est, & bene est; da jam septem pyrrhichios. M.

Levicula, fragilia, gracilia bona

Quæ adamat animula, similis erit eis.

D. Accedat his semipes; nam hoc eleganter se habet. M.

Vaga, fluida, levicula, fragilia bona

Quæ adamat animula, fit ea similis eis.

D. Octo pedes jam restare video, ut jam istas minutias evadamus. Quamquam enim approbent aures naturali quadam dimensione quod sonas, nolim te tamen tot breves syllabas quærere, quas, ni fallor, contextas invenire in conjunctione verborum difficilius est, quam si eis miscere longas liceret. M. Nihil te fallit, & ut tibi probem gratulationem meam, quod hinc aliquando transire permittimur, metrum quod restat hujus generis sententia faciliore componam.

Solida bona bonus amat, & ea qui amat, habet.

Itaque nec eget amor, & ea bona Deus est.

D. Habeo cumulatissime perfecta metra pyrrhichii. Sequuntur jambica, de quibus mihi singulis bina exempla sufficiunt, quæ nulla interpellatione audire delectat

CAPIT.
IV.
De me-
tro jam-
bico.

5. M. GERAM tibi morem. Sed ista quæ jam peregrinus quot sunt? D. Quatuordecim. M. Quot etiam jambica fore credis? D. Æque quatuordecim. M. Quid si in eis velim pro jambo tribrachum ponere, nonne multiformior varietas erit? D. Manifestum est quidem; sed ego exempla ista in solis jambis audire cupio, ne longum faciamus: pro quavis enim longa syllaba duas breves posse poni, facilis disciplina est. M. Faciam quod vis, gratumque habeo quod intelligentia sequaci minuis laborem meum: sed aurem ad jambicum præbe. D. Istic sum, incipe. M.

Bonus vir, Beatus.

Malus miser, Sibi est malum.

Bonus beatus, Deus bonum ejus.

Bonus beatus est, Deus bonum ejus est.

Bonus vir est beatus, Videt Deum beate.

Bonus vir, & sapit bonum, Videns Deum beatus est.

Deum videre qui cupiscit, Bonusque vivit, hic videbit.

Bonum videre, qui cupit diem, Bonus sit hic, videbit & Deum.

Bonum videre qui cupit diem illum, Bonus sit hic, videbit & Deum illic.

Beatus est bonus, fruens enim est Deo, Malus miser, sed ipse poena fit sua.

Beatus est videns Deum, nihil cupit plus, Malus bonum foris requirit, hinc eget.

Beatus est videns Deum, nihil boni amplius, Malus bonum foris requirit, hinc eget miser.

Beatus est videns Deum, nihil boni amplius vult, Malus foris bonum requirit, hinc egenus errat.

Tom. I.

A *Beatus est videns Deum, nihil boni amplius volet, Malus foris bonum requirit, hinc eget miser bono.*

6. D. TROCHÆUS sequitur, prome trochaica: nam ista se habent optime. M. Faciam, & eodem modo quo jambica.

Optimi Non egent.

Veritate, Non egetur.

Veritas sat est, Semper hæc manet.

Veritas vocatur, Ars Dei supremi.

Veritate factus est, Mundus iste quem vides.

Veritate facta cuncta, Quæque gignier videmus.

B *Veritate facta cuncta sunt, Omniumque forma veritas.*

Veritate cuncta facta cerno, Veritas manet, moventur ista.

Veritate facta cernis omnia, Veritas manet, moventur omnia.

Veritate facta cernis ista cuncta, Veritas tamen manet, moventur ista.

Veritate facta cuncta cernis optime, Veritas manet, moventur hæc, sed ordine.

Veritate facta cuncta cernis ordinata, Veritas manet, novans movet quod innovatur.

C *Veritate facta cuncta sunt, & ordinata sunt, Veritas novat manens, moventur ut noventur hæc.*

Veritate cuncta facta sunt, & ordinata cuncta, Veritas manens novat, moventur ut noventur ista.

7. D. Spondeum sequi video: nam & trochæus factis auribus fecit. M. Hæc sunt metra spondei.

Magnorum est, Libertas.

Magnum est munus Libertatis.

Solus liber fit, Qui errorem vincit.

Solus liber vivit, Qui errorem jam vicit.

Solus liber vere fit, Qui erroris vinclum vicit.

Solus liber vere vivit, Qui erroris vinclum jam vicit.

Solus liber non falso vivit, Qui erroris vinclum jam devicit.

Solus liber jure, ac vere vivit, Qui erroris vinclum magnus devicit.

Solus liber jure ac non falso vivit, Qui erroris vinclum funestum devicit.

Solus liber jure ac vere magnus vivit, Qui erroris vinclum funestum jam devicit.

E *Solus liber jure ac non falso magnus vivit, Qui erroris vinclum funestum prudens devicit.*

Solus liber jure ac non falso securus vivit, Qui erroris vinclum funestum prudens jam devicit.

Solus liber jure ac non falso securus jam vivit, Qui erroris vinclum tetrum ac funestum prudens devicit.

Solus liber jure ac non falso securam vitam vivit, Qui erroris vinclum tetrum ac funestum prudens jam devicit.

F 8. D. NEC de spondeo habeo quod requiram, veniamus ad tribrachum. M. Ita vero. Sed cum omnes quatuor superiores pedes, de quibus dictum est, quatuordena metra pepererint, quæ fiunt simul sex & quinquaginta, plura sunt exspectanda de tribracho. In illis enim cum spatium semipedis in silentio est, plus una syllaba non filetur: in hoc autem cum filemus, num censes unius brevis syllabæ spatium tantummodo fileri oportere, an & duarum brevium mora silentio contineri potest? quando quidem nemo dubitaverit duplicem hujus esse divisionem: namque aut ab una incipit, & finitur ad duas: aut contra incipiens a duabus, una terminatur. Quare hunc necesse est viginti & unum metra procreare. D. Verissimum est. Nam incipiunt a quatuor brevibus, ut duo tempora fileamus: deinde

CAPUT
V.
De me-
tro tro-
chaico.

CAPUT
VI.
De me-
tro spon-
daico.

CAPUT
VII.
Triba-
chi me-
tra quot
sunt.

quinque sunt, ubi unum filemus; tertio sex, ubi nihil silendum est; quarto septem, ubi rursus duo tempora silenda sunt: inde octo, ubi unum: sexto novem, ubi nullum. Atque ita cum singulæ adduntur, donec ad viginti quatuor syllabas veniatur, qui octo sunt tribrachi, viginti unum omnino metra complentur. M. Expeditissime rationem secutus es; sed censese ubique a nobis exempla esse promenda, an ea quæ illis quatuor primis pedibus subjecimus, satis putandum est luminis ceteris esse præbitura? D. Meo quidem iudicio satis. M. Nec ego nunc aliud requiro quam tuum. Verum tamen quoniam jam optime scis in pyrrhichiis metris mutato plausu posse tribrachos percuti, quæro utrum pyrrichii primum metrum possit etiam tribrachi metrum habere. D. Non potest: majus enim metrum oportet esse quam pedem. M. Quid, secundum? D. Potest: nam breves quatuor pyrrhichii duo sunt, tribrachus unus & semipes, ita ut ibi nullum, hic duo tempora fileamus. M. Mutato igitur plausu habes in pyrrhichiis etiam tribrachi exempla usque ad sedecim syllabas, id est, usque ad quinque tribrachos & semipedem, quibus debes esse contentus: cetera enim potes vel voce vel aliquo plausu per te ipse contexere; si tamen adhuc aurium sensu explorandos hujuscemodi numeros arbitraris. D. Faciam equidem quod videbitur: videamus quæ restant.

CAPUT
VIII.
De dactylo.

9. M. DACTYLUS sequitur, qui semel dividi potest: an aliter putas? D. Immo ita est. M. Quota ergo ejus pars potest esse in silentio? D. Dimidia scilicet. M. Quid si post dactylum trochæo constituto, velit quispiam filere unum tempus, quod in brevi syllaba dactylo debetur implendo, quid respondebimus? Non enim possumus dicere minus quam spatium semipedis fileri non oportere. Ratio enim superius tractata non minus, sed amplius quam semipedis tempus silendum non esse persuaserat. Nam utique minus quam semipes filetur in choriambos, ubi post ipsum choriambum bacchius collocatur, cujus exemplum est, *Fonticolæ puellæ*. Unius enim brevis syllabæ spatium hic nos filere cognoscis, quod sex temporibus debetur implendis. D. Verum dicis. M. Constituto ergo trochæo post dactylum, licebitne etiam unum tempus filere? D. Ita cogor fateri. M. Quis te tandem cogeret, si meminisses superiorum? Hoc enim tibi accidit, quod de indifferentia ultimæ syllabæ, & quomodo sibi ultimam longam vindicent aures, ubi restat spatium quo porrigatur, etiam si brevis sit, quid demonstratum fuerit oblitus es. D. Jam intelligo: nam utique si ultimam syllabam brevem, quando restat silentium, longam aures accipiunt, sicut superiore ratione exemplisque cognovimus, nihil intererit utrum post dactylum trochæus, an spondeus locetur. Quamobrem cum repetitio distinguenda silentio est, unam longam syllabam oportet post dactylum ponere, ut duorum temporum spatium fileamus. M. Quid si pyrrhichius ponatur post dactylum, rectene fieri putas? D. Non recte: nam utrum idem sit, an iambus, nihil interest: si quidem pro iambo eum necesse est accipi propter ultimam, quam longam exigunt aures: quia restat silentium. Iambum autem non oportere poni post dactylum, propter diversitatem levationis & positionis, quarum neutram oportet in dactylo habere tria tempora, quis non intelligat?

CAPUT
IX.
De bacchio.

10. M. OPTIME omnino atque sequaciter. Sed quid tibi tandem videtur de anapæsto, an eadem ratio est; D.

A Prorsus eadem. M. Jam ergo bacchium consideremus, si placet, & dic mihi quod primum ejus metrum est. D. Quatuor syllabas puto esse, unam brevem, & tres longas, quarum duæ ad bacchium pertinent, una vero ultima ad inchoationem ejus pedis qui cum bacchio poni potest, ut id quod ei debetur, sit in silentio: in aliquo tamen exemplo vellem hoc auribus explorare. M. Facile quidem est exempla subicere, quibus tamen non te arbitror ita ut superioribus posse delectari: nam isti quinque temporum pedes, ut etiam septenum, non tam suaviter currunt, quam ii qui aut in æquas partes dividuntur, aut in simplam & duplam, vel in duplam & simplam; tantum interest inter sesquatos motus & æquales aut complicatos, de quibus satis in primo illo nostro sermone tractavimus. Itaque hos pedes, quinque ac septem scilicet temporum, uti aspernantius poetæ, ita soluta libentius assumit oratio, quod videri facilius in exemplis, quæ postulasti, potest: nam ista sunt, *Laborat magister docens tardos*: Hoc revolve interposito trium temporum silentio, quod ut sentire facilius, ideo post tres pedes longam syllabam posui, quod est initium cretici, qui cum bacchio poni potest. Nec ad primum metrum exemplum dedi, quod est quatuor syllabarum, ne unus pes non esset satis ad commonendum sensum tuum, quantum post illum atque unam longam filere deberes. Quod ecce nunc edam, atque ipse repetam, ut in meo silentio tria tempora sentias: *Labor nullus, Amor magnus*. D. Satis apparet solutæ orationi hos esse congruentiores pedes, & nihil opus est exemplis cetera excurrere. M. Verum dicis: sed num tibi cum silendum est, una tantum longa videtur poni posse post bacchium? D. Non fane; sed etiam brevis & longa, qui ejusdem bacchi semipes primus est: nam si nobis inchoare creticum licuit, quia cum eodem bacchio poni potest; quanto magis id de ipso bacchio facere licebit, cum præsertim non totum de cretico posuerimus quod primæ parti bacchii sit æquale temporibus?

11. M. JAM ergo, si placet, me audiente atque judicante, tu ipse per cetera excurrere, & quid ponatur post plenum pedem, quando silentio reliquum impletur in omnibus pedibus qui restant, exsequere. D. Brevissimum jam, opinor, atque facillimum est quod requiris: nam quod de bacchio dictum est, id etiam de secundo pæone dici potest. Post creticum autem & unam longam syllabam licet ponere, & iambum, & spondeum, ita ut aut tria tempora, aut duo, aut unum fileatur. Quod autem de hoc dictum est, id & in primum & in ultimum pæonem cadit. Jam post palimbacchium vel unam longam vel spondeum collocari decet, quocirca & in hoc metro aut tria tempora, aut unum filebitur. Eadem conditio est pæonis tertii. Sane ubicumque spondeus, ibi & anapæstus jure ponitur. Post molossum vero, quod ad ejus adinet divisionem, aut unam longam ut quatuor, aut duas ponimus ut duo tempora fileamus. Sed quoniam & sensu & ratione exploratum est, ordinari cum eo posse omnes senum temporum pedes, erit post eum locus & iambo, & tria tempora silenda remanebunt; erit & cretico, & unum tacebitur; hac conditione erit & bacchio. At si in duas breves primam cretici, & secundam bacchii solverimus, erit & pæoni quarto. Quod autem de molosso, id etiam de ceteris sex temporum pedibus dixerim. Jam proceleumaticum arbitror ad ceteros qui quatuor temporibus constant,

CAPUT
X.
Pleno
pedi
quid
addatur
ante si-
lentium.

stant, esse referendum, nisi cum tres breves post eum locamus. Quod ita est ac si anapæstum locemus, propter ultimam syllabam quæ cum silentio longa accipi solet. Primo vero epitrito jambus recte subjungitur, & bacchius & creticus & pæon quartus. Hoc dictum sit & de secundo, ut tempora fileantur aut quatuor, aut duo. Duos autem reliquos epitritos recte possunt consequi spondeus & molossus: ita ut primam spondei, & primam vel secundam molossi in duas breves solvere liceat: ergo in his metris aut tria tempora, aut unum tacebitur. Dispondeus restat, post quem si posuerimus spondeum, quatuor tempora silenda erunt: si molossus, duo, manente licentia solvendi longam in duas breves, vel in spondeo, vel in molosso, excepta ultima. Habes quod me excurrere voluisti: nisi aliquid forte emendabis.

CAPUT
XI.
Jambus
post di-
chorium
male po-
nitur.

12. M. IMMO non ego, sed tu, cum aurem ad judicandum adhibueris: nam quæro a te, utrum cum dico & plaudo istuc metrum, *Verus optimus*: & hoc, *Verus optimorum*: & hoc, *Veritatis inops*: tam jocunde hoc tertium quam illa superiora tuus sensus accipiat, quod ea repetendo, & cum debitis silentiis plaudendo facile judicabit. D. Manifestum est quod jocunde illa, hoc injocunde accipiat. M. Non ergo recte post dichorium jambus ponitur. D. Ita est. M. Recte autem poni posse post ceteros assentitur quisquis hæc metra cum disciplina interponendorum silentiorum repetierit:

Fallacem cave.

Male castum cave.

Mutiloquum cave.

Fallaciam cave, &

Invidum cave, &

Infirmum cave.

D. Sentio quod dicis, & approbo. M. Vide etiam utrum te nihil offendat, cum interposito duorum temporum silentio, hoc metrum repetitum inæquale pergat: num enim ita sonet ut ista?

Veraces regnant.

Sapientes regnant.

Veriloqui regnant.

Prudentia regnat.

Boni in bonis regnant.

Pura cuncta regnant.

D. Immo hæc æqualiter & suaviter, illud autem absurde. M. Hoc ergo tenebimus in metris sex temporum pedum, dichorium jambo, antispastum spondeo male claudi. D. Tenebimus sane.

13. M. Quid caussam cur ita sit nonne approbabis, si animadverteris levatione ac positione in duas partes dividi pedem, ita ut si qua in eo syllaba media est, vel una vel duæ, aut uni parti adtribuantur priori vel posteriori, aut in utramque partiantur? D. Novi quidem istuc, & verum est; sed quid ad rem? M. Hoc quoque adtende quod dicam, tum videbis facilius quod requiris. Nam manifestum tibi esse arbitror, alios esse sine mediis syllabis pedes, ut pyrrhichius, & ceteri binarum syllabarum; alios in quibus medium aut primæ parti, aut extremæ, aut utrique, aut neutri, spatio conveniat: primæ, ut in anapæsto, vel in palimbacchio, vel in pæone primo: extremæ ut in dactylo vel in bacchio, vel in pæone quarto: utrique, ut in tribracho, sive in molosso, sive in choriambos, sive in quolibet jonico: neutri, ut in cretico, sive in pæonibus secundo & tertio, sive in diiambos, dichorio, antispasto. Nam qui pedes

Tom. I.

A in tres æquales partes dividi possunt, media pars in his convenit cum prima & extrema: qui autem non possunt, aut cum prima tantum, aut cum extrema, aut cum neutra. D. Et hoc æque scio, & quo tendat expecto. M. Quo tandem putas, nisi ut videas jambum post dichorium ideo male poni cum silentio, quia medium ejus est, nec primæ parti æquale nec extremæ, & idcirco a levatione ac positione discordat? Hoc etiam de spondeo intelligitur, qui similiter post antispastum cum silentio non amat poni: an quidquam tibi adversum ista dicendum est? D. Mihi vero nihil, nisi quod B ista offensio quæ fit auribus, cum ita hi pedes collocantur, in comparatione sit ejus suavitatis, quæ oblectat auditum, cum post ceteros senum temporum hi cum silentio ponuntur pedes. Nam si aliis tacitis me confu- leres quemadmodum sonarent, exemplis subjectis, aut post dichorium jambus, aut post antispastum spon- deus, cum silentio positi, dicam quod sentio, fortasse approbarem & laudarem. M. Non equidem resisto ti- bi. Satis est mihi tamen, quod hæc collocatio in com- paratione talium numerorum, sed melius sonantium, sicut dicis, offendit: eo enim est improbanda, quod C cum ejusdem generis etiam illi sint pedes, quos his semi- pedibus clausos labi jocundius confitemur, ab his di- screpare non debuit. Sed nonne tibi videtur secundum istam rationem, nec post epitritum secundum jambum cum silentio poni oportere? Nam & in hoc pede jam- bus ita medium locum tenet, ut nec prioris nec poste- rioris partis temporibus æquetur. D. Cogit me supe- rior ratio concedere.

14. M. AGE nunc, redde mihi omnium metro- rum numerum, si placet, quæ jam tractavimus, id est, eorum quæ a suis plenis pedibus incipiunt, clau- duntur autem aut suis pedibus plenis, ita ut silentium, cum ad caput reditur, non interponamus; aut non ple- nis pedibus cum silentio, quos tamen eis congruere ra- tio docuit, incipiente numero a duobus non plenis us- que ad octo plenos, ita tamen ut triginta duo tempora non excedantur. D. Operosum quidem est quod im- ponis, est tamen operæ pretium. Sed memini nos pau- lo ante jam pervenisse ad septuaginta septem metra a pyrrhichio usque ad tribrachum, cum illi binarum syl- labarum pedes quatuordecim singuli crearent, quæ fiunt simul quinquaginta & sex. Tribrachus autem vi- ginti unum, propter geminam divisionem. His igitur septuaginta & septem addimus quatuordecim dactyli, & anapæsti totidem: pleni enim si locentur nullo si- lentio, incipiente metro a duobus usque ad octo pe- des, septena pariunt: additis vero semipedibus cum silentio, incipiente metro ab uno pede, & semipede perveniente ad septem semis: alia septena: & fiunt jam omnia centum & quinque. Bacchius vero non potest metrum suum ad octo pedes perducere, ne triginta duo tempora transeat, neque quisquam quinum tempo- rum pes; sed possunt isti usque ad sex pervenire. Bac- chius ergo & qui ei par est, non modo temporibus, sed etiam divisione pæon secundus a duobus pedibus usque ad sex procedentes cum integri ordinantur sine silentio, quina metra pariunt: cum silentio autem in- cipientes ab uno semipede, & ad quinque semipedes pervenientes, alia quina cum una longa post eos poni- tur, & item quina cum brevis & longa: quindena igitur creant, quæ in summam redacta triginta sunt, & fiunt jam metra omnia centum & triginta quin- que.

CAPUT
XII.
Summa
omnium
metro-
rum.

que. Creticus vero, & qui pariter dividuntur, pæones primus & quartus, quoniam post illos & unam longam, & jambum, & spondeum, & anapæstum licet ponere, ad septuaginta quinque perveniunt: cum enim tres sint pedes, quina creant sine silentio, cum silentio autem viginti, quæ simul (ut dictum est) fiunt quinque & septuaginta, quibus additis superiori summæ, decem & ducenta complentur. Palimbacchius & qui ei divisione concordat tertius pæon, quina pariunt integri sine silentio; cum silentio autem quina cum una longa, quina cum spondeo, quina cum anapæsto. Hæc addimus ad maiorem summam, & habemus metra omnia ducenta quinquaginta.

15. Molossus & ceteri sex temporum pedes, qui cum illo simul septem fiunt, quaterna creant integri: cum silentio autem quoniam & una longa post unumquemque eorum locari potest, & jambus, & spondeus, & anapæstus, & bacchius, & creticus, pæon quartus, vicena & octona complent, quæ simul fiunt centum nonaginta sex, quæ ducta cum illis quaternis ducenta viginti quatuor complentur: sed hinc octo deducendi sunt, quia post dichorium jambus, & post antispassum spondeus male ordinantur. Reliqua sunt ducenta sedecim, quæ addita majori summæ, faciunt metra omnia quadringenta sexaginta sex. Proceleumatici ratio haberi non potuit cum his pedibus quibus congruit, propter semipedes qui post hunc plures ponuntur. Nam & una syllaba longa post eum poni potest cum silentio, sicut post dactylum & ejus consortes ut duo, & tres breves ut unum tempus fileatur; quo efficitur ut ultima brevis pro longa accipiatur. Epitriti metra gignunt terna integri, incipiente metro a duobus pedibus, perveniente ad quatuor: si enim addas quintum, triginta duo tempora, quod non oportet, excedes. Cum silentio vero primus & secundus epitritus terna post locato jambo, terna bacchio, terna cretico, terna pæone quarto; quæ fiunt cum illis ternis quæ sunt sine silentio, triginta. Tertius vero & quartus epitriti tres ante silentium gignunt, cum spondeo terna, & terna cum anapæsto, terna cum molosso, terna cum jonico minore, terna cum choriambus; quæ fiunt simul cum illis ternis, quæ sine silentio genuerunt, triginta & sex. Ergo epitriti omnes sexaginta & sex metra pariunt: quæ cum viginti & uno proceleumatici, superiori summæ addita, faciunt quingenta quinquaginta tria. Dispondeus restat gignens & ipse tria integer; adhibito autem silentio cum spondeo tria, & tria cum anapæsto, tria cum molosso, tria cum jonico a minore, tria cum choriambus: quæ in summam ducta cum illis tribus quæ creat integer, fiunt decem & octo. Ita erunt metra omnia quingenta septuaginta & unum.

CAPUT
XIII.
Ratio
metien
di metra
& silen-
tia in-
terpo-
nendi.

16. M. ESSENT quidem, nisi tria detrahenda essent, quia post secundum epitritum dictum est jambum male poni. Sed hoc quidem bene se habet, quare jam dic mihi, quomodo tibi aurem tangat metrum hoc, *Triplici vides ut ortu Trivie rotetur ignis*. D. Persuaviter. M. Potesne dicere quibus pedibus constet? D. Non possum: neque enim invenio quomodo sibi congruant quos metior: sive enim pyrrhichium a capite constituam, sive anapæstum, sive pæonem tertium, non his conveniunt qui sequuntur: & invenio quidem creticum hic post tertium pæonem, ut reliqua sit longa syllaba, quam creticus post se non respuit collocari; sed his pedibus hoc metrum constare recte non posset,

A nisi interposito silentio trium temporum: nunc vero nihil filetur, cum hoc repetendo permulcet auditum. M. Vide igitur utrum incipere debeat a pyrrhichio, deinde metiamur dichorium, tum spondeum, qui complet tempora, quorum duo sunt in principio: potest item caput tenere anapæstus, deinde diambus metiri, ut extrema longa collocata quatuor temporibus anapæsti perficiat sex tempora, quæ cum diambo conveniunt, ex quo intelligas licet, partes pedum non solum in fine poni, sed etiam in capite metrorum. D. Jam intelligo.

B 17. M. Quid, si demam unam ultimam longam, ut tale sit metrum, *Segetes meus labor*: nonne animadvertis cum silentio duorum temporum repeti? Ex quo manifestum est, & aliquam partem pedis posse in principio metri poni, & aliquam in fine, & aliquam in silentio. D. Et hoc manifestum est. M. Sed hoc fieri si dichorium metiaris integrum in hoc metro: nam si diambus, & a capite anapæstus ponatur, cernis partem pedis in principio positam, quæ habet jam quatuor tempora: duo autem quæ debentur, silentur in fine. C Ex quo discimus, posse metrum incipere a parte pedis, & desinere ad plenum pedem, sed numquam sine silentio. D. Et hoc perspicuum est.

18. M. Quid, hoc metrum potesne metiri & dicere quibus pedibus constet:

*Jam satis terris nivis, atque diræ
Grandinis misit pater, & rubente
Dextera sacras jaculatus arces?*

Horatius
1.
carmi-
num.

D. Possum constituere in capite creticum, & duos metiri reliquos senum temporum pedes, unum jonicum a majore, alterum dichorium, & silere unum tempus quod adjungitur cretico ut sex tempora compleantur. M. Non nihil defuit considerationi tuæ: nam cum dichorius est in fine, restante silentio, ultima ejus quæ brevis est, pro longa accipitur: an hoc negabis? D. Immo fateor. M. Non ergo constitui decet in fine dichorium, nisi nullo in repetitione consequente silentio, ne non jam dichorius, sed epitritus secundus sentiat. D. Manifestum est. M. Quomodo ergo metiemur hoc metrum? D. Nescio. * M. Adtende ergo utrum bene sonet, cum ita pronuntio, ut post tres primas syllabas unum tempus fileam: ita enim in fine nihil debetur, ut decenter ibi possit esse dichorius. D. Jocundissime sonat.

E 19. M. Hoc quoque igitur adjungamus arti, ut non solum in fine, sed & ante finem cum oportet fileamus. Tunc autem oportet, cum id quod debetur implendis temporibus pedum, aut indecenter filetur in fine propter ultimam brevem, ut in hoc quod dictum est; aut cum duo constituuntur non pleni pedes, unus in capite, alter in fine, qualis iste est,

Gentiles nostros inter oberrat equos.

F Sensisti enim, ut opinor, me post quinque syllabas longas, moram duorum temporum siluisse, & tantumdem in fine silendum est, dum reditur ad caput. Si enim hoc metrum ad legem sex temporum metiaris: erit tibi primus spondeus, secundus molossus, tertius choriambus, quartus anapæstus. Spondeo igitur debentur duo tempora ut sex temporum pedem impleat, & anapæsto: itaque duo silentur post molossus ante finem, & duo post anapæstum in fine. Si autem ad legem temporum quatuor, una longa erit in capite, deinde duos metimur spondeos, deinde duos dactylos, & post una lon-

*
CAPUT
XIV.
Perse-
quitur
ratio-
nem ad-
hibendi
silia
in me-
tiendis
metris.

longa concludetur. Silemus itaque duo tempora post geminum spondeum ante finem, & duo in fine, ut ambo pedes impleantur, quorum dimidias partes in capite atque in extremo posuimus.

20. Nonnumquam tamen quod duobus non plenis pedibus debetur in principio ac fine collocatis, finali tantum silentio redditur, si tantum sit ut dimidii spatium pedis non excedat, qualia hæc duo sunt:

Silvæ laborantes, geluque

Flumina constiterint acuto.

Horum enim prius incipit a palimbacchio, inde excurrit in molossium, & bacchio terminatur: silentur ergo duo tempora, quorum unum bacchio, alterum palimbacchio cum reddideris, sena ubique tempora implebuntur. Hoc autem posterius dactylo inchoatur, inde pergit in choriambum, clauditur bacchio: tria igitur tempora filere oportebit; hinc unum bacchio, duo dactylo redhibebimus, ut in omnibus sint sena tempora.

21. Prius autem redditur quod debetur implendo extremo pedi, quam in principio constituto: nec aliter omnino fieri aures sinunt. Nec mirum: id enim cum repetimus, adjungitur capiti quod prorsus extremum est. Itaque in hoc metro quod dictum est, *Flumina constiterint acuto*: cum tria tempora senis utique implendis debeantur, si ea non silentio velis, sed voce reddere, possintque reddi & per jambum, & per chorium, & per tribrachum, quia omnes terna tempora possident, nullo modo ea per chorium reddi sensus ipse permittit, in quo prior est longa syllaba, brevis posterior: id enim prius sonare debet, quod bacchio debetur extremo, id est brevis syllaba; non longa, quæ dactylo primo. Licet hoc explorare his exemplis,

Flumina constiterint acuto gelu.

Flumina constiterint acute gelida.

Flumina constiterint in altum nocte.

Cui dubium est, duo illa suaviter repeti, hoc autem tertium nullo modo?

22. Item cum singula tempora singulis debentur pedibus minus plenis, si ea voce reddere velis, non finit sensus in unam syllabam coartari; mira omnino iustitia. Non enim convenit, quod separatim reddendum est, non etiam constitui separatim. Quocirca in illo metro, *Silvæ laborantes geluque*, si unam longam pro silentio fini addas, sicuti est, *Silvæ laborantes gelu duro*, non probant aures; sicut probant cum dicimus, *Silvæ laborantes gelu & frigore*: quod satiatissime sentis, cum singula repetis.

23. Item non oportet cum duo minus pleni pedes ponuntur, majorem in principio quam in fine poni; nam & hoc condemnat auditus, tamquam si dicas, *Optimum tempus adest tandem*, ut primus pes sit creticus, secundus choriambus, tertius spondeus, ut tria tempora fileamus, quorum duo debentur ultimo spondeo ad sena implenda; & unum primo cretico. At si ita dicatur, *Tandem tempus adest optimum*, eadem interposita trium temporum mora in silentio, quis non sentiat jocundissime repeti? Quare aut tanti spatii decet esse in fine minus plenum pedem, quanti est in principio, ut illud, *Silvæ laborantes geluque*: aut minorem in principio, & in fine majorem, veluti est, *Flumina*

constiterint acuto. Neque injuria, quia ubi est æqualitas, nulla discordia: ubi autem dispar est numerus, si a minore ad majorem veniamus, ut in numerando solet, facit rursus ipse ordo concordiam.

24. Ex quo illud est etiam consequens, ut cum ii de quibus agitur, minus pleni ponuntur pedes, si duobus locis interponitur silentium, id est, ante finem & in fine, tantum ante finem fileatur quantum debetur extremo, tantum autem in fine quantum scilicet primo: quia medium tendit ad finem; a fine vero ad principium redeundum est. Si autem utrique tantum debetur, nulla controversia est quin tantum ante finem quantum in fine silendum sit. Sileri autem oportet non nisi ubi terminatur pars orationis. In iis autem numeris qui non verbis fiunt, sed aliquo pulsu vel flatu, vel ipsa etiam lingua, nullum in hac re discrimen est, postquam vocem percussione vel fileatur, modo ut legitimum secundum supradictas rationes intercedat silentium. Quamobrem & a duobus potest minus plenis pedibus metrum incipere, si tamen utriusque conjunctum spatium minus non sit, quam posset esse unius & dimidii pedis; nam supra diximus, tum recte poni duos minus plenos pedes, cum id quod debetur ambobus, non transit spatium pedem dimidium: exemplum est, *Montes acuti*: ut aut in fine tria tempora fileamus, aut unum tempus post spondeum, & duo in fine. Aliter enim hoc metrum convenienter metiri non potest.

25. SI T hoc etiam in disciplina, ut cum ante finem filemus, non ibi pars orationis brevi syllaba terminetur, ne secundum illam sæpe commemoratam regulam, pro longa eam sensus accipiat, sequente silentio. Itaque in hoc metro, *Montibus acutis*, non possumus filere post dactylum tempus unum, quod post spondeum in superiore poteramus, ne non jam dactylus, sed creticus sentiat: atque ita non duobus minus plenis pedibus, quod nunc demonstramus, sed pleno dichorio & ultimo spondeo metrum constare videatur, duum temporum silentio in fine reddendo.

26. Sed illud notandum est, in principio posito minus pleno pedi, aut ibidem reddi debitum per silentium, sicuti est, *Jam satis terris nivis atque diræ*: aut in fine, velut, *Segetes meus labor*. Minus autem pleno pedi qui in fine ponitur, aut ibidem restitui silentio, quod debetur, ut in illo, *Ite igitur Camænæ*: aut in aliquo de mediis loco, veluti in hoc, *Ver blandum viget arvis, adest hospes hirundo*. Unum enim tempus quod debetur ultimo bacchio, vel post totum numerum fileri potest, vel post primum ejus numeri pedem molossium, vel secundum jonicum a minore. Quod vero mediis forte minus plenis pedibus debiti est, non nisi ibidem reddi potest: ut est,

Tuba terribilem sonitum dedit ære curvo.

Si enim sic metiamur hoc metrum, ut primum faciamus anapæstum, secundum jonicum quemlibet in syllabis quinque, soluta scilicet longa vel prima vel ultima in duas breves, tertium choriambum, ultimum bacchium: tria erunt tempora in debito, unum extremo bacchio reddendum, & duo anapæsto primo, ut sena compleantur. Sed hoc totum spatium trium temporum in fine fileri potest. At si ab integro pede incipias, quinque syllabas primas pro

a In prius excusis, finali tamen silentio. At in MSS. habetur, *tantum*.

b Am. Et. & Lov. sic habent: *quantum scilicet principio; quia medium tendit ad finem, si unam longam pro silentio fini addas, Sicuti*

Silvæ laborantes gelu duro. A fine vero &c. MSS. autem plerique, *quantum scilicet primo*, supple, minus pleno pedi debetur. Postea carent hisce verbis, si unam longam &c. quæ exigente sensu removimus.

c Ita MSS. At editi habent, *finiuntur*.

pro quolibet ionico metitus, sequitur choriambus: inde jam pedem integrum non inuenies: quocirca unius longæ spatio filere oportebit: quo annumerato, choriambus alter implebitur; bacchio reliquo metrum clausuro, cui tempus unum debitum filebis in fine.

27. Unde jam esse opinor perspicuum, cum in mediis filetur locis, aut ea restitui tempora quæ in fine debentur, aut ea quæ ibi debentur ubi filetur. Sed aliquando non est necesse ut fileatur in mediis, cum potest aliter metrum metiri, ut in eo quod paulo ante posuimus. Aliquando autem necesse est, ut in hoc, *Vernat temperies, auræ tepent, sunt deliciae*. Nam manifestum est istum numerum, aut quaternorum temporum, aut senorum pedibus currere. Si quaternorum, silendum est unum tempus post syllabam octavam, & in fine duo; metiatur primo spondeus, secundo dactylus, tertio spondeus, quarto dactylus annumerato post longam silentio, quia post brevem non oportet, quinto spondeus, sexto dactylus, ultima longa qua numerus clauditur, cui duo tempora debita silentur in fine. Si autem senorum temporum hic metimur pedes, primus erit molossus, secundus ionicus a minore, tertius creticus qui fit dichorius adjuncto silentio unius temporis, quartus ionicus a majore & longa ultima, post quam quatuor tempora filebuntur. Posset aliter, ut una longa in principio locaretur, quam sequeretur ionicus a majore, deinde molossus, deinde bacchius, qui fieret antispastus adjuncto silentio unius temporis, ultimus choriambus metrum clauderet, ita ut quatuor temporum in fine silentium redderetur uni longæ in principio constitutæ. Sed aures istam dimensionem repudiant, quia pars pedis in principio collocata, nisi major quam dimidia fuerit, non recte illi post plenum pedem finali silentio redditur ubi debetur: sed aliis interpositis pedibus, scimus quidem quantum debeatur; sed non comprehenditur sensu, ut tanto spatio fileatur, nisi minus debeatur in silentio quam positum est in sono: quia cum maiorem partem pedis vox peregerit, minor quæ reliqua est, ubicumque facile occurrit.

28. Quamobrem metri quod sub hoc exemplo posuimus, *Vernat temperies, auræ tepent, sunt deliciae*, cum sit una necessaria, quam diximus, dimensio, si post decimam ejus syllabam tempus unum fileatur, & quatuor in fine; est alia voluntaria, si quis post sextam syllabam velit filere duo tempora, & unum post undecimam, & duo in fine: ut sit in principio spondeus, sequatur hunc choriambus, tertio spondeo silentium duum temporum annumeretur, ut vel molossus vel a minore ionicus fiat, quartus bacchius adjuncto itidem silentio unius temporis fiat antispastus, quinto choriambo numerus terminetur in voce, duobus temporibus in fine per silentium redditus in principio locato spondeo. Est item alia. Si enim velis, post sextam syllabam unum tempus filebis, & post decimam unum, post undecimam tantumdem, & duo in fine: ut sit primus spondeus, secundus choriambus, tertius palimbacchius fiat antispastus uno silentii tempore annumerato, quartus spondeus fiat dichorius unius temporis interjecto, & unius temporis consequente silentio, choriambus ultimus numerum claudat, ita ut fileamus duo tempora in fine, quæ primo debentur

A spondeo. Est & tertia dimensio, si post primum spondeum tempus unum fileatur, & reliqua quæ in proximo superiore servantur; nisi quod in ejus fine unum tempus filebitur, quia spondeus ille qui solet in principio locari, consequente unius temporis silentio factus est palimbacchius, ut plus uno tempore nihil ei debeatur, quod in fine silendum est. Unde jam perspicis metris interponi silentia, quædam necessaria, quædam voluntaria: & necessaria quidem, cum aliquid pedibus debetur implendis; voluntaria vero, cum pleni sunt pedes atque integri.

29. Quod autem superius dictum est, amplius quatuor temporibus silendum non esse, de necessariis silentiis dictum est, ubi debita tempora explentur. Nam in iis quæ voluntaria silentia nominavimus, licet etiam pedem sonare, & pedem filere: quod si paribus intervallis fecerimus, non erit metrum, sed rhythmus, nullo certo fine apparente unde redeatur ad caput. Quamobrem si exempli gratia silentiis velis distinguere, ut post primum pedem alterius pedis tempora fileas, non hoc perpetuo servandum est. Licet autem varietate qualibet connumeratis silentiis usque ad legitima tempora metrum producere, velut in hoc, *Nobis verum in promptu est, tu si verum dicis*. Licet hic post primum spondeum quatuor tempora filere, & alia quatuor post sequentes duos: post tres autem finales nihil filebitur; jam enim triginta duo tempora terminata sunt. Sed multo est aptius & quodam modo justius, ut vel in fine tantum, vel etiam in a medio & fileatur: quod substracto uno pede fieri potest, ut ita sit: *Nobis verum in promptu est, tu dic verum*. Hoc & in metris ceterorum pedum tenendum est, scilicet necessariis silentiis, siue finalibus siue mediis reddi debita, ut pedes impleantur: non autem b fileri oportere amplius quam pedis partem, quam levatio positiove occupant. Voluntariis autem silentiis & partes pedum & integros pedes filere conceditur, sicut exemplis supra dictis monstravimus. Sed hactenus interponendorum silentiorum ratio tractata sit.

30. NUNC de pedum commixtione, & de ipsorum metrorum copulatione pauca dicamus. Quoniam jam multa dicta sunt cum quæreremus, quos sibi met oporteat misceri pedes, & quod ad metrorum adtinet copulationem, nonnulla dicenda sunt cum de versibus differere cœperimus: junguntur enim sibi pedes atque miscentur secundum regulas, quas in secundo sermone aperuimus. In hoc autem illud sciendum est, metri quæque genera, quæ a poetis jam celebrata sunt, habuisse auctores & inventores suos, a quibus quasdam certas leges positas convellere prohibemur. Non enim oportet, cum illi eas ratione fixerint, aliquid ibi mutare: quamvis secundum rationem sine aurium offensione possimus: cujus rei cognitio non arte, sed historia traditur: unde creditur potius quam cognoscitur. Neque enim si Phaliscus, nescio qui, metra ita composuit, ut hæc sonant,

*Quando flagella ligas, ita liga,
Vitis & ulmus uti simul eant,*

scire hoc possumus; sed tantummodo credere audiendo & legendo. Illud est disciplinæ, quod ad nos pertinet, videre utrum hoc tribus dactylis constet & pyrrhichio ultimo, ut plerique musicæ imperiti

au-

a Apud Lov. omittitur, in medio & quod ex MSS. restitimus. At apud Er. legitur, vel etiam ante finem fileatur.

b MSS. cum Am. habent, deberi oportere.

autumant; non enim sentiunt pyrrhichium poni non posse post dactylum: an ut ratio docet, primus pes sit in hoc metro choriambus, secundus jonicus longa syllaba in duas soluta breves, ultimus iambus, post quem tria tempora silebuntur: quod semidocti homines sentire possent, si a docto secundum utramque legem pronuntiaretur & plauderetur. Ita enim naturali & communi sensu judicarent: quid disciplinæ norma præscriberet.

31. Verumtamen quod poeta ille hos numeros immobiles esse voluit, cum hoc metro utimur, custodiendum est: non enim fraudat auditum; quamquam æque nihil fraudaret, si vel pro choriambo diiambum vel ipsum jonicum nulla in breves facta solutione poneremus, & quidquid aliud congruisset. In hoc igitur metro nihil mutabitur; non ea ratione qua inæqualitatem vitamus, sed ea qua observamus auctoritatem. Docet sane ratio, alia institui metra immobilia, id est, in quibus mutari nihil oportet, ut hoc ipsum est de quo satis locuti sumus: alia mobilia, in quibus locare pedes alios pro aliis licet, sicuti est: *Trojæ qui primus ab oris, arma virumque cano*. Nam hic pro spondeo anapæstum quolibet loco licet ponere. Alia nec tota immobilia, nec tota mobilia, ut est:

*Pendcat ex humeris dulcis cbelys,
Et numeros edat varios, quibus
Assonet omne virens late nemus,
Et tortis errans qui flexibus.*

Vides hic enim ubique & spondeos & dactylos poni posse, præter ultimum pedem, quem metri auctor semper esse dactylum voluit. Et in iis quidem generibus tribus nonnihil valere auctoritatem vides.

32. Quod autem in pedum commixtione ad rationem solam pertinet de iis rebus quæ sentiuntur judicantem, sciendum est eas partes pedum, quæ post certos pedes silentio restante insuaviter locantur: ut iambus post dichorium atque secundum epitritum, & spondeus post antispastum, etiam post alios pedes male locari, quibus isti permixti fuerint. Nam manifestum est jambum post molossum bene poni, sicut hoc exemplum indicat sæpe repetitum cum silentio in fine temporum trium, *Ver blandum viret floribus*. At si pro molosso primum dichorium constituas, ut est, *Vere terra viret floribus*, respuit hoc auditus atque condemnat. Id etiam in ceteris sensu explorante facile est experiri. Ratio namque certissima est, cum sibi copulantur qui inter se sunt copulabiles pedes, eas partes debere in fine subungi quæ omnibus conveniunt in illa serie collocatis, ne inter socios quodam modo discordiæ aliquid oriatur.

33. Illud magis mirandum est, quod cum spondeus & diiambus & dichorium suaviter claudat, tamen cum hi duo pedes sive soli, sive cum aliis copulabilibus quoquo modo mixtis in una serie fuerint, spondeus in fine approbante sensu poni non potest. Quis enim dubitet, aures libenter accipere ista singula repetita: *Timenda res non est*: & item separatim, *Jam timere noli*, At si ita jungas, *Timenda res, jam timere noli*: nisi in soluta oratione audire nolim. Nec absurdum minus est, si quolibet loco alium connectas, veluti molossum hoc modo: *Vir fortis, timenda res, jam timere noli*. Vel ita: *Timenda res, vir fortis, jam timere noli*. Vel etiam ita: *Timenda res, jam timere vir fortis noli*. Cujus absurditatis causa est, quod pes diiambus etiam ad duplum

& simplum plaudi potest, ut ad simplum & duplum dichorius: spondeus autem duplæ parti eorum æqualis est; sed cum cum ille trahit ad primam, hic ad extremam existit nonnulla discordia; & ita ratio tollit admirationem.

34. Nec minus miraculum edit antispastus, cui si nullus alius pedum, aut certe solus diiambus misceatur, patitur jambo metrum claudi, cum aliis autem positus nullo modo; & cum dichorio quidem propter ipsum dichorium; itaque hoc minime miror. Cum ceteris vero senum temporum pedibus, cur memoratum trium temporum pedem in fine repudiet, nescio quæ est causa, secretior fortasse quam ut a nobis erui atque ostendi queat: sed hoc ita esse his exemplis probo. Nam ista duo metra, *Potestate placet*, *Potestate potentium placet*, nemo ambigit suaviter singula repeti cum silentio trium temporum in fine. At ista insuaviter cum eodem silentio, *Potestate præclara placet*. *Potestate tibi multum placet*. *Potestate jam tibi sic placet*. *Potestate multum tibi placet*. *Potestatis magnitudo placet*. Quod ad sensum adinet, peregit officium suum in hac quæstione, & quid acceperit, & quid exploserit indicavit: sed de causa cur ita sit, ratio consulenda est. Ac mea quidem in tanta obscuritate nihil aliud videt, nisi cum diiambus antispastum dimidiam partem priorem habere communem; nam uterque a brevi & longa incipit: posteriorem autem cum dichorio; longa enim & brevi ambo finiuntur. Itaque antispastus vel solus tamquam suam priorem dimidiam, vel cum diiambus cum quo eam communiter habet, collocatus, patitur in fine metri esse jambum; & cum dichorio pateretur, si eidem dichorio talis terminus conveniret: cum ceteris autem non patitur, quibus tali societate a non jungitur.

35. QUOD vero ad metrorum copulationem adinet, satis est in præsentia videre, posse sibi diversa metra copulari, quæ tamen plausu, id est, levatione ac positione convenient. Diversa sunt autem vel quantitate, ut cum majora copulantur minoribus, qualia ista sunt, videlicet,

*Jam satis terris nivis atque diræ
Grandinis misit pater, & rubente
Dextera sacras jaculatus arces
Terruit urbem.*

Nam hoc quartum, quod uno choriambo & una in fine longa terminatur, quam parvum sit tribus superioribus inter se æqualibus subiectum vides. Vel pedibus sicuti hæc,

*Grato Pyrrha sub antro,
Cui flavam religas comam.*

Cernis quippe horum duorum superius constare spondeo & choriambo, & longa ultima, quæ ad sex tempora implenda spondeo debebatur: hoc autem posterius spondeo & choriambo, & duabus ultimis brevibus, quæ item cum primo spondeo implent sex tempora. Paria sunt ergo ista temporibus, sed in pedibus nonnihil diversitatis tenent.

36. Est & alia differentia istarum copulationum, quod alia ita copulentur, ut nulla sibi silentia interponi velint, sicut hæc duo recentissima, alia inter se sileri aliquid postulent, sicut hæc,

*Vides ut alta stet nive candidum
Soracte, nec jam sustineant onus
Silvæ laborantes, geluque
Flumina constiterint acuto.*

Nam

Hoc Terentianus citat ex Pomponio.

CAPUT XVII. De metrorum copulatione.

Horat. lib. 1. carminum.

Idem.

Horat. lib. 1. carminum.

Nam si hæc singula repetantur, priora duo unum tempus in fine fileri flagitant, tertium duo, quartum tria. Copulata vero a primo ad secundum transeuntem unum tempus filere cogunt, a secundo ad tertium duo, a tertio ad quartum tria. A quarto autem si ad primum redeas, tempus unum filebis. Sed quæ est ratio redeundi ad primum, eadem est ad aliam talem copulationem transeundi. Hoc genus copulationum recte nos appellamus circuitum, qui *δεῖσος* græce dicitur. Circuitus ergo minor esse non potest, quam qui duobus membris constat, id est, duobus metris: nec esse majorem voluerunt eo, qui usque ad quatuor membra procedit. Licet igitur minimum bimbrem, medium trimembrem, & ultimum quadrimembrem vocare: hos enim Græci *δίκωλον τετρίκωλον πεντάκωλον* vocant. De quo toto genere quoniam diligentius tractaturi sumus, ut dixi, in eo sermone qui nobis de versibus erit, nunc interim hoc satis sit.

a In prius vulgatis & pluribus MSS. habetur, *quadragesima septem*; sed legendum cum Albinensi codice, *sexaginta octo*. Confer locum lib. 4. n. 15. & 16. ubi metrorum isthæc summa censetur.

37. Sane arbitror jam te intelligere, innumerabilia genera esse metrorum, quæ quingenta a sexaginta octo inveneramus, cum & de silentiis nonnisi finalibus exempla essent data, & nulla pedum commixtio facta esset, & nulla solutio longarum in duas breves, quæ pedem ultra syllabas quatuor porrigeret. At si adhibita omni silentiorum interpositione, & omni pedum commixtione, & omni solutione longarum colligere numerum metrorum velis, tantus existit, ut nomen ejus fortasse non suppetat. Sed hæc exempla quæ a nobis sunt posita, & quæcumque alia poni possunt, b quamquam ea & poeta in efficiendo approbet, & in audiendo natura communis, tamen nisi ea docti & exercitati hominis pronuntiatio commendet auribus, sensusque audientium non sit tardior quam humanitas postulat, non possunt ea quæ tractavimus vera judicari. Sed quiescamus aliquantulum, & de versu deinceps differamus. D. Ita fiat.

b Ita MSS. At Am. Er. & Lov. *quamquam ea & appetat in efficiendo, & approbet in audiendo* &c.

LIBER QUINTUS.

In quo de versu differitur.

CAPUT
I.
Quomodo differant rhythmus, metrum & versus.

I. QUID sit versus, inter doctos veteres non parva luctatione quæsitum est, nec fructus defuit. Nam inventa res est, & ad notitiam posterorum mandata litteris, gravi atque certa non tantum auctoritate, verum etiam ratione firmata est. Interesse igitur animadverterunt inter rhythmum & metrum aliquid, ut omne metrum rhythmus, non etiam omnis rhythmus metrum sit. Omnis enim legitima pedum connexio a numerosa est; quam quoniam metrum habet, non esse numerus nullo modo potest, id est non esse rhythmus. Sed quoniam non est idem, quamvis legitimis pedibus, nullo tamen certo fine provolvi, & item legitimis progredi pedibus, sed certo fine coerceri; hæc duo genera etiam vocabulis discernenda erant, ut illud superius rhythmus tantum proprio jam nomine, hoc autem alterum ita rhythmus ut metrum etiam vocaretur. Rursus quoniam eorum numerorum qui certo fine clauduntur, id est metrorum, alia sunt in quibus non habetur ratio cujusdam divisionis circa medium, alia quibus sedulo habetur; erat etiam hæc differentia notanda vocabulis. Quapropter illud ubi non habetur hæc ratio rhythmus generis, proprie metrum vocatum est: hoc autem ubi habetur, versum nominaverunt. Cujus appellationis originem fortasse progredientibus nobis ratio ipsa monstrabit. Neque hoc ita præscriptum putes, ut illa etiam metra versus vocare non liceat. Sed aliud est cum abutimur nomine, licentia cujusdam vicinitatis; aliud cum rem vocabulo suo enuntiamus. Sed nomen commemoratio hæcenus facta sit; in quibus, ut jam didicimus, concessio interloquentium & vetustatis auctoritas totum valet. Cetera, si placet, more nostro investigemus sensu nuntio, indice ratione, ut illos etiam veteres auctores non instituisse ista quasi quæ

C in natura rerum integra & perfecta non fuerint, sed ratiocinando invenisse, & appellando notasse cognoscas.

2. QUARE primum a te quæro, utrum ob aliud pes aurem mulceat, nisi quod in eo duæ illæ partes, quarum una in levatione, altera in positione est, numerosa sibi concinnitate respondent? D. Jam hoc quidem mihi ante persuasum est atque compertum. M. Quid metrum, quod manifestum est pedum collatione confici, num ex eo rerum genere esse arbitrandum est quod dividi non potest, cum omnino & nihil individuum per tempus tendi queat, & quod ex dividuis pedibus constet, absurdissime individuum putetur? D. Nullo modo hoc genus divisionem recipere abnuerim. M. At omnia quæ recipiunt divisionem, nonne pulciora sunt si eorum partes aliqua parilitate concordent, quam si discordes & dissonæ sint? D. Nulli dubium est. M. Quid, ipsius parilis divisionis qui tandem numerus auctor est, an dualis? D. Ita est. M. Ut ergo in duas partes concinentes dividi pedem & eo ipso aurem delectare comperimus, si etiam metrum tale inveniamus, nonne ceteris non talibus jure anteponetur? D. Assentior.

3. M. RECTE fane. Quare jam illud responde, cum in omnibus quæ aliqua temporis parte metimur, aliud præcedat, aliud subsequatur, aliud incipiat, aliud terminet, nihilne tibi videatur inter partem præcedentem atque incipientem, & illam quæ subsequatur ac terminet interesse oportere. D. Interesse arbitror. M. Dic ergo quid intersit inter has duas partes versus, quarum una est, *Cornua velatarum*: altera vero est, *Vertimus antennarum*. Non enim ut idem poeta, *obvertimus*, sed si ita versus enuntietur, *Cornua velatarum vertimus antennarum*: nonne sæpius repetendo efficitur incertum, quæ pars prior sit, quæ posterior? Ne-

CAPUT
II.
Metra in duas partes divisibilia ceteris præstant.

CAPUT
III.
Versus unde dicitur.

Æneid. 3

a Am. Er. & Lov. *numerus est*. Sed melius MSS. *numerosa est*.

Neque enim minus idem stat versus, cum ita profer-
tur: *Vertimus antennarum cornua velatarum*. D. Plane
incertum fieri video. M. Censesne vitandum? D. Cen-
seo. M. Vide igitur utrum hic satis vitatum sit. Una
pars versus est & ea præcedens: *Arma virumque cano*:
altera subsequens, *Trojæ qui primus ab oris*: quæ usque
adeo inter se differunt, ut si ordinem vertas, & hoc mo-
do pronunties: *Trojæ qui primus ab oris, arma virumque
cano*, alios pedes metiri necesse sit. D. Intellego. M. At
vide, utrum ista ratio in aliis servata sit. Nam cujus
dimensionis est pars incipiens, *Arma virumque cano*,
eiusdem esse agnoscis, *Italiam fato, Littora multum ille
& Vi superum sævæ. Multa quoque & bello. Inferretque
deos. Albanique patres*. Ne multa, persequere ceteros
quantum voles, has priores partes versus ejusdem di-
mensionis invenies, id est, quinto semipede articulatas.
Rarissime omnino si non hoc ita est; ita ut posteriores
sint istæ non minus inter se pariles: *Trojæ qui primus ab
oris, Profugus Lavinaque venit. Terris jactatus & alto.
Memorem Junonis ob iram. Passus dum conderet urbem.
Latium genus unde Latinum. Atque altæ mœnia Romæ*.
D. Manifestissimum est.

4. M. Quinque igitur & septem semipedes versus
heroicum in duo membra partiuntur, quem sex pedi-
bus quaternorum temporum constare notissimum est:
& sine concinnitate quidem duorum membrorum, si-
ve ista, sive aliqua alia, versus nullus est. In quibus
omnibus hoc ratio demonstravit esse servandum, ut
non possit pars prior in posteriore, & posterior in priore
loco poni. Quod si aliter fuerit, non jam versus, nisi
nominis abusione, dicetur: erit autem rhythmus &
metrum, qualia rarissime longis carminibus interpone-
re quæ versibus contextuntur, non indecorum est: qua-
le idem ipsum est quod paulo ante commemoravi: *Cor-
nua velatarum vertimus antennarum*. Quamobrem non
mihi versus ex eo appellatus videtur, ut nonnulli pu-
tant, quod a certo fine ad ejusdem numeri caput redi-
tur, ut nomen ductum sit ab iis qui se vertunt dum via
redeunt: nam hoc illi cum his etiam metris, quæ ver-
sus non sunt, apparet esse commune: sed magis fortasse
a contrario nomen invenit, ut quemadmodum gram-
matici deponens verbum quod litteram non deponit,
sicuti est, *lucror & conqueror*, appellaverunt: ita quod
duobus membris confit, quorum neutrum in alterius
loco salva lege numerorum constituitur, quia verti non
potest, versus vocetur. Sed utramlibet harum origi-
nem vocabuli tu licet probes, vel utramque improbes,
& aliam quæras, aut contempnas mecum totum hoc
quæstionis genus, nihil ad hoc tempus pertinet. Cum
enim satis res ipsa quæ hoc nomine significatur, appa-
reat, non est de verbi stirpe laborandum: nisi quid ha-
bes ad hæc. D. Ego vero nihil, sed perge ad cetera.

CAPIT
IV.
Termini
us ver-
sum
varius.

5. M. SEQUITUR ut de versus termino requira-
mus. Nam & hunc aliqua differentia notatum atque
insignitum esse voluerunt, vel potius ipsa ratio. An tu
non arbitraris melius esse ut finis, quo provolutio nume-
ri coercetur, non perturbata temporum æqualitate,
tamen emineat, quam si cum ceteris partibus quæ fi-
nem non faciunt, confundatur? D. Quis dubitat hoc ef-
fe melius, quod est evidentius? M. Considera ergo, u-
trum recte insignem finem versus heroici spondeum
pedem quidam esse voluerint. Nam in quinque aliis lo-
cis vel hunc vel dactylum licet ponere; in fine autem
non nisi spondeum; nam quod trochæum putant, pro-

A pter indifferentiam sit ultimæ syllabæ, de qua in me-
tris satis locuti sumus. Sed secundum hos iambicus se-
narius aut non erit versus, aut erit sine ista finis eminen-
tia, utrumque autem absurdum est. Nam neque quis-
quam umquam, sive doctissimorum hominum, sive
mediocriter, vel etiam tenuiter eruditorum versus ef-
fe dubitavit, *Phælus ille quem videtis hospites*, &
quidquid in verbis est tali numerositate formatum; &
gravissimi auctores eo quo peritissimi nullum sine insi-
gni fine versus putandum esse censuerunt.

Catullus.

B 6. D. Verum dicis. Quare aliam termini hujus no-
tam quærendam esse autumo, non hanc quæ in spon-
deo ponitur approbandam. M. Quid hoc, num dubi-
tas, quæcumque ista sit, aut in pedis esse, aut in tempo-
ris differentia, aut in utroque? D. Qui aliter potest?
M. Quid tandem horum trium probas? Ego enim,
quoniam id ipsum finire versus ne longius quam oportet
excurrat, non pertinet nisi ad temporis modum,
non arbitror aliunde istam notam debere sumi quam
ex tempore: an tibi aliud placet? D. Immo assentior.
C M. Videsne etiam illud, cum tempus hic differentiam
habere non possit, nisi quod aliud est longius, aliud bre-
vius, quia cum versus finitur, id agitur ne pergat lon-
gius, in breviori tempore notam finis esse oportere?
D. Video quidem: sed quo pertinet quod additum est
hic? M. Eo scilicet quod non ubique temporis diffe-
rentiam in sola brevitate ac longitudine accipimus. An
tu æstatis ac hyemis differentiam, aut esse temporis ne-
gas, aut in spatio potius breviori vel longiore, ac non
in vi frigoris calorisque constituis, vel humoris, vel
D siccitatis, & si quid tale aliud? D. Jam intelligo, &
hanc quam quærimus termini notam, a temporis bre-
vitate ducendam esse consentio.

7. M. Adtende igitur hunc versus, *Roma, Roma, cerne
quanta sit deum benignitas*, qui trochaicus dici-
tur, & metire illum, atque responde quod inveneris
de membris ejus & numero pedum. D. De pedibus
quidem facile responderim: liquet enim eos septem se-
mis esse. De membris autem non satis aperta res est;
multis enim locis partem orationis finiri video: verum-
tamen opinor esse istam partitionem in octavo semipe-
de, ut præcedens membrum sit, *Roma, Roma, cerne
quanta*: subsequens autem, *sit deum benignitas*. M.
Quot semipedes habet? D. Septem. M. Ipsa ratio te
duxit omnino. Cum enim nihil sit æqualitate melius,
eamque in dividendo appetere oporteat, si minus po-
tuerit obtineri, vicinitas ejus quærenda est, ne ab ea
longius aberremus. Itaque cum hic versus omnes quin-
decim semipedes habeat, non potuit æquius quam in
octo & septem dividi: nam eadem est in septem & octo
vicinitas. Sed ita non servaretur nota finis in tempore
breviore, ut eam servandam ratio ipsa præcipit: nam
si talis versus esset, *Roma cerne quanta sit tibi deum be-
nignitas*, ut inciperet membrum in his semipedibus
septem, *Roma cerne quanta sit*, & in his octo alterum
terminaretur, *tibi deum benignitas*: non posset versus
semipes claudere: octo enim semipedes quatuor inte-
gros pedes faciunt. Simul incideret alia deformitas, ut
non eosdem pedes in membro extremo quos in primo
metiremur, & prius membrum potius finiretur nota
brevioris temporis, id est semipede, quam posterius,
cui hoc finis jure debetur. Nam in illo tres trochæi se-
mis, *Roma cerne quanta sit*: in hoc quatuor iambi
scanderentur, *tibi deum benignitas*. Nunc vero & tro-
chæos

chaos in utroque membro scandimus, & semipede A
versus clauditur, ut spatii brevioris notam terminus
teneat. Nam sunt in priore quatuor, *Roma, Roma*
cerne quanta: in posteriore autem tres semis, *sit deum*
benignitas: an contradicere aliquid paras? D. Nihil
omnino, & libenter assentior.

8. M. Teneamus igitur has leges inconcussas, si pla-
cet, ut neque membrorum duorum tendens ad æqua-
litate partitionis versui desit, sicuti huic deest, *Cornua velatarum obvertimus antennarum*. Neque ipsa
æqualitas membrorum conversibilem, ut ita dicam, B
faciat partitionem, ut in hoc facit, *Cornua velata-
rum vertimus antennarum*. Neque cum ista vitatur
conversio, nimis a se membra discedant, sed quan-
tum possunt proximis numeris prope æquentur, ne di-
camus hæc ita posse dividi, ut octo semipedes præce-
dant, *Cornua velatarum vertimus*; & quatuor subse-
quantur, id est, *antennarum*. Nec membrum poste-
rius paris numeri semipedes habeat, sicuti est, *tibi*
deum benignitas, ne pleno pede versus finitus non ha-
beat terminum brevioris tempore notatum. D. Ha-
beo jam ista, & mando memoriæ quantum valeo.

CAPUT
V.
Heroici
finis.

9. M. QUONIAM igitur jam tenemus, non debere
versum finiri pleno pede, quomodo nobis heroicum
versum metiendum putas, ut & membrorum lex illa
fervetur, & hæc termini nota? D. Video duodecim
esse semipedes; & quia propter illam conversionem vi-
tandam senos semipedes habere membra non possunt;
neque a se longe oportet discedere ut sint tres & novem,
aut novem & tres; neque paris numeri semipedes po-
steriori membro dandi sunt ut sint octo & quatuor, aut
quatuor & octo, ne pleno pede versus finiatur: in
quinque & septem, aut septem & quinque divisio fa-
cienda est. Nam & hi numeri sunt ambo impares pro-
ximi, & certe propinquius sibi accedunt membra
quam in quaternario & octonario numeris accederent.
Quod ut firmissimum teneam, video partem oratio-
nis in quinto semipede semper aut pene semper termi-
nari, ut est in primo Virgilii versu, *Arma virumque*
cano: & in secundo: *Italiam fato*; & in tertio, *Lit-
tora multum ille* & in quarto item, *Vi superum sæ-
væ*: atque ita deinceps in toto pene carmine. M. Ve-
rum dicis: sed videndum tibi est, quos pedes metiaris,
ut nihil superiorum legum jam inconcussæ constituta-
rum violare audeas. D. Quamquam mihi satis ratio
appareat, tamen novitate conturbor. Non enim so-
lemus in hoc genere nisi spondeum pedem & dactylum
scandere, quod nemo fere est tam indoctus quin audie-
rit, etiam si minus id facere possit. Hanc ergo pervul-
gatissimam consuetudinem nunc si sequi voluero, lex
illa termini est abroganda: præcedens enim membrum
semipede clauderetur, posterius autem pleno pede;
quod contra esse debuit. Sed quia illam legem iniquis-
simum est tollere, & in numeris jam didici posse fieri,
ut non a pleno pede ordiamur, restat ut non hic dacty-
lum cum spondeo, sed anapæstum locari judicemus, ut
incipiat versus a longa una syllaba, deinde duo pedes vel
spondei vel anapæsti alterum membrum superius ter-
minent, cum tres rursus alterum vel anapæsti vel quoli-
bet loco spondeus, five omnibus, & in fine una sylla-
ba, qua versus legitime terminatur. Probasne & id?

10. M. Ego quoque rectissimum esse judico, sed
non facile ista populo persuadentur. T A N T A enim
est vis consuetudinis, ut ea inveterata, si falsa opi-
nionem genita est, nihil sit inimicius veritati. Namque
ad faciendum versus nihil interesse intelligis, utrum
in hoc genere anapæstus cum spondeo, an dactylus
collocetur: ad metiendum tamen rationabiliter, quod
non aurium, sed mentis est proprium, a vera & cer-
ta ratione hoc, non irrationabili opinione discernitur:
neque nunc a nobis primum inventa est, sed multo est
hac inveterata consuetudine antiquius animadversa. B
Quare si eos legant qui vel in græca vel in latina lingua
disciplinæ hujus doctissimi fuerunt, non mirabuntur
nimis qui forte hoc audierint: quamquam P U D E T
imbecillitatis, cum rationi roborandæ hominum au-
ctoritas quæritur; cum ipsius rationis ac veritatis au-
ctoritate, quæ profecto est omni homine melior, ni-
hil deberet esse præstantius. Non enim ut in produ-
cenda corripienteve syllaba non nisi auctoritatem ve-
terum hominum quærimus, ut quemadmodum sint
usque verbis quibus nos quoque loquimur, ita & nos uta-
mur; quia & in hujuscemodi re nullam observatio-
nem sequi desidiæ est, & novam instituere licentiæ:
ita in metiendo versus inveterata voluntas hominum,
ac non æterna rerum ratio cogitanda est, cum & mo-
deratam ejus longitudinem prius naturaliter aure sen-
tiamus, deinde approbemus rationabili consideratione
numerorum, & eum insigni fine claudendum esse
judicet quisquis judicat b certius eum quam cetera me-
tra esse finiendum, eumque finem in breviori tempo-
re notandum esse manifestum sit; si quidem temporis
longitudinem coercet & frenat quodam modo.

11. QUÆ cum ita sint, qui potest posterius ejus
membrum nisi non pleno terminari pede? Prioris au-
tem membri exordium aut plenum pedem esse, ut
in illo trochaico, *Roma, Roma, cerne quanta sit deum*
benignitas; aut partem pedis oportet, ut in heroico,
Arma virumque cano, Trojæ qui primus ab oris. Qua-
propter omni jam dubitatione sublata, etiam istum
versum metire, si placet, & mihi de membrise ejus
pedibusque responde, *Phaselus ille quem videtis hospi-
tes*. D. Membra quidem hujus in quinque & septem
semipedes video distributa, ut prius sit, *Phaselus ille*;
posterius autem, *quem videtis hospites*: pedes vero
iambos cerno. M. Quæro, nihilne cæves pede pleno
versum terminare? D. Verum dicis, & ubi fuerim,
nescio. Quis enim non videret, sicut in heroico exor-
diendum esse a semipede? quod cum in hoc genere sit,
non jam iambis, sed trochæis versus metimur, ut
eum legitime semipes claudat.

12. D. Ita est ut dicis: sed vide quid tibi de hoc re-
spondendum putes, quem Asclepiadæum vocant, *Mæ-
cenas atavis edite regibus*. Nam pars orationis in sexta
syllaba terminatur, neque inconstanter, sed in omnibus
fere hujus generis versibus. Itaque ejus primum est
membrum, *Mæcenas atavis*: secundum, *edite regibus*:
quod quam ratione fiat dubitari potest. Si enim me-
tiaris in hoc pedes quaternorum temporum, erunt
quinque in priore, in posteriore autem membro quatuor
semipedes: lex autem vetat membrum posterius pari
numero constare semipedum, ne pleno pede versus ter-
mine-

CAPUT
VI.
Rufus
de fine
versus.

Horatius
1. car-
minum.

a MSS. veteres sic habent: proprium, nimirum quantum hæc ratio ab
illa opinione discernitur.

b Iov. quisquis judicat certius: eumque quam cetera metra esse insigni-
ter finiendum, qui finem habet in breviori temporum notarum manife-

stum: siquidem &c. Ita quoque editiones aliæ, nisi quod Am. habet,
notatum manifestum sit. Ex. notarum manifestum sit. Sed præstat MSS.
lectio, quam hic revocavimus.

minetur. Restat ut pedes consideremus senorum temporum, ex quo fit ut membrum utrumque ternis semipedibus constet. Nam ut integro pede præcedens membrum finiatur, a duabus longis incipiendum est: deinde totus choriambus versum dividit, ut sequente etiam alio choriambus membrum posterius inchoetur, claudente versum semipede in duabus brevibus syllabis: tot enim tempora cum spondeo in capite locato, implent sex temporum pedem: nisi quid habes ad hæc. D. Nihil prorsus. M. Placet ergo, totidem semipedibus constare utrumque membrum. D. Cur non placeat? Neque enim metuenda est hic illa conversio; quia posito posteriore membro in præcedentis loco, ita ut quod est primum, secundum fiat, non eadem lex manebit pedum. Quapropter nulla causa est, cur idem semipedum numerus in hoc genere membris negetur, cum sine ullo conversionis vitio paritas ista possit teneri, finis etiam insignioris lege servata, cum versus non pleno pede terminatur, quod constantissime servandum est.

CAPUT VII.
Quomodo semipedum imparilitas in versuum membris ad parilitatem referatur.

13. M. R E M ipsam omnino vidisti: quare jam quoniam comperit ratio versuum esse duo genera, unum in quo idem numerus semipedum, aliud in quo dispar in membris sit, diligenter consideremus, si placet, quoniam modo ista imparilitas semipedum ad quamdam parilitatem referatur, obscuriore aliquantum, sed sane subtilissima ratione numerorum. Nam quæro ex te, cum duo & tria dicam, quot numeros dicam. D. Duos scilicet. M. Ergo & duo unus, & tria unus est numerus; & quemlibet alium dixerimus. D. Ita est. M. Nonne tibi ex hoc videtur unum cum quolibet numero non absurde posse conferri? si quidem unum duo esse non possumus dicere, duo autem unum esse quodam modo, & item tria & quatuor unum esse, non falso dici potest. D. Assentior. M. Adtende aliud: dic mihi, duo ter ducta, quid faciunt in summa. D. Sex. M. Num sex & tria totidem sunt? D. Nullo modo. M. Nunc tria quater ducas velim, summamque respondeas. D. Duodecim. M. Vides item duodecim plures esse quam quatuor? D. Et longe. M. Sane ne jam immorer, figenda regula est: A duobus, & deinceps quoslibet numeros duos constitueris, minor per majorem multiplicatus, eum excedat necesse est. D. Quis hoc dubitaverit? Quid enim tam parvum in plurali numero quam duo? quem tamen numerum si milles duxero, ita excedet mille, ut duplum fiat. M. Verum dicis: sed constitue unum, & quemlibet deinde majorem numerum, & quemadmodum in illis faciebamus, minorem per majorem multiplica, num eodem modo major superabitur? D. Non plane, sed majori minor æquabitur. Nam unum bis, duo; & unum decies, decem; & unum millies, mille; & per quemlibet alium numerum multiplicaverò, unum necesse est æquetur. M. Habet ergo unum cum ceteris numeris jus quoddam æqualitatis, non modo quod quicumque numerus est, sed etiam quod toties ductus, tantundem facit. D. Manifestissimum est.

Conciliantur membra semipedum quæ uor & trium.

14. M. Age nunc, refer animum ad semipedum numeros, quibus in versu fiunt membra inæqualia, & miram quamdam æqualitatem ista quam tractavimus ratione reperiens. Nam, ut opinor, versus minimus inæquali semipedum numero in membris est duobus, habens semipedes quatuor & tres, ut in hoc, *Hospes ille quem vides*: cujus primum membrum quod est, *Hospes ille*, secari æqualiter potest in duas partes binorum se-

Tom. I.

A mipedum: secundum autem quod est, *quem vides*, ita dividitur, ut una pars duos semipedes habeat, altera unum; quod ita est, quasi duo & duo sint, jure illo æqualitatis, de quo satis egimus, quod habet unum cum omnibus numeris. Ex quo fit ut ista divisione tantum sit quodam modo superius membrum quantum posterius. Itaque ubi fuerint quatuor & quinque semipedes sicut hoc est, *Roma, Roma cerne quanta sit*: non ita probatur; & propterea metrum erit potius quam versus; quia ita sunt membra inæqualia, ut ad nullam æqualitatis legem sectione aliqua possint referri. Cernis quippe, ut opinor, superioris membri quatuor semipedes, *Roma, Roma*, in binos posse discedere: quinque autem posteriores, *cerne quanta sit*, in duos & tres semipedes dividi; ubi nullo jure apparet æqualitas. Neque enim possunt aliquo modo tantum valere quinque semipedes propter duos & tres, quantum quatuor valent, quomodo invenimus superius in breviori versu tantum valere tres semipedes propter unum, & duo, quantum quatuor valent: an aliquid non es affecutus, aut non placet? D. Immo vero & manifesta omnia & rata sunt.

15. M. Age nunc quinque & tres semipedes consideremus, qualis est ille versiculus, *Phaselus ille quem vides*: & videamus quomodo ista inæqualitas aliquo æqualitatis jure teneatur: nam hoc genus non solum metrum: sed etiam versus esse, omnes consentiunt. Itaque cum primum membrum in semipedes duos & tres secueris, & secundum in duos & unum, conjungas particulas quas in utroque pares inveneris, quia & in primo membro habemus duo, & in secundo restant duæ particulae, una in tribus semipedibus de priore membro, altera in uno de posteriore. Has ergo & sociabiliter jungimus, quia unum cum omnibus habet societatem; & in summa unum & tria, quatuor fiunt, quod est tantundem quantum duo & duo. Per hanc igitur sectionem etiam quinque & tres semipedes ad concordiam rediguntur. Sed responde, utrum intellexeris. D. Ita vero, & admodum probo.

26. M. SEQUITUR ut de quinque & septem semipedibus differamus, quales sunt versus duo illi nobilissimi, heroicus & quem iambicum vulgo vocant, etiam ipse senarius. Nam, *Arma virumque cano, Trojæ qui primus ab oris*, ita dividitur ut primum ejus membrum sit, *Arma virumque cano*, qui sunt quinque; & secundum, *Trojæ qui primus ab oris*, qui sunt septem semipedes. Et, *Phaselus ille quem videtis hospites*, primum membrum habet, *Phaselus ille*, in semipedibus quinque; secundum in septem, *quem videtis hospites*. Sed tanta illa nobilitas in lege ista æqualitatis laborat. Cum enim superiores quinque semipedes in duos & tres diviserimus, posteriores autem septem in tres & quatuor; congruent sibi quidem particulae ternorum semipedum; sed si duæ reliquæ ita convenirent, ut una earum constaret uno semipede, alia quinque, conjungerentur lege illa qua unum cum omnibus numeris conjungi potest, & in summa sex fierent, quod sunt etiam tres & tres: nunc vero quia duo & quatuor inveniuntur, summam quidem reddent senariam; sed nullo æqualitatis jure tantum valent duo quantum quatuor, ut in hujuscemodi quasi necessitudine copulentur. Nisi forte quis dixerit satis esse ad aliquam regulam parilitatis, quod ut tres & tres, ita duo & quatuor sex fiunt: cui rationi repugnandum non arbitror: est enim & hæc aliqua æqualitas.

Membra semipedum quinque & trium.

CAPUT VIII.
Membra semipedum quinque & septem.

Y

tas. Sed illud nollem ut maiore congruentia quinque & tres quam quinque & septem semipedes convenirent. Non enim tantum nomen est illius versus, quantum istorum: & vides in illo non modo tantam summam inventam collatis uno & tribus, quanta est in duobus & duobus; sed etiam multo concordiores partes esse, cum junguntur unum & tria, propter illam unius cum ceteris omnibus numeris amicitiam, quam cum duo & quatuor copulantur, sicut in istis est: an tibi aliquid obscurum est? D. Nihil prorsus. Sed nescio quomodo me offendit, quod isti senarii cum sint celebrationes ceteris generibus, & principatum quemdam in versibus habere dicantur, aliquid in membrorum concordia minus habent, quam illi famæ obscurioris versus. M. Bono animo esto: nam ego tibi tantam in illis ostendam concordiam, quantam soli ex omnibus habere meruerunt, ut videas, non iniuria eos esse prælatos. Sed quia ipsa tractatio aliquanto est longior, quamvis omnino jocundior, restare nobis debet extrema, ut cum de ceteris, quantum satis videbitur disputaverimus, jam omni cura liberati, ad horum scrutanda penetralia veniamus. D. Mihi vero placet, sed jam vellem ut ista quæ priora suscepimus, explicata essent, ut jam illud audirem commodius. M. Istorum comparatione quæ ante differuimus, fiunt illa dulciora quæ exspectas.

CAPUT
IX.
Membra
semipe-
dum sex
& septem.

17. NUNC itaque considera, utrum in duobus membris, quorum primum exhibeat semipedes sex, alterum septem, reperiatur ea æqualitas, ut rite esse versus queat. Nam post quinque & septem semipedes hunc esse discutiendum vides. Hujus autem exemplum est; *Roma, Roma, cerne quanta sit deum benignitas*. D. Video primum membrum posse in partes distribui, quæ habeant ternos semipedes, secundum in tres & quatuor. Quare junctis æqualibus fiunt sex semipedes, tres vero & quatuor septem sunt, & non æquantur illi numero. Sed si duo & duo in ea parte ubi quatuor sunt, & duo & unum in ea parte ubi tres sunt, consideremus, junctis partibus quæ binos habent, fit summa quaternaria: junctis autem illis quarum in una duo sunt, in alia unum, si etiam ista tamquam sint quatuor accipiamus, propter unius cum ceteris numeris concordiam, octo simul fiunt, magisque excedunt summam senariam, quam cum septem fuissent.

Membra
semipe-
dum
octo &
septem.

18. M. Ita est, ut dicis: & ideo isto genere copulationis a lege versus separato, adtende ut ordo postulat, in ea nunc membra, quorum primum habet octo semipedes, septem secundum. Ista vero copulatio habet quod quærimus. Nam præcedentis membri partem dimidiam cum parte subsequenti maiore, quæ dimidiæ proxima est, jungens, quoniam quaterni semipedes sunt, octonarii numeri summam facio. Restant ergo quatuor semipedes de priore, tres de posteriore membro. Duo inde, & duo hinc copulati, fiunt quatuor. Duo rursus inde residui, & unus hinc, ad legem illius convenientiæ copulati, qua unum reliquis par est, quodam modo sumuntur pro quatuor. Ita jam octonarius superiori octonario congruit. D. Sed cur hujus exemplum non audio? M. Quia sæpe commemoratum est, tamen ne suo loco prætermissum putes, ipsum est: *Roma, Roma, cerne quanta sit deum benignitas*; vel hoc etiam: *Optimus beatus ille qui procul negotio*.

Membra
semipe-
dum no-
vem &
septem.

19. Quare jam inspicere novem & septem semipedum connexionem, cujus exemplum est: *Vir optimus beatus ille qui procul negotio*. D. Facilis est cognitu ista

A congruentia: superius enim membrum in quatuor & quinque, posterius in tres & quatuor semipedes dividitur. Pars ergo superioris minor cum parte posterioris maiore conjuncta, octonarium numerum facit: & maior superioris cum minore posterioris item octonarium: nam illa conjunctio est quatuor & quatuor, ista quinque & tres semipedes. Huc accedit, quod quinque in duo & tres semipedes, tres autem in duo & unum si divideris, apparet alia convenientia duorum cum duobus, & unius cum tribus, quia unum cum omnibus numeris superius commemorata lege confertur. Sed nisi me ratio fallit, nihil restat ulterius quod de membrorum copulatione requiramus: jam enim ad octo perventum est pedes, quem numerum versui, sicut satis cognovimus, non fas est excedere. Quare jam age illa senariorum versus heroici & jambici vel trochaici, quo intentionem meam & excitasti & distulisti, pande secreta.

20. M. FACIAM, immo faciet ipsa ratio, quæ mihi tibi que communis est. Sed meministine, quæso, cum ageremus de metris, dixisse nos & ipso sensu admodum probasse, illos pedes quorum partes ad se qua conveniunt, sive in duobus & tribus, ut est creticus vel pæones, sive in tribus & quatuor, ut epitriti, exclusos a poetis propter minoris venustatis sonum, solutæ orationis severitatem decorare congruentius, cum his clausulæ colligantur? D. Memini: sed quorsum hæc spectant? M. Quoniam illud volo prius intelligamus, hujusmodi pedibus a poetarum tractatione sejunctis, non remanere, nisi eos quibus ad tantumdem, ut spondeus est; aut eos quibus ad duplum, ut jambus; aut eos quibus ad utrumque partes conveniunt, ut choriambus. D. Ita est. M. At si hæc est poetarum materies, & soluta oratio versibus inimica est, non versus ullus nisi ex hoc genere pedum faciendus est. D. Assentior. Video enim poemata versibus quam aliis lyricorum poetarum metris fieri grandiora, sed adhuc quo ratio ista tendat, ignoro.

21. M. Ne propera: disputamus enim jam de senariorum versus excellentia, & prius tibi cupio demonstrare, si potero, decentissimos senarios, nisi duorum istorum generum esse non posse, quæ omnium etiam sunt celeberrima, quorum unum est heroicum, ut, *Arma virumque cano, Trojæ qui primus ab oris*, quod usus metitur spondeo & dactylo, subtilior ratio spondeo & anapæsto: alterum quod jambicum dicitur, & eadem ratione invenitur trochaicum. Nam credo tibi manifestum esse longis syllabis, nisi breves interponantur, obtundi quodam modo spatia sonorum; item nisi brevibus longæ, nimis concisæ & quasi tremula fieri; neutra esse temperata, quamvis temporum æqualitate aures impleant. Quamobrem nec illi versus qui sex pyrrhichios, & sex proceleumaticos habent, adspirant ad heroici dignitatem, nec illi ad trochaici qui sex tribrachos habent. Huc accedit quia in istis quos ceteris ipsa ratio præponit, si membra præposteræ, totum ita commutabitur, ut alios etiam pedes necessario metiamur. Itaque inconvertibiles, ut ita dicam, sunt quam illi qui aut omnibus brevibus, aut longis omnibus constant. Et ideo sive quinque & septem, sive septem & quinque semipedibus membra in his temperatioribus ordinantur, nihil interest: neutro enim horum ordine converti versus potest sine tanta commutatione, ut aliis pedibus currere videatur. In illis autem si carmen cœptum erit

CAPUT
X.
De sena-
riorum
versuum
excel-
lentia:
eos de-
centissi-
mos
non esse,
nisi vel
heroici
sint vel
jambici.

talibus versibus, quorum priora membra quinos semipedes habeant, non oporteat eos miscere in quibus septeni priores sunt, ne jam liceat omnes convertere: non enim a conversione revocat ulla pedum commutatio. Sed tamen heroicis conceditur spondeos omnes rarissime interponere, quod quidem posterior ætas hæc nostra minime probavit. Trochaicis autem sive jambicis, cum pedem tribrachum quolibet loco interponere liceat, habere tamen in huiusmodi carminibus versum solutum in omnes breves, turpissimum iudicatum est.

22. Remotis igitur epitritis pedibus a lege versuum senaria, non solum quod solutæ orationi sunt aptiores, verum etiam quod si sex fuerint, triginta & duo tempora excedunt, sicut dispondei: remotis etiam quinum temporum pedibus, quod sibi eos libentius ad clausulas vindicavit oratio: molossis item & aliis temporum senum, quamvis in poematis venustissime vigeant, ab hoc de quo nunc agimus numero temporum exclusis; restant versus omnium brevium syllabarum, qui vel pyrrhichios vel proceleumaticos vel tribrachos habent, & omnium longarum qui spondeos. Qui quamquam admittantur ad senarium modum, dignitati tamen & temperationi horum qui brevibus longisque variantur, & ob hoc multo minus converti possunt, cedant necesse est.

CAPUT XI.

Senarii quomodo commodius metiendi.

23. SED quæri potest cur meliores versus iudicati sint senarii, in quibus anapæstum subtilis illa ratio metitur, & ii in quibus trochæum, quam si dactylum ibi, & hic jambum metiretur. Sine præiudicio enim sententiæ, quoniam nunc de numeris agimus, si versus ita esset: *Trojæ qui primus ab oris arma virumque cano*, vel de illo genere: *Qui procul malo pius beatus ille*, uterque horum nec minus senarius esset, nec minus brevium longarumque syllabarum temperatione moderatus, nec magis converti poterat, & in utroque membra ita ordinata sunt, ut & in quinto & in septimo semipede pars orationis terminetur: cur ergo meliores istis putentur, si potius ita sint, *Arma virumque cano*, *Trojæ qui primus ab oris*. *Beatus ille qui procul pius malo*? In qua quæstione facilius & proclivius dixerim forte evenisse, ut isti prius animadverterentur aut frequentarentur; aut si id non est fortuitum, melius credo visum fuisse, ut heroicus duabus longis, quam duabus brevibus & longa clauderetur, quod in longis aures commodius adquiescunt: ille autem alter in finali semipede longam syllabam potius haberet quam brevem. Res quidem sic se habet, ut quicumque horum priores eligerentur, necessario aliis auferrent locum, qui membris iisdem præposteratis fieri possent. Quocirca si melior iudicatus est, cuius exemplum est, *Arma virumque cano*, *Trojæ qui primus ab oris*: inepte jam fieret isto converso aliud genus, sicuti est, *Trojæ qui primus ab oris*, *arma virumque cano*. Quod etiam de trochaico genere intelligendum est. Nam si est honestior, *Beatus ille qui procul negotio*: quod genus isto præposterato fieret ut est, *Qui procul negotio beatus ille*, fieri profecto non oporteret: tamen si quis audeat & faciat tales versus, manifestum est eum alia genera senariorum esse facturum, quibus sint ista meliora.

24. Hi ergo senariorum omnium pulcherrimi, non potuerunt ambo obtinere sinceritatem suam adversus hominum licentiam. Nam in trochaico genere, non senario solo, sed unde minus incipit

Tom. I.

A usque ad magnitudinem extremam quæ octo pedes habet, miscendos poetæ putaverunt quatuor temporum pedes omnes, qui adhibentur ad numeros: & Græci quidem alternis locis primo & tertio, & ita deinceps, si a semipede versus incipit; sin ab integro trochæo, secundo & quarto loco, atque ita deinceps servatis intervallis, memorati longiores collocantur pedes. Quæ corruptio ut tolerabilis fieret, non singulos pedes in duas partes, quarum una levationis, altera positionis est, plaudendo diviserunt; sed unum pedem levantes, alterum ponentes, unde ipsum senarium trimetrum vocant, ad epitritorum divisionem plausum retulerunt. Sed si hoc saltem constanter teneretur, quamvis pedes epitriti magis orationis sint quam poematis, nec jam senarius, sed ternarius versus inveniretur, non tamen omni modo illa numerorum labefactaretur æqualitas. Nunc vero quatuor temporum pedes, dummodo in locis memoratis ponantur, licet non solum in omnibus ponere, sed ubi libet eorum, & quotiens libet. Nostri vero veteres, nec ipsa locorum intervalla intermiscendis huiusmodi pedibus, servare potuerunt. Quare in hoc genere poetæ ista corruptione atque licentia plane assecuti sunt, quod eos voluisse arbitrandum est, ut essent in fabulis poemata solutæ orationi simillima. Sed quoniam satis dictum est, cur inter senarios isti versus magis nobilitati sint, nunc videamus cur ipsi senarii meliores sint versus quam ceteri in quolibet alio pedum numero constituti: nisi quid habes adversus ista quæ disseras. D. Prorsus assentior: & jam illam membrorum æqualitatem, cui me adtentissimum paulo ante reddidisti, si vel nunc fasest, cognoscere vehementer exspecto.

25. M. TOTUS ergo adesto, atque responde, utrum tibi videatur quælibet longitudo posse in quotlibet partes secari. D. Satis mihi ista persuasa sunt, nec dubitari posse arbitror, quin omnis longitudo quæ linea dicitur, habeat dimidiam sui partem, ac per hoc in duas lineas decussatim secari queat: & quia ipsæ duæ lineæ quæ ista sectione fiunt, procul dubio lineæ sunt, etiam in ipsis hoc fieri posse manifestum est. Itaque & quantulumcumque longitudo in quotlibet partes secari potest. M. Expeditissime atque verissime. Quare nunc illud vide, utrum recte asseveretur, omnem longitudinem ad latitudinem porrigendam, quæ ab ipsa oritur, tantum valere quantum latitudinis quadratum occupat. Si enim minus aut amplius in latum spatium proceditur quam longa est linea unde proceditur, quadratum non fit: sin tantum, nihil aliud quam quadratum fit. D. Intelligo & assentior: quid enim verius? M. Illud ergo jam sequi, ut opinor, vides, ut si pro linea in longum ordinati calculi pares ponantur, non perveniat illa longitudo ad quadratam formam, nisi per eundem numerum multiplicati calculi fuerint: ut si verbi gratia duos calculos ponas, quadratum non facias, nisi aliis duobus ad latitudinem adjunctis: sin tres, sex adjungendi sunt, sed terni distributi ad duos ordines similiter in latitudinem: si enim ad longitudinem additi fuerint, nulla figura fit. Longitudo enim sine latitudine figura non est. Atque ita proportionem licet considerare alios numeros: ut enim bis bina, & ter terna quadratas figuras in numeris faciunt, ita quater quaterna, quinquies quina, sexies sena, atque ita per infinitum in ceteris. D. Etiam ista rata & manifesta sunt. M. Adtende nunc utrum sit aliqua temporis longitudo. D.

CAPUT XII. Senarii versus cur aliis præstantiores.

Y 2

Quis

Quis dubitaverit nullum esse tempus sine aliqua longitudine? M. Quid, versus potestne non obtinere aliquam temporis longitudinem? D. Immo necesse est obtineat. M. Quid in ea longitudine pro calculis melius collocamus, pedesne, qui duas in partes, id est, levationem & positionem necessario distribuuntur; an ipsos semipedes potius, qui singulas levationes positionesque obtinent? D. Semipedes congruentius judico pro illis calculis poni.

26. M. Age nunc commemora membrum versus heroici brevius, quot semipedes habeat. D. Quinque. M. Dic exemplum. D. *Arma virumque cano*. M. Num igitur aliud desideras, nisi ut alii septem semipedes cum istis quinque aliqua æqualitate conveniant? D. Nihil prorsus aliud. M. Quid, septem semipedes possuntne aliquem versum complere per se? D. Possunt vero: nam tot semipedes habet primus ac minimus versus, annumerato in fine silentio. M. Recte dicis: sed ut versus esse possit, quomodo in duo membra dividitur? D. In quatuor scilicet, & tres semipedes. M. Duc ergo in legem quadrati has partes singulas, & vide quid faciunt quatuor quater. D. Sedecim. M. Quid, tria ter? D. Novem. M. Quid, totum simul? D. Viginti quinque. M. Septem ergo semipedes quoniam possunt habere duo membra, singulis membris suis ad quadratorum rationem relatis, vigesimum quintum numerum in summa faciunt; & est una pars versus heroici. D. Ita est. M. Altera igitur pars quæ habet quinque semipedes, quoniam non potest in duo membra dividi, & debet aliqua æqualitate concinere, nonne tota in quadratum ducenda est? D. Nihil aliud omnino censeo, & jam tandem agnosco æqualitatem mirabilem. Quinque enim quinques ducta eadem viginti quinque consummant. Nec ergo immerito senarii versus ceteris celebratiores nobilioresque facti sunt: dici enim vix potest quantum inter illorum æqualitatem in membris imparibus, & aliorum omnium intersit.

27. M. NON te ergo fefellit pollicitatio mea, vel potius ipsa nos, quam uterque nostrum sequitur, ratio. Quare ut istum jam sermonem concludamus aliquando, cernis certe cum sint metra pene innumerabilia, versum tamen esse non posse, nisi duobus membris sibimet concinnatis, aut totidem semipedibus, sed non conversibilibus terminatis, ut est, *Mæcenat avia edite regibus*;

aut dispari numero etiam semipedum, sed tamen aliqua æqualitate conjunctis, ut sunt quatuor & tres, aut quinque & tres, vel quinque & septem, aut sex & septem, aut octo & septem, vel septem & novem. A pleno enim pede trochaicus, ut est, *Optimus beatus ille qui procul negotio*, & a non pleno potest versus exordiri, ut est, *Vir optimus beatus ille qui procul negotio*: terminari autem nisi non pleno prorsus non potest. Sed isti non pleni pedes, sive integros semipedes habeant, sicuti est iste quem nunc posui; sive minus quam dimidium pedem, sicut in illo choriambico duæ ultimæ breves, *Mæcenat avia edite regibus*; sive plus quam dimidium, ut in ejus capite duæ primæ longæ, aut in fine alterius choriambici bacchius, cujus exemplum est, *Te domus Evandri, te sedes celsa Latini*. Omnes ergo isti non pleni pedes semipedes nuncupantur.

28. Jam vero non solum talia poemata versibus fiunt, ut in his unum genus teneatur, qualia Epicorum poetarum sunt, vel etiam Comicarum, sed illos quoque ambitus quos *ᾠδαί* Græci vocant non tantum illis metris quæ lege versuum non tenentur, Lyrici poetæ faciunt, sed etiam versibus. Nam ille Flacci, *Nox erat, & cælo fulgebat luna sereno: Inter minora sidera*: bimembris ambitus est, & versibus constans. Qui duo versus sibimet convenire non possunt, nisi uterque ad senorum temporum referatur pedes. Nam modus heroicus cum modo jambico vel trochaico non concinit, quia illi pedes ad tantumdem, hi ad duplum partiuntur. Fiunt ergo ambitus aut omnibus metris non cum versibus, ut illi sunt de quibus in superiori sermone disputatum est, cum de ipsis metris ageremus: aut tantum versibus, ut ii de quibus nunc dictum est: aut ut & versibus, & aliis metris temperentur, quale illud est: *Diffugere nives, redeunt jam gramina campis, Arboribusque comæ*. Quo autem ordine locentur vel versus cum aliis metris, vel majora membra cum minoribus, nihil interest ad aurium voluptatem, dummodo non brevior quam bimembris, non amplior quam quadrimembris sit ambitus. Sed jam si nihil habes quod contradicas, finis sit hujus disputationis, ut deinceps quod ad hanc partem musicæ adtinet, quæ in numeris temporum est, ab his vestigiis ejus sensibilibus, ad ipsa cubilia, ubi ab omni corpore aliena est, quanta valemus sagacitate veniamus.

Horatius
in car-
min.
epodo.

Horatius
4. carmi-
num.

LIBER SEXTUS.

In quo ex mutabilium numerorum in inferioribus rebus consideratione evehitur animus ad immutabiles numeros, qui in ipsa sunt immutabili veritate

I. SATIS diu pene atque adeo plane pueriliter per quinque libros in vestigiis numerorum ad moras temporum pertinentium morati sumus: quam nostram nugacitatem apud benevolos homines facile fortassis excuset officiosus labor; quem non ob aliud suscipiendum putavimus, nisi ut adolescentes, vel cujuslibet ætatis homines, quos bono ingenio donavit Deus, non præpropere, sed quibusdam gradibus a sensibus carnis atque carnalibus litteris, quibus eos non hæere difficile est, duce ratione avellerentur; atque uni Deo & Domino rerum omnium, qui huma-

nis mentibus nulla natura interposita præsidet, immutabilis veritatis amore adhærescerent. Illos igitur libros qui leget, inveniet nos cum grammaticis & poeticis animis, non habitandi electione, sed itinerandi necessitate versatos. Ad hunc autem librum cum venerit, si, ut spero & supplex deprecor, Deus & Dominus noster propositum meum voluntatemque gubernaverit, & eo quo est intenta perduxerit, intelliget non vilis possessionis esse vilem viam, per quam nunc cum imbecillioribus, nec nos ipsi admodum fortes ambulare maluimus, quam minus pennatos per liberiores auras præ-

CAPUT
I.
Superiores libri
quibus
scripti
sunt,
quove
consilio.

præcipitare. Ita nos, quantum arbitror, aut nihil aut non multum peccasse judicabit, si tamen de numero spiritualium virorum iste fuerit. Nam turba cetera de scholis linguarum tumultuantium, & ad plaudentium strepitum vulgari levitate lætantium, si forte irruerit in has litteras, aut contemnet omnes, aut illos quinque libros sufficere sibi arbitrabitur, istum vero in quo fructus illorum est, vel abiiciet quasi non necessarium, vel differet quasi post necessarium. Reliquos vero qui ad ista intelligenda eruditi non sunt, si sacramentis Christianæ a puritatis imbuti, in unum & verum Deum summa caritate nitentes, cuncta puerilia transvolaverunt, fraterne admoneo ne ad ista descendant, & cum hic laborare cœperint, de tarditate sua conquerantur, ignorantes itinera difficilia & molesta pedibus suis, volando se posse etiam ignorata transire. Si autem ii legunt qui & infirmis aut inexercitatis gressibus hac ambulare non possunt, & nullas pietatis alas habent, quibus ista neglecta prætervolent, non se inferant inconvenienti negotio; sed præceptis saluberrimæ religionis, & nido fidei Christianæ pennas nutriant, quibus subvecti laborem ac pulverem hujus itineris evadant, magis ipsius patriæ quam viarum flexuosarum amore flagrant. His enim hæc scripta sunt, qui litteris sæcularibus dediti, magnis implicantur erroribus, & bona ingenia in nugis conterunt, nescientes quid ibi delectet. Quod si animadverterent, viderent qua effugerent illa retia, & quisnam esset beatissimæ securitatis locus.

CAPUT II.
Sonorū numeri quotu-
plicitis ge-
neris, & an quod-
que eorū ge-
nus sine alio esse possit.

Primum
genus
numero-
rum in
ipso so-
no.

Secun-
dum ge-
nus in
ipso sen-
su au-
dientis.

2. M. QUAMOBREM tu cum quo mihi nunc ratio est, familiaris meus, ut a corporeis ad incorporea transeamus, responde, si videtur, cum istum verbum pronuntiamus, *Deus creator omnium*, istos quatuor jambos quibus constat, & tempora duodecim ubinam esse arbitreris, id est, in sono tantum qui auditur, an etiam in sensu audientis qui ad aures pertinet, an in actu etiam pronuntiantis, an quia notus versus est, in memoria quoque nostra hos numeros esse fatendum est? D. In his omnibus puto. M. Nusquamne amplius? D. Quid aliud restet non video, nisi forte interior & superior aliqua vis sit unde ista procedunt. M. Non ego quæro quid suspicandum sit: quare si hæc quatuor genera ita tibi apparent, ut nullum aliud videas quod æque manifestum sit, discernamus ea, si placet, ab invicem, & videamus utrum singula esse sine invicem possint. Nam credo non te esse negaturum, fieri posse, ut in aliquo loco aliquis sonus existat hujuscemodi morulis & dimensionibus verberans aerem vel stillicidio vel aliquo alio pulsu corporum, ubi nullus adsit auditor. Quod cum sit, num præter illud primum genus, cum ipse sonus hos numeros habet, ullum horum quatuor reperitur? D. Nullum aliud video.

3. M. Quid iste alter, qui est in sensu audientis, potestne esse si nihil sonet? Non enim quæro utrum habeant illæ aures vim percipiendi si quidquam sonuerit, qua utique non carent si desit sonus: non enim & cum silentium est, nihil a surdis differunt; sed quæro utrum ipsos numeros habeant, etiam si nihil sonet. Si quidem aliud est habere numeros, aliud posse sentire numerosum sonum. Nam & si sentientem corporis locum digito tangas, quotienslibet tangitur, totiens sentitur tactu ille numerus: & cum sentitur, non eo caret

Tom. I.

A sentiens: sed utrum insit etiam tangente nullo, non sensus ille, sed numerus, similiter quæritur. D. Non facile dixerim, carere sensum numeris talibus in se constitutis, etiam ante quam aliquid sonet: non enim aliter aut eorum mulceretur concinnitate, aut absurditate offenderetur. Idipsum ergo quidquid est, quo aut annuimus aut abhorremus, non ratione, sed natura, cum aliquid sonat, ipsius sensus numerum voco. Non enim tunc fit in auribus meis, cum sonum audio, hæc vis approbandi & improbandi. Aures quippe non aliter bonis sonis quam malis patent. M. Vide potius ne ista duo sint minime confundenda. Nam si versus quilibet modo correptius, modo productius pronuntietur, spatium temporis non idem teneat necesse est, quamvis eadem pedum ratione servata. Ut ergo ipso suo genere aures mulceat, illa vis facit qua concinna adsciscimus, & absurda respuimus. Ut autem brevior tempore sentiat cum celerius, quam cum tardius promitur, non interest aliquid nisi quamdiu aures tangantur sono. Affectio ergo hæc aurium cum tanguntur sono, nullo modo talis est ac si non tangantur. Ut enim differt audire ab eo quod est non audire, ita differt hanc vocem audire ab eo quod est alteram audire. Hæc igitur affectio nec ultra porrigitur, nec infra cohibetur; quoniam est mensura ejus soni qui facit eam. Altera est ergo in jambo, altera in tribracho; productior in productiore jambo, correptior in correptiore; nulla in silentio. Quæ si numerosa voce fit, etiam ipsa numerosa sit necesse est. Neque esse potest, nisi cum adest effectus ejus sonus: similis est enim vestigio in aqua impresso, quod neque ante formatur quam corpus imprefferis, neque remanet cum detraxeris. Naturalis vero illa vis quasi judiciaria, quæ auribus adest, non definit esse in silentio, nec nobis eam sonus infert, sed ab ea potius, sive probandus, sive improbandus excipitur. Quare ista duo, nisi fallor, distinguenda sunt; & fatendum numeros, qui sunt in ipsa passione aurium, cum aliquid auditur, sono inferri, auferri silentio. Ex quo colligitur numeros qui sunt in ipso sono, posse esse sine istis qui sunt in eo quod est audire, cum hi sine illis esse non possint.

E 4. D. ASSENTIOR. M. Adtende igitur hoc tertium genus, quod est in ipso usu & operatione pronuntiantis, & vide utrum possint esse hi numeri sine illis qui sunt in memoria. Nam & taciti apud nosmetipsos possumus aliquos numeros cogitando peragere ea mora temporis, qua etiam voce peragerentur. Hos in quadam operatione animi esse manifestum est, quæ quoniam nullum edit sonum, nihilque passionis infert auribus, ostendit hoc genus sine illis duobus esse posse, quorum unum in sono est, alterum in audiente, quando audit. Sed utrum existeret, nisi adjuvante memoria, quærimus. Quamquam si anima hos numeros agit, quos in venarum pulsu invenimus, soluta quæstio est: nam & in operatione hos esse manifestum est, & nihil ad eos adjuvamus memoria. Quod si de his incertum est, utrum operantis animæ sint; de istis certe quos reciproco spiritu agimus, nulli dubium est, quin & temporum intervallis numeri sint, & eos sic anima operetur, ut etiam voluntate adhibita multis modis variari queant: nec tamen ut agantur, ulla opus est memoria. D. Videtur mihi hoc genus sine tribus ceteris esse posse. Quamvis enim pro temperatione corporum varios venarum pulsus, &

CAPUT III.
Tertium
genus
numero-
rum in
ipso actu
pronun-
tiantis.

Y 3

ref.

Quar-
tum ge-
nus nu-
mero-
rum in
ipſa me-
moria.

CAPUT
IV.
Quin-
tum ge-
nus nu-
mero-
rum in
ipſo na-
turali
iudicio
ſentien-
di.

Ex quin-
que re-
cenſitis
numero-
rum ge-
neribus
quod-
nam an-
tecellat.

respirationis intervalla fieri non ambigam; tamen operante anima fieri, negare quis audeat? Qui cursus etſi pro diverſitate corporum aliis celerior eſt, aliis tardior; niſi tamen adſit anima quæ id agat, nullus eſt. M. Conſidera igitur & quartum genus, eorum ſcilicet numerorum qui ſunt in memoria: nam ſi eos recordatione depromimus, & cum in alias cogitationes deferimur, hos rurſum relinquimus velut in ſuis ſecretis reconditos, non opinor occultum eſt eos eſſe poſſe ſine ceteris. D. Non dubito eos eſſe ſine ceteris, ſed tamen niſi auditi vel cogitati non mandarentur memoria; & ideo quamquam illis deſinentibus maneat, iſdem tamen præcedentibus imprimuntur.

5. M. NON reſiſto tibi, & vellem jam quærere, quod tandem horum quatuor generum præſtantiffimum iudices: niſi arbitrarer dum illa tractamus, neſcio unde apparuiſſe nobis quintum genus, quod eſt in ipſo naturali iudicio ſentiendi, cum delectamur parilitate numerorum, vel cum in eis peccatur, offendimur. Non enim contemno quod tibi viſum eſt, ſine quibusdam numeris in eo latentibus, hoc ſenſum noſtrum nullo modo agere potuiſſe: an forte ad iſtorum quatuor aliquod genus hanc tantam vim pertinere arbitraris? D. Ego vero ab illis omnibus hoc genus diſtinguendum puto. Si quidem aliud eſt ſonare, quod corpori tribuitur, aliud audire, quod in corpore anima de ſonis patitur, aliud operari numeros vel productius vel correptius, aliud iſta meminifſe, aliud de his omnibus vel annuendo vel abhorrendo quaſi quodam naturali jure ferre ſententiam.

6. M. Age nunc, dic mihi quinque horum quod maxime excellat. D. Hoc quintum puto. M. Recte putas: non enim de illis poſſet, niſi excelleret, iudicare. Sed rurſus quæro, ceterorum quatuor quod maxime probes. D. Illud proſecto quod eſt in memoria; quia video ibi diuturniores eſſe numeros, quam cum ſonant, vel cum audiuntur, vel cum aguntur. M. Præponis ergo factos facientibus: nam iſtos qui ſunt in memoria, ab illis aliis imprimi paulo ante dixiſti. D. Nolle præponere: ſed rurſus quomodo non præponam diuturniora minus diuturnis, non video. M. Non te iſthuc moveat. Non enim ſicut æterna temporalibus, ita ea quæ diutius abolentur, iis quæ breviori tempore tranſeunt, præferenda ſunt: quia & ſanitas unius diei proſecto eſt melior, quam multorum dierum imbecillitas. Et ſi optanda optandis comparemus, melior eſt unius diei lectio, quam plurium ſcriptio, ſi eadem res uno die legatur, quæ pluribus ſcribitur. Ita numeri qui ſunt in memoria, etſi diutius manent quam illi a quibus imprimuntur, non eos tamen anteponere oportet eis quos agimus, non in corpore, ſed in anima: utrique enim prætereunt, alii ceſſatione, alii oblivione. Sed illi quos operamur, etiam nondum ceſſantibus nobis ſucceſſione ſequentium videntur auferri, dum primi ſecundis, & ſecundi tertiis, atque ita deinceps priores poſterioribus prætereundo concedunt locum, donec ultimos perimat ipſa ceſſatio. Oblivione vero plures ſimul numeri, quamvis paulatim abſterguntur: nam nec ipſi aliquamdiu manent integri. Quod enim poſt annum, verbi gratia, in memoria non invenitur, etiam poſt unum diem jam minuseſt: ſed non ſentitur iſta diminutio: non tamen falſo ex eo coniicitur, quia non utique pridie quam compleatur annus, repente totum evolat: unde intelligi datur, ab illo tempore quo inhæ-

ret memoria, incipere labi. Hinc eſt illud quod plerumque dicimus, Tenuiter memini, cum aliquid poſt tempus recordando repetimus, ante quam plane totum excidat. Quapropter utrumque hoc numerorum genus mortale eſt. Verumtamen facientes factis jure anteponuntur. D. Accipio & probo.

7. M. Jam ergo tria reliqua intueri, & eorum quoque quod ſit optimum & ceteris præferendum, ediſſere. D. Non eſt hoc facile. Nam ex illa regula qua factis facientes oportet anteferre, cogor ſonantibus numeris palmam dare: hos enim ſentimus audientes, & cum hos ſentimus, hos patimur. Hi ergo faciunt eos qui ſunt in aurium paſſione cum audimus: hi autem rurſus quos ſentiendo habemus, faciunt alios in memoria, quibus a ſe factis recte præferuntur. Sed hic quia & ſentire & meminifſe animæ eſt, non moveor, ſi aliquid quod in anima ſit, alicui quod item in ea ſit anteponam. Illud me conturbat, quomodo ſonantes numeri, qui certe corporei ſunt, vel quoquo modo in corpore, magis laudandi ſint quam illi, qui, cum ſentimus, in anima eſſe reperiuntur. Sed rurſus conturbat quomodo non magis laudandi ſint, cum hi faciant, illi ab his fiant. M. Mirare potius quod facere aliquid in anima corpus poteſt.

Hoc enim fortasſe non poſſet, ſi non peccato primo corpus illud quod nulla moleſtia & ſumma facilitate animabat & gubernabat, in deterius commutatum, & corruptioni ſubjaceret & morti: quod tamen habet ſui generis pulcritudinem, & EO IPSO dignitatem animæ ſatis commendat, cujus nec plaga nec morbus ſine honore alicujus decoris meruit eſſe. QUAM PLAGAM

ſumma Dei Sapientia, mirabili & ineffabili ſacramento dignata eſt aſſumere, cum hominem ſine peccato, non ſine peccatoris conditione ſuſcepit. Nam & naſci humanitus, & pati & mori voluit: nihil horum merito, ſed excellentiſſima bonitate, ut nos caveremus magis ſuperbiam, qua digniſſime in iſta cecidimus, quam contumelias quas indignus excepit, & animo æquo mortem debitam ſolveremus, ſi propter nos potuit etiam indebitam ſuſtinere; & quidquid ſecretius atque purgatus in tali ſacramento a ſanctis & melioribus intelligi poteſt. Ergo animam in carne mortali operantem, paſſionem corporum ſentire non mirum eſt.

Nec quia ipſa eſt corpore melior, melius putandum eſt omne quod in ea ſit, quam omne quod ſit in corpore. Credo enim tibi videri verum falſo eſſe præponendum. D. Quis dubitaverit? M. Num vera eſt arbor, quam videmus in ſomnis? D. Nullo modo. M. At ejus forma in anima ſit, hujus autem, quam nunc videmus, in corpore facta eſt. Quare cum & verum falſo, & anima corpore melior ſit, verum in corpore melius eſt quam falſum in anima. Sed ut hoc in quantum verum, non in quantum in corpore ſit, melius eſt: ita illud in quantum falſum, non in quantum in anima ſit, fortasſe eſt deterius: niſi quid habes ad hæc. D. Nihil equidem. M. Audi aliud quod ſit, ut puto, viciniuſ, quam melius. Neque enim negabis, quod decet eſſe melius, quam id quod non decet. D. Immo fateor. M. At in qua veſte decens eſt mulier, in eadem virum indecentem eſſe poſſe, quis ambigat? D. Et hoc manifeſtum eſt. M. Quid, ſi ergo forma iſta numerorum decet in ſonis, qui allabuntur auribus, & dedecet in anima, cum eos ſentiendo ac patiando habet, num magnopere mirandum eſt? D. Non opinor. M. Quid ergo dubitamus ſonantes

nume-

numeros atque corporeos præponere iis qui ab ipsis fi-
unt, quamvis in anima fiant, quæ corpore est melior?
quia numeros numeris, efficientes factis, non corpus
animæ præponimus. Corpora enim tanto meliora sunt,
quanto numerosiora talibus numeris. Anima vero istis
quæ per corpus accipit, carendo fit melior, cum sese
avertit a carnalibus sensibus, & divinis sapientiæ nu-
meris reformatur. Ita quippe in Scripturis sanctis di-
citur: *Circumivi ego, ut scirem & considerare &
quererem sapientiam & numerum*: quod nullo modo
arbitrandum est de his numeris dictum, quibus etiam
flagitiosa theatra personant: sed de illis credo quos non
a corpore accipit anima, sed acceptos a summo Deo
ipsa potius imprimit corpori: quod quale sit, non hoc
loco est considerandum.

CAPUT V.
Anima a corpore paratur, & quomodo sentiat.
8. VERUM TAMEN ne illud occurrat, arbo-
ris vitam meliorem esse quam nostram, quoniam non
accipit sentiendo a corpore numeros, nullus enim ei
sensus est; diligenter considerandum est utrum revera
nihil sit aliud quod dicitur, audire, nisi aliquid a cor-
pore in anima fieri. Sed per absurdum est fabricatori
corpori materiam quoquo modo animam subdere.
Numquam enim anima est corpore deterior, & omnis
materia fabricatore deterior. Nullo modo igitur ani-
ma fabricatori corpori est subjecta materies. Effet au-
tem, si aliquos in ea numeros corpus operaretur. Non
ergo, cum audimus, fiunt in anima numeri ab iis quos
in sonis cognoscimus: an aliquid renuis? D. Quid est
ergo quod in audiente contingit? M. Quidquid illud sit
quod fortasse invenire aut explicare non possumus,
num ad hoc valebit, ut animam corpore meliorem ef-
se dubitemus? Aut cum hoc fatemur, poterimusne
operanti corpori & numeros imponenti eam subdere,
ut illud sit fabricans, hæc autem materies de qua & in
qua numerosum aliquid fabricetur? quod si credimus,
deteriorem illam credamus necesse est. Quo quid mise-
rius, quid detestabilius credi potest? Quæ cum ita sint,
conabor equidem, quantum Deus adjuvare dignabi-
tur, quidnam ibi lateat conjectare atque differere. Sed
si hoc propter utriusque aut alterius nostrum infirmi-
tatem minus pro voluntate successerit, vel nos ipsi alias
fereniores id investigabimus, vel intelligentioribus in-
vestiganda deferemus, vel æquo animo latere patiemur:
non tamen ideo ista certiora de manibus debemus amit-
tere. D. Tenebo istud inconcussum si potero, & tamen
latebram istam non esse impenetrabilem nobis velim.

9. M. Cito dicam quid sentio: tu vero aut seque-
re, aut etiam præcede, si valebis, ubi me cunctari &
hæsitare animadverteris. Ego enim ab anima hoc cor-
pus animari non puto, nisi intentione facientis. Nec ab
isto quidquam illam pati arbitror, sed facere de illo &
in illo tamquam subjecto divinitus dominationi suæ:
aliquando tamen cum facilitate, aliquando cum diffi-
cultate operari, quanto pro ejus meritis magis minusve
illicedit natura corporea. Corporalia ergo quæcum-
que huic corpori ingeruntur aut obiiciuntur extrinse-
cus, non in anima, sed in ipso corpore aliquid faciunt,
quod operi ejus aut adversetur, aut congruat. Ideoque
cum renititur adversanti, & materiam sibi subjectam
in operis suis vias difficulter impingit, fit adtentior
ex difficultate in actionem; quæ difficultas propter
adtentioem cum eam non latet, sentire dicitur,

A & hoc vocatur dolor aut labor. Cum autem congruit
quod infertur, aut adjacet, facile totum id vel ex eo
quantum opus est, in sui operis itinera traducit. Et
ista ejus actio qua suum corpus convenienti extrinse-
cus corpori adjungit, quoniam propter quiddam ad-
ventitium adtentius agitur, non latet; sed propter
convenientiam, cum voluptate sentitur. At cum de-
sunt ea quibus corporis detrimenta reficiat, egestas con-
sequitur; & hac actionis difficultate cum fit adtentior,
& talis ejus operatio non eam latet, fames aut sitis,
aut tale aliquid appellatur. Cum autem supersunt in-
gesta, & ex eorum onere nascitur difficultas operan-
di, neque hoc sine adtentioem fit; & cum talis actio
non latet, cruditas sentitur: adtente etiam operatur
cum eiicit superfluum, si leniter, cum voluptate; si as-
pere, cum dolore. Morbidam quoque perturbatio-
nem corporis adtente agit, succurrere appetens laben-
ti atque diffuenti; & hac actione non latente morbos
& ægrotationes sentire dicitur.

10. Et ne longum faciam, videtur mihi anima
cum sentit in corpore, non ab illo aliquid pati, sed in
ejus passionibus adtentius agere, & has actiones si ve fa-
ciles propter convenientiam, si ve difficiles propter in-
convenientiam, non eam latere: & hoc totum est quod
sentire dicitur. Sed iste sensus, qui etiam dum nihil sen-
timus, inest tamen, instrumentum est corporis, quod
ea temperatione agitur ab anima, ut in eo sit ad passio-
nes corporis cum adtentioem agendas paratior, similia
similibus ut adjungat, repellatque quod noxium est.
Agit porro, ut opinor, luminosum aliquid in oculis,
aerium serenissimum & mobilissimum in auribus, ca-
liginosum in naribus, in ore humidum, in tactu terre-
num & quasi lutulentum. Sed si ve hac si ve alia distri-
butione ista coniiciantur, agit hæc anima cum quiete,
si ea quæ insunt in unitate valetudinis, quasi familia-
ri quadam consensione a cesserunt. Cum autem ad-
hibentur ea quæ nonnulla, ut ita dicam, alteritate
corpus afficiunt, exserit adtentiores actiones, suis
quibusque locis atque instrumentis accommodatas:
tunc videre, vel audire, vel olfacere, vel gustare,
vel tangendo sentire dicitur; quibus actionibus con-
grua libenter associat, & moleste obsistit incongruis.
Has operationes passionibus corporis puto animam ex-
hibere cum sentit, non easdem passiones recipere.

11. Quapropter cum de sonorum numeris in præ-
sentia quærat, & sensus aurium vocetur in dubium,
non oportet per cetera diutius evagari. Referamus ita-
que nos ad id de quo agitur, & videamus utrum sonus
in auribus aliquid faciat: an tu id negabis? D. Nihil
minus. M. Quid easdem aures animatum membrum
esse nonne concedis? D. Concedo. M. Cum ergo id
quod in eo membro simile est aeri, moveatur aere
percusso; animam illam, quæ ante istum sonum vi-
tali motu in silentio corpus aurium vegetabat,
num putamus aut cessare posse ab opere movendi
quod animat, aut eodem modo movere commo-
tum extrinsecus aerem auris suæ, quo movebat an-
te quam ille illaberetur sonus? D. Non videtur nisi
aliter. M. Hoc ergo aliter movere, nonne faten-
dum est facere esse, non pati? D. Ita est. M. Non
igitur absurde credimus motus suos animam, vel
actiones, vel operationes, vel si quo alio nomine
com-

a Sic MSS. omnes præter Vaticanum, qui cum Am. & Er. habet, cohaeserint. At Lov. concefferint.

b In editis, Non videtur mihi aliter. M. Hoc ergo genustaliter mo-
vere. At in melioribus MSS. lectio nostra exhibetur.

commodius significari possunt, non latere cum sentit.

12. Hæ autem operationes vel præcedentibus corporum passionibus adhibentur, ut sunt cum illæ oculorum nostrorum lucem formæ interpellant, aut in aures influit sonus, aut naribus exhalationes, palato sâpores, cetero corpori quælibet solida & corpulenta admoventur extrinsecus, vel in ipso corpore de loco in locum migrat aliquid sive transit, vel totum ipsum corpus suo alienove pondere movetur: hæ sunt operationes quas adhibet anima præcedentibus passionibus corporis; quæ delectant eam associantem, offendent resistentem. Cum autem ab eisdem suis operationibus aliquid patitur, a se ipsa patitur, non a corpore; sed plane cum se accommodat corpori: & ideo apud se ipsam minus est, quia corpus semper minus quam ipsa est.

13. Conversa ergo a Domino suo ad servum suum, necessario deficit: conversa item a servo suo ad Dominum suum, necessario proficit, & præbet eidem servo facillimam vitam, & propterea minime operosam & negotiosam, ad quam propter summam quietem nulla detorqueatur adtentio; sicut est affectio corporis quæ sanitas dicitur: nulla quippe adtentio nostra opus habet, non quia nihil tunc agit anima in corpore, sed quia nihil facilius agit. Nam in omnibus operibus nostris tanto quidquam adtentius, quanto difficilius operamur. Hæc autem sanitas tunc firmissima erit atque certissima, cum pristinæ stabilitati, certo suo tempore atque ordine, hoc corpus fuerit restitutum, quæ resurrectio ejus ante quam plenissime intelligatur, salubriter creditur. Oportet enim animam & regi a superiore, & regere inferiorem. Superior illa solus Deus est, inferius illa solum corpus, si ad omnem & totam animam intendas. Ut ergo tota esse sine Domino, sic excellere sine servo non potest. Ut autem Dominus ejus magis est quam ipsa, ita servus minus. Quare intenta in Dominum intelligit æterna ejus, & magis est, magisque est etiam ipse servus in suo genere per illam. Neglecto autem Domino intenta in servum a carnali qua ducitur concupiscentia, sentit motus suos quos illi exhibet, & minus est: nec tamen tantum minus, quantum ipse servus, etiam cum maxime est in natura propria. Hoc autem delicto dominæ multo minus est quam erat, cum illa ante delictum magis esset.

14. Quocirca mortali jam & fragili, cum magna difficultate atque adtentione dominatur. Hinc illi error incurrit, ut voluptatem corporis, quia ejus adtentio ni cedit materies, pluris æstimet quam ipsam sanitatem, cui adtentio nulla opus est. Nec mirum, si ærumnis implicatur, præponens curam securitati. Convertenti se autem ad Dominum, major cura oritur, ne avertatur; donec carnalium negotiorum requiescat impetus, effrenatus consuetudine diuturna, & tumultuosis recordationibus conversioni ejus sese inferens: ita sedatis motibus suis quibus in exteriora provehebatur, agit otium intrinsecus liberum, quod significatur sabbato; sic cognoscit solum Deum esse Dominum suum, cui uni summa libertate servitur. Non autem illos carnales motus, ut cum libet exferit, ita etiam cum libet exstinguit. Non enim sicut peccatum in ejus potestate est, ita etiam poena peccati. Magna quippe res est ipsa

A anima, nec ad opprimendos lascivos motus suos idonea sibi remanet. Valentior enim peccat, & post peccatum divina lege facta imbecillior, minus potens est auferre quod fecit. *Infelix ego homo, quis me liberabit de corpore mortis hujus?* *Gratia Dei per Jesum Christum Dominum nostrum.* Motus igitur animæ servans impetum suum, & nondum extinctus, in memoria esse dicitur, & cum in aliud intenditur animus, quasi non inest animo pristinus motus, & re vera minor fit, nisi ante quam intercidat, quadam similitudine vicinitate renovetur.

15. Sed velim scire, utrum te adversus ista nihil moveat. D. Probabiliter mihi dicere videris, nec ausim resistere. M. Cum igitur ipsum sentire movere sit corpus adversus illum motum qui in eo factus est, nonne existimas ideo nos non sentire cum ossa & ungues & capilli secantur, non quia ista in nobis omnino non vivunt, non enim aliter aut continerentur aut nutrentur aut crescerent, aut etiam vim suam in ferenda prole monstrarent; sed quia minus libero aere penetrantur, mobili scilicet elemento, quam ut motus ibi possit ab anima fieri tam celer, quam est ille adversus quem fit cum sentire dicitur. Talis quædam vita cum in arboribus atque stirpibus ceteris esse intelligatur, nullo modo eam non solum nostræ quæ ratione etiam præpollet, sed ne ipsi quidem belluinæ decet præponere. Aliud est enim summa stoliditate, aliud summa sanitate corporis nihil sentire. Nam in altero instrumenta desunt, quæ adversus passiones corporis moveantur, in altero ipsæ passiones. D. Probo & assentior.

16. M. R E D I ergo mecum ad propositum, atque responde de tribus illis generibus numerorum, quorum alterum in memoria est, alterum in sentiendo, alterum in sono, quodnam tibi videatur excellere? D. Sonum duobus illis postpono quæ in anima sunt & vivunt quodam modo: sed horum duorum quod præstantius judicem, incertus sum, nisi forte quoniam illos qui sunt in actione, non ob aliud præponendos iis qui sunt in memoria dixeramus, nisi quod illi facientes sunt, isti ab his facti; eadem ratione istos etiam, qui dum audimus in sunt in anima, oportet iis antepone, qui ab iisdem in memoria fiunt, sicuti & dudum mihi videbatur. M. Non puto absurdam responsionem tuam: sed quoniam disputatum est, hos etiam qui sunt in sentiendo numeros operationes esse animæ, quomodo eos ab illis discernis, quos in actu esse animadvertimus, etiam cum in silentio non recordans agit aliquid anima per temporalia spatia numerosum? an quod illi sunt moventis sese animæ ad corpus suum, hi vero in audiendo moventis sese animæ adversus passiones corporis sui? D. Accipio istam differentiam. M. Quid, in sententia manendumne arbitraris, ut præstantiores illi judicentur qui sunt ad corpus, quam illi qui sunt adversus passiones corporis? D. Liberiores mihi videntur illi qui sunt in silentio, quam ii qui non solum ad corpus, sed ad passiones etiam corporis exferuntur. M. Distincta a nobis, & quibusdam meritorum gradibus ordinata video quinque genera numerorum, quibus, si placet, imponamus congrua vocabula, ne in reliquo sermone pluribus verbis quam rebus uti necesse sit. D. Placet vero. M. Vocentur ergo primi judiciales, secundi progressores, tertii occursores, quarti recordabiles, quinti sonantes. D. Teneo, & his nominibus utar libentius.

17. M.

a Er. habet, *carnalem*. Lov. *carnalis*. Am. & octo MSS. *carnali qua ducitur concupiscentia*. Melius Vaticanus codex, *carnali qua ducitur concupis-*

centia. Paulum infra legendum videtur juxta MSS. *cum illa ante delictum*, ubi Am. Er. & Lov. habent, *cum ille* &c.

17. M. ADTENDE igitur deinceps, & dic mihi, quinam istorum immortales tibi videantur, an omnes suis temporibus labi atque occidere existimes? D. Judiciales solos immortales puto: ceteros video vel transire cum fiunt, vel de memoria oblivione deleri. M. Tam certus es de istorum immortalitate, quam de interitu ceterorum? an diligentius, utrum vere hi immortales sint, oportet quærere? D. Quæramus sane. M. Dic ergo, cum aliquanto correptius sive productius, dum serviam temporum legi qua simplo ad duplum pedes conveniunt, versum pronuntio, num offendo ulla fraude iudicium sensus tui? D. Non omnino. M. Quid sonus ille qui correptioribus & quasi fugacioribus syllabis editur, num potest plus temporis occupare quam sonat? D. Qui potest? M. Judiciales ergo illi numeri si vinculo temporis in tanto spatio tenerentur, quanto isti sonantes digesti sunt, possentne ad eorum sonantium qui paulo productius eadem jambica lege funduntur, adspirare iudicium? D. Nullo modo. M. Igitur apparet hos mora temporum, qui iudicando præfident, non teneri. D. Prorsus apparet.

18. M. Recte annuis. Sed si nulla tenerentur, quantolibet productius, legitimis intervallis jambicos proferrem sonos, nihilominus ad iudicandum adhiberentur: nunc vero si ederem unam syllabam quanta mora peraguntur (ne multum dicam) tres passus incedentis, & aliam duplo, atque ita deinceps tam longos jambos ordinarem, simpli & dupli lex illa nihilo secius servaretur, nec tamen naturale illud iudicium his dimensionibus approbandis adhibere possemus: an tibi non videtur? D. Negare non possum ita videri; nam mea quidem sententia res in aperto est. M. Tenentur ergo & hi judiciales nonnullis finibus temporalium spatiorum, quos in iudicando excedere nequeunt, & quidquid excedit hæc spatia, non assequuntur ut iudicent: atque ita si tenentur, quomodo sint immortales non video. D. Nec ego video quid respondeam. Sed quamquam de immortalitate horum jam minus præsumam, non tamen quo pacto hinc mortales convincantur intelligo. Fieri enim potest, ut quantacumque spatia iudicare possunt, semper id possint, quoniam non sicut ceteros, aut oblivione aboleri possum dicere, aut tamdiu esse vel in tantum extendi, quamdiu sonus appellitur & in quantum extenduntur occursores illi, aut quamdiu aguntur vel quantum producuntur quos progressores vocavimus; nam utrique cum ipso tempore operationis suæ transeunt: hi autem judiciales, utrum & in anima nescio, in ipsa certe hominis natura manent, iudicaturi de oblatis, quamquam a certa brevitate usque ad certam longitudinem varientur, approbando in his numerosa, & perturbata damnando.

19. M. Saltem illud concedis, alios homines citius offendi claudicantibus numeris, alios tardius, & plerisque nonnisi ex comparatione integrorum iudicare vitiosos, cum & illos congruos & illos incongruos audierint. D. Concedo. M. Unde tandem hanc differentiam putas existere, nisi aut natura, aut exercitatione, aut utroque? D. Sic arbitror. M. Quæro igitur utrum possit aliquis aliquanto productiora intervalla iudicare & approbare, quæ alius non possit? D. Credo esse posse. M. Quid ille qui non potest, si se exerceat congruenter, nec adeo tardus sit, nonne poterit? D. Poterit vero. M. Num in tantum possunt isti proficere ad productio-

ra iudicanda, ut horarum, vel dierum, vel etiam mensium annorumve dupla & simpla spatia, cum saltem somno interpediantur, sensu illo iudiciario possint comprehendere, & tamquam illos jambos motionis nutibus approbare? D. Non possunt. M. Quid ita non possunt, nisi quia unicuique animanti in genere proprio, proportionem universitatis, sensus locorum temporumque tributus est, ut quomodo corpus ejus proportionem universi corporis tantum est, cujus pars est, & ætas ejus proportionem universi sæculi tanta est, cujus pars est; ita sensus ejus actioni ejus congruat, quam proportionem agit universi motus, cujus hæc pars est? Sic habendo omnia magnus est hic mundus, qui sæpe in Scripturis divinis cæli & terræ nomine nuncupatur, cujus omnes partes si proportionem minuantur, tantus est; & si proportionem augentur, nihilo minus tantus est: quia nihil in spatiis locorum & temporum per se ipsum magnum est, sed ad aliquid brevius: & nihil rursus in his per se ipsum breve est, sed ad aliquid majus. Quapropter si humanæ naturæ ad carnalis vitæ actiones talis sensus tributus est, quo majora temporum spatia iudicare non possit, quam intervalla postulant ad talis vitæ usum pertinentia; quoniam talis hominis natura mortalis est, etiam talem sensum mortalem puto. Non enim frustra CONSUEUDO quasi secunda & quasi affabricata natura dicitur. Videmus autem velut quosdam sensus novos in iudicandis cujuscemodi rebus corporeis consuetudine effectos, alia consuetudine deperire.

20. SED quoquo modo sese habeant hi numeri judiciales, eo certe præstant quod dubitamus, vel difficile pervestigamus utrum mortales sint. De ceteris autem quatuor generibus nec quæstio est quin mortales sint; quorum etsi quosdam non comprehendunt, quia ultra ipsorum jura porrecti sunt, genera tamen ipsa suo examini vindicant. Nam & illi progressores cum aliquam in corpore numerosam operationem appetunt, latente istorum judicialium nutu modificantur. Quod enim nos vel ambulantes ab imparibus passibus, vel percutientes ab imparibus intervallis plagarum, vel edentes vel bibentes ab imparibus malarum motibus, scalpentes denique ab imparibus unguium ductibus, & ne per multas alias operationes percurram, quod nos in qualibet adtentione agendi aliquid per corporis membra ab imparibus motibus refrænât & cohibet, & quamdam parilitatem tacite imperat, id ipsum est iudiciale nescio quid, quod conditorem animalis insinuat Deum; quem certe decet credere auctorem omnis convenientiæ atque concordiæ.

21. Et illi occursores numeri, qui certe non pro suo nutu, sed pro passionibus corporis aguntur, in quantum eorum intervalla potest memoria custodire, in tantum his judicialibus iudicandi offeruntur atque iudicantur. Numerus namque iste qui intervallis temporum constat, nisi adjuvemur in eo memoria, iudicari a nobis nullo pacto potest. Quamlibet enim brevis syllaba, cum & incipiat, & desinat, alio tempore initium ejus, & alio finis sonat. Tenditur ergo & ipsa quantum locumque temporis intervallo, & ab initio suo per medium suum tendit ad finem. Ita ratio invenit tam localia quam temporalia spatia infinitam divisionem recipere; & idcirco nullius syllabæ cum initio finis auditur. In audienda itaque vel brevissima syllaba, nisi memoria nos adjuvet, ut eo momento temporis quo jam non initium, sed finis syllabæ sonat, maneat ille motus

rus in animo, qui factus est cum initium ipsum sonuit, nihil nos audisse possumus dicere. Hinc est illud quod plerumque alia cogitatione occupati, coram loquentes non nobis videmur audisse: non quia occursores illos numeros non agit tunc anima, cum sine dubio sonus ad aures perveniat, & illa in passione corporis sui cessare non possit, nec possit nisi aliter moveri quam si illa non fieret; sed quia intentione in aliud subinde extinguitur motionis impetus, qui si maneret, in memoria utique maneret, ut nos & inveniremus & sentiremus audisse. Quod si de una syllaba brevi minus sequitur mens tardior quod invenit ratio, de duabus certe nemo dubitat, quin eas simul nulla anima possit audire. Non enim sonat secunda, nisi prima destiterit: quod autem simul sonare non potest, simul audiri qui potest? Ut igitur nos ad capienda spatia locorum diffusio radorum juvat, qui e brevibus pupulis in aperta emicant, & adeo sunt nostri corporis, ut quamquam in procul positis rebus quas videmus, a nostra anima vegetentur; ut ergo ^a eorum effusione adjuvamus ad capienda spatia locorum: ita memoria, quod quasi lumen est temporalium spatiorum, quantum in suo genere quodam modo extrudi potest, tantum eorumdem spatiorum capit. Cum autem diutius aures pulsant sonus nullis distinctus articulis, & ab aliquo tandem sine conjunctus alter duplo, aut etiam tanto editur spatio; adtentione in succedentem perpetuo sonum motus ille animi, qui adtentione ad præteritum & elapsus sonum cum transibat est factus, reprimitur, id est, non ita remanet in memoria. Quapropter judiciales illi numeri, qui numeros in intervallis temporum sitos, exceptis progressoribus quibus etiam ipsum progressum modificant, judicare non possunt nisi quos eis tamquam ministra memoria obtulerit, nonne ipsi existimandi sunt per certum spatium temporis tendi? Sed interest quibus temporum spatiis vel excidat nobis, vel meminerimus quod judicant. Si quidem nec in ipsis corporum formis quæ ad oculos pertinent, possumus rotunda vel quadra, vel quæcumque alia solida & determinata judicare, & omnino sentire, ^b nisi ea ob oculos versemus: cum autem alia pars adspicitur, si exciderit quod est ad spectum in alia, frustratur omnino judicantis intentio, quia & hoc aliqua mora temporis fit; cui variatæ opus est invigilare memoriam.

22. Recordabiles vero numeros multo evidentius est quod, eadem ipsa offerente memoria, judicamus his judicialibus. Nam si occursores quantum ab ea offeruntur, tantum judicantur; multo magis ii, ad quos tamquam repositos post alias intentiones revocamur recordatione, in ipsa memoria vivere inveniuntur. Quid enim aliud agimus cum revocamus nos in memoriam, nisi quodam modo quod repositum quærimus? Recurrit autem in cogitationem occasione similium motus animi non extinctus, & hæc est quæ dicitur recordatio. Sic agimus numeros, vel in sola cogitatione, vel etiam in membrorum motu, quos jam egimus aliquando. Inde autem scimus non venisse, sed redisse illos in cogitationem, quia cum memoriæ mandarentur, cum difficultate repetebantur, & indigebamus aliqua præmonstratione ut sequeremur: qua difficultate demta, cum sese ipsi accommodare voluntati offerunt, consequenter temporibus atque ordine suo,

A tam facile ut qui vehementius inhæserunt, etiam aliunde cogitantibus nobis, jam quasi proprio nutu peragantur, non eos utique novos esse sentimus. Est etiam aliud unde nos sentire arbitror præsentem motum animi aliquando jam fuisse, quod est recognoscere, dum recentes motus ejus actionis, in qua sumus cum recordamur, qui certe vivaciores sunt, cum recordabilibus jam sedatioribus quodam interiore lumine comparamus: & talis agnitio, recognitio est & recordatio. Judicantur ergo & recordabiles numeri ab his judicialibus, numquam soli, sed adjunctis activis, aut cursoribus, aut utrisque, qui eos tamquam e latebris suis in manifestum producant, & quasi redintegratos qui jam abolebantur, rursus recordantur. Ita cum occursores in tantum judicentur, in quantum eos memoria judicantibus admoverit, possunt vicissim & recordabiles qui sunt in memoria cursoribus eos exhibentibus judicari: ut hoc intersit quod occursores ut judicentur, quasi recentia eorum fugientium vestigia offert memoria; recordabiles autem quando eos audiendo judicamus, quasi eadem vestigia cursoribus transeuntibus revirescant. Jam porro de sonantibus numeris quid opus est dicere, cum in cursoribus judicentur, si audiantur? Si vero ibi sonant ubi non audiuntur, quis dubitet eos a nobis non posse judicari? Sane ut in sonis per instrumentum aurium, ita in saltationibus ceterisque visibilibus motibus, quod ad temporales numeros adtinet, eadem adjuvante memoria iisdem numeris judicialibus dijudicamus.

23. Hæc cum ita sint, conemur, si possumus, ^{capit} istos numeros judiciales transcendere, & quæramus ^{ix.} utrum sint superiores. In his enim quamquam spatia ^{Numeri} temporum jam minime videamus, non tamen adhibentur, ^{alii in} nisi ad ea judicanda quæ in spatio temporis fiunt; ^{anima} nec ipsa quidem omnia, sed quæ possunt articulari ^{illis ju-} memoriter: nisi quid habes forte quod contra hæc velis ^{diciali-} dicere. ^{bus præ-} D. Movet me plurimum istorum judicialium vis ^{cellen-} atque potentia: ipsi enim mihi videntur esse ad quos ^{tes.} omnium sensuum ministeria referuntur. Itaque his excellentius utrum quidquam in numeris inveniri possit, ignoro. M. Nihil deperit quod diligentius quærimus. Aut enim inveniemus superiores in anima humana, aut hos in ea summos esse firmabimus, si tamen illud claruerit, nullos in ea esse præstantiores. Aliud est enim non esse, aliud non posse inveniri, sive ab ullo homine, sive a nobis. Sed ego puto cum ille a nobis propositus versus canitur, *Deus creator omnium*, nos eum & cursoribus illis numeris audire, & recordabilibus recognoscere, & progressoribus pronuntiare, & his judicialibus delectari, & nescio quibus aliis æstimare, & de ista delectatione quæsi qua sententia est judicialium istorum, aliam secundum hos latentiores certiore ferre sententiam. An tibi unum atque idem videtur delectari sensu, & æstimare ratione? D. Diversa esse fateor. Sed primo ipso moveor vocabulo, cur non potius isti vocentur judiciales quibus inest ratio, quam isti quibus inest delectatio. Deinde vereor ne nihil sit aliud æstirnatio ista rationis, quam eorum de se ipsis quædam diligentior judicatio: ut non alii sint numeri in delectatione, alii in ratione; sed uni atque iisdem alias judicent de iis quæ aguntur in corpore, cum eos, ut supra demonstratum est, offert memo-

ria,

^a Sic in MSS. At in editis legitur, ut ergo effusione lucis adjuvamus.

^b Am. Er. & Lov. possemus... nisi ex obliquo oculos versavimus. Sed concinnior est MSS. lectio quam amplectimur.

ria, alias de se ipsis remotius a corpore atque sincerius.

24. M. De vocabulis quidem nihil fatagas, res in potestate est: placito enim, non natura imponuntur. Quod autem eosdem esse arbitraris, nec duo genera numerorum hæc vis accipere, illud, ni fallor, te rapit, quod eadem anima utrumque agit. Sed animadvertere te opus est, & in progressoribus eandem animam corpus movere vel ad corpus moveri, & in cursoribus hanc eandem passionibus ejus ire obviam, & in recordabilibus istam ipsam, donec quodam modo detumescant, ipsis quasi fluctuare motionibus. Nos ergo in istis generibus numerandis & distinguendis unius naturæ, id est, animæ motus affectionesque dispicimus. Quare si ut aliud est ad ea quæ corpus patitur moveri, quod fit in sentiendo; aliud movere se ad corpus, quod fit in operando; aliud quod ex his motibus in anima factum est continere, quod est meminisse; ita est aliud annuere vel renuere his motibus, aut cum primitus exseruntur, aut cum recordatione resuscitantur, quod fit in delectatione convenientiæ & offensione absurditatis talium motionum sive affectionum; & aliud est æstimare utrum recte an secus ista delectent, quod fit ratiocinando: necesse est fateamur ita hæc esse duo genera, ut illa sunt tria. Et si recte nobis visum est, nisi quibusdam numeris esset ipse delectationis sensus imbutus, nullo modo eum potuisse annuere paribus intervallis, & perturbata respuere: recte etiam videri potest ratio, quæ huic delectationi superimponitur, nullo modo sine quibusdam numeris vivacioribus, de numeris quos infra se habet posse judicare. Quæ si vera sunt, apparet inventa esse in anima quinque genera numerorum, quibus cum addideris corporales illos quos sonantes vocavimus, sex genera numerorum disposita & ordinata cognosces. Jam nunc, si placet, illi qui nobis subreperant ad principatum obtinendum, sensuales nominentur, & judicialium nomen, quoniam est honoratius, hi accipiant qui excellentiores comperti sunt: quamquam & sonantium nomen mutandum putem, quoniam si corporales vocentur, manifestius significabunt etiam illos qui sunt in saltatione, & in cetero motu visibili: si tamen ea quæ dicta sunt probas. D. Probo sane: nam & vera & manifesta mihi videntur: horum etiam emendationem vocabulorum libenter accipio.

CAPUT.
X.
Ratio-
nis vis
in per-
spicien-
dis quæ
ad Musi-
cam per-
tinent,
ubi nihil
aliud
quam æ-
qualitas
delectat.

25. M. A G E nunc adspice in vim potentiamque rationis quantum ex operibus ejus adspicere possumus. Ipsa enim, ut id potissimum dicam quod ad hujus operis susceptionem adtinet, primo quid sit ipsa bona modulatio consideravit, & eam in quodam motu libero, & ad suæ pulcritudinis finem converso esse perspexit. Deinde vidit in motibus corporum aliud esse quod brevitate & productione temporis variaretur, in quantum magis esset minusve diuturnum, aliud localium spatiorum percussione in quibusdam gradibus celeritatis & tarditatis: qua divisione facta, illud quod in temporis mora esset, modestis intervallis, & humano sensui accommodatis articulatis varios efficeret numeros, eorumque genera & ordinem usque ad modulos versuum persecuta est. Postremo attendit quid in his moderandis, a operandis, sentiendis, retinendis ageret anima,

A cujus caput ipsa esset: hosque omnes animales numeros a corporalibus separavit: seque ipsam hæc omnia neque animadvertere, neque distinguere, neque recte numerare, sine quibusdam suis numeris potuisse cognovit, eosque ceteris inferioris ordinis judiciaria quadam æstimatione præposuit.

26. Ec nunc cum ipsa sua delectatione, b quæ in temporum momenta perpendit, & talibus numeris modificandis nutus suos exhibet, sic agit; quid est quod in sensibili numerositate diligimus? num aliud præter parilitatem quamdam & æqualiter dimensa intervalla? B An ille pyrrhichius pes, sive spondeus, sive anapæstus, sive dactylus, sive proceleumaticus, sive dispondeus nos aliter delectaret, nisi partem suam parti alteri æquali divisione conferret? Quid vero jambus, trochæus, tribrachus pulcritudinis habent, nisi quod minore sua parte majorem suam partem in tantas duas æqualiter dividunt? Jam porro sex temporum pedes, num aliunde blandius sonant atque festivius, nisi quod utraque lege partiuntur, scilicet aut in duas æquales partes terna tempora possidentes, aut in unam simplam ex c æqualibus partem, & alteram duplam, id est, ut C major habeat bis minorem, & eo modo ab illa dividatur æqualiter, duobus temporibus quatuor tempora in bina demetiente ac secante? Quid illi quinum septenumque temporum pedes, unde solutæ orationi, quam versibus videntur aptiores, nisi quod eorum pars minor in partes æquales majorem non dividit? & hi tamen ipsi unde admittuntur in sui generis ordine ad temporum numerositatem, nisi quia & in quinque temporibus tantas duas particulas habet pars minor, quantas major tres, & in septem tantas tres minor, quantas major quatuor? Ita in omnibus pedibus nulla pars minima est D alicujus dimensionis articulo notata, cui non ceteræ quanta possunt æqualitate consentiant.

27. Age in conjunctis pedibus, sive libera perpetuitate porrigatur ista conjunctio, sicut in rhythmis; sive ab aliquo certo fine revocetur, sicut in metris; sive etiam in duo membra quadam lege sibimet congruentia tribuatur, sicut in versibus, qua tandem alia re, nisi æqualitate pes pedi amicus est? Unde molossi, & jonicorum syllaba media quæ longa est, non sectione, sed d nutu ipso pronuntiantis atque plaudentis in duo E paria momenta distribui potest, ut etiam ad terna tempora pes totus conveniat, quando ceteris qui eodem modo dividuntur, adjungitur, cur nisi æqualitatis jure dominante, quod scilicet e æqualis est lateribus suis, quæ binorum temporum sunt, cum & ipsa sit duum temporum? Cur idem fieri in amphibracho non potest, quando ceteris quatuor temporum adjungitur, nisi quia tanta ibi non invenitur æqualitas duplo medio, lateribus simplis? Cur in silentiorum intervallis nulla fraude sensus offenditur, nisi quia eidem juri æqualitatis, etiam si non sono, spatio tamen temporis quod debetur, exsolvitur? Cur sequente silentio etiam brevis syllaba pro longa accipitur, non instituto, sed ipso naturali examine quod auribus præsidet, nisi quia in spatio temporis longiore sonum coartare in angustias eadem illa æqualitatis lege prohibemur? Itaque syllabam ultra duo tempora producere, ut etiam sono impleatur quod F silen-

a Ita plerique MSS. cum Am. At Lov. habet, in his moderandis, sentiendis, retinendis, delectandis ageret &c.

b MSS. duo, quam. Alii tres, qua. Paulo post alter e Victorinis codicibus, propendit, talibus numeris &c.

c MSS. duodecim, ex qualibet parte.

d Ita in MSS. At in prius editis, motu ipso.

e Am. Er. & Lov. æqualibus lateribus. Sed clarius aliquot MSS. æqualis est, scilicet, pes tum molossus, tum ionicus.

silentio impleri potest, admittit natura audiendi & a tacendi: ut autem minus quam duo tempora occupet syllaba, dum restat spatium tacitis nutibus, quædam fraus æqualitatis est, quia minus quam in duobus esse æqualitas non potest. Jam vero in ipsa æqualitate membrorum qua variantur illi ambitus, quos Græci *περίοδος* vocant, versusque figurantur, quomodo ad eandem æqualitatem secretius reditur, nisi ut in ambitu brevius membrum majori æqualibus pedibus ad plausum conveniat, & in versu occultiore consideratione numerorum, ea quæ inæqualia membra junguntur, vim æqualitatis habere inveniantur?

28. Quærit ergo ratio, & carnalem animæ delectationem, quæ judiciales partes sibi vindicabat, interrogat, cum eam in spatiorum temporalium numeris æqualitas mulceat, utrum duæ syllabæ breves quascunque audierit vere sint æquales; an fieri possit, ut una earum edatur productius, non usque ad longæ syllabæ modum, sed infra quantumlibet, quo tamen excedat sociam suam. Num negari potest, fieri posse, cum hæc delectatio ista non sentiat, & inæqualibus velut æqualibus gaudeat? quo errore & inæqualitate quid turpius? Ex quo admonemur ab his avertere gaudium, quæ imitantur æqualitatem, & utrum impleant, comprehendere non possumus: immo quod non impleant fortasse comprehendimus; & tamen in quantum imitantur, pulcra esse in suo genere & ordine suo, negare non possumus.

CAPUT
XI.
Inferioribus
non offenditur,
his superioribus
numbris, delectari
convenit.
Mart. 6.
31.

29. NON ergo invidemus inferioribus quam nos sumus, nosque ipsos inter illa quæ infra nos sunt, & illa quæ supra nos sunt, ita Deo & Domino nostro optulante ordinemus, ut inferioribus non offendamur, superioribus autem delectemur. Delectatio quippe quasi pondus est animæ. Delectatio ergo ordinat animam. *Ubi enim erit thesaurus tuus, ibi erit & cor tuum*: ubi delectatio, ibi thesaurus: ubi autem cor, ibi beatitudo aut miseria. Quæ vero superiora sunt, nisi illa in quibus summa, inconcussa, incommutabilis, æterna manet æqualitas? Ubi nullum est tempus, quia nulla mutabilitas est; & unde tempora fabricantur & ordinantur & modificantur æternitatem imitantia, dum cæli conversio b ad idem redit, & cælestia corpora ad idem revocat, diebusque & mensibus & annis & lustris, ceterisque siderum orbibus, legibus æqualitatis & unitatis & ordinationis obtemperat. Ita cælestibus terrena subiecta, orbes temporum suorum numerosa successione quasi carmini universitatis associant.

30. In quibus multa nobis videntur inordinata & perturbata, quia eorum ordini pro nostris meritis c assutifumus, nescientes quid de nobis divina providentia pulcrum gerat. Quoniam si quis, verbi gratia, in amplissimarum pulcherrimarumque ædium uno aliquo angulo tamquam statua collocetur, pulcritudinem illius fabricæ sentire non poterit; cuius & ipse pars erit. Nec universi exercitus ordinem miles in acie valet intueri. Et in quolibet poemate si quanto spatium syllabæ sonant, tanto viverent atque sentirent, nullo modo illa numerositas & contexti operis pulcritudo eis placeret,

quam totam perspicere atque approbare non possent, cum de ipsis singulis prætereuntibus fabricata esset atque perfecta. Ita peccantem hominem ordinavit Deus turpem, non turpiter. Turpisenim factus est voluntate, universum amittendo quod Dei præceptis obtemperans possidebat, & ordinatus in parte est, ut qui legem agere noluit, a lege agatur. Quidquid autem legitime, utique iuste; & quidquid iuste, non utique turpiter agitur: quia & in malis operibus nostris Dei opera bona sunt. Homo namque in quantum homo est, aliquod bonum est; adulterium autem in quantum adulterium est, malum opus est: plerumque autem de adulterio nascitur homo, de malo scilicet hominis opere bonum opus Dei.

31. Quamobrem ut nos ad propositum, propter quod hæc sunt dicta, referamus, hi numeri rationis pulcritudine præminent, a quibus si prorsus abscindemur, cum inclinamur ad corpus, progressores numeros sensuales non modificarent: qui rursus movendis corporibus agunt sensibiles temporum pulcritudines: atque ita sonantibus obvii etiam occursores numeri fabricantur; quos omnes impetus suos eadem anima excipiens, quasi multiplicat in se ipsa, & recordabiles facit: quæ vis ejus memoria dicitur, magnum quoddam adiutorium in hujus vitæ negotiosissimis actibus.

32. Hæc igitur memoria quæcumque de motibus animi tenent, qui adversus passionem corporis acti sunt, *φαντασίαι* græce vocantur; nec invenio quid eas latine malim vocare: quas pro cognitis habere atque d pro perceptis opinabilis vita est, constituta in ipso erroris introitu. Sed cum sibi isti motus occurrant, & tamquam diversis & repugnantibus intentionis flatibus æstuant, alios ex aliis motus pariunt; non jam eos qui tenentur ex occurssionibus passionum corporis impressi de sensibus, similes tamen tamquam imaginum imagines, quæ phantasmata dici placuit. Aliter enim cogito patrem meum quem sæpe vidi, aliter avum quem numquam vidi. Horum primum phantasia est, alterum phantasma. Illud in memoria invenio, hoc in eo motu animi, qui ex iis ortus est quos habet memoria. Quomodo autem oriantur hæc, & invenire & explicare difficile est. Arbitror tamen, quod si numquam humana corpora vidissem, nullo modo ea possem visibili specie cogitando figurare. Quod autem ex eo quod vidi facio, memoria facio: & tamen aliud est in memoria invenire phantasiā, aliud de memoria facere phantasmata: quæ omnia vis animæ potest. Sed vera etiam phantasmata habere pro cognitis, summus error est. Quamquam sit in utroque genere quod nos non absurde scire dicamus, id est, sensisse nos talia, vel imaginari nos talia. Patrem denique me habuisse & avum, non temere possum dicere: ipsos autem esse quos animus meus in phantasia vel in phantasmate tenet, dementissime dixerim. Sequuntur autem nonnulli phantasmata sua tam præcipites, ut nulla sit alia materies omnium falsarum opinionum, e quam habere phantasias vel phantasmata pro cognitis, quæ cognoscuntur per sensum. Quare his potissimum resistamus, nec eis ita mentem

Differe-
rentia
phanta-
sias &
phantas-
matis.

a In MSS. plerisque, *audiendi & canendi*. Et mox in editis legitur, *spatium taciturnitatis*; ubi ex MSS. substituiimus, *tacitis nutibus*.

b Am. Er. & MSS. plures, *ad diem redit*. Et infra MSS. iidem habent, *ad diem revocat*. Paulo post in editis legitur, *siderum ordinibus legibusque* &c. At in MSS. *siderum orbibus, legibus* &c.

c Libri scripti & excusi ferunt, *assueti sumus*. Sed incunctanter legendum, *assuti sumus*, ut in Corbejensi codice legebatur ante quam passus esset secundam manum, quæ inserta vocali, e, fecit, *assueti*. Vide lib.

de vera Religione cap. 22. ubi rem eandem inculcans Augustinus, *Saculorum*, ait, *partes damnatione facti sumus*.

d Plurimum hic variant libri. Et quidem editio Lov. habet, *pro certis opinatis visa est*. At Am. Er. & MSS. aliquot, *opinabilis vita est*. Alii MSS. *opinabilis via est*. quidam demum, *opinans*, vel *opinatus*.

e A plerisque MSS. absunt isthæc verba: *quam habere phantasias vel phantasmata pro cognitis, quæ cognoscuntur per sensum*.

tem accommodemus, ut dum in his est cogitatio, intelligentia ea cerni arbitremur.

33. Cur autem si huiusmodi numeri qui fiunt in anima rebus temporalibus dedita, habent sui generis pulcritudinem, quamvis eam transeundo actitent, invideat huic pulcritudini divina providentia, quæ de nostra poenali mortalitate formatur, quam iustissima Dei lege meruimus: in qua tamen nos non ita deseruit, ut non valeamus recurrere, & a carnalium sensuum delectatione misericordia ejus manum porrigente revocari. Talis enim delectatio vehementer infigit memoriæ quod trahit a lubricis sensibus. Hæc autem animæ consuetudo facta cum carne, propter carnalem affectionem, in Scripturis divinis caro nominatur. Hæc menti obluatur, cum jam dici potest Apostolicum illud: *Mente servio legi Dei, carne autem legi peccati*. Sed in spiritualia mente suspensa atque ibi fixa & manente, etiam huius consuetudinis impetus frangitur, & paulatim repressus exstinguitur. Major enim erat cum sequeremur; non tamen omnino nullus, sed certe minor est cum eum refrenamus, atque ita certis regressibus ab omni lasciviente motu, in quo defectus essentia est animæ, delectatione in rationis numeros restituta, ad Deum tota vita nostra convertitur, dans corpori numeros sanitatis, non accipiens inde lætitiā; quod corrupto exteriori homine, & ejus in melius commutatione continget.

CAPUT
XII.
De numeris
spiritali-
bus &
æternis.

34. EXCIPIT autem memoria non solum carnales motus animi, de quibus numeris supra jam diximus, sed etiam spiritales, de quibus breviter dicam. Quo enim simpliciores sunt, eo verborum minus, sed plurimum serenæ mentis desiderant. Æqualitatem illam, quam in sensibilibus numeris non reperiebamus certam & manentem, sed tamen adumbratam & prætereuntem agnoscebamus, nusquam profecto appeteret animus, nisi alicubi nota esset: hoc autem alicubi non in spatiis locorum & temporum; nam illa tument, & ista prætereunt. Ubi ergo censes? responde quæso, si potes. Non enim in corporum formis putas, quas liquido examine æquales numquam dicere audebis: aut in temporum intervallis, in quibus similiter utrum sit aliquid aliquanto quam oportet productius vel correptius quod sensum fugiat, ignoramus. Illam quippe æqualitatem quæro ubi esse arbitreris, quam intuentes cupimus æqualia esse quædam corpora vel corporum motus, & diligentius considerantes eis fidere non audemus. D. Ibi puto quod est corporibus excellentius; sed utrum in ipsa anima, an etiam supra animam nescio.

35. M. Si ergo quæramus artem istam rhythmicam vel metricam, qua utuntur qui versus faciunt, putasne habere aliquos numeros, secundum quos fabricant versus? D. Nihil aliud possum existimare. M. Quicumque isti sunt numeri, præterire tibi videntur cum versibus, an manere? D. Manere sane. M. Consentiendum est ergo, ab aliquibus manentibus numeris prætereuntes aliquos fabricari? D. Cogit me ratio consentire. M. Quid hanc artem num aliud putas quam affectionem quamdam esse animi artificis? D. Ita credo. M. Creditne hanc affectionem etiam esse in eo, qui huius artis imperitus est? D. Nullo modo. M. Quid, in illo qui oblitus est eam? D. Nec in illo quidem, quia & ipse imperitus est, etiam si fuit peritus aliquando. M. Quid, si eum quisquam interrogando commemoret, remigrare ad eum putas illos numeros ab eo ipso qui interrogat,

Tom. I.

A an illum intrinsecus apud mentem suam movere se ad aliquid, unde sibi quod amiserat redhibeatur? D. Apud semetipsum puto id agere. M. Num etiam quæ corripitur syllaba, quæve producatur si penitus excidit, commoneri eum interrogando arbitraris, cum hominum prisco placito & consuetudine, aliis minor, aliis major mora syllabis data sit? Nam profecto si natura vel disciplina id fixum esset ac stabile, non recentioris temporis docti homines nonnullas produxissent quas corripuerunt antiqui, vel corripuissent quas produxerunt. D. Puto & hoc posse, quoniam quantumvis quidque excidat, potest interrogatione commemorante redire in memoriam. M. Mirum si opinaris, quovis interrogante posse te recordari quid ante annum cœnaveris. D. Fateor me non posse, nec illum jam existimo de syllabis posse, quarum spatia penitus oblitus est, interrogando admoneri. M. Cur ita, nisi quia in hoc nomine quod *Italia* dicitur, prima syllaba pro voluntate quorundam hominum corripiebatur, & nunc pro aliorum voluntate producitur? Ut autem unum & duo non sint tria, & ut duo uni non duplo respondeant, nullus mortuorum potuit, nullus vivorum potest, nullus posterorum poterit facere. D. Nihil manifestius. M. Quid si ergo isto modo quo de uno & de duobus apertissime quæsimus, cetera omnia quæ ad illos numeros pertinent, & ille interrogetur, qui non obliviscendo, sed quia numquam didicit, imperitus est, nonne eum censes similiter hanc artem exceptis syllabis posse cognoscere? D. Quis dubitaverit? M. Quo igitur se etiam istum moturum putas, ut menti ejus imprimantur hi numeri, & illam faciant affectionem quæ ars dicitur? an huic saltem ille interrogator eos dabit? D. Eo modo etiam istum arbitror apud semetipsum agere, ut ea quæ interrogantur, vera esse intelligat atque respondeat.

36. M. Age nunc dic mihi utrum hi numeri de quibus sic quæritur, commutabiles esse tibi videantur. D. Nullo modo. M. Ergo æternos esse non negas. D. Immo fateor. M. Quid metus ille non suberit, ne aliquam in eis inæqualitas fallat? D. Nihil me omnino est de istorum æqualitate securius. M. Unde ergo credendum est animæ tribui quod æternum est & incommutabile, nisi ab uno æterno & incommutabili Deo? D. Non video quid aliud credi oporteat. M. Quid tandem, illud nonne manifestum est, eum qui alio interrogante sese intus ad Deum movet, ut verum incommutabile intelligat, nisi eundem motum suum memoria teneat, non posse ad intuendum illud verum nullo extrinsecus admonente revocari? D. Manifestum est.

37. M. QUÆRO ergo quonam iste ab hujuscemodi rerum contemplatione discedat, ut illum ad eam necesse sit memoria revocari: an forte in aliud intentus animus tali reditu indigere putandus est? D. Sic existimo. M. Videamus, si placet, quid tantum illud sit quo possit intendi, ut ab incommutabilis & summæ æqualitatis contemplatione avertatur. Nam tribus generibus amplius nihil video. Aut enim ad aliquid par atque ad ejusmodi aliud se intendit animus, cum hinc avertitur, aut ad superius, aut ad inferius? D. De ceteris duobus quærendum est: nam quid sit superius æterna æqualitate non video. M. Videsne illud obsecro quidnam ei par esse possit, quod tamen aliud sit? D. Ne id quidem video. M. Restat ergo ut quæramus, quid sit inferius. Sed nonne tibi prius ipsa anima occurrit, quæ

Z

certe

CAPUT
XIII.
Animus unde sit
ut a veritate incommutabili
avertatur.

certe æqualitatem illam incommutabilem esse confite-
tur, se autem agnoscit mutari eo ipso quod alias hanc,
alias aliud intuetur, & hoc modo aliud atque aliud se-
quens varietatem temporis operatur, quæ in æternis &
incommutabilibus nulla est? D. Assentior, M. Hæc igitur
affectio animæ vel motus, quo intelligit æterna, &
his inferiora esse temporalia, etiam in se ipsa, & hæc ap-
petenda potius quæ superiora sunt, quam illa quæ infe-
riora sunt novit, nonne tibi prudentia videtur? D. Ni-
hil aliud videtur,

38. M. Quid, illud num minus considerandum pu-
tas, quod nondum in ea simul est æternis inherere, cum
jam in ea sit nosse his esse inherendum? D. Immo maxi-
me ut id consideremus peto, & unde accadat scire cupio.
M. Facile id videbis, si animadverteris quibus rebus ma-
xime animum soleamus intendere, & magnam curam
exhibere: nam eas opinor esse quas multum amamus:
an tu alias opinaris? D. Nullas equidem alias. M. Dic,
oro te, num possumus amare nisi pulcra? Nam etsi qui-
dam videntur amare deformia, quos vulgo Græci σα-
ρωφίλως vocant, interest tamen quanto minus pulcra
sint quam illa quæ pluribus placent. Nam ea neminem
amare manifestum est, quorum fœditate sensus offen-
ditur. D. Ita est, ut dicis. M. Hæc igitur pulcra nu-
mero placent, in quo jam ostendimus æqualitatem ap-
peti. Non enim hoc tantum in ea pulcritudine quæ ad
aures pertinet, atque in motu corporum est, invenitur,
sed in ipsis etiam visibilibus formis, in quibus jam usi-
tatiùs dicitur pulcritudo. An aliud quam æqualitatem
numerofam esse arbitraris, cum paria paribus bina
membra respondent: quæ autem singula sunt, medium
locum tenent, ut ad ea de utraque parte paria interval-
la servantur? D. Non aliter puto. M. Quid in ipsa luce
visibili, quæ omnium colorum habet principatum, nam
& color nos delectat in corporum formis; quid ergo
aliud in luce & coloribus, nisi quod nostris oculis con-
gruit, appetimus? Etenim a nimio fulgore averfamur,
& nimis obscura nolumus cernere, sicut etiam in sonis
& a nimium sonantibus abhorremus, & quasi fufur-
rantia non amamus. Quod non in temporum interval-
lis est, sed in ipso sono, qui quasi lux est talium numero-
rum, cui sic est contrarium silentium, ut coloribus te-
nebræ. In his ergo cum appetimus convenientia pro
naturæ nostræ modo, & inconvenientia respuimus,
quæ aliis tamen animalibus convenire sentimus, nonne
hic etiam quodam æqualitatis jure lætamur, cum oc-
cultioribus modis paria paribus tributa esse cognosci-
mus? Hoc in odoribus & in saporibus, & in tangendi
sensu animadvertere licet, quæ longum est enucleatius
persequi, sed explorare facillimum: nihil enim est ho-
rum sensibilium, quod nobis non æqualitate aut simi-
litudine placeat. Ubi autem æqualitas aut similitudo,
ibi numerositas: nihil est quippe tam æquale aut simi-
le quam unum & unum, nisi quid habes ad hæc. D.
Omnino assentior.

39. M. Quid, superior illa tractatio nonne persuasit
nobis agere hæc animam in corporibus, non a corpori-
bus pati? D. Persuasit sane. M. Amor igitur agendi ad-
versus succedentes passiones corporis sui avertit ani-
mam a contemplatione æternorum, sensibilis volupta-
tis cura ejus avocans intentionem: hoc autem agit oc-
cursoribus numeris. Avertit etiam amor de corporibus
operandi, & inquietam facit: hoc autem agit progres-

A foribus numeris. Avertunt phantasiæ atque phantaf-
mata: & hæc agit recordabilibus numeris. Avertit de-
nique amor vanissimæ cognitionis talium rerum: &
hoc agit sensualibus numeris, quibus insunt quasi regu-
læ quædam artis imitatione gaudentes: & ex his curio-
sitas nascitur ipso curæ nomine inimica securitati, a &

40. Generalis vero amor actionis, quæ avertit a
vero, a superbia proficiscitur, quo vitio Deum imita-
ri, quam Deo servire anima maluit. Recte itaque
scriptum est in sanctis libris; *Initium superbiæ hominis* Ecclesi. 10.
apostat are a Deo, & *Initium omnis peccati superbia*. 14. & 15
Non potuit autem melius demonstrari quid sit superbia,
quam in eo quod ibi dictum est: *Quid superbit terra &*
cinis, quoniam in vita sua projecit intima sua? Cum enim
anima per se ipsam nihil sit; (non enim aliter esset com-
mutabilis, & pateretur defectum ab essentia:) cum er-
go ipsa per se nihil sit, quidquid autem illi esse est, a
Deo sit, in ordine suo manens ipsius Dei præsentia ve-
getatur in mente atque conscientia. Itaque hoc bonum
habet intimum. Quare superbia intumescere, hoc illi
est in extrema progredi, & ut ita dicam, inanescere, quod
est minus minusque esse. Progredi autem in extrema,
quid est aliud quam intima proicere, id est, longe a se
facere Deum, non locorum spatio, sed mentis affectu?

41. Iste autem animæ appetitus est sub se habere
alias animas, non pecorum, quas divino jure conces-
sum est, sed rationales, id est, proximas suas, & sub ea-
dem lege socias atque consortes. De his autem appetit
operari anima superba, & tanto excellentior videtur
hæc actio, quam illa de corporibus, quanto anima omnis
omni corpore est melior. Sed operari de animis ratio-
nabilibus, non per corpus, sed per se ipsum, solus Deus
potest. Peccatorum tamen conditione fit, ut permit-
tantur animæ de animis aliquid agere significando eas
moventes per alterutra corpora, vel naturalibus fi-
gnis, sicut est vultus vel nutus, vel placitis, sicut sunt
verba. Nam & jubentes & suadentes signis agunt, &
si quid est aliud præter jussionem & suasionem, quo ani-
mæ de animis vel cum animis aliquid agunt. Jure au-
tem secutum est, ut quæ superbia ceteris excellere cu-
pient, nec suis partibus atque corporibus sine diffi-
cultate & doloribus imperent, partim stultæ in se,
partim mortalibus membris aggravatæ. Et his igitur
numeris & motibus quibus animæ ad animas agunt,
honores laudesque appetendo avertuntur a perspectio-
ne puræ illius & sinceræ veritatis. Solus enim honorat
Deus animam, beatam faciens in occulto coram se ju-
ste & pie viventem.

42. Motus igitur quos exserit anima de inherenti-
bus sibi & subditis animis, progressoribus illis sunt simi-
les: agit enim tamquam de corpore suo. Illi autem mo-
tus quos exserit, aggregare sibi aliquas vel subdere cu-
piens, in occurforum numero deputantur. Agit enim
tamquam in sensibus id moliens, ut unum secum fiat,
quod velut extrinsecus admovetur, & quod non potest
repellatur. Et hos utrosque motus excipit memoria,
& recordabiles facit, simili modo in phantasiis & phan-
tasmatibus actionum talium tumultuosissime exē-
fluans. Nec illi tamquam examinatores numeri desunt,
qui sentiant quid in his actibus commode sive incom-
mode moveatur, quos item sensuales appellare non pi-
geat, quia sensibilia signa sunt quibus hoc modo animæ
ad

a Sic meliores e MSS. At Am. & Et. habent, & sanitatis inops verita-

tisque, Lov. & vanitas opposita veritati.

ad animas agunt. His tot & tantis intentionibus anima implicata, quid mirum, si a contemplatione veritatis avertitur? Et quantum quidem ab his respirat, videt illam: sed quia nondum eas evicit, in illa manere non finitur. Ex quo fit ut non simul habeat anima nosse in quibus consistendum sit, & posse consistere: sed numquid tu forte adversus hæc? D. Nihil est quod contradicere audeam.

CAPIT.
XIV.
Ad Dei
amorem
provo-
catur
anima
ex nu-
mero-
rum &
ordinis
ratione
quam in
rebus di-
ligit.

43. M. QUID ergo restat? An ut, quoniam sicut potuimus iniquationem & aggravationem animæ consideravimus, videamus quænam illi actio divinitus imperetur, qua purgata atque exonerata revolet ad quietem, & intret in gaudium Domini sui? D. Ita fiat. M. Quid me putas hinc diutius debere dicere, cum divinæ scripturæ tot voluminibus & tanta auctoritate & sanctitate præditis, nihil nobiscum aliud agant, nisi ut diligamus Deum & Dominum nostrum ex toto corde, ex tota anima, & ex tota mente: & diligamus proximum nostrum tamquam nosmetipsos? Ad hunc igitur finem si omnes illos humanæ actionis motus, numerosque referamus, sine dubitatione mundabimur: an aliud existimas? D. Nihil equidem aliud. Sed quam hoc auditu breve est, tam factu difficile atque arduum.

44. M. Quid ergo facile est, an amare colores, & voces, & placentas, & rosas, & corpora leniter mollia? hæccine amare facile est animæ, in quibus nihil nisi æqualitatem ac similitudinem appetit, & paulo diligentius considerans, vix ejus extremam umbram vestigiumque cognoscit: & Deum amare difficile est, quem in quantum potest, adhuc faucia & fordida cogitans, nihil in eo inæquale, nihil sui dissimile, nihil disclusum locis, nihil variatum tempore suspicatur? An exstruere moles ædificiorum, & hujuscemodi operibus delectat extendi, in quibus^a si numeri placent (non enim aliud invenio) quid in his æquale ac simile dicitur, quod non derideat ratio disciplinæ? Quod si ita est, cur ab illa verissima æqualitatis arce ad ista delabitur, & ruinis suis terrenas machinas erigit? Non hoc promissum est ab illo qui fallere ignorat. *Jugum enim meum, inquit, leve est.* Laboriosior est hujus mundi amor. Quod enim in illo anima quærit, constantiam scilicet æternitatemque non invenit: quoniam rerum transitu completur infima pulcritudo, & quod in illa imitatur constantiam, a summo Deo per animam traicitur: quoniam prior est species tantummodo tempore commutabilis, quam ea quæ & tempore & locis. Sicut itaque præceptum est animis a Domino quid diligant, ita per Johannem Apostolum quid non diligant. *Nolite, inquit, diligere mundum: quia omnia quæ in mundo sunt, concupiscentia carnis est, & concupiscentia oculorum, & ambitio sæculi.*

45. Sed qualistibi homo videtur, qui omnes illos numeros qui sunt de corpore, & adversus passiones corporis, & qui ex his memoria continentur, non ad carnalem voluptatem, sed ad salutem tantum corporis refert: omnesque illos qui de adjunctis animis operantur, vel qui ad adjungendas exseruntur, & qui ex his inhærent memoriæ, non ad superbam excellentiam suam, sed ad ipsarum animarum utilitatem redigit: illis etiam qui in utroque genere quasi moderatores exploratoresque ceterorum transeuntium in sensu præsidet, non ad superfluum vel perniciosam curiositatem, sed

Tom. I.

^a Er. & Lov. in quibus quid nisi numeri placent? Non enim aliud invenio quod in his æquale ac simile dicatur &c. Elegimus MSS. lectionem.
^b Ita MSS. undecim, At Am. Er. & Lov. habent, *ordinatur.*

ad necessariam probationem vel improbationem utitur: nonne & istos omnes numeros agit, & nullis eorum laqueis implicatur? Quando quidem & salutem corporis ut non impediatur eligit, & omnes eas actiones ad utilitatem proximi revocat, quem propter communis juris naturale vinculum tamquam se ipsum diligere jussus est. D. Magnum quemdam virum & vere humanissimum prædicas.

46. M. Non igitur numeri qui sunt infra rationem & in suo genere pulcri sunt, sed amor inferioris pulcritudinis animam polluit: quæ cum in illa non modo æqualitatem, de qua pro suscepto opere satis dictum est, sed etiam ordinem diligat, amittit ipsa ordinem suum; nec tamen excessit ordinem rerum, quando quidem ibi est & ita est, ubi esse & quomodo esse tales, ordinatissimum est. Aliud enim est tenere ordinem, aliud ordine teneri. Tenet ordinem, se ipsa tota diligens quod supra se est, id est Deum, socias autem animas tamquam se ipsam. Hac quippe dilectionis virtute inferiora ordinat, nec ab inferioribus^b fordidatur. Quod autem illam sordidat, non est malum; quia etiam corpus creatura Dei est, & specie sua quamvis infima decoratur, sed præ animæ dignitate contemnitur: sicuti auri dignitas, etiam purgatissimi argenti commixtione fordescit. Quapropter quicumque de nostra quoque^c penali mortalitate numeri facti sunt, non eos abdicemus a fabricatione divinæ providentiæ, cum sint in genere suo pulcri: neque amemus eos, ut quasi perfruendo talibus beati efficiamur. His etenim, quoniam temporales sunt, tamquam tabula in fluctibus; neque abiicendo quasi onerosos, neque amplectendo quasi fundatos, sed bene utendo carebimus. A dilectione autem proximi tanta quanta præcipitur, certissimus gradus fit nobis, ut inhæreamus Deo, & non teneamur tantum ordinatione illius, sed nostrum etiam ordinem inconcussum certumque teneamus.

47. An fortasse ordinem non diligit anima illis etiam numeris sensualibus adtestantibus? Unde ergo primus pes est pyrrhichius, secundus jambus, tertius trochæus, & deinceps ceteri? Sed jure hoc dixeris rationem potius secutam esse, non sensum. Quid itaque, illud nonne sensualibus numeris dandum est, quod cum tantum temporis occupent, verbi gratia, octo longæ syllabæ, quantum sedecim breves, in eodem tamen spatio breves longis potius misceri expectant? De quo sensu cum ratio judicat, & ei proceleumatici pedes esse equales spondeis pedibus renuntiantur, nihil aliud hic valere invenit, quam ordinationis potentiam, quia nec longæ syllabæ nisi brevium comparatione longæ sunt, nec breves rursus breves sunt nisi comparatione longarum: ideoque jambicus versus quamlibet productius pronuntiatus, non amissa regula simpli & dupli, nec nomen amittit: at ille versus qui pyrrhichiis pedibus constat, paulatim addita pronuntiandi mora, fit repente spondaicus, si non grammaticam, sed musicam consulas. At vero si dactylicus aut anapesticus sit, quoniam longæ mixtarum brevium comparatione sentiuntur, qualibet mora pronuntietur, servat nomen suum. Quid additamenta semipedum non eadem lege in capite qua in fine servanda, nec omnia quamvis ad eundem plausum coaptentur, adhibenda; quid duarum aliquando

Z 2 do

^c Lov. *parili mortalitate*. Sed melius Am. & Er. cum MSS. *panali*, uti supra habetur n. 33.

do brevium, potius quam unius longæ in fine positio, nonne ipso sensu modificantur? Nec in his æqualitatis numerus, cui nihil deperit, siue illud siue aliud sit, sed ordinis vinculum reperitur. Longum est percurrere cetera ad eandem vim pertinentia in numeris temporum. Sed nempe etiam formas visibiles sensus ipse aspernatur, aut pronas contra quam decet, aut capite deorsum, & similia, in quibus non inæqualitas, manente partium parilitate, sed perversitas improbat. Postremo in omnibus sensibus & operibus nostris, cum insolita pleraque, & ob hoc in iocunda, quibusdam gradibus appetitui nostro conciliamus, & ea primo tolerabiliter, deinde libenter accipimus, nonne ordine contextimus voluptatem, & nisi priora mediis, & media posterioribus concorditer nexa sint, abhorremus?

48. Quamobrem neque in voluptate carnali, neque in honoribus & laudibus hominum, neque in eorum exploratione quæ forinsecus corpus adtingunt, nostra gaudia collocemus, habentes in intimo Deum, ubi certum est & incommutabile omne quod amamus. Ita fit, ut & cum adsint hæc temporalia, non tamen eis implicemur, & sine sensu doloris quæ extra corpus sunt, absint: ipsum autem corpus, aut nullo, aut non gravi sensu doloris adimatur, & reformandum naturæ suæ morte reddatur. Adtentio namque animæ ad a corporis partem inquieta negotia contrahit, & universali lege neglecta privati cujusdam operis amor, quod ipsum tamen ab universitate quam Deus regit non potest alienari. Itaque subditur legibus qui non amat leges.

49. SED si de rebus incorporeis & eodem modo se semper habentibus, plerumque adtentissime cogitantes, si quos forte illo tempore agimus numeros temporales in quolibet corporis motu, facili sane atque usitatissimo, siue deambulantes, siue psallentes, prorsus nobis ignorantibus transeunt, quamvis nobis non agentibus nulli essent: si denique in ipsis nostris inanibus phantasmatibus cum occupati sumus, similiter ista prætereunt agentibus nec sentientibus nobis: quanto magis quantoque constantius, cum corruptibile hoc induerit incorruptionem, & mortale hoc induerit immortalitatem, id est, ut hoc idem planius eloquar, cum Deus vivificaverit mortalia corpora nostra, sicut Apostolus dicit, propter spiritum manentem in nobis: quanto ergo tunc magis in unum Deum & perspicuam intenti veritatem, ut dictum est, facie ad faciem, numeros quibus agimus corpora nulla inquietudine sentiemus, & gaudebimus: nisi forte credendum est, animam cum de iis quæ per ipsam bona sunt, gaudere possit, de iis ex quibus ipsa bona est, non posse gaudere.

50. Sed hæc actio qua sese anima, opitulante Deo & Domino suo, ab amore inferioris pulcritudinis extrahit, debellans atque interficiens adversus se militantem consuetudinem suam, ea victoria triumphatura in semetipsa de potestatibus aeris hujus, quibus invidentibus & præpedire cupientibus, evolat ad suam stabilitatem & firmamentum Deum, nonne tibi videtur ea esse virtus quæ temperantia dicitur? D. Agnosco & intelligo. M. Quid porro, cum in hoc itinere proficit, jam æterna gaudia præsentientem ac pene prehendentem, num amissio rerum temporalium, aut mors ulla deterret jam valentem dicere infirmioribus fociis: Bonum est mihi dissolvi, & esse cum Christo: manere autem in carne, necessarium propter vos? D. Sic existimo. M.

A At ista ejus affectio qua nullas adversitates mortemve formidat, quid aliud quam fortitudo dicenda est? D. Et hoc agnosco. M. Jam vero ipsa ejus ordinatio qua nulli servit nisi uni Deo, nulli coæquari nisi purissimis animis, nulli dominari appetit nisi naturæ bestiali atque corporeæ, quæ tandem virtus tibi esse videtur? D. Quis non intelligat hanc esse justitiam? M. Recte intelligis.

51. SED illud jam quæro, cum prudentiam superius * eam esse constiterit inter nos, qua intelligit anima, ubi ei consistendum sit, quo sese adtollet per temperantiam, id est, conversionem amoris in Deum, quæ caritas dicitur, & aversionem ab hoc sæculo, quam etiam fortitudo & justitia comitantur, utrum existimes cum ad suæ dilectionis & conatus fructum perfectæ sanctificatione pervenerit, perfectæ etiam vivificatione illa corporis sui, & deletis de memoria phantasmatum turbis, apud Deum ipsum solo Deo vivere cœperit, cum impletum fuerit, quod divinitus nobis hoc modo promittitur. *Dilectissimi, nunc filii Dei sumus, & nondum apparuit quid erimus. Scimus quia cum apparuerit, similes illi erimus, quoniam videbimus eum sicuti est.* Quæro ergo, utrum existimes has ibi virtutes quas commemoravimus, etiam tunc futuras? D. Non video, cum adversa præterierint, quibus obluctatur, quomodo aut prudentia ibi esse possit, quæ non eligit quid sequatur nisi in adversis; aut temperantia, quæ amorem non avertit nisi ab adversis; aut fortitudo, quæ non tolerat nisi adversa; aut justitia, quæ non appetit æquari beatissimis animis, & inferiori naturæ dominari, nisi in adversis, id est, nondum affecta id ipsum quod appetit.

52. M. Non usquequaque absurda est responsio tua, & quibusdam doctis visum hoc esse, non nego. Sed ego consulens libros, quos nulla antecellit auctoritas, ita invenio dictum esse; *Gustate & videte, quoniam suavis est Dominus.* Quod Apostolus etiam Petrus sic interposuit: *Si tamen gustastis, quoniam suavis est Dominus.* Hoc esse arbitror quod agitur in his virtutibus quæ ipsa conversione animam purgant. NON enim amor temporalium rerum expugnaretur, nisi aliqua suavitate æternarum. Ubi autem ventum fuerit ad illud quod canitur: *Filii autem hominum sub tegmine alarum tuarum sperabunt; Inebriabuntur ab ubertate domus tuæ, & torrente voluptatis tuæ potabis eos.* Quoniam apud te est fons vitæ: non jam gustatu suavem fore Dominum dicit; sed vides quæ inundatio & affluentia prædicetur fontis æterni; quam etiam ebrietas quædam consequitur: quo nomine mihi videtur mirabiliter significari oblivio illa sæcularium vanitatum atque phantasmatum. Contextit deinde cetera, & dicit: *In lumine tuo videbimus lumen.* Præterinde misericordiam tuam scientibus te. In lumine, scilicet in Christo accipiendum, qui Sapientia Dei est, & lumen totiens appellatur. Ubi ergo dicitur, *Videbimus, & scientibus te*, negari non potest futuram ibi esse prudentiam. An videri verum bonum animæ & sciri potest, ubi nulla prudentia est? D. Jam intelligo.

53. M. Quid, recti corde possunt esse sine justitia? D. Recognosco isto nomine crebrius significari justitiam. M. Quid ergo admonet aliud Propheta idem consequenter, cum canit: *Et justitiam tuam iis qui recto sunt corde?* D. Manifestum est. M. Age deinceps, recordare, si placet, satis nos superius

CAPIT
XVI.
De quatuor virtutibus, an & quomodo sint in beatissimis.
* cap. 13
n. 37.

1. Johan.
3. 2.

Psalm. 33.
9.

1. Tim. 2.
3.

* Psalm.
35. 8. 9.
&c.

rius tractasse, superbia labi animam ad actiones quasdam potestatis suae, & universali lege neglecta in agenda quaedam privata cecidisse, quod dicitur apostatare a Deo. D. Memini vero. M. Cum ergo id agit ne ulterius id delectet aliquando, nonne tibi videtur amorem suum figere in Deo, & ab omni inquinamento temperatissime & castissime & securissime vivere? D. Videtur sane. M. Vide etiam quemadmodum id quoque adjungat Propheta dicens: *Non veniat mihi pes superbiae*. Pedem enim appellans discessum ipsum lapsumve significat, a quo anima temperando inhærens Deo vivit in æternum. D. Accipio & sequor.

54. M. Restat igitur fortitudo. Sed ut temperantia contra lapsum qui est in libera voluntate, sic fortitudo contra vim valet, qua etiam cogi quis potest, si minus fortis sit ad ea quibus evertatur, & miserrimus jaceat. Hæc autem vis decenter in Scripturis manus nomine significari solet. Qui porro hanc vim nisi peccatores conantur inferre? Quod tunc a per idipsum communitur anima, & custoditur firmamento Dei, ut hoc illi nullo modo undecumque possit accidere, potentiam quamdam stabilem, & ut ita dicam, impassibilem gerit, quæ, nisi quid tibi displicet, recte fortitudo nominatur, & eam dici arbitror cum adjungitur: *Neque manus peccatorum dimoveat me*.

55. Sed si hoc si aliud in his verbis intelligendum sit, tu negabis in illa perfectione ac beatitate animam constitutam, & conspiciere veritatem, & immaculatam manere, & nihil molestiæ pati posse, & uni Deo subdi, ceteris vero supereminere naturis? D. Immo aliter eam perfectissimam & beatissimam esse posse non video. M. Hæc ergo contemplatio, sanctificatio, impassibilitas, ordinatio ejus, aut illæ sunt quatuor virtutes perfectæ atque consummatæ; aut ne de nominibus cum res convenient, frustra laboremus, pro istis virtutibus, quibus constituta in laboribus utitur anima, tales quædam potentiæ in æterna ei vita sperandæ sunt.

56. NOS tantum meminerimus, quod ad susceptam præsentem disputationem maxime pertinet, id agi per providentiam Dei, per quam cuncta creavit & regit, ut etiam peccatrix & ærumnosa anima numeris agatur, & numeros agat usque ad infimam carnis corruptionem: qui certe numeri minus minusque pulcri esse possunt, penitus vero carere pulcritudine non possunt. Deus autem summe bonus, & summe justus, nulli invidet pulcritudini, quæ sive damnatione animæ, sive regressione, sive permanfione fabricatur. Numerus autem & ab uno incipit, & æqualitate ac similitudine pulcher est, & ordine copulatur. Quamobrem quisquis fatetur nullam esse naturam, quæ non ut sit quidquid est, appetat unitatem, sui que similis in quantum potest esse conetur, atque ordinem proprium vel locis vel temporibus, vel in corpore quodam libramento salutem suam teneat: debet fateri ab uno principio per æqualem illi ac similem speciem divitiis bonitatis ejus, qua inter se unum & de uno unum carissima, Tom. I.

ut ita dicam, caritate junguntur, omnia facta esse atque condita quæcumque sunt, in quantumcumque sunt.

57. Quare ille versus a nobis propositus, *Deus creator omnium*, non solum auribus sono numerofo, sed multo magis est animæ sententiæ sanitate & veritate gratissimus. Nisi forte movet te tarditas eorum, ut mitius loquar, qui negant de nihilo fieri posse aliquid, cum id omnipotens Deus fecisse dicatur. An vero faber potest rationabilibus numeris qui sunt in arte ejus, sensuales numeros qui sunt in consuetudine ejus operari; & sensualibus numeris progressores illos quibus membra in operando movet, ad quos jam intervalla temporum pertinent, & his rursus formas visibiles de ligno fabricari, locorum intervallis numerosas; & rerum natura Dei nutibus serviens, ipsum lignum de terra & ceteris elementis facere non potest; & ipsa extrema non poterat de nullo? Immo & arboris locales numeros, temporales numeri antecedant necesse est. Nullum est enim stirpium genus quod non certis pro suo semine dimensionibus temporum & coalescat, & germinet, & in auras emicet, & folia explicet, & roboretur, & si fructum, si ipsius ligni occultissimis numeris vim rursus seminis referat: quanto magis animalium corpora, in quibus intervalla membrorum numerosam parilitatem multo magis ad spectibus offerunt? An ista de elementis fieri possunt, & ipsa elementa non potuerunt fieri de nihilo? Quasi vero quidquam sit in eis vilius & abjectius quam terra est. Quæ primo generalem speciem corporis habet, in qua unitas quædam & numeri & ordo esse convincitur. Namque ab aliqua imperitili nota in longitudinem necesse est porrigatur quælibet ejus quantumvis parva particula, tertiam latitudinem sumat, & quartam altitudinem qua corpus impletur. Unde ergo iste a primo usque ad quartum progressionis modus? Unde & æqualitas quoque partium, quæ in longitudine & latitudine & altitudine reperitur? Unde conrationalitas quædam (ita enim malui analogiam vocare) ut quam rationem habet longitudo ad impertilem notam, eandem latitudo ad longitudinem, & ad latitudinem habeat altitudo? Unde quæso ista, nisi ab illo summo atque æterno principatu numerorum & similitudinis & æqualitatis & ordinis veniunt? Atqui hæc si terræ ademeris, nihil erit. Quocirca omnipotens Deus terram fecit, & de nihilo terra facta est.

58. Quid porro, ipsa species, qua item a ceteris elementis terra discernitur, nonne & unum aliquid quantum accepit ostendat, & nulla pars ejus a toto est dissimilis, & earumdem partium connexionem atque concordiam suo genere saluberrimam sedem infimam tenet? Cui superfunditur aquarum natura, nitens & ipsa ad unitatem, speciosior & perlucidior propter majorem similitudinem partium, & custodiens locum ordinis & salutis suæ. Quid de aeris natura dicam, multo faciliore complexu ad unitatem nitente, & tanto speciosiore aquis, quam illæ terris sunt, tantoque superiore ad salutem? Quid de cæli supremo ambitu, quo tota universitas visibilium corporum terminatur, & summa in hoc

Z 3 gene-

^a Ita editiones & melioris notæ MSS. Porro in codicibus nonnullis habetur, *Quod autem contra idipsum &c.*

^b Er. & Lov. *incorporo quodam libramento*, MSS. aliquot, *in corpore quodam &c.* At Am. & codices plerique veteres præferunt, *in corpore quodam &c.* quod magis probamus.

^c Insignior iste de Trinitate locus in editionibus Er. & Lov. necnon in recentioribus aliquot MSS. ita corrupte legitur: *qua inter se unum & duo carissima, ut ita &c.* In editione autem Am. *qua inter se unum & de uno unum charisma: & ut ita &c.* Redintegrevimus totum ad libros veteres optimæ notæ.

teret. optimæ notæ.

^d Expungenda videretur particula negans, nisi exstaret in MSS. a quibus tamen cum absint sequentia verba, scilicet, *& ipsa extrema non poterat de nullo*, fateri non tantam iis fidem esse tribuendam hoc loco, qui libriorum lapsu vitiatum sit.

^e Lov. *imparili nota*; & rursus inferius, *imparilem notam*. Sed melius Am. & Er. cum aliquot MSS. *impertili*, & *impertilem*. nam hic nomine notæ intelligitur punctum seu signum unde linea ducitur, quod in lib. de Quantitate animæ c. i. i. definitur, *Nota sine partibus*.

re species, ac saluberrima loci excellentia? Ista certe A
omnia quæ carnalis sensus ministerio numeramus,
& quæcumque in eis sunt, locales numeros qui vi-
dentur esse in aliquo statu, nisi præcedentibus intimis
& in silentio temporalibus numeris qui sunt in mo-
tu, nec accipere illos possunt, nec habere. Illos iti-
dem temporum intervallis agiles præcedit & modi-
ficat vitalis motus, serviens Domino rerum omnium,
non temporalia habens digesta intervalla numerorum
suorum, sed tempora ministrante potentia, supra
quam rationales & intellectuales numeri beatarum B
animarum atque sanctarum, legem ipsam Dei, sine
qua folium de arbore non cadit, & cui nostri capilli
numerati sunt, nulla interposita natura excipientes,
usque ad terrena & inferna jura transmittunt.

Conclu-
sio ope-
ris.
59. Quæ potui & sicut potui de tantis tantillus
tecum contuli. Sermonem autem hunc nostrum

mandatum litteris si qui legunt, sciant multo infir-
mioribus hæc esse scripta, quam sunt illi qui unius sum-
mi Dei consubstantialem & incommutabilem Trinita-
tem, ex quo omnia, per quem omnia, in quo omnia duo-
rum Testamentorum auctoritatem secuti venerantur
& colunt eam credendo, sperando & diligendo. Hi
enim non scintillantibus humanis ratiocinationibus, sed
validissimo & flagrantissimo caritatis igne purgantur.
Nos autem dum negligendos esse non existimamus,
quos hæretici rationis & scientiæ fallaci pollicitatione
decipiunt, tardius incedimus, consideratione ipsarum
viarum, quam sancti viri qui eas volando non dignantur
adtere. Quod tamen facere non auderemus, nisi
multos pios Ecclesiæ catholicæ matris optimæ filios,
qui puerilibus studiis loquendi ac differendi facultatem
quantum satis est consecuti essent, eadem refellendo-
rum hæreticorum necessitate fecisse videremus.

ADMONITIO

IN SEQUENTEM LIBRUM DE MAGISTRO.

Opusculi sequentis ætatem prodit ipse ejus auctor in lib. 9. Confess. c. 6. ubi prænotato quod anno-
rum ferme quindecim erat Adeodatus, quando ipsi sociisque Mediolanum baptismi percipiendi caus-
sa pergentibus comes adjunctus est, testatur subinde hunc dialogum cum illo tum habitum fuisse, cum esset in an-
nis sedecim, id est, anno secundo ab ipsorum baptismo, quo certe initiati fuere an. Ch. 387. Quapropter libris de
Genesi contra Manich. & de Musica, qui circiter annum 389. perfecti fuerant, recensitis adjecit Augusti-
nus in lib. 1. Retract. c. 12. se librum de Magistro per idem tempus scripsisse.

S. AUGUSTINUS LIB. 9. CONFESS. CAP. 6.

ADJUNXIMUS etiam nobis puerum Adeodatum ex me natum carnaliter de peccato
meo. Tu bene fecerases. Annorum erat ferme quindecim, & ingenio præveniebat
multos graves & doctos viros.... Munera tua tibi confiteor. Est liber noster qui inscribitur
de Magistro: ipse ibi mecum loquitur. Tu scis illius esse sensa omnia, quæ inseruntur ibi
ex persona collocutoris mei, cum esset in annis sedecim. Multa ejus alia mirabiliora ex-
pertus sum. Horreri mihi erat illud ingenium.

LIB. I. RETRACT. CAPUT. XII.

Per idem tempus scripsi librum, cujus est titulus, de Magistro: in quo disputatur &
quæritur, & invenitur, magistrum non esse, qui docet hominem scientiam, nisi Deum,
secundum illud etiam quod in Evangelio scriptum est: *Unus est magister vester Christus.* Hic ^{Mat. 23.}
liber sic incipit: *Quid tibi videmur efficere velle cum loquimur?* ^{10.}



S. AURELII AUGUSTINI

HIPPONENSIS EPISCOPI

DE MAGISTRO

LIBER UNUS *

* Scri-
ptus cir-
citer an.
Chr. 389

In quo de verborum vi atque officio disputatur copiose, quo demum non verbis quæ foris homo personat, sed æterna veritate intus docente scientiam rerum obtineri evincatur.

APUT
I.
Locutio
ad quid
institu-
ga.



UID tibi videmur efficere velle, cum loquimur? ADEODATUS. Quantum quidem mihi nunc occurrit, aut docere aut discere. AUGUSTINUS. Unum horum video & assentior: nam loquendo nos docere velle manifestum est; discere autem quomodo? AD. Quo tandem censes, nisi cum interrogamus? AUG. Etiam tunc nihil aliud quam docere nos velle intelligo. Nam quæro ab te, utrum ob aliam causam interroges, nisi ut eum quem interrogas doceas quid velis? AD. Verum dicis. AUG. Vides ergo jam nihil nos locutione, nisi ut doceamus appetere. AD. Non plane video: nam si nihil est aliud loqui quam verba promere, video nos id facere cum cantamus. Quod cum soli sæpe facimus, nullo præsentem qui discat, non puto nos docere aliquid velle. AUG. At ego puto esse quoddam genus docendi per commemorationem, magnum sane, quod in nostra hac fermocinatione res ipsa indicabit. Sed si tu non arbitraris nos discere cum recordamur, nec docere illum qui commemorat, non resisto tibi: & duas jam loquendi causas constituo, aut ut doceamus, aut ut commemoremus vel alios vel nosmetipsos: quod etiam dum cantamus, efficiamus: an tibi non videtur? AD. Non prorsus: nam rarum admodum est, ut ego cantem commemorandi me gratia, sed tantummodo delectandi. AUG. Video quid sentias. Sed nonne attendis, id quod te delectat in cantu, modulationem quamdam esse soni; quæ quoniam verbis & addi & detrahi potest, aliud est loqui, aliud est cantare. Nam & tibis & cithara cantatur, & aves cantant, & nos interdum sine verbis musicum aliquid sonamus, qui sonus cantus dici potest, locutio non potest: an quidquam est quod contradicas? AD. Nihil sane.

2. AUG. Videtur ergo tibi, nisi aut docendi, aut commemorandi causa non esse institutam locutionem? AD. Videretur, nisi me moveret, quod dum oramus, utique loquimur; nec tamen Deum aut doceri aliquid a nobis, aut commemorari fas est credere. AUG. Nescire te arbitror non ob aliud nobis præceptum esse, ut in clausis cubiculis oremus, quo nomine significantur mentis penetralia, nisi quod Deus, ut nobis quod cupimus præstet, commemorari aut doceri nostra locutione non quærit. Qui enim loquitur, suæ voluntatis signum foras dat per articulatam sonum: Deus autem in ipsis rationalis animæ secre-

tis, qui homo interior vocatur, & quærendus & deprecandus est: hæc enim sua templa esse voluit. An apud Apostolum non legisti, *Nescitis quia templum Dei estis, & spiritus Dei habitat in vobis, & in interiore homine habitare Christum?* Nec in Propheta animadvertisti, *Dicite in cordibus vestris, & in cubilibus vestris compungimini: Sacrificate sacrificium iustitiæ, & sperate in Domino?* Ubi putas sacrificium iustitiæ sacrificari, nisi in templo mentis, & in cubilibus cordis? Ubi autem sacrificandum est, ibi & orandum. Quare non opus est locutione cum oramus, id est, sonantibus verbis, nisi forte, sicut sacerdotes faciunt, significantæ mentis suæ causâ, non ut Deus, sed ut homines audiant, & consensione quadam per commemorationem suspendantur in Deum: an tu aliud existimas? AD. Omnino assentior. AUG. Non te ergo movet quod summus Magister cum orare doceret discipulos, verba quædam docuit, in quo nihil aliud videtur fecisse, quam docuisse, quomodo in orando loqui oporteret? AD. Nihil me omnino istud movet: non enim verba, sed res ipsas eos verbis docuit, quibus & se ipsi commonefacere, a quo, & quid esset orandum, cum in penetralibus (ut dictum est) mentis orarent. AUG. Recte intelligis: simul enim te credo animadvertere, etiam si quisquam contendat, quamvis nullum edamus sonum, tamen quia ipsa verba cogitamus, nos intus apud animum loqui; sic quoque locutione nihil aliud agere quam commonere, cum memoria, cui verba inhærent, ea revolvendo facit venire in mentem res ipsas quarum signa sunt verba. AD. Intelligo ac sequor.

3. AUG. CONSTAT ergo inter nos verba signa esse. AD. Constat. AUG. Quid signum, nisi aliquid significet, potest esse signum? AD. Non potest. AUG. Quot verba sunt in hoc versu, *Si nihil ex tanta superis placet urbe relinqui?* AD. Octo. AUG. Octo ergo signa sunt. AD. Ita est. AUG. Credo te hunc versum intelligere. AD. Satis arbitror. AUG. Dic mihi quid singula verba significant. AD. Video quidem quid significet, si; sed nullum aliud verbum, quo id exponi possit, invenio. AUG. Saltem illud invenis, quidquid significatur hoc verbo ubinam sit? AD. Videtur mihi quod, si, dubitationem significet: jam dubitatio, ubi nisi in animo est? AUG. Accipio interrim, persequere cetera. AD. *Nihil*, quid aliud significat, nisi id quod non est? AUG. Verum fortasse dicis: sed revocat me ab assentiendo quod superius concessisti, non esse signum nisi aliquid significet: quod autem

1. Cor. 3.
16.

Ephes. 3.
17.
Psalm. 4. 5.

Matth. 6.
9.

CAPUT
II.
Verbo-
rum si-
gnifica-
tus non-
nisi ver-
bis ab
homine
ostendi-
tur.
Æneid. 2.

autem non est, nullo modo esse aliquid potest. Quare secundum verbum in hoc versu non est signum, quia non significat aliquid; & falso inter nos constitit, quod omnia verba signa sint, aut omne signum aliquid significet. AD. Nimis quidem urges, sed quando non habemus quid significemus, omnino stulte verbum aliquod promimus: tu autem nunc mecum loquendo, credo quod nullum sonum frustra emittis, sed omnibus quæ ore tuo erumpunt, signum mihi das ut intelligam aliquid: quapropter non te oportet istas duas syllabas enuntiare dum loqueris, si per eas non significas quidquam. Si autem vides necessariam per eas enuntiationem fieri, nosque doceri vel commoneri cum auribus insonant, vides etiam profecto quid velim dicere, sed explicare non possum. AUG. Quid igitur facimus? An affectionem animi quamdam, cum rem non videt, & tamen non esse invenit, aut invenisse se putat, hoc verbo significari dicimus potius, quam rem ipsam quæ nulla est? AD. Istud ipsum est fortasse quod explicare moliebar. AUG. Transcamus ergo hinc quoquo modo se habet, ne res absurdissima nobis accidat. AD. Quæ tandem? AUG. Si nihil nos teneat, & moras patiamur. AD. Ridiculum hoc quidem est, & tamen nescio quomodo video posse contingere, immo plane video contigisse.

4. AUG. Suo loco genus hoc repugnantiae, si Deus siverit, planius intelligemus: nunc ad illum versum te refer, & conare ut potes cetera ejus verba quid significant pandere. AD. Tertia præpositio est, *ex*, pro qua, *de*, possumus ut arbitror dicere. AUG. Non id quæro, ut pro una voce notissima aliam vocem æque notissimam, quæ idem significet dicas; si tamen idem significat: sed interim concedamus ita esse. Certe si poeta iste non, *ex tanta urbe*, sed, *de tanta*, dixisset, quæreremque abs te quid, *de*, significaret; diceres, *ex*, cum hæc duo verba essent, id est signa, unum aliquid, ut tu putas, significantia: ego autem id ipsum, nescio quid unum, quod his duobus signis significatur inquirō. AD. Mihi videtur secretionem quamdam significare ab ea re in qua fuerat aliquid, quod ex illa esse dicitur, sive illa non maneat, ut in hoc versu, non manente urbe, poterant aliqui ex illa esse Trojani: sive maneat, sicut ex urbe Roma dicimus esse negotiatores in Africa. AUG. Ut concedam tibi hæc ita esse, nec enumerem quam multa fortasse præter hanc tuam regulam reperiantur: illud certe tibi adtendere facile est, exposuisse te verbis verba, id est, signis signa, eisdemque notissimis notissima: ego autem illa ipsa quorum hæc signa sunt, mihi si posses, vellem ut ostenderes.

5. AD. M I R O R te nescire, vel potius simulare nescientem, responsione mea fieri quod vis omnino non posse: si quidem sermocinamur, ubi non possumus respondere nisi verbis. Tu autem res quæris eas, quæ quodlibet sint, verba certe non sunt, quas tamen ex me tu quoque verbis quæris. Prior itaque tu sine verbis quære, ut ego deinde ista conditione respondeam. AUG. Jure agis fateor: sed si quærerem istæ tres syllabæ quid significant, cum dicitur, *paries*, nonne posses digito ostendere, ut ego prorsus rem ipsam viderem, cujus signum est hoc trisyllabum verbum, demonstrante te, nulla tamen verba referente. AD. Hoc in solis nominibus quibus corpora significantur, si eadem corpora præsentia sint, fieri posse concedo. AUG. Num

A colorem corpus dicimus, an non potius quamdam corporis qualitatem? AD. Ita est. AUG. Cur ergo & hic digito demonstrari potest? An addis corporibus etiam corporum qualitates, ut nihilo minus etiam istæ cum præsentibus sunt, doceri sine verbis possint? AD. Ego cum corpora dicerem, omnia corporalia intelligi volebam, id est, omnia quæ in corporibus sentiuntur. AUG. Considera tamen, utrum etiam hinc aliqua tibi excipienda sint. AD. Bene admones: non enim omnia corporalia, sed omnia visibilia dicere debui. Fateor enim sonum, odorem, saporem, gravitatem, calorem, & alia quæ ad ceteros sensus pertinent, quamquam sentiri sine corporibus nequeant, & propterea sint corporalia, non tamen digito posse monstrari. AUG. Numquamne vidisti ut homines cum surdis gestu quasi sermocinentur, ipsique surdi non minus gestu vel quærant, vel respondeant, vel doceant, vel indicent aut omnia quæ volunt, aut certe plurima? Quod cum fit, non utique sola visibilia sine verbis ostenduntur, sed & soni & sapores, & cetera hujusmodi. Nam & histriones totas in theatris fabulas sine verbis saltando plerumque aperiant & exponunt. AD. Nihil habeo quod contradicam, nisi quod illud, *ex*, non modo ego, sed nec ipse quidem saltator histrio tibi sine verbis quid significet posset ostendere.

6. AUG. Verum fortasse dicis: sed fingamus eum posse; non, ut arbitror, dubitas, quisquis ille motus corporis fuerit, quo mihi rem quæ hoc verbo significatur, demonstrare conabitur, non ipsam rem futuram esse, sed signum. Quare hic quoque non quidem verbo verbum, sed tamen signo signum nihilo minus indicabit; ut & hoc monosyllabum, *ex*, & ille gestus, unam rem quamdam significant, quam mihi ego vellem non significando monstrari. AD. Qui potest quod quæris, orote? AUG. Quomodo paries potuit. AD. Ne ipse quidem, quantum ratio progrediens docuit, ostendi sine signo potest. Nam & intentio digiti non est utique paries, sed signum datur, per quod paries possit videri. Nihil itaque video quod sine signis ostendi queat. AUG. Quid si ex te quærerem, quid sit ambulare, surgereque & id ageres, nonne re ipsa potius quam verbis ad me docendum, aut ullis aliis signis uteris? AD. Fateor ita esse, & pudet me rem tam in promptu positam non vidisse: ex qua etiam mihi millia rerum jam occurrunt, quæ ipsæ per se valeant, non per signa monstrari, ut edere, bibere, sedere, stare, clamare, & innumerabilia cetera. AUG. Age nunc dic mihi, si omnino nesciens hujus verbi vim, abs te ambulante quærerem, quid sit ambulare, quomodo me doceres? AD. Id ipsum agerem aliquanto celerius, ut post interrogationem tuam aliqua novitate admonereris; & tamen nihil aliud fieret, quam id quod deberet ostendi. AUG. Scisne aliud esse ambulare, aliud festinare? Nam & qui ambulat, non statim festinat; & qui festinat, non continuo ambulat: dicimus enim & in scribendo & in legendo, aliisque innumerabilibus rebus festinationem. Quare cum illud, quod agebas, celerius ageres post interrogationem meam, putarem ambulare nihil esse aliud quam festinare: id enim novi addideras; & ob hoc fallerer. AD. Fateor rem non posse nos monstrare sine signo, si cum id agimus interrogemur: si enim nihil addamus, putabit qui rogat nolle nos ostendere, contemptoque se in eo quod agebamus perseverare. Sed si de his roget quæ agere possumus, nec eo tamen tempore quo agimus roget, possu-

possumus, post ejus interrogationem id agendo, re ipsa potius quam signo demonstrare quod rogat: nisi forte loquentem me interroget quid sit loqui: quidquid enim dixerō, ut eum doceam, loquar necesse est: ex quo secutus docebo, donec ei planum faciam quod vult, non recedens a re ipsa quam sibi voluit demonstrari, nec signa quærens quibus eam ostendam præter ipsam.

7. AUG. Acutissime omnino: quare vide utrum conveniat jam inter nos ea posse demonstrari sine signis, quæ aut non agimus cum interrogamur, & tamen statim agere possumus, aut ipsa signa forte agimus. Cum enim loquimur, signa facimus, de quo dictum est significare. AD. Convenit. AUG. Cum ergo de quibusdam signis quæritur, possunt signis signa monstrari: cum autem de rebus quæ signa non sunt, aut eas agendo post inquisitionem si agi possunt, aut signa dando per quæ animadverti queant. AD. Ita est. AUG. In hac igitur tripartita distributione prius illud consideremus, si placet, quod signis signa monstrantur: num enim sola verba sunt signa? AD. Non. AUG. Videtur ergo mihi loquendo nos aut verba ipsa signare verbis, aut alia signa, velut gestum cum dicimus aut litteram; nam his duobus verbis quæ significantur, nihilo minus signa sunt: aut aliquid aliud quod signum non sit, velut cum dicimus, lapis; hoc enim verbum signum est, nam significat aliquid, sed id quod eo significatur, non continuo signum est: quod tamen genus, id est, cum verbis ea quæ signa non sunt significantur, non pertinet ad hanc partem quam discutere proposuimus. Suscepimus enim considerare illud, quod signis signa monstrantur, & partes in eo duas comperimus, cum aut eadem aut alia signa signis docemus vel commemoramus: an non tibi videtur? AD. Manifestum est.

8. AUG. Dic ergo signa quæ verba sunt, ad quem sensum pertineant. AD. Ad auditum. AUG. Quid gestus? AD. Ad visum. AUG. Quid cum verba scripta invenimus, num verba non sunt? an signa verborum verius intelliguntur? ut verbum sit quod cum aliquo significato articulata voce profertur; vox autem nullo alio sensu quam auditu percipi potest: ita fit ut cum scribitur verbum, signum fiat oculis, quo illud quod ad aures pertinet, veniat in mentem. AD. Omnino assentior. AUG. Id quoque te arbitror assentiri, cum dicimus, nomen, significare nos aliquid. AD. Verum est. AUG. Quid tandem? AD. Id scilicet quod quidque appellatur, velut Romulus, Roma, virtus, fluvius, & innumerabilia cetera. AUG. Num ista quatuor nomina nullas res significant? AD. Immo aliquas. AUG. Num nihil distat inter hæc nomina, & eas res quæ his significantur? AD. Immo plurimum. AUG. Vellem abs te audire, quidnam id sit. AD. Hoc vel in primis, quod hæc signa sunt, illa non sunt. AUG. Placetne appellemus significabilia ea quæ signis significari possunt & signa non sunt, sicut ea quæ videri possunt, visibilia nominamus, ut de his deinceps commodius differamus? AD. Placet vero. AUG. Quid, illa quatuor signa quæ paulo ante pronuntiasti, nullone alio signo significantur? AD. Miror quod jam mihi excidisse arbitraris, quod ea quæ scribuntur, eorum quæ voce proferuntur, signorum signa esse comperimus. AUG. Dic inter ista quid distet? AD. Quod illa visibilia sunt, hæc audibilia. Cur enim & hoc nomen non admittas, si admisimus significabilia? AUG. Prorsus admitto, & gratum ha-

beo. Sed rursus quæro, quatuor hæc signa nullone alio signo audibili significari queant, ut visibilia recordatus es. AD. Hoc quoque recentius dictum recordor. Nam nomen responderam significare aliquid, & huic significationi quatuor ista subjeceram; & illud autem & hæc, si quidem voce proferuntur, audibilia esse cognosco. AUG. Quid ergo inter audibile signum & audibilia significata, quæ rursus signa sunt, interest? AD. Inter illud quidem quod dicimus, nomen, & hæc quatuor quæ significationi ejus subjecimus, hoc distare video, quod illud audibile signum est signorum audibilium: hæc vero audibilia quidem signa sunt, non tamen signorum, sed rerum partim visibilium, sicut est Romulus, Roma, fluvius; partim intelligibilium, sicut est virtus.

9. AUG. Accipio & probo: sed scisne omnia quæ voce articulata cum aliquo significato proferuntur, verba appellari? AD. Scio. AUG. Ergo & nomen verbum est, quando quidem id videmus cum aliquo significato articulata voce proferri; & cum dicimus disertum hominem bonis verbis uti, etiam nominibus utique utitur; & cum seni domino apud Terentium servus retulit, *Bona verba quæso*, multa ille etiam nomina dixerat. AD. Assentior. AUG. Concedis igitur iis duabus syllabis quas edimus, cum dicimus, verbum, nomen quoque significari, & ob hoc illud hujus signum esse. AD. Concedo. AUG. Hoc quoque respondeas velim. Cum verbum signum sit nominis, & nomen signum sit fluminis, & flumen signum sit rei quæ jam videri potest, ut inter hanc rem & flumen, id est signum ejus, & inter hoc signum & nomen quod hujus signi signum est dixisti quid intersit, quid interesse arbitraris inter signum nominis, quod verbum esse comperimus, & ipsum nomen cuius signum est? AD. Hoc distare intelligo, quod ea quæ significantur nomine, etiam verbo significantur; ut enim nomen est verbum, ita & flumen verbum est: quæ autem verbo significantur, non omnia significantur & nomine. Nam & illud, *si*, quod in capite habet abs te propositus versus, & hoc, *ex*, de quo jam diu agentes in hæc duce ratione pervenimus, verba sunt, nec tamen nomina; & talia multa inveniuntur. Quamobrem cum omnia nomina verba sint, non autem omnia verba nomina sint, planum esse arbitror quid inter verbum distet & nomen, id est, inter signum signi ejus quod nulla alia signa significat, & signum signi ejus quod rursus alia significat. AUG. Concedisne omnem equum animale esse, nec tamen omne animal equum esse? AD. Quis dubitaverit? AUG. Hoc ergo inter nomen & verbum, quod inter equum & animal interest. Nisi forte ab assentiendo id te revocat, quod dicimus & alio modo verbum, quo significantur ea quæ per tempora declinantur, ut scribo scripsi, lego legi, quæ manifestum est non esse nomina. AD. Dixisti omnino quod me dubitare faciebat. AUG. Ne te istud moveat. Dicimus enim & signa universaliter omnia quæ significant aliquid, ubi etiam verba esse invenimus. Dicimus item signa militaria, quæ jam proprie signa nominantur, quo verba non pertinent. Et tamen si tibi dicerem, ut omnis equus animal, non autem omne animal equus est, ita omne verbum signum, non autem omne signum verbum est, nihil (ut opinor) dubitares. AD. Jam intelligo, & prorsus assentior, hoc interesse inter universale illud verbum & nomen, quod inter animal & equum.

10. AUG. Scisne etiam cum dicimus animal, aliud esse

esse hoc trisyllabum nomen, quod voce prolatum est, aliud id quod significatur? AD. Jam hoc supra concessi de omnibus signis & significabilibus. AUG. Num omnia signa tibi videntur aliud significare quam sunt; sicut hoc trisyllabum cum dicimus, animal, nullo modo idem significat quod est ipsum? AD. Non sane: nam cum dicimus signum, non solum signa cetera quaecumque sunt, sed etiam se ipsum significat; est enim verbum, & utique omnia verba signa sunt. AUG. Quid in hoc disyllabo cum dicimus, verbum, nonne tale aliquid contingit? Nam si omne quod cum aliquo significato articulata voce profertur, hoc disyllabo significatur, etiam ipsum hoc genere includitur. AD. Ita est. AUG. Quid, nomen nonne similiter habet? Nam & omnium generum nomina significat, & ipsum nomen generis neutri nomen est. An si ex te quærerem quæ pars orationis nomen, posses mihi respondere recte nisi nomen? AD. Verum dicis. AUG. Sunt ergo signa quæ inter alia quæ significant, & se ipsa significant. AD. Sunt. AUG. Num tale tibi videtur hoc quadrisyllabum signum, cum dicimus, conjunctio? AD. Nullo modo: nam ea quæ significat, non sunt nomina; hoc autem nomen est.

CAPUT
V.
Signa
mutua.

II. AUG. BENE adtendisti: nunc illud vide, utrum inveniantur signa, quæ se invicem significant, ut quemadmodum hoc ab illo, sic illud ab hoc significetur: non enim ita sunt inter se hoc quadrisyllabum, cum dicimus, conjunctio, & illa quæ ab hoc significantur, cum dicimus, si, vel, nam, namque, nisi, ergo, quoniam, & similia: nam hæc illo uno significantur, nullo autem horum unum illud quadrisyllabum significatur. AD. Video, & quænam signa sint se invicem significantia, cupio cognoscere. AUG. Tu ergo nescis, cum dicimus, nomen & verbum, duo verba nos dicere. AD. Scio. AUG. Quid illud, nescis cum dicimus, nomen & verbum, duo nomina nos dicere? AD. Id quoque scio. AUG. Scis igitur tam nomen verbo, quam etiam verbum nomine significari. AD. Assentior. AUG. Potesne dicere, excepto eo quod diverse scribuntur & sonant, quod inter se differant? AD. Possum fortasse; nam id esse video quod paulo ante dixi. Verba enim cum dicimus, omne quod articulata voce cum aliquo significato profertur, significamus; unde omne nomen, & ipsum cum dicimus nomen, verbum est: at non omne verbum nomen est, quamvis nomen sit, cum dicimus verbum.

12. AUG. Quid si quisquam tibi affirmet & probet, ut omne nomen verbum est, ita omne verbum nomen esse; poterisne invenire quid distent, præter diversum in litteris sonum? AD. Non potero, nec omnino distare aliquid puto? AUG. Quid si omnia quidem, quæ voce articulata cum aliquo significato proferuntur, & verba sunt & nomina; sed tamen alia de causa verba, & alia de causa nomina sunt, nihilne distabit inter nomen & verbum? AD. Quomodo istud sit non intelligo. AUG. Hoc saltem intelligis, omne coloratum visibile esse, & omne visibile coloratum, quamvis hæc duo verba distincte differenterque significant. AD. Intelligo. AUG. Quid si ergo ita & omne verbum nomen, & omne nomen verbum est, quamvis hæc ipsa duo nomina, vel duo verba, id est, nomen & verbum, differentem habeant significationem. AD. Jam video posse id accidere: sed quomodo id accadat, exspecto ut ostendas. AUG. Omne quod cum aliquo significato articula-

ta voce prorumpit, animadvertis, ut opinor, & aurem verberare, ut sentiri; & memoriæ mandari, ut nosci possit. AD. Animadverto. AUG. Duo ergo quædam contingunt, cum aliquid tali voce proferimus. AD. Ita est. AUG. Quid si horum duorum ex uno appellata sunt verba, ex altero nomina; verba scilicet a verberando, nomina vero a noscendo, ut illud primum ab auribus, hoc autem secundum ab animo vocari meruerit?

13. AD. Concedam cum ostenderis, quomodo recte possimus omnia verba nomina dicere. AUG. Facile est: nam credo te accepisse ac tenere pronomen dictum, quod pro ipso nomine valeat, rem tamen notet minus plena significatione quam nomen. Nam, ut opinor, definivit ille ita, quem grammatico reddidisti: Pronomen est pars orationis, quæ pro ipso posita nomine, minus quidem plene, idem tamen significat. AD. Recordor & probo. AUG. Vides igitur secundum hanc definitionem nullis nisi nominibus servire, & pro his solis poni posse pronomina, velut cum dicimus: hic vir, ipse rex, eadem mulier, hoc aurum, illud argentum: hic, ipse, eadem, hoc, illud, pronomina esse; vir, rex, mulier, aurum, argentum, nomina, quibus plenius quam illis pronominibus res significatæ sunt. AD. Video & assentior. AUG. Tu ergo nunc mihi paucas conjunctiones quaslibet enuntia. AD. Et, que, at, atque. AUG. Hæc omnia quæ dixisti, nonne tibi videntur esse nomina? AD. Non omnino. AUG. Ego saltem tibi recte locutus videor, cum dicerem, Hæc omnia quæ dixisti? AD. Recte prorsus; & jam intelligo quam mirabiliter ostenderis me nomina enuntiasse: non enim aliter de his recte dici potuisset; Hæc omnia. Sed enim vereor adhuc, ne propterea mihi recte locutus videaris, quod has quatuor conjunctiones etiam verba esse non nego; ut ideo de his recte dici potuerit, Hæc omnia, quoniam recte dicitur, Hæc verba omnia. Si autem a me quærās quæ sit pars orationis, verba, nihil aliud respondebo quam, nomen. Quare huic nomini fortasse pronomen adjunctum est, ut illa recta esset locutio tua.

14. AUG. Acute quidem falleris, sed ut falli desinas, acutius adtende quod dicam, si tamen id dicere, ut volo, valero: nam verbis de verbis agere tam implicatum est, quam digitos digitis inferere & confricare; ubi vix dignoscitur, nisi ab eo ipso qui id agit, qui digiti pruriant, & qui auxiliuntur prurientibus. AD. En toto animo adsum, nam ista hæc similitudo me intentissimum fecit. AUG. Verba certe sono, & litteris constant. AD. Ita est. AUG. Ergo ut ea potissimum auctoritate utamur, quæ nobis carissima est, cum ait Paulus Apostolus, *Non erat in Christo est & non, sed est in illo erat*, non, opinor, putandum est tres istas litteras, quas enuntiamus cum dicimus, est, fuisse in Christo, sed illud potius quod istis tribus litteris significatur. AD. Verum dicis. AUG. Intelligis igitur eum qui ait, *Est in illo erat*, nihil aliud dixisse quam, Est appellatur quod in illo erat, tamquam si dixisset, Virtus in illo erat; non utique aliud dixisse acciperetur, nisi virtus appellatur quod in illo erat: ne duas istas syllabas quas enuntiamus, cum dicimus, Virtus, & non illud quod his duabus syllabis significatur, in illo fuisse arbitraremur. AD. Intelligo ac sequor. AUG. Quid, illud nonne intelligis etiam nihil interesse utrum quisque dicat, virtus appellatur, an virtus nominatur? AD. Manifestum est. AUG. Ergo ita manifestum est, nihil

2. Cor. 1.
19.
vixi & c.

hil interesse utrum quis dicat, Est appellatur, an Est nominatur quod in illo erat. AD. Video & hic nihil distare. AUG. Jamne etiam vides quid velim ostendere? AD. Nondum fane. AUG. Itane tu non vides nomen esse id quo res aliqua nominatur? AD. Hoc plane nihil certius video. AUG. Vides ergo, Est nomen esse, si quidem illud quod erat in illo, Est nominatur. AD. Negare non possum. AUG. At si ex te quærerem quæ sit pars orationis, Est; non opinor nomen, sed verbum esse diceres, cum id ratio etiam nomen esse docuerit. AD. Ita est prorsus ut dicis. AUG. Num adhuc dubitas alias quoque partes orationis eodem modo, quo demonstravimus nomina esse? AD. Non dubito, quando quidem fateor ea significare aliquid. Si autem res ipsæ quas significant, quid singulæ appellentur, id est nominentur, interroges, respondere non possum, nisi eas ipsas partes orationis, quas nomina non vocamus, sed, ut cerno, vocare convincimur.

15. AUG. Nihilne te movet, ne quis existat, qui nostram istam rationem labefactet, dicendo Apostolo non verborum, sed rerum auctoritatem esse tribuendam; quamobrem fundamentum persuasionis hujus non tam esse firmum quam putamus: fieri enim posse ut Paulus, quamquam^a vixerit præceperitque rectissime, minus tamen recte locutus sit, cum ait, *Est in illo erat*; præsertim cum se ipse imperitum sermone fateatur? quo tandem modo istum refellendum arbitraris? AD. Nihil habeo quod contradicam, & te oro ut aliquem de illis reperias, quibus verborum notitia summa conceditur, cujus auctoritate potius id quod cupis efficias. AUG. Minus enim tibi videtur idonea, remotis auctoritatibus, ipsa ratio, qua demonstratur omnibus partibus orationis significari aliquid, & ex eo appellari: si autem appellari, & nominari: si nominari, nomine utique nominari: quod in diversis linguis facillime judicatur. Quis enim non videat, si quæras quid Græci nominent quod nos nominamus, quis, responderi, τίς: quid Græci nominent quod nos nominamus, volo, responderi, θέλω: quid Græci nominent quod nos nominamus, bene, responderi, καλῶς: quid Græci nominent quod nos nominamus, scriptum, responderi, τὸ γεγραμμένον: quid Græci nominent quod nos nominamus, &, responderi, καί: quid Græci nominent quod nos nominamus, ab, responderi, ἀπὸ: quid Græci nominent quod nos nominamus, heu, responderi, οἶ, atque in his omnibus partibus orationis, quas nunc enumeravi, recte loqui eum qui sic interroget: quod, nisi nomina essent, fieri non posset? Hac ergo ratione Paulum Apostolum recte locutum esse, cum remotis omnium eloquentium auctoritatibus obtinere possimus, quid opus est quærere cujus persona sententia nostra fulciatur?

16. Sed ne quis tardior aut impudentior nondum cedat, asseratque, nisi illis auctoribus, quibus verborum leges consensu omnium tribuuntur, nullo modo esse cessurum; quid in Latina lingua excellentius Cicerone inveniri potest? at hic in suis nobilissimis orationibus quas Verrinas vocant, coram, præpositionem, sive illo loco adverbium sit, nomen appellavit. Verumtamen quia fieri potest, ut ego illum locum minus bene intelligam, exponaturque alias aliter, vel a me vel ab alio; est ad quod responderi posse nihil puto. Tradunt enim nobilissimi disputationum magistri, no-

A mine & verbo plenam constare sententiam, quæ affirmari negarique possit: quod genus idem Tullius quodam loco pronuntiatum vocat: & cum verbi tertia persona est, nominativum cum ea casum nominis ajunt esse oportere; & recte ajunt: quod mecum si consideres, velut cum dicimus, homo sedet, equus currit, agnoscis, ut opinor, duo esse pronuntiata. AD. Agnosco. AUG. Cernis in singulis singula esse nomina, in uno homo, in altero equus; & verba singula, in uno sedet, in altero currit? AD. Cerno. AUG. Ergo si dicerem, sedet tantum, aut currit tantum, recte a me quæreres, quis vel quid; ut responderem homo, vel equus, vel animal, vel quodlibet aliud, quo possit nomen redditum verbo implere pronuntiatum, id est, illam sententiam quæ affirmari & negari potest. AD. Intellego. AUG. Adtende cetera, & finge nos videre aliquid longius, & incertum habere, utrum animal sit an saxum, vel quid aliud, meque tibi dicere, Quia homo est, animal est, nonne temere dicerem? AD. Temere omnino: sed non temere plane diceres, Si homo est, animal est. AUG. Recte dicis. Itaque in locutione tua placet mihi, si; placet & tibi: utrique autem nostrum in mea displicet, quia. AD. Assentior. AUG. Vide jam utrum istæ duæ sententiæ plena pronuntiata sint: placet, si; displicet, quia. AD. Plena omnino. AUG. Age nunc, dic mihi, quæ ibi sint verba, quæ nomina. AD. Verba ibi video esse, placet, & displicet: nomina vero quid aliud quam, si, &, quia? AUG. Has ergo duas conjunctiones etiam nomina esse satis probatum est. AD. Prorsus satis. AUG. Potesne ipse per te in aliis partibus orationis hoc idem ad eandem regulam docere? AD. Possum.

17. AUG. TRANSEAMUS ergo hinc, & jam dic mihi, utrum sicut omnia verba nomina, & omnia nomina verba esse comperimus, ita tibi & omnia nomina vocabula, & omnia vocabula nomina esse videantur. AD. Plane inter hæc quid distet præter diversum syllabarum sonum non video. AUG. Nec ego interim resisto, quamquam non desint, qui etiam significatione ista discernunt, quorum sententiam modo considerare non opus est. Sed certe animadvertis ad ea jam signa nos pervenisse, quæ se invicem significant, nulla præter sonum distantia, & quæ se ipsa significant cum ceteris omnibus partibus orationis. AD. Non intelligo. AUG. Non ergo intelligis & nomen vocabulo & vocabulum nomine significari; & ita ut præter sonum litterarum nihil intersit, quantum ad generale nomen pertinet: nam & speciale nomen dicimus, quod inter octo partes orationis ita est, ut alias septem non contineat. AD. Intellego. AUG. At hoc est quod dixi, se invicem significare vocabulum & nomen.

18. AD. Teneo, sed quæro quid dixeris, Cum etiam se ipsa significant cum aliis partibus orationis. AUG. Nonne superior ratio docuit nos, omnes partes orationis & nomina posse dici & vocabula, id est, & nomine & vocabulo posse significari? AD. Ita est. AUG. Quid ipsum nomen, id est, sonum istum duabus syllabis expressum, si ex te quæram quid appelles, nonne recte mihi respondebis, nomen? AD. Recte. AUG. Num ita se significat hoc signum quod quatuor syllabis enuntiamus cum dicimus, conjunctio? Hoc enim nomen inter illa quæ significat, numerari non potest. AD. Recte accipio. AUG. Id est quod dictum est, nomen se ipsum significare cum aliis quæ significat; quod etiam de

CAPUT
VI.
Signa
sui signi-
ficativa.

^a MSS. habent, dixerit, præceperitque.

de vocabulo licet per te ipsum intelligas. AD. Jam facile est: sed illud mihi nunc venit in mentem, nomen & generaliter & specialiter dici; vocabulum autem inter octo partes orationis non accipi: quare hoc quoque inter se præter diversum sonum differre arbitror. AUG. Quid, nomen & ὄνομα distare inter se aliquid putas præter sonum, quo etiam lingue discernuntur Latina atque Græca? AD. Hic vero nihil aliud intelligo. AUG. Perventum est ergo ad ea signa, quæ & se ipsa significant, & aliud ab alio invicem significetur, & quidquid ab uno, hoc & ab alio; & nihil præter sonum inter se differant: nam hoc quantum modo invenimus: tria enim superiora, & de nomine & verbo intelliguntur. AD. Omni-
no perventum.

CAPUT
VII.
Epilo-
gus præ-
ceden-
tium ca-
pitulum.

19. AUG. Jam quæ sermocinando invenerimus velim recenseas. AD. Faciam quantum possum. Nam primo omnium recordor aliquamdiu nos quæsisse quam ob causam loquamur, inventumque esse docendi commemorandive gratia nos loqui, quando quidem nec cum interrogamus, aliud agimus quam ut ille qui interrogatur discat quid velimus audire; & in cantando, quod delectationis causa facere videmur, non sit proprium locutionis; in orando Deo, quem doceri aut commemorari existimare non possumus, id verba valeant, ut vel nos ipsos commonefaciamus, vel alii commoneantur doceanturve per nos. Deinde cum satis constitisset verba nihil aliud esse quam signa; ea vero quæ non aliquid significant, signa esse non posse, proposuisti versum, cujus verba singula quid significarent, conarer ostendere: is autem erat: *Si nihil ex tanta superis placet urbe relinqui.* Cujus secundum verbum quamvis notissimum & manifestissimum, quid tamen significaret, non reperiēbamus. Cumque mihi videretur non frustra nos id in loquendo interponere, sed quod eo aliquid doceamus audientem, ipsam mentis affectionem, cum rem quam quærit, non esse invenit, vel invenisse se putat, hoc verbo fortasse indicari; respondisti tu quidem, sed tamen nescio quam profunditatem quæstionis joco evitans, in aliud tempus illustrandam distulisti, nec me debiti quoque tui oblitum putes. Inde tertium in versu verbum cum fatagerem exponere, urgebar ab te, ut non verbum aliud quod idem valeret, sed rem ipsam potius quæ per verba significaretur ostenderem. Cumque id sermocinantibus nobis fieri non posse dixissem, ventum est ad ea quæ interrogantibus digito monstrantur. Hæc ego corporalia esse omnia arbitrabar, sed invenimus sola visibilia. Hinc nescio quomodo ad surdos & histriones devenimus, qui non sola quæ videri possunt, sed multa præterea ac prope omnia quæ loquimur, gestu sine voce significant, eosdem tamen gestus signa esse comperimus. Tum rursus quærere cœpimus, quomodo res ipsas quæ signis significantur, sine ullis signis valeremus ostendere, cum & ille paries, & color, & omne visibile, quod intentione digiti ostenditur, signo quodam convinceretur ostendi. Hic ego errans cum inveniri tale nihil posse dixissem, tandem inter nos constitit, ea posse demonstrari sine signo, quæ cum a nobis quærentur, non agimus, & post inquisitionem agere possumus; locutionem tamen ex eo non esse genere: si quidem & loquentes cum interrogamur quid sit locutio, istam per se ipsam demonstrare facile esse satis apparuit.

20. Ex quo admoniti sumus aut signis signa monstrari, aut signis alia quæ signa non sunt, aut etiam sine signo res quas agere post interrogationem possumus:

A horumque trium primum diligentius considerandum discutiendumque suscepimus. Qua disputatione declaratum est, partim esse signa, quæ ab eis signis quæ significant, significari vicissim non possent, ut est hoc quadrissyllabum cum, conjunctio, dicimus: partim quæ possent, ut cum dicimus, signum, etiam verbum significamus; & cum dicimus, verbum, etiam signum significamus; nam signum & verbum, & duo signa, & duo verba sunt. In hoc autem genere, quo invicem se signa significant, quædam non tantum, quædam tantum, quædam vero etiam idem valere monstratum est. Etenim hoc dissyllabum, quod sonat cum dicimus, signum, prorsus omnia quibus quidque significatur significat: non autem omnium signorum signum est cum dicimus, verbum, sed tantum eorum quæ articulata voce proferuntur. Unde manifestum est, quamvis & verbum signo, & signum verbo, id est, & duæ istæ syllabæ illis, & illæ istis significantur, plus tamen signum valere quam verbum, plura scilicet illis duabus syllabis, quam istis significantibus. Tantumdem autem valet generale verbum, & generale nomen. Docuit enim ratio omnes partes orationis etiam nomina esse, quod & pronomina his addi possunt, & de omnibus dici potest quod aliquid nominent, & nulla earum sit quæ non verbo adjuncto pronuntiatum possit implere. Sed cum tantumdem valeant nomen & verbum, eo quod omnia quæ verba sunt, sint etiam nomina; non tamen idem valent. Alia quippe de causa verba, & alia nomina nuncupari, satis probabiliter disputatum est. Si quidem alterum horum ad auris verberationem, alterum ad animi commemorationem notandam esse compertum, vel ex hoc intelligi potest, quod in loquendo rectissime dicimus, quod est huic rei nomen, rem memoriæ mandare cupientes; quod est autem huic rei verbum, dicere non solemus. Quæ vero non solum tantumdem, sed etiam idem omnino significant, & inter quæ nihil præter litterarum distet sonum, nomen & ὄνομα invenimus. Illud sane mihi elapsum erat in hoc genere, in quo invicem se significant, nullum nos signum comperisse, quod non inter cetera quæ significat, se quoque significet. Hæc quantum potui recordatus sum. Tu jam videris, quem nihil puto in hoc sermone nisi scientem certumque dixisse, utrum ista bene ordinateque digesserim.

21. AUG. Satis tu quidem memoriter omnia quæ vellem recoluisse, & ut tibi fatear, multo evidentius mihi nunc videntur ista distincta, quam cum ea inquirendo ac disserendo de nescio quibus latebris ambo erueremus. Sed quonam tantis ambagibus tecum pervenire moliar, difficile dictu est hoc loco. Tu enim fortasse aut ludere nos, & a seriis rebus avocare animum, quasi quibusdam puerilibus quæstiunculis, arbitraris, aut parvam vel mediocrem aliquam utilitatem requirere; aut si magnum quiddam parturire istam disputationem suspicaris, jamjamque id scire, sive saltem audire desideras. Ego autem credas velim, neque me vilia ludicra hoc instituisse sermone, quamvis fortasse ludamus, idque ipsum tamen non puerili sensu æstimandum sit; neque parva bona vel mediocria cogitare. Et tamen si dicam vitam esse quamdam beatam, eamdemque sempiternam, quo nos Deo duce, id est, ipsa veritate, gradibus quibusdam infirmo gressui nostro accommodatis perducere cupiam, vereor ne ridiculus videar, qui non rerum ipsarum quæ significantur, sed consideratione signorum tantam viam ingredi cœperim.

CAPUT
VIII.
Non frustra hæc disputari. Item signis auditis animum ut interroganti respondeatur ad res significatas esse referendum.

perim. Dabis igitur veniam si præludo tecum non ludendi gratia, sed exercendi vires & mentis aciem, quibus regionis illius, ubi beata vita est, calorem ac lucem non modo sustinere, verum etiam amare possimus. AD. Perge potius ut cœpisti: nam numquam ego contemnenda putem, quæ tu dicenda vel agenda putaveris.

22. AUG. Age jam ergo illam partem consideremus, cum signis non alia signa significantur, sed ea quæ significabilia vocamus. Et primum dic mihi, utrum homo homo sit. AD. Nunc vero an ludas nescio. AUG. Quid ita? AD. Quia quærendum ex me censes, utrum homo aliud sit quam homo. AUG. Ita credo te illudi arbitraris, si etiam quærerem utrum prima hujus nominis syllaba aliud sit quam, ho, & aliud secunda quam, mo. AD. Ita omnino. AUG. At istæ duæ syllabæ conjunctæ, homo est: an negabis? AD. Quis neget? AUG. Quæro ergo, num tu duæ istæ syllabæ conjunctæ sis? AD. Nullo modo: sed video quotendas. AUG. Dicit ergo, ne me contumeliosum putes. AD. Concludi existimas, quod homo non sim? AUG. Quid, tu non idem existimas, quia omnia superiora ex quibus hoc confectum est, vera esse concedis? AD. Non tibi ego dicam quid existimem, nisi prius abs te audiero, cum quæres utrum homo, homo sit, de duabus istis syllabis, an de re ipsa quam significant, me interrogaveris? AUG. Tu potius responde ex qua parte acceperis interrogationem meam: nam si est ambigua, prius hoc cavere debuisti, neque mihi respondere ante quam certus fieres quonam modo rogaverim. AD. Quid enim me impediret hæc ambiguitas, cum ego ad utrumque responderim; homo enim prorsus homo est: nam & istæ duæ syllabæ nihil aliud sunt quam istæ duæ syllabæ; & id quod significant, nihil aliud est, quam id quod est. AUG. Scite hoc quidem: sed cur hoc solum quod dictum est homo, non etiam cetera quæ locuti sumus, ad utrumque accepisti? AD. Unde enim convincor quod & cetera non sic acceperim? AUG. Ut alia omitam, eam ipsam primam rogationem meam, si totam ex ea parte accepisses, qua syllabæ sonant, nihil mihi respondisses; possem tibi enim videri nihil etiam interrogasse: nunc vero cum tria verba sonuerim, quorum unum in medio repetivi dicens utrum homo homo sit, primum & ultimum verbum, non secundum ipsa signa, sed secundum ea quæ his significantur te accepisse vel hoc solo manifestum est, quod statim certus ac fideus rogationi respondendum putasti. AD. Verum dicis. AUG. Cur ergo id tantum quod in medio positum est, & secundum id quod sonat, & secundum id quod significat, te accipere libuit? AD. Ecce jam totum ex ea tantum parte qua significatur accipio: assentior enim tibi, fermocinari nos omnino non posse, nisi auditis verbis ad ea feratur animus, quorum ista sunt signa. Quare ostende nunc quomodo ista ratiocinatione deceptus sim, qua me hominem non esse concluditur. AUG. Immo eadem rursus interrogabo, ut ipse invenias ubi lapsus sis. AD. Bene facis.

23. AUG. Illud ergo quod primo quæsieram, quia jam dedisti, non quæram. Vide igitur diligentius, utrum syllaba, ho, nihil aliud sit quam ho; & utrum, mo, nihil aliud sit quam, mo. AD. Hic prorsus nihil aliud video. AUG. Vide etiam num istis duabus junctis, homo, fiat. AD. Nequaquam hoc concesserim: placuit enim, & recte placuit, signo dato id quod significatur attendere, & ex ejus consideratione vel dare, vel negare quod dicitur. Illæ autem separatim

Tom. I.

A enuntiata syllabæ, quia sine ulla significatione sonuerunt, hoc eas esse quod sonuere concessum est. AUG. Placet igitur, firmumque animo tenes non respondendum esse interrogationibus, nisi ex iis rebus quæ verbis significantur. AD. Non intelligo cur displiceat, si modo verba sint. AUG. Vellem scire quomodo illi resisteres, de quo jocantes solemus audire, quod ex ejus ore cum quo disputabat, leonem processisse concluderet. Cum enim quæsisset, utrum ea quæ loqueremur, nostro ore procederent, atque ille non potuisset negare; quod facile fuit, egit cum homine, ut in loquendo leonem nominaret: hoc ubi factum est, ridicule insultare cœpit & premere, ut quoniam quidquid loquimur, ore nostro exire confessus erat, & leonem se locutum esse nequibat abnuere, homo non malus tam immanem bestiam videretur vomuisse. AD. Minime vero erat arduum scurræ huic resistere; non enim concederem ore nostro exire quodcumque loquimur. Nam quæ loquimur, ea significamus: non autem quæ res significatur, sed signum quo significatur loquentis ore procedit, nisi cum ipsa signa significantur: quod genus paulo ante tractavimus.

C 24. AUG. Bene tu quidem hoc modo adversus illum esses paratus: verumtamen mihi quid respondebis, utrum homo nomen sit requirenti? AD. Quid nisi esse nomen? AUG. Quid cum te video, num nomen video? AD. Non. AUG. Visne igitur dicam quod sequitur? AD. Ne quæso: nam mihi ipse renuntio, me hominem non esse, qui nomen esse responderim, cum homo utrum nomen esset inquireret. Jam enim placuerat, ex ea re quæ significaretur, aut assentiri, aut negare quod dicitur. AUG. At mihi videtur non te frustra in hanc responsionem decidisse: nam vigilantiam tuam mentibus nostris indita ipsa lex rationis evicit: nam si quærerem quid esset homo, responderes fortasse, animal: si autem quærerem quæ pars orationis esset homo, nullo modo posses recte respondere nisi, nomen: quamobrem cum homo & nomen & animal esse inveniat, illud dicitur ex ea parte qua signum est, hoc ex parte rei quam significat. Qui ergo quærit, utrum homo nomen sit, nihil ei aliud quam esse respondeam: satis enim significat ex ea parte se velle audire: qua signum est. Si autem quærit utrum animal sit, multo proclivius annuam: quoniam si tacens & nomen & animal, tantum quid esset homo requireret, placita illa loquendi regula ad id quod duabus syllabis significatur, animus curreret; neque quidquam responderetur nisi animal, vel etiam tota definitio diceretur, id est, animal rationale mortale: an tibi non videtur? AD. Prorsus videtur: sed cum esse nomen concesserimus, quomodo illam conclusionem nimis contumeliosam evitabimus, qua nos homines non esse conficitur? AUG. Quomodo putas, nisi docendo non ex ea parte illatam, qua interroganti assentiebamur. Aut si ex ea parte illam se fatetur inferre, nullo modo est formidanda: quid enim metuum hominem, id est, tres istas syllabas non esse me confiteri? AD. Nihil est verius. Cur ergo animum offendit, cum dicitur, Non es igitur homo; cum secundum illa concessa, nihil verius dici potuerit? AUG. Quia non possum non putare ad id conclusionem referri, quod his duabus syllabis significatur, simul atque ista verba sonuerint, ea scilicet regula, quæ naturaliter plurimum valet, ut auditis signis ad res significatas feratur intentio. AD. Accipio quod dicis.

25. AUG. J A M ergo intelligas volo, res quæ significan-

A a

CARUT
IX
An r23

quæque,
vel ejus
cognitio
pluris
habenda
sit quam
ipsius si-
gna.

ficantur, plurisquam signa esse pendendas. Quidquid enim propter aliud est, vilius sit necesse est quam id propter quod est: nisi tu aliud existimas. AD. Videtur mihi non temere hic esse assentiendum: nam cum dicimus, cœnum, longe hoc nomen arbitror rei quam significat antecellere. Quod enim nos offendit audientes, non ad ipsius verbi pertinet sonum; cœnum enim nomen, mutata una littera cœlum est; inter illa vero quæ his nominibus significantur, quantum distet videmus. Quamobrem nequaquam huic signo tribuerim, quod in re quam significat odimus; & propterea hoc illi jure antepono: libentius enim hoc audimus, quam ullo sensu illud adtingimus. AUG. Vigilantissime omnino. Itaque falsum est, omnes res pluris quam earum signa esse pendendas. AD. Ita videtur. AUG. Dic ergo mihi, quid arbitreris eos secutos esse, qui huic rei tam fœdæ atque aspernabili nomen indiderunt, vel utrum eos probes, an improbes? AD. Ego vero illos nec probare, nec improbare audeo, nec quid fuerint secuti scio. AUG. Potesne saltem scire quid tu sequaris, cum hoc nomen enuntias? AD. Hoc plane possum: nam significare volo, ut eum cum quo loquor, doceam vel admoneam de re illa, quod eum doceri vel admoneri oportere arbitror. AUG. Quid, ipsum docere aut admonere, siue doceri aut admoneri, quod vel tu exhibes commode per hoc nomen, vel exhibetur tibi, nonne carius quam ipsum nomen habendum est? AD. Concedo ipsam scientiam, quæ per hoc signum evenit, eidem signo esse anteponendam: sed non ideo etiam rem ipsam puto.

26. AUG. In illa igitur sententia nostra, quamquam sit falsum, res omnes signis suis præponi oportere; non tamen falsum est, omne quod propter aliud est, vilius esse quam id propter quod est. Cognitio quippe cœni, propter quam hoc nomen est institutum, pluris habenda est ipso nomine, quod eidem cœno præponendum esse comperimus. Non enim ob aliud ista cognitio signo, de quo agimus, antelata est, nisi quia illud propter hanc, non hæc propter illud esse convincitur. Nam ita cum quidam vorator, ventrisque, ut ab Apostolo dicitur, cultor, diceret ideo se vivere, ut vesceretur: non tulit qui audiebat frugi homo, &, Quanto, inquit, melius ideo vesceris ut viveres? a quod utique ex eadem ista regula locutus est. Nam neque alia de causa ille displicuit, nisi quod vitam suam tam parvi penderet, ut eam duceret gutturis voluptate vilior, dicendo se propter epulas vivere: neque hic ob aliud jure laudatur, nisi quod in iis duobus quid propter quid fieret, hoc est, quid cui subjectum esset intelligens, cibandum potius ut vivamus, quam vivendum ut cibemur admonuit. Similiter & tu fortasse, & quilibet hominum non imperite res æstimantium, dicenti cuiquam loquaci amatorique verborum, Ideo doceo ut loquar, responderetis, Homo, cur non potius ideo loqueris ut doceas? Quod si hæc vera sunt, sicuti esse cognoscis, vides profecto quanto verba minoris habenda sint, quam id propter quod utimur verbis; cum ipse usus verborum jam sit verbis anteponendus: verba enim sunt ut his utamur: utimur autem his ad docendum. Quanto est ergo melius docere quam loqui, tanto melior est quam verba locutio. Multo ergo melior doctrina quam verba. Sed cupio audire quid forte contradicendum putes.

27. AD. Assentior quidem meliorem quam verba esse doctrinam; sed utrum adversus istam regulam qua

A dicitur, Omne quod propter aliud est, inferius esse quam id propter quod est, nihil sit quod objici possit, ignoro. AUG. Alias hoc opportunius, diligentiusque tractabimus: nunc illud quod concedis, satis est ad id quod conficere studeo. Das enim cognitionem rerum quam signa rerum esse carior. Quamobrem cognitio rerum quæ significantur, cognitioni signorum anteferenda est: an tibi non videtur? AD. Num ego cognitionem rerum cognitione signorum, ac non signis ipsis præstantiorem esse concessi? quare vereor ut hic tibi assentiar. Quid si enim ut cœnum nomen melius est ea re quam significat, ita & hujus nominis cognitio cognitioni quoque illius rei est anteponenda; quamvis ea cognitione sit ipsum nomen inferius? Quatuor quippe sunt: nomen, & res, cognitio nominis, & cognitio rei. Sicut ergo primum secundo, cur non & tertium quarto antecellat? Sed ut non antecellat, num etiam subjiciendum est?

28. AUG. Mire omnino te video & tenuisse quid concesseris, & explicasse quid senseris. Sed, ut opinor, intelligis; hoc trisyllabum nomen, quod sonat cum dicimus, vitium, melius esse quam id quod significat; cum ipsius cognitio nominis multo sit inferior cognitione vitiorum. Licet itaque constituas etiam ista quatuor atque consideres, nomen & rem, cognitionem nominis & cognitionem rei: primum secundo jure præponimus. Hoc enim positum nomen in carmine, cum ait Persius, *Sed stupet hic vitio*, non modo nihil vitii fecit in versu, sed non nihil etiam ornatus dedit: cum tamen res ipsa quæ significatur hoc nomine, in quocumque inest, cogat esse vitiosum. At non ita & tertium quarto, sed quartum tertio videmus excellere. Hujus enim cognitio nominis vilis est præ cognitione vitiorum. AD. Etiamne cum ista cognitio inferiores facit, censes esse præferendam? Nam idem Persius omnibus pœnis, quas tyrannorum vel crudelitas excogitavit vel cupiditas pendit, hanc unam anteponit, qua cruciantur homines, qui vitia quæ vitare non possunt, coguntur agnoscere. AUG. Potes hoc modo cognitioni hujus nominis ipsam quoque virtutum cognitionem negare præferendam: quia VIRTUTEM videre nec tenere, supplicium est: quo idem ille Satyricus tyranni ut puniantur optavit. AD. Deus hanc avertat amentiam: jam enim intelligo non ipsas cognitiones, quibus animus imbuat optima omnium disciplina, esse culpandas, sed eos omnium miserrimos judicandos, sicut & Persium judicasse arbitror, qui tali morbo affecti sunt, cui nec tanta medicina subveniat. AUG. Bene intelligis: sed quoquo modo se habeat Persiana sententia, quid ad nos? Non enim horum auctoritati subiecti sumus in talibus rebus. Deinde si qua cognitio cognitioni præferenda sit, non hic facile est explicare. Satis habeo quod effectum est, cognitionem rerum quæ significantur, etsi non cognitione signorum, ipsis tamen signis esse potior. Quare jam illud magis magisque discutiamus, quale sit genus rerum quas sine signis monstrari posse dicebamus per se ipsas, ut loqui, ambulare, sedere, jacere, atque hujuscemodi cetera. AD. Jam recolo quid dicas.

29. AUG. OMNIA-N E tibi videntur, quæ interrogati mox agere possumus; sine signo posse monstrari, an aliquid excipis? AD. Ego vero etiam atque etiam genus hoc totum considerans, nihil adhuc invenio quod sine signo valeat doceri, nisi forte locutionem,

Satyræ 3.
Nempe.

CAPUT
X.
An quædam
doceri
sine signis
quant.

nem, & si forte idipsum quispiam quærat, quid sit docere. Video enim eum, quidquid post ejus interrogationem fecero, ut discat, ab ea ipsa re non discere quam sibi demonstrari cupit: nam si me cessantem, ut dictum est, vel aliud agentem roget quispiam, quid sit ambulare, & ego statim ambulando, eum quod rogavit sine signo coner docere, unde cavebo ne id tantum putet esse ambulare, quantum ego ambulavero? quod si putaverit, decipietur: quisquis enim plus minusve quam ego ambulaverit, hunc ille ambulasse non arbitrabitur. Et quod de hoc uno verbo dixi, transit in omnia quæ sine signo monstrari posse consenseram, præter duo illa quæ excepimus.

30. AUG. Accipio quidem istud: sed nonne tibi videtur aliud esse loqui, aliud docere? AD. Videtur sane: nam si esset idem, non doceret quisquam nisi loquens: cum vero & aliis signis, præter verba, multa doceamus, quis de ista differentia dubitaverit? AUG. Quid docere & significare, nihilne interest, an aliquid differunt? AD. Idem puto esse. AUG. Nonne recte dicit, qui dicit ideo nos significare ut doceamus? AD. Recte prorsus. AUG. Quid si dicat alius, ideo nos docere ut significemus, nonne facile superiore sententia refelletur? AD. Ita est. AUG. Si ergo significamus ut doceamus, non docemus ut significemus; aliud est docere, aliud significare. AD. Verum dicis, nec recte idem esse utrumque respondi. AUG. Nunc illud responde, utrum qui docet quid sit docere, significando id agat, an aliter. AD. Non video quomodo aliter possit. AUG. Falsum est igitur quod paulo ante dixisti, doceri rem posse sine signis, cum quæritur quid sit ipsum docere, quando ne hoc quidem videmus sine significatione agi posse, cum aliud esse significare, aliud docere concesseris. Si enim diversa sunt, sicut apparet, neque hoc nisi per illud ostenditur, non per se utique ostenditur, sicut tibi visum erat. Quamobrem nihil adhuc inventum est, quod monstrari per se ipsum queat præter locutionem, quæ inter alia se quoque significat: quæ tamen cum etiam ipsa signum sit, nondum prorsus exstat quod sine signis doceri posse videatur. AD. Nihil habeo cur non assentiar.

31. AUG. Confectum est igitur & nihil sine signis doceri, & cognitionem ipsam signis quibus cognoscimus, cariorem nobis esse oportere: quamvis non omnia quæ significantur possint signis suis esse potiora. AD. Ita videtur. AUG. Quanto tandem circuitu restantilla peracta sit, meministine quæso? Nam ex quo inter nos verba jaculamur, quod tam diu fecimus, hæc tria ut invenirentur laboratum est: utrum nihil sine signis possit doceri; & utrum sint quædam signa rebus quas significant præferenda; & utrum melior quam signa sit rerum ipsa cognitio. Sed quartum est, quod breviter abs te vellem cognoscere, utrumnam ista inventa sic putes, ut jam de his dubitare non possis. AD. Vellem quidem tantis ambagibus atque amfractibus esset ad certa perventum; sed & ista rogatio tua nescio quomodo me sollicitat, & ab assensione deterret. Viderisenim mihi non hæc de me fuisse quæsiturus, nisi haberes quod contradiceres: & ipsa rerum implicatio totum me inspicere, ac securum respondere non finit,

Tom. I.

a In editione Bad. & nostris MSS. hic & infra constanter scribitur per *r* *sarabara*; quo pacto etiam Tertullianus scripsit in lib. de Pallio & lib. de Resurrect. carni. Porro autem textus græcus Dan. 3. 94. habet in neutro genere, τὰ σαρὰβαρα: quem scribendi modum non pauci sequuntur, improbat vero Hieronymus in Dan. 3. 21. vultque legendum *saraballa*. Ad hæc MSS. Fiscannensis & Michaelinus pro, *quædam capitum*, habent *quædam pedum tegmina*; & consentanee postea præferunt: *aut quid sint*

A verentem ne quid in tantis involucris lateat, quod acies mentis meæ lustrare non possit. AUG. Dubitationem tuam non invitatus accipio; significat enim animum minime temerarium: quæ custodia tranquillitatis est maxima. Nam difficillimum omnino est non perturbari, cum ea quæ prona & procliva approbatione tenebamus, contrariis disputationibus labefactantur & quasi extorquentur e manibus. Quare, ut æquum est bene consideratis perspectisque rationibus cedere, ita incognita pro cognitio habere periculosum. Metus est enim ne cum sæpe subruuntur quæ firmissime statuta & mansura præsumimus, in tantum odium vel timorem rationis incidamus, ut ne ipsi quidem perspicuæ veritati fides habenda videatur.

32. Sed age nunc expeditius retractemus, utrum recte ista dubitanda putaveris. Nam quæro abs te, si quisquam ignarus deceptionis avium, quæ calamis & visco affectatur, obviam fieret aucupi, armis quidem suis instructo, non tamen aucupanti, sed iter agenti; quo viso premeret gradum, secumque, ut sit, admirans cogitaret & quæreret, quidnam sibi hominis ille vellet ornatus; auceps autem cum in se videret adtentum, ostentandi se studio cannas expediret, & prope animadversam aliquam aviculam fistula & accipitre figeret, subigeret & caperet, nonne illum spectatorem suum doceret nullo significato, sed re ipsa, quod ille scire cupiebat? AD. Metuo ne quid hic tale sit, quale de illo dixi, qui quærit quid sit ambulare. Neque enim video, & hic totum illud aucupium esse monstratum. AUG. Facile est hac cura te exuere; addo enim, si ille ita intelligens esset, ut ex hoc quod vidit, totum illud genus artis agnosceret: satis est namque ad rem, & de quibusdam rebus tametsi non omnibus, & quosdam homines doceri posse sine signo. AD. Hoc etiam ego possum illi addere; si enim sit bene intelligens, paucis passibus ambulatione monstrata, totum quid sit ambulare cognoscet. AUG. Facias per me licet, nec tantum nihil resisto, verum etiam faveo: vides enim ab utroque nostrum id effici, ut quædam quidam doceri sine signis queant, falsumque illud sit quod nobis paulo ante videbatur, nihil esse omnino quod sine signis possit ostendi. Jam enim ex his non unum aliquid aut alterum, sed millia rerum animo occurrunt, quæ nullo signo dato per se ipsa monstrantur. Quid enim dubitemus oro te? Nam ut hominum omittam innumerabilia spectacula in omnibus theatris sine signo ipsis rebus exhibentium; solem certe istum lucemque hæc omnia perfundentem atque vestientem, lunam & cetera sidera, terras & maria, quæque in his innumerabiliter gignuntur, nonne per se ipsa exhibet atque ostendit Deus & natura cernentibus.

33. Quod si diligentius consideremus, fortasse nihil invenies, quod per sua signa discatur. Cum enim mihi signum datur; si nescientem me invenit cujus rei signum sit, docere me nihil potest: si vero scientem, quid disco per signum? Non enim mihi rem quam significat ostendit verbum cum lego, *Et a saraballæ eorum non sunt immutatae*. Nam si quædam capitum tegmina nuncupantur hoc nomine, num ego hoc audito, aut quid sit caput, aut quid sint tegmina didici?

A a 2 ante

pedes &c. cum dicimus pedes, aures &c. pedes notans &c. denique omittunt, *capitum*, eo loci ubi legimus, *tegmina quidem illa capitum*. Contigit isthæc varietas ex varia vocabuli istius interpretatione, quod quibusdam significat *tegmina capitum*, ut refert Isidorus lib. 19. c. 23. Aliis, *fluxa ac sinuosa vestimenta*: ut ipsi Isidoro ibid. placet: *pallia* Vatablo aliisque Scripturæ interpretibus sonat; nonnullis etiam, *calceamenta*; Hieronymo demum in loco citato, *bracchas seu tibialia*.

Res non
discun-
tur per
ipsa ver-
ba.

Dan. 3.
94.

ante ista noveram; neque cum appellarentur ab aliis, sed cum a me viderentur, eorum est mihi facta notitia. Etenim cum primum istæ duæ syllabæ cum dicimus, caput, aures meas impulerunt, tam nescivi quid significarent, quam cum primo audirem legeremve, faraballas. Sed cum sæpe diceretur, caput, notans atque animadvertens quando diceretur, reperi vocabulum esse rei quæ mihi jam erat videndo notissima. Quod prius quam reperissem, tantum mihi sonus erat hoc verbum: signum vero esse didici, quando cuius rei signum esset inveni; quam quidem (ut dixi) non significatu, sed adspectu didiceram. Itaque magis signum re cognita, quam signo dato ipsa res discitur.

34. Quod ut apertius intelligas, finge nos primum nunc audire quod dicitur, caput; & nescientes utrum vox ista sit tantummodo sonans, an aliquid etiam significans, quærere quid sit caput (memento nos non rei quæ significatur, sed ipsius signi velle habere notitiam, qua caremus profecto quamdiu cuius signum est ignoramus:) si ergo ita quærentibus res ipsa digito demonstretur, hac conspecta discimus signum quod audieramus tantum, nondum noveramus. In quo tamen signo cum duo sint, sonus & significatio, sonum certe non per signum percipimus, sed eo ipso aure pulsata; significationem autem re, quæ significatur, adspecta. Nam illa intentio digiti significare nihil aliud potest, quam illud in quod intenditur digitus: intentus est autem non in signum, sed in membrum quod caput vocatur: itaque per illam neque rem possum nosse quam noveram, neque signum in quod intentus digitus non est. Sed de intentione digiti non nimis curo; quia ipsius demonstrationis signum mihi videtur potius, quam rerum aliquarum quæ demonstrantur, sicut adverbium quod, ecce, dicimus; nam & cum hoc adverbio digitum solemus intendere, ne unum demonstrandi signum non sit satis. Et id maxime tibi nitor persuadere, si potero, per ea signa quæ verba appellantur, nos nihil discere; potius enim, ut dixi, vim verbi, id est, significationem quæ latet in sono, re ipsa quæ significatur cognita, discimus, quam illam tali significatione percipimus.

35. Et quod dixi de capite, hoc etiam de tegminibus, deque aliis rebus innumerabilibus dixerim: quas tamen cum jam noverim, faraballas illas adhuc usque non novi; quas mihi si gestu quispiam significarit aut pinxerit, aut aliquid cui similes sunt, ostenderit, non dicam non me docuerit, quod facile obtinerem, si paulo amplius loqui vellem; sed dico id quod proximum est, non verbis docuerit. Quod si eis forte conspectis cum simul adero me admonuerit, dicens, Ecce faraballas, discam rem quam nesciebam, non per verba quæ dicta sunt, sed per ejus adspectum, per quem factum est ut etiam nomen illud quid valeret, nossem ac tenerem. Non enim cum rem ipsam didici, verbis alienis credidi, sed oculis meis: illis tamen fortasse ut adtenderem credidi, id est, ut adspectu quærerem quid viderem.

36. HACTENUS verba valuerunt, quibus ut plurimum tribuam, admonent tantum ut quæramus res, non exhibent ut noverimus. Is me autem aliquid docet, qui vel oculis, vel ulli corporis sensui, vel ipsi etiam menti præbet ea quæ cognoscere volo. Verbis igitur nisi verba non discimus, immo sonitum strepitumque verborum: nam si ea quæ signa non sunt, verba esse non possunt, quamvis jam auditum verbum, nescio tamen verbum esse, donec quid significet sciam. Rebus ergo cognitis, verborum quoque cognitio perficitur: verbis

CAPUT
XI.
Discimus non
verbis
foris sonantibus, sed
docente
intus veritate.

vero auditis, nec verba discuntur. Non enim ea verba quæ novimus, discimus; aut quæ non novimus, didicisse nos possumus confiteri, nisi eorum significatione percepta, quæ non auditione vocum emissarum, sed rerum significatarum cognitione contingit. Verissima quippe ratio est, & verissime dicitur, cum verba proferuntur, aut scire nos quid significant, aut nescire: si scimus, commemorari potius quam discere: si autem nescimus, ne commemorari quidem, sed fortasse ad quærendum admoneri.

37. Quod si dixeris, tegmina quidem illa capitum, quorum nomen sono tantum tenemus, non nos posse nisi visa cognoscere, neque nomen ipsum plenius nisi ipsis cognitis nosse: quod tamen de ipsis pueris accepimus, ut regem ac flammam fide ac religione superaverint, quas laudes Deo cecinerint, quos honores ab ipso etiam inimico meruerint, num aliter nisi per verba didicimus? respondebo, cuncta quæ illis verbis significata sunt, in nostra notitia jam fuisse. Nam quid sint tres pueri, quid fornax, quid ignis, quid rex, quid denique illæsi ab igne, ceteraque omnia jam tenebam quæ verba illa significant. Ananias vero, & Azarias & Misael tam mihi ignoti sunt quam illæ faraballæ, nec ad eos cognoscendos hæc me nomina quidquam adjuverunt aut adjuvare jam potuerunt. Hæc autem omnia quæ in illa leguntur historia, ita illo tempore facta esse, ut scripta sunt, credere me potius quam scire fateor: neque istam differentiam iidem ipsi quibus credimus nesciunt. Ait enim Propheta, *Nisi credideritis, non intelligetis*: quod non dixisset profecto, si nihil distare iudicasset. Quod ergo intelligo, id etiam credo: at non omne quod credo, etiam intelligo. Omne autem quod intelligo scio: non omne quod credo, scio. Nec ideo nescio quam sit utile credere etiam multa quæ nescio: cui utilitati hanc quoque adjungo de tribus pueris historiam. Quare pleraque rerum cum scire non possim, quanta tamen utilitate credantur, scio.

38. De universis autem quæ intelligimus, non loquentem qui personat foris, sed intus ipsi menti præsidentem consulimus veritatem, verbis fortasse ut consulamus admoniti. Ille autem qui consulitur, docet, qui in interiore homine habitare dictus est Christus, id est, incommutabilis Dei Virtus atque sempiterna Sapientia: quam quidem omnis rationalis anima consulit, sed tantum cuique panditur, quantum capere propter propriam, sive malam sive bonam voluntatem potest. Et si quando fallitur, non sit vitio consultæ veritatis: ut neque hujus, quæ foris est, lucis vitium est, quod corporei oculi sæpe falluntur: quam lucem de rebus visibilibus consuli fatemur, ut eas nobis quantum cernere valemus ostendat.

39. QUOD si & de coloribus lucem, & de ceteris quæ per corpus sentimus, elementa hujus mundi eademque corpora quæ sentimus, sensusque ipsos quibus tamquam interpretibus ad talia noscenda mens utitur; de his autem quæ intelliguntur, interiorem veritatem ratione consulimus: quid dici potest, unde clareat verbis nos aliquid discere præter ipsum qui aures percutit sonum? Namque omnia quæ percipimus, aut sensu corporis, aut mente percipimus. Illa sensibilia, hæc intelligibilia, sive, ut more auctorum nostrorum loquar, illa carnalia, hæc spiritualia nominamus. De illis dum interrogamur, respondemus, si præsto sunt ea quæ sentimus; velut cum a nobis quæritur intuentibus lunam novam, qualis

Dan. 3.

Isa. 7. n. 9
scilicet
lxx.

CAPUT
XII.
CAPUT
Christus
veritas
intus
docet.

lis aut ubi sit. Hic ille qui interrogat, si non videt, credit verbis, & sæpe non credit: discit autem nullo modo nisi & ipse quod dicitur videat; ubi jam non verbis quæ sonuerunt, sed rebus ipsis & sensibus discit. Nam verba eadem sonant videnti, quæ non videnti etiam sonuerunt. Cum vero non de iis quæ coram sentimus, sed de his quæ aliquando sensimus quæritur, non jam res ipsas, sed imagines ab iis impressas memoriæque mandatas loquimur: quæ omnino quomodo vera dicamus, cum falsa intueamur, ignoro, nisi quia non nos ea videre ac sentire, sed vidisse ac sensisse narramus. Ita illas imagines in memoriæ penetralibus rerum ante sensarum quædam documenta gestamus, quæ animo contemplantes bona conscientia non mentimur cum loquimur; sed nobis sunt ista documenta, is enim qui audit, si ea sensit atque adfuit, non discit meis verbis, sed recognoscit ab latis secum & ipse imaginibus: si autem illa non sensit, quis non eum credere potius verbis quam discere intelligat.

40. Cum vero de iis agitur quæ mente conspiciamus, id est, intellectu atque ratione, ea quidem loquimur quæ præsentia contuemur in illa interiore luce veritatis, qua ipse qui dicitur homo interior, illustratur & fruitur: sed tunc quoque noster auditor, si & ipse illa secreto ac simplici oculo videt, novit quod dico sua contemplatione, non verbis meis. Ergo ne hunc quidem doceo vera dicens, vera intuentem: docetur enim non verbis meis, sed ipsis rebus Deo intus pandente manifestis: itaque de his etiam interrogatus respondere posset. Quid autem absurdius quam eum putare locutione mea doceri, qui posset antequam loquerer ea ipsa interrogatus exponere? Nam quod sæpe contingit, ut interrogatus aliquid neget, atque ad id fatendum aliis interrogationibus urgeatur, fit hoc imbecillitate cernentis, qui de re tota illam lucem consulere non potest: quod ut partibus faciat, admonetur, cum de iisdem istis partibus interrogatur, quibus illa summa constat, quam totam cernere non valebat. Quo si verbis perducitur ejus qui interrogat, non tamen docentibus verbis, sed eo modo inquirentibus, quomodo est ille, a quo quæritur, intus discere idoneus; velut si abs te quærerem hoc ipsum quod agitur, utrumnam verbis doceri nihil possit, & absurdum tibi primo videretur non valenti totum conspiciere: sic ergo quærere oportuit, ut tuæ sese vires habent ad audiendum illum intus magistrum, ut dicerem, Ea quæ me loquente vera esse confiteris, & certus es, & te illa nosse confirmas, unde didicisti? responderes fortasse quod ego docuissem. Tum ego subnecterem: Quid si me hominem volentem vidisse dicerem, itane te certum verba mea redderent, quemadmodum si audires sapientes homines stultis esse meliores? negares profecto & responderes, illud te non credere, aut etiam si crederes ignorare, hoc autem certissime scire. Ex hoc jam nimirum intelligeres, neque in illo quod me affirmante ignorares, neque in hoc quod optime scires, aliquid te didicisse verbis meis, quando quidem etiam interrogatus de singulis, & illud ignotum, & hoc tibi notum esse jurares. Tum vero totum illud quod negaveras fatereris, cum hæc ex quibus constat, clara & certa esse cognosceres, omnia scilicet quæ loquimur, aut ignorare auditorem utrum vera sint, aut falsa esse non ignorare, aut scire vera esse. Horum trium in primo aut credere, aut opinari, aut dubitare; in secundo adversari atque renuere; in tertio adtestari: nusquam igitur discere. Quia & ille qui post ver-

A ba nostra rem nescit, & qui se falsa novit audisse, & qui posset interrogatus eadem respondere quæ dicta sunt, nihil verbis meis didicisse convincitur.

41. QUAMOBREM in iis etiam quæ mente cernuntur, frustra cernentis loquelas audit quisquis ea cernere non potest, nisi quia talia quamdiu ignorantur utile est credere: quisquis autem cernere potest, intus est discipulus veritatis, foris iudex loquentis, vel potius ipsius locutionis: nam plerumque scit illa quæ dicta sunt, eo ipso nesciente qui dixit; veluti si quispiam Epicureis credens, & mortalem animam putans, eas rationes, quæ de immortalitate ejus a prudentioribus tractatæ sunt, eloquatur illo audiente, qui spiritalia contueri potest; judicat iste eum vera dicere: at ille qui dicit, utrum vera dicat ignorat, immo etiam falsissima existimat: num igitur putandus est ea docere quæ nescit? atqui iisdem verbis utitur, quibus uti etiam sciens posset.

42. Quare jam ne hoc quidem relinquitur verbis, ut his saltem loquentis animus indicetur: si quidem incertum est utrum ea quæ loquitur sciat. Adde mentientes atque fallentes, per quos facile intelligas non modo non aperiri, verum etiam occultari animum verbis. Nam nullo modo ambigo id conari verba veracium, & quodam modo profiteri, ut animus loquentis appareat; quod obtinerent omnibus concedentibus, si loqui mentientibus non liceret. Quamquam sæpe experti fuimus & in nobis & in aliis, non earum rerum quæ cogitantur verba proferri: quod duobus modis posse accidere video, cum aut sermo memoriæ mandatus & sæpe decursus, alia cogitantis ore funditur; quod nobis cum hymnum canimus sæpe contingit: aut cum alia pro aliis verba præter voluntatem nostram linguæ ipsius errore profiliunt: nam hic quoque non earum rerum signa quas in animo habemus audiuntur. Nam mentientes quidem cogitant etiam de iis rebus quas loquuntur, ut tametsi nesciamus an verum dicant, sciamus tamen eos in animo habere quod dicunt, si non eis aliquid duorum quæ dixi accidat: quæ si quis & interdum accidere contendit, & cum accidit apparere, quamquam sæpe occultum est, & sæpe me fefellit audientem, non resisto.

43. Sed his accidit aliud genus, sane late patens, & semen innumerabilium dissensionum atque certaminum; cum ille qui loquitur, eadem quidem significat quæ cogitat, sed plerumque tantum sibi & aliis quibusdam: ei vero cui loquitur & item aliis nonnullis, non idem significat. Dixerit enim aliquis audientibus nobis, ab aliquibus belluis hominem virtute superari: nos illico ferre non possumus, & hanc tam falsam pestiferamque sententiam magna intentione refellimus: cum ille fortasse virtutem, vires corporis vocet, & hoc nomine id quod cogitavit enuntiet, nec mentiatur, nec erret in rebus, nec aliud aliquid volvens animo, mandata memoriæ verba contextit, nec linguæ lapsu aliud quam volebat sonet: sed tantummodo rem quam cogitat, alio quam nos nomine appellat: de qua illi statim assentiremur, si ejus cogitationem possemus inspicere, quam verbis jam prolatis explicataque sententia sua, nondum nobis pandere valuit. Huic errori definitionem mederi posse dicunt, ut in hac quæstione si definiret quid sit virtus, eluceret, aiunt, non de re, sed de verbo esse controversiam: quod ut concedam ita esse, quotus quisque bonus definitor inveniri potest? & tamen adversus disciplinam definiendi multa disputata sunt, quæ neque hoc loco tractare opportunum est, nec usquequaque a me probantur.

44. Omitto quod multa non bene audimus, & quasi de auditis diu multumque contendimus; velut tu nuper verbo quodam Punico, cum ego misericordiam dixissem, pietatem significari te audisse dicebas ab eis, quibus hæc lingua magis nota esset: ego autem resistens, quid acceperis tibi omnino excidisse asseribam; visus enim mihi eras non pietatem dixisse, sed fidem, cum & conjunctissimus mihi assideres, & nullo modo hæc duo nomina similitudine soni aurem decipiant. Diu te tamen arbitratus sum nescire quid tibi dictum sit, cum ego nescirem quid dixeris; nam si te bene audissem, nequaquam mihi videretur absurdum pietatem & misericordiam uno vocabulo Punice vocari. Hæc plerumque accidunt, sed ea (ut dixi) omitteremus, ne calumniam verbis de audientis negligentia, vel etiam de furditate hominum videar commovere: illa magis angunt quæ superius enumeravi, ubi verbis liquidissime aure perceptis & latinis non valemus, cum ejusdem linguæ simus, loquentium cogitata cognoscere.

45. Sed ecce jam remitto & concedo, cum verba ejus auditu cui nota sunt, accepta fuerint, posse illi esse notum de iis rebus, quas significant, loquentem cogitavisse: num ideo etiam quod nunc quæritur, utrum vera dixerit, discit? * Num hoc magistri profitentur, ut cogitata eorum, ac non ipsæ disciplinæ quas loquendo se tradere putant, percipiantur atque teneantur? Nam quis tam stulte curiosus est, qui filium suum mittat in scholam, ut quid magister cogitet discat? At istas omnes disciplinas quas se docere profitentur, ipsiusque virtutis atque sapientiæ, cum verbis explicaverint, tum illi qui discipuli vocantur, utrum vera dicta sint, apud semetipsos considerant, interiori scilicet illam veritatem pro viribus intuentes. Tunc ergo discunt: & cum vera dicta esse intus invenerint, laudant, nescientes non se doctores potius laudare quam doctos; si tamen & illi quod loquuntur sciunt. Falluntur autem homines, ut eos qui non

*
CAPUT
XIV.
Christus
intus
docet,
homo
verbis
foris ad-
monet.

A sunt magistros vocent; quia plerumque inter tempus locutionis & tempus cognitionis nulla mora interponitur; & quoniam post admonitionem sermocinantis cito intus discunt, foris se ab eo, qui admonuit, didicisse arbitrantur.

46. Sed de tota utilitate verborum, quæ si bene consideretur non parva est, alias si Deus siverit requiremus. Nunc enim ne plus eis quam oportet tribueremus, admonui te; ut jam non crederemus tantum sed etiam intelligere inciperemus, quam vere scriptum sit auctoritate divina, ne nobis quemquam magistrum dicamus in terris, quod unus omnium Magister in cælis sit. Quid sit autem in cælis, docebit ipse a quo etiam per homines signis admonemur & foris, ut ad eum intro conversi erudiamur: QUEM diligere ac nosse beata vita est, quam se omnes clamant quærere, pauci autem sunt qui eam vere se invenisse latentur. Sed jam mihi dicas velim, quid de hoc toto meo sermone sentias. Si enim vera esse quæ dicta sunt nosti, etiam de singulis sententiis interrogatus ea te scire dixisses: vides ergo a quo ista didiceris: neque enim a me, cui roganti omnia responderes. Si autem vera esse non nosti, nec ego nec ille te docuit; sed ego, quia numquam possum docere; ille, quia tu adhuc non potes discere. AD. Ego vero didici admonitione verborum tuorum, nihil aliud verbis quam admoneri hominem ut discat, & perparum esse quod per locutionem aliquanta cogitatio loquentis apparet: utrum autem vera dicantur, eum docere solum, qui se intus habitare cum foris loqueretur, admonuit: quem jam favente ipso tanto ardentius diligam, quanto ero in discendo provectior. Verum tamen huic orationi tuæ, qua perpetua usus es, ob hoc habeo maxime gratiam, quod omnia quæ contradicere paratus eram, præoccupavit atque dissolvit, nihilque omnino abs te derelictum est, quod me dubium faciebat, de quo non ita mihi responderet secretum illud oraculum, ut tuis verbis assereretur.

Matth.
23. 10.

A D M O N I T I O

IN TRES SEQUENTES LIBROS DE LIBERO ARBITRIO.

EX reliquis hujusce tomii libris qui ad confutandos Manichæorum errores spectant, primum hic ut in hæcenus excusis, exhibetur opus cui de Libero arbitrio titulus est: quod quidem anno Christi trecentesimo octogesimo-octavo Romæ agente Augustino inchoatum, absolutum vero arbitramur anno trecentesimo nonagesimo-quinto. Non enim perfectum ab ipso fuit post elapsam hunc annum quo episcopatum adeptus est, cum illius secundum tertiumque librum presbyter, ut ait *, ordinatus terminaverit. Neque etiam ante annum eundem, cum Augustinus in epist. 32. Paulino Nolensi episcopo scribat nescire se aliquod scriptoris genus edidisse quod Romanianus (qui videlicet in Italiam sub istius anni exordium profectus erat) penes se non haberet: postea vero epist. 34. hoc opus Paulino ipsi offerat sub his verbis: Tres libros, atque utinam tam grandis quæstionis ita explicatores ut grandes, nisi sanctitati & caritati tuæ; nam quæstio eorum de Libero arbitrio est. Hos autem non habere aut omnes non habere fratrem Romanianum scio, &c.

* 7. Retr.
c. 9. n. 1.

In primo libro mota perdifficili quæstione illa, qua se olim vehementer agitatam, atque in Manichæos impulsam fuisse confitetur Augustinus, unde scilicet malum exortum sit, explicat primum quid sit male facere: tumque mala hominum facta non nisi ex libero voluntatis arbitrio proficisci probat: quippe cum libidini, quæ in omnibus malefactis dominatur, servire mens a nullo cogatur.

In libro secundo, difficultate quod libertas, qua peccatur, a Deo data sit emergente, tria hæc disquiruntur: Qua ratione Deum esse manifestum sit; An ab ipso sint bona quæcumque; Utrum in bonis censenda sit libera voluntas.

In tertio disputatur unde iste motus existat quo ipsa voluntas ab incommutabili bono avertitur ad commutabile bonum; An invicem adversentur Dei præscientia de hominum peccatis, & hominum ipsorum in peccando libertas. Mox ostenditur nequaquam id Creatori deputandum, quod in creatura ita fieri necesse est, ut voluntate peccantium fiat; & prorsus de creaturæ, quæ peccato obnoxia sit, conditione ac supplicio laudandum esse Deum. Hinc ad originis vitium perducta disputatione declaratur quemadmodum hoc ipsum haud injuste in Adæ posteros demanarit; & deinceps difficultates nonnullæ huc pertinentes enodantur.

S. AUGUSTINUS MARCELLINO EPIST. 143. n. 2.

Litteræ tuæ... habent quæstionem mihi propositam ex libris, non divinis, sed meis, quos scripsi de Libero arbitrio. In talibus autem quæstionibus non multum laboro; quia & si defendi sententia mea liquida ratione non potest, mea est, non ejus auctoris, cujus sensum improbare fas non est... Hoc tamen quod in tertio libro de Libero arbitrio, cum de substantia rationali agerem, sic a me positum est ^{cap. 11.} ut dicerem: In corporibus autem inferioribus anima post peccatum ordinata regit corpus suum, non omni modo pro arbitrio, sed sicut leges universitatis sinunt: diligenter advertant, qui putant me aliquid de anima humana velut certum statuisse atque fixisse, quod vel ex parentibus per propaginem veniat, vel in actibus vitæ superioris atque cælestis peccaverit, ut corruptibili carne mereretur includi: & videant sic a me verba fuisse perpensa, ut retento eo quod certum habeo, post peccatum primi hominis natos esse atque nasci ceteros homines in carne peccati, cui sanandæ venit in Domino similitudo carnis peccati, ita omnia sonarent, ut nulli præjudicarent opinioni quatuor illarum, quas postea digessi atque distinxī, non confirmans aliquam, sed interim quod agebam sequestrata illarum discussione determinans, ut quæcumque illarum vera esset, Deus sine dubio laudaretur. Sive enim &c.

LIB. I. RETRACT. CAPUT IX.

CUM adhuc Romæ demoraremur, voluimus disputando quærere, unde sit malum. Et eo modo disputavimus, ut si possemus, id quod de hac re divinæ auctoritati subditi credebamus, etiam ad intelligentiam nostram quantum differendo opitulante Deo agere possemus, ratio considerata & tractata perduceret. Et quoniam constitit inter nos, diligenter ratione discussa, malum non exortum nisi ex libero voluntatis arbitrio: tres libri, quos eadem disputatio peperit, appellati sunt, de Libero arbitrio. Quorum secundum & tertium in Africa, jam etiam Hipponense regio presbyter ordinatus, sicut tunc potui, terminavi.

2. In his libris ita multa differta sunt, ut incidentes nonnullæ quæstiones, quas vel enodare non poteram, vel longam fermocinationem in præsentī requirebant, ita differrentur, ut ex utraque parte, vel ex omnibus earumdem quæstionum partibus, in quibus non apparebat quid potius congrueret veritati, ad hoc tamen ratiocinatio nostra concluderetur, ut quodlibet eorum verum esset, laudandus crederetur, vel etiam ostenderetur Deus. Propter eos quippe disputatio illa suscepta est, qui negant, ex libero voluntatis arbitrio mali originem duci, & Deum, si ita est, creatorem omnium naturarum culpandum esse contendunt: eo modo volentes secundum suæ impietatis errorem (Manichæi enim sunt) immutabilem quamdam & Deo coæternam introducere mali naturam. De gratia vero Dei, qua suos electos sic prædestinavit, ut eorum, qui jam in eis utuntur libero arbitrio, ipse etiam præparet voluntates, nihil in his libris disputatum est propter hoc proposita quæstione. Ubi autem incidit locus ut hujus gratiæ fieret commemoratio, transeunter commemorata est; non quasi inde ageretur, operosa ratiocinatione defensa. Aliud est enim quærere, unde sit malum; & aliud est quærere, unde redeatur ad pristinum, vel ad majus perveniatur bonum.

3. Quapropter novi hæretici Pelagiani, qui liberum sic asserunt voluntatis arbitrium, ut gratiæ Dei non relinquunt locum, quando quidem eam secundum merita nostra dari asserunt, non se extollant, quasi eorum egerim causam: quia multa in his libris dixi pro libero arbitrio, quæ illius disputationis causa poscebat. Dixi quippe in libro primo; Malefacta justitia Dei vindicari. Et addidi: Non enim juste vindicarentur, nisi fierent voluntate. Item cum ipsam bonam voluntatem tam magnum bonum esse monstrarem; ut omnibus corporeis & externis bonis merito antepone-^{cap. 1.} retur, dixi: Vides igitur jam, ut existimo, in voluntate nostra esse constitutum, ut hoc vel fruamur vel careamus tanto & tam ^{cap. 12.} vero bono: quid enim tam in voluntate quam ipsa voluntas sita est? Et alio loco, Quid ergo causæ est, inquam, cur dubitandum putemus, etiam si numquam ante sapientes fuimus, voluntate nos tamen laudabilem & beatam vitam, voluntate turpem & miseram mereri ac degere? Item alio loco, Ex quo conficitur, inquam, ut quisquis recte honesteque vult vivere, si id se ^{cap. 13.} velle præ fugacibus rebus velit, assequatur tantam rem tanta facilitate, ut nihil aliud ei, quam ipsum velle, sit habere quod ^{Ibidem.} voluit. Itemque alibi dixi, Hoc enim æterna lex illa, ad cujus considerationem redire jam tempus est, incommutabili stabilitate firmavit, ut in voluntate meritum sit, in beatitudine autem & miseria præmium atque supplicium. Et alio loco, Quid, inquam, quisque sectandum & amplectendum eligat, in voluntate esse positum constitit. Et in libro secundo, Homo enim ipse, inquam, in quantum homo est, aliquod bonum est, quia recte vivere cum vult potest. Et alio loco dixi, recte fieri non posse, nisi eodem libero voluntatis arbitrio. Et in libro tertio, Quid opus est, inquam, quæri unde iste motus existat, quo voluntas avertitur ab incommutabili bono ad commutabile bonum; cum eum non nisi animi, & voluntarium, & ob hoc culpabilem esse fateamur: omnisque de hac re disciplina utilis ad id valeat, ut eo motu improbato atque cohibito voluntatem nostram ad perfruendum sempiterno bono, a lapsu temporalium convertamus? Et alio loco, Optime, inquam, de te veritas clamat: Non ^{cap. 3.} enim posses aliud sentire esse in potestate nostra, nisi quod, cum volumus, facimus. Quapropter nihil tam in nostra potestate, quam

cap. 16. quam ipsa voluntas est. Ea enim prorsus nullo intervallo, mox ut volumus, præsto est. Item alio loco: Si enim tu laudaris, inquam, videndo quid facere debeas, cum id non videas, nisi in illo qui est incommutabilis veritas, quanto magis ille qui & velle præcepit, & posse præbuit, & non impune nolle permisit? Deinde subjunxi dicens: Si enim hoc debet quisque, quod accepit, & sic homo factus est, ut necessario peccet, hoc debet ut peccet. Cum ergo peccat, quod debet facit: quod si scelus est dicere; neminem natura sua cogit ut peccet. Et iterum: Quæ tandem esse poterit, inquam, ante voluntatem causa voluntatis? Aut enim & ipsa voluntas est, & a radice ista voluntatis non receditur: aut non est voluntas; & peccatum nullum habet. Aut igitur voluntas est prima causa peccandi; aut nullum peccatum est prima causa peccandi: nec est cui recte imputetur peccatum nisi peccanti. Non ergo est cui recte imputetur nisi volenti. Et paulo post: Quis, inquam, peccat in eo, quod nullo modo caveri potest? Peccatur autem: Caveri igitur potest. Quo testimonio meo in quodam libro suo Pelagius usus est. Cui libro cum respondissem, titulum libri mei esse volui; de Natura & Gratia.

4. In his atque huiusmodi verbis meis, quia gratia Dei commemorata non est, de qua tunc non agebatur, putant Pelagiani, vel putare possunt, suam nos tenuisse sententiam. Sed frustra putant. Voluntas quippe est qua & peccatur, & recte vivitur: quod his verbis egimus. Voluntas ergo ipsa nisi Dei gratia liberetur a servitute, quia facta est serva peccati, & ut vitia superet, adjuvetur: recte pieque vivi a mortalibus non potest. Et hoc divinum beneficium quo liberatur, nisi eam præveniret, jam meritis ejus daretur, & non esset gratia, quæ utique gratis datur. Quod in aliis opusculis nostris satis egimus, istos inimicos huius gratiæ novos hæreticos refellentes; quamvis & in his libris, qui non contra illos omnino, quippe illi nondum erant, sed contra Manichæos conscripti sunt de Libero arbitrio, non omni modo de ista Dei gratia reticuimus, quam nefanda impietate conantur auferre. Diximus quippe in secundo libro, non solum magna, sed etiam minima bona non esse posse, nisi ab illo, a quo sunt omnia bona, hoc est, Deo. Et paulo post, Virtutes, inquam, quibus recte vivitur, magna bona sunt: species autem quorumlibet corporum, sine quibus recte vivi potest, minima bona sunt: potentiæ vero animi, sine quibus recte vivi non potest, media bona sunt. Virtutibus nemo male utitur: ceteris autem bonis, id est, mediis & minimis, non solum bene, sed etiam male quisque uti potest. Et ideo virtute nemo male utitur, quia opus virtutis est bonus usus istorum, quibus etiam non bene uti possumus: nemo autem bene utendo, male utitur. Quare abundantia & magnitudo bonitatis Dei, non solum magna, sed etiam media & minima bona esse præstitit. Magis laudanda est bonitas ejus in magnis, quam in mediis; & magis in mediis, quam in minimis bonis: sed magis in omnibus, quam si non omnia tribuisset. Et alio loco, Tu tantum, inquam, pietatem inconcussam tene, ut nullum tibi bonum, vel sentienti, vel intelligenti, vel quoquo modo cogitanti occurrat, quod non sit ex Deo. Itemque alio loco dixi: Sed quoniam non sicut sponte homo cecidit, ita etiam sponte surgere potest; porrectam nobis desuper dexteram Dei, id est, Dominum nostrum Jesum Christum firma fide teneamus.

5. Et in libro tertio, cum dixissem illud, quo & Pelagium de meis opusculis usum fuisse commemoravi: Quis enim, inquam, peccat in eo, quod nullo modo caveri potest? Peccatur autem: caveri igitur potest: continuo secutus adjunxi: Et tamen etiam per ignorantiam facta quædam improbantur, & corrigenda judicantur; sicut in divinis auctoritatibus legimus: ait enim Apostolus: Misericordiam consecutus sum, quia ignorans feci; ait & Propheta: Delicta juventutis meæ & ignorantia meæ ne memineris. Sunt etiam necessitate facta improbanda, ubi vult homo recte facere, & non potest. Nam unde sunt illæ voces: Non enim quod volo, facio bonum, sed quod odi malum, hoc ago. Et illud: Velle adjacet mihi, perficere autem bonum non. Et illud: Caro concupiscit adversus spiritum, spiritus autem adversus carnem. Hæc enim invicem adversantur, ut non ea quæ vultis faciatis? Sed hæc omnia hominum sunt ex illa mortis damnatione venientium. Nam si non est ista pœna hominis, sed naturæ; nulla ista peccata sunt. Si enim non receditur ab eo modo, quo naturaliter factus est, ita ut melius esse non possit; ea quæ debet facit, cum hæc facit. Si autem bonus homo esset aliter esset; nunc autem quia ita est, non est bonus, nec habet in potestate, ut bonus sit, sive non videndo qualis esse debeat, sive videndo & non valendo esse, qualem se debere esse videt. Pœnam istam esse quis dubitet? Omnis autem pœna, si justa est, peccati pœna est, & supplicium nominatur. Si autem injusta est pœna, quoniam pœnam esse nemo ambigit; injusto aliquo dominante homini imposita est. Porro quia de omnipotentia Dei & justitia dubitare dementis est, justa hæc pœna est, & pro peccato aliquo penditur. Non enim quisquam injustus dominator, aut subripere hominem potuit velut ignorantem Deo, aut extorquere invito, tamquam invalidiori, vel terrendo vel confligendo, ut hominem injusta pœna cruciaret. Relinquitur ergo ut hæc pœna justa de damnatione hominis veniat. Et alio loco, Approbare, inquam, falsa pro veris ut erret invitatus, & resistente atque torquente dolore carnis vinculi, non posse a libidinosis operibus temperare, non est natura instituti hominis, sed pœna damnati. Cum autem de libera voluntate recte faciendi loquimur, de illa scilicet, in qua homo factus est, loquimur.

6. Ecce tam longe ante quam Pelagiana hæresis exstitisset, sic disputavimus, velut jam contra illos disputaremus. Cum enim omnia bona dicerentur ex Deo, id est, & magna & media, & minima: in mediis quidem bonis invenitur liberum voluntatis arbitrium, quia & male illo uti possumus; sed tamen tale est, ut sine illo recte vivere nequeamus: bonus autem usus ejus jam virtus est, quæ in magnis reperitur bonis, quibus male uti nullus potest. Et quia omnia bona, sicut dictum est, & magna, & media, & minima ex Deo sunt; sequitur, ut ex Deo sit etiam bonus usus liberæ voluntatis, quæ virtus est, & in magnis numeratur bonis. Deinde dictum est, ex qua miseria peccantibus justissime inflicta, liberet Dei gratia, quia sponte homo, id est, libero arbitrio cadere potuit, non etiam surgere: ad quam miseriam justæ damnationis pertinet ignorantia & difficultas, quam patitur omnis homo ab exordio nativitatis suæ; nec ab isto malo, nisi Dei gratia, quisquam liberatur: quam miseriam Pelagiani nolunt ex justa damnatione descendere, negantes originale peccatum: quamvis ignorantia & difficultas, etiam si essent hominis primordia naturalia; nec sic culpandus Deus, sed laudandus esset, sicut in eodem tertio libro disputavimus. Quæ disputatio contra Manichæos habenda est, qui non accipiunt Scripturas sanctas veteris Instrumenti, in quibus originale peccatum narratur; & quidquid inde in litteris Apostolicis legitur, detestabili impudentia immisum fuisset contendunt a corruptoribus Scripturarum, tamquam non fuerit ab Apostolis dictum. Contra Pelagianos autem hoc defendendum est, quod utraque Scriptura commendat, quam se accipere profitentur. Hoc opus sic incipit: Dic mihi quæso te utrum Deus non sit auctor mali.

S. AURELII AUGUSTINI HIPPONENSIS EPISCOPI DE LIBERO ARBITRIO LIBRI TRES.*

* In-
choati
an. Chr.
388. al-
foluti
an. 395.

LIBER PRIMUS.

In quo mota questione, Unde malum, explicatur quid sit male agere; tumque mala hominum facta ex libero voluntatis arbitrio proficisci ostenditur; quippe cum libidini, quæ in omni facto malo regnat, servire mens a nullo cogatur.

CAPUT
I.
Deus an
alicujus
mali au-
ctor.



IC mihi, quæso te, utrum Deus non sit auctor mali? AUGUSTINUS. Dicam, si planum feceris, de quo malo quæras. Duobus enim modis appellare solemus malum; uno, cum male quemque fecisse dicimus; alio, cum mali aliquid esse perpeffum.

a EVODIUS. De utroque scire cupio. A. At si Deum bonum esse nosti vel credis, neque enim aliter fas est, male non facit: rursus si Deum justum fatemur, nam & hoc negare sacrilegum est, ut bonis præmia, ita supplicia malis tribuit: quæ utique supplicia patientibus mala sunt. Quamobrem si nemo injuste pœnas luit, quod necesse est credamus, quando quidem divina providentia hoc universum regi credimus, illius primi generis malorum nullo modo, hujus autem secundi auctor est Deus. E. Est ergo alius auctor illius mali, cujus Deum non esse compertum est? A. Est certe: non enim nullo auctore fieri posset. Si autem quæris quisnam iste sit, dici non potest: non enim unus aliquis est, sed quisque malus sui malefacti auctor est. Unde si dubitas, illud adtende quod supra dictum est: Malefacta justitia Dei vindicari. Non enim juste vindicarentur, nisi fierent voluntate.

1. Re-
tract. c. 9.
n. 3.

2. E. Nescio utrum quisquam peccet, qui non didicerit: quod si verum est, quisnam sit ille a quo peccare didicerimus, inquiri. A. Aliquid boni existimas esse disciplinam? E. Quis audeat dicere malum esse disciplinam? A. Quid si nec bonum nec malum est? E. Mihi bonum videtur. A. Bene sane: si quidem scientia per illam datur aut excitatur, nec quisquam nisi per disciplinam aliquid discit: an tu aliter putas? E. Ego per disciplinam nonnisi bona disci arbitror. A. Vide ergo ne non discantur mala: nam disciplina, nisi a discendo non dicta est. E. Unde ergo ab homine fiunt, si non discuntur? A. Eo fortasse quod se a disciplina, id est, a discendo avertit atque abalienat: sed sive hoc, sive aliud aliquid sit, illud certe manifestum est, quoniam disciplina bonum est, & a discendo dicta est disciplina, mala disci omnino non posse. Si enim discuntur, disciplina

A continentur, atque ita disciplina non erit bonum: bonum est autem, ut ipse concedis: non igitur discuntur mala, & frustra illum a quo male facere discimus, quæris: aut si discuntur mala, vitanda non facienda discuntur. Ex quo male facere nihil est, nisi a disciplina deviare.

3. E. Prorsus ego duas disciplinas esse puto, unam per quam bene facere, aliam per quam male facere discimus. Sed cum quæreris utrum disciplina bonum esset, ipsius boni amor intentionem meam rapuit; ut illam disciplinam intuerer, quæ bene faciendi est, ex quo bonum esse respondi: nunc autem admoneor esse aliam, quam procul dubio malum esse confirmo, & cujus auctorem requiro. A. Saltem intelligentiam nonnisi bonum putas? E. Istam plane ita bonam puto, ut non videam quid in homine possit esse præstantius; nec ullo modo dixerim aliquam intelligentiam malam esse posse. A. Quid cum docetur quisque, si non intelligat, poteritne tibi doctus videri? E. Omnino non poterit. A. Si ergo omnis intelligentia bona est, nec quisquam qui non intelligit, discit; omnis qui discit, bene facit: omnis enim qui discit, intelligit; & omnis qui intelligit, bene facit: quisquis igitur quærit auctorem, per quem aliquid discimus, auctorem profecto per quem bene facimus, quærit. Quapropter desine velle investigare nescio quem malum doctorem. Si enim malus est, doctorem non est: si doctorem est, malus non est.

4. E. AGE jam quoniam satis cogis ut fatear, non nos discere male facere, dic mihi unde male faciamus? A. Eam quæstionem moves, quæ me admodum adolescentem vehementer exercuit, & fatigatum in hæreticos impulit atque dejecit. Quo casu ita sum afflictus, & tantis obrutus acervis inanum fabularum, ut nisi mihi amor inveniendi veri opem divinam impetravisset, emergere inde, atque in ipsam primam quærendi libertatem respirare non possem. Et quoniam mecum sedulo actum est, ut ista quæstione liberarer, eo tecum agam ordine, quem secutus evasi. Aderit enim Deus, & nos intelligere quod credidimus, faciet. Præscriptum enim per Prophetam gradum, qui ait, *Nisi credideritis,*

E

non

CAPUT
II.
Malum
unde
prius
quam
diqui-
ratur,
quid de
Deo cre-
dendum.

a In iis libris dialogi forma conscribendis collocutore usus est, non Orosio, uti Badiana editio præfert, sed Evodio, cui postmodum Episcopo sic Augustinus in epist. 101. rescribit: *Quamquam & illa si re-*

legas . . . quæ te conferente mecum ac sermocinante conscripsi, siue de Animæ quantitate, siue de Libero arbitrio, invenies unde dissolvas, & sine opera mea, dubitationes tuas.

Isa. 7. 9. *non intelligetis*, tenere nos, bene nobis conscii sumus. Cre-
dimus autem ex uno Deo omnia esse quæ sunt; & ta-
men non esse peccatorum auctorem Deum. Movet au-
tem animum, si peccata ex iis animabus sunt quas Deus
creavit, illæ autem animæ ex Deo, quomodo non
parvo intervallo peccata referantur in Deum.

5. E. Id nunc plane abs te dictum est, quod me cogi-
tantem satis ex cruciat, & quod ad istam inquisitionem
coegit & traxit. A. Virili animo esto, & crede quod cre-
dis: nihil enim creditur melius, etiam si causa lateat cur
ita sit. **OPTIME** namque de Deo existimare verissi-
mum est pietatis exordium; nec quisquam de illo opti-
me existimat, qui non eum omnipotentem, atque ex
nulla particula commutabilem credit; bonorum etiam
omnium creatorem, quibus est ipse præstantior; recto-
rem quoque iustissimum eorum omnium quæ crea-
vit; nec ulla adjutum esse natura in creando, quasi
qui non sibi sufficeret. Ex quo fit ut de nihilo creaverit
omnia; de se autem non creaverit, sed genuerit quod sibi
par esset, quem Filium Dei unicum dicimus, quem cum
planius enuntiare conamur, Dei Virtutem & Dei Sa-
pientiam nominamus, per quam fecit omnia, quæ de ni-
hilo facta sunt. Quibus constitutis, ad intelligen-
tiam ejus rei quam requiris, opitulante Deo, nita-
mur hoc modo.

6. **QUÆRIS** certe unde male faciamus: prius ergo
discutiendum, quid sit male facere: qua de re tibi quid
videatur exprome. Quod si non potes totum simul bre-
viter verbis comprehendere, saltem particulatim ma-
lefacta ipsa commemorando, sententiam tuam notam
fac mihi. E. Adulteria & homicidia & sacrilegia, ut
omittam cetera, quibus enumerandis vel tempus vel
memoria non suppetit, quis est cui non malefacta vi-
deantur? A. Dic ergo prius, cur adulterium male fieri
putes; an quia id facere lex vetat? E. Non sane ideo ma-
lum est, quia vetatur lege; sed ideo vetatur lege quia
malum est. A. Quid si quispiam nos exagitet, exagge-
rans delectationes adulterii, & quærens a nobis cur hoc
malum & damnatione dignum judicemus; num ad au-
ctoritatem legis confugiendum censes hominibus, jam
non tantum credere, sed intelligere cupientibus? Nam
& ego tecum credo, & inconcussè credo, omnibusque
populis atque gentibus credendum esse clamo, malum
esse adulterium: sed nunc molimur id quod in fidem re-
cepimus, etiam intelligendo scire ac tenere firmissi-
mum. Considera itaque quantum potes, & renuntia
mihi, quam ratione adulterium malum esse cognove-
ris. E. Hoc scio malum esse, quod hoc ipse in uxore mea
pati nollem. **QUISQUIS** autem alteri facit quod sibi fie-
ri non vult, male utique facit. A. Quid si cuiuspiam libi-
do ea sit, ut uxorem suam præbeat alteri, libenterque ab
eo corrumpi patiat, in cuius uxorem vicissim parem
cupit habere licentiam, nihilne mali facere tibi videtur?
E. Immo plurimum. A. At iste non illa regula peccat:
non enim id facit quod pati nolit. Quamobrem aliud
tibi quærendum est, unde malum esse adulterium
convincas.

7. E. Eo mihi videtur malum, quod hujus criminis
homines vidi sæpe damnari. A. Quid propter recte facta
nonne homines plerumque damnati sunt? Recense hi-
storiam, ne te ad alios libros mittam, eam ipsam quæ di-

vina auctoritate præcellit; jam invenies quam male de
Apostolis & de omnibus Martyribus sentiamus, si pla-
cet nobis damnationem certum indicium esse malefa-
cti, cum illi omnes damnatione digni propter confessio-
nem suam judicati sint. Quamobrem si quidquid da-
mnatur malum est, malum erat illo tempore credere in
Christum, & ipsam confiteri fidem: si autem non
omne malum est quod damnatur, quære aliud unde
adulterium malum esse doceas. E. Quid tibi respon-
deam non invenio.

8. A. Fortassis ergo libido in adulterio malum est:
sed dum tu foris in ipso facto quod jam videri potest
malum quæris, pateris angustias. Nam ut intelligas libi-
dinem in adulterio malum esse, si cui etiam non contin-
gat facultas concumbendi cum conjugē aliena, planum
tamen aliquo modo sit id eum cupere, & si potestas de-
tur facturum esse, non minus reus est, quam si in ipso fa-
cto deprehenderetur. E. Nihil est omnino manifestius,
& jam video non opus esse longa sermone, ut mi-
hi de homicidio & sacrilegio, ac prorsus de omnibus pec-
catis persuadeatur. Clarum est enim jam nihil aliud
quam libidinem in toto male faciendi genere dominari.

9. A. **SCISNE** etiam istam libidinem alio nomine cu-
pinitatem vocari? E. Scio. A. Quid, inter hanc & me-
tum nihilne interesse, an aliquid putas? E. Immo plu-
rimum hæc ab invicem distare arbitror. A. Credo te ob
hoc arbitrari, quia cupiditas appetit, metus fugit. E. Est
ita ut dicis. A. Quid si ergo quispiam non cupiditate adi-
piscendæ alicujus rei, sed metuens ne quid ei mali acci-
dat, hominem occiderit; num homicida iste non erit? E.
Erit quidem, sed non ideo factum hoc cupiditatis domi-
natio caret: nam qui metuens hominem occidit, cupit
utique sine metu vivere. A. Et parvum tibi videtur bo-
num sine metu vivere? E. Magnum bonum est, sed hoc
illi homicidæ per facinus suum provenire nullo modo
potest. A. Non quæro quid ei provenire possit, sed quid
ipse cupiat: certe enim bonum cupit, qui cupit vitam
metu liberam; & idcirco ista cupiditas culpanda non est;
alioquin omnes culpabimus amatores boni. Proinde co-
gimur fateri esse homicidium, in quo nequeat malæ il-
lius cupiditatis dominatio reperiri; falsumque erit illud,
quod in omnibus peccatis ut mala sint, libido domina-
tur; aut erit aliquod homicidium, quod possit non esse
peccatum. a E. Si homicidium est hominem occidere,
potest accidere aliquando sine peccato: nam & miles ho-
stem, & judex vel minister ejus nocentem, & cui forte
invito atque imprudenti telum manu fugit, non mihi vi-
dentur peccare, cum hominem occidunt. A. Assentior:
sed homicidæ isti appellari non solent. Responde itaque,
utrum illum qui dominum occidit, a quo sibi metuebat
cruciatu graves, in eorum numero habendum existi-
mes, qui sic hominem occidunt, ut ne homicidarum
quidem nomine digni sint. E. Longe ab eis istum differ-
re video: nam illi vel ex legibus faciunt, vel non contra
leges: hujus autem facinus nulla lex approbat.

10. A. Rursus me ad auctoritatem revocas: sed me-
minisse te oportet id nunc a nobis esse susceptum, ut in-
telligamus quod credimus; legibus autem credimus: ten-
tandum itaque est, si quo modo possumus id ipsum intel-
ligere, utrum lex quæ punit hoc factum, non perperam
puniat. E. Nullo modo perperam punit, quando quidem
punit

CAPIT.
IV.
Obje-
ctio de
homici-
dio pa-
trato ex
metu.

a In prius editis interlocutores persæpe interferebantur unus pro alio &
alibi quam oporteret; ut hic loci, ubi mittebatur E. ac postea ponebatur
E. Assentior &c. A. Responde itaque &c. quem errorem sicubi juvantibus

antiquis codicibus corrigemus, haud pigebit suis locis monere. Removi-
mus porro particulam, *tamen*, quæ illic adest apud vulgatos, *potest tamen*
accidere aliquando &c. abest autem a MSS.

punit eum qui volens & sciens dominum necat, quod nullus istorum. A. Ecquid, recordaris te paulo ante dixisse, in omni facto malo libidinem dominari, & eo ipso malum esse? E. Recordor sane. A. Quid, illud nonne idem tu concessisti, eum qui cupit sine metu vivere, non habere malam cupiditatem? E. Et hoc recordor. A. Cum ergo ista cupiditate a servo dominus interimitur, non illa culpabili cupiditate interimitur. Quamobrem cur sit hoc facinus malum, nondum comperimus. Convenit enim inter nos omnia malefacta non ob aliud mala esse, nisi quod libidine, id est, improbanda cupiditate, fiunt. E. Jam mihi videtur injuria iste damnari: quod quidem non auderem dicere, si aliud haberem quod dicerem. A. Itane prius tibi persuasisti tantum scelus impunitum esse oportere, quam considerares utrum ille servus propter satiandas libidines suas metu domini carere cupiverit? Cupere namque sine metu vivere, non tantum bonorum, sed etiam malorum omnium est: verum hoc interest, quod id boni appetunt avertendo amorem ab iis rebus, quæ sine amittendi periculo nequeunt haberi: mali autem ut his fruendis cum securitate incubent, remove re impedimenta conantur, & propterea facinorosam sceleratamque vitam, quæ mors melius vocatur, gerunt. E. Resipisco, & admodum gaudeo jam me plane cognovisse, quid sit etiam illa culpabilis cupiditas, quæ libido nominatur. Quam esse jam apparet earum rerum amorem, quas potest quisque invitatus amittere.

Cupidi-
tas cul-
pabilis
quid sit.
CAPUT
V
Objectio
altera de
occisione
hominis
vim as-
ferentis
per hu-
manas
leges li-
cita.

a

11. QUARE nunc age quæramus, si placet, utrum etiam in sacrilegiis libido dominetur, quæ videmus plura superstitione committi. A. Vide ne præproperum sit: prius enim mihi discutiendum videtur, utrum vel hostis irruens, vel insidiator sicarius, sive pro vita, sive pro libertate, sive pro pudicitia, sine ulla interficiatur libidine. E. Quomodo possum arbitrari carere istos libidine, qui pro iis rebus digladiantur, quas possunt amittere inviti: aut si non possunt, quid opus est pro his usque ad hominis necem progredi? A. Non ergo lex justa est, quæ dat potestatem vel viatori ut latronem, ne ab eo ipse occidatur, occidat; vel cuiquam viro aut feminæ ut violenter sibi stupratorem irruentem ante illatum stuprum, si possit, interimat. Nam militi etiam jubetur lege, ut hostem necet: a qua cæde si temperaverit, ab imperatore pœnas luit. Num istas leges injustas, vel potius nullas dicere audebimus? nam mihi lex esse non videtur, quæ justa non fuerit.

12. E. Legem quidem satis video esse munitam contra hujuscemodi accusationem, quæ in eo populo quem regit, minoribus malefactis, ne majora committerentur, dedit licentiam. Multo est enim mitius, eum qui alienæ vitæ insidiatur, quam eum qui suam tuetur, occidi. Et multo est immanius, invitum hominem stuprum perpeti, quam eum a quo vis illa infertur, ab eo cui inferre conatur interimere. Jam vero miles in hoste interficiendo minister est legis, quare officium suum facile nulla libidine implevit. Porro ipsa lex, quæ tuendi populi causa lata est, nullius libidinis argui potest. Si quidem ille qui tulit, si Dei jussu tulit, id est, quod præcepit æterna justitia, expers omnino libidinis id agere potuit: si autem ille cum aliqua libidine hoc statuit, non ex eo fit, ut ei legi cum libidine obtemperare necesse sit: quia bona lex & a non bono ferri potest. Non enim si quis, verbi causa, tyrannicam potestatem nactus, ab aliquo cui hoc condu-

A cit, pretium accipiat, ut statuatur nulli licere vel ad conjugium feminam rapere, propterea mala lex erit, quia ille injustus atque corruptus hanc tulit. Potest ergo illi legi, quæ tuendorum civium causa vim hostilem eadem vi repelli jubet, sine libidine obtemperari: & de omnibus ministris, qui jure atque ordine potestatibus quibusque subiecti sunt, id dici potest. Sed illi homines lege inculcata, quomodo inculpati queant esse, non video: non enim lex eos cogit occidere, sed relinquit in potestate. Liberum eis itaque est neminem necare pro iis rebus, quas inviti possunt amittere, & ob hoc amare non debent. De vita enim fortasse cuiquam sit dubium, utrum animæ nullo pacto auferatur, dum hoc corpus interimitur: sed si auferri potest, contemnenda est; si non potest, nihil metuendum. De pudicitia vero quis dubitaverit, quin ea sit in ipso animo constituta, quando quidem virtus est? unde a violento stupratore eripi nec ipsa potest. Quidquid igitur erepturus erat ille qui occiditur, id totum in potestate nostra non est: quare quemadmodum nostrum appellandum sit, non intelligo. Quapropter legem quidem non reprehendo, quæ tales permittit interfici: sed quo pacto istos defendam qui interficiunt, non invenio.

13. b A. Multo minus ego invenire possum, cur hominibus defensionem quæras, quos reos nulla lex tenet. E. Nulla fortasse, sed earum legum quæ apparent, & ab hominibus leguntur: nam nescio utrum non aliqua vehementiore ac secretissima lege teneantur, si nihil rerum est quod non administret divina providentia. Quomodo enim apud eam sunt isti peccato liberi, qui pro iis rebus quas contemni oportet, humana cæde polluti sunt? Videtur ergo mihi & legem istam quæ populo regendo scribitur, recte ista permittere, & divinam providentiam vindicare. Ea enim vindicanda sibi hæc lex populi assumit, quæ satis sint conciliande paci hominibus imperitis, & quanta possunt per hominem regi. Illæ vero culpæ alias pœnas aptas habent, a quibus sola mihi videtur posse liberare sapientia. A. Laudo & probo istam, quamvis inchoatam minusque perfectam, tamen fidentem & sublimia quedam petentem distinctionem tuam. Videtur enim tibi lex ista, quæ regendis civitatibus fertur, multa concedere atque impunita relinquere, quæ per divinam tamen providentiam vindicantur; & recte. Neque enim quia non omnia facit, ideo quæ facit improbanda sunt.

14. SED dispiciamus diligenter, si placet, quo usque per legem istam quæ populos in hac vita cohibet, malefacta ulciscenda sint. Deinde quid restet, quod per divinam providentiam inevitabilius secretoque puniatur. E. Cupio, si modo perveniri possit ad tantæ rei terminos: nam hoc ego infinitum puto. A. Immo adesto animo, & rationis vias pietate fretus ingredi. Nihil est enim tam arduum atque difficile, quod non Deo adjuvante planissimum atque expeditissimum fiat. In ipsum itaque suspensi atque ab eo auxilium deprecantes, quod instituiamus, quæramus. Et prius responde mihi, utrum ista lex quæ litteris promulgatur, hominibus hanc vitam viventibus opituletur? E. Manifestum est: nam ex his hominibus utique populi civitatesque consistunt. A. Quid ipsi homines & populi, ejusdemne generis rerum sunt, ut interire mutarive non possint, æternique omnino sint, an vero mutabiles temporibusque subiecti sunt? E. Mutabile plane atque temporis obnoxium hoc genus esse quis dubi-

b

CAPUT
VI.
Lex æ-
terna
modera-
trix hu-
mana-
rum.

a Editi hoc loco omittunt, A. & infra reponunt, A. Legem quidem &c. Verum isthæc Evodii esse, cum orationis series, tum MSS. renuntiant.

b In hætenus editis habetur, E. Multo minus &c. moxque, A. Nulla fortasse &c. & infra, E. Videtur ergo mihi &c.

dubitet? A. Ergo si populus sit bene moderatus & gravis, communisque utilitatis diligentissimus custos, in quo unusquisque minoris rem privatam quam publicam pendat, nonne recte lex fertur qua huic ipsi populo liceat creare sibi magistratus, per quos sua res, id est, publica administretur? E. Recte prorsus. A. Porro si paulatim depravatus idem populus rem privatam rei publicae praeferat, atque habeat venale suffragium, corruptusque ab eis qui honores amant, regimen in se flagitiosis consceleratisque committat, nonne item recte si quis tunc exstiterit vir bonus, qui plurimum possit, adimat huic populo potestatem dandi honores, & in paucorum bonorum, vel etiam unius redigat arbitrium? E. Et id recte. A. Cum ergo duae istae leges ita sibi videantur esse contrariae, ut una earum honorum dandorum populo tribuat potestatem, auferat altera; & cum ista secunda ita lata sit, ut nullo modo ambae in una civitate simul esse possint, num dicemus aliquam earum injustam esse, & ferri minime debuisse? E. Nullo modo. A. Appellemus ergo istam legem, si placet, temporalem, quae quamquam iusta sit, commutari tamen per tempora iuste potest. E. Appellemus.

15. A. Quid illa lex quae summa ratio nominatur, cui semper obtemperandum est, & per quam mali miseram, boni beatam vitam merentur, per quam denique illa, quam temporalem vocandam diximus, recte fertur, recteque mutatur, potestne cuiuspiam intelligenti non incommutabilis aeternaque videri? An potest aliquando injustum esse, ut mali miseri, boni autem beati sint: aut ut modestus & gravis populus ipse sibi magistratus creet, dissolutus vero & nequam ista licentia careat? E. Video hanc aeternam esse atque incommutabilem legem. A. Simul etiam te videre arbitror in illa temporali nihil esse iustum atque legitimum, quod non ex hac aeterna sibi homines derivarint: nam si populus ille quodam tempore iuste honores dedit, quodam rursus iuste non dedit, haec vicissitudo temporalis ut iusta esset, ex illa aeternitate tracta est, qua semper iustum est gravem populum honores dare, levem non dare, an tibi aliter videtur? E. Assentior. A. Ut igitur breviter aeternae legis notionem, quae impressa nobis est, quantum valeo verbis explicem, ea est qua iustum est ut omnia sint ordinatissima: tu si aliter existimas, prome. E. Quid tibi vera dicenti contradicam non habeo. A. Cum ergo haec sit una lex, ex qua illae omnes temporales ad homines regendos variantur, num ideo ipsa variari ullo modo potest? E. Intellego omnino non posse: neque enim ulla vis, ullus casus, ulla rerum labes umquam effecerit, ut iustum non sit omnia esse ordinatissima.

CAPUT VII. Homo ex aeterna lege quomodo ordinatissimus disquirendum, eo quod sine ostensione scire melius esse quam vivere. 16. A. AGE nunc videamus, homo ipse quomodo in se ipso sit ordinatissimus: nam ex hominibus una lege sociatis populus constat: quae lex, ut dictum est, temporalis est. Et dic mihi, utrum certissimum sit tibi vivere te? E. Hoc vero quid certius responderim? A. Quid, illud potestne dignoscere, aliud esse vivere, aliud posse se vivere? E. Scio quidem neminem se nosse vivere, nisi viventem; sed utrum omnis vivens noverit se vivere, ignoro. A. Quam vellem ut credis, ita etiam scires pecora carere ratione; cito nostra disputatio ab ista quaestione transfret: sed quoniam nescire te dicis, longam fermocinationem moves. Neque enim talis res est, qua praetermissa pergere in ea quae intendimus, tanta connexionione rationis, quanta opus esse sentio, sinamur. Dic itaque mihi, cum saepe viderimus bestias ab hominibus

A domitas, id est, non corpus bestiae tantum, sed & animam ita homini subjugatam, ut voluntati ejus sensu quodam & consuetudine serviat; utrum tibi ullo modo fieri posse videatur, ut bestia quaelibet immanis vel feritate vel corpore, vel etiam sensu quolibet acerrima, pari vice sibi hominem subjugare conetur, cum corpus ejus seu vi seu clam multae interimere valeant. E. Nullo modo isthuc fieri posse consentio. A. Bene sane: sed item dic mihi, cum manifestum sit, viribus ceterisque officiis corporis a plurimis bestiis hominem facile superari, quanam res sit qua homo excellit, ut nulla ei bestiarum, ipse autem multis imperare possit? an forte ipsa est, quae ratio vel intelligentia dici solet? E. Non invenio aliud, quando quidem in animo est, id quo belluis antecellimus: quae si exanimis essent, dicerem nos eo praestare, quod animum habemus. Nunc vero cum & illa sint animalia, id quod eorum animis non inest ut subdantur nobis, inest autem nostris ut eis meliores simus, quoniam neque nihil, neque parvum aliquid esse cuiusvis apparet, quid aliud rectius, quam rationem vocaverim? A. Vide quam facile fiat Deo adjuvante, quod homines difficillimum putant. Nam ego fateor tibi, quaestionem istam, quae ut intellego terminata est, tamdiu nos retenturam putaveram, quam fortasse omnia quae dicta sunt ab ipso nostrae disputationis exordio. Quare accipe jam, ut deinde ratio connectatur: nam credo non te ignorare, id quod scire dicimus, nihil esse aliud quam ratione habere perceptum. E. Ita est. A. Qui ergo scit se vivere, ratione non caret. E. Consequens est. A. Vivunt autem bestiae, & sicut jam emicuit, rationis expertes sunt. E. Manifestum est. A. Ecce igitur jam nosti, quod te ignorare responderas, non omne quod vivit scire se vivere, quamquam omne quod se vivere sciat, vivat necessario.

17. E. Non mihi est jam dubium; perge quo intenderas: aliud enim esse vivere, aliud scire se vivere, satis didici. A. Quid ergo tibi horum duorum videtur esse praestantius? E. Quid putas, nisi scientiam vitae? A. Meliorne tibi videtur vitae scientia quam ipsa vita? an forte intelligis superiorem quamdam & sinceriolem vitam esse scientiam, quam scire nemo potest, nisi qui intelligit? Intellegere autem quid est, nisi ipsa luce mentis illustrius perfectiusque vivere? Quare tu mihi, nisi fallor, non vitae aliud aliquid, sed cuidam vitae meliorem vitam praeposuisti. E. Optime omnino & cognovisti & explicasti sententiam meam: si tamen scientia mala esse numquam potest. A. Nullo modo arbitror, nisi cum translato verbo scientiam pro experientia dicimus: experiri enim non semper bonum est; sicut experiri supplicia: illa vero quae proprie ac pure scientia nominatur, quia ratione atque intelligentia paratur, mala esse qui potest? E. Teneo & istam differentiam: persequere cetera.

18. ILLUD est quod volo dicere: hoc quidquid est, quo pecoribus homo preponitur, sive mens, sive spiritus, sive utrumque rectius appellatur, nam utrumque in divinis libris invenimus, si dominetur atque imperet ceteris quibuscumque homo constat, tunc esse hominem ordinatissimum. Videmus enim habere nos non solum cum pecoribus, sed etiam cum arbutis & stirpibus multa communia: namque alimentum corporis sumere, crescere, gignere, vigere, arboribus quoque tributum videmus, quae infima quadam vita continentur: videre autem atque audire, & olfactu, gustu, tactu corporalia sentire posse bestias, & acrius plerasque quam nos, cernimus & fatemur. Adde vires & valentiam firmitatemque membrorum, & ce-

CAPUT VIII. Ratio qua praecellit homo bestiis, debet in ipso dominari.

& celeritates facillimosque corporis motus, quibus omnibus quasdam earum superamus, quibusdam æquamur, a nonnullis etiam vincimur, Genus tamen ipsum rerum est nobis certe commune cum belluis: jam vero appetere voluptates corporis, & vitare molestias, ferinæ vitæ omnis actio est. Sunt alia quædam, quæ jam cadere in feras non videntur, nec tamen in homine ipso summa sunt, ut joculari & ridere. Quod humanum quidem, sed infimum hominis judicat, quisquis de natura humana rectissime judicat. Deinde amor laudis & gloriæ, & affectatio dominandi, quæ tametsi bestiarum non sunt, non tamen earum rerum libidine bestiis meliores nos esse arbitrandum est. Nam & iste appetitus cum rationi subditus non est, miseros facit. Nemo autem cuiquam miseria se præponendum putavit. Hisce igitur motibus animæ cum ratio dominatur, ordinatus homo dicendus est. NON enim ordo rectus, aut ordo appellandus est omnino, ubi deterioribus meliora subjiciuntur: an tibi non videtur? E. Manifestum est. A. Ratio ista ergo, vel mens, vel spiritus cum irrationales animi motus regit, id scilicet dominatur in homine, cui dominatio lege debetur ea, quam æternam esse comperimus. E. Intellego ac sequor.

CAPUT
IX.
Stulti &
sapientis
discrimi-
nen ex
domina-
tu aut
servitute
mentis.

* cap. 7.
* 16.

19. A. CUM ergo ita homo constitutus atque ordinatus est, nonne tibi sapiens videtur? E. Nescio alius quis mihi sapiens homo videri possit, si hic non videtur. A. Credo etiam te illud scire, plerisque homines stultos esse. E. Hoc quoque satis constat. A. At si stultus sapienti est contrarius, quoniam sapientem comperimus, quis etiam stultus sit, profecto jam intelligis. E. Cui non appareat hunc esse, in quo mens summam potestatem non habet? A. Quid igitur dicendum, cum homo ita est affectus, deesse illi mentem; an quamvis insit, eam carere dominatu? E. Hoc potius quod ultimum subjecisti, a A. Pervellem abs te audire, quibus documentis perceptum habeas, mentem inesse homini, quæ suum non exserat principatum. E. Utinam tuas istas partes facere velles: nam non mihi facile est sustinere quod ingeris. A. Illud saltem facile est tibi recordari, quod paulo ante * diximus, quemadmodum bestię mansuefactę ab hominibus ac domitæ ferviant: quod ab eis vicissim homines, ut demonstravit ratio, paterentur nisi aliquo excellere. Id autem non inveniebamus in corpore: ita cum in animo esse appareret, quid aliud appellandum esset quam ratio, non comperimus; quam postea & mentem & spiritum vocari recordati sumus. Sed si aliud ratio, aliud mens, constat certe non nisi mentem uti posse ratione. Ex quo illud conficitur, eum qui rationem habet, mente carere non posse. E. Probe ista reminiscor ac teneo. A. Quid, illud credisne, domitores belluarum nisi sapientes esse non posse? Eos enim sapientes voco, quos veritas vocari jubet, id est, qui regno mentis omni libidinis subjugatione pacati sunt. E. Ridiculum est tales putare istos, quos vulgo mansuetarios nuncupant, vel etiam pastores aut bubulcos, aut aurigas, quibus omnibus domitum pecus subjectum videmus, & quorum industria indomitum subjici. A. En igitur habes documentum certissimum, quo manifestum fiat inesse mentem homini sine dominatu. His quippe inest; agunt enim talia, quæ agi sine mente non possent: non tamen regnat; nam stulti sunt, neque regnum mentis nisi sapientium esse, percognitum est. E. Mirum est hoc jam fuisse a nobis in superioribus confectum, & mihi quid responderem, non potuisse in mentem venire.

Tom. I.

a In prius vulgatis deest hic, A, & post vocem, principatum, sic reponi-

20. SED alia contexamus. Jam enim & regnum mentis humanæ humanam esse sapientiam, & eam posse etiam non regnare, compertum est. A. Putasne ista mente, cui regnum in libidines æterna lege concessum esse cognoscimus, potentiorum esse libidinem? ego enim nullo pacto puto. Neque enim esset ordinatissimum, ut impotentiora potentioribus imperarent. Quare necesse arbitror esse, ut plus possit mens quam cupiditas, eo ipso quo cupiditati recte justeque dominatur. E. Ego quoque ita sentio. A. Quid virtutem omnem num dubitamus omnino vitio sic antepone, ut virtus quanto melior atque sublimior, tanto firmior invictiorque sit? E. Quis dubitaverit? A. Nullus igitur vitiosus animus virtute armatum animum superat. E. Verissimum est. A. Jam corpore omni qualem libet animum meliorem potentiorumque esse, non te arbitror negaturum. E. Nemo id negat, qui (quod facile est) videt aut substantiam viventem non viventem, aut eam quæ vitam dat ei quæ accipit, esse præferendam. A. Multo minus igitur corpus, quaecumque id sit, animum virtute præditum vincit. E. Evidentissimum est. A. Quid, animus justus, mensque jus proprium imperiumque custodiens, num potest aliam mentem pari æquitate ac virtute regnantem, ex arce deicere, atque libidini subjugare? E. Nullo modo, non solum propter eandem in utraque excellentiam, sed etiam quod a iustitia prior decidet, fietque vitiosa mens, quæ aliam facere conabitur, eoque ipso erit infirmior.

CAPUT
X.
Mens a
nullo
cogitur
servire
libidini.

21. A. Bene intelligis: quare illud restat, ut respondeas, si potes, utrum tibi videatur rationali & sapienti mente quidquam esse præstantius. E. Nihil præter Deum arbitror. A. Et mea ista sententia est. Sed quoniam res ardua est, neque nunc opportune quæritur, ut ad intelligentiam veniat, quamquam robustissima teneatur fide, integra nobis sit hujus quæstionis diligens & cautâ tractatio. * In præsentia enim scire possumus quæcumque illa natura sit, quam menti virtute pollenti fas est excellere, injustam esse nullo modo posse. Quare ne ista quidem, tametsi habeat potestatem, coget mentem servare libidini. E. Istud profus nemo est, qui non sine ulla eunctatione fateatur. A. Ergo relinquitur, ut quoniam regnanti menti compotique virtutis, quidquid par aut prælatum est, non eam facit servam libidinis propter iustitiam? quidquid autem inferius est, non possit hoc facere propter infirmitatem, sicut ea quæ inter nos confliterunt docent; nulla res alia mentem cupiditatis comitem faciat, quam propria voluntas & liberum arbitrium. E. Nihil tam necessarium restare video.

*
CAPUT
XI.
Mens ex
libera
volunta-
te libidi-
ni ser-
viens
punitur
iuste.

22. A. Sequitur jam ut tibi videatur iuste illam pro peccato tanto poenas pendere. E. Negare non possum. A. Quid igitur? Num ista ipsa poena parva existimanda est, quod ei libido dominatur, exspoliataque virtutis opulentia, per diversa inopem atque indigentem trahit, nunc falsa pro veris approbantem, nunc etiam deservientem, nunc improbantem quæ antea probavisset, & nihilo minus in alia falsa irruentem; nunc assensionem suspendentem suam, & plerumque perspicuas ratiocinationes formidantem; nunc desperantem de tota inventionem veritatis, & stultitiæ tenebris penitus inherentem; nunc conantem in lucem intelligendi, rur susque fatigatione decidentem; cum interea cupiditatum illud regnum tyrannice sæviat, & variis contrariisque tempestatibus totum hominis animum vitamque perturbet, hinc timore, inde desiderio; hinc anxietate, inde inani falsaque lætitia; hinc cruciatu rei amissæ quæ diligebatur,

B b

inde

tur: A. Utinam &c. rursusque omittitur, A in loco proxime sequenti.

inde ardore adispiscendæ quæ non habebatur; hinc acceptæ injuriæ doloribus, inde facibus vindicandæ: quæquaversum potest coartare avaritia, dissipare luxuria, addicere ambitio, inflare superbia, torquere invidia, defidia sepelire, pervicacia concitare, afflictere subjeccio, & quæcumque alia innumerabilia regnum illius libidinis frequentant & exercent: possumusne tandem nullam istam pœnam putare, quam, ut cernis, omnes qui non inhærent sapientiæ, necesse est perpeti?

23. E. Magnam quidem istam pœnam esse judico, & omnino justam, si quis jam in sublimitate sapientiæ collocatus, inde descendere ac libidini servire delegerit: sed utrum esse quisquam possit incertum est, qui hæc aut voluerit facere, aut velit. Quamquam enim credamus hominem tam perfecte conditum a Deo, & in beata vita constitutum, ut ad ærumnas mortalis vitæ ipse inde propria voluntate delapsus sit; tamen hoc cum firmissima fide teneam, intelligentia nondum assecutus sum: cujus rei diligentem inquisitionem, si nunc differendam putas, me invito facis.

24. VERUM illud quod me maxime movet, cur hujuscemodi acerbissimas pœnas patiamur nos, qui certe stulti sumus, nec sapientes umquam fuimus, ut merito hæc dicamur perpeti propter desertam virtutis arcem, & electam sub libidine servitutem, quin aperias disputando, si vales, nullo modo tibi differendum esse concesserim. A. Ita isthuc dicis, quasi liquido compertum habeas numquam nos fuisse sapientes: adtendis enim tempus ex quo in hanc vitam nati sumus. Sed cum sapientia in animo sit, utrum ante consortium hujus corporis alia quædam vita vixerit animus, & an aliquando sapienter vixerit, magna quæstio est, magnum secretum, & suo considerandum loco: neque ideo tamen hoc quod nunc habemus in manibus impeditur, quo minus aperiat ut potest.

25. Nam quæro abs te, sitne aliqua nobis voluntas? E. Nescio. A. Visne hoc scire? E. Et hoc nescio. A. Nihil ergo deinceps me interroges. E. Quare? A. Quia roganti tibi respondere non debeo, nisi volenti scire quod rogas. Deinde nisi velis ad sapientiam pervenire, sermo tecum de hujusmodi rebus non est habendus. Postremo meus amicus esse non poteris, nisi velis ut bene sit mihi. Jam vero de te tu ipse videris, utrum tibi voluntas nulla sit beatæ vitæ tuæ. E. Fateor, negari non potest habere nos voluntatem: perge jam, videamus quid hinc conficias. A. Faciam: sed dic etiam prius, utrum & bonam voluntatem te habere sentias. E. Quid est bona voluntas? A. VOLUNTAS qua appetimus recte honesteque vivere, & ad summam sapientiam pervenire. Modo tu vide utrum rectam honestamque non appetas vitam, aut esse sapiens non vehementer velis, aut certe negare audeas, cum hæc volumus nos habere voluntatem bonam. E. Nihil horum nego, & propterea me non solum voluntatem, sed etiam bonam voluntatem jam habere confiteor. A. Quanti pendis, oro te, hanc voluntatem? Numquidnam ei ulla ex parte divitias aut honores aut voluptates corporis, aut hæc simul omnia conferenda arbitraris? E. Averterit Deus istam sceleratam dementiam. A. Parumne ergo gaudendum est habere nos quiddam in animo, hanc ipsam dico bonam voluntatem, in cujus comparatione abjectissima sint ea quæ commemoravimus, pro quibus adipiscendis multitudinem videmus hominum nullos labores, nulla pericula recusare? E. Gaudendum vero, ac plurimum. A. Quid, hoc gaudio qui non fruuntur, parvo damno eos affectos putas tanti boni? E. Immo maximo.

26. A. Vides igitur jam, ut existimo, in voluntate nostra esse constitutum, ut hoc vel fruamur vel careamus tanto & tam vero bono. Quid enim tam in voluntate, quam ipsa voluntas sita est? Quam quisque cum habet bonam, id certe habet quod terrenis omnibus regnis voluptatibusque omnibus corporis longe anteponendum sit. Quisquis autem non habet, caret profecto illa re, quam præstantiorem omnibus bonis in potestate nostra non constitutis, sola illi voluntas per se ipsam daret. Itaque cum se ipse miserrimum judicet, si amiserit gloriosam famam, ingentes opes, & quælibet corporis bona; tu eum non miserrimum judicabis, etiam si talibus abundet omnibus, cum iis inhæret quæ amittere facillime potest, neque dum vult habet, caret autem bona voluntate, quæ nec comparanda est cum istis, & cum sit tam magnum bonum, velle solum opus est, ut habeatur? E. Verissimum est. A. Jure igitur ac merito stulti homines, tametsi numquam fuerunt sapientes, hoc enim dubium & occultissimum est, hujuscemodi afficiuntur miseria. E. Assentior.

27. A. CONSIDERA nunc, utrum tibi videatur esse PRUDENTIA appetendarum & vitandarum rerum scientia. E. Videtur. A. Quid, FORTITUDO nonne illa est animæ affectio, qua omnia incommoda & damna rerum non in nostra potestate constitutarum contemnimus? E. Ita existimo. A. Porro TEMPERANTIA est affectio coercens & cohibens appetitum ab iis rebus, quæ turpiter appetuntur: an tu aliter putas? E. Immo ita dicis ut sentio. A. Jam JUSTITIAM quid dicamus esse, nisi virtutem qua sua cuique tribuuntur? E. Nulla mihi alia justitiæ notio est. A. Quisquis ergo bonam habens voluntatem, de cujus excellentia jam diu loquimur, hanc unam dilectione amplexetur, qua interim melius nihil habet, hac sese oblectet, hac denique perfruatur & gaudeat, considerans eam & judicans quanta sit, quamque invito illi eripi vel subripi nequeat, num dubitare poterimus istum adversari rebus omnibus, quæ huic uni bono inimicæ sunt? E. Necesse est omnino ut adversetur. A. Nullane hunc putamus præditum esse prudentia, qui hoc bonum appetendum, & vitanda ea quæ huic inimica sunt videt? E. Nullo modo mihi videtur hoc posse quisquam sine prudentia. A. Recte: sed cur non huic etiam fortitudinem tribuamus? Illa quippe omnia quæ in potestate nostra non sunt, amare iste ac plurimi æstimare non potest. Mala enim voluntate amantur, cui tamquam inimicæ carissimo suo bono resistat necesse est. Cum autem non amat hæc, non dolet amissa, & omnino contemnit; quod opus esse fortitudinis, dictum atque concessum est. E. Tribuamus sane: non enim intelligo quem fortem verius appellare possim, quam eum qui rebus iis, quas neque ut adipiscamur, neque ut obtineamus in nobis situm est, æquo & tranquillo animo caret; quod hunc necessario facere compertum est. A. Vide jam nunc utrum ab eo temperantia malienare possimus, cum ea sit virtus quæ libidines cohibet. Quid autem tam inimicum bonæ voluntati est quam libido? Ex quo profecto intelligis istum bonæ voluntatis suæ amatorem resistere omni modo atque adversari libidinibus, & ideo jure temperantem vocari. E. Perge, assentior. A. Justitia restat, quæ quomodo desit huic homini, non sane video. Qui enim habet & diligit voluntatem bonam, & obsistit eis, ut dictum est, quæ huic inimica sunt, male cuiquam velle non potest. Sequitur ergo ut nemini faciat injuriam; quod nullo pacto potest, nisi qui sua cuique tribuerit: hoc autem ad justitiam pertine-

1. Rr.
tracl. c. 9
n. 3. 2.
sent. dist.
28. cap.
Alibi &
dist. 41. c.
Si au-
tem.

CAPUT
XIII.
Volun-
tate vi-
tam bea-
tam, vo-
luntate
miseri-
am de-
gimus.

tinere cum dicerem, approbasse te ut puto meministi. E. Ego vero memini & fateor in hoc homine, qui suam bonam voluntatem magni pendit & diligit, omnes quatuor virtutes, quæ abs te paulo ante, me assentiente, descriptæ sunt, esse compertas.

28. A. Quid igitur impedit, cur hujus vitam non concedamus esse laudabilem? E. Nihil prorsus; immo hortantur vel etiam cogunt omnia. A. Quid vitam miseram, potesne ullo modo non judicare fugiendam? E. Et magnopere quidem judico, nihilque aliud agendum existimo. A. At laudabilem non fugiendam profecto putas. E. Quin etiam appetendam sedulo existimo. A. Non ergo misera est, quæ laudabilis vita est. E. Hoc utique sequitur. A. Nihil jam, quantum opinor, difficile tibi ut assentiaris relinquitur, eam scilicet, quæ misera non est, beatam esse vitam. E. Manifestissimum est. A. Placet igitur beatum esse hominem dilectorem bonæ voluntatis suæ, & præ illa contemnentem quodcumque aliud bonum dicitur, cujus amissio potest accidere etiam cum voluntate tenendi manet. E. Quidni placeat, quo superiora quæ concessimus, necessario trahunt? A. Bene intelligis: sed dic quæso, nonne bonam voluntatem suam diligere, & tam magni æstimare quam dictum est, etiam ipsa bona voluntas est? E. Verum dicis. A. At si hunc beatum recte judicamus, nonne recte miserum, qui contrariæ voluntatis est? E. Rectissime. A. Quid ergo caussæ est, cur dubitandum putemus, etiam si numquam antea sapientes fuimus, voluntate nos tamen laudabilem & beatam vitam, voluntate turpem ac miseram mereri ac degere? E. Fateor huc certis & minime negandis rebus esse perventum.

29. A. Vide etiam aliud: nam credo te memoria tenere, quam dixerimus esse bonam voluntatem: opinor enim, ea dicta est, qua recte atque honeste vivere appetimus. E. Ita memini. A. Hanc igitur voluntatem, si bona itidem voluntate diligamus atque amplectamur, rebusque omnibus, quas retinere non quia volumus possumus, anteponamus; consequenter illæ virtutes, ut ratio docuit, animum nostrum incolent, quas habere id ipsum est recte honesteque vivere. Ex quo conficitur, ut quisquis recte honesteque vult vivere, si id se velle præ fugacibus bonis velit, assequatur tantam rem tanta facilitate, ut nihil aliud ei quam ipsum velle sit habere quod voluit. E. Vere tibi dico, vix me contineo quin exclamem lætitia, repente mihi oborto tam magno, & tam in facili constituto bono. A. Atqui hoc ipsum gaudium, quod hujus boni adeptione gignitur, cum tranquille & quiete atque constanter erigit animum, beata vita dicitur: nisi tu putas aliud esse beate vivere, quam veris bonis certisque gaudere. E. Ita sentio.

30. A. RECTE: sed censesne quemquam hominum non omnibus modis velle atque optare vitam beatam? E. Quis dubitat omnem hominem velle? A. Cur igitur eam non adipiscuntur omnes? Dixeramus enim atque convenerat inter nos, voluntate illam mereri homines, voluntate etiam miseram, & sic mereri ut accipiant: nunc vero existit nescio quæ repugnantia, & nisi diligenter dispiciamus, perturbare nititur superiorem tam evigilatam firmamque rationem. Quomodo enim voluntate quisque miseram vitam patitur, cum omnino nemo velit misere vivere? Aut quomodo voluntate beatam vitam consequitur homo, cum tam multi miseri sint, & beati omnes esse velint? An eo evenit, quod aliud est velle bene aut male, aliud mereri aliquid per bonam vel

Tom. I.

A. malam voluntatem? Nam illi qui beati sunt, quos etiam bonos esse oportet, non propterea sunt beati, quia beate vivere voluerunt; nam hoc volunt etiam mali: sed quia recte, quod mali nolunt. Quamobrem nihil mirum est, quod miseri homines non adipiscuntur quod volunt, id est, beatam vitam. Illud enim cui comes est, & sine quo ea nemo dignus est, nemoque assequitur, recte scilicet vivere, non itidem volunt. Hoc enim æterna lex illa, ad cuius considerationem redire jam tempus est, incommutabili stabilitate firmavit, ut in voluntate meritum sit; in beatitate autem & miseria præmium atque supplicium. Itaque cum dicimus voluntate homines esse miseros, non ideo dicimus, quod miseri esse velint, sed quod in ea voluntate sunt, quam etiam eis invitis miseria sequatur necesse est. Quare non repugnat superiori rationi, quod volunt omnes beati esse, nec possunt: non enim volunt omnes recte vivere, cui uni voluntati vita beata debetur: nisi quid habes adversus hæc dicere. E. Ego vero nihil.

31. SED videamus jam quomodo hæc ad propositam illam quæstionem de duabus legibus referantur. A. Fiat. Sed dic mihi prius, utrum qui recte vivere diligit, eoque ita delectatur, ut non solum ei rectum sit, sed etiam dulce atque jocundum, amet hanc legem, habeatque carissimam, qua videt tributam esse bonæ voluntati beatam vitam, malæ miseram? E. Amat omnino ac vehementer: nam istam ipsam sequens ita vivit. A. Quid cum hanc amat, mutabile aliquid amat ac temporale, an stabile ac sempiternum? E. Æternum sane atque incommutabile. A. Quid illi qui in mala voluntate perseverantes, nihilo minus beati esse cupiunt, possuntne amare istam legem, qua talibus hominibus miseria merito rependitur? E. Nullo modo arbitror. A. Nihilne amant aliud? E. Immo plurima, ea scilicet in quibus adipiscendis vel retinendis mala voluntas illa persistit. A. Opinor te dicere divitias, honores, voluptates, & pulcritudinem corporis, ceteraque omnia quæ possunt & volentes non adipisci, & amittere inviti. E. Ista ipsa sunt. A. Num hæc æterna esse censes, cum temporis volubilitati videas obnoxia? E. Quis hoc vel dementissimus senserit? A. Cum igitur manifestum sit, alios esse homines amatores rerum æternarum, alios temporalium, cumque duas leges esse convenerit, unam æternam, aliam temporalem, si quid æquitatis sapias, quos istorum judicas æternæ legi, quos temporali esse subdendos? E. Puto in promptu esse quod quæris: nam beatos illos ob amorem ipsorum æternorum sub æterna lege agere existimo; miseris vero temporalis imponitur. A. Recte judicas, dummodo illud inconcussum teneas, quod apertissime jam ratio demonstravit, eos qui temporali legi serviunt, non esse posse ab æterna liberos; unde omnia quæ iusta sunt, iusteque variantur, exprimi dicimus: eos vero qui legi æternæ per bonam voluntatem hærent, temporalis legis non indigere, fatis (ut apparet) intelligis. E. Teneo quod dicis.

32. A. Jubet igitur æterna lex avertere amorem a temporalibus, & eum mundatum convertere ad æterna. E. Jubet vero. A. Quid deinde censes temporalem jubere, nisi ut hæc quæ ad tempus nostra dici possunt, quando eis homines cupiditate inhærent, eo jure possideant, quo pax & societas humana servetur, quanta in his rebus servari potest? Ea sunt autem primo hoc corpus, & ejusque vocantur bona, ut integra valetudo, acumen sensuum, vires, pulcritudo, & si qua sunt cetera, partim necessaria bonis artibus, & ideo pluris pensanda, partim viliora. Deinde libertas, quæ quidem nulla vera

B b 2 est,

1. Re-
tract. c. 9
n. 3.

1. Re-
tract. c. 9
n. 3.

CAPUT
XIV.
Cur ergo
pauci
evadant
beati,
um om-
nes esse
velint.

1. Re-
tract. c. 9
n. 3.

CAPUT
XV.
Lex æ-
terna lex
tempo-
ralis in
quos &
quantū
valeant

est, nisi beatorum, & legi æternæ adhærentium: sed eam nunc libertatem commemoro, qua se liberos putant, qui dominos homines non habent, & quam desiderant ii, qui a dominis hominibus manumitti volunt; Deinde parentes, fratres, conjunx, liberi, propinqui, affines, familiares, & quicumque nobis aliqua necessitudine adjuncti sunt. Ipsa denique civitas, quæ parentis loco haberi solet, honores etiam & laudes, & ea quæ dicitur gloria popularis. Ad extremum pecunia, quo uno nomine continentur omnia, quorum jure domini sumus, & quorum vendendorum aut donandorum habere potestatem videmur. Horum omnium quemadmodum lex illa sua cuique distribuatur, difficile & longum est explicare, & plane ad id quod proposuimus non necessarium. Satis est enim videre non ultra porrigi hujus legis potestatem in vindicando quam ut hæc vel aliquid horum adimat atque auferat ei quem punit. Metu coercet ergo, & ad id quod vult, torquet ac retorquet miserorum animos, quibus regendis accommodata est. Dum enim hæc amittere timeant, tenent in his utendis quemdam modum aptum vinculo civitatis, qualis ex hujusmodi hominibus constitui potest. Non autem ulciscitur peccatum cum amantur ista, sed cum aliis per improbitatem auferuntur. Quamobrem vide utrum jam perventum sit ad id quod infinitum putabas. Institueramus enim quærere, quatenus habeat jus ulciscendi ea lex, qua populi terreni civitatesque gubernantur. E. Video perventum.

33. A. Vides ergo etiam illud quod pœna non esset, si quæ per injuriam, si quæ per talem vindictam infertur hominibus, si eas res, quæ invito auferri possunt, non amarent? E. Id quoque video. A. Cum igitur eisdem rebus alius male, alius bene utatur; & eis quidem qui male, amore his inhæreat atque implicetur, scilicet subditus eis rebus quas ei subditas esse oportebat, & ea bona sibi constituens, quibus ordinandis beneque tractandis ipse esse utique deberet bonum: ille autem qui recte his utitur, ostendat quidem bona esse, sed non sibi; non enim eum bonum melioremve faciunt, sed ab eo potius fiunt; & ideo non eis amore agglutinetur, neque velut membra sui animi faciat, quod fit amando, ne cum refecari cœperint, eum cruciatu ac tabe fœdent; sed eis totus superferatur, & habere illa atque regere cum opus est paratus, & amittere ac non habere paratior. Cum ergo hæc ita sint, num aut argentum & aurum propter avaros accusandum putas, aut cibos propter voraces, aut vinum propter ebriosos, aut muliebres formas propter scortatores & adulteros, atque hoc modo cetera, cum præsertim videas & igne bene uti medicum, & pane scelerate veneficum? E. Verissimum est, non res ipsas, sed homines qui eis male utuntur esse culpandos.

CAPUT XVI. Epilo. 34. A. RECTE: sed quoniam & quid valeat æterna lex, ut opinor, videre jam cepimus, & quantum lex tem-

poralis in vindicando progredi possit, inventum est: & rerum duo genera, æternarum & temporalium, duoque rursus hominum, aliorum æternas, aliorum temporales sequentium & diligentium, satis aperteque distincta sunt: quid autem quisque sectandum & amplectendum eligat, in voluntate esse positum constitit; nullaque re de arce dominandi, rectoque ordine mentem deponi, nisi voluntate: & est manifestum, non rem ullam, cum ea quisque male utitur, sed ipsum male utentem esse arguendum: referamus nos, si placet, ad quæstionem in exordio hujus sermonis propositam, & videamus utrum soluta sit; nam quærere institueramus quid sit male facere, & propter hoc omnia quæ dicta sunt, diximus. Quocirca licet nunc animadvertere & considerare, utrum sit aliud male facere, quam neglectis rebus æternis, quibus per se ipsam mens fruitur, & per se ipsam percipit, & quas amans amittere non potest, temporalia & quæ per corpus hominis partem vilissimam sentiuntur, & numquam esse certa possunt, quasi magna & miranda sectari. Nam hoc uno genere omnia malefacta, id est, peccata, mihi videntur includi. Tibi autem quid videatur, exspecto cognoscere.

35. E. Est ita ut dicis, & assentior omnia peccata hoc uno genere contineri, cum quisque avertitur a divinis vereque manentibus, & ad mutabilia atque incerta convertitur. Quæ quamquam in ordine suo recte locata sint, & suam quamdam pulcritudinem peragant; perversi tamen animi est & inordinati, eis sequendis subijci, quibus ad nutum suum ducendis potius divino ordine ac jure prælatus est. Et illud simul mihi videre jam videor absolutum atque compertum, quod post illam quæstionem quid sit male facere, deinceps quærere institueramus, unde male faciamus. Nisi enim fallor, ut ratio tractata monstravit, id facimus ex libero voluntatis arbitrio. Sed quæro, utrum ipsum liberum arbitrium, quo peccandi facultatem habere convincimur, oportuerit nobis dari ab eo qui nos fecit. Videmur enim non fuisse peccaturi, si isto careremus: & metuendum est, ne hoc modo Deus etiam malefactorum nostrorum auctor existimetur. A. Nullo modo isthuc timueris: sed ut diligentius requiratur, aliud tempus sumendum est. Nam hæc sermocinatio modum terminumque jam desiderat; qua velim credas magnarum abditarumque rerum inquirendarum quasi fores esse pulsatas. In quarum penetralia cum Deo duce venire cœperimus, judicabis profecto, quantum inter hanc disputationem, & eas quæ sequuntur intersit, quantumque illa præstent, non modo investigationis sagacitate, sed etiam majestate rerum, & clarissima luce veritatis, pietas tantum adsit, ut nos divina providentia cursum, quem instituimus, tenere & perficere permittat. E. Cedo voluntati tuæ, & ei meam iudicio & voto libentissime adjungo.

gus tra-
ctata
quæstio-
nis.

1. Re-
tract. c. 9.
11.3.

LIBER SECUNDUS.

In quo difficultate ex eo quod Libertas, qua peccatur, a Deo data sit emergente, tria hæc disquiruntur: Qua ratione Deum esse manifestum sit; An ab ipso sint bona quaecumque; Utrum in bonis censenda sit libera voluntas.

CAPUT I. Liber-
tas, qua
pecca-
tur, cur
a Deo
data. JAM, si fieri potest, explica mihi quare dedit Deus homini liberum voluntatis arbitrium: quod utique si non accepisset, peccare non posset. A. Jam enim certum tibi atque cognitum est, Deum dedisse homini hoc, quod dari debuif-

se non putas? E. Quantum in superiori libro intelligere mihi visus sum, & habemus liberum voluntatis arbitrium, & non nisi eo peccamus. A. Ego quoque memini jam nobis id factum esse perspicuum. Sed nunc interrogavi utrum hoc quod nos habere, & quo

quo

quo nos peccare manifestum est, Deum nobis dedisse scias. E. Nullum alium puto. Ab ipso enim sumus; & siue peccantes, siue recte agentes, ab illo pœnam meremur aut præmium. A. Hoc quoque utrum liquido noveris, an auctoritate commotus libenter etiam incognitum credas, cupio scire. E. Auctoritati quidem me primum de hac re credidisse confirmo. Sed quid verius quam omne bonum ex Deo esse, & omne justum bonum esse, & peccantibus pœnam recteque facientibus præmium justum esse? Ex quo conficitur a Deo affici, & peccantes miseria, & recte facientes beatitate.

2. A. Nihil resisto: sed quæro illud alterum, quomodo noveris nos ab ipso esse. Neque enim hoc nunc, sed ab ipso nos vel pœnam, vel præmium mereri explicasti. E. Hoc quoque non aliunde video esse manifestum, nisi quod jam constat Deum vindicare peccata. Si quidem ab illo est omnis justitia. NON enim ut alicujus est bonitatis alienis præstare beneficia, ita justitiæ vindicare in alienos. Unde manifestum est ad eum nos pertinere, quia non solum in nos benignissimus in præstando, sed etiam justissimus in vindicando est. Deinde ex eo quod ego posui, tuque concessisti, omne bonum ex Deo esse, etiam hominem ex Deo esse intelligi potest. Homo enim ipse in quantum homo est, aliquod bonum est; quia recte vivere cum vult potest.

3. A. Plane si hæc ita sunt, soluta quæstio est quam proposuisti. Si enim homo aliquod bonum est, & non posset nisi cum vellet recte facere, debuit habere liberam voluntatem, sine qua recte facere non posset. Non enim quia per illam etiam peccatur, ad hoc eam Deum dedisse credendum est. Satis ergo causæ est, cur dari debuerit, quoniam sine illa homo recte non potest vivere. Ad hoc autem datam vel hinc intelligi potest, quia si quis ea usus fuerit ad peccandum, divinitus in eum vindicatur. Quod injuste fieret, si non solum ut recte viveretur, sed etiam ut peccaretur, libera esset voluntas data. Quomodo enim juste vindicaretur in eum, qui ad hanc rem usus esset voluntate, ad quam rem data est? Nunc vero Deus cum peccantem punit, quid videtur tibi aliud dicere nisi, Cur non ad eam rem usus es libera voluntate, ad quam tibi eam dedi, hoc est, ad recte faciendum? Deinde illud bonum, quo commendatur ipsa justitia in damnandis peccatis recteque factis honorandis, quomodo esset, si homo careret libero voluntatis arbitrio? Non enim aut peccatum esset aut recte factum, quod non fieret voluntate. Ac per hoc & pœna injusta esset & præmium, si homo voluntatem non haberet liberam. Debuit autem & in supplicio, & in præmio esse justitia; quoniam hoc unum est bonorum quæ sunt ex Deo. Debuit igitur Deus dare homini liberam voluntatem.

4. E. JAM concedo eam Deum dedisse. Sed nonne tibi videtur, quæso te, si ad recte faciendum data est, quod non debuerit ad peccandum posse converti? sicut ipsa justitia quæ data est homini ad bene vivendum: numquid enim potest quispiam per justitiam suam male vivere? Sic nemo posset per voluntatem peccare, si voluntas data esset ad recte faciendum. A. Donabit quidem Deus, ut spero, ut tibi valeam respondere, vel potius ut ipse tibi eadem, quæ summa omnium magistra est, veritate intus docente respondeas. Sed paulisper mihi volo dicas, si id quod abs te quæsi veram, certum & cognitum tenes, Deum nobis dedisse liberam voluntatem, utrum oporteat dicere dari non debuisse, quod dedisse confitemur Deum. Si enim incertum est utrum dederit, recte quærimus

Tom. I.

utrum bene sit data: ut cum invenerimus bene datam esse, inveniatur etiam illum dedisse, a quo homini data sunt omnia bona; si autem invenerimus non bene datam esse, non eum dedisse intelligamus, quem culpæ nefas est. Si vero certum est, quod ipse illam dederit, oportet fateamur, quoquo modo data est, neque non dari, neque aliter dari eam debuisse quam data est. Ille enim dedit, cujus factum recte reprehendi nullo pacto potest.

5. E. Quamquam hæc inconcussa fide teneam, tamen quia cognitione nondum teneo, ita quæramus quasi omnia incerta sint. Video enim ex hoc quod incertum est, utrum ad recte faciendum voluntas libera data sit, cum per illam etiam peccare possimus, fieri etiam illud incertum, utrum dari debuerit. Si enim incertum est ad recte faciendum datam esse, incertum est etiam dari debuisse: ac per hoc etiam utrum eam Deus dederit, incertum erit; quia si incertum est dari debuisse, incertum est ab eo datam esse, quem nefas est credere dedisse aliquid, quod dari non debuit.

A. Illud saltem tibi certum est, Deum esse. E. Etiam hoc non contemplando, sed credendo inconcussum teneo. A. Si quis ergo illorum insipientium, de quibus scriptum est, *Dixit insipiens in corde suo, Non est Deus*, hoc tibi diceret, nec vellet tecum credere quod credis, sed cognoscere utrum vera credideris, relinquere sine hominem, an aliquo modo, quod inconcussum tenes, persuadendum esse arbitraris; præsertim si ille non oblectari pervicaciter, sed studiose id vellet agnoscere?

E. Hoc quod ultimum posuisti, satis me admonet quid ei respondere deberem. Certe enim quamvis esset absurdissimus, concederet mihi, cum dolo & pervicaci de nulla omnino & maxime de re tanta non esse differendum. Quo concessio, prior mecum ageret, ut sibi crederem bono animo eum isthuc quærere, neque aliquid in se, quod ad rem hanc adtinet, doli ac perviciæ latere. Tum ego demonstrarem quod cuivis facillimum puto, quanto esset æquius, cum sibi de occultis animi sui quæ ipse nosset, vellet alterum credere qui non nosset, ut etiam ipse tantorum virorum libris, qui se cum Filio Dei vixisse testatum litteris reliquerunt, esse Deum crederet; quia & ea se vidisse scripserunt, quæ nullo modo fieri possent, si non esset Deus; & nimium stultus esset, si me reprehenderet quod illis crediderim, qui sibi vellet ut crederem. Jam vero quod recte reprehendere non valeret, nullo modo reperiret cur etiam nollet imitari.

A. Si ergo utrum sit Deus, satis esse existimas, quod non temere tantis viris credendum esse judicavimus; cur non, quæso te, de iis quoque rebus, quas tamquam incertas & plane incognitas quærere instituimus, similiter putas eorumdem virorum auctoritati sic esse credendum, ut de investigatione earum nihil amplius laboremus? E. Sed nos id quod credimus, nosse & intelligere cupimus.

6. A. Recte meministi, quod etiam in exordio superioris disputationis a nobis positum esse, negare non possumus. Nisi enim aliud esset credere, & aliud intelligere, & primo credendum esset, quod magnum & divinum intelligere cuperemus, frustra Propheta dixisset: *Nisi credideritis, non intelligetis*. Ipse quoque Dominus noster & dictis & factis ad credendum primo hortatus est, quos ad salutem vocavit. Sed postea cum de ipso dono loqueretur, quod erat daturus credentibus, non ait, Hæc est autem vita æterna ut credant, sed, *Hæc est, inquit, vita æterna, ut cognoscant te solum Deum verum, & quem misisti Jesum Christum*. Deinde jam credentibus dicit, *Querite &*

Psalm. 52.
18.

Lib. 1.
libero arbitrio. c. 2.

Isaia 7.9
sec. LXX.

J. h. an. 17
3.
Matt. 7.7

invenietis: nam neque inventum dici potest, quod incognitum creditur; neque quisquam inveniando Deo fit idoneus, nisi antea crediderit, quod est postea cogniturus. Quapropter Domini præceptis obtemperantes quæramus instanter. Quod enim hortante ipso quærimus, eodem ipso demonstrante inveniemus, quantum hæc in hac vita, & a nobis talibus inveniri queunt: nam & a melioribus etiam dum has terras incolunt, & certe a bonis & piis omnibus post hanc vitam, evidentius atque perfectius ista cerni obtinerique credendum est; & nobis ita fore sperandum est, & ista contemptis terrenis & humanis, omni modo desideranda & diligenda sunt.

CAPIT
III.
Deum
esse ut
manife-
stum e-
vadat,
disquiri
tur qui
sit in ho-
mine
præstan-
tissimū.

7. QUÆRAMUS autem hoc ordine, si placet: primum quomodo manifestum est Deum esse: deinde utrum ab illo sint, quæcumque in quantumcumque sunt bona: postremo utrum in bonis numeranda sit voluntas libera. Quibus compertis satis apparebit, ut opinor, utrum recte homini data sit. Quare prius abs te quæro, ut de manifestissimis capiamus exordium, utrum tu ipse sis, an te fortasse metuis, ne in hac interrogatione fallaris, cum utique si non esses, falli omnino non posses? E. Perge potius ad cetera. A. Ergo quoniam manifestum est esse te, nec tibi aliter manifestum esset, nisi viveres, id quoque manifestum est vivere te: intelligisne ista duo esse verissima? Prorsus intelligo. A. Ergo etiam hoc tertium manifestum est, hoc est, intelligere te. E. Manifestum. A. Quid in his tribus tibi videtur excellere? E. Intelligentia. A. Cur tibi hoc videtur? E. Quia cum tria sint hæc, esse, vivere, intelligere; & lapis est, & pecus vivit, nec tamen lapidem puto vivere, aut pecus intelligere; qui autem intelligit, eum & esse & vivere certissimum est: quare non dubito id excellentius judicare, cui omnia insunt, quam id cui duo vel unum desit. Nam quod vivit, utique & est, sed non sequitur ut etiam intelligat: qualem vitam esse pecoris arbitror. Quod autem est, non utique consequens est, ut & vivat & intelligat: nam esse cadavera possum fateri, vivere autem nullus dixerit. Jam vero quod non vivit, multo minus intelligit. A. Tenemus igitur horum trium duo deesse cadaveri, unum pecori, nihil homini. E. Verum est. A. Tenemus etiam id esse in his tribus præstantius, quod homo cum duobus ceteris habet, id est intelligere, quod habentem sequitur & esse & vivere. E. Tenemus sane.

8. A. Dic mihi jam, utrum illos vulgarissimos corporis sensus habere te noveris, videndi & audiendi & olfaciendi & gustandi & tangendi. E. Novi. A. Quid putas pertinere ad videndi sensum, id est, quid putas nos videndo sentire? E. Quæcumque corporalia. A. Num etiam dura & mollia videndo sentimus? E. Non. A. Quid ergo proprie ad oculos pertinet, quod per eos sentimus? E. Color. A. Quid ad aures? E. Sonus. A. Quid ad olfactum? E. Odor. A. Quid ad gustum? E. Sapor. A. Quid ad tactum? E. Molle vel durum, le- ne vel asperum, & multa talia. A. Quid corporum formas, magnas, breves, quadras, rotundas, & si quid huiusmodi est, nonne & tangendo & videndo sentimus, & ideo nec visui proprie, nec tactui tribui possunt, sed utrique? E. Intelligo. A. Intelligis ergo & quædam singulos sensus habere propria, de quibus renuntient, & quædam quosdam habere communia? E. Et hoc intelligo. A. Quid igitur ad quemque sensum pertineat, & quid inter se vel omnes vel quidam eorum communiter habeant, num possumus ullo eorum sensu dijudicare? E. Nullo modo,

A sed quodam interiore ista dijudicantur. A. Num fortasse ipsa est ratio, qua bestię carent? nam, ut opinor, ratione ista comprehendimus, & ita sese habere cognoscimus. E. Magis nos arbitror ratione comprehendere esse interiore quemdam sensum, ad quem ab istis quinque notissimis cuncta referantur. Namque aliud est quo videt bestia, aliud quo ea, quæ videndo sentit, vel vitat vel appetit: ille enim sensus in oculis est, ille autem intus in ipsa anima; quo non solum ea quæ videntur, sed etiam quæ audiuntur, quæque ceteris capiuntur corporis sensibus, vel appetunt animalia delectata & assumunt, vel offensa devitant & respuunt. Hic autem nec visus nec auditus nec olfactus nec gustatus nec tactus dici potest, sed nescio quid aliud quod omnibus communiter præsidet. Quod cum ratione comprehendamus, ut dixi, hoc ipsum tamen rationem vocare non possum; quoniam & bestiis inesse manifestum est.

9. A. Agnosco istud quidquid est, & eum interiore sensum appellare non dubito. Sed nisi & istum transeat, quod ad nos refertur a sensibus corporis, pervenire ad scientiam non potest. Quidquid enim scimus, id ratione comprehensum tenemus. Scimus autem, ut de ceteris taceam, nec colores auditu, nec voces visu posse sentiri. Et cum hoc scimus, nec oculis, nec auribus scimus, neque illo sensu interiore, quo nec bestię carent. Non enim credendum est eas nosse, nec auribus sentiri lucem, nec oculis vocem; quoniam ista non nisi rationali animadversione & cogitatione discernimus. E. Non possum dicere hoc me habere perceptum. Quid si enim sensu illo interiore, quo eas non carere concedis, hoc quoque dijudicant, nec colores auditu nec visu voces posse sentiri? A. Num etiam putas eas posse discernere ab invicem colorem qui sentitur, & sensum qui in oculo est, & interiore illum sensum apud animam, & rationem qua ista singillatim definiuntur & dinumerantur? E. Nullo modo. A. Quid, ista ratio posset hæc quatuor discernere ab invicem & definitionibus terminare, nisi ad eam referretur & color per oculorum sensum, & ipse rursus per illum interiore qui ei præsidet, & idem interior per se ipsum, si tamen jam nihil aliud interpositum est? E. Non video, quomodo aliter posset. A. Quid, hoc videsne, sensu oculorum colorem sentiri, eundem autem sensum eodem sensu non sentiri? Non enim quo sensu colorem vides, hoc eodem vides etiam ipsum videre. E. Non omnino. A. Enitere etiam ista dijudicare: nam credo te non negare aliud colorem esse, & aliud colorem videre, & item aliud etiam cum color non subest habere sensum, quo videri posset si subesset? E. Discerno & ista, & inter se differre concedo. A. Num horum trium quidquam vides oculis nisi colorem? E. Nihil aliud. A. Dic ergo, unde videas alia duo, non enim ea non visa posses discernere. E. Nescio quid aliud esse scio, nihil amplius. A. Nescis igitur utrum jam ipsa sit ratio, an illa vita sit quam sensum interiore vocamus præcellentem sensibus corporis, an aliquid aliud? E. Nescio. A. Illud tamen scis, ea definiri nisi ratione non posse; neque rationem id facere, nisi de iis quæ sibi examinanda offeruntur. E. Certum est. A. Quidquid igitur est aliud quo sentiri potest omne quod scimus, ministerium rationis est, cui offert & renuntiat quidquid adtingit, ut ea quæ sentiuntur discerni suis finibus possint, & non sentiendo tantum, sed etiam sciendo comprehendere. E. Ita est. A. Quid ipsa ratio quæ ministros suos, & ea quæ suggerunt, discernit ab invicem, & item quid inter hæc & se ipsam distet, agnoscit, seque illis præpoten-
tio-

tiorem esse confirmat, num alia re se ipsam nisi se ipsa, id est, rationem comprehendit? an aliter scires te habere rationem, nisi id ratione perciperes? E. Verissimum est. A. Quoniam ergo cum colorem sentimus, non itidem sensu ipso nos sentire etiam sentimus; neque cum audimus sonum, nostrum etiam audimus auditum; neque cum olfacimus rosam, olet nobis aliquid & ipse olfactus; neque quidquam gustantibus sapit in ore ipse gustus, nec tangentes aliquid, ipsum etiam tangendi sensum possumus tangere: manifestum est quinque istos sensus nullo eorum sensu posse senti, quamvis eis corporalia quæque sentiantur. E. Manifestum est.

CAPUT
IV.
Sensus
interior
sentit
ipsum
sentire,
an & se
discer-
nat.

IO. A. ARBITROR etiam illud esse manifestum, sensum illum interiorem, non ea tantum sentire quæ acceperit a quinque sensibus corporis, sed etiam ipsos ab eo senti. Non enim aliter bestia moveret se, vel appetendo aliquid, vel fugiendo, nisi se sentire sentiret, non ad sciendum, nam hoc rationis est, sed tantum ad movendum, quod non utique aliquo illorum quinque sentit. Quod si adhuc obscurum est, elucescet si animadvertas quod exempli gratia fat est in uno aliquo sensu, velut in visu. Namque aperire oculum, & movere adspiciendo ad id quod videre appetit, nullo modo posset, nisi oculo clauso vel non ita moto se id non videre sentiret. Si autem sentit se non videre dum non videt, necesse est etiam sentiat se videre dum videt; quia cum eo appetitu non movet oculum videns, quo movet non videns, indicat se utrumque sentire. Sed utrum & se ipsam hæc vita sentiat, quæ se corporalia sentire sentit, non ita clarum est, nisi quod se quisque intus interrogans, invenit omnem rem viventem fugere mortem; quæ cum sit vitæ contraria, necesse est ut vita etiam se ipsam sentiat, quæ contrarium suum fugit. Quod si adhuc non liquet, omittatur, ut non nitamur ad id quod volumus, nisi certis manifestisque documentis. Manifesta enim sunt, sensu corporis senti corporalia; eundem autem sensum hoc eodem sensu non posse senti; sensu autem interiore & corporalia per sensum corporis senti, & ipsum corporis sensum: ratione vero & illa omnia, & eandem ipsam notam fieri, & scientia contineri: an tibi non videtur? E. Videtur sane. A. Age nunc, responde unde sit quæstio, ad cuius solutionem pervenire cupientes, jam diu istam molimur viam.

CAPUT
V.
Sensus
interior
præstat
externis
sensibus,
quorum
est mo-
derator
& iudex.

II. E. QUANTUM memini, trium illarum quæstionum quas paulo ante ad contexendum ordinem hujus disputationis posuimus, nunc prima versatur, id est, quomodo manifestum fieri possit, quamvis tenacissime firmissimeque credendum sit, Deum esse. A. Recte hoc tenes: sed etiam illud diligenter tenere te volo, cum de te ipso quærerem, utrum te esse noveris, non solum hoc, sed etiam alia duo nobis apparuisse quod noveris. E. Id quoque teneo. A. Nunc ergo vide ad quam rem istarum trium intelligas pertinere omne quod corporis sensus attingit, id est, in quo rerum genere tibi ponendum videatur, quidquid vel oculorum, vel alio quolibet corporis instrumento noster sensus attingit: utrum in eo quod tantum est, an in eo quod etiam vivit, an in eo quod etiam intelligit. E. In eo quod tantum est. A. Quid ipsum sensum in quo genere trium horum esse censet? E. In eo quod vivit. A. Quid igitur horum duorum melius esse judicas, sensum ipsum, an quod sensus attingit? E. Sensem scilicet. A. Quare? E. Quia melius est id quod etiam vivit, quam id quod tantum est.

12. A. Quid illum sensum interiorem, quem qui-

dem infra rationem, & adhuc nobis communem cum bestiis superius indagavimus, dubitabisne huic sensui præponere quo corpus attingimus, & quem jam ipsi corpori præponendum esse dixisti? E. Nullo modo dubitaverim. A. Etiam hoc cur non dubites, volo abs te audire. Non enim poteris dicere, hunc sensum interiorem jam in eo genere trium illorum esse ponendum, quod etiam intelligit, sed adhuc in eo quod & est & vivit, etiam si intellectu caret: iste enim sensus inest & bestiis, quibus intellectus non inest. Quæ cum ita sint, B quæro cur præponas sensum interiorem huic sensui quo corporalia sentiuntur, cum sit uterque in eo genere quod vivit. Sensem autem istum qui corpora attingit, ideo præposuisti corporibus, quia illa sunt in eo genere quod tantum est, iste vero in eo quod etiam vivit: in quo cum & ille interior reperiatur, cur eum meliorem putes dic mihi. Si enim dixeris, quia ille istum sentit, non te credo inventurum regulam qua figere possimus, omne sentiens melius esse quam id quod ab eo sentitur; ne fortassis ex hoc etiam cogamur dicere, C omne intelligens melius esse quam id quod ab eo intelligitur. Hoc enim falsum est; quia homo intelligit sapientiam, & non est melior quam ipsa sapientia. Quamobrem vide qua causâ tibi visum sit, sensum interiorem huic sensui quo sentimus corpora, esse præferendum. E. Quia moderatorem & iudicem quemdam huius illi esse cognosco. Nam & si quid huic in officio suo defuerit, ille tamquam debitum a ministro flagitat, sicut paulo ante disputatum est. Non enim se videre, aut non videre sensus oculi videt; & quia non videt, non potest quid sibi desit, aut quid satis sit judicare; sed ille interior, D quo admonetur & anima bestię aperire oculum clausum, & quod deesse sentit implere. Nulli autem dubium est eum qui judicat, eo de quo judicat esse meliorem. A. Cernis ergo istum etiam corporis sensum de corporibus quodam modo judicare? Ad illum enim pertinet voluptas & dolor, cum vel leniter vel aspere corpore attingitur. Nam sicut ille interior a quid desit vel satis sit oculorum sensui judicat: sic ipse sensus oculorum quid desit vel satis sit coloribus judicat. Item E sicut ille interior de auditu nostro judicat, utrum minus an sufficienter intentus sit; sic judicat auditus ipse de vocibus, quid earum leniter influat, aut aspere perstrepat. Non necesse est ceteros sensus corporis persequi: jam enim, ut opinor, animadvertis quid velim dicere, ita scilicet sensum illum interiorem de istis corporis sensibus judicare, cum eorum & integritatem probat, & debitum flagitat, quemadmodum & ipsi corporis sensus de corporibus judicant, assumptes in eis lenem tactum, reicientesque contrarium. E. Cerno sane, & verissima esse consentio.

13. A. ADTENDE jam utrum ratio etiam de hoc interiore sensu judicet. Jam enim non quæro, utrum eam meliorem illo esse dubites, quia non dubito id te judicare: quamquam ne id quidem jam quærendum putem, utrum de isto sensu judicet ratio. Namque in iis ipsis quæ infra eam sunt, id est, in corporibus & in sensibus corporis & isto interiore sensu, quomodo sit aliud alio melius, & quam sit illis præstantior ipsa, quæ tandem nisi ipsa renuntiat? quod profecto nullo modo posset, nisi de his ipsa judicaret. E. Manifestum est. A. Cum ergo eam naturam quæ tantum est, nec vivit, nec intelligit, sicuti est corpus exanime, præcedat ea natura quæ non tantum est, sed etiam vivit nec intelligit, sicuti

CAPUT
VI.
Ratio
ceteris
in homi-
ne præ-
stat; qua
i quid
præstan-
tius,
Deus est

a Regius codex aliique duo sic habent: Nam sicut ille interior de visu no-

stro judicat utrum minus clare, an sufficienter videat, sic visus ipse quid desit.

sicuti est anima bestiarum; & rursus hanc præcedat ea, quæ simul & est & vivit & intelligit, sicut in homine mens rationalis: num arbitraris in nobis, id est, in his quibus natura nostra completur ut homines simus, aliquid inveniri posse præstantius, quam hoc quod in his tribus tertio loco posuimus? Nam & corpus non habere manifestum est, & vitam quamdam qua ipsum corpus animatur atque vegetatur, quæ duo etiam in bestiis agnoscimus, & tertium quiddam quasi animæ nostræ caput aut oculum, aut si quid congruentius de ratione atque intelligentia dici potest, quam non habet natura bestiarum. Quare vide obsecro, utrum aliquid invenire possis, quod sit in natura hominis ratione sublimius. E. Nihil omnino melius video.

14. A. Quid si aliquid invenire potuerimus, quod non solum esse non dubites, sed etiam ipsa nostra ratione præstantius, dubitabisne illud quidquid est, Deum dicere? E. Non continuo si quid melius quam id quod in mea natura optimum est invenire potuero, Deum esse dixerim. Non enim mihi placet Deum appellare, quo mea ratio est inferior, sed quo nullus est superior. A. Ita plane: nam ipse huic tuæ rationi dedit, tam de se pie vereque sentire. Sed quæso te, si non inveneris esse aliquid supra nostram rationem, nisi quod æternum atque incommutabile est, dubitabisne hunc Deum dicere? Nam & corpora mutabilia esse cognoscis; & ipsam vitam qua corpus animatur, per affectus varios mutabilitate non carere manifestum est; & ipsa ratio cum modo ad verum pervenire nititur, modo non nititur, & aliquando pervenit, aliquando non pervenit, mutabilis esse profecto convincitur. Quæ si nullo adhibito corporis instrumento, neque per tactum, neque per gustatum, neque per olfactum, neque per aures, neque per oculos, neque per ullum sensum se inferiorem, sed per se ipsam cernit æternum aliquid & incommutabile, simul & se ipsam inferiorem, & illum oportet Deum suum esse fateatur. E. Hunc plane fatebor Deum, quo nihil superius esse constiterit. A. Bene habet: nam mihi satis erit ostendere esse aliquid huiusmodi, quod aut fateberis Deum esse, aut si aliquid supra est, eum ipsum Deum esse concedes. Quare si supra sit aliquid, siue non sit, manifestum erit Deum esse, cum ego quod promisi esse supra rationem, eodem ipso adjuvante monstravero. E. Demonstra ergo quod polliceris.

CAPUT
VII.
Quomodo idem
sentiantur
& multis
quidve
totum,
quid
non to-
tum &
simul a
singulis.

15. A. FACIAM: sed prius quæro, utrum sensus corporis meus idem sit qui tuus, an vero meus non sit nisi meus, & tuus non sit nisi tuus: quod si non ita esset, non possem per oculos meos videre aliquid, quod tu non videres. E. Concedo prorsus, quamvis ejusdem generis, tamen singulos nos habere sensus, videndi, vel audiendi, vel quoslibet alios ceterorum. Non enim solum videre, sed etiam audire potest aliquis hominum quod alius non audiat, & aliud aliquid quolibet alio sensu quisquam sentire quod alius non sentiat. Unde manifestum est & tuum non nisi tuum, & meum sensum non esse nisi meum. A. Hoc idem respondebis de illo etiam sensu interiore, an aliquid aliud? E. Nihil sane aliud. Nam & ille utique sensum meum sentit meus, & tuum sentit tuus: nam ideo plerumque interrogor ab eo, qui aliquid videt, utrum hoc etiam ego videam, quia ego me videre aut non videre sentio, non ille qui interrogat. A. Quid ipsam rationem, nonne unusquisque nostrum habet suam? quando quidem fieri potest ut ego aliquid intelligam, cum tu id non intelligis; nec

A utrum intelligam tu scire possis, ego autem sciam. E. Manifestum est etiam rationales mentes singulos quosque nostrum singulas habere.

16. A. Num etiam poteris dicere singulos soles nos habere quos videmus, aut lunas, aut luciferos, aut cetera huiusmodi, quamvis suo quisque ac proprio sensu ista videat? E. Nullo modo isthuc dixerim. A. Possumus ergo videre unum aliquid multi simul, cum sint sensus nostri nobis singulis singuli, quibus omnibus illud unum sentimus quod simul videmus; ut quamvis alius sensus meus sit, & alius tuus, possit tamen fieri, ut id quod videmus non sit aliud meum, aliud tuum; sed illud unum præsto sit utrique nostrum, & simul ab utroque videatur. E. Manifestissimum est. A. Possumus etiam unam aliquam vocem simul audire, ut quamvis alius sit auditus meus, alius tuus, non sit tamen alia mea, & alia tua vox quam simul audimus, vel alia pars ejus auditu meo capiat, & alia tuo; sed quidquid sonuerit, & unum & totum audiendum simul adsit ambobus. E. Et hoc manifestum est.

17. Jam etiam de ceteris sensibus corporis licet animadvertas quod dicimus, neque omnino illos, quod ad hanc rem adjuvet, ita se habere ut illos duos oculorum & aurium, neque omnino non ita. Nam quia ex uno aere & ego & tu possumus implere spiramentum, & ejus aeris affectionem odore sentire: & item quia ex uno melle vel quolibet alio cibo seu potu ambo gustare possumus, & ejus affectionem sapore sentire, quamvis ille unus sit, nostri autem sint sensus singuli, tibi tuus & mihi meus; ut unum odorem vel unum saporem cum ambo sentiamus, nec tu tamen eum meo sensu sentias, nec ego tuo, nec aliquo uno qui utriusque nostrum possit esse communiter, sed prorsus mihi meus sensus sit, & tuus tibi, etiam si unus aut odor aut sapor ab utroque sentiatur: hinc ergo isti sensus inveniuntur habere aliquid tale, quale illi duo in visu & auditu; sed in eo dispares sunt, quantum ad id quod nunc agimus pertinet, quod etsi unum aerem naribus ambo trahimus, aut unum cibum gustando capimus; non tamen eam partem aeris duco quam tu, nec eandem partem cibi fumo quam tu, sed aliam ego, aliam tu: & ideo de toto aere cum spiro, duco partem quanta mihi satis est, & tu item de toto aliam quanta tibi satis est ducis: & cibus quamvis unus & totus ab utroque absumatur, non tamen & a me totus, & a te totus absumi potest, quomodo verbum & ego totum audio, & tu totum simul, & speciem quamlibet quantam ego video, tantam & tu simul; sed sibi vel potionis alia pars in me, alia in te transeat necesse est: an parum ista intelligis? E. Immo vero apertissima & certissima esse consentio.

18. A. Num censeres tangendi sensum comparandum esse oculorum & aurium sensibus in ea re de qua nunc agitur; quia non solum corpus unum ambo possumus sentire tangendo, sed etiam eandem partem tu quoque poteris tangere quam ego tetigero, ut non solum idem corpus, sed eandem quoque corporis partem possumus ambo sentire tangendo? Non enim sicuti cibum aliquem appositum non possumus & ego totum & tu totum capere, cum ambo illo vescimur, sic etiam in tangendo accidit: sed & unum & totum quod ego tetigero, etiam tu potes, ut id ambo tangamus, non singulis partibus, sed totum singuli. E. Fateor hoc modo duobus illis superioribus sensibus, hunc tangendi sensum esse simillimum: sed in hoc video esse dissimilem, quod simul, id est uno tempore, & videre aliquid unum totum

totum ambo possumus & audire; tangere autem possumus quidem totum aliquid ambo uno tempore, sed partibus singulis: eandem autem partem non nisi temporibus singulis: nam nulli parti quam tactu capis, possum meum tactum admove, nisi tu admoveas tuum.

19. A. Vigilantissime respondisti: sed oportet te etiam illud videre, cum horum omnium quæ sentimus, alia sint quæ ambo, alia quæ singuli sentiamus; ipsos vero sensus nostros suos quisque singuli sentiamus, ut neque ego sentiam sensum tuum, neque tu meum, quod de his rebus quæ sentiuntur a nobis per corporis sensus, id est, quod de corporalibus rebus non possumus sentire ambo, sed singuli, nisi quod ita sit nostrum, ut hoc in nos vertere & commutare possimus, sicuti est cibus & potus, cuius nullam partem quam ego percipero, & tu percipere poteris: quia etsi nutrices alimenta mansa infantibus reddunt, illud tamen quod inde gustatus rapuerit atque in mandentis viscera commutaverit, nullo modo revocari poterit ut in escam refundatur infantis. Gula enim cum aliquid jocunde sapit, etiam si exiguum, tamen irrevocabilem partem sibi vindicat, & hoc cogit fieri quod naturæ corporis convenit: quod nisi ita esset, nullus remaneret sapor in ore postea quam fuerint mansa illa reddita atque desputa. Quod etiam de aeris partibus recte dici potest, quas naribus ducimus: nam etiam si aliquid aeris quod ego reddidero, possis etiam tu ducere, non tamen poteris etiam illud, quod inde in alimentum meum cesserit; quia nec reddi potest. Nam etiam naribus alimentum nos capere medici docent: quod alimentum & spirando solus sentire possum, & reslando restituere non possum, ut abs te etiam ductum naribus sentiat. Nam cetera sensibilia quæ quamvis sentiamus, non tamen ea sentiendo in nostrum corpus corrupta mutamus, possumus ea, si uno tempore, si singulis vicissim temporibus ambo sentire, sic ut vel totum vel pars ipsa quam sentio, abs te etiam sentiat; qualia sunt, si lux, si sonus, si corpora quæ adtingimus, non tamen lædimus. E. Intellego. A. Manifestum est ergo ea, quæ non commutamus & tamen sentimus corporis sensibus, & non pertinere ad naturam sensuum nostrorum, & propterea magis nobis esse communia, quia in nostrum proprium & quasi privatum non vertuntur atque mutantur. E. Prorsus assentior. A. Proprium ergo & quasi privatum intelligendum est, quod a unicuique nostrum soli est, & quod in se solus sentit, quod ad suam naturam proprie pertinet: commune autem & quasi publicum, quod ab omnibus sentientibus nulla sui corruptione atque commutatione sentitur. E. Ita est.

20. A. AGE, nunc adtende, & dic mihi utrum inveniat aliquid, quod omnes ratiocinantes sua quisque ratione atque mente communiter videant, cum illud quod videtur præsto sit omnibus, nec in usum eorum quibus præsto est commutetur, quasi cibus aut potio, sed incorruptum integrumque permaneat, si illi videant, si non videant: an forte nihil huiusmodi esse arbitraris? E. Immo multa esse video; e quibus unum commemorari satis est, quod ratio & veritas numeri omnibus ratiocinantibus præsto est, ut omnis eam computator sua quisque ratione & intelligentia conetur apprehendere: & alius id facilius, alius difficilius possit, alius omnino non possit: cum tamen ipsa æqualiter omnibus se præbeat valentibus eam capere; nec cum eam quisque percipit, in sui perceptoris quasi alimentum

A vertatur atque mutetur; nec cum in ea quisque fallitur, ipsa deficiat, sed ea vera & integra permanente, ille in errore sit tanto amplius, quanto minus eam videt.

21. A. Recte sane: sed video te tamquam non rudem harum rerum cito invenisse quod diceret: tamen si tibi aliquis diceret, numeros istos non ex aliqua sua natura, sed ex iis rebus quas sensu corporis adtingimus, impressos esse animo nostro quasi quasdam imagines quorumque visibilibus, quid responderes? an tu quoque id putas? E. Nullo modo id putaverim: non enim si sensu corporis percepi numeros, idcirco etiam rationem partitionis numerorum vel copulationis sensu corporis percipere potui. Hac enim luce mentis refello eum, quisquis vel in addendo vel in retrahendo dum computat falsam summam renuntiaverit. Et quidquid sensu corporis tango, veluti est hoc cælum & hæc terra, & quæcumque in eis alia corpora sentio, quamdiu futura sint, nescio: septem autem & tria decem sunt; & non solum nunc, sed etiam semper; neque ullo modo aliquando septem & tria non fuerunt decem, aut aliquando septem & tria non erunt decem. Hanc ergo incorruptibilem numeri b veritatem, dixi mihi & cuilibet ratiocinanti esse communem.

22. A. Non resisto tibi verissima & certissima respondentem. Sed ipsos quoque numeros non per corporis sensus adtractos esse facile videbis, si cogitaveris quemlibet numerum tot vocari quotiens unum habuerit: verbi gratia, si bis habuerit unum, duo vocantur; si ter, tria; & si decies unum habent, tunc vocantur decem: & quilibet omnino numerus quotiens habet unum, hinc illi nomen est, & tot appellatur. Unum vero quisquis verissime cogitat, profecto invenit corporis sensibus non posse sentiri. Quidquid enim tali sensu adtingitur, iam non unum, sed multa esse convincitur: corpus est enim, & ideo habet innumerabiles partes. Sed ut minutas quasque minusque articulatas non persequar, quantulumcumque illud corpusculum sit, habet certe aliam partem dexteram, aliam sinistram; aliam superiorem, aliam inferiorem; aut aliam ulteriorem, aliam citeriorem; aut alias finales, aliam mediam: hæc enim necesse est quamlibet exiguo corporis modulo inesse fateamur: & propterea nullum corpus vere pureque unum esse concedimus: in quo tamen non possent tam multa numerari nisi illius unius cognitione discreta. Cum enim quæro unum in corpore, & me non invenire non dubito, novi utique quid ibi quæram, & quid ibi non inveniam, & non posse inveniri, vel potius omnino ibi non esse. Ubi ergo novi quod non est corpus unum, quid sit unum novi: unum enim si non nossem, multa in corpore numerare non possem. Ubicumque autem unum noverim, non utique per corporis sensum novi; quia per corporis sensum non novi nisi corpus, quod vere pureque unum non esse convincimus. Porro si unum non percepimus, corporis sensu, nullum numerum eo sensu percepimus, eorum dumtaxat numerorum quos intelligentia cernimus. Nullus enim est ex iis, qui non tot vocetur, quotiens habet unum, cuius perceptio corporis sensu non fit. Cujuslibet enim corpusculi pars dimidia quantis duabus totum constat, habet & ipsa dimidiam suam. Sic ergo sunt illæ duæ partes in corpore, ut nec ipsæ simpliciter duæ sint. Numerus autem ille qui vocatur duo, quoniam bis habet illud quod simpliciter unum est, pars ejus dimidia, id est, illud ipsum quod simpliciter unum est, non potest

rur-

CAPUT
VIII.
Numerorum
ratio
nullo
corporis
sensu
percipitur
a
quovis
intelligente
percepta
una
est
& incommu-
tabilis.

a Bad. Er. & MSS. sedecim, quod unusquisque nostrum sibi est.

b In antiquioribus editionibus & novem MSS. numeri naturam.

rursus habere dimidiam partem vel tertiam, vel quocumque libet, quoniam simplex & vere unum est.

23. Deinde quoniam tenentes ordinem numerorum, post unum duo videmus, qui numerus ad unum collatus, duplus invenitur: duplus duorum non consequenter adjungitur, sed interposito ternario quaternarius sequitur, qui duplus est duorum. Et hæc ratio per omnes ceteros numeros certissima & incommutabili lege perpenditur, ut post unum, id est, post primum omnium numerorum, ipso excepto primus sit qui duplum ejus habet; duo enim sequuntur. Post secundum autem, id est, post duo, ipso excepto secundus sit qui duplum ejus habet: post duo enim primus est ternarius secundus quaternarius, duplus secundi. Post tertium, id est, post ternarium, ipso excepto tertius sit qui duplus est ejus: post tertium enim, id est, post ternarium primus est quaternarius, secundus quaternarius, tertius senarius, qui duplus est tertii. Atque ita post quartum, ipso excepto quartus habet duplum ejus: post quartum enim, id est, post quaternarium, primus est quaternarius, secundus senarius, tertius septenarius, quartus octonarius, qui duplex est quarti. Atque ita per omnes ceteros reperies hoc quod in prima copula numerorum, id est, uno & duobus inventum est, ut quotus quisque numerus est ab ipso principio, totus post illum sit duplus ejus. Hoc ergo quod per omnes numeros esse immobile, firmum incorruptumque conspiciamus, unde conspiciamus? non enim ullus ullo sensu corporis omnes numeros attingit; innumerabiles enim sunt: unde ergo novimus per omnes hoc esse, aut qua phantasia vel phantasmate tam certa veritas numeri per innumerabilia tam fidenter, nisi in luce interiore conspicitur, quam corporalis sensus ignorat?

24. His & talibus multis documentis coguntur fateri, quibus disputantibus Deus donavit ingenium, & pertinacia caliginem non obducit, rationem veritatemque numerorum, & ad sensus corporis non pertinere, & invertibilem sinceramque consistere, & omnibus ratiocinantibus ad videndum esse communem. Quapropter cum multa alia possint occurrere, quæ communiter & tamquam publice præsto sunt ratiocinantibus, & ab eis videantur mente atque ratione singulorum quorumque cernentium, eaque inviolata & incommutabilia maneant; non tamen invitatus acceperim quod ista ratio & veritas numeri tibi potissimum occurrerit, cum ad id quod interrogaveram, respondere voluisses: non enim frustra in sanctis libris sapientiæ conjunctus est numerus, ubi dictum est, *Circumvi ego & a cor meum, ut scirem & considerarem & quærerem sapientiam & numerum.*

a
Ecc. 1, 7
26.
CAPUT
IX.
Quid sapientia,
sine qua
nemo
beatus,
an una
sit in
omni-
bus sa-
pienti-
bus.

25. VERUMTAMEN quæso te, quid de ipsa sapientia putas existimandum? Singulas quasque suas arbitraris singulos quosque homines habere sapientias, an vero unam præsto esse communiter omnibus, cujus quanto magis quisque sit particeps, tanto est sapientior? E. Quam dicas sapientiam nondum scio: video quippe varie videri hominibus, quid fiat dicaturve sapienter: nam & qui militant, sapienter sibi facere videntur, & qui contempta militia colendo agro curam atque operam impendunt, hoc potius laudant, tribuuntque sapientiæ; & qui astuti sunt ad excogitandos modos conquirendæ pecuniæ, sibi videntur esse sapientes; & qui hæc omnia negligunt, vel abjiciunt, & quæque sunt hujusmodi temporalia, & totum studium suum ad investigationem conferunt veritatis, ut semetipsos Deum-

A que cognoscant, magnum hoc esse sapientiæ munus judicant; & qui huic otio quærendi & contemplandi veri nolunt se dedere, sed potius laboriosissimis curis & officiis agunt, ut hominibus consulant, & in rerum humanarum juste moderandarum & gubernandarum actione versantur, sapientes se esse arbitrantur; & qui utrumque horum agunt, & partim vivunt in contemplatione veritatis, partim in laboribus officiosis, quos humanæ societati deberi putant, sibi palmam sapientiæ tenere videntur. Omitto innumerabiles sectas, quarum nulla est, quæ non sectatores suos præponens ceteris, eos solos velit esse sapientes. Quamobrem cum id nunc agatur inter nos, ut non quid credamus respondendum sit, sed quid dilucida intelligentia teneamus, nullo modo ad id tibi quod interrogasti respondere potero, nisi quod credendo teneo, contemplando etiam & ratione cernendo noverim, quæ sit ipsa sapientia.

26. A. Num aliam putas esse sapientiam nisi veritatem, in qua cernitur & tenetur summum bonum? Nam illi omnes quos commemorasti diversa sectantes, bonum appetunt, & malum fugiunt: sed propterea diversa sectantur, quod aliud alii videtur bonum. Quisquis ergo appetit quod appetendum non erat, tamen si id non appeteret nisi ei videretur bonum, errat tamen. Errare autem neque ille potest, qui nihil appetit, neque ille qui hoc appetit quod debet appetere. In quantum igitur omnes homines appetunt vitam beatam, non errant. In quantum autem quisque non eam tenet vitæ viam quæ ducit ad beatitudinem, cum se fateatur & profiteatur nolle nisi ad beatitudinem pervenire, in tantum errat. Error est enim cum sequimur aliquid, quod non ad id ducit, quo volumus pervenire. Et quanto magis in via vitæ quis errat, tanto minus sapit. Tanto enim magis longe est a veritate, in qua cernitur & tenetur summum bonum. Summo autem bono assequuto & adepto, beatus quisque fit; quod omnes sine controversia volumus. Ut ergo constet nos beatos esse velles, ita nos constat velle esse sapientes; quia nemo sine sapientia beatus est. Nemo enim beatus est, nisi summo bono, quod in ea veritate, quam sapientiam vocamus, cernitur & tenetur. Sicut ergo ante quam beati simus, mentibus tamen nostris impressa est notio beatitudinis; per hanc enim scimus, fidenterque & sine ulla dubitatione dicimus beatos nos esse velles: ita etiam prius quam sapientes simus, sapientiæ notionem in mente habemus impressam, per quam unusquisque nostrum si interrogetur velitne esse sapiens, sine ulla caligine dubitationis se velle respondet.

27. Quare si jam constat inter nos quæ sit sapientia, quam fortasse verbis explicare non poteris (nam si eam nullo modo animo cerneris, nullo modo scires & velle te esse sapientem & velle debere, quod te negaturum esse non arbitror) volo jam dicas mihi, utrum etiam sapientiam, sicut numeri rationem atque veritatem, omnibus ratiocinantibus communem se præbere arbitreris; an quoniam tot sunt mentes hominum quot homines sunt, unde nec ego de tua mente aliquid cerno nec tu de mea, tot etiam putes esse sapientias, quot potuerint esse sapientes. E. Si summum bonum omnibus unum est, oportet etiam veritatem in qua cernitur & tenetur, id est, sapientiam omnibus unam esse communem. A. Dubitas autem summum bonum, quidquid illud est, omnibus hominibus unum esse? E. Dubito

a In editis, & inclinavi cor meum. At abest, inclinavi, a MSS. nec non a græco Scripturæ textu, juxta quem postea legere solet Augustinus,

sapientiam & numerum: quo modo legit etiam Ambrosius in lib. de Bono mortis cap. 7.

bito sane, quia diversos diversis rebus gaudere video tamquam summis bonis suis. A. Vellem quidem, ut de summo bono ita nemo dubitaret, ut nemo dubitat quidquid illud est, nonnisi eo adepto posse fieri hominem beatum. Sed quoniam magna quaestio est, & longum sermonem forte desiderat, putemus omnino tot summa bona esse, quot sunt ipsae res diversae, quae a diversis tamquam summa bona appetuntur: num ideo sequitur, ut ipsa sapientia etiam non sit una communis omnibus; quia ea bona, quae in illa cernunt & eligunt homines, multa & diversa sunt? Si enim hoc putas, potes & de luce solis dubitare quod una sit, quia multa & diversa sunt, quae in ea cernimus. De quibus multis eligit quisque pro voluntate quo fruatur per oculorum sensum: & alius altitudinem montis alicujus intuetur libenter, & eo gaudet adspectu; alius campi planitiem, alius convexa vallium, alius nemorum viriditatem, alius mobilem aequalitatem maris, alius haec omnia, vel quaedam horum simul pulcra confert ad laetitiam videndi. Sicut ergo ista multa & diversa sunt, quae in luce solis homines vident & eligunt ad fruendum, lux tamen ipsa una est, in qua videt & tenet quo fruatur uniuscujusque intuitus adspectus: ita etiam si multa sunt bona eaque diversa, e quibus eligat quisque quod volet, idque videndo & tenendo ad fruendum summum sibi bonum recte verique constituat, fieri tamen potest, ut lux ipsa sapientiae, in qua haec videri & teneri possunt, omnibus sapientibus sit una communis. E. Fateor fieri posse, nec impedire aliquid, ut non sit omnibus communis una sapientia, etiam si multa & diversa sint summa bona: sed vellem scire an ita sit. Quod enim concedimus fieri posse ut ita sit, non continuo ita esse concedimus. A. Tenemus interim esse sapientiam: sed utrum sit communis una omnibus, an singuli sapientes suas habeant, sicuti animas vel mentes suas, hoc nondum tenemus. E. Ita est.

CAPUT
X.
Una est
sapientia: lux
omnibus
sapientibus
communis.

28. A. QUID hoc quod tenemus vel esse sapientiam, vel sapientes, & beatos esse omnes homines velle, ubi videmus? Nam hoc te videre, & verum esse, nullo modo utique dubitaverim. Hoc ergo verum sic vides ut cogitationem tuam, quam si mihi non enunties, ego prorsus ignoro; an ita ut intelligas, & a me videri posse hoc verum, tametsi mihi abs te non dicatur? E. Immo ita ut abs te quoque, etiam me invito, videri posse non dubitem. A. Quod ergo unum verum videmus ambo singulis mentibus, nonne utrique nostrum commune est? E. Manifestissime. A. Item credo te non negare studendum esse sapientiae, atque hoc verum esse concedere. E. Prorsus non dubito. A. Hoc item verum, & unum esse, & omnibus qui hoc sciunt, ad videndum esse commune, quamvis unusquisque id nec mea, nec tua, nec cujusquam alterius, sed sua mente conspiciat, cum id quod conspicitur, omnibus conspicientibus communiter praesto sit, numquid negare poterimus? E. Nullo modo. A. Item Juste esse vivendum, deteriora melioribus esse subdenda, & paria paribus comparanda, & propria suis quibusque tribuenda, nonne fateberis esse verissimum, & tam mihi quam tibi atque omnibus id videntibus praesto esse communiter? E. Assentior. A. Quid incorruptum melius esse corrupto, aeternum temporali, inviolabile violabili, poteris negare? E. Quis potest? A. Hoc ergo verum potest quisque suum proprium dicere, cum incommutabiliter contemplandum adsit omnibus, qui hoc contemplari valent? E. Nullus hoc vere dixerit, suum esse proprium, cum tam sit unum atque omnibus commune, quam verum

A est. A. Item a corruptione avertendum animum, atque ad incorruptionem convertendum esse, id est, non corruptionem, sed incorruptionem diligendam esse quis negat? Aut quis cum verum esse fateatur, non etiam incommutabile intelligat, atque omnibus mentibus id valentibus intueri, communiter praesto esse videat? E. Verissimum est. A. Quid eam vitam quae nullis adversitatibus de certa & honesta sententia demovetur, dubitabit aliquis esse meliorem, quam eam quae facile in commodis temporalibus frangitur atque subvertitur? E. Quis dubitaverit?

B 29. A. Jam hujusmodi plura non quaeram: satis enim est quod istas tamquam regulas & quaedam lumina virtutum, & vera & incommutabilia, & sive singula sive omnia communiter adesse ad contemplandum eis, qui haec valent sua quisque ratione ac mente conspicer, pariter mecum vides, certissimumque esse concedis. Sed sane quaero, utrum haec tibi videantur ad sapientiam pertinere: nam credo videri tibi eum qui sapientiam assecutus est, esse sapientem. E. Videtur omnino.

C A. Quid, ille qui juste vivit, possetne ita vivere, nisi videret quae inferiora quibus potioribus subdat, & quae paria sibi met copulet, & quae propria suis quibusque distribuat? E. Non posset. A. Qui ergo haec videt, num eum negabis sapienter videre? E. Non nego. A. Quid, ille qui prudenter vivit, nonne eligit incorruptionem, & eam corruptioni praeposendam esse decernit? E. Manifestissime. A. Cum ergo id eligit quo convertat animum, quod eligendum esse nemo ambigit, num negari potest sapienter eligere? E. Nullo modo negaverim.

A. Cum ergo ad id quod sapienter eligit convertit animum, sapienter utique convertit. E. Certissimum est.

D A. Et qui ab eo quod sapienter eligit, & quo se sapienter convertit, nullis terroribus poenisque depellitur, sapienter sine dubio facit. E. Prorsus sine dubio. A. Manifestissimum est igitur omnes has, quas regulas diximus & lumina virtutum, ad sapientiam pertinere: quando quidem quanto magis quisque ad agendam vitam eis utitur, & secundum haec agit vitam, tanto magis vivit facitque sapienter: omne autem quod sapienter fit, non potest recte dici a sapientia esse separatum. E. Omnino ita est. A. Quam ergo verae atque incommutabiles sunt regulae numerorum, quorum rationem atque veritatem incommutabiliter atque communiter omnibus eam cernentibus, praesto esse dixisti, tam sunt verae atque incommutabiles regulae sapientiae, de quibus paucis nunc singillatim interrogatus respondisti esse veras atque manifestas, easque omnibus qui haec intueri valent, communes ad contemplandum adesse concedis.

E 30. E. DUBITARE non possum. Sed per vellem scire, utrum uno aliquo genere contineantur haec duo, sapientia scilicet & numerus, quia conjuncta etiam in Scripturis sanctis haec posita esse commemorasti: an alterum existat ab altero, aut alterum in altero consistat, veluti numerus a sapientia, vel in sapientia. Nam sapientiam existere a numero, aut consistere in numero, non ausim dicere: nescio enim quo modo quia multos novi numerarios aut numeratores, vel si quo alio nomine vocandi sunt, qui summe atque mirabiliter computant, sapientes autem per paucos, aut forsitan neminem, longe venerabilior mihi occurrit sapientia quam numerus. A. Rem dicis quam ego quoque mirari soleo. Nam cum incommutabilem veritatem numerorum mecum ipse confidero, & ejus quasi cubile ac penetrabile vel regionem quamdam, vel si quod aliud nomen ap-
tum

CAPUT
XI.
Sapientia & numerus
an idem,
an alterum ab
altero
vel in altero
existat.

tum inveniri potest, quo nominemus quasi habitaculum quoddam sedemque numerorum, longe removeor a corpore: & inveniens fortasse aliquid quod cogitare possim, non tamen aliquid inveniens quod verbis proferre sufficiam, redeo tamquam lassatus in hæc nostra, ut loqui possim, & ea quæ ante oculos sita sunt dico, sicut dici solent. Hoc mihi accidit etiam cum de sapientia quantum valeo, vigilantissime atque intentissime cogito. Et propterea multum miror, cum hæc duo sint in secretissima certissimaque veritate, accedente etiam testimonio Scripturarum, quo commemoravi conjuncte illa posita, plurimum miror, ut dixi, quare numerus vilis sit multitudini hominum, & cara sapientia. Sed nimirum illud est, quod una quædam eademque res est: verum tamen quoniam nihilo minus in divinis libris de sapientia dicitur, quod *adtingit a fine usque ad finem fortiter, & disponit omnia suaviter*, ea potentia qua fortiter a fine usque ad finem adtingit, numerus fortasse dicitur: ea vero qua disponit omnia suaviter, sapientia proprie jam vocatur; cum sit utrumque unius ejusdemque sapientiæ.

Sap. 8. n. 1

31. Sed quia dedit numeros omnibus rebus etiam infimis, & in fine rerum locatis, & corpora enim omnia quamvis in rebus extrema sint, habent numeros suos: sapere autem non dedit corporibus, neque animis omnibus, sed tantum rationalibus, tamquam in eis sibi sedem locaverit, de qua disponat omnia illa etiam infima, quibus numeros dedit: itaque quoniam de corporibus facile judicamus, tamquam de rebus quæ infra nos ordinatæ sunt, quibus impressos numeros infra nos esse cernimus; & eos propterea vilius habemus. Sed cum cœperimus tamquam sursum versus recurrere, invenimus eos etiam nostras mentes transcendere, atque incommutabiles in ipsa manere veritate. Et quia sapere pauci possunt, numerare autem etiam stultis concessum est, mirantur homines sapientiam, numerosque contemnunt. Docti autem & studiosi, quanto remotiores sunt a labe terrena, tanto magis & numerum & sapientiam in ipsa veritate contuentur, & utrumque carum habent: & in ejus veritatis comparatione non eis aurum & argentum, & cetera de quibus homines dimicant, sed ipsi etiam vilescunt sibi.

32. Nec mireris numeros ideo viluisse hominibus, & caram esse sapientiam, quia facilius possunt numerare quam sapere, cum videas carius illos habere aurum quam lumen lucernæ, cui comparatum aurum ridetur. Sed honoratur amplius res longe inferior, quia lucernam sibi & mendicus accendit, aurum vero pauci habent: quamquam sapientia absit ut in comparatione numeri inveniat inferior, cum eadem sit: sed oculum quo cerni possit, inquit. Sed quemadmodum in uno igne consubstantialis, ut ita dicam, sentitur fulgor & calor, nec separari ab invicem possunt; tamen ad ea calor pervenit, quæ prope admoventur, fulgor vero etiam longius latiusque diffunditur: sic intelligentiæ potentia, quæ inest sapientiæ, propinquiora fervere sicut sunt animæ rationales; ea vero quæ remotiora sunt, sicuti corpora, non adtingit calore sapiendi, sed perfundit lumine numerorum: quod tibi fortassis obscurum est. Non enim ulla visibilis similitudo invisibili rei potest ad omnem convenientiam coaptari. Tantum illud adtende, quod & quæstioni quam suscepimus satis est, & humilioribus etiam mentibus, quales nos sumus, sese manifestat, quia etsi clarum nobis esse non potest, utrum in sapientia, vel ex sapientia nume-

rus, an ipsa sapientia ex numero, an in numero sit, an utrumque nomen unius rei possit ostendi; illud certe manifestum est utrumque verum esse, & incommutabiliter verum.

33. QUAPROPTER nullo modo negaveris esse incommutabilem veritatem, hæc omnia quæ incommutabiliter vera sunt continentem, quam non possis dicere tuam vel meam, vel cujusquam hominis, sed omnibus incommutabilia vera cernentibus, tamquam miris modis secretum & publicum lumen, præsto esse ac se præbere communiter: omne autem quod communiter omnibus ratiocinantibus atque intelligentibus præsto est, ad ullius eorum proprie naturam pertinere quis dixerit? Meministi enim, ut opinor, quid de sensibus corporis paulo ante tractatum sit; ea scilicet quæ oculorum vel aurium sensu communiter tangimus, sicuti sunt colores & soni, quos ego & tu simul videmus, vel simul audimus, non pertinere ad oculorum nostrorum auriumve naturam, sed ad sentiendum nobis esse communia. Sic ergo etiam illa quæ ego & tu communiter propria quisque mente conspiciamus, nequaquam dixeris ad mentis alicujus nostrum pertinere naturam. Duorum enim oculi quod simul vident, nec hujus nec illius oculos esse poteris dicere, sed aliquid tertium in quod utriusque conferatur adspectus. E. Apertissimum atque verissimum est.

34. A. Hanc ergo veritatem, de qua jam diu loquimur, & in qua una tam multa conspiciamus, excellentiorem putas esse quam mens nostra est, an æqualem mentibus nostris, an etiam inferiorem? Sed si esset inferior, non secundum illam, sed de illa judicarem, sicuti judicamus de corporibus, quia infra sunt, & dicimus ea plerumque non tantum ita esse vel non ita, sed ita vel non ita esse debere: sic & de animis nostris non solum ita esse animum novimus, sed plerumque etiam ita esse debere. Et de corporibus quidem sic judicamus, cum dicimus, Minus candidum est quam debuit, aut minus quadrum, & multa similiter. De animis vero, Minus aptus est quam debet, aut minus lenis, aut minus vehemens, sicut nostrorum morum se ratio tulerit. Et judicamus hæc secundum illas interiores regulas veritatis, quas communiter cernimus: de ipsis vero nullo modo quis judicat: cum enim quis dixerit æterna temporalibus esse potiora, aut septem & tria decem esse, nemo dicit ita esse debuisse, sed tantum ita esse cognoscens, non examiner corripit, sed tantum lætatur inventor. Si autem esset æqualis mentibus nostris hæc veritas, mutabilis etiam ipsa esset. Mentis enim nostræ aliquando eam plus vident, aliquando minus, & ex hoc fatentur se esse mutabiles: cum illa in se manens nec proficiat cum plus a nobis videtur, nec deficiat cum minus; sed integra & incorrupta, & conversos lætificet lumine, & aversos puniat cæcitate. Quid quod etiam de ipsis mentibus nostris secundum illam judicamus, cum de illa nullo modo judicare possimus? Dicimus enim, Minus intelligit quam debet, aut tantum quantum debet intelligit. Tantum autem mens debet intelligere, quantum propius admoventur atque inhærere potuerit incommutabili veritati. Quare si nec inferior, nec æqualis est, restat ut sit superior atque excellentior.

35. PROMISERAM autem, si meministi, me tibi demonstraturum esse aliquid, quod sit mente nostra atque ratione sublimius. Ecce tibi est ipsa veritas: amplectere illam si potes, & frui illa, & delectare in Domino, & dabit tibi petitiones cordis tui. Quid enim

petis

CAPUT XII.
Una & incommutabilis in omnibus intelligentibus veritas, eaque nostra mente superior.

CAPUT XIII.
Exhortatio ad amplectendum veritatem, quæ una beatos facit.

petis amplius quam ut beatus sis? Et quid beatius eo qui fruitur inconcussa & incommutabili & excellentissima veritate? An vero clamant homines beatos se esse, cum pulcra corpora magno desiderio concupita, sive conjugum, sive etiam meretricum amplexantur, & nos in amplexu veritatis beatos esse dubitamus? Clamant homines se beatos esse, cum æstu aridis faucibus ad fontem abundantem salubremque perveniunt, aut esurientes prandium cœnamve ornatam copiosamque reperiunt: & nos negabimus beatos esse, cum irrigamur pascimurque veritate? Solemus audire voces clamantium se beatos, si jaceant in rosa & aliis floribus, vel etiam unguentis odoratissimis perfruantur: quid fragrantius, quid jocundius inspiratione veritatis? & dubitamus nos cum ab illa inspiramur, dicere beatos? Multi beatam vitam in cantu vocum & nervorum & tibiarum sibi constituunt, & cum ea sibi desunt, se miseros judicant, cum autem adsunt, effertur lætitia: & nos cum mentibus nostris sine ullo strepitu, ut ita dicam, canorum & facundum quoddam silentium veritatis illabitur, aliam beatam vitam quærimus, & tam certa & præsentem non fruimur? Luce auri & argenti; luce gemmarum & aliorum colorum, sive ipsius lucis quæ ad hos oculos pertinet, sive in ignibus terrenis, sive in stellis vel luna vel sole claritate & jocunditate delectati homines, cum ab ista lætitia nullis molestiis, nulla indigentia revocantur, beati sibi videntur, & propter hæc semper volunt vivere: & nos in luce veritatis beatam vitam collocare metuimus?

36. Immo vero quoniam in veritate cognoscitur & tenetur summum bonum, eaque veritas sapientia est, cernamus in ea, teneamusque summum bonum, eoque perfruamur. Beatus est quippe qui fruitur summo bono. Hæc enim veritas ostendit omnia bona, quæ vera sunt, quæ sibi pro suo captu intelligentes homines, vel singula, vel plura eligunt, quibus fruuntur. Sed quemadmodum illi qui in luce solis eligunt quod libenter adspiciant, & eo adspectu lætificantur, in quibus si qui forte fuerint vegetioribus sanisque & fortissimis oculis præditi, nihil libentius, quam ipsum solem contuentur, qui etiam cetera quibus infirmiores oculi delectantur, illustrat: sic fortis acies mentis & vegeta, cum multa vera & incommutabilia certa ratione conspexerit, dirigit se in ipsam veritatem, qua cuncta monstrantur, eique inhærens tamquam obliviscitur cetera, & in illa simul omnibus fruitur. Quidquid enim jocundum est in ceteris veris, ipsa utique veritate jocundum est.

37. HÆC est libertas nostra, cum isti subdimur veritati: & ipse est Deus noster, qui nos liberat a morte, id est, a conditione peccati. Ipsa enim Veritas etiam homo cum hominibus loquens, ait credentibus sibi, *Si manseritis in verbo meo, vere discipuli mei estis, & cognoscetis veritatem, & veritas liberabit vos.* Nulla enim re fruitur anima cum libertate, nisi qua fruitur cum securitate.* Nemo autem securus est in iis bonis quæ potest invitus amittere. Veritatem autem atque sapientiam nemo amittit invitus: non enim locis separari ab ea quicquam potest; sed ea quæ dicitur a veritate atque sapientia separatio, perversa voluntas est, qua inferiora diliguntur. Nemo autem vult aliquid nolens. Habemus igitur qua fruamur omnes æqualiter atque communiter: nullæ sunt angustiae, nullus in ea defectus. Omnes amatores suos nullo modo sibi invidios recipit, & omnibus communis est, & singulis casta est. Nemo alicui dicit, Recede, ut etiam ego accedam? remove manus, ut etiam ego amplectar. Omnes inhærent, id

Tom. I.

A ipsum omnes tangunt. Cibus ejus nulla ex parte discerpitur: nihil de ipsa bibis quod ego non possim. Non enim ab ejus communione in privatum tuum mutas aliquid: sed quod tu de illa capis, & mihi manet integrum. Quod te inspirat non exspecto ut reddatur abs te, & sic ego inspirer ex eo: non enim aliquid ejus aliquando fit cujusquam unius aut quorundam proprium, sed simul omnibus tota est communis.

38. Minus ergo ea quæ tangimus, vel quæ gustamus, vel quæ olfacimus, huic sunt veritati similia; sed magis ea quæ audimus & cernimus: quia & omne verbum a quibus auditur, totum auditur ab omnibus, & simul a singulis totum; & species omnis quæ oculis adjacet, quanta videtur ab uno, tanta & ab alio simul. Sed multum longo intervallo sunt ista similia: nec tota enim simul sonat quælibet vox, quia per tempora tenditur & producitur, & aliud ejus prius sonat, aliud posterius; & species omnis visibilis tamquam intumescit per locos, nec ubique tota est. Et certe omnia hæc auferuntur invito, & quo minus eis frui possimus, quibusdam impedimur angustis. Nam & si posset esse cujusquam suavis cantus sempiternus, & studiosi ejus certatim ad eum audiendum venirent, coartarent sese, atque pugnarent de locis; quanto plures essent, ut cantanti esset quisque propinquior, & in audiendo nihil tenerent manere secum, sed omnibus vocibus fugientibus tangerentur. Solem autem istum si vellem intueri, atque id pertinaciter possem, & in casu me defereret, & subvelaretur nubilo, & multis aliis obstaculis voluptatem videndi eum invitus amitterem. Postremo etiam si adesset semper suavis, & lucis videnti, & vocis audienti, quid magnum ad me perveniret, cum mihi esset commune cum belluis? At illa veritatis & sapientiæ pulcritudo, tantum adsit perseverans voluntas fruendi, nec multitudine audientium constipata secludit venientes, nec peragitur tempore, nec migrat locis, nec nocte intercipitur, nec umbra intercluditur, nec sensibus corporis subjacet. De toto mundo ad se conversis qui diligunt eam, omnibus proxima est, omnibus sempiterna; nullo loco est, nusquam deest; foris admonet, intus docet; cernentes se commutat omnes in melius, a nullo in deterius commutatur; nullus de illa judicat, nullus sine illa judicat bene. Ac per hoc eam manifestum est mentibus nostris, quæ ab ipsa una fiunt singulæ sapientes, & non de ipsa, sed per ipsam de ceteris judices, sine dubitatione esse potiores.

39. Tu autem concesseras, si quid supra mentes nostras esse monstrarem, Deum te esse confessorum, si adhuc nihil esset superius. Quam tuam concessionem accipiens dixeram satis esse, ut hoc demonstrarem. Si enim aliquid est excellentius, ille potius Deus est: si autem non est, jam ipsa veritas Deus est. Sive ergo illud sit, sive non sit, Deum tamen esse, negare non poteris: quæ nobis erat ad differendum & tractandum quaestio constituta. Nam si te hoc movet quod apud sacrosanctam disciplinam Christi in fidem recepimus, esse Patrem sapientiæ: memento nos etiam hoc in fidem accepisse, quod eterno Patri sit æqualis quæ ab ipso genita est Sapientia. Unde nunc nihil quaerendum est, sed inconcussa fide retinendum. Est enim Deus, & vere summeque est. Quod jam non solum indubitatum quantum arbitror fide retinemus, sed etiam certa, quamvis adhuc tenuissima forma cognitionis attingimus: quod quaestioni susceptæ sufficit ut cetera quæ ad rem pertinent, explicare possimus: nisi quid habes adversus ista quod opponas. E. Ego vero incredibili omnino, & quam tibi verbis explicare non possum,

CAPUT XV.
Deum esse ex ratione fuse explicata jam certo cognoscitur.

C c

sum,

Joan. 8. 31. *manferitis in verbo meo, vere discipuli mei estis, & cognoscetis veritatem, & veritas liberabit vos.* Nulla enim re fruitur anima cum libertate, nisi qua fruitur cum securitate.*

CAPUT XIV.
Veritas possidet cum securitate.

sum, lætitia perfusus accipio ista, & clamo esse certissima. Clamo autem voce interiore, qua exaudiri cupio ab ipsa veritate, & illi inhærere; quod non solum bonum, sed etiam summum bonum, & beatificum esse concedo.

40. A. Recte sane; etiam ego plurimum gaudeo. Sed quæso te, numquid jam sapientes & beati sumus, an adhuc tendimus eo, ut id nobis esse proveniat? E. Eo nos potius tendere existimo. A. Unde ergo ista comprehendis, quibus veris certisque gaudere te clamas, & hoc ad sapientiam pertinere concedis? an quisquam insipiens potest nosse sapientiam? E. Quamdiu insipiens est, non potest. A. Tu ergo jam sapiens es, aut nondum nosti sapientiam. E. Non sum quidem adhuc sapiens, sed nec insipientem me dixerim, in quantum novi sapientiam: quoniam & certa sunt ista quæ novi, & ad sapientiam pertinere, negare non possum. A. Dic quæso te, nonne fateberis eum, qui non est iustus, iniustum esse; & qui non est prudens, imprudentem esse; & qui non est temperans, intemperantem? an dubitari de his aliquid potest? E. Fateor hominem, quando iustus non est, iniustum esse: hoc etiam de prudente & temperante responderim. A. Cur ergo & quando sapiens non est, non sit insipiens? E. Hoc quoque fateor, quando quisque sapiens non est, eum esse insipientem. A. Nunc ergo tu quid horum es? E. Quodlibet horum me appelles, nondum audeo me dicere sapientem: & ex iis quæ concessi, video esse consequens, ut me insipientem non dubitem dicere. A. Novit ergo insipiens sapientiam. Non enim sicut jam dictum est, certus esset velle se esse sapientem, idque oportere, nisi notio sapientiæ menti ejus inhæreret, sicut earum rerum de quibus singillatim interrogatus respondisti, quæ ad ipsam sapientiam pertinent, quarum cognitione lætatus es. E. Ita est ut dicis.

CAPUT
XVI.
Sapien-
tia stu-
diosius
in-
quisito-
ribus se-
se in via
ostendit,
numeris
videli-
cet cui-
que rei
impre-
ssis.

4. p. 6. 17

41. A. QUID igitur aliud agimus cum studemus esse sapientes, nisi ut quanta possumus alacritate, ad id quod mente contingimus, totam animam nostram quodam modo colligamus, & ponamus ibi, atque stabiliter infigamus, ut non jam privato suo gaudeat quod implicavit rebus transeuntibus, sed exuta omnibus temporum & locorum affectionibus apprehendat id quod unum atque idem semper est? Sicut enim tota vita corporis est anima, sic beata vita animæ Deus est. Quod dum agimus, donec peragamus, in via sumus. Et quod istis veris & certis bonis, quamvis adhuc in hoc tenebroso itinere coruscantibus, gaudere concessum est, vide utrum hoc sit quod scriptum est de sapientia, quid agat cum amatoribus suis cum ad eam veniunt, & eam quærunt: dictum est enim; *In viis ostendet se illis hilariter, & omni providentia occurret illis*. Quoquo enim te verteris, vestigiis quibusdam, quæ operibus suis impressit, loquitur tibi, & te in exteriora relabentem, ipsis exteriorum formis intro revocat; ut quidquid te delectat in corpore, & per corporeos illicit sensus, videas esse numerosum, & quæras unde sit, & in te ipsum redeas, atque intelligas te id quod adtingis sensibus corporis, probare aut improbare non posse, nisi apud te habeas quasdam pulcritudinis leges, ad quas referas quæque pulcra sentis exterius.

42. Intuere cælum & terram & mare, & quæcumque in eis vel de super fulgent, vel deorsum repunt, vel volant, vel natant, formas habent, quia numeros habent: adime illis hæc, nihil erunt. A quo ergo sunt, nisi a quo numerus? quando quidem in tantum illis est esse, in quantum numerosa esse. Et omnium quidem formarum corporearum artifices homines in arte habent nu-

A meros, quibus coaptant opera sua: & tamdiu manus atque instrumenta in fabricando movent, donec illud quod formatur foris, ad eam quæ intus est lucem numerorum relatum, quantum potest impetret absolutiorem, placetque per interpretem sensum interno iudici supernos numeros intuenti. Quære deinde artificis ipsius membra quis moveat, numerus erit: nam moventur etiam illa numerose. Et si detrahas de manibus opus, & de animo intentionem fabricandi, motusque ille membrorum ad delectationem referatur, saltatio vocabitur. Quære ergo quid in saltatione delectet; respondet tibi numerus, Ecce sum. Inspice jam pulcritudinem formati corporis; numeri tenentur in loco. Inspice pulcritudinem mobilitatis in corpore; numeri versantur in tempore. Intra ad artem unde isti procedunt, quære in ea tempus & locum; numquam erit, nusquam erit; vivit in ea tamen numerus: nec ejus regio spatiorum est, nec ætas dierum; & discendæ arti tamen cum se accommodant, qui se artifices fieri volunt, corpus suum per loca & tempora movent, animum vero per tempora: accessu quippe temporis peritiores fiunt. Transcende ergo & animum artificis, ut numerum sempiternum videas; jam tibi sapientia de ipsa interiore sede fulgebit, & de ipso secretario veritatis: quæ si adhuc languidiorem ad spectum tuum reverberat, refer oculum mentis in illam viam, ubi se ostendebat hilariter. Memento sane distulisse te visionem, quam fortior saniorque repetas.

43. Væ qui derelinquunt te ducem, & oberrant in vestigiis tuis, qui nutus tuos pro te amant, & obliviscuntur quid innuas, o suavissima lux purgatæ mentis sapientia; non enim cessas innuere nobis, quæ & quanta sis: & nutus tui sunt omne creaturarum decus. Et artifex enim quodam modo innuit spectatoris operis sui de ipsa operis pulcritudine, ne ibi totus hæreat, sed speciem corporis fabricati sic percurrat oculis, ut in eum qui fabricaverit recurrat affectu. Similes autem sunt, qui ea quæ facis pro te amant, hominibus qui cum audiunt aliquem facundum sapientem, dum nimis suavitatem vocis ejus & structuras syllabarum apte locatarum avide audiunt, amittunt sententiarum principatum, cujus illa verba tamquam signa sonuerunt. Væ qui se avertunt a lumine tuo, & obscuritati suæ dulciter inhærent. Tamquam enim dorsum ad te ponentes, in carnali opere velut in umbra sua defiguntur, & tamen etiam ibi quod eos delectat, adhuc a habent de circum fulgentia lucis tuæ. Sed umbra dum amatur languidiorem facit oculum animi & invalidiorem ad perferendum conspectum tuum. Propterea magis magisque homo tenebratur, dum sectatur libentius, quidquid infirmiores tolerabilius excipit. Ex quo incipit non posse videre quod summe est, & malum putare quidquid fallit improvidum, aut illicit b indigum, aut caput excruciat, cum ea pro merito patiatur aversionis suæ, & quidquid iustum est, malum esse non possit.

44. Si ergo quidquid mutabile adspexeris, vel sensu corporis, vel animi consideratione capere non potes, nisi aliqua numerorum forma teneatur, qua detracta in nihil recidat; noli dubitare, ut ista mutabilia non intercipientur, sed dimensis motibus, & distincta varietate formarum, quasi quosdam versus temporum peragant, esse aliquam formam æternam & incommutabilem; quæ neque contineatur & quasi diffundatur locis, neque protendatur atque varietur temporibus, per quam cuncta ista formari valeant, & pro suo genere imple-

a MSS. plures, adhuc habet de circumfulgentia &c.

b MSS. non pauci cum antiquioribus editionibus, aut illicit indignum.

CAPUT
XVII.
Bonum,
& perfe-
ctio que-
cumque
ex Deo
est.

Psal. 101
27.

Sap. 7. 27

implere atque agere locorum ac temporum numeros. **45.** OMNIS enim res mutabilis, etiam formabilis fit necesse est. Sicut autem mutabile dicimus quod mutari potest, ita formabile quod formari potest appellaverim. Nulla autem res formare se ipsam potest: quia nulla res potest dare sibi quod non habet: & utique ut habeat formam, formatur aliquid. Quapropter quælibet res si quam habet formam, non ei opus est accipere quod habet: si qua vero non habet formam, non potest a se accipere quod non habet. Nulla ergo res, ut diximus, formare se potest. Quid autem amplius de mutabilitate corporis & animi dicamus? superius enim satis dictum est. Conficitur itaque, ut & corpus & animus forma quadam incommutabili & semper manente formentur. Cui formæ dictum est, *Mutabis ea & mutabuntur, tu autem idem ipse es, & anni tui non deficient.* Annos sine defectu, pro æternitate posuit prophetica loquutio. De hac item forma dictum est, quod *in se ipsa manens innovet omnia.* Hinc etiam comprehenditur omnia providentia gubernari. Si enim omnia quæ sunt, forma penitus subtrahæta nulla erunt, forma ipsa incommutabilis, per quam mutabilia cuncta subsistunt, ut formarum suarum numeris impleantur & agantur, ipsa est eorum providentia: non enim ista essent, si illa non esset. Intuens ergo & considerans universam creaturam, quicumque iter agit ad sapientiam, sentit sapientiam in via se sibi ostendere hilariter, & in omni providentia occurrere sibi: & tanto alacrius ardescit viam istam peragere, quanto & ipsa via per illam pulchra est, ad quam exæstuat pervenire.

46. Tu autem si præter id quod est & non vivit, & id quod est & vivit neque intelligit, & id quod est & vivit & intelligit, inveneris aliquod aliud creaturarum genus, tunc aude dicere aliquod bonum esse, quod non sit ex Deo. Tria enim hæc duobus etiam nominibus enuntiari possunt, si appellentur corpus & vita: quia & illa quæ tantum vivit, neque intelligit, qualis est pecorum, & hæc quæ intelligit, sicuti est hominum, rectissime vita dicitur. Hæc autem duo, id est, corpus & vita, quæ quidem creaturæ deputantur (nam & Creatoris ipsius vita dicitur, & ea summa vita est) istæ igitur duæ creaturæ corpus & vita, quoniam formabilia sunt, sicuti superius dicta docuerunt, amissæque omnino forma in nihilum recidunt, satis ostendunt se ex illa forma subsistere, quæ semper ejusmodi est. Quamobrem quantacumque bona, quamvis magna, quamvis minima, nisi ex Deo esse non possunt. Quid enim majus in creaturis quam vita intelligens, aut quid minus potest esse quam corpus? Quæ quantumlibet deficient, & eo tendant ut non sint, tamen aliquid formæ illis remanet, ut quoquo modo sint. Quidquid autem formæ cuius rei deficienti remanet, ex illa forma est quæ nescit deficere, motusque ipsos rerum deficientium vel proficientium excedere numerorum suorum leges non finit. Quidquid igitur laudabile advertitur in rerum natura, sive exigua sive ampla laude dignum judicetur, ad excellentissimam & ineffabilem laudem referendum est Conditoris: nisi quid habes ad hæc.

CAPUT
XVIII.
Libera
voluntas
tamen
ad ma-
lum u-
sum con-
verti
possit,

47. E. SATIS mihi persuasum esse fateor, & quemadmodum manifestum fiat, quantum in hac vita atque inter tales quales non sumus potest, Deum esse, & ex Deo esse omnia bona: quando quidem omnia quæ sunt, sive quæ intelligunt & vivunt & sunt, sive quæ tantum vivunt & sunt, sive quæ tantum sunt, ex Deo sunt. Nunc jam tertiam quæstionem videamus, utrum

Tom. I.

in bonis
nume-
randa
est.

1. Retr.
c. 9. n. 3.

Psal. 52.

A expediri possit, inter bona esse numerandam liberam voluntatem. Quo demonstrato sine dubitatione concedam, Deum dedisse nobis eam, darique oportuisse. **A.** Bene meministi proposita, & secundam quæstionem jam explicatam vigilanter animadvertisti: sed videre debuisti etiam istam tertiam jam solutam. Propterea quippe tibi videri dixeras, dari non debuisse liberam voluntatis arbitrium, quod eo quisque peccat. Cui sententiæ tuæ cum ego intulissim, recte fieri non posse, nisi eodem libero voluntatis arbitrio, atque ad id potius hoc Deum dedisse asseverarem: respondisti liberam voluntatem ita nobis dari debuisse, ut justitia data est, qua nemo nisi recte potest uti. Quæ responsio tua in tantos circuitus disputationis nos ire compulit, quibus tibi probaremus, & majora & minora bona non esse nisi ex Deo. Quod non tam dilucide ostendi posset, nisi prius adversus opiniones impiæ stultitiæ, qua dicit insipiens in corde suo, Non est Deus, qualiscumque de re tanta pro modulo nostro inita ratio, eodem ipso Deo in tam periculoso itinere nobis opitulante, in aliquid manifestum intenderetur. Quæ duo tamen, id est, Deum esse & omnia bona ex ipso esse, quamquam inconcussa fide etiam antea tenerentur, sic tamen tractata sunt, ut hoc quoque tertium, inter bona esse numerandam liberam voluntatem, manifestissime appareat.

48. Jam enim superiore disputatione patefactum est, constititque inter nos, naturam corporis inferiore gradu esse quam animi naturam, ac per hoc animum majus bonum esse quam corpus. Si ergo in corporis bonis invenimus aliqua quibus non recte uti homo possit, nec tamen propterea dicimus, non ea dari debuisse, quoniam esse confitemur bona; quid mirum? si & in animo sunt quædam bona, quibus etiam non recte uti possimus, sed quia bona sunt, non potuerunt dari nisi ab illo, a quo sunt omnia bona? Vides enim quantum boni desit corpori cui desunt manus, & tamen manibus male utitur, qui eis operatur vel sæva vel turpia. Sine pedibus aliquem si adspiceres, fatereris deesse integritati corporis plurimum bonum: & tamen eum qui ad nocendum cuipiam, vel se ipsum dehonestandum pedibus uteretur, male uti pedibus non negares. Oculis hanc lucem videmus, formasque internoscimus corporum; idque & speciosissimum est in nostro corpore, unde in fastigio quodam dignitatis hæc membra locata sunt; & ad salutem tuendam, multaque alia vitæ commoda refert usus oculorum: oculis tamen plerique pleraque agunt turpiter, & eos militare cogunt libidini. Et vides quantum bonum desit in facie, si oculi desint: cum autem adsunt, quis hos dedit nisi bonorum omnium largitor Deus? Quemadmodum ergo ista probas in corpore, & non intuens eos qui male his utuntur, laudas illum qui hæc dedit bona: sic liberam voluntatem sine qua nemo potest recte vivere, oportet & bonum, & divinitus datum, & potius eos damnandos qui hoc bono male utuntur, quam eum qui dederit dare non debuisse fatearis.

F **49.** E. Prius ergo vellem, ut mihi probares aliquod bonum esse liberam voluntatem; & ego concederem Deum illam dedisse nobis, quia fateor ex Deo omnia bona esse. **A.** Itane tandem non probavi tibi tanto molimine superioris disputationis, cum omnem speciem formamque corporis a summa omnium rerum forma, id est, a veritate subsistere fatereris, & bonum esse concederes? Nam & capillos nostros numeratos esse, ipsa in Evangelio loquitur Veritas. De numeri autem summitate, & a fine usque ad finem pertendente potentia, quæ

Mat. 10.
30.

locuti fuerimus, excidit tibi. Quæ igitur ista est tanta perversitas, capillos nostros, quamvis inter exigua & omnino abjectissima, tamen inter bona numerare, nec invenire cui auctori tribuantur nisi bonorum omnium conditori Deo, quia & maxima & minima bona ab illo sunt, a quo est omne bonum; & dubitare de libera voluntate, sine qua recte vivi non posse concedunt, etiam qui pessime vivunt? Et certe nunc responde, quæso, quid tibi melius esse videatur in nobis, sine quo recte vivi potest, an sine quo recte vivi non potest. E. Jamjam parce quæso; pudet cæcitat. Quis enim ambigat id longe esse præstantius, sine quo recta vita nulla est? A. Jam ergo tu negabis luscum hominem recte posse vivere? E. Absit tam immanis amentia. A. Cum ergo in corpore oculum concedas esse aliquod bonum, quo amisso tamen ad recte vivendum non impeditur: voluntas libera tibi videbitur nullum bonum, sine qua recte nemo vivit?

50. Intueris enim justitiam, qua nemo male utitur. Hæc inter summa bona quæ in ipso sunt homine numeratur, omnesque virtutes animi quibus ipsa recta vita & honesta constat. Nam neque prudentia, neque fortitudine, neque temperantia male quis utitur: in his enim omnibus, sicut in ipsa etiam quam tu commemorasti justitia, recta ratio viget, sine qua virtutes esse non possunt. Recta autem ratione male uti nemo potest. *Ista ergo magna bona sunt: sed meminisse te oportet, non solum magna, sed etiam minima bona non esse posse, nisi ab illo a quo sunt omnia bona, hoc est, Deo. Id enim superior disputatio persuasit, cui totiens tamque lætus assensus es. Virtutes igitur quibus recte vivitur, magna bona sunt: species autem quorumlibet corporum, sine quibus recte vivi potest, minima bona sunt: potentia vero animi sine quibus recte vivi non potest, media bona sunt. Virtutibus nemo male utitur: ceteris autem bonis, id est, mediis & minimis, non solum bene, sed etiam male quisque uti potest. Et ideo virtute nemo male utitur, quia opus virtutis est bonus usus istorum, quibus etiam non bene uti possumus. Nemo autem bene utendo male utitur. Quare abundantia & magnitudo bonitatis Dei non solum magna, sed etiam media & minima bona esse præstitit. Magis laudanda est bonitas ejus in magnis, quam in mediis, & magis in mediis quam in minimis bonis: sed magis in omnibus quam si non omnia tribuisset.

51. E. Assentior. Sed illud me movet, quoniam de libera voluntate quæstio est, & videmus ipsam bene uti ceteris vel non bene, quomodo & ipsa inter illa quibus utimur numeranda sit. A. Quomodo omnia quæ ad scientiam cognoscimus, ratione cognoscimus, & tamen etiam ipsa ratio inter illa numeratur quæ ratione cognoscimus. An oblitus es cum quæreremus quæ ratione cognoscantur, confessum te fuisse etiam rationem ratione cognosci? Noli ergo mirari, si ceteris per liberam voluntatem utimur, etiam ipsa libera voluntate per eam ipsam uti nos posse, ut quodam modo se ipsa utatur voluntas quæ utitur ceteris, sicut se ipsam cognoscit ratio, quæ cognoscit & cetera. Nam & memoria non solum cetera omnia quæ meminimus comprehendit; sed etiam quod non obliviscimur nos habere memoriam, ipsa se memoria quodam modo tenet in nobis, quæ non solum aliorum, sed etiam sui meminit, vel potius nos & cetera & ipsam per ipsam meminimus.

52. Voluntas ergo quæ medium bonum est, cum inhæret incommutabili bono, eique communi non proprio, sicuti est illa, de qua multum locuti sumus, & ni-

hil digne diximus, veritas, tenet homo beatam vitam: eaque ipsa vita beata, id est, animi affectio inhærentis incommutabili bono, proprium & primum est hominis bonum. In eo sunt etiam virtutes omnes, quibus male uti nemo potest. Nam hæc quamvis magna in homine & prima sint, propria tamen esse uniuscujusque hominis, non communia, satis intelligitur. Veritate enim atque sapientia, quæ communis est omnibus, omnes sapientes & beati fiunt, inhærendo illi. Beatitudine autem alterius hominis non fit alter beatus, quia & cum eum imitatur ut sit, inde appetit beatus fieri, unde illum factum videt, illa scilicet incommutabili communique veritate. Neque prudentia cujusquam fit prudens alius, aut fortis fortitudine, aut temperans temperantia, aut justus justitia hominis alterius quisquam efficitur; sed coaptando animum illis incommutabilibus regulis luminibusque virtutum, quæ incorruptibiliter vivunt in ipsa veritate sapientiaque communi, quibus & ille coaptavit & fixit animum, quem istis virtutibus præditum sibi ad imitandum proposuit.

53. Voluntas ergo adhærens communi atque incommutabili bono, impetrat prima & magna hominis bona, cum ipsa sit medium quoddam bonum. Voluntas autem averfa ab incommutabili & communi bono, & conversa ad proprium bonum, aut ad exterius, aut ad inferius, peccat. Ad proprium convertitur, cum suæ potestatis vult esse; ad exterius, cum aliorum propria vel quæcumque ad se non pertinent, cognoscere studet; ad inferius, cum voluptatem corporis diligit, atque ita homo superbus, & curiosus, & lascivus effectus, excipitur ab alia vita, quæ in comparatione superioris vitæ morse est, quæ tamen regitur administratione divinæ providentiæ, quæ congruis sedibus ordinat omnia, & pro meritis sua cuique distribuit. Ita fit, ut neque illa bona quæ a peccantibus appetuntur, ullo modo mala sint, neque ipsa voluntas libera, quam in bonis quibusdam mediis numerandam esse comperimus; sed malum sit aversio ejus ab incommutabili bono, & conversio ad mutabilia bona: quæ tamen aversio atque conversio, quoniam non cogitur, sed est voluntaria, digna & justa eam miseriæ poena subsequitur.

54. SED tu fortasse quæsiturus es, quoniam movetur voluntas cum se avertit ab incommutabili bono ad mutabile bonum, unde ei iste motus existat; qui profecto malus est, tametsi voluntas libera, quia sine illa nec recte vivi potest, in bonis numeranda sit. Si enim motus iste, id est, aversio voluntatis a Domino Deo, sine dubitatione peccatum est, num possumus auctorem peccati Deum dicere? Non erit ergo iste motus ex Deo. Unde igitur erit? Ita quærenti tibi, si respondeam nescire me, fortasse eris tristior: sed tamen vera responderim. Sciri enim non potest quod nihil est. Tutantum pietatem inconcussam tene, ut nullum tibi bonum vel sentienti, vel intelligenti, vel quoquo modo cogitanti occurrat, quod non sit ex Deo. Ita enim nulla natura occurrit, quæ non sit ex Deo. Omnem quippe rem, ubi mensuram & numerum & ordinem videris, Deo artifici tribuere ne cuncteris. Unde autem ista penitus detraxeris, nihil omnino remanebit: quia etsi remanserit aliqua formæ alicujus inchoatio, ubi neque mensuram neque numerum neque ordinem invenias, quia ubicumque ista sunt, forma perfecta est, oportet auferas etiam ipsam inchoationem formæ, quæ tamquam materies ad perficiendum subjacere videtur artificis. Si enim formæ perfectio bonum est, nonnullum

jam

* CAPUT XIX. Bona magna, minima, & media. In mediis censetur libertas. 2. Sent. dist. 26. cap. Si vero,

2. Sent. dist. 26. cap. Attendere, & cap. Quæritur.

CAPUT XX. Ex Deo non est motus ille, quo voluntas ab incommutabili bono avertitur.

1. Retr. c. 9. n. 4.

jam bonum est & formæ inchoatio: ita detractō penitus
omni bono, ^a non quidem nonnihil, sed omnino nihil re-
manebit. Omne autem bonum ex Deo: nulla ergo na-
tura est, quæ non sit ex Deo. Motus ergo ille averfio-
nis, quod fatemur esse peccatum, quoniam defectivus
motus est, omnis autem defectus ex nihilo est, vide
^b quo pertineat, & ad Deum ^b non pertinere ne dubites.
Qui tamen defectus quoniam est voluntarius, in nostra
est positus potestate. Si enim times illum, oportet ut
nolis: si autem nolis, non erit. Quid ergo securius quam
esse in ea vita, ubi non possit tibi evenire quod non vis.

1. Retr.
c. 9. n. 4.
1. sent.
dist. 27. c.
Si igitur.

^a MSS. plerique & antiquiores editiones carent his verbis, *non quidem nonnihil, sed*, quæ hic servamus ex Lov.

A Sed quoniam non sicut homo sponte cecidit, ita etiam
sponte surgere potest, porrectam nobis desuper dexte-
ram Dei, id est, Dominum nostrum Jesum Christum
fide firma teneamus, & expectemus certa spe & cari-
tate ardenti desideremus. Si quid autem de origine pec-
cati diligentius quærendum adhuc putas, (nam omni-
no ego jam opus esse non arbitror) si quid tamen putas,
in aliam disputationem differendum est. E. Sequor sa-
ne voluntatem tuam, ut in tempus aliud, quod hinc
moverit, differamus. Nam illud tibi non concesserim,
ut satis jam inde quæsitum putes.

^b Bad. & Er. omīssa negatione habent, *ad Deum pertinere non dubites*.
pinguis error, qui ex MSS. & ipso ex contextu sermonis refellitur.

LIBERTERTIUS.

In quo quæritur unde ille motus existat quo voluntas ab incommutabili bono deflectit; An secum invicem pugnent Dei præscientia de hominum peccatis, & hominum ipsorum in peccando libertas. Mox ostenditur nequaquam id Creatori deputandum quod in creatura ita fieri necesse est, ut voluntate peccantium fiat; & prorsus de creaturæ, quæ peccato obnoxia sit, productione ac supplicio laudandum esse Deum. Hinc ad originis vitia perducta disputatione declaratur quemadmodum ea haud injuste in Adæ posteros demanent; utque propter hæc ipsa immerito peccantes excusationem obtendant: deinceps vero difficultates nonnullæ huc pertinentes enodantur.

CAPUT
I.
Unde sit
motus
ille quo
volun-
tas defle-
ctitur ab
incommu-
tabili
bono.

1. **Q**UONIAM satis mihi manifestum est, inter bo-
na, & ea quidem non minima, numerandam
esse liberam voluntatem, ex quo etiam fateri
cogimur eam divinitus datam esse, darique oportuisse:
jam si opportunum existimas, cupio per te cognoscere,
unde ille motus existat, quo ipsa voluntas avertitur a
communi atque incommutabili bono, & ad propria vel
aliena vel infima, atque omnia commutabilia converti-
tur bona. A. Quid enim opus est hoc scire? E. Quia si
ita data est, ut naturalem habeat istum motum, jam
necessitate ad hæc convertitur; neque ulla culpa depre-
hendi potest, ubi natura necessitasque dominatur. A.
Placetne tibi iste motus, an displicet? E. Displicet. A.
Reprehendis ergo eum. E. Utique reprehendo. A. Re-
prehendis igitur animi motum inculpabilem. E. Incul-
pabilem animi motum non reprehendo; sed nescio an
ulla culpa sit relicto incommutabili bono ad commu-
tabilia converti. A. Reprehendis ergo quod nescis. E.
Noli verbo premere: ita enim dixi, Nescio an ulla cul-
pa sit, ut intelligi voluerim sine dubio culpam esse.
Nam hoc verbo quod dixi, Nescio, satis profecto irrisi
dubitationem de re manifesta. A. Vide quid sit certissi-
ma veritas, quæ te coegit tam cito oblivisci, quod pau-
lo ante dixisti. Si enim natura vel necessitate iste motus
existit, culpabilis esse nullo pacto potest: tu vero esse
culpabilem ita firmissime tenes, ut dubitationem de
hac re tam certa etiam irridendam putaveris. Cur ergo
tibi vel affirmandum, vel certe cum aliqua dubitatione
dicendum visum est, quod perspicue falsum esse ipse
convincis? Dixisti enim, Si ita data est voluntas libera,
ut naturalem habeat istum motum, jam necessitate ad
hæc convertitur; neque ulla culpa deprehendi potest,
ubi natura necessitasque dominatur. Nullo modo au-
tem dubitare debuisti, non esse ita datam, quando
istum motum culpabilem esse non dubitas. E. Ego ip-
sum motum culpabilem dixi, & ideo mihi displicere,
& reprehendendum esse dubitare non possum: ani-
mam vero quæ isto motu ab incommutabili bono ad
commutabilia detrahitur, nego esse culpandam, si
ejus natura talis est, ut eo necessario moveatur.

2. A. Cujus est iste motus, quem profecto cul-
Tom. I.

B pandum esse concedis? E. In animo eum video, sed
cujus sit nescio. A. Numquid negas eo motu animum
moveri? E. Non nego. A. Negas ergo motum quo
movetur lapis, motum esse lapidis? Neque enim il-
lum dico motum quo eum nos movemus, vel aliqua
vi aliena movetur, veluti cum in coelum jacitur, sed
eum quo ad terram nutu suo vergit & cadit. E. Non
equidem nego motum quo ita ut dicis inclinatur, &
ima petit, motum esse lapidis, sed naturalem. Si au-
tem hoc modo etiam illum motum habet anima, pro-
fecto etiam ipse naturalis est; nec ex eo quod naturali-
ter movetur, recte vituperari potest: quia etiam si ad
perniciem movetur, naturæ tamen suæ necessitate com-
pellitur. Porro quia istum motum non dubitamus esse
culpabilem, omni modo negandum est esse natura-
lem: & ideo non est similis illi motui, quo naturali-
ter movetur lapis. A. Egimusne aliquid superioribus
duabus disputationibus? E. Egimus sane. A. Credo
D ergo meminisse te in prima disputatione satis esse com-
pertum, nulla re fieri mentem servam libidinis, nisi
propria voluntate: nam neque a superiore, neque ab
æquali eam posse ad hoc dedecus cogi, quia injustum
est; neque ab inferiore, quia non potest. Restat igitur
ut ejus sit proprius iste motus, quo fruendi voluntatem
ad creaturam a Creatore convertit: qui motus si cul-
pæ deputatur (unde qui dubitat, irrisione dignus tibi
visus est) non est utique naturalis, sed voluntarius; in
E eoque similis est illi motui quo deorsum versus lapis
fertur, quod sicut iste proprius est lapidis, sic ille ani-
mi: verumtamen in eo dissimilis, quod in potestate non
habet lapis cohibere motum quo fertur inferius, ani-
mus vero dum non vult, non ita movetur, ut superio-
ribus desertis inferiora ^a deligat: & ideo lapidi naturalis
est ille motus, animo vero iste voluntarius. Hinc est
quod lapidem si quis dicat peccare, quod pondere suo
tendit in infima, non dicam ipso lapide stolidior; sed
F profecto demens judicatur: animum vero peccati ar-
guimus, cum eum convincimus superioribus desertis
ad fruendum inferiora præponere. Propterea quid
opus est quærare unde iste motus existat, quo voluntas
avertitur ab incommutabili bono ad commutabile bo-
num,

Supra 1.
cap. 11.

a

1. Retr.
c. 9. n. 2.

^a In MSS. octo, *inferiora diligat*. Ita etiam Bad.

num, cum eam non nisi animi, & voluntarium, & ob hoc culpabilem esse fateamur; omnisque de hac re disciplina utilis ad id valeat, ut eo motu improbato atque cohibito, voluntatem nostram ad fruendum sempiterno bono, a lapsu temporalium convertamus.

3. E. Video, & quodam modo tango, & teneo vera esse quæ dicis: non enim quidquam tam firme atque intime sentio, quam me habere voluntatem, eaque me moveri ad aliquid fruendum: quid autem meum dicam prorsus non invenio, si voluntas qua volo & nolo non est mea: quapropter cui tribuendum est, si quid per illam male facio, nisi mihi? Cum enim bonus Deus me fecerit, nec bene aliquid faciam nisi per voluntatem, ad hoc potius datam esse a bono Deo, satis apparet. Motus autem quo huc aut illuc voluntas convertitur, nisi esset voluntarius atque in nostra positus potestate, neque laudandus cum ad superiora, neque culpandus homo esset cum ad inferiora detorquet quasi quemdam cardinem voluntatis: neque omnino monendus esset, ut istis neglectis æterna vellet adipisci, atque ut male nollet vivere, vellet autem bene. Hoc autem monendum non esse hominem quisquis existimat, de hominum numero exterminandus est.

4. QUÆ cum ita sint, ineffabiliter me movet, quomodo fieri possit, ut & Deus præsciens sit omnium futurorum, & nos nulla necessitate peccemus. Quisquis enim dixerit aliter evenire posse aliquid quam Deus ante præscivit, præscientiam Dei destruere insanissima impietate molitur. Quapropter si præscivit Deus peccaturum esse primum hominem, quod necesse est concedat mihi, quisquis mecum omnium futurorum præscium fatetur Deum; si ergo ita est, non dico non eum faceret, bonum enim fecit, nec obesse quidquam Deo posset peccatum ejus, quem bonum ipse fecit: immo in quo faciendo bonitatem suam ostenderat, ostendit etiam in puniendo justitiam, & in liberando misericordiam. Non itaque dico, non eum faceret: sed hoc dico quoniam peccaturum esse præscriberat, necesse erat id fieri, quod futurum esse præsciebat Deus. Quomodo est igitur voluntas libera, ubi tam inevitabilis apparet necessitas.

5. A. Pulsaſti vehementer: a misericordia Dei adſit, aperiaturque pulſantibus. Verum tamen maximam partem hominum iſta quæſtione torqueri non ob aliud crediderim, niſi quia non pie quærunſ, velocioreſque ſunt ad excuſationem quam ad confeſſionem peccatorum ſuorum. Alii enim nullam divinam providentiam præeſſe rebus humanis libenter opinantur, dumque fortuitis committunt caſibus & animos & corpora ſua, tradunt ſe feriendos & dilaniandos libidinibus, divina judicia negantes, humana fallentes, eos a quibus accuſantur, fortunæ patrocinio propulſare ſe putant; quam tamen cæcam eſſingere ac pingere conſueverunt, ut aut meliores ea ſint a qua ſe regi arbitrantur, aut ſe quoque cum eadem cæcitate & ſentire iſta fateantur & dicere. Nec enim talibus abſurde etiam conceditur caſibus eos agere omnia, quando agendo cadunt. Sed adverſus hanc opinionem plenam ſtultiſſimi ac dementiſſimi erroris, ſatis, ut arbitror, ſecunda noſtra ſermocinatione diſſertum eſt. Alii vero quamquam negare non audeant præſidere humanæ vitæ providentiam Dei; malunt tamen eam vel infirmam, vel injuſtam, vel malam nefario errore credere, quam ſua peccata

A pietate ſupplici confiteri. Qui omnes ſi perſuaderi ſibi paterentur, ut cum de optimo & juſtiſſimo & potentiſſimo cogitant, bonitatem & juſtitiam & potentiam Dei longe majorem ſuperioremque eſſe crederent, quam quidquid cogitatione concipiunt; conſideranteſque ſemetipſos, gratias Deo ſe debere intelligerent, etiamſi aliquid inferius eos voluiſſet eſſe quam ſunt, omnibuſque oſſibus & medullis conſcientiæ ſuæ clamarent, *Ego dixi, Domine miſerere mei, cura animam meam, quia peccavi tibi*: ita certis itineribus divinæ miſericordiæ in ſapientiam ducerentur, ut neque inventis rebus inflati, neque non inventis turbulentis, & cognoscendo inſtructioneſ fierent ad videndum, & ad quærendum ignorando mitiores. Tibi vero cui jam hoc perſuaſum eſſe non dubito, vide quam facile de tam magna quæſtione reſpondeam, cum mihi prior interroganti pauca reſponderis.

6. CERTE enim hoc te movet, & hoc miraris, quomodo non ſint contraria & repugnantia, ut & Deus præſcius ſit omnium futurorum, & nos non neceſſitate, ſed voluntate peccemus. Si enim præſcius eſt Deus inquis, peccaturum eſſe hominem, neceſſe eſt ut peccet: ſi autem neceſſe eſt, non ergo eſt in peccando voluntatis arbitrium, ſed potius inevitabilis & fixa neceſſitas. Qua ratiocinatione hoc videlicet ne conficiatur times, ut aut Deus futurorum omnium præſcius impie negetur, aut ſi hoc negare non poſſumus, fateamur non voluntate, ſed neceſſitate peccari: an aliquid aliud te movet? E. Nihil interim aliud. A. Reſ ergo univerſas quarum Deus eſt præſcius, non voluntate ſed neceſſitate fieri putas. E. Omnino ita puto. A. Expergiſcere tandem, teque ipſum paululum intueri, & dic mihi, ſi poteſ, qualem ſis habiturus cras voluntatem, utrum peccandi, an recte faciendi? E. Neſcio. A. Quid, Deum itidem neſcire hoc putas? E. Nullo modo id putaverim. A. Si ergo voluntatem tuam craſtinam novit, & omnium hominum, ſive qui ſunt, ſive qui futuri ſunt, futuras prævidet voluntates, multo magis prævidet quid de juſtis impiique facturus ſit. E. Prorſus ſi meorum operum præſcium Deum dico, multo fidentius eum dixerim præſcire opera ſua, & quid ſit facturus certiffime prævidere. A. Nonne igitur caves, ne tibi dicatur, etiam ipſum quæcumque facturus eſt, non voluntate ſed neceſſitate facturum, ſi omnia quorum Deus præſcius eſt, neceſſitate fiunt, non voluntate? E. Ego cum dicerem neceſſitate univerſa fieri, quæ Deus futura præſcivit, ea ſola intuebar, quæ in creatura ejus fiunt, non autem quæ in ipſo: non enim ea fiunt, ſed ſunt ſempiterna. A. Nihil ergo in ſua creatura operatur Deus. E. Jam ſemel ſtatuit quemadmodum feratur ordo ejus univerſitatis quam condidit; neque enim aliquid nova voluntate adminiſtrat. A. Numquid neminem beatum facit? E. Facit vero. A. Tunc utique facit, quando ille ſit. E. Ita eſt. Si igitur, verbi gratia, poſt annum beatus futurus eſ, poſt annum te beatum facturum eſt. E. Etiam. A. Jam ergo præſcit hodie, quod poſt annum facturum eſt. E. Semper hoc præſcivit: nunc quoque hoc eum præſcire conſentio, ſi eſt ita futurum.

7. A. Dic quæſo, num tu creatura ejus non eſ, aut tua beatitudo non in te fiet? E. Immo & creatura ejus ſum, & in me fiet quod beatus ero. A. Non ergo voluntate ſed neceſſitate in te fiet beatitudo tua Deo faciente. E. Voluntas illius mihi eſt neceſſitas.

a In MSS. ſeptemdecim, *Pulſaſti vehementer miſericordiam Dei. Adſit. &c.*

b Sic in MSS. novem. Porro in aliquot aliis & apud Bad. Er. & Lov. habetur, *ad vivendum*.

c Locus in editione Lov. interturbatus hunc in modum: *in te fiet beatitudo tua Deo faciente. E. Tu ergo invitatus beatus eſ? Voluntas illius mihi eſt neceſſitas. Si enim mihi eſſet poteſtas &c.*

1. Re-
traht. c. 9.
m. 3. 2.
sent. dist.
28. cap.
Alibi.
2. sent.
dist. 41
cap. Si
autem.

cessitas. A. Tu itaque invitus beatus eris. E. Mihi si esset potestas ut essem beatus, jam profecto essem: volo enim etiam nunc, & non sum, quia non ego, sed ille me beatum facit. A. Optime de te veritas clamat. Non enim posses aliud sentire esse in potestate nostra, nisi quod cum volumus facimus. Quapropter nihil tam in nostra potestate, quam ipsa voluntas est. Ea enim prorsus nullo intervallo, mox ut volumus præsto est. Et ideo recte possumus dicere, non voluntate senescimus, sed necessitate; aut non voluntate morimur, sed necessitate; & si quid aliud hujusmodi: non voluntate autem volumus, quis vel delirus audeat dicere? Quamobrem quamvis præsciat Deus nostras voluntates futuras: non ex eo tamen conficitur, ut non voluntate aliquid velimus. Nam & de beatitudine quod dixisti, non abs te ipso beatum fieri, ita dixisti, quasi hoc ego negaverim: sed dico, cum futurus es beatus, non te invitum, sed volentem futurum. Cum igitur præscius Deus sit futuræ beatitudinis tuæ, nec aliter aliquid fieri possit quam ille præscivit, alioquin nulla præscientia est, non tamen ex eo cogimur sentire, quod absurdissimum est & longe a veritate seclusum, non te volentem beatum futurum. Sicut autem voluntatem beatitudinis, cum esse ceperis beatus, non tibi aufert præscientia Dei, quæ hodieque de tua futura beatitudine certa est: sic etiam voluntas culpabilis, si qua in te futura est, non propterea voluntas non erit, quoniam Deuseam futuram esse præscivit.

8. Adtende enim, quæso, quanta cæcitate dicatur, Si præscivit Deus futuram voluntatem meam, quoniam nihil aliter potest fieri quam præscivit, necesse est ut velim quod ille præscivit: si autem necesse est, non jam voluntate, sed necessitate id me velle fatendum est. O stultitiam singularem! Quomodo ergo non potest aliud fieri quam præscivit Deus, si voluntas non erit, quam voluntatem futuram ille præsciverit? Omitto illud æque monstruosum, quod paulo ante dixi eundem hominem dicere, Necesse est ut ita velim, qui necessitate supposita auferre nititur voluntatem. Si enim necesse est ut velit, unde volet cum voluntas non erit? Quod si non hoc modo dixerit, sed dixerit se, quia necesse est ut velit, ipsam voluntatem in potestate non habere, occurreret ex eo quod ipse dixisti, cum quærerem utrum invitus beatus futurus sis: respondisti enim quod jam esses beatus, si potestas esset in te; velle enim te, sed nondum posse dixisti. Ubi ego subjeci de te clamasse veritatem: non enim negare possumus habere nos potestatem, nisi dum nobis non adest quod volumus: dum autem volumus, si voluntas ipsa deest nobis, non utique volumus. Quod si fieri non potest, ut dum volumus non velimus, adest utique voluntas volentibus: nec aliud quidquam est in potestate, nisi quod volentibus adest. Voluntas igitur nostra nec voluntas esset, nisi esset in nostra potestate. Porro quia est in potestate, libera est nobis. Non enim est nobis liberum, quod in potestate non habemus, aut potest non esse quod habemus. Ita fit ut & Deum non negemus esse præscium omnium futurorum, & nos tamen velimus quod volumus. Cum enim sit præscius voluntatis nostræ, cujus est præscius ipsa erit. Voluntas ergo erit, quia voluntatis est præscius. Nec voluntas esse poterit, si in potestate non erit. Ergo & potestatis est præscius. Non igitur per ejus præscientiam mihi potestas adimitur, quæ propterea mihi cer-

tior aderit, quia ille cujus præscientia non fallitur, ad futuram mihi esse præscivit. E. Ecce jam non nego ita necesse esse fieri quæcumque præscivit Deus, & ita eum peccata nostra præscire, ut maneat tamen nobis voluntas libera, atque in nostra posita potestate.

9. A. QUID ergo te movet? An forte oblitus quid prima nostra disputatio peregerit, negabis nullo cogente, aut superiore, aut inferiore, aut æquali, sed ea nos voluntate peccare? E. Nihil horum prorsus audeo negare: sed tamen fateor, nondum video quomodo sibi non adversentur hæc duo, præscientia Dei de peccatis nostris, & nostrum in peccando liberum arbitrium. Nam & justum Deum necesse est fateamur, & præscium. Sed scire vellem, qua justitia puniat peccata, quæ necesse est fieri: aut quomodo non sit necesse fieri, quæ futura esse præscivit: aut quomodo non creatori deputandum est, quidquid in ejus creatura fieri necesse est.

10. A. Unde tibi videtur adversum esse liberum arbitrium nostrum præscientiæ Dei; quia præscientia est, an quia Dei præscientia est? E. Quia Dei potius. A. Quid ergo si tu præscires peccaturum esse aliquem, non esset necesse ut peccaret? E. Immo necesse esset ut peccaret: non enim aliter esset præscientia mea, nisi certa præscirem. A. Non igitur quia Dei præscientia est, necesse est fieri quæ præscierit, sed tantummodo quia præscientia est; quæ si non certa prænoscit, utique nulla est. E. Consentio: sed quorsum ista? A. Quia nisi fallor, non continuo tu peccare cogeres, quem peccaturum esse præscires; neque ipsa præscientia tua peccare eum cogeret, quamvis sine dubio peccaturus esset: non enim aliter id futurum esse præscires. Sicut itaque non sibi adversantur hæc duo, ut tu præscientia tua noveris, quod alius sua voluntate facturus est: ita Deus neminem ad peccandum cogens, prævidet tamen eos qui propria voluntate peccabunt.

11. Cur ergo non vindicet justus, quæ fieri non cogit præscius? Sicut enim tu memoria tua non cogis facta esse quæ præterierunt: sic Deus præscientia sua non cogit facienda, quæ futura sunt. Et sicut tu quædam quæ fecisti meministi, nec tamen quæ meministi omnia fecisti: ita Deus omnia quorum ipse auctor est præscit, nec tamen omnium quæ præscit ipse auctor est. Quorum autem non est a malus auctor, justus est ultor. Hinc ergo jam intellige, qua justitia Deus peccata puniat, quia quæ novit futura non facit: nam si propterea non debet retribuere supplicium peccantibus, quia prævidet peccaturos: nec recte facientibus debet præmia retribuere, quia & recte facturos nihilo minus prævidet. Immo vero fateamur, & ad præscientiam ejus pertinere, ne quid eum lateat futurorum, & ad justitiam, ut peccatum, quia voluntate committitur, ita judicio ejus impune non fiat, sicut præscientia non cogitur fieri.

12. JAM illud quod tertio loco posuisti, quomodo non Creatori deputandum sit, quidquid in ejus creatura fieri necesse est, b regula illa pietatis facile commonebit, quam meminisse nos convenit, gratiarum actionem nos debere Creatori nostro. Cujus profecto largissima bonitas justissime laudaretur; etiam si aliquo inferiore creaturæ gradu nos condidisset. Quamvis enim anima nostra peccatis tabefacta sit, sublimior est tamen & melior, quam si in hanc lucem visibilem verteretur. Et vides profecto de hujus lucis eminentia, quantum lau-

CAPUT
IV.
Deus
præno-
sciens
non co-
git ad
peccan-
dum, at-
que a-
deo pec-
cata ju-
ste pu-
nit.

a

CAPUT
V.
Deus de
creaturæ
etiam
quæ pec-
cato mi-
seriarque
obnoxia
est pro-
ductione
laudan-
dus.

b

a Deest, *malus*, in editione Lov. sed adest in antiquioribus editionibus Bad. & Er. necnon in MSS. septemdecim.

b Sic Er. & Lov. At Bad. sic habet: *regula est pietatis, facile nobis*

monet. MSS. quinque, *regula illa pietatis facile non removebitur*; alii tres, *non movebitur*; septem alii, *regula illa pietatis facile non movebit*; Corbejensis demum codex, *regulam illam pietatis facile non movebit*.

laudent animæ Deum etiam corporis sensibus deditæ. Quapropter non te ista jam moveat, quod vituperantur animæ peccatrices, ut dicas in corde tuo, melius fuisse, si non essent. In sui enim comparatione vituperantur, dum cogitatur quales essent, si peccare nolissent. Institutor tamen earum Deus præclarissime pro humana facultate laudandus est, non solum quoniam peccantes eas iuste ordinat, sed etiam quia tales instituit, ut etiam peccatis sordidatæ, nullo modo lucis corporalis dignitate superentur, de qua tamen jure laudatur.

13. Illud quoque moneo caveas, ne forte non dicas quidem melius fuisse ut non essent, sed dicas aliter fieri eas debuisse. QUIDQUID enim tibi vera ratione melius occurrerit, scias fecisse Deum tamquam bonorum omnium conditorem. Non est autem vera ratio, sed invida infirmitas, cum aliquid melius faciendum fuisse cogitaveris, jam nihil aliud inferius velle fieri, tamquam si perspecto cælo, nolles terram factam esse; inique omnino. Recte enim reprehenderes, si prætermisso cælo terram factam videres, quoniam diceres ita eam fieri debuisse, sicuti posses cogitare cælum. Cum ergo etiam illud ad cuius speciem volebas terram perducere, factum esse perspiceres, non autem hoc terram, sed cælum vocari; credo quod re meliore non fraudatus, ut inferior quoque aliqua fieret & terra esset, nequaquam invidere deberes. In qua terra rursus secundum partes ejus tanta est varietas, ut nihil quod ad terræ pertinet speciem cogitanti occurrat, quod non in tota ejus mole Deus omnium conditor fecerit. Namque a terra feracissima & amœnissima usque ad falsissimam & infecundissimam, ita gradatim per medias pervenitur, ut nullam reprehendere audeas, nisi in comparatione melioris; atque ita per omnes gradus laudis adscendas, ut quod summum genus terræ inveneris, ^a solum tamen esse nolis. Jam vero inter totam terram & cælum quanta distantia est? Interponuntur enim humida flabilisque natura. Atque ex his quatuor elementis aliæ innumerabiles nobis, numeratæ autem Deo rerum species formæque variantur. Potest ergo esse aliquid in rerum natura, quod tua ratione non cogitas. Non esse autem, quod vera ratione cogitas, non potest. Neque enim tu potes aliquid melius in creatura cogitare, quod creaturæ artificem fugerit. Humana quippe anima naturaliter divinis ex quibus pendet connexa rationibus, cum dicit, Melius hoc fieret quam illud, si verum dicit, & videt quod dicit, in illis quibus connexa est rationibus videt. Credat ergo Deum fecisse, quod vera ratione ab eo faciendum fuisse cognovit, etiam si hoc in rebus factis non videt. Quia etiam si cælum oculis videre non posset, & tamen ratione vera tale aliquid faciendum fuisse colligeret, credere debuit factum esse, quamvis id oculis non videret. Non enim cogitatione videret fuisse faciendum, nisi in iis rationibus quibus facta sunt omnia. Quod autem ibi non est, tam nemo potest veraci cogitatione videre, quam non est verum.

14. In eo plerique homines errant, quia meliora cum mente conspexerint, non in sedibus congruis ea oculis quærunt. Velut si quisquam perfectam rotunditatem ratione comprehendens, stomachetur quod talem in nuce non invenit, si nullum umquam corpus rotundum præter hujuscemodi poma conspexit. Nam ita quidam cum ratione verissima videant meliorem esse creaturam, quæ quamvis habeat liberam volunta-

tem, Deo tamen semper infixa, numquam peccaverit, intuentes peccata hominum, non ut peccare desinant, sed quia facti sunt dolent, dicentes: Tales non facerent, ut semper incommutabili ejus veritate perfrui, numquam autem peccare vellemus. Non clament, non succenseant: quia neque ipsos ideo coegit peccare, quia fecit, quibus potestatem utrum vellent dedit: & sunt tales quidam Angeli, qui neque peccaverunt umquam, neque peccaturi sunt. Quamobrem si te delectat creatura, quæ perseverantissima voluntate non peccat, non est dubitandum quod eam peccanti recta ratione præponas: sed sicut eam tu cogitatione præponis; sic eam creator Deus ordinatione præposuit. Crede esse talem in superioribus sedibus, & in sublimitate cælorum: quia si bonitatem Conditor præbuit ad eam condendam, cujus prævidit futura peccata, nullo modo non præberet eam bonitatem, ut creaturam conderet, quam peccaturam non esse præscivit.

15. Habet enim illa sublimis perpetuam beatitudinem suam, in perpetuum fruens Creatore suo, quam perpetua tenendæ justitiæ voluntate promeretur. Habet deinde ordinem suum etiam ista peccatrix, amissa in peccatis beatitudine, sed non dimissa recuperandæ beatitudinis facultate. Quæ profecto superat eam, quam peccandi perpetua ^b voluntas tenet: inter quam & illam priorem permanentem in voluntate justitiæ, hæc medietatem quamdam demonstrat, quæ PÆNITENDI humilitate altitudinem suam recipit. Nam neque ab illa creatura, quam præscivit Deus, non solum peccaturam, sed etiam in peccandi voluntate mansuram, abstinit largitatem bonitatis suæ, ut eam non conderet. Sicut enim melior est vel aberrans equus, quam lapis propterea non aberrans, quia proprio motu & sensu caret: ita est excellentior creatura, quæ libera voluntate peccat, quam quæ propterea non peccat, quia non habet liberam voluntatem. Et sicut laudarem vinum in suo genere bonum, de quo vino inebriatum hominem vituperarem, & tamen eundem hominem jam vituperatum & adhuc ebrium, laudato illi vino, de quo ebrius factus est, anteponerem: ita corporalis creatura in suo gradu jure laudanda est, cum illi vituperandi sint, qui ejus immoderato usu a veritatis perceptione avertuntur: quamvis iidem rursus jam perversi, & quodam modo temulenti, eidem creaturæ in ordine suo laudabili, cujus aviditate evanuerunt, non jam merito vitiorum, sed adhuc naturæ dignitate præferuntur.

16. Quia igitur omnis anima omni corpore est melior, omnisque peccatrix anima quocumque ceciderit, nulla commutatione corpus efficitur, nec omnino illi auferitur quod anima est, & ideo nullo pacto amittit quod corpore est melior, in corporibus autem lux tenet primum locum; consequens est ut primo corpori anima extrema præponatur, fierique possit ut corpori alicujus animæ aliquod aliud corpus anteferatur, ut autem ipsi animæ nullo modo. Cur ergo non laudetur Deus, & ineffabili prædicatione laudetur, qui cum fecerit eas, quæ in legibus essent justitiæ permansuræ, fecit etiam alias animas, quas vel peccaturas, vel in peccatis etiam perseveraturas esse prævidebat: cum & tales adhuc meliores sint eis, quæ quoniam nullum habent rationale ac liberum voluntatis arbitrium, peccare non possunt? Quæ tamen adhuc etiam ipsæ meliores sunt, quam corporum quorumlibet quamlibet splendidissimus ful-

gor,

^a Bad. & Et. cælum esse nolis.

^b Lov. perpetua voluptas tenet. sed antiquiores editiones & MSS.

constanter habent, voluntas.

* Manichæi.

gor, quem pro ipsius summi Dei substantia * quidam, quamvis cum magno errore venerantur. Quod si in ordine corporearum creaturarum ab ipsis siderum choris usque ad numerum capillorum nostrorum, ita gradatim bonarum rerum pulcritudo contextitur, ut imperitissime dicatur, Quid est hoc? Ut quid hoc? omnia enim ordine suo creata sunt: quanto imperitius de quacumque anima dicitur, quæ ad quantamlibet sui decoris diminutionem defectumque pervenerit, omnium corporum dignitatem sine ulla dubitatione semper superabit?

17. Aliter enim æstimat ratio, aliter usus. Ratio æstimat luce veritatis, ut recto iudicio subdat minora maioribus. Usus autem consuetudine commoditatis plerumque inclinatur, ut ea pluris æstimet quæ veritas minora esse convincit. Cum enim corpora cælestia corporibus terrestribus magna differentia ratio præponat, quis tamen carnalium hominum non mallet, vel plura deesse in cælo sidera, quam unam arbusculam in agro suo, aut vaccam in armento? Sed sicut ætate maiores homines vel omnino contemnunt, vel certe patienter corrigenda expectant iudicia parvulorum, qui exceptis quibusdam, quorum amore lætantur, quemlibet hominum ceterorum mori malunt, quam passerem suum; & multo magis si homo sit ille terribilis, passer autem canorus & pulcher: ita ii qui provectu animi ad sapientiam profecerunt, imperitos rerum æstimatores cum invenerint Deum laudantes in creaturis minoribus, qui eas carnalibus suis sensibus accommodatius adhibent, in superioribus vero atque melioribus partim eum non laudantes, minusve laudantes, partim etiam vituperare aut emendare conantes, partim non credentes quod earum ille sit conditor, talium iudicia vel omnino contemnere, si corrigere nequeunt, vel donec corrigant, æquo animo tolerare ac sustinere consuecant.

CAPUT VI.
Nemo vere dixerit se malle non esse quam miserum esse.

18. QUÆ cum ita se habeant, tantum abest a vero, quod Creatori deputanda existimantur peccata creaturæ, quamvis necesse est fiant, quæ ipse futura præscivit, ut cum tu dixeris non te invenire quomodo non ei deputetur quidquid in ejus creatura fieri necesse est, ego contra non inveniam modum, neque inveniri posse atque omnino non esse confirmem, quo ei deputeretur quidquid in ejus creatura ita fieri necesse est, ut voluntate peccantium fiat. Si enim quis dixerit, Non esse, quam miserum me esse malle: respondebo, Mentiris. Nam & nunc miser es, nec ob aliud mori non vis, nisi ut sis: ita cum miser nolis esse, esse vis tamen. Age igitur gratias ex eo quod es volens, ut quod invitus es auferatur. Volens enim es, & miser invitus es. Quod si ingratus es in eo quod esse vis, jure cogaris esse quod non vis. Ex illo igitur quod etiam ingratus habes quod vis, Creatoris laudo bonitatem: ex illo autem quod pateris ingratus quod non vis, Ordinatoris laudo justitiam.

19. Si dixerit, Non ideo mori nolo, quod malim miser esse quam omnino non esse, sed ne post mortem miserior sim: respondebo, Si hoc injustum est, non sic eris: si autem hoc justum est, laudemus eum cujus legibus sic eris. Si dixerit, Unde præsumam quod si hoc injustum est, non sic ero? respondebo, Quia si eris in tua potestate, aut miser non eris, aut tu ipse te injuste regendo, juste eris miser: aut volendo & non valendo te juste regere, non eris in tua potestate, & aut in nullius eris, aut in alterius: Si in nullius, aut invitus, aut volens: sed invitus esse nihil potes, nisi te vis aliqua superaverit; porro nulla vi superari potest, qui est in nullius potestate: si

A autem volens in nullius eris potestate, ad hoc ratio recurrit, ut sis in tua; & aut te injuste regendo juste miser sis: aut quoniam quodlibet volens eris, habes adhuc unde gratias agas bonitati Conditoris tui. Quod si in tua potestate non eris, aut potentior profecto, aut infirmior te habebit in potestate. Quod si infirmior, tua culpa, & justa miseria: poteris enim infirmiores superare si voles. Si autem potentior te infirmiores habebit in potestate, nullo modo tam rectam ordinationem recte injustam putabis. Verissime igitur dictum est, Si hoc injustum est, non sic eris; si autem justum, laudemus eum cujus legibus sic eris.

20. Si dixerit, Ideo magis volo vel miser esse, quam omnino non esse, quia jam sum: si autem prius quam essem possem consuli, eligerem non esse potius quam ut essem miser. Nunc enim quod timeo non esse cum miser sim, ad ipsam miseriam pertinet, quæ non id volo, quod velle deberem; magis enim non esse, quam miser esse velle deberem. Nunc vero fateor me quidem malle vel miserum esse quam nihil; sed tanto stultius id volo, quanto miserius: tanto autem miserius, quanto verius video non hoc me velle debuisse. Respondebo, Cave potius ne hic erres, ubi te videre verum putas. Nam si beatus esses, utique esse quam non esse malles: & nunc miser cum sis, mavis tamen esse vel miser quam omnino non esse; cum esse nolis miser. Considera igitur, quantum potes, quam magnum bonum sit ipsum esse, quod & beati & miseri volunt. Nam si hoc bene consideraveris, videbis te in tantum esse miserum, in quantum non propinquas ei quod summe est; in tantum autem putare melius esse, ut quisque non sit quam ut miser sit, in quantum non vides quod summe est: & ideo tamen te esse velle, quoniam ab illo es qui summe est.

21. Si visita que miseriam fugere, ama in te hoc ipsum, quia esse vis. Si enim magis magisque esse volueris, ei quod summe est propinquabis: & gratias age nunc quia es. Quamvis enim beatis sis inferior, superior tamen es quam ea quæ non habent vel beatitudinis voluntatem; quorum tamen multa etiam a miseriis laudantur. Omnia tamen eo ipso quo sunt, jure laudanda sunt: quia eo ipso quo sunt, bona sunt. Quanto enim amplius esse amaveris, tanto amplius vitam æternam desiderabis, teque ita formari exoptabis, ut affectiones tuæ non sint temporales; de temporalium rerum amoribus injustæ & impressæ: quæ temporalia & ante quam sint non sunt, & cum sunt fugiunt, & cum fugerint non erunt. Itaque cum futura sunt, nondum sunt; cum autem præterita sunt, jam non sunt. Quomodo igitur tenebuntur ut maneat, quibus hoc est incipere ut sint, quod est pergere ut non sint. Qui autem amat esse, probat ista in quantum sunt, & amat quod semper est. Et si a variabatur in amore istorum, muniatur in illius; & si difflebat in amore transeuntium, in permanentis amore solidabitur, & stabit, & obtinebit ipsum esse, quod volebat cum timebat non esse, & stare non poterat irretitus amore fugientium. Non igitur tibi displiceat, immo maxime placeat, quod mavis esse vel miser, quam propterea miser non esse, quia nihil eris. Huic enim exordio quo esse vis, si adjicias magis magisque esse, consurgis atque extrueris in id quod summe est; atque ita te ab omni labe cohibebis, qua transit ut non sit quod infime est, & secum amantis vires subruit. Hinc fiet ut qui mavult non esse ne miser sit, quia non esse non potest, restet ut miser sit. Qui autem plus

CAPUT VII.
Esse dicitur & a miseriis, quia ab illo sunt qui summe est.

CAPUT
VIII.
Non esse
a nemi-
ne eligi-
tur, ne-
quidem
ab illis
qui sibi
necem
consci-
seunt.

plus amat esse quam odit miser esse, adjiciendo ad id quod amat, quod odit excludat: cum enim in suo genere perfecte esse ceperit, miser non erit.

22. NAM illud vide quam absurde & inconvenienter dicatur: Mallem non esse quam miser esse. Qui enim dicit, Mallem hoc quam illud, eligit aliquid. Non esse autem non est aliquid, sed nihil: & ideo nullo pacto potes recte eligere, quando quod eligas non est. Dicis velle te quidem esse, cum sis miser, sed non hoc velle debuisse. Quid igitur velle debuisti? Non esse, inquis, potius. Si hoc velle debuisti, hoc est melius: quod autem non est, melius esse non potest: non ergo id velle debuisti; veraciorque sensus est quo id non vis, quam opinatio per quam te id velle debuisti arbitraris. Deinde quod quisque recte eligit appetendum, cum ad id pervenerit, necesse est melior fiat: melior autem esse non poterit, qui non erit: nemo igitur recte potest eligere ut non sit. Neque enim moveri nos oportet eorum judicio, qui urgente miseria sese interemerunt. Aut enim eo confugerunt, ubi melius fore sibi putarunt; & non est contrarium rationi nostræ, quoquo modo putaverint: aut si nullos se futuros omnino crediderunt, multo minus falsa electio nihil eligentium commovebit. Quomodo enim sequar eligentem, a quo si quæram quid eligat, respondebit, Nihil? Nam qui eligit non esse, profecto se nihil eligere, etiam si hoc nolit respondere, convincitur.

23. Verumtamen ut de hac tota re, si potero dicam quod sentio. Nemo mihi videtur, cum se ipsum necat aut quolibet modo emori cupit, habere in sensu, quod post mortem non sit futurus; tametsi aliquantum hoc in opinione habeat. Nam opinio aut in errore, aut in veritate ratiocinantis est, vel credentis: sensus autem aut consuetudine, aut natura valet. Possè autem fieri ut aliud sit in opinione, aliud in sensu, vel ex hoc cognoscere facile est, quod plerumque aliud faciendum esse credimus, & aliud facere delectat. Et aliquando veracior est sensus quam opinio, si illa de errore, ille de natura est: velut cum æger plerumque aqua frigida conducibiliter delectatur, quam tamen credit, si biberit, esse nocituram. Aliquando veracior opinio quam sensus, si credit arti medicinæ, obesse frigidam, cum re vera oberit, & tamen bibere delectat: aliquando utrumque in veritate est, cum id quod prodest, non solum ita creditur, sed etiam libet. Aliquando utrumque in errore, cum id quod nocet, & prodesse creditur, & libere non desinit. Solet autem & recta opinio pravam corrigere consuetudinem, & prava opinio rectam depravare naturam: tanta vis est in dominatu & principatu rationis. Cum ergo quisque credens, quod post mortem non erit, intolerabilibus tamen molestiis ad totam cupiditatem mortis impellitur, & decernit atque arripit mortem, in opinione habet errorem omnimodæ defectionis, in sensu autem naturale desiderium quietis. Quod autem quietum est, non est nihil; immo etiam magis est quam id quod inquietum est. Inquietudo enim variat affectiones, ut altera alteram perimat: quies autem habet constantiam, in qua maxime intelligitur a quod dicitur, est. Omnis itaque ille appetitus in voluntate mortis, non ut qui moritur non sit, sed ut requiescat intenditur. Ita cum errore credat non se futurum, natura tamen quietus esse, hoc est, magis esse desiderat. Quapropter sicut nullo pacto fieri potest, ut non esse aliquem libeat: ita

nullo pacto fieri oportet, ut ex eo quod est quisque, bonitati Creatoris ingratus sit.

24. SI dixerit, Non erat tamen difficile aut laboriosum omnipotenti Deo, ut omnia quæcumque fecit sic haberent ordinem suum, ut nulla creatura usque ad miseriam perveniret; non enim hoc aut omnipotens non potuit, aut bonus invidit: respondebo, ordinem creaturarum a summa usque ad infimam gradibus justis ita decurrere, ut ille invideat qui dixerit, Ista non esset: invideat etiam ille qui dixerit, Ista talis esset. Si enim talem vult esse qualis est superior, jam illa est, & tanta est ut adjici ei non oporteat, quia perfecta est. Qui ergo dicit, Etiam ista talis esset, aut perfectæ superiori vult addere, & erit immoderatus & injustus; aut istam vult interimere, & erit malus atque invidus. Qui autem dixerit, Ista non esset, nihilo minus erit malus atque invidus, cum eam non vult esse, qua inferiorem laudare adhuc cogitur. Velut si dicat, Non esset luna, cum etiam lucernæ claritatem longe inferiorem, in suo tamen genere pulcram, & terrenis tenebris esse decoram atque aptam nocturnis usibus, atque in his omnibus pro suo modulo utique laudabilem aut fateatur, aut stultissime vel contentiose neget. Quomodo ergo recte dicere audebit, Luna non esset in rebus, qui si diceret, Lucerna non esset, deridendum se esse sentiret? Quod si non dicit, Luna non esset, sed qualem solem videt, talem dicit lunam esse debuisse, non intelligit nihil aliud se dicere quam, Non esset luna, sed essent soles duo. In quo dupliciter errat, quod rerum perfectioni & addere aliquid cupit, cum desiderat alterum solem; & minuire, cum lunam vult detrahi.

25. Hic fortasse dicat, ideo nihil se de luna conqueri, quia splendor ejus ita minor est, ut miser non sit; de animarum autem non obscuritate, sed miseria se dolere. Sedulo cogitet ita lunæ splendorem non esse miserum, ut nec splendor solis sit beatus. Quamvis enim corpora cælestia sint, corpora sunt tamen quantum ad lucem istam pertinet, quæ per corporeos oculos sentiri potest. Nulla autem corpora, quantum ad sese adtinet, vel beata possunt esse, vel misera; quamquam beatorum aut miserorum corpora possint esse. Sed de illis luminibus similitudo adhibita id docet, ut quemadmodum corporum differentias contemplando, videns alia clariora, injuste petis auferri quæ obscuriora conspexeris, aut clarioribus adæquari; sed ad perfectionem universitatis referens omnia, quanto magis minusve inter se clara sunt, tanto magis cernis esse omnia; nec tibi occurrit perfecta universitas, nisi ubi majora sic præsto sunt, ut minora non desint: sic etiam differentias animarum cogites, in quibus hoc quoque invenies, ut miseriam quam doles, ad id quoque valere cognoscas, ut universitatis perfectioni nec illæ desint animæ, quæ miseræ fieri debuerunt, quia peccatrices esse voluerunt. Tantumque abest ut Deus tales facere non debuerit, ut etiam ceteras creaturas laudabiliter fecerit longe inferiores animis miseris.

26. Sed adhuc videtur minus intelligens quod dictum est, habere quod contradicat: dicit enim, Si universitatis perfectionem complet etiam nostra miseria, defuisset aliquid huic perfectioni, si beati semper essemus. Quapropter si ad miseriam nisi peccando non pervenit anima, etiam peccata nostra necessaria sunt perfectioni universitatis quam condidit Deus. Quomodo ergo juste peccata punit, quæ si defuissent, creatura

CAPUT
IX.
Peccan-
tium a-
nima
rum mi-
seria
confert
ad perfe-
ctionem
universi.

a Er. & Lov. intelligitur esse quod dictum est. At abest, esse ab editione Bad. & MSS. e quibus tamen pauci pro, quod dictum est,

habent, quod dicitur, est: quæ vera lectio videtur.

eius plena & perfecta non esset? Hic respondetur, non ipsa peccata vel ipsam miseriam perfectioni universitatis esse necessaria, sed animas in quantum animæ sunt; quæ si velint, peccant; si peccaverint, miserae fiunt. Si enim peccatis earum detractis miseria perseverat, aut etiam peccata præcedit, recte deformari dicitur ordo atque administratio universitatis. Rursus si peccata fiant, & desit miseria, nihilo minus dehonestat ordinem iniquitas. Cum autem non peccantibus adest beatitudo, perfecta est universitas. Cum vero peccantibus adest miseria, nihilo minus perfecta est universitas. Quod autem ipsæ non desunt animæ, quas vel peccantes sequitur miseria, vel recte facientes beatitudo, semper naturis omnibus universitas plena atque perfecta est. Non enim peccatum & supplicium peccati naturæ sunt quædam, sed affectiones naturarum, illa voluntaria, ista pœnalis. Sed voluntaria quæ in peccato fit, turpis affectio est. Cui propterea pœnalis adhibetur, ut ordinet eam, ubi talem esse non turpe sit, & decori universitatis congruere cogat, ut peccati dedecus emendet pœna peccati.

27. Hinc fit ut peccans creatura superior, a creaturis inferioribus puniatur; quia illæ tam sunt infimæ, ut ornari etiam a turpibus animis possint, atque ita decori universitatis congruere. Quid enim tam magnum in domo est quam homo, & quid tam abjectum & infimum quam cloaca domus? Servus tamen in tali peccato detectus, ut mundandæ cloacæ dignus habeatur, ornat eam etiam turpitudine sua; & utrumque horum, id est, turpitudine servi, & mundatio cloacæ, jam conjunctum & redactum in quamdam sui generis unitatem, ita dispositæ domui coaptatur atque subtexitur, ut ejus universitati ordinatissimo decore conveniat. Qui tamen servus si peccare noluiisset, non defuisset domesticæ disciplinæ alia provisio, qua necessaria mundarentur. Quid itaque tam infimum in rebus quam corpus omne terrenum? Hanc tamen corruptibilem carnem etiam peccatrix anima sic ornat, ut ei speciem decentissimam præbeat, motumque vitalem. Habitationi ergo cœlesti talis anima non congruit per peccatum, terrestri autem congruit per supplicium: ut quodlibet elegerit, semper sit pulchra universitas decentissimis partibus ordinata, cujus est conditor & administrator Deus. Namque optimæ animæ cum in infimis creaturis habitant, non eas ornant miseria sua quam non habent, sed usu earum bono. Si autem peccatrices animæ permittantur habitare in sublimibus locis, inhonestum est: quia non conveniunt illis, quibus nec bene uti possunt, nec ornamentum aliquid conferunt.

28. Ideo quamquam orbis iste terrenus rebus corruptibilibus deputatus sit, tamen servans quantum potest imaginem superiorum, exempla nobis & indicia quædam demonstrare non cessat. Si enim bonum & magnum aliquem virum hortante honestatis officio videamus ignibus, quantum ad corpus adtinet, concremari, non hoc vocamus pœnam peccati, sed fortitudinis & patientiæ documentum, eumque magis diligimus, cum foedissima corruptio corporea membra ejus absumat, quam si nihil hujusmodi pateretur: miramur quippe animi naturam mutabilitate corporis non mutari. At vero crudelissimi latronis membra cum tali supplicio confici adspicimus, approbamus ordinem legum. Ornant ergo ambo illa tormenta, sed ille merito virtutis, iste peccati. At si post illos ignes, vel etiam ante illos, optimum virum

A illum commutatum ad congruentiam cœlestis habitationis ad sidera videremus adtolli, utique lætaremur. Si autem sceleratum latronem, sive ante supplicium, sive post supplicium, cum eadem militia voluntatis ad sedem honoris sempiternam levare videremus in cælum, quis non offenderetur? Ita fit ut inferiores creaturas ambo ornare potuerint, superiores autem unus illorum. Ex quo admonemur advertere, mortalitatem carnis hujus & primum hominem ornasse, ut peccato pœna congrueret, & Dominum nostrum, ut a peccato misericordia liberaret. Non autem sicut justus potuit in ipsa justitia permanens corpus habere mortale; ita iniquus potest dum iniquus est, ad immortalitatem pervenire sanctorum, scilicet sublimem & Angelicam; non eorum angelorum, de quibus Apostolus ait, *Nescitis quia angelos sumus judicaturi*; sed eorum de quibus Dominus ait; *Et erunt æquales Angelis Dei*. Qui enim æqualitatem Angelorum desiderant propter inanem gloriam suam, non ideo volunt æquales esse Angelis, sed Angelos sibi. Itaque in tali voluntate perseverantes, æquabuntur supplicio prævaricatoribus angelis, potestatem suam potius quam Dei omnipotentis diligentibus. Talibus enim ad sinistram constitutis, quia non quæsierunt Deum per humilitatis januam, quam in se ipso Dominus Jesus Christus ostendit, & immisericorditer superbeque vixerunt, dicetur, *Ite in ignem æternum, qui præparatus est diabolo & angelis ejus*.

29. CUM enim duæ sint origines peccatorum, una spontanea cogitatione, alia persuasione alterius, quo pertinere arbitror quod Propheta dicit: *Ab occultis meis munda me Domine, & ab alienis parce servo tuo*: utrumque voluntarium est quidem: nam sicut propria cogitatione non peccat invitus, ita dum consentit male suadenti, non utique nisi voluntate consentit: sed tamen gravius est, non solum nullo suadente propria cogitatione peccare, sed etiam peccandum alteri per invidentiam dolumque suadere, quam ad peccandum alterius suasionem traduci. Servata est ergo in utroque peccato justitia Domini punientis. Nam & illud appensum est æquitatis examine, ut nec ipsius diaboli potestati negaretur homo, quem sibi male suadendo subjecerat. Iniquum enim erat, ut ei quem ceperat, non dominaretur. Nec fieri ullo modo potest, ut Dei summi & veri perfecta justitia, quæ usquequaque pertenditur, deferat etiam ordinandas ruinas peccantium. Et tamen quia minus peccaverat homo quam diabolus, id ipsum ei valuit ad reparandam salutem, quod principi hujus mundi, patris rerum scilicet hujus mortalis atque infimæ, hoc est, a principi omnium peccatorum, & præposito mortis, usque ad mortalitatem carnis addictus est. Ita enim conscientia mortalitatis timidus, & a vilissimis & abjectissimis bestiis vel etiam minutissimis molestias atque interitum reformidans, incertusque futurorum, & illicitas cohibere læticias, & maxime superbiam, cujus persuasionem dejectus est, & quo uno vitio misericordiæ medicina respuitur, frangere consuevit. QUID enim tam opus habens misericordia quam miser? ET QUID tam indignum misericordia quam superbus miser?

30. Ex quo factum est, ut illud Dei Verbum per quod facta sunt omnia, & quo fruitur omnis Angelica beatitudo, usque ad miseriam nostram clementiam suam porrigeret, & Verbum caro fieret, & habitaret in nobis. Sic enim posset panem Angelorum homo mandu-

a In prius editis, *principio omnium peccatorum*. At in MSS. novemdecim habetur hic, *principi*.

b Ita Bad. & MSS. plerique. At Er. & Lov. habent, *cohibere delicias*.

ducare, nondum Angelis adæquatus, si panis ipse Angelorum hominibus dignaretur æquari. Nec sic descendit ad nos, ut illos defereret; sed simul integer illis, integer nobis, illos intrinsecus pascens per id quod Deus est, nos forinsecus admonens per id quod nos sumus, idoneos facit per fidem, quos per speciem pascit æqualiter. Quia enim rationalis creatura Verbo illo tamquam optimo cibo suo pascitur: humana autem anima rationalis est, quæ mortalibus vinculis peccati pœna tenebatur, ad hoc diminutionis redacta, ut per conjecturas rerum visibilium ad intelligenda invisibilia niteretur; cibus rationalis creaturæ factus est visibilis, non commutatione naturæ suæ, sed habitu nostræ, ut visibilia sectantes, ad se invisibilem revocaret. Sic cum anima, quem superbiens intus relinquerat, foris humilem invenit, imitatura ejus humilitatem visibilem, & ad invisibilem altitudinem reditura.

31. Atque verbum Dei unicus Dei Filius, diabolum quem semper sub legibus suis habuit & habebit, homine indutus etiam homini subjugavit: nihil ei extorquens violento dominatu, sed superans eum lege justitiæ; ut quoniam femina decepta, & dejecto per feminam viro omnem prolem primi hominis tamquam peccatricem legibus mortis, malitiosa quidem nocendi cupiditate, sed tamen jure æquissimo vindicabat, tamdiu potestas ejus valeret, donec interficeret justum, in quo nihil dignum morte posset ostendere, non solum quia sine crimine occisus est, sed etiam quia sine libidine natus: cui subjugaverat ille quos ceperat, ut quidquid inde nasceretur, tamquam suæ arboris fructus, prava quidem habendi cupiditate, sed tamen non iniquo possidendi jure retineret. Justissime itaque dimittere cogitur credentes in eum, quem injustissime occidit, ut & quod temporaliter moriuntur, debitum exsolvant, & quod semper vivunt, in illo vivant, qui pro eis quod non debebat exsolvit: quibus autem infidelitatis perseverantiam persuasisset, juste secum haberet in perpetua damnatione consortes. Ita factum est, ut neque diabolo per vim eriperetur homo, quem nec ipse vi, sed persuasione ceperat: & qui a justis plus humiliatus est, ut ferviret cui ad malum consenserat, juste per eum cui ad bonum consensit liberaretur; quia minus iste in consentiendo, quam ille in male suadendo peccaverat.

32. **NATURAS** igitur omnes Deus fecit, non solum in virtute atque justitia permanfuras, sed etiam peccaturas; non ut peccarent, sed ut essent ornaturæ b universum, sive peccare, sive non peccare voluissent. Si enim rebus deessent animæ quæ ipsum fastigium ordinis in universa creatura sic obtinerent, ut si peccare voluissent, infirmaretur & labefactaretur universitas, magnum quiddam deesset creaturæ: illud enim deesset, quo remoto stabilitas rerum atque connexio turbaretur. Tales sunt optimæ, & sanctæ, & sublimes creaturæ cælestium vel supercælestium potestatum, quibus solus Deus imperat; universus autem mundus subjectus est. Sine istarum officiis justis atque perfectis esse universitas non potest. Item si deessent, quæ sive peccarent, sive non peccarent, nihil universitatis ordini minueretur, etiam sic plurimum deesset. Animæ sunt enim rationales, & illis superioribus officio quidem impares, sed natura pares: quibus adhuc inferiores sunt multi, & tamen laudabiles a summo Deo constitutarum rerum gradus.

33. Illa ergo natura sublimioris officii est, quæ non

solum si non esset, sed etiam si peccaret, minueret ordinem universitatis. Inferioris officii est ista, quæ tantummodo si non esset, non autem si peccaret, aliquid minus haberet universitas. Illi data est potentia omnia continendi officio proprio, quod rerum ordini deesse non possit: nec ideo in bona voluntate permanet, quia hoc accepit officium; sed ideo accepit, quoniam ab illo qui dedit permanfura prævisa est. Nec tamen sua maiestate continet omnia, sed inhærendo illius maiestati, & ejus imperiis devotissime obtemperando, a quo & per quem & in quo facta sunt omnia. Huic autem datum est quidem non peccanti potentissimum officium continendi omnia; non tamen proprium, sed cum illa, tamquam ei quæ peccatura præcognita est. Habent sane spiritalia quæque inter se & conjunctionem sine cumulo, & sejunctionem sine diminutione: ut neque adjuvaretur illa in actionis suæ facilitate, cum hæc sibi conjungeretur, neque difficilior illi actio fieret, si hæc officium suum peccando defereret. Non enim locis & mole corporum, sed parilitate affectuum jungi, & disparitate seungi possunt spiritalia creaturæ, quamvis corpora sua quæque possideant.

34. In corporibus autem inferioribus atque mortalibus post peccatum anima ordinata, regit corpus suum, non omni modo pro arbitrio, sed sicut leges universitatis sinunt. Nec ideo tamen talis anima inferior est corpore cælesti, cui corpori etiam corpora terrena subjecta sunt. Pannosa quippe vestis damnati servi multo est inferior veste bene meriti, & in honore magno apud dominum constituti; sed ipse servus melior est qualibet veste pretiosa, quia homo est. Illa ergo inhæret Deo, & in cælesti corpore, Angelica potestate, etiam terrestre corpus ornat & regit, sicut jubet ille cujus nutum intuetur ineffabiliter. Ista vero mortalibus membris onerata, vix hoc ipsum quo premitur administrat intrinsecus, & tamen ornat quantum potest: cetera vero extrinsecus adjacentia, longe infirmiora operatione extrinsecus afficit sicut potest.

35. **UNDE** colligitur non defuturum fuisse ornatum congruentissimum infimæ corporeæ creaturæ, etiam si ista peccare noluisse. Quoniam quæ totum potest regere, etiam partem regit: quæ autem minus potest, non continuo potest ampliora. Perfectus enim medicus etiam scabiem sanat efficaciter: at non continuo qui scabioso utiliter consulit, universæ humanæ valetudini mederi potest. Et ratio quidem si certa conspicitur, qua manifestum fiat esse oportuisse creaturam quæ numquam peccaverit, numquam peccatura sit, etiam illud eadem ratio renuntiat a peccato illam libera voluntate abstinere, neque coactam non peccare; sed sponte. Verumtamen etiam si peccaret (quamquam non peccavit, sicut eam non peccaturam præscivit Deus); tamen si etiam ipsa peccaret, sufficeret Dei potestas ineffabilis potentia, ad regendam istam universitatem, ut omnibus congrua & condigna retribuens, nihil in toto imperio suo turpe atque indecorum esse permetteret. Quia sive per nullas ad hoc ipsum conditas potestates, si omnis Angelica natura ab ejus præceptis peccando defecisset, maiestate sua decentissime atque optime regeret omnia: nec sic invidens creaturæ spiritali ut esset; qui etiam corporalem peccantibus quoque spiritualibus longe inferiorem, tanta largitate bonitatis instituit, ut nullus sit cælum terramque ratio-

CAPUT XII.
Gubernatio universi non turbaretur etiam si Angelica omnis creatura peccaret.

CAPUT XI.
Creatura sive in justitia permanfura, sive lapsura ad ornamentum universi confert.

a Editi, *justo plus*, quibus rari MSS. suffragantur: nam duodecim melioris notæ habent, *juste plus*.

b MSS. aliquot a prioribus, *ornatura universitatis*.

tionabiliter intuens, omnesque naturas visibiles in suis generibus moderatas, formatas, ordinatas, qui vel alium credat artificem omnium esse quam Deum vel non eum ineffabiliter laudandum esse fateatur. Sive ^a nulla est melior rerum ordinatio, nisi potestas Angelica naturæ excellentia & bonitate voluntatis in dispositione universitatis superemineat, etiam si omnes peccassent Angeli, nullam inopiam facerent ad regendum imperium suum Creatori Angelorum. Non enim vel bonitas ejus quasi aliquo tædio, vel omnipotentia difficultate deficeret ad creandos alios quos in eis sedibus collocaret, quas peccando alii deseruissent; aut creatura spiritalis quantilibet ^b numeri, si pro suis meritis damnaretur, angustare posset ordinem, qui convenienter & decenter excipit quoscunque damnandos. ^c Quacumque se igitur consideratio nostra converterit, ineffabiliter laudandum invenit Deum naturarum omnium conditorem optimum, & administratorem justissimum.

36. Postremo ut relinquamus contemplationem pulcritudinis rerum iis qui eam divino munere videre possunt, nec eos ^d qui non possunt ad ineffabilia contuenda verbis conemur adducere, & tamen propter loquaces aut infirmos aut insidiosos homines tantam quæstionem brevissima complexione peragamus; * Omnis natura quæ minus bona fieri potest, bona est: & omnis natura dum corrumpitur, minus bona fit. Aut enim non ei nocet corruptio, & non corrumpitur; aut si corrumpitur, nocet ei corruptio: & si nocet, minuit aliquid de bono ejus, & eam minus bonam facit. Nam si penitus eam privat omni bono, quidquid ejus remanebit, jam corrumpi non poterit: quia nullum erit bonum cujus ademptione possit nocere corruptio. Cui autem non potest nocere corruptio, non corrumpitur. Porro natura quæ non corrumpitur, incorruptibilis est. Erit ergo natura, quod absurdissimum est dicere, corruptione facta incorruptibilis. Quapropter quod verissime dicitur omnis natura in quantum natura est, bona est: quia si incorruptibilis est, melior est quam corruptibilis: si autem corruptibilis est, quoniam dum corrumpitur minus bona fit, sine dubitatione bona est. Omnis autem natura aut corruptibilis est, aut incorruptibilis. Omnis ergo natura bona est: naturam voco quæ & substantia dici solet. Omnis igitur substantia aut Deus, aut ex Deo, quia omne bonum aut Deus, aut ex Deo.

37. Quibus constitutis atque firmatis tamquam in capite ratiocinationis nostræ, adtende quid dicam. Omnis natura rationalis, cum libero voluntatis arbitrio condita, si manet in fruendo summo atque incommutabili bono, procul dubio laudanda est; & omnis quæ tendit ut maneat, etiam ipsa laudanda est: omnis autem quæ non in eo manet, & non vult agere ut maneat, in quantum ibi non est, & in quantum non id agit ut ibi sit, vituperanda est. Si ergo laudatur rationalis natura quæ est facta, nemo dubitat laudandum esse qui fecit; & si vituperatur, nemo dubitat ejus Conditorem in ipsa ejus vituperatione laudari. Cum enim propterea vituperamus hanc, quoniam summo & incommutabili bono, id est, Creatore suo frui non vult, illum sine ulla dubitatione laudamus. QUANTUM ergo bonum, & quam vel ineffabiliter linguis omnibus, vel ineffabiliter cogitationibus omnibus prædicandus & honorandus est creator omnium.

Tom. I.

A nium Deus, sine cujus laude nec laudari possumus, nec vituperari: Non enim vituperari possumus quia in eo non manemus, nisi quia magnum & summum & primum nostrum bonum est manere in illo: unde autem hoc, nisi quia ille ineffabile bonum est? QUID ergo inveniri potest in nostris peccatis unde ille vituperetur, quando vituperatio peccatorum nostrorum nulla est, nisi ille laudetur?

38. Quid quod etiam in ipsis rebus, quæ vituperantur, nullius vituperatur nisi vitium? Nullius autem vituperatur vitium, nisi cujus natura laudatur. Aut enim secundum naturam est quod vituperas, & non est vitium, tuque magis emendandus es, ut recte vituperare noveris, quam illud quod non recte vituperas; aut si vitium est, ut recte vituperari possit, etiam contra naturam fit necesse est. Omne quippe vitium, eo ipso quo vitium est, contra naturam est. Si enim naturæ non nocet, nec vitium est: si autem quia nocet ideo vitium est, ideo vitium est quia contra naturam est. Quod si non suo, sed alieno vitio aliqua natura corrumpitur, injuste vituperatur, & quærendum est utrum illa natura non corrumpatur vitio suo, cujus vitio potuit aliena natura corrumpi. Sed quid est aliud vitiari, nisi vitio corrumpi? Porro natura quæ non vitiatur, caret vitio: cujus autem vitio aliena natura corrumpitur, habet utique vitium. Prior ergo vitiosa est, & prior corrumpitur vitio suo, cujus vitio alia quoque corrumpi potest. Ex quo colligitur, contra naturam esse omne vitium, etiam ejus rei cujus est vitium. Quapropter quoniam in quacumque re non vituperatur nisi vitium, ideo autem vitium est, quia contra naturam ejus rei est cujus est vitium, nullius rei recte vituperatur vitium, nisi cujus natura laudatur. Non enim tibi recte in vitio displicet, nisi quia vitiat quod in natura placet.

39. VIDENDUM est etiam illud, utrum vere dicatur aliquam naturam naturæ alterius vitio corrumpi, nullo adjuncto vitio suo. Si enim natura quæ accedit cum vitio suo ad aliam corrumpendam, non in ea corruptibile aliquid invenit, non eam corrumpit. Si autem invenit, adjuncto ejus vitio corruptionem ejus operatur. Potentior enim ab infirmiore si corrumpi nolit, non corrumpitur. Si autem velit, prius incipit suo vitio corrumpi quam alieno. Aequalis autem ab æquali nihilo minus si corrumpi nolit, non potest. Nam quæcumque natura cum vitio ad eam quæ sine vitio est, ut corrumpat accedit, eo ipso non accedit æqualis, sed infirmior vitio suo. Si vero potentior in validiorem corrumpit, aut utriusque vitio fit, si utriusque prava cupiditate fit; aut vitio potentioris, si naturæ tanta præstantia est, ut inferiorem quam corrumpit, etiam vitiosa præcedat. Quis enim recte vituperaverit fructus terræ, quod homines eis non utantur bene, corruptique vitio suo, corrumpant eos abutendo ad luxuriam: cum tamen dubitare dementis sit præstantiorem potentiorioremque esse hominis naturam etiam vitiosam, quam non vitiosas quasque fruges?

40. Potest etiam fieri ut aliquam inferiorem potentior natura corrumpat, & hoc nullius earum vitio fiat: si quidem vitium dicimus, quod vituperatione dignum est. Quis autem vel frugalem hominem nihil aliud de frugibus, quam e supplementa naturæ quæritantem vituperare audeat, aut easdem fruges

Dd quod

a Lov. in textu, *Sive ulla est*. At Bad. Er. & MSS. *Sive nulla est*; quæ lectio in editione Lov. ad marginem haud recte rejecta est, cum disjunctiva particula, *sive*, indicet hoc esse membrum alterum oppositum superiori, *sive per nullas ad hoc ipsum* &c.

b In codicibus quinque vetustis nec deterioris notæ habetur, *quantilibet numeris*.

c Er. & Lov. *quoscunque damnandos multos*. Expunximus, *multos*, quia redundat, abestque a Bad. & a MSS. quindecim.

d Editi & MSS. plerique carent istis verbis, *qui non possunt*, quæ huc revocanda putavimus e codice altero Sorbonico & ex aliis duobus.

e Bad. Er. & MSS. duo, *sublevamenta naturæ*.

CAPUT XIV. Non omnis corruptio vituperatione digna est.

quod usu ciborum ejus corrumpantur? Talis enim nec
usitate corruptio dicitur, quia maxime vitii nomen so-
let esse corruptio. Nam & illud in rebus facile animad-
verti potest, quod plerumque in a nullos usus explendæ
indigentia suæ natura potentior inferiorem corrumpit,
vel justitiæ ordine dum vindicat culpam, ex qua regu-
la, illud dictum est ab Apostolo: *Si quis templum Dei*
1. Cor. 3. 17. *corruperit, corrumpet illum Deus*: vel ordine mutabilium
rerum sibi cedentium secundum leges congruentissimas
pro valentia cujusque partis universitati datas. Neque
enim si cujusquam oculos pro naturæ suæ modulo feren-
dæ lucis invalidos sol fulgore corrumpat, aut ad ex-
plendam indigentiam sui luminis eos commutare pu-
tandus est, aut id facere ullo vitio suo; aut saltem ipsi
oculi vituperandi sunt, quia & domino suo cesserunt ut
contra lucem aperirentur, & ipsi luci ut corrumpere-
ntur. Omnium igitur corruptionum sola quæ vitiosa est
corruptio recte vituperatur: ceteræ autem, aut ne cor-
ruptiones quidem dicendæ sunt, aut certe quia vitiosæ
non sunt, dignæ vituperatione esse non possunt. Nam
& ipsa vituperatio, quod soli vitio parata, id est, apta
& debita sit, inde traxisse vocabulum creditur, ut vi-
tuperatio diceretur.

41. Vitium autem, ut dicere cœperam, non aliunde
malum est, nisi quia naturæ adversatur ejus ipsius rei
cujus est vitium. Unde manifestum est hanc eandem
rem cujus vitium vituperatur, natura esse laudabilem;
ita ut omnino hanc ipsam vituperationem vitiorum,
naturarum laudem esse fateamur, earum scilicet qua-
rum vitia vituperantur. Quia enim vitium naturæ ad-
versatur, tantum additur malitiæ vitiorum, quantum
naturarum integritati minuitur. Cum ergo vituperas
vitium, id profecto laudas cujus integritatem deside-
ras: cujus autem nisi naturæ integritatem? Natura
enim perfecta, non solum nulla vituperatione, sed
etiam laude in suo genere digna est. Quod ergo perfe-
ctioni naturæ deesse perspexeris, id vocas vitium, satis
tibi eam placere contestans, quam vituperatione im-
perfectionis ejus velles esse perfectam.

42. Si igitur vituperatio vitiorum ipsarum etiam,
quarum sunt vitia naturarum decus dignitatemque
commendat, quanto magis Deus conditor omnium na-
turarum etiam in earum vitiis laudandus est; cum &
hoc ab illo habeant quod naturæ sunt, & in tantum vi-
tiosæ sint, in quantum ab ejus qua factæ sunt arte disce-
dunt, & in tantum recte vituperentur, in quantum ea-
rum vituperator artem qua factæ sunt videt, ut hoc in
eis vituperet, quod ibi non videt. Et si ars ipsa per quam
facta sunt omnia, hoc est, summa & incommutabilis
Sapientia Dei, vere summeque est, sicuti est, respice quo
tendat quidquid ab illa discedit. Qui tamen defectus
non esset vituperatione dignus nisi esset voluntarius.
Adtende enim, quæso, utrum recte vituperes, quod ita
est sicuti esse debuit: non opinor; sed utique quod non ita
est ut debuit. Nemo autem debet quod non accepit. Et
quisquis debet, cui debet, nisi a quo accepit ut debeat?
Nam & quæ redduntur translegando, ei redduntur qui
translegaverat. Et quod creditorum justis successoribus
redditur, ipsis utique redditur quibus isti jure succedunt.
Aliter non redditio, sed cessio, vel admissio, vel si quid
aliud hujusmodi nominanda est. Quapropter omnia
temporalia, quæ in hoc rerum ordine ita locata sunt, ut

A nisi deficiant, non possit præteritis futura succedere, ut
tota temporum in suo genere pulcritudo peragatur, ab-
surdissime dicimus non debere deficere. Quantum enim
acceperunt, tantum agunt, & tantum reddunt ei, cui de-
bent, quod sunt in quantumcumque sunt. Qui enim do-
let ea deficere, sermonem suum oportet adtendat, eum
certe ipsum quod ista conqueritur, si justum & a pru-
dentia profectum esse arbitratur, cujus sermonis quod
ad sonum ejus adtinet, si quis unam particulam diligit,
nec eam velit ceteris deficiendo locum dare, quibus de-
cedentibus & succedentibus totus ille sermo contexi-
tur, mirabilis dementiae judicabitur.

43. In iis igitur rebus quæ ideo deficiunt, quia non ul-
tra esse acceperunt, ut suis temporibus omnia peragan-
tur, nemo defectum recte vituperat; quia nemo potest
dicere, Debit permanere, cum acceptas metas transire
non posset. In creaturis autem rationalibus, quibus si ve
peccantibus si ve non peccantibus, universalis pulcritudo
modis congruentissimis terminatur, aut nulla peccata
sunt, quod absurdissimum est dicere; peccat enim sal-
tem, qui vel damnat quasi peccata quæ nulla sunt: aut
non sunt vituperanda peccata, quod nihilo minus absur-
dum est; incipient quippe nec recte facta laudari, & to-
ta turbabitur humanæ mentis intentio, vitamque sub-
vertet: aut vituperabitur factum, quod ita factum est
ut debuit, & execrabilis infamia, vel ut mitius loquar,
error miserrimus orietur: aut si cogit verissima ratio, si-
cuti cogit, ut & vituperentur peccata, & quidquid re-
cte vituperatur, ideo vituperetur quia non est ita ut esse
debuit; quære quid debeat natura peccatrix, & invenies
recte factum, quære cui debeat, & invenies Deum. A
quo enim accepit posse recte facere cum velit, ab eo ac-
cepit ut sit etiam misera si non fecerit, & beata si fecerit.

44. Quia enim nemo superat leges omnipotentis Crea-
toris, NON SINITUR anima non reddere debitum. Aut
enim reddit bene utendo quod accepit, aut reddit amit-
tendo quo bene uti noluit. Itaque si non reddit faciendo
justitiam, reddet patiando miseriam: quia in utroque
verbum illud debiti sonat. Hoc enim etiam modo dici
potuit quod dictum est, Si non reddit faciendo quod de-
bet, reddet patiando quod debet. Nullo autem temporis
intervallo ista dividuntur, ut quasi alio tempore non fa-
ciat quod debet, & alio patiatur quod debet, ne vel pun-
cto temporis universalis pulcritudo turpetur, ut sit in
ea peccati dedecus sine decore vindictæ. Sed in futu-
rum judicium servatur ad manifestationem atque ad
accerrimum sensum miseriam, quidquid nunc occultissi-
me vindicatur. Sicut enim qui non vigilat, dormit: sic
quisquis non facit quod debet, sine intervallo patitur
quod debet, quoniam tanta est beatitudo justitiæ, ut ne-
mo ab ea nisi ad miseriam possit abscedere. In omnibus
ergo defectibus, aut non acceperunt ultra esse quæ defi-
ciunt, & nulla culpa est; sicut etiam cum sunt, quia non
acceperunt amplius esse quam sunt, nihilo minus nulla
culpa est: aut nolunt esse, quod si vellent, esse b accepe-
runt; & quia bonum est, reatus est si nolint.

45. DEUS autem nulli debet aliquid, quia om-
nia gratuito præstat. Et si quisquam dicet ab illo ali-
quid deberi meritis suis, certe ut esset, non ei debe-
batur. Non enim erat cui deberetur. Et tamen, quod
meritum est c converti ad eum ex quo es, ut ex ipso
etiam melior sis, ex quo habes ut sis? Quid ergo ei
præro-

CAPIT
XVI.
Peccata
nostra in
Deum
refundi
neque-
unt.

a Vulgati habent, in nonnullos usus. At MSS. in nullos usus. amplectimur.

b Et. & Lov. esse acciperent. At MSS. magno consensu, esse ac-
cipiunt, & melius; hoc enim illis superioris argumenti, quod hic

in angustum contrahitur, respondet verbis: A quo enim accepit pos-
se recte facere cum velis, &c. faver editio Bad. quæ præfert, esse ceperunt.

c Et. & Lov. convertere. MSS. sex, converte sed concinnius un-
decim alii ferunt, conversi.

prærogas, ut tanquam debitum poscas; quando si nolles ad eum converti, nihil ei deesset, tibi autem ipse, sine quo nihil esses, & ex quo ita es aliquid, ut nisi convertendo te ad illum, reddideris ei quod ab ipso es, non quidem nihil, sed miser tamen eris? Omnia ergo illi debent, primo quidquid sunt, in quantum naturæ sunt: deinde quidquid melius possunt esse si velint, quæcumque acceperunt ut velint; & quidquid oportet eas esse. Ex eo igitur quod non accepit, nullus reus est: ex eo vero quod non facit quod debet, iuste reus est. Debet autem, si accepit & voluntatem liberam, & sufficientissimam facultatem.

46. Usque adeo autem dum non facit quisque quod debet, nulla culpa est Conditoris, ut & laus sit, quoniam quod debet patitur, & in eo ipso quod vituperatur non faciendo quod debet, non nisi laudatur ille cui debet. Si enim tu laudaris videndo quid facere debeas, cum id non videas, nisi in illo qui est incommutabilis Veritas; quanto magis ille qui & velle præcepit, & posse præbuit, & non impune nolle permisit? Si enim hoc debet quisque quod accepit, & sic homo factus est, ut necessario peccet, hoc debet ut peccet. Cum ergo peccat, quod debet facit. Quod si scelus est dicere, neminem natura sua cogit ut peccet. Sed nec aliena. Non enim quisquis dum id quod non vult patitur, peccat. Nam si iuste patitur, non in eo peccat quod patitur invitatus, sed in eo peccavit quod ita fecit volens, ut quod nollet jure pateretur. Si autem iniuste patitur, quomodo peccat? Non enim iniuste aliquid pati, sed iniuste aliquid facere, peccatum est. Quod si neque sua neque aliena natura quis peccare cogitur, restat ut propria voluntate te peccetur. Quod si tribuere volueris Conditori, peccantem purgabis, qui nihil præter sui Conditoris instituta commisit, qui si recte defenditur, non peccavit: non est ergo quod tribuas Conditori. Laudemus ergo Conditozem, si potest defendi peccator, laudemus, si non potest. Si enim iuste defenditur, non est peccator: lauda ergo Creatorem. Si autem defendi non potest, in tantum peccator est in quantum se a Creatore avertit: lauda ergo Creatorem. Omnino igitur non invenio, nec inveniri posse & prorsus non esse confirmo, quomodo tribuantur peccata nostra Creatori nostro Deo; quando & in ipsis eum laudabilem invenio, non solum quod ea punit, sed etiam quod tunc fiunt, cum ab ejus veritate receditur. E. Accipio ista libentissime ac probo, & omnino verum esse consentio, nullo modo fieri posse, ut Creatori nostro recte peccata nostra tribuantur.

47. SED tamen scire vellem, si fieri posset; quare illa natura non peccet, quam non peccaturam præscivit Deus, & quare ista peccet, quæ ab illo peccatura prævisa est. Non enim jam puto, ipsa Dei præscientia vel istam peccare, vel illam non peccare cogi. Sed tamen si nulla causa esset, non ita dispertiretur creatura rationalis, ut alia numquam peccet, alia in peccando perseveret, alia quasi media inter utramque aliquando peccet, aliquando ad recte faciendum convertatur. Quæ causa in has tres partes eam distribuit? Sed nolo mihi respondeatur, Voluntas: ego enim causam quæro ipsius voluntatis. Non enim sine causa numquam vult illa peccare, numquam ista non vult, quædam vero aliquando vult, aliquando non vult, cum ejusdem ge-

Tom. I.

A neris omnes sint. Hoc solum enim mihi videre videor non sine causa esse istam tripartitam voluntatem rationalis creaturæ, sed quæ causa sit nescio.

48. A. Quoniam voluntas est causa peccati, tu autem causam ipsius voluntatis inquiris, si hanc invenire potuero, nonne causam etiam ejus causæ quæ inventa fuerit quæsiturus es? Et quis erit quærendi modus, quis finis percunctandi ac differendi cum te ultra radicem quærere nihil oporteat? Cave enim putes quidquam potuisse dici verius quam id quod dictum est, *Radicem omnium malorum esse avaritiam*, hoc est plus velle quam sat est. Tantum autem sat est, quantum sibi exigit naturæ in suo genere conservandæ modus. Avaritia enim, quæ Græce *φιλαργυρία* dicitur, non in solo argento vel in nummis, unde magis nomen duxisse resonat; argento enim nummi vel mixto argento frequentius apud veteres fiebant: sed in omnibus rebus quæ immoderate cupiuntur intelligenda est, ubicumque omnino plus vult quisque quam sat est. Hæc autem avaritia cupiditas est; cupiditas porro improba voluntas est. Ergo improba voluntas, malorum omnium causa est. Quæ si secundum naturam esset, conservaret utique naturam, nec ei perniciosa esset, & ideo non esset improba. Unde colligitur, radicem omnium malorum non esse secundum naturam; quod sufficit adversus omnes, qui volunt accusare naturas. Tu autem si hujus radicis causam requiris, quomodo erit ista radix omnium malorum? Illa enim erit, quæ causa hujus est: quam cum inveneris, ut dixi, etiam ipsius causam quæsiturus es, & quærendi nullum habebis modum.

D 49. Sed quæ tandem esse poterit ante voluntatem causa voluntatis? Aut enim & ipsa voluntas est; & a radice ista voluntatis non receditur: aut non est voluntas; & peccatum nullum habet. Aut igitur ipsa voluntas est prima causa peccandi, aut nullum peccatum est prima causa peccandi. Nec est cui recte imputetur peccatum nisi peccanti: non est ergo cui recte imputetur nisi volenti: sed nescio cur aliud te quærere libeat. Deinde quæcumque illa causa est voluntatis, aut iusta profecto est, aut iniusta. Si iusta, quisquis ei obtemperaverit, non peccabit: si iniusta, non ei obtemperet, & non peccabit.

E 50. AN forte violenta est & cogit invitum? Num eadem totiens replicaturi sumus? Reminiscere superiorum, quæ a nobis tam multa de peccato, & voluntate libera dicta sunt. Sed si laboriosum est omnia mandare memoriæ, hoc brevissimum tene. a Quæcumque ista causa est voluntatis, si non ei potest resisti, sine peccato ei ceditur: si autem potest, non ei cedatur, & non peccabitur. An forte fallit incautum? Ergo caveat ne fallatur. An tanta fallacia est, ut caveri omnino non possit? Si ita est, nulla peccata sunt: quis enim peccat in eo, quod nullo modo caveri potest? Peccatur autem. Caveri igitur potest.

F 51. Et tamen etiam per ignorantiam facta quædam improbantur, & corrigenda judicantur, sicut in divinis auctoritatibus legimus; ait enim Apostolus: *Misericordiam consecutus sum, quia ignorans feci*. ait & Propheta; *delicta juventutis & ignorantie meæ ne memineris*. Sunt etiam necessitate facta improbanda, ubi vult homo recte facere, & non potest: nam unde sunt illæ voces, *Non enim quod volo facio bonum, sed quod nolo malum, hoc ago*. Et illud, *Velle adjacet mihi*

Dd 2 perfi-

a Hoc loco perpetam utens Pelagius sic revincitur ab Augustino in lib. de natura & gratia c. 67. Potest ergo ei causæ, quæcumque illa est resisti; potest planè. Nam in hoc adiutorium posulamus dicen-

tes. Ne nos inferas in tentationem. quod adiutorium non posceremus, si resisti nullo modo posse crederemus. Potest peccatum caveri, sed opulante illo qui non potest falli.

Ibid. 18.
Gal. 5. 17

perficere autem bonum non invenio. Et illud, Caro concupiscit adversus spiritum, spiritus autem adversus carnem: Hæc enim invicem adversantur, ut non ea quæ vultis faciatis. Sed hæc omnia hominum sunt, ex illa mortis damnatione venientium: nam si non est ista pœna hominis, sed natura, nulla ista peccata sunt. Si enim non receditur ab eo modo quo naturaliter factus est, ita ut melius esse non possit, ea quæ debet, facit, cum hæc facit. Si autem bonus homo esset, si aliter esset; nunc autem quia ita est, non est bonus, nec habet in potestate ut bonus sit, si non videndo qualis esse debeat, si non videndo & non valendo esse, qualem debere esse se videt: pœnam istam esse quis dubitet? Omnis autem pœna si iusta est, peccati pœna est, & supplicium nominatur: si autem injusta est pœna, quoniam pœnam esse nemo ambigit, injusto aliquo dominante homini imposita est. Porro quia de omnipotentia Dei & iustitia dubitare dementis est, iusta hæc pœna est, & pro peccato aliquo penditur. Non enim quisquam injustus dominator aut subripere hominem potuit, velut ignoranti Deo: aut extorquere invito, tamquam invalidiori, vel terrendo vel configendo, ut hominem injusta pœna cruciaret. Relinquitur ergo, ut hæc iusta pœna de damnatione hominis veniat.

2. sent.
dist. 36.
cap. Et
ideo.

52. Nec mirandum est quod vel ignorando non habeat arbitrium liberum voluntatis ad eligendum quid recte faciat: vel resistente carnali consuetudine, quæ violentia mortalis successionis quodam modo naturaliter inolevit, videat quid recte faciendum sit, & velit, nec possit implere. Illa est enim peccati pœna iustissima, ut amittat quisque quo bene uti noluit, cum sine ulla posset difficultate, si vellet. Id est autem ut qui sciens recte non facit, amittat scire quid rectum sit: & qui recte facere cum posset noluit, amittat posse cum velit. Nam sunt re vera omni peccanti animæ duo ista pœnalia, ignorantia & difficultas. Ex ignorantia dehonestat error, ex difficultate cruciatus affligit. Sed approbare falsa pro veris, ut erret invitatus, & resistente atque torquente dolore carnalis vinculi, non posse a libidinosis operibus temperare, non est natura instituti hominis, sed pœna damnati. Cum autem de libera voluntate recte faciendi loquimur, de illa scilicet, in qua homo factus est, loquimur.

1. Reg.
trah. cap.
9. n. 3. 3.
sent. dist.
15. cap.
Tradit.

CAPUT
XIX.
Peccan-
tes igno-
rantiam
& diffi-
cultate
transfu-
sa in se
ex Adæ
peccato
vitia ne
excusent.

53. HIC occurrit illa quæstio, quam inter se murmurantes homines rodere consueverunt, qui quodlibet aliud in peccando quam se accusare parati sunt. Dicunt enim, Si Adam & Eva peccaverunt, quid nos miseri fecimus, ut cum ignorantia cæcitate & difficultatis cruciatibus nasceremur, & primo erraremus nescientes quid nobis esset faciendum; deinde ubi nobis inciperent aperiri præcepta iustitiæ, vellemus ea facere, & renitente carnalis concupiscentiæ nescio qua necessitate non valeremus? Quibus breviter respondetur ut quiescant, & adversus Deum murmurare desistant. Recte enim fortasse quererentur, si erroris & libidinis nullus hominum victor existeret, cum vero ubique sit præsens, qui multis modis per creaturam sibi Domino servientem aversum vocet, doceat credentem, consoletur sperantem, diligentem adhortetur, conantem adjuvet, exaudiat deprecantem; non tibi deputatur ad culpam, quod invitatus ignoras, sed quod negligis quærere quod ignoras; neque illud quod vulnerata membra non colligis, sed quod vo-

lentem sanare contemnis: ista tua propria peccata sunt. Nulli enim homini oblatum est scire utiliter a quæri, quod inutiliter ignoratur, & humiliter confitendam esse imbecillitatem, ut quærenti & confitenti ille subveniat, qui nec errat dum subvenit, nec laborat.

54. Nam illud quod ignorans quisque non recte facit, & quod recte volens facere non potest, ideo dicuntur peccata, quia de peccato illo liberæ voluntatis originem ducunt, illud enim præcedens meruit ista sequentia. Nam sicut linguam dicimus non solum membrum, quod movemus in ore dum loquimur, sed etiam illud quod hujus membri motum consequitur, id est, formam tenoremque verborum, secundum quem modum dicitur alia lingua Græca, alia Latina: sic non solum peccatum illud dicimus, quod proprie vocatur peccatum, libera enim voluntate & ab sciente committitur; sed etiam illud quod jam de hujus supplicio consequatur necesse est. Sic etiam ipsam naturam aliter dicimus, cum proprie loquimur, naturam hominis, in qua primum in suo genere inculpabilis factus est: aliter istam, in qua ex illius damnati pœna, & mortales & ignari & carni subditi nascimur; juxta quem modum dicit Apostolus: *Fuimus enim & nos naturaliter filii iræ, sicut & ceteri.*

55. UT autem de illo primo conjugio, & cum ignorantia, & cum difficultate, & cum mortalitate nascamur, quoniam illi cum peccavissent, & in errorem, & in ærumnam, & in mortem præcipitati sunt, rerum moderatori summo Deo iustissime placuit, ut & in ortu hominis originaliter appareret iustitia punientis, & in propectu misericordia liberantis. Non enim damnato primo homini sic ademta est beatitudo, ut etiam secunditas adimeretur. Poterat enim & de prole ejus, quamvis carnali & mortali, aliquod in suo genere fieri decus ornamentumque terrarum. Jam vero ut meliores gigneret quam ipse esset, non erat æquitatis: sed ex conversione ad Deum, ut vinceret quisque supplicium, quod origo ejus ex aversione meruerat, non solum volentem non prohiberi, sed etiam adjuvari oportebat: etiam sic enim rerum Creator ostendit, quanta facilitate potuisset homo, si voluisset, retinere quod factus est, cum proles ejus potuit etiam superare quod nata est.

56. Deinde si una anima facta est, ex qua omnium hominum animæ trahuntur nascentium, quis potest dicere non se peccasse, cum primus ille peccavit? Si autem singillatim fiunt in unoquoque nascentium, non est perversum, immo convenientissimum & ordinatissimum apparet, ut malum meritum prioris, natura sequentis sit, & bonum meritum sequentis, natura prioris sit. Quid enim indignum, si etiam sic voluit Creator ostendere, usque adeo excellere creaturis corporeis animæ dignitatem, ut ab eo gradu possit esse ortus alterius, ad quem alterius perductus est occasus? Nam cum ad ignorantiam difficultatemque pervenerit illa peccatrix, ideo pœna recte dicitur, quia melior ante hanc pœnam fuit. Si ergo altera talis esse cepit, non solum ante peccatum, sed ante omnem vitam suam, qualis alia post vitam culpabilem facta est, non parvum bonum habet, unde Conditori suo gratias agat; quia ipse ortus ejus & inchoatio quovis perfecto corpore est melior. Non enim mediocria bona sunt, non solum quod anima est, qua natura jam omne corpus præcedit, sed etiam quod facultatem habet, ut adjuvante Creatore se ipsam exco-

Ephes. 2.
3.
CAPUT
XX.
Pœnales
defectus
in Adæ
posteris
haud in-
juste de-
manasse,
quæcum-
que de-
mum
véra sit
de ani-
marum
origine
senten-
tia.

a Loy. scire utiliter quærere, quod inutiliter ignorat. Antiquiores editiones Bad. Er. & MSS. quatuor, scire utiliter, quod inutiliter ignoratur, Alii MSS. undecim e quorum numero sunt Regius codex, Vich-

rinus, Sorbonici duo, Germanensis, Gemeticensis &c. habent, scire utiliter quæri quod inutiliter ignoratur, quam lectionem eligimus.

excolat, & pio studio possit omnes adquirere & capere virtutes, per quas & a difficultate cruciante, & ab ignorantia cæcante liberetur. Quod si ita est, non erit nascentibus animis ignorantia & difficultas supplicium peccati, sed proficiendi admonitio, & perfectionis exordium. Non enim ante omne meritum boni operis parum est accepisse naturale iudicium, quo sapientiam præponat terrori, & quietem difficultati, ut ad hæc non nascendo, sed studendo perveniat. Quod si agere noluerit, peccati rea jure tenebitur, tamquam quæ non bene usa sit ea facultate, quam accepit. Quamquam enim in ignorantia & difficultate nata sit, non tamen ad permanendum in eo quod nata est, aliqua necessitate comprimitur: neque omnino potuit nisi Deus omnipotens^a esse etiam talium creator animarum, quas & non dilectus ipse faciat, & diligens eas reficiat, & dilectus ipse perficiat: qui & non existentibus præstat ut sint, & amantibus eum a quo sunt præstat ut beatæ sint.

57. Si vero in Dei aliquo secreto jam existentes animæ mittuntur ad inspiranda & regenda corpora singulorum quorumque nascentium, ad hoc utique mittuntur officium, ut corpus quod de pœna peccati, hoc est, mortalitate primi hominis nascitur, bene administrando, id est, castigando per virtutes, & ordinatissimæ atque legitimæ servituti subiiciendo, etiam ipsi comparent ordine atque tempore opportuno cælestis incorruptionis locum. Quæ cum introeunt in hanc vitam, subeuntque gestanda membra mortalia, subeant etiam necesse est & oblivionem vitæ prioris, & præsentis laborem; unde illa ignorantia & difficultas consequitur, quod in primo homine supplicium mortalitatis fuit, ad animi^b expendendam miseriam; in istis autem janua ministerii ad reparandam corporis incorruptionem. Nam hoc quoque modo non dicuntur ista peccata, nisi quia caro de propagine veniens peccatoris, venientibus ad se animis hanc ignorantiam & difficultatem facit; quæ neque his, neque Creatori tamquam culpanda tribuatur. Dedit enim ille & facultatem bene operandi in laboriosis officiis, & viam fidei in oblivionis cæcitate: c iudicium illud vel maxime, quod anima omnis & querendum esse concedit quod inutiliter nescit, & perseveranter in officiosis laboribus enitendum ad evincendam recte faciendi difficultatem, & opem a Creatore implorandam, ut conantem adjuvet; qui vel extrinsecus lege, vel in intimis cordis allocutione conandum esse præcepit, & præparat civitatis beatissimæ gloriam triumphantibus de illo, qui primum hominem ad istam miseriam perduxit victum pessima suasionem; quam miseriam isti suscipiunt ad eum vincendum optima fide. Non enim parvæ gloriæ militia est diabolus vincere eodem suscepto supplicio, quo se ille hominem victum perduxisse gloriatur. Quisquis autem hoc istius vitæ captus amore neglexerit, nullo pacto iuste flagitium desertionis suæ regis imperio deputabit: sed erit potius sub omnium domino in ejus partibus ordinatus, cujus turpe stipendium ut castra sua desereret, adamavit.

58. Si autem alibi animæ constitutæ non mittuntur a Domino Deo, sed sua sponte ad inhabitanda corpora Tom. I.

A veniunt, facile est jam hoc videre, quidquid ignorantia difficultatisque secutum fuerit earum propriam voluntatem, nullo modo Creatorem hinc esse culpandum: quando quidem etiam si eas ipse misisset, quibus etiam in ipsa ignorantia & difficultate liberam voluntatem petendi & quærendi & conandi non abstulit, daturus petentibus, demonstraturus quærentibus, pulsanibus aperturus, omnino extra culpam esset. Hanc enim ignorantiam & difficultatem studiosis & benevolis evincendam, ad coronam gloriæ valere præstaret: negligentibus autem & peccata sua de infirmitate defendere volentibus, non ipsam ignorantiam difficultatemque pro crimine obiiceret; sed quia in eis potius permanere, quam studio quærendi atque discendi, & humilitate confitendi atque orandi, ad veritatem ac facilitatem pervenire voluerunt, iusto supplicio vindicaret.

59. HARUM autem^d quatuor de anima sententiarum, utrum de propagine veniant, an in singulis quibusque nascentibus novæ fiant, an in corpora nascentium jam alicubi existentes vel mittantur divinitus, vel sua sponte labantur, nullam temere affirmare oportebit. Aut enim nondum ista quæstio a divinorum librorum catholicis tractatoribus pro merito suæ obscuritatis & perplexitatis evoluta atque illustrata est: aut si jam factum est, nondum in manus nostras hujusmodi litteræ pervenerunt. Tantum adsit fides nihil de substantia Creatoris falsum indignumque sentiendi. Ad illud enim tendimus itinere pietatis. Si ergo aliud de illo senserimus quam est, intentio nostra non in beatitudinem, sed in vanitatem nos ire compellet. De creatura vero si quid aliter quam sese habet senserimus, dummodo non id pro cognito perceptoque teneamus, nullum periculum est. Non enim ad creaturam jubemur tendere ut efficiamur beati, sed ad ipsum Creatorem: de quo si aliud quam oportet ac sese res habet, nobis persuadetur, perniciosissimo errore decipimur. Ad hoc enim pergendo, quod aut non est, aut si est non facit beatos, ad beatam vitam nullus pervenire potest.

60. Sed ad contemplandam veritatis æternitatem, ut ea perfrui eique inhærere valeamus, infirmitati nostræ via de temporalibus procurata est, ut quantum itineri sufficit ad æterna tendentium, præterita & futura credamus. Quæ fidei disciplina, ut auctoritate præpolleat, divina misericordia gubernatur. Præsentia vero, quantum ad creaturam pertinet, in corporis & animi mobilitate & mutabilitate, quasi transeuntia sentiuntur. In quibus quidquid non experimur, cognitione qualicumque tenere non possumus. Quæcumque ergo nobis de quibuscumque creaturis vel præterita vel futura divina auctoritate credenda narrantur, quamvis partim prius quam ea sentire potuerimus præterierint, partim nondum in nostros sensus pervenerint, tamen quia plurimum valent ad roborandam spem nostram, & exhortandam dilectionem, dum nobis commendant per ordinatissimam seriem temporum quam non negligat liberationem nostram Deus, sine ulla dubitatione credenda sunt. Sed quisquis error personam sibi divinæ auctoritatis assumit, ea maxime ratione refellitur,

D d 3 si

^a Editio Lov. *omnipotens esset*. At Bad. & Er. *omnipotens esse*; quibus MSS. consentiunt. Paulo post quæ in editis omnibus reperiuntur verba scilicet, & diligens eas reficiat, absunt a MSS.

^b MSS. quatuor, ad animi explendam miseriam.

^c Bad. *iudicium illud vel maxime, quia anima*, &c. quæ etiam erat lectio Lov. mutato *quia* in *quod*. At Er. & MSS. habent, *iudicium illud*. . . . *quod anima*, &c. ubi forte librarii scripserunt *quod* pro *quo*, sicuti eos passim fecisse observamus.

^d Eum locum Augustinus epist. 28. Hieronymo recenset his verbis: Er-

go quidem ante aliquot annos cum libros quosdam scriberem de Libero arbitrio, qui in multorum manus exierunt, & nunc habentur a plurimis, quatuor opiniones de animæ incarnatione. . . . ita putavi esse tractandas, ut quælibet earum vera esset, non impediret intentionem meam qua tunc adversus eos quantis poteram viribus agebam; qui naturam mali suo principio præditam adversus Deum conantur inducere, id est contra Manichæos. Nam de Priscillianistis adhuc nihil audieram. . . . Ideo quintam opinionem non addidi quam in tua epistola inter ceteras commemorasti.

si aut aliquam vel mutabilem speciem præter creaturam Dei, aut aliquam mutabilem speciem in substantia Dei credere aut affirmare convincitur, eamque substantiam Dei vel plus vel minus quam Trinitatem esse contendit: cui Trinitati pie sobrieque intelligendæ omnis excubat vigilantia Christiana, & omnis ejus proventus intenditur. De cujus Trinitatis unitate & æqualitate, & singularum in ea personarum quadam proprietate, non hic locus est differendi. Nam commemorare quædam de Domino Deo auctore & formatore & ordinatore rerum omnium, quæ ad saluberrimam fidem pertineant, & quibus lactens atque a terrenis in cælestia sese ad tollere incipiens, utiliter adminiculetur intentio, & factu facillimum & a plerisque jam factitatum est: pertractare autem istam totam, atque ita versare quæstionem, ut perspicuæ rationi, quantum in hac vita datur, omnis humana intelligentia subjugetur, non modo eloquio, sed ne cogitatione quidem vel cuiquam hominum, vel certe nobis satis expeditum & facile aggrediendum videri potest. Nunc ergo ut quod instituimus, quantum adjuvamus, & quantum finimur peragamus, Quæcumque nobis, quantum ad creaturam pertinet, vel narrantur præterita, vel prænuntiantur futura quæ ad commendandam valeant integram religionem, excitando nos ad sincerissimam dilectionem Dei & proximi, sine dubitatione credenda sunt: adversus incredulos autem hæcenus defendenda, ut vel mole auctoritatis infidelitas eorum obteratur, vel eis ostendatur, quantum potest, primo quam non sit stultum talia credere, deinde quam sit stultum talia non credere. Verumtamen falsam doctrinam non tam de præteritis & futuris, quam de præsentibus & maxime de incommutabilibus oportet refellere, & quantum datur, perspicua ratione convincere.

61. Sane in a serie temporalium, inquisitioni præteritorum futurorum expectatio præferenda est. Quando quidem etiam in divinis libris ea quæ præterita narrantur, vel præfigurationem futurorum, vel pollicitationem, vel testificationem præ se gerunt. Et re vera in iis etiam, quæ ad hanc vitam pertinent, prosperis adversisque rebus, quid quisque fuerit non satis curat: in id vero quod futurum speratur, sese omnis curarum æstus agglomerat. Nescio quo quippe intimo naturalique sensu, ea quæ nobis acciderunt, quoniam transacta sunt, sic habentur ad momentum felicitatis & miseriæ, quasi numquam accidissent. Quid igitur mihi obest, si esse quando ceperim nescio, cum esse me noverim, nec futurum esse desperem? Non enim in præterita me adtendo, ut tamquam errorem perniciosissimum verear, si aliter de iis sensero quam fuerunt: sed in id quod futurus sum, cursum dirigo duce misericordia Conditoris mei. De hoc igitur quod futurus sum, & de illo apud quem futurus sum, si aliter quam veritas sese habet credidero aut sensero, vehementer cavendus est error: ne mihi aut necessaria non præparem, aut ad eum ipsum finem propositi mei, dum aliud pro alio mihi videtur, pervenire non possim. Quamobrem sicut ad comparandam vestem nihil mihi obesset, si præteritæ hyemis oblitus essem, obesset autem si futurum frigus imminere non crederem: ita nihil oberit animæ meæ, si oblita est quid forte pertulerit, si modo diligenter advertat & teneat quo se deinceps parare moneatur. Et sicut, verbi gratia, Romam naviganti nihil noceret si excidisset animo, a quo littore navem solverit, dum

tamen ab eo loco ubi esset non ignoraret quo proram dirigeret; nihil autem prodesset meminisse littoris, unde iter exorsus sit, si de Romano portu falsum aliquid existimans, in saxa incidisset: ita neque si non tenuero initium temporis vitæ meæ, quidquam mihi oberit scienti quo sine requiescam; nec prodesset aliquid illa sive memoria sive conjectura inchoatæ vitæ, si de ipso Deo, qui unus laborum animæ finis est, aliter quam dignum est opinatus, in scopulos erroris irruerem.

62. Nec iste sermo ad id valuerit, ut quisquam nos prohibere arbitretur, ut quærant qui potuerint secundum Scripturas divinitus inspiratas, utrum anima de anima propagetur, an suo cuique animanti singulæ in ipso fiant, an ad regendum animandumque corpus divino nutu alicunde mittantur, vel propria voluntate se insinuent; si vel alicujus expediendæ necessariæ quæstionis ratio flagitat ista considerare atque discutere, vel a rebus magis necessariis otium ad hæc quærenda & differenda conceditur. Verum ad id potius ista dixerim, ne quis in re tali vel temere succenseat ei, qui suæ opinionioni humaniore fortasse dubitatione non cedit: aut etiam si quid hinc certi quisquam & liquidi comprehenderit, ideo putet alium spem perdidisse futurorum, quia præterita exorsa non recolit.

63. QUOQUO modo autem se istud habeat, sive omnino omittendum, sive nunc differendum & alias considerandum sit, præsens tamen quæstio non impeditur, quo minus appareat integerrima & iustissima & inconcussa atque incommutabili maiestate & substantia Creatoris, supplicia peccatorum suorum animas luere: quæ peccata, ut jam diu differuimus, non nisi propriæ voluntati earum tribuenda sunt, nec ulla b ulterior peccatorum causa quærenda.

64. Ignorantia vero & difficultas si naturalis est, inde incipit anima proficere, & ad cognitionem & requiem, donec in ea perficiatur vita beata, promoveri. Quem profectum in studiis optimis atque pietate, quorum facultas ei non negata est, si propria voluntate neglexerit, iuste in graviolem, quæ jam pœnalis est, ignorantiam difficultatemque præcipitatur, decentissimo & convenientissimo rerum moderamine in inferioribus ordinata. Non enim quod naturaliter nescit, & naturaliter non potest, hoc animæ deputatur in reatum: sed quod scire non studuit, & quod dignam facilitati comparandæ ad recte faciendum operam non dedit. Loqui enim non nosse atque non posse, infanti naturale est: quæ ignorantia difficultasque sermonis non modo inculpabilis sub grammaticorum legibus, sed etiam humanis affectibus blanda & grata est; non enim ullo vitio illam facultatem comparare neglexit, aut ullo vitio quam compararat amisit. Itaque si nobis in eloquentia esset beatitudo constituta, atque ita crimini duceretur cum peccatur in linguæ sonis, quemadmodum cum peccatur in actibus vitæ, nullus utique argueretur infantia, quod ab ea esset exorsus ad consequendam eloquentiam: sed plane merito damnaretur, si suæ voluntatis perversitate vel ad eam recidisset, vel in ea remansisset. Sic etiam nunc, si ignorantia veri & difficultas recti naturalis est homini, unde incipiat in sapientiæ quietisque beatitudinem surgere, nullus hanc ex initio naturali recte arguit. Sed si proficere noluerit, aut a profectu retrorsum relabi voluerit, jure meritoque pœnas luet.

65. Creator vero ejus ubique laudatur, vel quod eam ab ipsis exordiis ad summi boni capacitatem inchoa-

CAPUT XXII.
Ignorantia & difficultas si naturalis est homini, non propterea deest unde laudetur Creator.
b

a Bad. Er. & MSS. septem, Sane in miseria temporalium.

b Ita MSS. & antiquiores editiones, At I. ov. habet, nec ulla interior.

choaverit, vel quod ejus profectum adjuvet, vel quod impleat proficientem atque perficiat, vel quod peccantem, id est, aut ab initiis suis sese ad perfectionem addollere recusantem, aut jam ex profectu aliquo relabentem, justissima damnatione pro meritis ordinat. Non enim propterea malam creavit, quia nondum tanta est, quanta ut proficiendo esse posset accepit; cum ejus exordio perfectiones omnes corporum longe inferiores sint, quas tamen in suo genere laudabiles esse judicat, quisquis de rebus sanissime judicat. Quod ergo ignorat quid sibi agendum sit, ex eo est quod nondum accepit: sed hoc quoque accipiet, si hoc quod accepit, bene usa fuerit. Accepit autem ut pie & diligenter quærat, si volet. Et quod agnoscens quid sibi agendum sit, non continuo valet implere, hoc quoque nondum accepit: præcessit enim quædam pars ejus sublimior ad sentiendum quod recte faciat bonum: sed quædam tardior atque carnalis non consequenter in sententiam ducitur; ut ex ipsa difficultate admoneatur eundem implorare adiutorem perfectionis suæ, quem inchoationis sentit auctorem; ut ex hoc ei fiat carior, dum non suis viribus, sed cujus bonitate habet ut sit, ejus misericordia sublevatur ut beata sit. Quanto autem carior illi est a quo est, tanto in eo firmitus adquiescit, & tanto uberius æternitate ejus perfruitur. Si enim arboris novellum & rude virgultum nullo modo recte sterile dicimus, quamvis aliquot ætates sine fructibus traiciat, donec opportuno tempore expromat feracitatem suam; cur non auctor animæ debita pietate laudetur, si ei tale tribuit exordium, ut studendo ac proficiendo ad frugem sapientiæ justitiæque perveniat, tantumque illi præstitit dignitatis, ut in ejus etiam potestate poneret, si vellet ad beatitudinem tendere?

CAPUT
XXIII.
De par-
vulorum
morte &
cruciatibus
cor-
poris
quibus
affligun-
tur ini-
qua est
imperio-
rum
querela.

66. HUIC autem disputationi obiici ab imperitis solet quædam calumnia de mortibus parvulorum, & de quibusdam cruciatibus corporis, quibus eos sæpe videmus affligi. Dicunt enim, Quid opus erat ut nasceretur, qui ante quam iniret ullum vitæ meritum excessit e vita? aut qualis in futuro judicio deputabitur, cui neque inter justos locus est, quoniam nihil recte fecit, neque inter malos, quoniam nihil peccavit? Quibus respondetur, Ad universitatis complexum, & totius creaturæ vel per locos vel per tempora ordinatissimam connexionem, non posse superfluo creari qualemcumque hominem, ubi folium arboris nullum superfluo creatur: sed sane superfluo quæri de meritis ejus, qui nihil meruerit. Non enim metuendum est, ne vita esse potuerit media quædam inter recte factum atque peccatum, & sententia judicis media esse non possit inter præmium atque supplicium.

De con-
sec. dist. 4.
cap. 11.
lud.

67. Quo loco etiam illud perscrutari homines solent, sacramentum baptismi Christi quid parvulis pro-
fit, cum eo accepto plerumque moriuntur, prius quam ex eo quidquam cognoscere potuerint. Qua in re satis pie recteque creditur, prodesse parvulo eorum fidem a quibus consecrandus offertur. Et hoc Ecclesiæ commendat saluberrima auctoritas, ut ex eo quisque sentiat quid sibi pro-
fit fides sua, quando in aliorum quoque beneficium, qui propriam nondum habent, potest aliena commodari. Quid enim filio viduæ profuit fides sua, quam utique mortuus non habebat; cui tamen profuit matris ut resurgeret? Quanto ergo potius fides aliena potest consulere parvulo, cui sua perfidia non potest imputari?

68. De cruciatibus autem corporis, quibus affli-

A guntur parvuli, quorum per ætatem nulla peccata sunt, si animæ quibus animantur, non prius quam ipsi homines, esse ceperunt, major querela & quasi misericors deponi solet, cum dicitur, Quid mali fecerunt ut ista paterentur? Quasi possit esse innocentiae meritum, ante quam quisque aliquid nocere possit. Cum autem boni aliquid operatur Deus in emendatione majorum, cum parvulorum suorum qui eis cari sunt, doloribus ac moribus flagellantur; cur ista non fiant, quando cum transierint pro non factis erunt in quibus facta sunt: propter quos autem facta sunt, aut meliores erunt, si temporalibus incommodis emendati, rectius elegerint vivere; aut excusationem in futuri judicii supplicio non habebunt, si vitæ hujus angoribus ad æternam vitam desiderium convertere noluerint? Quis autem novit quid parvulis, de quorum cruciatibus duritia majorum contunditur aut exercetur fides, aut misericordia probatur; quis ergo novit quid ipsis parvulis in secreto judiciorum suorum bonæ compensationis reservet Deus, qui quamquam nihil recte fecerint, tamen nec peccantes aliquid ista perpeffi sunt? Non enim frustra etiam infantes illos, qui cum Dominus Jesus Christus necandus ab Herode quæreretur, occisi sunt, in honorem Martyrum receptos commendat Ecclesia.

Vide
epist. 28.
ad Hie-
ronym.

Matth. 2.
16.

69. Quamquam isti calumniosi, & talium questionum non studiosissimi examinatores, sed loquacissimi ventilatores, etiam de pecorum doloribus & laboribus solent minus eruditorum sollicitare fidem, cum dicunt, Quid etiam pecora vel meruerunt mali, ut tanta patiantur incommoda, vel sperant boni, quia tantis exercentur incommodis? Sed hæc dicunt vel sentiunt, quia iniquissime de rebus existimant, qui cum summum bonum quod & quantum sit adspicere nequeant, talia volunt esse omnia, quale putant esse summum bonum: præter enim summa corpora quæ cælestia sunt, minusque corruptioni subjacent, summum bonum cogitare non possunt: ideoque inordinatissime flagitant, ut nec mortem nec ullam corruptionem patiantur corpora bestiarum, quasi non sint mortalia, cum sint infima; aut ideo mala sint, quia sunt cælestia meliora. Dolor autem quem bestiae sentiunt, animarum etiam bestialium vim quamdam in suo genere mirabilem laudabilemque commendat. Hoc ipso enim satis apparet in regendis animandisque suis corporibus, quam sint appetentes unitatis. Quid est enim aliud dolor, nisi quidam sensus divisionis vel corruptionis impatiens? Unde luce clarius apparet quam sit illa anima in sui corporis universitate avida unitatis & tenax, quæ nec libenter, nec indifferenter, sed potius renitenter & reluctanter intenditur in eam passionem corporis sui, qua ejus unitatem atque integritatem labefactari moleste accipit. Non ergo appareret quantus inferioribus creaturis animalibus esset appetitus unitatis, nisi dolore bestiarum. Quod si non appareret, minus quam opus esset admoneremur ab illa summa & sublimi & ineffabili unitate Creatoris esse omnia ista constituta.

Dolor
quid sit.

70. Et re vera si pie ac diligenter attendas, omnis creaturæ species & motus, qui in animi humani considerationem cadit, eruditionem nostram loquitur, diversis motibus & affectionibus, quasi quadam varietate linguarum, undique clamans atque increpans cognoscendum esse Creatorem. Nulla enim res est earum, quæ nec dolorem, nec voluptatem sentiunt, quæ non aliqua unitate decus proprii generis assequatur, vel omnino naturæ suæ qualemcumque stabilitatem. Nul-
la

la item res est earum quæ vel doloris molestias, vel blanditias sentiunt voluptatis, quæ non eo ipso quo dolorem fugit, voluptatemque appetit, diremptionem se fugere, unitatemque appetere, fateatur. Inque ipsis rationalibus animis omnis appetitus cognitionis qua illa natura lætatur, & ad unitatem refert omne quod percipit, & in errore nihil fugit aliud quam incomprehensibili ambiguitate confundi. Omne autem ambiguum unde molestum est, nisi quia certam non habet unitatem? Ex quo apparet omnia, sive cum offendunt vel offenduntur, sive cum delectant vel delectantur, unitatem insinuare atque prædicare Creatoris. Si autem ignorantia & difficultas, a quibus istam vitam necesse est incipere, non sunt animis naturales, restat ut aut officio susceptæ sint, aut irrogatæ supplicio. De quibus jam satis esse arbitror disputatum.

CAPUT
XXIV.
Primus
homo
non in-
fians
creatus
est, sed
sapien-
tiæ ca-
pax.

Vide 1.
Retract.
cap. 14.
p. 4.

Stultitia
quid.

71. QUAPROPTER ipse primus homo qualis factus sit, magis quærendum est, quam quomodo ejus posteritas propagata sit. Multum enim sibi videntur acute proponere quæstionem qui dicunt, Si sapiens factus est primus homo, cur seductus est? si autem stultus factus est, quomodo non est Deus auctor vitiorum, cum sit stultitia maximum vitium? Quasi vero natura humana præter stultitiam & sapientiam nullam mediam recipiat affectionem, quæ nec stultitia, nec sapientia dici possit. Tunc enim homo incipit aut stultus esse aut sapiens, ut alterum horum necessario appelletur, cum jam posset, nisi negligeret, habere sapientiam, ut vitiosæ stultitiæ sit voluntas rea. Non enim quisquam ita desipit, ut stultum appellet infantem, quamvis sit absurdior si velit appellare sapientem. Ut ergo infans nec stultus nec sapiens dici potest, quamvis jam homo sit; ex quo apparet naturam hominis recipere aliquid medium, quod neque stultitiam, neque sapientiam recte vocaveris: ita etiam si quisquam tali affectione animatus esset, qualem habent illi qui per negligentiam sapientia carent, nemo eum stultum recte diceret quem non vitio, sed natura talem videret. Est enim stultitia rerum appetendarum & vitandarum non quælibet, sed vitiosa ignorantia. Unde neque animal irrationale stultum dicimus, quia non accepit ut sapiens esse posset. Appellamus tamen plerumque ex similitudine aliquid non proprie. Nam & cæcitas cum maximum vitium sit oculorum, non tamen in catulis nascentibus vitium est, nec proprie cæcitas dici potest.

72. Si ergo ita factus est homo, ut quamvis sapiens nondum esset, præceptum tamen posset accipere, qui utique obtemperare deberet, nec illud jam mirum est, quod seduci potuit; nec illud injustum, quod præcepto non obtemperans pœnas luit; nec Creator ejus auctor vitiorum est, quia non habere sapientiam, nondum erat vitium hominis, si nondum ut habere posset, acceperat. Sed tamen habebat aliquid, quo si bene uti vellet, ad id quod non habebat adscenderet. Aliud est enim esse rationalem, aliud esse sapientem. Ratione fit quisque præcepti capax, cui fidem debet, ut quod præcipitur, faciat. Sicut autem natura rationis præceptum capit, sic præcepti observatio sapientiam. Quod est autem natura ad capiendum præceptum, hoc est voluntas ad observandum. Et sicut rationalis natura tamquam meritum est præcepti accipiendi, sic præcepti observatio meritum est accipiendæ sapientiæ. Ex quo autem incipit homo præcepti esse capax, ex illo incipit posse peccare. Duobus autem modis peccat ante quam fiat sapiens; si aut

se non accomodet ad accipiendum præceptum, aut cum acceperit non observet. Sapiens autem peccat, si se averterit a sapientia. Sicut enim præceptum non est ab illo cui præcipitur, sed ab illo qui præcipit: sic & sapientia non est ab illo qui illuminatur, sed ab illo qui illuminat. Quid ergo est unde non laudandus sit hominis Creator? Bonum est enim aliquod homo, & melius quam pecus, ex eo quod præcepti capax. Et hoc melius, cum præceptum jam cepit. Rursus hoc melius, cum præcepto paruit. Et his omnibus melius, cum æterno lumine sapientiæ beatus est. Peccatum autem malum est in negligentia vel ad capiendum præceptum, vel ad observandum, vel ad custodiendam contemplationem sapientiæ. Ex quo intelligitur, etiam si sapiens primus homo factus est, potuisse tamen seduci. Quod peccatum cum esset in libero arbitrio, iusta, divina lege, pœna consecuta est. Ita dicit etiam Apostolus Paulus, *dicentes se esse sapientes, stulti facti sunt*. Superbia enim avertit a sapientia: aversionem autem stultitia consequitur. Stultitia quippe cæcitas quædam est, sicut idem dicit: *Et obscuratum est insipiens cor eorum*. Unde autem hæc obscuratio, nisi ex aversione a lumine sapientiæ? Unde autem hæc aversio, nisi dum ille cui bonum est Deus, sibi ipse vult esse bonum suum, sicuti sibi est Deus? Itaque *ad me ipsum*, inquit, *conturbata est anima mea*. Et, *Gustate, & eritis sicut dii*.

Rom. 1.
22.

Psal. 41. 7
Gen. 3. 5.

73. Turbat autem considerantes, quod ita quærunt: Stultitiane primus homo recessit a Deo, an recedendo stultus factus est? Quia si responderis eum stultitia recessisse a sapientia, videbitur stultus fuisse ante quam recederet a sapientia, ut stultitia illi causâ esset recedendi. Item si responderis eum recedendo stultum esse factum, quærunt utrum stulte, an sapienter fecerit quod recessit. Si enim sapienter fecit, recte fecit, nihilque peccavit: si stulte, jam erat, inquiunt, in eo stultitia, qua factum est ut recederet. Non enim stulte aliquid sine stultitia facere poterat. Ex quo apparet esse quiddam medium, quo ad stultitiam a sapientia transitur, quod neque stulte, neque sapienter factum dici potest, quod ab hominibus in hac vita constitutis non nisi ex contrario datur intelligi. Sicut enim nullus mortalium fit sapiens, nisi ab stultitia in sapientiam transeat; ipse autem transitus si stulte fit, non utique bene fit, quod dementissimum est dicere; si autem sapienter fit, jam erat sapientia in homine ante quam transisset ad sapientiam, quod nihilo minus absurdum est; ex quo intelligitur esse medium, quod neutrum dici possit: ita & ex arce sapientiæ, ut ad stultitiam primus homo transiret, nec stultus, nec sapiens, transitus ille fuit. Velut in somno & vigiliis, neque id est dormire quod obdormiscere, neque id est vigilare quod expergisci, sed transitus quidam ex altero in alterum. Verum hoc interest, quod sine voluntate plerumque ista fiunt: illa autem numquam nisi per voluntatem: unde justissimæ retributiones consequuntur.

74. SED quia voluntatem non allicit ad faciendum quodlibet, nisi aliquod visum; quid autem quisque velumat vel respuat, est in potestate, sed quo viso tangatur, nulla potestas est: fatendum est & ex superioribus & ex inferioribus visis animum tangi, ut rationalis substantia ex utroque sumat quod voluerit & ex merito sumendi vel miseria vel beatitas subsequatur. Velut in paradiso visum ex superioribus, præceptum Dei; visum ex inferioribus, suggestio serpentis. Nam neque quid si-

CAPUT
XXV.
Quibus
visis
tangitur
rationalis
natura, cum
intentionem
ad m-
lum
conver-
tit.

bi

bi præciperetur a Domino, neque quid a serpente fugeretur, fuit in hominis potestate. Quam sit autem liberum & ab omnibus difficultatis vinculis expeditum, in ipsa sapientiæ sanitate constituto, non cedere visis inferioris illecebræ, vel hinc intelligi potest, quod etiam stulti ea superant ad sapientiam transituri, etiam cum molestia carendi perniciosarum consuetudinum pestilentiosa dulcedine.

75. Quæri autem hoc loco potest, si homini præsto fuerunt ex utraque parte visa, unum ex præcepto Dei, alterum ex suggestione serpentis, unde ipsi diabolo suggestum sit appetendæ impietatis consilium, quo de sublimibus sedibus laberetur. Si enim nullo viso tangetur non eligeret facere quod fecit: nam si non ei aliquid venisset in mentem, nullo modo intentionem convertisset in nefas. Unde igitur venit in mentem, quidquid illud est quod venit in mentem, ut ea moliretur quibus ex bono Angelo diabolus fieret? Qui enim vult, profecto aliquid vult: quod nisi aut extrinsecus per sensum corporis admoneatur, aut occultis modis in mentem veniat, velle non potest. Discernenda igitur sunt genera visorum, quorum unum est quod proficiscitur a voluntate suadentis, quale illud est diaboli, cui homo consentiendo peccavit: alterum a subjacentibus rebus vel intentioni animi, vel sensibus corporis. Intentioni animi subjacet, excepta incommutabilitate Trinitatis, quæ quidem non subjacet, sed eminet potius; subjacet ergo intentioni animi prius ipse animus, unde nos etiam vivere sentimus: deinde corpus quod administrat, unde ad quodlibet operandum membrum quod opus est, cum opus est movet. Subjacent autem sensibus corporis quæcumque corporea.

76. Ut autem in contemplatione summæ Sapientiæ, quæ utique animus non est, nam incommutabilis est, etiam se ipsum qui est commutabilis animus intueatur, & sibi ipse quodam modo veniat in mentem, non fit nisi differentia, qua non est quod Deus, & tamen aliquid est quod possit placere post Deum. Melior est

A autem cum obliviscitur sui præ caritate incommutabilis Dei, vel se ipsum penitus in illius comparatione contemnit. Si autem tamquam obvius placet sibi ad perverse imitandum Deum, ut potestate sua frui velit, tanto fit minor, quanto se cupit esse majorem. Et hoc est *initium omnis peccati superbia*, & *initium superbiæ hominis apostatæ a Deo*. Superbiæ autem diaboli accessit malevolentissima invidia, ut hanc superbiam homini persuaderet, per quam sentiebat se esse damnatum. Unde factum est, ut pœna hominem susciperet emendatoria potius quam interfectoria, ut cui se diabolus ad imitationem superbiæ præbuerat, ei se Dominus ad imitationem humilitatis præberet, per quem nobis æterna vita promittitur: ut prærogato nobis Christi sanguine, post labores miseriaeque ineffabiles tanta caritate Liberatori nostro adhæreamus, & tanta ejus in eum claritate rapiamur, ut nulla nos visa ex inferioribus a conspectu superiore detorqueant: quamquam & si aliquid huic intentioni nostræ suggereretur ab appetitu inferiorum, sempiterna nos diaboli damnatio cruciatusque revocarent.

77. Tanta est autem pulcritudo justitiæ, tanta jocunditas lucis æternæ, hoc est, incommutabilis Veritatis atque Sapientiæ, ut etiam si non liceret amplius in ea manere quam unius diei mora, propter hoc solum innumerabiles anni hujus vitæ pleni deliciis & circumfluentia temporalium bonorum recte meritoque contemnerentur. Non enim falso aut parvo affectu dictum est: *Quoniam melior est dies unus in atriis tuis super millia*. Quamquam & alio sensu possit intelligi, ut millia dierum in temporis mutabilitate intelligantur: unius autem diei nomine incommutabilitas æternitatis vocetur. Nescio me aliquid prætermisisse, quod ex nostra responsione quantum Dominus præbere dignatus est, tuis interrogationibus desit: quamquam & si tibi aliquid occurrit, modus libri nos jam finem facere, & ab hac disputatione requiescere aliquando compellit.

Eccli. 10.
14.

Psal. 83.
11.



IN SEQUENTES DUOS LIBROS DE GENESI CONTRA MANICHÆOS.

S. AUGUSTINUS IN LIB. 8. DE GENESI AD LITT. C. 2.

Contra Manichæos, qui has litteras veteris Testamenti non aliter quam oportet accipiendo errant, sed omnino non accipiendo & detestando blasphemant, duos conscripsi libros recenti tempore conversionis meæ, cito volens eorum confutare deliramenta, vel erigere intentionem ad quærendam in litteris quas oderunt Christianam & Evangelicam fidem. Et quia non mihi tunc occurrebant omnia, quemadmodum proprie possent accipi, magisque non posse accipi videbantur, aut vix posse aut difficile, ne retardarer, quid figurate significarent ea, quæ ad litteram non potui invenire, quanta valui brevitate & perspicuitate explicavi, ne vel multa lectione vel disputationis obscuritate deteriti, in manus ea sumere non curarent.

LIB. I. RETRACT. CAPUT X.

JAM vero in Africa constitutus, scripsi duos libros *de Genesi contra Manichæos*. Quamvis enim in superioribus libris quidquid disputavi, unde ostenderem Deum summe bonum & immutabilem creatorem esse omnium mutabilium naturarum, nec ullam esse naturam malam sive substantiam, in quantum natura est atque substantia adversus Manichæos nostra invigilaret intentio: isti tamen duo libri apertissime adversus eos editi sunt in defensionem veteris Legis, quam vehementi studio vesani erroris oppugnant. In primo ab eo quod scriptum est; *In principio fecit Deus cælum & terram*, donec septem peragantur dies, ubi legitur Deus requievisse in die septimo. In secundo autem ab eo quod scriptum est; *Hic liber creaturæ cæli & terræ*, donec Adam & mulier ejus dimissi sunt de paradiso, & custodia posita est ligno vitæ. Deinde in fine libri errori Manichæorum fidem catholicæ veritatis opposui, quid illi dicant, & nos quid dicamus, breviter aperteque complectens.

2. Quod vero dixi, *Illud autem non irrationabilium avium oculos pascit, sed pura corda eorum, qui Deo credunt, & ab amore visibilium rerum & temporalium, se ad ejus præcepta implenda convertunt, quod omnes homines possunt, si velint*, non existiment novi hæretici Pelagiani secundum eos esse dictum. Verum est enim omnino, omnes homines hoc posse, si velint; sed præparatur voluntas a Domino, & tantum augetur munere caritatis, ut possint: quod hic ideo dictum non est, quoniam præsentī necessarium non erat quæstioni. Quod vero ibi legitur, benedictionem Dei qua dictum est, *Crescite & multiplicamini*, in carnalem fecunditatem post peccatum conversam esse credendam, si non potest alio modo dictum videri, nisi ut putentur illi homines non habituri fuisse filios homines nisi peccassent, omnino non approbo. Illud etiam non est consequens, ut ideo intelligatur, in allegoria tantummodo esse accipiendum, quod herbæ virides & ligna fructifera omni generi bestiarum, & omnibus avibus, & omnibus serpentibus in libro Geneseos dantur ad cibum, quia sunt & quadrupedia & volatilia, quæ foliis carnibus vivere videantur. Fieri enim posset ut alerentur ab hominibus etiam de fructibus terræ, si propter obedientiam qua ipsi homines Deo sine ulla iniquitate servirent, mererentur omnes bestias & aves omni modo habere fervientes. Item movere potest quomodo dixerim de populo Israel, *Adhuc corporali circumcissione & sacrificiis, tamquam in mari gentium populus ille legi serviebat*; quando quidem apud gentes sacrificare non poterant, sicut eos & nunc videmus sine sacrificiis remansisse; nisi forte quod per pascha immolant ovem, hoc in sacrificio deputetur.

3. In secundo etiam libro illud, quod posui, nomine pabuli significari posse vitam, cum melioris interpretationis codices non habeant pabulum sed fœnum, non satis apte dictum videtur. Non enim congruit fœni nomen significationi vitæ quomodo pabuli. Item videor non recte appellasse verba prophetica quibus scriptum est, *Quid superbit terra & cinis*; quia non in ejus libro legitur, quem certi simus appellandum esse prophetam. Nec illud Apostoli, ubi adhibet testimonium de Genesi, dicens, *Factus est primus homo Adam in animam viventem*; sicut ille voluit, intellexi, cum exponerem quod scriptum est; *Insufflavit Deus in faciem ejus flatum vitæ, & factus est homo in animam vivam, vel in animam viventem*. Apostolus enim ad hoc adhibuit illud testimonium, ut probaret esse corpus animale: ego autem hinc putavi esse monstrandum, animale factum prius hominem, non corpus hominis solum. Quod autem dixi, *nulli naturæ nocere peccata nisi sua*, ideo dixi, quoniam justo qui nocet, non ei vere nocet, quando quidem etiam mercedem ejus auget in cælis: sibi autem peccando vere nocet; quia propter ipsam voluntatem nocendi recipiet id, quod nocuit. Possunt sane Pelagiani ad suum dogma trahere istam sententiam, & ideo dicere, parvulis aliena non nocuisse peccata, quia dixi, *nulli naturæ nocere peccata nisi sua*; non intuentes ideo parvulos, qui utique pertinent ad humanam naturam, trahere originale peccatum, quia in primis hominibus natura humana peccavit, ac per hoc naturæ humanæ nulla nocuere peccata nisi sua. Per unum quippe hominem, in quo omnes peccaverunt, peccatum intravit in mundum: non enim nulli homini, sed nulli naturæ dixi peccata nocere nisi sua. Item in eo quod paulo post dixi, *Nullum esse malum naturale*, possunt quærere similem latebram, nisi hoc dictum ad naturam talem referatur, qualis sine vitio primitus condita est: ipsa enim vere ac proprie natura hominis dicitur. Translato autem verbo utimur, ut naturam dicamus etiam, qualis nascitur homo, secundum quam locutionem dixit Apostolus: *Fuimus enim & nos aliquando natura filij iræ, sicut & ceteri*. Hoc opus sic incipit: *Si eligerent Manichæi quos deciperent*.

S. AURELII AUGUSTINI
HIPPONENSIS EPISCOPI
DE GENESI
CONTRA MANICHÆOS
LIBRI DUO.*

* Scripti
ciriter
annum
Chr. 389

LIBER PRIMUS.

In quo a Manichæorum calumniis vindicatur initium Geneseos, scilicet ab hocce versiculo, In principio creavit Deus cælum & terram, usque ad illum quo Deus septimo die requievisse dicitur.

CAPUT I.

I. In veteris Legis defensionem contra Manichæos scripturus est stilo ad imperitiorum captum demisso.



I eligerent Manichæi quos deciperent, eligeremus & nos verba quibus eis responderemus: cum vero illi & doctos literis, & indoctos errore suo persequantur, & cum promittunt veritatem, a veritate conentur avertere; non ornato politoque sermone, sed rebus manifestis convincenda est vanitas eorum. Placuit enim mihi quorundam vere Christianorum sententia, qui cum sint eruditi liberalibus literis, tamen alios libros nostros, quos adversus Manichæos edidimus, cum legissent, viderunt eos ab imperitiis, aut non, aut difficile intelligi, & me benevolentissime monuerunt, ut communem loquendi consuetudinem non desererem, si errores illos tam perniciosos ab animis etiam imperitorum expellere cogitarem. Hunc enim sermonem usitatum & simplicem etiam docti intelligunt, illum autem indocti non intelligunt.

2. Solent ergo Manichæi Scripturas veteris Testamenti, quas non noverunt, vituperare, & ea vituperatione infirmos & parvulos nostros, non inveniētes quomodo sibi respondeant, irridere atque decipere. Quia nulla Scriptura est, quæ non apud eos qui illam non intelligunt, facile possit reprehendi. Sed ideo divina providentia multos diversi erroris hæreticos esse permittit, ut cum insultant nobis, & interrogant nos ea quæ nescimus, vel sic excutiamus pigritiam, & divinas Scripturas nosse cupiamus. Propterea & Apostolus dicit, Oportet a hæreses esse, ut probati manifesti fiant inter vos. Illi enim Deo probati sunt, qui bene possunt docere: sed manifesti hominibus esse non possunt, nisi cum docent: docere autem nolunt, nisi eos qui doceri quærunt. Sed multi ad quærendum pigri sunt, nisi per molestias & insultationes hæreticorum quasi de somno excitentur, & de imperitia sua erubescant sibi, & de illa imperitia sua periclitari se sentiant. Qui homines si bonæ sunt fidei, non cedunt hæreticis, sed quid eis respondeant diligenter inquirunt. Nec eos deserit Deus, ut petentes accipiant, & quærentes inveniant, & pulsantibus aperiatur. Qui autem desperant se posse in catholica disciplina invenire quod quærunt, adteruntur erroribus; & si perseve-

ranter inquirunt, ad ipsos fontes a quibus aberraverant, post magnos labores fatigati atque sitientes & pene mortui revertuntur.

3. PRIMUM ergo librum veteris Testamenti, qui inscribitur *Genesis*, sic solent Manichæi reprehendere. Quod scriptum est, *In principio fecit Deus cælum & terram*, quærunt, in quo principio; & dicunt, Si in principio aliquo temporis fecit Deus cælum & terram, quid agebat antequam faceret cælum & terram? Et quid ei subito placuit facere, quod numquam antea fecerat per tempora æterna? His respondemus, Deum in principio fecisse cælum & terram, non in principio temporis, sed in Christo, cum Verbum esset apud Patrem, per quod facta & in quo facta sunt omnia. Dominus enim noster Jesus Christus cum eum Judæi interrogassent quis esset: respondit, Principium, quia & loquor vobis. Sed etsi in principio temporis Deum fecisse cælum & terram credamus, debemus utique intelligere, quod ante principium temporis non erat tempus. Deus enim fecit & tempora. Et ideo ante quam faceret tempora, non erant tempora. Non ergo possumus dicere fuisse aliquod tempus quando Deus nondum aliquid fecerat. Quomodo enim erat tempus quod Deus non fecerat, cum omnium temporum ipse sit fabricator? Et si tempus cum cælo & terra esse cepit, non potest inveniri tempus quo Deus nondum fecerat cælum & terram. Cum autem dicitur, Quid ei placuit subito? sic dicitur, quasi aliqua tempora transierint, quibus Deus nil operatus est. Non enim transire poterat tempus, quod nondum fecerat Deus; quia non potest esse operator temporum, nisi qui est ante tempora. Certe & ipsi Manichæi legunt Apostolum Paulum, & laudant & honorant: & ejus epistolas male interpretando multos decipiunt. Dicant ergo nobis quid dixerit Apostolus Paulus, Agnitionem veritatis quæ est secundum pietatem Dei in spem vitæ æternæ, quam promisit non mendax Deus ante tempora æterna: æterna enim tempora quid ante se habere potuerunt? Hoc ergo cogantur exponere, ut intelligant se non intelligere, cum temere volunt reprehendere, quod diligenter quærere debuerunt.

CAPUT II.
Gen. i. v. 1. vindicatur contra obtruncantes, quid faceret Deus ante mundi creationem & unde subito placuerit ei mundum creare. Ioan. 8. 25.

Tit. 1. 1. & 2.

4. Si

4. Si autem non dicunt, Quid placuit Deo subito facere cælum & terram, sed tollunt inde, subito: & hoc tantum dicunt, Quid placuit Deo facere cælum & terram? Non enim coram Deo mundum istum dicimus, quia non ejus æternitatis est hic mundus, cujus æternitatis est Deus: mundum quippe fecit Deus, & sic cum ipsa creatura quam Deus fecit, tempora esse ceperunt; & ideo dicuntur tempora æterna. Non tamen sic sunt æterna tempora quomodo æternus est Deus, quia Deus est ante tempora, qui fabricator est temporum: sicut omnia quæ fecit Deus bona sunt valde, sed non sic bona sunt, quomodo bonus est Deus, quia ille fecit, hæc autem facta sunt: nec ea genuit de se ipso, ut hoc essent quod ipse est; sed ea fecit de nihilo, ut non essent æqualia, nec ei a quo facta sunt, nec Filio ejus per quem facta sunt, justum est enim. Si ergo isti dixerint, Quid placuit Deo facere cælum & terram? Respondendum est eis, ut prius discant vim voluntatis humanæ, qui voluntatem Dei nosse desiderant. Causas enim voluntatis Dei scire quærunt, cum voluntas Dei omnium quæ sunt, ipsa sit causa. Si enim habet causam voluntas Dei, est aliquid quod antecedit voluntatem Dei, quod nefas est credere. Qui ergo dicit, Quare fecit Deus cælum & terram? Respondendum est ei, Quia voluit. Voluntas enim Dei causa est cæli & terræ, & ideo major est voluntas Dei quam cælum & terra. Qui autem dicit, Quare voluit facere cælum & terram? majus aliquid quærat quam est voluntas Dei: nihil autem majus inveniri potest. Compescat ergo se humana temeritas, & id quod non est non quærat, ne id quod est non inveniat. ET

SI VOLUNTATEM Dei nosse quisquam desiderat, fiat amicus Deo: quia si voluntatem hominis nosse quisquam vellet, cujus amicus non esset, omnes ejus impudentiam ac stultitiam deriderent. NON AUTEM quisquam efficitur amicus Dei, nisi purgatissimis moribus, & illo fine præcepti de quo Apostolus dicit, Finis autem præcepti est caritas de corde puro, & conscientia bona, & fide non ficta: quod isti si haberent, non essent hæretici.

5. QUOD autem sequitur in libro Geneseos, *Terra autem erat invisibilis & incompressa*, sic reprehendunt Manichæi, ut dicant, Quomodo fecit Deus in principio cælum & terram, si jam & terra erat invisibilis & incompressa? Ita cum volunt Scripturas divinas prius vituperare quam nosse, etiam res apertissimas non intelligunt. Quid enim manifestius dici potuit, quam hoc dictum est, *In principio fecit Deus cælum & terram, terra autem erat invisibilis & incompressa*, id est, In principio fecit Deus cælum & terram, terra autem ipsa quam fecit Deus, invisibilis erat & incompressa, ante quam Deus omnium rerum formas locis & sedibus suis ordinata distinctione diserneret, ante quam diceret, *Fiat lux*, & *Fiat firmamentum*, & *Congregentur aquæ*, & *Appareat arida*, & cetera quæ in eodem libro sic exponuntur per ordinem, quemadmodum possint ea parvuli capere? Quæ omnia continent tam magna mysteria, ut quisquis ea didicerit, omnium hæreticorum vanitatem vel doleat quia homines sunt, vel derideat quia superbi sunt.

6. Sequitur in eodem libro, *Et tenebræ erant super abyssum*. Quod Manichæi reprehendunt dicentes, In tenebris ergo erat Deus, ante quam faceret lucem? Vere ipsi sunt in tenebris ignorantiae, & ideo non intel-

ligunt lucem, in qua Deus erat ante quam faceret istam lucem. Non enim norunt isti lucem, nisi quam carneis oculis vident. Et ideo istum solem, quem pariter non solum cum bestiis majoribus, sed etiam cum muscis & vermiculis cernimus, illi sic colunt ut particulam dicant esse lucis illius in qua habitat Deus. Sed nos intelligamus aliam lucem esse in qua Deus habitat, unde est illud lumen de quo in Evangelio legitur, *Erat lumen verum, quod illuminat omnem hominem venientem in hunc mundum*. Nam solis istius lumen non illuminat omnem hominem, sed corpus hominis & mortales oculos, in quibus nos vincunt aquilarum oculi, qui solem istum multo melius quam nos dicuntur adspicere. Illud autem lumen non irrationabile a avium oculos pascit, sed pura corda eorum qui Deo credunt, & ab amore visibilium rerum & temporalium se ad ejus præcepta implenda convertunt. Quod omnes homines possunt si velint, quia illud lumen omnem hominem illuminat venientem in hunc mundum. Ergo tenebræ erant super abyssum ante quam lux ista fieret: de qua consequenter hoc loco dicitur.

7. *Et dixit Deus, Fiat lux*. Quia ubi lux non est, tenebræ sunt: non quia aliquid sunt tenebræ, sed ipsa lucis absentia tenebræ dicuntur. Sicut silentium non aliqua res est, sed ubi sonus non est, silentium dicitur. Et nuditas aliqua res non est, sed in corpore ubi tegumentum non est, nuditas dicitur. Et inanitas non est aliquid, sed locus ubi corpus non est, inanis dicitur. Sic tenebræ non aliquid sunt, sed ubi lux non est, tenebræ dicuntur. Hoc ideo dicimus, quia solent dicere, Unde erant ipsæ tenebræ super abyssum, ante quam faceret Deus lucem? Quis illas fecerat vel genuerat? aut si nemo fecerat vel genuerat eas, æternæ erant tenebræ. Quasi aliquid sint tenebræ: sed ut dictum est, lucis absentia hoc nomen accepit. Sed quia ipsi fabulis suis decepti crediderunt gentem esse tenebrarum, in qua & corpora & formas & animas in illis corporibus fuisse arbitrantur, ideo putant quod tenebræ aliquid sint: & non intelligunt non sentiri tenebras, nisi quando non videmus, sicut non sentitur silentium, nisi quando non audimus. Sicut autem silentium nihil est, sic & tenebræ nihil sunt. Sicut autem isti dicunt gentem tenebrarum contra lucem Dei pugnasse, sic potest & alius similiter vanus dicere, gentem silentiorum contra vocem Dei pugnasse. Sed illas vanitates modo non suscepimus refellere atque convincere. Nunc enim ea quæ reprehendunt in veteri Testamento, statuimus defendere quantum vires Dominus præstare dignatur, & in eis ostendere contra veritatem Dei nihil valere hominum cæcitatem.

8. QUOD autem scriptum est, *Et spiritus Dei superferebatur super aquam*, sic solent Manichæi reprehendere, ut dicant, Aqua ergo erat habitaculum Spiritus Dei, & ipsa continebat Spiritum Dei? Totum conantur perversa mente pervertere, & excæcantur malitia sua. Cum enim dicimus, sol superfertur super terram, numquid hoc intelligi volumus, quod in terra habitat sol, & terra solem contineat? Et tamen non sic Spiritus Dei superferebatur super aquam, sicut superfertur sol super terram; sed alio modo quem pauci intelligunt. Non enim per spatia locorum superferebatur aquæ ille Spiritus, sicut sol terræ superfertur, sed per potentiam invisibilis sublimitatis suæ. Dicant autem nobis

Johan. 1.
9.
”
”
1. Te-
trist. cap.
10. n. 2.
a

CAPUT
IV.
In defen-
sionem
verf.
Gen. 1. 3.
ostendi-
tur tene-
bras ni-
hil esse.

CAPUT
V.
Ut intel-
ligen-
dum
quod
Spiritus
Dei su-
perfere-
batur su-
per
aquas
juxta
Gen. 1. 2.

2. sent. nobis isti, quomodo iis rebus, quæ fabricandæ sunt, su-
dist. 12. c. perferatur voluntas fabri. Quod si hæc humana &
Secundū hanc. quotidiana non comprehendunt, timeant Deum, & sim-
plici corde quod non intelligunt quærant, ne cum vo-
lunt verbis sacrilegis concidere veritatem quam videre
non possunt, redeat illis securis in crura. Nam illa con-
cidi non potest quæ incommutabilis manet, sed quæ-
cumque plagæ in illam emissæ fuerint reperiuntur,
& maiore ictu redeunt in eos qui cedere audent, quod
credere deberent, ut intelligere mererentur.

9. Deinde quærant, & insultando interrogant, Un-
de erat ipsa aqua super quam ferebatur Spiritus Dei?
numquid enim superius scriptum est, quod Deus aquam
fecerit? Hoc si pie quærent, invenirent quemadmo-
dum intelligendum esset. Non enim aqua sic appellata
est hoc loco, ut hæc a nobis intelligatur quam videre
jam possumus & tangere: quomodo nec terra quæ in-
composita & invisibilis dicta est, talis erat qualis ista quæ
jam videri & tractari potest. Sed illud quod dictum est,
In principio fecit Deus cælum & terram, cæli & terræ no-
mine universa creatura significata est, quam fecit &
condidit Deus. Ideo autem nominibus visibilium rerum
hæc appellata sunt, propter parvulorum infirmitatem,
qui minus idonei sunt invisibilia comprehendere. Primo
ergo materia facta est confusa & informis, unde omnia
fierent quæ distincta atque formata sunt, quod credo a
Græcis chaos appellari. Sic enim & alio loco legimus di-
ctum in laudibus Dei; Qui fecisti mundum de materia
informi. Quod aliqui codices habent, de materia invisa.

10. E T ideo Deus rectissime creditur omnia de ni-
hilo fecisse, quia etiam si omnia formata de ista materia
facta sunt, hæc ipsa materia tamen de omnino nihilo fa-
cta est. Non enim debemus esse similes istis qui omnipo-
tentem Deum non credunt aliquid de nihilo facere po-
tuisse, cum considerant fabros & quoslibet opifices non
posse aliquid fabricare, nisi habuerint unde fabricent.
Et ligna enim adjuvant fabrum, & argentum adjuvat
argentarium, & aurum aurificem, & terra figulum
adjuvat ut possit perficere opera sua. Si enim non adju-
ventur ea materia unde aliquid faciunt, nihil possunt fa-
cere, cum materiam ipsam ipsi non faciant. Non enim
faber lignum facit, sed de ligno facit aliquid: sic & cete-
ri omnes huiusmodi opifices. Omnipotens autem Deus
nulla re adjuvandus erat, quam ipse non fecerat, ut quod
volebat efficeret. Si enim ad eas res quas facere volebat,
adjuvabat eum aliqua res quam ipse non fecerat, non
erat omnipotens: quod sacrilegum est credere.

CAPUT VII. Informis materia variis nominibus designata.
11. INFORMIS ergo illa materia quam de nihi-
lo Deus fecit, appellata est primo cælum & terra, &
dictum est, In principio fecit Deus cælum & terram; non
quia jam hoc erat, sed quia hoc esse poterat: nam &
cælum scribitur postea factum. Quemadmodum si se-
men arboris considerantes, dicamus ibi esse radices &
robur & ramos & fructus & folia, non quia jam sunt,
sed quia inde futura sunt: sic dictum est, In principio fe-
cit Deus cælum & terram, quasi semen cæli & terræ, cum
in confuso adhuc esset cæli & terræ materia: sed quia cer-
tum erat inde futurum esse cælum & terram, jam & ip-
sa materia cælum & terra appellata est. Isto genere lo-
cutionis etiam Dominus loquitur, cum dicit: Jam non
dicam vos servos, quia servus nescit quid faciat Domi-
nus ejus. Vos autem dixi amicos, quia omnia quæ audi-
vi a Patre meo nota feci vobis; non quia jam factum
erat, sed quia certissime futurum erat. Nam post pau-
lulum dicit illis; Adhuc multa habeo vobis dicere, sed

Tom. I.

A non potestis portare modo. Ut quid ergo dixerat, Omnia
quæ audivi a Patre meo nota feci vobis: nisi quia se scie-
bat hoc esse facturum? Sic etiam cælum & terra potuit
dici materia unde nondum erat factum cælum & terra,
sed tamen non erat aliunde faciendum. Innumerabiles
tales locutiones in Scripturis divinis inveniuntur. Sicut
in consuetudine sermonis nostri, cum id quod certissime
speramus futurum, dicimus, Jam factum puta.

12. Hanc autem adhuc informem materiam, etiam
terram invisibilem atque incompositam voluit appella-
re, quia inter omnia elementa mundi terra videtur mi-
nus speciosa quam cetera. Invisibilem autem dixit, pro-
pter obscuritatem; & incompositam, propter informi-
tatem. Eandem ipsam materiam etiam aquam appel-
lavit, super quam ferebatur Spiritus Dei, sicut super-
fertur rebus fabricandis voluntas artificis. Quod etsi
paucorum intelligentia potest adtingere, humanis ta-
men verbis nescio utrum vel a paucis hominibus possit
exponi. Propterea vero non absurde etiam aqua dicta
est ista materia, quia omnia quæ in terra nascuntur, si-
ve animalia, sive arbores vel herbæ, & si qua similia,
ab humore incipiunt formari atque nutriri. Hæc ergo
nomina omnia, sive cælum & terra, sive terra invisibi-
lis & incomposita & abyssi cum tenebris, sive aqua su-
per quam Spiritus ferebatur, nomina sunt informis ma-
teriæ: ut res ignota notis vocabulis insinuaretur imperi-
tioribus; & non uno vocabulo, sed multis, ne si unum
esset, hoc putaretur esse quod consueverant homines in
illo vocabulo intelligere. Dictum est ergo cælum &
terra, quia inde futurum erat cælum & terra. Dicta est
terra invisibilis & incomposita & tenebræ super abyf-
sum, quia informis erat, & nulla specie cerni aut tra-
ctari poterat, etiam si esset homo qui videret atque
tractaret. Dicta est aqua, quia facilis & ductilis sub-
jacebat operanti, ut de illa omnia formarentur. Sed
sub his omnibus nominibus materia erat invisa & infor-
mis, de qua Deus condidit mundum.

13. Et dixit Deus, Fiat lux: Et facta est lux. Hoc
non solent reprehendere Manichæi, sed illud quod se-
quitur, Et vidit Deus lucem quia bona est. Dicunt enim;
Ergo non noverat Deus lucem, aut non noverat bo-
num. Miseri homines, quibus displicet quod Deo pla-
cuerunt opera sua, cum videant etiam hominem artifi-
cem, verbi gratia, lignarium fabrum, quamvis in com-
paratione sapientiæ & potentiæ Dei pene nullus sit, ta-
men tamdiu lignum cedere atque tractare dolando,
asciando, planando, vel tornando atque poliando, quo
usque ad artis regulas perducatur quantum potest, &
placeat artifice suo. Numquid ergo quia placet ei quod
fecit, ideo non noverat bonum? Prorsus noverat intus
in animo, ubi ars ipsa pulchrior est, quam illa quæ arte
fabricantur. Sed quod videt artifex intus in arte, hoc
foris probat in opere, & hoc est perfectum quod artifi-
ci suo placet. Vidit ergo Deus lucem quia bona est: qui-
bus verbis non ostenditur eluxisse Deo insolitum bo-
num, sed placuisse perfectum.

14. Quid si dictum esset, Miratus est Deus lucem
quia bona est? quantum clamarent? quantum litiga-
rent? Admiratio enim re vera de rebus insperatis nasci
solet, & tamen legunt isti, & laudant Dominum no-
strum Jesum Christum in Evangelio admiratum esse
fidem credentium. Quis autem in illis fecerat ipsam fi-
dem, nisi ipse qui eam mirabatur? Quod si & alius eam
fecisset, ut quid miraretur qui præsciens erat? Si solvunt
Manichæi quæstionem istam, videant quia & illa solvi

E e po-

Joan. 16.
12.2. sent.
dist. 12. c.
Secun-
dum
hanc.CAPUT
VIII.
Repri-
mitur
Mani-
chæo-
rum ca-
lumnia
de verf.
Gen. 1.4Mat. 3.
10.

potest. Si autem non solvunt, quid ista reprehendunt? quæ ad se nolunt pertinere, cum illa quæ ad se pertinere dicunt, non noverint? Quod enim miratur Dominus noster, nobis mirandum esse significat, quibus adhuc est opus sic moveri. OMNES ergo tales motus ejus non perturbati animi sunt signa, sed docentis magistri. Sic sunt & verba veteris Testamenti, quæ non Deum infirmum docent, sed nostræ infirmitati blandiuntur. Nihil enim de Deo digne dici potest. Nobis tamen ut a nutriamur, & ad ea perveniamus quæ nullo humano sermone dici possunt, ea dicuntur quæ capere possumus.

CAPUT
IX.
Agitur
pro altera
parte
eiusdem
vers. &
pro prima
parte
vers.
sequen-
tis.

15. *Et divisit Deus inter lucem & tenebras, & vocavit Deus diem lucem, & tenebras vocavit noctem.* Hic non dictum est, Fecit Deus tenebras; quia tenebræ, sicut superius dictum est, lucis absentia est: distinctio tamen facta est inter lucem & tenebras. Quemadmodum nos clamando vocem facimus; silentium autem non sonando facimus, quia cessatio vocis silentium est: distinguimus tamen sensu quodam inter vocem & silentium, & illud vocamus vocem, illud silentium. Quemadmodum ergo recte dicimur facere silentium, sic recte multis divinarum scripturarum locis Deus dicitur facere tenebras, quia lucem quibus vult temporibus & locis vel non dat, vel detrahit. Hoc autem totum ad intellectum nostrum dictum est. Qua enim lingua vocavit Deus diem lucem, & tenebras noctem, utrum hebræa, an græca, an latina, an aliqua alia? & sic omnia quæ vocavit, quæri potest qua lingua vocaverit. Sed apud Deum purus intellectus est, sine strepitu & diversitate linguarum. Vocavit autem dictum est, vocari fecit: quia sic distinxit omnia, & ordinavit, ut & discerni possent, & nomina accipere. Sed postea suo loco requiremus, utrum vere sic est accipiendum, quia vocavit Deus: quoniam quantum accedimus in Scripturis & in eis assuescimus, tantum nobis locutiones earum innotescunt. Sic enim dicimus, ille pater-familias ædificavit domum istam, id est ædificari fecit, & multa talia per omnes libros divinarum Scripturarum inveniuntur.

CAPUT
X.
ut recte
intelligi-
tur ce-
pisse &
transisse
dies u-
nus jux-
ta Gen.
1. 5.

16. *Et facta est vespere, & factum est mane dies unus.* Et hic calumniantur Manichæi, dum putant ita dictum esse, quasi a vespere dies ceperit. Non intelligunt operationem illam qua lux facta est, & divisum est inter lucem & tenebras, & vocata est lux dies, & tenebræ nox; hanc ergo totam operationem non intelligunt ad diem pertinere: post hanc autem operationem tamquam finito die facta est vespere. Sed quia etiam nox ad diem suum pertinet, non dicitur transisse dies unus, nisi etiam nocte transacta cum factum est mane: sic deinceps reliqui dies computantur a mane usque in mane. Nunc enim cum factum est mane, & transactus est unus dies, incipit operatio, quæ sequitur ab ipso mane quod jam factum est, & post ipsam operationem fit vespere, deinde mane, & transit alter dies: atque ita deinceps ceteri dies transeunt.

CAPUT
XI.
Aqua ut
firma-
mento
divisæ.
Gen. 1.
& c.

17. *Et dixit Deus, Fiat firmamentum in medio aquæ, & sit divisio inter aquam & aquam; & sic factum est. Et fecit Deus firmamentum, & divisit Deus inter aquam quæ est super firmamentum, & inter aquam quæ est sub firmamento, & vocavit Deus firmamentum cælum. & vidit Deus quia bonum est.* Hæc non memini Manichæos reprehendere solere: tamen quod divisæ sunt aquæ ut aliæ essent super firmamentum, & aliæ sub firmamento, quoniam materiam illam dicebamus nomine aquæ appellatam, credo firmamento cæli materiam corporalem rerum

visibilium ab illa incorporali rerum invisibilium fuisse discretam. Cum enim cælum sit corpus pulcherrimum, omnis invisibilis creatura excedit etiam pulchritudinem cæli: & ideo fortasse super cælum esse dicuntur aquæ invisibiles, quæ a paucis intelliguntur non locorum sedibus, sed dignitate naturæ superare cælum: quamquam de hac re nihil temere affirmandum est; obscura est enim, & remota a sensibus hominum: sed quoquo modo se habeat, ante quam intelligatur, credenda est. *Et facta est vespere, & factum est mane dies secundus.* Jam omnia hæc quæ repetuntur, sicut superius intelligenda atque tractanda sunt.

18. *Et dixit Deus, Congregetur aqua quæ est sub cælo in congregationem unam & appareat arida & sic factum est. Et congregata est aqua quæ erat sub cælo in congregationem unam, & apparuit arida. Et vocavit Deus aridam, terram: & congregationem aquæ vocavit mare. Et vidit Deus quia bonum est.* In isto loco Manichæi dicunt, Si totum aquis plenum erat, quomodo poterant aquæ congregari in unum? Sed jam superius dictum est, nomine aquarum materiam illam appellatam super quam ferebatur Spiritus Dei, unde erat Deus omnia formaturus. Nunc vero cum dicitur, *Congregetur aqua quæ est sub cælo in congregationem unam*: hoc dicitur ut illa materia corporalis formetur in eam speciem, quam habent aquæ istæ visibiles. Ipsa enim congregatio in unum, ipsa est aquarum istarum formatio quas videmus & tangimus. Omnis enim forma ad unitatis regulam cogitur. Et quod dicitur, *Appareat arida*, quid aliud dici intelligendum est, nisi ut illa materies accipiat visibilem formam, quam nunc habet terra ista quam videmus & tangimus? Superius ergo quod nominabatur terra invisibilis & incomposita, materiæ confusio & obscuritas nominabatur: & quod nominabatur aqua super quam ferebatur Spiritus Dei, eadem rursus materia nominabatur. Nunc vero aqua ista & terra formantur ex illa materia, quæ ipsis nominibus appellabatur, ante quam formas istas quas nunc videmus acciperet. Sane dicitur, in hebræa locutione omnem aquarum congregationem, si ve salarum si ve dulcium, mare appellari.

19. *Et dixit Deus, Germinet terra herbam pabuli ferentem semen secundum suum genus & similitudinem, & lignum fructiferum faciens fructum, cujus semen sit in se secundum suam similitudinem: & sic est factum. Et creavit terra herbam pabuli, ferentem semen secundum suum genus; & lignum fructiferum faciens fructum, cujus semen est in se secundum suam similitudinem, secundum suum genus super terram. Et vidit Deus quia bonum est, & facta est vespere, & factum est mane dies tertius.* Hic solent dicere, Si Deus jussit nasci de terra herbam pabuli, & lignum fructiferum, quis jussit nasci tantas herbas vel spinosas vel venenosas, quæ ad pabulum non proficiunt, & tam multa ligna quæ nullum fructum ferunt? Quibus sic respondendum est, ut nulla indignis aperiantur mysteria, neque ostendatur in qua figura futurorum ista sic dicta sint. Ergo dicendum est, quod per peccatum hominis terra maledicta sit, ut spinas pareret: non ut ipsa pœnas sentiret, quæ sine sensu est, sed ut peccati humani crimen semper hominibus ante oculos poneret, quo admonerentur aliquando averti a peccatis, & ad Dei præcepta converti. Herbæ autem venenosæ ad pœnam vel ad exercitationem mortalium creatæ sunt: & hoc totum propter peccatum, quia mortales post peccatum facti sumus. Per infructuosas vero arbores insultatur hominibus,

CAPUT
XII.
Aqua-
rum con-
gregatio
de qua
Gen. 1. 9
& 10. est
ipsa ea-
rum for-
matio.

CAPUT
XIII.
Explodi-
tur con-
questio
circa.
Gen. 1.
11. scilicet,
Infrugife-
ra & no-
xia qua-
re gignit
tellus.

Gen. 3.
17.CAPUT
XIV.
Resol.
vuntur
difficul-
tates
circa
verf.
Gen. 1.
14. 15.
16. 17.
18. & 19.

ut intelligant quam sit erubescendum sine fructu bonorum operum esse in agro Dei, hoc est in Ecclesia; & timeant ne deserat eos Deus, quia & ipsi in agris suis infructuosas arbores deserunt, nec aliquam culturam eis adhibent. Ante peccatum ergo hominis non est scriptum, quod terra aliud protulerit nisi herbam pabuli & ligna fructuosa: post peccatum autem videmus multa horrida & infructuosa de terra nasci, credo propter eam causam quam diximus. Sic enim dicitur ad primum hominem postea quam peccavit: Maledicta erit terra tibi in omnibus operibus tuis: in tristitia & gemitu edes ex ea omnibus diebus vitæ tuæ: spinas & tribulos ejiciet tibi, & edes pabulum agri tui: in sudore vultus tui edes panem tuum, donec revertaris in terram de qua sumtus es; quia terra es, & in terram ibis.

20. *Et dixit Deus, Fiant sidera in firmamento cæli, sic ut luceant super terram, & dividant inter diem & noctem, & sint in signa, & in tempora, & in dies, & in annos, & sint in splendorem in firmamento cæli, sic ut luceant super terram. Et sic est factum. Et fecit Deus duo luminaria, majus & minus: luminare majus in inchoationem diei, & luminare minus in inchoationem noctis, & stellas. Et posuit illas Deus in firmamento cæli, sic ut luceant super terram, & præsent diei & nocti, & dividant inter diem & noctem. Et vidit Deus quia bonum est. Et facta est vespere, & factum est mane dies quartus.* Hic primo quærunt, quomodo quarto die facta sint sidera, id est, sol & luna & stellæ. Tres enim dies superiores quomodo esse sine sole potuerunt, cum videamus nunc solis ortu & occasu diem transigi, noctem vero nobis fieri solis absentia, cum ab alia parte mundi ad Orientem redit? Quibus respondemus, potuisse fieri, ut tres superiores dies singuli per tantam moram temporis computarentur, per quantam moram circumit sol, ex quo procedit ab Oriente quo usque rursus ad Orientem revertitur. Hanc enim moram & longitudinem temporis possent sentire homines etiam si in speluncis habitarent, ubi orientem & occidentem solem videre non possent. Atque ita sentitur potuisse istam moram fieri etiam sine sole ante quam sol factus esset, atque ipsam moram in illo triduo per dies singulos computatam. Hoc ergo responderemus, nisi nos revocaret quod ibi dicitur, *Et facta est vespere, & factum est mane*, quod nunc sine solis cursu videmus fieri non posse. Restat ergo ut intelligamus, in ipsa quidem mora temporis ipsas distinctiones operum sic appellatas, vespeream propter transactionem consummati operis, & mane propter inchoationem futuri operis, de similitudine scilicet humanorum operum, quia plerumque a mane incipiunt, & ad vespeream desinunt. Habent enim consuetudinem divinæ Scripturæ de rebus humanis ad divinas res, verba transferre.

21. Deinde quærunt ut quid dictum sit de sideribus: *Et sint in signa & in tempora.* Numquid enim ajunt, tres illi dies sine temporibus esse potuerunt, aut ad temporis spatia non pertinent? Sed *in signa & tempora* dictum est, ut per hæc sidera tempora distinguantur, & ab hominibus dignoscantur: quia si currant tempora, & nullis distinguantur articulis, qui articuli per siderum cursus notantur, possunt quidem currere tempora atque præterire; sed intelligi & discerni ab hominibus non possunt. Sicut horæ quando nubilus dies est, transeunt quidem, & sua spatia peragunt; sed distingui a nobis & notari non possunt.

22. Quod autem dictum est, *Et fecit Deus duo luminaria, luminare majus in inchoationem diei, & luminare*

Tom. I.

A minus in inchoationem noctis, pro eo dictum est ac si diceretur, in principatum diei & in principatum noctis. Non enim sol tantummodo inchoat diem, & non etiam peragit & finit: luna vero aliquando media nocte vel in fine noctis ad nos procedit: si ergo illæ noctes, quibus hoc facit, non ab ista inchoantur, quomodo in inchoationem noctis facta est? Si autem per inchoationem principium intelligas, & per principium principatum, manifestum est, quia per diem sol principatum tenet, luna vero per noctem; quia etsi cetera sidera tunc apparent, illa tamen suo fulgore superat omnia, & ideo princeps eorum rectissime dicitur.

23. Quod autem dictum est, *Et dividant inter diem & noctem*: potest hic fieri calumnia, ut dicatur, Quomodo jam Deus diviserat superius inter diem & noctem, si hoc, quarto die, sidera faciunt? sic igitur hic dictum est, *dividant inter diem & noctem*, tamquam si diceretur, Sic inter se diem dividant & noctem, ut soli dies detur, nox autem lunæ & sideribus ceteris. Quæ duo jam divisa erant, sed nondum inter sidera, ut jam certum esset de siderum numero, quid per diem, & quid per noctem appareret hominibus.

24. *Et dixit Deus, Ejiciant aquæ reptilia animarum vivarum, & volatilia volantia super terram sub firmamento cæli. Et sic factum est. Et fecit Deus cetos magnos, & omnem animam animalium & reptantium quæ ejecerunt aquæ secundum uniuscujusque genus, & omne genus volatile pennatum secundum genus. Et vidit Deus quia bona sunt, & benedixit illa Deus dicens: Crescite & multiplicamini, & replete aquas maris, & volatilia multiplicentur super terram. Et facta est vespere, & factum est mane dies quintus.* Hic solent reprehendere, quærentes vel potius calumniantes, quare animalia non solum ea quæ in aquis vivunt, sed etiam ea quæ in aere volitant, & omnia pennata de aquis nata scriptum sit. Sed sciant omnes quos hæc movent, istum aerem nebulosum & humidum, in quo aves volant, a doctissimis hominibus qui hæc diligenter inquirunt, cum aquis solere deputari. Concrevit enim & crassus efficitur exhalationibus & quasi vaporibus maris & terræ, & de ipso humore pinguescit quodam modo, ut volatus avium portare possit. Ideo per noctes serenas etiam rorat, cujus roris guttæ mane in herbis inveniuntur. Nam mons ille Macedoniæ, qui Olympus vocatur, tantæ altitudinis esse dicitur, ut in ejus cacumine nec ventus sentiatur, nec nubes se colligant, quia excedit altitudine sua totum istum aerem humidum in quo aves volant, & ideo nec aves ibi volare asseverantur. Quod ab eis proditum dicitur, qui per singulos annos solebant, nescio quorum sacrificiorum causa, memorati montis cacumen adscendere, & aliquas notas in pulvere scribere, quas alio anno integras inveniebant: quod fieri non posset, si ventum aut pluviam locus ille pateretur. Deinde quia tenuitas aeris illius qui ibi est, non eos inspirabat, durare ibi non poterant, nisi spongas humectas naribus applicarent, unde crassiorem & consuetum spiritum ducerent: hi ergo indicaverunt se etiam nullam avem in eo loco aliquando vidisse. Non itaque immerito non solum pisces & cetera quæ in aquis sunt animalia, sed etiam aves de aquis natas esse, fidelissima Scriptura commemorat; quia per istum aerem volare possunt, qui de maris & terræ humoribus surgit.

25. *Et dixit Deus, Ejiciat terra animam vivam secundum unumquodque genus quadrupedum & serpentium & bestiarum terræ: & sic est factum. Et fecit Deus bestias terræ secundum genus, & pecora secundum genus, & omnia*

Ee 2

re-

CAPUT
XV.
Aerem
nebulosum
a-
quæ no-
mine de-
signati
verf.
Gen. 1.
20. &c.CAPUT
XVI.
Pernicio.
sa ani-
mantia
cur cre-
ta. Gen.
1. 24. &
25.

repentia terræ secundum genus. Et vidit Deus quia bona sunt. Solent etiam istam Manichæi movere quæstionem ut dicant: Quid opus erat, ut tam multa animalia Deus faceret, sive in aquis, sive in terra, quæ hominibus non sunt necessaria? multa etiam perniciofa sunt & timenda. Sed cum ista dicunt, non intelligunt quemadmodum omnia pulcra sunt conditori & artifice suo, qui omnibus utitur ad gubernationem universitatis, cui summa lege dominatur. Si enim in alicujus opificis officinam imperitus intraverit, videt ibi multa instrumenta quorum causas ignorat, & si multum est insipiens, superflua putat. Jam vero si in fornacem incautus ceciderit, aut ferramento aliquo acuto, cum id male tractat, se ipsum vulneraverit, etiam perniciofa & noxia existimat ibi esse multa. Quorum tamen usum quoniam novit artifex, insipientiam ejus irridet, & verba inepta non curans, officinam suam instanter exercet. Et tamen tam stulti sunt homines, ut apud artificem hominem non audeant vituperare quæ ignorant, sed cum ea viderint credant esse necessaria, & propter usus aliquos instituta: in hoc autem mundo cujus conditor & administrator prædicatur Deus, audent multa reprehendere quorum causas non vident, & in operibus atque instrumentis omnipotentis Artificis volunt se videri scire quod nesciunt.

26. Ego vero fateor me nescire mures & ranæ quare create sint, aut muscæ aut vermiculi: video tamen omnia in suo genere pulcra esse, quamvis propter peccata nostra multa nobis videantur adversa: non enim animalis alicujus corpus & membra considero, ubi non mensuras & numeros & ordinem inveniam ad unitatem concordie pertinere. Quæ omnia unde veniant non intelligo, nisi a summa mensura & numero & ordine, quæ in ipsa Dei sublimitate incommutabili atque æterna consistunt. Quod si cogitarent isti loquacissimi & ineptissimi, non nobis tædium facerent, sed ipsi considerando omnes pulcritudines & summas & infimas, Deum artificem ubique laudarent; & quoniam nusquam offenditur ratio, sicubi forte sensus carnalis offenditur, non rerum ipsarum vitio, sed nostræ mortalitatis meritis imputarent. Et certe omnia animalia aut utilia nobis sunt, aut perniciofa, aut superflua. Adversus utilia non habent quid dicant. De perniciosis autem vel punimur vel exercemur vel tremur, ut non vitam istam multis periculis & laboribus subditam, sed aliam meliorem, ubi securitas summa est, diligamus & desideremus, & eam nobis pietatis meritis comparemus. De superfluis vero quid nobis est quærere? Si tibi displicet quod non profuit, placeat quod non obsunt; quia etsi domui nostræ non sunt necessaria, eis tamen completur hujus universitatis integritas, quæ multo major est quam domus nostra & multo melior. Hanc enim multo melius administrat Deus, quam unusquisque nostrum domum suam. Usurpa ergo utilia, cave perniciofa, relinque superflua. In omnibus tamen cum mensuras & numeros & ordinem vides, artificem quære. Nec alium invenies, nisi ubi summa mensura, & summus numerus, & summus ordo est, id est Deum, de quo verissime dictum est, quod omnia in mensura, & numero, & pondere disposuerit. Sic fortasse uberiorem capies fructum, cum Deum laudas in humilitate formicæ, quam cum transis fluvium in alicujus jumentum altitudine.

27. *Et dixit Deus: Faciamus hominem ad imaginem & similitudinem nostram, & habeat potestatem piscium maris,*

CAPUT XVII. Ut intelligitur

A & volatilium cæli, & omnium pecorum & ferarum, & omnis terræ, & omnium reptilium, quæ super terram repunt, & cetera usque ad vesperam & mane quo completur dies sextus. Istam maxime quæstionem solent Manichæi loquaciter agitare, & insultare nobis quod hominem credamus factum ad imaginem & similitudinem Dei. Attendunt enim figuram corporis nostri, & infelicitate quærunt, utrum habeat Deus nares & dentes & barbam, & membra etiam interiora, & cetera quæ in nobis sunt necessaria. In Deo autem talia ridiculum est, immo impium credere, & ideo negant hominem factum esse ad imaginem & similitudinem Dei. Quibus respondemus, membra quidem ista in Scripturis plerumque nominari, cum Deus insinuat audientibus parvulis; & hoc non solum in veteris Testamenti libris, sed etiam in Novi. Nam & oculi Dei commemorantur, & aures, & labia, & pedes, & ad dexteram Dei Patris sedere evangelizatur Filius. Et ipse Dominus dicit: Nolite per cælum jurare, quia sedes Dei est; neque per terram, quia scabellum pedum ejus est. Item ipse dicit, quod in digito Dei eiciebat dæmonia. Sed omnes qui spiritualiter intelligunt Scripturas, non membra corporea per ista nomina, sed spirituales potentias accipere didicerunt, sicut galeas & scutum & gladium & alia multa. Primo ergo istis hæreticis dicendum est, quia impudentia de talibus verbis veteri Testamento calumniantur, cum etiam in Novo hæc posita videant, aut fortasse non videant, sed cum litigant excæcentur.

28. Sed tamen noverint in catholica disciplina spirituales fideles non credere Deum forma corporea definitum; & quod homo ad imaginem Dei factus dicitur, secundum interiorem hominem dici, ubi est ratio & intellectus: unde etiam habet potestatem piscium maris, & volatilium cæli, & omnium pecorum & ferarum, & omnis terræ, & omnium reptilium quæ repunt super terram. Cum enim dixisset, *Faciamus hominem ad imaginem & similitudinem nostram*: addidit continuo, *Et habeat potestatem piscium maris & volatilium cæli*, & cetera: ut intelligeremus non propter corpus dici hominem factum ad imaginem Dei, sed propter eam potestatem qua omnia pecora superat. Omnia enim animalia cetera subiecta sunt homini, non propter corpus, sed propter intellectum, quem nos habemus, & illa non habent: quamvis etiam corpus nostrum sic fabricatum sit, ut indicet nos meliores esse quam bestias, & propterea Deo similes. Omnium enim animalium corpora, sive quæ in aquis, sive quæ in terra vivunt, sive quæ in aere volitant, inclinata sunt ad terram, & non sunt erecta sicut hominis corpus. Quo significatur, etiam animum nostrum in superna sua, id est, in æterna spiritualia erectum esse debere. Ita intelligitur per animum maxime, adtestante etiam erecta corporis forma, homo factus ad imaginem & similitudinem Dei.

29. ALIQUANDO etiam solent dicere: Quomodo accepit homo potestatem piscium maris & volatilium cæli & omnium pecorum & ferarum, cum videamus a multis feris homines occidi, & a multis volatilibus nobis noceri, quæ volumus vel vitare vel capere & plerumque non possumus? quomodo ergo in hæc accepimus potestatem? Hic illis primo dicendum est, quod multum errent qui post peccatum considerant hominem, cum in hujus vitæ mortalitatem damnatus est, & amisit perfectionem illam qua

ad imaginem Dei factus homo juxta, Gen. 1. 26.

Matth. 5. 35.

Luc. 11. 20.

Ephes. 6.

2. sent. dist. 16. cap. Quo circa.

CAPUT XVIII. Potestas homini in bestias.

a Editi, & labia & dentes & pedes &c. sed a MSS. abest, & dentes.

b Huc revocavimus, sua, ex duodecim MSS. quæ vox in vulgatis omissa est.

factus est ad imaginem Dei. Sed si a damnatio ejus tantum valet, ut tam multis pecoribus imperet: quamvis enim a multis feris propter fragilitatem corporis possit occidi, a nullis tamen domari potest, cum ipse tam multas & prope omnes domet. Si ergo hæc hominis damnatio tantum valet, quid de regno ejus cogitandum est, quod ei renovato & liberato divina voce promittitur.

CAPUT XIX.
ut spiritaliter accipiendus
versu Gen. 1. 28.

1. Re-
tract. cap.
10. n. 2.

Luce. 20.
34.

CAPUT XX.
Bestiis
dominari, per
allegoriam.
Gen. 1. 28

6

Gal. 5. 24

1. Re-
tract. cap.
20. n. 2.

Gen. 1. 30

30. Quod autem scriptum est, *Masculum & feminam fecit illos, & benedixit eos Deus dicens, Crescite & multiplicamini, & generate, & replete terram*: rectissime quaeritur quemadmodum accipienda sit conjunctio masculi & feminae ante peccatum, & ista benedictio qua dictum est, *Crescite & multiplicamini, & generate, & replete terram*: utrum carnaliter, an spiritaliter accipienda sit. Licet enim nobis eam etiam spiritaliter accipere, ut in carnalem fecunditatem post peccatum conversa esse credatur. Erat enim prius casta conjunctio masculi & feminae; hujus ad regendum, illius ad obtemperandum accommodata: & spiritalis fetus intelligibilium & immortalium gaudiorum replens terram, id est, vivificans corpus, & dominans ejus, id est, ita subiectum habens, ut nullam ex eo adversitatem, nullam molestiam pateretur. Quod ideo sic credendum est, quia nondum erant filii sæculi hujus ante quam peccarent. Filii enim sæculi hujus generant & generantur, sicut Dominus dicit, cum in comparatione futuræ vitæ quæ nobis promittitur, carnalem istam generationem contemnendam esse demonstrat.

31. ET quod eis dictum est, *Habete potestatem piscium maris, & volatilium cæli, & reptantium omnium quæ repunt super terram*: salvo quidem intellectu, quo manifestum est omnibus his animalibus hominem ratione dominari; recte tamen intelligitur etiam spiritaliter, ut omnes affectiones & motus animi, quos habemus istis animalibus similes, subditos haberemus, & eorum dominaremur per temperantiam & modestiam. Cum enim non reguntur isti motus, erumpunt & pergunt in foedissimas consuetudines, & per diversas perniciosasque delectationes nos rapiunt, & faciunt similes omni generi bestiarum. Cum autem reguntur & subjiunguntur, omnino mansuescunt & nobiscum concorditer vivunt. Non enim a nobis alieni sunt motus animi nostri. Pascuntur etiam nobiscum cognitione rationum & morum optimorum, & vitæ æternæ, tamquam herbis seminalibus & lignis fructiferis & herbis viridibus. Et hæc est hominis vita beata atque tranquilla, cum omnes motus ejus rationi veritatisque consentiunt; & vocantur gaudia, & amores sancti, & casti, & boni. Si autem non consentiunt, b nihilo minus dum negligenter geruntur, conscindunt & dissipant animum, & faciunt vitam miserrimam: & vocantur perturbationes, & libidines, & concupiscentiæ malæ. De quibus jam nobis præcipitur, ut eas cum quanto possumus labore crucifigamus in nobis, donec absorbeatur mors in victoriam.

» Dicit enim Apostolus: Qui autem Jesu Christi sunt, carnem suam crucifixerunt cum perturbationibus & concupiscentiis. Vel hinc enim quivis admoneri debet, non carnaliter hæc esse intelligenda, quia herba virides & ligna fructifera omni generi bestiarum, & omnibus volatilibus & omnibus serpentibus in Genesi dantur ad cibum, cum videamus leones & accipitres & milvos & aquilas non pasci nisi carnibus, & interfectione aliorum

Tom. I.

a Editi hic & paulo post, *dominatio*. prætereaque Lov. habet, *dominari*. Sed corrigendum ad MSS. codices *damnatio*, &, *domari*.

b MSS. septem non habent, *nihilominus*. Et alii tres paulo post *progeruntur*, substituunt *reguntur*.

A animalium. Quod etiam de nonnullis serpentibus credo, qui sunt in arenosis & desertis locis, ubi nec lignum nec herba nascitur.

32. SANE non est negligenter prætereundum quod dictum est, *Et vidit Deus omnia quæcumque fecit, esse bona valde*. Cum enim de singulis ageret, dicebat tantum, *Vidit Deus quia bonum est*: cum autem de omnibus diceretur, parum fuit dicere *bona*, nisi adderetur & *valde*. Si enim singula opera Dei cum considerantur a prudentibus, inveniuntur habere laudabiles mensuras & numeros & ordines in suo quæque genere constituta, quanto magis omnia simul, id est ipsa universitas, quæ istis singulis in unum collectis impletur. Omnis enim pulcritudo quæ partibus constat, multo est laudabilior in toto quam in parte: sicut in corpore humano, si laudamus oculos solos, si nasum solum, si solas genas, aut solum caput, aut solas manus, aut solos pedes, & cetera si pulchra singula & sola laudamus; quanto magis totum corpus cui omnia membra, quæ singula pulchra sunt, conferunt pulcritudinem suam: ita ut manus pulchra, quæ etiam sola laudabatur in corpore, si separetur a corpore, & ipsa amittat gratiam suam, & cetera sine illa inhonesta sint: tanta est vis & potentia integritatis & unitatis, c ut etiam quæ multa sunt bona tunc placeant, cum in universum aliquid conveniunt atque concurrunt. Universum autem ab unitate nomen accepit. Quod si Manichæi considerarent, laudarent universitatis auctorem & conditorem Deum; & quod eos propter conditionem nostræ mortalitatis in parte offendit, redigerent ad universi pulcritudinem, & viderent quemadmodum Deus fecerit omnia non solum bona, sed etiam bona valde. Quia etiam in sermone aliquo ornato atque composito si consideremus singulas syllabas, vel etiam singulas litteras, quæ cum sonuerint statim transeunt, non in eis invenimus quid delectet atque laudandum sit. Totus enim ille sermo non de singulis syllabis aut litteris, sed de omnibus pulcher est.

33. JAM nunc videamus etiam illud, quod solent majore impudentia, quam imperitia deridere, quod scriptum est, Deum consummato cælo & terra & omnibus quæ fecit, requievissse die septimo ab omnibus operibus suis, & benedixissse diem septimum, & sanctificasse eum, quia requievit ab operibus suis. Dicunt enim: Quid opus erat ut Deus requiesceret? An forte operibus sex dierum fatigatus & lassatus erat? Addunt etiam Domini testimonium, ubi ait, Pater meus usque nunc operatur: & hinc multos imperitos decipiunt, quibus persuadere conantur novum Testamentum veteri Testamento adversari. Sed sicut illi quibus Dominus dicit, Pater meus usque nunc operatur, carnaliter opinabantur requiem Dei, & carnaliter sabbatum observantes non videbant quid illius diei significatio figuraret: sic, & isti diversa quidem voluntate, pariter tamen non intelligunt sabbati sacramentum. Et illi enim carnaliter observando, & isti carnaliter exsecrando, sabbatum non noverunt. Transeat ergo unusquisque ad Christum ut auferatur velamen, sicut Apostolus dicit. Velamen enim auferitur, quando similitudinis & allegoriæ coooperimento ablato, veritas nudatur, ut possit videri.

34. Primo ergo hujus locutionis regula in multis divinarum Scripturarum locis animadvertenda atque discenda est. Quid enim aliud significat, quod dicitur Deus requievissse ab omnibus operibus suis, quæ

E e 3 fe-

c Sic MSS. At editi habent, *ut quæ bona sunt, tunc multum etiam placeant*.

d MSS. quinque, *discernenda est*.

CAPUT XXI.
In versiculo
Gen. 5.
31, cur
dicitur
bona valde.

CAPUT XXII.
Requies
diei septimi
per allegoriam
Gen. 2. 3.

Johan. 5.
17.

2. Cor. 3.
16.

fecit bona valde, nisi requiem nostram quam nobis daturus est ab omnibus operibus nostris, si & nos bona opera fecerimus. Secundum ipsam figuram locutionis dicit & Apostolus, Quid enim oremus sicut oportet nescimus, sed ipse Spiritus postulat pro nobis gemitibus inenarrabilibus. Non enim Spiritus-sanctus gemit, quasi indigeat, aut angustias patiatur, qui secundum Deum interpellat pro sanctis: sed quia ipse nos movet ad orandum cum gemimus, quod ipso movente nos facimus, ipse facere dictus est. Sic dicitur etiam illud, Tentat vos Dominus Deus vester, ut sciat si diligitis eum. Non enim ut sciat ipse quem nihil latet, sed ut scire nos faciat, quantum in ejus dilectione profecerimus, tentari nos permittit. Secundum ipsam locutionem dicit & Dominus noster, nescire se diem & horam de fine sæculi. Quid enim potest esse quod ille nesciat? Sed quia hoc utiliter occultabat discipulis, nescientem se esse dixit, quia illos nescientes occultando faciebat. Secundum hanc figuram etiam Patrem solum dixit scire diem ipsum, quia eundem Filium scire faceret. Ex hac figura multæ quæstiones in divinis Scripturis eis, qui jam genus locutionis hujus noverunt, sine ulla difficultate solvuntur. Talibus locutionibus etiam abundat nostra consuetudo, cum dicimus lætum diem, quia nos lætos facit; & pigrum frigus, quia nos pigros facit; & fossam cæcam, quia nos eam non videmus; & linguam politam, quia verba polita facit: postremo etiam quietum ab omnibus molestiis tempus dicimus, in quo nos ab omnibus molestiis quieti sumus. Sed & Deus requievissse dictus est ab omnibus operibus suis, quæ fecit bona valde, quia in illo requiescemus ab omnibus operibus nostris, si opera bona fecerimus: quia & ipsa bona opera nostra illi tribuenda sunt qui vocat, qui præcipit, qui viam veritatis ostendit, qui ut & velimus invitat, & vires implendi ea quæ imperat, subministrat.

^a CAPUT XXIII. Septem dies, & septem ætates mundi. ^{Prima ætas.} 35. SED quare septimo a die requies ista tribuatur, diligentius considerandum arbitror. Video enim per totum textum divinarum Scripturarum sex quædam ætates operosas, certis quasi limitibus suis esse distinctas, ut in septima speretur requies; & easdem sex ætates habere similitudinem istorum sex dierum, in quibus ea facta sunt, quæ Deum fecisse Scriptura commemorat. Primordia enim generis humani, in quibus ista luce frui cepit, bene comparantur primo diei quo fecit Deus lucem. Hæc ætas tamquam infantia deputanda est ipsius universi sæculi, quod tamquam unum hominem proportionem magnitudinis suæ cogitare debemus: quia unusquisque homo cum primo nascitur, & exit ad lucem, primam ætatem agit infantiam. Hæc tenditur ab Adam usque ad Noe generationibus decem. Quasi vespere hujus diei ^b fit diluvium: quia & infantia nostra tamquam oblivionis diluvio deletur.

^{Secunda ætas.} 36. Et incipit mane a temporibus Noe secunda ætas tamquam pueritia, & tenditur hæc ætas usque ad Abraham aliis generationibus decem. Et bene comparatur secundo diei quo factum est firmamentum inter aquam & aquam, quia & arca in qua erat Noe cum suis, firmamentum erat inter aquas inferiores in quibus natabat, & superiores quibus compluebatur. Hæc ætas non diluvio deletur, quia & pueritia nostra non oblivione tergatur de memoria. Meminimus enim

A nos fuisse pueros, infantes autem non meminimus. Hujus vespere est confusio linguarum in eis qui turrem faciebant, & fit mane ab Abraham. Sed nec ista ætas secunda generavit populum Dei, quia nec pueritia apta est ad generandum.

37. Mane ergo fit ab Abraham, & succedit ætas ^{Tertia ætas.} tertia similis adolescentiæ. Et bene comparatur diei tertio, quo ab aquis terra separata est. Ab omnibus enim gentibus, quarum error instabilis & vanis simulatorum doctrinis tamquam ventis omnibus mobilis, maris nomine bene significatur; ab hac ergo gentium vanitate & hujus sæculi fluctibus separatus est populus Dei per Abraham, tamquam terra cum apparuit arida, id est, sitiens imbrem cælestem divinorum mandatorum: qui populus unum Deum colendo, tamquam irrigata terra, ut fructus utiles posset afferre, & sanctas scripturas & Prophetias accepit. Hæc enim ætas potuit jam generare populum Deo, quia & tertia ætas, id est, adolescentia filios habere jam potest. Et ideo ad Abraham dictum est, Patrem multarum gentium posui te, ^d & augeam te nimis valde, & ponam te in gentes, & reges de te exient, & ponam testamentum meum inter me & te, & inter semen tuum post te, in generationes eorum in testamentum æternum: ut sim tibi Deus, & semini tuo post te: & dabo tibi & semini tuo post te terram in qua habitas, omnem terram Chanaan in possessionem æternam, & ero illis Deus. Hæc ætas ^e porrigitur ab Abraham usque ad David quatuordecim generationibus. Hujus vespere est in populi peccatis, quibus divina mandata præteribant, usque ad malitiam pessimi regis Saul.

38. Et inde fit mane regnum David. Hæc ætas similis juventutis est. Et re vera inter omnes ætates regnat juvenus, & ipsa est ^e firmum ornamentum omnium ætatum: & ideo bene comparatur quarto diei, quo facta sunt sidera in firmamento cæli. Quid enim evidentiùs significat splendorem regni quam solis excellentia? Et plebem obtemperantem regno splendor lunæ ostendit, tamquam synagogam ipsam, & stellæ principes ejus, & omnia tamquam in firmamento in regni stabilitate fundata. Hujus quasi vespere est in peccatis regum, quibus illa gens meruit captivari atque servire.

39. Et fit mane transmigrationis in Babyloniam, cum in ea captivitate populus leniter in peregrino otio collocatus est. Et porrigitur hæc ætas usque ad adventum Domini nostri Jesu Christi, id est quinta ætas, scilicet declinatio a juventute ad senectutem, nondum senectus, sed jam non juvenus: quæ senioris ætas est, quem Græci *πρεσβύτην* vocant. Nam senex apud eos non *πρεσβύτης* sed *γέρων* dicitur. Et re vera sic ista ætas a regni robore inclinata & fracta est in populo Judæorum; quemadmodum homo a juventute fit senior. Et bene comparatur illi diei quinto, quo facta sunt in aquis animalia, & volatilia cæli, postea quam illi homines inter gentes tamquam in mari vivere cepérunt, & habere incertam sedem & instabilem, sicut volantes aves. Sed plane erant ibi etiam ceti magni, id est, illi magni homines qui magis dominari fluctibus sæculi, quam servire in illa captivitate potuerunt. Non enim ad cultum idolorum aliquo terrore depravati sunt. Ubi sane animadvertendum est, quod benedixit Deus illa animalia di-

^a MSS. Septem habent, septimo diei.

^b MSS. septem, in diluvio.

^c Regius codex & alii quinque, ut possit fructus utiles afferre sanctarum Scripturarum & Prophetarum.

^d In prius vulgatis Am. Et. & Lov. post, posui te, hæc interseruntur: ante

Deum cui credidisti, qui vivificat mortuos, & vocat ea quæ non sunt, tãquam ea quæ sunt. Qui contra spem in spem credidit, ut fieret pater multarum gentium, secundum quod dictum est: Sic erit semen tuum, quæ omnia a MSS. absunt.

^e Editi, firmamentum. & ornamentum. At MSS. firmum ornamentum: atque ex his nonnulli paulo post habent, & plebem obtemperantem regi.

Gen. 1.
28.

dicens, *Crescite & multiplicamini, & implete aquas maris, & volatilia multiplicentur super terram*: quia re vera gens Judæorum, ex quo dispersa est per gentes, valde multiplicata est. Hujus diei, hoc est, hujus ætatis quasi vespera est multiplicatio peccatorum in populo Judæorum; quia sic excæcati sunt, ut etiam Dominum Jesum Christum non possent agnoscere.

Sexta
a. 14.

40. Mane autem fit ex prædicatione Evangelii per Dominum nostrum Jesum Christum, & finitur dies quintus: incipit sextus, in quo senectus veteris hominis apparet. Hac enim ætate illud carnale regnum vehementer adtritum est, quando & templum dejectum est, & sacrificia ipsa cessaverunt; & nunc ea gens quantum ad regni sui vires adinet, quasi extremam vitam trahit. In ista tamen ætate tamquam in senectute veteris hominis, homo novus nascitur, qui jam spiritualiter vivit. Sexta enim die dictum erat, *Producat terra animam vivam*. Nam quinto die dictum erat, *Producant aquæ, non animam vivam, sed reptilia animarum vivarum*: quoniam corpora sunt reptilia, & adhuc corporali circumcissione & sacrificiis tamquam in mari gentium populus ille serviebat legi. Istam vero animam vivam dicit, quæ a vita jam incipiunt æterna desiderari. Serpentes ergo & pecora quæ terra producit, gentes significant jam stabiliter Evangelio credituras. De quibus dicitur in illo vase quod Petro demonstratum est in Actibus Apostolorum, *Macra & manduca*. Et cum ille immunda diceret, responsum est ei, *Quæ Deus mundavit, tu ne immunda dixeris*. Tunc fit homo ad imaginem & similitudinem Dei, sicut in ista

Gen. 1. 20

1. Retr.
e. 10. 11. 3.Ad. 10.
14.

” sexta ætate nascitur in carne Dominus noster, de quo dictum est per Prophetam, *Et homo est, & quis agnosceret eum?* Et quemadmodum in illo die masculus & femina, sic & in ista ætate Christus & Ecclesia. Et præponitur homo in illo die pecoribus & serpentibus & volatilibus cæli, sicut in ista ætate Christus regit animas obtemperantes sibi, quæ ad Ecclesiam ejus, partim de gentibus, partim de populo Judæorum venerunt, ut ab eo domarentur atque mansuescerent homines; vel carnali concupiscentiæ dediti sicut pecora, vel tenebrosa curiositate obscurati quasi serpentes, vel elati superbia quasi aves. Et sicut in illo die pascitur homo & animalia, quæ cum ipso sunt, herbis seminalibus & lignis fructiferis & herbis viridibus: sic ista ætate spiritualis homo quicumque bonus minister est Christi, & eum bene quantum potest imitatur, cum ipso populo spiritualiter pascitur sanctarum scripturarum alimentis & lege divina: partim ad concipiendam fecunditatem rationum atque sermonum, tamquam herbis seminalibus; partim ad utilitatem morum conversationis humanæ, tamquam lignis fructiferis; partim ad vigorem fidei, spei & caritatis in vitam æternam, tamquam herbis viridibus, id est, vigentibus, quæ nullo æstu tribulationum possint arefcere. Sed spiritualis sic istis alimentis pascitur, ut multa intelligat: carnalis autem, id est, parvulus in Christo, tamquam pecus Dei, ut multa credat quæ intelligere nondum potest: tamen eosdem cibos omnes habent.

Luc. 18
8.
Septima
a. 14.

41. Hujus autem ætatis quasi vespera, quæ utinam nos non inveniat, si tamen nondum cepit, illa est de qua Dominus dicit, *Putas cum veniet Filius hominis, inveniet fidem super terram?* Post istam vesperam fiet mane; cum ipse Dominus in claritate venturus est:

A tunc requiescent cum Christo ab omnibus operibus suis in quibus dictum est, *Estote perfecti, sicut Pater vester qui in cælis est*. Tales enim faciunt opera bona valde. Post enim talia opera speranda est requies in die septimo, qui vesperam non habet. Nullo ergo modo verbis dici potest quemadmodum Deus fecerit, & condiderit cælum & terram & omnem creaturam quam condidit: sed ista expositio per ordinem dierum sic indicat tamquam historiam rerum factarum, ut prædicationem futurorum maxime observet.

B 42. Si autem aliquem movet quod in istis ætatibus sæculi duas ætates primas denis generationibus advertimus explicari, tres autem consequentes singulæ quatuordecim generationibus contextuntur, sexta vero ista nullo generationum numero definita est; facile est videre, etiam in unoquoque homine duas primas ætates, infantiam & pueritiam, corporis sensibus inhærere. Qui sensus corporis quinque sunt, visus, auditus, olfactus, gustus & tactus: quinarium autem numerus duplicatus, quoniam duplex est sexus humanus, unde generationes tales existunt, masculinus & femininus; quinarium ergo, ut dixi, duplicatus denarium numerum facit. Jam vero ab adolescentia & deinceps, ubi ratio jam incipit in homine prævalere, accedit quinque sensibus cognitio & actio, quibus vita regitur & administratur, ut jam septenarius numerus incipiat esse: qui similiter duplicatus, propter duplicem sexum, in quatuordecim generationibus eminet & apparet, quas habent tres ætates consequentes, tamquam adolescentis & juvenis & senioris. Senectutis vero ætas sicut in nobis nullo statuto annorum tempore definitur, sed post quinque illas ætates quantum quisque vixerit, senectuti deputatur: sic & in ista ætate sæculi non apparent generationes, ut etiam occultus sit ultimus dies, quem utiliter Dominus latere, oportere demonstravit.

C 43. H A B E T etiam unusquisque nostrum in bonis operibus & recta vita tamquam distinctos istos sex dies, post quos debet quietem sperare. Primo die lucem fidei, quando prius b visibilibus credit, propter quam fidem Dominus visibiliter apparere dignatus est. Secundo die tamquam firmamentum disciplinæ, quo discernit inter carnalia & spiritalia, sicut inter aquas inferiores & superiores. Tertio die, quo mentem suam ad ferendos bonorum operum fructus, a labe & fluctibus tentationum carnalium, tamquam aridam terram a perturbationibus maris secernit, ut jam possit dicere, *Mente servio legi Dei, carne autem legi peccati*. Quarto die, quo jam in illo firmamento disciplinæ spirituales intelligentias operatur atque distinguit, videt quæ sit incommutabilis veritas, quæ tamquam sol fulget in anima; & quemadmodum anima ipsius veritatis participes fiat, & corpori ordinem & pulcritudinem præstet, tamquam luna illuminans noctem; & quemadmodum stellæ omnes, scilicet intelligentiæ spirituales, in hujus vitæ obscuritate tamquam in nocte micent & fulgeant. Quarum rerum notitia fortior effectus incipiat quinto die in actionibus turbulentissimi sæculi, tamquam in aquis maris operari, propter utilitatem fraternæ societatis: & de corporalibus actionibus, quæ ad ipsum mare pertinent, id est, ad hanc vitam, producere animarum vivarum reptilia, id est, opera quæ prosint animis vivis; & cetos magnos, id est, fortissimas actiones, quibus fluctus sæculi dirumpuntur & contemuntur, & vo-

Mat. 5.
48.CAPUT
XXIV.
Ætates
mundi
quare
in æqua-
les.Mat. 24.
36.CAPUT
XXV.
Septem
dierum
altior
allego-
ria.Rom. 7.
5.

a Sic MSS. At prius vulgati habent, *quæ vitam incipiunt æternam desiderare*.

b Lov. *invisibilibus credit*. Sed melius Er. Regius codex & alii MSS. *decem, visibilibus credit*.

& volatilia cæli, id est, voces cælestia prædicantes. Sexto autem die producat de terra animam vivam, id est, de ipsa stabilitate mentis suæ ubi spirituales habet fructus, id est, bonas cogitationes, motus omnes animi sui regat, ut sit in illo anima viva, id est, rationi & iustitiæ serviens, non temeritati atque peccato. Ita fiat etiam homo ad imaginem & similitudinem Dei, masculus & femina, id est, intellectus & actio, quorum copulatione spiritalis fetus terram impleat, id est, carnem subjiciat, & cetera quæ jam in hominis perfectione superius dicta sunt. In istis autem tamquam diebus vespera est in ipsa perfectione singulorum ope-

A rum, & manet in inchoatione consequentium. Post istorum quasi sex dierum opera bona valde, speret homo quietem perpetuam, & intelligat quid sit, Requievit Deus septimo die ab omnibus operibus suis: quia & ipse in nobis hæc bona operatur, qui ut operemur jubet; & ipse recte requiescere dicitur, quia post hæc omnia opera requiem nobis ipse præstabit. Quomodo enim recte dicitur pater familias ædificare domum, cum hoc non opere suo faciat, sed eorum quibus servantibus **B** imperat; sic recte dicitur & ab operibus requiescere, cum post perfectionem fabricæ, illis quibus imperabat permittit ut vacent, & jocundo otio perfruantur.

LIBER SECUNDUS.

Persequitur expositionem Geneseos ab hoc versiculo, Hic liber creaturæ cæli & terræ &c. usque ad illum quo Adam & Eva de Paradiso ejiciuntur. Ad extremum Ecclesiæ dogmata cum Manichæorum erroribus confert.

CAPUT
I.
Recita-
tio se-
cundi &
tertii
capitis
Gene-
seos.

Gen. 2. 4.
&c.

I. **P**OST enumerationem & expositionem dierum septem, interposita est quasi quædam conclusio, & appellatus est liber creaturæ cæli & terræ, quidquid superius dictum est, cum sit parva pars libri: sed ideo sic meruit vocari, quia universi sæcula a capite usque ad finem quasi brevis quædam imago in his diebus septem figurata est. Deinde incipit de homine diligentius narrari. Quæ omnis narratio non aperte, sed figurate explicatur, ut exerceat mentes quærentium veritatem, & spiritali negotio a negotiis carnalibus avocet. Sic enim se continet: *Hic est liber creaturæ cæli & terræ, cum factus esset dies quo fecit Deus cælum & terram, & omnia viridia agri ante quam essent super terram, & omne pabulum agri, ante quam germinaret. Nondum enim pluerat Deus super terram, nec erat homo qui operaretur in ea. Fons autem adscendebat de terra, & irrigabat omnem faciem terræ. Et tunc finxit Deus hominem de limo terræ, & insufflavit in faciem ejus flatum vitæ, & factus est homo in animam viventem. Et tunc plantavit Deus paradysum in Eden ad Orientem, & posuit ibi hominem quem finxerat. Et produxit adhuc Deus de terra omne lignum formosum ad aspectum, & bonum ad escam: & lignum vitæ plantavit in medio paradisi, & lignum scientiæ boni & mali. Flumen autem prodiebat ex Eden, & irrigabat paradysum: quod inde dividitur in quatuor partes. Nomen uni Phison; hoc est quod circuit totam terram Evilath, a ibi est aurum, aurum autem terræ illius optimum; ibi est carbunculus & lapis prasinus. Et nomen secundi fluminis Geon; hoc circuit totam terram Æthiopie. Et flumen tertium Tigris; hoc est quod vadit contra Assyrios. Et flumen quartum dicitur Euphrates. Et sumpsit Dominus Deus hominem quem fecerat, & posuit eum in paradiso, ut operaretur ibi, & custodiret eum. Et præcepit Dominus Deus Adæ, dicens; Ex omni ligno quod est in paradiso edes ad escam, de ligno autem scientiæ boni & mali non edetis ab eo: qua die enim ederitis ab illo, morte moriemini. Et dixit Dominus Deus, Non est bonum esse hominem solum, faciamus ei adjutorium simile sibi. Et quæcumque finxerat Deus ex omni genere pecorum, & ex omni genere bestiarum agri, & ex omni genere volatilium volantium sub cælo, perduxit ea ad Adam ut videret quid*

ea vocaret: & quod vocavit ea omnia Adam animam vivam, hoc est nomen ejus. Et post hæc vocavit Adam nomina omnium pecorum, & omnium avium cæli, & omnium bestiarum agri: & secundum quod vocavit ea Adam, hoc est nomen eorum usque in hodiernum diem. Ipsi autem Adæ nondum fuit adjutorium simile illi. Et immisit Deus soporem in Adam, & obdormivit: & sumpsit Deus unam de costis ejus, & implevit locum ejus carne, & formavit Deus costam quam accepit ab Adam in mulierem. Et adduxit illam ad Adam, ut videret quid eam vocaret. Et dixit Adam, Hoc nunc os ex ossibus meis, & caro de carne mea: hæc vocabitur mulier, quoniam de viro b suo sumpta est: & hæc erit mihi adjutorium. Propter hoc relinquet homo patrem & matrem, & c adjungetur uxori suæ, & erunt duo in carne una. Et erant ambo nudi, Adam & mulier

Deus, & non confundebantur.
2. Serpens autem erat sapientior omnium bestiarum, quæ erant super terram, quas fecerat Dominus Deus. *Gen. 3. 1. &c.*
Et dixit serpens ad mulierem, Quare dixit Deus, ne edatis ab omni ligno quod est in paradiso? Et dixit mulier ad serpentem, Ex omni ligno quod est in paradiso edemus: a fructu autem ligni, quod est in medio paradisi, dixit Deus ne edamus; sed neque tangamus, ne moriamur. Et dixit serpens mulieri, Non morte moriemini; sciebat enim Deus, quia qua die manducaveritis ex illo, aperientur oculi vestri, & eritis sicut dii scientes bonum & malum. Et vidit mulier, quia bonum est lignum in escam, & quia bonum est oculis ad videndum & cognoscendum: & sumpsit fructum de ligno illo, & manducavit, & dedit viro suo: & accepit Adam, & manducavit: & aperti sunt oculi eorum, & tunc scierunt quia nudi erant, & sumserunt sibi folia fici, & fecerunt sibi suscinctoria. Et cum audissent vocem Domini de ambulantis in paradiso ad vesperam, absconderunt se Adam & mulier ejus ab ante faciem Domini Dei, d ad illam arborem quæ erat in medio paradiso. Et vocavit Dominus Deus Adam, & dixit illi, Adam, ubies? Et dixit ille, Vocem tuam audiavi Domine in paradiso, & timui, & abscondi me, quia nudus sum. Et dixit Dominus Deus, Quis nuntiavit tibi, quia nudus es, nisi quia ab illa arbore de qua dixeram tibi, ex illa sola non manducares, ex illa manducasti? Et dixit Adam, Mulier quam dedisti mihi, e dedit ut ederem, & manducavi. Et dixit Deus mulie-

a Ita MSS. At Am. Er. & Lov. habent, ubi aurum nascitur, & aurum terræ &c.

b Omittitur, suo, in editione Lov. quæ vox in MSS. & Am. & Er. nec non in Græco textu LXX. continetur, ex τῆ ἀνδρὸς αὐτῆς.

c Editi, adhereret. pro quo MSS. habent, adjungetur.

d Am. Er. & Lov. Domini Dei sui. At MSS. carent voce, sui.

e Hic in excusis additur, sociam. quæ vox abest a MSS.

mulieri quid hoc fecisti? Et dixit mulier, Serpens seduxit me, & manducavi. Et dixit Dominus Deus serpenti, Quia hoc fecisti, maledictus tu ab omni pecore, & omni genere bestiarum. Pectore & ventre repes, & terram manducabis omnibus diebus vite tue: Et inimicitiam ponam inter te & mulierem, & inter semen tuum, & inter semen illius. Ipsa tuum observabit caput, & tu ejus calcaneum. Et mulieri dixit, Multiplicans multiplicabo dolores tuos, & suspiria tua, & in doloribus paries filios tuos: & ad virum tuum conversio tua, & ille tui dominabitur. Et tunc dixit Deus ad Adam, Quia audisti vocem mulieris tue, & manducaſti de ligno de quo præceperam tibi, ex illo solo ne ederes, maledicta terra erit tibi in omnibus operibus tuis, & in tristitia & gemitu tuo manducabis ex ea omnibus diebus vite tue. Spinas & tribulos germinabit tibi, & edes pabulum agri tui. In sudore vultus tui edes panem tuum, donec revertaris in terram, de qua sumtus es; quia terra es, & in terram ibis. Et tunc Adam imposuit nomen uxori sue, Vita; quia mater est omnium vivorum. Et tunc fecit Dominus Deus Adæ & mulieri ejus tunicas pelliceas, & induit illos. Et dixit, Ecce Adam factus est tamquam unus ex nobis, ad scientiam cognoscendi bonum & malum. Et tunc ne porrigeret manum suam Adam ad arborem vite & sumeret sibi inde, & cderet & viveret in æternum, dimisit eum Dominus Deus de paradiso suavitatis, ut operaretur terram de qua & sumtus fuerat. Et ejectus foras de paradiso, moratus est contra paradisum voluptatis. Et Cherubim & illam flammeam frameam quæ versatur, posuit Deus ad custodiendam viam arboris vite.

CAPUT
II.
Genes
ad litte-
ram ubi
quæ non
potest
exponi.

Mat. 7. 7.

CAPUT
III.
Viride
agri,
quid de
signat,
Gen. 2. 5

3. HÆC secreta verborum si non reprehendentes & accusantes, sed quærentes & reverentes Manichæi mallent discutere, non essent utique Manichæi; sed daretur petentibus, & quærentes invenirent, & pulsantibus aperiretur. Plures enim quæstiones in hoc sermone proponunt, qui diligentia pia quærunt, quam isti miseri atque impii: sed hoc interest, quod illi quærunt ut inveniant, isti nihil laborant, nisi non invenire quod quærunt. Hic ergo totus sermo primo secundum historiam discutiendus est, deinde secundum prophetiam. Secundum historiam facta narrantur, secundum prophetiam futura prænuntiantur. Sane quisquis voluerit omnia, quæ dicta sunt, secundum litteram accipere, id est, non aliter intelligere quam littera sonat, & potuerit evitare blasphemias, & omnia congruentia fidei catholicæ prædicare, non solum ei non est invidendum, sed præcipuus multumque laudabilis intellectus habendus est. Si autem nullus exitus datur, ut pie & digne Deo quæ scripta sunt intelligantur, nisi figurate atque in ænigmatis proposita ista credamus, habentes auctoritatem Apostolicam, a quibus tam multa de libris veteris Testamenti solvuntur ænigmata, modum quem intendimus teneamus, adjuvante illo qui nos petere, quærere & pulsare adhortatur; ut omnes istas figuras rerum secundum catholicam fidem, sive quæ ad historiam, sive quæ ad prophetiam pertinent explicemus, non præjudicantes meliori diligentiorique tractatui, sive per nos, sive per alios quibus Dominus revelare dignatur.

4. Factus est ergo dies quo die fecit Deus cælum & terram, & omne viride agri, ante quam essent super terram, & omne pabulum agri. Superius septem dies numerantur, nunc unus dicitur dies, quo die fecit Deus cælum & terram, & omne viride agri, & omne pabulum, cuius diei nomine omne tempus significari bene intelli-

tur. Fecit enim Deus omne tempus simul cum omnibus creaturis temporalibus, quæ creaturæ visibiles cæli & terræ nomine significantur. Movere autem nos debet ad quærendum, quod cum diem, qui factus est, & cælum, & terram nominasset, adjecit etiam viride agri, & omne pabulum. Non enim quando dictum est, In principio fecit Deus cælum & terram, tunc dictum est, factum esse omne viride agri & pabulum: manifeste enim legitur, quod tertio die factum est omne viride & pabulum agri. Quod autem dictum est, In principio fecit Deus cælum & terram, non pertinet ad aliquem dierum ex illis septem diebus. Adhuc enim vel materiam ipsam unde facta sunt omnia, cæli & terræ nomine nuncupabat. Vel certe prius totam creaturam, cæli & terræ nomine proposuerat dicendo, In principio fecit Deus cælum & terram; & postea particulatim per ordinem dierum sicut oportebat, propter prophetiam, quam in primo libro commemoravimus, Dei opera exsecutus exposuit. Quid sibi ergo vult quod nunc nominato cælo & terra, addidit, viride agri & pabulum, & tacuit cetera tam multa, quæ sunt in cælo & in terra, vel etiam in mari, nisi quia viride agri invisibilem creaturam vult intelligi, sicut est anima? Ager enim solet in Scripturis figurate mundus appellari. Nam & ipse Dominus, Ager est hic, inquit, mundus, cum illam parabolam exponeret, ubi bono semini sunt commixta zizania. Viride ergo agri spiritalem atque invisibilem creaturam dicit, propter vigorem vitæ & nomine pabuli utique propter vitam bene hoc ipsum interpretamur.

5. Deinde quod addidit, ante quam essent super terram, intelligitur ante quam anima peccaret. Terrenis enim cupiditatibus sordidata, tamquam super terram nata, vel super terram esse, recte dicitur: ideoque addidit, Nondum enim pluerat Deus supra terram.* Quia & nunc viride agri Deus facit, sed pluendo super terram, id est, facit animas revirescere per verbum suum; sed de nubibus eas irrigat, id est, de Scripturis Prophetarum & Apostolorum. Recte autem appellantur nubes, quia verba ista quæ sonant & percussio aere transeunt; addita etiam obscuritate allegoriarum quasi aliqua caligine obducta, velut nubes fiunt. Quæ dum tractando exprimuntur, bene intelligentibus tamquam imber veritatis infunditur. Sed hoc nondum erat ante quam anima peccaret, id est, ante quam viride agri esset super terram. Nondum enim pluerat Deus supra terram, nec erat homo qui operaretur in ea. Laboranti enim homini in terra imber de nubibus est necessarius, de quibus nubibus jam dictum est. Post peccatum autem homo laborare cepit in terra, & necessarias habere illas nubes. Ante peccatum vero cum viride agri & pabulum fecisset Deus, quo nomine invisibilem creaturam significari diximus, irrigabat eam fonte interiore, loquens in intellectum ejus: ut non extrinsecus verba excipere tamquam ex supradictis nubibus pluviam, sed fonte suo, hoc est, de intimis suis manante veritate, satiaretur.

6. FONS enim adscendebat, inquit, de terra, & irrigabat omnem faciem terræ. De terra scilicet de qua dicitur, Spes mea es tu, portio mea in terra viventium. Quando autem anima tali fonte irrigabatur, nondum per superbiam projecerat intima sua. Initium enim superbiæ hominis apostatare a Deo. Et quoniam in exteriora per superbiam tumescens cepit non irrigari fonte intimo, bene insultatur illi verbis* prophetis & dicitur, Quid superbit terra & cinis? quoniam in vita sua proje-

Mat. 13.
3. 1. 2.
17. c. 10.
n. 3.

”

CAPUT
IV.
Quid sit,
nondum
pluerat
super
terram,
Gen. 2. 5.

CAPUT
V.
Gen. 2. 6.
Fons ir-
rigans
terram
allegori-
ce.
Tsal. 1. 4. 1
6. Eiel.
10. 14.
* 1. Rer.
c. 10. n. 3.
Eiel. 10. 9

proiecit intima sua. **QUID EST** enim superbia aliud, nisi deserto secretario conscientiae foris videri velle quod non est? Et ideo laborans jam in terra necessariam habet pluviam de nubibus, id est, doctrinam de humanis verbis, ut etiam hoc modo possit ab illa ariditate revirescere, & iterum fieri viride agri. Sed utinam vel pluviam veritatis de ipsis nubibus libenter excipiat. Nam propter illam Dominus noster nubilum carnis nostrae dignatus assumere, imbrem sancti Evangelii largissimum infudit, promittens etiam quod si quis biberit de aqua ejus, rediet ad illum intimum fontem, ut forinsecus non quaerat pluviam. Dicit enim, Fiet in eo fons aquae salientis in vitam aeternam. Iste credo fons ante peccatum adscendebat de terra, & irrigabat omnem faciem terrae, quia interior erat, & nubium non desiderabat auxilium: *Nondum enim pluerat Deus super terram, nec erat homo qui operaretur in ea.* Cum enim dixisset, *Nondum enim pluerat Deus super terram;* subiecit & causam quare nondum pluerat: quia *non erat homo qui operaretur in ea.* Tunc autem homo cepit operari in terra, cum post peccatum de beata vita dimissus est, qua in paradiso fruebatur. Sic enim scriptum est: *Et dimisit eum Dominus Deus de paradiso suavitatis, ut operaretur terram de qua & sumtus fuerat:* unde suo loco requiremus. Quod nunc ad hoc commemoravi, ut intelligeremus laboranti homini in terra, id est, in peccatorum ariditate constituto, necessariam esse de humanis verbis divinam doctrinam, tamquam de nubibus pluviam. Talis autem scientia destruetur. Videmus enim nunc in aenigmate tamquam in nubilo saginam quaerentes: tunc autem facie ad faciem, quando universa facies terrae nostrae interiore fonte aquae salientis irrigabitur. Nam si fontem aliquem hujus visibilis aquae voluerimus intelligere, de quo dictum est, *Fons autem adscendebat de terra, & irrigabat omnem faciem terrae,* non est veri simile, quod cum tam multi fontes perennes, sive rivo- rum, sive fluviorum per universam terram inveniantur, solus ille siccaverit, qui irrigabat omnem faciem terrae.

7. SUB his ergo paucis verbis universa creatura nobis insinuata est ante peccatum animae. Nomine enim caeli & terrae universa visibilis creatura significata est; & nomine diei, universum tempus; & nomine viridum & pabuli agri, creatura invisibilis; & nomine fontis adscendentis & irrigantis omnem faciem terrae, inundatio veritatis animam satians ante peccatum. Dies autem iste, cujus nomine universum tempus significari diximus, insinuat nobis non solum visibilem, sed etiam invisibilem creaturam tempus posse sentire: quod de anima nobis manifestatur, quae tanta varietate affectionum suarum, & ipso lapsu quo misera facta est, & reparatione qua rursus in beatitatem redit, tempore mutari posse vincitur. Et ideo non dictum est, *Cum factus esset dies, quo die fecit Deus caelum & terram,* tantum, quibus nominibus visibilis creatura intimatur; sed additum est etiam, *viride, & pabulum agri:* quo nomine invisibilem creaturam, propter vigorem & vitam, significari diximus, sicuti est anima. Et ita dictum est: *Cum factus esset dies, quo die fecit Deus caelum & terram, & omne viride, & pabulum agri,* ut sic intelligeremus non solum visibilem, sed etiam invisibilem creaturam pertinere ad tempus, propter mutabilitatem: quia solus Deus incommutabilis est, qui est ante tempora.

8. NUNC videamus post universae creaturae insinuationem tam visibilis quam invisibilis, & universale beneficium divini fontis erga invisibilem creaturam, quid

Jo. 4. 14.

Gen. 2. 5.

Gen. 2. 21.

Infra c. 22.

1. Cor. 13. 22.

Gen. 2. 6.

CAPUT VI. Invisibilia qui bus vocabulis signantur.

1. Petr. c. 10. n. 3.

CAPUT VII. Limus quid ha-

A de homine specialiter intimetur, quod ad nos maxime pertinet. Primo enim quod de limo terrae Deus hominem finxit, solet habere quaestionem qualis ille limus fuerit, vel quae materia nomine limi significata sit. Illi autem inimici veterum librorum, omnia carnaliter intuentes, & propterea semper errantes, etiam hoc reprehendere mordaciter solent, quod de limo Deus hominem finxit. Dicunt enim, Quare de limo fecit Deus hominem? An defuerat ei melior & caelestis materia, unde hominem faceret, ut de labe terrena tam fragilem mortalemque formaret? Non intelligentes primo quam multis significationibus vel terra vel aqua in Scripturis ponatur: limus enim aquae & terrae commixtio est. Dicimus enim tabidum & fragile & morti destinatum corpus humanum post peccatum esse cepisse. Non enim in nostro corpore isti exhorrescunt nisi mortalitatem, quam damnatione meruimus. Quid autem mirum, aut difficile Deo, etiamsi de limo istius terrae hominem fecit, tale tamen corpus ejus efficere, quod corruptioni non subjaceret, si homo praeceptum Dei custodiens peccare nolisset? Si enim speciem caeli ipsius de nihilo, vel de informi materia dicimus factam, quia omnipotentem artificem credimus; quid mirum si corpus, quod de limo qualicumque factum est, potuit ab omnipotenti artifice tale fieri, ut nulla molestia, nulla indigentia cruciaret hominem ante peccatum, & nulla corruptione tabesceret?

beat. my. Rerli.

Gen. 2. 7.

B

C

D

E

F

9. Itaque superflue quaeritur, unde hominis corpus Deus fecerit; si tamen nunc de corporis formatione dicitur. Sic enim nonnullos nostros intelligere accepi, qui dicunt, postea quam dictum est, *Finxit Deus hominem de limo terrae:* propterea non additum, ad imaginem & similitudinem suam, quoniam nunc de corporis formatione dicitur. Tunc autem homo interior significabatur, quando dictum est, *Fecit Deus hominem ad imaginem & similitudinem Dei.* Sed etiam si nunc quoque hominem ex corpore & anima factum intelligamus, ut non alicujus novi operis inchoatio, sed superius breviter insinuati diligentior retractatio isto sermone explicetur; si ergo, ut dixi, hominem hoc loco ex corpore & anima factum intelligamus, non absurde ipsa commixtione limi nomen accepit. Sicut enim aqua terram colligit, & conglutinat, & continet, quando ejus commixtione limus ejus efficitur: sic anima corporis materiam vivificando in unitatem concordem conformat, & non permittit labi & resolvi.

Sic intelligit Tertullianus, lib. de Resurrectione carnis c. 5. Hilarius in Psal. 118.

10. **QUOD** autem scriptum est, *Et insufflavit in eum spiritum vitae, & factus est homo in animam viventem:* si adhuc corpus solum erat, animam adjunctam corpori hoc loco intelligere debemus; sive quae jam facta erat, sed tamquam in ore Dei erat, id est, in ejus veritate vel sapientia, unde tamen non recessit quasi locis separata, quando insufflata est; non enim Deus loco continetur, sed ubique praesens est: sive tunc anima facta est, quando in illud figmentum Deus insufflavit spiritum vitae, ut illa insufflatio ipsam operationem Dei significet, qua fecit animam in homine Spiritu potentiae suae. Si autem homo ille qui factus erat, jam corpus & anima erat, ipsi animae sensus est additus ista insufflatione, cum factus est homo in animam viventem: non quia illa insufflatio conversa est in animam viventem, sed operata est in animam viventem. Nondum tamen spiritalem hominem debemus intelligere, qui factus est in animam viventem, sed adhuc animale. Tunc enim spiritalis effectus est, cum in paradiso, hoc est, in beata vita constituitur.

CAPUT VIII. Insufflatio spiritus quid Gen. 2. 7.

stitutus, præceptum etiam perfectionis accepit, ut verbo Dei consummaretur. Itaque postquam peccavit, recedens a præcepto Dei, & dimissus est de paradiso, in hoc remansit ut animalis esset. Et ideo animale hominem prius agimus omnes, qui de illo post peccatum nati sumus, donec assequamur spiritalem Adam, id est, Dominum nostrum Jesum Christum, qui peccatum non fecit; & ab illo recreati & vivificati, restituamur in paradysum, ubi latro ille cum ipso eo die meruit esse, quo vitam istam finivit. Sic enim Apostolus dicit: Sed non prius quod spiritale est, sed quod animale, sicut scriptum est: Factus est primus Adam in animam viventem, novissimus Adam in Spiritum vivificantem.

11. Sic ergo debemus intelligere hunc locum, ut non quia dictum est, *Insufflavit in eum spiritum vitæ, & factus est homo in animam viventem*, credamus illam veluti partem naturæ Dei in animam hominis fuisse conversam, & cogamur dicere naturam Dei esse mutabilem: in quo errore maxime istos Manichæos veritas premit. Sicut enim est mater omnium hæreticorum superbia, ausi sunt dicere quod natura Dei sit anima. Et hinc urgentur a nobis, cum eis dicimus, Ergo natura Dei errat & misera est, & vitiorum labe corrumpitur & peccat; aut etiam, ut vos dicitis, naturæ contrariæ sordibus inquinatur: & cetera talia quæ de natura Dei nefas est credere. Nam factam esse animam ab omnipotente Deo, & ideo non illam esse partem Dei vel naturam Dei, manifeste, alio loco scriptum est, dicente Prophetâ, Et qui finxit spiritum omnibus, ipse fecit omnia. Et alio loco: Qui finxit spiritum hominis in ipso. Ergo factum esse spiritum hominis, manifeste his testimoniis approbatur. Spiritus autem hominis in Scripturis dicitur ipsius animæ potentia rationalis, qua distat a pecoribus, & eis naturæ lege dominatur. De quo dicit Apostolus, Nemo scit quæ sunt hominis, nisi spiritus hominis qui in ipso est. Ne forte si a probaretur his testimoniis animam factam esse, non deessent qui dicerent, spiritum hominis non esse factum, & ipsum arbitrarentur esse naturam Dei, & in ipsum dicerent partem Dei esse conversam, cum illa insufflatio Dei facta est. Quod sana doctrina similiter respuit; quia & ipse spiritus hominis cum aliquando errat, & aliquando prudenter sapit, mutabilem se esse clamat: quod nullo modo de natura Dei fas est credere. Non autem potest majus signum esse superbiæ, quam ut dicat se humana anima hoc esse quod Deus est, cum adhuc sub tantis vitiorum & miseriarum molibus gemat.

CAPUT IX. Paradisi deliciae quid al legorice. 12. NUNC jam videamus ipsam beatitudinem hominis, quæ paradisi nomine significatur: nam quoniam in nemoribus deliciosa quies hominum esse solet, & corporeis sensibus nostris de Oriente lumen oritur, cælumque confurgit, quod superius corpus est nostro corpore atque excellentius; propterea his verbis etiam spirituales deliciae, quas habet beata vita, figurate explicantur, & ad Orientem paradysus plantatur. Intelligamus autem nostra gaudia spiritualia significare omne lignum formosum ad adspectum intelligentiæ, & bonum ad escam quæ non corrumpitur, qua beatæ animæ pascuntur. Nam & Dominus dicit, Operamini escam quæ non corrumpitur, ut est omnis ratio, quæ cibis est animæ. Ad Orientem lucem sapientiæ in Eden, id est, in deliciis immortalibus & in intelligibilibus. Nam deliciae, vel voluptas, vel epulum hoc verbo significari dicitur, si ex Hebræo in latinum interpretetur. Positum est autem

A sic sine interpretatione, ut aliquem locum significare videatur, magisque figuratam faciat locutionem. Productum autem ex terra omne illud lignum accipimus omne illud gaudium spiritale, id est, supereminere terræ, & non involvi atque obrui terrenarum cupiditatum implicamentis. Lignum autem vitæ plantatum in medio paradisi, sapientiam illam significat, qua oportet ut intelligat anima, in meditullio quodam rerum se esse ordinatam, ut quamvis subjectam sibi habet omnem naturam corpoream, supra se tamen esse intelligat naturam Dei: & neque in dexteram declinet, sibi arrogando quod non est; neque ad sinistram, per negligentiam contemnendo quod est: & hoc est lignum vitæ plantatum in medio paradisi. Ligno autem scientiæ boni & mali, ipsa item medietas animæ & ordinata integritas significatur: nam & ipsum lignum in medio paradisi plantatum est: & ideo lignum dignoscentiæ boni & mali dicitur, quia si anima quæ debet in ea quæ anteriora sunt se extendere, id est in Deum, & ea quæ posteriora sunt oblivisci, id est corporeas voluptates, ad se ipsam deserto Deo conversa fuerit, & sua potentia tamquam sine Deo frui voluerit, intumescit superbia, quod est initium omnis peccati. Et cum hoc ejus peccatum pœna fuerit consecuta, experiendo discit quid intersit inter bonum quod deseruit, & malum in quod cecidit. Et hoc ei erit gustasse de fructu arboris dignoscentiæ boni & mali. Præcipitur ergo illi ut de omni ligno quod est in paradiso edat, ex ligno autem in quo est dignoscentia boni & mali non edat, id est, non sic eo fruatur, ut ipsam ordinatam integritatem naturæ suæ, quasi manducando violet atque corrumpat.

D 13. FLUMEN autem quod procedebat ex Eden, id est, ex deliciis & voluptate & epulis, quod flumen a Propheta significatur in Psalmis, cum dicit, Torrente voluptatis tuæ potabis eos; hoc est enim Eden, quod latine voluptas dicitur: dividitur in quatuor partes, & quatuor virtutes significat, prudentiam, fortitudinem, temperantiam, justitiam. Dicitur autem Phison ipse esse Ganges, Geon autem Nilus, quod etiam in Jeremia Propheta animadverti potest: nunc aliis nominibus appellantur. Sicut nunc Tyberis dicitur fluvius, qui prius Albula dicebatur. Tygris vero & Euphrates etiam nunc eadem nomina tenent: quibus tamen nominibus virtutes, ut dixi, spirituales significantur: quod etiam ipsorum nominum interpretatio docet, si quis hebræam linguam vel syram consideret. Sicut Jerusalem quamvis sit visibilis & terrenus locus, significat tamen civitatem pacis spiritualiter: & Sion quamvis sit mons in terra, speculationem tamen significat; & hoc nomen in Scripturarum allegoriis ad spiritualia intelligenda sæpe transfertur: & ille qui descendebat ab Jerusalem in Jericho, sicut Dominus dicit, & in via vulneratus, saucius & semivivus relictus est a latronibus, utique locos istos terrarum, quamvis secundum historiam in terra inveniantur, spiritualiter cogit intelligi.

F 14. Prudentia ergo, quæ significat ipsam contemplationem veritatis, ab omni ore humano alienam, quia est ineffabilis, quam si eloqui velis, parturis eam potius, quam paris, quia ibi audivit & Apostolus ineffabilia verba, quæ non licet homini loqui. Hæc ergo prudentia terram circumit, quæ habet aurum, & carbunculum, & lapidem prasinum, id est, disciplinam vivendi, quæ ab omnibus terrenis sordibus quasi decocta nitescit, sicut aurum optimum; & veritatem, quam nulla falsitas

CAPUT X. Flumina quatuor quid no- tent. 735.9.

Luc. 10. 30.

2. Cor. 12. 4.

tas vincit, sicut carbunculi fulgor nocte non vincitur; & vitam æternam, quæ viriditate lapidis prasini significatur, propter vigorem qui non arescit. Fluvius autem ille qui circuit terram Æthiopiam multum calidam atque ferventem, significat fortitudinem calore actionis alacrem atque impigram. Tertius autem Tygris vadit contra Assyrios, & significat temperantiam, quæ resistit libidini, multum adversanti consiliis prudentiæ: unde plerumque in Scripturis Assyrii adversariorum loco ponuntur. Quartus fluvius non dictum est contra quid vadat, aut quam terram circumeat: justitia enim ad omnes partes animæ pertinet, quia ipsa ordo & æquitas animæ est, qua sibi ista tria concorditer copulantur, prima prudentia, secunda fortitudo, tertia temperantia; & in ista tota copulatione atque ordinatione a justitia.

a
CAPUT
XI.
Opera
hominis
in para-
diso,
mulier
in adju-
torium
facta.
Gen. 2.
v. 15.
Supra c. 9

Gen. 2.
17.

15. QUOD autem ita constitutus est homo in paradiso, ut operaretur & custodiret, operatio illa laudabilior laboriosa non erat. Alia est namque in paradiso operatio, & alia in terra, quo post peccatum damnatus est. Ex eo autem quod additum est, & *custodiret*: significatum est qualis illa operatio erat. Namque in tranquillitate beatæ vitæ, ubi mors non est, omnis opera est custodire quod tenes. Accipit etiam præceptum, de quo superius jam tractavimus. Quod præceptum, quoniam sic concluditur, ut non ad unum loquatur, sic enim dicit: *Qua die autem manducaveritis, morte moriemini*: incipit exponi quomodo sit facta femina: & facta dicitur in adjutorium viri, ut copulatione spiritali spiritales fetus ederet, id est, bona opera divinæ laudis; dum ille regit, hæc obtemperat; ille a Sapientia regitur, hæc a viro. Caput enim viri Christus, & caput mulieris vir. Ideoque dicitur, *Non est bonum solum hominem esse*. b Adhuc enim erat, quod fieret, ut non solum anima corpori dominaretur, quia corpus servilem locum obtinet, sed etiam virilis ratio subjugaret sibi animalem partem suam, per quod adjutorium imperaret corpori. Ad hujus rei exemplum femina facta est, quam rerum ordo subjugat viro: ut quod in duobus hominibus evidentius apparet, id est, in masculo & femina, etiam in uno homine considerari possit: ut appetitum animæ, per quem de membris corporis operamur, habeat mens interior tamquam virilis ratio subjugatum, & iusta lege modum imponat adjutorio suo, sicut vir debet feminam regere, nec eam permittere dominari in virum: quod ubi contingit, perversa & misera domus est.

*
CAPUT
XII.
Sopito
Adæ
juncta
Eva,
quid sibi
velit:
Gen. 2.
21.

16. Primo ergo demonstravit Deus homini, quanto melior esset pecoribus, & omnibus irrationabilibus animantibus: & hoc significat quod dictum est, adducta esse ad illum omnia animantia, ut videret quid ea vocaret, & eis nomina imponeret. Ex hoc enim apparet ipsa ratione hominem meliorem esse quam pecora, quod distinguere, & nominatim ea discernere, non nisi ratio potest, quæ de ipsis judicat. Sed hæc facilis ratio est; cito enim homo intelligit se meliorem esse pecoribus: illa est difficilis ratio, qua intelligit in se ipso aliud esse rationale quod regit, aliud animale quod regitur. * Et quoniam hæc secretiore sapientia videt, ipsam visionem secretam nomine soporis significari arbitror, quem immisit Deus in Adam, quando ei mulier facta est. Ut enim hoc videatur, non est opus oculis istis corporeis, sed quanto quisque ab istis visibilibus rebus in interiora intelligentiæ secesserit (hoc est autem quasi obdormiscere) tanto melius & sincerius illud videt. Ipsa enim

a Editi sic habent, atque ordinatione perficiunt justitiam, MSS. vero atque ordinatione justitia. supple, consistit.

cognitio, qua intelligitur in nobis aliud esse quod ratione dominetur, aliud quod rationi obtemperet, ipsa ergo cognitio veluti effectio mulieris est de costa viri, propter conjunctionem significandam. Deinde ut quisque huic suæ parti recte dominetur, & fiat quasi conjugal in seipso, ut caro non concupiscat adversus spiritum, sed spiritui subjugetur, id est, concupiscentia carnalis non adversetur rationi, sed potius obtemperando desinat esse carnalis, opus habet perfecta sapientia. Cujus contemplatio quia interior est & secretior, & ab omni sensu corporis remotissima, convenienter etiam ista soporis nomine intelligi potest. Tunc enim ordinatissime caput mulieris vir est, cum caput viri est Christus, quæ Sapientia est Dei.

17. Sane in locum illius costæ carnem adimplevit, ut hoc nomine insinuaretur dilectionis affectus, quo diligit unusquisque animam suam, & non est durus ut eam contemnat: quod diligit quisque cui præest. Non enim sic nominata est caro isto loco, ut carnalem concupiscentiam significet, sed isto modo potius, quo Propheta dicit, auferri populo cor lapideum, & dari cor carneum. Hoc modo enim dicit etiam Apostolus: Non in tabulis lapideis, sed in tabulis cordis carnalibus. Aliud, est quippe propria locutio, aliud figurata, qualis ista est quam tractamus modo. Quapropter & si visibilis femina secundum historiam de corpore viri primo facta est a Domino Deo, non utique sine causa ita facta est, nisi ut aliquod secretum intimaret. Num enim aut limus defuit, unde femina formaretur, aut si vellet Dominus homini vigilanti costam sine dolore detrahare non posset? Sive ergo ista figurate dicta sint, sive etiam figurate facta sint, non frustra hoc modo dicta vel facta sunt; sed sunt plane mysteria & sacramenta, sive hoc modo quotenuitas nostra conatur, sive aliquo alio meliore, secundum sanam tamen fidem, sunt interpretanda & intelligenda.

Ex eccl.
11. 19.

2. Cor. 3. 3

D

E

F

18. VOCAVIT ergo mulierem suam vir, tamquam potior inferiorem, & dixit, *Hoc nunc os de ossibus meis, & caro de carne mea*. Os de ossibus, fortasse propter fortitudinem: & caro de carne, propter temperantiam. Hæc namque duæ virtutes ad inferiorem animi partem, quam prudentia rationalis regit, docentur pertinere. Quod autem dictum est, *Hæc vocabitur mulier, quoniam de viro suo sumta est*, ista origo nominis & interpretatio in lingua latina non apparet. Quid enim simile habeat mulieris nomen ad viri nomen, non invenitur. Sed in hebræa locutione dicitur sic sonare, quasi dictum sit, Hæc vocabitur virago, quoniam de viro suo sumta est. Nam virago vel virgo potius habet aliquam similitudinem cum viri nomine; mulier autem non habet: sed hoc (ut dixi) linguæ diversitas facit.

CAPUT
XIII.
Spiritale
conjugium
in homine
Gen. 2.
23. & c.

Ibid. 24.

Ephes. 5.
31.

19. Quod autem additum est, *Relinquet homo patrem & matrem, & adhærebit uxori suæ, & erunt duo in carne una*, quomodo referatur ad historiam non invenio, nisi quod plerumque genere humano ista contingunt: sed tota Prophetia est, cujus Apostolus meminit, dicens, Propter hoc relinquet homo patrem & matrem, & adhærebit uxori suæ, & erunt duo in carne una. Sacramentum hoc magnum est: Ego autem dico in Christo, & in Ecclesia. Quod Manichæi si non cæci legarent, qui per epistolas Apostolicas multos decipiunt, intelligerent quomodo accipiendæ sint veteris Testamenti scripturæ, nec tam sacrilega voce auderent accusare quod

b Ita melioris notæ MSS. Am. & Er. ubi Loy. habet, Ad hoc enim erat.

quod nesciunt. Quod autem nudi erant Adam & mulier ejus, & non confundebantur, simplicitatem animæ castitatemque significat. Nam & Apostolus ita dicit: Aptavi vos uni viro virginem castam exhibere Christo: timeo autem ne sicut serpens Evam fefellit versutia sua, ita corrumpantur mentes vestræ a simplicitate & castitate, quæ est in Christo.

CAPUT XIV. Serpens diaboli, Eva affectus. *Gen. 3. 1. Sup. c. 9.*
20. SERPENS autem significat diabolum, qui sane non erat simplex. Quod enim dicitur sapientior omnibus bestiis, figurate insinuat ejus versutia. Non autem dictum est, quod in paradiso erat serpens, sed erat serpens inter bestias quas fecit Deus. Paradisus namque beatam vitam, ut superius dixi, significat, in qua jam non erat serpens, quia jam diabolus erat: & de sua beatitudine ceciderat, quia in veritate non stetit. Nec mirandum est quomodo mulieri loqui potuerit, cum illa esset in paradiso, & ille non esset: non enim aut illa secundum locum erat in paradiso, sed potius secundum beatitudinis affectum; aut etiamsi locus est talis, qui paradisos vocetur, in quo corporaliter Adam & mulier habitabant, etiam diaboli accessum corporaliter intelligere debemus: non utique, sed spiritualiter, sicut Apostolus dicit, secundum principem potestatis aeris, spiritus qui nunc operatur in filiis diffidentiae. Numquid ergo visibiliter eis apparet, aut quasi corporeis locis accedit ad eos in quibus operatur? non utique, sed miris modis per cogitationes suggerit quidquid potest. Quibus suggestionibus resistunt, qui vere dicunt, quod item dicit Apostolus: Non enim ignoramus astutias ejus. Quomodo enim accessit ad Judam, quando ei persuasit ut Dominum traderet? numquid in locis, aut per hos oculos ei visus est? sed utique, ut dictum est, intravit in cor ejus. Repellit autem illum homo, si paradysum custodiat. Posuit enim Deus hominem in paradiso, ut operaretur & custodiret: quia sic de Ecclesia dicitur in Canticis canticorum, Hortus conclusus, fons signatus: quo utique non admittitur perversitatis ille persuasor. Sed tamen per mulierem decipit: non enim etiam ratio nostra deduci ad consensionem peccati potest, nisi cum delectatio mota fuerit in illa parte animi, quæ debet obtemperare rationi tamquam rectori viro.

21. Etiam nunc in unoquoque nostrum nihil aliud agitur, cum ad peccatum quisque delabatur, quam tunc actum est in illis tribus, serpente, muliere, & viro. Nam primo fit suggestio sive per cogitationem, sive per sensus corporis, vel videndo, vel tangendo, vel audiendo, vel gustando, vel olfaciendo: quæ suggestio cum facta fuerit, si cupiditas nostra non movebitur ad peccandum, excludetur serpentis astutia; si autem mota fuerit, quasi mulieri jam persuasum erit. Sed aliquando ratio viriliter etiam commotam cupiditatem refrenat atque compescit. Quod cum fit, non labimur in peccatum, sed cum aliquanta luctatione coronamur. Si autem ratio consentiat, & quod libido commoverit, faciendum esse decernat, ab omni vita beata tamquam de paradiso expellitur homo. Jam enim peccatum imputatur, etiamsi non subsequatur factum; quoniam rea tenetur in consensione conscientia.

CAPUT XV. Tentatio quo modo deiecit. *Gen. 3. 4.*
22. Quo autem modo serpens ille peccatum persuaserit, diligenter considerandum est, pertinet enim maxime ad nostram salutem: nam ideo hæc scripta sunt ut jam talia caveamus. Nam cum interrogata mulier respondisset quid eis præceptum esset; ait ille, *Non morte moriemini: sciebat enim Deus, quoniam qua die manducaveritis ex illo, aperientur oculi vestri, & eritis sicut dii scientes bonum & malum.* Videmus his verbis per superbiam

A peccatum esse persuasum: ad hoc enim valet quod dictum est, *Eritis sicut dii.* Sicut etiam hoc quod dictum est, *sciebat enim Deus, quoniam qua die manducaveritis ex eo, aperientur oculi vestri,* quid hic intelligitur nisi persuasum esse, ut sub Deo esse nollent, sed in sua potestate potius sine Domino, ut legem ejus non observarent, qua invidentis sibi ne se ipsi regerent, non indigentes illius interno lumine, sed utentes propria providentia, quasi oculis suis, ad dignoscendum bonum & malum, quod ille prohibuisset? Hoc est ergo quod persuasum est, ut suam potestatem nimis amarent, & cum Deo esse pares vellent, illa medietate, per quam Deo subjecti erant, & corpora subjecta habebant, tamquam fructu arboris constitutæ in medio paradisi, male uterentur, id est, contra legem Dei: atque ita quod acceperant amitterent, dum id quod non acceperant, usurpare voluerunt. Non enim accepit hominis natura, ut per suam potestatem Deo non regente beata sit: quia nulla regente, per suam potestatem beatus esse solus Deus potest.

C **23.** *Et vidit, inquit, Mulier, quia bonum est lignum ad escam: & quia bonum est oculis ad videndum, & cognoscendum.* Quomodo videbat, si clausi erant oculi? Sed hoc dictum est, ut intelligeremus eos oculos esse apertos, postea quam de fructu illo acceperunt, quibus se nudos videbant, & displicebant sibi, id est, oculos astutiae, quibus simplicitas displicet. Cum enim quisque ceciderit ab illa intima & secretissima luce veritatis, nihil est unde velit placere superbia, nisi fraudulentis simulationibus. Hinc enim & hypocrisis nascitur, in qua multum sibi videntur cordati, qui potuerint fallere & decipere quem voluerint. Dedit enim mulier viro suo, & manducaverunt, & aperti sunt oculi eorum, de quibus jam dictum est; & tunc viderunt quod nudi essent, sed oculis perversis, quibus illa simplicitas quæ nuditatis nomine significata est, erubescenda videbatur. Itaque ut jam non essent simplices, fecerunt de foliis fici sibi succinctoria, tamquam tegentes pudenda sua, id est, occultantes simplicitatem, de qua jam erubescibat astuta superbia. Folia vero fici pruritum quemdam significant, si hoc bene in rebus in corporeis dicitur, quem miris modis animus patitur cupiditate & delectatione mentiendi. Unde etiam Latine falsi dicuntur, qui jocari amant. In jocos autem utique simulatio principatum tenet.

24. **ITAQUE** cum deambulare Deum in paradiso ad vesperam, id est, cum ad eos jam judicandos veniret, adhuc ante pœnam eorum, deambulabat in paradiso, id est, quasi movebatur in eis præsentia Dei, quando jam ipsi stabiles in ejus præcepto non erant; & bene ad vesperam, id est, cum jam ab eis sol occideret, id est, auferretur ab eis lux illa interior veritatis: audierunt vocem ejus, & absconderunt se a conspectu ejus. Quis se abscondit a conspectu Dei, nisi qui deserto ipso incipit jam amare quod suum est? Jam enim habebant co-operimenta mendacii: qui autem loquitur mendacium, de suo loquitur. Et ideo ad arborem se dicuntur abscondere, quæ erat in medio paradisi, id est ad se ipsos qui in medio rerum infra Deum & supra corpora ordinati erant. Ergo ad se ipsos absconderunt se, ut conturbarentur miseris erroribus, relicto lumine veritatis, quod ipsi non erant. Particeps enim veritatis potest esse anima humana: ipsa autem veritas Deus est incommutabilis supra illam. Ab ea ergo veritate quisque aversus est, & ad se ipsum conversus, & non de rectore atque illustratore Deo, sed de suis motibus quasi liberis exultat, tenebratur mendacio; quoniam qui loquitur mendacium, de suo loquitur: atque ita

Ibid. 5.

CAPUT XVI. Absconditio, ambulario, percontatio, quid significant. *Gen. 3. 8. &c.*

Gen. 3.
11.CAPUT
XVII.
Rejectione
culpe &
serpen-
tis pœ-
na Gen.
3. 12.Mat. 25.
41.CAPUT
XVIII.
Serpen-

turbatur, & vocem illam Prophetæ manifestat, qua dictum est, Ad me ipsum anima mea turbata est. Itaque jam interrogatur Adam, non Deo nesciente ubi esset, sed cogente ad confessionem peccati: non enim & Dominus Jesus Christus tam multa, quæ interrogabat, nesciebat. Respondit autem voce ejus audita, abscondisse se, quoniam nudus esset. Jam miserrimo errore respondit, quasi Deo posset displicere nudus, sicut eum ipse fecerat. EST AUTEM hoc erroris proprium, ut quod cuique displicet, hoc etiam Deo displicere arbitretur. Illud autem sublimiter intelligendum est, quod Dominus ait: *Quis nuntiavit tibi quod nudus esses, nisi quia ab illa arbore de qua dixeram tibi, ex illa sola ne manducares, ex illa manducasti?* Nudus enim erat a simulatione, sed vestiebatur luce divina. Unde averfus & ad se ipsum conversus, quod significat de illa arbore manducasse, nuditatem suam vidit, & displicuit sibi ex eo quod non habebat aliquid proprium.

25. DEINDE jam more superbiæ in se non accusat quod consensit mulieri, sed in mulierem refundit culpam suam: & sic subtiliter quasi de astutia quam miser conceperat, voluit ad ipsum Deum pertinere quod peccavit. Non enim ait, Mulier dedit mihi: sed addidit dicens, *Mulier quam dedisti mihi.* Nihil est autem tam familiare peccantibus, quam tribuere Deo velle undecumque accusantur: & hoc de illa vena superbiæ, ut quoniam sic homo peccavit cum vult esse par Deo, id est, liber esse ab ejus dominio, sicut ille ab omni dominio liber est, quoniam ipse est Dominus omnium; quoniam in maiestate par illi esse non potuit, jam lapsus & jacens in peccato suo, parem sibi eum facere conetur. Vel potius illum vult ostendere peccasse, se autem esse innocentem. Et mulier interrogata refert culpam in serpentem: quasi aut ille sic acceperat uxorem ut ei obtemperaret, & non potius ut ipsam sibi obtemperare faceret: aut illa non poterat Dei præceptum potius custodire, quam verba serpentis admittere.

26. Jam serpens non interrogatur, sed prior excepit pœnam, quia nec confiteri peccatum potest, nec habet omnino unde se excuset. Non autem nunc ea damnatio diaboli dicitur, quæ ultimo judicio reservatur, de qua loquitur Dominus cum dicit, *Ite in ignem æternum, qui præparatus est diabolo & angelis ejus:* sed ea pœna ejus dicitur, qua nobis cavendus est. POENA enim ejus est, ut in potestate habeat eos, qui Dei præcepta contemnunt. Hoc enim explicatur his verbis, quibus in eum profertur sententia: & inde major pœna est, quia de hac tam infelici potestate lætatur, qui solebat ante quam caderet, de sublimi veritate gaudere in qua non stetit. Et ideo illi etiam pecora præponuntur, non in potestate, sed in a conservatione naturæ suæ: quia pecora non amiserunt beatitudinem aliquam cælestem, quam numquam habuerunt, sed in sua natura quam acceperunt peragunt vitam. Dicitur ergo huic, *Pectore & ventre repes.* Quod quidem & in colubro animadvertitur, & ex illo animante visibili ad hunc invisibilem inimicum nostrum locutio figuratur. Nomine enim pectoris, significatur superbia, quia ibi dominatur impetus animi: nomine autem ventris, significatur carnale desiderium, quia hæc pars mollior sentitur in corpore. Et quia his rebus ille serpit ad eos quos vult decipere: propterea dictum est, *Pectore & ventre repes.*

27. *Et terram, inquit, manducabis omnibus diebus vitæ tuæ,* id est, omnibus diebus quibus agis hanc potesta-

tem, ante illam ultimam pœnam judicii: hæc enim vita ejus videtur, de qua gaudet atque gloriatur. *Terram ergo manducabis,* duobus modis intelligi potest: vel ad te pertinebunt, quos terrena cupiditate deceperis, id est peccatores, qui terræ nomine significantur: vel certe genus tertium tentationis his verbis figuratur, quod est curiositas. Terram enim qui manducat, profunda & tenebrosa penetrat, & tamen temporalia atque terrena.

28. Non autem inimiciæ ponuntur inter ipsum & virum, sed inter ipsum & mulierem. Numquid quia viros non decipit & tentat? Sed manifestum est quod decipit. An quia ipsum Adam non decepit, sed mulierem ejus? Sed numquid propterea non est inimicus ejus, ad quem pervenit per mulierem suam illa deceptio, maxime quia de futuro jam dicitur, *Inimicitias ponam inter te & mulierem?* Si autem quod non deinceps decipit Adam; nec ipsam Evam deinceps decipit. Quare ergo ita dicitur, nisi quia hic manifeste ostenditur, non posse nos a diabolo tentari, nisi per illam animalem partem, quæ quasi mulieris imaginem vel exemplum in uno ipso homine ostendit, de qua superius jam multa diximus? Quod autem etiam inter semen diaboli, & semen mulieris ponuntur inimiciæ, significatur semine diaboli perversa suggestio, semine autem mulieris, fructus boni operis, quo perversæ suggestioni resistit. Et ideo observat ipse plantam mulieris, ut si quando in illicita labitur delectatio, tunc illam capiat: & illa observat caput ejus, ut eum in ipso initio malæ suasionis excludat.

29. JAM de pœna mulieris nulla quæstio est: manifeste enim multiplicatos dolores habet, atque suspiria in hujus vitæ calamitatibus; & quo in doloribus pariat filios, quamvis & in ista visibili muliere compleatur, tamen ad illam secretiorem consideratio revocanda est. Nam & in pecoribus femina cum dolore parit filios, & hæc est in illis mortalitatis conditio potius quam pœna peccati. Potest ergo fieri, ut etiam in feminis hominibus mortalium corporum sit ista conditio. Sed hoc est magnum supplicium, quod ad istam corporum mortalitatem ex illa immortalitate venerunt. Verumtamen magnum sacramentum est hujus sententiæ, quod nulla abstinencia sit a voluntate carnali, quæ non habeat in exordio dolorem, donec in meliorem partem consuetudo flectatur. Quod cum provenerit, quasi natus est filius, id est, ad bonum opus paratus est affectus per consuetudinem bonam. Quæ consuetudo ut nascetur, cum dolore reluctatum est consuetudini malæ. Nam & illud quod post partum dictum est, *erit tibi conversio ad virum tuum, & ipse tui dominabitur:* nonne multæ ac prope omnes mulieres absentibus viris suis pariunt, & post partum se ad illos non convertunt? Quæ autem superbiæ sunt mulieres, & dominantur viris, numquid post partum carent hoc vitio, ut viri earum dominantur? Immo quasi dignitatem sibi additam credunt, quod matres fiunt, & plerumque superbiores existunt. Quid sibi ergo vult, quod postea quam dictum est, *In doloribus paries filios,* additum est, *& erit tibi conversio ad virum tuum, & ipse tui dominabitur,* nisi quia illa pars animæ, quæ carnalibus gaudiis tenetur, cum aliquam malam consuetudinem volens vincere, passa fuerit difficultatem ac dolorem, atque ita pepererit consuetudinem bonam cautius jam & diligentius rationi obtemperat tamquam viro: & ipsis quasi erudita doloribus convertitur ad rationem, & libenter servit jubenti, ne iterum in aliquam perniciosam con-

tis cum
Eva ini-
micia.

b

CAPUT
XIX.
De pœ-
nis mu-
lieri in-
flicis.
Gen. 3.
16.

c

a Am. Er. & duo MSS. *conversione*. Lov. aliquot etiam suffraganti-
bus MSS. *conversatione* sed melius Regius codex alique duo, *conserva-
tione*.

b MSS. non pauci habent, *se quando illicita elabatur delectatio*.
c sic Am. Er. & MSS. potiores. At Lov. habet, *quod post de partu di-
ctum est*. MSS. sex, *quod de partu*, &c.

consuetudinem defluat? Ista ergo quæ videntur maledicta, præcepta sunt, si non carnaliter spiritalia legamus. Lex enim spiritalis est.

Rom. 7.
41.
CAPUT
XX.
De viri
pœna.

Gen. 3. 17

Sap. 9. 15

Mur. 4.
10.

Ignis
purga-
tionis.

CAPUT
XXI.
Quare
post trā-
gressio-
nem A-
dam Vi-
tam vo-
caverit
ipsam
Evam, &
de pel-
licularum
tunica-
rum si-
gnifica-
tione.
1. Tim. 5.
6.
Ecclesi 34.
30.

30. ITEM de sententia ista, quæ prolata est in ipsum virum, quid dicemus? Numquid forte divites, quibus provenit facillimus victus, neque in terra operantur, evasisse istam pœnam existimandi sunt, qua dicitur: *Maledicta terra erit tibi in omnibus operibus tuis; in tristitia & gemitu tuo manducabis ex ea omnibus diebus vitæ tuæ: spinas & tribulos pariet tibi, & edes pabulum agri tui, in sudore vultus tui edes panem tuum, donec revertaris in terram, ex qua sumtus es: quia terra es, & in terram ibis?* Sed certè illud manifestum est, quod nemo evadat istam sententiam. Hoc ipsum enim^a quod in hac vita quisque natus, difficultatem inveniendæ veritatis habet ex corruptibili corpore (sicut enim Salomon dicit, Corpus quod corrumpitur aggravat animam, & deprimit terrena inhabitatio sensum multa cogitantem) ipsi sunt labores & tristitiæ quas habet homo ex terra; & spinæ ac tribuli sunt punctiones tortuosarum quæstionum, aut cogitationes de provisione hujus vitæ, quæ plerumque nisi extirpentur, & de agro Dei projiciantur, suffocant verbum, ne fructificet in homine, sicut Dominus in Evangelio dicit. Et quoniam necessitate jam per hos oculos & per has aures de ipsa veritate admonemur, & difficile est resistere phantasmatibus, quæ per istos sensus intrant in animam, quamvis per illos intret etiam ipsa admonitio veritatis; in ista ergo perplexitate, cujus vultus non sudet ut manducet panem suum? quod omnibus diebus vitæ nostræ passuri sumus, id est, hujus vitæ quæ transitura est. Et hoc illi dictum est, qui coluerit agrum suum, quia ista patitur donec revertatur in terram, ex qua sumtus est, id est, donec finiat vitam istam. Qui enim coluerit agrum istum interius, & ad panem suum quamvis cum labore pervenerit, potest usque ad finem vitæ hujus hunc laborem pati: post hanc autem vitam non est necesse ut patiat. Sed qui forte agrum non coluerit, & spinis eum opprimi permiserit, habet in hac vita maledictionem terræ suæ in omnibus operibus suis, & post hanc vitam habebit vel ignem purgationis vel pœnam æternam. Ita nemo evadit istam sententiam. Sed agendum est, ut saltem in hac tantum vita sentiat.

31. QUEM autem non moveat, quod post peccatum & sententiam judicis Dei vocat Adam mulierem suam, Vitam, quia vivorum ipsa sit mater, postea quam meruit mortem, & mortales fetus parere destinata est, nisi quia illos fetus adtendit Scriptura, quos cum in doloribus pepererit, fiet illi conversio ad virum suum, & ejus ipse dominabitur? De quibus fetibus superius dictum est. Sic enim est illa vita materque vivorum. Nam vita quæ in peccatis est, mors appellari in Scripturis solet, sicut Apostolus dicit, mortuam esse viduam quæ in deliciis vivit: & mortui nomine peccatum ipsum significari legimus, ubi dictum est, Qui baptizatur a mortuo, & iterum tangit illum, quid proficit in lavacro suo? Sic & qui jejuna super peccata sua, & iterum ambulans hæc eadem facit. Pro peccato enim mortuum posuit, abstinentiam vero jejuniumque a peccato, tamquam baptismum, hoc est^b mundationem a mortuo: iterum autem redire ad peccatum, tamquam iterum tangere mortuum. Quare ergo non animalis illa pars nostra, quæ tamquam viro debet obtemperare rationi, cum per ipsam rationem de verbo vitæ

Tom. I.

^a Lov. Hoc ipsum enim erit ei timendum, quod in hac vita &c. Removenda curavimus hæc verba, erit ei timendum, quibus antiquiores edi-

recte vivendi sarcinam conceperit, appelletur vita, & cum parturitione abstinentiæ, quamvis cum doloribus atque gemitibus, malæ consuetudini resistens bonam consuetudinem ad recte facta pepererit, mater vivorum vocetur, id est recte factorum: quibus contraria sunt peccata, quæ nomine mortuorum significari posse docuimus?

32. Nam illa mors, quam omnes qui ex Adam nati sumus, cepimus debere naturæ, quam minatus est Deus, cum præceptum daret ne arboris fructus ille ederet; illa ergo mors in tunicis pelliceis figurata est. Ipsi enim sibi fecerunt præcinctoria de foliis fici, & Deus illis fecit tunicas pelliceas, id est, ipsi appetiverunt mentendi libidinem relicta facie veritatis, & Deus corpora eorum in istam mortalitatem carnis mutavit, ubi latent corda mendacia. Neque enim in illis corporibus cælestibus sic latere posse cogitationes credendum est, quemadmodum in his corporibus latent: sed sicut nonnulli motus animorum apparent in vultu, & maxime in oculis, sic in illa perspicuitate ac simplicitate cælestium corporum omnes omnino motus animi latere non arbitror. Itaque illi merebuntur habitationem illam & commutationem in Angelicam formam, qui etiam in hac vita cum possint sub tunicis pelliceis occultare mendacia, oderunt tamen ea & cavent flagrantissimo amore veritatis, & hoc solum tegunt, quod ii qui audiunt ferre non possunt; sed nulla mentiuntur. Veniet enim tempus ut nihil etiam contegatur. Nihil est enim occultum quod non manifestabitur. Tam diu autem in paradiso fuerunt isti, quamvis jam sub sententia damnantis Dei, donec ventum esset ad pelliceas tunicas, id est, ad hujus vitæ mortalitatem. Quo enim majore indicio potuit significari mors quam sentimus in corpore, quam pellibus quæ mortuis pecoribus detrahi solent? Itaque cum contra præceptum non imitatione legitima, sed illicita superbia Deus esse appetit homo, usque ad belluarum mortalitatem dejectus est.

33. Ideo sic illi lex divina insultat ore Dei; qua insultatione nos admonemur quantum possumus cavere superbiam: * *Ecce Adam factus est tamquam unus ex nobis ad scientiam cognoscendi bonum & malum.* Quæ ambigua locutio figuram facit: nam *factus est tamquam unus ex nobis*, dupliciter intelligi potest: vel unus ex nobis quasi & ipse Deus, quod pertinet ad insultationem; sicut dicitur, unus ex senatoribus, utique senator: aut certe, quia & ipse Deus esset, quamvis Creatoris sui beneficio, non natura, si sub ejus potestate manere voluisset, sic dictum est, *ex nobis*, quomodo dicitur, ex consulis, aut proconsulis qui jam non est. Sed ad quam rem factus est tamquam unus ex nobis? Ad scientiam scilicet dignoscendi boni & mali, ut iste per experimentum disceret dum sentit malum, quod Deus per sapientiam novit; & potestatem illam Omnipotentis quam pati noluit beatus atque consentiens, pœna sua discat esse inevitabilem.

34. *Et tunc ne porrigeret Adam manum suam ad arborem vitæ, & viveret in æternum, dimisit illum Deus de paradiso.* Bene dictum est, *dimisit*, non, exclusit; ut ipso peccatorum suorum pondere tamquam in locum sibi congruum videretur urgeri. Quod patitur plerumque malus homo cum inter bonos vivere cœperit, si se in melius commutare noluerit, ex illa bonorum congregatione, pondere malæ suæ consuetudinis pellitur, & illicum non excludunt reluctantem,

F f 2

sed

tionem & undecim MSS. carent.

^b Editi *inundationem*, sed maluimus uti est in MSS. *decem mundationem*.

Matt. 10.
26.

*
CAPUT
XXII.
Expulso
Adæ
quid al-
legorice
Gen. 3.
22.

ἐξ ὧν ἐ-
στέρη.

1. sent.
dist. 29. c.
Sed quia

sed dimittunt cupientem. Quod autem dictum est, *ne porrigeret Adam manum suam ad arborem vitæ*, etiam hæc ambigua locutio est. Loquimur enim sic, cum dicimus, Ideo te moneo, ne iterum facias quod fecisti, volentes utique ut non faciat: Et iterum sic, Ideo te moneo, ne forte sis bonus, volentes utique ut sit, id est, moneo te non desperans quod bonus possis esse. Sicut

2. Tim. 2. 25. "loquitur Apostolus cum dicit, Ne forte det illis Deus pœnitentiam ad cognoscendam veritatem. Potest ergo videri propterea homo in labores hujus vitæ esse dimissus, ut aliquando manum porrigat ad arborem vitæ, & vivat in æternum. Manus autem porrectio bene significat crucem, per quam vita æterna recuperatur. Quamvis etiam si illo modo intelligamus ne manum porrigat, & vivat in æternum, non injusta pœna est post peccatum interclusum esse aditum ad sapientiam, donec Dei misericordia mensuris temporum reviviscat qui mortuus est, & inveniatur qui perierat. Dimissus est ergo de paradiso suavitatis, ut operaretur terram de qua sumtus erat, id est, ut in corpore isto laboraret, & ibi si posset collocaret sibi meritum redeundi. Moratus est autem contra paradisum in miseria: quæ utique beatæ vitæ contraria est. Nam beatam vitam paradisi nomine significatam existimo.

CAPUT XXIII. Cherubim & flammeam frameam quæ versatur, quæ uno nomine versatilis dici potest, ad custodiendam viam arboris vitæ. Sicut illi volunt qui Hebræa verba in Scripturis interpretati sunt, Cherubim Latine scientiæ plenitudo esse dicitur. Flammea vero framea versatilis, temporales pœnæ intelliguntur, quoniam tempora volubilitate versantur. Propterea & flammea dicitur, quia urit quodam modo omnis tribulatio. Sed aliud est uri ad consumptionem, & aliud est uri ad purgationem. Nam & Apostolus dicit,

2. Cor. 1. 1. 29. "Quis scandalizatur, & ego non uror? Sed iste affectus purgabat eum magis, quia de caritate veniebat. Et illæ tribulationes quas iusti patiuntur, ad istam pertinent flammeam frameam: quoniam in igne probatur aurum & argentum, & homines acceptabiles in camino humiliationis. Et iterum: Vasa figuli probat fornax, & homines iustos tentatio tribulationis. Quoniam ergo quem diligit Deus, corripit: & flagellat omnem filium quem recipit: sicut dicit Apostolus, Scientes quoniam tribulatio patientiam operatur, patientia autem probationem. Et legimus, & audimus, & credendum est arborem vitæ, plenitudinem a scientiæ & flammeam frameam custodire. Nemo ergo potest pervenire ad arborem vitæ, nisi per has duas, id est, per tolerantiam molestiarum, & scientiæ plenitudinem.

Eccl. 2. 5. Ecc. 2. 7. 6. Heb. 12. 9. Rom. 5. 3. a

36. Sed tolerantia molestiarum omnibus fere in hac vita subeunda est, tendentibus ad arborem vitæ: plenitudo autem scientiæ videtur paucioribus provenire; ut quasi non omnes qui perveniunt ad arborem vitæ, per scientiæ plenitudinem veniant, quamvis omnes tolerantiam molestiarum, id est, flammeam frameam versatilem sentiant. Sed si attendatur quod Apostolus dicit, Plenitudo autem legis, caritas; & videamus eandem caritatem præcepto illo gemino contineri, Diliges

A Dominum Deum tuum ex toto corde tuo, & ex tota anima tua, & ex tota mente tua; & diliges proximum tamquam te ipsum, in quibus duobus præceptis tota Lex pendet, & Prophetæ: sine dubitatione intelligimus ad arborem vitæ non solum per flammeam frameam versatilem, id est, per tolerantiam temporalium molestiarum, sed etiam per plenitudinem scientiæ, id est, per caritatem venire: quia si caritatem, inquit, non habeam, nihil sum.

Mat. 22. 39. 1. Cor. 13. 2.

37. SED in hoc sermone pollicitus sum considerationem rerum factarum, quam puto explicatam: & deinde considerationem prophetiæ, quæ remanet explicanda jam breviter. Posito enim tamquam signo quodam manifesto, quo cetera dirigantur, non diu nos, quantum arbitror, ita consideratio detinebit. Dicit enim Apostolus sacramentum magnum esse, quod dictum est; Propter hoc relinquet homo patrem & matrem, & adhærebit uxori suæ, & erunt duo in carne una: quod ipse interpretatur subjiciendo: Ego autem dico in Christo & in Ecclesia. Ergo quod per historiam impletum est in Adam, per prophetiam significat Christum, qui reliquit Patrem, cum dicit, Ego a Patre exivi, & veni in hunc mundum. Non loco reliquit, quia Deus loco non continetur, neque aversione peccati, sicut apostatæ relinquunt Deum; sed apparendo hominibus in homine, cum Verbum caro factum est, & habitavit in nobis. Quod ipsum non commutationem naturæ Dei significat, sed susceptionem b (naturæ) inferioris personæ, id est humanæ. Ad hoc valet etiam quod dicitur: Semetipsum exinanivit, quia non in ea dignitate apparuit hominibus in qua est apud Patrem, blandienseorum infirmitati, qui cor mundum nondum habebant, unde videretur Verbum in principio Deus apud Deum. Quid est ergo quod diximus, Reliquit Patrem, nisi reliquit apparere hominibus, sicut est apud Patrem? Item reliquit & matrem, id est, Synagogæ veterem atque carnalem observationem, quæ illi mater erat ex semine David secundum carnem, & adhæsit uxori suæ, id est Ecclesiæ, ut sint duo in carne una. Dicit enim Apostolus ipsum esse caput Ecclesiæ, & Ecclesiam corpus ejus. Ergo & ipse soporatus est dormitione passionis, ut ei conjunx Ecclesia formaretur, quam dormitionem cantat per Prophetam dicens, Ego dormivi, & somnum cepi, & exsurrexi, quoniam Dominus suscepit me. Formata est ergo ei conjunx Ecclesia de latere ejus, id est, de fide passionis & baptismi. Nam percussus latus ejus lancea, sanguinem & aquam profudit. Factus autem, ut supra dixi, ex semine David secundum carnem, sicut Apostolus dicit, id est, tamquam de limo terræ, cum homo non esset qui operaretur in terra, quia nullus homo operatus est in Virgine, de qua natus est Christus. Fons autem adscendebat de terra, & irrigabat omnem faciem terræ. Facies terræ, id est, dignitas terræ, mater Domini virgo Maria rectissime accipitur, quam irrigavit Spiritus sanctus, qui fontis & aquæ nomine in Evangelio significatur, ut quasi de limo tali homo ille fieret, qui constitutus est in paradiso, ut operaretur & custodiret, id est, in vo-

Caput XXIV. Adam Christi Eva Ecclesia. Eph. 5. 3. 2. Jo. 16. 28. Phil. 2. 7. Rom. 1. 3. Col. 1. 18. Psal. 3. 6. Jo. 19. 34. Rom. 1. 3. Gen. 2. 6. Jo. 7. 39. c

a Lov. plenitudinem esse scientiæ & flammea framea custodiri. Sic etiam antiquiores editiones nisi quod omittunt, esse. Sed ipsa orationis series probat legendum cum MSS. plenitudinem scientiæ & flammeam frameam custodire.

b Sic vulgati, quibus MSS. vix aliqui suffragantur. Nam Arnulfensis & Victorini duo vocem, personæ, omittunt; alii novem melioris notæ, e quibus est Theodericensis, Gericensis, Pratellensis, Regiomontensis, S. Audoeni Rothomagensis, Sorbonicus, unus S. Martini de campis, & qui annos circiter nongentos præfert quique olim Veronensis Ecclesiæ fuit Regius codex omisso verbo, natura, sic habent: sed susceptionem inferioris personæ, id est humanæ. Ita etiam tributa Bedæ collectio

ad cap. 5. epist. ad Ephes. tum in excusis, tum in Corbeiensi codice sub nomine Flori manu descripto. Quod locutionis genus ea lege intelligendum, qua illud cum veteres dicunt Verbum suscepisse hominem, susceptione videlicet, ut Theologi aiunt, terminata ad hoc ut Verbum ipsum suscipiens existat homo filiusque hominis, quæ est humana persona. Nam alias naturam hominis in personæ unitatem a Verbo susceptam fuisse docet constanter Augustinus, cujus celebrior est illa sententia ex epist. 3. ad Volusianum. Ita inter Deum & homines mediator apparuit, ut in unitate personæ copulans utramque naturam, & solita sublimaret insolitis, & insolita solitis temperaret.

c Ita MSS. At excusi habent ut qualis de limo terræ, talis homo ille fieret.

in voluntate Patris, ut eam impleret atque servaret.

CAPUT
XXV.
Hæretici
& Mani-
chæi
maxime
per ser-
pentem
designa-
ti.
Mat. 25.
40.

Gal. 5. 22

1. Cor. 11
29.

Gen. 3. 4.
5.

*
CAPUT
XXVI.
Serpens
hæreti-
cus Ma-
nichæus.

Gen. 3. 4.
5.

Ophita
2. Cor. 11
3.

38. NAM præceptum quod accepit, nos accepimus in illo, quia unusquisque Christianus non incongrue sustinet personam Christi, dicente ipso Domino, Quod fecistis uni ex minimis meis, mihi fecistis. Atque utinam frueremur, sicut est præceptum, omni ligno paradisi, quod significat spirituales delicias: Fructus autem spiritus est, caritas, gaudium, pax, longanimitas, benignitas, bonitas, fides, mansuetudo, continentia, sicut

» Apostolus dicit: & non tangeremus lignum in medio paradisi plantatum scientiæ boni & mali, id est, non vellemus superbire de natura nostra, quæ sicut jam diximus, media est, ut decepti experiremur, quid intersit inter simplicem fidem catholicam, & fallacias hæreticorum; ita enim pervenimus ad dignoscentiam boni & mali. Nam oportet, inquit, etiam hæreses esse, ut probati manifesti fiant inter vos. Etenim serpens ille

» secundum prophetiam, hæreticorum venena significat, & maxime istorum Manichæorum, & quicumque veteri Testamento adversantur. Non enim aliquid manifestius prænuntiatur arbitror, quam istos in illo serpente, vel potius illum in istis esse vitandum. Nulli enim loquacius atque jactantius promittunt scientiam boni & mali, & in ipso homine, tamquam in arbore quæ plantata est in medio paradisi, eam dignoscentiam demonstraturos se esse præsumunt. Et etiam illud quod dictum est, *Eritis sicut dii*, qui alii magis dicunt quam isti, qui per suam superbam vanitatem, eandem superbiam persuadere conantes, affirmant animam naturaliter hoc esse quod Deus est? Et ad quos magis pertinet apertio carnalium oculorum, quam ad istos qui relictæ interiore sapientiæ luce solem istum, qui pertinet ad oculos corporis adorare compellunt? Et omnes quidem hæretici generaliter scientiæ pollicitatione decipiunt, & reprehendunt eos quos simpliciter credentes invenerint, & quia omnino carnalia persuadent, quasi ad carnalium oculorum apertionem conantur adducere, ut interior oculus excæcetur.

* Sed istis etiam corpora sua displicent, non propter pœnalem mortalitatem, quam peccando meruimus, sed ita negent Deum esse corporum conditorem, tamquam apertis oculis carneis nuditas ista displiceat.

39. Sed nihil vehementius istos designat, & notat, quam quod dicit serpens, *Non morte moriemini: sciebat enim Deus quoniam qua die ederitis, aperientur oculi vestri*. Sic enim isti credunt, quod serpens ille Christus fuerit, & Deum nescio quem gentis tenebrarum, sicuti affirmant, illud præceptum dedisse confingunt, tamquam invideret hominibus scientiam boni & mali. Ex ista opinione etiam nescio quos serpentinos natos esse arbitror, qui serpentem pro Christo colere dicuntur, nec attendunt Apostolum qui ait, Metuo ne sicut serpens Evam seduxit astutia sua, sic & sensus vestri corrumpantur. Hos ergo per istam prophetiam præfiguratos esse existimo. Seducitur autem verbis hujus serpentis, carnalis nostra concupiscentia, & per illam decipitur Adam, non Christus, sed Christianus: qui si præceptum Dei servare vellet, & ex fide perseveranter viveret, donec idoneus fieret intelligentiæ veritatis, id est, si operaretur in paradiso, & custodiret quod accepit, non veniret in illam deformitatem, ut cum sibi displicet caro quasi nuditas sua, carnalia magis tegumenta mendaciorum, tamquam folia fici colligeret, quibus sibi faceret succinctorium. Hoc enim isti faciunt, cum de Christo

Tom. I.

A mentiuntur, & ipsum mentitum esse prædicant, & tamquam abscondunt se a facie Dei ad sua mendacia ab illius veritate conversi, sicut Apostolus dicit, Et a veritate quidem auditum suum avertent, ad fabulas autem convertentur.

40. Et ille quidem serpens, id est, ille error hæreticorum, qui tentat Ecclesiam, contra quem a incantatur Apostolus, cum dicit, Metuo ne sicut serpens Evam seduxit astutia sua, sic & sensus vestri corrumpantur; ille ergo error pectore & ventre serpit, & terram manducat. Non enim decipit, nisi aut superbos, qui sibi arrogantes quod non sunt, cito credunt quod summi Dei & animæ humanæ una eademque natura sit; aut desiderii carnalibus implicatos, qui libenter audiunt quod quidquid lascive faciunt, non ipsi faciunt, sed gens tenebrarum; aut curiosos, qui terrena sapiunt, & spiritalia terreno oculo inquirunt. Erunt autem inimicitiae inter istum & mulierem, & inter semen ejus, & semen mulieris, si pariat ista filios quamvis cum doloribus, & se ad virum suum convertat, ut ejus ipse dominetur. Tunc enim potest cognosci non aliam partem in nobis pertinere ad auctorem Deum, & aliam ad gentem tenebrarum, sicut isti dicunt; sed potius & illud quod regendi habet potestatem in homine, & illud inferius quod regendum est, ex Deo esse, sicut dicit Apostolus, Vir quidem non debet valere caput cum sit imago & gloria Dei, mulier autem gloria viri est: Non enim vir ex muliere, sed mulier ex viro: etenim non creatus est vir propter mulierem, sed mulier propter virum: propterea debet habere velamen mulier super caput, propter Angelos. Verumtamen neque mulier sine viro, neque vir sine muliere in Domino: sicut enim mulier ex viro, ita & vir per mulierem: omnia autem ex Deo.

41. LABORET jam Adam in agro suo, & quod spinas & tribulos ei parit terra, & intelligat non naturæ esse, sed pœnæ; & hoc non nescio cui genti tenebrarum, sed divino judicio tribuat: quia moderamen justitiæ est sua cuique tribuere. Ipse det mulieri escam cælestem, quam accepit a capite suo, qui est Christus: non ab illa accipiat vetitum cibum, id est, hæreticorum fallaciam cum magna pollicitatione scientiæ, & quasi secretorum ad apertionem, quo fiat ad decipiendum error ipse conditior. Hæreticorum quippe superba & curiosa cupiditas in libro Proverbiorum clamat sub mulieris imagine, & dicit; Qui stultus est, divertat ad me: & inopes sensu exhortatur, dicens, Panes occultos edite libenter, & aquam dulcem furtivam bibite. Et necesse est tamen, cum & illa quisque crediderit, præcedente libidine mentiendi, qua Christum mentitum esse credit, accipiat etiam tunicam pelliceam divino judicio. Quo nomine mihi videtur in prophetia significari non corporis mortalitas, quæ significatur in historia, de qua jam tractatum est; sed de carnalibus sensibus adtracta phantasmata, quæ carnaliter mentientem divina lege consequuntur & contegunt: atque ita de paradiso, id est, de catholica fide & veritate dimittitur, habitaturus contra paradysum, id est, eidem fidei contradicturus. Qui si aliquando se ad Deum converterit per flammeam frammam, id est, per temporales tribulationes, sua peccata cognoscendo & gemendo, & non jam extraneam naturam, quæ nulla est, sed se ipsum accusando, ut ipse veniam mereatur; & per plenitudinem scientiæ, quæ est caritas, diligendo Deum, qui supra omnia est in-

F f 3

com.

a Editi, clamat, pro quo ex MSS. restituimus, incantat.

b Editi, per conversionem veniam. At MSS. non habent, per conversionem.

commutabilis, & diligendo ex toto corde, & ex tota anima, & ex tota mente: & diligendo proximum tamquam se ipsum, perveniet ad arborem vitæ, & vivet in æternum.

CAPUT
XXVIII.
Per epi-
logum
singulas
refellit
Mani-
chæorum
calum-
nias.

42. QUID habent ergo isti, quod in his litteris veteris Testamenti reprehendant? Interrogent secundum morem suum, & respondeamus sicut Dominus donare dignatur. Quare fecit Deus hominem, inquiunt, quem peccaturum sciebat? Quia & de peccante multa bona facere poterat, ordinans eum secundum moderamen justitiæ suæ, & quia nihil oberat Deo peccatum ejus: & si non peccaret, mors nulla esset: si quia peccavit, alii mortales de peccato ejus corriguntur. ^a Nihil enim sic revocat homines a peccato, quemadmodum imminentis mortis cogitatio. Sic eum faceret, inquiunt, ut non peccaret. Immo ipse hoc faceret; sic enim factus est, ut si nolisset, non peccaret. Non admitteretur, inquiunt, diabolus ad ejus mulierem. Immo ipsa ad se diabolus non admitteret; sic enim facta est, ut si nolisset, non admitteret. Non fieret, inquiunt, mulier. Hoc est dicere, non fieret bonum: quia & ipsa utique aliquod bonum est, & tantum bonum, ut Apostolus eam gloriam viri esse dicat; & omnia ex Deo. Iterum dicunt, Quis fecit diabolus? Se ipse; non enim natura, sed peccando diabolus factus est. Vel ipsum, aiunt, non faceret Deus, si eum peccaturum esse sciebat, Immo, quare non faceret, cum per suam justitiam & providentiam multos de malitia diaboli corrigat? An forte non audistis Apostolum Paulum dicentem, Quos tradidi satanæ, ut discant non blasphemare? Et de se ipso dicit; Et ne magnitudine revelationum extollar, datus est mihi stimulus carnis, angelus satanæ qui me colaphizet. Ergo, inquiunt, bonus est diabolus, qui utilis est? Immo malus in quantum diabolus est, sed bonus & omnipotens Deus est, qui etiam de malitia ejus multa iusta & bona operatur. Non enim diabolo imputatur, nisi voluntas sua, qua conatur facere male, non Dei providentia, quæ de illo bene facit.

CAPUT
XXIX.
Confert

44. POSTREMO quoniam cum Manichæis nobis de

^a In Regio codice & sex aliis melioris notæ deest hæc sententia, *Nihil enim sic revocat homines a peccato, quemadmodum imminentis mortis cogitatio.*

A religione quæstio est, quæstio autem religionis est, quid de Deo pie sentiatur, quoniam negare non possunt in miseria peccatorum esse genus humanum; Illi dicunt naturam Dei esse in miseria: Nos negamus, sed dicimus eam naturam esse in miseria, quam de nihilo fecit Deus & ad hoc venisse non coactam, sed voluntate peccandi. Illi dicunt naturam Dei cogi ab ipso Deo ad pænitentiam peccatorum: Nos negamus, sed dicimus eam naturam quam Deus fecit de nihilo, postea quam peccavit, cogi ad pænitentiam peccatorum. Illi dicunt naturam Dei ab ipso Deo accipere veniam: Nos negamus, sed dicimus eam naturam quam fecit Deus de nihilo, si se a peccatis suis ad Deum suum converterit, accipere veniam peccatorum. Illi dicunt naturam Dei necessitate esse mutabilem: Nos negamus, sed dicimus eam naturam quam Deus fecit de nihilo, voluntate esse mutata. Illi dicunt naturæ Dei nocere aliena peccata: Nos negamus, sed dicimus nulli naturæ nocere peccata, nisi sua; & Deum dicimus tantæ bonitatis esse, tantæ justitiæ, tantæ incorruptionis, ut neque peccet, neque ipse alicui noceat qui peccare noluerit, nec ipsi aliquis qui peccare voluerit. Illi dicunt esse naturam mali cui Deus coactus est naturæ suæ partem dare cruciandam: Nos dicimus nullum malum esse ^b naturale, sed omnes naturas bonas esse, & ipsum Deum summam esse naturam, ceteras ex ipso esse naturas: & omnes bonas in quantum sunt; quoniam fecit Deus omnia bona valde, sed distinctionis gradibus ordinata, ut sit aliud alio melius; atque ita omni genere bonorum universitas ista compleatur, quæ quibusdam perfectis, quibusdam imperfectis, tota perfecta est, quam Deus effector conditorque ejus iusto moderamine administrare non cessat; qui omnia bona facit voluntate, nihil mali patitur necessitate. Cujus enim voluntas superat omnia, nulla ex parte quidquam sentit invitus. Cum ergo illa illi, & nos ista dicimus, unusquisque eligat quid sequatur. Ego enim, quod bona fide coram Deo dixerim, sine ullo studio contentionis, sine aliqua dubitatione veritatis, & sine aliquo præjudicio diligentioris tractationis, quæ mihi videbantur exposui.

Ecclesiæ
dogma-
ta cum
Mani-
chæo-
rum er-
roribus.

1. Retr.
c. 10. n. 3.

1. Retr. c.
10. n. 3.
b

^b Editi, *malum esse naturæ*. Porro MSS. hic & in lib. 1. Retract. c. 10. n. 3. habent, *naturale*.

ADMONITIO DE DUOBUS SEQUENTIBUS LIBRIS.

SUBSEQUUNTUR de moribus catholicæ Ecclesiæ & de moribus Manichæorum libri duo, quos tamen *Augustinus* in lib. 1. Retract. ceteris Romæ a se paulo post baptismum suum elaboratis præmittat, hoc tamen ordine editos fuisse non nemo fortasse refragetur: primum quia in libri primi exordio commemorat se in aliis libris satis egisse quemadmodum impiis imperitisque Manichæorum adversus vetus Testamentum invectionibus occurrere liceret. Huc vero spectat præmissum opus de Genesi contra Manichæos, quod videlicet opus apertissime contra eosdem hæreticos ab ipso primum editum fuit post ejus reditum in Africam, ut in lib. 1. Retract. c. 10. significat: deinde sub finem libri secundi sic ipse loquitur, videri ut possit ab Romana urbe jam tum abfuisse: denique in ejusdem libri c. 12. quidpiam a se nuper apud Carthaginem auditum refert. Verum hæc non efficient ut dubia sit fides Augustini dicentis se jam baptizatum, cum Romæ esset, sequentes libros scripsisse, adeoque sub finem anni Christi 387. quo ad illam urbem se recepit, aut certe initio anni insequentis, cujus magnam partem ibi est commoratus. Ista vero hoc pacto conciliari possunt, ut eorum librorum scriptio Romæ facta dicatur, publicatio vel perfectio in aliquod tempus dilata. Quidquid ea de re sit, ad horum librorum intelligentiam juvabit Manichæorum errores ex præmissis didicisse.

In libro primo de moribus catholice Ecclesie dicturus Augustinus, statuit summum bonum, quo mores nostros referri oportet, non aliud esse præter Deum. Ad ipsum porro summo amore contendendum esse, uti in catholica Ecclesia Testamenti veteris æque ac novi auctoritate docetur. Perstringit deinde officia caritatis in proximum. Ac postremo refert exempla continentie & morum vere Christianorum quæ in Catholica Ecclesia alumni eluxerunt.

In secundo quem de Manichæorum moribus inscripsit, refellit in primis horum hæreticorum errorem de mali origine & natura. Tum excutit tria illa oris, manuum, & sinus, ut appellabant, signacula, quibus impios mores suos obvelabant. Superstitiosam eorundem abstinenciam redarguit. Tandemque deprehensa quædam in iis flagitia commemorat.

LIB. I. RETRACT. CAPUT. VII.

JAM baptizatus autem cum Romæ essem, nec ferre tacitus possem Manichæorum jactantiam de falsa & fallaci continentia vel abstinencia, qua se ad imperitos decipiendos, veris Christianis, quibus comparandi non sunt, insuper præferunt, scripsi duos libros, unum de Moribus Ecclesie catholice: alterum de Moribus Manichæorum.

2. In eo igitur qui est de Moribus Ecclesie catholice, ubi posui testimonium, in quo legitur, *Propter te afficimur tota die, æstimati sumus ut oves occisionis*: mendositas nostri codicis me fefellit minus memorem Scripturarum, in quibus nondum assuetus eram. Nam ejusdem interpretationis alii codices non habent, *Propter te afficimur*: sed, *Propter te morte afficimur*: quod uno verbo alii dixerunt, *mortificamur*. Hoc esse verius græci libri indicant, ex qua lingua in latinam secundum septuaginta interpretes veterum divinarum scripturarum est facta translatio: & tamen secundum hæc verba, id est, *Propter te afficimur*, multa disputans dixi, quæ in ipsis rebus non tamquam falsa improbo: verumtamen convenientiam Scripturarum veterum & novarum, quam demonstrare cupiebam, ex his dumtaxat verbis non utique demonstravi: unde autem mihi error obrepserit, dixi: ex aliis vero testimoniis eandem convenientiam sufficienter ostendi.

3. Similiter & paulo post testimonium posui de libro Sapientie, secundum codicem nostrum, in quo scriptum erat: *Sobrietatem enim sapientia docet, & justitiam & virtutem*. Et secundum hæc verba differui res quidem veras, sed ex occasione mendositatis inventas. Quid enim verius, quam quod sapientia doceat veritatem contemplationis, quam nomine sobrietatis significatam putavi: & actionis probitatem, quam per duo alia intelligi volui, per justitiam atque virtutem? cum codices ejusdem interpretationis veriores habeant, *sobrietatem enim & sapientiam docet, & justitiam & virtutem*. His enim nominibus Latinus interpres quatuor illas virtutes, quæ maxime in ore philosophorum esse adsolent, nominavit, sobrietatem appellans temperantiam, prudentiæ imponens nomen sapientiam, fortitudinem vero virtutis vocabulo enuntians, solam justitiam suo nomine interpretatus est. Has autem quatuor virtutes in eodem libro Sapientie suis nominibus appellatas, sicut a Græcis vocantur, longe postea reperimus in codicibus græcis. Item, quod posui de libro Salomonis; *Vanitas vanitatum, dixit Ecclesiastes*, in multis quidem codicibus legi, sed hoc Græcus non habet: habet autem, *vanitas vanitatum*: quod postea vidi; & inveni eos latinos esse veriores, qui habent: *vanitatum*, non, *vanitatum*. Ex occasione tamen hujus mendositatis quæcumque differui vera esse ipsis rebus apparet.

4. Quod autem dixi, *Eum ipsum quem cognoscere volumus, hoc est Deum, prius plena caritate diligamus*: melius diceretur sincera quam plena: ne forte putaretur, caritatem Dei non futuram esse majorem, quando videbimus faciem ad faciem. Sic itaque hoc accipiat, tamquam plena dicta sit, qua major esse non possit, quamdiu ambulamus per fidem. Erit enim plenior, immo plenissima, sed per speciem. Item quod dixi de iis qui subveniunt indigentibus, quia *miseriordes vocantur, etiamsi sapientes usque adeo sint, ut jam nullo animi dolore turbentur*: non sic accipiendum est tamquam definierim, in hac vita esse tales sapientes, non enim dixi, cum sint: sed dixi, *etiamsi sint*.

5. Alio loco ubi dixi, *Jam vero cum hæc humana dilectio in hærentem uberibus tuis nutriverit & roboraverit animum, sequendo Deo factum idoneum, ubi ejus majestas ex tanta parte, quanta homini dum terræ hujus inhabitator est sufficit, aperire se cæperit, tantus caritatis ardor innascitur, & tantum divini amoris consurgit incendium, ut exustis omnibus vitis, & homine sanctificato atque purgato, satis appareat quam divine dictum sit, Ego sum ignis consumens*: possunt putare Pelagiani istam perfectionem in hac mortali vita me dixisse posse contingere: sed non hoc putent. Ardor quippe caritatis sequendo Deo factus idoneus, & tam magnus ut vitia cuncta consumat, in hac vita nasci & crescere potest; perficere vero propter quod nascitur, ut nullum insit homini vitium, non consequenter hic potest: quamvis tanta ista res eodem ardore caritatis perficiatur, ubi perfici & quando perfici potest: ut quemadmodum lavacrum regenerationis purgat a reatu omnium peccatorum, quæ humana traxit nativitas, & contraxit iniquitas: ita illa perfectio purget ab omni labe vitiorum, sine quibus humana esse non potest in hoc sæculo infirmitas. Sicut accipiendum est etiam quod ait Apostolus: *Christus dilexit Ecclesiam, & se ipsum tradidit pro ea, mundans eam lavacro aquæ in verbo, ut exhiberet sibi gloriosam Ecclesiam, non habentem maculam aut rugam, aut aliquid hujusmodi*. Hic est enim lavacrum aquæ in verbo, quo mundatur Ecclesia. Sed cum tota dicat quamdiu hic est, *Dimitte nobis debita nostra*: non utique hic est sine macula & ruga, aut aliquid ejusmodi: ex eo tamen quod hic accipit, ad illam gloriam, quæ hic non est, perfectionemque perducitur.

6. In alio libro cujus est titulus de Moribus Manichæorum, illud quod dixi, *Dei bonitas omnia deficientia sic ordinat, ut ibi sint ubi congruentissime possint esse, donec ordinatis motibus ad id recurrant unde defecerunt*, non sic accipiendum est, tamquam omnia recurrant ad id unde defecerunt, sicut Origeni visum est; sed ea omnia quæ recurrunt. Non enim recurrent ad Deum a quo defecerunt, qui sempiterno igne punientur: quamvis omnia deficientia sic ordinentur, ut ibi sint, ubi congruentissime possint esse: quia & illi qui non recurrunt, congruentissime in pœna sunt. Alio loco, *Nemo fere, inquam, de scarabæis dubitat, quin de fimo in pilam rotundato ab his atque obruto existant*: cum hoc utrum verum sit, multi dubitent, multi ne audiverint quidem. Hoc opus sic incipit: *Idem alii libris satis opinor egisse nos.*

S. AURELII AUGUSTINI
HIPPONENSIS EPISCOPI
DE MORIBUS
ECCLESIAE CATHOLICAE
ET DE MORIBUS MANICHÆORUM
LIBRI DUO. *

*
Scripti
versus
initium
an. Chr.
388. vul.
gati for-
te an.
389.

LIBER PRIMUS.

DE MORIBUS ECCLESIAE CATHOLICAE.

Principio constituit Augustinus mores illos, quibus in Ecclesia sancte vivitur, ad summum hominis bonum, hoc est, Deum referri oportere. Tum summo in eum amore contendendum, idque dogma esse in catholica Ecclesia utriusque Testamenti auctoritate confirmatum. Quatuor virtutes ex vario quodam amoris Dei affectu dictas ostendit. Agit de officiis caritatis erga proximum; ac refert demum exempla continentiae & morum vere Christianorum, quae in Ecclesiae catholicae alumnis eluxerunt.

CAPUT
I.
Quomo-
do dete-
cturus
sit fides
Mani-
chæorū.

I.



N aliis libris satis opinor egisse nos quemadmodum Manichæorum invectionibus, quibus in Legem, quod vetus Testamentum vocatur, imperite atque impie feruntur, seseque inter imperitorum plausus, inani jactatione ventilant, possimus

occurrere: quod breviter etiam hic commemorari a me potest. Quis enim mediocriter sanus non facile intelligat, Scripturarum expositionem ab iis petendam esse, qui earum doctores se esse profitentur: fierique posse, immo id semper accidere, ut multa indoctis videantur absurda, quæ cum a doctioribus exponuntur, eo laudanda videantur, & eo accipiantur aperta dulcius, quo clausa difficiliter aperiebantur? Hoc fere in sanctis veteris Testamenti libris evenit, si modo ille qui eis offenditur, doctorem potius eorum pium, quam impium laceratorem requirat, priusque studio quærentis, quam temeritate reprehendentis imbuatur. Nec, si ea discere cupiens, in aliquos forte inciderit vel episcopos vel presbyteros, vel cujuscemodi Ecclesiae catholicae antistites & ministros, qui aut passim caveant nudare mysteria, aut contenti simplici fide, altiora cognoscere non curarint, desperet ibi scientiam esse veritatis; ubi neque omnes a quibus quæritur docere possunt, neque omnes qui quærunt discere digni sunt. Et diligentia igitur & pietas adhibenda est: altero fiet, ut scientes inveniamus; altero, ut scire mereamur.

Duo
quibus
fallunt
Mani-
chæi.

2. Sed quoniam duæ maxime sunt illecebræ Manichæorum, quibus decipiuntur incauti, ut eos velint habere doctores; una, cum Scripturas reprehendunt, vel quas male intelligunt vel quas male intelligi volunt, altera, cum vitæ castæ & memorabilis continentiae imaginem præferunt: hic liber congruentem catholicæ di-

sciplinae sententiam nostram de vita & moribus continebit, in quo fortasse intelligetur & quam sit facile simulare, & quam difficile habere virtutem. Eum sane modum tenebo, si potero, ut neque in illorum morbos, qui mihi sunt notissimi, tam graviter invehar, quam illi in ea quæ ignorant: sanari enim eos potius, si fieri potest, quam oppugnari volo. Et ea de Scripturis assumam testimonia, quibus eos necesse sit credere, de novo scilicet Testamento, de quo tamen nihil proferam eorum quæ solent immissa esse dicere, cum magnis angustis coartantur; sed ea dicam, quæ & approbare & laudare coguntur. Nec omnino ullam relinquam testem sententiam productam de Apostolica disciplina, cui non de veteri Testamento similem comparem: ut si evigilare tandem deposita pertinacia somniorum suorum, & in Christianæ fidei lucem adspirare voluerint, animadvertant & quam non sit Christiana vita quam ostentant, & quam sit Christi Scriptura quam lacerant.

3. UNDE igitur exordiar? ab auctoritate, an a ratione? NATURÆ quidem ordo ita se habet, ut cum aliquid discimus, rationem præcedat auctoritas. Nam infirma ratio videri potest, quæ cum reddita fuerit, auctoritatem postea, per quam firmetur, assumit. Sed quia caligantes hominum mentes consuetudine tenebrarum, quibus in nocte peccatorum vitiorumque velantur, perspicuitati sinceritatisque rationis adspæctum idoneum intendere nequeunt; saluberrime comparatum est, ut in lucem veritatis aciem titubantem veluti ramis humanitatis opacata inducat auctoritas. Sed quoniam cum iis nobis res est, qui omnia contra ordinem, & sentiunt, & loquuntur, & gerunt, nihilque aliud maxime dicunt, nisi rationem prius esse reddendam, morem illis geram; quod fateor in disputando vitiosum esse, suscipiam. Delectat enim me imitari quantum

valeo

CAPUT
II.
Ratio-
nibus
prius
agit, ob-
sequens
vitiosæ
Mani-
chæorū
consue-
tudini.

valeo mansuetudinem Domini mei Jesu Christi, qui etiam ipsius mortis malo, quo nos exuere vellet, indutus est.

CAPUT
III.
Beatus
qui eo
fruitur
quod
hominis
opti-
mum
est.

4. **RATIONE** igitur quæramus quemadmodum sit homini vivendum. Beate certe omnes vivere volumus neque quisquam est in hominum genere, qui non huic sententiæ, ante quam plene sit emissa, consentiat. **BEATUS** autem, quantum existimo, neque ille dici potest, qui non habet quod amat, quaecumque sit; neque qui habet quod amat, si noxium sit; neque qui non amat quod habet, etiam si optimum sit. Nam & qui appetit quod adipisci non potest, cruciatur; & qui adeptus est quod appetendum non est, fallitur; & qui non appetit quod adipiscendum esset, ægrotat. Nihil autem istorum animo contingit sine miseria: nec miseria & beatitudo in homine uno simul habitare consueverunt: nullus igitur illorum beatus est. Quartum restat, ut video, ubi beata vita inveniri queat, cum id quod est hominis optimum, & amatur, & habetur. **Frui.** Quid enim est aliud quod dicimus frui, nisi præsto habere quod diligis? Neque quisquam beatus est, qui non fruitur eo, quod est hominis optimum; nec quisquam, qui eo fruitur, non est beatus. Præsto ergo esse nobis debet optimum nostrum, si beate vivere cogitamus.

Homi-
nis opti-
mum
quid.

5. Sequitur ut quæramus quid sit hominis optimum, quod profecto deterius esse quam ipse homo non potest. Quisquis enim quod se ipso est deterius, sequitur, fit & ipse deterior. Oportet autem omnem hominem id quod optimum est sequi. Non est igitur homine deterius hominis optimum. Fortasse tale aliquid erit, quale ipse homo est? Ita sit sane, si nihil est homine melius, quo perfrui possit. Si autem invenimus aliquid quod & homine sit excellentius, & præsto esse amanti sese homini possit, quis dubitaverit homini ad id nitendum esse ut beatus sit, quod eo ipso qui nititur, manifestum est esse præstantius? Nam si id est beatum esse, ad tale bonum pervenisse quo amplius non potest, id est autem quod dicimus optimum; quo tandem pacto potest in ea definitione includi, qui ad summum bonum suum nondum pervenerit? aut quomodo summum est, si est aliquid melius quo pervenire possimus? Hoc igitur si est, tale esse debet quod non amittat invitatus. Quippe nemo potest considerare de tali bono, quod sibi eripi posse sentit, etiam si retinere id amplectique voluerit. Quisquis autem de bono quo fruitur non confidit, in tanto timore amittendi beatus esse qui potest.

Dux cõ-
ditiones
summi
boni.
1. Ut ni-
hil eo
melius
sit.
2. Ut ta-
le sit,
quod
non a-
mittat
invitus.

CAPUT
IV.
Homo
quid.

6. **QUÆRAMUS** igitur, quid sit homine melius. Quod profecto invenire difficile est, nisi prius considerato atque discusso, quid sit ipse homo. Nec nunc definitionem hominis a me postulandam puto. Illud est magis quod mihi hoc loco quærendum videtur, cum inter omnes pene constet, aut certe id quod satis est, inter me atque illos cum quibus nunc agitur hoc conveniat, ex anima & corpore nos esse compositos, quid est ipse homo, utrumque horum quæ nominavi, an corpus tantummodo, an tantummodo anima? Quamquam enim duo sint, anima & corpus, & neutrum vocaretur homo, si non esset alterum (nam neque corpus homo esset si anima non esset, nec rursus anima homo, si ea corpus non animaretur) fieri tamen potest, ut unum horum & habeatur homo, & vocetur. Quid ergo hominem dicimus? animam & corpus tamquam bigas vel centaurum; an corpus tantum, quod sit in usu animæ se regentis, tamquam lucernam, non

ignem simul & testam, sed testam solam, tamen propter ignem appellamus: an nihil aliud hominem quam animam dicimus, sed propter corpus quod regit, veluti equitem non simul equum & hominem, sed hominem solum, ex eo tamen quod regendo equo sit accommodatus, vocamus? Difficile est istam controversiam dijudicare; aut si ratione facile, oratione longum est. quem laborem ac moram suscipere ac subire non opus est. Sive enim utrumque, sive anima sola nomen hominis teneat, non est hominis optimum quod optimum est corporis; sed quod aut corpori simul & animæ, aut soli animæ optimum est, id est, optimum hominis.

7. **CORPORIS** autem si quærimus quid optimum sit, id certa ratio cogit fateri, per quod fit ut sese corpus quam optime habeat. Nihil est autem omnium, quæ vegetant corpus, anima melius atque præstantius. Est ergo summum corporis bonum, non voluptas ejus, non indoloria, non vires, non pulcritudo, non velocitas, & si quid aliud in bonis corporis numerari solet, sed omnino anima. Nam & ista quæ commemorata sunt, præsentia sui exhibet corpori, & quod antecellit omnibus, vitam. Quamobrem non videtur mihi anima esse summum hominis bonum, sive animam simul & corpus, sive animam solam hominem dicimus. Ut enim corporis summum bonum id invenit ratio, quod est corpore melius, & quo ei vigor & vita præbetur: ita sive corpus & anima, sive anima ipsa per se homo sit, inveniendum est, si quid animam præcedit ipsam, quod cum anima sequitur, fit in suo genere quam potest optima. Quod si reperire potuerimus, id erit profecto quod ambagibus remotis omnibus, summum hominis bonum jure meritoque nominandum est.

CAPUT
V.
Homi-
nis opti-
mum nõ
quod so-
lius cor-
poris, sed
quod ani-
mæ opti-
mum est

8. Aut si corpus est homo, quin hominis optimum anima ipsa sit, recusare non possum. Sed certe cum de moribus agitur, cum quærimus quinam vitæ modus tenendus sit ut beatitudinem possimus adipisci, non corporis præcepta dantur, non corporis investiganda est disciplina. Postremo bonos mores ea nostra pars actura est, quæ inquit, & discit; & hæc animæ sunt propria: non igitur de corpore, cum de virtute obtinenda satagimus, quæstio est. Quod si est consequens, sicuti est, ut ipsum corpus cum ab anima regitur, quæ virtutis compos est, multo & melius regatur & honestius, eoque optime sese habeat, quo est optima illa, quæ sibi iusta lege dominatur, id erit hominis optimum quod animam optimam facit, etiam si hominem corpus vocemus. An vero si mihi auriga obtemperans, equos quibus præest alit ac regit commodissime, atque ipse quo mihi est obedientior, mea liberalitate perfruitur, negare quisquam potest non solum quod auriga, verum etiam quod equi sese optime habent, mihi deberi? Itaque sive tantum corpus, sive tantum anima, sive utrumque homo sit, non mihi maxime quærendum videtur, nisi quid animam faciat optimam: nam eo percepto, non potest homo non aut optime, aut certe multo melius sese habere, quam si hoc unum defuisset.

9. **NEMO** autem dubitaverit, quin virtus animam faciat optimam. Sed rectissime quæri potest, utrum ista virtus etiam per sese, an nisi in anima esse non possit. Oboritur iterum altissima & longissimi sermonis indigens quæstio: sed hoc bene utar fortasse compendio; spero Deum adfuturum, ut quantum imbecillitas nostra patitur, de tantis rebus non modo dilucide, sed etiam breviter doceamus. Quodlibet enim eorum sit, sive etiam per sese esse possit virtus sine anima, sive nisi animæ inesse non possit, procul du-

CAPUT
VI.
Virtus
animam
optimam
efficit,
virtutem
anima
compara-
rat se-
quendo
Deum,
Dei au-
tem cõ-
secutio
vita bea-
ta.

dubio aliquid anima sequitur ut virtutem assequatur: id erit aut ipsa anima, aut virtus, aut aliquid tertium. At si se ipsam sequitur ut virtutem adipiscatur, stultum nescio quid sequitur: stulta est enim ante adeptam virtutem. Summa sunt autem vota sequentium, ut id quod quisque sequitur assequatur. Aut igitur optabit non assequi quod sequitur anima, quo nihil absurdius & perversius dici potest; aut cum se sequitur stulta, eandem stultitiam quam vitat assequitur. Si autem virtutem sequitur, hanc assequi cupiens, quomodo sequitur id quod non est, aut quomodo assequi cupit quod habet? Aut igitur virtus est præter animam; aut si non placet vocare virtutem nisi habitum ipsum & quasi sapientis animæ qualitatem, quæ nisi in anima esse non potest, oportet ut aliquid aliud sequatur anima, ut ei virtus possit innasce: quia neque nihil sequendo, neque stultitiam sequendo potest, quantum ratio mea fert, ad sapientiam pervenire.

10. Hoc igitur aliud, quod sequendo anima virtutis atque sapientiæ compos fit, aut homo sapiens est, aut Deus. Sed supra dictum est, tale quiddam esse debere, quod inviti amittere nequeamus. Quis vero cunctandum putet, hominem sapientem, si eum sequi satis putaverimus, auferri nobis non modo recusantibus, sed etiam repugnantibus posse? Deus igitur restat, quem si sequimur, bene: si assequimur, non tantum bene, sed etiam beate vivimus. Quem si qui esse negant, quid ego cogitem quo illis sermone suadendum sit, cum quibus utrum omnino sermocinandum sit, nescio? Quod tamen si videbitur, longe aliud principium, alia ratio, alius ingressus ineundus est, quam in præsentiarum suscepimus. Nunc itaque cum illis mihi res est, qui Deum esse non negant: neque id tantum, sed etiam non ab eo negliges humanas fatentur. Nullum enim arbitror aliquo religionis nomine teneri, qui non saltem animis nostris divina providentia consuli existimet.

CAPUT
VII.
Deus
aucto-
ritate
Scriptu-
rarum
vesti-
gandus.

11. SED quo pacto sequimur quem non videmus; aut quomodo videmus, qui non solum homines, sed etiam insipientes homines sumus? Quamquam enim non oculis, sed mente cernatur, quæ tandem mens idonea reperiri potest, quæ cum stultitiæ nube obtegatur, valeat illam lucem vel etiam conetur haurire? Confugiendum est igitur ad eorum præcepta, quos sapientes fuisse probabile est. Hactenus potuit ratio perducere. Versabatur namque, non veritate certior, sed consuetudine securior, in rebus humanis. At ubi ad divina perventum est, avertit sese, intueri non potest, palpitat, æstuat, inhiat amore, reverberatur luce veritatis, & ad familiaritatem tenebrarum suarum, non electione, sed fatigatione convertitur. Quam hic formidandum est, quam tremendum, ne maiorem inde concipiat animæ imbecillitatem, ubi quietem fessa conquirat. Ergo refugere in tenebrosa cupientibus per dispensationem ineffabilis Sapientiæ, nobis illa opacitas auctoritatis occurrat, & mirabilibus rerum, vocibusque librorum veluti signis temperationibus veritatis umbrisque blandiatur.

Deo-
nomia
divina
erga no-
stram sa-
lutem
ratio &
præcipua
mysteria.

Summa
fidei.

12. Quid potuit pro salute nostra fieri amplius? Quid beneficentius, quid liberalius divina providentia dici potest, quæ a legibus suis hominem lapsus, & propter cupiditatem rerum mortalium jure ac merito mortalem sobolem propagantem, non omnino deseruit? Habet enim potestas illa iustissima, miris & incomprehensibilibus modis, per quasdam secretissimas successiones rerum sibi servientium quas creavit, & severitatem vindicandi, & clementiam liberandi. Quod quidem quam sit pulcrum, quam magnum, quam Deo dignum,

A quam postremo id quod quæritur verum, nequaquam intelligere poterimus, nisi ab humanis & proximis incipientes, veræ religionis fide præceptisque servatis, non deseruerimus viam quam nobis Deus, & Patriarcharum segregatione, & legis vinculo, & Prophetarum præfatio, & suscepti Hominis sacramento, & Apostolorum testimonio, & Martyrum sanguine, & Gentium occupatione munivit. Quare deinceps nemo ex me quærat sententiam meam, sed potius audiamus oracula, nostrasque ratiunculas divinis submittamus affatibus.

B 13. VIDEAMUS quemadmodum ipse Dominus in Evangelio nobis præceperit esse vivendum: quomodo etiam Paulus apostolus: has enim scripturas illi condemnare non audent. Audiamus ergo quem finem bonorum nobis Christus præscribas; nec dubium est quin is erit finis, quo nos summo amore tendere jubet: *Diliges, inquit, Dominum Deum tuum*. Dic mihi etiam quæso te, qui sit diligendi modus: vereor enim ne plus minusve quam oportet, inflammet desiderio & amore Domini mei. *Ex toto*, inquit, *corde tuo*. Non est satis. *Ex tota anima tua*. Ne id quidem satis est. *Ex tota mente tua*. Quid vis amplius? Vellem fortasse, si viderem quid posset esse amplius. Quid ad hæc Paulus? *Scimus*, inquit, *quoniam diligentibus Deum omnia procedunt in bonum*. Dicat etiam ipse dilectionis modum. *Quis ergo*, inquit, *nos separabit a caritate Christi? Tribulatio, an angustia, an persecutio, an fames, an nuditas, an periculum, an gladius?* Audivimus quid diligere, & quantum diligere debeamus: eo est omnino tendendum, ad id omnia consilia nostra referenda. Bonorum summa, Deus nobis est. Deus est nobis summum bonum. Neque infra remanendum nobis est, neque ultra quærendum; alterum enim periculosum, alterum nullum est.

D 14. AGE nunc investigemus, vel potius adtendamus, præsto enim est & facillime videtur, utrum his sententiis ex Evangelio atque Apostolo prolatis, etiam Testamenti veteris auctoritas congruat. Quid dicam de superiore sententia, cum manifestum sit omnibus, eam de lege, quæ per Moysen data est, esse depromptam? E ibi enim scriptum est, *Diliges Dominum Deum tuum, ex toto corde tuo, & ex tota anima tua, & ex tota mente tua*. Quid autem illi quod ab Apostolo dictum est, comparare de veteri Testamento possim, ne diutius quærerem ipse subiecit. Cum enim dixisset nulla tribulatione, nulla angustia, nulla persecutione, nulla necessitate inopiæ corporalis, nullo periculo, nullo gladio nos a caritate Christi separari; statim subjunxit: *Sicut scriptum est, Quia propter te afficimur tota die, æstimati sumus ut oves occisionis*. Hæc illi solent a corruptoribus Scripturarum immissa esse dicere, usque adeo nihil habent quod contradicant, ut hæc miseri respondere cogantur. Sed quis non intelligat convictorum hominum aliam non esse potuisse ultimam vocem?

F 15. A quibus tamen quæro, utrum istam sententiam in veteri Testamento esse negent, an non congruere sententiæ apostolicæ affirmant? At illud primum libris docebo: in hoc autem altero tergiversantes homines, & per abrupta fugientes, aut in pacem revocabo, si voluerint respicere aliquantum, & considerare quid dictum sit; aut eos intelligentia ceterorum, qui sine cupiditate judicant, insectabor. Quid enim potest amicis quam istæ sibi consonare sententiæ? Nam tribulatio, angustia, persecutio, fames, nuditas, periculum, hominem in hac vita constitu-

CAPUT
VIII.
Deus
sum-
mum
bonum,
quo
summo
amore
tendere
jube-
mur.
Mat. 22.
37.

Rom. 8.
28.
Pro
συνεπ-
γει.
legisse
videtur
συνεπ-
γει.

CAPUT
IX.
Concen-
tus vete-
ris &
novi Te-
stamenti
de præ-
ceptis
caritatis
Deut. 6.5

Rom. 8.
38.

Psal. 43.
22.
1. Re-
tr. c. 7.
n. 2.

tum graviter afficiunt. Hæc itaque omnia verba illo uno concluduntur testimonio veteris Legis, quo dictum est, *Propter te afficimur*. Gladius restabat, qui non ærumnosam vitam affert, sed quam invenerit admittit. Huic ergo respondet, *Æstimati sumus ut oves occisionis*. Caritas vero ipsam non potuit significari expressius, quam quo dictum est, *Propter te*. Fac ergo non in Paulo Apostolo compertum istud testimonium, sed a me esse prolatum. Numquidnam tibi demonstrandum est hæretice, nisi aut scriptum in vetere Legge non esse, aut Apostolo non convenire? Quorum si nihil dicere audes (urgeri enim cum & codex legitur, quo planum sit scriptum esse, & homines intelligunt ad id quod Apostolus dixit, nihil posse aptius convenire) cur ergo valere aliquid putas, quod Scripturas corruptas esse insimulare audes? Postremo quid responsurus es, qui tibi dicat. Ego sic intelligo, Ego sic accipio, sic credo; nec o b aliud lego illos libros, nisi quod ibi omnia Christianæ fidei concinere video. Illud potius dic, si audes, & adversus medicere cogitas, non esse credendum quod Apostoli & Martyres propter Christum affecti gravibus ærumnis dicuntur, quod a persecutoribus ut oves occisionis æstimati sunt. Quod si non potes dicere, quid calumniaris in quo libro a inveniam, quod me oportere credere confiteris?

CAPUT
X.
De Deo
quid do-
ceat Ec-
clesia.

Duo dii
Mani-
cheorū.

16. AN illud dicis, concedere te quidem, Deum esse diligendum, sed non illum Deum quem colunt ii, qui Testamenti veteris auctoritatem recipiunt? Non ergo illum Deum colendum esse dicitis, qui fecit cælum & terram. Iste namque per omnes partes illorum voluminum prædicatur: vos autem fatemini universum istum mundum, qui nomine cæli & terræ significatur, habere auctorem & fabricatorem Deum, & Deum bonum. Cum exceptione quippe vobiscum loquendum est, quando Deus nominatur. Duos enim deos, unum bonum, alterum malum esse perhibetis. Quod si dicitis colere vos & colendum arbitrari Deum, a quo factus est mundus, non tamen eum esse quem veteris Testamenti commendat auctoritas; impudenter facitis, qui alienum animum atque sententiam quam bene atque utiliter acceperimus, male interpretari conamini: frustra omnino. Neque enim vestræ stultæ atque impiæ disputationes ullo modo cum piorum doctissimorumque hominum sermonibus, per quos in Ecclesia catholica Scripturæ ille volentibus dignisque aperiuntur, comparari queunt. Longe prorsus aliter quam putatis Lex & Prophetæ intelliguntur a nobis. Desinite errare, non colimus poenitentem Deum, non invidum, non indigum, non crudelem, non quærentem de hominum vel pecorum sanguine voluptatem, non cui flagitia & scelera placeant, non possessionem suam terræ quadam particula terminantem. In has enim atque huiusmodi nugas graviter copioseque invehi soletis. Quare nos in vectio vestra non tangit; sed aniles quasdam, vel etiam pueriles opiniones, eo ineptiore, quo vehementiore oratione pervellitis. Quia quisquis movetur & ad vos transit, non Ecclesiæ nostræ damnat disciplinam, sed eam se ignorare demonstrat.

17. Quamobrem si quid humani corde geritis, si curæ vobis vosmetipsi estis, quærite potius diligenter

A & pie quomodo illa dicantur. Quærite miseri: nam talem fidem, qua Deo inconveniens aliquid creditur, nos vehementius & uberius accusamus: nam & in illis quæ dicta sunt, cum sic intelliguntur ut littera sonat, & simplicitatem corrigimus, & pertinaciam deridemus. Et alia multa, quæ vos intelligere non potestis, vetat eos credere catholica disciplina, qui non annis, sed studio atque intellectu excedentes quamdam mentis pueritiam, incanos sapientiæ promoventur. Nam & credere Deum loco aliquo quamvis infinito, per quantitatis quæcumque spatia contineri, quam sit stultum docetur: & de loco in locum, vel ipsum, vel aliquam ejus partem moveri atque transire, arbitrari nefas habetur. Jam vero aliquid ejus substantiæ atque naturæ commutationem vel conversionem quolibet modo pati posse si quis opinetur, miræ dementiæ impietatisque damnabitur: ita fit ut apud nos inveniantur pueri quidam, qui humana forma Deum cogitent, atque ita se habere suspicentur; qua opinione nihil est abjectius: sed inveniantur item multi senes, qui ejus majestatem, non solum super humanum corpus, sed etiam super ipsam mentem manere inviolabilem atque incommutabilem, eadem ipsa mente conspiciant. Quas ætates, non tempore, sed virtute atque prudentia discernendas esse jam dictum est. Apud vos autem nemo quidem reperitur qui Dei substantiam humani corporisfiguratione describat: sed rursus nemo qui b ab humani erroris labe sejungat. Itaque illi quos quasi vagientes Ecclesiæ catholicæ ubera sustentant, si ab hæreticis non fuerint c deprædati, pro suo quisque captu viribusque nutriuntur, perducunturque alius sic, alius autem sic, primum in virum perfectum, deinde ad maturitatem canitiemque sapientiæ perveniunt, ut eis quantum volunt, vivere ac beatissime vivere liceat.

18. SECUTIO igitur Dei, beatitatis appetitus est: consecutio autem, ipsa beatitas. At eum sequimur diligendo, consequimur vero, non cum hoc omnino efficimur quod est ipse, sed ei proximi, eumque mirifico & intelligibili modo contingentes, ejusque veritate & sanctitate penitus illustrati atque comprehensi. Ille namque ipsum lumen est, nobis autem ab eodem illuminari licet. Maximum ergo quod ad beatam vitam ducit, primumque mandatum est, *Diliges Dominum Deum tuum ex toto corde tuo & anima & mente. Diligentibus enim Deum, omnia procedunt in bonum*. Quamobrem paulo post idem Paulus, *Certus sum*, inquit, *quod neque mors, neque vita, neque Angeli, neque virtus, neque instantia, neque futura, neque altitudo, neque profundum, neque creatura alia poterit nos separare a caritate Dei, quæ est in Christo Jesu Domino nostro*. Si igitur diligentibus Deum omnia procedunt in bonum; & summum bonum, quod etiam optimum dicitur, non modo diligendum esse nemo ambigit, sed ita diligendum ut nihil amplius diligere debeamus; idque significatur & exprimitur quod dictum est, *Ex tota anima, & ex toto corde, & ex tota mente*: quis quæso dubitaverit, his omnibus constitutis, & firmissime creditis, nihil nobis aliud esse optimum, ad quod adipiscendum postpositis ceteris festinare oporteat, quam Deum? Item si nullares ab ejus caritate nos separat, quid esse non solum melius, sed etiam certius hoc bono potest?

19. Sed

a MSS. plures, in quo libro credam. & nonnulli, in quo libro scriptum credam.

b Lov. qui se ab humani erroris labe sejungat. At abest, se, a MSS. & a ceteris editionibus, debetque abesse: quia ibi Manichæis exprobrat Augustinus quod Deum ab humani quidem corporis configuratione li-

berum esse velint, non tamen ab humani erroris labe: quippe cum animam humanam, quæ utique errori obnoxia est, partem ipsius Dei esse dogmatizent: quod argumentum urget in lib. 2. de Genesi cont. Manich. c. 8. n. II.

c Vaticanus codex habet, depravati.

CAPUT
XI.
Deus u-
nice di-
ligen-
dus, ide-
oque
sum-
mum
hominis
bonum.

Deut. 6.5
Matt. 22

37.
Rom. 8.
28.

Rom. 8.
38.39.

Deo ni
melius
Deum
nemo
amittit
invitus,
quæ sunt
duæ con-
ditiones
summi
boni, su-
pra c. 3.

19. Sed singula breviter adtendamus. Nemo nos a quo inde separat, minando mortem. Idipsum enim a quo diligimus Deum, mori non potest, nisi dum non diligit Deum: cum MORS ipsa sit non diligere Deum, quod nihil est aliud quam ei quidquam in diligendo atque sequendo præponere. Nemo inde separat pollicendo vitam: nemo enim ab ipso fonte separat, pollicendo aquam. Non separat angelus: non enim est angelus, cum inhæremus Deo, nostra mente potentior. Non separat Virtus: nam si Virtus hic illa nominata est, quæ aliquam potestatem in hoc mundo habet, toto mundo est omnino sublimior mens inhærens Deo. Sin virtus illa dicta est, quæ ipsius animi nostri rectissima affectio est: si in alio est, favet ut jungamur Deo; si in nobis est, ipsa conjungit. Non separant instantes molestiæ: hoc enim leviores eas sentimus, quo ei unde nos separare moliuntur, artius inhæremus. Non separat promissio futurorum: nam & quidquid boni futurum est, certius promittit Deus; & nihil est ipso Deo melius, qui jam profecto bene sibi inhærentibus præsens est. Non separat altitudo neque profundum: etenim si hæc verba scientiæ forte altitudinem vel profundum significant, non ero curiosus, ne sejungar a Deo, nec cujusquam doctrina me ab eo separat, ut quasi depellat errorem, a quo nemo prorsus nisi separatus erraret. Si vero altitudine & profundo superna & inferna hujus mundi significantur, quis mihi cælum polliceatur, ut a cæli fabricatore sejungar? Aut quis terreat infernus, ut Deum deferam, quem si numquam deseruisssem, inferna nescirem? Postremo quis me locus ab ejus caritate divellet, qui non ubique totus esset, si ullo contineretur loco?

CAPUT
XII.
Caritate
Deo cō-
necti-
mur;
dum illi
subjici-
mur.

Non, inquit, separat alia creatura. O altissimorum mysteriorum virum! Non fuit contentus dicere, *creatura*; sed, *alia*, inquit, *creatura*, admonens etiam idipsum quo diligimus Deum, & quo inhæremus Deo, id est, animum atque mentem creaturam esse. Alia ergo creatura corpus est: & si animus res quædam est intelligibilis, id est, quæ tantum intelligendo innotescit, alia creatura est omne sensibile, id est, quod per oculos, vel aures, vel olfactum vel gustum, vel tactum, quasi quamdam notitiam sui præbet: atque id deterius sit necesse est, quam quod intelligentia sola capitur. Ergo cum etiam Deus dignis animis notus non nisi per intelligentiam possit esse, cum tamen sit ipsa qua intelligitur mente præstantior, quippe qui creator ejus atque auctor est, verendum erat ne animus humanus, eo quod inter invisibilia & intelligibilia numeratur, ejusdem se naturæ arbitraretur esse, cujus est ipse qui creavit; & sic ab eo superbia decideret, cui caritate jungendus est. Fit enim Deo similis quantum datum est, dum illustrandum illi atque illuminandum se subicit. Et si maxime ei propinquat subiectione ista qua similis fit, longe ab eo fiat necesse est audacia qua vult esse similior. Ipsa est b qua legibus Dei obtemperare detrectat, dum suæ potestatis esse cupit ut Deus est.

21. Quanto ergo magis longe discedit a Deo, non loco, sed affectione atque cupiditate ad inferiora quam est ipse, tanto magis stultitia miseriaque completur. Dilectione igitur redit in Deum, qua se illi non componere; sed supponere affectat. Quod quanto fecerit instantius ac studiosius, tanto erit beatior atque sublimior, & illo solo dominante liberrimus. Quamobrem

A nosse debet se esse creaturam. Debet enim creatorem suum credere sicuti est, inviolabili & incommutabili semper manere natura veritatis atque sapientiæ: in se autem cadere posse stultitiam atque fallaciam, vel propter errores quibus exui desiderat, confiteri. Sed rursus cavere debet, ne ab ipsius Dei caritate, qua sanctificatur ut beatissimus maneat, alterius creaturæ, id est, hujus sensibilis mundi amore separetur. Non igitur separat nos alia creatura, si quidem & nos ipsi creatura sumus, a caritate Dei, quæ est in Christo Jesu Domino nostro.

B 22. DICAT nobis idem Paulus, quis iste sit Christus Jesus Dominus noster: *Vocatis*, inquit, *prædicamus Christum Dei Virtutem & Dei Sapientiam*. Quid, ipse Christus nonne inquit, *Ego sum Veritas*? Si ergo quærimus quid sit bene vivere, id est, ad beatitudinem bene vivendo tendere, id erit profecto amare Virtutem, amare Sapientiam, amare Veritatem, & amare ex toto corde, & ex tota anima, & ex tota mente; Virtutem quæ inviolabilis & invicta est, Sapientiam cui stultitia non succedit, Veritatem quæ converti atque aliter quam semper est sese habere non novit. Per hanc ipse cernitur Pater; dictum est enim: *Nemo venit ad Patrem, nisi per me*. Huic hæremus per sanctificationem. Sanctificati enim plena & integra caritate flagramus, qua sola efficitur ut a Deo non avertamur, eique potius quam huic mundo conformemur. *Prædestinavit enim*, ut ait idem Apostolus, *conformes nos fieri imaginis Filii ejus*.

CAPUT
XIII.
Per Christum & ejus Spiritum jungimur inseparabiliter Deo.
1. Cor. 1. 24.
Jo. 14. 6.

Jo. 14. 6

Rom. 8. 29.

D 23. Fit ergo per caritatem ut conformemur Deo, & ex eo conformati atque configurati, & circumcisi ab hoc mundo, non confundamur cum iis, quæ nobis debent esse subjecta. Fit autem hoc per Spiritum sanctum. *Spes enim*, inquit, *non confundit; quoniam caritas Dei diffusa est in cordibus nostris, per Spiritum sanctum qui datus est nobis*. Nullo modo autem reintegrari possemus per Spiritum sanctum, nisi & ipse semper & integer & incommutabilis permaneret. Quod profecto non posset, nisi Dei naturæ esset ac ipsius substantiæ, cui soli incommutabilitas atque ut ita dicam, invertibilitas semper est. *Creatura enim* neque hoc ego, sed idem Paulus clamat, *vanitati subjecta est*. Neque nos potest a vanitate separare, veritati que connectere, quod subjectum est vanitati. Et hoc nobis Spiritus sanctus præstat: creatura igitur non est. Quia omne quod est, aut Deus, aut creatura est.

Rom. 5. 5.

Rom. 8. 20.

E 24. c DEUM ergo diligere debemus trinam quamdam unitatem, Patrem & Filium & Spiritum sanctum, quod nihil aliud dicam esse, nisi idipsum esse. Est enim vere summeque Deus, ex quo omnia, per quem omnia, in quo omnia: hæc verba Pauli sunt. Quid deinde subicit? *Ipsi gloria*. Sincerissime omnino. Neque enim ait, ipsis: nam unus est Deus. Quid est autem, *ipsi gloria*, nisi ipsi optima & summa & late patens fama? Quanto enim melius atque diffusius diffamatur, tanto diligitur & amatur ardentius. Quod cum fit, nihil aliud ab humano genere quam certo & constanti gradu in optimam vitam & beatissimam pergitur. Non arbitror cum de moribus & vita fit quæstio, amplius esse requirendum, quod sit hominis summum bonum, quo referenda sunt omnia. Id enim esse patuit, & ratione quantum valuimus, & ea quæ nostræ rationi antecellit auctoritate divina, nihil aliud quam ipsum Deum. Nam quid erit

CAPUT
XIV.
Trinitati summo bono dilectione hæremus.
Rom. 11. 36.

a Bad. Er. Lov. & aliquot MSS. *idipsum enim quod diligimus* &c. Sed verius editio Arn. & MSS. *idipsum enim quo*, scilicet animus, ut liquet ex hujus locutionis interpretatione in cap. seq.

b Er. Lov. & Arn. *Ipsa est quæ*. At MSS. & Bad. habent, *qua*, &

melius: explicatur nimirum quæ illa sit audacia, qua vult animus esse Dei similior.

c Lov. & Arn. *Dum ergo*. restituimus, *Deum ergo*. ex MSS. & aliis editionibus.

erit aliud optimum hominis, nisi cui inhærere est beatissimum? Id autem est solus Deus, cui hærere certe non valemus, nisi dilectione, amore, caritate.

CAPUT

XV.

Quatuor virtutes definit Christiana.

a

25. QUOD si virtus ad beatam vitam nos ducit, Nihil omnino esse VIRTUTEM affirmaverim, nisi summum amorem Dei. Namque illud quod quadripartita dicitur virtus, ex ipsius amoris vario quodam affectu, quantum intelligo, dicitur. Itaque illas quatuor virtutes, quarum utinam ita sit a in mentibus vis, ut nomina in ore sunt omnium, sic etiam definire non dubitem, ut TEMPERANTIA sit amor integrum se præbense i quod amatur: FORTITUDO, amor facile tolerans omnia propter quod amatur: JUSTITIA, amor soli amato serviens, & propterea recte dominans: PRUDENTIA, amor ea quibus adjuvatur ab eis quibus impeditur, sagaciter seligens. Sed hunc amorem non cuiuslibet, sed Dei esse diximus, id est, summi boni, summæ sapientiæ summæque concordia. Quare definire etiam sic licet, ut temperantiam dicamus esse, amorem Deo sese integrum incorruptumque servantem: fortitudinem, amorem omnia propter Deum facile perferentem: justitiam, amorem Deo tantum servantem, & ob hoc bene imperantem ceteris quæ homini subiecta sunt: prudentiam, amorem bene discernentem ea quibus adjuvetur in Deum, ab iis quibus impedi potest.

CAPUT

XVI.

Testamenti veteris & novi concensus.

1. Cor. 15

27.

Rom. 8.

35.

b

1. Cor. 72.

28.

Rom. 8.

28.

1. Cor. 1.

24.

1. Cor. 1.

3.

Sap. 8. 1.

26. HIS de singulis virtutibus quinam vivendi modus ducatur, paucis explicabo, si prius testimoniis novi Testamenti, quibus utor jam diu, de Veteri etiam paria, ut pollicitus sum, comparavero. Num enim Paulus tantum dicit, Deo nos esse debere b subiectos, ita ut in medio quod separet nihil sit? Nonne & Propheta commodissime hoc & brevissime significat, cum dicit, *Mibi autem adhærere Deo bonum est*? Nonne quod ibi latissime de caritate dictum est, hic uno verbo continetur quod ait, *inhærere*? Item quod addidit, *bonum est*, nonne ad illud respicit, quod ibi positum est, *Diligentibus Deum omnia procedunt in bonum*? ita ut una sententia duobusque verbis Propheta & vim & fructum caritatis ostendat.

27. Cumque ibi dictum sit, Dei Filium, Dei Virtutem esse atque Sapientiam: cumque virtus ad operationem, sapientia vero ad disciplinam pertinere intelligatur; (unde in Evangelio duo ipsa signantur, cum dicitur, *Omnia per ipsum facta sunt*, nam hoc operationis atque virtutis est: deinde quod ad disciplinam verique cognitionem adinet, *Et vita*, inquit, *erat lux hominum*:) potuitne quidquam magis concinere his testimoniis novi Testamenti, quam illud quod in Vetere dictum est de sapientia, *Adtingit autem a fine usque in finem fortiter, & disponit omnia suaviter*? Namque adtingere fortiter, magis virtutem significat; disponere autem suaviter, quasi artem ipsam atque rationem. Sed si hoc videtur obscurum, vide quæ sequuntur: *Et omnium*, inquit, *Dominus dilexit illam: doctrix est enim discipline Dei, & electrix operum illius*. Videtur hic nihil aliud de operatione dictum non enim hoc est eligere opera, quod operari: ergo hæc ad disciplinam pertinent: opus virtuti debetur, ut sit plena, quam volumus demonstrare, sententia. Lege igitur deinceps quod annexum est. *Quod si honesta est*, inquit, *possessio, quæ concupiscitur in vita, quid sapientia est honestius, quæ omnia*

Tom. I.

a Theodericensis codex, ita sit affectus in mentibus vestris. Arnulfensis, ita sit notitia in mentibus vestris. Cisterciensis demum habet, ita essent effectus in mentibus vestris.

b In excusis, subiectos. At in posterioribus MSS. Subiectos.

c Sic MSS. præstantiores, At editi habent, submissis & humi re-

A operatur? Potestne quidquam præclarius aut manifestius, aut vero etiam uberius proferri? Audi aliud, si parum putas, quod idem sonet: *Sobrietatem enim sapientia docet*, inquit, & *justitiam & virtutem*. Sobrietas mihi ad ipsam cognitionem veri videtur pertinere, id est ad disciplinam; justitia vero & virtus ad actionem atque ad operationem. Quibus duobus, id est, agendi efficacia, & sobrietate contemplandi, quæ Dei Virtus & Dei Sapientia, id est, Dei Filius dilectoribus suis donat, quid comparandum sit nescio, cum idem Propheta statim dicat quanti sint ista pendenda: nam ita positum est, *Sobrietatem enim sapientia docet, & justitiam, & virtutem, quibus utilius nihil est in vita hominibus*.

28. Hæc fortasse quispiam non de Filio Dei dicta esse arbitretur. Quid ergo aliud ostendit quod dictum est, *Generositatem magnificat, contubernium habens Dei*? An vero generositas solet significare aliud quam parentes? Contubernium vero nonne cum ipso Patre æqualitatem clamat atque asserit? Deinde cum Paulus dicat, Filium Dei esse Dei Sapientiam; & ipse Dominus; *Nemo novit Patrem, nisi unigenitus Filius*; quid potuit a Propheta congruentius dici, quam illud quod dictum est, *Et tecum sapientia quæ novit opera tua, quæ adfuit tunc cum orbem terrarum faceres, & sciebat quid placitum esset oculis tuis*? Quod autem Christus est veritas, quod idem ostenditur cum splendor Patris nuncupatur, non est enim quidquam in circuitu solis, nisi splendor ipse quem gignit? Quid ergo potuit apertius & clarius ex vetere Testamento huic sententiæ consonare, quam illud quod dictum est. *Veritas tua in circuitu tuo*? Postremo dicit ipsa Sapientia in Evangelio, *Nemo venit ad Patrem, nisi per me*: dicit Propheta, *Sensum tuum ergo quis scit, nisi tu dederis sapientiam*? Et paulo post, *Et quæ tibi placent, didicerunt homines, & per sapientiam sanati sunt*.

29. Dicit Paulus, *Caritas Dei diffusa est in cordibus nostris per Spiritum sanctum qui datus est nobis*: Dicit Propheta, *Sanctus enim Spiritus discipline effugiet dolum*. Ubi enim dolus, caritas nulla est. Dicit Paulus, *Conformes fieri nos imaginis Filii Dei*: dicit Propheta, *Signatum est super nos lumen vultus tui Domine*. Ostendit Paulus, Deum esse Spiritum sanctum, & ideo non esse creaturam: dicit Propheta, *Et miseris Spiritum sanctum de altissimis*. Solus enim Deus altissimus, quoniam hile est altius. Ostendit Paulus, Trinitatem istam unum Deum esse, cum dicit, *Ipsi gloria*: dicitur in veteri Testamento, *Audi Israel, Dominus Deus tuus, Deus unus est*.

30. QUID vultis amplius? Quid imperite atque impie sevitis? Quid indoctas animas noxia suasionem pervertitis? Utriusque Testamenti Deus unus est. Nam ut ista sibi congruunt, quæ de utroque posuimus; ita etiam cætera, si diligenter & æquo iudicio velitis attendere. Sed quia multa dicuntur c submissius, & humi repentibus animis accommodatius, ut per humana in divina confurgant; multa etiam figurate, ut studiosa mens & quæ sitis exerceatur utilius, & uberius lætetur inventis, vos mirifica dispositione Spiritus sancti, ad decipiendos vestros auditores & illaqueandos abutimini. Quod ipsum cur divina providentia vos facere sinat, quamque verissime Apostolus dixerit, *Oportet d multas hæreses esse, ut probati manifesti fiant inter vos, & longum est*

G g

dispu-

pentibus animis, ut accommodatius, per &c.

d Codex Vaticanus & Cisterciensis omittunt, multas, quam vocem habent alii plerique tum scripti tum excusi, jaurique observavimus reperiri apud MSS. in eadem Apostoli sententia relata lib. 1. de Genesi cont. Manich. c. 1.

1. Re-traff. cap. 7. n. 3.

Sap. 8. 3.

1. Cor. 1. 24.

Mat. 11. 27.

Sap. 9. 9.

Heb. 1. 3.

Ps. 83. 9.

Jo. 14. 6.

Cap. 9. 17

Rom. 5. 5

Sap. 1. 5.

Rom. 8.

29.

Ps. 4. 7.

Sap. 9.

17.

Rom. 11.

36.

Deut. 6.

4.

CAPUT

XVII.

Apo-

throphe

ad Ma-

nichæos

ut resi-

piscant.

d

1. Cor.

11. 19.

disputare, & quod dicendum est vobis, Non est vestrum ista intelligere. Non parum mihi cogniti estis. Crassas omnino mentes & corporeorum simulacrorum pestifero pastu morbidas ad divina judicanda defertis, quæ multo altiora sunt quam putatis.

31. Quare vobiscum modo sic agendum est, non ut ea jam intelligatis, quod fieri non potest; sed ut intelligere aliquando cupiatis. Facit enim hoc simplex & pura caritas Dei, quæ maxime spectatur in moribus, de qua multa jam diximus: quæ inspirata Spiritu sancto perducit ad Filium, id est, ad Sapientiam Dei, per quam Pater ipse cognoscitur. **NAM SI SAPIENTIA & Veritas** non totis animi viribus concupiscatur, inveniri nullo pacto potest. At si ita quærat, ut dignum est, subtrahere sese atque abscondere a suis dilectoribus non potest. Hinc est illud, quod in ore habere etiam vos soletis, quod ait: *Petite, & accipietis: quærite, & invenietis: pulsate, & aperietur vobis: Nil est occultum, quod non revelabitur.* **AMORE PETITUR**, amore quæritur, amore pulsatur, amore revelatur, amore denique in eo quod revelatum fuerit permanetur. Ab hoc amore sapientiæ diligentiaque quærendi, non deterremur veteri Testamento, quod semper mendacissime dicitis, sed ad hæc vehementissime concitamus.

32. Audite itaque aliquando, & advertite quæso si ne pertinacia quid per Prophetam dicatur: *Clara est, inquit, & quæ numquam marcescat sapientia, & facile videtur ab iis qui diligunt illam, & invenitur ab iis qui quærunt illam: præoccupat qui se concupiscunt, ut illis se ostendat. Qui vigilaverit ad illam, non laborabit: assidentem enim illam inveniet foribus suis. Cogitare enim de illa, sensus est consummatus: & qui vigilaverit propter illam, cito erit securus: quia dignos se ipsa circuit quærens, & in viis ostendit se illis hilariter, & omni providentia occurrit illis. Initium enim illius verissimum disciplinæ concupiscentia est. Cura ergo disciplinæ dilectio est, & dilectio custoditio legum illius est. Custoditio autem legum, confirmatio incorruptionis est: incorruptio autem facit proximum Deo. Concupiscentia itaque sapientiæ deducit ad regnum.* Itane tandem adhuc adversum ista latrabit? Nonne ita posita & nondum intellecta, cuius significant altum se quiddam & ineffabile continere? O utinam possietis intelligere quæ dicta sunt! Confestim abjiceretis omnes ineptias fabellarum, & vanissimas imaginationes corporum, totosque vos magna alacritate, sincero amore, firmissima fide, sanctissimo Ecclesiæ catholicæ gremio conderetis.

33. **POTERAM** pro mea mediocritate discutere singula, & eruere ac demonstrare quæ accepi, in quorum excellentia & altitudine plerumque verba deficiunt: sed quamdiu latratis, non est faciendum. Non enim frustra dictum est, *Nolite sanctum dare canibus.* Ne succenseatis. Et ego latravi & canis fui, quando mecum jure non docendi cibo, sed a refellendi fustibus agebatur. Si autem in vobis esset caritas, de qua nunc agitur, vel etiam si fuerit aliquando, quantam cognoscendæ veritatis magnitudo desiderat, aderit Deus qui ostendat vobis neque apud Manichæos esse Christianam fidem, quæ ad summum apicem sapientiæ veritatisque perducit, qua perfrui, nihil est aliud nisi beate vivere, neque esse uspiam, nisi in catholica disciplina. Quid enim aliud videtur Apostolus Paulus optare, cum dicit, *Hujus rei gratia*

A *flecto genua mea ad Patrem Domini nostri Jesu Christi, a quo omnis paternitas in cælis & in terra nominatur, ut det vobis secundum divitias gloriæ suæ fortitudinem, corroborari per Spiritum in interiori homine, habitare Christum per fidem in cordibus vestris: ut in caritate radicati & fundati, possitis comprehendere cum omnibus sanctis, quæ sit altitudo, & longitudo, & latitudo, & profundum: cognoscere etiam supereminentem scientiæ caritatem Christi, ut impleamini in omnem plenitudinem Dei? Potestne quidquam dici manifestius.*

B 34. Obsecro vigilate paululum, videte Testamenti utriusque concordiam, qui sit in moribus vitæ modus, & quo sint referenda omnia, satis c aperientem & docentem. Amorem Dei concitant Evangelia, cum dicitur, *Petite, quærite, pulsate: concitat Paulus dicendo, Ut in caritate radicati & fundati, possitis comprehendere: concitat etiam Propheta, cum dicit, facile sapientiam ab iis qui eam diligunt, quærunt, concupiscunt, vigilant, cogitant, curant, posse cognosci.* Salus animi & via beatitudinis utrarumque Scripturarum pace monstratur, & vos latrare potius adversus hæc, quam his obtemperare diligitis. Brevi dicam quod sentio: Audite doctos Ecclesiæ catholicæ viros tanta pace animi, & eo voto quo vos ego audiui; nihil opus erit novem annis quibus me ludificastis. Longe omnino, longe brevius tempore, quid intersit inter veritatem vanitatemque cernetis.

35. **SED** tempus est ad illas virtutes quatuor reverti, & ex his singulis eruere ac ducere vivendi modum. Itaque prius temperantiam videamus, quæ nobis amoris illius quo innectimur Deo, integritatem quamdam & incorruptionem pollicetur. Munus enim ejus est in coercendis sedandisque cupiditatibus, quibus inhiamus in ea, quæ nos avertunt a legibus Dei & a fructu bonitatis ejus: quod est, ut brevi explicem, beata vita. Ibi enim est ^d sedes veritatis, cujus contemplatione perfruentes, eique penitus adhærentes, procul dubio beati sumus: inde autem decedentes, magnis erroribus doloribusque implicamur. Namque, ut ait Apostolus, *radix omnium malorum cupiditas, quam quidam sequentes, naufragaverunt a fide, & inseruerunt se doloribus multis.* Quod peccatum animæ in veteri Testamento satis aperte, bene intelligentibus, in ipsius hominis qui erat in paradiso prævaricatione signatur. *In Adam* quippe *omnes morimur*, ut ait idem, *& in Christo omnes resurgemus.* O alta mysteria! Sed reprimam me. Non enim modo suscepi docere vos recta, sed dedocere prava, si potero, id est, si Deus annuerit proposito in vos meo.

36. Dicit ergo Paulus, radicem omnium malorum esse cupiditatem, per quam etiam Lex vetus primum hominem lapsum esse significat. Monet Paulus ut exuamus nos veterem hominem, & induamus novum. Vult autem intelligi Adam qui peccavit, veterem hominem; illum autem quem suscepit in sacramento Dei Filius ad nos liberandos, novum. Dicit namque alio loco, *Primus homo de terra terrenus, secundus homo de cælo cælestis. Qualis terrenus, tales & terreni; qualis cælestis, tales & cælestes. Sicut portavimus imaginem terreni, portemus & imaginem cælestis:* hoc est, exuite veterem, & induite novum. Omne igitur officium temperantiæ, est exuere veterem hominem, & in Deo renovari, id est, contemnere omnes corporeas illecebras, laudemque popularem, totumque

a MSS. quinque, repellendi fustibus.

b Sic plerique MSS. At editi habent, *supereminentem scientiam caritatis Christi.* Paulo post MSS. duo, *in omnem plenitudinem Dei.*

c Editi satis aperiente & docente amore Dei. Concitant &c. At MSS. tredecim præferunt nostram lectionem, quamvis ex iis plerique sub

alia vorum interpunctione.

d Bad. Am. Er. & Lov. nec non plerique MSS. habent *fides veri.* At Antonio Arn. magis probatur, quod in margine quarundam editionum habetur, *sedes veri.* cui adstipulantur MSS. quinque, in quibus legitur *sedes veritatis.*

Matt. 7. 7
Eph. 3. 17

Augustinus novem annis Manichæus ab anno ætatis 19. ad 28 vide inf. lib. 2. c. 19. Et lib. 4. Confess. c. 1.

CAPUT XIX. Temperantiæ officia ex sacris litteris describit.

1. Tim. 6. 10.

1. Cor. 15. 22.

Col. 3. 9.

1. Cor. 15. 47.

que amorem ad invisibilia & divina conferre. Unde illud sequitur quod mirifice dictum est, *Si & exterior homo noster corrumpitur, sed interior renovatur de die in diem*. Audi & Prophetam canentem, *Cor mundum crea in me Deus, & spiritum rectum innova in visceribus meis*. Quid contra istam convenientiam dici, nisi a cæcis latratoribus potest?

37. ILLECEBRÆ autem corporis sitæ sunt in his omnibus, quæ corporeus sensus attingit, quæ a nonnullis etiam sensibilia nominantur: in quibus maxime lux ista vulgaris excellit, quia & in ipsis sensibus nostris, quibus anima per corpus utitur, nihil est oculis præferendum: & ideo in scripturis sanctis, visibilium nomine sensibilia cuncta a significantur. Itaque in novo Testamento sic ab istorum amore prohibemur: *Non respicientes*, inquit, *quæ videntur, sed quæ non videntur*. Quæ enim videntur, temporalia sunt: quæ autem non videntur, æterna. Ex quo intelligi potest, quam Christiani non sint * qui solem & lunam non modo diligendos, sed etiam colendos putant. Quid enim videmus, si solem & lunam non videmus? Vetiti autem sumus converti ad ea quæ videntur. Non sunt igitur etiam ista diligenda ei, qui amorem illum incorruptum Deo cogitat exhibere. Sed erit mihi alius locus, quo de istis diligentius requiretur. Non enim nunc de fide, sed de vita dicere institui, per quam meremur scire quod credimus. AMANDUS igitur solus Deus est: omnis vero iste mundus, id est, omnia sensibilia contemnenda: utendum autem his ad huius vitæ necessitatem.

38. GLORIA vero popularis sic in novo Testamento abjicitur atque contemnitur: *Si hominibus*, inquit, *placere vellem, Christi servus non essem*. Est item aliud quod de corporibus per imaginationes quasdam concipit anima, & eam vocat rerum scientiam. Quamobrem recte etiam curiosi esse prohibemur, quod magnum temperantiæ munus est. Hinc illud est: *Cavete ne quis vos seducat per philosophiam*. Et quia ipsum nomen philosophiæ si consideretur, rem magnam b totoque animo appetendam significat, si quidem philosophia est amor studiumque sapientiæ, cautissime Apostolus ne ab amore sapientiæ detertere videretur, subiecit, *& elementa huius mundi*. Sunt enim qui desertis virtutibus, & nescientes quid sit Deus, & quanta majestas semper eodem modo manentis naturæ, magnum aliquid se agere putant, si universam istam corporis molem, quam mundum nuncupamus, curiosissime intensissimeque perquirant. Unde tanta etiam superbia gignitur, ut in ipso cælo, de quo sæpe disputant, sibi met habitare videantur. Reprimat igitur se anima ab huiusmodi vanæ cognitionis cupiditate, si se castam Deo servare disposuit. Tali enim amore plerumque decipitur, ut aut nihil putet esse, nisi corpus; aut etiam si auctoritate commota, fateatur aliquid esse incorporeum, de illo tamen nisi per imagines corporeas cogitare non possit, & tale aliquid esse credere, quale fallax corporis sensus infligit. Ad hoc etiam valet quod præcipitur cavendum esse a simulacris.

39. Huic ergo auctoritati novi Testamenti, qua jubemur nihil mundi huius diligere, illa maxime sententia qua dictum est, *Nolite conformari huic mundo*: simul enim demonstrandum est ei rei quemque conformari.

Tom. I.

A mari quam diligit. Huic ergo auctoritati si de veteri Testamento quæram quid comparem, plura quidem invenio, sed unus Salomonis liber, Ecclesiastes qui dicitur, copiosissime in summum contemptum omnia ista perducit. Incipit enim sic: *Vanitas vanitatum, dixit Ecclesiastes, vanitas vanitatum, & omnia vanitas. Quæ abundantia homini in omni labore suo, quem ipse laborat sub sole?* Hæc verba omnia si adtendantur, si perpendantur, si discutiantur, multa inveniuntur perneccessaria iis qui hunc mundum fugere, & refugere in Deum desiderant: sed longum est, & alio festinat oratio. Tali tamen principio constituto, exsequitur omnia, vanitantes esse eos qui rebus huiusmodi falluntur. Idipsum autem quo falluntur vanitatem vocans, non quod Deus ista non creaverit, sed quia subijcere se homines volunt iis rebus per peccata, quæ illis per recte facta divina lege subjectæ sunt. Quid est enim aliud, falsis bonis illudi atque decipi, quam te ipso inferiora, miranda & appetenda arbitrari? HABET IGITUR VIR TEMPERANS in huiusmodi rebus mortalibus & fluentibus, VITÆ REGULAM utroque Testamento firmatam; ut eorum nihil diligat, nihil per se appetendum putet, sed ad vitæ huius atque officiorum necessitatem quantum sat est usurpet, utentis modestia, non amantis affectu. Hæc dicta sint de temperantia pro rerum magnitudine breviter; pro instituto tamen opere fortasse copiosius quam oportebat.

40. DE fortitudine vero non multa dicenda sunt. Amor namque ille de quo loquimur, quem tota sanctitate inflammatum esse oportet in Deum, in non appetendis istis temperans, in amittendis fortis vocatur. Sed inter omnia quæ in hac vita possidentur, corpus homini gravissimum vinculum est, iustissimis Dei legibus, propter antiquum peccatum, QUO NIHIL est ad prædicandum notius, nihil ad intelligendum secretius. Hoc ergo vinculum ne concutiat atque vexetur, laboris & doloris; ne auferatur atque perimatur, mortis terrore animam quatit. Amat enim illud vi consuetudinis, non intelligens, si eo bene atque scienter utatur, resurrectionem reformationemque ejus ope ac lege divina sine ulla molestia juri suo subditam fore: sed cum c se hoc amore tota in Deum converterit, his cognitis mortem non modo contemnet, verum etiam desiderabit.

41. Sed restat cum dolore magna conflictio. NIHIL est tamen tam durum atque ferreum, quod non amoris igne vincatur. Quo cum se anima rapiet in Deum, super omnem carnificinam libera & admiranda volitabit pennis pulcherrimis & integerrimis, quibus ad Dei amplexum amor castus innititur. Nisi vero amatores auri, amatores laudis, amatores feminarum, amatoribus suis Deus finet esse fortiores; cum ille non amor, sed congruentius cupiditas vel libido nominetur. In qua tamen apparet quantus sit impetus animi ad ea quæ diliguntur d indefesso cursu per immania quæque tendentis, argumentoque nobis est, quam sint omnia perferenda, ne deseramus Deum, si tanta illi ut deserant, perferunt.

42. QUID ergo hic novi Testamenti auctoritates colligam, ubi dictum est, *Tribulatio patientiam operatur, patientia probationem, probatio spem*, & non solum dictum, sed etiam exemplis eorum, qui dixerunt, probatum atque firmatum, de veteri potius Testamento, in quod illi rabide sæviunt, excitabo.

G g 2

exem-

a In MSS. octo, deputantur, in aliis tribus, damnantur.

b MSS. melioris notæ, totamque. Porro in aliis habetur ut in editis, totoque animo.

c MSS. tres. Sed cum hunc amorem totum in Deum converterit.

d MSS. quindecim, deflexo cursu.

Eccle. 1. 2.
I. Re-
tract. 1.
7. n. 3.

CAPUT
XXII.
Fortitu-
dinem
præstat
amor
Dei.

CAPUT
XXIII.
Fortitu-
dinis
monita
& exem-
pla ex
Scriptu-
ris.
Rom. 3.
34.

exemplum patientiæ. Neque illum memorabo virum, a quo in magnis cruciatibus corporis & horribili tabe membrorum, non modo sustinentur humana, sed divina etiam disputantur. In cuius singulis vocibus satis elucet, si quis æquo animo adtendat, quanti pendenda sint ista, quæ cum volunt homines per dominationem tenere, ab his ipsis potius per cupiditatem tenentur, & rerum mortalium servi fiunt, dum imperite domini esse desiderant. Amisit namque ille omnes divitias, & factus repente pauperrimus, tam inconcussam animam tenuit & infixum Deo, ut satis demonstraret, non illas sibi fuisse magnas, sed se illis, sibi autem Deum. Quo animo si esse possent nostri temporis homines, non magnopere in novo Testamento ab istorum possessione prohiberemur, ut perfecti esse possemus. **MULTO** enim mirabilius est, non inhærere istis quamvis possideas, quam omnino ea non possidere.

43. Sed quoniam de dolore atque cruciatibus corporis tolerandis nunc agitur, relinquo istum virum, licet magnum, licet invictum, virum tamen. Offerunt enim mihi Scripturæ illæ stupendæ fortitudinis feminam, & ad eam jam me transire compellunt. Quæ cum septem liberis tyranno atque carnifici prius viscera omnia, quam unum verbum sacrilegum impendit: cum ejus hortatione filii roborarentur, in quorum membris ipso torquebatur, latura tamen etiam proprio munere, quod eos ferre præceperat. Quid ad tantam patientiam, quæso, addi potest? Quid tamen mirum si omnibus medullis conceptus Dei amor, & tyranno, & carnifici, & dolori, & corpori, & sexui, & affectui resistebat? An non audierat, *Pretiosa in conspectu Domini mors sanctorum ejus*? Non audierat, *Melior vir patiens fortissimo*? Non audierat, *Omne quod tibi applicitum fuerit, accipe; & in dolore sustine; & in humilitate tua habe patientiam: quoniam in igne probatur aurum & argentum*: Non audierat, *Vasa figuli probat fornax; & homines justos tentatio tribulationis*; Immo vero & hæc & alia plura perceperat, quæ uno sancto Dei Spiritu, ut in istis novi Testamenti, sic in illis, qui soli adhuc erant, libris divina præcepta fortitudinis conscripta sunt.

44. **QUID** de justitia quæ ad Deum pertinet? Nonne cum & Dominus dicat, *Non potestis duobus dominis servire*, & Apostolus redarguat eos, qui creaturæ potius quam Creatori serviunt, in veteri Testamento prius dictum est, *Dominum Deum tuum adorabis, & illi soli servies*? Sed quid opus est hinc plura dicere, cum sententiis talibus ibi plena sint omnia? Hanc ergo justitia vitæ regulam dabit huic amatori, de quo sermo est, ut Deo quem diligit, id est, summo bono, summæ sapientiæ, summæ a paci libentissime serviat; ceteraque omnia partim subjecta sibi regat, partim subjicienda præsumat. Quæ norma vivendi, ut docuimus, utriusque Testamenti auctoritate roboratur.

45. Nec de prudentia diutius differendum est, ad quam dignoscentia pertinet appetendorum & vitandorum. Quæ si desit, nihil eorum de quibus jam dictum est, effici potest. Hujus autem, sunt excubiæ atque diligentissima vigilantia, ne subrepente paulatim mala suasionem fallamur: unde sæpe Dominus, *Vigilate*, clamat &, *Ambulate*, inquit, *dum lumen habetis, ne vos tenebræ comprehendant*. Itemque dicitur: *Nescitis quia modicum fermentum totam massam corrumpit*? Quid autem proferri manifestius de veteri Testamento contra istam dormitationem animi potest, per

quam fit ut non sentiamus quasi minutatim serpentem perniciem quam illud quod a Propheta dictum est, *Qui spernit modica, paulatim decidet*? De qua sententia si opportunum esset festinantibus, copiosissime disputarem: atque id si a nobis nunc susceptum munus flagitaret, fortasse demonstrarem, quam sint alta mysteria, quæ imperitissimi & sacrilegi homines deridendo, non illi quidem paulatim jam decidunt, sed magno lapsu præcipientes eunt.

46. **QUID** amplius de moribus disputem? Si enim Deus est summum hominis bonum, quod negare non potestis; sequitur profecto, quoniam summum bonum appetere, est bene vivere, ut nihil sit aliud bene vivere, quam toto corde, tota anima, tota mente Deum diligere: a quo existit, ut incorruptus in eo amor atque integer custodiatur, quod est temperantiæ; & nullis frangatur incommodis, quod est fortitudinis; nulli alii serviat, quod est justitiæ; vigilet in discernendis rebus, ne fallacia paulatim dolusve subrepat, quod est prudentiæ. Hæc est hominis una perfectio, qua sola imperat ut veritatis sinceritate perfruatur: hæc nobis Testamento utroque concinitur, hæc nobis hinc atque inde suadetur. Quid adhuc Scripturis, quas ignoratis, calumniamini? Nescitis quanta imperitia lacestatis libros, quos & soli reprehendunt, qui non intelligunt; & soli intelligere nequeunt, qui reprehendunt? Non enim eos aut ullus inimicus cognoscere finitur, aut esse nisi amicus cognitis potest.

47. Diligamus igitur Deum ex toto corde, ex tota anima, ex tota mente, quicumque ad vitam æternam pervenire proposuimus. Vita enim æterna est totum præmium, cuius promissione gaudemus: nec præmium potest præcedere merita, priusque homini dari quam dignus est. Quid enim hoc injustius, & quid justius Deo? Non ergo debemus poscere præmium ante quam mereamur accipere. Hic fortasse non incongrue quaeritur, æterna ipsa vita quid sit. Sed ejus largitorem potius audiamus. *Hæc est*, inquit, *vita æterna, ut cognoscant te verum Deum, & quem misisti Jesum Christum*. Æterna igitur vita est ipsa cognitio veritatis. Quamobrem videte quam sint perversi atque præposter, qui sese arbitrantur Dei cognitionem tradere, ut perfecti simus, cum perfectorum ipsa sit præmium. **QUID** ERGO agendum est, quid quæso, nisi ut eum ipsum quem cognoscere volumus, prius plena caritate diligamus? Unde illud exoritur, quod ab initio satagimus, **NIHIL** in Ecclesia catholica salubrius fieri, quam ut rationem præcedat auctoritas.

48. **SED** cetera videamus: videtur enim de homine ipso, id est, de amatore ipso nihil actum: sed parum dilucide qui hoc arbitratur intelligit. Non enim fieri potest, ut se ipsum, qui Deum diligit, non diligat: immo vero **SOLUS SE NOVIT** diligere, qui Deum diligit. Si quidem ille se satis diligit, qui sedulo agit, ut summo & vero perfruatur bono: quod si nihil est aliud quam Deus, sicut ea quæ dicta sunt docuerunt, quis cunctari potest, quin sese amet, qui amator est Dei? Quid, inter ipsos homines nullumne esse amoris vinculum debet? Immo vero ita debet, ut **NULLUS CERTIOR** gradus ad amorem Dei fieri posse credatur, quam hominis erga hominem caritas.

49. Promat nobis ergo alterum præceptum ipse Dominus, de vitæ præceptis interrogatus: non enim contentus fuit uno, qui sciret aliud Deum esse, aliud homi-

Eccli.
19. 1.
b

CAPUT
XXV.
Officia
quatuor
virtutum
circa Deum
cujus amoris
præmium
est æterna
vita & cognitio
veritatis.

Joan.
17. 3.

1. Petri 3.
cap. 7.
n. 4.

CAPUT
XXVI
Dilectio
sui &
proximi.

e MSS. quatuor, summæ potentiæ, At alii codices habent, pacis, qua voce, Spiritum-sanctum idemidem designat Augustinus, ut rur-

sum infra cap. 30.

b In MSS. aliquot habetur, disputare.

hominem : atque interesse tantum, quantum inter eum qui creavit, & id quod ad Creatoris similitudinem creatum est. Dicit ergo secundum præceptum esse, *Diliges proximum tuum tamquam te ipsum*. Te autem ipsum salubriter diligis, si plus quam te diligis Deum. Quod ergo agis tecum, id agendum cum proximo est, hoc est, ut ipse etiam perfecto amore diligat Deum. NON enim eum diligistamquam te ipsum, si non ad id bonum ad quod ipse tendis, ^a adducere satagis. ILLUD est enim unum bonum, quod omnibus tecum tendentibus non fit angustum. Ex hoc præcepto nascuntur officia societatis humanæ, in quibus non errare difficile est. Agendum autem in primis est, ut benevoli simus, id est, ut nulla malitia, nullo dolo malo adversus hominem utamur. Quid enim homini homine propinquius?

^{Tom. 13. 10.} 50. Accipe etiam quid Paulus dicat: *Dilectio*, inquit, *proximi malum non operatur*. Brevissimis utor testimoniis, sed, nisi fallor, idoneis, & quibus susceptæ rei satis fiat: nam quis ignorat quam multa, & quanti ponderis verba in illis libris de caritate proximi usquequaque diffusa sint? Sed cum duobus modis peccetur in homine, uno si lædatur, alio si cum potest non adjuvetur; eaque ipsa sint quibus mali homines esse dicantur, quorum neutrum, qui diligit, facit: satis, opinor, quod volumus demonstrat ista sententia, *dilectio proximi malum non operatur*. Et si ad bona pervenire non possumus, nisi mala operari destiterimus, ista sunt quasi CUNABULA CARITATIS DEI, quibus diligimus proximum: ut quoniam *dilectio proximi malum non operatur*, hinc ad illud adscendamus quod dictum est, *Scimus, quoniam diligentibus Deum omnia procedunt in bonum*.

^{Rom. 8. 28.} 51. Sed nescio quomodo aut pariter ista in plenitudinem perfectionemque consurgunt, aut inchoatur prius Dei amor, & prius perficitur proximi. Ad incipiendum enim citius nos fortasse in se divina caritas rapit, sed facilius minora perficimus. Quoquo modo autem res se habeat, illud maxime tenendum est, ne se quisquam credat, contempto proximo, ad beatitudinem & ad Deum quem diligit esse venturum. Atque utinam ut facile est bene instituto & benigno diligere proximum, ita facile esset vel consulere, vel nihil nocere. Non enim ad hæc satis est voluntas bona, sed opus est magna quadam ratione atque prudentia, qua nemo uti potest, nisi Deus ille fons omnium bonorum id tribuerit. De qua re, quantum arbitror, difficillima, tentabimus dicere pro suscepto opere pauca quædam, spem totam constituentes in eo, cujus solius ista dona sunt.

^{CAPUT XXVII. Beneficentia in corpus proximi.} 52. HOMO igitur ut homini apparet, anima rationalis est mortali atque terreno utens corpore. Partim ergo corpori, partim vero animæ hominis bene facit, qui proximum diligit. Ad corpus quod pertinet, medicina nominata est: ad animam autem, disciplina. Sed medicinam nunc voco, quidquid omnino corporis vel tuetur vel instaurat salutem. Ad hanc itaque pertinent, non ea tantum quæ ars eorum exhibet, qui proprie medici nominantur; sed etiam cibus & potus tegmen & tectum, defensio denique omnis atque munitio, qua nostrum corpus adversus etiam externos ictus casusque servatur: nam & fames & sitis & frigus & æstus, & quidquid extrinsecus graviter infligitur, salutem, de qua nunc agitur, manere non sinunt.

^{a. Re-trah. cap. 7. n. 4.} 53. Quare illa omnia, quibus huiusmodi malis incommodisve resistitur, qui officiosè atque humaniter præbent, misericordes vocantur, etiam si sapientes

Tom. I.

^a MSS. quam plures, ad quod ipse tendis, adducis.

^A usque adeo sint, ut jam nullo animi dolore turbentur. Nam quis ignoret ex eo appellatam esse misericordiam, quod miserum cor faciat condolentis alieno malo? Et quis non concedat ab omni miseria liberum esse debere sapientem, cum subvenit inopi, cum esurienti cibum præstat potumque sitienti, cum vestit nudum, cum peregrinum tecto recipit, cum oppressum liberat, cum denique humanitatem suam usque ad sepulturam porrigit mortuorum? Etiam si id faciat mente tranquilla, nullis aculeis doloris instinctus, sed adductus officio bonitatis, misericors tamen vocandus est. Huic enim nihil obest nomen, cum absit miseria.

^B 54. Stulti vero cum misericordiam quasi vitium devitant, quia officio satis moveri nequeunt, si nec perturbatione commoventur, congelascunt potius rigore inhumanitatis, quam rationis tranquillitate serenantur. Itaque multo prudentius Deus etiam ipse misericors dicitur: qui quemadmodum dicatur, restat intelligere iis qui sese idoneos religione studioque præstiterint: ne cum verbis doctorum inepte utimur, indoctorum animas prius durescere vitando misericordiam, quam benignitatem appetendo mitescere faciamus. Atque ut misericordia jubet, ista nos ab homine pellere incommoda, sic innocentia prohibet inferre.

^C 55. QUOD autem adtinet ad disciplinam, per quam ipsi animo sanitas instauratur, quæ si absit, nihil ad depellendas misérias salus illa corporis valet, difficillima omnino res est. Atque ut in corpore dicebamus, aliud esse morbos & vulnera curare, quod pauci homines bene facere possunt; aliud autem famem sitimque sopire, & cetera in quibus subvenire hominem homini vulgo passimque conceditur: sic in animo sunt quædam, in quibus excellentia illa & rara magisteria non admodum desiderantur: ut cum hortamur & monemus, ut hæc ipsa indigentibus exhibeantur, quæ corpori exhibenda esse diximus. Cum enim hæc facimus, ope corpori; cum autem docemus ut fiant, disciplina animo subvenimus. Sunt vero alia, quibus multimodi varique morbi animorum, magna quadam & prorsus ineffabili ratione sanantur: quæ medicina nisi divinitus populis mitteretur, nulla spes salutis esset, tam immoderata progressionem peccantibus: quamquam & illa corporis, si altius rerum originem repetas, non invenitur unde ad homines manare potuerit, nisi a Deo, cui rerum omnium status salusque tribuenda est.

^E 56. Hæc tamen disciplina de qua nunc agimus, quæ animi medicina est, quantum Scripturis ipsis divinis colligi licet, in duo distribuitur; coercionem & instructionem. Coercitio timore, instructio vero amore perficitur, ejus dico cui per disciplinam subvenitur: nam qui subvenit, nihil horum duorum habet, nisi amare. In his duobus Deus ipse, cujus bonitate atque clementia fit omnino ut aliquid simus, duobus Testamentis vetere & novo disciplinæ nobis regulam dedit. Quamquam enim utrumque in utroque sit, prævalet tamen in vetere timor, amor in novo: ^b quæ ibi servitus, hic libertas ab Apostolis prædicatur. De quorum Testamentorum admirabili quodam ordine divinoque concentu, longissimum est dicere, & multi religiosi doctique dixerunt. Multos libros res ista flagitat, ut pro merito, quantum ab homine potest, explicari & prædicari queat. Qui ergo diligit proximum, agit quantum potest ut salvus corpore salvusque animo sit: sed cura corporis ad sanitatem animi referenda est. Agit ergo his gradibus, quod ad ani-

Gg 3 mum

^b Ita MSS. A excusi habent, quia ibi servitus, &c.

CAPUT XXVIII. Beneficentia in animam proximi.

Disciplina partes duæ, coercitio & instructio.

Per bo-
nos mo-
res no-
bis pro-
venit
agnitio
veritatis.

num pertinet, ut primo timeat, deinde diligat Deum.

Hi mores sunt optimi, per quos nobis etiam ipsa pro-
venit, ad quam omni studio rapimur, agnitio veritatis.

57. Atque in his duobus convenit mihi cum Mani-
chæis, id est, ut Deum & proximum diligamus: sed hoc
veteri Testamento negant contineri: in quo quantum
errent, satis, ut opinor, apparet ex iis, quas superius pro-
tulimus de utroque sententiis. Verumtamen ut breve
aliquid dicam, sed tale cui resistere sit meræ dementiæ,
nonne animadvertunt hæc ipsa duo, quæ laudare co-
guntur, a quam importunissime a Domino in Evan-
gelio de veteri Testamento esse prolata negent, ubi
scriptum est, *Diliges Dominum Deum tuum ex toto corde
tuo, & ex tota anima tua, & ex tota mente tua*: vel illud
alterum: *Diliges proximum tuum tamquam te ipsum*?
Aut si hæc negare non audent, (premuntur enim luce
veritatis) illud negare audeant, salubria esse ista præce-
pta, his mores optimos contineri negent si possunt, & di-
cant non oportere Deum diligere, non oportere proxi-
mum diligere; neque diligentibus Deum omnia procedere
in bonum, neque dilectionem proximi malum non ope-
rari; quibus duobus saluberrime atque optime humana
vita disponitur. Quæ si dicunt, non solum illis cum
Christianis, sed nec cum hominibus quidem ratio est.
Sin hæc dicere non audent, cogunturque confiteri esse
divina, quid eos libros unde ista prolata sunt impietate
nefaria laceßere atque improbare non desinunt?

58. An illud dicturi sunt, non esse consequens,
ut omnia ibi bona sint, ubi hæc invenire potuimus?
nam hoc solent dicere. Cui ego tergiversationi quid
respondeam, & quemadmodum occurram, non fa-
cile video. Discutiamne verba singula veteris Testa-
menti, ut in his summam cum Evangelio esse concor-
diam pervicacibus indoctisque demonstrem? Sed,
quando istud erit? quando aut ego sufficiam, aut ipsi
patientur? Quid ergo faciam? Deferamne causam,
& eos in sententia quamvis improba & falsa, tamen dif-
fili ad dissolvendum delitescere sinam? Non faciam: ade-
rit de proximo Deus ipse, cujus illa præcepta sunt; nec
me in tantis angustiis inopem ac desertum esse patietur.

59. QUAMOBREM adestote animis Manichæi, si
qui forte illa superstitione ita tenemini, ut evadere ali-
quando possitis. Adestote, inquam, sine pertinacia,
sine studio resistendi: nam aliter vobis perniciosissimum
est judicare. Certe enim nemini dubium est, nec a versi
vos ita estis a vero, ut non intelligatis, si diligere Deum
& proximum, bonum est, quod negare nemo potest,
quidquid in his duobus præceptis pendet, vituperari ju-
re non posse. Quid ergo in iis pendeat, ridiculum est si a
me quærendum esse putas: ipsum Christum audi, audi,
inquam, Christum, audi Dei Sapientiam. *In his, inquit, F
duobus præceptis tota Lex pendet, & omnes Prophetæ.*

60. Quid hoc loco potest dicere impudentissima
pertinacia? non hoc Christum dixisse? At in Evan-
gelio verba ejus ista conscripta sunt. Falsum esse
scriptum? Quid hoc sacrilegio magis impium reperiri
potest? quid ista voce impudentius? quid audacius?
quid sceleratius? Simulacrorum cultores, qui Chri-
sti etiam nomen oderunt, numquam hoc adversus
Scripturas illas ausi sunt dicere. Consequetur namque
omnium litterarum summa perversio, & omnium qui
memoriæ mandati sunt librorum abolitio, si quod
tanta populorum religione roboratum est, tanta ho-

minum & temporum consensione firmatum, in hanc
dubitationem adducitur, ut ne historiæ quidem vul-
garis fidem possit gravitatemque obtinere. Postremo
quid de scripturis ullis proferre poteris, ubi mihi uti
hac voce non liceat, si contra meam ratiocinationem
intentionemque proferatur?

61. Illud vero quis ferre possit, quod nos notissimis
ac jam in manibus omnium libris constitutis credere
vetant, & iis quæ ipsi proferunt, imperant ut cre-
damus? Si de Scriptura dubitandum est, de qua ma-
gis quam quæ diffamari non meruit, quæve potuit sub
nomine alio tota mentiri? Si istam obdis invito, & au-
ctoritatis b exaggeratione cogis in fidem; egone de il-
la, quam constanter latissime divulgatam video, &
Ecclesiarum per totum orbem dispersarum contesta-
tione munitam, dubitabo miser, & quod est miserius,
te auctore dubitabo? Cum si exemplaria proferres al-
tera, tenere non deberem, nisi ea quæ plurium con-
sensione commendarentur, nunc nihil te proferente
quod conferas, præter inanissimam vocem temerita-
tisque plenissimam, putabis usque adeo genus huma-
num esse perversum, & divinæ providentiæ ope deser-
tum, ut illis Scripturis, non a te prolatis alias quibus
redarguantur, sed tua tantum verba præponat? Pro-
ferendus est namque tibi alius codex eadem continens,
sed tamen incorruptus & verior, ubi sola desint ea quæ
hic immissa esse criminariis. Ut si, verbi causa, Pau-
li epistolam, quæ ad Romanos scripta est, corruptam
esse contendis, aliam proferas incorruptam, vel alium
codicem potius, in quo ejusdem Apostoli eadem epi-
stola sincera & incorrupta conscripta sit. Non faciam,
inquis, ne ipse corrupisse credam, hoc enim soletis di-
cere; & verum dicitis: nihil prorsus aliud suspicabun-
tur vel mediocriter cordati homines, si hoc feceris. Vi-
de ergo tu ipse quid de auctoritate tua judicaveris: &
intellige utrum tuis verbis contra illas Scripturas crede-
re debeant, si codici, ob hoc solum quod abs te pro-
fertur, magnæ temeritatis est credere.

62. SED quid hinc plura? Quis enim non videat
eos, qui contra Scripturas Christianas hæc audent di-
cere, ut illud non sint quod homines suspicantur, cer-
te tamen non esse Christianos? Nam Christianis hæc
data est forma vivendi, ut diligamus Dominum Deum
nostrum ex toto corde, & ex tota anima, & ex tota
mente, deinde proximum nostrum tamquam nosmet-
ipsos: *in his enim duobus præceptis tota Lex pendet, &
omnes Prophetæ.* Merito Ecclesia catholica mater Chri-
stianorum verissima, non solum ipsum Deum, cujus
adeptio vita est beatissima, purissime atque castissime
colendum prædicas; nullam nobis adorandam creatu-
ram inducens, cui servire jubeamur; & ab illa incor-
rupta & inviolabili æternitate, cui soli homo subiicien-
dus est, cui soli rationalis anima cohærendo non mise-
ra est, excludens omne quod factum est, quod obno-
xium commutationi, quod subditum temporis; neque
confundens, quod æternitas, quod veritas, quod de-
nique pax ipsa distinguit, nec rursus separans quod
majestas una conjungit: sed etiam proximi dilectio-
nem atque caritatem ita complectens, ut variorum
morborum, quibus pro peccatis suis animæ ægrotant,
omnis apud te medicina præpolleat.

63. Tu pueriliter pueros, fortiter juvenes, quiete
senes, prout cujusque non corporis tantum, sed & ani-
mi

CAPUT
XXX.
Apostro-
phe ad
Eccle-
siam to-
tius sa-
pientiæ
magi-
stram.
Deut. 6.
5.
Matt. 22.
37.
Doctrina
catholi-
cæ Ec-
clæ.

CAPUT
XXX.
De Scri-
ptura-
rum au-
thorita-
te.

Matt.
22. 40.

a MSS. plerique, *quamquam*, tum aliqui subiiciunt, *opportunissime*
ac paulo post alii, *ibi esse scriptum*; alii vero habent, *ubi esse scriptum*.

b Theodericensis codex, & *auctoritatis ratione cogis exigere in fidem*.
Alii sex, & *auctoritatis exaggerare rationem cogis in finem*.

mi ætas est, exerces ac doces. Tu feminas viris suis non ad explendam libidinem, sed ad propagandam prolem, & ad rei familiaris societatem, casta & fidei obedientia subijcis. Tu viros conjugibus, non ad illudendum imbecilliorum sexum, sed sinceri amoris legibus præfiscis. Tu parentibus filios libera quadam servitute subjungis, parentes filiis pia dominatione præponis. Tu fratribus fratres religionis vinculo firmiore atque artiore quam sanguinis nectis. Tu omnem generis propinquitatem & affinitatis necessitudinem, servatis naturæ voluntatisque nexibus, mutua caritate constringis. Tu dominis servos, non tam conditionis necessitate, quam officii delectatione doces adhærere. Tu dominos servis, summi Dei communis Domini consideratione placabiles, & ad consulendum quam coercendum propensiores facis. Tu cives civibus, gentes gentibus, & prorsus homines primorum parentum recordatione, non societate tantum, sed quadam etiam fraternitate jungis. Doces reges prospicere populis, mones populos se subdere regibus. Quibus honor debeat, quibus affectus, quibus reverentia, quibus timor, quibus consolatio, quibus admonitio, quibus ^a cohortatio, quibus disciplina, quibus objurgatio, quibus supplicium, sedulo doces; ostendens quemadmodum & non omnibus omnia, & omnibus caritas, & nulli debeat injuria.

64. Jam vero cum hæc humana dilectio inhærentem uberibus tuis nutriverit & roboraverit animum, sequendo Deo factum idoneum: ubi ejus majestas ex tanta parte quanta homini, dum terræ hujus inhabitator est, sufficit, aperire se ceperit, tantus caritatis ardor innascitur, & tantum divini amoris confurgit incendium, ut exustis omnibus vitiis, & homine purgato atque sanctificato, satis appareat quam divine dictum sit, *Ego sum ignis consumens*: & *Ignem veni mittere in mundum*. Quæ duæ voces unius Dei in duobus Testamentis signatæ, sanctificationem animæ concorditer adtestatione declarant, ut fiat aliquando illud quod item in Novam Scripturam de Veteri assumptum est, *Absorpta est mors in victoriam*. Ubi est mors aculeus tuus? ubi est mors contentio tua? Quod unum isti hæretici intelligere si valerent, nusquam profecto Deum nisi apud te atque in tuo gremio, minime superbi & bene pacati venerantur. Merito apud te divina præcepta late diffuseque servantur. Merito apud te bene intelligitur, quam sit gravius cognita, quam incognita lege peccare. *Aculeus enim mortis peccatum, virtus autem peccati lex*, ^b qua gravius feriat & interimat contempti præcepti conscientia. Merito apud te visum est, quam sit SUB LEGE operatio vana, cum libido animum vastat, & cohibetur pænæ metu, non amore virtutis obruitur. Merito tibi tam multi hospitales, multi officiosi, multi misericordes, multi docti, multi casti, multi sancti, multi usque adeo Dei amore flagrant, ut eos in summa continentia atque mundi hujus incredibili contemptu etiam solitudo delectet.

65. QUID est, quæso, quod vident, qui non possunt hominem non diligere, & tamen possunt hominem non videre? Profecto illud quidquid est, præstantius est rebus humanis, cujus contemplatione potest homo sine homine vivere. Jam enim accipite Manichæi perfectorum Christianorum, quibus summa castitas, non laudanda tantum, sed etiam capeßenda visa est, mores &

continentiam singularem, ne vos impudenter jactare apud animos imperitorum, quasi difficillima rerum abstinentia, si quid in vobis pudoris est, audeatis. Nec ea dicam, quæ vos ignoratis, sed quæ nobis occultatis. Quis enim nescit summæ continentiae hominum Christianorum multitudinem per totum orbem in dies magis magisque diffundi, & in Oriente maxime atque Ægypto, quod vos nullo modo potest latere?

66. Nihil de iis dicam quos paulo ante commemoravi, qui secretissimi penitus ab omni hominum conspectu, pane solo, qui eis per certa intervalla temporum affertur, & aqua contenti, desertissimas terras incolunt, perfruentes colloquio Dei, cui puris mentibus inhæserunt, & ejus pulcritudinis contemplatione beatissimi, quæ nisi sanctorum intellectu percipi non potest. Nihil, inquam, de his loquar: videntur enim nonnullis res humanas plus quam oporteret deseruisse, non intelligentibus quantum nobis eorum animus in orationibus proficit, & vita ad exemplum, quorum corpora videre non sinimur. Sed hinc disputare longum & supervacaneum puto: nam hoc tam excellens fastigium sanctitatis, cui non sua sponte mirandum & honorandum videtur, oratione nostra videri qui potest? Tantum isti admonendi sunt, qui sese inaniter jactant, in tantum processisse temperantiam & continentiam sanctissimorum catholicæ fidei Christianorum, ut restringenda nonnullis, & quasi ad humanos fines revocanda videatur: usque adeo supra homines illorum animos evasisse, ab iis etiam quibus id displicet, judicatur.

67. Sed si hoc excedit nostram tolerantiam, quis non illos miretur & prædicet, qui contemptis atque desertis mundi hujus illecebris, in communem vitam castissimam sanctissimamque congregati, simul ætatem agunt, viventes in orationibus, in lectionibus, in disputationibus; nulla superbia tumidi, nulla pervicacia turbulenti, nulla invidentia lividi: sed modesti, verecundi, pacati, concordissimam vitam & intentissimam in Deum, gratissimum munus ipsi offerunt, a quo ista posse meruerunt. Nemo quidquam possidet proprium, nemo cuiquam onerosus est. Operantur manibus ea, quibus & corpus pasci possit, & a Deo mens impediri non possit. Opus autem suum tradunt eis quos decanos vocant, eo quod sint denis præpositi, ut neminem illorum cura sui corporis tangat, neque in cibo, neque in vestimento, neque si quid aliud opus est, vel quotidianæ necessitati, vel mutata, ut ad solet, valetudini. Illi autem decani cum magna sollicitudine omnia disponentes, & præsto facientes quidquid illa vita propter imbecillitatem corporis postulat, rationem tamen etiam ipsi reddunt uni, quem patrem appellant. Hi vero patres non solum sanctissimi moribus, sed etiam divina doctrina excellentissimi, omnibus rebus excelsi, nulla superbia consulunt iis quos filios vocant, magna sua in jubendo auctoritate, magna illorum in obtemperando voluntate. Conveniunt autem diei tempore extremo de suis quisque habitaculis, dum adhuc jejuni sunt, ad audiendum illum patrem, & conveniunt ad singulos patres terrena, ut minimum, hominum millia: nam etiam multo numerosiores sub uno agunt. Audiunt autem incredibili studio, summo silentio, affectiones animorum suorum, prout eos pepulerit differentis oratio, vel gemitu, vel fletu, ^d vel modesto & omni clamore vacuo gaudio signi-

CAPUT XXXI. Manichæorum continentia opponit Anachoretarum & Cœnobiatarum vitam.

^a Codices aliquot habent, *coertio*, sive, *coercitio*.

^b MSS. quatuor, *quod gravius feriat*. Sorbonici tres, alique duo, *quam grave feriat*.

^c Plerique codices habent, *traditionem*, pro quo Latinus Latinus &

Antonius Arn. legendum putarunt, *rationem*. Sic porro legitur in MS. Vaticano & in editione Bad.

^d Editi, *sed modesto & clamore vacuo gaudium significantes*. sed concinnior MSS. lectio hic restituta.

guificantes. Corpus deinde reficitur, quantum saluti & salubritati satis est, coercente unoquoque concupiscentiam, ne se profundat vel in ea ipsa, quæ præsto sunt parca & vilissima. Ita non solum a carnibus & vino abstinent pro sufficientia domandarum libidinum, sed ab iis etiam quæ tanto concitatus ventris & gutturis provocant appetitum, quanto quasi mundiora * nonnullis videntur: quo nomine solet turpe desiderium exquisitorum ciborum, quod a carnibus alienum est, ridicule turpiterque defendi. Sane quidquid necessario victui redundat (nam redundat plurimum ex operibus manuum, & epularum restrictione) tanta cura egenibus distribuitur, quanta non ab ipsis qui distribuunt comparatum est. Nullo modo namque satagunt, ut hæc sibi abundant, sed omni modo agunt, ut non apud se remaneat quod abundaverit, usque adeo ut oneratas etiam naves in ea loca mittant, quæ inopes incolunt. Non opus est plura de re notissima dicere.

68. Hæc est etiam vita feminarum Deo sollicite casteque fervientium, quæ habitaculis segregatæ ac remotæ a viris quam longissime decet, pia tantum illis caritate junguntur & imitatione virtutis: ad quas juvenum nullus accessus est, neque ipsorum quamvis gravissimorum & probatissimorum fenum, nisi usque ad vestibulum necessaria præbendi quibus indigent gratia. Lanificio namque corpus exercent atque sustentant, vestesque ipsas fratribus tradunt, ab iis invicem quod victui opus est resumentes. Hos mores, hanc vitam, hunc ordinem, hoc institutum si laudare velim, neque digne valeo, & vereor ne judicare videar per se ipsum tantummodo expositum placere non posse, si super narratoris simplicitatem cothurnum etiam laudatoris addendum putavero. Hæc Manichæi reprehendite, si potestis. Nolite cæcis hominibus & discernere invalidis ostentare nostra zizania.

69. NEQUE tamen ita sese angustæ habent Ecclesiæ catholicæ mores optimi, ut eorum tantum vita, quos commemoravi, arbitrer esse laudandos. Quam enim multos episcopos optimos viros sanctissimosque cognovi, quam multos presbyteros, quam multos diaconos, & cujuscemodi ministros divinarum Sacramentorum, quorum virtuteo mihi mirabilior & majore prædicatione dignior videtur, quo difficilius est eam in multiplici hominum genere, & in ista vita turbulentiore fervare. Non enim sanatis magis quam sanandis hominibus præsumunt. Perpetienda sunt vitia multitudinis ut curentur, & prius toleranda quam sedanda est pestilentia. Difficillimum est hic tenere optimum vitæ modum, & animum pacatum atque tranquillum. Quippe, ut breviter explicem, hi agunt ubi vivere discitur, illi ubi vivitur.

70. NEC ideo tamen laudabile Christianorum genus contemserim, eorum scilicet qui in civitatibus degunt, a vulgari vita remotissimi. Vidi ego diversorium sanctorum Mediolani, non paucorum hominum, quibus unus presbyter præerat vir optimus & doctissimus. Romæ etiam plura cognovi, in quibus singuli gravitate atque prudentia & divina scientia præpollentes, ceteris secum habitantibus præsumunt, Christiana caritate, sanctitate & libertate viventibus: ne ipsi quidem cuiquam onerosi sunt, sed Orientis more, & Pauli Apostoli auctoritate manibus suis se transigunt. Jejunia etiam prorsus

A incredibilia multos exercere didici, non quotidie semel sub noctem reficiendo corpus, quod est usquequaque usitatissimum, sed continuum triduum vel amplius sæpissime sine cibo ac potu ducere. Neque hoc in viris tantum, sed etiam in feminis; quibus item multis viduis & virginibus simul habitantibus, & lana ac tela victum quærantibus, præsumunt singulæ gravissimæ probatissimæque non tantum in a instituendis componendisque moribus, sed etiam instruendis mentibus peritæ ac paratæ.

B 71. Atque inter hæc nemo urgetur in aspera, quæ ferre non potest, nulli quod recusat imponitur, nec ideo condemnatur a ceteris, quod in eis se imitandis fatetur invalidum: meminerunt enim quantopere Scripturis omnibus commendata sit caritas: meminerunt, *Omnia munda mundis: & Non quod intrat in os vestrum vos coinquinat, sed quod exit*. Itaque non rejiciendis generibus ciborum quasi pollutis, sed concupiscentiæ perdomandæ, & dilectioni fratrum retinendæ invigilat omnis industria. Meminerunt: *Esca ventri, & venter escis, Deus autem & hunc & illas destruet*. Et alibi, *Neque si manducaverimus, abundabimus: neque si non manducaverimus, egebimus*. Et illud præ ceteris: *Bonum est, fratres, non manducare carnes, neque bibere vinum, neque in quo frater tuus offenditur*. Hic enim ostendit quam sint ad finem caritatis hæc omnia dirigenda. *Alius enim credit manducare omnia, qui autem infirmus est, olus, inquit, manducet. Qui manducat, non manducantem non spernat: & qui non manducat, manducantem non judicat: Deus enim illum assumit. Tu quis es, qui judices alienum servum? Suo Domino stat, aut cadit: stabit autem, potens est enim Deus statuere eum*. Et paulo post: *Qui manducat, Domino manducat, & gratias agit Deo: & qui non manducat, Domino non manducat, & gratias agit Deo*. Et item in consequentibus: *Itaque unusquisque nostrum pro se rationem reddet. Non ergo amplius judicemus invicem, sed hoc judicate magis, ne ponatis offendiculum fratri vel scandalum. Scio & confido in Domino Jesu, quia nihil commune per ipsum, nisi ei qui existimat quid commune esse, illi commune est*. Potuit ne magis ostendere, non in ipsis rebus quibus vescimur, sed in animo esse vim quamdam, quæ ad eum valeat maculandum; & propterea iis etiam, qui ad hæc contemnenda sunt idonei, certoque sciunt non se pollui, si quid ciborum sine turpi cupiditate altitudine mentis assumerint, caritatem tamen esse intuendam? Vide quid sequatur: *Nam si propter escam frater tuus contristatur, jam non secundum caritatem ambulas*.

72. Lege cetera, nam longum est omnia interponere, & invenies præceptum iis, qui possunt ista contemnere, id est, firmioribus & securioribus, ideo tamen esse temperandum, ne offendantur illi, quibus adhuc pro sua imbecillitate hujuscemodi opus est temperantia. Hæc illi de quibus agebam norunt & tenent: Christiani sunt enim, non hæretici: intelligunt Scripturas secundum Apostolicam disciplinam, non secundum superbum & commentitium nomen b Apostoli. *Non manducantem nemo spernit, manducantem nemo judicat: qui infirmus est, olus manducat*. Multi tamen firmi propter infirmos idem faciunt: multis non est causa ista faciendi, sed quod vilior victu vivere placet, minimeque sumtuoso corporis sustentaculo ætatem tranquillissimam ducere. *Omnia enim mihi licita sunt, inquit, sed ego non redigar* sub

a In MSS. plerisque hæc desunt, in instituendis componendisque moribus.

b Editi, *Apostolatus*. MSS. nonnulli, *Apostolus*. Gemericensis codex,

Apostoli. Sicilicet alludit Augustinus ad epistolas Manichæi quarum omnium exordium istud erat: *Manichæus Apostolus Iesu Christi*, &c. ut dicitur in lib. 13. contra Faustum. c. 4.

Jejunia
tridua-
na.

Tit. 1. 15.
Mat. 15.
11.

1. Cor.
6. 13.
1. Cor. 8. 3

Rom 14.
21.

Ibid.

CAPUT
XXXII.
Clerico-
rum
laus.

CAPUT
XXXIII.
Aliud
genus in
civitate
simul vi-
ven-
tium.

1. Co. 6.
12.

sub potestate ullius. Ita multi neque vescuntur carnibus, neque tamen eas immundas superstitione putant. Itaque iidem ipsi, qui sani temperant, si ratio valetudinis cogat, ægroti sine ulla formidine accipiunt. Multi vinum non bibunt, nec tamen a eo se coinquinari arbitrantur: nam & quibusdam languidioribus, & prorsus omnibus qui sine illo nequeunt salutem corporis obtinere, humanissime ac modestissime præberi faciunt. Et stulte nonnullos recusantes, fraterne admonent, ne vana superstitione debiliores citius quam sanctiores fiant. Legunt eis Apostolum discipulo præcipientem, ut aliquantum vini sumat propter frequentes infirmitates suas. Ita pietatem sedulo exercent: corporis vero exercitationem, ut ait idem Apostolus, ad exiguum tempus pertinere noverunt.

73. Continent se igitur ii qui possunt, qui tamen sunt innumerabiles, & a carnibus & a vino duas ob causas: vel propter fratrum imbecillitatem, vel propter suam libertatem. Caritas præcipue custoditur; caritati victus, caritati sermo, caritati habitus, caritati vultus aptatur; coitur in unam conspiraturque caritatem: hanc violare tamquam Deum nefas ducitur: huic si b quid resistit, expugnatur atque ejicitur; hanc si quid offendit, unum diem durare non finitur. Sciunt ita commendatam esse a Christo & Apostolis, ut si hæc una desit, inania; si hæc adsit, plena sint omnia.

CAPUT XXXIV. Ex malorum Christianorum moribus non vituperandam Ecclesiam.

74. ISTIS, Manichæi si potestis, obsistite, istos inruemini, istos sine mendacio, si audetis, & cum contumelia nominate: istorum jejuniis vestra jejunia, castitati castitatem, vestitum vestitui, epulæ epulis, modestiam modestiæ, caritatem denique caritati, & quod res maxime postulat, præceptis præcepta conferte. Jam videbitis quid inter ostentationem & sinceritatem, inter viam rectam & errorem, inter fidem atque fallaciam, inter robur & tumorem, inter beatitudinem & miseriam, inter unitatem & conscissionem, postremo quid inter superstitionis sirenas & portum religionis intersit.

Sepulcrorum & picturarum adoratores.

75. Nolite mihi colligere professores nominis Christiani, nec professionis suæ vim aut scientes aut exhibentes. Nolite consecretari turbas imperitorum, qui vel in ipsa vera religione supersticiosi sunt, vel ita libidinibus dediti, ut obliti sint quid promiserint Deo. Novi multos esse sepulcrorum & picturarum adoratores: novi multos esse, qui luxuriosissime super mortuos bibant, & epulas cadaveribus exhibentes, super sepultos se ipsos sepeliant, & voracitates ebrietatesque suas deputent religioni. Novi multos esse, qui renuntiaverunt verbis huic sæculo, & se omnibus hujus sæculi molibus opprimi velint, oppressique lætentur. Nec mirum est in tanta copia populorum, quod non vobis desint, quorum vita vituperata decipiat incautos, & a catholica salute avertatis, cum in vestra c paucitate magnas patiamini angustias, dum a vobis exigitur vel unus ex iis quos electos vocatis, qui præcepta illa ipsa custodiat, quæ irrationabili superstitione defenditis. Sed & illa quam vana sint, quam noxia, quam sacrilega, & quemadmodum a magna parte vestrum, atque adeo pene ab omnibus vobis non observentur, alio volumine ostendere institui.

76. Nunc vos illud admoneo, ut aliquando Ecclesiæ catholicæ maledicere desinatis, vituperando mores hominum, quos & ipsa condemnat, & quos quotidie tamquam malos filios corrigere studet. Sed quicumque il-

lorum bona voluntate Deique auxilio corriguntur, quod amiserant peccando, pœnitendo recuperant. Qui autem voluntate mala in pristinis vitiis perseverant, aut etiam addunt graviora prioribus, in agro quidem Domini sinuntur esse, & cum bonis seminibus crescere, sed veniet tempus quo zizania separentur. Aut si jam propter ipsum Christianum nomen magis in palea quam in spinis esse arbitrandi sunt, veniet etiam qui aream purget, & a frumentis paleam separet, & singulis partibus pro suo cuiusque merito, quod oportet, summa æquitate distribuatur.

77. VOS interea quid sævitis, quid excæcamini studio partium? Quid tanti erroris longa defensione implicamini? Fruges in agro, frumenta in area quærite: apparebunt facile, seseque offerent ipsa quærentibus. Quid nimis in purgamenta oculos intenditis? quid ab opimi horti ubertate imperitos homines sepium asperitate terretis? Est certus aditus, quamvis paucioribus notus, qua possit intrari, quem vos aut esse non creditis, aut invenire non vultis. Sunt in Ecclesia catholica innumera- biles fideles, qui hoc mundo non utantur, sunt qui ut antur tamquam non utentes, ut ab Apostolo dicitur, quod illis temporibus jam probatum est, quibus ad idolorum cultum Christiani cogeantur. Quot enim tunc d pecuniosi homines, quot patres familias rusticani, quot negotiatores, quot militares, quot primates urbium suarum, quot denique senatores, utriusque sexus, hæc omnia vana & temporalia relinquentes, quibus utique quamvis uterentur, non detinebantur, mortem pro salubri fide ac religione subierunt, demonstraveruntque infidelibus a se potius illa omnia, quam se ab eis esse possessos.

78. Quid calumniamini, quod fideles jam baptis- mate renovati, procreare filios, & agros ac domos pecuniamque ullam possidere non debeant? Permittit hoc Paulus. Nam quod negari non potest, fidelibus scripsit, post multorum quippe vitioforum enumerationem, qui regnum Dei non possidebunt, *Et hæc quidem fuistis, inquit, sed abluti estis, sed sanctificati estis, sed justificati estis in nomine Domini Jesu Christi, & in spiritu Dei nostri*. Ablutos procul dubio, & sanctificatos nemo nisi fideles, & eos qui huic mundo renuntiaverint, intelligere audebit. Sed quoniam ostendit quibus scripserit, videamus utrum his illa permittat. Ita enim sequitur: *Omnia mihi licita sunt, sed non omnia expediunt: Omnia mihi licita sunt, sed ego sub nullius redigar potestate. Esca ventri, & venter escis, Deus autem & has & hunc destruet. Corpus autem non fornicationi, sed Domino, & Dominus corpori. Deus vero suscitavit Dominum, & nos quoque suscitabit per virtutem suam. An nescitis quoniam corpora vestra membra Christi sunt? Tollens ergo membra Christi, efficiam membra meretricis? absit. An nescitis, quoniam qui adhæret meretrici, unum corpus efficitur? Erunt enim, inquit, duo in carne una. Qui autem adhæret Domino, unus spiritus est. Fugite fornicationem. Omne peccatum quodcumque fecerit homo, extra corpus est: qui autem fornicatur, in corpus suum peccat. An nescitis quoniam membra vestra templum est Spiritus-sancti, qui in vobis est, quem habetis a Deo, & non estis vestri? Emti enim estis pretio magno; glorificate & portate Deum in corpore vestro. De quibus autem scripsistis mihi, Bonum est homini mulierem non tangere: propter incontinentiam autem unusquisque uxorem suam ha-*

CAPUT XXXV. Conjugium & possessiones baptizatis etiam concessa per Apostolum.

1. Cor. 7. 31.

1. Cor. 6. 11.

1. Cor. 7. 1

a MSS. osto, nec tamen eos qui bibunt coinquinari arbitrantur.

b Ita in MSS. At in editis habetur, si quis resistit, & mox, si quis offendit.

c Editi præferunt, paupertate, excepto Bad. qui cum MSS. habet, paucitate.

d Sic Bad. & plerique MSS. At Er. Lov. & Arn. perniciosi.

habeat, & unaquæque virum suum habeat. Uxori vir debitum reddat, similiter autem & uxor viro. Mulier sui corporis potestatem non habet, sed vir: similiter autem & vir sui corporis potestatem non habet, sed mulier. Nolite fraudare invicem, nisi forte ex consensu ad tempus, ut vacetis orationi: & iterum revertimini in idipsum, ne vos teneat satanas propter incontinentiam vestram. Hoc autem dico secundum indulgentiam, non secundum imperium. Volo autem omnes homines esse sicut me ipsum: sed unusquisque proprium habet donum ex Deo, alius quidem sic, alius vero sic.

79. Satisne vobis videtur Apostolus, & fortibus demonstrasse quid summum sit, & imbecillioribus permisisse quod proximum est? Nam non adtingere mulierem, summum ostendit esse, cum ait, *Vellem omnes homines esse sicut me ipsum*. Huic autem summo conjugalitatis castitas proxima est, ne homo fornicatione vastetur. Numquid propterea istos dixit adhuc fideles non esse, quia conjugibus utuntur? Quandoquidem hac castitate conjugii, & ex se invicem ipsos qui conjuncti sunt, si alter eorum fuerit infidelis, & eam quæ inde nascitur prolem sanctificari dixit: *Sanctificatus est enim, inquit, vir infidelis in muliere fidei, & sanctificata est mulier infidelis per virum fidelem: alioquin filii vestri immundi essent, nunc autem sancti sunt*. Quid obstrepitis pertinacia tantæ veritati? Quid lucem Scripturarum vanis umbris obnubilare conamini?

80. Nolite jam dicere, catechumenis licere uti conjugibus, fidelibus autem non licere; catechumenis licere habere pecuniam, fidelibus autem non licere. Nam & multi sunt qui utuntur tamquam non utentes. Et illo sacrosancto lavaero inchoatur innovatio novi hominis, ut proficiendo perficiatur, in aliis citius, in aliis tardius: a multis tamen proceditur in novam vitam, si quisquam non inimice, sed diligenter intendat. Ipse quippe, sicut ait Apostolus, *etsi exterior homo noster corrumpitur, sed interior renovatur de die in diem*.

B Apostolus de die in diem interiorem hominem renovari dicit ut perficiatur, & vos a perfectione vultis incipiat. Quod utinam velitis: sed quæritis potius, non unde erigatis invalidos, sed unde fallatis incautos. Hoc enim non debuiſtis tanta dicere audacia, nec si vos in eis ipsis nugatoriis mandatis vestris perfectos esse constaret. Cum vero noverit vestra conscientia eos quos in sectam vestram introducitis, cum vobis familiarius jungi cœperint, multa inventuros quæ in vobis esse, cum alios accusaretis, nemo suspicabatur; quæ tanta impudentia est, perfectionem in catholicis imbecillioribus quærere, ut inde imperitos avertas, & eam nullo modo apud te iis quos averteris exhibere? Sed ne quid in vos temere jam videamur effundere, iste sit hujus voluminis modus, ut ad demonstranda præcepta vitæ vestræ, moresque memorabiles aliquando veniamus.

LIBER SECUNDUS.

DE MORIBUS MANICHÆORUM.

In quo refutata diligenter horum hæreticorum doctrina de origine & natura mali, excutiuntur tria illa oris, manuum & sinus, quæ ipsi in impiis suis moribus prædicabant signacula, & superstitiosa eorum abstinentia mysteriaque nefanda suggillantur. Postmodum nonnulla in iis deprehensa flagitia referuntur.

CAPUT

I.
Sum-
mum
bonum
est id cui
compe-
tit sum-
me esse.

I. **N**ULLI esse dubium arbitror, cum de bonis & malis quæritur, hoc genus quæstionis ad moralem pertinere disciplinam, in qua isto sermone versamur. Quamobrem vellem quidem, ut tam serenam mentis aciem homines ad hæc investiganda deferrent, ut possent videre illud summum bonum, quod non est quidquam melius aut superius, cui rationalis anima pura & perfecta subjungitur. Hoc enim intellecto atque perfecto, simul viderent id esse, quod summe ac primitus esse rectissime dicitur. Hoc enim maxime esse dicendum est, quod semper eodem modo sese habet, quod omni modo sui simile est, quod nulla ex parte corrumpi ac mutari potest, quod non subjacet tempori, quod aliter nunc se habere quam habebat antea, non potest. Id enim est quod esse verissime dicitur. Subest enim huic verbo manentis in se atque incommutabiliter sese habentis naturæ significatio. Hanc nihil aliud quam Deum possumus dicere, cui si contrarium recte quæras, nihil omnino est. Esse enim contrarium non habet, nisi non esse. Nulla est ergo Deo natura contraria. Sed quoniam ad hæc contemplanda fauciam & hebetem nugatoriis opinionibus & pravitate voluntatis aciem mentis afferimus, conemur quantum possumus ad qualemcumque tantæ rei notitiam pervenire pedetentim atque caute, non ut videntes, sed ut palpantes solent quærere.

CAPUT

II.
Malum
quid sit.

2. **SÆPE** atque adeo pene semper Manichæi, ab iis quibus hæresim vestram persuadere molimini, requiritis unde sit malum. Putate me nunc primitus in vos incidisse, impetrem aliquid a vobis, si placet, ut etiam vos deposita paulisper opinione, qua vos ista scire opinamini, rem tantam mecum tamquam rudes indagare tentetis. Percunctamini me, unde sit malum: at ego vicissim percunctor vos, quid sit malum. Cujus est justior inquisitio? Eorumne qui quærunt unde sit, quod quid sit ignorant; an ejus qui prius putat esse quærendum quid sit, ut non ignotæ rei (quod absurdissimum est) origo quæretur? Verissime dicitis. Quis enim ita est mente cæcus, qui non videat id cuique generi malum esse, quod contra ejus naturam est? Sed hoc constituto, evertitur hæresis vestra: nulla enim natura malum, si quod contra naturam est, id erit malum. Vos autem asseritis quamdam naturam atque substantiam malum esse. Accedit etiam illud, quod contra naturam quidquid est, utique naturæ adversatur, & eam perimerenititur. Tendit ergo id quod est, facere ut non sit. Nam & ipsa natura nihil est aliud, quam id quod intelligitur in suo genere aliquid esse. Itaque ut nos jam novo nomine ab eo, quod est esse, vocamus essentiam, quam plerumque substantiam etiam nominamus: ita veteres qui hæc nomina non habebant, pro essentia & substantia naturam vocabant. Idipsum ergo malum est, si præter pertinaciam velitis adten-

a
Malum
esse id
quod est
contra
naturam
dicunt
verissi-
me Ma-
nichæi,
sed hinc
subver-
titur eo-
rum hæ-
resis.

a Ita in hæcenus editis. At in MSS. septem omittitur *Verissime dicitis*. in

aliis quatuor habetur. Si dicitis, quod est contra naturam, verissime dicitis.

adtendere, deficere ab essentia & ad id tendere ut A non sit.

3. Quocirca cum in Catholica dicitur, omnium naturarum atque substantiarum esse auctorem Deum, simul intelligitur ab eis, qui hoc possunt intelligere, non esse Deum auctorem mali. Quomodo enim potest ille, qui omnium quæ sunt causa est ut sint, causa esse rursus ut non sint, id est, ut ab essentia deficient, & ad non esse tendant? quod malum generale esse clamat verissima ratio. At vero illa vestra gens mali, quam vultis esse summum malum, quomodo erit contra naturam, id B est, contra substantiam, cum eam naturam atque substantiam esse dicatis? Si enim contra se facit, ipsum esse sibi adimit: quod si perfecerit, tunc demum perveniet ad summum malum. Non autem perficiet, quia eam non modo esse, verum etiam sempiternam esse vultis. Non potest igitur esse summum malum, quod perhibetur esse substantia.

4. Sed quid faciam? Scio plures esse in vobis, qui hæc intelligere omnino nequeant. Scio rursus esse quosdam, qui quamquam bono ingenio utcumque ista videant, mala tamen voluntate, qua ipsum quoque ingenium sunt amissuri, pertinaciter agant, & quærant potius quid adversus ista dicant, quod tardis & imbecillis facile persuadeatur, quam vera esse consentiant. Non me tamen scripsisse pœnitebit, quod aut quisquam in vobis tandem non iniquo iudicio consideret, vestrumque relinquat errorem; aut quod ingeniosi & Deo subditi, atque adhuc ab studio vestro integri cum legerint, non possint vestris sermonibus decipi.

CAPUT III.
Malum si definitur id esse quod nocet, ex hoc rursus Manichæi revincuntur.

5. QUÆRAMUS ergo ista diligentius, & quantum fieri potest, planius. Percunctor vos iterum quid sit malum? Si dixeritis, Id quod nocet: neque hic mentiemini. Sed quæso animadvertite, quæso vigilate, quæso deponite studia partium, & verum non vincendi, sed inveniendi gratia quærite. Quidquid enim nocet, bono aliquo privat eam rem cui nocet: nam si nullum bonum adimit, nihil prorsus nocet. Quid hoc apertius, obsecro vos? quid planius? quid tam expositum cuius mediocri intellectori, modo non pertinaci? Hoc autem posito, videtur jam, ut opinor, quid sequatur. In illa quippe gente quam summum malum esse suspicamini, noceri cuiquam rei non potest, ubi nihil est boni. Quod si duæ naturæ sunt, ut affirmatis, regnum lucis, & regnum tenebrarum; quoniam regnum lucis, Deum esse fatemini, cui simplicem quamdam naturam conceditis, ita ut ibi non sit aliud alio deterius, confiteamini necesse est, quod vehementer quidem est adversum vos, sed tamen necesse est confiteamini, istam naturam, quam summum bonum non modo non negatis, sed etiam vehementer persuadere conamini, esse incommutabilem & impenetrabilem & incorruptibilem & inviolabilem: non enim erit aliter summum bonum, id est enim quo nihil est melius: tali autem naturæ noceri nullo pacto potest. At si nocere, bono privare est, sicut ostendi; noceri non potest regno tenebrarum, quia nihil ibi boni est; noceri non potest regno lucis, quia inviolabile est: cui igitur nocebit quod dicitis malum?

CAPUT IV.
Boni per se & participatione differentia.

6. QUAMOBREM cum vos expedire nequeatis, videte quam expedita sit sententia catholice disciplinæ, quæ aliud dicit bonum, quod summe ac per se bonum est, a & non participatione alicujus boni, sed propria natura

a MSS. plures isthæc omittunt, & non participatione alicujus boni, sed propria natura.

b Hic ex MSS. restituimus, hoc est. necnon infra post non est malum,

tura & essentia; aliud quod participando bonum & habendo; habet autem de illo summo bono ut bonum sit, in se tamen manente illo, nihilque amittente. Hoc autem bonum quod postea diximus, creaturam vocat, cui noceri per defectum potest: cujus defectus Deus auctor non est, quia existendi, & ut ita dicam essendi auctor est. Ita & malum ostenditur quomodo dicatur; non enim secundum essentiam, sed secundum privationem verissime dicitur: & natura cui noceri possit apparet. Non enim ipsa est summum malum, cui bonum adimitur cum nocetur; neque summum bonum, quæ propterea deficere a bono potest, quia non existendo bonum, sed bonum habendo dicitur bona. Neque naturaliter bona res est, quæ cum facta dicitur, utique ut bona esset accepit. Ita & Deus summum bonum est, & ea quæ fecit, bona sunt omnia, quamvis non sint tam bona, quam est ille ipse qui fecit. Quis enim hoc tam insanus audet exigere, ut æqualia sint artificii opera, & condita conditori? Quid amplius desideratis? An etiam vultis aliquid planius?

7. QUÆRAM ergo tertio quid sit malum. Respondetis fortasse, Corruptio. Quis & hoc negaverit, generale malum esse? Nam hoc est contra naturam, b hoc est quod nocet. Sed corruptio non est in se ipsa, sed in aliqua substantia quam corrumpit: non enim substantia est ipsa corruptio. Ea igitur res quam corrumpit corruptio, non est malum, non est. Quod enim corrumpitur, integritate & sinceritate privatur. Quod ergo non habet ullam sinceritatem qua privetur, corrumpi non potest: quod autem habet, profecto bonum est participatione sinceritatis. Item quod corrumpitur, profecto pervertitur: quod autem pervertitur, ordine privatur: ordo autem bonum est. Non igitur quod corrumpitur, bono caret: eo namque ipso quo non caret, viduari dum corrumpitur potest. Gens ergo illa tenebrarum, si omni bono carebat, ut dicitis, corrumpi non poterat: non enim habebat quod ei posset auferre corruptio, quæ si nihil auferat, non corrumpit. Audete jam dicere, si potestis, Deum & Dei regnum potuisse corrumpi, si diaboli regnum quale describitis, quomodo corrumpi posset non invenitis.

CAPUT V.
Malum si definitur esse corruptio, inde etiam funditus evertitur illorum hæresis.

8. QUID ergo c hinc lux catholica dicit? Quid putatis nisi id quod habet veritas, corrumpi posse factam substantiam? nam & illam non factam, quæ summum bonum est, esse incorruptibilem, & ipsam corruptionem, quæ summum malum est, non posse corrumpi, sed hanc non esse substantiam. Si autem quæritis quid sit, videte quo conetur perducere quæ corrumpit: ex se ipsa enim afficit ea quæ corrumpuntur. Deficiunt autem omnia per corruptionem ab eo quod erant, & non permanere coguntur, non esse coguntur. Esse enim ad manendum refertur. Itaque quod summe & maxime esse dicitur, permanendo in se dicitur. Nam quod mutatur in melius, non quia manebat mutatur, sed quia pervertebatur in pejus, id est, ab essentia deficiebat: cujus defectus auctor non est qui est auctor essentiae. Mutantur ergo quædam in meliora, & propterea tendunt esse: nec dicuntur ista mutatione perverti, sed reverti atque converti. Perversio enim contraria est ordinationi. Hæc vero quæ tendunt esse, ad ordinem tendunt: quem cum fuerint consecuta, ipsum esse consequuntur, quantum id creatura consequi potest. Ordo enim ad convenientiam quam-

CAPUT VI.
Corruptio quam rem afficiat & quid sit.

ex iis adjecimus, non est, quæ in editis desiderantur.

c Editi, Quid ergo lux catholica. MSS. sex, Quid ergo hinc Catholica. alii quinque nostram lectionem exhibent.

quamdam quod ordinat redigit. Nihil est autem esse, quam unum esse. Itaque in quantum quidque unitatem adipiscitur, in tantum est. Unitatis est enim operatio, convenientia & concordia, qua sunt in quantum sunt ea quæ composita sunt: nam simplicia per se sunt, quia una sunt: quæ autem non sunt simplicia, concordia partium imitantur unitatem, & in tantum sunt in quantum assequuntur. Quare ordinatio esse cogit, inordinatio vero non esse, quæ perversio etiam nominatur atque corruptio. Quidquid igitur corrumpitur, eo tendit ut non sit. Jam vestrum est considerare, quo cogat corruptio, ut possitis invenire summum malum: nam id est, quo corruptio perducere nititur.

CAPUT VII. Dei bonitas non finit rem ullam corruptione eo perducit ut non sit. * 1. Tractat. cap. 7. n. 6. a. Isa. 45. 7. Creare & condere quo differant.

9. SED Dei bonitas eo rem perducere non finit, & omnia deficientia sic ordinat, ut ibi sint ubi congruentissime possint esse, donec ordinatis motibus * ad id recurrant unde defecerunt. Itaque etiam animas rationales, in quibus est a potentissimum liberum arbitrium, deficientes a se, in inferioribus creaturæ gradibus ordinat, ubi tales esse decet. Fiunt ergo miseræ divino iudicio, dum convenienter pro meritis ordinantur. Ex quo illud optime dictum est, quod insectari maxime soletis, *Ego facio bona, & creo mala*. Creare namque dicitur condere & ordinare. Itaque in plerisque exemplaribus sic scriptum est: *Ego facio bona, & condo mala*. Facere enim est, quod omnino non erat: Condere autem, ordinare quod utcumque jam erat, ut melius magisque sit. Ea namque condit Deus, id est, ordinat, cum dicit, *Condo mala*, quæ deficient, id est, non esse tendunt, non ea quæ ad id quo tendunt, pervenerunt. Dictum est enim: **NIHIL PER DIVINAM PROVIDENTIAM**, ad id ut non sit pervenire permittitur.

Luc. 2. 14

10. b Tractantur hæc latius & uberius, sed dum vobiscum agitur, satis est. Ostendenda enim vobis janua fuit, quam desperatis, & desperandam facitis imperitis. Nam vos introducit nemo nisi voluntas bona; quam pacatam efficit divina clementia, sicut in Evangelio canitur: *Gloria in excelsis Deo, & in terra pax hominibus bonæ voluntatis*. Satis est, inquam, ut videatis, nullum esse de bono & malo religiosæ disputationis exitum, nisi quidquid est, in quantum est, ex Deo sit: in quantum autem ab essentia deficit, non sit ex Deo, sed tamen divina providentia semper sicut universitati congruit, ordinetur. Quod si nondum videtis, quid amplius nunc faciam nescio, nisi ut minutius etiam tractem ista quæ dicta sunt. Non enim ad majora mentem nisi pietas puritasque perducit.

CAPUT VIII. Malum est non substantia ulla, sed substantia inimica inconvenientia.

11. QUID enim aliud cum quæro, quid sit malum, responsuri estis, nisi aut quod contra naturam est, aut quod noceat, aut corruptionem, aut aliquid huiusmodi? An in his ostendi vestra naufragia, nisi forte, ut soletis cum c pueris pueriliter agere, respondebitis malum esse ignem, venenum, feram, & cetera huiusmodi. Nam etiam de quodam dicente, nullam substantiam malum esse, unus de primatibus hujus hæresis, quem familiarius crebriusque audiebam, dicebat, Vellem scorpionem in manu hominis ponere, ac videre utrum non subtraheret manum: quod si faceret, non verbis, sed re ipsa convinceretur aliquam substantiam malum esse, quando quidem illud animal esse substantiam non negaret. Et dicebat hoc non coram illo, sed cum ad eum nos commoti referremus quod ille dixisset: respondebat ergo, ut dixi, pueriliter pueris. Quis enim meliuscule im-

butus & eruditus, non videat per inconvenientiam corporalis temperationis hæc lædere, ac rursus per convenientiam non lædere, sæpe etiam commoda non parva conferre? Nam si illud venenum per se ipsum malum esset, eundem scorpionem magis priusque perimeret. At contra si ei penitus aliquo pacto detrahatur, sine dubitatione interiret. Ergo illius corpori malum est amittere, quod nostro recipere. Item illi bonum est habere id, quo nobis bonum est carere. Erit ergo eadem res & bonum & malum? Nullo modo; sed malum est quod contra naturam est: hoc enim & bestię illi & nobis malum est, id est, ipsa inconvenientia, quæ sine dubio non est substantia, immo est inimica substantiæ. Unde est igitur? Adtende quo cogat, & discas; si tamen in te aliquid interioris luminis vivit. Non esse enim cogit omne quod perimit. Deus vero auctor essentię est: nec aliqua essentia potest videri esse, quod in qua fuerit cogit non esse. Dicitur ergo aliquid unde non sit inconvenientia, nam unde sit, nihil dici potest.

12. Quædam facinorosa mulier Atheniensis, ut prodit historia, venenum quod certo modulo damnati ut morerentur hauriebant, paulatim bibendo sine ullo vel levi incommodo valetudinis effecit ut biberet. Itaque cum esset aliquando damnata, legitimam illam quantitatem veneni, quam consuetudine vicerat, accepit ut ceteri, nec ut ceteri extincta est. Quod cum esset magno miraculo, missa est in exilium. Quid, putamus si venenum malum est, istam fecisse ut sibi malum non esset? Quid hoc absurdius? Sed quia inconvenientia malum est, fecit potius ut per moderatam consuetudinem illud corpus suo corpori conveniret. Nam quando illa qualibet calliditate posset efficere, ut sibi inconvenientia non noceret? Quid ita? Quia quod vere & generaliter malum est, & semper & omnibus nocet. Oleum nostris corporibus commodum est, animalium autem multis, quæ sex pedes habent, vehementer adversum. Elleborum, nonne alio modo cibus est, alio medicamentum, alio venenum? Salē immoderatus acceptum, quis non venenum esse clamaverit? quot autem & quantæ corporis commoditates ex eo sint, quis potest numerare? Aqua maris terrenis animalibus cum bibitur, noxia est: multorum autem corporibus, dum illa humectantur, accommodatissima & utilis: in utroque autem piscibus salutis & voluptatis est. Panis hominem alit, accipitrem necat. Cœnum ipsum, quod & haustum & olfactum graviter offendit & lædit, nonne & æstate tactum refrigerat, & vulneribus quæ ab igne acciderunt, medicamentum est? Quid stercore aspernabilius? quid cinere abjectius? At hæc tantas agris utilitates afferunt, ut eorum inventori, a quo etiam sterco nomen accepit, Stercutio divinos honores Romani deferendos putarent.

Affucta venenis mulier.

Mirum.

13. Sed quid parva colligam, quæ sunt innumerabilia? Quatuor ipsa quæ in promptu sunt elementa, quis dubitet prodesse per convenientiam, inconvenienter autem adhibita, vehementer adversa esse naturæ? Nos qui aere vivimus, & terra & aqua obrutos necant: innumerabilia vero animantia per arenam laxioremque terram repunt vitaliter: pisces autem in hoc aere moriuntur. Ignis corpora nostra corrumpit, sed convenienter adhibitus, & refumit a frigore, & morbos innumerabiles pellit. Sol iste cui genua flectitis, quo vere nihil inter visibilia pulcrius invenitur, aquilarum oculos vegetat, nostros fauciat inspe-

ctus

a Editi, *potissimum*. pro quo MSS. undecim habent, *potentissimum*.

b Ita in MSS. At in excusis, *Tractarentur*.

c MSS. septem & Chevallonia editio sic habent: *soletis cum an-*

gustati fueritis pueriliter agere. Paulo post in excusis legitur, *nullam substantiam malam esse*. ubi ad MSS. castigavimus, *malum esse*.

ctus & tenebrat : sed fit per consuetudinem, ut nos quoque in eo sine incommodo aciem figamus. Num ergo finitis, ut illi veneno eum comparemus, quod mulieri Atheniensi consuetudo fecit innoxium? Respicite ergo aliquando & advertite, si substantia ulla malum est, ideo quod lædit aliquem, lucem quam colitis ab hoc crimine non posse defendi. Considerate potius hanc convenientiam universale malum esse, per quam solis radius tenebrascere oculos facit, cum eis nihil sit luce jucundius.

IX.
Ne consistere
quidem
Manichæorum
fabulas de
bonis &
malis.

14. HÆC dixi, ut, si fieri potest, tandem dicere desinatis, malum esse terram per immensum profundum & longam; malum esse mentem per terram vagantem; malum esse quinque antra elementorum, aliud tenebris, aliud aquis, aliud ventis, aliud igni, aliud fumo plenum; malum esse animalia in illis singulis nata elementis, serpentia in tenebris, natantia in aquis, volatilia in ventis, quadrupedia in igne, bipedia in fumo. Hæc enim sicut a vobis describuntur, nullo modo esse poterunt: quoniam quidquid tale est, in quantum est, a summo Deo sit necesse est, quoniam in quantum est, utique bonum est. Si enim dolor & imbecillitas malum est, erant ibi animalia in tanta corporis firmitate, ut eorum abortivos fetus, postquam de his secundum vestram sectam fabricatus est mundus, de cælo in terram cecidisse & mori non potuisse dicatis. Si cæcitas malum est, videbant: si surditas, audiebant. Si obmutescere aut mutum esse malum est, usque adeo signatæ atque distinctæ ibi voces erant, ut adversus Deum bellum gerere, sicut asseritis, eis in concione uno persuadente placuerit. Si sterilitas malum est, erat ibi filios procreandi magna fecunditas. Si exsilium malum est, in sua terra erant, suasque regiones incolebant. Si servitus malum est, erant ibi etiam qui regnabant. Si mors malum est, vivebant, & ita vivebant, ut mentem ipsam prorsus, nec post victoriam Dei, ullo modo umquam mori posse predicetis.

15. Cur quæso in summo malo invenio tanta bonis malis, quæ commemoravi, contraria? Aut si hæc non sunt mala, ullane tandem substantia in quantum substantia est malum erit? Si malum imbecillitas non est, malumne erit corpus infirmum? Si malum cæcitas non est, malumne erunt tenebræ? Si malum surditas non est, malumne erit surdus? Si malum non est mutum esse, malumne erit piscis? Si sterilitas malum non est, quomodo malum est animal sterile? Si exsilium malum non est, quomodo malum est animal exsulans, vel animal in exsilium aliquem mittens? Si servitus malum non est, quomodo malum est animal serviens, a vel servire quempiam cogens? Si mors malum non est, quomodo malum est animal mortale, vel inferens mortem? Si vero hæc mala sunt, quomodo non erunt bona, firmitas corporis, visus, auditus, locutio persuadens, fecunditas, solum genitale, libertas, vita, quæ omnia in illo mali regno fuisse perhibetis, & summum malum audetis asserere?

16. Postremo si (quod omnino nemo umquam negavit) inconvenientia malum est, quid convenientius quam illa suis quibusque animalibus elementa, tenebræ serpentibus, aquæ natantibus, venti volantibus, ignis edacioribus, fumus elatioribus? Tanta enim a vobis in discordiæ gente concordia, & tantus in perversitatis sede ordo describitur. Si quod nocet, malum est, omitto illud valentissimum quod supra dictum est, noceri non potuisse, ubi nullum erat bonum: sed si hoc obscurum est,

Tom. I.

a Editi & plerique MSS. non habent, vel servire quempiam cogens. quæ

A illud certe omnibus eminet & apparet, quia, sicut dixi, & ut omnes consentiunt, quod nocet est malum: fumus in illa gente bipedibus animalibus non nocebat; genuit ea, & aluit atque sustinuit sine labe nascentia, crescentia, regnantia. Nunc vero postquam mixtum est malo bonum, nocentior fumus effectus est, ita ut a nobis qui certe bipedes fumus, sustineri non possit; excæcat, opprimit, necat. Tantane malis elementis commixtione boni accessit immanitas? tanta Deo regnante perversitas?

17. Certe cur in ceteris videmus istam congruentiam, quæ auctorem vestrum decepit atque illexit ad componenda mendacia? Cur, inquam, tenebræ serpentibus, aquæ natantibus, venti volantibus congruunt: quadrupedem vero ignis incendit, & nos fumus offocat? Quid quod etiam serpentes acutissime vident, & præsentia solis exsultant, ibique sunt abundantiores, ubi aer serenior difficilius & rarius nubem contrahit? Quid absurdius, quam ibi esse accommodatius & aptius incolas amatoresque tenebrarum, ubi lucis perspicuitate gaudetur? Quod si eos dicitis delectari potius calore quam lumine, multo congruentius in igne serpentes alacres natos, quam tardum asinum diceretis: & tamen luci huic amicam aspidem quis neget, cum ejus oculi aquilæ oculis comparentur? Sed de bestiis videro. Nos ipsos obsecro consideremus sine pertinacia, & tandem fabulis vanis & perniciosis animum exuamus. Quis enim tantam perversitatem ferat, qua dicitur in tenebrarum gente, cui nihil admixtum erat luminis, animalia bipedia tam firmam, tam vegetam, tam denique incredibilem vim habuisse in oculorum acie, ut & in tenebris suis viderent purissimam, quæ a vobis commendatur, regnorum Dei lucem, (si quidem illam etiam talibus visibilem fuisse vultis) & adspicerent & considerarent & delectarentur & appeterent: nostros autem oculos commixtione lucis, commixtione summi boni, commixtione denique Dei tam infirmos, tam imbecillos esse redditos, ut neque quidquam videamus in tenebris, & solis adspectum nullo modo ferre possimus, atque inde conversi, etiam quæ a nobis videbantur quæramus?

18. Hæc dici possunt, etiam si corruptio malum est, quod æque nemo ambigit: non enim tunc fumus corrumperebat genus animalium, quod modo corrumpit. Et ne pergam per singula, quod longum est & non necessarium, usque adeo minus erant corruptioni obnoxia, quæ ibi animantia fuisse confingitis, ut abortivi eorum fetus nondum ad nascendum idonei, de cælo in terram præcipitati, & vivere, & gignere, & rursus conjurare potuerint, habentes utique pristinam firmitatem, quia jam erant concepti ante commixtionem boni & mali: nam post istam concretionem quæ de iis nata sunt, ea dicitis esse animalia, quæ nunc infirmissima & facile corruptioni cedentia videmus: quis hunc diutius tolerare possit errorem, nisi qui aut ista non videt, aut nescio qua incredibili consuetudine ac familiaritate vobiscum contra omnes moles rationis obduruit?

19. SED quoniam ostendi, ut arbitror, de bonis & malis generalibus, in quantis tenebris, & in quanta falsitate versemini: nunc videamus tria illa signacula, quæ in vestris moribus magna laude ac prædicatione jactatis. Quæ sunt tandem ista signacula? Oris certe, & manuum, & sinus. Quid est hoc? Ut ore, inquit, & manibus, & sinu castus & innocens sit homo? Quid si oculis, auribus, naribus peccet? Quid si calcibus hominem affligat, vel etiam necet? Quomodo istum tenebi-

H h mus

verba ex codice Regio-montensi & tribus Sorbonicis adjecimus.

Aspis
gaudet
luce.

CAPUT
X.
Tria signacula
morum
a Manichæis
perperam excogitata.

mus reum, qui nec ore, nec manibus, nec sinu peccavit? Sed cum os, inquit, nomino, omnes sensus qui sunt in capite, intelligi volo; cum autem manum, omnem operationem; cum sinum, omnem libidinem seminalem. Quo ergo vultis pertinere blasphemias? ad os, an ad manum? Est enim operatio ista per linguam. Itaque si uno genere operationem omnem concluditis, cur operationem pedum conjungitis manibus, linguæ separatis? An quia lingua verbis significat aliquid, eam vultis sejungere ab ea operatione quæ non significandi gratia fit, ita ut definiatur signaculum manuum, ab operatione mala, quæ non significandi causa est, continentia? Sed quid facturi estis, si quis peccet significando aliquid manibus, ut fit cum scribimus, vel gestu aliquid quod intelligatur ostendimus? hoc enim ori atque linguæ tribuere non potestis, quia manibus fit. Quid enim absurdius, quam ut cum tria dicantur signacula, oris, manuum, & sinus, quædam peccata deprehensa in manibus tribuantur ori? Si autem operatio generalis manibus datur, quæ tandem ratio est pedum operationem huic addere, linguæ non addere? Videtisne quomodo novitatis appetitio comite errore in magnas deducatur angustias? Tribus namque istis signaculis, quæ nova quadam divisione prædicatis, quomodo includatis omnium peccatorum purgationem non invenitis.

CAPUT
XI.
Signa-
culum
oris
quale
apud
Mani-
chæos
qui
blasphemia
in
Deum
rei esse
convincuntur.

20. SED dividite ut vultis, prætermittite quidquid vultis: ea quæ maxime soletis commendare tractemus. Ad oris enim signaculum dicitis pertinere, ab omni continere blasphemia. Est autem blasphemia, cum aliqua mala dicuntur de bonis. Itaque jam vulgo blasphemia non accipitur, nisi mala verba de Deo dicere: de hominibus namque dubitari potest: Deus vero sine controversia bonus est. Si ergo ratio convicerit, neminem de Deo pejora quam vos dicere, ubi erit memorabile oris signaculum? Docet enim ratio, nec sane recondita, sed in promptu sita & exposita omnium intellectui, sed invicta & eo invictior quod eam nemo ignorare permittitur, Deum esse incorruptibilem, incommutabilem, inviolabilem, in quem nulla indigentia, nulla imbecillitas, nulla miseria cadere possit. Usque adeo autem ista omnis anima rationalis communiter sentit; ut etiam vos cum dicuntur, annuat.

21. Sed cum fabulas vestras narrare ceperitis, & corruptibilem & commutabilem & violabilem, & indigentiam obnoxium, & imbecillitatem admittentem, & a miseria non tutum Deum mira cæcitate possessi suadetis, & mira cæcitate possessis etiam persuadetis. Atque hoc parum est: non enim corruptibilem tantum Deum dicitis, sed corruptum; nec & commutabilem, sed commutatum: nec violabilem, sed violatum; nec qui possit indigentiam pati, sed indigentem; nec in quem casura sit, sed in quem ceciderit imbecillitas; nec qui miser esse possit, sed miserum. Animam quippe Deum esse dicitis vel partem Dei. Nec video quomodo Deus non sit, quæ pars Dei dicitur: nam & auri pars aurum, & argenti argentum, & lapidis lapis: & ut ad hæc majora veniamus, pars terræ terra est, & aquæ pars aqua, & aeris aer, & si quid de igne detraxeris, ignem esse non negabis, & quælibet pars lucis nihil potest esse aliud quam lux. Cur ergo pars Dei non erit Deus? An a articulata Dei forma est, sicut hominis, reliquorumque animantium? nam pars hominis non est homo:

22. Sed ad quamlibet istarum opinionum descendo,

A & singillatim utramque considero. Nam si Deum ita esse vultis ut lucem, recusare non potestis Deum esse aliquam partem Dei. Quamobrem cum partem Dei esse animam dicitis, quam non negatis & corruptam esse, quæ stulta est; & commutatam, quæ sapiens fuit; & violatam, quæ propriam perfectionem non habet; & indigentem, quæ poscit auxilium; & imbecillam, quæ medicina eget; & miseram, quæ beata esse desiderat: hæc omnia in Deum sacrilega opinione confertis. Aut si non conceditis hæc de anima, nec b Spiritus est necessarius, qui animam in veritatem inducat, quia stulta non est; nec renovatur anima per veram religionem, quia inveterata non est; nec signaculis vestris perficitur, quia perfecta est; nec ei Deus opem fert, quia non indiget; nec medicus est Christus, quia sana est; nec beata ei vita recte promittitur. Quid quod liberator dicitur Jesus, quod & ipse in Evangelio clamat: *Si vos Filius liberaverit, tunc vere liberi eritis?* Et Apostolus Paulus ait, *Vos in libertatem vocati estis.* Servit ergo anima quæ istam libertatem nondum est affecuta. Deus igitur vobis auditoribus, si quidem pars Dei est Deus, & stultitia corrumpitur, & cadendo mutatus est, & amissa perfectione violatus, & opis indiget, & debilis morbo, & oppressus miseria, & servitute turpatus est.

23. Quod si Dei pars Deus non est: nec incorruptus potest esse, in cuius parte corruptio est; nec incommutatus, qui ex aliqua parte mutatus est; nec inviolatus, qui non ex omni parte perfectus; neque non indigens, qui sedulo agit ut sibi restituat partem suam; nec omnino sanus, qui aliqua parte imbecillus est; nec beatissimus, qui habet aliquam partem subjectam miseriæ; nec omnino liber, cuius pars aliqua premitur servitute. Hæc omnia cogimini dicere, cum animam, quam tantis obrutam calamitatibus cernitis, partem Dei esse perhibetis. Hæc & multa hujuscemodi de secta vestra si potestis auferre, tunc demum dicite os vestrum carere blasphemias. Immo sectam illam deserite: nam si hoc quod ille scripsit destiteritis credere ac dicere, Manichæi utique non eritis.

24. Summum bonum omnino, & quo esse aut cogitari melius nihil possit, aut intelligendus, aut credendus Deus est, si blasphemias carere cogitamus. Ratio aliqua numerorum violari & commutari nullo pacto potest, nec ulla natura qualibet violentia effecerit, ut post unum qui sequitur numerus, non duplo ei concinat. Hoc commutari nullo pacto potest, & Deus a vobis commutabilis dicitur. Tenet ista ratio inviolabilem integritatem suam, & ei saltem parem Deum esse non vultis. Faciat quælibet gens tenebrarum, ut ternarius intelligibilis numerus, in quo ita unum est, quod unum est, ut partibus careat; faciat ergo gens ista tenebrarum, ut numerus iste ternarius in duas partes æquales dividatur. Videt certe mens vestra nullius id malevolentia posse contingere. Quæ ergo rationem numeri violare non poterat, poterat Deum? Si autem non poterat, quæ obsecro necessitas fuit, ut pars ejus misceretur malo, & in tantas misérias truderetur?

25. HINC enim illud exortum est, quod etiam cum studiose vos audiremus, nos magnis premebat angustias: nec ullum exitum reperiebamus, quærentes quid factura erat Deo gens tenebrarum, si cum ea nollet cum tanta partis suæ calamitate pugnare. Si enim non erat nocitura quiescenti, crudeliter nobiscum

Jo. 8. 36.

Gal. 5. 13.

CAPUT
XII.
Excludit
Manichæorum
suffragia.
V. l. 7.
Conf. c. 2.

a MS. Regius sic habet: *an particula Dei anima est sicut &c.*

b MSS. septem, nec Apostolus est necessarius. Et paulo post plerique

habent, quia mutata non est, ubi excusi, *inveterata.*

biscum actum querebamur, qui ad istas ærumnas missi sumus. Si autem nocitura erat, non esse illam naturam incorruptibilem, qualis natura Dei esse debebat. In hac quæstione non defuit qui diceret, non Deum malo carere voluisse, aut ne sibi noceretur cavisse, sed propter naturalem bonitatem suam inquietæ perversæque naturæ, ut ordinata esset, prodesse voluisse. Non hoc sonant libri Manichæi; cavisse Deum ne invaderetur ab hostibus, sæpissime ibi significatur. sæpissime dicitur. Sed concedamus ista Manichæum sensitse, ut ille dicebat, qui non inveniebat aliud quod diceret: num ista ratione Deus a crudelitate aut infirmitate defenditur? Hæc enim ejus in adversam gentem bonitas, in suos existit magna perniciēs. Huc accedit, quia si natura illius corrumpi commutarique non posset, nec nos ulla pestis commutaret atque corrumpere; & ille ordo qui naturæ alienæ præstandus fuit, posset sine nostra perversitate præstari.

26. Illud vero nondum dictum erat, quod a nuper apud Carthaginem audivi. Cum enim quidam, quem maxime illo errore cupio liberari, hac quæstione in eadem compingeretur angustias, ausus est dicere, scilicet regnum habuisse quosdam fines suos, qui posset invadi a gente contraria; nam ipsum Deum nullo modo potuisse violari. Sed dixit quod neque auctor ille vester ullo modo dicere cogeretur: videret enim fortasse consequentes ruinas suæ sectæ multo per hanc sententiam, quam per aliam faciliores. Et re vera ita se hoc habet, ut si quisquam mediocris cordis audierit in natura illa fuisse, aliud violabile, aliud inviolabile, facile intelligat non jam duas, sed tres esse naturas, unam inviolabilem, alteram violabilem, tertiam violatricem.

CAPUT
XIII.
Non ex
rebus
sed ex
intētio-
ne facta
estimā-
tur: hinc
de Ma-
nichæo-
rum ab-
stinē-
tia se-
rendum
judiciū.

27. Hæc igitur blasphemix, cum a corde profectæ, quotidie in ore vestro habitent, desinite aliquando signaculum oris vestri, ad imperitorum illecebram, quasi magnum aliquid prædicare. Nisi forte quod non vescimini carnibus, & vinum non bibitis, signaculum oris mirandum & laudandum putatis. Quod quæro a vobis, quo fine faciatis. Finis enim quo referuntur ea quæ facimus, id est, propter quem facimus quidquid facimus, si non solum inculpabilis, sed etiam laudabilis fuerit, tunc demum etiam facta nostra laude aliqua digna sunt: sin ille jure meritoque culpatur, quem spectamus & intuemur, cum in aliquo versamur officio, id quoque officium nemo improbandum vituperandumque dubitaverit.

Sailus
stius in
prologo
Catilinæ.

28. De Catilina memoriæ proditum est, quod frigus, sitim, famem ferre poterat. Hæc erant illi spurco sacrilegoque etiam cum Apostolis nostris communia. Unde ergo discernitur parricida iste ab Apostolis nostris, nisi sine illo quem diversissimum sequebatur? Namque ille ista tolerabat, ut immoderatissimas & immanissimas expleret cupiditates: illi e contra ut eas premerent, & dominant rationi servire cogerent. Soletis & vos, cum catholicarum vobis virginum multitudo prædicatur, dicere, Etiam mula virgo est. Temere id quidem, propter imperitiam catholicæ disciplinæ, sed tamen significantes vanam esse continentiam istam, nisi ad aliquem rectissimum finem certa ratione referatur. Possunt & catholici Christiani vestram a vino & carnibus abstinentiam, jumentis & multis passeribus, postre-

Tom. I.

A mo etiam innumerabilibus generibus vermium comparare. Sed ne in vestram incidam temeritatem, non id præpropere faciam, sed discutiam primo quo ista fine faciatis. Jam enim constat inter nos, ut opinor, hujusmodi moribus nihil aliud esse quærendum. Si ergo parcimoniæ gratia & coercendæ libidinis, qua escis talibus & potu delectamur & capimur, audio & probo: sed non ita est.

29. Nam quæro a vobis, si quis existat, quod fieri potest, ita homo parcus & frugi, ut appetitum ventris & gutturis moderans, non epuletur bis per unum diem; & huic cœnanti oluscula cum exiguo lardo apponantur, eodem lardo uncta atque condita, quantum comprimendæ fami sat est; sitinque irriget propter diligentiam valetudinis, duabus aut tribus^b vini meracis portionibus, isque illi victus sit quotidianus: alius vero ex alia parte nihil gustans carniū, nihil vini, exquisitas & peregrinas fruges multis ferculis variatas & largo pipere adspersas nona hora libenter assumat, noctis etiam principio talia cœnaturus; bibat autem mulsum, carcenum passum, & nonnullorum pomorum expressos succos, vini speciem satis imitantes, atque id etiam suavitate vincentes; & bibat non quantum sitit, sed quantum libet; idque sibi exhibendum curet quotidie, talique victu deliciisque perfruatur, nulla necessitate, magna voluptate: quem tandem horum duorum, quod ad cibandum potandumque adtinet, abstinentius vitam ducere judicatis? Non opinor usque adeo vos esse cæcos, quin illum de parco lardo & vino, huic gurgiti præferatis.

30. Ita quidem veritas cogit, sed vester error longe aliter canit. Electus enim vester tribus signaculis prædicatus, si quotidie ita vivat, ut hic quem posterius descripsimus, ab uno, & fortasse duobus gravioribus reprehendi potest, damnari autem tamquam signaculi^c designator omnino non potest. Si autem semel cum illo priore cœnaverit, frustoque pernæ vel rancido labra unxerit, & vappa udaverit, solutor signaculi & gehennæ illico destinatus, vestri auctoris sententia, mirantibus vobis, sed tamen consentientibus, judicabitur. Quæso relinquitte errorem, quæso advertite rationem, quæso aliquantulum consuetudini obstitite. Quid enim est ista pravitate perversius? Quid magis delirum? Quid porro insanius dici aut cogitari potest, hominem boletos, orizam, tubera, placentas, carcenum, piper, laser, distento ventre cum gratulatione ructantem, & quotidie talia requirentem, non inveniri quemadmodum a tribus signaculis, id est, a regula sanctitatis excidisse videatur; alium vero fruges vilissimas fumoso obsonio condientem, tantumque hinc assumentem, quantum refectio corporis sufficit, & tres cyathos vini sustentandæ valetudinis gratia sorbentem, & ab illo victu ad istum transeuntem, certo supplicio præparari?

31. AT enim ait Apostolus, *Bonum est, fratres, non manducare carnem, neque bibere vinum*. Quasi vero quisquam nostrum id bonum neget: sed aut eo fine quem superius commemoravi, secundum quem dicitur, *Et carnis curam ne feceritis in concupiscentiis*: aut eis quos rursus idem Paulus ostendit, id est, aut refrenandæ gulæ causa, quæ his rebus solet rabi- dius immoderatusque raptari; aut ne frater offendatur; aut ab infirmis idolio communicetur. Eo

CAPUT
XIV.
Tribus
causis
abstine-
tur lau-
dabili-
ter a cer-
tis cibo-
rum ge-
neribus.
Rom. 14.
21.

H h 2 enim

ipsius regressum ex Italia. Quod si ita est, libro huic Romæ a se scripto locum hunc secunda manu, dum ejus publicationem differt, adjecerit.

^b MSS. sex probæ notæ, aut tribus minime meracis portionibus. alii tres, aut tribus vini portionibus.

^c Er. dissipator. Lov. assignator. At MSS. septem assignator. alii quatuor habent designator.

^a Et si vox, *Nuper*, ad aliquot annos porrigatur nonnumquam: hoc tamen loco nescimus an proximum tempus denotet. Nam subindicare videtur quæstioni illi (quæ quidem apud Italiam ab usque Carthaginem a Nebridio proponi solebat, uti legimus in lib. 7. Confess. c. 2. n. 3.) responsum istud alterum pro Manichæis redditum esse; non primo tempore propositæ a Nebridio quæstionis, aut eo quo studiose Manichæos audiebat Augustinus, sed aliquanto recentiore, ac forte non nisi post

enim tempore, quo hæc scribebat Apostolus, multa ^A immolantia caro in macello vendebatur. Et quia vino etiam libabatur diis gentium, multi fratres infirmiores, qui etiam rebus his venalibus utebantur, penitus a carnibus se & vino cohibere maluerunt, quam vel nescientes incidere in eam quam putabant cum idolis communicationem. Propter hos autem etiam ii qui firmiores erant, & hæc majori fide contemnenda judicant, scientes nihil immundum esse nisi per malam conscientiam, tenentesque illam Domini sententiam, *Non quod intrat in os vestrum, vos coinquinat, sed quod exit*: tamen ^B propter hos infirmiores, ne offenderentur, ab his rebus abstinere debebant. Neque hoc suspitione colligitur, sed in ipsis Apostoli epistolis manifeste invenitur. Vos enim hoc solum nobis dicere soletis; *Bonum est, fratres, non manducare carnem, neque bibere vinum*: non autem subungere illud quod sequitur; *neque in quo frater tuus offenditur, aut scandalizatur, aut infirmatur*. Hinc enim elucet quo fine Apostolus hæc præcipiebat.

32. Planius hoc indicant superiora & sequentia, quæ commemorare longum est quidem, sed propter eos, qui ad divinas Scripturas legendas & pertractandas pigri sunt, totum istum locum retexere cogimur. *Infirmum autem in fide assumite*, inquit, *non in disceptationibus cogitationum. Alius enim credit manducare omnia: qui autem infirmus est, olus manducet. Is qui manducat, non manducantem non spernat; & qui non manducat, manducantem non judicat. Deus enim illum assumpsit. Tu quis es qui iudicas alienum servum? Suo Domino stat, aut cadit: stabit autem. Potens est enim Deus statuere illum. Nam alius iudicat diem inter diem, alius iudicat omnem diem: unusquisque in suo sensu abundet. Qui sapit diem, Domino sapit. & qui manducat, Domino manducat; gratias enim agit Deo. Et qui non manducat, Domino non manducat, & gratias agit Deo. Nemo enim nostrum sibi vivit, & nemo sibi moritur. Sive enim vivimus, Domino vivimus; sive morimur, Domino morimur. Sive enim vivimus, sive morimur, Domini sumus. In hoc enim Christus & a vixit, & mortuus est, & resurrexit, ut & vivorum & mortuorum dominetur. Tu autem quid iudicas fratrem tuum, aut tu quare spernis fratrem tuum? Omnes enim stabimus ante tribunal Dei. Scriptum est enim: Vivo ego, dicit Dominus, quoniam mihi fletetur omne genu, & confitebitur omnis lingua Deo. Itaque unusquisque nostrum pro se rationem reddet Deo. Non ergo amplius invicem dijudicemus, sed hoc iudicate magis, ne ponatis offendiculum fratri vel scandalum. Scio & confido in Domino Jesu, quia nihil commune per ipsum, nisi ei qui existimat quid commune esse, illi commune est. Si enim propter cibum frater tuus contristatur, non jam secundum caritatem ambulas. Noli cibo tuo perdere illum, pro quo Christus mortuus est. Non ergo blasphemetur bonum nostrum. Non est regnum Dei esca & potus, sed iustitia & pax & gaudium in Spiritu sancto. Qui enim in hoc servit Christo, placet Deo, & probatus est hominibus. Itaque quæ pacis sunt sectemur, & quæ ædificationis sunt in invicem. Noli propter escam destruere opus Dei. Omnia quidem munda sunt, sed malum est homini qui per offensionem manducat. Bonum est non manducare carnem, & non bibere vinum, neque in quo frater tuus offenditur, aut scandalizatur, aut infirmatur. Tu fidem habes penes te metipsum, habe coram Deo. Beatus qui non iudicat semetipsum in eo quod probat. Qui autem discernit, si manducaverit damnatus est, quia non ex fide. Omne autem quod non ex fide,*

peccatum est. Debemus autem nos firmiores imbecillitates infirmorum sustinere, & non nobis placere. Unusquisque nostrum proximo suo placeat in bonum, ad ædificationem. Etenim Christus non sibi placuit.

33. Satisne apparet, Apostolum eis præcepisse, ut carnes non manducarent, neque vinum biberent quicumque firmiores essent: quia infirmos offendeabant non eis congruendo, & faciebant ut putarent eos, qui fide omnia munda judicabant, in obsequium idolorum a talibus epulis & potu nolle abstinere? Hoc significat & ad Corinthios hoc modo scribens: *De escis autem sacrificiorum quæ idolis immolantur, scimus quia nihil est idolum in mundo, & quod nullus Deus nisi unus. Nam et si sunt qui dicantur dii, sive in caelo, sive in terra, nobis tamen unus Deus Pater, ex quo omnia, & nos in illo, & unus Dominus Jesus Christus, per quem omnia, & nos per ipsum. Sed non in omnibus est scientia. Quidam autem in conscientia sua usque adhuc in idolo quasi idolothytum manducant, & conscientia eorum cum sit infirma inquinatur. Esca autem nos non commendat Deo. Neque enim si manducaverimus, abundabimus, neque si non manducaverimus, deficiemus. Videte autem ne forte hæc licentia vestra offendiculum fiat infirmis. Si enim quis viderit eum, qui habet scientiam, in idolo recumbentem, nonne conscientia ejus cum sit infirma, ædificabitur ad manducandum idolothyta, & peribit infirmus in tua conscientia frater, propter quem Christus mortuus est? Sic autem peccantes in fratres, & percutientes conscientiam ipsorum infirmam, in Christum peccatis. Quapropter si esca scandalizat fratrem meum, non manducabo carnem in æternum, ne fratrem scandalizem.*

34. Item alio loco; *Quid ergo dico quod idolis immolatum sit aliquid, & aut quod idolum sit aliquid? Sed quæ immolant gentes, dæmoniis immolant, & non Deo. Nolo autem vos socios fieri dæmoniorum. Non potestis calicem Domini bibere, & calicem dæmoniorum: non potestis mensæ Domini paticipes esse, & mensæ dæmoniorum. An æmulamur Dominum? Numquid illo fortiores sumus? Omnia mihi licita sunt, sed non omnia expediunt: omnia mihi licita sunt, sed non omnia ædificant. Nemo quod suum est quærat, sed quod alterius. Omne quod in macello venit, manducate; nihil interrogantes propter conscientiam. Si quis autem dixerit, Hoc immolatum est idolis, nolite manducare propter illum qui indicat, & propter conscientiam: conscientiam autem dico, non tuam, sed alterius. Ut quid enim libertas mea iudicatur ab alia conscientia? Si ego cum gratia participo, quid blasphemor pro quo gratias ago? Si ve ergo manducatis, sive bibitis, vel aliud quid facitis, omnia in gloriam Dei facite. Sine offensione estote Judæis & Græcis & Ecclesiæ Dei sicut & ego omnibus per omnia placeo, non querens quod mihi utile est, sed quod multis, ut salvi fiant. Imitatores mei estote, sicut & ego Christi.*

35. Apparet igitur, ut opinor, quo fine a carnibus & a vino sit abstinendum. Is finis est triplex. Ad comprimendam delectationem, quæ in his maxime cibis haberi solet, atque in tali potu usque ad ebrietatem pervenire. Ad tuendam infirmitatem, propter illa quæ sacrificantur atque libantur. Et quod maxime commendandum est, propter caritatem, ne imbecilliorum ab his continentium offendatur infirmitas. Vos autem immunda esse obsonia dicitis, cum dicat Apostolus, omnia munda esse, sed ei malum esse qui per offensionem manducat. Et prorsus credo vos istis epulis inquinari, eo ipso quo immunda esse arbitra-

a Editi, & vivit. MSS. & vixit. porro neutrum hic loci in sacris codicibus reperitur.

b MSS. novem, placeat ad bonam ædificationem.

c MSS. nove u, non quod idolum sit aliquid.

arbitramini. Ait enim, *Credo & confido in Domino Jesu, quia nihil commune per ipsum; sed ei qui existimat aliquid commune esse, illi commune est.* Cui autem dubium est, commune illum, immundum & inquinatum vocasse? Sed stultum est vobiscum agere de Scripturis, cum & rationem pollicendo decipiatis; & eos libros, in quibus magna est religionis auctoritas, falsis capitibus immixtis corruptos esse dicatis. Ratione igitur mihi persuadete, quomodo vespertem carnes coinquant, si sine ulla offensione, sine ulla infirma opinione, sine ulla libidine fumuntur.

CAPUT
XV.
Esium
carnium
cur in-
terdi-
cant Ma-
nichæi.

36. OPERÆ PRETIUM est totam superstitionis hujus abstinentiæ rationem cognoscere, quæ ita redditur: Quoniam, inquit, membrum Dei malorum substantiæ commixtum est, ut eam refrenaret, atque a summo furore comprimeret, (sic enim dicitis) de commixta utraque natura, id est, boni & mali, mundus est fabricatus. Pars autem illa divina ex omni parte mundi quotidie purgatur, & in sua regna resumitur: sed hæc per terram exhalans, & ad cælum tendens, incurrit in stirpes, quoniam radicibus terræ affiguntur, atque ita omnes herbas & arbuta omnia fecundat & vegetat. Hinc animalia cibum capiunt, quæ si concumbunt, ligant in carne divinum illud membrum, & a certo suo itinere aversum atque impeditum, erroribus ærumnisque implicant. Itaque cibi qui de frugibus & pomis parantur, si ad sanctos, id est, ad Manichæos veniant, per eorum castitatem, & orationes, & psalmos quidquid in eis est a luculentum & divinum purgatur, id est, ex omni parte perficitur, ut ad regna propria sine ulla sordium difficultate referatur. Hinc est quod mendicanti homini, qui Manichæus non sit, panem vel aliquid frugum, vel aquam ipsam, quæ omnibus vilis est, dari prohibetis; ne membrum Dei, quod his rebus admixtum est, suis peccatis sordidatum a reditu impediat.

37. Carnes autem jam de ipsis sordibus dicitis esse concretas. Fugit enim aliquid partis illius divinæ, ut perhibetis, dum fruges & poma carpuntur; fugit cum affliguntur vel terendo vel molendo vel coquendo, vel etiam mordendo atque mandendo. Fugit etiam in omnibus motibus animalium, vel cum gestiunt, vel cum exercentur, vel cum laborant, vel cum omnino aliquid operantur. Fugit etiam in ipsa quiete nostra, dum in corpore, illa quæ appellatur digestio, interiore calore conficitur. Atque ita tot occasionibus divina fugiente natura, quiddam sordidissimum remanet, unde per concubitum caro formetur; cum anima tamen boni generis, quoniam quamvis plurimum, non tamen totum bonum, memoratis illis motibus evolat. Quocirca cum anima etiam carnem deseruerit, nimias sordes reliquas fieri, & ideo eorum qui vescuntur carnibus, animam co-

CAPUT
XVI.
Aperit
porten-
tosa Ma-
nichæo-
rum my-
steria.

38. O RERUM naturæ obscuritas, quantum tegmen est falsitatis? Quis non, hæc audiens, qui rerum causas non didicit, qui nondum veritatis quantum locumque lumine adpersus corporeis imaginibus fallitur, eo ipso quo hæc minime apparent, & per quædam simulacra rerum visibilium cogitantur, & diserte dici possunt, vera esse arbitretur? Talium autem hominum magnæ turtæ atque greges vocantur, quos religiosus timor ab his fallaciis potius quam ratio tutos facit. Quamobrem ita ego ista conabor refellere, quantum me

Tom. I.

a Editi *luculentum purgatur*. At MSS. octo, *luculentum & divinum*, uti legi possunt sequentia verba, *perficitur ut ad regna*, &c.

b Er. & Lov. omissa præpositione, *cum*, sic textum interpungunt: *caro formetur. Anima tamen boni* &c. sed aliquanto concinnior MSS.

A Deus adinvare dignabitur, ut non solum prudentium iudicio, quo simul ac dicta fuerint improbentur, sed ipsi etiam vulgari intelligentiæ, quam sint falsa & absurda satis eluceat.

39. Primo enim quæro, unde doceatis in frumentis, ac legumine, & oleribus, & floribus, & pomis inesse istam nescio quam partem Dei. Ex ipso coloris nitore, inquiunt, & odoris jocunditate, & saporis suavitate manifestum est: quæ dum non habent putria, eodem bono sese deserta esse significant. Non pudet Deum naso & palato inventum putare? sed hæc omitto. Latine enim vobis dicam, & ut dici adsolet, multum est ad vos. Illud potius qualicumque mente intelligendum fuit, si colore apparet in corporibus boni præsentia, si-mum animalium, quod ipsarum etiam carnium purgamentum est, diversis nitere coloribus, alias candido, plerumque aureolo, & aliis huiusmodi, quos in pomis & floribus velut testes Dei præsentis atque inhærentis accipitis. Quid tandem causæ est, quod ruborem in rosa indicem abundantis boni esse perhibetis, & eundem damnatis in sanguine? Cur in viola eundem colorem amplectimini, quem in cholericis, in morbo ictericorum, in infantis denique fimo aspernamini? Cur nitorem atque fulgorem olei, clamare copiam coadmixti boni arbitramini, & ad id purgandum fauces & ventrem paratis: de pingui autem carne simillimi fulgoris distillantibus guttis labra contingere formidatis? Cur de thesauris Dei melonem putatis aureum esse; & pernæ adipem rancidam, vel ovi medium non putatis? Cur vobis candor in lactucis prædicat Deum, in lacte non prædicat? De coloribus enim adhuc loquor, in quibus (ut omittam cetera) unius pavonis pennæ & plumæ, quæ certe de concubitu & carne nascuntur, nulla potestis vestita floribus prata conferre.

40. Nam si & odore invenitur hoc bonum, nonnullorum animalium carnibus miri odoris conficiuntur unguenta. Cibi denique ipsi, qui cum carnibus meliusculis concoqui solent, multo jocundius olent quam si eis caro defuisset. Postremo si suavius olentia mundiora judicatis, quodam luto vesci avidius, quam cisterninam aquam bibere debuistis: quia perfusa imbri terra sicior, nares miro odore permulcet, meliusque olet tale lutum, quam si exciperetur pluvia purior. Quod si saporem opus est adtestari, ut cognoscamus habitare in corpore aliquid Dei, magis habitat in dactylis & melle quam in carne porcina, sed magis in carne porcina quam in faba, magis in fico quam in ficato, ecce concedo; sed & vos concedite, magis in ficato quam in beta. Quid quod ista ratione cogimini confiteri, quasdam stirpes, quas certe omnes mundiores vultis quam carnem, ex ipsa carne accipere Deum, si sapore Deus immixtus agnoscitur? Nam & olera sapidiora fiunt cocta cum carnibus: & herbas quibus pecora pascuntur, gustare non possumus, conversas autem in succum lactis, & colore præstantiores, & sapore commodissimas judicamus.

41. An bona tria simul ubi fuerint, id est, color bonus & odor & sapor, ibi esse majorem boni partem putatis? Nolite ergo flores tantopere mirari atque laudare, quos judicandos ad tribunal palati non potestis admittere. Nolite portulacam saltem carnibus antepone, quæ ab his coctis & colore & sa-

H h 3 pore

lectio, quam hic reddimus.

c In excusis habetur, *coloribus*, manifesto errore, quapropter ex MSS. substituimus, *cholericis*, vocem Latinis quidem barbaram, sed Afris forte receptam ad significandum choleram aut cholera affectos.

Ex car-
nibus
animan-
tum un-
guenta.

pore & odore superatur. Porcellus assus, (hoc enim cogitis, ut de bono & de malo, non scriptoribus & librariis, sed coquis & dulciariis ministris vobiscum potius differamus) porcellus ergo assus & colore nitidus, & odore blandus, & sapore jocundus est: habetis perfectum divinæ substantiæ inhabitantis indicium: trino testimonio vos invitat, & purgari vestra sanctitate desiderat. Invadite: quid cunctamini? quid contradicere paratis? Colore solo lenticulam fimus vincit infantis, odore solo assa offella superat mitem ac viridem ficum, sapore solo hœdus occisus herbam, quam vivus pascitur, vincit: inventa est etiam caro, cuius causa his simul tribus testibus adjuvetur. Quid quæritis amplius? aut quid dicturi estis? Cur vos epulantes immundos faciant pulpamenta, & disputantes hæc portenta non faciant: præsertim cum solis istius radius, quem vos certe & carnibus omnibus & frugibus anteponeitis, nec oleat, nec sapiat, sed tantummodo inter cetera corpora, præstantia fulgentissimi coloris emineat: qui vos magnopere hortatur, atque adeo cogit invitos, ut inter documenta commixti boni, nihil coloris nitori præferatis?

42. Ad illas ergo reducimini angustias, ut magis in sanguine, & in iis quæ animalium carnibus fœtidissima, sed nitide colorata in vicis egeruntur, quam in olivæ foliis pallentibus partem Dei habitare fateamini. Quod si dicitis, nam etiam hoc dicitis, olivæ folia cum incenduntur ignem emittere, in quo præsentia lucis apparet, carnes autem cum incenduntur non idem facere; quid de adipe respondebitis, qui prope omnes Italas lucernas illuminat? Quid de fimo bubulo, qui est certe bovis carne sordidior, quo siccato rustici sic utuntur ad focum, ut ejus igne facilius nihil sit fumoque purgatius? Quid quod, si nitor & fulgor majorem præsentiam divinæ partis ostendit, eam vos non purgatis, non consignatis, non liberatis? Si quidem est maxime in floribus, ut omittam sanguinem, & innumerabilia in carne, vel ex carne simillima, quos certe flores habere in epulis non potestis: qui si etiam carnibus vesceremini, squamas certe piscium, & quosdam vermiculos atque muscas, quæ omnia etiam in tenebris luce propria coruscant, pulmentis vestris non adhiberetis.

43. Quid igitur restat, nisi ut dicere desinatis, habere vos idoneos iudices oculos, nares, palatum, quibus divinæ partis præsentiam in corporibus approbetis? His autem remotis, unde docebitis non modo majorem partem Dei in stirpibus esse quam in carnibus, sed omnino esse aliquid ejus in stirpibus? An pulcritudo vos movet, non quæ in suavitate coloris est, sed quæ in partium congruentia? Utinam hoc esset. Quando enim corporibus animantium, in quorum forma paribus paria membra respondeant, auderetis distorta ligna conferre? Sed si corporalium sensuum testimoniis delectamini, quod necesse est iis, qui vim essentiae mente videre non possunt, quomodo probatis per moram temporis, & per obtritiones quasdam, fugere de corporibus substantiam boni, nisi quia inde discedit Deus, ut asseritis, & de loco in locum migrat? Plenum est dementiæ. Verumtamen signa vos ad istam sententiam & indicia, quantum existimare possum, nulla duxerunt. Multa enim carpta de arboribus vel evulsa de terra, ante quam ad cibum nostrum veniant, interpositione aliqua temporis meliora redduntur; ut porri & intiba, lactucæ, uvæ, mala, ficus, & quædam pira: & multa præterea quæ & colorantur melius, dum non statim ut decerpta fuerint absumuntur, &

A corpore capiuntur salubrius, & sapiunt in ore conditius: quæ tanta commoditas & suavitas inesse his rebus minime deberet, si secundum vestram sententiam, tanto desertiora bono fierent, quanto diuturnius reponuntur, postquam a terra quasi a matre separata sunt. Caro ipsa pridie occisorum animalium profecto est jocundior atque commodior: non autem ita esse oportebat, si, ut asseritis, plus haberet boni, eo die recens animante interemto, quam postridie cum divinæ substantiæ major fuga facta esset.

B 44. Vinum vero vetustate purius meliusque fieri quis ignoret? nec ad pervertendos sensus a redolentius, ut putatis, sed ad vegetandum corpus utilius: tantum a
ad sit modus, quem in omni re dominari decet. Nam musto recentiore perversitas sensuum citius solet accidere: ita ut si aliquando in lacu remanserit, aliquantum-
que ferbuerit, intuentes de super percussio cerebro præcipientes agat, & nisi aliquo modo subveniatur, exstinguat. Mira de Musto.
Jam quod ad valetudinem adinet, inflari eo corpora perniciosè distendi, quis abnuat? Num ideo tanta incommoda insunt, quia plus habet boni: propterea ista in vini vetustate non sunt, quia divinæ substantiæ pars magna discessit? Absurdum est dicere, vobis præsertim qui præsentiam partis Dei, oculis, naribus, palato, cum hi sensus bene afficiuntur, judicatis. Jam vero quæ tanta perversio est, vinum putare fel principum tenebrarum, & uvis comedendis non parcere? Magisne inerit illud fel cum in cupa, quam cum in acinis fuerit? Quod si bono discedente quasi meracius remanet malum, & id temporis mora contingit, non oportebat easdem uvæ suspensas atque servatas fieri mitiores, dulciores, salubriores: neque ipsum vinum, quod supra dictum est, & amissa luce liquidius atque luculentius, & salutifera substantia discedente salubrius.

45. Quid dicam de lignis & frondibus, quæ tempore arefcunt, nec ex eo a vobis dici possunt deteriora fieri? Id enim amittunt quo fumus gignitur, id autem retinent unde lucida flamma confurgit, & ea claritate quam multum diligitis, purius bonum in aridioribus, quam in viridioribus esse testatur. Ex quo fit, ut aut negetis Dei partem in luce pura quam in fumosa esse majorem, & ita omnia documenta vestra turbetis; aut fateamini fieri posse, ut de stirpibus amputatis vel evulsis, si diuturniore tempore reponantur, copiosius fugiat mali natura quam boni. Quo concessio, tenebimus de frugibus carptis majus malum posse abire, atque ita in carnibus majus bonum posse remanere. Et hoc quidem de tempore dictum sit.

F 46. Nam si commotione & subactione & adtritione harum rerum, fugæ occasionem invenit divina illa natura, multa vos similia redarguunt, quæ fiunt movendo meliora. Hordei quidam succo vinum imitantur, quod movendo fit optimum. Sane quod minime prætereundum est, hoc genus potus citissime inebriat: nec tamen unquam succum hordei, fel principum esse dixistis. Farina parciore aqua perite contrahitur paulo durius, ut subigendo fiat melior, & quo dici perversius nihil potest, luce fugiente candidior. Pastillarius mella diu subigit, ut ad illum candorem perveniant, & minus noxiam mitioremque dulcedinem: hoc quomodo eveniat bono discedente, differite. Quod si non visu & odoratu & gustu, sed auditu etiam delectato præsentiam Dei placet probare, caro citharis nervos, & tibiis ossa largitur, quæ siccata & adtrita & torta sonora redduntur. Ita dul-

dulcedo musica, quam de divinis regnis venisse contenditis, nobis mortuarum carnum fordibus exhibetur, & tempore arefactis, & adtritione tenuatis, & tortione distentis: quibus afflictationibus etiam de rebus viventibus divinam substantiam fugere prædicatis; quod etiam decoctione earum accidere dicitis. Cur ergo elixati cardui minime obsunt valetudini? Utrum ab eis dum ita coquuntur, Deum an a partem Dei discedere existimandum est?

47. Quid cetera persequar, quæ omnia dici nec facile est, nec necessarium? Cui enim non occurrit, quam multa cocta suaviora & salubriora sint? Quod non deberent, si, ut opinamini, huiusmodi commotionibus deferuntur bono. Nihil vos prorsus invenire arbitror, unde istis corporis sensibus approbetis, ideo carnes immundas esse, atque animas inquinare vescantium, quod carptæ fruges post multas commotiones vertantur in carnem, præsertim cum & vetustatem corruptionemque aceti, putetis vino esse mundiorum, & carænum quod bibitis, nihil aliud quam coctum vinum esse videamus, quod vino deberet esse sordidius, si motibus & decoctionibus de rebus corporeis membra divina discedunt. Si autem non ita est, non est cur arbitremini fruges, cum carpuntur, reponuntur, tractantur, coquuntur, digeruntur, fugiente bono deferi, & propterea sordidissimam creandis corporibus præbere materiam.

48. Quod si non colore & forma & odore & sapore ducimini, ut bonum his rebus inesse iudicetis, quid aliud potestis afferre? An argumento vobis est firmitas quædam atque valentia, quæ istis rebus detrahi videtur, dum a terra separantur atque tractantur? Sed si hoc vos moveret (quamquam falsum id esse cito animadverti potest, propter nonnullorum auctam, post quam terræ detracta sunt, firmitatem, ut jam de vino commemoratum est, quod sit robustius vetustate) tamen si hæc firmitas vos moveret, ut dixi, in nullo magis cibo quam in carnibus, copiosior partem Dei probaretis esse. Non enim athletæ, quibus illud robur & valentia maxime necessaria est, olere ac pomis, & non carne vescuntur.

49. An quia carnes aluntur arboribus, arbores autem carnibus non aluntur, idcirco arbitramini illarum quam nostra corpora esse meliora? Non consideratis rem tam in promptu sitam, arbuta lætiora & fecundiora, segetesque pinguiore alimento stercoreum fieri, cum vos in accusatione carnis nihil gravius vobis dicere videamini, quam cum dicitis esse stercoreum domum. Hinc ergo aluntur ea, quæ vobis munda sunt, quod in ea re quæ vobis immunda est, multo esse immundius prædicatis. Quod si carnem ob hoc aspernamini, quod post concubitum nascitur, vermium vos caro delectet, qui in pomis, lignis, in terra ipsa denique sine ullo concubitu tam multi magnique nascuntur. Sed nescio quæ ista simulatio est. Nam si vobis propterea displiceret caro, quod patris atque matris commixtione formatur, non illos principes tenebrarum de fructibus arborum suarum natos fuisse diceretis, quos certe amplius aspernamini quam carnes, quas gustare non vultis.

50. Nam quod opinamini omnes quidem animas animalium de parentum cibus venire, a quibus carceribus vos liberare gloriamini divinam substantiam, quæ in vestris tenetur alimentis, nimium contra vos, & ad carnes edendas vos instantissime impellit. Cur enim animas, quas illigaturi sunt corpori qui carnibus epulantur,

A non præoccupando & vescendo liberatis? Sed, inquit, non de carnibus aliquid ab eis bonæ partis illigatur, sed frugibus quas cum carnibus sumunt. Quid ergo de animis leonum, quorum cibus sola caro est, respondendum videtur: Bibunt, inquit, & ideo anima illa de aqua tracta carni que implicata est? Quid de innumerabilibus avibus? Quid de ipsis aquilis dici potest, quæ non nisi carne pascuntur, nec ullo potu indigent? Certe hic deficitur, & quid responderi possit non invenitur. Si enim anima de cibus venit, & sunt animalia fetum gignentia, quorum & nullus potus, & cibus sola sit caro, est in carne anima, cui purgandæ more vestro subvenire deberetis vescendo carnem. Nisi forte porcum, quod & frugibus alitur, & aquam bibit, animam lucis habere arbitramini: aquilæ vero, cui sol maxime congruit, tenebrarum animam, quia sola carne vivit, inesse defenditis.

51. O rerum angustias, o incredibiles absurditates! in quas profecto non incidissetis, si a vanissimis fabulis alieni, hoc ad continentiam ciborum sequeremini quod veritas probat; ut concupiscentiæ coercendæ gratia, non vitandæ immunditiæ quæ nulla est, deliciosas escas respuestas judicaretis. Nam si quis etiam rerum naturam vimque animæ & corporis minus intuens, vobis concedat animam coinquinari de obsonio, multo magis eam tamen immundam fieri cupiditate conceditis. Quæ ergo ratio est, vel potius amentia, de numero electorum hominem pellere, qui forte carnem valetudinis causa, nulla cupiditate gustaverit: si autem piperata tubera voraciter edere concupierit, immodestiæ tantum forte possitis reprehendere, non autem ut corruptorem damnare signaculi? Ita fit ut in electis vestris esse non possit, qui proditus fuerit, non concupiscendo, sed b medendo partem aliquam cœnasse gallinæ: esse autem in iis possit qui vehementer cum iphas, & alia placenta carne carentia desiderasse se ipse prodiderit. Tenetis ergo eum quem cupiditas fordibus mergit, quem vero ipse cibus, ut arbitramini, maculat, non tenetis, cum iniquationem de concupiscentia quam de obsonio longe maiorem fieri fateamini, complectentes tamen eum, qui conditis suavissime frugibus imminet inhians, seseque non tenet: excludentes eum qui quaslibet epulas hominum compri-mendæ famis causa sine ulla cupiditate paratus sumere, & paratus amittere, indifferenter capit. En miri mores, en egregia disciplina, en memorabilis temperantia.

52. Jam quod ea quæ vobis quasi purganda offeruntur ad epulas, nefas putatis si quis alius præter electos ad cibandum tetigerit, quantæ turpitudinis & aliquando sceleris plenum est? Si quidem sæpe tam multa dantur, ut consumi facile a paucis non possint. Et quoniam sacrilegium putatur, vel aliis dare quod redundat, vel certe abjicere, in magnas contrudimini cruditates, totum quod datum est quasi purgare cupientes. Jam vero distenti, & prope crepantes, eos qui sub vestra disciplina sunt, pueros ad devoranda reliqua crudeli dominatione compellitis: ita ut cuidam sit Romæ objectum, quod miseros parvulos cogendo ad vescendum tali superstitione necaverit. Quod non crederem, nisi scirem quantum nefas esse arbitremini, vel aliis hæc dare qui electi non sunt, vel certe projicienda curare. Unde illa vescendi necessitas restat, quæ ad turpissimam c cruditatem pene quotidie, aliquando tamen potest & usque ad homicidium pervenire.

53. Quæ

a Sic Er. cui suffragantur MSS. Sorbonici tres & Regio-montensis. At apud Lov. & alios MSS. habetur, *an pestem discedere*.

b Ita MSS. At editi habent, *edendo*.

c Excusi, *crudelitatem*. cujus loco MSS. habent, *cruditatem*.

53. Quæcum ita sint, etiam panem mendicanti dare prohibetis: censetis tamen propter misericordiam, vel potius propter invidiam nummos dari. Quid hic prius arguam, crudelitatem, an vecordiam? Quid enim si eo loco res agatur, ubi venalis cibus inveniri non potest? Homo egens ille fame moriturus est, dum tu vir sapiens & benignus magis cucumerem quam hominem miseraris. Hæc est profecto (quid enim dicam congruentius & planius?) falsa misericordia & vera crudelitas. Nunc vecordiam videamus. Quid enim si nummis illis, quos dederis, sibi panem emat? Nonne hoc in illo pars illa vestra divina, qui hanc sumit a venditore, passura est, quod passura erat, si te dante sumisset? Involvit igitur fordibus peccator ille mendicus partem Dei revolare cupientem, tuis nummis ad tantum scelus adjutus: & tamen vos homines prudentissimi interesse arbitramini, si homicidium facturo non detis hominem quem occidat, sed scientes pecuniam unde occidendum comparet, detis. Quid ad hanc insaniam addi potest? Ita enim fit ut aut homo moriatur, si venalem non invenerit cibum, aut cibus ipse, si invenerit: quorum alterum est verum homicidium; alterum vestrum, vobis tamen itatribuendum, tamquam utrumque sit verum. Nam quod auditores vestros non prohibetis carnibus vesci, sed occidere animalia prohibetis, quid stultius & perversius fieri potest? Nam si talis non contaminat cibus, vos quoque sumite: si contaminat, quæ tandem dementia est majus nefas putare, animam porcina de corpore solvere, quam humanam porcino corpore maculare?

CAPUT
XVII.

Ma-
nuum
signacu-
lum
apud
Mani-
chaos
quale sit
aperi-
tur.
Matt. 8.
32.
Matt. 23.
19.

54. SED jam ad manuum signaculum considerandum tractandumque veniamus. Ac primum quidem quod ab animalium nece, & ab stirpium laceratione vos temperatis, superstitiosissimum Christus ostendit: qui nullam nobis cum belluis & arboribus societatem juris esse judicans, & in gregem porcorum dæmones misit, & arborem in qua fructum non invenerat, maledicto aridam fecit. Nihil certe porci, nihil arbor illa peccaverat. Neque enim usque eo dementes sumus, ut arbitremur sua sponte arborem vel frugiferam esse vel sterilem. Neque illud hic vobis dicendum est, his factis Dominum nostrum alia quædam significare voluisse: quis enim nesciat? Sed certe Filio Dei non per homicidium signum dandum fuit, si arborem necare, ut vos dicitis, homicidium est, aut necare animalia. Nam & de hominibus, cum quibus utique sumus juris societate conjuncti, signa quædam dedit, sed sanando homines, non necando. Quod & de belluis & de arboribus faceret, si eadem nos cum illis societate, qua vos opinamini, conjunctos esse judicaret.

55. Quo loco mihi auctoritas interponenda visa est, propterea quia de pecorum anima, & de quadam vita qua dicuntur arbores vivere, non potest vobiscum subtiliter disputari. Sed quoniam privilegio quodam vos tuemini, ut de Scripturis opprimi nequeatis, dicendo eas esse falsatas: quamquam ea quæ commemoravi de arbore, & de grege porcorum, numquam a corruptoribus immissa esse dixistis: tamen ne considerantes quantum vobis adversentur, hoc idem etiam de his aliquando dicere velitis, teneam propositum meum, ut a vobis, magnis omnino pollicitatoribus rationis atque veritatis, quæram primum quid obsit arbori, non dico si pomum inde foliumve decerpas, quod quidem apud vos, si quis non imprudentia, sed sciens fecerit, signaculi corruptor sine ulla dubitatione damnabitur, sed omnino si eam radicitus eruas. Anima namque illa quam ratio-

A nalem inesse arboribus arbitramini, arbore excisa vinculo solvitur, vos enim hoc dicitis, & eo quidem vinculo in quo magna miseria, nulla utilitate tenebatur. Nam & revolutionem hominis in arborem, notum est vos, id est, auctorem ipsum vestrum pro ingenti pœna, non tamen pro summa, solere minitari: & num potest in arbore anima fieri, ut in homine sapientior? Non necandi hominis quippe certissima ratio est, ne aut eum neces cujus sapientia & virtus aliis plurimum prodest, aut eum qui forte poterat ad sapientiam pervenire, si extrinsecus ab aliquo admonitus, si interioribus cogitationibus divinitus illustratus. Animam autem hominis quanto sapientior corpore excesserit, tanto utilius excedere veritas docet, & ratione subtilissima, & auctoritate latissime pervagata. Quamobrem qui arborem dejecit, animam nihil in sapientia proficientem de illo corpore liberat. Itaque vos homines sancti, vos, inquam, potissimum excidere arbores deberetis, & earum animas ab illo vinculo exutas, orationibus & psalmis ad meliora perducere. An de his animis hoc fieri potest, non quas mente adjuveritis, sed quas ventre receperitis?

56. Quamvis id ipsum animas arborum quam diu sunt in arboribus ad sapientiam non proficere, summæ angustiae, quantum arbitror, vos compellunt fateri, cum a vobis quæritur, cur & arboribus non mittatur præceptor Apostolus, aut cur ille qui hominibus mittitur, non & arboribus prædicet veritatem. Hic cogimini respondere, illas animas percipere in talibus corporibus præcepta divina non posse. Sed vehementius ab alio latere urgemini, quando quidem illas perhibetis & audire voces nostras, & verba intelligere, & corpora motusque corporum intueri, cogitationes denique ipsas perspicere. Quæ si vera sunt, cur nihil possunt a lucis Apostolo discere, vel cur etiam multo facilius non possunt quam nos, cum interiora etiam mentis adspiciant; Ita enim magister ille, qui vos loquendo vix docet, ut dicitis, cogitando eas posset erudire, quæ sententias ejus ante sermonem in animo cernerent. Si vero hæc falsa sunt, videte tandem in quo errore jaceatis.

57. Jam quod poma ipsi non decerpitis, herbamque non vellitis, sed tamen ab auditoribus vestris decerpi & evelli atque afferri vobis jubetis, non ut iis qui afferunt tantum, sed ut iis etiam quæ afferuntur, prodesse possitis, quis bene considerans ullo modo toleraverit? Primo, quia NIHIL INTEREST, utrum ipse scelus admittas, an propter te ab alio admitti velis. Nolle te dicis? Quomodo ergo subvenitur illi divinæ parti, quæ in lactucis & in porris jacet, si nemo hæc evellet, & ad sanctos purganda deferat? Deinde tu ipse transiens per eum agrum, in quo tibi jure amicitiae decerpenti quod libet potestas datur, si fico videris corvum imminuentem, quid facies? Nonne ex opinione tua, ficus ipsa tecum loqui & deprecari miserabiliter videtur, ut eam ipse decerpas, & sancto ventre purificandam resuscitandamque sepelias potius, quam corvus ille devorata funesto corpori misceat, atque in alias formas illigandam cruciandamque transmittat? Quid te crudelius, si verum est? Quid ineptius, si falsum est? Quid magis contrarium disciplinæ vestræ, si signaculum solveris? Quid te inimicus Dei membro, si custodieris?

58. Sed hoc ex vestra opinione falsa & nugatoria: nam certa & manifesta crudelitas in vobis esse convincitur, ex eodem ipso errore manans. Si quis enim per morbum corpore dissoluto, fessus ab itinere, ac peste semianimis in via jaceat, nihil valens

am.

amplius quam utcumque verba proferre, cui profit ad stringendum corpus pirum dari, teque transeuntem ut subvenias oret, atque obsecret ut de arbore proxima, a qua nullo humano, nullo denique vero jure prohiberis, pomum afferas homini, post paululum nisi feceris morituro; tu vir Christianus, & sanctus transibis potius, & hominem sic affectum precantemque deseres, ne arbor ploret dum fructus demitur, & tu signaculi dissolutor ad pœnas Manichæias destineris. O mores & innocentiam singularem!

59. Sed jam de nece animalium requiram quod movet, & multa quidem hujusmodi etiam in hoc genere dici possunt. Nam quid oberit animæ lupi, qui lupum interfecerit: cum & lupus ille, quam diu vivit lupus futurus sit, nec ulli obtemperet prædicatori, ut aliquantum ab ovium sanguine temperet; & ex illo vinculo corporis, anima secundum vos rationalis, interfecta belua liberetur? Et ab hac quidem cæde auditores etiam vestros prohibetis: major enim videtur quam in arboribus. Hic vestros sensus, corporeos videlicet, non multum improbo. Videmus enim & vocibus sentimus, cum dolore mori animantia, quod quidem homo contemnit in bestia, cum qua scilicet rationalem animam non habente, nulla legis societate copulatur. Sed eosdem vestros sensus in intuendis arboribus quæro, & vos cæcos prorsus invenio. Ut enim omittam, quod nullis motibus in ligno sensus doloris apparet, quid manifestius quam tunc se optime habere arborem, cum viget, cum frondet, cum floribus læta, fructibus opulenta est? At hoc ei plerumque ac maxime putatione præstatur. Quod si ferrum sic sentiret, ut vultis, contabesceret potius tot tantisque affecta vulneribus, quam ex illis pullulans locis, tam certa exultatione reviresceret.

60. Verumtamen cur majus nefas putatis animalia quam stirpes cædere, cum illæ vobis puriorem animam quam carnes habere videantur? Fit, inquit, compensatio quædam, cum eorum, quæ de agris auferuntur, pars aliqua datur electis sanctisque purganda. Jam superius ista frustrata sunt, satisque demonstratum est, quantum existimo, nulla ratione dici, plus esse in frugibus partis illius bonæ quam in carnibus. Sed si vendendis carnibus victum quisque sustentet, atque omne talis negotii lucrum in emendis electorum vestrorum cibis consumat, pluresque istis afferat sanctis escas quam agricola & rusticus, nonne eadem compensatione sibi animantia licere perimere clamitabit? Est, inquit, alia quædam secretissima ratio. Non enim deest homini callido adversus indoctos in naturæ obscuritate perfugium. Cælestes enim, ait, principes, qui de gente tenebrarum capti atque vincti, a conditore mundi in illis ordinati sunt locis, sua quisque possidet in terra animalia, de suo scilicet genere ac stirpe venientia: qui peremptores eorum reos tenent, nec de hoc mundo exire permittunt, pœnisque illos quibus possunt, & cruciatibus adterunt. Quis imperitorum hæc non formidet, & qui in tanta obscuritate nihil videt, hoc ita ut dicitur esse non arbitretur? Sed ego institutum non relinquam meum, cui Deus aderit, ut apertissima veritate obscura mendacia refellantur.

61. Quæro enim, si animalia, quæ in terris sunt & in aquis, de illo genere principum per successionem proles & operationem concubitus veniunt, cum ad illos abortivos fetus revocatur origo nascentium, quæro, inquam, si ita est, utrum apes, & ranas, & alia multa, quæ sine concubitu gignuntur, non sit nefas occidere? Nefas esse dicitis. Non ergo propter cognationem prin-

A cipum nescio quorum, ab animantium nece auditores vestros prohibetis. Aut si generalem cognationem omnium esse corporum dicitis, arbores quoque ad eandem principum offensionem procul dubio pertinebunt, quibus parcere non est mandatum auditoribus. Reditur ergo ad illud invalidum, ea quæ in stirpibus auditores lædunt, expiari per fructus, quos ad ecclesiam vestram ferunt. Dictum est enim hoc modo, eos qui in macello laniant animalia carnesque venditant, si vestri auditores sint, suæque lucra comparatis frugibus vobis conferant, eadem illam quotidianam sibi licere contemnere, & quidquid in ea peccati est, vestris epulis aboleri.

62. Quod si dicatis, quemadmodum de pomis & de oleribus, conferendum fuisse ut illa interfectio veniam mereretur; quod quia fieri non potest (electi enim non edunt carnem) temperandum esse auditoribus a nece animalium; quid respondebitis de spinis herbisque inutilibus, quas evellendo in agris purgandis agricolæ necant, nec ex his vobis possunt cibos aliquos exhibere? Quomodo ad veniam pertinebit tanta vastatio, unde nulla est esca sanctorum? An forte quidquid peccatum fuerit ut fruges & poma proficiant, & de ipsis frugibus & pomis aliquid comedendo dissolvitis? Quid si ergo agros locustæ aut mures & forices vastant, quod sæpe accidere manifestum est, impune ab agricola vestro auditore necabuntur, quia ideo peccat ut fructus proficiant? Hic certe coartamini. Aut enim conceditis auditoribus interfectionem animalium, quam vester auctor concedere noluit, aut eos ab agricultura etiam prohibebitis, quam ille concessit. Quamquam sæpe etiam dicere audeatis, feneratorum innocentiores esse quam rusticum, usque adeo melonibus quam hominibus estis amiciores. Si quidem illi ne lædantur, melius judicatis hominem fenore trucidari. Hæcne est appetenda & prædicanda justitia, an potius execranda & damnanda fallacia? Hæcne est misericordia memorabilis, an execranda potius immanitas?

63. Quid quod a nece animalium nec vos ipsi in pediculis & pulicibus & cimicibus temperatis? Magnamque hujus rei defensionem putatis, quod has esse sordes nostrorum corporum dicitis. Quod primo aperte falsum de pulice & cimice dicitur. Cui enim non manifestum est, hæc animalia non de nostro corpore existere? Deinde si concubitus vehementius execramini, quod nimium videri vultis, cur non vobis mundiora videntur animalia, quæ sine concubitu de nostra carne nascuntur? quamquam enim postea coeundo pariant, non tamen nobis coeuntibus de nostro corpore primo nascuntur. Jam vero si quæcumque de viventibus gignuntur corporibus, sordidissima sunt putanda, multo magis quæcumque de mortuis. Impunius ergo occiditur vel forex, vel anguis, vel scorpio, quos de humanis cadaveribus nasci, a vobis potissimum solemus audire. Sed obscura omitto & incerta. De apibus certe fama est celebrior, quod de boum cadaveribus oriantur. Ergo occiduntur impune. At si hoc quoque dubium est, nemo fere de scarabeis dubitat, quin de fimo in pilam rotundato ab his atque obruto existant. Hæc igitur animantia & alia quæ persequi longum est, sordidiora certe debetis opinari, quam pediculos vestros: & tamen illa occidere nefas vobis videtur, his autem parcere stultum: nisi forte quod sunt hæc animalia parva, contemnitis. Sane si ita est, ut animal quo brevius est, eo contemtius esse debeat, necesse est camelum homini præferatis.

64. Huc accedit illa gradatio, quæ cum vos audirem,

rem, nos sæpe turbavit. Nulla enim caussa est, cur propter parvum corporis modulum, pulex necandus sit, non etiam musca quæ in faba gignitur. Et si hæc, cur non etiam ista paulo amplior, cujus certe fetus minor est quam illa. Hoc etiam sequitur, ut apes quoque sine culpa perimatur, cujus pullus huic muscæ coæquatur. Inde ad locustæ pullum & locustam, inde ad pulum muris & murem. Et ne longum faciam, nonne videtis his gradibus ad elephantum perveniri, ut omnino recusari non possit ingentem illam belluam sine culpa se occidere, quisquis propter parvulum corpus interfectionem pulicis peccatum esse non putat? Sed jam etiam de hujusmodi nugis satis dictum arbitror.

CAPUT
XVIII.
De si-
gnaculo
sinus &
nefan-
dis my-
sticis
Mani-
chæo-
rum.
1. Tim.
4. 3.

65. **R E S T A T** signaculum sinus, in quo multum incerta est castitas vestra. Non enim concubitum, sed ut longe ante ab Apostolo dictum est, vere nuptias prohibetis, quæ talis operis una est honesta defensio. Hic non dubito vos esse clamatu-
B ros, invidiamque facturos dicendo, castitatem perfectam vos vehementer commendare atque laudare, non tamen nuptias prohibere: quando quidem auditores vestri, quorum apud vos se-
C cundus est gradus, ducere atque habere non prohibean-
D tur uxores. Quæ cum magna voce & magna indigna-
tione dixeritis, ego vos lenius interrogabo ad hunc mo-
dum: Nonne vos estis qui filios gignere, eo quod animæ ligentur in carne, gravius putatis esse peccatum, quam
E ipsum concubitum? Nonne vos estis, qui nos solebatis monere, ut quantum fieri posset, observaremus tempus, quo ad conceptum mulier post genitalium viscerum purgationem apta esset, eoque tempore a concubitu temperaremus, ne carni anima implicaretur? Ex quo il-
lud sequitur, ut non liberorum procreandorum caussa, sed satiandæ libidinis habere conjugem censeatis. Nup-
tiae autem, ut ipsæ nuptiales tabulæ clamant, libero-
rum procreandorum caussa marem feminamque con-
jungunt: quisquis ergo procreare liberos quam con-
cumbere gravius dicit esse peccatum, prohibet utique
F nuptias; & non jam uxorem, sed meretricem feminam facit, quæ donatis sibi certis rebus, viro ad explendam ejus libidinem jungitur. Si enim uxor est, matrimonium est. Non autem matrimonium est ubi datur opera ne sit mater: non igitur uxor. Quo circa nuptias prohibetis, nec ab hoc crimine, quod olim a Spiritu-sancto de vobis prædictum est, ulla vos ratione defenditis.

66. Jam vero cum vehementer satagitis, ne per concubitum anima ligetur in carne, & vehementer asseritis, per sanctorum cibum animam de feminibus liberari, nonne confirmatis, o miseri, quod de vobis homines suspicantur? Cur enim de tritico, & de faba, & de lentacula aliisque feminibus, cum his vescimini, liberare vos velle animam creditur, de animalium feminibus non credatur? Non enim ut ipsam carnem mortui animantis immundam esse dicitis, quod animam non habet; hoc ita potestis & de animantis femine dicere, in quo animam, quæ apparebit in prole, colligatam esse censeatis, & in quo ipsius Manichæi animam implicatam fuisse fatemini. Et quia non possunt ab auditoribus vestris purganda vobis talia femina afferri, quis non suspi-
cetur secretam de vobis ipsis inter vos fieri talem purgationem & ideo illis ne vos deferant occultari? Quæ si non facitis, quod utinam ita sit, videtis tamen quantæ sus-
picioni vestra superstitio pateat, & quam non sit ho-
minibus succensendum id opinantibus, quod de vestra professione colligitur, cum vos animas per escam & po-
tum de corporibus & sensibus liberare prædicatis. No-

lo hic diutius immorari: & videtis quantus sit invectionis locus. Sed quia & res talis est, ut eam potius reformidet quam infectetur oratio, & propositum illud meum per totum sermonem animadverti potest, quo statui nihil exaggerare, sed nudis quodam modo rebus & rationibus agere, transeamus ad aliud.

67. **J A M** enim satis apparet, qualia sint tria vestra signacula. Hi sunt vestri mores, hic finis admirabilium præceptorum, ubi nihil certum, nihil constans, nihil rationabile, nihil inculpabile: sed omnia dubia, im-
B mo vero sine dubitatione falsissima, omnia repugnancia, abominabilia, absurda. Denique tam multa & tam gravia peccata in his moribus deprehenduntur, ut si quis accusare velit omnia, homo alicujus facultatis singula, ut minimum, singulis voluminibus possit. Hæc igitur si custodiretis, vestramque impleretis professionem, nihil vobis esset ineptius, nihil stultius, nihil imperitius: cum autem laudatis & docetis ista, nec facitis, quid vobis fallacius, quid insidiosius, quid malitiosius dici aut inveniri potest?

68. Novem annos totos magna cura & diligentia vos audi-
C vi, nullus mihi electorum innotescere potuit, qui secundum hæc præcepta non aut deprehensus in peccato, aut certe suspicioni subditus fuerit. Multi in vino & carnibus, multi lavantes in balneis inventi sunt. Sed hæc audiebamus. Nonnulli alienas feminas sedu-
D xisse approbati sunt, ita ut hinc plane dubitare non pos-
sim. Sed sit & hæc magis fama quam verum. Vidi ipse non solus, sed cum iis qui partim jam illa superstitione liberati sunt, partim adhuc opto ut liberentur, vidimus ergo in quadrevio Carthaginis, in platea celeberrima, non unum, sed plures quam tres electos simul post tran-
E seuntes nescio quas feminas tam petulanti gestu adhin-
nere, ut omnium trivialium impudicitiam impudentiamque superarent. Quod de magna venire consuetudine, atque illos inter se ita vivere satis eminebat, quando quidem nullus socii præsentiam veritus, omnes, aut certe pene omnes eadem teneri peste indicabat. Non enim erant hi ex una domo, sed diverse prorsus habitantes, ex eo loco ubi conventus omnium factus erat, pariter forte descenderant. Nos autem graviter com-
E moti, graviter etiam questi sumus. Quis tandem hoc vindicandum, non dicam separatione ab Ecclesia, sed pro magnitudine flagitii vehementi saltem objurgatione arbitratus est?

69. Et hæc erat omnis excusatio impunitatis illorum, quod eo tempore quo conventicula eorum lege publica prohiberentur, ne quid læsi proderent, metueba-
F tur. Ubi est ergo quod perpetuam sibi persecutionem in hoc mundo futuram prædicant, eoque se commendatio-
res haberi volunt, hinc interpretantes quod hic mundus eos oderit; & propterea penes se quærendam veritatem affirmantes, quia in promissione Spiritus-sancti paracleti dictum est, quod eum mundus iste accipere non possit. De qua re non iste locus differendi est. Sed certe si per-
petua vobis persecutio futura est, usque in sæculi finem, perpetua erit & hæc dissolutio tantæque turpitudinis impunita contagio, dum tales lædere formidatis.

70. Id etiam nobis responsum est, cum ad ipsos primates detulissemus conquestam nobis esse mulie-
rem quod in conclavi, ubi cum aliis feminis erat, de illorum scilicet sanctitate secura, ingressis electis plu-
ribus, & ab uno lucerna exstincta, incertum cujus eorum in tenebris appetita esset amplexu, & coacta in flagitium, nisi subsidio clamoris evasisset. Hoc

CAPUT
XIX.
Flagitia
Mani-
chæo-
rum.

Conf. lib.
4. cap. 1.
& supra
lib. 1. de
Morib.
Eccles. c.
19.

Joan. 15.
18.
Joan. 24.
17.

nobis quoque notissimum nefas, de quanta consuetudine venisse arbitrandum est? Et hoc factum est ea nocte, qua festæ apud vos vigiliæ celebrantur. Sed re vera etiam si nullus esset prodicionis metus, quis posset damnandum offerre episcopo, qui sic præcaverat ne agnosceretur? Quasi vero non omnes idem crimen involutos tenebat, qui simul ingressi erant. Nam omnibus petulantibus lucerna exstincta placuerat.

71. Suspicionibus vero januæ quantæ aperiiebantur, cum eos invidos inveniebamus, cum avaros, cum epularum exquisitarum avidissimos, cum in jurgiis frequentissimos, cum de rebus exiguis mobilissimos? Non utique arbitrabamur eos temperare posse, a quibus se temperare profitebantur, quando latibula & tenebras invenirent. Duo quidam erant existimationis satis bonæ, facili ingenio, atque in illis suis disputationibus principes, nobis amplius quam ceteri familiariusque conjuncti. Quorum unus qui propter studia etiam liberalia nobis artius adhærebat hic nunc ibi esse presbyter dicitur. Hi sibi graviter invidebant, & objiciebat alter alteri, non accusatione manifesta, sed sermone apud quos poterat & susurris, ab eo violenter adtentatam cujusdam auditoris uxorem. Ille autem se purgans, interim apud nos alium ejusdem sceleris electum criminabatur, qui apud eundem auditorem, quasi amicus fidissimus habitabat: quem quoniam subito ingrediens cum muliere deprehenderat, dicebat mulieri & adultero ab illo inimico atque invidio consilium datum, ut illa sibi conflaretur calumnia, ne si quid proderet, crederetur. Angebamur nos, & molestissime ferebamus, quod etiam si de appetita muliere incertum erat, livor tamen in illis duobus, quibus meliores ibi non inveniebamus, apparebat acerrimus, & alia conjicere cogebat.

72. Postremo in theatris electos, & ætate, & ut videbantur, moribus graves, cum sene presbytero sæpissime invenimus. Omitto juvenes, quos etiam rixantes pro scenicis & aurigis deprehendere solebamus, quæ res non mediocri argumento est, quomodo se possint continere ab occultis, cum eam cupiditatem superare non possint, quæ illos auditorum suorum oculis ostentat, & prodit erubescences atque fugitantes. An vero illius etiam sancti, ad cujus disputationes in sicariorum vicum ventitabamus, tantum illud flagitium proderetur, si virginem sanctimoniam mulierem tantum, non & prægnantem facere potuisset. Sed occultum & incredibile malum crescens uterus latere non passus est. Quod cum mater fratri juveni prodidisset, acerrime dolens, religionis tamen nomine ab accusatione publica revocatus est; perfecitque ut ille (non enim hoc ferre quisquam posset) de illa Ecclesia pelleretur: & ne impunita res omnino esset, cepit consilium, ut adjunctis sibi amicis, hominem pugnis calcibusque concideret. At ille cum graviter cæderetur, clamabat; ut sibi ex auctoritate Manichæi parceretur, Adam primum heroem peccavisse, & post peccatum fuisse sanctiorem.

73. Talis est namque apud vos opinio de Adam & Eva: longa fabula est, sed ex ea id adtingam quod in præsentia satis est. Adam dicitis sic a parentibus suis genitum, abortivis illis principibus tenebrarum, ut maximam partem lucis haberet in anima, & per exiguam gentis adversæ. Qui cum sancte viveret propter exsuperantem copiam boni, commotam tamen in eo fuisse adversam illam partem, ut ad concubitum declinaretur: ita eum lapsum esse atque peccasse, sed vixisse po-

A stea sanctiorem. Hic ego non tam de nequam homine conqueror, qui stupro nefario alienam ^b familiam, sub habitu electi & sancti viri ad tantum dedecus infamiamque perduxit. Non hoc vobis objicio. Fuerit hoc hominis perditissimi potius quam consuetudinis vestræ. Non enim tantum flagitium in vobis, sed in illo arguo. Illud tamen in omnibus vobis quemadmodum ferri & tolerari possit ignoro, quod cum animam partem Dei esse dicatis, asseritis tamen etiam exiguo admixto malo, majorem ejus copiam ubertatemque superari. Quis enim cum hoc crediderit, & eum libido pulsaverit, non ad talem defensionem potius, quam ejus libidinis refrenationem compressionemque confugiat?

74. QUID amplius dicam de moribus vestris? Dixi quæ ipse compererim, cum in ea essem civitate ubi ista commissa sunt. Romæ autem me absente quid gestum sit, totum longum est explicare. Dicam tamen brevi. Eo enim reserupit, ut occulta esse non posset absentibus: & ego quidem postea Romæ cum essem, omnia vera me audisse firmavi: quamvis tam familiaris & mihi probatus, qui præsens erat, ad me rem pertulerat, ut omnino dubitare non possem. Nam quidam vester auditor, in illa memorabili abstinentia nihilo electis cedens, qui & liberaliter institutus esset, & vestram sectam copiose vellet & soleret defendere, molestissime ferebat, quod ei vage pessimeque habitantium passimque viventium electorum mores perditissimi sæpe disputanti objiciebantur. Cupiebat itaque, si fieri posset, omnes qui secundum illa præcepta vitam degere parati essent, congregare in domum suam, & suis sumptibus sustinere. Erat enim & non mediocri pecuniæ contemtor, & non mediocriter pecuniosus. Querebatur autem impediri tantos conatus suos episcoporum dissolutione, quibus adjuvantibus implere debebat. Interea vester episcopus quidam, homo plane, ut ipse expertus sum, rusticanus atque impolitus, sed nescio quomodo ea ipsa duritia severior in custodiendis bonis moribus videbatur. Hunc diutissime desideratum & aliquando præsentem arripit iste, exponit homini voluntatem suam: laudat ille atque consentit, placet ut in domo ejus prior ipse incipiat habitare. Quod ubi factum est, eo congregati sunt electi omnes, qui Romæ esse potuerunt. Proposita est vivendi regula de Manichæi epistola: multis intolerabile visum est; abscefferunt: remanserunt tamen pudore non pauci. Cepit ita vivi ut placuerat, & ut tanta præscribebat auctoritas: cum interim auditor ille vehementer omnes ad omnia cogeret, neminem tamen ad id quod non prior ipse susciperet. Interea rixæ inter electos oriebantur creberrimæ, objiciebantur ab invicem crimina, quæ ille omnia gemens audiebat, dabatque operam, ut se ipsos in jurgando incautissime proderent: prodebant nefanda & immania. Ibi cognitum est quales essent, qui tamen inter ceteros vim præceptorum illorum subeundam sibi esse putaverunt. Jam de ceteris quid suspicandum erat, aut quid potius judicandum? Quid plura? Coacti aliquando murmuraverunt sustineri illa mandata non posse: inde in seditionem. Agebat auditor causam suam complexione brevissima, aut illa omnia esse servanda, aut illum, qui talia sub tali conditione præcepisset, quæ nullus posset implere, stultissimum existimandum. Vicit tamen, non enim aliter poterat, unius sententiam effrenatissimus plurium strepitus. Postea etiam ipse cessit episcopus, & cum magno dedecore aufugit: cujus sane cibi præter regulam clanculo accepti, & sæ-

CAPUT
XX.
Flagitia
eorum-
dem
Romæ
depre-
hensa

a MSS. prope omnes habent, in animam. id est, pro anima.

b Sic MSS. potiores; alii ut in editis, famulam.

pe inventi ferebantur, cum ei de proprio sacculo diligenter occultato pecunia copiosa suppeteret.

75. Hæc si falsa esse dicitis, nimis apertis & pervulgatis rebus obsistitis. Sed utinam hoc dicatis. Cum enim sint ista manifesta, & iis qui scire voluerint cognitum facillima, intelligitur quam vera dicere soleant, qui hæc vera esse negaverint. Sed aliis defensionibus utimini, quas ego non improbo. Aut enim dicitis aliquos qui vestra præcepta custodiant, nec eos aliorum criminibus debere perfundi; aut non oportere omnino quæri quales sint homines, qui vestram sectam profitentur, sed qualis sit

A ipsa professio. Quorum ego utrumque cum admisero, (quamquam nec illos fidos mandatorum observatores demonstrare, nec ipsam hæresim a tot & tantis nugis atque sceleribus purgare possitis); illud tamen a vobis magnopere requiram, cur maledictis infectemini Christianos catholici nominis, quorundam intuentes perditam vitam, cum de vestris hominibus haberi quæstionem, aut impudenter recusetis, aut impudentius non recusetis, velitisque intelligi in tanta vestra paucitate latere nescio quos, qui sua præcepta custodiunt, & in tanta Catholicæ multitudine non velitis?

ADMONITIO

IN SEQUEMTEM LIBRUM DE VERA RELIGIONE.

INTER opuscula, quæ S. Augustinus nondum presbyter (quam dignitatem anno 391. adeptus est,) emisit in lucem, postremam in Retractionibus locum adsignat Libro de vera Religione; quem idcirco ad annum 390. referendum censemus. Jam ante annos aliquot hujus argumenti tractationem Romaniano civi suo & Mæcenati pollicitus erat, uti meminit cap. 7. n. 12. Id vero in se receperat scribens an. 386. contra Academicos lib. 2. cap. 3. n. 8. Porro in epistola 113. ad Romanianum, confectum a se opus memorat, ipsi propediem transmittendum.

Evodius postea de existentia Dei dubia quædam proponentem ad huncce librum remittit in epist. 101. patetque ex epist. 32. ad Paulinum, eundem librum unum esse ex quinque illis, quos Pentateuchum contra Manichæos appellat Paulinus, qui eos ab Alypio dono acceperat, & quorum occasione in laudem Augustini sic exclamat in epist. 31. O vere sal terræ, quo præcordia nostra, ne possint sæculi vanescere errore, condiuntur! O lucerna digne supra candelabrum Ecclesiæ posita, quæ late catholicis urbibus de septiformi lychno partum oleo lætitiæ lumen effundens, densas licet hæreticorum caligines discutis, & lucem veritatis a confusione tenebrarum, splendore clarifici sermonis enubilas &c. Certe liber de vera Religione, si quis alius, hoc elogium Augustino demerebatur. Esi enim recens tum, cum eum scripsit, in veræ religionis partes perductus esset, nec alio quam Christiani catholici nomine præditus; eo tamen sublimi modo Christianæ religionis sacramenta exponit, oppositorumque dogmatum in primis Manichæorum revellit fundamenta, ut jam tam absolutissimi doctoris & strenuissimi episcopi vices impleverit.

LIB. I. RETRACT. CAPUT. XIII.

TUNC etiam de Vera Religione librum scripsi, in quo multipliciter & copiosissime disputatur, unum verum Deum, id est, Trinitatem, Patrem & Filium & Spiritum-sanctum religione vera colendum: & quanta misericordia ejus, per temporalem dispensationem, concessa sit hominibus Christiana religio, quæ vera religio est, & ad eundem cultum Dei quemadmodum sit homo quadam vita sua coaptandus. Maxime tamen contra duas naturas Manichæorum liber hic loquitur.

cap. 10. 2. In hoc libro quodam loco, Sit, inquam, tibi manifestum atque perceptum, nullum errorem in religione esse potuisse, si anima pro Deo suo non coleret animam, aut corpus, aut phantasmata sua. Hic animam pro universa creatura incorporali posui, non loquens more Scripturarum, quæ animam, quando non translato verbo utuntur, nescio utrum velint intelligi nisi eam, qua vivunt animalia mortalia, in quibus & homines sunt, quamdiu mortales sunt. Paulo post autem eundem sensum melius sum breviusque complexus, ubi dixi; Non ergo creaturæ potius quam creatori serviamus, nec evanescamus in cogitationibus nostris, & perfectæ religio est. Creaturam quippe uno nomine utramque, id est, spiritalem corporalemque significavi. Restat quod ibi dixi, aut phantasmata sua: propter quod hic dixi, nec evanescamus in cogitationibus nostris.

Ibidem. Religio Christiana apud antiquos fuit. 11. 26. 3. Item quod dixi, Ea est nostris temporibus Christiana religio, quam cognoscere ac sequi securissima & certissima salus est, secundum hoc nomen dictum est, non secundum ipsam rem, cujus hoc nomen est. Nam res ipsa, quæ nunc Christiana religio nuncupatur, erat apud antiquos, nec defuit ab initio generis humani, quo usque ipse Christus veniret in carne, unde vera religio quæ jam erat, cepit appellari Christiana. Cum enim eum post resurrectionem adscensionemque in cælum cepissent Apostoli prædicare, & plurimi crederent primum apud Antiochiam, sicut scriptum est, appellati sunt discipuli Christiani. Propterea dixi, Hæc est nostris temporibus Christiana religio; non quia prioribus temporibus non fuit, sed quia posterioribus hoc nomen accepit.

4. Alio loco, Intende igitur, inquam, in hæc quæ sequuntur diligenter & pie, quantum potes: tales enim adju-

adjuvat Deus. Quod non ita intelligendum est, quasi tantummodo tales adjuvet, cum adjuvet etiam non tales ut sint tales, id est, ut diligenter & pie quærant: tales autem adjuvat ut inveniant. Itemque alibi, *Deinde*, inquam, *jam erit consequens, ut post mortem corporalem, quam debemus primo peccato, tempore suo atque ordine suo hoc corpus restituatur pristinae stabilitati*. Quod sic accipiendum est, quia etiam pristina stabilitas corporis, quam peccando amisimus, habebat tantam felicitatem, ut in defectum non vergeret senectutis. Huic ergo pristinae stabilitati restituatur hoc corpus in resurrectione mortuorum. Sed habebit amplius, ut nec alimentis corporali-
bus sustentetur; sed ad sufficientiam vivificetur solo spiritu, cum resurrexerit in spiritum vivificantem, qua causa etiam spiritale erit. Illud autem quod primum fuit, quamvis non moriturum nisi homo peccasset, ta-
men animale factum est in animam viventem.

5. Et alibi, *Usque adeo*, inquam, *peccatum voluntarium malum est, ut nullo modo sit peccatum, si non sit vo-*
luntarium. Potest videri falsa hæc definitio; sed si diligenter discutiatur, invenietur esse verissima. Peccatum quippe illud cogitandum est, quod tantummodo peccatum est, non quod est etiam poena peccati, sicut superius ostendi, cum quædam commemorarem ex libro tertio de Libero arbitrio. Quamvis & illa quæ non immerito
non voluntaria peccata dicuntur, quia vel a nescientibus vel a coactis perpetrantur, non omni modo possunt sine
voluntate committi: quoniam & ille qui peccat ignorans, voluntate utique facit, quod cum faciendum non sit, putat esse faciendum. Et ille qui concupiscente adversus spiritum carne, non ea quæ vult facit, concupiscit qui-
dem nolens, & in eo non facit quod vult: sed si vincitur, concupiscentiæ consentit volens, & in eo non facit nisi quod vult, liber scilicet iustitiæ, servusque peccati. Et illud quod in parvulis dicitur originale peccatum, cum
adhuc non utantur arbitrio voluntatis, non absurde vocatur etiam voluntarium, quia ex prima hominis mala voluntate contractum, factum est quodam modo hereditarium. Non itaque falsum est quod dixi, *Usque adeo*
peccatum voluntarium malum est, ut nullo modo sit peccatum si non sit voluntarium. Ideo gratia Dei non solum rea-
tus omnium præteritorum solvitur in omnibus, qui baptizantur in Christo, quod fit spiritu regenerationis, ve-
rum etiam in grandibus voluntas ipsa sanatur, & præparatur a Domino, quod fit spiritu fidei & caritatis.

6. Alio loco in eo quod dixi de Domino Jesu Christo, *Nihil egit vi, sed omnia suadendo & monendo*, non mihi
occurrerat quod vendentes & ementes flagellando ejecit de templo. Sed quid hoc, aut quantum est? Quamvis
& dæmones nolentes ab hominibus, non sermone suasionis, sed vi potestatis ejecerit. Item alio loco, *Prius*, in-
quam, *isti sequendi sunt, qui unum Deum summum, solum verum Deum & solum colendum esse dicunt: si apud hos*
veritas non eluxerit, tum demum migrandum est. Quod ita potest videri dictum, quasi de hujus religionis veritate
dubitaverim. Dixi autem sicut ei * congruebat ad quem scribebam. Sic enim dixi, *si apud hos veritas non eluxe-*
rit, nihil dubitans quod apud eos elutesceret, quemadmodum ait Apostolus, si Christus non resurrexit, non uti-
que dubitans quod resurrexerit.

7. Item quod dixi, *Nec miracula illa in nostra tempora durare permessa sunt, ne anima semper visibilia quæreret,*
& eorum consuetudine frigeret genus humanum, quorum novitate flagravat, verum est quidem: non enim nunc
usque, cum manus imponitur baptizatis, sic accipiunt Spiritum sanctum, ut loquantur linguis omnium gen-
tium: aut nunc usque ad umbram transeuntium prædicatorum Christi sanantur infirmi, & si qua talia tunc fa-
cta sunt, quæ postea cessasse manifestum est. Sed non sic accipiendum est quod dixi, ut nunc in Christi nomine
feri miracula nulla credantur. Nam ego ipse quando istum ipsum librum scripsi, ad Mediolanensium corpora
Martyrum in eadem civitate cæcum illuminatum fuisse jam noveram, & alia nonnulla, qualia tam multa
etiam istis temporibus fiunt, ut nec omnia cognoscere, nec ea quæ cognoscimus enumerare possimus.

8. Et alio loco illud quod dixi, *Sicut ait Apostolus; Omnis ordo a Deo est, non eisdem verbis hoc dixit Apo-*
stolus, quamvis eadem videatur esse sententia. Ait quippe ille: Quæ autem sunt, a Deo ordinatæ sunt. Et ali-
bi, *Prorsus*, inquam, *nemo nos fallat: quidquid recte vituperatur, in melioris comparatione respuitur*. Hoc de
substantiis atque naturis dictum est: inde enim disputabatur, non de bonis actionibus atque peccatis. Itemque
alibi, *Sed nec sic quidem*, inquam, *ab homine homo diligendus est, ut diliguntur carnales fratres, vel filii, vel con-*
juges, vel quique cognati, aut affines, aut cives: nam & ista dilectio temporalis est. Non enim ulla tales necessitudi-
nes haberemus, quæ nascendo & moriendo contingunt, si natura nostra in præceptis & imagine Dei manens, in istam
corruptionem non relegaretur. Hunc sensum prorsus improbo, quem jam & superius improbavi in primo libro de
Genesi contra Manichæos. Ad hoc enim ducit, ut credantur illi conjuges primi non generaturi posteros homi-
nes, nisi peccassent; tamquam necesse fuerit ut morituri gignerentur, si de concubitu maris & feminae gignerentur.
Nondum enim videram fieri potuisse, ut non morituri de non morituris nascerentur, si peccato illo magno
non mutaretur in deterius humana natura. Ac per hoc si & in parentibus & in filiis fecunditas felicitasque man-
sisset, usque ad certum sanctorum numerum, quem prædestinavit Deus, nascerentur homines non parentibus
successuri morientibus, sed cum viventibus regnaturi. Essent ergo etiam istæ cognationes atque affinitates, si
nullus delinqueret, nullusque moreretur.

9. Item alio loco, *Ad unum Deum tendentes*, inquam, *& ei uni religantes animas nostras, unde religio dicta*
creditur, omni superstitione careamus. In his verbis meis ratio quæ reddita est, unde sit dicta religio, plus mihi
placuit. Nam non me fugit aliam nominis hujus originem exposuisse latini sermonis auctores, quod inde sit ap-
pellata religio, quod religitur: quod verbum compositum est a legendo, id est; eligendo, ut ita latinum videat-
ur religo, sicut eligo. Hic liber sic incipit: *Cum omnis vitæ bonæ ac beatæ via*.

S. AURELII AUGUSTINI

HIPPONENSIS EPISCOPI

DE VERA RELIGIONE.

LIBER UNUS.*

* Scri-
ptus cit-
atur an.
Chr. 399

Præmissa veram religionem non reperiri apud Paganos, neque in secta ulla præter quam in Catholica Ecclesia; mox divinæ æconomiae erga humanam salutem historia (quod quidem Christianæ religionis caput ac fundamentum est) sic explicatur, ut Manichæorum de duabus præsertim naturis seu de mali origine & natura errores revincantur. Agitur de duplici via, qua Deus hominibus consulit, auctoritate credentes ad salutem vocans, intelligentes ratione. Quippe ratione subnixus homo ex rebus inferioribus ad Deum evehitur: immo ad ipsum prosequendum admonetur ex ipsis vitiis, de quorum triplici genere prolixum hic sermonem instituit Augustinus; qui denique unum verum Deum, id est, Trinitatem, Patrem & Filium & Spiritum-sanctum vera religione colendum esse concludit.

CAPUT
I.
Philoso-
phi de
religio-
ne aliud
in scho-
lis doce-
bant,
aliud in
templis
profite-
bantur.



U M omnis vitæ bonæ ac beatæ via in vera religione sit constituta, qua unus Deus colitur, & purgatissima pietate cognoscitur principium naturarum omnium, a quo universitas & inchoatur & perficitur & continetur: hinc eviden-

tius error deprehenditur eorum populorum, qui multos deos colere, quam unum verum Deum & Dominum omnium maluerunt, quod eorum sapientes, quos Philosophos vocant, scholas habebant dissidentes & templa communia. Non enim vel populos vel sacerdotes latebat, de ipsorum deorum natura quam diversa sentirent, cum suam quisque opinionem publice profiteri non formidaret, atque omnibus, si posset, persuadere moliretur, omnes tamen cum sectatoribus suis diversa & adversa sentientibus, ad sacra communia nullo prohibente veniebant. Non nunc agitur, quiseorum verius senserit; sed certe illud satis, quantum mihi videtur, apparet: aliud eos in religione suscepisse cum populo, & aliud eodem ipso populo audiente defendisse privatim.

CAPUT
II.
De diis
quid So-
crates
sensit.

Mundus
hic pro
Deo ha-
bitus.

2. S O C R A T E S tamen audacior ceteris fuisse perhibetur, jurando per canem quemlibet, & lapidem quemlibet, & quidquid juraturo esset in promptu, & quasi ad manum occurrisset. Credo intelligebat qualiacumque opera naturæ, quæ administrante divina providentia gignerentur, multo quam hominum & quorumlibet opificum esse meliora, & ideo divinis honoribus digniora, quam ea quæ in templis colebantur. Non quod vere lapis & canis essent colenda sapientibus, sed ut hoc modo intelligerent qui possent, tanta superstitione demersos esse homines, ut emergentibus hic esset tam turpis demonstrandus gradus, ad quem venire si puderet, viderent quanto magis pudendum esset in turpiore consistere. Simul & illos qui mundum istum visibilem, summum Deum esse opinabantur, admonebat turpitudinis suæ, docens esse consequens, ut quilibet lapis tamquam summi Dei particula jure coleretur. Quod si execrarentur, mutarent sententiam, & unum Deum quærerent, quem solum su-

A pra mentes nostrasse, & a quo omnem animam & totum istum mundum fabricatum esse constaret. Postea suavius ad legendum, quam potentius ad persuadendum scripsit Plato. Non enim sic isti nati erant, ut populorum suorum opinionem ad verum cultum veri Dei, a simulacrorum superstitione atque ab hujus mundi vanitate converterent. Itaque & ipse Socrates cum populo simulacra venerabatur, & post ejus damnationem mortemque, nemo ausus est jurare per canem, nec appellare quemcumque lapidem Jovem, sed hæc tantummodo memoriæ litterisque mandare. Quod utrum timore a severitatis, an aliqua cognitione temporum fecerint, judicare non est meum.

3. I L L U D tamen fidentissime dixerim, pace horum omnium, qui eorum libros pervicaciter diligunt, Christianis temporibus quænam religio potissimum tenenda sit, & quæ ad veritatem ac beatitatem via est, non esse dubitandum. Si enim Plato ipse viveret, & me interrogantem non aspernaretur, vel potius, si quis ejus discipulus eo ipso tempore quo vivebat, eum interrogaret: cum sibi ab illo persuaderetur, non corporeis oculis, sed pura mente veritatem videri; cui quæcumque anima inhæsisset, eam beatam fieri atque perfectam: ad quam percipiendam nihil magis impedire, quam vitam libidinibus deditam & falsas imagines rerum sensibilibum, quæ nobis ab hoc sensibili mundo per corpus impressæ, varias opiniones erroresque generarent: quamobrem sanandum esse animum ad intuendam incommutabilem rerum formam, & eodem modo semper se habentem atque undique sui similem pulcritudinem, nec distentam locis, nec tempore variatam, sed unum atque idem omni ex parte servantem, quam non crederent esse homines, cum ipsa vere summeque sit: cetera nasci, occidere, fluere, labi, & tamen in quantum sunt, ab illo æterno Deo per ejus veritatem fabricata constare: in quibus animæ tantum rationali & intellectuali datum est, ut ejus æternitatis contemplatione perfruatur, atque afficiatur orneturque ex ea, æternamque vitam possit mereri: sed dum nascentium atque transeuntium rerum amore ac dolore fauciatur, & dedita consuetudini hu-

CAPUT
III.
Vera
Religio
Christia-
na, quæ
hominibus
persuasit,
quod il-
lis per-
suaderi
posse
Plato
non cre-
didit.

a MSS. novem omittunt, *severitatis*. e quibus Gmoticensis ita pro-

sequitur: *an alia cognitione*, &c.

ni hujus vitæ atque sensibus corporis, inanibus evanescent imaginibus, irridet eos, qui dicunt esse aliquid, quod nec istis videatur oculis, nec ullo phantasmate cogitur, sed mente sola & intelligentia cerni queat. Cum hæc ergo a magistro sibi persuaderentur, si ex eo quæreret ille discipulus, utrum si quisquam existeret vir magnus atque divinus, qui talia populis persuaderet credenda saltem, si percipere non valerent, aut si qui possent percipere, non pravis opinionibus multitudinis implicati, vulgaribus obruerentur erroribus, eum divinis honoribus dignum judicaret: responderet credo ille, non posse hoc ab homine fieri, nisi quem forte ipsa Dei Virtus atque Sapientia ab ipsa rerum natura exceptum, nec hominum magisterio, sed intima illuminatione ab incunabulis illustratum, tanta honestaret gratia, tanta firmitate roboraret, tanta denique maiestate subveheret, ut omnia contemnendo quæ pravi homines cupiunt, & omnia perpetiundo quæ horrescunt, & omnia faciendo quæ mirantur, genus humanum ad tam salubrem fidem summo amore atque auctoritate converteret. De honoribus vero ejus frustra se consuli, cum facile possit existimari quanti honores debeantur Sapientiæ Dei, qua gestante & gubernante ille pro vera salute generis humani, magnum aliquid proprium, & quod supra homines esset mereretur.

4. Quæ si facta sunt, si litteris monumentisque celebrantur, si ab una regione terrarum, in qua sola unus colebatur Deus, & ubi talem nasci oportebat, per totum orbem terrarum missi electi viri, virtutibus atque sermonibus divini amoris incendia concitarunt: si confirmata saluberrima disciplina, illuminatas terras posteris reliquerunt: & ne de præteritis loquar, quæ potest quisque non credere, si hodie per gentes populosque prædicatur, *In principio erat Verbum, & Verbum erat apud Deum, & Deus erat Verbum: hoc erat in principio apud Deum. Omnia per ipsum facta sunt, & sine ipso factum est nihil.* Si ad hoc percipiendum, diligendum, perfruendum ut anima sanetur, & tantæ luci hauriendæ mentis acies convalescat, dicitur avaris, *Nolite vobis condere thesauros in terra, ubi tinea & ærugo exterminant, & ubi fures effodiunt & furantur; sed thesaurizate vobis thesauros in cælo, ubi neque tinea neque rubigo exterminat, neque fures effodiunt, neque furantur: ibi enim est thesaurus tuus, ibi est & cor tuum.* dicitur luxuriosis, *Qui seminat in carne, de carne metet corruptionem: qui seminat in spiritu, de spiritu metet vitam æternam.* dicitur superbis, *Qui se exaltat humiliabitur, & qui se humiliat exaltabitur.* dicitur iracundis, *Accepisti alapam, para alteram maxillam.* dicitur discordiosis, *Diligite inimicos vestros.* dicitur superstiosis, *Regnum Dei intra vos est.* dicitur curiosis, *Nolite quærere quæ videntur, sed quæ non videntur. Quæ enim videntur, temporalia sunt: quæ autem non videntur, æterna sunt.* postremo dicitur omnibus, *Nolite diligere mundum, neque ea quæ in mundo sunt: quoniam omne quod in mundo est, concupiscentia carnis est, & concupiscentia oculorum, & ambitio sæculi.*

5. Si hæc per totum orbem jam populis leguntur, & cum veneratione libentissime audiuntur. Si post tantum sanguinem, tantos ignes, tot cruces Martyrum, tanto fertilius & uberius usque ad barbaras nationes Ecclesiæ pullularunt. Si tot juvenum & virginum millia contemnentium nuptias casteque viventium

Tom. I.

A jam nemo miratur: quod cum fecisset Plato, usque adeo perversam temporum suorum timuit opinionem, ut perhibeatur sacrificasse naturæ, a ut tamquam peccatum illud aboleretur. Si hæc sic accipiuntur, ut quomodo antea talia disputare, sic nunc contra disputare monstruosum sit. Si tali pollicitationi atque sponsioni per omnes terrarum partes quas homines incolunt, sacra Christiana traduntur. Si hæc quotidie leguntur in Ecclesiis, & a sacerdotibus exponuntur. Si tundunt pectora qui conantur hæc implere; si tam innumerabiles aggrediuntur hanc viam, ut desertis divitiis & honoribus hujus mundi ex omni hominum genere uni Deo summo totam vitam dicare volentium, desertæ quondam insulæ ac multarum terrarum solitudo compleatur. Si denique per urbes atque oppida, castella, vicos & agros etiam, villasque privatas in tantum aperte persuadetur & appetitur a terrenis aversio & in unum Deum verumque conversio, ut quotidie per universum orbem humanum genus una pene voce respondeat, *sursum corda se habere ad Dominum*: quid adhuc oscitamus crapulam hesternam, & in mortuis pecudibus divina eloquia perscrutamur; si quando autem ad disputationem venit, Platonico nomine ora crepantia, quam pectus vero plenum, magis habere gestimus?

6. QUI ergo sensibilem istum mundum contemnere & animam virtute purgandam, summo Deo subiacere atque subjugare, vanum aut malum putant, alia ratione refellendi sunt: si tamen cum his dignum est disputare. Qui autem bonum & appetendum fatentur, cognoscant Deum & cedant Deo, per quem populis jam omnibus hæc credenda persuasa sunt. Quod utique ab ipsis fieret, si tantum valerent: aut si non fieret, crimen invidentiæ vitare non possent. Ergo cedant ei a quo factum est, nec curiositate aut inani jactantia impediatur quo minus agnoscant, quid intersit inter paucorum b timidæ conjecturas, & manifestam salutem correptionemque populorum. Illi enim si reviviscerent, quorum isti nominibus gloriantur, & invenirent refertas Ecclesias, templaque deserta, & a cupiditate bonorum temporalium & fluentium ad spem vitæ æternæ & bona spiritalia & intelligibilia vocari & currere humanum genus, dicerent fortasse (si tales essent quales fuisse memorantur:) Hæc sunt quæ nos persuadere populis non ausi sumus, & eorum potius consuetudini cessimus, quam illos in nostram fidem voluntatemque traduximus.

7. Itaque si hanc vitam illi viri nobiscum rursus agere potuissent, viderent profecto cujus auctoritate facilius consuleretur hominibus, & paucis mutatis verbis atque sententiis Christiani fierent, sicut plerique recentiorum nostrorumque temporum Platonici fecerunt. Aut si hoc non faterentur neque facerent, in superbia & invidia remanentes, nescio utrum possent ad ea ipsa quæ appetenda & desideranda esse dixerant, cum istis sordibus viscoque revolare. Nam tertio vitio curiositatis in percunctandis dæmonibus, quo isti maxime, cum quibus nunc agitur, Pagani a Christiana salute revocantur, quia nimis puerile est, nescio utrum tales illi præpedirentur viri.

8. SED quoquo modo se habeat philosophorum jactantia, illud cuivis intelligere facile est, religionem ab eis non esse quærendam, qui eadem sacra suscipiebant cum populis, & de suorum deorum natura ac sum-

In Cano.
ne Missæ.

CAPIT.
IV.
Philosophi qui sensibilibus toti hærent contemnendi.

b

CAPIT.
V.
In quibus fæctis vera religio.

Ii 2 mo

a In MSS. septem, sacrificasse naturæ naturam cæsecratus, ut tamquam &c.

b Sic in MSS. melioris notæ. At in vulgari legitur, tumidas.

Munus
divinum
Spiritus-
sanctus.

mo bono, diversas contrariasque sententias in scholis suis, eadem teste multitudine, personabant. Quod si hoc unum tantum vitium Christiana disciplina sanatum videremus, ineffabili laude prædicandam esse, neminem negare oporteret. Hæreses namque tam innumerabiles a regula Christianitatis aversæ, testes sunt non admitti ad communicanda sacramenta eos, qui de Patre Deo, & Sapientia ejus, & Munere divino aliter sentiunt & hominibus persuadere conantur, quam veritas postulat. Sic enim creditur & docetur, quod est humanæ salutis caput, non aliam esse philosophiam, id est, sapientiæ studium, & aliam religionem, cum ii quorum doctrinam non approbamus, nec sacramenta nobiscum communicant.

9. Quod in illis minus mirandum est, qui eorum quoque sacramentorum ritu dispares esse voluerunt, sicut nescio qui serpentini qui appellantur, a sicut Manichæi, sicut alii nonnulli. Sed in illis magis animadvertendum hoc magisque prædicandum, qui paria sacramenta celebrantes, tamen quia sententia dispares sunt, & errores suos animosius defendere, quam cautius corrigere maluerunt, exclusi a catholica communione, & a participatione quamvis parium sacramentorum, propria vocabula propriosque conventus, non in sermone tantum, sed etiam in superstitione meruerunt: ut Photiniani, Ariani, multique præterea. Nam de iis qui schismata fecerunt, alia quæstio est. Posset enim eos area dominica usque ad tempus ultimæ ventilationis velut paleas sustinere, nisi vento superbiam nimia levitate cessissent, & sese a nobis ultro separassent. Judæi vero quamvis uni omnipotenti Deo supplicent, sola tamen temporalia & visibilia bona de illo expectantes, rudimenta novi populi ab humilitate surgentia, in ipsis suis scripturis nimia securitate noluerunt advertere, atque ita in veteri homine remanserunt. Quæ cum ita sint, neque in confusione paganorum, neque in purgamentis hæreticorum, neque in languore schismaticorum, neque in cæcitate Judæorum quærenda est religio, sed apud eos solos, qui Christiani, catholici, vel orthodoxi nominantur, id est, integritatis custodes, & recta sectantes.

CAPUT
VI.
Vera religio in sola Ecclesia catholica, quæ omnibus errantibus utitur ad prove-
tus suos

10. HÆC enim Ecclesia catholica per totum orbem valide lateque diffusa, omnibus errantibus utitur ad proventus suos, & ad eorum correctionem cum evangelizare voluerint. Utitur enim gentibus ad materiam operationis suæ, hæreticis ad probationem doctrinæ suæ, schismaticis ad documentum stabilitatis suæ, Judæis ad comparisonem pulcritudinis suæ. Alios ergo invitat, alios excludit, alios relinquit, alios antecedit: omnibus tamen gratiæ Dei participandæ dat potestatem; sive illi formandi sint adhuc, sive reformandi, sive recolligendi, sive admittendi. Carnales autem suos, id est, viventes aut sentientes carnaliter, tamquam paleas tolerat, quibus in area frumenta tutiora sunt, donec talibus tegminibus exuantur. Sed quia in hac area pro voluntate quisque vel palea, vel frumentum est, tamdiu sustinetur peccatum aut error cujuslibet, donec aut accusatorem inveniat, aut pravam opinionem pertinaci animositate defendat. Exclusi autem aut pœnitendo redeunt, aut in nequitiam male liberi defluunt, ad admonitionem nostræ diligentiae; aut schisma faciunt, ad exercitationem nostræ patientiæ; aut hæresim aliquam gignunt, ad examen sive occasio-

A nem nostræ intelligentiæ. Hi sunt exitus Christianorum carnalium, qui non potuerunt corrigi aut sustineri.

11. Sæpe etiam sinit divina providentia, per nonnullas nimium turbulentas carnalium hominum seditiones expelli de congregatione Christiana, etiam bonos viros. Quam contumeliam vel injuriam suam cum patientissime pro Ecclesiæ pace tulerint, neque ullas novitates vel schismatis vel hæresis moliti fuerint, docebunt homines, quam vero affectu, & quanta sinceritate caritatis Deo serviendum sit. Talium ergo virorum propositum est, aut sedatis remeare turbinibus; aut si id non sinantur, vel eadem tempestate perseverante, vel ne suo reditu talis aut sævior oriatur, tenent voluntatem consulendi, etiam eis ipsis quorum motibus perturbationibusque cesserunt, sine ulla conventiculorum segregatione usque ad mortem defendentes, & testimonio juvantes eam fidem, quam in Ecclesia catholica prædicari sciunt. Hos coronat in occulto Pater, in occulto videns. Rarum hoc videtur genus, sed tamen exempla non desunt: immo plura sunt quam credi potest. Ita omnibus generibus hominum & exemplorum ad animarum curationem, & ad institutionem spiritalis populi, utitur divina providentia.

Boni
nonnulli
quam
ex Ec-
clesia
per sedi-
tiosos
expulsi.

12. QUAMOBREM cum ante paucos annos * pro-
miserim tibi scribere, carissime mihi Romaniane, quid
de vera religione sentirem, tempus nunc esse arbitrat-
us, post quam tuas acerrimas interrogationes, sine ullo
certo fine fluctuare, ea caritate qua tibi obstrictus
sum, diutius sustinere non possem. Repudiatis igitur
omnibus, qui neque in sacris philosophantur, nec in philo-
sophia consecrantur; & iis qui vel prava opinione, vel
aliqua similitate superbientes, a regula & communione
Ecclesiæ catholice deviarunt; & iis qui sanctarum
Scripturarum lumen, & spiritalis populi gratiam,
quod novum Testamentum vocatur, habere noluerunt,
quos quanta potui brevitate perstrinxi: tenenda est nobis
Christiana religio, & ejus Ecclesiæ communicatio
quæ catholica est, & catholica nominatur, non solum
a suis, verum etiam ab omnibus inimicis. Velint no-
lint enim ipsi quoque hæretici, & schismatici alumni,
quando non cum suis, sed cum extraneis loquuntur,
Catholicam nihil aliud quam Catholicam vocant.
Non enim possunt intelligi, nisi hoc eam nomine discer-
nant, quo ab universo orbe nuncupatur.

CAPUT
VII.
Catholica
Ecclesiæ
religio
ample-
ctenda.
Quid il-
la profi-
teatur.
* Lib. 2.
cont. A-
cademi-
cos c. 3.
n. 8.

13. Hujus religionis sectandæ caput est historia & prophetia dispensationis temporalis divinæ providentiæ, pro salute generis humani in æternam vitam reformandi atque reparandi. Quæ cum credita fuerit mentem purgabit vitæ modus divinis præceptis conciliatus, & idoneam faciet spiritalibus percipiendis, quæ nec præterita sunt, nec futura, sed eodem modo semper manentia, nulli mutabilitati obnoxia, id est, unum ipsum Deum Patrem & Filium & Spiritum sanctum: qua Trinitate quantum in hac vita datum est cognita, omnis intellectualis & animalis & corporalis creatura, ab eadem Trinitate creatrice esse in quantum est, b & speciem suam habere & ordinatissime administrari, sine ulla dubitatione perspicitur, non ut aliam partem totius creaturæ fecisse intelligatur Pater, & aliam Filius, & aliam Spiritus sanctus, sed & simul omnia & unamquamque naturam Patrem fecisse per Filium in dono Spiritus sancti. Omnis enim

res

a In excusis omittitur, *sicut*, quam vocem in plerisque MSS. reperi-
tam restitimus, quia Serpentinus a Manichæis non obscure fecernit Au-
gustinus in lib. 2. de Genesi contra Manich. cap. 26. & clarius in lib. de

hæresibus.

b MSS. undecim carent his verbis, & speciem suam habere; quæ ta-
men hic aptissime conveniunt propter secundam Trinitatis personam.

res vel substantia vel essentia vel natura, vel si quo alio verbo melius enuntiatur, simul hæc tria habet, ut & unum aliquid sit, & specie propria discernatur a ceteris, & rerum ordinem non excedat.

CAPUT
VIII.
Quæ pri-
mo au-
thoritate
ducti cre-
didimus,
postmo-
dum ra-
tione in-
telligi-
mus.

14. QUO cognito, satis apparebit, quantum homo assequi potest, quam necessariis & invictis & iustis legibus, Deo & Domino suo cuncta subjecta sint: ex quo illa omnia, quæ primo credidimus, nihil nisi auctoritatem secuti, partim sic intelliguntur, ut videamus esse certissima; partim sic ut videamus fieri posse, atque ita fieri oportuisse, doleamusque illos hæc non credentes, qui nos antea credentes irridere, quam nobiscum credere maluerunt. Non enim jam illa hominis sacrosancta susceptio, & virginis partus, & mors Filii Dei pro nobis, & resurrectio a mortuis, & in cælum adscensio, & confessus ad dexteram Patris, & peccatorum abolitio, & iudicii dies, & corporum resuscitatio, cognita æternitate Trinitatis & mutabilitate creaturæ, creduntur tantum, & non etiam judicantur ad summi Dei misericordiam, quam generi humano exhibet, pertinere.

Hæretici
profunt
Ecclesia.
1. Cor. II.
19.

15. Sed quoniam verissime dictum est, *Oportet multas hæreses esse, ut probati manifesti fiant inter vos*, utamur etiam isto divinæ providentiæ beneficio. Ex his enim hominibus hæretici fiunt, qui etiam si essent in Ecclesia, nihilo minus errarent. Cum autem foris sunt, plurimum profunt, non verum docendo, quod nesciunt; sed ad verum quærendum carnales, & ad verum aperiendum spirituales catholicos excitando. Sunt enim innumerabiles in Ecclesia sancta Deo probati viri, sed manifesti non fiunt inter nos quamdiu imperitiæ nostræ tenebris delectati dormire malimus, quam lucem veritatis intueri. Quapropter multi, ut diem Dei videant & gaudeant, per hæreticos de somno excitantur. Utamur ergo etiam hæreticis, non ut eorum approbemus errores, sed ut catholicam disciplinam adversus eorum insidias asserentes, vigilantiores & cautiores simus, etiamsi eos ad salutem revocare non possumus.

CAPUT
IX.
Mani-
cheorum
error de
duobus
principi-
is & dua-
bus ani-
malibus.

16. CREDO autem ad futurum Deum, ut ista scriptura, præcedente pietate, legentibus bonis, non adversus unam aliquam, sed adversus omnes pravæ & falsæ opiniones possit valere. Contra eos tamen potissimum est instituta, qui duas naturas vel substantias singulis principiis adversus invicem rebelles esse arbitrantur. Offensi enim quibusdam rebus, & rursus quibusdam delectati, non earum quibus offenduntur; sed earum quibus delectantur, volunt esse auctorem Deum. Et cum consuetudinem suam vincere nequeunt, jam carnalibus laqueis irretiti, duas animas esse in uno corpore existimant: unam de Deo quæ naturaliter hoc sit quod ipse; alteram de gente tenebrarum, quam Deus nec genuerit, nec fecerit, nec protulerit, nec abjecerit; sed quæ suam vitam, suam terram, suos fetus & animalia, suum postremo regnum habuerit, ingenitumque principium; sed quodam tempore adversus Deum rebellasse, Deum autem cum aliud quod faceret non haberet, & quomodo aliter posset hosti resistere non inveniret, necessitate oppressum misisse huc animam bonam, & quamdam particulam suæ substantiæ, cujus cōmixtione atque a miscela hostem temperatum esse somniant, & mundum fabricatum.

17. Neque nunc opiniones eorum refellimus, quod partim jam fecimus, partim quantum Deus siverit faciemus: sed in hoc opere quomodo adversus eos fides catholica tuta sit, & quomodo non perturbent animum ea, quibus commoti homines in eorum cedunt senten-

Tom. I.

tiam, rationibus quas Dominus dare dignatur, quantum possumus demonstramus. Illud sane in primis tenere te volo, qui bene nosti animum meum, non hoc me fugiendæ arrogantiae gratia quasi sollemniter dicere, quidquid in his litteris erroris inveniri poterit, hoc solum mihi esse tribuendum; quidquid autem verum & convenienter expositum, uni omnium bonorum munerum largitori Deo.

18. QUAMOBREM fit tibi manifestum atque perceptum, nullum errorem in religione esse potuisse, si anima pro Deo suo non coleret * animam, aut corpus, aut phantasmata sua, aut horum aliqua duo conjuncta, aut certe simul omnia: sed in hac vita societati generis humani sine dolo temporaliter congruens, æterna medietaretur, unum Deum colens: qui nisi permaneret incommutabilis, nulla mutabilis natura remaneret. Mutari autem animam posse, non quidem localiter, sed tamen temporaliter, suis affectionibus quisque cognoscit. Corpus vero & temporibus & locis esse mutabile, cuivis advertere facile est. Phantasmata porro nihil sunt aliud quam de specie corporis corporeo sensu adtracta figmenta: quæ memoriæ mandare ut accepta sunt, vel partiri, vel multiplicare, vel contrahere, vel distendere, vel ordinare, vel perturbare, vel quolibet modo figurare cogitando facillimum est, sed cum verum quæritur, cavere & vitare difficile.

19. Non ergo creaturæ potius quam Creatori serviamus, nec evanescamus in cogitationibus nostris; & perfecta religio est. Æterno enim Creatori adhærentes, & nos æternitate afficiamur necesse est. Sed quia hoc anima peccatis suis obruta & implicata, per se ipsam videre ac tenere non posset, nullo in rebus humanis ad divinam capeffenda interposito gradu, per quem ad Dei similitudinem a terrena vita homo niteretur, ineffabili misericordia Dei temporali dispensatione per creaturam mutabilem, sed tamen æternis legibus servientem, ad commemorationem primæ suæ perfectæque naturæ, partim singulis hominibus, partim vero ipsi hominum generi subvenitur. Ea est nostris temporibus Christiana religio, quam cognoscere ac sequi, securissima ac certissima salus est.

20. Defendi autem adversus loquaces, & aperiri quærentibus, multis modis potest; omnipotente ipso Deo per se ipsum demonstrante, quæ vera sunt, & ad hæc intuenda & percipienda bonas voluntates per bonos Angelos & quoslibet homines adjuvante. Eo modo autem quisque utitur, quem videt congruere iis, cum quibus agit. Ego itaque diu multumque considerans, quales oblatrantes, & quales quærentes expertus sim, vel qualis ipse, si cum latrarem, si cum quærerem fuerim, hoc modo mihi utendum putavi. Quæ vera esse perspexeris, tene, & Ecclesiæ catholicæ tribue; quæ falsa, respue, & mihi qui homo sum ignosce; quæ dubia, crede; donec aut respuenda esse, aut vera esse, aut semper credenda esse, vel ratio doceat, vel præcipiat auctoritas. Intende igitur in hæc, quæ sequuntur, diligenter & pie, quantum potes: tales enim adjuvat Deus.

21. NULLA vita est, quæ non sit ex Deo, quia Deus utique summa vita est & ipse fons vitæ: nec aliqua vita in quantum vita est, malum est, sed in quantum vergit ad mortem. Mors autem vitæ non est, nisi nequitia, quæ ab eo quod ne quidquam sit, dicta est: & ideo nequissimi homines, nihili homines appellantur. Vita ergo voluntario defectu deficiens ab eo, qui

Ii 3

eam

CAPUT
X.
Historiæ
divinæ
œcono-
miæ erga
nostram
salutem
narratu-
rus, ostē-
dit pri-
mum un-
de error
in reli-
gione
contin-
gat, &
quomo-
do per-
fecta re-
ligio
Deo sub-
venien-
te in-
staurē-
tur.
* 1. Re-
tract. cap.
13. n. 2.
1. Re-
tract. c.
13. n. 2.

1. Re-
tract. c.
13. n. 3.

2. Re-
tract. c.
13. n. 4.
CAPUT
XI.
Omnis
vita a
Deo.
Mors
animæ,
nequi-
tia.

eam fecit, & cuius essentia fruebatur, & volens contra Dei legem frui corporibus, quibus eam Deus præfecit, vergit ad nihilum: & hæc est nequitia: non quia corpus jam nihilum est. Nam & ipsum habet aliquam concordiam partium suarum, sine qua omnino esse non posset. Ergo ab eo factum est & corpus, qui omnis concordie caput est. Habet corpus quamdam pacem suæ formæ, sine qua prorsus nihil esset. Ergo ille est & corporis conditor, a quo pax omnis est, & qui forma est infabricata, atque omnium formosissima. Habet aliquam speciem, sine qua corpus non est corpus. Si ergo quaeritur quis instituerit corpus, ille quaeratur, qui est omnium speciosissimus. Omnis enim species ab illo est. Quis est autem hic, nisi unus Deus, una veritas, una salus omnium, & prima atque summa essentia, ex qua est omne quidquid est, in quantum est; quia in quantum est quidquid est, bonum est.

22. Et ideo ex Deo non est mors. Non enim Deus mortem fecit, nec letatur in perditione vivorum: quoniam summa essentia esse facit omne quod est, unde & essentia dicitur. Mors autem non esse cogit quidquid moritur, in quantum moritur. Nam si ea quæ moriuntur, penitus morerentur, ad nihilum sine dubio pervenirent: sed tantum moriuntur, quantum minus essentiae participant: quod brevius ita dici potest: tanto magis moriuntur, quanto minus sunt. Corpus autem minus est quam vita quælibet; quoniam quantulumcumque manet in specie, per vitam manet, sive qua unumquodque animal, sive qua universa mundi natura administratur. Corpus ergo magis subiacet morti, & ideo vicinius est nihilo: quapropter vita, quæ fructu corporis delectata negligit Deum, inclinatur ad nihilum, & ista est nequitia.

23. HOC autem pacto vita carnalis & terrena efficitur, & ob hoc etiam caro & terra nominatur, & quamdiu ita est, regnum Dei non possidebit, & eripitur ei quod amat. Id enim amat, quod & minus est quam vita, quia corpus est; & propter ipsum peccatum, quod amatur fit corruptibile, ut fluendo deserat amatorem suum, quia & ille hoc amando deseruit Deum. Præcepta enim ejus neglexit dicentis: Hoc manduca, & hoc noli. Trahitur ergo ad pœnas, quia diligendo inferiora, in egestate voluptatum suarum & in doloribus apud inferos ordinatur. Quid est enim dolor, qui dicitur corporis, nisi corruptio repentina salutis ejus rei, quam male utendo anima corruptioni a obnoxia vit? Quid autem dolor, qui dicitur animi, nisi carere mutabilibus rebus, quibus fruebatur, aut frui se posse speraverat? Et hoc est totum quod dicitur malum, id est, peccatum, & pœna peccati.

24. Si autem dum in hoc stadio vitæ humanæ anima degit, vincat eas, quas adversum se nutrit cupiditates fruendo mortalibus, & ad eas vincendas gratia Dei se adjuvari credat, mente illi serviens & bona voluntate, sine dubitatione reparabitur, & a multis mutabilibus ad unum incommutabile revertetur, reformata per Sapientiam non formatam, sed per quam formantur universa, frueturque Deo per Spiritum sanctum, quod est donum Dei. Ita fit homo spiritualis omnia judicans, ut ipse a nemine judicetur, diligens Dominum Deum suum in toto corde suo, in tota anima, in tota mente, & diligens proximum suum non carnaliter, sed tamquam se ipsum. Se autem spiritualiter diligit, qui ex toto, quod in eo vivit, Deum diligit; *In his enim duobus præceptis tota Lex pendet & Prophetæ.*

25. Inde jam erit consequens, ut post mortem corporalem, quam debemus primo peccato, tempore suo atque ordine suo hoc corpus restituatur pristinae stabilitati, quam non per se habebit, sed per animam stabilitam in Deo. Quæ rursus non per se stabilitur, sed per Deum quo fruitur; ideoque amplius quam corpus vigeat: corpus enim per ipsam vigeat, & ipsa per incommutabilem veritatem, qui Filius Dei unicus est; atque ita & corpus per ipsum Filium Dei vigeat, quia omnia per ipsum. Dono etiam ejus, quod animæ datur, id est, sancto Spiritu, non solum anima, cui datur, salva & pacata & sancta sit, sed ipsum etiam corpus vivificabitur, eritque in natura sua mundissimum. Ipse enim dixit: *Mundate quæ intus sunt, & quæ foris sunt munda erunt.* Dicit & Apostolus: *Vivificabit & mortalia corpora vestra propter Spiritum manentem in vobis.* Ablato ergo peccato, auferetur & pœna peccati: & ubi est malum? *Ubi est mors? contentio tua? ubi est mors aculeus tuus?* Vincit enim essentia nihilum, & sic absorbetur mors in victoriam.

26. NEC aliquid sanctificatis malus angelus oberit, qui diabolus dicitur: quia & ipse, in quantum angelus est, non est malus, sed in quantum perversus est propria voluntate. Fatendum est enim, & angelos natura esse mutabiles, si solus Deus est incommutabilis: sed ea voluntate, qua magis Deum quam se diligunt, firmi & stabiles manent in illo, & fruiuntur maiestate ipsius, ei uni libentissime subditi. Ille autem angelus magis se ipsum quam Deum diligendo, subditus ei esse noluit, & intumuit per superbiam, & a summa essentia deficit, & lapsus est: & ob hoc minus est quam fuit, quia eo quod minus erat frui voluit, cum magis voluit sua potentia frui, quam Dei. Quamquam enim non summe, tamen amplius erat, quando eo quod summe est, fruebatur, quoniam Deus solus summe est. Quidquid autem minus est quam erat, non in quantum est, sed in quantum minus est, malum est. Eo enim, quo minus est quam erat, tendit ad mortem. Quid autem mirum si ex defectu inopia, & ex inopia invidentia, qua diabolus utique diabolus est?

27. DEFECTUS autem iste quod peccatum vocatur, si tamquam febris invitum occuparet, recte injusta pœna videretur, quæ peccantem consequitur, & quæ damnatio nuncupatur. Nunc vero usque adeo peccatum voluntarium est malum, ut nullo modo sit peccatum, si non sit voluntarium: & hoc quidem ita manifestum est, ut nulla hinc doctorum paucitas, nulla indoctorum turba dissentiat. Quare aut negandum est peccatum committi, aut fatendum est voluntate committi. Non autem recte negat peccasse animam, qui & pœnitendo eam corrigi fatetur, & veniam pœnitenti dari, & perseverantem in peccatis iusta lege Dei damnari. Postremo, si non voluntate male facimus, nemo objurandus est omnino, aut monendus: quibus sublati Christiana lex & disciplina omnis religionis auferatur necesse est. Voluntate ergo peccatur. Et quoniam peccari non dubium est, ne hoc quidem dubitandum video, habere animas liberum voluntatis arbitrium. Tales enim servos suos meliores esse Deus judicavit, si ei servirent liberaliter. Quod nullo modo fieri posset, si non voluntate, sed necessitate servirent.

28. Liberaliter igitur Deo Angeli serviunt, neque hoc Deo, sed ipsis prodest. Deus enim bono alterius non indiget, quoniam a se ipso est. Quod autem

1. Retract.
1. 3. 4.

Matt. 23.

26.

Rom. 8.

11.

1. Cor.

15. 55.

* 1. 2. 25.

CAPUT

XIII.

Angelo-

rum dif-

ferentia.

CAPUT

XIV.

Alibe-

ro arbitrio pec-

catum.

1. Retract.

cap. 13.

n. 5. 2.

sent. dist.

41. cap.

Post

hæc.

CAPUT
XII.
Lapsus
& repa-
ratio to-
gus ho-
minis.

Matt.
23. 40.

autem ab eo genitum est, idipsum est; quia non est factum, sed genitum. Illa vero quæ facta sunt ejus bono indigent, summo scilicet bono, id est, summa essentia. Minus autem sunt quam erant, cum per animæ peccatum minus ad illum moventur; nec tamen penitus separantur, nam omnino nulla essent. Quod autem affectibus contingit animæ, hoc locis corpori: nam illa movetur voluntate, corpus autem spatio. Quod autem homini a perverso angelo persuasum dicitur, etiam ab hoc utique voluntate consensit. Nam si necessitate id fecisset, nullo peccati crimine teneretur.

CAPUT
XV.
Pœna
ipsa pec-
cati ad
respi-
ciendum
erudi-
mur.

29. QUOD vero corpus hominis, cum ante peccatum esset in suo genere optimum, post peccatum factum est a imbecillosum, & morti destinatum, quamquam justa vindicta peccati sit, plus tamen clementiæ Domini quam severitatis ostendit. Ita enim nobis suadet a corporis voluptatibus, ad æternam essentiam veritatis amorem nostrum oportere converti. Et est justitiæ pulcritudo cum benignitatis gratia concordans, ut quoniam bonorum inferiorum dulcedine decepti sumus amaritudine pœnarum erudiamur. Nam ita etiam nostra supplicia divina providentia moderata est, ut & in hoc corpore tam corruptibili ad justitiam tendere liceat, & deposita omni superbia uni Deo vero collum subdere, nihil de se ipso fidere, illi uni se regendum tuendumque committere. Ita ipso duce homo bonæ voluntatis molestias hujus vitæ in usum fortitudinis vertit: in copia vero voluptatum prosperisque successibus temporalium, temperantiam suam probat & roborat: acuit in tentationibus prudentiam, ut non solum in eas non inducatur, sed fiat etiam vigilantior, & in amorem veritatis, quæ sola non fallit, ardentior.

CAPUT
XVI.
Lucerna
to Ver-
bo bene-
ficientius
homini
consul-
tum est.
Joa. 1.
14

30. SED cum omnibus modis medeatur animis Deus pro temporum opportunitatibus, quæ mira sapientia ejus ordinantur, de quibus aut non est tractandum, aut inter pios perfectosque tractandum est, nullo modo beneficentius consuluit generi humano, quam cum ipsa Sapientia Dei, id est unicus Filius consubstantialis Patri & coæternus, totum hominem suscipere dignatus est, & Verbum caro factum est, & habitavit in nobis. Ita enim demonstravit carnalibus, & non valentibus intueri mente veritatem, corporeisque sensibus deditis, quam excelsum locum inter creaturas habeat humana natura, quod non solum visibiliter (nam id poterat & in aliquo æthereo corpore ad nostrorum adspectum tolerantiam temperato) sed hominibus in vero homine apparuit: ipsa enim natura suscipienda erat quæ liberanda. Et ne quis forte sexus a suo Creatore se contemtum putaret, virum suscepit, natus ex femina.

1. Ro-
m. 8. cap.
13. n. 6.

31. Nihil egit vi, sed omnia suadendo & monendo. Veteri quippe servitute transacta, tempus libertatis illuxerat, & opportune jam homini suadebatur atque salubriter, quam libero esset creatus arbitrio. Miraculis conciliavit fidem Deo qui erat, passione homini quem gerebat. Ita loquens ad turbas ut Deus, nuntiatam sibi matrem negavit, & tamen, ut Evangelium loquitur, puer parentibus subditus erat. Doctrina enim Deus apparebat, ætatibus homo. Item aquam in vinum conversurus ut Deus dicit, Recede a me mulier: mihi & tibi quid

Matth. 12
48.
Luce 2
51.
Joa. 2. 4.

a Er. Lov. & Arn. imbecillum pro quo Bad. & MSS. imbecillosum.

b Bad. & Er. qui in eo erat. Paulo post MSS. tres optimæ notæ habent, homini quem regebat. alii cum editis, gerebat. Ultraque lectio recepta Augustino, qui superius c. 3. n. 3. susceptum hominem Sapientia Dei gestante & gubernante meruisse dicit.

c Ita in MSS. At in editis, vilia fecit.

d MSS. non habent vocem, veritatis.

e Alludit ad antiquam Philosophiæ partitionem in Naturalem, Mora-

A est? Nondum venit hora mea. Cum autem venisset hora, qua ut homo moreretur, de cruce cognitam matrem commendavit discipulo, quem præ ceteris diligebat. Satellites voluptatum divitias perniciose populi appetebant: pauper esse voluit. Honoribus & imperiis inhiant: rex fieri noluit. Carnales filios magnum bonum putabant: tale conjugium prolemque contempsit. Contumelias superbissime horrebant: omne genus contumeliarum sustinuit. Injurias intolerabiles esse arbitrabantur: quæ major injuria quam justum innocentemque damnari? Dolores corporis exsecrabantur: flagellatus atque cruciatus est. Mori metuebant: morte multatus est. Ignominiosissimum mortis genus crucem putabant: crucifixus est. Omnia quæ habere cupientes non recte vivebamus, carendo vilefecit. Omnia quæ vitare cupientes a studio deviamus, veritatis, perpetiundo dejecit. Non enim ullum peccatum committi potest, nisi aut dum appetuntur ea quæ ille contempsit, aut fugiuntur quæ ille sustinuit.

Joa. 19.
17.

32. TOTA ITAQUE VITA EJUS in terris per hominem, quem suscipere dignatus est, disciplina morum fuit. Resurrectio vero ejus a mortuis, nihil hominis perire naturæ, cum omnia salva sunt Deo, satis indicavit, & quemadmodum cuncta serviant Creatori suo, sive ad vindictam peccatorum, sive ad hominis liberationem, quamque facile corpus animæ serviat, cum ipsa subjiçitur Deo. Quibus perfectis non solum nulla substantia malum est, quod fieri nunquam potest, sed etiam nullo malo afficitur, quod fieri per peccatum & vindictam potuit. Et hæc est disciplina naturalis Christianis minus intelligentibus plena fide digna, intelligentibus autem omni errore purgata.

33. JAM vero ipse totius doctrinæ modus, partim apertissimus, partim similitudinibus, in dictis in factis, in sacramentis, ad omnem animæ instructionem exercitationemque accommodatus, quid aliud quam rationalis disciplinæ regulam implevit? Nam & mysteriorum expositio ad ea dirigitur, quæ apertissime dicta sunt. Et si ea tantum essent, quæ facillime intelliguntur, nec studiose quæreretur, nec suaviter inveniretur veritas. Neque si essent in Scripturis sacramenta, & in sacramentis non essent signacula veritatis, satis cum cognitione actio conveniret. Nunc vero quoniam PIETAS TIMORE inchoatur, caritate perficitur; populus timore constrictus tempore servitutis in veteri Lege multis sacramentis onerabatur. Hoc enim talibus utile erat ad desiderandam gratiam Dei, quæ per Prophetas ventura caneatur. Quæ ubi venit, ab ipsa Dei Sapientia homine assumpto, a quo in libertatem vocati sumus, pauca sacramenta saluberrima constituta sunt, quæ societatem Christiani populi, hoc est, sub uno Deo liberæ multitudinis continerent. Multa vero quæ populo Hebræo, hoc est, sub eodem uno Deo compeditæ multitudini imposita erant, ab actione remota sunt, in fide atque interpretatione manserunt. Ita nunc nec serviliter alligant, & exercent liberaliter animum.

CAPUT
XVII.
Doctri-
næ ratio
in vera
Religio-
ne quam
optima,
seu ve-
tus seu
novum
Testa-
mentum
spectetur.

f

g

h

34. Quisquis autem ideo negat utrumque Testamentum ab uno Deo esse posse, quia non eisdem sacramentis tenetur populus noster, quibus Judæi te-

ne-

lem, & Rationalem, Moralem supra commemoravit, cum ait vitam Christi disciplinam motum fuisse. hic porro Naturalem, mox in sequenti capite Rationalem.

f Sic MSS. septemdecim & Arn. At Bad. Er. & Lov. habent, partim apertissimis rationibus, partim similitudinibus &c.

g Abest vox, sacramenta, a MSS. Germanensi, Gemicensi, & aliquot aliis non deterius notæ.

h MSS. plerique, homine assumpto, & in libertatem vocati sumus.

nebantur vel adhuc tenentur : potest dicere non posse fieri, ut unus pater familias iustissimus aliud imperet eis, quibus servitutem duriores utilem iudicat, aliud eis, quos in filiorum gradum adoptare dignatur. Si autem præcepta vitæ movent, quod in veteri Lege minora sunt, in Evangelio maiora, & ideo putatur non ad unum Deum utraque pertinere : potest qui hoc putat perturbari, si unus medicus alia per ministros suos imbecillioribus, alia per se ipsum valentioribus præcipiat ad reparandam, vel obtinendam salutem. Ut enim ars medicinæ, cum eadem maneat, neque ullo pacto ipsa mutetur, mutat tamen præcepta languentibus, quia mutabilis est nostra valetudo: ita divina providentia, cum sit ipsa omnino incommutabilis, mutabili tamen creaturæ varie subvenit, & pro diversitate morborum alias alia jubet aut vetat, ut a vitio unde mors incipit, & ab ipsa morte ad naturam suam & essentiam, ea quæ deficiunt, id est, ad nihilum tendunt, reducat & firmet.

CAPUT
XVIII.
Creatu-
re qua-
re muta-
biles.

35. SED dicis mihi, Quare deficiunt? Quia mutabilia sunt. Quare mutabilia sunt? Quia non summe sunt. Quare non summe sunt? Quia inferiora sunt eo, a quo facta sunt. Quis ea fecit? Qui summe est. Quis hic est? Deus incommutabilis Trinitas, quoniam & per summam Sapientiam ea fecit, & summa benignitate conservat. Cur ea fecit? Ut essent. Ipsum enim quantumcumque esse, bonum est: quia summum bonum est summe esse. Unde fecit? Ex nihilo. Quoniam quidquid est, quantumcumque specie sit necesse est; ita etsi minimum bonum, tamen bonum erit, & ex Deo erit. Nam quoniam summa species summum bonum est, minima species minimum bonum est. Omne autem bonum, aut Deus, aut ex Deo est. Ergo ex Deo est etiam minima species. Sane quod de specie, hoc etiam de forma dici potest. Neque enim frustra tam speciosissimum, quam etiam formosissimum in laude ponitur. Id ergo est, unde fecit Deus omnia, quod nullam speciem habet, nullamque formam; quod nihil est aliud quam nihil. Nam illud quod in comparatione perfectorum informe dicitur, si habet aliquid formæ, quamvis exiguum, quamvis inchoatum, nondum est nihil, ac per hoc id quoque in quantum est, non est nisi ex Deo.

Plato in
Timæo.

36. Quapropter etiam si de aliqua informi materia factus est mundus, hæc ipsa facta est omnino de nihilo. Nam & quod nondum formatum est, tamen aliquo modo ut formari possit inchoatum est, Dei beneficio formabile est: Bonum est enim esse formatum. Nonnullum ergo bonum est & capacitas formæ: & ideo bonorum omnium auctor, qui præstitit formam, ipse fecit etiam posse formari. Ita omne quod est, in quantum est; & omne quod nondum est, in quantum esse potest, ex Deo habet. Quod alio modo sic dicitur: Omne formatum, in quantum formatum est; & omne quod nondum formatum est, in quantum formari potest, ex Deo habet. Nulla autem res obtinet integritatem naturæ suæ, nisi in suo genere salva sit. Ab eo autem est omnis salus, a quo est omne bonum: at omne bonum ex Deo: salus igitur omnis ex Deo.

CAPUT
XIX.

Bona
sunt, & ei
non
summa
bona,
quæ vi-
tiorum pos-
sunt.

37. HINC jam cui oculi mentis patent, nec pernicioso studio vanæ victoriæ caligant atque turbantur, facile intelligit, omnia quæ vitiantur & moriuntur bona esse, quamquam ipsum vitium, & ipsa mors, malum sit. Nisi enim salute aliqua privarentur, non eis noceret vitium vel mors: sed si non noceret vitium, nullo modo esset vitium. Si ergo saluti adversatur vitium, & nullo dubi-

A tante salus bonum est: bona omnia sunt, quibus adversatur vitium: quibus autem adversatur vitium, ipsa vitiantur: bona sunt ergo quæ vitiantur: sed ideo vitiantur, quia non summa bona sunt. Quia igitur bona sunt, ex Deo sunt: quia non summa bona sunt, non sunt Deus. Bonum ergo quod vitari non potest, Deus est. Cetera autem omnia bona ex ipso sunt, quæ per se ipsa possunt vitari, quia per se ipsa nihil sunt: per ipsum autem partim non vitiantur, a partim vitata sanantur.

B 38. EST autem vitium primum animæ rationalis, voluntas ea faciendi, quæ vetat summa & intima veritas. Ita homo de paradiso in hoc sæculum expulsus est; id est, ab æternis ad temporalia, a copiosis ad egena, a firmitate ad infirma: non ergo a bono substantiali ad malum substantiale, quia nulla substantia malum est: sed a bono æterno ad bonum temporale, a bono spiritali ad bonum carnale, a bono intelligibili ad bonum sensibile, a bono summo ad bonum infimum. Est igitur quoddam bonum, quod si diligit anima rationalis, peccat, quia infra illam ordinatum est: quare ipsum peccatum malum est, non ea substantia quæ peccando diligitur. C Non ergo arbor illa malum est, quæ in medio paradiso plantata scribitur, sed divini præcepti transgressio. Quæ quum consequentem habet justam damnationem, contingit ex illa arbore, quæ contra vitium tacta est, dignoscantia boni & mali: quia cum suo peccato anima fuerit implicata, luendo pœnas, discit quid intersit inter præceptum quod custodire noluit, & peccatum quod fecit: atque hoc modo malum, quod cavendo non didicit, discit sentiendo; & bonum quod b non obtemperando minus diligebat, ar-

a
CAPUT
XX.
Unde
animæ
vitium.

b

E 39. Vitium ergo animæ est quod fecit, & difficultas ex vitio pœna est quam patitur: & hoc est totum malum. Facere autem & pati non est substantia: quapropter substantia non est malum. Sic enim nec aqua malum est, nec animal quod vivit in aere; nam istæ substantiæ sunt: sed malum est voluntaria præcipitatio in aquam, & suffocatio quam merfus patitur. Stilus ferreus alia parte qua scribamur, alia qua deleamus, affabre factus est, & in suo genere pulcher, & ad usum nostrum accomodatus. At si quispiam ea parte scribere qua deletur, & ea velit delere qua scribitur, nullo modo stilum malum fecerit; cum ipsum factum jure vituperetur: quod si corrigat, ubi erit malum? Si quis repente meridianum solem intueatur, percussus oculi turbantur: non ideo aut sol malum erit aut oculi? Nullo modo; sunt enim substantiæ: sed malum est inordinatus ad spectus, & ipsa quæ consequitur perturbatio: quod malum non erit, cum oculi fuerint recreati, & lucem suam congruenter aspexerint. Neque cum eadem lux quæ ad oculos pertinet, pro luce sapientiæ quæ ad mentem pertinet, colitur, ipsa sit malum: sed superstitio malum est, qua creaturæ potius quam Creatori servitur: quod malum omnino nullum erit, cum anima recognito Creatore, ipsi uni se subjecerit, & cetera per eum subiecta sibi esse persenserit.

F 40. Ita omnis corporea creatura, si tantummodo possideatur ab anima quæ diligit Deum bonum est infimum, & in genere suo pulcrum; quoniam forma & specie continetur: si autem diligatur ab anima quæ negligit Deum, ne sic quidem malum sit ipsa; sed quoniam peccatum malum est, quo ita diligitur, fit pœnalis dilectori suo, & eum implicat ærumnis, & pascit

a In Cisterciensi MS. habetur, partim non vitiantur, ut Angeli; partim vitata sanantur, ut homines.

b MSS. nonnulli, quod in obtemperando. alii, quod obtemperando.

pascit fallacibus voluptatibus: quia neque permanent, neque satiant, sed torquent doloribus. Quia cum ordinem suum peragit pulchra mutabilitas temporum, deferit amantem species concupita, & per cruciatum sentientis discedit a sensibus, & erroribus agit; ut hanc esse primam speciem putet, quæ omnium infima est, naturæ scilicet corporeæ, quam per lubricos sensus caro a male delectata nuntiaverit, ut cum aliquid cogitat, intelligere se credat, umbris illus phantasmatum. Si quando autem non tenens integram divinæ providentiæ disciplinam, sed tenere se arbitrans; carni resistere conatur, usque ad visibilibus rerum imagines pervenit, & lucis huiusquam certis terminis circumscriptam videt, immensa spatia cogitatione format inaniter: & hanc b speciem sibi futuræ habitationis pollicetur; nesciens oculorum concupiscentiam se trahere, & cum hoc mundo ire velle extra mundum; quem propterea ipsum esse non putat, quia ejus clariorem partem per infinitum falsa cogitatione distendit. Quod non solum de hac luce, sed etiam de aqua, postremo de vino, de melle, de auro, de argento, de ipsis denique pulpis, vel sanguine, vel ossibus quorumlibet animalium, & ceteris hujusmodi rebus facillime fieri potest. Nihil enim est corporis, quod non vel unum visum possit innumerabiliter cogitari, vel in parvo spatio visum possit eadem imaginandi facultate per infinita diffundi. Sed facillimum est exsecrari carnem, difficillimum autem non carnaliter sapere.

CAPUT
XXI.
Anima
seducitur, dum
fugaces
corporum
pulcritudines
conferatur.
Eccli. 1. 2

41. HAC ergo perversitate animæ, quæ contingit peccato atque supplicio, fit omnis natura corporea illud, quod per Salomonem dicitur, *Vanitas vanitatum & omnia vanitas: quæ abundantia homini in omni labore ejus, quo ipse laborat sub sole?* Neque enim frustra est additum, *vanitatum*, quia si vanitantes detrahas, qui tamquam prima sectantur extrema non erit corpus vanitas, sed in suo genere, quamvis extremam, pulcritudinem sine ullo errore monstrabit. Temporalium enim specierum multiformitas ab unitate Dei hominem lapsum per carnales sensus diverberavit, & mutabili varietate multiplicavit ejus affectum: ita facta est abundantia laboriosa, & si dici potest, copiosa egestas, dum aliud & aliud sequitur, & nihil cum eo permanet. Sic a tempore frumenti, vini & olei sui multiplicatus est, ut non inveniatur id ipsum, id est, naturam incommutabilem & singularem, quam secutus non erret, & affecutus non doleat. Habebit enim etiam consequentem redemptionem corporis sui, quod jam non corrumpitur. Nunc vero corpus quod corrumpitur aggravat animam, & deprimit terrena inhabitatio sensum multa cogitantem, quia rapitur in ordinem successionis extrema corporum pulcritudo. Nam ideo extrema est, quia simul non potest habere omnia, sed dum alia cedunt atque succedunt, temporalium formarum c numerum in unam pulcritudinem complent.

CAPUT
XXII.
Rerum
trans-
euntium
admini-
stratio
solis im-
piis di-
plicet.

42. ET hoc totum non propterea malum, quia transit. Sic enim & versus in suo genere pulcher est, quamvis duæ syllabæ simul dici nullo modo possint. Nec enim secunda enuntiatur, nisi prima transferit; atque ita per ordinem pervenitur ad finem, ut cum sola ultima sonat, non secum sonantibus superioribus, formam tamen & decus metricum cum præteritis contexta per-

A ficiat. Nec ideo tamen ars ipsa, qua versus fabricatur, sic temporis obnoxia est, ut pulcritudo ejus per mensuras morarum digeratur: sed simul habet omnia, quibus efficit versus non simul habentem omnia, sed posterioribus priora tollentem; propterea tamen pulchrum, quia extrema vestigia illius pulcritudinis ostendit, quam constanter atque incommutabiliter ars ipsa custodit.

43. Itaque ut nonnulli perversi magis amant versus, quam artem ipsam qua conficitur versus, quia plus se auribus quam intelligentiæ dederunt: ita multi temporalia diligunt, conditricem vero ac moderatricem temporum divinam providentiam non requirunt; atque in ipsa dilectione temporalium nolunt transire quod amant, & tam sunt absurdi, quam si quisquam in recitatione præclari carminis unam aliquam syllabam solam perpetuo vellet audire. Sed tales auditores carminum non inveniuntur, talibus autem rerum existimatoribus plena sunt omnia propterea quia nemo est, qui non facile non modo totum versus, sed etiam totum carmen possit audire: totum autem ordinem sæculorum sentire nullus hominum potest. Huc accedit quod carminis non sumus partes, sæculorum vero partes damnatione facti sumus. Illud ergo canitur sub iudicio nostro, ista peraguntur de labore nostro. Nulli autem victo ludi agonistici placent, sed tamen cum ejus dedecore decori sunt: & hæc enim quædam imitatio veritatis est. Nec ob aliud a talibus prohibemur spectaculis, nisi ne umbris rerum decepti, ab ipsis rebus, quarum illæ umbræ sunt, aberremus. Ita universitatis huius conditio atque administratio, solis impiis animis damnatisque non placet, sed etiam d eum miseria earum, multis vel in terra victricibus, vel in cælo sine periculo spectantibus placet: nihil enim justum displicet justo.

44. QUOGIRCA cum omnis anima rationalis aut peccatis suis misera sit, aut recte factis beata; omnis autem irrationalis aut cedat potentiori, aut pareat meliori, aut comparetur æquali, aut e certantem exerceat, aut damnato noceat; & omne corpus suæ anima serviat, quantum pro ejus meritis, & pro rerum ordine finitur: nullum malum est naturæ universæ, sed sua cuique culpa fit malum. Porro cum anima per Dei gratiam regenerata, & in integrum restituta, & illi subdita uni a quo est creata, instaurato etiam corpore in pristinam firmitatem, non cum mundo possideri, sed mundum possidere ceperit, nullum ei malum erit: quia ista infima pulcritudo temporalium vicissitudinum, quæ cum ipsa peragebatur, sub ipsa peragetur, & erit, ut scriptum est, *Cælum novum & terra nova*, non in parte laborantibus animis, sed in universitate regnantibus. *Omnia enim vestra*, inquit Apostolus, *vos autem Christi, Christus autem Dei, & Caput mulieris vir, caput viri Christus, caput autem Christi Deus*. Quoniam igitur vitium animæ non natura ejus, sed contra naturam ejus est, nihilque aliud est quam peccatum & pœna peccati, inde intelligitur nullam naturam, vel si melius ita dicitur, nullam substantiam sive essentiam malum esse. Neque de peccatis penisque ejus animæ efficitur, ut universitas ulla deformitate turpetur. Quia rationalis substantia, quæ ab omni peccato munda est, Deo subjecta, subjectis sibi ceteris dominatur. Ea vero quæ peccavit, ibi ordinata est, ubi esse tales decet, ut Deo conditore atque rectore uni-

CAPUT
XXIII.
Omnis
substan-
tia bo-
na.
c

Isa. 65.
17.
Apoc. 21.
2.
1. Cor. 3.
22.
1. Cor. 11.
3.

a Editi, male dilecta nuntiaverat. MSS. octo, maledicta nuntiaverit. alii duo, male docta. unus, male ducta. aliquot alii, male delectata nuntiaverit.

b Lov. & Arn. spem. Sed melius antiquæ editiones & MSS. speciem.

c Sic MSS. plerique. At Er. Lov. & Arn. numeros in pulcritudinem complent.

d Er. & MS. Calensis, sed etiam animabus sanctis cum miseria earum. Lov. sed etiam animalibus sanctis cum &c. Locus interpolatus, quem MSS. plerique necnon editiones Bad. & Arn. sic exhibent: sed etiam cum miseria.

e Lov. & Arn. certamen. Sed concinnius Bad. Er. & octo MSS. certantem exerceat.

re universitatis decora sint omnia. Et est pulcritudo universæ creaturæ per hæc tria inculpabilis, damnationem peccatorum, exercitationem justorum, perfectionem beatorum.

CAPUT
XXIV.
Dupli-
cia salu-
ti homi-
nis con-
sultur,
sanctori-
tate &
ratione
ac pri-
mo de
auctori-
tatis
subsidio
agitur
usque
ad c. 25.

a

45. QUAMOBREM ipsa quoque animæ medicina, quæ divina providentia, & ineffabili beneficentia geritur, gradatim distincteque pulcherrima est. Distribuitur enim in auctoritatem atque rationem. Auctoritas fidem flagitat, & rationi præparat hominem. Ratio ad intellectum cognitionemque perducit. Quamquam neque auctoritatem ratio penitus deserit, cum consideratur cui sit credendum: & certe summa est ipsius jam cognitæ atque perspicuæ veritatis auctoritas. Sed quia in temporalia devenimus, & eorum amore ab æternis impedimur, quædam temporalis medicina, quæ non scientes, sed credentes ad salutem vocat, non a naturæ & excellentiæ, sed ipsius temporis ordine prior est. Nam in quem locum quisque ceciderit, ibi debet incumbere ut surgat. Ergo ipsis carnalibus formis, quibus detinemur, nitendum est ad eas cognoscendas, quas caro non nuntiat. Eas enim carnales voco, quæ per carnem sentiri queunt, id est, per oculos, per aures, ceterosque corporis sensus. His ergo carnalibus vel corporalibus formis inhærere amore pueros necesse est, adolescentes vero prope necesse est, hinc jam procedente ætate non est necesse.

CAPUT
XXV.
Quorū
hominū
seu li-
brorum
auctori-
tate de
Dei cul-
tu cre-
dendū.

1. Retrac.
13. n. 6.

46. QUONIAM igitur divina providentia, non solum singulis hominibus quasi privatim, sed universo generi humano tamquam publice consulit, quid cum singulis agatur, Deus qui agit atque ipsi cum quibus agitur sciunt. Quid autem agatur cum genere humano, per historiam commendari voluit, & per prophetiam. Temporalium autem rerum fides, sive præteritarum, sive futurarum, magis credendo quam intelligendo valet. Sed nostrum est considerare, quibus vel hominibus vel libris credendum sit ad colendum recte Deum, quæ una salus est. Hujus rei prima disceptatio est, utrum iis potius credamus, qui ad multos deos, an iis qui ad unum Deum colendum nos vocant. Quis dubitet eos potissimum sequendos qui ad unum vocant, præsertim cum illi multorum cultores, de hoc uno Domino cunctorum & rectore consentiant? & certe ab uno incipit numerus. Prius ergo isti sequendi sunt, qui unum Deum summum solum verum Deum, & solum colendum esse dicunt. Si apud hos veritas non eluxerit, tum demum migrandum est. Sicut enim in ipsa rerum natura major est auctoritas unius ad unum omnia redigentis, nec in genere humano multitudinis ulla potentia est nisi consentientis, id est, unum sentientis: ita in religione qui ad unum vocant, eorum major & fide dignior esse debet auctoritas.

2. Retr. c.
13. n. 7.

47. Altera consideratio est dissensionis ejus, quæ de unius Dei cultu inter homines orta est. Sed accepimus, majores nostros eo gradu b fidei, quo a temporalibus ad æterna conscenditur, visibilia miracula (non enim aliter poterant) secutos esse: per quos id actum est, ut necessaria non essent posteris. Cum enim Ecclesia catholica per totum orbem diffusa atque fundata sit, nec miracula illa in nostra tempora durare permessa sunt, ne animus semper visibilia quæreretur, & eorum consuetudine frigeretur genus humanum, quorum novitate flagavit: nec jam nobis dubium esse oportet iis esse credendum, qui cum ea prædicarent, quæ pauci assequuntur, se tamen sequendos populis persuadere potuerunt.

a MSS. quamplures, non natura excellentia.

A Nunc enim agitur quibus credendum sit, antequam quisque sit idoneus ineundæ rationi de divinis & invisibilibus rebus: nam ipsi rationi purgationis animæ, quæ ad perspicuam veritatem pervenit, nullo modo auctoritas humana præponitur: sed ad hanc nulla superbia perducit. Quæ si non esset, non essent hæretici, neque schismatici, nec carne circumcisi, nec creaturæ simulacrorumque cultores. Hi autem si non essent ante perfectionem populi, quæ promittitur, multo pigrius veritas quæreretur.

B 48. DISPENSATIO ergo temporalis, & medicina divinæ providentiæ, erga illos qui peccato mortalitatem meruerunt, sic traditur. Primo unius cujuslibet hominis nascentis natura & eruditio cogitatur. Prima hujus ætas infantia in nutrimentis corporalibus agitur, penitus obliviscenda crescenti. Eam pueritia sequitur, unde incipimus aliquid meminisse. Huic succedit adolescentia, cui jam propagationem proles natura permittit, & patrem facit. Porro adolescentiam juvenus excipit, jam exercenda muneribus publicis, & domanda sub legibus; in qua vehementior prohibitio peccatorum, & pœna peccantium serviliter coercens, carnalibus animis atrociores impetus libidinis gignit, & omnia commissa congeminat. Non enim simplex peccatum est, non solum malum, sed etiam vetitum admittere. Post labores autem juventutis, seniori pax nonnulla conceditur. Inde usque ad mortem deterior ætas ac decolor, & morbis subjectior debilisque perducit. Hæc est vita hominis viventis ex corpore, & cupiditatibus rerum temporalium colligati. Hic dicitur vetus homo, & exterior, & terrenus, etiam si obtineat eam, quam vulgus vocat felicitatem, in bene constituta terrena civitate, sive sub regibus, sive sub principibus, sive sub legibus, sive sub his omnibus: aliter enim bene constitui populus non potest, etiam qui terrena sectatur: habet quippe & ipse modum quemdam pulcritudinis suæ.

49. Hunc autem hominem, quem veterem & exteriorem & terrenum descripsimus, sive in suo genere moderatum, sive etiam servilis justitiæ modum excedentem, nonnulli agunt totum ab istius vitæ ortu usque ad occasum. Nonnulli autem istam vitam necessario ab illo incipiunt, sed renascuntur interius, & ceteras ejus partes suo robore spiritali & incrementis sapientiæ corrumpunt & necant, & in cælestes leges, donec post visibilem mortem totum instaurentur, adstringunt. Iste dicitur novus homo, & interior, & cælestis, habens & ipse proportionem, non annis, sed proVectibus distinctas quasdam spirituales ætates suas. Primam in uberibus utilis historiæ, quæ nutrit exemplis. Secundam jam obliviscentem humanam, & ad divina tendentem, in qua non auctoritatis humanæ sinu continetur, sed ad summam & incommutabilem legem passibus rationis innititur. Tertiā jam fidentiore, & carnalem appetitum rationis robore maritantem, gaudentemque intrinsecus in quadam dulcedine conjugali, cum anima menti copulatur, & velamento pudoris obnubitur, ut jam recte vivere non cogatur, sed etiam si omnes concedant, peccare non libeat. Quartam jam id ipsum multo firmitus ordinatiusque facientem & emicantem in virum perfectum, atque aptam & idoneam omnibus, & persecutionibus, & mundi hujus tempestatibus ac fluctibus sustinendis atque frangendis. Quintam pacatam atque ex omni parte tranquillam, viventem in opibus & abundantia incommutabilis regni summæ atque ineffabilis sapientiæ. Sextam omnimodæ

CAPUT
XXVI.
Divina
provi-
dentia
erga no-
stram sa-
lutem
ad sex
ætates
hominis
veteris
ac novi.

muta-

b Abe. t, fidei. a MSS. quindecim, necnon a Bad. & Et.

mutationis in æternam vitam, & usque ad totam oblivionem vitæ temporalis transeuntem in perfectam formam, quæ facta est ad imaginem & similitudinem Dei. Septima enim jam quies æterna est, & nullis ætatibus distinguenda beatitudo perpetua. Ut enim finis veteris hominis mors est, sic finis novi hominis vita æterna. Ille namque homo peccati est, iste iustitiæ.

CAPUT
XXVII.
Utriusque hominis decursus in universo hominum genere.

50. SICUT autem isti ambo nullo dubitante ita sunt, ut unum eorum, id est, veterem atque terrenum possit in hac tota vita unus homo agere, novum vero & cælestem nemo in hac vita possit nisi cum veteri: nam & ab ipso incipiat necesse est, & usque ad invisibilem mortem cum illo, quamvis eo deficiente, se proficiente, perduret. Sic proportionem universum genus humanum, cuius tamquam unius hominis vita est ab Adam usque ad finem huius sæculi, ita sub divinæ providentiæ legibus administratur, ut in dno genera distributum appareat. Quorum in uno est turba impiorum terreni hominis imaginem ab initio sæculi usque ad finem gerentium. In altero series populi uni Deo dediti, sed ab Adam usque ad Joannem Baptistam terreni hominis vitam gerentis servili quadam iustitia: cuius historia vetus Testamentum vocatur, quasi terrenum pollicens regnum, quæ tota nihil aliud est quam imago novi populi & novi Testamenti pollicentis regnum cælorum. Cuius populi vita interim temporalis incipit a Domini adventu in humilitate, usque ad diem iudicii, quando in claritate venturus est. Post quod iudicium veteri homine extincto, erit illa mutatio, quæ Angelicam vitam pollicetur. *Omnes enim resurgemus, sed non omnes immutabimur.* Resurget ergo pius populus, ut veteris hominis sui reliquias transformet in novum. Resurget autem impius populus, qui ab initio usque ad finem veterem hominem gessit, ut in secundam mortem præcipitur. Ætatum autem articulos, qui diligenter legunt, inveniunt; nec zizania nec paleas perhorrescunt. IMPIUS namque pio vivit, & peccator iusto, ut eorum comparatione alacrius, donec perficiatur adsurgat.

CAPUT
XXVIII.
Quæ quibus, & quo pacto tradenda.

* Ut Machabei.

51. QUISQUIS autem populi terreni temporibus usque ad illuminationem interioris hominis meruit pervenire, genus humanum pro tempore adjuvit, exhibens ei quod ætas illa poscebat, & per prophetiam intimans id quod exhibere opportunum non erat? quales Patriarchæ ac Prophetæ inveniuntur ab iis, qui non pueriliter * insiliunt, sed pie diligenterque pertractant divinarum & humanarum rerum tam bonum & tam grande secretum. Quod etiam temporibus novi populi, a magnis & spiritalibus viris Ecclesiæ catholicæ alumnis video cautissime provideri: ne quid populariter agant, quod nondum esse temporis, ut cum populo agatur, intelligunt: alimenta lactea large avidis infirmioribus pluribus atque instanter infundunt, validioribus autem cibis cum sapientibus paucis vescuntur. Sapientiam enim loquuntur inter perfectos, carnalibus vero & animalibus, quamvis novis hominibus, adhuc tamen parvulis, nonnulla obtegunt, sed nulla mentiuntur. Non enim honoribus suis vanis consulunt & inanibus laudibus; sed utilitati eorum cum quibus societatem vitæ huius inire meruerunt. HÆC ENIM LEX EST divinæ providentiæ, ut nemo a superioribus adjuvetur ad cognoscendam & percipiendam gratiam Dei, qui non ad eandem puro affectu inferiores adjuverit. Ita de peccato nostro, quod in homine peccatore ipsa natura nostra commisit, & genus humanum factum est magnum decus orna-

mentumque terrarum, & tam decenter divinæ providentiæ procuracione administratur, ut ars ineffabilis medicinæ ipsam vitiorum foeditatem in nescio quam sui generis pulcritudinem vertat.

52. ET quoniam de auctoritatis beneficentia, quantum in præsentia satis visum est, locuti sumus: videamus quatenus ratio possit progredi a visibilibus ad invisibilia, & a temporalibus ad æterna conscendens. Non enim frustra & inaniter intueri oportet pulcritudinem cæli, ordinem siderum, candorem lucis, dierum & noctium vicissitudines, lunæ menstrua curricula, anni quadrifariam temperationem, quadripartitiselementis congruentem, tantam vim seminum species numerosque gignentium, & omnia in suo genere modum proprium naturamque servantia. In quorum consideratione non vana & peritura curiositas exercenda est, sed gradus ad immortalia & semper manentia faciendus. Proximum enim est, adtendere quæ ista sit natura vitalis, quæ cuncta ista sentit: quæ profecto quoniam vitam dat corpori, præstantior eo sit necesse est. Non enim qualiscumque moles, quamquam ista visibili luce præfulgeat, si vita caret, magni æstimanda est. Quælibet namque viva substantia cuilibet non vivæ substantiæ, naturæ lege præponitur.

53. Sed quia irrationalia quoque animantia vivere atque sentire nemo ambigit, illud in animo humano præstantissimum est, non quo sentit sensibilia, sed quo iudicat de sensibilibus. Nam & vident acutius & ceteris corporis sensibus acrius corpora adtingunt pleræque bestię quam homines: sed iudicare de corporibus non sentientis tantum vitæ, sed etiam ratiocinantis est, quæ illæ carent, nos excellimus. Jam vero illud videre facillimum est, præstantiorem esse iudicantem, quam illa res est, de qua iudicatur. Non solum autem rationalis vita de sensibilibus, sed de ipsis quoque sensibus iudicat: cur in aqua remum infractum oporteat apparere cum rectus sit, & cur ita per oculos sentiri necesse sit: nam ipse ad spectus oculorum renuntiare id potest, iudicare autem nullo modo. Quare manifestum est, ut sensualem vitam corpori, ita rationalem utrique præstare.

54. ITAQUE si rationalis vita secundum se ipsam iudicat, nulla jam est natura præstantior. Sed quia clarum est eam esse mutabilem, quando nunc perita, nunc imperita invenitur; tanto autem melius iudicat, quanto est peritior; & tanto est peritior, quanto alicujus artis vel disciplinæ vel sapientiæ particeps est; ipsius artis natura quærenda est. Neque nunc artem intelligi volo, quæ notatur experiendo, sed quæ ratiocinando indagatur. Quid enim præclarum novit, qui novit ea impensa, quæ calce & arena confit, tenacius lapides cohærere, quam luto? aut qui tam eleganter ædificat, ut quæ plura sunt, paria paribus respondeant; quæ autem singula, medium locum teneant? quamquam iste sensus jam sit rationi veritatisque vicinior. Sed certe quærendum est, cur nos offendant, si duabus fenestris non super invicem, sed juxta invicem locatis, una earum major minorve sit, cum æquales esse potuerint: si vero super invicem fuerint, ambæque a dimidio quamvis impares, non ita offendant illa inæqualitas; & cur non multum curemus, quanto sit una earum aut major aut minor, quia duæ sunt. In tribus autem sensus ipse videtur expetere ut aut impares non sint, aut inter maximam & minimam ita sit media, ut tanto præcedat minorem, quanto a majore præceditur. Ita enim primo quasi natura

CAPUT
XXIX.
De altero salutis subsidio, scilicet ratione, quomodo hac duce ad Deum homo evehitur: hæc primum sensibus præstare deprehenditur.
Consule lib. 2. de libero arbitrio c. 3. & sequentibus.

CAPUT
XXX.
Attractione præstantior lex immutabilis, scilicet veritas secundum quam iudicat

a Sic præstantiores MSS. At editi habent. de medio.

tura ipsa consulitur quid probet. Ubi potissimum notandum est, quemadmodum quod solum inspectum minus displicuerit, in melioris comparatione respiciatur. Ita reperitur nihil esse aliud artem vulgarem, nisi rerum expertarum placitarumque memoriam, usu quodam corporis atque operationis adjuncto: quo si careas, judicare de operibus possis, quod multo est excellentius, quamvis operari artificiosa non possis.

55. Sed cum in omnibus artibus convenientia placeat, qua una salva & pulchra sunt omnia; ipsa vero convenientia æqualitatem unitatemque appetat, vel similitudine parium partium, vel gradatione disparium; quis est qui summam æqualitatem vel similitudinem in corporibus inveniatur, audeatque dicere, cum diligenter consideraverit, quodlibet corpus vere ac simpliciter unum esse: cum omnia vel de specie in speciem, vel de loco in locum transeundo mutantur, & partibus constant sua loca obtinentibus, per quæ in spatia diversa dividuntur? Porro ipsa vera æqualitas ac similitudo, atque ipsa vera & prima unitas, non oculis carneis, neque ullo tali sensu, sed mente intellecta conspicitur. Unde enim qualiscumque in corporibus appeteretur æqualitas, aut unde convinceretur longe plurimum differre a perfecta, nisi ea, quæ perfecta est, mente videretur: si tamen quæ facta non est, perfecta dicenda est.

56. Et cum omnia quæ sensibilibus pulchra sunt, sive natura edita, sive artibus elaborata, locis & temporibus sint pulchra, ut corpus & corporis motus: illa æqualitas & unitas menti tantummodo cognita, secundum quam de corporea pulchritudine sensu internuntio judicatur, nec loco tumida est, nec instabilis tempore. Non enim recte dici potest secundum eam judicari rotundum canthum, & non secundum eam rotundum vasculum; aut secundum eam rotundum vasculum, & non secundum eam rotundum denarium. Similiter in temporibus atque in motibus corporum, ridicule dicitur, secundum eam judicari æquales annos, & non secundum eam æquales menses; aut secundum eam æquales menses, & non secundum eam æquales dies. Sed sive per hæc spatia, sive per horas, sive per breviora momenta convenienter moveatur aliquid, eadem una & incommutabili æqualitate judicatur. Quod si minora & majora spatia figurarum atque motionum secundum eandem legem paritatis vel similitudinis vel congruentiæ judicantur, ipsa lex major est his omnibus, sed potentia: ceterum spatium aut loci aut temporis, nec major nec minor: quia si major esset, non secundum totam judicaremur minora; si autem minor esset, non secundum eam judicaremur majora. Nunc vero cum secundum totam quadraturæ legem judicetur & forum quadratum, & lapis quadratus, & tabella & gemma quadrata; rursus secundum totam æqualitatis legem judicentur convenire sibi motus pedum currentis formicæ, & secundum eam gradientis elephantis: quis eam dubitet locorum intervallis ac temporum, nec majorem esse, nec minorem, cum potentia superet omnia? Hæc autem lex omnium artium cum sit omnino incommutabilis, mens vero humana cui talem legem videre concessum est, mutabilitatem pati possit erroris, satis apparet supra mentem nostram esse legem, quæ veritas dicitur.

CAPIT
XXXI.
Deus
summa
illa lex
est se-
cundum
quam

57. NEC jam illud ambigendum est, incommutabilem naturam, quæ supra rationalem animam sit, Deum esse: & ibi esse primam vitam & primam essentiam, ubi est prima sapientia. Nam hæc est illa incommutabilis veritas, quæ lex omnium artium recte dici-

tur, & ars omnipotentis artificis. Itaque cum se anima sentiat nec corporum speciem motumque judicare secundum se ipsam, simul oportet agnoscat præstare suam naturam ei naturæ, de qua judicat: præstare autem sibi eam naturam, secundum quam judicat, & de qua judicare nullo modo potest. Possum enim dicere, quare similia sibi ex utraque parte respondere membra cujusque corporis debeant, quia summa æqualitate delector, quam non oculis corporis, sed mentis contueor: quapropter tanto meliora esse judico, quæ oculis cerno, quanto pro sua natura viciniora sunt iis, quæ animo intelligo. Quare autem illa ita sint, nullus potest dicere: nec ita debere esse, quisquam sobrie dixerit, quasi possint esse non ita.

58. Quare autem nobis placeant, & cur ea quando melius sapimus, vehementissime diligamus, ne id quidem quisquam, si ea rite intelligit, dicere audebit. Ut enim nos & omnes animæ rationales, secundum veritatem de inferioribus recte judicamus, sic de nobis, quando eidem cohæremus, sola ipsa veritas judicat. De ipsa vero nec Pater, non enim a minor est quam ipse, & ideo quæ Pater judicat, per ipsam judicat. Omnia enim quæ appetunt unitatem, hanc habent regulam, vel formam vel exemplum, vel si quo alio verbo dici se finit, quoniam sola ejus similitudinem, a quo esse accepit, implevit: si tamen, accepit, non incongrue dicitur, pro ea significatione, qua Filius appellatur, quia non de se ipso est, sed de primo summoque principio, qui Pater dicitur: *ex quo omnis paternitas in cælo & in terra nominatur.* Pater ergo non judicat quemquam, sed omne judicium dedit Filio: & spiritalis homo judicat omnia, ipse autem a nemine judicatur, id est, a nullo homine, sed a sola ipsa lege secundum quam judicat omnia: quoniam & illud verissime dictum est: *Oportet nos omnes exhiberi ante tribunal Christi.* Omnia ergo judicat, quia super omnia est, quando cum Deo est. Cum illo autem est, quando purissime intelligit, & tota caritate, quod intelligit, diligit. Ita etiam quantum potest lex ipsa etiam ipse fit, secundum quam judicat omnia, & de qua judicare nullus potest. Sicut in istis temporalibus legibus, quamquam de his homines judicent cum eas instituunt, tamen cum fuerint institutæ atque firmatæ, non licebit judici de ipsis judicare, sed secundum ipsas. Conditor tamen legum temporalium, si vir bonus est & sapiens, illam ipsam consulit æternam, de qua nulli animæ judicare datum est: ut secundum ejus incommutabiles regulas, quid sit pro tempore jubendum vetandumque discernat. Æternam igitur legem mundis animis fas est cognoscere, judicare non fas est. Hoc autem interest, quod ad cognoscendum satis est, ut videamus ita esse aliquid vel non ita: ad judicandum vero addimus aliquid quo significemus posse esse & aliter: velut cum dicimus, Ita esse debet, aut, Ita esse debuit, aut, Ita esse debebit, ut in suis operibus artifices faciunt.

59. SED multis finis est humana delectatio, nec volunt tendere ad superiora, ut judicent cur ista visibilia placeant. Itaque si quæram ab artifice, uno arcu constructo, cur alterum parem contra in altera parte moliatur: respondebit, credo, ut paria paribus ædificii membra respondeant. Porro si pergam quærere, id ipsum cur eligat: dicet hoc decere, hoc esse pulchrum, hoc delectare cernentes; nihil audebit amplius. Inclinator enim recumbit oculis, & unde pendeat non intelligit. At ego virum intrinsecus oculatum, & invisibiliter videntem non desinam com-

ratio ju-
dicat,
sed quæ
judicare
non li-
cet.

Ephes. 3.
15
Jo. 5. 22.
1. Cor. 2.
15.

CAPIT
XXXII.
Unitatis
in cor-
poribus
est vesti-
gium,
sed ipsa
unitas
non nisi
mente
conspi-
tur.

commonere cur ista placeant, ut iudex esse audeat ipsius delectationis humanæ. Ita enim superfertur illi, nec ab ea tenetur, dum non secundum ipsam, sed ipsam iudicat. Et prius quæram utrum ideo pulcra sint, quia delectant; an ideo delectent, quia pulcra sunt. Hic mihi sine dubitatione respondebitur, ideo delectare, quia pulcra sunt. Quæram ergo deinceps, quare sint pulcra; & si titubabitur, subjiciam, utrum ideo quia similes sibi partes sunt, & aliqua copulatione ad unam convenientiam rediguntur.

60. Quod cum ita esse compererit, interrogabo utrum hanc ipsam unitatem, quam convincuntur appetere, summe impleant, an longe infra jaceant, & eam quodam modo mentiantur. Quod si ita est, (nam quis non admonitus videat, neque ullam speciem, neque ullum omnino esse corpus, quod non habeat unitatis qualecumque vestigium; neque quantumvis pulcherrimum corpus, cum intervallis locorum necessario aliud alibi habeat, posse assequi eam quam sequitur unitatem?) quare si hoc ita est, flagitabo ut respondeat; ubi videat ipse unitatem hanc, aut unde videat: quam si non videret, unde cognosceret & quid imitaretur corporum species, & quid implere non posset? Nunc vero cum dicit corporibus, Vos quidem nisi aliqua unitas contineret, nihil essetis, sed rursus si vos essetis ipsa unitas, corpora non essetis: recte illi dicitur, Unde illam nosti unitatem, secundum quam iudicas corpora, quam nisi videres, iudicare non posses quod eam non impleant: si autem his corporeis oculis eam videres, non vere diceres, quamquam ejus vestigio teneantur, longe tamen ab ea distare? nam istis oculis corporeis non nisi corporalia vides: mente igitur eam videmus. Sed ubi videmus? Si hoc loco esset ubi corpus nostrum est, non eam videret, qui hoc modo in Oriente de corporibus iudicat. Non ergo ista continetur loco, & cum adest ubicumque iudicanti, nusquam est per spatia locorum, & per potentiam nusquam non est.

CAPUT
XXXIII.
Nō cor-
pora,
nec sen-
sus cor-
poris,
sed judi-
cium
menti-
tur.

Dis-
tint-
tione
& fal-
lens.

61. QUOD si eam corpora mentiuntur, non est credendum mentientibus, ne incidamus in vanitates vanitatum: sed quærendum potius est, cum id eo mentiantur, quia eam videntur ostendere oculis carneis, cum illa mente pura videatur, utrum in tantum mentiantur, in quantum ei similia sunt, an in quantum eam non assequuntur. Nam si assequerentur, quod imitantur implearent. Si autem implerent, omnino essent similia. Si omnino essent similia, nihil inter illam naturam & istam interesset. Quod si ita esset, non eam mentirentur: id enim essent quod illa est. Nec tamen mentiuntur diligentius considerantibus: quia ille mentitur qui vult videri id quod non est: quod autem non volens aliud putatur quam est, non mentitur, sed fallit tantum. Nam ita discernitur mentiens a fallente, quod inest omni mentienti voluntas fallendi, etiam si non ei credatur: fallens autem esse non potest, qui non fallit. Ergo corporea species, quia nullam voluntatem habet, non mentitur: si vero etiam non putetur esse quod non est, nec fallit.

62. Sed ne ipsi quidem oculi fallunt, non enim renuntiare possunt animo nisi affectionem suam. Quod si non solum ipsi, sed etiam omnes corporis sensus ita renuntiant ut afficiuntur, quid ab eis amplius exigere debeamus ignoro. Tolle itaque vanitantes, & nulla erit vanitas. Si quis remum frangi in aqua opinatur, & cum inde aufertur integrari, non malum habet internuntium, sed malus est iudex. Nam ille pro sua natura non

Tom. I.

A potuit aliter in aqua sentire, nec aliter debuit: si enim aliud est aer, aliud aqua, justum est ut aliter in aere, aliter in aqua sentiat. Quare oculus recte, ad hoc enim factus est ut tantum videat: sed animus perversè, cui ad contemplandam summam pulcritudinem mens, non oculus factus est. Ille autem vult mentem convertere ad corpora, oculos ad Deum. Quærit enim intelligere carnalia, & videre spiritalia, quod fieri non potest.

63. QUARE ista perversitas corrigenda est, quia nisi fecerit quod sursum est deorsum, & quod deorsum est sursum, regno cælorum aptus non erit. Non ergo summa quæramus in infimis, nec ipsis infimis inhæreamus. Judicemusea, ne cum ipsis iudicemur, id est, tantum eis tribuamus, quantum species meretur extrema, ne cum in novissimis prima quærimus, a primis inter novissima numeremur. Quod nihil ipsis novissimis obest, sed nobis plurimum. Nec ideo divinæ providentiæ administratio minus decora fit; quia & iniusti iuste, & fœdi pulcre ordinantur. Et si propterea nos fallit rerum visibilium pulcritudo, quia unitate continetur, & non implet unitatem; intelligamus, si possumus, non ex eo quod est nos falli, sed ex eo quod non est. Omne quippe corpus verum corpus est, sed falsa unitas. Non enim summe unum est, aut in tantum id imitatur ut impleat: & tamen nec corpus ipsum esset, nisi utcumque unum esset. Porro utcumque unum esse non posset, nisi ab eo quod summe unum est, id haberet.

64. O animæ pervicaces,* date mihi, qui videat sine ulla imaginatione visorum carnalium. Date mihi, qui videat omnis unius principium non esse, nisi unum solum a quo sit omne unum, sive illud impleat, sive non impleat. Qui videat date, non qui litiget, non qui videri velit se videre, quod non videt. Date qui resistat sensibus carnis, & plagis quibus per illos in anima vapulavit: qui resistat consuetudini hominum, resistat laudibus hominum, qui compungatur in cubili suo, qui resculpat suum spiritum, qui non foris diligat vanitates, & quærat mendacia; qui jam sibi noverit dicere. Si una Roma est, quam circa Tyberim nescio quis Romulus dicitur condidisse, falsa est ista, quam cogitans fingit: non enim est ipsa, nec ibi sum b animo: nam quid ibi agatur modo, utique scirem. Si unus est sol, falsus est iste, quem cogitans fingit; nam ille curricula sua certis locis & temporibus peragit; istum ego ubi volo & quando volo constituo. Si unus est ille amicus meus, falsus est iste, quem cogitans fingit: nam ille ubi sit nescio; iste ibi fingitur, ubi volo. Ego ipse certe unus sum, & hoc loco esse sentio corpus meum; & tamen figmento cogitationis pergo quo libet, loquor cum quo libet. Falsa sunt hæc, nec quisquam intelligit falsa. Non ergo intelligo quum ista contemplor, & istis credo, quia verum esse oportet, quod intellectu contemplor: numquid forte sunt ista, quæ phantasmata dici solent? Unde ergo impleta est anima mea illusionibus? Ubi est verum, quod mente conspicitur? Ita cogitanti jam dici potest, Illa lux vera est, qua hæc non esse vera cognoscis. Per hanc illud unum vides, quo iudicas unum esse quidquid aliud vides, nec tamen hoc esse quod illud est, quidquid mutabile vides.

65. QUOD si hæc intueri palpitat mentis aspectus, quiescite, nolite certare, nisi cum consuetudine corporum: ipsam vincite, & victa erunt omnia. Unum certe quærimus, quo simplicius nihil est. Ergo in simplicitate cordis quæramus illum. *Agite*

K k

otium,

CAPUT
XXXIV.
Confi-
ta
phanta-
mata
quomo-
do judi-
centur.

* Mani-
chæi
phanta-
matis
additi
lib. 3.
Confess.
c. 6. &
lib. 9. c.
4.

b

CAPUT
XXV.
Vacan-
dum ut
Deus
cogno-
scatur.

a MSS. duodecim, invideamus.

b Bad. Lov. & Arn. nec ibi sum modo, sed præferenda visa est le-

atio Er. & MSS. decem, nec ibi sum animo.

Psal. 45. *otium*, inquit, & *agnoscetis quia ego sum Dominus*, non *otium* desidiae, sed *otium* cogitationis, ut a locis & temporibus vacet. Hæc enim phantasmata tumoris & volubilitatis, constantem unitatem videre non sinunt. Loca offerunt quod amemus, tempora subripiunt quod amamus, & relinquunt in anima turbas phantasmatum, quibus in aliud atque aliud cupiditas incitetur. Ita fit inquietus & ærumnosus animus, frustra tenere a quibustenetur exoptans. Vocatur ergo ad *otium*, id est, ut ista non diligat, quæ diligi sine labore non possunt. Sic enim eis dominabitur, sic non tenebitur, sed tenebit. *Jugum meum*, inquit, *leve est*. Huic jugo qui subjectus est, subjecta habet cetera. Non ergo laborabit; non enim resistit, quod subjectum est. Sed miseri amici hujus mundi, cujus domini erunt, si filii Dei esse voluerint, quoniam dedit eis potestatem filios Dei fieri; amici ergo hujus mundi tam timent ab ejus amplexu separari, ut nihil eis sit laboriosius, quam non laborare.

Caput XXXVI.
Verbum Dei ipsa est veritas, quia omnino implet id a quo principio unum est quidquid est unum.

66. SED cui saltem illud manifestum est, falsitatem esse, qua id putatur esse quod non est, intelligit eam esse veritatem, quæ ostendit id quod est. At si corpora in tantum fallunt, in quantum non implent illud unum quod convincuntur imitari, a quo Principio unum est quidquid est, ad cujus similitudinem quidquid nititur, naturaliter approbamus; quia naturaliter improbamus quidquid ab unitate discedit, atque in ejus dissimilitudinem tendit: datur intelligi esse aliquid, quod illius unius solius, a quo Principio unum est quidquid aliquo modo unum est, ita simile sit ut hoc omnino impleat ac sit id ipsum; & hæc est Veritas & Verbum in Principio, & Verbum Deus apud Deum. si enim falsitas ex iis est, quæ imitantur unum, non in quantum id imitantur; sed in quantum implere non possunt: illa est Veritas, quæ id implere potuit, & id esse quod est illud: ipsa est quæ illud ostendit sicut est: unde & Verbum ejus & Lux ejus rectissime dicitur. Cetera illius unius similia dici possunt in quantum sunt, in tantum enim & vera sunt: hæc est autem ipsa ejus similitudo, & ideo Veritas. Ut enim veritate sunt vera, quæ vera sunt; ita similitudine similia sunt, quæcumque similia sunt. Ut ergo veritas forma verorum est, ita similitudo forma similium est. Quapropter vera quoniam in tantum vera sunt in quantum sunt, in tantum autem sunt in quantum principalis unius similia sunt: ea forma est omnium quæ sunt, quæ est summa similitudo principii: & veritas est, quia sine ulla dissimilitudine est.

Falsitas non ex rebus, sed ex peccatis.

67. Unde falsitas oritur, non rebus ipsis fallentibus, quæ nihil aliud ostendunt sentienti quam speciem suam, quam pro suæ pulcritudinis acceperunt gradu: neque ipsis sensibus fallentibus, qui pro natura sui corporis affecti, non aliud quam suas affectiones præfidenti animo nuntiant: sed peccata animas fallunt, cum verum quærunt, relicta & neglecta veritate. Nam quoniam opera magis quam artificem atque ipsam artem dilexerunt, hoc errore puniuntur, ut in operibus artificem artemque conquirant: & cum invenire nequiverint (Deus enim non corporalibus sensibus subjacet, sed ipsi menti supereminet) ipsa opera existiment esse & artem & artificem.

Caput XXXVII.
Impietas idolatriæ multiplex oritur: est a more creature.

68. HINC oritur omnis impietas, non modo peccantium, sed etiam damnatorum pro peccatis suis. Non enim tantum scrutari creaturam contra præceptum Dei, & ea frui potius quam ipsa lege & veritate volunt, quod primi hominis peccatum deprehenditur, male utentis libero arbitrio: sed hoc quoque in ipsa damnatio-

ne addunt, ut non modo diligant, sed etiam serviant creaturæ potius quam Creatori & eam colant per partes ejus, a summis usque ad ima venientes. Sed aliqui se in hoc tenent, ut pro summo Deo animam colant, & primam intellectualem creaturam, quam per Veritatem Pater fabricavit, ad ipsam Veritatem semper intuentiam, & se per ipsam, quia omni modo ei simillima est. Deinde veniunt ad vitam genitalem, per quam creaturam visibilia & temporalia gignentia Deus æternus & incommutabilis operatur. Hinc ad animalia, & inde ad ipsa corpora colenda dilabuntur; & in his primo eligunt pulciora, in quibus cælestia maxime excellunt. Ergo in primis solis corpus occurrit, & in eo nonnulli remanent. Aliqui & lunæ splendorem religione dignum putant: est enim nobis, ut perhibetur, propinquior, unde viciniorem speciem habere sentitur. Alii etiam ceterorum siderum corpora adjungunt: & totum cælum cum stellis suis. Alii cælo æthereo copulant aerem, & istis duobus superioribus elementis corporeis subjiciunt animas suas. Sed inter hos illi sibi videntur religiosissimi, qui universam simul creaturam, id est, mundum totum cum omnibus quæ in eo sunt, & vitam qua spiratur & animatur, quam quidam corpoream, quidam incorpoream esse crediderunt: hoc ergo totum simul unum Deum magnum esse arbitrantur, cujus partes sint ceteræ. Non enim universæ creaturæ auctorem conditoremque noverunt. Inde in simulacra præcipitantur, & ab operibus Dei usque in opera sua demerguntur, quæ tamen adhuc visibilia sunt.

69. EST enim alius deterior & inferior cultus simulacrorum, quo phantasmata sua colunt, & quidquid animo errante cum superbia vel tumore cogitando imaginati fuerint, religionis nomine observant, donec fiat in anima nihil omnino colendum esse, & errare homines qui superstitioni se involvunt, & misera se implicant servitute. Sed frustra hoc sentiunt: non enim efficiunt ut non serviant: remanent quippe ipsa vitia, quibus ut ipsa colenda opinarentur attracti sunt. Serviunt enim cupiditati triplici, vel voluptatis, vel excellentiæ, vel spectaculi, Nego esse quemquam istorum, qui nihil colendum existimant, qui non aut carnalibus gaudiis subditus sit, aut potentiam vanam foveat, aut aliquo spectaculo delectatus insanit. Ita nescientes diligunt temporalia, ut inde beatitudinem exspectent. His autem rebus, quibus quisque beatus vult effici, serviat necesse est, velit nolit. Nam quocumque duxerint, sequitur; & quisquis ea visus fuerit auferre posse, metuitur. Possunt autem auferre ista, & scintilla ignis & aliqua parva bestiola. Postremo, ut omittam innumerabiles adversitates, tempus ipsum auferat necesse est omnia transeuntia. Itaque cum omnia temporalia mundus iste concludat, omnibus mundi partibus serviunt, qui propterea putant nihil colendum esse ne serviant.

70. Verumtamen quamquam in hac rerum extremitate miseri jaceant, ut vitia sua sibi dominari patiantur vel libidine, vel superbia, vel curiositate damnati, vel duobus horum, vel omnibus: quamdiu sunt in hoc stadio vitæ humanæ, licet eis congregari & vincere, si prius credant quod intelligere nondum valent, & non diligant mundum: quoniam omne quod in mundo est, sicut divinitus dictum est *concupiscentia carnis est, & concupiscentia oculorum, & ambitio seculi*. Hoc modo tria illa sunt notata: nam concupiscentia carnis, voluptatis infimæ amatores significat: concupiscen-

Caput XXXVIII.
Aliud idololatriæ genus, quo peccator triplici cupiditati servit.

Vitia quamdiu hic sumus licet vincere.

1. Joan. 2. 16.

piscentia oculorum, curiosos: ambitio sæculi, superbos.

Tenta-
tionem
triplicē
Christus
caren-
dam
monstra-
vit.
Matt. 4.
3. & 4.

Ibid. 9 &
10.

Ibid. 7.

CAPUT
XXXIX.
Ex ipsi
vitiis
suis ani-
mam ad-
moneri
ut pri-
mam
pulcri-
tudinem
requirat:
quod
primode
vitiis vo-
luptatis
ostendi-
tur us-
que ad
caput 43

71. Triplex etiam tentatio in homine, quem Veritas ipsa suscepit, cavenda monstrata est. *Dic*, inquit tenta-
tor, *lapidibus istis; ut panes fiant*. At ille unus & solus Magister, *Non*, inquit, *in solo pane vivit homo, sed in omni verbo Dei*. Ita enim domitam docuit esse oportere cupi-
ditatem voluptatis, ut nec fami cedendum sit. Sed forte dominationis temporalis fastu decipi poterat, qui carnis voluptate non potuit: omnia ergo mundi regna mon-
strata sunt, & dictum est: *Omnia tibi dabo, si prostratus adoraveris me*. Cui responsum est: *Dominum Deum tuum adorabis, & illi soli servies*. Ita calcata est superbia. Subje-
cta est autem extrema etiam curiositatis illecebra: non enim ut se de fastigio templi præcipitaret urgebat, nisi causa tantum aliquid experiendi. Sed neque hic victus est, & ideo sic respondit, ut intelligeremus non opus esse ad cognoscendum Deum, tentationibus visibiliter divi-
na explorare molientibus: *Non tentabis*, inquit, *Dominum Deum tuum*. Quamobrem quisquis intus verbo Dei pascitur, non quærit in ista eremo voluptatem. Qui uni Deo tantum subiectus est, non quærit in monte, id est, in terrena elatione iactantiam. Quisquis æterno specta-
culo incommutabilis veritatis adhærescit, non per fasti-
gium huius corporis, id est, per hos oculos præcipitatur, ut temporalia & inferiora cognoscat.

72. QUID igitur restat, unde non possit anima re-
cordari primam pulcritudinem quam reliquit, quando de ipsis suis vitiis potest? Ita enim Sapientia Dei pertendi-
dit a fine usque ad finem fortiter. Ita per hanc summus ille artifex opera sua in unum finem decoris ordinata contexit. Ita illa bonitas a summo usque ad extremum nulli pulcritudini, quæ ab ipso solo esse posset, invidit, ut nemo ab ipsa veritate deiciatur, qui non excipiat ab aliqua effigie veritatis. Quære in corporis voluptate quid teneat, nihil aliud invenies quam convenientiam: nam si resistentia pariunt dolorem, convenientia pariunt volu-
ptatem. Recognosce igitur quæ sit summa convenientia: **NOLI FORAS IRE**, in te ipsum redi, in interiore ho-
mine habitat veritas: & si tuam naturam mutabilem inveneris, transcede & te ipsum. Sed memento cum te transcendis, ratiocinantem animam te transcendere. Illuc ergo tende, unde ipsum lumen rationis accenditur. Quo enim pervenit omnis bonus ratiocinator, nisi ad veritatem? cum ad se ipsam veritas non utique ratiocinan-
do perveniat, sed quod ratiocinantes appetunt ipsa sit. Vide ibi convenientiam qua superior esse non possit, & ipse conveni cum ea. Confitere te non esse quod ipsa est: si quidem se ipsa non quærit, tu autem ad ipsam quæ-
rendo venisti, non locorum spatio, sed mentis affectu, ut ipse interior homo cum suo inhabitatore, non infima & carnali, sed summa & spiritali a voluptate conveniat.

73. Aut si non cernis quæ dico, & an vera sint dubi-
tas, cerne saltem utrum te de iis dubitare non dubites, & si certum est te esse dubitantem, quære unde sit cer-
tum: non illic tibi, non omnino solis huius lumen occur-
ret, sed lumen verum quod illuminat omnem hominem venientem in hunc mundum. Quod his oculis videri non potest; nec illis quibus phantasmata cogitantur, per eos-
dem oculos animæ impacta; sed illis quibus ipsis phan-
tasmatis dicitur, Non estis vos quod ego quæro, neque illud estis unde ego vos ordino, & quod mihi inter vos

Tom. I.

A fœdum occurrerit, improbo, quod pulcrum approbo, cum pulcrius sit illud unde improbo & approbo: quare hoc ipsum magis approbo, & non solum vobis, sed illis omnibus corporibus unde vos hausi, antepono. Deinde regulam ipsam quam vides, concipe hoc modo: Omnis qui se dubitantem intelligit, verum intelligit, & de hac re quam intelligit certus est: de vero igitur certus est. Omnis igitur qui utrum sit veritas dubitat, in se ipso habet verum unde non dubitet; nec ullum verum nisi veritate verum est. Non itaque oportet eum de veritate dubitare, qui potuit undecumque dubitare. Ubi viden-
tur hæc, ibi est lumen sine spatio locorum & tempo-
rum, & sine ullo spatiorum talium phantasmate. Num-
quid ista ex aliqua parte corrumpi possunt, etiam si omnis ratiocinator intereat, aut apud carnales inferos veterascant? Non enim ratiocinatio talia facit, sed inve-
nit. Ergo ante quam inveniantur, in se manent, & cum inveniuntur, nos innovant.

74. I T A renascitur interior homo, & exterior cor-
rumpitur de die in diem. Sed interior exteriorem respi-
cit, & in sua comparatione fœdum videt; in proprio ta-
men genere pulcrum & corporum convenientia lætan-
tem, & corrumpentem quod in bonum suum convertit, alimenta scilicet carnis: quæ tamen corrupta, id est, amit-
tentia formam suam, in membrorum istorum fabricam migrant, & corrupta reficiunt, in aliam formam per convenientiam transeuntia: & per vitalem motum di-
judicantur quodam modo, ut ex eis in structuram huius visibilis pulcri quæ apta sunt assumantur, non apta ve-
ro per b congruos meatu se jiciantur. Quorum aliud fœ-
culentissimum redditur terræ ad alias formas assumen-
das, aliud per totum corpus exhalat, aliud totius anima-
lis latentes numeros accipit, & inchoatur in prolem, & si-
ve convenientia duorum corporum, si-ve tali aliquo phantasmate commotum, per genitales vias ab ipso ver-
tice defluit in c infima voluptate. Jam vero in matre per certos numeros temporum in locorum numerum coa-
ptatur, ut suas regiones quæque membra occupent, & si modum parilitatis servaverint luce coloris adjuncta, nascitur corpus quod formosum vocatur, & a suis dile-
ctoribus amatur acerrime: non tamen in eo plus placet forma quæ movetur, quam vita quæ movet. Nam illud animal si nos amet, allicit violentius: si oderit autem, succensemus, & ferre non possumus, etiam si formam ipsam præbeat fruendi. Hoc totum est voluptatis re-
gnum, & ima pulcritudo; subjacet enim corruptioni: quod si non esset, summa putaretur.

75. Sed adest divina providentia, quæ hanc ostendat, & non malam, propter tam manifesta vestigia primo-
rum numerorum, in quibus sapientiæ Dei non est nu-
merus; & extremam tamen esse, miscens ei dolores & morbos & distortionem membrorum, & tenebras colo-
ris, & animorum simultates ac dissensiones, ut ex his ad-
moneamur incommutabile aliquid esse quærendum. Et hoc facit per infima ministeria, d quibus id agere volu-
ptatis est, quos exterminatores & angelos iracundiæ, di-
vinæ Scripturæ nominant, quamvis ipsi nesciant quid de se agatur boni. His similes sunt homines, qui gau-
dent miseriis alienis, & risus sibi ac ludicra spectacula exhibent, vel exhiberi volunt * eversioibus & errori-
bus aliorum. Atque ita in his omnibus boni admo-

K k 2 nen-

a Lov. & Arn. voluntate. pro quo Bad. Er. & MSS. septem, voluptate.
b Lov. & nonnulli MSS. incongruos. sed verius Bad. Er. Arn. & MSS. alii duodecim, congruos. quippe hic describitur exterioris hominis pulcri-
tudo, in cuius structura nihil incongruum.
c MSS. octo defluit infima voluptate.

d In excusis, per infima ministeria eorum quibus &c. At a MSS. abest vox, eorum. Unde intelligimus non officia quædam hisce verbis deno-
tari, sed ipsos angelos malos, qui mox appellantur, ultimi servi: contra vero boni Angeli inferius cap. 55. excellentissima & sancta Dei ministeria.

CAPUT
XL.
De pul-
critudi-
ne cor-
porum
carnif-
que vo-
luptate,
& de
peccan-
tium
pœna.
2. Cor. 4.
16.

b

Semen a
cerebro.
c

d

* Lib. 3.
Conf. cap.
3. n. 6.

nentur, & exercentur, & vincunt, & triumphant, & regnant: mali vero decipiuntur, cruciantur, vincuntur, damnantur & serviunt, non uni omnium summo Domino, sed ultimis servis, illis videlicet angelis, qui doloribus & miseria damnatorum pascuntur, & pro ista malevolentia bonorum liberatione torquentur.

76. Ita ordinantur omnes officiis & finibus suis in pulcritudinem universitatis, ut quod horremus in parte, si cum toto consideremus, plurimum placeat: quia nec in ædificio judicando unum tantum angulum considerare debemus, nec in homine pulcro solos capillos, nec in bene pronuntiante solum digitorum motum, nec in lunæ cursu aliquas tridui tantum figuras. Ista enim, quæ propterea sunt infima, quia partibus imperfectis tota perfecta sunt, sive in statu, sive in motu pulcra sentiantur, tota consideranda sunt, si recte volumus judicare. Verum enim nostrum iudicium, sive de toto, sive de parte judicet, pulcrum est: universo quippe mundo superfertur, nec alicui parti ejus, in quantum verum judicamus, adhæremus. Error autem noster parti adhærens ejus, ipse per se fœdus est. Sed sicut niger color in pictura cum toto fit pulcher: sic totum istum agonem decenter edit incommutabilis divina providentia, aliud victis, aliud certantibus, aliud victoribus, aliud spectantibus, aliud quietis & solum Deum contemplantibus tribuens: cum in his omnibus non sit malum nisi peccatum, & pœna peccati, hoc est, defectus voluntarius a summa essentia, & labor in ultima non voluntarius: quod alio modo sic dici potest, libertas a justitia, & servitus sub peccato.

CAPUT
XLI.
In peccantis
anima
pœna
pulcritudo.

Rom. 13.
8.

Cato
apud Ciceronem
in Cato-
ne majoris.

1. Re-
tract. cap.
13. n. 8.

77. CORRUMPITUR autem homo exterior aut profectu interioris, aut defectu suo. Sed profectu interioris ita corrumpitur, ut totus in melius reformetur, & restituatur in integrum in novissima tuba, ut jam non corrumpatur neque corrumpat. Defectu autem suo in pulcritudines corruptibiliores, id est, pœnarum ordinem præcipitur. Nec miremur quod adhuc pulcritudines nomino: nihil enim est ordinatum, quod non sit pulcrum. Et sicut ait Apostolus, *Omnis ordo a Deo est*. Necesse est autem fateamur meliorem esse hominem plorantem, quam lætantem vermiculum: & tamen vermiculi laudem sine ullo mendacio copiose possum dicere, considerans nitorem coloris, figuram teretem corporis, priora cum mediis, media cum posterioribus congruentia, & unitatis appetentiam pro suæ naturæ humilitate servantia; nihil ex una parte formatum, quod non ex altera parili dimensione respondeat. Quid jam de anima ipsa dicam vegetante modulum corporis sui, quomodo eum numerosè moveat, quomodo appetat convenientia, quomodo vincat aut caveat obsistentia quantum potest, & ad unum sensum incolumitatis referens omnia, unitatem illam conditricem naturarum omnium, multo evidentius quam corpus insinuet: loquor de vermiculo animante qualicumque. Cineris & stercoreis laudem verissime atque uberrime plerique dixerunt. Quid ergo mirum est, si hominis animam, quæ ubicumque sit & qualiscumque sit, omni corpore est melior, dicam pulcre ordinari, & de pœnis ejus alias pulcritudines fieri, cum ibi non sit quando misera est, ubi beatos esse decet, sed ibi sit ubi esse miseros decet?

78. Prorsus nemo nos fallat. Quidquid recte vituperatur, in melioris comparatione respuitur. Omnis autem natura quamvis extrema, quamvis infima, in

A comparatione nihili jure laudatur. Et tunc cuique non est bene, si melius esse potest. Quare si nobis potest bene esse cum ipsa veritate, male sumus cum quolibet vestigio veritatis: multo ergo deterius cum extremitate vestigii, quando carnis voluptatibus adhæremus. Vincamus ergo hujus cupiditatis vel blanditias vel molestias; subjugemus nobis hanc feminam, si viri sumus. Nobis ducibus, & ipsa erit melior, nec jam cupiditas, sed temperantia nominabitur. Nam cum ipsa ducit, nos autem sequimur, cupiditas illa & libido, nos vero temeritas & stultitia nuncupamur. Sequamur Christum caput nostrum, ut & nos sequatur cui caput sumus. Hoc & feminis præcipi potest, non maritali, sed fraterno jure; quo jure in Christo nec masculus nec femina sumus. Habent enim & illæ virile quiddam, unde femineas subjungunt voluptates, unde Christo serviant, & imperent cupiditati. Quod in multis viduis & virginibus Dei, in multis etiam maritatis, sed jam fraterne conjugalia jura servantibus Christiani populi dispensatione, manifestum est. Quod si ab ea parte, cui dominari Deus nos jubet, atque ut in nostram possessionem restituamur, & hortatur & opitulatur; si ergo ab hac parte per negligentiam & impietatem vir subditus fuerit, id est mens & ratio, erit quidem homo turpis & miser; sed destinatur in hac vita, & post hanc vitam ordinatur, quo eum destinari & ubi ordinari summus ille Rector & Dominus judicat. Nulla itaque fœditate universa creatura maculari permittitur.

79. AMBULEMUS ergo dum diem habemus, id est, dum ratione uti possumus, ut ad Deum converfi, Verbo ejus, quod verum lumen est, illustrari mereamur, ne nos tenebræ comprehendant. Dies est enim præsentia illius luminis, quod *illuminat omnem hominem venientem in hunc mundum*. Hominem dixit, a quia ratione uti potest, & ubi cecidit, ibi incumbere ut surgat. Si ergo voluptas carnis diligitur, ea ipsa diligentius consideretur; & quum ibi recognita fuerint quorundam vestigia numerorum, quærendum est ubi sine timore sint. Ibi enim magis unum est quod est. Et si tales sunt in ipsa motione vitali, quæ in feminibus operatur, magis ibi mirandi sunt quam in corpore. Si enim numeri feminum sicut ipsa femina tumerent, de dimidio grano fici, arbor dimidia nasceretur, neque de animalium feminibus etiam non totis, animalia tota & integra gignerentur, neque tantillum & unum semen vim haberet sui cujusque generis innumerabilem. De uno quippe secundum suam naturam possunt, vel segetes segetum, vel silvæ silvarum, vel greges gregum, vel populi populorum per sæcula propagari, ut nullum folium sit, vel nullus pilus per tam numerosam successionem, cujus non ratio in illo primo & uno semine fuerit. Deinde illud cogitandum est, quam numerosas, quam suaves sonorum pulcritudines verberatus aer traiciat cantante luscinia, quas illius avioulæ anima non tam libere cum liberet fabricaretur, nisi vitali motu incorporaliter haberet impressas. Hoc & in ceteris animantibus, quæ ratione carentia, sensu tamen non carent animadverti potest. Nullum enim horum est, quod non vel in sono vocis, vel in cetero motu atque operatione membrorum, numerosum aliquid & in suo genere moderatum gerat, non aliqua scientia, sed tamen intimis naturæ terminis, ab illa incommutabili numerorum lege modulatis.

CAPUT
XLII.
Voluptas carnis admonet ut numerosos indivisibiles quæramus. An tales in aliquo vitali motu.
Joan. 1.
9.

80. RE-

a Editi, qui ratione uti potest; & paulo post Lov. & Arn. incumbere debet ut surgat. At MSS. habent quia ratione &c. & altero lo-

co carent voce, debet, quæ etiam abest a Bad. & Et.
b In MSS. non est, tam libere.

CAPUT
XLIII.
In ho-
mine vis
judican-
di de
corpori
& tem-
porum
propor-
tione.
Qui in
perpetua
veritate
modus
ordinis

Ex:corū
confue-
tudine
qui ab
ortu so-
lis ad oc-
casum
duode-
cim ho-
ras con-
stanter
numera-
bant,
hyme
brevio-
res, et
longio-
res.

CAPUT
XLIV.
Dei ima-
go Fi-
lius, ad
quam
facta
quedam.

80. REDEAMUS ad nos, & omittamus ea, quæ cum arbutis & bestiis habemus communia. Uno namque modo hirundo nidificat, & unumquodque avium genus uno aliquo suo modo. Quid est ergo in nobis, quo & de illis omnibus judicamus, quas figuras appetant, & quatenus impleant, & nos in ædificiis aliisque corporeis operibus, tamquam domini omnium talium figurarum, innumerabilia machinamur? Quid est in nobis, quod intus intelligit has ipsas visibiles corporum moles proportionem magnas esse, vel parvas; & omne corpus habere dimidium quantulumcumque sit, & si dimidium, innumerabiles partes: itaque omne granum milii suæ parti tantæ, quantam in hoc mundo nostrum corpus tenet, tam magnum esse quam mundus est nobis, totumque istum mundum figurarum ratione pulcrum esse, non mole; magnum autem videri, non pro sua quantitate, sed pro brevitate nostra, id est animalium quibus est plenus; quæ rursus cum habeant infinitatem divisionis, non ipsa per se, sed in aliorum, & maxime ipsius universi comparatione tam parva sunt? Nec in spatio temporum alia ratio est, quia ut omnis loci, sic omnis temporis longitudo habet dimidium sui: quamvis enim sit brevissima, & incipit & progreditur & desinit. Itaque non potest nisi habere dimidium, dum ibi dividitur qua transit ad finem. Ac per hoc & brevis syllabæ tempus in comparatione longioris breve & hora brumalis æstivæ horæ comparata minor est. Sic mora unius horæ ad diem, & diei ad mensem, & mensis ad annum, & anni ad lustum, & lustri ad majores circuitus, & ipsi ad universum tempus relati breves sunt; cum illa ipsa numerosa successio, & quædam gradatio, sive localium, sive temporalium spatiorum, non tumore vel mora, sed ordinata convenientia pulcra judicetur.

81. Ipse autem ordinis modus vivit in veritate perpetua, nec mole vastus, nec protractione volubilis; sed potentia supra omnes locos magnus, æternitate super omnia tempora immobilis: sine quo tamen nec ullius molis vastitas in unum redigi, nec ullius temporis productio potest ab errore cohiberi, & aliquid esse vel corpus ut corpus sit, vel motus ut motus sit. Ipsum est unum principale, nec per finitum nec per infinitum crassum, nec per finitum nec per infinitum mutabile. Non enim habet aliud hic, aliud alibi; aut aliud nunc, aliud postea: quia summe unus est Pater Veritatis, Pater suæ Sapientiæ, quæ nulla ex parte dissimilis, similitudo ejus dicta est & imago, quia de ipso est. Itaque etiam Filius recte dicitur ex ipso, cetera per ipsum. Præcessit enim forma omnium summe implens unum de quo est, ut cetera quæ sunt, in quantum sunt unius similia, per eam formam fierent.

82. HORUM alia sic sunt per ipsam, ut ad ipsam etiam sint, ut omnis rationalis & intellectualis creatura, in qua homo rectissime dicitur factus ad imaginem & similitudinem Dei: non enim aliter incommutabilem veritatem posset mente conspiciere. Alia vero ita sunt per ipsam facta, ut non sint ad ipsam. Et ideo rationalis anima si Creatori suo serviat, a quo facta est, per quem facta est, & ad quem facta est, cuncta ei cetera servant: & vita ultima, quæ tam vicina illi est, & ad adjutorium ejus, per quod imperat corpori; & ipsum corpus, extrema natura & essentia, cui omni modo cedenti ad arbitrium dominabitur, nullam de illo sentiens molestiam; quia jam non ex illo, nec per illud quæret beatitudinem, sed ex Deo per se ipsam percipiet. Reforma-

Tom. I.

A tum ergo corpus ac sanctificatum, sine detrimento corruptionis, & sine onere difficultatis administrabit. *In resurrectione enim neque nubent, neque nubentur, sed erunt sicut Angeli in cælis. Esca vero ventri, & venter escis. Deus autem & hunc & illas destruet: quoniam non est regnum Dei esca & potus, sed justitia & pax & gaudium.*

83. QUAPROPTER etiam in ista corporis voluptate invenimus unde commoneamur eam contemnere; non quia malum est natura corporis, sed quia in extremi boni dilectione turpiter volutatur, cui primis inhærere fruique concessum est. Cum trahitur auriga, & suæ temeritatis dat pœnas, quidquid illud est, quo utebatur, accusat, sed imploret auxilium, jubeat Dominus rerum, obfistatur equis, alia jam spectacula de illius præcipitatione facientibus, & nisi subveniatur de morte facturis, restitatur in locum, super rotas collocetur, habenarum jura reddantur, regat cautius obtemperantes & edomitæ bestias: tunc sentiet quam bene currus, & tota illa junctio fabricata sit, quæ ruina ejus, & ipsum affligebat, & cursum decentissimæ moderationis amiserat: quia & huic corpori imbecillitatem peperit animæ malæ utentis aviditas in paradiso, usurpans vetitum cibum contra medici disciplinam, qua sempiterna continetur salus.

84. Si ergo in ista ipsa visibilis carnis imbecillitate, ubi beata vita esse non potest, invenitur admonitio beatæ vitæ propter speciem de summo a usque ad ima venientem: quanto magis in appetitione nobilitatis & excellentiæ, & in omni superbia vanaque pompa hujus mundi. Quid enim aliud in ea homo appetit, nisi solus esse, si fieri possit, cui cuncta subjecta sint, perversa scilicet imitatione omnipotentis Dei? quem si subditus imitaretur, secundum præcepta ejus vivendo, per eum haberet subdita cetera, nec ad tantam deformitatem veniret, ut bestiolam timeret qui vult hominibus imperare. Habet ergo & superbia quemdam appetitum unitatis & omnipotentis: sed in rerum temporalium principatu, quæ omnia transeunt tamquam umbra.

85. Invisi esse volumus, & recte; habet enim hoc animi nostri natura post Deum, a quo ad ejus imaginem factus est: sed ejus præcepta erant servanda, quibus servatis nemo nos vinceret. Nunc vero dum ipsa, cujus verbis turpiter consensimus, domatur dolore pariendi, & nos in terra laboramus, & cum magno dedecore superamur ab omnibus, quæ nos commovere ac perturbare potuerint. Itaque nolumus ab hominibus vinci, & iram non possumus vincere. Qua turpitudine quid execrabilius dici potest? Fatemur hominem hoc esse quod nos sumus, qui tamen etsi habeat vitia, non est tamen ipse vitium. Quanto igitur honestius homo nos vincit, quam vitium? Quis autem dubitet immane vitium esse invidentiam, qua necesse est torqueatur & subjiciatur, qui non vult in rebus temporalibus vinci? Melius est ergo ut homo nos vincat, quam invidentia vel quodlibet aliud vitium.

86. SED nec ab homine vinci potest, qui vitia sua vicerit. Non enim vincitur, nisi cui eripitur ab adversario quod amat. Qui ergo amat id solum, quod amanti eripi non potest, ille indubitanter invictus est, nec ulla cruciatur invidia. Id enim diligit, ad quod diligendum & percipiendum quanto plures venerint, tanto eis uberius gratulatur. Diligit enim Deum ex toto corde, & ex tota anima, & ex tota mente; & diligit proximum tamquam se ipsum. Non ergo illi invidet, ut sit quod ipse est; immo adjuvat etiam quantum

Mat. 22.
30.
1. Cor. 6.
13.
Rom. 14.
17.

CAPUT
XLV.
Volu-
ptatis
imbecil-
litas
protru-
dit nos
ad subli-
miora.

Nunc de
superbie
vitio us-
que ad
cap. 49.
quomo-
do per
hoc ad-
mone-
mur ad
imple-
tendam
virtu-
tem.

CAPUT
XLVI.
Invidus
qui id
solum
amat
quod
amanti
eripi nō
potest, id
est Deum
ex toto
corde &
proximi
sicut se
ipsum.

potest. Nec potest amittere proximum, quem diligit tamquam se ipsum; quia neque in se ipso ea diligit, quæ oculis subjacent aut ullis aliis corporis sensibus. Ergo apud se ipsum habet quem diligit tamquam se ipsum.

Tob. 4 16

87. EA autem est regula dilectionis, ut quæ sibi vult bona provenire, & illi velit; & quæ accidere sibi mala non vult, & illi nolit: hanc voluntatem erga omnes homines servat. Nam ERGA NEMINEM operandum est malum. Et dilectio proximi malum non operatur. Diligamus ergo, ut præceptum est, etiam inimicos nostros, si vere invicti esse volumus. Non enim per se ipsum quisquam hominum invictus est, sed per illam incommutabilem legem, cui quicumque serviunt, soli sunt liberi. Sic enim eis quod diligit auferrī non potest; quæ res una invictos facit & perfectos viros. Nam si vel ipsum hominem homo dilexerit, non tamquam se ipsum, sed tamquam jumentum, aut balneas, aut aviculam pictam vel garrulam, id est, ut ex eo aliquid temporalis voluptatis aut commodi capiat, serviat necesse est, non homini, sed, quod est turpius, tam foedo & DETESTABILI VITIO, quo non amat hominem sicut homo amandus est. Quo vitio dominante, usque ad extremam vitam, vel potius mortem perducitur.

1. Re
pract. cap.
13 n. 3.

88. Sed nec sic quidem ab homine homo diligendus est, ut diliguntur carnales fratres, vel filii, vel conjuges, vel quique cognati, vel affines aut cives. Nam & dilectio ista temporalis est. Non enim ullas tales necessitudines haberemus, quæ nascendo & moriendo contingunt, si natura nostra in præceptis & imagine Dei manens, in istam corruptionem non relegaretur. Itaque

Luc 9
60 62. c
14. 26.

ad pristinam perfectamque naturam nos ipsa Veritas vocans, præcipit ut carnali consuetudini resistamus, docens neminem aptum esse regno Dei, qui non istas carnales necessitudines oderit. Neque hoc cuiquam inhumanum videri debet. Magis enim est inhumanum, non amare in homine quod homo est, sed amare quod a filius

a

est: hoc est enim non in eo amare illud quod ad Deum pertinet, sed amare illud quod ad se pertinet. Quid ergo mirum si ad regnum non pervenit, qui non communem, sed privatam rem diligit? Immo utrumque, ait quispiam: immo illud unum, dicit Deus. Dicit enim verissime Veritas, *Nemo potest duobus dominis servire*. Nemo enim potest perfecte diligere quo vocamur, nisi oderit unde revocamur. Vocamur autem ad perfectam naturam humanam, qualem ante peccatum nostrum Deus fecit: revocamur autem ab ejus dilectione, quam peccando meruimus. Quare oderimus oportet, unde ut liberemur optamus.

Matt. 6.
24.

89. Oderimus ergo temporales necessitudines, si æternitatis caritate flagramus. Diligat homo proximum tamquam se ipsum. Certe enim sibi ipsi nemo est pater, aut filius, aut affinis, aut aliquid hujusmodi, sed tantum homo. Qui ergo diligit aliquem tamquam se ipsum, hoc in in eo debet diligere, quod sibi ipse est. Corpora vero non sunt quod nos sumus. Non ergo in homine corpus est expetendum aut desiderandum. Valet enim ad hoc etiam quod præceptum est *Ne concupiscas rem proximi tui*. Quapropter quisquis in proximo aliud diligit, quam sibi ipse est, non eum diligit tamquam se ipsum. Ipsa igitur natu-

Exod. 20.
17.

ra humana sine carnali conditione diligenda est, sive sit perficienda sive perfecta. Omnes sub uno Deo patre cognati sunt, qui eum diligunt & faciunt voluntatem ipsius. Et invicem sibi sunt, & patres cum sibi consulunt, & filii cum sibi obtemperant, & fratres maxime, quia eos unus pater testamento suo ad unam hereditatem vocat.

90. QUAPROPTER cur iste non invictus sit hominem diligendo, cum in eo nihil præter hominem diligit, id est, creaturam Dei ad ejus imaginem factam, nec ei possit deesse perfecta natura quam diligit, cum ipse perfectus est? Sicut enim, verbi gratia, si quisquam diligit bene cantantem, non hunc aut illum, sed tantum bene cantantem quemlibet, cum sit cantator ipse perfectus, ita vult omnes tales esse, ut tamen ei non desit quod diligit; quia ipse bene cantat. Nam si cuiquam invidet bene cantanti, non jam illud diligit, sed aut laudem, aut aliquid aliud, quo bene cantando vult pervenire; & potest ei minui vel auferri, si & alius bene cantaverit. Qui ergo invidet bene cantanti, non amat bene cantantem: sed rursus qui eo indiget, non bene cantat. Quod multo accommodatius de bene vivente dici potest, quia invidere nulli potest: quo enim perveniunt bene viventes, tantumdem est omnibus, nec minus fit cum plures habuerint. Et potest esse tempus, quo bonus cantator cantare non decenter queat, & indigeat voce alterius, qua sibi exhibeatur quod diligit; tamquam si alicubi convivetur, ubi eum cantare turpe sit, sed deceat audire cantantem: bene autem vivere semper decet. Quare quisquis hoc & diligit & facit, non solum non invidet imitantibus, sed & his se præbet libentissime atque humanissime quantum potest; nec tamen eis indiget. Nam quod in illis diligit, in se ipso habet totum atque perfectum. Ita cum diligit proximum tamquam se ipsum, non invidet ei, quia nec sibi ipsi: præstat ei quod potest, quia & sibi ipsi: non eo indiget, quia nec se ipso: tantum Deo indiget, cui adhærendo beatus est. Nemo autem illi eripit Deum. Ille ergo verissime atque certissime invictus homo est, qui cohæret Deo, non ut ab eo aliquid boni extra mereatur, sed cui nihil aliud quam ipsum hæere Deo bonum est.

91. Hic vir quamdiu est in hac vita, utitur amico ad rependendam gratiam, utitur inimico ad patientiam, utitur quibus potest ad beneficentiam, utitur omnibus ad benevolentiam. Et quamquam temporalia non diligit, ipse recte utitur temporalibus, & pro eorum sorte hominibus consulit, si æqualiter non potest omnibus. Quare si aliquem familiarium suorum promptius quam quemlibet alloquitur, non eum magis diligit, sed ad eum habet majorem fiduciam, & apertiore temporis janua. Tractat enim tempori deditos tanto melius, quanto minus ipse obligatus est tempori. Cum itaque omnibus, quos pariter diligit, prodesse non possit, nisi conjunctioribus prodesse malit, injustus est. Animi autem conjunctio major est, quam locorum aut temporum quibus in hoc corpore ^b gignimur; sed ea maxima est, quæ omnibus prævalet. Non ergo iste affligitur morte cujusquam, quoniam qui toto animo Deum diligit, novit nec sibi perire quod Deo non perit. Deus autem dominus est & vivorum & mortuorum. Non cui-

CAPUT
XLVII.
Vera
proximi
dilectio,
quam
qui im-
pendit,
invictus
est.

b

a Lov. & Arn, quod vilis est At Bad. Et. & MSS, magno consensu habent; quod filius est, quæ lectio magis probatur, quia subjicit Augustinus, amare hoc, esse amare illud quod ad se pertinet: utiturque simili modo loquendi in lib. 1. de sermone Dom. in monte; ubi rursus de necessitudinum ejusmodi temporalium odio differens, postquam explicuit quodnam amoris odique genus uxori vit impendere debeat, hoc est, inquit, diligere in ea quod homo est, odisse quod

uxor est; tum addit hoc de patre & de matre & ceteris vinculis carnis intelligendum esse, ut in eis oderimus quod genus humanum nascendo & moriendo sortitum est; diligamus autem quod nobiscum potest ad illa regna perducere, ubi nemo dicit, Pater meus, sed omnes omnino uni Deo, Pater noster.

b Lov. & Arn. junguntur, Bad. & Et. jungimur, At MSS. undecim, gignimur.

^a jusquam miseria miser est, quia nec cujusquam a justitia justus est. Et ut nemo illi justitiam & Deum, sic nemo aufert beatitudinem. Et si aliquando forte alicujus periculo, vel errore, vel dolore commovetur; usque ad illius auxilium, aut correctionem, aut consolationem, non usque ad suam subversionem valere patitur.

^{Rom 5.3} 92. In omnibus autem officiosis laboribus, futuræ quietis certa expectatione, non frangitur. Quid enim ei nocebit, qui bene uti etiam inimico potest? Ejus enim præsidio atque munimento inimicitias non pertimescit, cujus præcepto & dono diligit inimicos. Huic viro in tribulationibus parum est non contristari, nisi etiam gaudet, sciens quod *tribulatio patientiam operatur, patientia probationem, probatio spem, spes autem non confundit. Quoniam caritas Dei diffusa est in cordibus nostris per Spiritum sanctum, qui datus est nobis.* Quis huic nocebit? Quis hunc subjugabit? HOMO QUI PROSPERIS rebus proficit, asperis quid profecerit discit. Cum enim mutabilium bonorum adest copia, non eis confidit: sed cum subtrahuntur, agnoscit utrum eum non ceperint. Quia plerumque cum adsunt nobis, putamus quod non ea diligamus: sed cum abesse ceperint, invenimus qui simus. Hoc ENIM sine amore nostro aderat, quod sine dolore discedit. Videtur ergo vincere, cum vincatur, qui superando ad id pervenit; quod cum dolore amissurus est: & vincit cum vinci videatur, quisquis cedendo ad id pervenit, quod non amittit invitus.

CAPUT XLVIII.
Quæ sit perfecta justitia.

93. QUEM ergo delectat libertas, ab amore mutabilium rerum liber esse appetat; & quem regnare delectat, uni omnium regnatori Deo subditus hæreat, plus eum diligendo quam se ipsum. ET HÆC EST perfecta justitia, qua potius potiora, & minus minora diligimus. Sapientem animam atque perfectam talem diligat, qualem illam videt; stultam non talem, sed quia esse perfecta & sapiens potest: quia nec se ipsum debet stultum diligere. Nam qui se diligit stultum, non proficiet ad sapientiam; nec fiet quisquis qualis cupit esse, nisi se oderit qualis est. Sed donec ad sapientiam perfectionemque veniatur, eo animo ferat stultitiam proximi, quo suam ferret, si stultus esset, & amaret sapientiam. Quapropter si & ipsa superbia veræ libertatis & veri regni umbra est, etiam per ipsam nos commemorat divina providentia, quid significemus vitiosi, & quo debeamus redire correcti.

CAPUT XLIX.
De curiositate deinceps, ut hoc vitio admoneamur ad contemplandam veritatem.

94. JAM vero cuncta spectacula, & omnis illa quæ appellatur curiositas, quid aliud quærit quam de rerum cognitione lætitiā? Quid ergo admirabilius, quid speciosius ipsa veritate, ad quam omnis spectator pervenire se cupere confitetur, cum vehementer ne fallatur invigilat, & inde se jactat, si quid acutius ceteris & vivacius in spectando cognoscat & judicet? Ipsum denique præstigiatores, nihil aliud quam fallaciam profitentem, diligenter intuentur, & cautissime observant; & si eluduntur, quia sua non possunt, illius delectantur scientia qui eos eludit. Nam si & ille nesciret quibus causis fallantur intuentes, vel nescire crederetur, pariter erranti nullus plauderet. Si quis autem de populo unus eum deprehenderit, majorem illo laudem se mereri putat, non ob aliud, nisi quia decipi fallique non potuit. Si autem multis apertus sit, non ille laudatur; sed irridetur ceteri, qui talia deprehendere nequeunt. Ita omnis palma cognitioni datur, & artificio, & comprehensioni

A veritatis, ad quam nullo modo perveniunt, qui foris eam quærunt.

95. Itaque in tantas nugas & turpitudines merfi sumus, ut cum interrogati quid sit melius, verum an falsum, ore uno respondeamus, verum esse melius: jocis & ludis tamen, ubi nos utique non vera, sed ficta delectant, multo propensius quam præceptis ipsius veritatis hæreamus. Ita nostro judicio & ore punimur, aliud ratione approbantes, aliud vanitate sectantes. Tamdiu autem est ludicrum & joculari aliquid, quamdiu novimus, in cuius veri comparatione rideatur. Sed diligendo talia excidimus a vero & non jam invenimus quarum rerum m itamenta sint, quibus tamquam primis pulcris inhiamus, & ab eis recedentes amplexamur nostra phantasmata. Nam redeuntibus nobis ad investigandam veritatem, ipsa in itinere occurrunt, & nos transire non sinunt, nullis viribus, sed magnis insidiis latrocinantia, non intelligentibus quam late pateat quod dictum est: *Ca-*

1. Joa. 5.
2.

96. Itaque alii per innumerabiles mundos vaga cogitatione volutati sunt. Alii Deum esse non posse, nisi corpus igneum putaverunt. Alii candorem lucis immensæ per infinita spatia usquequaque porrectum, ex una tamen parte quasi nigro quodam cuneo fissum, duo adversa regna opinantes, & talia rebus constituentes principia, cum suis phantasmatis fabulati sunt. Quos si jurare cogam, utrum hæc vera esse sciant, fortasse non audeant, sed vicissim dicant: Tu igitur ostende quid verum sit. Quibus si nihil respondeam, nisi ut illam lucem quærant, qua eis apparet & certum est, aliud esse credere, aliud intelligere, jurarent & ipsi, nec oculis videri posse istam lucem, nec cum aliqua locorum vastitate cogitari, & nusquam non præsto esse quærentibus, & nihil ea certius atque serenius inveniri.

97. Quæ rursus omnia, quæ de hac luce mentis nunc a me dicta sunt, nulla alia quam eadem luce manifesta sunt. Per hanc enim intelligo vera esse quæ dicta sunt, & hæc me intelligere per hanc rursus intelligo. Et hoc rursus & rursus cum quisque se aliquid intelligere intelligit, & id ipsum rursus intelligit, in infinitum pergere intelligo, & nulla hic esse spatia cujusquam tumoris aut volubilitatis intelligo: intelligo etiam non me posse intelligere, nisi vivam, & me vivaciorem intelligendo fieri, certius intelligo. Æterna enim vita vitam temporalem vivacitate ipsa superat: nec quid sit æternitas, nisi intelligendo conspicio. Mentis quippe adspectu omnem mutabilitatem ab æternitate sejungo, & in ipsa æternitate nulla spatia temporis cerno; quia spatia temporis præteritis & futuris rerum motibus constant. NIHIL autem præterit in æterno, & nihil futurum est: quia & quod præterit, esse definit, & quod futurum est, nondum esse cepit: Æternitas autem tantummodo est, nec fuit quasi jam non sit, nec erit quasi adhuc non sit. Quare sola ipsa verissime dicere potuit humanæ menti, *Ego sum qui sum*; & de illa verissime dici potuit, *Misit me, qui est.*

Exod. 3.
14.

98. CUI si nondum possumus inhærere, objurgemus saltem nostra phantasmata, & tam nugatorios & deceptorios ludos de spectaculo mentis ejiciamus. Utamur gradibus, quos nobis divina providentia fabricare dignata est. Cum enim figmentis ludicris nimium delectati evanesceremus in cogitationibus nostris, & totam vitam in quædam vana somnia verteremus, b rationali crea-

CAPUT I.
Scripturarum & interpretationum ratio.

b

a MSS. septem, nec cujusquam injustitia se injustus.

b Erudito viro visum erat legendum esse, *irrationali*; sed MSS. omnes & edii ferunt, *rationali creatura*. quibus verbis, nisi fallimur, intelligenti veniunt Angeli, uti infra n. 99. in fine, & in lib. 3. de libero arbitrio, c.

10. n. 30. Quippe Deus per Angelos loquebatur antiquis Patribus, eorumque ministerio exhibebat sonos, litteras, ignem, fumum, nubem, columnam, & similia portentosa, quæ in sacra historia narrantur. Sic autem prosequuntur MSS. plerique, *serviente de legibus suis* &c.

creatura serviente legibus suis, per sonos ac litteras, ignem, fimum, nubem, columnam, quasi quædam verba visibilia, cum infantia nostra parabolis ac similitudinibus quodammodo ludere, & interiores oculos nostros luto hujuscemodi curare non aspernata est ineffabilis misericordia Dei.

99. Distinguamus ergo, quam fidem debeamus historiæ, quam fidem debeamus intelligentiæ, quid mandemus memoriæ, verum esse nescientes, sed credentes tamen. Et ubi sit verum, quod non venit & transit, sed semper eodem modo manet. Qui sit modus interpretandæ allegoriæ, quæ per sapientiam dicta creditur in Spiritu-sancto: utrum a visibilibus antiquioribus ad visibilia recentiora eam perducere sufficiat; an usque ad animæ affectiones atque naturam, an usque ad incommutabilem æternitatem: an aliæ significant gesta visibilia, aliæ motus animorum, aliæ legem æternitatis; an aliquæ inveniantur, in quibus hæc omnia vestiganda sint. Et quæ sit stabilis fides, sive historica & temporalis, sive spiritalis & æterna, ad quam omnis interpretatio auctoritatis dirigenda sit. Et quid profit ad intelligenda, & obtinenda æterna, ubi finis est omnium bonarum actionum, fides rerum temporalium. Et quid inter sit inter allegoriam historiæ, & allegoriam facti, & allegoriam sermonis, & allegoriam sacramenti. Et quomodo ipsa locutio divinarum scripturarum secundum cuiusque linguæ proprietatem accipienda sit. Habet enim omnis lingua sua quædam propria genera locutionum, quæ cum in aliam linguam transferuntur, videntur absurda. Quid profit tanta loquendi humilitas, ut non solum ira Dei, & tristitia, & a somno expergefactio, & memoria, & oblivio, & alia nonnulla quæ in bonos homines cadere possunt, sed etiam pœnitentiæ, zeli, crapulæ nomina, & alia hujusmodi in sacris libris inveniantur? Et utrum oculi Dei, & manus, & pedes, & alia hujus generis membra, quæ in Scripturis nominantur, ad visibilem formam humani corporis referenda sint; an ad significationes intelligibilium & spiritalium potentiarum, sicut galea, & scutum, & gladius, & cingulum, & cetera talia. Et quod maxime quærendum est, quid profit generi humano, quod sic nobiscum per rationalem, & genitalem, & corporalem creaturam sibi servientem divina providentia locuta est. Quo uno cognito, omnis ab animis protervitas * puerilis excluditur, & introducitur sacrosancta religio.

100. OMISSIS igitur & repudiatis nugis theatricis & poeticis, divinarum Scripturarum consideratione & tractatione pascamus animum atque potemus vanæ curiositatis fame ac siti fessum & æstuantem, & inani- bus phantasmatis tamquam pictis epulis, frustra refici satiarique cupientem: hoc vere liberali, & ingenuo ludo salubriter erudiamur. Si nos miracula spectaculorum, & pulchritudo delectant, illam desideremus videre Sapientiam, quæ pertendit a fine usque ad finem fortiter, & disponit omnia suaviter. Quid enim mirabilius, vi incorporea mundum corporeum fabricante & administrante? aut quid pulcrius ordinante & ornante?

101. SI autem omnes fatentur per corpus ista sentiri, & animum meliorem esse quam corpus; nihilne per se animus ipse conspiciet, aut quod conspiciet potest esse, nisi multo excellentius longeque præstantius? Immo vero a commemorati ab iis quæ judicamus, intueri quid sit secundum quod judicamus, & ab operibus artium conversi ad legem artium, eam speciem

A mente contuebimur, cujus comparatione foeda sunt, quæ ipsius benignitate sunt pulcra. *Invisibilia enim Dei a creatura mundi per ea, quæ facta sunt, intellecta conspiciuntur, & sempiterna ejus virtus & divinitas.* Hæc est a temporalibus ad æterna regressio, & ex vita veteris hominis in novum hominem reformatio. Quid est autem unde homo commemorari non possit ad virtutes capeffendas, quando de ipsis vitiis potest? Quid enim appetit curiositas, nisi cognitionem, quæ certa esse non potest, nisi rerum æternarum & eodem modo se semper habentium? Quid appetit superbia nisi potentiam quæ refertur ad agendi facilitatem, quam non invenit anima perfecta nisi Deo subdita, & ad ejus regnum summa caritate conversa? Quid appetit voluptas corporis, nisi quietem, quæ non est nisi ubi nulla est indigentia & nulla corruptio? Cavendi sunt ergo inferiores inferi, id est, post hanc vitam pœnæ graviores, ubi nulla potest esse commemoratio veritatis, quia nulla ratiocinatio: ideo nulla ratiocinatio, quia non eam perfundit lumen verum, quod illuminat omnem hominem venientem in hunc mundum. Quare festinemus, & ambulemus cum dies præsto est, ne nos tenebræ comprehendant. Festinemus a secunda morte liberari, ubi nemo est qui memor Dei sit, & ab inferno, ubi nemo confitebitur Deo.

102. SED miseri homines, quibus cognita vilescunt, & novitatibus gaudent, libentius discunt quam norunt, cum cognitio sit finis discendi. Et quibus vilis est facilitas actionis, libentius certant quam vincunt, cum victoria sit finis certandi. Et quibus vilis est corporis salus, malunt vesci quam satiari, & malunt frui genitalibus membris quam nullam talem commotionem pati: inveniantur etiam qui malunt dormire quam non dormire; cum omnis illius voluptatis sit finis, non esurire ac sitire, & non desiderare concubitum, & non esse corpore fatigato.

103. Quare qui fines ipsos desiderant, prius curiositate carent, cognoscentes eam esse certam cognitionem quæ intus est, & ea perfruentes quantum in hac vita queunt. Deinde accipiunt actionis facilitatem pervicacia posita, scientes majorem esse facilioremque victoriam, non resistere animositati cujusquam: & hoc, quantum in hac vita queunt, sentiunt. Postremo etiam quietem corporis, abstinendo ab iis rebus sine quibus agi hæc vita potest: ita gustant quam suavis est Dominus: nec erit dubium quid post hanc vitam futurum sit; & perfectionis suæ fide, spe, caritate nutriuntur. Post hanc autem vitam & cognitio perficietur; quia ex parte nunc scimus, cum autem venerit quod perfectum est, non erit ex parte: & pax omnis aderit; nunc enim alia lex in membris meis repugnat legi mentis meæ, sed liberabit nos de corpore mortis hujus gratia Dei per Jesum Christum Dominum nostrum; quia ex magna parte concordamus cum adversario, dum cum illo sumus in via: & tota sanitas, & nulla indigentia, & nulla fatigatio aderit corpori; quia corruptibile hoc, tempore atque ordine suo, quo resurrectio carnis futura est, induetur incorruptione. Non mirum autem, si hoc dabitur iis, qui in cognitione solam veritatem amant, & in actione solam pacem, & in corpore solam sanitatem. Hoc enim in eis perficietur post hanc vitam, quod in hac vita plus diligunt.

104. QUI ergo male utuntur tanto mentis bono, ut extra eam visibilia magis appetant, quibus ad b conspi-

Rom. 1
o.

CAPUT
LIII.
Scopi
stultorum ac
sapientum di-
versum.

CAPUT
LIV.
Supplia.
b

a MSS. duo, *commoniti*. alii omnes, *commemorati*; & paulo infra habent, *commemorari*. hoc verbo frequens utitur Augustinus pro *com-*

moneri, quod hic in editis fuerat substitutum.

b Ita MSS. At excusi habent, *ad concupiscenda*.

Allego-
ria qua-
druplex.

* Mani-
chæo-
rum in
verus
Testa-
men-
tum.
CAPUT
LII.
Scriptu-
rarum
perferu-
tio in
curiosi-
tatis me-
delam.
Cap. 3.1.

CAPUT
LII.
Eccurio-
sitas &
alia vitia
sunt oc-
casi ad
virtu-
tem.

damna-
torum
quam
habeant
ratio-
nem ad
eorum
vitia.
Matt. 22.
13.

spicienda & diligenda intelligibilia commemorari debuerunt, dabuntur eis exteriores tenebrae. Harum quippe initium est carnis prudentia, & sensuum corporeorum imbecillitas. Et qui certaminibus delectantur, alienabuntur a pace, & summis difficultatibus implicabuntur. Initium enim summæ difficultatis est bellum atque contentio. Et hoc significare arbitror, quod ligantur ei manus & pedes, id est, facilitas omnis aufertur operandi. Et qui sitire & esurire volunt, & in libidinem ardescere & defatigari, ut libenter edant, & bibant, & concumbant, & dormiant, amant indigentiam, quod est initium summorum dolorum. Perficitur ergo in eis quod amant, ut a ibi sint ubi eis sit ploratus & stridor dentium.

105. Plures enim sunt qui hæc omnia simul vitia diligunt, & quorum vita est spectare, contendere, manducare, bibere, concumbere, dormire, & in cogitatione sua nihil aliud quam phantasmata, quæ de tali vita colligunt, amplexari, & ex eorum fallacia, superstitionis vel impietatis regulas figere, quibus decipiuntur, & quibus inhærent, etiam si ab illecebris carnis se abstinere conentur. Quia non bene utuntur talento sibi commisso, id est, mentis acie, qua videntur omnes, qui docti aut urbani aut faceti nominantur, excellere; sed habent eam in sudario ligatam, aut in terra obrutam, id est, delicatis & superfluis rebus, aut terrenis cupiditatibus involutam & oppressam: ligabuntur ergo his manus & pedes, & mittentur in tenebras exteriores, ibi erit ploratus & stridor dentium. Non quia ipsa dilexerunt, (quis enim hæc diligit!) sed quia illa quæ dilexerunt, initia sunt istorum, & necessario dilectores suos ad ista perducunt. Qui enim magis amant ire, quam redire aut pervenire, in longinquiora mittendi sunt; quoniam caro sunt & spiritus ambulans, & non revertens.

Matt. 25
23.

106. Qui vero bene utitur, vel ipsis quinque sensibus corporis ad credenda & prædicanda opera Dei, & nutriendam caritatem ipsius, vel actione vel cognitione ad pacificandam naturam suam, & cognoscendum Deum, intrat in gaudium Domini sui. Propterea talentum quod male utenti aufertur, illi datur qui talentis quinque bene usus est: non quia transferri potest acumen intelligentiæ, sed ita significatum est, posse hoc amittere negligentes & impios ingeniosos, & ad eam pervenire diligentes & pios quamvis ingenio tardiores. Non enim datum est illud talentum ei, qui acceperat duo; habet enim & hoc, qui jam in actione & cognitione bene vivit; sed ei qui acceperat quinque. Nondum enim habet ad æterna contemplanda idoneam mentis aciem, qui visibilibus tantum, id est temporalibus credit: sed habere potest, qui horum omnium sensibilibum Deum artificem laudat, & eum persuadet fide, & expectat spe, & quærit caritate.

CAPUT
LV.
Epilo-
gus
exhortans
ad
veram
religionem.

107. QUÆ cum ita sint, hortor vos, homines carissimi & proximi mei, meque ipsum hortor vobiscum, ut ad id quo nos per sapientiam suam Deus hortatur, quanta possumus celeritate curramus. Non diligamus mundum, quoniam omnia quæ in mundo sunt, concupiscentia carnis, & concupiscentia oculorum est, & ambitio sæculi. Non diligamus per carnis voluptatem corrumpere atque corrumpi, ne ad miserabiliorem corruptionem dolorum tormentorumque veniamus. Non diligamus certamina, ne angelis qui talibus gaudent in potestatem demur, humiliandi, vinciendi, verberandi. Non diligamus visibilia spectacula, ne ab ipsa ve-

ritate aberrando & amando umbras, in tenebras projiciamur.

108. Non sit nobis religio in phantasmatis nostris. Melius est enim quaecumque verum, quam omne quidquid pro arbitrio fingi potest: & tamen animam ipsam, quamvis anima vera sit cum falsa imaginatur, colere non debemus. Melior est vera stipula, quam lux inani cogitatione pro suspicantis voluntate formata: & tamen stipulam, quam sentimus & tangimus, dementis est credere colendam. Non sit nobis religio humanorum operum cultus. Meliores enim sunt ipsi artifices, qui talia fabricantur, quos tamen colere non debemus. Non sit nobis religio cultus bestiarum. Meliores enim sunt extremi homines, quos tamen colere non debemus. Non sit nobis religio cultus hominum mortuorum: quia si pie vixerunt, non sic habentur ut tales quærant honores; sed illum a nobis coli volunt, quo illuminante lætantur meriti sui nos esse consortes. Honorandi ergo sunt propter imitationem, non adorandi propter religionem. Si autem male vixerunt, ubicumque sint, non sunt colendi. Non sit nobis religio cultus dæmonum, quia omnis superstitio cum sit magna pœna hominum, & periculosissima turpitudine, honor est ac triumphus illorum.

Qualis
erat Ma-
nichæorum
re-
ligio.

Opinio-
nes falsæ
de
diis.

109. Non sit nobis religio terrarum cultus & aquarum: quia istis purior & lucidior est aer, etiam caliginosus, quem tamen colere non debemus. Non sit nobis religio etiam purioris aeris & serenioris cultus, quia luce absente inumbratur; & purior illo est fulgor ignis etiam huius, quem tamen, quoniam pro voluntate accendimus & extinguimus, colere utique non debemus. Non sit nobis religio cultus corporum æthereorum atque cælestium, quæ quamvis omnibus ceteris corporibus recte præponantur, melior tamen ipsis est quæcumque vita. Quapropter si animata sunt, melior est quævis anima per se ipsam, quam corpus quodlibet animatum, & tamen animam vitiosam nemo colendam esse censuerit. Non sit nobis religio cultus illius vitæ, qua dicuntur arbores vivere: quoniam nullus sensus in illa est; & ex eo genere est ista, qua nostri etiam corporis numerositas agitur, qua etiam capilli & ossa vivunt, quæ sine sensu præciduntur: hac autem melior est vita sentiens, & tamen vitam bestiarum colere non debemus.

110. Non sit nobis religio vel ipsa perfecta & sapiens anima rationalis, sive in ministerio universitatis, sive in ministerio partium stabilita, sive quæ in summis hominibus expectat commutationem reformationemque portionis suæ: quoniam omnis vita rationalis si perfecta est, incommutabili veritati secum intrinsecus sine strepitu loquenti obtemperat, non obtemperans autem vitiosa fit. Non ergo per se excellit, sed per illam cui libenter obtemperat. Quod ergo colit summus Angelus, id colendum est etiam ab homine ultimo, quia ipsa hominis natura id non colendo facta est ultima. Non enim aliunde sapiens Angelus, aliunde homo, aliunde ille verax, aliunde homo; sed ab una incommutabili sapientia & veritate. Nam id ipsum actum est temporali dispensatione ad salutem nostram, ut naturam humanam ipsa Dei Virtus, & Dei Sapientia incommutabilis, & consubstantialis Patri, & coæterna suscipere dignaretur, per quam nos doceret id esse homini colendum, quod ab omni creatura intellectuali & rationali colendum est. Hoc etiam ipsos optimos Angelos, & excellentissima Dei ministeria velle credamus, ut unum cum ipsis colamus Deum, cuius contemplatione beati sunt. Neque enim & nos viden-

do

do Angelum beati sumus; sed videndo veritatem, qua etiam ipsos diligimus Angelos, & his congratulamur. Nec invidemus quod ea paratiores, vel nullis molestiis interpedientibus perfruuntur: sed magis eos diligimus, quoniam & nos tale aliquid sperare a communi Domino iussi sumus. Quare honoramus eos caritate, non servitute. Nec eis templa construimus. Nolunt enim se sic honorari a nobis: quia nos ipsos cum boni sumus, templa summi Dei esse noverunt. Recte itaque scribitur, hominem ab Angelo prohibitum ne se adoraret, sed unum Dominum sub quo ei esset & ille conservus.

Appet. 22. 9.

Matth. 22. 21.

1. Re-
evangel. cap.
12. 9.

111. Qui autem nos invitant ut sibi serviamus, & tamquam Deos colamus, similes sunt superbis hominibus, quibus si liceat, similiter coli volunt: sed istos homines perpeti minus, illos vero colere magis periculosum est. Omnis enim hominum dominatus in homines, aut dominantium aut servientium morte finitur: servitus autem sub angelorum malorum superbia, propter ipsum tempus quod est post mortem magis metuenda est. Illud etiam cuivis cognoscere facile est, quod sub homine dominante liberas cogitationes habere concessum est: illos autem dominos in mentibus ipsis formidamus, qui unus est oculus intuendae ac percipiendae veritatis. Quare si omnibus potestatibus, quae dantur hominibus ad regendam rempublicam, pro nostro vinculo subditi sumus, reddentes Caesari quod Caesaris est, & Deo quod Dei est, non est metuendum, ne hoc post mortem nostram aliquis exigit. Et aliud est servitus animae, aliud servitus corporis. Iusti autem homines, & in uno Deo habentes omnia gaudia sua, quando per eorum facta Deus benedicitur, congratulantur laudantibus: cum vero ipsi tamquam ipsi laudantur, corrigunt errantes quos possunt: quos autem non possunt, non eis gratulantur, & ab illo vitio corrigi volunt. Quibus si similes, vel etiam mundiores atque sanctiores sunt boni Angeli, & omnia sancta Dei ministeria, quid metuimus ne aliquem illorum offendamus, si non superstitiosi fuerimus, cum ipsis adjuvantibus ad unum Deum tendentes, & ei uni religantes animas nostras, unde religio dicta creditur, omni superstitione careamus?

112. Ecce unum Deum colo, unum omnium Principium, & Sapientiam qua sapiens est quaecumque anima sapiens est, & ipsum Munus quo beata sunt quaecumque beata sunt. Quisquis Angelorum diligit hunc Deum, certus sum quod etiam me diligit. Quisquis in

A illo manet, & potest humanas preces sentire, in illo me exaudit. Quisquis ipsum habet bonum suum, in ipso me adjuvat, nec mihi ejus participationem potest invidere. Dicant ergo mihi adoratores, aut adulatores partium mundi, quem non optimum sibi conciliet, qui hoc unum colit, quod omnis optimus diligit, & cuius cognitione gaudet, & ad quod principium recurrendo fit optimus. Quisquis vero angelus excessus suos diligit, & veritati esse subditus non vult, & privato suo laetari cupiens a communi omnium a bono & vera beatitudine lapsus est, cui omnes mali subjugandi & premendi, nullus autem bonus nisi exercendus in potestatem datur, nullo dubitante non est colendus; cuius laetitia est nostra miseria, & cuius damnum est nostra reversio.

113. Religet ergo nos religio uni omnipotenti Deo: quia inter mentem nostram qua illum intelligimus Patrem, & Veritatem, id est, lucem interiorum per quam illum intelligimus, nulla interposita creatura est. Quare ipsam quoque Veritatem nulla ex parte dissimilem in ipso, & cum ipso veneremur, quae forma est omnium, quae ab uno facta sunt, & ad unum nituntur. Unde apparet spiritualibus animis, per hanc formam esse facta omnia, quae sola implet quod appetunt omnia. Quae tamen omnia neque fierent a Patre per Filium, neque suis finibus salva essent, nisi Deus summe bonus esset: qui & nulli naturae, quae ab ipso bona esse posset, invidit; & in bono ipso alia quantum vellent, alia quantum possent, ut manerent dedit. Quare ipsum donum Dei cum Patre & Filio aequae incommutabile colere & tenere nos convenit: unius substantiae Trinitatem, unum Deum a quo sumus, per quem sumus, in quo sumus: a quo discessimus, cui dissimiles facti sumus, a quo perire non permitti sumus: principium ad quod recurrimus, & formam quam sequimur, & gratiam qua reconciliamur: unum Deum quo auctore conditi sumus, & similitudinem ejus per quam ad unitatem formamur, & pacem qua unitati adhæremus: Deum qui dixit, Fiat; & Verbum per quod factum est omne, quod substantialiter & naturaliter factum est; & Donum benignitatis ejus, quo placuit & conciliatum est auctori suo, ut non interiret quidquid ab eo per Verbum factum est: unum Deum quo creatore vivimus, per quem reformati sapienter vivimus, quem diligentes & quo fruantes beate vivimus: unum Deum ex quo omnia, per quem omnia, in quo omnia, ipsi gloria in secula seculorum, Amen.

Vera religio.

b

a MSS. quatuordecim communi omnium bonorum & vera beatitudine.

b Ita in MSS. At in excusis legitur, per quem ad unitatem reformamur.

A D M O N I T I O

DE SEQUENTE REGULA S. AUGUSTINI AD SERVOS DEI.

HÆC eadem regula, quæ dictione, sententiis, præceptionibus demum pia humanitate conditis auctorem refert Augustinum, exstat in epistola 211. Sanctimonialibus ab ipso scripta. Inde eam depromptam, virisque aptatam fuisse observant præter alios Bernardus Vindingus & Prosper Stellartius, ambo Augustinianæ familiae alumni, ac novissime vir eruditus Nicolaus Desnos ex ordine Canonicorum regularium S. Augustini. Quæ res ut ita habeat, certe jam diu est, cum virorum instituendis moribus adhiberi cepit. Quippe per antiquæ Tarnatensis regulæ partem facit potissimam, laudatur in Concordia regularum a Benedicto Anianæ Abbate, quodque e re nostra est hic admonere, in codice Corbejensi mille annos præferente continetur viris accommodata & in unum regulæ corpus coacta cum ea, quæ inscribitur, regula secunda, in appendice pag. 39.

S. AURELII AUGUSTINI

HIPPONENSIS EPISCOPI

R E G U L A

A D S E R V O S D E I.

De caritate Dei
& proximi,
unionis
& communione
rerum.
a
b



NTE omnia, Fratres carissimi, diligatur Deus, deinde proximus, quia ista praecepta sunt principaliter nobis data. ^a Hæc igitur sunt, quæ ut observetis præcipimus in monasterio constituti.

Primum, propter quod in unum

estis congregati, ut unanimis habitetis in domo ^b, & sit vobis anima una & cor unum in Deo: & non dicatis aliquid proprium; sed sint vobis omnia communia.

^c Et distribuatur unicuique vestrum a ^c præposito vestro victus & tegumentum, non æqualiter omnibus, quia non æqualiter valetis omnes, sed potius unicuique sicut opus fuerit. Sic enim legitis in Actibus Apostolorum: *Quia erant illis omnia communia, & distribuebatur unicuique sicut cuique opus erat.* Qui aliquid habebant in sæculo quando ingressi sunt monasterium, libenter illud velint inter se esse commune. Qui autem non habebant, non ea quærant in monasterio, quæ nec foris habere potuerunt. Sed tamen eorum infirmitati, quod opus est, tribuatur, etiam si paupertas illorum, quando foris erant, nec ipsa necessaria poterat invenire. ^d Tantum non ideo se putent esse felices, quia invenerunt victum & tegumentum, quale foris invenire non poterant.

De humilitate.

^e 2. Nec erigant cervicem, quia sociantur eis, ad quos foris accedere non audebant: sed sursum cor habeant, & terrena ^e ac vana non quærant, ne incipiant esse monasteria divitibus utilia, non pauperibus, si divites illic humiliantur, & pauperes illic inflantur. Rursus etiam illi, qui aliquid esse videbantur in sæculo, non habeant fastidio fratres suos, qui ad illam sanctam societatem ex paupertate venerunt. Magis autem studeant, non de parentum divitum dignitate, sed de pauperum fratrum societate gloriari. Nec extollantur, si communi vitæ aliquid de suis facultatibus contulerunt; ne de suis divitiis magis superbiant, quia eas in monasterio partiuntur, quam si eis in sæculo fruerentur. Alia quippe quæcumque

A iniquitas in malis operibus exercetur, ut fiant: superbia vero etiam bonis operibus insidiatur, ut pereant. Et quid prodest dispergere dando pauperibus & pauperem fieri, cum anima misera superbior efficitur divitiis contemnendo, quam fuerat possidendo? Omnes ergo unanimiter & concorditer vivite, & honorate in vobis invicem Deum, cujus templa facti estis.

3. Orationibus instate, horis & temporibus constitutis. In oratorio nemo aliquid agat, nisi ad quod est factum, unde & nomen accepit: ut si forte aliqui etiam præter horas constitutas, si eis vacat, orare voluerint, non eis sint impedimento, qui ibi aliquid agendum putaverint. Psalmis & hymnis cum oratis Deum, hoc versetur in corde, quod profertur in voce. Et nolite cantare, nisi quod ^f legitis esse cantandum: quod autem non ita scriptum est ut cante-
tur, non cantetur.

De oratione & divino officio.

4. Carnem vestram domate jejuniis, & abstinencia escæ & potus, quantum valetudo permittit. Quando autem aliquis non potest jejunare, non tamen extra horam ^g prandii aliquid alimentorum sumat, nisi cum ægrotat. Cum acceditis ad mensam, donec inde surgatis, quod vobis secundum consuetudinem legitur, sine tumultu & contentione audite, nec solæ vobis fauces sumant cibum, sed & aures ^h esuriant Dei verbum.

De jejuniis & refectio-
ne.

5. Qui infirmi sunt ex pristina consuetudine, si aliter tractantur in victu, non debet aliis molestum esse, nec injustum videri eis, quos fecit alia consuetudo fortiores. Nec illos feliciores putent, quia sumunt quod non sumunt ipsi: sed sibi potius gratulentur, quia valent quod non valent illi. Et si eis, qui venerunt ex moribus delicatioribus ad monasterium, aliquid alimentorum, vestimentorum, ⁱ stramentorum, operimentorum datur, quod aliis fortioribus, & ideo felicioribus non datur, cogitare debent quibus non datur, quantum de sua sæculari vita illi ad istam descenderint, quamvis usque ad aliorum, qui sunt corpore firmiores, frugalitatem pervenire ne-
qui-

De indulgentia erga infirmos.

^a Præmissum exordium Augustini non esse observant Vindingus & Stellartius. assumptum fuit ex *Regula secunda*, quam in appendice habes. pag. 39.

^b Editi, in domo Domini. At a MSS. & ab epistola 211. abest vox, Domini.

^c MSS. Albinensis & Sorbonicus omittunt, *a præposito vestro*. alii tres substituunt, *a seniore vestro*.

^d MSS. tres hic, & fere omnes in epistola 109. habent: *Ac nunc non ideo* &c.

^e In Corbejensi codice & aliquot aliis, necnon in 109. epistola, *et terrena bona non quærant*.

^f MSS. novem, *legistis*.

^g In codice Albinensi & Michaelino omittitur, *prandii*. quæ vox in ceteris habetur, & significat indulgentiam imbecillibus refectioem alteram, uti in Gallicis observationibus monet R. P. Stephanus Rabache Augustinianorum in Gallia reformator: quippe semel tantum quotidie sub noctem corpus reficere, erat antiquis usitatissimum, ex lib. 1. de moribus Eccles. cath. c. 33.

^h In epistola 211. *percipiant*.

ⁱ Hanc vocem in editis plerisque omisam restituimus ex Corb. MS. immo præ nobis restituit Desnosius: habetur etiam in epistola 211.

quiverint. ^a Nec debent velle omnes, quod paucos vident amplius, non qui honorantur, sed quia tolerantur, accipere: ne contingat detestanda perversitas, ut in monasterio, ubi quantum possunt; fiunt divites laboriosi, fiant pauperes delicati. Sane quemadmodum ægrotantes necesse habent minus accipere, ne graventur: ita & post ægritudinem sic tractandi sunt, ut citius recreentur, etiam si de humillima sæculi paupertate venerunt; tanquam hoc illis contulerit recentior ægritudo, quod divitibus anterior consuetudo. Sed cum vires pristinas reparaverint, redeant ad felicioris consuetudinem suam: quæ famulos Dei tanto amplius decet, quanto minus indigent: nec ^b ibi eos teneat voluptas jam vegetos, quo necessitas levarat infirmos. Illos æstiment ditiores, qui in sustinenda paritate fuerint fortiores. MELIUS est enim minus egere, quam plus habere.

^c 6. Non sit notabilis habitus vester, nec affectetis vestibus placere, sed moribus. ^c Quando proceditis, simul ambulate: cum veneritis quo itis, simul stete. In incessu, statu, habitu, in omnibus motibus vestris, nihil fiat, quod cuiusquam offendat adspæctum, sed quod vestram deceat sanctitatem. Oculi vestri etsi jaciuntur in aliquam feminarum, figantur in nulla. Neque enim quando proceditis, feminas videre prohibemini: sed appetere, aut ab ipsis appeti velle criminofum est. Nec solo ^d tactu & affectu, sed adspæctu quoque appetitur & appetit concupiscentia feminarum. Nec dicatis vos habere animos pudicos, si habeatis oculos impudicos: quia impudicus oculus, impudici cordis est nuntius. Et cum se invicem sibimet, etiam tacente lingua, conspectu mutuo corda nuntiant impudica, & secundum concupiscentiam carnis alterutro delectantur ardore, etiam intactis ab immunda violatione corporibus, fugit castitas ipsa de moribus. Nec putare debet, qui in feminam figit oculum, & illius in se ipse diligit fixum, ab aliis se non videri, cum hoc fecerit: videtur omnino, & a quibus se videri non arbitratur. Sed ecce lateat, & a nemine hominum videatur; quid faciet de illo super inspectore, quem latere nihil potest? An ideo putandus est non videre, quia tanto videt patientius, quanto sapientius? Illi ergo vir sanctus timeat displicere, ne velit feminæ male placere. Illum cogitet omnia videre, ne velit feminam male videre. Illius namque & in hac causâ commendatus est timor, ubi scriptum est: *Abominatio est Domino defigens oculum*. Quando ergo simul estis in Ecclesia, & ubicumque ubi & feminæ sunt, invicem vestram pudicitiam custodite. Deus enim qui habitat in vobis, etiam isto modo custodiet vos ex vobis.

^e 7. Etsi hanc, de qua loquor, oculi petulantiam, in aliquo vestrum adverteritis, statim admonete, ne cepta progrediantur, sed de proximo corrigantur. Si autem & post admonitionem iterum vel alio quocumque die, id ipsum eum facere videritis, jam velut vulneratum sanandum prodat, quicumque hoc potuerit invenire; prius

tamen & alteri, vel tertio demonstratum, ut duorum vel trium possit ore convinci & competenti severitate coerceri. Nec vos iudicetis esse malivolos, quando hoc indicatis. Magis quippe innocentes non estis, si fratres vestros, quos indicando corrigere potestis, tacendo perire permittitis. Si enim frater tuus vulnus haberet in corpore, quod vellet occultari, dum timeret secari: nonne crudeliter ab te sileretur, & misericorditer indicaretur? Quanto ergo potius eum debes manifestare, ne deterius putrescat in corde? Sed ante quam aliis demonstretur, per quos convincendus est, si negaverit, prius ^e Præposito debet ostendi, si admonitus neglexerit corrigi, ne forte possit secretius correptus non innotescere ceteris. Si autem negaverit, tunc neganti adhibendi sunt alii, ut jam coram omnibus possit non ab uno teste argui, sed a duobus tribusve convinci. Convictus vero, secundum præpositi vel etiam presbyteri, ad cuius dispensationem pertinet, arbitrium, debet emendatoriam subire vindictam: quam si ferre recusaverit, etiam si ipse non abscesserit, de vestra societate projiciatur. Non enim & hoc fit crudeliter, sed misericorditer, ne contagione pestifera plurimos perdat. Et hoc quod dixi de oculo non figendo, etiam in ceteris inveniendis, prohibendis, indicandis, convincendis, vindicandisque peccatis, diligenter & fideliter observetur, cum dilectione hominum, & odio vitiorum. Quicumque autem in tantum progressus fuerit malum, ut occulte ^f ab aliqua litteras vel quælibet munuscula accipiat, si hoc ultro confitetur, parcatur illi, & oretur pro illo. Si autem deprehenditur atque vincitur, secundum arbitrium presbyteri vel præpositi gravius emendetur.

^g 8. Vestes vestras in unum habeatis, sub uno custode vel duobus, vel quot sufficere potuerint ad eas excutendas, ne a tineâ lædantur. Et sicut pascimini ex uno cellario, sic induamini ex uno vestiario. Et si fieri potest, non ad vos pertineat, quod vobis indumentum pro temporum congruentia proferatur, utrum hoc recipiat unusquisque, quod deposuerat, an aliud quod alter habuerat; dum tamen unicuique, prout cuique opus est, non negetur. Si autem hinc inter vos contentiones & murmura oriuntur, cum queritur aliquis deterius se accepisse quam prius habuerat, & indignum se esse, qui non ita vestiatur, sicut alius frater ejus vestiebatur; hinc vos probate, quantum vobis desit in illo interiore sancto habitu cordis, qui pro habitu corporis litigatis. Tamen si sic vestra toleratur infirmitas, ut hoc recipiatis, quod deposueratis, in uno tamen loco, sub communibus custodibus habete quod ponitis. Ita sane, ut nullus sibi aliquid operetur, sed omnia opera vestra in ^g commune fiant, majori studio & frequentiori sollicitudine, quam si vobis singulis faceretis propria. Caritas enim, de qua scriptum est, quod non quærat quæ sua sunt, sic intelligitur, quia communia propriis, non propria communibus anteponebat. Et ideo quanto plus rem commun-

De vitio propriâ aliquam rem sibi vindictam.

1. Cor. 13. 5.

^a Ita hic in MSS. at in epistola 211. legitur sic: *Nec illæ debent conturbari, quod eas vident amplius, non quia &c.*

^b Libri quamplures nec cibi eos teneat voluptas jam vegetatos, quos necessitas levarat infirmos. Sed concinnior est Corbejenfis MS. lectio hic restituta, eaque confirmatur ex epistola 211.

^c In epistola 211. quædam hic interfuerunt feminis, non viris convenientia, scilicet, *Non sint vobis tam tenera capillum tegmina, ut retiola subter appareant &c.*

^d Ita Lov. & MS. Corb. alique nonnulli. At Er. & MSS. quinque, *Nec solo tacto affectu, sed affectu quoque & adspæctu &c.* Denotius, *Nec solo tacto affectu, sed adspæctu quoque &c.* Denique: 211. epistola habet: *Nec solo tactu, sed affectu quoque & adspæctu appetitur & appetit femina.* ubi Vindingus in vitiorum regula legi vellet, & appetit aliquis. Porro Tarnatensis regula huncce locum sic permutat: *sed adspæctu quoque*

concupiscentia incurritur feminarum.

^e MSS. tres *seniori* ac paulo post iidem cum alio codice, *secundum fratrum vel etiam abbatum ad cuius &c.*

^f Codices plerique habent, *ab aliquo litteras vel quodlibet munus accipiat.* quem locum ad Corbejenfis MS. fidem correximus, secuti etiam hac in re conjecturam Stellartii & Vindingi, qui de munusculis amatoris id præcipi arbitrantur, adeoque ut in feminarum regula legitur, *ab aliquo*, sic legendum hic esse, *ab aliqua*. Paulo post ad hæc verba, *vel præpositi*, additur in epistola 211. *vel etiam episcopi*. quod ab omnibus exemplaribus regulæ viris aptatæ abest.

^g Editi, *in unum fiant*. At MSS. potiores habent, *in commune*. Ita etiam epist. 211. in qua paulo ante, ad verbum *operetur*, hæc subjuncta sunt: *sive unde induatur, sive ubi jaceat, sive unde cingatur, vel operiatur, vel caput contegat.*

munem quam propriam vestram curaveritis, tanto vos amplius profecisse noveritis: ut in omnibus, quibus utitur transitura necessitas, superemineat quæ permanet caritas. Consequens ergo est, ut etiam qui suis filiis, aut aliqua necessitudine ad se pertinentibus in monasterio constitutis, aliquam contulerit vestem, sive quodlibet aliud inter necessaria deputandum, non occulte accipiatur, sed sit in potestate præpositi, ut in rem communem redactum, cui necessarium fuerit præbeatur. ^a Quod si aliquis rem sibi collatam celaverit, furti iudicio condemnatur.

De vestium
lotione,
de balneis,
deque aliis
curandis
fratrum
necessitatibus.

9. Indumenta vestra secundum arbitrium præpositi laventur, sive a vobis, sive a fullonibus, ne interiores animæ sordes contrahat mundæ vestis nimius appetitus. Lavacrum etiam ^b corpori, cum infirmitatis necessitas cogit, minime denegetur. Fiat sine murmure de consilio medici, ita ut etiam si nolit, jubente præposito faciat quod faciendum est pro salute. Si autem velit, & forte non expedit, suæ cupiditati non obediatur. Aliquando enim etiam si noceat, prodesse tamen creditur quod delectat. Denique si latense est dolor in corpore, famulo Dei dicenti quid sibi doleat, sine dubitatione credatur. Sed tamen utrum sanando illi dolori quod delectat expediat, si non est certum, medicus consulatur. Nec eant ad balnea, sive quocunque ire necesse fuerit, minus quam duo vel tres. ^c Et ille qui habet aliquo eundi necessitatem, cum quibus præpositus iusserit ire debet. Ægrotantium cura, sive post ægritudinem reficiendorum, sive aliqua imbecillitate etiam sine febribus laborantium, uni alicui debet injungi, ut ipse de cellario petat, quod cuique opus esse perspexerit. Sive autem qui cellario, sive qui vestibus, sive qui codicibus præponuntur, sine murmure serviant fratribus suis. Codices certa hora singulis diebus petantur. extra horam qui petierit, non accipiat. Vestimenta vero & calciamenta quando indigentibus fuerint necessaria, dare non differant sub quorum custodia sunt quæ poscuntur.

De peccata
venia &
offensis
condonandis
ex caritate.
1. Johan.
3. 15.

10. Lites aut nullas habeatis, aut quam celerrime finiatis; ne ira crescat in odium, & trabem faciat de festuca, & animam faciat homicidam. Sic enim legitis: *Qui odit fratrem suum, homicida est.* Quicumque convicio vel maledicto, vel etiam criminis objectu aliquem læsit, meminerit satisfactione quantocyus curare quod fecit, & ille qui læsus est, sine disceptatione dimittere. Si autem invicem se læserint, invicem sibi debita relaxare debebunt, propter orationes vestras: quas utique quanto crebriores habetis, tanto saniores habere debetis. Melior est enim qui quamvis ira sæpe tentatur, tamen impetrare festinat ut sibi dimittat, cui se fecisse agnoscit injuriam: quam

Tom. I.

^a Ist hæc sententia, *Quod si aliquis rem* &c. abest à Corbejensi & ab aliis plerisque MSS.

^b In epistola 211. n. 13. sic habetur. *Lavacrum etiam corporum ususque balnearum non sit assiduus; sed eo quo solet intervallo temporis tribuatur, hoc est, semel in mense. Cujus autem infirmitatis necessitas cogit lavandum corpus, non longius differatur. Fiat sine murmure* &c.

^c MSS. quatuor, *Nec qui habet alicubi eundi necessitatem, cum quibus ipse voluerit, sed cum quibus senior iusserit, ire debet.*

^d Editi, *tardius inclinatur.* At MSS. Corb. alique, *difficilius.*

A qui tardius irascitur, & ad veniam petendam ^d difficilius inclinatur. Qui non vult dimittere fratri, non speret accipere orationis effectum. Qui autem numquam vult petere veniam, aut non ex animo petit, sine causa est in monasterio; etiam si inde non proiciatur. Proinde vobis a verbis durioribus parcite, quæ si emissa fuerint ex ore vestro, non pigeat ex ipso ore proferre medicamenta, unde facta sunt vulnera. Quando autem necessitas disciplinæ in moribus coercendis, dicere vos verba dura compellit, si etiam ipsi ^B modum vos excessisse sentitis, non a vobis exigitur, ut a vobis subditis veniam postuletis, ne apud eos quos oportet esse subjectos, dum nimium servatur humilitas, regendi frangatur auctoritas. Sed tamen petenda est venia ab omnium Domino, qui novit etiam eos, quos plus iusto forte corripitis, quanta benevolentia diligatis. Non autem carnalis, sed spiritalis inter vos debet esse dilectio.

11. Præposito tamquam patri obediatur, ^e multo magis presbytero qui omnium vestrum curam gerit. ^C Ut ergo cuncta ista servantur, & si quid servatum minus fuerit, non negligenter prætereatur, sed ut emendandum corrigendumque curetur, ad Præpositum præcipue pertinebit, ut ad presbyterum, cujus est apud vos major auctoritas, referat quod modum vel vires ejus excedit. Ipse vero qui vobis præest non se existimet potestate dominante, sed caritate serviente felicem. Honore coram vobis prælatus sit vobis, timore coram Deo substratus sit pedibus vestris. Circa omnes se ipsum bonorum operum præbeat exemplum. ^D Corripiat inquietos, consoletur pusillanimes, suscipiat infirmos. Patiens sit ad omnes. Disciplinam libens habeat, ^f metuens imponat. Et quamvis utrumque sit necessarium, tamen plus ^g a vobis amari appetat, quam timeri: semper cogitans Deo se pro vobis redditurum esse rationem. Unde vos magis obediendo, non solum vestri, sed etiam ipsius miseremini: quia inter vos, quanto loco superiore, tanto in periculo majore versatur.

12. Donet Dominus ut observetis hæc omnia cum dilectione ^h, tamquam spiritalis pulcritudinis amatores, & bono Christi odore de bona conversatione fragrantés, non sicut servi sub Lege, sed sicut liberi sub gratia constituti. Ut autem vos in hoc libello, tamquam in speculo possitis inspicere, ne per oblivionem aliquid negligatis, semel in septimana vobis legatur. Et ubi vos inveneritis ea quæ scripta sunt facientes, agite gratias Domino bonorum omnium largitori. Ubi autem sibi quicumque vestrum videt aliquid deesse, doleat de præterito, caveat de futuro, orans ut & debitum dimittatur, & in tentationem non inducatur. Amen.

L I

SYL-

^e Corbejens. vetus codex, *obediatur honore servato, ne in illo offendantur Deus.* Ita etiam alii quatuor, qui prosequuntur, *multo magis Abbat.*

^f Lov. *metuendus imponat.* Sed omnino exigunt verba subsequencia ut hic legatur, *metuens imponat*, sicuti ferunt MSS. quatuor.

^g MSS. quatuor, *tamen plus eum a vobis amari convenit, quam timeri, semper cogitantem.* Porro verior est lectio vulgata, quam S. Benedictus in Reg. cap. 64. sic reddit: *Studeat plus amari quam timeri.*

^h Sic MSS. Corb. alique tres. At in editis deest, *cum dilectione.*

^e De obedientia
præposito
exhibenda.

1. Theff.
5. 14.

f
g

De regula
liberali
observantia
& frequentia
lectione.
h



SYLLABUS CODICUM

AD QUOS DE NOVO RECOGNITA SUNT PRIMI TOMI OPUSCULA,

Necnon eorum variantes lectiones aliquot inter omiffas selectæ:

*Quæ asteriscum habent, * videntur in textum referendæ*

RETRACTATIONUM LIBRIS emendandis adhibiti sunt codices

MSS. Corbejenfis optimæ notæ annos præferens fere 900. Theodericenfis qui olim Hincmari Remensis fuit, Jolyenfis ann. 800. Item pervetusti Floriacenfis, Albinenfis, Benignianus, & aliquanto ætate posteriores Prætelensis, Michaelinus, Beccenfis, Victorini tres, Sorbonici tres, Regius, Regiomontenfis, Germanenfis: præter alios quosdam studioforum virorum opera in rem nostram recensitos; Hi sunt Arnulfenfis, Cistercienfis, Vedaftinus, Vaticanus, Anglicani sex, scilicet ex Bodlejana bibliotheca tres, ex Collegio Mertonensi duo, & ex Archiva Laudina unus: quorum sex codicum Lectionibus, absoluta jam prima editione ad nos per V. C. E. Bernardum Astronomiæ in Oxoniensi Academia professorem transmissis, confirmantur passim castigationes hic factæ, & quædam ex iisdem Anglicanis MSS. correctiones in textum secunda hac editione translatae. Subsidio fuerunt etiam Lectiones a Lovaniensibus ex MSS. quatuor Belgicis collectæ.

Editi demum antiquiores & castigatiores adhibiti sunt, Am. id est, qui per Johannem Amerbachium ann. 1505. prelum subijt. Er. qui Desiderii Erasmi cura Frobenianis typis excusus fuit ann. 1529. & Lov. qui juxta Lovaniensium Theologorum recognitionem ex Plantiniana typographia ann. 1577. prodixit.

In hisce Retractionum libris Lemmata capitum quæ ad marginem leguntur, necnon opusculorum initia quæ referuntur in capitis cuiusque fine, sic repræsentamus, uti exstant in MSS. nonnumquam vero paulo aliter atque in editis exhibebantur.

Lib. I. pag. 6. f. Lov. *Et amorem rationis indaganda veritas*. At MSS. plures, Am. & Er. *ratione*.

8. c. Am. Er. & MSS. duo, *Non potui mortuos recordari*.

18. b. Lov. *Ut etiam idipsum quod*. Alii codices, *in ipsum*.

Ibid. f. Lov. *Canonici que recolo*. Alii codices carent, *que*.

21. a. Lov. *A Deo ordinata sunt*. Reposui ex MSS. *ordinata*, juxta græcum *τεταγμένα εἰσι*.

23. c. Lov. & Er. *Imperite vobis insinuatam*. MSS. & Am. *nobis*. Significat Augustinus se cum Honorato quem alloquitur, a Manichæis olim fuisse delusum.

26. f. Editi: *in hominum victu fuit*. At MSS. *in omni convictu*.

40. d. Editi: *possit hæc dicere*, Venumdatus sum sub peccato: quod enim operor non intelligo. Non enim quod volo bonum hoc ago; sed quod odio malum illud facio, & cetera quæ sequuntur usque ad eum locum. Nos hic meliorum MSS. verbis servatis omnibus, reliqua postulante sensu loco movimus.

Lib. II. p. 43. e. Editi: secundum Ambrosium solvisse. At MSS. *sanctum Ambrosium*.

44. d. Editi, *etiam mortuos adoptabat*. Verius MSS. *mortuis*.

48. c. Editi, *ne adversus catholicam Ecclesiam suam* &c. At a MSS. abest vox *Ecclesiam*. Nimirum *Catholicam* ex adjectivo substantivum nomen fecit frequenti usu, eoque Ecclesiam toto orbe diffusam commendare amabat Augustinus.

49. f. Editi, *non posse cum laude*. MSS. *non potuisse*.

51. d. Editi: *quod suos schismaticos*. Reposui ex MSS. quos: refertur enim ad Maximianenses antea nominatos.

56. a. MSS. Bodlejanus & Colleg. Merton. duo, *De concilio Zirtensi*. Alius Bodl. *De conc. Hetensi*.

58. f. Bodlejanus cod. *Gloriosissimo Honorio Augusto duodecies & Constantio iterum V. V. C. C. Coss. die xi. Kal. Octob. Casarea in ecclesia Majoris*. Sic & nostri plures.

CONFSSIONUM LIBRI prodeunt hic de novo emendati,

Ad veteres codices optimæ notæ Fossatensem, Thuaneum, Corbejensem, Germanensem, Benignianum qui ante annos 700. vel 800. scripti videntur: ad alios inferioris ætatis, aut nobis, qui non omnes propriis oculis exploravimus, incompertæ, scilicet ad Theodericensem, Albinensem, Lyranum, Valinensem, Regium, Vedaftinum, Vaticanum, unum è bibliotheca RR. PP. Prædicatorum Paris. via Jacobæa, ex Sorbonica duos, ex Victorina tres, ex bibliotheca RR. PP. Augustinianorum majoris conventus Paris. quatuor: ad variantes lectiones Lovaniensium cura ex quinque MSS. collectas; præter lectiones absoluto jam opere receptas ex quatuor Anglicanis Bodlejano, Coll. Mert. duobus, & uno Arch. Laud. qui cum nostris codicibus passim conveniunt.

Ad editiones demum superius laudatas Am. Er. Lov. nec non ad Bad. id est quam Jodocus Badius an. 1502. per Johannem Parvum excudi curavit, & ad Arn. id est, quæ D. Antonii Arnaldi Doctoris Sorbonici studio ad 12. MSS. recognita prodixit anno 1649.

Lib. I. pag. 73. c. MSS. Anglicani, *cum aliquid purgabat, bona projicere*, Melius.

75. e. Lov. *per oculos periculosa micante in spectacula*. Alii codices, *per oculos emicante*.

80. a. MSS. tres Angl. *Nam ivi longe a vultu tuo*.

Lib. II. p. 81. c. Angl. tres, & *colligas me*.

85. f. Lov. *epulatus inde sola iniquitate*. At alii codices melius, *solum iniquitatem*.

Ibid. Angl. duo, *qua latabar furens*. Alii, *fruens*.

Lib. III. p. 87. e. Am. Er. & Lov. *obnubilabam de tartarea libidine*. At Bad. Arn. & MSS. *de tartaro libidinis*.

91. c. MSS. quatuor, *sed tenui sono*. Alii, *tenuis*.

92. b. Angl. quatuor, *ad vera bulmenta transfero*.

Ibid. f. Editi, & *si recte in Scripturis diceremur*. At MSS. & *recte in Scriptura diceremur*: prætermisso *si*: nec minus bene.

Ibid. MSS. quatuor, *sed ex lege lectissima Dei*. Probe.

Lib. IV. p. 99. a. Editi, *litteras potuisset intelligere*. At MSS. Anglic. *litteras potuisse intelligere*.

Ibid. f. Lov. *super omnes civitates*. Alii libri, *suavitates*.

101. c. MSS. quinque, *Portabam enim concilium & cruentam*. Recte.

105. e. MSS. Angl. cum nostris habent: *divisione irrationalis vitæ*. five, *irrationalis*.

Lib. V. p. 111. a. Editi, *sed etiam falsata vesana*. At MSS. quatuor, *sed etiam falsa*, tam *vesana*. Non minus concinne.

118. b. Angl. cum nostris, *sensim & nesciens*.

Lib. VI. 125. c. Angl. tres MSS. & *cum mira voluptate*.

Lib. VII. p. 133. e. & *eam liquidam cernere*, Sic Anglic. & nostri prope omnes. Et paulo post, *non alium quam me*.

135. f. MSS. Angl. *se audisse dicebat*, quod quantum. Concinnius.

136. e. MSS. tres Angl. *inde certissime colligi ea*. Sic legendum emendata interpunctione, quam in textum induxeramus.

- * 141. d. Am. Arn. & MSS. aliquot, *detorta in infimam*. Supple substantiam. Sed nitidius Bad. Am. Er. & MSS. Angl. plureque e nostris, *in infima*. id est in res infimas.
- Lib. VIII. p. 149. a. Sic intelligebam me ipso experimento : omnia particula in.
151. b. Lov. *adbarere se socio*. MSS. *socium*.
152. c. MSS. Angl. *Et retinebatur, recusabat* &c. Alii: *renitebatur*.
- Ibid. f. Angl. duo, *parte assurgentem cum alia* &c.
156. f. Lov. *Infirmum in fide assumite*. Alii codices, *recipite*.
- Lib. IX. p. 163. b. MSS. aliquot, *populi tumultuantis lætitia*. Recte.
- Ibid. Editi, *non applicatus*. At. MSS. tres Angl. *non ampliat*. Sic legendum ut constet antithesis ad subsequens verbum, *compressus est*.
- Ibid. e. Editi, *ut in aeternam lucem renasceretur*. At MSS. *naceretur*. Melius.
168. f. Angl. tres, *pascitur*, difficile posse vitare. *Visum etiam* &c.
- Lib. X. p. 174. e. Am. Er. & Lov. *tibi vita est*. At in MSS. & Arn. *tibi vita vita est*.
185. a. MSS. septem, & *si ipsa res ingerantur*, inconcussa manet. Recte, referendo ad rationem.
- Ibid. f. Am. Er. & Lov. calamitates *delicia vocantur*. At MSS. plerique & Arn. *calamitas*.
- * Lib. XII. p. 215. a. Editi, *mibi dicitur in*. At Angl. MSS. *mibi dicit in* &c. Melius.
231. b. Editi, *da mihi hæc subter posito*. At MSS. *hoc*: Melius.
- Lib. XIII. p. 232. c. MSS. quatuor Angl. *id est beneficium ad eripiendum*.
- Ibid. f. In iisd. Angl. *mittens benignitatis operarios*.
242. e. Angl. MSS. & *amemur a te, ut laudent te*.

CONTRA ACADEMICOS LIBRI.

His castigandis adhibiti sunt MSS. Germanensis, Michaelinus, Theodericensis, Albinensis, Casalensis, Victorini duo, Sorbonici tres, Regius, Vaticanus. Lectiones Belgicorum quatuor apud Lov. Necnon Editiones Bad. Am. Er. & Lov.

Lib. II. p. 267. d. Editi, *gratulabor cum doctrina tua*. MSS. *gratabor*.

* Lib. III. p. 281. f. *Graculorum levitate* abhorret. Sic MSS. octo, nec minus bene.

288. b. Lov. *tantisque rationibus* roboratum. At alii codices *tredecim, roboratam*.

294. d. Editi, *ad senectutem usque* vixissent. Melius quidam MSS. *vixisset*.

DE BEATA VITA LIBER,

Castigatus est ad MSS. codices, Sorbonicos tres, Victorinum, Genovesæum, Michaelinum, Thuaneum, Casalium, Arnulfensem, Cisterciensem, Vedastinum, Regium, Regio-montensem, e bibliotheca Collegii Navarrici duos, e bibliotheca majoris conventus Augustinianorum Paris. unum: ad variantes lectiones a Lovanienfibus ex quatuor Belgicis excerptas. Et ad editiones Bad. Am. Er. ac Lov.

Pag. 306. a. MSS. quatuor: *ceterorum vultibus cessit*.

DE ORDINE LIBRI.

Ad codices nongentorum fere annorum Theodoricensem & Corbejensem collati sunt, ad Vaticanum, Vedastinum, Thuaneos duos, Victorinos tres, Sorbonicos duos, ad Regio-montensem, Albinensem, Michaelinum, Arnulfensem, monasterii Vindocinensis unum, Navarrici Gymnasii unum, Collegii RR. PP. Bernardinorum Paris. unum: ad lectiones quatuor MSS. Belgicorum apud Lov. & ad editiones Bad. Am. Er. & Lov.

Lib. I. p. 315. d. Lov. *tam rara subtilique dimensione*. Bad. Am. Er. & MSS. aliquot, *tam rata*.

317. a. MSS. plerique, *centrum Mathematici vocant*.

Lib. II. 332. e. MSS. duodecim, Bad. & Er. *sibi tamen necessarios commendat*. Non male.

342. f. MSS. decem *hæc causa* nutritur. Alii *innititur*.

344. b. Lov. *Alii vero sensus.... in voluptate sua*. At ceteri codices, *non in voluptate sua*.

SOLILOQUIORUM LIBRI,

Recensiti sunt ad MSS. Thuaneum, Victorinum, Navarricum, Sorbonicos duos, Regio-montensem, Audoenenfem, Medardensem, Vindocinensis monasterii unum, ad Vaticanum, Vedastinum, ad Anglicanos quinque scilicet Bodlejanum, duos Mert. & totidem Cant. ad lectiones Belgicorum quinque per Lovanienfenses collectas. Et ad editiones Bad. Er. & Lov.

Lib. I. p. 357. a. MSS. septem, *Deus qui nos unis*.

359. f. Editi, *velut in solo positus*. MSS. *in salo*.

362. a. Editi, *non tamen nihil ad non ambigendum*. MSS. e

Tom. I.

nostris tres, *non tamen nihil ad ambigendum*, prætermissa negatione quæ in aliis post vocem *ad* reperitur, istam lectionem postulat sensus, eique favent Angl. MSS. qui habent, *ad ambiendum*.

366. c. Editi, *ipsa sanitas dux est nec ductore indigent*. MSS. tres, *ipsa lux sanitas est nec doctore* &c.

368. f. Editi, *cauteque retractabo*. MSS. plerique, *tractabo*.

370. a. MSS. Angl. tres, *quidquid jam usus ipse* &c.

Lib. II. p. 370. f. MSS. Angl. *aut cooperatur falsitas*.

381. b. Lov. *Si enim falsum est, non est: Si est, non est falsum*. At MSS. nostri & Angl. *Si enim falsum est, est: si non est, non est falsum*.

DE IMMORTALITATE ANIMÆ LIBER,

Recognitus est ad MSS. Corneliensem pervetustum, Corbejensem, Michaelinum, Sergiensem, Ebrulphenfem, Vindocinensem, Regio-montensem, Victorinos duos, Sorbonicos totidem, Bigotianum, Vedastinum, Vaticanum: ad variantes lectiones ex tribus Belgicis per Lovanienfenses excerptas. Ad editiones demum Bad. Am. Er. & Lov.

391. b. MSS. quatuor, *ea necessitate qua quæque in subiecto esse monstrantur*.

DE QUANTITATE ANIMÆ LIBER,

Huic emendando libro adhibiti sunt MSS. Sorbonici duo, Victorini tres, Regius, Cisterciensis, Floriacensis, Michaelinus, Remigiensis, Corbejenfis, Vindocinensis, Ebrulphenfis, Sergiensem, Vaticanus, & Vedastinus præter lectiones ex quatuor Belgicis depromtas per Lovanienfenses. Necnon ad editiones Bad. Er. & Lov.

404. f. Editi, *ut tamquam aqua utrem impleat*. At a MSS. abest, *aqua*.

407. a. Lov. *ducat ratio quo vult*. in aliis codicibus, *qua*.

408. f. Editi, *figuræ pars qua linea clauditur*. MSS. *quæ*.

411. f. Editi, *incorporea illa cernere*. MSS. *ulla*.

418. c. Editi, & *confirmatione membrorum*. MSS. *conformatione*.

Ibid. d. Lov. & *per banc homini crescenti*. Alii codd. *animæ*.

Ibid. e. MSS. novem & Er. *quam circumforanum aliquem*.

419. f. Editi, *temperatio modificat valetudines*. At MSS. *valetudinis*.

420. c. Lov. *pennulis vectas*. MSS. *vegetas*.

432. c. MS. Floriac. *quam sceleris & societatis*. Forte hic legendum, *quam sceleris esse societatem*.

438. e. MS. Ebrulph. *placere, perfecta & sola libertas est*. Optime.

439. c. Editi, *aliquid proportioni justæ pulcritudinis*. At MSS. *proportione*, tumque ex illis tres, *justæ pulcritudini*.

DE MUSICA LIBRI SEX,

A mendis prope innumeris expurgati sunt ad MSS. Corbejensem optimæ notæ, Arnulfensem, Albinensem, Victorinum, Regium, Vaticanum: ad lectiones ex Belgicis quatuor per Lovanienfenses collectas. Ad editiones Am. Er. & Lov. Prætereaque libri quinque priores ad alium Victorinum & ad Navarricum MS. collati sunt. Sextus demum liber ad alium Navar. & alium Victor. ad unum Majoris conventus Augustinianorum Paris. & ad Benignianum.

In capite operis apud Albinensem MS. habetur: *Incipit dialogorum Augustini & Licentii de Musica liber primus*. Titulum persimilem præferunt Regius codex & Victorini duo. In MSS. autem Corb. & Arnulf. interlocutores Augustinus & Licentius ex nomine designantur per totum opus, ubicumque in editis notæ affixæ sunt Magistri ac Discipuli.

Lib. 6. p. 516. f. Editi, *ut puto vicinius.... Neque enim* &c. omisso *quam melius*. quod ex MSS. restituimus.

520. e. Editi: *per temporalia spatia* numerorum. Reposuimus ex MSS. *sex, numerosum*.

522. a. Editi: *somno* non impediuntur. At MSS. absque negatione, *interpediantur*.

524. f. Editi: *secundum hos* latentiores, sed certiores. MSS. *secundum hos latentiores*. Supple, *numeros*.

525. f. MSS. septem: *aliud localium spatiorum* percussione in &c.

530. e. Lov. *nos in eis æqualitas fallat*. MSS. *sex, inæqualitas*.

538. f. Lov. & *tanto speciosiore*, quanto speciosiores, aquæ sunt terris, quantoque ad superiorem salutem altior terra nititur.

DE MAGISTRO LIBER,

Collatus est cum MSS. Fiscannensi, Michaelino, Beccensi, Victorinis tribus, Navarricis duobus, Remensis, Ecclesiæ uno, Vaticanæ bibliothecæ uno, cum Lectionibus trium Belgicorum.

gicorum per Lovanienses vulgatis, cumque editionibus Bad. Am. Er. & Lov.

DE LIBERO ARBITRIO LIBRI

His castigandis subsidio fuerunt MSS. Corbejensis, Germanensis, Gemmeticensis, Pratellensis, Audoenensis, Sergiensis, Casalensis, Regio-montensis, Regius, Arnulfensis, Thuanus, Victorinus, Sorbonici duo, unus Augustinianorum Parisi, majoris conventus, Dominicanorum via Jacobea, Remensis Ecclesiae, Vedaftinus & Vaticanus, Lectiones quoque Belgicorum quatuor apud Lov. ac Editiones, Bad. Er. & Lov.

Lib. I. p. 577. f. Lov. non tamen regnant. Sed melius alii codd. regnat. scilicet mens.

Lib. II. p. 586. a. MSS. quatuordecim: a quo animæ data sunt omnia bona.

590. b. Editi: regulam qua fidere possimus. MSS. figere.

592. e. MSS. tres: ab utroque assumatur. Moxque: & a te totus assumi potest.

599. c. Editi: Si oculus quo, cerni possit, inquirat. At MSS. Sed oculum . . . inquit.

Ibid. f. MSS. quatuor: quæ sunt sapientiæ propinquiora.

601. f. Editi: Ipsam omnes tangunt. MSS. Idipsum.

Lib. III. p. 609. b. MSS. tres: atque omnino commutabilia. Recte.

613. a. MSS. quatuordecim: non voluntate senescimus.

Ibid. d. Editi: qui necessitate superposita. MSS. octo: supposita.

617. a. Omnia enim in ordine suo. Sic leg. juxta MSS.

Ibid. b. Editi: sine ulla dubitatione superavit. At MSS. semper superabit.

620. c. MSS. quinque: tenebris esse accommodam atque aptam.

624. f. MSS. quatuor: defecisset, sed majestate sua. Non male.

627. e. Editi: ab ejus a quo facta sunt. At MSS. ab ejus qua.

631. a. Editi: bonus esset . . . aliter esset. omissa particula, si, quam ex MSS. reposuimus.

636. e. Editi: in inferioribus ordinante. At MSS. quindecim: ordinata.

640. b. MSS. plures: justam divina lege pœnam consecutum est.

DE GENESI CONTRA MANICHÆOS LIBRI,

Castigati sunt ad Regium codicem an. fere 900. & ad optimæ notæ MSS. Theodericensis, Gemmeticensis, Martinensis, Audoenensis, Pratellensis, Casalensis, Arnulfensis, Cisterciensis, Regio-montensis, duos Victorinos, Sorbonicum, Christinæanum, Vedaftinum, Vaticanum: ad lectiones ex duobus Belgicis Lovaniensium cura collectas. Ad editiones Am. Er. & Lov.

Lib. I. p. 645. d. MSS. plerique: nisi eos qui quarunt. omisso, doceri.

647. c. Editi: Justus est enim. MSS. quatuor, Justum.

651. e. In Editis, Et factum est vespere. In MSS. constanter: Et facta est vespere.

Ibid. f. Editi: credo sub firmamento cali. At MSS. carent particula, sub.

662. f. MSS. tres, & de corporalibus agnitionibus, quæ &c. pauloque post habent, fortissimas agnitiones quibus &c.

Lib. II. p. 666. a. Editi: cum diem quo factum est calum & terra nominasset. At MSS. magno consensu ferunt: cum diem qui factus est, & calum, & terram nominasset.

Ibid. f. Editi: deserto secreto conscientia. MSS. duodecim: secretario.

668. d. Plerique codices: ipsa commixtio limi nomen &c. Pratell. commixtione.

670. f. Editi: optimum & verum quod nulla &c. MSS. melioris notæ, & veritatem; quæ lectio planior est.

DE MORIBUS ECCLESIAE CATHOLICÆ LIBER,

Recognitus est ad MSS. Vaticanum, Regium, Sorbonicos

tres, Navarricos duos, Victorinos totidem, & majori conventu Augustinianorum Parisi. unum, ad Theodericensis optimæ notæ, ad Gemmeticensis, Arnulfensem, Cisterciensem, Regio-montensem, Vedaftinum: ad lectiones Belgicorum quinque a Lov. vulgatas. Ad editiones Bad. Er. Lov. & ad recentiores Arn.

690. e. Editi: equos quibus præst agit & regit. MSS. duodecim, alit.

696. a. MSS. quinque: ut ita dicam inconvertibilitas semper est. Alii duo: inconvertibilitas.

701. d. Editi: per imagines quasdam. MSS. plerique: imaginatione.

Ibid. f. MSS. aliquot: ab hujusmodi vagæ cogitationis cupiditate.

710. e. Lov. & Arn. Opus autem simul tradunt. MSS. tredecim, Bad. & Er. suum.

713. b. MSS. undecim, propter varias infirmitates suas.

DE MORIBUS MANICHÆORUM LIBER,

Collatus est cum MSS. Sorbonicis tribus, Victorinis totidem, cum Navarrico, Christinæano, Cisterciensi, Regio-montensi, Gemmeticensi, & uno è majori conventu RR. PP. Franciscanorum Parisi. cum lectionibus Belgicorum quinque apud Lov. Postremo cum Editionibus Er. Lov. & Arn.

722. f. Editi: qua jam erant concepti. MSS. undecim, quia. Fortean pro, in qua.

724. b. MSS. septem: nec Apostolus est necessarius. Alii codices, nec Spiritus. Forte utrumque ad textum pertinet. Notatur enim Manichæus, qui Apostoli sibi titulum vindicabat, ex lib. de moribus Eccl. c. 33. n. 72. quique Spiritum-sancum personaliter in se esse mentiebatur ex lib. 5. Confess. c. 5. n. 8. Hic autem paulo post legendum videtur, nec renovatur anima per vestram religionem.

737. a. Lov. ad pœnas Manichæis destineris. MSS. Manichæas: id est quas minitabatur Manichæus supra 736. a.

738. a. Lov. Non est mandatum auctoribus. Alii codd. auditoribus. Lectio verior tametsi a Lov. in marginem rejecta. De Manichæorum auditoribus plura hic passim.

DE VERA RELIGIONE LIBER,

In hujus libri recensione consulimus MSS. Thuanum, Regium, Navarricum, Sorbonicum, Victorinum, Casalensem, Corbejensem, Gemmeticensem, Audoenensem, Beccensem, Germanensem, è bibliotheca Remensis ecclesiae unum; Lectiones ad nos missas MSS. Cisterciensis, Arnulfensis, Vaticani, & lectiones Belgicorum quinque apud Lov. Editiones denique Bad. Er. Lov. & Arn.

748. a. MSS. sexdecim: ut unum Deum quærent.

751. f. Editi: sive illi informandi sint adhuc: Sed sincerius MSS. formandi.

759. c. quantulumcumque species sit, necesse est &c. Sic MSS. septem, nec minus bene.

761. a. Editi: natura scilicet corporea. At MSS. decem: natura scilicet corporea.

764. a. Editi: nulla superbia humana perducit. abest, humana, a MSS.

767. e. Editi: non secundum eam judicaremus majora. Melius MSS. non secundum totam.

784. b. Editi, nisi anima perfecta & Deo subdita. At MSS. probæ notæ, anima perfecta nisi Deo subdita.

786. b. Plures è MSS. & Er. meriti sui nos esse conservos.

Regula ad Servos Dei.

Collata est cum antiquissimo Regularum codice Corbejensi qui annos præfert plusquam nongentos, cum MSS. Sorbonico, Thuanico, Albinensi, Michaelino, Medardensi, Victorino, Germanensibus tribus, Vaticanis duobus, lectionibus codicis Gemblacensis apud Lov. cum Epistola 109. cumque Editionibus Am. Er. Lov. & Desnosiana.

F I N I S.



APPENDIX

TOMI PRIMI

OPERUM S. AUGUSTINI

COMPLECTENS QUÆDAM OLIM IPSI PER PERAM ADSCRIPTA.

E A S U N T,

DE GRAMMATICA LIBER.
PRINCIPIA DIALECTICÆ.
CATEGORIÆ DECEM.
PRINCIPIA RHETORICÆ.

REGULÆ CLERICIS TRADITÆ
FRAGMENTUM.
REGULA SECUNDA.
DE VITA EREMITICA AD SOROREM.

AD MONITIO

IN LIBRUM DE GRAMMATICA ET TRIBUS PROXIME SEQUENTIBUS OPUSCULIS.

LIBRUM de Grammatica Augustino in prius excusis adtributum inter supposititia censemus opuscula ob eam in primis causam, quia methodo æque & scopo totus discrepat ab eo, quem ipse in lib. 1. Retract. c. 6. una cum aliis disciplinarum libris a se Mediolani jamjam baptismum percepturo elaboratum recognoscit. Quippe hos libros conscripserat dialogi forma, eoque animo ut per corporalia ad incorporalia, quibusdam quasi passibus certis, uti ibidem ait, vel perveniret, vel duceret. Ipsi nimirum a tempore suæ conversionis religioni fuit operam dare litteris deinceps, nisi illæ Christo servirent, ex lib. 9. Confess. cap. 4. n. 7. Porro autem subiectum hic opusculum neque dialogi formam gerit, neque ad incorporalia promovet animum. Id præterea eruditi alicujus scriptoris, nedum tanti viri solertiam non refert, quæ tum maxime singularis & summa apparet, cum se ipse in re exercet per se humili ac vulgari. Confer Libros de Musica, nec non eum locum libri 2. de Ordine, ubi disciplinarum inter se ordinem, earumque occasionem, naturam & proprietates leviter perstringit: hinc profecto intelliges non quidpiam passim obvium, aut quod omnium pedibus tritum esset, de grammatica fuisse ab ipso litteris commendatum. Quæ sane rationes non minus valent adversus iria alia, quæ hic pariter conjecimus opuscula, quæ inscribuntur, Principia Dialecticæ, Categoriæ decem, & Principia Rhetoricæ. Scrupulum injiciebat clausula capiti 6. lib. 1. Retractionum assuta, scilicet: Hoc opus sic incipit, Omnia nomina tredecim. quod initium est libri sequentis. At fraudem deteximus ex MSS. tum veteribus, tum etiam recentioribus, qui eam non habent.

DE GRAMMATICA

LIBER.

Terminations
nominū.
In a.



MNIA nomina tredecim litteris terminantur: quinque vocalibus, a, e, i, o, u: sex semivocalibus, l, m, n, r, s, x: & duabus mutis, c, t. A masculino, ut Seneca, Catilina, Sylla, Uva, Cinna, Pansa: Græca, Sofia, Pareta: Afra, Jugurtha, Micipsa. A feminino, femina, mula, regula, norma, forma, & talia. A neutro Græca sunt tantum, thema, schema & unum nomen Latinum fluminis, Turia, dicente Salustio: Flumen Turia. A communi, advena, convena, indigena, Trojugena, & talia. Ab epicæno, vipera, aquila, musca, locusta, ulula, & talia. Diximus de a littera, nunc de e. Ab e littera vocali nullum Latinum, nisi juncta præpositione, masculinum invenitur, ut proconsule, proprætor. Ergo juncta præpositione sunt Latina, ut dixi, proprætor, proquæstor. Nam veteres nominativo casu proconsul dicebant, adtendentes nullum nomen Latinum exire in e litterarum nominativo casu generis masculini. A feminino nullum Latinum, sed Græca solum: ut Andromache, Niobe, Libye,

A Hecate, Euterpe, quorum genitivus in es exit: ut Andromaches, Niobes, Libyes, Hecates, Euterpes. Sed hæc cum Græcis tractamus. A neutro e littera in nominativo, monile, sedile, cubile, & cetera quæ paulo post in regula generis neutri per omnia nomina ponemus. A communi nullum nomen est, similiter nullum ab epicæno. Nunc de i littera tractemus in nominativo quæ genera contineat. A masculino nullum nomen in i: a feminino clinabile nullum: a neutro gummi, & est * ἄπτωσις: a communi nullum: ab omni genere, ut frugi, nihili declinatur sic, hic vir frugi, femina frugi: mancipium frugi: genitivo similiter frugi faciet, hujus viri frugi, hujus feminae frugi, hujus mancipii frugi: sic per omnes casus frugi dicimus. Sic declinatur nihili, hic nihili vir, hæc nihili mulier, hoc nihili mancipium. Hoc sono nominativi omnes casus declinantur: sic pluraliter, viri nihili, feminae nihili, mancipia nihili. Ab epicæno nullum similiter exit in i. Ab o littera vocali nominativus terminatus masculino appellativo, ut ligo ligonis. A proprio nomine, ut Cato, Cicero, Maro, Nero, Tubero, & cetera talia. A feminino appellativo, ut vertigo, indago, farrago, siligo. In Juvenali legitur

Libri hujus non reperimus ullum exemplar manu exaratum. In i. * Inde- dicere Augustinus, qui in latino sermone græca voca- calulanō usurpat sine neces- sitate, ex lib. 1. de Musica c. 12. n. 23.

In e.

legitur ita: *Sed quæ mutatis inducitur atque fovetur Tot medicaminibus, coctaque filiginis offas accipit & madida, facies dicitur an ulcus*, Saria-go, virago, lanugo, aurugo, ærugo, crepido. In Juvenali, *Nulla crepido vacat, nusquam ponit & tegetis pars*: & talia. A feminino proprio, Carthago: peregrina vero, ut Dido, Ino, Io, Aleto, Celeno, Clio, Manto; quorum genitivus in us exit, Didus, Inus, Jus, Aleto, Celenus, Clius, Mantus: sed hoc cum Græcis tractemus. A neutro nullus nominativus in o exit. A communi, fullo, latro, caupo, &c. Ab epicæno, struthio, hirundo, hirudo, gurgulio, buffo, & talia. Ab u vocali solum neutrum, quod in singulari indeclinabile est, in plurali declinatur, ut cornu, veru, genu, tonitru: hoc sono enuntiantur omnes casus in singulari, ut diximus: in plurali declinantur, cornua, verua, genua, genitivo horum cornuum, veruum, genuum, & cetera declinabis ad regulam versuum, fluctuum,

DIXIMUS de vocalibus quinque, quibus terminatur nominativus, nunc de semivocalibus dicamus. L. littera nominativus exiens in masculinis appellativis, hic sal, in propriis sol. In femininis unum nomen matronæ tantum. Tanaquil. In neutris, ut mel, fel. In communibus vigil, pugil: unde & Terentius de virgine, Pugilem esse ajunt. In epicænis nullum nomen est. M, nominativus exiens, in masculinis nullum Latinum est. In femininis, Glycerium, Phanium, Dorcium, Philocomasium. In neutris autem, templum, telum, tectum, & alia quorum plurales faciles sunt. In communibus nullum exit in m: sic & in epicænis. Nunc tractemus de semivocali n. N littera terminatus nominativus a masculinis, flamen, pecten, lien, quod est splen. A femininis, siren, pluralis sirenes. A neutris carmen, germen, gramen, & cetera talia, quæ post regulas generis neutri tractabimus. A communibus nominativus exiens in n, tubicen, tibicen, fidicen, lyricen, cornicen qui in lituis canit. Ab epicænis, oscen, id est ab his quæ tradunt augurium, attagen. Nunc de semivocali r. R littera terminatus nominativus a masculinis, ut Cæsar, Arat, Nar, victor, tutor, sopor, mæror, & alia quæ facilia sunt tam in appellativis quam in propriis: a femininis, arbor, soror: a neutris, inarior, æquor, & alia: a communibus, pauper, acer, alacer, memor, auctor: ab epicænis, passer, accipiter, anser. Nunc de s littera semivocali tractemus. S littera terminatus nominativus a masculinis justus, doctus, pius: a femininis, dos, fors, mors, & talia: a neutris, vulnus, pectus, pecus, & cetera quæ mox regula retractabitur: a communibus sacerdos, impos, compos, similis, nobilis, agilis: ab omni genere, ut augas, &c. de his mox uberius tractabimus: ab epicænis, tigris, mus, lepus, &c. Nunc de semivocali littera x: Nominativus in x littera: a masculinis, vertex, cortex, pumex: a propriis, pollux: a femininis, nex, prex, fex, pax, fax, & alia: a neutris nullum nomen nisi omni generi jungatur, ut felix, Remanent dux mutæ, c, t, litteræ. Nominativus exiens e littera tenet masculinum, ut alec: tenet neutrum, ut lac. T littera exiens nominativus tenet genus neutrum, ut caput, sinciput, semicaput. Nomina generis neutri in um syllabam exeuntia, ut templum declinantur: N. singulari hoc templum, G. hujus templi, D. huic templo, A. hoc templum, V. o templum, A. ab hoc templo: & pluraliter, N. hæc templa, G. horum templorum, D. his templis, A. hæc templa, V. o templa, A. ab his templis. Simili declinatione hæc omnia procurunt, telum, tectum, scamnum, bellum, monstrum, portentum, oppidum, carpentum, venenum, donum, bonum, malum, magnum, pessimum, parvum, frumentum, medicamentum, membrum, forum, metrum, portum, tignum, plaustrum, claustrum, instrumentum, olivetum, vinetum, palmetum, quercetum, esculetum, lauretum, argumentum, sacrum, testamentum, jugerum, vinum: sed nunc tantum in singulari, vina enim poetæ dixerunt: & cicera. Sic oleum, hordeum, triticum, ferrum, viscum, aurum, argentum, plumbum, stagnum, vitrum, electrum, & talia quæ ad pondus veniunt vel mensuram, ex ista sunt forma: Generis neutri quæ in ium exeunt, sed hæc in genitivo per duo ii scribuntur, ut hoc ingenium hujus ingenii, sic imperium imperii, scrinium scrinii, capitolum capitoli, tentorium tentorii, armarium armarii, solarium solarii, testorium testorii, armamentarium armamentarii, spatium spatii, sacrum sacri: sic horarium horarii, salarium salarii, viridarium viridarii, pomerium pomerii, sacrificium sacrificii, folium folii, solium solii, testimonium testimonii: sic rosarium rosarii, aviarius aviarii, augurium augurii, auspicius auspicii, exitium exitii, exsilium exsilii, prodigium prodigii, auxilium auxilii, præsidium præsidii, atrium atrii, aucupium aucupii, adjutorium adjutorii, mancipium mancipii, dolium dolii. Est alia forma generis neutri quæ per us exit, ut hoc pecus: numero singulari, N. hoc pecus, G. hujus pecoris, D. huic pecori, A. hoc pecus, V. o pecus, A. ab hoc pecore: & pluraliter, N. hæc pecora, G. horum pecorum, D. his pecoribus, A. hæc pecora, V. o pecora, A. ab his pecoribus. Ad hanc formulam declinabimus ulcus ulcera, facinus facinora, vellus vellera, viscus viscera, rus rura, jus jura, nemus nemora, tergus tergora, pectus pectora, genus genera, pondus pondera, corpus corpora, decus decora, funus funera, fenus fenora, olus olera, littus littora, opus opera, rudus ruderia, rus tura, tempus tempora, fœdus fœdera, stercus stercora, onus onera, latus latera. Est alia species generis neutri quæ continet nomina in ur exeuntia: ut hoc murmur in nominativo, G. hujus murmuris, D. huic murmuri, A. hoc murmur, V. o murmur, A. ab hoc murmure: & pluraliter, nominativo hæc murmura, G. horum murmurum, D. his murmuribus, A. hæc murmura, V. o murmura, A. ab his murmuribus. Ad hanc formulam similia declinabis, ut ebur ebora, femur femora, sulfur sulfura, fulgur fulgura. Sed ex hac formula non multa inveniuntur, quoniam pauca sunt generis neutri quæ in or exeunt: ut marmor in nominativo, G. hujus marmoris, D. huic marmori, A. hoc marmor, V. o marmor, A. ab hoc marmore: & pluraliter, N. hæc marmora, G. horum marmorum, D. his marmoribus, A. hæc marmora, V. o marmora, A. ab his marmoribus. Sic æquor æquora, corcorda. Alia species generis neutri quæ continet nomina in ar syllabam exeuntia: ut far nominativo, G. hujus farris, D. huic farri, A. hoc far, V. o far, A. ab hoc farre. In plurali tres casus habet solum, N. hæc farra, accusativo hæc farra, vocativo o farra: non habet ergo genitivum, dativum & ablativum: unde τριπρωτα dicuntur in plurali, id est trium casuum, ut sunt jura, non dicimus horum jurium,

In u. De nominibus quæ terminantur in semivocalibus, & eorum generibus. In l. In m. In n. In r. In s. In x.

De terminacione & declinatione nominum neutri generis. In um.

In ium.

In us.

In ur.

In or.

In ar.

A his juribus, nec ærum æribus, nec mellorum mellibus, & alia pauca; nec enim multa sunt: sic nec horum farum in genitivo possumus dicere, aut in dativo his faribus. Hanc ergo formam numero tantum singulari declinabis, hoc nectar nectaris, laser laseris, & instar quod est similitudo, sed habet tres casus tantum, nominativum, accusativum & vocativum, & est numeri tantum singularis. Alia species generis neutri quæ continet omnia in er exeuntia, sed numeri tantum singularis, N. hoc piper, G. hujus piperis, D. huic piperi, A. hoc piper. V. o piper, A. ab hoc pipere. Ad hanc formam declinabis numero tantum singulari, ver: N. hoc ver, G. hujus veris, D. huic veri, A. hoc ver, V. o ver, A. ab hoc vere. Sic declinabis hoc filer, ut ait Virgilius, *Molle filer*. Similiter declinabis & juger, sed habet pluralem, ut juger jugera, secundum antiquos qui dixerunt jugerum: uber ubera, tuber, tubera: & in hæc, ut dixi, paucorum nomina sunt. Alia species per os, ut ipsum os ora, unde osculum, sed hoc producimus, aliud corripimus. Ab eo quod sunt ossa declinatur singulariter, Nominativo hoc os, G. hujus ossis, D. huic ossi, A. hoc os, V. o os, A. ab hoc osse: & pluraliter, N. hæc ossa, G. horum ossium, D. his ossibus, A. hæc ossa, V. o ossa, A. ab his ossibus. Alia species generis neutri quæ continet nomina in e exeuntia, ut monile: Nominativo hoc monile, G. hujus monilis, D. huic monili, A. hoc monile, V. o monile, A. ab hoc monili: & pluraliter, Nominativo hæc monilia, genitivo horum monilium, D. his monilibus, A. hæc monilia, V. o monilia, A. ab his monilibus. Similiter declinabis sedile sedilia, præsepe præsepia, collare collaria, ducale ducalia, molle mollia, grave gravia, vile vilia, mite mitia, suave suavia, vitale vitalia, morale moralia, dene lenia, leve levia, ancyle ancylia: de quo Virgilius, *Lævaque ancyle gerebat*: facile facilia, nobile nobilia, agile agilia, mare maria, sed pluraliter tres casus habet tantum, nominativum, accusativum & vocativum: genitivum, dativum & ablativum non habet: non enim dicimus in genitivo horum marium, aut in dativo his maribus, aut in ablativo ab his maribus. Sic & alia declinabis huic formæ similia. Huic regulæ ablativus in i exit, non in e, quia genus neutrum numquam habet quatuor casus similes, ut faciat in nominativo hoc monile, & accusativo hoc monile, & vocativo o monile, & in ablativo ab hoc monile, sed ab hoc monili: inde Virgilius, In strato saxa cubili: ab hoc cubili: sic, Et sacra mari colitur: item, Hortatur pater ire mari: item, Tenui de vimine: item, Crudeli vulnere: item, Lethali vulnere: item, Dulci ex ore coruscent: & cum dicimus, nobili genere natus, non nobile. Sic ergo observabis in nomine neutro quod exit in nominativo singulari in e, ut ablativum in i mittat regula perpetua. Alia species generis neutri quæ continet nomina in al exeuntia, ut animal: Nominativo hoc animal, G. hujus animalis, D. huic animali, A. hoc animal, V. o animal, A. ab hoc animali: & pluraliter, N. hæc animalia, G. horum animalium, D. his animalibus, A. hæc animalia, V. o animalia, A. ab his animalibus. Ad hanc formam declinabis tribunal tribunalia, lupercal lupercalia, quæ sunt sacra illius genii qui Pan vocatur: unde & Virgilius de ipso loco, *Et gelida monstra sub rape lupercal*. Alia species neutri quæ continet nomina in el exeuntia, ut mel: N. hoc mel, G. hujus mellis, D. huic melli, A. hoc mel, V. o mel, A. ab hoc melle. Sic declinabis, N. hoc fel, G. hujus fellis, D. huic felli, A. hoc fel, V. o fel, A. ab hoc felle. Sed plurali numero non nisi per tres casus currit, nominativum, accusativum & vocativum. Alia species generis neutri quæ continet nomina in en syllabam exeuntia: N. hoc crimen, G. hujus criminis, D. huic crimini, A. hoc crimen, V. o crimen, A. ab hoc crimine: & pluraliter, N. hæc crimina, G. horum criminum, D. his criminibus, A. hæc crimina, V. o crimina, A. ab his criminibus. Ad hanc regulam similia declinabis, carmen carminis, numen numinis, flamen flaminis, agmen agminis, acumen acuminis, gramen graminis, flumen fluminis, stramen straminis, lumen luminis, semen seminis, liquamen liquaminis, fulmen fulminis, rumen ruminis, bitumen bituminis, gluten glutinis, legumen leguminis, fundamen fundaminis, tegimen tegiminis, munimen muniminis, levamen levaminis, specimen speciminis, sed pluralem non admittit: item subregimen subregiminis. Alia species generis neutri ετρωτα, id est indeclinabilia, ut genu: N. hoc genu, G. hujus genu, D. huic genu, A. hoc genu, V. o genu, A. ab hoc genu: & pluraliter Nominativo hæc genua, G. horum genuum, D. his genibus, A. hæc genua, V. o genua, A. ab his genibus. Ad hanc formam declinabis & hoc cornu, ut supra diximus, cornu cornua, veru verua, quæ sunt virgæ ferreæ laniorum: de quibus Virgilius, *Verubusque trementia figunt*. tonitru tonitrua. Sed talium nominum declinatio perrara invenitur. Alia species generis neutri de qua supra tractavimus, quæ exit in quatuor nomina duarum mutarum, c & t, ut caput & sinciput, lac & alec, sed hæc duo pluralem numerum non admittunt. Exit item genus neutrum in a, sed in græcis nominibus, ut thema themata, toreuma toreumata, schema schemata, emblema emblemata, theorema rheoremata, boethema boethemata, & alia. Item meminimus singulas litteras tam in Græcis quam in Latinis generis esse neutri. Dicimus enim unum alpha, unum beta, unum gamma, sic & alia litteræ: pluraliter duo alpha, duo beta, duo gamma: sic tria alpha, tria beta, tria gamma: inde est illud τρία κάππα πέσιμα, id est tria cappa pessima: de Cornelio Sylla, de Cornelio Cinna, de Cornelio Lentulo: hi enim per tres litteras designati sunt in libris Sibyllinis. Est & unum nomen generis neutri in a, ut flumen Turia, ut supra diximus. Genus commune exit per a, ut advena: declinatur N. hic & hæc advena, G. hujus advenæ, D. huic advenæ, A. hunc & hanc advenam, V. o advena, A. ab hoc & ab hac advena: pluraliter N. hi & hæc advenæ, G. horum & harum advenarum, D. his advenis, A. hos & has advenas, V. o advenæ, A. ab his advenis. Ad hanc formulam declinabis Trojgena, indigena, incolæ, agricola, convena, calicola, sacricola, publicola, terricola, orbicola, plebicola, Numida, Dalmata, ruricola, lucifuga, Persa, Romulida, &c. In nominativo e & i, non habet genus commune, sed in o, ut latro, N. hic & hæc latro, G. hujus latronis, D. huic latroni, A. hunc & hanc latronem, V. o latro, A. ab hoc & ab hac latrone: & pluraliter N. hi & hæc latrones, G. horum & harum latronum, D. his latronibus, A. hos & has latrones, V. o latrones, A. ab his latronibus.

C In cr. 2. Georg. In os. In e. In al. In el. In en. In c. & t. In a. De terminacione & declinatione nominum communis generis. In o.

E

F

Ad

Ad hanc formam declinabis, homo, ganeo, degulo, caupo, fullo, nemo, helluo qui & gluto, & alia. Per u autem nullam habet. In nominativo ergo exit commune per es syllabam, ut comes: N. hic & hæc comes, G. hujus comitis D. huic comiti, A. hunc & hanc comitem, V. o comes, A. ab hoc & ab hac comite: & pluraliter N. hi & hæc comites, G. horum & harum comitum, Dativo his comitibus, Accusat. hos & has comites, Vocativo o comites, A. ab his comitibus. Ad hanc formam declinabis similia, ut fospes, locuples, hospes, licet hospitam dixerit Virgilius, *Hospita tellus*: miles, veles, id est levis armaturæ miles, interpres, ales, præpes, præps, id est fidejussor, satelles, defes, præfes, dives, heres, celes, cæletes, qui iter sibi faciunt ad cælum, indiges indigetis, &c. Exit in is, ut similis: N. hic & hæc similis, G. hujus similis, D. huic simili, A. hunc & hanc similem, V. o similis, A. ab hoc & ab hac simili: & pluraliter N. hi & hæc similes, G. horum & harum similitum, D. his similibus, A. hos & has similes, V. o similes, A. ab his similibus. Ad hanc formam declinantur agilis, facilis, fragilis, viridis, mobilis, humilis, mitis, lenis, mollis, civis, testis, hostis, tristis, fortis, suavis, frugalis, crudelis, inanis, gracilis, immanis, &c. Exit per os, ut sacerdos: N. hic & hæc sacerdos, G. hujus sacerdotis, D. huic sacerdoti, A. hunc & hanc sacerdotem, V. o sacerdos, A. ab hoc & ab hac sacerdote: & pluraliter, N. hi & hæc sacerdotes, G. horum & harum sacerdotum, D. his sacerdotibus, A. hos & has sacerdotes, V. o sacerdotes, A. ab his sacerdotibus. Ad hanc formam declinantur custos, impos, compos, nepos. Exit & per us, ut sus: N. hic & hæc sus, G. hujus suis, D. huic sui, A. hunc & hanc suem, V. o sus, A. ab hoc & ab hac sue: & pluraliter, N. hi & hæc sues, G. horum & harum suum, D. his suis, A. hos & has sues, V. o sues, A. ab his suis. Exit & per er, ut pauper: N. hic & hæc pauper, G. hujus pauperis, D. huic pauperi, A. hunc & hanc pauperem, V. o pauper, A. ab hoc & ab hac paupere: & pluraliter, N. hi & hæc pauperes, G. horum & harum pauperum, D. his pauperibus, A. hos & has pauperes, V. o pauperes, A. ab his pauperibus. Ad hanc formam declinantur & alia, ut acer, alacer, id est, latus. Exit commune in ex, ut opifex: N. hic & hæc opifex, G. hujus opificis, D. huic opifici, A. hunc & hanc opificem, V. o opifex, A. ab hoc & ab hac opifice: & pluraliter, N. hi & hæc opifices, G. horum & harum opificum, D. his opificibus, A. hos & has opifices, V. o opifices, A. ab his opificibus. Ad hanc formam declinabis aurifex, artifex, judex, carnifex, index, vindex, auspex, haruspex, signifex, & alia. Exit genus commune in eps, ut princeps: declinatur sic: Nominativo hic & hæc princeps, G. hujus principis, D. huic principi, A. hunc & hanc principem, V. o princeps, A. ab hoc & ab hac principe: & pluraliter, N. hi & hæc principes, G. horum & harum principum, D. his principibus, A. hos & has principes, V. o principes, A. ab his principibus. Sic declinantur manceps, particeps, municeps. Anceps autem & biceps & triceps & quadiceps, multiceps, præceps, hæc sex nomina genitivum singulare contra regulam superiorem in ris syllabam mittunt, non in pis, ut anceps ancipitis, biceps bicipitis, triceps tricipitis, quadiceps quadricipitis, multiceps multicipitis, præceps præcipitis. Sed ideo in ris syllabam exeunt, non in pis, ut principis, mancipis, quia a capitis significatione veniunt, illa autem superiora a capiendi significatione. Princeps enim dictus est, quod primus capiat, & manceps quod manu capiat. Anceps autem dictus est quod dubii capitis sit, vel inclinati capitis in utramque partem. Exit genus commune in junx syllabam, ut conjunx: Nominativo hic & hæc conjunx. Exit in ux, ut hic & hæc dux, redux. Exit in eps, quod quidem in omne genus redibit. Exibit in ebs, ut cælebs. Cælebs dicitur qui non habet uxorem, vel quæ non habet maritum: qualia sunt * numina in cælo quæ absque conjuge sunt, si agapetas non attendamus: Nominativo hic & hæc cælebs, G. hujus cælibis, D. huic cælibi, A. hunc & hanc cælibem, V. o cælebs, A. ab hoc & ab hac cælibe: & pluraliter, N. hi & hæc cælibes, G. horum & harum cælibum, D. his cælibibus, A. hos & has cælibes, V. o cælibes, A. ab his cælibibus. Exit & in yx, ut Phryx: Nominativo hic & hæc phryx, G. hujus phrygis, D. huic phrygi, A. hunc & hanc phrygem, V. o phryx, A. ab hoc & ab hac phryge: & pluraliter, Nominativo hi & hæc phryges, G. horum & harum phrygum, D. his phrygibus, A. hos & has phryges, V. o phryges, A. ab his phrygibus. Et in us exit, ut Ligus, quod similiter ut phryx, locale nomen est, Nominativo hic & hæc ligus, G. hujus liguris, D. huic liguri, A. hunc & hanc ligurem, V. o ligus, A. ab hoc & ab hac ligure: & pluraliter, N. hi & hæc ligures, G. horum & harum ligurum, D. his liguribus, A. hos & has ligures, V. o ligures, A. ab his liguribus. Exit genus commune in il, ut vigil: Nominativo hic & hæc vigil, G. hujus vigilis, D. huic vigili, A. hunc & hanc vigilem, V. o vigil, A. ab hoc & ab hac vigile: & pluraliter, N. hi & hæc vigilēs, G. horum & harum vigilum, D. his vigilibus, A. hos & has vigilēs, V. o vigilēs, A. ab his vigilibus. Ad hanc regulam declinabis hic & hæc pugil. Exit in ul, ut exsul: N. hic & hæc exsul, G. hujus exsulis, D. huic exsuli, A. hunc & hanc exsulem, V. o exsul, A. ab hoc & ab hac exsule: & pluraliter, N. hi & hæc exsules, G. horum & harum exsulum, D. his exsulibus, A. hos & has exsules, V. o exsules, A. ab his exsulibus. Ad hanc formam declinabis præfulem, hic & hæc præful: quoniam masculinum est, ut consul. Exit in ur, ut fur: Nominativo hic & hæc fur, G. hujus furis, D. huic furi, A. hunc & hanc furem, V. o fur, A. ab hoc & ab hac fure: & pluraliter, Nominativo hi & hæc fures, G. horum & harum furum, D. his furibus, A. hos & has fures, V. o fures, A. ab his furibus. Ad hanc formam declinabis augur, hic & hæc augur. Exit genus commune in or, ut major, memor. Sed memor, si alia regula est, non admittit genus neutrum in jus, quando major admittit in neutro majus. Nominativo hic & hæc memor, G. hujus memoris, D. huic memori, A. hunc & hanc memorem, V. o memor, A. ab hoc & ab hac memore: & pluraliter, Nominativo hi & hæc memores, G. horum & harum memorum, D. his memoribus, A. hos & has memores, V. o memores, A. ab his memoribus. Admittit & neutrum, sed non in regula generis omnis, ut hoc memor: unde & Virgilius:

*Tum si quod non equo fadere amantes
Cura numen habet, justumque memorque precatur.*

A Pluralem non admittit, inde non est generis omnis. Neque enim dicimus memora vel memoria numina. Similiter declinabis auctorem in nominativo singulari, hic & hæc auctor, ut ait Juno, Auctor ego audendi: hi & hæc auctores. Exit genus omne in ax, in ex, in ix, in ox, in ux, ans, ens, ars, ers, ors, in us, es. In ax, ut hic & hæc & hoc pertinax, Genitivo hujus pertinacis, Dativo huic pertinaci, A. hunc & hanc pertinacem & hoc pertinax, V. o pertinax, A. ab hoc & ab hac & ab hoc pertinaci: & pluraliter, Nominativo hi & hæc pertinaces, & hæc pertinacia, G. horum & harum & horum pertinacium, D. his pertinacibus, A. hos & has pertinaces, & hæc pertinacia, V. o pertinaces, & o pertinacia, A. ab his pertinacibus. Ad hanc formam declinabis, efficax, tenax, pervicax, dicax, sequax, rapax, mordax, capax, furax, emax, fallax, mendax, nugax, vivax. Hæc omnia ablativum singularem & talia, in i mittunt. Exit item omne genus in ex, secundum ordinem regularum supra ordinarum, ut simplex: Nominativo hic & hæc & hoc simplex, G. hujus simplicis, D. huic simplici, A. hunc & hanc simplicem, & hoc simplex, V. o simplex, A. ab hoc & ab hac & ab hoc simplici: & pluraliter, Nominativo hi & hæc simplices, & hæc simplicia, G. horum & harum & horum simplicium, D. his simplicibus, A. hos & has simplices, & hæc simplicia, V. o simplices, & o simplicia, A. ab his simplicibus. Ad hanc formam declinantur duplex, triplex, quadruplex, quintuplex, sextuplex, septuplex, exclusio, quia & septemplex Latinum est, quod declinatur ut superius. Ex regula in ix, ut felix, quod sic declinatur: Nominativo hic & hæc & hoc felix, G. hujus felicitis, D. huic felici, A. hunc & hanc felicem, & hoc felix, V. o felix, A. ab hoc & ab hac & ab hoc felici, ex sono generis neutri: (a propriis nominibus in e exit ab hoc felice, & est generis masculini) & pluraliter, Nominativo hi & hæc felices, & hæc felicia, G. horum & harum & horum felicitum, D. his felicitibus, A. hos & has felices, & hæc felicia, V. o felices & o felicia, A. ab his felicitibus. Ad hanc regulam declinatur pernix, quod significat velocem. Ex regula in ox, ut ferox, declinatur sic: Nominativo hic & hæc & hoc ferox, G. hujus ferocis, D. huic feroci, A. hunc & hanc ferocem, & hoc ferox, V. o ferox, A. ab hoc & ab hac & ab hoc feroci: & pluraliter, Nominativo hi & hæc feroces, & hæc ferocia, G. horum & harum & horum ferocium, D. his ferocibus, A. hos & has feroces, & hæc ferocia, V. o feroces, & o ferocia, A. ab his ferocibus. Ad hanc formam declinabitur atrox, velox. Ex regula in ux, unum nomen est, ut trux: Nominativo hic & hæc & hoc trux, G. hujus trucidis, D. huic truci, A. hunc & hanc trucem, & hoc trux, V. o trux, A. ab hoc & ab hac & ab hoc truci, a sono generis neutri: & pluraliter, N. hi & hæc truces, & hæc trucia, G. horum & harum & horum trucidum, D. his trucidibus, A. hos & has truces, & hæc trucia, V. o truces & o trucia, A. ab his trucidibus. Ex regula ans, ut præstans: Nominativo hic & hæc & hoc præstans, G. hujus præstantis, D. huic præstanti, A. hunc & hanc præstantem & hoc præstans, V. o præstans, A. ab hoc & ab hac & ab hoc præstanti, ex sono generis neutri: & pluraliter, N. hi & hæc præstantes, & hæc præstantia, G. horum & harum & horum præstantium, D. his præstantibus, A. hos & has præstantes, & hæc præstantia, V. o præstantes & o præstantia, A. ab his præstantibus. Ad hanc formam declinatur amans, clamans, cantans, luctans, constans, prostans, regnans, pugnans, mirans, minans, miserans, æstans, versans, & talia. Ex regula ens, ut amens: N. hic & hæc & hoc amens, G. hujus amentis, D. huic amenti, A. hunc & hanc amentem, & hoc amens, V. o amens, A. ab hoc & ab hac & ab hoc amenti, sono generis neutri similiter: & pluraliter N. hi & hæc amentes & hæc amentia, G. horum & harum & horum amentium, D. his amentibus, A. hos & has amentes, & hæc amentia, V. o amentes & o amentia, A. ab his amentibus. Ad hanc formam declinantur demens, potens, impotens, præpotens, prudens imprudens, pudens, impudens, frequens, infrequens, sedens, hærens, moriens, mærens, tenens, egens, ferens, cedens, sæviens, serviens, sapiens, incipiens, decipiens, & talia. Ex regula ons, ut sons, quod significat nocens: N. hic & hæc & hoc sons, G. hujus fontis, D. huic fonti, A. hunc & hanc fontem, & hoc sons, V. o sons, A. ab hoc & ab hac & ab hoc fonti, a sono generis neutri: & pluraliter, N. hi & hæc fontes, & hæc fontia, G. horum & harum & horum fontium, D. his fontibus, A. hos & has fontes & hæc fontia, V. o fontes & o fontia, A. ab his fontibus. Ad hanc regulam declinatur insons, id est, innocens. Et hæc duo sunt tantum generis omnis. Ex regula ar, ut par: N. hic & hæc & hoc par, G. hujus paris, D. huic pari, A. hunc & hanc parem & hoc par, V. o par, A. ab hoc & ab hac & ab hoc pari, sono generis neutri: & pluraliter, N. hi & hæc pares & hæc paria, G. horum & harum & horum parium, D. his paribus, A. hos & has pares & hæc paria, V. o pares & o paria, A. ab his paribus. Ad hanc formam declinantur impar, & suppar, quæ sola tria sunt generis omnis. Ex regula ers, ut iners: N. hic & hæc & hoc iners, G. hujus inerti, D. huic inerti, A. hunc & hanc inertem & hoc iners, V. o iners, A. ab hoc & ab hac & ab hoc inerti: & pluraliter, N. hi & hæc inertes & hæc inertia, G. horum & harum & horum inertium, D. his inertibus, A. hos & has inertes & hæc inertia, V. o inertes & o inertia, A. ab his inertibus. Ex regula ors, ut vecors, N. hic & hæc & hoc vecors, G. hujus vecordis, D. huic vecordi, A. hunc & hanc vecordem, & hoc vecors, V. o vecors, A. ab hoc & ab hac & ab hoc vecordi, a genere neutro: & pluraliter, N. hi & hæc vecordes, & hæc vecordia, G. horum & harum & horum vecordium, D. his vecordibus, A. hos & has vecordes, & hæc vecordia, V. o vecordes & o vecordia, A. ab his vecordibus. Ad hanc regulam declinantur excors, concors, discors, discors. Sed hæc duo, id est consors, & discors, in genitivo singularis tis habent, ut consortis, dissortis. Dissors autem dicitur dissimilis fortis. Ex regula us, ut vetus: declinatur autem sic: N. hic & hæc & hoc vetus, G. hujus veteris, D. huic veteri, A. hunc & hanc veterem, & hoc vetus, V. o vetus, A. ab hoc & ab hac & ab hoc veteri, a sono generis neutri: & pluraliter, N. hi & hæc veteres, & hæc vetera, G. horum & harum & horum veterum, D. his veteribus, A. hos & has veteres, & hæc vetera, V. o veteres & o vetera, A. ab his veteribus. Hoc solum nomen in us, est generis omnis. Es, ut teres, quod est rotundum: declinatur hic & hæc & hoc teres: teres autem dictum est a terendo.

De terminacione & declinatione nominum generis in ax.

In ex.

In ix.

In ox.

In ux.

In ans.

In ens.

In ons.

In ar.

In ers.

In ors.

In us.

In es.

terendo. Ex regula autem *ἁπλόσυν* est, nequam, uno enim sono declinantur omnes casus per omnia genera. Est autem genus epicœnum, quod sub uno articulo intelligitur sexus, ut puta hic passer, jam sub uno articulo quo sonat hic, illic est & femina: declinatur, N. hic passer, G. hujus passeris, D. huic passeris, A. hunc passerem, V. o passer, A. ab hoc passere: & pluraliter, N. hi passeris, G. horum passerum, D. his passeribus, A. hos passeris, V. o passeris, A. ab his passeribus. Sed & hæc aquila, sub uno articulo quo sonat hæc, ibi & masculinum intelligimus: sic & hæc tigris, sub quo sono intelligitur & masculus. Sic & hæc hirundo, ibi intelligis & masculum, sic & hic struthio, ibi intelligis & feminam, sic forex, stellio, musca. Ergo hoc interest inter genus commune & epicœnum, quia in genere communi & homines sunt & pecora, in epicœno pecora tantum. Quod in genere communi ambo articuli sunt, id est hic & hæc cum nomine communicat, ut hic & hæc canis: epicœnum autem cum articulo uno masculino communicat nomen femininum, ut cum dico hic passer, sub ipso articulo qui sonat hic, intelligitur & femina. Sic in articulo generis neutri, quod est hoc pecus: sub articulo qui sonat hoc, intelligitur & femina, ut Virgilius ait, *Lenta salix feto pecori*. Et in pecore licet sit genus neutrum, auditur illic & genus femininum, cum dixit, feto pecori, id est gravido. Nunc dicendum de nominibus quæ aut sunt numeri singularis tantum, aut numeri tantum pluralis, ut cancelli, manes, penates. In feminino tantum plurali, ut thermæ, exsequiæ, insidiæ, divitiæ, nundinæ: in nominibus civitatum, Amyclæ, Thenæ, Athenæ, Syracusæ, Thebæ, Tubunæ, Saldæ, Abituræ, Macomades, Cales, Carreasi, Relares, Furnitum, quæ loca turnos dicuntur, & alia similia: in neutro tantum singulari, ut aurum, argentum, plumbum, stannum, piper, triticum, oleum, hordeum, vinum. Quamquam Virgilius vina, ac Cicero rarius, poetica licentia dedit plurali, ut *Serite hordea campis*: declinatur autem nominativus solus. In neutro tantum plurali, castra, mœnia, arma, exa, id est viscera: Bastra, quæ est civitas Parthiæ: ergo & hæc civitas generis neutri est numero tantum plurali. Sane sunt nomina sub duplici enuntiatione, ut tribunus militum, præfectus urbis, præfectus fundis, præfectus annonæ, præfectus vigiliis, plebiscitum, senatusconsultum: quorum nominum una pars declinatur, altera non declinatur: ut puta præfectus vigiliis, nominativus ipse flectitur per casus, præfectus, præfecti, præfecto, præfectum, præfecte, a præfecto: vigiliis sic manet, nec flectitur. Ut senatusconsultum, hoc consultum, hujus consulti, huic consulto, hoc consultum, o consultum, ab hoc consulto. Senatus autem genitivus est, hic non flectitur. De nomine quantum rudi conveniebat, plenius exposuimus: nunc de pronome est dicendum, quod est secunda pars de octo partibus orationis.

IDEO pronomen dicitur, quia vice fungitur nominis: ut ille, iste, ipse. Nam quomodo dicendo nomen explicamus personam, ut Virgilius: sic pronomina proprie ejusdem potestatis sunt, cum tacito nomine dicimus: Hic fecit, iste fecit. Pronomina aut finita sunt, aut infinita, aut minus quam finita. Finita sunt quæ notant certam personam, ut ego. Infinita, ut quis, quisque, quicumque, quæcumque, qui, aliqui, quæ, aliquæ. Minus quam finita sunt pronomina, quæ non sic definiunt personam, ut non egeant demonstratore, quomodo dicimus, Ego: nam ipsum, Tu, non plene finitum est, nisi in personam duxeris digitum. Sic ergo hæc minus quam finita dicenda sunt. Habent enim quandam designationem non plenæ significationis, quomodo ego: ut puta pone esse turbam, tamen non sic, tu, significanter dicitur in turba, quomodo de turba cum unus dixerit ego: sed ut de multis unum significemus quem quærimus, aut nomen addimus, aut digitum intendimus, ut appareat certius quem vocamus. Ergo tu, ille, & iste, & alia quæ quasi possunt ex parte aliqua definire personam minus quam finita vocanda sunt. Prima persona dicitur ego, tam in singulari numero quam in plurali cum dicimus, nos, non habet vocativum casum: quia nemo vocat se, o ego, o nos. Ergo sic declinatur singulari numero, N. ego, G. mei, D. mihi, A. me, A. a me: & pluraliter, N. nos, G. nostrum, D. nobis, A. nos, A. a nobis. Vocativum enim, ut dixi, non habet, tam in singulari quam in plurali. Nominativo tu, Genitivo tui, Dativo tibi, Accusativo te, Vocativo o tu, Ablativo a te: & pluraliter, N. vos, G. vestrum, D. vobis, A. vos, V. o vos, A. a vobis. Sane prima persona & secunda, id est, ego & tu, generis omnis est: nam & vir dicit ego, & femina ego, & mancipium ego. Sic tu: & viro dicimus tu, & feminæ, & mancipio: sic in plurali generis omnis est, ut nos, vos. Ex tertia persona hæc est declinatio masculino genere numero singulari: N. ille, G. illius, D. illi, A. illum, A. ab illo: & pluraliter, N. illi, G. illorum, D. illis, A. illos, V. o illi, A. ab illis. Genere feminino, N. illa, G. illius, D. illi, A. illam, V. o illa, A. ab illa: & pluraliter, N. illæ, G. illarum, D. illis, A. illas, V. o illæ, A. ab illis. Genere neutro numero singulari, N. illud, G. illius, D. illi, A. illud, V. o illud, A. ab illo: & pluraliter, N. illa, G. illorum, D. illis, A. illa, V. o illa, A. ab illis. Iste, similiter & Ipse, ad formam superiorem declinabis, tam ad genera quam etiam ad numeros. Sane quæstio est in hoc pronome ipse, quare cum istud & illud, in genere neutro dicimus, dicamus ipsum, ut ait Virgilius; *Atque ipsum corpus amici*: non dixit, ipsud, Sed hæc quæstio solvitur hoc modo: Antiqui enim magis ipse dicebant in nominativo singulari generis masculini quam ipse. Hanc antiquitatis rationem adtendentes artis scriptores, pronomen hoc ad formam nominis transulerunt, ut quomodo in nomine justus, justa, justum dicimus, & perfectus, perfecta, perfectum, sic & hoc pronuntiabitur pronomen ipsius, ipsa, ipsum: non ipsud, quomodo istud & illud. Nominativo quis, G. cujus, D. cui, A. quem, V. o qui, A. a quo: & pluraliter, N. qui, G. quorum, D. quis vel quibus (ut Virgilius, *Quis ante ora patrum*), A. quos, V. o qui, A. a quibus. Feminino genere, N. quæ, G. cujus, D. cui, A. quam, V. o quæ, A. a qua: & pluraliter, N. quæ, G. quarum, D. quis, V. o quæ, A. a quibus. Genere neutro, N. quod, G. cujus, D. cui, A. quod, V. o quod, A. a quo: & pluraliter, N. quæ, G. quorum, D. quis, (sed jam secundum usum quibus dicimus) A. quæ, V. o quæ, A. a quibus. Antiqui, quis genere communi dixerunt, N. hic & hæc quis, G. hujus quis, D. huic qui, A. hunc & hanc quem, V. o quis, A. ab hoc & ab hac qui. Inde venit ablativus

Axiens in bus. A quis autem ablativus pluralis ab ablativo venir qui exit in o, quomodo in regula ablativus cum exierit in o, dativum pluralem in is mittit, ut a justo justis, a docto doctis, a perfecto perfectis, a fortunato fortunatis. Ergo ut superius dixi, antiqui hic & hæc quis dixerunt, & quomodo in nominibus hic & hæc similis, hic & hæc agilis, hic & hæc facilis: sic in pronomibus, hic & hæc quis, ab hoc & ab hac qui. Inde Virgilius cum de socia Camillæ diceret, ait: *Qui cum partiri curas*: id est, cum qua partiri curas. Item sunt alia infinita quæ interrogativa, & declinantur, nominativo uter, G. utrius, D. utri, A. utrum, V. o uter, A. ab utro: & pluraliter, N. utri, G. utrorum, D. utris, A. utros, V. o utri, A. ab utris. Inde addita in compositione, quæ syllaba, facit uterque, & significat ambos: & tamen singulari sono est, sed significatione duali. Nam cum dixit Virgilius, *Constitit in digitos extemplo arrectus uterque*: duo significati sunt, cum dixerit uterque: cum autem arrectus, noluit expectari pluralitatem, ut sit in plurali utrique. Sed hoc interest, quia uterque licet duo significet, tamen solum duo: utrique autem duo significat, sed sic ut in singulis multi sint: si dicas utrique exercitus, duo significo, sed sic in singulis turbam intelligi volo. Hæc quidem distincta sunt, sed item auctoritate confusa sunt. Nam cum ait Virgilius, *Super utraque quassa tempora*, confudit: dicere enim debuit, super utrumque tempus: loquebatur enim de duobus temporibus tantum, cui utrumque tempus sufficiebat accusativus, ut diceret, utrumque quassum tempus. Ergo ut declinavimus masculinum pronomen, sic femininum declinabimus, utra mulier, utrius mulieris, utri mulieri, utram mulierem, o utra mulier, ab hac utra muliere: & pluraliter, Nominativo utrae mulieres, genitivo utrarum mulierum, dativo utris mulieribus, accusativo utras mulieres, vocativo o utrae mulieres, ablativo ab his utris mulieribus. Sic neutro utrum mancipium, utrius mancipii, utri mancipio, utrum mancipium, o utrum mancipium, ab hoc utro mancipio: & pluraliter, nominativo utra mancipia, utrorum mancipiorum, utris mancipiis, utra mancipia, o utra mancipia, ab his utris mancipiis. Sic declinabimus ejus contrarium quod est neuter. Masculino neuter, feminino neutra, neutro genere hoc neutrum mancipium. Unde usus jam arripuit ut dicamus generis neutri, cum dicere debeamus neutrius, quomodo utrius. Addita conjunctione quæ syllaba, declinatur pronomen ipsum ad regulam supradictam. In masculinis, uterque: in femininis, utraque: in neutris utrumque. Sic pluraliter: in masculinis, utrique: in femininis, utraque: in neutris, utraque mancipia. Est & aliud pronomen, ullus, ullius, ulli, ullum, o ullus, ab ullo: pluraliter ulli, ullorum, ullis, ullos, o ulli, ab ullis. Femininum ulla, ullius, ulli, ullam, o ulla, ab ulla: pluraliter ullæ, ullatum, ullis, ullas, o ullæ, ab ullis. Neutrum ullum, ullius, ulli, ullum, o ullum, ab ullo: sic pluraliter ulla, ullorum, ullis, ulla, o ulla, ab ullis. Ad hanc formam declinabis & nullus, nulla, nullum: sic alius, hujus alius, huic alii: sic alter, hujus alterius, huic alteri: sic totus, hujus totius, huic toti: sic solus, hujus solius, huic soli: sic unus, hujus unius, huic uni: unde Virgilius,

Forſitan huic uni potui succumbere culpa.

Sunt & qualitatis pronomina, hic & hæc qualis, hujus qualis, genere communia: a genere autem neutro, hoc quale, hujus qualis: pluraliter hæc qualia, horum qualium. Sunt & quantitatis, ut quantus, tantus: quanti, tanti: declinantur ut justus justis. A feminino, ut quanta, tanta, declinantur ut justa. A neutro, quantum, tantum, declinantur ut justum. Item pronomen a masculino, quotus, rotus: a feminino quota, tota: a neutro, quotum, totum. Pluraliter a masculino, quoti, toti: a feminino, quoræ, totæ: a neutro, quora jugera, quorum jugerum. Sunt relativa quæ ad interrogantem referuntur, ut quis est? responderetur, is est: & declinantur a masculino, is, ejus, ei, eum, o is, ab eo: pluraliter ii, eorum, eis, eos, o ei, ab eis. A feminino, ea, ejus, ei, eam, o ea, ab ea. A neutro, id, ejus, ei, id, o id, ab eo. Ergo cum loquimur de itinere: per id iter, dicendum est: non per eum iter: quia cum, in accusativo casu, masculini generis est: plurali, ea itinera: ab eis itineribus. Item per id nostrum, per id rectum, per id caput: non per eum, nisi in genere masculino tantum.

VERBA quatuor modis accipimus: primo modo, cum verba pro fallaciis accipimus, cum dicimus, Verba illi dedit, fefellit eum: unde Terentius dixit, *Cui verba dare difficile est*. Secundo modo, verba pro oratione dicimus, Verba fecisse Ciceronem in curia. Tertio modo, verba dicimus pro vulgaribus sententiis quæ proverbia dicuntur, ut Terentius dixit: *Verum illud verbum vulgo est quod dici solet*. Quarto modo, verba dicimus hæc quæ decurrimus cum temporibus & personis, ut clamo, clamas, clamat. Hic & personæ sunt tres, ut clamo ego, clamas tu, clamat ille: & tempus est præsens. Deinde pluraliter, clamamus nos, clamatis vos, clamant illi. Tempore præterito imperfecto, clamabam ego, clamabas tu, clamabat ille: & pluraliter, clamabamus nos, clamabatis vos, clamabant illi. Tempore præterito perfecto numero singulari, clamavi ego, clamavisti tu, clamavit ille. Tempore præterito plusquam perfecto, ubi significamus non solum nos aliquid fecisse, sed etiam dudum, & dicimus numero singulari, clamaveram ego, clamaveras tu, clamaverat ille: & pluraliter, clamaveramus nos, clamaveratis vos, clamaverant illi. Tempore futuro numero singulari, clamabo ego, clamabis tu, clamabit ille: clamabimus nos, clamabitis vos, clamabunt illi. Hucusque modo indicativo totum hoc quod diximus indicantis est. Ideo dicitur imperativus, quia sonum habet imperandi. Sed iste modus non habet primam personam, quia nemo sibi imperat, sed ad secundam loquitur personam & tertiam. Numero singulari, ad secundam clama, & ad tertiam clament: & pluraliter, ad secundam clamate, ad tertiam clament. Futuro tempore, ad secundam clamato, ad tertiam similiter clamato. Sed quare similiter facit in secunda & tertia, est ratio: sed nunc prætermittenda est. Et ne ad alia tranſeamus, redeamus ad rem pluralem. Ad secundam personam clamato, ad tertiam clamanto. Sic autem optativum dicimus, quia optantis modo loquitur, primam personam tempore præſenti, utinam clamarem, ad secundam utinam clamares, ad tertiam utinam clamaret: & pluraliter ad primam personam, utinam clamaremus, ad secundam utinam clamaretis, ad tertiam utinam clamarent. Præterito tempore, ad primam personam utinam clamasse

ego,

De declinatione pronominum I. II. & III. personarum.

Eneid. 1

De declinatione infinitorum.

Eneid. 11

Eneid. 5

Eneid. 5

Eneid. 4

De verbo.

In Ant. dicitur.

Modus indicativus.

De modo imperativo.

De modo optativo.

ego, ad secundam utinam clamasses tu, ad tertiam utinam clamasset ille: & pluraliter utinam clamassemus nos, utinam clamassetis vos, utinam clamassent illi. Futuro tempore, prima persona, utinam clamem ego, utinam clames tu, utinam clamet ille: & pluraliter, utinam clamemus, clametis, clament. Ideo autem subjunctivus dicitur, quia eget aliqua re, ut impleat sententiam suam, ut puta cum clamem, clames, clamet: pendet hic sensus, indigetque aliqua re, ut sententia compleatur: ac si dicam, cum clamem, quate me tacere dicis? Ideo ergo conjunctivus modus dictus est, quia ei conjungitur aliquid, ut sententia locutionis plena sit. Ergo declinamus hunc modum ut superiores. Declinatur autem per personas tres: prima persona præsens temporis cum clamem, secunda persona cum clames, tertia cum clamet: & pluraliter prima persona cum clamemus, secunda cum clametis, tertia cum clament. Præterito tempore imperfecto, prima persona cum clamarem, secunda cum clamares, tertia cum clamaret: & pluraliter prima persona cum clamaremus, secunda cum clamaretis, tertia cum clarent. Tempore præterito perfecto, prima persona cum clamaverim, cum clamaveris, cum clamaverit: & pluraliter prima persona cum clamaverimus, cum clamaveritis, cum clamaverint. Tempore plusquam perfecto, prima persona cum clamavissim, cum clamavisses, cum clamavisset: & pluraliter prima persona cum clamavissimus, cum clamavissetis, cum clamavissent. Tempore futuro, prima persona cum clamavero, cum clamaveris, cum clamaverit: & pluraliter prima persona cum clamaverimus, cum clamaveritis, cum clamaverint. Infinitivus dicitur hic modus, quia superiores definiunt personas, primam, secundam & tertiam; hic autem modus sine personis est, & habet solum tempus præfinitum, præsens, præteritum & futurum: ut puta clamare, præsens est: clamasse, præteritum: clamatum ire, futurum. Ecce vides designare tantum tempora, non personas. Clamare enim, & clamasse & clamatum ire, necitur persona, nisi velis jungere & dicere, clamare deberille: tunc quasi fit finitum. Si autem non subjungas ille vel ipse vel iste, fit ut dicitur infinitivus modus: nam & numero singulari vel plurali infinitus est. Cum enim dico, clamare, clamasse, nec finitum est utrum de uno an de duobus dicam. Isti ergo sunt modi per quos omnia verba curantur. Jam ad formam unius verbi quod curamus percurramus cetera verba, similiter clamo clamas clamat, amo amas amat, canto cantas cantat, pulso pulsas pulsat, freno frenas frenat, armo armas armat, impugno impugnans impugnat, capto captas captat, paro paras parat, separo separas separat, acculo accusas accusat, mando mandas mandat, gravo gravas gravat, lavo lavas lavat, genero generas generat, creoo creas creat, ligo ligas ligat, alligo alligas alligat, sanctifico sanctificas sanctificat, cito citas citat, vulnero vulneras vulnerat, macero maceras macerat, lacerol laceras lacerat, aro aras arat, calco calcas calcat, laniol laniat, memoro memoras memorat, calceo calceas calceat, investigo investigas investigat, vallo vallas vallat, domo domas domat, circumvallo circumvallas circumvallat, curvo curvas curvat, medico medicas medicat, consulto consultas consultat, intimo intimas intimat, insinuo insinuas insinuat, frequento frequenter frequenter, celebros celebras celebrat, ministro ministras ministrat, palpo palpas palpat, sono sonas sonat, socio socias sociat, muto mutas mutat, postulo postulas postulat, quasso quassas quassat, eviscero evisceras eviscerat, denso densas densat, enervo enervas enervat, verbero verberas verberat, mactio mactas mactat, fugo fugas fugat, elimino eliminat, celo celas celat, signo signas signat, ventilo ventilas ventilat, contristo contristat, sereno serenat, & talia. Istis omnibus adjicitur r littera, & sunt passiva, ut clamor clamatis clamatur, amor amatis amatur, pulsor pulsaris pulsatur, secor secaris secatur, curor curaris curatur. Sic omnia percurreris per illos modos quos superius diximus, indicativum, imperativum, optativum, conjunctivum, infinitivum. Sane ex hoc sono quo verba activa ordinavimus, id est quo nos agere aliquid significavimus, sunt similes soni, sed ad verba pertinent neutralia. Sed ne te commoveat quare dicuntur neutralia, hæc ratio est, quia neque agunt aliquid neque patiuntur, ut est sto, jaceo, cubo, sedeo. Hæc in nulla actione, in nulla passione sunt. Alia neutralia abusu dicta, quæ habent actionem, sed passionem nullam: ut certo, habet actionem, sed non dicimus certor, ut curro. Ex quo sono multa sunt, quæ cum in o exeunt, or non admittunt, ut hæc verba, pugno pugnans pugnans, bello bellas bellat, cœno cœnas cœnat, nato natas natat, ambulo ambulans ambulat, navigo navigans navigat, commeo commecas commecat, æstuo æstuas æstuat, regno regnas regnat, gelo gelas gelat, dico dicas dicat, exsulo exsulas exsulat, sacrifico sacrificas sacrificat, cachinno cachinnas cachinnat. Hæc omnia primæ conjugationis sunt, quæ secundam personam horum omnium verborum in as syllabam mittunt, ut amo amas, canto cantas, pulso pulsas, freno frenas, armo armas, impugno impugnans, salto saltas, curvo curvas, pugno pugnans. Ergo audisti primam conjugationem, scire debes secundam verbi personam per as syllabam exire. Nam inde dicitur conjugatio, quod sibi ad unum sonum multa jungat. Has conjugationes Græci συζυγίας dicunt, Sic & similia omnia hæc inventa percurris.

De secunda conjugatione.

Secunda autem conjugatio est quæ in secunda similiter persona queritur, & exit per es, ut teneo tenes, præbeo præbes, moneo mones, doleo doles, tergeo terges, arceo arces, egeo eges, terreo terres, mulceo mulces, impleo imples, compleo complēs, repleo reple, suppleo supple, mordeo mordes, spondeo spondes, & talia. Et his adjicitur r littera, & sunt passiva, teneor teneris, mordeor morderis, arceor arceris, mulceor mulceris, impleor impleris. Declinabis hæc passiva per modos & tempora & personas. Per modos, ut dixi, indicativum, imperativum, optativum, conjunctivum, infinitivum, hoc est quod dixi per modos. Per tempora autem, id est præterita, præsens vel futura. Personas autem dixi, prima, secunda & tertia, ut teneor teneris tenetur, & pluraliter tenemur tenemini tenentur. Hæc sicut dixi observabis. Sed quomodo ut superius dixi, prima conjugatio quæ exit in as, ut amo amas, capit & verba neutralia, ut certo certas, nato natas, in quibus r littera non admittitur, nec enim dicimus certor, nator: sic in hac conjugatione secunda, quæ exit in eo, es, ut moneo mones; doceo doces, sunt multa, quæ non admittunt r litteram in prima

A persona, ut algeo alges, scateo scates: algeo enim non est latinum: sic serveo ferves, torpeo torpes, pendeo pendes, invideo invides: quamvis Horatius poeta invideo dixerit, sed nova usurpatione: sic emineo emines, nec dicimus emineor. Hæc duæ conjugationes prima & secunda, quas diximus exire in as & in es, ut amo amas, moneo mones, futurum semper tempus in bo syllabam mittunt, ut amabo, monebo. Sic servabis ubique futurum tempus in bo syllabam mittas, quia sunt aliæ duæ conjugationes, quæ futurum tempus in am syllabam mittant, non in bo, & vocantur ipsæ conjugationes tertia correpta & tertia producta. Tertia correpta est, quæ imperativum modum in e correptam mittit, ut scribe, tolle, carpe, occide, sere, lege. Ergo vidisti imperativum sic exire. Tertia itaque conjugatio est correpta, quæ semper futurum tempus in am mittit, numquam in bo, ut scribam, legam, tollam, carpam; quia latinum non est, si dixerit quis, scribebo, legebo, tollebo, carpebo. Tertia similiter conjugatio producta ex eodem imperativo modo colligitur. Cum enim imperativus modus exit in i litteram, tertia conjugatio producta est, ut audi, nutri, senti, muni, fari, leni & talia. Similiter etiam hæc futurum tempus in am mittunt, ut muniam, leniam, nutriam, audiam. Sed tertia correpta in infinito modo e correptam habet ante novissimam syllabam, ut scribere, legere tollere, & talia: tertia autem producta habet in antevissima syllaba in infinito i, quæ producit, ut munire, lenire, audire, fari, sentire, venire. Unde in omnibus verbis hæc conjugationes observantur, quæ exeunt in as & in es, futurum tempus in bo, mittunt, ut sepius dixi. Quæ autem in is exeunt, futurum tempus in am mittunt, nunquam in bo, nisi auctoritate præsumpta: nam ars hoc prohibet. Sed aliqua verba ponimus tertiæ conjugationis correptæ, ex quibus & alia consequaris. Sunt autem hæc, lego, tollo, erigo, carpo, cognosco, capio, fugio, mergo, sero, arguo, accipio, pono, fumo, accendo, expono, incipio. Hæc accipiunt r litteram, & faciunt passiva verba legor, carpor, capior, &c. Sub hac forma sunt neutralia, quæ non accipiunt r litteram, ut cado: non enim dicimus cador. Item ruo, neque enim dicimus ruor: facio, neque enim dicimus facior. Item fulgesco, niteco, ferveco, algesco, torpesco, compesco, nigresco. Hæc omnia r litteram non habent, & dicuntur verba neutralia quæ exeunt in sco. Ergo neutralia memineris semper nunquam admittere r litteram. Remanent duo alia verba quæ communia dicuntur & deponentia. Sed communia ideo dicuntur, quia communiter simul tenent sub uno sono activum & passivum. Quomodo in nominibus genus commune dicitur quod & masculinum tenet & femininum sub uno sono, ut sacerdos, homo, hic & hæc sacerdos facit, hic & hæc homo. Sic & verba communia dicuntur: & nunquam deponunt r litteram, ne non sint latina. Ut osculor, si tollas r litteram & dicas osculo, non est latinum. Et dicimus cum agimus osculor te, dum autem patimur & ab alio afficimur, dicimus osculor a te: sic criminor te, non crimino, cum actionem significamus, id est cum crimen obicimus, criminor te dicimus: cum autem crimen nobis obicitur, criminor a te dicimus, id est crimen a te audio, & est significatio passiva. Declinantur autem verba hæc ut superiora per modos, tempora & personas. Tempore præteriti singulariter criminor criminaris criminaretur: & pluraliter criminamur criminamini criminabamur criminabamini criminabantur. Præterito perfecto singulariter criminatus sum, criminatus es, criminatus est: & pluraliter criminati sumus, criminati estis, criminati sunt. Præterito plusquam perfecto singulariter criminatus eram, eras, erat: & pluraliter criminati eramus, eratis, erant. Futuro singulariter criminabor criminaberis criminabitur: & pluraliter criminabimur criminabimini criminabuntur. Imperativus autem modus semper in verbis in re exit, ut dicas criminare illum, id est crimen illiingere. Operativo modo sic, utinam criminare criminaretur: & pluraliter utinam criminaremur criminaremini criminarentur. Præterito perfecto singulariter utinam criminatus essem, criminatus esses, criminatus esset: & pluraliter criminati essemus, criminati essetis, criminati essent. Futuro singulariter utinam criminare criminaretur: & pluraliter utinam criminemur criminemini criminarentur. Conjunctivo modo singulariter cum criminare criminaretur. Præterito imperfecto singulariter cum criminaretur criminaretur. Præterito perfecto singulariter cum criminatus sum, criminatus sis, criminatus sit: & pluraliter criminati sumus, criminati sitis, criminati sint. Præterito plusquam perfecto singulariter cum criminatus essem, criminatus esses, criminatus esset: & pluraliter criminati essemus, criminati essetis, criminati essent. Tempore futuro singulariter cum criminatus ero, eris, erit: & pluraliter cum criminati erimus, eritis, erunt. Modo infinito, quem diximus nullas significare personas, facit in præteriti criminari. In præterito criminatum esse. In futuro criminatum iri. Ad hanc formam communia verba declinabis sic, hortor, jaculor, osculor, nidificor, tutor, consolor, scrutor, moror, fenerator, amplector, & furor, unde est furor furaris furatur, comitor, recordor, reminiscor, percunctor, minor, gestor, piscor, odoror, aucupor, venor, contemtor, speculor, sector, veneror, dignor, precor, miseror, vador, id est fide dico, calumnior, & talia quæ nunquam deponunt r litteram: nam si deponunt, latina non sunt. Quis enim dicat reminisco, aut recordo, vel digno, vel secto? Ergo memineris hæc semper cum r littera enuntiare. Restat verbum deponens, quod ideo dicitur, quia deponit aliquid de quantitate communis verbi. Nam cum participia quatuor habeat verbum commune: præsens, ut criminans: futurum, criminaturus: præteritum, criminatus: futurum criminandus, a passiva significatione criminandus, hoc non habet verbum deponens. Et ideo dicitur deponens, quia deponit unum participium futuri temporis a verbo passivo, quod exit in dus syllabam, ut puta opinor vel minor verba sunt deponentia. Venit a participio præteritis temporis, & facit minans, futuro tempore facit minaturus, præterito facit minatus. Futuro a significatione passivi non facit minandus: sic opinans opinaturus opinatus, opinandus non facit: vel si dicas moriens moriturus mortuus, non facit moriendus, quia non est latinum. Ergo & hoc deponens verbum sic percurrat per modos & tempora & personas. Quomodo

In Poeti-

De tertia & quarta conjugatione.

De verbo communi unde dicatur, & de conjugatione ejusdem.

De verbo deponenti.

ne. A pronominiſus etiam, a meo, tuo, meum, tuum : a verbis quoque, ut a curro curſim. Deprehenduntur ex utroque, ut pedetentim a pede & tento, id eſt a nomine ſimul & verbo. Sunt etiam adverbia, quæ utrum a nomine tranſeant, an a verbo incertum eſt, ut furim. Incertum eſt enim an a fure, quod nomen eſt, tranſeat, an a verbo furor futuriſ. A participiis quidam nolunt, ſed inveniuntur, ut a decenſe decenſer. A nominibus tracta adverbia ſex modis terminantur : aut in e, ut docte, pulcre, honeſte : aut in r, ut velociter : aut in im, ut urbertim, ſingillatim : aut in uſ, ut radicitus, mordicus : aut in u, ut noctu, diu : aut in i, ut domi, humi, veſperi. Adverbia qualitatis in e litteram exeuntia produci debent. Hæc tamen diſſentiunt quæ aut in comparativo, aut in ſuperlativo gradu vacillant, ut bene, male : aut quæ ab appellatione non tranſeunt, ut impune, ſæpe. Ceterum facile & difficile, quæ adverbia ponuntur, nomina ſunt, ex quibus hæc naſcuntur adverbia, ſcilicet difficiliter : ſed uſus hæc quaſi adverbia vindicavit. Quæcumque nomina qualitatis aut quantitatis, caſu dativo ſingulari, o littera terminantur, adverbia in e productam mittunt : ut a juſto, juſte. Sed hæc veteres indifferenter poſuerunt, ut humaniter, duriter. Quæ autem in i littera terminantur, in ter ſyllabam mittunt : ut agili, nobili, audaci, difficili : agiler, nobiliter, audaciter, difficiliter. Sed ex iis quædam per ſyncopem euphoniæ cauſſa dicimus, ut audacter, difficulter, ſapienter & conſtanter. Sunt adverbia communia cum aliis partibus orationis. Nominibus ſunt communia, ut ait

Adverbia a nominibus tracta ſex habent terminationes. Regula communis.

Saluſt. in Ingurth. Georg. 3. Aneid. 2. Aneid. 5. Aneid. 2. Eclog. 8. Aneid. 2. Ibidem. Aneid. 1. In Andria. Aneid. 6. Aneid. 6. Georg. 2. De participiis :
Saluſtius : *Falſo queritur de natura ſua genus humanum* : pro falſe. Virgilius, *Et pede terram crebro ferit. Et Multa Jovem manibus ſupplex oraſſe ſupinis*. Conjunctioni, ut quando adverbium ſecum eſt, plura ſignificat. Similitudinem ſic, *Ut quondam Creta fertur Labyrinthus in alta*. Tempus ſic, *Ut regem æquævum*, &c. *Ut vidi ut perii, ut me malus abſtulit error*. Qualitatem : ut, *Troianas ut opes & lamentabile regnum*. Quantitatem, ut, *Quibus Hector ab oris Exſpectate venis? ut te poſt multa tuorum Funera*. Conjunctionem autem ſignificat ſic, *Ut faciem mutatus & ora Cupido, Pro dulci Aſcanio*. Præpoſitioni, ut pro. Sed figura in adverbiiſ aut ſimplex eſt, ut docte, prudenter : aut compoſita, ut indocte, imprudenter. Gradus adverbiiſ accidunt quoties appellationes unde tranſeunt comparantur, ut docte, doctius, doctiſſime. Recipiunt & diminutionem, ut meliuſcule. Quamquam comparationem recipiunt & diminutionem, & quæ a ſe naſcuntur, ut nuper nuperrime. Adverbiiſ omnibus præpoſitio ſeparatim adjici non debet, quamquam lectum ſit, ab hinc apud Terentium, *Interea mulier quædam ab hinc triennium*. Et apud Virgilium, *Exinde per altum Mittitur Elyſium*. Et dehinc : ut, *Dehinc talia fatur* : &, *Deinde ſeraces Plantæ immituntur* : quæ omnia, & ſi quæ alia ſunt ſimilia ut proinde : placuit contra regulam accentum proferri, ne ſeparatim additæ præpoſitiones videantur adverbiiſ.

Regula communis.

De conjunctione.

Eclog. 2. Aneid. 1. Ibidem. Aneid. 2.

Aneid. 7.

HÆC pars orationis, & a verbo accipit partem, & a nomine : namque inde participium dicitur. Exit autem hæc pars orationis in præſenti tempore in ens & in ans ſyllabas, ut legens & amans. Futuro tempore in rus, ut legens lecturus, amans amaturus. In præterito lectus, amatus. Futuro legendus, amandus. Vides hanc partem orationis eſſe per tempora : omnia hæc a verbo mutuatur. Nam verbo conveniunt tempora. Quod autem declinatur per caſus, hoc a nomine mutuatur. Nam declinatio caſualis ad nomen pertinet, ut hic legens, hujus legentis, huic legenti, hunc legentem, o legens, ab hoc legente. Ergo quod hæc pars orationis, vel per tempora, vel per caſus currit, participium vocatur, quod partem capiat nominis partemque verbi. Non laborioſa pars eſt orationis, ſed intellectu facilis. Nam præſentis temporis exit in ans & in ens, ut amans, legens. Futuro agendi ſignificatione in rus, ut amaturus, lecturus. A pariendi ſignificatione in tus & in dus, ut amatus, legendus. Sane ipſum præteritum tempus tribus ſyllabis terminatur. In tus, ut lectus, ſcriptus. In ſus, ut occiſus, viſus. In xus, ut fixus, plus non invenies. Ergo ut diximus, præſens in ens & in ans, futurum in rus, præteritum in tus, futurum ſemper in dus. Sunt ſane nomina, quæ ſono participia putantur, ſed nomina ſunt. Participia enim illa ſunt, quæ a verbis veniunt, ut a lego legens lecturus lectus legendus. Tunicatus & galeatus & clypeatus & trophæatus, nomina ſunt, non participia, quia non a verbo veniunt. Eſt unum participium præteriti temporis in uſ, quod exire debuit per unum u, non per duo. Nam ubi geminata u littera nominativus eſt, nomen eſt, non participium, ut fatuus, ingenuus, arduus, carduus, exiguus, beluus, ut Cicero dixit. In uſ, ut talium contra regulam participiorum, mortuus putatur eſſe participium, ſed in vim regulamque nominis converſum eſt.

CONJUNCTIO eſt pars orationis neceſſeſ ordinanſque ſententiam. Conjunctioniſ accidunt, figura, ordo, poteſtas. Figura eſt, quæ apparet figura ſimplex. Sed equidem ordo quoque apparet, quæ præpoſiti tantum poſſit, ut nam : quæ ſubjungi, ut que : quæ præpoſiti & ſubjungi, ut igitur. Poteſtas conjunctionum in quinque ſpecies dividitur. Sunt enim copulativæ, &, que, at, atque. Diſjunctivæ, aut, vel, ve, nec, neque, neve, an, utrum. Expletivæ, quidem, equidem, autem, tamen, porro, videlicet, proinde, denique, utique. Cauſſales, ſi, etſi, tametſi, etiamſi, ſiquidem, quando, equidem, quin, quinetiam, ſin, ſinetiam, quamquam, quamvis, ſinautem, ſeu, ſive, namque, niſi, niſi ſi, enim, etenim, ſed, ut, præterea, interea, quamobrem, quare, præſertim, item, itemque, ceterum, alioquin. Rationales, ita, itaque, enim, enimvero, quapropter, quippe, quoniam, quoniamquidem, ergo, igitur, ideo, idcirco, ſcilicet, præterea. Ex hiſ, & copulativa multa ſignificat. Sæpe autem tranſit in alterius ſpeciem poteſtatis. Modo in expletivam, ut, *Et quæ tanta fuit Romam tibi cauſſa videndi?* Pro qualitatis & quantitatis, ut, *Timeo Danaos & dona ferentes*. Et, modo pro diſjunctiva, ut, *Et quiſquam numen Junonis adoret Præterea? aut ſupplex aris imponet honorem?* Modo pro cauſſali ponitur, ut, *Quorum Iphytus ævo Jam gravior, Pelias & vulnere tardus Ulyſſi* : pro, etiam vulnere tardus. Modo pro adverbio accipitur ordinandi, ut, *Corpuſque lavant frigentis & ungunt* : pro, deinde ungunt. Item, aut, conjunctioniſ multa ſignificat. Modo enim pro adverbio diſcretionis accipitur : ut,

Ante urbem pueri & primævo flore juventus

A

Exercentur equis, domitantque in pulvere currus, Aut acres tendunt arcus, aut lenta lacertis Spicula contorquent. Modo pro tempore ſignificat, ut, *Aut ante ora Deum pingues ſpaciatur ad aras, Inſtaurat donis epulas* : id eſt, nunc ante ora Deum ſpaciatur ad aras. Item, *Aut agmina curru*

Aneid. 12.

Aneid.

Proterit, aut raptas fugientibus ingerit haſtas.

Figuræ conjunctionum duæ ſunt, ſimplex, ut nam : compoſita, ut namque. Ordo conjunctionum in hoc eſt, quia aut præpoſitivæ conjunctiones ſunt, ut at, atque : aut ſubjunctivæ, ut que : aut communes, ut &, igitur. Sunt etiam diſtiones, quas incertum eſt utrum præpoſitiones an adverbia nominemus, quæ tamen omnes facile dignoſcuntur. Nam & conjunctiones pro aliis conjunctionibus poſitæ inveniuntur, poteſtate mutata,

B

OMNES præpoſitiones dicuntur generaliter. Species autem hæ, aliæ accuſativæ, aliæ ablativæ, aliæ utriuſque. Accuſativæ, per caſum accuſativum enuntiantur, ut ad, apud, ante, adverſus, cis, citra, circum, circa, contra, erga, extra, intra, infra, juxta, ob, penes, per, prope, propter, præter, poſt, pone, ſecundum, ſupra, trans, ultra. In hiſ præpoſitionibus ſervanda genera nominum, id eſt, maſculinum, femininum, neutrum, commune. Servandi etiam numeri, ut puta maſculino ſingulari, ad agrum : plurali, ad agros, Feminino ſingulari, ad villam, vel ad poſſeſſionem : plurali, ad villas, vel ad poſſeſſiones. Sic neutrum ſingulari, ad templum, ad Capitolium : plurali, ad templa, ad capitolia. Sic comuni genere ſingulari numero, ad civem, ad hoſtem, ad ſacerdotem : plurali, ad cives, ad hoſtes, ad ſacerdotes. Sic ergo omnes præpoſitiones obſervabis, ſervatis, ut dixi, generibus, ſervatis numeris ſingulari & plurali. Servatis ſimiliter pronominiſus ſecundum genera : maſculino, ad hunc, plurali, ad hos : feminino, ad hanc : plurali, ad has. Neutro, ad hoc templum vado : plurali, ad hæc templa. Sic comuni genere, ad hunc & ad hanc ſacerdotem : plurali, ad hos & ad has ſacerdotes, ſic ad hos & ad has hoſtes. In hiſ ablativum attendunt tam in ſingulari quam in plurali, ſervatis generibus numerique : ut puta, a, ab, abs,

De præpoſitione. Præpoſitiones accuſativæ.

Præpoſitiones ablativæ.

Præpoſitiones utriuſque.

C

cum, coram, clam, de, e, ex, pro, præ, palam, ſine, absque, tenus. Maſculino ſingulari, a fratre, plurali a fratribus. Feminino ſingulari, a ſore, vel a ſororibus, vel a civitate, a civitatibus. Ab ſingulari maſculino, ab amico, plurali ab amicis, ab agro, ab agris. Feminino ſingulari ab urbe, plurali ab urbibus. Neutro ſingulari ab templo, plurali ab templis. A comuni ſingulari a cive, plurali a civibus, ab hoſte, ab hoſtibus. Hanc declinationem ſerva in omnibus hiſ ablativis præpoſitionibus ſecundum genera & numerum. Remanet tertia ſpecies præpoſitionum, quæ dicuntur utriuſque, quæ & accuſativum tenent caſum & ablativum. Sed pleroſque ratio harum præpoſitionum præterit, ex qua diſtinctione intelligatur, ut non appareat expoſitum ejus : differentia hæc eſt in motu & in ſitu. Sed motum putaverunt quidam accuſativum tantum tenere : tenet autem utrumque, ſed certa ratione. Nam motus tunc tenet accuſativum caſum cum a locis in alia loca nos moveri ſignificamus, ut curro in forum, vel in campum. Et ſi ex alio loco dicimus nos currere in forum vel in campum, accuſativum caſum tenemus. Si autem in uno eodemque loco, ablativum : ut curro in foro, curro in campo : ſic ambulo in foro, & ambulo in campo. Si de alio loco ambulamus in forum, accuſativum tenemus. Si in eodem loco ambulamus, ablativum tenemus, ut ambulo in foro : ſic, cadit in forum, & cadit in foro. Virgilius : *Ingreſſiturque ſolo, & caput inter nubiſ condit*. ut eſt, *In arvis altius ingreditur*, id eſt ambulat : vi-

Aneid. 4. Georg. 4.

Aneid. 5.

Aneid. 6.

Aneid. 1.

Eclog. 5.

Aneid. 6.

Aneid. 8.

E

des motum eſſe, & tamen ablativum ſibi vindicare : ſed in loco, ut dixi, non de loco in locum. Sic lapſum in piſcinam, & lapſum dicimus in piſcina. Si de alio loco in piſcinam labatur, accuſativus eſt : ſi vero in eadem labatur piſcina, ablativus eſt. Venio autem ſemper accuſativus eſt, quia de loco ad locum quis venit. In loco autem jam cum ſit quiſque, ceſſat motus. Item motus de loco in locum, volvo vel evolvo : *Reperire viam qua evolvere poſſit. In mare ſe Xanthus* : ſcilicet ab alveo in mare. In ipſo autem volvi, ablativum tenet : ut, *Fundo voluntur in imo*. Sic, ſub, e loco in locum motus accuſativum tenet. De haſta Virgilius ſic ait, *Sub peſtus, ſub illam rem*. Item ſub ablativo : *Troje*, inquit, *ſub manibus altis Conſigit oppetere*, id eſt cadere vel jacere *Troje*, inquit, *ſub manibus altis*. Item de loco in locum, *Sive ſub incertis xephiris mutantibus umbras*. Et ſubjunct, *ſuccedimus*, ubi eſt motus de loco in locum. Super motus : *Super Garamantas & Indos Proſeret imperium*, motus eſt. In loco autem : *Gemina ſuper arbore ſidunt*. Item ſubter, de loco in locum : ut, *Auguſti ſubter faſtigia teſti Ingentem Aneam duxit*. In loco autem : *Omnes Ferre libet ſubter denſa teſtudine caſus*. Sic ſub, ſi de loco ad locum fiat motus accuſativum tenet : ut, ſub ſpeluncam curro. Si autem poſitus ſub ipſa ſpelunca curras, ablativum tenet : ut, ſub ſpelunca curro. Sic ſuper, ſi de loco ad locum fiat motus, accuſativum tenet, ſuper teſtum curro. Si autem poſitus quis ſuper teſtum currat, ablativum tenet : ſuper teſto curro. Sic, ſubter fluctus mergo, ſi ex littore motus fiat in demetſione, accuſativus eſt, ut mergo ſubter fluctus. Si autem quis ſit jam in fluctibus : ſubter fluctibus mergitur. Sed multum juvant hanc locutionem & obſervationem duo adverbia locorum, quo & ubi : quo, in locum motus eſt : ubi, in loco ſitus eſt : ut, quo venit telum ? in hoſtem : ubi hæſit ? in hoſte. quo voluit Catilina telum dirigere ? in conſulis corpore. ubi voluit deſigi ? in conſulis corpore. Sic enim ait de ſica : ut eam putes in conſulis corpore deſigere. Sic cum dicimus, quo fugimus ? ſcilicet in locum. Ubi latet ? in loco. Ergo, ut diximus, adjuvant adverbia hæc duo, ad conſuſionem diſtinguendi præpoſitiones utriuſque caſus. Sic namque de hac adverbiorum ratione purgatur & illud in Verrinis : Quod ille in caput ab hoſtium duce acceperat. Acceperat ergo vulnus directum in caput, acceptum in capite. Numquid quo accipis vulnus dicimus ? minimè : ſed, ubi accipis. Et Virgilius, *Quo ire jubes ? in locum ſignificat*. In loco autem, *ubi ponere ſedes ? Situs vero ablativum tenet, quia contrarius eſt motui*. Nam ipſum nomen, ſeſſionem quamdam ſignificat, ut puta, ſum in foro, eram in foro, fui in foro, futurus ſum in foro. Sic ſimpliciter ſedeo, jaceo, cubo, ſto, conſiſto, hæreo. Omnia hæc ad ſitum pertinent. Meditanda igitur ſunt & in uſum ducenda, ut jam

in hac

in hac præpositionum forma, & rectè & nulla hæsitatione loquentes stuidisse nos diligentius indicemus.

De interjectione.

Eclog. 1.

INTERJECTIO, non pars orationis est, sed signum affectionis erumpentis animi in vocem. Et significat aut lætitiā, ut *evax*: aut amaritudinem, ut *hæus*, apud Græcos, *φῆν*. Ergo quot sunt perturbati animi motus, tot voces reddunt: & vocantur interjectiones, quod interruptant orationem, ut est illud, *Hic inter densas corylos modo namque gemellos spem gregii*, mox interjectio per litteram *a*, *Ab silice in nuda connixa reliquit*. in medium orationis interjecta est a littera.

Omnes partes orationis decursæ a nobis sunt, quæ ad compendium sufficiant, aut occupatis, aut negligentibus. Sane quæ omisimus, in tractatu nominis reddimus. Scire enim debemus nomina numerorum a quatuor usque ad centum *ἄνωτα* esse, & generis omnis: ut quatuor viri, quatuor feminæ, quatuor mancipia. Sic per omnes casus, quatuor dicimus: ut puta virorum quatuor, mulierum quatuor, mancipiorum quatuor. Sic dativo viris quatuor, feminis quatuor, mancipiis quatuor. Sic A.

A viros quatuor, feminas quatuor, mancipia quatuor. Sic V. o viri quatuor, o feminæ quatuor, o mancipia quatuor. Sic A. a viris quatuor, a feminis quatuor, a mancipiis quatuor. Sed ideo dixi, a quatuor, *ἄνωτα* esse usque ad centum; quia duo declinantur, duorum, duobus, duos vel duo, o duo, A. ab his duobus. Sic declinantur & currunt per casus: hi & hæ tres, G. horum & harum trium, D. his tribus, A. hos & has tres, V. o tres, A. ab his tribus. A genere neutro, hæc tria, horum trium, his tribus, hæc tria, o tria, ab his tribus. Ex hac ergo forma intelligimus quomodo declinemus: hic duumvir, quasi duorum hominum unus vir. Sic triumvir trium hominum unus vir. Ergo hic admittit genitivum. nam quatuor ubi indeclinabile est, quatuor viri dicimus, vel quinque viri, vel sex viri. Unde Lucanus, *Septemvirque epulis*: pro genitivo posuit, septem. A ducentis usque ad nongentos declinantur nomina numerorum, ut hi ducenti, hæ ducentæ, neutro ducenta: mille, declinabile est.

* Opu-
sculum
istud ca-
pitulum
est de no-
vo ad
MSS.
quinque
in qui-
bus in-
scribitur
Tracta-
tus de
Diale-
ctica, &
Augusti-
no tribui-
tur. At
Chirii
Fortuna-
tiani no-
mine edi-
tum est
Basilica
an. 1558

PRINCIPIA DIALECTICÆ. *

CAPUT

I.
De sim-
plicibus
verbis.



DIALECTICA est bene disputandi scientia. Disputamus autem verbis. Verba igitur aut simplicia sunt, aut conjuncta. Simplicia sunt, quæ unum quiddam significant: ut cum dicimus homo, equus, disputat, currit. Nec mireris quod, disputat, quamvis ex duobus compositum sit, tamen inter simplicia numeratum est. Nam res definitione illustratur. Dictum est autem id esse simplex, quod unum quiddam significet. Itaque hoc includimus hac definitione, quod non includimus

cum dicimus loquor. Quamvis enim unum verbum sit, non habet tamen simplicem significationem, siquidem significat etiam personam quæ loquitur. Ideo jam obnoxium est veritati aut falsitati, nam & negari & affirmari potest. Omnis itaque prima & secunda persona verbi quamvis singillatim enuntietur, tamen inter conjuncta verba numerabitur, quæ simplicem non habent significationem. Siquidem quisquis dicat, ambulo: & ambulationem facit intelligi, & seipsum qui ambulat. Et quisquis dicit, ambulas: similiter & rem quæ fit, & eum qui facit, significat. At verò qui dicit, ambulat: nihil aliud quam ipsam significat ambulationem. Quamobrem tertia persona verbi, semper inter simplicia numerabitur; & nondum aut affirmari aut negari potest, nisi talia verba sint, quibus necessario cohæret personæ significatio consuetudine loquendi, ut cum dicimus, pluit aut ningit, etiam si non addatur quis pluat aut ningat, tamen quia intelligitur, non potest inter simplicia numerari.

CAPUT

II.
Verba
conjuncta.

CONJUNCTA verba sunt, quæ sibi connexa res plures significant, ut cum dicimus, homo ambulat, aut homo festinans in montem ambulat, & si quid tale. Sed conjunctorum verborum alia sunt, quæ sententiam comprehendunt, ut ea quæ dicta sunt: alia quæ non comprehendunt, sed expectant aliquid; ut eadem ipsa quæ diximus, si subtrahas verbum quod positum est, ambulat, quamvis enim verba conjuncta sint, homo festinans in montem; tamen adhuc pendet oratio. Separatis igitur his verbis quæ non implent sententiam, restant ea verba conjuncta, quæ sententiam comprehendunt: horum item duæ species sunt. Aut enim sic sententia comprehenditur, ut vero aut falso teneatur obnoxia, ut est, omnis homo ambulat; aut, omnis homo non ambulat; & si quid hujusmodi. Aut sic impletur sententia, ut licet perficiat propositum animi, affirmari tamen negare non possit: ut cum imperamus, cum optamus, cum exsecramur, & his similia. Nam si quis dicat, perge ad villam, vel utinam pergat ad villam, aut, dii illum perdant, non potest argui quod mentiatur, aut credi quod verum dicat. Nihil enim affirmavit vel negavit: ergo nec tales sententiæ in quæstionem veniunt, aut disputatorem requirunt.

CAPUT

III.
Quæ
simplices
sententiæ,
quæ
conjunctæ.

SED illæ quæ requiruntur, aut simplices sunt, aut conjunctæ. Simples sunt, quæ sine ulla copulatione sententiæ alterius enuntiantur, ut est illud quod dicimus, omnis homo ambulat. Conjunctæ sunt de quarum copulatione judicatur, ut est, si ambulat, movetur. Sed cum de conjunctione sententiarum judicium fit, tamdiu est donec perveniatur ad summam. Summa autem est quæ conficitur ex concessis. Quod dico tale est, Qui dicit, Si ambulat movetur, probare vult aliquid, ut hoc concessio, verum esse restet illi dicere, quod ambulet: & summa consequatur, quæ jam negari non potest, id est quod movetur: quæ item non potest concedi, id est quod non ambulet. Rursus si hoc modo velit dicere, homo iste ambulat, simplex sententia est; quam si concessero, & aliam quæ aliquid expectat ad completionem sententiæ adjunxerit: quisquis autem ambulat, movetur. Et hanc etiam si concessero, ex hac conjunctione sententiarum quamvis singillatim enuntiatum & concessarum, illa summa sequitur, quæ jam necessario concedatur, id est igitur homo iste movetur.

CAPUT

IV.
Conjunctas
sententiæ
subdivi-
dit.

HIS igitur breviter constitutis, singulas partes consideremus. Nam sunt primæ duæ, una de iis quæ simpliciter dicuntur, ubi est quasi materia dialecticæ; altera de iis quæ conjuncta dicuntur, ubi jam quasi opus apparet. Quæ de simplicibus, vocatur de loquendo. Illa vero quæ de conjunctis est, in tres partes dividitur. Separata enim conjunctione verborum quæ non implet sententiam, illa quæ sic implet sententiam, ut nondum faciat quæstionem vel disputatorem requirat, vocatur de eloquendo. Illa vero quæ sic implet sensum, ut de sententiis simplicibus judicetur, vocatur de proloquendo. Illa quæ sic comprehendit sententiam, ut de ipsa etiam copulatione judicetur, donec perveniatur ad summam, vocatur de proloquiorum summa. Has ergo singulas partes diligentius explicemus.

B VERBUM est uniuscujusque rei signum, quod ab audiente possit intelligi, a loquente prolatum. Res est quicquid intelligitur vel sentitur vel latet. * (Sciuntur enim corporalia, intelliguntur spiritalia; latet vero ipse Deus, & informis materia Deus est quod neque corpus est, neque animal est, neque sensus est, neque intellectus est, neque aliquid quod excogitari potest. Informis materia est mutabilitas mutabilium rerum, capax omnium formarum.) Signum est & quod seipsum sensui, & præter se aliquid animo ostendit. Loqui est articulata voce signum dare. Articulata autem dico quod comprehendere litteris potest. Hæc autem omnia quæ definita sunt, utrum recte definita sint, & utrum hæc verba definitionis aliis definitionibus profutunda fuerint, ille indicabit locus, in quo definiendi disciplina tractatur. Nunc quod instat accipe intentus. Omne verbum sonat. Cum enim est in scripto, non verbum, sed verbi signum est. Quippe inspectis a legente litteris, occurrit animo, quod voce prorumpat. Quid enim aliud litteræ scriptæ, quam seipsas oculis, & præter se animo voces ostendunt? Quia & paulo ante diximus, signum esse quod se ipsum sensui, & præter se animo aliquid ostendit: quæ legimus igitur non verba sunt, sed signa verborum. Sed ut ipsa littera, cum sit pars minima vocis articulata, abutimur tamen hoc vocabulo ut appellemus litteram, etiam cum scriptam videamus, quamvis omnino tacita sit, neque ulla pars vocis, sed signum partis vocis appareat: ita etiam verbum appellatur cum scriptum est, quamvis verbi signum significantis vocis non eluceat. Ergo, ut cæperam dicere, omne verbum sonat. Sed quod sonat, nihil ad dialecticam. De sono enim verbi agitur, cum quæritur, vel animadvertitur, quanta vocalium vel dispositione leniatur, vel concursione dehiscat: item consonantium vel interpositione nodetur, vel congregatione asperetur, & quot vel quibus syllabis constet, ubi poeticus rhythmus accentusque a grammaticis solo autium tractatur negotio. Et tamen cum de his disputatur, præter dialecticam non est. hæc enim scientia disputandi est. Sed tunc verba sunt signa rerum,

C quando de ipsis obtinent vim: verborum autem, illa de quibus hic disputatur. Nam cum de verbis loqui nisi verbis nequeamus, & cum loquimur non nisi de aliquibus rebus loquamur, occurrit animo ita esse verba signa rerum, ut res esse non desinant. Cum ergo verbum ab ore procedit, si propter se procedit, id est ut de ipso verbo aliquid quæretur aut disputetur, res est utique disputationi quæstioni-que subjecta. Sed ipsa res verbum vocatur. Quicquid autem ex verbo non auris, sed animus sentit, & ipso animo tenetur inclusum, dicibile vocatur. cum vero verbum procedit, non propter se, sed propter aliud aliquod significandum, dictio vocatur. Res autem ipsa, quæ jam verbum non est, neque verbi in mente conceptio, sive habeat verbum, quo jam significari possit, sive non habeat, nihil aliud quam res vocatur proprio jam nomine. Hæc ergo quatuor distincte teneantur, verbum, dicibile, dictio, res. Quod dixi verbum, & verbum est, & verbum significat. Quod dixi dicibile, verbum est; nec tamen verbum, sed quod in verbo intelligitur & in animo continetur, significat. Quod dixi dictionem, verbum est, sed tale quo jam illa duo simul, id est ipsum verbum, & quod fit in animo per verbum, significantur. Quod dixi rem, verbum est, quod præter illa tria, quæ dicta sunt, quicquid restat, significat. Sed exemplis hæc illustranda esse perspicio. Fac igitur a quodam grammatico puerum interrogatum hoc modo: Arma, quæ pars orationis est? Quod dictum est arma, propter se dictum est, id est verbum propter ipsum verbum: cetera vero quod ait, quæ pars orationis est, non propter se, sed propter verbum, quod arma, dictum est, vel animo sensa, vel voce prolata sunt. Sed cum animo sensa sunt, ante vocem dicibilia sunt. Cum autem propter id quod dixi, proruperunt in vocem, dictiones factæ sunt. Ipsum vero arma, quod hic verbum est, cum a Virgilio pronuntiatum est, dictio fuit: non enim propter se prolatum est, sed ut eo significarentur vel bella quæ gessit Æneas, vel scutum, vel cetera arma, quæ Vulcanus Æneæ fabricatus est. Ipsa vero bella vel arma, quæ gesta sunt aut ingesta ab Ænea; ipsa, inquam, quæ cum gererentur atque essent, videbantur, quæque si nunc adessent, vel digito monstrare possemus, aut tangere, quæ etiam si non cogitarentur, non eo tamen fit ut non fuerint: ipsa ergo per se nec verba sunt, nec dicibilia, nec dictiones; sed sunt res, quæ jam proprio nomine res vocantur. Tractandum est igitur nobis in hac parte dialecticæ de verbis, de dictionibus,

CAPUT

V.
Quo-
modo
de re-
bus,
verbis,
dicibili-
bus,
dictio-
nibus,
tracte-
tur in
logica.
* Istæ
absunt a
MSS.
Corbeiens.
& Ger-
man.

Diffe-
rent
dicibile
&
dictio.

Æneid.

nibus, de dicibilibus, de rebus: in quibus omnibus cum partim verba significantur, partim non verba (nihil est enim de quo non verbis disputare necesse sit) itaque de his primo disputatur, per quæ de ceteris disputare conceditur. Igitur verbum quodlibet, excepto sono, de quo bene disputatur, ad facultatem dialecticæ pertinet, non ad dialecticam disciplinam. Ut defensiones Ciceronis sunt quidem rhetoricæ facultatis, sed non his docetur ipsa rhetorica.

CAPUT VI.
De origine verbi.
Verbum unde dictum.
Ergo omne verbum propter id quod sonat, quatuor quædam necessaria vocat in quæstionem, Originem suam, vim, declinationem, ordinationem. De origine verbi quæritur, cum quæritur, unde ita dicatur: res mea sententia nimis curiosa, & non nimis necessaria. Neque hoc mihi placuit dicere, quod sic Ciceroni quoque idem videtur, quamvis quis egeat auctoritate in re tam perspicua? Quod si omnino multum juvaret explicare originem verbi, ineptum esset aggredi, quod persequi profecto infinitum est: Quis enim reperire possit, quod quid dictum fuerit, unde ita dictum sit? Huc accedit, quod ut somniorum interpretatio, ita verborum origo pro cuiusque ingenio prædicatur. Ecce enim verba ipsa quispiam ex eo putat dicta, quod aurem quasi verberent: immo inquit alius, quod aerem. Sed nostra non magna lis est. Nam uterque a verberando huius vocabuli originem trahit. Sede transverso tertius vide quam rixam inferat. Quod enim verum, ait, nos loqui oporteat, odiosumque sit natura ipsa iudicante mendacium, verbum a vero cognominatum est. Nec ingenium quattum defuit. Nam sunt qui verbum a vero quidem dictum putent, sed prima syllaba satis animadversa, secundam negligi non oportere. Verbum enim cum dicimus, inquit, primæ ejus syllaba verum significat, secunda sonum. Hoc autem volunt esse bombum. Unde Ennius sonum pedum, bombum pedum dixit. *Βόωναι* Græci clamare. Et Virgilius, *Reboant silvæ*. Ergo verbum dictum est quasi a vero boando, hoc est verum sonando. Quod si ita est, præscribit quidem hoc nomen, ne cum verbum faciamus, mentiamur: sed vereor ne ipsi qui dicunt ista, mentiantur. Ergo ad te jam pertinet judicare, utrum verbum a verberando, an a vero solo, an a vero boando dictum putemus; an potius unde sit dictum non curemus, cum quod significet intelligamus. Breviter tamen hunc locum notatum esse de origine verborum, volo paulisper accipias, ne ullam partem suscepti operis prætermisisse videamur. Stoici autem, quos Cicero in hac re irridet, nullum esse verbum, cujus non certa ratio explicari possit. Et quia hoc modo suggerere facile fuit, si diceret hoc infinitum esse, quibus verbis alterius verbi originem interpretaretis, eorum rursus a te originem quærendam esse, donec perveniatur eo, ut res cum sono verbi aliqua similitudine concinat, ut cum dicimus, æris tinnitum, equorum hinnitum, ovium balatum, tubarum clangorem, stridorem catenatum. Perspicis enim hæc verba ita sonare, ut res quæ his verbis significantur. Sed quia sunt res, quæ non sonant, in his similitudinem tactus valere, ut si leniter vel asperè sensum tangunt, lenitas vel asperitas litterarum ut tangit auditum, sic eis nomina pepererit. Et ipsum lene cum dicimus, leniter sonat. Quis item asperitatem non & ipso nomine asperam judicet? Lene est auribus, cum dicimus voluptas: asperum est, cum dicimus, crux. Ita res ipsæ afficiunt, sicut verba sentiuntur. Mel, quam suaviter res ipsa gustum, tam suaviter nomen tangit auditum. Acre, in utroque asperum est: lana & vepres, ut audiuntur verba, sic illa tanguntur. Hæc quasi cunabula verborum esse crediderunt, ut sensus rerum cum sonorum sensu concordarent. Hinc ad ipsarum inter se rerum similitudinem processisse licentiam nominandi: ut cum, verbi causa, crux propterea dicta sit, quod ipsius verbi asperitas cum doloris, quem crux efficit, asperitate concordat: crura tamen non propter asperitatem doloris, sed quod longitudine atque duritia inter membra cetera sint ligno crucis similia, sic appellata sunt. Inde ad abusionem ventum est, ut usurpetur non tam rei similis, sed quasi vicina. Quid enim simile inter significationem parvi & minuti, cum possit parvum esse, quod non modo nihil minutum sit, sed etiam aliquid creverit? Dicimus tamen propter quamdam vicinitatem, minutum pro parvo. Sed hæc abusio vocabuli in potestate loquentis est: habet enim parvum, ut minutum non dicatur. Illud magis pertinet ad id quod volumus ostendere, quod cum piscina dicitur in balneis, in qua piscium nihil sit, nihilque piscibus simile habear, videtur tamen a piscibus dicta propter aquam, ubi piscibus vita est. Ita vocabulum non translaturum similitudine, sed quadam vicinitate usurpatum est. Quod si quis dicat homines piscibus similes natando fieri, & inde piscinæ nomen esse natum, stultum est hoc refutare, cum ab re neutrum abhorreat, & utrumque lateat. Illud tamen bene accidit, quod uno exemplo dilucidare jam possumus, quid distet origo verbi, quæ de vicinitate arripitur, ab ea quæ de similitudine ducitur. Hinc facta est progressio usque ad contrarium. Nam lucus dictus putatur, quod minime luceat: & bellum, quod res bella non sit: & fœderis nomen, quod res fœda non sit: quod si a fœditate porci dictum est, ut nonnulli volunt, redit ergo ad illam vicinitatem, cum id quod sit, ab eo per quod sit nominatur. Nam & ista omnino vicinitas late patet, & per multas partes secatur. Aut per efficientiam, ut hoc ipsum a fœditate porci, per quem fœdus efficitur: aut per effectum, ut puteus, quod ejus effectus potatio est, creditur dictus: aut per id quod continet, ut urbem, ab orbe appellatam volunt, quod auspiciato loco circumduci aratro solet: cujus rei & Virgilius meminit, ubi Æneas urbem designat aratro: aut per id quod continetur, ut si quis horreum mutata, d, littera affirmet ab hordeo nominatum: aut per abusionem, ut cum hordeum dicimus, & ibi triticum conditur: vel a parte totum, ut mucronis nomine, quæ summa pars est gladii, totum gladium vocant: vel a toto pars, ut capillus quasi capitis pilus. Quid ultra provehar? Quidquid aliud annumerari potest, aut similitudine rerum & sonorum, aut similitudine rerum ipsarum, aut vicinitate, aut contrario, contineri videbis originem verbi, quam prosequi non quidem ultra soni similitudinem possumus; sed hoc non semper utique possumus. Innumera enim sunt verba, quorum ratio reddi non possit: aut non est,

A ut ergo arbitror: aut latet, ut Stoici contendunt. Vide tamen paululum, quomodo perveniri putant ad illa verborum cunabula, vel ad stirpem potius atque adeo sementum, ultra quod quæri originem vetant, nec si quis potest quidquam invenire. Nemo ambigit syllabas, in quibus, v. littera locum obtinet consonantis, ut sunt in his verbis, venter, vaser, velum, vinum, voinis, vulnus, crassum & quasi validum sonum edere. Quod approbat etiam loquendi consuetudo, cum quibusdam verbis eas subtrahimus, ne onerent aurem. Nam inde est quod amasti, libentius dicimus quam amavisti, & abiit, non abivit; & in hunc modum innumerabilia. Ergo cum dicimus, vim, sonus verbi, ut dictum est, quasi validus congruit rei, quæ significatur. Jam ex illa vicinitate per id quod efficiunt, hoc est quia violenta sunt, dicta vincula possunt videri, & vimen quo aliquid vincitur. Inde vites, quod ad miniculis quibus vinciantur nexibus pendent. Hinc etiam propter similitudinem, incurvum senem vietum Terentius appellavit. Hinc terra, quæ pedibus itinerantium flexuosa & trita est, via dicitur. Si autem via, quæ vi pedum trita est, creditur dicta, redit origo ad illam vicinitatem. Sed faciamus a similitudine vitis vel viminis, hoc est a flexu esse dictam: quærit ergo me quispiam, quare via dicta est: respondeo, a flexu, quia flexum velut incurvum vietum veteres dixerunt: unde vietos quod cantho ambiantur, rotarum ligna vocant. Persequitur quærire, unde vietum flexum dicatur: & hic respondeo, a similitudine vitis. Instat atque exigit unde istud sit vitis nomen: dico quia vincit ea quæ comprehenderit. Scrutatur ipsum vincere, unde dictum sit: dicimus, a vi. Vis quare sic appellatur, requirit: redditur ratio, quia robusto & valido sono verbum rei, quæ significatur, congruit: ultra quod requirat non habet. Quot modis autem origo verbotum corruptione vocum variatur, ineptum est prosequi: nam & longum, & minus quam illa quæ dicta sunt, necessarium est.

CAPUT VII.
De vi verbi.
Nunc vim verborum, quantum res patitur, breviter consideremus. Vis verbi est, qua cognoscitur quantum valeat: valet autem tantum quantum audientem movere potest. Porro movet audientem, aut secundum se, aut secundum id quod significat, aut ex utroque communiter. Sed cum secundum se movet, aut ad solum sensum pertinet, aut ad artem, aut ad utrumque. Sensus autem aut natura movetur, aut consuetudine. Natura movetur in eo, quod offenditur si quis nominet Artaxerxem regem, vel mulcet cum audit Euryalum. Quis enim etiam si nihil utique de his hominibus audierit, quorum ista sunt nomina, non tamen in illo asperitatem maximam, & in hoc iudicet esse lenitatem? Consuetudine movetur sensus, cum offenditur cum audit quiddam: nam hic ad suavitatem soni vel insuavitatem nihil interest: sed tamen valent aurium penetralia movere, utrum per se transeuntes sonos quasi hospites notos, an ignotos recipiant. Arte autem movetur auditor, cum enuntiatio sibi verbo, attendit quæ sit pars orationis, vel si quid aliud in his disciplinis, quæ de verbis traduntur, accepit. At vero ex utroque, id est & sensu & arte de verbo judicatur, cum id, quod aures metiuntur, ratio notat, & nomen ita ponitur: ut dicitur, optimus: mox ut aurem longa una syllaba & duæ breves huius nominis percusserint, animus ex arte statim pedem dactylum agnoscit. Sensem vero non secundum se, sed secundum id quod significat verbum movet, quando per verbum accepto signo, animus nihil aliud quam ipsam rem intuetur, cujus illud signum est quod accepit: ut cum, Augustino nominato, nihil aliud quam ego ipse cogitor ab ipso cui notus sum: aut quilibet hominum menti occurrit, forte hoc nomen, vel qui me ignorat audierit, vel qui alium novit, qui Augustinus vocetur. Cum autem simul & secundum se verbum movet audientem, & secundum id quod significat, tunc & ipsa enuntiatio, & id quod ab eo enuntiatur, simul advertitur. Unde enim sit quod non offenditur aurium castitas, cum audit, Manu, ventre, pene, bona patria laceraverat? Offenderetur autem si obscœna pars corporis sordido ac vulgari nomine appellaretur: in hoc autem sensum animusque utriusque deformitas offenderet, nisi illa turpitudine rei quæ significata est, decore verbi significantis operiretur, cum res eadem sit, cujus utrumque vocabulum est, veluti non alia meretrix, sed aliter ramen videtur eo cultu, quo ante iudicem state adsolet, aliter eo quo in luxuriosi cubiculo jaceret. Cum igitur tantam vim tamque multiplicem appareat esse verborum, quam breviter pro tempore summamque adigimus, duplex hic ex consideratione sensus nascitur: partim propter explicandam veritatem, partim propter servandum decorem, quorum primum ad dialecticum, secundum ad oratorem maxime pertinet. Quamvis enim nec disputationem deceat ineptam, nec eloquentiam oporteat esse mendacem, tamen & in illa sæpe atque adeo pene semper audiendi delicias discendi cupido contemnit, & in hac imperitior multitudo quod ornate dicitur, etiam vere dici arbitrat. Ergo cum appareat quid sit uniuscuiusque proprium, manifestum est & disputatorem, si qua ei delectandi cura est, rhetorico colore aspergendum, & oratorem, si veritatem persuadere vult, dialecticis quasi nervis atque ossibus esse roborandum, quæ ipsa natura corporibus nostris, nec firmitati virium subtrahere potuit, nec oculorum offensioni patere permisit. Itaque nunc propter veritatem dijudicandum, quod dialectica profiteatur, ex hac verborum vi, cujus quædam semina sparsimus, quæ impedimenta nascantur videamus.

CAPUT VIII.
Obsecrum & ambiguum. Differentia obsecrum & ambigui.
IMPEDIT auditorem ad veritatem videndam in verbis, aut obscuritas aut ambiguitas. Inter obscurum & ambiguum hoc interest, quod in ambiguo plura se ostendunt, quorum quid potius accipiendum sit ignoratur: in obscuro autem nihil, aut parum quod attendatur, apparet. Sed ubi parum est quod apparet, obscurum est ambiguum simile: veluti si quis ingreditur iter, excipitur aliquo bivio, vel trivio, vel etiam, ut ita dicam, multivio loco, sed densitate nebulae nihil viarum quod est eluceat: ergo a pergendo prius obscuritate tenetur. At ubi aliquantum rarefcere nebulae coeperint, videtur aliquid, quod utrum via sit, an terræ proprius & nitidior color incertum est: hoc est obscurum ambiguum simile. Dilucescente cælo quantum oculis satis sit, jam omnium viarum de-

Tria ge-
nera ob-
scuro-
rum,

ductio clara est, sed qua sit pergendum, non obscuritate, sed ambiguitate dubitatur. Item sunt obscurorum genera tria: unum est quod sensui patet, animo clausum est, tamquam si quis malum punicum pictum videat, qui neque viderit aliquando, nec omnino quale esset audierit, non oculorum est, sed animi, quod cuiusce rei pictura sit, nescit. Alterum genus est, ubi res animo pateret, nisi sensui clauderetur, sicut est homo pictus in tenebris: nam ubi oculis apparuerit, nihil animus hominem pictum dubitabit. Tertium genus est, in quo etiam sensui absconditur, quod tamen si nudaretur, nihilo magis animo emineret: quod genus est omnium obscurissimum, ut si imperitus malum illud punicum pictum etiam in tenebris cogere agnoscere. Refer nunc animum ad verba, quorum istæ sunt similitudines constitutæ. Pone quempiam grammaticum convocatis discipulis, factoque silentio suppressa voce dixisse, temetum, quod ab eo dictum, qui prope assidebant, satis audierunt: qui remotius, parum: qui autem remotissime, nulla omnino voce perstrikti sunt. Horum autem partim sciebant, illi scilicet qui nescio quo casu remotiores erant, quid esset temetum; reliquos prorsus latebat: omnes obscuritate impediabantur. Et hic jam perspicis omnia illa genera obscuritatum, Nam qui auditu nihil dubitabant, primum illud genus patiebantur, cui simile est, malum punicum ignorantibus, sed in luce pictum. Qui noverant verbum, sed auribus aut parum aut omnino non acceperant vocem; secundo illo genere laborabant, cui similis est hominis imago, sed non in conspicuo, sed omnino tenebroso loco. Qui autem non solum vocis, sed & significationis verbi expertes erant; tertii generis, quod omnino deterrimum est, cæcitate involuebantur. Quod autem dictum est, quoddam obscurum ambiguo simile, in his perspicui potest, quibus verbum erat quidem notum, sed vocem penitus nullam, aut non omnino certam perceperant. Omnia igitur obscura loquendi genera vitabit, qui & voce quantum satis est clara, nec ore impedito, & verbis notissimis utetur. Vide nunc in eodem grammatici exemplo, quam longe alias impediatur ambiguitas quam obscuritas verbi. Fac enim eos qui aderant & satis sensu accepisse vocem magistri, & illum verbum enuntiasse, quod esset omnibus notum, ut puta, fac eum dixisse, magnus, & deinde siluisse: adtende quid incerti hoc audito nomine patiantur. Quid si dicturus est: quæ pars orationis est? Quid si de metris quæsiturus, qui sit pes? Quid si historiam interrogaturus, ut puta, magnus Pompejus quot bella gesserit? Quid si commendandorum carminum gratia dicturus est, Magnus & pene solus poeta Virgilius? Quid si objurgaturus negligentiam discipulorum, in hæc deinde verba prorumpat, Magnus vos ob studium disciplinæ torpor invasit? Videtne remota nebula obscuritatis, illud quod supra dictum est quasi eminuisse multivium? Nam hoc unum quod dictum est, magnus, & nomen est, & pes chorius est, & Pompejus est, & Virgilius est, & negligentia torpor. Et si qua alia vel innumerable non commemorata sunt, quæ tamen per hanc enuntiationem verbi possunt intelligi.

CAPUT
XI.
Ambi-
guorum
genera.

Genera
ambi-
guorum
duo.

ITAQUE rectissime a dialecticis dictum est, ambiguum esse omne verbum. Nec movear quod apud Ciceronem calumniatur Hortensius, hoc modo: Ambigua se ajunt audire acute, explicare dilucide: item omne verbum ambiguum esse dicunt, quomodo igitur ambigua ambiguis explicabunt? nam hoc est in tenebras extinctum lumen inferre. Facile quidem atque callide dictum. Sed hoc est quod apud eundem Ciceronem Scævolæ dicit Antonius: Denique ut sapientibus diserte, stultis etiam vere videaris dicere. Quid enim aliud loco illo facit Hortensius, nisi acumine ingenii & lepore sermonis, quasi meraco & suavi poculo imperitis caliginem offundit? Quod enim dictum est, omne verbum ambiguum esse, de singulis verbis dictum est. Explicantur ambigua disputando, & nemo utique verbis singulis disputat. Nemo igitur ambigua verba verbis ambiguis explicabit. Et tamen cum omne verbum ambiguum sit, nemo verbum ambiguum nisi verbis, sed etiam conjunctis, quæ jam ambigua non sunt, explicabit. Ut enim si diceretur, Omnis miles bipes est, non ex eo sequeretur, ut cohors ex militibus bipedibus rota constaret. Ita cum dico ambiguum omne verbum, non dico sententiam, non disputationem, quamvis verbis ista texantur. Omne igitur ambiguum verbum non ambigua disputatione explicabitur. Nunc ambiguitatum genera videamus. Quæ prima duo sunt: unum in iis etiam, quæ dicuntur; alterum quod in iis solis, quæ scribuntur, dubitationem facit. Nam si quis audierit, acies, & si quis legerit, poterit incertum habere, nisi per sententiam clarescat, utrum acies militum, an ferri, an oculorum dicta vel scripta sit. At vero si quis inveniat scriptum, verbi causa, lepotem, nec appareat qua sententia positum sit, profecto dubitabit, utrum penultima hujus verbi syllaba producenda sit, ab eo quod est lepos, an ab eo quod est lepus corripienda. Quam scilicet non pateretur ambagem, si accusativum hujus nominis casum voce loquentis acciperet. Quod si quis dicat loquentem male pronuntiare potuisse, jam non ambiguitate, sed obscuritate impediretur auditor. Ex illo tamen genere quod ambiguo simile est, quia male Latine pronuntiatum verbum, non in diversas rationes trahit cogitantem, sed ad id quod apparet impellit. Cum igitur ista duo genera inter se plurimum distent, primum genus rursus in duo dividitur: nam quidquid dicitur, & per plura intelligi potest, eadem scilicet plura aut uno vocabulo & una interpretatione, aut tantum uno tenentur vocabulo, sed diversis expeditionibus explicantur. Ea quæ una definitio potest includere, univoca nominantur: illis autem quæ sub uno nomine necesse est definire diverse, æquivoci nomen est. Prius ergo consideremus univoca, ut quomodo genus hoc jam patefactum est, illustretur exemplis. Hominem cum dicimus, tam puerum dicimus quam juvenem, quam senem, tam stultum quam sapientem, tam magnum quam parvum, tam civem quam peregrinum, tam urbanum quam agrestem, tam qui jam fuit quam qui nunc est, tam sedentem quam stantem, tam divitem quam pauperem, tam agentem aliquid quam cessantem, tam gaudentem quam mærentem vel neutrum. Sed in his omnibus dictionibus nihil est,

A quod non ut hominis nomen accepit, ita etiam hominis definitione claudatur: nam definitio hominis est, Animal rationale, mortale: non ergo quisquam potest dicere animal rationale mortale juvenem tantum, non etiam senem & puerum, &c. aut sapientem esse tantum, non etiam stultum: immo & ista & cetera, quæ numerata sunt, sicut hominis nomine, ita etiam definitione continentur: nam sive puer, sive stultus, sive pauper, sive etiam dormiens, si animal rationale mortale non est: nec homo est. Est autem homo, illa igitur definitione contineatur necesse est: & de ceteris quidem nihil ambigitur: de puero autem parvo aut stulto, sive prorsus fatuo, aut de dormiente, vel ebrio, vel furente dubitari potest, quomodo possunt esse animalia rationalia, etiam si possit defendi, sed ad alia properantibus longum est. Ad id quod agitur illud satis est, non esse istam definitionem hominis rectam nisi & omnis homo eadem contineatur, & præter hominem nihil. Hæc sunt igitur univoca, quæ non solum nomine uno, sed una etiam ejusdem nominis definitione claudantur: quamvis & inter se propriis nominibus & definitionibus distinguantur. Diversa enim nomina, puer, adolescens, dives & pauper, liber & servus, & si quod aliud differentiarum est, & inter se ideo proprias definitiones habebunt: sed ut illis unum communione nomen est homo, sic animal rationale mortale definitio una communis est.

NUNC æquivoca videamus, in quibus ambiguitatum perplexio prope infinita silvescit: conabor tamen eas in genera certa distinguere. Utrum autem conatum meum hæc facultas sequatur, tu iudicabis. Ambiguitatum igitur, quæ ab æquivocis veniunt, primo genera tria sunt: unum ab arte, alterum ab usu, tertium ab utroque. Atte nunc dico, propter nomina quæ in verborum disciplinis verbis imponuntur. Aliter enim definitur apud grammaticos quid sit æquivocum, aliter apud dialecticos; & tamen hoc unum quod dico, Tullius, & nomen est, & pes dactylus, & æquivocum. Itaque si quis ex me efflagitet, ut definiam quid sit Tullius, cujuslibet notionis explanatione respondeo. Possum enim recte dicere, Tullius nomen est, quo significatur homo summus quidam orator, qui Catilinæ conjurationem consul oppressit. Subtiliter adtende me nomen ipsum definisse: nam si mihi Tullius ipse, qui si viveret, digito monstrari potuisset, definiendus foret, non dicerem, Tullius est nomen, quo significatur homo: sed dicerem, Tullius est homo, & ita cetera adjungerem. Item respondere possem, Hoc nomen Tullius est dactylus, his litteris constans: quod enim eas litteras habeat, opus est innuere. Licet enim illud dicere, Tullius est verbum, per quod æquivocantur inter se omnia cum hoc ipso, quæ supra dicta sunt, & si quid aliud inveniri potest. Sed dico, Cum ergo hoc nomen quod dixi, Tullius, secundum artium vocabula tam varie mihi licuit definire, quid dubitamus esse ambiguum genus ex æquivocis venientium, quod merito dici possit ex arte contingere? Diximus enim æquivoca esse, quæ non ut uno nomine, ita etiam una definitione possunt teneri. Unde nunc alterum genus est, quod ex loquendi usu venire memoravimus. Usus nunc appello illud verbum; propter quod verba cognoscimus. Quis enim verba propter verba conquirat & colligat? Itaque jam constitue aliquem sic audire, ut notum ei sit; nihil de partibus orationis, aut de metris quæri, aut de verborum aliqua disciplina: ramen adhuc potest cum dicitur, Tullius, æquivocorum ambiguitate impediri. Hoc enim nomine & ipse qui fuit summus orator, & ejus picta imago vel statua, & codex quo ejus litteræ continentur, & si quid est in sepulcro ejus cadaveris, significari potest. Diversis enim rationibus dicimus, Tullius ab interitu patriam liberavit, & Tullius inauratus in Capitolio stat, & Tullius tibi totus legendus est, & Tullius hoc loco sepultus est: unum enim nomen est, sed diversis hæc omnia definitionibus explicanda sunt. Hoc igitur genus æquivocorum est, in quo jam nulla de disciplina verborum oritur ambiguitas, sed de ipsis rebus quæ significantur. At si utrumque confundat audientem vel legentem, sive quod ex arte, sive ex loquendi usu dicitur, nonne tertium genus recte annumerabitur? Cujus exemplum in sententia quidem apertius apparet, ut si quis dicat, Multi dactylico metro scripserunt, ut est Tullius: nam hic incertum est utrum Tullius pro exemplo dactyli pedis, an dactylio poetæ positum sit: quorum illud ex arte, hoc ex usu loquendi accipitur. Sed in simplicibus etiam verbis contingit, licet tantum vocem hujus verbi grammaticus audientibus discipulis enuntiet, ut supra ostendimus. Cum igitur hæc tria genera manifestis rationibus inter se differant, nunc primum genus in duo dividitur. Quidquid enim ex arte, verborum facit ambiguitatem, partim sibi pro exemplo esse potest, partim non potest. Cum enim definitio quid significat nomen, possum hoc ipsum exempli gratia supponere, quod dico nomen, utique nomen est: hac enim lege per casus flectitur, dicendo nomen, nominis, homini, &c. Item cum definitio quid significat dactylus, hoc ipsum potest pro exemplo esse. Etenim cum dicimus, dactylus, unam syllabam longam & duas deinde breves enuntiamus. At vero cum definitur adverbium quid significet, non potest hoc ipsum pro exemplo dici: etenim cum adverbium dicimus, hæc ipsa enuntiatio nomen est. Ita secundum aliam notionem adverbium utique adverbium est, & nomen non est: secundum aliam vero adverbium non est adverbium, quia nomen est. Item pes creticus, quando quid significet definitur, non potest hoc ipsum pro exemplo esse: hac enim ipsa enuntiatio quando dicimus, creticus, prima longa syllaba, deinde duabus brevibus constat; quod autem significat, longa syllaba & brevis & longa est: ita & hic secundum aliam notionem, creticus nihil aliud est quam creticus, & dactylus non est: secundum aliam vero creticus non est creticus, quia dactylus est. Secundum igitur genus, quod jam propter disciplinas verborum ad loquendi usum dictum est pertinere, duas habet formas. Nam æquivoca dicta sunt, aut ex eadem origine venientia, aut ex diversa: eadem origine appello, quando uno nomine ac non sub una definitione teneantur, uno tamen quasi fonte demanant, ut est illud, quia

CAPUT
X.
Ambi-
guitas
ex æqui-
vocis
varia.

quia Tullius & homo & statua & codex & cadaver, intelligi potest; non possunt quidem ita una definitione concludi, sed tamen unum habent fontem; ipsum scilicet verum hominem, cujus & illa statua, & ille liber, & illud cadaver est. Ex diversa origine, ut cum dicimus, nepos, longe ex diversa origine filium filii & luxuriosum significat. Itæc ergo distincta teneamus, & inde illud genus, quod ex eadem origine appello, in quæ item dividatur: nam dividitur in duo, quorum unum translatione, alterum declinatione contingit. Translationem voco, cum vel similitudine unum nomen sit multis rebus, ut Tullius, & ille in quo magna eloquentia fuit, & statua ejus dicitur. Vel ex toto, cum pars cognominatur, ut cum cadaver illius Tullius dici potest: vel ex parte totum, ut cum tecta dicimus totas domus. Aut a genere species: verba enim principaliter dicunt Romani, quibus loquimur; sed tamen verba proprie nominata sunt, quæ per modos & tempora declinamus. Aut ab specie genus: nam cum scholastici non solum proprie, sed & primitus dicantur ii, qui adhuc in schola sunt; omnes tamen qui in litteris vivunt, nomen hoc usurpant. Aut ab efficiente effectus, ut Cicero est liber Ciceronis. Aut ab effectu efficiens, ut terror, quia terrorem fecit. Aut a continente quæ continentur, ut domus etiam qui in domo sunt dicuntur. Aut a conversa vice, ut castanea arbor dicitur quæ & fructus: vel si quod aliud inveniri potest, quod ex eadem origine quasi transfereudo cognominetur. Vides, ut arbitror, quid faciat in verbis ambiguitatem. Quæ autem ad eandem originem pertinentia conditione declinationis ambigua esse dicimus, talia sunt. Fac verbi causa quemque dixisse, pluit. Et hæc diverse utique definienda sunt. Item scribere cum dicit, incertum est utrum in infinitivo activi, an imperativo passivi pronuntiatum sit. Homo cum unum nomen sit, & una enuntiatio, tamen fit aliud ex nominativo, aliud ex vocativo. Quid doctius & docte verbi enuntiatio quoque diversa est. Doctius aliud est cum dicimus, doctius mancipium: aliud quum dicimus, doctius il-

lo disputavit. Declinatione igitur ambiguitas orta est: nam declinationem nunc appello, quidquid sive per voces sive per significationes flectendo verba contingit. Hic doctus & docte, tantum per voces flexum est. Hic homo & homo secundum solas significationes. Sed hujusmodi genus ambiguitatum minutatim concidere ac prosequi pene infinitum est. Itaque locum ipsum hactenus notasse suffecerit, ingenio præsertim tuo. Vide nunc ea, quæ ex diversa origine veniunt: nam ipsa dividuntur adhuc in duas primas formas, quarum una est, quæ contingit diversitate linguarum, ut cum dicimus iste, hæc una vox aliud apud Græcos, aliud apud nos significat. Quod genus tamen, non omnis novit: non enim unicuique perspicuum est, nisi qui linguas nosset, aut qui linguas disputeret. Altera forma est, quæ in una quidem lingua facit ambiguitatem, diversa tamen eorum origine, quæ uno vocabulo significantur, quale est illud, quod de nepote supra posuimus. Quod rursus in duo scinditur. Aut sub eodem genere partis orationis, sicut nomen est nepos, cum filium filii, & eum luxuriosum significat. Aut sub diversis, ut dictum est a Terentio. Qui scis ergo istuc nisi periculum feceris? sed etiam istuc pronomen, istuc adverbium. Jam ex utroque, id est arte & usu verborum, quod in æquivocis tertium genus posueramus, tot ambiguitatum formæ possunt existere, quot in duobus superioribus posueramus. Restat ergo illud genus ambiguum, quod in scriptis solis reperitur. Cujus tres sunt species: aut enim spatio syllabarum fit tale ambiguum, aut acumine, aut utroque. Spatio autem, ut cum scribitur, venit, de tempore incertum est, propter occultum primæ syllabæ spatium. Acumine autem, ut cum scribitur, pone, utrum ab eo quod est pono, an ut dictum: *Pone sequens, namque hanc dederat Proserpina legem*: incertum est propter latentem acuminis locum. At vero ex utroque fit, ut in superioribus de lepore diximus; nam non solum producenda, sed acuenda est etiam penultima syllaba hujus verbi, si ab eo quod est lepos, non ab eo quod est lepus, deflexum est.

Georg. 1.

A D M O N I T I O D E S E Q U E N T I O P U S C U L O .

OPUSCULUM de decem Categoriis castigavimus denovo ad MSS. septem, e quibus Germanensis pervetustus codex hæc in illius fronte præfert: Prologus Alchuini ad Karolum Augustum super categorias Augustini.

Continet iste decem naturæ verba libellus;

Quæ jam verba tenent rerum, ratione stupenda,
Omne quod in nostrum poterit decurrere sensum.

Qui legat ingenium veterum mirabile laudet,
Atque suum studeat tali exercere labore,

Exornans titulis vitæ data tempora honestis.

Hunc Augustino placuit transferre magistro,
De veterum gazis Græcorum clave latina.

Quem tibi Rex magnus Sophiæ sectator amator,
Munere qui tali gaudes, modo mitto legendum.

Categoriæ Aristotelis ab Augustino de Græco in Latinum mutatae. Eosdem versus exhibent MS. Michaelinus & Amerbachiana editio, sed superscriptione illa carent, Prologus Alchuini &c. Istud ipsum, opinamur, opusculum in lib. I. de Odonis Cluniacensis Abbatis vita designatur hisce verbis: Odo his diebus adiit Parisium, ibique Dialecticam S. Augustini * Deodato filio suo missam perlegit, & Marcianum in liberalibus artibus frequenter lectitavit: præceptor-

Itaque jam olim istius opusculi auctor credebatur Augustinus, cui alia complura a veteribus falso tributa fuisse nemo nescit. Et certe nusquam ipse meminit se de Categoriis tractasse: neque vero, uti supra observamus, deprehenduntur hic notæ eadem libri de Dialectica in I. Retraht. 6. memorati, quem videlicet dialogi forma scripserat, eoque consilio ut per corporalia ad incorporalia perveniret, aut duceret. Vides præterea quanti facit istius opusculi scriptor Aristotelicas categorias, quas jugi labore, nec non Themistii Philosophi magisterio se affecutum fuisse profitetur: cum e contra Augustinus in lib. 5. contra Julianum c. 14. illi adversario suo exprobrat, quod Aristotelis categorias insipienter sapiat, easque in lib. 4. Confess. c. 16. nullo se negotio, & absque magistri sui subsidio intellexisse testetur. Atque hic Aristoteli Platonem anteferebat, ut videre est in lib. 8. de Civitate Dei c. 12. ille haud dubie ceteris Aristotelem, qui ab ipso Philosophus vocitatur per antonomasiam. Illud demum non est prætereundum silentio, Adeodati nomen, quod in editis habetur initio post verba, o fili, non reperiri in MSS. nisi forte a secunda manu in marginali aut interlineari spatio superscriptum.

* Per errorem ex glossam MSS. e quibus Michael. in margine sic habet: Has Categorias trāsmisit filio suo nomine Adeodato.

C A T E G O R I Æ D E C E M E X A R I S T O T E L E D E C E R P T Æ .

CAPUT

I.
De oratione, & quam late pateat significationis.

CUM omnis scientia disciplinaque artium diversarum non nisi oratione tractetur, nullus tamen, o fili, in quovis genere pollens inventus est, qui de ipsius orationis vellet origine principiove tractare. Idcirco miranda est Aristotelis philosophi diligentia, qui disserendi de omnibus cupidus, ab ipsius coepit examine, quam sciret & prætermittam a cunctis, & omnibus necessariam. Is igitur nos docuit ex octo his, quas grammatici partes orationis vocant, eam solam recte appellari orationis partem, quæ indicaret aliquid, vocabuloque signaret. Itaque solas orationis partes, auctore Aristotele, nomen & verbum debemus accipere: ceteras vero ex his fieri, & compagines orationis potius, quam partes ejus debere nominari. Nomen namque personam demonstrat, verbum quid quisque faciat patiaturve. Dehinc quoque hoc docente debemus advertere, quo compendio pau-

Appendix Tom. I.

D latini oratio coartata per gradus cuncta quæ sunt uno vocabulo capta concluderit. Nam cum sit diversa innumerabilisque mortalium nuncupatio, nec comprehendi possit nominum tam lata diversitas, uno tamen vocabulo cum hominem dixeris, noscis omnes. Similiter & cetera, ut equus ille ἵππος vel αἰσπρος vel ὄνος, vel ille atque ille. Et quamquam sit horum nominum quoque infinita comprehensio, equum tamen cum quis dixerit, monstrabit omnes. Et si quis leonibus, quod fieri solet, vel bobus imponat nomina in immensum tenditur uniuscujusque cognitio, & acies mentis obtunditur: sed cum leonem, vel taurum dixeris, omnes qui ubique sunt, sub uno nomine naturæ succidunt. Verum orationis vis, quæ infinita genera procreandi varietate singulis vocabulis colligaverat, parum fecisse visa est, nisi eadem coartata in unum singularem nuncupatione concluderet. Ideoque & hominem & feram & equum dixit animal dans cunctis nomen quod

M m 2

om-

omnia possideret. Nec minus ea quæ sine anima sunt, brevi ex immensa demonstratione signavit: nam cum sit arbor & nucis & castaneæ & glandis & mali, ceteraque inexplicabilia genera virgultorum, surculum vocans, singulari omnia & communi vocabulo adstrinxit. Similiter ornamentorum diversos lapides compendiose vocavit gemmas. Postremo licet abunde prospexerat dispersa passim genera speciali nota concilians, tamen ingenti quodam & capaci ad infinitum nomine omne quicquid est comprehendens dixit *ἄνθρωπος*, extra quam nec inveniri aliquid, nec cogitari potest. Hæc est una de categoriis decem. Appellatas vero categorias constat, propterea quod non possint nisi ex subiectis agnosci, *ὡς κατὰ τινῶν λεχθῆσσι*. Quis enim quid sit homo possit agnoscere, nisi aliquem sibi hominem ponat ante oculos, quasi subiectum homini? Ne autem progrediente tractatu, in quo plurimis exemplis opus est, eadem ad docendum nomina repetantur, ac sæpe accidat ut vel Hortensii vel alius hominis, vel superius animalis, vel excelsius usque frequentata exempla in fastidium reciderent, alia his vocabula, quibus ad differendum philosophi uterentur, inflexit: itaque Hortensium, & nucis arborem, & equum Xanthum, & his similia, *κισθιτῆς*, *ἄπομη*, *ἐνέριθμη*, *καθέκασα* vocavit: *ἀσθιτῆς*, quod tactu sentientur: *ἄπομη*, quod dividi & secari nequeant: quis enim credat Hortensium cædi posse per partes? quod si fiat, Hortensius jam non erit: *ἐνέριθμη* quod sint numeri unius: *καθέκασα*, quod singularia: neque enim hæc in uno quovis geminari possunt. Deinde altiora, id est, hominem, equum, leonem, arborem, *εἶδεν* vel *ἰδέεν* ars dicit, quasi partes generis & rerum formas. Dehinc superiora, id est animalia & virgulta & gemmas & lapides, genera nuncupavit, ex quibus partes vel formæ nascuntur. Eadem tamen genera, species vel ideæ etiam nominari possunt, quod habent excelsius aliquid, id est usiam, ex qua oriri videntur & nasci. Ipsam vero usiam, supra quam nihil est, genus appellari voluerunt.

CAPUT II.
De equi-
voci &
multi-
voci.

HIS ita compositis, ea quæ mente concepta signari & demonstrari possunt, aggressurus Aristoteles, omisit illa interim quæ de verborum ratione tractantur, cum in linguæ usu provererit, ut uno nomine res multæ, & multis nominibus res una nuncupetur. His rebus quas unum nomen complectitur, duo vocabula ars dedit, ut ex his alia homonyma, alia synonyma vocaret. Homonyma sunt, cum res quidem plures commune nomen accipiunt, interpretatione vero ejusdem rei separantur, ut homo pictus & verus. In hoc namque idem nomen est: verum si ad definitionem vel ad interpretationem hominis redeas, inveniuntur ista disparia. Cum enim dixeris, verum hominem animal esse quod risum capiat & vim rationis admittat, cum de picto idem non possis dicere, necessario inveniuntur esse disparia. Regulariter autem accipere debemus, omne nomen licet proprium, quod possit esse commune cum ceteris homonymon vocari, ut Cicero non unus, sed plures. Sed si omisso nomine signis potius demonstrare velis quis sit ille Cicero, quis alius, quis tertius, alia de alio signa narranda sunt, ut alium crassum dicas, alium tenuem: vel longus dicatur alius, alter brevis, candido colore quis, alter nigro. Hæc igitur quoniam inter se discrepant, solo sociata nomine, homonyma dicta sunt, vocabulo juncta, rei interpretatione discreta. Synonyma vero sunt, res quæ & nomine & sui interpretatione junguntur, ut est animal: id enim de homine & equo & de fera & de avibus dici potest. Animal est quod cibum capiat, quod mortale sit, quod sensu moveatur. Nunc ad eas res, quæ singulæ multis nominibus signari solent, veniamus. Quamquam hanc partem Aristoteles, ut superius dictum est, prætermiserit, idcirco quod de his quæ significantur, non de his quæ significant, differendum putavit. In his autem non rerum, sed nominum vertitur quæstio. Hæc divisa sunt similiter in partes duas, & alia *πολυώνυμα*, alia *ἐτερόνυμα* sunt. Polyonyma sunt, cum multa nomina unam rem significant, neque ulla de differentia nominum redditur ratio, ut ensis, mucro, gladius: hæc enim cur unam rem tot significant, nec discerni, nec definiri potest. Dehinc heteronyma a multis æque nominibus res singulas tenent. Verum in his habet rationem diversitatis nominum, velut est homo terrenus mortalis: homo ab humanitate, terrenus a terra, in qua cuncta gignuntur, mortalis a necessitate mortis. Claret igitur in his nominum originem quæri, in superioribus rerum: quamobrem his omisissis, Aristoteles superiorum maluit movere tractatum. Ergo ad homonyma redeamus, quæ dividuntur in duas partes, aut enim fortuitu sunt, aut hominum voluntate nascuntur. Fortuitu sunt enim, cum quodam casu simile quis alteri nomen accipit. Voluntate, cum similitudo nominis ex industria imponentis affigitur: horum autem quæ industria vel voluntate nascuntur, quatuor sunt genera, *εἰκόν*, *κατ' ἀνalogίαν*, *ἄφ' ἐνός*, *πρὸς ἑνὶ*: ut eadem latinus quoque sermo declarat, similitudo, proportio, ab uno, ad unum. Similitudo est, ut homo pictus & verus in sola similitudine copulantur. Proportio est quod *κατ' ἐνλογίαν* Græci vocant, ut quo pacto principium animalis cor dicimus, ita principium aquæ fontem dicamus, proportio enim sui similitudo nominis videtur adjuncta. Ab uno est, cum dicimus a medicina medicinale ferramentum, medicinalis scientia, medicinalis usus, medicinale præceptum, ab uno in cuncta descendunt. Ad unum est, ut illa portio salubris est, ille medicus salubris est, ferramentum illud salubre. Hæc enim cuncta unum, id est salutem videntur adtingere.

CAPUT III.
Quid Aristoteles agat in eate-
goriis.

SED plerique movere adsolent quæstionem, de quibus magis Aristoteles voluit inchoare tractatum. Primo de iis quæ sunt, secundo de iis quæ percipiuntur, tertio de iis quæ dicuntur. Primo sunt res omnes, quas natura peperit: secundo percipiuntur ea, quorum imagines animo videndo formamus & recondimus: tertio dicuntur illa, quibus ea, quæ sunt impressa animo, efferuntur. Id namque quod quis concipit animo, lingua prosequente declarat. Sed ut Themistio nostræ ætatis erudito philosopho placet, de his Aristoteles tractare incipit, quæ percipiuntur, quæque ipse vocat Græco nomine

συναρμόδια five *ὁμοτιμία*, id est, imagines rerum insidentes animo: verum cum de perceptis proposuerit disputare, & de iis quæ sunt, & de iis quæ dicuntur, necessario locuturus est. Percepta enim ex his oriuntur quæ sunt, quæ videndo percipimus: perceptorum autem deerit demonstratio, nisi eorum, quæ dicuntur, auxilio fuerint demonstrata. Ergo quamquam separatim postea ea quæ sunt definiturus sit, mixtam tamen de tribus disputationem debemus accipere. Nam de perceptis qui loquitur, & originem rerum trahit, & præsidia orationis implorat. Superfluum igitur quæstionem movet, qui dicit scrutari oportere cur Aristoteles in principio suo homonyma lege vel dixerit, vel detexerit, si de his quæ percipiuntur fuerat tractaturus, cum liqueat non posse dici aliquid, nisi quod perceptum fuerit, nec percipi aliquid posse, nisi res fuerit de qua imago intuendo capiatur.

HIS ergo cognitis, paronyma videamus, quæ sunt in homonymorum & synonymorum medio constituta, & quæ nec paronyma dici possunt, nisi in se habuerint utrorumque contractum, id est nisi & nomen homonymorum & negotium synonymorum videantur habere commune, ut a sapientia sapientem, vel medicum a medicina dicamus, eadem in medico quæ in medicina & actus similitudo videtur & nominis. Propterea recte paronymum dictum est, quod aliunde nomen acceperit. Verum-ne eadem videantur paronyma & homonyma, quæ ab uno dicuntur, id est *ἑμῶς*, hanc differentiam debemus agnoscere, quod ipsa paronyma inter se quidem propter similitudinem nominis homonyma sunt, illius tamen nominis paronyma dicuntur, unde nomen acceperunt, ut puta a sapientia dicamus hominem sapientem sapiens consilium: inter se hæc homonyma sunt, ipsius vero sapientie paronyma. Observari tamen oportet, ut commutationem ultimæ syllabæ habeant: neque ita finiantur paronyma quemadmodum desinunt ea de quibus originem ducunt, ut medicina & medicus, medicina aliis litteris clauditur, aliis medicus. Hanc igitur differentiam nisi paronyma habuerint, & nisi cum synonymis negotio, cum homonymis nomine fuerint copulata, homonyma potius quam paronyma nominantur. Ut si a malitia vitiosum dicamus, negotio quidem cum synonymis convenit, sed ab homonymis discrepat nomine. Neque enim vitiosus & malitia similia sunt, quamquam eodem intellectu sentiantur. Quod si a malitia dicatur malus, recte utrumque convenit. In ultima vero syllaba non mutantur hoc modo, ut si dicamus a sapientia verba sapientia. Hic cum nulla commutata est syllaba, paronymi exclusa est nuncupatio. Unde constat hæc & his similia homonymis potius debere conjungi. Scire etiam debemus, verba aut simplicia esse, aut certe conjuncta. Conjuncta sunt, equus currit: simplicia, cum hæc separantur & dicuntur singula, ut equus, currit. Sed jam satis de his quæ significantur, dictum puto.

RESTAT ut eorum quæ sunt, quo pacto Aristoteles tractaverit, enarremus. Sunt igitur illa quæ aut percipimus sensibus, aut mente & cogitatione colligimus. Sensibus tenemus quæ aut videndo, aut contrectando, aut audiendo, aut gustando, aut odorando cognoscimus. Mente, ut cum quis equum, aut hominem, aut quodlibet animal viderit, quamquam unum corpus esse respondeat, intelligit tamen multis partibus esse concretum. Siquidem alia pars sit capitis, alia pedum, ceterorumque membrorum, in ipso capite partes suas aures habeant, habeat propriam lingua. Ipsæ quoque partes singulæ multa in se habeant, quæ dividi & separari possint: ut caro sit aliud corium, aliud venæ, aliud nervi, aliud capilli. Ergo hæc mente vel intellectu colligimus, ad quæ nostri sensus penetrare non possunt. Consideramus etiam illa, & animi intentione cognoscimus vel hominem, vel aliud animal, crescere, senescere, nunc stare, nunc movere gressus; modo angi curis, modo secunda mente conquirere; sanitate alias frui, alias dolorem perpeti; ex nigro album, nigrum ex albo colore mutari; peritum ex imperito, doctum ex indocto; ex mansuetum ferum, ex feroci mansuetum. Cum igitur ex iis quæ sunt, alia sensibus, alia mentibus colligantur, separare hæc propriis nominibus homines eruditi maluerunt; & id quod dignoscitur sensibus, jam dici *ἴσθαι*, illud autem quod animi tractatu colligitur, ac sæpe mutatur, *συμβεβηκός*, id est accidens, nominare voluerunt. Et quoniam in permanente usia ea, quæ accidunt, in esse noscuntur, ipsam usiam *ὑποκείμενον*, id est, subjacens, & non in subiecto appellari voluerunt; illa vero quæ accidunt, *ἐν ὑποκείμενῳ*, id est in subjacenti, dixerunt. Sine dubio tamen illud oportet a nobis agnosci, ut potiorum usiam accidentibus dicimus, sic potius *ἄτομον*, vel *καθέκασον*, id est hunc hominem vel hunc leonem, iis quæ fuerunt communia, vel communi vocata animalium nomine, judicare.

RURSUS ad ea quæ significantur, Aristoteles regressus est, quot modis ea quæ sunt significari adsolent, monstraturus. Ex his igitur quæ sunt, alia de subiecto significantur, & in subiecto non sunt, ut homo. De subiecto quidem significatur, aliquo homine: neque enim homo dici posset, nisi esset aliquis de quo diceretur. In subiecto autem nullo est, cum ipse sit usia, quam superius diximus in nullo umquam subjacenti esse; quippe cum sit ceteris ipsa subiecta. Alia vero nec in subiecto sunt, nec de subiecto significantur, ut est Cicero; nec in subiecto est, quia usia est; nec de subiecto aliquo significatur, siquidem cum a se ortum vocabulum teneat, neque intelligi possit aliunde. Dicta sunt duo quæ ad usiam pertinent, quo pacto significantur, quorum superior *κοινόν* id est commune, inferius *καθέκασον*, id est singulare dicitur. Nunc ea quæ sunt ex accidentibus, quoniam modo significantur dicendum est. Sunt igitur ex iis alia quæ & in subiecto sunt, & significantur de subiecto, ut est scientia vel color. Sunt enim in subiecto aliquo, id est in animo vel corpore: neque enim scientia potest esse, nisi sit anima subiecta qua contineatur; nec significari scientia posset, nisi de subiecta grammatica, vel color quisquam posset esse, nisi in subiecto corpore; nec significari posset, nisi de subiecto aliquo colore: ita sit ut & in subiecto sint, & de subiecto significantur. Alia vero sunt ex iisdem *συμβεβηκός*, id est accidentibus, quæ

CAPUT IV.
De denominationibus.

Differunt paronyma ab homonymis.

CAPUT V.
Substantia & accidentia.

CAPUT VI.
Quæ dicuntur de subiecto, quæ sunt in subiecto.

De arte
definiendi.

CAPUT
VII.
Quid ge-
nus, quid
species.

quæ in subiecto quidem sunt, sed de subiecto minime significantur, ut est, hæc grammatica, vel hic albus color. In subiecto quidem sunt, animo vel corpore, de subiecto autem non significantur. Neque enim his aliunde vocabulum pendet, sed suo & speciali nomine designantur. In iis quoque accidens superius, commune nominamus, inferius ubi jam certa res est pro parte, hoc est *καθέκαστον* dicitur. Verum ne aliquid non apertum præterire Aristoteles existimaretur, & oriundis quæstionibus occasionem daret, de eo quod in subiecto est, voluit tractare diligentius, ac definire quid esset, ut calumniantibus aditus clauderetur. Definit ergo in subiecto esse quod in altero est aliquo, non ut pars sit quædam, neque sine eo in quo est potest umquam esse. Hæc definitio addita propterea est, quia dici posset digitum vel pedem in subiecto esse, id est in corpore: hoc igitur exclusit cauta definitione, dicendo id esse in subiecto, quod ejus pars non sit in quo est: digitum autem vel pedem partem esse corporis constat. Dehinc a calumniantibus dici posset, aquam vel vinum in quodam cado quasi in subiecto esse: sed id oriri docta definitione non sinit, addens id esse in subiecto, quod sine subiecto esse non possit: vinum autem, vel aquam, sine cado in quo fuerit posse alibi esse, non potest dubitari. Interea hoc loco debemus advertere qua arte definitio disponatur. Primum enim hanc per immensum tendi oportet, incipientem a genere: dehinc paulatim per partes currendo pervenire debet ad id in quo solum est id quod definitur. Ut ii qui signaformant, primum immensum subdeligunt lapidem, dehinc paulatim minuendo & abscindendo superflua ad formandos vultus & membra perveniunt. Sic definitio a genere incipiens depulsa paulatim generalitate verborum, ad proprium demonstrandæ rei cubile tendit accedere. Sed ad propositum revertamur: tractatus enim erat de iis quæ sunt, quemadmodum significantur, de quibus quoniam jam multa dicta sunt, illud regulariter nobis tenendum est, omnia *καθ' ἑκαστον*, vel, *ἐν ἑκάστῳ*, vel, *ἁπλοῦς*, vel *ἀπλάττω*, id est hunc hominem, vel hunc equum, vel hanc arborem de subiecto significari non posse. Sin vero hæc eadem de accidentibus fuerint, id est hic color, hæc disciplina, in subiecto esse possent: quemadmodum enim superius demonstratum est, omne accidens sine subiecto esse non potest. Docti igitur sumus quo pacto, vel subiectum, vel in subiecto possumus agnoscere.

DEHINC nos Aristoteles docet, & illa quæ de subiecto significantur, qua ratione noscamus. In his autem speciale illud est, quod eadem in ipso subiecto inveniuntur, quæ sunt in eo quod de subiecto significatur: ut enim animal de subiecto significatur, homine vel equo, sic & homo de subiecto aliquo homine significetur necesse est: Cicero autem & homo est & animal. Quæcumque igitur prædicari de animali possunt, eadem & de homine & Cicerone prædicantur. Quapropter ea quæ in eo, quod de subiecto significatur, inveniuntur, & in eo, quod subiectum est, necesse est inveniri: ut si dicas, animal est quod cibum capiat, quod mortale sit, quod sensu moveatur: animal autem de subiecto significatur homine, eadem tamen & de homine dici necesse est, quæ de animali dicta sunt. Deinde quæ de homine dicta fuerint, eadem & de Socrate. Certum autem est Socratem subiectum esse homini, hominem autem animali. Quidquid igitur in iis, quæ de subiecto significantur, dictum fuerit, idem & de iis, quæ subiecta dicimus, prædicabitur. Regulariter autem illa de subiecto significantur, quæ per se ipsa cognosci non possunt, ut animal intelligi non potest nisi de subiecto homine, sic homo adverti non potest nisi de subiecto aliquo homine dignoscatur. Nunc quoniam de categoriarum omnium generibus & speciebus & differentia locuturi est, inspicendum prius videtur quid sit genus, quid species, quid differentia. Genus igitur est quod secundum multa & differentia, quid sit, specie ostenditur atque significatur, ut est usia. Omnino quidem usian dicimus; sed hoc commune nomen specie separatur, cum dicimus animal vel lapidem. Ita fit ut uno quasi conjuncta vocabulo, specie separentur. Differentia vero est, quæ secundum multa & differentia, non quid sit, sed quale sit specie prædicatur, ut est animal gressutum, volatile, aquatile, bipes, quadrupes. Genus ergo & differentia specie significantur. Sed genus quid sit, differentia autem qualis sit specie possunt agnosci. Species autem est, quam quidam & formam vocant, quæ secundum multa & differentia, quid sit numero prædicatur atque cognoscitur, ut est homo. Hoc nomen homines cunctos complectitur, & videtur id facere quod species, quæ de aliquo homine prædicatur, qui numerum in seipso contineat; ut est, hic primus, ille secundus, iste tertius. Ut tamen hæc tria uno exemplo monstramus. Genus est, animal: differentia, bipes, quadrupes: species, homo, equus. Sed ut genus nullum est, quod non habeat differentiam: sic nec differentiam intelligere debemus, quæ species non habebit, ut nigrum & album non habent differentiam, propterea quod ex se species non emittunt. Quæ enim alia species inveniri potest albi vel nigri? Quoniam igitur quid sit genus, quid differentia, quid species, separatim est: ad Aristotelis jam dicta veniamus: Hoc enim docente cognovimus, eorum generum quæ inter se diversa sunt, nec differentias easdem posse esse, nec species. Alia enim & species & differentia est, dum quæritur quid sit, alia dum quale sit, alia dum quantum sit: ut si velis animalis dicere differentiam, dicas volatile, bipes gressutum: si velis speciem, dicas hominem vel avem vel equum. Numquidnam & de disciplina eadem differentia vel species dici potest, propterea quod genera diversa sunt, animal & disciplina? Animal enim categoria est usiæ, disciplina categoria qualitatis. Denique illa genera, quæ alterna sibi societate *ἑσπέρην* conjuncta sunt, easdem differentias & easdem species habent, ut est usia, cujus species est animal. Sed idem animal genus est ceteris, ideoque & species & genus dicitur. Quoniam hæc igitur duo genera invicem se tenent, quæ Aristoteles quoque *ἑσπέρην* nominavit, easdem differentias habent, ut si dicas usian esse animal mortale, bipes, risus capax, eadem & de homine potes dicere. Certum est ergo invicem sibi conjunctis generibus, easdem & differentias & species inveniri. In diversis autem generibus hoc provenire non posse.

Appendix Tom. I.

RURSUS Aristoteles ad ea, quæ dicuntur, revertitur, quamquam superius dixerimus alterum sine altero tractari non posse. Nam & qui dicit aliquid, de eo dicit quod est: & id quod est, non potest ab altero intelligi, nisi dicatur. Eorum ergo quæ nulla sui copulatione dicuntur, quodcumque singulare dictum fuerit, aut usian significat, aut quantitatem, aut qualitatem, aut ad aliquid, aut jacere, aut facere, aut pati, aut ubi, aut quando, aut habere. Hæc sunt categoriæ decem, quarum prima usia est, scilicet quæ novem ceteras sustinet. Reliquæ vero novem, *συμβεβηκότι*, id est accidentia sunt. Ex quibus novem, sunt alia in ipsa usia, alia extra usian, alia intra & extra. Qualitas, quantitas, & jacere in ipsa usia sunt: mox enim ut usian vel hominem vel equum dixerimus, advertamus necesse est bipedalem, quadrupedalem; aut album, aut nigrum; aut stantem, aut jacentem. hæc in ipsa usia sunt, & sine hac ipsa esse non possunt. Alia sunt extra usian, ubi, quando, habere: & locus ad usian non pertinet, & tempus, & vestiri & armari, sed ab usia separata sunt. Alia sunt communia, id est & intra & extra usian: ad aliquid, & facere, & pati: ad aliquid, ut majus & minus: utraque enim dici non possunt, nisi conjuncto altero quo majus sit vel minus. propterea ergo unum in se habent, aliud extra se. Item facere, extra est & intra, ut cadere quisque non potest dici, nisi alterum cadat: vel legere, nisi ipse legens aliud sit, aliud quod legit. Ita ergo & in usia hæc est, & extra usian. Pati similiter, cædi enim vel uri nullus potest, nisi ab altero patiatur. Propterea hæc quoque & in usia est & extra usian. Hæc igitur cum singularia sunt, nihil affirmant: copulata vero faciunt ex se aliquem sermonem, vel *προσκειμένον*, vel *ἀπτικόν*, vel *ἐρωτηματικόν*, vel *κλητικόν*: ut hæc quoque latino ore monstramus, vel imperatum, vel optatum, vel interrogatum, vel vocatum. Hæc quoque sermonis quasi quatuor genera suspensa sunt atque simplicia inrerim ideoque semiplena. Neque enim jam intelligitur vel quid imperativum sit, vel quid optativum, vel quid interrogativum, vel quid vocativum, nisi accesserit genus *ἀποφαιτικόν*, id est pronuntiativum, quod habeat in se quamdam confirmandi sententiam, quæ aliquid aut addat aut demat: quod Aristoteles *κατάφασιν* & *ἀπόφασιν* dixit, ut est, cælum hoc volubile est, cælum hoc non est volubile. Ipsum denique pronuntiativum, quod diximus apophantico, aut falsum est aut verum. Quamobrem omissis illis quatuor quæ magis ad grammaticos vel oratores pertinent, hujus apophantici, quod ad philosophos attingit, Aristoteles habuit mentionem.

EXPOSITIS igitur omnibus quæ disputaturis necessaria videbantur, singulas categorias oportuit definire. Sed usia quoniam secundum artem definiri non poterat, quæ præcipit, ut definitio quo possit tendi latius, a genere sumat exordium, ipsa autem usia genus non habet, cum omnia ipsa sustineat, per partes eam voluit definire, ut quid sit non solum ejus definitione, verum partium quoque cognitione noscatur. Est igitur usia proprie & principaliter dicta, quæ neque in subiecto est, neque de subiecto significatur, ut est hic homo, vel hic equus. Secundæ dicuntur usiæ, genus & species, id est animal & homo. Has ergo secundas substantias nominari dicit, propterea quod illa sit potior, quæ neque in subiecto est, neque de subiecto prædicatur. Secundæ autem substantiæ idcirco dictæ sunt genus & species, quod solæ indicent primam. Ut si quis nolit vel nesciat dicere Socratem, dicat animal vel hominem, id est genus vel speciem, his vero dictis quid sit Socrates agnoscitur. Aliud autem si dicat, vel currit, vel ambulat, nihil possit agnosci. Manifestum est autem ea, quæ de subiecto significantur, cum iis, quæ subiectum sunt, & nomen & rationem nominis habere communem, ut homo & de subiecto aliquo significatur homine, sed non solum nomen, verum etiam rationem eandem in subiecto invenies, quam in eo quod de subiecto significatur poteris invenire. Ipsarum deinde secundarum usiarum potior est species genere: magis enim proxima est species primæ usiæ quam genus. Si enim quis velit ostendere quid sit prima usia, facilius monstrabit si dixerit speciem, quam si dixerit genus. Ut si quis Socratem volens dicere omisso ejus nomine, magis eum significet si hominem dixerit, quam si animal. Animal enim & equum & aquilam possumus agnoscere. Deinde ut primæ substantiæ subiectæ sunt omnibus, & his omnia sustinentur; ita etiam species generi, arque ideo magis usia ista, quam cetera. Videndum est etiam, ne quam speciem solam putamus, eadem sit & genus: ut si quis animal dixerit, dixit & genus. Deinde si dicat hominem, equum, piscem, avem, pronuntiemusne omnia solas species esse? Cum enim sint homo & equus, species manifestæ sunt, piscis autem & avis, genera & species (non enim una forma est avium & piscium) propterea ergo & species & genera nominantur. Illæ autem quæ solum species sunt, sicuti est homo, equus, aquila, taurus, æqua virtute usiæ sunt. Ut enim homo usia est, sic & equus, & aquila & taurus in suo genere. Decursis igitur partibus per quas usia definita est, & alio modo voluit eam definire, si ostenderet ea, quæ necesse est in ea naturaliter inveniri. Ea enim quæ insunt cuique, aut in solo & in omni, aut in solo & non in omni, aut in omni & non in solo, aut nec in solo nec in omni. Hæc Græci vocant, *ἐν μόνῳ καὶ ἐν παντί*, *ἐν μόνῳ ὅτι καὶ ἐν παντί*, *ἐν παντί καὶ καὶ ἐν μόνῳ*, καὶ καὶ ἐν μόνῳ ὅτι καὶ ἐν παντί. Ut si hominem definire volens, dicat risus capace esse, hoc & in solo est, & in omni. Solus namque homo ridet, & cunctis ridere naturale est. Secundo, in solo & non in omni, ut si hominem definiens, capace disciplinæ dicat esse, hoc in solo quidem homine inveniri potest, non tamen in omni: neque enim omnes disciplinas aliquas didicerunt. Tertio, in omni & non in solo, ut si quis hominem definiens, dicat id hominem esse quod ambulat, & quod cibum capit: hoc in omni quidem est homine, non tamen in solo: nam & pecudes cibum capiunt, & fere currunt. Quarto, nec in solo, nec in omni, ut si quis in hominis definitione id esse hominem dicat, quod album est, nec in solo, nec in omni est. Neque enim aut homo solus candidus invenitur, & non bos aut equus, aut omnis homo albus est. Duo ergo sunt, quæ ad investigandum aliquam viam monstrant, & duo, quæ certum aliquid significare non possunt. Id quod est nec in solo, nec in

M m 3 omni,

CAPUT
VIII.
De præ-
dica-
mentis
in gene-
rali.

CAPUT
IX.
De usiæ
sive sub-
stantia.
Usiæ pro-
prie.

Secundæ
usiæ quæ
dicantur.

omni, nihil ex hoc possumus agnoscere; siquidem generale est. Alterum in omni, non in solo, non habet differentiam; proptereaque similiter respuendum est. Duo sunt reliqua, quæ certis signis, id in quo fuerint, poterunt demonstrare, id est in solo & in omni. Dubitari enim non potest, quin cum inveneris, pronunties quid sit id, in quo inesse cognoscitur. Alterum est in solo, non in omni, non quidem virtutis ejusdem, verumtamen quod ad definiendam rem necessario quærendum sit, si primum non potuerit inveniri. Nunc igitur ut designet usiam, ab in omni, non in solo argumentari incipit, cum demonstrat esse secundas usias, quas idcirco secundas dicit esse, quia id in his inveniri poterit, quod in primis. Denique dicit commune hoc esse cuilibet usiæ, ut in subiecto non sit. Cum igitur nec genus nec species in subiecto inveniantur, manifestum est hæc secundas usias debere nominari. Deinde hinc quoque ostendit genus & speciem secundas usias esse, quod omnia quæ sunt in subiecto, cum iis, quæ sibi subiecta sunt, interdum solum nomen, non tamen & rationem possunt habere communem. Genus autem & species cum subiectis, id est cum aliquo homine certam & rationis habent & nominis societatem. Monstratis ergo secundis usiis, id est, genere & specie, differentia sola restabat, quæ consideranti diligentius, quasi accidens esse videtur. Siquidem bipes vel mortale vel rationale cum animal dicitur, non quid sit, sed quale sit potius demonstratur, ideoque videtur vim tenere qualitatis. Verum quando a genere prima oritur differentia, & sic sequitur species, in accidentibus non debet numerari. Atque ideo Aristoteles eam significatione quidem mixtam dixit, virtute autem inter usias habendam decrevit: eadem enim in hac inveniri pronuntiat, quæ & in ceteris substantiis reperiuntur: id est cum subiecto posse, & nomen & rationem habere consimilem. Cum enim gressutum hominem dicimus, in subiecto idem & vocabulum, & ejus rationem eandem possumus invenire: Socrates enim & homo est & gressutus. Similiter prosequitur cetera argumentando variata, demonstrans quædam inesse usiæ, quæ sola & omnis habeat, quædam quæ sola & non omnis, quædam quæ omnis & non sola, quædam nec sola nec omnis. Quæ quoniam in Aristotele ipso manifesta sunt, superfluum visum est aperire: maxime cum hic sermo non transferre omnia quæ a philosopho sunt scripta, decreverit, sed ea planius enarrare, quæ rudibus videbantur obscura.

CAPUT
X,
De quantitate.

DESCRIPTA igitur usia, quia defini non potuit propter eas causas quas superius memoravi, accidentium definitionem necessarius ordo poscebat. Quorum primum est, quantum, nec sine causa: nam cum aliquid viderimus, id necesse est, quantum sit, æstimare. Quantum vero sit, inveniri non potest, nisi fuerit adhibita mensura collectum. Si ergo omiſſa latitudine, solam quis longitudinem voluerit emetiri longitudine sine latitudine mensuræ subiecta, γράμμι dicitur. Non quod sit longitudo aliqua quæ careat latitudine, sed quod solam quis metiens longitudinem γράμμι metiri dicitur. Emenſa vero cum longitudine latitudo, dicitur ἐπιφάνεια. Sin autem & altitudo fuerit mensuræ sociata, corpus cuncta perficiunt. Quod tamen non ita accipimus, quemadmodum solemus accipere naturale corpus, ne ad usiam reverti videamur. Deinde metimur & locum, in quo aliquid constitutum est. Tempus quoque mensuræ subijcitur: nam cum movetur aliquid, ipso motu necesse est & temporis habere mensuram, cum dicimus primo, vel secundo, vel tertio anno pervenit, vel mense, vel die, vel hora, vel momento. Hoc modo igitur quantum sit quidque colligitur. Ipsi autem quanti aliud est cohærens, aliud separatum. Cohærens est gramme, epiphania, corpus, locus & tempus. In his enim singularum partium terminos non potest habere mensura. Simul namque ut gramme medio punctum figens, quasi certum mensuræ terminum dederis, utrarumque partium, quæ divisa gramme factæ sunt, sit terminus ille communis, ut incertum sit cui parti affixus terminus videatur: adeo pars utraque sibi cohæret atque conjuncta est. Epiphania quoque, simili de causa, connexa dicitur & cohærens. Denique si quis hanc dividere voluerit, in ejus medio grammen ponat necesse est: cum gramme hæc, quæ epiphaniam dividit, ex hac duas partes fecerit, ipsarum duarum partium ipsa gramme terminus incipit esse communis: si enim sibi connexa est, ut non appareat cui terminus videatur infixus. Similiter corpus si quis secare voluerit, dividendi corporis terminus gramme vel epiphania sit necesse est: ipsa enim præcisio, quam gramme facit cum epiphania, necesse est in corpus descendat: atque ideo incertum est, sive gramme, sive epiphania, cui parti terminum dederint, cum diviso corpore in utraque parte epiphaniam necesse est inveniri. Ideoque corpus cohærens est in quo faciendarum duarum partium communis est terminus. Temporis quoque similis ratio est, cui dividendo si velimus terminum dare, dicamus, modo. Modo autem inter præteritum & futurum tempus ita confusum est, ut incertum sit quo debeat separari. Locus autem quomodo corpus quodcumque circumdat, & corporis partibus occupatur, ita communi termino patitur, quemadmodum partitur & corpus: ac propterea eum necesse est cohærentem ut cetera nominari. Separata vero sunt, numerus & oratio. Quis enim non adverrat propriis terminis unum separatum esse a duobus, duos a tribus? Et in oratione singulæ syllabæ separatæ sunt: natura enim & numero segregantur, cum alteram brevem, alteram longam, & unam vel duas dicimus. Nimirum apparet hæc, quæ diximus, & ad quantum pertinere, & separata oportere nominari. Horum quantorum est & alia differentia: nam ex his alia sunt, quorum partes positionem habent, ex qua possit agnosci quæ pars cuique jungatur: alia vero sunt quorum partes positionem habere non possunt. Positionem autem dico, cum videmus cujusque rei dexteram, lævam, superiora, inferiora, ante, post, longe, juxta. Sunt ergo quorum partes sibi manifesta positione junguntur hæc, gramme, epiphania, corpus, locus. Sive enim in gramme, sive in epiphania, sive in quolibet horum positis terminis partes feceris, quamquam sibi cohærentes videantur atque conjunctæ, tamen adverte corporaliter licet, quæ pars ubi sit, cui vicina sit, cuique jungatur. Sunt vero quo-

A rum partes positionem non habent, hæc, tempus, numerus, oratio. Unum enim cum dicimus, ipsum numerum solum dicentes, non aliquid corporaliter numerantes, non videmus vel ejus dextram vel sinistram: quippe cum in verbo sit tantum in sono, & in nullo sit corpore, positionem suarum partium non potest demonstrare, nisi forte ordinem dixerimus, quod unum sequuntur duo: positio autem in his dumtaxat non potest inveniri. Similiter & in tempore atque sermone, maxime cum hæc mox videantur labi, cum dixeris, & tempus currit; & sermo cum nondum dictus fuerit, non est; & cum dictus fuerit, non apparet. Manifestum est igitur hæc tria positionem diversarum partium non habere. Proprie igitur hæc sola, quæ dicta sunt quanta nominantur: si qua vero præter hæc inveniri potuerint, debent pro accidentibus poni. Sunt enim quædam, quæ accidentibus ipsis accidunt, ut si dicamus, multum album: propterea multum album dicitur, non quod ipsum album sit immensum, sed quod epiphania in qua album est, multa cernatur. Manifestum est igitur cum multum album dicimus, ex epiphaniæ quantitate album, quod illi accidit, æstimari. Similiter cum longos actus dicimus, non quod actus immensi sint, longi dicuntur, sed ex temporis mensura, quo continentur actus, actuum quantitas æstimatur. Illud tamen speciale debemus agnoscere, quanto contrarium nihil esse. Epiphaniæ enim, sive grammæ, sive duobus cubitis, sive tribus contrarium est nihil. Nisi forte errore quodam multum & exiguum putemus esse contraria, non advertentes hæc in eorum numerum quæ ad aliquid dicuntur debere transferri. Nihil enim multum vel exiguum dicitur, nisi alteri fuerit comparatum. Cum enim dicimus montem brevem, grandio rem esse alterum, cui comparatus est, indicamus. Vel cum dicimus grande milii granum, comparatione sui generis, in quo brevius aliquid invenitur, illud esse grandius monstramus. Ac propterea manifestum est, multum & exiguum, grande & breve, cum aliquo comparata sui vocabulum reperire. Nec in hoc solo errat, qui putat multum & exiguum quanto debere conjungi, verum etiam si existimet esse contraria; quod fieri penitus non potest. Nam si hæc quodam errore decepti contraria dicimus, fiet ut in una re uno atque eodem tempore contraria videantur incidere. Una enim res, & major a minore, & brevis a majore, uno atque eodem tempore poterit nominari: quod fieri nec rerum natura patitur, nec ratio ipsa permittit. Ac propterea eorum repellenda sententia est, qui hæc credunt esse contraria. Nec magis in quanto contrarietas, quam in circulo convideri potest. Veteres enim supra & infra propter cæli terræque distantiam contraria sibi esse dixerunt, unde quaque versum asserentes terram subter esse, cælum super. Contemplantibus enim nobis naturam rerum, terra, quæ videtur in medio, ubique subter est: nam & antipodes nostri, qui nobis dicuntur figere adversa vestigia, cælum super se habent. Claret igitur semper terram in inferioribus constitutam. Deinde illa quoque a physicis jungitur ratio, quod propterea ex diversitate locorum terra cælo contraria est, id est illud semper sursum, hæc deorsum, quod omnia, quæ pondere gravia sunt, naturaliter feruntur ad terram: ad cælum vero levare necesse est, quæ videntur esse leviora. Hinc igitur cælum terramque contraria sibi esse dixerunt, quod hanc deorsum, illud vero superius naturalis necessitas collocavit. Ex hac igitur ratione videtur contrariorum omnium definitio constituta. Dicuntur enim illa esse contraria, quæ cum sint ex uno eodemque genere, multo tamen a se spatio separantur. Sed hæc qui asserunt, habent advertere ad aliquid dictis potius debere conjungi. Siquidem supra dici non potest, nisi & infra fuerit designatum. Quod sicalumniari quibusdam libet, supra & infra in categoria magis, quæ ubi dicitur, videri potest: cum enim supra & infra dicimus, ubi aliquid geratur, agnoscitur. Sed hæc, ut diximus, garrientium sunt: nos vero in quanto admitti contrarium credere non debemus. Advertere in re licet hujus occasione tractatus, aliud esse super & subter naturale; aliud vero quod circa nos. Naturale enim non potest immutari, nostrum autem migratione hominum commutatur: ut si quis cum in inferioribus fuerit, ad superiora conscendat, aut e superioribus velit ad inferiora descendere, omnia illi, quæ ante fuerant, commutantur, cum descendenti, inferiora quæ fuerant, superiora cernantur. Illud quoque quanto inest, in omni quidem, non tamen in solo, ut non recipiat magis & minus, quod Græce dictum est μέλλον & ἡττον. Bipedale enim cum dicimus non possumus aliud bipedale magis vel minus dicere. Simili enim modo bipedale secundum est, quemadmodum & primum. Quod si aliud alio amplius fuerit, jam non bipedalis, sed alterius mensuræ suscipit nomen. Nec numerus magis aut minus sustinet, si quidem tres magis aut minus tres nominare dementia est. Et tempus non potest esse tempore magis aut minus. Claret igitur his expositis magis & minus in quanto inveniri non posse. Proprium vero quanti, & quod in omni & in solo invenitur, illud est, ut omnia ejus paria aut imparia dicantur. Ut numerus par & impar; non æqualis numerus, si par est; aut si impar, non inæqualis dicatur. Similiterque ejus omnia non æqualia, aut inæqualia, sed paria aut imparia nuncupantur. Cetera vero quæ ad quantum non pertinent, similia sibi potius quam æqualia nominamus: ut album albo simile aut non simile dicatur. Hoc enim verbum specialiter iis, quæ in quanto sunt, videtur infixum.

Quanto
nihil est
contra-
rium.

Contra-
ria quæ
dicantur.

CATEGORIARUM tertia est quæ Latine ad aliquid, Græce πρὸς τι censetur. Et quidem hanc tertiam non ordo, sed tractatus necessitas fecit: nam post quantum quale sequebatur. Verum quoniam in fine quanti, quædam ejusdem generis ad aliquid videbantur posse transferri, hanc categoriam, quæ quattuor fuerat, necessario tertiam voluit ordinare ut discussis atque monstratis omnibus, quæ cuique convenirent, frequens orta confusio solveretur. Incipit autem non a definitionibus suis Aristoteles, sed ab eorum terminis, qui ante se ad aliquid perperam definire voluerunt. Ita tamen hæc debemus audire, quasi tractatui necessaria. Astute enim & dat illis auxilium philosophus, & medelam male positis terminis quærit, postea suæ prolatione sententiæ omnia quæ improprie de-

CAPUT
XI.
Ad ali-
quid.

finita

Ad ali-
quid
quando
dicitur.

finita sunt repulsurus, *περί τῆς πρόστι*. Ad aliquid ergo categoriam vocamus eam, quæ id quod est dicitur ex altero, sine cuius societate esse non possit, & cuius vis omnis ex alterius conjunctione descendit: ut duplum simpli dicitur duplum, majus minoris dicitur majus, simile simili dicitur simile. Claret igitur ad aliquid non suavi, sed alterius conjunctione consistere. Eodem modo accipienda sunt cetera quæ ejusdem categoriæ esse noscuntur, ut est habitus, affectio, disciplina, positio, sensus. Hæc Aristoteles, *ἐξ ἑνός, διὰ θεσιν, ἐπισήμης, θέσιν, ὁμοθυσιν*, nominavit. Et hæc namque pendunt ex altero. Siquidem habitus alicujus rei habitus dicitur, & affectio alicujus ad aliquid affectio, & scientia & positio & sensus simili ratione noscuntur. Non nos autem perturbet, quod quædam hujus categoriæ esse narrantur, quæ & qualitati videntur esse conjuncta. Habitus enim & affectio & scientia & cetera quæ cum his dicta sunt, qualitati videntur maxime convenire. Sed differentiam debemus advertere, quæ hæc duæ categoriæ, id est qualitas, & ad aliquid, sive *πρός τι, κατὰ τόπον*, a se invicem separantur. Quoties enim scientia cuiuslibet rei quæ sit scibilis, scientia dicitur, & sensus rei ejus, quæ sit sensibilis, sensus dicitur, tunc ad aliquid debemus accipere: at cum scientia aut disciplina non rei cuiuslibet, sed hominis dicitur, qualitatem debemus agnoscere. Hæc est interim differentia, licet si proprie hanc categoriam, quæ ad aliquid dicitur, volumus definire, ut a ceteris separaretur, (in omnes enim videtur incurrere) alio modo eam definire debemus, ne semper parum considerantibus error oriatur. Tunc ergo & vere & proprie ad aliquid dicitur, cum sub uno ortu atque occasu, & id quod jungitur, & id cui jungitur, invenitur: ut puta servus & Dominus, utrumque vel simul est, vel simul non est. Etenim cum Dominum dixeris, necessario existit & servus: cum vero Dominum tuleris, nec servus apparet. Similiter duplum & simplum, alterutrum se vel perimunt vel ostendunt: apparente enim duplo, nascitur simplum, duplo pereunte, nec simplum poterit permanere. Similiterque si simplum non sit, nec duplum est: at si simplum fuerit, & duplum necessario apparebit. Specialiter tamen ac regulariter, ut hæc categoria manifestius dignoscatur, hæc via est, qua debemus advertere, non recte dici ad aliquid, nisi cum *καθέκαστον πρὸς καθέκαστον ἀναφέρεται*, hoc est singulare ad singulare refertur, si quidem cum dicimus duplum, sine dubio non generaliter, sed specialiter hoc duplum dicimus, & hujus simpli duplum dicimus. Ac propterea tunc vere ad aliquid categoria est, quoties, verbi gratia, Socratem Chrysippo dicimus esse vultu consimilem. Ceterum quo pacto vel quis, vel cui sit similis, demonstrabimus, nisi & quis similis sit, & cui sit similis personaliter indicemus? Sed sunt quidam qui huic definitioni velint movere superfluum quæstionem, asserentes inveniri posse ad aliquid dictum quod ante sit, & postea nascatur quod de ipso debeat nuncupari, ut jam videantur hæc duo nec ortu nec occasu sibi esse conjuncta: ac dant exempla scibilis & scientiæ, asserentes ante scibile fuisse, & post ejus scientiam consecutam. Verbi gratia apud geomericos ante *γυμνῆ*, vel circulus fuit, sed eorum scientia postea a sapientibus comprehensa est: proptereaque ante fuisse scibile, in quo possit scientia reperiri. Hoc argumento igitur monstrant multa esse hujus categoriæ, quibus non & ortus & occasus videatur esse communis. Et sensibilis enim sensusque exemplum simili ratione constare contendunt: siquidem sensibilia ante fuerint. Elementa enim quibus omne corpus constat, ante fuerunt, quam corpus ex his aliquod nasceretur, in quo sensus existeret. His igitur argumentis ostendunt definitionem categoriæ, quæ ad aliquid dicitur, non recte esse definitam. Hæc solent parum diligenter naturam rerum intuentes adstruere. Omnia enim quæ sunt, aut naturali potentia dicuntur esse, aut operatione faciendi, quas Græci *δύναμιν* & *ἐνέργειαν* vocant. Quas si quis separare voluerit, nec ulla societate confundere, intelliget ad aliquid dictum non posse esse sine altero, cuius esse dicitur. Scibili enim *γυμνῆ*, sive circulo, in ipso ortu naturæ, scientia sociata est. Simul namque ut scibile esse cepit, habuit scientiam sui, sed necdum *ἐνέργεια*, id est operatione monstrata est. Non ergo tunc cepit esse scientia ejus, quando cepit operari, sed cum ipso scibili orta est, operatio postea est consecuta. Discernere enim nos oportet operationis exordium: tunc enim possumus advertere scientiam cum scibili esse procreatam, operationem vero ejus apparuisse postea indagatione prudentium. Quibus depulsis, optima definitio est ad aliquid relatorum, semper ea simul vel extinguere vel nasci. Illud sane debemus memoria continere, non omnia ad aliquid dicta hujusmodi casibus referri ad ea, quibus junguntur; sed alia genitivo casui, alia dativo, pleraque ablativo copulari. Et genitivo quidem, ut servus Domini, duplum simpli. Dativo, simile simili, par pari. Ablativo vero, scibile sensu scibile, scibile scientia scibile, & cetera hujusmodi, quæ variis casibus alterius societate neuntur. Inest autem huic categoriæ & soli & omni, ut inter conjuncta duo, quæ ex se pendeant, sit alterna conversio, quæ Græce dicitur *ἀντιστροφή*. Ut duplum simpli dicitur, & simplum dupli, & servus Domini, & Dominus servi. Apparet ergo hæc copulata vicaria in semet replicatione converti, si tamen scienter & prudenter ista fiat conversio. Nam si imperite hæc vocabula convertantur, oritur magna confusio: ut si quis imperite dixerit, avis pennam, stulta conversio est. Non enim penna omnis avis est: si quidem sunt quædam pennæ, quæ non sunt avium, ut cicadarum, muscarum, ceterorumque animalium, quæ similiter natura formavit. Quod si quis pennam pennati pennam dixerit, quasi rata conversio est. Hoc loco libitum est, quasdam tenebras, quæ emergere ex categoriarum similitudine adsolent, aperire. Siquidem cum dicimus pennam pennati, & caput capitati, videmur usæ partes in accidentibus ponere. Penna enim sine dubio pars usæ est, vel caput vel manus, quæ si ad aliquid referantur, inter usas & ad aliquid videbitur nulla esse discretio. Ut igitur amoveatur universa confusio, advertere nos oportet quo pacto, & vere & proprie ad aliquid definitum sit. Ita enim ejus definitio se habet, ut dicatur ad aliquid, cu-

A jus id quod est pendet ex altero, cuique necesse sit singulariter, id est *καθέκαστον* vicaria in semet mutatione converti. Hoc quis considerato reperiet, nec pennati pennam, nec capitati caput recte posse ad aliquid nominari: non enim ut pennati pennam dicimus, sic possumus dicere pennæ pennatum, vel capitis capitatum: id namque qui dixerit, iridebitur. Esse enim pennato, non ex penna descendit: neque penna ex pennato constat. Similiterque capitatum non constat ex capite, neque caput ex capitato videtur consistere. At quod vere ad aliquid dicitur, converti per vices potest, ut superius diximus, dominus servi dominus, & servus domini servus: & rursus subtracto servo dominus non est, remoto domino nec servus apparet. Pennatum vero esse poterit, etiam penna pereunte; & rursus penna, pereunte pennato, potest esse. Considerata ergo definitione hujus categoriæ, poterit etiam confusio ex similitudine exortæ discretio reperiri. Eodem pacto possumus hanc categoriam & ab oppositorum similitudine separare. Nam & opposita, quæ *ἐντιμείδην* Aristoteles vocat, quamdam hujus categoriæ similitudinem reddunt: siquidem calidum & frigidum videntur sibi oppositionis societate conjuncta; sed calidum, non frigidi calidum, sed frigidum oppositum dicimus; & justum non injustum justum, sed injustum contrarium nominamus. Aristoteles quidem, ut in principio hujus categoriæ diximus, multa exempla proponit, quæ ad hanc non sub certa forma pertinere videantur, volens de consequentibus reprehendere vitia ceterorum, qui hanc secus definire voluerunt. Denique & virtutem malitiæ & scientiæ ignorantiam, quasi ad aliquid posuit, eaque dixit posse recipere contrarium, non quo ita restitueret, sed ut indocte differentium vitia posset ostendere. Hæc namque, ut superius explicavimus, opposita porius quam ad aliquid dicta judicanda sunt. Mihi vero, ut & ipsi Aristoteli placet, magis & minus hæc categoria, non omnis quidem, nec sola videtur posse suscipere. Simile enim cuiuslibet, & magis simile, & minus simile possumus dicere. Sed hoc non in omnibus, ut dixi, quæ sunt ad aliquid poterit inveniri. Namque nec magis pater, nec minus pater potest dici; nec minus filius, aut magis filius, nec minus duplum, aut magis duplum. Non nos autem fallat, ut putemus ad aliquid esse quoties, verbi gratia, dicimus, cujusequus, vel cujus lignum, vel cujus fundus: hæc enim dominum, vel possidentis personam monstrantia, non ad aliquid dicta censenda sunt. De qua categoria quantum potuimus, explanavimus: licet tanta huic cum ceteris videatur esse permixtio, ut ipse quoque Aristoteles hujus discretionem haud facile repererit, cujus etiam longa ac diuturna non sit indecens retractatio.

NUNC de qualitate tractemus, secundum quam ea quæ sunt, qualia nuncupantur. Multi autem quærent quid sit qualitas, & quid quale, quorum facilis separatio est. Qualitatem namque dicimus dulcedinem, austeritatem, albedinem, nigredinem. Quale vero intelligitur, quoties album aliquid, vel dulce, vel austum, vel nigrum dicimus. Licet Aristoteles indifferenter & pro qualitate quale posuerit, & qualitatem pro quali, proptereaque etiam nos eundem secuti similia senserimus. Hanc autem categoriam propterea ceteris difficiliorem volunt, quia facilius quam ceteræ in omnes videtur incurrere: ut puta in usia invenitur, cum dicimus, homo grammaticus: in quanto, alba vel nigra epiphania: in ad aliquid, prudens pater, optimus filius: in facere, dure saltat: in pati, fert fortiter vulnera: in loco, obscurus locus: in tempore, calidus mensis, aut frigidus: in jacere, pronus aut supinus jacer: in habere, decenter armatus. Erit igitur non parvæ prudentiæ, qualitatem cum ceteris pene confusam, mentis vivacitate discernere. Hujus sunt species numero quatuor, quas Aristoteles pro generibus posuit, scilicet propterea quia & ipsæ singulæ habent species suas. Id vero cum acciderit, subalterna nominantur, quæ Græci *ὡν κατὰ φύσιν* vocaverunt. Ergo primum genus est habitus, & affectio: secundum, potentia naturalis: tertium, passivæ qualitates sive passionibus: quartum, formæ ac figuræ. Hæc Aristoteles *ἐξ ἑνός, διὰ θεσιν* dixit, *φυσικὴν δύναμιν, κατὰ φύσιν πρὸς τὴν φύσιν, ὁρίματα καὶ μορφάς*. Habitus, affectio est animi longo tempore perseverans: ut est virtus & disciplina, quæ perseveratione sui & perpetuitate temporis æstimmantur, nisi forte eas languor corporis aliquis, & casu injecta debilitas amputaverit. Affectio vero est mutabilis mentis impulsio, vel cupiditas levis, quæ brevi tempore deleatur. Habitus ergo & affectio videri potest: ab hac namque incipit, & si ipsa permanferit, habitus nascitur. Affectio autem habitus videri non potest: si enim ad habitum pervenerit, vocabulum proprium non tenebit. Hoc loco non est incongruum, quod sæpe quæsitum est, brevi tractatu dissolvere ac docere, quid virtutem disciplinamque discernat. Hoc profecto quod disciplina in ea parte animæ, quæ rationalis dicitur, tantummodo diversatur: virtus vero omnes animæ partes amplectitur, omnemque animam suo imperio gubernat ac regit: ut & iracundiam domet, & cupiditates animo amoveat quod disciplina facere haudquaquam valet. Potentia naturalis est, quoties quis videtur vel posse, vel non posse aliquid per naturam facere: ut verbi gratia, plerumque visis corporibus puerorum, & contemplatis artibus pronuntiamus aliquid de futuro eosque dicimus vel pugillatores fore, vel cursores; non quod jam hac arte vel studio teneantur, sed quod videantur positione corporis hæc facilius impleturi. Similiter salubres vel imbecilles dicimus, qui aut facile aut non facile recipiant ægritudinem. Eodem modo namque & in his potentia naturalis advertitur, quæ eos facit vel languori crebrius subjacere, vel retinere perpetuam sospitatem. Durum quoque & molle cum dicitur, ostendit potentiam naturalem. Durum si quidem est, quod firmitate naturæ corruptionem sui non facile admittat. Molle vero, in quo est natura laxior, nec ad contraria repellenda sufficiens. Tertium genus qualitatis sive species, passivæ qualitates & passionibus, quæ sunt hujusmodi, austeritas, calidatio & frigidatio: sic enim *θερμότης* & *ψυχρότης* placet dicere, & albedo & nigredo: quæ non idcirco passivæ qualitates dicuntur, quod patiantur aliquid, sed quod faciunt passionem. Mel namque ut dulce sit,

Oppo-
sita.

CAPUT
XII.
De qua-
litate.

Species
qualita-
tis qua-
tuor.

Habitus.

Affe-
ctio.

Poten-
tia natu-
ralis.

Passivæ
qualita-
tes.

ce sit, non a dulcedine aliquid passum est, sed dulcem gustantibus efficit passionem. Passivæ autem qualitates rectius dicuntur, albedo & nigredo, & horum media, id est rubor & pallor: hæc enim nonnisi animæ vel corporis passione nascuntur. Ut enim nigrescat aliquis, corporis passio est; ut palleat vel rubescat, animæ, quæ cum turpitudinis verecundiam ferre nequiverit, quasi ad obtentum sui, sanguinis copiam in exteriores corporis partes fundit, eoque fit ut pudore nimio rubescamus. Pallor quoque simili animæ passione consistit, cum percussa metu nimio ad cordis ulteriora confugit, eamque sanguis insequitur, adeo ut desertum sanguine, quod est in conspectu, corpus albescat. Hæc animæ passio ita a philosophis vera esse firmatur, ut etiam si pallor vel rubor in corpore jugiter perseveret, simili passione asserant evenisse. Hæc igitur qualitates si in corpore perseverent, quia secundum eas quales dicimur, ipsæ quoque qualitates passivæ censentur. Sin vero ad breve tempus extiterint, ita ut cito discedant, passionem eas potius nominamus. Non enim quis si ad tempus iratus est, aut etubuit, aut incaluit, aut * refrixit, mox ad statum naturæ iterum rediturus, rubicundus vel iracundus vel calidus vel frigidus appellari potest, si ad tempus aliquid passus est. Erit ergo inter passivas qualitates & passionem ista discretio, quod passionem ad tempus exortæ facile commutantur, passivæ vero qualitates secundum quas quales dicimur, perpetuo perseverant. Quartam nunc qualitatibus speciem retractemus, in qua sunt formæ & figuræ: & figuræ in animalibus, formæ animalibus tribuuntur. Figuras enim tunc designamus, cum vel trigonum, vel tetragonum, vel conum, vel cylindrum, vel sphaeram dicimus. Formas autem cum formosos asserimus aliquos vel deformes. In eodem qualitatis genere sunt, curvitas & rectitudo. Audemus enim ἀθύρτης & καμπιλότης hoc pacto convertere. Ab iis namque rectum vel curvum quippiam dicitur: lenitudo quoque & asperitas & raritas ac densitas, e quibus rarum, densum, lene & asperum designamus, qualitatum quidem numero sociantur, sed habent alteram interpretationem sui. Siquidem densum coartationem nimiam conjunctarum partium videtur ostendere: rarum contra, in quo intervallis frequentibus laxior partium videtur esse conjunctio: quinetiam lene illud proprie videtur ostendere, in quo positio partium ita apte pariterque digesta est, ut nulla earum mensuræ alterius emineret. Contra, asperum discrepantia conjunctarum partium facit: asperitatem namque non gignit nisi inæqualitas partium, ut sit longior una, altera inferior. Ac propterea hæc quidam volunt categoriæ alteri sociare, quæ apud Græcos καίθαι, apud nos jacere, sive ut Augurinus, quem ego inter doctissimos habeo, voluit, situs dicitur. Claret enim unumquodque earum partium, quæ corpus efficiunt, positione constare: verumtamen cum lene vel asperum vel densum vel rarum dicimus, qualia demonstramus, eaque omnia, quæ de his superius explicata sunt, ad interpretationem non vocabuli, sed naturæ videntur potius pertinere: qua de causa cogitatio, ut hæc quoque inter qualia numeremus. Ab his igitur, quas enumeravimus, qualitatibus παρανόμως qualia nominantur, ut lene a lenitate, a densitate densum, ceteraque his similia. Sed plerumque accidit, licet raro, ut qualia non παρανόμως a sua qualitate descendant, ut a virtute non potest dici virtuosus, sed moderatus & industrius. Nec in Græco quidem ἀπὸ τῆς ἀρετῆς, ἀρετὸς dicitur, sed σπυδαῖον. Unde apparet qualia, etiam neglecta plerumque paronymorum derivatione constare. hæc hactenus. Nunc qualitatibus hujus propter quam diversas species explanavimus, consequentias, & proprium videamus. Et primum quidem contrarietatem recipere qualitates, nulla dubitatio est. Quis enim dubitat salutem contrarium esse languorem, justitiæ iniustitiam, calorem frigori, malo bonum, non erudito litteris eruditum? Sed hoc non in omni qualitate reperies: nam pallido, vel fusco, vel quadrato, vel trigono, nihil potest esse contrarium. Non ergo erit incommodum regulam quamdam dare, qua quæ qualitates contrarietatem non recipiant, possit adverti. Erit igitur notum doctis, eas qualitates, quæ contrariis mediæ sunt, & eas quæ ex formis figurisque nascuntur, contrarietatem penitus * excusare. Contrariis autem mediis dixi, ut est fuscum & pallidum: hæc enim duo de albedine nigredineque nascuntur, ac sunt his mediæ; ipsa vero albedo & nigredo sibi sunt contraria; fusco autem pallidoque contrarium nihil est. Claret ergo contrariarum mediæ, contrarium non habere: quinetiam qualitas, quæ ex forma vel figura consistit, contrarietatis ignara est. Quid enim quadrato vel trigono, quid circulo vel cono vel cylindro contrarium quis opponat? Regulariter ergo teneamus contrarietatis recepticem qualitatem, nec omnem posse esse, nec solam. Nec illud est omittendum, ut sciamus in contrariis qualitatum, sub eadem categoria esse alterum, sub qua aliud invenitur: ut justitiæ iniustitia contraria est; qualitas justitiæ; & iniustitiæ igitur qualitas est. Item qualitas est albedo; quare nigredinem quoque esse qualitatem necesse est. Quo fit, ut regulariter contrariæ qualitates categoria semper eadem vinciantur. Quærentes interea quid sit proprium qualitatis, quoniam contrarietatem suscipere nec solius est, nec rotius, aliud persequemur. Video enim magis & minus, hoc est μάλλον & ἧττον, in se recipere qualitatem. Namque magis album, vel magis nigrum, vel magis musicum, vel minus musicum possumus dicere. Verum id quodque nec in omni qualitate, nec in sola poterit inveniri. Quis enim prudentiam prudentia prudentiorem possit dicere, vel albedinem clariorem albedine, vel doctrinam doctrina doctiorem, vel trigono magis trigonum, vel quadrato magis quadratum? Si enim trigonum fuerit, magis esse quam trigonum non potest. Aut si magis aut minus fuerit, jam trigonum non erit. Separare tamen placet ac discernere eas qualitates, quæ magis & minus recipiunt, ab iis quæ hunc gradum comparationis * excusent. Sit ergo hæc regula, qualitates ipsa magis & minus non posse suscipere. Ea vero, quæ ex his fiunt, comparata, vel magis recipere posse vel minus: ut eloquentiam magis eloquentiam, seu minus nullus dicere potest: eum vero qui eloquens dicitur, magis vel minus ceteris eloquentem possumus dicere. Claret ergo

A magis & minus in qualibus inveniri posse, numquam posse in qualitates incidere. Figuræ quoque, ut superius explicatum est, non admittunt magis & minus: siquidem circulo, si aliquid addas vel minuas, circuli jam vocabulum non tenebit, & in alterius figuræ nomen migrabit. Manifeste igitur designatum est, quæ qualitates hujusmodi gradus comparationis accipiunt, & quæ ab his videntur esse alienæ. Reliquum est, ut qualitatis proprium, quod apud Græcos est ἴδιον, investigemus: namque usua habet hoc proprium, ut singularis atque una numero, contraria in se suscipiat: suscipiat autem dixi, non habeat contraria. Meminisse autem nos oportet, quod usua, cum de ea tractaremus, nihil esse diximus contrarium. Ergo ut ejus est proprium suscipere contraria, id est, sanitatem modo, modo ægritudinem: quanti vero, id est ἡ ποσὺς, ut par impar dedicatur: ἔδὲ πρὸς τι, ad aliquid, ut sint ἀντίστροφον, hoc est, ut in se convertantur, ac sint sibi natura conjuncta: ita & qualitatis hoc proprium est, ut cuncta qualia similia, aut dissimilia nominentur: & dulce enim dulci, & albo album, & stulto stultum, & leni lene, & calido calidum, similia vel dissimilia proprie nuncupantur. Aliter enim si dicta fuerint, nuncupationem propriam non habebunt. Ne autem nonnulli in legendo rudentur, quod & affectio, & habitus, & disciplina, quæ in ad aliquid dictis, id est ἐν τοῖς πρὸς τι positæ, eidem qualitati quoque connexæ sunt, hanc discretionem damus, ut tunc categoriæ ad aliquid sociantur quando sunt genera, cum vero species, qualitati: ut puta si disciplinam dixeris, quæ est genus ceterarum, ad aliquid referenda est, disciplina enim discibilis rei disciplina dicitur: quod si musicam dixeris, musica disciplinæ species est, non genus, qualitati nectenda est: neque enim musici musicam possumus dicere, sed musici disciplinam. Similiter & affectio & habitus secundum genera & species, nunc ad aliquid, nunc qualitati nectuntur. Siquidem si affectum vel habitum, hoc est διαθεσιν & ἔξιν, generis dixeris, id est disciplinæ, ad aliquid referuntur: sin autem affectum sive habitum speciei esse dixeris, id est musicæ vel grammaticæ, qualitates debemus agnoscere. Quamvis ipse quoque Aristoteles magnus ingenio huic pene permixtioni concesserit ac dixerit, posse contingere, ut quod qualitatis fuerit, idem referatur ad aliquid, nec esse importunum, si una res duarum categoriarum vocabulo concludatur.

DICTA sunt autem omnia quæ ad quatuor categorias maximas atque difficiles pertinebant: nunc ordo commonet ut post qualitatem de facere & pati tractatus habeatur. Quæ duo videntur ex qualitatis fonte descendere: id namque quod calidum facit, calidum sit necesse est: calidum vero quale esse cognoscimus. Similiter quod calidum fit, passionem sui accipit qualitatem: & qui docet, cum docet doctor est, & discipulum facit: uterque autem sive doctor, sive discipulus qualis est: & cetera his similia considerata demonstrant recte has duas categorias præposita qualitate tractari. Hæc duo autem facere & pati multi dixerunt, non posse nisi iis, quæ fuerint contraria, provenire. Id enim quod dulce est, dulce non facit, nisi id quod dulce non fuerit: nam si id quod patitur dulce fuerit per naturam sui, alterius dulcedinem quo recipiat, non habebit, necesse est ergo dulce non esse id quod patitur, ut dulcedinem recipiat alienam: ac propterea cum quod facit dulce est, & quod patitur dulce non est, necessario dicuntur videri contraria. Nonnulli diversa senserunt, asserentes non posse hæc nisi in similibus inveniri, & sub eodem genere constitutis; nec posse aliquid pati vel facere, nisi simile faciat, aut a simili patiatur. Dulce enim & amarum, vel calidum & frigidum, licet contraria videantur, tamen cum sub eodem sensu fuerint, similia esse confirmant. Denique ab alienis penitusque discretis patiendi faciendive rationem dicunt non posse consistere: ut verbi gratia, quid enim faciet numerus in amaro, vel quid albedo pati possit a numero. Sed hæc sit conclusio ceterorum: nobis autem regula illa sufficiat, ut sciamus facere & pati genere esse conjuncta, qualitate discreta. Etenim calidum, quod frigidum præstat calorem sui, sub eodem genere est, quo est & frigidum; sed discrepat qualitate quod calet: & doctus cum docet indoctum, sub eodem genere est, sed qualitate discernitur. Claret ergo facere & pati genere esse similia, contraria qualitate. Sed hæc duo, ut superius diximus, adeo videntur qualitati non modo ordine, sed etiam ratione conjungi, ut eadem recipiant, quæ recipere diximus qualitatem. Namque & contrarietatem non respuunt, quam qualitas recipit, & magis & minus admittunt, quorum qualitatem quoque diximus recepticem. Harum vero categoriarum proprium, quod est ἴδιον, quoniam ipse quoque Aristoteles, omisit, nec a nobis lector inquirat.

SEQUITUR ut de jacere dicamus, sive de situ, ut quidam putant: quæ categoria in ad aliquid relatis jam videtur esse tractata. Siquidem quod jacer, positum jacer: positum vero positionis est, & positio positi. Qua de causa, ut ipse quoque Aristoteles, quem sequimur, fecit, ad alia transeamus.

UBI & quando videntur locus esse & tempus, cum non sint; sed sunt in loco & tempore: ut, Romæ, in senatu, ante horam tertiam, post mensem Martium. Hæc, ut diximus, in loco sunt & in tempore, non locus & tempus. Denique ut claras & nullius tractatus indigas has categorias Aristoteles quoque transgressus est, quod nos etiam faciemus. De tempore enim & loco inter summos philosophos vetus & magna quaestio est, quibusdam volentibus hæc corporata esse, aliis vero sine corporibus æstimari.

NON uno modo habere aliquid dicimus. Quantum enim tractando colligimus, sub hoc verbo octo sunt quasi quædam species. Prima est, quoties animo habemus aliquid, ut justitiā, castitatem, iniustitiā vel libidinem. Secunda, quoties in corpore habere aliquid dicimus, ut albedinem & nigredinem, varietatem, vel cetera quæ per qualitatem corpori insidunt. Tertia de quantitate descendit, quoties quatuor vel quinque pedum habere dicimus longitudinem. Quarta, cum non in toto corpore, sed in parte corporis aliquid habere firmamur, ut in digito anulum, in pede calceos vel cothurnos. Quinta species est, cum non in corpore, sed circa corpus habere aliquid dicimus, ut est vestimentum atque indumenta omnia. Sexta, quoties ipsas partes corporis habere narramus, ut manus, pedes,

CAPUT
XIII.
De facere & pati.

CAPUT
XIV.
De jacere, sive situ.

CAPUT
XV.
De ubi & quando.

CAPUT
XVI.
De habere.

pedes, caput, aut reliqua quæ sunt in compage membrorum. Septimus vero locus est, quoties far vel vinum vas aliquod habere dicitur. Octavus habendi gradus est, qui possessionem nostram vel dominium videtur ostendere, cum ædes vel rus quis habere dicitur, vel sepulcra majorum. Hi sunt habendi modi, quos designato numero comprehendimus, extra quem si quis potuerit invenire, desideria nostræ culpa non erit, cum philosophus ipse liberum dimiserit arbitrium inquirentibus. Sane illud verbum multi doctorum respuunt, atque improprie proferri confirmant, cum mulier habere maritum dicitur, vel vir uxorem, vel pater filium, vel filius genitorem; propterea quod asserunt non haberi posse, quod habeat habentem: sed rectius dici autumant esse mulieri virum, vel uxorem viro esse, patrem filio esse, famulis dominum. Siquidem huius verbi vim in hoc esse contendunt, ut significare non possit, & habere aliquem & haberi.

CAPUT XVII. **TANDEM** quasi magni æquoris freta transgressi, categoriarum numerum terminavimus, ut arbitror non insuasibiliter doctis, satis vero clare volentibus discere: sed quædam restant, quæ calcem libri huius nos tangere contradicunt. Nam & in categoriis singulis de contrarietate tractatum est, cum quæ reciperet contrarium, & quæ respueret diceremus. Tamen quid sit ipsum contrarium, nullus adhuc tractatus ostendit: & adhuc quædam verba remanent, quorum vis ac proprietas debeat explicari. Quæ de causâ ad oppositorum tractatum necessarium transeamus.

CAPUT XVIII. **OPPOSITORUM** species quatuor sunt: opponitur namque aliud alteri: primo, aut figura ejus categoriæ, quæ ad aliquid dicitur: secundo, aut contrariorum modo: tertio, aut eorum, quorum circa nos esse dicitur vel habitus vel privatio; habitum sane hoc loco ex habendo debemus accipere, non ut in superioribus definivimus, esse habitum affectionem animi quamdam sempiternam. Quarto modo, cum aut confirmamus aliquid, vel negamus: ut verbi causa, ab iis quæ ad aliquid dicuntur, ponamus exemplum. Primum oppositum videtur duplum simplicio, vel pater filio. Secundum vero contrariorum exemplum sit, malum bono. Tertium eorum quoque quæ per habitum & privationem dicuntur, sicut cæcitas & visio. Quartum illorum etiam, in quibus est negatio & affirmatio, sicut, currit, non currit. Discretio vero contrariorum, & eorum quæ ad aliquid dicuntur, contemplantibus manifesta est: ad aliquid enim dicta, de sibi oppositis nominantur; simplicium namque oppositum dupli est, & duplum oppositum simplicio. Contraria vero id quod dicuntur ex se habent, neque alterius indigent. Quis enim malum boni dixerit, aut quis bonum mali? Hæc est ergo harum duarum specierum, quæ ex oppositis veniunt, dilucida & clara discretio. Ipsa vero contraria in tres species dividuntur: aut enim mediata sunt, id est, habent aliquid inter se medium; aut sine medio; aut ut in quibusdam reperit ratio, habent quidem medium, sed ejus vocabulum non apparet, nisi utriusque oppositi negatione consistat. Mediata ergo sunt hæc, album & nigrum, inter quæ quando nasci potest pallidum vel fuscum, mediata hæc opposita dicuntur. Quæ vero mediata sunt, non necesse est unum de duobus oppositis in corpore reperiri: si enim nigrum non fuerit, potest esse fuscum: aut si album defuerit, pallidum poterit inveniri. At vero ex his oppositis quæ mediata non sunt, unum necesse est accidere de duobus, ut est salus & ægrotudo. Horum medium nihil est, propterea quod aut salutem necesse est, aut ægrotudinem humana corpora retinere. At illa quibus est quidem medium, sed caret nomine, nisi huic oppositorum negatione formetur, sunt hæc, iustus & iniustus: est aliquid in medio, sed non habet nomen, atque ideo utriusque oppositi negatio ei vocabulum creat, ut nec iustum, nec iniustum dicamus id, quod medium. Nunc ea opposita quæ per habitum privationemque fiunt, diligentius retractemus: in his namque observari oportet, ut sint utraque in eodem negotio, in eodem loco, in opportuno tempore. In eodem negotio sunt, cæcitas & visio: in videndo enim, & in non videndo consistunt. Hæc & in eodem loco sunt, utrique namque & cæcitati & visioni in oculis locus est. Maxime tamen in his opportunitas temporis quaeritur: nemo enim recte calvus dicitur, nisi in eo tempore, quo capillos habere debuerit, non habebit: nec sine dentibus, quem *ὀδόν* Græci vocant, infantem quisquam poterit dicere eum, cui dentes adhuc ætas parva denegavit. Siquidem privatio, quæ græce *στέρησις* dicitur, hanc vim tenet, ut ostendat quemlibet habuisse aliquid per naturam, & non habere. Inter hæc meminisse nos convenit, aliud esse visionem & cæcitatem, aliud habere visionem & ea esse privatum, ne si hæc eadem esse judicemus, confundi ratio videatur. Quod si quis hoc dubium putat, aut parum certum, quid quamque rem sequatur advertat. Etenim si esset idem cæcus & cæcitas, de uno utraque dicerentur: dicimus autem hominem cæcum, sed homo dici cæcitas non potest: claret igitur, aliud cæcum esse, aliud cæcitatem. Nec affirmatio & negatio idem est, quod sunt, sub affirmatione negationeque cadentia. Affirmatio enim sive negatio, est verbum confirmans aliquid aut negans: alia vero sunt, quæ sub his inveniuntur, ut est, Socrates differit, Socrates non differit. Similiter tamen omnia sibi habentur opposita. Aliquotiens autem mala malis opponuntur, quotiens contrariorum media bona sunt, ut est indigentia & redundantia, quæ græci *ἐνδεΐαν* & *ὑπερβολήν* vocant. His enim duobus malis sibi oppositis, mediocritas media reperitur. Hanc rationem Peripatetici secuti, virtutes medias esse dixerunt, ut plus iusto *πλεονεξίαν*, minus iusto *μειονεξίαν* dicerent: inter quæ mala, mediam iustitiam locaverunt. Similiter inter versutiam & hebetudinem, prudentiam posuerunt: inter libidinem insensibilitatemque, quam græci *ἀναισθησίαν* vocant, temperantia constituta est: inter timiditatem & audaciam fortitudo. Ita occultum quoddam genus oppositorum reperit perscrutata ratio, ut interdum mala malis inveniantur esse contraria. Sed Aristoteles harum quatuor specierum, quæ ex oppositis veniunt, proprietates & differentias latius & multis modis explicavit: nos autem & genus & species posuisse sufficiat, ne minutioribus occupati, fastidium necessariis afferamus.

Tres species contrariorum.

A **QUINQUE** modis aliud altero prius dicitur: quorum primus est, cum dicimus aliquem tempore seniore. Secundus modus est, in quo aliquid nascitur ex priore; sed priore pereunte secundum perit, secundo pereunte prius incolume perseverat; ut est unum naturaliter prius duobus: ex eo enim nascuntur duo, sed sine uno duo esse non possunt, sine duobus status unius manet, & duobus exstantibus esse unum necesse est, uno vero apparente duo esse nulla necessitas cogit. Tertio modo ordo quidam prius alterum alteri facit, ut in disciplinis & artibus liberalibus invenimus: namque in grammatica prius est singularum discere formas & nomina litterarum, dehinc syllabarum conjunctiones cognoscere, tum verborum sumere notionem: postremus nobis est orationis usus assumendus, propter quem cuncta ejus, quasi præcurrentia membra, cognoscimus. Et in rhetorica prioris locus similiter collocatur: nam prius proœmium dicimus, dehinc narrationem, post depulsionem, tunc confirmationem, postremus epilogus ponitur: His igitur exemplis tertium prioris modum sufficiat demonstrasse. Quartus vero modus est non multum probabilis, & ab ipso Aristotele improbatus exponitur, ut cum fortuna meliores vel clariores, priores vulgus adsolet dicere. Sed mea sententia, vis huius prioris explosa est. Hi sunt quatuor ejus, quod prius dicitur, modi: sed occultior quidam quintus adjungitur, quoties ex duobus, quæ in se invicem convertuntur, illud est potius quod esse alterum facit: ut exempli gratia: si est homo, recte dicimus eum animal rationale, mortale, risu capax. Et si vera est hominis ista definitio, esse hominem verum est. Ita utrumque in se convertitur, hoc est & hominis veram esse definitionem, & definitionis hominem verum. Sed quoniam definitio vera esse non poterat, nisi prius natura hominis appareret, idcirco ex his duobus, quæ in semet converti diximus, homo prioris locum tenet, cujus exstantia definitionis suæ exprimit veritatem.

B **SEQUITUR** ut proprietatem verbi, quo simul esse quædam dicimus, exprimamus. Ratio enim videtur exigere, ut post prioris tractatum de his disputetur, quæ simul esse firmantur. Simul ergo dicuntur tribus modis: cum quælibet simul existunt uno tempore vel apparent, ita ut neutrum de duobus vel prius sit, vel alterum consequatur, sed utriusque ortus videatur esse communis, sicut calor & splendor in sole. Secundus locus est eorum, quæ naturaliter simul sunt, nullum tamen eorum præstat alteri: ut verbi gratia, si simplicium & duplum ponamus, necesse est simul esse naturaliter, sed neque duplum facit ut simplicium sit, neque simplicium efficit duplum. Hoc loco nos confundere non oportet, ne quoniam cum de ad aliquid dictis tractarem, id esse ad aliquid diximus, quod penderet ex altero, videamur nunc contra superius definita tractare. Omnia namque ad aliquid dicta, dici ex altero, non esse ex altero disputavimus: nec ullus error est, si quis verborum nostrorum pondera diligentius perscrutetur. Tertius locus est, quotiens ex eodem genere manantia simul videntur esse natura, sed specie discernuntur: neque vero sibi in eo, quod dicuntur, aliquid præstant, ut est animal; idem genus est, sed species longe discreta. Nec vero aut volatile quidquam pedestri tribuit ut sit, aut volatili pedestre, aut omnino aliud alteri, in eo quod est, ullam substantiam subministrat; nullumque alteri aliud prius est, sed simul omnia ab animalibus, id est ab uno genere orta nascuntur.

C **OMNIS** immutatio quæ *μεταβολή* Græce est, fit tribus modis: aut ex non subjecto in subjectum, ut est ortus vel nativitas, quam Græci *γένεσις* vocant: aut ex subjecto in non subjectum, ut est interitus vel corruptio, quam *φθορά* Græci dixerunt: aut ex subjecto in subjectum ut est motus, qui Græce *κίνησις* dicitur. Sed & ipse motus tres species habet, id est, incrementum, imminutionem, commutationem qualitatis sive loci. Hæc a Græcis *αὐξησις*, *μείωσις*, *ἀλλοίωσις*, sive *φθορά* dicta sunt. Namque commutationem circa locum, *φωρὰν* dici voluerunt, quam nos quoque transgressionem malivimus dicere, secuti doctores. Verum huic ordinem, quem nos in præfenti, quasi discrepantes ab eo libro, qui categoriarum dicitur, diligenti examinatione digessimus, ipse quoque Aristoteles in naturalium libris exposuit: in categoriis autem secutus docendi compendium, speciem pro genere, id est motum pro immutatione non dubitavit assumere: ut motui diceret quasi generi sex species esse subjectas, *γένεσιν*, *φθοράν*, *αὐξησιν*, *μείωσιν*, *ἀλλοίωσιν*, *ποιότητα*, *κτὰ τὸν τόπον μεταβολήν*. Hæc nos Latino sermone ortum diximus, interitum, augmentum, imminutionem, commutationem qualitatis, transgressionem loci. Hæc sex species omni a se ratione discretæ sunt: nisi forte cuiquam parum docte intelligenti, qualitatis commutatio, id est *ἀλλοίωσις*, etiam ceteris existentibus fieri videatur, ut cum nascitur aliquid, aut interit, aut crescit, aut minuitur, tunc facta dicatur etiam commutatio. Sed id falsum ratio docet: nam quæ crescant aut minuantur, quantitate immutantur, non commutantur qualitate. Commutatio enim proprie est qualitatis. Meminisse autem nos oportet aliud esse immutationem, aliud commutationem. Namque immutatio genus est, commutatio species subjecta motui, quam immutationis speciem diximus. Denique ut horum sit manifesta discretio, geometricum ponamus exemplum. Si tetragonum majus, quod intra depictum est currentibus per medium lineis in brevem tetragona partiatis, eique post unum breve tetragonum detrahas, minuiisti tetragonum majus: at si detracti loco addas gnomonem, qui hemicycli specie ponitur, plus tetragono majori, quam detraxeras, reddidisti: idque quantitaris est, non qualitatis, & immutationi potius quam commutationi tribuitur, eoque a se plurimum differunt. Fit autem differentia rerum omnium tribus modis: aut materia, aut opere, aut utroque. Materia, si sint anuli similes duo, unusque sit aureus, alter argenteus: opere, si ex auro dissimiles anuli fabricentur: utroque, si anulus sit aureus, & stilus argenteus. Claret igitur has immutationis species, nec materia sibi, nec opere, nec utroque conjungi: adeo autem se junctæ sunt, ut earum nonnullæ etiam sibi contraire videantur. Quis enim dubiet *ἀνέσσει φθοράν*, id est ortui interitum esse contrarium, augmento imminutionem? Ipsa quoque commutatio sive qualitatis sive loci, licet

CAPUT XIX. De prioribus.

CAPUT XX. De simplicio.

CAPUT XXI. De motu.

licet non ex eodem specierum numero, tamen habent quod sibi contrarium videatur. Nam commutatio qualitatis est, cum ex albo fit aliquid nigrum, vel album de nigro, quæ sibi manifeste contraria sunt. Locis quoque commutatio, quam transgressionem diximus, superiorum & inferiorum contrarietatem patitur, & propterea eam quoque habere contraria apparet.

CAPUT XXII. HÆC sunt, fili carissime, quæ jugi labore assecuti, cum no-

Conclu-
sio Ope-
ris.

PRINCIPIA RHETORICES.

CAPUT I.
Oratoris
officium.

ORATORIS officium est, proposita quaestione civili dumtaxat, primum ipsam intelligere, generalis sit an specialis, simplex an conjuncta ex pluribus, absoluta an comparativa. Deinde cum intellexerit, invenire in ea congruentes partitioni locos, & his morales seu naturales accommodare sententias. Exinde judicare de inventis, repudiare quæ parum commode occurrerint: tum iis quæ judicio examinarit, dare ordinem certum. Etenim quantumvis multa pertinentia inventa sint, tamen nisi pro qualitate & magnitudine sua, certis & quasi legitimis sedibus collocentur, aut obeunt, aut non magnopere proficiunt. Subinde ordinationi rhetor explicationem rerum commodare debet. Quæ duabus partibus constat, structuræ qualitate & quantitate verborum. Hæc omnia memoria suscipit, quam & plerique Græcorum, & M. Tullius in primis oratori affirmat necessariam, hoc, ut opinor, modo: venio nunc ad thesaurum rerum omnium memoriam, quæ nisi custos inventis, ordinatque rebus adhibeatur, intelligamus omnia, etiam si præclarissima sint, in oratore peritura. Memoriam pronuntiatio sequetur, res, ut Demostheni videtur, inter oratoria officia vel prima vel sola: quæ consistit duobus, motu corporis, & sono vocis. Hæc tantum summam tetigisse satis est, quæ sunt oratoris officia. Reliquum est videre quid sit finis.

CAPUT II. FINIS est, ut opinor, in omnibus rebus, ad quem cuncta referuntur, cujus causa fiunt reliqua omnia, a Græcis τέλος dicitur. Quod etiam in philosophorum pene omnibus disputationibus quaeritur, quis sit finis bene vivendi, virtus, an voluptas? Finem igitur proprium oratoris officii alius alium probaverunt. Quibusdam enim visum est, summam oratoris officii in benedicendo esse, quibusdam in recte dicendo, quibusdam in persuadendo consistere. Quinetiam illi qui bene aut vere dicere finem oratoris officii putaverunt, non abnuunt tamen horum ipsorum finem esse, persuadere, ut sit finis oratoris officii bene dicere, finis bene dicendi persuadere. Ergo quasi consensu omnium finis est oratoris officii persuadere. Hoc quia in calumniam videbatur posse recedere, non enim semper persuadet orator: nec si aliquando persuadere non possit, facultatem & nomen oratoris amittit; addidit Hermagoras, quo calumniam effugeret, finem esse oratoris officii, persuadere, quatenus conditio rerum personarumque patitur. Alia subinde ex eodem verbo persuadendi calumnia nascitur, inventa sane a Platone, tractata multum in Gorgia; sed post ac multo impudentius a quibusdam technicis obtrestantibus Hermagoræ frequentata sunt. Negant quippe proprium esse finem oratoris officii persuadere, sed communem pene cum universis: nam & mathematicos de iis, quæ in notitiam ipsorum cedebant, persuadere; & medicos de iis, quæ in arte ipsorum contineantur, persuadere; opifices etiam & tabernarios, fabros, & si qui hujusmodi sunt, posse de eo, quod agant, cuivis probabiliter persuadere, quasi ratione faciant: ergo non esse integrum finem, qui solam communitatem habeat, careat proprietate: esse actum persuadendi communem cum multis, & idcirco non esse persuadere proprium finem oratoris officii. Huic quoque calumniæ Hermagoras percommode obstitit. Dicit enim esse oratoris officium, persuadere, quatenus rerum & personarum conditio patitur: dumtaxat in civilibus quaestionibus: nam medicorum & philosophorum & ceteræ hujusmodi quaestiones extra regulam civilem, quam πολιτικὴν Græci vocant, collocantur.

CAPUT III. SUNT autem civiles quaestiones, quarum perspectio in communem animi conceptionem potest cadere, quam Græci ἐννοια vocant. Verum ut facilius intelligamus, quæ sit hæc ipsa conditio quam demonstratam esse volumus, omnia quæcumque hujusmodi sunt, ut ea nescire pudoris sit, & quæ vel ignorantes quasi sciamus, tamen cum simulatione præ nobis ferimus, quotiescumque in dubitationem vocantur, efficiunt civilem quaestionem. Quod dico hujusmodi est, si de pondere alicujus rei quaeratur, si non videaris scire quot librarum sit, non est erubescendum: si de longitudine non videris scire quot pedum sit, non est erubescendum: si de ceteris hujusmodi rebus quas persequi longum est, & ideo quotiescumque in dubitationem venerint, licet faciant quaestionem, tamen civilem facere non possunt. At ubi quaeritur, sine aliquid justum an injustum, honestum an inhonestum, laudandum an reprehendendum, præmio afficiendum an supplicio, utile an inutile, & si qua hujusmodi sunt, nemo non etiam extra omnem artem & scientiam collocatus erubescat, si hæc nescire videatur. Inde est quod omnes persuasum habeant, aut certe aliis persuadere non dubitant, posse se concipere animo discrimen justum & injustum, honestum & inhonestum, ceterorumque quæ supra diximus: & idcirco quæ dubitationes in hujusmodi rebus oriuntur, civiles vocantur quaestiones, quasi non propriæ paucorum, sed communes universorum. Quæ cum ita sint, meritoque communem conceptionem animi perspicere possint, quaestiones quæ διὰ τῆς ἐννοιας deprehendi possunt, civiles vocantur & sunt, in quibus versari & perstare debet orator. Duo sunt primi & quasi generales civilium modi quaestionum, quorum al-

Cicero
metin

Abis Themistii nostra memoria egregii philosophi magisterium non deesset, ad utilitatem tuam de Græco in Latinum convertimus, scilicet ut ex iis quoque bonam frugem studii a nobis profecti suscipias, si te non dissimilem nostri, aliarum rerum quæ lubricæ atque inanæ sunt, cupiditas retentaverit. Nihil namque omisimus in hoc libro quod posset aut delectare jam doctos, aut indoctos manifestius erudire.

Bter θέσις, alter ὑπόθεσις vocatur a Græcis. Nos priori nomen nisi Græcum dare non possumus, ne posteriori quidem, quam quod videamus dedisse: dedimus quippe; controversiam dicimus, quod nomen tam in τὴν θέσιν, quam in τὴν ὑπόθεσιν potest cadere: in utroque enim quaestio, hoc est controversia est. Porro τῆς ὑποθέσεως significatio, & declaratur ex ipso composito nomine, & est aliquid quod est ὑπὸ τὴν θέσιν, id est sub illo genere quasi species. Thesis est res quæ admittit rationalem considerationem, sine definitione personæ. Hypothesis est seu controversia, ut improprio nomine utamur, res quæ admittat rationalem contentionem cum definitione personæ: melius autem declarabuntur sub exemplo. Thesis est quaestio hujusmodi, an navigandum, an philosophandum: hypothesis est quaestio hujusmodi, an decernendum duelli prælium. Nec desunt qui hinc etiam Hermagoram criminantur: & Apollodorus in primis, qui negat quidquam aliud esse hypothesin, quam thesin, & nullius momenti esse discrimen personarum, quamquam utrumque hoc genus quaestionis Hermagoras distinxisse videatur: non minus enim infinitam & interminatam esse hypotheseos quam theseos quaestionem. Nam cum quaeratur, sit necne animadvertendum in Orestem, non personam esse, quæ faciat quaestionem, sed factum; & nihil interesse an ita quaeratur, sit necne animadvertendum in maritidam: quod si ita est, nihil inter hypothesin, thesinque distaret. Ad hæc nostri, primo omnium qualitatem personarum quaestionibus differentiam afferre, ipsique etiam hypothesibus, id est controversiis sæpe evenire, ut punita & impunita, honorata & inhonorata, quædam relinquenda videantur, non tam ex rerum qualitate, quam qualitate personæ. Deinde etiam illo distare hæc duo genera quaestionum, quod in thesi perspectio sit alicujus rei qualis sit, in hypothesi contentio, & quantum interest inter perspectionem & contentionem, tantum inter thesin & hypothesin esse discriminis. Deinde in thesi quaeri, quid omnes oporteat facere, in hypothesi quid unum aut alterum aut paulo plures, certe definitum hominum modum. Et etiam illa differentia accidit, quod in thesi, quasi ignorantes quaerimus quid sit optimum factu: in hypothesi, quasi scientes defendimus: tum quod omnis thesis de futuro est: hypothesis raro, quin immo numquam nisi de præterito, aut eo quod jam agatur, facit quaestionem: nemo enim neque reus fieri potest, nisi fecerit aut fecisse dicatur, neque præmium aut aliquid hujusmodi petere, nisi jam meritis sit, aut meritum esse se contendat. Huic loco opponunt tyrannidis & prodicionis reos, & beneficii imperati, & si qua in eundem modum excogitari possunt in quo studio criminandi falluntur. Nam & in eo quod prodicionis reus est, non de futura re quaeritur, id est de ipsa prodicione, sed de eo an susceperit consilium prodicionis, quod utique præcessit: & de tyrannide æque, an cogitavit tyrannidem, & de patricidio num perpetrato, & de beneficio. Ergo semper aut de præterito, aut de præsentis in hypothesi nascitur quaestio; in thesi contra numquam nisi de futuro: quæ si ita sunt, satis utriusque declarata est diversitas.

C**N**UNC quoniam quidem de differentia generalium, & specialium quaestionum satis dictum est, separataque thesi ab hypothesi, ut perinde distaret re ac nomine, consequens esse videtur dicere, quid sit quod hypothesin, id est controversiam efficiat. Est igitur circumstantia rerum quam περιεσσις Hermagoras vocat, sine qua ulla omnino controversia non potest esse. Quid sit autem περιεσσις, facilius partitione quam definitione ejus deprehendi potest. Sunt igitur partes circumstantiæ, id est περιεσσεως, septem, quas Hermagoras μόρια περιεσσεως vocat. Theodorus σοιχεῖν πραγμάτων, id est elementa: quod ex eorum conjunctione quaestiones fiant, perinde atque ex conjunctione literarum, nomina & verba fieri videmus. Sed sive σοιχεῖν sive μόρια rectius dicantur, nos omiſsa controversia nominis, quæ sint ipsa dicamus. Sunt igitur hæc, quis, quid, quando, ubi, cur, quemadmodum, quibus adminiculis, quas Græci περιεσσεως εφόρμους vocant. Horum autem omnium, aut rationalis plurimorum congregatio constat quaestionem, aut legalis. Sed nimirum singulorum proprietas exprimenda est. Quis, significantiam habet personæ, quæ spectatur duobus modis, ex nomine & qualitate. Ex nomine, hoc modo: Quis? Canillus. C. Marius. L. Sylla. Ex qualitate: Quis? dives, pauper, imperator. Est autem definita in nominibus, infinita in qualitatibus personarum perspectio, quando in appellationem nihil præter nomen cadit; in qualitatem & fortuna, & ætas, & conditio, & disciplina, & cetera quæ sunt infinita numero. Quid, significantiam habet rei, quæ facta ab aliquo, vel dicta, vel cogitata, facti, dici, cogitari, futurum esse, dictum, cogitatum iri videatur, bona vel mala, honesta vel inhonesta, justa vel injusta, utilis vel contra, necessaria vel parva, magna vel parum, usitata vel nova. Quando, temporis significationem habet, velut interdiu an noctu, sacro an in irreligioso die: etiam ex accidentibus, quæ interdum dant tempori suam qualitatem, velut in belli an pacis tempore, in seditione an in concordia, in libertate an in dominatione; & si qua in eundem modum cadere possunt. Ubi, loci significationem habet, veluti in civitate an extra, in sacro loco an in profano, in mari an in terra. Cur, significat causam faciendi, vel dicendi, vel cogitan-

* Opusculi hujus exemplar ultimum MS. non reperimus.

Auctor Græca vocabula citra necessitatem usurpat, contra morem Augustini.

propositum aut consulationem vocat: hypothesis causam aut controversiam.

CAPUT IV.

Quæ sunt circumstantiæ controversiam faciētes.

di, res (ut mea fert opinio) ad constituendam quæstionem in primis necessaria. Quemadmodum, significationem habet ex facti, vel quod fiat, futurumve sit demonstratione, veluti clam, palam, per vim, per dolum, & si qua sunt similia, in eundem modum cadunt. ἀφορμὴ, quas nos adnucula dicimus, demonstrationem habent earum rerum per quas factum esse aliquid dicatur, ut est laqueus, gladius, venenum, litteræ, inter-nunius, mandata, servus, conscius, sicarius. Horum articulorum, ut supra dixi, aut omnium aut plurimorum rationales incurfus facient civilem quæstionem.

CAPUT V. **RATIONALES** quæstiones quas Hermagoras, λογικὰς vocat, melius enim puto sic eas cognominari quam verbales: quia λογικὰ non ex verbi, sed rationis significatione appellatae sunt a technicis, cum alioquin, λόγος, interdum verbum significet, interdum rationem. Igitur rationales, sive λογικὰ quæstiones, fiunt modis quatuor. Hoc enim in illis quæritur, an sit, quid sit, quale sit, an induci in iudicium debeat. Ubi quæritur an sit, genus id quæstionis Hermagoras συχατμὴν vocat: uos conjecturam possumus dicere. Item Theodorus περὶ τῆς ἑστῆς, id est de substantia. Nihil enim factum videri potest, quod non habuerit substantiam, neque futurum, quod non habiturum sit substantiam. Quidam hoc genus quæstionis ex eo, quod per id quæritur, an sit vocaverunt. Altera rationalis est quæstio, quam Hermagoras finem vocat: Theodorus περὶ τῆς ἰδιότητος, id est de proprietate: quidam, quid sit: nonnulli, de eodem & altero, περὶ τῶν αὐτῶν & ἑτέρων. Terciam rationalem quæstionem uno nomine omnes qualiter vocant. De quarta, magna contentio est, quam supra de inducendo iudicio diximus. Plerique enim negant esse eam, quando id agant: ne res possit venire in quæstionibus. Sed inter omnes Hermagoræ præcellit auctoritas, qui & quæstionem putat, & in primis necessariam, & agitari in foro multum, & adhibendam etiam in ceteris statutis primo statim congressu, si causæ conditio patiat. Nihil enim statuto tam interesse eorum quibus iudicium intenditur, quam declinare iudicium. Porro ipsam declinationem iudicii habere nonnullam iudicii speciem. Nam si ita res ageretur, ut quoties nollit aliquis causam iudicii, esset hoc in ipsius potestate, nulla erat quæstio. Nunc autem cum semper existant, qui impediant, ipsa illa contentio, qua alter in iudicium vocat, alter recusat iudicium, facit quæstionem, quod controversiæ genus Hermagoras ἀνύστατον appellat, nostrorum pauci reprehensionem, plerique translationem vocaverunt, utrique sane rationem secuti. Qui reprehensionem dixerunt, eo scilicet, quod cum maxime inducatur in iudicium, causa reprehenditur, & quasi retrahitur: qui translationem, quod reus non omnino excludat actionem, sed in præsentem conditionem actionis excuset, in aliud genus iudicii transferat, vel habitum jam, vel futurum.

CAPUT VI. **SUNT** item aliæ quæstiones quatuor, quas inventores νομικὰς, nos legales appellamus νομικὰς sunt scriptum & voluntas, quod illi νόμος & δίκαιον appellant: ἀντινομία, quam nos contentionem legum contrariarum vocamus: ambiguitas, quam illi ἀμφιβολία, collectio, quam illi συλλογήν vocant. Verum hæc paulo post diligentius tractabimus, ita ut significantia cuiusque evidentius exprimitur, & species generibus addatur. Interim mihi videtur esse dicendum, quibus omnis quæstio articulis, & qualibus nodis subinde adstricta, ad perfectam speciem sui veniat.

CAPUT VII. **EST** aliquod dictum quod Græci φάσιν nominant, id scinditur in duas partes: & est ejus alterum ἀπόφασις, & alterum κατὰφασις, intentionem verbo factam possumus dicere, id est verbum quo crimen intenditur, veluti, pulisti, prodidisti, occidisti. Quod autem illi ἀπόφασιν, nos abnuentiam criminis ejus, quod verbum accusator intenderit, veluti, non pulsavi, non prodidi, non occidi. Ex his duobus dicto & responso, vel intento & negato, media nascitur quæstio, hoc modo. Intentio est, occidisti: negatio, non occidi: quæstio, an occiderit. Sed ut jam a conjecturali modo recedamus: intentio est, injuria occidisti: negatio, non injuria occidi: quæstio, an injuria occiderit. Vel in aliquo legali statu: intentio est, non licebat tibi hoc facere per legem: negatio est, licebat mihi facere per legem: quæstio est, licueritne hoc facere per legem. Hanc quidam, ut nos usque adhuc diximus, quæstionem vocaverunt, quidam statum nominaverunt, ab eo videlicet quod in ea, & exordium quæstionis, & summa consisteret. Primo enim quasi eminus, cum hinc dicatur factum esse, inde non esse factum, nulla pugna est, sed quasi futuræ pugnae meditatio. Deinde cum propius accessum est, & quasi ad manus ventum, altercationi & contentioni mutua media quæstio intervenit, sit necne factum: in ea uterque consistit, omisso quod ante dicebat. Unde ei quæstioni status nomen impositum est. Hoc idem Theodorus κερφάλιον appellat, translatione usus, videlicet a principali parte corporis: quod in hoc etiam complexu duorum, quæ utrimque dicta sunt, quasi caput quoddam totius controversiæ efficitur. Consequens huic locus est, aut perinde, aut magis etiam necessarius, quod demonstratur quid causa, quid continens, quid de quo contenditur. Causam Hermagoras αἴτιον vocat; συνέχον continens; de quo contenditur τὸ κλονόμενον. Est ergo causa, quæ nisi præcesserit, controversia fieri non potest. Quod dico tale est: Abdicatur a patre filius, controversia idcirco non est, quia nulla, cur abdicaretur a patre, causa præcessit. Denique addamus causam, & statim controversia effecta est. Juravit se non ducturum uxorem, & abdicatur. Quod juravit, αἴτιον factum est, id est causa cur abdicationem mereretur. Συνέχον vel continens est, quod ad refutandum αἴτιον, id est ad refellendam causam videtur afferri, ut est in hac materia: Militem qui juraverat se deserturum, imperator occidit, & reus sitædis: hic enim αἴτιον, id est causa iudicii est, quod occidit: neque enim fieret reus, nisi occidisset: συνέχον, id est continens, est id propter quod occidisse dixit, jusjurandum scilicet militis, quod se deserturum juraverat. Hoc interdum συνέχον Hermagoras, id est continens appellat, ab eo quod omnis rei defensio ab eo contineatur, interdum αἴτιον αἰτίαν vocat, quasi causam causæ: nam quemadmodum reus causa est, quod militem occidit, ita occidendi

A causa, quod miles deserturum se esse juravit. Nunc quoniam scimus, quid sit causa, quid continens, videamus etiam quid sit de quo contenditur, id est quid sit τὸ κλονόμενον. Est autem nihil aliud quam exploratio continentis, τὸ συνέχοντος. Quod dico tale est (etenim in eadem controversia perseverandum puto, quo sint lucidiora quæ tradimus) αἴτιον est quod occidit militem imperator: συνέχον est, quo reus nititur, id est ratio propter quam se occidisse dicit, est autem quod miles juravit se deserturum: κλονόμενον est, examinatio hujus ipsius, quod ad defensionem reus adtulit. In quo ita quæritur, num alia causa imperatori fuerit, cur occiderit militem: & hoc prætexitur; ut videatur, non quia juraverit, occisus, sed quaquā vel similitatis vel invidiæ causa. Poterit etiam hoc modo articulus iste tractari, an etiam si juraverit, parum tamen hæc iusta causa fuerit, cur debuerit occidi: & tota perfectio totius συνέχοντος, quod ad αἴτιον affertur, κλονόμενον vocatur. Evenit tamen nonnumquam, ut in una controversia non simul αἴτιον & συνέχον & κλονόμενον, sed sæpius ipsa omnia per vices revoluta tractentur: ut in hac controversia: Reus est Ulysses lege reipublicæ, quod procos occiderit. Hic enim αἴτιον est, quod occiderit: συνέχον, quod eos qui bona sua depopulabantur, & pudicitia uxoris insidiabantur, occidit: κλονόμενον, numquid tamen hæc res præcesserit, alia tamen causa, quam prætexit, occiderit: vel numquid ne pessime quidem de se meritos, indemnatos debuerit occidere? Deinde ad hoc κλονόμενον, aliud συνέχον affert Ulysses, quo dicat se jussu Minervæ interemisse. Deinde ad hoc ipsum συνέχον fit κλονόμενον, quo quæritur utrumnam propter jussu Minervæ occiderit, & in tali re ne Minervæ quidem obtemperare debuerit: est autem αἴτιον proprius accusatoris locus, συνέχον defensoris, κλονόμενον utriusque commune.

B **SUBINDE** dicendum puto, quemadmodum & quot modis controversia ἀνύστατος fiat. Tamen ne dici quidem controversias oportet, quæ statum non habent, sed πλόγμματα irrationabilia, id est ἄλογα. Fiunt autem ἀνύστατοι modis quatuor: unum cum aliquid deest ex circumstantia: quæ autem vis sit circumstantiæ, & supradiximus, id est cum quæstionibus, aut causa, aut persona, aut locus, aut aliquid eorum deest, quibus effici circumstantiam diximus. Hoc autem genus asystati in scholasticam materiam non potest cadere, idcirco quia esse non poterit ultimam rhema deficiente circumstantia. In veritate tamen nonnumquam evenit, ut aliquid horum desit, & per imprudentiam actoris profligata causa veniatur ad iudicem. Alter est modus asystati, quem κατὰ ἰσότητα appellant. Nos tamen si nomen Latinum dare non possumus, tamen vim intelligere debemus: nam cum eadem utrimque dicuntur & nulla re, ne parva quidem, discernuntur, tamen hujusmodi πλέγμα, propter æqualitatem utriusque partis, statum implicat. Ut vicini adolescentuli, qui speciosas uxores habebant, noctu alter alterum obvium habuerunt, accusant invicem adulterii: nam quidquid altera pars dixerit, hoc altera dicat necesse est. Veri simile est te adulterium voluisse committere, quia adolescens es. Te quoque veri simile est voluisse, quia adolescens es. Veri simile est, quia speciosam uxorem habeo. Te quoque veri simile est, quia & ego speciosam uxorem habeo. Facultatem tibi vicinitas præbuit, & tibi eadem vicinitas præbuit facultatem. Cur nocte in me? cur tu autem in me incidisti? Nihil est quod distinguatur; & idcirco uter eorum sive accusat alterum, se criminatur, sive se purgat, defendit eum, quem criminari videtur. Tertium est asystati genus, quod Græci κατ' ἑτερομερίαν appellant, id est secundum alteram partem, cum reo nulla defensio est, & aut color in facto non invenitur, aut parum probabilis color invenitur. Unde etiam Democrates præceptor meus solitus erat dicere, eas etiam controversias, in quibus color diu quæritur, statum non habere. Verum ille constantius, nos si afferatur aliquid ad defensionem vel mediocriter probabile admittimus. Sed si evidenter confessa causa est ut oportet secundum heteromeriam explodemus. Nonnumquam incidunt quæstiones, maxime in veritate, quæ summam accusatori, nullam reo largiuntur facultatem: verum eas non controversias, sed communes locos dicimus; quippe est in his non probatio criminis, sed ut in expressum atque evidens facinus expressio. Quartus est modus asystati vel caliginosissimus, adeo ut nonnumquam dædis etiam hominibus soleat obrepere. Habet enim nonnullam speciem probabilis consistentisque materiæ. Ea est hujusmodi, in qua iudex ferenda sententiæ rationem explorare non potest: hoc Græci ἀπορον vocant. Sed subjiciamus exemplum: Perebat ab alio usuram quasi pecuniæ creditæ: ille accepisse se pecuniam confitebatur, sed depositam; & idcirco velle se restituere sortem sine usura. Pendente interea iudicio, lex de novis tabulis lata est: repetit ille quasi depositam, ille retinet quasi creditam. Non enim video quid sit hic, quod in sententia ferenda iudex sequi possit, cum petitor idem interdum credidisse, interdum deposuisse se dicat, & ille alter interdum depositam accepisse, interdum creditam, & neuter sua priore, sed uterque alter alterius præterita sententia utatur.

C **PERTINERE** etiam nonnihil ad rem videtur scire figuras controversiarum, quibus invicem differant, quo magis in evidenti sit, quemadmodum quamque tractemus. Sunt igitur themata, id est figuræ controversiarum, quatuor: εὐδοξον, quod nos opinionis bonæ possumus dicere: ἀμφοδόξον, quod nos opinionis ex utroque bono ac malo confusæ possumus dicere: παράδοξον quod nos opinionis malæ possumus dicere: tamen quidam parum diligenter Græce loquentes, paradoxon pro his quæ sunt bonæ opinionis, accipiunt. Unde vulgo etiam Olympionicas & ceteros victores sacrorum certaminum, paradoxos vocant, magis consuetudine quam ratione ducti: nam, ut opinor, παράδοξον est, quod est παρὰ τὴν δόξαν, id est contra opinionem bonam. Denique licet alias vulgares significationes probare malim hujus nominis, tamen hoc loco ut multa nova tam a technicis & mathematicis, quam a philosophis cognominantur, accipere debemus non tam pro solito usu consuetudinis, quam pro conditione præcepti. Quarta est species controversiæ, quæ Græce ἁδόξος dicitur, quam nos non ut vulgo malæ opinionis, sed nullius opinionis dicimus, id est humilem & sordidam.

CAPUT VIII. **Modi controversiarum.**

CAPUT IX. **De nugis controversiarum.**

dam. Sed evidenter hæc propositis exemplis liquebunt. Εὐδοξος controversia hujusmodi est, in qua tam persona quam res est honesta, velut Scipio victis Pœnis petit in præmium ut spectet ludos laurea coronatus: & persona honesta est Scipionis, & quod petitur non improbum. Αμφοδόξος est, in qua vel honestatem personæ turpitudine rei maculat, velut si idem Scipio petat præmii nomine mortem Tyberii Afellii: nam petitoris persona honesta est; quod autem petitur, inhonestum. Vel contra, si abdicatus fortiter fecerit, & petat præmii nomine reditum in domum patris: persona quæ petit inhonesta abdicati, res quam petit honesta ut in domum patris redeat. Περύδοξος est controversiæ genus ut supra definiēbam, in quo utraque sunt inhonesta, tam res quam persona, velut impudicitia reus fortiter fecit, petit præmii nomine accusatoris sui mortem: nam & persona petentis inhonesta est, siquidem fuit reus impudicitia; tamen si aliquid turpitudini derogaverit, quod fortiter fecit; & res quam petit, improba. Αδοξος, est controversiæ genus siue opinione utraque, humile & sordidum. Pauper vestimenta vendebat, existit alius pauper, qui vendicaret ea, & furto ablata sibi esse diceret: ille venditor ait se ab adultero deprehenso illa vestimenta detraxisse: invicem accusant, ille adulterii, hic furti, hic enim & personæ humiles pauperum, & res quæ videntur fecisse quæstionem abjectæ, vestimentorum venditio & agnitio: & quamquam intervenierit crimen adulterii non abjectum, tamen quia plura sunt ante περίδοξον humilia & sordida, totius controversiæ speciem sibi vendicant.

CAPUT
X.
Quid
utilitatis
præ se
ferat si-
gurarū
ejusmo-
di agni-
tio.

DIGNOSCERE autem has controversiarum figuras, cum ad multa alia convenit, tum vel in primis ad id, ut modum præfandi, id est principia edendi, congruentem qualitatē materiam invenire possimus: non enim eadem species debet esse principii in themate εὐδοξου & ἀμφοδόξου & περύδοξου, sed sua cuique forma tribuenda. Jam primum in εὐδοξου genere materiæ Hermagoras negat esse præfandum: nam si benevolentia, inquit, conciliandæ gratia præfari solemus in bonæ opinionis themate, quale illud est Scipionis; benigni sunt hi, apud quos locuturi sumus: nihil autem adinet parare quod paratum est. Sed mihi longe aliter videtur, & pace tanti viri dixerim: neque enim est semper spectanda auctoritas, utique cum ratione vincatur. Censeo igitur nihil prohibere in εὐδοξου genere materiæ, quominus præfemur. Nihil enim, opinor, mali est, benignos judices benigniores reddere præfando, ut cum offensos adversariis videmus, offensionem illam dicendo augere conamur. Denique aulædos & citharædos & ceteros hujusmodi artifices, quamquam non polliceantur orationem, videmus tamen præloqui ante actionem. Et omnino curta & sine capite oratio est, quæ sine principio ab ipsis rebus orditur. Utemur etiam principiis in bonæ opinionis controversiis; sed brevioribus & erectioribus paulo, & confidentibus & plenis dignitatibus, sine jactantia dumtaxat, ne res pariat invidiam: ut est illud apud M. Tullium contra concionem Metelli, in qua exultare videtur: *Sic enim, ut opinor, insequar fugientem, quoniam congregari non licet cum resistente.* Quod numquam profecto tam magnifice dicere in exordio statim orsus fuisset, nisi & ipsius actoris esset honesta persona, & res de qua locuturus erat, non improba. Itemque

A alio loco, cum de conjuratorum animadversione loqueretur: *Videō, Patres conscripti, in me omnium vestrum ora atque oculos esse conversos?* & deinceps. Quæ omnia hujusmodi sunt, ut actor & splendori suo & rebus his de quibus locuturus est, quasi honestissimis videatur merito confidere. Pleraque hujusmodi exordia apud Q. Gracchum, quanto nobilioris fuit spiritus, quæ dicentem profecto Merucium, aut aliquem ex Cannensi caterva nemo ferret. In ἀμφοδόξου genere materiæ moderatione quadam utendum erit, cum principiamus, ut & turpitudinem quæ subest, * & dignitatem quæ est in re aut persona vel illustrando augeamus, vel ita varie utrumque misceamus, ut alterius partis turpitudinem alterius honestas tegat. Neque tamen cum tanta jactatione, quanta in illo superiori genere materiæ, sed quasi cum quadam confidenti verecundia. Si in re turpitudine erit, quantum fieri poterit, avocabimus judicem ad personæ dignitatem. Si in persona, ad rei dignitatem quasi de periculoso in tutiorem locum refugiemus, sed summatim leviterque cedentes, ut despiciere potius suspicionem metus, quam timere videamur. Laborabimus autem in eo, ut confusa utraque dignitate rei & personæ, plus fiduciæ in honestate, quam metus in turpitudine habere videamur. Sed ut limpidius hoc genus principandi deprehendatur, dabo exemplum quod habuit M. Tullius, cum pro M. Scauro loqueretur. Erat enim controversia ἀμφοδόξος: quippe qui niteretur dignitate personæ M. Scauri, premeretur turpitudine criminis de pecuniis repetundis. Utrumque in principio statim ita confudit orator, ut & turpitudinem criminis dignitate personæ contereret, neque tamen largiter nimium, neque exultanter, sed ita ut exprimat nonnullam etiam metus suspicionem. *Maxime fuit optandum M. Scauro judices, ut nullo suscepto cujusdam odio, sine offensione ac molestia: & cetera.* In περύδοξου, id est in malæ opinionis rhemate, ubi & persona & dignitas pariter laborabit, longioribus principiis utendum erit, & purgandis suspicionibus opera tribuenda, & demisse loquendum, cum sententiis, tum verbis etiam propius blanditiā sitis, & querimonia quasi falsi illari criminis, & falsæ infamiæ compositæ adversum nos per invidiam, etiam submissiore roto corpore conformato ad verecundiam, submisso vultu, oculis terram intuentibus, neque illa acriter, sed si possumus etiam timore simulato. In ἀδοξου, id est in humili genere materiæ, proxima sermoni debent esse principia: neque sententiis alte petitis, neque verbis ultra modum ornatis, neque structura graviore, sed quasi resoluta & simplici. Vis autem omnium sententiarum, quam his principiis adhibemus ea esse debet, ut rem a proprietate revocet ad communitatem, & dicat omnium interesse illam rem vindicari: propterea quod quanto quæque minora sunt, tanto crebrius & magis inter multos cadere possint. Nec tam oportere spectari magnitudinem rerum & personarum, quam rationem æqui & iniqui, veri & falsi: eandem enim esse horum in minimis vim, quam in maximis. Talia principia sunt pleraque apud Demosthenem in iis libris qui inscribuntur Idiotici, & magis apud Lysiam, & apud quosdam ex nostris veteribus. Certe Marcus Tullius cum pro Archia diceret, non aliter exorsus est.

* Obte-
gendo
minua-
mus. tale
quiddam
videtur
desse.

ADMONITIO IN SEQUENS OPUSCULUM.

HOC opusculum una omnium eruditorum sententia abjudicatur Augustino. Apud Lucam Holstenium in codice Regularum parte secunda, Confensoria Monachorum inscribitur, aptiore titulo. Attamen receptam dudum in hac appendice inscriptionem mutare visum non est, præsertim destitutis veterum librorum auctoritate: quippe nullum hujus opusculi MS. exemplar reperimus.

REGULÆ CLERICIS TRADITÆ FRAGMENTUM.

CAP. I. 1.
COMMUNI definitione decrevimus apud nos, quod numquam postmodum ab ullo poterit infringi. Residentibus nobis in monasterio, in nomine Domini nostri Jesu Christi, omnibus placuit secundum Apostolicam traditionem, unum sentire in Domino & communiter possidere. Sicut scriptum est: *Unum sentite in Domino.* Et nemo quidem proprium sibi vindicet quidquam, sed fiat sicut scriptum est in Actibus Apostolorum, *Habentes omnia communia*, nemo quidquam esse suum dicebat: quod a nobis scriptum est. In Domino ergo jure observationis nos teneamus, & in eo usque in finem perinaneamus: quoniam in lege scriptum est, *Qui perseveraverit usque in finem, hic salvus erit.* Si quis autem venire desiderat ad congregationem fratrum, qui in unum esse videntur, non ignoret Evangelii dictum, quod dixit: *Vendat omnia sua, & eroget egenis & pauperibus.* Et iterum, *Abneget semetipsum, sibi tollat & crucem suam, & sequatur me.* Et ne tracter in corde suo de victu aut vestitu, & ceteris, quæ necessaria sunt corpori, ipso Domino præmonente in Evangelio & dicente: *Nolite cogitare dicentes, quid editis, aut quid vestimini: hoc enim gentes cogitant, Scit pater vester, quia horum omnium indigetis: querite primum regnum Dei, & justitiam*

E ejus; & hæc omnia apponentur vobis. Verumtamen antequam statuatur esse in monasterio, prober propositum fratrum atque exemplum, & ipse probetur in omni conversatione ab illo, qui prior est, & ceteris consentientibus, propter illud quod Scriptura docet & admonet, dicens: *Amicum noli cito comprobare.* Sed si contigerit ut aliquis ex qualibet causa necessitatis a monasterio fuerit abstractus, ne vel mente concipiat secum aliquid ferre de iis omnibus, quæ in monasterio fuerunt, sive etiam quæ secum aliquando attulerat, sive ea quæ cum fratribus adquisierat: quia certum est fratres nihil habere, possidere, dare, vel accipere debere sine superioris licentia. Quod si propinquus, vel amicus, vel quilibet frater, aliquid offerre voluerit, primo quidem Priori insinuetur, & sic suscipiatur, si ipse mandaverit; de quo tamen nihil fiat aliud, nisi quod Priori placuerit, vel permiserit: quoniam valde verendum est, ne sibi eveniat quod scriptum est: *Vir mutabilis in lingua incidit in mala.* Et iterum, ut nullum omnino de fratribus secum provocet, ne magis destructor quam ædificator monasterii videatur: propter id quod scriptum est, *Qui non est mecum, contra me est: & qui mecum non congregat, dispergit.* Et quicumque provocatus ab aliquo, monasterio voluerit abscedere, aut redarguat provocantem, aut ante indicet * Præposito, cui

Prov. 13.
3.
Matt. 12
30.
* Holste-
nius Ab-
bat.

Zech. 6. 6. cui utique de iis, quæ in communi decrevimus nihil esse cenſeo ſubtrahendum, quia ſcriptum eſt, *Pacifi ſint tibi multi, ſed unus ex mil-le ſit tibi conſiliarius.* Igitur hæc quæ ſcripta ſunt, cum ſumma diligencia obſervanda ſunt a Præpoſito uſque ad omnes fratres. Et ſi quis ab aliquo doctrinam audierit, præter quam in monaſterio conſecutus eſt ab eo, cui ſe credidit, hanc autem ſuſcipiat, & eam non ſubtrahat doctori: quia ſcriptum eſt, *Omne quod manifeſtatur, lux eſt.* Si enim bona fuerit, collaudanda eſt: ſi vero prava, reprobanda. De iis autem fratribus, qui in unitate conſiſtunt, ſi quis ſubito adverſus Præpoſitum altercatus fuerit, non ſolum ſemel, ſed ſecundo & tertio, ut Evangelium docet, licet exorare. Si autem noluerit ſe emendare, ille cui injuriam irrogatus eſt, poſt primam vel ſecundam correptionem, qui non revocaverit contumacem, denunci- et illud Præpoſito, ne per taciturnitatem, & ille, & frater ſuus periclitentur, ſicut Salomon ait, *Qui occultat inimicitiam, inſtruit dolum.* Si vero (ut fieri ſolet) incurſio re-

A pentina ſupervenerit, aut hoſtilitas, ut impoſſibile ſit fratribus in unum fugam petere propter inſecutionem inimicorum, & poſtmodum Deo fa-vente evaſerint, & potuerint pervenire ubi Præpoſitum eſſe cognoverint, veluti filii ad patrem feſtinare debebunt. Nec ullo modo poterunt ſeparari, quos divina caritas ſociavit, quia ſcriptum eſt, *Perſecta dilectio foras mittit timorem.* Si quis autem quod ſuperius diximus cauſa neceſſitatis detinet id, quod a monaſterio ſecum portavit, neceſſe habebit, ubi Præpoſitus ſuus eſt, illud perferre: quia non poterit ſibi retinere, quod per pactum ad omnes pertinet, & Deo utique eſt conſecratum. Sed ſi cogitaverit de his aliquid retinere, contra dictum Apoſtoli agere videtur, qui ait, *Nemini quidquam debeatis, niſi ut invicem diligatis vos.* Omnia ergo quæ in iſto libro continentur, omnes fratres obſervent, atque ſubſcribent, qui boni eſſe deſiderant. Verum propter illos ſunt cauta, id eſt ſcripta, qui in omnibus ſtabiles eſſe noſcuntur.

A D M O N I T I O IN SEQUENTEM OPUSCULUM.

CONTULIMUS iſtud opusculum ad exemplar Corbejenſe ante mille annos, uti videtur, exaratum, quo in exemplari ab eo loco, *Pſalmi III. LXII. &c.* (ubi Lucas Holſtenius in codice Regularum parte ſecunda cum editis Amerb. Eraſ. & Lov. ſatis concordat) variat hunc in modum: *Pſalmi tres, ſexageſimus ſecundus, quintus, & octog-eſimus nonus. (lacuna hic eſt exigua deleta, uti videtur, verbo ſex circiter litterarum, & mox ſequitur)* Ad tertiam pſalmus ad reſpondendum dicatur: deinde antiphonæ duæ, lectio, & completorium. Simili modo ſexta & nona. Ad Lucernarium autem pſalmus reſponſorius unus, antiphonæ quatuor, item pſalmus unus reſponſorius, lectio, & completorium. Et tempore opportuno poſt lucernarium omnibus ſedentibus legantur lectiones. (hic eraſum eſt unum verbum, & proxime ſequitur) Poſt hæc autem conſuetudinarii pſalmi ante ſomnium dicantur, nocte autem orationes, menſe Novembri &c. ubi quod ſemel & iterum dicitur, & completorium, videtur ſonare idem cum iſthac formula a Patre noſtro Benedicto Matutinorum officium ordinante, bis uſurpata, & completum eſt, id eſt peractum ſic erit officium, vel, addetur finalis oratio, qualis ea ſcilicet quæ in antiquis miſſalibus ad complendum vocitatur. Porro in eodem codice opusculum abſque titulo ſic incipit: Ante omnia &c. Sed ad hæc ultima verba, de veſtra ſalute amen. continenter & in eodemmet verſu ſubjicitur Regula S. Auguſtini viris aptata, ut jam obſervavimus, cum hiſce verbis in fine, Explicit Regula ſancti Auguſtini Epiſcopi.

R E G U L A S E C U N D A.



ANTE omnia, fratres cariffimi, diligatur Deus, deinde & proximus, quia iſta præcepta principaliter nobis ſunt data. Qualiter autem nos oportet orare vel pſallere, deſcribimus: id eſt, in matutinis dicantur *Pſalmi III. LXII. VI. & LXXXVIII.* cum debitis antiphonis, verſibus & reſponſoriis. Ad primam & tertiam dicantur ſui pſalmi, antiphonæ duæ, lectiones duæ. Simili modo ad ſextam & nonam dicantur ſui pſalmi, cum debitis reſponſoriis & antiphonis. Hoc idem in veſperis & completoriis ſervetur. Ad lucernarium autem pſalmus, reſponſorium unus, antiphonæ tres, lectiones tres. Et tempore opportuno poſt lucernarium, omnibus ſedentibus legantur lectiones. Nocturnæ autem orationes menſe Novembri, Decembri, Januario & Febuario, antiphonæ duodecim, pſalmi ſex, lectiones tres. Martio, Aprili, Septembri, Octobri, antiphonæ decem, pſalmi quinque, lectiones tres. Majo, Junio, Julio, & Auguſto, antiphonæ octo, pſalmi quatuor, lectiones duæ. Operentur a mane uſque ad ſextam, & a ſexta uſque ad nonam vacent lectioni, & ad nonam reddant codices. Et poſt quam reſecerint, ſive in horto, ſive ubicumque neceſſe fuerit, faciant opus uſque ad horam lucernarii. Nemo ſibi aliquid vendicet proprium, ſive in veſtimento, ſive in quacumque re: Apoſtolicam enim vitam optamus vivere. Nemo cum murmure aliquid faciat, ut non ſimili judicio mur-

C muratorum pereat: fideliter obediant: patrem ſuum honorent poſt Deum: Præpoſito ſuo deferant ſicut decet ſanctos: ſedentes ad menſam raceant audientes lectionem: ſi autem aliquid opus fuerit, Præpoſitus eorum ſit ſollicitus Sabbatho & Dominica ſicut * conſuetudo eſt, qui volunt vinum accipiant. Si opus fuerit ad aliquam neceſſitatem monaſterii mitti, duo eant. Nemo extra monaſterium ſine præcepto manducet neque bibat, non enim hoc ad diſciplinam pertinet Monasterii. Si opera monaſterii mittantur fratres vendere, ſollicite obſervent ne quid faciant contra præceptum, ſcientes quia Deum exacerbant in ſervis ipſius: ſive aliquid emanet ad neceſſitatem monaſterii, ſollicite & fideliter ut ſervi Dei agant. Otioſum verbum apud eos non ſit. A mane ad opera ſua ſedeant: poſt orationem tertiæ eant ſimiliter ad opera ſua. Non ſtanſes fabulas contexant, niſi forte aliquid ſit pro utilitate animæ: ſed ſedentes ad opera taceant, niſi forte neceſſitas operis exegerit ut loquatur quis. Si quis autem non omni virtute adjuvante miſericordia Dei hæc conatus fuerit implere, ſed contumaci animo deſpexerit, ſemel arque iterum commonitus, ſi non emendaverit, ſciat ſe ſubjacere diſciplinæ monaſterii ſicut oportet: ſi autem talis fuerit ætas ipſius, etiam vapulet. Hæc autem in nomine Chriſti fideliter & pie obſervantes, & vos proficietis, & nobis non parva erit læritia de veſtra ſalute. Amen. Hæc ſunt quæ ut obſervetis præcipimus in monaſterio conſtituti. Primo, &c.

A D M O N I T I O IN SEQUENTEM LIBRUM.

AUGUSTINI non eſſe hunc librum cum ex aliis multis argumentis, tum ex eo liquet, quod B. Benedicti regula in 14. & 19. capite laudatur. Eſſe B. Aelredi Rbievallenſis in Anglia abbatis, qui nimirum medio ſæculo duodecimo ſcribebat, certo ſe ſcire ait Lucas Holſtenius in codice Regularum, parte ſecunda. Et re vera in indice operum S. Aelredi Centuria 2. Scriptorum Britannicæ num. 99. reſenſetur ſub hoc titulo: De Inſtitutione incluſarum Lib. I. Jam pluribus annis exiſtis a me. Habes ejuſdemmet libri partem circiter tertiam inter opera S. Anſelmi nomine vulgata, ſcilicet, *Meditationes XV. XVI. & XVII.*

DE VITA EREMITICA, AD SOROREM, LIBER.

Prolo-
gus.



IAM pluribus annis exigis a me soror, ut secundum modum vivendi quem arripuisti pro Christo, certam tibi formulam tradam, ad quam & mores tuos dirigere, & vitam religionis, & vitæ religiosæ possis exercitia ordinare. Utinam a sapientiore id peteres & impetrares, qui non conjectura qualibet, sed experientia didicisset, quod alios doceret. Ergo certe qui carne & spiritu tibi frater sum, quoniam negare non possum, quidquid injungis: faciam quæ hortaris, & ex diversis Patrum institutis aliqua, quæ tibi videntur necessaria, excerptens ad componendum exterioris hominis statum certam tibi regulam tradere curabo, pro loco & tempore quædam adjiciens: & spiritualia corporalibus, ubi utile visum fuerit, interserens.

CAPUT

I.
Ur insti-
tuta est
eremiti-
cavita.

CAPUT

II.
Reclusio
corporis
solius
nihil
prodest.

CAPUT

III.
Reclusio
cum
externis
mulieri-
bus con-
fabula-
tiones.

CAPUT

IV.
Ex con-
fabula-
tione cum
externis
mulieri-
bus quæ
pernici-
cies.

CAPUT

V.
Reclusio
qua-
rumdam
avaritia.

Matt. 6.
33.

CAPUT

VI.
Reclusio
ne pau-
perum aut
hospitum
prætextu
faculta-
tes habe-
re velit,
utatur
ancilla
probata:

PRIMUM oportet te scire, qua causa, quave ratione vita hæc ab antiquis vel instituta sit vel usurpata. Sunt quidam quibus inter multos vivere perniciosum est. Sunt & alii quibus etsi perniciosum non est, tamen dispendiosum est. Sunt & nonnulli quibus & nihil horum timendum est: sed potius habitare magis æstimant fructuosum. Itaque antiqui vel ut vitarent periculum, vel ne paterentur dispendium, vel ut liberius ad Christi anhelarent & suspirarent amplexum, singulariter vivere elegerunt. Hinc est, quod plures in eremo soli sedebant, vitam manuum suarum opere sustentantes. Illi vero qui nec hoc securum sibi inter solitudinis libertatem & vagandi potestatem arbitrabantur, includi potius, & intra cellulam obstruso exitu contineri tutius æstimabant.

QUID tibi visum fuit, cum te huic institutioni voveres. Nam multi rationem hujus ordinis vel ignorantes, vel non curantes, membra tantum intra parietes cohibere satis putant esse: cum mens non solum per vagationem dissolvatur, curis & sollicitudinibus dissipetur, immundis etiam & illicitis desideriis agitur, sed etiam lingua, tota die per vicos & civitates, per foros & nundinas otiose discurrant.

VIX aliquam inclusarum hujus temporis solam invenies, ante cujus fenestram non anus garrula vel nugigerula mulier sedeat, quæ eam fabulis occupet, rumoribus aut detractionibus pascat, illius vel illius monachi vel clerici vel alterius cujuslibet ordinis viri formam, vultum, moresque describat. Illecebrosa quoque interferat, puellarum lasciviam, viduarum, quibus licet quidquid libet, libertatem, conjugum in viris fallendis explendisque voluptatibus astutiam depingat. Os interea in risu cachinnosque dissolvitur, & venenum cum suavitatis bitum per viscera membraque diffunditur.

SIC cum discedere ab invicem hora compulerit, inclusa voluptatibus, anus cibus onerata recedat. Reddita quieti misera eas, quas auditus induxerat, in corde versat imagines, & ignem præmissa confabulatione conceptum vehementius sua cogitatione succendit: quasi ebrius in psalmo titubatur, in lectione cadit, fluctuat in oratione. Refusa mundi luce citantur mulierculæ addentes nova veteribus, non cessant, donec captivam liberius dæmonibus illudendam exponunt. Nam manifestior sermo non jam de accendenda, sed potius de satianda voluptate procedens: ubi & quando & per quem possit explere quod cogitat, in commune exponant. Cella vertitur in prostibulum, & delicato qualibet arte foramine, aut illa egreditur, aut adulter ingreditur. Infelicitas hæc, ut sæpe probatur, pluribus causa viris in hoc nostro sæculo communis est.

SUNT aliæ quæ, licet turpia declinent, loquaces tamen loquacibus assidue sociantur, nimium curiositati linguam & aures tota die otio rumoribusque dedentes. Aliæ non multum ista curantes (quod fere vitium per omnes hujus temporis serpit inclusas) pecuniæ congregandæ vel multiplicandis pecoribus inhiant: tantaque cum hac sollicitudine in his extenduntur, ut eas matres vel dominas familiarum existimes, non anachoretas. Quærunt aliquibus pascua pastores, qui procurent, qui custodiant greges, fructus vel pretium vel pondus, vel numerum a custodiis expetunt. Sequitur emptio & venditio, ut nummus nummo cumulum exigat, & avaritiæ sitim accendat. Fallit enim tales spiritus nequam pro impertiendis elemosynis vel orphanis alendis. Pro advenientium parentum vel amicorum caritate, & religiosarum feminarum susceptione, hoc utile esse ac necessarium suadentes. Non est hoc tuum, ad quam magis pertinet, ut pauper cum pauperibus stipem accipias, quam relicto omnibus tuis pro Christo aliena quærere, ut eroges. Magnæ infidelitatis signum est, si inclusa de crastino sit sollicita, cum dominus dicat, *Primum quærite regnum Dei, & hæc omnia adjicientur vobis*. Quapropter providendum est, ut mens omni rerum temporalium cura exuatur, & exoneretur sollicitudine.

QUOD ut fiat, videat inclusa, ut si fieri potest, de labore manuum suarum vivat. Hoc enim perfectum est. Si autem aut infirmitas aut teneritudo non permittat: antequam includatur, certas personas quærat, a quibus singulis diebus quod uni diei sufficiat, humiliter recipiat, nec causa pauperum vel hospitum quicquam adjiciat. Non circa cellulam ejus pauperes clament, non orphani plorent, non vidua lamentetur. Sed quis, inquit, hoc poterit prohibere? Tu sede, tu tace, tu sustine. Mox ut scient te nihil habere, seque nihil recepturos, vel fatigati discedent. Inhumanum hoc clames. Ceterum si præter necessarium victum & vestitum aliquid habes, monacha non es. Quid ergo erogabis? præcipitur tamen inclusa, ut quidquid de labore manuum suarum victui superfluit, mittat cuidam fidei, qui pauperibus eroget. Nolo ut insidia-

trix pudicitiae vetula mixta pauperibus accedat propius, deferat ab aliquo monachorum vel clericorum eulogias, non blanda verba in aure susurret, ne pro accepta elemosyna osculans manum in aure insibilat. Cavendum præterea est, ut nec ob susceptionem religiosarum feminarum, quodlibet hospitalitatis onus inclusa suscipiat. Nam inter bonas plerumque etiam pessimæ veniunt, quæ ante inclusa fenestram discumbentes præmissis valde paucis de religiosis sermonibus ad sæcularia devolvuntur, inde subtexere amatoria, & noctem fere totam insomnem ducere. Sanctum tale devota, ne cogaris audire, quod videre horreas. Forte enim videbuntur amara, cum audiuntur, vel cernuntur: quæ sequuntur dulcia, cum cogitantur. Si scandalum times, eo quod nec pauperibus erogas, non suscipis hospites; cum omnes tuam nuditatem didicerint, non erit, qui reprehendat. Si vero nec pro pauperibus, nec pro hospitibus te velim pecuniosam esse: multo utique minus occasione grandioris familiæ. Itaque eligatur tibi aliqua anus, non garrula, non vaga, non ligiosa, non nugigerula; sed quæ bonos mores excoluerit, & ab omnibus habuerit testimonium veritatis. Hæc ostium cellulæ custodiat, & quod debuerit, vel admittat, vel conservet. Habeat sub cura sua fortiorem ad onera sustinenda, puellam, quæ aquam & ligna comportet, coquat fabas, aut olera: aut si hoc infirmitas exegerit, præparet potiora. Hæc sub virgæ disciplina custodiatur, ne forte ejus lascivia tuum sanctum habitaculum polluat, propositum blasphemetur, pueris & puellis nullum ad te concedas accessum. Sunt quædam inclusa, quæ in docendis puellis occupantur, & cellam suam vertunt in scholam. Illa sedet ad fenestram, iste in porticu residet: Illa intuetur singulas, & inter puellares motus nunc irascitur, nunc ridet, nunc minatur, nunc percutit, nunc blanditur, nunc osculatur, nunc flentem vocat pro verbere propius, palpat faciem, stringit collum, & in amplexum ruens nunc filiam vocat, nunc amicam. Qualiter inter hæc memoria Dei, nisi sæcularia & carnalia, & si non perficiantur, moventur tamen, & quasi sub oculis depinguntur. Tibi utique duæ illæ sufficient ad colloquium & ad obsequium.

SILENTII gravitatem inclusa servandam præcipue suademus. Est enim in ea quies magna & fructus multus. Nam cultus justitiæ silentium. Sicut ait Hieremias, *Bonum est cum silentio expectare salutare Dei*. Et iterum, *Bonum est viro cum portaverit jugum: ut sedeat solus, & taceat*. Unde scriptum est: *Audi Israel, & tace*. Fac ergo quod ait Propheta, *Dixi custodiam vias: ut non delinquam in lingua mea. Posui ori meo custodiam*. Sic inclusa timens casum linguæ, quam secundum Apostolum Jacobum nemo hominum domare potest, ponat custodiam ori suo, sola sedeat, & taceat ore, spiritu loquatur: & credat se non esse solam, quando sola est. Tunc enim cum Christo est, qui non dignatur in turbis esse cum ea. Sedeat ergo sola, taceat Christum audiens, & cum Christo loquens, ponat custodiam ori suo. Primum, ut raro loquatur. Deinde quid loquatur, quibus, & quomodo loquatur attendat. Raro loquatur, id est certis & constitutis horis, de quibus postea dicemus. Quid loquatur, id est certis personis, & quales ei fuerint designatæ. Quomodo loquatur, id est humiliter, moderare, non alta voce, nec dura; nec blanda, nec mixta risu. Nam si hoc ad quemlibet virum honestum non pertinet, quanto magis ad feminam? quanto magis ad Virginem? quanto magis ad inclusam? Sede ergo soror mea & tace. Si compelleris loqui, parum loquere, humiliter & modeste: sive de corporalium rerum necessitate, sive de animæ salute sermo incubuerit.

JAM nunc personas quibus loqui debet, designemus. Felix illa quæ nec maritum admisit, nullum virorum videre volens, nec alloqui. Sed quæ nunc reclusarum hoc sequitur exemplum? Sufficiunt illis quæ modo sunt, si hanc corporalem castitatem conservent, si non onusto ventre non extrahantur, si non fletus infamis partum ediderit. Quibus perpetuum, ne cum vitis loquantur, indicare non possumus silentium, cum quibus honestius loqui possint, videamus. Ergo si fieri potest, provideatur in magno monasterio vel ecclesia presbyter aliquis senex, maturus moribus: cui raro, nisi de confessione & animæ ædificatione loquatur. A quo consilium accipiat in dubiis, in tribulationibus consolationem. Verum quia inclusum membris malum illud, quod timemus, plerumque suscitatur, & emollit emortuam senectutem, nec ipsi manum suam tangendam præbeat vel palpandam. Nulla vobis de macie vultus, de exilitate brachiorum, de curis asperitate sit cura.

HÆC tibi soror (gratias Deo) dicenda non fuerant: sed quia nec solum propter re, sed etiam propter adolescentiores, quæ similem vitam tuo consilio arripere gestiunt, hanc tibi formulam tradi voluisti, hæc interferenda putavi, si aliqua magni nominis vel bonæ æstimationis persona, abbas scilicet, vel prior, cum inclusa loqui voluerit, aliquo præsentem loquatur.

NULLAM certe personam te frequentius visitare vellem, nec cum aliqua re crebrius visitante, familiare vellem tecum habere secretum. Periclitatur enim fama virginis crebra certe alicujus personæ salutatione, periclitatur & conscientia. Nam quanto sæpius eundem videris vultum, vel vocem audieris, tanto expressius ejus imago tuæ memoriæ imprimeretur. Et ideo inclusa etiam facie velata loqui debet cum viro, & ejus causæ conspectum, cui cum timore solum debet præstare auditum. Nam eandem viri vocem sæpe admittere, quibusdam periculosum esse non dubito. Adolescentium

nō puel-
las do-
ccat.

CAPUT
VII.

Strudeat
silentio,
& raro
modeste.
que lo-
quatur.
Thren. c. 3
26. c. 3
27.
Psalm. 38.
Jacob. 3.
7.

CAPUT

VIII.
Quibus-
cum per-
sonis lo-
qui de-
bet Re-
clusam.

CAPUT

IX.
Scribit
vivendi
formam
Reclusis
rogatus
a sorore.

CAPUT

X.
De collo-
quio
cū variis
personis
quid hæc
intere ob-
servandū
a Reclu-
sa.

tium & suspectatum personarum devota colloquium : nec unquam tecum, nisi tu audientiam illius, qui tibi proprie loquatur : & hoc si cerra necessitas poposcerit. Cum nullo itaque advenientium, præter episcopum, aut abbatem, vel magni nominis priorem, sine ipsius presbyteri licentia vel præcepto loquaris, ut difficultas loquendi tecum, tibi præstet quietem. Numquam inter te & quemlibet virum, quasi occasione exhibendæ caritatis, vel nutriendi affectus, vel expectandæ familiaritatis aut amicitiae spiritualis, discurrant nuntii : nec eorum munuscula litterasque suscipias, nec illis tua dirigas, prout moris est, puta zonas, marsupia, quæ diverso stamine & subtegmine variata sunt, & cetera quæ hujusmodi adolescentioribus monachi per clericos mittunt, quod fomentum est amoris illiciti, & magni materia mali.

CAPUT XI. OPERARE proinde ea, quæ vel necessitas poscit, vel præscribit utilitas, & eorum pretium tuis usibus cedat, quibus si non egueris, aut necessaria ecclesiæ, aut pauperibus, sicut diximus, tribuas. Ornet etiam omnes motus, omnes sermones inclusæ, verecundia, quæ linguam compescat, iram mitiget, jurgia caveat. Quam enim pudere decet honeste honesta loqui : quantæ impudentiæ est, ut inhonesta, licet lacerata injuriis aut stimula furore, loquatur.

CAPUT XII. INCLUSA igitur litiganti non respondeat, detrahenti non improperet, laceranti non contradicat : sed in omnibus quæ in publico, vel in occulto aut obijciuntur, aut susurrantur, ex conscientiae serenioris arte contemnat, dicens cum Apostolo, *Mihi autem pro minimo est ut a vobis judicer.* Super omnia enim inclusa studere debet, ut tranquillitatem spiritus, & pacem cordis jugiter retinens, illum sui pectoris æternum habeat inhabitatorem : de quo scriptum est, *In pace factus est locus ejus.* Et alias Dominus per Prophetam, *Super quem, inquit, requiescet spiritus meus, nisi super humilem & quietum, & timentem sermones meos?* Hunc sacratissimum mentis statum, non solum stultiloquia evertunt, sed & pervertunt. Nihil esse tibi censeo sectandum, quam silentium.

CAPUT XIII. J A M nunc tempus loquendi, ac tacendi tempus distinguamus. Igitur ab exaltatione sanctæ crucis usque ad quadragesimam, post completorium usque ad auroram silentium teneat : & tunc dicta prima, si aliud de diurna necessitate voluerit suggerere servienti, paucis hoc faciat verbis, nihil cuiquam postea usque ad tertiam loquatur. Inter tertiam vero & nonam, his qui supervenerint, prius si admittendi sunt, competerenter respondeat, & ministris, quod placuerit, injungat. Post nonam sumto cibo omne colloquium & dissolutionis materiam caveat, ne impingatur ei illud, quod scriptum est : *Sedit populus manducare & bibere, & surrexerunt ludere.* Porro vespertina laude soluta, cum ministra usque ad tempus collationis de necessariis conferat. Tempore vero quadragesimæ inclusa semper silentium tenere deberet : sed quia hoc durum impossibileque putatur, cum confessore suo & ministra, rarius quam aliis temporibus, loquatur : & cum nullo alio, nisi forte aliqua reverenda persona ex aliis provinciis supervenerit. Post Pascha vero usque ad tempus prædictum, a completorio usque ad solis ortum silentio custodito, cum horam primam in diurnis obsequiis celebraverit, cum ministris suis loquatur si oportuerit, cum supervenientibus, inter nonam & vespem. Finita hora vespertina, disponat cum ministris quod opus fuerit usque ad collationem.

CAPUT XIV. HIS inspectis operi manuum, lectioni & orationi certa tempora deputentur. Otiositas quippe inimica est animæ, quam præ omnibus cavere debet inclusa. Est enim omnium malorum parens, libidinis artifex, pervagationum alitrix, nutritrix vitiorum, fomentum acediae, tristitiæ incentivum. Ipsa pessimas cogitationes seminat, affectiones illicitas quærit, suscitatur desideria. Ipsa quietis fastidium parit, horrorem incutit cellæ. Numquam te improvidam, numquam te spiritus inveniat otiosam. Sed quia mens nostra, quæ in hac vita subdita est vanitati, numquam in eodem statu permanet, Otiositas exercitiorum varietate fuganda est, & quies nostra quadam operum vicissitudine fulcienda. Itaque a calendis Novembris usque ad quadragesimam, secundum æstimationem suam, plus media nocte repaulet : & sic surgens cum qua potest devotione, secundum formam regulæ beati Benedicti, nocturnas vigilias celebret ; quibus mox succedat oratio, secundum quod eam Spiritus-sanctus adjuverit, aut protegere debet aut abbreviare. Civeat autem ne prolixior oratio fastidium pariat. U T I L I U S est enim sæpius orare breviter, quam semel nimis prolixè : nisi forte orationi devotio inspirata ipso nesciente, qui orat, prolongaverit. Post orationem in honorem Virginis debitum solvat officium, sanctorum commemorationes adjiciens. C A V E A U T E M N E de numero Psalmorum, vel commemoratione, aliquam tibi legem imponas : sed quamdiu te psalmi delectant, utere illis. Si tibi cœperint esse onerosi, transi ad lectionem : quæ si fastidium ingerit, surge ad orationem. Sic ad opus manuum, his fatigata, pertransiens, ut salubri alternatione spiritum recrees, & pellas acediam. Finitis commemorationibus quarum numerum non propositioni, vel voci necessitas extorqueat : sed inspirans devotio dicat, tempus quod restat usque ad auroram, operi manuum cum psalmorum modulatione deserviat. Albescente aurora matutinas laudes cum horæ primæ hymnis persolvat, & sic in alternatione lectionum, orationum, psalmorum quoque prout ea devotio variaverit, tertiam expectet, qua dicta in opere manuum usque ad horam nonam occupetur. Cibo autem sumto & gratiarum actionibus Deo solutis, ad præscriptam mansuetudinem redeat spiritalibus exercitiis, opus corporale intermittens usque ad vespem. Facto autem parvo intervallo aliquam lectionem de vitis patrum, vel institutis vel miraculis eorum sibi secretius legat : ut orta ex his aliqua compunctione, in quodam fervore spiritus completorium dicat : ut cum pleno pectore devotionis lectulo membra componat : illa sane quæ litteras non intelligit, operi manuum diligentius insistat. Ita ut cum paulatim fuerit fatigata, surgat & genua flectat, & breviter oret Dominum suum, & statim opus, quod intermiserat, resumat : & hoc fa-

Appendix Tom. I.

A ciat tempore scilicet utroque lectionis & laboris, Dominicam orationem crebrius inter opera eadem repetens : & si quos psalmos voluerit, interserens.

A Pascha vero usque ad prædictas Calendas sic surgat ad vigilias, ut finitis nocturnis hymnis & orationibus, parvissimo intervallo præmissis matutinas incipiat. Quibus expletis usque ad plenum solis ortum orationibus vacet & psalmis, & tunc dicta prima sacrificium diurni operis inchoet, usque ad horam tertiam : in lectione & oratione usque ad sextam spiritum occupet. Post sextam sumto cibo, pauset in lectulo suo usque ad nonam : & sic usque ad vespem manibus operetur. Post vespem vero orationibus vacet & psalmis, horam collationis ita temperans, ut ante solis occasum lectulus membra recipiat. Cavendum enim est omni tempore ne totam diei lucem nox antequam dormitum eat, suis obducatur tenebris, & dormire cogatur cum vigilare debet.

B E tempore quadragesimali locuturi, primo excellentiam ejus credimus commendandam. Cum multa sunt Christianorum jejunia, omnibus excellit quadragesimale jejunium, quod divina auctoritate non singulis quibuscumque personis, non illius vel illius ordinis hominibus, sed omnibus indicitur Christianis. Habet autem testimonium excellentiæ a Lege, a Prophetis & ab Evangelio. Nam Moyses famulus Dei jejunavit quadraginta diebus & quadraginta noctibus, ut legem Domini accipere mereretur. Helias autem propheta cum manducasset de pane subcinericio, aquamque bibisset, quam Angelus ei ministraverat, jejunavit quadraginta diebus & quadraginta noctibus, & tunc vocem Domini audire promeruit. Dominus & salvator noster cum jejunavit quadraginta diebus & quadraginta noctibus, superavit tentatorem, & accesserunt Angeli & ministrabant ei.

C E S T ergo jejunium contra omnia tentamenta & peccabilem statum. In omni tribulatione utile refugium, omnibus nostris irrefragabile fulcimentum. Quantæ autem virtutis sit jejunium ipse Christus non tacuit, cum dæmonem, qui lunaticum invaserat, ejicere non potuerunt. *Hoc genus, inquit, dæmoniorum non potest ejici, nisi in oratione & jejunio,*

D I C E T autem religionis comes semper debeat esse jejunium, sine quo castitas tuta esse non potest : hæc tamen quadragesimalis observatio magnum in se continet sacramentum. Primus locus habitationis nostræ paradysus fuit. Secundus mundus iste plenus ærumnis. Tertius in cælo cum Angelis & Spiritibus. Significant autem isti quadragesimæ dies totum tempus, ex quo pulsus est Adam de paradiso usque ad ultimum diem, in quo plene liberabuntur ab hoc exilio. Hic autem sumus in timore, in labore, in dolore projecti a facie oculorum Dei, exclusi a gaudiis paradisi, jejuni ab alimento cælesti : semper autem debemus hanc miseriam nostram considerare, & deplorare, & ostendere in operibus nostris quod sumus advenæ & peregrini in mundo. Sed quia hoc facile non potest humana fragilitas, constituit Spiritus-sanctus tertium tempus, quo id faciamus, & quasdam observaciones in Ecclesia fieri ordinavit, quibus ipsius temporis causam animadvertere valeamus. Nam ubi ostendit nos pulsos esse, adjectos morti propter verbum, quod dixit Dominus ad Adam, cum eum expelleret de paradiso, cum cinerum adspersione dicitur nobis, *Pulvis es, & in pulverem reverteris.* Ut sciamus etiam, quod in hoc exilio negatur nobis visio Dei, appenditur velum inter nos & sancta sanctorum. Verum ut reducamus ad memoriam, quod longe sumus ab eorum societate de quibus scriptum est : *Beati qui habitant in domo tua Domine, in secula seculorum laudabunt te.* Usitatum verbum laudis intermitimus. Quod vero nos ipso hoc altiori jejunio constringimur, recordari nos facit, quod in hac vita cælesti pane non satiamur. In hoc ergo tempore omnis Christianus aliquid addere dicitur solitis obsequiis, & diligentius atque frequentius circa cordis & oris custodiam occupari. Sed inclusa maxime institutionis temporis hujus rationem multo melius intelligit, quanto eam in propria vita sua expressius recognoscit. In his proinde sacris orationibus Christo placere præcipue desiderans, totam se Deo voveat atque sanctificet. Omnes delicias respnat, omnes confabulationes abjacet, & quasi dies nuptiarum hoc tempus existimans ad amplexus Christi omni aviditate suspirat. Frequentius solito incumbat orationi, crebrius se pedibus Jesu prosternat, crebra nominis illius repetitione compunctionem excitet, lacrymas provoker, cor ab omni vagatione compescat. Finis itaque sacris vigiliis intervallo, quod a nocturnis laudibus dividit matutinas, orationi & meditationi observat. Dictaque post matutinas prima usque ad plenam tertiam psalmis ac lectionibus vacet. Tertiarum vero horæ laude completa, operi manuum usque ad horam nonam devota insistat, breves per intervalla orationes inserens ; dicta post hoc vesperta corpus reficiet, & sic tempus completorii psallens expectet.

F J A M de cibi & potus qualitate vel quantitate, ex abundanti quidem tibi legem imponere soror, quæ ab ipsa infantia usque ad senectutem, quæ nunc tua membra debilitat, parvissimo cibo vix corpus sustentas : pro aliis cum quibus id utile futurum arbitraris, certam de his præscribere regulam tentabo. Beatus Benedictus libram panis & heminam potus concedit monacho : quod nos inclusis delicatioribus non negamus : adolescentibus tamen in corpore robustis, ab omni quod inebriare potest, abstinere utilissimum est. Panem nitidum & cibos delicatos quasi impudiciæ venenum evitet. Sic necessitati consulat, ut & famem repellat, & appetitum non satiet. Itaque quæ ad perfectiorem abstinentiam progredi non valent, libra panis & hemina laurioris potus contentæ sint ; sive bis comedant sive semel. Unum habeant de oleis vel leguminibus pulmentum, vel certe de farinaceis. Cui modicum olei, vel butyri vel lactis injiciens, hoc condimento fastidium repellat. Et hoc ei, si ea die cœnatura est sufficiat. Ad cœnam vero parum lactis sibi vel piscis modicum, vel aliquid hujusmodi si præsto fuerit, apponat. Uno genere cibi contenta cum pomis & herbis crudis, si quas

N n 2

habue-

CAPUT XV. De exercitiis a Pascha ad Calendas Novemb.

CAPUT XVI. De quadragesimali jejunio.

CAPUT XVII. Persequitur de virtute jejunii.

CAPUT XVIII. De significatione quadragesimæ.

Gen. 3.

19.

Ps. 83.

5

CAPUT XIX.

De cibi & potus qualitate.

habuerit, hæc ipsa si semel comederit in die prælibato pulmento possunt apponi. In vigiliis sanctorum tamen & quatuor temporum jejuniis, omnium etiam feriarum quarta & sexta, extra quinquagesimam in cibo quadragesimali jejunet. In quadragesima vero unum quotidie ei sufficiat pulmentum. Et nisi infirmitas impediatur, feria sexta in pane & aqua jejunet. Ab exaltatione sanctæ crucis usque ad quadragesimam semel in die hora nona reficiat. In quadragesima dicta vespera jejunium solvat. A Pascha usque ad Pentecosten ad sextam prandeat, & ad prandium silentium teneat: quod etiam tota æstate faciet, præter ferias quarta & sexta, & sollemnibus jejuniis. Diebus autem quibus jejunat, liceat ei in æstate pro somno meridiano & inter matutinas & primam modicum quietis indulgere corpusculo.

CAPUT XX. **De vestimentis & calciamentis.** **PORRO** talia ei vestimenta sufficiant quæ frigus repellant. Grossioribus pellicibus utatur, & pellibus propter hyemem, propter æstatem autem unam habeat tunicam: utroque vero tempore duas de stupacio camisas vel staminas. Velamen capitis non sit de panno subtili vel pretioso, sed mediocri nigro: ne videatur colore vario affectare decorem. Calciamenta, pedilles, caligas, quantum satis fuerit habeat. Et paupertatis suæ cultus sollicite consideret, ut etiam aliquantulum minus habeat quam indulgere sibi possit iusta necessitas. Hæc soror carissima, de exterioris hominis conversatione non pro antiquitatis fervore, sed pro hujus nostri temporis spatio te compellente conscripsi, infirmis temperatum quemdam modum vivendi proponens, fortioribus ad perfectiora progrediendi libertatem relinquens.

CAPUT XXI. **Solutio.** **SED** jam nunc audiat & intelligat verba mea, quæcumque abrenuntians mundo vitam hanc solitariam elegerit, abscondi desiderans non videri, & quasi mortua sæculo in spelunca Christo conspeli. Primum tibi solitudinem hominum debeas præferre consortio diligenter adtende. *Virgo*, inquit Apostolus, *cogitat quæ sunt Dei, quomodo placeat Deo, ut sit sancta corpore ac spiritu*: voluntarium hoc sacrificium est, oblatio spontanea, ad quam non lex impellit, sed necessitas cogit, non urget præceptum. Unde Dominus in Evangelio: *Qui potest capere capiat*. Quis potest? Ille certe cui Dominus hanc inspiraverit voluntatem & præstiterit facultatem. Primum igitur ut virgo bonum propositum tuum ipsi qui inspiravit cum summa devotione cordis commenda, intentissima oratione deposcens, ut quod impossibile est per meritum, facile sentiat per gratiam. Cogita semper, quam pretiosum thesaurum in quam fragili vasculo portes, & quam mercedem, quam gloriam, quam coronam virginitas servata ministrat. Quam insuper penam, quam confusionem, quam damnationem importet amissa, indefinenter animo revolve. Quid hoc pretiosius thesauro: quo cælum emittitur, quo Angelus delectatur, cujus ipse Christus cupidus est, quo illiciter ad amandum, & ad præstandum provocatur? Quid? Audeo dicere se ipsum & omnia sua. Itaque nardus virginittatis tuæ etiam in cælestibus dans odorem suum, facit ut concupiscat rex decorem tuum, & ipse est Dominus Deus tuus. Vide qualem tibi sponsum elegeris, qualem tibi amicum aduleris. Ipse est speciosus forma præ filiis hominum. Speciosior etiam sole & super omnem stellarum pulcritudinem. Spiritus ejus super mel dulcis & hæreditas ejus super mel & favum. Longitudo in dextera ejus, & in sinistra ejus divitiæ & gloria. Ipse te jam elegit in sponsam. Sed non coronabit nisi probatam. Et dicit Scriptura: *Qui non est tentatus, non est probatus*. Virginitas aurum est, cella fornax, conflator diabolus, ignis tentatio, caro virginis vas luteum in quo aurum reconditur, nec vas ulterius a quolibet artifice reparatur.

CAPUT XXII. **Ur virginittatis propositum religiose custodiendū.** **HÆC** virgo jugiter cogitans pretiosissimum virginittatis thesaurum, qui tam utiliter possidet, tam irrecuperabiliter amittitur, summa diligentia, summo cum timore custodiat. Cogitet sine intermissione ad cujus ordinatur thalamum, ad cujus præparatur amplexum: proponat sibi agnum quem sequi habet, quocumque jerit. Contempletur beatissimam Mariam præcedentem choros virginum & præcipientem dulce illud cum virginittatis tympano canticum, quod nemo potest canere nisi utriusque sexus virgines. De quibus scriptum est. *Hi sunt qui cum mulieribus non sunt coinquinati, virgines enim sunt*. Nec sic hoc dictum æstimes, quasi non vir sine muliere, aut mulier sine viro possit fœdari. Cum detestandum illud scelus, quo vir in virum, vel femina in feminam, omnibus flagitiis damnabilius judicetur. Sed & absque alienæ carnis consortio virginittas plerumque corrumpitur, castitas violatur. Si vehementior æstus carnem concutiens voluntatem sibi subdiderit, & rapuerit membra, cogitet virgo super omnia sua sanctificata Deo, incorrupta Christo, Spiritui-sancto dedicata. Indignum judicet quod Christi est tradere satanæ, & virginea ejus membra erubescat vel simplici motu maculari.

CAPUT XXIII. **Castitatis dispendiū in mensa timendum, & in colloquiis.** **ITAQUE** proinde in virginittatis suæ custodiam totum animum tendat. Cogitationes expendat, ut virtutis hujus perfectionem esuriens famem delicias putet, divitias paupertatem. In cibo, in potu, in somno, in sermone semper timeat dispendium castitatis, ne si plus debito carni reddiderit, vires præbeat adversario, & occulto nutriat hostem. Sedens igitur ad mensam decorem pudicitiae mente revolvet, & ad ejus perfectionem suspirans cibos fastidiat, potum exhorreat, etiam quod sumendum necessitas judicaverit, aut ratio dictaverit, cum dolore aut pudore, aliquando cum lacrymis sumat. Si ei sermo fuerit cum aliquo, semper metuatur aliquidaudire, quod vel modicum, serenitatem castitatis obnubilet, deferenda se a gratia non dubitet, si vel unum verbum contra honestatem proferat.

CAPUT XXIV. **Ante somnum conscientia excutienda & dolendum de peccatis.** **PROSTRATA** lectulo pudicitiam tuam commenda Deo, & sic signo crucis armata revolve animo quomodo die illo vixisti, si verbo, si opere, si affectu Domini tui oculos offendisti: si levior, si otiosior, si negligentior debito fuisti. Si plus cibo crudior, potu dissolutior mentas necessitatis excessisti. Si subreptum tibi aliquid horum deprehendis, suspira, pectus tunde, & hoc sacrificio vespertino tuo reconciliatam sponso sponsus excipiat.

A **SI** vigilanti subito, aut quiete soporis, aut arte tentatoris calor corporis fuerit excitatus, & in somnum callidus hostis invexerit, diversisque cogitationibus quietem pudicitiae infestaverit, proposueritque delicias, vitæ durioris horrorem incusserit, veniat tibi in mentem beatæ virginis, quæ in tenera ætate tam crebro reportavit de impiissimo hoste triumphum. Cogita Agnem beatissimam a qua aurum, argentum, vestes pretiosissimæ, lapides pretiosi & tota sæcularis gloriæ pompa quasi quædam stercora sunt reputata. Vocata ad tribunal non absuit; blandiebatur judex, contempsit; minabatur, irrisit, magis metuens ne paceret quam ne puniret: sædumque lupanar vertit in oratorium: quod cum virgine ingrediens Angelus lucem infudit tenebris, & infectatorem pudicitiae morte multabat. Si igitur & tu oraveris, & contra libidinis incentorem lacrymarum tuarum arma levaveris, non certe Angelus tuo casto deerit cubiculo, qui prostibulo non defuit. Merito beatam Agnem ignis iste materialis nequivit adurere, cui carnis flamma tepuerat, quam ignis succenderat caritatis. **B** **Quotiens** cumque nequam spiritus illicita quæque suggererit, vehementior incubuerit æstus, illum qui scrutatur corda & renes, scito esse præsentem: & sub ejus oculos esse quidquid agis vel cogitas. Habe proinde reverentiam Domino, quem tibi assistere non dubites, & deprædatori responde: *Angelum habeo amatorem, qui nimio zelo custodit corpus meum*. Adjuver conatum tuum in tali necessitate discreta abstinentia. Quia ubi multa carnis afflictio, aut nulla, aut parva aliqua potest esse delectatio.

NEMO se palpet, nemo blandiatur sibi, nemo se fallat. Numquam ab adolescentibus sine magna cordis contritione & carnis afflictione castitas conquiritur, vel fervatur, quæ plerumque ægris vel senibus periclitatur. Nam licet continentia donum Dei sit, & nemo possit esse continens, nisi Deus det, nec ullis nostris meritis donum hoc, sed ejus gratiæ sit gratiæ adscribendum, illos tamen tanto dono indignos judicat, qui aliquid laboris pro eo subire detrectant, volentes inter delicias casti esse, inter epulas continentes, inter pueros & puellas conversari & non tentari: in comestationibus & ebrietatibus fœdis distendi humoribus & non coinquinari: ligare visum suum cum flammis & non exuri. Difficile hoc; utrum aut impossibile tu videris.

NOVI ego monachum, qui cum initio suæ conversionis, tam naturalibus incentivis, tam violentia vitiosæ consuetudinis, tam suggestionibus callidi hostis tentaretur, ut pudicitiam suam periclitari timeret, erexit se contra se, & adversus suam carnem suavissimum concipiens odium, nihil magis quam quod ad eam affectaret expeteret. Itaque inedia macerabat corpus, & quæ ei de se debebantur subtrahens, etiam motus ejus simplices comprimebat. Sed cum iterum nimia debilitas sibi plus indulgere compelleret, ecce caro rursus caput erigens adquisitam, ut putabatur, infestabat quietem, plerisque se frigidis aquis injiciens, tremens aliquamdiu psallebat & orabat. Sæpe etiam illicitos sentiens motus urticis fricabat corpus, & nudæ carni aperiens incendium incendio superabat. Et cum hæc omnia non sufficerent, nihilominus eum spiritus fornicationis urgeret, tunc quod solum superfuit, prostratus ante pedes Jesu orat, plorat, suspirat, rogat, adjutat, obtestatur, ut aut occidat, vel sanet, clamat crebro, non abibo, non quiesco, nec te dimittam nisi benedixeris mihi: præstatur ad horam refrigerium, sed negatur securitas. Quiescentibus enim paululum carnis stimulis affectiones illicitæ pectus invadunt. Deus meus quas cruce, quæ tormenta tunc pertulit miser ille, donec tanta infusa est ei dilectio castitatis, ut omnes quæ sentiri possunt, vel cogitari, quasvis injiceret voluptates, & tunc quoque recessit ab eo. Sed usque ad tempus & nunc senectuti morbus accessit, nec sic tamen se de securitate blanditur.

UNDE non parum pudet quorundam impuditiæ, qui cum in sordibus senuerunt, nec sic suspectarum personarum volunt carere consortio. Cumque, quod dictu nefas est, eodem lectulo cubantes inter amplexus & oscula de sua castitate se dicunt esse securos, quos frigescente corpore ad cælos tepescencia membra deficiant. Infelices isti & præ cunctis mortalibus miseri, quibus cum desit sceleris perpetrandi facultas, adhuc manet in ipsa fœditate facultas. Non quiescit turpe desiderium, quamvis ei frigiditas neget effectum. Videat tamen utrum verum dicat, aut mentiatur iniquitas sibi, & dum nititur velare unum, duplex in se prodatur flagitium: cum & fere decrepitos nocturnum aliquando plasma deludat, & emortuam senectutem intestinum hoc malum sæpius inquietet.

TE soror numquam volo esse securam, sed timere, semperque tuam fragilitatem habere suspectam, ad instar pavidæ columbæ frequentare rivos aquarum, & quasi in speculo accipitris cernere supervolantis effigiem & cavere. Rivi aquarum sententiæ sunt Scripturarum, quæ de limpidissimo sapientiæ fonte profluentes diabolicarum suggestionum produnt imaginem & sensum, quo caveantur, & eludantur. Nihil enim magis cogitationes excludit inutiles, vel compescit lascivias quam meditatio verbi Dei, quod sic ad animum suum virgo debet affluere, ut aliud nolit, non possit aliud meditari. Cogitanti de Scripturis somnus obrepit. Evigilanti primum aliquid de Scripturis occurrat. Dormientis somnia memoria aliqua de Scripturis sententia condit.

SED quidam a salutaribus exercitiis retrahuntur timore, ne videlicet propter nimiam abstinentiam vel vigiliis immoderatas incidant in languorem, & ita efficiantur aliis oneri, sibi autem dolori, hæc excusatio nostra in peccatis nostris: quam pauci sunt hodie quos talis fervor ignivit, omnes sapientes sumus, omnes providi, omnes discreti: procul oderamus bellum, & sic morbum corporis antequam sentiat, formidamus: ut languorem animæ quem præsentem sentimus, terribi negligamus, quasi tolerabilius sit flammam libidinis, quam ventris tolerare rugitum. Aut multo melius sit continuo languore carnis vitare lasciviam quam sanum & incolumem in ejus redigi servitutem. Quid enim interest ntrum abstinentiam

CAPUT XXV. **In tentationibus impudicis recogitanda Virginis Agnetis historia.**

CAPUT XXVI. **Castitas in juvenili ætate sine magna cordis & corporis attritione non stat integra.**

CAPUT XXVII. **De monacho stimulum carnis duris macerationibus vix committente, non penitus exstinguente.**

CAPUT XXVIII. **Contra fenestras, qui concubinarum consortio carere nolunt.**

CAPUT XXIX. **Virgo semper pavidam, se ipsam muniat verbi Dei meditatione.**

CAPUT XXX. **Contra eos qui rigorem abstinentiæ non amplectuntur, ne corporis languorem incurant.**

flinencia, an languore caro superbiens comptimatur, castitas conseruetur? Sed remissio, inquit, cavenda est, ne forte occasione infirmitatis incurramus illecebras voluptatis: certe si languer, si ægrotar, si torquentur viscera, si arescit stomachus, quælibet deliciæ oneri magis erunt quam delectationi.

CAPUT
XXXI.
De adolescentie resipiscere & Christi horam mortis videntem.

VIDI hominem, qui cum pœnitentia sua, vi consuetudinis oppressus, continere non posset, tandem in se reversus supra modum erubuit: & mox concaluit cor ejus intra eum, & in meditatione ejus exarsit ignis. Deinde salubriter irascens sibi, invectione gravissima irruit in seipsum, & bellum indicens corpori, etiam ei quæ necessaria videbantur, ademir. Successit gravitas levitati, loquacitati silentium. Nemo cum postea vidit jocantem, ridentem nemo conspexit, nemo ex ore ejus otiosum sermonem audivit. Temporales consolationes, & quidquid carni suave putabatur, ita contempsit & exhorruit, ut nullam sibi requiem, nullam in cibo vel potu consolationem indulgere ei pareretur. Cogitationum suarum ita sollicitus & scrupulosus erat, ut in hoc solo nimis videretur. Ita demisso vultu oculisque dejectis stabat, sedebat, ut timens & tremens divinis tribunalibus videretur assistere. Talibus armis gloriosum retulit de tyranno triumphum. Nam gravissimum stomachi incurrens incommodum post diuturnum languorem, cum jam dormitionis ejus hora instaret: Sine, inquit, ecce Jesus venit.

CAPUT
XXXII.
Vera discretio, carni animam præponere.

HÆC dico ut discretionem, quæ omnium virtutum & mater & nutritrix est, detegam: sed vitiorum materias gulam comprimamus, requiem corporis, seminarum & effeminatorum familiaritatem atque convictum intra metas necessarias cohibeamus; quia sæpe falso nomine discretionis palliamus negotium voluptatis. Vera enim discretio est animam carni præponere, & ibi periclitatur utraque, nec sine hujusmodi incommodo illi potest salus consistere, pro illius utilitate istam negligere. Hæc diximus ut quanta tibi debeat in consideranda pudicitia esse sollicitudo, adverteres. Quæ cum omnium virtutum flos sit & ornamentum, sine humilitate tamen aret atque marcescit.

CAPUT
XXXIII.
De superbia & ejus speciebus.

HOC est certum haud securum peccatorum omnium fundamentum, ex quo quidquid ædificas ruinæ patet, Inirium omnis peccati superbia, quæ angelum de cælo, hominem de paradiso expulit. Hujus pessimæ cum multi sint rami; omnes tamen in duas species dividuntur, in carnalem scilicet & spirituales. Carnalis superbia est de carnalibus: spiritualis est de spiritualibus superbiere. Carnalis postea in duas subdividitur species: in jactantiam scilicet & vanitatem: vanitas est, si ancilla Christi intus in animo suo gloriatur te nobilibus ortam natalibus: Si se divitiis pauperatatem prætulisse pro Christo delectetur: Si se pauperioribus & ignobilioribus præferre conetur: Si se contempsisse divitum nuptias quasi aliquid magnum admiretur.

CAPUT
XXXIV.
De quadam specie vanitatis in cellula oratorii que ornamentis commutasti.

EST etiam quædam species vanitatis, in affectata aliqua pulcritudine, etiam intra cellulam delectari, parietes variis picturis & celaturis ornare: oratorium pannorum & imaginum varietate decotare. Hæc omnia quasi professioni tuæ contraria cave.

CAPUT
XXXV.
De quadam specie vanitatis in cellula oratorii que ornamentis commutasti.

QUA enim fronte de divitiis vel natalibus gloriaris, quæ illius vis sponfa videri, qui pauper factus est, cum esset dives, pauperem matrem, pauperem familiam, domum etiam pauperulam & præsepium vilitatem elegit? Itane gloriandum tibi est, quod Dei filium hominum filiis prætulisti, quod fœdam carnem pro virginis decore sprederis visti, quod æternas cæli divitias atque deliciis martyriis sanctorum commutasti.

CAPUT
XXXVI.
De ornamentis virtutis.

SI gloriaris in Domino, servias ei cum timore. Sed illam te uoli quasi sub specie devotionis sequi gloriam in picturis, vel sculpturis, in pennis avium, vel bestiarum aut diversorum florum imaginibus variatis. Sine hæc illorum, qui nihil intus, in quo gloriantur, habentes, exterius sibi comparant, in quibus delectantur. *Omnis gloria ejus, filie regis ab intus, in fimbriis aureis; circumamicta varietatibus.* Si autem tu jam filia regis es, utpote filii regis sponfa, pariterque vocem audisti, dicentis: *Audi filia, & vide, & inclina aurem tuam.* Si tua omnis gloria ab intus, vide ut gloria tua sit testimonium conscientie tuæ. Ibi sit pulcherrima virtutum varietas. Ibi diversi colores sic convenient, & sic jungantur sibi, ut alterius pulcritudinem alter augeat: & qui in sua natura minus lucet, alterius collatione lucidior appareat.

CAPUT
XXXVII.
De perfectione virtutis.

JUNGATUR castitati humilitas, & nihil erit splendidius. Prudentiæ societur simplicitas, & nihil erit lucidius. Copuletur misericordia justitiæ, & nihil erit suavius. Adde fortitudini modestiam, & nihil erit utilius. In hac varietate tuæ mentis oculos occupa. Hanc in anima tua omni studio forma: cui si fimbrias aureas addas, vestem polymitam, in qua te sponsus cum summa dilectione conspiciat, texuisti: fimbria extrema pars, quasi finis est vestimenti. *Finis autem præcepti caritas est de corde puro, & conscientia bona, & fide non ficta.*

1. Tim. 1.5

CAPUT
XXXVIII.
Ex lini, quo altare ornatur, confideratione quomodo moris instituendi.

IN his gloriaris, in his delecteris; intus, non foris; in veris virtutibus, non in picturis & imaginibus. Panni linei candidi ruum adornent altare, qui castitatem suo candore commendent, & simplicitatem præmonstrent. Cogita quo labore, quibus tonsionibus terrenum, in quo crevit, linum colorem exsuerit, & ad talem candorem pervenerit, ut ex eo ornatur altare, Christi corpus veletur. Cum terreno colore omnes nascimur: quoniam *in iniquitatibus conceptus sum, & in peccatis concepit me mater mea.* Primum igitur castissima linum aquis immergitur: nos in aquis baptismatis Christo conspelimur, ibi deletur iniquitas; sed necdum sanatur infirmitas. Aliquid candoris recepimus in peccatorum remissione; sed necdum plene terreno colore exuimur pro naturæ, quæ restat, corruptione. Post aquas linum siccatur: quia necesse est, post aquas baptismatis corpus per abstinenciam maceratum, illicitis honoribus vacuetur. Deinde linum malleis tunditur, & caro nostra multis tentationibus fatigatur. Post hoc linum ferreis aculeis discerpitur, ut deponat superflua: & nos disciplinæ unguis rasi, vix necessaria retinemus. Adhibetur post hoc lino suavior stimulum leviorque purgatio, & nos victis cum magno labore pessimis passionibus, a

Appendix Tom. I.

levioribus & cotidianis peccatis simplici confessione & satisfactione mundamur. Jam tunc a mentibus linum in longum producit: & nos in anteriora longanimitate extendimur. Porro ut ei perfectior accedat perfectio, & pulcritudo, ignis adhibetur & aqua: & nobis transeundum est per ignem tribulationis, & aquam compunctionis, ut perveniamus ad refrigerium castitatis. Hæc tibi oratorii tui ornamenta repræsentent, non oculos tuos varietatibus mentis pascant.

SUFFICIAT tibi in altari tuo Salvatoris in cruce pendentis imago, quæ passionem suam tibi repræsentet, quam imiteris; expansis brachiis ad suos te invitet amplexus in quibus delecteris; nudatis uberibus lac suavitatis infundat, quo consoletis. Et si hoc placet, ad commendandam tibi virginis excellentiam, virgo mater in sua, & virgo discipulus in sua, juxta crucem curventur imagine, ut cogites, quam grata sit Christo utriusque sexus virginitas, quam in matre & præceptoris sibi dilecto discipulo consecravimus. Unde eos pendens in cruce tanto fœdere copulavit, ut illam discipulo matrem, illum matri filium delegaret. O beatissimum hoc testimonio Joannem, cui totius humani generis decus, opes mundi, gloria cæli, miserorum refugium, afflictorum solatium, pauperum consolatio, desperatorum erectio, peccatorum reconciliatio, postremo orbis domina, cæli regina, testamenti auctoritate committitur. Hæc tibi præbeant incentivum caritatis, non spectaculum vanitatis: his enim omnibus ad unum necesse est ut contendas; quoniam unum est necessarium. Illud est unum, quod non invenitur nisi in uno, apud unum, cum uno, apud quem non est transmutatio, nec vicissitudinis obumbratio. Qui adhæret ei, unus cum eo spiritus efficitur, transiens in illud unum, quod semper idem est, & cujus anni non deficient. Adhæsiō ista caritatis quasi specialis est ornatus finis & fimbria.

VESTIS quippe nuptialis ex virtutum varietate contexta, oportet ut fimbriis aureis, id est caritatis splendoribus ambiatur, quæ omnes virtutes contineat, & constringat in unum, & suam singularem claritatem imperiens, de multis unum faciat, & cum multis uni adhæreat: ut jam omnia non sint multa, sed unum. Caritas autem in duo dividitur, in Dei videlicet dilectionem & proximi. Porro dilectio proximi in duo subdividitur, in innocentiam & beneficentiam, videlicet ut nulli noceas: benefacias quibus potueris: scriptum est quippe: *Quod tibi non vis fieri, alteri ne feceris:* & hæc innocentia. Et Dominus in Evangelio, *Omnia, inquit, quæcumque vultis ut faciant vobis homines, & vos facite illis:* hæc beneficentia. Quorum ad te duo ista pertineant, diligenrer adverte. Primum ut nulli noceas: deinde ut nulli velis nocere: Primum illud facile tibi, cum nec id possis nisi forte lingua percusseris: secundum illud, non erit difficile, si propositum adendas tuum; si professam dilexeris nuditatem. Non enim tibi poteris erga aliquam esse malæ voluntatis materia, ubi cupiditas nulla, ubi nihil diligitur, quod possit auferri; nihil tollitur, quod debeat amari. Demum bene velis omnibus, pro sis quibus possis. In quo, inquis, cum mihi non liceat vel modicum, quod egentibus tribuam possidere.

AGNOSCE conditionem tuam, carissima. Duæ sorores erant Martha & Maria: laborabat illa, vacabat ista. Illa erogabat, ista petebat: illa præstabat obsequium, ista nutrebat affectum. Denique non ambulans, vel discurrens huc atque illuc, non de suscipiendis hospitibus sollicita, non cura rei familiaris distenta, non pauperum clamoribus intena sedebat ad pedes Jesu, & audiebat verbum illius. Hæc pars tua carissima, quæ sæculo mortua atque sepulta, surda debes esse ad omnia sæculi blandimenta audienda, ad loquendum muta: nec debes distendi, sed extendi; impleri, non exhaustiri. Exsequatur partem suam Martha: quæ licet non negetur bona, Maria tamen melior prædicatur. Numquid invidit Martha Maria? illa potius isti: ita etiam quæque optimæ videntur in sæculo, tuam vitam æmulentur, non illarum tu. Ad illos spectat eleemosynarum largitio, quorum est terrena possessio, vel quibus credita est rerum ecclesiasticarum dispensatio.

QUÆ enim sacrosanctis ecclesiis a fidelibus collata sunt, episcopi, sacerdotes & clerici dispensanda suscipiunt, & non recondenda; non possidenda, sed eroganda. Quidquid habent, pauperum est, viduarum & orphanorum, & eorum qui altari deserviunt, ut de altari vivant. Sed ea, quæ in usus servorum Christi monasteriis conferuntur, certis personis dispensari oportet, ut quod necessitatibus superest fratrum, non includatur mactupis, sed hospitibus, peregrinis atque pauperibus erogetur.

ET hoc illorum interest, quibus pars est Marthæ commissa, non qui salutari otio vacant cum Maria. Ita claustralibus nulla debet esse pro pauperibus sollicitudo, nulla pro hospitibus suscipiendis distentio: quippe quibus nulla debet esse de castino cura, nulla cibi vel potus providentia: nurriantur potius in croceis, spiritualibus pascantur. Altius autem hi qui contemptibiles sunt constituti ad judicandum, amplexantur stercora. Ipsi quippe sunt boves, quorum piger stercoribus lapidatur.

SUNT enim quidam, qui circa spiritualia desides & pigri instar populi peccatoris, super manna cæleste nauscant, videntesque alios circa temporalia occupatos invident, detrahunt, murmurant, & pro stercoribus, quibus ipsi fœdantur, zeli & amaritudinum stimulos ferunt: de quibus si forte aliquam temporalium dispensationem fuerint adepti, que minus convenienter dici potest: *Qui nutriti erant in croceis, amplexati sunt stercora.* Cum igitur nec illis, qui in cœnobitis sunt, quibus in Martha non parva comunio est, circa plurima occupari conceditur, quanto minus tibi, quæ te rotam de sæculo exuisti, cui non solum possidere, sed nec videre, nec audire licet, quæ sæculi sunt?

SI enim nihil tibi quisquam der ad erogandum, unde habebis quod eroges? si vero ex tuo aliquid habes labore, da non tua, sed alterius manu; si abunde tibi provenit victus, unde tibi aliena distribuere, cum nihil tibi supra necessarium liceat usurpare. Quid ergo beneficii impendes proximo? Nihil ditius bona voluntate, ut ait quidam sanctus, hanc

Nu 3

CAPUT
XXXIX.
Imago Crucifixi, & assistentis hinc inde Mariæ ac Joannis far esse debet in sanctimonialium oratorio.

CAPUT
XL.
De dilectione Dei & proximi: ac primū ut in proximū excerpenda a sanctimonialibus.

CAPUT
XLI.
De exēplo Mariæ & Marthæ: deque vita adīva & contemplativa.

CAPUT
XLII.
De rerum ecclesiasticarum dispensatione.

CAPUT
XLIII.
Claustales non debent pauperū & hospitū cura distendi.

CAPUT
XLIV.
Administration temporalium haud cōvenit cœnobitis, multo minus Virgini reclusæ.

CAPUT
XLV.
Ut sanctimonialis debet, si quid sibi superest, erogare.

extende manum, famem lacrymis prode. Cum jam surgens a cœna linteo se præcinxit, posuitque aquam in pelvim, cogita quæ majestas, quæ potestas hominum pedes abluit & extergit: quæ benignitas proditoris vestigia sacris manibus tangit. Specta & exspecta, & ultima omnium tuos ei præbe ablucendos: quia quem ipse non lavit, non habebit partem cum eo. Quid modo festinas exire? Sustine paululum. Videtne quisquam ille est, rogo te, qui supra pectus ejus recumbit, & in sinu ejus caput reclinat? Felix quicumque ille est. O ecce video, Joannes est nomen ejus. O Joannes, quid ibi dulcedinis, quid gratiæ & suavitatis, quid luminis & devotionis ab illo hauriam fonte, dicito. Ibi certe omnes thesauri sapientiæ & scientiæ: Ibi fons misericordiæ, domicilium pietatis, & fons æternæ suavitatis. Unde tibi, o Joannes, omnia ista? Numquid tu sublimior Petro, Andrea sanctior, ceteris omnibus Apostolis gratior? speciale hoc virginis privilegium, quia virgo es electus a Domino, antequam ires cum matre dilectus. Jam misericordiæ exsulata virgo, accede propius, & aliquam tibi hujus dulcedinis portionem vindicare non differas. Si ad portiora non potes, dimitte Joanni pectus, ubi eum vinum lætitiæ in divinitatis cognitione inebriet: tu currens ad ubera humanitatis, lac exprime, quo nutriaris. Inter hæc sacratissima illa oratione discipulos commendans Patri dixerit, *Pater serva eos in nomine tuo*, inclina tuum caput, ut & tu merearis audire: *Volo ut ubi sum ego, & illi sint mecum*.

BONUM est tibi hic esse. Sed exeundum est, præcedit ipse ad montem Oliveri, tu sequere. Et licet assumpto Petro & duobus filiis Zebedæi ad secreta secesserit: vel a longe intueri, quomodo in se nostram transulit necessitatem. Vide quomodo ille, cujus sunt omnia, pavere incipit & tædere, *Tristis est anima mea*, inquit, *usque ad mortem*. Unde hoc Deus meus? Compateris mihi exhibens hominem, ut quodammodo videaris nescire quod Deus es: prostratus in faciem oras, & factus est sudor tuus sicut gutta sanguinis decurrentis in terram. Quid stas? accurre, & suavissimas illas guttas lambe, & pulverem pedum illius linge. Noli dormire cum Petro, ne merearis audire: *Sic non potuisti una hora vigilare mecum?*

SED ecce jam proditorem præeuntem impiorum turba subsequitur, & osculum præbente Juda, manus injiciunt in Dominum tuum, tenent, ligant, & illas dulces manus vinculis adstringunt. Quis ferat? Scio occupat nunc cor tuum pietas, omnia viscera tua zelus inflammat. Sine rogo patiar, qui pro re patitur. Quid optas gladium? Quid irasceris? Quid indignaris? Si instar Petri cujuslibet aurem absceideris, si ferro brachium tuleris, si pedem truncaveris, ipse restituet omnia: qui etiam si quem occideris, absque dubio suscitabit.

SEQUERE potius eum usque ad atrium principis sacerdotum, & speciosissimam ejus faciem, quam illi sputis illinunt, tu lacrymis lava. Intueri quam piis oculis, quam misericorditer, quam efficaciter tertio negantem respexit Petrum, quando ille conversus & in se reversus flevit amare. Urinam, bone Jesu, tuus me dulcis respiciat oculus, qui te totiens ad vocem ancillæ procacis carnis meæ, pessimis operibus affectibusque negavi. Sed jam mane facto traditur Pilato. Ibi accusatur, & tacet: quoniam *tamquam ovis ad occisionem ducitur*, & sicut *agnus coram rudente se, sic non aperuit os suum*. Vide, adtende quomodo stat ante præsidem, inclinato capite, demissis oculis, vultu placido, sermone raro, paratus ad opprobria, promptus etiam ad verbera. Scio non potes ulterius sustinere, nec dulcissimum dorsum ejus flagellis atteri, nec faciem alapis cædi, nec venerandum illud caput spinis coronari, nec dexteram, quæ cælum & terram continet, arundine dehonestari, ruis oculis adspicere poteris. Ecce educitur flagellatus, portans spineam coronam, & purpureum vestimentum. Er dicit Pilatus: *Ecce homo*: vere homo est, quis dubitet? Testes sunt plagæ vigarum, livor ulcerum, fœditas sputorum. Jam nunc cognosco, Zabule, quia est homo. Vere homo est, inquit. Sed quid est, quod in tot injuriis non irascitur ut homo, non movetur ut homo, non suis tortoribus indignatur ut homo? ergo plus est quam homo: Sed quis cognoscit illum! Cognoscitur certe homo impiorum judicia sustinens, Sed cognoscetur Deus judicium faciens.

SERO animadvertisti Zabule. Quid tibi per mulierem visum est agere, ut dimittatur? Tardè locutus es. Sedet pro tribunali judex: prolata est sententia: jam portat propriam crucem: ducitur ad mortem. O spectaculum. Videtne? *Ecce principatus super humerum ejus*. Hæc est virga æquitatis, virga regni sui. Datur ei vinum felle mixtum. Exsultat vestimentis suis, & inter milites dividuntur. Tunica non scinditur: sed forte transit ad unum. Dulces manus ejus & pedes clavis perforantur, & extensus in cruce inter latrones suspenditur.

MEDIATOR Dei & hominum, inter cælum & terram medius pendens, ima superis unit, & cœlestibus terrena conjungit. Stupet cælum, & terra miratur; Quid tu? Non mirum si sole contristato, tu contristaris. Si terra tremiscente, tu contremiscis, si scissis saxis cor tuum scinditur. Si flentibus juxta crucem mulieribus, tu collacrymaris.

VERUM in his omnibus considera illud dulcissimum pectus, quam tranquillitatem servaverit, quam habuerit pietatem. Non suam adtendit injuriam, non pœnam reputat, non sentit contumelias. Sed illis potius a quibus patitur, ille compatitur: a quibus vulneratur, ille medetur: vitam procurat, a quibus occiditur. Cum qua mentis dulcedine, cum qua spiritus devotione, cum qua caritatis plenitudine, clamat, *Pater ignosce illis?*

ECCE ego, Domine, tuæ majestatis adorator, non tui corporis interfector; tuæ mortis venerator, non tuæ passionis irrisor; tuæ misericordiæ contemplator, non infirmitatis contemtor. Interpelle itaque pro me tua dulcis humanitas, commendet me Patri tua ineffabilis pietas. Dic ergo dulcis Domine, *Pater ignosce illi*. At tu virgo, cui major est apud virginis filium confidentia quam mulieribus, quæ longe stant, cum matre virgine & discipulo virgine accede ad crucem,

A & perfusum pallore vultum cominus intueri. Quid ergo? Tu sine lacrymis, amantissimæ dominæ lacrymas videbis, tu siccis oculis manes, & ejus animam pertransis gladius doloris. Tu sine singultu audies dicentem matri, *Mulier ecce filius tuus*; & Joanni, *Ecce mater tua*. Cum discipulo matrem committeret, latroni paradisum promitteret: tunc *unus ex militibus lancealatus ejus aperuit, & exivit sanguis & aqua*. Festina ne tardaveris, comede favum cum melle tuo. Bibe vinum tuum cum lacte tuo. Sanguis tibi in vinum vertitur, ut inebrieris: in lac aqua mutatur, ut nutriaris. Facta sunt tibi in petra flumina, in membris ejus vulnera, & in maceria corporis ejus caverna, in quibus instar columbæ latitas, & deoscularis singula. Ex sanguine ejus fiant sicut vitta coccinea labia tua, & eloquium tuum dulce.

SED adhuc exspecta donec nobilis ille decurio veniens extractis glavis, manus pedesque dissolvat. Vide quomodo felicissimis brachiis corpus complectitur, ac suo adstringit pectori. Tunc dicere potuit vir ille sanctissimus: *fasciculus myrræ, dilectus meus mihi inter ubera commorabitur*. Sequere tu pretiosissimum illum cali terræque thesaurum, vel pedes porta; vel manus brachiaque sustenta; vel ceteræ defluentes minutatim pretiosissimi sanguinis stillas curiosius collige, & pedum illius pulverem linge. Cerne præterea quod dulciter beatissimus Nicodemus sacratissima ejus vulnera tractavit digitis, fovit unguentis, & cum sancto Joseph involvit sindone, collocavit in sepulcro.

NOLI præterea Magdalenæ deferere comitatum: sed paratis aromatis, cum ea Domini tui sepulcrum visitare memento. O si quod illa oculis, tu in spiritu cernere merearis, nunc super lapidem revolutum ab ostio monumenti Angelum residentem, nunc intra monumentum unum ad caput, alium ad pedes resurrectionis gloriam prædicantes. Nunc ipsum Jesum, Mariam flentem, & tristem tam dulci respicientem oculo, tam suavi voce dicentem, *Maria*. Quid hac voce dulcius, quid suavius, quid jocundius, *Maria*? Rumpuntur ad hanc vocem, omnes capitis cataractæ, ab ipsis medullis eliciuntur lacrymæ, singultus atque suspiria ab imis trahuntur visceribus, *Maria*. O beata quid tibi pro meritis fuit, quid animi, cum ad hanc vocem te prosterne-

C res, & reddens vocem salutanti inclamares, *Rabboni*. Quo rogo affectu, quo desiderio, mentisque ardore clamasti *Rabboni*? Nam plura dicere lacrymæ prohibent, cum vocem occcludat affectus, omnesque animæ corporisque sensus, nimius ardor absorbeat. Sed o dulcis Jesu, cur a sacratissimis ac desideratissimis pedibus tuis sic arces amantem? O verbum durum. *Noli*, inquit, *me tangere*. Ut quid Domine? Quare non tangam desiderata illa vestigia tua pro me perforata clavis, perfusa sanguine, non tangam, non deosculabor? An inimicior es eo, quia gloriosior? Ecce non dimittam te, non recedam a te, non parcam lacrymis, pectus singultibus suspiriisque rumpetur, nisi tangam. Et ille: *Noli me tangere*, Noli timere: non aufertur tibi bonum hoc, sed differtur: vade tamen & nuncia fratribus meis quia surrexit. Currat, cito volens redire. Redit cum aliis mulieribus. Quibus Jesus occurrens blanda salutatione, dejectas sic erigit, tristes consolatur. Adverte. Tunc est datum, quod ante fuit dilatum. Accesserunt enim & tenuerunt pedes ejus. Hic quamdiu potes virgo morare. Non has delicias tuas somnus inrperpolet, nullus exterior tumultus impediat.

VERUM quia in hac misera vita nihil stabile, nihil æternum est, numquam in eodem statu permanet homo; necesse est, ut anima nostra, dum vivimus, quadam varietate pascatur. Unde a præteritorum recordatione ad experientiam præsentium transeamus, ut ex his quoque quantum a nobis sit Deus diligendus, omnes intelligere valeamus. Hæc omnia revolve animo, ut in eum totus tuus resolvatur affectus. Vilescat tibi mundus, omnis amor carnalis fordescat. Nescias te esse in hoc mundo, quæ ad illos, qui in cælis sunt & Deo vivunt, tuum amorem transulisti. Ubi est thesaurus tuus, ibi & cor tuum. Noli cum argenteis simulacris vili marsupio tuum includere animum, qui numquam cum nummotum pondere poterit transvolare ad cælum: puta te quotidie morituram, & de crastino non cogitabis. Non te futuri temporis sterilitas terreat, non futura famistimor tuam mentem dejiciat. Sed ex ipso tota fiducia tua pendeat, qui aves pascit & lilia vestit. Ipse sit horreum tuum, ipse apotheca, ipse marsupium, ipse divitiarum tuarum, ipse solus sit tibi omnia in omnibus. Et hæc interim de præsentibus satis sint.

QUI autem tanta suis præstat in præsentem, quanta illis servat in futuro? Principium futurorum: & finis præsentium mors. Hanc cujus natura non horret, cujus non expavescit affectus? Nam bestiarum fuga, latibulis, & aliis mille modis mortem cavent, & vitam tenent. Jam nunc diligenter adtende, quid tua tibi respondeat conscientia: quid præsumat fides tua: quid spes promittat, quid exspectet affectus. Si vita tua tibi oneri est, si mundus fastidio, si caro dolori, profecto desiderio mors est tibi: quæ jugum hujus oneris deponit, rollit fastidium, corporeos dolores absorbit. Hoc unum dico omnibus mundi hujus præstare delicias, honoribus atque divitiis si ob conscientiam serenitatem, fidei firmitatem, spei certitudinem, mortem non timeas. Quod ille maxime poterit experiri, qui aliquo tempore sub hac servitute suspirans, in liberioris conscientiarum auras evasit. Hæc sunt futura beatitudinis tuæ primitiæ salutares, ut morte superveniente naturalem horrorem fides superet, spes temperet, conscientia secuta repellat.

ET vide quomodo mors beatitudinis principium est, laborum meta, peremptoria virorum. Sic enim scriptum est. *Beati mortui, qui in Domino moriuntur: amodo enim jam dicit spiritus, ut requiescant a laboribus suis*. Unde Propheta reproborum ab electorum morte discernens: *Omnes, inquit, reges dormient in gloria in domo sua. Tu autem projectus es de sepulcro tuo, quasi stirps inutilis, pollutus & obvolutus*.

DORMIUNT quippe in gloria quorum mortem bona commendat conscientia. Quoniam pretiosa est in conspectu Domini mors sanctorum ejus. Dormit sane in gloria, cujus dormitioni assistunt Angeli, occurrunt sancti & concives, suum præbentes auxilium, & impertientes

Joan. 10.
26.
Ibid. 34.

CAPUT
LXIV.
De de-
cutione.
Cant. 1.
12.

CAPUT
LXV.
De Mag-
dalena
sepulcrum
visitare.
Joan. 10.
16.

CAPUT
LXVI.
De mun-
di & re-
rum præ-
sentium
contem-
tu.

CAPUT
LXVII.
Mors a
sanctis
deside-
ratur.

CAPUT
LXVIII.
Mors Ju-
sto feli-
citatibus
principii
est.
Ap. 14. 13
15. 14. 19.
CAPUT
LXIX.
De ani-
mæ e
corpore

exercentis
reque
vel sup-
plicio,
Trov. 10.
28.
CAPUT
LXX.
De re-
quie æ-
terna &
gloria
sanctorū.
Ap. 6. II.
CAPUT
LXXI.
De ex-
tremi ju-
dicii die.

tes solatium, hostibus se opponunt, obistentes repellunt, refellunt
accusantes: & sic usque ad sinum Abraham sanctam animam comitantes
in loco pacis collocant & quietis. Non sic impii, quos de corpore,
quasi de fœtenti sepulcro, pessimi spiritus cum instrumentis infernali-
bus extrahentes, pollutos libidine, obvolutos cupiditate, injiciunt
ignibus exurendos, tradunt vermibus lacerandos, æternis fœtoribus
deputant suffocandos. Vere *Exspectatio iustorum lætitia: Spes autem
impiorum peribit.*
SANE qualis sit illa requies, quæ pax illa, quæ jocunditas de sinu
Abraham, quæ illic quiescentibus promittitur, & exspectatur, quia
experientia non docuit, stilus explicare non poterit. Exspectant felices,
donec impleatur numerus fratrum suorum; ut in die resurrectionis
duplici stola induti, corporis pariter & animæ perpetua felicitate fruantur.
JAM nunc intueri illius terrorem, quando virtutes cælorum move-
buntur, elementa ignis calore solventur, patebunt inferi, occulta om-
nia nudabuntur. Veniet desuper iudex iratus, ardens furor ejus, & ut
tempestas curus ejus, ut reddat in ira vindictam & vastationem in flam-
ma ignis. Beatus qui paratus est occurrere illi. Quid tunc miseris ani-
mis erit? quam tunc miseri erunt, quos nunc luxuria fœdat, avaritia
dissipat, extollit superbia? Exhibunt Angeli, & separabunt malos de
medio iustorum, istos a dextris, alios a sinistris statuentes. Cogita
nunc te ante tribunal inter utramque hanc societatem assistere, & nec-
dum in partem alteram separatam. Desce nunc oculos ad sinistram
judicis, & miseram illam multitudinem specta.

QUALIS ibi horror, quis timor, quis fœtor, quis dolor? Stant
miseri, & infelices stidentes dentibus, nudo latere palpitantes, ad-
spectu horribiles, vultu deformes, dejecti præ pudore, præ corporis
turpitudine & nuditate confusi latere volunt, & non datur, fugere ten-
tant, & non permittuntur. Si levant oculos desuper, judicis immi-
net furor: si deponunt, infernalis putei eis ingeritur horror. Non sup-
petit criminum excusatio, nec de iniquo judicio aliqua poterit esse
causatio: cum quidquid decretum fuerit, justum esse ipsam eorum
conscientiam non latebit.

CERNE nunc quam amandus sit, qui te ab hac damnata societa-
te prædestinando discernit, vocando separavit, justificando purgavit.
Retorque nunc ad dexteram oculos, & quibus te glorificando sit in-
serturus, adverte.

QUIS ibi decor, quis honor, quæ felicitas, quæ securitas? Alii die
judiciaria sede sublimes. Alii martyrii corona splendentes. Alii virgi-
nitatis flore candidi. Alii elemosynarum largitione secundi. Alii do-
ctrina & eruditione præclari, uno caritatis fœdere copulantur. Lucet
eis vultus Jesu Christi non terribilis, sed amabilis; non amarus, sed
dulcis; non terrens, sed blandiens.

STA nunc in medio, nesciens quibus te judicis sententia deputa-
bit. O dura exspectatio, *Timor & tremor venerunt super me, & con-
texunt me tenebræ.* Si me sinistris sociaverit, non causabor injustum:
si dextris adscripserit, gratiæ ejus hoc, non meis meritis est imputan-
dum. Vere, Domine, vita in voluntate tua. Vides ergo quantum in
amore ejus tuus extendi debeat animus, qui cum juste posset in im-
pios prolata, in te quoque retorquere sententiam, justis te maluit
ac salvandis inferere. Jam te puta sanctæ illi societati conjunctam vo-
cis illius audire decretum: *Venite benedicti Patris mei, percipite re-
gnum, quod vobis paratum est ab origine mundi.* Miseris audientibus
verbum durum, plenum iræ & furoris: *Discedite a me maledicti in
ignem æternum. Tunc ibunt hi in supplicium æternum: iusti autem
in vitam æternam.* O dura separatio, o miserabilis conditio.

SUBLATIS vero impiis ne videant gloriam Dei: iustis quoque sin-
gulis secundum gradum suum & meritum angelicis ordinibus insertis,
hæc illa gloriosa processio Christo præcedente capite nostro: omnibus
membris suis sequentibus, & tradetur regnum Deo & patri; ut ipse re-
gnet in ipsis & ipsi regnent cum eo; illud percipientes regnum, quod
paratum est illis ab origine mundi.

A CUJUS regni status nec cogitari quidem potest a nobis, multo mi-
nus dici vel scribi. Hoc sciendum, quod omnino nihil aberit, quod
velis adesse; nec quidquam aderit, quod velis abesse. Nullus igitur ibi
luctus, fletus nullus, non timor, non dolor, non dissidentia, non in-
vidia, non tribulatio, non tentatio, non aeris mutatio vel corruptio,
non suspicio, non ambitio, non adulatio, non detractio, non agri-
tudo, non senectus, non mors, non paupertas, neque tenebræ, non
edendi vel bibendi vel dormiendi ulla necessitas, nulla fatigatio, de-
fectio nulla: quid ergo boni ibi est, ubi nec luctus, nec fletus, nec
dolor est, neque tristitia? quid potest esse nisi perfecta lætitia, ubi nul-
la tribulatio, nulla tentatio, nulla temporum mutatio; vel aeris cor-
ruptio, æstus vehementior, nec hyems asperior? Quid potest esse nisi
summa quædam rerum temperies, & mentis & carnis vera ac summa
tranquillitas: ubi nihil est, quod timeas, quid potest esse nisi summa
securitas? ubi nulla discordia, nulla invidia, nulla suspicio, nulla am-
bitio, nulla adulatio, detractio nulla; quid potest esse nisi summa &
vera dilectio? ubi nulla paupertas, nulla cupiditas; quid potest esse
nisi bonorum omnium plenitudo? Ubi nulla deformitas, quid potest
esse nisi vera pulcritudo? ubi nullus labor vel defectio, quid erit, ni-
si requies summa & fortitudo? Ubi nihil est, quod gravet vel oneret,
quid est nisi summa facilitas? Ubi nec senectus exspectatur, nec mor-
bus timetur; quid potest esse nisi vera sanitas? ubi neque nox, ne-
que tenebræ; quid erit nisi lux perfecta? ubi mors, & mortalitas
omnis absorpta; quid erit nisi vita æterna? Quid est ultra quod quæ-
ramus? Certe quod his omnibus excellit, id est, visio, cognitio, &
dilectio Creatoris. Videbitur in se, videbitur in creaturis suis, regens
omnia sine sollicitudine, sustinens omnia sine labore, impertiens se, &
quodam modo dispartiens singulis pro sua capacitate, sine sui diminu-
tione vel divisione. Videbitur ille vultus amabilis & desiderabilis, in
quem desiderant Angeli prospicere, de cujus plenitudine, de cujus lu-
mine, de cujus suavitate quid dicetur? Videbitur Pater in Filio, Fi-
lius in Patre, Spiritus-sanctus in utroque. Videbitur non per speculum &
in ænigmate, sed facie ad faciem. Videbitur enim sicuti est, impleta
illa promissione, qua dicit: *Qui diligit me, diligetur a Patre meo, & ego
diligam eum, & manifestabo ei meipsum.* Ex hac visione, illa
procedit cognitio, de qua ipse ait: *Hæc est vita æterna, ut cognoscant
te unum Deum, & quem misisti Jesum Christum.* Ex his tanta nasci-
tur dilectio, tantus ardor paterni amoris, tanta dulcedo caritatis, tan-
ta fervendi copia, tanta desiderii vehementia, ut nec satietas deside-
rii minuat, nec desiderium satietatem impediat. Quid est hoc? certe
quod oculus non vidit, nec auris audivit, nec in cor hominis adscen-
dit, quæ præparavit Deus diligentibus se.

B
C
D
HÆC tibi soror de beneficiorum præteritorum Christi memoria, de præsentium experientia, de exspectatione futurorum quædam me-
ditationum spiritualium femina præseminare curavi, ex quibus divi-
ni amoris fructus uberius oriatur & crescat: ut meditatio affectum
exerceat, affectus desiderium pariat, lacrymas desiderium excitet:
ut sint lacrymæ tuæ panes die ac nocte, donec appareas in conspectu
ejus, & suscipiaris ab amplexibus ejus: dicasque illud, quod in Can-
ticis scriptum est: *Dilectus meus mihi, & ego illi.* Habes nunc, si-
cut petisti, corporales constitutiones, quibus inclusa exterioris ho-
minis mores componas. Habes formam præscriptam, qua interio-
rem hominem, vel purges a vitiis, vel virtutibus ornes. Habes in
triplici meditatione quomodo in te dilectionem excites, nutrias, &
accendas.

Versus notabiles.

Dulcia sunt animæ solatia, quæ tibi mando.

Nam profunt minime nisi serves hæc operando.

Si quis igitur in hujus libelli locutione profecerit, hanc labori meo vel
studio vicem impendat: ut apud Salvatorem meum quem diligo, apud
remuneratorem meum quem exspecto, apud judicem meum, quem
timeo, pro peccatis meis intercedat.

CAPUT
LXXVII.
De Re-
gni Dei
felicitate.

Joan. 14
21.

Joan.
17. 3.

Apud
Anselm.
pii amo-
ris. &
max. tan-
ta fruendi
copia.

CAPUT
LXXVIII.

Epilogus
operis.

Cant. 1.
12.

FINIS APPENDICIS TOMI PRIMI.



I N D E X

I N P R I M U M T O M U M

O P E R U M S. A U G U S T I N I.

A



A B R A H Æ sinus, 159. b. Intel-
ligitur remota sedes quietis at-
que secreta, ubi est Abraham,
ibid. Nor. a. Ex Abraham He-
bræos sic appellatos fuisse cre-
dibile est, 47. c

Abominatio ab Omen dicta, 4. b
Abstinentiæ laudabilis triplex causa, ad compri-
mendendam delectationem, ad tuendam infirmita-
tem, propter caritatem, 726. f. 728. f

Abstinentia delicata & ridenda, *ibid.* b. Absti-
nentia Manichæorum superstitiosa, 729. b. &
seqq. Non immunditia obsonii timenda est, sed
immunditia cupiditatis, 186. f

Abundantia intelligitur quasi rei nimium exube-
rantis effusio, 311. b. Ab ipsa nece gestas aliena
est, *ibid.*

Abusus rerum culpandus, non res ipsæ, 584. a
Abyssus humanæ conscientiæ nuda est oculis Dei,
171. b

ACADEMIA schola Platonis sic dicta, quod a po-
pulo esset secreta, 282. d. Academiæ utriusque
veteris ac novæ discidium, 267. d. Nova Aca-
demia non tam contra veterem, quam contra
Stoicos commota est, *ibid.* Unde nata sint quæ
novæ Academiæ tribuuntur, 292. f

Academiæ tertiæ princeps auctorque dictus Car-
neades, 293. d

ACADEMICI a Monnica dicti *Caducarii*, 304. f.
Eorum placita fuerunt, Homini scientiam non
posse contingere, 266. c. Et tamen hominem
posse esse sapientem, *ibid.* Sapientis totum mun-
us in conquisitione veri collocatum esse, *ibid.*
d. Sapientem nulli rei assentiri debere. Errare
enim eum qui assentitur rebus incertis. Om-
nia autem incerta esse *ibid.* Suspensionem assen-
sionis magnam esse sapientis actionem, *ibid.* f.
Verum non posse comprehendere, *ibid.* d. Nihil
esse turpius quam opinari, *ibid.* e

Academicorum argumenta eruditius quoque nego-
tium facebant, 261. d. e. etiam ipsi Augu-
stino, 245. 247. 271. a. Contra Academicos li-
bri tres ab ipso scripti in secessu ante baptismum,
ibid. Credit tamen eos certo consilio sententiam
suam dissimulasse, neque sensisse uti vulgo pu-
tantur, 291. f. & *seqq.* Lepidus Ciceronis locus
de Academicis, 281. a

Accessio critica medicis vocatur, 119. e

Accessus ad Deum, 80. a

Accipitrem necat panis, 720. e

Accusatorum duo genera, 270. d

A D A M animalis primum, deinde spiritualis tum
effectus est, cum in paradiso præceptum perfe-
ctionis accepit, 668. f. Insufflatio Dei in Adam
quid significet. *ibid.* e. An sapiens conditus sit,
22. f. & *seq.* 639. b. & *seq.*

Ex costa Adam sopiti formata Eva eique ma-
trimonio juncta quid sibi velit, 671. f. & *seq.*

Adæ & Evæ origo juxta Manichæos, 741. f

Adam ante peccatum nudus a simulatione, sed di-
vina luce vestitus, 675. a

Generaturus fuisset posteros etiam si non peccas-
set, 16. b. 21. b. Nullam pati poterat corporis
ægritudinem, 17. f.

Post peccatum e paradiso a Deo dimissus di-
citur, non exclusus, quare, 678. f

Adam imaginem Dei perdidisse peccato, quomo-
do accipiendum, 50. f

De pœnis Adæ & Evæ inflictis, 676. 677. Quæ
in posteros transeunt, *ibid.* & 632. a

Ex Adam trahitur originale peccatum, 57. f. 62. e

ADEODATUS naturalis filius Augustini, 162.
b. Ætatis anno ferme xv. cum ipso baptiza-
tur, *ibid.* d.

Augustino horri est illius ingenium, 162. d.
Quod magnum quiddam pollicebatur, 300. c.
Interloquitur in libro *de beata vita*, 303. b.
305. e. Sensus ipsius sunt omnia quæ ex alterius
collocutoris persona referuntur in lib. *de Magi-
stro* edito Romæ cum esset in annis sedecim,
662. c. Præmatura morte rapitur, *ibid.* d

Adhærere Deo beatissimum, 697. a. Bonum est
creato spiritui adhærere Deo semper, ne quod
adeptus est conversione, aversione lumen amit-
tat, 226. b. Disputat cum ipso de finibus bo-
norum & malorum, 131. a. & *seq.*

Adhærere Deo non valemus, nisi dilectione, amo-
re, caritate, 697. a

Admiratio oboritur ex re insolita & insperata,
318. d. 650. f. Quod fidem credentium admira-
tur Christus, nobis mirandum esse significat,
651. a

Adolescentibus præcepta morum traduntur, 340. d.
In Adolescentibus qui dant operam litteris co-
ercendi sunt æmulationis & inanis jactantiæ
motus, 326. f. & *seq.*

Adoptionis lex filios etiam mortuis adoptabat,
44. d.

ADRUMENTINI monachi inter se de gratia & li-
bero arbitrio dissidentes consulunt Augustinum,
qui ad eos librum super ea re scribit, 64. a

Adulterium unde malum vincatur, 571. d. Non
ideo malum est quia vetatur lege, sed ideo ve-
tatur lege quia malum est, *ibid.*

Adulantes amici pervertunt: inimici litigantes ple-
rumque corrigunt, 164. d

Æ N E A M venisse Carthaginem non est verum,
77. f.

Æqualitas ipsa vera atque ipsa vera & prima uni-
tas non sensu, sed mente conspicitur, 767. b. c

Æquitas ab æqualitate dicta, 408. b

Aer alimentum est, 593. c. Cælum dicitur, 242. b.

Aerem Deum esse credidit Anaximenes, 173. f

Aeris animalia dæmones, 258. e. 341. e. Qui nos
acumine ac subtilitate sensuum superant, non
ratione, 258. e

Ætas nulla ab uberibus Philosophiæ excluditur,
251. c.

Ætates mundi septem per septem dies designatæ,
659. e. Ætas prima est ab Adam ad Noe, *ibid.*

f. Secunda a Noe ad Abraham, *ibid.* Tertia ab
Abraham ad David, 660. c. Quarta a David ad
transmigrationem in Babiloniam, *ibid.* e. Quinta
inde ad Christum, *ibid.* Sexta a Christo ad finem
mundi porrigitur, 661. f. Sex illæ ætates
operosæ sunt, in septima speratur requies, 659.

e. Cur illæ ætates sint inæquales, 662. b

Ætates sex hominis cum Veteris, tum Novi, 764. b

Ætas senioris & senis quo differant, 660. f

Æternitas Dei æternitas semper stans, 199. f

Non ejus æternitatis est hic mundus cujus æter-
nitatis est Deus, 647. b

Æterno Creatori adhærentes, & nos æternitate
afficiamur necesse est, 754. d

Internum Æternum, 161. b

Affinitates futuræ, etiam si Adam non peccasset,
21. b. 30. b. Contra quam alias crediderat Au-
gustinus, 779. c

Affinitas spiritualis, 780. a

AFRICANUS de Christi genealogia scripsit, 44. f

Agentes in rebus duo cognita Antonii vita nun-
tium sæculo remittunt, 150. f

Ager pro mundo in Scripturis, 666. c

ALARICUS Gotthorum rex Romam evertit, 56. d

ALBICERIUS divinus professione apud Carthagi-
nem, 257. c. Consulentibus mira quædam &
certa respondebat. *ibid.* Interroganti cuidam ut
diceret quid animo voveret, Virgili versum
eum cogitare respondit, eundemque versum se-
curus recitavit, licet ineruditus, *ibid.* f

ALBULA fluvius nunc Tiberis, 670. d

Alimentum sola salutis causa sumendum, 185. f.
Augustinus a Deo edoctus ut quemadmodum
medicamenta, sic alimenta sumturus accedat.
ibid.

Allegoria quadruplex, historiæ, facti, sermonis,
& sacramenti, 783. c

Altare 170. c. Ex eo dispensatur Victima sancta,
ibid.

Ad altare fieri memoriam sui desiderat Monni-
ca in extremis, 170. c

Recipitur apud Carthaginem mos cantandi psal-
mos ad Altare, 45. f

Altitudo corporis aliæque dimensiones explican-
tur. 404. b. & *seqq.* Nullum corpus est quod
longitudine, latitudine & altitudine careat,
404. b. 412. a.

ALYPIUS Thagaste oriundus, 124. e. Parenti-
bus primatibus municipalibus, *ibid.* Natu minor
Augustino, *ibid.* A minori ætate magnam vir-
tutis indolem præferebat, *ibid.* Corporis statu-
ra brevis, 304. c

Alypius Augustino amicissimus a primis annis,
124. e. ab eoque frater cordis sui dictus, 159. f.

Et ejusdem Thagaste & Carthagine in Rheiori-
ca auditor, 124. e

Carthagine spectaculis deditus, a Circensium
insania revocatur objurgatione Augustini, 125.

a. Ut fur apprehenditur, sed mox liberatur,
126. c. Manichæorum superstitione cum Augu-
stino involvitur, 125. d

Romam venit ante Augustinum, ut jus discat,
125. e. Spectaculis gladiatoris incaute capitur,
ibid.

Mediolanum cum Augustino proficiscitur, 127. b.

Assessoris munere tertium fungitur, *ibid.* &
149. f. Dum assidet Comiti largitionum Itali-
cianarum, ejus integritas a potentissimo Sena-
tore & pollicitationibus & minis tentatur,
127. b. Abstinere ab ætarii Prætoriani usu præ-
justitiæ amore, *ibid.* d. Continentissime vivit,
129. b. Augustinum ab uxore ducenda prohibet,
quo simul sapientiæ libere vacent, *ibid.* Disputat
cum ipso de finibus bonorum & malorum, 131. a.

& *seq.* Putat credi a Catholicis non esse in Christo
animam & mentem hominis, ideoque ad fidem
pigre movetur. At postea errorem hunc Apolli-
naristarum esse intelligit, 142. f. & *seq.*

Augustini ad Deum conversi proposito bono sese
adjungit, 156. f. Secedit cum illo in agrum
Cassiacum, Catechumenus cum Catechume-
no, 160. a. Illic Augustino suam operam con-
fert in edendis libris *de Ordine* & *de Academi-
cis*; interlocutoris personam in istis ira susti-
nens, ut ipsa ejus verba sint, quæ litteris man-
data fuerunt, 251. e. Christi nomen litterariis il-
lis lucubrationibus inferi dedignatur, sed po-
stea respiscit, 159. f.

Remeat Mediolanum nomen inter baptizandos
cum Augustino daturus, 162. b. Fortissimus
domitor corporis Italicum solum glaciale nu-
do pede obterit insolito ausu, *ibid.* Baptizatur,
ibid. d.

Augustinus Alypio verborum, Alypius Augusti-
no rerum magister effectus est, *professione ipsius*
Augustini, 342. c. d

Ambitiosorum miseria, 123. f

Am-

Ambrosius episcopus Mediolanensis laudatur, 117.
f. Calibatus ejus, occupationes & studia, 120.
f. 121. a. b. Omni die Dominico verbum Dei tra-
ctat ad populum, *ibid.* d. Ad veteris Legis in-
terpretationem quasi regulam commendans, sæ-
pe inter concionandum dicebat, *Littera occidit* :
Spiritus autem vivificat, 122. b.
Benigne excipit Augustinum, qui studiose ipsum
concionantem audit, 117. f. & seq. Diligitur a
Monnica perinde atque Angelus Dei, 119. d.
Augustino consulenti quid potissimum de Scrip-
turis legere debeat, quo sese ad baptismum com-
paret, isaiam præscribit, 162. a.
Persecutionem a Justina Augusta Ariana patitur,
ibid. e. Excubat plebs in Ecclesia mori parata
cum Episcopo. *ibid.* Tunc Hymni & Psalmi ut
canerentur secundum morem Orientalium par-
tium, ne populus maioris tædio tabesceret in-
stitutum est, & ex illo retentum, *ibid.* Corpora
SS. Protasii & Gervasii divinitus detegit, 163. a.
Synaxes ad memorias Martyrum prohibet, 119. e.
Ambrosiana basilica, 163. a. Ambrosiani versus,
169. a.
Amicitia est rerum humanarum & divinarum cum
benevolentia & caritate consensus, 280. d.
Non est vera amicitia nisi eam Deus adglutinet in-
ter ipsi hærentes caritate, 99. e. Malorum amici-
tia inimica, 88. b. Amicitia mundi hujus forni-
catio est a Deo, 77. d. Miser est omnis animus vin-
ctus amicitia rerum mortalium, 100. f. Illa est lex
amicitiæ iustissima, ut sicut non minus, ita non
plus quisque amicum quam seipsum diligat, 359. c.
Amici veri indicium, si in religione consentit, 230. d.
Beatus qui amat Deum, & amicum in Deo, &
inimicum propter Deum, 102. c. Solus nullum
carum amittit, cui omnes in illo carisunt, qui
non amittitur, *ibid.* Bene quidam dixit de ami-
co suo, *Dimidium animæ meæ*, 101. b.
Amicus Dei non efficitur quisquam nisi purgatissi-
mis moribus & sincera caritate, 647. e.
Si voluntatem Dei nosse quisquam desiderat,
fiat amicus Deo, *ibid.* d.
Amor pondus est, quo animus fertur quocumque
fertur, 228. d. Quod non propter se amatur, non
amatur, 366. a. Non amamus aliquid nisi pul-
verem, 104. b. 531. b. Iis rebus maxime ani-
mum solemus intendere, quas amamus, 531. b.
Nihil est tam ferreum atque durum, quod non
amoris igne vincatur, 702. e.
Amor Dei, Non amaretur Deus nisi per Spiritum-
sanctum, 142. a. 228. d. Deum amat (*amore
quodam innato*) omne quod potest amare, sive
sciens sive nesciens, 355. d.
Deus amari se jubet ab homine, & nisi faciat,
minatur ingentes miseras, 71. c. Omnia nobis
dicunt ut Deum amemus, nec cessant dicere om-
nibus, ut sint inexcusabiles, 173. d.
Summo amore ad Deum tendere jubemur, 692. c.
Non possumus metiri, ut sciamus quantum desit
nobis amoris ad id quod sarest, 228. a. Minus
Deum amat, qui cum Deo aliquid amat, quod
non propter Deum amat, 184. e.
Quem cognoscere volumus, prius plena caritate
diligamus, 704. e. Amore petitur, amore quæritur,
amore pulsatur, amore revelatur, amore denique
in eo quod revelatum fuerit permanetur, 699. b. Si
omnes humanæ actionis motus ad Dei & proximi
amorem referamus mundabimur, 533. b. c. Melior
est animus, cum obliviscitur sui præ caritate Dei,
642. a. Amor Dei facit ut mors non modo conte-
mnatur sed etiam desideretur. Qui solum Deum
amat & proximum propter Deum, invictus est,
778. f. & seqq. Ibi est locus quietis imperturbabi-
lis, ubi non deferitur amor si ipse non deserit, 103.
e. Anima tenet ordinem, seipsa tota diligens quod
supra se est, id est Deum, socias autem animas tam-
quam seipsam, 534. b. Dilectionis Dei virtute ho-
mo inferiora ordinat, nec ab eis fordidatur, *ibid.*
Virtus ad beatam vitam ducens nihil omnino est nisi
summus amor Dei, 697. a. Ex ipsius amoris vario
affectu virtus quatripartita, *ibid.* & 704. b.
Amor sui probus. Solus se novit diligere qui Deum
diligat, 704. f. Se spiritaliter diligit, qui ex toto
quod in eo vivit Deum diligit, 755. f.
Amor sui improbus. Sibi placentes, multum Deo
displicent, 193. a. Animus si placet sibi, tanto fit
minor quanto se cupit esse majorem, 642. a.
Amor proximi sunt quasi cunabula caritatis Dei,
705. c. Nullus certior gradus ad amorem Dei,
quam hominis erga hominem caritas, 704. f.
534. d. Illud maxime tenendum est, ne se quis-
quam credat contento proximo ad Deum quem
diligat esse venturum, 705. d.

Regula dilectionis proximi est, ut quæ sibi quis-
que vult bona provenire, & illi velit, & quæ si-
bi accidere mala non vult, & illi nolit, 779. a. Qui
diligat proximum, agit quantum potest, ut salvus
corpore salvusque animo sit, quodque ad animum
pertinet, ut primo timeat, deinde diligat Deum,
706. f. & seq. Si placent animæ, in Deo amen-
tur, & ad eum rapiantur, 102. d. Non diligis pro-
ximum tamquam teipsum, si non ad bonum
ad quod ipse tendis, adducis. 705. a. Amare ho-
minem ut ex eo aliquid temporalis voluptatis aut
commodi capias, sædum & detestabile virium
est, 779. b. c. Non sic ab homine homo diligen-
dus est, ut diliguntur affines & cives, propter ne-
cessitudines temporales, quas odisse oportet, 779.
c. d. Inhumanum est non amare in homine quod
homo est, sed amare quod filius est, *ibid.*
Cum omnibus quos pariter diligit homo, prodes-
se non possit, nisi conjunctioribus prodesse ma-
lit injustus est, 780. f.
Amor inimicorum. Cur Dominus præceperit dili-
gendos inimicos, & odio habendos parentes &
filios, 30. c. Qui inimicum odit, is odio se ip-
se gravius vastat, quam aut inimicum vastet, aut
ab inimico vastetur, 80. c.
Amor mundi laboriosus, 533. e. Creatura si dili-
gatur ab homine qui negligit Deum, fit pœnalis
dilectori suo, 760. f. Amore subduntur homines
creaturis, & subditi judicare non possunt, 174. c.
Amor temporalium rerum non expugnatur nisi
aliqua suavitate æternarum, 536. e. Amandus est
solus Deus; omnis vero iste mundus, id est om-
nia sensibilia contemnenda, utendum autem his
ad vitæ necessitatem, 701. c. Timere & amari
velle ab hominibus non propter Deum, misera
vita est & sæda jactantia, 190. f.
Amphitheatrum ludorum gladiatoriorum, 125. e.
Anachoretarum institutum laudatur, 710. d.
ANAXIMENES aerem Deum esse credidit, 173. f.
ANGELI in Scriptura nomine animarum significari
non solent, 18. d. 27. d. Angelorum nomen la-
tius acceptum, 18. d. Angeli natura mutabiles,
213. f. 756. c. Angelica corpora, 39. c.
Angeli beati dicuntur Cælum cæli, 213. c. & seq.
Domus Dei, *ibid.* Sapientia creata, *ibid.* d. Excel-
lentissima & sancta Dei ministeria, 786. f. 787. d.
Curia cælestis Imperatoris, cælestis militia, 144.
e. Non sunt coæterni Deo, nec tamen passi vicissi-
tudinem temporum, 213. d. Numquam sunt pere-
grinati, sed ita formati ut sine ullo defectu con-
templationis, sine ullo intervallo mutationis, æter-
nitate & incommutabilitate Dei perfuantur, *ibid.*
d. f. Stabiles non natura, sed voluntate qua magis
Deum, quam se diligunt, 756. c. His solus Deus im-
perat, universus autem mundus subiectus est, 623. f.
Officio superiores animis rationalibus; non natu-
ra, *ibid.* Honorantur a nobis caritate, non servitu-
te. 787. a. Liberaliter Deo serviunt: neque hoc
Deo, sed ipsis prodest, 756. f. Angelorum panis,
622. f. & seq. Angelorum codex, 231. c.
Angeli reprobi, infima ministeria appellantur, 774.
f. Exterminatores & Angeli iracundiæ, *ibid.*
Ultimi servi, 775. a. Vide Diabolus,
Animæ nomen aliquando positum ab Augustino
pro universa creatura incorporali, 19. a. b.
Anima est simplex quiddam & propriæ substantiæ,
402. a. Non est temperatio corporis, 94. e. Ani-
mus definitur substantia quædam rationis parti-
ceps regendo corpori accommodata, 411. f. Ani-
mus ad capiendum se ipsum angustus est, 176. a.
De animæ natura Manichæorum hæresis. Vide
Manichæi.
Animæ origo qua fit ut sit in corpore, Augustino
etiam seni ignota, 5. Quatuor de illius origine
sententiæ, 612. e. & seq.
Anima in medullis quodam rerum est ordinata,
670. a. Unum est in rebus proximum Deo, 299. c.
437. e. Superior anima solus Deus, 519. d. Si quid
aliquando eorum quæ Deus creavit, est melius ani-
ma, hoc peccato ejus fit, non natura, 438. b. Ani-
mæ rationales Angelis officio quidem impares, sed
natura pares, 623. f. Deus subijcit animæ corpus,
animam sibi, & sic omnia sibi, 439. b. Nullo modo
animus potestati alterius animi nisi suis cupiditari-
bus subditur, 396. e. De animis rationalibus ope-
rari, non per corpus, sed per se ipsum solus Deus
potest, 532. d. Nullo modo ullo animo ullum
corpus potentius, *ibid.* Primo corpori anima ex-
trema præponitur, 616. f. Anima nostra quam-
vis peccatis tabefacta, melior est quam si in hanc
lucem visibilem verteretur, 614. f.
Anima summum corporis bonum, 690. b. Quid
corpori præstat, 18. b. 434. e. & seq. An aliquid

a corpore patiat, 517. c. & seqq. Oporteret ani-
mam & regi a superiore, id est Deo, & re-
gere inferiorem, id est corpus, 519. d.
Animæ Immortalitas probatur, 379. d. & seqq.
Item, in libro de hac re scripto, 387. & seqq.
Animæ quantitas molis quidem nulla, fusa per totum
librum de hoc argumento editum, 403. & seqq. Vir-
tutis vero in septem gradus distincta, & ordinem
ad corpus, ad seipsum, & ad Deum, 434. e. &
seqq. fusa. Anima non modo universæ molis cor-
poris sui, sed etiam unicuique particulæ illius tota
simul adest, 398. e. Dissecto corpore vermiculi,
anima non secatur, 432. & seq. Mutari anima po-
test, non localiter, sed temporaliter, 754. b.
Animam secum adtulisse omnes artes, nec aliud esse
discere, quam reminisci, quomodo accipiendum,
11. b. 177. a. Potentiæ animi, sine quibus recte vi-
vinon potest, media bona sunt, 13. f. 607. d.
Sicut tota vita corporis est anima, sic beata vita ani-
mæ Deus est, 603. d. 174. e. 181. a. Anima sicut
se illuminare de se non potest, ita se faciare de se
non potest, 231. f. Animus fit Deo similis dum
ei se subijcit, quantoque id fecerit studiosius, tan-
to erit sublimior & illo solo dominante liberri-
mus, 695. f. Rationalis anima si Creatori suo
serviat, cuncta ei cetera servant, 777. f. Origini-
nalis regio beatitudinis animi, habitatio animæ
& patria Deus est, 4. f. 401. c. Animæ colendus
est Deus solus qui solus ejus est auctor, 438. c.
Anima si seipsam sequitur ut virtutem adipisca-
tur, stultum aliquid sequitur, 691. a. Intenta in
Deum anima, magis est, intenta autem in cor-
pus, minus est, 519. d. e.
Animæ mortuæ motus tres, fastus elationis, delecta-
tio libidinis, venenum curiositatis, 235. e. Ea vi-
tando vivit anima, quæ appendo moritur, *ibid.*
Non alia salus animæ est, aut renovatio, aut re-
conciliatio auctori suo, nisi ut omnia corporea
contemnat, universoque huic mundo renuntiet,
uti præcipitur in mysteriis, 403. b. c.
Anima post peccatum regit corpus suum non om-
ni modo pro arbitrio, sed sicut leges universita-
tis sinunt, 624. c. Corpus in anima facere quid-
quam fortasse non posset si non esset primo pec-
cato in deterius mutatum, 516. c. Peccatorum
conditio fit, ut permittantur animæ de ani-
mis aliquid agere per alterutra corpora, 532.
d. Non sicut peccatum in animæ potestate est, ita
etiam pœna peccati, 519. f. Anima valentior pec-
cat, & post peccatum divina lege facta imbecillior
minus potens est auferre quod fecit, 520. a. Virium
animæ non natura ejus, sed contra naturam ejus
est, nihilque aliud est quam peccatum & pœna pec-
cati, 762. f. Sanitas animæ quando firmissima evit,
519. c. d. Unde anima voluptatem corporis pluris
æstimat, quam ipsam sanitatem, *ibid.* e. f.
Animus imperat corpori, & paretur statim; impe-
rat animus sibi, & resistitur, 153. c. Ægrotudo
hæc animi est, quia non totus assurgit veritate sub-
levatus, consuetudine prægravatus. *ibid.* d. Ani-
mi perturbationes quatuor, 178. c. Inde animus
pascitur unde lætatur, 240. e.
Anni Dei omnes simul stant, 200. e. Anni Dei
unus dies, *ibid.*
Antiochus Philonis auditor, 267. f. Academiæ
utriusque sententias in similitudinem adducit, *ibid.*
Fœnens Platonius dicitur, 293. e.
Antonius Ægyptius monachus, 150. d. Ad Deum
conversus audita evangelica voce, *Vade, vende
&c.* 156. c. Ex ejus vitæ lectione convertuntur
duo Aulici, 150. f. & seq.
A N U B I S, 186. b.
Apes de boum cadavere nascuntur, 738. f.
A P O L L O duplex, 319. e.
Apollinaristarum error de Christo, 143. a.
Apostatare a Deo quid sit, 537. a.
Apostoli Luminaria mundi, ignes sancti & deco-
ri, 234. a. Eorum prædicatio in omnem terram,
749. d.
Aptum & pulcrum quid, 104. c. 105. d.
Aquæ nomine Spiritus-sanctus significatur, 680. f.
Angeli intellecti, 231. b. Aer crassus designa-
tus, 654. d. Aquarum divisio, 651. f. Aqua-
rum congregatio est ipsarum formatio, 652. c.
Omnis Aquarum congregatio Hebræis dicitur
mare, *ibid.* e. Cur solus Spiritus-sanctus, non
vero Pater & Filius feratur super aquas, 227.
c. 228. b.
Aquilæ non egent potu, 734. a. Oculi eorum per-
spicaciores nostris, 412. f. 648. b.
Arbor vitæ, 679. c. Ad eam nemo nisi per toleran-
tiam & scientiam pervenit, *ibid.* f.
Arbitrium liberum, Vide Liberum arbitrium.
Ar-

ARCHESILAS Zenonis condiscipulus sub magisterio Polemonis, 292. e. Polemoni eidem successit, *ibid.* Academiae sententiam dissimulavit, *ibid.*
 Area dominica Ecclesia dicitur, 751. c.
 Aristoteles cum Platone consentire visus, 294. b.
 Ars affectio quaedam animi, 529. f. In animo refidet, 389. f. 650. f. In brutis non reperitur, 447. b. Ejus genus duplex, 416. e. Ars vulgaris quid, 757. a. Ars constat imitatione & ratione, 447. b. Artium omnium lex, æqualitas & unitas incommutabilis, 767. f.
 Artium liberalium utilitas, 348. c.
 Astrologia, ejus inventio, 347. e. f. Magnum religiosi argumentum, tormentumque curiosis, *ibid.*
 Astrologorum vanæ divinationes, 98. c. & seq. 110. a. 135. d. & seq. 257. c.
 ATHANASIUS Alexandrinus episcopus modulationes in psalmorum cantu non probabat, 187. f. Mos ille cantandi non improbat ab Augustino, *ibid.*
 Atheus quomodo convincendus, 586. d. Non nihil pro Deo habet, cui cultum impendit, 772. e.
 Avaritia, hoc est velle plus quam sat est, malorum omnium causa, 638. b. Non in solis nummis, sed in omnibus quæ immodice cupiuntur intelligenda, *ibid.*
 Auctoritas duplex, divina & humana, 341. d. Geminio pondere impellimur ad discendum, auctoritatis & rationis, 294. f. 336. d. 341. b. Tempore auctoritas, re autem ratio prior, 341. b. 688. c. Ad discendum auctoritati credere magnum compendium, 406. f. Rationi roborandæ hominum auctoritatem quærere est imbecillitatis, 304. b. Juvat sequi auctoritatem & præcepta sapientum, & per hæc loqui sibi Deum credere, 435. f. Bonorum vita facillime non disputationum ambagibus, sed mysteriorum quibus initiatur auctoritate purgatur, 341. f.
 Auditores Manichæorum, *Vide* Manichæi.
 Aversio voluntatis ab incommutabili bono ad mutabile bonum, vel proprium, vel exterius, vel inferius efficit hominem superbum, curiosum, lascivum, 608. c.
 Aves ex aquis a Deo creatæ ut intelliguntur, 654. d. Pollent memoria, 180. b. Aves quadrupedes, 47. b.

AUGUSTINUS.

Ortus ejus, Infantia & Pueritia.

Natus est Idibus Novemb. 300. b. Thagaste municipio Africæ, 83. b.
 Parentes ejus Patricius & Monnica, 170. c. fide ac moribus dispares, 76. b. 83. d. Frater ejus Navigius, 300. b. 317. c. Consobrinus Lastidianus & Rusticus, 300. b.
 Infantia Augustini, 71. f. 72. & c. Pueritia, 74. b. & seq.
 Latinas litteras inter blandimenta nutricum didicit, 78. b.
 Ab utero matris in Christiana religione fuit educatus, 75. f. 263. f. signatus signo crucis & sacramento salis initiatus, *ibid.* positusque a parentibus in Catechumenorum gradu, 128. b.
 Stomachi pressu laborans adhuc puer baptismum pie instanterque flagitat, 76. a. reparata valetudine baptismus differtur, *ibid.*
 Datur in scholam ut discat litteras, 74. e. refugit litterarum rudimenta, ubi legere, scribere & numerare discitur, 77. a. Latinas litteras amat, græcas odit, 77. a. & seq. Ob progressum in litteris Bonæ spei puer appellatur, 79. c. Ipsi in scholis sese exercenti acclamatur præ multis coætaneis & condiscipulis suis, *ibid.* e.
 Litteraturæ atque Oratoriæ percipiendæ causa peregrinat in vicina urbe Madauris, 83. b.
Adolescentia, ætatis an. xvi.
 Annum ætatis xvi. in paterna domo commissis studiis transigit, genio ac libidinibus indulgens, 81. & seq.
 Matris monitus pro muliebribus habet, 83. f. Numquam tamen in matrem contumeliosus aut verbo durus, 186. c.
 Furtum nocturnum committit, 84. d. & seq.
Ætatis an. xvii. xviii. xix. & c.
 Studiorum causa Carthaginem mittitur ætatis xvi. anno 87. d. Sub id tempus oritur patre, 90. d. Prosequitur studia matre sumtus ejus Mæcenatæ, 262. e. Studia ejus ad fora litigiosa tendebant, 90. a.
 In schola rhetoris major est, 90. a.
 A moribus protervis condiscipulorum qui *Eversores* dicebantur, abhorret; pudore tamen impudenti, quod talis non esset, 90. a. 113. e.
 Amore capitur, 87. d. e. & theatricis spectaculis, 88. d. e.

In celebritate sollemnitatum sacrarum intra ecclesiæ parietes concupiscit, 89. f. Ob quod peccatum a Deo verberatur, *ibid.*
 Concubinam fovet, servatque ipsi thori fidem, 97. d. Filium ex ipsa suscepit, 130. f. Adeodatum nomine, 162. b. *Vide* Adeodatus. Augustinus adolescens petebat a Deo castitatem, sed cito exaudiri nolebat, 151. f.
 Ciceronis Hortensio ad sapientiæ studium incendiatur, 90. c. 151. f. 299. a. Scripturam negligit ut indignam quam Tullianæ dignitati compararet, 91. b.
 Categorias Aristotelis, & liberalium artium libros annos natus ferme viginti per sese intellexit, 106. e. & seq.
 In Manichæorum hæresim incidit, 91. c. & seq. in ea novem annos, scilicet ab anno ætatis, xix. ad xxviii. persistit, 96. b. 111. d. 700. c. 740. c. Inducit alios in eundem errorem, 97. b. inter illos Romanianum, 251. a. & Alypium, 125. d.
 Ejus interim errores de Deo, 91. d. 105. d. e. 106. c. 108. a. 116. c. e. 134. e. de Christo, 116. f. de rationali & irrationali natura, 105. e. de terræ fructibus, 95. b. de veteri Lege, 92. f. & seq. de natura mali, 116. c. de peccati causa, 133. c. in cujus inquisitione rorquetur, 134. & seq. d.
 Convictum filii sui refugit Monnica detestans errores ejus, 95. d. Apud Deum plangit ejus perditionem. *ibid.* d. De ejus futura resipiscencia admonetur per somnium, *ibid.* & per Episcopi cujusdam responsum, 96. d. Augustinus *filii lacrymarum* ab ipso appellatus, *ibid.* f.
 Rhetoricam docet, 97. c. primum Thagaste, 99. d. 266. f. tum Carthagine, 111. c. 124. f. quo impatientia doloris ex amici cujusdam sui morte migraverat, 101. f. necnon illustrioris professionis gratia, 262. f. Ultraque in urbe auditorem habet Alypium, 124. e. Quem a Circensium infania convertit, 125. a.
 Haruspici sibi palmam in litterario certamine promittentem detestatur, 97. e. & seq. At consulere solet Mathematicos, *ibid.* b. a quibus avocare ipsum frustra nititur Vindicianus fenex. *ibid.* d. & c. & Nebridius, 99. c. 135. d. e. Sed istud divinationis genus vanum esse intelligit demum audita narratione Firmini, & prorsus rejicit, 135. d. & seq.
 Libros de pulcro & apto duos aut tres scribit, 104. d. circiter annum ætatis 26. aut 27. 106. d. quos Hierio Romanæ urbis oratori nuncupat, 104. d.
 Movetur Helpidii disputatione contra Manichæos apud Carthaginem, 117. a. necnon Nebridii contra eosdem argumento, 132. f. & seq.
 A Manichæis alienari incipit comperta Faulti imperitia, circiter annum ætatis xxix. 112. d. non tamen omnino recedit, 113. a.
 Pertæsus licentiæ scolarium Carthaginensium Romanam navigat, 113. c. d. invita & decepta matre, 114. a.
 Romæ febris correptus periculose laborat, 114. d. in domo cujusdam Manichæi, ubi convalescit, 115. d. versatur cum Manichæis tam Electis, quam Auditoribus, *ibid.*
 Rhetoricam docet Romæ, 117. c.
 Mediolanum mittitur a Symmacho urbis præfecto Rhetoricam docendi causa, 117. c.
 Excipitur benigne ab Ambrosio, *ibid.* ejus amore capitur, *ibid.* & facundia delectatur, 118. a. Audita unius aut alterius loci Scripturæ ratione cognoscit fidem catholicam defendi posse contra Manichæos, 118. d. Quos demum relinquendos discernit, *ibid.* f. Sed adhuc de omnibus dubitans, Catechumenus in Ecclesia catholica esse statuit, donec aliquid certi eluceat, *ibid.*

Ætatis an. xxx.

Augustinus nec Manichæus est, nec Catholicus, 119. b. Quod Monnicæ matri Mediolanum adventanti renuntiat, *ibid.*
 Ecclesiæ doctrinam magis, magisque intelligit concionante Ambrosio, 121. f. Necessitatem fidei & Scripturarum auctoritatem agnoscit, 122. e.
 Inhiat adhuc honoribus, lucris, conjugio, 123. d.
 Ambitionis & cupiditatum vanitatem edocetur viso mendico præ vino jocante & lætante, 123. e.
 Panegyrum habet in laudem Imperatoris, *ibid.* e. forte Valentiniani minoris, *ibid.* Not. a.
 Anxius est Augustinus de vitæ ratione ineunda, 128. a. Conversionem de die in diem differt, 128. f.
 Augustinum ab ineundo conjugio revocare conatur Alypius, 129. b. & c. Augustino uxor queritur, ut conjugatus baptizetur, *ibid.* f. & seq. De ejus futuro matrimonio revelationem expetit mater, sed frustra, *ibid.* a. Concubina in Africam redire permissa aliam ipse procurat, *ibid.* f.
 A gurgite carnalium voluptatum metu mortis & futuri judicii revocabatur, 131. a. qui metus ab

Augustini pectore numquam recessit, *ibid.*
 De vita communi agenda cum amicis deliberat, 130. b. c. decem ferme venturi erant in unam societatem, quo ex numero bini annui necessaria curarent ceteris quietis, *ibid.* d. consilium abjicitur, *ibid.* d.

Ætatis an. xxxi.

Ignorantiæ tenebris involutus errat adhuc circa Dei naturam, 131. c. & seq. Verum contemplatione gradatim adurgens pervenit demum ad id quod est; sed figere aciem non valet, 142. a. Credit in Christum stabili fide, sed informi, 135. c. & erronea, 142. d. e. & c.
 Platoniorum librorum lectione ad inveniendam veritatem adjuvatur, 138. & seq. & 299. d. Ex his libris peritior quidem, sed inflatior evadit, 143. b.
 Transiit ad Scripturam sacram, maximeque ad Apostolum, 143. e. cujus lectione mirum in modum proficit, 144. a. 263. f.

Ætatis an. xxxii.

Displicet agere in sæculo, 145. c. Amore tamen feminæ detinetur, *ibid.* Vis malæ consuetudinis in Augustinum, 149. b. Ligatus erat non ferro alieno, sed sua ferrea voluntate, 148. f.
 Simplicianum adit, *ibid.* b. movetur & tangitur audita ab ipso conversione Victorini, 146. & seq. & vita Antonii narrante Pontitiano, 150. d. & seq. necnon conversione duorum Agentium in rebus, *ibid.* f. & 151.
 Secedit in hortum sequente ipsum Alypio, 152. c. Spiritus ejus & carnis luctamina, 252. & seq. Nec plene volebat, nec plene nolebat converti, ideo secum contendebat, 153. f. Plus in ipso valebat deterius inolitum, quam melius insolitum, 155. b. De difficultatibus ab ipso superatis, 299. a. 263. c.
 Ab Alypio paululum secedit, & sub ficu se sternens, vim lacrymarum profundit ac Dei misericordiam deprecatur, 155. f. & seq. Vocis admonitu legit Apostolum, & totus convertitur, 156. b. Indicat matri, *ibid.* f. Cælibem vitam amplectitur abjecta omni spe sæculi, *ibid.*
 Deferre professiones rhetorices usque ad vindemiales ferias differt, 157. d. & seq. f. quam paucissimorum dilationem excusat, 158. a. quamquam haud culpa vacasse non differtur, *ibid.* d.
 Munus docendi tandem deserit, 159. e. cogente quidem dolore pectoris, 158. b. 161. f. 251. b. 299. d. 317. d. sed magis alliciente desiderio vacandi Deo, 158. b.
 Feriarum vindemiales tempore in Verecundi villam Cassiciacum secedit cum suis, 158. c. & seq. Ruris otium in studio sapientiæ infumit, 251. b. Inveniendi veri gratia dimidiam fere noctis partem pervigil agere solitus, 317. f. Quotidianis fletibus Deum rogat ut sanentur vulnera sua, 327. a.
 Ambrosium per litteras consulit, quid potissimum de Scripturis sibi legendum sit, ut ad baptismum se digne compareret, 162. a. Isaiam legere jubetur, *ibid.*
 Libros aliquot ibi conscribit, & ad Nebridium epistolas, 159. e. Instituendis discipulis Licentio & Trigetio curam adhibet, 251. e. 317. f. Quotidie ante cœnam dimidium Virgillii volumen audit, 325. d. 265. e. Ipsi morum præcepta tradit, 340. & seq. Pueriles æmulationis & inanis jactantiæ motus reprimat, 326. f. & seq. Hanc rogat magistro mercedem reddant, Boni sint, 327. b.
 Inchoat libros *contra Academicos* paucis diebus post secessum, exeunte anno ætatis suæ xxxii. Christi cccclxxxvi. 245. 251. c.

Ætatis an. xxxiii.

Scribit librum *de beata vita*, idibus Novemb. anni Christi cccclxxxvi. quo ipse die in annum ætatis xxxiii. progrediebatur, 295. 300. b.
 Libros *de ordine* edit eodem tempore, 314. 317. c.
 Perficit postmodum libros *contra Academicos*, 265. e. f.
 Recitatione Psalmorum vehementer afficitur Augustinus catechumenus in villa cum catechumeno Alypio feriat, 160. a. b. Psalmum quartum meditat, adversus Manichæos pie excan- descens, *ibid.* c. & c.
 Dolo dentium acerrimo cruciatur, 161. e. f. 365. d.
 Orat cum suis & dolor fugit, 161. e. f.
 Soliloquia scribit ætatis xxxiii. anno, 354. 363. c. Christi cccclxxxvii. Quinam tunc ejus mores & affectus, 362. f. & seq.
 Mediolanum revertitur nomen daturus inter baptizandos, 162. b. Ibi librum *de animæ immortalitate* an. Christi cccclxxxvii. scribit, 386. 387.
 Inchoat libros *disciplinarum*, 8. e.
 Baptizatur cum Alypio & Adeodato, 162. b. d. Gau-

Gaudium spiritale post baptismum fugiente omni sollicitudine antea vitæ, *ibid.* Lacrymæ & motus pietatis ad hymnos & cantica Ecclesiæ, 162. e. 187. e

Reditum in Africam cum suis suscipit, 163. d.

Apud Ostia Tiberina cum matre colloquitur de æterna vita, atque in ejus contemplationem ambo rapiuntur, 166. a. Vilescit ipsis mundus iste cum delectationibus suis, 167. a

Hinc elapsis vix quinque diebus ægrotat Monnica, & die nono ægritudinis suæ, anno lvi. ætatis suæ, & ætatis Augustini xxxi. corpore solvitur, 167. f. Mortem ejus luget Augustinus, *ibid.* & seq. Funus pro sollemni more celebratum prosequitur absque lacrymis, 168. f. Orat pro ejus salute, 169. d. & seq.

Romæ moratur, ibique libros de moribus Ecclesiæ et de moribus Manicheorum, an. Ch. ccclxxxvi. scribit, 683. 685

Ætatis an. xxxiv. xxxv. &c.

Scribit itidem Romæ librum de quantitate Animæ circiter initium an. ccclxxxviii. 399

Ibidem libri de libero arbitrio ab ipso inchoati eodem anno; postea autem in Africa anno ccxcv. absoluti, 363. 366

Reversus in Africam scribit libros duos de Genesi contra Manichæos, 643. circiter an. ccclxxxix. 646

Sub id temporis absolvit libros de Musica, quos Mediolani an. ccclxxxviii. inchoaverat, 439. 442. 443.

Item librum de Magistro cum Adeodato annos xvi. nato componit, 162. c. 339. 342

Scribit librum de vera Religione nondum Presbyter circiter an. cccxc. 743. 747

Presbyter Hipponensis jam creatus disputat contra Fortunatum Manichæum 29. Aug. an. cccxcii. 27. b

Per idem tempus de fide et symbolo sermonem habet in plenario Africæ concilio apud Hipponem, *ibid.* f. Rarissime tacere permittitur, ubicumque ipso præsentem loqui opus esset ad populum, 2. b

Ætatis an. xli. &c.

Libros Confessionum circ. an. cccc. edit jam pridem episcopus, 67. 70

Libri ceteri ab ipso scripti, Vide Retractiones in capite hujus Tomi.

Mores Augustini per id tempus, quo libros Confessionum scribit, quinam sint. 171. & sequentibus ad finem lib. x. Amor ejus in Deum vehemens, 173. d. 184. a. Deliciæ ipsius occupari Dei memoria, 183. d. Spes ejus non nisi in magna valde misericordia Dei, *ibid.* e. Ut se habet ad tentationes libidinis carnalis, *ibid.* f. &c. Ad tentationes gula, 185. e. Ebrius numquam fuit, 186. b. Ut se gerit ad odorem illecebras, 187. b. Ad voluptates aurium, *ibid.* c. & seq. Ad illecebras oculorum, 188. b. &c. Ut se habet ad secundum tentationis genus, quod est curiositatis, 189. b. & seq. Incitatur a diabolo ut signum aliquando a Deo petat, 190. a. b. Item quomodo se gerit ad tertium genus, superbiæ, 190. f. & seq. ad humanas laudes, 191. d. &c.

Ab actionibus necessitatis quantum relaxari potest, ad Dei contemplationem refugit, 193. d. Secessum in solitudinem aliquando animo agitans prohibetur a Deo, ut non sibi soli, sed aliis vivat, 194. f. Castæ ejus deliciæ Scripturæ divinæ, 195. f. Si quid temporis liberum habet, in illis totum impendit, *ibid.* e

Contra Felicem Manichæum biduo disputat die 7. Dec. an. cccci. 45. b

Episcopali judicio contra Celestium Carthagine habito non interfuit, 54. f. 55. a

Pergit in Mauritaniam Cæsariensem, 58. f. Adversus Emeritum disputat apud Cæsaream mense Sept. an. 418. *ibid.*

Senex scribit Retractionum libros, 2. b. Reperit se dictasse opuscula nonaginta tria in libris ducentis triginta duobus, 64. b. c. Quare consilium cepit recensendi scriptiones suas, 1. c. Cupit ut opuscula sua eo legantur ordine quo scripta fuerunt, 4. a. Libri quidam post Retractiones ab eo conscripti, 63. Not. *

Credit precibus matris datam sibi eam mentem ut inveniendæ veritati nihil omnino præponat, 532. a. b

Aulæ favor res fragilis, 151. a. Aulici per multa pericula perveniunt ad grandius periculum, *ibid.*

AURELIUS Carthaginensis auctor est Augustino edendi libri de opere Monachorum. 49. d

Aurium voluptas, 187. c

B

BALNEUM ideo dictum, quia anxietatem pellit ex animo, 168. f. Ejus effectus, *ibid.*

Baptismus in nomine sanctæ Trinitatis datur, 229. c. Homo spiritualis judicare potest de solemnitate sacramentorum sive baptismi, sive mysterii in quo ille piscis (id est Christus) exhibetur, 237. c. Fidei professio de loco eminentiori coram fidelibus memoriter fieri Romæ consueverat a baptizandis, 146. f. in fide offerentium & Ecclesiæ baptizari prodest parvulis, 637. f

Baptismi effectus est ut reatus peccatorum præteritorum solvatur in omnibus; & in grandibus, etiam sanetur voluntas & præparetur a Domino spiritu fidei & caritatis, 20. c. Sine eo non intratur in regnum cælorum, 235. a. Augustini amicus, nesciens baptizatus, mirum in modum animo mutatus est, 99. f. Post baptismum, major est delictorum reatus, 76. b

Baptisma Christi non nisi in sua communione Donatus assererebat esse, 32. a

Beatitudo est perfecta cognitio veritatis qua est fruendum. 312. 5. d. Est consecutio Dei, 691. c. 694. d. Fruitio Dei, 5. a. Gaudium de veritate, 182. f. Est gaudere de Deo, ad Deum propter Deum, *ibid.* d. Est inhærere Deo, 184. b. Est adipisci summum bonum, 596. d. 601. c. Est Deus ipse, 303. a. 305. b. 228. a. In opibus non consistit, etiam si quis se eas non amissurum certo sciat, 302. f. In sola veri inquisitione illam ponebant Academici, 251. f. & seqq. In hoc mundo non reperitur, 103. f. Nulla hic beata vita, nisi qua in philosophia vivitur, 269. c. Nihil magis Dei donum dicendum est, 300. a. Pro virtutibus quibus constituta in laboribus utitur anima tales quædam potentia in altera ei vita sperandæ sunt, 537. d. Beatitudinis notitia impressa est mentibus nostris, 596. e

Beatitudinem omnes appetunt, 181. b. & seq. 182. b. 564. c. 489. a. Nec erratur illam appetendo, sed ad illam tendendo, 596. c. Cur tam pauci ad illam perveniant, 581. f. & seqq. Multi eam adipisci non tantum volunt, quantum sat est ut valeant, 182. e. Ad eam per bona opera pervenitur, 351. d. 312. e. Ad eam tendit qui bene vivit, 696. b. Homo peccato eam amisit, non tamen amisit illius recuperandæ facultatem, 618. c

Beatus quis, 242. f. Ille beatus est qui non eget, hoc est, qui sapiens est, 311. d. qui ad summum modum per veritatem pervenit, 312. b. qui eo fruitur quod est optimum, 689. b. & seqq. Beatus non est qui timet ne amittat quod possidet, 302. f. Veritas perquirenda si beati esse volumus, 261. a. & seqq. Beatus non est, qui quod vult non habet, nec tamen omnis qui quod vult habet, beatus est, 302. a. d. Velle quod non deceat, miserrimum est, *ibid.* b. Beatus neque ille dici potest, qui non habet quod amat, quaecumque sit; neque qui habet quod amat si noxium sit; neque qui non amat quod habet, etiam si optimum sit, 689. a. b

Belluæ, num in iis ratio & scientia, 425. e. Quomodo cognoscant, 427. f. Vim sentiendi habent, non sciendi, *ibid.* Hæc vis est velut imago scientiæ, quæ est in homine, 428. d. Sensu a plerisque bestiis superamur: at mente, ratione, scientia, illis præstamus, 427. f. Bestiæ dijudicare non possunt de differentia sensuum externorum, 588. c. & seqq. Melior est homo brutis non numeros faciendo sed cognoscendo, 350. e. Nulla ipsi cum belluis societas est, 735. d. 737. c. Bestiis dominari quid significet per allegoriam, 657. d. Qui belluas domant, mansuetarii vocantur, 577. f

Benedictio hominibus avibus & piscibus tantum a Deo impertita, quare, 237. f. & seq.

Blasphemare est mala verba de Deo dicere, 723. d. & seqq.

Bonifacius Romanæ Ecclesiæ Episcopus, 62. d

Bonum omne aut Deus aut ex Deo est, 605. a. 608. f. 759. d. Boni per se, & boni per participationem differentia, 717. f. Omnia bona sunt, 140. b. 141. c. licet comparatione Dei non sint bona. 197. c. Deus bonus omnia bona fecit, 197. d. 104. c.

Bonorum summa Deus nobis est. Deus est nobis summum bonum, 692. d. Summi boni duæ conditiones, ut nihil eo melius sit, & ut tale sit quod non amittat invit, 689. e. Habent ima bona delectationes, sed non sicut Deus, qui est deliciæ rectorum corde, 85. b. Amittendo bona temporalia agnoscimus utrum ea diligamus necne, 781. c. Quomodo iis bonis utendum, 582. d. Malum est male uti bonis, & bonum est bene uti malis, 50. a. Bona nostra, instituta & dona Dei sunt; mala vero nostra, delicta nostra sunt & judicia Dei, 172. e. Falsis bonis illudi est teipso inferiora miranda & appetenda arbitrari, 702. b

Bonum triplex est magnum, medium & minimum,

607. d. Magna bona sunt quibus recte vivitur, virtutes; media, sine quibus recte vivi non potest, potentia animi, minima, sine quibus recte vivi potest, species corporum, *ibid.* Minima etiam bona a Deo sunt, 13. f

Boni ab Ecclesia per seditiosos nonnumquam expelluntur, 752. a. Illorum tunc virtus & patientia, *ibid.* b

C

CADUCARII dicuntur qui morbo comitiali laborant, 304. f

CÆCILIANUS apud Constantinum falso accusatus absolvitur, 54. c

Cæcitas hominum de cæcitate gloriantium, 90. a. Cæcitates pœnales spargit Deus super illicitas cupiditates, 80. d

Cæcus illuminatus Mediolani ad corpora Martyrum, 20. f

Cæli & terræ nomine intelligitur omnis creatura, 200. b. 665. f. 667. d. mundus, 693. d. materia informis initio creata, 649. f. Spirituales & carnales de Ecclesia, 229. Cælum cæli est cælum quod non cernimus, 209. e. 212. de Angeli, 213. c. 215. e. Cælum indocti rapiunt, 152. d

Calculorum & Librarium professio velut quædam grammaticæ infantia, 345. d

Calumniæ græca, 286. d

Canis dominum suum jam suis hominibus oblitum recognoscens, 448. b

Cantus est sonus speciosus, 224. a. Cantus ecclesiasticus instituitur Mediolani a S. Ambrosio, 162. e. Ejus melodiæ utilitas magna, 187. f. Ea mirum in modum afficitur Augustinus, 162. e. Delectatio carnis etiam in divino cantu cavenda, 187. c. d. Peccatur cum cantus amplius delectat quam res, 188. a

Capilli cum secantur, non sentimus, quare, 520. b. c

Caritas in omnibus & super omnia habenda, 712. b. Sine fide spe & caritate anima nulla sanatur ut possit Deum videre, 361. d. Merguntur homines pondere cupiditatis & terrenis affectibus, & emergunt caritatis sublevatione & Spiritu sanctitatis, 227. e. Caritas facit ut intelligere divina possimus, 699. a. Pietas timore inchoatur, caritate perficitur, 758. e. Post hanc vitam sola caritas, 362. c. Cum animæ Deum intelligere contigerit, caritati non solum nihil detrahetur, sed addetur etiam plurimum, 361. f. Tunc illa erit plenissima, 10. a. Ad caritatem pertinent omnia quæ scripsit Moyses, 221. e. Continent utriusque Testamenti de præceptis caritatis, 692. e. 693. a. Vide, Amor Dei & proximi.

Carneades Græcus philosophus, 252. f. tertiæ Academicæ princeps atque auctor, 293. d. Archeilæ vindex, 293. a. Stoicos & Chrysippum sibi convellendos proponit, *ibid.* Nemo Academicorum minus alte quam Carneades dormivit, 284. a

Caro propter animam diligenda, 38. f. Carnis decus ad illud referendum est, a quo decora sunt omnia, 38. f. Quid sit vita carnalis, 785. b. Consuetudo animæ facta cum carne in Scripturis Caro nominatur, 529. b. Carnis & sanguinis nomine ipsam corruptionem carnis & sanguinis Apostolus nuncupavit, 28. b. 43. b

Carnium comestio non coinquinat si sine ulla offensione, sine ulla infirma opinione, sine ulla libidine sumantur, 729. a. Cura Manichæis interdicitur, 719. b. Abstinere a carnibus bonum est, 726. f

Catænum, vinum coctum, 733. b. c

Cassiciacum, Rus Verecundi, ubi parabat se Augustinus ad baptismum suscipiendum, 159. a

Castitas est Dei donum, 86. f. Castus dormientis affectus, 183. c

Caste vivit qui solum Deum adtendit, 305. f

Casus vocatur, cujus ratio & causa secreta est, 3. d. Nihil omnino posse fieri sine causa, 320. a. 321. d

Cartholica etiam a suis inimicis Ecclesia nominatur, 752. e.

CATILINA haud gravis malus, 85. d. Ejus tolerantia non vulgaris, 725. e

CELESTIUS Pelagii discipulus, 52. f. Apud Carthaginem in episcopali judicio excommunicatus, 54. a

CELSINUS, 263. e

CORNELIUS Celsus, 365. e. Ejus opinio de summo bono & de summo malo, *ibid.*

CENTURIUS laicus Donatista, 48. f

Cerimonia a cavendo, quasi Carimonia, 55. c. Id nomen non erat in usu litterarum sanctarum, 55. b. & Nota, a.

Certitudo non eadem in omnibus querenda est, 122. c. d.

Ceti

Ceti magni allegorice magni homines, qui fluctibus sæculi dominantur, 234. c.
 Chaos materiam confusam & initio informem Græci appellant, 649. c.
 Cherubim scientiæ plenitudo latine dicitur, 679. c.
 Chirurgica unde dicta, 449. a.
CHRISTUS Dei Virtus, Dei Sapientia, Veritas, 696. b. 786. f. Panis Angelorum, 623. a. Petra super quam ædificata est Ecclesia, 32. b. De Christi in carne ad nos adventu pulchra, 103. f. 142. c. Nullo modo beneficentius generi humano consultum est quam cum ipsa Sapientia Dei totum hominem suscepit, 757. d. e. Naturam humanam assumpsit ut doceret id esse homini colendum, quod ab omni creatura intellectualem colendum est, 786. f. Cibus cui capiendi invalidi eramus mistus est carni, & Verbum caro factum est ut infantiæ nostræ lactesceret Dei Sapientia, 142. b. 623. a. Quod Christus patrem & matrem reliquerit & adhærescit uxori suæ, pulchre intellectum, 680. c. d. In juventute & in senectute mundi venit, 39. a. b.
 Christus unus mediator est Dei & hominum, 17. c. Verus est mediator, mortalis cum hominibus, iustus cum Deo, 194. c. In quantum homo, in tantum mediator; in quantum autem Verbum non medius, quia æqualis Deo, 194. d. Christus unica ad salutem via, 142. b.
 Christus liberator, 724. b. Superavit diabolum lege iustitiæ, sine crimine occisus, sine libidine natus, 623. c. Sanguis ejus pretium nostrum, quod bibebat & erogabat Augustinus, 196. a. Non aliquis ei refundet innocentem sanguinem, non ei restituet pretium quo nos emit, ut nos auferat ei, 170. c.
 Christus victor & victima, sacerdos & sacrificium, 194. c. Ex altari dispensatur victima sancta, qua deletum est chirographum quod erat contrarium nobis, 170. c.
 Christus vere Magister bonus, quia Deus, 233. d. Intus docet, 360. c. Quænam nos doceat Christus, 341. c. Verbum Dei parum erat si loquendo præciperet nisi & faciendo præiret, 173. a. Docuit nos & factis potestatem suam, & humilitate clementiam, & præceptione naturam, 341. f. Motus exteriores Christi non perturbati animi signa sunt, sed docentis magistri, 651. a. Christus nihil egit vi, sed omnia suadendo & monendo, 757. f. quomodo id intelligendum, 20. d. Christus imitandus proponitur homini, qui dæmonem imitatus fuerat, 642. b. Christus dictis, factis, morte, vita, descensu, ascensu clamat ut redeamus ad cor & inveniamus eum, 103. f. 104. a. Infirmitas Christi magistra humilitatis, 142. c. Tota vita ejus disciplina morum fuit, qua edocemur quæ appetenda, quæ fugienda, 758. a. Ejus vita compendio descripta, 757. f. & seq.
 Christi resurrectio indicavit nihil perire naturæ hominis, 758. c. Christus totus jam Deus post resurrectionem ut intelligatur, 36. b.
 Christum tamquam maxime sapientem pagani honorant, sed Deum negant, 47. c.
 Christiana religio vera religio, 19. a. In sola Ecclesia catholica reperitur, 751. c. Apud antiquos fuit, 19. c. d. Antiqui sancti per fidem futuræ passionis Christi salvi facti sunt, 194. d. Christiana religio hominibus persuasit, quæ Plato persuadere non potuit, 748. c. Fidei Christianæ veritas ex sanguine Martyrum, castitate Virginum &c. 749. f. 750. a. Christianæ doctrinæ modus perquam optimus, 758. d. Vitæ Christianæ ordo, 242. f. 243. a. b. c.
 Christiani apud Antiochiam primum sic dicti, 19. d. Christiani, catholici, vel orthodoxi nominantur, id est, integritatis custodes & recta sectantes, 751. c. Christianorum duo genera, 751. c. Amborum oppositi mores, 752. a. b. Christianorum perfectorum vita laudatur, 709. f. Ex malorum Christianorum moribus non spernenda Ecclesia, 713. e. Qui ut palea tolerantur, 751. f. Nec ab ea præciduntur, 714. a. Christianorum in civitate simul viventium vita & mores, 711. f. 712. b. Christiani temporibus Juliani lege data prohibiti sunt docere litteraturam & oratoriam, 148. f.
CHRYSIPPUS, 293. a.
 Cibus an ad corpus, an ad animam pertineat, 300. f. Ciborum necessitas calamitas est & deliciæ vocantur, 185. f. Alimenta sumenda tamquam medicamenta, 185. e. f. Quod saluti satis est, delectationi patum est, 185. f. In cibo insidiatur laqueus concupiscentiæ & adjungit sese tamquam pedissequa periculosa jucunditas, 185. f. Magnus ille est qui in cibo non rapitur aliquantulum extra metas necessitatis, 187. a. Cibus qui in ventre jam non sapit, in memoria quasi sapit, 176. d. De ciborum abstinencia non gloriandum, 186. b.
 Tom. I.

Non immunditia obsonii timenda, sed cupiditatis, 186. f. Noe omne carnis genus quod cibo esset usui manducare permissum, *ibid.* Joannes locustis in escam cedentibus non fuit pollutus, *ibid.* Cibi non pollunt, *ibid.* &c. Ciborum religio, 712. b. & seqq. In ciborum delectu supersticiosiores fraterne admonendi, 713. a. Cibi aviditas major in curis, 266. a. Cibus Ægyptius, 139. a. & Not. Suus animæ cibus proprius, & sua fames, 301. a. & seq. Animus inde pascitur unde latatur, 240. e.
CICERONE nihil excellentius in Latina lingua, 549. f. Ejus linguam omnes mirantur, pectus non ita, 90. c. Orationes Ciceronis, quas Verrinas vocant, nobilissimæ, 549. f. Cicero inopem se fuisse ait linguæ Latinæ, ut minus apta rebus nomina imponeret, quas sentiebat, 272. d. e. Ejus oratio, quæ Roma servata fuit, barbara visa est, 348. f. 349. a. Apud ipsum etiam solæcismi, 348. f. Ab ipso in Latina lingua philosophia & inchoata est & perfecta, 253. c. Hortensius Ciceronis, 91. a. Ejus sententia de beata vita, 253. a.
 Circulo virtus comparatur, 414. b. c. d. & seqq.
 Clericorum laus, 711. c.
 Cænobitæ laudantur, eorum institutum, 710. d. & seq.
 Cænium vulneribus quæ ab igne acciderunt medicamentum, 720. c.
 Cogitari proprie dicitur quod in animo colligitur, id est cogitur, 177. b. c.
 Cogitatio pia a Deo est, 312. c. Cogitationes in corporibus cælestibus non latent, 678. b.
 Cognitio Dei 358. f. & 359. a. & seqq. Ad cognoscendum Deum quæ necessaria, 361. b. Sensu corporeo non cognoscitur, 174. e. Non invenitur a superbis, etiam doctis, 109. d. Creaturæ ducunt ad cognitionem Dei, 141. f. 638. f. Infelix homo qui scit alia & Deum nescit. Beatus autem qui Deum scit, etsi nesciat, 110. d. Si voluntatem Dei nosse quisquam desiderat, fiat amicus Deo, 647. d. Quem cognoscere volumus prius plena caritate diligamus, 704. c. Scientia Dei in animâ hominis non est nisi scire quomodo eum nesciat, 349. f. Nesciendo melius scitur, perfecta cognitio Dei in futura vita. 5. e.
 Cognitio sui. Homo sibi ipsi incognitus, 173. b. 316. c. Recessus a sensibus & animi in seipsum collectio necessaria homini ad notitiam sui assequendam, 316. c. Quisquis ea sola novit quæ corporis sensus attingit, non solum cum Deo esse non videtur, sed ne secum quidem, 331. b.
 Colere Deum veram esse sapientiam Scriptura definit, 63. a. Non sic colimus Deum quasi terram, 225. c. Athei qui nihil colendum putant, serviunt tamen vitiis, 772. d. Nihil omnino colendum quod mortalis ullus corporis sensus attingit, 3. f. *Nullam creaturam colendam esse animæ*, verba ipsa sunt Ecclesiæ olim fidelibus insinuata, 437. f. Angelus malus non colendus, 786. c. Cultus vani plures exploduntur, 786. a. & seqq.
 Collationis cum Donatistis breviculus, 55. e. Post collationem contra eosdem, *ibid.* f.
 Colloquium vinculum est societatis, 345. b.
 Color non corpus, sed quædam corporis qualitas, 544. a.
 Comes largitionum Italicianarum, 127. b.
 Commune vocatur ab Apostolo immundum & inquinatum, 729. a.
 Communia sint omnia in monasterio, 789. a.
 Communionem malorum bonos contaminari dicunt Donatistæ, 148. a.
 Competentibus fidei symbolum tenendum memoriter traditur, 27. f.
 Concilium Hippone-regienſe totius Africæ plenarium, 27. f. In eo sermonem habuit Augustinus Presbyter, *ibid.*
 Concil. Carthaginense contra Celestium, 53. f. huic non interfuit Augustinus, *ibid.*
 Concil. Zertense in Numidia contra Donatistas, 56. a.
 Concordiæ atque convenientiæ Deus auctor, 522. f.
 Concubitus conjugali hominem immundum fieri Lex dicit, 60. b.
 Concupiscentia aliquando peccatum dicitur, 24. b. Ejus reatus in baptismo solvitur; manet tamen infirmitas, 24. c. Concupiscentia carnis, voluptatis infimæ amatores significat, 772. f. concupiscentia oculorum curiosos, ambitio sæculi superbos, 773. a. Concupiscentiæ rebelles motus non quiescent in iustis, donec carnem incorruptibilem habeant, 37. a. *Vide*, Libido.
 Confiteri Deo quid sit, 171. c. Cur confitemur Deo omnia scienti, 195. b. Magni fructus hujuscemodi confessionum, 172. c. Nihil propius auribus Dei quam cor confitens & vita ex fide, 83. c. Deus interrogavit Adam ut eum ad peccati confessio-

nem cogeret, 674. f.
 Confessionum libri scripti circa ann. eccc. 70.
 Conjugii usum damnant Manichæi, 716. a. 739. c. Conjugali pudicitia meritum sacrarum virginum æquabat Jovinianus, 49. d. *De bono conjugali* liber cont. Jovinian, *ibid.* *De adulterinis conjugis*, 61. c.
 Conjugium spiritale in homine, 672. d.
 Conscientiæ abyssus nuda oculis Dei, 171. b. conscientia erronea obligat, 728. f.
 Consilium in Deo novum existisse ineptissimum est dicere, 349. c.
 Consilia Evangelica, 233. d. e.
 Consulentiis consultisque nescientibus oculo instinctu agit Deus ut dum quisque consulit, hoc audiat quod oportet eum audire occultis meritis animarum, 137. a. Amicorum sæcularium lingua piis velut consulendo contradicit, & sicut cibum assolet amando consumit, 157. c.
 Consuetudinis violentia, 149. e. 720. c. pestilentiola dulcedo, 641. a. Consuetudo quali secunda natura dicitur, 522. c. Est velut catena, 148. f. Fit necessitas dum ei non resistitur, *ibid.* Gradus varii quibus ad eam necessitatem devenitur, *ibid.* Satellitium perdurantis consuetudinis, 130. f. Consuetudinis sarcina degravat, 193. e. Consuetudinis carnis impetus quomodo frangatur, 529. b. Consuetudo humana non excusat quod per Legem Dei æternam non licet, 113. e. Non facile a consuetudine recedendum nisi rationi adversetur, 465. d.
 Contemplari. Omne quod contemplamur, siue cogitatione capimus, aut sensu aut intellectu capimus, 391. c.
 Contendere de verbis turpissimum est, 271. c. 272. b. Qui de verbis imperitia contendit, docendus; qui malitia, deferendus, 287. f.
 Continentia est donum Dei & datur petenti, 129. a. Continentiam Deus jubet & dat, 184. e. Per continentiam colligimur ad unum Deum a quo in multa defluimus, *ibid.* Continentiæ casta dignitas, serena, non dissolute hilaris, 155. d. Continentia non est sterilis sed fecunda de Domino Deo marito, *ibid.* e.
 Contritiones cordis vox magna ad Dei misericordiam, 137. c.
 Convenientia & inconvenientia universale bonum & malum est, 720. d. Summa convenientia est veritas, 773. d. Convenientia omnia pulchra sunt, 767. a. In voluptate corporis tenetur convenientia, 773. d.
 Converti est ab immoderatione vitiorum, virtute ac temperantia in sese adtolli, 324. c.
 Conversio ad Deum, 324. b. Conversionis impedimenta, 519. f. In conversione peccatorum Deus & Angeli magis gaudent, 147. c. In conversione nobilium quare plus lætandum, 148. b.
 Copia omnis quæ Deus non est, egestas est, 228. b.
 Cor figendum in Deo æterno ut stet, 199. f. Cordis puri vitales deliciæ Deus, 235. c. Cor volitans in præteritis & futuris rerum motibus adhuc vanum est, 199. f. Cor clausum non excludit oculum Dei, 107. e. Cordis hominum duritia manum Dei non repellit, sed solvit eam Deus cum vult, aut miserans aut vindicans; & non est qui se abscondat a calore ejus, *ibid.* Infidus homo malo suo cordatus est, 308. f.
CORNELIUS Celsus sensit summum bonum esse sapientiam, summum malum dolorem corporis, 365. e.
 Corpus aliqua forma & specie continetur, 383. a. Ipsi non hoc est esse quod pulchrum esse, 226. b. Factum est a Deo, 755. a. Corporis bonum est anima, 690. b. Quæ etiam peccati sui pœnas luens ipsum ornat, 621. c. Corpus nullum est sine partibus, 388. e. Quodlibet potest in infinitum dividi, 392. f. Habet innumerabiles partes, 594. d. 777. b. Proprie dici unum non potest, *ibid.* e. Tanto est melius quanto numerosius, 517. a. Tria sunt ejus incrementorum genera, 417. b. c. Corporis vires unde majores, 418. f. 419. a. & seq. 420. a.
 Corpus hominis ante peccatum erat in suo genere optimum, 757. b. Ægritudinem non patiebatur, 17. f. Post peccatum cœpit morti subjacere, 668. b. Mortuum ab Apostolo dicitur propter hanc moriendi necessitatem, 40. d. In futura vita pristinæ stabilitati restituetur, 19. e. 756. a. Erit incorruptibile & immortale, 5. e. Spiritui sine molestia subdetur, *ibid.* Erit spiritale, 34. f. 56. a. b. Non indigebit alimentis, 19. f. Melius erit post resurrectionem quam fuit primorum parentum in paradiso, 17. f. Idem erit quod ante, 28. a. Nulla corpora, quantum ad ea pertinet, vel beata possunt esse vel misera, 620. d.
 Corpus omne fugiendam esse Porphyrius docuit, 7. d. Corpus homini gravissimum vinculum est, 702. d. Nihil forte in animam agere posset nisi præcessisset peccatum, 516. c. Latent nunc in eo cogitationes, at non ita in corpore cælesti, 678. b. a.
 O o Cor-

Correctio fraterna quomodo facienda & quomodo recipienda, 791. f. & seq.
 Corruptio non est substantia, sed est in substantia, 718. c. Per corruptionem omnia tendunt ad non esse, 718. f. & seq. sed eo usque pervenire a Deo non sinuntur, 719. d. Nihil corrumpitur nisi bonum, *ib.* c. d. Quis ab alio corrumpi possit & quis non, 626. e. Non omnis corruptio vituperatione digna est, 626. f. Sola quæ vitiosa est, vituperatur, 627. b. Bonitas Dei res quæ corrumpuntur congruentissime ordinat, 719. b.
 Creatio cæli & terræ, 197. & seqq. Ut varie intelligitur quod Scriptura dicit de creatione rerum, 222. & seq. Ut respondendum quærenti quid faciebat Deus ante cæli & terræ creationem, 200. a. Ex nihilo Deus fecit omnia, 197. f. 211. e. f. 759. d. Contra eos qui negant de nihilo fieri posse aliquid, 538. a. Creaturæ sunt vestigia & nutus Dei, 604. c. Per earum gradus ascenditur ad illius cognitionem, 141. e. Clamant, *Ipsfecit nos*, clamor earum est species eatum, 174. a. b. c. d. Omnis creatura a Trinitate creatrice habet esse, speciem, & ordinem, 752. f. & seq. Creaturas omnes bonas esse adversus Manichæos, 140. & seq. Ex corruptione creaturæ & ex ipsa etiam vituperatione vitij ostenditur bonitas naturæ ejus, 625. & seqq. Cur deficiunt & mutabiles sunt creaturæ, 759. b.
 CRESCONIUS grammaticus donatista, 51. c.
 Critica medicis, quæ aliis accessio dicitur, 119. e.
 Crocodilus solus superiorem in mandendo partem movet, 374. f.
 Crucis signum, 75. f.
 Cuxæ nutritoriæ, 222. d.
 Cupiditas est improba voluntas, 630. b. Est amor earum rerum quas potest quisque invitatus amittere, 573. c. Non est vocanda cupiditas rerum quæ propter aliud requiruntur, 364. f. Amor auri, laudis, feminarum, congruentius cupiditas vel libido nominatur, 702. f. Cupiditas triplex, voluptatis, dominationis & cognitionis, 193. e. 773. a. Christus a diabolo tentatus eas vicit, *ibid.* Merguntur homines pondere cupiditatis & terrenis affectibus & emergunt caritatis sublevatione & spiritu sanctitatis, 227. e. Multum interest utrum animi desperatione obruatur cupiditas, an sanitate pellatur, 364. e. A concupiscentiæ dominatu sola gratia Dei per Jesum Christum liberamur, 34. e. *Vide* Concupiscentia & Libido.
 Curiositas a cura nomen sortitur, inimica securitati, 532. a. Sacris litteris prohibetur, 701. d. De curiositatis vitio, 189. b. & seq. Homines curiosum genus ad cognoscendam vitam alienam, desidiosum ad corrigendam suam, 171. d. Scripturarum perscrutatio in curiositatis medelam, 783. e. Curiositate admonemur ad contemplandam veritatem, 781. e. 782. f.
 Cursus publicus, 117. Not. a.
 CYNICI, 294. a. Eos quædam vitæ libertas atque licentia, delectat, *ibid.* Herculeæ Cynicorum auxilia, 282. a.
 CYPRIANI martyris memoria non potuit a mari, 114. b.
 CYPRIUS Rex uxori suæ formosam picturam proponere solitus in concubitu, ne deformes pareretur, 62. f.

D

DÆDALUS, 377. c.
 Dæmones dicuntur exterminatores & Angeli iracundiæ, 774. f. Infima ministeria, *ibid.* Ultimi servi, 775. a. Animalia aeris vilissima, 258. e. A quibus subtilitate sensuum superamur, non ratione, *ibid.* Sentire possunt quæ in memoriam nostram incurrerint, veluti si verum recogitamus, *ibid.* Sic eorum ope verum quem Augustini discipulus quidam animoolvebat, divinavit Albicetius, 257. f. Pascuntur miseria damnatorum, & bonorum liberatione præ malevolentia torquentur, 775. a. Illis similes sunt, qui alienis gaudent miseriis, 774. f. Non uno modo eis sacrificatur a peccatoribus, 79. e. Dæmones tamquam redeundi ad Deum mediatores infeliciter coluerunt nonnulli, 193. f. & seq. *Vide* Diabolus,
 Damnati congruentissime in pœna sunt, 10. f. 719. b. Approbare falsa pro veris, & non posse a libidinosis operibus temperare est pœna hominis damnati, 14. f.
 DANAE, 79. b.
 Debet nemo, nisi ei a quo accepit ut debeat, 627. f. Deus nulli debet aliquid, quia omnia gratuito præstat, 628. f. Sed sit promissionibus suis debitor, 115. c. Omnia Deo debent, primo quidquid sunt, deinde quidquid melius esse possunt si velint, & quidquid oportet ea esse, 629. a. Anima

Deo reddit quod debet, vel faciendo, vel patienti, 628. d. e. Qui non facit quod debet, statim patitur quod debet, 628. e. f.
 Decani monachorum, 710. e. Eorum munus, *ibid.*
 Defectus culpabilis, debet esse voluntarius, 627. f. & seq. Deus non est auctor mali, 717. a. nec defectuonis, 718. a. f.
 Definitionis partes, 404. a. & seq. Quomodo examinanda, *ibid.* Nihil complecti debet quod sit alienum, 256. b.
 Defuncti corporis sui redemptionem expectant, 22. c. Eorum memoria ad altare fieri solita, 170. e. Quod pro se postulat Monnica, *ibid.*
 Pro patre suo Patricio, & matre Monnica defunctis, vult orari ad altare Augustinus, *ibid.* & seq. ac ipsemet orat, 169. d. & seq. Sacrificium pro defunctis, posito juxta sepulcrum cadavere, 168. f.
 Delectatio quasi pondus est animæ, 527. d. Ubi delectatio ejus, ibi est thesaurus, *ibid.*
 DEMOCRITUS, 284. e.

D E U S.

Exsistere Deum probatur 1.2. de lib. arbitr. a cap. 5. ad 15. Deum esse, fide & ratione cognoscitur, 602. f. Quomodo agendum cum atheo, 586. d.
 Deus essentia sua idipsum est summe esse & summe vivere, 72. f. Deus est id quo nullus superior, 591. c. Quo nihil melius, *ibid.* b. Quid Deus sit seu non sit, 173. f. Quid de Deo doceat Ecclesia, 693. c. De Deo corporaliter dicta qui accipienda, 656. a. 693. e. 694. b. 783. d. Variæ de Deo opiniones, 121. f. 747. c. 782. c. 786. a. Aliqui esse corpus igneum, alii candorem lucis finxerunt, 782. c. Sed incorporeus est, 121. e.
 Dei attributa summam describuntur, 71. a. sunt inapplicabilia, *ibid.*
 Dei æternitas est dies unus, 200. e. Superat omnia futura, *ibid.* Præcedit omnia præterita, *ibid.* Nescit tempora, 199. f.
 Deus bonum nullo indigens bono, 225. c. 244. d. Ex plenitudine bonitatis ejus subsistit creatura, 225. d. Bonorum summa Deus nobis est, & summum bonum, 692. d. Apud Deum vivit semper bonum nostrum, & quia inde averti sumus, perversi sumus, 108. c. Ipse puri cordis vitales delicias, 235. c. Optime de Deo sentire verissimum est pietatis exordium, 571. b.
 Dei cognitio causa est omnium, 134. c. Nihil ipsi occultum, 8. a. b. Fit sine variatione notitiæ, 210. b. Solus Deus se novit sicut omnino est, 231. e.
 Deus creator fecit cælum & terram sine distinctione actionis suæ, 210. b. Non nova voluntate creavit mundum, 215. a. Cur voluerit mundum creare, frustra quæritur, 647. c. In creando hominem, bonitatem suam ostendit, 611. d. Conditor est corporis, 755. a. b. Quidquid vera ratione melius occurrerit scias fecisse Deum, 615. b. Descriptio compendiarum operum Dei, 242. b.
 Deus immensus, ubique est, 108. f. 183. f. Ubique totus, & nusquam locorum, 121. e. 183. f. Ipso nihil secretius, nihil præsentius, 437. f. Difficile invenitur ubi est, difficilius ubi non est, *ibid.* In interiori nostro quærendus, 184. a. b. Falsa de immensitate Dei imaginatio Augustini adhuc Manichæi, 131. e. f. 134. e. Dei præsentia in rebus causa est existentia earum, 70. a. Iniqui Dei præsentiam non effugiunt, 108. e. Cum Deo est quidquid Deum intelligit, 330. e. Quis se abscondere a conspectu Dei dicatur, 674. f.
 Deus immutabilis, 72. d. 694. b. 591. d. In eo nullus novus motus, 199. d. Est supra id omne quod est mutabile, 591. d. Scit & vult immutabiliter, 231. e. non est alias aliud, nec alias aliter, sed idipsum & idipsum, 211. d. Incommutabiliter manens format, & innovat omnia, 605. a. b. Apud eum rerum omnium instabilium instantes causæ immutabiles, & mutabilium immutabiles mutant origines, & irrationabilium temporaliumque sempiternæ vivunt rationes, 72. d.
 Deus incomprehensibilis, 70. b. Ineffabilis, 71. a. Vg tacentibus de Deo, quoniam loquaces, muti sunt, *ib.*
 Deus justus, 631. b. De justitia Dei dubitare, demeritis est, *ibid.* Omnia ordinat, 336. b. & seqq. 334. f. & seq. etiam peccata, 75. d. 528. a. 622. e. f. Neminem deserit nisi deferatur, 102. d. 103. a. 109. a. Semper fuit justus etiam antequam malum esset quod puniret, 339. a. Justus est etiam dum punit, 585. a. & Innocens, 86. b. Misericorditer sævit, amaritudine aspergens illicitas jucunditates, 82. e. Infatigabili lege spargit penales cæcitates super illicitas cupiditates, 80. c. Peccator a Deo leni & bono fugiens, in Deum justum & severum incurrit, 108. f.

Concordia justitiæ, & misericordiæ Dei, 757. b.
 Deus misericors, 706. b. Ejus misericordia etiam sanctis necessaria, 169. e. Ejus suavitas, 691. f. Dulcis pater donans munera, dulciior condonans peccata, 80. a. In peccatores misericorditer sævens, 82. e.
 Dei potentia & Dei voluntas, Deus ipse est, 134. c. Deus nullum habet Dominum, 190. f. Sine typho dominatur, *ibid.* Animus fit ei similis, dum ei se subicit, 695. f.
 Dei plenitudo, 225. d. & seqq. 756. & seq. In Deo nihil deest, & nihil redundat, 377. c.
 Dei præscientia conciliatur cum libertate, 612. c. & seqq. Non est auctor omnium quæ præscit Deus, 614. e. Non ei sunt imputanda peccata, 617. d.
 Deus promissionibus suis sit debitor, 115. c. Fallere neminem potest, cum promittit, 209. d.
 Dei providentia omnium est moderatrix, 315. c. 316. a. 569. b. 719. d. 753. a. 765. f. Omnibus bene utitur, 125. c. etiam errore hominum, 76. f. nequitia peccatorum, 164. e. & malitia diaboli, 683. c. d. Sic curat unumquemque nostrum, tanquam solum curet, & sic omnes, tanquam singulos, 95. f.
 Dei pulcritudo antiqua est, & nova, 184. a. b. Ab ea omnis pulcritudo, 188. f. 189. a. & omnis species, 755. b. Ejus imitatione pulcra, ejus comparatione fœda sunt cetera, 351. d.
 Deus semper quietus, sua quies ipse est, 244. d. Semper operatur & semper quiescit, *ibid.* b. Anima nulla quies nisi in Deo, 69. b. 102. e. f. Quærenti quid faciebat Deus ante cælum & terram, quid responsi reddatur, 200. a.
 Deus habet omnium rerum scientiam, 8. b. Ea est causa existentia creaturarum, 134. e. Scientia nostra scientia Dei comparata, ignorantia est, 197. d. *Vide supra*, Dei cognitio & præscientia. *Vide etiam in lit. C. Cognitio Dei.*
 Deus est æterna Veritas, quæ grandium est cibus, 139. d. c. Veritas super omnia præsidens, 193. e. Facies Dei nihil est aliud, quam ipsa cui suspiramus, veritas, 324. c.
 Deum videntis felicitas, 351. c. Deus diligentibus se ostendit se, eisque sufficit, adeo ut ab eo non declinent, 215. c. cum mendacio Deus non possidet, 193. e.
 Deus summa vita est. Ipsi esse & vivere non aliud atque aliud est, 72. f. Est fons vitæ, 754. f. Vita animarum & vita vitarum, 92. a. In eo habitare vivere est, 356. b.
 Dei voluntas, & Dei potentia Deus ipse est, 134. c. Non est creatura 199. d. Semel simul & semper vult omnia quæ vult, 214. f. Non nova voluntate Deus creavit mundum, 215. a. Optimus minister Dei est, qui non magis intuetur hoc a Deo audire quod ipse voluerit, sed potius hoc velle quod a Deo audierit, 184. a.
 Deus Manichæorum quis, 782. c. Unum bonum & alterum malum admittebant, 693. d. Philosophi diversa de deorum natura sentiebant, 747. a.
 Diabolus dicitur, antiquus peccator, præpositus mortis, princeps hujus mundi, id est omnium peccatorum, 144. b. c. 622. e. Ex bono Angelo Diabolus factus est, 641. b. Eo qui summe est, fruebatur, 756. d. De sublimi veritate gaudebat, 675. e. Magis seipsum quam Deum diligendo, subditus ei esse noluit, intumuit per superbiam & a summa essentia deficit, 756. c. d. Ex defectu inopia, & ex inopia invidentia, qua Diabolus diabolus est, *ibid.* In quantum Angelus non est malus, sed in quantum perversus propria voluntate, *ibid.* c. Ipsum perpetua peccandi voluntas tenet, 616. c. Dominium ejus in hominem unde, 622. e. & seq. Christi morte evertitur, 623. c. Pœna ejus est ut in potestate habeat peccatores, 675. e. Non liberatur cum homine, quia plus peccavit, 622. e. 623. e. *Vide*, Dæmones.
 Dialectica disciplina est disciplinarum, 346. b. Ejus inventio, *ibid.* Multa in ea percipiuntur, 287. c. & seqq. Sola scientes facere & vult, & potest, 346. b. Eam sapiens callet, 287. c.
 Didonis mortem se flevisse deslet Aug., 77. c.
 Dies nunc dicitur mora solis super terram, nunc mora totius circuitus ejus ab oriente ad orientem, 205. a. Ponitur in scriptura sacra pro tempore indeterminato, 665. f. & seq. Dies septem mystice sunt septem ætates mundi, 639. e. & seq. Dierum septem allegoria de hominis Christiani profectu in operibus bonis, 662. d. & seq. Dierum & noctium distinctio, 653. c. Dies brumalis toridem habet horas, quot æstivus, licet breviores, 777. c.
 Difficultas, ad quid in primo homine post peccatum, ad quid in alijs, 633. Ignorantia & difficultas, si naturalis est, inde incipit anima in sapientia quietisque beatitudinem surgere, 636. d. Hoc

d. Hoc si neglexerint, in aliam difficultatem, quæ pænalis est, præcipitur, *ibid.* Difficultas in posteris Adæ iuste dimanavit, 6. i. f. 632. c. In ea quid ad culpam deputatur, 631. f. 636. e. Si esset primordia hominis, ob eam præcise non esset damnandus, 636. e. Sive naturalis sit, sive non, Deus tamen inde laudandus, 637. a. Studiosis ad coronam valet, negligentibus ad supplicium, 634. b. Piis est admonitio proficiendi & perfectionis exordium, 633. a. Ad eam vincendam implorandum Dei adiutorium, 631. f. & *seqq.* 637. b. per quod facile fit opus pietatis, etiam quod difficile, aut impossibile fuit, 34. a. Cum superatur, his vincitur demon, quibus hominem vicerat, 633. f. Dignationem sumere, 120. a. Dilectio, *Vide Amor & Caritas.* Discere, quid, 177. a. & *seq.* Utiliora magis, quam mirabilia sunt discenda, 417. d. Ad discendum ducimur auctoritate atque ratione, 294. f. 341. a. Rationem præcedere debet auctoritas, 341. b. 683. c. Ad discendas linguas maiorem vim habet libera curiositas, quam meticulousa necessitas, 78. c. Quæ in rebus vanis sæpe discunt pueri, in rebus non vanis tutius disci possunt, 78. c. 79. e. Disciplina bonum est, non malum, 569. c. a discendo dicta est, *ibid.* Disciplina est quarumque rerum scientia, 387. d. Duas habet partes, unam vitæ, alteram eruditionis, 740. d. Disciplinarum omnium excogitatrix est ratio, 345. b. & *seqq.* Liberalium disciplinarum utilitas, 324. d. Efferunt intellectum ad divina, 48. b. Displicet Augustino quod multum iis tribuerit, 6. a. Discordiæ quomodo sedandæ, 164. f. & *seq.* maxime virum inter & uxorem, *ibid.* Discretio. Magni & spiritales viri cautissime provident ne quid populariter agant, quod nondum esse temporis ut cum populo agatur, intelligunt, 765. f. Parvulis nonnulla obtegunt, sed nulla mutuantur, *ibid.* Disputationum ambagibus non purgatur bonorum vita, sed facillime mysteriorum sacrorum quibus iniciamur auctoritate, 341. f. Non parvus in philosophia profectus, cum in comparatione recti verique inveniendi contemnitur a disputante victoria, 253. c. Diversorium sanctorum; id est, Monasterium, 711. f. Divinatio a rebus divinis nominata est, 259. d. Divinationes Albicerii miræ, 257. c. & *seqq.* Sed contemnendæ, *ibid.* Divinationes Mathematicorum fallaces, 135. d. & *seqq.* Divinationes Demonum, 341. e. Divisionem recipiunt infinitam tam localia quam temporalia spatia, 522. f. Divitiæ dicuntur copiosa inopia, 76. f. Omnis copia quæ Deus non est, egestas est, 228. b. Divitiarum illecebræ, 250. b. 365. b. Quomodo iis utendum, 780. e. Mirabilius est iis non inherere cum possidentur, quam omnino eas non possidere, 703. b. Felicem non faciunt, 250. b. Doctor non est qui malus est, 570. c. Docet intus Christus, admonet homo foris, 563. d. 564. & *seqq.* Dolor corporis quid, 755. e. Dolor animi, *ibid.* Inde perniciosus corporis dolor, quia id quod unum erat, dissilire nititur, 350. d. Dolor, quem bestiae sentiunt, indicat quod sint appetentes unitatis, 638. e. f. Tempore lenitur animi dolor, 101. f. Animis nonnisi dolores extra Deum, 102. d. Domini quid servis debeant, & servi dominis, 709. b. Dominandi libido miseros facit, 577. a. Donati duo ejusdem schismatis, primus a quo incepit episcopus Cafensis-Nigrens in Numidia, alter post Majorinum secundus partis Donati, Carthagenensis episcopus, 32. a. d. e. & *Not.* a. Donatus Carthagenensis non instituit ut Christiani rebaptizarentur, *ibid.* e. Donatistæ defendere se conantur auctoritate Cypriani, 48. c. Honorii leges in Donatistas, 51. d. 61. f. Collatio habita cum Donatistis, 55. e. f. 58. e. Dubitatio significat animum minime temerarium, quæ custodia tranquillitatis est maxima, 558. a. Veritate dubitat, non de veritate, qui certo scit se dubitare, 774. a. Historiæ fides perit, si quod auctoritate & tempore firmatum est, in dubium revocetur, 708. a. Dulcius in Africa legum Imperialium exsecutor adversus Donatistas, 61. f. Scribit ad Gaudentium Donatistarum Episcopum Tamugadensem, *ibid.* Rescripta Gaudentii Augustino mittit resellenda, 62. a.

E

ECCLESIA figurata est per mundi creationem, 229. c. Et per Evam, 680. b. Formata de late-
Tom. I.

re Christi, *ibid.* e. Paradisus dicitur, 873. d. Doctrina ejus & fides, 703. f. 709. a. 752. f. In hac sola perfecta veritas, 699. f. Catholica etiam ab inimicis nominatur, 752. e. Parvuli in nido Ecclesiæ plumescent, & alias caritatis alimento sanæ fidei nutriunt, 108. c. Improbatio hæreticorum facit eminere quid sentiat Ecclesia, 143. b. Non est hic sine macula & ruga, 10. d. 31. d. 48. d. Non vituperanda ex malorum Christianorum moribus, 713. e. qui ut palea tolerantur, 714. a. 751. f. Tamen sustinetur peccatum aut error cujuslibet, donec aut accusatorem inveniat, aut pravam opinionem pertinaciter defendat, 751. f. Omnibus errantibus utitur ad provectus suos, *ibid.* e. f. Boni ab Ecclesia per seditiosos expulsi ut se gerere debent, 752. a. b. c. Edaces quidam eo magis quo pluribus curis sunt referti, 266. a. Eden, id est, deliciæ, vel voluptas, vel epulum, 669. f. Egeatne omnis qui miser est, 307. b. e. f. 308. d. e. f. etc. Egestas & plenitudo mentis, 310. f. & c. Egestas summa est egere sapientia; & qui sapientia non eget, nulla te omnino egere potest, 309. c. Electio gratiæ non est gratia, si eam merita ulla præcedant, 35. b. Sic Deus gratia Electos suos ad ultos prædestinat, ut etiam eorum præparet voluntates, 12. c. Vocario secundum propositum Dei non omnium est qui vocantur, sed tantum Electorum, 35. e. Electi apud Manichæos qui, *Vide Manichæi.* Elleborum modo cibus, modo medicamentum, modo venenum, 720. d. EMERITUS Donatistarum episcopus Cafariensis in Mauritania, unus e septem selectis ad disputandum in Carthagenensi collatione cum Catholicis, 58. f. In altera collatione apud Cæsaream obmutescit disputante Augustino, *ibid.* EPICURUS Democriti heres, 284. e. Felicitatem in voluptate collocabat, 281. c. Post mortem restare animæ vitam & tractus meritorum credere noluit, 131. b. Error defuitur facilius quam finitur, 254. f. Est falsi pro vero approbatio, 255. a. Approbare falsa pro veris ut erret invitatus, non est natura instituti hominis, sed pænæ damnati, 41. f. Erroris hoc proprium est, ut quod cuique displicet, hoc etiam Deo displicere arbitretur, 675. a. Eruditi nomine quis dignus, 348. b. ESAU Ægyptio cibo perdidit primogenita, 137. a. 80. f. Esse nihil est quam unum esse, 719. a. Id vere est quod incommutabiliter manet, 139. f. Esse vivere, intelligere, 587. c. Ex intelligentia colligitur esse & vivere, *ibid.* d. Magnum bonum est ipsum esse, quod & beati & miseri volunt, 618. c. d. Quanto amplius esse amatur, tanto amplius vita æterna desideratur, 618. e. Non esse a nemine eligitur, 619. a. Ne quidem ab ipsis qui sibi mortem consciscunt, *ibid.* Nemo vere dicit se male non esse quam miserum esse, 617. e. f. Nihil per divinam providentiam ad id ut non sit pervenire permittitur, 719. d. Omnia vera sunt in quantum sunt, 141. b. Omnia quæ sunt, jure laudanda sunt, quia bona sunt, 618. e. Esse aliquid in aliquo duobus modis dicitur, 378. b. Essentia & substantia, id est quod a prisca natura vocatur, 716. f. EVA quid significet, 673. e. 680. b. Cur *vita* dicta, 677. e. Evæ reliquiarium, 114. d. Evangelium legunt & laudant Manichæi, 650. f. Evangelici ministri debent esse forma fidelibus vivendo, 235. d. Eucharistia dicitur Communicatio Domini corporis, 120. c. ad Memorias Martyrum celebrata, *ibid.* Victimam sanctam, quæ ex altari dispensatur, 170. c. Pretii nostri sacramentum, *ibid.* Pretium nostrum, quod *manduco*, & *bibo*, et *erogo*, ait Augustinus, 196. a. EVODIUS patria Thagastensis, 163. c. Agens in rebus militans convertitur ad Deum, & ante Augustinum baptizatur, *ibid.* Augustino se socium in sancto proposito adjungit, & cum ipso redit in Africam, *ibid.* c. d. Psalmum cantat in obitu Monnicæ, 68. c. In libris de *quantitate animæ* & de *libero arbitrio* collocutoris personam sustinet, 399. 559. Evectio publica, 117. c. Everfotes. 90. a. b. Qui scilicet risus sibi ac ludicia spectacula exhiberi volunt eversionibus & erroribus aliorum, 774. f. Eversiones, 117. c. 774. f. Exclui ab Ecclesia quomodo eidem profint, 751. f. Excommunicati injuste ut se se gerere debeant, 752. a. b. c. Exorcismus quid, 305. d. Ejus ritus, *ibid.*

Extima, Progredi in extima nihil est aliud quam intima projicere id est longe a se facere Deum, 532. c.

F

FABULA est compositum ad utilitatem delectationemve mendacium, 376. f. Facies Dei cui suspiramus, ipsa est veritas, 324. c. Facientes numeri factis anteposendi, 516. a. Nulla res se ipsa gignit aut facit, 393. c. Fallax est qui habet fallendi appetitum, 375. d. e. Differre mendace, *ibid.* & 769. f. Homo falsus docendus, fallax cavendus, 267. a. Fallere volunt multi: at nemo vult falli, 182. f. Falsitas non est quidquam, sed dicitur cum res putatur esse quod non est, 141. b. Non est in rebus, sed in sensu animi, 370. e. Non ex ipsis rebus aut ex sensibus oritur, sed ex peccati, 771. f. 769. f. 770. a. Fallit ipse animus, non oculi, 769. f. 770. a. Falsum nihil aliud est quam quod non ita est ut videtur, 372. f. De falsi notione, 381. a. Non ideo verum aliquid quia diserte, neque ideo falsum quia inkomposite dicitur, 111. f. Quædam eo vera quo falsa, 376. b. Famæ auctoritate nihil vilius, 269. f. Fames & sitis dolores sunt, 185. e. FAUSTUS Manichæorum episcopus, 109. b. 111. e. 112. c. Multis laqueus mortis, Augustino salutis occasio est, 113. a. Fecunditas ante peccatum, & peccato non adempta, 632. d. FELIX Aptungensis ordinator Cæciliani, 51. f. 54. c. FELIX Manichæus, 45. b. Femine ad virum subjectio, 242. e. 671. d. Femine olim philosophata, 328. c. Nihil magis ex arce deiecit animum virilem, quam blandimenta femineæ, 363. e. Fides est donum Dei, 35. c. Quousque necessaria, 362. b. Gradus est ad intelligentiam, 571. a. 586. f. 753. a. Inveniendū Deo quicquam non sit idoneus, nisi prius crediderit quod est postea cogniturus, 587. a. Ut nos per fidem passionis Christi præteritæ, ita antiqui sancti per fidem ejusdem passionis futuræ salvi facti sunt, 194. d. Parvulo prodest eorum fides, a quibus consecrandus offertur, 637. f. Fidei medicamenta manibus Dei confecta, 122. d. Fidei professio concepta certis verbis, tenenda memoriter Competentibus tradi solita, 27. f. & in conspectu Ecclesiæ reddi, 146. f. Fides historica & temporalis, fides spiritalis & æterna, 783. b. Figura dicitur cum aliquot spatium linea lineisve concluditur, 406. e. De figuris Mathematicis fuisse, 407. b. & *seqq.* Filiorum nomen varie in Scripturis acceptum, 33. e. Inter filios diei & filios noctis dividit solus Deus, 230. c. FILIUS DEI dicitur Verbum, Principium, Sapientia, Veritas, Virtus Dei, 199. a. Lumen verum, 138. c. Similitudo & imago Patris, Forma omnium summe implens unum de quo est, 777. e. f. Unigenitus est tantummodo imago Dei, non ad imaginem, 39. e. *Vide*, Christus & Verbum. Finis quo refertur quodque opus, efficit ipsum aut laudabile aut vituperabile, 725. e. FIRMINUS vir liberaliter institutus, 135. f. quendam narrat Mathematicorum divinationem, 136. a. & *seq.* FLACCIANUS vir doctissimus & clarissimus, 257. e. Albicerium Divinum interrogat, *ibid.* Divinationis illius artem deridet, 258. f. Flagitia, quæ contra naturam sunt, ubique ac semper detestanda; quæ contra mores hominum, promorum diversitate vitanda, 93. e. f. Fleus cur dulcis miseris, 100. d. FONTEUS Carthagenensis de mente mundanda ad videndum Deum scripsit adhuc paganus, 37. f. Forma aliqua est æterna & incommutabilis per quam cuncta formantur, 604. f. Nulla res formare seipsam potest, *ibid.* Omnia quæ sunt, formam subtrahita, nulla erunt, 605. b. Fornicatio non ea sola quæ in stupris committitur intelligenda venit in verbis dominicis, propter quam liceat uxorem dimittere, 30. d. Ad quod genus fornicationis limitanda sit isthæc licentia, quæstio est latebrosissima, *ibid.* f. Fortitudo est animi affectio qua omnia incommoda & damna rerum non in nostra potestate constitutarum contemnimus, 580. c. Item est amor facile tolerans omnia propter id quod amatur, 697. b. Fortitudinis exempla, 703. a. Fortitudo & Temperantia ad inferiorem animi partem pertinent, 672. d. For-

Fortunæ nomine apud Augustinum intelligendus
fortuitus rerum eventus, non Dea, 3. c. Hujus
tamen vocis usum improbat, *ibid.*
Fortuna cæca pingeatur, 611. f
FORTUNATIANUS Siccensis episcopus, 56. b
FORTUNATUS Manichæus presbyter, 27. a
Frugalitas a quibusdam dicta virtutum omnium ma-
ter, 310. f. a Tullio virtutum maxima, 311. a
Frui est præsto habere quod diligis, 689. c
Furtum est contra naturæ legem, 84. d. Nullus fur
furem æquo animo patitur, *ibid.*

G

GALLORUM gallinaceorum pugna, 325. a
Ganges fluvius, qui olim Phison, 670. d
GAUDENTIUS Thamugadensis Donatistarum E-
piscopus, 61. f. Libri duo adversus eum scripti,
ibid.
Gaudere ad Deum, de Deo, propter Deum, ipsa est
beata vita & non est altera, 182. d. Nihil aliud
est beate vivere, quam veris bonis certisque gau-
dere, 581. f
Gaudium majus molestia majori præceditur, 147. f.
Gaudia in externis non collocemus, habentes in
intimo Deum, 533. b. c. Est gaudium quod non
datur impiis, sed eis qui Deum gratis colunt,
quorum gaudium Deus ipse est, 182. d. Beata vita
est gaudium de veritate, 182. f
Geminorum constellatio discussa, 136. f
Geneseos initium explicatur. *in tribus postremis*
libris Confessionum, 225. & *seqq.* Libri duo de Ge-
nesi contra Manichæos, 15. d. Liber de Genesi ad
litteram imperfectus, 28. c. Libri duodecim de
Genesi ad litteram, 50. c
Geometria inventio, 347. d. e
Geon fluvius nunc Tigris, 670. d
GERVASII & PROTASII martyrum corpora de-
reguntur, 163. a
Gestus signa quædam sunt, 551. f. Et tamquam ver-
ba naturalia omnium gentium, 74. c
Gethulia perpetua siccitate laborat, 336. c
Gloria est optima & late patens fama, 666. f. Gloria
ignominiosa honores sæculares, 76. f. Sæpe homo
de ipso vanæ gloriæ contemptu vanius gloriatur,
192. f. Cum bene agimus, Deum per non agere
intelligamus, neque quidquam nobis proprium
vindicare inanis gloriæ cupiditate decepti, quo
uno malo a summo in ima demergimur, 438. d
Grammatica græce, latine Litteratura dicitur, 345. f.
457. f. Hæc historiæ custodiam proficitur, *ibid.*
Grammatica est vocis articulatae custos, & mode-
ratrix disciplina. 376. f. An Grammatices sit do-
cere sonos & accentus, 443. b. Grammaticæ leges
studiose observantur, negliguntur præcepta Dei, 80.
b. Liber de Grammatica scriptus dialogi forma ab
Augustino cum esset Mediolani baptismum percer-
pturus, 8. e. f. Qui liber illi excidit, *ibid.*
Grammaticum scholarum liminibus appensa vela,
77. e
Grammatici magistri penulati, 78. f. Grammatici
judices Poetarum, 347. b
Gratia est quæ gratis datur, 13. e. Gratia generaliter,
& specialiter dicta, 37. c. Gratia divinæ beneficia,
631. f. Gratia deputandum quidquid mali non fe-
cimus, 86. f. A concupiscentiæ dominatu non li-
berat nisi gratia Dei, 34. c. Dei gratia liberatur li-
berum arbitrium ut ad recte faciendum sit liberum,
38. c. Nisi Dei gratia liberetur voluntas a servitute
peccati, recte pieque vivi a mortalibus non potest.
13. e. Gratia qua voluntas liberatur, prævenit vo-
luntatem, 13. e. Gratia potens est omnis infirmus,
& per ipsam fit conscius infirmitatis sue, 172. a. Ho-
mo sub lege, homo sub gratia constitutus, 34. e
Gratia qua justificatur impius & qua Christiani su-
mus a Pelagio impugnata, 56. c. Gratiā secundum
merita nostra dari Pelagiani asserunt, 12. d. Sic
defendebant liberum voluntatis arbitrium, ut gra-
tiæ Dei non relinquerent locum, 12. d. Pelagiano-
rum sententiam non tenuit Augustinus in primis
opusculis suis de libero arbitrio, 13. d. Liber de
gratia novi Testamenti scriptus ab Augustino pro-
pter hæresim novam inimicam gratiæ Dei, 54. f. Li-
ber de natura & gratia, 56. c. Libri duo de gratia
Christi & de peccato originali, 58. e. Liber de gra-
tia & libero arbitrio ad monachos Adrumetinos
scriptus, 64. a. Liber ad eosdem missus de corre-
ptione & gratia, *ibid.* b
Gulæ tentatio, 185. e. f. 186.

H

HÆRESES esse permittit Deus, ut Scriptura-
rum studio incumbamus, 645. c. Ut emineat

quid Ecclesia Dei sentiat, & quid habeat sana do-
ctrina, 143. b. Profunt Ecclesiæ & quomodo,
143. b. 645. d. 753. c. d.
Hæretici non essent si non esset superbia, 764. a
Profunt Ecclesiæ non verum docendo quod ne-
sciunt, sed ad verum aperiendum excitando, 753. c.
Iis ad probationem suæ doctrinæ utitur, 751. e. Ra-
tionis & scientiæ fallaci pollicitatione decipiunt,
540. a.
Hæretici paria sacramenta celebrantes, sententia dif-
pares sunt, 751. c. Unde a catholica communione
exclusi, *ibid.* Serpenti comparantur, 681. b. &
paleæ, *ibid.* f. Qui impugnant hæreticos, adjuvan-
tur a Deo, 645. d. Qua via eos refellere voluerit
Augustinus suis de musica libris, 540. a. & *seq.* In
eos ejusdem Aug. lenitas & clementia, 687. d. Hæ-
retici & schismatici differunt, 751. c. Aliquando
boni sub hæresis aut schismatis nomine ab Ecclesia
expelluntur, 752. a. Hæreticorum vanitatem do-
ctus Christianus vel dolet, vel ridet, 647. f
Hariolus sapiens dici non debet, 258. d
Haruspice[m] contemnit Augustinus, qui victoriam
suis sacramentis in theatrici carminis certamine
promittebat, 97. e. & *seq.* Haruspices sacrificia dæ-
moni offerebant, *ibid.*
HEBRÆI unde sic appellati, 47. e
HELPIDIUS apud Carthaginem contra Manichæos
disputat, 117. a
Herbæ spinosæ & venenosæ ad quid productæ, 652. f
Herculeæ auxilia Cynicorum, 282. a
HIERIUS Romanæ urbis orator, 104. d. Huic nun-
cupati ab Aug. libri de pulcro & apto, *ibid.*
HIERONYMUS Presbyter, 57. d. Huic duo libri
ab Aug. diriguntur, *ibid.*
HILARUS Tribunitius Catholicus, 45. f. Psalmos
ad altare cantari improbat, contra quem liber ab
Augustino editur, *ibid.*
Historiæ occasio, 345. f. Ejus fides perit, si quod ho-
minum & temporum consensione firmatum est,
in dubium revocetur, 708. a
Histiones nullo modo possunt esse musicæ periti,
449. e. & *seqq.*
HOMERUS poeta dulcissime vanus: hujus lectio
Augustino puero amara, 78. a. Multa finxit, ho-
minibus flagitiosis divina tribuendo, ne flagitia,
flagitia putarentur, ac quisquis ea fecisset, non
homines perditos, sed cælestes deos videretur
imitatus, *ibid.*
Homicidium an, & quando licitum, sive per leges
divinas sive per humanas, 572. c. & *seqq.*
Homo est animal rationale mortale, 343. b. 424. c.
& *seq.* Cur duplex differentia ponitur in ejus defi-
nitione, 343. b. 424. c. Ex anima & corpore com-
positus est, 300. d. Corporis ejus statura erecta, ut
discat animum in æterna dirigere, 656. f. 689. f. An
anima sola possit dici homo, 690. a
Hominis creatio, 655. f. allegorice exponitur, 236.
b. & *seqq.* Ad Dei imaginem est factus, 39. d. 236.
c. 656. d. Veritatem non posset incommutabilem
mente conspiciere, si ad eam non esset factus, 777.
f. Terra & cælum dicitur, 4. e. Dominatur bestiis,
656. e. & *seqq.* Non propter corpus, sed propter
mentem, 65. b. Dominium istud amisit post pec-
catum, 656. f. & *seqq.* Hominis illud est opti-
mum, quod animæ optimum est, 690. e. & *seq.*
Homo qui interior dicitur interiore luce veritatis
fruitur & illustratur, 561. c. Homo spiritalis non
judicat de sacra Scriptura, etiam si aliquid ibi non
lucet, 237. a. De his judicare dicitur, in quibus
habet potestatem corrigendi, 237. e. Sex sunt
ætates interioris hominis, 764. f. Hujus finis est
vita æterna, 765. a
Homo exterior quis, 764. e. & *seqq.* Corruptitur
aut profectu interioris, aut defectu suo, 775. d.
Exterioris seu veteris hominis sex sunt ætates,
764. b. Hujus finis mors est, 765. a
Hominis interioris & exterioris comparatio, 764. e.
& *seq.* Utriusque decursus in universo hominum
genere, 765. b. Vetus sine novo potest agi, non
novus sine vetere, *ibid.*
Homo unde, & quo cecidit, 760. b. Quo jure
potestati diaboli traditus, quove ab ea per Chri-
stum liberatus, 622. e. f. 623. a. Sine Deo, ni-
hil sibi est, nisi dux in præceptis, 97. c. Labitur
amando corpus, deferendo Deum, 755. e. Ex
se non potest resurgere, 14. b. Ejus clementia re-
formandus est, cujus bonitate formatus est, 428.
c. In ejus est voluntate quid velit, non tamen
quid possit, 42. e. An possit mutare voluntatem
in melius, 33. f
Homo totum non amisit per peccatum quod habe-
bat imaginis Dei, 40. f. Sed tantum imaginis
Dei perfectionem, 656. f. Grande profundum

homo, cujus capilli magis numerabiles sunt quam
affectus, 105. a. Est aliquid hominis, quod nec
ipse scit spiritus hominis, qui in ipso est, 173. b
Hominis saluti consultatur auctoritate, ratione,
historia, & prophetia, 763. a. & *seqq.* Illi subve-
nit Deus per seipsum, per Angelos, & per ho-
mines, 754. d. & *seqq.* Reparatur cum gratia
Dei, vincendo cupiditates, amando Deum, 755.
f. Debet reformari, vivendo secundum volunta-
tem Dei, 236. b. & *seq.*
Homo gerit in se symbolum Trinitatis scilicet esse,
nosse, velle, 228. f. & *seq.* Unde amantur homi-
nes, 104. f. Cur de ipsis bene sentiendum, 342. f
Homo dominicus an possit Christus dici, 31. b
Honorarium est id quod honoris causa datur, 333. f.
HONORATUS, 36. e
HONORIUS Imperator leges contra Donatistas, &
Pelagianos dedit, 51. d
Hora fugitivis particulis agitur, 202. a. Non est
præsens tota, *ibid.*
HORATII effatum, *Sapere aude.* 421. b
Hordeum. Ex eo confectus potus, cito inebriat,
732. f
Horrensus Ciceronis excitavit Augustinum ad ardo-
rem philosophiæ, 90. d
Humiles corde domus Dei excelsi, 210. b
Humilitas necessaria ut ascendamus ad Deum, 104.
b. Humilitatis signum in statura pueritiæ a Chri-
sto collocatum, 81. a. In monasterio potissimum
sectanda, 789. c. & *seq.* Æterna veritas subditos
erigit ad seipsam, 14. c. *Vide* Superbia.
Hymetium mel, 304. a
Hymnorum cantus ad altare instituitur Carthagine,
45. f. Impugnatur ab Hilario laico, *ibid.* propu-
gnaturque ab Aug. *ibid.*
Hypocrisis origo quæ, 674. c
HYPOCRATES, 99. a

I

JACOB & Esau constellationes, 136. f. Jacob filius
Joseph benedicens, 188. d
Jactantia pestis ultima & ceteris nocentior, 327. d
Jambi pedes qui, 457. d
JANUARIUS, 48. f. Ad ipsius inquisitiones libri
duo, *ibid.*
Idololatriæ species variæ, 772. a
Jejunia diurna, necnon triduana absque cibo & po-
tu, 712. a. Feminis etiam usitata, *ibid.*
Ignis purgationis post hanc vitam, 677. e
Illusiones nocturnæ, involuntariæ licet, nihilomi-
nus penitendæ, 185. b. Perfecta illarum cessatio
munus Dei, *ibid.* c. d
Imago Dei, pretiosissimum est in homine ipsius de-
positum, 428. c. In Adamo mansit post pecca-
tum, sed deformis, 50. f. Sine Dei gratia refor-
mari non potest, 248. c. Aliud est imago Dei,
aliud ad imaginem Dei; utrumque de homine
dicitur, de Christo non nisi primum, 39. d. e
Imitatio perversa Dei in peccatis, 86. d
Immensitas Dei, *Vide* Deus.
Immortalitas animæ probatur, quia subjectum est di-
sciplinæ quæ semper est, 379. c. 387. a. Item ex
ratione numerorum, quæ est immutabilis, quæque
animo non sine vita inhæret, 389. e. Et quia ratio
quæ immutabilis est, ab animo separari nequit,
391. d. Et quia vita carere animus non potest, 394.
c. Et quia non habet contrarium, 395. e. Et quia
veritati a qua est animus quod est, quatenus ipsa
est, nihil contrarium, *ibid.* f. & *seq.* Postremo
quia non potest in aliud mutari, 396. c. & *seq.*
Impius pio vivit & peccator iusto, 765. d
Inane. Quid, 131. f. 382. d. Qui differat a nihilo,
131. f. & 648. d
Incarnatio Verbi, quæ infantia nostre lactescit Sapien-
tia Dei, 142. b. Totum hominem suscepit, 142. f.
757. c. Sine peccato, sed non sine peccatoris condi-
tione suscepit, 516. d. Apollinariistarum error non
esse in Christo animam aut mentem hominis,
143. a
Incarnatione Verbi demonstratur dignitas humanæ
naturæ, 757. e. maxime quia illius plagam adsume-
re dignatus est, 516. d. Ne quis forte sexus a suo
Creatore se contemptum putaret, virum suscepit, na-
tus ex femina, 757. f. Nullo modo beneficentius
consultum est homini, quam Filii Dei incarnatione,
757. d. Ut caveremus superbiam, qua dignissime in
miserias cecidimus, 516. e. Verbum carnem factum
esse *susceptione inferioris personæ*, uti habent anti-
qui codices, qua ratione intelligendum, 680. c. *Not.*
b. Non sapientiæ tantummodo perfectione partici-
patione, sed ipsa persona veritatis ceteris homini-
bus antecellit Christus, 142. f. *Vide* Christus,
In-

Incolunitatis tuæ cura homini innata, vestigium est secretissimæ unitatis ex qua est, 81.b.
 Ignorantia mater admirationis, 235.d. Etiam per ignorantiam facta quædam improbantur & corrigenda judicantur, 630.f. peccata sunt, 631.a. Peccata dicuntur quia de peccato liberæ voluntatis originem ducunt, 632.a. Sunt pœna justissima peccati, 631.b.
 Indoctum esse minus malum est quam esse indocilem, 281.f.
 Infames intestabilesque jure habentur, qui muliebri habitu se ostentant, 381.f.
 Infantium consecrationes, 440.a.
 Infantia peccatis obnoxia, 73.b.74.a.
 Inferi sub terris sunt, 50.f. Inferi inferiores, id est pœnæ quas damnati luunt graviores post hanc vitam, 784.b. Ibi nulla est commemoratio veritatis, nulla ratiocinatio, *ibid.* Homo diligens inferiora, apud inferos ordinatur, 735.e.
 Infinite secari potest linea transversim, 360.b.
 Infinitæ partes in corpore, 120.d.
 Infirmi in monasteriis quomodo tractandi, 790.e.
 Infirmitas humana sine peccato esse non potest in hoc sæculo, 10.d.
 Inimici diligendi, *Vide* Amor inimicorum. Nihil justo nocet, qui bene vii etiam inimico potest, 781.a.b.
 Inimicitia vitandæ cautissime, ferendæ æquissime, finiendæ ciuissime, 340.f. Inimicitias hominum nec excitare nec augere parum est homini humano, nisi eas etiam extinguere studuerit, 165.e.
 Horrendum malum inimicis iratis inimicorum iuratorum dicta prodere, 165.e.
 Iniqui apti sunt inferioribus creaturæ partibus, quo dissimiliores Deo; apti autem superioribus fiunt, quo ei similiores, 141.d.
 Iniquitas non est substantia, sed perversitas voluntatis detorta a summa substantia in infimam, 141.d.
 Iniquitatis capita pullulant principandi & spectandi & sentiendi libidine, 94.b.
 Innocentes cur hic affligantur, 638.b.c.
 Innocentes martyres, 638.c.
 Innocentius Romanus Pontifex Pelagianam hæresim damnavit, 58.c.
 Inordinatus animus, 77.a. Jussit Deus, & sic est, ut pœna sua sibi sit omnis inordinatus animus, *ibid.*
 Intellectu continetur quod novimus, & eo solo potest comprehendere, 331.c. In intellectu sunt universa, seu potius ipse universa, 341.c. Intelligendi celeritas & dispiciendi acumen est donum Dei, 107.c.
 Intelligere excellentius quam esse aut vivere, 587.d.
 Tanto sincerius aliquis intelligit, quanto intentionem mentis a corporis sensibus removet, 394.f.
 Intelligentia præstantissimum in homine, 570.b.
 Inveniendi facultas deesse non potest animis pie Deum querentibus, 413.a.
 Invidentia immane vitium, 778.f. Hæc diabolus est, 756.c.
 Invitus nemo bene facit, etiamsi bonum est quod facit, 76.c.
 JOBI fortitudo, 703.a.
 JOANNIS Baptiste mirabilis abstinencia, 186.f.
 JOSEPH sponsus Virginis duos patres quomodo potuit habere, 44.e.46.b.
 JOSUE voto sol stabat, sed tempus ibat, 205.d.
 JOVINIANI hæresis Romæ invaleuit, 49.e. Reprimatur ab Ecclesia Romana, *ibid.* f. Huic occurrit Augustinus edito libro *de bono conjugali*, *ibid.*
 Irasci fratri sine causa quid, 30.a. Non irascitur fratri, qui peccato fratri irascitur, *ibid.* a.
 ISAJAM legere jussus Augustinus quo sese ad baptismum præpararet, 162.a.
 ITALI serenas hyemes orant, 336.c. In sonis verborum Augustinum exagitant, & ab eo vicissim reprehenduntur, 348.f.
 JUDÆI sacrificare apud gentes non poterant, 16.c. Neque Pascha ubilibet mactare, *ibid.* Not.c. Carnaliter sabbatum observabant, 658.f. Judæi non recipiunt librum Sapientiæ in auctoritatem canonicam, 49.b.
 Jugo Christi qui subiectus est, subiecta habet cetera, 771.b.
 JULIANUS Imperator lege data prohibet christianos litteras docere, 148.f.
 JULIANUS Pelagianus libros quatuor scripsit adversus librum primum *de Nuptiis & concupiscentia*, 59.c. Liber secundus *de Nuptiis* in eum scriptus ab Augustino, *ibid.* Libri quatuor contra eundem, 62.d.
 JUNO, 79.d.
 JUPITER tonans & adulterans cur a Poetis fictus, 78.f.79.b.
 Tom.I.

Jurare solebat Socrates per canem, per lapidem, & per obvia quæque, quare, 747.c.
 JUSTINA Valentiniani minoris mater ab Arianis seducta persequitur Ambrosium, 162.e. & *seq.*
 Justitia Dei, *Vide*, Deus.
 Justitia virtus est qua sua cuique tribuuntur, 580.d.
 Item definitur, 536.a.697.b. Ad omnes partes animæ pertinet, 671.a. Sacrificium justitiæ in templo mentis, 542.a. Perfecta est justitia qua potius potiora, & minus minora diligimus, 781.d.
 Justitiæ non est vindicare in alienos, 585.d.
 Justo qui nocet, sibi vere nocet, non illi, 16.f. Justo nihil justum displicet, 762.d.
 Juventutis erudiendæ modus improbat, 78.f. & *seq.*

L

L AICI inferioris propositi, (id est alii a monachis,) 49.c.
 Lapsus & reparatio hominis, 755.e. & *seq.*
 LASTIDIANUS Augustini consobrinus, 360.c.
 Latina lingua in Africa vulgaris ætate Augustini, 78.b. Augustinum in multis verborum sonis exagitant Itali, 348.f.
 Latro cui Christus in cruce paradysum promittit, baptizatus fuerit, incertum, 40.b.48.d. Credibilis est fuisse, 60.c.
 Lavacrum aquæ in verbo perfectæ mundationis effectum sortitur post hanc vitam, 10.e.
 Laudat Deum universa creatura, 107.f.
 Laudis appetitus miseros facit, 577.b. Qui laudari vult ab hominibus vituperante Deo, non defendetur ab hominibus Deo judicante nec eripietur Deo damnante, 19.c. Laudibus hominum moveri debemus non propter nos sed propter proximum, 192.d. Laudari etiam de Dei dono periculosum, 191.c. Ut sese gerunt justii cum laudantur, 787.d. Laudatio comes bonæ vitæ, 191.f. Non male vivendum est ne laudemur, *ibid.* Laude immodica quosdam extulisse pœnitet Augustinum, 5.b.c.d.
 Lethargicis cur nihil enervius, 419.e.
 Lex quæ justa non est, non est lex, 573.e. Lege cognita peccare gravius est, 709.e. Qui legem agere noluist, a lege juste agitur, 528.a. Subditur legibus qui non amat leges, 535.d. Lex alia æterna, alia temporalis, *de utraque fuse & egregie*, 575.b. & *seqq.* Æternæ legis notio, 575.e. Æternam legem fas est cognoscere, judicare nefas, 768.f. Qui legi æternæ adhærent, temporalis legis non indigent, 582.f. Lex temporalis potest per tempora commutari, 575.c. Etiam a Deo data, 93.a.
 Lex vetus nunc specialiter pro altera parte veteris Testamenti, nunc generaliter pro roto veteri Testamento dicitur, 37.d. Homo sub Lege, homo sub gratia positus, 34.d.e. Sub Lege operatio vana, cum libido animum vastat & cohibetur pœnæ metu, non amore virtutis obruitur, 709.f. Homo factor legis debet esse non judex, 237.a.
 Legis humanæ potestas in vindicando quousque porrigatur, 582.c. & *seq.* Per humanam legem nonnulla permittuntur, quæ per divinam vetantur & puniuntur, 574.d.e. Non licet iudici de legibus institutis judicare, sed secundum ipsas, 768.e.
 Lex peccati est violentia consuetudinis, 149.e.
 Liberavit Deus hominem non diabolum, quia homo minus peccavit, 622.e.
 Libertas a conditione peccati, eorum qui veritati subduntur, 601.e. Libertas a justitia; servitus sub peccato, 775.c. Libertas a temporali lege & rerum inferiorum dominio, eorum qui æternæ legi adherent, 682.f. Libertas a cultu seu dominatu creaturarum, qua per Christianam religionem in Dei servitio gaudemus, 438.e. Uni Deo summa libertate servitur, 519.f.695.f. Cornua falsæ libertatis adversus Deum erigere, 94.c. Libertas novi Testamenti, amor; servitus veteris, timor, 706.f.
 Liberum arbitrium animæ datum esse, 12.d. & *seq.* 439.c. 585.c. d.756.f. Non tamen ira datum, ut quodlibet eo molens, ullam partem divini ordinis legisque perturbet, 439.c. Datum est homini ad recte vivendum, non ad peccandum, 585.c. d. Libertas est nobis voluntas, quia est in potestate, 613.f. Quid censeatur esse in nostra potestate, *ibid.* a. & 13.b. Libera voluntas per Dei præscientiam non aufertur, 612.c. & *seq.* Libera voluntas causa peccati, 12.b. 133.e.f. 756.d.e. f. & *in libris ea de re scriptis*, 570. Liberum arbitrium ad malum flexibile cur datum, 585.f. Liberum arbitrium in mediis bonis conferunt, 15.a. Bonus usus liberæ voluntatis ex Deo, 15.b. Per liberam voluntatem ipsa libera voluntate utimur, 607.f. Libera voluntas recte faciendi in qua homo conditus fuit, quod nunc minus valeat, pœna peccati est, 631.c. d. Li-

bero arbitrio cadere potuit homo, non etiam surgere, 15.b. Pelagiani liberum arbitrium sic asserunt ut gratiæ locum non relinquerent, 14.d.
 Libido in omni malefacto dominatur, 572.c. & *seq.*
 Humanæ menti regnum in libidines æternæ lege concessum est, 578.a. Ipsam libidinis servam non aliud quam propria voluntas reddit, 578.a. & *seq.*
 Resistente atque torquente dolore carnalis vinculi non posse a libidinis operibus temperare, non est natura instituti hominis, sed pœna damnati, 14.f. Libido triplex, 94.c. Libidinis malo bene utitur pudicitia conjugalis, 59.c. Violatur societas quæ cum Deo nobis esse debet, cum eadem natura, cujus ille auctor est, libidinis perversitate polluitur, 93.f. *Vide* Cupiditas.

LICENTIUS Romaniani filius, 269.e. In agro Casiliaco agens cum Augustino interlocutoris personam sustinet in libris ibi conscriptis, 250. & *seqq.* & in libris *de Musica*, 439. Poeticæ deditus erat, 264.d. 265.e. 274.f. &c. & Philosophiæ studiosus, 251.c. 253.c. 324.a.
 Lignum vitæ plantatum in medio paradysi quid significet, 670.a.
 Limus terræ unde homo formatus est, 668.a.
 Linea quid; 406.c. Transversim secari infinite potest, 360.b.
 Litterarum occasio, 345.c. Primarum litterarum magistri, 77.a.
 Litteratura, 176.c.
 Locutio ad quid instituta, 541.a. Pauca sunt quæ proprie loquimur, 203.f. Unde puer loqui discat, 74.b.
 LUCILIANUS, 265.c.
 Lucrum luteum, 117.d.
 Lucta spiritus cum carne, 134.f. & *seq.*
 Ludi Circenses, 124.e.
 Luminaria dividenda inter noctem & diem allegorice, 232.d.e.f. 233.a.b.c. &c.
 Lux regina colorum, 188.c. excellentissimum in corporibus, 616.f. Lux æterna & incommutabilis, 139.c. 188.e. Quam jocunda, 642.c.

M

MACHABÆORUM matris fortitudo laudatur, 713.c.
 Magicæ artes ex curiositatis vitio, 189.f.
 Magister non est qui docet hominem scientiam, nisi Deus, 18.f. 198.f. & *ex professo in libro de Magistro*, 541. Homo exterius admonet, Deus veritas intus docet, 561.a. & *seqq.* Magistri penulati, 78.f.
 Magna res magnos viros desiderat, 252.e. Maximæ res cum a parvis quaruntur, magnos eos solent efficere, *ibid.*
 MAJORINUS, episcopus Carthaginensis, 31.a.
 Malum non est nisi privatio boni, 92.c. Non est substantia, 140.c. 719.f. & *seq.* Sed inimica substantiæ inconvenientia, *ibid.* Id cuique generi malum est quod contra naturam est, 716.e. Naturæ malum est deficere ab essentia & ad id tendere ut non sit, 717.a. Malum bifariam dictum, quod aliquis male facit, & quod patitur, 569.a. Peccatum & pœna peccati, 755.f. Culpa & pœna, 133.f. Malum pœna iuste a Deo infligitur, 133.e. f. 569.a. Malum culpæ ex libero arbitrio proficiscitur, 11.e. 27.b. & *ex professo in libris de libero arbitrio*, 569. & *seqq.* Malefactum est in quo libido dominatur, 571.d. & *seqq.* Deus non est auctor mali, 717.a. Malus quisque sui malefacti est auctor, 569.b.
 Mandatorum observatio ex Dei dono, 184.e.f.
 MANICHÆUS hæresiarcha, errores suos litteris mandavit, 112.e. 724.d. 725.a. ejus libri pleni fabulis, 109.c. 112.e. multa de astris imperitissime scripta continebant, 110.c. Vivendi regulam observari perdifficilem scripta epistola præstitit, 742.e. Spiritum sanctum auctoritate plenaria personaliter in se esse dicebat, 111.a. & Apostoli nomen usurpabat, 712.f. præfixo epistolis suis omnibus hocce exordio, *Manichæus Apostolus Jesu Christi*, *ibid.* Not.b.

Manichæorum hæresis duos deos, unum bonum, alterum malum credebatur, 693.d. seu potius duas naturas vel substantias, duoque principia invicem contraria, 717.e. 753.e. Scilicet fingebat candorem lucis immensæ per infinita spatia usquequaque porrectum, ex una tamen parte quasi nigro quodam cuneo fissum, duo adversa regna esse dogmatizans, 782.c. Regnum lucis Deum vere esse profitebatur, eique simplicem quamdam naturam, incommutabilem, impenetrabilem & incorruptibilem concedebat, 717.c.f. Regnum seu gentem tenebrarum & esse sempiternam, & summum malum asserbat, *ibid.* a. b. c. f. Malum porro esse terram seu molem tetram & deformem, per immensum profundum & longam, necnon mentem siue molem tenuem atque sub-

subilem per terram vagantem 116. c. 721. b. Itemque in eo mali regno antra quinque elementorum, aliud tenebris, aliud aquis, aliud ventis, aliud igni, aliud fumo plenum; atque animalia in illis singulis nata elementis, serpentina in tenebris, nautica in aquis, volatilia in ventis, quadrupedia in igne, bipedia in fumo, 721. b. Ex iis autem fabricatum esse mundum, *ibid.* a Deo bono, 693. d. Nam cum gens tenebrarum in Deum rebellaret aliquando, 753. f. & regnum lucis invadere moliretur, 722. d. 724. f. 725. a. Deum bonum, qui quomodo aliter posset hosti resistere non inveniret, necessitate compulsus misisse huc animam bonam, particulam quamdam suae substantiae, cujus commixtione hostem temperatum esse somniabant, mundumque fabricatum, 753. f. Christum credebant Manichaei tamquam de massa lucidissimae molis Dei porrectum ad nostram salutem, 116. f. neque vere in carne natum de Maria Virgine, *ibid.* sed tantummodo in carnis phantasmate, in quo eum dicebant crucifixum, 114. c. Putabant insuper Christum fuisse serpentem illum, qui Evam ad edendum de ligno vitae induxit, 681. c. Hinc Ophitarum secta, *ibid.* f. Solem adorabant, 648. a. 681. c. 720. f. tamquam particulam lucis, in qua habitat Deus, 648. a. Testamentum vetus oppugnabant, 15. c. 645. & *seq.* 658. f. 681. b. idque non à bono Deo, sed ab uno e principibus tenebrarum datum affirmabant, 61. c. Laudatos in eo Patriarchas vituperabant, 92. f. & *seq.* Novi Testamenti Scripturas legebant, 650. f. falsas tamen esse dicentes, 117. b. 692. f. 735. f. eaque immissa fuisse, quae de originali peccato narrantur, 15. c. d. Animas duas in uno corpore esse existimabant, unam de Deo & partem Dei, alteram de gente tenebrarum a suo principio malo profectam & Deo coeternam, 23. c. 753. f. easque animas inter se configere in homine, quando caro in spiritum concupiscit, 153. & *seq.* omnia bona in bonam, mala verò in malam animam referentes, 23. f. dicentesque Deum creatorem culpari dum mali origo ex libero arbitrio ducitur, 12. b. De Adami & Evae creatione longam fabulam texebant, 741. f. Corporum conditorem Deum esse negabant, 681. c. licet ab ipso caelos fabricatos, non tamen de sua ipsius substantia dicerent, 241. c. Carnes vero, & minutissima animalia, & quidquid radicibus terrae inhæret a mala mente gigni & formari, *ibid.* d. Partem Dei quamdam, oleribus, lactucis, pomis, & c. inesse putabant, 730. a. & *seq.* animam rationalem quoque inesse belluis, 737. b. & arboribus, 735. f. quapropter a cæde animalium & a stirpium laceratione abstinendum esse, *ibid.* d. arborem sive animal necare, esse homicidium, *ibid.* e. Hominem in arborem revolvì, 736. a. Arborem audire voces nostras, verba intelligere, motus corporum intueri, immo & cogitationes perspicere, *ibid.* d. sicum plorare cum decerpitur, & vitæ dolere, sentire, videre atque audire, 434. f. Nuptias damnavant & filiorum procreationem, 714. d. 716. a. 739. c. fidelibus agros, domos aut pecuniam habere illicitum ducebant, 714. d. 716. a. Vinum sibi principum tenebrarum dicebant, licet ipsis vis comedendis non parcerent, 732. c. Duos in gradus sectatores suos distinguebant; primus & præcellentior dicebatur Electorum, quia tria signacula observare se profitebantur, 726. d. De horum delicata abstinence, *ibid.* b. c. d. gula, 734. f. 740. c. impudicitia, 740. d. & *seq.* Secundus gradus Auditorum, 739. c. quibus nuptiae permittabantur, *ibid.* carnium esus & c. 735. c. Contra Manichaeorum hæresim scripti sunt libri de libero arbitrio, propter quaestionem Unde malum, 556. & cetera quae subsequuntur opuscula in hocce tomo.

MANLIUS THEODORUS vir doctus & Christianus, 5. d. e. Huic nuncupatus liber de beata vita, 297. a. Manna potuit pro desiderio sapere fidelibus, non autem murmuratoribus in Deum, 49. b. Mansuetarii qui, 577. f. Mansuetudo commendatur, 235. f. Manus nomine vis in scripturis significatur, 537. b. MARCELLINUS, 55. c. ad eum scripti Libri de peccatorum meritis & de spiritu & littera, *ibid.* a. Marcionistæ vana de mundo & Lege Moïsis fabulantur, 61. d. c. Mare quid, 232. a. Mare Hebraeis dicitur omnis

aquarum congregatio, etiam dulcium, 652. e. Mari comparatur genus humanum, vitio primi hominis profunde curiosum, procellose tumidum, & instabiliter fluidum, 234. f. altera maris allegorica expositio, 232. a. Mare huius sæculi navigantium tria genera, 297. b. Mare Ægeum, 275. e. MARIA virgo dignitas terræ, 680. f. Martyrum memoria, *Vide* Memoria. Materia informis non est omnino nihil, 210. c. sed medium quid inter formatum & nihil, 211. b. c. Conetur humana mens eam vel nosse ignorando, vel ignorare noscendo, 210. e. facta est ex nihilo & ex hac omnia, 212. a. 649. d. Quibus nominibus designetur, 649. f. & *seq.* MATHAN, 44. c. Mathematicorum divinationes, 135. d. Matrimonium non est, ubi datur opera ne uxor sit mater. 739. c. quæ tunc fit meretrix, *ibid.* d. Conjugale decus in officio regendi matrimonii & suscipiendorum liberorum, 129. f. Tabulae matrimoniales, 165. a. MAXIMIANISTÆ, schismatici a parte Donati, 54. d. MEDEA volans, 92. b. 381. b. Mediator, oportebat ut haberet aliquid Deo simile & aliquid simile hominibus, 194. b. *Vide* Christus. Mel Scholasticum, 303. d. Mel Hymettum, acriter dulce, 304. a. MELCHI, 44. e. Melodia utilitas in ecclesiastico cantu, 187. f. hac potius quam rebus allici peccatum est, 188. a. Membra corporis qua ratione in Scripturis Deo adtribuuntur, 656. b. c. d. Memoria vis, 174. f. & *seq.* copiosissime. Memoria animo an corpori tribuenda, 405. b. 448. a. Memoriam habent pecora & aves, 180. b. Memoria Martyrum, 120. c. Ad eas dominici corporis communicatio celebrari solita, *ibid.* c. Epulas illuc adferri vetat Ambrosius, 119. e. & *seq.* Memoria Cypriani martyris non procul a mari, 114. b. Mendacium & perjurium Priscillianistis familiare, 62. b. c. Eorum occasione scriptus liber contra mendacium, *ibid.* Alius prior de mendacio liber, 41. f. Mentiens & fallens quo differant, 375. c. 769. f. Mentiendi pruritus, 674. Libido mentiendi exorta in Adamo post peccatum, 678. b. Merces caventium mendacium amore veritatis, *ibid.* c. Mens, ratio, & spiritus vocatur, 577. e. Sapiente & rationali mente nihil præter Deum præstantius, 578. c. Optimum in homine est mens & ratio, 4. a. 252. b. c. Huic obtemperare convenit cetera quæque in homine sunt, *ibid.* A nullo cogitur servire libidini, 578. a. in clausis cubiculis orare, est in mentis penetralibus orare, 541. c. Quisquis mentis cernere aliquid potest, intus est discipulus veritatis, foris iudex loquentis, 562. b. Mensura temporis, 206. b. Metrices cur toleratae, 335. b. Merita vera hominum non sunt nisi Dei munera, 169. c. METRODORUS, 293. f. Hic primo confessus est non decreto placuisse Academicis nihil posse comprehendendi, *ibid.* f. Metrum græce, latine mensio seu mensura, quid, 471. d. & *seq.* Item de metro copiose tractatur, 479. a. & *seq.* Summa omnium metrorum, 490. d. & *seq.* Metra quodammodo innumerabilia, 500. a. Quæ duas in partes divisibilia sunt ceteris præstant, *ibid.* d. e. Metu triplici commovemur, amissionis eorum quos diligimus, doloris, & mortis. 362. f. Miles in hoste interficiendo minister legis est, 573. f. Minister Dei optimus quis, 184. a. Ministris Ecclesiæ subsidia corporis debentur, 239. c. Miracula cur nunc raro fiant, 20. e. 763. f. Miracula facta in translatione corporum SS. Gervasii & Prothasii, 163. a. Deus tentatur cum miracula flagitantur non ad salutem, sed ad experientiam, 189. f. Misericordia ex eo appellata est, quod miserum cor faciat condolentis alieno malo, 706. a. Qui tamen nullo dolore, sed officio bonitatis adductus subvenit proximo, misericors censetur, 706. a. Misericordia Dei prævenit voluntatem, 41. a. Ad ipsam pertinet vocatio, quæ etiam fidem prævenit, *ibid.* Ipsa & vocatur ut credamus, & credentibus præstat ut bene operemur, 36. a. Væ etiam laudabili vitæ, si Deus remota misericordia eam discutiatur, 169. e. Magnæ sunt voces ad misericordiam Dei, tacitæ contritiones animi, 137. c. Nemo indignior misericordia quam superbus miser, 622. f.

Missa pro defunctis, *Vide* Sacrificium. MNESARCHUS Stoicus, 293. f. Modestia unde dicta, 112. f. 311. a. Pulcrior est temperantia animi inficitiam suam contentis, quam scientia rerum, 112. f. Modulari musicis quid sit, 444. b. 445. b. & *seq.* Modus probatus omnibus, a paucis agnitus, 325. e. ordinis pater, 351. b. Modus quidam animi est sapientia, 311. d. e. Summus modus Deus Pater, 312. b. Molestias vitæ tolerare jubet Deus, non amare, 184. c. Monachorum Anachoretarum & Cœnobitarum institutum laudatur, 710. b. & *seq.* Monachi Criniti, 49. d. Carthaginenses Monachi alii se suis manibus transigebant, alii ex fidelium oblationibus vivendum ducebant: hinc magnæ contentiones exortæ, 49. c. qua occasione Liber de opere Monachorum editus, *ibid.* Monacharum professio & habitatio, 711. c. Monasterium Mediolani plenum bonis fratribus, extra urbis mœnia, sub Ambrosio nutritore, 150. e. Monasteriorum greges, 150. e. Plura monasteria seu sanctorum diversoria Romæ vidit Augustinus, 711. f. Monasteria apud Carthaginem esse incipiunt, 49. c.

M O N N I C A.

Monnica Patricii conjux, mater Augustini, 170. e. quem & carne ut in hanc lucem temporalem, & corde ut in æternam lucem nasceretur, parturit, 163. d. educata fuit pudice ac sobrie, 164. a. in domo Christiana quæ morum probitatem præferebat inter Ecclesiæ membra, 163. e. Non tam suæ matris, quam decrepitæ cujusdam famulæ cura ad honestatem instituebatur, *ibid.* immo disciplina & regimine Christi, eam in Dei timore jam tum erudientis, *ibid.* Per Christum subdita parentibus, potius quam per parentes subdita Christo fuit, 164. e. Amore vini paulatim capta sanatur ab hoc vitio insultatione ancillæ secum litigantis, 164. a. Patricio in matrimonium tradita, servivit ipsi veluti domino, 164. f. satagens eum Deo lucrari, *ibid.* f. Ut sese gerebat in virum a fide ac moribus ipsius longe alienum, *ibid.* In focum adversus se irritatam malarum ancillarum susurrus, 165. b. Erga matronas de maritis suis querelam moventes, 164. f. & *seq.* Erga dissidentes & discordes inter se animos, 165. d. Erga servos Dei, *ibid.* f. Erga parentes, domumque suam, *ibid.* Nutrivit filios, toties eos paturiens, quoties a Deo deviare cernebat, 165. f. Augustinum spiritu parturit majori sollicitudine, quam carne pepererat, 115. a. Hunc a primis annis in Catechumenorum gradu constituit, 71. f. 128. b. Cumque adhuc puer in repentino mortis periculo versaretur, curabat festinabunda ut sacramentis salutaribus initiaretur, 76. f. Eo tamen recreato, baptismum differendum duxit, *ibid.* d. Augustino annum ætatis xvi. agente Deus jam inchoaverat in Monnica templum suum & exordium sanctæ habitationis suæ, 83. a. Ex quo in Christo regenerata fuit, licet nondum viro soluta, vitam fide & moribus præcipuam egit, 169. d. Augustinum ut a fornicatione maximeque ab adulterio abhorreret cum ingenti sollicitudine admonerat, 83. f. Virum suum sub ipsius vitæ finem ad Christi fidem adducit, 165. e. f. Quo viduata sumtus nihilominus procurat Augustino tunc apud Carthaginem Rhetoricæ studentem, 90. d. Hunc interea in Manichaeorum hæresim prolapsus luget, ejusque convictum averfatur, 95. d. e. De futura illius resipiscencia admonetur per somnium, perque responsum episcopi cujusdam, fieri non posse assentis, ut filius istarum lacrymarum precat, 96. e. Frequentabat elemosynas, 115. b. Obsequens ac serviens sanctis, nullum diem prætermittebat oblationem ad altare Dei, *ibid.* Bis in die, mane & vespere ad Ecclesiam venire solita, ut oraret vel verbum Dei audiret, *ibid.* Scripturarum sacrarum erat studiosissima, 328. d. Augustinum Romam ipsa invita navigantem lacrymis prosequitur, 114. b. Paulo post consensa nave, per marina discrimina nautas consolatur de felici perventione divinius certior facta, 119. b. Mediolanum veniens Augustinum audito Ambrosio jam alienatum a Manichæis reperit, *ibid.* Ambrosium diligit ut Angelum Dei, *ibid.* f. Qui Ambrosius in Monnicæ laudem viso Augustino saepe erumpebat, gratulans ipsi quod talem matrem haberet, 120. d. Epulas ad memorias Martyrum cum apud Africam adferret Monnica, plus quam unum poculum

lum sibi temperatum, unde dignationem sumeret, non ponebat, 119. a. Apud Mediolanum ventanti Ambrosio istas epulas fieri, morem gerit libentissime, *ibid.* b. Excubante Mediolanensi plebe in Ecclesia Monnica vigiliarum primas tenet, 126. f. orationibus vivit, *ibid.*
Audita Augustini conversione, gaudet, exultat, triumphat & Deo benedicit, 156. f. Secedit cum illo in agrum Cassiciacum, 160. a. Interest disputationi *de Beata vita*, 300. b. Ubi eximias sententias profert, 301. a. 312. e. Et Academicos Caducarios appellandos censet, 304. f. Adest quoque dialogis *de Ordine*, 327. f. 329. a. quod ejus ingenium atque in res divinas inflatum animum expertus fuisset Augustinus, *ibid.*
Augustinum suscepto baptismo remeantem in Africam comitatur, 163. d. cumque apud Ostia Tiberina esset paulo ante obitum suum colloquitur cum ipso de vita æterna, 166. a. Rapiuntur ambo in æternæ sapientiæ contemplationem, *ibid.* f. Nulla jam re se delectari in hac vita profitetur Monnica, 167. a. Unum fuisse propter quod hic aliquantum immorari cupiebat, ut Augustinum Christianum Catholicum videret ante obitum, 167. a. Post dies circiter quinque decumbit febribus, 167. b. Extasim passa, ut sensui reddita est, *Ponetis hic*, ait, *matrem vestram*, monens nihil curandum de sepultura sui corporis extra patriam, & addens illud tantum se eos rogare ut ad Domini altare meminerint ipsius, 167. c. Aliam hic sententiam ejus insignem refert Augustinus, *ibid.* f. Tandem die ix. ægritudinis suæ, lvi. ætatis suæ, xxxi. ii. ætatis ipsius Augustini migrat ex hac vita, *ibid.* Ejus funus, 168. f. Sacrificium pretii nostri pro ea offertur, jam juxta sepulcrum posito cadavere priusquam deponatur, ut illuc fieri solebat, *ibid.* Ejus elogium, 164. f. & *seqq.*
Augustinus Matris suæ meritis esse credit omne quod vivit, 300. b. ejusque precibus datam sibi eam mentem ut inveniendæ veritati nihil præponat, 352. a. b. Morum præcepta adolescentibus traduntur, 340. d. Per bonos mores provenit agnitio veritatis, 707. a. Quæ contra mores hominum sunt flagitia, pro morum diversitate vitanda sunt, 93. f.
Mors, justa vindicta peccati, plus tamen clementiæ Dei quam severitatis ostendens, quare, 757. b. Ex Deo non esse mortem, 755. b. c. Sapiens mortem corporis non metuit nec dolores, 308. b. amor Dei facit ut mors contemnatur immo & desideretur, 702. c. mors animæ nequitia est, 754. f. Mors sibi ipsi est qui male vivit, 212. f.
Motus numerosi, rationabiles & irrationabiles, connumerati & dinumerati, complicati & sesquati & c. 451. & *seqq.*
Mulier quæ perdidit drachmam, 180. c. Ænigma Salomonis de muliere sedente super cellam in foribus, 92. c. d.
Mulier Atheniensis venenis affueta, 720. c.
Mulier habitu qui se ostentant jure infames instabilesque habentur, 381. f.
Multiloquium quid, 1. c.
Mundos duos admittebat Plato, unum intelligibilem, alterum sensibilem, 6. b. c. 292. b. Quid mundi utriusque nomine intelligebat, *ibid.* Sensit Plato aliique philosophi animal esse istum mundum, 18. b. Mundi consideratio ad immortalia conducit, 766. b. Pulcritudo mundi per hæc tria est inculpabilis, per damnationem peccatorum, exercitationem iustorum, perfectionem beatorum, 763. a. Omnia, etiam quæ in se fœda, ad ejus pulcritudinem conferunt, 775. a. Omnis iste mundus, id est omnia sensibilia contemnenda; utendum autem his ad vitæ necessitatem, 701. c. Amicis hujus mundi nihil laboriosius, quam non laborare, 771. b. Non prodest nisi fidelibus continere se ab amore hujus sæculi, 235. c.
Mundus in Scripturis ager appellatur, 666. c.
Musica est scientia bene modulandi, 444. b. Musicæ inventio, 347. c. Libri *de musica*, 443. & *seqq.*
Scopus Augustini inendis hisce libris, 511. f. 512. f. 513. a. b. c. Rationis vis in perspicendis quæ ad musicam pertinent, ubi nihil aliud quam æqualitas delectat, 525. f. & *seqq.* Levatio & positio quid in musica, 467. c.
Mustum, mira quædam de musto, 732. b.
Mutabilis anima est temporaliter, non localiter; corpus utroque modo, 759. b. c. Cælum & terra clamant quod facta sint, quia mutantur, 197. c.
Mutus & surdus Mediolani, alios non nisi motu corporis intelligens, neque ipse aliter quæ vellet significans, 415. f.
MYRO fusilium signorum artifex, 376. e.
Mysteriorum obscuritas utilis, sine qua nec studiose

quereretur, nec suaviter inveniretur veritas, 758. d. *Vide Sacramenta.*

N

NATALEM suum celebrat Augustinus, 5. d. 300. b.
NATHAN duo, 40. a. 47. f.
Natura nihil est aliud quam id quod intelligitur in suo genere aliquid esse, 716. f. Veteres pro essentia & substantia naturam dicebant, *ibid.* Omnis natura, in quantum natura est, bona est, 625. c. d. e.
Natura nihil temere producit, 320. b.
Natura hominis bifariam dicitur, 17. a. 25. d. 632. b.
NAVIGIUS Augustini frater, 300. b. 317. e. Spleenicus, 303. f. Libris in villa Cassiciaco scribendis interfuit, *ibid.* necnon morti Monnicæ & ejus funeri, 167. b. & *seqq.*
NEBRIDIIUS patria Carthagini vicinus, 127. e. Augustino carissimus, adolescens valde bonus & valde cautus, 99. c. mirabilis animæ, 135. d. Augustinu ab astrologis consulendis revocare nititur, 99. c. Argumentum ipsius contra Manichæos, 132. f. & *seqq.* Mediolanum venit non ob aliud nisi ut cum ipso in sapientiæ studio vivat, 127. e. Beatæ vitæ inquisitor ardens, *ibid.* f. Sub Verecundo Mediolanensi grammatico docet, 150. a. Errans aliquando circa Incarnationis mysterium, postea fit catholicus; Deo servit in perfecta castitate apud suos in Africa, 159. b. Tota domus ejus per eum fit Christiana, *ibid.* Moritur haud multo post Augustini baptismum: vivere creditur in sinu Abrahamæ, *ibid.* Epistolæ ad Nebridium, 159. c.
Necessitas consuetudine inducta, 148. f. & *seqq.* Sunt etiam necessitate facta quædam improbanda, quæ nulla peccata essent, si non esset ista pœna hominis, sed natura, 14. d. 6. o. f. & *seqq.*
Nequitia unde dicta, 301. d. 310. d.
Nervi motuum corporis instrumenta, 419. d. Eos vegetat mobiliioresque efficit siccitas, *ibid.* In ipsis corporum robur, 420. f.
Nilus fluvius qui in Scriptura Geon, 670. d.
Ninium sæpe incommodius est quam parum, 311. c. Hoc primum in vita utile, Ut nequid nimis, *ibid.* d.
Nobilium conversio majoris lætitiæ causa est Ecclesiæ, 148. d. Nobilitatis nomine superbos plus tenet diabolus, *ibid.*
Nocere. Justo qui nocet, non ei vere nocet, sed sibi, 16. e.
Nomina rebus, ut cuique placuit, imposita sunt, 472. f.
Novitatis appetitio periculosa, 723. c.
Nubes prædicatores, cælum Scriptura, 231. c. d. *Item* Nubes Scripturæ sacræ vocantur, 666. b.
Nugæ majorum negocia vocantur, 75. c.
Numerorum ratio immutabilis, 594. b. 598. f. 724. e. Occasio numerorum, 345. c. De numeris *fuse & egregie*, 453. b. & *seqq.* 513. d. & *seqq.* 598. c. & *seqq.* Car ab uno ad decem progressus, & inde ad unum reditus in numerando fiat, 454. b. De numeris spiritualibus & æternis, 529. d. & *seqq.* Rebus omnibus etiam infinis insunt numeri, 599. b. In carnis voluptate vestigia numerorum, 776. Sapientia numeris cuique rei impressis se ipsa commoustrat, 603. e. & *seqq.* In sapientia & ex sapientia numerus est, in numero & ex numero sapientia, 599. f. Quidquid ratio potest, numeris potest, 347. f.

O

OBEDIRE regibus generale pactum est societatis humanæ, 94. a.
Obiatio altaris, 45. f. 115. b.
Occidere. A peccato liber non est qui hominem, ne ab ipso occidatur, occidit, 574. d.
Oculi sensuum principes, 189. c. Pupillæ oculi virtus, 412. d. An oculi videndo aliquid patiantur, *fuse*, 421. & *seqq.* Oculorum illecebræ, 188. b. 701. b. Oculis impudicus, impudici cordis est nuntius, 791. c. A viro non figatur in femina, 791. c.
Odium in proximum cor gravius vastat, 80. c. Odium in parentes quale præcipitur, 30. c.
Olympus Macedonia mons altissimus, 654. e.
Omen, vox in sacris litteris olim inusitata, 4. c.
Opera Dei compendio narrantur, 242. b. In malis operibus nostris Dei opera bona sunt, 528. a.
Opera nostra bona Deo tribuenda sunt, 659. d. 438. d. Ideo bona sunt, quia Deus ea nobis donat, 244. a.
Opus bonum & ipsius Dei est, & nostrum est, 35. c. d.
Operatio hominis in paradiso qualis, 671. b.
Opere manuum viventis Monachi, 49. c. 711. f. Liber *de opere Monachorum*, 49. b.

Ophitæ hæretici seu Serpentine, 681. c.
Opinio & sensus qui differant, 619. d. In falsas opinioniones ruere turba pronior est, 292. f. 406. f.
Orate in clausis cubiculis quid, 54. e.
Orandum in templo mentis, 542. a. Oratio pro mortuis ad altare, 170. e. Egregiæ Augustini orationes ad Deum, 355. c. & *seqq.* 372. Multa Deus orantibus præbet, qui etiam orantes prævenit, 186. b.
ORATA vir fortunatissimus, 308. d. Unde miser in divitiis, 309. d.
Ordo est per quem aguntur omnia quæ Deus constituit, 326. d. 329. c. Ordine cuncta a Deo administrantur, 320. f. 321. a. 329. d. Eo continentur etiam mala, 322. a. Ordo dux ad Deum, 325. f. Ordo non est ubi deterioribus meliora subjiciuntur, 577. b. Ordo vitæ & eruditionis, 340. d. & *seqq. fuse*. Ordinem tenere & ordine teneri non idem, 534. b. Ordini rerum transcurrentium pro nostris meritis assueti sumus, 527. f. Injusti juste, & fœdi pulcre ordinantur, 770. b. Peccantem hominem ordinavit Deus turpem non turpiter, 528. a. Ordinatio cogit esse; inordinatio, non esse, 719. a. Quod mutatur in melius, ad esse & ad ordinem rendit, 718. f. Libri *de Ordine* scripti sub finem anni 386. 315. Zenobio dicati, 317. c. d. quare, 233. d.
Oratorium, 790. a.
ORESTES & PYLADES, 101. a.
ORIGENES, 10. f. Ejus error, quod omnia recurrant ad id unde deflexerunt, *ibid.*
Orthodoxi id est recta sectantes, 751. c.
OROSIUS Presbyter Hispanus, 57. d.
Os occultum in corde lapida gaudia de pane Dei ruminans, 120. f.

P

PAGANI qui vocentur, 56. e. Eorum ad Christum mira conversio, 748. b. & *seqq.*
Paleæ nomine significantur hæretici, 751. d. & zizaniorum, 765. d.
Palliati philosophi Cynici dicuntur, 282. a.
Panis Angelorum Christus, 120. b. Panis hominem nutrit, & accipitrem necat, 720. b.
Paradisus, vita beata, 669. e. 679. c. Paradisi terrestres deliciæ quid allegorice, 669. f. & *seqq.* Ex eo homo dimissus est, 678. f. & *seqq.*
Parentes & amici quatenus amandi, 582. f. & quomodo propter Christum contemnendi, 30. b.
PARMENIANUS Donatistarum Carthaginensis Episcopus, successor Donati, 48. a.
Patricidio patriæ, continentur omnia scelera, 291. d.
Pars turpis est, quæ suo universo non congruit, 93. f.
Parvuli, nec sapientes sunt, nec stulti, 23. a. Quomodo rei sunt voluntate, 24. a. Damnantur, nisi baptizentur, 57. f. Illos peccato originali obstrictos negabant Pelagiani, 15. c. De eorum morte, & cruciatibus, 637. d. An ipsis prosint cruciatus, aut eorum parentibus, 638. b. & *seqq.*
Passiones mortificatæ vocantur amores sancti, casti, boni; immortificatæ vero, perturbationes, libidines, concupiscentiæ, 657. f. Quæ mala ex immortificatione passionum: quæ bona ex mortificatione proveniant, *ibid.* a. temperantia quomodo moderandæ, 702. b. & *seqq.*
Patria parentum loco haberi solet, 583. a. Ejus patricidio continentur omnia scelera, 291. d.
PATRICIUS Augustini pater, tenuis municeps Thagastensis, 83. b. Ultra vires rei familiaris filio impendebat, quidquid etiam longe peregrinanti studiorum causa opus erat, *ibid.* c. Quamvis ira fervidus, numquam cecidit Monnicam uxorem, 165. a. Fit Catechumenus, 83. c. Ejus mores, 164. f. moritur fidelis, 90. d. Augustino annum 17. agente, *ibid.*
PAULUS Apostolus, unde dictus Paulus, 148. d. Miles castrorum caelestium, 186. c. Altissimorum consiliorum vir, 695. d. Ejus lingua volatilis, loquens mysteria, 239. f. In sua persona loquitur, ubi ait in Epist. ad Rom. 7. 14. *Ego autem carnalis sum* & c. 34. c. 42. b. Illum præ ceteris legit Augustinus, 143. f. 156. d. 263. f.
PAULUS proconsul, per baptismum fit regis magni provincialis, 148. d.
Peccatum quid, 25. a. Est motus defectivus & voluntarius, 609. a. Est aversio ab æternis, & conversio ad mutabilia, 584. b. 608. c. Est conversio aut ad proprium bonum, aut ad exterius, aut ad inferius, *ibid.* c. Peccatum nihil est, 87. a. Admittitur dum immoderata in hæc infima, inclinatione, summa bona deseruntur, 85. b. Dum non in Deo, sed in seipso, & aliis creaturis voluptates, sublimitates, veritates homo querit, atque ita irruit in dolores, confusiones, errores, 82. a. Dum appetuntur quæ Christus contempsit, aut fugiuntur quæ Christus sustinuit,

nuit, 758. a. & seq.
 Peccata causa Deus non est, 213. a. 608. e. et si in eum peccata sua refundere soleant peccatores, 675. c. sed ipsa hominis voluntas est, 610. d. & seq. Peccatum quippe omnino voluntarium est, 756. e. & seqq. Nec peccatum esset peccatum, si non esset voluntarium, 19. f. Cum quisque peccat, peccat volens, 629. c. & seqq. non natura, 609. d. & seq.
 Peccatum non committitur sine causa, 84. f. & seqq. Et licet peccatum possit esse sine voluntate peccati, non tamen sine voluntate facti, 24. f. Qui enim nesciens peccat, peccatum tamen volens facit, *ibid.* e. cum peccata a nescientibus, vel coactis perpetrata non omnino sint sine voluntate, 20. a. Quod tamen nullo modo caveri potest, peccatum non est, 630. f.
 Peccandi quædam est necessitas, 148. f. 153. f. Quomodo in eam descendatur, 148. f. 673. d. & seqq. Quæ inde fluunt peccata, peccata esse non desinunt, 631. d. & seqq. & quare, 632. a. & seqq. Peccatum dæmoni est sacrificium, 79. f. Potest homo esse sine peccato, et si talis non sit, 53. e. 55. a.
 Peccatum aliud tantummodo peccatum est, aliud est etiam pœna peccati, 20. a. 24. b. 27. d. 775. c. Per eam ad resipiscendum erudimur, 757. b. Peccari pœnæ iustæ sunt, 585. & variæ; Obsecratio, 80. c. Ignorantia & difficultas, 631. & seqq. Inquietudo animi, 132. a. & seqq. Jactura summi boni, 100. f. 627. c. & seqq. 629. a. & seqq. Anima luendo pœnas peccati sui, habet dignoscendum boni & mali, 760. c. Peccator Deum fugere non potest, sed invenit ubique Dei legem in pœna sua, 102. d.
 Peccatum aliud est originale quod ex Adam trahitur, 702. aliud actuale, 622. d. Originale non absurde vocatur voluntarium, 20. d. 24. a. 23. c. & seqq. In veteri Testamento narratur, 15. c. Illo nihil est ad prædicandum notius, nihil ad intelligendum secretius, 702. d. Anima etiam cum illo nascens habet unde Deo gratias agat, 632. f. Actuales peccati duplex est origo, 622. d.
 Peccator minus est quam erat, 756. d. & seqq. Minus peccavit homo consentiendo dæmoni, quam dæmon male suadendo homini, 623. e. Pejus est alium ad peccatum inducere, quam ab ipso induci, 622. d. Nihil interest utrum ipse scelus admittas, an propter te ab alio admitti velis, 736. e.
 Peccatum in hominem duobus modis committitur, uno, si lædatur; alio, si cum potest, non adjuvetur, 705. c. Et duobus modis peccat homo: antequam fiat sapiens, 639. f. Animæ peccatrices conferunt ad perfectionem universi, 620. f. licet earum peccata huic perfectioni non sint necessaria, 621. a. & seqq. Dei imperii ordinem non perturbant, 213. a. Peccatum Deo non nocet, *ibid.* nec nocere potest, 94. c. Quomodo ergo contra eum est, *ibid.*
 Peccatorum apud Deum confessio, spem excitat, 172. a. 81. c. Peccati lex est violentia consuetudinis, 149. e. De servitute peccati, & regno libidinis *fuse deservitur*, 578. f. 579. a. & seqq.
 Pecuniæ nomine continentur omnia, quorum jure domini sumus, 583. a. Ejus amor rectæ spei venenum est, 340. e.
 PELAGIUS, recentissimus heresiarcharum tempore Augustini, 12. d. Ejus nomen cum aliqua laude ab eodem Augustino aliquando commemoratum, 53. f. In synodo Palæstina hæresim suam damnans, absolutus est, 58. b. Testimonio Augustini usus, 13. d.
 Pelagiani negabant originale peccatum, 15. c. 23. f. & seqq. Ignorantiam & difficultatem ad naturæ institutionem pertinere asserbant, 15. c. Gratiā secundum merita nostra dari, 12. d. Ac caritatem non ex Deo, sed ex nobis esse, 34. e. Convincuntur, & condemnantur ab Episcopis Romanæ Ecclesiæ, cooperantibus concilio Africanorum litteris, 58. b. Prima adversus eos Augustini scripta, 53. e. Aliquandiu eorum nomina racuit, sic eos facilius corrigi sperans, *ibid.* f. Privatæ adversus eos ante scripta dissertationes, *ibid.* e.
 Penulati magistri, 78. f.
 Perfectio boni est, ut nec ipsa concupiscentia peccati sit in homine, 24. c. Quænam in hac vita, 29. c. Illius & auctor, & adiutor Deus, 637. a.
 Perjurium Priscillianistis familiare, 62. b. & seqq.
 PERIPATETICI, 294. a.
 PERSIUS omnibus pœnis hanc anteponebat qua cruciantur homines, qui vitia quæ vitare non possunt, coguntur agnoscere, 556. d.
 Peritia quædam miseranda est, odore ac sapore mire dijudicare pulmenta, vinum &c. 417. e.

Pertinacia non ideo est suscipienda, quia est optanda constantia, 426. e.
 Perturbationes animi quatuor sunt, cupiditas, lætitia, metus, & tristitia, 178. c.
 Pervicax. De nulla re cum eo differendum, 586. d.
 Pedes metrici, qui sint & quos in genere, 460. c. & seqq. De iis copiosissime tractatur, 465. & seqq.
 PETILIANUS Donatista, 50. f. & Episcopus Constantinensis, 54. b. Ejus litteræ, ac ad eas Augustini responsio, 50. f.
 Petra Christus, 32. e.
 PETRUS a petra nomen accepit, 32. b. Totius Ecclesiæ figuram gerit, *ibid.*
 PHALISCUS Poeta, 496. f.
 Phantasmata, figmenta sunt de specie corporis, corporeo sensu attracta, 754. c. Ficta phantasmata quomodo judicentur, 770. d. & seqq. Unde mens judicet de phantasmatis, 773. f. & seqq. Vera phantasmata habere pro cognitivis, summus error est, 528. f. Phantasmatum ludibria origo omnium errorum, 528. f. Luctu animæ cum phantasmatis præclara descriptio, 131. d. 137. e. 782. a. Phantasiæ, & phantasmatis differentia, 528. d.
 PHERECYDES philosophus Syrus, 292. a.
 PHILO, philosophus Academicus, 267. f.
 Philocalia est amor pulchritudinis, 264. c. In rebus incorporalibus & summis, idem est ac philosophia, 4. c. 264. c.
 Philosophia, est amor, studiumque sapientiæ, 701. c. Ejus præstantia supra cæteras disciplinas, 323. c. Huic omnis ætas matura est, 251. c. Ejus decus quale, 264. a. Ab illius portu ad beatæ vitæ regionem proceditur, 297. a. Mons illi adversus vana gloria, 298. b. & seqq.
 Philosophia duas habet quæstiones, unam de anima, alteram de Deo, 349. f. In philosophia nihil plus invenitur, quam quid sit unum, *ibid.* rationem promittit, 336. e. De ejus laude ac defensione, Hortensius Ciceronis, 90. d. Quomodo ad philosophiam accessus fuit Augustinus, 90. c. Ad illam exhortatio, 249. a. 261. c.
 Philosophia Christiana, 299. c. In hac, tota veritas, *ibid.* b. Philosophia hujus mundi in sacris litteris prohibita, 294. b. 328. d. Quodnam sit veræ philosophiæ negotium, 336. e.
 Philosophi. Variæ eorum sectæ, 294. a. Tempore Augustini, omnes aut Cynici, aut Peripatetici, aut Platonici erant, *ibid.* pauci admodum erant, 297. a. Variæ de eorum natura sentiebant, docebant, defendebant, 747. a.
 Philosophi præ superbia Creatorem per creaturas non invenerunt, 109. d. Hominum metu recta docere non ausi sunt, 750. d. & seqq. Divinæ scripturæ, non omnino philosophos, sed philosophos hujus mundi vitandos, & irridendos esse præcipiunt, 328. d. & seqq. Quibusdam peracutis philosophis visum est, ne id ipsum quidem quod mente comprehenditur, ad nomen adspirare sapientiæ, nisi tam firma sit comprehensio, ut ab ea mens nulla ratione queat dimoveri, 429. c. Eorum superbia, invidia & curiositas, 750. d. & seqq. cæcitas, 109. c. vanitas, 701. e.
 Philon fluvius, qui nunc Ganges dicitur, 670. b.
 PHOTINUS. Ejus falsitas, 143. a. Photinianorum superstitio, 751. c.
 Phrenetici, unde fortiores solito, 420. e.
 Picturæ lascivæ, 78. f. Picturatum & sepulcrorum adoratores, 713. e.
 Pietas, ejus exordium est optime de Deo sentire, 571. b. Ejus perfectio est caritas, 755. f. Idem piis probatur, quod Deo placet, 241. e. iis vivunt impii, 765. d.
 Piscis mutus, 721. e. Quid per pisces, & cetos significatur, 240. d. Duo pisces in Evangelio, duas personas significant, regiam scilicet & sacerdotalem, 39. f.
 Piscis de profundo levatus manducatur in mensa parata in conspectu credentium, 235. b.
 Plani Mathematici, pietatis expertes, 98. b. & veritatis, 136. f.
 PLATO, ejus dotes, 257. e. 291. f. eloquentia, 748. a. Egregium ejus elogium, 291. f. Illum Jeremiæ coetaneum falso aliquando credidit Augustinus, 43. e. Ejus sententia de duplici mundo, 292. b. quem animal esse credidit, 18. b. c. Perfectam dicitur composuisse philosophiæ disciplinam, 292. a. Virtutes quasdam civiles, aliarum verarum virtutum similes admittebat, *ibid.* c. Mira docuit, nil persuasit, 748. c. Suavius ad legendum, quam potentius ad persuadendum scripsit, *ibid.* a. A Socrate, moralia: a Pythagoreis naturalia & divina didicit, 292. a. Ejus doctrina ab Ecclesiæ doctrina non prorsus aliena, 743. d. & seqq. Nuptias con-

temnens ita pervertit temporum suorum timuit opinionem, ut naturæ sacrificaverit, quo tamquam peccatum illud aboleretur, 750. a.
 Platoniorum rationes ceteris aliorum philosophorum rationibus præponebat Augustinus, 294. f. Quædam legit in eorum libris consentanea doctrinæ Christianæ de divinitate Verbi æterni; nihil tamen de Incarnati humilitate, 138. a. b. 139. a. b. In iis etiam non invenit quod in sacris litteris reperit, nempe viam salutis, & doctrinam humilitatis, 144. d. Platonici animas humanas pro meritis peccatorum, de cælo lapsas, in corpora detrudi existimabant, 4. e. Effata Platonis pro mysteriis custodiebant, 292. c. Quæ effata non facile ab omnibus percipiuntur, *ibid.* Facile sunt Christiani, 750. f. Eorum laus, 291. f. & seqq. Improbatur, 5. c. Eorum superstitio, 750. f.
 Plausus populi, in potestate fortunæ, & imperitorum judicio positus est, 449. f.
 PLOTINUS, Platonius philosophus, alter Plato judicatus, 294. a.
 Pluvia. Quid sit *Nondum pluerat super terram*, 666. d.
 Pœna omnis si iusta est, peccati pœna est, 631. d. Aliud est pœna peccati, & aliud peccatum, 20. a. 24. b. 27. d. Malorum pœna, in bonis Deo operibus est, 38. b. *Vide*, Peccatum.
 Pœnitentiæ utilitas, & suavitas, 109. a.
 Poësis inventio, 346. e. Ei præferenda philosophia, 275. a. Nimium ejus studium improbat, 318. f. Ejus ornamenta quæ, 335. d. Ejus nugæ repudiandæ, 783. f.
 Poetæ non omnino a philosophia contemnendi, 280. b. Illorum mendacia, 347. d. Illorum judices, Grammatici, 347. b.
 POLEMO Platonis successor, & Zenonis magister, 292. d.
 PONTITIANUS Afer, in palatio militans, Christianus & valde pius, 150. c. Narrat Augustino Antonii Monachi vitam, *ibid.* d. & duorum Agentium in rebus conversionem, *ibid.* f. 151. a. & seqq.
 Populus Christianus, sub uno Deo libera multitudo, 758. f. Populus Hebræus, sub eodem uno Deo compedita multitudo, *ibid.*
 PORPHYRII duo; unus Siculus, alter vero non, 53. a. Porphyrius Siculus dicebat omne corpus esse fugiendum, 7. a.
 Possessiones habere Christianis licet, 714. d.
 Potestas libera a Deo homini data est, 585. d. & seqq.
 Per caritatem fit plena, 16. a. Illud est in potestate nostra cum volumus, facimus, 34. a. 613. a. Et quod nostram sequitur voluntatem, 34. a. Voluntas quia est in potestate, libera est nobis, 613. f. In potestate nostra est actio quælibet bona, 33. f. 34. a. & quo sensu, *ibid.* & 16. a. 41. a.
 Præcepta Dei implere potest homo, si velit, 648. c. Adea servanda excitat Deus, 294. c. Cur in Lege minora sint, in Evangelio majora, 759. a. Pauci vitæ præcepta adsequuntur. Ratione fit quisque capax præcepti, sapientia observator, 639. f.
 Prædestinatorum certus est numerus, 21. c. Duplici modo suppletur, 624. f. 625. a.
 Prædicatores Evangelii nubes dicuntur, 231. d. Ipsi debentur necessaria, & quomodo, 239. c. Quomodo possunt gaudere de datis sibi beneficiis, 239. d. & seqq. 240. a. Transeunt ex hac vita in aliam vitam, scriptura vero sancta permanet, 231. d.
 Præscientia Dei, non obest creaturæ libertati, 613. b. c. & seqq. et si plures torqueat hujus cum illa concordia, 611. c. & seqq. Sicut se habet memoria ad præterita, sic se habet præscientia ad futura, 614. c. Necessè est tamen ut peccet, quem Deus præscivit peccaturum, et si non cogatur peccare, 614. c. d. 617. d. & seqq. Præscientia non est, nisi cetera præsciat, 614. c. Non efficit ut non libera voluntate peccemus, 612. d. & seqq. aut aliquid aliud faciamus, 613. c. & seqq. Bonus est Deus condendo creaturam, & quam peccaturam, & quam non peccaturam esse præscivit, 616. b. Et sicut recte punit quos prævidit peccaturos, sic iuste præmiat quos prævidit recte facturos, 614. f.
 Præsidatus, id est Præsidis munus, 128. f.
 Præstigator, cur laudetur, cur vituperetur, 781. f.
 Prætorianum pretium, 127. d.
 Presbyterorum Catholicorum laus, 711. c.
 Principium, quomodo intelligatur illud Genesios, *in principio creavit Deus &c.* 218. c. d.
 PRISCILLIANISTÆ, mendacio & perjurio dediti, 62. b.
 Prius aliquid dicitur æternitate, tempore, electione, origine, 22. c.
 Pro-

Probabile & verisimile quid Academicis, 272. b.
 Quomodo ab ipsis inductum, 293. c. Probabile se-
 qui citra assensum Academicis innoxium est, Chri-
 stianis nefarium, 290. e. f. 291. a. b. c. Ex alieno
 probabili vivere non licet, 290. f. Incommoda
 ex opinione probabili, 291. d. Peccat, adulte-
 rium aut aliud crimen committens, etiam si pro-
 babiliter putet non esse peccatum, *ibid.* b. c. d.
 Prophetæ defenduntur contra Faustum, 44. c. & ad-
 versarium Legis, 61. d.
 Propinquitas spiritalis, 780. a. Si homo non peccas-
 set, nullæ fuissent propinquitates, 779. c. quod
 retractavit Aug. 21. b. Qui non potest prodesse om-
 nibus quos diligit, prosit propinquoibus. 780. f.
 Proportio conrationalitas quædam, 538. d. Vis in
 homine est judicandi de proportionem corporum
 locorum &c. 777. a.
 Propter aliud quidquid est, vilius est quam id pro-
 pter quod est, 555. a.
 Prosperitas hujus sæculi, fragilis, 250. a. & *seqq.*
 Qui prosperis rebus proficit, asperis quid profece-
 rit discit, 781. b.
 PROTASII & GERVASII martyrum corpora divinitus
 deteguntur, 163. a. Miracula facta in eorum tran-
 slatione, *ibid.*
 PROTEUS, in carminibus veritatis imago, 280. b. Tra-
 ditur eo solere capi, quo minime caperetur, 279. d.
 Providentiæ divinæ ordo omnia continet, 5. c. Ea
 omnia reguntur, 249. d. 31. 5. d. 316. a. Et usque
 in hæc inia pertenditur, 315. b. Sunt qui eam neg-
 ant, 611. e. Sunt qui pessime eam consitentur,
ibid. f. Quid agendum utrisque ut pie de ea sen-
 tiant, 612. a.
 Proximi amor, *Vide* Amot.
 Prudentia quid, 536. a. Est appetendarum rerum &
 vitandarum scientia, 580. e. 703. f. In animo con-
 stituta est, 574. b. Definitur etiam per amorein
 Dei, Amore a quibus adjuvatur, ab eis quibus
 impeditur, sagaciter feligens, 697. b. Illi adscri-
 bendum quod anima æterna & superiora magis ap-
 petenda cognoscat, quam inferiora, 531. a.
 Psalmorum cantus toto Christiano orbe celebris,
 160. b. Quando inductus Mediolani, 162. f. Can-
 tantur psalmi in funere defunctorum, 168. c. in
 Ecclesia, 187. f. ad Altare, 45. f. De hoc cantu
 quæ Athanasii & Augustini sententia, 187. f. Psal-
 mi litteræ de melle cæli melleæ, 161. e. Explicatio
 Psalmi iv. *Cum invocarem*, 160. b. & *seqq.* Psal-
 mus contra partem Donati Abecedarius 31. f.
 Psalmorum vis, & utilitas, 160. b.
 Pudicitia sedes, 574. b. Eripi non potest animo in-
 violato, 574. b. Qui servandæ pudicitia causa
 hominem interficit non excusatur a peccato. *ibid.*
 Puellæ instituendæ modus, 163. e. f.
 Pueri humilitate, non ætate, regnum cælorum as-
 sequuntur, 81. a.
 Pueritiæ vitia ad succedentes ætates transeunt, 80. f.
 & *seqq.*
 Pulcritudo quid, & in quo consistat, 104. c. 531. c.
 Ex similitudine & quadam partium unitate venit,
 769. a. Unde quidquid ordinatum est, quantum-
 cumque sit fœdum, pulcrum est, 775. d. & *seqq.*
 Pulcritudo corporis, 774. c. & *seqq.* Multis miseriis
 obnoxia est, *ibid.* Seducit sui confectatores,
 761. d. & *seqq.* Cut sæpe nos fallat, 770. e. Pul-
 critudines exteriores a Dei pulcritudine veniunt,
 189. a. Quæ delectant, ideo delectant, quia pul-
 cra sunt, 769. a. Pulcritudo quæ partibus con-
 stat, multo laudabilior est in toto quam in parte,
 658. b. Ubique & in omnibus pulcritudo perci-
 pitur, 325. a.
 Punctum indivisibile, 410. a. Ejus & signi disci-
 men, 410. a. b. puncti potentia, *ibid.* c.
 Pupillæ oculi vis, 412. d.
 PYRAMUS, & THYSBES. 318. f. 320. c. 324. f.
 PYTHAGORÆ laus, 291. f. improbat, 6. e. Agno-
 scit Pythagoras animæ immortalitatem, 292.
 a. Ejus de administranda Rep. judicium, 352.
 c. Ejus errores plures, 6. e.

Q

QUANTITAS duplex, molis & virtutis, 403.
 a. Nullum est corpus quod non habeat longi-
 tudinem, latitudinem, & altitudinem, 404.
 b. Animæ nullam esse quantitatem molis, fuse
 in libro de *Quantitate animæ*, 403. & *seqq.* sed
 inesse quantitatem virtutis, cujus septem gradus
 assignantur, 134. a. & *seqq.* Omne corpus quantu-
 lumcumque sit, habet dimidium, & si dimi-
 dium, innumerabiles partes, 777. b. *Vide* Corpus.
 Quantitas syllabarum diverso modo a Grammaticis
 & Musicis attenditur, 457. f. 458. f.

Quærere. Maxima res cum a parvis quærentur, ma-
 gnos eos solent efficere, 252. e. Nulli homini abla-
 tum est scire utiliter quæri, quod inutiliter igno-
 ratur, & humiliter confitendam esse imbecillita-
 tem, ut quærenti & confitenti Deus subveniat,
 632. a. Neque omnes a quibus quæritur docere
 possunt, neque omnes qui quærent discere digni
 sunt, 687. c. Veritatem quidam non pie quærent,
 & ideo non inveniunt, 110. b. Si sapientia & ve-
 ritas ita quærat ut dignum est, subtrahere sese
 atque abscondere a suis dilectoribus non potest,
 699. b. Amore quæritur, *ibid.* Fieri non potest
 divina quadam providentia, ut religiosi animis
 seipos & Deum, id est veritatem pie, caste ac
 diligenter quærentibus, inveniendi facultas desit,
 413. a. Quod hortante Domino quærimus, eo-
 dem ipso demonstrante inveniemus, 587. a.
 Quæstionum tria genera, an sit, quid sit, quale sit,
 176. e. Liber de *diversis quæstionibus octoginta-
 tribus*, 37. d. *Sex quæstiones contra Paganos ex-
 posita*, 53. a. *Quæstionum libri septem*, 59. f.
 Quies frustra quæritur in creaturis fugacibus, 102. f.
 & *seq.* In Deo solo habetur, 1. 2. b. Ibi est locus
 quietis imperturbabilis, ubi non deseritur amor si
 ipse non deserat, 103. a. Fecit nos Deus ad se,
 & inquietum est cor nostrum donec in Deo requie-
 scat, 69. a. Ostendit Deus quam magnam creatu-
 ram rationalem fecerit, cui nullo modo sufficit ad
 beatam requiem quidquid ipso minus est, 228. a.
 Ignavia quasi quietem appetit, quæ vero quies
 certa præter Dominum, 86. b. Quies est apud
 Deum valde, & vita imperturbabilis, 88. c. Re-
 quievit Deum ab operibus suis ut intelligendum,
 658. f. Quomodo Deus requiescet in nobis sabbato
 æternæ vitæ, 244. b. In iis requiescere dicitur
 Spiritus-sanctus, quos in se requiescere facit,
 226. e. Quod quietum est, non est nihil, immo
 magis est quam id quod inquietum est, 619. f.

R

RAPERE quomodo rapiat hominem Deus,
 184. a. & *seq.*
 Ratio est mentis motio, ea quæ discuntur, distin-
 guendi & connectendi potens, 342. f. & *seq.* Est
 adspetus animi, quo per se ipsum, non per cor-
 pus, verum intuetur, aut ipsa veri contempla-
 tio, non per corpus, aut ipsum verum quod con-
 templatur, 391. c. d. Est quasi animæ caput, aut
 oculus, 526. a. 591. a. est excogitatrix omnium
 disciplinarum, 345. a. Per eam homo bellus præ-
 stat, 576. b. Unde spiritus hominis dicitur in Scri-
 pturis ratio, qua ab eis distat, 669. c. per eam
 judicat de sensu interiore, 590. f. Ratione nihil in
 homine præstantius est, 591. a. illius ministri sunt
 tam interiores quam exteriores sensus, 588. f. unde
 corpori ac sensibus præstat, 766. b. & *seqq.* In visu
 tamen, & auditu, & in ipsa etiam voluptate quæ-
 dam illius vestigia sunt, 344. b. Ratio ipsa ratione
 cognoscitur, 607. f. ac se ipsam comprehendit,
 589. a. Duo sunt, in quibus illius vis potest ipsis
 etiam sensibus admoveri, opera scilicet, & ver-
 ba, 343. f. illa præstantior est virtus, 767. f. & *seq.*
 in investigatione rerum divinarum deficit, 691. c.
 Ratio & auctoritas quomodo conducunt ad discen-
 dum, 341. a. & *seq.* *Vide* Auctoritas.
 Ratiocinatio est a certis ad incertorum indagationem
 nitens cogitatio, 387. d. est rationis inquisitio,
 427. b. hujus, & rationis discrimen, 426. e. &
seq. utriusque usus, 427. c.
 Rationabile quid, 343. d. in tribus apparet, 345. a.
 Ejus & rationalis discrimen, 343. d.
 Reatus culpæ & pœnæ distinctio, seu peccatum, &
 pœna peccati, 25. a.
 Regnum uxorum, 130. f.
 Regnum cælorum quibus promissum, 33. c. 81. a.
 Regni Dei descriptio, 27. e. qui ejus possessores,
ibid.
 Regnum lucis & tenebrarum, Manichæorum fig-
 mentum, destruitur lib. de *morib. Manich.* cap.
 3. 4. 5. &c.
 Relaxandi animi gratia voluptatem aliquam post ma-
 gnas curas capere, modestissimum est: ab ea vero
 capi interdum, turpe. 446. e.
 Religio ex eo dicta est, quod nos religet Deo, 21.
 d. 787. e. & *seqq.* vel ex eo quod nos religat, 21. d.
 Varia sunt falsæ religionis genera, 786. b. & *seq.*
 apud Paganos vera quærenda non est, sicut nec
 apud Hæreticos, Schismaticos, Judæos, 751. a.
 & *seq.* sed apud Christianos reperitur, 19. a. 748.
 b. & *seqq.* hæc religio Christiana etiam apud anti-
 quos fuit, 19. c. illiusque salus nulli umquam de-
 fuit, qui dignus fuit, 53. b. quomodo hoc in-

telligendum, *ibid.* Religio vera ea est, qua se uni
 Deo anima, unde se peccato velut abruerat, re-
 conciliatione religat, 439. d. Ertor in religione
 venit ex hoc, quod pro Deo colatur creatura,
 754. b. Religio qua a pueris semel imbuti sumus,
 ad se nos etiam inscios rapit, 263. f.
 Reliquarium Evæ, 114. d.
 Reminiscencia quid, 180. c. & *seq.* 177. b. 417. f.
 523. f. reminiscencia animarum ex Platone impro-
 batur. 17. b.
 Remissio peccatorum est a Spiritu-sancto, 229. f.
 230. a.
 RENATUS Monachus de Cæsarea misit ad S. Aug.
 duos libros contra ejus opera scriptos, 61. a.
 Requies animæ solus est Deus, 69. b. 32. b. quomodo
 intelligendum quod Deus requieverit die septi-
 mo, 658. e. 659. a. & *seqq.* 660. & *seqq.*
 Res magnæ magnos viros desiderant, 252. a. & si a
 parvis quærentur, magnos solent eos efficere,
ibid. e. Res non discuntur per ipsa verba, 558.
 f. 559. a. & *seqq.* Reum temporalium instabilitas,
 618. e. & *seq.* Non res, sed homines qui rebus
 male utuntur culpandi sunt, 583. e. cum ex bono
 usu, alius bonus, ex malo alius malus evadat,
ibid. d.
 Restituere pretium quo Christus nos emittit, nemo va-
 let, ut nos ei auferat, 170. c.
 Resurrectio corporum, 17. e. 437. c. 519. c. stabili-
 tas corporum post resurrectionem, 19. d. 28. a. 33.
 f. discrimen corporis ante peccatum, & post re-
 surrectionem, 19. e. discrimen resurrectionis ju-
 storum & impiorum, 765. d. post resurrectionem
 corpus & anima vigeant per Filium Dei, & per
 Spiritum sanctum, 756. a.
 Retractatio Operum ab Aug. quo consilio facta, 2. f.
 Rex nova præcepta imponere potest subditis, 94. a.
 & illi non obedire peccatum est. *ibid.*
 Rhetorices inventio, 346. b. dicitur victoriosa loqua-
 citas, 97. d. illam docet August. *ibid.* c. Thaga-
 ste, 99. d. Carthagine, 112. f. Romæ, 117. c. Me-
 diolani, *ibid.* f. illius professionem deserit, 157. d.
 Rhythmus quid, 347. b. latine numerus dicitur,
ibid. Ejus nomen in musica late patet, 472. d. De
 rhythmo copiose. 471. f. & *seqq.*
 Ritus. Infima est hominis proprietas, 577. a. nihil
 fœdus ritu, irrisione dignissimo, 256. a. ratio
 præveniat ritum necesse est, *ibid.*
 ROMA Gorthorum irruptione sub Alarico Rege e-
 versa est, 56. d.
 Romana nobilitas idololatriæ dedita, 146. b.
 ROMANIANUS Thagastensis, 130. c. egregia ejus
 indoles, 249. d. opes copiosæ, 130. c. 245. d.
 249. d. Augustinum patre orbatum consolatur,
 ope adjuvat, & domo ac sumptu excipit Cartha-
 gine studiorum causa peregrinantem, 262. e. f.
 fit Manichæus alliciente Augustino, 251. b. ejus
 studia, *ibid.* d. sæculo immerfus adversa fortuna
 eripitur, *ibid.* Mediolanum ad Comitatum Impe-
 ratoris ob negotia venire compulsus est, docente
 ibi Augustino, 130. c. Molestis litibus implici-
 tus, vitæ beatæ ardore inflammatur, 263. c.
 Ipsum ad philosophiam adhortatur August. 251. a.
 & *seq.* 262. c. 263. b. Licentii ejus filii jam philo-
 sophi exemplum proponens, 264. f. illius studio
 tandem accenditur, 264. a. etsi duobus impedi-
 mentis inveniendæ veritatis teneretur, 265. a.
 Illi invidet Augustinus quod solus Luciliano suo
 frueretur, 265. e. illum laudat, 262. c. & *seq.*
 ac beneficia in se collata recolit, *ibid.* c. 263. a.
 Pollicetur se illi scripturum opusculum de vera re-
 ligione, 265. b. 752. c. quod ipsius inserto nomi-
 ne edendum curavit, *ibid.*
 RUFFINUS Sexti philosophi sententias sub nomine
 S. Xisti Papæ & Martyris edidit, 56. d. *Not.* d.
 RUSTICUS consobrinus S. Augustini, 300. b.

S

SABBATI Sacramentum aperitur, 658. f.
 Sacerdos Christus & sacrificium, victor & vi-
 ctima, 194. e. Sacerdotum filii defunctis sacerdo-
 tibus succedebant in Lege, 57. c. 60. d.
 Sacramenta pauca sunt in novo Testamento, multa
 fuerunt in veteri, 758. e. f. Hæc nunc ab actione
 remota, in fide atque interpretatione manserunt,
ibid. f. Cur alia in veteri lege, alia in nova in-
 stituerit Deus, 759. a. Cur iis egeamus, 234. d.
 & *seq.* Sacramenta Christi per totum orbem perva-
 serunt opera servorum Dei 234. b. Deus in eo-
 rum ministris operatur, 235. b. Sacramenta ini-
 tiorum, 237. c. 240. d. Quæ Christus docuit,
 traduntur secretius firmiusque Sacris quibus, ini-
 tiamur, in quibus bonorum vita facillime non
 dispu-

disputationum ambagibus, sed Myſteriorum aucto-
ritate purgatur, 341. f. Præcipitur in Myſteriis ut
omnia corporea contemnamus univerſoque huic
mundo renuntiemus, quia non eſt alia ſalus animæ
aut renovatio, aut reconciliatio auctori ſuo, 403.
b. Homo ſpiritalis iudicat de ſolemnitate Sacra-
mentorum quibus initiatur & Eucharistiæ, 237.
c. Sacramenta ſive paria ſive diſparia celebrantes
hæretici a catholica communione ſunt excluſi,
751. b. c
Sacramentum ſalis, 75. f. *Vide Not. d.*
Sacramentum baptiſmi, *Vide Baptiſmus.*
Sacramentum corporis Chriſti. Piſcis de profundo
levatus manducatur in menſa parata in conſpectu
credentium, 235. b. 237. d. *Vide Eucharistiæ.*
Sacrificium pretii noſtri, pro mortuis offerri ſolitum
poſito juxta ſepulcrum cadavere, 168. f. Sacri-
cium juſtitia, 542. a. cogitationis, & linguæ, 195.
f. Flamma cælitus facta in ſacrificio Abrahæ non
fuit miraculum & quare, 57. b. *et ſeq.*
Sæculo non oportet conformari, ſed imitari imita-
tores Chriſti, 235. f. Sæculorum partes damna-
tione facti ſumus, 527. f. 762. c
SALLUSTIUS lectiſſimus verborum penſator, 310. f
Salſi qui joculari amant, 674. e
Salus religionis Chriſtianæ nullumquam deſuit qui
dignus fuit, 53. b. Quomodo id intelligendum,
ibid. Oeconomix divinæ ratio erga ſalutem homi-
nis, 691. f. Via ſalutis in Chriſto, & Scripturis
ſanctis, 137. c
Samardaci plani homines, 290. b. *conſule Not. a*
SAMUEL non ſolum levita, ſed & ſacerdos fuit,
60. c. *Vide Not. b.* Inter filios Core æmuli Aaron
nominatur, 57. c. *Vide Not. a*
Sancti antiqui in Chriſtum paſſurum crediderunt,
194. d. Sanctorum conſtantia pro Eccleſia, 752. b.
An ſint in beatitudinis poſſeſſione, magna quæ-
ſtio eſt, 22. b. *et ſeq.* Vivunt in ſinu Abrahæ no-
ſtri memores, 159. c. Honorandi ſunt, non ado-
randi, 786. b. Eorum corda ſunt thuribula Dei,
172. e. Sanctorum memoriæ, 119. e
Sanctimoniales, earum inſtitutum, 711. c. *et ſeq.*
Nonnullæ in urbe Roma hæreſi Joviniani infe-
ctæ nupſerunt, 49. d
Sanitas unius diei, melior eſt quam multorum die-
rum imbecillitas, 515. e
Sapiens quis dicendus, 577. c. *et ſeq.* Sapiens eſt
qui regno mentis, omni libidinis ſubjugatione
pacatus eſt, *ibid.* f. Sapiens eſt qui juſte, prudenter
& c. vivit, 598. c. Sapiens ſemper Deo infixus eſt ſive
tacitus, ſive loquens, 332. e. Non vocabulorum
opiſex, ſed rerum inquiſitor eſſe debet, 272. d.
Ejus partes, 260. a. conſtantia, 337. c. 352. f. Ejus
a ſtudioſo diſcrimen, 276. b. & a ſtulto, 577.
c. Sapiens in cognitione ſolam amat veritatem, in
actione pacem, in corpore ſanitatem, 784. f. *et ſeq.*
Nullo indiget, 308. a. In eo ſolo vera ſcientia, 258.
b. Hujus ſolius æſtimanda auctoritas, 252. f
Sapiens contra Academicos perfectus eſſe debet: per-
fectus autem non eſt qui adhuc verum quærit,
260. c. Sapiens ſe ipſum intelligit, 331. c. Illi
certa eſt ſapientia: aſſentiturque ei rei, quam
ſi non percepit, ſapiens non eſſet, 289. b. Sa-
piens non nihil ſcit, qui ſaltem ſcit ſapientiam,
276. f. *et ſeq.*
Sapientia diverſæ notiones, 595. f. *et ſeq.* Lux eſt
quædam ineffabilis, & incomprehenſibilis men-
tium, 366. b. Eſt ipſa veritas, 312. a. in qua cerni-
tur & tenetur ſummum bonum, 596. b. Eſt modus
animi, 311. c. Eſt plenitudo, *ibid.* Eſt recta via
vitæ, 256. a. Eſt luminare majus firmamenti, 233.
a. Eſt opimum in anima, 365. f. Deſinitur rerum
divinarum, humanarumque ſcientia, 257. b. Quæ
deſinitio diſcutitur, *ibid.* *et ſeq.* Nullius rei in
animis noſtris apertioreſ notitiam natura eſſe vo-
luit, quam ſapientia, 256. f. Unde ſicut omnes
beati, ſic & ſapientes eſſe volunt, 596. d. Sapien-
tia ipſa ſtudioſis ſui ſe ſe oſtendit, 603. d. Et ſicut
lux ſolis una eſt omnibus videntibus, ſic una eſt lux
ſapientia omnibus communis, 337. a. *et ſeq.*
Sapientia & numerus idem, 599. a. Unde ergo tam
cara eſt ſapientia, & tam vilis numerus, *ibid.* *et ſeq.*
Nec amicorum præſentia, nec vita propter ſe ipſa
expetendæ ſunt, ſed propter ſapientiam, 365. b. Ejus
amatores, plurimos qui eam ſecum quærant, expe-
runt, 366. a. Invenitur media quædam affectio inter
ſtultitiam & ſapientiam, 22. f. 639. c. *et ſeq.* 640. e. *et ſeq.*
Quinam alieni a ſapientia, 311. c
Quibus gradibus perveniat ad ſapientiam, 366.
f. *et ſeq.* Animum mortalibus inhærentem ſa-
pientia portus non recipit, 249. b. Non inve-
nitur ſapientia niſi totis animi viribus concu-
piſcatur, 699. b. Ejus inventio præponenda eſt

thæſauris, 151. f. Illam habet quiſque beatus
eſt, 311. f
Sapientia Dei Filium nihil aliud eſſe quam Dei Sa-
pientiam, 311. f. Idque credendum tradebatur in
fidei profeſſione, 602. e. f. Non alia ad ſapientia
conjunctionem via præter Chriſtum, 7. c
Sapientie librum Judæi non recipiunt in auctoritatem
canonicam, 49. b. Hujus libri auctor, 43. d
Σαπρόφιδος græcis qui, 531. c
SARA & AGAR duo Teſtamenta adumbrant,
33. c. *et ſeq.*
Saraballæ quid ſignificent, 558. f. *Vide Not. a*
Sarmadaci. *Vide ſupra Samardaci.*
Scarabæi de ſimo exiſtunt, 738. f. In Lege immundi
erant, 47. b
Schisma. Poſſet eos qui ſchiſmata fecerunt area
dominica uſque ad tempus ultimæ ventilationis
velut paleas ſuſtinere, niſi ſe ſe a nobis ultro ſe-
paraſſent, 751. c. d
Schismatici inter mortuos & perditos computan-
di, 52. a. Illos ad communionem catholicam
violenter reduci olim non approbabat Auguſt.
Sed poſtea expertus quantum eis in melius mutan-
dis conferre poſſet diligentia diſciplinæ, mutavit
ſententiam, 43. f
Scholaſticorum apud Carthaginem licentia, 113. c.
d. Romani erant modeſtiores, *ibid.* qui magiſtrum
tamen ſæpe fraudabant, 117. c
Scientia rerum humanarum illa eſt, quæ novit lu-
men prudentia, temperantia decus, fortitudinis
robur, juſtitia ſanctitatem, 258. d. ſcientia eſt
luminare minus, ſapientia luminare majus, 233.
a. ſcientia eſt cum res aliqua firma ratione perce-
pta & cognita eſt, 22. c. 425. e. unde illa ſcientia
dicenda non eſt, in qua qui eam proſitetur aliquan-
do fallitur, 258. a. Stoici ſcientiam nulli tribuunt
niſi ſapienti, 360. a. diſſimilium eadem, aut par
eſt ſcientia, *ibid.* ſcientia numquam mala eſſe
poſteſt, 576. e. anima cibus eſt, 301. b. Caven-
dum a vanæ cognitionis aviditate, 701. f. falſa-
rum rerum ſcientia eſſe non poſteſt, 276. b. d.
279. a. ſcientia noſtra, ſcientia Dei comparata
ignotantia eſt, 197. d. Unde fiat ut ſcientiam pau-
ci & raro conſequantur, 261. d. ad perveniendum
ad ſcientiam tranſgrediendi ſunt ſenſus interior
& exteriores, 588. c. ſcientia & ſenſus quid diſfe-
rant, 428. c. *et ſeq.* 429. a. ſcientia, & experien-
tia diſcrimen, 576. f
Scire aliquid noſ æſtimare non debemus, niſi quod
maxime nobis eſt manifeſtum, 265. e. ſcimus ali-
quid & experientia ſenſuum, & fide teſtium, 22. f.
quædam in phyſicis certo ſciuntur, 284. f. *et ſeq.*
Scriptura ſacra eſt venerabilis ſtilus Spiritus Dei,
143. e. In ea Deus ipſe loquitur, 241. a. Ejus divi-
na auctoritas, 123. b. 221. f. 230. e. f. de hac uſe diſ-
ſeritur, 707. f. *et ſeq.* mira ejus profunditas, 123.
b. 96. b. 214. e. 691. f. *et ſeq.* & ſimplicitas, 91. a.
et ſeq. 123. c. 222. d. quæ magiſtra eſt humilitatis,
222. b. *et ſeq.* 231. a. Serviendi animæ libera eſt,
contaminata pura, corrupta integra, 133. b. Au-
guſtini ſunt caſtæ delicia, 195. e. *et ſeq.* omnibus
ſæculi deliciis ſuaviores, 196. c. Scripturæ ſumma
eſt veritas, 220. e. 237. a. magnaue præ litteris
prophanis excellentia, 144. d. Variæ ejus interpre-
tationes ſimul poſſunt eſſe veræ, 220. a. 224. d. nec
obeſt aliter quam alii ſenſerint, ſentire, modo
vera ſint quæ exiſtimamus, 217. f. quis ſenſus
habendus ſit excellentior, 224. f. Ejus loquen-
di modi metaphorici quomodo intelligendi,
783. d. ejus expoſitio a quibus petenda, 687.
b. c. De ea nemo judicare debet, 236. f. *et ſeq.*
Laus ejus & dignitas, 231. d. *et ſeq.* ab ejus do-
cumentis non eſt diſcedendum, 325. f. cum ſa-
lutaria præbeat præcepta avaris, luxuriſis &c.
749. f. In ea multa indoctis videntur abſurda,
quæ rite expoſita, laudantur, 387. a. Scrutanda
eſt cum honore famulorum Dei qui eam diſpen-
ſarunt, 224. e. ejus perſeſcrutatio, in curioſitatis
medelam eſt, 783. e. Translatio ſcripturæ vete-
ris e græca lingua in latinam facta ſecundum
i. x. x. interpretes, 9. b. Neceſſitas Scripturæ orta
eſt ex peccato, 666. c
SECUNDINUS Manichæus, ex iis quos Audito-
res vocabant, 45. d
Securus nemo eſſe debet in hac vita, quæ tota ten-
tatio eſt, 187. b
Seditiones chriſtianorum carnalium ſæpe bonos vi-
ros ex Eccleſia, divina permittente providentia,
expellunt, 752. a
Senatoria ætas, 340. f
Senectus nullo ſtatuto annorum tempore deſinitur,
662. c
Senex & ſenior quo differant, 660. f

Senſus quid ſit diſcutitur uſe, 421. a. *et ſeq.* ſenſus
alii dicuntur corporis, alii animæ, 361. a. ſenſus
animæ, ſunt quaſi oculi mentis, *ibid.* ſenſus alii
ſunt exteriores, alii interior. Exteriores ab inte-
riori ſentiuntur, 589. b. non vero a ſe ipſis, *ibid.*
a. ſenſus interior moderator, ac judex eſt exte-
riorum, 590. c. *et ſeq.* Senſus interior diſſert a ratio-
ne, *ibid.* etſi in ſenſibus quædam appareant ratio-
nis veſtigia, 344. b. ineſt beſtiis, *ibid.* a. Externi
ſenſus dicuntur janua carnis, 176. e. Eorum offi-
cia, *ibid.* ſunt nuntii per quos homo interior co-
gnoſcit, 174. b. pulcher motus, ſenſum mulcer,
per ſenſum autem animum, 344. f. per ſenſus in
anima plagis ſæpe vapulamur, 750. d. qui iis bene-
uitur, intrat in gaudium Domini ſui, 785. d. Sen-
ſuum delectatio æternæ vitæ jucunditati compara-
ta, ne quidem commemoratione digna eſt, 166.
c. Geometria ſenſibus percipi, non poſteſt, 359. f.
Quidquid ſenſu attingitur, non unum ſed multa eſ-
ſe convincitur, 594. d. Senſus numquam fallunt,
inquebant Epicurei: noli plus aſſentiri quam ut
tibi ita apparere perſuadeas, & nulla deceptio
erit, 286. a. *et ſeq.* Quidam philoſophi, iſta
omnia quæ corporis ſenſu percipit animus, opi-
nionem gignere poſſe conſitebantur, non vero
ſcientiam, *ibid.* e
Sentire quid, 520. b. aliud eſt ſumma ſtoliditate, aliud
ſumma ſanitate corporis nihil ſentire, *ibid.* c
Septem ætates mundi, 659. e. ſeptem dierum altior
allegoria, 662. d
Sepulcrorum & picturarum adoratores, 713. c. *et ſeq.*
ubi & immoderatus circa mortuorum cada-
vera luxus notatur,
SERGIUS ORATA fortunatiſſimus, 308. d. 309. d
Serpentes acutiſſime vident, & luce gaudent, 722. c.
ſerpentes aprici, *ibid.* ſerpentes boni (allegori-
ce) id eſt non pernicioſi ad nocendum, ſed utili
ad cavendum, 236. a. In ſerpente diabolus, 673.
a. Ejus cum Eva inimicitia, & poenæ, 676. a.
hæreticorum eſt figura, 681. a
Serpentini hæretici, 681. f
Servi quid debeant dominis, & domini ſervis,
709. b. Servi rerum mortalium ſiunt qui earum
domini eſſe deſiderant, 703. a
Serviri ſibi vult Deus voluntarie, non neceſſario,
756. f. Omnia Deo ſerviunt ſive ad vindictam pec-
catorum, ſive ad hominis liberationem, 758. c.
Illi ſervire perfecta libertas eſt, 438. e. Anima ſi
Deo ſerviat, ei cetera ſervient, 777. f. Regula
ad ſervos Dei, 789
Servitus miſera Idololatræ, 772. a. Servitus Le-
gis & libertas Evangelii, 706. f. Servitus ſub pec-
cato quæ dicatur, 578. d. *et ſeq.*
Seſque, unde dictum, 452. f
SEXTUS Pythagoricus, 56. d
Signum quid, 410. b. Varia ſignorum genera, 545. *et ſeq.*
Signa ſui ſignificativa, 550. f. *et ſeq.* Res
quæ ſignificantur, pluris quam ſigna pendendæ
ſunt, 555. a. An res aliqua monſtrari poſſit abſque
aliquo ſigno, 543. f. *et ſeq.* An ſigna ſignis mon-
ſtrentur, 445. b. *et ſeq.* Signum magis re cognita,
quam ſigno dato ipſa res diſcitur, 559. b
Signum mathematicum quid, 410. a. Ejus & puncti
diſcrimen, *ibid.*
Silentium in Muſica, 480. a. *et ſeq.*
Similitudo vero opponitur, 374. d. Non ſenſu, ſed
mente conſpicitur, 767. b. *et ſeq.*
SIMPLICIANUS Mediolanenſis preſbyter, 145. a.
et ſeq. Pater ſpiritalis Ambroſii, *ibid.* f. Er ejus
poſtea in Mediolanenſis eccleſiæ regimine ſuc-
ceſſor, 42. a. Conſulitur ab Auguſtino, 145.
a. Adeumdem ſcripti libri duo *de diverſis quæ-
ſtionibus*, 41. d
Simplicitas. ejus bonum, 674. c
Societas juſta eſt, quæ Deo ſervit, 95. a. Societas
perditorum multum nociva eſt, 83. f. *et ſeq.* 87.
c. 88. a
SOCRATES, 267. e. Præceptor Platonis, 291. f. De
diis quid ſenſerit, 747. c. *et ſeq.* ejus dictum, 401.
a. Cur per canem quemlibet & lapidem, & quid-
quid obvium eſſet jurare ſoleret, 747. c
Sol. In ſole tria ſunt, eſſe, lucere, & illuminare, 362.
d. Sol celebratur a Manichæis, 648. a
Solitudo penitentia aptiſſima, 155. f. Hominem
juvat ad animum colligendum, 316. c. Summa
chriſtianæ perfectionis eſt, ſolitudine delectari,
709. f
Solæciſmi, & barbariſſimi ad orationis venuſtatem
quandoque conferunt, 335. d. e
Somni effectus, 397. b. facit membra languere,
419. c. Somni exſtatici Adami myſtica explica-
tio, 671. f
Sonus triplex eſt, aut in voce animalis, aut in
eo

eo quod status in organis facit, aut in eo quod pulsu editur, 346. c. Ejus discrimen a numero, 513. d. & a cantu, 223. a.

SORANUS medicinae auctor, 62. f.

Spectaculorum vanitas, 75. d. 88. d.

Spiritalis homo etiam venumdatus est sub peccato, 40. d. *Vide Homo*.

SPIRITUS SANCTUS dicitur Dei Donum, Munus, Ignis, Amor, Caritas, Pax, Gratia, Requies nostra, Locus noster, 228. c. 437. f. 787. e. & *seq.* Ipsum Deum esse probatur, 696. f. Dicitur ea facere in nobis, quæ per eum facimus, 241. e. f. Solus superferri dicitur super aquas, quare, 228. c. c. Spiritus sancti dona si scribis comparantur, 2. 3. a.

Spiritus beati, domus Dei, 212. d. Cælum cæli dicuntur, *ibid.* c. *Vide Angeli*.

Spiritus rectus, quando & quomodo in anima instauratur, 436. f. Spiritus & carnis pugna, 14. d. 29. b. 631. a. & c. Spiritus & cupiditatum regna describuntur, 577. f. & *seq.*

Spiritus immundus duobus modis dicitur, 395. d.

Stellæ solatia noctis sunt, 242. c.

Stili ferrei duplex usus, 760. c.

STOICI soli sapienti scientiam adtribuunt, 360. a.

Studium. Oratio ante studium præmittenda, 261. e.

Tranquillitas animi studentem necessaria, 436. a.

Stultitia est rerum appetendarum, & vitandarum vitiosa ignorantia, 639. d. Omnia animi vitia complectitur, 310. c. Egestas est animi, 309. c. 310. b. tenebræ mentis, 334. d. 640. c. maximum vitiorum, 639. c. Etiam stultorum judicio miserrima, 260. c. Aliquid medium inter stultitiam & sapientiam reperitur, 639. c. d. 640. d. e. quod exemplo parvulorum explicatur, 23. a.

Stultus est in quo mens summam potestatem non habet, 577. c. Discrimen stulti & sapientis, 577. c. d.

Suavitas. Amor temporalium rerum non expugnat nisi aliqua suavitate æternarum, 536. e.

Substantia est quæ veribus natura vocabatur, 716. f. Nulla substantia malum est, 103. f.

Superbia est videri velle quod non est. 666. f. Nihil eo vitio immanius, 279. c. Initium est omnis peccati, 532. a. b. Princeps omnium peccatorum, 622. f. ejus origo, 670. b. Quomodo ab illa tentamur, 190. f. ejus effectus, 537. a. Per illam misericordiæ medicina respicitur, 622. f. Egregia ejus descriptio, 532. b. c. Mater est omnium hæreticorum, 669. b.

Superbus suam amat sententiam defendere, non quia vera est, sed quia sua est, 220. f. Ejus casus unde, 104. b. Perversa superbiorum affectio, 622. c. Nihil tam indignum misericordia, quam superbus miser, 622. f.

Superiores seu Prælati, quomodo gerere se debent, dum amantur, rimentur, laudantur, ne in superbix vitium cadant, 191. a. & *seq.* Timere velle ab hominibus non propter Deum fœda jactantia est, 190. f. Eorum dotes quæ, 710. f. discretio, 7. 2. b.

Supplicium juste peccatoribus infligitur, 621. b. *Vide Pœna*.

Surditas cordis ex tumultu vanitatis, 103. a. Surdus & mutus Mediolani motibus corporis verborum vice urens, 415. f.

Suscepti, 333. f. honorarium dare solent patronis, *ibid.*

SYMMACHUS Præfectus Romæ, 117. e. Augustinum Mediolanum mittit proferendam rhetoricæ gratia, *ibid.*

Synaxes ad memorias Martyrum, 119. e.

T

TANGENDI sensus, 592. f. & *seq.*

Temperantia. Unde dicta, 311. a. quid sit, 535. f. 580. a. 697. b. Ejus officium, 700. d. & *seq.* Pulcror est temperantia animi suam incitiam confidentis quam scientia rerum, 112. f.

Templum Dei mens hominis, 542. a.

Tempus quid sit, difficilis quæstio, 200. f. & *seq.* implicatissimum ænigma, 204. c. Solis, lunæ, & siderum motus non sunt tempora, 204. f. Tempus non est corporis motus, 205. e. Sed quo metimur motum corporum, *ibid.* Est distinctio sed cujus rei? num animi? 206. e. Temporis mensura, 201. b. & *seq.* Quomodo tempus liceat metiri, 204. a. c. 206. b. Tempus præteritum, præsens, & futurum, 201. a. Tria tempora proprie non sunt, 203. e. f. Differentiæ temporis quomodo nominandæ, 203. e. Præteritum tempus & futurum quomodo sit longum, aut breve, 201. b. & c. 202. Non fuit aliquod tempus quando Deus nondum aliquid fecerat, 646. c. 647. b. Nullum tempus sine creatura, 209. a. Quo sensu æternum dicatur 647. b. Tempora æternitatem imitantur, 527. f.

Tenebræ quid, 209. f. Tenebræ super abyssum, *ibid.*

Tenebræ exteriores & ligatio manuum ac pedum, 785. a.

Tentatio triplex, voluptatis, superbix, & curiositatis cavenda monstrata est in Christo, 773. a. Adversus illas tentationes pugna Augustini, 184. f. & *seq.* Quomodo tentatione superamur, 673. f. 674. a. 676. b. Quibus tentationibus resistere valeamus, quibusve non valeamus nescimus, 173. c. Tentatio primorum parentum allegorice exposita, 673. d.

Terræ ineffe unitatem quandam, numeros & ordinem, 538. e. Terra maledicta spinas gignens admonet hominem ut avertatur a peccatis & ad Dei præcepta convertatur, 652. f.

Testamentis duobus vetere & novo disciplinæ regula nobis traditur, 706. f. Prævaler in vetere timor, in novo amor, *ibid.* Utriusque ordo mirabilis, *ibid.* & 758. e. Concentus utriusque in præcepto caritatis, 692. e. 697. d. 699. f. 700. a. Testamentum novum in veteri prænuntiatum, 33. b. Testamenti veteris nomine quid Apostolus vocat, 43. e.

Thagastense municipium Augustini patria, 83. b. 101. f. ubi is docere cepit, 124. e.

THEODORUS ingenio, eloquentia & divitiis præstans, 328. a. Huic rescribitur liber de beata vita, 297. a.

Tigris fluvius, 670. d.

Timore pietas inchoatur, caritate perficitur, 758. e.

Timor pœnæ sine caritate non impedit quominus animus vastet libido, 709. f.

TOBIAS cæcus filio suo caritatis pede præibat, 188. d.

Transeuntium rerum ordini pro nostris meritis assuti sumus, 527. f. Temporalium amatores nolunt transire quod amant, 762. b. Rerum transitorium administratio solis impiis displicet, *ibid.* f.

TREVERI, 150. f.

TRINITAS. Deus est una Trinitas, 211. e. & trinitas, *ibid.* & 26. f. 696. f. Quæ nihil aliud est nisi id ipsum esse, 696. f. Trinitatis mysterium in Genesi insinuat, 225. f. & *seq.* Personæ proprietatibus & nominibus variis notatæ, 708. f. 752. f. 312. a. 437. f. Deum omnipotentem & Tripotentem esse docebat in sacris myteriis, 336. e. mens purgata idonea est percipiendæ Trinitatis, 752. f. Omnis creatura a Trinitate habet esse, speciem & ordinem, *ibid.* & *seq.* tota est a tota Trinitate, *ibid.* Symbola Trinitatis in homine, 229. a.

TRYETIUS Augustini civis & alumnus, 300. b.

Apud Cassiciacum disputat in libris de *Academicis*, de *Beata vita*, & de *Ordine*, 251. d. & *seq.* Historiam adamavit, 317. e. Aliquando militiæ nomen dederat, 251. d.

Tunicæ pelliceæ, 682. e.

Tutium jurgium, 27. b.

Tyberis fluvius prius Albula dicebatur, 670. e.

TYCHONIUS, 48. e.

V

VALERIUS Comes, 59. b. Ad quem scripti libri duo de *Nuptiis*, *ibid.*

Vanitas est omnis creatura, non ex se, sed ex hominum vitio, 761. d.

Vanitantes quinam, *ibid.* & 437. a.

VARRO auctor fide dignus, 352. e.

Vela grammaticarum scholarum liminibus appensa, 77. e.

Venenis affueta mulier, 720. c. Venenosa cur gignit tellus, 652. f.

Ventus quid, 404. c. Ex diversis partibus cæli diversa nomina sortitur, *ibid.* Pascere ventos, id est dæmones, est errando eis esse voluptati & derisui, 98. b.

Verba admonent ut quæramus res, non eas exhibent, ut noverimus, 559. f. Verbis immorari cum de re constat, turpe est, 222. b.

VERBUM Deus apud Deum, sempiternæ dicitur & eo sempiternæ dicuntur omnia, 198. c. Ipsum est principium, & magister quo in rus docemur omnem veritatem, 198. f. Verbum Dei in se permanet sine vetustate & innovat omnia, 166. e. *Vide Christus & Filius Dei*.

VERECUNDUS Mediolanensis civis & grammaticus Augustino ejusque sociis familiarissimus, 150. a. Nebridium adiutorem in docendi officio agitat, *ibid.* Augustino de sæculo fugienti cum oculis concedit rus suum Cassiciacum, 158. f. & *seq.* 317. d. Fit Christianus in extrema ægritudine, 158. f. Moritur agente Romæ Augustino, *ibid.*

Verisimile Academicorum, 5. a. 268. d.

Veritas existit, mentibus nostris superior, 600. c. & *seq.* 767. f. & *seq.* quippe quæ non de ipsa, sed secundum ipsam de ceteris judicant, *ibid.* & 141.

f. Veritatem quæ æterna est & omnibus præminet ipsum Deum esse, 1. 9. c. d. 193. e. 221. c. 602. e. 767. f. 771. d. Æterna veritas grandium cibis; qui non mutatur in eum a quo sumitur, sed e contra, 139. c. Veritas cernentes se commutat omnes in melius, a nullo in deterius commutatur, 602. d. Exhortatio perquam egregia ad amplectum veritatis, quæ una beatos faciat, 600. f. & *seq.* Beata vita nihil est aliud quam gaudium de veritate, 182. f.

Veritas nisi divina ope non percipitur, 280. a. Negotium nostrum summum est magnopere quærere veritatem, 273. e. In illius inquisitione beatitudinem consistere opinio Academicorum, quæ discutitur, 252. f. & *seq.* & 303. e. & *seq.* Veritas si non totis animi viribus concupiscatur, inveniri nullo pacto potest, 699. b. Si quæratur ut dignum est, non potest se suis dilectoribus subtrahere, *ibid.* Fieri non potest ut eam pie, caste ac diligenter quærentibus inveniendi facultas desit, 413. b. Noli foras ire, in teipsum redi, in interiore homine habitat veritas, 773. e. Per bonos mores nobis provenit agnitio veritatis, 707. a.

Veritas sola possidet cum securitate, 601. f. & *seq.* Eam nemo amittit invitus, 601. f. 602. c. omnes ambientes se admittit, 602. c. d. communis est omnium, 221. a. Qui vult habere veritatem privatam, timeat ne ea privetur, 221. b. A quovis proferatur, amplectenda, 320. e. Incommutabilis veritas lex est omnium artium, & ars omnipotentis artificis, 767. f. De universis quæ intelligimus, non loquentem qui personat fori, sed intus ipsi menti præsentem consulimus veritatem, 560. e. Cur *veritas odium parit*, 183. a. Veritatem homines amant lucentem, oderunt redarguentem, 183. b. Cujus vita per omnia congruit veritati, is solus est qui bene atque honeste vivit, 414. c. Libertate tunc vera gaudemus cum subdimur veritati, 601. e. *Vide infra*, Verum.

Vermiculi laus, 775. e. disiecti vermiculi partes moventur, 430. f. hujus motus causa inquiritur, 4. 1. & *seq.*

Versus unde dictus, 501. d. 347. a. De versu judicat grammaticus ex auctoritate, musicus ex ratione & sensu, 459. d. Versus quidam ex auctoris sui nomine appellati, 465. a. Versus a doctis vocatur qui duobus membris certa ratione dimensis copulatisque constat, 481. c. Quot temporibus minimus & maximus versus possit constare, 482. b. Terminus versus varius, 501. f. & *seq.* Versus non debet finire pleno pede, 503. c. versus heroici finis, 503. c. d. Quomodo versus heroicus metiendus sit, 503. c. & *seq.* De senariorum versus excellentia, 508. & *seq.* Senarios versus quomodo commodius metiri oportet 509. c. Ut distinguitur versus a rhythmo & metro, 472. f. & *seq.* 499. d. 503. a.

Verum quid sit, 372. a. unde verum aut falsum, 37. a. f. & *seq.* Verum in corpore melius est quam falsum in anima, 516. f. Melior est vera stipula quam lux inani cogitatione pro suspicantis voluntate formata, 786. a. Quando verum dicitur, inspirante Deo dicitur, 239. a. Ipsi est verum omne quod loquimur, 212. c. Deus solus est doctor veri 111. f. Verum comprehendere non posse dicebant Academici, 266. quod refellitur, 284. e. & *seq.*

Veste muliebri qui se ostentant, jure infames, & inrehabiles habentur, 381. f.

VICTORINUS rhetor urbis Romæ venit in linguam Latinam libros Platoniorum, 145. f. Statuam in Romano foro meruit, 146. b. Legit sacram Scripturam & libros Christianorum ac publice profertur fidem, 146. & *seq.* Scholam deserit ob legem Juliani, qua vetitum est Christianis docere litteras & oratoriam, 148. f.

Videre. Aliter Deus, aliter homo videt creatura, 244. c.

VINCENTIUS Victor scripsit de origine animæ, adversus Augustinum, 60. f. Modeste ab Aug. correptus respuit, 61. a.

Vinci ab homine non potest qui vitia vicerit, 778. f. Invictus est qui id soluma nat quod amanti eripi non potest, *ibid.* qui coheret Deo, 780. f. Vincit cum vinci videtur, quisquis cedendo ad id pervenit, quod non amittit invitus, 781. c.

VINDICIANUS senex medicus. 98. d. e. qui proconsul coronam agonisticam Augustino imposuerat, *ibid.* Ipsum ab Altrilogorum natiis revocare satagit, *ibid.* & 135. d.

Vindicta peccatorum certissima, 618. d. 629. a. & citissima post peccatum, 628. e. De deus peccati in rerum natura ne quidem putat temporis existit sine decore vindictæ, *ibid.* Jus vindicandi peccata hominum in Deo probat nos a Deo conditos, 585. b. c. Rectus vindictæ mo-

modus quis, 340. c
 Vir uxori non ad illudendum imbecilliorum se-
 xum, sed sinceri amoris lege præficitur, 709. a
 VIRGILIUS poeta, 78. b
 Virginitas sacratum meritum pudicitiae conjugali
 inæquat Jovinianus, 49. d. Augustini Liber de
 sancta Virginitate, 50. c
 Viride agri allegorice, 666. a
 Virtus dicitur vel recta vel perfecta ratio, 361. e.
 Æqualitas quædam vitæ, rationi undique con-
 sentientis, 414. b. habitus & quasi sapientis ani-
 mæ qualitas, 691. b. Virtus animam facit opti-
 mam, 690. f. Virtutes quibus recte vivitur, ma-
 gna bona sunt, 13. f. 607. b. iis nemo male uti-
 tur, *ibid.* Virtutes nostræ sunt, non res quas da-
 re vel eripere casus potest, 258. c. Virtus ad bea-
 tam vitam ducens nihil est nisi summus amor Dei,
 697. a. Ex vario affectu amoris Dei nascuntur vir-
 tutes illæ quatuor, Prudentia, Justitia, &c. 697.
 a. quæ definiuntur, *ibid.* & 586. c. flumen pa-
 radisi tertetris in quatuor partes divisum signi-
 ficat quatuor virtutes, 670. d. & seq. officia qua-
 tuor virtutum ad dilectionem Dei tendunt, 704.
 b. Quomodo sint in beatis, 536. b. anima quæ
 se sequitur, ut virtutem adipiscatur, stultum ali-
 quid sequitur, 691. a
 Vis. Vires corporis unde majores, 418. f. & seqq.
 Vim vi repellere occidendo eum qui stuprum aut
 mortem inferre molitur, illicitum, 573. d. & seq.
 Visio quomodo fiat, 421. b. & seq.
 Vitam temperationem corporis esse, quidam opina-
 ti sunt, 394. c. Vita a donante Deo, mors a vin-
 dicante, 32. d. Miseria hujus vitæ, 184. c. Vitæ
 regula utriusque Testamenti auctoritate roborata,
 quæ, 703. f. Bene vivere, est toto corde, tota
 mente, tota anima Deum diligere, 704. b. Vita
 æterna est totum præmium cuius promissione gau-
 demus, estque ipsa cognitio veritatis, 704. d. e. In
 justis perficietur post hanc vitam quod in hac vita
 plus diligunt, 784. c. f. similiter & in injustis,
 785. a
 Vitium dicitur quod est contra naturam, 25. c. 626.

b. & seq. Primum vitium animæ rationalis, est vo-
 luntas ea facienda quæ verat summa veritas, 769.
 b. Vitium animæ nihil est aliud quam peccatum &
 pœna peccati, 762. f. Prior corrumpitur vitio suo,
 cuius vitio alius corrumpi potest, 626. e. Indignus
 a vitio quam ab homine vinci, 778. e. Ab homine
 vinci non potest, qui vitia sua vicerit, *ibid.* f. Ex
 ipsis vitio ad monemur ad tendendum in Deum,
 773. d. & seqq. De tribus vitio singillatim, *ibid.*
 Vituperatio peccatorum ad Dei laudem pertinet,
 625. f. & seqq.
 Unctio sacra ad regiam & sacerdotalem personam
 maxime pertinebat, 39. f. Uncti etiam aliquando
 propheta, *ibid.*
 Unguenta ex carnibus animantium, 730. d
 Unitas nonnisi mente conspicitur, 769. c. d. Uni-
 tatem appetit omnis natura, 537. f
 Universi pulcritudo ab unitate, a qua nominatur,
 316. d. 658. c. Ad decorem universi faciunt etiam
 indecora suum in locum redacta, 334. f. & seq. Ex
 beatitudine non peccantium, & miseria peccan-
 tium resultat perfectio universi, 621. e
 Unum. Nihil est esse, quam unum esse, 719. a.
 Simplicia per se sunt, quia unum sunt, *ibid.*
 Quidquid unum est, a Verbo Dei unum est, 771. c
 Vocabulorum occasio, 345. c. Non vocabulorum
 opificem, sed rerum inquisitorem decet esse sa-
 pientem, 272. d. Non sunt contemnenda vetusta
 vocabula, nec facile a consuetudine recedendum,
 nisi quæ rationi adversatur, 465. d
 Vocatio secundum propositum non omnium est qui
 vocantur, sed tantum electorum, 35. c
 Voluntas quid sit, 24. e. Ideo libera est, quia est in
 nostra potestate, 613. f. Nihil tam in nostra potesta-
 re quam ipsa voluntas, 34. a. 613. a. Quæ voluntas
 non esset, nisi esset in nostra potestate, *ibid.* f. Ipsa
 est qua & peccatur & recte vivitur, 13. d. Nulla re
 mens fit servilibus nisi propria voluntate, 610.
 d. Voluntas in tantum libera est, in quantum libe-
 rata est, & in tantum appellatur voluntas, 25. b.
 Quid sit bona voluntas, 579. c. Multum penden-
 da. 579. f. 580. a. Miserrimus qui ea caret, 580. b.

& seq. Invito eripi non potest, 580. d. Duæ con-
 trariæ voluntates nonnumquam in homine, 153.
 c. & seq. Voluntas vetus carnalis & nova spiritalis
 in Augustino, 149. a. Voluntas fortis & integra,
 voluntas semi-fausta, voluntas parte assurgens, &
 cum alia parte jacente cadens & luctans, 152. f.
 Voluptas carnis. Ab ea continentiam Deus jubet,
 & dat, 184. f. Augustini pugna ne voluptati-
 bus sensuum capiatur, 185. a. & seqq. Voluptatis
 imbecillitas protrudit nos ad sublimiora, 778.
 b. c. Voluptatis regnum, 774. d. e. Miseria animi
 voluptatibus dediti, 131. b. & seq.
 Uri. Sicut malum est male uti bonis, ita bonum
 est bene uti malis, 50. b. Non prodest bona res
 non utenti bene, 108. a
 Uxor prudens & Christiana describitur, 164. f. &
 seq. Uxor viro propter Deum serviens, Deo ser-
 vit, 76. c. Uxor nonnisi propter fornicationem
 dimittenda, ut intelligendum, 30. d

X

X YSTUS Romanus Episcopus & Martyr,
 56. d

Z

Z E NO Stoicorum princeps, 292. d. sub Pole-
 monis magisterio condiscipulus Archesila,
ibid. c. Animam mortalem esse dicebat, *ibid.* Ni-
 hil esse præter hunc sensibilem mundum, nihilque
 in eo agi sine corpore, *ibid.* Deum ipsum esse
 ignem, *ibid.* Zenonis sententia in Chrysip-
 pum pervixit, 293. a. Ejus definitio de perce-
 ptione veri, 266. d. quæ discutitur, 282. e.
 & seq.
 ZENOBIUS, 315. a. Augustino auctor est scri-
 bendi operis de ordine, 323. b. quod ipsius no-
 mini dicatur, 316. d
 Zizania etiam hæreses designant, 52. b
 ZOZIMUS Romanus Pontifex Pelagianos damnat,
 58. e

SCRIPTURÆ LOCA QUÆ EXPLICANTUR.

GENESIS. Caput 1. In principio creavit &c.
 exponitur in lib. xi. xii. & xiii. Confess.
 197. a. & seqq.
 Item Capp. 1. 11. & 111. in libris de Genesi cont.
 Manich. 646. a. & seqq.
 Cap. 1. Vers. 2. Tenebræ erant super &c. 209. f.
 212. a
 xxx. 38. Posuitque eas in canalibus &c. 60. a
 EXOD. xxx. 7. & 8. Et adolebit incensum &c.
 60. b
 LEVIT. xv. 16. Immundus erit usque ad vespere-
 ram. 60. c
 xxi. 11. Super patre quoque suo. 60. c
 DEUTER. xiii. 3. Tentat vos Dominus &c.
 659. b.
 PSAL. 11. 7. Ego hodie genui te. 200. e
 iv. 1. 2. 3 &c. Cum invocarem &c. 160. c
 xxxv. 8. 9. 10. &c. Inebriabuntur ab ubertate
 &c. 536. e. & seq.
 xlii. 12. Propter te afficimur tota die, 9. b
 xlv. 11. Agite orium &c. 771. a
 l. 12. Et spiritum rectum innova &c. 436. e
 lxxii. 28. Mihi autem adherere Deo bonum est,
 697. d
 lxxxiii. 11. Melior est dies una in atriis tuis
 super millia, 642. d
 ci. 27. Anni tui non deficient, 605. b
 ciii. 24. Omnia in sapientia fecisti, 199. c
 cxlii. 16. Cælum celi Domino, 209. e
 PROV. x. 19. Ex multiloquio non effugies, &c. 1. c
 ECCLE. 1. 2 Vanitas vanitatum, 437. a. 701. d
 vii. 26. Considerarem sapientiam & numerum,
 517. b
 xii. 7. Spiritus revertatur ad Deum &c. 4. f
 SAP. vi. 17. In viis offendit se illis hilariter, 603. e
 viii. 1. Attingit a fine &c. 599. b. 697. f. & seq.
 Ibid. 3. Generositatem magnificat &c. 698. b
 Ibid. 7. Sobrietatem enim & sapientiam &c. 9. e
 xi. 18. Qui fecisti mundum &c. 649. d
 ECCLI. 1. 4. Prior omnium &c. 215. d
 x. 10. Quoniam in vita sua projecit intima sua,
 532. b

xi. 14. Vita & mors a Domino &c. 32. d
 xxxiv. 30. Qui baptizatur &c. 677. f
 ISA. xlv. 7. Ego facio bona, & creo mala, 719. c
 lix. 2. Peccata vestra separant inter vos & Deum,
 8. c
 OSEE xii. 1. Ventos pascere, 98. b
 MATTH. 1v. 3. &c. Dic lapidibus istis &c. 773. a
 v. 18. Fata unum aut unus apex &c. 29. e
 20. Nisi abundaverit justitia &c. 29. f
 22. Qui irascitur fratri suo, 30. a
 44. Diligite inimicos, 30. c
 vii. 7. Petite & accipietis, quærite &c. 31. c. 699. b
 x. 26. Nihil est occultum quod non revelabitur,
 699. b
 xi. 30. Jugum meum leve est, 771. b
 xvi. 18. Tu es Petrus & super &c. 32. b
 xxii. 13. Ligatis manibus & pedibus ejus, 785. a
 xxv. 21. Intra in gaudium Domini, 166. f
 28. Tollite itaque ab eo talentum, & date ei qui
 habet &c. 785. c. d. e
 MARC. xiii. 32. De die autem illo &c. 659. b
 LUC. xiv. 26. Si quis... & non odit Patrem &c. 30. c
 JOHAN. 1. 9. Erat lux vera quæ &c. 648. b
 11. 34. Non enim ad mensuram &c. 29. e
 xv. 15. Quia omnia quæ audiui &c. 649. f
 xvi. 28. Exivi a Patre, 680. e
 xviii. 36. Regnum meum non est de hoc mundo,
 6. b. 328. d
 ROM. 1. 22. Dicentes se esse sapientes, stulti fa-
 cti sunt, 640. b
 vii. 14. Scimus quoniam &c. 34. c
 14. Ego autem carnalis sum, 40. c. 42. b
 16. Si autem quod nolo hoc facio &c. 24. b
 viii. 10. Corpus quidem mortuum &c. 40. d
 21. Et ipsa creatura liberabitur, 40. e
 26. Ipse Spiritus postulat &c. 659. a
 36. Propter afficimur &c. 9. b
 viii. 38. & 39. Certus sum quod neque mors,
 neque vita, neque Angeli... neque creatura
 alia &c. 694. c. & seq.
 ix. 11. Cum enim nondum &c. 35. a
 xi. 36. Ex quo omnia, &c. Ipse gloria, 696. f

xii. 1. Nolite conformari huic sæculo, 235. f
 2. Sed reformamini in novitate mentis, 236. b
 xiii. 10. Dilectio proximi malum &c. 705. c
 xiv. 20. Omnia quidem sunt munda. 728. f
 21. Bonum est, fratres non manducare carnem
 &c. 726. f. 728. f
 I. COR. 1. 24. Prædicamus Christum Dei Virtu-
 tem & Dei sapientiam, 696. b. & seq.
 11. 15. Spiritualis homo judicat &c. 768. d
 v. 13. Auferte malum ex vobis ipsis, 48. b
 vi. 18. Qui autem fornicatur &c. 47. c
 viii. 8. Neque si manducaverimus &c. 186. e
 xi. 7. Vir quidem... cum sit imago &c. 39. e
 xii. 8. Alii quidem per Spiritum datur. 232. f. & seq.
 xv. 14. Si Christus non resurrexit, 20. e
 49. Sicut portavimus, 700. f
 50. Caro & sanguis regnum Dei &c. 28. a. 43. a
 54. Cum corruptibile hoc &c. 535. e
 II. COR. 11. 6. Littera occidit, Spiritus &c. 21. f
 16. Cum autem... auferetur velamen, 658. f
 v. 21. Ut nos simus iustitia Dei, 215. e
 GAL. I. 1. Non ab hominibus neque &c. 36. c
 11. 19. Quid ergo lex? &c. 56. e
 Ibid. Ordinata per Angelos &c. 50. e
 v. 17. Caro concupiscit. 36. f
 EPHES. 1. 3. Naturaliter filii ire, 632. c
 v. 27. Ut exhiberet... Ecclesiam &c. 31. d. 48. c
 29. Nemo unquam carnem &c. 38. f
 32. Sacramentum hoc &c. 680. b
 PHILIPP. 1. 7. Semetipsum exinanivit, 680. d
 iv. 10. Gavisus sum magnifice &c. 239. e
 COLOSS. 1. 8. Cavete ne quis &c. 701. d
 11. 9. Exspoliantes veterem &c. 700. f
 I. TIMOTH. vi. 10. Radix omnium malorum est
 avaritia, 630. b
 II. TIMOTH. 11. 20. Abia quidem in honorem,
 alia &c. 48. c
 HEBR. v. 5. Ego hodie genui te, 200. f
 JAC. 111. 1. Nolite plures magistri fieri &c. 2. b
 I. JOHAN. 11. 16. Concupiscentia carnis est, &c. 772. f
 Ibid. Concupiscentia oculorum, 189. c
 v. 16. Est peccatum ad mortem, 30. f

